

明神宗实录

佚名

文硕阁

wenshuoge.com

关于我们	8
序	10
明神宗显皇帝实录卷之一	12
明神宗显皇帝实录卷之二	15
明神宗显皇帝实录卷之三	30
明神宗显皇帝实录卷之四	51
明神宗显皇帝实录卷之五	67
明神宗显皇帝实录卷之六	75
明神宗显皇帝实录卷之七	89
明神宗显皇帝实录卷之八	98
明神宗显皇帝实录卷之九	111
明神宗显皇帝实录卷之十	120
明神宗显皇帝实录卷之十一	129
明神宗显皇帝实录卷之十二	137
明神宗显皇帝实录卷之十三	147
明神宗显皇帝实录卷之十四	155
明神宗显皇帝实录卷之十五	161
明神宗显皇帝实录卷之十六	168
明神宗显皇帝实录卷之十七	175
明神宗显皇帝实录卷之十八	185
明神宗显皇帝实录卷之十九	191
明神宗显皇帝实录卷之二十	196
大明神宗显皇帝实录卷之二十一	201
明神宗显皇帝实录卷之二十二	207
明神宗显皇帝实录卷之二十三	214
明神宗显皇帝实录卷之二十四	220
明神宗显皇帝实录卷之二十五	226
明神宗显皇帝实录卷之二十六	231
明神宗显皇帝实录卷之二十七	238
明神宗显皇帝实录卷之二十八	245
明神宗显皇帝实录卷之二十九	252
明神宗显皇帝实录卷之三十	259
明神宗显皇帝实录卷之三十一	265
明神宗显皇帝实录卷之三十二	270
明神宗显皇帝实录卷之三十三	277
明神宗显皇帝实录卷之三十四	282

明神宗显皇帝实录卷之三十五	290
明神宗显皇帝实录卷之三十六	301
明神宗显皇帝实录卷之三十七	308
明神宗显皇帝实录卷之三十八	317
明神宗显皇帝实录卷之三十九	324
明神宗显皇帝实录卷之四十	330
明神宗显皇帝实录卷之四十一	335
明神宗显皇帝实录卷之四十二	341
明神宗显皇帝实录卷之四十三	349
明神宗显皇帝实录卷之四十四	359
明神宗显皇帝实录卷之四十五	365
明神宗显皇帝实录卷之四十六	373
明神宗显皇帝实录卷之四十七	384
明神宗显皇帝实录卷之四十八	396
明神宗显皇帝实录卷之四十九	406
明神宗显皇帝实录卷之五十	415
明神宗显皇帝实录卷之五十一	421
明神宗显皇帝实录卷之五十二	432
明神宗显皇帝实录卷之五十三	444
明神宗显皇帝实录卷之五十四	451
明神宗显皇帝实录卷之五十五	455
明神宗显皇帝实录卷之五十六	460
明神宗显皇帝实录卷之五十七	466
明神宗显皇帝实录卷之五十八	474
明神宗显皇帝实录卷之五十九	479
明神宗显皇帝实录卷之六十	486
明神宗显皇帝实录卷之六十一	491
明神宗显皇帝实录卷之六十二	496
明神宗显皇帝实录卷之六十三	500
明神宗显皇帝实录卷之六十四	504
明神宗显皇帝实录卷之六十五	509
明神宗显皇帝实录卷之六十六	514
明神宗显皇帝实录卷之六十七	520
明神宗显皇帝实录卷之六十八	526
明神宗显皇帝实录卷之六十九	531
明神宗显皇帝实录卷之七十	538
明神宗显皇帝实录卷之七十一	544
明神宗显皇帝实录卷之七十二	551

明神宗显皇帝实录卷之七十三	560
明神宗显皇帝实录卷之七十四	571
明神宗显皇帝实录卷之七十五	576
明神宗显皇帝实录卷之七十六	580
明神宗显皇帝实录卷之七十七	586
明神宗显皇帝实录卷之七十八	594
明神宗显皇帝实录卷之七十九	600
明神宗显皇帝实录卷之八十	607
明神宗显皇帝实录卷之八十一	613
明神宗显皇帝实录卷之八十二	617
明神宗显皇帝实录卷之八十三	622
明神宗显皇帝实录卷之八十四	627
明神宗显皇帝实录卷之八十五	633
明神宗显皇帝实录卷之八十六	639
明神宗显皇帝实录卷之八十七	643
明神宗显皇帝实录卷之八十八	648
明神宗显皇帝实录卷之八十九	653
明神宗显皇帝实录卷之九十	657
明神宗显皇帝实录卷之九十一	663
明神宗显皇帝实录卷之九十二	669
明神宗显皇帝实录卷之九十三	675
明神宗显皇帝实录卷之九十四	678
大明神宗显皇帝实录卷之九十五	681
大明神宗显皇帝实录卷之九十六	687
大明神宗显皇帝实录卷之九十七	694
大明神宗显皇帝实录卷之九十八	700
大明神宗显皇帝实录卷之九十九	705
大明神宗显皇帝实录卷之一百	710
大明神宗显皇帝实录卷之一百一	715
大明神宗显皇帝实录卷之一百二	720
大明神宗显皇帝实录卷之一百三	725
大明神宗显皇帝实录卷之一百四	729
大明神宗显皇帝实录卷之一百五	734
大明神宗显皇帝实录卷之一百六	738
大明神宗显皇帝实录卷之一百七	742
大明神宗显皇帝实录卷之一百八	748
大明神宗显皇帝实录卷之一百九	753
大明神宗显皇帝实录卷之一百一十	759

大明神宗显皇帝实录卷之一百一十一	765
大明神宗显皇帝实录卷之一百一十二	771
大明神宗显皇帝实录卷之一百一十三	776
大明神宗显皇帝实录卷之一百一十四	781
大明神宗显皇帝实录卷之一百一十五	786
大明神宗显皇帝实录卷一百一十六	791
大明神宗显皇帝实录卷之一百一十七	796
大明神宗显皇帝实录卷之一百一十八	801
大明神宗显皇帝实录卷之一百一十九	806
明神宗显皇帝实录卷之一百二十	811
明神宗显皇帝实录卷之一百二十一	817
明神宗显皇帝实录卷之一百二十二	824
明神宗显皇帝实录卷之一百二十三	831
明神宗显皇帝实录卷之一百二十四	838
明神宗显皇帝实录卷之一百二十五	845
明神宗显皇帝实录卷之一百二十六	851
明神宗显皇帝实录卷之一百二十七	859
明神宗显皇帝实录卷之一百二十八	863
明神宗显皇帝实录卷之一百二十九	873
明神宗显皇帝实录卷之一百三十	878
明神宗显皇帝实录卷之一百三十一	884
明神宗显皇帝实录卷之一百三十二	891
明神宗显皇帝实录卷之一百三十三	898
明神宗显皇帝实录卷之一百三十四	907
明神宗显皇帝实录卷之一百三十五	914
明神宗显皇帝实录卷之一百三十六	921
明神宗显皇帝实录卷之一百三十七	929
明神宗显皇帝实录卷之一百三十八	935
明神宗显皇帝实录卷之一百三十九	941
明神宗显皇帝实录卷之一百四十	947
明神宗显皇帝实录卷之一百四十一	955
明神宗显皇帝实录卷之一百四十二	962
明神宗显皇帝实录卷之一百四十三	969
明神宗显皇帝实录卷之一百四十四	976
明神宗显皇帝实录卷之一百四十五	983
明神宗显皇帝实录卷之一百四十六	988
明神宗实录卷之一百四十七	995
明神宗显皇帝实录卷之一百四十八	1.002

明神宗显皇帝实录卷之一百四十九	1.008
明神显皇帝实录卷之一百五十	1.014
明神宗显皇帝实录卷之一百五十一	1.020
明神宗显皇帝实录卷之一百五十二	1.028
明神宗显皇帝实录卷之一百五十三	1.034
明神宗显皇帝实录卷之一百五十四	1.041
明神宗实录卷之一百五十五	1.048
明神宗显皇帝实录卷之一百五十六	1.054
明神宗显皇帝实录卷之一百五十七	1.061
明神宗显皇帝实录卷之一百五十八	1.065
明神宗显皇帝实录卷之一百五十九	1.070
明神宗显皇帝实录卷之一百六十	1.074
明神宗显皇帝实录卷之一百六十一	1.079
明神宗显皇帝实录卷之一百六十二	1.084
明神宗显皇帝实录卷之一百六十三	1.089
明神宗显皇帝实录卷之一百六十四	1.094
大明神宗显皇帝实录卷之一百六十五	1.098
明神宗显皇帝实录卷之一百六十六	1.102
明神宗显皇帝实录卷之一百六十七	1.106
明神宗显皇帝实录卷之一百六十八	1.111
明神宗显皇帝实录卷之一百六十九	1.115
明神宗显皇帝实录卷之一百七十	1.120
明神宗显皇帝实录卷之一百七十一	1.130
明神宗显皇帝实录卷之一百八十一	1.139
明神宗显皇帝实录卷之一百八十二	1.145
明神宗显皇帝实录卷之一百八十三	1.150
明神宗显皇帝实录卷之一百八十四	1.157
明神宗显皇帝实录卷之一百八十五	1.165
明神宗显皇帝实录卷之一百八十六	1.171
明神宗显皇帝实录卷之一百八十七	1.177
明神宗显皇帝实录卷之一百八十八	1.185
明神宗显皇帝实录卷之一百八十九	1.192
明神宗显皇帝实录卷之一百九十	1.200
明神宗显皇帝实录卷之一百九十一	1.206
明神宗显皇帝实录卷之一百九十二	1.216
明神宗显皇帝实录卷之一百九十三	1.222
明神宗显皇帝实录卷一百九十四	1.228
明神宗显皇帝实录卷之一百九十五	1.234

明神宗显皇帝实录卷之一百九十六	1.242
明神宗显皇帝实录卷之一百九十七	1.249
明神宗显皇帝实录卷之一百九十八	1.256
明神宗显皇帝实录卷之一百九十九	1.260
明神宗显皇帝实录卷之二百	1.264
明神宗显皇帝实录卷之二百一	1.270
明神宗显皇帝实录卷之二百二	1.276
明神宗显皇帝实录卷之二百三	1.281
明神宗显皇帝实录卷之二百四	1.286
明神宗显皇帝实录卷之二百五	1.291
明神宗显皇帝实录卷之二百六	1.297
明神宗显皇帝实录卷之二百七	1.304
明神宗显皇帝实录卷之二百八	1.312
明神宗显皇帝实录卷之二百九	1.321
明神宗显皇帝实录卷之二百一十	1.328
明神宗显皇帝实录卷之二百一十一	1.335
明神宗显皇帝实录卷之二百一十二	1.342
明神宗显皇帝实录卷之二百一十三	1.350
明神宗显皇帝实录卷之二百一十四	1.356
明神宗显皇帝实录卷之二百一十五	1.363
明神宗显皇帝实录卷之二百一十六	1.367
明神宗显皇帝实录卷之二百一十七	1.373
明神宗显皇帝实录卷之二百一十八	1.378
明神宗显皇帝实录卷之二百一十九	1.387
明神宗显皇帝实录卷之二百二十	1.393
明神宗显皇帝实录卷之二百二十一	1.397
明神宗显皇帝实录卷之二百二十二	1.400
明神宗显皇帝实录卷之二百二十三	1.405
明神宗显皇帝实录卷之二百二十四	1.409
明神宗显皇帝实录卷之二百二十五	1.415
明神宗显皇帝实录卷之二百二十六	1.422
明神宗显皇帝实录卷之二百二十七	1.427
明神宗显皇帝实录卷之二百二十八	1.432
明神宗显皇帝实录卷之二百二十九	1.439
明神宗显皇帝实录卷之二百三十	1.444

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

序

惟

天纯佑我明奕叶重光圣德神功代垂信史要以久道化成享祚悠远则

肃皇为最著

皇祖神宗显皇帝复起而光大之多历年所眎

肃皇尤溢焉猗欬盛哉凡四十八年之中鸿谟骏烈巍然焕然不可殫述自

皇兄初年即命儒臣开局编纂逮朕嗣服越兹三禩乃始勒成

实录五百九十六卷

宝训一十二卷盖纂辑若斯之艰也朕披阅再三未能仰窥渊奥而其大者炳于日星亦庶几
仿佛一二因亲裁其文谨序诸卷首洪惟我

皇祖睿哲挺资缉熙懋学凛天命于顾諟郊禱必虔俨祖训于羹墙率循无斁大孝切终身之慕

止慈奠卜世之基真所谓修身以道惟圣尽伦者矣推之用人行政则信任老成优容戇直辟
门询岳而独断未尝旁挠尚德缓刑而明威罔有错贷至于穷檐单赤之隐尧水汤旱之忧蠲
赈屡行朝闻夕报甚且合

宫壶之捐赀遣輶轩之特使虽所称饥溺絺已痼瘵在身曷以加焉用是恺泽涵濡太和洋溢
九宇风动万品春熙声灵之所赫濯歼哮播于一怒造箕服于垂亡洵非偶然之故已朕以眇
躬嗣兹鸿业惟

皇祖寔燕贻之乃时事多虞人情积窳仪刑未远化瑟难调夙夜寅畏凛乎操朽馭而涉渊冰
也昔周盛时以成王之贤念兹皇祖每追想于绍庭陟降之间矧今煌煌

成宪具在宁敢忘继序不嘉与大小臣工益袞濯乃心以共扬绳武之伟烈也哉书成敬奉以
荐于

祖庙并告竣事于

皇考

皇兄之灵于戏大经大政同琬琰以光昭可法可传并乾坤而永久藏之金匱石室为万世文
子文孙取则焉谨序

明神宗显皇帝实录卷之一

自本卷起至卷二隆庆六年六月甲子止未校

神宗范天合道哲肃敦简光文章武安仁止孝 显皇帝讳
穆宗契天隆道渊懿宽仁显文光武纯德弘孝 庄皇帝子也母
孝定贞纯钦仁端肃弼天祚圣皇后以 嘉靖癸亥八月十七日酉时生 上先是
穆宗皇帝长次 皇子皆殇而弟 景王之国亦未几薨逝本支未树中外朝野以为忧
世宗皇帝虽讳建储然无时不勤貽谋之虑及 上生而后喜可知也
穆宗皇帝久居藩邸以潜时乾惕之励 登极明年即俞群臣之请册为
皇太子又明年延见群臣出阁讲学更慎选博闻有道术者以资启沃无间寒暑
累朝蒙养之功未有若是豫且早者 上英明天纵而更敦大优容动必中节方十岁时
穆宗恭妃遣人持金壶闯出集门遗其家为门者所奏 诏令以百金授妃曰即家贫以此给赐
先帝赐器不可出也文华殿角门柱础忽有天下太平字迹拭之不灭辅臣以为瑞请 上临观
上见之不怪曰此伪也从来天书之伪善惑人主而
上以冲龄独断其非诚千古帝王所不及迨长而
天表严重广颡丰颌龙行虎视目光四射指顾生威而 圣度益渊穆廷臣触讳者辄含茹不为
动喜作楷书盈幅斗字濡毫立就自饶古法今文华殿屏十二字
上初临御时所书也讲幄大臣必随职事特赐
手书以示交儆晚年更精行草唐宋好文之主方斯蔑矣 天性至孝居 大行丧哀毁备至事
仁圣皇太后 慈圣皇太后多不匱孝思方冲年讲学语辅臣禁中花发侍
慈圣母后宴甚欢辅臣偶言至 仁圣 上即起还宫肃驾往迎

○赏花传觴而饮酏后终始弥笃一切典礼惟恐不极尊崇大舜五十而慕殆庶几焉上
宝册日坐不南向飭拜甚恭敬谨之至仪注俱出 圣断有非臣下所及拟者盖
上仁孝圣神迥绝千古享国愈久
圣德弥隆无挽近综核之烦而自臻治古几康之理海内沐浴 玄化几五十年
国祚灵长永永无极所培毓远矣先是因秉轴者惩操切之过不无稍剂以宽大而
上明习政事 乾纲独揽
予夺进退莫可测识晚颇厌言官章奏概置不报然每遇大事未尝不折衷群议归之
圣裁中外振聳四封宴如虽以忧勤之主极意治平而不得者
上独以深居静摄得之周之成康汉之文景未足况也至慈护
先考终始无间尤非草野所得窥而为尧为舜之旨更谆谆以期
今上盖实知不世出之主足恢大有为之略有万万不爽者
庙号曰神殆真如神云隆庆六年五月乙酉朔

○二十六日庚戌 皇太子依于丧次时年十岁

○令传谕皇城各门内外官严守卫慎关防

○又諭兵部及京營提督等官發軍守皇城各門如成化二十三年例□大學士高拱守吏部如故

○少傅兼太子太傅吏部尚書楊博仍管理兵部事

○辛亥命禮部左侍郎王希烈往天壽山相度大行皇帝山陵

○刑科給事中朱南雍＜娵擥-金＞請廣東行久任法吏部覆言官不久任則人無固志治鮮實功況廣東盜賊滋蔓民不聊生官其地者誠宜久任責成自巡撫兵備守巡道及府州縣正官如才望治行于地方有賴人心有屬者俾得一意展布竟其設施待治功有成之日不次超擢以示优异報可

○改分守通州參將署都指揮僉事聂大經分守山海關地方

○升湖廣辰州衛指揮僉事芮潮以都指揮體統行事守備鎮筵地方

○初令河南按察司清軍道兼兵備特給敕書關防專轄開封府二十九州縣并宣武衛地方從巡撫梁夢龍之議

○分守西寧參將何其昌因事啟番衅調河州參將署都指揮僉事張翼分守西寧何其昌充為事官調守河州

○廣東倭海賊突寇廣海新寧惠來遂陷神電錦囊諸城轉入高雷廉瓊界所過焚劫殺擄無算官兵先後拒戰獲功一千余級提督兩廣軍務兵部左侍郎殷正茂＜娵擥-金＞叙總兵張元勛參政江一麟參議周鳴壩副使陳奎吳一介僉事李材許孚遠等功及錦囊所千戶侯安邦電白知縣蔣曉棄城高州府領兵同知郭之通原任參將黑孟陽詐冒罪狀兵部覆正茂軍功通候倭賊蕩平叙錄各官久在地方釀成禍變小勝大衄尚難掩罪何可言功其侯安邦等相應轉行巡按御史勘問并前項功次陣亡人員逐一查覆分別具奏從之

○以套酋賓免台吉誠款頒賜賞賚

○壬子大學士高拱等上勸進儀注

○甲寅文武百官率軍民人等于會極門上表勸進曰伏以 三靈協祐衍
歷祚以彌昌四海宅心仰 聖神之繼作傳序所屬推戴均欽惟 大行皇帝 仁孝儉勤
文明中正 觀光揚烈紹二百年熙洽之麻布德缓刑養亿万載和平之福干羽化通于夷狄茨
梁利普于蒸黎方垂衣以
御穆清乃脫屣而游霄漢龍髯已墮徒瞻恋于臣民燕翼惟勤誕敷遺于后嗣敬惟
皇太子殿下 狗齊岐嶷恭敬溫文日就月將 睿學聿隆于青幄星輝海潤

贞符夙协于黄离顷闻 凭几之言惟以 承祧为重固 宗庙
社稷之攸赖矧讴歌狱讼之咸归盖
天生圣人将使必得其位且众非元后罔克胥匡以生虽在亮阴当思继述伏愿
勉遵末命少抑哀情嗣我 列圣之丕图 履至尊而制六合接古帝王之正统
莅中国以绥四方 揭日月于重华 保乾坤而永泰
谕答曰览所进笺具见卿等忧国至意顾予哀痛方切继统之事岂忍遽闻所请不允

明神宗显皇帝实录卷之二

隆庆六年六月乙卯朔日食自卯正三刻至巳初三刻所不尽分余躔井宿度先是礼部奏寅刻百官赴思善门哭临毕赴本部救护青衣角带不用鼓乐毕仍素服腰经办事又丧礼方殷阁臣候不时咨问免出行礼俱报可

○皇太子缙服御文华殿百官率军民再劝进笺曰伏以 离重明而继照既久协乎人心
乾六御以当阳宜凝承乎 帝命敢申恳悃再渎
宸严窃以国家之兴越二百载贤圣有作盖六七
君际兹重熙累洽之庥咸以继体守成是赖迨我 大行皇帝 尧仁荡荡
舜德巍巍听六籍理万几每躬亲而不懈抚兆民怀四裔犹儆戒于无虞通观
圣治之方升詎意 天心之弗吊 升鼎湖而证道恻攀附之无从
凭玉几而宣谟惟纂承之为重敬惟 皇太子殿下 聪明首出
仁孝性成绕电流虹夙应斗枢之瑞
承祧主鬯久孚夷夏之心即宜出震以宅师顾乃撝谦而徇节臣等重惟 神器不可以无主 天
位岂容于久虚昔高宗谅闇弗言群臣咸谏乃成王幼冲残祚百辟来同斯圣哲之遗猷亦古
今之通义伏愿 殿下少抑终身之慕深惟永世之图宅丕丕基对扬 文考之光训
作明明后率繇 烈祖之旧章俾 九庙之神灵凭依有在暨万方之黎庶利赖无疆笺入
上览毕召见阁臣入致词出传谕卿等为
宗社至计言益淳切披览之余愈增哀痛岂忍遽即大位所请不允

○丙辰 皇太子缙服御文华殿百官率军民再劝进笺曰伏以 天祐下民作之君以康四海
父有天下传之子欲主万年况讴歌朝覲之咸归望 宗庙
社稷之有主若撝谦之徒徇将大计其谓何敢复渎祈冀终 俞允敬惟 皇太子殿下
发祥震索 贰体离明 讲学孳孳独懋 圣修之益 视朝穆穆共瞻
天表之奇智临宜于大君主器正惟长子眷惟 未命属以丕基欢心已洽于九围 睿志独勤于
三让臣等稽之古训询于佥谋咸谓孝以继志为隆礼以顺时为大虽嬛嬛在疚未忘哀痛之
情然业业万几当思难大之托如以帝王而徇曲士之节是忘纘述而遗
文考之忧臣等是用局地孔惶叩阁弥切愿终陟于 元后始克慰乎群心伏望 殿下永怀
凭几之词蚤荷受球之宠 闡皇猷而 恢帝范光 圣德于日照月临 绵凤历而 奠鸿图延国祚
于天长地久笺入召见五府掌印总督京营内阁六部尚书左都御史等官各官入致词出
上谕曰卿等合词陈请至再至三已悉忠恳 天位至重诚难久虚况
遗命在躬不敢固逊勉从所请乃 谕礼部择日具仪以闻

○赐辅臣及讲官并各衙门三品以上鲜笋

○丁巳礼部上 登极仪注

○德平伯李铭卒

○庚申传谕 山陵事宜遣大学士张居正同司礼监太监曹宪于 即位礼成后复往视居正上言送终之事至大相地之理甚微事大则处之不厌其详理微则求之必贵于广乞照嘉靖七年事例差礼工二部堂上及科道官各一员带领钦天监谳晓地理官员阴阳人等 举廷臣中有素精地理者一员同往相度＜娉辇-金＞下礼工二部于是户部尚书张守直礼部右侍郎朱大绶工部左侍郎赵锦礼科都给事中陆树德江西道御史杨家相工部主事易可久同居正等诣 天寿山潭峪岭复营视 山陵

○癸亥以神机营参将林岐管大石窝工程 甲子

上即位遣成国公朱希忠英国公张溶驸马都尉许从诚定西侯蒋佑告于南北 郊 太庙 社稷坛 上袞服诣 大行皇帝几筵告受命始具袞冕祗告 天地次告 奉先殿及 弘孝殿 神霄殿乃诣 大行皇帝几筵前拜叩 皇后前如之次 皇贵妃前四拜礼成出 御中极殿朝百官改明年为万历元年大赦诏曰我国家光启鸿图传绪万世 祖宗列圣创守一心二百余年重熙累洽我 皇考大行皇帝明哲作则恭俭守文虚已任贤励精图治盖临御六载而天下晏如四裔来宾兆人蒙福方燕诒之永赖遽 龙驭之上宾顾命朕躬属以神器朕方兢兢在疚不忍遽闻而文武群臣及军民耆老人等合同词劝进至于再三辞拒弗获乃仰遵 遗诏俯顺輿情于六月初十日祗告 天地 宗庙 社稷即皇帝位朕以凉德方在冲年惟 上帝之眷命孔殷 祖宗之基业至重兢兢夙夜惧不克堪尚赖文武亲贤共图化理爰暨万方黎庶与有嘉休其以明年为万历元年与民更始所有合行事宜开列于后一 祖宗成法至精至备所当万世遵守近年以来有司不考宪度往往自作聪明任意更变其有称为 祖宗成法者又多迁移出入殊非 祖宗立法本意致令事体纷纭军民惶惑岂成治理今后内外大小衙门官务要仰求 祖宗之意明考 成法一一遵行违者以变乱 成法论其有从前更变者俱行查复若果系时宜不得不然许详具事繇奏请准允乃行一自隆庆六年六月初十日昧爽以前官吏军民人等所犯除死罪恶极情真及充军系边方失机喇唬凶徒积年聚众投充投献拨置教唆诈冒侵欺诬执良民威逼一家二命略诱略卖挟制扁□马害并近奉 钦依矜疑饶死充军等项及口外为民情罪深重者俱不赦外若窃盗逃军三犯匿名文书未及害人谋杀人伤而不死并人命延至辜限外身死审有别因者悉免处死发边卫永远充军其饶死充军逃回例该原拟死罪者免死仍发原卫至于犯该死罪监禁十五年以上笃疾者免死释放其余一应充军徒杖等犯不分已未遣配已发觉未发觉已结正未结正罪无大小咸赦除之敢有以赦前事相告言之以其罪罪之一宗室节年因事减革禄粮者除败伦伤化奸盗人命重情外其余诏书到日全革者准支三分减去一分二分者准全支以资养贍一宗室子女奏请名封选婚者近年每以过期参驳停阁或因错误行查立案积久多致失所今后应奏请者该府即与保勘具奏承奉长史等官不许抑勒致令失期其自隆庆六年六月初十日以前各王府有曾经奏报请名请封及奉有勘合选婚各过期者并节因错误行查覆回到部者该部一体勘无违碍即与题覆施行一凤阳高墙庶人已故所遗子孙妻妾无罪拘系未及放回者抚按官即与查明奏请释放其节年越关赴京递回拘禁闲宅者一体分别原犯情繇具奏定夺一军国钱粮用有定数近来边费浮于岁额若不计有无概拟蠲免后复摻括小民反受其害今自嘉靖四十三年四十四年四十五年并隆庆元年钱粮除金花银不免外其余拖欠夏秋税粮马草农桑人丁丝绢布疋棉花绒户口盐粮盐钞皇庄子粒各色料价屯田牧马草场子粒租银甄价匠价

砍柴柴炭等项悉从蠲免其二年三年四年各量免十分之三淮安府徐州地方屡被水灾民不堪命及广东惠湖二府兵伤特重除照前蠲免外仍□全免隆庆二年三年以示优恤前项钱粮除已徵在官者照数起解若经收入役通同吏书乘机侵盗转换簿籍将已徵捏作未徵许诸人首告治罪一户部召买并各处采买金珠宝石祖母碌猫睛等项及隆庆五年钦降式样烧造江西瓷器诏书到日除已买采烧造者照数起解其未完者悉行停止一各处织造绒褐纁丝纱罗綾r等项除额办岁造并工部奏派之数照旧解运外其陕西苏杭嘉湖并应天府等处差人坐守织造者悉皆停免已织完者照数起解未完者并已徵物料交与所在官司准作岁造内支差去内官即便回京违者罪之一蓟镇自庚戌后岁调南北客兵甚多劳费不貲原欲借为防御之助因以练补土兵乃二十年来即以客兵为用曾无练补好生欺玩除已往不咎外兵部便行文该镇督抚等官通计本镇兵马总数内见在主兵若干客兵若干其主兵不足之数著实练补补得一名即当减退客兵一名每年将补得主兵若干该退客兵若干督抚等官自行奏报巡关御史阅实题奏施行若漫无所补或补不堪用及查阅不实者各治以罪一内外文职官考满原有称职平常不称之分其复职降黜与恩典有无即照所考定夺此系旧例近来一概考称殊非明试之义今后各官给繇两京堂上官在外抚按官务要考其治行优劣据实开报吏部都察院仍要严加考核分别称职平常不称职照例施行不许一概含糊奏请一自嘉靖四十五年十二月以后至隆庆六年五月以前建言罪废诸臣吏部备查中间如果情非挟私才力堪用者议拟具奏起用其以言事及各衙门官因公事住俸罚俸者即与开支降俸者与复原俸一大小文职官员凡致仕闲住为民充军但不系考察及犯枉法赃私者吏部逐一查开奏请充军者放回原籍为民为民者与冠带闲住闲住者与致仕中间如有才识年力尚堪任使曾经举荐者许一体遇缺推用其有以养病违限革职者若违限未久姑与叙用以后仍照近题事例行一各处该纳诸色课程门摊商税鱼课枣株钞贯茶课颜料牲口药材等项除已徵在官外其余小民拖欠未徵者自隆庆五年以前悉免今岁量免十分之三以苏民困一两淮两浙长芦四川各盐运司盐课司提举司拖欠远年盐课除已经开中有引照旧煎办给商及存积在官听候中卖外其余自隆庆五年以前未经开中额数拖欠或存积年久风雨消折等项巡按御史勘实一体蠲免遇有纳剩余盐或小民自行煎办盐斤不多者仍照旧例许令本处贸易不在兴贩私盐之例一先年加派光禄寺厨料银两已经户部议改济边今虽急用但前项钱粮原系额外岂可重累小民诏书到日除已徵在官者仍解部外以后年分悉行停止不许朦朧派徵一各处钞关钱钞本折轮徵折色解部济边本色解送天财等库计今该库见贮数多将本色暂行停止俱令徵收折色三年接济边储如有应赏钱钞不敷户部另行议处一陕西沿边及两广等处军民田地先年被贼蹂践抛荒者及各处荒闲官民田地各该巡按御史按察司官勘实具奏该徵夏秋税粮农桑丝绢户部悉与蠲免仍听本处军民不拘土著流来诸人但有情愿承佃有司验亩给拨三年之后方许量行起科就于本处仓廩送纳先将给拨过人亩姓名数目册报户部查考一各处沿河沿江沿海洲荡涨出田地或系先年坍塌有主者所司查明照数给主种办粮草或系无主新涨而为豪强擅利者尽数查出计亩酌量升科即充补抛荒所遗正粮有司先将拨给过地粮数目册报户部查考一各处审编差役原有正数节年有司指称别项名色纷纷加派及一应无名供应之类科需既繁赋税无出闾阎萧索实为隐忧诏书到日各有司官即照旧额速行改正此外不得擅科一钱擅增一役抚按官务要严查参治坐赃罢黜一鰥寡孤独及笃废残疾之人有司依例存恤勿令失所见在養济院者各给米二斗布一疋肉二斤其在京各色人匠阴阳医士厨役

等项年七十以上悉皆放免应金补者照旧金补内外各卫所军人年六十以上果有疾病不能应役听其依亲仍行原籍勾丁补役为事发边远终身充军充吏及充膳夫递运所夫年七十以上及有笃疾者悉放回为民一各处儒学生员有食粮年深挨贡不前者遂成终弃今许于额贡之外顺天府应天府每学各添贡二名在外府州县学各添贡一名俱于年深廩膳数内挨次考选以示<娼弊-金>通止行一年后不为例其有年老不能待贡愿告冠带者给与一万寿广善二坛说戒僧人指以戒法诱惑愚民有伤风化照旧禁革一武官诰敕朝廷所以报功砺世近年所司刁措以致各官不敢续黄兵部便行文天下军卫衙门逐一清查果有年久未续许本卫所保勘明的准与续黄以后袭替必须亲赍诰敕与黄查对相同方准选授一京营及各处骑操孳牧马匹倒失被盗应追买补及桩朋等银除已徵在官外具在隆庆六年六月初十日以前未完者悉与蠲免一内外大小武职官除真犯死罪及事干军机重情不宥外凡一应干累挂误犯该充军立功等项及领运粮完领操班完者所司查明奏请定夺其失机不系失陷城池及杀虏至二百人之上内有年力精壮尚堪委用者许其具奏所司查实题发边卫充军勒限立功过限无功仍旧论死一各处额编民壮快手本为缉捕盗贼而设近来差占或赴各兵备道团操遇有草寇窃发有司束手无措今后不许占役一人悉令放回各该州县责成掌印巡捕官操练各兵备道巡历之日比试查验其保甲一事尤为弭盗良法兵部便行文各处著实举行一盗贼生发迫于饥寒者十之一二起于豪侠者十之七八有司漫不经心反为隐匿不报上司以致滋蔓猖獗频年纷纷奏报劫狱盗库正坐此弊以后各该抚按官务要严督司道府卫州县掌印巡捕等官地方但有盗贼即行缉捕务在得获每季终各将该管地方有无失事及获遇盗贼名数申报查考敢有隐匿不行从实开报者提究如律若抚按官姑息容隐听科道官参治一城池所以卫民沿边沿海尤为紧要屡诏增饬有司漫不经意一遇寇至辄被攻毁兵部便行于各该总督提督总兵抚按等官各将所属城池逐一阅视分别堪守与不堪守者其不堪守应动何项银两修补原无城池者作何建置通限三个月以里具奏定夺一军户有重役不问三处五处遇有事故如果户内人丁消耗只并一处勾丁补役具余悉行开豁及有丁倒户绝并同名同姓被人妄报连年勾扰者有司从实体勘得实即为转达该府兵部开豁毋得展转勾摄剥削无辜亦不许指此为繇一概将有丁之家徇私卖放空歇军伍违者各治以罪一畿内各府州县节年寄养马匹内有年齿衰老节次兑军拣退不堪负累小民餽养兵部行文太仆寺分管官督同该府州县管马官勘实变卖价银转角□羊太仆寺贮库凑补买马支用一广东广西等处先因贼首作耗逼胁人民相从为盗除已命征剿处治外其胁从余党畏避罪犯逃散山林或奔遁海澳势不能散者与赦前罪诏书至日许各回籍复业所司量加优恤一中都留守司河南山东都司军职止因班军违误参奏降调别无赃私过犯者自隆庆六年六月初十日以前不分已未问结悉从宥免一内外各衙门有问完官吏军民人等罪犯已经奏请未曾奉旨发落应该有免者即行查照发落其有监候行勘未报人犯罪应宥免者并正犯在逃监禁家属证佐不系事干谋反逆叛剧贼者悉令保候归结一内外各衙门见监死罪重囚曾经抚按恤刑衙门奏请驳回再问者诏书到日覆申明实速与奏请定夺毋得淹滞一内外各衙门见监囚犯该追赃物除侵盗系官钱粮银五十两粮百石以上并入官银百两以上照旧监追外其余一应给主入官还官银粮不及数并免追徵内应监追者若正犯身死拘禁家属年久各勘无家产堪以变卖赔纳开具所犯情罪奏请定夺其各处官攒人等有因查盘粮草腐朽沍烂及失火延烧亏折数多问罪监追者果无侵欺情弊亦皆免追一在京缉事衙门缉获强盗妖言奸细等项多有无赖番役贪功网利妄拿

拷打诬陷重罪今后问刑衙门如遇送到务要从公研审的确果有冤抑即与辩理毋致亏枉一各处拖欠工部各项本色物料如桐油麻铁之类内除成造军器供应器皿预备赏赐皮张羊毛外其余自隆庆五年以前未徵者悉皆蠲免已徵者照数起角□羊敢有将已徵捏作未徵者治以重罪一内监取用南京及芜湖各抽分厂竹木板枋除年例应角□羊者照旧起角□羊外其拖欠未完之数自隆庆五年以前悉皆蠲免各监不许朦胧移文追取一各处卫所岁造军器并有司该造弓箭弦条自隆庆五年以前拖欠未完者悉免补造其收过有司物料准作以后年分该办之数敢有因而侵欺者治以重罪一川贵湖广等处先年采运大木各该官吏军民人等多领木价及多用夫价监追年久若勘无家产及正犯身故者并与放免一近年天下军民穷困府藏空乏重以营建 大行皇帝山陵各该衙门工作除城垣墩台关隘仓廩漕河等项例该修理者指实具奏定夺外其余一应不急之务悉该停止不许擅自移文兴工其在外司府军卫州县等衙门非奉朝廷明文一毫不得擅科一夫不得擅役违者各治以罪一各处水坍沙压等项民屯田地税粮负累军民赔纳曾经抚按查勘明白具奏者该部即与除豁其各处卫所有释放军伍遗下屯粮负累官旗赔纳亦与查勘分理一各处有奸猾巨恶捏写本状起灭词讼把持官府毒害良民与凡一应喇唬光棍巡按御史著实访拏问罪务要参伍体察得其真情不许遣托非人滥及无辜一朝廷政事得失天下军民利病许诸人直言无隐于戏纘大承休惟奉

累朝之成宪布德施惠用洽万国之欢心将升大猷在谨初服诏告天下咸使闻知

○是日百官朝服行五拜三叩头礼乐设而不作进表不宣如常仪丙寅赐辅臣及六部都察院五府戎政大臣尚宝司制造房等官银币有差

○丁卯大学士高拱<娼弊-金>新政所急五事一御门听政凡各衙门奏事湏照祖宗旧规 玉音亲答以见政令出自 主上臣下不敢预一视朝回宫后照 祖宗旧<娼讹>奏事二次御览毕尽发内阁拟票呈览果系停当然后发行则下情得通奸弊可弭 皇上亦得晓天下之事一事必面奏方得尽其情理望于临朝后间御文华殿令臣等入见有当奏者就便陈奏其有紧急密切事情又容臣等不时请见或于讲读后奏之如此则事得精详情无壅蔽不惟睿聪日启亦且权不下移一事不议处必有差错国朝设内阁官看详拟票盖所以议处也望 皇上于一应章奏俱发内阁看详拟票上进若不当 上意仍发内阁再详拟上若或有未经发拟径自内批者容臣等执奏明白方可施行庶事得停当亦可免假借之弊一官民本辞当行当止未有留中不发之理且本既留中莫可稽考不知果经御览与否又或事系紧急密切者及至再陈岂不有失望今后一切本辞尽行发下有未下者容具原本以请其通政司所封进有未下者科官奏讨明白如此庶事无关隔亦可远内臣之嫌释外廷之惑<娼弊-金>入四日报曰览卿等所奏甚于新政有裨具见忠荃俱依拟行

○吏部尚书杨博等奏乞端政本以隆新治言

梓宫在殡礼仪繁多事有重轻行有先后乞敕内阁先行开奏裁酌既定以次修举仍乞照累朝故事凡传帖章奏悉令内阁视草拟票或未愜

圣心不妨召至便殿面相质问务求至当然后涣发二三阁臣亲承顾命愿

陛下推心委任则成宪无爽新政有光 上嘉纳之 云南道御史余乾贞奏查刷过光禄寺五月

分实用各项品物除本寺库支民纳本色外共该给价银一万七百四两有奇俱照时估对算明白开具揭帖以闻 朝鲜国王李昖遣陪臣表献方物马匹谢恩给赏彩段衣服等物如例

○巡按直隶御史王应吉籍奏中都留守司两淮运司庐凤淮扬四府滁和二州起角□羊本年春季京边钱粮共银四十三万九千五百一十四两有奇

○巡按河南御史杨相奏本省完角□羊过隆庆五年以前京边粮草盐钞丹矾等项共银八万五千八百八十七两有奇 宣府请复免河南春秋两班备御宣府官军三年每年仍折价一万七千余两角□羊本镇专备修工应用部议覆从之

○申饬陕西三边及时修筑边墙城堡墩濠务期坚固垂久不得旷时糜费

○巡抚甘肃都察院右佥都御史廖逢节题防秋事宜一申布信地一预定按伏一严饬哨报一委督收斂一分饬督理< 娼弊-金 >下兵部

○镇守辽东总兵官左军都督府都督同知李成梁奏宁前御虏功言参游等官恪遵纪律虽无斩获之功似有堵截之力候巡按御史勘奏< 娼弊-金 >下兵部

○工部以 陵工浩繁请添设司官三员从之

○赏四川乌思藏朵甘思宣慰使司等处差来禅师刺麻温番僧阿儿等衣币段共折给银四百五十二两

○戊辰宁夏地震

○衡王载堉薨谥曰庄

○赐辅臣及讲官并三品以上枇杷

○辅臣高拱特请工部尚书朱衡角□羊督理河工总理 山陵事务从之

○宣府镇巡奏本年上半年在城并各路城堡原额骑操及召募抽充官军新增关买马五万一千五百二十一匹见在堪中三万一千三十七匹事故等项未买二万四百八十四匹

○调神机三营练勇参将金璋分守通州以巩华城游击将军李时充神机三营练勇参将

○差江西道御史周于德督理两淮盐课兼理河道○己巳奉 圣母皇后居慈庆宫

○广西道御史张洊上< 娼弊-金 >言 皇上践祚之初凡有举措所窥伺者何限名与器安

可假人掌司礼监印务者孟冲也未闻令旨革某用某一旦传奉令旨者出自马保臣等相顾骇愕莫知所为时 皇上哀痛方迫未敢渎奏且久窥 皇上圣明必自有说非左右之所欺罔也今又传奉明旨调用张宏臣闻其守备南京包藏祸心恣作威福安庆卫指挥张志学等挟众倡乱宏受重贿特为奏角□羊驾祸知府查志隆激变以宽志学等首恶之诛守备如此皇上何自察其可用其进誉者何人凡近习之中有欺 上专擅者不可不放逐有导 上以游逸玩好之乐者不可投其中时临便殿召二三辅臣以资启沃前日侍讲诸臣临御之暇令其执经诵说一如出阁之日及退息宫中则视内臣老成长虑忠言逆耳者相与周旋则圣学日进庶足开太平之治< 娼弊-金 >入报闻

○督理河道工部都水司署郎中事主事陈应荐奏挑挖海口新河工竣河长十里有奇阔五丈五尺深一丈七尺凡用夫六千四百八十九名支米九百七十六石八升

○大学士张居正等还自 天寿山诏建 大行皇帝陵寝于大峪山赐居正等银币有差

○夜有苍白气见东北方鲜明如白虹霓状良久渐散

○庚午罢大学士高拱司礼监太监冯保等传奉 皇后懿旨 皇贵妃令旨 皇帝圣旨传与内阁府部等衙门官员我 大行皇帝宾天先一日召内阁三臣至御榻前同我母子三人亲授遗嘱说东宫年少要他每辅佐今有大学士高拱专权擅政把朝廷威福都强夺自专不许皇帝主管不知他要何为我母子三人惊惧不宁高拱便著回籍闲住不许停留你每大臣受国家厚恩当思竭忠报主如何只阿附权臣蔑视主上姑且不究今后俱要洗心涤虑用心办事如再有这等的处以典刑拱即日出城明日次辅张居正上< 娼弊-金 >言拱历事三朝小心端慎虽议论侃直外貌威严中实过于谨畏且拱系顾命大臣未有显过遽被斥黜亦非 先帝所以付托之意报曰卿等不可党护负国 上冲年在疚拱默受成于 两宫权不自制惟恐外廷之擅而顾命之臣自负付托之重揣行壹意以致内猜外忌同列阴行其谋而内竖黠者亦谋间旧以自固相比伺隙骤移 两宫之意而权复偏有所归后先同辙相寻以败专擅之疑深中 圣心魁柄独持以终其世晚虽倦勤而内外之间无复挟重恣行如初年年者主术所操犹为得其大也

○升广西道御史王宗载为南京太仆寺少卿

○复除马明谟为福建道御史

○升山东道御史刘世赏为山东副使直隶庐州府知府张大中为陕西副使

○革广西冒籍举人李任春回籍并南宁府知府林乔调处巡按李良臣并论其庇护乡人也

○提督操江兼管巡江南京都察院右佥都御史张卤< 娼弊-金 >请复设应安徽宁池太广德兵备副使言应天等六府一州幅员四千余里山溪盘郁江面辽阔殊为要害之区年来戎

伍废弛盗贼丛生臣因备查当嘉靖三十四年因倭奴之变专设应天兵备副使一员驻劄广德州上下相安号称得策至四十一年给事中林命始议裁革徽州原不属金衢严兵备至四十五年因矿贼繇开化突掠婺源浙抚刘畿始议分属至以安庆属九江亦因都御史毆阳铎御史宋茂熙等议设应天守备姑为迁就调停之计实非确然久远之图至今年春安庆事作臣得报即移檄经略安抚九江兵备方入会城邻府职官固无干涉不得已委应天通判以行幸赖朝廷威灵反侧即安事机旋定不然将骚动地方不无费事夫鉴之往昔徵之见事则此一兵备诚不可不急为地方复设以图万全乞敕该部计处照旧复设按察副使一员专司兵备关防字样易以徽宁驻劄处所移于池州其安庆徽州旧属江浙遥制空名悉皆罢去庶事有责成法无废坠应天巡抚张佳胤亦以为言俱得旨下部

○兵科都给事中梁问孟因秋防上〈嬖孽金〉言 登极之初人心警忽夷情敛肆悉分于此故今岁秋防尤宜加慎俺答虽已纳款然犬羊之性变诈叵测且铜锅之给市其议未已亲属之求赏其数难周倥偬变生仓卒何以御之此外示羁縻内修战守在宣大不可一日宁者吉能既故其长子虽西掠未回然把都儿黄台吉之禁令未必能行于部落银锭台吉等移住镇番近境盖外假通贡互市内或欲掩我不虞此明烽堠联哨探即遇零骑入寇亦必整兵拒堵防微杜渐在延宁甘固不可一日忘戒备者蓟昌据京师肩背实东南一大藩篱迺者土蛮住收近边虽骚扰在辽东然境界实与蓟镇连接且老把都永邵卜阳附俺答实阴怀异谋万一与土蛮勾结聚众大举则 陵京震动肘腋莫支亟宜补练主兵以增捍御减退客兵以省糜费与或固墩台塞要害精器械积储□□寺务期以守为战尤不可不预为讲求辽东与蓟镇声势相倚若辅车然土蛮侵扰虽屡遭衄败然我力既疲彼愤方深以疲土遇愤虏目前未必可安加天变异常火灾叠见阅辽东边报其伤残伶仃之状甚可酸恻则该镇抚恤之议诚当及时行之者兵难遥度谋贵预定政固宜修于闲暇人情尤忽乎所安国家与虏通好实欲因其无事预为自修今积钱谷增险隘强士马整器械及复屯田盐法诸事屡经申飭果一一举行否兴师十万日费千金锋镝一交凡宴犒赏赉优恤之类所糜何限今卧鼓边亭将及二载此等钱粮当有余积乃岁月侵寻能无穴销窳耗其问王公设险本以守国今沿边墩墙城堡节报修筑然督抚兵道不能亲履其地亲烛其奸何益保障之实况有兵无器兵何所恃有器无食器何以施故必欲练之宜先有以养之欲得其力宜先结其心今边军困苦日甚平时剥削之风自主将而下奸蠹百端即今辽东诸军贫瘁已极该镇虽议优恤未能尽保无弊朝廷恩意竟成画饼一旦有急驱饿疲喘息之夫何所用之故练兵马整器械莫先戒将领之侵克此弊既除士气自倍伏望 皇上严敕边臣力刷旧弊大奋新图部覆报可

○抚治郧阳凌云翼〈嬖孽金〉言 祖宗建置卫所海内皆兵其在今日册籍空存所在消耗不过故与逃耳然物故虽多生齿日众此其弊又不在故而在逃往清军御史清册籍见在之军使之不逃北直隶即当以屯田御史改为清军其所以清者一曰清丁差卫所军户余丁初皆报名在册编派差使历年岂无逃故者亦岂无成丁者然丁差数年不一审其审差也亦止按故籍了事乃使逃故之丁差使尚存见在之丁隐占莫诘一应虚差皆于正军名下取办故正军之累唯丁差为最宜如民间均徭事例每年清审量其贫富强弱编派正军逃故者开除成丁者收补使丁差苦乐适均毫不累及正军一曰清屯田腹里屯田与沿边不同地皆膏腴子粒不多但典卖兼并者有之宜逐一查覆使田归于丁丁附于田则有一分屯田即有一

名屯丁按田求丁自浮原额一曰清运军运军领运鲜不破家故有力者或营免充数者率蚕食议者不得已请将卫官一年掌印一年运粮则于掌印之日得预选旗甲以适事然年选年坏不知所终今余丁既清宜改以余丁分定班次轮流更番酌令正军帮贴路费惟旗甲则选殷实有行止者充之亦概卫旗军量贴路费俱于概卫月粮内官为通融扣给则苦乐公平人无偏累而其运官科敛需索者又从重参究庶运军之困可苏一曰清班军班军每至点选如冒汤蹈火愁苦不堪今宜亦照前议运军事例将余丁编定班次轮番帮贴仍以五十人为一队队长选正军为众所信服者领之则奸猾者不致夤缘规避上班者不致偏累潜逃班军之困从此可苏及在京在边自工作摆墙外若役占卖闲运石运灰又不可不为减省也一曰清科派卫所有力差有银差力差如前议可无累惟银差公费不可已者正银之外加倍多科印官利于浪费经收利于侵渔各军出办不前至并正军月粮而扣抵之今宜查卫所屯田若干每田一分止该差银若干造册送御史查刷仍置立循环簿稽考一曰清月粮官军月粮于子粒存留内相兼支放屯田子粒拖欠者少惟州县存留逋负相成踵为故事经年累月无从关支宜责成掌印管粮官照数徵收依期角□羊纳如有堕误查所欠分数酌量参究又言今日事势唯御史行事最专使任得其人亦惟御史奏效最速行之数年岂惟军不逃窜即祖宗强盛之效亦必可复部覆如议行而清军御史屯田金事则则设如故但务责实运班仍用正军正军不足间用余丁补之特加意＜整彩见＞恤焉

○辛未 睿宗献皇帝忌辰祭于 奉先殿

○巡抚山西都御史杨彩请以仆寺带宪衔＜娼弊-金＞言国初设行太仆寺专管孳牧马匹以少卿掌之其事极简成化中始更置正卿后又添设寺丞主簿弘治末年从都御史杨一清议始降敕并理营马正卿分历三关寺丞分历大同后添设兵备员多该辖营分马匹俱归兵备该寺事遂废不行不过验印孳牧马所生数十余驹岁终造数缴报而已夫以三品重臣并佐贰首领拥銜静坐虚糜廩俸审时度势实有所处查宁武地方原属鴈平嘉靖间按臣杨美益以其地冲始请添置兵备顾其边界仅一百三十里犹是内边若照甘肃辽东例移行太仆寺卿驻宁武量带宪职兼管兵备新添金事可以裁革就中有甚便焉寺臣居适中之地可使三关徵发一也省冗员二也事有兼摄可免闲散旷职三也借此资太仆之权以便行事四也边方最苦官多得省繁役供需之费五也至寺丞径自裁革大同马政仍责各兵备整理岁终听该寺查明造册与三关马政类奏缴报则事体尤妥成规不废边务马政俱有攸赖得旨下部

○巡按山西御史桂天祥劾西路管粮通判尹祺以贪例为民因言三关通判上干数十万之国计下系数十万之生命职司甚重止以贡监为之即日去一官何益盖贡监视通判为高秩或以举人被谪处之又视此为穷途未有能振剔自奋者欲止其贪莫若重其任宜每府改设管粮同知一员以举人初选或进士任浅者除之钱粮委之收支边方委之查勘刑狱委之问理果才守俱优即擢以部署金宪之职练习既久边事周知又足以储养边才为他日大用之地如此则人怀前进之心军有饱食之望国计边储两有攸赖＜娼弊-金＞下该部

○总督漕运右副都御史王宗沐条陈漕运事宜九款一申全单之规一严有司之限一重旗

甲之选一并造船之厂一增督理之官一建通江之闸一处疲困之总一并水次之便一处停造之船部覆行之

○壬申准大学士高拱驰驿归里从辅臣张居正请也

○癸酉 上御平台召辅臣张居正入见命至宝座前慰劳之曰先生为
父皇陵寝辛苦国家事重先生只在阁调理不必给假复谕曰凡事要先生尽心辅佐且追述
皇考之言曰先生忠臣居正三顿首谢因言方今国家要务惟在遵守
祖宗旧制不必纷更从之居正复言今天气盛暑望 皇上在宫中慎起居节饮食以保养 圣躬
上优答随赐酒馔银币居正退而上<娼弊-金>谢言召见辅臣乃 祖宗朝盛事
先帝临御六年天下仰望此举殆非一日
皇上甫登宝位即慨修旷典臣愚乃得首逢其盛且以 先帝之意谬许其忠俾之尽心辅佐臣
闻古所称为辅弼大臣者在于赞成君德安海内责任甚钜非臣愚所能称塞
上意人臣之道必秉公为国不顾其私乃谓之忠臣伏荷
天语谆谆能不奋励矢坚素履罄竭猷为为
祖宗谨守成宪不敢以臆见纷更为国家爱养人才不敢以私意用舍此臣所以报
先帝而忠于 皇上之职分也仍望
皇上继今益讲学勤政亲贤远奸使宫府一体上下一心以成雍熙悠久之治 上纳之

○山西抚臣杨彩<娼弊-金>罢建沿边墩院仍旧并力修葺堡寨以坚守险部覆从之

○甲戌以初建

山陵遣公张溶侯蒋佑郭大诚驸马许从诚伯陈王谟曹文炳毛登都督李伟祭告于 长陵
献陵 景陵 裕陵 茂陵 泰陵 康陵 永陵伯杨炳张元善侍郎翁汝达祭告于
天寿山后土司工之神

○巡抚山东右佥都御史传希摯奏本省布政使司完角□羊过本年春季宣府镇夏税马草
盐钞银九万七千五百二十五两有奇蓟州镇秋粮银二千一百九十九两有奇辽东镇夏税
银八千六百四十三两有奇○提督两广军务兵部右侍郎殷正茂奏剿平河源从化英德等
处贼党前后擒斩六百七十二名颗招降六十六名<娼弊-金>推前督臣李迁分布方略及
南赣抚臣督同协剿因叙总兵张元勋佥事何子明诸察王化及参将把总等战功以及府县
学与有劳勩者<娼弊-金>下兵部是役也凡用兵一万三千余人其乡民兵不与焉自五年
十月至今闰二月乃竣役

○命工部右侍郎翁汝达提督 陵工

○乙亥特命吏部尚书杨博角□羊管理兵部事务回部管事博<娼弊-金>辞不允

○巡抚贵州都御史蔡文条奏急切三事一选用科目以抚疲民言所属府州县官多以谪调

贡监处之人有欺玩之心官无振拔之志贵阳思南普安颇属繁剧安顺贼患初平政务猬兴其推官知州决非甲科不可其余地方亦宜选举人有年力志向者以充其任一补足军伍以坚保障言所属二十卫所额军一十三万七千余名今见存者仅一万八千零行伍十分空虚地方不堪保障乞行各省直遇本省清勾文册至日严行清军各官作速清角□羊其附近省分但有充发军犯俱角□羊本省填伍其本省拟配亦酌量地里远近充发一催角□羊钱粮以济匱乏言本省夏税秋粮及屯科粮米每岁所入不足供一二月支费所仰给者湖广额角□羊粮银三万七百余两四川三万七千余两近拖欠数多角□羊发迟后乞行二省抚按官严督所属岁完一岁不得后期以前拖欠严并完角□羊旨下该部○提督两广军务兵部右侍郎殷正茂奏岭海之间道路辽远虽设有营兵陆将然惠潮往返必经月余雷廉之于琼崖渡海远涉恩平阳江相隔数百里既无县治又无将领皆有难于兼治水路虽设陆寨然自潮至琼东西相距延袤五六千里各寨所管信地远者千余里其间海洋浩荡港澳多门使各寨兵船合宗巡哨则顾此失彼势既难周分港防守则船少势孤力又不足是以各贼乘虚登岸防截为难议欲东西设立游兵参将二员及雷廉潮惠等地方各添设参将守备把总等官庶分布既密剿捕无难山海之间盗贼自息因荐参将晏秋元等堪任又言广东先年有□人艚船器械锋利兵夫强劲如黄萧养林乌铁等贼皆系艚船剿灭后因浙直借御倭患片板不归夫尽客死及吴平等各贼猖獗官府勒行重造□人丧家亡身怨恨彻骨宁受刑责不肯造船致海上备御无策盗贼纵横自如今已多方号召复造如前乞敕部议拟凡有船只浙闽皆宜自造毋得援例再借则船自为战□自为守海寇倭寇不得肆其纵横部覆从之

○应天巡抚张佳胤奏安庆卫乱军狱辞法司比谋叛律梟八人遣十三人释二人仍定为条例颁行天下

○丙子 上御宣治门褰服视事百官行奉慰礼先是礼臣以为请故卜日如所具仪注行随谕礼部集议 大行皇帝尊谥敕曰朕惟自古圣帝明王建骏烈于当时则必享鸿名于后世肆嗣统之君皆为之裒集舆论腾播景辉考率彝章荐称徽号所以显亲而崇孝也恭惟我 皇考大行皇帝大并乾坤明同日月励精图治诚笃任贤布殷汤之<罄彩见>仁守汉文之恭俭在位六载政教修明施泽万方草木涵被用能绍帝猷之纯懿登皇路于清夷海内晏如四夷款顺熙平之化垂拱以成所谓穆穆不显荡荡难名者矣不幸 上宾攀号莫逮呜呼痛哉顾予冲人嗣承丕绪茕茕在疚虽礼文之未遑哀哀永思岂褒崇之敢后然欲彰极美须协至公尔礼部其集文武群臣定义 尊谥择日恭上册宝以扬我 皇考之休于罔极钦哉故谕

○尚食监太监穆进德请复荐新银鱼 上以业有诏停止各项采办不从

○巡按福建御史杜化中议裁并海防官员言漳南滨海一小郡因其密迩大洋外有岛夷之警内多勾引之奸故设有巡视宪臣一员数年间二汛屡捷四民息肩设官之效亦既章章如是乃后又添设海防同知一员未几又添设团练僉事一员以一府而三道并临四馆兼设其于地方甚属不便夫巡海团练所司惟一事清军海防其事可兼摄今若并团练于巡海合清军于海防则汰冗去赘一年省千十年过万上足以实仓庾下足以充闾閭不伤财不害民利一未汛则事权既一展布自易凡一切防御之事不掣肘不牵制可以责成功利二即汛则职

任有归重寄难委凡一切征剿之事无规避无摇夺可以全取胜利三反此三利其不便者亦三因荐团练金事梁士楚清军同知罗拱辰二臣皆有功于闽请以士楚改巡海裁去团练以拱辰兼海防革去清军部覆行巡抚会议

○赐固安伯陈景行夫人张氏坟地并护坟地土六十顷有奇夫人 圣母皇后母也

○户部覆左给事中张博等〈娼弊-金〉言漕粮入闸以后一路安流风波不足为虑但各官旗停泊私贩乘机盗卖奸弊不止一端宜申飭兵备等官严行禁约依限催儆又粮运漂流冻阻率因推诿后期宜责成各官限地管理远近劳逸或有不同总待事完核实分叙至天津抵湾河道尤有专职若有浅涩即行挑浚务期随到随行于六月内尽数抵湾不致有妨下年运务报可

○户部又题总督王崇古等请修宣府镇边堡口粮言查稽饷册内隆庆四年支一万余石五年支一万五千余石通系岁例数内今查该镇五年终实在本色粮料比四年又少四千余石又议于内动支七万一千三百余石及查向来修筑之费虚冒多端无裨实用缘各委官习于欺蔽巧于冒破点查则冒名顶替食粮则计口关支刻期报完不责有无侵冒及至虏患大举所在墙堡望风瓦角□羊与前建白修守之议全不相应边方糜费财用诎乏悉坐于此况今所请较四年五年数四倍有余所用既多查理宜慎每岁终合将修过工程费过口粮造册具报不得工少费多致后用不继如有钱粮冒破工程不坚经管官员即升迁去任亦尽法查参报可

○命锦衣卫左都督朱希孝往来督视 陵工金书杨俊卿专管监督

○丁丑 上御宣治门褰服视事百官行谢颁恩诏礼是日百官服除

○朝鲜国王李昖遣陪臣礼曹参判朴民献等正从三十八人谢恩朵甘思宣慰司番僧刺麻温等二起共一十六人进贡俱赏赉如例其宴待以大行皇帝丧令辽东都司并该布政司于还日行如故事 管中军都督府事武进伯朱承勋卒遣中官视大学士高仪疾并赐诸食物仪〈娼弊-金〉谢寻卒

○山西左布政使史直臣奏区画催徵过所属隆庆五年备荒食粮三十二万二千九百一十九石五斗○戊寅 上御宣治门视事始更素翼善冠麻布袍腰经

○陕西骆驼巷等族番人进贡

○管中军都督府事宁阳侯陈大纪卒
虏酋卑不利阿不害差夷使赍表献送前执定边副总兵时銓诏依律问拟具奏

○保定抚臣宋纁奏分布秋防兵马言本镇东北起沿河口西南至数道岩延袤一千三百余

里计隘口二百九十余处中间极冲曾经胡虏侵犯隘口须重兵堤备军兵听总督调遣分布外见在二万一千五百八十三员名会同总兵官酌量分派紫荆关咽喉重地总兵李勇真定游击吴守直住镇城有事李勇领本营马兵移驻紫荆关守直移营塔崖驿东西随宜策应浮图峪又紫荆关要冲守备李实领汉军驻峪口副总兵张玘领所部驻紫荆关有事赶赴白石等口仍策应浮图峪静安马龙沟指挥王大宝领茂山卫班军守之仍听玘调遣策应马水口大龙门内险外平且迫近保安宣府称冲要副总兵宋兰统所部驻本口都司吴芝统忠顺军守龙门兼防沿河等口千户王汝松领遗剩汉军专守门下蔡材安口倒马关参将统所部驻本关兼应援插箭岭下场峪等处真定守备于庆统真神二卫班军守跌崖兼防插箭岭所属西峰峪等处定州指挥夏宗禹领选剩忠顺军防倒马关所属插箭岭等处龙固关副总兵胡宗舜统所部防二关兼应援吴玉等口但探有警即趋娘子关等处随贼向往堵截其军门标下马步奇兵二千一百五十名量带三百名驻劄易州往来提督余令带管坐营官胡懋功统领于真定镇城团练听调策应各将官虽分有信地仍听临时互调以保万全如警报重大更调易州井陘大名三兵备道兵备副使高文荐驻紫荆关崔鏞驻倒马关徐炳驻井县各照所辖地方调度兵马钱粮事务毋得致误军机<娼弊-金>下该部

○尚宝司卿成钟音<娼弊-金>重门禁言官军有事故者湏本司移文兵部方行选补具奏仍造册移文知会本司申前添注卿刘奋庸议也

○己卯工部尚书朱衡<娼弊-金>报徐邳等处河堤工完并请寝泃河之议言泃口河开凿之难有三一则葛墟岭开深之难一则良城侯家村凿石之难一则吕孟等湖筑堤之难先是漕河淤塞损船伤米臣思前河臣翁大立策请开泃河以救然眉之患今漕河通利徐邳之间堤高水深使岁加修葺之工自可无患固不烦别为建置况公帑空虚支费不给濒河生灵从事徐邳之役劳者未息呻吟犹闻揆之时势诚所弗宜

○差兵科左给事中吴文佳江西道御史杨家相催督陵工家相仍糾察奸弊

○庚辰 孝庄睿皇后忌辰遣惠安伯张元善祭 裕陵 上御宣治门视事

○礼部进 大行皇帝尊谥议文曰伏惟 大行皇帝粹资天授至德性成蚤養正于青宫始终典学暨綏猷于皇极夙夜其勤动必合天益谨钦崇之念行惟履道犹怀思永之图纘 帝绪十世而益光行王道六年而大治譬诸化育之广运无能名焉敬于德业之昭垂识其大者若夫湛虚善应静深有容聪明特纵于天而智不自用喜怒各中其节而色罔或形遂乎德之渊也体性冲温轨迹夷易执粹清以镜物治合无为推诚信以尽人道殊任术美哉德之懿也立政惟举其纲罔兼庶慎以干励精之誉用人不求其备每赦小过以弘任使之途虽汤号克<整彩见>未或过矣蠲田租以布慈惠而允留漕粟复推振乏之恩出宫人以宣郁幽而軫念无辜尤重简孚之命即尧称至仁曷以加焉至若学有缉熙文能经纬任贤勿贰而经邦论道悉咨于老成取士无方而开贡设科每增其制额声教所讫俊又咸兴是谓文丕显也其临雍御讲之所倡乎内治既隆外威斯赫营海巢山之孽絜首而献阙庭毡裘毳幕之酋角□羊辫而受约束神功不杀信义潜孚是谓武大光也其阅戎赉士之所感乎不妄罪一人而民无越志不

妄发一令而事无废弛临下以简而禁独严于宫闱御众以＜罄彩见＞而法必行于近习此足以徵其德之纯焉躬举展

陵之典而执礼无违岁行时享之仪而在庙有恪抑且元良早建讲幄弘开用能蒙养

圣躬鼎凝帝命至于凭几之遗训无非法祖之良谟此又足以徵其孝之至焉凡兹众美之兼咸本一心之运盖惟敬以作所故执要而百事自详庄以临民故笃恭而天下自理诚百王之所鲜俪六籍之所未具也臣等窃惟天道太虚故名于穆周文敬止斯曰同天今我大行皇帝中涵纯一外运浑元机智不烦神独游于昭旷声色不大化允协于平章上惟肃肃雍雍建中和而善藏其用下则熙熙皞皞蒙覆载而莫知其功是岂非与天同流比文合德继前徽而罔佚诒后范而弥光者哉臣等谨咨于群议之公稽诸节惠之义大行皇帝尊谥宜天锡之曰契天隆道渊懿宽仁显文光武纯德弘孝庄皇帝庙号

穆宗用闡鸿辉并垂万祀臣等拜手稽首谨议○是日召见辅臣张居正于平台议

两宫尊号居正＜嬗斲金＞请令礼部会同多官议拟以闻

○延绥管粮郎中张体乾请抵补本镇原减盐引银一万三千二百二十五两准于贮库银给发抵补

○赐故大学士高仪赙仪一百两币四表里米五十石及香蜡油茶盐柴等物定漕运程限每岁十月开仓十一月兑完十二月开帮二月过淮三月过洪入闸四月到湾永为定例从尚书朱衡议也辛巳敕谕礼部皇考穆宗孝庄皇帝山陵荐号曰昭陵

○敕谕兵部都察院朕初登大位欲简汰众职图新治理两京五府掌印金书管军管事公侯伯都督总兵官副总兵锦衣卫管事并南北镇抚司管事指挥以上六部等衙门四品以上及各总督巡抚官俱著自陈去留取自上裁五品以下文职两京吏部都察院会官考察科道拾遗俱如隆庆元年例行

○令协理詹事府事兼翰林院侍读学士马自强管詹事府印信俟原推掌詹事府事张四维到日径自交代

○吏部题改六月大选于七月初五日行以尚书博初回部故也
复设河南开封府捕盗通判仍通行各抚按官不得轻议裁革官员

○复除工部屯田司主事隗邦衡及户部主事石汉钱楷俱改工部屯田司听分委管理陵工

○壬午礼部具上大行皇帝谥册及颁诏仪注

○命礼部尚书吕调阳兼文渊阁大学士入内阁办事＜嬗斲金＞辞不允○升河南按察使侯东莱为陕西右布政使

○派鱼沛南阳留城等处堤米河米于各州县仍给前筑堤开河所占民田价值又以独山微

山吕孟等水柜有伤民地蠲其湖米

○以山东登州府旱灾蠲其夏税有差

○角□羊太仆寺马价一万一百一十五两于延绥镇

○巡抚福建右副都御史殷从俭<娼弊-

金>裁本省巡抚标下游击及总兵标下都司各一员巡抚委都司佥书总兵委把总各带管

○南京刑科给事中周守愚参守备太监张宏擅止营操言营操开止制典昭然从无计闰折操者宏违制市恩略无顾忌乞按法正罪为人臣不恪之警并论兵部尚书王之诰守备怀宁侯孙世忠协同守备灵璧侯汤世隆依违恇怯坐视不言报闻○癸未吏部奏考察条规言上登极之初励精图治亲总万几中外仰颂 圣明真同日月所据简汰众职一事查有嘉隆两朝事例委当奉行但嘉靖元年当积弊之后隆庆元年当积久之余一时考黜种种有人先帝临御仅及六年元年则奉诏考察京官二年则朝覲考察外官三年则遵例考察京官四年则奉谕考察言官五年又朝覲考察外官六年五考划除殆尽今次若拘泥旧例不惟善类有伤殊非清世平明之治乞容臣等从实考察果有其人即便议黜无则宁虚其名目不宜委曲迁就且各衙门事有繁简人有纯驳难以一律有则汰黜数人亦不为多无则不黜一人亦不为少大抵因时制宜不贵于繁惟贵于简不贵于多惟贵于精 上报曰卿等务要虚心甄别毋纵匪人毋枉善类以称朕简才图治之意○以山西行太仆寺卿王惟宁兼按察司佥事改驻宁武不妨马政整饬中路兵备从抚臣杨彩议也 是月减释江北重囚二十八名

明神宗显皇帝实录卷之三

隆庆六年七月甲申朔初享太庙上驾及门雷雨大作湏雨止成礼乃还宫

○大学士张居正言礼部会议两宫尊号仰考旧典惟宪宗皇帝尊嫡母皇后为慈懿皇太后生母皇贵妃为皇太后与今日事正为相同但今圣母皇后与圣母皇贵妃恩德之隆概无有间尊崇之礼岂宜差殊且臣恭奉面谕欲兼隆重其礼各官仰体孝思皆亦乐为将顺拟于皇太后上各加二字并示尊崇庶于祖制无愆而于圣心亦慰又言先朝母后徽称有加至四字六字八字者皆因朝廷有庆典以渐致隆其初则止于二字乃定制也今圣母福寿无疆皇上万年御历将来吉祥喜庆之事层见叠至尊号徽称有加无已固不在此时之骤增也诏如所拟内阁因拟所加字上亲裁定焉上命中使传谕辅臣张居正忠心为国特赐光素玉带一束居正＜媼嬖-金＞谢报闻起原任协理京营戎政兵部尚书谭纶为兵部尚书

○升江西右参政程嗣初为河南按察使

○吏部尚书杨博左侍郎魏学曾右侍郎刘光济都察院左都御史葛守礼左佥都御史陈省各上＜媼嬖-金＞自陈乞罢俱慰留

○乙酉礼部进孝懿皇后尊谥议文曰伏以黄輿奠厚承苍盖以发生素魄涵辉并朱曦而朗耀故美舜华之协帝必称沕汭之嫔而崇文祀以配天亦溯洽阳之合义实通于今古事岂隔于幽明恭惟

孝懿皇后梦月通灵倪天表瑞庆钟华族夙闲图史之规芬播彤闱首应舟梁之迎归我先帝作之元妃秉恪慎以禋身含柔明而事上巽姿有淑坤德无违采藻采苹荐筓筐而展孝为絺为纈綺组而华鸣玉自闲脱簪申诫险诋不形于请谒宴私无介乎容仪若乃志在进贤和自宣于琴瑟仁惟逮下怨不起于衾裯博施鱼贯之恩竟启螽斯之庆斯尤德踰周姒美冠虞皇纂女史以流声述王风而成化者也顾龙轩未炳缺正位于长秋鸾驭先昇恻归真于修夜惟先帝留情故剑虽兰宫之大号已崇今

皇上洒泣灵楸乃桂殿之芳声尚閤匪荐隆名之舄奕曷扬厚德之辉光臣等仰体孝思俯询舆论宜天锡之曰孝懿贞惠顺哲恭仁俪天襄圣庄皇后上配尊称于太室下垂令范于中闱臣等拜手稽首谨议

○兵部左侍郎石茂华题防秋事宜言宣大山西三镇虏虽纳款贡市但俺酋大同之市愆期未至老把都之妻及永邵卜诸虏黠悍要求情状叵测黄酋虽因子侄之变苟见完市凶狠骄横终难驯服至板升之逆党尚存恐勾引之祸端未息此诚厝火积薪養虎貽患之时蓟昌二镇环卫陵京实为根本重地目今台垣联络兵马云集似为可恃但近朵颜三卫虽称藩篱史车二夷虽受抚赏然皆阳顺阴逆日谋勾引土蛮招诱老把永黄诸酋或二虏糾合分道内侵不免顾此失彼辽东孤悬一隅两河千里朵颜夷人建州海西诸虏虽通贡市每肆鼠窃土蛮

诸部窥伺垂涎岁无宁日陕西延宁固原三镇切近套虏各酋效顺纳款边境晏然似无他患但陕西地方延袤动辄千里防范易至疏阔今酋首吉能物故其子把都儿黄台吉西掠未回尚有打儿汉台吉诸酋分据套中名分未定统属无人恐各酋自相雄长易生反侧狼奔豕突贵防未然甘肃远在河外三面临边番虏交杂所称斗绝孤悬者虏酋止宾免等数枝及黄台吉下部落零寇在边外住牧近因套虏切尽黄台吉西掠银锭台吉等诸虏俱相继西行率多经繇内地环牧于西海及镇番等边外又甘州南山西番少罕一枝最称强众傥番虏合谋一时窃发本地方既已不支各处援兵复难猝至其不僨事者几希各虏之情形既殊在我之措注贵豫一切防御机宜应亟行申饬早为讲究毋徇因循致妨国家大计

○命工部尚书朱衡阅视陵工左侍郎赵锦督催木石诸料

○丙戌遣公朱希忠张溶驸马许从诚侯蒋佑祭告于郊庙社稷恭上
大行皇帝谥册文曰孝子嗣皇帝臣

谨再拜稽首上言伏以

上圣宅尊仰六载中天之烈鸿名归美升万年太室之华庆衍无疆颂均有截恭惟皇考大行皇帝溥将受命渊穆凝神安安天纵于帝文亶亶日跻于圣敬爰自龙潜毓粹高代王仁孝之风迄乎凤历开昌体殷宗恭默之懿垂至治之裳而乾纲独运调大化之瑟而角□羊泽旁流春秋不辍于谈经学古训而有获宵旰克勤于听政监成宪以罔愆岁郊时享信顺孚于帝亲耕藉临雍富教兴于邦国严飭宫庭之纪罚不贷而赏不轻信任辅弼之臣言必从而谋必就用才贤则幽遐尽录简将吏则功过兼收谒山陵而顾问边防虑存未雨举大阅而鼎新营务令出如霆广言路则谴每恕于撻鳞重刑狱则爱常徵于祝网朝清道泰内焉纪纲法度之惟明吏称民安外焉弦诵讴谣之毕集三灵协瑞万邦屡丰德施渗漉于含生威命播扬于殊俗北虏归诚而请贡塞垣无烽燧之惊南夷假息以就歼岭海有耕桑之乐皇猷炳朗六府三事皆可歌王路清夷四海九州莫不服眷成功之不赫亶垂世以弥光宜奉巍巍荡荡之名乃称尊尊亲亲之礼虽管窥蠡则未能究极其闳摹而镂玉泥金勉用铺张于显册爰咨公论请命于天谨奉册宝上尊谥曰契天隆道渊懿<整彩见>仁显文光武纯德弘孝庄皇帝庙号穆宗伏惟永妥

圣灵诞膺天锡蜚英声腾茂实同日月而照临袞景福衍鸿休配乾坤之悠远谨言

○总督漕运都御史王宗沐奏报海运抵岸言海运不行已百六十余年臣前任山东左布政使因胶河之议详考前代沿革始末与其必可行者条陈十二利时群听骤闻相顾疑骇其后科臣建白抚臣试行皆符臣言事果不谬因获上闻定拟今岁通运臣适又叨官漕司规度发行兹者六帮无失相继抵岸天下臣民始信海运可行以此与河漕两途并输诚为国家千万年无穷之利报闻

○工部题陵工事宜一计处钱粮一议拨军夫一查复职掌一预备木料一改发石料一议处运木一责成委官一酌用砖料一召募匠作一议处物料

○丁亥 仁孝文皇后忌辰祭于 奉先殿

○以 大行皇帝尊谥礼成诏告天下诏曰朕闻帝王有骏德豊功昭著于当时则必有鸿名显号垂示于万世斯古今之通义国家之令典也惟我

皇考大行皇帝聪明睿智恭俭＜罄彩见＞仁懋圣学于缉熙揽乾纲于独断灵承 帝命軫恤民艰先德政而后刑威崇文教而修武备外夷宾服中国又安享六载之昇平垂万年之基绪增光 列圣超越百王功德之隆蔑以尚己不幸 龙驭上升攀号莫逮朕以凉德嗣守丕基方纘述之是图岂光扬之敢后谨命文武群臣参稽古礼议荐崇称博采师言协于公论乃于今年七月初三日祇告 天地 宗庙 社稷奉 册宝恭上 大行皇帝尊谥曰

契天隆道渊懿＜罄彩见＞仁显文光武纯德弘孝庄皇帝庙号

穆宗于戏乾坤高厚固荡乎其难名日月昭垂盖焕焉而可仰布告中外咸使闻知

○礼部进 孝懿皇后尊谥册宝并改题 神主仪注

○起升吏部右侍郎兼翰林院侍读学士陆树声为礼部尚书

○复除郝杰为河南道监察御史

○升浙江按察使赵贤为都察院右佥都御史巡抚湖广兼理军务应天府府尹杜拯为南京太仆寺卿

○准在假尚宝司少卿戚元佐终养

○升陕西副使周国卿为江西右参政

○初通漕运于密云寻加复密云漕粮五万石先是总督侍郎刘应节等言塞备以储饷为急军需以漕挽为便密云一城环控白潮二水若天开以便漕者向二水分流至牛拦山始合故剥船自通州而上者亦至牛拦山止若至龙庆仓从陆输挽军民艰苦之状水次露积之虞难以悉状今白水徙流西城下去潮水不二百武前于城东北业筑三合土堤障水防城近又＜媿擿金＞渠于上植坝于下邀潮入白合为一派水深漕便剥船可达密云无疑漕渠既通漕额宜复盖密云经费视诸镇独多其粮料视诸镇独贵先年漕额运昌平共十八万石余今止十四万余密云仅得十万有奇虽盖以屯粮民运能济几何所赖止有召□一法然边鄙民贫每至金□若驱就陷阱岂足终恃今查通仓粟米每至腐积各军领者每为蹙额若移通仓五万石漕于密云扣密云折色三万五千两存留太仓给京军月粮则通仓无腐粟京军有实惠密云免□苦此外尚欠二万石则听本镇节缩区处及言设立晒场成造剥船等事部覆俱从之

○调管理分守南赣参将事务副总兵张斌仍以副总兵职衔管理分守广西永宁参将事务升凉州卫千户谢鉉为指挥佥事操守甘肃碾伯地方宣府新开口堡守备指挥佥事阎万石

为署都指挥僉事充巩华城游击

○巡抚延绥右僉都御史郅光先陈秋防事宜一分布兵马一预定应援一乘时修浚一优重哨探一安设柴塘一严诘奸细一慎固城守一专责稽察<娼弊-金>下兵部

○戊子吏部覆朱衡等守河事宜一议官守一议久任言管河官员防守修筑必经岁月驻信地方便责成新筑河堤计长三百七十里每六十里用官一员俱以州判县簿领之又添设府同知一员与管河通判均分督调如遇有急互相协理其每年修守著有成效者年终荐举纪录次第迁秩如管河主簿则升管河县丞县丞升州判州判升州同州同升通判其系科目者管河通判则升管河同知同知升僉事递升参议副使参政按察使布政使累著成效则直以总理河道大用之久其任则河务愈精久其官则河臣益劝衡等所陈诚为确论诏行之

○赏进贡骆驼等族番人银钞○己丑敕谕礼部朕闻礼以正名为先孝以尊亲为大故自古帝王纘基图之重念鞠育之恩必有徽称光于典册所以尽伦而教孝也惟我圣母皇后恭俭安仁作俪 皇考我 圣母皇贵妃贞纯慈惠诞毓眇躬圣善之德并隆生成之功罔间俾予冲子获嗣丕基皆训迪拥佑之力也不有尊称曷彰令德兹谨稽祖宗旧典博采廷臣公议恭上 圣母皇后尊号曰 仁圣皇太后 圣母皇贵妃尊号曰 慈圣皇太后庶两尽于尊亲用并成乎孝养尔礼部其择日具仪以闻钦哉故敕

○敕谕兵部朕荷 皇天眷命嗣承大统内治既定外备宜严目今边患虽宁未可恃为无事尔兵部便行文与各边总督镇巡等官秋防伊迓今岁事体比之常年倍宜谨备选将练兵积饷修守等项事务都要著实举行如有因循怠玩沿习旧套以致僨事者都拏来治以重罪决不轻宥尔部里亦要常差的当人员侦探边事虏情从实奏报以俟朝廷处画如或朦胧误事一体重治不饶钦哉故谕盖辅臣张居正惩隆庆元年事深以为言因拟敕行

○升四川左参政劳堪为浙江按察使江西南昌府知府丁应璧为徽宁等处兵备副使驻劄池州府

○庚寅吏部等衙门考察奏黜吏部员外郎穆文熙都给事中宋之韩程文等三十三员吏部主事许孚远御史李纯朴杜化中胡峻德盛时选刘曰睿张集左右给事中涂梦桂杨镕周芸张博等五十三员降调外任

○吏部又题考察光禄寺寺丞张齐何以尚尚宝司卿成钟音司丞陈懿德等四员诏报齐懿德闲住钟音以尚降调外任○户刑等部尚书张守直刘自强朱衡仓场尚书王国光及户兵刑工左右侍郎郭朝宾陈瓚石茂华栗永禄朱大器曹金赵锦熊汝达戎政侍郎王遴通政使李际春并光禄寺卿路王道太常寺卿王凝顺天府府尹孙一正各自陈乞罢诏报自强致仕永禄调南京余俱留

○复除郅永春为河南道监察御史

○升福建左布政使朱纲为应天府府尹

○升河南道御史吴道明为直隶庐州府知府兵科右给事中周良臣为江西南昌府知府河南道御史郝杰为陕西副使兵科都给事中梁问孟为福建右参政 赐故大学士高仪一品祭葬及谥仍差官护匱还乡仪浙江钱塘人嘉靖辛丑进士选庶常第一人授翰林院编修学术醇深操履端慎有声词林中累官坊詹登于秩宗时当 肃皇帝创举典礼之后 穆宗代兴仍改为难乃丘泽社稷之分合大祀之配享元配继后之祔别多所裁酌附于古义折衷之功为多已而鸿冥远渐羽仪之望更隆

庄皇帝特起之山林之中委以密勿之寄于时权有所归无所建竖及受顾命以辅 冲主更遭危疾奄复云亡然迹其所遭逢虽或少延终当遂其初服未必能并驰声于丙魏也当日礼典方于故大学士张治非独其位相等盖其品有足相当也谥曰文端夫何忝焉

○辛卯大学士张居正自陈不职言易一榱不若得一栋评众臣不若简柄臣乞赐罢免不允

○礼部左侍郎王希烈右侍郎诸大绶各自陈俱诏照旧供职

○升河南道御史郜永春为福建左参议

○升南京山西道御史姚光泮为福建泉州府知府广西道御史王元宾为湖广承天府知府刑科给事中周守愚为福建佥事秦舜翰为四川佥事

○壬辰遣公朱希忠等以上 孝懿皇后尊谥祭告 天地 宗庙 社稷册文曰孝子皇帝臣 稽首百拜伏以紫庭俪正崇称夙贲于中闱彤管扬辉徽数载光乎显册节繁声于琮字缕遐轨以瑶函恭惟

皇妣孝懿皇后至性渊涵贞姿纯穆名闺吉产祥流宝婺之辉高冒秘仪彩备瑶绳之烂应圣祖凤占之兆配 先皇龙德之潜宫徵自鸣岂假珩璜而结佩容仪无介非资图史以成规均惠咏于小星敦朴徵乎大练采苹繁以假庙率礼承祧授弓<侈锺癰疽云矧C锡祥启胤瑞钟麟趾庆洽螽斯地其处乎德厚载乎万物风之行也化肇始于二南何星纪之失躔燹月轮之掩景 先帝感来迟之痛峻列荣升冲人怅生晚之违孝思靡及虽不奉音容于旦夕曷尝忘凄怆于春秋溯佑启之深恩哀深抚镜席仁慈之遗荫慕切赐衣谨遵旧章諏谋穀旦率輿情而涣号缘节惠以扬休清庙登歌亦右文母尊谥曰 孝懿贞惠顺哲恭仁俪天襄圣庄皇后于戏至哉坤元茂宰化工之发育母也天只詎模圣善之形容祇隆一字之褒垂诸琬琰兼备六衣之献丽彼祔楹伏冀 慈灵鉴兹孝悃僣居歆于祝史申徂賚于后昆遹骏有声后德光天之下则笃其庆皇图卜世之长臣谨稽首顿首上言是日遣公张溶恭诣 陵园献

册宝驸马许从诚祭告 神霄殿大学士吕调阳恭题 神主 上于皇极门临遣溶礼部先请上升座传赞遣官行礼 上谓不宜背册宝輿南向乃诣輿前行四拜礼起西向遣官行礼毕举輿及午门 上犹目送之

○赐德平伯李铭祭葬享堂并护坟地土铭孝懿皇后父也

○癸巳大学士吕调阳自陈乞罢优诏不允

○詹事府詹事兼翰林院侍读学士协理府事马自强詹事府詹事兼翰林院侍读学士掌院事陶大临太常寺卿兼翰林院侍读学士管国子监事丁士美各上〈嬖弊-金〉自陈俱奉旨照旧供职

○吏部覆通政使司右通政何永庆韩楫鸿胪寺卿王之垣大理寺左少卿刘思问右少卿宋良佐太常寺少卿刘淳陈行健太仆寺少卿董尧封陈联芳李幼滋顺天府府丞刘尧诲各自陈不职之垣等照旧供职永庆闲住楫淳降调外任 设 昭陵卫凡铸指挥使司印经历司印镇抚司印各一左右中前后千户所印五及左右中前后百户所印五十共印五十八颗

○甲午巡按宣大御史孙鋈奏窃见虏酋纳款边陲晏然万姓有安堵之乐两镇无鸣笳之声真太平景象顾事机倚伏无常虏酋性态叵测有不可不为深虑者近报黄台吉约六月六日在新平堡互市又报其部下夷人称黄台吉被其子扯力克台吉等将人马牛羊抢夺西去今惟携其爱妾少子住牧大白海子地方恐失信中国故遣我每赶马到市又报自六月六日至九日共易过夷马四百一十匹臣思互市之期定于春末夏初者以虏马方瘦不敢驰骋深入今黄台吉延至六月方市俺答自水泉营市后称往青山避暑其得胜堡市期尚未约定况青把都永邵卜诸酋意见不同将必迁延至秋在彼既为可逞之时在我又值收获之日虽俺答纳款颇诚诸虏酋并其部落人各一心恐难钤制万一变出不测所损国威不既多乎此其可虑者一黄台吉素强悍跳梁凌侮诸夷一旦天夺其魄被子抢去人马其势困弱似若可喜但其穷蹙窘迫无所依归恐不肯安受其子之侮况住牧地方与察罕儿相近幸素相讎隙耳万一虏情狡猾穷极生变不合于此求合于彼察罕儿忘其旧隙藉为虎翼协心内寇蓟镇之间多不得宁静此其可虑者二乞敕诸臣将边防紧要事宜详为计处一面通市一面堤备毋以羁縻藉口忘战守之策部覆从之

○工部尚书朱衡言国家治河不过浚浅筑堤二策浚浅有漕黄交会之异浚漕黄者或爬或捞或逼水而冲或引水而避此可人力胜者茶城与淮水会则在清河茶城清河之浅无岁不然盖二水互为胜负黄河水胜则壅沙而淤及其消也淮漕水胜则冲沙而通虽用人力水力实居七八筑堤有截水缕水之异截水之堤可施于闸河不可施于黄河盖黄河负湍悍之性挟川潦之势所向何坚不假顾可以一堤当之乃缕水之堤不然河繇淮入海运道实资之故于两岸筑堤不使其从旁溃溢始得遂其就下入海之性盖以顺为治非以人力胜水性故至今百五十六年永赖不变查清河之浅应照茶城例每遇黄河涨落时空挑河潢导令淮水冲刷则虽遇涨而塞必遇落而通惟清江浦水势最弱出口处所适与黄水相值比因民船繇闸往来不闭遂至沙淤壅塞既有妨运道复貽患淮郡宜于黄水盛发时闭各闸惟鲜贡船只听令经繇探有带人沙淤随即爬捞毋使停滞若海口访自隆庆三年海啸后壅水倒灌低洼之地积滞难洩今前水固已消涸尤宜时加试测设有沙淤随即〈嬖弊-金〉浚毋得积塞有误大计至于筑堤黄河两岸止是缕水不得以拦截为名报闻○兵部覆奏太仆寺变卖马匹价有定数系节年通例今诏所开宽恤小民若必取盈原价非所以广德意合行太仆寺转行分管地方少卿将寄养州县老弱马匹逐一查明不必拘定原数止炤依时估变卖价银解部转

发该寺贮库专备买马支用依拟行

○乙未升陕西副使王宫用为四川左参政广西右布政使万思谦为福建左布政使

○除翰林院庶吉士李学一为刑科给事中

○兵部右侍郎吴百朋自陈乞罢不允

○降陕西道监察御史胡峻德为直隶滁州判官户科左给事中张博为陕西郃阳县知县右给事中涂梦桂为直隶浚县县丞

○调原任湖广副使杜思为南宁府知府以先任被劾故也○户部奏太仓银库本年六月终实在各项银共二百五十二万五千六百一十六两金四百六十五两铜钱一千六百一十九万九千四百八文

○以福建都司掌印署都指挥僉事郭坚充参将分守南赣等处地方

○升大同蔚州卫署指挥僉事苏言守备宣府新开口堡地方山西振武卫百户李先春守备水泉营地方

○升福建军门标下游击呼良朋为参将分守本省南路地方改总兵标下坐营都司吴京补本省都司军政僉书其游击坐营原缺俱裁不补

○诏均派两直隶山东河南河夫于各州县不得偏累濒河地方

○丙申吏科都给事中雒遵等糾拾大僚言今日群臣中其不敬者有若户部尚书张守直其不孝者有若巡抚甘肃都御史杨锦其不简者有若南京礼部尚书秦鸣雷巡抚山西都御史杨彩又有若南京礼部右侍郎改国子监祭酒万浩其不修者有若太常寺少卿吕藿巡抚陕西都御史温如璋台臣刘良弼等＜娼弊-

金＞又益以南京工部尚书陈绍儒鸣雷留用藿调南京锦调外任浩绍儒致仕如彰彩闲住

○巡按直隶监察御史李枳条陈运务事宜议在漕运者六一日运官宜重一日运期宜蚤一日运帮宜速一日收受宜平一日挂欠宜究一日功罪宜核议在海运者三一日非优叙其功无以为任事之劝一日非酌定其数无以适通变之宜一日非更制其舟无以尽转运之利＜娼弊-金＞下该部

○勒锦衣卫僉书指挥僉事陈尧相南镇抚司僉书指挥使孟大臣指挥同知郭东州各闲住兵部因其自陈各覆其贪肆也

○广西巡抚郭应聘奏官兵斩获大屋等村贼首黄金鼎等五十八级各贼畏威向化獐老担堡残獐地方宁靖

○都察院请复巡视居庸山海二关御史诏报罢

○丁酉阁臣进 两宫尊号奏书仪注

○兵部覆两广西路添设巡海参将以浙江温处参将胡震调补琼崖专设参将以原任参将吴继方代补雷廉另设参将以为事官陈濠充补惠州专设参将以见任参将沈学思住割海惠县潮州添设参将以原任参将李诚立改补各分守地方惠潮改设守备即以把总徐天麟改补肇庆府思平地方添设守备以南头把总赵一夔改补总兵标下添设标兵把总以名色总杨文通充补从提督殷正茂与给事中秦舜翰议也

○兵部覆嘉靖四十二年十二月蓟镇墙子岭等处获功阵亡官军韩宗义等二十员名各升授赎录有差

○兵部覆延绥巡抚郅光先题隆庆五年镇守总兵官雷龙等招回投虏男妇前后共四百五十名口又覆副总兵高天吉孙国臣各招降一百名以上均应重赏各赏银十两

○添注原任尚宝司少卿吴自峒

○升山东按察使李淑为广西右布政使调山西副使蔡国熙于陕西

○兵部奏上年宣大二镇凡招归正人口四千七百八十七名总兵马芳等升赏有差

○差中书舍人沈文为故大学士高仪造坟

○戊戌中元节遣武安侯郭大诚等祭各陵及各寝园穆宗庄皇帝几筵大诚长陵景陵抚宁侯朱冈献陵裕陵泰宁侯陈良弼茂陵泰陵康陵庆都伯杜继宗永陵遣官祭景皇帝陵及诸陵寝园坟皆遍遣祭焉○礼部进上 两宫尊号仪注

○内官监掌印太监张诚请给敕提调陵工辅臣张居正言管工太监敕已发行掌印官例原不领敕且无一事两敕之理封还诚本事遂寝

○吏部题建言罪废诸臣尚宝司司丞郑履淳户科左给事中李己吏科给事中石星工科给事中陈吾德俱复原职礼科左给事中陆凤仪云南道御史詹仰庇另议报可吏科雒遵等则首荐户部尚书刘体乾其致仕闲住者又有尚书马森郭乾谭大初刘采侍郎杨巍金都御史海瑞少卿丘橐参政温纯等旨亦下部

○贈故大學士高儀太子太保吏部言儀學識淵醇性資端亮新迪內閣雖未抒捧日之忠久在南宮實茂著格天之烈三朝耆舊一代名臣○兵部奏甘肅撫臣廖逢節言套酋切盡黃台吉等欲從甘州往西海住牧賓兔歹成妻男盤據昌寧湖堅執欲從黃台吉去路行走總督戴才亦言套內諸虜陸續俱到鎮番涼永境外住牧及搶掠番夷欲繇內地經行各乞行順義王俺答禁諭為照前項虜情大率有二其一則雖無騷擾不宜經繇內地其一則雖未侵軼不當屯住近邊且諸酋絡繹西來虜勢甚重虜情難測必須嚴內外之防以寢彼窺伺之謀預戰守之略以嚴我自治之策宜行才等督率各官嚴加堤處未過者諭令徑繇邊外毋中假道之奸已過者諭令遠離邊境以免啟衅之漸備行宣大總督王崇古傳諭俺答嚴令各酋遵守法度西行往來俱繇邊外川底及嘉峪關外行走若果去海上止繇鎮羌永昌三條溝過路不得經繇黑松涼永甘山等處內地各總督撫鎮官亦務協心區處以靖邊陲毋得自分彼此因循誤事從之

○兵部覆延寧二鎮等處地方獲功官軍李鳴鳳等二十六員名各照例升賞

○復令饒州兵備道兼轄南昌府新建進賢縣其南康府星子都昌九江府湖口各沿湖縣分凡干軍務賊情悉聽調度整飭從撫臣徐枋請也

○刑部奏熱審釋放發落笞杖等罪犯人三百四十三名口

○己亥敕諭文武群臣曰蓋聞理道之要在正人心勸阻之機先示所向朕以冲幼獲嗣丕基夙夜兢兢若臨淵谷所賴文武賢臣同心畢力弼予寡昧共底昇平乃自近歲以來士習澆漓官方剝缺鑽窺隙竄巧為躡取之媒鼓煽朋俦公事擠排之術詆老成廉退為無用謂諛佞便捷為有才愛惡橫生恩讎交錯遂使朝廷威福之柄徒為人臣酬報之資四維几至于不張九德何繇而咸事朕初承大統深燭弊源亟欲大事芟除用以廓清氛濁但念臨御茲始角□羊澤方覃鈇鋤或及于芝蘭密網恐驚乎鸞鳳是用去其太甚薄示戒懲余皆曲賜矜原與之更始書不云乎無偏無黨王道蕩蕩無黨無偏王道平平朕方嘉與臣民會歸皇極之路爾諸臣亦宜痛湔宿垢共襄王道之成自今以後其尚精白乃心恪恭乃職毋懷私以罔上毋持祿以養交毋依阿淟忍以隨時毋嚙齟翕訛以亂政任輔弼者當協恭和衷毋昵比于淫朋以塞公正之路典銓衡者當虛心鑒物毋任情于好惡以開邪枉之門有官守者或內或外各宜分猷念以濟艱難有言責者公是公非各宜奮說直以資聽納大臣當崇養德望有正色立朝之風小臣當砥礪廉隅有退食自公之節庶几朝清政肅道泰時康用臻師師濟濟之休歸于蕩蕩平平之域爾等亦皆垂功名于竹帛綿祿蔭于子孫顧不美欤若或沉溺故常堅守塗轍以朝廷為必可背以法紀為必可干則我祖宗憲典甚嚴朕不敢赦百爾有位宜悉朕懷欽哉故諭

○諭禮兵二部朕即位之初重念守邊官軍勤勞宜加賞賚禮部便會同兵部查遼東至甘肅沿邊一帶官軍實數來看

○起在假通政使司右通政李世達仍以原官提督營黃

○升河南右参政胡价为太常寺少卿提督四夷馆陕西佥事汪文辉为尚宝司卿

○升云南右参政秦钊为山东按察使湖广兴国州知州刘奋庸为山西副使提督学政

○以浙江总捕都司徐尚明铨注福建都司军政掌印管事以大同游击魏廷臣充右参将分守偏头关等处地方辽东行太仆寺奏报本镇隆庆五年分官军骑操马数原额七万八千八十二匹见在五万六百八匹膘壮者四万四千一百五十匹瘦损者六千四百五十八匹倒死二万七千四百七十四匹已追补膘壮者六千七百九十七匹未追补者二万六百七十七匹膘壮者仍备战守瘦弱者督令餵养倒失者严限追补报闻

○庚子上诣两宫进尊号奏书圣母皇后书曰子皇帝臣谨奏仰惟圣母皇后陛下安贞应地柔顺承天明德克膺乎先皇阴教允仪于六寝肆予小子夙荷

深恩属兹继统之初亟以尊亲为重谨稽旧典祇荐

徽称将以今月二十六日恭率文武群臣奉册宝上尊号曰仁圣皇太后伏愿俯鉴微诚俞登显号得名得寿绵千秋万岁之遐龄宜天宜人享四海九州之至养臣不胜惓惓之至圣母皇贵妃书曰子皇帝臣谨奏伏惟圣母皇贵妃殿下体备柔嘉性涵淑惠既

弼成乎阴教乃浚发于震祥诞育眇躬弘敷慈训兹承大统实本庆源顾欲报

深恩曷以罄昊天之恩惟荣登

显号庶少伸爱日之诚谨据彝章博咨輿议将以今月二十七日恭率文武群臣奉册宝上尊号曰慈圣皇太后伏愿诞膺景福茂对昌辰名偕宇宙而俱新维祺有淑

寿与冈陵而并固俾炽无疆臣不胜惓惓之至

○敕谕太子少保工部尚书朱衡等兹者营建皇考穆宗庄皇帝山陵事体重大特命尔衡不妨部事总督工程往来阅视右侍郎熊汝达专在工所提督工程总督京营戎政彰武伯杨炳协理戎政兵部左侍郎王遴轮流前去提督军夫工匠人役掌锦衣卫事太保兼太子太傅左都督朱希孝不妨卫事往来督视管锦衣卫事署指挥同知杨俊卿专在工所监督工程尔等凡事与提督太监周宣等公同计议各宜殫忠竭虑悉心经理固不可因陋就简以天下而俭其亲亦不宜浪费糜财饰虚文而鲜实用务俾工作完美刻日报完用垂万世永久之图副朕慎重大事之意尔等其慎之慎之钦哉故谕

○是日并敕谕内官监太监周宣等提督工程

○升礼科左给事中乌昇兵科左给事中吴文佳俱为都给事中昇刑科文佳工科吏科右给事中陈三谟为吏科左给事中户科给事中冯时雨刘不息礼科给事中蔡汝贤王士□□俱为右给事中时雨户科不息礼科汝贤兵科士□□工科升通政使司左参议李琦为右通政

○以浙江都司掌印李希周充参将分守温处地方以原任分守广西古田地方参将门崇文改补广东东路添设巡海参将

○总督蓟辽保定军务兵部右侍郎刘应节奏秋防分布兵马言蓟昌地方自镇边城至山海关延长二千一十七里分为一十四路臣应节驻密云巡抚杨兆驻遵化各往来督理诸路军务遇警各随营调度昌平镇三路边长四百六十里属总兵杨四畏镇守兵备佥事张廷弼整饬地方蓟州镇十一路边长一千五百五十七里俱属总兵戚继光镇守地方内石塘岭古北口曹家寨墙子岭四路边长六百五十四里属副总兵张臣协守兵备副使王一鹗整饬地方马兰谷松棚谷太平寨三路边长四百五十七里马兰一路属张臣协守松棚太平二路属副总兵史刚协守燕河营台头营石门寨山海关四路边长四百四十六里俱属史刚协守兵备副使孙应元整饬地方总兵副总兵各统领官军时加训练所镇地方有警即首先迎敌他镇有警亦听调策应其兵备官俱各驻适中地方监督料理又辽东地方与蓟镇相为唇齿遇有警急一体相机遣兵策应

○辛丑 成祖文皇帝忌辰遣定国公徐文璧祭 长陵 命总督仓场户部尚书王国光回部管事改南京兵部尚书王之诰为刑部尚书改南京礼部右侍郎汪鏜为礼部右侍郎管国子监事起原任兵部右侍郎杨巍复为兵部右侍郎升南京都察院右都御史张潮为南京工部尚书

○升山西右布政使罗瑶为四川左布政使云南副使王应显为本省右参政调四川佥事刘之蒙于陕西○定福建饷额抚臣殷从俭言隆庆六年春汛分布各水陆官兵共一万三千三百八十九目名以岁饷计之陆兵除原代机兵者州县给工食外尚该支银一十万五千七百三十余两水寨官兵该支银三万七千九百余两又各汛期水陆兵行粮约用银二万余两又年例犒赏衣装并冲锋赏功优恤等费约用银五千余两修造船只及置造军器火药鼓旗等项约用银一万余两通计用银一十七万八千六百三十余两内发回客兵二千二百六十员名侯有缓急募补土兵计减去粮银二万八千余两及各将领坐把听用员役俱行量减尚该饷银一十五万六百余两前加派丁二米四年限已满况复百姓凋敝势难再徵见今惟有存留粮剩鱼课仓折弓兵料剩寺租□税等银共一十二万五千五百两乞仍照旧备饷外尚少二万五千一百余两查将赃罚凑支庶兵食有资地方攸赖部覆赃罚角□羊部济边不得议留姑将丁二米四银两照旧派徵务足一十五万六百之数为该岁常饷待地方宁靖后停免加派别项银两亦各角□羊部济边 上从之

○郟阳抚臣凌云翼奏荆州府江陵公安松滋枝江宜都石首监利等七县大水伤禾稼坏庐舍漂流人畜死者不可胜计请破格蠲恤从之

○升紫荆关参将张＜媿跣郑疚署都督佥事充神机营右副将以南京后军都督府佥书刘豸充五军营右副将以苏松参将黄应甲充副总兵镇守南直隶江南地方

○辽东抚臣张学颜奏报东夷王杲入犯言杲因索降人不与怀忿聚兵欲行寇掠又抚顺备御贾汝翼验放夷马责其抗违十数人各夷切齿忿恨杲遂约诸部落屡入为寇副总兵赵完故违学颜节制不发兵防堵委罪汝翼欲罢汝翼以媚夷心又言近奉明例极力招降若为送还遂其挟索塞生全之路启轻视之心又汝翼却夷人之土仪惩其违抗似能神威以抗强虏

者若因此罢斥是进退边官尽出夷人之手又言杲与王台土蛮连和益密少俟秋冬必图大逞宜行宣谕令送还掠去人口准其入市通贡仍厚加抚赏如执迷不顺则闭关绝市调集重兵相机剿杀大概海西建州诸夷衣食皆易诸内地抚顺剿逆自足以服其心挫其势若惧塞贡路任其侵陵姑息日深厝火忽炽于时区处其难有百倍今日者部覆王杲每肆窃犯辽阳副总兵赵完统有重兵先时既未设备有警又复逗遛却委罪备御官以图追责岂独有违节制实系失误军机但值秋防多事易将非宜合先行供职令杀贼赎愆俟防毕督抚酌奏以凭议处本部移文辽东镇抚官查照所议宣谕王台王杲诸夷示以恩威毋容姑息其抚顺开原等关再有窃犯亦许擒斩论功不以启衅论罪报闻

○差云南等道御史刘尧卿杨允中唐炼刘良弼往各省巡按尧卿浙江允中贵州炼广西良弼福建 壬寅复设直隶松江府青浦县治县本旧青龙镇嘉靖间知府朱润等以附镇地方旷远盗贼丛生钱粮积欠议割华亭海地建设青浦县未几华亭人以不得逃避钱粮纷言不便乡宦张给事中承宪者遂奏行裁革止设一通判驻劄本镇而前弊滋甚抚臣张佳胤采士民公论奏请复之

○赐故遂安伯陈鏊祭葬及谥

○勒令管理红盔将军忻城伯赵祖征后府佾书惠安伯张元善及成安伯郭应乾锦衣卫南镇抚司右都督黄时坤闲住部覆科道纠拾其不职也

○癸卯掌詹事府事吏部左侍郎兼翰林院侍读学士张四维遵例自陈诏照旧供职 改刑部右侍郎曹金为兵部右侍郎兼右佾都御史巡抚陕西起原任户部左侍郎赵孔照为兵部左侍郎兼右佾都御史巡抚山西

○升山西按察使董世彦为本省右布政使调原任江西副使林一新于云南山西佾事李文学于四川

○准陕西苑马寺卿郑一龙赴部调用一龙繇广西臬司升寺职行至清远江水泛涨偶遭覆舟之变遂致耽延陕西按臣参其久不赴任而广西巡按李纯朴勘一龙原无规避情繇故部拟从之

○调寺丞何以尚御史刘曰睿给事中周云等于外任

○勒山西副使冯谦闲住按臣俞一贯劾之部覆照例○巡按直隶御史田子坚条上盐法四事一均派盐以平商愿一革照票以禁私贩一裁冗员以利盐商一禁盐徒以安地方部覆行之

○升直隶福山港把总张澡为浙江总捕都司以大同左卫城守备张奇充大同入卫游击

○巡抚保定等府右佥都御史宋纁陈秋防三事一免改角□羊以实旷伍紫荆等关与蓟镇均系畿辅重地若将清勾军丁一概改发蓟镇是割右臂之肉补左臂之缺乞将勾丁仍角□羊本镇补伍其腹里各处俱照新例遵行一重将权以便调度各将虽辖有地方然分布官军素非所统分庭抗礼矛盾特甚傥遇有警贻害匪轻乞将各都司守备听各副总兵及参将调度其中军千把总官员俱听各主将节制一〈整彩见〉并责以便督修各将所辖隘口已分工修筑但阅视届期专于筑修则疏于操练乘此外夷款塞之时宜亟为内户绸缪之计乞令各将督率军士锐意工程果有高坚可恃之工姑〈整彩见〉其武艺生疏之罪待工完后照常责备部覆如纁议惟修工操练间日举行或先其工程之急者其都司官与副总兵参将相见之礼巡抚官为斟酌遵行报可

○降原任广西总兵官俞大猷职二级戴罪管事大猷被论回籍听用寻转任福建按臣李纯朴劾其不候交代擅离信地兵部以用人之际姑薄惩之云

○甲辰差翰林院编修韩世能吏科左给事中陈三谟颁登极诏于朝鲜国随各赐织金罗衣各一袭宝钞一百

○调分守徐州参将尹凤分守苏松地方以统领保河民兵游击为事官王抚民分守紫荆关地方

○提督漕运总兵官保定侯梁继璠以病免

○五军营副将焦泽等自陈不职兵部覆焦泽等照旧供职艾梓革任闲住许昭训降调别用

○又五军都督府佥书并府军前卫掌卫及专管围子手红盔侯伯勋卫等官自陈不职部覆陈良弼等照旧供职朱冈革任闲住

○差兵科给事中匡铎监视陵工

○乙巳大同巡抚刘应箕〈娵斨-金〉请修增右卫威远二城从之

○广东琼州府万强二州夜大风雨空中有声海水暴涨合山水冲城郭坏官衙民舍漂溺及压死居民无算

○丙午升四川右参政邹光祚为山西按察使光禄寺少卿吴学诗为山西副使起补原任湖广右参政温纯于河南

○少傅兼太子太傅吏部尚书杨博考一品十二年满部举马端肃公例为比诏加少师兼太子太师荫一子入监读书博辞
上曰卿德望勋劳无忝前哲升荫已有成命宜承恩眷博固辞不允

○总督仓场侍郎刘应节自陈乞罢不允○总督仓场侍郎刘应节自陈乞罢不允

○以保定右营坐营徐松充游击统领保河民兵大宁都司掌印韩荣充参将分守徐州等处大同天城守备为事官牛应诏守备左卫城地方江西都司佥书张廷杰銓注浙江都司掌印管事升泰州所千户王之屏把总福山港

○差户科给事中陈藻巡视京营

○工部尚书朱衡奏 先帝陵寢系 肃皇帝为睿祖造建玄宫之地内紫光焕发和气郁蒸门堂乾洁宛若暖室玄宫安妥则大襄有期上悦命礼部议发引事宜

○丁未升通政使司右参议倪光荐为左通政改南京户部右侍郎毕锵为刑部右侍郎命户部左侍郎郭朝宾总督仓场升吏部左侍郎魏学曾为南京都察院右都御史起原任礼部左侍郎万士和以原官管南京礼部右侍郎事起原任户部尚书刘体乾为南京都察院右都御史起原任礼部左侍郎万士和以原官管南京礼部右侍郎事起原任户部尚书刘体乾为南京兵部尚书参赞机务

○准致仕户部尚书方纯孙方承嗣补其故父繇义荫送国子监读书

○复差御史张宪翔催餉粮运

○戊申四川副使黄九成致仕

○升长芦运使李键为四川右参政

○福建道御史马明谟等〈娼弊-金〉举逸才尚书郭宗皋侍郎冀炼翁大立曹三旻副都御史何继柏佥都御史耿随卿张师载陈炯大理卿何〈整彩见〉寺丞耿定向孙丕扬御史刘存义吏部主事鲁邦彦参政舒化副使黄宪卿佥事纪大纲凡十六人

○敕令南京协同守备兼后军都督府掌印灵璧侯汤世隆提督漕运镇守淮安地方署都督佥事胡宗舜管南京后军都督府佥书事 宣城伯卫国本管理红盔将军

○敕给事中匡铎御史杨家相巡视催餉 陵工

○己酉遣公朱希忠等以上 两宫尊号祭告 郊 庙 社稷及寅率百官上仁圣皇太后尊号如礼部所具仪册文曰子皇帝臣 谨稽首再拜上言臣闻坤德安贞群生资其大造母仪圣善万国仰其徽音必尊養之极隆庶伦制之兼尽爰升 显号仰答 洪慈恭惟圣母皇后陛下 淑懿渊纯 含弘光大惕忧勤于卷耳俨贞静于关雎自藩邸作嫔翊 先帝龙

飞之运暨椒涂正位均后庭鱼贯之恩躬俭素以率人执谦光而御物惠风嘉鬯阴教穆宣培积庆祥庇及冲眇开震索于甲观深惟 保爱之周端蒙養于春宫祇受 训言之迪迨凭几有命嗣服云初倦兹难大之敷遗尤赖 仁慈之拥佑隆天厚地诚荡荡以难名翼子诒孙将绳绳而未艾欲酬恩于罔极宜介福于方来聿崇有赫之称式表无前之烈谨奉 册宝上 尊号曰 仁圣皇太后伏愿 诞膺景贶 茂对昌辰 如月之恒安享璇宫之乐受天之祐式增瑶牒之辉臣 诚欢诚忭稽首顿首谨言

○敕加资在京文武群臣及军民人等各给赐诰敕及银币绢布有差历事监生及办吏拟官免历办各有差

○总督尚书王崇古自陈乞罢不允

○兵部覆陕西巡按陈文焕查勘过隆庆四年宁延二镇小松山西红山等处捣巢获功阵亡伤故员役贺钊等五百二十六员名升赏录赎各有差

○以南京水军左卫署指挥使传昆守备安庆地方升湖广郧阳守备张居易为四川都司佥书山西岢岚守备王进贤为保定右营坐营怀安卫署所镇抚陈国策守备大同天成地方

○庚戌率百官上 慈圣皇太后尊号如前仪册文曰子皇帝臣

谨稽首再拜上言臣闻书纪虞嫔翼重华而协帝诗歌文母基新命以造周匪资圣善之猷曷启昌隆之祚故孝先立爱而礼谨称名宜崇贵贵之上仪庸播明明之令闻恭惟 圣母皇贵妃殿下 贞纯温惠 共靖端庄嫔女降灵诞芬华于甲族星娥毓粹奉景耀于辰枢鸡鸣崇儆戒之规鹄巢稟肃雝之度事 一人而匪懈协赞乾行式九御以无非弼成坤教饬躬惟俭扬絺绌之素风逮下以仁溥衾禔之渥泽是以燕祿应祝麟趾发祥诞育眇躬获承遗绪提携顾复丕殚鞠子之劳辟咎诏言备示作君之则 徽音有淑 盛烈难名洎兹嗣服之初宜极推崇之典肆循彝宪祇荐 鸿称正御璇宫表刑国刑家之范升华玉辂酬生我成我之恩谨奉 册宝上 尊号曰 慈圣皇太后伏愿 昭受贞符 缉熙纯嘏 介兹景福永歌燕喜之章教以义方共俾龟图之固臣 诚欢诚忭稽首顿首谨言

○进封宁安长公主为宁安大长公主

○升吏部右侍郎刘光济为左侍郎改礼部右侍郎诸大绶为吏部右侍郎升户部右侍郎陈瓚为左侍郎改南京兵部右侍郎传熙为户部右侍郎栗升户部郎中袁三接为光禄寺少卿调原任兵部右侍郎栗永祿为南京户部右侍郎提督粮储

○升浙江台州府知府张廷臣为长芦运使

○兵部覆巡按御史苏民望题军黄十议一议户籍一议互编一议开收一议总撤一议责成一议查驳一议工费一议追偿一议修架一议稽查其说最详清查彻底既可得军以充今日之营伍而收藏得法又可存籍以裨后日之清勾俱如议通行直隶各省巡按清军御史下所属一体遵行

○吏部覆巡抚宣府右佥都御史吴兑自陈照旧供职从之

○辛亥诏曰朕以寡昧祇奉宗祧永惟尽伦尽制之君皆有尊亲养亲之典盖礼缘分定而孝因心推彝宪具存朕曷敢后恭惟我圣母皇后体备坤仪翼宣化理敷遗后嗣后佑弘多我圣母皇贵妃穆修壺教克嗣徽音诞育眇躬恩勤备至肆予小子获嗣丕基惟皇考之光命是承亦惟圣母之训育是赖崇功报德寔切朕怀宜各极于尊称以永绥乎至养是用博咨群议祇率旧章以本年七月二十七日谨奉册宝上圣母皇后尊号曰仁圣皇太后圣母皇贵妃尊号曰慈圣皇太后大礼肇举洪恩诞敷所有<整彩见>恤事宜条列于后一亲王生母封为继妃郡王生母封为次妃旧例止于请敕知会不给诰命今自隆庆六年七月以前凡亲郡王生母已受封者俱准特给诰命又亲王庶子受封后其生母例封夫人将军中尉受封后其生母例封淑恭宜安人者果年踰七十其子孝行著闻亦许奏勘无碍特给诰命后皆不为例一亲郡王之子有年幼未及请封其奉敕管理府事者果能保护尽心翊赞有道迄王受封不失令名许本王及抚按官奏闻降敕旌奖一宗室有名位者年七十以上各赐米十石绢十疋凡一应礼仪或衰病不能自行许其子代行以示优老之意其为庶人者量给三分之一一两京文职官员未及三年考满者俱与应得诰敕如品同而职衔不同照见任改给署职者与实授有愿移封者听若先已移封今给与本等诰敕一文官五品以上以礼致仕者各进本品阶一级其二品以上大臣年及八十者有司备彩帛羊酒问劳九十以上者具奏遣使存问一各王府官有年老愿致仕者进散官一阶其历俸三年以上父母见存该授封者给与应得诰命不为例一在京在外官员有以父母老疾愿告终养者例候亲终起用但其中或有亲疾已平贫湏禄养子年方壮才堪世用者并近年养病给假违限例该罢职不叙及曾经论列致仕闲住等项原不系考察黜退人数事久论定年力可用者该抚按官具以名闻吏部再加查实具奏定夺地方官不许因而受贿市恩冒滥举荐违者以赃论一军职官员为事立功已满准收全俸如立功未滿赦回复职者仍照旧例减支扣筭限满方准全支立功未滿病故者子孙袭替免其减俸一军职先年为事降调两广等处烟瘴卫所病故不分已未到卫子孙为因路远不能赴所调卫分起文承袭许令原卫起送承袭带俸差操一大汉将军侍卫二年半以上者给与冠带又历四年半以上者授试百户其将军年及五十岁侍卫二十年以上者不拘在役退闲俱与冠带荣身一守备御提调操守把总等官中间有统军不多止因虏繇所管地方侵犯因而扑杀人畜即问拟守备不设充军实属亏枉诏书到日许于原卫所或配所各该抚按衙门声诉查其原犯缘繇所领军多寡与虏贼是否相当酌拟罪之轻重限一月内类奏定夺一各边将领平昔谋勇出众累立战功偶因失事及诖误革职闲住立功充军等项年力未衰犹堪任使者诏书到日抚按官查访的实<娼弊金>名奏闻兵部酌量起用一天下儒学生员有因亲老无人侍养愿告侍亲者听亲终仍许复学其在学累举不第年五十以上者许告衣巾终身有德行著闻者给与冠带荣身一军民有年七十以上者许一丁侍养免其杂泛差役八十以上者仍给与绢一疋绵一斤米一石肉十斤若有德行

著闻为乡里所敬服者给与冠带荣身九十以上倍八十之赐其瘵寡孤独及笃废残疾者照例存恤毋令失所一山林隐逸之士如有怀才抱德卓然可为时用及武略出众胆力过人可备将帅之选者该抚按官具实奏闻该部再加核勘酌量录用一天下祀典神祇有司务在诚敬奉祀坛庙损坏即宜修理各处帝王坟墓禁民采樵以昭尊崇之典一革除间被罪诸臣忠于所事甘蹈刑戮有死无二皆我太祖高皇帝所储养忠臣义士我成祖文皇帝当时亦有练子宁若在朕犹当用之之语是诸臣罪虽不赦心实可原朕今仰遵我圣祖遗意褒表忠魂激励臣节诏书到日各地方有司官查诸臣生长乡邑或特为建祠或即附本处名贤忠节祠岁时以礼致祭其坟墓苗裔倘有存者厚加恤录一孝顺节义乃风化所关近年有司官皆视为末务往往有穷乡僻邑终身湮没无闻者而富势有力之家小有一行即为之文饰张大其事或其子孙贵显自为陈乞甚有奸伪生徒积年猾棍装捏行实希图规避者皆略不体勘辄与具奏使虚伪者反见表异而独行者壅于上闻殊非朝廷彰善阐幽之意今后各地方有孝子顺孙义夫节妇查系贫难孤苦之人有司官亟与核实奏闻旌表不许诡窃虚滥致乱名实亦不许子孙居官自行陈乞其已经旌表年及六十者孝子给与冠带荣身节妇给赐绢布米肉一总小旗并枪年及三十岁十年外不到部例该革充军役但地方远近不等难以概革今后量照武职官袭替事例南北直隶湖广陕西河南山东山西辽东俱限十二年之内江西浙江广东广西福建四川云南贵州俱限十五年之内免其查革此外再有耽延不行告并者方行革充军役一在京营卫并在外卫所官军近因灾伤做工及管军官科害因而在逃者限两月以里在京赴兵部在外赴本卫所首告照旧食粮差操免其问罪一各处有司起角□羊逃军军丁及充军人犯赴卫违限一年之上角□羊人例发附近军及军丁该发边卫及极边卫分充军者悉皆宥免角□羊人发回原籍当差逃军军丁仍发原卫著伍一各边卫所官军折俸月粮有经年累月不得关支者抚按官速为处给以苏困苦如州县官将应徵军粮拖欠不行上紧完角□羊及司府管粮官不行催督者许抚按查照完欠分数从重参究一中都留守司河南山东都司京操班军隆庆六年七月以前拖欠罚班银两以十分为率量免五分以苏军困查有已收在官及侵欺者仍作速追完起角□羊其应角□羊五分兵部行文各该抚按官分作二次限二年催督角□羊完以济工用如再拖延查参究治一刑狱民之司命近来问刑衙门多不谙律例轻视人命罗织成狱及奏当上请止具略节招繇观其所犯死有余辜原其初情或不如此议拟一定辩雪者十之一二枉死者十之五六至于在外有司衙门尤喜词讼繁多便于科罚肥己或一事而干连十数人或轻罪而淹禁一两月使之旷废本业甚有连累至死者无辜彻天致伤和气朕甚悯之今后内外问刑官平时务将律令讲究精熟罪无轻重俱要虚心详审问拟务从平恕不许法外深求亦不许听从上司指使故意出入人罪缉事衙门不许妄拏平人逼拷成招图冒功赏有司官不许滥受词讼任意科罚笞杖轻罪即时发落不许淹禁踰时及多攀干证贻累无辜违者在内听部院该科在外听抚按官参奏重治一犯罪存留养亲备载名例律近来此律不行殊失朝廷优老至意诏书到日凡军民罪囚有祖父母父母年八十以上老疾应侍家无次人丁者犯该死罪非极恶重情常赦所不原若误杀戏杀诬告人累死随行亲属等项及充军并口外为民开具所犯罪名奏闻取自上裁其徒流无力赎罪应该发配者止杖一百余罪收赎俱听存留养亲务湏勘结明的有纳贿扶同朦朧奏请及任情施行者以故出论一应该偿命罪囚遇蒙赦宥俱照大明令追银二十两给付死者家属如果十分贫难者量追一半备载问刑条例近年有司亦不举行使若主含冤凶人幸免诏书到日凡军民人等犯该人命有遇恩赦及矜疑饶死者俱照条例施行一内外各衙门

见监人犯以赃入罪者还官给主应追赃数原未受有真赃止是计费折算各主通并坐罪不系侵冒在官钱粮亦非强窃抢夺事情重大者即百两以上监禁年久节查家产尽绝难以追并者开具所犯及原拟罪名奏请定夺一各处角□羊纳钱粮到京内外管收人员措索使用多于原额以致上纳挂欠及在京势豪在外积棍包揽诬扁□马久之延挨侵费重复徵角□羊贻害小民苦累正户今后该部申明禁约许被害之人指实奏告及有各布政使司等衙门积年吏书通同奸猾巨棍将角□羊京钱粮已行领角□羊任意侵费遂致乾没有十余年人文俱不到部者以国家常赋养此奸徒深可痛恨诏到各抚按官务要著实清查严行追并并先年该部参提侵欺钱粮人犯限一月以里严拏正身角□羊京问理若该司官不能自行查报巡按官不行著实稽察者俱以罢软论一丈地均粮本为良法但中间肥瘠不同等则各异概派则田赋不均铢称寸度则奸徒遂得以上下其手各有司不能沿丘履亩逐一查勘其势必委之粮里吏书贿赂交通遂致那移等则增减分数作弊多端且民间版籍已定一旦纷更田未及均民先被扰官司终年造册里甲日费供给徒为文具以博虚名户部通行各抚按官除民间田地已经丈明百姓乐从者悉照原额纳粮当差如有别弊即为究治改正再不许妄行丈量自立新法扰民违者以变乱成法论一大江南北国赋所出全资水利各处设有水利金事各府县又有水利通判县丞等官近来往视为末务上下因循一遇水荒即奏乞蠲免赈济引天灾以逃责岂为民父母之道今后各该抚按督令专管水利司道官往来巡历著落有司官将该管地方水利著实讲求议处何处当〈娼鬻-金〉通其源何处当挑浚其流坝堰圩岸在在增修使蓄洩有备旱涝无伤合用夫役取诸得利之家毋令骚扰若工程浩大抚按官查将先年导河夫役用剩贮库及该府州县洲地鱼课奏留修理堤垸等银两酌量动支有司官有仍前旷职误事及地方土豪势要之家阻挠壅塞专利病民者抚按官参拏处治一顺天河间三府系畿辅重地工部额派苇课节年拖欠之数自隆庆六年以前已徵在官者照数起角□羊未徵者悉皆蠲免以后照常徵角□羊一漕渠为国家咽喉之地近年黄河变迁濒河居民十分困苦即今河流虽安民力已竭隆庆六年应徵桩草炭麻银两俱与蠲免以示优恤其徭编各夫代役工食原有定额近来有司务为节省虚名克减过多诏书到日河道衙门查议量加具奏定夺一工部库贮铅铁近且足用浙江福建课铁及河南福建收买铅铁俱各蠲免隆庆六年一年内扣留收买铅铁料银仍令该省角□羊部贮库以后照旧徵买起角□羊一天下司府州县税课抽分衙门俱有定额近年以来凡桥梁道路关津有利处所私自添设无名抽取数多甚为民害诏书到日巡按御史及按察司分巡官通行查革有司严加禁约不许坐视故纵一仪□高邮淮安徐邳昭阳南旺马踏等一带湖地节经行查未见所司回报诏到河道衙门作速查实于内果系沙水占塞准与开豁其实在有收者照旧追徵以备修河之需一锦衣卫宣官马匹走差疲苦每遇倒死比营操事例责限买补年终又验印比较累苦愈深今后除倒死买补外年终止照旧例类造清册连马赴寺点验免给勘合比较烦苛以苏困苦于戏福隆名寿鸿麻祗迓于三灵爱始家邦孝治永光于四海播告中外咸使闻知

○直隶大名广平顺德三府天鼓鸣声甚震

○山东巡按朱文科问过收粮官试百户江镇原任千户刘澍百户山美何尚贤千户郭相指挥楚柄千户杨武烈各斩百户彭继祖刘文才原任掌印指挥今升游击郝重光掌印指挥张绳嗣陈彦辉俱绞各杂犯准徒五年千户郭相减等徒一年遵例定发边卫各立功刘澍先已

问永远充军江镇与已故百户马得川亦各先犯永远充军例候终身之后许将次房无碍子孙降袭部覆从之

○壬子敕谕加恩外戚固安伯陈景行岁加禄米一百石都督同知李伟武清伯给应得诰命景行伟各二子升授有差是日辅臣居正拟以请及午即敕吏兵二部如敕奉行

○南京湖广道御史陈堂奏方今国家所最忌者北虏顷者总督王崇古题称俺答请乞四事已该会议区处特蒙俞允且令崇古严谕俺答以后不许年复一年辄肆请求以负效忠之名成启衅之渐庙谟卓有成筭夫复何言顾臣私忧过计惟名与器不可假人今既有其名而复使得其器是虏求全于我也四十六枝酋长皆受天朝爵赏设欲尽得印信何以应之往年互市议起套虏诸夷望风效尤虽以总督三边戴才等议难之而卒不可已此在今日尤不可不豫防也不与贡使入京而差官宴赏不与铁锅而代以铜不惜抚赏而借减哨并原给工费赏以银两及节余客饷以为名此皆一切不得已委曲迁就以通其权庙堂计亦良苦母论今日即往岁互市之初巡抚孟重之说曰准贡虽后事可虞不准其贡灾必当立至审时度势不得不从边臣之情大略可见即王崇古亦谓外示羁縻内修战守初非恃此以为安攘长计也自封贡互市以至于今已及年余崇古所谓内修此其时矣宣大等镇原议充实城堡开垦屯田修筑边墙训练兵马一应战守事务果否加意整饬夫善战者制人而不制于人今以四事观之皆非我制彼之术也今日请封爵明日请印信今日请互市明日请铁锅今日请进贡明日请入京今日请宴劳明日请抚赏臣揣崇古于虏亦无可柰何不过为乞朝廷姑息之恩以求免罪谴而已今事已无容议惟是防微杜渐为善后之策则莫如隆庆五年七月内辅臣所题称趁此暇时将边事大破常套著实整顿赐敕责成特差阅视分别功罪及查尚书杨博题覆亦欲将辅臣所议积钱粮修险隘练兵马整器械开屯田理盐法收胡马散逆党等八事通行宣大七镇随宜修举十月以后分遣大臣阅实具奏果著成绩即照擒斩升赏如仍踵习故套即照失机重拟仍各赐敕书一道便宜举行果有改弦易辙奏请定夺臣有以仰见庙谟胜筭不过以封贡互市为一时权宜而以为久安长治之计则不在彼而在此也然臣闻之时难得而易失也故孟子曰国家间暇及是时明其政刑臣愚以为分遣阅视固不必待十月如前所云也及今七月以后正各边防秋之日且虏情变诈无常已露于四事之请求况皇上嗣登大宝正人心观听之时尤可乘时一振其耳目惟蚤一日申饬则各边蚤一日警惕庶事势不至陵夷将来有所豫待或可杜边患于未萌也部覆如议

○以安乡伯张鎡为前军都督府佥书升湖广辰州卫千户张万年为郟阳守备以陕西都司佥书张守成铨注大宁都司掌印以昌平游击赵应时充右参将分守龙固二关癸丑起原任吏部主事鲁邦彦为光禄寺寺丞

○升云南金沧守备袁位管江西都司佥书事

○调尚宝司卿成钟音为两淮运司副使○吴淞千户庄重奏请修复义塾

○南京湖广道御史陈堂条奏处置广寇机宜四事一议抚剿臣惟抚之不可为剿犹剿之不

可为抚以抚为剿自有寇乱以来官以啖贼而贼即以此啖官往者潮贼林道乾朱良宝等岂不号曰招来然各盘据山谷聚众数千人据膏腴之田以自固至今无可奈何近日琼州贼首李茂又欲援以为例有司未之许遂攻陷文昌乐会等县以为要挟之计及倭寇内侵掠财帛子女而阻于无船以归乃以败舟易彼数千金因乘间追获之藉口有功于我求赎前罪此盖利其所有而幸获以啖我也此而抚之恐群盗生心效尤者众矣昔裴度有言淮西腹心之疾不得不除且业已讨之两河藩镇跋扈者将视此为高下不可中止臣愚以为李茂亦广东群盗所视以为高下者也今宜敕兵部谕令督抚诸臣示以意向如林道乾等使晓然知朝廷旷荡之恩各安其生毋怀疑贰渐加约束复角□羊散其党还故籍示以大信使享生民之乐至如李茂则声其罪恶俾诸将晓然知其罪在不赦奋击以收成功如此则抚可为恩剿可为威群盗庶几格心议者乃为兵寡财匮李茂亦不得不抚窃谓不然方唐讨淮西四年不克亦欲罢兵宪宗独曰吾用度一人足破二贼卒成大功今督臣殷正茂才望可倚重皇上以任度者任正茂则正茂必能以度之讨淮西者自任贼不足平矣一议赏罚所以震人心而立国威也不在必重而在必行功不必赏则有功者缺望而疑罪不必罚则为恶者轻法而怙往年柘林叛兵及贼首曾一本各操舟数十艘直簿会城官兵莫敢谁何有司者悬令示赏格间有裹粮自奋斩首数十百级乃忍弗能予又从而计其所获盗贼括入公帑今日验功明日领赏逡巡数月十不偿一如此而欲人心奋勇争劝得乎上下相沿种种如是遂使将士角□羊体不可收拾此殷鉴也至于将帅观望贼势养寇殃民未有显罚且获美官自偏裨而下诚见主将之如是也皆为向敌则有不虞之忧纵贼则有自全之乐谁复肯用命者即如李茂众不过数百人参将晏秋元拥数千之兵不敢动尚以持重自文其逗遛不进之罪犹谓国有法乎今宜敕下兵部查年来被劾诸将分别议处仍严责成以歼贼自效一或纵佚蔓延他郡依律处治仍谕督臣转行所司凡有能自防御及乘机斩获者务从信赏一切所获听令自有或李茂党中有能擒茂来降者亦与破格赏赍余党各给牛种复其故业如此则三军之耳目一新海滨之人心益励而盗贼可平矣一议兵将臣惟兵不识将将不知兵自昔论战者尝病之矣广自用兵以来一切土著之兵不练而远募浙兵糜费以坐困地方募者利其侵克冒破为自润之计及于败没战者亦利其尺籍之无稽不能上闻而得以掩其覆军谋国之罪初非浙兵果足赖也乃浙兵所过地方其害反甚于贼贼之害止乡郊兵之害及城市贼犹畏官兵兵则恃官府而更无所畏拒之则触法激之则啸聚议者亦尝咎浙兵之不宜用乃曰土兵不肯拒贼故召募又曰广东之民好乱夫不咎己不能已乱而咎民之好乱亦左矣昔裴度之牙兵非即淮蔡之戍卒乎特患不得其心所以不得其力耳至于将固难得而择将之道亦未易尽何者缙绅各有治绩随时可以考见若将非尝试之器何繇而得真材识其面者见其赭颜美髯则曰是将材也闻其名者见其书札公移能为文辞亦曰是将材也是果何取于将哉故莫难用者将莫难知者将材也臣愚以为广东原不乏兵往浙被倭尝调广兵以取胜岂强于客而反弱于主且广州各县则有打手刀手惠潮则有各处壮快海夫琼州则有黎兵皆强悍足任驱使今地方残敝民益亡赖增一土兵是亦减一土贼也若夫择将亦各有长议者以为今东南名将莫如戚继光今移镇蓟辽西北非其所习无以自见谓宜暂借镇广东仍行东南各省巡按专以急缺将材著实访试务得智勇兼人者各举一二人以闻兵部咨送两广随宜调遣而兵则留心土著以调度客兵之粮饷给土兵孰多以召募客兵之岁月练土兵孰便此所当虚心酌议也一议功罪臣惟功者人情之所夸喜而罪其所深避也惟在深避则贼将至有司每壅蔽不以闻惟所夸喜则贼将灭主将每诈冒不核实此广东地方之祸日寻于无已也夫贼至于

攻城掠邑杀虏人民驱逐长吏其为祸岂朝夕之故遂至陷失哉有司者蚤不能抚循继不能角□羊散因仍苟且为传舍之计故不至于大败极露不得上闻及以闻犹冀委曲回互苟免祸谪上下相蒙乡不得以闻于县县不敢以闻于郡至于道所闻于郡邑十不得六矣抚按所闻于道又十不得四矣其能达于庙廊之上者仅一二耳萌孽不伐将缺斧柯燭大不灭燎原若何其势然也及其事不可已然后伏天威请天讨犹恐异日功之不大而名不著也先张大贼之名以一为十以百为千擒获不能尽余党遂逸则妄杀平民以充级露布报捷以邀赏无何而余孽复作日积月长则又另称名目为明年巡抚之事矣此皆十年以前流祸之渐以至于今不可收拾譬之久病痼疽不大忍痛割洗涤其腐烂则药石不可施而气血不畅今宜敕部转行督抚大臣趁今大赦诏颁严行各官毋更讳疾以自遗患其盗贼迹未甚章著昔尝隐忍未及闻者即明白许其从善复还故业毋轻弃其民守巡官设法示信使愚民不疑不负朝廷德意如再掩护致日久败露虽经去任亦重参处其提督抚臣仍督责将佐空巢捣穴毋使漏网致遗他日祸患然后论功叙次升赏如此则庶几壅蔽不行诈冒不作而贼可平矣兵部覆请 上是之○山西总兵官郭琥奏今年上半年官军舍余数目原额六万三千三百一十八员名实在四万八千七百八十一员名马队三万二千九百九十八步队一万五千七百八十三事故未补等项共一万一千七百四十九员名 减释浙江山东矜疑重刑凡一十六人

明神宗显皇帝实录卷之四

隆庆六年八月甲寅朔赠故遂安伯陈鏊太保 乐陵王观燔薨讣至
上辍朝一日赐祭一坛谥曰恭僖

○巡抚顺天右佥都御史杨兆巡抚保定右佥都御史宋纁各自陈乞罢

○敕取户部银三十万两兵部马价银三十万两工部银二十万两并内库一百万两给赏内外官军如隆庆元年例 差给事中四员往各边会同总督抚按赏主客边军自辽东至甘肃凡六十六万四千三百一十九人银各二两

○兵部覆陕西巡按勘过隆庆二年正月至甘肃古浪石门河等处官军御虏功罪拟镇夷操守汪深守备不设及先任协守甘州左副总兵汪廷佐红城子守备郑经凉州庄浪游击陈恺把总吴珊周成部下俱有损伤但查吴珊周成有身亲斩获功例应升级余功赎罪其余俟核实另议得旨汪深依议发遣汪廷佐等下巡按御史逮问

○乙卯总理河道兵部右侍郎万恭巡抚辽东右副都御史张学颜各自陈乞罢不允

○兵部奏准蓟辽总督报称土蛮等夷约分道侵犯请行各镇比常备万分戒严如犯辽左蓟镇酌量调发出关应援如有窥犯蓟镇消息其各镇应援蓟镇将领不待调遣星驰入援上是之

○以京城巡捕把总李学诗为陕西都司佥书升澜沧卫指挥同知李腾霄守备云南金沧地方黄花镇守备李世臣为昌平等处游击

○南京守备怀宁侯孙世忠奏报本年上半年官军数目马步官旗军士舍余并安插夷人原额九万五百三十七员名实在并拨补过三万二百八员名事故六万二十九员名

○封锦衣卫都督同知李伟为武清伯岁禄千石 ○改封廉慎夫人徐氏为佑圣夫人给诰服升其侄锦衣卫正千户徐鸿为指挥佥事以徐氏有侍 圣母劳也封乳母金氏戴圣夫人给冠服升其夫锦衣卫正千户王鉴为指挥佥事封宫人李氏彭氏郝氏王氏侯氏韦氏为恭侍勤侍敬侍诚侍肃侍慎侍俱夫人并给诰服

○丙辰以复海运功升巡抚都御史梁梦龙王宗沐各俸一级赏银三十两纁丝二表里参政潘允瑞升一级赏银十两把总运官亦特加升赏以示鼓舞时海运船抵湾才六号直隶巡按李栻上< 媚弊-金 > 盛推诸臣经始之劳辅臣赞决之力且引给事中孙博原题分别优叙之< 媚弊-金 > 以请户部覆行焉

○赏南京内守备凤阳 天寿山守备南京外守备并操江勋臣南京兵部尚书操江都御史漕

运各处总督提督巡抚各兵备官各处总副参游守备操守等官表里钞锭有差其兵备官以上并给诰命

○丁巳加恩内阁首辅张居正加左柱国进中极殿大学士荫一子尚宝司司丞次辅吕调阳加太子少保进武英殿大学士余官俱如故给与新衔诰命先日吏部推居正弼亮三朝功援故大学士刘健例以请故恩特隆东宫讲读等官马自强陶大临俱升礼部右侍郎余有丁陈经邦何雒文沈鲤张秩沉渊许国等及正字马继文徐继申各升一级

○核南直隶浙江钱粮未完分数降太仓知州冯孜青田知县李日宣等俸级有差仍限督催完日方许开支复官

○遣大学士吕调阳祭先师孔子

○以孝懿皇后祔葬昭陵预开金山土□隧道遣驸马都尉许从诚行祭告礼○命左军都督府掌印豊润伯曹文炳协同守备南京兼掌管南京后军都督府事武安侯郑昆府军前卫掌印管事

○戊午上祭太社太稷

○遣英国公张溶祭夜明于夕月坛

○己未上御宣治门视事

○大学士张居正吕调阳各＜媼擲-金＞辞恩命优诏不允

○升陕西左参议李江为四川副使

○广西道御史胡濬劾大理寺卿陈一松陪祀文庙从门内乘舆诏夺一松俸半年

○以大行皇帝梓宫将入山陵命驸马都尉许从诚成国公朱希忠彰武伯杨炳护丧仍赐之敕

○贵州道御史张道奏查刷过光禄寺七月分实用各项品物除本色外该银一万二千七百九十五两有奇

○荫司礼监太监冯保郑真等各弟侄一人 为锦衣卫正千户曹宪王臻各侄一人 副千户孙秀等各弟侄一人 百户陶奉等各弟侄一人 所镇抚刘安等弟侄一人 冠带总旗以东宫侍卫劳也

○三边总督戴才奏本年延绥互市虏贡留边马一百七十六匹官市易马一千五百余匹□
余易马骡一千八百余匹宁夏官市易马牛一千五百余匹□余易马六百余匹<媵弊-
金>下兵部

○庚申辽东抚臣张学颜奏报虏骑入犯副总兵赵完等追堵斩首一十八级

○命镇远侯顾寰掌左军都督府印务

○分守庄浪参将李世威以病回卫调平虏参将裴尚质分守其地升兴州右屯卫副千户刘
确论守备黄花镇

○赐锦衣卫掌卫事左都督朱希孝岁禄三十六石指挥使余荫升都指挥僉事署指挥同知
杨俊卿升署指挥使及官旗较吏舍人等六百六员名升赏各有差以东宫侍卫劳也

○降广西总兵官右都督俞大猷为都督僉事以广西巡按李纯朴参也

○辛酉 孝康敬皇后忌辰遣清平伯吴家彦祭 泰陵

○大学士张居正等题自古帝王虽具神圣之资尤以务学为急我
祖宗列圣加意典学经筵日讲具有成宪

皇上睿哲天成英明神授动容出辞无一不中礼节用人行政无一不当人心诚不世出之 主
若再加学问之功讲求义理开广聪明则太平之业可计日而待今一应大典礼俱已次第修
举宜乘此清秋将讲读令典亟赐举行请照弘治十八年例于八月中旬先行日讲其经筵会
讲少俟明春 上从之

○巡抚山东都御史传希摯自陈乞罢不允

○降右通政韩揖为陕西右参议○赠故德平伯李铭太子太保

○太常寺以 万寿圣节请遣官遍祭诸秩祀神明如常仪报可

○升礼仪房管事锦衣卫正千户黄伦等各一级仍旧管事

○壬戌大学士张居正再<媵弊-金>辞恩命略曰臣惟朝廷慎重名器必自贵近始所以昭
大公也人臣虽竭力效劳不敢言功所以昭大分也往者

皇上毓德春宫臣备员提调乃其常职何功之有及

皇上应期抚运光膺大宝臣受顾托之重凡大礼大政皆遵率 祖宗遗典祇奉 皇上英断臣不
过鞠躬仰成于下又何功之有乃殊荣异数叠至荐临臣朝夕省循诚不自宁臣闻赏僭则滥
及匪人知足乃免于辱殆臣所以局蹐屡控者非以辞荣乃以避咎也 上复优诏不允

○江西抚按请岁留九江府协济安庆粮米一万石济本卫目前军饷五年后仍照旧派角□羊安庆下户部行应天抚按议处具奏

○太常寺〈娼弊-金〉请万寿圣节是日供养遣官行礼长陵景陵恭顺侯吴继爵永陵成安伯郭应乾献陵裕陵武安侯郑昆茂陵泰陵康陵定西侯蒋佑孝懿庄皇后园陵成山伯王应龙

○礼部奏大丧事宜凡二十八款先后俱行如仪祭告南郊遣公张溶北郊遣公徐文璧太庙并朝祖遣驸马许从诚社稷遣侯蒋佑后土遣伯谭国佐天寿山遣公朱希忠陵遣侯郭大诚伯杜继爵陈景行李伟题主遣大学士张居正

○命兴安伯徐梦暘中军都督府佾书管事武平伯陈大策后军都督府佾书管事○癸亥孝慈高皇后忌辰祭于奉先殿

○初更定朝讲期大学士张居正等题讲学勤政固明王致治之规保护圣躬尤臣子爱君之愀皇上日每视朝朝后又讲似于圣体太劳恐非节宣之道若论有益于身心有裨于治道则视朝不如勤学尤为务实也臣等欲乞皇上以三六九日视朝其余日俱御文华殿讲读非大寒大暑不辍凡视朝之日即免讲讲读之日即免朝庶圣体不致太劳圣德亦为有益上乃敕谕礼部朕方在谅闇哀慕深切日临朝政心实未安今后除大礼节并朔望升殿及遇有大事不时宣召大臣咨问其常朝外每月定以三六九日御门听政余日俱免朝参只御文华殿讲读一应谢恩见辞人员遇免朝之日止于午门外行礼毕即各供职事不必候补大祥之后仍照旧行○命纪录参政刘继文等督催漕运之功

○镇守云南黔国公沐昌祚奏进驯象十只

○甲子以皇考穆宗庄皇帝祔庙有期敕礼部议当祔庙室具仪以闻于是礼科都给事中陆树德言今之庙祀所当议者有二夫祔所以正庙祀之始而祔所以正庙享之终自来祔庙之说有以功德言者有以世次言者以今列祖之功德何敢轻议若以世次宪宗升祔祔懿祖孝宗升祔祔熙祖皆八世今宣宗于穆宗为五世欲奉祔以正其终是固不可不议也世宗肃皇帝大孝尊亲屡勤庙祀尝特建世庙以奉睿宗至嘉靖二十四年始祔于太庙夫祀以

世庙则世世不迁之祖也是又不可不议也夫礼以顺人为至孝以安祖为大如祔宣宗以藏主则不得与时祫如奉睿宗于世室则不失为常尊二者固判然矣且昔年世庙殿柱产芝议者咸谓神祝所临不为无意倘能推其意奉以世庙不惟遂世宗尊亲之初心且因此而宣宗得免议祔则又有以慰睿宗尊祖之至念孝莫大焉是诚不可不亟议也〈娼弊-金〉入下礼部覆言国朝九庙之制仿成周而同堂异室之规准唐宋太祖高皇帝追祀四祖至英宗升祔而九庙始备宪宗祔庙以德祖为始祖不当迁故祔懿祖孝武继祔熙仁并祔及世宗欲正太祖南面德祖于是亦祔矣又尊文皇帝为成祖与太祖并万世不迁故世宗祔即已祔

仁宗然则 仁宗而下 宣宗章皇帝当以次奉祧今科臣欲 睿宗专祀以免
宣庙次及之祧此典礼之正人心之公也但本部节奉
世宗皇帝圣旨甚严隆庆元年给事中王治建白未蒙
穆宗皇帝俞允今议礼改制似当有待至谓 宣宗世次尚近祧之未安臣等因是考之□书七
世之庙可以观德盖古者以一世为一庙非以一君为一世故晋之庙十一室而六世唐之庙
十一室而九世宋自太祖上追四祖至徽宗始定为九世十一室之制以太祖太宗同为一世
故也其后徽宗祔以与哲宗同一世无所祧高宗祔以与钦宗同一世亦无祧及光宗升祔增
为九世十二室并祀于太庙焉今自 宣宗至 穆宗凡六世上合
二祖仅是八世准以宋制可以无祧但庙制于寝殿左右各增一室则 皇上尊 祖敬
宗之心可以并行而不悖矣 上报曰这典礼重大未可轻议且只照敕谕行○遣公徐文璧祭
历代帝王

○大学士张居正三< 娼弊-金 > 辞恩命略曰臣惟明君以略使臣荣其身不若行其志大臣
以身率物有诸已乃可求诸人臣谬荷 皇上眷遇宠以师臣之礼日承晋接之荣每事必咨有
言必听是臣之志已行愿已遂矣况臣官品已极涯分已逾何敢过冒非分以自速咎古语云
朝廷之上让而处下民犹犯礼晋之大夫范宣子让其下皆让载之前史以为美谈故大臣民
之表也顷奉敕谕勉大臣以崇养德望饬小臣以砥砺廉隅臣忝为大臣即不能树德隆望挽
回师济之风亦宜思砥行矜名恪守廉隅之节若覩颜滥冒不知止足何以率先百僚表正颓
俗亦非 皇上所以振厉臣工之意也< 娼弊-金 > 入 上意欲允之传谕敕奖已复报曰朕知
卿性笃忠贞不因爵赏而劝但勋荫酬功系累朝彝典原非过制乡宜以承命为恭不必固执
谦让所辞不允还著写敕奖谕风励臣工赏银一百两大红纁丝蟒衣一袭彩段四表里

○礼科给事中陆树德奏东南财赋有军运以充六军之储有民运以供百官之禄人皆知军
运为重不知民运之苦尤深可悯如船户之驱使求索运军之挟诈欺凌及洪闸等役之扁□
马害入京又有揽头之需索入仓又有交纳之艰难嘉靖初民运尚有保全之家十年以后则
无不破矣近者东南流离日众逋负日多邑里萧条盗贼滋起莫不繇斯询诸父老咸谓宜将
白粮并令运军顺带民出所有以益军军出余力以代民似无不可乞将民运并入议单令各
该参政一体督催至京部覆从之○巡按直隶御史张守约奏查过挑筑邳州河道淤浅共用
银五万二千一百四十五两有奇米七万四千五百六十二石有奇

○乙丑大学士张居正四辞恩命以为臣屡控 宸严冀伸愚悃犬马之诚不能动天锡于之隆
更出望外且赐敕奖谕盖以臣为廉而奖之以示劝也若使臣既不得遂其辞让之私又冒此
非分之获则臣为贪夫矣何有于奖贪以劝廉也< 娼弊-金 > 入上乃报曰卿屡辞恩命词意
恳至廉让之风足励有位特准辞以成卿劳谦之美敕谕赏赉照前旨行

○升山东右参政潘允端为本省按察使仍兼右参政管粮储事

○遣旗手卫官祭旗纛之神太常寺官祭都城隍之神

○赐朝鲜国进贡陪臣朝参骑坐马匹○给赏天下贡表官员盘费钞锭有差

○直隶祁定二州大雹豆禾尽伤击死者三人

○丙寅 上御宣治门视事 大学士张居正等题日讲仪注一 上在东宫讲读大学尚书今宜接续讲读先大学十遍次读尚书十遍讲官各随即进讲讲读毕各退一讲读毕

上进暖阁少憩司礼监将各衙门章奏进 上御览臣等退西厢房伺候

上若有所咨问即召至御前将本中事情一一明白敷奏一览本后臣等率正字官侍 上进字毕若再进憩暖阁臣等仍退西厢房伺候否即率讲官进午讲一近午初时进讲通鉴节要讲官将前代兴亡事实直角□羊明白讲毕各退 上还宫一各官讲读毕或

圣心于书义有疑即下问臣等再用俗说讲角□羊务求明白一三六九视朝日暂免讲读 上宫中有暇将讲读过经书从容温习或看字体法帖随意写字一幅不致工夫间断一每日定日出时早膳毕即讲读午膳毕还宫一照

先朝事例非遇大寒大暑不辍讲读本日若遇风雨传旨暂免报可

○巡抚大同都御史刘应箕自陈乞罢不允

○改角□羊各抚按赃罚银于各边镇陕西按臣暴孟奇言太仓年例则发甘肃应进赃罚角□羊太仓往来交易不惟道路罹跋涉之苦亦且驿递滋供应之烦乞将臣应角□羊赃罚银二千四百两角□羊抵甘肃年例太仓照数扣除一纸之驰达代数千里之转输户部亦以为便请令山西巡抚及山西宣大辽东河东各巡按赃罚银两俱照例角□羊所属边镇抵扣著为令○云南抚按先后奏黔国公沐朝弼罪状请正法典及兵科亦以为言章并下兵部

○丁卯辅臣张居正等题旧例日讲官四员或增至五员今讲读写字后又进讲通鉴节要则四员似不足用合再添二员又讲读后仍该写字则必用侍书恭侍左右开说笔法并写讲章及日讲起止乃命东宫讲读官马自强陶大临陈经邦何雒文沈鲤侍班官丁士美并为日讲官马继文徐继申仍为侍书官

○赐辅臣张居正吕调阳银币新钞有差

○起原任兵部右侍郎冀炼为南京兵部右侍郎

○大理寺卿陈一松总督漕运都御史王宗沐巡抚河南都御史梁梦龙各自陈乞罢不允

○太常寺少卿陈行健以迁葬给假回籍 复设直隶扬州府通判一员驻劄仪真专理淮南盐务仍督徵马价从按臣张守约奏也○以凉庄游击都指挥佥事祁栋充分守平虏城参将

○两广总督殷正茂奏报番贼入感恩县杀虏人民开洋而去复有海贼郭子富等驾船在海为害招复海贼李茂余党兵部覆行巡按御史查奏

○蓟辽总督刘应节题 顷先皇轸念边计差宪臣清理岁省几三十万金一时边伍足称清肃今给事中陈藻谓蓟镇见兵十虚五六欲差精敏宪臣核兵省饷户部议欲臣等自行查理使兵有定额粮有定数窃以财用诎乏之时不宜以兵耗食顾边方多事之日亦未可因食耗兵昌蓟主兵原额一十一万五千九百二十员名除逃故外实有八万一千二百余客兵几九万近先后渐减去二万六千余名计实在主客不过一十三万有奇而已国初设立大宁实与宣辽并为外藩蓟门犹称内地既大宁内徙复设朵颜三卫籍为捍蔽当时止遣两关御史董其事自己巳之后虏渐生心庚戌以来属夷反覆一切防御之计与宣大相埒当时额兵不满三万仓皇无措外徵镇兵以为声援内议抽募以实行伍虽一时权宜之计然乘障画守各有信地客兵即额兵矣近年入卫之兵疲于奔命又半皆孱弱在各镇徒劳无益在蓟镇有名无实议者乃有撤减客兵之说然蓟镇不可无守乃有募练土著以减客兵之说募之数年止得奇兵三千悉串营游食之徒饥来饱去召募难行乃有清勾逃军之议据今角□羊到者老弱过半又未必其安伍今欲足蓟镇之兵以定主兵之额将以国初主兵三万兼三卫属夷为额邪抑止将今日减留主客十七万为额邪按本镇西自镇边东抵山海延袤二千一十七里冲边之处所建敌台一千二百六座每座置兵五十共用六万三百边墙每丈一垛一兵计十二万余垛则用兵六万余中间出哨摆拨传烽等项可用二万余各标各营路策应转战可用五万余是本镇因地制宜似非三十万不可且宣府地方六百余里额兵一十五万一千四百余大同地方一千余里额兵一十三万五千七百余今昌蓟之地兼宣大二镇而有余昌蓟之兵较宣大一镇而不足援彼例此即地里相若亦非二十八万余兵不可兵多则势强食足则兵壮为蓟门画久远计上策则恢复大宁以精兵二十余万控制外边仍以旧兵八万弹压内地俾畿辅肩背益厚宣辽之声援相通国有重关庭无近寇此万年之计上也如不能然一墙之外即为虏穴非屯重兵安能固守湏置兵三十万或二十七八万无事则分屯列戍隐然虎豹之关有警则击首应尾率若常山之势此百年之计次也如再不能则宜蚤定画一之计或抽垛民间或选自各镇补完主兵一十一万及客兵六万共以一十七万为额训练有成常川皆在俾兵食皆取足本镇不必仰藉邻封此目前苟安之计下也今皆不然兵马仰给各镇或聚或散犹如奕棋钱粮数烦户部或予或夺殆类乞糒入卫者半枵腹上班者张空拳为之练即如抔沙教之战犹若谈虎兵寡边长掣襟露肘不近无策邪今于无策之中为万不得已之计姑将清勾新军补足主兵一十一万之额有余则查见在不堪召募不实者汰而补之入卫客兵分番休息又加给犒赏军不告劳事体稍定但得各镇同心仍以精锐来戍则尚可徼幸一守至练土著减客兵尤未易言二镇主兵不过八万除昌镇少缓外在蓟镇仅六万有余非有兵不练实欲练无兵故必补完主兵一十七万方可议罢客兵窃意国家边事不复兵农之制但取给内帑必无能养兵之日兵不能养即召募征调清勾皆为虚文必无能足兵之日也乞差精敏宪臣严核蓟镇兵饷仍下廷议蓟镇额兵当以何数为准以定军国经久之计< 娼弊- 金 >入下该部仍行该镇会同阅视大臣查议

○工科给事中张道明陈理道三要一敬 天之要一法 祖之要一勤民之要其< 娼弊- 金 >词大略谓臣工 南郊多嫫慢百司法守多违背有司奉行诏书鲜实惠亦未得所谓要也

○戊辰南京吏部尚书王本固礼部尚书秦鸣雷兵部尚书王之诰刑部尚书谢登之都察院右都御史张瀚各自陈乞罢俱优诏不允

○户部右侍郎傅颐兵部右侍郎汪道昆自陈乞罢不允○升河南副使徐炳为山西右参政
佥事吉大同为右参议

○原任吏部主事许孚远以考察浮躁降为两淮都转运盐使司判官

○南京吏部都察院考察过吏部主事等官蔡悉等三十一员<娼弊-
金>名以闻诏降黜如例

○礼部奏孝懿庄皇后祔葬礼仪仍遣公张溶等告郊庙社稷奉迁李伟祔享告
庙张溶奉安神位徐文璧

○遣户部侍郎郭朝宾祭太仓之神太常寺官祭恭靖公姚广孝顺天府官祭宋丞相文天祥

○令进贺庆贺官员照朝覲例各以品级随京官入朝行礼

○刑科给事中李学一奏岭海盗贼生发多年所在地方皆为残破顾被祸有浅深征剿亦有
缓急海倭二寇去来有时山寇常在境内为害最甚琼肇惠潮诸郡皆然顾诸郡间曾用兵惠
被贼十五年向未大征残破最甚故今日征剿论盗贼当先山寇论地方当先惠州至征剿当
以扑灭为期若止擒一二渠魁剿一二巢穴复如向日广行招抚则为祸日深其覆辙不可蹈
也或谓山贼繁多势难尽灭以臣所见则惠州之寇窟穴虽不下二十余徒党虽不下二万
直草窃乌合之众耳无险可据无粮可资又彼此不能相顾吾如将领得人相机而动未有不
可扑灭者如谓众多胁从不忍概诛亦必许其散不许其招盖从贼之人多穷而无以为生者
也果真心愿降则必差官清理给以免死之票发之各归其乡居人不得报复私讎有司尤当
曲为存恤如系流民势不能归亦当分散所在乡村令其佃田耕种如此平兵部覆如学一议
请久任正茂以责成功从之

○差四川道御史丁惟宁巡按真定福建道御史马明谟巡按淮扬

○己巳上御宣治门以明日圣节易浅淡服色视事

○遣中官赍赐大学士张居正奖谕敕书一道银一百两大红纁丝蟒衣一袭彩段四表里敕
略曰天植忠贞性成渊懿抱匡世之才略行以诚心富华国之文章本于正学苟利社稷则无
爱发肤能定国家而不动声色为朝廷爱惜人材为祖宗谨守成宪纪纲繇之振肃庙社赖以
奠安毕公勤劳四世盖多弼亮之功潞公历事三朝犹执谦恭之节居正<娼弊-金>谢
上报闻

○南京吏部右侍郎林<城鹄>礼部右侍郎汪鏜太常寺卿王好问光禄寺卿刘一儒应天
府府尹杜拯各自陈乞罢俱不允

○户部覆甘肃粮储郎中崔行可查出节年省剩布花银一万七千七百两抵充主兵年例本部炤数扣留以后年分但有支剩银两尽数报部并行令各镇凡各项银两有支剩积余者一体清查扣作年例庶京运可省边饷有赖报可

○户部覆奏直隶巡按张宪翔题称节年粮运迟误皆运官怠玩赏罚不明所致今欲将各该卫所官员自三月十五以前过淮并四月以里过洪者查无挂欠即与荐扬升用以为运官勤事者劝从之

○升管领定州等卫忠顺官军署指挥同知吴增贵为五军营佐击

○直隶巡按苏士润题称顺永保河四府驿递南马银两节年拖欠以致百姓逃亡欲将本处牧马草场等银改抵其驿马银两则改抵牧场等银庶有司以京边钱粮为重不致拖欠疏下兵部于是总督戎政彰武伯杨炳言在京七十二卫五军等三大营于附京州县择水草便利处为草场每于春夏二季专官领敕率军牧马于场当时军得休息马亦膘壮户部草场之费亦省迨嘉靖以来边方多事马因调遣不敢下场放牧于是草料不得不仰给户部而部困于是养马之害及于官军马因瘦损而军困草场既无马匹牧放于是奏请佃种之例开膏腴者奸豪占据瘠薄者坐派贫民重以水潦之灾而租银之徵民亦困矣夫今驿递疲累南马拖欠正当就事立法不当变法就事且驿递固疲营马亦难言膘壮也南马固拖子粒亦难言完纳也南马拖欠则以京营子粒银补之以恤驿递矣臣营中岁费不下万两如有拖欠将妥取给若曰移此抵彼直先后之间亦全完无欠则胡不以南马银仍发驿递以子粒银仍发京营何更改马也牧放之制既失子粒之银又改京营为政一旦埋没不存臣等之罪何以自赎夫马改驿递皆国家事也乞敕兵部求其当而永守焉< 娼弊-

金 > 并下部兵部议暂借子粒二年以后各归正额

上卒从炳议报牧马草场子粒与驿递南马银两不得互相改抵

○庚午 万寿圣节诏谕百官

皇考梓宫在殡朕哀慕方深朝贺暂免其内外官表文并贺登极表文礼部封进

○升湖广右参议毛汝贤为河南副使礼部仪制司员外郎聂廷璧为河南佥事

○复除四川佥事王乾章于河南

○吏部条议封赠事宜凡祖父官爵高于子孙者得进散官一阶如先年侍郎孙升父燧进阶例其祖母与母从夫爵凡丁忧养病给假官员应得封赠与见任官同凡各祖父有为民者许令陈情停其本身封典量准祖父冠带闲住凡旧例有不重封者原为考满而言令有五品升四品或六品改七品或先授外官今升京职者许照见任职衔改给以后考满仍照旧例凡两京官员自本年七月二十八日以前升授者不分己未到任一体准给其在外兵备官员未经到任者不得援例凡前母及生母故在嫡母之先得许追赠其嫡母见存而欲并封生母者原无事例未敢轻拟议诏报曰大庆覃恩为民者准令闲住生母并封既无例姑已之余如议

○南京刑部右侍郎王正国自陈调外任

○浙江巡按张更化条议鹽法四事一票盐浙江宁波府所属五县直隶松江府所辖二县共一十四盐场俱无住卖盐引近独宁波府奉化县议行票盐其余各县多买私贩今宜量地方人民食盐若干酌给盐票每票照盐三百斤纳银一钱二分收缴一如奉化县洞桥例一课税宁波府旧有鱼税以船大小为多寡郡因以酌定盐税不过渔税十分之二以为太轻今渔税既增盐税不得独少宜验船只约装鱼若干计用盐若干扣该号票若干每票盐银照依见行事宜徵收角□羊报毋得欺隐一称掣杭州嘉兴宁波三所引盐俱按季掣放为弊甚多宜照温州所事例预纳余盐随到随掣随给程帖勒令运卖所有应纳银两就于委官处纳完随即角□羊报其委官务选廉能府佐即以定其考一补课两浙设立盐捕旧议有犯有船有盐方准作数以致各役倚法为奸今宜严行止许据实缉获亦要哀多益寡通融酌算取于足数不当限月执定起数使有获多而私克或少而积留凑补装害平民户部覆如议行

○改差部臣四员往各边赏军以 穆宗庄皇帝梓宫发引科臣乏员也○辛未上初御文华殿讲读

○降原任南京吏科给事中王祜为直隶南陵县县丞

○壬申掌詹事府吏部左侍郎兼翰林院侍读学士张四维因科臣张楚城之论＜媼弊-金＞乞罢免不允

○升吏科给事中石星为尚宝司少卿

○升河南佥事郭崇嗣为湖广右参议

○兵部覆奏黔国公沐朝弼凶恶久著奸逆日萌 天恩优容不知悔改抚按开谕愈肆猖狂蹈无将之戒怀不轨之情弃国法如弁髦视人命如草菅通夷占军谋财夺产贻害地方不止一端况滇南远在万里夷视攸关若复再从姑息恐益酿成祸阶乞 奋乾断以安遐方上命差緹骑逮朝弼来京问奏

○癸酉 上御文华殿讲读遂以为常

○刑部右侍郎毕锵自陈乞罢不允○南京都察院右佥都御史张卤通政使司右通政周诗国子监祭酒林士章鸿胪寺卿孙鑰太常寺少卿汪宗伊各自陈乞罢不允

○户部覆岷王定燿乞增禄米查该府禄米岁一千五百石系 累朝钦定之数况今各王府宗室繁衍岁支禄米视国初不啻数倍虽照旧关支尚不能供使额外加增又何取办岷王不思礼义之防敢违 祖宗之制所据陈乞难以别议上报曰该府禄米既经查明以后不许再来乞扰

○兵兵科给事中李熙题自古帝王之政足食而后足兵甚哉阜财之道不可不讲也以民之财济民则官不费以民之力生财则国随足臣惟当今民务之重有司所宜究心者五曰赈穷民也优富民也驱游民也禁未作之民也抑刁讼之民也五者得其理而天下治矣今各省被災被兵之地在在有之矣幸皇上丕布鸿恩凡民间往岁积逋钱粮悉从蠲免海隅苍生莫不知有太平之乐但臣之愚以为蠲免者特上之不取乎下而非所以为与也如使民虽贫无以供税而力犹有以自存如是而不取之已足为恩矣今被災之地水旱为虐兵火残燹往往无粟可充展转沟壑当此而不有以赈之则饿殍日多盗贼四起臣谓穷民宜赈者此也周礼曰以族得民洪范曰既富方谷以此观之民之富者可必其为善而世家巨族是富民之积正贫民之资也有无相通缓急相赴虽贫者亦可恃以无恐今贪墨之吏一遇富民即以为奇货诛求朘削靡所不极至于廉吏民之所谓父母也乃又矫枉过正每于富右族务摧抑之困辱之不与齐民蒙一体之视如田土则曰是兼并而无履两造则曰是睚眦而使气债负则曰是放利而多取甚者或罹小罪必重坐之以破家谓有搏击之能明知含冤必故入之以倾貲谓无贿赂之染间有存心公恕意在平反者则或以疑似为所指摘谤议纷然而官民俱败繇是矫虔之吏益得藉口而肆毒是今之富民其遇吏之贪与廉而皆不能免也夫贫者既不能赈之使富富者又不能全之使同归于贫则间阎之积愈空而国将何赖焉臣谓富民当优者此也先王于民辨之以四士农工各勤其业故衣食足而储蓄裕也方今法玩俗偷民间一切习为闲逸游惰之徒半于郡邑异术方技僧衣道服祝星步斗习幻煽妖关雒之间往往而是夫游惰日众生理日废饥寒切身则必转为非义刑法禁令莫可如何矣臣为游民当驱者此也先王之制百工也奇技淫巧必严其禁盖以逐末者多则力本者少此自然之理今之末作可谓繁夥矣磨金刮玉多于耒耜之夫藻绩涂饰多于负贩之役绣文綯彩多于机织之妇举凡可以耀耳目淫心志者罔所不施其巧财安得不糜而费安得不竭也诚使今之司民者程课百工各按其度诸有造作一依会典毋得踰越苦违式不法则服用者罪而制造之人亦必并坐如此则作无益者不摈而自消恣无涯者不戢而自斂俭朴日敦而民知力本矣臣谓末作当禁者此也凡民之好讼奸顽之所鼓也奸民怀险饰诈志于贼良顽民负忿乐斗快于求逞往往巧捏虚情牵诬无辜不才有司利其如是是可以恣其渔猎遂一概收受又或委讯鞠于首领寄耳目于胥隶于是诬索百端赃赎无艺或坐罪未明而身已毙或纳赎未竟而业已散岂非始于一二奸顽刁讼好讐遂尔貽累无极哉诚使今之民牧一意以忠厚恭逊训率其民务在减省词讼岁终则计所部词讼独多非真含枉者即治以罪使民晓然知上意之所在则一切架虚饰诬之徒俱无所容以遂其私齐民安业而专心力穡淳古之风可想见矣臣谓刁讼之当抑者此也夫赈穷优富正以培财所繇生驱游禁未抑讼亦以谨财所繇耗此皆安邦固本之要而今时之急务也至于穷民之赈则必度其所给今天下郡邑库藏大抵皆空惟常平仓尚有十之二三赃罚银尚有十之三四以此赈发不谓无资惟在良有司者著意行之耳更望我皇上与二三大臣力崇节俭以倡率之务为安静以休养之将见五年生息五年蕃殖五年蓄聚不出十五六年之间而红腐贯朽亿万年治安之业孰有盛于此乎疏下户部酌覆如议

○赏朝鲜国陪臣三十三人衣服绢布靴袜等物有差○升镇羌守备吕宪为庄浪游击

○以穆宗庄皇帝梓宫发引在迓命薊辽宣大二镇总督严督镇巡并各将领堤防各隘口京

营总协大臣整搦营兵相机防护共保万全

○工部覆工科给事中刘浑成清理厂库四事一分别各厂军器何缓何急先后成造一量度库藏损少或葺或建广贮军器一节慎库角□羊批令明注单封以防欺隐一戊字库军器令加工修理以充实用报可

○甲戌 上御文华殿讲读

○调原任广东佥事郭孝于河南复除南京太仆寺寺丞吕旻

○乙亥 宪宗纯皇帝忌辰遣安乡伯张鎡祭 茂陵○起复户部尚书刘体乾辞留枢新命不允

○侍郎张四维再＜娼弊-金＞乞罢仍不允

○南京工部右侍郎董传策太仆寺卿罗良各自陈乞罢不允

○南京科道糾拾大僚兵部左侍郎万恭右侍郎汪道昆原任应天府府尹邬璉南京户部尚书曹邦辅＜娼弊-金＞入恭等留用璉调南京别衙门用

○刑科左给事中宗弘暹劾原任吏部左侍郎魏学曾起官署郎不数年升巡抚起枢贰又未几改入铨曹皆近年迁擢所未有者乃恣意贪饕以朝廷官爵为奇货公行贿赂曲庇私人前与大学士高拱同事拱方诚心以用学曾则徇私以负拱面是背非小人之尤患得患失鄙夫之甚今复使掌握南台恐自是幸门一开士习将日坏人言言官有尽忠之责大臣有養重之体况人之贤否言官得而言之不可得而进退之处分在朝廷勘覆在吏部公论在人心不容一毫私意干者今一有论列即交相诋詈如构私讎乞 天语丁宁建言者毋得挟私轻渎被言者不必妄辩饰非吏部言学曾繇郎郎署转光禄以边才超拜巡抚称病求归人即以避难议之未几起兵部未任辄改吏部舍繁重就清显士论益复啧啧余亦多如弘暹所论上命调学曾南京

○迁 孝懿庄皇后梓宫祔葬 昭陵命侯顾寰副将焦泽为提督官

○兵部奏四川总兵官刘显称立功悉伏火銃欲令原任常镇参将田应山选募銃手三百五十名亲统来蜀训练查应山被参提问未结遽难委用九丝都蛮据巢恃险出没无常但以见在之兵分布防守相机剿杀自足为用且闻总兵郭成所带广兵一千颇为蜀中之患若复招銃手益增多事但命显将土著之兵加意练集不必借兵别省仍查郭成广兵作何处置或招致军中充用或设法区处散归勿致滋蔓扰害地方 上是之

○勒茨沟营守备卢彻闲住按臣王元宾劾其庸贪也

○工部奏 皇上登极诏停止织造取回督造内臣一时臣民莫不倾颂 圣明节财恤民至意太
监赵玠当遵成命惶悚就道所派在机钱粮当交所在官司听彼支销辄敢擅自议处欲俟
织完日自行起角□羊且玠侵盗作弊迟误工程前被御史论劾蒙
先帝洪恩令策励供职今即无停止取回之诏亦当角□羊任自新以昭
皇上之法况纶音既出国典斯存乃敢肆行扰奏 皇上临御以来中外臣工罔不振肃自靖玠
独不畏明命乎乞令玠刻期回京如有稽迟听臣等参治从之

○丙子令有司官遵依诏书蠲免逋负钱粮限三月内开报有奉行怠玩纵容奸弊者听抚按
官参究

○户部尚书王国光题窃惟百司庶务至纷难察随时立法更变多端不有簿籍文移莫可按
而理也况户部金谷之司尤极冗琐近来调度徵派愈烦奸伪愈滋故册籍愈密所以去伪而
厘弊也但节经条议者各欲陈一见起一事即某事一人言之置一册矣后有言之者复一册
焉今年言之置一册矣越数年言之又一册焉逐件渐添堆案盈屋其实大同小异且有全无
异者殊不知有三费焉有各处造册之费有道路般送之费有交纳需索之费取之多方远几
万里束之高阁曾未一目徒作无益真属不经各该处所疾目蹙额强勉应有而已臣等逐一
简阅如该阁臣题造格眼文簿稽查完欠简要可守其余一应册籍中间事属琐屑原非题奉
钦依者本部径自议处外所有原系题准事理应行归并裁减者相应题请恭候命下移咨各
巡抚各该衙门应裁减者不必再造应归并一册者依期奏缴< 娼弊-
金 >上凡归并文册共二十二所裁省文册凡二十八称简便焉

○丁丑 上御文华殿讲读

○升庄浪卫试百户李崇义为镇羌守备 泰宁等卫夷人二百九十名赴京庆贺 万寿圣节以
大行皇帝丧礼令回辽东都司筵宴给赏物如例

○戊寅 上御文华殿讲读

○封唐王硕曈生母魏氏为唐顺王继妃

○礼部奏祧 庙礼仪寻遣驸马都尉许从诚祭告 太庙○兵部覆各总兵官自陈< 娼弊-
金 >奉旨戚继光等十三员留用李勇革任闲住 工部言南旺三河口等处三年两挑正月兴
工二月告完今如河臣万恭等议粮运既早则明春大挑之日正来年运行之时拟改九月中
旬兴工十月终告完挑浚之时唯进贡冰鲜船只设法前进其余俱暂停止且言大挑莫便于
秋冬莫不便于春间新运踵至停积黄河既虑风涛又稽程限不便一均徭更换奉役未集追
呼号召每至愆期不便二春事方兴民无暇力迫之工役田野不安不便三青黄未接室如悬
罄头会箕歛工食艰窘不便四坚冰初角□羊时尚严寒驱之泥淖之中责以< 娼弊-金 >凿
之力不便五如今改拟则回空已尽筑坝流绝< 娼弊-金 >浚一完藉冰封闭春融冻角□羊
河即有待则新运便旧夫未更按册可集正役者不劳再籍雇役者无私虑自急公家则民力

便今秋豐稔民多盖藏閭閻利以供輸夫役易于徵歛則工食便天霽秋清氣候涼爽河鮮沮洳鑿鍤易施則用工便 上是之

○己卯 上御宣治門視事

○敕陝西行太仆寺卿兼僉事吳邦祜致仕從按臣褚鈇論劾也

○賜故德平伯李銘護墳地土六十五頃二十六畝

○詔有司官務實牧民不得徒事虛文

○賞監市效勞酋首隱布台吉等彩段衣套有差

○升宣府保安舊城守備李彥勛為真定游擊統領并大二道民兵河間衛正千戶唐繼武守備茨溝村○勒分守孤山僅副總兵高大吉等閑住花馬池參將陳天福陝西都司張一正行巡按御史提問從按臣褚鈇論劾也

○庚辰 上御文華殿講讀

○張四維以病回籍 上念四維先朝講官特令馳傳

○巡按廣東御史楊一桂奏廣東之弊莫不善于招安莫善于城守瓊崖之南自有寇警調兵不止一處用費已盈數千無冲鋒格鬥之功有破船損師之失及計無所出又仰面于劇賊李茂之手茂破我縣治毒我生靈非惟不正罪且欲深納其交豈計之得今又有議招海賊林鳳于惠州者鳳黨不過五六百人非有大聲勢難以撲滅且既挾官告招又不时出沒劫殺為害如此猶復招之所謂養虎遺患夫使百姓不知有為民之安惟知有為賊之利盜賊安得不日多招安之說今所當禁止瓊州文昌樂會感恩會同四縣原未設有城池每遇賊至任其縱橫如履無人之境又如惠之永安長寧潮之普寧澄海雖建設縣治皆有名無實瓊之四縣已破其三他惠潮四縣亦皆處盜賊盤錯之中安可一日無備度八縣之費不過捐內帑四五萬金陛下豈惜此小費忍置萬千生靈于涂炭故城守之設今所當急議招安之說破則征剿力盜賊不敢為亂城守之議成則保障固士民得以安生兵部如一桂議覆行但修城不用帑金云

○勒密云右營副總兵董一元閑住督臣劾其大坏官箴也

○江北清軍御史蘇民望丁憂回籍仍以巡按御史帶管清軍事務

○辛巳加贈故太子少保禮部尚書兼文淵閣大學士高儀太子太保賜諡文端 改南京都察院右僉都御史張鹵為都察院右僉都御史巡撫浙江地方○陝西三邊總督右都御史兼兵部右侍郎戴才自陳乞罷不允

○兵部右侍郎汪道昆再<媼髡-金>乞罢仍不允

○壬午 上御宣治门视事

○遣翰林院编修韩世能吏科左给事中陈三谟颁登极诏于朝鲜国仍敕谕国王李昖及其妃赐币帛文绮有差

○大理寺右少卿宋良佐以病回籍

○升河南左布政使陶承学为太仆寺卿浙江副使陈耀文为陕西行太仆寺卿

○应天巡抚都御史张佳胤鄱阳巡抚都御史凌云翼江西巡抚都御史徐枋各自陈乞罢俱不允

○赐前右赞善陈栋祭一坛栋在 先帝讲筵又侍班 东宫其妻樊氏请恤予之盖殊典云○兵部奏南京守备怀宁侯孙世忠等遵谕自陈得旨各供职

○癸未 上御文华殿讲读

○升陕西右参议孙坤为本省副使山东兖州府知府程学博为浙江副使调贵州右参议杨文明于广西

○兵科右给事中蔡汝贤奏原议贡市以岁三月为期立法之中良有深意今延至八月不无可虞又辽东报土蛮王杲勾结卜言兀诸酋约日上马犯在旦夕蓟镇又报虏繇黑庄窠仙岭寺等处入声言犯宁前地方十分危急切思辽东之与蓟镇唇齿也蓟镇之与陵京肩背也况当秋高之际适 先帝梓宫发引之期万一乘机驾言互市将欲拒阻业已许之事委非轻守宜加慎乞命京营大臣先事豫防各总督镇巡多方设补共保万全<媼髡-金>下兵部○以神枢营右副将傅津充总兵官镇守保定等处地方

○勒漕运总兵保定侯梁继璠南京前军都督府掌府事南宁伯毛国器各闲住科道纠其恣肆也

○魏国公徐邦瑞回南京终养 是月减释各处重囚一百一十二名 旌表湖广龙阳县故民曾义妻王氏零陵县儒生邓希周妻唐氏兴国州民刘寿妻陈氏靖州民王忠妻方氏竹溪民杨仁妻尤氏益阳生员曹导妻罗氏通山生员朱之彦妻刘氏攸县生员龙天衢妻洪氏龙阳县生员熊富继妻廉氏襄阳护卫军卢廷和妻张氏孝感县监生程稽第三妻李氏蕲州生员马廷实妻刘氏崇阳县知州冯鳌妾谷民罗钦仰未婚妻欧阳氏四川宜宾县民刘芹妻赵氏江西彭泽县生员计如玉妻谢氏南昌县举人高启弼妻钟氏又民杨用宽妻李氏浙江余姚县民杨煜妻诸氏嘉善县民沈勋妻毛氏黄岩县民朱世高妻张氏广西宣化县南宁卫舍余裔

珊妻钮氏全州民蒋大诏妻唐氏福建漳浦县民林琥妻王氏河南雒阳县生员朱廷相妻魏氏直隶典州县民宋鉴妻牛氏俱贞节之门湖广故民朱北未婚妻张氏麻城贡士周弘烈妻李氏怀集所小旗潘聪妻傅氏朱北病笃女闻之不食其祖母慰之曰汝尚未婚即不讳犹可别配女怒曰我生是朱门人死是朱门鬼遂入卧内恸哭自制襖衣及北死是夜女遂自缢时年十六弘烈病笃谓其妻我死汝将何之李以死誓夫疑其谩请先死以成信遂不食三日死越七日夫亡聪调守府江病故同伍收其尸归傅氏抱哭髡死及葬志在同穴自缢柳树上亲邻走救不得死乃入寢室自缢绝俱旌其门曰贞烈 泰宁等卫夷人二百九十名赴京庆贺万寿圣节给表里宝钞如例

明神宗显皇帝实录卷之五

隆庆六年九月甲申朔升户部右侍郎傅颐为南京都察院右都御史掌院事太仆寺少卿董尧封为右佥都御史提督操江兼管巡江

○升刑部陕西司郎中华汝砺为浙江副使河南右布政使吴道直为左布政使

○总督蓟辽侍郎刘应节题议处抚夷买马钱粮言蓟镇主兵在今日为极疲者困于抚夷买马二事盖属夷借为耳目不可尽绝战马恃以骑操不可减少然官银有限科歛繁兴年复一年逃亡将尽以抚夷言嘉靖间督抚何棟等因属夷生齿日多抚赏不足请岁发太仓银二万五千三百一十七两后边境稍宁止发一万二千六百两今查各路公私之费岁至三万八千余两非扣取月粮何以充之以朋马延宁等镇入卫兵马在途倒死者该镇给价在蓟镇倒死者兵部给马独本镇倒死马匹皆出自桩朋今查昌蓟二镇倒损马匹一岁约用银四万九千六百八十余两若遇警追贼复不止此数非扣取月粮安从买补但二项用银数多固不能倚办军力亦难尽仰给内帑宜于抚赏旧额外岁加发二万五千四百两其倒死应补马匹令太仆寺岁于寄养马内兑给二千五百匹或将应俵马内照数改折每匹角□羊银二十四两半给军买马半存寺贮库其余不敷马价一千六百两本镇仍量行采办以佐买补户兵二部议增抚赏马价银各一万五千两

○复设青浦县铸县印并儒学条记各一颗

○升黄花参将程九思为神枢营右副将以延绥东路右参将孙国臣充左副总兵官分守本路地方工部题南北二京内官内使人等自隆庆五年九月至六年八月除事故五十一员名实在一万二千七百二十九员名共该折色靴料银七万二千一百二十七两四钱查屯田司库贮不敷准于营缮司那一万两都水司那二千两本司动支四万一百二十七两四钱登簿送巡视厂库科道挂号帖节慎库凑数角□羊给

○乙酉上御文华殿讲读

○降陕西苑马寺卿许宗鉴为贵州左参议原任提督四夷馆太常寺少卿刘淳为陕西右参议

○保定府祁州真定府定州雨雹伤田稼杀人

○以万全都司佥书孟杰充密云标下左游击

○敕蓟辽总督刘应节严边备以顺天巡抚杨兆揭称东虏与土蛮合谋也

○兵部覆浙江抚臣郭璉报截斩经过浙海倭贼四十一级请加赏赉赐璉及副使蒙诏总兵

官朱冠银币有差余核奏

○丙戌祧 宣宗章皇帝神主是日免朝

○起升礼部右侍郎兼翰林院侍读学士马自强为左侍郎仍掌詹事府事与太常寺卿兼翰林院侍读学士日讲官丁士美同教习庶吉士

○更铸阴阳文信符金字牌以系隆庆年字号难以给用也

○升湖广按察使方良曙为河南右布政使

○顺义王俺答差夷使表贡马二百五十匹及鞍辔弓矢等物套酋吉能部落贡马二百匹 上嘉其诚顺诏赏大红蟒白泽狮子纁丝衣各一袭妻彩段二十三表里其子及小头目部落各照例赏赉有差

○兵部覆辽东抚按条陈防御切要事宜一酌留军犯除情轻可矜年老残疾者遵赦例释放其余量拨本卫操备不准开伍一预发赏银并申严卖功之禁一安插降人建受降所分别处之责委官员领其操练监其出入庶几系顾恋之心寝飞扬之念一严剿零寇近恐杀降冒功但系零级不准纪验因此游贼渐多以后有出奇斩获验果长壮贼首有弓箭马匹者照常论功但不得遮杀降人一责成将领律守备不设原专为堡官言以后地方有警大小将领但不肯用命防剿致失事者量情轻重比例参论游击虽无分守信地但系调遣防御去处致有疏失亦照例参究一申飭监司本镇守寺道六员凡修守整饬等项事宜皆亲自管理但有功不甚录叙则失事自难议参功罪既不相干理未免观望以后地方有功宜与将领酌量同叙如或怠误边事亦应查参塞将官委罪之口俱报可
宁夏修筑河东坍塌工竣赏督抚镇道等官银币有差

○升张家湾备御李逢时补密云标下右营游击山东领班都司任良相补曹家寨游击原任龙固关参将张斌补奇营游击原任永平守备葛绍忠管冷口提调事务 工部题在京并南京官中使长随共一万四十员名共该纁丝绶二万六千六百九十三疋每疋照例折银三两共该银八万七十九两

○丁亥 孝恭章皇后忌辰遣新宁伯谭国佐祭 景陵

○升太仆寺少卿李幼滋为大理寺右少卿山西右参议屠羲英为太仆寺少卿

○改南京兵部右侍郎冀炼为户部右侍郎炼随＜娼弊-金＞辞不允

○复除提督四夷馆太常寺少卿曾同亨太常寺少卿

○吏部覆新升巡抚四川右金都御史曾省吾遵例自陈不允

○户科右给事中冯时两言光禄寺钱粮一岁所入仅足供一岁之用顷国多大典费用不貲查自隆庆改元至五年通计各省直拖欠共一十九万五千二百有奇其弊有三一则小民消乏追徵不前一则角□羊户侵欺延捱不纳一则有司徵收那移别用欺玩甚矣御用所需非比泛常乞敕查拖欠分数刻期角□羊完如仍怠玩轻则量加罚治重则停俸降级至于该寺任使宜慎编派宜清冗耗宜厘冒滥宜禁一切利弊因革容臣查请为新政助户部覆隆庆元年起至五年止拖欠该寺一应银两四川广东福建限五月浙江江西湖广南直隶三月河南山东北直隶二月依期完角□羊违慢者抚按参奏

○旌表湖广节烈妇王氏等二十九人

○以延绥领军游击李煦补本镇东路右参将宣府入卫游击靳付补分守黄花镇参将

○戊子霜降节祭 穆宗庄皇帝几筵是日 上御宣治门太常寺以 庄皇帝将葬奏致斋

○遣武定侯郭大诚等祭告 陵园

○复除原任广东按察使陈瑞于湖广○原任吏部右侍郎陆树声＜娼弊-金＞辞新命不允

○凤阳抚臣王宗沐奏淮安扬州二府及徐州大水乞蠲折赈济＜娼弊-金＞下户部

○兵部覆辽东巡抚张学颜奏建夷王杲屡肆窃掠官军斩获二十八级杲怀愤必求大逞我以久疲之军当之恐未必胜宜乘其沮丧再行宣谕令杲送还所掠人口准其入市如仍前执迷则调集重兵相机剿杀毋容姑息贻害地方报可

○己丑夜电

○改南京太仆寺少卿王宗载为太仆寺少卿

○调浙江右参政周鉴于山西以有边才也

○巡按直隶御史张守约条陈盐法六事一清荡田以实虚课一停存积以通引目一密掣验以＜娼弊-金＞堆盐一专责成以均拨卖一行官盐以杜私贩一定公委以便催徵＜娼弊-金＞下户部言太仓银库隆庆五年所入仅三百一十余万出至三百二十余万若停存积免开中是于年例外更多发十余万当此拙乏其何以支宜俟各边节缩果有赢余年例得减或可量存积目下未可轻议余俱如议允之

○贵州道御史张道奏查刷光禄寺八月分实用过各项品物除本色外该银一万三千六百

二十二两有奇

○以府军卫指挥僉事贾泾备御张家湾地方

○庚寅 上御文华殿讲读

○封岷王定燿生母次妃李氏为岷王继妃

○升葛峪堡守备赵邦宪为宣府入卫游击宣府顺圣川守备孙世武充延绥游击横岭口守备胡忠为河南都司僉书井坪城守备朱永祚为万全都司僉书以义院口提调黄孝敢补领班都司

○升湖广行都司掌印景应元为南京锦衣卫僉书

○命前军都督府僉书成山伯王应龙南京前军都督府掌印管事

○辛卯 上御文华殿讲读

○升浙江副使蒙诏为右参政

○革宁夏副总兵萧文奎任并其子蕙行巡按御史提问以文奎前夺功冒级也
壬辰升礼科都给事中陆树德为尚宝司卿避兄树声且年资深也

○吏部覆延绥巡抚郅光先自陈称为一时开府之良合行令供职从之

○遣官以 穆宗庄皇帝葬期告 郊 庙 社稷明日以 孝懿庄皇后祔葬告

○四川达思蛮长官司差都纲头目及番僧等凡到京及留边共四百三十四人贡珊瑚等物
给赏段绢银钞有差

○添设陕西延安府守备官一员

○癸巳升湖广右参议刘翺为浙江副使 陕西外夷灵藏赞善王端岳坚咎差使臣并番僧等
凡到京及留边共一百三十五人贡马匹舍利盔甲刀剑氍毹□毛毳□夕□毛□□等物如
例给赏段绢钞锭行茶马司关给食茶仍赐番王彩段表里
泰宁三卫夷人右都督只儿挨等凡到京及留边共二百九十人贡马如其人数贺
万寿圣节给赏彩段如例

○以太原前卫署指挥僉事王学礼守备顺圣地方原任宣府西阳和堡守备李世隆守备横

口岭以四川行都司金书韩似甫掌湖广行都司印升大同左卫所镇抚柴如兰守备井坪城宣府前卫指挥使江昌国守备葛峪堡三屯营练兵把总陈忠提调义院口

○户部奏太仓银库本年八月终止实在各项银共二百六十七万一千一百六十两有奇

○甲午 穆宗庄皇帝梓宫归葬于 昭陵○乙未辅臣张居正等上〈嬀嬀-金〉奉慰

○兵部奏东夷阿革王杲等犯抚顺宁前锦义地方请行督抚官严督兵将昼夜防守从之

○庚子命大学士张居正诣 昭陵恭题 神主既竣事居正驰〈嬀嬀-金〉曰臣奉命前诣昭陵恭叩 玄宫精固完美有同神造及周视山川形势结聚环抱比之考卜之时更觉佳胜诚天地之隩区 帝王之真宅也十九日辰时奉 梓宫入 皇堂行题 主礼毕奉安于 献殿未时掩玄宫是日天气澄爽景物昭融祇役臣工罔不忻忭仰惟先帝仁厚之德贯彻宇宙故得天人协佑事事美成可以上慰 圣母永慕之诚仰成皇上慎终之孝矣 上褒答之随赐茶饭

○甲辰礼部奏 穆宗庄皇帝祔 庙礼仪

○乙巳大学士张居正等请纂修 穆宗庄皇帝实录

○丙午差南京浙江道御史计坤亨巡视凤阳等处仓粮河南道御史陈王道巡视上江地方以套酋台吉献还边将时銮首倡忠顺加赏织金纁彩衣一袭彩段二表里其余酋使照贡马例

○赐英国公张溶定国公徐文璧各银二十两彩段二表里以祭告 奉先殿 神霄殿祔礼复命也

○陕西蒯哱木沙等族番人焦吉章哈尔节等凡到京及留边共一千五十一人共贡马一百一十匹并盔甲腰刀等物件给赏段绢钞银如例

○丁未祔 穆宗庄皇帝 孝懿庄皇后神主于 太庙

○戊申辅臣张居正等上言累朝 山陵事毕祔 庙礼成御门之日即召辅臣班首勋臣府部院大臣至文华殿亲发玉音谕劳班首官致词奉慰毕仍加锡赉至隆庆元年此礼阙而不行兹皇上登御之初臣等谨查例以请正宜下济天光使诸臣亦各伸仰慰之诚

○己酉敕谕南京守备兵部都察院等官朕即位之初念尔等体朕至意益尽忠诚用副委任其敕谕各处总督镇守巡抚等官皆如之及副参游守等官赏赐亦各令赉与仍特赐各官应得诰命其先已给领者与进应得勋阶一等其坐营等官赏赐尔等差人赉与故谕

○南京太仆寺少卿王宗载应天府府丞杨标遵旨自陈〈嬖孽-金〉俱下吏部

○南京浙江道御史计坤亨论劾原任右通政韩楫前在谏垣巧〈嬖孽-金〉立论令王亲得混入京官五品复滥与台省变乱祖制太常寺少卿吕藿前在铨司徇私擅权至拣选不经堂官榜出更易教职变乱选法且楫因降调辄愤然上〈嬖孽-金〉乞休怀私怨望藿薄谴不足以惩大恶公议不容若复改南是南卿寺特以待有罪又何以服在南诸臣之心〈嬖孽-金〉下吏部覆奏王亲除同祖亲枝外余禁悉除奉有世宗成命五品不许改选科道令甲不著正德间已尝改授大选暂免堂拣因掌部大学士高拱阁务相妨选除原本原榜俱在并无复改之事臣等查理明白韩楫吕藿虽有小疵未玷大节宜仍旧处上是部议

○巡抚福建右副都御史殷从俭自陈诏照旧供职

○南京兵部尚书王之诰〈嬖孽-金〉辞改刑部尚书优诏不允

○裁革湖广清江巡简司上津湖田坪址湖二河泊所从按臣舒鳌议也

○升礼部郎中胡僖为湖广右参议广东左参议苏愚为本省副使○庚戌上始御皇极门视事群臣行奉慰礼二阁臣上金台故事近栏楯立侍是日上命先生稍前登阶盖特眷云随御文华殿召阁府部完大臣温语劳之诸臣顿首致词谢且伸仰慰上谕各赐币二复赐之食

○户部覆辽东巡抚张学颜〈嬖孽-金〉特发赏功银一万两后不复援例再请

○加封衍圣公孔尚贤祖母卫氏为衍圣太夫人

○巡按直隶御史孙鋐奏俺答等贡市已完华夷安靖并无諠争今秋色正深乃往年多警之候而一时边镇亿万军民共享昇平之福皆繇皇上天威远播庙筭素定然国家之事贵图万全今贡市虽完然市期不无稍迟市场不无稍多市约不无稍违乞申飭当事诸臣明岁贡市渎与俺答讲定仍在春末自得胜新平张家口三堡外不得另开市场仍令俺答铃束诸酋不致违约俺答既称外臣岂不可拘以礼义亦在处置有道耳〈嬖孽-金〉下兵部覆如鋐议

○革前屯参将杨燮任行巡按御史提问宁前金事李松巡历边堡闻黑庄窠代守堡官刘登云被贼射死燮欲饰己罪言登云因迎松致死复假中秋节实二百金酒瓮中馈松松发其事燮遂得罪仍令吏部纪录松

○兵部覆奏土蛮兵万余犯中后所参将杨燮游击李惟一御之贼奔寻攻沙河驿诸军鏖战总兵官李成梁等驰至贼惧结营而去是役也以万骑之勍贼压一线之危途以千余之疲卒当方张之众虏分防冲地首犯贼锋李惟一之功居多杨燮李元善葛景岳于庆次之杨腾传

廷勋又次之

○两广提督殷正茂奏报乌船兵陈禄等作乱以官将隐匿月粮也减释四川矜疑囚一十二名

○辛亥纂修 穆宗庄皇帝实录

○大学士张居正等言事必专任乃可以图成工必立程而后能责效 世宗肃皇帝实录开馆纂修经今六年迄无成功盖以未尝专任而责成之故也盖编撰之事草创修饰讨论润色必工夫接续不断乃能成书而职任要紧又在副总裁官吏部右侍郎诸大绶礼部左侍郎王希烈原系

世宗皇帝实录副总裁今各馆草藁俱未经修饰宜责二臣专管申时行王锡爵则专管 穆宗皇帝实录仍立为程限每月各馆纂修官务要编成一年之事送副总裁看详月终副总裁务要改完一年之事送臣等删润每年五月间十月间臣等将纂完藁本各进呈一次大约终月可完一年之事终季可完三年之事从此渐次积累然后成功可期其余副总裁官或部暇相与讨论或讲优令其补凑不必责以程限恐致两妨各纂修官务以职业为重不得别求差假图遂私情书成之日分别叙录但以效劳多寡为差不复计其年月久近此虽纂修一事而综核名实之道实寓于斯顾 皇祖历世四纪编纂卒难就緒

皇考临御六年刻日自可竣功俟纂成之日令两馆各官并纂 肃皇帝实录则 两朝大典可以次第告成报曰这纂修事理俱依拟行卿等还宜督率各官上紧用心编纂用成两朝大典称朕光昭前烈之意

○差浙江道御史谢廷杰提调南直隶学政

命礼部右侍郎兼翰林院侍读学士掌院事陶大临回部管事

○升巡抚南赣汀韶右副都御史李棠为南京兵部右侍郎

○皇妹第七公主薨

○升刑科左给事中宗弘暹为礼科都给事中户科等科右给事中冯时两刘不息蔡汝贤王士□□俱为左给事中时两户科不息礼科汝贤兵科土□□工科礼科给事中○升大同应州城守备李承恩为大宁都司佾书湖广郴桂守备侯一位为四川都司佾书

○革江西南昌县举人周楷为民按臣任春元勘楷结友严氏寄顿赃物事无影响拟令肄业法司言楷虽无寄赃事但拜彭孔为父结严亮五妻为姊妹情殊可恶且既作牙保即画字书名亦干行止合例为民

○兵部覆山东巡按朱文科勘过隆庆四年辽东开原等处地方失事守堡等官魏显等四员发边卫充军乌邦奇等九员降罚张世武等三员以别卷充军重发遣

○四川江油县知县赵佐以侵克边粮银两数多依监守自盗例论斩佐因买运仓粮每石扣减脚价银四分共侵盗入已银二千二百四十四两有奇

○壬子命协理京营兵部左侍郎兼都察院右佥都御史王遴兵部右侍郎吴百朋汪道昆阅视边务遴延宁甘固百朋宣大山西道昆蓟辽保定百朋俱兼都察院右佥都御史左侍郎石茂华暂管营务

○录荫故大学士蒋冕孙蒋务樵为中书舍人吏部以其在 武庙时有社稷功在世庙时有赞襄功也

○原任四川右布政使方攸绩成都府知府顾褒革任听勘巡抚刘斯洁参二臣贪肆例当为民吏部言绩前任有冰檠之称褒到任有青天之颂今臧否悬殊必体勘明实方服其心从之

○调原任山东佥事高克谦于广西

○南京礼部尚书秦鸣雷再< 娼弊-金 >乞休未允

○吏部覆太仆寺少卿林宗载应前来到任应天府府丞杨标应照旧供职从之

○巡抚广西右副都御史郭应聘遵谕自陈不允○起升原任云南道御史詹仰庇为广东右参议

○追封 皇第七妹为栖霞公主

○升宣府左卫镇抚孙珍守备西阳和堡金吾右卫指挥佥事秦岐守备蔚州城地方

○以分守陕西靖虏参将刘济充副总兵协守宁夏地方

○东平王府仪宾王麒坐常人盗官钱律永戍法司以县君见存有碍发遣革麒冠带为民

○癸丑 上御文华殿讲读

○河南佥事夏易陕西佥事范爱众以贪酷例勒为民

明神宗显皇帝实录卷之六

隆庆六年十月甲寅朔 上御皇极门颁万历元年大统历及已享太庙以庄皇帝神主尚在几筵先一日上具常服祭告祇请 圣灵诣庙享祀凡大祥之内皆如故事是日 圣驾回宫以 山陵甫毕乐设不作亦常如故事以太常寺卿兼翰林院侍读学士丁士美掌翰林院事

○刑科给事中朱南雍闻 遗诏讲学亲贤节用爱人之指敷陈四事一曰懋心学以成德帝王之学以燕居操存为难盖此时惟宫嫔嬖倖丛哢居与俱正人欲易肆之时况 皇上冲年德性尚未坚定尤不可不慎其防若有导以佚乐诱以纷华者必严斥之二曰亲贤辅以熙政皇上初嗣大位首召辅臣于平台面咨政理此 大圣人之作为也乃此后无闻焉盖以梓宫在殡思慕未平姑有待耳今亲政务勤顾问此正其时乞于朝讲之暇召一二辅臣或兼召九卿侍从等官便殿平台随宜清问或辩论经史或处分奏章用人行政之得失闾阎边境之艰难周詢释访庶群情无壅蔽之患庶政有熙明之休三曰终俭德以足国人君俭德难守侈心难制所以善其后者在定志与选左右 皇上今日之心如水不波如鉴不尘何志不定或左右有不臧者觐意向以导之欲未有不丧其初心者愿 皇上秉持一心审几慎 杜渐防微左右近习必察其老成谨恪者为之凡投间抵隙导以侈靡者必早辨而决则外无所诱而俭德克终四曰恤时艰以保治帝王身居天位之尊当心周天下之虑今天下莫苦于灾伤莫惨于兵乱莫急于边患莫疲于力役愿 皇上于中外奏章凡有关民情隐忧时事艰难者留心省览加意参详又摘其被灾尤重被害尤惨者书其节略揭之屏壁朝夕省念庶疾苦艰危时触于目自不敢安于逸乐而所以保永祚者端在是 上嘉纳之

○乙卯 上御文华殿讲读毕出诣左室观 先圣先师召阁臣入列举以问至文王称事亲问安视膳阁臣肃对至周公孔子问何以旁列对曰二圣人皆人臣已阁臣同讲官随上至穿殿门阁臣于屏内叩头乃退

○孝洁肃皇后忌辰祭于 奉先殿更遣固安伯陈景行祭 永陵升大理寺左少卿刘思问为都察院右佥都御史巡抚南赣汀韶地方

○革四川盐课提举司天全招讨司经历司都事杂造局碶门茶马司各官吏丙辰陈澍袭遂安伯

○升兵部职方司员外郎徐汝翼为河南佥事河南河南府知府刘永宁为陕西副使管理榆林中路兵巡事务

○川重庆府巴县土陀驿改移铁山仍隶巴县彭水县黔南驿改移沙镇隶长寿县江津县白波驿改隶垫江县

○升大理寺右少卿李幼滋为左少卿左寺丞罗凤翔为右少卿

○丁巳 上御文华殿讲读

○复准光禄寺寺丞鲁邦彦终饗

○漕运总督王宗沐条陈漕宜四事一恤重远之地漕运惟湖广永州衡州长沙江西赣州四府道路极远且险议将漕粮一十万四千七百八十三石八斗每岁坐准改折直隶苏州松江常州浙江嘉兴湖州五府粮数过多议每岁照白粮之多寡分摊改折十万石如河南山东坐折例派拨无单无船之卫所轮流歇运以示优恤一悬预兑之令议各旗军剩有米多三石以上许上纳太仓即充明年运米之额各把总等官亦许不拘多寡一体上纳名曰预兑粮仓前富民有愿聚纳者亦照此例米听自择某卫兑还其上纳过多者除米外将官司所得行月粮之数比照纳粟事例酌为数限或给冠带或许列衔管事其运官如把总王秩粮多剩至六千者特加职衔仍管运事以示风励一矜运官之情大约岁运官之问发死罪充军立功降调者不下二十人军之监故监追调遣逃亡者每卫不下十人移至于今官军减耗无从简用议除侵欺盗卖挂欠数多私逃避运外其水次无船交粮违限及挂欠不及百石以上者罚令再运如能速完新运即除免上年之罪一定海哨之法倭夷悬隔虽不能遽越江南至山东然先事之防谋国者所不废今岁十二万运通旁岸行舟风波无患则我与人共之设法预防尤所当急议将沿海地方分为四段淮安兵船出哨至即墨即墨至文登文登至武定武定至天津每哨船二十只每船兵十五名月粮旧额外量加一钱以小满日为始至立秋日止循环会哨以销奸萌又淮安二海所班军四百八十三名正可备巡哨之用有余则以支海运< 娼弊-金 >下户部改折预兑二议不行

○山东聊城县天鼓鸣震动若雷

○戊午 上御文华殿讲读

○初以山东济宁管河副使兼兵备割沂曹二道所属济宁州宁阳县济宁卫鱼台汶上二县其统辖

○巡抚四川右副都御史刘斯洁自陈乞罢

○灵藏赞善王差你麻坚咎等一百三十五名贡方物马匹如例给赏表里银五百四十两

○吏部覆太常寺少卿陈于陛自陈< 娼弊-金 >乞令到任供职从之

○己未以栖霞公主薨辍朝一日 以兵部左侍郎王遴阅视延宁甘固右侍郎吴百朋阅视宣大山西右侍郎汪道昆阅视蓟辽保安各边务命礼部各照地方铸给阅视边务关防

○先是南京户科给事中张焕< 娼弊-金 >论总督漕运王宗沐六月内飞报海运米十二万石于某日离淮安次天津抵湾粒米无失比闻人言啧啧咸谓海运八舟米三千二百石忽遭

风漂没渺无影响宗沐盖预计有此令人赍银三万两杂补臣思宗沐受国家财赋之托锐意此事意非不良粮船有失据实陈乞未为不可何至粉饰观听大臣实心任事之体当不若是米可补人命亦可补耶当今之行海运譬北方之种稻始必树艺少许以试地利何如而渐次为之可也若不论南北之高下寒燠菽粟与稻并树则虽三尺之童亦知稻之所获不如菽粟之尝多矣河运之与海运其经权久暂之宜殆亦类此来年倍加米数一节乞敕该部从长计画< 娼弊-金 > 下户部覆言先该科道请叙海运之功臣等谓万世之利在河一时之急用海继因漕臣议增海运二十四万臣等又谓海道风波难定但当习熟此路以备缓急不必加增今焕意略与臣等议同至言漂没粮石发银买补臣等不意宗沐之明达弄巧为拙至此但事出风闻难以深求而首事勇敢之臣可以情恕以观后效万历元年为始海运止以十二万为则候数年之外另行裁酌宗沐亦< 娼弊-金 > 辩臣固知骇见之难偕俗成事非易可居然不意乃悬空妄传若此使臣有一毫不诚但为身计则按守旧规可以毕事何必更端革故力举海运自添一事以致弹射也况海运人船募数省之人发行经数月之久按历涉三省之途其同事而不可欺者各省抚按十数人沿海守令及护行守备等官百余人官军水手三千余人使有沉溺岂待言官今日始言三万出之淮库自有卷籍人船出于雇募各有贯址乞敕户部会同法司行巡按御史查勘< 娼弊-金 > 亦下部

○升礼部仪制司主事岳相为光禄寺寺丞

○南京户科给事中张焕< 娼弊-金 > 荐遗贤尚书裴宇侍郎谷中虞御史柴祥布政使莫如忠侯一元江珍副使蔡结参议查铎凡八人< 娼弊-金 > 下部

○贵州道御史张道奏查刷光禄寺九月逐日供办除本色不给价外该银一万二千三百七十一两有奇

○升大水谷游击张涇为陕西靖虏参将四川叠茂游击吴子忠为湖广镇筸参将

○升宣府左卫所镇抚沉志贤守备大同永嘉老营堡所署指挥佥事夏芳守备大同应州城以原任安庆守备胡大忠守备湖广郴桂地方

○庚申初谕礼部曰朕惟帝王继世而兴缙承大业莫不有功德之实敷布于天下亦莫不有纪载之书垂示于后世典谟传记班班可考已我祖宗列圣代有实录藏之天府洪惟我皇考穆宗庄皇帝渊毅夙成< 整彩见 > 仁内植动符天意德洽民心北虏南夷款关献馘外宁内戢远至迓安虽临御仅止六载而功烈迈轶百王非有纪述不足以彰盛美而播休光尔礼部其遵

祖宗故事通行诸司采辑事宜送翰林院纂修实录一应合行事宜悉照例举行钦哉故谕

○赐辅臣及日讲官并正字官貂皮有差起原任太常寺少卿陆光祖为南京太仆寺少卿

○总督尚书王崇古奏顺义王俺答纳款之初即求印信互市之后累求经僧节蒙朝廷允给

既足夸示诸夷尤可大破夷习虏王既知得印为荣必将传示各部落珍重守盟永修职贡虏众既知奉佛敬僧后将痛戒杀戮自求福果不敢复事凶残是朝廷给印赐经之典真可感孚虏情诸转移化导之机尤足永保贡市议者乃谓印器不可轻假佛教原非正道岂知通变制夷之宜查祖宗朝敕建弘化阐教寺于洮河写给金字藏经封以法王佛子差发阐教等王分制西域无非因俗立教用夏变夷之典今虏王乞请鞬鞞字番经以便诵习似应查给昭天朝一统之化其刺麻西番等僧开导虏众易暴为良功不在斩获下宜各授僧录司官仍给禅衣僧帽坐具等物以忻虏众庶诸虏感恩遵教贡盟愈坚边圉永宁礼部覆从崇古请惟无经典可给赐故宁阳侯陈大纪武进伯朱承勋各祭二坛造坟安葬

○兵部奏辽东招降夷人并回乡人口赏巡抚张学颜银币总兵李成梁升祖俸本身各一级开原参将郭梦徵升一级○广西怀远徭贼围杀知县冯希武及经历典史巡简等官抚臣郭应聘言怀自诸徭占据沦没已数十年希武锐意恢复徭民欢呼敌誓愿筑城请官保安地方希武失信寡恩刑罚过当诸徭不胜苦楚加以兵匠等役张扬恐吓遂致成变又言各徭强悍异常水陆险隘道臣李文绩请调兵夹剿委不容已薄责地方官而专归罪希武科臣李己以应聘所奏情词隐昧中间致变或有别繇亦当并议其守巡等官参议李文绩副使沉子木参将王世科并知府许岳推官高曰化弭乱无策坐失权宜兵部如已议覆李文绩等住俸戴罪剿贼事完之日巡抚官从实分别具奏

○兵科都给事中李己等奏皇上御极圣政维新凡百弊端悉皆厘革至于传升一事岂可踵习故常令甲武职非军功不升况锦衣尤非他卫可比可不重加爱惜若此门一开后莫能制锦衣之官充满公署糜费廩禄占使军役将不知所终穷矣伏望陛下少禁爵赏之恩以防干纪之渐内廷诸臣有久效勤劳者宜荣以温谕或赐以金帛至于官爵慎勿过与部覆从之

○辛酉 上御文华殿讲读

○巡抚南赣汀韶都察院右副都御史李棠自陈乞罢诏遵新命供职

○兵部奏发马价银三万两角□羊蓟辽督臣买补马匹以后不得以为例

○诏今岁暂免行刑

○会审减死罪二十一人释三人

○南京会审减绞罪二人

○壬戌 上视朝

○准户部右侍郎冀炼仍在籍养病

○吏部题请选补科道 上谕科道系朝廷耳目之官必心术端正事体通达乃称此任尔等务从公慎选毋致冒滥两京言官职任原无轻重今后选用升迁俱一体酌量行

○以蓟州守备王汲充蓟镇大水谷游击

○户部覆督抚刘应节杨兆＜娼弊-金＞言先年因辽费无经内帑告匮从＜整彩见＞计议定为经制九年年例共计二百八十余万蓟镇岁该八十余万主兵十万每年发银一十六万四千九百余两今既逃亡三万有余自当勾补本部原题正欲以勾补逃亡求充额数非于年例数内再欲减削也客兵会计入卫边兵及民兵班兵每年发银七十余万今在密镇加至十三万有零永镇加至一万二千零该镇原议专练南兵以减退客兵将减退客兵之粮以养南兵今称减去三万有余又增发太仓银一万七千四百两是客兵虽有增减而客饷实则有增无减也是以督抚＜娼弊-金＞以军人之离伍甚多当核其实数本部题覆为军饷之冒支如故有意于清查但如先年专遣宪臣实滋烦费查得兵部右侍郎汪道昆阅视在迓先该阁拟以查理钱粮为首相应会同督抚悉心查议隆庆四年总督分布各路主兵八万五千余兵今奏称一十一万的系何据逃军三万并改拨不下万人原饷有无开除即今清角□羊顶补原饷有无勾用练募奇兵串营游食之徒作何议处客兵班兵何日可议罢即有应增应减兵马湏与本部年例银两通融会计不得过于原数务使兵食俱足乃为经久可行诏是之

○癸亥 上御文华殿讲读

○南道计坤亨等＜娼弊-金＞荐遗贤尚书尹台侍郎丘岳都御史潘季驯庞尚鹏陈基布政使陈善参政董德明何镗凡八人 直隶巡按卢明章荐举逸才原任两广总督刘焘辽东巡抚李秋听调给事中杨震养病四川巡按王时举闲住佥事刘勃各起用

○湖广抚臣赵贤以荆州水灾陈安民四议一曰折南粮二曰停旧徵三曰修堤塍四曰处赈济户部覆请行之

○复除山东道御史燕儒官为浙江道御史

○甲子 上御文华殿讲读

○督理苏松常镇粮储山东右参政张一霁以疾致仕

○户部覆提督鴈门等关巡抚赵孔昭奏议咨各督抚及管粮主事通将终年费用及节省过数目造册咨部以凭类造简易揭帖进御报可
赠故兵部尚书毛伯温少保南京吏部尚书吴岳太子少保

○朝鲜国王李昖差陪臣赍表陈慰并献进香礼物命鸿胪寺诣引
昭陵行礼赏赐彩段衣服等物 上嘉昖送还被虏人口屡效忠顺令其陪臣赍赏银一百两锦

四段纒丝十二表里仍赐敕奖励○广东按臣杨一桂奏琼州兵乱罪繇言该省设立水寨本以制御海寇何迺来雷琼之境鲸波屡作羽檄不停如李茂许俊美用之有事殊无斩馘之功少有忤意即成脱巾之祸操戈一呼群舰响应焚劫边海虔刘生灵何其怯于为兵勇于为盗也参白沙寨把总石子方提问琼州府知府王可大海防同知陈梦雷罚治章下兵部

○差广西道御史胡濬巡按辽东

○乙丑 上御文华殿讲读

○提督两广侍郎殷正茂巡抚宁夏金都御史朱笈巡抚甘肃金都御史廖逢节各上〈嬖孽-金〉自陈正茂勉留笈逢节下吏部

○以浙江台州府水灾异常免今年税粮之半其田土冲没者一应钱粮酌量未灾县分均摊补办

○升四川宁越守备赵世勋充叠茂南路游击○审录罪囚

○丙寅 上视朝

○吏部遵旨奏定两京科道官一体升迁

○授行人等官裴应章梁式赵思诚汤聘尹李戴李乐刘铉段阳柏为给事中史朝铉王颐为南京给事中中书舍人李颐张士奇易仿之推官张简角□羊学礼石横知县郭思极田乐韩必显赵允升王琢玉王恩民为试御史王宣化何玉德胡用宾蒋科为南京试御史

○起原任陕西右参政舒化为山东右参政管理苏松常镇四府钱粮 正广西桂林县田土都狼隘西獐占田一十九顷五十亩零分属永宁州江西大车小车二圩民隐田一百三十五亩割归永福县其狼隘东及上下里满等圩田仍属桂林县残败里甲行令归并

○丁卯 上御文华殿讲读○户部奏缓长芦没盐之徵先是每盐二十斤追银一钱割没之盐虽年加一年拖欠之数实岁积一岁今复加消折盐十斤共三十斤追银一钱依期并纳从御史田子坚议也 四川达思蛮长官司陕西灵藏赞善等七寺各差都纲头目番僧共五十四名赴京进贡方物以 穆宗皇帝山陵甫毕赐筵宴不作乐给赏如例

○吏部覆总理河道万恭照旧供职不宜以患病再行陈乞报可

○礼部题金山 列圣诸妃 世宗皇帝特命并入 各陵从祭岁时享祀得以附于 列圣左右但各陵惟设诸妃几案时享惟以纸牌列名号前奉 世宗皇帝圣旨置设木位今尚未备合应补造恭置 各陵前前项祀典原出 世宗皇帝圣裁凡

世庙诸妃并请迁附 永陵一体从祀其金山坟祭俱宜照例罢免报可惟 世庙诸妃并请迁附永陵一体从祀其金山坟祭俱宜照例罢免报可惟 世庙诸妃仍旧祭于坟所

○户部奏定做工军夫粮数神木黑窑二厂每军月粮四斗其冬衣布花不分二厂苑海每军各布二疋一本色一折钞绵花各一斤八两有逃故者即行开除仍严行蓊密昌永四镇但有卫所册籍开载神木黑窑并上海子等军名色尽数开除以绝后弊

○吏部题养病官员令甲俱以三年为限奉

世宗皇帝旨违限三年以上革任闲住若起文在三年之内者犹准复职奉 穆宗皇帝旨虽起文在三年之内者亦不准理但前项官员假病济私者固多真病妨公者亦有但至三年尽从罢革似非情法之中以后养病官员起文在三年之内到部在三年之外者查果有本处印信保结仍准其收选庶人才法纪两全报可○戊辰 上御文华殿讲读

○复除山西道御史王时举 升巡抚河南右都御史梁梦龙为户部侍郎

○吏部题< 娼弊-金 >通选法言有司才力不及对品改调闲散者近多守候至数十余人拘于对品之例日见壅滞除知州以上难以别议其通判知县宜于品级正从之间量为设处如府通判正六品官也若对品无缺则从六品相应缺俱得改调仍支正六品俸各知县正七品官也若对品无缺则从七品正八品从八品正九品从九品相应缺俱得改调仍支正七品俸任后果能砥砺抚按即与同有司一体保荐本部仍依原品叙迁报可

○准原任河南道御史郜永春以今升参政职衔致仕

○复归河南黄河退滩地三百三十顷于杞县滩地原属考城永乐间杞人垦荒其税粮随派于杞后杞奸民避重就轻复报入考城奏告纷纭至是抚按查勘明白乃复归杞

○升管理宁夏镇城地方指挥同知张维忠为署都指挥僉事协同分守西路广武营地方卢龙卫所镇抚郭应坤守备蓊州等处湖广军门领兵把总沈茂守备四川宁越

○礼部题王府亲郡王妃病故例有 皇太后之祭合无 仁圣皇太后慈圣皇太后共遣祭一坛定为例从之

○庚午 慈庆宫后西连房火内阁府部及日讲等诸臣上< 娼弊-金 >恭慰俱报闻

○复除原任广东右参议张尚文于福建 工科都给事中张文佳言河道国家命脉所关海运不过河运之间道轻重缓急甚为较然顾黄河迁徙不常今河流虽安河道诸臣未可自谓安往年河工报完河患继至变起仓卒莫可支持凡以防之不预图之不旱尚书朱衡所经略至为详尽乞敕河道诸臣未可自谓安往年河工报完河患继至变起仓卒莫可支持凡以防之不预图之不旱尚书朱衡所经略至为详尽乞敕河道诸臣及时举行并力殫图不得指以海

运弛意河工<娼弊-金>下工部朱衡亦言漕河自仪真至张家湾凡二千八百余里河势四段不同仪真至清江浦与临清至张家湾远隔黄河不烦人力惟茶城至临清则闸诸泉之水为河与黄河相近清河至茶城则黄河即运河也臣故谓茶城以北当防黄河之决而入茶城以南当防黄河之决而出防黄河即所以保运河故自茶城至邳迁高筑两堤宿迁至清河尽塞缺口盖以防黄水之出则正河必淤昨岁徐邳之患是也自茶城秦沟口至丰沛曹单诸处剧筑增筑以接缕水旧堤盖以防黄水之入则正河必淤往年曹沛之患是也二处告竣故河深水束无旁决中溃之虞然沛县窑子头至秦沟口应筑堤七十里接古北堤与徐邳之间堤逼河身应于新堤外别筑遥堤譬之重门待暴增纾御寒此二项工程尤当及时修举奉诏如议命河臣万恭经理

发内库熟铁一十五万九千七十八斤于宣府成造军器盖旧例三年一给铁如数云

○辛未夜大风

○诚孝昭皇后忌辰遣襄城伯李应臣祭 献陵

○升应天府府尹朱纲为都察院右副都御史巡抚河南地方

○总督宣大王崇古题增虏酋岁赏永邵卜大成比吉能贵台吉例索郎倘不浪比同贡副千户例首领大威静比小头目例仍换敕书奖谕赴该镇领给<娼弊-金>下礼部覆从之

○兵部覆吏科给事中李日强条议阅边四事一慎供应不得使将领有司假借供应名色以肆侵渔一核功实凡于钱粮屯田兵马器械务逐一躬阅以求实迹一酌时宜如钱粮查果有余即采买粮草以备有警一恤军伍请严禁营卫科克扣减加意抚恤清勾新军卒致逃军伍惟酌时宜一节以阅视大臣职端稽查难责以此咨户部酌题余如部覆从之

○升分守马水口参将宋兰为神枢营右副将

○先十月初三丙辰夜客星见东北方如弹凡出阁道旁壁宿度渐微芒有光历十九日壬申夜其星赤黄色大如盏光芒四出占曰是为孛星日未入时见占曰亦为昼见是时 上于宫中见之傲惧夜露祷于丹陛辅臣张居正等言君臣一体请行内外诸司痛加修省仍请奏两宫圣母宫闈之内同加修省从之

○谕礼部曰玄象示异朕心深切警惕内外诸司宜痛加修省便查旧例来行礼部奏请如嘉靖四十二年火星迭行之例百官青衣角带办事五日报曰你每为臣的都要体朕敬畏天戒之意著实尽心修举职业共图消弭毋徒为修省虚文按是星历万历元年二月光始渐微至二年四月乃没

○癸酉谕成国公朱希忠大学士张居正吕调阳各专敕一道敕曰兹者恭修皇考穆宗庄皇帝实录已敕礼部采取事迹于隆庆六年十月二十六日开馆朕惟 皇考躬神

圣之资抚盈成之运恭已宪天垂拱致治德业盛大与造化同流固未易以窥测名言者然六载之间号赏罚训诰仪章奉行宣布各有司存灿然可得而称举也兹命尔等稽古义例修辑成编以为万世法程至于一时吏治臧否人臣忠邪亦因附见以示鉴戒尔等受兹委托其悉心经理毋忽以致遗母夸以失实毋偏以废公毋怠以玩岁祇勤夙夜殚厥心力以亟成一代之令典称朕意焉钦哉故谕 升太仆寺卿陶承学为应天府府尹 总督宣大尚书王崇古奏加升俺答异母兄子永邵卜大成都督同知其头目大威静授以百户昆酋女婿索郎倪不浪授以副千户其昆酋一枝听明春续修贡市照旧一体抚赏部覆从之

○巡抚贵州右副都御史蔡文自陈乞罢不允

○兵科给事中李熙陈阜财五事一曰赈穷民一曰优富民一曰驱游民一曰禁末作之民一曰抑刁讼之民其优富民言贪墨之吏以富民为奇货诛求朘削靡所不至廉吏又矫枉过正摧抑之困辱之或罹小罪必重坐以破其家明知含冤必故入以倾其产自谓有捭击之能无贿嘱之染间有存心公恕意在平反者则果以疑似之嫌为上司所摘谤议纷然官民俱败矫枉之吏益得借口肆毒贫者既不能调之使富富者又不能全之使同归于贫闾阎愈空国将何赖其抑刁民言民之破产繇多讼所致奸民巧捏虚情牵诬良善不才有司利具可资鱼猎一概收受又委讯鞫于佐领寄耳目于胥隶衙门诳索百端赃赎比追无已坐罪未明身已毙纳赎米竟业已倾民命既伤民力愈用诚使为民牧者以忠厚恭逊训率其民减省词讼不肯滥受则齐民安业淳风可还其他三事言亦剖切< 娼弊-金 > 下户部多覆行之

○甲戌辅臣张居正等因星变修省< 娼弊-金 > 辞礼部开馆纂修钦赐旧例筵宴从之

○复除江西道御史孙代广西道御史贺一桂

○以抚顺东川等堡节经失事革备御贾汝翼及张承武职与许承宗等三十六员听巡按御史提问其沈阳游击郝重光以别卷从重辽阳副总兵赵完已经革职戴罪立功俱免究

○以昌平总兵标下游击满朝相充分守马水口参将降原任游击戴椿管理宁夏镇城升广东廉州右卫所镇抚陈崇谦把总琼州白沙寨

○乙亥 上御文华殿讲读

○升广东左布政使方弘静为太仆寺卿

○勒广东高肇参将马良汇回卫差操良汇虚冒军数侵克兵粮原议提问后勘古田功次良汇部下功一百一十名颖以功赎罪仍追赃焉

○丙子 上视朝

○革湖广随州知州周行为民行巡按御史提问 上因谕吏部曰近来查勘官员久不奏报贪吏无所惩戒亏枉久不获伸抚按官所干何事便令上紧完报不得推诿故纵

○升赏甘肃赚马坑等处斩获阵亡伤故员役一百四十三员名

○兵部武选司主事谭纶奏边备兴革七要一宽增税以恤边氓嘉靖三十二年 世宗皇帝軫念边镇岁荒特遣大臣往赈时奉行之臣妄起事端遂行丈地加粮之法其好名者复效之节年增粮几倍正额沿边屯堡十处九空乞将各镇屯田钱粮逐一查明原额正赋照数徵纳额外新增悉令开除庶徵者无弊输者乐生无流离失所之人一酌清勾以杜烦扰近日清角□羊无益军伍徒若百姓乞取回宪臣仍责各清军官应清角□羊者务查审本户真正壮丁及有妻室者角□羊补并管角□羊大户与应贴银两必须查酌停妥又申飭各卫所官角□羊到军役不得需索卖放务加抚恤俾得其所庶兵有充足之实民免清勾之苦一罢远兵以练军实徵兵满万不如土著数千近不练土兵惟恃调遣不独无益且不便者亦甚多端若不早议处恐患不在夷狄之跳梁而在客兵之骚绎乞将一切调兵尽行放回速募边方精壮骁勇之人即以客饷养之庶卒劲兵强战胜守固可免庙堂北顾之忧 处降胡以戒不虞各镇将官多招募降夷以充家丁非我族类其心必异一失驾驭必启衅端况近日黠虏宾服塞徼无事虽有月粮之给难系骄纵之心乞行各将不许擅招其见充家丁者拨发各卫所顶补逃亡食粮操备庶势分力孤销意外之变一裁冗弁以裕军需今天下武职冒滥一岁食禄奚啻百万其间求一人堪为将领能出战阵如古名将者未之有也乞将各卫所军职遣官考试其或武艺不闲韬略寡谙者革任试中能代者即令替职子或不能就令同祖有武勇者借替无者暂停或减俸优给其非世袭者即行罢黜庶国多御侮之臣财无冗费之弊一慎简用以求良将今边将于无事之时一切戎务漫不加意惟滥理词讼肆行科罚至有事之时下营观望听其劫掠冀脱覆军之罪朝廷养兵将安用之乞敕各边御史严飭将领非军务事情毋得受理如蹈故辙从重参治其遇警能效死先登者即损军马亦原情免罪如坚壁不动即土马保全亦抵以失误重律应袭严加考阅官员从公考察有谋勇异常不拘资格具实奏闻一抚群黎以固邦本近来抚按举劾有司不察舆论惟据各司道与查盘等官揭帖以为贤否其得民心者不上达也故宁歛怨百姓以媚悦上司甚者假奉上之名图盈囊之计需索竭民膏脂无所不至民之疲敝未有如今日之甚者乞敕各抚按官举劾有司多方体察务获真实毋止据守巡查盘揭帖致有枉纵至举劾到部有励精任事节操端严部访的确者虽在论劾仍得留用如所举者贪酷于前败露于后必连及举者举劾既公则廉爱之风兴矣< 娼弊-金 > 下该部多覆行之

○丁丑 上御文华殿讲读

○南京户部尚书曹邦辅引年乞休吏部言邦辅性度坚贞才识老练向者触忤权奸远投荒徼起用以来屹然如山气不少挫年虽七十精力全未衰减 上命邦辅照旧供职

○升广东右布政使张子弘为左布政使

○广西道御史胡濬奏 皇上诚祀 宗庙孝奉 两宫仁保四海宜和气致祥乃者北斗角度忽有大星躔入光芒烛地未夜而见中外惊疑臣民骇异有以夷狄内侵为占者有以饥馑荐臻为占者有以四方可虑萧墙之患不可不防边陲可虞腹心之疾不可不治为占者又本月十六日夜 慈庆宫后延烧连房为宫嫔所居之地则灾沴之应信在宫妾无疑星阴象火积阴所生一旦妖星入于角度火异见于宫中此岂细故东海杀孝妇三年不雨一孝妇尚干天和至此况 两朝宫妾闭塞后庭老者不知所终少者实怀怨望寡妇旷女愁若万状者哉故今日弭变急务莫要于释放宫人乞查 先朝宠幸者优遇体察使分愿各足未临幸者无论老少悉赐释放唐高不君则天为虐几危社稷此不足为 皇上言然往古覆辙亦当为鉴更乞召一二阁臣讲求灾异之繇徵在君身何以表正徵在奸回何以斥远徵在戎狄何以控驭徵在小民何以绥辑他如抑滥请以遵 祖制节财用以厚民生敕讲读以广治道皆所以召天地之和开亿万年无疆之治 □入 上览之怒

○戊寅 上御文华殿讲读毕手濬〈嬪嬙-金〉指其中唐高则天二语示辅臣问所指为谁张居正奏曰濬〈嬪嬙-金〉本为放宫女尔乃谩及此言虽狂谬心似无他上意未释寻有旨诘问濬惶恐上〈嬪嬙-金〉引罪命褫职为民

○升吏科右给事中贾待问为刑科左给事中兵刑工等科给事中匡铎朱南雍张楚城刘浑成俱为右给事中铎户科南雍礼科楚城兵科浑成仍工科

○遣侍郎陶大临祭 三皇于 景惠殿

○遣右通政徐伟祭 先医之神

○升辽东暖阳城守备王有臣充昌平标兵营游击广宁左卫副千户郭民备御铁岭城所镇抚刘允恭备御辽东懿路城

○革宁夏总兵官谢朝恩任闲住朝恩自陈兵部参其狡媚也其延绥总兵官雷龙陕西总兵官吕经分守延绥定边副总兵官张杰部覆俱留用辽阳副总兵为事官赵完仍候防秋毕日议处

○免淮安东西所班军岁赴京操分拨海上巡哨以防海运从王宗沐议也

○己卯 上视朝○监修实录官朱希忠总裁官张居正等言敕谕纂修 穆宗皇帝实录已该礼部奉敕通行诸司采辑事件其传奉旨意并旨意奏题本经六科者及锦衣卫镇抚司奉行俱该各衙门官员查计年月数目明白陆续送赴史馆以凭编纂从之

○升河南按察使程嗣功为广东右布政使福建副使宋仪望为右参政

○户部奏请开浚榆河自巩华城达于通州渡口运粮四万石给长陵等八卫官军月粮从之先是卫军选入营路与边军共资防守者仍于京仓支粮甚为繁苦且多弊窦总督杨兆倡议以请也

○巡按辽东御史朱文科奏九月二十八日王台吉领部落一千余骑夷酋王杲等领骑三千余各近抚顺关分守东宁道李鹗开原兵备王之弼差官与杲歃血盟和失宣布之体有损国威自五月至九月掳去军民二百五十余名口未见送还因追参备御贾汝翼生事启衅法当重究分守东宁道李鹗开原兵备道王之弼当日颇有措置弹压之功请行罚治章下兵部鹗之弼各夺俸二月

○户部尚书王国光〈娼弊-金〉言国家建官六部设有子部郎中员外主事各有定员而户刑后增子部各十三司以其事烦也臣查弘治间各司员外主事俱在部分理众务今惟郎中一人而已盖以内外差多且各司逼窄到任之后即不入司若挂衔然缘为故事七十余年矣郎中一人干办不前率凭吏书远者埋藏近或寝阁臣等即欲约束使遵前制但各有差更无剩官反覆思惟除在京东西太仓注选外其余题差部差共有一十二员当使照旧在部管事不妨带理原务如兵部协司郎中员外主事皆每日在部事例其山西云南贵州三司尤艰冗合增员外主事各一员余司各主事一员除见在一十二员尚少四五员当以新除者补足遇有员缺咨行吏部照司铨补果有矢心尽职劳瘁年深如近日郎中袁三接即转京堂更加优处以示劝勉从之

○庚辰上御文华殿讲读

○兵科都给事中李己上〈娼弊-金〉人君善政不一莫大于赏谏臣疵政不一莫大于黜谏臣古哲王有见于此故于谏臣每优容而礼待之所言是固求采择以行所言非亦矜悯不罪胡濬官居御史补过拾遗绳愆纠谬乃职分所宜今一语有违即行谴斥恐自今以后阿言顺旨者多犯颜触忌者少况修省之际黜放言官天意或不可回异星或不肯退臣以妄言得罪先帝廷杖禁锢革职为民荷蒙圣恩取复前职岂其于今日罪人独不能容伏乞念狂谬之无他思壅塞之可畏或加薄惩或令复职则圣德广大臣之愿也不从

○吏部覆湖广巡抚赵贤自陈言贤操履端严才识精敏向守荆州治行哀然称首今之开府尤慰人望一切注措悉中机宜上命贤照旧供职

○户部请各边镇粮草虽备每遇年丰即将积贮银两堪动支者照依时估收买以备不时从给事中李日强议也

○巡按陕西御史萧廩陈四镇兵粮事宜一正支放钱粮支放有管兵官虚冒作蠹亦有管粮官缘绝为奸臣置有簿册单票乞为申飭使兵马钱粮据此稽盘一清民屯延缓边堡以屯为民宁夏瓦渠以民为屯及定大城黑山沟地弃粮存如此者甚多亟宜清核减豁一定交盘仓攒犯罪其经手钱粮即令交盘下手接管或一应仓攒齐年交盘毋泥守支之法使得侵盗一

严中易盐引轻估诚为要务其开派必在先秋则商人收粟便易完纳至于银易务革积棍选殷实放之必审收之必时查之必严凡经放之官必尽完其数方许离任一饬仓场边镇储俸法谨盖藏其无仓场去处行令修盖增添不惟免湮烂之患亦可行倒盘之法一议改拨河州地处极边月支粮仅三四斗乃征戍之苦视兰洮一石之军反为倍之又且多至乏绝宜将兰岷临洮等处粮价若干派拨河州有马出哨者月八斗余六斗户部覆行

○押回隆庆五年监追欠粮官旗一百八十六人咨督漕责令该管严催各府州县卫所等官从宜区处完报 陕西答石毡哈等族番人贡马匹腰刀给赏段绢钞锭银两如例

○辛巳 上御文华殿讲读

○升山东右参政鲍承荫为河南按察使

○兵科左给事中蔡汝贤因清勾军丁奏言军政五害一佃军谓佃故军之地为业而补军者二壻军谓娶故军之女为妻而补军者三同姓军谓籍异姓同展转勾补者四重隶军谓军或改近调远而原卫未经除名因而勾摄者五重役军谓本人在伍不缺而余丁又行勾摄因而发回原籍者迹者 皇上登极凡可以苏民困恤军隐者备载诏书矧永戍之刑下死一等而以平人当之冤抑甚矣乞敕兵部转行各处清军衙门务稽查尺籍慎发勾单顶补平人细行体勘如果原户绝即为除豁违者治以违慢诏书之罪章下兵部覆谓佃地补军谓情愿者听也女户补军谓承产者也同姓补军谓本族非姓同族异者也若改调别卫即当开除军不缺伍岂得勾余此皆所当厘正如科臣言从之

○以福建兵备副使宋豫卿提调学政○差江西道御史孙代浙江道御史燕儒俞一贯山东道御史量石往江西山东甘肃巡按

○刑科给事中李学一奏

陛下妙龄践祚首于平台召见辅臣温旨慰劳大小臣工莫不举手相庆以为 祖宗盛典今复见之然犹谓平台一召嗣后无闻若以为歉顾辅臣日侍讲幄饶有咨访自可因事纳忠独部院大臣御门一接即远 天颜情慤未孚有怀莫吐甚非所以激劝人臣励精图治之道且部院衙门政务所关咨访责成尤当淳切视朝之后召见部院大臣披以腹心隆以体貌凡国家大政悉以咨之诸臣抒诚而筹阁臣虚心而断 皇上尤时加申饬计其岁月责以成功殿最必分赏罚必信为大臣者自当警惕勉励以率其属而诸務必举矣咨访行则上下洽而国是定责成严则群工饬而庶政举报闻

○顺天巡抚杨兆奏日者奉诏修补所属城池查自隆庆元年大虏入犯后各府州县城垣筑修过四十余座其乡村堡亦修葺过四十余座俱坚固堪恃共用过官银三万二千余两今止有支剩官银一千七百余两应修之堡尚多若一概通修不惟工程浩繁帑银有限抑恐堡多力分难以拒守分守不若并守为坚分修不若并修为要况内地重在州县村堡为缓边境重在镇城关寨次之如腹里则溧县为急近边则三屯营为急至如马城倭城罗文谷而海口

诸城堡则当并力修之者但在边城堡藉主客兵力兼灰石稍便不过量发官银为犒赏米盐之资在腹里者必据其原估尽发应用官银方免别项科派之弊因请银二万两期以三岁告成足堪保障兵部奉旨议给银一万两 升分守延绥右副总兵张杰充总兵官镇守宁夏○延绥宁塞营守备孙汝继以侵冒料价革任提问

○升绥德卫指挥僉事孟一阳守备宁塞营辽东广宁左屯卫镇抚冯文翰守备暖阳城

○壬午 上视朝

○兵部覆京营总督杨炳等奏参中都山东卫所不到班军各该应参人员系春班犯在六月初十日以前者例得宥免其全军未到并赦后在逃者查照三十年事例分别分数各提角□羊来京照例问罪降级调卫住俸罚补工操所据嘉靖四十三年春班起至隆庆五年秋班止遵奉诏旨以十分为率量免五分仍该追正罚工银二十二万九千九百九十六两中都三十三万一千四百八十两今班未到并续逃官军五千二百六十三员名每名追银二两四钱照例通免五分山东共银一千一百八十五两中都共银一万一千四百四十五两先将以前应给月粮扣官其余严限追角□羊一面将脱逃班军提角□羊罚补工操

○江南恤刑主事宿度奏矜疑绞罪一十五名笃疾一名改拟一名江西恤刑主事张庸奏矜疑斩绞罪一十七名改拟六名

明神宗显皇帝实录卷之七

隆庆六年十一月癸未朔 上御文华殿讲读

○升陕西副使刘有诚为山东右参政分守海右道云南左参议徐中行为福建副使整理福宁道

○准分守冀北道兼理兵备右参议萧大大亨回籍终养时大亨母年七十有七 巡按陕西御史萧廩奏改勘牧地事言七苑牧地共五万五千三百二十二顷除见养马八千七百七十匹给地一万二千二百五十一顷外余地共计四万二千九百七十一顷自万历元年始岁共徵银一万八千三百二十两系牧地者责成苑马寺徵备马价其混争地土二千二百五十八顷有零责成固原道另行召佃每年徵银九百八十三两零专备军饷扣抵年例至或地有荒熟马有登耗又当限定几年一次会同查算户兵二部会覆牧地银仍俱充年例其量地加赋算马给地之法每三年巡茶御史会同总督抚按一行

○廩又陈整宿弊明大体二事言种马仍当取诸孳生不可任其倒失亏欠徵银易买及罢监苑官添设府州县管马佐贰或令卿少卿即为分巡兵备仍存监牧各官司其点报群孳之事< 娼弊-金 >下该部

○廩又奏查府苑地土据道臣所呈毛居士井地三段内一段二千五百八十九顷宜归苑牧外一段一千六百余顷宜归庆府与平虏所中一段二千一百三十五顷向系互争宜查照起科廩以为地系朝廷迺封旷土迺南连万安苑故牧军豕突其中迺北接韦州故庆府蚕食其内一彼一此皆谓取非其有或府或苑自难定归于一总督巡茶说各有据道臣呈议灼有可从< 娼弊-金 >下兵部覆奏报可 命河道郎中王体复清查近畿苇地工部言顺天河间二府所属霸州及武清文安大城静海四县原额苇地四千五百七十七顷岁徵银九千一百五十四两角□羊贮节慎库查节年所角□羊十无一二天地自然之利既不能蠲以与民又不得用之在官徒以资乡豪之兼并充吏胥之囊橐畿甸之中有此毙政殊非法纪除迺欠者奉诏蠲免乞趁此更新之会大加查理以除积毙

赏朝鲜国赍捧陈慰表文并进香陪臣彩段靴袜等物 甲申以贵州坝阳地方添设守备官摘留标兵三百名以资防御其贵府通判安顺州通判官宁谷司吏目各专驻地方管理钱粮词讼不得别项差委

○巡按陕西御史萧廩奏荐副总兵等官孙国臣等一十六员言守备哮拜尤当永为西夏之用参游击陶承学闲住中军张威提问 巡按陕西御史褚鈇奏报茶马总目隆庆五年分招番中过马六千三百七十四匹照例角□羊苑马寺孳牧及军门各镇骑征六年三月终止苑马寺实马并驹一万七十四匹马价茶价地亩赃罚银九千五十八两有奇苑马寺各监苑备赈谷豆六千七百八十六石洮河西宁甘州四茶马司各项茶七十九万六千六百六十一斤

○令各卫所官不得额外役占军士及卖放包纳月钱其见任文官并不许占用军士

○乙酉降调云南澜沧兵备副使周汝德别用抚按参其擅调官兵空糜粮饷也

○改湖广副使陆光祚于陕西升金冯子京为云南左参议山西金事张希稷为右参议仍兼金事管理威平井朔等卫所城堡仍管分守道怀应等处州县兼理兵备

○山西道御史赵应元等上〈娼弊-金〉乞宥胡濙不从

○丙戌上御皇极殿以郊祀誓戒百官

○保定巡抚宋纁奏荐逸才侍郎吕时中副使王彦民达其道张謐四臣有可用之才都御史庞尚鹏无可废之罪疏下吏部

○刑科都给事中乌昇因星变未消上疏言圜丘大祀可遣大臣代之至于感格之本在陛下一念之诚日至之刻宫中祷祀导迎阳气以上格天心者不可少略又先帝服制尚未及期大小臣工吉服数日非惟陛下心大不安即诸臣思先帝而奉陛下之心亦大不安宜令服青丝锦绣办事二者皆修省大端又言停屠沽止燕会勤君对宥狂直四事〈娼弊-金〉下礼部

○丁亥赐辅臣及日讲官各衙门三品以上鲜藕

○升山东副使徐节为陕西右参政兼金事甘肃管粮兼理兵备浙江衢州府知府汤仰为云南副使整饬澜沧姚安等处兵备直隶广平府同知张稽古为山西金事

○补原任江西副使徐学谟于湖广兼管屯田水利升湖广监利知县李克敬为按察司金事以能剿除巨寇也

○以分守甘肃西宁参将张翼充右副总兵分守延绥边镇等处

○勒云南洱海守备赵袞闲住按臣许大亨论劾也

○戊子吏科都给事中雒遵等及南京户科等给事中张焕湖广等道御史陈堂等先后上〈娼弊-金〉乞宥胡濙不从贵州道御史张道奏查刷过光禄寺十月分逐日供办除本色外该价一万二千九百四十五两有奇

○己丑冬至郊遣成国公朱希忠代还报赐希忠银币明日百官朝服贺诏暂免庆成宴朝鲜国王李昫遣陪臣贡方物马匹表贺赐宴赏如例

○辛卯升河南开封府知府洪忻为山东副使分巡海右道山西金事刘宗岱为浙江右参议

○吏部奏被论官员革职提问者所以严奸恶之防回籍听勘者所以求是非之实如近岁五河县知县张宪翔横被污蔑于时立限催勘毫无干涉今宪翔见任御史僭运有声窃计被勘官员如宪翔者恐亦不少各该抚按公然废阁贪吏无所惩戒亏枉久不获伸诚如 圣谕乞通行各该抚按衙门不拘京官外官凡奉旨听勘并提问未完者分委廉干官员审究明白册送部院该科查考不得仍前推诿纵容报可

朝鲜国王李昰遣陪臣参判姜士弼等贡方物马匹表贺 皇上登极并贺长至节赐宴赏如例

○壬辰 上御文华殿讲读是日出 御书盈尺大字赐辅臣居正曰元辅曰良臣调阳曰辅政二臣<娼弊-金> 谢因赞其笔意遒劲飞动有鸾翔凤翥之刑焉 蓟辽总督刘应节题称修完城堡一百二十余座用过官银三万二千二百余两尚余一千七百八十余两应修之处尚多请发帑二万部覆给马价银三千两户部发七千两共银一万两其余听本镇便宜取给限三年修完

○癸巳 上御文华殿讲读

○升山西右参议冯叔吉为按察司副使分巡河东道带管隰州兼理兵备调山西副使崔镛驻宣府管西南二路调山东副使李汶于河南提督学政
工部奏修筑湖广荊州府所属堤塍从按臣舒鳌议也

○甲午 上御文华殿讲读 户部奏太仓银库今年十月终实在各项银二百八十三万三千八百五十八两金四百六十五两铜钱一千六百一十五万七千八百六十二文

○乙未升河南左参议葛大纪为山东副使山西平阳府知府刘世昌为按察司副使驻劄并陘陕西僉事姜廷瑶为山西左参议分守河东道○贵州巡抚蔡文荐举遗贤养病僉都御史孙应鳌閎博通达声实兼收操履无议闲住僉都御史刘秉仁明达端方干济有声指摘非罪<娼弊-金> 下吏部

○浙江巡按御史谢廷杰请复故刑部尚书毛恺官职言恺之夺职止因故入人罪其生平狷介清洁实无愧于古人兹已奉赦宜加宽恤吏部言恺之故人指勘问给事中张齐受贿事今齐以不谨考黜恺明是守正受诬诏复恺官

○巡抚云南兵部左侍郎邹应龙自陈乞罢不允

○以河工告成赏尚书朱衡侍郎万恭银币及郎中吴自新等银两有差万恭言国家财赋仰给东南贡运转输全资河道徐以上河广广则水有所汇而萦回徐以下河狭狭则水无所容而泛滥故欲河不为暴莫如令河专而深欲河专而深莫如束水急而骤束水既骤使繇地中舍堤别无策前都御史潘季驯议开一百里故道给事中雒遵议筑三百里长堤人情汹汹谓堤费且无益于河独荷 先皇俞允臣等督司道等官申画地之约下募夫之令期以九十日而工止六十期以六万两而费止三万堤工遂成河流顺轨臣等复念筑堤如筑边守堤如守边

又会题设官布夫建铺编号沿堤修守以此今年黄水大发者三堤竟不败河卒无虞北运无一水阻南还无一冰阻因陈各官劳勩请加叙奖工部覆从之

○上御文华殿讲读

○丙申河道侍郎万恭奏议河夫工食言二洪闸溜浅夫山东东兗二府额一万二千七百余名每名工食一十二两岁该银一十五万三千余两江北淮扬徐三府州额五千三百余名工食八两二钱岁该银六万四千余两各桩草银不与焉在银两视旧额俱已增加在户夫视令编悉已安便然漕粮朝廷之命脉漕河朝廷之民力治漕今运道工役十倍于前民力凋疲十倍于旧竭疲民以事弊河亟宜改辙查旧议单有兑粮所折耗银有剥运所省脚价近新建瓜闸又有所省过坝米三顷岁不下十余万两若悉给发以治河道可减派各疲弊府州之半工部言耗米银后改徵本色给军脚价除扣修通惠河余解太仓济边惟有过坝余米可岁给河道少助夫役工食报可

○丁酉升山东济南府知府平康裕为陕西副使抚治西宁复除原任陕西左参议郅大经于河南

○以修筑延宁二镇墙台墩堦工竣赏靖边副使张梦鲤宁夏佥书汪文辉等各银十两

○唐府奉国将军宙杆有罪发高墙禁住

○差广东道御史贺一桂巡按山西浙江道御史赵应元巡按辽东

○戊戌望夜月食于时阴云不见

○荫故大学士袁炜嗣男袁大辂为中书舍人

○己亥山西抚臣奏今年秋禾旱灾请行分别蠲赈及屯田折徵有差从之

○庚子 孝惠皇后 孝烈皇后忌辰遣忻城伯赵祖征祭 茂陵抚宁侯朱冈祭 永陵

○陕西三边总督戴才奏套虏并俺答部落住嘉峪关西及海上者不下数万情态莫测请发所欠工本盐银并来年年例及工本盐银趁今秋成亟买粮料并本镇收过垦屯粮石各另积贮备警急客饷＜娼弊金＞下户部言来年年例已经预发并扣剩布花赃罚等银共二万二千九百余两止有未发银七两余与工本盐银俟明春计处悬屯粮石原议扣抵年例所欠工本盐银除本镇屯粮节省二顷扣抵外止该银二万八千六十二两从之

○才又条议宁镇屯盐利害四事一豁包赔以苏军困本镇田少粮多军丁逃耗乞于屯田额外加徵谷草地银量行蠲免其河崩沙压荒芜等田勘果不堪耕种及原系差写无影之数将

应徵赋税奏请保豁一建石闸以省繁差汉唐二渠节年挑扒既已劳民渠口岁修本闸费尤不赀乞将抚道赃罚及大小二池盐课暂停动用创建石闸一十二座务期坚固以垂永久一均盐引以济边储先年盐引准浙均搭官无积阁之引仓有余贮之粟近固革去工本致淮少浙多□人不肯报中乞将宁夏盐引比照延镇或淮浙均派或量改浙引三万补派淮引二万一千庶盐利无壅边饷有济一慎选官以修屯政民情利弊非本土之官莫可详悉乞将宁夏屯田水利都司惟以本镇武职曾经保荐者择选推补如一时无荐督抚官得坐名咨升管理下户部题覆各镇屯粮正增各有定额若独行宽免则援此奏扰钱粮安出盐课淮浙已有定规若独欲改派则镇各生议事规必乱俱难改议屯田合咨该镇逐一踏勘盐引则于召纳时少加剂量唯建闸如议尽本处赃罚外量动盐课其选官则听兵部酌覆焉

○兵科都给事中李己因剿惠州贼首蓝一清赖元爵等言用兵之道以谋为先帝王之师以全取胜乃条陈三事 曰辑军士兵多为乱各处将领多不恤军士或粮饷不时或肆行克削致军无斗志激成变乱况今浙福土狼分属四省尤难一统一宜严行各将领用心节制多方体恤庶可消不戢之祸成克敌之功二曰禁杀降二寇为害多年中间虏劫胁从者见大兵至宁无引领来苏之望使不严行禁示则掩杀无辜适以坚其从叛之志宜先立降旗一面征剿一面招安庶民获归正军毋幸功滥杀三曰知险厄各贼巢穴北连江界东接闽强延袤八百余里巢穴四十余处悬崖鸟道狭路羊肠万棘丛生密如比栉贼伏帑于中出殁皆使我环兵于外追逐则难宜令各官相度机宜详审地势使彼之踪迹宛在目前我之算筹有同指掌庶以冲则便以战则胜因请行提自殷正茂督率各官悉心料理<媼擗-
金>下兵部覆行

○以陕西都司掌印都指挥僉事张承业充参将分守西宁升宣府膳房堡守备指挥僉事李东旸为署都指挥僉事充固原游击云南后卫指挥僉事樊尚仁守备洱海地方 兵部奏太仆寺备用马额存二万余匹今查止一万六千余匹多春防秋防退用不堪之数恐各边奏讨不敷合将万历元年分应徵本色折色仍照上年事例原系本色今改折色者徵银三十两系折色者徵银二十四两照数角□羊寺其应天等府原系折色改本色马角□羊南兵部发营该部即照角□羊到马数每匹动支银一十八两角□羊部备用

○辛丑 上视朝

○是日 慈圣皇太后圣诞百官行庆贺纪命□免贺赏各王府人员彩币钞锭有差

○蠲免昌平州寄养马匹以奉祀 诸陵比凤阳泗州例也

○以天寒北虏无警撤放延宁固原兵马仍酌量冲缓分调本镇标兵贴守

○壬寅补给延绥入卫马六百六十匹著令各营马到镇倒死二百匹以上者不准补将官及中军千把总照例参究

○兵部覆提督殷正茂征剿蓝赖二贼事宜二贼凡四十九巢徒党三千八百余人议分六哨每哨兵五六千或二三千各以守巡兵备官监之北为长乐哨南为海丰哨东为揭阳哨西为归善哨各自其县进发西北为永安哨又有中军哨为总兵官张元勋皆自惠州府进发议用行粮等项银五万四千两仍令南赣抚臣分兵遏截毋致奔逸期冬深时出师三阅月而平不得仍堕贼谋轻听招抚如前兵不敷随宜增调狼兵其浙闽废弃将领悉听取用报可

○癸卯遣户部四川司郎中刘易从催僦白粮并漕运京储

○甲辰 上御文华殿讲读

○四川抚臣刘斯洁奏荐原任左春坊左司直任瀚潜心著述削迹城府高标可以起懦清节足以训廉及金都御史张景贤所至奏绩按察司副使甘茹历官著声< 娼弊-金 >下吏部

○漕运总督王宗沐奏辩海运漂没事乞回籍听勘户部以漕运在还请敕宗沐矢心任事仍照原议习熟海道备一时权宜之计从之

○巡按直隶御史卢明章上< 娼弊-

金 >言天之于君犹父之于子爱之切则望之深期之远则教之预 先帝当陛下四五龄时训以诗书端其蹈履既遴选侍从又命出见在廷诸臣 陛下于先帝之教一无所拂故 圣德日新 圣功日起虽周成王弗能及是 先帝教植之早适以成陛下纯一之德知 先帝之意则知 天意维兹星异论者谓他有可虞流言不扇风雷之变何自生乖气已消桑谷之妖胡从至天欲 陛下为守成令至永万世丕基故彰之星文寓以深意不迟 于春秋将盛之年而汲于精粹未漓之日不拘拘于招来有自之说而惓惓于朕兆未启之几 陛下若能以承先帝者承天斯保命凝图迓无疆之休者端在于此伏望 陛下善承绥祐之休益励忧勤之志两宫之养并隆一日之讲无倦究作圣作枉之繇穷为忠为邪之状 圣心既定真念不岐邪谄之徒奸无繇售天下生民无有不被其泽嘉祥上瑞无不充献于廷在 陛下万年受天之休在子孙万年蒙 祖之德奚啻弭灾消变已哉报闻 赏四川加渴瓦寺头目人等七百六十四名段绢银钞有差

○乙巳升广东佥事诸察为右参政分守海北道

○兵部奏北虏三镇贡市事竣粮饷无飞挽之繁士马免锋镝之苦华夷欣戴中外又安总督王崇右及文武将吏九十余员荫升加俸级赏赉各有差又指挥众升级录赎者凡十六人本兵而下亦各受赐是年凡得市马八千二百四十二匹费价六万五千六百九十六两有奇抚赏五千三百五十两按崇古奏言兵部买马则例最上十二两中等十两下等六两夷马价虽分三等通融约计每匹不过八两仅比部之中价而最上者值倍部价中者三之一下者亦不减原值以为所赢实多今实以部价准之俱以八两为率马八千二百四十二匹价当六万五千六百九十六两而今并抚赏银共六万六千五百四十五两则反溢九百余两又此后所

市虏马皆疲不足给军而今日健壮曰反赢何也且是年三镇顿增马八千余匹岂不足补倒马之数而部又以是年各边倒塌及退还疲马数多太仆寺额存之数损及四千余匹议郎中马诸郡角□羊银买补又何也盖边事侈功而实不可问类若此

○改驻永昌甘肃游击胡灿量加参将职衔仍兼游击事务照旧驻永昌专图修守及应援紧急永昌守备范子忠移驻宁远堡改为守备宁远等堡地方官衙听参将管辖著为令

○丙午 上御文华殿讲读

○发沐朝弼于南京为民朝弼逮至法司以罪状显著论死 上下其奏于内阁张居正言朝弼稔恶有年谋害亲子擅杀无辜揆其情罪处死不枉但其始祖三世皆有大功于国家非有仄逆实迹似应稍从＜螯彩见＞宥夫因其有罪而逮问之既是破奸宄之胆念其先功而宽释之又是彰肆赦之恩国法 皇仁两得之矣 上乃赦朝弼 户部题甘肃隆庆五六年两年备边工本盐银额该五万七千一百五十两除屯粮折抵八千六百六十五两及五年节省粮料草银二万四百二十五两外补给银二万八千六十二两

○昭陵神宫监给果厂房屋二百九十八间

○丁未 上御文华殿讲读

○升太仆寺卿方弘静为都察院右副都御史巡抚浙江

○调云南僉事陈应春于广东整饬南韶兵备兼管分巡

○升河南汝宁守备指挥使袁漳为署都指挥僉事充神枢五营佐击以山西行都司军政僉书署都指挥僉事梁文铨注陕西都司军政掌印管事以南京镇南卫指挥同知金书及升宣府右卫镇抚王懋赏甘州前卫百户赵良臣右卫百户刘汝玉俱为署指挥僉事守备泗州膳房甘州洪水各地方升青村所副千户陈嘉谟为署指挥僉事把总吴淞江地方

○戊申以延宁二镇互市告竣升总督戴才为兵部尚书仍加赐金帛新旧抚臣及文武将吏赏赉有差

○兵科给事中李熙言今志士谋臣焦心疚怀为国家抱长远之虑者孰不曰北虏南夷以臣度之俺答贡而边戒当严广寇张而荡平无期北未若南之可忧也南之可忧又不独广东一省也夫无事则偷惰玩愒有急则仓卒支吾人之情也美货甘食则来食尽货竭则徙寇之情也自嘉靖三十一年倭掠浙东而吴越诸郡咸罹荼毒南郡根本之地岌然震惊其人民庐舍畜产焚劫无余矣乃始蔓入福建自嘉靖三十四年至四十二年八九载间福之人民庐舍畜产残破尤惨故又转入广今又已十年余矣计受害不异前之福浙其凋敝耗乏已无复可垂涎彼之所睨盼而窥伺者非福则浙耳无他往也福自倭乱之后区画调度可谓纤悉然法

咸密于内地而海上之备尚疏意稍懈于暂宁而潜萌之衅未睹况当广寇旁窥正所谓震邻之时也于此而不急为之所将待亡羊而后补牢乎晚矣故臣以为今日之计宜专意海防因条所吃紧六事一曰慎把总之选二曰专水寨之守三曰精海兵之选四曰复烟墩之旧五曰坚久任之法六曰重克减之禁< 娼弊-金 >下兵部覆如议行
己酉改南京太仆寺卿罗良为太仆寺卿

○升浙江佥事胡汝嘉为四川右参议调补原任四川佥事田应弼于云南分守金沧道

○河道侍郎万恭奏管堤副使章时鸾筑过南堤自兰阳县赵皮寨至虞城县凌家庄长二百二十九里有奇用工五十万七千七百四十一工除调拨徭夫外仍募夫一十六万七百一工支河道银四千八百二十一两有奇秋分而起未尽十月工成为照前堤系运道上源先该酌议兴筑南北并峙若南强北弱则势必北侵张秋等处可虞北强南弱则势必南溢徐吕二洪可虑又恐占民膏腴致生咨怨今时鸾督数万之夫仅七十日竣事接续旧堤既不多损民地鳩集徭役又不多费官银且堤虞城以上则上源水有所未得冲刷之宜不堤碭山以下则下流水有所容无泛滥之患治河之策以为长便时鸾原系漆设乞敕填注实在衙门庶便补报< 娼弊-金 >下吏部

○日讲官马自强丁母忧赐路费表里驰傳回籍

○以锦衣卫南镇抚司佥书署指挥佥事毛澄铨注本司掌印管事

○辽东总兵官李成梁败土蛮于辽河诏赏督抚及成梁等银币有差先是十月间土蛮聚众声言入犯至十一月朔贼精兵五六百骑营旧辽阳北河去边二百余里成梁亲赴镇远堡防剿仍调参游马文龙唐朴等合营甲申成梁哨见前贼料其必俟众集大举不如先伐其谋乃夜发伏兵约黎明突冲贼垒起火为号至期火起成梁统兵趣应贼遂大奔兵部奏言是役斩首不过二十余级获马不过二百余匹然掩其不备出奇袭击先发制人为功实多

○兵科右给事中张楚城奏天下非多事可畏惟養寇酿乱至不可收拾为可畏惠州之乱酿于招抚今日大剿诚为得策所谓抚者必其释甲徒手望风来降方为抚民其前称已抚已降者必角□羊党散剿各还本籍方称抚降自非然者正凶狡以抚套官之故智必尽行剿处以除祸根若稍有遗孽窜伏则大兵一掣之后劫掠益甚地方之变当不知其所终矣< 娼弊-金 >下兵部覆如楚城议

○泰宁等卫夷人头目兀捏台等一百一十七人赴京贺长至节给赏如例
减释北直隶重囚十二名口

○庚戌上御文华殿讲读

○内承运库太监崔敏请买金两珠石< 娼弊-金 >下内阁张居正言前项珠宝六月间已奉

旨停止今忽有此举则前日之诏令不信今户部钱粮十分缺乏各边求讨月无虚日实难支持乞暂停此举少苏民力因封还敏＜娼弊-金＞遂报罢 定议运船径抵石土二坝先年船至张家湾停泊复用剥船转运官给剥船不敷因拘民船展转延捱日运不足三万石隆庆五年五月因河水盛长创令运船径自抵坝省转剥银九千四百八十余两六年概令抵坝省银几及二万是直令抵坝较抵湾运剥繁省迟速大远侍郎万恭因郎中周良宾亟奏请行之

○恭又条奏河漕事宜四段一严迟速之令黄河伏秋水高运船所避宜令江南粮储各督尾帮遵限过徐州洪勿至与怒河斗三月过洪者以上劳叙荐四月过者次之延至五月后者议罚因而遇水漂没者从重议拟一别远近之宜南北河道迥殊到湾之期非可概定宜令各省运船不过闸者限二月到湾过闸限三月过闸人过黄者限四月过闸过黄又过江者限五月巡漕御史按限期行殿最为一专兑运之权今议早运徵发期会急如星火监兑部臣无殿最之权有司慢而军卫易人转求督粮烦难兑运必至愆期宜照浙江例各省俱以御史带理兑运则官与军民俱便一顺官民之情江南山谷州县仲冬水涸不可以舟迨水发时兑运已缓宜从真便赍银至会城市米候兑但责早兑不必问所从来农末相资官民相利兑运日早过江过淮入闸抵湾自然如期＜娼弊-金＞下户部议覆惟监兑部臣照旧

○恭又言春间大挑待本年之运者 累朝之旧法秋中大挑待来年之运者 皇上之新规今南旺一带及三河口诸处河道九月兴工十月竣事但臣所治孝河耳使运舡不速至将焉用河明岁全运四百万石计船一万艘须以正二三四月尽数过洪远避黄水为期计每月当过洪入闸者二千五百艘每日当八十余艘乞敕各粮储道如期督至庶河有实用＜娼弊-金＞下工部

○辛亥调贵州副使滕伯轮于浙江提调学政 户部题固原游兵额银二万七千一百七十六两四钱零今岁过闰该增一千三百四十五两零除本镇先收庄田事例缺伍等银一万四千五百六十四两九钱零仍给发银一万三千九百五十两

○革四川分守松潘副总兵王诏行都司掌印耿光金事韩以甫任行巡按御史提问抚臣刘斯洁参其败坏官箴也

○户部请申飭分布主兵行粮悉照秋防有警贼势压境及对垒相持百里五十里内外应全支半支间及暂准全支半支稍缓则止事例准给行粮其未有的实警报不得一概调动关支有违明例因总督刘应节请给备各兵马供養故也

○勒甘州左副总兵王孟夏闲住孟夏自陈兵部覆其贪懦也

○勒分守延绥中路参将倪英阶州守备云鹤原任宁夏奇兵营中军来臣各闲住督臣戴才秋防参劾也

○壬子辰正二刻冬至

明神宗显皇帝实录卷之八

隆庆六年十二月癸丑朔原任广西右参政方邦庆以前任副使考察不及调补贵州副使

○命顺天府祈雪

○两广提督殷正茂奏岭海兵机议事者主剿黜抚当事者则权宜于抚剿之间今日之抚视先年情势迥异随时酌势之机权惟当事者得以通变臣先任广西不行召募盖以狼制獐譬之以猫捕鼠广东则海贼山贼倭贼番贼狼贼猺贼里海贼其种不一非浙兵必不能冲锋议水陆约用兵三万募浙兵八千余悉募土兵俟教练既成堪以冲锋渐汰浙兵计用银三十余万两因请本省额运钱粮停解三年以充饷费户部言金花颜料蜡茶果品等银系供上用难以轻议其盐课铁税赃罚事例银虽系济边但该省急缺军饷酌停解二年并以前拖欠者共八万七千六百两有奇报可

○南京鸿胪寺卿史朝宾卒赐祭一坛

○兵部覆福建擒斩倭贼功次赏巡抚殷从俭银二十两纁丝二表里僉事乔懋敬等各赏银十五两按先后凡获贼大小船三只生擒二十三人获级十六颗真倭首十四级生倭七名夺回被掳七人而倭贼十四级中其三人则又被掳渔人黄聪等六人所力斩也

○兵科给事中刘铉陈湖广修筑堤埝四事一曰酌＜媼擧-金＞浚荆襄诸处有九穴十三口以洩水势近被筑塞堤愈高水涨愈甚宜按地咨询务＜媼擧-金＞下流不可专恃堤功以捍巨浸二曰议夫田修浚之事必资民力宜动支钱粮雇觅不宜一概编派取土废田宜为分豁税粮三曰专责成筑堤之事当专属水利宪臣与管堤府同知其州判县丞尤当选精力有余者委用水利宪臣课其殿最四曰禁侵冒合用钱粮会计明白委管堤同知按日支散勿落吏农之手勿委杂流之人并革去管工大户以杜觊望＜媼擧-金＞下工部覆行

○上御文华殿讲读

○甲寅荫阵亡贵州思南府知府李允简孙文良入国子监读书从允简子通判祝请也

○以宣大游击署都指挥僉事李光祖充参将分守延绥中路升四川坝底守备陈世忠为松潘东路游击陕西泰州卫百户范延武为署指挥僉事守备阶州

○乙卯赐辅臣御书大字三幅居正曰尔惟盐梅曰汝作舟楫吕调阳曰枢机克慎二臣上＜媼擧-金＞谢两广督臣殷正茂等奏请袭授安南莫茂洽为安南都统使司都统使下礼部

○丙辰上御文华殿讲读○慈孝献皇后忌辰祭于奉先殿

○賜禮部左侍郎兼翰林院侍讀學士馬自強父母祭葬

○丁巳以翰林院編修許國補日講官旌表順孫楊茂勛之門曰孝行勛成都後衛舍余幼孤祖母高氏守節勛少小即知孝養貧淡不衰

○旌河南府雒陽縣故知縣吳瀛妻鄧氏廣東東莞縣民張集行妻翟氏江西廣昌縣民高一元妻易氏浙江慈溪縣舉人楊機妻孫氏直隸保安州生員曾大用妻朱氏浙江西安縣民鄭孔謨妻王氏又民沈浹妻劉氏四川成都後衛舍余楊論妻高氏陝西朝邑縣民王來妻梁氏俱貞節之門

○旌河南太康縣生員王錫第妻劉氏之門曰貞烈劉氏痛夫病故矢志以殉自縊者三竟死以原任提督漕運鎮守淮安總兵官平江伯陳王謨充總兵官鎮守湖廣以管分守河州參將事務為事官何其昌復為署指揮僉事充副總兵協守甘州以協守松潘東路左參將署都指揮僉事沈鯨充副總兵分守松潘等處

○戊午上視朝文武官撫寧侯朱岡等一百七十三員以失朝各罰祿俸三月

○蔭刑部尚書王之誥子夢鸞入國子監讀書錄前總督邊功也巡視御史張士奇奏查刷過光祿寺十一月分逐日供辦各項品物除本色外該銀一萬四千三十四兩有奇

○以提督京城內外巡捕署都督僉事張時春銓注南京前軍都督府僉書升以副總兵管理分守太原左參將事張籌為署都督僉事銓注南京右軍都督府僉書改中都留守司僉書李瀚為署都指揮僉事銓注湖廣行都司掌印以湖廣都司僉書胡恩銓注四川都司掌印升原任老營堡副總兵正千戶田世威為署都指揮僉事充宣大游擊升沅州衛千戶宗綬守備岷底等處

○都察院奏陝西西安府知府邵峻挾索有據以遇恩詔免罪仍行巡按御史追贓依擬

○己未南京科道因星變上〈嬖僇金〉大要欲上始終典學遜志緝熙寄腹心於大臣付耳目於台諫惜貲則嚙笑施予不苟愛民則保恤惠養有加篤孝敬以端化源勤召見以資啟沃防壅蔽則廣聽納於言路崇大体則存渾厚於精明仍請敕大小臣工共圖昭格報聞

○陝西巩昌府地震岷州尤甚声响如雷城墙楼台官民房屋十倒八九塌死人畜不计其数居民陈学房前摇出红水一穴

○庚申吏部覆御史蕭廩明大体言言牧苑之制课马供边系祖宗成宪今欲更为郡县添设管马佐贰诚为难行至守巡兵备原与苑仆二寺并设若欲重二寺事权但可以二寺分理各道之政不可因二寺并去各道之官宜令苑马寺卿改兼参议分守平凉一府行太仆寺卿仍兼僉事分巡平凉一府二寺少卿仍兼僉事各照今拟地方分理马政事务所属州县卫所悉

听二寺节制二寺贤 督抚按茶俱得举劾其关西道守巡止管凤翔一府固原陇口榆林宁夏四道俱照旧管辖不必裁革寺丞亦不必复设报可其厘宿弊一款户部如稟议覆行

○吏部右侍郎兼翰林院侍读学上诸大绶以病请告不允

○岷府黎山王府奉国将军定燝有罪降为庶人其弟定燧定斌坐革禄米三之一赏泰宁三卫庆贺长至夷目一百十一人彩段衣服等物如例并番僧头目等赐宴

○革固原游击温顺狼山副总兵王继祖东海把总翁策任各回卫抚按论劾也

○以葬栖霞公主免朝

○辛酉以榆林延绥秋禾不登蠲折民屯税粮有差仍议赈之

○以延绥游击为事官陈堂充参将分守河州等处宣府入卫游击为事官杨振充参将分守太原等处江西都司掌印署都指挥僉事陈大鹏充左参将协守松潘东路

○壬戌兵部覆宁夏抚臣朱笈防秋举劾特荐巡边营千总守备哮拜加游击衔仍领标兵使之折冲弹压报可

○升中都留守司指挥刘大勋为署都指挥僉事铨注湖广都司僉书邳州守备指挥同知于嵩为署副留守铨注中都留守司僉书

○癸亥 上御文华殿讲读

○荫前巡抚河南都御史雒昂孙可与入国子监读书昂被逆藩诬奏以廷杖死其子震亨奉诏请荫从之

○两淮巡盐御史张守约题称自隆庆五年七月至六年十月掣过余盐银除解部外存银一十八万六千四百七十三两零乞留八万收买边引余仍解济边部覆从之

○兵部覆云南总兵官黔国公沐昌祚自陈言昌祚青年美质雅志淳心克盖前愆无忝重任宜令照旧供职从之

○三边总督戴才奏甘州领班都司王朝被番贼射死请行优录参中军宗信等怠缓疏虞之罪＜娼弊-金＞下兵部覆升朝一级世袭信等行巡按御史提问

○录三年缉获功锦衣卫左都督朱希孝荫百户升百户冯邦柱为指挥同知邦柱冯保侄也甲子 上御文华殿讲读

○以三年缉获盗贼功赏提督巡捕署都督佥事张时春等银两有差凡获盗二百二十四人

○乙丑兵部奏太监冯保左都督朱希孝署都督同知孙钰正千户白一清各题开缉问违犯功次遵旨保希孝各荫子侄钰一清等各升一级其冯保所题官旗较范宇等三十人希孝所题王廷蕙等二十九人白一清所题郭瑞等三人各应依题准事例行刑部查明奏请定夺不从令照前旨升授从之

○升宣府长安岭守备刘一奎充宣府入卫游击山西偏头关守备董大众充延绥游击南京虎贲左卫署指挥佥事刘乔守备邳州

○差贵州道御史张道巡督河东盐课

○丙寅 上御文华殿讲读

○世宗肃皇帝忌辰遣定国公徐文璧祭 永陵

○赐武清伯李伟肩与朝参

○降调大同西路副总兵管参将事杨世械及革平远堡守备洪福等闲住抚臣刘应箕劾其防秋废事也

○丁卯 贞惠安和景皇后忌辰遣指挥佥事李钰供养 陵寝

○升分守苏松参将尹凤为署都督佥事提督京城内外巡捕提督狼山副总兵吴国为署都督佥事镇守贵州兼提督平清等卫地方 遣虏使火力赤奴谋赤北还嘉靖间俺答等以开市贡马弛我边备贡马未出镇城胡骑已满西路督抚请处置所遣使赏杓儿等六人兵部议牢固监禁待其自毙至是二十一年矣唯二赤尚存王崇古奏请释之 定陕西苑马牧地税银一万八千两岁充军饷先是陕西总督王之诰查出牧地照辽东荒熟兼配除三万顷养马 万匹余地五万顷以三等徵银四万五千两抵充固原军饷后复行丈勘酌减徵银一万八千余两至是御史萧廩陈文焕以牧地瘠薄军饷紧急恐雇催不前致军牧兼累请改作马价故户部尚书王国光因此具覆申前议著为令

○兵部覆刑科给事中欧阳柏奏两浙之民往往私结投兵豪横日甚法纪陵夷宜行薊镇闽广亟练补土兵以次减汰但广东方议大征论者谓决非浙兵不可宜令各处以后必不得已合用浙兵俱限以定数报名应募仍行巡抚查各营水陆官兵补足原额严督将领如法训练不徒防御地方即以听候徵调仍责成有司举行保甲之法申严游民之禁如有司不能安辑其人民将领不能训练其部伍抚按官不时参论毋得一切视为虚文报可

○陕西巡抚曹金奏韩府乐平王府辅国将军偕冲等互相告争不服拘问请赐议处以正法

纪章下都察院

○浙江按臣谢廷杰奏查陆炳遗产孤山古迹系宋贤林通栖息旧地非他姓所得专据议改为两浙古今名贤祠宇其仓基房屋及泌湖田庄给民承买徵银解京奏下法司覆如廷杰议报可

○戊辰 上视朝

○甘肃抚臣廖逢节奏屯田乡兵乃边方吃紧政务今欲兴整必专官责成方可垂久议裁甘凉知事二员监收判官二员于二州各设府同知一员专理屯田乡兵其监督通判五员仍旧又加行太仆寺卿宪司职衔兼总其事< 娼弊-金 >下吏部覆行
升右通政李世达为南京太仆寺卿

○户部尚书王国光奏请催徵拖欠钱粮言其弊有四一势豪阻挠二有司怠玩三大户侵渔四积棍包揽报曰正供紧用钱粮一年逋负至二百余万显是抚按等官故纵以朕临御之初姑令作速催徵依限完解如再延迟从实参来虽经去任一并重治

○光禄寺卿路王道条陈应行事宜一议库藏羡财各库贮有铜铁废器留之无用宜变卖价银接济供应一议改折本色地方转输本色殊为烦苦支纳收贮甚费区处今约所贮尽足支用堆积日久腐坏可惜宜暂徵价银一议查核冒滥内府匠作日支酒饭中间不无冒滥宜行监局从实查核停革裁减一议荐新茶芽福建每年解进春茶二千三百余斤以备供应及浙江等处额外例有余茶作正支销不许棍徒包揽仍前侵克一议司牲冗员自隆庆二年九月至今所用豆草并该司官吏及畜牧所养羊军银米绵花费踰三千余金而所养羊不满三百冗员冗费莫甚于斯宜裁革官吏取回羊只一议余积麴块易银收库< 娼弊-金 >下该部多覆行之

○陕西三边总督戴才请建设儒学于靖边营奏下礼部

○以万全都司掌印赵崇璧充右参将分守大同西路升中都留守司协同佥书许靖国为署都指挥佥事铨注江西都司掌印

○升平阳卫千户何山阳和卫指挥佥事吴昆天城卫署所镇抚冯时平阳卫指挥佥事杨世勋蔚州卫署指挥佥事张邦奇俱以都指挥体统行事守备各处地方山杀胡堡昆平远镇时三川堡世勋偏头关邦奇长安岭堡

○己巳 上御文华殿讲读毕大学士张居正率讲官进 帝鉴图说先是居正属讲官马自强等考究历代之事撮其善可为法者八十一事从阳数恶可为戒者三十六事从阴数每一事为一图后录传记本文取唐太宗以古为鉴之意名曰 帝鉴图说是日具< 娼弊-金 >进 上展< 娼弊-金 >朗诵数十语顾谓居正等曰先生每起于是居正前近御案为竟读已奉图册前

上遽起立目左右展册居正一一指陈大义上应如响其不待指陈能自言其义者十居四五次日报曰览卿等奏具见忠爱至朕方法古图治深用嘉纳图册留览还宣付史馆以昭我君臣交修之义已又手谕嘉奖赐金币有差自是日置图册于座右每讲辄命居正解说数事以为常○户部奏查催各镇主兵民运钱粮议照宣大例各省直管粮官听薊镇顺天督抚节制查催报可仍著令主饷缺乏不得奏讨帑金

○升江西左参议庄国祯为广西兵备副使

○兵部覆湖广巡抚赵贤奏临湘县被盜劫官掠库烧毁县厅卷册参洞庭守备丘侨巡江指挥陈晓行巡按御史提问

○吏部题应天巡抚陈道基先经河南道御史吴道明论劾听勘今应天巡按李学诗称勘无实迹相应遇缺推用上是之

○兵部覆两广提督殷正茂奏擒斩山贼陈金莺等功次正茂及总兵张元勋参政魏文煊等各赏赉有差

○改补原任刑部侍郎陈尧考满荫嫡孙陈遇送监读书以其子见任推官也

○革京营千总等官十员

○复除王廷瞻河南道监察御史 ○庚午户部覆吏科给事中裴应章勤抚恤预积贮二事言辽东军士月粮本折间支行之已久但豐歉不常米价顿异宜令管粮郎中豐岁照常给散其预发采买及各项节省羨余银两尽数发买粮料分贮仓场如遇凶荒酌量给散又于各城堡设立义仓选公正保长量民间所入多寡俾出粟积贮歛散悉从其便又将抚按存留贓罚及守巡等衙门贓罚纸赎随时采谷以备賑济军饷支用从之

○兵科都给事中李己等再〈媚弊金〉论本兵谭纶去取总兵王继祖副总兵王孟夏与抚按举劾异同虽经处分迹欠光明不足以服人心昭国论报曰部臣秉公题覆言官据理参驳各举其职乃协于中今后朝廷公事务虚心议处不得彼此忿事求胜有乖政体

○革京营参将等官八员科道年终论劾也

○以浙江都司掌印张廷杰充参将分守苏松

○辛未升兵部武选司郎中马文学为江西左参议分守九江道

○准巡抚陕西兵部右侍郎曹金養病 薊辽总督刘应节巡抚杨兆〈媚弊金〉议密云遵化三屯各輜重营每营改造大车八十辆三营凡二百四十辆每车用骡八头三营凡一千九

百二十头一车用银十三两一骡十两三营车骡凡用二万二千二百一十二两买骡及养骡草料于各营减取原用马匹抵补每营用军士三千三营九千附以火器管以将领服载既称便利钱粮又不增加户部省转输之难地方免野掠之患部覆行之

○提督两广军务兵部右侍郎殷正茂奏言受事以来备查丁田额办以至市舶盐课等项通计岁入四十一万有奇水陆兵将岁支三十一万有奇而船只器具火药行粮功赏等项以至江堡土兵不与焉宜酌议定例明主赏罚责成因列条上请一置簿籍以便查并一明赏罚以示责成一严查治以警怠肆一重赏典以查欺隐部皆如议覆行之按广自盗起民苦流离重以调募更苦徵输数年以来抚剿初无定策而地方实受其祸及五议既行户部考成之法铨部升迁之典尽归巡抚司道府县奉行唯谨无复拊绥之意而更惧弹治之威赂遗之门从此大启将领殆如输户矣

○礼科都给事中宗弘暹请会议王守仁从祀孔庙从之

○兵部覆吏科给事中裴应章条陈辽东善后事宜一防要害前屯西平等处见在额军不敷宜设法添募务期行伍充实一严海禁行山辽抚按将商贩船通行禁止寸板不许下海仍严督沿海官军往来巡哨一教火器火器之利莫过佛郎机一窝蜂鸟嘴铳与火箭者务多备是器又广设战车以卫之遇东西有警可不移而具与虏合战更番迭出循环无端仍教练军士期人人皆精俱依拟行

○壬申 上御文华殿讲读

○浙江按臣谢廷杰荐境内人才都御史吴时来陈洪濠给事中陆凤仪御史柴祥布政使陈善按察使金立敬何镗佥事沈淮通政参议胡朝臣知府冯熊凡十人

○山西抚臣赵孔昭〈娼弊-

金〉荐遗才尚书霍冀裴守侍郎杨思忠都御史王轮李尚智按察副使张昇凡六人

○宣大总督王崇古〈娼弊-金〉辞恩荫引疾乞身俱不允

○差刑科左给事中贾待问江西道御史苏士润巡视京营

○癸酉兵科右给事中张楚城言陕西巡抚曹金无疾请去此必有疑避不安之情金往服藩臬清谨茂称近转贰卿未闻指摘举朝公论昭然乃使之疑避求去非盛世事并言南京礼部尚书秦鸣雷贪秽不宜留吏部言金已奉旨回籍鸣雷处分后未闻别过似难轻弃从之

○令湖广荆州府捕盗通判刘起凤移驻龙湾市从抚臣凌云翼奏也

○巡按浙江御史谢廷杰请祀前礼部尚书赠太子太保章文懿公懋于金华府正学祠〈娼

擗-金 > 下礼部

○沁源王恬炜长子瑛场有罪发高墙禁住

○甲戌上御文华殿讲读

○大学士张居正等奏日讲节假接上元灯假恐 圣功间断命正月初旬即开讲居正又以 先帝服制未过小祥节间请宫中勿设宴并免元宵灯火诏烟火灯架昨已谕免办困历叙宫中侍

圣母膳甚简每斋素蔬食或遇佳节小坐但增甜食果品一卓亦不用乐居正言如此不但见陛下追思 先帝之孝且节财俭用自是人主美德愿 陛下常持此心

上嘉纳之寻谕光禄寺节间宫中酒饭卓俱免办凡省七百余金

○升吏部文选司郎中胡执礼为右通政提督誊黄

○以甘肃行太仆寺卿祁天叙兼陕西佥事总督屯田乡兵事务

○候选训导侯贵< 娼擗-金 >言学较六事一议庙像谓孔子庙庭南都自 太祖已易木主至嘉靖初议令天下尽以主易像而至今撤存不一且孔子已称先师而未撤者犹冕服称王即乐舞八佾亦非所以妥圣灵一议从祀谓诸贤儒去爵号称某子既无朝代可寻又无爵里名字可考宜仿孔庙之制镌立二石详载其世又唐贞观二年颜子自十哲升配而补曾子总章元年曾子又升配而补子张考其学问与圣门所评及同列所尊事子张不及有若而乃置有若于庑下登子张于十哲非所以定祀典又谓今所罢绌戴圣刘向王弼贾逵何休王肃荀况何晏马融杜预杨雄吴澄诸儒虽多可议然传释经义功不可泯蔡沉注书得祀陈浩注祀亦宜准其例论语成于有子曾子之门人故二贤独以子称论语首记孔子之言次即有子曾子继之此其验也有子门人无所考曾子门人之贤者莫如公明宣乐正子春论语又有齐论鲁论古论之异至汉张禹郑玄晋何晏始合为一书今所读者三子之所定也司马迁谓孟子所如不合退而与万章公孙丑之徒著书七篇后世又有假托皆名孟子今之所读乃赵岐之所定也是数子者合祀与否所当讲明又谓文字自苍颉始制嗣以史□□榴程邈李斯蔡邕李阳冰辈乃大备实与经传相表里宜于文庙创立一祠以隆其祀并祀造纸之伦制笔之恬此皆大有益于世非诸名宦乡贤泽一方范一时者比所当以义起也一定学制谓学较 祖宗所慎重今教官徒取充位不获实用或聚之书院倡为讲学有类该禅名为主静无异入定圣如孔子犹曰博学于文贤如颜子犹曰博我以文今则以六经为糟粕谓不立文字直可超悟圣贤千言万语皆从心上说来中和位育之功皆自心上做出今谓心亦不用曰不思善不思恶但看本来面目曰六经注我非我注六经以佛老之似乱孔孟之真及徐观其所以则又人所深耻而不为者分门主党自谓圣学而以举业为俗学夫举业所学亦圣贤之义理也以其既资出身旋即弃之人自俗耳于学何尤又学较之政人各一法东西莫适宜取各处提学教条命礼部折衷令可永为遵守提学岁考数年不及一周科场迫近但务截考不如以其权分委之各府而总摄于提学听其参究焉又谓近来时文寝失旧制险怪钩棘破析文义冗长厌

观虽时加禁革难以猝改必如毆阳修之绌刘几丘浚之黜寻悦而后可一议删定春秋汉兴以来三传并行迄今而主胡传胡传之论虽正而事实或隐三传事颇详尽而论莫折衷宜命儒臣深明是经者大加精择务求归一礼记多汉儒附会陈浩集说但解章句卷帙浩繁亦宜详加订正至于朱子纲目并尹起莘发明刘古益所作书法删繁就简列于学宫令提学务以此试士五议冠带广恩谓中式举人殿试毕即与冠带及当该援例亦与冠带听选则历满监生就教守部贡生亦当推广此例六议禁革谓举人岁贡牌坊路费俱有额数而有志者少出学之后多方干求关通胥吏或敷派里甲或科取行市名为作兴实则科歛宜严加禁止以节省民财亦所以培养士节其<娼弊-金>中又言薛瑄与王守仁同为一代名臣然学术不无醇疵故词多诋伪学而又以王安石三经正义比孔颖道九经正义则议论不无差谬云

○礼部题奏灾异言 皇上至诚事 天纯孝法 祖亲贤懋学节用爱人宜乎和气致祥休祲毕集乃自六月以来宁夏地震有声大名广平顺德三府天鼓鸣祁定二州雨雹毁豆禾广东万强二州狂风暴雨光焰火星相交海水涨涌折木颓屋压漂人民不计其数山东东昌府天鼓响十月以来客星当日而见光映异常京城远近亢阳日久雪泽不沾揆厥所自皆臣等不能仰承德意勉修职业所致乞严行各衙门遵奉明旨涤虑省愆讲求致变之繇勉尽修弭之实尤望 皇上仰稽 先朝旧章俯纳诸臣<娼弊-金>请揽威福之柄严邪正之分慎赏赉之施防壅蔽之渐开忠谏之路崇节俭之风则上下交儆灾沴可消报闻

○革河州参将何其昌任回卫听勘○以原任副总兵管参将事薛邦奇充神机营练勇参将

○以神机二营佐击林栋充五军八营参将改兴都留守司掌印刘葵充五军五营参将升宁夏镇城中军坐营指挥使刘柏充庄浪游击 初令甘肃行太仆寺卿祁天叙兼陕西金事总理屯田乡兵又添设临洮府带銜同知专理甘山等九卫所巩昌府同知专理凉永等六卫所并各监督通判俱听该寺委用其甘凉州判甘州右中二卫知事俱裁革从巡抚廖逢节议也

○乙亥 上御皇极殿顺天府官进春百官称贺

○陕西抚臣曹金<娼弊-金>荐遗才尚书王应宾府尹王鹤副使王学谟张嘉孚薛腾蛟黄九成参议李复聘孟官凡八人

○巡视太仓银库给事中贾待问条奏厘弊八款一慎解官之选一严解鞘之防一刻程限之期一严挂欠之罚一革匠役之弊一剔兜揽之蠹一杜欺冒之奸一酌通变之法<娼弊-金>下户部议行

○工科左给事中王士□□条奏巡青五事一曰正疆界二曰核孳生三曰设兽医四曰派商人五曰重事权户部覆行之

○革松棚路游击薛经任行巡按御史提问按臣卢明章劾其贪纵也

○以管领黄花镇班军署指挥僉事严勋充神枢三营佐击统领官军操练行事

○丙子兵部覆户科给事中陈藻等条陈京营七事一议选任之实大小将领及号头中军等官必才技武勇堪任者方可推用充补一议储养之实营中教习武举严加考试在外才勇亦选送营中训练一议营伍之实操兵不许雇代家丁无用懦弱一议整搦之实另选教师训练枪牌火器等技务求精熟足济缓急一议养马之实见马之军择家道殷实者方许拨领各营将官不许擅将官马任情差拨一议缉捕之实一月内盗贼连劫三四次以上者参提左右参将其提督及正兵马年终分别举劾一议班政之实行各兵巡道及都司官公同领班都司查照该班官军原额编成队伍依期上班各卫所掌印劄付官及领班都司不得仍前卖放支调需索常例俱依行 丁丑改巡抚延绥右僉都御史郅光先巡抚陕西

○以播州宣慰司舍人杨应龙承替宣慰使仍不世袭

○户科都给事中贾三近奏国有常赋民有正输迩年以来逋负数多其弊不在于催科之拙而苦于就中朘削之多端不专于徵解之难而阻于额外需求之过甚乞敕行各抚按严督所属凡拖欠钱粮刻期催解有管粮官员索取常例扣除余价及催收人役乘机侵盗者不时缉治掌印官失于防简并首鼠侵克一体参处仍行各该地方一应京库钱粮亲自查验起解不得滥恶苟且充数应解人役僉素有身家殷实上户毋令巨猾积棍混肆包揽至于交纳廉委精力司官一员会同巡视科道逐一拣查果无滥恶方与进入如该库内外人等有仍前妄行需索鞭鞑凌轹迫苦解役致损国课听臣等据实参奏< 娼弊-金 > 下户部覆行

○以正旦节遣侯郑昆等祭各 陵园

○兵科左给事中蔡汝贤请祀宋儒罗从彦李侗于孔庙< 娼弊-金 > 下礼部
朝鲜国王李昖遣陪臣参判宋赞等进贺 穆宗皇帝册谥
二圣皇太后徽号如例赐宴赆不作乐簪花

○辽东抚臣张学颜建州夷首王杲遵奉宣谕约海西夷首王台送还所掳人口一百四十九名请加赏免剿准其入贡仍行河东将领加意抚处勿得更变成规致失夷心滥增赏物养成后患兵部覆奏赏王台银币○以浙江都司僉书谢诏山东都司僉书谢天祐湖广都司僉书蒋易元铨注各都司掌印诏仍浙江天祐万全易元大宁升兴都留守司协同僉事郭应乾为署正留守掌印旗手卫署指挥使张国柱领中都留守密云城守备管遼干充神机三营佐击

○释前江西玉山知县李廷缙回籍廷缙之戍原属亏枉节遇恩赦尚不得免至是按臣援新诏请释之

○上御皇极殿太常寺奏岁暮祫祭 太庙

○戊寅辅臣张居正等< 娼弊-金 > 言制命之词贵在间严庄重乃为得体查成弘间诰敕叙

本身履历功绩不过百余字祖父母父母及妻室不过六七十字至庆典覃恩其词尤简盖以恩赉为荣不必计其履历此制体也近来俗尚干求词多浮靡又过为夸侈多至数百千言或本无实行虚为颂美或事涉幽隐极力宣扬臣谏其君犹谓之佞况以上谀下乎礼贵从先辞尚体要命令之辞乃一代典制传之四方垂之后世所关非小乞敕下成谕各撰述官复古崇实毋得徇情饰辞以坏制体敕各官撰完送阁详定进览毋仍前徇饰并不得预行传示

○吏部右侍郎兼翰林院侍读学士诸大绶再< 娼弊-金 > 请告特命驰传回籍

○礼部尚书陆树声以病乞休慰留不允

○敕谕礼部三法司漣滌两京文武官罪名如故事

○户部题开万历元年该徵盐钞一陕西山西四川云南广东广西贵州七布政司及应天府直隶延庆保定二州俱存留本处备用一浙江布政司及顺天府直隶真定保定苏州松江镇江常州淮安扬州徽州池州庐州凤阳太平宁国安庆十五府滁徐和三州半存留半运京库一江西福建湖广三布政司半存留半运南京该库一河南山东二布政司半存留半运京库内各摘拨钞八十万一百二十四贯钱一千六十万二百六十八文解宣府备开平等卫所官军折支俸粮一直隶河间府存留钞六十五万贯准折本处官军俸粮余解京库一大名府原额钱一百六十万一千九百七十文钞入十万九百八十五贯半解保定府库内分拨钱二十八万五千七百六十文钞一十四万二千八百四十贯解部转发蓟州库补营州五屯卫并< 整彩见 > 河一所官军折支俸粮余解保定库折放五卫所官军俸粮半解宣府内原改拨钞三十八万八千一十一贯钱七十七万六千二十三文仍解宣府折与开平等卫所官军俸粮一直隶广德州并顺德广平二府钱钞尽数解京其永平府所收钱钞应解辽东者照例折银送广宁等库交收 总督仓场侍郎郭朝宾籍奏隆庆五年十二月至今年十一月终太仓银库实在金四百六十五两银四百三十八万五千八百七十五两有奇铜钱一千六百四十万六千四百有奇

○户科给事中李戴条奏催科四事一曰查侵冒二曰严追偿三曰处偏累四曰禁诡寄< 娼弊-金 > 下户部覆行

○礼科右给事中朱南雍条奏藏藏利弊五事一裁革异名以防冒破一议革揽夫以杜诈害一重加考核以清拖欠一更换积商以厘夙弊一责成兵马以安民生< 娼弊-金 > 下户部议行之

○四川道御史张士奇奏查刷光禄寺自隆庆五年十二月至六年十一月连闰实用过银一十五万五千二百一十七两有奇见在库银一十八万九十两有奇费用益为减省库积渐觉充裕皆 皇上躬先节俭加意裁省所致下礼部

○革铜仁守备杨煜任行抚按提问煜妄杀平民冒报功次也

○补原任三屯营游击谷承功于松棚谷

○给荆府管理府事泰宁王常＜娶哇裕久裕范十四名

○前陕西抚臣曹金奏斩妖犯齐房刘汝清从之

○己卯升江西左参议庄国祯为广西副使

○复除监察御史王廷瞻于河南道

○升真定卫左所千户张玠守备密云

○升江西鄱阳湖守备冯锐直隶京口图山把总潘清山西宁武关守备周一凤俱为都司金书锐湖广清浙江一凤山东

○以管领大宁都司春班官军指挥使贺慎铨注中都留守司插箭岭守备尹志莘铨注兴都留守司俱协同金书管事

○革浙江台金严参将何自然任按臣谢廷杰劾其柔懦也

○庚辰升陕西左布政使冯舜渔为都察院右副都御史巡抚延绥赞理军务○勒原任浙江左布政使姚世熙闲住右布政使郭斗调简世熙已升太仆寺卿按臣谢廷杰论降调外任吏部以世熙奸贪无忌速化有迹降调未尽其辜覆令冠带闲住其余所论右布政使郭斗及府州县官调改闲住降革有差

○兵部覆总督刘应节等清理主兵事言我朝定鼎燕山外列九边以为藩屏内设三关以为门户京师则堂奥也自大宁内徙实藉三卫以为羽翼年来阳顺阴逆羽翼之资翻为肩背之患京师与虏仅隔蓟镇一墙即有额军七万有奇多以京班徙补百不当一乃始资入卫入卫告疲继议垛充垛充不可徐行召募召募不得因事远徵又称不便则清军祖制也建议之时广谋金同以为策莫善此者宜仍差清军御史三员著实举行报可

○升五军营练勇参将邹沂以副总兵管理朔州城参将事务署都指挥金事赵伯勋为署都督金事充神机营副将

○升分守肃州右参将李震充副总兵协守甘州改蓟镇统领南兵副总兵李超充提督狼山副总兵

○辛巳上裕于太庙

○南京户部尚书曹邦辅再〈娼弊-金〉乞休 上嘉其清直不允
朝鲜国差陪臣表进方物马匹贺 穆宗庄皇帝尊谥暨 两宫徽号如例给赏

○甘肃巡抚廖逢节题准户部咨奉钦依行各镇备查国初某镇原设兵马若干岁用钱粮若干某年添设某样兵马系何人题请即今应否损益此后作何计处其各镇兵马民屯俱有旧案可查巡抚会同管粮郎中及督同守巡等官仍查各处屯田岁收若干有无抛荒隐占作何经理盐引开中若干有无占卖壅滞作何〈娼弊-金〉通民运岁纳若干因何拖欠中间有可因费不容已者固不必过为裁革其不甚紧要事势稍缓者务要协同议处大加节省以渐复国初旧额通将应沿革缘繇已完未完数目奏报因查会典甘肃一十二卫三所军士七万五百六十名又加甘凉游击二营每班官军三千员名河东备御原额官军七千五百三十员名共岁支九十万三千五百八十二石共文武官俸墩夜并行粮马料草不与焉盖国初大略如是彼时本镇屯田止一万三千一十顷屯粮止一十万四千一百石其余卒取给京运民运盐引今查实在主客官军五万四千七百员名并马骡驴牛二万四千六百四十匹头只大约每一两买粮料一石通该粮料七十万七千五百八十九石四斗较之国初费未及原额十之二焉自弘治十四年至隆庆三年添设标兵一万三千四百四十一名马四千八十六匹此以补各卫所额军逃亡之数实非另添设也屯田今实二万五千八百三十六顷六十亩零徵收粮料二千八百一十七石四斗零草一百五十八万一千九百九十束盖屯视国初几增一倍而徵收未及额者十之二则以灾伤虏患及抛荒侵隐之故也又查嘉靖三十一年起每年发京运年例银一十万五千两至三十七年止发二万二千九百二十二两有奇及四十五年减去工本盐引抵补银二万八千五百七十五两共发年例银五万一千四百九十七两零四十四年以前每年开派淮浙盐三十四万五百引四十五年以后止派盐二十七万七千引此因虏势轻重不同而兵费随之多寡也至隆庆四年以边储册内不对将折补工本盐引年例二万八千五百七十五两亦不听发矣今总五道之岁出会一镇之岁入通融计算尚多银二万三千七百四十二两七钱草价五千九百二十余但每遇闰年该增粮二万八千五百九十余石折支银二万四千七百五十余两当以三年之通计尚未及也今欲复国初原额必将益兵二万六千三百八十六员名岁当加一百一十九万五千九百九十二石六斗何敢轻议但此东西诸虏结好同讎之日意外当备宜准查照嘉靖三十一年例四十四年引例给发听臣分发五道及时预备本色庶食足而战守可图也按一镇之议则九边大概可知矣严查核亦属空文边事亦何赖焉

○解马价银九千六百两于密云以市车骡

○是月释各省直重囚一百二十七名口

明神宗显皇帝实录卷之九

万历元年正月壬午朔 上御皇极殿百官朝贺以未及小祥免宣表文先期并免习仪

○甲申 上御皇极殿太常寺奏孟春时享 太庙

○是日 宣宗庄皇帝忌辰遣怀柔伯施光祖祭 景陵

○丙戌户科都给事中贾三近参新推湖广总兵平江伯陈王谟言国家于勋臣无黜陟无升降其僨事误国者独有革任褫俸而已王谟总督漕运经略无策漂损多至百万言官论劾褫俸革任距今曾未几时忽蒙显用屡肆乞陈希图开俸当时僨事之臣如都御史陈爌潘季驯参将顾承勋皆与王谟一体三臣落职仅当王谟褫俸若复推用人开俸以优之何以服爌等三臣之心且王谟昔伺炎门秽迹狼藉退闲未久谋总京营京营僨事谋督漕运漕运方褫更得总戎若并其薄惩者概从宽假则凡可以凌虐侵渔贪黷纵横者何惮不为时兵科李己亦论之王谟仍闲住 上享 太庙

升浙江右布政使谢鹏举陕西右布政使侯东莱俱为本省左布政使 四川道御史张士奇奏查刷过光禄寺上年十二月分实用各项品物除本色外该银一万三千五百七十三两有奇俱照时佑对筭明白开具揭帖进呈 御览 兵科都给事中李己奏春防伊迩乞敕兵部移文各边将领刊布防边条议及该科题奉钦依春防事理一一遵行仍飭督抚大臣凡春防未尽事宜从长计议务底万全部覆从之 戊子

上御文华殿讲读节假例至二十一日始开今假内御讲帷可谓好学之笃矣 阁臣进 玉牒式己丑山东按臣吴从宪奏荐逸才大学士殷士儋及尚书陈其学郭宗皋侍郎谷中虚葛缙迟凤翔都御史李邦珍参议武建邦知府孙梦豸等八人

李鹤特准授都督同知鹤故德平伯铭子也 阁部先皆执奏于 先朝三例有碍不从命不为例

○户科都给事中贾三近劾管国子监祭酒事礼部左侍郎汪鏜不堪师范鏜＜娼弊-金＞辩乞罢不允

○陕西道御史李颐请祀故儒胡居仁于孔庙＜娼弊-金＞下礼部

○蓟辽总督刘应节奏辽东修筑城堡台楼墩圈等项叙巡抚张学颜总兵李成梁及寺道将领各官劳绩下兵部令阅视大臣查处

○巡视东城御史角□羊学礼奏御马监太监张忠毆死亲母乞敕严究如律章下法司

○庚寅改礼部右侍郎陶大临为吏部右侍郎

○复除饶仁侃河南道御史钟继英云南道御史○勒令倒马关参将曹世德回卫抚臣宋纁劾其衰迈也

○兵部奏九边丑虏宣大山西有俺答诸部陕西三边有吉能诸部蓟辽有土蛮诸部及黄台吉支党今西虏虽称款塞而犬羊变诈寔不可测况今边冲口每月望后俱有小市虽以抚安穷夷尤当严加防范套虏尚住西海恐乘春东归经繇内地假道之谋机当先识东虏屡窥边境久未得利豕突之患更宜早防请备行各边于通贼要路分兵戍守遇有声息并力堵截并传报邻境发兵策应务使声势联络共保无虞如因循玩愒致误军机国典俱存自难轻贷报可 辛卯大学士张居正等请开经筵命礼部具议 命成国公朱希忠大学士张居正知经筵大学士吕调阳同知经筵侍郎等官陶大临王希烈汪鏜丁士美申时行王锡爵陈经邦何雒文沈鲤许国沉渊陈思育为讲官罗万化王家屏陈于陛徐显卿张位韩世能林偕春成宪为展书官两房各官周维藩吴自成章子谊马继文徐继申黎民表刘大武成楫为写讲章官并起止驸马都尉许从诚为侍卫官彰武伯杨炳及六部都察院通政司大理寺各掌印官一员为侍班官给事中监察御史各二员为侍仪官锦衣卫鸿胪寺各堂上官一员鸣赞序班共八员为执事官

○升广东副使刘稳为右参政兼佥事管理原务

○江西巡抚徐枋奏荐逸才尚书尹台侍郎吴桂芳都御史陈价郎中何源参政陈嘉谟王时槐副使蔡国珍凡六人

○河南巡抚梁梦龙荐大学士郭朴及侍郎刘大实都御史张松张祉副使李葵等四人

○开豁西宁卫土舍李宽虚增地粮二千八百九十五石有奇

○以河南都司掌印戚继美充参将分守浙江金台严地方统领甘肃巡抚标兵游击未勋充分守肃州地方右参将山西老营堡参将施相改充分守朔州城等处地方参将辽东都司掌印洪国忠充左参将分守宣府中路地方加神机四营参将陈其可副总兵职衔驻劄石匣地方统领教演南兵升神机营游击陈雄充五军营练勇参将统领官军操练直隶牧马所镇抚未士充守备江西鄱阳湖地方

○复太常寺卿徐藩尚宝司少卿徐琨原职二人以受投献房产问革至是复之

○河道侍郎万恭奏先臣工部尚书宋礼开河元勋功在万世乞照平江伯陈瑄例补给恤典章下工部覆如恭议诏予礼赠谥荫一孙入监读书

○壬辰升右春坊右谕德兼翰林院侍读余有丁为左春坊左庶子掌南京翰林院事○

恪皇后忌辰遣应城伯孙文栋祭 永陵

○兵部尚书谭纶引疾乞罢不允

○吏科都给事中雒遵＜娼弊-金＞荐原任都御史海瑞吴时来二臣无愧遗直宜亟赐首录劾兵部尚书谭纶都察院左副都御史刘斯洁二臣均属不称当亟行罢斥章下吏部

○禁京卫武举革职闲住者不得冒支所加米石

○差云南等道御史余乾贞史思敬许乾清角□羊蓊镇逃军及各卫应改蓊镇者乾贞北直隶河南思敬直隶山东乾清山西陕西

○癸巳巡按直隶御史向程奏举遗逸太仆卿殷迈学金都御史游震得尚宝丞金燕参政梅守德凡四人○诏以曾子裔孙湖广攸县知县曾袞改袭翰林院五经博士世主祀事

○户科左给事中冯时雨条奏六事一笃孝思凡立政用人必思祖宗贻谋垂裕之善仍命儒臣辑本朝成事仿帝鉴图说进呈便览二广延纳乞延接文武大臣俾科道官更番随入凡军国利病生民休戚与之面计剖决详酌施行傥大臣敷奏不忠敢肆欺罔者科道官即糾正之三重题覆乞敕各衙门一应章奏务平心易气虚怀观理言果是不嫌尚同言果非不嫌立异傥涉两可势难一定者亦湏公同会议商确允当然后题覆四革传奉乞敕内外各衙门一切封拜爵赏采办遣发等项悉听部院寺监从公议拟请旨定夺有私自陈乞妄希内批者许各衙门坚执具奏科道官秉正糾弹五释幽怨乞将宫掖人数逐一查阅凡未经先帝幸御者悉令放出其衰老无依不愿归乡井者听六宥罪言贪酷官员不过贬削提问至于言官抗章上＜娼弊-金＞无非为国家计一触

圣怒即加摈逐是狂戇之罪反浮于贪酷之夫乞将胡濙量行起用＜娼弊-金＞入上是其言惟放宫女起胡濙二事不行

○甲午吏部尚书杨博等请申明朝覲考察事宜上谕朕临御之初方精核吏治图宁邦本便行与各抚按官所属贤否虚心秉公定注考语尔部仍细加询访有徇私报复是非夫实者参未处治来朝正官说事支漫附和者以罢软论

○乙未兵部尚书谭纶因科臣雒遵之论再＜娼弊-金＞乞罢章下吏部

○礼部右侍郎管国子监祭酒事汪鏜再＜娼弊-金＞乞罢犹不允

○陕西按臣陈文焕奏起废闲尚书王用宾府尹王鹤参议李复聘副使黄九成凡四人

○○礼部上经筵仪注

○宴朝鲜国陪臣及参宁等卫夷人头目

○丙申上御皇极殿视朝

○湖广分守荆西道右参议角□羊宋以病致仕

○授故德平伯李铭子李鹤都督同知令甲外戚封伯不得世袭铭
孝懿皇后父故持加授武职以示优异仍不为例

○丁酉辽东抚臣张学颜奏守瑞昌堡百户诸朝先被虏射死朝轻敌也因请著令本堡失陷
罪坐堡官若因防堡死事全给恤典贼繇本堡地方进入不得轻出贪功但能固守本堡罪得
末减凡有杀虏人畜不能拒剿者将领也不能收斂者卫官也责各有归罪难概及部覆从之

○陕西妖逆齐芳刘汝清伏诛余从十五人俱发配

○戊戌 英宗睿皇帝忌辰遣参宁侯陈良弼祭 裕陵○应天抚臣张佳胤＜娼弊-金＞荐遗
贤太常卿袁洪愈太仆卿殷迈金都御史徐绅祭酒姜宝通政赵灼给事中夏时徐师会吏部
主事高士布政使陈鏐按察使王世贞副使顾章志参议汪汝达金事王樵并游震得金燕梅
守德凡十六人

○吏部覆雒遵等＜娼弊-金＞盛称谭纶才略言即误用一二将领未为大过且虚心受善益
见其不敢自用本兵重地似难以此輒为更置海瑞秉忠亮之心抱骨鲠之节天下信之然夷
考其政多未通方止宜坐镇雅俗不当重烦民事刘斯洁廉正不阿士论与之但揭攻属吏一
事量乏涵弘词多支蔓既失激扬之体难宅风纪之司宜调南京别衙门用从之

○户科给事中李戴条陈催科四事一曰查侵占二曰严追偿三曰处偏累四曰禁诡寄户部
如议覆行

○己亥兵科给事中赵思诚奏两广缙绅合称兵部侍郎吴桂芳有功地方广人立祠祀之才
猷实为第一可充本部原任辽东巡抚张西铭恬退老成臣前咨访山东人物惟见西铭一人
才谋渊裕器宇洪深当与御史吴从宪所举殷士儋迟凤翔并叙优用从宪人误举陈其学葛
缙二臣在山西大同夫事最大而缙居乡不简尤所称虎而翼如复叙用恐为风宪地方之累
又言南京礼部尚书泰鸣雷止知嗜酒不顾廉节原任武选司郎中马文学纵放吏书赃声腾
播乞早起桂芳西铭亟罢鸣雷文学其学缙不得再举章下吏部鸣雷致仕文学回籍听勘

○庚子 上出视朝有男子着内使巾服直趋宫门为守者所执状奏诏下东厂究问

○谭纶三＜娼弊-金＞乞罢犹不允

○升广东按察使江一麟山东按察使秦钊俱为右布政使一麟浙江钊陕西○户部题收运
五事一议官攒以杜冒滥在京及各边仓场凡官攒一半满日照依陕西事例一体呈明查盘
起送移咨吏部知会不惟清刷夙弊抑且＜娼弊-金＞通选法一议置斛以平出纳漕运衙门
查将造斛木料分给各帮头船顺赍送东官厅呈总督衙门照依钦降铁斛成造分给各仓收

放免低昂之害一申旧例以重轻赍各该运官凡有起剥应支轻赍银两照例呈明就近部属及参政兵备等官查实批允给与执照方准动支一查解纳以清隐弊羨余银两例一分解准二分给运近为把总侵费解准者十无一二以后查委部官解送并不许各总领解一核漂流以便处补凡官旗漂流船粮即赴所在督押司道陈告当日委官亲勘具奏收粮之日照例减除免晒处补不敷方许动支二分给军羨余俱依议行

○辛丑朝鲜国王李昖差陪臣赍进方物马匹四川播州宣慰司应袭土舍杨应龙差献马匹贺上登极穆宗庄皇帝尊谥并贺两宫徽号诏赐彩段表里绢布衣服靴袜等物

○陕西抚臣曹金参襄陵王府奉国将军融火□詹镇国中尉融炘等越关赴省索完欠禄殴打门官凌辱方面请分别处分惩戒将来章下都察院

○壬寅吏部奏巡抚保定右佥都御史宋纁患病乞休准回籍调理

○升山东右参政刘孝为本省按察使广西左参政胡直为广东按察使

○巡按直隶御史丁惟宁因旨催提勘官员〈娼弊-金〉陈四款一曰势重而人知畏则无所推延发行勘割之后三月不完参委官六月不完参该道至隔省提解人犯亦近者无过三月远者无过半年如有占愆不发等弊听彼处巡按参究如彼处巡按不参听原牒衙门访的径参仍查照宪纲互相糾劾事例兼及被处巡按一曰理明而人心正则无所避忌勘问人犯其举劾者恐其是非相形必欲求己说之胜不知我之举劾原非市恩洩怨即有异同吾方幸其不至漏网不终含冤于人可尤至于听勘之人方未有所受挠亦何必猜疑观望巧为延避一曰法严而人知避则无所阻挠提问人犯罪大恶极正欲正法洩人心之忿问有书通力属者或及委官或及宪臣繇是依违乱心威力掣肘有难于尽法臣欲责令批委诸臣但有即举臣据实拿治或参究如罢软听属不即举出臣访知通行参究一曰论定而浮言息则无所疑畏京中议论得于所闻非得于所见名为广询实为偏听且南北积习之处败类乡官无藉豪恶往往抵书布谣讹以传讹法未及伸而转之他秩矣宜姑置勿听湏其事定时久徐为黜陟章下部院俱覆行之○吏科给事中汤聘尹条奏五事一曰坚趋向陛下景慕古光哲王披阅鉴图颀然起敬伏望乘此明炳之机矢志不移寤寐如见凡异端夷教刑名苛察悉鄙绝弗尚二曰敦朴素陛下初登大宝罢织造之使绝工役之兴伏望坚守初心思财用易耗加意节省凡玩好靡丽之物举无以动其中三曰慎举动

陛下恭已临民已为天下伏睹伏望燕闲之际恒若临民视瞻之间动循矩度四曰重爵禄陛下顷于乞封伯爵者照例止授都督同知伏望谨守旧章确于不易自此以后凡额外奏扰一切格而不行五曰明职掌谏臣职司封駁唐宋中至有封还诏书者有引烛焚诏者有敕尾批却者况陛下英明不世出伏望自今凡有内旨或违常式或紊旧制容谏臣封还执奏〈娼弊-金〉入报闻

○鸿胪寺奏失误早朝文武官新宁伯谭国佐等一百一十九员诏夺禄俸各三月

○申严皇城宫殿门禁

○癸卯辅臣张居正言适见司礼监太监冯保奏称 圣驾出宫视朝有一男子身挟二刃直上宫门礮石□察当即拿获臣等窃详宫庭之内侍卫严谨若非平昔曾行之人则道路生疏岂能一径便到观其挟刃直上则造蓄逆谋殆非一日中门必有主使勾引之人乞敕缉事问刑衙门访究下落永绝祸本仍乞 皇上出入警蹕倍宜严备再照 祖宗旧制门禁甚严望敕司礼监官遵照律令严行申饬其该日守门内外官员俱乞量加惩治庶人知所警杜患将来上俱从之

○敕谕兵部京城内外巡警事宜看兵部都察院并缉事衙门督率巡捕巡视等官严行申饬四方无籍之人潜住京师的即便驱逐尽绝地方邻佑有容隐不举的事发都拿来重治

○兵科右给事中张楚城论总督尚书王崇古诰命不宜用金字请夺毁改给吏部覆从之

○升巡抚福建都察院右副都御史殷从俭为左副都御史回院管事

○添设广东韶州府同知一员驻劄三华镇专一操练军马缉捕盗贼及添设翁源县县丞一员随住该镇管理税粮专听同知委用

○升工科左给事中王士□□为湖广右参议分守荆西道

○发抚夷银七千两于蓟镇

○甲辰命右春坊右谕德兼翰林院侍读王锡爵掌本坊印信

○后军都督府优给李环袭爵丰城侯

○升山东副使刘庠为左参政总部京粮带顺永保河四府广东副使吴一介为广西左参政河南佥事王乾章为江西左参议分守九江道

○乙巳两广提督殷正茂荐举贤才尚书谭大初都御史何继柯庞尚鹏光禄卿钟卿通政徐浚郎中邓洪震布政使刘子兴凡七人

○允户部覆陕西巡按赵官奏免通江县新增茶课银五百八十三两有奇仍行四川各州县清理茶园

○刑科给事中李学一奏古先圣王莫不以劝农为首务然词讼繁兴则农务多废宜令天下有司每岁发春先清狱囚其余词讼除人命贼情外毋得滥受俟东作稍毕方令听理其他劝农力本之政务加意讲求至抚按举劾有司亦以课农勤惰田野荒辟别其殿最＜媢弊-

金 > 下户部覆行之

○河道侍郎万恭奏创建瓜州二闸工完免挑盘雇剥之苦因叙郎中吴自新及道府诸臣劳绩恭又先檄浚苏松常镇一带河道建三汊河东水吊桥自是吴浙之运可与江西湖广徵发相同因言瓜闸既成商舶繇坝者可去险就安应比照仪真事例一体抽分< 娼弊-

金 > 下工部俱覆行之

○丙午 孝静毅皇后忌辰遣武定侯郭大诚祭康陵

○升礼部右侍郎兼翰林院侍读学士王希烈为吏部左侍郎仍旧兼官掌詹事府事

○升顺天府府丞刘尧诲为都察院右佥都御史巡抚福建地方大理寺右寺丞孙丕扬为都察院右佥都御史巡抚保定等处地方

○升浙江处州府知府陈烈为广东副使

○兵部尚书谭纶等条陈备患事宜一仿保甲以诘奸究一清捕伍以重巡缉一严加责成以信法守以申明赏格以励人心一整宿卫以振威武一严门禁以慎稽查 上令着实举行

○都察院左都御史葛守礼言深远之虑当谨于至微仓卒之虞常生于所忽我国家 列圣相承莫不以谨宫禁为首务我皇上嗣登大宝正臣民竦观易听之日乃九重深邃之所有奸回如王大臣者历诸门抵法宫寂无简察坦若素履此岂细故其该日内官及守卫员役应从重究治臣等仍将会典及律令所载条件责成巡视御史督同内外监门守卫员役着实举行如有仍前怠缓及容隐抗违者拿问参究则禁卫森严永无意外之变报可

○丁未赐知经筵官成国公朱希忠大学士张居正同知经筵官大学士吕调阳各敕一道谕希忠曰朕惟古昔帝王临御天下未有不以务学为急者我 祖宗列圣邇崇是道经筵日讲岁岁举行二百余年治教休明超轶隆古朕以冲渺参膺宝命嗣守鸿图夙夜兢兢惟以不克负荷是惧故当 山陵甫建哀疚方殷即以去秋躬御日讲虽值隆冬罔敢暇逸惟是经筵之典尚有待焉兹将以二月初二日举行命尔希忠与大学士张居正知经筵事大学士吕调阳同知经筵事侍郎兼侍读学士王希烈等充经筵官分直侍讲居正调阳并大临士美经邦雒文鲤国日侍讲读夫君道以讲学亲贤为要臣职以责难陈善为恭朕方亹亹咨询求多闻而建事卿等尚孜孜纳诲明正学以沃心凡经史所载理欲消长之端政治得失之故人才忠邪之辨统业兴替之繇务明白敷陈委曲开导毋曲说以徇好毋避讳以为嫌俾学缉熙于光明治允跻于清穆上以凝承乎帝眷下以润泽乎生民惟朕有无疆之休卿等亦有无疆之闻钦哉故谕其谕居正调阳亦如之

○以怀安卫都指挥同知何效忠守备宣府云州堡地方神枢营佐击侯之胄充神枢四营练勇参将统领官军操练升甘肃镇城坐营中军唐洲为游击统领甘肃巡抚标兵山西老营堡

守备叶威为本堡游击浮图峪守备郑勋为神机八营游击统领官军操练

○移建湖广光化县治于北集街避水势也

○以南京兵部职方司主事盛居晋专管选补军旗以济边事遇有史代听该部随时选委著为令

○升龙门卫署所镇抚孟尚义守备宣府靖胡堡地方大同前卫指挥佥事王弼守备宣府罢门所地方

○戊申升兵科都给事中李己为顺天府府丞河南道御史王廷瞻为大理寺右寺丞

○追赠前工部尚书宋礼太子太保从河臣万恭请也

○赐永福王融焚嫡母金氏封为懿简王妃

○礼部尚书林树声再< 娼弊-金 >乞休仍不允

○以辽东都司佥书陈言铨注本司掌印湖广行都司佥书赵梦佑铨注河南都司掌印○淮安南夷舍莫茂洽袭安南都统使

○己酉 上御文华殿讲读毕辅臣张居正奏奸人王大臣妄攀主者厂卫连日推求未得情罪宜稍缓其狱盖人情急则闭匿愈深久而怠弛真情自露若推求太急恐诬及善类有伤天地之和报闻盖居正初< 娼弊-金 >意有所欲中会廷议汹汹故有是奏

○复前建言大礼刑部员外郎邵经邦原职

○升湖广道御史陈于阶为山东副使南京浙江道御史计坤亨为河南佥事

○以山西都司掌印刘世恩为倒马关参将平阳卫千户文济武为宁武关守备大同右卫署指挥佥事王铠为左卫城守备振武营游击张爵为燕河营参将神机三营练勇参将李时为横岭路参将原任燕河营参将王通充保河右营游击三屯守备崔经补河南领班都司

○庚戌 仁圣皇太后圣诞 上御皇极门百官致词称贺

○升贵州卫镇抚蔡兆吉为署指挥佥事王立极守备插前岭地方五军营练勇参将邹沂充神机营右副将

○革山西中路管参将事副总兵孙是任闲住抚臣赵孔昭防秋论劾也

○辛亥以锦衣卫勋卫王学诗袭静远伯

○勒陕西左布政使冯舜渔回籍听勘御史萧廩荐舜渔廉拟升延绥巡抚而按臣陈文焕人劾舜渔贪吏部以为一人之身廉贪迥异必体勘明白方服其心

○兵部覆两广提督殷正茂奏报擒剿贼首黄高飞等一十一名并贼徒一千一百九十三名
颗叙副使刘稳参将白翰纪等功次行勘叙录

○是月减释各省重囚四十八名

明神宗显皇帝实录卷之十

万历元年二月壬子朔上御皇极殿视朝毕诣 奉先殿 弘孝殿 神霄殿
皇考穆宗庄皇帝几筵以开经筵告

○庆府弘农王肅木□竊周府会稽王勤□□炎各讬至上辍朝一日遣官行丧礼

○都察院左副都御史刘斯洁回籍听补

○起原任南京礼部尚书尹台为南京礼部尚书

○吏部尚书杨博因给事中张楚城论王崇古金书诰命出博子俊卿所为博又不行将崇古议罪为专擅〈娼鬻-金〉乞谴黜上温旨慰留

○勒襄城伯李应臣闲住科臣贾待问劾其荒淫狂悖刑禁捕官也

○癸丑上初御经筵讲官进讲

上端拱倾听目不旁询讲毕传赐酒饭音吐清亮仪度雍容诸臣相顾称叹以为上神明夙悟真天纵也是日钦赏经筵以下各官银币钞绢有差仍特赐二辅臣各蟒衣一袭日讲官六员各金罗衣一袭

○兵部覆户科给事中李栋等条陈门禁八事一曰易市地二曰禁穿道三曰制牌面四曰重换班五曰清包占六曰悬赏罚七曰查内属八曰重事权惟市照旧余皆依拟

○甲寅成国公朱希忠大学士张居正吕调阳等以经筵礼成上表称贺略曰窃惟自昔愿治之主咸以及时典学为先虽日有万几至尊匪同韦布然治无二道遗迹具在简编非考古何以正今必多闻乃能建事又曰广厦细旃之上言有箴规冠带缙绅之伦环为观听岂徒藻饰太平之具是惟培养若德之基又曰在高宗亮阴之际已勤逊敏之功当成王访落之年懋著光明之益观览靡疲于乙夜讨论无间于祁寒又曰礼隆晋接人知稽古之荣道协泰交世仰右文之治

○陕西巡按御史暴孟奇〈娼鬻-金〉荐遗逸按察使张嘉孚知府张万纪凡二人

○以登极遣官祭历代帝王陵寝因停今年年例之祭

○差河南道御史饶仁侃南京畿道查刷文卷

○乙卯播州宣慰使司应袭杨应龙差杨美等进马二匹贺登极赏表里钞锭如例

○朝鲜国王李昖差陪臣表进方物马匹谢恩

○巡视陵工户科给事中匡铎等参屯田司主事石汉收文砖科致冒破官银二百四十余两有无通同情弊乞行勘议草下工部

○丙辰上御皇极殿传制遣大学士吕调阳祭先师孔子

○升巡抚江西右副都御史徐枋为南京工部右侍郎

○赐故吏部右侍郎兼翰林院侍读学士诸大绶全葬仍加祭一坛以其有讲读劳也

○赐故刑部右侍郎游居敬祭一坛减平造葬居敬满三品俸方给繇被劾年老致仕其子请恤典予之

○丁巳升户科右给事中匡铎礼科右给事中朱南雍为刑工二科左给事中工科给事中郑岳为吏科右给事中

○吏部覆河南按臣杨相劾大梁道右参政查志立阴险粉饰不惬人情夺俸二级

○起原任户科都给事中张书补兵科都给事中

○四川道御史张士奇奏光禄寺查刷今年正月分用过各项品物除本色外该银一万一千五百四十一两有奇

○遣定国公徐文璧祭历代帝王

○移武清卫后千户所于河西务新城千户王世臣不妨原务就近钤束该城军民商贾人等掌管城池门禁锁钥缉捕盗贼保障地方

○革辽东副总兵赵完任行巡按御史提问先是王杲入犯完观望逗遛坐革职级戴罪杀贼而贪肆愈甚惧巡抚张学颜参究使其弟察赍三百金并貂裘首饰投送学颜家学颜发其事章下兵部请革任提问

○戊午上祭太社太稷

○巡按山西御史桂天祥荐举遗贤尚书裴宇霍冀侍郎杨思忠金都御史王轮李尚知副使张昇凡六人

○己未上御文华殿讲读

○工部奏主事石汉冒破事系书手朦胧失于稽查仍令汉戴罪听候刑部严究

○庚申吏科都给事中陈三谟劾原任苏松兵备副使蔡国熙奸邪险诈且言其假道学以欺世自知大察难免托疾求归不当听其致仕不加显黜国熙遂革职听勘

○吏部尚书杨博以疾乞致仕 上温旨勉留

○礼部右侍郎管国子监祭酒事汪鏜乞罢不允

○以怀来城守备童堂充神机十营佐击云南都司佥书□九思铨注山西都司掌印延绥领兵游击张继祖充右参将分守山西中路地方

○辛酉春分遣成国公朱希忠代祭 大明于 朝日坛 孝贞纯皇后忌辰遣抚宁侯朱茂陵

○赏泰宁等三卫夷人彩段衣服靴袜等物补贺长至及 万寿节也

○壬戌以 昭陵享堂上梁赐辅臣张居正吕调阳各银五十两彩段四表里新钞三千贯

○四川金川寺渲化禅师差都纲头目二百七十五人进贡珊瑚等物宴赏如例

○以南京守备兼掌中军都督府事怀宁侯孙世忠充总兵官镇守湖广地方分守辽东宁远左参将杨腾充副总兵协守辽阳地方

○癸亥 上御经筵

○南京礼部尚书秦鸣雷再<娼弊-

金>乞休章下吏部○福建道御史景嵩等劾兵部尚书谭纶陪祭 朝日坛咳嗽之声连连不已且面色憔悴精神消索则纶前日称病告归果真非托本兵重任万一北虏不测犯我疆圉岂不能将祀事于一时者能寄万乘以有事 上谕咳嗽小疾易愈本兵难于得人这所奏看吏部看了就问景嵩等要用何人会同吏科推举来看

○升赏清河等城堡地方获功阵亡被伤官军九十五员名

○兵部因巡视京营科道荐拟授武清伯应袭李文全勋卫职衔查无例而引固安伯应袭陈昌言为辞外戚不预政事但请于见职上量加升级以示优异诏昌言文全各加升一级着令皇亲应袭不必随营习练

○兵部奏兵科左给事中蔡汝贤等参题赵完庸懦贪婪贿赂三罪当究仍乞敕各镇督抚诸

臣边将有公肆克剥潜通贿赂如完者即时参奏报可○巡按直隶御史向程参九江卫运官千户唐守仁等需索常例殴辱宣城知县姜奇方刑科都给事中乌昇以为探本而论衅之起也实有其繇请并治该管把总等官章俱下都察院

○甲子升山东副使冯敏功为河南右参政

○光禄寺卿路王道条奏三款一议处查刷查刷兼巡视仍复中差必管理一年方行更替及收纳物料每月轮流堂上官一员仍照旧规会同科道官各一员于大烹门内验收一议处属官各署署正近既选用科目果能修举职业俟其历俸三年得升各部主事管署丞得升顺应二府通判上林苑监丞等官监事录事典簿各酌量升擢其奉职无状者仍行劣处一议处厨役三十年得除王府典膳虽以酬劳亦当考行必择身家无过谙晓艺业年貌相同贯址真正者方许起送< 娼弊-金 >下该部多覆行之

○铸给皇城巡视科道关防从给事中李戴等请也

○建筑湖广监利县城垣从郧阳抚臣凌云翼等请也

○给播州宣慰使司新袭宣慰使杨应龙敕书统抚夷民

○以修筑甘肃边堡城墩工竣赏前任参政张佳胤等各银十两

○乙丑兵部尚书谭纶因景嵩等论以病乞休< 娼弊-金 >下吏部

○江西巡抚徐拭< 娼弊-金 >称王守仁学窥圣域勋在王室请与薛文清公瑄一体从祀章下礼部

○丙寅升湖广左参议舒应龙为山东副使整饬徐州等处兵备

○赠故吏部右侍郎兼翰林院侍读学士诸大绶为礼部尚书

○差福建道御史萧廩广东道御史张更化湖广道御史蔡廷臣浙江淮扬陕西各巡按○丁卯升礼部右侍郎管国子监祭酒事汪鏜为左侍郎兼翰林院侍读学士回部管事仍充经筵讲官太常寺卿兼翰林院侍读学士丁士美为礼部右侍郎兼官日讲教习俱照旧

○以宣镇灾伤蠲屯团粮十分之二仍行改折

○阅视侍郎吴百朋奏请修复大同边墙言宣大二镇皆重地以近京言则宣府为重以通虏言则大同为冲云中川原平衍无险可依与虏隔者仅一墙耳中国之藩篱不固夷狄之出入无常设有不测何以御之因言修墙十利灭胡威胡败胡阻胡诸堡皆孤悬绝塞有墙则可以

格虏放牧助我拒守一也择其要害设为墩台城瓮俾了卒戍士风雨足栖缓急可倚二也平居人畜免驱掠之患秋成禾稼鲜剽夺之虞三也小贼入则我得据墙下矢石无使墩卒贼得为饵四也大贼入必湏掘墙我得预知为备收斂坚壁使虏无掠五也募民实塞下营屯田民鲜畏寇乐从者众兼可足食足兵六也虏有变必乘虚从威平入非剥虏朔蔚则垂涎山西彼窥我有备其谋自阻谨守大同所以屏蔽内地七也云中边墙长亘俟虏背叛徐议起筑必湏多发兵防御及是时为之可省调集之劳供亿之费八也以守为战以逸待劳九也峻夷夏出入之防明先王荒服之制十也此十者其利甚大否则害亦随之议者谓虏方纳款遽议修墙恐虏生心臣以为修之恐启目前之衅不修惧贻他日之祸夫通虏贡市冀为数年之安修我武备实为百世之利但恃其在我者安可弛备以徇虏情事先急务功贵乘时及今闲暇春和冰释亟宜兴工修复边墙以树藩屏乃为得策兵部如百朋议覆行

○戊辰建德王厚贝□定乞将妾李氏所主第二子镇国将军载平□土改封为庶长子从之

○上初御极申严门禁有宁化王府方山王府及秦府将军中尉数进城奏请名粮诏各递回闲宅拘禁仍诏自今以后有越关奏扰者不论曲直各罚如法

○改封溧阳王长孙充□□火为王长子常氏为夫人时□□火父俊裾袭王爵因请改前长孙封为长子

○升陕西右参政兼佥事张守中为都察院右佥都御史巡抚延绥等处地方冯舜渔回籍听勘吏部推左布政使侯东莱及守十辅臣张居正言延绥地方逼邻虏巢最为紧要且风气苦寒人不乐居近来任巡抚者只将就捱过二年即营求别转致事务废坠武备不修虏一入犯往往失机债事张守中虽系举人出身年力精壮才猷敏练先任密云兵备练兵修守甚有勤劳今任陕西参政一切边方事务至苦至难人所推避不肯为者独以身任之人能和协将官与同甘苦实边方抚臣之选乞升补前缺庶见朝廷鼓舞人才不拘常格彼之感恩图报将捐躯陨首不辞矣从之

○裁革陕西苑马寺乐长灵武二监录事调开城苑圉长一员于武安苑

○升陕西左参议晋应槐为副使整饬固原等处兵备兼理屯田

○吏部覆谭纶失仪事言抡选本兵委难得人进退大臣当处以礼若以一嗽之故勒令致仕非惟不近人情亦且有夫国体御史景嵩韩必显回称糾劾谭纶委止一时冒昧实无欲用某人之意吏科雒遵等则称推举本兵例该九卿科道公同会议具题上请今嵩等称无私拟难以推举上报曰咳嗽小夫何至去一大臣这斯每一经论劾即百计搜求阴口□族党排不胜不止若用舍予夺不繇朝廷朕将何以治天下遂降遵嵩必显三级调外任而以夫仪夺谭纶俸一月

○户科左给事中冯时雨言光禄寺供应浩繁节目琐屑不能查刷臣等能巡视其外不能巡

视其内能查刷其粗不能查刷其精虽坐门验收亦何益之有宜令该寺逐日细开收过物件若干进过物件若干食粮厨役若干空役月钱若干房租麻裯银若干桶簍家火银若干各廩盈歉各库存留一丝一粒悉经挂记遇有别项供应湏与臣等关白方许动支其或隐漏前数擅自支用及各该官员役占余丁逼纳月粮者臣等得指实参奏该寺厅署等官岁终听臣等据职之修废定官之臧否开送吏部以凭裁酌是一查刷即可以兼处寺属厨役因请给该科巡视关防章亦下户部

○己巳云南道御史钟继英因责问回奏京师者四方之所会归奸细固宜驱逐良善所当容留间者奉行过严致转徙相仍人心惶惑臣輒有安集之请谋为不轨王法之所必诛惟虑本犯自知罪不可逃或□词抵絀罗织非辜臣輒有原恤之请至于掇拾过繁语久隐晦则臣之罪报曰人臣告君明白敷陈岂宜有隐夺继英俸半年

○差官为故吏部右侍郎诸大绶造葬准给故刑部右侍郎游居敬半葬 庚午
景皇帝忌辰遣兴安伯徐梦旻祭于 陵寝

○辛未御史王时举等〈娼弊-金〉救雒遵景嵩韩必显言大臣腹心也因当保护以培国家之元气言官耳目也亦当爱惜以伸国家之正气今于大臣则信任之于言官则挫抑之是轻其耳目徒欲腹心之安恐从此脂韦之习胜骨鲠之气消正士杜口忠臣结舌岂社稷之利给事中贾三近等亦言部臣国之股肱言官国之耳目耳目之官职司糾正平日養其刚直之气宽其触冒之罚然后遇事敢言无所畏避今以论一部臣之故一朝而罪三言官是使諫臣丧气以言为讳他日虽国家有大利害朝廷有大奸邪谁肯进逆耳之规以速取罪戾

○升河南汝宁府知府陈廷芝为陕西副使管理榆林东路兵粮四川佥事姚继可为陕西左参议兼管督修延庆就近城堡

○工部奏兵仗局太监魏朝等称本局修造兑换军器其合用物料该部委官会看动延两月不无停误工作乞免行委官覆估以便修造看得每岁二月估修十月兑换以前两次并无稽误且本部与该局公同会估则该局节省之意得司官面稽而益彰本部综核之规藉该局参验以无遗甚协彼此体国之心共济军需武备之用况戊字库盔甲厂均贮军器均有科道司官同验出入事均一体难于异同报可

○壬申改南京国子监祭酒林士章为国子监祭酒

○降给事中雒遵御史景嵩韩必显为浙江狭西湖广各布政司照磨

○兵部覆贵州擒斩苗贼阿大等功次请行巡按御史体勘具奏○癸酉贵州抚臣蔡文奏擒斩丹行长官司土舍罗奇等功次请叙录守备刘天庆及各效劳官下兵部行巡按御史覆勘

○王大臣伏诛大臣者浙中佣奴诡名以浮荡入都与一小竖交昵窃其牌帽阑入禁门冯保

恨前大学士高拱阿意者遂欲因其锻炼以双刃寘大臣两腋间云受拱指行刺图不轨傍掠不胜楚遂诬服为言拱状貌及居止城郭广卫遣卒验之皆非时大狱且起张居正迫于公议乃从中调剂狱得无竟

○甲戌升左春坊左谕德兼翰林院侍读申时行为左庶子仍旧兼官掌翰林院事

○定山西冀宁守巡及岢岚三道分辖地方换给关防敕书

○代府富川王廷埤薨讣至赐祭一坛谥曰恭简

○广西巡抚臣郭应聘奏报府江之捷言府江猺獞恃险稔凶肆行杀掠兵备副使刘稳请调大兵剿灭应聘等题奏督各州司土官兵为四大哨参将王世科统三峒哨副使金柱监之参将钱凤翔统东岸哨金事夏道南监之都司董龙王承恩统西岸并水哨副使郑茂监之以总兵官李锡为都统哨居中调度参政胡直总理粮赏委各州县等官分理诸务清军副使刘廷举随军纪功以隆庆六年十月按图进剿至今年正月克破数十巢寨擒斩杨钱甫等十首贼徒从四千六百六十七俘获贼属四百四十人牛马二百三十三器械二百一十九两粤之通途无梗万民之积愤已纾效劳人员乞敕覆议上请用彰劝典以励人心<娼弊-金>下兵部

○梟斩江西花园洞首贼白强八等寻设花园巡检司

○兵部覆给事中李熙劾四川总兵官刘显<娼弊-金>因言四川总兵专为剿都蛮设事平即宜裁革今以数千都蛮之故专设一总兵官频年株守老师费财甚非长策请行抚按一并查处从之

○乙亥宴朝鲜国陪臣

○给兵部右侍郎张翀母恭人李氏半葬以翀有南赣军功也

○湖广巡按舒鳌题称承天荆州岳州等府州县频年堤塍冲决洪水横溢民遭陷溺非止一处量过丈尺不下十数万计其所估钱粮不止万余议将解京贙罚银内扣留五千两以为修堤之费户部依议具覆从之

○丙子明节遣定国公徐文璧等祭各陵寝

○以礼部左侍郎管南京礼部右侍郎事万士和管南京国子监祭酒事

○升吏科左给事中陈三谟为都给事中吏科给事中李日强户科给事中陈藻俱为右给事中李日强户科藻礼科

○户部奏宁夏巡抚朱笈请修边借过主客兵银言修边钱粮原系各镇自行处办后因工程浩大会议先尽该镇赃罚及无碍银两如有不敷以十分为率户部出七分兵部出三分近各镇修边不先会计奏讨輒自那移至军饷缺乏却又妄请帑银抵补请敕各镇遇修筑边墙必照原议如擅将主客军饷并节省粮银径自动支难以轻信不得复行奏补从之

○以朝鲜国王李昖送回被倭抢去人口赏银一百两锦四段纁丝十二表里仍赐敕奖励

○以原任总督京营戎政临淮侯李庭竹南京中军都督府掌印管事守备南京地方原任辽东镇城坐营中军都指挥使苏承勋铨注辽东都司贵州毕节守备孙世泰铨注云南都司俱金书管事

○差南京湖广道御史陈堂巡视下江地方

○戊寅上御皇极殿传制遣大臣及近侍官往祭岳镇河渚历代帝王先师孔子祖陵等陵徐王等王及亲王与大岳太和山真武等神

○广西巡抚郭应聘荐地方人才通政徐浚郎中邓洪震主事陈谦凡三人

○礼部覆给事中李乐科场四事一曰慎应试之选督学取士必以德行为先如徒工文辞行简无耻者勿使滥进场屋二曰正序文之体主考官试录序文必典实简古明白正大不得妄加称奖蹈浮靡之弊三曰重不公之禁考官并外帘等官遇命下文到日务严加防范各秉公心毋忽嫌微致招物议四曰严综核之法乐欲查会试落卷文理不通系近科者问革部议谓朝廷设科取士礼义甚隆与其斥于既举之后孰若严于未举之先准令乡试慎加简阅仍解真正原卷以凭稽考俱依拟行

○四川金川寺演化禅师差都纲头目进贡珊瑚等物

○升大同破虏堡守备李栋为延绥游击统领官军轮番入卫以原任分守辽东广宁前屯参将胡尧勋充左参将分守宁远地地方

○勒大同总兵官左都督马芳闲住芳惧阅视不免行贿武库司郎中林绍怀隆兵备参议吴哲及阅视侍郎吴百朋百朋发其事请提问兵部以芳久在边方颇著劳绩今当晚暮曲赐优容从之

○庚辰改南京工部右侍郎董传策为南京礼部右侍郎

○宣大督抚王崇古等题主兵正用不敷银一万三千五百八十一两河曲营又议增新军添饷银二万四千六百二十八两乞要增发户部覆准暂发银三万八千二百九两以后年分将河东运司盐课抵充

○兵部右侍郎杨巍以病乞休不允

○升湖广副使卢镒为四川右参政

○是月减释各省重囚一百一名口

明神宗显皇帝实录卷之十一

万历元年三月辛巳朔 孝肃皇后忌辰遣襄城伯李应臣祭裕陵

○宴海西者刺等卫女直都督并四川金川寺都纲头目等人

○壬午 上御经筵

○除庶吉士林景旸为礼科给事中

○升大名府知府王叔杲为湖广副使整饬苏松常镇兵备

○阅视侍郎吴百朋陈宣大屯田五事一严侵占之禁一核荒田之粮一除处增之数一专监司之权一慎分理之任< 娼弊-金 >下该部

○调镇守山西总兵官都督佥事郭琥挂印镇守大同等处地方仍诏各将官养廉地土听其养士公用勿得过为苛摘致夫朝廷任将之意

○差陕西道御史张守约巡按广东

○癸未诏增供用库黄蜡岁二万五千斤岁用黄蜡八万五千斤折色一十一万五千斤每斤价银二钱白蜡三万五千八百一十六斤折色一十二万五千八百一十二斤每斤价银四钱二项浙银俱解太仓库济边署库太监殷平称岁用不敷欲于旧额外增本色黄蜡五万四千斤户部执奏不从科臣贾三近复< 娼弊-金 >谏止亦不从

○户部覆广西巡按御史唐炼< 娼弊-金 >言军士胙祿给折色则易于荡给本色则可得实惠炼虽軫侧地方但当缺乏之时取给紧急仍宜徵解折色便

上报曰近来各项钱粮多议改折本图省便但 祖宗立法初意未尝不便于民今只宜革弊补偏岂可轻为改易今后但有建议的尔部院衙门都要仔细讲究停当不许擅便纷更违者以变乱成法论

○甲申 上御文华殿讲读辅臣张居正进讲帝鉴图说汉文帝劳军细柳事因奏曰古人言天下虽安忘战必危今承平日久武备废弛将官受制文吏不啻奴隶夫平日既不能养其锋锐之气临敌何以责其有折冲之勇自今望

皇上留意武备将官忠勇可用者稍假权柄使得以展布庶几临敌号令严整士卒用命上然之

○大同巡抚刘应箕荐境内人才佥都御史温景葵

○加升分守辽海东宁道参议李鶚为副使照旧管理事务

○两广提督侍郎殷正茂奏暹罗国王华招宋差夷使进贡方物称原给印信勘合因东牛国攻破城池烧毁乞行补给下礼部议

○铸给科臣巡视光禄寺关防从冯时雨请也

○宴朝鲜国差来谢恩陪臣

○诏修宣府北路边墙墙本先任总督翁万达所筑内塞起滴水崖历雕鹗堡龙门卫至六台子墩凡一万八千七十六丈有奇近被虏蹂践半就倾北阅臣吴百朋等勘议修筑计用粮八千八百一十三石盐菜工食银六千一百七十九两每年用军夫一十九万三千三百一十一名酌量冲缓渐次举行期三年内完报

○乙酉巡按浙江御史谢廷杰请崇祀礼部故尚书金华章懋言金华乃古婺郡宋元之世有何基王柏金履详许谦皆以理学名于当时嗣是而后繇举业进以功名显者固多其人若潜心理学媲美四儒则仅仅惟一章懋焉四儒尚留心于著述章懋则专志于力行节操所昭诚足表仪于后学语录所载亦能羽翼乎圣经合无与四贤一体崇祀于正学祠不惟慰此乡邦后学且以彰我国家人文下礼部覆议从之

○江西抚按题称原任南京吏部尚书王学夔秉铨南北舆论称公迨谢政林泉绝迹公府今已年逾九袞齿德俱隆宜有优恤之典诏遣行人谢廷敬至家存问

○升巡抚江西右副都御史徐枋为南京工部右侍郎

○升福建右参议徐作为广西副使整饬府江兵备

○兵科给事中赵思诚<娵斨-金>罢王守仁从祀之请言守仁党众立异非圣毁朱有权谋之智功备奸贪之丑状使不焚其书禁其徒又从而祀之恐圣学生一奸窳其为世道人心之害不小因列守仁异言叛道者八款又言其宣淫无度侍女数十其妻每对众发其秽行守仁死后其徒籍有余党说事关通无所不至擒定宁贼可谓有功然欺取所收金宝半输其家贪计莫测实非纯臣章下该部

○以协守宣府副总兵刘国充总兵官镇守山西等处地方

○兵部奏优异府江首功诏赏提督殷正茂银五十两纁丝二表里巡抚郭应聘升俸一级荫一子入监读书总兵官李锡升实职二级赏银三十两

○丙戌四川道御史张士奇奏二月分光禄寺用过各项品物除本色外该银一万九百五十

七两三钱○兵部奏请查勘原任镇守广东总兵官郭成侵冒兵粮及经繇江西湖广等省逃兵行粮追夺还官以济军饷成时改任四川

○丁亥湖广巡按御史舒鳌<娼弊-金>举遗贤侍郎姜廷颐寺丞耿定向太仆卿蔡结参政顾问副使李廷龙参议高向志曾璠刘应举知府邵天爵凡九人

○直隶巡按御史丁惟宁举侍郎吕时中副使达其道蔡可贤行太仆寺卿周京凡四人

○升江西佥事徐时可为福建右参议

○戊子升抚治郧阳右佥都御史凌云翼为右副都御史巡抚江西地方

○改给岢岚道关防为整饬岢岚偏老等处兵备关防○己丑升刑科左给事中匡铎山西道御史陈文焕为大名严州各知府南京兵科给事中周大烈浙江道御史侯居艮为临江汝宁各知府

○升户科左给事中冯时雨为湖广右参议山西道御史田子坚江西道御史周于德为四川江西各佥事

○擢中书科中书舍人万一贯为山东道试监察御史广东博罗县知县颜容舒为户科给事中

○辛卯升湖广布政使汤宾为都察院右副都御史抚治郧阳等处地方

○湖广巡抚赵贤<娼弊-金>荐楚才侍郎姜廷颐参政顾问副使李廷龙易道谈参议曾璠刘应举高尚志知府邵天爵凡八人又荐尚书刘采副都御史张师载太仆卿蔡结御史刘存义四人又持荐大理寺丞耿定向共十三人

○南京河南道御史田成法患病回籍

○户部覆应天抚按奏安庆卫官军岁支月行粮四万二百五十七石除本处存留及屯田外止派九江等府协济米二万石节年拖欠数多见贮米银不敷一岁支用乞止将拖欠粮银量留九江接济军饷其见徵并以后年分仍旧起解安庆如仍踵前弊拖欠不完比照京边钱粮事例一体参究报可

○给赏海西者刺等卫朝贡夷人金段衣服靴袜等物

○以管分守宣府北路左参将事麻贵充副总兵协守宣府地方

○兵部覆奏巡按御史梁许马政八事一责孳驹一责马种一戒损伤一公审编一革乾头一解科扰一严举劾一议牡种俱依拟

○差南京湖广道御史陈堂巡视下江地方

○壬辰升大理寺左少卿李滋为太仆寺卿

○调改山东分巡东兗道僉事谢东阳御史田子坚劾东阳降调吏部谓东阳性虽偏执守无訾议即其所劾亦无可降之罪仍拟调简○癸巳升湖广右布政使施尧臣为本司左布政使

○升赏辽东长胜清河二堡获功阵亡被伤官军四百四十七员名

○司设监等衙门题称寿定王坟香火地一百五顷乞今自行管业户科参看得香火田地召民佃种有司岁时徵租转给自系定例若使该监自行管业中间未免倚势侵占及额外科索扰害地方合无仍旧听有司徵给户部覆如科议从之

○差浙江道御史张简巡视光禄

○甲午 武宗毅皇帝忌辰遣恭顺侯吴继爵祭 康陵

○复除原任陕西僉事郭石于山东分巡东兗道

○阅视侍郎汪道昆奏蓟昌二镇捍卫陵京其地视各边为重然兵制甚疏兵力甚弱一旦有急则视各边更为不支自庚戌秋徵客戍起民兵合客二十万有奇军饷称是虏既得利时伺近边岁徵发以为常应变仓卒取办目前经制未周章程未定近该镇诸臣相与协谋筑台垣缮器械简车徒为战守之备甚具故戊辰以后虏未敢犯蓟昌曾未息肩减兵缩饷之议纷纷輒起查二镇边境计二千有余里比之宣大则兵为独少岁饷几二百万以下较之各镇则饷为独多总之兵食相须必兵有定额然后粮有定数故兵马钱粮当作一家计筭今东虏日事窥伺其志不忘西虏方就羈縻其众叵测边长地重安能去兵师行粮从义安能去食因地之缓急以计兵因兵之多寡以计食因经制之未备者以计万全三者相湏非有定额不可因括兵饷总纲一切战守事宜主客兵马粮饷料草稽核筹画备极精密下户兵二部看议

○升大同新平堡守备赵鹏延绥保宁堡守备徐仁威俱陞注四川都司僉书

○著令坐堡官除夫陷城池不得概拟守备不设律

○差工科右给事中刘浑成巡视 陵工

○乙未升湖广按察使陈瑞为本省右布政使

○定各司府州县卫所官拖欠钱粮住俸开俸降级革职改调则例

○改南山参将李如櫜为左参将分守宣府北路独石马营等处地方云南都司掌印胡大宾充左参将协守四川松藩东路地方

○忻城伯赵祖征有罪夺禄米半年永不推用

○差广西道御史王琢玉督理两淮盐课江西道御史解学礼巡视长芦山东等处盐课俱兼管河道

○丙申升大理寺右少卿罗凤翔为本寺左少卿鸿胪寺左少卿王之垣为大理寺右少卿

○诏在京四品以上及科道官在外总督镇巡等官各举将材其人树功债事赏罚坐连举主从科臣刘铉议也

○以互市胡马不服水草令变价贮太仆寺遂罢内地寄养胡马之例从御史梁许议也

○丁酉升礼科左给事中张楚城工科右给事中刘浑成吏科右给事中郑岳各为左给事中楚城吏科浑成户科岳刑科

○升山西道监察御史王时举为尚宝司少卿

○治辽东抚顺东州等堡失事官发遣提问贾汝翼白守清及赵完等凡十员

○授故安平伯方承裕子世荫锦衣卫带俸都指挥同知世荫孝烈皇后懿亲欲仍袭伯爵部以例格之

○戊戌吏部覆御史李栻＜娵斨-金＞言 祖宗创制立法酌古准令极其尽善虽法久不无偏弊止宜随事补救不当任意纷更迩来内外法司条陈兴革靡有定画以一人之言而遽行以一人之言而遽罢远者不过数年近者仅及数月如六部三法司诸条例方新修会典不必繙阅章奏以滋多事至于在外督抚巡按并各差御史岁更一官人各一见条约纷纭吏民无所适从诚如李栻所论以后但有建议者各该部院务要上稽 祖制下体人情遵奉 明旨仔细讲究必其永终无弊方许如议覆讲不宜徒事依违因取变乱之罪仍通行各该督抚巡按及各差御史将历年条约及条陈事件督同司道参酌停当具揭本院议覆裁定分发各差永为遵守不得炫奇立异夕易朝更

○改太仆寺少卿屠羲英为鸿胪寺卿

○复除原任山西按察使王世贞于湖广升湖广副使徐学谟为江西左参政

○户部尚书王国光题将蓟州镇淮盐易换大同镇芦盐发两淮常股二万一千九百九十九引一百九十斤存积九千四百二十八引一百一十斤长芦常股八千六百六十三引七十五斤存积三千七百一十三引一百七十五斤报闻

○令昌平兵备僉事张廷弼<娵-金>浚巩华城外旧河廷弼原勘河道可省陆运费岁八千金及运船至而淤塞不前乞运司官杨可大以为言户部奏行廷弼速浚之

○改分守蓟镇墙子岭参将孙朝梁克提调宣府南山地方参将

○差河南道御史李枋贵州道御史马三乐湖广云南各巡按

○己亥户部覆王崇古吴百朋各议屯田在宣府者照旧听各道分管山西屯田道仍归该省兼管三关屯务其大同屯田查照先年事体亦分属兵备守巡各道管辖各给专敕行事仍敕山西宣大各巡按御史督同各道一体遵行报可

○以大同旱荒量蠲民屯本折以客饷积余补给主饷之不敷者仍酌灾伤轻重随宜赈济

○颁送番经于虏酋顺义王从王崇古奏也

○庚子升刑部郎中马顾泽为湖广副使福建右参政宋仪望为太仆寺少卿

○漕运都御史王宗沅奏漕粮三百一十万一千五百石一斗尽数过淮去岁三月过淮已为早然尚有闰月今则二月甫尽漕政更新大计修整宗沅以为明良合德所致云

○赐故巡抚湖广右副都御史徐南金阮文中各祭葬二人并未考满文中以前抚黔有军功独得全葬焉

○升广西总兵官李锡实职二级为新安卫都指挥同知赏府江功也

○辛丑豁免应天高淳县边湖淹田存留米八百六十石仍令查各府豪占江湖洲荡及新涨田亩清理起科以补前额

○以山东都司僉书未嘉谟陞注云南都司掌印管事

○听民徙巩华城居住即以输官地价建修城隍庙并户部分司以通河设仓有生理也

○壬寅升四川副使顾言为福建右参政

○凤阳抚臣王宋沅荐境内人材侍郎陈尧绩参议常三省二人

○河道侍郎万恭奏江南粮运开帮期于岁十二月在江楚长江大河则可至若吴浙之舟阻于京口闸必待季春开闸方可开帮今年早运实繇诸臣挑浚京口所致顾事必专官而后善计必远虑而后成江南河道水利原设有都水司郎中一员后革郎中令兵备道带管权阻于遥制力分于他务三江运道遂至湮滞今宜比照惠通北河南河事例复设郎中驻劄镇江以其余力兼治三吴水利工部言三吴水利积弊已极非工部郎中所能任已责成应天巡按督理其京口闸挑浅事务仍旧分责各道而亦统领于督臣便 上从部议

○癸卯新升陕西副使刘永宁以病致仕

○户部题总督王崇古＜娵斨-金＞将宣大山西三镇主兵马匹料草除正支外每岁马加给一个月以资餽养俱照该镇时估于客饷内支给其宣府原有支給贴料银六钱今止照该镇时佑通共补足一月之数不得另行全给以后调遣按伏支领行料草前加给之数即行住支至于夷马入边起俵料草照议支給兑给者不许重复冒支报可

○荫赠光禄寺少卿沈炼子沈袞入国子监读书袞兄襄应承荫以岁贡选安乡知县奏移荫袞

○令沿海卫所春班京操官军存留地方防守海运从山东抚按请也

○以原任古北口参将罗瑞补墙子岭参将

○乙巳升吏部文选司员外郎欧希稷兵部职方司郎中李承式为四川陕西各副使

○丙午追封庆成王慎钟故父新堤为庆成王母李氏妻裴氏各追封为王妃

○释凤阳高墙庶人约蹠仲孙邦＜媛炽蹠救人初约蹠以欧伤乡民拘禁十七年邦＜媛炽蹠疽蛭吹妹封越关陈奏仲孙附从越关为兄所累故抚按为请释之

○南京吏科给事中史朝铉等条奏考察事宜一曰慎题覆以俟考察一曰催册籍以稽吏治一曰酌地方以定去留一曰均核实以处卑职一曰饬旧例以寓旌别湖广道御史陈堂等条奏七事一曰崇实政一曰重质问一曰稽钱粮一曰重方面一曰简教职一曰重远方一曰惜人才章俱下吏部

○宴海西古城等卫进贡都指挥同知等员役

○升涿州守备署指挥僉事汤悌为署都指挥僉事铨注山东都司僉书管事

○兵部奏永平镇堵截功次总督刘应节巡抚杨兆总兵戚继光兵备孙应元参将张拱立等各升赏有差

○戊申户部据各镇年终奏报钱粮数目开具简易揭帖进呈御览宣府大同山西蓟镇永平密云昌平易州井陘辽东隆庆五年分用过粮九十四万六千九百八十六石五斗七升料六十万三千四百九十四石八斗五升煤炒一千九十九石三斗五升草六百九万五千四百一十二束布五千一百三疋银四百二十万九千一百九十二两六钱二分催过民屯盐粮米豆一百四万八千三百九石五斗草三十一万八千七百四十六束银二百三十九万三千五百一十一两五钱七分隆庆六年分用过粮一百一十三万七千六百九十二石二斗三升料六十万一千六百七十八石八斗煤炒七百八十八石六斗八升草七百四十五万九千五百四束布八千八百八十一疋银四百四十六万二千八百五十六两七钱六分催过民屯盐粮米豆一百五万四千三百二十七石二斗一升草一百五十二万一千九十三束银二百七十七万八千三百六十八两五钱三分每镇各开数目及节省催督缘繇下附督抚司道姓名以著其功本前尚书张守直所建议也奏上诏赏督抚银币有差郎中兵备等亦各有赏其陕西三边等镇尚未奏报

○户部尚书王国光题该镇年例除收过事例银一千九百两外发银二十六万七千七百三十八两总督王崇古题宣府兵马驻劄阳和用过钱粮应于宣府镇客兵银内拨发大同专听军门标兵支用尚书王国光覆准拨发宣府镇银一万两仍将大同镇原议年例银一十四万停发银三万两止发银一十一万两报闻

○是月减释江南陕西重囚二十二名

明神宗显皇帝实录卷之十二

万历元年四月庚戌朔 上享 太庙

○云南巡抚邹应龙<娼弊-

金>荐逸贤金都御史严清参政万文彩行太仆卿邵惟中副使张烈文凡四人

○兵部覆提督殷正茂<娼弊-金>言广东沿海地方十余年来倭患接冲民不聊生盖繇防守不严以致乘虚肆毒虽间有擒斩实无补伤残今正茂定立章程率作将士水陆之备既周赏罚之令又肃汛期既毕警报绝无虽无擒斩之功实多保障之绩总兵张元勋副使刘稳等摠忠效劳宜纪录优叙正茂方督师荡平惠州山寇待捷书至日一并查核特请优叙从之

○辛亥 上御经筵

○诏褒奖鲁王颐坦新乐王载玺钜野王府奉国将军健根安丘王府镇国中尉观爔山东巡抚傅希摯<娼弊-金>称颐坦忠孝敬义其居丧守礼孝行久著健根雅志超群文行迈俗乐善亲贤且其子观樞克绍父志芳躅继美尤人世所难观咬嗜学能文重义好施有东平之懿行元振之高风皆所当表扬以风诸藩故有是命

○诏旌黎山王府辅国将军定炯孝行定炯镇国将军誉楝之子也幼夫怙事母霍氏孝母病危割股故岷王奏乞旌之

○再铸钦天监历日印信一顆

○靖江王府奉国中尉经谕杀小功侄邦甘□传纵火烧其庐广西巡抚以闻诏赐死

○福建巡抚殷从俭<娼弊-金>荐遗逸太仆少卿朱天球副使陈纪参政张英凡三人

○壬子武清伯李伟奏讨修理房屋工价 上诏工部查例工部言皇亲房屋不载会典累朝赐给系出特恩并无修理事例所称陈万言方锐事体俱各不同万言辞居而更给方锐屋狭而增买皆非修理今伟先次所给棟宇焕然安居岁久后次所给爽垲阔邃间数甚多方陈二家难援为例

上以伟房屋旧敞量给修理银四千两不为例工部执奏科臣朱南雍亦谏阻之俱不从

○癸丑 上御文华殿讲读

○赠原任巡抚湖广右副都御史阮文中兵部左侍郎荫一子入监读书吏部言其安定之功潜消默夺优于俘获也

○勒陕西按察使徐愆祚致仕按臣吴从宪论愆祚降调吏部言其衰迟恣肆更重处之

○赐原任南京吏部尚书杨行中祭葬如例

○准原任南京兵部尚书李遂补谥遂子御史栻言父以抗直前后忤夏言严嵩至下狱削籍庚戌之变倡义勤王及平倭难抚叛军诸劳乞赐补谥礼部覆从之

○祀前礼部尚书章懋于正学祠

○礼部议应否常朝官定规除兵部协理戎政侍郎遇开操日免朝户部总督仓场管东官厅禄米仓银库大通桥崇文门礼部提督四夷馆工部管修京通仓户刑二部照磨各部司务俱朔望日朝参刑部提牢主事暂免其余在京差管仓场厅厂官俱常朝其差出城者临时填注门籍

○升定州游击王禄为太平寨参将大安口提调以都指挥体统行事王之宇为喜峰口守备

○□寅日京师大风是夜四川叙州府地震

○乙卯荫总理河道兵部左侍郎万恭子万允位入监读书吏部言恭虽经纶未效于行简无碍近科臣刘伯燮奏荐起用具见公论故用给繇予荫焉

○蜀王宣折奏定藩礼礼部覆庆贺筵宴礼载在会典者所当遵行其出入承运门原不载会典宜仍旧制毋为纷更滋扰诏如议

○兵科给事中刘铉奏国家养兵半藉屯田屯田之弊莫甚宁夏查该镇实徵田一万五千二百五十七顷三十九亩额徵粮一十七万二千六百八十余石谷草二十二万五千六百束地亩银一千三百三十余两年例采打青草一百五十八万七千七百有零较之各镇独处其重义年来黄河迁徙靡常良田岁被冲没或淤沙奔压水泽不通膏腴之地日渐荒芜废为硝鹺之场半成不毛之土又视师者计利遗本创法愈新加派之行日甚一日额粮一石以一斗二升为科法已不凉谷草地亩逐年增起其压荒芜硝鹺之土及墩台营堡占用之地约粮五千余石谷草五千七百有零地亩银三十三两有奇照丁摊撒令人望空赔纳至嘉靖四十五年差宪臣清理屯田反以增粮为务该镇议增可耕余田一千三百七十余顷增粮四千谷草三千六百地亩银照例岁遂为常说者谓宁夏额田存者十五宁夏额粮增者十二其他力役之征千溪万径尤未易更仆用是军苦于力屯日见耗则藉余丁顶之苦于并役岁以逋亡则按粮数派之顶田之令行则在伍者愈耗派粮之术立则余丁愈逃臣谓实在田亩起科既重则止令其办纳正粮而谷草地亩之徵当议河崩沙压荒芜硝鹺台堡占用一切无徵之田止当量派谷草地亩而一斗二升之额当议至于四十年所增田粮万万当革如虑有奸豪隐占之弊宜令督抚委官逐一丈勘必使有田方有粮有丁方有役上不取盈以病民下不为增以病国亟罢派田之法务求老弱之苏使人人坚首丘之心则全镇有维垣之赖及照该镇原额并召

选军兵共三万八千有奇今逃折已过八千每催科所得仅完八分之数剂量之下似足相当又不必别增帑费然则朝廷何吝此无徵虚名不一蠲去坐耗在伍之士乎<娼弊-金>下户部

○礼部覆山东抚按奏鲁王颐坦忠孝兼全懿德久著及新乐王载玺等敦伦好学各贤行状请赐敕旌奖从之

○浙江道御史张简奏查刷过光禄寺本年三月分实用各项品物除本色不给价外该银一万二千二百四十三两七钱

○四川金川寺演化禅师差都纲头目进贡珊瑚等物赏彩段表里绢纱银两如例

○兵部覆张宏擅止营操事言春秋操期载在会典诚不宜有所改易但天时人事出于或然亦不容无所变通如京营值风雨之时总协大臣径传免操况南京数千里之远当天雨连绵岂宜拘泥科臣所奏盖欲恪守成宪体乾等所查颠末是亦体恤人情且宏与世忠等称系公同传放即非自专因请行内外守备等官开操止操务遵照会典毋得擅有更易间遇事当从宜者必须公同酌处毋得偏执致滋别议从之

○增筑蓟昌二镇敌台二百座先是阅臣汪道昆言蓟昌延袤二千里之遥京师距塞外二百里而近必设险以守然后廉远堂高先今督抚诸臣沿边筑空心台一千二百余座宿兵贮器戍守有常凡诸要害部署已周独滦河以东居庸以西若松棚诸路中稍有无缺请申命在事诸臣及今相地宜合兵力增台二百计值不过四万两目前分拨班官先事力作期以来春一举毕事台工既竣主客官军专习武事班军精壮者一体就练次者不隶戎行使之专任力役境内大小工役必关白军门檄下主将调发诸司毋得仍前专行致政出多门有妨边务至是兵部奏请行之

○新设山西楼子营守备官一员唐家会操守官一员河曲县罗圈堡各防守官一员分发募兵一千七百俱属河西营参将管辖分投操练以备防御从阅臣吴百朋议也

○升羽林前卫指挥使李锦以都指挥体统行事守备涿州地方

○兵部覆户科给事中领容舒等参<娼弊-金>言禁门重地防范当严近以奸人事发申飭门禁奉有钦依通行钦遵屠户张五非应直之人擅入禁门已属有罪挟带屠刀尤为非法守长安门监丞刘廷真不能与守卫千户阎梅公同禁阻已于职守有乖乃复贪图小利蔑视明禁党护屠户欧辱职官在法所当重处但过门之赃见无佐证应从末减阎梅被欧之苦实出奉公被参之情皆属虚辞乞将廷真罚治阎梅免究并廷真宥之

○通山王府奉国将军华塋有罪高墙禁住并罚住其兄华埏禄米半年以华埏纵弟稔恶也

○丙辰设山东海运哨船海道初通淮安等处已各立有兵船哨瞭防御其经山东者二千余里议分三段立为三哨每哨用船二十只水手行粮每月各四钱

○顺义王俺答请给印荣示诸部礼部议依本王封号铸给镀金银印一颗差官赍送总督官处听俺答祇领

○遣医视衡王厚燾疾以世子载圭为请故也

○甘肃巡按暴孟奇条陈地方利弊十事一专责成以兴屯田一严互察以重边饷一谨盖藏以杜侵欺一议官支以苏里甲一均徭役以祛宿弊一平徵输以绝奸诡一豁包赔以除民患一重将权以御番夷一革冒滥以正冠裳一编安置以清户口该部俱覆从之

○丁巳升山东副使孙应元为山西左参政

○顺义王俺答奏选得金字番经并刺麻僧为传诵经典礼部题行顺天府造金字经三部旧金字经四部黑字经五部选得番僧坚日早回毋淹迟生衅报可

○广西道监察御史任惟一患病回籍

○女直都督等官来贡马匹给赏彩段银两衣物靴袜等物如例

○选净身男子三千二百五十名分拨各监局应役

○诏增兵进剿广西怀远县猺贼先是抚臣郭应聘等言诸猺杀官夺印稔恶已极今原失信虽已取还而杀官之罪终不可贷但因雨雪阻进暂尔休兵又原议进剿近县数村猺贼耳所调之兵不过三万今猺寇转多非少增益恐非万全请将该省应调诸兵再加徵调及调湖广钩刀手三千浙江鸟銃手五千相机督进兵部覆如应聘等议仍令应聘等计议钱粮师期

○戊午四川左参议胡汝嘉乞终养吏部以其才识年力可惜暂令回籍遇附近员缺改调从之

○己未调山东副使宋守约整饬永平

○南京粮储侍郎栗永祿条陈五事一查勘水荒一查参岁办一申明部运一专课有司一量减罪赎户部覆行之

○以原任管领保河二府民兵游击丁添福充定州领军游击

○庚申吏部覆南京科道奏考察事宜言庶官臧否全凭抚按举劾若使在任既荐其贤离任

又搜其过是非何繇而定宜严行所属不分见任升任评隲允当明注考词见任者不得曲为徇庇升任者不得过有搜求朝廷设官原无分别但地方有边腹则人之劳逸不能尽同监司有多寡则荐之疏数未免互异宜查照远近难易详为拟议至于边方则量其注措之难守未甚坏稍为曲全示爱惜人才之意至来朝正官必先定其人品心术然后面相质问以为印正义方面官员事体隆重各该抚按宜分别性行才识或可坐镇雅俗或可剴理繁剧或文学优长堪督学之司或边情练习堪封疆之任另揭送部以参订酌处其他催册籍钱粮简教职惜人才及覆北科

○差官角□羊马价银八万八百六十二两于宣大军门

○禁博野王府辅国将军充毯于高墙

○辛酉禁各布政使司上纳诸冠带官不得委巡捕等差并有司官亦不得擅授冠带从御史暴孟奇奏也

○起补回避在籍原任广东右参议杨文明于四川

○升江西广信府知府钱藻为山东副使整饬霸州

○南京粮储侍郎栗永禄奏各衙门卫所仓场及凤阳滁和等府仓粮通关实屯岁支岁用奏青二册繁琐无裨徒恣科歛并乞裁省从之

○兵部覆山东巡按朱文科勘宁前失事〈娼弊-金〉言虏众兵寡各官罪虽难掩情亦可矜仍行文科勘处张学颜先事预防李成梁临时疾应使万余虏骑不能大逞一带城堡赖以保全请量加赏赉上是之两人各赏银币

○差贵州道御史王恩民巡视皇城

○工部尚书朱衡覆科臣朱南雍〈娼弊-金〉言治河之法杜萌销患者上次则随时补弊或筑堤岸以防其奔溃或建闸堰以严其畜洩或导合流以荡其壅滞或探上源以遏其冲突此外更无奇策今防溃决则徐邳之遥堤当举丰河之长堤当加严畜洩则境山之石闸当复吕孟等湖减水闸当建荡壅滞则茶城之合秦沟清江口之合淮水当分布官夫大加〈娼弊-金〉浚遏冲突则武家口炼成铜瓦厢等处之倒湾当布列大料预筑埽台河南山之太黄堤与缕水南堤当增高厚盗决之禁乞申饬河道诸臣悉心经理多方区画务图经久之计毋恃目前之安从之

○壬戌给原任刑部尚书毛恺祭葬如例

○诏京城内外盗贼生发各该巡捕兵备官虽不系本管地方有能协力捕获者纪录擢用贼

情重者仍行给赏该管地方官加等治罪

○初令杭州抽分厂并管理剥船便宜行事从主事钱楷请也

○癸亥刑科左给事中郑岳因将热审陈钦恤事宜一平之贵虚务获公平之体一审之贵详务得是非之真一处之贵当毋使有饥饿疾病之苦因言山东司员外郎莫与俦庸陋贪鄙为京师人非但势之难行抑恐守之易坏章下该部议处施行

○甲子起原任巡抚凤阳都察院右副都御史陈炯为左都御史协管院事以巡抚山西兵部左侍郎赵孔昭协理京营戎政

○荫故巡抚湖广右副都御史阮文中男阮濂入监读书

○赐黔国公流昌祚祖母太夫人李氏祭坛

○宴女直进贡夷人三百员名

○申飭南京各衙门官 孝陵行礼遵照会典仪注毋得怠玩<娼弊-金>略

○准追封湘阴恭定王致杞夫人萧氏为王妃

○刑部请咨行热审事宜于南京法司照依在京恩例一体钦遵报可

○乙丑准河阴王睦橘长子勤火□午袭封河阴王

○给尚宝司少卿吴伯峒母太淑人陆氏巡抚浙江右佥都御史张鹵母太恭人雷氏祭各一坛陆氏系加外官三品之封例无祭以自峒供奉 先帝于潜邸比照刘奋庸例给之

○赐原任南京兵部尚书张鏊祭葬如例

○给赏女直夷人金段衣服靴袜等物并马价折赏银两

○提督侍郎殷正茂奏岭东平寇功次言潮惠贼寇随灭随起党类愈繁流毒愈炽查得大贼首蓝一清等分其所统贼首各据寨巢蠡屯蚁聚远近凭依声势相应又有剧贼徐仁器等各据险巢互为雄长阳招阴肆大逞凶残既以七年之病非旦夕可疗况乏三年之艾将何所措乎臣备将钱粮兵将缕析条分东括西搜截长补短法程既定事有恒章行据各道诸司会议进剿即有贼众相率乞降臣亦姑示抚处误以多方随檄广西左右两江动调土兵二万合本处营兵分为六哨移咨南赣军门发兵堵截以防各贼奔逸克定隆庆六年十二月初二日开刀陆续据总兵官张元勋等报各贼据险拒敌官兵奋勇大战冲锋历险所向无前通获大贼首六十一人次贼首总六百余人荡洗大贼巢五十余所小贼巢五七百所俘馘一万二十余

众岭东一路贼无一人不获贼巢无一所不破则众无一处不平两府二十县瘴雾重清闻阎安堵诸乡绅人等金谓地方荡平可保百年无事乞将效劳各官议超格升赏以明激劝之典章下兵部覆奏升正茂右都御史荫一子锦衣卫副千户赏银四十两飞鱼纓丝衣一袭元勋升署都督同知荫一子本卫百户并李棠方弘静参将唐九德副使吴一介苏烈参将李诚立等各升赏有差

○丙寅兵部奏御土变犯铁岭镇西等堡功次言李成梁督各路兵马奋勇出边与贼立战获虏首五十七颗马二百七匹被伤家丁一十七名射死官马七十七匹成梁又差家丁出境哨探获虏首一颗马一百匹赐总督刘应节银币巡抚张学颜升俸一级李成梁升实职二级兵备王之弼贺溱等各赏有差

○工科给事中张道明参陆炳子绎欺

君蔑法言炳擅权误国悖逆百端稽之律例罪在不赦御史张守约追论漏网蒙先帝浩荡之恩不裂其尸而止削其爵不没其财而止追其赃不夷其族而止驱其子为民凶孽陆绎乃不感恩受罚犹妄行辩扰则是敢于屈折台谏之论久覆法司之评违悖圣旨之严乞严并赃匿从重拟断<娼弊-金>下法司

○戊辰户部奏请行勘宁夏镇屯地从之

○旱礼部请行顺天府官祈雨及各衙门官一体修省从之

○己巳南赣巡抚李棠荐境内人材原任尚书谭大初右副都御史曾于拱右参政王时槐王嘉谟金事周采凡五人

○减释刑部重囚十二名

○工部奏请修理试院部六分顺天府四分

○差官为致仕南京吏部尚书杨行中造坟安葬

○庚午荫南京刑部右侍郎曹三暘子曹司直入监读书三暘考三年满也

○升巡抚宁夏右金都御史朱笈为右副都御史巡抚山西地方

上因雨泽愆期于宫中竭诚致祷仍令百官青衣角带着实修省停刑禁屠如例次日雨

○辛未河道侍郎万恭奏事莫善于法祖法莫病于因循今年之运既得以善其终明年之运不可不虔其始祖宗以四百万之粮兑近万之浅船岂不知满载省舟之为便而为是经年造船纷纷者以闸河故盖南旺运河之脊又得全汶之利故每船可运四百石然夏旱则汶流微又不敢过四百石特为浅船之制底平仓浅底平则入水不深仓浅则负载不满又为限浅船

用水不得过六掣今各省不务遵原运而务搭原雇船有三害搭运有五害皆足以病河道今年赖皇上主持诸臣竭力上水诸浅深皆四尺至七尺旱枯之时幸不败事然终非全策乞敕该部勿以目前幸济而忽远图勿循今日弊端而废祖制务足近万之额船载四百万之额粮尽复入水不过六掣之旧制今船力胜米力水力胜船力其雇船搭运坐困之弊一切痛革部覆从之

○准袭封庐江王＜姚居遥荆緝姚景海境ぶ雍窆猱緝嫪鸞# 韭江王夫人赵氏为庐江王妃海宁王载＜姚劣瑁镜瘴遄玉搭熳枷封海宁王

○壬申革宣府总兵官赵岢任回卫先是兵科给事中赵思诚言三军之司命在将择将在精养将在礼任将在察所宜因劾岢通夷养寇诸罪状兵部议覆遂革岢任因谕边方镇守关系甚重本兵当详慎用舍如但取软熟阿奏致失误边事一体治罪

○癸酉户部覆漕运都御史王宗沅等议官军领兑州县漕粮派定地方遇有灾折即将原卫减存刊刻成书永为遵守不得希图自便另议纷更从之

○甲戌上御皇极门广东守臣献捷赐报捷人钞币翼日百官称贺

○刑科右给事中侯于赵奏皇上御极以来敬以事上帝孝以奉两宫仁以惠群黎诚以御臣下宜其天道顺轨雨暘以时顾乃日食星变迭示灾异去岁二冬无雪今春祖夏少雨风霾屡日雷霆不作二麦无成百谷未播大江以北将有赤地千里之状百姓嗷嗷莫知为计如此者何故盖上天警戒圣心欲其省身修德为保邦之计耳皇上即能竭诚致祷复谕百官着实修省以承天意惟天鉴之曾不逾日灵雨随沛一何感格神速哉臣犹思推广德意举时务之急者为皇上陈之易曰上下交而其志同又曰天地交泰欲召天地之和莫若通上下之情今阁部大臣晋见有定期面语不常继宜御便殿非时召对或于讲读之暇就而咨諏将每日所奏事务问究一二俾诸臣得展尽底蕴详悉敷奏昔叔向对旨侯曰大臣恃禄不极谏小臣畏罪不敢言下情不得上达国家之大患皇上初登大宝从谏固多言官被降罚者亦不少言官去则进言者惧矣言路一塞则君门远于万里设有隐祸伏奸何繇知其情状愿于科道言官有可来则酌量举行或言过戆直心本无他亦优容不罪至如被谴雒遵景嵩等涣发纶音悉赐擢用如是则天道下济下情上达得非上下交而为泰之时乎臣闻大军之役必有凶年广东积年巨寇一旦削平诚不世之奇功但杀戮既多军士疮痍可悯良民流离可悲善后事宜不可不为加意臣人闻匹妇含冤三年不雨苟一物之失所皆足上千天和今在监诸囚既无复生之理当恤其待死之日需索吓诈狱卒不可不禁祈寒著雨狱舍不可不修秽污丛积扫除不可不勤瘟气传染汤药不可不时其未成狱者尤当详审勿令凶残之吏横加捶楚罗织诬陷大小问刑衙门事无干涉勿得概系老幼妇女非奸盗人命勿得轻用惨刑如是则圣天子好生之德直同天地普天苍生回生者多夭亡者少又非修政弥灾之一端乎＜娼儻-金＞下该部

○升大理寺左少卿罗凤翔为都察院右佥都御史巡抚宁夏地方○顺天巡抚杨兆奏建昭

陵卫于昌平州卫官八十七员军士一千六百三十三名应建卫应门楼公廨营房共一千九百三十九间合用木植甃瓦石灰钉箔颜料匠作工食共该银二万三百三十余两管工委官二十员米菜银一百八十两装运木植车价银六百四十余两三项共该银二万一千一百六十余两除搜括顺永二府州县应角□羊贓罚等银一万一千九百六十二两尚少银九千一百九十八两乞照例行工部给发其夫役即用本卫各军每名日给米一升五合照例行昌平管粮衙门关支工部覆如兆议以
陵工繁费止帮以顺天苇课银五千五百余两其余仍作抚按凑处

○乙亥工部请建复淮南平水闸与浅船浅夫及建大妃庙口石闸修复境山闸从之仪真建平水闸二座江都一座高邮十座宝应八座山阳二座凡二十三座座三百金自仪真至山阳有五十一浅浅设捞浅二小船船七金浅夫十名天妃口大闸一门除堪改废闸石料仍用二千五百金境山旧闸五百二十金凡费工料一万余金悉听河道便宜酌处不烦请发闸多则水易落而堤坚浚勤则湖愈深而堤厚建天妃闸则时闭时启而省挑浚修境山闸则有留有接而省盘剥既裨运道且资民生议发于恭而衡覆行之诚万世之利云

○丙子大学士张居正等〈娼弊-金〉辞广捷升荫不允温旨嘉之赐居正银百两纁丝六表里调阳六十两四表里仍各蟒衣一袭

○升大理寺右少卿王之垣为本寺左少卿太常寺少卿胡禔为右少卿

○复曲阜孔氏世职知县隆庆间御史赵可怀因孔承厚不职建议令兗州府同知管理县务知县祇辖林庙既而愆圣公孔尚贤因其妨已行事复以冗员奏乞革抚按傅希摯吴从宪以为夫祖宗崇圣之德意采布政使施笃等议奏请复之其选授之法提学道合三学孔氏廩膳生员挨取六名考试取四名送两院覆考取二名送吏部考选一人授以知县仍住旧城管理民事与流官一体黜陟知县不得干预林庙愆圣公亦不得妄行阻挠擅自参论

○户科给事中李戴条上广东善后四事一清税额师行粮从额外之派势不得不然今兵革既息繁费自省正税固当仍旧余厘正无因一时权宜之法致百姓永久之害一重撤兵盗平则兵宜散但广东之盗盘据甚久故兵之聚亦甚多一旦散之以勇悍之夫挟易骄之气又处之无可聊生之地欲其守本分不为盗谋得乎宜多方善处庶进为官兵退不失为良民一塞盗穴山野之民不知王法盗巢虽平能保不复啸聚宜逐一计处如地方广阔立镇巡钳束之狭小者编为保甲分属各州县统辖之谕以国法驱之生理一勤抚恤岭东之兵虽以全取胜然破荡之家未复践踏之害未归疮痍未起者或不能自给胁从复返者或不敢自安男女仳离宁无故土之思骸骨暴露宁无盖藏之愿其他颠连哀苦之状不可胜穷宜急为安集以慰来苏之望户兵二部俱覆行之

○督漕御史张宪翔奏今岁漕粮四百万石除灾例准改及山东河南徐州例不过淮洪并留常盈仓外实该过洪粮三百一十万一千九百五石一斗共船八千五百二十六只以正月九日起至四月十日悉数过洪粮既全运且无闰较之上年过洪尤早因归功河漕诸臣焉

○给翰林院编修沉渊母太孺人周氏祭一坛以渊有潜邸较书劳也

○以陕西临洮巩昌二府驿递役夫疲累改徵站银召募官支从按臣暴孟奇议也○丁丑以镇守延绥总兵官都督同知雷龙挂印镇守宣府地方

○差河道监察御史陈文燧巡按宣大

○戊寅上御皇极门传制差官册封诸王准王载坫子翊镜为荣昌王崇翊＜禄幘簪咀映C摺醕C为泰和王雒川庄宪王翊鏐子常渲为雒川王建安昭靖王拱樞子名多＜城鸢豕疚建安王

○己卯升吏部文选司郎中王篆为太常寺少卿提督四夷馆

○户部奏明年分各边常股存积盐一百四十一万六千八百六十八引计该银五十四万四千九百八十七两六钱一分一厘一毫五铢甘肃一十万二千一百五十两延绥九万五千三百七十五两有奇宁夏八万七千九百九十两宣府八万四千八百九十九两有奇大同四万五千六百八十九两有奇辽东四万三十一两有奇固原一万七千四百三十九两山西神池等堡五万七千八百三十二两有奇蓟镇一万三千五百八十一两有奇合原议专备客兵并岁用不敷及新增募兵年例主客等项支用

○又奏请西城坊等五场召买草束一百二十万备防秋缓急

○以通州草场主事带管张家湾宣课司□税

○礼科右给事中陈渠等上＜娼弊-金＞言天佛降灵祲异叠见涉春以来旱暵弥炽皇上竭诚致祷复谕百官着实修省乃数日内仅洒微涓莫苏枯槁且风霾频作炎埃蔽天则所谓着实修省者得无多袭弥文乎去岁雨雪未沾皇上允行祈祷精诚未彻历冬恒旻今又久旱弗雨来牟已无及矣别种播植将又踰期且环齐梁吴楚水泉俱涸东作未兴民无盖藏官鲜积贮物力既殫因以饥谨隐忧可胜言哉伏望皇上秉虔弗渝倍切惻瘝下省躬之诏布宽恤之令仍督劝臣工毋耽嬉玩危惕以思勉修实政＜娼弊-金＞下礼部

○南京后军都督府佥书都督佥事胡宗舜以病回籍

○吏科给事中汤聘尹请行有司官奉行德意言罪可开释者勿拘成案勿徇避嫌勿徇上司之意词讼严滥受之禁听问开和息之门考职官以循良抚字为上不以多积纸赎为能以劝谕输纳为先不以严刑追并为尚一切查盘不系实侵者原情派追毋得溷坐其已经巡按查盘者抄招呈报不得复查致差遣劳扰＜娼弊-金＞下刑部议并责成抚按诸臣从之

明神宗显皇帝实录卷之十三

万历元年五月庚辰朔升刑部郎中李勋户部主事梁子奇为通政使司左右参议

○准岁加宣大山西主兵料草一月马一匹月费银一两上下三镇马骡凡七万六千四百余计加银六七万两仅从总督王崇古所请之半

○以神枢营右副将程九思挂印充总兵官镇守延绥

○辛巳南京都察院右都御史傅颐奏请遵成法一申明宪纲一申明职掌一申明查盘一申明词讼一申明举劾凡六条吏部覆行之

○是日 上御经筵

○因谕礼部天气炎热经筵暂免日经照常行以后经筵春讲二月十二日起至五月初二日免秋讲八月十二日起至十月初二日免永为定例不必一一题请

○以久旱遣官祷山川

社稷之神○命两广提督新升都察院右都御史殷正茂仍兼兵部右侍郎职衔

○复以黑沙洲柴课听南京工部稽查内官监侵渔不发致稽烧造尚书张瀚等言之故复

○壬午巡抚四川右佥都御史曾省吾荐抚属人才佥都御史张景贤府尹周椒府丞何起鸣司直任瀚参政孙宏轼范懋和副使甘茹陈宗虞参议曾震凡九人瀚历铨部改宫僚器格清高心无伎求遭谗构归祸且不测赖世庙保全沉沦三十余年涵养益深过其门环堵萧然令人起敬

○河南道御史陈文燧条陈养民造士置吏驭兵当振刷者十二事一颁税额以便徵输一稽册籍以清虚粮一建社仓以备赈济一议班军以苏武职一遣宪臣以清戎伍一简职方以振武略一求实学以济世用一复科额以公选举一祀真儒以敦风教一采公论以举遗佚一宽限例以奖恬退一重恤刑以溥德意该部多覆行之 京师雨雹

○工部题南京修葺文武大小衙门会计百两以下者查衙门无碍银两自行修葺百两以上各衙门径自题请下部覆议

○癸未四川巡抚曾省吾又举夙望高风士流所重绝无轩冕之荣者二人左都御史王廷敦恣练达所至磊落守苏郡人比于赵清献直节劲气始终如一参议谢廷<媛硯棧驹谗胤当世庙南巡扣关力争杖谪荒裔起佥事以母老乞归再起参议自以病免隐居四十年家徒四壁悠然自得绝无外慕廷以弹劾张齐事夺官是非既明宜照毛恺准复原官廷<媛硯棧疽

肆拷京秩以优之下吏部覆诏复廷原官廷＜媛璫棧旧太仆寺少卿致仕

○兵部奏春班逃军分数请治掌印等官二十九员罪降级调卫住俸有差并追正罚工银四万八千三百三十五两发贮太仆寺募夫支用

○升赏辽东清河等堡获功阵亡被伤官军苏云龙李乃彦曹簠等七十一员名

○甲申兵部覆阅视侍郎吴百朋条陈八事一审核权以裨安攘言诸虏通贡固不宜激之使叛以启兵端如或逆节已萌事变有兆即当为意外之防亦不宜强之使从以贻后患初议以通贡为羁縻以战守为实事当申飭预计一严局钥以卫陵寝言岔东土墙宜仿蓟镇规制建设敌台一百六十座宁远之柞口墩皮布袋多为建置墩台岔西大山等口于川口建为营城改设守备火石等处加高墙垣与凡边墩系土筑者俱用甃石包砌一移分巡以便弹压言口北道金事宜照旧移住赤城居中调度仍将该城额军补足一千时加操练以便防御一复兵额以实孤城言平虏卫额兵四千宜责成西路参将着意招补除入卫游兵外抽取正兵尽数发补原额仍行各总兵官将各镇官军一体补练一处边城以资控御言马站堡堡小兵重宜量为展拓内盖营房并增廩饩及平虏城中多凿井泉乃河堡移近水泉去处增兵三百名凡近边内地军屯民堡归并修筑务高厚深阔足堪保障一并兵马以裨实用每关排军马不下三四百人各道既无暇操练总参又不得调遣坐食何补宜将宁武排马归总兵营岢岚排马归西路参将营鴈门排马并神机司标兵另设千总统领归东路参将营各道量留夜不收哨探军猜有事不妨随宜取用一汰驽马以供战阵互市胡马良者存留在官不得易利以图节省驽者尽行变卖量增价银易买商民所市胡马给军仍将各营路马匹不时选阅不堪战阵者责令各军变卖有力者自行赔补无力者官为帮助一正体统以重将权言有司公委入境不得令守备指挥披执跪迎督工官勿论郡县正贰道遇总兵官俱要回避奉旨议行

○令两京内外官□慎刑狱从科臣侯于赵请也

○乙酉浙江道御史张简奏查刷光禄寺钱粮四月分实用各项品物除本色外该银一万一千七百八十九两

○丙戌 孝宗敬皇帝忌辰遣定西侯蒋佑祭 泰陵

○巡按江西御史任春元荐境内未尽人材尚书李迁都御史曹于拱少卿夏棣金事周采凡四人

○丁亥叙平岭东功原任广东左参政吴一介唐九德右参政兼金事陈奎副使苏愚左参议顾养谦各升一级

○代王廷琦薨

○兵部覆科臣蔡汝贤两广善后事宜言盗贼初起官不为戒及其滋蔓则官以招抚愚贼图缓焚掠之惨贼以听抚愚官用免征讨之师已而贼势日盛乃议大征视初起更难百倍今后盗贼生发无论新旧即行剿灭不得养寇殃民以贻后患至于良民被胁实非得已比其脱归而穷治之是绝其生路驱之为盗宜审来历令其回籍复业不得罗织以虐无辜从之

○戊子除授庶吉士官职黄洪宪刘虞夔吴中行盛讷王懋德公家臣刘元霖赵鹏程俱编修王祖嫡刘克正张应元刘楚先俱简讨李盛春赵参鲁石应岳萧崇业秦燿俱给事中漆彬赵燿孙成名宋范何汝成俱御史

○勒原任岢岚兵备副使纪公巡闲住宁武兵备僉事赵世相降调阅臣吴百朋题参也

○以武定王府镇国将军翊钊奉祀昌乐王载堉

○己丑太祖高皇帝忌辰祭于奉先殿

○户部覆阅视侍郎吴百朋条陈二事一核贮积以济边储言宣大山西三镇查各决仓廩处修葺增置收纳米豆尽入仓廩不得堆垛寄囤致生奸弊商户报中钱粮勒限上纳毋致以折作本勒军支领如有陈腐蒸湿者不拘主客一体挨陈支放一议俸粮以恤边吏言宣镇官吏俸粮仍于税课余地银内支給其一切公用尽俸余剩外支用不足方于开荒银内量拨补仍行抚道益加开垦广为召种所收粮银作主客月粮不得擅拟别项支用从之

○陕西道御史李颐乞召还言官胡濬雒遵景嵩韩必显四人量授别职颐侍经筵因讲官进讲而请也

○兵部覆四川抚臣曾省吾奏都蛮叛逆毒害生灵今发兵征剿土司奢效忠首在调用之列贵州土司安国亨与效忠互有讐隙请将国亨等俱暂听总兵官刘显节制令不得藉口复讐妄有骚动又请借用坝阳守备所领乌銃手及原任总兵官郭成安大朝取充为事官各领兵协剿上从其请而因责成于省吾显

○庚寅升江西右参政袁随为陕西按察使

○申严宗室越关奏扰之禁也设四川巴中驿巴东巫山两县当楚蜀出入之冲邑小民贫甚为递送所苦抚臣议改道中小桥公馆为驿属巫山县

○升协守山西副总兵署都指挥僉事刘凤翔为署都督僉事充神枢营右副将

○辛卯以广东惠潮二府兵伤行布政司调停各项差徭及罢免一切不急之务

○令居庸关□税除备州卫供应外俱解管粮衙门凑给主兵粮草不得别顷取用支销

壬辰午初三刻忧至遣成国公朱希忠祭地于方泽仁宗昭皇帝忌辰遣武平伯陈大策祭献陵

○癸巳令提督两广侍郎殷正茂督兵平海贼林道乾闻山寇荡平叛招出海驾言奔投外国又林凤朱良宝等济恶猖狂正茂计大集水陆之众期一鼓就擒其或广海茫洋不能穷追一面扑灭凤宝诸贼剪其羽翼一面捣其巢移大将提兵一使据其倚山跨海之险以待其来即使勾倭内犯亦已有备无患兵科都给事中张书遂请申飭正茂刻期征剿务在必诛兵部两覆之仍乞行福建镇巡严兵协剿

○兵部又议剿广西怀远猺贼言国事当论缓急用兵宜假便宜岭东乘破竹之势事贵急图怀远乃问罪之师功不必速就客兵调募与师期迟速俱听督抚便宜不从中制其借募浙江鸟銃手湖广勾刀手行该巡抚依数督发如岭东事定因此及彼客兵可以不调亦听从宜中止俱报可

○甲午大学士张居正进宣宗章皇帝御书诗歌册轴上嘉悦赐居正银五十两彩段四表里亦赐调阳三十两四表里居正等＜媼擗金＞辞不允

○乙未复除原任浙江道御史郑国仕于河南道○工科给事中梁式奏重人材恤内地各三事重人材一曰慎起用言各省所举境内人材吏部宜虚心延访酌量题请铨注苟非才干年力的实可用者勿为轻起抚按亦勿轻荐二曰省繁文言荐章考语当简质明白不宜粉飾太华组织太丽过为夸耀之辞如一事可录不必更求对偶一言可尽不必过于铺叙三曰崇宽大言圣明在上不宜使臣下怀朝夕不保之虑宜敕各衙门务存大体毋过为吹索如旧有小误惟许自新劳在晚节无嫌优叙恤内地一曰軫民瘼言淮徐止存城郭村落榛莽邑里萧条宜设法赈济破格招抚仍加添协济代濒河供应山东河工告成民困方苏要在节省用休息民力宜令有司于诸项徭役酌量缓急减十之二二曰正人心言山东河南北直隶白莲等教誑惑结附往年红罗女之变可鉴宜行各该地方给榜晓谕寝奸于未形解党于未固三曰修武备言内地之可忧甚于边境宜令所司凡地方城堡之增筑民兵之操练兵仗之预备仓储之采买逐一查勘振刷以为阴雨桑土之谋该部覆行之

○赏女直贡马夷人彩段银两及衣服靴袜如例

○开通广西府江水陆诸路改复四土巡简司寻改昭平都司为参将以约束之从提督殷正茂议也

○差刑部主事钱顺德等四员南北直隶审决重囚

○丙申升湖广荊州府知府王元敬为山东副使整饬曹州

○抚治郟阳右僉都御史凌云翼荐地方人材原任监察御史刘存义提学副使李蓁副使黄

九成陈宗虞参议高尚志知府邵大爵凡六人

○礼科给事中林景旸请申饬科场事宜一防透露一核互看一重后场一缉奸徒一剔蠹役一糾怠职一议省试一广制额下礼部覆议惟广制额不行

○丁酉兵部覆吴百朋阅视功罪〈娼弊-金〉言阅视之遣在宣大山西尤宜精核百朋以钱粮险隘兵马器械屯田盐法胡马逆党八事综核边臣以三镇事势言宣大为难山西为次以三镇成功言山大为次宣府为优以诸臣劳绩言总理者居多分理者为次兼任贡市战守者独苦专任战守者为次至专任战守又废时失事者罪不容诛诏敕奖总督王崇古赏银五十两纁丝四表里巡抚吴兑升俸一级赏银三十两二表里总兵郭琥升实职一级并巡抚赵孔昭刘应箕各赏银二十两二表里兵巡吴哲等十四员副参李如楨等二十七员各升赏有差游击赵邦宪等十六员革任提问

○以分守山西东路代州左参将王化熙充副总兵仍协守山西○戊戌命礼部左侍郎兼翰林院侍读学士汪鏜充副總裁专管 世宗肃皇帝实录

○浙江道监察御史谢廷杰言学圣人之学者其所表树不过学术事功两端如新建伯王守仁者良知之说妙契真詮格致之论超悟本旨其学术之醇安可以不祀也宸濠之变社稷奠安两广之绩荒裔宁谧而尽瘁戎伍竟殒于官其事功之正安可以不祀也昔先臣丘浚有言曰有国家者以先儒从祀孔子庙廷非但以崇德盖以报功也议从祀者此其律令已南京福建道御史又言〈娼弊-金〉下礼部

○户部尚书王国光会同兵部议覆蓟昌经制言阅臣汪道昆奏蓟昌二镇额兵一十六万五千六百四十二员名合用马骡六万一千一百四十六匹头额饷一百六十五万八千九百三十八两有奇将所陈一切事宜详议款列请旨颁行一议减遵化民壮减民壮三千名徵银一万八千两解顺天巡抚衙门转发蓟州道收贮以供军储一议减山东民兵减马步民兵三千名徵银五万六千两供蓟镇军储俟军额已足训练已成通撤南京工食以养主兵此银停止一减辽兵辽兵入卫三千名内五百名原系宁前者仍留本处防守一定额兵蓟镇实在主客官军一十六万五千六百四十二员名即以此为定额后清解到者仿宣府例照数减免班军扣解原卫所月粮加以本镇口粮当主兵之饷一议车营以山海附石门为十路每路立一车营昌平三路兵马数少共立一车营每营驻骑步兵各一校密云遵化三屯设三辎重营每营亦驻骑步兵各一枝一定额马蓟昌旧额马三万九千一百匹除见在及听买补外仍应加马一千六百一十四匹令太仆寺兑给一议加骡加拽车骡一千五百五十五头每头用银十两动支太仆寺马价一议额班山东河南共班军一万五千余名领以二都司管理不前宜照令甲每官止领三千余再添设领班都司以专责成其军仍择稍强者为秋班次者为春班一议诸将廩给蓟镇总兵官及掾史仍旧驿支昌平总兵官及掾史顶支关税其余副总兵以下一体改支军饷主客将官自总兵官各领班都司各路守备俱支粳米提调支粟米一议将官正驼马料草诸将官例有正驼马四匹标将专备征调驼马草料应准全支各路将既分营练兵亦应准支驼马二匹一议革昌镇将官支关税并家丁名额昌镇既在内地征调亦少不必优

于蓟镇家丁大半虚数实为积弊宜据见在名数为额不许复加一议戍守定额该镇两防春秋四月昌镇仍旧蓟镇春防亦四月守台及塘如之入卫官军延绥宁夏行粮俱十月宣大辽东保定及各班军俱八月各传烽守墩军士及标兵营各路防守官军俟有声息然后赴防两防共四月各台典守军火器械官军常川在台者岁支行粮一议月粮行粮额各路月粮上半年本折以地里远近分别多寡下半年折色因本色难易酌量定价尖夜名数照路之冲缓的定帮粮例同密云新奇兵营永平建昌营募兵各半支行粮蓟州松棚路长城岭等处守台官兵岁支行粮一议料草额料一石密云折银四钱蓟永三钱五分草一束不分大小乾月俱折银一分二厘应本改折者俱一分七厘各标兵准同客兵支行料草一议积贮蓟密永三镇有拨发曹粮及改纳本色报中运昌平境内本色独少亦令采买运军余米运入巩华城仓除昌平各营行令就支外其余横岭黄花居庸三路处造车两就巩华城运至各邻近地方以便各军就支一议买料草昌平料价原狭口贾复腾宜委官赴通湾等处收买运积以备急用其不系本年支用宜照各镇通判于关税支給勿支军饷一议闰月逃故扣除积至三年可当闰月不得轻易请讨一议主兵调遣客兵经过及总督抚镇巡边调操合用钱粮岁坐银三万一千两发蓟密二镇各一万永平八千昌平三千有余则扣存分司不足则请于扣除还官王客饷内凑用一议徵发该镇民运银两除直隶催解总督衙门其河南山东共银四十二万两及山东改徵民兵工食银五万六千两俱改行徵解太仓转发一议扣除每岁终督抚等衙门备查各镇扣除若干开数报部比及三年即以三分之一预备本色以待不虞通计六年九年可免一年京运之发自后仍复更始岁以为常仍移咨督抚加意撙节不许将积余银两轻易耗费一议通融主客兵粮或有不足查系应支即于各项下销算但不得致滋弊端及用滥额外一议节省各镇钱粮原有正支即或间有节余亦难每相比宜行管粮郎中乘时平价备饷以省公需依期足数给军以作士气毋徒减克以为节省诏报该镇兵饷既有定额都依拟行以后不许纷纷再议增减

○己亥升文华殿中书夏范正四品服俸范为通政使司带俸右参议九年考满取自上裁遂著令两殿中书官阶升至正五品止如再有年劳止得加升服俸

○漕运都御史王宗沐奏请申飭运务二事一浚河渠以利边运言王家浅银鱼厂一带河道浅涩难行宜令挑浚深广堤岸卑薄者修筑高厚一造官船以便民运言曰粮民船大小参差横塞河道宜依漕船式样打造官船下户部

○户部议加给宣府镇夷丁粮银一等月支粮一石本折各半折色例给银三钱五分马匹草料春夏全给仍月给肉菜银五钱二等月粮与一等同肉菜银三钱其有家口众多至五口以上者准收幼丁一二口月粮三斗凡真夷通丁必拣胆气过人熟识虏情的可优恤者不得混收致滋冒滥上是之

○升山西岢岚州守备刘承嗣陕西行都司军政金书

○差官为致仕南京兵部尚书张鳌造坟安葬

○庚子礼部请敕翰林院等衙门官撰进王守仁应否从祀孔庙议以赵思诚与徐棡等三人意异也

○勒致仕翰林院编修曹大章为民南京刑部参其倚势诬诈也

○差贵州道御史许大亨巡按苏松常镇四府

○准前谪戍蓟州管粮户部郎中高光还职御史卢明章勘其亏枉也○工部奏内织染局传成造上用龙床顶架轿椅帐幔铺陈缴壁轿衣等件合用各色纁丝纱罗绫锦绢线诸物比照开数除纁丝纱罗外多开白生素绫一百疋细绢一百五十疋平罗一百疋细线七十斤衣线一百斤南局岁造钱粮有限若使额外多造势必加派小民宜照例免行派造以苏民困上从之

○辛丑复除周咏福建道御史王湘山西道御史

○升山东左布政施笃臣为顺天府府尹

○以广东肇庆游击王瑞充参将分守广西永宁广东都司掌印王承恩充参将分守本省昭平等处甘肃平川堡守备卢矿充庄浪游击

○壬寅复除翰林院编修李自华

○发太仓银三十七万两于各边采买粮料草束分贮谨要仓场备明年支用○癸卯升山东右布政曹科为左布政

○增云南角□羊额五名

○靖江王府宗室经谕有罪勒令自尽

○甲辰吏科都给事中刘不息等应诏＜嬀斨-金＞荐人材原任侍郎吴桂芳刘大实吕时中都御史孙应鳌李秋张西铭李邦珍王轮李尚智张祉吴时来通政赵灼徐浚太常卿袁洪愈光禄卿钟卿太仆寺少卿朱天球府尹王鹤周倬府丞何起鸣尚宝丞金燕给事中夏时陆凤仪徐师曾御史刘存义郎中邓洪震主事高士布政使陈鏐刘子兴参政陈嘉谟顾问范懋和副使王彦民陈纪李廷龙张星张嘉孚张烈文甘茹黄九成参议常三省刘应峰高尚志武建邦李复聘僉事周采沈淮刘勃行太仆卿周京知府孙梦豸赵熊凡五十人御史吴从宪等荐止三十五人而外有侍郎运凤翔参政王时槐知府邵大爵三人

○建筑江西宁州上高县二处城垣

○乙巳 穆宗庄皇帝小祥遣固安伯陈景行诣 昭陵行祭礼

○升浙江按察使劳堪为山东右布政使

○丙午户部覆提督侍郎殷正茂等条陈三事一酌处兵费言府江南岸三洞议复土司并设各堡合用兵饷及听用员役廩粮各项建置开山通道等费议动平乐府及贺库贮及借布政使司与梧镇饷银共二万一千余两一预定县治言自平乐至梧镇五百余里声教不通法令不行议于昭平对江西岸设复县治割平乐富川贺三县地并先回土司田粮属之一处田粮言猺獞所占三洞两岸仙回田土除清还民外尚七万余亩议拨今立土司募兵领每名十亩头目量加初年给饷并处牛种三年后量科亩三升其防守调征外一切差徭尽行蠲免报可

○添设遵化密云三屯各輜重营及建昌奇兵坐营官五员

○刑部覆御史陈文燧条陈〈娼弊-金〉言国家慎重刑狱五岁一差恤刑郎中等官简命之重责任之专视诸巡按御史原无轩輊今有浮薄有司奴颜婢膝于御史之侧而趑趄简抗于部使者之前礼体一任其参差称谓但凭其口吻少不如意多方阻拗致名倒置纲纪荡然部使者之心志不得直伸朝廷之德意不得畅达不思玺书之重出自朝廷轻部臣即所以格诏令即所慢朝廷臣格诏令慢朝廷其为不忠孰大于是文燧条陈及此盖目击心愤思为挽正之计宜申飭旧章遇当恤刑慎选素有才望者〈娼弊-金〉名请差府州县官不得仍蹈前弊藐视阻挠有一于此或降级或罢斥恤刑官不得再务隐忍甘心纳悔亦不得过于搜求自乖政体从之

○丁未升浙江右参政刘继文为本省按察使

○升广东惠潮守备指挥僉事徐天麟充肇庆游击四川雅黎守备指挥僉事丁良弼为光叠茂南路游击以辽东广宁游击傅廷勋充分守险山等处参将

○是月减释江南湖广重囚四十二名口

明神宗显皇帝实录卷之十四

万历元年六月己酉朔命尚书陆树声宴待朝鲜国进献陪臣

○以阅视纪录宣大山西副总兵麻贵麻锦参将贾国忠李如楨李国珍杨尔干王国勋薛邦奇赵崇璧葛臣凡十员革参将徐行提问仍更置参将及游击奚元张元宝濮东阳吴昆任秉公补于汉廿□死宗儒韩文范恭九员

○诏秋防在迓各边严加戒备总督镇巡着实督理综核不得怠玩误事

○庚戌准瑞金王朝壤长子在钠袭封王爵

○以招徕投降人口赏犒前延绥副总兵高天吉等银两有差

○辛亥吏部奏应起各官尚书刘采等九十三员 上报曰朝廷诏举遗佚原为求贤这奏开各官还要细访其才品年力酌量起用毋得一概滥用开幸进之门今后但系起废的查系何人荐举并开来看○调山东左参政龙光于浙江

○铸给苏松常镇督粮道关防

○壬子赐原任巡抚江西兵部右侍郎兼都察院右佥都御史李一元祭葬一元未经考满因事革职抚臣张佳胤奏称操履克修名节无玷乃得复职准给恤典云

○宴女直进贡夷人

○兵部覆山东民杨寿甫本请行查其父杨选墙子路事情复官优恤报曰近年以来我 皇祖皇考时被罪诸臣尽数给与恩典一概叙用当时岂无一人罚当其罪者朕以冲年嗣守我祖宗洪业况承治世若事事反其所为岂不亏朕纘承之孝这所奏不准行今后但有这等的该部都不许徇情题覆

○癸丑吏科给事中裴应章奏人君宽用过之仁非为容奸之路人臣有效用之志当避干进之嫌起废奸之窥也奏辩进之媒也 陛下诏举遗夫包荒之中实寓精核之智乃侥幸奔兢之徒妄引诏旨自行奏扰一< 媚弊-金 >抄寝复上一< 媚弊-金 >假天朝使过之仁售一己干进之计玩法欺 若莫此为甚况人臣进退自有大节即过有可原才有可用则抚按具闻吏部查奏明诏炳如日星何乃自行奏扰妄渎 天听长奸人之觊觎褻天朝之法纪乞严行禁谕下吏部议与世爵补荫妄行渎奏者一体参问示惩从之

○巡按直隶御史向程患病回籍

○乙卯调王之弼为山西右参议整饬蓟州

○丙辰刑部左侍郎朱大器考三年满荫其子邦庆入监读书

○户部奏拨 昭陵香火地并果园菜园及拨补 献陵果园共占用民地一百余顷估给价银一万二千四百一十一两有奇除豁税粮等项银三百一十五两有奇诏仍蠲本年税粮之半

○昭陵殿工成以将奉安 穆宗皇帝 孝懿皇后神位遣官祭告 九陵并 天寿山之神

○兵部尚书谭纶请增设紫荆等处一带边关敌台从之

○纶又奏各卫所袭替官舍比试不中者除北直隶山东山西河南辽东赴京再比其在南京听南京兵部会同南京中军都督府在浙江等十省听巡按御史公同都司及守巡兵备官较试俱免赴京从之

○丁巳升户部云南司郎中冯颐为山东佥事整饬辽东

○江西饶州兵备副使解明瑞致仕

○刑部奏云南抚按问拟沐朝弼事斩罪四名充军三十名徒二十五名杖三十一名朝弼与嫂通奸生子事情再行体勘诏朝弼已有处分以前暧昧事情不必深究以存朝廷保全勋旧之体余俱依拟

○戊午以副总兵管蓟镇马兰谷参将杨鲤为南京后军都督府佥书

○己未复除翰林院编修于慎行

○复除江西副使黄可大整饬饶州

○庚申革原任振武营游击张爵任提问巡按御史卢明章劾其贪肆也

○巡视工程户科左给事中刘浑成<娼弊-金>参 昭陵提督太监王爵率领棍徒采打指挥白贲及爵平日贪婪之状诏下法司夺贲俸半年爵竟免究

○辛酉改四川都司佥书赵鹏充延绥游击改原任副总兵统领山东民兵参将白福照为蓟镇马兰谷等处参将

○壬戌荫故南京刑部尚书顾璘男顾峻入监读书以其父 显陵之劳也

○户科都给事中贾三近奏往因运渠梗咽当事者议覆海运悉心讲画法非不周然风涛险阻终属可虞所以岁运祇限十二万石意正为此今闻海运至山东即墨县福岛等处忽遭异常风雨冲坏粮船七只哨船三只漂消正耗粮米几五千石渰死运军水手十五名臣因此反覆其事海道之势与河道异河道之可恃者常海道之可恃者暂持数百艘行数千里巨浸饶幸于暂可恃未有无虞者也海运畏途当时建议者计出于不得已始既以不得已议行则今当因可已以议罢近漕渠一带诸臣综理振饬大异昔时据今年江南诸艘入闸最早即更加十余万何有焉世有夷途安取九折坂人有参苓姜桂可以摄生何试命乌附以苟万一乞敕详酌将海运姑暂停止仍以额粮十二万尽入河运时巡仓御史鲍希颜山东抚按傅希摯俞一贯＜娼擄-金＞俱如三近指＜娼擄-金＞下户部议停之

○赏女直贡马夷人金段衣服靴袜仍给马价及正赏折绢银两

○改分守山海关参将聂大经为蓟州燕河参将

○癸亥山西道御史王湘＜娼擄-金＞陈驿递疲敝海运漂伤二事章下该部

○差监祭御史郑国仕巡按应天等府

○甲子大学士张居正以建楼堂尊藏宸翰奏请钦定额名上赐楼名捧日堂名纯忠命工部制扁悬安以居正素秉廉节特赐公费银一千两仍降手敕温谕赐御书对联居正表谢复优诏报闻

○河道侍郎万恭奏岁运白粮改民座长船为官造浅船民运如故上之不失祖宗之制止于舟楫转移之间下之可终早运之功有改制之名无变道之实下户部行该巡抚及漕运等衙门会议

○晋王新＜媼恋洌咀喊郎字渡骹等敦承继礼部议亲王没则继绝存不立后宜令慎镜入府侍药不得预府事至王病痊之日仍令慎镜出府庶于情理两尽从之

○乙丑巡抚应天右佥都御史张佳胤以母老奏乞终养不允睿宗献皇帝忌辰祭于奉先殿

○发太仆寺马价银九千二百两为陵工募夫之费

○丙寅以岁荒准山东沂州费郯滕峰四县马匹改徵折色沂郯费永为定规滕峰暂准三年从巡按御史梁许议也

○改神机七营参将林岐充山海关参将

○革遵化标兵营游击王经听候别用以三屯营游击吴惟忠调补擦崖子守备刘龙怀柔守

备贾陈策互相更调

○改铸苏松兵备浙江水利二道关防俱兼管河道

○锦衣卫奏请成造卤簿大驾 上曰国用未裕朕方加意节省这成造驾仪待三年后来说

○丁卯起原任抚治郟阳都察院右佥都御史孙应鳌仍以原职抚治郟阳

○旌烈妇七人新喻县民李佑妻周氏夫溺水死以幼女闺秀故忍死时有富人以百金啖其翁迫使改室周氏夜自斂具将赴水死闺秀方七岁不能舍母亦从死永丰县民刘耀旦妻罗氏正德六年因洞贼起与一老妇共匿后林中为所获贼欲犯之罗唾骂不从投井死泰和县民曾易周妻罗氏嘉靖四十年闽广盗起易周率乡兵拒盗为贼所杀贼得罗氏欲污之罗氏骂不从中枪死临川县民王霈妻莹姑归霈两岁霈死誓不改嫁翁姑苦贫欲夺其志莹姑绝粒三日沐浴更衣自缢死瑞金县民谢栋妻郭氏有姿色嘉靖四十年时流贼肆掠郭氏携幼子匿山谷中贼迹得欲污之忿骂奋拳击贼面贼怒杀之裂其尸临川县民张炜妻徐氏夫死守节七年母强之嫁托疾谒太华山遂投紫玄洞崖死永丰县民刘晔妻罗氏正德六年洞贼起与老姑俱匿林中为贼所获欲犯之罗氏唾骂不从投井死各旌其门曰贞烈

○戊辰兵科给事中陈吾德奏 陛下诏举遗佚人虽求旧爵不滥加深得砺世磨钝之微权诸臣＜娼弊-金＞中才望素隆者多有其人如原任左都御史刘焘贪肆无忌屡经弹劾至逼取土夷黄友瀚银六千余两貽变地方轻夷心辱国体两广士民万口窃笑国法若明焘罪何避乃与遗佚同举以应明诏人臣报国全系此心大本一亏他无足赎焘黷货营私心术已坏欲其忘身殉国难矣 陛下初政宜登崇耆旧有德以风示四方如焘者岂宜复玷崇阶以速官谤＜娼弊-金＞下吏部覆看迺吏部言焘行虽不羁劳亦难泯即有缓急尚足为恃其受友瀚赂事催看明白方可议拟

○己巳巡按陕西御史赵焕言行太仆寺卿不便兼理分巡事务请将苑马寺卿仍兼佥事分巡平凉一府旧分巡道止管凤翔太仆寺卿免兼道务止令照旧兼佥事职衔每年二次巡历分管地方点闸马匹其旧分守道仍驻泾州通管平凤二府＜娼弊-金＞下吏部覆议行○赐故封南京刑部尚书赵相祭葬相子大祐为南京兵部尚书终养先亡其孙奏请恤典礼部查与被罪削籍者不同著为例

○兵部覆京营五事一序将领以明职分谓三大营将领名实差紊宜照依副参游佐等职级战车城守等事务顺序立营以原设之官管理原营本部推用亦各照营分充补一顺车战以便各操谓车战二营相湏为用若平时操演分而不合则临敌参差缓急何赖宜将二营均搭齐备时分时合着实操演使驰击环卫各尽其长一议选募以实营伍谓京营见军止八万六千八百有奇粮本空虚宜革退老弱残疾选家属精壮者替役其招募之军审系亲族有身家者俱准替补其各省解到新军逃者严行掣解不必再贴盘费贻累穷民一储将材以备任使谓废弃将领及京卫各官近多告赴边方至使京营乏人宜除例不叙用外其有年力精壮谋

勇可观者听其具告赴部试验委用一处军器以裨实用谓该营军器不堪应用宜令将领如式造枪刀各一件送工部转发该厂照式改造仍将各军悬带腰刀一体议处如议行

○以墙子岭参将罗端管理三屯右营标兵原任密云副总兵董一元改充墙子岭参将

○庚午升总督蓟辽保定等处军务兼理粮储兵部右侍郎兼都察院右佥都御史刘应节为都察院右都御史仍兼兵部右侍郎照旧总督

○发王客年例银于各镇延绥八万一千两辽东五万六千一百一十大同一十三万二千九百二十两山西八万四千三百九十两

○兵部覆操江都御史董尧封条陈江防曰事一重要害谓圖山及三江会口为江防第一门户宜查补水兵各满旧额八百名巡哨擒遏与京军更番防御瓜洲骁勇脚兵止精选四百名量处工食一并操备一理兵饷谓江防兵饷等银止存二万二千有奇口粮不敷宜将添复圖山三江会口及瓜洲水兵饷银共一万一百五十两酌派应天等府和州等州一十六处并革去篙师等项名目俱曰操江军饷一议战船谓各营兵船及随船火器火药等用并一切操赏等项公用止取给二巡江赃罚并操江纸赎支用不敷又圖山三江会口既复兵七百三十六名当量添沙船十只请将仪真梁头税银岁解一千两备修造船只支用一复水手谓每船旧设水手六名或七八名后裁减水兵前项工食遂不编金今既添复兵船议将各府座船一十五只分派战船领驾从之

○辛未以代王廷琦薨辍朝三日

○兵部覆界岭桃林二口军功言斩获之数虽微然使虏众败酋首仅免其发纵指示破敌冲锋或同事驰驱或遥为声援均当论叙而尤推总理戚继光兵备徐学古为首功奉旨刘应节扬兆戚继光徐学古各升赏有差

○以昭陵工竣赏尚书朱衡等银币有差仍荫侍郎熊汝达一子入监读书

○壬子以淮安水灾异常发常盈仓米六万石賑之仍缓徵今年起运钱粮及准明年改折

○复留故徽州群牧所管军于禹州守御地方郡王不得干与

○兵部覆御史孙综＜娼鬻金＞言虏情叛服诚不可常我各边事体亦难例论在宣大山狭则以贡市为羁縻以战守为实事至于蓟昌辽保原与贡市无与在辽东则四时皆待战之期在蓟昌保定则春秋皆戒严之日宜申饬诸臣虏未互市加谨堤防勿堕阴谋致貽后患从之

○以南京夜巡千人防守不敷选拔三营马步官军一千名添委卫总八员管领○户部题收孤贫五百六十一名口发宛大二县月给米三斗岁给棉布一疋

○癸酉赏朝鲜国进献陪臣织金罗衣段绢靴袜等物

○兵部覆湖广抚按奏牛角尖盗劫客船致溺水死水兵九十名参兵备僉事戢汝止等上以江洋失事重大住汝止俸令戴罪同邻境协力捕贼仍谕抚按官申飭江防守御

○甲戌 孝庄睿皇后忌辰遣抚宁侯朱冈祭 裕陵

○赐文武大臣及讲官正字官鲜笋

○丙子升国子监司业范应期翰林院修撰陈经邦为左春坊左中允修撰何维文为右春坊右中允俱兼翰林院编修编修沈鲤为左春坊左赞善简讨许国陈思育为右春坊右赞善俱兼翰林院简讨

○ 孝穆皇帝忌辰遣恭顺侯吴继爵祭 茂陵

○降调云南洱海僉事赵孟豪按臣侯居艮论劾也

○勒山西偏头关参将魏廷臣闲住按臣李采菲论劾也

○兵科给事中赵思诚奏请清查河道钱粮雇徐淮贫民修挑海口抚驭山东岛人教习海运船卒以避风险旨下该部

○丁丑赏岭东获功土官银币有差

○工部请差科道官查刷 昭陵一应钱粮仍请以后凡有大工完日题请查盘永为定例

○戊寅复移驻山西屯田僉事于应州专管山西三关大同一镇屯务兼清军应山场北楼营伍从总督王崇古议也

○裁革淮扬凤徐等处十一递运所从巡抚王宗浚议也

○是月减释山东重囚一十九名

明神宗显皇帝实录卷之十五

万历元年七月己卯朔 上享 太庙

○封德王载澄世子翊金□管嫡第一子常邦□清为世孙

○兵部尚书谭纶参车驾司主事熊敦朴厌簿部属及狂悖怠玩之状乞行罢黜敦朴坐谪两浙运判 初建商丘县儒学先是附于府学巡按褚鉞以为请

○工部右侍郎熊汝达考三年满荫其长男生员熊士威入国子监读书

○发太仓银八千两于蓟镇为加添抚夷之用

○辛巳著令僨运御史事完止分别有功迟误人员一切漕河等项文册俱免造报从张宪翔议也

○发补赏军银一万一百八十六两有奇于大同镇

○宴女直进贡夷人

○差御史四员清理各省戎伍河南道田乐南直浙江云南道易仿之江西福建陕西道李颐广东广西湖广四川道张士奇云南贵州四川

○工部覆给事中赵思诚＜娼弊-金＞言黄河挟百川万壑之势益以伏秋潢潦之水拔木扬沙排山倒海所向无坚不瑕所赖以容纳者在海而输洩之路则海口也海口梗塞一夕则无淮安再夕则无清河无桃源运道冲决伤天下之大计人民昏垫损一方之生灵关系诚不浅小故必疾使之洩其害始息必多为之委其洩始易淮安旧有八口今止存其一委既少则流必缓诚宜早计亟图至于近年河水未尝加益特因河决之后冲刷未尽淤垫遂积故河身日高堤岸日卑日卑日增终当奚极宜行河道诸臣逐一踏勘会议具题以请 上是之

○改湖广霞流驿为黄堡驿改铸关防一颗

○壬午□仁孝文皇后忌辰遣定国公徐文璧祭 长陵○礼部覆河南抚按勘过建德等十三府以一府钤束不便议照弋阳王府事例各自管理其绝府等宗悉附亲支以遂昌景宁二府附阳城未封新昌庆云二府附嘉定其太和阳夏德平荣阳怀庆威平延津孟津上蔡太康各府宗仪听自行管束一应礼仪亦各听自举行建德王长子载坪俟服满袭封听自管府事其各府迎接诏敕宗庙祭祀俱轮递从尊各移咨遵守

○荫工部右侍郎熊汝达次男熊士弼入国子监读书

○准晋王新<媼恋洌局墩蜣将军新墻嫡长子慎镜入府侍药

○癸未命左春坊左中允兼翰林院编修范应期右春坊右中允兼翰林院编修何維文典顺天府乡试

○升翰林院编修李自华为国子监司业

○甲申总督刘应节<媼擗-金>辞新命不允

○浙江道御史张简奏查刷光禄寺六月分用过钱粮除本色外该银一万一千五百七十六两六钱

○刑部参中都留守司领班都司丙继先私占卖放官军及科索军银七千三百余两且复曲庇私人掩飾己罪奉旨革职提问

○乙酉旌表孝子四人贾洙河南归德府生员菽水承欢父母没各庐墓三年曹必和江西南昌人母盲舌舐复明亲没庐墓三年曹珊江西都昌人母病尝粪侍药母病果愈亲没庐墓三年珊复后姓郭刘静江西万安县生员幼孤家贫事母孝遇贼欲杀其母恳求身代贼横槊刺之母释静死尸七日不变后其母享年八十额其门曰孝行节烈妇九人湖广茶陵卫指挥郭纲妻许氏江西高安县民廖仁妻吴氏新金县生员邹輿妻吴氏泰和县生员高北妻萧氏尹汤妻郭氏星子县民吴辅国妻崔氏安福县生员姚相妻欧阳氏吉水县民陈洪妻刘氏庐陵县民彭辅妻刘氏俱年未二十守节至老各旌其门曰贞节烈妇六人江西南城县民丘沉未婚妻吴氏名珠姑进贤县民方赵二妻支氏归德府儒士沈堪妻王氏开封府杞县民张汉儒妻郭氏邳州民张子道妻瞿氏河南汝宁县生员周吉妻蔺氏俱夫亡自缢各旌其门曰贞烈

○起原任宣府南山副总兵胡镇管理宣大总督军门中军事务

○丙戌发主客兵饷银二十二万六千八百两有奇于蓟密永昌四镇合在镇各项并先发共银一百四十三万二千一百三十八两有奇通共额饷银一百六十五万八千九百三十八两四钱九分九厘二毫四忽又发易州镇客兵银二万五千一百一十七两有奇

○发太仆寺马价银七千两于蓟镇亦备加添抚赏支用

○丁亥兵科给事中陈吾德参礼部精膳司主事宋儒捏成章奏谤毁 圣政污蔑大臣熊敦朴致有谭纶参劾狼心蚤尾公论不容李熙又言敦朴与儒面质流言虚伪立辩词穷备极丑态同列为泚于颡朝士欲批其颊并请斥儒<媼擗-金>下吏部降补诏下降补儒山西按察司经历

○戊子定徽府管理府事各郡王府宗仪并应奏事务听各府自行管束举行其迎接诏敕及

宗庙祭祀各王府轮递从尊赐各王府镇国等将军中尉生母封号

○给女直夷人职事衣服金带金顶大帽

○命侍郎汪镗待朝鲜国陪臣上马筵宴

赏女直朝贡夷人金段衣服靴袜仍折给马价并正赏银两

○南京福建道御史石横上〈娼弊-金〉国家以祀典为重当祀而不祀则无以崇报功德不当祀而祀之又何以激劝人心王守仁谓之才智之士则可谓之道德之儒则未也因言致良知非守仁独得之蕴乃先圣先贤之余论守仁不过诡异其说玄远其词以惑众耳朱子注〈娼弊-金〉经书衍明圣道守仁辙妄加诋辱实名教罪人方宸濠未叛书劄往来密如胶漆后伍文定等擒宸濠于黄石矶守仁尚遥制军中始则养虎貽患终则因人成功朦胧复爵报以隆重若又祀之不免崇报太滥〈娼弊-金〉下礼部

○改设湖广黄堡驿裁革霞流彤关二驿

○兵部覆四川擒斩凌霄贼首阿苟等言六乡都蛮久为叙南之害盖因据有九丝岩险又据凌霄城相为犄角凌霄可上则九丝在吾目中险隘既分则都蛮犹指掌上其功诚有足嘉但丝蛮众有徒尚繁计穷势迫必至死斗请行抚镇官多方筹筭一举荡平诏蛮寨既破着曾省吾刘显督率文武将士乘势运谋奋勇进剿务扫除尽绝以靖地方

○己丑右春坊右赞善陈思育以病回籍

○铸给广东各道及各海防同知关防

○以苏镇补军多寡赏总兵官戚继光等各银十两副总兵杨鲤等各罚俸有差

○庚寅陕西行太仆寺少卿兼佥事衷贞吉为河南提学副使

○催解各处拖欠凤阳仓粮该仓岁派二十七万一千五百余石自嘉靖四十三年以来欠至一百二十万有奇南京户部侍郎栗永祿奏请催之

○以原任分守山西东路代州参将充军复职指挥佥事林爵充分守太原等处参将

○刑部奏以天气暄热遵旨释减各罪犯人共三百五十一名口报闻

○辛卯以倒夫骑操马匹数多山海等关营参将等官罗端等四十员罚俸降级有差

○周府富阳王勤烺有废为庶人发高墙禁住

○壬辰勒原任整饬蓟州兵备参政杨锦冠带闲住锦以边才超迁巡抚后拾遗听补守制在籍阅臣汪道昆追论其事乃褫职

○升湖广宝庆知府蔚元康为陕西行太仆寺少卿

○荫总督侍郎刘应节子生员刘元勋入国子监读书考满加恩也

○河南道御史田乐请差宪臣督治顺永保真四府水患章下工部

○癸巳□元节遣英国公张溶等分祭 九陵及各园寝

○福建右布政使温如春以疾致仕

○诏司属官差满违限及升调迁延久不赴部者参治

○差山西道御史王湘巡按顺天等府

○乙未升贵州按察使刘侃为福建右布政使

○丙申 成祖文皇帝忌辰遣泰宁侯陈良弼祭 长陵

○兵部覆延绥巡抚张守中练兵事务其法取各营堡见在之兵或衰多益寡或合少为多每三千为一营镇城凡四营神木靖边定边榆林四路凡七营共十一营官兵三万三千悉挑选骁勇壮健可为战将战兵者行诸将分统操练阵法及武艺炮火之法或以间开垦荒地以助储饷无事之日各在本地操练守堡将官不得劳扰待套虏侵犯方许会调合营出战诏着守中务实举行

○兵部又覆阅视侍郎汪道昆奏阅过辽东全镇修完城堡一百三十七座铺城九座关厢四座路台屯堡门角台圈□堞山城一千九百三十四座边墙二十八万二千三百七十三丈九尺路壕二万九千九百四十一丈俱各坚固足堪经久因叙督抚镇道诸臣劳绩并请给前项工程银一万六千九百一十两得报巡抚张学颜总兵李成梁兵备李松参将马文龙等各升赏有差

○准给益世孙翊釬修府工价世孙府第被毁已久抚臣徐枋奏给补修银三千七百八十五两工部查有淮衡二府例 上乃准给并宥枋擅动官银之罪

○丁酉升贵州右参政程大宾为本省按察使

○发明年年例银六万两于延绥镇预备粮草缓急支用从抚臣张守中请也

○以将朝覲有司官限十月内尽完粮银方得离任违者坐罪

○山东按察使兼右参政潘允瑞条陈军民二运事宜一议处成造漕船以裨大计各省粮船改照湖广江西式造深大坚固二船可抵三船每十年计可省银二十三万五千有奇解部济边一议兼辖以速粮运凡沿河管河官员乞听臣兼摄庶便督责修浚及时运船不至浅阁一均补润以一兑法以前米色有湿润者军旗恃强每百石勒补或至二三十石今限以五石如晒扬乾洁止平兑不补一宽恤船户以全运务漕船漂没数多一时难造不得不雇用民船得利甚眇本非乐从乞严行各关刀得仍抑勒收税一专职任以恤官军各帮船过淮后专听漕运总兵及臣催僨果系故意延迟照例捆打其沿途衙门不得任情凌虐无辜一禁止参谒以重粮运运官钻刺者凡遇途次驻劄及经过上司輒停舟参见一舟既停千艘守候以后非本管衙门不得时刻停泊滥行参谒一议造民船官船以垂永久前议改民船为官船计各粮长雇价岁费银五万二千有奇即以此银徵解成造其改造修理亦照军船年例不造年分仍徵解前银除修船外解部济边一议撑夫以定常规粮长雇募撑大岁费银五万两有无籍之徒每至逃脱今既造官船其撑夫宜令有司选本地精壮谨实之人愿役者充之每船十二名即徵前银给发一严督运以专责成岁运白粮有总部领运等官近多规避误事宜责令依期完兑随军帮齐发督催前进不得在任稽延及别差委用以妨重务一遵议单以厘宿弊起运白粮虽有量带上宜亦与军运便同合申飭各关一体免其徵税经行闸座关津仍拨夫挽拽前进不得仍蹈前辙巧为科索下户工二部覆议惟补润难以一概五石仍行抚按酌议具奏余俱如议行

○赐华阳王承燭书院名乐善

○诏祀吴与弼陈献章胡居仁及元儒吴澄于各乡社

○戊戌上御文华殿讲读驾还命中使导辅臣及讲官诣后殿东九五斋恭默室阅庭中花卉诸植赐茶而退

○勒巡抚大同都御史刘应箕回籍听勘以言官交章论劾也

○巡按直隶御史李学诗奏建清浦县于唐行镇报可

○兵部覆阅视侍郎汪道昆举劾将官副总兵胡守仁等四十员附纪录用参将谷九皋等一十七员革任备御高可行巡按御史提问具奏

○工部覆御史田＜娵＞言四府所属州县频年水灾昏垫已极盖滹沱黑洋白沟诸水会合经行之地下流壅塞输洩无路一遇暴涨则卑洼潴滞方数千里田产被其覆没臣等请敕责成二处按臣盖水之潴处多在顺河二府水之出口多在真定所属利不必出其土害不可委于邻令踏勘被灾地方下流阻滞作何＜娵＞通上源泛滥作何约束应挑浚者导之应堤坝者筑之故道可复则复桥梁可建则建苟有利于生灵宜无分于被此合用夫役钱

粮及淤出地土钱粮应否加派渰占田产赋税应否蠲豁严限具奏请自 上裁报可

○给原任户部尚书马森生母封太夫人何氏全葬

○己亥升四川副使林舜道为贵州左参政

○庚子兵部奏阅视侍郎汪道昆举劾三镇文武大臣独推练兵总兵戚继光为首升一级刘应节杨兆孙丕扬张学颜及李成梁杨四畏傅津各升赏有差李勇法司提问

○辛丑升河南左参议朱绍舜为四川副使

○工部覆巡抚大同右副都御史刘应箕奏国家建都燕京各省直岁造军器辇致内库凡为强干计也近年朝廷念宣大蓟辽切邻虏境独准留本镇料银以办本镇军器司边计者能严于督察无令虚冒新旧相成何不充之有今应箕辄以山东河南料银为请不知各省料银专为内府供应而设二十四监局年例额数各有项下往年内作近日 陵工悉仰给于此近因灾伤拖欠所储无几然军器持料银中一件耳京军逐日披执侍卫及岁时祭祀三大营操演稍有损坏旋即更新所费甚为不赀且留其赢余兼备意外之警为征防之需应箕顾谓寰宇清平两省粮可以免解尤非通论近御史唐炼议折额解帑以图用明旨尚责其纷更本官此请难以依拟 上是之

○壬寅户部奏上年陕西三边简易揭帖固原延绥宁夏甘肃四镇至客兵马共用粮料一百一十四万一千七百四十三石五斗二升比前年少用六千六百八十三石三斗九升用煤炒九百三十石五斗六升比前年多用八百九十六石五斗八升用草七百三十七万八千六百九束比前年多用七十八万二千九百二十四束用布八千六百七十七疋比前年少用二万五百二十一疋用银一百二十六万七千一百一十八两五钱比前年多用五万二千九百二十五两七钱四镇粮料煤草等项折价并银共比前年多用六万四千五十两共实在银一百四十八万五千九百四十九两并总督戴才巡抚曹金郅光先未笈廖逢节及兵备粮储等官杨旂王宫用杨起元吕鸣珂晋应槐原森张体乾张守中张梦鲤王继善程鸣伊汪文辉刘之蒙梅友松孙坤胡虽新等经管又催完民屯盐引粮料八十四万七千六百六十六石五斗五升比前年多六万七千三百四十七石七斗四升草二百七十八万二千一十四束比前年多一十九万六百六束布一万三千一百九十九疋比前年多九千七百八十六疋银九十三万九百九十一两七钱比前年多二十五万四千八百六十七两九钱诏该镇钱粮先后奏报差至数万督抚等官如何不用心稽核著巡按御史查明具奏

○户科给事中赵参鲁上〈嬖孽-金〉争祀王守仁〈嬖孽-金〉并下部

○癸卯升山西右参政申佐为都察院右佥都御史巡抚大同地方赞理军务

○除补原任江西右参议田汝预于河南分守河北道

○甲辰吏部左侍郎刘光济以衰病乞休不允

○添设大同管理车营游击一员兼理巡抚标下中军事务

○乙巳复除河南道监察御史雷稽古

○升山西行太仆寺卿兼佥事王惟宁为本省右参政兼副使阳和兵备

○丙午给建州右卫都督佥事八当哈职事衣服

○丁未吏科都给事中刘不息参听勘巡抚刘应箕不宜揭辩言孙鋹受耳目重寄得以风闻言事况与应箕同处地方其见闻必真应箕宜闭门省□付是非于公论顾愤恨不平歸词求胜其自称虽过誉而莫耻其毁鋹必丑诋以伏心乞照贪例革职御史周咏等亦参之章并下吏部

○升浙江副使赵宋为山西行太仆寺卿兼佥事

○留四川总兵官刘显戴罪进剿都蛮从抚臣曾省吾请也

○命陕西抚臣郅光先剿除回贼

○湖广荆州承天二府大水

○是日释减江西重囚二十三名

明神宗显皇帝实录卷之十六

万历元年八月戊申朔以四川征剿都蛮免叙州嘉定宜宾江安富顺府州县正官明年朝覲

○给致仕南京兵部右侍郎丁以忠祭葬如例

○湖广荊州府地震至丙寅方止

○升赏蓟辽保定各兵备官王一鹏高文荐孙应元徐学古王之弼五员以阅视荐其有裨边务也

○庚戌翰林院修撰张元忬以送母回籍

○豁除宁夏各项赔粮一万二千一十一石有奇仍令开垦荒芜清查侵隐以渐补复原额

○兵部议剿都蛮赏格各路分为三锋头锋冲锋陷阵不得斩级二锋三锋相率继进兼取首级大捷后通计首功先以十二分头锋然后合三锋共分之零斩小捷赏照旧格一人擒斩三名颗者升一级不愿者每名颗给银十两幼男妇女亦一体分给阵亡者给赏十两重伤一两轻五钱○差山东道御史万一贯巡督两浙盐课浙江道御史漆彬禁陕西洮河西宁等处茶马

○辛亥辽东巡抚张学颜因旱灾条陈五事一减见徵之粮一补未给之粮一给遇闰之粮一催积欠之粮一徵本年之粮旨下户部言屯粮遇灾止照分数折徵例无蠲免额饷例不计闰以一年逃故扣除之数积至三年可当闰月其山东布运二司连年拖欠一十四万七千余两严行催解并今年额银一十四万九千七百余两量预那解以济急用从之

○壬子阅视陕西三边侍郎王遴条陈六事一集练兵马仿原任参政张守中取集属堡兵操练及调遣时合营余日仍归各堡居住地既未尝空虚人亦不至过苦一安插墩军仿先抚臣余子俊每墩置墩院令墩军随带妻小不但守边兼亦自防其家杜脱逃旷离之弊一修葺城堡固原等处极为冲要城堡堪为保障者无几宜令抚臣严行修葺期成一方巨防一谨守要害花马池为督臣节钺之地兵马寡弱宜查复近革陕西新军并参将营一营调发或改取腹里稍缓墩军月粮随宜召募其红德城游击下马关环县各守备亦量为改移并力守边一酌议兵食延镇仓库已竭官军有半年不得支折色两三月本折全不得支者请量给闰月银及量增盐引数万一亟处侵盗商人何思连年侵盗召买银三万三千余两经手官岂得无罪因议四等罚例虽升迁去任并得追论章下户兵二部

○兵科给事中萧崇业条陈救时五事一曰崇正学一曰核实政一曰重言路一曰缉告讐一曰禁侈糜下该部

○差御史郭思极巡按辽东

○癸丑罢海运

○命右春坊右谕德兼翰林院侍读王锡爵左春坊左中允兼翰林院编修陈经邦典顺天府乡试

○甲寅以建元 圣寿赐辅臣张居正银六十两钞罗斗牛蟒衣各一袭吕调阳银四十两钞罗仙鹤衣各一袭讲官陶大临丁士美各银二十两二品胸背罗衣一袭陈经邦等四员各银十五两五品罗衣一袭正字官二员各银十两本品罗衣一袭居正等＜娼嫖-金＞谢 上报闻

○扣留河州起运西宁固原二仓及兰州广济仓粮银一千四百两有奇补给参将营军士月粮以镇原县起运一条城堡粮银拨补前三处仓库之数永为定额从抚臣郅光先议也
四川叙州府地震

○江西道御史卢明章奏开浚河道事宜一曰详踏一曰专修理言顺保河真巡按岐而为二兵备分而为四势既不相统属议自不能通融且兵备及州县正官方在开浚忽令迁转不惟本处工程不完即上承下接均有不便功何繇成宜差司官一员驻劄适中地方同各州县正官细加踏看预定河身凡干系开河兵备州县正官及承委官员俟工有次第方得循资迁转工部以司官权轻仍守前议而请停迁各官以便责成 上是之

○以辽东修完城堡巡领等官升赏各有差

○乙卯 孝康敬皇后忌辰遣丰城侯李环祭 泰陵

○户部覆阅视侍郎汪道昆条陈辽东三事一增折粮一便给发一济清勾道昆言辽十一月粮每石折银二钱五分比于诸镇太薄除无警地方及选锋支行粮外议将两河戒严月分月加银一钱岁共银四万一千八百一十两于山东未解民运内动支部司驻劄广宁各处赴领劳费不贲宜令具数关白巡抚衙门檄各道差官代领分发其解到新军加惠而安集之强弱皆可为用往往以夫所不死则逃以后解到宜先给安家银一两随委官安插以著五日为始照册支粮道昆议甚详妥而增折安家二议竟格于例不行

○以 万寿圣节遣定西侯蒋佑等祭 九陵及各园寝

○兵部覆阅视侍郎汪道昆条陈边务一十五事一准功罪年来罪罚不平变置太亟宜定为科条凡有失事均厥罪罚无专治主将而略于监司部领仍宽其文法虏入无輒按其罪状责令因败为功待事定乃总论其功罪诛赏之一分责成调度失宜功罪失实总督自任完缮不豫罪巡抚虏形不察军政无纪战阵无勇罪总兵刍饷不给罪户部分司信地不严专责不举罪监司部将一一事权岁终举劾功罪宜照旧听督抚会题三镇巡抚俱涉军务宜如福建广

西例给旗牌以便行事一明赏罚功繇发纵指示以当事者为最等而下之赏有差繇冲锋决战以血战者居先等而上之赏有差罚亦如之一宽中制一切战守事预行整理有警报则朝廷制之以静使边臣得因时制宜无怀疑阻候事宁然后计其得失一止流言边将锢于积弊怙势干进如不得逞輒布流言遇有虏警复植私党骂虚声以乱名实总督抚镇往往被其中伤宜严行禁止犯者重究一练标兵标兵倚挟声势居常则违约束遇事则规避趋宜每年二七月令镇巡官互相比练分别殿最春秋两防亦分发各路与客兵并力防御如有功罪一体同坐一固封守蓟镇边墙恐日久朽颓责令该道及各分守将官画地分区如法帮筑三和土墙三尺立限告成永为保障一开边利塞外多沃土可耕宜责令南兵结伍朋作岁收听耕者取给或量易赏物以抚守口夷人各官不得輒肆科克一重严关山海关最为要塞主事职专讥察宜照居庸等关例给关防其关税仍令蓟辽巡抚分上下半年委官管收不得归并本关致妨正务一移近卫三屯营原无卫所标下各营文移止借用遵化各卫印信殊非事体宜移忠义中卫于三屯城内令指挥千户经历各一员赍印赴任其旗军分春秋二班一赴守三屯一留休遵化遇警俱赴一屯营守城一据险隘曹家寨孤悬虏地宜于将军台地方为城筑七台据为内险本寨游击止统提调一员宜于吉家庄增一提调燕河一路虽有提调二员所辖边不过六十九里宜割擦崖子界内十二里付之一济冲烦石匣古城二驿不系通衢而熊儿谷原无应付滦阳驿应付不敷宜移石匣驿于熊儿谷西五十里太仆庄以古城驿归并滦阳一止追呼戍边官军藉以卫畿甸遇两防时各该兵备有司不得一概勾掇其边军帮丁自有定例有司亦不得苦以他役一杜影射遵化铁厂多殷实丁壮影射其中宜行清查每三丁抽一军入边操其二即任帮贴诏依议着实行

○丙辰 上御皇极殿传制遣大学士吕调阳祭 先师孔子

○广东右参议詹仰庇以病致仕

○升密云兵备副使王一鹗为山东右参政照旧管理密云

○户部奏各衙门会议漕运事一浚河渠以利边运一均领兑以减脚价一均补润以一兑法一恤船户以全军务一专责任以恤官军一禁参谒以重粮运一造官船以垂永久一议撑夫以定常规一严督运以专责成一遵议单以厘宿弊一议官攒以杜冒滥一议置斛以平出纳一申旧例以重轻赍一查解额以清隐弊一核漂流以便处补俱从之

○改派宁夏镇主兵浙盐一万五千引于固原镇扣固原镇主兵银五千二百五十两解宁夏镇抵补所拨盐引之数从抚臣朱笈请也

○孝慈高皇后忌辰祭于 奉先殿

○赏女直贡马夷人彩段银两及衣服靴袜等物

○丁巳兵部覆阅视侍郎汪道昆奏经略京四诸关以固畿辅事永保定等关口应建敌台三

百五十六座每座计工费二百二十两主客兵春秋二防每五百名完台二座期以四年告成其浑河南岸应行昌易二路亦各建一台有坚固不如式者责令各官从新赔筑仍严禁炭厂奸商不得侵伐林木其广昌灵丘等县仍听保定巡抚兼摄贤能者与境内有司一体荐奖

○人覆道昆保定善后三事一议驻守每年防秋巡抚移驻易州总兵移驻紫荆留兵待调恐误事机宜令各照旧规以部兵出守给与行粮料草又浮图峪为紫荆门户宜以总兵当之待虏有东意则移守关参将军于浮图总兵则移驻紫荆听援如总兵赴援则以巡抚代守紫荆又茨沟营外通山大内产矿砂宜裁革守备改属龙固关即以本关参将提兵驻守一议应援保定一镇外备宣大东援蓟镇昌策应防御不可不为先事之计宜仿蓟镇各立车营配以标下精壮士马每营步骑务足三千或二千五百为率仍多办火器如法训练专备应援截杀一议犒赏防边犒赏所以鼓舞将士一旦裁革所省甚少所关于军机甚大或动支贍罚或行措处宜行查复

○又覆道昆辽东善后六事一减入卫言宁前中前所孤危尤甚宜再减入卫宁前所留五百共足一千责付中前所游击统领操练以备战守一习战车广宁辽阳二处车营暂借各营步兵人无固志无益于事宜皆改用新军不足量抽墩军余丁补之每营务足一千二百名各委专官管练期一年有成一补操马该镇无他桩朋官银请发太仆寺马价银一万七千两以一万分贮两河备补临阵倒失方责纳桩银其七千两买骡七百头分发各营驮载一开鄣塞张其哈刺佃子土沃可耕且去暖阳等处适中声援易及宜移建孤山堡军于其地又险山宁东江沿台大佃子新安等五堡地多不毛军无可耕出险山一百八十里亦得沃地宽佃子长佃子双塔儿长岭散等五区且当松子岭等处极冲之地宜将五堡军移建各处修建六堡合用银八千八百八十六两粟米一万八千九百石一固边疆设险守要不独宁前当修筑墙台在全辽保障自锦州迤东抵三岔河又自三岔直抵旧辽阳当一一修举定为一劳永逸之计一处逋逃辽人窜伏山东海岛辽之官司不能统摄致赋役愈繁逋逃愈众宜将辽阳管捕都司一员移住登州专管岛民以事讥察俱诏依议行

○戊午升湖广佥事蔡一槐为广东左参议

○己未 上御经筵赐辅臣及讲官万寿金字各有差朝鲜国差陪臣表贺 万寿圣节
上命尚书陆树声宴待

○兵部奏延绥巡抚张守中修建清平常乐双山等处边墙请动支今岁抚赏银一万两及麻□黍粮园地二顷银五百八十两有奇外尚少银四万五千二百四十余两户兵二部三七处发仍行布政司催拖欠民壮工食银湊补报可

○兵部覆奏巡按直隶御史余乾贞条陈清理军政八事一厘正尺籍以清弊源一总核收除以杜奸蠹一备录军单以防隐匿一颁行册式以一成规一议处长解以苏偏累一就近关补以禁迁延一岁终考核以示劝惩一刊给事例以昭法守俱如议行

○庚申升兵部职方司员外郎刘自存为湖广佥事

○以山西平阳府旱灾蠲折民屯税粮各有差

○巡抚江西右副都御史徐枋奏国家岁漕东南米四百万石于京师复设临德二仓每岁会派米一十九万四千四百石分贮之计十年积几二百万石遇该运地方灾伤蠲免即以二仓米照数补运祖宗立法备患意在深远后因会派地方告歉轻减及二处囤积损腐一时偶见窒碍輒有建改折之议者自改折议行二仓额粮渐减积储渐耗运地灾免无从支补遂致专免存留不及起运夫存留乃宗室禄粮官吏师生俸廩军士月粮等项所需万不可缺为今之计必仍令二仓积贮十年额米然设处杂补又不可专责会派地方宜行二处管仓官以十年所积计之尚欠米若干听将改折银发产米地方收买不足行漕河各衙门量支无碍官银湊买俱摊搭运船载纳二仓如二仓囤积不足则徐州天津等仓分贮尤便恐米有腐烂量将漕粮抵换出陈易新必于原额约二百万数有余方得改折会派其改折银两专贮听候杂补不得别项支用如此仓有余粮帑有余银每岁四百万石之运常保不失正额垂之数年京通二仓亦当余六年之积祖宗经制富强之远略不亦庶几尽复乎< 娼弊-金 > 下户部

○辛酉荫巡抚广西右副都御史郭应聘子郭良翰入国子监读书以平徭獯功也

○礼科给事中石应岳奏称先儒布衣陈真晟年十七八时即拒绝异端专心儒业尝就试省闱有司防察苛密无待士礼遂辞归不复以科举为事日探研理学以居敬为主尝语人曰大学诚意章为铁门关难过主一二字乃其玉钥匙也日与其徒周瑛倡明理学与莆人李父举讲行家礼南海陈献章称谓天下第一流人江西罗伦则称之谓闽中高士歿后尚书杨廉纂理学名臣录载十有五人首薛瑄次吴与弼次即真晟也虽举入漳州乡贤祠中未见特加尊崇似宜从祀孔庭不则亦当照吴与弼等专祀于乡下礼部覆议建祠原籍祀之

○工部奏明年春照例挑浚天津卫海口新河恐碍运艘也

○壬戌差山东道御史朱文科巡按应天等府湖广道御史宋范巡视甲子等库江西道御史赵燿巡视坝大等马牛房仓

○楚通山王英炊薨讣至辍朝一日赐祭一坛谥曰庄懿

○癸亥秋分遣英国公张溶祭 夜明于 夕月坛

○勒分守陇右道佥事原森冠带闲住分守关西道右参政杨所临巩兵备副使杨起元各降调阅臣王遴题参也

○减江西积谷分数以地方贫富繁简定为三等上等减十之五中十之六下十之七有假公济私科扰小民者从重参论

○铸换应天府银印一颗云南布政司印一颗 甲子 万寿圣节以未及大祥上御皇极门百官吉服行五拜三叩头礼余仪俱辍

○乙丑升洮岷兵备副使吕鸣珂为本省右参政刑部云南司员外郎郎大伦为陕西佥事备兵巩昌

○丁卯吏部尚书杨博以病请假并辞印务不允

○升陕西右参议刘淳为副使备兵洮岷 赏朝鲜国进贺陪臣彩段衣服等物如例

○加辽东右屯卫备御徐国辅游击职衔管锦州守备事调锦州守备吕儒为右屯卫备御

○戊辰发太仓银一万五千两于保定四千一百二十两于辽东为前修筑敌台移建堡城支用

○己巳 宪宗纯皇帝忌辰遣新建伯赵祖征祭 茂陵

○夜月犯井宿第一星

○免经筵升陕西副使张梦鲤为山西右参政

○湖广抚臣请旌表烈女熊仙大仙大麻城县生员熊幼学女年十七字童生刘康康病女再割股寄之闻其病革即不饮食及嚥吞块触棺穴女党救还复屡缢不遂救者益密女知不得死辰起栲沐拜康灵谒家庙及诸尊长给姑与母曰不死则守但惫甚欲息静室入室即闭门撞击姑母破门则已倚立气绝

○庚午左春坊左庶子掌南京翰林院事余有丁以病请告兵部右侍郎吴百朋请假省母工部右侍郎熊汝达以父老乞休

○南京河南道御史陈王道奏赞圣化隆治安十事一曰养圣躬二曰勤圣学三曰隆继述四曰端好尚五曰固邦本六曰慎边防七曰时接见八曰纳谏诤九曰蠲逋负十曰恤淹狱报闻

○诏辽东建一门忠节坊表故军郎荣家杰广宁归附军也杰景宾宝用恩得志得君得臣三汉山松得功秀凡阵亡十四人三汉千户松参将杰妻臧宾妻赵山妻刁秀妻李景妻马恩妻李三汉妻杨宝妻鉄得臣妻陈得君妻王得志妻吴用妻唐松妻傅得功妻王俱守节阅臣汪道昆奏请建坊表扬其鉄氏等见存七口仍岁给米布瞻其孤嫠云

○南京刑部奏奉钦恤恩例减释徒杖笞罪犯共二百四十名口

○辛未 上遣中使赐吏部尚书杨博猪羊酒米瓜茄等物博奏谢

○壬申南京户部尚书曹邦辅致仕邦辅给繇入京中途患病<娼弊-金>求致仕因言臣家居饶得生全犹欲图报尺寸若古人临退上言时事及退居著书上进臣愧无学术但愚心昔曾经谪边方亲见达虏骄横四散抢攻堡砦隔远中间虚隙处甚多诸将绝无一人肯乘机出一奇计破贼者任其抢杀人民不胜其惨臣实痛愤至今扼腕近闻黄台吉渐有窥觐之志万一有事臣愧不即填沟壑虽老不能领兵愿如古有军师用臣坐帷幄中策军情犹如□也臣年七十之外光阴能几所欠一死以报国若不以身自许何以报答圣恩故不避时诮忍耻言之

○癸酉翰林院编修张位请令翰林诸臣日轮数人直史馆候有明旨及朝讲召对宫禁游习凡一言一行据见闻纪之其各衙门所奏行大事关白内阁者亦据缘繇纪其节略俱俟阁臣裁定藏之秘府以备参考下礼部议

○赐原任巡抚福建右副都御史殷从俭祭葬如例

○兵部奏阅视侍郎王遴举劾陕西镇文武各官得旨戴才郅光先雷龙廖逢节佟登等升赏有差杨鳌等分别罚治

○诏行两广军门及闽浙各巡抚协剿逋贼林道乾等不得推诿观望贻害地方

○甲戌升河南道御史雷稽古为南京大理寺右寺丞山东副使郭文和为甘肃行太仆寺卿兼陕西僉事

○总督屯田乡兵事务直隶河间府知府丁诚为陕西副使○复除广东道御史郭庭梧

○光禄寺少卿袁三接给假送母

○丁丑升尚宝司司丞郑履淳为光禄寺少卿

○兵部右侍郎吴百朋以省亲回籍

○吏部尚书杨博以病乞休辞甚恳切 上仍温旨慰留

○是月减释云贵重囚二十四名

明神宗显皇帝实录卷之十七

万历元年九月戊寅朔 上御皇极殿礼臣进大报等祀日册

○赏贵州宣慰使司进贺舍人表里钗锭及泰宁等三卫夷人彩段衣服等物如例

○庚辰工部右侍郎熊汝达致仕

○升工部屯田司主事耿定向为尚宝司司丞

○曾子裔孙曾继祖奏臣祖质粹自南北归蒙授翰林院五经博士父昊先故臣以目盲未能请袭生子承业俟其承继知县曾袞捏词妄奏部勘已明今复以嫡序为繇冒袭前职切念臣祖来千百余年户有多丁不思其祀独臣祖质粹忧念远祖破业忘身挈家奔北追思无倦得沾 圣恩博士之职起自质粹与他支无预乞敕验查以彰法典曾袞复以嫡序奏辩而吏科给事中李盛春左袒继祖谓曾袞之袭有大可议者五请行二省虚公审实以杜后争< 娼弊-金 >俱下礼部

○升分守延绥东路左副总兵孙国臣镇守陕西协守宁夏副总兵刘济镇守宁夏

○辛巳 孝恭章皇后忌辰遣遂安伯陈澍祭 景陵

○吏部尚书杨博再< 娼弊-金 >乞休不允

○复除浙江道监察御史房楠于湖广道

○壬午升太仆寺少卿宋仪望为大理寺右少卿

○升河南左参议郜大经为陕西洮岷兵备

○癸未广西右布政李淑以父老终养

○以湖广荆州承天二府水灾异常山东济南府旱荒各蠲折有差仍行令赈济

○以浑河水泛伤永清县麦禾蠲税粮之半屯亩照分数折色

○以原任台金严参将艾升分守宁绍○添设保定标下奇兵营坐营官一员

○甲申革广西副使金柱任听勘柱先任潮州兵巡僉事按臣杨一桂劾其贪纵也

○升南京都察院右都御史傅颐为南京户部尚书大理寺卿陈一松为工部右侍郎河南右参政杨俊民为太仆寺少卿

○户部覆总督王崇古等题修边支费言宣镇节次修墙及北路宁远等口包砌墩台并岔束台工共该粮二万三千六石银三万九百九十三两请用上年余剩银米及量用减哨银外另行动支减哨银因边境宁谧積有七万余两原系正项军需况抚赏有旧规修边有户七兵三明例除兵部题覆动支九千四百两以后宜令管粮郎中扣留在库不得另行收贮致难稽查亦不得别项支费从之

○乙酉以原任分守延绥东路左副总兵高天吉分守延绥东路分守宁夏灵州参将陈力协守宁夏

○丙戌升河南卫辉府知府王天爵为广西副使分巡桂林道兼管抚夷僉事凌琯为河南左参议河南僉事郭孝分守关内道王谣俱为陕西左参议

○免徵通州参将营马匹朋银该营军马月粮既薄料草又不全支且有捉捕盗贼之责阅臣汪道昆等言之乃比张家湾备御营例马匹倒死止徵桩银解太仆寺

○丁亥命总督陕西三边戴才以兵部尚书掌南京都察院事

○升太仆寺卿李幼滋为大理寺卿

○署刑科右给事中侯于赵上< 娼弊-金 >言古之论囚者必多方求以生之不忍轻寘于法今朝审举事阙庭大臣会集正古者狱成公卿参听之意岂可目为泛常不尤加慎臣见该部开报重囚尚三百九十七名口身陷刑辟者固多中间含冤茹痛汲汲引领于今日之审者不知凡几除恶逆强盗原招不必翻阅其余宜分散各司参互预审备造小册分送与审官员使晓然知其始末原繇推鞠之际不厌详悉所见异同更相□决毋或漫不加意随口落笔至厂卫番较急于成己之功忍于入人之罪一涉盗情不问真伪百方拷打备极惨酷招认出于逼迫赃物不无装坐一至法司万口莫辩伤主民之命干天地之和莫甚于此今后厂卫所获强盗必送法司细加研审如情真罪当方与纪功毋得诬执扶同概施戕毒之手共成罗织之狱刑部覆如于赵议从之

○戊子升湖广按察使王世贞为广西右布政

○赐吉王翊銮生母叶氏封为吉端王次妃

○四川长宁安抚司差番僧被只等三百人贡珊瑚等方物给赏錡钞如例

○升兵科都给事中张书为河南右参政兵科给事中赵思诚为河南僉事御史杨家相为山

东副使漆彬福建僉事丁惟宁河南僉事

御史杨家相为山东副使漆彬福建僉事丁惟宁河南僉事

○吏部尚书杨博三＜娼弊-金＞乞休 上以博疾久未愈准驰驿回籍调理

○密云遵化永平设武学铸给印信各一颗

○益阳王府辅国将军致捐奉国将军致□木勿口□有罪各罚住禄米三月

○兵部覆征剿府江功次兵备副使郑茂等分守参将杨世料等各升赏有差

○以宣大保定山东河南等处入卫兵马强弱虚实不齐赏罚各统兵参游都司等官

○己丑兵部覆福建海贼犯间峡澳等处失事之罪总兵俞大猷革任闲住参议徐时可罚俸三月协理等官俱住俸戴罪杀贼事宁之日仍提问具奏

○以招徕归正人口赏山西总兵官郭琥银二十两琥招凡五十四名口

○庚寅升兵部左侍郎石茂华为都察院右都御史仍兼兵部左侍郎总督陕西三边军务命阅视兵部右侍郎王遴回部协理

○升河南左布政吴道直为太仆寺卿江西左参政徐学谟为湖广按察使

○户部覆漕运都御史王宗浚议覆遮洋总言国初海运岁运七十万石以给辽海后会通河成海运遂废然尚留遮洋一总原有深意至嘉靖末年给事中胡应嘉建议裁革并入山东江北诸总前制尽罢应嘉以乡土之故忍变成法有识者未尝不扼腕而叹近因河道淤沮当事诸臣复起新议劳费更多海运二年道路稍谳今虽议罢宜查复遮洋一总即改海运把总为遮洋把总领兑河运北粮仍知会兵部海汛有警暂调海口为狼山声援从之

○户部覆御史陈王道固邦本酌逋负二事言节财当先其本源养民当责诸守令 皇上轸念小民赋税之难用度有经不至糜费屡下存恤之旨以苏穷民然所以宣布德意全在有司宜行申飭令其悉心体国惠养元元差役必省审编必公一切无名之徵不急之务足以耗民财者尽为之革至于逋负之蠲乃朝廷宽恤盛典然奸顽影射侵渔弊难枚举宜行各处遵照诏旨除金花银外一应应免年分数目不得横徵使小民可沾实惠若肆意贪残实效无闻抚按官参奏重处是之

○以锦衣卫僉书余荫提督巡捕管卫事

○修理午门正楼及左右阙门

○差官为故巡抚福建右副都御史殷从俭督理造坟

○辛卯改南京工部尚书张瀚为吏部尚书先是吏部尚书缺有旨推公正者二二人铨曹以葛守礼未衡及瀚名上是日辅臣张居正侍上于文华殿以部<娼弊-金>示之问三人孰可居正历言三人官履之详上曰葛固端人但年近衰于朱则有贬词又问用瀚何如居正顿首曰上得之矣瀚品格甚高文学政事兼长实堪此任且出其不意拔之疏远之中彼之图报必当万倍恒情矣上遂点用瀚

○礼部尚书兼翰林学士陆树声以病乞休不亢

○赐大理寺右少卿胡纘母封太恭人毛氏祭一坛

○广东惠州参将沉思学以水土不服改调别用

○以修筑延绥固原二镇边墙奖赏同知张孔修知县乔承诏并各营委官其兵备参游等官已经阅视之赏者不复及

○发太仆寺马价银七千二百一十二两于蓟镇买补入卫倒死马驴

○兵部覆甘肃巡抚廖逢节奏言西番各族原系安插属夷乃阴行恶逆出没不时前伤都司罪尚未赎继殒百户恶则复盈所获贼番扯阑奔即宜梟示其头目把都尔宛卜等始虽同恶今幸改图既能执献前番又复承捕后恶足以赎罪宜行督抚分别搞赏至于防守各官不能严加哨备以致失事宜行巡按御史逐一勘明分别具奏从之

○壬辰加易州兵备副使高文荐山东右参政职衔

○升湖广提学副使姚弘谟为江西左参政分守南昌道调陕西佥事刘之蒙于河南分巡河北道

○户科都给事中贾三近<娼弊-金>驳延绥巡抚张守中议革管粮郎中言守中所揭郎中乃张体乾也管理督饷百万刍粟于是取给辄乃闭合燕闲漫无防简任左右夤缘为奸肆行侵冒使穷边疲卒日夜望升合延残喘者累月不及支则将焉用督饷为哉革去部臣专任司道是矣第部臣岂尽如体乾司道岂必尽高出体乾上苟得其人虽部臣亦足以革弊苟非其人虽司道亦足以长奸守中之说因噎废食非通方之见若徒计较于体貌之昂缩谋议之异同其为自重自便之私又甚矣宜照旧用部臣督饷户部覆如三近议革体乾任听勘

○兵科左给事中蔡汝贤参通政使李际春言福建按臣刘良弼奏海贼入犯事情际春稽阁

六日方进御前泄泄若此万一虏骑长驱边烽告警其不失误军机者几希际春竟坐改调南京

○升江西右布政吴文华为河南左布政

○升蓟镇统领南兵总兵胡守仁为都督佥事镇守福建

○礼部覆陕西巡按陈文焕奏韩府襄陵王府镇国中尉融烝等乐平王府奉国将军旭糖等褒城王府奉国将军旭□□土等西德王府奉国将军谟垌等同赴省城讨要远年禄粮照全狭分封四府惟韩府最蕃禄为难处自隆庆间至今有司以额派不足多方那借已欠至一十七万六千五百余值此匱竭之际新禄且不能如期旧禄将何以补给各宗骄恣如往年凌辱官司诚为殷鉴诏为首者降为庶人余俱夺禄半年

○癸巳兵部左侍郎石茂华<娼儻-金>辞兼衔不允

○命协理京营戎政兵部左侍郎赵孔昭回部管事

○以辽东倒损马匹数多罚守备王大章等二百二十七员各俸一月

○甲午霜降节遣定国公徐文璧等祭九陵及各园寝

○调山东佥事张廷弼为陕西佥事驻劄宁夏

○命工部尚书朱衡会审秉笔

○乙未升兵科左给事中蔡汝贤为本科都给事中户科右给事中李日强为礼科左给事中兵科给事中李颐陈吾德刑科给事中李学一俱为右给事中颐吏科吾德本科学一工科

○升江西按察使柴涑为本省右布政礼部精膳司郎中金学会为湖广提学副使○赐益府金溪王翊铄配黄氏封为妃

○禁各宗室不得越境选择仪宾及诸抑勒需索之弊时礼科给事中李乐以为言

○差南京御史蒋科巡视南京营务孙成名巡视凤阳等处仓粮

○丙申命总督宣大山西军务太子太保兵部尚书兼都察院右副都御史王崇古以原职协理京营戎政

○升南京吏部右侍郎林灏为南京工部尚书

○丁酉兵科左给事中蔡汝贤奏王崇古始议通贡二三年间朝廷免西顾之忧其功诚伟皇上任之亦可谓专矣第虏情尚难测边防尚未固正望崇古始终经略成臣子之大忠乃忽焉推举京营夫循资止可驭长才非所以待豪杰迁陟止可酬年勋非所以振事功今一月之内戴才升任矣不浹司崇古又推再继此刘应节亦推边疆重臣一朝尽易岂庙堂久任责成之初意且崇古久与俺答处信义相孚威望素服无故骤易能保老酋不疑或新任者稍不满意致生衅端岂可无虑如悯独劳嘉乃丕绩则旌以玺书金帛可优以崇阶世荫可何必假京营以酬报邪御史周咏等亦言朝廷待崇古不薄玉带崇阶锦衣世袭在崇古不知当何如图报昔李牧备边十余年班超在西域且三十年何尝以劳久而逸之今为崇古谋则得矣如边疆大计何上曰朕体念边臣不欲竭尽其力王崇古且着回京管理营务便推堪任的替他

○兵部左侍郎王遴以病乞休

○升福建左参政阴武卿为江西按察使

○户科给事中颜容舒奏国家货用之需近则内府远则边储不得已取办商人视其所入而偿之值以为有负于商则当量与处分以为无厌之求则当明示杜绝夫极边重地既籍其资本不与处补又令其揭借以办新粮商人岂不重困或者向之所输粮豆未尽乾洁草束未尽鲜黄上纳未尽足数当事者明知值浮于货特以原有定估故稽停之以抵今日尔若珍珠之与粮豆草束贵贱低昂十百千万用之愈急则其价愈腾取之既多则其利益倍异时内府缺用铺户徐宁金昇等与内监商人凭依城社朋比为奸自知所得无筭故虽有余价未偿隐不敢请皇上鉴往事之误方且敦朴为天下先不迫论垄断遗奸幸矣可复容其陈乞之私宜行严禁以后边商京铺人等有未给价值祇于本处原行衙门陈告不得仍前成风尘渎天听户部覆如容舒指从之

○户部奏巡抚赃罚银两系题奉钦依解部济边之数不得别项支用秋防犒赏俱是从宜措处原无奏留赃罚例且此端一开各镇必皆援请宜令照旧解部济边以后秋防仍照年来事规尽行措处

○以虏酋歹青卜言兀专难及切尽黄台吉等各有窥犯之谋行薊辽三边各督抚总兵等官加谨堤备相机战守共保万全

○刑部会官审录重囚于承天门外

○戊戌勒南京礼部右侍郎董传策兵部职方司郎中张明化各回籍听勘明化族兄张云有讼事于巡抚张佳胤以百五十金托明化求伸明化进其三之二于传策传策受之已而惭于吏皂遂怒其使并原帖行兵马收问明化以兵马属已管辖复强取为开脱计传策催之急明化乃扬言传策父已先受云贿写书其子我不过代为传递若必欲发觉我亦具本奏讦大家休官去耳传策竟为所持容隐南京科道因交章论劾云

○调江西佥事马时奏于山东备兵昌平

○以酋首隐布台吉等监市勤劳给赏彩段衣服仍赐各夷敕谕一道以示嘉奖

○以贵州宣慰使司庆贺违限减半给赏布政使司官夫于简正各夺俸一月

○兵部覆蓟镇督抚官刘应节等奏言各卫所官军先则轮班京操后议更番出戍非特拱护京边抑以练习战阵安内攘外相须并用法至善矣然必部伍正统属明事权定使将与士相习方可责有成功向以班军脆弱在边率均搭分布以致部伍零散领班官又虑在卫外有所骚扰止令于边镇取齐其来其去与各军漫不相涉是以纪律不明行阵无法罔裨实用宜如应节等议每将统班军三千名分布曹家大水石门松棚太平五路各地方每路二班更番对代各将官衙门军伴应付等项行各道随宜处给俸与地方官一体行事每遇上班抚道衙门稽查催督令其整队鼓行一如出征事理依限赴边听候分布防守下班之日各将亲行统领振旅而归地方无事听各将官双月一操抚道衙门亦乘暇一阅间遇盗贼窃发听本处抚院调度征剿各该将官悉从本处巡抚节制兵备兼督所属守备卫所又听各将官管辖凡选用头目更补官军俱呈详督抚随宜委用上是之

○改密云等武学教授为提调各增设科正二员俱选三科武举充之从督臣刘应节议也

○兵部覆南京兵部尚书刘体乾奏言留都根本之地且陵寝所在关系尤重原额军不下九万余名马五千一百余匹仅足防御今军止二万二千名马止二千九百余匹比之原额消耗已多矧值闽浙警报壤地相接守备单弱实所当虞宜如体乾等议选各卫余丁随伍操练照给全粮动支库贮草场银两买马六百匹应用从之 己亥起原任巡抚大同兵部右侍郎兼都察院右佥都御史方逢时以原官总督宣大山西等处军务兼理粮饷

○庚子革原任鄱阳湖守备升湖广都司佥书冯锐任四卫

○辛丑升福建提学副使宋豫卿为本省右参政

○添设辽东广宁右营游击一员以坐营中军杨五典充之

○刑部奏会审过情真重犯三百五十三名口诏报照例处决

○查刷光禄寺浙江道御史张简患病回籍差湖广道御史房楠接管

○壬寅升南京太常寺卿王好问为通政使司通政使改南京兵部右侍郎李棠为南京吏部右侍郎

○给原任太仆寺卿罗良及锦衣卫管事都督同知孙钰各祭葬如例

○降前冒封怀仁襄垣二王子女爵号

○刑部奏会审有词犯人一十九名俱再问○刑部奏会审犯人有可矜疑者二十三名口俱饶死发边卫充军妇人及笃疾者俱释放

○癸卯升陕西右参议胡定为福建提学副使

○兵部奏赏义院口等功先是六七月间客兵方撤未集虏乘间侵犯义院口窟窿台大毛山小河口诸处在边官兵奋勇拒堵竟使一骑不得近边请赏督抚总参等功诏赏刘应节杨兆威继光各银三十两纁丝二表里张拱立加副总兵衔余升赏有差

○差南京御史何玉德巡视屯田

○差御史赵燿巡禁陕西洮河西宁茶马

○刑科覆奏应决重囚

上以建元之始暂免行刑山东巡按俞一贯亦以为言从之○工部奏修理茂陵陵恩殿及门并左右香庋请行礼部择日兴工

○行江南遵照诏书例蠲拖欠芦课银两从陈王道条陈也

○甲辰礼部覆礼科右给事中陈渠等〈娼弊-金〉言令甲四品以上大臣歿给祭葬所以酬往勩示后劝也成例虽颁私情弗禁臣子乞恩者概引事例过徼宠荣私自请陈渐滋渎滥宜斟酌彙等所议凡大臣病故应得恤典见任两京者繇各衙门公差者繇各差抚按官各查勘具奏具在家致仕养病给假等项病故者各地方有司申报抚按覆实类奏若大臣见任不拘见任致仕其父母妻曾受封遇有病故者其应得恤典特许自行陈请其致仕在家等项倘有子孙微弱官司留难一年外抚按官不为代奏者亦许自行陈乞本部仍行据抚按查勘一体议覆至于谥法比之祭葬尤宜慎重若不系公举其子孙自行陈乞者一概立案不行但易名彰善得者既以为荣则不得者即以示抑国家成宪遵行已久所陈美恶并谥臣等不敢轻议从之

○免追徵山东罢戍民兵支过草料工食 □工部奏修献陵陵恩殿及宝城明楼请行礼部祭告兴工

○河道侍郎万恭奏今年七月黄河水涨沔池县张成口至深五丈徐州黄水骤发阅月方始归漕皆故老所竟言未见者因自称调度机宜合房村口堤一百余丈正河千里安流通茶城口淤一十余里回空千艘速出仍开国初以来治河之法及今所探各处浅深以闻〈娼弊-金〉下工部

○乙巳上御皇极殿太常寺官奏请孟冬时享太庙

○升山西提学僉事刘奋庸为陕西右参议驻劄商州

○准封吉王翊銮生母夫人叶氏为吉端王继妃○差官为原任太仆寺卿罗良督理造葬

○丙午升南京大理寺卿杜拯为南京兵部右侍郎

○升浙江右参议徐云程为本省副使

○南京刑部奏会审情真重犯二名有词犯人二十九名情罪可释疑者二名＜娼弊-金＞下刑部

○丁未吏科给事中汤聘尹条陈举劾章奏三事一曰秉公鉴二曰崇简切三曰戒虚名聘尹欲行抚按衙门凡举刺人材惟以至公悬鉴勿以私意徇人荐语精确简明不过四五六句毋拘对偶毋侈繁辞刺劾之人止举一二大端足以正法定罪至于查完勘合朱语即以实闻不得假词自饰他如此类一切削去虚名务崇本实毋得妄引故事为角□羊该部具覆从之

○升礼部祠祭司署员外郎事主事曹大野为山西提学僉事

○吏部覆河南抚按奏矿徒盐徒各聚党百余互相争夺初以截盐为名遂肆行劫掠往来郑密境界拒捕伤人州县掌印官各有地方之责何得推诿不知兵备副使田汝颖既任兵戎之寄殊无先事之防请分别究治并申饬巡抚吴道直严督该道各官兵速行追摄务获渠魁仍设法解散相机禁戢勿使贻害地方及督率各兵备官申明保甲团练民兵着实修举毋得虚文汝颖等各罚降仍令戴罪捕贼

○升云南迤东处守备署指挥僉事王世昌铨注湖广都司军政僉事

○工部奏今岁河道通利粮饷早达乃闻茶城于八月内淤浅致回空粮船阻滞不得南还者数千只回空之船既迟则新运之期必愆今须昼夜＜娼弊-金＞利方保不误兑事且茶城之淤岁甚一岁宜照旧说于境山上下高建一闸沙灌则闭而避水积则放而冲至于徐邳一带堤岸逼近河身土＜娼弊-金＞浪高今秋房村之役方合复决可为明鉴宜照原议再筑遥堤凡一应河防事宜务兼听集思远虑求建长治之策勿苟目前之安报曰运船淤阻至数千只明年粮运必致有误便行与万恭上紧设法挑浚毋慕虚声务收实效

○工科署科给事中朱南雍参河道侍郎万恭言防河甚于防边为河臣者事必预报庙堂方可据以处分功必实图国计方可藉以利济臣备访河务咸谓茶城淤塞二十余里万恭起夫数万挑浚罔效回空粮船数千阻泊于上河者不下五十余里幸黄水旁冲小沟恭督军民拖拽空船从小沟出日不能七八只正河仍未开通今据恭奏谓河通于九月十二日距恭具＜

媿擿金 >时才五日耳纵神运鬼输焉能于五日间尽回数十里粮船始之失事既属隐蔽今之奏词又属朦胧弥缝一时之失职侥幸后日之成功且不图目前之艰而谈古法之沿革不虞上流之塞而计下流之浅深恭盖曰河道通塞自古已然下流俱深一浅何害又何莫非掩过幸功之心夫今岁回南之空船即明年北上之重船使茶城一日不开则空船一日不下明年之运将有欲早而不可得者乞敕令万恭戴罪管事悉心河务以赎前愆工部覆亦罪恭下严旨切责之

○太师兼太子太保成国公朱希忠卒 上闻悯之特赐丧资以示优恤

明神宗显皇帝实录卷之十八

万历元年十月戊申朔 上御皇极殿颁大统历日 上享太庙

○起升原任南京太仆寺卿殷迈为南京太常寺卿

○复除原任广西右参议曹栋为浙江右参议

○原任巡抚山西改协理京营戎政兵部左侍郎兼都察院右佥都御史赵孔昭致仕

○兵科给事中刘铉劾原任总督王崇古甘心媚虏欺诳朝廷躐取爵赏及将败露复仗钱神偃然内补崇古断不可用 上问王崇古五千金贿嘱何人铉无所指 上责铉轻听风闻污人名节令崇古遵新命供职

○己酉 孝洁肃皇后忌辰遣定远侯邓世栋祭 永陵

○免经筵

○镇守湖广总兵官平蛮将军隆平侯张恂缴敕失仪罚住禄米一月○庚戌兵部覆延绥巡抚张守中奏练兵必先择将今欲使将不乏人一在议简战将一在预养将材各边将官游参以上其责愈难则更易愈数当设法专任如在延镇即宜简练延镇所产将预先咨送兵部遇有员缺即以推补限以三载苟无大过加升职衔照旧管事六年九年至十二年皆然其无能不职者照例处分操守以下其数愈多则迁转愈难当设法< 娼弊-金 >通本镇三十一营堡各操守官多有才干技艺可取者出身不易甘为下流无志向上宜将各堡操守官裁革改设守备不拘本镇外镇遇缺即行迁转报可

○辛亥升应天府府尹陶承学为南京大理寺卿

○改纳密镇本色米草为料豆先是各仓匱乏民运尽改本色后漕粮既增积贮有余本色草束徵收不便输运又难阅臣汪道昆曾欲改纳黑豆至是户部从督抚议通州及三河宝坻密云平谷四县民运除额派内府光禄寺外尽改徵黑豆照所定龙庆石匣熊儿谷镇虏营各仓上纳计银一万七千一百二十两有奇该纳豆四万二千八百石有奇每豆一石定银四钱丰收平价照纳本色如年岁不登徵银解密云分司候给客兵愿支折色者

○赏四川长宁安抚司进贡夷人段绢银钞如例

○革山西都司掌印达九思任回卫

○以辽东静远等堡斩虏功次升授官军王玳等四员

○壬子令翰林院五经博士曾袞回籍候勘

○兵部覆总督刘应节捷奏言虏酋兀鲁思罕等自入秋以来糾众分屯窥伺已非一日诱致亦且多方乃令三四千骑突奔寺儿山台拆墙而入实图大逞总兵官李成梁等奋勇拒堵使狡猾之虏旋为逐北荒旱之域得以奠安斩获虽止七级保障实出万全督战冲锋功当纪录

○癸丑巡抚河南都察院右副都御史朱纲致仕

○升光禄寺卿路王道为应天府府尹

○铸给密云遵化永平各武学印信

○甲寅升赏辽东大兴清河二堡获功被伤官军一十七员名如例

○设厂于瓜仪改造江北南京各总浅船

○乙卯 上御文华殿辅臣张居正进讲帝鉴图宋仁宗不喜珠飾事 上曰国之所宝在于贤臣珠玉之类宝之何益居正因言明君贵五谷而贱金玉五谷养人故圣王贵之金玉虽贵饥不可食寒不可衣铢两之间为价不赀徒费民财不适于用故书言不作无益害有益不贵异物贱用物良以此耳 上曰然宫中妇女只好妆飾朕于岁时赐赏每每节省宫人皆以为言朕云今库中所积几何居正顿首曰 皇上之言及此 社稷生灵之福也 上又语及讲官所讲秦始皇销兵事言木棍岂不能伤人何以销兵为居正因言为治唯在布德修政以固结民心天下之患每有出于所防之外者秦没来只因几个戍卒倡乱斩木为兵揭竿为旗于是豪杰并起遂以亡秦所以说天时不如地利地利不如人和唯 圣明留意上曰然

○汝阳王府革爵庶人勤嚙有罪勒令自尽

○丙辰荫前工部尚书宋礼嫡长孙宋绍先入国子监读书录开河元勋也

○升南京太常寺少卿汪宗伊为光禄寺卿

○命英国公张溶补充 两朝实录监修官

○升赏辽东抚顺散羊诸堡获功阵亡官军二百二十员名如例

○差福建道监察御史孙成名查点坝上等仓

○丁丑升太仆寺卿吴道直为都察院右副都御史巡抚河南地方

○锦衣卫掌卫事右都督朱希孝引英国公张懋例乞追赠其兄朱希忠王爵＜媼-金＞下吏部言张懋追封非可为例希忠虽历事三朝不过效臣子职分之常未尝勒奇伟于边疆投难钜于戎马生前被宠已足酬劳歿后论功輒难优异追封王爵实非所应上报曰朱希忠事我皇祖扈蹕有功且效劳年久特准追赠王爵后不为例

○升赏辽东东州堡及五味子冲口获功阵亡官军一百九十员名如例

○刑部江西司郎中吴善奏奉敕会审过广东重轻囚犯共一万三千七百八十九名口

○戊午礼部尚书兼翰林院学士陆树声再＜媼-金＞乞休仍不允

○升江西左参政姚弘谟为南京太常寺少卿

○追封定河王表楠夫人杜氏为定河王妃

○升赏陕西碾伯等处获功阵亡官军三百一十三员名如例

○己未移驻陕西苑马寺少卿兼佥事马文健于靖虏卫为整饬靖虏兵粮道

○□朵颜等三卫补贺夷人段绢衣服等物

○庚申升广西右布政使王世贞为太仆寺卿河南副使严大纪为江西左参政分守南昌

○太仆寺少卿杨俊民以送亲回籍

○升巡抚顺天都察院右佥都御史杨兆为右副都御史照旧巡抚兆考三年满吏部照例拟升上允之仍著令考满官例该升级者止具应升缘繇俟朝廷裁予毋得輒自定拟职任复设陕西省城参将省城旧有参将一员统标兵三千名时常操练弹压矿回其兵取诸各卫唯岁费行粮三千而已前抚臣以节省议裁郅光先言军归各卫坐食月粮比地方有事则茫无措手惜小费而忘大计非策之得兵部亦以为然

○辛酉兵部左侍郎王遴以病回籍

○赠故后军都督府同知孙钰为右都督

○壬戌升广西按

察使高察为本省布政河南左参议田汝颖为本省副使

○癸亥以京营班军完缺行该营该抚按奖赏降罚各割付本官及都司卫所掌印官如例

○甲子升原任顺天府府丞何起鸣为太仆寺少卿广东右参政魏文煥为广西按察使改补原任四川右参议胡汝嘉为河南右参议

○鸿胪寺卿屠羲英以水土不调改补南京衙门

○乙丑 诚孝昭皇后忌辰遣安乡伯张鉉祭 献陵

○罢补增设兵部侍郎

○丙寅 至遣英国公张溶代祀 天于圜丘

○行陕西三边严核历年侵盗主客兵饷及奏报不明者

○丁卯升云南副使刘志伊为广西右参政分守岭西○戊辰增各衙门历事监生一百九名以恩贡在监壅滞从祭酒林士章请也

○谕工部查具 昭陵营建费用钱粮之数

○行各省直查解连年拖欠裁省钱粮先是钱粮不敷议裁省解京历日纸南京江淮济川二卫水夫工食各处商税鱼课缺官柴马俸给吏承纳班扣减防夫民快机兵弓兵等役工食后湖余银河南兑军余银江西改折月粮余银大约几三十万每岁徵解接济边费数年来拖欠数多至有尽数不解者户部请行各巡按御史查催起解

○陕西榆林卫署指挥同知张四教坐侵百金以上永戍边卫

○兵部覆四川逆贼犯行都司请核录兵备副使杨芷等功次并梟首恶阿恕等及防处臙乃安文诸贼首

○己巳升山东东昌府知府罗汝芳为云南副使

○户部奏密云昌平二镇漕运未尽事宜凡七款一议转输一议寄囤一议粮船一议河道一议边运一议领运凡新旧漕粮密云一十五万四千八百一十石八斗昌平一十八万九千二百七十二石五斗专备各镇主客本色支用

○赐故太师兼太子太师成国公朱希忠祭一十六坛开圻合葬仍准予谥希忠成国公朱奉子嘉靖十五年袭爵十八年加太子太傅掌左军都督府事历掌神机提督团营及右军都督府印加太子太傅进荣禄光禄大夫加兼太子太师掌后军都督府印持加太师万历元年九

月三十日卒受遇三朝素称恭慎奉公四纪多效勤劳生荣帝师没享王爵近来世臣罕与俪焉

○代王廷琦薨代妃请以庶长子太平王鼐铉管理府事俟服满袭封许之

○庚午升南京刑部河南司郎中蒋梦龙为湖广佥事

○发太仆寺马价银一万四千两于延绥备来春互市之费

○都察院奏应天巡抚所上王应桂等爰书奉诏张佳胤原奏安庆军变繇王应桂克减军粮所致今却隐原奏重情止以别项赃私朦胧轻重好生纵容卖法着再从公据实问拟具奏

○辛未住广东海防道按察使陈奎俸令戴罪管事潮州府同知陈学麟与奎同族以贪横阻挠为提督殷正茂所劾吏部拟革学麟职勘问请并飭奎上因罪奎私庇同乡贪吏养寇殃民而责正茂不行参论乃处奎候擒获诸良宝事宁之日具奏定夺

○顺义王俺答差都督同知黄台吉等表献鞍马并乞升录效忠夷人上谓今岁虏酋贡市益坚恭顺命加给赏

○宴泰宁等卫补贺夷人及四川长宁安抚司头目如例

○工部奏昭陵营建凡用节慎库银三十九万九百三十二两其神木等三厂木值大通桥厂白城砖六石窝等厂旧石及户兵二部雇抵班军工食行粮不与焉

○壬申复临德二仓积贮旧额从江西抚臣徐枋议也

○行比各运官历年挂欠粮银岁完十分之二者为称职不及者罚有差

○以市贡告完给赏虏酋俺答及诸夷人表里衣服绢布并马价银两仍加赏切尽黄台吉等以其主张贡市也

○兵部覆总督王崇古奏请升授虏酋俺答子女婿青山傥不浪等官并于格外抚赏诸穷夷从之

○癸酉南京上部尚书张瀚辞免新命不允

○升赏旧辽阳及东州等堡义州大静各地方斩获功次官军共一百八十六员名

○乙亥升赏辽东出边扬兵斩获功次官军一十五员名○丙子吏科给事中萧崇业劾巡抚

张佳胤巧文卖法左都御史葛守礼党庇徇私请削佳胤籍以儆官邪置守礼于闲曹坐镇雅俗章下吏部

○复除原任监察御史邵陛为河南道□刑部覆河南山西按臣请停决重囚因乞推广圣恩并各省直囚犯一体停刑从之

明神宗显皇帝实录卷之十九

万历元年十一月丁丑朔

○戊寅总督王崇古辩给事中刘铉劾＜娼弊-金＞因言俺答封贡皆先皇独断之明辅弼折冲之略臣不过奉扬休命勉事规画又言贡市羈虏乘暇修补诚中国御夷长策八事经略各有成绪今恶臣者多日冀望边衅之起幸言之中甘心于臣恐后日任事者用臣为戒不虑国家之患将使先皇柔远之余恩庙堂制虏之弘略因此阻坏上慰答令遵旨供职

○巡抚福建右佥都御史刘尧海奏闽省自有倭患岁增兵饷四五十万后渐减至一十八万有奇原额雇募客兵三十四营六百余名后止留一十五营主客各半至前任抚臣殷从俭又放去客兵三营半因减饷二万八千有奇岁额止一十五万六百今海贼未殄前放去客兵既须募补则亦当议足原饷请留今年税契银一万并暂借明年济边盐折银二万二千二百俟徵丁米银补解户部覆如尧海议仍请查该省存留余粮徵抵兵饷俱报可

○己卯都察院左都御史葛守礼上＜娼弊-金＞乞罢不允

○庚辰大学士张居正等题天下之事不难于立法而难于法之必行不难于听言而难于言之必效近年以来章奏繁多各衙门题覆殆无虚日然敷奏虽勤而实效盖鲜上之督之者虽谆谆而下之听之者恒藐藐请申明祖宗成宪凡六部都察院遇各章奏或题奉明旨或覆奉钦依转行各衙门俱先酌量道里远近事情缓急立定程限置立文簿存照仍另造文册二本一送该科注销一送内阁查考其各抚按官奉行事理有稽迟延阁者该部举之各部院注销文册有容隐欺蔽者科臣举之六科缴本具奏有容隐欺蔽者臣等举之如此月有考岁有稽不惟使声必中实事可责成即建言立法者亦虑其终之罔效不敢不慎其始矣致治之要无踰于此诏依行仍诏不系钱粮紧要及年远难完者明白奏请开销毋费文移烦扰

○调山西副使洪忻于山东

○辛巳辅臣张居正侍上于文华殿语及宫人张秋菊逸大事上言此人系先帝潜邸旧人素放肆

圣母止欲答之五十朕曰此人罪大不可宥杖之三十发安乐堂煎药矣居正对曰

圣母慈仁不忍伤物皇上君主天下若舍有罪而不惩何以统驭万民

上曰然法固有可宽者亦有不当宽者居正对曰诚如

圣谕昔诸葛亮言宫中府中俱为一体陟罚臧否不宜异同正此之谓

○科臣刘不息等论朱希忠不宜追封王爵言追封以军功为主张懋在武庙时讨逆贼获曹钦虽系军功议者犹以为终非奇异之比先成国公朱辅坚执以为不可王希忠在国果忠臣在家必孝子其忍违辅之志冒王爵之封御史杨相等亦以为言上皆不从

○南京江西道监察御史何玉德奏入覲事宜一曰计罢闲之官以杜起用一曰精卓异之选以昭激劝一曰严复任之限以戒瘵旷<娼弊-金>下吏部

○命太仆寺发马一千匹并马价一万八百有奇于蓟辽军门

○壬午升工科左给事中朱南雍为礼科都给事中刑科右给事中侯于赵为兵科左给事中吏科给事中裴应章汤聘尹为户工二科右给事中

○河道侍郎万恭奏江南运道延袤八百余里每岁夏初开运河水充溢运道无虞今改于年前十二月开帮正属各河浅滞诸坝断流京口封闭之候挑浚工费动以数万计仰给于遵河银是以杯水救车火且病农派夫于丁田则病民借办于铺行则病商取给于协济则病邻俱属偏佑非久计也查江南漕粮几二百万石每石旧带徵雇船脚米七升近瓜洲建闸运船径抵水次交兑此未遂蠲宜仍每石徵一升岁折银一万两查各府河务轻重分发收贮名曰运河银凡运漕渠挑浅筑堤建闸修坝雇募夫役买办什物一应工费悉此项内动支应用分毫再不干扰农商贻累邻境以瓜闸所省江南之费为江南运道通融之用似为长便下工部覆行之

○癸未调补被劾福建副使熊倬于山东

○给虏酋顺义王俺答佛像番经赏前传经番僧二人禅衣坐具纁丝番僧衣并靴袜授在虏番僧九人官仍给禅衣坐具僧帽及给其番官四人彩段二表里木绵布四疋礼部覆王崇古请也○甲申顺天府府尹施笃臣题议处厢户言厢户之设始自永乐初钦取江南富民三千户填实京师分派宛大两县寄籍至弘治间正存二百余户以□摄烦扰奏先金解每户岁徵银五两尽给存户为津贴安家□费后因春秋陵祭乡会武闱及各衙门取用物件等项两县里甲供应不前暂令各厢户备办遂沿习为常各户岁给领前银轮流供办嘉靖间户部见所解前银数多发贮太仓备边银去差存逃亡过半议者乃请每县各给银三百两供应繁难不敷措办日逐赔补渐益凋零今两县仅存厢民五户每岁置办家火冗费丛杂难以悉举大厢户非土著之民供办非额设之役所有之资既已收其八九所供之役又未蠲其一二贫者流移奸者□避见存五户惟余残喘岂祖宗填实京师之原意乞将解到安家银每县岁添给二百五十两仍清查影射与五户一体当差户部议每县止添给二百两

○遣侍郎汪鏜祭三皇于景惠殿

○工部办事进士邹德涵奏王守仁宜祀孔庙又言众心同悦者莫甚乡原春秋最诋訾者莫甚孔子求无一诋訾之人然后议祀则当首乡原次孔子矣<娼弊-金>下礼部

○乙酉礼部尚书兼翰林院学士陆树声奏乞休致不允

○丙戌以山东河南二省钱粮未完州县掌印官三十二员降级俸有差移河南杨庄店巡简

司于固城仓为固城巡简司

○戊子大学士吕调阳辞太子太保之命不允

○录界岭桃林二口斩获功次升授官军一十三员名

○庚寅赏朵颜等三卫补贺夷人段绢衣服靴袜等物

○兵部奏太仆寺见在堪兑寄养马共一万八千二十九匹其明年应徵马匹真定大名济南开封卫辉彰德六府派取本色四折色六分其余各府州县尽派折色南直隶例本折兼派今量派本色二折色八分照例不分南北每匹俱徵银二十四两

○辛卯 上御皇极殿

○太常寺官奏冬至大祀是日夜望月食初亏丑四刻至寅初三刻食既

○大学士张居正历从一品俸六年考满吏部请加恩典
上令支正一品俸进中极殿大学士荫一子中书舍人

○发太仓银三万八千二百九两于山西镇补主兵岁用不敷及河曲营新旧军马加添月粮之数从总督王崇古请也后遂为年例

○授北虏都督同知黄台吉等散官仍给敕书一道

○壬辰 今至大祀 上御皇极殿传制誓戒百官

○以辅臣张居正六年考绩赐银五十两纁丝四表里钞五千贯茶饭五卓羊三只酒三十瓶又持谕先生启沃朕心平治天下功在社稷兹当六年考满特于例外加赐银一百两蟒衣斗牛各一袭少示优眷不必辞居正＜媵-金＞谢 上复报闻

○复除工科左给事中魏体明

○甲午大学士张居正＜媵-金＞辞恩命不允

○升户部云南司署郎中事员外郎陈学会为鸿胪寺左少卿署掌寺事

○户部覆延绥巡抚张守忠请增年例银两言该镇官军多不满六万而马骡止二万上下额银七十万三千九百七十余两查节年所用少者六十二万多亦不过六十六万每岁尚余银数万两今岁称用七十二万余尚少七万三千且以岁用欲增银七万余两以岁入乃亏减银

八千余两粮三万三千八百余石草二万四千余束国储所系事体重大必行彼处稽查明确方可议处上是之

○孝惠皇后忌辰遣泰宁侯陈良弼祭茂陵

○乙未冬至命英国公张溶代祀天于圜丘免行庆成礼

○遣武安侯郑昆等祭九陵及各园寝至候为丑正二刻

○是日慈圣皇太后圣旦上御皇极门百官致词称贺

○丙申上御皇极殿百官公服行庆贺冬至礼以未及大祥免宣表先期并免习仪

○丁酉兵科右给事中陈吾德因火作慈宁宫后请停追封朱希忠王爵不从

○差官督建涿州胡良河桥及北关外浮桥各一座圣母捐貲也

○戊戌朝鲜国差陪臣赍表文礼物谢恩并贺长至令节宴待如例

○己亥赏朝鲜国陪臣彩段衣服等物慈宁宫后舍毁礼部等衙门各诣会极门奉慰

○庚子巡视库藏工科给事中梁式等请行各省立限追解内府拖欠钱粮并回报该部及巡视衙门以凭查考奉辅臣居正所请也

○四川万里筹寨魏文荣进贡马匹给赏如例

○辛丑给朝鲜国大统历日一百本

○壬寅命左春坊左中允兼翰林院编修范应期充纂修实录官

○封襄王载尧生母刘氏为襄庄王继妃

○勒大同参游坐守等官薛邦奇等回卫闲住及行提问以按臣孙谿论劾也

○光禄寺少卿王缉等奏本寺供应器皿工部岁造八千四百件南京工部三千六百件共一万二千件倘有不敷题请添造前此一岁用至一万一千五百七十余件皇上躬先俭约亲裁冗滥自正月至十一月用不满五千件比之往年减省大半经管内使仰承德意发出甚多俱堪再用今库贮器皿共一万五千四百余件收存完好尽数供应且库房充满无复贮处乞将明年分器皿量造二千件送用其余一万件俱暂停止工部覆如缉议报可○甲辰礼部尚书

陆树声四<娼弊-金>乞休上犹不允

○乙巳琉球国中山王世子尚永差陪臣賫表笺朝贡请袭封王爵下礼部行福建镇巡等官查勘具奏

○兵部覆巡按直隶御史孙鋐条陈六事一察虏情言宣谕俺答令其铃束黄把二酋一同效顺益著忠诚如二酋顺逆不常必因事诘问无致堕彼术中一急工程言宣大工程行令分别冲缓先期速完仍以坚固为主至修筑大同归并之堡亦必及时兴举其规制必如尹耕乡约所议一练战兵言令各该将领将所部兵严加挑选勤行训练务要节制分明真如身使臂臂使指期为堂堂之阵以收万全之功一明边界言行沿边将吏将边墙倾圯可通往来之处作速修补完全时加禁约不得与虏私相往来若有夷使谋事必验有酋长真正番文方许放人送督抚等衙门一重冲衢言宣府东路为南山屏蔽土木榆林二驿属在岔西最号冲衢乞将土木改设守备其原设操守移驻榆林事在彼中宜行督抚从长酌处一除积害言行边臣清查各堡军士其有包项雇觅无籍老弱之徒尽行汰革遗下名粮一面开单清勾一面选士著精壮者充补一切积猾客商放债包军把持为患者严加禁治俱依议行

○兵部覆巡捕提督署都督佥事尹凤条陈十事一补给额马以便追捕一严选尖哨以备剿捕一革退老弱以图实用一议处下夜以备不虞一严禁逃军以祛宿弊一裁革冗员以便责成一立公补册以杜夤缘一重赏賚以励人心一修理公署以便行事一修理教场以便操练十事中惟议以各地方把总兼管尖哨领哨把总仍不裁革其余皆如凤议上依行之

○是月减释山东重囚二十七名

明神宗显皇帝实录卷之二十

万历元年十二月丁未朔授行取官给事中四员郝维乔吏科张孙绳户科李邦佐礼科胡汝钦工科杨节南京刑科试监察御史十员赵池浙江道刘光国湖广道许三省山西道萧泮广西道黄家栋贵州道胡秉性郑准俱南京山东道刘维年南京四川道张道充南京广东道池繇行人三省国子博士维年国子学录余各推官知县

○复除山东道监察御史郭庄

○赏四川马湖府蛮夷长官司进贡土舍彩段表里钞锭如例

○戊申申谕内外臣寮毋得陈情引疾辞避从给事中秦耀奏也

○升湖广鄖阳府知府杨愈茂为辽东行太仆寺少卿兼山东按察司佥事驻劄西平堡管理马政兼整饬兵备屯田

○己酉户部尚书王国光奏今公私困乏山泽关市之利已竭开纳之例未停各项搜括靡有了遗乃于额外之徵置之不问夫取之本无千方不足求诸原设一查有余盖天下存留夏税秋粮共一千一百九十一万七千四百五十六石有奇其初议留俱从宽绰除岁用外计可剩银百万有余使有司岁岁如数徵足其有余皆必积贮则水旱不能灾盗贼不能为困乃今遇有兵荒非奏留京需则奏讨内帑揆厥所由实缘监司因循有司姑息以存留为可缓以迫寻为太过窃谓欲国储之充裕莫先于核存留之额数乞行各直省照每年所报岁入岁用文册磨算明白立限解部旧额若干支用若干余剩若干本折色见贮仓库若干拖欠若干与部中老册相对明白臣等通融会计以后专备本处各正项支用其余剩者解送京库济边未完分数照新例参九报可

○巡视光禄户科给事中颜容舒劾尚膳监内官王朝用因索例肉殴死厨役乞敕重究如例章下法司

○庚戌以湖广监利黄梅当阳荆门四州县及荆州右卫灾伤比照 景陵等州县与显陵等各卫所一体蠲折其带徵钱粮亦暂停止

○兵部奏御史郭思极勘上辽东镇隆庆六年招过降夷并回乡人口共一千一百三十七名口乞录效劳文武各官总兵官李成梁升祖职一级巡抚张学颜赏银二十两纁丝一表里参将郭梦徵马文龙等分别升赏

○辛亥吏部奏大同巡抚刘应箕身被重劾当遵旨回籍听勘乃违例奏辩丑诋言官非惟坏朝廷纪纲亦且夫大臣矩矱宜革职闲住转行体勘从重究治上以应箕欺慢丑诋无人臣礼革职为民令巡按御史勘奏仍责该科及阅边大臣夸奖姑容之罪

○賜朝鮮國陪臣上馬筵宴

○甲寅罷注太倉銀庫主事仍改差一年

○禮部尚書兼翰林院學士陸樹聲五＜嬭擲-金＞乞休
上溫旨眷諭賜馳驛回籍病痊起用

○調原任光祿寺卿路王道于外任巡視科道劾其糧肉被盜有失防范也

○勒永昌參將胡燠固原游擊王祿各閑住以督撫官防秋論劾也

○乙卯以魏國公徐鵬舉次男徐邦榮繼補勳卫

○丙辰戶科都給事中賈三近以肅王奏乞折祿庄田＜嬭擲-金＞論肅王初持一輔國將軍耳以叔繼侄以旁支繼大宗于令甲皆不合准襲王爵實出先皇帝特恩故仍令支輔國俸其他折糧庄田從諸臣條奏扣抵軍餉王宜安分守職不當復有覬覦如曰歲用浩繁尚有甸子川等庄田及蘭州東川等處園囿水磨店房絨機磁窑等項亦自足用且請封之初有云縉＜娥鵠螭舉位檢封尤原止給輔國原祿此蓋出肅王本意況土田財賦止有此數一概任其奏討饕餮有地請乞成風致使四海黎赤日不聊生九塞戎卒嗷嗷待哺甚非所以恤疲民裕邊餉也章下吏部

○巡視廠庫工科給事中梁式等奏查盤營建昭陵錢糧數工部四司共用銀五十萬一千五十兩有奇營繕二十萬四千四百二十二兩有奇虞衡一萬三千一百四十五兩有奇都水一十一萬八千八百五十四兩有奇屯田一十六萬四千六百二十八兩有奇除戶兵二部銀一十一萬一百一十九兩工部實用銀三十九萬九百三十二兩有奇丁巳大風

○戊午升四川左布政使羅瑤為都察院右副都御史巡撫貴州兼督湖北川東等處

○己未降湖廣下江防僉事戢汝止俸一級先是牛角尖失事汝止住俸帶罪捕賊及擒斬賊魁地方寧謐吏部題請開俸有旨查近年題准捕盜條格行吏部乃奏汝止所轄前此失事盜約五十餘人例應降一級爾時雖擒殺十餘強賊查其所損官兵數多功不掩過余賊就擒又與汝止無與但自失事後捕獲別賊江洋肅清是失之東隅收之桑榆功有可錄罪宜末減上乃降汝止俸一級仍令紀錄安慶府有功官員

○以遼東寧前廣寧錦義海州等處旱災米價騰貴發太倉銀三萬兩賑濟軍士

○庚申升廣西左布政使楊成為應天府府尹

○辛酉以分守陝西蘭州地方參將李節充右副總兵分守延綏定邊等處

○总督尚书王崇古奏虏王俺答等执送并各官通缉获投虏奸逆及擅拆边墙出盗虏马贼犯请照例审梟行令赏赉量升职级章下法司

○壬戌升四川右布政使冯成能为广东左布政

○巡按苏松御史李学诗荐境内人才特<娼弊-金>请还胡濬诏报胡濬逆臣未正国法李学诗朦胧荐举且不究再有树悦引荐的并胡濬一并拏来重处

○癸亥兵部覆广西按臣勘上征剿府江糯峒巢等处蛮贼功次凡升赏官军四千五百五十八员名

○甲子升礼部左侍郎管南京国子监祭酒事万士和为礼部尚书

○四川九省长官司及酉阳宣抚司各差通事头目等贡马匹赏宴如例

○赏泰宁等三卫庆贺夷人彩段衣服等物

○赏琉球国差官表里绵布并给苏木价值生绢

○乙丑大学士张居正等题义理必时习而后能悦学问必温故而后知新 皇上睿明日开若将讲过经书再加寻绎则其融会悟入必又有出旧闻之外者臣等谨将今岁所进讲章重复较阅训解未莹者增改数语支蔓不切者即行删除编成大学一本虞书一本通鉴四本装演进呈伏望 皇上万几有暇时加温习庶旧闻不至遗忘新知日益开豁其于圣躬贯为有补上留览仍命接续编进刊板流传

○丙寅南京礼科给事中王颐等上<娼弊-金>谏止追封朱希孝王爵不从

○以故虏酋昆力哈部落款塞补贡授昆酋孙及亲属首领千百户官级从王崇古请也

○差山西道御史杨相巡视京营

○丁卯改南京太常寺少卿姚弘谟为南京国子监祭酒

○以广西怀远用兵准留事例等项边饷银三万六百两凡三年从抚臣郭应聘请也

○宴泰宁等三卫夷人如例

○兵部奏行查未完本部事件立限奏报仍置青册二本送内阁及该科案候注销如辅臣张居正所请各部及都察院率凛凛效之

○兵部覆广西抚臣郭应聘＜媼擗-金＞言夷狄之性变诈不常固不可穷兵以干和亦不可玩寇以酿患怀远之役期十一月进兵成筭以定但古田余孽乘机为患其怙恶不悛既难礼义怀服非厚集师旅又难一鼓即下今欲怀远既举之后即移师及之恐强弩之末不足当殊死之寇宜听抚镇诸臣相机权度如兵力尚锐即乘势荡平不然必再议徵调乃克万全上是之

○戊辰陕西巡抚郅光先奏巡按御史蔡廷陈以疾乞归报曰近来巡按御史往往称病避事着吏部再加访实方与题覆如有推诿情弊并巡抚官一并参处

○命侍郎汪鏜宴待琉球国进贡陪臣

○以明年正旦节遣定西侯蒋佑等祭 九陵及各园寝

○兵部奏四川征剿都蛮捷报五月朔克凌霄城六月丁卯克都都寨八月上旬进兵总兵官刘显同监军道副使李江督同前总兵郭成参将张泽守备沈茂吴宪等分布汉土官兵为五大营并力齐攻九月丙戌夜先锋一千乘雨露衔枚枚扞萝密取一路以飞梯连接上九丝城黎明各营兵上下夹攻自子至午贼始披靡我兵

胜焚寨房数千所烧死恶蛮无算显复同三道督□□州大盘山生擒蛮王阿二是役也克寨六十余处擒斩俘获共四千六百一十五名口颗内称王酋首阿大阿二等三十六名招安二千三百八十一名拓地四百余里又得获诸葛铜鼓九十三面古文铜铁锅各一口及梭标弩皮鼓牛羊犬谷穗等项甚多都蛮负固称乱历二百余年今始荡平计出万全功收一举诚为大捷云

○己巳改原任鸿胪寺卿屠羲英为南京太仆寺少卿

○原任礼部尚书兼翰林院学士陆树声上＜媼擗-金＞言方今之务莫要于圣学法筵之上或一时敷对未详宜令史臣采摭经史懿训可为法戒及本朝列圣谟训櫜括其辞节略其要辑进御亦 圣学缉熙一助又言学以修德德以慎身尤望皇上食息起居必遵常度发号施令务当人心孝养愈茂于两宫心思常澈于九有任贤始终不二从谏狂直皆容则 圣德日新治化益隆 宗社万年之基端在于此又言法纪当严政令当一士风当正民生当念及财用宗藩边防漕运四者当议未及 二丘分祭九庙祔享方稽古右文之世正礼乐明备之时乞观会通以定一王之典垂万世之法上亦报闻

○昆酋补贡马一百匹先是酋子居丧兼与黑夷相仇稽贡至是顺义王代昆酋孙男请授官职令其主持贡事 上赏赉如所请兼加赐顺义王以奖率属效忠之义

○辛未礼部因地震上＜媼擗-

金 >言地道承天以静为主一有震动是为失常今楚蜀之间相继地震绵亘千里厥变匪轻皇上敬天勤民感格有素唯是大小臣工奉职无状所致请行内外各衙门痛自省愆勉图修职毋徒粉饰虚文尤望皇上仰体天心益修圣政缉学问于无间谨嗜好于未明节用爱人亲贤纳谏请求必禁戢直优容则上下交儆治化维新不惟灾变可弭休徵自应上是其言

○敕赏昆酋部落补贡人员衣服段布等物如例仍酬奖俺答率属之劳

○赏四川各长官宣抚司进贡人彩段纱錠如例

○壬申户部奏徵派明年各处食盐米钞铜钱及存留起运数目凡钞一千贯钱二千文折银四两乡民例纳米愿纳钞者照市民例减半徵收

○仓场侍郎郭朝宾奏太仓一岁收放总数目隆庆六年十二月至万历元年十一月旧管金四百六十五两银四百三十八万五千八百七十七两五钱一分零正银三百九十万二千四百五十四两四钱五分九厘附余银四十八万三千四百二十三两五分四厘铜钱一千六百四十万六千四百九十文新收正银二百八十一万九千一百五十三两六钱六分二厘铜钱二百六十七万七千九百四十五文开除正银二百八十三万七千一百四两二钱七分八厘铜钱二百七十八万六千六百六十六文实在金四百六十五两银四百三十六万七千九百二十六两八钱九分七厘正银三百八十八万四千五百三两八钱四分二厘附余银四十八万三千四百二十三两五分四厘铜钱一千六百三十万三千七百七十五文其他金银首飾珍珠宝石嘉隆金背古杂云南低钱之类不计焉

○癸酉南京广东道御史蒋科等上< 媚弊-金 > 谏止追封朱希忠王爵不从

○礼部覆奏琉球世子呈送被虏人民请照例赏赉
上以尚永世敦忠诚赏银五十两彩段四表里降敕奖励仍赏其使臣银币有差

○乙亥兵部奏广东海贼猖獗多损官兵请革潮州副总兵李诚立职行巡按御史提问降潮州道按察使陈奎职二级改用仍乞敕提督殷正茂严督各官克期诛剿以靖地方若必增募浙兵亦听便宜所在官兵不得阻执上俱从之

○丙子上祫祭于太庙

大明神宗显皇帝实录卷之二十一

敕脩 万历二年正月丁丑朔 上御皇极殿百官致词庆贺行八拜礼以未及大祥余仪俱辍

○庚辰辅臣张居正等题以后日讲经书比旧量增数句其诵读生书止于五遍温书照旧三遍从之

○壬午 上享 太庙 兵部覆摠督宣大山西尚书王崇古奏俺酋纳款以来三秋无警七镇晏然因盛推辅弼赞襄之力及在镇文武诸臣随市效劳分别等第上请报曰辅臣忠勋简在朕心自加优异王崇古加少保荫一子为国子生吴兑升副都御史照旧巡抚各钦赏银毙其余俱升赏有差

○癸未户部覆巡按御史陈文燧奏宣大二镇先奉 世宗皇帝圣谕每岁预发帑银一十五万两分发二镇趁秋采买今查宣镇积粮足用原发预买银七万七千两尽数贮库大同镇应买银七万七千两尽数贮库大同镇应买银七万六千有奇买完米豆令查验上仓其支剩银三千九百零与宣府原发银俱令贮库容臣等发万历二年□例之日酌量扣抵从之
兵科给事中苏民牧言初三日奏祭初四日进春不宜免朝不听
朵颜等卫阿里麻等二百一十四员名补贺长至令节并 万寿圣节燕赉如例改居庸关通判仍管昌平镇粮饷铸给管饷关防从摠督蓟辽刘应节之请也

○乙酉兵部覆巡抚浙江都御史方弘静条陈海防六事一复额兵近例每船正名五十余名而又用贴驾之军操舟合将贴驾军兵尽革回卫另募民兵以足原额并复福沧等船副舵以备正船事故之用一整战船凡战船之制福船取其高大以便冲犁幢＜娵矍牵静陨皎∑洸峴桃员惴r击沙鱼小哨叭喇啼取其决捷以便邀截若非本体坚牢攻具悉备马能远哨成功合严督修造务令堪用一利器械浙江军次器械嘉靖三四十年年问俱在会省与海道副使台州知府躬亲督造自隆庆五年后从各府自制遂多虚冒合预查应造脩数日迁委廉能府佐并武职一员分理造完诚验如法其各府价银俱角□羊布政司收发一处饷费水兵既加给工食又增募新兵言□复舵工共增银四万六千六百三十两查该省军储每年约剩米一十七万余石多被惯徒侵盗合督各府州县依期徵角□羊留一半以备灾荒其一半照例折银充饷一练舟师在船水兵旧有水操陆操之规近来操规废弛舡兵仅取撑驾遇贼鲜不愤事议于春防泛毕则操练于陆防过小汛则教演于水不虚应故事一编言□鱼甲边海之人南自温台宁绍北至乍浦苏州每于黄鱼生发时相率赴宁波洋山海中打取黄鱼旋就近地发卖其时正值风汛防御十分当严合将渔船尽数查出编立甲首即于捕鱼之时资之防寇仍照旧规徵收税银以为修船养兵之费渔事既毕即听回生理从之

○录江西擒获强贼白强八等功巡抚右副都御史徐枋等各赏赉有差

○兵部覆总督陕西尚书戴才奏西虏自俺答款后遵奉约誓延宁二镇互市三载休兵省费分别效劳大小文武官员等第上请戴才等各赏赉有差 丙戌 上御文华殿讲读

○丁亥 孝恪皇太后忌辰 奉先殿行祭礼遣恭顺侯吴继爵祭 永陵

○戊子大同总兵官郭琥以失落符验降祖职一级

○大学士张居正言 太祖时每遇外官来京奏事常召见赐食访民间疾苦虽县丞典史有廉能爱民者亦特差行人赍敕奖励或封内醪金币以赉之迨宣成弘顺之间亦间举宴赏之典兴致太平实繇于此恭遇 皇上天纵圣明励精图治兹当考察之初特蒙 天语谕臣等引见廉能官员破格奖赏□即虞舜咨牧养民之心我 祖宗综核吏治之轨也但此典久未举行且远方外吏从来未睹朝廷之礼若不先示以仪节使之演习恐一旦震怖 天威仓皇失措又非所昭德意光盛举也伏乞钦定行礼日期敕下礼部略仿 祖宗时御皇极门午朝之仪定拟简便仪注上请 圣裁

○兵部覆操江都御史董尧封奏安庆府为留都上游官商船只往来盐徒巨寇窃发宜添复水兵二百名责令守备统领仍听该府点闸协力巡守从之

○兵部覆操江都御史董尧封奏留都根本重地自应天九江延袤一千一百余里寇盗出没不常本官巡历有期稽查不给将应天等府治中同知不妨原务责令专管江防其北岸无为州知州防御事宜责令徽宁兵备道查理从之 准荆府富顺王厚焜嫡第二孙辅国将军翊鏹改封为长孙以嫡长子载土□共第一子翊鏹没也

○己丑户部奏各边年例银两若待各督抚奏到题覆必致延缓误事合遵照经制在宣大山西辽东延宁甘固等镇照依旧数蓟衣等镇照依新数各先量发一半待督抚奏到之日查将应裁应减与上年省积钱粮酌量扣抵从之

○户部覆巡按江西监察御史燕儒宦劾赣州府知府黄学海入覲交盘库藏少银九千余两查系库役杨禹光等侵盗合将黄学海革任听勘其杨禹光等行巡按御史严行追究仍将该府贮库银两逐一查算如有他帑一并严追报可

○兵部覆巡视京营刑科给事中欧阳柏等条陈营务六事一兼习骑射京军止习步射何以当虏骑驰驱宜于进操之日先演步射六回复令马队军士演习马射三回一教演火器中国长技全在火器虏以游骑诱我一放輒尽坐取败北所贵更番迭上即相持终日先后相续庶可济实用一练集家丁家丁月支双粮岂得裸以脆弱即将各将家丁逐一挑选令居住戎政府傍听副将实心训练又查戎政厅东西有空宅二区用官银修理以为总协大臣常川居住则诸将就近禀承而总协谋议亦可金同速发一改给戎符昔 世庙钦定戎政之印后议牧兵权遂将印收入内府易以总督京营关防夫各边镇守既挂银印京营岂可直用关防合将内库收贮之印颁赐行使令印信与营制一体光复一核实班军三都司领操至京多扶同搪塞在京则冒支行粮在卫则虚领月米合严查虚捏之弊其班军在京非系重大工作不许滥行派拨一分隶行伍四卫二营官军所以拥卫掖廷向设坐营官各四员但查嘉靖八年清查额军三万余名勇士五千四百余名自后役占众多消耗几半若仍设坐营四员诚为十羊九牧

合每营止留二员如有推诿影射者听巡视京营科道参究诏皆从之按此时不核额军壮士而但裁营官京营所以日就消耗也

○庚寅升陕西佥事翟绣裳为山东右参议

○户部覆给事中颜容舒奏光禄寺积贮白粮共二十八万七千一百余石合尽数查盘中间积贮年久正耗亏折照例递减仍将盘出附余通融抵补自后放粮新陈搭配放米人众俱从大烹门出以便防范巡守仓库等役各审正身供役内官家人给牌稽考该寺通将查过数目并支过工费送部查考从之

○升蓟镇协守西路副总兵张臣署都督佥事照旧协守革罗文谷提调李从善任下巡按御史问从蓟镇督抚官刘应节等秋防举劾也

○升山西老营堡指挥王昱充山西老营堡游击

○辛卯 上御皇极门鸿胪寺官宣奏四川克平都蛮捷音

○升右布政使秦钊陈瑞董世彦方良曙俱为左布政使钊江西瑞世彦仍本省良曙云南

○升按察使邹光祚邹善罗元祯俱为右布政使光祚四川善广东元祯仍云南

○升吏部验封司郎中郭谏臣为江西右参政工科左给事中魏体明为江西副使江西道试御史苏士润为湖广副使山东道监察御史杨相为山东副使户科左给事中刘浑成为陕西副使礼科左给事中李日强为湖广右参议河南道御史杨一桂为四川布参议山东道御史董石为浙江佥事兵科给事中苏民牧为山东佥事湖广道御史梁许为佥事贵州道御史王恩民为贵州佥事

○调浙江副使张守中于贵州

○升陕西临洮府知府邢邦彦云南广西府知府戴时雍俱为都转运盐使司运使邦彦长芦时雍两淮

○升湖广按察使徐学谟河南按察使鲍承荫四川按察使徐行陕西按察使袁随俱为右布政使学谟承荫俱仍本省行山西随仍陕西左参政朱卿山西右参政周鉴云南右参政王应显俱为按察使卿山东鉴应显俱仍本省山东副使杨枢江西副使邵梦麟河南副使杨吉福建副使邓之屏俱为参政枢河南梦麟山东吉四川之屏广东扬州府知府贾应元延安府知府陈烨淮安府知府陈文烛云南大理府知府史诩俱为副使应元山西烨陕西文烛四川提学诩云南广西平乐府知府陈子佐为陕西行太仆寺少卿

○广东佥事赵可怀福建佥事乔懋敬俱为参议可怀广东懋敬贵州杨州府同知杨廷选大理寺右评事萧九成俱为佥事廷选山西九成云南原任广东佥事沈淮起补云南佥事

○朵颜泰宁等卫夷人头目阿里麻升合儿等朝贺宴赏如例

○礼科给事中朱南雍等奏陈会试事宜大要谓正文体免枷号广制额礼部覆议近因文字浮靡题准六百字上下为准乃士子过求简短务为钩棘自今阅卷一以文理通畅为主怀挟相踵创为枷号以使人畏而故犯已不齿于士矣即枷号殊不为过龙飞首科自当广额其数目候临期题请从之

○升蓟镇总兵官戚继光实职一级为左都督昌镇总兵官杨四畏署职一级为署都督同知各赏银币以蓟镇总督刘应节称其劳贲久著也

○通政司左通政倪先荐题参本司经历邵守俭十四日轮该接本送科乃因画簿付吏捧持狂风骤起逐处飘荡各致损失宜加惩治下法司提问

○巡按四川御史孙代奏今年奉旨免刑但四川去京师万里遵奉诏旨后于他省臣先已陈乞于本年十一月十三日照旧会官审决今恭读轮音不胜惊惧乞于万历二年奉到停刑勘合为准章下法司

○工部覆工科给事中吴文佳等题称茶城为黄漕交会之地其势必淤而徐邳堤近河深其势易决乞咨河道侍郎万恭将茶城并房村一带应筑应浚事宜作速从实奏报从之 癸巳英宗睿皇帝忌辰 奉先殿行祭礼遣惠安伯张元善祭 裕陵

○甲午 上御皇极门引见朝覲廉能官浙江左布政使谢鹏举等二十员面加奖励仍各赏银两表里钞锭赐酒馔内云南大理府知府史诩不到逮问

○朝鲜国王李昖差陪臣礼曹判书李阳原三十五员名赍捧谢敕谕改正宗系表文方物马匹赴京宴赏如例

○录四川荡平都蛮功升巡抚右佥都御史曾省吾为右副都御史荫一子炤旧巡抚总兵官刘显为都督同知左布政使罗瑶等各升赏有差

○乙未录中辽河河东河西暖阳等处斩获达虏功总督刘应节巡抚张学颜总兵官李成梁等各赏银币有差

○丙申降补山东副使刘经纬为山西左参议

○升陕西副使程鸣伊为陕西行太仆寺卿兼佥事云南副使许公高为陕西苑马寺卿兼参

议

○湖广右参政金浙以前任副使考察不及调广东副使

○丁酉 上御文华殿讲读

○四川贵州广西各宣抚安抚宣慰等司各备马匹差土舍族目等朝贡赏彩段宝钞如例

○升南京右军都督府佥书张筹充神枢营右副将南京后军都督府佥书杨鲤充五军营右副将

○戊戌起原任江西道监察御史刘存义于本道○除原任贵州副使陆相儒为福建副使

○升陕西右参政李凤湖广右参政杨柏四川右参政陈善道云南右参政林烜章俱为按察使凤福建柏善俱仍本省烜章贵州山东副使王宗舜山西副使刘汉儒山东运使张谐俱为参政宗舜陕西汉儒仍山西谐云南调广西副使庄国祯于江西提调学政刑部福建司署郎中事中书舍人杜辂陕西西安府知府安嘉善陕西佥事胡维新四川重庆府知府张希召湖广武昌府知府吴一澜俱为副使辂河南嘉善山东维新山西希召一澜俱陕西山西佥事许希孟为本省右参议广东广州府同知毛为光南京刑部湖广司署郎中主事姜国华俱为佥事为光国华俱福建

○南京兵部尚书刘体乾乞休不允

○都察院左都御史葛守礼覆巡按山西监察御史贺一桂参奉国将军表木□皂表檮及典簿徐昂缘各遇恩例原免其知□廿夕犬大□知□廿人□日□既系擅婚生子之日止许请名不许朦胧请封岁给口粮炤庶人三分之一生女任其择配毋得别有希望诏可

○己亥 上御皇极门三法司科道官大班纠劾朝覲官员勉励遣之

○是日朝覲官免冠承旨参差不齐刑部尚书王之诰等劾奏众官失仪及鸿胪寺官失于传示得旨外官姑不究鸿胪寺堂上官夺俸半年引入序班降边方杂职用

○庚子 上御文华殿讲读

○升云南副使林一新江西副使黄翼俱为参政一新仍云南翼四川江西九江府知府张应治四川参议韩宰江西司署郎中事主事吴善贵州参议许天琦俱为副使应治山东宰山西善广西天琦云南陕西巩昌府知府张世胤为甘肃行太仆寺少卿兵部职方司员外郎冯子履为山西佥事

○工部题先年巡抚保定都御史温汝璋称真定府城惟北面包砌其三面皆系土筑岁久倾坏议动支贙罚完修后见本部有改折真定木税之议随即奏留隆庆二年以后一半修城一半解部迄今六年该府竟将修城之费全赖木税与原题贙罚迥不相炤且节年抽木税银多寡悬绝繇无专官管理奸弊易滋相应就便委易州山厂主事带管抽分变价解部各边不许擅自那借报可仍着抚按查修城工程奏闻

○辛丑户部题差御史三员一往蓟辽一往宣大一往延宁甘固各查盘边储得旨着巡按御史带查不必另差

○发太仆寺马价银五千六百两备顺天本年抚赏

○以原任曹家寨游击今听调任良相为奇兵营游击原任标下游击陈天福为巩华营游击桃林口提调刘德温为建昌坐营密云中卫千户冀永昌为镇虏营提调三屯营总管塘拔海门卫镇抚钱梦祥为三屯营守备南京营干总金华所正千户金福为罗文谷提调

○壬寅升江西参议徐用简南京吏部文选司郎中张明正俱为副使用简仍江西明正云南兵部车驾司郎中汪仲川四川佥事丘文学俱为参议仲川四川文学贵州

○癸卯总督蓟辽都御史刘应节巡抚都御史张学颜总兵李成梁等各以河东等处地方剿捕功各赏银币有差成梁加大红飞鱼纒丝一袭马文龙等升赏有差

○甲辰升礼科给事中陈甘□渠吏科右给事中李熙俱左给事中菓户科熙工科户科给事中李戴兵科给事中刘铉俱右给事中戴兵科铉刑科

○补原任山西按察使金立敬于河南原任河南副使李廷龙于陕西

○起原任吏科给事中夏时于原职

○升山东佥事朱奎为广西右参议直隶广平府同知南轩为四川佥事

○乙巳上御皇极门以
仁圣皇太后令旦百官致辞行庆贺礼毕驾繇会极门诣慈庆宫称寿免命妇朝贺

○升浙江副使沉人种为湖广右参政

明神宗显皇帝实录卷之二十二

万历二年二月丙午朔升浙江左参政史朝为广东按察使山西副使刘世昌为辽东苑马寺卿

○除原任河南道御史李辅于原职

○以考察不及调湖广左布政施尧臣于广东山东按察使刘孝于陕西

○丁未升浙江右参议曹栋为本省副使

○戊申 上祀 太社 太稷

○祭 先师孔子遣大学士吕调阳行礼

○己酉命太子太保英国公张溶充知经筵官左春坊左中允范应期翰林院检讨高启愚充经筵讲官

○庚戌 上御文华殿讲读

○升两浙运使朱炳如为本省参政直隶永平府知府辛应乾为山西副使浙江佥事沈奎徐廷课福建佥事梁士楚俱为参议奎江西廷课仍浙江士楚贵州

○升直隶狼山副总兵李超充镇守浙江总兵

○命原任镇守贵州总兵安大朝为南京右军都督府佥书升协守蓟镇东路副总兵史纲为南京后军都督府佥书

○辛亥革罚山阴王府镇国将军后□襄垣王府镇国中尉充璫未请名封伍江粮米十分之二以盗领官粮扣粮抵偿也其伍江候请封日行

壬子升巡抚陕西右佥都御史郅光先为右副都御史炤旧巡抚以三年考满也

○户科都给事中贾三近题称财赋徵办责在有司但地方肥瘠不同其素号凋疲者若旧止完五六分今能七八分姑免降罚户部覆看得各省遥远难知万一苟免者反开怠玩之路仍炤题准事例降罚调黜如素号凋疲或罹兵灾者明白具奏本部另议题请从之○户部覆福建巡按御史刘良弼勘得原任南赣巡抚陆稳所动税银五千六百五十两除建坊等项一千三百九十九两零公用外其馈送严学士四千二百五十两零照原题追解济边定限十二月回报诏可

○命太子太保礼部尚书武英殿大学士吕调阳吏部左侍郎兼翰林院侍读学士掌詹事府王希烈充会试考官

○兵部覆四川抚按曾省吾孙代题经略平蛮六事一建城垣旧寨恶名悉宜更改九丝城为平蛮城凌霄城为拱极城印靶山为文印山吊猴山为降蛮山鸡冠岭为金鸡岭内官寨为武宁山都都寨为定都寨而武宁山地土宽平处就可建城设总兵兵备衙门其戎县县名亦应钦定更换一移守御泸州卫中前二所官军割并守御千户一所移守新定镇城内即查叙南卫有屯田附近九丝者听改拨新所差操其所名恭候钦定一扼要害巢穴虽空犹虑逃匿并土夷人等构衅即将险要地方建筑墩堡分兵防守一起民兵蛮方险远应有戍兵一面督兵谨守一面招集居民授田耕种每粮二石起壮丁一与固原改属兰州郎中兼理事体俱便一量补积欠以苏民困边镇月粮本部每年查发如例何至积欠数万且节年官军事故亦足抵补如有不足将拖欠民屯备行各地方徵给其客饷节省银两留备缓急自难轻议诏如议行

○兵部覆陕西巡按御史董石题虏酋宾兔倡率部落千余骑要抢西番并欲凉州互市务要善加抚处既不得激起衅端亦不可纵其舛□鸟鰲仍咨宣大总督转行顺义王俺答严谕宾兔感戴朝廷恩威不许侵扰诏可

○甲寅补原任山东佥事王樵为浙江佥事名即便更替募兵一通道路平蛮地方东西北可通陆路南广一道可通水路合严督官兵将道路作速开辟该县编抽夫马司兵建设公馆铺舍一设社学新所设立社学一处大书圣祖教民榜文选年高有德者二名为教读塾师令新集之地朔望听讲奉旨县名改做兴文所名与做建武余俱如议

○命四川总兵官刘显仍留镇守悉心经理善后事宜从巡抚曾省吾请也

○癸丑户部覆总督戴才条陈四事内关本部者三一修复旧池以广盐利查狗池系何年筑隔边外当时意见何故即今可否改筑仍行总督抚按详议具奏一议处盐课以省年例二池西漳盐课银两原备客兵支用今客兵减调粮饷有余应抵主兵年例其改解宣大河东银两与固原改属兰州郎中兼理事体俱便一量补积欠以苏民困边镇月粮本部每年查发如例何至积欠数万且节年官军事故亦足抵补如有不足将拖欠民屯备行各地方徵给其客饷节省银两留备缓急自难轻议诏如议行

○兵部覆陕西巡按御史董石题虏酋宾兔倡率部落千余骑要抢西番并欲凉州互市务要善加抚处既不得激起衅端亦不可纵其舛□鸟鰲仍咨宣大总督转行顺义王俺答严谕宾兔感戴朝廷恩威不许侵扰诏可

○甲寅补原任山东佥事王樵为浙江佥事

○升陕西右参议刘奋庸为本省副使提调学政南京户部广东司郎中王谟为浙江佥事○户部覆总督仓场侍郎郭朝宾咨称京仓粟米不敷一月支放通仓粟米约可俟陈五年合将

万历改兑二年三年粟米尽改京仓将应上京仓兑运粳米照数抵拨以足通仓岁额省下脚价割坐粮郎中空贴改运粟米进京之费从之

○户部覆四川抚按曾省吾孙代条陈十事内隶本部者二事一理疆土都蛮田土分别肥瘠三等招集军民佃种至二年后各照定额徵收为本镇官吏俸给军兵月粮之用其茶场属官佃每亩徵银一钱戍守官员量给田亩以供薪菜马料一恤民困高筠戎珙度长六县被都蛮荼毒最深凡钱粮特从蠲免仍动军前支剩米豆四万石赈济其余水次州县皆有转运办理之累各应量免诏可○兵部覆总督陕西尚书戴才题陕西四镇三年造报军马地理册图行本镇总兵官归并类造前各为一总图后各为一专图逐官逐地贴说明白其守备不必攒造免致科歛军人从之

○内官监太监张诚等题请真定府木税仍归本监差官抽印工部覆议真定木税始自正统元年止是税课司带管成化弘治年间改委通判监督正德间始差内臣大肆掊克该御史宋钺具奏停止嘉靖年间或差或罢然计抽印之数不足偿供应徒役之费隆庆二年该监李芳具列其弊先帝毅然停革中外传诵不衰顷缘真定修城暂留木税久未抵还奏委易州山厂主事带管就近兼摄便于稽查仍将变价解贮节慎库备该监买办木植之费输之于本部用之于该监官府一体最为便益该监前奏难以依拟诏如部议行○乙卯吏部覆官生张邦伊等奏官恩生收选事例先年与科贡同取法近太骤逾年限正杂年例法阻太难邦伊等候一十二年合无量准收选以后查访志行端洁者仍得与科贡一体升除在内九卿之属在外府州县正府佐等官如果历试贤能即藩臬京官皆得推用报可
河南归德府永城县申时地震有声

○下陕西高古城防守指挥僉事李柰等御史问百户萧宗仁照阵亡事例袭升一级以番贼数骑白昼长驱损官失事而萧宗仁单骑追贼遇害从巡按御史董石奏也

○丙辰降补原任浙江右参政以副使考察不及姜继曾为陕西参议

○先是进贡回回把部利朵思麻自嘉靖四十一年到京因令收养狮子娶妻生子至是告比炤宣德景泰年间哈密进贡回回升授官职兵部覆请得旨回夷归附既有授官旧例都准与做指挥僉事着在锦衣卫带俸以后不许再来奏扰

○丁巳上御经筵

○升兵部武选司员外郎陈允升为湖广僉事提调学政广东雷州府知府唐汝迪为河南副使

○户科都给事中贾三近题顷者司钥库太监温泰等奏称库藏不充要将各省直钞关及食盐商税各解库供用夫课税以供边需通计各边年例正德辛巳以前止四十三万自嘉靖庚戌至今渐加二百七十余万矣兼之屯政半就荒芜鹺池岁亏正课谋国之士方切隐忧而乃

尽归内帑使乘障登埤之士望升合而不可得岂盛世所宜有耶下户部议

○礼部覆吏科左给事中张楚城题四事一神农有虞遗庙墟墓日就圯废为樵竖牧儿之所宜令本地方亟为修理仍岁金人夫二名给田佃种俾司香火一祭告亲王各王行礼原未有定仪但龙庭至府迎不降阶祭不迁主祭毕不恭谢是轻朝命而蔑圣恩也所据岷府降阶跪迎迁主一旁降阶叩谢于理为当合行一体遵行一亲王故绝国除查无附享别府事例间有嗣封其地者为之疏请供祀如平凉王安陆梁郢二王皆出一时特恩潭王乃高皇帝之子分封后坐事自尽国除今欲附主于岷既于理未妥欲比安王等则坐事自尽之王岂宜与无罪不幸无子国除者相同合行地方量与修葺坟墓仍置人防守一衡岳建有高皇帝御制碑文乃俯侧门傍甚为轻褻合建置碑亭一座仍护以缭垣严以扃钥并藏历代祭告碑文诏可

○兵部覆兵科都给事中蔡汝贤等巡按广东御史张守约题海贼林凤复扰潮惠泊舟钱澳挟求招抚合咨两广提督殷正茂福建巡抚刘尧诲严督官兵会剿不许徇信地之说袭招抚之套其失事将官胡震等姑令戴罪杀贼事平定夺从之

○戊午升赏锦州大兴堡地方斩获功次官军吴梦豹等三十五员名

○兵部覆大同督抚官王崇古等题修理大同沿边墙垣限以五年报完浑源右卫工程限三年广灵威远限二年合用口粮盐菜等银两三十七万五千二百四十两六钱零以户七兵三分派在本部者炤数议发在户部者先发一年余俟兴工役查明解发但向来所筑边墙俱欠坚固又墩台远处边墙之外临敌之际守台者势既悬不敢发一矢摆边者军又单薄不足当其聚攻之众宜查仿蓟镇之制将沿边墩台改筑在内每里先骑墙筑一座每座三层下层实心中层发圈空心各开箭眼上层盖屋立垛俱用甃甃两台之中照议筑墙酌量冲缓以次兴工中间台座尚觉稀疏五年后更议增筑报可

○己未补荫原任都察院左都御史致仕潘恩孙潘云枢为国子生恩三年考满荫男允哲后中顺天乡试故补

○兵部覆吏科左给事中张楚城条陈四事一谓彬永猺苗劫杀之害须择险要大立营堡选指挥一人操演巡历其杀手工食总约三年之费买田给种一谓分巡照旧住彬州不当移住衡州内地一谓常德湘潭益阳皆近洞庭多剧盗及他县邑镇市冲要者皆当鳩创城郭一谓去春靖州军夷讐杀道路阻塞欲移靖州参将守备一住五开一住铜鼓联辑众志俱合行湖广抚按从长计议具奏报可

○庚申升广西参议李文绩为云南副使○癸亥升广东佥事陈应春为广西参议是夜火星犯房宿

○福建汀州府长汀县二更地震三更崩裂成坑陷没民房四十余间

○户部覆巡抚陕西都御史郅光先勘议改定同州朝邑二处地土其堪种者共该徵银三百

八十三两零其堪牧者共该徵银一百四十三两零俱徵解接补韩府禄粮其韩府减少之数查有别州县新增粮拨补报可

○升提督直隶狼山副总兵李超充总兵官镇守浙江参将管蓟镇总兵标下左营游击史宸协守蓟州东路

○四川都督刘显等荡平九丝城等寨得铜鼓有声者六十四面铜铁锅各一口锅两耳如山制类鼎可函牛蚩甚宝之鼓有声者最上易千牛次易七八百牛皆刻鹭雕螭奇文异状相传谓诸葛制以镇蚩之物鼓去则蚩运终巡抚特表以进礼部覆进内府从之

○甲子工部覆织染所太监宋润等题请增添蓝靛物料查得本所蓝靛料物隆庆三年题准割委司官验收及隆庆六年复行该所酌定的数题奉钦依至万历九年恭遇皇上御极俱经照例题办永为遵行岂得奏加以滋烦扰诏从之

○乙丑 上御文华殿讲读

○户部左侍郎陈瓚引年乞休不允

○调福建僉事姜国华于广东户部题内府供用库万历二年分本色黄蜡一十一万斤折色黄蜡九万斤本色白蜡三万五千八百一十六斤折色白蜡一十二万五千八百一十六斤盐二十四万一千六百六十六斤一十一两芽茶四万七千九百五十九斤一十一两茶叶四万九十三斤灯草二千斤蒲杖三千五百斤坐派浙江直隶苏松等处各办徵解从之

○丙寅 上御文华殿讲读○户部题本部验粮委官广西司主事牛可麟称本厅职在验送内库钱粮及布绢等物向无钦给关防何从查考合照坐粮厅事例铸给庶可杜抵换之弊核完欠之数又添设吏一名选用书手一名逐年更换不许占役亦不许立顶首名色诏可 春分祭朝日坛遣公张溶行礼

○命蓟镇统领南兵副总兵陈其可提督狼山等处

○兵部覆江西抚按凌云翼燕仁 □云宦题南昌府丰城县万历元年十二月十三日夜强盗越城劫库夫南昌近湖素称多盗况当入覲之年署印率皆佐贰近年举行条鞭之法守库吏多系棍徒据丰城报失二千七百余两后乃六千余两或出吏书侵匿或起内奸勾引情实有之不然丰城巨邑岂二十余寇未至夜分所能夺门出入耶合行抚按严限缉捕限万历二年十月具奏得旨县库被劫贼情重大抚按官不严参处只朦胧奏报尔部又宽限至十月上下姑息弥缝何得盗息民安严大纪周于德都住俸缉捕其余依拟

○丁卯 上御经筵

○蓟镇督抚刘应节等题修筑辽东西台墙共七百九十一里调军夫一万匠役六百扣算须四十余年报完用官银四十余万兵部覆该镇勘估先造土墙乃甃之甃又筑之台又为之铺边长工钜为力甚难莫若先举台工计地百丈建台一座如昌平镇之制空心实下庶可经久两台之间止用砖与乱石为墙盖有台可据即墙未高厚亦可限隔先修宁前西接石门一带次及锦义广宁以东其工程冲缓钱粮军夫等项再行该镇估计会奏从之

○戊辰 上视朝御史纠查文武官失朝者抚宁侯朱冈等凡二百七十四人各夺俸一月

○己巳 上御文华殿讲读○敕巡抚浙江右副都御史方弘静回籍听勘巡抚应天右佥都御史张佳胤调南京别衙门用巡抚宣大右副都御史吴兑炤旧供职以南京科道王颐何玉德等交章论劾吏部酌量覆请也

○庚午敕南京户部右侍郎栗永祿致仕南京礼部尚书尹台炤旧供职吏部覆看南京给事中史朝铉等参论酌议去留故有是命

○给新袭崇信伯费甲金禄米如例

○辛未升南京礼部仪制司郎中李一迪为广西佥事

○壬申 上御史华殿讲读

○户部覆两淮巡盐御史王琢玉条陈二事一停存积以塞壅滞之源方今边商开派利少而难于召纳淮商守候日久而不乐接买故引日存积盐法壅滞合自万历三年为始将两淮存积暂停十万五千七百余引其边储应补银五万余两合于太仓措给至万历六年以后炤常开中一开囤积以浚壅滞之流先年江西湖广王府势豪人等收积商盐坐索高价奉旨严禁有司遂不问良善豪恶概为禁止致水商盐船不得整发仪真日渐萧条仍行各地方如有良善铺户听其囤积但不许势豪梗法报可

祭历代帝王遣公张溶行礼侯蒋佑伯杨柄尚书张瀚王国光分献

○兵部覆总督宣大山西尚书王崇古奏顺义王俺答等执送奸逆阎鹤等来献效顺可嘉虏中效忠华人王道科等密访传报官通杨亮等往来虏营访缉各效勤劳合加升赏俺答等纓丝彩段有差王道科等升赏有差

○癸酉 上御文华殿讲读

○都察院左都御史葛守礼遵例引年乞休不允

○户部题先该题准贵州开纳事例限至万历元年十月终止今巡抚蔡文巡按杨允中复题该省地兼民夷额赋不敷所赖川湖协济今拖欠钱粮复奉恩诏蠲免前项事例合行炤旧召

纳专备铜仁思石并新设坝阳等处军饷限万历四年十月终止从之

○户部题将四川万历二年分改解银两动支三万五千五百七十五两解延绥充隆庆六年万历元年二年减派主客兵盐引之数从之

○甲戌升赏甘肃镇等处获功阵亡官军汤大保等九十八名

○乙亥 上御文华殿讲读

○吏部覆礼科给事中李邦佐题凡调繁官员通算前后历俸一年以上一体保荐其加衔久任者上官各炤新衔礼待报可

○升大理寺右少卿宋仪望为都察院右佥都御史巡抚应天

○升浙江左布政谢鹏举为都察院右副都御史巡抚浙江○升怀升兵备道右参议吴哲为山西副使分巡口北道佥事王汝梅为山西右参议各炤旧管事从巡抚吴兑请也

○取会试中式举人孙矿等三百名

明神宗显皇帝实录卷之二十三

万历二年三月丙子朔户部覆河南抚按题该省商税税契路引三项共一万五千三百一十余两准留补给宗室禄粮其历日纸工水夫工食鱼课缺官俸给吏承纳班扣减防夫民快工兵工食事例赃罚仍解部济边毋得影射延缓诏可

○录进剿广西剿□农贼汪约与贵州麻响大华二司功钦赏巡抚贵州都御史蔡文银币总兵官吴国等各赏银有差守备刘天庆升一级

○丁丑上御经筵

○戊寅升浙江右布政使江一麟为本省左布政使

○己卯上御文华殿讲读

○升大理寺右寺丞王友贤为本寺右少卿户部题万历二年分行各省直岁办甲丁二库物料甲字库银朱三万五千斤乌梅四万斤靛花青二万一千斤黄丹四万二千斤碌矾一万五千斤紫草一千四百斤明矾四万二百斤光粉一万五千斤黑铅二万一千斤水胶八万斤槐花七万斤蓝靛三万一千斤五倍子三千五百斤丁字库生漆十一万斤桐油九万八千斤黄熟铜三万三千斤红熟铜二万五千斤黄蜡二万斤锡二万斤牛筋四千斤黄牛皮一千张生铜一万斤从之

○庚辰上御文华殿讲读

○改南京刑部右侍郎曹三暘为南京户部右侍郎提督粮储升云南按察使王应显为浙江右布政使

○辛巳清明节遣定国公徐文璧恭顺侯吴继爵武安侯郑昆武平侯陈大策固安伯陈景行分祭长陵献陵景陵裕陵茂陵泰陵康陵永陵昭陵

○以世庙德妃张氏薨逝辍朝二日

○壬午补原任陕西按察使张任于云南升大理寺左寺丞王友贤为本寺右少卿

○铸韩府长吉王璟润荆府安城王常盗麒麟钮镀金银印各一颗

○癸未起原任兵部左侍郎翁大立为南京刑部右侍郎升礼部仪制司郎中蔡叔逵为山西副使提调学政

○甲申升大理寺右寺丞王廷瞻为本寺左寺丞南直隶提督学政浙江道御史谢廷杰为大理寺右寺丞

○乙酉以殿试天下贡士命少师兼太子太师吏部尚书中极殿大学士张居正太子太保礼部尚书武英殿大学士吕调阳太子少保工部尚书朱衡吏部尚书张瀚户部尚书王国光兵部尚书谭纶刑部尚书王之诰都察院左都御史葛守礼吏部左侍郎兼翰林院侍读学士掌詹事府事王希烈吏部右侍郎兼翰林院侍读学士陶大临通政使司通政使王好问大理寺卿李幼滋左春坊左庶子兼翰林院侍读掌院事申时行充读卷官

○丙戌 上御文华殿讲讲读

○赐庆王熹枋谥曰惠

○工部覆河道侍郎万恭议处河漕四事一议〈馆弊-金〉治茶城淤浅茶城当漕黄之会培筑小堤预作小河宽止数丈以为速水之计其夫役取之徐州洪夏镇督发不必更烦经费一议修复镜山闸座镜山旧闸锥探至二丈五尺杳不可寻合相度地形从新创建复自两边各筑一堤东抵山冈高阜西接黄河缕水长堤水发可闭闸以遏洪流于两堤之外落可放水以冲积沙于方淤之初待运尽之日并力兴工毋得延迟一议保护房村一带堤岸徐否□卅 南北两岸新堤束水中流以防溃决但河形曲直不同急流扫湾之处伏秋水发不无冲决而房村以上为甚合应正堤一带大加帮筑急溜去处创建遥堤及青田浅以下旧有遥堤者一并加培高厚但诸臣集议欲于黄钟集之上分水繇符离集出小河口窃恐有并行之河决无两盛之理万一全河弃旧奔新径趋符离集则境山上下四百三十里将为陆地嘉靖甲午之患可鉴也前议亟宜停止一议接窑子头古堤先年黄河北徙溢入运河为患接筑前堤彼一时也近自接连缕堤头通筑长堤黄水再无空隙可以北徙前项似可省筑惟境山至留城一带东堤内束河水外障湖波往来牵挽恒必繇之见今冲坍数多相应加筑其碭山县陈孟口新冲决口永禁筑塞使黄河水发岁岁分洩以图永利如议行

○四川按臣孙代以都蛮既平请复设按察司兵备僉事一员叙州府添设安边同知

○巡按浙江御史萧廩题境内革除间被罪诸臣如原任佥都御史后改江西副使程本立左拾遗戴德彝副都御史监军陈性善文学博士方孝孺太常寺少卿卢原质户部侍郎卢迥萧县知县郑恕翰林院修撰王叔英初任行人谪东平州吏目郑华都给事中龚泰户部侍郎卓敬谷府长史刘璟乞行有司于省城择善地建祠秩祀以彰圣朝洪恩郑公智林嘉猷列祀其次其王叔英妻女郑恕妾另行该县祔祀二臣祠中下礼部议

○礼科给事中朱南雍题议各处岁贡要查屡考一二等科举者又年在六十以下三十以上者方准起送正贡一人陪贡五人择其最优者贡之其年力衰迈者即授以儒官不准起送从之

○丁亥 上御经筵

○日讲官陶大临以疾请告 上遣中使问疾仍赐羊酒

○戊子差河南道御史李辅提调南直隶学政

○革狼山把总王之屏任回卫听勘以兵科直隶巡按劾其官兵船只俱废弛也

○己丑调江西右参议赵焞于陕西

○户部覆山西督抚王崇古等题修理山西镇西路边墙应用行粮盐菜银一万六千三十三两零乞于代州收贮盐课银内动支照前项盐课专备紧急军需不许别项糜费合应本部动支一万一千二百二十三两零兵部动支马价银四千八百一十两零各差官解送报可

○庚寅 上御皇极殿策礼部贡生孙矿等二百九十九人于廷制曰朕惟自昔哲后膺乾良弼纳海未有不以典学勤政为务者乃嗣服之始尤斤斤焉若伊训说命访落无逸诸篇详哉其言之矣三代以还强学励精之主代有作者然考德论治犹未可匹埒于姬姒矧曰唐虞又有可疑者夜分讲经岁周太平御览只日不废讲读学非不笃矣而兴造洪业顾出于马上得之不事诗书者何欤衡石程书卫士传餐汗透御服日旰忘倦政非不勤矣而政理之效顾独称躬修玄默清静无为者何欤朕以冲年履祚未烛于理惟仰遵我 皇考遗命讲学亲贤日勤劝览细大之务悉咨辅臣以求殿中夙夜孜孜罔敢暇逸亦欲庶几乎诗书所称无坠我 二祖八宗之丕绪然论者谓帝王之学与韦布不同盖不在章句间也不知舍章句之外又何学欤又或谓主好要则百事详所谓要者果安在欤往代陈谟有裨正始如贤良三策神爵言变俗永光言审尚及治性六戒劝学四仪初元节俭建初荡涤烦苛先天元祐十事治平三劄熙宁稽古正学定志论总之不越此二端矣可得而悉数之欤亦有可行于今者欤尔多士习先圣之术明当世之务其为朕折衷众论究其指归典学何急立政何先或古今异宜创守殊轨悉茂明之以副朕慎始笃初之意毋泛毋隐

○策试会试中式举人孙矿等赐孙继皋等进士及第出身有差

○兵部覆南京兵部尚书刘体乾条陈防守留都四事一议船只先因倭变造船体制重大不便驾使改造沙船十二只入浆船四只楼船沙舱三只小梭船二只仍开浚东西二港以备湾泊一议军兵操驾改造兵船合选惯水年少有力军丁四百八十名统领把总一员哨总二员定立日期演习水战捕捉江洋盗贼一议廩粮兵船将士常川巡守合加优异以慰众心把总每日加八分哨总六分队长四分每兵三分俱于车驾司补给一议器械各兵冲锋御敌合用弓弩兵马刀枪銃炮旗帜金鼓之类保于营地草荡租银内动支其盔甲火药一并量造从之

○赏巡抚贵州都御史蔡文银两表里副使刘行素守备刘天庆各赏有差从巡按贵州御史杨允中题勘剿平叛贼汪约逆贼罗奇功次赏巡抚蔡文银二十两纁丝二表里吴国刘行素

刘天庆各十两天庆仍升俸一级刘守爵陆东蒙天春各五两○工部覆工科给事中朱南雍等题称文场狭隘宜加增廓本部劄委主事杨松胡绪张大器会同巡城御史黄家栋亲诣贡院丈量应建堂宇号房規制各增加深广重新建造其应柘基址除北面原有空地十二丈外今东面展开十丈西面展开十丈西面展开八丈南面展开八丈应拆民间房屋五百九十五间一面从公估计价值给散其合用钱粮炤事例本部六分顺天府四分支给并咨兵部拨班军三千名用工上紧做造从之

○辛卯先南京户部题查得南京承运库见贮并见派生丝绢共八万六千二百余疋以每年支放折俸并内官各衣铺盖等项计足支七年有余几至腐坏而在库银止一千九百余两不足一年支放合将万历三年以后应徵绢疋俱放折色以备折俸待绢疋放将尽另行查议其历年拣下精丝绢疋并司钥等库见积开元铜钱一百六十余万搭配放给以＜娼弊金＞积贮户部覆如其议但隆庆五年奉有明旨不许轻议改折合应仍徵本色其折俸银两不足者即给本色既不壅滞岂至坏朽诏曰可

○四川乌蒙军民府马湖府泥溪长官司各差土舍进贡马匹给赏如例

○升赏辽东义川大青堡获功官军甯子周等一百四十一人

○刑部覆巡按四川御史孙代题将四川人民犯伪造印信传信邪说者尽法处治招赘后夫者立法禁止查得妖言惑众与叛逆同科决不待时如近来陕西妖人齐房一起业奉钦依处决止因抚按意见不同迄今未见典刑遂使妖人无所惩戒至于招赘后夫举居室田产子女婢仆前夫所遗尽以归之后夫比之娼优卖奸尤为不同盖不恃廉耻扫地抑且酿祸最烈合从重拟断通行禁谕得旨所奏干系法纪风俗都依拟行齐房等着巡按御史依限查奏

○癸巳上御皇极殿传胪赐贡士孙继皋等进士及第出身有差

○乙未上御文华殿讲读

○丙申上御文华殿讲读

○升云南佥事沈淮为江西右参议丁酉状元孙继皋率诸进士上表谢恩

○戊戌调补原任浙江佥事吴教传于云南

○吏部覆户科右给事中裴应章条陈三事一巡按御史差满复命方议迁转一省直提调学政宪臣三年任满岁考完日方升其有坐消岁月者不时议处一分巡官每岁遍巡所属地方钱粮词讼盗贼等事悉心经画从之

○己亥上御文华殿讲读

○都察院左都御史葛守礼覆巡按直隶御史张更化奏毆死出使简讨沈位犯人陈镇为首律斩查照揭黄子孙不许承袭杨忠葛良佑宋乔丘钊减等发边卫充军诏可

○刑科左给事中郑岳奏国家借黄河为运道上自茶城下至淮安五百余里乃茶城有倒淤之患徐州有淹城之危邳州有淤塞决口之虞稽之历年可考也臣去年奉差经过淮安正值水发之候民居飘荡询之地方父老皆言自嘉靖四十四年五年河水大发淮口出水之际海沙渐淤今则高与山等此沙既壅自淮而上河流不迅泥水愈淤其邳州之浅房村之决吕梁山二洪之平茶城倒流之弊皆繇此也今不务海口之沙乃于徐沛吕梁山地形高处日筑堤岸以防水势桃源宿迁而下听其所之则水安得不大而民之为鱼未有几时也臣闻之惻然尝见宋人李公义王令图曾献浚川耙法以圆木八尺横于中以铁为齿齿列三行两端有轮以舟驾之行浅水中舟过则泥去此古人已试之法试访而用之能< 娼弊-金 >淮口横沙而去其最下之塞则徐淮自无淹溺之虞能< 娼弊-金 >吕梁山积淤而得其高低之形则茶城自无倒流之患此固言之可采理之必然者工部覆议咨河道侍郎亲诣海口踏勘具奏从之

○庚子 上御文华殿讲读

○初 上于几务之暇游心翰墨常书学二帝三王治天下大经大法十二字悬之文华殿中又面谕辅臣张居正曰朕欲赐先生等及九卿掌印并日讲官各大书一幅以寓期勉之意先生可于二十五日来看朕写是日讲读毕居正等诣文华殿后诸内臣捧泥金彩笺数十幅 上纵笔如飞大书宅揆保衡同心夹辅各一幅正已率属九幅责难陈善五幅敬畏二幅字皆踰尺顷刻毕就

○兵部覆提督两广右都御史殷正茂题潮贼朱良宝据险为巢人效死斗必须重悬赏格令就近自募死士方可必克都指挥陈璘吏目王道踊跃请先忠义迈众成功之日将陈璘升参将王道虽系文职改升守备仍移咨两广福建巡抚严督总兵司道等官先攻诸良宝以解倒悬之急次取林凤以收破竹之功诏可

○吏部右侍郎兼翰林院侍读学士陶大临卒大临浙江绍兴府会稽县人嘉靖丙辰进士授翰林院编修历侍读南京翰林院侍读学士掌院事南京国子监祭酒少詹事礼部右侍郎改吏部充经筵日讲官纂修 世庙实录副 穆庙实录总裁为人沉毅寡言笑清介持躬上以讲读效劳赐钞布米特准祭葬谥文僖赠礼部尚书荫一子为国子监生

○辛丑 上视朝命司礼监太监颁给御书于会极门以宅揆保衡赐辅臣张居正同心夹辅赐辅臣吕调阳正已率属九幅赐六部都通大掌印官责难陈善五幅赐日讲官敬畏二幅赐正字官

○工部覆总督蓟辽都御史刘应节题讨火器等项查得京库厂局收贮火器专备防护都城听京营官军关领例不发边独该镇密迩京师自隆庆元年以后破格量发数次今仍于盔甲厂动支见贮铁佛朗机二千架鸟銃四百副夹把枪二千杆并各随用子銃铅弹火药药线等

项听差官领回其兵仗局题欲添造合成造中样铜佛朗机銃三千副大将军十位二将军七十九位三将军二十位神炮六百六十九个神銃一千五百五十八把补造中样铜佛朗机銃一千二百副小铜佛朗机銃五十副并各随用子銃铅弹火药等项定限三年之内尽数报完诏可

○工部覆河道侍郎万恭题＜派-彳＞洲花园港等处原议建闸盖俾江南粮运可以直达免盘剥之费也自隆庆六年花园港猪市上下闸成迨今二载粮艘无滞省民间不费之费但上闸重建方毕而下闸冲啮又坏合行河道侍郎将＜派-彳＞洲应改下闸及詹家洲应建中闸作速兴举并＜要遭V＞河杨子桥亦于明年接续修建以收全功其江南应该协助修闸银两严行追解济用从之

○壬寅大风昼晦

○授孙继皋为翰林院修撰余孟麟王应选俱为编修

○礼科给事中石应岳题宗支日烦禄米无措郡王而上犹得厚给将军中尉多不能自存已封者若此不得封者可知矣臣请以不系赐名授爵者尽弛诸禁听其士农工商从便为之其有文学才能者一体应举入仕准王亲事例不许任京官握兵权此皆善推 圣祖之意曲体宗室之情也不然公无以为给私无以为养饥寒切身起为奸邪然后从而禁之所伤国体多矣下礼部议

○癸卯 上御文华殿讲读○升浙江道御史谢廷杰为大理寺右寺丞

○以翰林院掌院申时行充日讲官

○改提督抚治郟阳等处都御史为提督军务兼抚治郟阳等处

○甲辰升太常寺少卿陈于陞为南京右通政

○铸给漳州府海防同知关防

○巡抚顺天右副都御史杨兆题查勘居庸关商税每年有闰月抽收三千余两无闰月止二千四五百两除解延庆卫柴炭等项共该一千五百三十五两余剩八百余两解送昌平管粮衙门凑给主兵军饷扣抵年例下户部议

明神宗显皇帝实录卷之二十四

万历二年四月乙巳朔上享太庙

○湖广抚按赵贤李拭题筑荆州采穴新冲二口承天泗港谢家湾各穴口以杀水势工费重大钱粮不敷乞将德安仓粮银并各王府减存备用禄银接济户部覆如议行

○改兵部右侍郎杨巍为吏部右侍郎

○丙午上御经筵

○改南京太仆寺少卿陆光祖为太常寺少卿

○户部覆兵部咨修筑大同边墙照例本部该发银二十六万二千六百六十八两四钱二分分作五年每年发五万两至末一次发六万二千六百六十八两四钱二分动支太仓银库从之

○戊申上御文华殿讲读御书责难陈善大字一幅赐讲官申时行○改户部右侍郎梁梦龙为兵部右侍郎

○庚戌革甘肃总兵官佟应任听勘游击吴镇改调从总督陕西尚书戴才参劾也

○辛亥总督蓟辽右都御史刘应节等题建昌台头奇兵三营皆系召募兵马近将行粮料草减半逃亡已多合将蓟密永三镇调操银凑拨五千两并辽兵遗下粮草银四千四百余两改兑建昌台头兵马行粮料草其奇兵原额二千五百名今止以二千为额将减去五百额饷留□本营行粮户部覆如议但辽兵遗下粮银四千九百余两已奉钦依作该镇本军行粮止准动支调操银量加优恤报可

○加平安伯方承裕生母贾氏祭一坛以承裕系孝烈皇后亲弟也

○兵部覆巡按山东御史郭思极勘过达贼□犯清河等处所有失事官员守一堵墙堡指挥僉事王汝栋等合下巡按御史问从之

○壬子升广东潮州府知府李多祚为本省副使

○礼部覆礼科都给事中朱南雍等题据唐府左长史袁福徵揭称唐王硕熿原无奏讨承奉本章查验符宝篆文与旧本不同显是赍本舍人黄荣串结奸徒朋谋欺罔但本内人犯俱在彼中合移咨都察院转行彼处巡按御史严行究问限本年十月终其奏报可

○癸丑 上始习属对命辅臣日拟对句以进

上对毕即以示辅臣其有未安者悉许更定是日辅臣拟对云天地泰

上立对云日月明辅臣居正等因言 宣宗皇帝尝侍

成祖文皇帝巡幸北京以端午节射柳御苑 宣宗皇帝连发三矢皆中

成祖大喜骑射罢又出对万方玉帛风云会 宣宗应声对云一统山河日月明

成祖又大喜赐名马一匹及纁丝纱布命儒臣赋诗以纪其事是时

宣宗皇帝年甫十五岁真所谓天纵聪明首出庶物者矣昨者恭睹 皇上初作对联适与

宣宗皇帝所对相合臣等不胜庆忭谨录其事上呈御览伏望 皇上益懋 圣功覲扬

祖烈以慰 列圣在天之灵 上嘉纳焉

○命总督河道侍郎万恭回籍听用以工科给事中吴文佳南京湖广道御史陈堂等劾其不职也

○命巡抚应天右佥都御史张佳胤回籍听调南京别衙门用

○刑部覆南京监察御史王宣化参应天府推官周恪将犯人胡三兴淹禁不决伊母吴氏缢死称冤及状开本官接受吴瀹重赂等情合行南京刑部提问报可

○甲寅 上御文华殿讲读

○铸换云南按察司印一颗

○礼部覆礼科给事中林景暘＜娵斨-金＞言 大明会典一书即唐宋六典会要之遗意以昭一代之章程垂万年之法守至精且当顾其为书成于弘治之末至今代更 四圣岁踰六纪典章法度不无损益异同其条贯散见于简册卷牋之间凡百有司艰于考据诸所援引鲜有定画以致议论繁滋法令数易吏不知所守民不知所从甚非所以定国是而一人心也但今两朝实录已渐次告成而披阅较正日不暇给若复兼修会典未免顾此失彼势难并行合候实录进呈日将会典专一纂修自嘉靖二十八年至隆庆六年详加编摩附于嘉靖年间续修会典之后汇辑成书永为遵守及照文献通考乃先朝儒士马瑞临所著以续通典之末彼其纪载该博诚足以裨考鉴之资第其书出于臣下私述原非制书今欲付之史局编摩似于事体未当且会典既修则国朝二百余年之文献布在方策固已灿然可考而通考一书可无俟于续修矣从之

○南京礼部尚书尹台以病乞休许之

○浙江处州府丽水县两学被革生员郑汝等奏辩隆庆四年缘本学生员朱昶被县民金瑞杰告欠饷银事发牵累汝等二十二人黜革恳赐超豁得旨越关奏扰为首的法司拿问其余著该城御史等拿解回籍刑科都给事中乌昇参奏郑汝等先因包揽税粮拖欠嗾官司催并遂率众欧伤本管方面官员仍勒出告示激变人心随该抚按参劾奉旨问遣为民仍私越关

津肆行渎奏乞速拿重究下法司治罪汶复逃脱下巡按御史拿问

○乙卯 上御文华殿讲读

○升巡抚山西都察院右副都御史朱笈为户部右侍郎

○升协守甘州左副总兵署都指挥僉事李震为署都督僉事充甘肃总兵官○先是刑科给事中刘铉题今次办事进士各司预设大明律例一部选司属中老成博雅者一二人为表率堂事之暇读习讲解堂上官不时掣诵每月终面试假如一道以验进益其两京国子生常课外每日读律例几条亦月季考较招情刑部覆如议但国子学生如试判语一道默写本条全文亦可为将不服官张本矣从之

○丙辰 上御经筵

○命巡抚山东都察院右僉都御史傅希摯以原官总理河道

○丁巳赠故太保兼太子太傅掌锦衣卫事后军都督府左都督朱希孝太傅谥忠僖与祭葬加祭二坛

○兵部覆广西剿平怀远诸徭功次提督右都御史殷正茂巡抚广西副都御史郭应聘巡抚湖广都御史赵贤巡抚浙江都御史方弘静巡抚贵州都御史蔡文总兵官李锡等各赉银帑有差

○戊午 上御文华殿讲读

○命锦衣卫僉书署都指挥僉事杨俊卿提督街道

○兵部覆兵科给事中蔡汝贤巡按四川御史孙代题九丝都蛮遗匿山箐尚多及谷炮寨小落明等处残蛮与苗兵争兢厮杀及今不剪滋蔓难图合行总兵官刘显严督官兵尽行剿绝如或玩寇老师致貽后患国法具在报可

○司礼监太监冯保等传奉 圣谕 圣母发银三千两与工部修建涿州娘娘庙工部执奏前奉圣谕特发内帑修建胡良河及北关外桥梁济人盛心臣等敢不奉扬近复建庙宇夫佛老二氏圣门斥为异端而假祸福以惑世犹异端中之邪说也登极诏书内一款万善广善二坛说戒僧人以戒法诱惑愚民炤旧禁革中外传诵以为大圣人之作为今乃忽自背驰此端一开渐不可长帝王養亲以善谕亲于道伏乞皇上劝回成命以尤大孝工科给事中吴文佳等亦奏娘娘之庙不知所繇起窃闻畿辅众庶奔走崇奉风俗日非犹望皇上下禁止之令反导之耶传之天下后世关系 圣德非细俱报闻

○己未改南京工部尚书林＜娥＞为南京礼部尚书

○升南京太仆寺卿李世达为都察院右佥都御史巡抚山东

○给故武清伯赵国斌祭葬

○辛酉 上御文华殿讲读

○户部覆工部咨称湖广抚按赵贤等题湖省当江汉之委荆州承天等处频遭水患其民恃堤为命而堤所恃以固者惟穴口分洩之力祇因旧穴堙塞以致水势横决今议开荆州采穴新冲二口承天泗巷谢家湾各穴口以杀水势前此节经抚按奏修堤埝请银一万五千余两水患如故合将库贮德安仓粮银并减存备用各禄银三千二百二十二两未完广阜仓银五千三百三十一两五钱准令支用以后年分徵解济边不许一概混用从之

○礼部覆蜀王宣圻奏凡王国庆贺筵宴礼仪具载 祖训会典今蜀王具奏至再合行各衙门遵炤本部先次题奉钦依悉加遵守其出入承运门一节会典查无开载既经蜀王奏系相传定制相应一体遵守其非会典所载及虽系旧规而于典制无当者该府不得越礼渎扰制曰可 壬戌升吏部左侍郎刘先济为南京工部尚书大理寺左少卿王之垣为南京太仆寺卿左春坊左庶子掌南京翰林院事余有丁为南京国子监祭酒调原任巡抚四川都察院右佥都御史严清以原官巡抚山西

○户部题万历元年年终各边督抚官类造钱粮揭帖进览如蓟永密昌辽东等镇支放与上年相当宣府省银四万余两又采办等项银四万余两山西比上年多催完银十万余两少粮料一万余石大同比上年多催完银三十四万余两皆系督抚及宣大郎中兵备等官尽心经理之功相应分别优赉诏报山西宣大三镇节省催督钱粮独多著吏部纪录擢用

○命分守宁夏东路右参将陈锐充协守甘州左副总兵

○户科给事中赵参鲁上言发银建庙以奉佛祈福尽皆诞妄近日北虏南寇残破地方输税浚河卖鬻妻子计先后发修建银两至五万三千若以大赈穷民其于祈福禳灾多矣不听

○乙丑 上御文华殿讲读

○先是户科给事中张孙绳原任南京户部尚书尹台妄行奏辩及要申飭以后被论大臣只自陈求退不许奏辩吏部覆议得旨今后大臣被劾只著自陈求退不许摭拾强辩言官亦不许挟私风闻苛求细过 升太常寺少卿曾同亨为大理寺左少卿

○发户部银一万一千一百四十余两给甘肃五道修边 宴赏乌思藏大乘法王并法藏等六寺鲁班等七寺差来进贡国师乌竹笑等刺麻番僧相竹领占领上端木等如例 命原任镇守

宣府总兵官都督同知赵苛前军都督府佥书管事原任镇守福建总兵官都督佥事今革职俞大猷准复署都督佥事后军都督府佥书管事

○命以副总兵职衔管理宣大山西总督军门中军事胡镇仍以原官分守宁夏东路右参将

○命管理红盔将军宣城伯卫国本铨注中军都督府佥书管事

○丙寅 上御经筵

○吏部覆吏科左给事中张楚城题复行久任之法今后知县历俸六年上下乃升取知府知州历俸六年上下乃升迁间有才不宜于官官不宜于地者听抚按查实具题量行更易其藩臬二司参政升布政参议升参政副使升按察使佥事升副使在内科道部属大约六年上下升司寺参政副使三年上下升参议佥事知府若一时风宪急缺择各部主事通达国体谙练刑名者改用报曰久任本系良法若独责守令自难久行华要衙门都著一体遵守

○兵部覆户科左给事中陈渠题两广提督殷正茂云南巡抚邹应龙广西巡抚郭应聘各报剿贼宜加详核及善后事宜查殷正茂先次受赏实为惠州之功今诸良宝已倾巢穴但林凤尚在潮州广西多盗之区即再奏大捷善后为难云南之师出自便宜先未请征輒报荡平未妥虚的合咨行殷正茂会同福建巡抚严督官兵将林凤克期剿灭仍与邹应龙郭应聘各画善后事宜以图一劳永逸其云南广西功次行巡按御史严加核实从之○巡抚保定右佥都御史孙丕扬题真定包修城垣用过木税赃罚等银四万二千二百八十三两零未修城约用银六万八千四百九十两查出本府库贮新增地亩等银二万五千一百八十八两堪动其不敷之数查动顺真广大四府库贮各院赃罚或将万历三年以后木税仍留一半凑修支用工部覆如议但木税仍遵前旨以后年分解节慎库备买内监木植不得扣留从之

○戊辰 上御文华殿讲读

○户部预开万历三年分两淮常股存积盐共五十九万四千七百六十九引一百四十九斤二两每引率价银三钱五分甘肃减五分长芦常股存积盐共一十八万八百八引八十六斤每引率价银二钱山东常股存积盐共九万六千一百一十引一十九斤零每引率价银一钱五分钟内派甘肃镇算该银九万三千五百七十七两五钱延绥镇算该银三万四千三百九十五两一钱零固原镇算该银二万一千五百九十八两零山西神池等堡算该银五万一千七十三两四钱零蓟州镇算该银一万三千五百八十一两零原议专备主客兵并补岁用不敷及新增募军等项支用报可

○己巳 上御文华殿讲读

○改兵部车驾司主事陆万钟刑部贵州司主事商为正刑部浙江司主事刘台刑部广东司主事陈文衡刑部湖广司主事于鲸兵部职方司主事詹贞吉刑部山东司主事晏仕翹刑部

河南司主事侯尧封礼部祠祭司主事王藻刑部广西司主事耿鸣世大理寺右评事傅元顺俱为监察御史万钟浙江道为正江西道台福建道文衡湖广道鲸河南道贞吉山东道仕翹山西道尧封四川道藻广东道鸣世广西道元顺云南道

○庚午 上御皇极殿遣使册封瑞金王在纳等是日堂下作乐
升吏部文选司郎中刘大绶为太常寺少卿

○辛未荫户部左侍郎陈瓚子陈忠为国子生以三年秩满也

○壬申 上御文华殿讲读

○癸酉兵部覆蓟镇督抚等官刘应节等题属夷讨赏原非犯顺南兵吴青等贸易攘夺遂敢私越边关擅杀属夷诈捏虏情妄传烽火吴青等二名合行梟示副总兵陈勋提调王凤鸣量加罚治守备陈子銓等行巡按御史问从之 □□常寺少卿会同亨为大理寺左少卿

○命定远侯邓世栋管理红盔将军

○巡按河南御史褚缺题据会审犯人李乾供状乾原系唐府校尉因偷盔逐出潜住京师内官赵忠常福谋干唐府承奉访知乾系旧役密谋购买刘恩空头宝本欺唐王年幼国妃管事捏奏见缺承奉乞请拨补等情都察院覆请下抚按会同提问诏赵忠常福著锦衣卫差官校扭解来京问其余著巡按御史尽行处治

明神宗显皇帝实录卷之二十五

历二年五月甲戌朔赐辅臣张居正等讲官丁士美等金艾叶簪绶符艾叶有差

○乙亥 上御经筵

○丙子吏部尚书张瀚再＜娼弊-金＞乞休慰留之先是改各部主事为监察御史刑部主事侯尧封除授甫二月与焉吏科给事中张楚城＜娼弊-金＞论方议久任而乃取人于两月所谓历练民事者安在侯尧封乞仍供前职瀚奏主事御史同为京官不在升擢之例考选之日止据刑部堂上官称尧封办事勤慎颇习刑名遂信而用之于是实无半面之识因乞罢职不允

○广宁镇静镇安夏清等堡各整台棋杆夜忽有火光一更方灭

○戊寅 上谕礼部雨泽愆期朕于宫中斋戒虔祷百官修省及应遣告事例便查拟来行越三日雨远近沾足

○刑科给事中欧阳柏奏赞成久任之法条例四事一惜人才谓同郡所属不得互相更调同郡则地相近互相调则优劣相形心意顿灰治效罔睹一慎咨访抚按监司多寄耳目于属官属官复假于下人奸弊丛生黑白倒置务在持公秉虚使弥缝者不得幸免而循默者不致受诬一戒纷更喜事之徒借口兴革成法屡更奸冗日滋不若循旧奉公之为便一崇实政立碑建祠一如律例所禁吏部覆如议从之

○己卯火星逆行犯氐宿

○以 世庙德妃张氏发引免朝

○庚辰 上御文华殿讲读

○辛巳 上御文华殿讲读时辅臣张居正偶患腹痛
上知之手调辣面一器以赐并辅臣吕调阳各赐金镶牙箸一双同食

○壬午兵部覆总督两广都御史殷正茂题剿平海寇诸良宝等大小文武效劳人员合先优赉仍行巡按御史核实具奏得旨依拟都御史殷正茂于先荫锦衣卫副千户加升一级总兵官张元勋升祖职一级仍各赏银两表里参政刘稳等参将胡震守备董龙等各赏赉有差

○癸未 上御文华殿讲读

○户部覆巡按直隶御史陈文燧条陈核两镇之支费凡抚赏间谍续给虏酋亲属穷夷止许

支用积贮客饷夷税等银稍有不敷量行请益不许那动尖丁商税余课公务司府库贮等项每岁仍委巡按御史带查奏报其两镇本色颇多不拘主客通融支放虚增屯粮悉行开豁但清查隐占开垦荒芜以所入补足原额得旨再议来说仍以尖丁等项听督抚支用

○建左州新宁州儒学各设学正一员从两广督抚殷正茂等题称二州改土为流正用夏变夷之机也

○甲申 上御文华殿讲读

○户部覆陕西督抚石茂华题清查固原镇钱粮自隆庆五六年间用过数目未明势难卒就原限四月内奉报量行宽限至万历三年二月其原任兰州知州刘畿及库子桃柏行巡按山西御史拿解陕西与商人何思等对审以凭归结从之 科给事中张孙绳题近遵题准置立考成文簿将大小未完事件立定期限通行内外遵守法至善已但限期不必拘定月分远方有咨文未到期已先满者须酌量道理远近事体难易以奉文之日为始定限几月该部每季类奏发讫日期各抚按亦每季类奏奉文日期以凭查考则勤怠立见其在抚按每当候代时易多推委而接管初至又漫不知因事之迟误亦多坐此以后违限者俱责在任听部科纠参下户部议

○乙酉吏科左给事中张楚城奏称会推大臣宜先期移文与推官员令各举二员＜娼弊-金＞集下部仍逐季将大臣履历移送各官令时常咨访以备临时荐用吏部覆人之意见不同若一一开＜娼弊-金＞下部不免琐渎宸严逐季开送履历则迹涉推诿事权而造报频频难继但于会官廷推之日各务秉公持虚论定后官庶几爵人于朝与众共之之意 上从部议

○录荫故大学士张孚敬孙男张汝纪为国子生以原在效劳皇史宬议中其妻比例陈乞也

○兵部覆南京兵部尚书刘体乾等题南京锦衣等卫所快船及江淮二卫马船差拨虽均但快船掌驾取诸各卫军余委属凋敝马船水夫原有本等工食似可通融议将快船裁减一百五十一只内二十一只径行停止其一百三十只改入江淮二卫以准马船即以见在及添募水夫拨领掌驾其工食口粮并哨总等官廩给悉照浦子口兵船事例处给从之

○丙戌除原任福建僉事王锡命于河南○兵部覆蓟辽督抚刘应节等题估勘宁前应修台工三百九十六座又先修土堡一十一座墙三万九千六百七丈议用银一十二万余两必二十年方完较原议似若少省计完限尤属甚迟各官复就中酌量缓急止修台三百座故计费止用银三万两计成则五年可完但修工军三千人每年筑台六十座似为大劳每台增估银一百两亦似不足欲成大计岂惜小费合于原估外每台加顾夫银一百二十两如保镇例准将广宁库贮夫丁银一万二千两先行动支不敷银一万八千两照户七兵三事例其雇夫银三万六千两本部动支马价分作三年解发报可

○丁亥 上御文华殿讲读

○升山东右参议余立为本省副使提调学政

○戊子升吏部右侍郎杨巍为本部左侍郎改礼部右侍郎兼翰林院侍读学士丁士美为吏部右侍郎

○兵部覆巡按直隶御史陈文燧条陈边务七事一察抚赏之机宜谓互市抚赏悉遵原议不得过有要求一酌修守之要领修筑边墙墩台役重事钜钱粮夫役数目不同诸臣意见未协及报完期限俱令再行酌议一勤什伍之训练谓宣大军士以经年修工而不习训练复以料价数少而不备器械合严行招捕逃亡清查占役酌议堪动银两制造战车火器一严使介之稽核凡夷人传报声息及各枝求索赏赍俱住边城外馆听通事量领头目进见其出境时不许挟带铁器硝磺违禁等物一惜边军之劳困两镇扣银扣饷扣粮扣屯减哨朋合等严禁将领科歛一议夷马之价值大同镇所易夷马可发州县驿递之用其给军骑坐未扣折色宣府无从发落乃议二军领买一马免其修工间有倒损未免赔偿合视旧稍益人数务为经久之法一定贡市之□候五月进贡马匹互市六月事毕悉如原约不得以各枝持疑不协为辞从之

○工部覆顺天巡抚杨兆巡按王湘等题顺永八府岁遭昏垫保定真定为水所自出多横流荡没之患顺天河间为水所潴汇半沮洳萑苇之场或当筑塞或当挑浚言建白非一人本部题勘非一次矣兹者抚按议报前来灿若指掌但近来畿辅州县旱涝频仍赋役烦急如更兴工动众恐利未及收而害已不支矣合将前议备注在牒待数年后公私稍裕为之其滹古田粮将各淤出见种地亩起科抵补报可

○己丑赐辅臣张居正等讲官丁士美等扇各有差

○夜望月食

○庚寅除原任四川右参议沈启原于山东

○给故南京礼部尚书李玘祭葬如例玘以嘉靖四十五年卒至是礼部覆巡抚江西凌云翼请也

○辛卯 上御文华殿讲读○刑科给事中秦燿题近有内官赵忠常福一事已奉严旨究矣臣愿就此大加划剔其弊端有三夫王府题奏多带空头宝本来京托人缮写岂非虑与格例不协及字眼差讹哉然以王章假手匹夫更易于数千里外僥事有大于奏讨承奉者何从诘问所当厘者一钱粮国计所关乃以六万余金付一百户领之虽觉察穷治而监追不就所当厘者二诳借官银指称营干至逼寡妃幼主损贖代偿清明之朝岂宜有此所当厘者三臣又闻各王府有一等听差人役每令赴奏輒索重贖称为入京打点恣意乾没污人名节诸藩之困坐此也今后庆贺听其遣使亲赍余若请名请封请婚祭葬等事俱令抚按核实代题诈伪之辈绝迹矣下礼部议

○编派山东东昌府属濮州丘县莘县朝城范县清平馆陶八州县每年均徭银各五十两共四百两协济冠县供应之费从抚按题本县赋重难支也

○壬辰先是 上在宫中传

圣母意问近侍曰元辅张先生父母存乎左右对曰先生父母俱存年俱七十甚康健

圣母闻之甚喜是日 上手谕居正曰闻先生父母俱存年各古稀康健荣享朕心嘉悦特赐大红蟒衣一袭银钱二十两玉花坠七件彩衣纱六疋乃奉

圣母恩赐咸钦承著家僮往贲之外银钱二十两是先生的

○癸巳礼科给事中林景旸论劾工部尚书朱衡因再<娼弊-

金>乞休许之加太子太保给驿去

○户部题应发各边采买粮草银两宣府客兵七万两大同客兵八万两永平密云主兵各一万两宣府主兵一万两大同主兵二万两山西主兵二万两辽东主兵二万两延绥主客兵三万两宁夏固原甘肃各主兵一万两易州客兵一万两趁秋采买预备万历三年支用各镇即将仓场冲缓及实在应补之数预查明白方行给发不许听信奸商猾吏巧行趋避使极冲者临时缺乏僻缓者多致陈腐违者听抚按参究银两准给发

○革永平王府镇国中尉恬燉禄米三分之二恬烜住禄半年山西抚按官朱笈等论其不法事也

○乙未录辽阳等城清河等堡斩获功次升赏官军马千儿等一百二十八员名

○礼科给事中石应岳题伏见 圣祖封建诸王敦睦九族凡子孙胜衣以上者皆仰食县官恩至渥矣迨年以來麟趾繁衍载玉牒者四万而存者可三万有奇岁该禄粮可九百万石计各省存留之赋曾不足以供禄米之半已封及当封者臣不敢以轻议至于遗孤失请名封及请名封而以过期冒滥违例奏寝者何限似犹可以变通者盖此等世系既出于天潢而名封弗锡于天朝县官无斗升之给私家乏治生之谋男四十而未能婚女三十而未得嫁甚至没名佣隶流落道路夫圣明御<嬪嬙患疽幻褚晃鐸杂其得所何况宗室懿亲然欲加赋额则今之赋歛非轻矣欲捐内帑则今之积贮非盈矣将何施而可臣尝读

祖训有曰郡王嫡长子袭封郡王者其岁赐比方封郡王减半支給夫

圣祖之郡王亲则孙也不三世而遂裁其禄则自五世而下者可类推矣是

圣祖立法之方未尝不寓变通之权也矧今日当穷极又当速变之会乎臣愚以为直善推 圣祖之意曲体宗室之情凡不系赐名受封者尽弛诸禁听其自为生计士农工商从便为之则彼必欣然喜为之与坐而待毙母宁劳而得食可以得活旦夕命耳且古者公族皆得入官如汉刘向唐李绹宋赵汝愚皆以王宗之亲蔚为名臣社稷安危将终赖之则宗臣者亦何负于国家也今宗支中知可效一官才可办一职者岂独无其人乎一概废而不用深可惜也若许未封诸宗有文学才能者与凡民俊秀一体应举入仕以王亲事例例之但不许任京官握兵权则才能者自有诏爵禄之典必不希冀难得之需而咸思所以自效矣或者谓宗室至骄纵

也为农工为商贾恐至于暴争入官恐至于傲虐不知法纪森严虽亲郡王将军犯法者已不轻宥矣况业农工与商者则治之以有司士入官者则持之以长吏彼岂暴争而傲虐哉如前所议朝廷不过下尺一之纸有司亦不烦锱铢之供而为宗室者皆得以相生相养渐免于流离失所之苦及行之数年诸藩称便然后以渐而议其他彼徒拥虚名而不得实禄者亦将欣然舍此就彼矣下礼部及诸藩覆议○刑科给事中乌昇等奏请将大明律注参酌考订并续增条例详议上请共成一书颁行中外刑部覆大明律一书乃 圣祖神谋独断参酌历代刑章明白洞彻原无微文隐义不可通晓之处诸家注释往往各执己见纷如聚讼如此参订奉旨遂为不刊之典窃恐巧文之吏任注释而背律文犹经生弃经任传其弊不可言矣至于问刑条例乃采之 累朝诏令或在廷诸臣建白可补律文之所未悉自嘉靖三十三年重定之后未经补辑合咨各衙门将嘉靖三十四年以后与刑名相关事体备查过部参定附续颁布中外报可

○丙申礼部请大祥之后日视朝如常仪报曰且炤三六九近例行

○以河南归德府知府郑旻为贵州提学副使

○户部题发宁前台银一万二千六百两 丁酉西初二刻夏至 大祭 地于 方泽遣公张溶代

○戊戌海西者刺等卫女直都督阿失卜等二百一十一名并塔鲁等卫女直都督佥事笼卜等一百七十九名各朝贡宴赏如例

○庚子复设三江口守备一员从湖广抚按官请也

○辛丑奉 穆宗庄皇帝主祔 太庙

○礼部覆巡按直隶御史陈文燧题参饶阳王充■于嘉靖三十三年犯罪革爵遂发高墙至隆庆元年虽经放回本府而王爵已除其册印例当追夺乃占愆不发援引郑王厚烷建言获谴事例迥不相同至于革爵庶人岂得冒支禄粮法应并追以后各王府有缘事革降者先追夺印册奏缴然后押送高墙诏如议禄未姑免追还

○壬寅以 穆宗庄皇帝祔 庙礼成赐辅臣张居正等银币有差○癸卯先是开原地方属夷王台一枝士马精强为虏中所惮而贪嗜抚赏颇怀效顺至是土蛮小黄台吉等要挟结亲兵科给事中蔡汝贤辽东抚按张学颜等各上〈媼斃金〉言之兵部覆议诸虏通好意在连兵但据王台报称不得已之故犹未敢自绝况黄台吉以五千之众能劫之使婚矧辽阳数万之师加以岁贡月市岂不能挽之使附谓宜明示利害以决其疑炤常抚市以固其志报可

明神宗显皇帝实录卷之二十六

万历二年六月甲辰朔升户部左侍郎郭朝宾为工部尚书

○湖广抚按赵贤李枋题称济恶王亲犯人王朋等没官赃银货物房屋田地等项原估报共十万一千三百五十七两乞留本地方兵饷并各王府禄粮之用户部如议覆行

○乙巳上御文华殿讲读

○丙午户部覆南京户部尚书傅颐等题南京锦衣卫所新收军士九千三百余名每年约用银九千余两米九万余石今南京库银积贮颇多虽增新军折色支用有余其粮米当于万历三年秋粮内派浙江二万五千石江西四万五千石湖广二万石径解南京户部交纳以备增军之用报可○礼部题廷试贡生定以四月中为限其后至不及试者俱俟次年不许秋月复试从之

○丁未调河南右参政冯敏功于山东

○总督漕运副都御史王宗洙题漕务五事一定期限以图善后今岁漕舟正月终悉抵镇江盖事体初复人心兢奋然不可为常议定以三月终尽数过淮以一月为黄河逆溯之期则四月终可悉过洪不与黄水相直一禁军士以戒不虞祖宗以十二万军士岁运于中原自有深意但群聚起争不免贻祸地方凡军船赴水次领兑止许一旗一网跟同运官赴仓其余军士不许私自上岸一清责任以处旧欠前运挂欠新运扣留用守法之人之米为先年盗卖之资不平甚矣如山东都司佥书朱嘉谟欠粮二万六千余银二千三百余而反得尊官善地何以服诸人之心今后明开挂欠运官某人旗军某人不拘升任在卫行文原卫变产扣俸及扣运旗余米月粮有不足者仍行地方官设法处完一复军船以苏疲困衢州所原额运船四十九只后添代运海宁卫三只又代温州卫十只连年因累力委不堪今查海宁卫殷实上年已复运十二只再将衢州所十只拨并该卫领运一折脚米以济修船先时军船寄泊瓜仪会议脚米六升征本色给军而以各军行粮折粮以抵修船之费今瓜州建闸运船直至水次听兑必须先修船只预办什物粮完即可开行合自万历二年为始将脚米折徵银两给各运官公同有司修船置办什物下户部议

○以沈阳失事夺辽阳副总兵杨腾俸三月下备御陈大魁等御史问沈阳参将曹簠血战斩首其损军免议

○戊申上御文华殿讲读

○升云南参政林一新为四川按察使调云南按察使张任于河南改南京刑部尚书谢登之为户部尚书总督仓场

○准锦衣卫勋卫赵光远袭武靖伯

○荫四川巡抚副都御史曾省吾男曾大汇为国子生

○福建巡抚刘尧海揭报广贼诸良宝总兵张元勋督兵诛剿其逋贼林凤鸣拥其党万人东走福建总兵胡守仁追逐之因招渔民刘以道谕东番合剿远遁

○刑部题参鸿胪寺回回馆通事序班王良相于隆庆六年五月内差伴送土鲁番夷使前往甘肃地方行至河南彰德府各夷称入京时会将玉货马匹賒与平乡等王府宗室仪宾人等取讨价值住候四月余又沿途增添箱□□匱驿递应付不前至万历元年十二月方到甘肃除将王良相送大理寺审录具奏外合行各处抚按遇有夷使往还地方诸色人等交通买卖拿问参奏货物追夺入官河南抚按官行令赵府长史司启王知会将平乡等交通夷使宗仪严加戒飭仍咨礼部今后夷使回还箱□□匱车辆令会同馆查见在的数填入勘合如沿途分外增添即追来历处治报可

○庚戌 上以 皇考穆宗庄皇帝升祔禪除于宫中设晏奉 两宫圣母

○升赏义院口窘隘台堵夷官军韩奉等十三人

○革副总兵管宣大军门中军事胡镇任下巡按御史问从巡按御史奏也

○辛亥改南京兵部尚书掌都察院事戴才为南京刑部尚书

○升福建参政顾言为云南按察使

○壬子以招降归正人口赏总兵郭琥副总兵麻锦参将奚元银两有差

○癸丑 上御文华殿讲读

○荫兵部尚书谭纶男谭河图为国子生

○甲寅升工部左侍郎赵锦为南京都察院右佥都御史○户部覆户科给事中张孙绳题考成日期以文到为始恐那移月日之弊不免中外每季奏闻又恐烦渎今查各处抚按奏事各有承舍等役即令候领文示以日期赍到其无人赍领者转送兵部乘便即发不必候积数多各省直近者每季远者半年本部行文清查速行回报其候代迟违责在先任如议报可

○夺石门寨副总兵张拱立俸三月永平兵备副使宋守约二月管粮郎中宋彘升官离任免究以石门官草延烧也

○乙卯日讲官沈鲤以病给假赐路费表里命驰驿去

○户部覆两淮巡盐御史王琢玉会同抚按官王宗沅等题淮北堆盐地方低洼每被淮水淹消损商启弊今议筑堡围护合用工价银一万一千四百四十八两零应于淮字各单每引带盐二十斤纳银一钱兑为工费从之海西古城等卫女直都指挥同知兀答等二百名并忽兰山等卫女直都督同知阿卜等一百一十名各赴京进贡俱赐宴赏赍如例

○丙辰永福守备升福建行都司佥书康仁改升广西都司佥书仍管永宁永福守备事从督抚官请也

○丁巳户部覆总督侍郎方逢时题先年春秋两防督臣驻劄怀来故宣镇召买粮草独多今自诸虏纳款督臣专驻阳和行粮草料独取给于大同前议拨宣府客饷银一万两以补大同既彼此坚执合将今岁年例银两大同如数给发免其扣留宣府量行减扣报可

○戊午升南京兵部右侍郎杜本□丞为工部左侍郎

○礼科给事中李邦佐条陈吏治五事一执公道以服人心守令升迁行取主以抚安之荐章质以任内之寔政勿为谗毁所夺一酌改调以利地方贤能卓异者仍留地方久任其才力不堪者速行论调宜调闲散毋调简僻简僻之人奚罪焉一公举荐以示激劝通判绝无与荐者宜间举一二以作贤能之气一处嫌怨以安善类长以正道率属属以正道承母得暗投揭帖彼此攻讦一革虚文以图实效期会迎送酒席供具寿仪等项痛行禁绝吏部覆如议但调闲调简改教亦宜酌量并用报可

○命宁夏游击将军署都指挥佥事赵九思充分守宁夏东路参将

○添设信丰县小江保地方把总一员从南赣江西抚按官请也

○刑部题赵忠常福事情在司礼监则开二犯止招借银生事轻情不认买宝诈奏重罪在河南抚按官则奏称赵忠常福购买空头宝本洗改捏奏及礼部题覆科臣参奏缘繇则又称符宝篆文不同系是假造情辞互异出入悬殊且赵忠等所供进献唐府物件及本府回赏银两揆之情理似属支吾今再行河南抚按将有名人犯提究的确限本年十月内连人解部仍令纪善等所将本府该年分本稿宝簿印封送至巡按衙门转送本部查考报可

○己未调考察不及江西左布政陈绛于四川

○礼部覆刑科给事中秦耀题各王府差人入京与吏书通同为奸利事除抚按代题一节近奉明旨不敢擅更自今以后凡亲郡王应该袭封者照宗藩条例行长史司取具宗支等结即具本刻期赍奏封进之后给批回令其出京如即奏违限领批后潜住京师者拿送法司其奏本到部行宗人府查有无奏报等项限三日回覆该司覆查限五日具题命下精膳司限三日

填发勘合凡亲郡王妃及世长子请封但系单本具题者同此其男封自镇国将军而下女封自郡主而下并宗男请名例该类奏者各王府限三月一次本部即于下季具题其选择婚配例该王奏及巡按奏并布政司文结齐到方可查题每季定限仲月一次本部照名封例按季具题其仪宾子弟除亲郡王者例赴京冠带本部每月具题一次其将军以下仪宾宗婿俱按季题其各王府祭葬系亲郡王及亲王妃俱单题郡王妃及将军夫人等俱按季题其余如管理府事参处犯宗请医视药等项俱单题如请封生母旌表孝行俱按季题题覆有常事体归一则奸徒无繇指骗而吏书无繇需索矣至于空头宝本动以虑恐违式为名夫奏请格式详在宗藩条例长史等官俱系科目出身岂不能详加查对或差讹遗漏即行改正其用宝之时会同典宝亲押其下如有差违者行巡按衙门重究报可

○庚申 上御文华殿讲读 淮府德兴王府合水县主仪宾潘文黯广信王府始平县主仪宾胡世禄高昌王府安化县主仪宾叶金铎韩府长泰王府隆安县主仪宾王应奇庆成王府顺化县主仪宾李时荣各赴京授以冠带见朝毕回还成婚

○升江西道监察御史刘存义为大理寺左寺丞

○升贵州副使吴国伦广东副使李渭福建副使徐中行俱为参政国伦河南渭云南中行本省

○释禁锢闲宅赵府平乡王府已故镇国将军祐木□却未封第九子回府居住从河南抚按奏请先因失误请名越关辩扰经今六载情有可原也

○先是属夷董狐狸犯边至是听夷酋兀鲁思罕夷妇伯颜主赖宣谕将原掳人口送还绑缚造孽部落伯颜阿都赤二名进献乞宥罪复通贡赏兵部覆蓟镇督抚官奏得旨董狐狸准照旧抚赏伯颜阿都赤梟示兀鲁思罕等各赏银币

○发庆成王府废禁闲宅庶宗表□木非土□高墙禁住从山西抚按参奏不知悛改淫纵不法也

○辛酉上御文华殿讲读

○壬戌升陕西苑马寺少卿兼佥事孙光祖为广东副使复除福建副使陆泰复于本省

○命陕西苑马寺卿仍兼佥事分巡平凉一府旧分巡道止管凤翔一府行太仆寺卿免兼道务仍兼佥事分管地方点闸马匹旧分守道仍驻泾州通管平凤二府从总督抚按官请也

○渭南王府镇国将军誉枏以年七十辞管府事请以嫡子定爚代报可

○楚王英＜戚鸛苕巨岸孤尚幼先是敕武冈王显槐管理府事保护二孤至是湖广巡抚赵

贤论显槐制缚宗仪剥削宫眷寝园置之绝地凌逼加于太妃受贿杀人罪恶暴著当解其摄理以安人心议以东安王显梲代之但不许收掌本府钱粮止住门外空宅以远嫌疑报可先是光禄寺卿汪宗伊题本寺仓粮积满新粮五万余石缺廩收贮欲于粮米仓收又该寺银库向止库役二名难责典守欲比太仆寺例添设官攒增编库役其盐仓见贮盐三十二万斤约穀二年支用合将年例新盐令折银解寺户部覆如议

○兵部覆巡抚应天都御史宋仪望题修理句容县旧设巡抚衙门为巡抚驻劄春夏巡历苏松等府以防海汛秋冬巡历徽宁等府以肃地方从之

○癸亥以宣府□完边墙城堡墩台等项赏原任总督尚书王崇古总督侍郎方逢时巡抚副都御史吴兑各银两表里吴兑升俸一级总兵官雷龙赵岢赏次之雷龙升祖职一级其余著巡按御史核奏旌湖广光化县生员蔡玉同弟蔡佩为母庐墓三年孝行之间直隶霍丘县县丞邹相妻黄氏陕西河州民雷得时妻杨氏又民马廷凤妻罗氏湖广邵阳县民罗仁妻陈氏杨氏河南太康县民刘然妻孔氏俱贞节之门山西孟县军人妻牛氏不食七日死河南夏邑县生员段思恭妻张氏三日不食缢死祥符县生员司邦谦妻孟氏四缢不绝卧柩前不食死永城县民郭才妻成氏即时缢死开封府民杜帷纳妻董氏即日缢死杞县民张存儒妻徐氏四日不食自缢灵侧商水县民戴朝福妻张氏自缢登封县生员刘诚妻杨氏自缢湖广南漳县民张真未婚妻宋氏自缢河南怀庆府河内县民蔡茂未婚妻吴氏自缢死俱贞烈之门

○甲子上御文华殿讲读

○以左春坊左中允范应期充经筵日讲官
升巡抚江西右副都御史凌云翼为南京兵部右侍郎

○升云南曲靖军民府知府王辇为陕西苑马寺少卿兼佥事

○南京兵部尚书刘体乾以衰病乞休许之

○补荫原任少保兼太子太傅武英殿大学士顾鼎臣孙男顾谦豫为国子生
准荆王嫡次子泰宁王常＜娶眶裕鞠封荆王其世子常冷革为庶人也

○礼部覆巡抚陕西副都御史郅光先题各王府长史员缺务于审理教授等官从公选委暂署司事不得概用护卫及仪卫等军职从之 乙丑户部题宣大山西三镇年例银两宣府镇主兵银五万六千四百四十两大同镇主兵银一十二万三千九百三十四两客兵银三万两山西镇主兵银四万四千六百九十八两零客兵银三万七千五百两准给发

○户部题蓟密永昌四镇额饷银两时已季夏防秋伊迺除已发外仍当补足额数以备缓急蓟州镇该二万七百三十四两零密云镇该一十三万五千九百五十八两零外补上年丁绢银五十二两零永平镇该四万八千四百三十两零昌平镇该四万六千八百八十六两零易

州镇量发六千两良涿二千五百两准给发○南吏科给事中史朝铉劾守备太监申信先年差往湖广督发辽庶人起解高墙强取藉没银两六千以充囊橐顷在南京暴戾贪残擅添各门局等官贿赂公行乞亟赐罢斥严行勘问赃罪报闻河南等道御史吴从宪等亦言被劾事情合敕下南京该衙门从公体勘不从

○丁卯 上御文华殿讲读

○升山东按察使朱卿为本省右布政

○戊辰改南京刑部尚书戴才为南京兵部尚书参赞机务升应天府府尹杨成为都察院右副都御史巡抚江西 礼部覆巡抚江西副都御史凌云翼题原任南京刑部尚书已故陈寿新淦人繇进士授户科给事中时外戚万通与中官梁方辈交结用事抗＜娼弊-金＞被逮久之得释及为南京副都御史复与逆瑾忤械系下狱监禁居庸关瑾诛起为陕西巡抚能戢镇守太监廖堂毒焰民以安堵两抚边镇军容整肃吏部两移咨取荫皆以无功辞免及死不能成殓虽勋猷尚未尽见而节操则已凛然法宜补谥以示激劝得旨准谥简肃

○己巳升山东右参政王一鹗为本省按察使

○户部覆巡抚延绥都御史张守中管粮郎中李木题本镇虽多余盐课银三万七百七十余两但地方饥饉时近防秋合将客兵银二万二千七百八十七两零给发其多余盐课银扣作下年主兵年例准给发

○庚午升陕西左布政使侯东莱为应天府府尹

○准庆世子倪＜娥鹵螳竟芾殒事以庆王嘉枋初薨令俟服满请袭也
辛未起原任南京工部尚书林云同为南京刑部尚书

○巡按浙江监察御史萧廩题原任南京兵部尚书王守仁奉旨下儒臣议从祀久矣乃或谓其学近于禅或谓专提良知不及良能或谓遵德性而遗闻见异于朱子夫所恶于禅者以遗弃事物沦于空寂也使守仁出此诚不可治国家乃学术发为事功既章章矣其立教大旨曰致良知于事事物物之间是大学之教明物察伦之学也其与朱子稍异诚有然者然学在不出吾宗至于启钥开关何必胶柱鼓瑟又有谓始尝修仙佞佛者及门多匪人者总属苛求合宜定议下礼部覆

○壬申升云南副使张文渊为本省右参政复除原任河南左布政使刘曰材于陕西

○光禄寺卿汪宗伊题本寺有器皿厂一所收贮工部南京工部解造器皿相应设法堆放省出数连暂收新粮仍先行支放不妨收阁器皿又查本寺有监局人匠额支粟米者及将军并各监局人匠支粟米半年者俱扣算粟米一石支与白粮七斗庶旧积不置于无用而新收亦

可以有备从之

明神宗显皇帝实录卷之二十七

万历二年七月癸酉朔

上享太庙

○升山西佥事随府为山东副使

○户部覆南京户部尚书傅颐题南京二总运军行粮改于水次兑给诚为两便但数多寡该部无从稽考至耗米席驴脚等项俱系正额正米既兑给军旗前项俱无下落亏损甚多合行漕司每年给发全单先期咨报该部查处耗米等项除给军外其余尽解南京并行查以前混支米扣米银及松江府以麦银径作行粮华亭县以南粮擅放外卫官军俱听该部查覆议处报可

○礼部题韩王朗铎奏称庶第一子璟澜乞请封郡王为照郡王进封亲王者除不得进封郡爵近例昭然今韩府自悼王偕流绝嗣康王偕灋以弟繇彰化王进封其次嫡庶子在未奉条例之前向来相沿承袭今在条例之后似难准从但康王以弟继兄传至今王俱属正派与旁枝一从再从者不同应否准封伏候 圣裁近秦王敬溶请封伊弟敬金□勉查敬溶父怀倦系再从侄男进封敬金□勉只应封中尉已经覆奉钦依今后各王府虽条例以前无论亲枝及一从再从者其次嫡庶子除已经封袭者待本王身终之日其子俱照敬金□勉事例止援本等官职不得妄授前例滥请郡爵报曰璟□ 门赤□准封郡爵其以从亲进封的俱照近例

○甲戌升贵州参议许宗鑑为云南副使

○赏巡抚浙江都御史方弘静银两表里副使刘翹副总兵王尚文等着巡按御史核奏时倭贼突犯宁绍台温等处官兵拒敌外洋沉获倭船斩首七十八颗也

○乙亥吏科给事中郝维乔题久任事宜谓方面堪京堂有司堪行取自应久任以待不次之擢乃使不宜久任者参其间宁不启下民之咨妨贤俊之路耶又如同外官或处繁剧之会寝食不遑或膺边方之寄利害难测岂可与僻静腹里者等同一京职或冒生死矢献替以致君尧舜为期或违父母远妻子经年奔走王事岂可与逐队出入者等又或同一衙门同一资俸有一人兼数人之事一时任数岁之劳似皆不可一律论报曰久任之法方行言者纷纷这本只为科道官不得升转今后着吏部查照近例内外一体升转不必拘定一年两次及多寡之数

○丙子户部覆辽东管粮郎中李充实奏称该镇粮料草束银两实在新收共短少十余万又客兵银二千二百三十九两零实在该库不登报边储簿内原任辽东管粮郎中王念称支收案卷可查交代时又经委官查盘明白为照王念心迹难明李充实失在交代时不对面细盘合严行查勘报如部议王念革任听勘李充实际处

○丁丑升四川僉事李与善为贵州参议兵部职方司郎中左熙为山西参议

○吏部覆工科右给事中汤聘尹言崇寔政四事一曰监司就近迁转如有缺而俸不相应则暂停而总计其考一曰禁戢官属陪迎抚按巡历止简附近推官代理刑名守巡兵备各于本管地方相见新任二司不许往参都司不许相随府州县不许越境迎送一曰差委勿及正官查盘止许行委该道守巡务亲历各属地方不许转委一曰待宾勿过卑褻江南御史相临者少各府正佐无用采访故州县得以全尊江北御史相临者多各府正佐时委采访故州县甘于自屈今后北方州县照南方宾待从之

○宴赏海西朝贡咬郎兀等卫女直都指挥使大汗等并秃赤等卫女直都指挥僉事少里等如例

○礼部覆靖江王长子任昌奏为照靖江一藩向以擅婚事例具奏请名封立案不行至隆庆六年酌议准请名封俱裁减禄粮三分之二以惩其相沿擅婚之罪今任昌奏内请封者一百三十一位请名者四百八十八位多有长史司粘连各宗枝文结到部但因布政司文结未到案候日久如数年所陈穷困之状殊为可怜合备行查对即与类题填发勘合照原议给禄米三分之一以后本府所生子女请名请封奏报册结俱照近例遵行给与全禄毋得仍蹈旧习希冀法外之恩并行布政司一应请名封勘结务与王府文结齐到以便题覆报可革襄垣王府镇国中尉俊桎俊棣禄米一半其子充□□火殳□充火□赖革夺封号不许请补仍追还冒支禄银从山西巡按御史贺一桂奏也

○下福建语屿寨协总姚登衢等巡按御史问时广贼突犯闽境守备不设为御史刘良弼查奏也

○法司具奏西河王府镇国中尉知个□鲜挟势凶淫及未请名封小八老朋谋济恶状得报知个□鲜废为庶人高墙禁住小八老除名封

○戊寅给还崇福寺僧真偈地五顷四十三亩供奉各夫人香火以后但有夫人亡故都就彼安葬不必再行拨给

○兵部覆保定督抚刘应节等题紫荆一带添设车骑二营其车营军士在保定取办于右营之全军在真定取办于守备之全营不足则以保定班军总兵标营及龙固营军补之其骑营在保定标营见足二千五百真定标营止二千二百以游兵三百补之各改设游击二员统领但保定右营原赴蓟镇防秋既留本镇须另议一枝前赴原拟信地防守从之

○己卯户部覆巡抚山西都御史朱笈题本省系边方与腹里迥绝商税正课系供折禄折俸折粮之用余课充赏功一切等费合准照大同事例将该省所属商税尽留本省以备各项支用诏许之

○庚辰 上御文华殿讲读

○南京吏部尚书王大固乞休许之

○礼科给事中李邦佐条议停宪差以省劳费革访察以杜宿弊二事都察院覆议清军御史一官兼摄数省正欲节省劳费原议当军伍消耗之时间一专差期于三年事完仍并归巡按御史带管若差未几而即停止既隳其垂成之功若事既完而复定三年一差之期亦非归并省事之意至访察之举专为豪梁巨恶有司既不能钤制小民复不敢陈告若非密访痛惩必至弱肉强食若乃转委非人通同滋弊大奸漏网良善波及是在慎重严密多方参酌耳诏报曰清理军伍系 祖宗成法御史以纠察为职奸恶不除何以保安良善都照近例行

○辛巳以庆王熹枋薨辍朝三日

○壬午 上御文华殿讲读

○户部覆湖广道御史房楠题光禄寺收积米石共二十七万余石仓廩盈满已经该寺曲处实非经久之计酌议于东安门外邻近民房增置买一区改为外仓暂停新粮其房价工费俱于该寺库贮银两动支报可

○癸未 上御文华殿讲读

○甲申铸给广东韶州府练兵司同知关防

○翰林院进 穆宗皇帝实录百官朝服庆贺

○复除原任福建僉事范山□龠于本省

○礼部覆靖江王府僻在边隅分封以来将军中尉止请本身名封所娶妾氏并未奏请封号缘本府去京万里差人往返动必经年是以列代相传特蒙宽恤至嘉靖四十四年奏有宗藩条例将前后名封不合条例者俱作擅婚一概停阁年复一年名封未授俯仰无资所以靖江王长子任昌奏乞破阁宽处今按宗藩条例则擅婚者止许请名不许请封但本藩委系辽远与近藩无故擅婚者殊为有别一概停罢似乎抑之太过若尽为宽处则违条例者又无以垂戒合无酌量裁处凡本藩应请封爵者俱裁减禄食三分之二以惩其相沿擅婚之罪一面勘结明白俱准请名封以申朝廷敦睦之恩以后本藩所生子女请名请封俱照近例一体遵行诏从之

○都察院覆参庆成王府庶宗□木□棐劫盗奸淫占兄妾为妻已经拘禁省城闲宅尚不改图越出邠州强娶民妇为妾常持刃在途肆意行凶罪状发送高墙

○吏科给事中刘不息言选法五事一曰核实俸升转论俸以到任之日为始一曰慎改衔南京科道惟起复者改北余仍旧衔一曰慎取选取选定以十数五数不得徇情多寡一曰慎县令贡生选县必求书言身判俱与例合一曰重王官长史有缺必纪善等官乡科之贤者抚按会保方授吏部覆专取年资则虚旷养高者坐躐崇阶专取实俸则有年资远一二十年者使出其下彼此何以相安惟典铨者公正无私使不偏重耳南京科道丁忧起复及终养年久屡经奏荐者并得改北其养病给假等项止照旧规铨除取选多寡每因员缺备查十数五数不载令甲今后进士开选酌量于成数此后人少自难定限二三八仍照常行每选例有岁贡知县常拣择身言上者以备其选至考试发落又以文字为主每有身言不及者与焉今后仍加意拣择其居官自抚按论劾纪善升审理审理升长史皆繇该王府保奏今恩岁贡人多不转王官何繇消减以后各王府荐堪任长史者候抚按荐到方准升授诏如部议行

○乙酉恭进 穆宗庄皇帝实录宝训 上御文华殿受之百官致辞称贺

○给发蓟镇新添抚夷银八千两从总督刘应节请也

○丙戌以 穆宗庄皇帝实录成加监修公张溶少保总裁辅臣张居正兼支尚书俸荫一子中书舍人吕调阳加少保给与应得诰命居正等再疏辞免特准辞荫升副总裁申时行少詹事王锡爵侍读学士仍与四品服色王希烈等各升俸一级纂修官罗万化等各升一级范应期等各升俸一级催纂等官吴自成等各升级升俸有差

○吏部覆南京刑科给事中杨节题南京部属一体改授科道为照部属改授风宪原因一时急缺合申飭两京部属各守官常毋怀竞进报如部议

○丁亥升南京太常寺卿殷迈为南京礼部右侍郎改南京工部尚书刘光济为南京吏部尚书

○捕获原劫丰城库银贼首聂朝明等参政严大纪佥事周于德俱开俸县丞王国仕为民兴国州知州唐汝礼等纪录

○戊子工科左给事中李熙题原任南京国子监祭酒蔡清少而志学壮而闻道鯨躬砥行动准古人历官郎署咸推师表常贺宁藩寿旦独去朝服中蔽膝旧时朔望朝王次日谒孔子请三司先谒孔子大忤宁藩引疾致仕居家经学自娱四书易经各著蒙引发辉羽翼之功信非渺小虽祀乡贤未蒙特典乞赐建祠专祀其乡礼部覆请得报姑依拟以后礼官务斟酌典制慎重详核毋得混淆以褻大典

○以纂修 穆宗皇 实录赐监修等官太子太保英国公张溶等七十六员各筵宴广东韶州添设练兵同知一员从本省抚按请也

○己丑升太常寺少卿陆光祖为南京太仆寺卿

○户部覆总督宣大山西兵部右侍郎方逢时等题大同地薄租少不及宣镇该镇各官养廉地土合以二顷折宣镇一顷酌议总兵给旱地一百八十顷副总兵六十二顷东路用武要地参将给三十顷其余参将游击一十五顷中军坐营守备等各五顷操守等四顷防守二顷其余地一百一十二顷召佃徵租从之

○庚寅升总督蓟辽右都御史刘应节为南京工部尚书

○辛卯往广东巡海参将胡震等俸戴罪杀贼下清澜所备倭千户丁其运巡按御史问以林凤突入清澜港登岸抢掠也

○壬辰改补原任南京鸿胪寺卿李邦仪为太常寺少卿

○发河南班价银二万七千七百两零太仆寺马价一万四千三百四十二两零为宣府修筑北路龙门所自盘道堡起迄靖胡堡盐菜口粮之费

○都察院覆巡按直隶御史王湘奏吴光裕等先拟失机斩罪合照恩诏例改发边卫充军诏以失事重大照旧监候

○癸巳升巡抚顺天右副都御史杨兆为兵部右侍郎兼金都御史总督蓟辽

○吏部选选岁贡生员许汝愚上言东南运道水势之涩莫甚于丹阳地势之高莫甚于夹港国初于此置为闸者四曰京口曰丹徒二闸居上以防三江之易涸曰吕城曰奔牛二闸居下以防五湖之易洩自丹阳起至镇江蓄为湖者三曰练湖曰焦于曰杜墅以济漕河之用遂免海运之艰而于四月交兑五月过淮维时雨泽大降江潮盛行不假湖水亦足以济岁久延袭居民侵为田亩焦杜二湖俱为旱郁仅存练湖犹有侵者而四闸俱空设矣今改为十月临仓雨泽既少江水枯落不免剥浅才数十里之区有阅三四月而不得尽达于江者虽添设攒运枉费推挽而开河之议起矣夫夹港两岸高者数十丈而河仅阔数丈许下之开凿愈深则上之坍塌愈速频冬役民以浚之春来淤塞如故年年兴此大役民何以堪为今之计莫若修三湖之故址就四闸之完基蓄洩以时下修吕城奔牛二闸以时粮运之入上修京口丹徒以时粮运之出况乎上流既溢则奔牛而下又何不通之患哉破此说者必以淹没民田为辞不知前此占湖为田今仍旧修葺非废田以为湖也即欲补此数顷之田则沿江一带新涨常稔洲田无虑千顷民方争佃构讼不息且皆隶于丹徒以此相易不亦可乎年年官司欲兴水利輒为豪富破坏遂以湖浅河长为解试并修三湖而于丹阳水关下板则河如此其长湖亦如此其阔宁有不足之理此皆上下习见而缄口不言则利害之心惕之也工部覆行彼处抚按踏勘具奏从之

○甲午 上御文华殿讲读

○荫南京工部右侍郎徐枋孙男徐昌儒为国子生以三年秩满也

○乙未初 昭陵神宫监太监陶金等题六月以来阴雨二日本陵被恩门里外砖石沉陷工部奉旨查看主事王淑陵回称与陶金奏同但 被恩殿明楼宝城紧要处所俱无损伤部覆陵寝重地鼎建未及一年内外经管员役俱当究治辅臣张居正等为上言冒破侵欺苟且完事之弊引 世宗皇帝时湖广 显陵殿阁渗漏分别降罚为此疏下工部陵寝重地如何说沉陷处所非系紧要欺慢误事造作不精提督工程太监周宣左监丞郭全革恩一等管工主事易可久员外郎石汉降俸一级官匠王宣等提问工科给事中吴文佳复奏 被恩门殿等处砖石沉陷甚多至于宝城砖石翻塌损伤更为可虑陶金既朦胧具奏王淑陵附复同勘报宜下所司再行勘明遣侍郎陈一松给事中胡汝钦行视回奏沉陷丈尺多寡悬甚及被恩殿丹陛方墙等处沉陷闪动不等 上怒命都察院会同工部通查参处吴文佳等追论 昭陵始建原任工部尚书朱衡总理侍郎熊汝达专督宜追夺恩荫并治其罪王淑陵奏辩往看时委与陶金奏内相同岂期看后一月大雨连绵不唯前项沉陷者愈大且陆续愈多与臣初看遂尔悬绝俱得旨下工部都察院议

○丙申赐东宫讲官已故翰林院编修张秩祭一坛荫一子为国子生

○准故提督两广兵部左侍郎兼右佥都御史谭恺男谭如锦入监

○丁酉以 穆宗庄皇帝实录成赐监修公张溶总裁辅臣张居正吕调阳各银两表里罗衣鞍马副总裁王希烈等纂修官范应期等各银两表里有差各罗衣一袭其催纂誊录等官各赏次之

○升山东副使王一鹗为都察院佥都御史巡抚顺天

○戊戌以 穆宗庄皇帝禋祭免朝○调甘肃巡抚廖逢节于南京别衙门用以先期给繇尚缺两月为吏科参论也 原任南京兵部尚书刘采卒赠太子少保赐祭葬谥端简采黄州府麻城县人繇嘉靖八年进士授宿州知州升户部郎中历藩臬巡抚山东晋兵户二部侍郎升南京户部尚书致仕隆庆元年起南京工部寻改南京吏部兵部考满乞休赐驰驿归至是卒尝平山寇杨仕仁之乱当南京司计大臣军变遇害后趋至调停军伍不哗称始终完节云

○升浙江参政龙光为山东按察使

○己亥户部覆巡抚甘肃都御史廖逢节题甘肃府所遗甘凉镇番庄田逐年收粮不同中间必有欺隐今岁秋成后逐一丈勘明开实地若干每岁该银若干报部照固原事例立为定额本部于年例如数扣除其隆庆六年万历元年收过租银七千余两候抵万历三年年例从之

○庚子上御文华殿讲读

○升广东佥事李材为本省副使

○荫补已故南京礼部右侍郎崔铄会孙崔培为国子生

明神宗显皇帝实录卷之二十八

万历二年八月壬寅朔除原任云南僉事石盘于广东升湖广副使边惟垣为浙江参政

○两淮巡盐御史王琢玉题称两淮运司所属吕四等三十场大旱之后加以恶风暴雨江海骤涨人畜淹没廩盐漂没庐舍倾圯流离饥馑请乞赈恤灶丁户部覆议将运司余剩盐银并扣赈挑河银内动支二万两赈恤从之

癸卯升应天府府尹侯东莱为都察院右副都御史巡抚甘肃

○先是世庙诏访曾子后江西抚按官以曾质粹闻言曾氏世为山东嘉祥人汉末兵乱曾据遂携其家徙豫章庐陵郡而山东之嗣遂绝质粹的系正派随授翰林院五经博士世袭而是时有嫡派支派之说质粹系支派曾嵩曾衮系嫡派自言生长南方不乐徙北独质粹破产北迁迨质粹与子戾相继死止遗孙继祖双目眊盲屡经吏部驳回继祖有子承业年十三愚騃真伪不可知会江西抚按为衮请业有旨准衮矣继祖鸣冤不已言官亦劾衮先时不乐北徙祖君命祖莹漠若秦越恩谊已绝岂容托嫡支之说朦胧冒袭江西抚按复以嵩之子枢请礼部覆议先贤血食未可轻授合行山东抚按严查行业有无诈伪具奏其曾衮原袭博士罢革曾枢送永丰县学习书礼俟其有成给与衣巾以主武城书院之祀报可

○甲辰户部覆总督漕运都御史王宗沅奏请事件一禁军士以戒不虞一复军船以苏疲困一折脚米以济修船俱如原议其定期限以图善后议以三月过淮者仍限二月其清责任以处旧欠各处领运官员惟南京二总不系掌印更番余俱更番在运旧欠官旗家产厚薄则其素知俸钞兼支则其分给况运回一年在卫□之追处其事甚便若复止行原卫竟为虚文且为见在者开一幸途矣又该僭运御史张宪翔题徐宿设有参将防护以故□河一带地方虽称旷野得保无虞沛县以北轻赍屡被盜劫□选山东都司僉书一员前去夏镇新庄直抵德州天津见管地方通判参将自德州抵河西务各督兵防护寔于漕计有裨如议行

○都察院会同工部查核昭陵工作内外前后经管人员分别情罪上请阁臣亦为救解得旨周宣郭全降三级革去管事熊汝达已致仕着冠带闲住恩荫罢革易可久石汉降三级调外任王宣等法司从重问拟朱衡着以尚书致仕余官罢革杨俊卿等四员都降一级郭元相夺俸半年马录等法司提问屠元流等并陶金王淑陵免究

○乙巳革陕西行太仆寺少卿未任蔚元康职冠带闲住元康以宝庆知府推升托言母老十月余不之官也

○升光禄寺卿汪宗伊为应天府府尹以大理寺左少卿曾同亨代宗伊

○总督两广左都御史殷正茂以给事中陈蕖论劾上＜娼弊-
金＞乞休不允诏加奖谕着用心供职剿除余贼

○礼部尚书万士和上言京师四方之极缙绅中宴会馈问奢靡无节殊非羔羊素丝之风宜有以禁戢之得旨崇俭去奢有裨治理但大臣当以身率下不得空文戒飭

○丙午遣礼部尚书万士和致祭先师孔子

○戊申 上亲祭 太社 太稷 升国子监祭酒林士章为礼部右侍郎兼翰林院侍读学士

○升湖广道御史房楠户科给事中陈藻吏科给事中张楚城俱为按察司副使楠湖广藻山东楚城陕西

○户部覆大同督抚官方逢时等题本镇勘过应追补粮料一十万四千五百八十余石草一百一万四千八百四十余束俱系开报实在项下乃亏损至此遽欲开豁改正殊可骇异况前项侵欺数多各有正犯若使逐年追比岂无一二追完且称小票支出及差错应改正系何年何官因何久不开除明系侵盗假若轻易开豁则今日所称应追偿者捱以岁月又将请乞并豁矣合行抚按吊取一应人犯逐一根究干碍经管官员人等参奏提问勘明回奏以后召买粮草各道会同郎中定议时估催督上纳仍置循环互相稽查诏如议

○己酉 上御文华殿讲读 庚戌升大理寺右少卿王友贤为本寺左少卿刑科给事中乌昇为太仆寺少卿陕西按察司僉事侯居坤为本省行太仆寺少卿兼僉事

○辛亥吏部题办事进士不许借差引疾如有疾者准令在京调理三月不痊掌印官方与具题仍申谕各官躬俭约以省费忍嗜欲以保身习律令以通政务服勤劳以图报效得旨诈病托故推奸避事的部科各抚按即便纠奏照例罢职不叙其徇情题覆朦胧结勘者一体治罪

○户部覆巡抚辽东都御史张学颜题山东额派本镇军饷拖欠银一十四万九千七百余两时值秋防合将太仓贮库银借发三万两仍行山东抚按勒限催完将借过太仓银扣还从之 壬子升翰林院侍读学士王锡爵为国子监祭酒仍克经筵讲官

○准故南京礼部右侍郎崔铣嫡长玄孙崔培补荫入监

○补原任山东僉事谢东阳于陕西

○兵部覆巡视京营给事中李熙等题班军之制为操练入卫非为工役地租银两专听买马支用亦非募工频年以来工作繁兴动辄拨取致将工作为正差营操为末务殊失立法本意今照慈庆宫原议夫额尚少八百有奇 昭康二陵兴工在即春班官军已满各处工所无人接替及查太仆寺班军工价支尽无措议借地租五千两权为顾募之需既经科道官具题合咨工部以后紧急重大工程仍于班军派拨其小可工作用夫十名以下者虽有班军不得概拨仍将山东河南中都三都司节年所入班军工价严催角□羊部抵还原借之数从之

○癸丑 上御经筵

○以万寿圣节赐辅臣张居正万寿金字金银八宝吕调阳次之讲官丁时美等正字官各金字八宝有差又赐辅臣膳寿面长春酒

○辅臣张居正等题涿州桥工初蒙 圣母捐赐银伍万两后工部处补约二万两工程已毕乃七月以来雨水冲坏礮岸鴈翅及桥下空口出水处俱成深坑将来渐冲大致伤桥今欲着实修理约用募工银一万五千两但

昭陵兴工钱粮浩大各处班军俱有役占若责之工部出银兵部出夫势难借处伏乞皇上转奏 圣母再捐施万五千两但

昭陵兴工钱粮浩大各处班军俱有役占若责之工部出银兵部出夫势难借处伏乞皇上转奏 圣母再捐施万五千金庶济人利物之心有始有终从之

○以辽东王台土蛮窥伺暂停孤山江沿台宁东新安大佃子六堡移建于长岭等处工役

○甲寅升大理寺左寺丞王廷瞻为本寺右少卿自德府临清王载堞薨讣至上辍朝一日赐祭一坛谥曰温懿

○兵部覆南京户科给事中余懋学等参劾南京守备内臣申信已奉旨回京无容再议合行申明职掌今后内外守备除关系机密重事者许受状辞与参赞尚书议其余人命强窃斗殴抢夺等项并不许滥预其委用内官内使名数止许照旧额新添者尽行革退报可

○兵部覆蓟辽督抚刘应节等条陈防御四事一专练车营辽阳新集车营向委千总更换不一合将都司苏国赋量加游击职衔令其专管一移驻备御大清东昌二堡地当冲要兵马数不满百今移义州备御于大清移海州备御于东昌一申饬将领参游等官如有营伍废弛器仗不整收保不预逗遛不进等事巡抚先以军法责治一面具奏一远遣肖探差丁夜伴同市夷潜入北虏营内住探缓急传报诏如议行

○乙卯升刑部四川司署郎中事主事张庸为福建副使福建佥事王乔桂为四川参议丙辰升大理寺右寺丞刘存义为本寺左寺丞尚宝司少卿石星为大理寺右寺丞

○覆南京署兵科事礼科给事中王颐题盗劫芜湖县库地方失事官员奉旨操江都御史董尧封降一级调外任巡抚都御史宋仪望到任未久着戴罪立限捕贼各巡按巡江御史候差满之日都察院从公考察兵备副使丁应璧革任闲住把总承应奎等知府钱立等俱住俸县丞李亚春革职俱戴罪缉捕

○戊午 万寿圣节 上御皇极殿受文武群臣朝贺

○升户科右给事中裴应章工科右给事中汤聘尹为左给事中刑科给事中欧阳柏工科给

事中梁式为右给事中应章吏科聘尹户科柏吏科式礼科

○补原任吏科都给事中严用和于刑科升尚宝司司丞耿定向为本司少卿

○巡按山西御史贺一桂条陈稽考钱粮五事一谨支收三关虽设管粮同知通判三员衙门皆无库藏发到钱粮东路寄贮代州中西二路皆典守于仓攒任其侵盗合建三库每库拨吏二名看守一严卷册各仓收放类凭仓攒积棍增减文案查盘官到止是开报虚数合无印置四簿该道及管粮监收仓官各给一簿分立项款互相查验一编号票各仓俱系白头实支官攒易于改补合无刊刷花栏格眼数百张申送抚按即发该道收候至期将军马数目开送该道查实填写格内印发该放官员支給一限召买奸商交通官攒先期领银为生息营家之资或乘贱采买延至腾踊方才上纳该道酌量数之多寡地之远近立限迫完踰期者罪之一齐法马户部原降发法马或言解边储不能依者殊不可解以后解官解银令该司府给发即将称银法马付解官同赴管粮衙门比验交纳户部覆如议但谨支收一款本部原题一应钱粮主兵支放客兵召买皆部司临时分发其相去远者照数预发自有州县库贮收藏不必令官攒看守据称东路寄代州库中西岂无附近州县其议建库有无稳便及动支何项银两合行抚按再议具奏报可

○发太仓库银九千六百七十余两充辽东新添进游兵行粮定为岁额

○庚申补原任浙江佥事周采于福建调山东副使冯叔吉于江西管理徽宁等处兵备升光禄寺寺丞沈节甫为尚宝司司丞

○辛酉兵部覆两广抚按殷正茂等题惠潮善后事宜三事一重彻兵散遣狼兵给与路粮犒赏仍责成土官押回并无沿途骚扰一塞盗穴移惠州参将于新田以本府捕盗通判同住调度之移惠潮守备于南岭以惠州府抚民通判同住调度之一勤抚恤海丰永安长乐河源诸邑被贼害尤甚合行赈蠲报可

壬戌升原任巡抚福建佥都御史升大理寺卿未任河宽为南京右副都御史提督操江

○改荫原任大学士李春芳嫡长子为尚宝司司丞

○升山东参议蔡应旻为山西副使

○兵部覆蓟辽督抚刘应节等题招抚山东登莱各岛向来潜住为害辽人四千四百余安插已定各岛荡平前后效劳文武官员合行甄录并条议四事一专责成登州金州都司每遇三六九月会同登舟遍诣各岛搜捕一次一严防守石城广鹿长山三岛皆金复两卫额地见有军余住种纳办粮差与登莱岛不受官法者不同合将三岛各建公馆选金州卫廉干官一员住守以便铃制一加存恤岛民初归贫困堪悯合给帖免差十年并宥免已往罪犯一编船只山东辽东舟楫相通若私船不禁是仍开递送之途合将海岸民船每口不过三只听其搬运米薪捕采鱼虾见在大者给价改为官船其余尽行劈毁得旨督抚刘应节张学颜傅希摯总

兵李成梁各赏银币都司苏承勋升参将并都司姚天与各升祖职一级与李汝谦等各赏有差仍如议行

○命工部右侍郎陈一松提督修理 昭陵工程以都水司郎中贺幼殊主事胡绪分理之

○癸亥巡抚宁夏右佥都御史罗凤翔以户科给事中张孙绳论劾乞休不允○湖广兴国州与江西瑞昌县接界先是瑞昌民柯宗旦宗礼等寄住兴国置买田产历年梗化为害至是愿入兴国州当差准将兴国州四十里内革去崇庆一里以补崇庆上等四里消之新增柯谈黄吴等为兴瑞一里以足本州四十里旧额 赏朝鲜国王李昞银一百两彩段四表里十二敕一道其观察使尹毅中节度使张弼武等各赏银币以屡次送还被虏人口嘉其忠顺也

○兵部覆提督两广都御史殷正茂题善后事宜四事一训练土兵近年剿贼率调浙兵今设练兵参将一员招募土人就中择出把总哨官哨队长编成队伍练成二十营视远募实为得策一制造战船沿海六寨船只时或漂溺方行议造缓不及事合于肇庆府治近郭建置船厂鸠工庀材预行制造一定格升赏海上用兵飓风呼吸不知死所其海洋功次合照斩倭事例数倍于陆功领兵官自二年为始即部功亦与世袭一申明连坐捕获盗贼并其父兄户长从重究罪以上俱如原议但广东见设有章程之兵又复练兵二十营粮饷难处合无先练十营即汰章程之老弱以此补入再取存留章程之兵合而练之所议留浙兵二营以一营作正兵资其弹压一营分作新兵哨队长之责令递相教练其练兵参将于见在蓟镇参将吴良知都司杨瑄佐击将军暴以平内选补一员得旨海洋部功勘是奇功方准世袭余依拟行

○甲子除原任广西参议周舜岳于山东

○户部左侍郎陈瓚引年乞休不许

○户部覆提督两广侍郎殷正茂条陈一清税额惠潮商税见充兵饷如故止于坐派各仓库民米依被灾轻重量免一宽徭赋惠潮岁编差徭徵银充饷如故止将万历元年以前拖欠柴马之类罢免从之○顺天督抚题所属州县应付困疲请将张家湾丁字沽河西务居庸关商税充驿递之费户部覆丁字沽税向系顺天督抚衙门公用听自行议处外其三处税银向被奸豪乾没各官并不清查近经本部查处仅得数千金输入太仓乃欲以部臣供有司殊非事体合行抚按另行计处如其不能则以张家湾牙税可七八千金向听通州支费者属之报可

○兵部覆广西抚按郭应聘等题怀远雒溶二县善后八事一移设县治改怀远治于民居环集处所而雒溶仍旧补葺一联束民徭徭寇漏刃贱徒抚处已定责令各该官互相钤束以保无虞一慎固兵防镇安府湖润寨思恩土司田州江州上映二雷二峒分作四年一次戍省城泗城归顺都康向武奉议等州上林县思明府思明州迁隆峒龙英忠州分作五年一次戍梧镇一缮修城堡各府州县城池既皆低薄营堡率皆木栅覆以草茅一闻有警輒使弃去今令大加修葺务堪保障一责成守令徭徭每村巢立一徭老钤束州县官不时自赍供饩亲历村落以通其情剪其强悍者一申飭兵巡守官员不时巡历州县一切民情夷情俱从轻画一

申明体统融雒二县仍旧属右江兵备参将专辖一议行雕剿猺獞为患乘其初发制之千百劲卒一鼓可擒各将官怠缓失事者从重究治 上允行之

○乙丑 上御文华殿讲读

○广东巡抚郭应聘题称怀远习犷獍之余沦于夷貊不知礼义久矣兹者地方荡平正其改观易听之时可以兴礼施教之会合将县内外各立社师择其嗜学敦行者凡残民八岁以上俱入学听其教诲其子弟内有谙晓文字者县官申请学道给与衣巾以示激励其社师果训迪有方亦听本县申请提学准其充附帮补若子弟不率教及社师虚冒名目者亦听县申处庶残民知所向方夷风繇此丕变其于粤西善后之策亦大有裨矣

○诏顺天抚按散预备仓粮赈霸州涿州永靖东安固安武清等州县被水居民 陕西崇隆等六寺刺麻番僧共卜尖咎等四州裸谷安抚司都纲头目番僧更哈监藏进贡宴赏如例

○准宣大总督王崇古次子王益移荫嫡长孙之祜次孙祜干各入监 原任右副都御史巡抚宁夏谢淮卒淮直隶任丘人繇嘉靖十七年进士授户部主事升工部郎中历藩臬开府致仕赐祭以未考满葬减半 四川裸谷安抚司差都纲头哽哈藏等进贡方物宴赏如例

○丙寅 上御文华殿讲读

○郑王厚烷以病奏请药物赐给琥珀龙脑犀角等物
丁卯朝鲜陪臣刑曹金判朴希立等赍捧表文方物贺 万寿圣节赐宴赐段绢如例

○总督宣大侍郎方逢时题市马蕃庶给散无处议将三镇各建厰场以备牧放仍岁选五千报部领给京军蓟镇每年易买一千二百匹外再增千匹保镇各营缺马一体赴买又议今岁马多暂将上年军士领养之马选给京军及蓟镇即将新马补还原军而巡按山西御史贺一桂复言市马老瘠军民告病凡领马官军预给草料银五两许其将夷马变价凑买壮健好马其余通查三关军士每二十五名领马一匹听其骑卖止令每军辨草十束交纳管粮衙门以为马价即将此草束照数给军以为市资兵部覆议市马夷产不习水土必须在边调养以万历三年为始先调一千兑给京军以后渐次加增保定各营太仆向无关合听彼中差官赴市收买蓟镇倒失马匹每于秋防毕日方行计数亦难预拟一千之额听该镇请给时酌议唯是各建厰场以便牧放甚为长便亟行依拟其御史贺一桂所陈虽言山西然宣大大体相同况马匹既多老瘠而来数太多合先期传谕使之拣选良马常年量限数目以为可继御史之言未为无有见也 上允行之仍严责当事诸臣不得委责于人动称难处坐失常利其已市夷马着一面平价变卖以佐边费

○革岳阳王府辅国中尉英琰永安王府辅国中尉英爌皆为庶人闲宅禁住罚英爌等禄米一年以聚众抢夺伤人抚按参劾也

○戊辰吏部覆巡抚福建右佥都御史刘尧诲题惠安县知县今升广西宾州知州叶春及以知州职仍管该县事兴化府通判今升唐府审理正邓邦基仍以原衔改理海防臣等叨秉铨衡惟欲随才器使奈何迁转才奉钦依巡抚辄议改留非所以一事权而信纶綍也合将各照新升职衔赴任从之

○以各岛潜住辽人尽数归降边地荡平刘应节张学颜傅希摯李成梁各赏银币有差苏承勋姚天与各升职级

○己巳祭 夜明于 夕月坛遣公张溶行礼尚书万士和分献

○吏部覆提督两广右都御史殷正茂题查照先年闽浙事例添设巡视广东兼漳泉海防都御史一员及移申威道副使驻劄惠州府城其原驻惠城者移驻长乐添设兵防同知一员专驻阳江县又以广西之博白听海北分巡道兼制以广东之开建听广西分巡道兼制以广东之开建听广西分巡道兼制合行广东福建两省抚按官会同计议有无便利具奏得旨殷正茂并未言添设广东巡抚止是巡视海防如不便即当明言停寝何必又推令再议

○蠲赈应州朔州山阴马邑大同等县安东中屯山阴阳和高山天城镇虏等卫所被灾地方有差从山西总督抚按请也

○诏立广西怀远县社师三名以抚按题本县久沦夷貊新复生理正兴礼施教之日也

○庚午以淮徐扬州等处积两海啸河溢损稼漂产各蠲赈有差命福建道监察御史周咏浙江道监察御史陆万钟监武举会试

○辛未祭 历代帝王遣公徐文璧行礼侯顾寰蒋佑尚书王崇古张瀚分献

○户部覆湖广抚按赵贤等题公安华容等州县并荆州右卫节年水冲沙压田地合行豁免其抛荒田粮以前积欠及以后三年差徭一体查免本色酌议改折以苏民困但前蠲免沙冲田地工部径行题覆向未移咨本部知会本院既无案卷则徵派稽查何所凭据今后各衙门事关钱粮者似不宜径行题覆碍事体报可

明神宗显皇帝实录卷之二十九

万历二年九月壬申朔

上御皇极殿礼部官进大报等祀日册

○时福建地方多事守令或缺至一二年不补各边皆然上从巡抚都御史刘尧诲言着吏部就近升用毋得隔远调升以致迁延已经铨除久不赴任者该科参来究治于是吏科刘不息查得绍兴府通判陈九仪金华府知府黄焯等一百九十人违限行各省抚按查参从之

○升浙江左布政使江一麟为都察院右副都御史巡抚南赣

○癸酉 上御经筵

○湖广荆岳等府松滋等县老垸堤新筑不坚水灾异尝抚臣赵贤请将公安石首等五县南兑二粮照例改折内公安等县仍与安乡县蠲免存留多方赈济及将冲决前堤仍令原管官戴罪修筑部覆报可○工部题万历二年分实在南北二京长随内使人等一万五千二百二十一员名该折色靴料银七万九千五百七十余两查本部屯田司库贮料银不敷合于营缮司及本司柴夫银内借给报可

甲戌升河南右参政温纯为太仆寺少卿浙江右布政王应显为左布政天津三卫原置河间府管马通判一员专理兵备道公务稽查三卫夫役钱粮问理军民词讼吏部谓天津居河间之北离所属州县太远既管马政马户赴验往还劳费赴部掣批通经两三月公务废阁且官不系统辖师生不遵提调殊为窒碍本府清军同知原辖军卫堪以更置管马通判掣回本府从之

○豁减镇江府丹徒丹阳全坛三县及常州靖江县钱粮以水旱灾伤从巡抚应天宋仪望请也

○议建三屯营儒学礼部覆言三屯武生见寄遵化各学者止三十余人既不足一学则立学后冒籍影射之徒必多是为钻隙者开一窦也学初立时诸生见其利犹受总兵官约束年复一年渐不能制若宣府之告讦难保其无文武异途事有缓急雍容揖逊之气多则敌忾发扬之气少所谓声容盛而武备衰也且费复不赀地方凋弊难以加派罢建便诏曰可

○巡按直隶御史陈文燧奏代府待袭太平王鼎铉贪横不法谋夺嫡嗣请术人陈九仓镇压世子剋取人心书贴世子生命诅咒拜祷世子果死又因陈九仓挟索并害九仓令瞽人孙河占卜复恐漏洩拷禁灭口俱被首发并他赃秽事情乞行勘究章下所司

○乙亥 上御文华殿讲读 赐崇王第一子名太和

○准复安昌王在鉶禄米以河南抚按查勘其侵匿南陵王银两事无实证也

○命河汝南三道将所属额编兵壮通加拣选酌量守城团练分番赴道每道务足一营时常训练专备调遣以防大寇其存留各州县守城民壮令掌印巡捕官用心训练不许私占一人从巡抚吴道直请也

○江西抚按凌云翼等奏请裁革抚建参将加分巡湖东道僉事陈学伊兵备职衔饬抚州建昌广信三府督率练兵同知把总等官参将部下存留官兵调至省城发管操都司挑选分布见造兵船专一往来鄱湖上下剿贼报可

○刑部奏拟犯人赵忠监候听决常福处绞王交等发遣发配有差袁福徵王福王用等各还职诏赵忠依拟常福饶死发遣袁福徵辅导无状革职为民王福等俱革职其余依拟

○丙子 上御文华殿讲读

○淮王载垕奏称袭爵以来贺寿之礼全废乞要遵照以光藩国礼部请照会典遵行许之○吏部再议提督侍郎殷正茂添设巡视海防都御史一节夫添一重臣即兵力以瓜分而益弱事权以鼎峙而皆轻况广东福建各设有海道副使一应兵防事宜原非乏人今惟以潮州监军道与东莞南头海道福建海道相为犄角摘各巡抚标兵分属参将统领俱驻潮漳二府防守应援两镇督抚无事各驻省城居中调度共切震邻之恐勿为秦越之视可矣若伸威道移驻惠州岭东道移驻长乐肇庆府添设海防同知广西博白听海北分巡管辖广东开建听广西苍梧道管辖俱如所请诏曰可

○除河南右布政郑雒于浙江升陕西副使李廷龙为河南右参政

○工部覆工科给事中吴文佳言茶城黄漕交会数千粮艘皆繇此一线之路如数十里之茶城一淤即有计< 娼弊-金 >通无救旦夕查得先年总理河道都御史翁大立建议欲从子詹山梁山至马家桥上下约八十余里另开新河置旧河于堤外凡黄河出口之地并不相及而波涛可避良为得策但称繇梁山之下张孤山之东内花山之西新冲河形南出戚家港会于黄河亦可通舟因势利导就下为川颇与原议稍异宜令总理河道等官亲诣茶城踏勘从之

○丁丑给大学士陈以勤妻封一品夫人王氏祭葬加祭一坛

○命州县正官不许差委查盘兵备守巡不许陪巡参谒如有玩法旷职及抚按官有隐匿盗情不报或报不以实并暗补官银欺罔规避兵部都察院并科道体访得实即便参处从兵科蔡汝贤题请备盗条格也

○工科给事中胡汝钦条议御灾三事一议责成水利道宜令移驻河上仍选委廉能佐贰亲历堤防如各殫心力而水患异尝犹从末减不此之务以致冲决者从重参处一议浚筑穴口

之<娼弊-金>以杀水势然必有容水之处斯下流不壅上流不塞否则徒劳民伤财一旦霪雨异常河水陡涨为害更重宜详察地势务求永利一议钱粮灾伤之处抚按查议堪动官银给发穷民用其力不费其财或视邻壤之丰借助夫力亦通变之策也部覆从之

○戊寅 上御文华殿讲读

○准永宁府已故土官知府阿□□尖亲弟阿雄袭兄职不许世袭

○升广东右参政赵可怀为本省按察使

○调原任山东参政以副使考察不及徐学古为陕西副使

○己卯夜月犯火星在箕宿度

○补原任山东道御史余希周于湖广道

○礼科给事中朱南雍上言灾异频闻宜交修以回天变部覆报可○庚辰升广西佥事夏道南为广东参议

○以浙江衢山海洋官兵剿逐倭贼功次升赏名色把总徐景星指挥等官周粟等有差

○辛巳起原掌詹事府吏部左侍郎张四维以原官掌府事充 世宗皇帝实录副总裁

○刑部请决囚 慈圣皇太后以上冲年仍宜停刑 上以问辅臣张居正对曰

圣母好生之心敢不将顺但

上即位以来停刑者再矣春生秋杀天道不偏废恐稂莠不除反害嘉谷 上曰然朕徐为圣母言之入奏 太后 太后许之乃照例行刑

○壬午 上御文华殿讲读

○巡按山东御史俞一贯言山东兖州沂州郯城济南滨州沾化等县旬日大雨秋禾被淹百姓愁苦请乞修省宽恤章下所司

○予成国公朱时泰祭一坛仍与造葬以袭爵未久病故不得照例二坛也

○工部上言神木厂收贮楠杉大木出自湖广川贵每根价银数千采运劳苦苦任风雨侵淫坐视朽烂甚为可惜乞委官搭棚苫盖以图经久从之

○癸未 上御经筵

○命左春坊左中允范应期右春坊右赞善许国充武举考试官

○升湖广岳州府同知钟崇文为广西佥事

○甲申补河南右参政董文采于四川

○升贵州黎平府知府刘汝顺为四川副使

○巡按直隶御史陈文燧言虏酋纳款以来夷枝日繁今岁易马增至三万分散扣直重为军民之累其失不在互市而在不能变通处置之弊也列为四事一宽马直以便给发请于原议抚赏市值之外动积剩客餉宣府给三万两大同给二万两其马给散军民量减其价使之乐从一严例限以定市易每岁三镇易马限以二万为率先期传谕令不得以垂毙之马求售市价一议兑俵以苏偏累如军民所领价银应该二十四两者与之三匹或五匹其减半价银者或二匹三匹俵送京营并行真顺保河近镇驿递一体收买一置宪职以司牧养比照辽东山狭苑马太仆事例置罔卿专理三镇牧事或从大同三关管屯佥书事改兼屯牧设立牧场一军养马四匹各设长吏市马入场夏秋牧放冬春每马与草银二两给军领餽视其繁耗以为赏罚部覆专设罔卿及管屯佥事改兼屯牧再加会议余依议行

○乙酉 上御文华殿讲读

○山西巡抚今升户部右 郎朱芑患病乞休允之
丙戌赐中军都督府都督同知赵岢祭葬如例

○戊子 上御文华殿讲读

○河南副使章时鸾革职为民以巡按河南御史褚鉞劾其议筑黄河托疾避事也 沈王恬爔奏称世子理尧妃栗氏病故继选内助张氏亦故乞选娶继妃礼部覆议亲郡王正妃病故无子者许选继妃有子则不准选盖杜异日嫡庶构争之端也至于今日之世子乃他日之亲王世子之妃与亲王之妃名号不同世子袭封之时必册妃以为之耦若以妃故内助亦故而不许请继则例所得请者妄耳他日袭封之时谁与共承宗祧抑终身与婢妾耦乎合准其请仍著为定例以补典例之所未备许之

○四川抚按官曾省吾等言该省盐课井有榻废灶丁逃亡徵办不前额课银七万一千余两乞止徵四万七千五百二十一两其减少者量增票引税银及私贩纸赎余盐价银凑补巫山县系行盐孔道选委府佐官一员专禁私盐户部覆言该省盐法因井定课其来已久若议补勘合召商报中不唯窒碍难行抑且纷更多事但课额系济边正项欲量增票引亦得究弊之法至于纸赎及变价银系解京济边近改解陕西以省劳费难以改充盖井虽有坍塌必有亲凿若守令尽心查理则新旧乘除自可抵补虽不增收票引之税可也又奚藉于纸赎余盐其巫山县设官依议行从之

○己丑 上御文华殿讲读 升浙江右布政郑雒为都察院右佥都御史巡抚山西

○河南巡抚吴道直等奏修太昊羲皇陵庙动支布政司收贮赃罚并吏承贴班银两户部覆言前项银两专备边饷还来财用穷乏岁计不足且先代帝王陵庙有司修理载在祀典皆欲奏留边饷委难支持不可从之

○准晋府宁化永和仍旧袭封郡爵

○庚寅巡按福建御史杜化中请将佥事梁士楚以原官改巡海道而裁去团练以同知罗拱辰兼海防而革去清军将新任巡海副使陶幼学及清军同知殷康查缺另补部覆令巡海副使陶幼学总理团练清军海防同知二员势难裁并从之

○山西边镇军饷除民运外每岁额该主客兵银二十余万俱系请发内帑巡按御史贺一桂请将该省应解历日纸工吏承纳班商人引价空月柴马缺官俸给税契事例等银收留该司岁终巡抚官查实具题即于应发年例照数扣除著为定例从之

○巡按浙江御史萧廩奏余姚进士胡膏先任光禄寺寺丞擅将子鹅抵作老鹅冒支官银四百两被巡视户科给事中杨允绳参劾膏反诬允绳谤讪玄修拟绞处决膏随升徽州府同知阴通贿赂考察不谨回籍广置产业至被强贼复吓诈魏府等银致死已经户科李都给事中将前情具奏合依诬告人至死所诬之人已决反坐以死拟绞籍没家产追过一万一千有奇余请蠲免章下所司

○辛卯 上御文华殿讲读

○升河南按察使张任为浙江右布政

○兵部覆巡按山西御史贺一桂条议六事除议处市马已经另覆余五事合就议行一专力扼塞议于老营之了角山起西至老牛湾等处计百里许尽是衍沙平坡隔房一墙宜砌敌台据险以守一议修寨堡地椒黄龙等处民不满百当令归并其地脉枯竭如水泉草垛山柏等处皆取水于二十里外当令择地移镇山西地方自东胜失后犹有大边二边还来将大边墩台尽革疆场日弃巡抚官不知何事闻有不理边政自理民词宜从参奏一申明禁例谓宁武鴈门一带山场亘数百里原系禁山以遏虏骑近年州县奸民窃据垦田盗木法禁荡然宜严为禁约一优恤军士定更番之法以苏力役损节省行粮之半以办物料使客往来不得科歛一移镇要地移镇守于偏关移老营副总之于宁武移边关参将于老营事干移置合行督抚酌议得旨是其应议者作速具奏

○壬辰 上御文华殿讲读

升巡抚郟阳佥都御史孙应鳌为大理寺卿都察院左副都御史陈旸为刑部右侍郎

○升浙江参议刘宗岱为陕西副使

○癸巳上御经筵北虏顺义王俺答差夷使火伢赤等表献鞍马等物及孙孙把汉那吉并各部下已未授官子侄头目等共进贡五百匹山西巡抚方逢时请各量加升级仍各加赏男妇以广圣恩礼部言虏众骄悍固不可过为裁抑以孤归顺之心而夷性贪婪又不可不加节制以杜无厌之觊今每岁入贡边臣必于额外代为奏请增爵者岁至数十人增赏者岁至百余人且贡马五百匹无改于旧而请赏出马男妇比上年又多五十余名盖贡甫六年视昔恩赐已加数倍若不蚤为议处年增岁益即竭府藏之财恐无以足溪壑之欲也乞敕督边抚臣查照本部节年题准事例其额外议请增赏男妇及出马未授官散夷俱以今岁题请之数著为定例以后不许复有增益以滋冒滥下所司知之

○升湖广左参政郑云釜为河南按察使

○甲午升湖广僉事余一龙为浙江参议

○会试武举额取八十名

○先是顺天府宛大二县民王勇等奏称各工应用白城瓢近于临清烧造一百万个今有武清地方土脉坚胶不异临清去京仅一百三十里较临清近二千余里一兴改作不但粮运民船不苦烦劳抑且为国节省有生财实效工部覆议临清烧造遵行已久即云武清土脉不异人事未否均齐安能一一如式若一旦更改倘有偏而不举之处是徒增纷扰也今行武清县责令王勇等每年分造城瓢三十万个俟三年之后果有成效另议建改其临清自万历三年为始每年止造七十万个照旧粮船带运从之

○乙未上御文华殿讲读

○命交城王府知鰥候次岁受封并管理府事交城钟鏞生六子薨绝者五唯第六子奇□尹生表柚以堂弟冒袭伯兄王爵例准终身子孙不得承袭表柚庶第二子知鰥应袭封将军但年方十四不便管摄故诏俟年岁足日赐封管理准通渭王谟土□尚嫡母温氏封为端顺王妃谟土□尚父融火□光袭封王爵一年薨谟土□尚既封融火□光因得谥为端顺王故并请封其母

○浙江僉事王谟两浙运司吴宗吉俱到任违限下巡按御史问

○准驸马都尉许从诚男许显忠授锦衣卫指挥同知

○刑科给事中郑岳言律有决不待时秋后处决二款如有挈获响马及大夥强盗百人以上干系城池衙门赃证明白即时奏请审决不必概候决单部覆从之

○丙申 上御文华殿讲读

○起原任都察院左副都御史何维柏协理院事

○起原任湖广佥事邓林乔原职

○升太仆寺卿王世贞为都察院右副都御史督抚郧阳

○丁酉准云南镇沅土官知府刁恩袭祖职仍不世袭

○戊戌 上御文华殿讲读

○己亥 上御皇极殿太常寺官奏孟冬时享 太庙

○兵部覆巡按直隶御史王湘条陈边防五事一重稽查以实行伍一节军力以专训练一严摆守以防窥伺一伸关禁以杜弊端一更将领以镇冲关从之

庚子升通政司右通政胡执礼为太仆寺卿 先是辽庶人宪＜城鸾豕痊缸锵鞣饌兵闾王宪懌贤声素著敕管理府事至是以老病请另推贤能代之礼部议宪＜城鸾豕局后得以贤王实足倚赖诏仍旧管理○除原任湖广右参政陈嘉谟为本省左参政

○福建原任运使李廷观赴部调用按察司莫如善照旧致仕以抚按会勘其受贿情虚也

○辛丑山东七级下闸盗劫轻赍官银查参失事官员兵科给事中李戴言轻赍银随粮而行无护送巡逻为盗所窥如探囊取物又有无赖运官花费银两假称被盗殊为不便宜委官另解章下所司

○户部题顺天府宛大二县孤贫张禄韩清等四千五百九十四名口支领冬衣甲字库发给布四千五百九十四疋

明神宗显皇帝实录卷之三十

万历二年十月壬寅朔夜三更电 上御皇极殿钦天监进大统历传制给赐百官颁行天下

○是日 上亲享 太庙

○升赏辽东中辽河斩获功次官兵吴梦豹等一百五十六名

○癸卯以 孝肃皇后忌辰免讲读一日

○升提督四夷馆太常寺少卿王篆为通政司右通政

○乙巳给原任总督仓场户部尚书谢登之祭葬

○原任吏部尚书杨博卒博山西蒲州人繇嘉靖八年进士授＜嫫疵螭繻劬＞仓县升兵部主事随大学士翟鸾阅九边历升郎中提督山东学政繇参政巡抚甘肃总督蓟辽升兵部尚书寻改吏部尚书加少傅兼太子太傅致仕博天资敏达世务精明 世宗尝易督臣问曰须得如博者又曰自博入我尝忧边务每下迁除书目咸称公平赐祭葬赠太傅谥襄毅荫一子中书舍人

○礼科给事中石应岳等条陈守卫七事一严稽查各衙门俱赴工部关领木牌悬带人数多者给与印信手本令守卫官军遇出入人役如无木牌印信即便拿送一时启闭上直各官务要日脯即入皇城日没下锁除庆贺祭祀等期外常时不得太蚤一复印信将原铸印信关防给与守门收掌一切公文支领直米俱用该门印信不许借用卫印一加存恤守卫军士不许门官及点城守卫等官需索常例占役克粮一汰老弱一严犯禁一明职守俱依议行

○升广西柳庆右参将王世科提督京营

○礼部覆总督漕运副都御史王宗泐条议凤阳高墙宗室数款一议宗室所犯应入官还官之赃变卖随行为终身之费夫宗室犯罪其财产不许支带所以示困苦一法禁也合将入变卖者开报法司量解凤阳府贮库以接济高墙支給一议宗室有犯者亲王郡王入高墙将军中尉入闲宅夫高墙闲住论犯之轻重非论尊卑也但闲宅处所须如法修葺坚固高广可便关防不许名为拘禁仍时常出外生事一议凤阳无城可守移高墙于泗州夫凤阳设有守备太监等官即以防守若泗州城郭窄隘既不能容而设官搬移费复不貲殊为未便一议见在庶人男女限定几年列名请放不必待有恩例既普浩荡之恩而高墙供亿亦可渐省当如原议诏从之

○丙午 上御文华殿讲读

○户部尚书王国光言卫所官军自投文以至领粮少则十日多则半月吏书刁勒月粮徒有虚名今下粮厅专委司属一员坐放凡投文至领勘合不过三日即转发该仓关支宜给关防一颗从之

○戊申 上御文华殿讲读 除太常寺少卿刘大受提督四夷馆

○升广西桂林府知府彭文质为本省副使陕西庆阳府知府郭兴骥为行太仆寺少卿兼佥事

○妖犯齐房伏诛

○己酉 上御文华殿讲读

○升昌平游击将军李世臣为喜峰口参将调建抚参将倪中化为柳庆参将广东潮州参将吴京为东路巡海参将兴都留守佥书陈文治为游击署通州参将事
庚戌安南都统使吴茂洽申请进贡许之

○辛亥 上御文华殿讲读

○礼部题各王府报生该宗人府附注宗支簿籍以后请名请封必比对相同方与题请近准该府查回奏报有先后互异者有经年无存者吏缘为奸明甚合委本部司官一员会同该府经历司经历将节年奏报簿籍逐一清查置立文簿二扇一留该府一留本部以便稽核又宗藩条例玉牒等册俱系本部封送该府近来前本不下礼科宗人府径以办官接到该府附籍殊非初制合令该府接送礼科抄发本部填记即封送宗人府以后回称互异者听本部参究其王府新生子女奏报外例有岁报与玉牒互相参考近多怠视不行如期造送相应申飭从之

○壬子命陕西布政司将元年支剩税银收贮司库以抵固原镇万历三年分年例仍行以后各府税银尽解布政司收贮年终造册送部以凭扣算应发年例从巡抚郅光先请也

○湖广抚按官赵贤等题先吏科给事中张楚城条议谓九疑山僻在边隅适当要害宜建营房其各兵召募工食照旧徵银并选官主其操练巡历分巡道移驻柳州至常德湘潭等处冲要县邑原无城郭今宜鳩创靖州守备移驻五开铜鼓等处请如议部覆报可

○癸丑 上御文华殿讲读

○法司奏审录罪囚 上复传 圣母意停刑辅臣张居奏 皇上奉若天道乃天虽好生然春夏与秋冬并运雨露与霜雪互施古人云赦者小人之幸君子之不幸今看审录揭帖各囚所犯皆情罪深重概加怜悯则被其杀害者独何辜而不为偿抵乎 上曰 圣母崇奉佛教故不忍动

刑耳居正对言佛氏虽慈悲为教然其徒常言地狱有刀山剑树碓舂炮烙等刑比之王法万分惨刻安在其为不杀乎 上大笑居正因奏嘉靖初年法司奏应决死囚不过七八十人盖因有决不待时者犯该秋后处决者乃系狱待决至中年后 世宗奉玄又好祥瑞每遇有吉祥事即停止刑故今审录重囚至四百余人盖积岁免刑之故也彼之所犯万无生理淹禁牢狱徒费关防纵释有罪无以惩恶臣窃以为宜如 祖宗旧制每岁一行为便 上深以为然还宫奏之 圣母 龟勉俯从次日降旨决常安等三十余人

○升广西掌印都司汪可大为昭平参将蓟辽总督标下游击杨文为潮州参将榆木守备王绍为昌平游击除原任神枢营佐击将军暴以平为浙江军门标下游击

○甲寅拟原任唐府长史袁福徵徒罪以革职为民仍借同乡指挥周鼎勘合刑部袁郎中名色骚扰驿递也

○乙卯督抚宣大山西侍郎方逢时奏北虏顺义王俺答等恭进表文马匹鞍伏弓矢仍请贡使入京求以铁锅农器互市并下头宰牙赤我等乞量授副正千户部覆如议但农器不必概给铁锅照朵颜三卫例量给若干从之

○丁巳总督蓟辽侍郎杨兆条陈理粮饷以分职掌一事部覆准给劄付蓟密等镇管粮郎中如遇调遣兵马防御应援其应用粮料草束或小有增损不必拘守定例致使多寡有无难以相济务使一年不出原饷之数俛支费或多与则例相悬仍宜预请以便酌议从之

○兵部司务皮大器言辽东金复盖三卫素称腹里近被虏破盖州熊岳堡复犯金复二卫杀掠数万村堡荡然金盖城坚民众犹或可守唯复州城卑民少请敕金州守备每年冬月整饬舅舅罚颈马移驻复州总督蓟辽杨兆等以为岛民新附抚绥不可缺人待探虏果有南犯消息乃为拨兵协守报可

○命巡捕营各把总下马步军人该管等官不许私占转送自启弊端京营官亦不许将蓝旗小马擅拨送行等项私用其巡捕把总及各营号头效有勤劳许得超擢违者着科道官从实参奏处治

○辽东各镇招过降夷并回乡人口通共八百三十八名总兵李成梁巡按张学颜各升赏有差

○戊午 上御文华殿讲读 上从容与辅臣语及建文皇帝事因问曰闻建文当时逃免果否辅臣张居正对言国史不载此事但先朝故老相传言建文当靖难师入城即削发披缁从间道走出后云游四方人无知者至正统间忽于云南邮壁上题诗一首有流落江湖数十秋之句有一御史觉其有异召而问之老僧坐地不跪曰吾欲归骨故国乃验知为建文也御史以闻遂驿召来京入宫验之良是是时年已七八十矣后莫知其所终 上因命居正诵其诗之全章慨然兴叹又命书写进览居正退而录其诗以进因奏此亡国之事失位之辞但可为戒不足

观也臣谨录 圣祖皇陵碑及御制文集进览以见创业之艰难圣谟之弘远伏望
皇上览而仰法焉次日 上于文华殿又谕先生
皇陵碑朕览之数遍不胜感痛居正因奏言自古圣人受艰辛苦楚未有如我
圣祖者也当此流离转徙至无以糊口 仁祖及
淳皇后去世皆不能具棺斂藁葬而已盖天将命我
圣祖拯溺亨屯故先使备尝艰苦正孟子所谓动心忍性增益其所不能者也故我
圣祖自淮右起义师即以伐暴救民为心既登
大宝衣浣濯之衣所得元人水晶宫漏立命碎之有以陈友谅所用镂金床进者即投于火 孝
慈皇后亲为将士补缝衣鞋在位三十余年克勤克俭犹如一日及将先逝之年犹下令劝课
农桑各处里老粮长至京者皆召见赐食问以民间疾苦臣窃以为我
圣祖以天之心为心故能创造洪业传之 皇上在 皇上今以
圣祖之心为心乃能永保洪业传之无疆 上曰朕不敢不勉行法 祖尚赖先生辅导

○户科给事中赵参鲁等条陈马房利病三事一曰核内马言内厰所费料以四五万石草以
二百余万束马数当不下五六千匹宜令司礼监查实奏闻二曰便审商请于春秋会之时先
日时估次日审商盖乘各官齐会众商毕集以质其虚实权其进退三曰慎委官请比守卫官
事例属之该部查有员缺于腾骧四卫拣选贤能充补岁终查访举劾部覆报可

○云南梅_三禄敕_三咀髀已哺侍郎邹应龙总兵黔国公洮昌祚调集汉土官兵擒斩千余俘
获称是其効劳官员通行勘议抚镇各赏银两表里

○己未 上御文华殿讲读

○賑恤徐淮等处灾伤准留漕粮一十六万余石银六万余两

○总督陕西三边石茂华议查四镇钱粮条例三事一请给关防一选择监改一专责成部覆
报可

○庚申除原任湖广副使顾章志为广西驿传副使

○兵部覆总督蓟辽杨兆议四款一训练班军以期实用一番休南京以便戍守一条筑城垣
以严保障一请敕谕旗牌以重事权从之

○辛酉 上御文华殿讲读

○福建海贼林凤自澎湖逃往东番魍港总兵胡宗仁参将呼良朋追击之传谕番人夹攻贼
船燬烬凤等逃散巡抚刘尧诲请赏赉有差部覆从之

○壬戌 上御文华殿讲读

○以原任礼部尚书兼翰林院学士潘晟为南京礼部尚书

○户部覆顺天抚按官王一鹗等言永清等县水灾重大民皆转徙条议六事其兑寄养官马系兵部覆余请停重灾钱粮派剩草银盐钞银两带徵钱粮及免拖欠存留报可

○癸亥 上御文华殿讲读 上谕辅臣今宫中宫女内官俱令读书辅臣张居正对言读书最好人能通古今知义理自然不越于规矩但此中须有激劝之方访其肯读书学者遇有差遣或各衙门有管事缺即拔用之则人知奋励他日人才亦如此出矣报闻

○甲子提督操江兼管巡江永康侯徐乔松革任闲住并张应宿革任朱正色等提问以南京刑科杨节奏其芜湖失事也

○山西巡抚方逢时称虜王年来奉佛诵经忏悔戒杀既坚从善之心当施因俗之治番僧觉义札巴都纲班麻等四名及番官马你卜刺出塞传经颇效勤劳请量升觉义札巴等各为禅师在觉义上都纲班麻等各为觉义职在都纲上番官马你卜刺乞量给彩段木棉等物从之

○乙丑 上御文华殿讲读

○补原任广西道御史任帷一于浙江道

○补山海营参将陶世臣为密云左营参将

○逆酋王杲入犯六次清河游击王惟屏督兵奋剿斩获首级五十三颗海西夷酋王台送进王杲原掳军士八十二名真夷一名总督杨兆请赏赉
上命杨兆张学颜等功次都纪录候处置王杲事完一并奏夺

○丙寅 上御文华殿讲读

○降原任河南左参政查志立为福建左参议

○以恭顺侯吴继爵掌南京中军都督府事

○巡按广西御史唐炼言广西总兵官李锡一年破贼二百一十四巢获级一万二千余颗乞留久任部覆报可

○丁卯 上视朝亲临銮选

○总督漕运都御史王宗沅议徐邳民俗犷悍盗贼充斥盐城地滨江海盐徒出没将韩荣改为徐邳参将专驻徐州往来邳宿丁介夫改为盐城守备常川操守六霍等处矿山徒众垂涎

虽有巡山官兵漫无统纪合将麻埠巡筒裁革设立把总率领兵勇擒剿矿徒部覆俱依议分

○以殴死人命降靖江王府六辅宗幼举儿为庶人闲宅羈住

○戊辰 上御文华殿讲读

○给原任光禄寺卿卢宗哲祭葬○己巳 上御文华殿讲读
升吏部文选司郎中何源为太常寺少卿

○庚午赐原任刑部尚书卢勋祭葬

○以五军营车兵参将沉思学为山海关参将

明神宗显皇帝实录卷之三十一

万历二年十一月辛未朔户部言大同一镇原额屯粮七十余万石军粮全赖供给今实徵地粮仅六分之一虽先年抛弃塞外及虏患频仍渐至荒废而所当开垦清查者亦多近议改屯田金事专为废弛之故况今北虏款贡边境宁谧督抚宪臣经略伊始乃查议开括者六十七顷除豁者一千二百八十余顷及照宣府镇报徵收开垦田地银九千余两大同侵占荒芜过于宣府远甚宜令设法清查渐次修复庶不负专设宪臣之意从之

○巡按广西御史唐炼勘过征剿怀远功次参将王世科等副使沉子木等各应升赏有差从之

○命镇守山海总兵戚继光昌平总兵杨四畏辽东总兵李成梁保定总兵傅津久任遇有成功破格叙賚从蓟辽总督刘应节请也

○壬申 上御文华殿讲读

○兵部覆总督石茂华议西虏照旧宁夏中卫互市

○兵部言甘镇边垣就绪但地方长狭台多军少番虏出没不常军士难以长住如免筑台唯轮班瞭望毋致疏虞从之

○以保定侯梁继璠为南京提督操江兼管巡江

○降襄垣府辅国中尉充棧为庶人高墙禁住以巡按御史发其淫凶不法也

○癸酉升山东金事贺溱为甘肃行太仆寺少卿南京吏部稽勋司员外李学礼为陕西参议巡按直隶御史陈文燧勘过宣镇修完边墙崖壕八万九千八百二十三丈城堡墩台瓮城等工五百二十九处工程委俱坚固钱粮亦无破冒效劳官员司道吴哲等各升赏有差从之

○甲戌 上御文华殿讲读

○陕西督抚官石茂华议修葺城堡安插墩军二部覆报可

○乙亥 上御文华殿讲读

○南京山东道御史郑准言京察届期吏部尚书张瀚宜矢公慎并言其不公不慎数事瀚＜嬖孽金＞奏辩乞休优诏留之

○丙子 上以 圣母慈圣皇太后圣节赐辅臣张居正等银紈蟒衣有差讲官丁士美等六员及

正字官徐继申等二员各赏次之

○

○蓟辽总督杨兆奏总兵李成梁攻剿建州卫酋首王杲斩获甚众即王杲死生未的然兵出不过八日之间功成迨逾十捷之外王台部落以唇亡而丧胆环辽诸酋以观衅而寝谋请叙录文武官员上命择日宣捷太庙

○以平江伯陈王谟为前军都督府佥书魏国公□邦瑞为南京中军都督府佥书

○丁丑上御文华殿讲读

○戊寅总督陕西三边石茂华言套虏宾兔等酋分住河西大小松山因其赴清水营远故特设宁夏中卫与市视去兰靖道路不甚相悬若靖虏边外既非通衢兰州又甘肃咽喉均不便互市合准其赴中卫互市仍行甘肃遇诸虏经过该镇地方照旧抚赏部覆报可

○己卯辽东荡平逆酋王杲等报捷镇抚申四训百户周世禄何全各赏衣服一套于宣捷日御前颁给

○庚辰上御文华殿讲读

○户科给事中张孙绳言路楷与杨顺希承严嵩因沈炼劾嵩诬其诬叛处斩忠臣受祸幸将顺楷执赴诏狱拟问斩罪既而顺死于狱楷复展辩改拟充军未尽厥辜宜正典刑仍与杨顺俱尽法流其妻子以昭国法部覆依拟上谓已奉先帝处分路楷着照旧发边卫充军朕嗣位来两经大赦与天下更始已前过犯都不必追论大报在迩昨已设斋如何奏刑刑部堂上官夺俸三月该司半年

○壬午以平建州王杲遣英国公张溶告太庙辅臣张居正言辽东功次近年所无总兵为最巡抚次之总督又次之升赏之典宜以此为准兵部居中调度亦宜升赉＜媵弊-金＞中推叙臣等实为滥及决不敢当次日上御皇极殿鸿臚寺宣捷百官致辞称贺上手札嘉奖辅臣欲加升荫居正等恳辞准免各赐银两表里大红纁丝蟒衣

○准永和王新墀庶第二子慎镗封为长子暂管府事以系另城郡爵慎镗又年甫三岁未便袭封从母妃王氏请故有是命

○降原任四川参议张子仁为山东佥事

○升九营佐击张应时为五军三营参将

○原任总督南京粮储都御史张焕先因到任愆期言官论逮广东南海充军身故至是准复职

○福建参议查志立革任听勘从吏科都给事中刘不息等参也

○总督漕运副都御史王宗浚三年考满荫嫡次子王士琦为国子生

○甲申叙建州捷总兵李成梁巡抚张学颜及效劳官军各升赏有差仍大行宴赏以激劝之

○乙酉升湖广僉事职汝止为福建右参议

○提督两广军务殷正茂言抚散过新民魏朝议莫应敷黄瑞刘兴策四巢徒党原系山海遗孽各据一方今既抚散祸机永绝各从改正宜宥往愆但地方人等或以公私逋负百凡□木穴夕□求以致新民不得聊生请旨申饬仍收录总兵张元勋等工部覆依议各升赏
丙戌夜月食

○丁亥升陕西苑马寺少卿兼僉事马文健为四川副使工部营缮司员外杨松为湖广僉事

○南京吏部右侍郎李棠以病乞休许之

○总督宣大侍郎方逢时言宣府镇屯田等项地粮自隆庆五年起迄今三年之内督率种辨已足一十八万四千五百三十五石之原额又开过荒地三千四百六十二顷三十一亩起徵粮三千五百七十六石零银九千八百七十八两收作主兵本折支用另有沙薄及沿边荒熟不齐难作额徵余地一千八百七十二顷零每亩量徵轻粮不等共银一千六百两收补官吏师生月俸之用户部覆言该镇野无旷土粮几旧额屯政修复大有成效宜割管粮郎中如数徵收督抚各官先行纪录分别优赉从之

○戊子河南道御史王湘条陈京察五事一详考核二绝顾避三察心术四略常额五禁奸慝吏科都给事中刘不息条陈五事一端鉴衡二集众论三辨人品四革中伤五略成数部覆俱依议行 缉获妖言惑众王志学等十余人下法司议罪伏诛

○己丑 圣母慈圣皇太后寿旦 上御皇极门百官致辞称贺命妇免朝

○升袁州府知府程文著为陕西苑马寺少卿兼僉事

○发潞州府镇国中尉廷圻等七名高墙禁住以屡行强劫赃证明实也

○庚寅补原任江西道御史麻永吉于浙江道

○原任南京工部尚书林云同奏辞刑部尚书不允

○巡抚广西副都御史郭应聘秩满荫男郭良栋为国子生

○壬辰两淮巡盐御史王琢玉言查过吕四等三十场灾伤十分九分被灾极贫灶丁七万六千七十三丁次贫丁六千三百三丁已发银二万两赈济止可救秋冬之急若明春青黄不济尤为可虑议请于余盐银内借留三万两以待来春接济部覆从之

○兵部侍郎汪道昆秩满以子幼荫其亲弟汪道贯为国子生

○发太仓银四万四百五十两于蓟镇充官军行月二粮仍于万历三年额饷银扣除

○议佐修崇王府第 上谓今年财匱民穷朕概停工作力行节俭务与天下休息且宗室蕃衍禄粮尚不能给亲王为国家藩屏爵高禄厚亦宜为国恤民岂可纷纷请乞崇王第修理既与五十年之例不合且先给银二万余两紧要处所俱已报完以后着自行撙节量修不许再行徵派重困小民礼部还行与各王府知道

○癸巳河南巡抚吴道直言大梁道所属开归二府延袤千里守巡官一向驻劄省城要将大梁分守官专于归德分巡官专于禹州各带家室常川驻劄严督州县共分职业部覆从之

○浙江抚按官杨鹏举等言处州安吉嘉善等府州县水灾已经会议改折减免屯粮分别赈恤其随时加派者或量减分数或暂行停徵巡按御史复请贪官赵文华侵冒边饷十余万沈永言侵欺蜡茶等银三万余两姑为缓追户部覆言有灾州县带徵钱粮姑准徵一分赵思慎沈永言等各犯变产暂令改限完奏奉旨追徵侵欠与灾伤地方何干抚按官借言蠲恤背公市恩姑不究余依拟行

○甲午 上御文华殿讲读 四川韩胡碉恰列寺差番僧头目□□等各进贡方物给赏绢纱如例

○礼科给事中梁式言迩来邪说浸淫民习蠹坏不经之祠宇日侈异教之供事争先转相幻诱备极淫奢遂有大干条宪如近日锦衣卫访获逆犯王志学者更宜屏息奸宄条议三款一清祠宇二革僭踰三禁香醺 上谓左道惑众之徒严行禁革其余亦从民俗不必清查烦扰

○丙申 上御皇极殿太常寺奏冬至大祀 天于 圜丘

○建涿州胡良河石桥成赏效劳各官有差

○户科给事中赵参鲁言易谨履诗防维霰如近日南京科监诸臣所劾凶官张进酗酒禁地赶辱科臣王颐是也伏睹先后明旨直谓扫除之使酗酒之徒彼监臣足治之故革管事以稍

示懲創臣以為辱及言官朝廷之耳目非輕情繇挾讎小人之橫肆何忌宜付法司鞠理上謂已有旨處分如何又復逼奏并浙江道御史麻永吉南京刑科給事中楊節等奏俱着回話

○禮部覆總督宣大侍郎方逢時巡撫宣府副都御史吳兌題順義王俺答率領男孫部落及河西酋婦中愛哈屯夷酋丙兔打兒漢台吉等進貢馬匹一體給賞但查萬曆元年本部題請入貢賞賜比昔年如數太多今次比元年仍增一百四員名以後務加節制勿得遞增從之

○庚子辰正刻冬至是日大祀于
圓丘命英國公張溶行禮文武百官朝賀諸王府及天下衙門各進慶賀表

○升貴州僉事李繼芳為本省參議

明神宗显皇帝实录卷之三十二

万历二年十二月辛丑朔 上御皇极殿以长至节受百官朝贺

○壬寅降户科给事中赵参鲁五级调外任因参凶监张进也其刑科给事中郑岳浙江道御史麻永吉等为首的罚俸一年余各半年

○乙巳 上御文华殿讲读

○礼部覆礼科右给事中梁式题禁左道三条一曰清祠宇盖寺观庙宇俱载令甲间有创建必俟奏闻所以重祠典而端好尚也今各处大小庵观寺院不可数计矣而鼎建日繁募徒相望规制僭拟于王度淫祠煽惑于民风甚非所以尊主威伐奸萌也如蒙敕礼部下所司毁其太甚罪其擅作非但民风晓然各归本业而奸党渊巢亦彻过半矣二曰禁僭踰夫印文非官长不用所以示法守龙凤之制非皇家不用所以明等威今寺观焚修＜娼弊-金＞文皆用自刻木印小民进香旗旛等物多绘龙凤是公符可以摸拟而禁物可以私造小民无知窃弄往往陷于刑辟臣愚以为禁之便又徒众广集崇奉者如市则私度之禁与夫约省之条又不可不申明也三曰禁香醺盖小民进香势之所不得禁也然揭龙旗而鸣金道路顶香马而混迹妇男不亦甚乎民间祈禳势之所不得禁也然悬榜而高筑坛场张盖而公行衢巷不亦甚乎异端粉饰声客以诳惑愚俗未有如近日之盛也乞敕下礼部申饬严禁俱从之

○巡抚辽东都御张学颜言管粮户部王念通同官攢侵盗边饷已经参劾仍刻布揭帖极口讪诋逐款奏辩乞罢斥得旨张学颜照旧供职王念先革职为民着原勘衙门从实核奏

○户部尚书王国光言本部委管草场主事任铠呈称五草场储备春秋二防马匹支用每年俱于二月十一日放完题买近挨至四月放尽委题买正值夏月时雨草束沴烂又价直腾贵往往推延秋后上纳殊不知秋防警急各场空虚何以济事今后定价于二月中旬庶防秋有备官□无亏又委管安仁坊草场主事张修吉呈称各营军马粮草每年该放三个月本色□人领买每草一束该银三分二厘访得各军住居穹远每遇支草不能搬运多行变卖每草十束卖不过一钱四五分在官虚费钱粮在军不蒙实惠合于本色三个月内支草一分支银二分每年放草若干至秋月仍卖补若干庶先是有备各为有见但任铠欲于二三月召卖不无非时病商之虑在张修吉欲本色三个月支草一分银二分又恐本色堆积年久不无损坏合令将领等官将万历二年十二月并三年二月草束暂改折色关支旧例折色月分每草三十束折银二钱五分今应支色暂加折银一钱五分解给四钱较之各军变卖所多不止一陪仍留积本场草束以为来年支用其年例买草之期限今秋成不许迟误至召商买草作弊多端将鲜明草束堆放在上其沴烂轻小尽堆下面甚至沙土包裹图重斤两监收官严核辄拥众喧呼多畏众口含糊收受以后宜躬亲验视如有前弊从重究治从之

○以德王戴澄薨辍朝三日

○丁未 上御文华殿讲读

○北虏贡市事完 上谓方逢时先年建议款虏新任贡市效劳升都察院右都御史仍兼兵部右侍郎赏银两表里照旧总督巡抚吴兑申佐等各赏赉有差余俱依部拟

○总督宣大侍郎方逢时言北虏自款贡以来即求铁锅农器知我禁例讨之愈力盖阳为求索将以困我遵照敕谕许以便宜区处山大二镇各备锅数百讲定准折马价r布与互市诸夷仍爱r布不愿得锅水泉得胜二市共用不及三百口虏谋顿阻但夷族繁多以后入市求讨照前议定大小r布之数准折货易部覆报可

○戊申以浙江宁绍参将艾升改充广东练兵参将

○己酉广西巡按御史唐炼奏广西原额夏秋二税共该米四十三万一千三百五十七石屯粮六万一千二百石国初如数输纳军需不匮近来民间拖欠完纳者不足三分之一其间贼占抛荒固多有藉以为名民隐其九者有指荒为词未荒而免者有势豪吞占莫可谁何者宜行司府州县都司卫所将一应额办钱粮如法追徵以十分为率每年带徵二分若怠玩拖欠者照例参奏降罚调卫中间贼占抛荒宜设法整理俾不失业部覆从之

○山西布政使司新增太原府本色粮四十六石九斗六升连旧额共徵本色米麦豆二万一千四百七十五石二斗八升折色银三十六万二千一百二十两五钱五分零

○庚戌 上御文华殿讲读

○辛亥 上御文华殿讲读

○户部题准预开淮浙山东常股存积盐一十五万八百七十三引一百八十五斤共银五万一千七十二两四钱六分

○壬子 上御文华殿讲读辅臣张居正等进职官书屏十五合< 娵斨-金 >曰安民之要在知人辨论官材必考其素顾人主尊居九重坐运四海于臣下之姓名贯址尚不能知又安能一一别其能否而黜陟之乎朝宁之间百司庶府尚不能识又安能旁烛四方郡国之远乎考之前史唐太宗以天下刺史姓名书于御座屏风坐卧观览唐宣宗知涇阳令李行言之贤书其名于殿柱不次擢用 成祖文皇帝常书中外姓名于武英殿南廊 仁宗昭皇帝亦命吏部尚书蹇义兵部尚书李庆具各都司布政按察司官履历揭于奉天门两序良以舆图辽廓官府分罗身难遍历故托之标记以广其明也仰惟 皇上天挺睿明励精图治今春朝覲考察亲奖廉能顷者吏部奏除躬临铨选其加意于吏治人才如此顾今天下疆理尚未悉知诸司职务尚未尽熟虽欲审别其道无繇臣等思所以推广德意开发 圣聪者谨属吏部尚书张瀚兵部尚书谭纶备查两京及内外文武职官府部而下知府以上各姓名籍贯及出身资格造为御屏一座中三扇绘天下疆域之图左六扇列文官职名右六扇列武官职名各为浮帖以便

更换每十日该部将升迁调改官开送内阁臣等令中书官写换一遍其屏即张设于文华殿后 皇上讲读进字之所以便朝夕省览如某衙门缺某官该部推举某人即知某人原系某官今果堪此任否某地方有事即知某人见任此地今能办此事否臣等日侍左右

皇上即可亲赐询问细加商确臣等若有所知亦得面尽其愚以俟

圣断一指顾问而四方道里险易百司职务繁简一时官员贤否举莫逃于 圣鉴矣次日得旨览卿等奏进职官书屏欲周览舆图审察众职具见匡弼之忠朕心加悦围屏着进收设于文华殿后次日讲读毕 上躬览一周居正因奏曰天下幅员广阔山川地理形胜

皇上一举目可以坐照但今所赖分忧宣力者全在大小臣工惟望

圣明于用人名实之间特加之意而已 上曰先生费心朕知道了

○江西抚按官凌云翼等言两省版籍各有定制分民创里事体有碍合将瑞昌民置产兴国止于寄庄立户赴该州输办粮差或照近议徵银角□羊纳如有拖欠申呈两省抚按将府县掌印官参究惩治其兴国之民置产瑞昌者亦照此法部覆报可

○户部题大同镇年例除事例银二百八十五两赃罚银六百两发银二十六万八千七百五十三两

○巡按陕西御史赵燿言虏首宾兔一枝住牧西海迄今遇游猎抢番及拆墙进入皆索抚赏边官不论顺逆一唯抚赏是徇又如互市一开则番人惊扰有妨茶马之利边计日弛宜酌以定规俾边官有所遵守兵部覆言俺答二子宾兔一住松山一住西海已定于宁夏中卫为市河西无为市之地亦无可市之物何容再议西番服属于我虏既通贡乃敢抢我属夷已为非义至于拆墙入境与为寇同亦以抚赏退之渐不可长宣传谕俺答禁止诸酋如或背盟该镇官务要严兵固圉毋得专事抚赏为退虏之策报可

○总督方逢时题议大同镇停发银三万两照旧解发其宣府原拨发银一万两免行拨尚书王国光覆准发银一十四万两 癸丑朝鲜国王李昫差陪臣吏曹参判官自裕等贺冬至令节户曹参议赵澄等进贡种马宴赏如例

○户部题查得隆庆五年该都察院题各处查盘旧例五年一次失之太疏一年一次失之太数以后合无以三年一差御史查盘诏着各该巡按御史带查不必另差

○甲寅应天巡抚宋仪望言该镇兵力单弱粮饷缺短战守之计尚多疏略条议五事一议更置将领吴淞一镇兵船聚泊乃水陆折中之区副总兵驻劄南可以援金山之急北可以扼长江之险所统六路官兵约计一千八百二员名而川沙堡宝镇堡及一应水操官兵悉以隶之金山乃三吴之外屏刘河为苏州之门庭宜以参将移镇金山游击移镇刘河至常镇参将原非要害当议裁革仍更置守备一员就驻杨舍互为策应一议处粮饷苏松一镇自倭患稍宁客兵题革之后又经量议增兵以定战守大约每岁计该饷银十三万八千二百四十一两九钱应坐苏松常镇四府照粮加派一议增戍孤镇金山一镇孤悬海边接连浙海为三吴外屏今更置参将其兵仅以千计万一有警即悉城中老弱登埤以守未充其半欲增募客兵则供

饷难继宜行应天十府一州各衙门问拟军犯遣发该镇以充营伍一议兵船器械福仓大船长巨高坚破浪乘风摧拉甚易每船定价至四百余两岁用二百三十六只每年打造不过三十六只余皆顾募民间颇为便宜其各船之兵于崇靖两县沿海居民按图挑选尤为易集一应军器若发贡佛狼机之类并火药俱各将官自行制造庶乎可用一议申明事权令各把总之兵听副总参游节制参游等官听副总官节制敢有抗违者许以军法从事副总官比照行部事例不时巡历必使体统尊严事权专一若州县佐二等官品级相悬体统攸关在道必避在庭则参如敢倨傲凌肆许即揭呈提究庶名分不乱户兵二部各覆依议行

○兵部覆广西巡按唐炼条陈一议武备谓广西军兵不下五六万所贵训练以戒不虞合如议行一议扼险迎恩堡设兵一营一议劝农广西民田禁与徭贼佃种俱应巡抚勘议从之

○以新建伯王守仁从祀孔子庙庭守仁之学以良知为宗经文纬武动有成绩其＜娼弊-金＞犯中瑯绥化夷方倡义勤王芟群凶夷大难不动声色功业昭昭在人耳目至其身膺患难磨励沉思之久忽若有悟究极天人微妙心性渊源与先圣相传宗旨无有差别历来从祀诸贤无有出其右者

○乙卯兵部言南兵在蓟防守必不可无督镇诸臣言之甚悉思归一念在人情亦不能免故有更番之议挑选之＜娼弊车在浙在途舟车行粮之支费不免浩繁人至三千未易铃束今议岁更止以二千每年二月舟行不许登岸来去各以其时则防秋防汛两皆无误粮费取自空支月粮则在浙在途一无所累似为经久可行报可

○倭贼陷广东铜鼓石双鱼城督抚殷正茂督率总兵官张元勋追剿正茂荫子入监读书元勋实授都督同知

○朵颜等卫夷人头目火你赤等并四川韩胡碉恰列寺头目番僧扳地卜等朝贡宴赏如例

○总督陕西都御史石茂华言延宁二镇兵马入卫蓟镇奔走疲劳已二十余年乞放回免调及将京营兵马年拨二枝又以沿边六州县人民垛充军伍分班赴蓟代守兵部言蓟镇边患叵测不容不借客兵难以遽撤京营之军务在强干垛充之事甚属难行即行之亦未敢谓抵边兵也宜令照旧入卫厚加优恤从之

○丙辰顺天府府尹施笃条陈编审事方今地亩人丁日渐减少且额外增役有加无已细访其故或富豪并吞地土或势要强占户丁或飞洒于诡寄或漏网于影射有司坐视莫敢谁何遂致闾阎小民甘心抛荒田产逃移四方又何怪乎丁粮渐减而赋役愈重耶一议优免事例各照品级不得滥免一议流寓人户多系富豪名为寄庄影射差役甚至田亩数倍于土著之民而差役分毫不与宜即令入籍与土著一体当差一纳粟监生官吏承差之家因其富饶纳充前项不惟免其本身或且滥及户丁宜一体编派门银不许漏脱一春秋祭祀银两各州县原编□十两惟保定县四十两良乡县五十两今以良乡为率其余通行裁革部覆从之

○赐德平王载堞楼额传文从其奏请盖造楼一座供奉诏敕及盛积古今书典也准德世子翊馆管理府事以德王载堞初薨令俟服满请袭也

○丁巳 上御文华殿讲读

○戊午 上御文华殿讲读

○工部言总督杨兆请讨盔甲京库军器专备京军操演例不发边沿边军卫有司自有岁办军需银两蓟镇节因虏患奏讨数多共发过三万七千副今又因角□羊到新军照数奏讨且新军俱系顶补旧军之数若将先领损坏者修理坚致及应遣依限打造自当足用而该镇言钱粮不足罔知稽查一遇缺乏輒以上请难可为例但畿辅重地诚恐虏患巨测酌量给三分之二仍行该镇备查岁造军器共修边政毋得专恃请给从之

○庚申 上御文华殿讲读

准周府鄢陵王睦拘庶第一孙辅国将军朝土□从改封为长子以嫡配王氏没无嫡子也

○巡抚辽东张学颜乞辞免世荫锦衣不允○以南京兵部左侍郎翁大立管南京吏部右侍郎事 辛酉琉球国中山王世子尚永遣王舅马中叟长史郑佑等一十八名赍表文方物庆贺皇上登极并进贡赐宴及彩段等物有差

○壬戌 上御文华殿讲读

○御史余乾贞差北直河南清查军伍都察院题请回道管事 上谓御史差满考察先朝事例甚严近来一概都准回道岂人人尽皆称职无过者及遇京官考察如何又有纷纷议论御史专察一方职任至重你总司风纪平日不加精核谩尔差用或致贻害一方责将谁委今后务要申明旧例著实举行有不称的即便参奏改黜各地方依限交代不许枉道回家满日仍查有无违限一并考核堂上官如徇情畏比亦以不职论

赐晋府宁河王长子知□甘□火□河东王长子慎键各袭封夫人李氏冯氏进封为妃

○直隶深州生员林基父母丧先后庐墓六年清丰县侯灿为祖母史父逵母刘先后庐墓九年俱旌其门曰孝行

○山西潞安府长治县民自仇鸢至仇大六世同居食凡男女数百人节烈妇贞女二十三人旌其门曰高义

○江西崇仁县民黄士沆妻邓氏直隶武城县民生员郑继绪妻白氏山东登州府蓬莱县舍余周儒妻王氏直隶山阳县生员王延祚妻陆氏直隶永年县宋修治妻周氏武邑县监生李孔时妻陈氏平谷县民刘伋妻郝氏山西蒲州民杨鹗妻王氏寿阳县民王麟妻郝氏俱旌其门曰贞节

○直隶深州民李东妻张氏及男光裕妻韩氏旌其门曰双节

○四川温县训导以升任携妻女舟行为盗所劫杀盗迹二女长么哥绝裙赴水死次女留哥骂贼被杀投水李氏亦赴水身死山东莘县民高守耕妻田氏夫死姑初严防已少解自缢山西黎城县生员李芬妻刘氏夫死不食缢死清源县民韩定妻张氏缢夫柩前死定襄县任尧弼妻杨氏不食五日死夫柩侧直隶成安县生员张鹄翼妻刘氏夫死乘姑不备自缢绝开州民雷应时妻安氏于丧侧以麻经缢梁死河南修武县生员薛复亨妻王氏夫死七日不食不死复自缢绝各旌其门曰贞烈

○山西芮城县柳兰女父逢春母谢氏相继病故遗二妹俱幼一弟方生三月兰女痛家寒弟妹无依誓死不嫁纺织以嫁二妹婚娶弟妇张氏弟业农自务织以终其身年七十五卒旌其门曰贞孝

○甲子 上御文华殿讲读

○巡抚福建刘尧海言户部咨行各省直见徵税处要见每年所徵银两若干作何支用定为则数福建常赋固薄顷以海上兵事徵发烦难议事之臣不敢频索内帑计将该省税额起存粮课及山上海市镇船□等税一向通行者俱勒为饷亦取仅足而止外患稍宁节经裁约查有漳州府海澄等县船货商税福州府行崎所木税闽侯怀三县牛河渔荡税福清连江等县绸税古田县炉税以上俱行见徵税充饷者福州南台□税泉州府船税以上俱原有税而今裁革者俱各报闻户部覆议

上谓刘尧海清查商税补足军饷具见尽心任事之忠着吏部纪录待用

○乙丑 上御文华殿讲读

○升凤阳巡抚王宗沅为南京刑部右侍郎

○丙寅兵部奏选武职官 上御皇极殿亲临銓注

○准四川土舍杨正魁袭伊父杨仁原石耶洞长官司仍不支俸

○升江西副使张士佩为本省右参政

○丁卯 上御文华殿讲读

○戊辰降补原任陕西副使李台复为本省参议以原任兵部右侍郎张翀总督漕运巡抚凤阳

○庚午 上御文华殿讲读

○以广西参政高则益提调本省学校改分巡辽海道今升陕西行太仆寺少卿贺溱为开原兵备副使

○总督仓场户部左侍郎毕锵言储政五事一议收粮凡运粮报司仓即日诣该仓看阅晒二天扬一天至乾洁而止及至委收粮官员须看验精洁方许收管不堪收者从实禀报一议陪库往银库定委主事一员而陪库自近年始顾时值放粮关系甚重安能两在而俱临每此入而彼出又为不便宜于员外主事中专委一人代之一议修厂一议修浚一议买补部覆俱依议行

○兵科给事刘铉条陈酌＜媵斃-金＞浚议夫田专责成禁侵冒四事行湖广抚按逐款会议其＜媵斃-金＞浚止采穴泗港等口余容另议修堤人夫当官顾募并未曾编派小民及有大户投充等弊湖广地方寥阔水利一道专管切恐顾盼不及不若仍旧各守巡相兼为便也修堤钱粮府佐等官当面给散奸弊尽祛事体妥当从之

○是月 上御文华殿讲读八日

明神宗显皇帝实录卷之三十三

万历二年闰十二月辛未朔除原任湖广道御史向程于福建道

○释闲宅宗室故辅国将军奇浩男银哥金哥以隆庆元年越关奏请名封情有可原也

○升易州兵备参政高文荐为山东按察使照旧管事补原任江西参议刘应峰于广西

○壬申 上御文华殿讲读

○发太仓银二万一千九百四十五两零为甘肃抵还修边军饷之数

○癸酉南京兵部尚书戴才言近该部议以浦子口守御带管盐法听巡盐御史举劾固得曲防之法但稽之成宪要非建置之旧且浦口五卫去盐场颇远军舍即能安顿私贩唯当严于经过关津如必设立盐捕亦当于巡盐御史所辖求之不宜輒变旧制部覆从之○甲戌 上御文华殿讲读

○南京吏科给事中史朝纮等广东道御史蒋科等各条陈考察事宜一惜人才一论大体一 审名实一核考词部覆俱依议行

○除原任云南副使朱茹于江西

○乙亥 上御文华殿讲读

○升徽州府知府崔孔昕为两淮运使凤阳知府邹廷望为甘肃行太仆寺少卿兼佥事调江西副使凤阳知为陕西提学副使

○巡按辽东御史郭思极勘过户部郎中王念赃私贪例革职为民 上谓王念侵盗如何都开 摊各库役领下郭思极前劾王念赃罪甚重今又朦胧回护轻拟革职且不究王念着提去与 各犯面证明白从公再问

○山东道御史柴祥条陈三事一议治徐邳夏镇等河以祛民害一议番休守苏浙兵须加控 驭一议互市以防北虏部覆依议行

○丙子升巡抚河南副都御史吴道直为兵部右侍郎

○丁丑 上御文华殿讲读

○戊寅 上御文华殿讲读

○总督陕西石茂华巡抚延绥张守忠各题延镇三年修完边墙墩台寨城请叙录效劳文武官员上谓近来各边报修工程巡按御史覆勘岂曾亲履其地止据委官以空文回报未久随即倾＜媿跛龠菊虔铤缙奏边功着选差公勤司官一员便去逐一查勘明实具奏

○总督宣大方逢时言巡按御史陈文燧条陈八事已行者三遵行者四当议行者一如抚赏之机使介之稽贡市之期三者事体相属今日之抚赏因其臣服而惠给之历岁既久事体颇定此已行者也两镇之支费皆取给于积余客饷间有不敷则取补于减哨市税至于那借库银随行扣补若行查核恐阉外之臣畏首畏尾似为不便至于戎伍之训练边军之劳困夷马之价值三者亦略相关此所遵行者也惟修守之宜大同边墙东起西阳河西至了角山延袤六百余里倾＜媿跛龠疾薮嬖掖筐地参胡境长沙漫磧群山星聚势不联络此地利当议见在食粮之数仅八万余守城占役之外不及五万无他军可以相助此人力当议边土沙松立见糜散墙高则速颓岸深则善倾此工程当议尤有过虑者一则摆守足军之难二则务外失内之难三则防御周顾之难四则摆守持久之难合当斟酌边墙之修宽限至万历四年起工及预图善后之策兵部覆言边墙之设所以限隔华夷自古不废近来边垣倾圯以致虏骑充斥益以大坏而遗址犹存大同额军十三万今止八万虽人力比前不足而地形土脉悉皆如故故昔务修建所以分别华夷使之不相踰越非谓在摆卒专倚之为守也今该镇计用卒十八万而额军亦止十三万当时原不摆守可知而所谓务外失内等项可无过计矣但其工程稍难固不可缘此而并废自昔所有之墩台也如候万历四年起工殊非及时修政之意合量与宽限从之

○松山虏酋款塞贡市告完总督石茂华等各赏赉有差

○乙亥赐阳夏王载非□土所书楼额名遵训

○戊寅赐庆府弘农王长子倪□□田火□袭封为弘农王夫人潘氏进封为妃己卯起原任宣府巡抚孟重为河南巡抚浙江湖州府乌镇地方添设捕盗管理盐法同知一员铸给关防一颗从抚按请也

○庚辰上御文华殿讲读

○改神枢三营游击郑勋为河间游击升万全都司谢天祐为山西太原参将

○辛巳升刑部浙江司员外尹较为福建僉事○顺天府尹施笃臣请急准回籍调理

○壬午通政王好问三年秩满荫其子王浑然为国子生

○癸未巡按浙江御史田乐题先年遣戍卢龙等卫葛乾相等三百七十余户系方孝孺姻党乞行豁除不允

○甲申 上御文华殿讲读

○乙酉升山东左布政曹科为顺天府尹

○太宁等卫夷人头目升合儿等二百三十二员名朝贺 万寿冬至令节宴赏如例

○丙戌 上御皇极殿顺天府官进春文武群臣称贺以年节 辅臣张居正等银纒有差

○丁亥 上御文华殿讲读

○上召辅臣张居正于暖阁前亲洒宸翰大书弼予一人永保天命八字以赐次日侍讲读居正因奏 皇上数年以来留心翰墨昨仰睹赐臣大书笔力遒劲体格庄严虽前代人主善书者无以复踰但帝王之学当务其大自尧舜至于唐宋英贤之主皆以修德行政治世安民不闻有技艺之巧也惟汉成帝知音律能吹萧度曲六朝梁元帝陈后主隋炀帝宋徽宗宁宗皆能文章善尽然无救于乱亡可见君德之大不在技艺间也今 皇上圣聪日开宜及时讲求治理以圣帝明王为法若写字一事不过假此以收放心虽直逼钟王亦有何益报闻

○升山东右布政朱卿为本省左布政

○戊子升山东都司僉书王镇为神枢四营游击改广东琼崖参将晏继芳充西路巡海参将

○己丑除四川右布政攸绩于山东

○巡按直隶御史萧泮陈钱粮六事一均羨余以励人心漕规轻贲银两作正支销外是名羨余一分解准二分给军士十三总同之惟江北四总先以议免边输扣补今边输如故而此赏独靳宜均之以示一体一改海船以利运道自罢海运之后即驾入里河与浅水船参和并进海船重而浅船轻彼此并壅宜将海船二百余只或作战舰或变价值但置浅船以便进运一收除米以广积贮漕运正额外随船耗米岁约一百二十万石除晒扬扣尖收受所剩土米大较可三四十万石坐余在仓皆听贱卖宜行通济库或太仓库每石随给价五钱毋致迟滞另廩收贮当年即与支放亦两便也一置脚船以备不测江南巨舰各有小艇随之号曰脚船以备缓急运船缺此殊为不便宜行漕司动支粮价余银每浅船二十给造脚船一只每只拨军四名月粮一体关支使随帮策应尤为有利一立保甲以寓防浚运船过淮随到随编以二十只为一甲总给一牌每日轮流二船直牌为甲长各备器械什物盗发协力截赶风起商议策备稍遇淤滞督同浅夫开通一船失事余即连坐一剔宿弊以清库藏申飭该库但遇官鞘解伴止许送到大门巡风官军擡入库门原解员役对验成色此外闲人一切严禁不容窥覩以杜偷混部覆得旨海船留备缓急不准变卖其余依拟

○先是达虏宾兔要求河西互市恣意横索刁抢村庄科道官蔡汝贤宋范等各议绝其抚赏相机堵截兵部覆言北虏款贡之始起于俺答其子侄诸部落亦皆分布各镇誓无犯扰今宾

兔扣边扰索其迹如此于中事情亦有不同使虏连年西图获有番夷货畜而以河西设市藉为衅端不独宾兔一枝为然则宜亟令堤备即闭关绝贡环甲加兵自不容已今诸虏贪我财利尚无他谋唯是丙兔以宁夏互市为远且见顺义诸虏在于宣云衣食稍丰犬豕之性不免中热实止口体若以一技要索之情遂启各镇拒绝之事非计之得也宜令俺答谕其改图悔祸如再侵掠即严兵拒堵斯为上策奉旨着虏情着石茂华侯东莱相机审处不许推诿误事

○以松潘东路游击陈世忠为四川行都司掌印

○先是议开马桥至子房新河督理河道傅希摯勘称上段则四十里皆水下段则数十里伏石委难议开惟梁山以下穿羊山出左洪口一带便于开浚口向东南与黄流颇顺并佑合用银二万四千二百七十余两且新旧两河必有一通可保万全宜行开筑部覆报可

○庚寅上御文华殿讲读是日上从容问辅臣张居正等元夕鳌山烟火祖制乎对曰非也始成化间以奉母后然当时谏者不独言官即如翰林亦有三四人上疏嘉靖中尝间举亦以奉神非为游观隆庆以来乃岁供元夕之娱糜费无益是在新政所当节省上曰然夫鳌山者聚灯为棚耳第悬灯殿上亦自足观安用此太监冯保从旁言他日治平久或可间一举以彰盛事上曰朕观一度即与千百观同居正言明岁虽禪继此上大婚潞王出阁诸公主厘降大事尚多每事率费数千万金天下民力殫诎有司计无所出及今无事时加意撙节稍蓄以待用不然臣恐浚民脂膏不给也上曰朕极知民穷如先生言居正曰即如圣节元旦旧例赏赐各十余万无名之费太多其他纵不得已亦当量省上悉嘉纳明年元夕罢烟火鳌山

○升云南右布政罗元祯为贵州左布政

○升鸿胪寺左寺丞张朝聘为少卿

○辛卯准覆原任户部右侍郎徐贡元原职以先因金解段疋降级也

○先是达虏头目入境到西纳寺烧香讨赏甘肃巡抚廖逢节请于嘉峪关外远处听盖一寺使之焚修自可杜其求请之词及查故酋吉能原授都督同知之职今各枝皆以承袭其子似当一体准袭部覆如议但查把都儿黄台吉是否吉能之子应否承袭今具番文转请从之

○壬辰

正旦节遣泰宁侯陈良弼武定侯郭大诚豊城侯李环怀柔伯施光祖固安伯陈景行祭长陵献陵景陵裕陵茂陵泰陵康陵永陵昭陵各行礼

○升福建行都司杨显为广东琼崖参将湖广行都司金书章延廩为四川松潘东路游击

○癸巳原任工部尚书胡松卒赐祭葬松南直隶人正德甲戌进士初任郡佐选监察御史首

论朱宁陆完等不法事嬖臣矫诏为市临清上< 娼弊-金 >力议格之不报尝论大学士桂萼引用王琼比周为党寻被谪金宪福建按察贵州寻升副都御史至今官卓有丰裁亦可师表一世也

○巡抚辽东兵部右侍郎张学颜三年秩满荫其子张文夔为国子生

○乙未总督蓟辽杨兆言昌镇系 陵京肘腋之地向未设有车营去年议照各标下共为两车营以扼东西山口之隘车制必如先总督谭纶初造之式足以冲锋其中合用火器照各添造有车必须有兵有马曲为议处其说有四一先改白羊军为车营之先步一并昌平军于巩华为一营一改设将官以便责成一加马匹部覆俱依议行

○议查济宁汶上二湖旧界总理河道傅希摯勘请湖地高者准令佃种分等徵租低者照旧蓄水济漕严禁佃户不许曲为堤防侵那疆界工部覆言委于国计民生有裨但照先原任尚书朱衡称新河支河河身堤基皆系民间田地合将昭阳湖官地及淤平旧河准令对亩给业免其纳税以河之弃土补河之占地亦可舒滨河失业之困应行并议从之

○丁酉宣大总督方逢时议建立牧场大同镇于中路建立六场西路各建一场除阳和一场专备贡马余每场养 三百匹其分派牧养统领责成部覆俱依议行

○巡视京营工科给事中李熙福建道御史周咏条陈六事一选战将二蓄将材三练战兵四习车兵五核养马六广火器部覆俱依议行

○戊戌广西梧州府添设副提举二员照例请给关防常轮一员前往广东买盐运回梧州候桂林船到转发仍于桂林梧州二府原设管粮通判令其兼理盐法从总督两广殷正茂请也

○兵部覆巡抚廖逢节议传谕黄台吉自采木植于关西离边远处修盖一寺听各虏就彼焚修

○巡按广西御史李采菲勘过顺剿雒容等处擒斩首从贼徒功次提督殷正茂巡抚郭应聘总兵李镇等各升赏有差 己亥 上 祫享 太庙

明神宗显皇帝实录卷之三十四

万历三年正月辛丑朔

上御皇极殿受文武群朝贺

○是日赐辅臣张居正吕调阳上尊珍饌

○荣阳王载阶等类奏庆贺礼部〈娼弊-

金〉言非故事合止照弋阳等府事例差官赍捧送部不必另具奏从之

○扬州镇江府地镇

○壬寅赐辅臣张居正膳九品长春酒十瓶甜食一盒吕调阳膳七品长春酒五瓶甜食一盒

○丙午升太原府同知季遐龄为山西佥事整饬密云兵备

○巡抚顺天都御史王一鹏修上弭盗六策一议专保甲责成谓在京各衙门各卫所隶籍于内廛寄于外者往往恃客籍以抗有司俱宜知会通议管约一议分逻徼亭堠欲于涿州良乡固安武清漕县墩铺分隶守备盗贼发界中作罪一议重捕盗赏格应捕人役擒斩贼首三名颗者与冠带再有功者加百总用计密捕六名者当对敌擒斩之一居民能擒斩贼盗者二名与冠带密缉者以四当擒斩之一把总官有胆略过人累立奇功者荐边方叙用一议定守备信地漕河一带南起丁字沽北至王家摆渡崔黄口与霸州二守备分河东西岸而守之两岸两属彼此互诿不若尽属之崔黄口而霸州则专以近京要路责之一议增巡河哨船宜置八桨船六只每船用兵十人分布巡哨一遇有贼并力齐掉与岸上巡缉互为声援一议明管河职掌谓河旧设一把总一主簿皆高坐河西膏地职守湮废宜于夹河武清营州二卫选骁勇有材官一员充为总领责以护粮把总主簿责令沿河修浚巡缉如有失事通与守备及巡简官一体查究〈娼弊-金〉下兵部覆核无异诏如议行并令抚按官申饬所属有隐匿盗情规避罪责者事发一体治罪

○丁未上亲享太庙

○是日上见七十二卫陪祀武官祭服蓝缕不称明禋谕令该部另造贮寺届期给发祭毕交还太常寺因〈娼弊-金〉言本寺导引陈设进爵捧帛人员俱系御前执事比之陪祀尤为紧要宜并成造给与从之

○吏部〈娼弊-金〉广东各府海防同知俱各分定信地驻劄堤防不许偷安府城旷废职业其高州清军改为海防兼理清军覆提督两广殷正茂之请也

○陕西抚按官郅光先等〈嬖孽-金〉论本省驿递事宜将西安延安平凉庆阳凤翔汉中六府照粮通融均徵直银先期解府先期给发各驿以革宿弊苏民困从之

○己酉 英宗睿皇帝忌辰遣安乡伯张纘致祭 裕陵

○庚戌

上御文华殿讲读

○以巡抚四川曾省吾奏改四川屯田归并清军道副使驿传归并盐法水利茶法道僉事改铸关防换给敕书

○陕西巡抚郅光先等奏查出民屯二项支剩银二万八千九百余两以二万六千五百余两抵作固原本年兵饷余存留贮库俟抵下年户部覆奏报可

○流倭攻陷双鱼所两广提督殷正茂以闻〈嬖孽-金〉下兵部

○辛亥 上谕礼部朕遵 两宫慈命以今春长发其令礼部择日具仪大学士张居正等奏该部查无旧例不敢擅拟而臣等备查阁中旧稿惟 英宗皇帝实录有正统六年六月初六日上以是日长发告 奉先殿一条与今日事体相同而亦未闻开有仪注盖此礼本行宫中故不得而知也臣等以为礼重冠婚 皇上前在东宫已行冠礼上公掌冠辅臣陪列三加称尊执爵而醕嘉礼已告成矣既行其大则可略于小似不必令部臣议拟第容臣先期略具仪节及撰拟内殿告文以俟裁定耳 上是之一先期一日 上躬诣 奉先殿 弘孝殿 神霄殿以长发告俱用告文一是日吉时请 皇上长发请发毕 上尚黄冠诣 两宫皇太后行五拜三叩头礼行礼毕请 上御乾清宫受贺

○四川总兵官郭成先年镇守广东以征剿都蛮故改任四川成所带广东兵千人入蜀颇多逃散巡按广东御史赵焞发其冒匿广东兵粮及所经过行粮状奉旨革任行四川查追该银九百余而成亦荡平都蛮更奉旨复职矣于是巡按四川御史孙代〈嬖孽-金〉成冒领广粮虽有状而所自募健儿三百人原未开支意其所冒实为此曹犒赏之资不尽乾没也且新功业至千级而追完亦且及半其余未完似可以情完功准者也 上乃免成追夺

○辛亥命钦天监择吉接修 昭陵

○密云地震

○壬子上以西宁边外套虏盘聚用兵部覆奏巡抚甘肃右副都御史侯东莱〈嬖孽-金〉徙凉州庄浪游击吴钺以游兵驻劄西宁分戍南北等川以防深入

○癸丑巡按直隶监察御史邵陞＜娵斨-金＞言苏松常镇等府宪臣久缺水潦频灾节年逋赋难以逼迫乞于考成簿内宽限节次完销事下工部于是工部条覆以逋赋久近上供缓急分别酌量仍立限催督违者查参诏如议行

○甲寅先是巡抚凤阳都御史王宗沐以淮徐地方素多奸豪恐其啸聚乃令军门捕盗郭宗抚访求豪侠巨计得三百余人加以义勇名色责令捕盗约以有功则为奏叙其后义勇王忻等果有缉获功至是宗沐为请升郭宗抚把总王忻等各给与冠带兵部覆＜娵斨-金＞以所虑为盗之人即用以治盗诚救荒安民弭怨消衅之良策也从之

○太仆寺造报缺官寄库银共七万五百七两起嘉靖三十年至万历二年闰十二月止

○四川巡抚曾省吾奏移洞门巡简司改置建武盐水坝巡简司改置歇马坝都宁驿改置上罗堡俱得旨

○兵部覆阅视蓟辽保定边务兵部右侍郎汪道昆议将孤山堡军移驻张其哈刺佃子险山参将部军移驻宽奠子江沼台备御部军移驻长佃子宁东堡军移驻双堆儿新安堡军移驻长岭大佃子军移驻散等各修筑城堡久任副使翟绣裳以董其事而宽奠控五堡之中尤为要地参将傅廷勋量加副总兵职衔管参将事以重责成俱得旨如议○乙卯上御皇极殿赐辅臣张居正膳九品元宵全长春酒十瓶吕调阳膳七品元宵全长春酒五瓶

○丁巳 孝静毅皇后忌辰遣惠安伯张元善致祭 康陵

○戊午工科给事中胡汝钦参论主事喻均及承委指挥齐永寿等工匠王瑞等冒破修理仓厂钱粮各有差章下刑部

○镇守宣府总兵官雷龙开报万历二年下半年为步军马之数通镇共一十四万五千四百五十二员名实在七万九千六百五十一员名

○己未 上视朝

○议修理南京内府门殿库藏议者以谓 累朝明禁无容轻议惟

奉先殿 享祀 列圣神位武英殿奉安 太祖 成祖御容大庖厨为进供日膳之所及诸紧要库藏所宜及时修葺于是南京工部尚书刘应节上言南京为祖宗创业根本重地自成祖定鼎鼎幽燕南中大内遂为虚设禁令勿修听其自壤

先朝深意未易窥测然臣等之愚谓有不必修者有必不可不修者似未可漫无分别一概停止也如系内外出入之防者必修外圉皇城内围禁城是也系享祀供膳之所者必修

奉先殿武英殿大庖厨是也系钱粮积贮之所者必修承运等库是也修官员驻劄官军宿卫之处必修光禄寺尚宝司六科局及宿卫等房是也修臣民观瞻之重必修东安东华等门也今各衙门公署已经题修二殿大庖各库见有今议而独东安东华等门及宿卫处所议者未及恐倾颓日甚一望丘墟非所以肃观瞻重根本也但钱粮拙乏工料难办或将别项倒塌量行拆卸移取无用以修有用庶为两得耳< 娼弊-金 > 下工部

○工部左侍郎杜拯以疾致仕

○庚申升四川按察使林一新为云南右布政使陕西右议刘伯燮为陕西按察司副使

○以詹事府掌府事吏部左侍郎兼翰林院学士张四维礼部右侍郎兼翰林院侍读学士林士章光经筵讲官

○户部覆奏蓟辽总督侍郎杨兆条陈筑宽奠子等六堡未尽事宜二事一谓军夫修作塞外远赴良苦议重加口粮盐酱一言各堡山林丛密土地膏腴堡成之日先尽移住军士每军给地五十亩听其开垦耕种永不起科将官堡官养廉菜地量行拨给不许多占有剩余地方许军丁及附近居人给帖领种三年之外照屯田纳粮事例起科以备军士月粮支用通造总册送部以备稽查从之

○户部尚书王国光因边储岁亏< 娼弊-金 > 言输粟实边下场给盐足饷良法亦必随时酌处上下两利为通融先年盐法< 娼弊-金 > 通边储甚赖自嘉靖三十二年增派工本盐引四十年尽掣堆盐盐利浸微勘合日积于是都御史庞尚鹏有酌量时估稍加宽减之议使□人乐从非谓不计盈缩贵贱概徇市人之情也嗣后各□踵习百计钻求贵则告减贱则不增郎中兵备等官受人情托延已声誉不论丰歉辄从宽减如蓟辽连岁丰稔斗米直三四分而每引五钱只得米三斗若宣府等处亦然臣谨查岁派各边盐引银约计五十万余两计其实纳所直不过二五六万耳至于发银召买即古和籴意亦应访查时估而奸□夤缘价贱之时领银入手延挨展转比至腾贵然后增价上纳管粮各官因袭常套公家之积任意花销豪猾之徒坐邀厚利当事诸臣如此真以沧海实漏卮终归渐尽而已谓宜严敕管粮等官以后召中一应粮料草束务及秋成察访时估定拟价直系盐粮者酌量从宽使上下不病然后出榜召□亲拨仓口俟有粮草即与收纳填给勘合使势豪之家毋得窝卖以侵□利一切分外需索措勒守候之苦严加禁绝系召买者趁时籴买立限完销不得过期以致高价又或仿先臣刘大夏故法选委廉干亲诣仓场草百束粮十石以上听民间自行交纳量加价直当面领给号召之间谁不乐从如是而往时奸□包占之大弊官吏苟徇之私情可以永杜矣然后每岁终令各镇巡抚将该镇召中过盐引召买过粮草发给过价银并经管官员造册送部以凭查考其经管官亦各送有部册以凭查对分别优劣要在边臣赤心体国锐意举行不出年期军需可足也 上深然之

○先是户部驳查陕西三边兵饷文册总督三边右都御史石茂华称因会计急逼以致少报节年管军万人马骡五百余匹将领文职官吏杂役四百五十员名因言民屯拖欠盐引亏损

那移未补军马新增乞补发万历二年所欠银一十二万一千四百余两户部参驳以为各镇虚开军马冀添钱粮为弊已久岂肯报少民屯拖欠宜善设法徵催盐引亏损宜照时估中纳若一岁骤增至十二万余各镇口实虽尽内帑其何以支无以该镇燃眉则量拨四万另行酌议以图画一可也 上是户部言命巡按御史著实查勘具奏仍许发银四万接济该镇

○工科左给事中李熙等上言御房长技火器为先而今营中绝少宜将浙江岁造军器内一半改造鸟铳福建广东一半改造熟铁佛郎机百子铳造作不精不如式者驳回管造官参究工部覆得旨惟广东用兵之际免改造

○宣府总督右都御史方达时奏称宣府修完北路外十三家边垣工竣乞叙录效劳人员兵部覆奏命该镇巡抚御史躬阅具闻以凭论叙

○辛酉

上御文华殿讲读

○原任翰林院编修戴洵服阙复除原职

○三宫地土子粒原银三万六千八百九十四两零后因改拨抛荒除豁外虽有补抵未及原额尚少银三千九百三十七两零户部题以 宫闈岁用委不可缺议将原地先因初垦今种久成者量行增收向如数徵纳今又轻减者仍应照旧不足之数别查备边地土凑补务足原额水退之日抛荒起科抵补备边奉旨是

○钦赏蓟辽总督侍郎杨兆巡抚都御史杨一鹏都督戚继光总兵官杨四畏兵备宋守约等副总兵陈勋都司刘德温等银币各有差叙增建蓟昌敌台功也以误事论罚者定州游击丁天福天津都司褚东山俱革任德州都司边泰尹湘及指挥田彪等共三十员各降一级

○壬戌 上御文华殿讲读

○升山东左参政刘庠为四川按察使

○驸马都尉许从诚乞乘肩舆为都给事中蔡汝贤所纠礼部因为条奏上之武职勋戚等官俱不得僭用四人惟轿军职不得交床上马朝参侍直官员不得托病不行各衙门冠梁服色不得僭用混淆宴会器用不得奢靡出入不得肩舆吏胥不得张戏饮会旗尉诸役不得盛驺怒马庶民不得僭金巾镶履伞盖暖耳等物违者在内纠劾在外缉拏 上因传谕法行自近士大夫是百姓表率大臣是庶官表率若在上不能信法守令徒以空言禁谕民岂能从今后俱宜恪遵典制力行节俭率属先民以称朕敦本尚实之意属官有不守礼法即便参奏毋得容隐

○癸亥 上视朝

○添设梧州盐运司副使提举

○顺天府府尹施笃臣卒与祭一坛减半造葬以笃臣三品未考满故也

○原任宁夏总兵牛秉忠以实职都指挥僉事降三级以贪残被论劾故

○甘州石硖口备御都司王朝被番射死防守古城堡永昌卫指挥僉事刘尽忠防守水泉儿堡永昌卫指挥同知吴山俱以守备不严论戍

○总督仓场侍郎毕锵议修西南中三仓晒场计当用甓五百六十三万余移咨工部工部议以为通仓晒场从来并无甓砌而本部见有 昭陵 天坛

康陵重城三役并兴料费有限查各衙门有自行修理之例即云同心相成亦须均平费办上曰晒场亦军国急务二部还会同计处 原任工部尚书胡松卒于家给全葬遣官督理

○甲子 上御文华殿讲读上欲奉安 孝烈皇后 孝恪皇太后神位于奉先殿命辅臣张居正等入视于是居正等〈嬖僇-金〉言臣等恭诣奉先殿仰见列圣祖妣凡推尊为后者俱得祔享 内殿比之 太庙惟一帝一 后者不同今孝烈皇后及孝恪皇后神位亦宜奉安于 奉先殿祔享其 神主查嘉靖年旧例俱奉迁于本陵请谕礼部遵行从之是日 上谕礼部朕思 弘孝 神霄二殿 皇祖妣孝烈皇后及孝恪皇太后神位宜奉安于

奉先殿祔享其 神主当奉迁何处查议来行

○富顺王火□厚焜长子载土□共嫡第一子翊鏹病故乞将嫡二子辅国将军翊鋹改封长孙许之

○添设山西行太仆寺少卿兼按察司僉事专管宣大二镇屯田牧场事务

○升山西副使张天驭为山东左参政

○原任宁夏参将榆林卫都指挥同知孙朝栋以赃论发边立功

○乙丑查核各省抚按官员名下未完事件抚按诸臣五十四人未完共二百七十三事凤阳巡抚王宗沐巡按张更化广东巡抚张守约浙江巡按萧廩俱以未完数多醵俸三月

○工科给事胡汝钦建议修仓四事二定规制凡修理廩座必以廩样为式委官匠作姓名刻扁悬挂十年内颓坏者责令赔修一革折收窑户烧造砖瓦如式方许验收其缺破不堪不得

折收以滋冒费一革包工各仓工程司官亲莅督率务求坚致不得包工以滋苟简一收旧料查勘通仓废廩梁柱等项尽行拆卸拣选以备新修不堪者方行召买奉旨如议

○前军都督府优给宁晋伯刘应芳承袭祖爵

○兵科给事中劾奏都察院右僉都御史陈省僭乘围轿传呼及诸通贿状省亦＜娼弊-金＞办且谓原来僭乘而科臣误认事下吏部

○丙寅 上视朝

○吏部尚书张瀚以考察自陈乞休不允

○以安庆兵变论将领罪安庆卫指挥僉事马负图遣戍守备杨遇春革任○丁卯
上御文华殿讲读

○工部题补造兵仗局神器将应造者分为三年在本年者限十二月造完转发京营试验违限式者论究奉旨是

○吏部左侍郎杨巍右侍郎兼翰林院侍读学士丁士美都察院左副都御史何维柏俱以考察自陈乞罢不允

○戊辰诏修南京武英
奉先二殿大庖厨及各库余系应修者俱节次酌修从工部尚书刘应节议也

○升副总兵分守宣府东路右参将白允中为署都督僉事充神机左营副将

○添设福建运司判官一员

○己巳 仁圣皇太后圣诞 上御皇极门受贺

○是日赐辅臣张居正等酒馔

○陕西利族等族番人仓卜萧等三十九名备方物进贡各赐段疋银钞○先是广西怀远县土猺作梗占据地方驱逐邑吏大征古田之后猺颇悔祸知县马希武亲诣招抚各猺俱喜愿比编民希武因建议筑城督役过峻作者怨望近城猺入贸易者匠役啾喝之俟筑城毕剿若曹耳遂复纠聚为乱希武及典史徐冕等俱遇祸按臣李采菲言希武及冕等死事宜加赠恤而论防守百户任邦祚镇抚朱万世俱革冠带戴罪立功
上以希武激夷取祸岂可与死事者同不许赠恤其余依拟

○总督陕西三边军务右都御史石茂华上言套虏盘聚西海嘉峪关等处声势甚重纳马番族与之并处强弱不敌万一为所胁构去我藩篱貽害匪细乞将番族收抚得所以维系其心仍照国初授以官职敕印之旧准其世袭授田置庐藉为羽翼从之

○少师兼太子太师吏部尚书中极殿大学士张居正以考察自陈乞罢优诏不允

明神宗显皇帝实录卷之三十五

万历三年二月庚午朔

上御皇极殿

○先是听选岁贡生员许汝愚奏称镇江府练湖焦干杜墅三湖修之堪以济运京口丹徒吕城奔牛四闸因而可废事下地方踏勘至总理河道傅希摯言练湖先已＜娵斨-金＞筑无容别议焦干杜墅二湖地洼源少无益运道四闸若废有妨蓄洩其事遂寝

○先是陕西河洮阶文等处数有番警去秋九月攻陷麻山关去冬闰十二月复出抢阶州守备范延武为贼所获知州徐旭括民财赎之匿不以报御史宋范发延武及旭罪章连洮岷参将刘世英固原镇守孙国臣洮岷兵备副使郅大经巡抚陕西郅光先因极论总督三边都御史石茂华怠缓废弛扶同欺蔽罪无何而石茂华亦发麻山阶州失事状参论河州参将陈堂临洮知府萧守身及延武旭等事下部议谓地方失事督抚诸臣罪固难逭至于茂华之＜娵斨-金＞后至或由驻劄远而访闻迟未必身为欺蔽也奉旨地方失事重大督抚官若威令素行各官岂敢隐匿不报石茂华郅光先姑各罚俸三月策励供职孙国臣降一级照旧管事郅大经萧守身调简僻陈堂刘世英降三级戴罪剿贼徐旭降三级范延武行巡按御史提问

○壬申少保兼太子太保礼部尚书武英殿大学士吕调阳以考察自陈优诏不允

○癸酉 上御文华殿讲读

○礼部覆上二后迁主及安神位议得旨二后神主奉迁陵殿既有皇祖旧典今宜遵行便择日具仪来看奉先殿今见有三后神位俱系皇祖钦定遵照祔安不必另拟

○巡抚河南右副都御史升兵部右侍郎吴道直荐举左布政使吴文华等奉旨抚按官举劾贤否须就本等职业这本举布政使身系安危是甚话说今后都要简质精核不得虚誉悦人有乖政体

○夜西南方有流星大如鸡弹青白有光起参宿东南行至翼宿乃散

○甲戌湖广江西地震

○先是总督宣大右都御史方逢时题谓大同城堡惟瓦窑口堡当黄酋部落进贡之路守口堡为兀慎等酋互市之所而永嘉一堡僻处瓦窑之东使容夷使无一往来今瓦窑守口谨设操守永嘉乃设守备乞将瓦窑永嘉二官互相更调而于守口改设守备又称朔州离边一百五十里井坪为朔州门户离边不足百里宜将朔州参将改驻井坪以便援守又查西路参将

驻劄平虏其分属边堡有四曰败胡近恩阻胡灭胡南路参将驻劄朔州其分属边堡有二曰井坪乃河然井坪分边逼近阻胡朔州分边逼近灭胡及至有警不报平虏参将而远驰一百六十里以报朔州平虏东界灭胡接近威远仅半里及遇有警不报威远参将而远驰四十里以报平虏其守援边界俱宜更画兵部覆允将永嘉堡守备麻承恩改调瓦窑口守备永嘉堡革去守备以后止委官操守守口堡改调守备即以现任操守吴国臣改升其分画边界仍今会议停妥酌处归一

○先是南京兵部尚书刘体乾以浦子口城垣濒江冲塌议募水兵四百八十名守之属江济二卫入册工食与马船水夫一例又议减锦衣等卫快船一百三十只改为马船以见在水夫通融差拨内有不足量募新夫必壮丁习舟任战者方许应募春秋掣取教练意欲藉水夫之上食为水兵之调度而马船骤增二卫苦之又水夫向听差拨骤闻教练遂生怨相与围劫千户高隆意议出自隆也南京兵科王颐言其不便状下旨覆议于是南京兵书戴才以浦口原系陆营欲改水兵为陆马船第增九十只裁旧船水夫十八名为十六名以所裁名数派驾新船尚有不足另行召募但听差拨不便操练议上兵部覆奏马船之议业已妥确惟水兵改陆则彼五卫之众皆焉往陆则本城之操军隔江则操江之水军皆焉用而更增此四百八十人为哉若云已集之兵不可复散新改马船夫额尚少那彼就此可也 上然之

○工部尚书郭朝宾兵部尚书谭纶户部尚书王国光刑部尚书王之诰礼部尚书万士和协理戎政少保兼太子太保兵部尚书王崇古俱以考查自陈乞罢不允

○乙亥 上视朝○是日 上长发礼成赐辅臣张居正银五十两纁丝四表里吕调阳纁丝三表里银四十两讲官丁士美六员各银二十两纁丝二表里正字官为继文等二员各银十两纁丝一疋

○户部左侍郎陈瓚右侍郎李幼滋总督仓场户部左侍郎毕锵礼部左侍郎兼翰林院侍读学士汪鏜右侍郎兼翰林院侍读学士林士章兵部左侍郎汪道昆刑部左侍郎朱大器右侍郎陈炯工部右侍郎陈一松詹事府掌府事吏部左侍郎兼翰林院侍读学士张四维翰林院掌院事詹事府少詹事兼侍读学士申时行通政使王好问太常寺卿王凝太仆寺卿胡执礼俱以考查自陈惟朱大器准致仕余俱不允

○升翰林院编修林偕春为湖广副使修撰李维祯为陕西右参议刑科左给事中郑岳为云南副使湖广御史宋范为湖广佥事浙江道御史任惟一为四川佥事浙江道试御史史思敬为陕西佥事

○丙子 上御皇极殿传制遣礼部尚书万士和祭 先师孔子

○国子监祭酒王锡爵以考察自陈不允

○丁丑祭 先师孔子

○礼部尚书万士和题查得嘉靖十五年本部奉 世宗皇帝圣谕 三后神主皆系当时尊上皇太后 太皇太后之号乃因子孙所奉尊称今既奉迁

陵殿实同 帝后之列揆之名实于礼未宜似当更正本部会官集议覆奉钦依改题 恭照二后奉主 陵殿

孝烈皇后神主无容改题 孝恪皇太后神主合无遵照旧例题称

孝恪渊纯慈懿恭顺赞天开圣皇后不用太字庶名义既安而典礼为当矣因条上改题

神主并奉迁一应礼仪以闻奉旨是题

主大学士张居正护行驸马许从诚奉安伯李伟各行礼 神位即以奉迁之日祔安于 奉先殿

○戊寅 上亲祭 太社 太稷

○都察院右佥都御史陈省罚俸三月以科臣纠乘轿故

○己卯 孝贞纯皇后忌辰遣新宁伯谭国佐致祭 茂陵

○通政使司左通政倪光荐右通政李琦提督誊黄右通政王篆大理寺左少卿王友贤右少卿王廷瞻提督四夷馆太常少卿刘大受太常寺少卿李邦义何源太仆寺少卿何起鸣乌昇顺天府府丞李己各以考查自陈吏部覆得旨倪光荐等俱照旧供职李邦义调南京李琦降一级调外任

○庚辰 上御文华殿讲读

○升山西副使吴哲为山西行太仆寺卿兼佥事陕西副使李良臣为甘肃行太仆寺卿兼佥事辰州知府徐延綬为陕西副使河间知府马三乐为陕西苑马寺少卿兼佥事山东佥事郭良为广东布政司左参议刑部福建司署员外郎事主事王君赏为浙江佥事

○南京户科给事中徐懋学< 娼弊-金 > 陈五事一曰崇惇大 陛下临御以来立考成之典复久任之规申考宪之条严迟限之罚大小臣工鳬鳬奉职然臣所过虑者政严则苛法密则扰非所以培元气存大体也昔皋陶以宽简赞帝舜姬旦以惇大告成王愿陛下远宪二君留心柔克持大体而略繁文矜微瑕而宥小眚纶綍本之和平而不数下切责之旨政令依于忠厚而不专尚刻核之实更乞明诏群吏洗涤烦苛持法者依踪燕凤司牧者续绩保障庙堂议事无竭泽以焚林台谏论人勿索□于洗垢庶几宽严相济政是以和二曰亲蹇谤言路通塞治忽攸关汉唐之主或止辇以受流涕太息之言或齐威以容十渐十思之< 娼弊-金 > 间者戇直之臣辄遭降斥敢言之士动致外迁立伏之机渐启则鸣阳之向稀闻顷见诸臣属< 娼弊-金 > 再四运回惧触时忌非危言危行之世所宜有也愿 陛下虚以受人言求诸道无谓逆耳而加谴谪无因小疵而加诘问并乞申谕吏部优录忠谏无戇汲黯而出淮阳无恚阳城而夺言秩庶 圣德日弘而奸邪不敢窃肆三曰慎名器惟名器不可假人国制诰敕之典以风

有位非考满称职大庆覃恩不与主慎重也曩岁

皇上加恩官臣太监郑真得荫侄铉为锦衣卫千户恩既渥矣未几辄求管事未几辄求诰命陛下未下部议俱允其请以祖宗风励之典徇荫臣请乞之私旧制难踰邪心无厌渐不可长也窃观外廷诸臣有陈必付有司查例今于内臣独不用例宫府一体之义或不如是愿陛下法行自近内臣请乞必下该部所请违例该部得以执奏该部依违该科得以参驳又大臣恤典寔寓旌别近者礼科都给事中朱南雍参原任尚书傅炯公论不容不宜与祭葬特蒙明旨竟从初命夫科臣论炯之言诚是则恩数中止不为过也论炯之言未确则勘明后予不为迟也今既不咎科臣参驳之非而又辄予傅炯之典始之予也为过后之予也为遂天愿将科臣原〈娼弊-金〉下部集议炯诚共弃则停祭葬以示惩炯犹可原俾因金论获雪更乞明著为例严加申飭今后大臣在家病故所在抚按必查其生平无过舆论称贤始为题请事下该部该部加核焉该科又加核焉庶几公论既明主恩不滥四曰戒纷更诗咏繇章书言率祖述年以来建白者炫奇题覆者徇私今日以某言立某法矣明日又以某言而罢之今日以某言更某法矣明日又以某言而复之法令滋更从违靡定愿陛下申飭群工恪守成宪建白酌之事体无剿说以徼名题覆要于妥帖毋依违以取媚至于条列事宜势难遥度则须咨行本处就彼讲求议定后覆不得迁就含糊以起分更五曰防諛佞近见该部题覆边功往往首列阁臣盛夸督抚然犹曰运筹宣力例当叙也至涿州桥工告完天下明知为圣母济人利物之仁而该部议功乃至夸述阁臣司礼之绩例虽沿旧词涉猥諛夫周公之功固大矣皆臣子之分所当为即使诸臣功在社稷亦敬事后食之常耳辅臣之职翊赞皇猷启沃君心其大也区区甲士考工之劳以叙辅臣残矣近臣懋赏简自帝心矧贪天功而谓己力则智者不居焉愿陛下申飭该部题覆功次只宜直述颠末与将士俘获之数边臣指挥之略上请优赉不得循旧夸张炫耀视听至于阁臣翼赞之勋近臣侍卫之劳则圣衷夙鉴国典具存尤不得辄加赞扬以长諛妄〈娼弊-金〉入奉旨切责朕以冲年嗣位日夕兢兢谨守

祖宗成法惟恐失坠近年所行不过申明旧章修举废坏未尝妄戮一人过行一事其于祖宗法度十未行其一二何得便谓之操切余懋学职居言责不思体朝廷励精图治之意乃假借惇大之说邀买人心阴坏朝政此必得受赃官富豪贿赂为之游说似这等乱政儉人本当依律论治念系言官姑从宽革职为民永不叙用

○先是山西监察御史贺一桂条议偏关机宜一专力厄塞欲将蕨菜茆起至破虏墩迤西平安墩起至老牛湾止修筑边墙一百一里墩台二百一十六座一议修塞堡将青山大口子石觜见破胡驴皮窑为各洛耳目去处速行修复一优恤军士各边用工军夫炎暑之时量加犒赏酌量各城堡卫缓分发站银以助夫为廩粮之用一移镇要地谓山西总兵原驻偏关后因虏犯太原遂移驻宁武议改移宁武更驻偏关〈娼弊-金〉下督抚覆议总督宣大右都御史方逢时议山西北邻俺答尤以大同为藩篱西邻套虏止恃偏关为墙壁大略繇丫角递东为宁武鴈门地方边墙外即大同云朔也贼由此进谓府州一路由丫角递西乃偏关地方边墙外即枚升套虏也贼由此进谓西川一路府川祗通大举西川兼防零寇且地接黄河冰坚可渡故各边止防春秋偏关兼以防冬三关形势如此故一桂所陈四事率主偏关而宁武鴈门均有补裨宜见施行部覆得旨如议惟移镇一事谓先年移置或有深意合再加详议巡抚大同右佥都御史申佐奏报万历二年主客兵支用岁额拖欠召买盐引节省及本年现在备用之数

○辛巳 上御经筵○吏部以工部缺右侍郎拟通政使王好问升补 上喜其奏事周旋有仪批下部<娼鬻-金>王好问升工部右侍郎仍掌通政使司事工部员缺另拟

○以南京吏部右侍郎翁大立改刑部左侍郎 上因谕吏部南京职务清简官不必备先朝有一人兼掌六部者以后员缺不系紧要下必一一推补

○应朔大同山马怀仁六州县大同阳和等十七卫所去年旱涝军民饥谨入春以来米价益贵上允户部覆总督抚按官言遇灾州县去岁应徵起运夏秋粮草未完者及夏秋二季王粮俱许停徵动客饷二万余以抚按赃罚凑足银三万赈济宗室军民人等行河东运司太原等府催补节欠代府宗禄

○兵部覆总督京营戎政彰武伯杨炳议置造战车一千四百四十辆车中合火器兵仗库内有者照数给废无者估造以备操练以后府金书俞大猷领之奉旨是

○壬午巡抚辽东兵部右侍郎兼右金都御史张学颜总督蓟辽保定兵部左侍郎兼右金都御史杨兆总督宣大山西右都御史兼兵部右侍郎方逢时俱考查自陈乞罢不允

○调原任浙江金事戴延客为山东金事

○吏科都给事中刘不息等掌道事御史周咏等纠拾兵部左侍郎汪道昆原任吏部左侍郎魏学曾原任延绥巡抚右副都御史冯舜渔原任郧阳巡抚右副都御史汤宾南京户部尚书傅颐礼部左侍郎汪鏜原任大理寺少卿孙光祐原任太常寺少卿章甫端应天府府丞汤标各溺职状奉旨傅颐汪鏜汪道昆留用魏学曾听调冯舜渔汤宾著致仕孙光祐章甫端汤标降一级调外任

○诏查隆庆元年起至万历二年止省直赃罢已未解完数目及各抚按官职名○庐州府合肥县盗劫南京委官解赴广东银两时府卫县掌印官俱赴参谒事闻 上命南京法司提问委官抚按提问各掌印官下旨切责前屡禁有司官不许远事参谒上司官不许听其奔趋近来通不遵守以致越狱失盗所在见告再有失事并抚按官一体查究

○癸未升湖州府知府栗初为山西副使开封府知府曹当勉为陕西副使

○先是保定巡抚都御史孙丕扬请以易镇积余草料置补营马后更以区处草粮为请户部议许于民运酌量支用因议嘉靖以来边方多事调遣日繁额饷称乏乃增客饷即今少有赢余亦宜如法积贮以待不虞各边抚臣毋得辄生事端支用以致匱拙 上然之

○辽东谍报虏酋土蛮入犯分为二枝东住雕背山西住广平山兵部题行蓟辽二镇严加防御蓟西兵马渐移而东相机应援

○遣御用监太监王名送真武圣像于太岳太和安供拨与黄船一只

○甲申升验封司署郎中主事秦吉士为湖广左参政工科都给事中吴文佳为河南右参政浙江道御史燕儒宦为山西副使祠祭司署员外郎主事王世懋为尚宝司丞升工部右侍郎陈一松为左侍郎南京兵部右侍郎凌云翼为工部右侍郎户科都给事中贾三近为太常寺少卿

○乙酉兵部左侍郎汪道昆礼部左侍郎兼翰林院侍读学士汪鏜以言官纠拾再＜娼弊-金＞乞休俱不允

○工部覆议修砌通仓晒场应给砖灰匠价于节慎库解到班匠价银内那给得旨如议

○丙戌清明节遣定国公徐文璧武安侯郑昆平江伯陈王谟彭城伯张熊分祭九陵惠安伯张元善祭恭仁康定景皇帝陵寝内官祭

恭让章皇后陵寝都指挥僉事蒋克谦祭庄敬太子
哀冲太子坟所内官祭越王等王皇子公主妃嫔等坟所

○巡抚宣府都察院右副都御史升大理卿孙应鳌俱以考察自陈不允

○丁亥巡抚河南都察院右副都御史升兵部左侍郎吴道直都察院右僉都御史陈省总督漕运巡抚凤阳等处都察院右副都御史王宗沐俱以考查自陈不允

○升广东按察司僉事何子明为广东布政司左参议

○戊子巡按云南御史郭廷梧勘报元年剿平铁索箐夷贼罗平功罪首叙巡抚侍郎邹应龙总兵官沐昌祚及澜沧兵备副使汤仰金沧僉事田应弼屠宽姚安府通判孙光祖推官刘朴等四十四员土舍高应骐等二十员功各有差论原任副使许公高妄报千户张术私逃得罪旨沐昌祚邹应龙各赏银三十两纁丝二表里汤仰赏银二十两田应弼等各十两刘朴等各五两许公高罚俸三月张术行巡按提问

○吏科给事中郝维乔等查盘顺天钱粮条陈驿政五事一议挂号以一事体谓顺天府属驿递额设各处协济旧俱解府贮库转发各驿有往还守候之苦宜令往角□羊本府挂号不必贮库一定章程以厘宿弊谓向系骡为夫役亲当滋弊协济银两给发无节宜议定工食择殷实应当其本处站银解到协济及南马银两按月支给不得尽数预支以滋乾没二严催徵以恤疲困谓各驿协济及南马银两拖欠数多宜立法查催每季终许各驿官吏将拖欠数目开报年终照例查参一专稽查以便责成过往官员真正勘合方许应付各衙门牌票准申报裁革应付过数目填入循环按季查核查核不明驿递州县官坐赃拟罪该道以才力不及论一省无益以节财用坐马护送尽行禁革探马止存二匹多不过四匹兵部覆议从之

○己丑 上御文华殿讲读

○中官传谕奉 圣母慈圣皇太后发宫中银共一万二百三十五两付工部修理朝宗桥

○原任吏科都给事中光懋复除户科都给事中原任礼科左给事中宋应昌复除原职

○升南京山东道御史郑准为广东按察司佥事

○属夷长昂纠众入扰我兵逐之获其叔长秃其亲属部落相率哀乞永坚效顺蓟镇督抚杨兆以闻兵部谓逆则威之顺则怀之驭夷之经也然必长昂诚心悔祸归我掳掠永身诣关补进贡物而后可许耳如犹不悛则牢系长秃兴师剿殄可也上然之仍行巡按御史勘查具奏庚寅毛怜等卫女直都督失利卜等建州左卫女直都督胜革力等各赴京朝贡宴待如例○辛卯 上御经筵

○升兵科左给事中侯于赵为工科都给事中兵科右给事中李戴为刑科左给事中刑科右给事中刘炫为工科左给事中礼科给事中林景旸为户科右给事中礼科给事中石应岳为礼科右给事中兵科给事中萧崇业为工科右给事中

○升南京大理寺丞留稽古为应天府丞

○先是靖江一藩擅婚子女 穆宗皇帝裁其禄三之二以示惩其后各宗贫困抚按官为言靖江远在天末且其父祖相沿之失非其身自犯之也于是皆给全禄乃禁各藩不得援例

○三边总督石茂华以宁镇边墙告竣议叙效劳官吏命俟阅视大臣至日查勘施行

○壬辰 上视朝

○巡抚四川都察院右副都御史曾省吾以考查自陈不允

○命赈济保德代崞等七州县以壤则为定放给借给各有差 ○癸巳 上御文华殿讲读

○升山西右参议王之弼为山东副使

○广东副使李材乞致仕许之

○宣抚西顺圣川及怀安保安右卫等处灾总督方逢时等乞动主饷一万五千两以备赈济屯团地亩未完者停徵节经查盘问罪人亡产尽株累亲邻者免之又议令该镇军士多支本色以平米价章下户部

○总兵李成梁袭虏酋土蛮营破之虏引兵部总督杨兆巡抚张学颜以闻因刊副总兵杨腾不任状下巡按御史勘问杨腾革任回卫

○广东总兵张元勋大破倭于儒岫擒斩八百余级提督军务右都御史殷正懋以功状闻上喜赏正懋银三十两纁丝二表里荫一子入监实授张元勋都督同知赏银二十两纁丝二表里文武吏士兵备僉事石磐等各升赏有差刑科都给事中严用和言南京刑部遇有勘问催督宜俱依抚按衙门定限完销从之命各御史交代呈报到日违限者参奏

○以工部左侍郎陈一松督理修盖京通仓廩盖以提督昭陵兼领云

○南京工部尚书刘应节议修扬王坟殿工部覆奏许之

○甲午 上御文华殿讲读

○乙未顺义王俺答奏讨喇嘛番僧遣通事官一员送原差番僧坚参札巴等四名以往升翰林院编修戴洵为国子监司业

○丙申 上御文华殿讲读

○先是翰林院编修张位〈娵斨-金〉劾史职以光新政礼部覆议裁定史职系阁臣题请于是大学士张居正议国初设起居注官日侍左右纪录言动实古者左史记事右史记言之制迨后定官制乃设翰林院修撰编修简讨等官盖以记载事重故设官加详原非有所罢废但自职名更定之后遂失朝夕记注之规以致累朝以来史文阙略昔

世宗皇帝尝谕大学士张聪曰古者有左史右史之官历代因之我圣祖创翰林院之制亦有编修之名但未见居此职者尽乃事耳是纪录之职本自备官旷废之由实在臣下即如迺者纂修世宗皇考实录臣等祇侍总裁凡所编辑不过总集诸司章奏稍加润櫜括成编至于仗前柱下之语章〈娵斨-金〉所不具者即有见闻无凭增入与夫俾官野史之书海内所流传者欲事采录又恐失真是以两朝之大经大法虽罔敢或遣而

二圣之嘉谟嘉猷寔多所未备凡此皆由史臣之职废而不讲之所致也矧我皇上聪明天启渊哲性成践祚以来善政鸿猷班班可述类非章〈娵斨-

金〉所能尽见若不及时纪录奚以章阐盛美垂法无极所据申明史职光复祖制以备一代令典在于今日委不可缺臣等祇奉明命仰瞻成宪参酌时宜谨将一应合行事宜逐条详列于后一议分管责成照得史臣之职以纪录起居为重顾宫禁邃严流传少实堂廉远隔听睹非真则何以据事直书传信垂后看得日讲官密迓天颜见闻真的又每从阁臣之后出入便殿即有密切谋议非禁密不可宣露阁臣皆得告语之合令日讲官日轮一员专记注起居兼录圣谕诏敕册文等项及内阁题稿其朝廷政事见于诸司章奏者另选年深文学素优史官六员专管编纂事分六曹以吏户礼兵刑工为次每人专纂一曹俱常川在馆供事不许别求差遣及托故告假等项致妨公务一议史臣侍直谨按礼仪定式凡遇常朝记事官居文武官

第一班之后近上便于观听即古螭头载笔之意洪武二十四年定召见臣下仪以修撰编修充侍班官即古随仗入直纪事之意今宜遵照祖制除升殿例用史官侍班外凡常朝御皇极门即轮该日记注起居并史官共四员列于东班各科给事中之上午朝御会极门列于御座西稍南专一记注言动凡郊祀耕藉幸学大阅诸大典礼亦令侍班随从记录至于不时宣召及大臣秘殿独对者恐有机密不必用史官侍班但令入对大臣自纪圣谕及奏对始末封送史馆詮次其经筵日讲则讲官即记注起居亦必另用侍班一议纂辑章奏照得时政所寄全在各衙门章奏今除内阁题稿并所藏圣谕该阁臣令两房官录送史馆其各衙门章奏该科奉有旨意抄发到部即全抄一通送阁转发史馆至于钦天监天文祥异太常寺祭祀日期各令按月开报其抄本不必如题奏揭帖格式但用常行白纸密行楷书不论本数多寡并作一封送入一议纪录体例照得今次纪录祇以备异日之考求俟后人之删送所贵详核不尚文词宜定著体式凡有宣谕直书天语圣谕诏敕等项备录本文若诸司奏报一应事体除琐屑无用文义难通者稍加删削润色外其余事有关系不妨尽载原本语涉文移不必改易他字至于事由颠末日月先后务使明白无致混淆其间事迹可垂劝戒者但据事直书美恶自见不得别以己意及轻信传闻妄为褒贬一议开设馆局照得东西十馆原系史臣编较之所密迓朝堂纪述为便今合用东馆近上四所令史臣分直其中一起居二吏户三礼兵四刑工除典守誊录人役随同供事外一应闲杂人等不许擅入其合用纸劄笔墨酒饭等项俱照纂修例给一议收藏处所照得国史古称为金匱石室之书盖欲收藏谨严流传永久今宜稍仿此意月置一小匱岁置一大匱俱安放东阁左右房内每月史官编完草稿装为七册一册为起居六册为六曹事迹仍于册面各记年月史官姓名送内阁验讫即投入小匱用文渊阁印封锁岁终内阁同各史官开取各月草稿收入大柜用印封锁如前永不开视一议誊录掌管照得史馆纪录所用誊录典守官吏今纂修实录即可通融选用合将各馆誊录官选取勤慎善书二员专誊秘密文字行吏部选拔善书者贴写辨事吏十二名专写各衙门章牍拨当该吏四名专管文册及朝夕启闭馆门常川供事满日各照常送部拨补不给恩典一议补修记注伏睹圣明践祚之始即召见辅臣于平台二年之春召见计吏廉能卓异者面赐奖谕迨者以吏兵二部奏徐文武职官又亲临铨选皆古帝之盛节三年之间鸿猷善政不可缕数兹者旷典修复亦合将二年前事迹追书谨录用传万世拟令各官除每日照前供事外兼将二年前起居初政亦照月分曹以次纂修其诏敕等项内阁查付各衙门章奏行六科照月类抄一册送内阁转发奉旨史臣纪录时政我祖宗成宪具存但近年任此职者因循旷废遂成阙典今宜及时修举卿等既议处停当都依拟行

○永运库以上供缺乏移揭户部郡太仓库备边银两户部尚书王国光开列嘉靖以来京库拖欠数目且云所那于太仓者几二百万矣倘有意外何以待之于是下诏金花银两系正供上用且折纳甚轻又分季徵角□羊何尝重累小民而势豪恃顽不纳领角□羊员役侵欺节年积逋至一百六十一万一加查核辄称朝廷催科严急鼓惑流言敢行抗拒乃以备边银两借供上用国家常赋惠养奸豪论我祖宗法度当得何罪今次姑依拟补进你部便行与各抚按官严督有司照季完角□羊以前拖欠照考成簿对依限完销如有势豪抗拒侵欺抚按官参奏拏角□羊重处抚按徇私怠玩部科参来以不职论

○论广西剿雒容等处獐贼功指挥靳懋勋等官兵徐守信等各升赏有差

○调原任四川左布政使李心学为贵州左布政使

○吏部左侍郎杨巍乞致仕终养奉旨准其侍养亲终地方官奏荐起用

○南京吏部等衙门考察南京官员不谨员外廖文光等八人俱冠带住闲浮躁司务唐之灿等八人才力不及主事冯桂芳等六人俱降一级调外任

○提督郧阳军务都察院右副都御史王世贞乞休不允

○升山西左参议刘经纬为广东副使池州知府钟谷为山东副使

○义州卫地震

○丁酉 上御文华殿讲读

○山东道御史柴祥乞终养许之○提督鴈门等关兼巡抚山西右佥都御史郑雒巡抚顺天右佥都御史王一鹗巡抚山东右佥都御史李世达巡抚保定兼提紫荆关右佥都御史孙丕扬巡抚湖广右佥都御史赵贤巡抚大同右佥都御史申佐俱自陈不职吏部覆以申佐非边圉才量调郑雒等皆称职宜留用得旨

○南京吏部尚书刘光济户部尚书傅颐兵部尚书戴才工部尚书刘应节户部右侍郎曹三暘兵部左侍郎管吏部右侍事翁大立兵部右侍郎凌雪翼工部右侍郎徐栻总督三边兼兵部左侍郎石茂华巡抚陕西右副都御史郅光先南京右都御史赵锦提督操江右都御史何宽南京大理寺卿陶承学太常寺卿陆光祖太仆寺卿王之垣光禄寺卿刘一儒俱以考查自陈乞罢 上不允

○戊戌以奉迁 孝烈皇后 孝恪皇后神主于 永陵礼成赐大学士张居正银四十两币二表里钞三千贯吕调阳银三十两币二表里钞三千贯中书吴自成等各银十两一表里钞一千贯

○巡抚江西右副都御史杨成巡抚云南右佥都御史邹应龙应天府府尹汪宗伊俱以考查自陈乞罢应龙著致仕成宗伊照旧供职

○总理河道都察院右佥都御史傅希摯上言治河当视其大势虑患务求其永图顷见徐邳一带河身垫淤壅决变徙之患不在今秋则在来岁幸而决于徐吕之下犹可言也若决于萧碭之上则闸河中断两洪俱涸矣幸而决于南岸犹可为也若决于北岸则不走张秋必射丰沛矣臣日夜忧惧悉心讲求禹之治水顺水之性耳今以资河为漕故强水之性以就我虽神禹亦难底绩惟开仓浹河置黄河于度外庶为永图耳浹河之议尝健而中止谓有三难而臣遣锥手步弓水平画匠人等于三难去处逐一勘踏起自上泉河口开向东南则起处低洼下

流趋高之难可避也南经性义村东则葛墟岭高坚之难可避也从陡沟河经郭家西之平垣则良城侯家湾之伏石可避也至于泃口上下则河渠之深浅不一湖塘之联络相因间有砂礪无碍挑挖大较上起泉河口水所从入也下至大河口水所从出也自西北而东南计长五百余里比之黄河近八十里河渠湖塘十居八九源头活水脉络贯通此天之所以资漕也昔尚书朱衡之开新河都御史潘季驯之开邳河权救一时其情事忙促工费浩大难尽名言今虽尚幸无梗然想时度势要之不免率有不虞而后竭天下之财力以通咽喉何啻如新河邳河情事之汹汹而已哉若并十年治河之费以成泃河泃河既成黄河无虑壅决也茶城无虑填淤矣二洪无虑难险矣运艘无虑漂损矣洋山之支河可无开境山之闸可无建徐口之洪夫可尽省马家桥之堤工可中辍今日不贻之费他日所省抵上有余者也故臣以为开泃河便因列为议工费酌工程拟督工请监工四款上之章下户工二部看议

○己亥 上御文华殿讲读

○巡抚福建刘尧海以海寇林道乾警报闻

上用兵部言命各该镇抚官著实先事料理务期有备无患不得虚文塞责致有疏虞

○夜永平等处各台旗杆俱有火光

明神宗显皇帝实录卷之三十六

万历三年三月庚子朔

孝肃皇后忌辰遣襄城伯李应臣致祭 裕陵

○署广积库事太监焦科题办硝三百万斤黄百五十万斤工部言焰硝十年一派每派二百万斤今已派过一百万斤其未派者尚缩一年未及期也惟内府各边不时请给系干军机相应酌处补硝一百万斤以足前数另派一百万以抵后十年之数量派黄五十万斤送库新旧相兼支放以后务照旧例奉旨是

○巡按山东御史郭思本□丞奏问原任总理辽东粮储王念侵盗库银招词旨下都察院

○辛丑 上御经筵

○修浚都城南面河身闸坝○壬寅 上视朝

○以统领河南秋班都司卢述加游击职衔升署指挥僉事管理永安车营事务

○癸卯 上御文华殿讲读上览帝鉴图说至强项令董宣事嘉叹久之顾谓辅臣张居正等曰彼公主也尚不私庇一奴如此外戚家何可不守法今戚里间朕以慈闱故多有委曲调停处渠宁詎知

○大学士张居正题日讲官丁士美等六员轮赴馆记注起居以修撰王家屏徐显卿张位于慎行沈懋孝编修沈一贯编修章奏时位方给假在籍促令复任以修复史职议建自位也上从之

○叙宣府外十三家增修边垣功总督宣大方逢时巡抚宣府吴兑各赏银二十两纁丝二表里总兵官雷龙怀隆兵备吴哲口北参将王汝梅许希孟各十五两参将守备旗牌把总等官原于天等各赏有差○甲辰 上御文华殿讲读

○以提督鴈门关巡抚山西右僉都御史郑雒为巡抚大同赞理军务都御史

○吏部题南京各衙门通政司右通政陈于陞鸿胪寺卿孙鑪太常寺少卿屠羲英太仆寺少卿刘稳国子监祭酒余有丁应天府府丞汤标各自陈乞罢汤标奉旨降调外余俱称职从之

○升吏部右侍郎丁士美为本部左侍郎副都御史何维柏为吏部右侍郎

○巡抚贵州右副都御史罗瑶以考查自陈不允

○乙巳 上视朝

○三边总督石茂华陕西巡抚郅光先以兰靖一带与虏止隔一河议支应解户部□税等银及节省银两修边二百八十里兵部覆奏 上从之

○南京吏科给事中史朝铉广东道御史蒋科等纠拾户部尚书王国光工部右侍郎陈一松原任兵部右侍郎吴伯朋原任大理寺少卿孙光祐原任郧阳巡抚汤宾太常寺少卿李邦义应天府丞汤标各不职状奉旨王国光陈一松吴伯朋俱留用汤宾等已有旨了

○丙午复除福建右参政秦淦为四川右参政 改四川永宁仓改直隶贵州

○都给事中严用和言诸司考成文册送科以备查参者类多遗佚因举户兵一二事为言兵部亦言是系年远人亡难概督核或参论虽重结款甚轻该省径可发落不在查举之例者也上曰考成事理事经年远者不必查催新行紧要者不得遗漏

○丁未 上御文华殿讲读

○以原任江西巡抚右副都御史沈应时为提督鴈门等关兼巡抚山西都御史太常寺卿王凝为都察院右副都御史巡抚云南兼建昌毕节等处军务巡抚陕西右副都御史郅光先为左副都御史协理院事□徽宁兵备冯叔吉以徽宁道所辖应天安庆徽宁等府周遭方数千里跨据长江依阻林岫矿徒啸聚江寇窃发议将州荡乡村军民各编保甲立长分乡使协力防诘兵备该道分发旗牌如有急许其便宜行事黄山良禾大鱣三岭添设巡简一员太平县添设巡捕县丞以资缉捕分徽郡民壮千人以六百住休宁四百往婺源各统以材官属督军同知操练以便策应及备器用悬赏格诸议应天巡抚宋仪望以闻且言叔吉宜久任以责成功应叙迁之时照边镇事例以原官加级 上然之

○广宁左右中卫雨尘一望黄色义州后屯卫雨泥沙亦黄色抚臣张学颜以闻

○戊申 上视朝

○户部尚书王国光以言官纠拾再疏乞罢
上曰卿以稽核钱粮追并赃吏为众所嫉朕所知也其安意供职

○己酉 上御文华殿讲读

○原任户部右侍郎朱笈卒三品未考满与祭葬如例

○以南京太仆寺卿陆光祖为太常寺卿

○庚戌 上御文华殿讲读

○巡按直隶御史王光国劾奏湖广督粮参议胡僖把摠张书绅过淮愆期江西把摠朱维祺粮已至淮本官未到迟慢疎玩之罪奉旨胡僖降一级朱维祺张书绅革任回卫

○建州左等卫女直都督王忽疼克等一百六十二员入贡赐宴待如例

○以都察院右佥都御史陈省为右副都御史巡抚陕西

○巡抚浙江右副都御史谢鹏举以考察自陈乞罢不允

○辛亥 上御经筵

○先是芜湖有劫库之变操江御史何宽巡抚都御史宋仪望条列江防事宜兵部覆议分为八事一筑县城于芜湖望江铜陵江浦六合等县原无城池者各渐兴筑一复将领谓荻港乃池太之交宜仍旧设把摠一员与游兵把摠俱加都指挥体统以便行事一增兵额于九江徽宁二道并安庆荻港仪真等处各量增额兵以资防守一议兵饷增兵一千二百名岁增饷一万二千九百六十两官员廩给约用银三千两俱于应安等六府六州通融酌派一分信地守把等官各照分置哨兵巡守互相应援一专责任江防治中同知免其差委移驻滨江巡行查核一定哨期各备总官另置哨单定立限期约会巡哨每月终赴操江缴报一课功罪每年兵备道将各地方守备把总各府江防各卫巡江等官及哨官督捕员役稽察功罪开报操江访察一定赏罚奉旨著实举行不但建白了事兵备有司官怠玩误事者抚按参奏如容隐疏虞一体治罪

○壬子上视朝

○癸丑 武宗毅皇帝忌辰遣成安伯郭乾致祭 康陵○升南京鸿胪寺卿孙鑑为提督四夷馆太常寺卿南京福建道试御史右僉为四川佥事南京礼部郎中姜忻为广东佥事

○升尚宝司少卿耿定向为太仆寺少卿

○总督蓟辽保定左侍郎杨兆阅防春入援班军＜娵斨-金＞列参将游击都司指挥等官录用给赏罚治提问有差又议将领班都司加以职衔与该省都司佥书轮番更代中军千把总与各省掌印指挥千百户一体更番各该兵备宪臣亦令各省抚臣分别论荐俱得旨

○兵部覆奏巡按直隶御史陈文燧条陈备边五事一增城堡以完保障谓东西二镇长垣敌台俱已就绪惟东则张家口为市场之地西则镇河镇边镇州三堡仅隔委兀一墙得胜市地则与张家口同均宜修筑以成完局一革团操以便训练谓团操之说起于坐营中军利于军多扣克耳参游守操各练各守何险不固谓宜发还各路查核实数设法团练夏冬季月调赴

军门阅视坐营官营求团操者巡按官参奏一处夷将以杜隐忧谓夷将为守备游击等官手握重柄肘腋难防宜酌量优假以示羁縻不得一概咨请授以崇秩至于鍊锅折马值虽经允行亦不得多办以致滥予民间违禁私易者罪又有建武学以储将材禁科扣以恤贫军二议上俱从之

嘉定王载<媿谅Z>卒无嫡子以庶第一子镇国将军翊鈐改封为嘉定王长子管理府事乙卯以福建左布政使万思谦为南京太常寺卿巡抚应天右佥都御史张佳胤为南京鸿胪寺卿

○给辽东官军胖袄裤鞋一万三千一百一副

○丙辰 上御文华殿讲读

○提督两广殷正茂辞免兵部尚书之命乞以原衔提督不允
丁巳升太仆寺少卿耿定向为都察院右佥都御史协理院事

○升福建右布政刘侃为本省左布政

○洧河之议工科都给事中侯于赵<媿-金>言事体重大宜集廷臣会议或行地方覆勘又濒河一带水灾濒仍大役骤与地方隐忧不可不虑户科都给事中汤聘尹言曩者新河之役议用费七万及其成功殆十倍焉今日虽议百万而大役难料中道难辍恐不能无倍于初议矣宜大集心计博采众思工费约用几何支给出自何所开列奏闻必储蓄可备六年然后可下诏兴工二<媿-金>俱得旨下部部臣覆请会议 上曰开河事理傅希摯所奏固已明确但事体重大不厌详慎廷臣会议亦是虚文甲可乙否终难成事命侯于赵亲往会希摯及僎运按臣确议以闻

○戊午 上视朝

○陕西总督石茂华巡抚郅光先题修兰靖边垣二百七十里该银八万八千二百余议留应解户部商税课程税契路引并备荒屯田及隆庆六年节省等银两事下兵部覆允转咨户部户部言乘时修边委系良图然所议钱粮皆原解部济边之数一概奏留非户七兵三之故也宜摊分之以节省依旧解部费不足者兵部以三足之后议修边费者皆准是报可

○是岁当三年阅视之期

上命司礼太监冯保会同戎政诸臣及科道官往报命赏保羊二只酒三十瓶

○南京礼部尚书潘晟以考察自陈乞罢不允
升江西道御史刘世曾福建道御史周咏俱为太仆寺少卿

○吏科右给事中欧阳柏条陈四事一复外官考绩之例除府州县正官免赴京外其方面府

佐非或兵马紧急灾伤重大及提学官科举期逼者抚按官不得概行奏留惟云贵远省可以融通一均南北学职之选谓南京国子监博士及六堂官宜炤北监一体行取一重大臣录后之恩自特旨录荫之外考满乞恩必查其宦履无玷公论素孚者方与题请一慎宪臣分巡之地谓按察司分巡官地方系原籍或曾历宦寓居之处并须回避章下吏部覆允惟宪臣回避一节离任年久人地相宜者仍斟酌升用

○己未 上御文华殿讲读

○考选中书行人等官授行人杨言吏科给事中中书舍人周良寅户科给事行人虞德烨兵科给事行人王翬浙江道中书舍人王应乾江西道中书舍人刘天衢陕西道中书舍人金阶四川道行人陈功云南道行人秦时吉贵州道各试监察御史

○升浙江按察使刘继文为福建右布政

○提督两广殷正茂以追剿双鱼残倭及犯电白新倭擒斩一千七十名以闻兵部覆勘奉旨是

○先是 上允部臣之请催解各省直银两济边贵州抚臣罗瑶按臣杨允中上言贵州幅员不广财赋有限本省岁支仰资协济乞留一切以备缓急

上许留事例税契余税等银七千九百余其正税及度牒银共九百余仍旧解部 上用给事中李邦佐言命各边督抚及各镇管粮郎中凡兵马应支台墙应费取具各该将领总领给散之后将实支与逃故遗剩逐一开报听查盘官比对总领不得混行动支滋弊

○刑部尚书王之诰＜娼鬻-金＞乞给假送母许之

○巡抚甘肃等处右都御史侯东策以考察自陈乞休不允

○降主事喻均二级指挥齐永寿工匠王瑞等论罪各有差以科臣论冒破修仓钱粮故

○辛酉 上御经筵

○初武清伯李伟请价自造生莹工部拟价银二万两至是中官孙斌以部＜娼鬻-金＞至内阁口传 上旨该部折价太薄从厚拟来大学士张居正等奏

先朝锡赉外戚惟玉田伯蒋轮家为最厚正与 圣母家事体相同故本爵亦据蒋轮例为请及查嘉靖二年蒋轮乞恩造坟系差官盖造未曾折价当时该部处办木石估价二万卷案见存故尚书郭朝宾凭此为据今奉 圣谕欲令从厚臣等敢不仰体

皇上孝心且臣等犬马之情亦欲借此少效微悃于 圣母之家而旧例甚明倘从厚惟陛下奏知 圣母特加优赉非臣下所敢擅专也臣等又惟玉田伯乃 世宗皇帝亲母家也当时章圣皇太后母仪天下 世庙奉事 母后笃厚外家何所不至而所给仅止于此数想

祖宗以来相传恩例难以踰越耳今以世宗皇帝之所不能加章圣太后之所不可踰而圣母与皇上必欲破例处之此臣等所以悚惧而不敢擅拟者也夫孝在无违而必事之以礼恩虽无穷而必裁之以义越分之恩非所以明厚踰涯之情非所以自保于是上批部<娼弊-金>准炤蒋轮例折价三万两自行营造

○直隶巡按御史陈文燧条陈二事一清积蠹以裕边储谓宣大两镇主客粮草自嘉靖初年至万历二年止实无定数每镇各十有五万浥烂十一侵盗十九乞行接管御史查勘明的以后支給粮数即具印册上管粮郎中查核岁终奏报仍与总督巡按一册以备京盘又称平朔玉云等卫独石柴沟等堡宜备三年之粮镇城备二年其余各路备一年听巡抚会管粮郎中分别酌处一兴水田以尽地利两镇有水利堪兴处所敕令管屯宪臣召民开垦渐次起科成田之后令军民沿亩种树既收厚利又遏戎马户部覆奏命如议行

○升浙江右参政蒙诏为浙江按察使○大名道兵备道毛汝贤请告许之

○壬戌上视朝

○议修理太庙社稷坛

○浙江右参政边维垣乞回籍终养山东左布政升顺天府尹曹科乞致仕俱许之

○癸亥上御文华殿讲读

云南顺宁府土官知府猛寅进象只马匹方物命本省镇巡给赏如例

○建州等卫女直都督纳答哈等毛怜等卫女直都指挥佾事土满等建州右等卫女直都督八当哈等各入贡宴赏如例

○复除原任山西右参政张国彦为浙江右参政

○总理河道兼提督军务右佥都御史傅希摯巡抚应天右佥都御史宋仪望巡抚河南右佥都御史孟重巡抚延绥右佥都御史张守中巡抚宁夏右佥都御史罗凤翔巡抚福建右佥都御史刘克海俱以考察自陈奉旨各复任

○升四川佾事周思充为湖广右参议

○甲子上御文华殿讲读

○属夷长昂还向所掳我尖夜缚扰边真夷二名以献更贡马七匹以乞长秃愿保塞效顺督抚臣杨兆以闻

○工科臣执奏武清伯李伟造坟给价三万与蒋轮多寡悬殊乞收回成命再加议覆章下所部

○升浙江副使滕伯轮为浙江右参政职方司署郎中事主事陶大顺为河南副使

○乙丑升光禄寺卿曾同亨为顺天府尹

○丙寅兵部郎中熊秉元勘报延镇修理边垣用银十万二千九百两修过边垣六百七十一里有奇论功赏原任总督戴才今总督石茂华银三十两纁丝二表里原任巡抚郜光先升俸一级今巡抚张守中升都察院右副都御史赏银二十两纁丝二表里仍旧巡抚原任总兵官雷龙今总兵程九思各升祖职一级赏银二十两纁丝二表里副使李承式升俸一级余文武将吏各赏有差

○添造 慈宁宫接檐披房遣工部主事曹慎会内监委官催督

○工科给事中侯于赵举原任都水司郎中张纯久历河防周知地里乞添注原衔同往勘议洳河许之

○升四川副使林应节为广西右参政左评事杜诗为四川佥事

○戊辰 上视朝

○升户部郎中乔因阜为浙江提学副使调江西右参政周国卿为四川副使

○总督仓场左侍郎毕锵议各仓收买旗军余米以米之高下定价比炤放粮勘合以速给发另收先放不俟挨陈以杜冒破从之

○巡抚甘肃右副都御史侯东莱上言甘镇庄浪西宁地方近日套虏盘聚兵马单弱距镇城不啻千里倘有缓急鞭腹可虞兰靖河州地方虽固镇所辖而相隔庄宁止二三百里遇有紧急河东西寨堡相邻者兵马宜互相策应 上然之

明神宗显皇帝实录卷之三十七

万历三年四月己巳朔日有食之

上时享太庙

○兵部覆郎中熊秉元所陈延绥人事增墩台以利战守修旧墙以全险固停用银以苏贫困裁冗员以省边费如议其增兵饷以保孤悬均道属以便控驭并将领以全兵制处班军以济实用四议俱令抚按覆议以闻从之

○总理辽东粮储户部署郎中张崇功籍奏万历二年冬季主客军马钱粮数目下户部

○升四川左布政陈绛为光禄寺卿

○申严各抚按官交代违限之禁

○庚午 上御经筵

○辛未 上视朝

○镇守辽东左都督李成梁奏报万历二年下半年兵马现在逃故之数○以山西河东盐法事宜改属按察司清军驿传副使改铸关防换给敕书

○壬申 上御文华殿讲读 上感日食之变于宫中制牙牌一手书十二事谪其上曰谨天成任贤能亲贤臣远嬖佞明赏罚谨出入慎起居节饮食收放心存敬畏纳忠言节财用所至即悬于座右以自警是日以示辅臣张居正吕调阳居正因奏此数言者 皇上虽因天变自警其实修身治天下之道毕具于此终身行之可也因逐句发明其义且曰知之非艰行之为难愿皇上允蹈无为空言即古帝王何以加诸自今上所行与所书有未合者许令左右得执牌以谏 上嘉纳焉

○癸酉 上御文华殿讲读

○山西抚臣郑雒按臣崔廷试条列地方掌印管粮官员经管隆庆六年正徵并万历元年正徵带徵夏秋钱粮未完二分以上者住俸督催四分以上者降俸二级戴罪督催六分以上降二级起送吏部调用八分以上者革职为民惟地最疲敝官经察处接任未久新徵溢格者数人酌量免究章下户部

○巡抚河南右佥都御史孟重奏万历二年所属徵解过夏秋二税起存之数又奏周赵等府郡王宗仪岁用本折积欠共六十七万四千六百两奉旨该部知道

○先是辅国将军充燿干擅婚禁而他府诸请封勘合为猾胥弊数有未封而伪填冒支者有已封而那移增支者有缘洗入未封窜去已封者先后为抚按及部臣所擿发于是部议充燿子女但许请名不许请封住充燿禄以示戒仍命代府将嘉靖四十年以后已题封过勘合册送抚按查验无异炤册揭示其有经题封而未食禄者许告明未封而冒支禄者听自首及他人首发抚投查明报部以凭改正并行乐安王充熏严束宗仪痛厘宿弊从之

○修理王恭盛甲二厂库作等房及科道部厅试验处所

○荫辽东总兵左都督李成梁男李如松为都指挥同知世袭

○甲戌上视朝

○是日兴工修太庙社稷坛遣国公徐文璧侯顾寰尚书郭朝宾各祭告

○俺答子宾兔住牧西海役属作儿革白利等诸番随令寄信松潘番汉以迎佛盖寺为名屡传衅息四川抚臣曾者吾按臣郭庄以闻谓宜速行陕西总督谕令顺义王俺答严戢宾兔无得垂涎边境自败盟好于是兵科都给事中蔡汝贤奏言宾兔蚕食诸番撤我藩篱逆志固已萌矣议者不察犹欲传谕俺答铃制宾兔夫奄奄病酋墓木已拱安能系诸酋之手足耶且宾兔前抢西宁已行戒谕曾莫之忌可见于前事矣乞敕该部亟咨该镇勘破虏情整搦边备或先事以伐其谋或遣谍以携其党或增兵以扼其隘或相机以挫其锋令犯顺者创胁从者解狂虏闻之少知歛戢耳且虏自称贡以来所要我者屡变索锅而与之锅求市而与之市增马而与之增将来边计安知底止乃若己蜀之衅又自焚修之说启也盖许之建寺则西藏一路往来自繇听之奉佛则南北诸番交通无禁彼黠虏岂真有从善之念哉其挟诈用术远交近攻不独宾兔为然明矣惟

天语叮咛当事诸臣毋蹈往辙克励新图无苟取一时之安重贻他日之悔章下兵部

○礼部题允申飭监规移五军都督府将现在未任公侯伯等爵及应袭子弟年十四以上三十以下者通行查出备造年甲籍贯开送本部转劄国子监习学不许隐匿违者指名参究仍行吏兵二部知会凡应袭爵者吏部于请袭之日行本部查其曾否入监习学方准承袭其袭后但年三十岁以下者炤例送回本部劄监肄业应任用者兵部行本部查习学有无进益方行推任本监堂上官用心教习务臻成效如果在监日久学业有成听本监酌量出学待用仍愿在监者听令炤旧肄业仍报本部纪录以示激励并行南京一体遵行从祭酒王锡爵之议也

○山西各王府宗人以越关奏扰发闲宅者先后三十余曹抚臣郑雒为言各宗或因生育未明或因贫乏无力该府长史教援等官措勒刁难不为奏请名封颠连无告越关赴奏事非获己非有他重情似宜释放准依庶人之例应支口粮该府查明径为具奏辅导等官不得仍前措勒刁难其生育不明者不得朦胧具奏章下礼部

○上以天气暄热谕两法司并锦衣卫见监罪囚答罪无证者释放徒流以下减等发落重囚情可矜疑及应枷号者俱奏闻

○南京户部尚书傅颐乞致仕许之

○以四川右布政邹光祚为四川左布政南京尚宝司卿张崇伦为四川副使

○南赣巡抚右副都御史江一麟以考察自陈乞罢不许

○巡按陕西御史赵燿请告奉旨近来陕西巡按纷纷告病是何故吏部都察院查看来说

○乙亥 上御文华殿讲读

追封京山王在铎父镇国将军朝璧为京山王母夫人王氏为京山王妃

○升广东都司佥书署都指挥佥事陈璘为广东肇庆游击将军

○丙子

上谕礼部朕见入夏以来氛霾示异雨泽未均虑成燠旱宜行预祷合行事宜查拟来看

○以山东按察使潘允端为四川右布政

○茂州刁农等夷一千二十九名口愿内附纳税比于编民四川巡抚曾省吾以闻许之仍命量加赏恤○户部奏预开万历四年分各边常股存积盐共一百三十二万一千九十引有奇专备本年主客兵马粮饷行管粮官如遇商人报中验其实在粮草数目填给勘合实收仍将中过盐引收过粮草各项数目奏闻奉旨是

○巡抚山西右佥都御史郑雒题万历二年分主客兵马京运民运屯盐事例等项钱粮分别旧管新收开除实在数目具奏下部

○丁丑 上视朝

○司设监掌监事太监曹宪等奏年例合用内承运等库钱粮造办宫中帷帐茵褥等物辅臣居正等拟旨令会同司礼监查议裁减不必拘定旧例太监冯保因进言阁臣所拟无非为国家忠计今百姓贫苦钱粮缺乏诸事诚宜减省 上以为然因阅< 娼弊-金 >中合用纁丝四百疋布万三千余疋指谓宪等曰岁办几何而费若是宪等具言供御所需皆不可已 上曰即不可已费亦不至是司礼监亟行查核可省省之于是保核实以闻视旧数有减半者有减三分之一者 上善之有旨今天下民穷财匮朕若不躬行节俭未免多取于下重困吾民这年例钱粮既查减明白具见尔等为国为民深可嘉尚都依拟其应用难省的仍准酌量取用各衙门造办等项都要仰体朕意加意撙节汰去无益有动引旧例朦胧奏讨的即便参来处治

○是日雨

○以原任永安营游击王诏为密云新募奇兵营游击山东都司金书领班王治为神机五营佐击宣府备御伍汝忠为神机八营佐击

○以南京户科给事中张焕为南京尚宝司卿

○戊寅 上御文华殿讲读

○礼部＜娼鬻-金＞上祈祷修省事宜
上以雨泽已霈暂停祈祷以各处频报灾异修省如例

○巡抚宁夏右佥都御史罗凤翔奏言宁夏屯田国初地饶赋轻屯军乐垦其后以地饶加赠赋额又以军兴加增税亩草束以致逋欠流移近依减徵事例多方招垦稍有应者计新垦入额田一十三顷三十四亩合见在实徵共一万八千七百二十顷七十八亩

○刑部以热审上矜疑者十五名免枷发配者十八名答罪释放徒流减等者共二百七十名俱依拟

○戊原任总理辽东粮储王念以侵盗故

○己卯 上御文华殿讲读

○巡抚郟阳都御史王世贞题称荆州郡城之内藩封布列步武之外沙市辐辏俱为盗窥城内单薄议将荆右二卫千人之戍广西靖桂者撤回五百以卫荆州该府所属江陵公安松滋石首四县额编民壮弓兵抽扣工食银两以备该镇赏功之费者拖欠数多该镇费原有余而四县冰灾频仍民壮宜减编一半以示宽恤止编精壮实力一半留该县操备又称襄枝卫所番戍之卒倘广西等处寇警少缓亦宜量减三分之一章下兵部兵部以广西山岩险阻猺獞窟宅土司分割编民稀疏一切防守兵饷仰资邻省至于湖广靖州郴桂等处亦系苗夷杂处之地一旦减撤番戍于本省之计得矣要害重地夷寇乘虚不无可虞宜咨行湖广广西巡抚衙门覆议以闻惟四县民壮减编示恤存留操备应如原议得旨

○总督京营戎政彰武伯杨炳开报万历二年七月起至闰十二月止完解桩棚银两现在马匹数目

○巡抚河南右佥都御史孟重奏万历二年该省所属共招抚过人民一千二百三十三户垦荒三百八十四顷九十六亩 升户部左侍郎陈瓚为南京户部尚书

○著巡按陕西御史赵燿回籍听勘

○调补江西左参政严大纪为山东左参政驻劄淮安管理漕务

○庚辰 上御经筵

○河南抚臣以钧州犯 御名＜娼弊-金＞请改易 上以州有禹山亲定州名为禹州

○宾免西牧抚臣议欲传谕俺答科臣议宜整兵遣谍专图拒剿兵部尚书谭纶两是之因条为设险练兵积饷储器及更置将领抚谕熟番数事且荐都司佥书徐仁威游击章延廩可用

○上俱从之

○升福建中路守备指挥佥事于文焕为广东都司佥书

○辛巳 上视朝 孝懿庄皇后忌辰遣武清伯李伟致祭 昭陵

○刑科给事中严用和因热审条上六事曰均审恤尚平反速听断重简验急相埋革奸弊部覆俱如议从之

○兵部尚书谭纶＜娼弊-金＞言本部推举将官惟查簿内曾经保荐人数然往年奏保多止于将领而指挥千百户等官及历科中式武举概未之及是以参游之缺仅足挨补而守备把总尚苦乏人议将前项人等行令抚按但有年力精壮才略优长者一体推举报可

○巡抚甘肃右副都御史侯东莱题砖包肃州凉州镇番庄浪西宁五卫该银万七千九百余两乞敕该部给发又言各卫驻劄该道将领府佐如城工未完而俸资及期者即令就地叙迁俟及成功并行优陟报允

○土鲁番酋速坛马黑麻阿力卜把都儿新立为王差夷使赍番本马匹方物谢恩求贡甘肃巡抚侯东莱以闻

○以湖广副使卢仲佃为江西左参政

○壬戌 上御文华殿讲读

○先是隆庆中有追论故掌锦衣卫事都督陆炳罪者诏下法司穷治籍其家逮其子绎等系狱追赃数十万更五年赀财罄竭无可追者至是绎等具奏乞免是日讲读毕辅臣持＜娼弊-金＞奏请 上裁 上问居正曰此事先生以为何如居正对言陆炳功罪自不相掩昔世祖南幸至卫辉行宫失火侍卫仓卒不知 乘輿所在炳独身负 世祖出于大以免难此社稷之功也 世祖因是眷任独隆赐之伯爵托以心膂而炳小人不知道凭藉宠灵擅作威福京师豪横为之斂手而所夷灭亦往往有无辜罗祸者此则炳之罪也臣等谨按律惟谋反叛

逆奸党罪乃籍没家产余罪皆否且籍没者不更追赃追赃不行籍没此国法也今二法并行而家产已尽丘陇俱夷其子绎贫困蓝缕殆类乞人若更尽法惟有死耳论炳之罪未与反逆同科而翊主保驾之功不能庇一孤子世祖在天之灵必不安于心者矣

上瞿然曰既如此先生宜为一处居正对言事体重大臣等岂敢擅专上曰不然国家之事孰不赖先生辅理何嫌之有居正叩头承旨出次日奉旨陆炳生前功罪及家产果否尽绝著法司从公勘议于是法司为分别炳功罪言家产已勘明尽绝诸所连累者亦为流减以请上乃释之

○灵丘王府宗人俊木□盎为各子请名过期太远为礼科臣所参驳礼部尚书万士和为言宗室请名者以五岁为准请封者将军而下以十五岁为准过期主案此成例也近节奉恩诏颇从＜整彩见＞处请名过期十五年以下请封过期十年以下概题请矣然生育繁多事故不一尚有稽延限外者臣惟国家敦睦宗亲虽罪革之子孙及擅婚滥妾冒妾之子亦准赐名给与口粮而过期立案者俱系各宗嫡庶之子或因贫病孤苦坐致愆期乃使之终身无名可称无禄可养束手待毙曾不如革爵擅婚之子揆之德意似未均沾若遽准请名不酌为定制将来援名请封又无以止其无厌之求臣以为俊木□盎诸子宜准与赐名照依宗庶事例给与养赡不许请封著为定例以后过期各宗臣部酌量季限其年岁未远照常准请名封其过期日久者俱照今例惟来历不明乘机滥请者严查明白立案不行夫严杜过期之封溥为养赡之给哀多益寡禄不加益而泽可均施庶几推广恩诏而于裁抑愆期之初意亦不为失上然之命著为例

○巡抚湖广右佥都御史赵贤上言省城为全楚咽喉东连江省北接河南江盗山寇警报时闻原有上下二江防而辖属稍远不便调度议将分巡武昌佥事加兵备职衔自武昌以南至嘉鱼武昌以北至白湖镇及汉阳汉川二县并相连黄陂一县地方以武昌道为主上下江防二道为援其余仍以上下江防道为主武昌道为援其都司右佥书敕中亦宜增入练兵以责巡缉兵部覆允惟以都司佥书原无左右之目宜现在者依议责令操纵巡缉嗣后则以后至者为右专以练兵属之

○巡抚甘肃右都御史侯东莱巡抚延绥右佥都御史张守中各奏报造完所属卫所城堡及万历二年岁额旧管新收开除实在钱粮之数临清砖厂旧烧造城砖共一百二十万至是议分派三十万于武清县烧造其应给砖价分派南北直隶河南山东地方出办各有差

○更定陕西潼关关内二道辖属将同华二州朝邑白水郃阳澄城韩城华阴蒲城七县俱令属潼关兵备道专辖渭南一县与耀乾等州咸长等县俱令属关内兵备道专辖换给敕书从巡抚郃光先之请也甲申上视朝

○遣武靖伯赵光远等为正使修撰朱赓等为副使持节册封衡府衡王厚熜世子载圭为衡王齐东安和王载垕嫡长子翊金□闾为齐东王荆府荆王翊钜嫡第二子泰宁王常＜娶哇裕疾荆王又嫡第三子常盎为安城王秦府秦王敬镕嫡第一子谊涵为秦世子韩府韩王朗猗庶第一子土□景□汧门赤□为长吉王西城兵马副指挥尚王□甸女尚氏为韩世子璟

＜妹鹺倭惧长洲定恭王融煊长孙朗鋹为长洲王东城兵马副指挥王汉女王氏为长洲王妃高淳庄懿王谟土□兹庶第一子镇国将军朗镕为高淳王夫人韩氏为高淳王妃陕西平凉卫中所军余惠邦彦女惠氏为庆阳王朗鋹妃岷府岷王定燿庶第二子干跬为南充王庆府弘农康僖王肅嫡长子倪□鱼为弘农王夫人潘氏为弘农王妃晋府宁河荣庄王表楠嫡长子知弓□火为宁河王夫人李氏为宁河王妃河东端穆王新土□贵庶长子慎键为河东王夫人冯氏为河东王妃宁化康和王表櫟庶长子知燼为宁化王淮府永豐安僖王厚炆庶第二孙辅国将军翊鋹为永豐王顺昌王祐枏庶长子厚火□宫为顺昌王北城兵马副指挥郭良辅女郭氏为金革王载墀妃周府上雒康裕王睦＜婉白iii镜盞谿子镇国将军勤鋹为上雒王夫人景氏为上雒王妃河南汝宁府汝阳县儒学生员严登女严氏为崇府泰和王常□妻妃四川成都府华阳县民人杨师圣女杨氏为蜀府内江王宣堦妃南城兵马副指挥尹仕女尹氏为荣府惠安王翊金□尘妃楚府永安恭顺王英暖嫡长子华土□未为永安王夫人陈氏为永安王妃广元王府长阳恭裕王宠游嫡第一孙宪煊为长阳王万安王府万安康懿王典楯嫡长子褒火□危为万安王靖江王府靖江王邦肇嫡长子任昌为靖江王夫人支氏为靖江王妃

○贵州麻向太华二司漏贼阿利纠合董昂董耙等焚劫太华古阳等处巡抚都御史罗瑶调动土舍官兵七千余苗兵六百付守备刘天庆督率擒剿贼寻逃散天庆颇有所斩获罗瑶以功状闻而巡按御史杨允中极论刘天庆指挥严督激变夷民轻动大众妄杀贪功并连抚臣罗瑶道臣林澄源轻听撓山均不能无罪事下兵部覆行贵州接管按臣勘奏以闻

○乙酉 上御文华殿讲读

○丙戌 上御文华殿讲读

○虏酋土蛮祭旗聚兵声言挟市要抢山海直抵开原该镇以闻兵科都给事中蔡汝贤言宜行该镇多方防御又详论虏情效尤无厌边臣不得迁就再踵互市之请兵部亦言虏所以为中国患者以其去来倏忽有如风雨耳今各带家小牛马分屯久住此我设奇制胜之日也宜移文总督申飭兵备将领虏犯辽则总兵李成梁率锐师出战蓟昌亦出师以佐之虏分犯蓟镇则总兵戚继光出奇邀击宣府保定兵马不俟调遣亦发锐师以佐之虏素易我出其不意必大创 上从之

○裁革四川滄井盐课司官吏其课银并盐涸高井俱行忠州徵角□羊

○以原任陕西副使殷仁除补原职
以户部右侍郎李幼滋为本部左侍郎大理寺卿孙应鳌为户部右侍郎

○丁亥 上御文华殿讲读

○以蓟镇黄崖口守备程照为山东都司僉书

○己丑 上御文华殿讲读

○巡抚山西右佥都御史郑维奏所属万历二年招抚流民二千三百余开垦荒田五百四十顷八百九十余亩

○庚寅 上御经筵 与故南京工部左侍郎赠礼部尚书程文德谥文恭文德初授翰林编修以议礼谪广东信宜县典史历知县部郎按察副使升南祭酒转礼吏二部侍郎恳辞改南忤旨革职嘉靖三十八年卒隆庆元年采录旧臣得复职赠秩与祭葬操履高洁与章懋邹守益罗洪先辈相师友舆论称焉

○镇守甘肃总兵官李震奏报万历二年下半年原额马步官军舍余实在逃故之数巡抚延绥右佥都御史张守中奏报万历二年下半年本镇马步官军常操轮班远年事故之数

○辛卯巡抚宁夏右佥都御史罗凤翔奏本镇万历二年十月起至闰十二月止各项钱粮旧管新收开除实在之数

○以南京光禄寺卿刘一儒为太常寺卿

○以户部郎中许守谦为浙江副使

○以浙江游击暴以平为广东练兵参将

○先是河南春秋两班备御宣府者免赴边三季扣价角□羊镇以备修工至是总督宣大右都御史方逢时以年限虽满而工费未竣再以三年为请兵部覆议许之

○壬辰 上御皇极殿行册封礼

○宣大山西总督右都御史方逢时三边总督石茂华各籍奏万历二年主客钱粮及京运民运屯盐事例等项分别旧管收除实在比对元年收支增减之数

○癸巳 上御文华殿讲读

○吏部< 娼弊-

金 > 拟调大名兵备副使陶大顺于湖广大顺繇兵部职方司郎中升未逾月至是 上见其名即识之语辅臣曰是数日前方见其领敕今遽拟升转何也辅臣张居正等对曰大顺乃故讲官大临之兄大临故未几而大顺子尚宝司丞允淳又故皆未克葬大顺因大名去乡远例不得过家故以情告吏部部议量改附近以便还葬盖以原官调补非升也

上颌之○隆平侯张桐卒与祭葬如例

○甲午 上视朝

○淮徐等处大水直隶巡按御史舒鳌议以为海口淤塞横绝下流故淮扬徐邳诸处频年水害郡邑几废宜开草湾浚洋麻港口石＜蜈蚣＞诸口以备淮黄之冲又欲蠲折粮留□税请贙罚漕米以备赈济总理河道都御史传希摯谓高宝之间桃花泛涨陡齐堤岸宜急捐徐邳二州河道船税堤夫等项银四万以备修筑于是工科右给事中萧崇业等＜娼弊-金＞东南咽喉重地重罹灾变宿水未消新涝增毒蠲恤修筑以苏疮痍是或一道也若开草湾浚石＜蜈蚣＞二策则未可轻议何也洳河之役国储所关必不容已若两役并兴驰骛不足顾尾失首非计也宜俟洳河告竣淮扬稍稍安集乃可徐图耳户科都给事中光懋亦言之事下户工二部覆议命河漕诸臣及勘洳河科臣博访群策议定明白以闻裁革山西屯田盐法金事以屯田改属兵巡道以盐法改属清军副使换给关防敕书以大理寺左少卿王友贤为南京光禄寺卿

○乙未 上御文华殿讲读

○湖广巡按御史李枋奏万历二年各属招抚人户一千五百余名垦荒田粮一万五千九百余石

○南京户部右侍郎曹三旻奏各卫所监局州县仓库积贮之数

○丙申 上御文华殿讲读

○升蓟镇三屯鞬重营署指挥僉事曹南溟为游击轮管蓟镇中路南兵

○河南按察使郑云璫到任违限按臣为请本官原奉公委求为＜整彩见＞宥不许仍敕以后抚按官有不遵奉明旨徇情给与文牒者吏部一并查参○调江西副使陈万言为河南副使

○丁酉赐辅臣张居正金书黄符红符各四道金艾叶四副黄绶符二道红绶符二道吕调阳半之讲官丁士美等六员各银书黄符一道金书红符一道金艾叶一副红绶符一道

○朵颜卫都督长昂遣头目阿里麻等补贺二年万寿圣节及长至令节赐敕二道及彩段绢疋如例

○太仆寺少卿温纯以考察自陈 上不允

明神宗显皇帝实录卷之三十八

万历三年五月戊戌朔

上御皇极殿

○提督两广殷正茂题称抚兵色把总林奇材招抚以来屡立奇功见今角□羊兵散党立籍当差自东粤抚处未有若此停妥宜量授镇抚职衔并言效劳官员都指挥金丹中军把总吴天贵分守岭东左参议夏道南惠州府海防同知周宗武等俱宜优加赏赉兵部覆奏得旨

○己亥赐辅臣张居正圆光箑扇三把泥金骨画面扇四把小式扇四把片金扇五把吕调阳圆光箑扇一把泥金骨画面扇二把小式扇四把片金扇四把讲官丁士美等各画面小式扇有差

○兵部题覆南太仆卿王之垣〈娼弊-金〉议处南直拖欠马价银两三分四分以上者罚俸一月五分六分以上者降俸一级七分八分以上者降俸二级俱戴罪督催候完日准复原俸著为定例得旨

○庚子先是元年二月间徐淮扬等处数被水灾抚臣王宗沐按臣舒鳌科臣贾三近等俱先以蠲免赈济为请户部覆议咨行地方抚按选委贤官员从公踏勘分别轻重以凭酌处又言淮阳等处蠲免赈济所费钱粮总计应徵并发去者无虑五六十万矣国家经费各有正项非专只一方也虽缓急之势当知而无己之求难继且救荒委无奇策求其策之善者全赖各该有司先之以俭静不扰次之以就地设法故有富弼则清州不为灾有苏轼则杭州不能困若无先事之备而徒仰给于内帑不惟缓不及事以天下之大尽内帑亦不足以给矣奏闻奉旨近来淮扬地方无岁不奏报灾伤无岁不蠲免赈济朕奉天子民一闻百姓饥溺辄切切于怀思为拯救但朝廷设官分职原以为民天灾流行国家代有若各地方官平时肯著实经理民事加意樽节多方设备即有灾荒岂至束手无措今做官的本无实心爱民只虚文了事一遇水旱即委责于上动称危言以胁制朝廷及至奏过一番依旧因循不理岂朝廷任官养民之意这所奏姑依拟勘报议处著吏部查两府被灾地方有司官拣有操守及年力精壮的去做贪酷害民及衰老无为的即便奏请黜调各处抚按官俱要督率有司省去繁文修举实政多方预处水旱之备不许但谗之气数沽名蠲恤责上市恩亦不许因此便谓朝廷讳言灾异壅蔽小民疾苦不以上闻

○大学士张居正等题养士之本在于学较贞教端范在于督学之臣祖宗以来最重此选非明经行修端厚方正之士不以轻授异时提学官多海内名流类能以道自重不苟徇人人亦无敢干以私者士习儒风犹为近古近年以来视此官稍稍轻矣而人罕能有以自重既无卓行实学以压服多士之心则务为虚谈贾誉卖法养交甚者公开幸门明招请托以致士习日蔽民伪日滋去年仰荷圣明特敕吏部慎选提学官有不称者令其奏请改黜其所以敦崇教化加意人材意甚盛今且一年矣臣等体访各官未能改于其故吏部亦未见改黜一人良以

积习日久振盪为艰冷面难施浮言可畏宁抗明诏而不敢挂流议宁坏法纪而不敢违请托盖今之从政者皆然又不独学政一事也臣等谨查

先朝以来敕谕提学臣旧稿再加酌拟附以近日题准事例逐款开坐上请 圣裁备载敕内昭示天下俾居此官者知朝廷所以责之者如此则虽被怨谤而有弗恤人之视之知彼之责任如此亦将斂手息喙而莫之敢挠抚按以此核其能否部院以此定其黜陟使人皆知敦本尚实而不萌侥幸则振兴人材之一大机也又近来考贡之法太疏士之衰老贫困者始告授教职以朝廷造士育材之官为养老济贫之地冗蠹甚矣今后允遇廷试岁贡生员容臣等遵照先朝事例严加考试有不堪者尽法黜落提学官俱照例提问降调其愿就教职者该部先较阅有年力惫者即行减退不准送试廷试学业荒疏不堪师表者发下该部其年力尚壮送监肄业以须再试如年力已衰不必发监遥授一职回籍荣身庶官无冗旷士有师模十年之后人才不可胜用矣因开载合行事宜凡十有八条上之得旨学校人材所系近年提学官不能飭躬端范精勤考阅只虚谈要誉人卖法市恩殊失 祖宗专官造士之意卿等所奏俱深切时弊依拟再行申飭所开条件备载敕内著实遵行有仍前违怠旷职的吏部都察院务要指实考察奏黜不许徇情容○虏酋遣通事来言宾免非敢故违只因甘肃不许开市宁夏途远往还艰难无利虽有顺义禁约不能尽制宣大总督方逢时以闻且言要在彼中当事处置抚赏得宜彼自安心听从兵部覆议上奏奉旨贡市羁縻乘暇修备乃中国御夷长计各边诸臣俱宜同心戮力计安边境斯不负朝廷委托近来陕西三镇督抚官每遇虏情小变通坐视不处只责之宣大其意似谓这件事原是宣大种下的祸本将来有事罪有所归不思他每各有封疆专责若的见得此事为失策其力又足以制虏便当明言谢绝整兵待战如何只依违观望无事则阴享其利有事则诿罪于人岂人臣受职任事之忠且操从之权当在中国今一遇有警即令俺答禁令是倒特大阿反使虏酋得挟以自重亦岂当时许贡初意今后著石茂华等著实整饬边务相机抚御如再因循推诿致误边事国法不宥朝廷许人任事后若措置失宜只因事论罚不归咎于始事之人你部便行文与他每知道

○辛丑先是陕西巡抚郅光先议该省应徵粮草若有拖欠所属司道宜与有司照例一体查参户部覆议各省司道均有钱粮之责不独陕西为然也又查屯粮事例都司掌印管屯官一视卫所一体分别参究迩来抚按通不遵行合通行申飭从之

○壬寅祭 地于 方泽遣驸马许从诚恭代

○户部题隆庆元年起至万历二年止各该抚按等官已解未解赃罚银两数目职名以闻奉旨这赃罚银两原有明旨解部济边近来各抚按官都只取充私费馈送乡官不依期完解其二分备赈亦皆有名无实上不供公家之急下不为旱涝之备甚至二三年间全不解部者既无奏留等项作何支用且都不查究今后著依期完解不许官充私用其接管起解的你部里还查系何人项下分别奏报毋得新旧概开致混淆

○甲辰 上御文华殿讲读 孝宗敬皇帝忌辰遣伏羌伯毛登致祭 泰陵

○乙巳

上御文华殿讲读赐辅臣张居正紫金锭药二十封吕调阳半之讲官丁士美等又半之

○宾州知州叶春及革职为民以入境逃回不赴任故因敕今后有托疾避难及擅离职守的都著一例查参不许但行于杂流卑职而纵于甲科大官以乖正大公平之体

○修 康陵祔恩殿等处事竣遣侍郎陈一松奉安 武宗皇帝 孝静皇后 神位并祭告行礼

○洪武旧例镇抚司问刑径自奏请不经本卫或本卫有事送问者成祖文皇帝有旨令问毕仍自具奏不必呈堂至是刑科都给事中严用和言各衙门奉到旨意皆该科按月缴进送司礼监收藏而镇抚司之本独在该司收贮非所以一政体而重纶音也宜并令送科抄发一体奏知奉旨该卫镇抚司既奉有我 成祖圣旨只照旧行

○浙江巡按吴从宪贵州巡按孙济远辽东巡按刘台俱各到任违限都察院为言三臣俱在未奉近旨之先情似可原 上曰御史出差不许枉道还家系 先朝旧例岂得以未奉近旨为辞其言先差者约期后差者赴代都是私情你每职掌风宪仍不守公法而言私情显是畏狗刘台等都且不究

丙午升大理寺少卿王廷瞻为本寺左少卿太仆寺少卿何起鸣为大理寺右少卿

○户部类造各镇钱粮用过催完并实在数目揭帖进览

○戊申分守喜峰口参将李世臣革任回卫以督抚论侵克抚赏钱粮故

○以南京小教场中军坐营梅应魁为福建行都司军政僉书

○升大理寺右寺丞石星为本寺左寺丞尚宝司少卿王时举为大理寺右寺丞

○升河东都转运盐使司运使董原道为陕西苑马寺卿兼按察司僉事分巡平凉

○礼部覆故都御史赠少保顾住奉法无私出身任怨尹京兆则威行三辅居台端则风振百寮宜考实定谥从之

○己酉 上御文华殿讲读

○是日充礼部祈雨卜日斋戒遣官分祷俄而大雨乃止
仁宗昭皇帝忌辰遣新建伯王正亿致祭 献陵
升左中允范应期为右春坊右谕德掌南翰林院事

○先是阅视蓟辽侍郎汪道昆刘应节等累有修筑宁前一带台墙之议部覆以边长费钜议修台而不修墙至是总督侍郎杨兆复议以谓台而不墙与无台同墙不坚厚与无墙同且台

而不墻壁垒无依无以防虏亦无以台为也审时度势必台墻兼举且言宜允任宁前副使李松以重责成于是部议覆听焉

○户部按季奏报太仓银库万历三年四月终止实在银四百八十一万三千六百两金四百六十两铜钱一千四百六十三万六千两文

○庚戌调原任福建都转运盐使司运使李廷观为河东陕西都转运盐使司运使

○升义完口提调陈忠为游击管分守喜峰口参将事延绥游击董大重为参将分守陕西兰州地方

○以宣府洗马林堡守备尤继先为神机三营游击

○辛亥 上御文华殿讲读

○吏科给事中杨言条上六事一曰就近迁改以免旷废二曰久任教职以育人才三曰清理军屯以足兵食四曰均平里甲以苏民困五曰严革诈伪以清驿递六曰禁止迎谒以息奔竞上深然之其<娼弊-金>该部

○宁远参将黑云龙革任回卫

○壬子南京刑部尚书林云同上<娼弊-金>乞休不允

○癸丑 上视朝时未辨色庭中犹举燎群臣多失朝者御史劾奏上命锦衣卫鸿胪寺查点不至者二百八十三员各罚俸一月

○礼部申明考贡事宜凡起送贡生必年六十以下三十以上依补粮次序为定正贡一名内择学业素优屡经科举一人若俱不堪贡不妨以次再取务在得人有年六十以上未及三十姑息徇情者听本部及该科指实参奏奉旨是

○以原任詹事府掌府事礼部左侍郎兼翰林院侍读学士马自强以原官协管府事充日讲官

○吏部申明官员判任违限事例州县正官遵照隆庆二年题准一月之上问罪两月之上送部别用三月之上罢职不叙方面佐贰大小官员俱照弘治十五年嘉靖三年题准半年以上送部别用一年以上革职为民半年以下照律例问罪发落五品以上照旧奏请定夺六品以下官应该提问起送革职者径自照例施行不必一一渎奏仍将问革起送缘由具揭报部以凭查考奉旨是

○升辽东前屯游击刘澧为分守辽东宁远参将陕西行都司军政僉书吴廷用为陕西行都司军政掌印四川行都司僉书徐仁为延绥游击

○乙卯原任翰林院编修升湖广副使林阶春以病告许之 升浙江僉事王樵为尚宝寺少卿

○丁巳 上御日讲毕顾辅臣张居正等问曰昨朕览辽东抚臣所奏具言虏寇猖獗深以为忧先生度虏势何如居正跪奏曰臣等窃料此虏冒暑拥众犯非其时近暑雨连作弓解马疲势不能逞且蓟镇人马已出关应接保无他虞可不烦 圣虑也

上曰然已户部请发辽东年例银两居正等因奏该镇旱甚士卒饥罢属有虏警请例外再发帑银赈之

上深纳其言诏户部于例外即发银二万两付巡抚张学颜给赈征调官军有顷上命中使捧圣母御书一帙以示辅臣居正等稽首言臣等仰观 圣母御书体裁点画字字精工 上因言圣母在宫中唯观书史每日写字一幅又课令侍女三十以下俱读书写字居正又稽首仰颂圣母仪因进言曰夫 圣母母也犹孜孜勤学如此矧

皇上当英妙之年有万几之重可不锐精问闻讲究治理以副 祖宗付托之重乎 圣母盖所谓爱不忌劳端身教也伏望 皇上仰体 圣母爱育之心率循

圣母躬行之教及时典学无怠无荒则睿智益开聪明愈扩日览万几如烛照而数计矣臣等切不胜款款之愚 上曰先生言是也朕当勉焉

○时修 慈宁宫暖阁仙桥内官监奏行工部具料揭称该用板片数百木值倍之诸杂物称是 上曰一仙桥所费几何而侈用至是那命减半与之又诏自今各衙门凡有造办等项该部勿得曲徇所请致耗财用

○升辽东前屯城备御葛景岳为本处游击

○陕西总督石茂华甘肃巡抚侯东莱〈娵斨-金〉言甘肃境内番虏互相盗窃已经抚处原无他衅恐传闻失实谓有所隐乞以后不系重情得径自处置不必一一渎奏兵部覆闻得旨边臣奏报纷纷不过为将来逃责之地今后著遵前旨实心经理毋但以题奏虚文了事亦不许因而隐匿边情以致僨事重治不饶朝廷重任边臣原许以便宜行事功罪赏罚公论甚明各巡按御史亦毋得苛求细事使人不得展布你部里行文与他们知道

○福建僉事孙裔兴以病告准回籍調理

○有假新选州同诓借商人银八百两者事觉吏科给事中李盛春〈娵斨-金〉言棍徒结夥诓害及富□放债重贪宜行厂卫严加访缉因言开纳事例除冠带荣身无关民社者可也若有司佐幕分牧之官能为民害者宜悉行停止为贪官图选有司之禁一夫一皂皆民财力宜通行抚按衙门严禁三司首领州县佐贰官不许擅自擡轿违者据法重处州县佐贰官果有

贪污不职正官不行开报州县正官果有贪污不职知府不行开报者抚按官宜仿古连坐之法参论罢黜见在有司果与地方相安可堪久任者宜照例题请加衔州县佐贰杂职贪酷害民者照例尽法追赃问遣果有材能超卓者照例不拘资格一体荐扬庶邪党息而人心知儆选法清而吏治弥肃吏部覆奏从之

○升刑部郎中宿度为湖广副使调山东佥事张子仁为浙江佥事

○己未 上御文华殿讲读

○授庶吉士史钶为翰林院编修

○升兵部员外文祚为福建佥事

○降原任陕西副使蔡可教为山东佥事

○以贵州思石守备周官为四川都司军政佥书陕西岷州守备朱宪为陕西行都司军政佥书辽东军政佥书苏承勋为辽东都司军政掌印

○庚申 上视朝

○甘肃巡抚侯东莱< 娼儻-金 >发假用勘合从南京江东驿起马至该镇者奉旨假勘合踪迹显然一见可知自南京至甘肃历数千里始觉前此通无一人烛发其奸显是近来勘合冒滥不办真伪一概混行前有旨著抚按官查诘严禁却全不遵行好生怠玩这各犯经过地方通行查究

○申严山西五台繁峙二县奸民结聚盗采矿砂之禁从巡抚郑雒之奏也

○升吏科都给事中刘不息为太仆寺少卿

○壬戌 上召兵部尚书等官谭纶等于会极门手诏问曰前报虏贼数十万欲犯辽东前哨已到近边朕心日夜悬虑今经旬日如何又声息杳然不知前贼果否入犯该镇有无失事你部里如何通不以闻著从实说来先是辅臣居正等题昨该辽东巡抚张学颜等报称达贼二十余万谋犯辽东前哨已到大凌请兵请粮急于星火至于上廑

圣虑面谕臣等虏寇猖獗深以为忧此时臣等已即面奏暑月非虏骑狂逞之时料无大事请宽 圣怀今据蓟镇总兵官戚继光揭称诸酋久已解散时下正议撤兵及臣等使人于宣府密探西虏青把都动静则本酋一向在巢住收未尝东行辽东所报皆属夷诳赏之言绝无影响数日以来更不闻消息矣臣等因此反切忧虑夫兵家之要必知彼已审虚实而后可以待敌可以取胜今无端听一讹传之言遽尔仓皇失措至于上动九重之忧下骇四方之听则是彼

已虚实茫然不知徒借听于传闻耳似此举措岂能应敌且近日虏情狡诈万一彼尝以虚声恐我使我惊惶疲困于奔命久之角□羊弛不备然后卒然而至措手不及是在彼反得先声后实多方以误之之策而在我顾犯不知彼已百战百败之道他日边臣失事必由于此故臣等不以虏之不来为喜而深以边臣之不知虏为虑也兵部以居中调度为职尤贵审察机宜沉谋果断乃能折冲樽俎坐而制胜今一闻奏报遂尔张皇事已之后又寂无一语徒使君父日焦劳于上以忧四方而该部以题覆公牒遂谓足以了本兵之事耳臣等谓宜特谕该部诘以虏情虚实之由使之知警且秋防在迤蓟镇之间近日既为虚声所动征调疲苦恐因而懈怠或致疏虞尤不可不一儆戒之也臣等谨拟 圣谕一道进览伏乞 圣明裁断施行上从之故有是问

○吏部覆允陕西巡抚郅光先〈娵斨-金〉凡山狭蓟辽宣大等边兵备等官升迁之日务候新官将该管钱粮兵马交代明白方许离任该抚按官度其新任凭限果逼给与文牒前去扣筭开豁腹里地方不以为例

○癸亥 穆宗庄皇帝忌辰遣固安伯陈景行致祭 昭陵

○甲子兵部尚书谭纶奉旨回话顷报前顷虏情先据辽东镇巡蓟辽宣大总督巡按等报皆谓东西二虏会兵入犯盖得诸俺答与独石参将所遣探卒三卫属夷辽东市夷之言各镇据以为题今据总兵戚继光雷龙巡按吴兑揭咨前来诸酋委俱解散止有长昂一枝尚留辽东窥犯耳奉旨这所报虏情前后异辞东西异状看来通无的据止是借听传闻似此彼已虚实茫然不知将来何以待敌且该镇饥荒当此数月无端为一虚声所动周章调遣先自罢劳即日秋防猝有虏至又将何以御之边事如此深可忧虑今后各总督镇巡官平居当亟图 守日夕戒备要在厚遣间谍的探虏情有警却宜特重安详示以整暇不许沿袭旧套虏未至而虚张贼势以避罪虏以退而虚称斩获以要功有这等的国法不宥你每职任本兵居中调度亦要沉谋审筭动中机宜无但依边臣奏报之言漫尔区画致乖举措取轻外夷

○升辽东海州备御孔思鲁为辽东军政僉书 乙丑升巡抚湖广右僉都御史赵贤为都察院左僉都御史协理院事南京大理寺卿陶承学为大理卿
丁卯裁山西太原府孟县县丞一员添设徐沟县县丞一员

○户科李邦佐〈娵斨-金〉言编审□人每年二次恐属太数查旧例年终会同五城御史审明更替五年以上虽未消乏亦行报换以均劳逸再迟五年仍前殷富方许僉役从之

明神宗显皇帝实录卷之三十九

万历三年六月戊辰朔户部题先年各边银两缺乏故预发年例差官召买今各边粮草颇充亦有省积银两者以后年分查照年例额数止于上下半年解发至于一番差官道路烦费如一时本色不敷听督抚郎中等官即于本镇见在银两随宜动支召买候本部解□羊到银两照数抵补奉旨是己巳暹罗国及刺麻番僧各进贡赐宴待如例升湖广左布政陈瑞为都察院右副都御史巡抚湖广等处地方应天府尹汪宗伊为南京大理寺卿河南左布政吴文华为应天府尹湖广右布政徐学谟为湖广左布政

○庚午 上视朝

○兵部尚书谭纶＜娼弊-金＞言秋防届期边备可虞乞饬当事臣工预严战守以图万全奉旨秋防在迩各督抚等官务遵前旨将节次申饬事理着实奉行朝廷赏罚明信决不虚言

○山西有改擗勘合捏造封号增添件数事觉缴至礼部部臣乞行该省提究原领勘合官张贤奉旨奸徒作弊惯熟你部里积年书吏未必不与通同今后著照前旨严加访察有稔恶不悛的即便拏送法司从重问拟无得曲徇自损名节张贤著巡抚衙门提了并前各起所犯俱一一严刑根究同谋置之重典如干碍部里书吏人等通同作弊的也著从实具招回奏不许畏徇隐匿

○辛未 上御文华殿讲读

○兵部奏建州右卫都督同知台恭孙野里掎建州左卫都督僉事撒哈答男蟒子各奏袭祖父职换给敕书管束部落许之

○总督宣大山西右都御史方逢时咨兵部谓酋首吉能原授都督同知吉能死子把都儿黄台吉应袭父职缘本酋西抢未回若俟回套之日再取番文诚恐失酋虏之望有乖羁縻之术审时度势宜准行该镇早令承袭兵部覆奏许之

○壬申陕西总督石茂华巡抚陈省题称麻山关番贼跳梁遵议设法捣剿已将番族焚烧剿杀将尽但为邻番所掩阵亡守备操守一员及参将弟男各带军舍共三十余名兵部覆奏以为番贼肆逆委宜剿治俾知惩戒但事熟虑谋贵万全即使机有可乘兵宜速进亦当计其山川险阻步步为营反客为主奈何欲掩其不备遂不计虑后艰使邻番得肆其反噬歼将折军得不常失耶失事官员宜行勘处仍将助逆邻番及剿处事宜悉心计处先后迟速俱听便益不从中制但务鉴覆辙期收全功奏闻

上切责茂华令姑与陈省等悉心计议相机剿处以靖地方事平之日该部查明论功定罪

○升河南右布政鲍承荫为河南左布政湖广按察使杨柏为湖广右布政

○甲戌 上御文华殿讲读

○升山西按察使周鉴为河南右布政湖广右参政胡邦奇为湖广按察使

○乙亥都察院左都御史葛守礼以老乞休许加太子少驰驿去仍令有司给月米人夫以示优礼

○丙子升山东右参政舒化为山西按察使湖广副使徐柏为湖广右参政

○丁丑 上御文华殿讲读

○兵科都给事中蔡汝贤以辽镇近报虏情虚张不实参论侍郎张学颜奉旨令学颜策励供职

○河南巡按孟重题五月初二日信阳等处地震 裁革扬州府驻劄仪真县理盐通判

○戊寅升江西副使杨世华为山东右参政○吏部题民生休戚关吏治之臧否吏治臧否在抚按之激扬抚按于地方官员贤能无论大小俱得荐扬贪酷者六品以下径得拏问权至重也今狃于因循拘于资格贪酷有司不循拏问之例而姑留以待覆命则未论之先皆百姓受害之日也中间善弥缝者以阿顺取容事营求者以结纳释怒保无漏网乎至于荐举之数多重甲科而轻举贡夫天下最亲民者无如州县正官其次无如州县佐贰正官则科贡俱十之八佐贰则岁贡居十之五以天下最亲民之官强半取足于岁贡而概以穷途无用轻弃之安得不消沮其意气自为末路囊橐之计耶今宜力祛故套大破常格贪酷显著应参奏者参奏应拏问者即径拏问至于举荐＜娼弊-金＞中只当考其贤能不必更问资格不得先尽甲科遗漏举贡科道部寺等官一体行取以纳粟吏员等项果有才能超卓者亦许奏补佐贰庶劝明而吏治可兴矣奉旨卿等说的是朝廷设官原以为民三途并用祖宗故事今后抚按官务要精核有司但系实心爱民及贪酷坏法的不问甲科岁贡出身一体荐举论劾如有沿习旧套偏重甲科及徇私滥举植党市恩的你部并都察院查照旧例著实参奏

○己卯雷击建极殿鸱尾

○庚辰升礼部郎中王象坤为江西副使

○辛巳左副都御史郅光先推升已及三月尚未到任 上命吏部查其彼中交代日期吏部回奏且及两月矣缘巡抚自外升内例无限期往往迁延迟回为日已久

上曰今巡按御史及地方官俱不许到任违限何独升任京职乃可不畏简书耶今后但有枉道回家迁延旷职的著该科参奏一例黜罚

○升湖广知府马文炜为湖广副使○吏部调原任佥事被劾调简郭良为广东佥事奉旨广州兵备系紧要地方郭良以才力不及调简岂堪此任著改调别用

○郧阳巡抚王世贞<娼弊-金>称故南京兵部尚书原杰旧抚郧功为之请补谥不允壬午改南京户部尚书陈瓚为都察院左都御史

○以原任吏科都给事中陈三谟补除原职吏科右给事中欧阳柏为户科左给事中刑科给事中秦耀为兵科右给事中吏科给事中郝维乔为刑科右给事中乙酉升提督两广兵部尚书殷正茂为南京户部尚书

○吏部题为酌定官恩生选规谓官生乃叙功之常典恩生实例外之殊恩荫叙不同授官宜别至于循例选除不较才艺则试为虚文人无激劝宜酌为定规以便遵守一品二品官生俱授五府都事二品恩生与三品官生除授大小九卿僚属如通政司经历等官三品以下恩生又择僚属职事少次者授之愿告外任者查照节年事规选授考选之时文理欠通者各照资格授以稍次之官明示裁抑凡先遇事例获荫恩生后经考满例不再荫者听具由告部改荫官生先以三品考满获荫官生后历官至二品照旧得准二品官生除授奉旨是

○升武选署员外郎事主事徐汝暘为广东佥事

○

○巡按直隶御史贺一桂参河间府同知柰邦奇景州知州刘枢交河知县董廷炤俱百里内外远事迎谒上褒美一桂能飭身执宪力惩陋习著吏部纪录柰邦奇等俱革任闲住

○丙戌上视朝赐辅臣及讲官正字官并三品以上官枇杷果

○协理京营戎政兵部尚书王崇古以病乞休不允

○丁亥

上御文华殿讲读○先是甘肃巡抚杨锦称拨军垦屯中熟可得五万大熟可得十万既而地无实亩军无实籍徵无实租弱者赔累强者侵夺徒防差操无益积贮续因抚臣廖逢节奏每军二十五亩改徵粟二十石总督戴才又奏止可徵十五石至是户部覆总督石茂华<娼弊-金>议督令太仆寺卿及屯田同知将各卫所堡寨屯田逐一备查除有粮有地有人者给与界至执照外其无主田地先尽招人承种如无人承种者于城操军内拨给开垦每军二十五亩令其春夏耕种秋冬差操每年秋收责令纳粟十二石所垦田地给与执炤永为已业每年终巡抚衙门将垦过田地纳过数目造册报部扣抵年例其寺卿及同知等官年终督抚分别功过专本举劾奉旨是

○郟阳巡抚王世贞奏本年五月初一初二初三襄阳郟阳二府属河南南阳府属等处地震

○南京刑部尚书林云同乞致仕福建左参议戢汝止乞终养俱许之

○戊子差官给散两京及各卫所军士冬衣布花钞锭

○换给徐颖海防敕书三道增入整饬中都留守班军事务以班政废弛军多不到者升工部右侍郎凌云翼为兵部左侍郎兼都察院右佥都御史提督两广军务

○升浙江按察司佥事王嘉言为浙江右参议

○福建福州汀漳等处及广东海阳县地震

○己丑 上御文华殿讲读

○巡抚宁夏都御史罗凤翔题请查过宁夏等七卫灵平二所万历二年分开过田垦实徵粮草已未完之数

○庚寅先是云南临安地方土官普崇正勾引依贼杀占地地方拒败官兵抚臣邹应龙议调兵剿殄削平之后改土为流兵部议覆以为崇正等猖乱弄兵罪诚不赦该镇宜出奇擒剿以绝祸根至于改土为流似亦善后长策然 祖宗时平定寰区力屈群雄岂不尽天下土宇而郡县之而不尽然者良有深意譬之蜂蚁令之以类相从亦王者不深治之意改流之说宜令新抚臣王凝议妥以闻

上然之

○工部左侍郎陈一松上<娼弊-金>乞休不允

○授庶吉张程为礼部主事

○兵部左侍郎汪道昆给假归省许之

○辛卯 上御文华殿讲读

○工科都给事中侯于赵等题会勘洳河事宜自泉河口至大河口五百三十余里内自直河至青河三百余里自来河道无恙无赖于洳断在可已惟是徐吕至直河上下二百余里宜开以避二洪邳河之害约费可一百五十余万金时良城伏石长五百五十丈比原勘多四百七十丈开凿之力难以逆料性义马陵俱限隔河流之处二处既开则豊沛河决必至灌入宜先凿良城石工预修豊沛堤防而后前功可徐议也户部亦覆如科臣言又谓正河有目前之患

而泃河非数年不成故治河为急开泃为缓奉旨看侯于赵等所奏与傅希摯原议大不相同傅希摯久历河道他当初若的见岂敢漫兴此役此必该道等官畏工久羁官故难其说阴肆阻挠勘官据其所言谩尔回奏其言先开良城伏石徐议兴工都是搪塞了事之语深负委托今人平居都会说利道害沽名任事及至著落他实干便百计推诿只图优游无事捱日待转谁有视国如家忠谋远虑者似这等人如何靠得他成功济事且泃口之议止欲通漕非欲弃河而不理今他每既说治河即可以兼漕便著他一意治河别工不必再议今后漕粮开兑运误责在漕运舟行梗塞责在河道有旷职废事的都拏来重处管河司道等官都著久任不许升转吏部该科记著

○壬辰先是宣大督抚方逢时等议修本镇边垣并右卫等城工该用银三十七万五千余两户兵二部议以户七兵三节年解发以万历四年起十年讫工至是督臣＜娵擗-金＞请预发银两及秋成采买粮米以备兴工兵部乞敕天语叮咛各边大小文武臣工所修边墙务为一劳永逸之计无得止图扼零贼罔裨大举及朝筑暮坏徒费钱粮前辙可鉴后罪何辞则暂费永安端在乎此奉旨银两准给发修边糜费无实节次有旨戒谕工完之日按臣著实核奏你部里若访有前弊亦便指实参论方见大臣体国之忠若止求天语叮咛毕竟何益

○升南京右副都御史赵锦为南京刑部尚书南京刑部右侍郎王宗沐为工部右侍郎

○是日雷击端门鸱尾○癸巳 孝庄睿皇后忌辰遣怀柔伯施光祖致祭 裕陵

○户科都给事中光懋条陈三事一谓户部之边镇钱粮宜今于主客军马民运屯盐抚夷修筑各条例增减沿革之由酌为成数使当事之臣有所考据以便应酬一谓兵部之武选袭替当分别终身世袭存留除革者为简易以便世守一谓刑部之问刑条例除律例简切易晓引用无差者照旧遵行如有含蓄深远当为剖析该括不全当为广推者通行斟酌因事讲求务要文义明悉情罪适均庶鞫断不爽人鲜冤狱 上然之

○升江西瑞州府知府胡同文为广东副使

○甲午 上因兵部条陈驿递事下旨今后官员人等非奉公差不许借行勘合非系军务不许擅用金鼓旗号虽系公差人员若轿杠夫马过溢本数者不问是何衙门俱不许应付抚按官故违明旨仍蹈前弊不著实清查的你部里并该科务要指实参治庶题奏不为虚文疲民得沾实惠若部科相率欺隐朝廷别有所闻定行一体治罪决不轻贷

○暹罗国奏向为东蛮所侵印信勘合业被烧毁求乞更给以便修贡许之

○乙未工科都给事中侯于赵等覆议淮扬地方频年水灾惟在下流壅滞宜通草湾以分河流入海之路开渔沟老黄河以＜娵擗-金＞淮扬涌激之势浚新洋石＜娵达＞诸口以济兴盐垫溺之危筑安东县堤以为水趋该县之备其开浚先后则欲先草湾石＜娵达＞而后渔沟度缓急以舒物力俱报可

○升兵部右侍郎吴道直为本部左侍郎巡抚四川右副都御史曾省吾为兵部右侍郎原任兵部右侍郎吴百朋为南京都察院右都御史掌院事

○保定抚臣报是年五月二十六日河间府景州城北天鼓鸣三声有流星二昼陨化为石黑色一重三十七两一重二十七两

明神宗显皇帝实录卷之四十

万历三年七月丁酉朔上亲享 太庙

○户部覆议总督宣大山西方逢时＜娼弊-金＞酌定三镇贡市马价宣府以一万八千匹为率该银一十二万两大同以一万匹为率该银七万两山西以六千匹为率该银四万两著为定规以使遵守户科都给事中光懋言先年贸市不多经费有数迩来市马渐广市本倍增若不量为节减将来不可收拾举旨这市马既议定额数以后再不许加增

○戊戌 上御文华殿讲读 改巡抚贵州右副都御史罗瑶以原职巡抚四川

○己亥 上视朝

○赏总兵官戚继光银二十两纁丝二表里副总兵史震以下有差论获长秃功也○庚子 仁孝文皇后忌辰遣武定侯郭大诚致祭 长陵

○礼部左侍郎兼翰林院侍读学士汪鏜以病乞休不允

○辛丑 上御文华殿讲读

礼部覆朝鲜国王李昞奏将国祖李成桂宗系弑逆等被诬情节乞载
世宗皇帝实录及新纂会典为之昭雪许之
起原任四川巡抚右佥都御史严清以原官巡抚贵州

○壬寅赐辅臣及讲官正字官及三品以上鲋鱼

○吏部尚书张瀚三年秩满 上命复职加太子少保

○癸卯赏两广提督殷正茂银三十两纁丝二表里总兵张元勋二十两一表里余文武吏士有差论隆庆五六年前后斩馘倭功也指挥李如桂等以失事著巡按提问

○甲辰 上御文华殿讲读

○乙巳 上视朝

○以原任江南副总兵王尚文充参将分守浙江温处地方

○丁未

上御文华殿讲读毕有顷中官持尚书一帙至微子之命篇用黄纸乙其处以示辅臣言
上于宫中读书日夕有程常二四遍覆背须精熟乃已辅臣及讲官相顾嗟异以为

上好学如此儒生家所不及也

○巡抚大同右佥都御史郑铭奏报本年上半年马步官军数目
升山西左布政董世彦为右副都御史巡抚陕西

○戊申 上御文华殿讲读

○户部按季奏报万历三年六月终止外库实在银共五百四万三千余两

○巡按山西御史崔廷试参山西镇守总兵官刘国贪淫骄纵状宜革任回卫差操奉旨是

○己酉 上视朝

○庚戌 上御文华殿讲读

○辛亥中元节遣泰宁侯陈良弼五人分祭 九陵遂安伯陈澍祭
景皇帝陵寝都指挥佥事蒋克谦祭哀冲太子 庄敬太子坟所

○升陕西按察使刘孝为山西右布政

○以神机营左副将白允中充总兵官镇守山西等处地方

○巡抚保定右佥都御史孙丕扬奏为真保沿边蹊径多属可虞酌议于紫荆等处边口修筑
边墙一万余丈以隆保障兵部覆奏许之

○壬子巡抚山东都御史李世达劾济南知府隗邦衡诸贪刻状且言邦衡羽翼甚众臣固知之而官箴大坏难以容隐＜娼弊-金＞入 上褫邦衡职曰抚按官以察吏安民为职有司官贪酷害民法应纠劾彼有何羽翼敢挠公法兹皆不畏朝廷而畏赃官之语今后有如此者令吏部都察院将抚按官一并查究 ○大同抚按郑雒等＜娼弊-金＞言本镇王府禄粮岁派山西大同并河东运司共一十八万六百余两自隆庆三年至万历三年止拖欠应支禄粮二十季该银八十余万两今年荒朱贵各宗枵腹乞严行拖欠地方将现在银两那解以济急用又言逋负数多因派于各府州县名为存留遂至延缓不行催徵乞照京边未完事例一体查参从之

○癸丑 上御文华殿讲读是日辅臣张居正感疾不能侍
上遣中官问疾命太医院使徐伟诊视又手封药一裹命中官守候服毕复命

○修理 昭陵事竣遣武清伯李伟奉安 穆宗皇帝 孝懿皇后神位行祭告礼

○升陕西副使王宫用为按察使张大忠为左参政俱本省

○甲寅 成祖文皇帝忌辰遣抚宁侯朱冈致祭

长陵○日讲官丁士美以忧去以经筵展书官修撰王家屏补之 总督蓟辽保定等处兵部左侍郎杨兆题为蓟昌二镇敌台战车俱已竣事请给随台随车军火器具

上命兵仗局盔甲厂戊字库给发仍发兵工二部银五万为本镇制造之用

○改礼部左侍郎兼翰林院侍读学士马自强为吏部左侍郎兼官日讲俱如旧

○以蓟镇石塘岭参将陈勋为神机营左副将

○乙卯辅臣张居正病愈入阁办事有顷中官丘得用传 圣母及

上旨慰劳再三赐银八宝二十两

○总督京营戎政彰武伯杨炳题称神机战兵二营神枢车兵三营军士二枝调发蓟镇防秋应将本年冬衣布花预散各军置办衣装户部覆奏许之

○兵科都给事中等官蔡汝贤<娼弊-金>言本年六月又当稽查章奏之期通将前后经管抚按名下未完事件逐款稽查计抚按诸臣五十六人未完者共二百四十一事奉旨这事件未完尚多各抚按官本当究治姑从宽且饶这一遭今后著上紧依限完结其贪赃官吏并侵欺钱粮人犯及各重大事情尤属紧要不许止将别项小事凑数注销苟免罪责你每亦不许再为营解扶同废法

○号头指挥李清以私债事与人诘告巡视东城御史王应乾拘清刑责事闻 上以应乾不谙事体镌俸一年仍是兵部覆奏今后三营官军有犯非人命强盗事情必要关白总协大臣及巡视衙门查发参从不许径自勾摄以明职守

○升兵科都给事中蔡汝贤为四川左参政户科左给事中欧阳柏为福建左参议山西道御史王湘为陕西副使贵州道御史黄家棟为浙江佥事山东道御史万一贯为湖广佥事

○丙辰 穆宗英妃魏氏薨为辍讲三日

○监生梁椿延礼部郭子直上林苑监署丞徐继孝锦衣卫千户李如柏等会饮私放火炮声彻大内椿革职如柏等提问子直降边方杂职 上因切责部院言前已有旨令各官属勤修职业不得夜饮今子直等故违明旨放肆如此部院不行访究职守安在于是吏部尚书张瀚礼部尚书万士和等各上状引罪 上乃已

○己未国初粮运自仪真抵淮安谓之里河俱分入五坝转盘黄河谓之外河原不相通后平江伯<娼弊-金>开清江浦河繇天妃口径通黄河仍设闸以司启闭每岁二月以后粮运过

完即将原闸封闭隔绝黄水官民船盘剥如故其后漕规废弛闸不能闭而黄水灌入河臣乃议塞天妃口以杜黄水创开三里新河设通济闸以通淮水其后闸废不修淮水不息黄水盛大淮亦因之高宝湖堤年年冲决盐兴等处岁岁被灾矣至是御史刘光国议以天妃闸地势高于通济淮水淮溢多于黄水谓宜将通济闸及福兴新庄二闸增卑培薄务令高厚坚固仍令清江厂分司专司启闭每五月以后九月以前二水盛发之候严加封闭官民船听其自行转盘惟回空船至每二日启放一次随放随闭不许官民船越规擅进以贻水患从之

○庚申 上御文华殿讲读

○是年五月三十日六月初一日浙江杭嘉宁绍地方海潮滚溢涌高数丈人畜淹没大小战船打坏飘散者不计其数抚臣谢鹏举以闻

○辛酉总督蓟辽侍郎杨兆奏以标下中军参将徐枝补石塘岭副总兵以黄花路参将蔡勋补标下中军许之

○广东游击暴以平为潮州参将

○壬戌赐辅臣张居正鲋鱼六尾吕调阳四尾讲官申时行等二尾

○以云南都司佾书吴显忠为湖广都司军政掌印

○甲子 昭陵工完叙赏内外效劳官员各有差

○虏酋王台执王杲以献边臣以闻

○升吏科左给事中裴应章为兵科都给事中工科右给事中萧崇业为户科左给事中兵科右给事中秦耀为礼科左给事中户科给事中张孙绳为吏科右给事中礼科给事中李邦佐为户科右给事中

○实授试监察御史陈功秦时吉金阶王晓刘天衢为各道监察御史

○乙丑沈王恬烺为世子埈尧乞选娶继妃礼部覆许之第不给册命冠服及遣官行礼止请敕授封待其进封亲王妃日遣官册封如常例

○选南京太常寺博士王希元行人赵世勋彭应时知县朱东光李冲奎王道成郭四维戴光启徐贞明王蔚推官刘鲁吴汝伦萧彦诸大伦为给事中希元吏科东光鲁户科冲奎汝伦礼科彦大伦世勋兵科道成四维刑科光启贞明工科蔚南京户科应时南京礼科

○取行人董光裕房如式知县刑玠雷嘉祥王民顺李尚嘿傅应魁郑宗学董裕沈＜嬰晓剑

炯秩縢剿祥乔岩李时成刘应元李祯陈用宾黄应坤陈世宝胡宥唐裔丁元复于应昌林应
训推官虞怀忠钱岱敖鲲为各道试监察御史

明神宗显皇帝实录卷之四十一

万历三年八月丙寅朔

上御皇极殿传制遣官祭先师孔子

○大学士张居正题翰林院日讲官王家屏同申时行等轮记注起居翰林院侍读罗万化编纂章奏

○丁卯陕西慧济扯巴寺差番僧八名甘州北关寄住哈密卫都督米儿阿黑麻等十五名俱赴京进贡赐宴赏如例

○以江西铅山把总余胤为云南都司佾书

○戊辰上亲祭太社太稷

○己巳上御文华殿讲读

○初给各省驿传道专制关防如提学兵备等道事例

○辛未论擒获王杲功上命械角□羊王杲献俘正法以王台缚送首恶忠顺可嘉加授勋衔二子俱升都督佾事仍赏银币以示优奖总督杨兆巡抚张学颜总兵李成梁等各赏银币有差

○刑科都给事中严用和条奏朝审四事一录招由以求矜疑一齐会审以公鞠讞一戢闲杂以申法禁一审有词以致详慎上然之

○升陕西副使徐廷綬以患病乞致仕许之

○故隆平侯张桐嫡长男张炳称现守制不便送监习礼吏部为题先准承袭侯服满日入监奉旨勋臣守制既可朝参岂碍习礼仍炤旧送监读书

○壬申故廷綬巡抚右佾都御史充军张子立男张少简奏为父乞复原职许之仍命今后但系充军及以贪赃为民犯该追夺除名的虽遇恩例复职并不许陈乞封赠给与恤典该科记著

○司礼监传奉圣旨内库银两缺乏光禄寺银暂取十万来用科都给事中光懋给事中周良寅俱＜媚弊-金＞言该寺所贮三十三万尚不足支三年之费若一番索取动至十万何以为继乞收回成命浙江道御史朱光宇亦言之

上曰你每说的是该银两偶以缺乏取用后不为例

○升宣府入卫游击苑宗儒为古北口参将原任参将刘楫管理曹家寨游击事山东都司姚天与以游击管理台头营参将事五军营游击李三极以游击管黄花镇参将事

○癸酉 孝康敬皇后忌辰遣新宁伯谭国佐致祭 泰陵

○上谕兵部朕方加意武备急在得人今后各抚按官举劾武职到部卿等若的有所知即宜秉公裁酌明开可用可罢之状具实奏闻请旨黜陟毋得避嫌男谤徒徇人言致亏公道

○先是长芦山东二运司有引□盐每关纳过余盐银两听其告指行盐地方发卖相沿已久其后改行阉派□多不便御史晏世□言之乞将二运司行盐地方摘其素<娼弊-金>>通之处均匀搭附听其告指某处即以原附地方附填水程贸易仍将每岁残盐六万引均平搭派部覆如议

○升陕西右参议赵焯为本省副使

○甲戌工科都给事中侯于赵<娼弊-金>言高宝湖堤大坏苏松水久湮宜专委任督理以裨国计巡盐巡抚俱难兼管宜于南京巡江巡仓屯田三差归并一员专管下工部覆如议

○复除原任陕西佥事李之茂为河南按察司佥事调福建右参政宋豫卿为山东左参政

○乙亥户部题覆事干漕务者一给余米以资回南一复抵坝以守良法一报完兑开帮过洪入闸日期以稽迟误一追积欠以杜侵冒惟存亡事故者清查量免一责典守以禁私货宜自监兑主事始一序挨帮以禁搀越一修仓廩以善积贮一改海船以<娼弊-金>河道俱载入议单永为遵守奉旨黄河广阔运船取便越帮利于速进著照近例行余依拟

○给参将管遼干刘葵旗牌各三面督发京营战车二枝轮流赴蓟镇防守从总督京营戎政彰武伯杨炳之请也

○吏部以考察才力不及降原任兵科都给事中张书原任江西道御史苏士润原任河南道御史杨允中原任云南道御史易仿之书泗州判官士润全州判官允中禹州判官仿之广安州判官俱得旨

○丙子上御文华殿讲读

○以万寿圣节赐辅臣张居正银五十两四表里吕调阳四十两二表里讲官申时行等五员二十两一表里正字官马继文等二员各十两一表里

○辅臣张居正等请增点阁臣上命举勘任的来看即日居正等推举詹事府掌府事吏部左侍郎兼翰林院学士张四维吏部左侍郎兼翰林院侍读学士马自强詹事府少詹事兼翰林院侍读学士申时行俱资望相应得旨张四维升礼部尚书兼东阁大学士著随元辅等入阁办事内随元辅三字 上亲批注也

○镇守辽东总兵李成梁奏本年上半年本镇兵马见在逃亡之数

○丁丑 上御经筵

○先是总理河道都御史傅希摯言茶城一带运道咽喉频年淤决迄无成功宜自梁山以下挑浚以茶城相为用淤旧则通新而挑旧淤新则通旧而挑新惟筑坝断流通其一以备不虞部覆如议

○河决高邮砀山及邵家口曹家庄韩登家等处总理都御史傅希摯议以高邮决口当亟筑砀山决口当改筑月堤其余三口宜留以为洩水之路工部覆议是不得已而为权宜之术耳安能必三口之不愈决愈深而夺正河耶宜随机相度近河缕堤有当转筑以广容纳或上流有可分杀以减水势皆当从常计议无得因循奉旨是○原任光禄寺少卿袁三接除复原职

○升四川副使杨芷为福建左参政

○戊寅赐辅臣张居正及次辅吕调阳日讲官申时行等五员正字官马继文等二员黄金寿字金八宝黄符各有差

○先是逆番千哈割哈咱细日雾四族展抢杀阶文等处而阶州山峒谷栗子庄夏后头等族番实与交通至是督总石茂华与副使刘伯燮议以抚赏诱之而分兵密剿以捷闻

○先是虏酋切尽黄台吉等乞于西海地方及嘉谷关外盖寺焚修事下川狭三省督抚勘议礼部覆议各虏已采木兴工而责其改造于五王城势既不能不若因而许之以鼓其修善而杜其嘉谷关外之请盖中国之御夷惟在边关之有备而掳之顺逆又不在一寺之远近也得旨如礼部议

○四川抚臣曾省吾＜娵斃-金＞奉节县儒学宜复建武守御千户所儒学宜创礼部覆奉节人林未甚盛于昔而建武原系荒秽就新荡平设学造士诚用夏变夷之良法建武当创而奉节可无复也从之

○湖广按臣向程参黄梅知县张维翰违例科派以致部民殴辱乞要坐赃罢黜吏部驳议以谓县令统辖一邑阖境皆其部民律例森严谁能欺侮今黄梅县举人瞿九思误本管知县裁抑过严遂悬牌聚众截围拥毆岂清平之世所宜有哉近日江陵生员辱骂知县生员革戍知县行取今御史独参维翰以快讐人岂以岁贡轻于甲科而举人优于生员耶御史议非是宜

重拟九思而别调维翰奉旨卿等说的是近来部民殴辱本管士卒违犯军令皆纪纲凌替之渐今不处治殴官猖乱之人而反归罪县官是何政体张维翰依拟改调向程姑息纵恶颠倒是非且不究著尽法处治具奏

○己卯辅臣张居正题东阁大学士张四维充 实录总裁同知经筵日讲报可

○阶文西固地方与番为邻先年设三守备分地责成而总理于洮岷参将其后番种日繁残害日甚洮岷参将势难遥制三守备事权相等难以调度往往失事总督石茂华巡抚陈省议将阶州守备改设参将即以现任守备师范升游击管理参将事西固文县二守备并三千户所悉听属洮岷参将各换给敕书以便行事兵部覆议从之

○蓟镇督抚侍郎杨兆以三屯营等处城垣修筑不如法参游击边泰刘龙王维藩罪有差奉旨边泰革任行巡按提问刘龙王维藩各罚俸二个月损坏边工照例修补不与廩给

○先是宣大总督方逢时奏讨二镇元年二年那借互市银两共一万九千八百余两又乞从四年起每年解发二镇马价山西一万大同一万二千著为定例兵部议允太仆寺卿胡执礼执奏< 娼弊-金 >下兵部覆议以为京库积贮诚宜慎节但三镇兑马之例虽节年多寡不同原皆仰给于太仆寺自互市之后向不请兑则酌发价值以助市本移彼于此未为过也必欲责其年年那借以了市事设临时无措将安藉乎还应照近题事理给发但不许例外再行奏讨别镇互相援比耳 上从兵部议

○朝鲜国王李昖差陪臣赍表及方物入贺万寿圣节赐宴待如例

○升兵部郎中董汝汉为四川副使

○

○辛巳 上视朝

○壬午 万寿圣节 上御皇极殿百官行庆贺礼

○癸未升国子监祭酒王锡爵为詹事府少詹事兼翰林院侍读学士署掌本府印信仍侍讲经筵充 实录副总裁

○安南都通使莫茂洽遣使入贡

○甲申升广东副使王玺为湖广右参政

○乙酉上御文华殿讲读

○以神枢营兵备坐营指挥僉事田承爵为五军九营游击

○丙戌 上御文华殿讲读

○朵颜等卫都督长昂等差夷目一百一十七员名以 万寿圣节入贡蓟镇抚臣以闻

○琉球入贡

○升刑部郎中林如楚为广东副使提督学政

○丁亥 宪宗纯皇帝忌辰遣新建伯王正亿致祭 茂陵

○戊子 上视朝赐辅臣讲官正字官各衙门三品以上官杨梅

○赏蓟镇巡抚张学颜总兵官李成梁银二十两郭梦徵十五两论是春虏犯长勇等处却虏功也以失律提问者指挥等官刘三顾等四十一员

○以宣府保安守备朱士元为山东都司军政僉书江西万守备余栋为福建军政都司僉书

○山西巡按御史崔廷试条议谓山西一镇国初特重偏老设以总兵岁发平阳潞安太原班军修守自总兵移镇宁武班军从之偏老百役专累营军士气疲困不堪备御宜将平阳潞安二卫存留班军各拨一千二百名轮戍偏老修工而营军专全团练御敌兵部覆议谓近日按臣贺一桂有总还镇偏关之议议中及亦班军行勘未报今宜通行督抚议妥回奏尚有禁词讼以息科罚议战守以破常套二议俱覆允

○修理 孝陵殿庀工竣遣侯吴继爵尚书刘应节祭告拜谢 后土司工之神

○淮扬凤徐四府州所属大水灾户部覆抚按奏将本年夏季税粮存留者照例蠲免系起运者暂准停徵其三年应运漕粮再准改折一年各卫屯粮亦视灾重轻照例折处其巡抚巡按巡盐当年赃罚及徐州□兑银两准留支以备賑恤报可

○己丑 上御文华殿讲读

○升四川游击陈世忠为云南分守临安等处参将

○庚寅 上御文华殿讲读

○总督三边右都御史石茂华籍奏固原镇万历二年主客兵马合用民屯盐易等项钱粮之数

○以安乡伯张纘掌前军都督府事

○复除福建布政司右参政梁问孟为四川右参政

○达司蛮长官司遣使入贡赐钞币如例

○论隆庆六年琼州地方倭贼陷乐会文昌二县失事罪署印教谕邓万革职千百户张孔教等提问

○辛卯 上视朝

○论征剿潮州剧贼诸良宝等功次参政刘隐升俸一级游击等官陈璘等各升赏有差参政李成立以失事论戍

○论陷电白县及锦囊所失事罪掌所印侯安邦论斩电白知县蒋晓参将黑孟阳戍指挥范震李日乔等罪各有差○博峪等族番人阿鹅等入贡

○壬辰 上御文华殿讲读

○调原任广西僉事霍与瑕为江西僉事

○会稽人倪策营顶祠祭司直柜吏员缺仍与张朝等伪用本司印信事觉倪策论监候处决张朝枷号余党有差 上切责这奸徒诈伪不止一次该司官如何通不觉查且吏役不由吏部拨送径以棍徒私准顶替明系纵之为奸著礼部通查前经管司官职名来看

○广西按察使魏文焮乞终养许之

○甲午 上御午门云楼受辽东守臣所献逆酋王杲俘百官称贺毕
上谓辅臣张居正曰此皆先生运筹之功因起入楼中观
成祖所持矛复循城东行凭垣俯视内阁顾瞻良久乃还宫

○以辽东车营游击赵应昌为宁远左参将

○改户部右侍郎孙应鳌为礼部右侍郎管国子监祭酒事

明神宗显皇帝实录卷之四十二

万历三年九月丙申朔

上御皇极殿受礼部进郊庙等祀日册

○贵州右参政吴椿为广西按察使

○丁酉上御经筵

○刑科都给事中严用和为大业方隆恳圣明益懋时几以保久安长治上答以儆戒忧勤未尝一时自懈尔大小臣工亦宜精勤职业共保无虞

○宴朵颜等卫朝贺夷目阿里麻等以彰武伯杨炳待宴

○以辽东都司佥书李汝谦充辽东广宁正安堡车营游击

○以宣府龙门所守备王弼充山西老营堡游击○南京给事中杨节等查盘内水运库失银一千一百二十七两审系前掌奉御靳成所盗今已谋差赴京杨节等上其事得旨靳成等著南京刑部提问

○戊戌上视朝

○原任兵部右侍郎升南京都察院右都御史吴百朋以病辞不允山东抚按会奏鄒城费县二县知县员缺宜以东平州同知杨果判官赵蛟各摄管印务但以其出身都吏较士宜别委部覆得旨朝廷设官本以为民杨果赵蛟既才堪治民便可升做两县知县何必以资格拘之今后各冲疲地方正官著抚按官选才保举照这例行

○以云南副使陈洙为贵州右参政

○吏部右侍郎何维柏条上飭励群工慎修八事一专责成以核实政凡论量百官必先专责内外长吏以考核属官为首政以当否多寡为殿最各官考语下长吏姓名以备稽考连坐一广辟荐以弘大公凡在京在外各衙门长吏详核各属上考中考下考职掌事迹遇有重大员缺即于上考内叙用其循资迁补于称职内叙用一慎升擢以怀永图自开纳途广渔猎弊滋宜酌议加之遥授益以添注畀以内外散秩遥授者照阶优免添注者考满无过亦得勋恩一议调谪以励进修凡降谪官员只论事务烦简不得通谪偏远以遐方为惠奸之所一严追治以警贪酷凡守令赃私显著者将所犯赃私追并押发各边自行输纳完日回籍为民而官吏因受人才及法外用刑增减人重罪至罪死者坐以死罪庶诛求息而刑罚可平一均要职以通湮塞凡条陈地方军民利害科道是也采访文武贤否人才吏兵二曹是也今铨选科道吏

兵曹属每省多者三四人少可一二人吏部酌议添设主事二三员以充各省一人之数庶备员弘遍而稽仿易周一重王官以责职守宜遵嘉靖八年大学士杨一清题将王府长史等官考满俱许序迁庶进取之途开而辅相之权重矣一集众思以一政体凡重大机务可宜民经久者逐一条为问目责令各衙门长佐庶属传考宪典虚心拟议择可行者曩进辅臣辅臣择其可者下各衙门长佐互订集议具报施行在外抚按藩臬郡邑诸臣照款集停妥具报部院部院□确揭进辅臣参酌至当著为申令俾永遵守部覆如议惟均要职重王官集众思三款宜依旧制从之

○先是应安宁太苏松等府州县各有弓兵民壮前年查扣工食济边至是应安以江防增兵苏松以海防增兵操江及抚按各具〈嬖孽-金〉请留民壮银饷部覆此银出均徭无存留之理但江防缺饷姑准于民壮银内动支九千三百六十两苏松近报灾伤将民壮银内动支一万二千六百一十二两余尽数角□羊部得旨卿等说的是但今江海防守紧急这扣角□羊民壮银两自万历四年为始姑准照数扣留三年接济军饷其以前拖欠及以后年分俱照旧依限徵角□羊不许曲徇势豪请托致亏国计

○革国子监学录郑浚为民苏州府同知刘介龄降俸一级以浚假借勘合介龄挂号也

○己亥 上御文华殿讲读

○时苏松常镇水灾异常抚按具〈嬖孽-金〉要将太仓华亭上海常熟嘉定丹徒丹阳七州县将漕粮改折并减免应徵钱粮改折三分从之

○优恤辽东被水淹没人家及修理台墙军夫并辽左二十五卫屯粮照例折解

○万历四年大统历成十月朔日奏进

○礼部奏伪造印信吏倪策系升任郎中倪象坤收役得旨王象坤姑以迁官事发免究今后你每务要严督司属除革奸弊以称朕励精图治之意毋得曲徇私情致坏法纪

○准成造象牙雕刻圣济殿御药房关防传取太医院药材

○以湖广都司军政僉书刘大勋为四川行都司掌印管事给镇守云南黔国公沐冒祚敕谕仍行该省司府等官一应事体俱照旧规毋得再行紊乱

○巡抚云南都御史王凝奏广南府土舍依文举差兵头季成俸等将贼首擒献正罪余党尚蓄疑心乞开一面之网恕胁从之罪章下兵部

○南京工部尚书刘应节等上〈嬖孽-金〉言海运之难以放洋之险覆溺之虑耳今欲去此二患惟繆州以北杨家圈以南计地约一百六十里其应挑浚者不过百里非有高山长坂之

隔也宜因山东班军一枝屯驻繆州者合附近该营起军数千度地分工量工命日以实心任事大臣一员董之可成不世之功部覆原议闻见既真筹画又熟若以他臣督之恐议非己出别生异见宜专敕一道付本官专诣胶州相度经营并未尽事宜悉听便宜行事得旨这繆莱河议节经行勘俱为浮议所阻刘应节等既的有所见不必覆见就著徐枋改工部右侍郎兼都察院右佥都御史会同山东抚按官将开浚事宜一一计处停当具奏来行朝廷屡议开河止为通漕与治河事务不相干涉再有造言阻挠的拏来重处

○庚子以山西副使胡维新调云南副使提调学政

○予原任兵部尚书霍冀炤例祭葬

○辛丑刑科都给事中严用和劾刑部尚书王之诰奉母归家已久赴阙互任无期宜准其致仕养亲之诰亦求终养许之

○兵部覆两广提督广东巡按福建巡按会题南＜婴吹粒旧枵蚰乱嗽詮閤蚤枚路参将而以柘林水寨船四十五只属之在闽以铜山游船四十只属之共兵三千五百一名更条为供亿事权信地应援月粮屯田官兵数议上之奉旨南＜婴吹粒揪菡娜要害依拟设官建镇以便防守但创建之初事须审虑其中应议事宜著两广总督福建巡抚一一计处停当务令经久可行副总兵推练习海上事务有勇的去做

○壬寅 上御文华殿讲读

○以浙江副使许守谦调山西副使清军驿传兼理盐法

○抚治郟阳都御史王世贞具＜娵斨-金＞申明屯政要通行陕西之□汉河南之南阳一体清查其三省屯田守巡该道有所建明通取抚治及抚按清军举劾部覆如议从之

○准浙江海盐县改折本色钱粮其存留钱粮与平湖海宁定海照例分别蠲免浙东鄞县山阴等县听抚按衙门从宜拨派以海潮灾故

○提督操江都御史何宽奏京城内外原设三大营以习陆战又设新江口营挑选官军一万五千人驾船三百只以习水战今江营兵仅五千二百占役过半战船仅四十只比原额甚远乞行南京兵部会同将本营额数中有丁者行卫取补改差者勒归

○营为事者收复老弱者选补逃故者清勾若一时难以复旧请量分三营之军以益江操使习水战部覆除有丁取补听其径行外三营之军应否量分江营宜移咨南京兵部同操江会议停当具奏以凭议覆得旨是

○兵部奏复巡抚应天府都御史宋仪望会同巡按御史邵陞条议防倭善后事宜一增设游

兵以定邀击一定船<娼圩豕疽员愕鬻惨涣陆兵以防流突一核军储以时支給一定举劾以示劝惩一广资格以需将材一联浙直以定合剿一严乡甲以固人心俱依拟行

○内承运库太监崔敏等奏急缺段疋工部议覆行应天等处抚按官动支无碍官银令有司织造九万七千九百有奇南京湖广等道御史陈堂等上<娼弊-金>曰昔人有言天地生财止有此数不在官则在民未有无碍官银之说无碍之说起于贪墨之吏摻括公帑以充之摻括必加渔猎渔猎必加科派科派必加捶楚此岂陛下所乐闻兹者每疋估价银一十二两零应天一府计一十二万两则各处该银一百二十三万矣臣谓科派无辜之百姓不如取足逋负之顽民查浙江苏州等处拖欠应进京库金花银共计一百六十余万又查各抚按赃罚银两有二三年全不解部者除二分备赈四分济边四分系工部额数此固户部数所本无又系工部所自出者也至金花银两以上用之岁银供上用之段疋不必解部通融织造可无议及加派矣奉旨这段疋以备供用赏赐必不可缺的著照前旨陆续解运本内说纒丝罗每疋该价银十二两其实解进的都粗糙不堪不值原价三分之一且不分轻重一例重估中必有冒破情弊工部看了来说

○癸卯以巡抚广西地方兵部右侍郎兼都察院右佥都御史郭应聘为户部右侍郎

○夺云南临元道右参政张谐佥事萧九成俸三个月激江府知府徐可久著巡按御史提问以罪囚脱狱故

○甲辰上视朝

○以原任广西副使周大器补浙江副使备兵温处

○以江北运粮把总韦国祯升湖广都司军政佥书

○兵部覆抚治郟阳都御史王国祯条陈地方职守事宜一谓千百户所镇抚推升即是守备越于指挥之上不无速化之嫌宜与指挥体统行事割付量委军政再荐方以各卫掌印佥书管屯巡捕坐名<娼弊-金>叙署指挥佥书俟其成绩举荐擢用一施州卫军民指挥使司所属俱父故子继不赴部承袭宜令土司应袭自文书到日限一年以里告卫请详保送赴部承袭领文回司方许冠带掌印管事从之

○旧制中都山东河南官军以春秋二班上操脱逃者初犯二犯捆打三犯则调别卫正嘉以后拨以修工军苦应役往往不依期至或径不至乃议迟一月者罚工十日银四钱不到者追月粮三两六钱解部募用其后更加以额外之征军益逃脱中都尤甚自嘉靖四十四年起积欠工银至五十万余加以连年灾伤无可追还凤阳巡抚张𢉰巡按舒鳌乃会奏额外工价乞尽数蠲除以后应轮班军每班五十人立一队长五人立一伍长皆以身家殷实者充补如有逃脱与领班官一体究罪各军三犯者不必罚工往调边卫示惩奉旨如议行

○蓟州三屯营地震如雷

○丙午 上御文华殿讲读

○以广东惠潮参将白翰纪充潮漳副总兵○丁未 上御经筵

○先时广西忠州原隶思明府因历年讐杀议改直隶布政司土官黄贤相遂恣肆作孽为害地方提督两广殷正茂具奏忠州宜就近政属南宁府庶便制驭部覆如议行

○赏给朵颜等卫夷人阿里麻等其在卫都督官长昂等二员加赐彩段绢疋仍给敕书二道

○戊申加辽东总兵李成梁升职一级巡抚张学颜赏银二十两各将领赏赉有差以招过降夷并回乡人口也

○以广东路参将吴京督理广州海防南头参将

○初代恭王廷埼有三庶子长鼐铉自为当立后生世子鼐铉听奸人为咒咀魔法世子果暴死弟鼐匀亦贪淫不法欲发兄罪而夺之王贿乔继文奏之法司据实以闻奉旨鼐铉听奸人肆为凶恶背违祖训着革去冠服戴平头巾戴罪管事每年姑给禄米三分之一五年之后果能悔过自新著抚按官奏请定夺若稔恶不悛并前罪一并处治鼐匀革去禄米一半其助恶奸徒发成烟瘴遇赦不宥

○庚戌以山东登州府莱阳县县丞朱希诏为□河县知县从部覆巡抚持荐其廉正耿介不避权势也

○辛亥 上视朝

○壬子 上御文华殿讲读

○免徵保定河间所属安州等六州县本年存留银以地亩水淹也

○癸丑

上御文华殿讲读

○以少保兼太子太保兵部尚书王崇古改刑部尚书

○以应天府府尹吴文华巡抚广西都察院右副都御史

○减免长沙荆州等府被灾地方钱粮有差仍将徵积谷赈济

○工部覆御史陈堂奏称纒丝纱罗等件每疋以十二两为度语大略耳若论实价则多者七八两少者仅三四两仍言拖欠金花系户部职掌难以议留惟抚按衙门应解本部四分赃罚堪以动支如或不敷暂于应天府事收贮南京芦课银两内借一万两凑用不许额外加派奉旨还会同户部议处来说

○乙卯 上御文华殿讲读

○兵部尚书少保兼太子太保王崇古以老病求去位不允

○丙辰 上御文华殿讲读 以南京工部尚书刘应节改兵部尚书协理戎政

○礼科都给事中朱南雍劾礼部尚书万士和衰懦宜令去位＜娼弊-金＞下吏部

○丁巳上御经筵

○以四川按察司副使董汝汉调陕西按察司副使

○石塘岭副总兵陈勋面见 上嫌其致词声不响亮著革任回卫

○戊午 上视朝

○京师地震礼部请百官素服三日视事○礼部尚书万士和求乞致仕准驰驿去

○户部覆大同巡抚都御史郑维咨称修工军士劳苦陈粮耗折要将积陈粮料通候冬春借放主客兵马食用扣银买补则修工既无所病而陈粮又有所处乞移咨总督仓场割付银库将库贮银内动支四万两送该镇交割仍咨督抚趁时收买备用从之

○御马监太监陈辅奏 圣驾 郊禋在迓本监马匹老损乞要太仆寺选骟马三千匹送监备用兵科给事中裴应章上＜娼弊-金＞言该监以孳养马匹为职每年各处有进贡马匹又有饲秣草豆无虑二十万金乃乘輿将出遂称无马则隆庆元年所进三千匹皆倒损乎若马不足则钱粮不免侵欺若马足则今日不宜滥讨宜差巡青科道官会同该监将本监马匹草料从实查明进贡马匹通行知会得旨该监奏讨马匹准给一半免行清查○户科左给事中萧崇业奏驿递事宜奉旨朕念四方驿递疲弊小民困苦至极故特允部议申明 祖制虽于私情不便实于民困有苏科道官朝廷耳目以通达民隐振饬法纪为职既知有欺罔假借情弊便当指实参奏乃容隐不言反欲抑法私情以从私便妄谓朝廷不体群臣又说南京科道赴任不便自该部议行之后言不便者岂独科道为然驿递以奉将王命飞报岂为迎送科道而设萧崇业党比徇私抗违明旨本当重治姑从轻罚俸半年今后勘合凡系公差人役俱实填职名

不许假借

○己未 上御文华殿讲读

○以原任山西副使秦可大调四川副使备兵建昌

○以光禄寺卿陈绛为顺天府府尹

○太常寺题十月初二日

孝絜肃皇后忌辰遣彭城伯张熊行礼

○赐四川巡抚曾省吾银二十两纁丝二表里建昌兵备道杨芷行都司掌印颜寿指挥徐韶文等升赏有差以行都司城下擒斩安文等功也

○

○庚申 上御文华殿讲读

○以刑部右侍郎翁大立为南京工部尚书

○以礼部左侍郎汪鏜署掌本部尚书事

○以南京后军都督府佥事史纲充神机营左副将

○四川左布政使邹光祚乞归许之

○户部覆题加增延绥主兵年例银五万两增入该镇内以为定规从之

○革河间游击刘国宾等回卫差操守备唐继武等俱一体究治问罪以台头营新建台座被两坍塌责令其赔功修筑也

○巡抚顺天都御史宋仪望奏镇江一府官民田地照亩起科各有原额至其瘦田荒田芦地草厂之地及新垦荡田共折实在田地八千四百七十二顷九十九亩二分凡昔时奸民巧立名色诡避粮差者悉裁革均为一则< 婚鬻-金 > 下户部

○安南遣使来朝进贡

○南京

祖陵被风雨损坏坍塌著本处官修理

○以大同入卫游击朱瀚加衔参将管宣大总督标下左翼兵马

○以京营游击尤继先调补大同入卫游击

○甲子升日讲官吏部左侍郎兼翰林院侍读学士马自强为礼部尚书兼翰林院学士仍充纂修副总裁经筵讲官初上意仍欲兼日讲辅臣居正等部事烦重恐难兼理乃止

○以太仆寺卿胡执礼改光禄寺卿

○以原任广东左参议郭良辅云南佥事以陕西右布政袁随为四川布政司左布政

○以原任大同总兵马芳为前军都督府佥书管事
以原任四川总兵郭成为南京后军都督府佥书管府事

○四川抚按官曾省吾等奏改板桥巡简司移两河口地方另选把总一员领兵二百名协同防范部覆如议行

明神宗显皇帝实录卷之四十三

万历三年十月乙丑朔

上御皇极殿颁万历四年大统历是日亲享 太庙

○工部修造 郊坛执事人员祭服付太常收贮至期颁领以 大祀在迩故

○丙寅经筵免

○吏部覆题广东宜以副使一员巡视海道驻劄东莞南头城平时则操练稽察有事督兵出海剿捕即以本省副使刘经纬调补从之

○升江西按察使阴武卿为陕西右布政

○礼科左给事中陈耀劾新推顺天府尹陈绛庸老状＜娼弊-金＞下吏部覆允致仕○蓟辽总督杨兆顺天巡抚王一鹗题蓟昌二镇预计万历三年秋季起至万历四年夏季止应补倒死马匹乞照上年事规给发等马价银兵部覆允命太仆寺于寄养马内调取一千匹委官兑给再于库贮马价银内动支一万八千两差官角□羊送本镇预赴宣镇收买膘壮以备给补

○命太仆寺于库贮马价银内动支一万八千两角□羊送宣镇补该镇那借别项之数酌从总督方逢时请也

○丁卯京师地震诏百官修省三日

○戊辰 上御文华殿讲读

○赐辅臣及日讲官三品以上官鲜藕

○初云南临安地方依寇猖獗巡抚邹应龙两遭败衄其后复以致仕径离地方依贼乘之益肆冲劫兵科臣裴应章论应龙误国状章下令云南按臣勘报彼中回奏为应龙未减部覆再勘 上切责你每既说邹应龙两次僨事损伤威重该科及巡按御史又劾他擅离信地前后所奏应龙情罪已明如何曲为回护再行查勘著革去原任为民又近来云贵各土夷地方屡因小衅辄起兵端皆由各有关官贪污朘索骚动夷情抚镇官抚驭失宜要功生事以致祸结兵连反费朝廷处置今后再有这等的你部里并该科参来处治

○巡抚延绥右副都御史张守中称疾乞致仕部覆谓守中非真疾此非因避劳目爱即以资格自尽宜勿许 上从之

○以江西右参政何子寿为按察使以常州府知府施观民为广东副使

○

上以今岁初行 郊礼暂兑行刑两京各省罪犯一体停决

○己巳 上御文华殿读讲

○升吏部右侍郎何维柏为本部左侍郎改刑部右侍郎陈价为吏部右侍郎升总督漕运巡抚凤阳地方兵部右侍郎王宗沐为刑部左侍郎

○升福建副使陶幼学为江西右参政

○以浙江运粮把总指挥佥事高忱为云南都司佥书以上江运粮把总指挥使程克清为贵州都司佥书

○庚午 穆庙英妃魏氏以是下葬免朝

○辽东以虏警闻上用兵部言命蓟辽总督杨兆巡抚张学颜王一鹗总兵李成梁戚继光等督率将吏用心防守在蓟镇专以固守为主辽东则先坚壁清野而后言战无得观望退缩致有疏虞

○吏部右侍郎何维柏< 娼弊-金 >言近来开纳途广干进门多不论行简止较钱币清时举动溷若市肆公家凭檄眇如质券使奚往傍通正途淹塞白手攘先积劳蹶后且此曹始之所输终之所得大略相当至其倚法虐下所入何啻十倍朝廷负鬻贷之名下民罹克剥之苦经国若此非计之得也即云岁需为急未能遽议罢亦宜姑就今例再行酌议加以遥授益以添注畀以散秩不授以亲民之职且□国不在歛财而在节用乞敕所司通核天下周年岁需度支实数通融会计以定经制章下户部谓岁费不支全赖开纳接济未易经议 上竟是户部言

○南京织染局事右监丞刘佐等行南京法司提问以织造不如法故

○以翰林院编修沈一贯充经筵日讲官

○辛未 上御文华殿讲读是日御书一德衷和四字赐大学士张四维

○改南京太仆寺卿王之垣为太仆寺卿以听调原任巡抚甘肃右佥都御史廖逢节为南京太仆寺少卿

○壬申 上御文华殿讲读

○兵部覆陕西总督石茂华条陈该镇虏市事宜谓以甘镇河西之虏责之远赴宁夏诚不胜奔命之苦宜即于甘镇边外择离内地远处置立夷厂令西海丙兔部落每年赴彼互市一次松山宾兔一枝亦许岁庄浪小市一次凡开市期务要与延宁同时并开以杜影射仍传谕丙兔各酋务要严速部落恪守法度开市之日该镇督抚严督将领多方防范费用有经勿堕狡计奉旨依议行

○顺义王俺答遣使进鞍马弓矢等物

○河间沧州所属天津等处大雨水灾户部覆允抚臣所请于存留粮内分别蠲豁其起运之数不许混免

○山西巡抚沈应时题山西屯田金事既已裁革屯政事务著落守巡兵备各道分催然提纲挈领尚缺总会之官布政司粮储道事务颇简乞行责成带管总理一切会计完欠查参造册悉以委之户部覆报可

○升山东布政司右参政管理永平兵备宋可约巡抚延绥等处地方赞理军务

○升提督操江南京右副都御史何宽为工部右侍郎

○升江西布政司右参议沈淮为福建按察司副使

○应天抚臣宋仪望题荐原任太常寺卿袁洪愈原任南京国子监祭酒姜宝宜及时录用吏部以洪愈已覆允候用而宝罢官之后未经昭雪遽尔推用无以厌服人心宜再行勘奏以凭覆议奉旨是

○定西侯蒋祐病故与余葬如例

○癸酉 上视朝

○兵部奏言岁节将临人情易纵宜敕各边镇守总兵等官不恣肆宴乐怠弛守备及轻出围猎堕贼奸计奉旨是

○工部屯田司以修理 康陵告竣本内开有文册一本奉旨这本说工完造册奏缴如何又不见文册著回话来于是工科都给事中侯于赵等上言凡一应兴作告完大者请旨盘查小者造册送科备照此旧套也我 皇上天性恭俭留神财用不欲止袭旧套臣等不胜欣跃因反覆思惟京都修营岁无虚日一岁费用何啻数十万计臣下用财而 主上不知不但假公营私者何惮不为即皇上或惩前鉴后欲省费而中止如汉文之惜露台者道亦无由也今后一工告完用过数目造册送科备照外另具简明揭帖进呈御览奉旨是

○以大理寺右少卿何起鸣为南京太仆寺卿
甲戌升镇守宣府总兵官左军都督府都督同知雷龙为右都督仍旧镇守
上以雷龙九年边镇屡效劳绩仍赏大红纁丝蟒衣一袭

○升授顺义王俺答进马效劳诸夷目指挥千百户等职有差

○工部回话大约如科臣具册送科备照之言谓于计开文册之下少书送科二字以致明旨诘问惶恐请罪奉旨昨奏原未开具用过物料银两数目亦无计开送科文册事体这本通属支吾堂上官姑不究该司官罚俸三个月今后一应修理工完随具揭帖进览工程重大的著照前旨题请差官盘查不许沿袭旧套朦朧冒费升广西左布政程嗣功为应天府尹

○以刑部郎中王好问为江西右参议河南副使陈万言为山东副使整饬永平兵备

○应天府丞雷稽古乞养病回籍许之

○乙亥升通政司通政王篆为南京右佥都御史提督操江升大理寺左寺丞石星为本寺右少卿

○丙子上御文华殿讲读

○太常寺奏孝肃皇后神主奉迁陵殿之后每遇忌辰免奏祭祀今孝烈皇后孝恪皇后事体实与相同奉旨免奏祭祀

○顺义王俺答遣夷使乞佛像经文蟒段等物所盖城寺乞赐城名镇臣以闻部覆谓俺答恪守盟约禁戢部落迄今五载劳委可嘉所请勿拒也上然之赐城名归化佛经佛像许该镇量写铸给与仍加赏俺答银三十两大红纁丝蟒衣一袭彩段八表里以后若能约束部落益坚诚顺每五年加赏一次

○山西汾州守备王应爵为都司佥书

○升广西右布政高察为左布政

○以尚宝司卿陆树德为应天府丞

○以陕西右参议姜继曾为河南副使驻劄大名

○丁丑上视朝

○以翰林院修撰赵志皋田一俊充编纂章奏官日讲官沈一贯与同申时行等记注起居

○升大理寺右寺丞王时举为本寺左寺丞
以提督四夷馆太常寺少卿孙鑰为通政司右通政

○戊寅 上御文华殿讲读

○初兵部郎中熊秉元所陈四事一足兵食以保孤悬一均道属以便控制一并将领以全兵制一处班军以济实用行陕西总督石茂华勘奏议上兵部覆奏惟班军一议谓西安班军宜选为两班成守潼关蒲州二卫离边不远亦应照旧上班以助工役南阳等卫军夫脆弱且不依期赴边宜徵银角□羊银以资修守如郎中议其均道属及并将领二议督抚称不便宜仍旧其足兵食一议部覆亦与镇议今额兵八万有奇马兵四万有奇募补不失原额而已
上从部议

○论万历二年贼入惠潮清澜所失事罪千户丁其运监候处决

○以尚宝司少卿王樵为尚宝司卿福建按察使李凤为广西右布政四川佥事张思忠为陕西右参议

○己卯修理 郊坛事竣内外官员有劳者各赏银币有差

○两广提督殷正茂论参将梁守愚泄漏军机受财卖贼状奉旨梁守愚革任提问

○岷州卫地震

○庚辰 上视朝

○升光禄寺丞岳相为光禄寺少卿

○调原任山东佥事□□土□□敬为四川佥事

○户科都给事中光懋吏科给事中李盛春俱＜娼弊-
金＞论原任南京国子监祭酒姜宝受贿有状抚臣不当妄荐＜娼弊-金＞下吏部

○以尚宝司丞张孟男为尚宝司卿

○升福建右参政徐中行为福建按察使

○辛巳 上御文华殿讲读

○是日命中官持论语讲章指其中所引南容三复白圭一语出问辅臣白圭何诗也辅臣张

居正具以诗旨对中官领以复

上之究心文学如此赐辅臣张居正貂皮六张吕调阳张四维各四张讲官申时行等各三张

○礼部题本年十一月十一日 圣驾亲祀 圜丘及冬至称贺

大祀庆成及次日钦宴勋戚文武百官及外国夷使一应合行礼仪

○陕西起送崔工迷力二族番人四川起送金川寺演化禅师俱差人入贡赐钞绢如例

○以浙江军门右营游击陈典为广东分守参将

○壬午 诚孝昭皇后忌辰遣襄城伯李应辰致祭 献陵

○总理河道傅希势议上江南河道及山东泉源二事要将江南运河归并水利御史就近统管兖州泉务归并该府管河同知仍将清军同知除去管泉字样部覆从之

○以贵州按察司副使方邦庆为福建布政司右参政

○癸未 上视朝

○是日补赐旧讲官礼部尚书兼翰林院学士马自强正已率属大书一幅责难陈善大书一幅讲官王家屏沈一贯责难陈善大书各一幅正字官何初敬畏大书一幅

○直隶巡按御史暴孟奇张宪翔等各一本奏报审决重囚事乃万历二年十一月奏进者 上览而怪之曰今此直隶巡按非孟奇宪翔矣何奏本仍是二臣名又中间月日差谬何也命文书官持<娼弊-金>到内阁问其所以少顷辅臣张居正等入侍奉事

上又面询之曰今年已有旨免刑何真定巡按又报决囚且本后称万历二年十一月何也居正等对言臣等通阅所奏乃去年差刑部主事刘体道会同关内关外巡按御史暴孟奇张宪翔处决囚犯事完即具本付刘体亲赍复命非二臣差人来奏者也 上曰即如是何故至今始封进居正等又对言旧时刑部司属多借审决差便道回籍科臣于精微批定限率优假一年所乃相沿宿弊此奏该去年二御史付之刘体道亲赍而体道持<娼弊-金>回籍今已限满复命主始封进耳

○上曰岂有北隶地方去年决囚今年始复命者宜令该科参看次日奉圣旨北直隶地方去年决囚今年奏报有是事体否著该科参看了来说寻该科参上奉 圣旨刘体道著都察院提了问差官审决限期着法司定拟来说已都察院本上命谪体道外任盖 上于章奏无不亲览其精察如此

○贵州宣慰司宣慰使宋德懋宣慰土舍安民各差人赴京庆贺万寿圣节赏钞币如例

○礼部主事唐鹤徵差往庆府致祭回籍违限八阅月礼部查有庆世子以庆王葬期尚远为鹤徵乞宽限<娼弊-金>在卷奏奉旨唐鹤徵姑免究今后各王府不许擅为奉差官请宽限违者辅导官治罪不饶

○淮安分司所属刘庄等十场大水巡盐御史许三省先发在库赈剩并折稻银三千八百余两给散被灾灶丁而后以闻许之

○甲申 上御文华殿讲读

○调原任广西副使王天爵为贵州副使

○授翰林院庶吉士孙训知县武尚耕俱为礼科给事中

○授知县李东曾士楚龚懋贤推官刘倬□荐俱为试御史东福建道士楚湖广道懋贤贵州道倬山东道荐陕西道

○乙酉 上御文华殿讲读

○以保定左营佐营杨榜为大宁都司佥书

○丙戌 上御文华殿讲读

○巡按陕西御史耿鸣世题称本年五月内官兵剿番得功之后未及两月警报不绝于是兵科给事中虞得烨劾论三边总督兵部左侍郎石茂华鬪茸苛刻激变番酋废弛边备亟宜罢斥章下吏部覆奏奉旨著策励供职

○升刑部郎中郑钦为光禄寺丞 上以 郊祀在还预遣驸马许从诚代视牲祭告 太庙遣侯观寰大学士张四维尚书张瀚轮流看牲遣公张溶徐文璧大学士张居正吕调阳分献 大明夜明星辰风云雷雨四坛

○礼部奏十一月十九日 慈圣皇太后圣旦命妇庆贺仪注

○申严举人入监之法令各该巡按御史督令有司备本地举人有未经入监及监事未毕告回者以文书到日为期限三个月起送到部发监肄业愿入南监者仍赴该监会试年分查入监者方许会试其下第及中副榜不愿就教者照前例尽数分送南京国子监肄业并不许假借名色告回原籍赴部会试者除监满拨历外其余必由两监起文方许会试从祭酒孙应鳌之请也

○戊子工部左侍郎陈一松乞回籍葬母许之

○定南京编审铺行之期以五年一次为例

○陕西柏林七占等族番人刺卜等他笼哈古等族番人恼秀等各遣人入贡赏给如例

○定各省御史出差期限往回一体遵守以辞朝交代之日为始违者从实参奏用左都御史陈瓚请也

○己丑 上御文华殿讲读

○内官监掌印司礼张宏奏称成造 宗庙等处供应物料急缺要将奉诏停止原有抽分竹木板枋照先年旧例运济造办工部查奏前项原系南京龙江关芜湖厂抽解至隆庆元年穆宗皇帝明诏悉皆停止天下仰颂先帝俭德今该监以物料不敷要行催复相应酌处遵照先年诏旨仍旧停革奉旨是

○吏部题查报原任国子监祭酒姜宝改行应天巡按以科臣言仍委抚臣恐有扶同故

○岷州地复震自是日至十八日震百余次是日洮州亦震

○庚寅 上视朝

○户部尚书王国光题为归并职掌以一法守以便责成议欲以北直隶府州卫归并于福建司南直隶府州卫归于四川司各边中外并之山东司临德诸仓并之云南司御马象房二十四马房仓归于广西司崇文许墅河西临清各关税归于贵州司一方同司一事专管则总核者有所责成承行者庶无推诿可久之规也奉旨这各司职务既分属明白都依拟著永为遵守你每堂上官还要精核责成毋容怠玩旷职

○泰宁等三卫夷人右都督等官只见挨等差头目入京补贺万寿圣节及万历二年长至令节给赏如例

○尚宝司少卿徐琨九年考满升尚宝司卿加从四品服俸

○升吏部文选郎中方九功为提督四夷馆太常寺少卿

○辛卯兵部奏覆总督京营彰武伯杨炳题称山东中都二都司各卫所掌印割付官员完军少军数目分别奖罚奉旨是

○吏部覆直隶巡按陈文衡论劾冀北兵备右参议张希稷照不及例降调奉旨陈文衡所论张希稷俱贪酷事迹如何又说重加降调凡官员才力不及的方行改调若贪酷者得调何以示惩张希稷革任著巡抚衙门从实查勘具奏今后各抚按官有论劾不合的你部里务见行

事例一并参究

○兵部奏朵颜卫头目莽吉泰宁卫头目卜巷各有进马传报之劳加升都指挥僉事给与敕书令回卫管束部落得旨

○礼部题繁昌王祐芳过恶多端宜与劣谥得旨

○壬辰南京都察院右都御史何宽议以巡江巡仓屯田三差惟仓差事体稍简以仓并屯委不相访割屯田所带漕粮摘付上江御史其苏松水利另给敕印御史一员钦遵行事工部覆允

○兵科给事中萧彦上言治河大约言近日诸议俱在徐邳以下于上流似未之及但以运道为急不以淮泗为念宜令河道大臣带同熟于河道司属二三人下沿淮安上溯潼关逐日相视孰可分其流孰可杀其势计画停妥贴图立说具奏施行工部覆如议

○太监张宏奏请差内官一员抽分真定木税都给事中侯于赵御史赵焕交章执奏工部亦言只宜行易州主事照前兼管上命于内官中选廉慎的去如贪肆不法参来重

○甲午 上御文华殿讲读

○调正安堡游击赵应期为宁远参将金州守备李汝谦为正堡游击镇臣张学颜以人地相宜＜娼弊-金>题以应期参将留原任李汝谦以游击调盩远参将得旨以临淮侯李庭竹嫡长男李言恭承袭祖爵

○以冬至节遣泰宁侯陈良弼等五员分祭 九陵

○遣惠安伯张元善致祭 恭仁康定景皇帝陵寝都指挥蒋克谦祭 哀冲太子庄敬太子坟所

○礼部题会典所载凡文武每遇筵宴四品以上官文东武西各照品级上殿侍坐此定制也但查有正统年间庆成宴翰林院侍讲曹鼐系六品例该丹墀序坐因其在内阁办事英宗皇帝特命上殿班列学士之下嘉靖二十九年恩荣宴詹事府少詹事兼翰林院学士李本系四品因其在内阁办事世宗皇帝著坐于二品之末则自先朝以来筵宴班次亦有不尽拘于品级者盖朝廷崇重辅弼之臣故殊其体貌如此今礼部尚书兼东阁大学士张四维正系辅臣若以品论坐于二品之列官保之下切恐于皇上简注崇恩之意似有未称所有坐次臣等未敢照常定拟伏乞圣裁施行奉旨著坐于一品之末

○两广总督殷正茂题广东各卫所屯田事理为通省原额凡一十三万九百有奇今消耗逃

亡已十万有奇见在支粮食俸官军只三万有奇添设军余不满七百而岁支食粮须米三十五万二千余石查计原额屯田七千一百二十四顷有奇纳米一十八万九千六百二十三石是以原额之屯供今日消耗之官军尚且不足而必取资于民粮况国初官军全盛之时乎则有军有田之说或当时经略详于九边而略于边海未可知也至于边海地方其田非坐近山溪则枕连鹵海隔绝零星括地总筭之法有所难行惟所谓抛荒遗失等项要多奸豪隐占之弊当催各属执法清查不避嫌怨虽未尽合于原行而积玩亦可少饬奉旨该部知道

明神宗显皇帝实录卷之四十四

万历三年十一月乙未朔湖广道御史沈梗奏乞将见行事例悉令诸司循年顺月别类分门举要刘烦斟酌损益汇书进呈刊布天下与会典律令诸书并传使中外人人得以通晓奉旨国家典章法度备载会典待纂修

○实录完日命官续修不必又创一书徒滋繁冗

○修天坛工完计用钱粮共七万一千七百余两工部具揭进呈并照例请查盘

○丙申中官传

圣母 皇上旨赐辅臣张居正等鹿脯伏姜等物四盒又特赐居正姜苏等物一盒

○洮岷参将刘世英河州参将陈堂俱革任以下沙麻之役二将怀隙不和以致败衄为督臣论劾故

○升延平府知府林梓为云南副使

○丁酉辅臣张居正等题恭遇 皇上肇举 郊禋大典臣等谨辑 郊礼新旧图考进呈旧礼者太祖高皇帝所定新礼者 世宗肃皇帝所定也按天地之祭自周以来或分或合其礼不一然大率合祭者为多国朝自洪武以后一向合祭嘉靖年间始建分祭之制然议者咸以合祀为便顾兹重典未敢轻议谨辑为礼书二册首叙分合沿革之由次具坛壝陈设规制图次列仪注乐章等项而以臣等浅陋之见略述其概窃附于后以备 圣明他日裁择又言皇上亲郊之始百辟具瞻之初况 郊坛高旷霜露凝寒登降周旋礼文烦縟兹当行礼之期凡起居饮膳念虑动止之间宜倍加谨慎务期积诚致洁乃可克成大礼孚格重玄

上嘉纳之

○辅臣张居正附言新旧 郊礼图考后云国初 天地分祭至洪武十年圣祖乃定为合祀之制每岁以正月上辛日行礼于 南郊大祀祭殿列圣遵行百六十余年至世宗皇帝始按周礼古文复分建 南北郊俱坛而不屋

南郊以冬至 北郊以夏至行礼而二至之外复有孟春祈谷季秋 大享岁凡四郊焉隆庆改元诏廷臣议 郊祀之礼时议者并请罢祈谷 大享复合祀 天地于 南郊

先帝深惟三年无改之义独以祈谷 大享在大内行礼不便从礼官议罢而分祀姑仍其旧盖亦有待焉耳夫礼因时宜本乎人情者也 高皇帝初制 郊礼分祀者十年矣而竟定于合祀者良以古今异宜适时为顺故举以岁首人之始也卜以春初时之和也岁惟一出事之便也为

屋而祭情之安也百六十余年 列圣相承莫之或易者岂非其至当允协经久而可守乎今以冬至极寒而裸献于星露之下夏至盛暑而骏奔于炎歊之中一岁之间六飞再驾以时以义斯为戾矣且

成祖文皇帝再造宇宙功同开创配享百余年一朝而罢之于人情亦有大不安者故世宗虽分员方之制而中世之后竟不亲行虽肇举 大亨之礼而岁时禋祀止于内殿是斯礼之在当时固已窒碍而难行矣况后世乎臣等愚昧窃以谓宜遵

高皇帝之定制循 列圣之攸行岁惟一举合祀之礼而奉

二祖并配斯于时义为协人情为顺谨稽新旧规制礼仪而略述其概俟 圣明裁断焉

○总理宣大右都御史方逢时条陈边镇三事一曰训练之实二曰积贮之实三曰修筑之实训练之说谓当慎选正副参游之官教习有方使将有定志士有定伍器有定习日省月试信赏必罚而又在免骑兵之工役以养其力革屯粮之扣兑以厚其生禁入卫之抽补以定其伍而后训练可行也积贮之说谓三镇市马酌量拣选兑给京营以抵太仆岁徵之数而于中土应俵之马折取其价转充市本客饷马价兼支共济太仆无亏于府藏户部无虞于匮乏而十年之蓄可致矣修筑之说如大同四年为始之功量将骑兵免工一月以事操练宣府边工皆将就绪骑兵即免工三月兑给京营市马暂听该镇操练解兑千匹风气相宜渐次加增城堡墩台边塞果系无益虚堡不急空墩已弃旷土不许增益原议修建兴工未完者查照年例毕力成工无容作辍奉旨如议

○以工部右侍郎何宽为本部左侍郎大理寺卿陶承学为工部左侍郎

○升山西佥事张稽古为右参议

○戊戌授庶吉士刘谐为兵科给事中

○以固原游击陈守义为陕西洮岷参将

○以陕西都司掌印梁文为河州参将○己亥赐 圜丘分献陪祀执事管官彩币又特赐辅臣张居正大红彩织坐蟒胸背纁丝一表里大红彩织蟒衣膝襴纁丝一表里吕调阳张四维各大红彩织仙鹤胸背纁丝一表里大彩织蟒衣膝襴纁丝一表里申时行大红金织孔雀胸背纁丝一表里陈经邦何雒文许国王家屏各大红金织白鹇胸背纁丝一表里沈一贯大红金织鹭鸶胸背一表里正字官马继文大红金织白鹇胸背一表里何初大红金织鹭鸶纁丝一表里

○庚子上亲视牲于 南郊幸斋宫召辅臣张居正等入侍寻赐居正银八宝四十两汪鏜林士章各五两又赐张居正甜食三盒吕调阳张四维各二盒又赐张居正御馔十品吕调阳张四维各六品是日锦衣卫鸿臚寺俱有赐

○南京工部尚书刘应节＜媿斲金＞辞协理京营戎政新命不允

○先是山西巡按御史贺一桂有总兵移镇偏关之议行该镇覆议督臣方逢时具奏不便一谓本关兵马寡弱布米价高无人应募勾补难凑见在盩武土著有年势难他徙仍宜在盩武便兵部覆议国初守在东胜其后退保偏关已非盛时事然尚得与宣大峙为三镇今乃内守盩武又复以偏关为绝塞任其城垣倾圯土马凋耗虏骑乘虚窥犯得利按臣条议良为有见而边疆重事责在镇抚难以中制强使必从但总兵既不移镇偏头亦难株守盩武令偏关束手待毙宜移咨该镇行令总兵仍驻盩武防秋移驻阳方口防冬移驻偏关多方召募用心优恤其应筑边塞东起丫角山西至老牛湾七十余里依限修筑必求坚固秋冬二防总兵既有阳方偏头之行抚臣亦应暂出盩武就近调度奉旨是

○河南卫指挥王闰中私使家人入京营求升守备为棍徒所持事觉兵部参奏得旨王闰中著巡按御史解拏来京问以后文武官员但有差人进京营求升转及罢闲的希图起用并奸徒指称诬骗都著缉事衙门严加访拏

○辛丑朝鲜国王李昖差陪臣入贺冬至

○升山西巡抚沈应时为大理寺卿总督漕运巡抚凤阳张翀为刑部右侍郎

○癸卯先是上出郊视牲毕微感风寒次日当传制誓戒百官以进药免朝旋愈至日出诣郊坛以扈驾赐辅臣张居正金嵌宝石瓢一个蟒＜嫪毖敬二条斗牛篋袋一个刀筯叉三事吕调阳张四维金嵌宝石瓢一个＜嫪毖敬一条篋袋一个刀筯叉三事日讲官申时中陈经邦等六员各金间镀银瓢一个＜嫪毖敬一条经官等例不陪祀以讲官从驾盖特赐云

○升山东登州知府李承选为陕西行太仆寺少卿兼佥事车驾司署郎中王子蕙为山西佥事

○甲辰上诣南郊视陈设命辅臣张居正等随侍登坛凡笾豆牲醴之类一一恭阅详问居正具以义对视毕上乘舆诣斋宫面谕居正等先生每乘马居正对内墻不敢乘马上复慰劳之上御斋宫陪祀执事等官行叩头礼各赐汤饭寻赐辅臣礼部日讲官太常鸿胪锦衣银八宝及银豆有差是日薄暮微风辅臣居正等以

上体弱又初愈恐夜祭风寒请预设小幄次以待会夜二鼓风止

上命撤幄露祭登降周旋咸中规矩太常礼官言

上之动容中礼虽执事掌故日月学习者不能及也

○乙巳上亲行大祀于

圜丘驾还御皇极殿百官行庆成礼

○是日赐辅臣张居正等上尊珍饌

○丙午 上御皇极殿受冬至朝贺是日以 郊祀庆成大宴文武百官○丁未赐辅臣张居正御膳九品酒七瓶吕调阳张四维御膳七品酒五瓶

○己酉谕内阁 圣母圣节赐元辅银豆叶八宝五十两大红云鹤纁丝三疋次辅二每四十两二疋讲官六每二十两一疋正字官二每十两素一疋又赐元辅次辅讲官正字官金万寿字副金篆字黄红绶符各有差

○工科给事中徐贞明条议谓勾军东南离其骨肉而军装出于户丁帮角□羊出于里递每军不下百金东南之民困矣而军非土著志不久安辄贿卫官以私回卫官利其赂且可以项军而冒饷也而辄纵之又皆冒支存恤月粮是困东南之民而无补于军政宜照班匠事例免其解补而量徵班银以资召募将存恤月粮裁革以杜虚冒使东南之勾补永罢而西北之行伍渐充兵部谓 祖宗定为兵制与班匠不同且西北地广人稀无人应募补偏救弊尚有可以持循因噎废食恐遂不可救药宜行各该清军御史勾角□羊军丁务遵见行事例精选壮丁起角□羊补伍不许将老弱残疾徒凑名数 上是兵部议

○工科给事中徐贞明水利议谓西北之地夙称沃壤惟水利不修则田里日荒宜如南人圩田之制引水成田特命宪臣假以事权需以岁月将畿辅诸郡及京东濒海水利相度水利修举工部覆议谓畿辅诸郡邑以上流十五河之水而泄于猫儿一湾九河故道既不可复入海之口又极东隘以故处处横流弥漫无际为今之计必多开支河挑浚海口而后水势可平＜ 娵 斨 金 ＞ 浚可施然兴大利除大害则役大众动大费在所不免而近奉二字 明旨畿辅之地民劳财匱目今务在安静省事与民休息臣等仰体遽难别议俟民有起色乃徐规画未晚也 上是工部言

○以原任兵部左侍郎吴桂芳以原官总督漕运兼提督军务巡抚凤阳等处地方

○升山西右参政崔镛为都察院右佥都御史提督鴈门等关兼巡抚山西等处地方

○翰林院编修沉渊复补原职

○庚戌 上视朝

○修理 太庙 社稷工完遣驸马许从诚侯顾寰各祭告侍郎陶承学谢 后土司工之神

○以四川都司佥书侯一位为陕西都司掌印金盘把总叶欢为都司佥书

○三边总督石茂华以剿洮番捷报叙文武将吏有功人员下兵部

○兵部覆巡按福建御史孙鋈查该本年五月海坛外洋擒倭功次叙巡抚刘尧诲总兵胡守仁南日把总方策游兵名色把总邵岳及诸文武将吏奉旨刘尧诲升俸一级仍与胡守仁各赏银三十两纁丝二表里方策邵岳各升一级余将吏各赏有差

○调山西按察司副使许守谦以原职驻劄偏关整饬地方兵备

○刑部主事常存仁江南审决复命违限刑部尚书王崇古以闻奉旨常存仁罚俸半年

○壬子 孝烈皇后忌辰遣成安伯郭应乾致祭 永陵 孝惠皇后忌辰遣安乡伯张纁致祭茂陵

○癸丑 圣母慈圣皇太后令旦

上御皇极门百官致词称贺是日命妇朝

慈宁宫各赐币有差赐辅臣张居正膳九品酒四瓶吕调阳张四维各膳七品酒三瓶

○调陕西副使张楚城为山西副使

○陕西好地平等族番人郝卜等入贡给赏如例

○吏部覆提督两广殷正茂劾副使陈复升奸利右参议诸察变诈奉旨陈复升革职为民诸察闲住

○复除山西副使李尧德为陕西副使○吏部覆巡抚贵州罗瑶劾右参议李继芳罢软奉旨闲住

○以故定西侯蒋祐嫡长男蒋建元承袭祖爵

○丙辰海寇林凤劫柘林靖海碣石等处广东按臣马应梦以闻

○刑部覆奏刑科都给中严用和题恤刑事一正体统以公审勘一恤军犯以杜冤滥一清赃犯以恤繁逮一慎辩复以免嫌疑一定期限以防玩愒一重考查以示劝惩奉旨五年差官审录系朝廷钦恤重典今后务选老成公正精通法律的方许差遣复命之日既不行考察堂上官却要不时体访有不谙刑名行事乖方的不时查奏降黜余依议行

○丁巳 上视朝

○直隶巡按御史舒鳌论庐州府贼犯越狱罪程杲革职为民同知白希珩调用部覆得旨该州贼犯越狱至六名竟不申报若非邻境捉获则此事竟成沉匿各署印官彼此推诿隐瞒不

报厥罪惟均程杲著革职为民白希珩姑以原职降用各地方隐弊事情恐不止此抚按官务要不时体访不许扶同容隐致坏法纪

○调山东佥事叶宪为云南佥事

○升汀州府知府潘民模为广东副使刑部署郎中郑恭为广东右参议山东佥事胡世赏为贵州右参议

○戊午 上御文华殿讲读

○兵科给事中萧彦条陈吏治列为三款谓文移当省物议当核本原当敦 上然之

○己未升刑部山东司署员外郎事主事赵岩为山东佥事原任山西右参议萧大亨为陕西副使

○庚申 上视朝

○以保和游击王通为分守山海关参将以广东都司佥书萧应祥为游击管琼崖参将事

○辛酉海寇林凤复犯闽不利更入广而留船于魍港为窟宅兵部议在广猺獞之役所宜暂停而并力于凤在闽亦宜搜剿窟宅以绝祸本议行闽广督抚镇巡等官严督所在水兵同心戮力务使片帆不遗方许收兵无更言招抚以蹈覆辙奉旨是

○壬戌 上御文华殿讲读

○中都守备太监廖钦论副留守于嵩兵部覆嵩经前后抚按奏荐似非奉职无状者宜行勘明议处 上竟革嵩任回卫兵科给事中裴应章执奏伸兵部议报闻

○甲子 上御文华殿讲读

明神宗显皇帝实录卷之四十五

万历三年十二月乙丑朔以刻定大学中庸尚书典谟通鉴盘古至今汉平帝各直角□羊十五册赐辅臣张居正三部吕调阳张四维各二部讲官申时行等六员各一部

○予延绥巡抚右副都御史张守中全给祭葬以死勤事也

○祈雨雪

○考选京卫所官军政存留选补调补四千七百十员其职业不修官箴有玷照例带俸差操

○掌左军府事镇远侯顾寰掌右军府事定国公徐文璧掌中军府事伏羌伯毛澄掌前军府事安乡伯张纘掌后军府事英国公张溶俱以军政自陈辞免府任俱不允

○丁卯吏部拟升瑞安主簿汪玄寿县职上不许于是吏科给事中王希元发玄寿关节私书因极言刀笔吏不可为正印有司状又言抚按考察司属所上本册宜仿科场糊名例公同看拟定列草榜然后发开底册填榜揭示即日发奏则虽善钻刺者无所投其隙又言升转京堂未闻人望攸归而惟依阿软熟迁延岁月乃坐一定之美缺以补之至于抚按举劾不及两月自相矛盾其贪酷者仅以不及议调简僻其调简僻者率多以冲烦华要之地处之以及部司效劳诸役未有劳于朝廷听其自择地方不论见任之臧否与时之久近而褫诸彼以与此应敕下吏部议著定例杜绝幸门得旨言官论事是非可否当明白敷陈这本微文暗指多影响疑似之间其意何在且要抚按考查属官弥封出榜是何政体吏部看了来说

○陕西总督石茂华以剿捣失刺参多巴舍哈咯卜等番族捷闻叙将吏功次阵亡人役兵部覆行勘外又言各番实繁有徒势不能尽诛法不应穷治盖内资茶马以备招中外捍宾兔而作藩篱其古陆阿尔答一族递年所易马课甚多下沙麻之役未必举族抢杀善恶亦当有辨苟行令缚献首恶之人可免玉石俱焚之惨若执迷不悔徐行警罪未晚也奉旨是这番贼事情还着督抚兵备等官悉心处置务要停妥不得苟且了事贻害地方

○巡视厂库科道戴光启等题称近查过文场钱粮虽无虚冒事过作为以后凡有兴作务如意樽节仰体 圣明惜财至意工部臣言利孔所在诈欺百出耳目有限综理难周今后遇有重大工程乞添差科道官各一员会同内外委官验收物料点闸夫匠如原估过多则务从省减倘支费虚冒则指实参究从之

○己巳上御文华殿讲读

○是日辅臣张居正等侍上书毕从容奏昨给事中王希元〈娼弊金〉皇上曾细览否〈娼弊金〉中所云私帖以指吏部而无指名何也居正对言人臣告君宜明白的确岂可隐约其词此事固当究竟若果有之彼自应抵法设无之亦不至枉受污蔑也凡左右言事但如此

类上宜俱令实吐即吐实律有自首之条或可亮其情而宥之稍涉支吾更须诘治上曰然朕御左右有如此一一诘问务竟其事乃矣不令欺谩也

○庚午 上视朝

○吏部尚书张瀚奏辩王希元参劾事情有外官以贪酷议调而调简处以冲烦者京堂升转惟依阿软熟迁延岁月坐补美缺者不知所指何人至汪元寿一节以近例佐贰官廉能堪用的得一体叙升乃谓有往复私启或亲见或听闻指实明白以为司铎不公之戒得旨王希元著一一从实说来不许支吾希元乃实陈其事谓如山东佥事郭良被劾而拟调广东是以广东简于山东也广西佥事霍与瑕考察不及而复除江西是以江西简于广西也吏部当该定拟考中已为未流之弊矣乃胡正恩选贵□县丞司马祚选建阳县丞朱炳选浦城县丞何当该吏部之便宜欵科臣韩楫部臣刘渤既知公论之不容考察之不免何以定太常少卿之缺处之非京官升转坐补美缺欵至汪玄寿一节县缺虽悬岂无科甲之迁谪岁荐之廉能何独及于一月以前有家人来京钻刺之玄寿乎臣以风闻言事而瀚云必亲见其书则臣虽千百其身拟迹番役何由造于吏部之火房玄寿不升火房吏书有大叹者曰果然果然人问之则曰前之房中见有副启来者云盖瑞安之例也张老爷答启亦云瑞安伊迓建阳其继也今访之即建阳县丞司马祚也其他赃私皆已盈耳乞罢臣以谢瀚罢瀚以谢朝廷则弊源绝而贤路清矣得旨王希元不明指所问事情乃牵引别情忿争求胜该部既有此事何不早行论劾直待问及方言且本中肆行辱骂岂朕优礼大臣之道本当重治姑罚俸半年张瀚亦恳求去不允

○户科都给事中光懋等上〈媼斃金〉言国初额设屯田所在无几今欲复屯田先清军额军数明则田数明据册一查军不可得而少地不可得而缩又专设屯田佥事及府州僚佐责其治丘履亩一一丈量视旧额有无分别肥瘠俟有定效管屯官员举荐超迁部覆如议从之

○礼部尚书马自强请 上幸太学著明秋岁行

○礼部请行躬耕礼奉旨五年春来说

○御史孙成名条陈马政五事一议驹价助俵谓查驹孳系一年以上者估价变卖半给马户酬劳半贮在官充助解俵母一概全派以累小民一议本色官俵谓本色马一匹徵银三十两买俵似有羨余应改议官买谓马十四匹不过二百两耳至于外卫所解马匹每匹徵银四十两尤为过多一议折色类角□羊各折色马价州县照京边钱粮事例编金大户照数徵完解府不得更立马头以滋科扰一议酌派本折谓在直隶价轻道近利在本色山东河南价高道远利在折色宜将本色十分直隶常居六七山东河南常居三四酌量分派一议种马草料谓各州县养马贴户宜派定津贴每马一匹量给六两有司徵给马头不许马头私自追取致多需索马匹倒失马头买补不得累贴户孳驹给赏亦不许贴户侵分其利兵部覆奏买俵马匹三十两固为有余而计其草料盘费似仅足用不必再议官俵酌派本折之说近该部酌量地里远近府分大小年分搭派调停之意实寓其中再行分派恐滋烦扰余皆如御史议奉旨是

○革宣城伯卫国本离任闲住兵部以军政参也○虜入平虜堡副总兵曹簠驰援斩首十一颗得马四十余匹总兵李成梁邀其归路斩获首级一百九十六颗马凡三百匹山东御史刘台以捷闻上以御史例无报捷下其事兵部部覆报捷原总督事但总督＜娵擐-金＞本抚臣抚臣＜娵擐-金＞据总兵今总兵李成梁追虜回营以积劳呕血口报不能具文按臣称战胜之余亟为善后之图不失及时讲求之意以后不得为例从之

○辛未 上御文华殿讲读

○时辽东大破虜百余骑然我兵死伤亦略相当上顾辅臣张居正等虜今一大创或可数年无事第战死者多朕深念之居正对言往时损军之法太严故将领观望不敢当虜苟幸军完无损而已今辽东军杀伤至四五百人斯乃血战臣以为宜宽论损折以作战败之心而厚加恤录以酬死事之苦上嘉纳之上又言元夕宫中旧设鳌山向已暂罢今虽禪后朕念一鳌山乃至千数百灯加以例赐为费甚鉅且风火不测尤须慎防其并烟火罢之昨

圣母亦云毋用此娱我向者我已见之矣居正因奏

上于宫中节省如此民间亦不敢侈肆所省不訾天下实受其福

上曰朕欲防不测昨所讲有备无患当是此意居正对曰诚如

圣谕尚书中说命三篇深切君德治道一语一药

上所宜加意因历诵有其善丧厥善无启宠纳侮黷于祭祀诸条一一重敷其义

上曰朕于宫中默诵所讲书多能记忆间亦有遗忘者然温习未尝废也居正等叩首退

○总理河道傅希摯＜娵擐-金＞言邵家等三决口向因伏秋之际水势盛涨堵塞不易故议权留以资分洩今秋深水耗支流少缓业筑塞竣事其缕堤应否展筑上源应否分杀容另勘报章下工部○琉球中山王差人入贡

○以大同朔州守备姜河为陕西行都司佥书

○壬申户部尚书王国光乞终养不允

○总督东厂司礼监太监冯保汇奏三年缉获功次奉旨冯保提督官较缉访有功荫他弟侄一人与做锦衣卫百户还赏羊二只酒二十瓶钞三千贯张照等各照例升一级

○以山西行都司佥书郭邦铨为都司掌印以兴留都守协同佥书尹志萃为中都留守司掌印

○以湖广郧襄守备张万年为四川都司佥书以贵州坝阳守备为广东都司佥书

○时达贼五百余骑从平川堡进边断事李斌被射死家口掳去游击葛景岳备御杨绍勋堵剿失利把总刘进忠死之总督杨兆劾景岳绍勋罪宜提问御史刘台都给事中裴应章各＜娵擐-金＞论将官失事例应重治而当事诸臣俱难免疏虞之罚会该镇以大捷报到部部覆

行彼处按臣勘定功罪及阵亡被伤等以闻从之

○癸酉都察院奏实授御史赵允升王应乾从之

○兵科等科裴应章等湖广等道御史王晓等以军政纠掌后军府事英国公张溶武平伯陈大策锦衣卫佾书王之化等宜革任闲住＜娼弊-金＞下兵部

○提督两广殷正茂奏称岭西肇庆府地名罗盘水陆延袤六七百里系两广咽喉猺贼渊薮剽掠劫杀为祸日惨条进剿事宜十事部覆从之

○兵部覆奏总兵李成梁大破虜于平虜堡宜于皇极门早朝宣读捷音获功人员另行论叙从之

○甲戌铸江西分守岭北道关防

○乙亥升南直隶巡抚宋仪望为右副都御史照旧巡抚地方赏银三十两纁丝二表里副使王叔杲升一级总理黄应甲升都督佾事余将吏各赏有差论是年四五月黑水洋斩获倭级功也

○兵科给事中赵世勋＜娼弊-金＞言岁造盔甲弓箭等项向时委托非人侵欺料价给散各军直为弃物不若估定价值给军自造工部言军士贫富不等富者自置诚便贫者口腹为急既费而追反增一扰况应禁军器民间不许私造国家歛天下兵聚之武库自有深意至于侵欺之源起于所造非所角□羊莫肯尽力宜移咨各省直颁定式样选委廉能监造领角□羊归并一人起角□羊申文必书督造验看职官姓名进库之日科道详加试验有不如式将角□羊官参送监造经手一并参究庶中外一体武备日充奉旨是

○丙子上御文华殿讲读

○陕西起送塞平等族番人羊加保等入贡赏给如例

○户科都给事中光懋言芦课银两南直濒江一带及湖广江西九江等处在在有之近岁江湖洪涨固多坍没田亩地去粮存致累包赔者亦有新涨田地却被豪猾势占者乞行芦课地方掌印官著实备查有开除未尽者即与除豁清查未尽者尽行查归官量行起科以裨国课工部覆允

○命英国公张溶著照旧供职武平伯陈大策等都革任从科道拾遗也

○陕西总督石茂茂奏两广贡市告成后与虜互市共官易马二千一百四匹牛羊五十八只□民易过马骡牛羊共二万二千有余章下兵部

○丁丑 上视朝

○太子少保吏部尚书张瀚再上〈嬖孽-金〉乞休不允

○升汉中守备戴寅为兴都留守司僉书大同破虏堡守备张咸为山西行都司僉书

○直隶御史邵陛题副使王叙杲吊取府狱强盗陈子明孟其与续获强盗俞彩对审被逃奉旨强盗不宜吊审且贼犯逃在三月至七月间若非有旨则应决人犯该道府不过将押解人役坐罪了事逃者终不可得法度何由而行王叙杲吴善言各罚俸三个月著上紧缉捕得获之日巡抚巡按御史具奏

○戊寅 世宗肃皇帝忌辰遣庆都伯杜继宗致祭 永陵

○琉球送回倭掳漂至男子郑良珍郑良班等赏银五十两写敕奖励

○己卯 贞惠安和景皇后忌辰遣惠安伯张元善致祭 陵寝

○提督两广凌云翼奏称海贼林凤流突广福总兵胡守仁追至淡水洋冲沉贼船二十余只逃往西番

○庚辰 上视朝

○辽东镇臣遣官献捷赏献捷官钞币

○是日以元旦节赐元辅张居正银五十两纁丝四表里次辅吕调阳张四维各银四十两纁丝二表里讲官申时行陈经邦何籬文许国王家屏沈一贯各银二十两纁丝一表表里正字官马继文何初各十两

○兵部覆四川巡抚曾省吾荡平都蛮余孽擒斩一千一百七十二名口清出原占民田给主三万六千八百余亩丈出蛮田并地一十四万八千余亩拨给州县军民领种钦赏曾省吾银三十两纁丝二表里总兵刘显二十两一表里参政李江等银各十五两守备吴鲸等各八两

○辛巳以辽东奏捷 上御皇极门百官称贺

○刑科给事中杨节劾三边总督石茂华 海西女直四川归化番僧进贡著彰武伯杨炳待宴

○壬午 上御文华殿讲读

○时兵部议上赏格

上令辅臣拟谕录辅臣运筹功将加荫居正等控辞不受是日讲毕上手谕曰辽东大捷诚为罕有实元辅预授秘计始能成功既不受荫恃赐银一百两蟒衣一袭彩段四表里二辅和衷共济各银八十两蟒衣一袭彩段二表里卿等承之勿辞以稍示眷酬居正等入谢

○叙辽东大捷功次荫李成梁一子锦衣卫世袭正千户赏银八十两纁丝四表里荫杨兆张学颜一子入监读书给应得诰命各赏银六十两纁丝四表里曹簠王大璋等各升级有差

○癸未通山王薨辍朝一日

○授赵允升山东道御史王应乾江西道御史

○泰甯夷人赴京补贺

万寿节

○朵颜夷人进贡

○安南进方物

○太常寺题

大裕元旦节各陵寝遣官行礼

○刑部侍郎王宗沐言徒罪本轻于戍而今戍者尚得生而徒者远离乡里发驿摆站官卒凌虐往往致死奉旨议妥刑部覆议徒在京五年以上发遵化铁冶余发工部各局做工在外三年以上发本州县修城营建一年半以下发夫役迎送军灶徒犯发本处煎盐瞭哨从之

○乙酉兵部覆给事中赵世勋〈娵斨-金〉曰重将权抚按守巡不得阻挠各将展布曰任选举闲住武举分别录用三科乡试一体甄收曰抑骄横将官被论羁留不得规避曰慎〈娵斨-金〉荐〈娵斨-金〉荐将领各开上冲次冲腹以凭推补曰养卫兵各边入卫军马加意抚恤奋练曰储兵威互市之隙修筑各堡要害练习阵法曰革占役革去各镇违例军伴依议行

○论三镇贡市功升宣大总督方逢时兵部尚书兼都察右副都御史照旧总督与宣府巡抚吴兑大同巡抚郑雒山西巡抚沈应时各赏银三十两纁丝二表里大同总兵郭琥升署都督同知照旧镇守宣府总兵雷龙山西总兵白允中各赏银二十两余文武将吏各升赏有差

○河南道试御史傅应祯〈娵斨-金〉言三事一存敬畏以纯君德二蠲租税以苏民困三叙言官以〈娵斨-金〉忠说奉旨朕以冲昧为君朝夕兢兢惟以敬天法祖嘉纳说言为务前李盛春朱东光并未有旨谴责傅应祯无端以三不足诬朕又自甘欲与余懋学同罪这厮每

必然阴构党与欲以威胁朝廷摇乱国是著锦衣卫拏送镇抚司好生打著问了来说

○丙戌丁字库揭称库贮黄麻络麻熟鍊翎毛数多恐年久积坏欲将轻赏价银折买白麻纛黄栌木等料工部议纛麻黄栌木等料原非外省所解麻鍊既称积多不免置有用为无用宜咨行各地方除已徵角□羊照常送收未徵者四年以后暂照原额改徵折色角□羊部收贮以备别用从之

○四川起送威州打刺儿塞差人入贡

○丁亥 上视朝点文武官失朝者二百五十员各罚俸有差传谕近来人心颇懈各衙门官出入禁门拥带多人托病不赴朝参公座往来宴会职业渐隳著吏部都察院严申饬有违犯的参奏处治

○三边总督石茂华以科臣裴应章言上＜娟擗-金＞乞休下吏部

○降给事中徐贞明御史李祯乔严各三级以拏门傅应祯时三人随拥进卫为锦衣卫掌卫事余荫所奏故

○刑部尚书王崇古奏遣来春各省直审录官员奉旨是

○押发御史傅应祯边卫充军科臣严用和道臣刘天衢各＜娟擗-金＞救报闻

○戊子赐辅臣讲官正字官门神吊瓶判子纸葫芦各有差

○以分守紫荆关参将王抚民改充分守黄花镇参将沈阳游击张志逊充左参将分守海盖辽镇坐营中军王大璋充广宁游击兴都留守掌印郭应乾充五军八营参将镇边城守备李世隆充神机四营佐击沈阳满御王国瑞充前屯游击蔚州守御秦岐充神枢九营佐击

○己丑升南赣巡抚江一麟俸一级赏银二十两纁丝二表里参政张士佩参将郭坚等各赏有差以剿除稔贼叶楷功也

○海西古城等卫女直兀堵尚哈儿等卫女直你龙哈弘化寺番僧锁南星吉等各入贡宴待如例

○安南都统使莫茂洽差宣抚同知等官补修四贡
上嘉其恭顺著于常例外加彩段四表里锦二段以示优嘉

○海西者刺等卫女直阿失卜等赴京朝贡赏给如例

○庚寅 上御皇极殿太常寺奏岁终

大禘祭祀

○辛卯 上御皇极门顺天府进春百官行庆贺礼

○以山东副使钱藻以原衔整饬密云兵备

○西甯参将张承业革任回卫甘肃巡抚侯东莱以不及论故

○升浙江海宁把总韩沛为都司僉书辽东懿路城备御孔东儒为都司僉书南直周家桥把总侯国治为中都留守司僉书福建都司僉书何万钟为兴都留守司掌印

○癸巳 上视朝

○议筑海盐平湖等处捍海石塘计当用银十五万三千三百余两其费议留本府银四万两杭湖二府各增派协济及搜括纸赎积余兵饷调台州府通判为嘉兴通判董其事

○礼部言京官三品以上及四五品中有翰林学士讲读学士詹事府少詹事都察院僉都御史国子监祭酒等官其谢恩见辞除五日内候补外其候足五日未值者五日外仍候补其在京升南京三品以上官并四五品前项官以入贺或以考满入京者或见或辞必于五日外候补庶几少慰咫尺天颜之忱奉旨卿等所奏是人臣事君之礼依拟行

○陕西按察副使曹当勉为山东按察副使备兵霸州等处○升云南按察使顾言为右布政

○申严清勾之法

○朵颜等卫右都督花歹遣夷人火你赤等补贺长至令节及万寿圣节赏彩绢如例仍给与敕书一道

○甲午

上亲行 大禘礼

明神宗显皇帝实录卷之四十六

万历四年正月乙未朔 上御皇极殿受贺

○丁酉 宣宗章皇帝忌辰 奉先殿行礼遣彭城伯张熊祭 景陵

○庚子 上御文华殿讲读毕顾谓辅臣张居正曰昨傅应祯以三不足之说讪朕朕欲廷杖之先生不肯何也居正对曰 圣德宽厚海内共仰此无知小人何足介

圣怀且昨旨一出人心亦当儆惧无敢有妄言者矣国家政事或宽或严行仁行义惟皇上主之上曰前有救应祯者<娼弊-

金>称其母老朕查应祯止有父在而顾言母欺朕如是居正曰言官不暇致详何足深罪上复顾吕调阳张四维曰昨文书房持应祯<娼弊-

金>到阁二先生何故不出一语湏同心报国不得避怨调阳等对曰臣等敢不同心

○是日 上亲祭 太庙○辛丑升湖广右参政沉人种为云南按察使 以原任登州府知府升陕西行太仆寺少卿李承选改添注辽东行太仆寺少卿兼山东佥事驻莱州开浚新河

○以三镇贡市事竣加副使贾应元山西右参政兼佥事参议许希孟王汝梅加山西副使佥事冯子履加山西右参议兼佥事俱仍理原任事务

○罢漕储道山东左参政宋豫卿先是提督漕运总兵官灵璧侯汤世隆以武平等卫所申修舡料价下本道覆实豫卿叱而不纳为户科都给事中光<娼〱模镜燃}论

上令回籍听勘至是吏兵二部议以原职更调不从

○壬寅弘化寺番僧锁南星吉等贡马驼番犬铜佛舍利酥油等方物

○巡抚大同都御史郑维为总兵郭琥<娼弊-

金>求加职时方以贡市叙劳又欲以秋防示劝 上命所司覆议纪录而已

○癸卯总督三边右都御史石茂华以人言乞罢部议谓时值春防一应兵马钱粮调度悉总督之责若使骤易则新者有时日之淹旧者无筹边之志三边重地关系匪轻不如弘使过之仁便诏下供职如初

○升云南佥事田应弼为陕西行太仆寺少卿兼佥事

○升湖广右参政杨一魁为山东左参政

○驸马都尉许从诚奏乞肩輿兵科都给事中蔡汝贤言 世宗朝两京五府以至外镇凡公侯伯都督等官及外戚驸马在京四品以下文职在外抚按三司以下各官俱不许出入乘轿即

兵部尚书每遇下营之日亦止乘马其余军职不许随带上马交床宜深维祖宗不假名器之心以重治人臣妄干恩泽之罪上嘉纳之

○寨平等族番人羊加保等来贡马匹盔甲腰刀等物赏赉如例命工部左侍郎何宽提督京通仓廩不妨部务

○甲辰升山东右参议沈启原为陕西副使

○复除翰林院编修黄凤翔

○安南都统使莫茂洽差宣抚同知黎如虎等正从七十三员名入贡上遣官宴待赐赉如常

○以锦衣卫佥书署指挥使杨俊卿提督街道

○兵科都给事中裴应章等请行九边总督抚镇严督将领加意堤防时西北久安东虏屡挫人心玩而将士骄应章等恐互市踰期抚处无术东虏报复蓟镇戒严故有是议从之

○乙巳孝恪皇后忌辰神霄殿行礼遣庆都伯杜继宗祭永陵

○升直隶镇江府知府林应雷为两浙运使

○升湖广道御史余希周为湖广副使山西道御史马应梦为陕西右参议

○升吏科给事中王希元江西道御史王应乾为按察司佥事希元云南应乾湖广○升工科给事中胡汝钦陕西道御史李颐南京浙江道御史王宣为知府汝钦怀庆颐湖州宣汉阳

○以原任沈阳游击徐惟忠仍充沈阳游击

○四川松潘地方于去年十一月初三日辰时有流星二道各长丈余起正东方向西南流去天鼓随鸣先是北虏宾兔至五王城修寺盘桓睥睨意颇垂涎而天变适应上因敕兵部移咨蜀抚罗瑶俾料理一应练兵设险防御之策以图消弭

○丙午升验封司署员外郎周思稷为山东右参议

○升贵州副使林澄源为本省右参政

○总督仓场户部左侍郎毕锵言太仓旧有老库外库之名老库扁钥惟谨外库以便支放查嘉靖二十三年老库银除动支八十八万九千两外尚贮银一百一十三万六千四百八十两至隆庆三年查兑则仅贮银一百万八千七百六十九两矣夫国家财赋岁入固有定额或值

灾伤不得不减岁出亦有常数或值兵荒不得不增惟府藏预储而后匪颁无匮今以万历三年旧贮新收合而计之共得银七百三万四千二百八十七两六钱有奇宜将老库增银一百万两编号封贮积之数载外库渐赢老库益实此亿万年无疆之利也但外库止剩三百九十余万而各边主客兵年例修城赏赉及京官折俸商人料价官军布花等费皆取给其中乃各钞关轮年徵折本色少银十五六万两停止开纳事例又复减三十余万两湏痛加节省庶无后之咎 上是之

○铸给分守下川南道关防

○大同督抚方逢时等以修筑边墙乞留本镇入卫兵并扣徵河南班军工食以助募夫时西酋贡市颇坚诏以石塘岭一枝量留助工即将原派黄花镇宁夏一枝调补石塘岭而以昌平标兵或京营官军酌议一枝调补黄花镇其河南应戍大同班军自万历四年始至六年止概免上班尽扣班价徵角□羊

○巡抚应天都御史宋仪望言三吴海防南界两浙北抵淮扬相去千余里中惟吴淞至金山三百里为倭奴入犯必由之路而宝镇一堡更为要冲但置山不据而筑堡山外十里岁仅拨兵三百戍焉形势既失兵力又单贼若据山建瓴而下堡非我有矣今欲移堡依山戍以协守计费六千余两出抚按赃赎佐之可一年报竣或移大兵驻防以控要害或出海洋搜剿以立奇功均便从之

○罢松潘副总兵沈鲸行御史提问鲸贪横有声为蜀抚所劾故也

○诏给德州宁山通津天津沈阳领班游击尹湘等七员及锚重营游击陈伯恽等三员各旗牌三面副仍查锚重营原拟责任加给不坐名敕书一道如有升迁事故径自交代

○丁未吏部以明年属天下朝覲考察之期〈娼弊-金〉请天语叮咛抚按等官凡所属考语据事直书不许拘泥对偶组织浮词以应故事得旨近来各抚按官不精核所属考语率为浮词又妄托耳目采听非真中多枉纵但甄别人才提纲挈要全在部院先年抚按有举劾不公诬枉冒滥者部院该科即行纠奏请旨降黜近来通不举行上下务为委徇却求天语叮咛是使朝廷日事焦劳治理终无由致今后宜查炤旧例及近日戒谕一体遵守

○以三年内缉获过盗贼赏提督巡捕署都指挥僉事王世科及参将以下银两有差

○巡按辽东御史刘台条上三事一曰更援兵以苏疲镇辽东入卫兵三千一千出军门标兵二千出二十五卫抽选每缺一军合姓勾补每缺一马合户朋赔裹粮负甲越二千里抵蓟精健顿成尪羸膘壮止存毛骨明春期届抽补如前是一校兵马入关而全辽财力已尽查广宁游击徐国辅领兵二千数额既同而用逸代劳事体甚便且宁前旧设右营游击额兵不过千余今将入卫二千留一千五百并入右营在广宁调度非遥在蓟镇应援亦便其余五百原系开原抽补宜仍回本镇属马市官领之添设备御一员驻庆云堡一以镇蔽西虏一以弹压王

台如此则薊镇之额兵不减而辽镇之疲困亦苏矣二曰慎互市以代虏谋辽东一镇自宁前抵喜峰口曰朵颜自锦义历广宁至辽河曰泰宁由黄泥洼逾沈阳鍊岭至开原迤西曰福余开原迤北曰山寨曰江夷迤东曰海西曰毛怜曰建州 祖宗以来嘉其慕义许以互市广宁设一关一市以待朵颜泰宁等夷开原设三关三市以待福余西北等夷开原迤东至抚顺设一关市待建州等夷事属羁縻势成藩屏数十年来积套成毙先年进循其期今则斜同各部传箭频至先年酋首犒赏盐布余止酒肉今则通索盐布增至引正先年酋首间讨衣段锅牛视为异赏今则指称常例互为告讨先年自称藩篱今则假借大虏倚托声势给我厚赂先年马驼运载利归中国抽分抚赏积有余羨今则故用敝物强求厚值甚者徒手讨赏至不可继比比皆然惟广宁关市附近抚镇重兵坐制稍听约束抚顺一关王杲就擒各种衰弱事属王台暂无足虑开原三面邻夷势极孤悬最为寒心查该镇三关三市王台由广顺关入市东果园离镇城十五里遑家奴等由镇北关入马市堡离镇城二十里福余等夷由新安关入市庆云堡离镇城四十里近年王台遑家奴等皆得径至开原南城墙混列杂处安肆贸易略无界限西北一带住收夷人互市在庆云堡内一遇传箭突赴市场弯弓垂橐务满所欲所欲既得捧乳进酪强饮各官以示婴侮稍不如意或鼓噪而起或跃马而射或顺抢而出大小将官痛若被围推原本末盖由广宁边有墙墙有关关内有堡堡内有兵由关而入由关而出体统稍正弊端犹少若开原则边关既荡然无守兵势又单弱不振以故有求即与莫敢谁何诚能添设兵马增补御备驻劄庆云堡内联络该镇参将兵马约誓沿边备御官员申以不易之期示以一定之额如期而至查额而赏序名而领其听我约束则循例敷恩如动辙要求则闭关谢绝更令抚镇衙门详细开载某市月开几期某市月用几数某市大赏小赏几何某市季羨岁羨几何虽截长补短不能一律然裒多益寡未必无补在各官得有词以却彼无厌之欲在诸酋亦安心以寝意外之望矣三曰多设墩台以资保障边墙旷远难以语守始注意于屯堡屯堡浩费财力不足始因险就形修筑墩台虽一时却步瓦全原非得已要之坚壁清野计无出此考辽东虽有墩台然多道里经行耳目可及人力辐辏工筑易成之处至于孤悬要害如沈阳开原等边每每台不盈丈墙不及肩频年被虏边民日削宜破格增银添设墩台旧者增高新者展造使烽火联络柝炮相闻然后补筑边墙深浚壕堑庶虏知畏避民得安居其宁前近日墙工宜少从休息但多为间谍以备虏虞俟兵力稍强然后刻期成功亦未为晚< 娼弊- 金 >上诏该镇督抚官悉心计处以报

○戊申复除原任陕西副使杨起元于贵州

○原任太常寺少卿陈行健以病乞身不允○诏甘肃道副使钱进学以原职调用先是巡按陕西御史耿鸣世劾进学贪状下吏部勘卒如御史议以不谨闲住 上谓进学赃私通无下落抚按官或据风闻既奉旨查勘今后务虚心问拟具奏不许偏执成说及以出身资格任意低昂致枉公论

○翰林院侍读罗万化以病乞归许之

○巡按直隶御史陈文衡言宣府南路□□天□井堡系山狭兵马必由之路新设仓场宜用仓官给以条记从之 改广西雒容县治于灵塘以旧城为堡留兵百名守之移庆远守备驻

河池徵东兰南丹那地三州兵各五百名戍柳州从广西巡抚郭应聘议也

○罢延绥游击冯时泰等行御史提问以秋防被劾也

○延宁二镇及河套松山虏酋款塞贡市告完赏总督右都御史石茂华巡抚罗凤翔银币有差赠巡抚张守中兵部左侍郎赏总兵程九思以下各有差

○己酉河州卫弘化寺番僧锁南星吉等五名来贡马驼犬只方物赏给如例

○大崇教等七寺刺麻番僧割挂那节等贡马匹尽佛酥油杵立麻

○总兵戚继光言蓟镇兵马原分一十二路势难合练向增协守二员在蓟州东者分练松棚太平燕河台头石门山海等处蓟州西者分练喜峰马兰墙子曹家古北石塘等处总兵居中调度颇称节制但该镇边长二千余里山势萦回遇警驰援不及宜于中路改添协守一员即以加衔副总兵罗端充之割东之松棚太平西之喜峰马兰与之崙管驻劄三屯城内西协原少骑兵当以所统石匣车营步军与密云参将陶世臣马兵互易仍请敕书三道关防三颗贲付各协遵守下本兵议从之○兵科都给事中裴应章等言曩壬申之岁特命大臣三员阅边本为边政废弛修举无实而设乃各边力疲于迎送财费于供张若有名为视成而寔则滋扰者议寝司属随行下部议

○高邮州清水潭堤口冲决时督漕侍郎张翀以修复老堤工力浩大数年始可成功恐新运已临决口未就且令粮舡暂由圈田里行而御史陈功则称圈田浅涩不便牵挽外湖水面阔四十余里风有不顺必至稽阻工科给事中侯于赵亦以两臣持论未决恐致过淮后期乞敕所司速议并欲以淮南运道崙责漕臣而以淮北运道命河臣傅希摯一意经理务时加挑浚以图万全从之

○督漕侍郎张翀以修筑宝应堤工议于江南各府州并浙江江西湖广每粮一石加派一斗折银五分先于余盐银内借用候次年徵完角□羊补弗许诏以漕粮脚米六升每岁计银三万三千三百余两及蠲免七升内量复一升每岁计银一万两为修筑之费又命于河道衙门转发修河银五万两如不敷或留漕米或借工本盐银或山东河南香钱例银及德州仓银并准凑用

○庚戌抚治郟阳都御史王世贞请以荆州两卫班军之戍广西及靖桂者各撤其半卫本府弗许

○升蓟镇总兵营中军崔经为游击

○辛亥 英宗睿皇帝忌辰 奉先殿行礼遣抚宁侯朱冈祭 裕陵

○壬子改分收浙江台金严参将吴良知于广东琼崖地方

○癸丑命经筵展书官翰林院修撰张位充 经筵日讲官

○广西抚按官郭应聘李采菲言宣化县系左江属邑岁派粮银一千五百余两输右江向武奉议都康等州系右江属州岁派粮银亦一千五百余两输左江以致两皆逋负乞将宣化还之南宁向武等州还之柳州各徵所属粮银而南宁存米良多宣化粮银宜角□羊藩司充宗禄兵饷之费从之

○开浚新河工部右侍郎兼右金都御史徐枋等议新河二百五十八里中间凿山引水筑堤建闸工必不可议省漕河旧规每方广一丈深一尺为一方每方二工计工给银四分共该银九十万八千七百六十一两八钱费必不可不储得旨胶河在嘉靖间该道官自行开浚工已十之六七当时未闻请给钱粮多用夫役今特竟其未成之绪纵工费艰钜何至动称百万据所委勘各司道官多推艰避事其中工程道里丈尺大率虚估未见详确显是故设难词欲以沮坏成事且就近有司官员岂无堪用者乃委及王府长史长史以辅导为职岂宜侵有司事徐枋始议云何今观其所措画殊无勤诚任事之忠户工二部其会同原建议刘应节并工科勘议以闻○海西哈儿等卫女直夷人都指挥等官□<婵塔^>龙哈等二百八十二员贡马赏赍如例仍给本色马价

○以岭西双鱼儒峒甲子电白赤勘等捷赏总兵坐营官杨桂杨继武以下银两有差

○开浚新河工部右侍郎右金都御史徐枋言前题匡家庄地委高峻难于施工改扞黄阜岭道里稍近而高处亦不减泉水仍不可通惟沿都泊由缸路沟一带原系便路相传为都泊为水所汇缸路沟为行舟处似有待于今日者在黄阜岭迤北既远其高峻在分水岭迤南又避其淤沙地形平远水势漫漫且旁有可济之河水可引之泉源其上流为沽胶等河浚之以为血脉其下流为张奴等河浚之以为经络多建闸座以通其咽喉广开水柜以滋其荣卫立堤塍以障其流沙开月河以洩其横溢或遇大旱水浅仍炤会通河事例预造剥缸以备剥浅每年春初大挑小挑务期通利其海仓口等处俱有旧设仓廩仍查复置造以备积贮是可以备海运之长策称转输之便途矣报可

○甲寅以编修沉渊黄凤翔充起居注馆编纂章奏官凤翔兼充 实录纂修官

○升总督宣大山西右都御史兼兵部右侍郎方逢时为兵部尚书兼右副都御史逢时具<嬗擿-金 >辞不允

○以左军都督府金书武定侯郭大诚掌南京左府事

○以陕西都司金书臧士劝充延绥游击

○以左军都督府佥书泰宁侯陈良弼掌南京右府事

○乙卯陕西大崇教等七寺刺麻番僧割挂那节等三十五名以马匹方物进贡赏绢钞银两如例

○琉球国中山王世子尚永差正议大夫蔡朝器等贡表文方物入贡赏彩段绢布等物仍于常例外每五日另给鸡鹅米面酒果以示优异朝鲜暹罗使臣亦如之

○以浙方总捕都司佥书张澡充游击管金台严参将事

○以辽东大捷遣官赐督抚镇敕奖慰之并赏文武大小员役银币有差

○丙辰授总督仓场户部左侍郎毕锵为正议大夫资治尹

○改原任太常寺少卿陈行健为南京太仆寺少卿

○蓟州大安口草场火延毁草束以万计夺郎中高世两俸三月

○兵部覆奏巡视京营户科右给事中李邦佐浙江道御史麻永吉条陈戎政四事一营将欲炤边将例三年考满优者加秩查武臣无考满例起于隆庆元年以边将防御无功间一请行况京营视各边利害劳逸相去甚远但查其年资果深与才堪边镇者或相兼推用或听总协大臣奏请加恩不许徇情滥举一在营操备及教演车兵等官旧例荐剡未及径听总协大臣题充千把总官委于甄别之典未备今后巡视科道复命一体＜娼弊-
金＞荐未经荐者不得滥用一围军脱逃病故不行勾补径于京营调选致见在营军不及祖宗时四分之一前毙委宜痛革仍著令该管把总等官逃军十名以上者年终听巡视衙门一体查参一营操马匹仅年终一验易至耗损宜上半年于住操之时下半年于印烙之日各简验瘠损者惩治老弱者变卖屡惩不悛者转兑别军诏如议行

○以中都留守司佥书贺慎掌陕西行都司印升蓟州守备马承勋为山东都司佥书山西都司佥书惠承恩掌河南都司印宣府顺圣川东城守备王学礼为陕西都司佥书江南下江运粮把总史臣为福建都司佥书

○大和王厚炬劾奏辅国将军载＜媿了欵炯氨靖仪宾赵瓚葵丘郡君等诸不法状下抚按勘奏

○丁巳巡按辽东御史刘台论劾大学士张居正擅作威福蔑祖宗法如逐大学士高拱去国不容旦夕缓成国公朱希忠无边圉功而赠王爵引用阁臣张四维及冢卿张瀚不以廷推斥遣谏官余懋学傅应祯等几空言路为一身固宠计则献白莲白燕以为祥为子弟科第谋则假京堂巡抚以为报翰林不侵政事而创为章奏考成江陵膏血已枯而大起违禁宫室＜娼

擢-金 >入 上大怒以为诬罔忠良肆言排击意惟构党植私不顾国家成败命锦衣卫逮之居正奏辩言旧例各地方有事巡按御史不宜报功嘉靖间巡按杨九泽以奏报海捷谪外去年辽东大捷台越职报捷律以先朝旧例则台宜降谪臣但请旨谕戒谓非事体所宜而已台已不胜其愤后御史傅应祯以捏称旨意被拷有阴构党与之言初不知台与应祯同县素厚实有所主乃妄自惊疑遂无所顾藉发愤于臣且国朝二百余年未闻以门生排师长者计惟一去以谢之得旨卿赤心为国不独简在朕心实天地祖宗所共降鉴彼才邪小人已有旨重处卿宜以朕为念速出辅理勿介浮言是日大学士张四维亦专<媼擢-金 >自辩上曰朕自有处分卿宜安心供职及械至京下诏狱镇抚司具狱词拟廷杖遣戍居正<媼擢-金 >救谓前傅应祯诬损圣德臣再三恳宥免杖天下莫不称仁今台所诬诋者臣比之君父悬矣若欲尽法是臣所恶于下者事上而爱君父不如爱己身臣不敢也况台尚有垂白父母臣实惻然悯之上曰台谗狠奸人卿犹申救可谓忠慈之至矣诏削籍为民晋王新<媼恋洌巨拔匏上辍朝遣祭如例以其侄慎镜理府事从王妃卢氏请也

○封刘氏为恭惠王次妃以子靖江王任昌贵也

○升直隶广平府知府赵奋为河南提学副使

○礼部右侍郎管国子监祭酒事孙应鳌以母病乞归不允

○准辽东巡抚张学颜男承祚荫

○降原任江西右布政使刘价为湖广右参政

○山西按察使舒化以病乞休从之

○原任南京兵部尚书王学夔卒诏赠太子少保赐祭葬仍予谥遣中书舍人姚士观造坟按学夔江西吉安府安福县人正德九年进士初任刑部陕西司主事以明允称改吏部考功司主事值武宗方议南巡乃陈戒逸游一<媼擢-金 >上怒怨门五日廷杖几死肃皇帝初继大统又以谨始定志入告尝力救言官之谪屡却恩泽之封升南京太仆寺少卿调太常寺少卿求退益切遂迁福建参议历参政右辖广东左辖转南京光禄寺少卿以右副都御史抚治郧阳剪魁盗长兴辈擒昂山伪男子所至清肃提督操江定秦藩黄良之变赐金帛褒异旋晋南京大理寺卿吏部左侍郎升南京礼部尚书调吏部尚书四<媼擢-金 >引避寻改南京兵部尚书故事南大司马参赞机务宠冠吏部上盖异数也随力请谢政归隆庆万历间两膺存问时年九十有二矣又二年始卒抚按杨成张简以闻故有是命谥曰庄简廖僖靖常云仕路一清非公不可郑端简以为南金大贝公独无私可谓贞亮有为初终不替矣

○陕西肃州卫寄住正副使阿纳的约等一十二员名及大崇教等七寺刺麻番僧割挂那节三十五名进贡宴待如例○发太仆寺马价银五千六百两充蓟镇本年抚赏

○命刑部贵州司员外朱湘广西审录

○镌定辽后卫指挥同知王延祚等各职三级先是延祚等守备不设令虏得大掠归法应议戍第贼众我寡情可矜原部议欲审入犯大小以别将领罪犯小责守堡稍大责参游备御最钜总镇任之遂著为例

○命漕运及河道衙门严督郡县将清水潭原决堤口设法堵塞勿得恃圈田外湖致稽粮艘

○己未 孝静毅皇后忌辰 奉先殿行礼遣忻城伯赵祖征祭 康陵

○诏以宣镇抚按官查勘过所属仓场钱粮有浸浥亏折及借支重造等项俱严限追完奏报其粮储郎中并守巡兵备姑念岁久人多贷之

○户部覆礼科左给事中秦耀等条陈草场四事一清查旷土以杜隐占一考核委官以惩旷惰一责成监督亲自收放一酌钱粮多寡以定商人名数俱于国计有裨命如议行

○降原任广东参将艾升充浙江总捕都司

○以失误朝贺下光禄寺典簿谢守淳于法司完赎还职不坐笞罪

○升山西左参政孙应元为山西按察使

○以兵部左侍郎吴道直兼右佥都御史阅视延宁甘固武库司主事张鸣鹤佐之刑部左侍郎王宗沐兼右佥都御史阅视宣大山西职方司主事宋伯革佐之左副都御史郅光先阅视蓟辽保定武库司员外张世烈佐之先是兵科都给事中裴应章虑生纷扰议省司官兵部谓司属随行 先朝故事往岁事起草创尚难专责大臣况修守又越三年钱粮有减增险隘有坚脆兵马有虚实器械有完缺以及盐法曾否＜娼弊-金＞通屯田曾否开垦胡马曾否收买逆党曾否角□羊散应阅八事款绪之多不知几倍于昔而欲以大臣一手为之分理精神力量必不能周惟不许滥携役从糜费饷廩自可杜纷扰而息疲民矣 上深然之乃命大臣及司官务安静毋扰其边务果否修举从公阅视据实以闻不必另出意见有所条画反滋多事

○分命陕西粮储道右参政张大忠河南清军兼兵备副使田汝颖随侍郎吴道直之延宁甘固山西右参政刘汉儒原任河南副使李汶随侍郎王宗沐之宣大山西天津兵备副使安嘉善井陘兵备副使游季勋随左副都御史郅光先之蓟辽各阅视边务

○罢广东左参政邓之屏以原任监军为福建按臣所劾也

○江西左布政使秦钊以病乞休从之

○海西塔鲁等卫女直都指挥僉事笼卜等一百五十员名入贡宴待如例

○命泰宁侯陈良弼提督操江

○以军政考选罢左军都督府掌府事安远侯柳震前军都督府掌府事安乡伯张鎡南京前军都督府僉书张时春

○福建巡按御史孙録言广贼林凤奉命夹剿闽师出海已击其半而潮州道参政金浙专主招抚阻回闽师恐他日终为二省患时浙已揭报该省按院主捕凤矣闽有此言上亦不罪浙但申飭旧议责令成功而已巡抚都御史刘尧海亦言贼凤回潮全赖闽兵追击犁沉大半擒斩多功浙不胜嫌忌反称妄虏计阻闽师乞赐勘以昭激劝至于吕宋虽非贡国而能慕义来王所献方物应为代进下兵部覆如闽抚议上曰人臣若肯同心为国嫌已自无兵科给事中萧彦又言林凤为闽兵所击区区余烬不即就歼而坚欲示弱可虞一或抚或否可虞二置之腹心之地可虞三彼无意听招而我招之可虞四有云凤死有云凤生揭报支吾踪迹诡秘可虞五总之惠潮重地非浙轻率寡谋拂众自用者所能胜任乞量移别地吏部覆浙宜留任上命供职如旧

○大学士张居正乞罢言臣既受先帝付托之重皇上又宠臣以宾师不名之礼敢不矢以死报况圣学尚未大成嘉礼尚未悉举朝廷庶事尚未尽康海内黎元尚未咸若岂臣言去之时但言者以臣为擅作威福而臣所以代主行政者非威也则福也取其近似而议之事事皆可以作威事事皆可以作福虽皇上圣明万万不为投杼而以身府谤岂臣节所宜有乎报曰卿精诚可贯天日虽负重处危鬼神犹当护佑谗邪阴计岂能上干天道朕知卿贞心不贰决非众口所能摇惕宜即出视事勉终先帝顾托勿复再辞大学士张四维亦再< 娼弊-金 >乞休上温诏留之

○吏部尚书张瀚言臣以疏直被诋蒙
圣明洞察温谕勉留不敢片言致辩但自审孤危负乘乞赐归田优报不允

○吏部等衙门左侍郎何维柏等皆谓居正身任天下安危上辅君德朝讲日勤下砺百僚政刑时敕汲汲图治不避怨嫌数年之间四夷款塞百官受成庶事奏功万民率职皇上冲年御极而天下安享无虞居正辅佐之功也张四维志秉忠贞才兼谋断亦以人言杜门求退几务繁重必劳圣心乞宣谕二臣即出视事上曰元辅为国一念知有主不知有身天地鬼神可表次辅协赞不避谤讪朕俱鉴其忠悃大小百官其有志向君者并同此心若彼憸邪玩法百计中伤此公私之分邪正之辨不可不察谕留本朕至意即允行

○太常寺等衙门卿刘一儒等吏科等科都给事中陈三谟等广东等道监察御史赵允升等各< 娼弊-金 >请宣谕二臣速出辅政并报允

○庚申上遣司礼监太监孙隆赍手敕及酒饌诣辅臣居正第谕曰

先帝以朕幼小付托先生先生尽忠辅朕不辞劳不避怨不居功
皇天后土祖宗必共鉴知独此畜物为党丧心狂言动摇社稷自有
祖宗法度先生不必介意宜思先帝顾命朕所倚任保安社稷为主即出辅理朕实惓惓伫望
特赐酒饌用示眷怀先生其钦承之慎勿再辞是日居正具＜媼髡-金＞谢且言事惟求诸理
当心奚必于人知况臣款款之愚既特孚于昭鉴则诸呶呶之口诚无足为重轻上嘉悦之

○太子少保吏部尚书张瀚再＜媼髡-金＞乞休不允

○蓟镇总督杨兆具＜媼髡-

金＞为左都督戚继光署都督同知杨四畏请加秩继光宜特赐殊宠上皆不许故事总兵官
边劳特著者三年该督抚官题请加恩六年进秩有擒斩豐功不拘此例继光等以秋防叙升
甫二年耳故靳之诏以南关商税余银三万两留备织造仍该料价银二十二万二千一百九
十余两行浙江布政司照例派徵

○礼科等科以考成抚按未完＜媼髡-金＞纠六十九人

上以未完者多追赃官吏并侵欠钱粮事情重大如再迟违该科其尽法参处

○癸亥仁圣皇太后圣诞百官及命妇朝贺如仪

○以礼部右侍郎管国子监祭酒事孙应鳌翰林院编修沉渊补经筵讲官翰林院修撰于慎
行编修黄凤翔习孔教补展书官

○中军都督府掌府事伏羌伯毛登乞免不允

○诏给锦衣卫带俸指挥同知陈昌言指挥僉事陈嘉言诰命以圣母仁圣皇太后属戚也

○甲子四川威州原抚归化打喇儿寨差都纲头目安儿加等贡珊瑚等物陕西葭哱等族番
人焦吉等贡马匹盔甲腰刀各赐赉如例

明神宗显皇帝实录卷之四十七

万历四年二月乙丑朔陕西庄浪土汉军士以马匹料草不顾本色噪遂焚道门总督右都御史石茂华以姑息＜螯彩见＞纵为参将裴尚质罪而巡按御史耿鸣世又以给散踰期为兵备邹廷望罪参处互异于事兵科给事中裴应章言廷望处置无法尚质铃束不严罪当并议但料草原非月粮既有本色亦非缺给而舛□鸟鹜若此法纪荡然骄军更宜惩戒且总督抚按官论列事情必是非画一乃为至公不得彼此参差迄无定论吏科都给事中郑三谟等亦言廷望一人而是非相悬去留顿异如此岂人臣论事之体且以制人者而反受制于人欲其令行禁止信赏必罚成灭虏之功难矣不如轻处廷望重治悍军庶官常肃而边境可安俱下所司

○封广安王翊鏐选配程氏为王妃

○以修筑保定边工赏总督杨兆巡抚孙丕扬以下银币有差

○命太仆寺发银一万两充山西镇本年马价

○兵部覆御史刘台条陈沈阳开原等处台墙炤薊镇事例增银修筑从之

○丙寅遣大学士张四维祭先师孔子

○南京礼科给事中彭应时等福建道试御史胡宥等各＜娼儻-金＞掇御史傅应禎并给事中徐贞明御史李贞乔岩俱下所司

○升江西右参政张士佩为山西左参政福建运使周浩为广东左参政江西右布政使柴涑为本省左布政使

○户科都给事中光懋言国家建都极北军国之需悉仰给东南近因漕渠多梗识者谓宜别通一路与运河并行然初议挑浚仅百里起夫约数千经费数万即可通潮信而海水自来顷勘报又谓海潮必不可通矣三徙匡家庄而都泊是主矣深挑量浚计地百有七十里矣旁引接济之水又百六十里与正河等矣夫役过四万矣时限三年矣估计工费又几百万矣前后矛盾恐糜竭无余而漕事未必有裨乞命尚书刘应节暂辍营事赴开河地方与徐枋虚心讲求实用若出百万之费未足收永赖之功不妨奏请中止下所司

○命礼部凡遇海西建州等夷贡还仍以本馆序班押送不得委用指挥等官

○诏免南京岁造闽县二徐真君袍服

○辽东海西者刺等卫女直夷人都督等官阿失卜等四百一十七员名贡马赏给如例

○丁卯命太仆寺于寄养马内调取八百八十七匹分给五军等三大营五百一十七匹通州营七十匹勇士营三百匹各缺马军勇领骑

○命延绥镇桩棚银除修边外应补给备市者依户七兵三例支給备次年市货

○戊辰上亲祭大社大稷

○工科给事中戴光启言庄浪与甘肃诸镇并为河西重地乃庄浪独无兵备而以行太仆寺少卿摄之致令军士狎傲上下危疑夫兵备既可摄于寺卿则马政亦可摄于宪臬与其以仆寺而借宪司之銜不若以兵备而兼马政之职宜裁少卿设副使兼理马政便上命陕西督抚及行太仆寺卿会议以闻

○己巳铸给蓟镇三路协守副总兵关防

○巡按陕西御史傅元顺条陈茶马事宜一抚番族以安地方谓洮西熟番古陆阿尔答等国初受敕中纳茶马与西脑生番下沙麻儿等原不同谋不得一概大征有妨招中一留茶篋以戒不虞谓番人以茶为命每岁中马六千有奇中国恃以制番近议与西海丙兔开市即以招番余茶用易虏马将使番人仰给于虏彼此势合貽患匪细宜炤原议虏市惟易段绢布粮等物茶篋仍留招番一定期限以信遵守谓每招番中马日期洮州茶司定以五月河州甘州二茶司定以六月西宁茶司定以七月番市告竣而后虏酋赴市庶经过中马番族可保无虞不然恐致骚扰俱于贡市有裨从之

○升江西按察使何子寿为本省右布政使陕西副使郝杰为江西右参政福建福州府知府陈楠为本省运使

○海西阿资河等卫女直都指挥同知亦把力等并弗秃等卫女直都指挥使往吉奴等入贡宴待如例

○追赠西河王表相先配夫人王氏为西河王妃进封继夫人王氏为继妃故事郡王不准封继但有先以长子夫人蚤世者本宗虽袭王封未偕妃耦典制似未尽善于是礼部议引沈世子近例并准奏请选继袭封之日进为继妃其有原系内助者即封次妃不得更请选继若本以郡王妃故不得复称内助溷封次妃诏著为令镇国将军有改封长子者亦如之○工部尚书郭朝宾等言新河之议刘应节原以通海为主今查姚家庄以南至集蟆沟计三十里自孙家口以南至高崖头玉皇庙共一百一十八里余又自高崖头至旋河嘴量浚七十六里俱系海水必由之路宜即兴工其开引水河一百四十六里应命停止惟是千闻不如一见徐棻亲见海不可通故议引泉乃欲使之舍泉就海责以必通万一无成则棻得自诿而费过钱粮已不可追矣必湏公同应节商度至当可通则通可止则止慎于经始以图万全上命应节暂角□羊营务会同棻并该省抚按官亲到地方虚心计议先将难处开浚试验果否可行细估具奏毋得拘泥原议含糊两可致误大计户工二部各先发银三万两付应节支用以后工费另

行议处

○辛未升广西左参议刘应峰为云南提学副使○巡按直隶监察御史贺一桂议清保定河间二府钱粮有岁入之额浮于岁用者以三分角□羊部济边以七分留库备赈其自本年以外积岁所余者则半以备赈半以济边下户曹

○日讲官翰林院编修沈一贯奏请母洪氏恤典 上从之命与祭一坛

○安南使臣黎如虎等朝贡还 上命鸿胪寺通事官伴送令由广西凭祥州唏村镇南关出

○以剿平岭东山贼蓝一清赖元爵等功指挥杨桂以下各升赏有差

○罢广东参将吴京下总督讯以纵贼林凤为督臣所劾也

○命修太学以幸学合用琴瑟钟鼓麾旛祝敌及灵芝钟磬架等器于内官御用司设等监关领白磁盘于内承运库关领其大红线罗销金云帐下营缮所修造给以该司料银

○复除原任河南按察使金立敬于江西云南副使归大道于陕西○补给南京礼部尚书潘晟诰敕晟以不戒于火援例请从之

○赐锦衣卫掌卫事署都指挥同知傅霖祭一坛仍给半葬

○追赠广济王生母赵氏为岷康王夫人故事亲王生母准封继妃郡王生母准封次妃皆自其子之袭封者言之其余妾媵有子止得封为夫人广济王定＜娥鸚担舅淝淄跣子然初封郡王与袭封亲王者不同若概引母以子贵之例则亲王妾媵凡有子者无不可妃故定＜娥鸚担局奏为秩宗所格云

○巡按云南御史郭廷梧言滇南土官每遇邻境田土輒悬高价饵之夷民争为投售以故田即庄田民即庄兵良民受侵粮差逋负宜严行各土司越境置庄或奸徒投售先将田产及价值没官仍从重典从之

○升南直狼山副总兵陈其可金书前军都督府○以临淮侯李言恭武靖伯赵光远定远侯邓世禄崇信伯费甲金各金书五军都督府言恭中府光远甲金左府世禄后府

○以兴安伯徐梦旻掌前军都督府印

○赐原任刑部尚书闵煦妻封夫人李氏葬并开夫圻

○癸酉户部尚书王国光乞休 上温谕留之

○予原任南京吏部尚书吴岳谥介肃 命永兴王惟火□□嫡第一子怀埴理本府事故事郡王府与亲王府同城事悉统于亲王无服内先请管理者 上念惟火□□先年曾以其父冒封自请改正得保王爵终身子孙无敢冒袭则怀埴当王爵方革之后本爵未受之前家政难束姑从其请

○以凤阳军门中军江月金书中都留守司协永班军卞永掌陕西都司印大同右卫守备为事官王江金书山西都司仍充为事官

○罢广西都司掌印魏国及兴安守备王之野以粤西巡抚论劾也

○两广总督凌云翼言岭西徭浪渊薮地方旷远非一参将所能备御又土兵每遇倭警冲锋陷敌不若浙江其以高肇韶广参将分为二一专守高州一专守肇庆韶广而另选游击专练兵<娼鬻-金>入

上命陈璘守高州陈典守肇庆韶广而练兵事务调松潘游击张延廩补之

○甲戌 孝贞纯皇后忌辰 奉先殿行礼遣怀柔伯施光祖祭 茂陵

○遣侍郎汪鏜祭 三皇于景惠殿

○升四川佥事秦舜翰为广西左参议

○陕西河州卫弘化寺番僧占羊管管著等五名岷州卫大崇教等七寺刺麻番僧割挂那节等三十五名各备方物进贡赏银币如例

○以互市不扰诏赏酋首指挥同知打儿汉台吉等各彩段衣服仍赐敕嘉奖

○以秋防考劾罢宁山营游击贾永清及八达岭守备刘源深

○乙亥刑科左给事中李戴言顷者黄河以南盐价腾涌矿徒角利啸聚几成大变其故由河东盐花减昔山路运艰又半插泥沙味不堪食故官盐日滞私贩日兴莫若量为通变将河南一省近北者分属长芦近南者分属两淮近西者仍属河东商民两便下所司户部言该省额行盐引二十五万额课银八万有奇此减彼增宜令各巡盐御史议便否以闻从之

○铸给提督会同馆关防

○修 方泽坛遣侍郎何<整彩见>祭告 后土司工之神

○命镇守广西总兵官李锡统辖全省一应夷情兵务先是寻梧南太思恩原非所辖故有是命

○以浙江军门左游杨击瑄仍以原官管广东雷廉二府参将事

○升四川都司掌印胡恩充叙泸左参将

○命兵科给事中虞德烨监修先农坛给关防敕书

○丙子遣官代祭大明于朝日坛是日暂免经筵

○升湖广僉事李克敬为甘肃行太仆寺少卿兼兵备僉事改驻庄浪

○升南京户部广西司主事王来贤为四川僉事

○议浚新河工部右侍郎徐枋题山东屡罹灾伤青登莱三府尤甚今大举河工必赖居民安业乞将一应拖欠钱粮自隆庆六年以前免惩万历元年二年缓惩
金 > 入命所司分别京边缓急以副恤民德意

○升福建总兵营把总陈道为江西都司僉书福建都司僉书夏尚忠掌广西都司印

○命定西侯蒋建元遂安伯陈澍管理红盔将军上直侍卫

○升四川宁越守备沈茂充松潘东路游击○下原任仪真卫经历焦诗于法司诗以造舡有功不当用原官改选愤争无已故有是谴

○刑科给事中王道成言新河一事刘应节主通海徐枋主引泉臣愚以为胶州在两海口之中土取高厚万一坚石隐伏挑浚安施至于漕运纾长河泉脉细易盈易涸闸柜徒劳况海舡河舡决难通用而山东钱粮不满二万即南北区处百万易备使复有不足其将再请乎
金 > 入上曰人臣任事取难已令虚心议处不当预为难成之说以恐之命仍前议

○丁丑巡抚贵州僉都御史严清言贵宁安平新镇三道知有兵巡而不知有分守夫守巡并设必贤否互相斟酌机宜互相谋议一应委用官员互相呈请兵刑主于兵巡分守参之钱粮主于分守兵巡参之庶事有责成官无尸旷诏如议

○顺天府府尹曾同亨言宛大两县隶在辇毂除税粮马草均徭常赋外有铺行银八千八百五十两里甲徭银一千八百两及领到户部帮差银一千两今查万历三年厢民止用过五百两里甲止用过一千七百两铺行止用过五千三百六十六两通算一年尚剩银二千二百八十两应念里甲繁苦徭银永不徵派此外每年剩银即充各衙门额外之用得旨所奏事体虽小亦恤民实政各衙门宜体朝廷节用爱民至意凡诸利病所当兴革寔有益于百姓者悉条奏行

○敕营缮司署员外郎事主事张大器监督临清砖厂兼管闸座

○戊寅命山东登州宁海等卫所秋班军三千九百二十名留赴新河开浚

○巡抚浙江都御史谢鹏举言宁波以倭患议设总兵控扼乃标下陆兵仅八百而中正二哨水兵亦止二千二百余议增陆兵一千二百并旧兵为二千中正二哨增沙舡及八桨舡各二十只叭喇唬舡四十只共加民耆舵队兵夫一千四十名军队兵五百二十名悉听总兵练守上从之仍命查前抚谷中虚题准募兵分拨宁波三总及民壮军兵各一总该府霁衢钱仓二处又协守营兵二总则自亲兵八百外尚有额兵五总协守兵二总乃并不言及岂各兵仍隶各道抑或别有停革倘得兵归于将不必增募尤便即具奏以闻

○巡抚山西都御史崔镛言该镇市马每岁五千余匹当以二分给军骑操扣徵桩棚以一分俵发州县定等变价留备次年市资为便又各营骑征马匹拣其驽骀更以骏骨即变价不足凑以料银如是则市马既< 娼弊-金 > 征马皆壮尤为长计从之

○己卯户部尚书王国光再< 娼弊-金 > 乞休许之命乘传归

○升营缮司署郎中事司正江廷寄为湖广佥事户部云南司署员外事主事刘凤朝为山东佥事

○改南京吏部尚书刘光济为参赞机务兵部尚书

○孝陵奉祀掌南京中府事魏国公徐邦瑞奏乞生母诰命下所司

○升湖广靖州参将戚继美充副总兵提督狼山等处地方

○以山东道御史赵允升巡按辽东

○庚辰夜蓟辽地震

○辛巳又震栳河断流

○复除原任南京太仆寺丞吕旻

○复饶阳王府镇国将军后檀嫡第三子充□弟入火□封

○以虚报边墙功镌临巩兵备马文健及河州知州赵于敏俸各二级并罢兰州参将徐勋

○壬午改南京礼部尚书潘晟为吏部尚书

○刑科给事中郭四维言山东百姓流移有一邑而逃数十社者皆因灾眚频仍催科无序数年之逋取盈一时小民安所措足乞谕有司务酌缓急加意招徕来有弗称者治以抚按法上然之

○总督蓟辽侍郎杨兆以擒斩虏酋土蛮速把亥炒花等下部落功报下所司

○巡按湖广御史向程论荆州府学生员许仕彦等辱江陵令李应辰应褫并劾教授曾贵臣及训导刘璠上命调贵臣璠杖赎还职

○总理河道傅希摯言漕河相资为利乃徐淮当众流朝宗赴海之委而一切夫料曾不足拟河南什百之一何怪年年冲决哉除借河道银三万修筑外再议原设堤夫三千七百名定为长夫画地修守仍炤旧规桩木柳稍绳草各料每年先期责办俾知为岁额必用而留折耗折兑二项银五万一千五百既于治河有济亦免加派民间下部覆内惟折耗银不得轻议折兑则漕臣吴桂芳已题为新设水利用余如议

○癸未 景皇帝忌辰遣官祭陵寝○总督漕运吴桂芳言淮扬二郡洪潦奔冲灾民号泣所在凄然盖渚滨<嬰遭V>港岁久道堙入海止恃云梯一径至海拥横沙河流沌溢而盐安高宝不复可收拾矣国家转运惟知急漕而不暇急民故朝廷设官亦主治河而不知治海臣请另设水利佥事一员耑<娵擗-金>海道而以淮安管河通判改为水利同知令其审度地宜讲求捷径如草湾及老黄河皆可趣海何必专事云梯并乞留后帮漕粮五万石及轻赍内河工银二万五千四百三十余两以备鸠工庶淮河各得所归运道亦还其故下吏户两部议悉如其请乃优诏答之曰淮扬积年水患朕切隐忧奈无实心干理之人吴桂芳素有才望所陈治河当先治海尤切事理即令悉心经画举行若能力践其言事克底绩当重加升赏以酬其功

○巡按陕西御史耿鸣世以病乞归许之

○海西阿资河等卫女直夷人都指挥亦把力等入贡赏赉如例仍给本色马价

○命神机三营游击沃允谦以原官改统蓟镇宁山班军

○甲申原任总督漕运兼巡抚凤阳兵部右侍郎兼右佥都御史升刑部右侍郎张翀以病乞归许之

○户科给事中朱东光言市马业经宣大总督方逢时议定额数著为令矣未半载而山西巡抚崔鏞藉口顺义王贻书有市马空回众夷怨望语遂欲议增市本银五千两岂逢时初议乃不能为一岁之计以岁用计之九边饷三百余两太庾岁入仅三之二犹取足于纳级榷货之金况水旱凶灾所时有也堪此额外之求耶且山西以五千为请宣大必以数万请矣与山西是启宣大之端也与五千是开数万之渐也国家以贡市为权宜以战守为实事若徒竭我之

财供虏之欲堕彼之计懈我之防谋国亦甚疏矣部覆向议市规夷马有增即以桩头等银济用不得那移客饷致匱边储从之

○以各王府婚配名封奏结参差迟误不合典制命各巡按御史将该府辅导官严究如系各布政司迟延亦从实查参

○以原任分守金山参将詹廷杰充湖广靖州参将

○怀仁王府未请名封宗室喜哥滥妾所生常安越关奏扰命发代府闲宅拘禁仍治沿途纵容者之罪

○黄梅县举人瞿九思与生员周谷等欧伤本县知县张维翰拟戍黜有差维翰改调上命罢维翰官

○工部请修舡坞及金鳌玉蝀等坊报闻

○乙酉谕户工二部万历通宝制钱炤嘉靖式铸二万锭内金背一万四千锭火漆六千锭与嘉靖隆庆等钱兼行仍以一千万文进内库工部请分八千锭行南京铸造从之○两广总督凌云翼言原任广东副使李材尝愤地方荼毒集兵蓄粮分哨据险创议大举前督臣殷正茂具题方略皆其手笔宜即起补添设为靖夷道以备咨谋下部覆请上曰该省既增设靖夷道则镇西兵备所管何事寢之

○改南京工部尚书翁大立为南京礼部尚书

○改南京户部尚书殷正茂为户部尚书

○升营缮司署员外郎事主事黄猷吉为河南佥事驻淮安治水

○肃州卫东关厢寄住罕东左卫都督同知阿束把力并随贡正副使虎都帖木儿等入贡赏给如例

○丙戌两免经筵

○戚畹固安伯陈景行奏乞曾祖父母诰命从之

○总督陕西三边军务右都御史石茂华报修过延绥边工命核勘○丁亥祭历代帝王遣魏国公徐文璧行礼

○升昌镇总兵营中军毛策充神机三营游击

○戊子升总督仓场户部左侍郎毕锵为南京户部尚书南京户部右侍郎曹三暘为南京工部尚书

○兵部覆巡按直隶御史陈文衡所上修边五事一曰乘时谓功贵速成不必拘限何年坐销岁月一曰均力谓虏既款塞不当专役步军徒逸马军一曰审势谓有山可据有壕可穿毋令虏得乘高击下任意驰驱一曰祛弊谓钱粮易于冒破以通判给散以司道稽查惟求实济不必炫节省之名一曰考工谓台高四又有余起脚宜以七尺收顶四尺务期坚固不可踏新平等城之绩岁终仍将勤惰各官参叙报可

○工部右侍郎兼右佥都御史徐枋以条议新河事奉旨切责仓皇具＜娟弊-金＞陈谢而所录旨意差讹为工科论劾上以枋在远传写致误贷之

○己丑以少詹事兼侍读学士掌翰林院事申时行掌府事王锡爵充修较 玉牒官

○原任蓟州巡抚右侍郎吴嘉会次男吴若以兄蒙先已送监读书告借副千户荫许之

○庚寅辽东镇新添客兵一千五百余员名防守宁前又调河东设伏上命每年给行粮银一万六千余两无事掣回银即停止

○原任户部尚书王国光进万历会计录上嘉之仍命户部再订缮写进览

○陕西督抚石茂华文勘过固原镇地额微有增益新增地一千六百三十顷四十五亩零该科粮三千三百五十一石零粮折布一百一十六疋零草折粮一百二十七石零草七千二百六十束零草价银七钱八分零地亩银二十八两五钱八分零牛具地亩银一百五十六两八钱一分零增入实徵行令各卫所自万历四年为始炤数徵纳其中坐甘州中护卫粮八千三百九十余石多报安东中护汉中等卫所地八百六十余顷该粮一千六百六十余石草四千一百余束并应开除及临河二卫抛荒地九百五十余顷该粮七千一百二十余石草折粮三百九十石零草五千一百三十余束地亩银一百一十两暂行豁免设法召种成熟酌量起科下户部覆允

○诏以陕西督抚石茂华所报榆林绥德延安三卫沙压屯粮四千四百七十石草七千四百六十八束系抵军饷租银七十五两五钱系备买马事干军需急务亟行清查即果系沙压仍宜设法开种其额军无地之说尤当挨册查理务使地额无失军饷不亏

○礼科给事中武尚耕言帝王之学与韦布不同请以宸翰所摘十有二事时加考验如谨天戒则思与古之敬天何如也任贤能亲贤臣远嬖佞则思与古之用贤退不肖何如也明赏罚慎出入慎起居则思与古之罔不钦罔不臧何如也节饮食收放心存敬畏则思与古之保身治心何如也纳忠言樽节用则思与古之求言崇俭何如也所谓体验不可弗精也尝观大禹分阴之惜文王日昃之勤诚见时难得而易失也念一岁为一月之积一日为一时之积每朝

讲之暇终食之顷孳孳不怠就将之益可限量哉所谓光阴不可弗惜也古人户牖几杖具有训铭深宫燕闲如临师保今讲毕还宫寝兴饮膳必随所御简束不则能保其不迁于异物乎所谓此学无地可忽也臣又惟祖宗渊谟懿范式亲洒于奎章或纪注于史册如创造之艰难守成之兢惕敬天勤民之实亲贤好学之诚克勤崇俭之休风化民成俗之美意今尚未闻形诸讲角□羊宜命儒臣特为陈说能善法祖德而典章制度尚有愆忘者臣未之闻也报闻

○京师有杨春者自称杨参将把总又称崔都司委官又假戚总兵明文招集无籍棍徒数百余假冒骗索事觉遂逃兵科给事中赵世勋以闻上命兵部缉之随获春及王儒总兵戚继光亦获角□羊伪都司崔学亮等拟学亮假官罪斩春而下遣配有差

○命添设陕西总兵坐营中军官一员

○逮中都留守司秋班玩法官军

○辛卯复除原任编修公家臣

○陕西副使刘宗岱以母老乞终养佥事谢东阳以病乞休皆许之

○户部题预开万历五年分各边常股存积盐两淮则五十九万九千四百三引两浙则四十四万四千七百六十九引零长芦则一十八万八百八引零山东则九万六千一百一十引共常股盐一百一万七千六百四十引一百六十三斤存积盐三十万三千四百五十引九十斤甘肃镇则二十五万七千九百五十引延绥镇则二十万八千三百七十四引一百九十斤宁夏镇则一十八万一千五百一十八引一百斤宣府镇则一十九万七千六百七十五引五十八斤大同镇则一十万二千三百四十引辽东镇则一十万二千四十引固原镇则五万二千四百一十一引一十斤蓟州镇常股存积长芦盐则六万七千九百六引报闻

○永平管粮郎中傅宠言该镇岁入民屯本色四万二千余石岁用不敷多资召买劳费累商今各仓实存粟米一十九万石自万历五年起主兵应支本色两月者止放一月以出陈折支一月以免招商之累但米久易败宜与谷循环兼收每米一石折谷一石八斗除二斗抵作脚价实纳一石六斗其支放即以一石六斗折米一石客兵以米而主兵间与以谷又黑豆岁入仅二万余石岁出该四万七千石尚少二万七千石必湏召买将岁省折支饷银秋后买豆脚价亦在其中将三五年以后米豆不可胜用矣惟是各路仓廩狭隘不堪收贮应量发公费羨余二三百两添修则本折出入相通而官民军商俱便上嘉其议行之

○户部言保定镇钱粮据抚按所报每年除岁用及议补各州县不足并水患粮银外尚余银三万三千六百七两有奇及节年积存银一十五万八千三百七十七两酌议角□羊部留镇业经题奉钦依无容议矣但本部原题意不在搜括祇因各地方有事輒请内帑而小民惟正之八反任其乾没国计民生两无赖也今除积剩五分角□羊部外其存留五分并每年所余角□羊三留七之数一概免角□羊遇有缓急奏请动支若积贮数多地方无事听本部酌量

取用抚按官年终仍将积过余银造册送部以便稽查得旨各处存留税粮原当查核实数严杜侵欺积有赢余以备本地方缓急近抚按官不体此意朦胧奏报惟孙丕扬贺一桂留心民务查覆精详其角□羊部并存留悉如部议先年拖欠俱免追徵积过余银造册报部仍入查盘通行各抚按知之

○命番僧坚察扎把等随带番经归国仍差通事官管送至宣大军门转送虏庭

○改封鲁王颐坦第三妾张氏为次妃不给册命冠服

○以陕西道御史刘天衢巡按直隶督理京通等仓兼理通惠河抽分并巡视太仓银库

○壬辰清明节分遣武安侯郑昆伏羌伯毛登安乡伯张鎡武平伯陈大策固安伯陈景行祭长陵等九陵惠安伯张元善祭 景皇帝陵寝指挥同知谢守朴祭 庄敬 哀冲二太子各陵园

○升南京大理寺卿汪宗伊为南京户部右侍郎提督粮储

○改工部右侍郎陶承学为刑部右侍郎

○升大理寺卿沈应时为户部左侍郎总督仓场

○户部覆两广巡盐御史许三省条陈盐法五事一实填格册盐引掣放愆期皆由奸商诡名占窝临时认号以致交易参差惟定以孟月廿日开卖仲月廿日封引季月廿日到关踰限悉不准放将格册实填某水商原买某内高盐引若干盐包若干务令一引一包不得改折以兹夹带则占窝之弊不禁自除矣一裁定食盐淮扬二府额行官盐六万余引量以居民金领其半无非欲<娼弊-金>通官引耳乃买引之价较市价不啻过之致居民告困而商人遂假民盐公私影射宜酌定市价每斤四厘仍审地方大小户口多寡核实造册关支毋令奸商冒领则影射之奸无缘得售矣一禁革买补官兵缉捕私贩皆按季查比计数论功乃官通兵快将大夥贿放盐斤不足则给票买补私票行而私贩充斥不复可问今查比虽容废而分数不足者官宜扣俸兵快宜扣工食不许輒行给票则私贩之窠无间得乘矣一变通消折各仓垣盐课停积年久风雨摧残当分别未经十年者炤旧听支已经十年者议价变卖每引二钱角□羊司收贮候商到日给领买补则总灶之困稍权宜而即苏矣一承行勘合凡边商纳过粮石应支盐引俱备载勘合向以白役书手及商灶纳充农民夤缘掌管交通作毙宜于盐运司添设勘合科典吏一名崙查各边仓钞及字号改洗并收掌榜簿以便责成仍查该司见役并候缺农民系商灶者即拨有司衙门不许如前占役则交通之术以专责而少清矣从之

○户部覆两浙巡盐御史王藻条陈六事一禁私煎盐徒盛行皆由灶户私煎场官容隐宜令官给铁盘限以定数团聚煎办派以定所所收必贮官廩所卖必登官簿各处拏获盐犯务究系某私卖盐至一千斤者该场官提戒二千斤以上场官问罪还职分司官罚俸三月至万斤以上者分司及场官一体提问若有受贿故纵情毙听巡盐御史参究罢斥一议关引两浙运

司每年差场官赴南京户部关引或差官暗被贿赂或该部往返驳查致见领之引愈迟积引之价愈贵宜查原给勘合预委廉干分司注定往返限期该部如期炤数给引果有别项弊窦另行驳查一正灶罪灶户有以私贩应拟徒者加煎折纳每徒一年止纳银一两零八分不足示警宜炤问刑条例与民一体拟赎果系无力调场加煎年终通行角□羊报一饬兑运漕粮挂欠皆由粮里旗甲通同盗卖或水次折乾或私相授受宜行淮浙及上江各巡视御史并监兑主事严督所属印粮等官务将应兑漕粮先期徵贮在仓舡到交兑仍逐舡核实各具印结呈报监兑查考一改舡限江北等处运舡俱限十年一造惟浙江止限五年未坏舡只徒供官旗盗卖宜行该省粮储道自万历三年为始定限七年一造炤例岁给修舡之费其未及七年损坏者计料追赔一严空帮粮舡交卸虽经户部委官管押给以限单然未载入降罚事例间有揽货稽误或盗卖弃逃者原单竟不投验宜令通粮厅另刊限单明注某帮下指挥或千百户官某管押空舡若干只旗甲某若干名计程定限赴粮储道投验如故违一月以上罚俸三月缺舡五只以上降职一级十只以上降职二级通同盗卖炤问刑条例追赃重拟如果系漂毁有沿途经过各衙门印信执炤者不坐通咨各该地方巡抚施行 上诏俱如议行

○是日城以东河水乾

○癸巳城以西河水亦乾

○以尚宝司卿王樵等不亲赴接本诏令各夺俸有差

○先是蓟镇召用南兵九千名议以三年一放班后更议分为三枝与浙江防海官兵一年一枝相为兑换时兵科给事中虞德烨言南兵嗜利无复恋家其更番之令可以中止下蓟镇总兵官及统领南兵参游等官面诘众志果多安心久戍不愿南还但弃家投戍非情而将士处置宜善于是兵部覆议以全营分而为二仍令三年一休即以旧将统领旧兵给以路费舡只春初回浙秋防回边挨次践更炤旧分布从之

明神宗显皇帝实录卷之四十八

万历四年三月甲午朔 孝肃皇后忌辰 奉先殿行礼遣兴安伯徐梦旸祭 裕陵

○调福建副使张庸为陕西副使

○升都水司郎中牛若愚为陕西佥事

○以惠州琼崖雷廉参将分守该府陆路等处兼管海防改西路巡海参将为阳电海防参将其增造舡只并募兵等费悉于该省章程余饷内动支

○甘州人李蕃以侵盗沿边仓粮四百八十余石梟示

○乙未升太常寺卿刘一儒为大理寺卿

○升巡抚贵州右佥都御史严清为南京大理寺卿

○两淮巡盐御史许三省以淮扬灾眚改所属俸薪工食于仪淮二所盐课每引带盐一斤为额下户部覆不允○以江西赣州民叶楷之乱分割安远县马蹄冈为长宁县裁长河巡简司

○以原任甘肃总兵佟登佥书中军都督府

○以原任广西都司杨为栋改授中都留守司佥书

○以四川都司佥事陈善掌都司印

○升浙江临观把总万达甫为福建都司佥书

○以豊城侯李环平江伯勋卫陈胤兆管理红盔将军上直侍卫

○丙申复除四川副使欧希稷于福建

○用山西督抚议发各州县民壮赴偏老与班军协修边工

○丁酉 上御文华殿讲读先是 上以大宝箴为习字影格辅臣张居正因言此文于君德治道大有关切乃撰注角□羊一篇以进至是召居正等前
上起立高举大宝箴一册面授居正居正受册北面立
上覆诵终篇不失一字诵毕居正乃前进讲 上皆洞其微旨所引琼宫瑶台糟丘酒池开罗启祝授琴命诗等事能悉知其颠末讲至周文小心

上曰小心当是兢兢业业之意至纵心乎湛然之域一条上曰此不过言人当虚心虚事耳居正因举手贺曰只虚心二字足蔽此条之议矣夫人心之所以不虚者私意混杂故耳诚能涵养此心除去私欲如明镜止水则好恶刑赏无不公平而万事理矣

上曰然特赐居正银八宝二十两并赐吕调阳张四维各十两讲官以下有差

○以征剿河源等处山贼功指挥马维熊以下各升赏有差

○山东抚按李世达□为正请豁沿海贫军年久班价上许之且云朝廷恩惠宜及贫民岂以惠养奸宄而侵欺拖欠者每皆势豪大族积猾奸人抚按官专制一方不闻选任廉能锄豪安善专为姑息以沽虚名惠奸宄市恩于已归怨于上是岂朝廷任官养民之意班军工价姑与减免后不得援以为例

○戊戌

上御文华殿讲读辅臣张居正进讲帝鉴图说至唐玄宗于勤政楼设宴宠幸安禄山事上览其图有勤政楼三字曰楼名甚佳乃不于此勤理政事而佚乐宴饮何也辅臣张四维对此楼建于玄宗初年是时方励精图治故开元之治有三代风至于天宝志荒所以致播迁之祸居正因言人情靡不有初鲜克有终故有始治而终乱由圣而入狂者古圣帝明王兢兢业业日慎一日盖虑克终之难也玄宗不能常持此心故及于乱当时张九龄在开元中知禄山有反相欲因事诛之以绝祸本玄宗不用其言及乘舆幸蜀乃思九龄先见遣人至岭南祭之

上曰即如此亦悔无及矣居正又言无论往代即我世宗皇帝嘉靖初年于西苑建无逸殿省耕劝农欲以知王业艰难又命儒臣讲周书无逸篇讲毕宴文武大臣于殿中至其末年崇尚焚修圣驾不复临御殿中徒用以誊写科书表背玄像而已昔时勤民务本气象不复再见而治平之业亦寝不如初夫以

世宗之明犹然有此以是知克终之难也昨讲大宝箴云民怀其始未保其终亦是此义上嘉纳之

○升顺天府府尹曾同亨为右副都御史巡抚贵州兼督理湖北川东等处军务

○巡按直隶监察御史晏仕翹以力护奸书侵欺盐银至二千一百八十七两论罢山东运使薛绍并劾运同戈九畴

○升巡抚江西右副都御史杨成为工部右侍郎

○发南京内官监奉御靳成为净军以其盗库银至一千一百余也

○剧盗杨凤鸾等伏诛凤鸾湖广浏阳人匿江西宁州卢源洞中流劫至是害始除

○己亥升光禄寺卿胡执礼为太常寺卿

○吏部以王府官员六年一考察此外无凭甄别今巡抚于年终巡按于复命各照有司事例以贤否报部按其年劳递升从之

○命山西督抚加给偏老二营军本色三分仍严督三关兵备将领等官各将应徵屯粮瘠地召人开垦务足原额有旷土者查参

○升四川会盐守备霍采为四川都司僉书

○以修完甘固宁夏等镇边墙赏督抚戴才廖逢节银币及副使孙坤以下各银两有差

○庚子巡按云南御史郭廷梧言国初京师有宝源局各省有货泉局自嘉靖间省局停废民用告匱况滇中产铜不行鼓铸而反以重价远购海肥孰利孰害下户部覆可俾开局行

○蓟辽督抚杨兆张学颜会议三事一移定辽右卫军士及仓官于＜罄彩见＞奠堡与参将同城庶节制易行收支近便一迁学庙及拨附郭田土为师生贍養费庶荒服之区变为礼仪之习一准永奠堡北互市惟米布猪盐无马匹违禁物即以市税银充赏便于夷者十之三利于边者十之七诏悉如议

○辛丑以总理河道右副都御史潘季驯巡抚江西

○升太仆寺卿王之垣为顺天府府尹

○先是巡按辽东御史刘台条陈三事上命督抚官悉心计处于是杨兆张学颜会议谓本镇标兵止有左营一枝遇警东西应援岂容别议惟游击王大璋所领广宁右营兵一千五百可与李惟一更番入卫若广顺关自执猷杲酋谕禁部落益谨新安关近已筑有市圈夹墙又令参将弹压亦难更张启衅至于海州辽阳开元边长七百余里军力已竭台墙势难并举命如督抚议惟边墙不宜委之沙涝炤原议行

○壬寅礼部左侍郎兼侍读学士汪鏜乞休上以纂修事重不从其请

○刑科右给事中郝维乔条陈二事一谓亲民莫切于均徭银差宜炤额均派以时催徵力差宜量力僉役听民自便若条鞭之法既用其力又斂其才民安得而不困一谓致治莫先于讲武大明会典内凡军官承袭必亲试其操练之弓马乃有手不能持弓身不能跃马者冒滥官爵糜费禄粮国家亦何赖于若人下所司

○癸卯巡按福建监察御史朱光宇乞休从之

○巡按直隶御史舒鳌言淮安府东甌山民彭湖等于正月初十日见海滩有男子二十二人异形异服问之皆摇头不语一人手捧夹板公文上书行济州进贡等项语音不辩惟能书写

东风水等字样差官管押赴部以闻下所司

○兵部以东虏土蛮伯言兀速把亥等糾集东西诸酋欲东攻开原西抢宁前锦义见在辽河一带下营申饬蓟辽二镇戒严前锋以战胜为功不论首级援将以夹击为主不许逗挠主将李成梁既已东行抚臣张学颜必当西顾其辽东入卫李惟一兵马即发回镇应援仍简调战兵二枝出关以张声势总理戚继光移驻滦东相机援守自石门以至喜峰等路通行堤备如有观望不进寘之重典

○先是题奉钦依试御史候满一年方考实授顷都察院以差用无人查隆庆六年试御史许乾等及万历元年试御史王晓等皆试职四月准考今邢玠等试职八月应请考授从之

○甲辰礼部覆太常寺卿刘一儒条上三议一复棗盛以崇祀典欲以各祭所用粳糯二米原系两县供办者炤例查复以免坛户歛钱一更印信以明职守欲将本寺年久印文铸换仍改神祇坛祠祭署印为先农坛祠祭署印庶于籍田诸务有阙一增饩廩以资養贍欲以提点员缺止令知观挨补不得选用太常寺协律等官以致有品无俸仍炤南京神乐观事例月支米一石五斗庶于乐舞生崇卑有辨从之

○以报事有功升福余卫头目那颜孛来为都指挥僉事其兀鲁罕等卫都督及都指挥等官男孙秃难哈等俱令袭替回卫仍换给敕书俾修职贡

○以河南道御史于鲸巡按真定等处

○兵部覆蓟辽督抚杨兆王一鹗所议蓟昌二镇以匹马不入方为万全故修筑塞垣为第一要义况二镇应修之墙在蓟仅七百里在昌仅九十余里虽共增墩台各五百座而昌平尚可减百工既不多且先年修墙一丈工价一十八两私派不与焉今止议五两乃墩费视台又不过居三之一费亦称省应听其便宜及时从事惟该镇兵以足四万而墙则昌镇以八年计蓟镇以一十三年计墩台则又岁各以十座计已不无玩时废事之病奈何更欲借拨班军乎此当复行详计者也至于钱粮炤户七兵三例各预角□羊该镇收贮用毕再请每年终用过钱粮修过工程悉令巡按御史核奏有仍袭故套不尽用灰石及换用挂木者严治命如议

○丙午升武选司署员外事主事韩应元为山西僉事

○兵部覆言南京太仆寺卿何起鸣所条马政钱粮宜仍行各抚按及两京印马御史委官清理不必并责该寺其应天等府州县牧马地租应存留者炤旧扣徵角□羊府类角□羊南京太仆寺收贮遇灾酌助至于该寺卿丞所裁俸薪应行除免惟是留都根本重地据嘉靖二十九等年帑藏告匱行南京兵部取用收贮马价地租缺官等银计三十余万隆庆年间闽广用兵亦借给十有五万若素无畜积何以得此其应存积者仍宜存积又不必务为简括也从之

○命南京太仆寺卿何起鸣将所属各府灾伤分别三等如高泰泗邳等州县为甚滁宿江仪

等次之节年所欠马价银两或暂免十分之六以万历八年至十年带徵或暂免十分之四以万历六年至八年带徵其应天镇江未报水患地方仍每年带徵三分之一以万历四年至六年依期徵角□羊毋得轻议蠲免一概因循

○升虞衡司署员外郎事主事徐儒为都水司郎中管理河道

○丁未 武宗毅皇帝忌辰 奉先殿行礼遣成安伯郭应乾祭 康陵

○先是金花银急缺户部以太仓备边银二万二千二百余两借支进仍请行各抚按勒限完销上曰金花原系正供且折纳甚轻又分季徵角□羊员役侵欺积逋至一百六十余万一加查核輒称朝廷催科严急鼓煽流言抗拒乃以备边银两借供上用国家常赋惠養奸豪论我祖宗法度其得追罪各抚按以后严督有司每年务炤季完角□羊敢有倚势抗拒并侵欺者即便参奏拏角□羊重处若抚按官徇私怠玩以不职论黜时户部左侍郎李幼滋又言近日行一条鞭之法金花与各项钱粮无别故诏书但蠲别项钱粮而小民无知便谓金花亦在其内有司莫知所辨业已混行催徵小民不明其故輒谓诏书不信以后徵收虽行一条鞭法务款项开明如某户秋粮若干本色若干折色若干金花银若干漕粮若干某仓粮若干某项最急某项次急某项虽诏下不免每户给与印单一纸庶小民观听不迷输纳亦便得旨内外诸司凡事一遵 祖宗成宪毋得妄生意见条陈更改反滋弊端违者定以变乱成法论

○铸给专管淮安等处水利关防

○总督两广侍郎凌云翼以大征罗旁议借蓟镇下班浙兵三千部覆以在蓟发回之兵即守在浙防汛之地不可借惟委官赴浙召募巡抚及司道如期督发必使人人精勇以济实用毋分彼此得旨浙兵暂行募用不许因而扰民

○补差刑部云南司署郎中事主事周启祥审录北直隶地方

○戊申以原任湖广都司张奇峰僉书贵州都司

○升浙江运粮把总蒋本僉书福建行都 罢抚顺备御丁仿及暖阳守备郎官相

○己酉南京国子监祭酒余有丁以病乞归不允

○总督漕运侍郎吴桂芳< 娵斨-金 > 报万历四年分应运漕粮四百万石内除改折截留并山东河南徐州例不过淮外实该过淮粮二百八十二万八千五百七十五石九斗九升一合炤上年派规以霜降前一日发单大寒前一日开兑自万历三年十二月初七日起至万历四年二月二十二日止运官孙承忠等管押帮舡共计八千二百一十只装载前粮俱尽数过淮讫

○辽东海西阿资河等卫女直夷人都指挥等官亦把力等陕西肃州卫东关厢寄住罕东左卫都督同知阿束把力等各贡马赏赉如例

○巡抚贵州右佥都御史□清议留新升广东都司佥书刘天庆于坝阳上以广东有罗旁之役不允

○以江西龙池巡简司官兵改移百丈岭防御兼管龙池地方裁革吁江递运所官从抚按杨成张简议也

○罢广西昭平参将汪可大

○庚戌升刑部广西司署郎中事主事王一卿为广西佥事

○福建邵武府知府赖嘉谟为山东运使○供用库太监郑真以香品缺乏请行广东采办二十八万斤以进工部议止派八万斤未允户科给事中光懋言香品虽上用物然当定为经制若请益纷纷何所底止况广东连岁用兵物力两诎疮痍未起该部酌拟弘治及嘉靖年例派办八万斤足供数年之用乞从其请下所司户部亦言供用库香品嘉靖六年角□羊六万余斤七年角□羊五万斤今派办比前例已量增若必如该库议万一有司不体朝廷德意逼迫垂死之民以追迟违之罪致使地方或生他变则臣等不能执奏罪其奚赎上命炤嘉靖六七两年例共派

○四川乌思藏阐化王国师短竹藏卜等及长河西鱼通宁远等处国师罗撒坚铎等土鲁番等五地面头目火者马黑木哈辛等肃州卫寄住正副使阿纳的纳等各贡还宴待如例

○辛亥升保定府知府刘泮为山西右参议

○改南京光禄寺卿王友贤为光禄寺卿

○升大理寺左少卿王廷瞻为太仆寺卿

○增太常寺猪价并牲料从寺卿刘一儒请也

○以福建牛山外洋功副千户邵岳以下各升赏有差

○南京刑部尚书赵锦拟假符假劄越扰边关周廷璧律斩余各徒杖有差具议请下法司

○先是内承运库太监崔敏等以段疋缺乏欲仿先朝事例差官织造于是工科都给事中侯于赵言自古宦臣銜命出外鲜不假公营私为国家患纵其人谨厚堪任使而参随匠役凭藉声势生事害人亦所必至况所开疋数大溢岁额一丝一缕皆民膏脂东南赤子其何以堪且

皇上登极一诏首罢织造差官曾几何而忽有此请恐幸门一启而苏杭而兰州必接踵行矣乞敕工部覆议以请浙江道监察御史麻永吉等亦言国初织造有定所岁运有定额皆委官监督以按臣纠察之自天顺成化弘治年间偶遣内官然率随置随罢而一时谋国诸臣若李贤马文昇等犹惓惓建议以苏民困皇上即位以来首下民诏取回内官海内以仰见德意而忽有崔敏等之请岂躬行节俭休息元元之心乞敕停止谕令该部议处并下所司

○巡按山东御史商为正言臣奉命亟趋胶州择分水岭难开处挑验用夫一千一百名方广十丈余挑下数尺即碯<娛句>石又数尺即沙此下皆黑沙土未丈余即有水泉涌出随挑随汲愈深愈难今十日余矣而所挑深止一丈二尺所费银已五百余两尚未与水面相平若欲通海及海舡可行更湏增深一丈虽二百余万金不足了此且麻湾海仓海口两头淖沙数十里随挑随淤虽使别开一渠数月后潮至沙壅亦后如是况海运必出自淮安海口高宝其所必经高宝不治此河虽通亦不能越而飞渡观其缓急先后之势则此河之不必通亦明矣而况有未必能通之势若此乎乞命停止毋事虚糜下部议

○壬子以秦王敬谿薨辍朝讲三日命秦世子宜湣主丧并理府事遣武英殿中书唐应运造坟

○上赐辅臣及日讲官各银铰砑磬等扇

○谥郑府繁昌王佑榜曰荣戾

○调江西布政司右参政郝杰于山东

○礼科给事中李冲奎以病乞归从之

○癸丑实授浙江道邢玠山东道沉涵江西道雷嘉祥虞怀忠广西道陈用宾四川道李时成云南道房如式贵州道陈世宝四川道刘应元山西道贾如式各监察御史

○赐山西粮储道参政专敕一道命兼理边腹屯田务清军额括地亩复旧制俟五年成熟后起科如屯官台玩督率失宜及势豪侵占即指名参呈抚按劾治

○改封崇王庶第二子泰和王为崇世子

○总督两广侍郎凌云翼以广贼林凤弃众投番抚散余党二千报下兵部议谓凤既远遁宜听便宜计取或修备以待之而贼党尽散地方宁谧于例并得论功因论凤在吕宋非闽中用间谕夷岂有潜遁之日及其党回潮非广中相机谕抚宁有底定之期事在相左实则相成均宜查叙为苦心任事者劝许之

○以固始民穰伸案勘执互异汝南副使杜辂镌俸一级夺颖州僉事聂廷璧俸三月初穰伸

遣其子奏辩军罪下按臣勘而执成伸狱者张才为寿州人固始所录盗魁也于是属汝南及颍州二道会鞠汝南不俟参定径豁伸成颍州欲破扶同极理才枉事闻刑科都给事中严用和谓辍轻率太过决谏乖方卒用都御史陈瓚议降处而廷璧亦以怠缓薄罚仍命河南及直隶巡按御史会勘报

○甲寅吏科都给事中陈三谟以河南巡按刘尧卿所劾陈兵备计坤亨淫刑纳贿大坏官常而覲照不谨例闲住因查万历三年十月内巡按宣大御史陈文衡<娼弊-金>劾参议张希稷止于降调蒙旨革任命抚臣勘实以闻则轻处坤亨似难为监司贪酷者戒下吏部议允坤亨革职提问上以尧卿举劾违例命外调并调文衡

○总督两广侍郎凌云翼以大征罗旁议借盘盐赃罚等银四万事例银二万及工部料价银四万俟事定角□羊还户部覆以盘盐等银为济边急用不当借上曰该省用兵姑以盘盐赃罚银四万及前发户部银七万支用务令稽核毋致虚费

○乙卯升大理寺右少卿石星为南京太仆寺卿○升礼科都给事中朱南雍为顺天府府丞

○升工科都给事中侯于赵为江西右参政

○丙辰吏部左侍郎何维柏以老疾乞休不允

○巡抚应天右副都御史宋仪望议留掘港守备鲁邦于吴松总镇标下总练下本兵

○命江西道御史雷嘉祥巡视长芦山东等处盐课河道总督漕运侍郎吴桂芳言高邮西堤乃永乐间平江伯陈瑄所建运舸俱行湖内波涛为患至弘治间侍郎白昂议开越河中为土堤东为石堤两头建闸名为康济河其中堤之西老堤之东约成民田数万亩即今所谓圈子田也彼时未傍西堤为河而别作越河于数里内舳舻安流军民称便但河去老堤太远瞻顾不及缺坏不修遂致水入圈田又成一湖而中土堤遂溃坏则东堤独受数百里湖涛故有昨岁清水潭之决盖势所必至也今若尽复白昂旧迹策非不善但据估银二十三万有奇比之白昂所费尚不及半诚恐修筑不坚数年复坏反成虚费则不如炤弘治年间侍郎王恕议就老堤为越河只修筑西东二堤为费既省而循堤牵挽亦可随坏随修高邮既完徐及宝应谨将切要事宜条为四议其一曰设处钱粮二曰烧采砖石三曰分募夫役四曰委官分理下所司

○丁巳升大理寺左寺丞王时举为本寺右少卿

○巡按四川御史郭庄言考四川总志及华阳国志皆载夏禹之母有辛氏感星异生禹于茂州石纽村之剗儿坪夷人共营之不敢居牧灵异可畏石纽村今在龙安府石泉县境内山刻禹穴二字禹生西夷实非无据帝王功在万世宜祀而石泉偏处夷壤请就成都郡为祠从之

○巡抚应天右副都御史宋仪望言增建青浦县城华亭上海不得视为秦越下部议

○工部以科道交＜娼弊-金＞议寝织造遣官覆言该库所开袍服色样数繁费钜查万历三年四月内该库题开纁丝绦共九万七千九百四十疋臣等拟派长芦课银三万本部料价三万浙江南关商税银三万乃各抚按尚纷纷奏讨今复加派五万九千三百六十疋约用银五六十万两将何措处乞俯从诸臣请特免差官仍将

上用奇品花样量减一半其余供赏之数候前派织完另议上曰东南民力凋疲朕非不知爱恤但内库供用亦不可缺准将上用并供用各减一半仍选廉慎内官督造尔部仍将前派段疋作速催角□羊以备供赏

○总督三边兵部左侍郎石茂华以人言再＜娼弊-金＞乞休不允○户科给事中刘鲁谓均徭不平宜责成抚按及廉明方面裁定州县一应在官人役查炤民间雇觅实费以定审编官价酌量三等九则均派徵收俱官支官给庶银差不得过增力差不致偏累下户部覆令抚按官酌议具奏从之

○命河南道御史邵升巡按淮扬浙江道御史麻永吉巡按山东山东道御史沉涵巡按宣大浙江道御史邢玠巡按甘肃山东道御史詹贞吉巡按广东

○惠潮参将魏宗瀚王如澄及碣石把总朱相俱论死先是贼曾一本犯潮州瀚等拥官兵行二十日始至贼从碣石卫莺州夜遁去复犯雷州与瀚等遇伪以众降瀚等堕计焚戮舡兵殆尽朱相自碣石来与贼冲战沉其舡再战再胜之瀚等不为应李茂才李节林清先溃瀚等望风而奔相亦退走贼遂横行海澳中于是议造闽舡募闽兵仍以瀚统之比贼方抵省而闽兵已相继投贼并各舡悉为贼有矣会城之败其祸盖尤烈云

○己未升河南道御史饶仁侃为大理寺右寺丞右寺丞周咏为左寺丞吏部以左寺丞缺推仁侃位在咏上上命咏为左而仁侃为右

○赠原任南京户部尚书曹邦辅太子少保赐祭葬遣制敕房办事右评事刘叔龙造坟邦辅负性刚方任事慷慨驱驰中外清操皜然以抚按交章请故从之

○改铸太常寺并先农坛祠祭署印

○以蓟镇阅过防春兵马游击高廷相等及贾永清等各分别赏罚有差

○壬戌翰林院修撰张一桂乞假送母从之

○升左给事李戴刘铉为都给事中戴礼科铉工科右给事郝维乔为吏科左给事中

○乌思藏大宝法王差国师喃哈镇南等贡铜佛等物赏赉如例○工科给事中戴光启言臣

观吴桂芳所奏高邮筑堤一事旧河方病太远终不忘军民称便之功开河令傍老堤又自为二面皆水之虑臣窃探桂芳意若曰三堤并修一河复旧良可垂远第前估工费不足应用今又不便更估不若姑省东中二堤之费云耳按其〈媵僦金〉中有据估不及白昂之半又曰必复康济之旧非增二十万不济其意可见矣夫图大事者忘小费何必过为嫌憚求幸于目前苟安哉下部议

○癸亥以修筑蓟昌二镇边墙工命户部炤户七兵三例于太仓银库动支四万二千两予之

明神宗显皇帝实录卷之四十九

万历四年四月甲子朔 上躬享 太庙

○乙丑应天抚按宋仪望唐炼皆言安庆卫军粮旧额四万石因减二万石济边不足支用乞将嘉靖三十三年原派应天等府米一万三千七百九十石并饶州府米八千六百三十六石南康府米四千四百六十八石仍留接济而以九江米一万三千一百五石折银角□羊部从之

○大学士吕调阳以乞休不允奏谢宣赐报闻

○管理红盔将军豊城侯李环请盔甲等器 上如例给之

○先是御用监太监王干等题请各色纸张工部覆言该司每年额派料银八万两各处角□羊未一半用纸张遵炤先年事例以三分为率先行召买二分共该银一万九千四百七十三两零比隆庆六年全办价已相同本部委官会同科道验收应用该库仍将支放过数目每月终申报本部查考不允

○丙寅以原任神枢营佐击张允嘉金书山东都司

○巡按直隶御史舒鳌言国初种马凤阳府属惟泗州以 祖陵独无而秋粮独重后因高淳溧水灾以二县种马暂寄本州本州亦灾奏改折色马价遂徵至今隆庆间太仆寺请将天下种马一半变价仍每匹岁徵草料银一两而本州又岁增草折银七百积逋一千七百三十余两并马价亦几七百以倍徵之秋粮加之原无之重歛实所难堪请议蠲下兵部亦谓皇陵禁地久沾汤沐之恩准右卑洳原无畜牧之所草料宜永蠲马价则量减十分之六报可

○先是黄乡逆贼叶楷余党钟廷宠等复叛执推官赖万筠既而释之按臣张简参筠抚恤乖方致贼猖獗并及抚臣汪一麟兵科都给事中裴应章亦具〈媚弊金〉参奏 上为徙万筠官而勉一麟悉心区画一麟因请罢吏部言抚臣当收之桑榆未宜轻去诏留视事如初

○丁卯酌定供用库各色香品每年以二万斤为率从科臣光懋议也

○叙擒斩倭贼大郎哥噜等山寇杨碧脑等功给赏张钦等银两有差

○叙长岭山堡等处功次施国臣等各升赏有差

○刑科都给事中严用和条议审录三事一恤矜疑言今岁大审初举可矜人犯请免允戍后不得援例一恤问遣言轻重罪俱有宥减独军犯发遣如故偏为仁政所遗宜令参详应辩豁及未减者即与改拟一恤久锢请见监应宥免人犯及逃犯家属干证悉与保候下法司覆言

死罪减军止拟终身何以惩恶第以本犯着伍后所生顶替如无即与开除毋勾及原籍余如议报可

○戊辰大学士吕调阳以老疾再< 娼鬻-金 > 乞休不允

○吏部尚书张翰条议外官考满事宜一前后历任年月惟起复补任及调繁者通理其被劾调简者不得并论一方面府佐除地方无事炤旧赴京其府州县正官免其亲考但湏抚按严核明注称职平常不称职三等报部以便覆核一凡公文批牌内不开除授到任考满年月日期增减十岁以上户口无新增及历过俸月多少满后再历半年之上不行明白开报不填前任事迹隐匿过名洗改紧关字样者除亲考官员炤旧参问外若差人赍文违犯者一面准考仍行该管衙门将本官提问候报至方与移付查请恩典一各官有枉道回家迁延怠玩给文年月随便旋填及投文到部已将再考年月又历过半矣以后给由俱于满后半年内司府州即给文起送若满后不计闰扣违年半之上方到部者不论水程有无违限俱驳回系三年者候六年再考六年者候九年通考其扣违二年之上除驳回外仍将违慢官吏行该管衙门提问从之

○封长沙等王子常淲等共一百八十二位各禄爵有差为王长子者三王长孙者二常淲长沙王长子蕴钟永安王长子翊□金羽夹□咸平王长子在锭应城王长孙朝堡东会王长孙为将军者四十八朝土□春宣土□呆宣土□每谟埔谟垚□土倪捺廷□宪嶸载矩俱镇国朝□□土□承□火刃丑□充□火几丙□华坏朝□□佳勤黑□奈勤□勤□勤□朝多□至睦虫□巢勤□□里火□勤黑□参勤□谟□融多□火慎钿倪熾载□廷□方肴土□充□□秋廷土□屑廷棚廷土□寻廷< 嫫菀粒就(9)痢跂和 i 酢跂型痢跂(19)摺跂 3. 湓隆蹠屯 i 跂潦縑怱跟探稹跂萃芬□土英□□炎英炎廷□白□土廷□卩 占土□廷古□佳廷金□矣廷卩 □里俱辅国为中尉者百二十有九朝塌睦柅朝埽勤黼勤木□黑勤蠓勤黑□干朝土□几勤鱼□虫勤醺勤□朝蜚朝虫□里朝黼睦麻朝白□圭睦朽承火□云承婺融煌融煦融□融熿融懋融融□酉□酉□融鲔融火□平旭𠂔 □萧知焯知火□宾知鰓颐< 嬌醇粒竟弁酢鰓y观□甘山火土□翊金□勉倪火□嗇倪□白□火□倪□面□火□倪焕倪火□郁霽□□林车□廷□土□牛爻□充袞充□□依充华□美充鱼□巽显查英啾新仓□佳新埤新靖新俊褒俊□衣林爻□俊栌俊樵知炯俊 i □和充碣俊楮充□火几昆□俱镇国而勤□虫火舛□朝列□佳勤黑□殿勤□穴月□火□勤鰲勤耳□欸勤黑□册勤鱼□庭勤□尉□田火□勤□足□火勤□火几虐□勤黑□箴谟□日厄佳□谟圻融壤融鰓颐堡倪□言前火□倪□甘厂剡□倪□□□火□充□廷土□刍充歹□火充□□火几□廷土□亟廷□土山黑□靠铂充鱼□氏充□卩 八火□充□圭炎巾□英航英鱼□炎英杵□火英□完日火□英□木酉火□华常□佳新走□豊新走□甬新去□鸟新干□佳新夕□佳新□土升土□新屋新屋□卩 充□火荔见□充□□黑见□充魴充色□火充□谟秀□佳谟□山尼上□谟< 嬪瞽姑沮油痢跂靶卤谏鰲𦓐钉u寸□廷土□无廷石□土华□甘凶佳□华藿华塌华□华□□□土蕴金□逢蕴镣华碓蕴金□彘蕴锌新翹则俱奉国也

○以擒斩海洋倭贼功把总叶欢及名色把总徐景星等各升赏有差

○先是漕运侍郎吴桂芳以议修高邮湖堤为工科给事中戴光启所摘下工部议言漕臣躬亲相度必有所见但＜娼弊-金＞意似因工钜财诎改＜娼弊-金＞越河故戴给事反覆辩之事应覆勘惟是合用砖石数多采烧舡运非仓卒可办所议河南库贮河工银五万两应即转发其砖石行各府州县如式烧采至兴大役应分派各府县拨夫一体应役计时省放得旨吴桂芳原任扬州湖工事理知之必真前已有旨委任责成不必又行覆勘余如议户部亦以江北各府桩草香钱舡税等银五千两漕抚罪赎银五千两庐凤淮扬徐滁和事例纳班银二万五千两俱免角□羊部各总轻赍内河工银共五万八百六十四两两淮盐运司库贮挑河银三万两俱留济用上俞其请仍留庐凤等府应角□羊马价银二万二千两以济之

○己巳命两法司并锦衣卫见监罪囚答罪无干证者审放徒流以下减等发落重囚情可矜疑并枷号者奏请○复除右春坊右赞善兼简讨陈思育

○礼部右侍郎管祭酒事孙应鳌言太学非举贡及勋胄恩荫不入自景泰初年边储匱极始议开纳然亦以生员廩增附为差亦时开时輒至隆庆间遂令停廩降增及降附发社并黜退者皆得纳银入监矣提学宪条何以行于生儒乎提学所摈斥尽可归诸太学则太学毋乃为提学藏垢纳污之藪欤至于民间后秀子弟原令赴提学告准附学名目故谓之新附与两京见任官随任子弟未入学者并纳银入监亦隆庆以来覆定事例也此例一开而商贾舆台隶役咸厕其中甚有身未成童一丁不识者皆骤猎贤关他日服官为民蠹贼不问可知矣下户部议社生黜生及民间不堪作养子弟以后俱不许援纳并请停预纳光禄寺监事及鸿胪寺序班上纳应鳌议而令监事序班仍旧○土鲁番王速坛马黑麻阿力卜把都儿差夷使火者马黑木等贡马匹方物如例赏给仍赐番王表里时土鲁番天方国撒马儿罕鲁迷哈密伍地面番王头目速坛马黑麻阿力卜把都儿等差夷使火者哈辛等贡马匹方物亦赏赉如例

○灵丘王府管理府事镇国中尉鼐鍊等奏灵丘等王府镇国等将军成金□闾等子聪□冉等各过期年久例难请封宜听其自行婚娶给以冠带口粮而周王在铤等奏周府海阳等王府镇国等将军勤地等子朝弱□土等或擅婚或冒滥俱例难请封皆从之

○庚午赐靖远伯王学诗祭葬

○真陕西平凉县民贺禄于理以冒称天潢诈传诏旨故也

○逮唐府正副承奉赵忠常福二阍皆司礼监奉御以诈唐王奏得今职事露被逮忠坐诈传亲王令旨绞福以从得免死充净军褫长史袁福徵职○勘议新河兵部尚书刘应节言新河地形如掌水势成渠较之黄埠岭诚便且两海水甚深阔下皆实地乘潮自可通舟惟南海口迤北十五里积沙数段从古路沟另开十三里许直接麻湾以避之可以永恃又横建一闸于新旧河水之交则潮水流通浮沙不入矣北海口以南三十里为龙王庙有客沙二里四十步捞沙二尺下即实土若旁辟一渠筑堤五百余丈以约水障沙自无他患由庙前建新河闸

口中间一二浅阻并令挑深亦可无虞矣分水岭一带地形本高泉水四溢拽泥运水工力果难然起工当自卑而高泄水当自高而卑难易未可执一论也至王家丘缸路沟一段地势趣下白河适当其冲秋水暴涨最为河害宜岸口建闸一座沂水上流建坝二座寻常水流坝下引以济河秋涨则水经坝上内以停沙亦为善策大都北自海口抵亭口南自麻湾朱铺通潮最易所虑者惟朱铺抵亭口四十余里耳然臣意主于通漕原不泥于通海也若造缸宜准漕臣王宗沐所造海缸式而稍俭其制载粮不过四百石纳尺不过三四尺则河海可并行无患矣山东巡抚李世达言南海麻湾以北刘尚书谓沙积难除徙古路沟以避之每里约费五千八百余两十三里总约七万五千余金然南接鸭绿港东连龙家屯沙积甚高渠口一开沙随潮入故复有建闸障沙之议窃以为闸闭则潮安从入闸启则沙又安从障也北海仓口以南至新河闸大率沙淤潮浅刘尚书从东岸试挑二里仅去沙二尺给过工食已二千二百金而大潮一来沙壅如故故复有筑堤约水障沙之议窃以为障两岸之沙则可耳河身随潮冲激安能障也分水岭高峻试一工长止二十丈而费近千五百斤旧河身原深一丈一尺新挑止深一丈四五尺最深亦不过一丈九尺为下多碍<娱句>石又掣水甚艰也故复有改挑王家丘之议窃以吴家口至亭口共高峻者五十里大概多碍<娱句>石以分水岭一工计之费当何若试过三工俱的无可行况全河长亘二百七十里乎潮信有常遇大潮始稍远然亦上及陈村闸杨家圈耳曾未至朱铺亭口也况月止二潮乎此潮水之难恃也自店口至新河口纡曲余二百里张鲁白胶三水微细都泊行潦业已乾涸设遇亢旱何泉可引引泉亦难恃也海中小舟载三百石者必纳水六七尺始可行王侍郎缸式果可行乎元人自至正十七年开浚此河至三十一年竟以浅涩奏废元史谓其劳费不赀终无成功足为前鉴今当缉高宝之堤无徒殫财力于不可必成之胶河也巡按御史商为正亦以为言上以抚按奏报与刘应节所奏利害悬殊恐难□绩命工部集议以闻于是工部覆言抚按议既明确则应节所谓可成可恃者询谋原未金同委应停罢上然之召应节及栻还而筹诸添设员役焉

○漕运侍郎吴桂芳言黄河自徐邳而来至清河与淮水合流经清江浦外河东至草湾又折而西南经淮安新城外河转入安东县前直至云梯关入海年来云梯关海口沙拥水势沂沭河流渐浅淮安新城外河深不过五七尺惟清江浦相对草湾地方地形低下黄河屡向冲决欲夺安东县后迤邐下海以县治攸关屡决屡塞致近年淮黄交溢去岁草湾迤东自决一口宜于决口之西王山家之东开挑新口以迎扫湾之溜量长五百一十八丈四尺计土十万四千九十一方共工银七千二百八十余两粮米二千八十一石准银一千二百四十余两总约银八千五百三十余两其全不通河及河身窄狭之处逐段估计通长九千七百二十三丈计用银六万八千一百五十余两又两处用管工官一百九十一员口粮银共一百五十余两又用水车四十部共银八十八两又金城至挂甲墩五港岸势低洼应筑束水堤岸一道合用银四千四百四十余两应筑决口一十八处约用银五百两通计该银八万一千八百七十余两查截留河工轻赍折席等银及正耗粮米共银七万二千四百余两未足九千四百余两应于盐商修河银内支用语云掇一路哭不当复计一家哭今淮扬凤泗邳徐不啻一路哭矣安东自众流汇围以来独文庙县衙仅存椽瓦已不成邑即使全河趋之亦不过一家哭耳况势又不得不然耶创始为作事所难独任乃人情共忌乞下所司议工部覆言委一垂陷之安东以拯全淮之湮溺漕臣言可听报曰可

○辛未吏部以江西浮梁县狱强贼逸议各州县掌印官但死罪重囚越狱至三名以上者住俸六名以上调用十名以上降级十五名以上罢官巡捕官罪同著为令<娼弊-金>入诏镌知县李际春职三级调用下典史郑思明于理刑科都给事中严用和因请申严强盗问拟转详后决不待时之例以免疏虞从之

○升三屯营守备钱梦祥葛峪堡守备江昌国密云守备张恩俱佥书各都司昌国祥河南恩广西

○巡抚辽东右侍郎张学颜报虏黑石炭大委正等营于大清堡边外大清山分犯河东宁前大营姑不动欲犯锦义总兵李成梁率选锋官军衔枚卧鼓行二百里潜逼贼寨次日早闯入贼营用火器击打虏自相蹂践斩级六十一颗酋首四颗马驼器械称是下兵部覆核杨兆张学颜李成梁等各赏银币有差

○壬申升巡抚浙江副都御史谢鹏举为户部右侍郎

○户科给事中周良寅条议钱法大略谓制钱之名额未一公私之行使未通造铸之奸毙未除禁谕之法令未备请以官员折俸充铸造之本仍严卖铜之禁少铸金背火漆定拟行使价值赋税正供爰金纸赎例用本折一切邮传军需各权分数取办于钱令既严则行自广矣下户部覆定为四款一专盐铸之官在两京隶工部在各省则主以右布政在直隶各府则府同知悉听各抚按查核计处一申废铜之令军民家有废铜愿卖者听无铜者不许搜括亦毋转相首告一定折易之数宝源局铸钱已久不能尽变惟各省直止许铸用鑄边每十文准银一分其行使前代旧钱地方俱从民便一权简散之法在内在外文武等官四品以上二分支钱八品以上三分九品以下四分在官各役银钱均半除起运钱粮及听断词讼秋冬炤旧折谷外凡存留钱粮夏春纸赎各不拘银钱兼纳议入

上览而嘉之诏铸鑄边制钱颁行天下各省一体开铸与旧钱兼行务在便民仍严私铸禁

○錕方山王府罪宗新垣于高墙以垣凶淫不轨复为抚按所糾故也

○癸酉验封司主事徐一櫟以病乞归得旨吏部司官托病托故请告给假那缺催儻以期速化及高坐私家挨至有缺即不候到部坐缺推补今朝政精明各衙门官俱实积年劳方得升转即患病亦必再三查勘乃吏部以题覆捷便遂得任情去来朕前勉卿等大臣以正已率属吏部是百司之长尤湏严督司属勤修职业用舍进退务得其平毋曲徇私情踵习旧弊徐一櫟不准回籍今后有诈托者参治

○甲戌工部后厂作房火尚书郭朝宾以闻诏夺主事周思宸俸二月下巡守吏汶邦宪于法司

○吏科都给事中陈三谟劾巡抚贵州副都御史曾同亨孱病不能任职下吏部覆调南京别衙门用从之

○賜南京戶部尚書傅頤祭葬既而奪之以吏科言其屢經彈射也

○乙亥原任三邊總督兵部右侍郎兼右副都御史曾銑嫡孫之省請補蔭

○巡撫甘肅右副都御史侯東萊請以行太仆寺卿兼攝屯田馬政給專敕俱下所司

○以府江積寇平復設昭平縣

○丙子原任兵科給事中贈光祿寺少卿張原曾孫張文豪請補蔭下所司蔭陣亡莆田縣縣丞葉德良男葉鳳翔先是倭陷興化署印同知奚世亮知縣周尚友縣丞徐九經與德良俱死之已贈世亮為右參政尚友德良九經俱太仆寺寺丞各蔭一子至是德良男始承蔭

○以浙海外洋防倭功巡撫謝鵬舉及道將各升賞有差

○己卯 上視朝畢

○命核朝參不到者襄城伯李應臣等一百七員各奪祿俸二月

○工部言制錢所以足國便民然必使民不敢盜鑄而後可以經久宜以五銖錢為準用四火黃銅鑄金背二火黃銅鑄火漆務求銅質精美其粗惡及渣滓者罪之大約鑄錢一萬文用銀一十四兩八錢九分零費多利少私鑄自息督以侍郎何＜醵彩見＞責成員外郎沈文及主事韓濟分理上令再議以聞于是工部又議銅價各減十分之一復欲慎收料嚴摻簡去拙工務使工用相得則錢自精而用自廣報可

○辛巳總督浚運侍郎吳桂芳言淮揚水患在下流海口之塞上游河身之高欲浚河身先辟海口臣前開草灣入海漸有次第至于河身之高不過積淤不浚曾見前輩文集中有以混江龍浚河者其制用檀木造軸沉水入泥隨缸行走缸行龍轉積泥隨起大約一四可浚積淤二尺日逐推洶務深三丈而止但遇桃花伏秋水發即行推浚每歲將浚過河身丈尺年終奏報其清河以上邳徐茶城則責在河臣浚否惟命下工部言＜媼擲金＞浚兼施治河長策宜令總河衙門一體推浚從之

○壬午封韓府崇明王璟清選配張氏為王妃

○升遼東鎮武堡游擊姚大節為海蓋參將調車營游擊蘇國賦補鎮武以開原馬市官徐永昌升車營游擊

○下四川松潘兵備副使林應節于理以其淫貪殘為巡按御史郭莊所劾也

○甲申戶部核江北無災地方官未完糧二分以上住俸四分以上降俸并改折仍欠者住俸

帶催其重嬰水患者候豐年帶補報允令毋因循致虛國課

○乙酉以雨免經筵○升南京光祿寺卿何起鳴為右僉都御史巡撫貴州升江西副使黃可大為廣西右參政江西左參議王乾章工部虞衡司主事湯應科為副使乾章廣東應科雲南

○叙雙魚甲子儒峒等地方剿倭功官兵各升賞有差

○丙戌上視朝以浙江副使華汝礪不面見下法司追贖還職

○升南京鴻臚寺卿張佳胤為南京光祿寺卿

○巡撫宣府右副都御史吳兌報修完南山敵台并邊牆城堡等工下所司

○丁亥追封胙城王勤燁生母阮氏為恭懿王次妃

○淮安府東陬山漂流朝鮮國進貢夷使梁俊等上命賞給衣履押回

○戊子太常寺少卿何源以病死

○以巡按廣東御史馬應夢論劾海北道僉事張大亨罷之升尚寶司卿王樵為南京鴻臚寺卿

○湖廣道御史沈梗以病免○冊封韓府韓王嫡第三子璟法□虎為保德王寧遠恭靖王嫡第一子朗＜媿鸛欽舅喔會寧庄惠王嫡第一孫縉□楚府通城王長子華埏德府建德安簡王庶長子載堦各襲爵周府汝陽王選配劉氏趙府廣安王選配程氏衡府齊東王選配楊氏俱為王妃

○巡按山西御史孫代奏繳原頒襄垣王銀印禮部言成金□癸以冒襲王爵追奪故事并追印冊而管府輔國中尉充煌稱高祖安惠王冊文殉葬不知條例所載薨故絕嗣者即將原授冊印封固奏繳殉葬何例可遵并充煌先請曾長孫敕書再行巡按刻限追繳從之

○戶科右給事中李邦佐等言聖王不貴異物

太祖當四夷來王曰恐有聞風而爭進奇巧者詔四方毋所妄有所獻列聖相承如白雀海青悉為諭止馬駝之進至擲其奏頃回夷貢馬原無足貴此端一開將珍禽異獸之足以供玩好規厚賞者紛紛雜至乞將原馬却回仍守邊海守臣除常貢方物外悉令沮止上嘉納之

○陝西督撫石茂華侯東萊言河西一線北有邊牆宜設墩台哨望然北邊乃甘鎮之背原為套虜與松山虜而設也今套虜多取徑鎮永腹里橫渡入洪水扁都口通西海是虜巢反在甘肅之前則北邊又不可恃嘉峪以至西寧黃河岸俱有大山其間斷續不一俗呼為通海隘口

虏贼所由以出入者筑圈墙以御之庶克有济合用盐菜犒赏之费即动支本镇省存各游兵粮料折银共七千一百九十一两下兵部覆从之

○己丑叙渔山浪冈陈钱等处功官兵各升赏有差

○庚寅上御文华殿讲读适接操江都御史王篆获盗〈娼弊-金〉指以语辅臣曰是〈娼弊-金〉称去岁十二月盗劫淮府建昌王夺其印而守臣匿不以闻何也居正等退因叹上圣明留心章〈娼弊-金〉如此寻诏下吏兵二部参勘兵科都给事中裴应章乃参各官欺隐罪已而江西抚按具〈娼弊-金〉劾巡捕各官于是吏部尚书张瀚兵部尚书谭纶合言建昌王府失事于去年腊月教授张箕山即呈府道转达两院矣自宜一面严缉一面奏闻乃延至今仅仅参处一二捕官以图塞责诸臣防范之疏隐蔽之罪难谢人言宜论罪上夺抚按杨成张简俸一年副使黄可大知府陈吾德降边方杂职镌参议王乾章知县郑时章各一秩下喜金等于理又因巡按御史张简论劾

上复怒曰道府遏不以闻长史何罪其还汤明善官兵备以下悉褫之

○兵部覆两广总督凌云翼所条赏格以请一议征山斩从贼首一颗赏银一两生擒者赏银二两不愿赏者每三功当一级斩有名小贼首一颗赏银十两生擒者赏十五两不愿赏者每二功当一级至斩获奏内有名大贼首者赏银二十两生擒者赏三十两不愿赏者升实授一级一议征倭水陆各路主客官军民快人等如遇倭贼聚至五百名以上我兵数仅相当有能冲锋陷阵一鼓荡平或以寡击力战成功者列为第一等内擒斩有名真倭贼首一名颗者升实授三级不愿升者赏银一百五十两获真倭从贼首一名颗者赏银十五两如贼数不多易于取胜获功者列为第二等内获有名真倭贼首一名颗者升实授一级不愿升者赏银五十两获真倭从贼一名颗者赏银十两若贼徒分夥〈娼弊-金〉劫及败遁零星擒斩者列为第三等内获有名真倭贼首一名颗者赏银二十五两不愿赏者升署一级获真倭从贼一名颗者赏银五两凡阵亡者升一级获功另叙如汉人勾引倭夷为患积恶著名者其罪较之有名倭首尤为深重比炤前项擒斩真倭贼首等贼一体升赏一议夺回被虏无论水陆官兵但有临阵击败贼夥夺回被虏男子成丁强壮者每名赏一两十五岁以下并妇女每名口赏五钱通计部下夺回被虏至一百名口者本管将官炤例升署一级三百名口以上者升实授一级不及数者不升一议领兵官都司参游守备以上仍前不许报功若把总以下将领果能身先士卒破敌摧锋斩获首功为众知见者准与炤级升赏一议本省乡官举人监生生员省祭吏承人等素为人所推服临警统率乡夫报效杀贼委能设谋出奇调度及亲自临阵斩获首级者率炤前议格例一体升赏得旨更定赏格俱如拟但其中较量兵贼众寡斩获多少分别等第易致混淆全在纪功官即时验明庶无枉滥今后凡大举征剿风宪官务随营纪功查验奏报巡按御史速与覆勘亟行赏罚其乡官举监报效一节尤滋冒滥亦宜精核明实凌云翼加敕责成务殚忠猷毋替重命

○辛卯升南京吏部文选司署郎中主事雒遵为尚宝司司丞

○壬辰封淮荆王常〈娶眶裕狙〉淞跏街王妃

○升河南左参议胡汝嘉为山西副使

○起原任总理河道右副都御史潘季驯巡抚江西季驯以宿疴乞休不许

○罢河南左布政使鲍承荫听勘以吏科右给事中李盛春有侵克角□羊银之效也

○予致仕刑部左侍郎樊深祭葬如例

○命江西道御史虞怀中查刷光禄寺钱粮○工科都给事中刘铉言钱法之坏由于承平日久民用无经一切盆罐炉釜罔不冶铸为之甚至神形佛像动累千斤所应首禁毋许铸造愿货者给价销化为钱奸商巨贾惯为利罔囊括诸钱乘除其术瞰时高下此钱所以朝更夕改此行彼滞也今后从来行钱处听新旧兼使原未行钱者止用制钱其私贩及收买铜器阴坏钱法者严缉小民得银甚艰得钱颇便而煎销低银者惑之盖以钱易物值止相当以铜换银奇赢主见愚民贪利宁为低伪而轻视钱今后除起立高炉倾销锭银外煎销低假痛治民苦于银不加多而乐钱之易使何惮而不从耶下工部

明神宗显皇帝实录卷之五十

万历四年五月癸巳朔赐辅臣张居正等讲官申时行等各金书黄红符金艾叶绶符艾虎吊屏花绦字画扇各有差

○巡漕御史陈功报本年粮舡八千三百一十只于四月十四业尽过洪视去年稍迟数日盖缘三月二十一日陡有曲头之溜军夫二百扒＜艘q亶＞四十余条始挽一舡上幸未逾限报闻

○甲午复除尚宝司少卿吴自峒原职

○调山东右参议李学诗于湖广

○升河南右布政使周鉴为左

○保定抚按孙丕扬贺一桂等言府属驿递银两先年量冲僻远近支給后因牌票勘合繁多悉从＜整彩见＞裕自奉例裁革后旧额每年九万三千六百余两今议减至五万一千三百三十五两去年九月起扣至今年终止余银五万六千三百八十三两俱贮府库于内动支五万一千三百三十五两抵万历五年分各驿递正用本年免徵不足即以南马等银凑补以后炤旧徵角□羊每年终查筭支剩若干积至几年约穀一年支用再议免派一年自是率以为常用＜整彩见＞民力其河间等府及南直隶各省一体通行悉允之

○工部言河道银两专备修河遂不报部致偶有奏请无凭酌议乞行河南山东各布政司并南直隶各府州尽数查出置循环二簿明开旧管新收开除实在每半年赴部递换庶本部有籍可据而河臣推调难施从之

○乙未赐辅臣讲官正字官彩画金扇有差

○广西督抚按合言养利州旧与左州均属改土为流隶太平左州辟聚素出养利下业建学而养利顾无不宜独异下礼部覆如议建学铨官仍令提学加意土著严禁附籍生员名额不必取盈俟人文渐开酌议起贡其云南四川凡改土为流州县及土官地方建学者一以养利州为例从之

○四川静州长官司招致岐山沟口寨生番日勺伯什巴只等鸡公寨生番库思铁牙麻子儿子库别等本部如寨生番儿卜债贺儿特布血大等皆以愿充编氓请于是巡抚右副都御史罗瑶言威茂古维州地在宋元为羌番所据我朝混一华夷独此犹置之籍外迺遇皇上神武布昭倭虏效款西徼羌夷六知向化诚东西一尉之盛也下兵部覆言蛮夷慕义作我藩篱应加拊恤仍给赏以示怀柔报可

○丙申升广西按察使吴一介为河南右布政使降补山西副使吴学诗为广东佥事○兵部尚书刘应节以河工罢上书自劾乞休 上温诏留之

○山西巡盐御史金阶以给事中李戴有河东官盐不行欲分属芦淮之议乃上<娼弊-金>反覆辨其不便且言盐花独隆庆间堤堰不固客水浸入以至微鲜今春琼珠布满盛夏捞采可足数年若云山路不便 圣祖定界时岂肯以淮角□羊兼行成化间袁郎中有汝宁南阳二府通改河东之奏嘉靖间鄢都御史议定汝阳一府舞阳一县属淮北南阳一府唐邓十二州县属河东人情已翕然安至今矣淮南富角□羊□贫数年盐少以来微本压垫负累已久今盐花甫盛而复夺其行盐之地此辈有委而去耳如边饷何下所司

○原任南京兵部尚书刘体乾卒赠太子少保予祭葬仍予谥体乾北直隶人由嘉靖二十三年进士授行人选授兵科给事中升吏科右兵科左历升通政使刑部右侍郎户部左总督仓场南京户部尚书改户部未几罢万历元年起南京兵部尚书前后历俸五年因疾乞归至是卒为人清劲有执居谏垣不谄随不矫异司国计樽节敦大晚起为本兵卒引疾拂衣进礼退义有大臣风晋秩易名宜其隆矣

四川乌思藏护教主差国师喃哈星吉等番僧铿吉等各贡珊瑚方物给赏如例

○命改通州和合水驿及土桥巡司于张家湾驿以专供水路廩粮夫役巡司兼管七十二贡车辆及下水夫其潞河驿与本州递运所专备陆路夫马车辆从顺天抚按议也

○巡按陕西御史刘光国议边将李希靖失机当斩然其初颇有斩获功尚堪使过乞炤守备不设律戍边都察院亦言希靖失事时众寡不敌情可矜宥即事后其部下犹时时上首功宜未减但拟配终身非法其永戍之报可

○丁酉以侵盗织造银下内官监右监丞刘佐及奉御马西侯朝周珣辛宠于法司各革职杖赎

○戊戌升云南副使汤仰为广西左参政广西梧州府知府许岳为广东副使起原任广西右参政张岳补原职

○升广东总兵坐营中军杨桂金书湖广都司

○庚子调原任浙江副使华汝砺于云南

○复广西总兵坐营中军以福建烽火寨把总朱文达升补先是古田兵罢此职遂裁今以将征罗旁议复而文达善战故用之

○辛丑湖广巡按御史向程言郭家洲拐堤二处洲田原属光泽王始祖钦赐业为辽庶占据卒混入籍没册中乞改赐户部覆核无异遂归之

○户部以各都司卫所应关布花钞锭令各造册赴各库关回给散如有事故及操备不到并逃回等项俱扣除还官仍将给赏扣除过数目就所在或郎中或巡抚或都司或本卫类册奏缴从之

○改福建汀漳守备李趋于江西湖口以甘肃巡抚标下游击唐洲充永昌参将

○谕司礼监太监冯保朕惟刑狱重事自古帝王必谨于斯朕嗣承大统仰体上天好生之心尤加慎重兹当五年差官审录之期虑恐轻重罪囚或有冤抑致伤和气特命尔会同三法司堂上官将见监罪囚逐一从公审录死罪情真罪当者照例监候听决其有情可矜疑事无证佐可结正并枷号者具奏处治徒流以下减等发落答罪悉与释之母令淹滞审问之际尤须详察言词旁询知证毋拘成案务得真情以全民命其原勘问官有故失入等罪俱不追究尔为内臣受兹委任宜殚心悉虑以称朕钦恤之意尔其慎之慎之保于是乃会同刑部尚书王崇古等以热审过减徒并减等发落及罪轻应释与未发枷号情可矜疑等项具〈婚弊-金〉以闻上悉从其请命死罪矜疑者远戍边妇人并有笃疾者尽释

○壬寅河南抚按孟重等条上宗学事宜十二事一议学制仿儒学建先师殿从祀廊庑及棖戟二门仍建祖训堂尊崇皇明祖训并宗藩条例讲堂三间翼以两斋堂东为经济所西为资贍所堂斋后各建号房便宗生讲肄堂名仍额明伦以肃瞻仰二议师职宗生百人则置教授一师不足则以纪善之贤者充之果教有成绩岁终听宗正移文提学道呈抚按奖赏或奏加服俸如尸位旷职参奏罢黜三议教规凡宗生十三岁已上方许开送入学作养如年岁未足各就私塾或本府教授训诲其各生讲角□羊经书性鉴外仍授以皇明祖训孝顺事实诸书使知先行后文之意四议稽行宗正每学置嘉善矜愚二簿宗生中有善可录有过可纪据事直书岁终申报提学道及呈抚按衙门以凭量行赏罚五议稽言宗正炤儒学月试例从公品隲等第每岁听提学会同宗正考较优长者奖赏疏谬者戒罚并吊查嘉善矜愚二簿参验劝惩六议习医贫宗业医亦自足贍应选本府良医为之师授以难经素问诸书课试劝惩悉炤教授事体行七议赈恤宗室自将军中尉而下往往衣食不给婚丧不举但其中有禄薄致贫亦有侈靡自蹙者查果平日俭约无力婚丧于宗学公用钱粮内酌赈如素习于奢虽贫不准八议资贍宗生例给月米五斗而周藩禄不足用合试文行兼优未经奏支全禄者方给若教授自有常俸炤例免给九议供役宗学既设则供事人役势不可缺但各该地方赋烦民困委难增编周藩宗正皂役二十二名即于绝府役银内给募其唐崇二府宗生不多宗正止用皂役九名于仪卫司正较余丁内轮拨十一议请敕宗室子弟骄惰成习建学之初非藉天语叮咛恐难拱手授命宜炤各省提学宪例给宗正敕印行令督率宗生向学以成敦叙之风十二议公移宗学既有公务凡各该衙门事体相关文移来往即以该学轮年教授比炤经历司事体转行上下得旨宗学敕印不必给余如议行

○癸卯旌辽阳长宁等堡死事哨夜墩军高仲显等六十六名俱升实授一级

○命山西道御史晏仕翘巡按福建

○南京户科给事王蔚等言内臣织造之遣当停者有七诏书传播旋自废格何以示天下信一也天下织造不止应天等处此而既允必将接踵而至二也明诏所革不惟织造一事此而既复必将触类而兴三也南京根本重地迺已萧条何堪再扰四也跟随仆从势必通同匠役作毙违式五也南京工部积银无几今开段足数多势不借支则必加派六也见今内外各局岁办自足供用如果缺乏则万历三年部派应天等处各色段足共九万七千九百余疋起角□羊到库亦可接济或不得已则从容岁月陆续角□羊进事克有济而民亦不扰七也南京各道御史丁元复等亦以为言报闻

○工部以凤阳 皇陵龙凤帐幔损坏奏请差官依式裁制报可

○甲辰 仁宗皇帝忌辰 奉先殿行礼遣宣城伯卫国本祭 献陵

○四川朵甘思宣慰使司国师喃哈孟刺麻温等及番僧锁南领占等又董卜韩胡宣慰使国师喃呆扣思扒著乌坚参等及番僧领占吒什等各备珊瑚方物进贡赏给如例

○以朝宗桥工完在事各官以次加恩赏赉有差

○乙巳未时定襄大雨雹小如桃大如卵禾苗尽损

○改工部右侍郎兼右佥都御史徐枋为兵部右侍郎兼官如故提督军务巡抚浙江枋以河工未竟上< 娼弊-金 >乞罢不允

○准致仕南京刑部尚书冯岳长孙冯宇补荫

○四川乌思藏阐化王差国师短行藏卜等番僧藏卜等大宝法王差国师喃哈锁南等番僧喃哈等长河西鱼通宁远等处军民宣慰使司差国师撒坚铿等番僧恭卜等各备铜佛珊瑚方物赴京进贡赏银币如例○丙午蠡县大雨雹伤人畜

○戊申 上亲祀地于 方泽赐辅臣讲官正字官各银叶金扇高丽丝巾有差

○庚戌 上始束发赐辅臣张居正银三十两彩币三表里吕调阳张四维各二十两二表里讲官申时行等六员各十两一表里正字官马继文等二员各七两红纁一疋

○辛亥陕西总督石茂华言延绥镇东路神木一带孤悬要地兵马各不足额议招募步军三千名分补募军银一万五千两并军火器械三千副岁用本折月粮该银二万七千一百六十三两议增入年例兵部覆可而户部以原题募军补额则当时自有额饷军饷相为定额增军一名则加一饷缺一军则余一饷何每议增军则议添饷至于缺军则不问所余之饷也宜一核实从之

○巡视太仓银库给事李盛春等因河南布政使鲍承荫侵克角□羊银议将各省直角□羊银俱五十两一锭用鞘装以免侵克剽剥并宗室禄粮悉令依期惩给足色足数不许延缓扣除上然之

○礼部言幸学有期衍圣公孔尚贤五经博士颜嗣慎孟彦璞并老成族人孔族五人颜孟族各二人俱宜行取乘传至京报允

○浙江仁和县瓦窑头强贼劫夺官银角□羊官县丞自溺死抚按以闻上以各贼敢于会城肆劫地方官纵弛可知参政朱炳如佥事张子仁姑免议捕盗佥事王君赏杭严副使徐云程俱夺俸缉贼尽获人赃之日奏处总捕同知俞绍等镌职一级下巡捕指挥张成等于御史且云兵备官职在诘戎弭盗岂得以驻劄远近为辞今后俱一体论罚毋得曲为角□羊免

○壬子削凉州卫掌印指挥戴世勋籍以百户蔡明冒袭受贿不举故也○巡抚广右副都御史吴文华奏报右江诸贼凭险负固顷藉三战余威稍各斂戢独庆远之南乡柳州之陆平陆谷溯水三都及周塘板寨犹然舛□木鷲为地方忧因令参议陈应春参将倪中化等便宜调度土舍韦万快以大义灭亲歼其兄侄韦伏海等又一鼓而灭二百年梗化之板寨不费斗粟不遗片镞共擒斩三百七十名颺功倍寻常应特加赏赉下所司

○癸丑复除云南道御史张宪翔于湖广道

○初郧阳襄阳荆州南阳汉中等府并商州等五州县改民壮弓兵工食计名十扣其二以为团练步兵日粮衣甲犒赏等费至是抚治都御史王世贞言本镇团练精兵岁计不过费三千金止耳今库贮节年支剩银五万一千有奇而岁积屯田子粒不与焉请以郧阳等府属工食银共四千二百六十七两二钱每年炤旧扣角□羊本镇以充兵饷襄阳等府属共计银六千两仍春秋二季类角□羊户部接济九边荆州府属并商州所属俱免扣银改编实力听荆南商雒守巡二道选作标下精兵与各官兵合营操练调遣户部言都御史为国筹边至意宜从上然之

○升广东海防参将晏继芳为协守潮漳副总兵

○乙卯升漳州卫镇抚刘文守备漳州陕西都司佥书杨继芳充游击浙江都司掌印杨照充广东参将

○丁巳吏科都给事中陈三谟条陈计典五事一曰核贤否之实二曰酌地方之异三曰拾有司之遗四曰慎劝惩之典五曰处藩臬之长河南道御史孙琮亦条五事一曰稽实政二曰核考语三曰表良吏四曰惩显恶五曰惜人才南京刑科给事中杨节条四事其重考语惜人才意与琮同而又欲重面询广特典南京湖广道御史陈堂亦条四事曰核罢软之科曰严卓异之选曰重教化之实曰申巡历之例俱下吏部覆可

○戊午 上出 成祖文皇帝四骏图命辅臣张居正题咏四骏皆靖难时所乘龙驹战于郑村坝黄马战于白沟河枣骝战于小河赤兔战于灵璧皆中流矢抽矢复战遂大捷至是居正恭题以进 上览嘉悦赐银八宝银豆各二十两盖 上于 祖宗创造艰难之迹留心如此

○赐户部右侍郎郭应聘父郭湍母卓氏祭葬如例

○己未建州右等卫女直都督来留住等入贡宴待如常

○辛酉 上视朝大学士张居正等面请 皇上留神政务省览章奏暇时间取皇祖世宗皇帝所亲批旧本览阅以为裁决庶务之法 上嘉纳之居正等因简阁中所藏皇祖亲笔 圣谕六十三道 御制四十四道 圣旨并票帖共七十道又于纂修馆拣嘉靖十年起至二十年止 亲批奏题章< 嬖僇-金 >共六十五道上进奏乞 皇上万几之暇特加省阅则致理之方不外于法 祖而得之矣 上留览

○以内使年例冬衣应用纁丝绌r中白绵等下户工二部改折银两送局

○以贵州都司僉书杨仲掌浙江都司印延绥延安守备许登瀛僉书陕西都司

○提督操江都御史王篆言滁州去陪京仅二舍乃水陆官兵防守之处夥盗不满数十人公然行劫杀死指挥今后水陆声势务令相联一遇被劫互相救应获功分别叙论失事一体参究兵部据其< 嬖僇-金 >申饬之 上为夺把总朱先俸二月判官陈天锡指挥吴继臣等俱下之理

明神宗显皇帝实录卷之五十一

万历四年六月壬戌朔提督漕运总兵官灵璧侯汤世隆以母病乞归不允

○内织染局署局事太监张钺等请敕差官苏杭织造工科都给中刘铉等山西道御史贾如式等交章极言民力匱乏供应浩繁乞赐停止上曰织造事非得已科道官既言民力困敝各项俱减三分之一遣廉慎内官往督工费着户工二部议处毋复加派病民

○甲子户部右侍郎郭应聘奏请母卓氏造坟恤典从之

○乙丑上御文华殿讲读以新刊洪武正韵赐辅臣及讲读正字等官

○以修筑新平平远二堡未几倾圯参守杨尔干等行巡按讯

○镗乐平王府未禄室宗旭枪于闲宅镇国中尉旭樞夺禄米三月枪以越封渎奏樞以不恤同胞俱为陕西巡按御史刘光国所劾也

○罢新河兵部尚书刘应节犹以用过夫役器具等项银共三万二千二百二十余两请下所司

○丙寅御马监太监陈辅等言坝大等七处尚无牧地乞准暂支草料许之

○巡按山西御史孙代以横暴议革曲阳王府未请名封宗室朱女封从之

○丁卯铸给南京户部监督银库关防

○巡按直隶御史贺一桂奏报各路将领曰福贾桂等角□羊补军数多寡上命分别赏罚有差

○戊辰户部上各镇岁报钱粮数目凡宣镇主客兵马钱粮岁额粮一十九万三千九百二十二石四斗一升银一百二十九万三千四百五十七两旧管粮五十六万七千五百六十石六斗九斗料六十二万六千五百五十石一斗二升煤炒一千五百六十七石八斗四升草四百八十三万四千八百三十六束银七十万六千三百五十四两四钱四分新收粮二十二万六千六百九十一石七斗九升料一十一万五百九十石九斗六升草二十七万八千九百束银一百五万七千一百八十一两一钱三分比上年多粮料四万七千七百二十余石少银四万一千一百余两开除粮二十二万一千七百四十石一斗五升料八万六千二百石六斗三升煤炒一百七石四斗一升草一百四十四万五千八百三束银一百万九千九百二十六两三钱三分比上年多用粮料二千一百三十余石少用煤炒四百四十余石草三十八万五千二

百九十束银四万余两实在粮五十七万二千五百一十二石三斗三升料六十五万一千三百四十石四斗五升煤炒一千四百六十石四斗三升草三百六十六万七千九百三十三束银七十一万一千四十两三钱三分比上年少煤炒一百七十石草一百一十六万六千九百三束多粮料二万九千三百四十一石银四千六百八十五两大同镇岁额粮四万一百五十五石一斗四升料三万六千九百八十七石八斗四升草三十九万一千七百四十二束银一百二十万一千七百七十八两六钱七分旧管粮二十九万九千三百七十三石九斗七升料二十六万六千五百九十三石六升草三百一万二千二百四十九束银四十六万九千九百八两五钱五分新收粮一十四万二千六百三十八石一斗一升料八万八千七百二十四石九斗二升草一百八十七万七百三十束银八十九万七千五百五十七两三钱二分比上年少粮料二千一百六十余石少草二万六千六百余束少银一十二万一千四百三十余两开除粮一十九万一千九百三石四斗五升料一十五万九千九石三斗七升草三百四万六千二百四十一束银一百二十一万一百九十六两一钱一分比上年少用粮料三万一千二百六十余石草三十九万九千三百一十余束多用银一十万八千四百三十余两实在粮二十五万九百一十八石六斗一升料一十九万六千三百八石六斗一升草一百八十万六千七百三十八束银一十五万七千二百六十九两七钱六分比上年少粮料一十一万八千七百零余石草一百一十七万五千五百余束银三十一万二千六百零两山西镇岁额粮四万三千一百三十九石六斗四升料三万二千二百四十石五升银六十四万五千五百六十五两五分旧管粮一十二万三百二十七石八斗六升料一十六万三千五百二十二石七斗五升煤炒六百九十六石四斗八升草一百七十八万八千八十六束银三十七万五千五百七十四两四钱二分铜钱二千五百文新收粮二万九千九百五十一石四斗三升料六万五千九百三十一石一斗五升草四十四万一千三百六十五束银五十六万七千五十八两九钱一分比上年少粮料三万五千八百七十余石银五万七千六百四十两开除粮六万八千九百九十一石八斗四升料八万五百五十四石四斗一升草七十二万七十五束银五十七万三千五百七十二两四钱八分比上年少用粮料五千三百四十七石草二十七万八百四十七束银五万九千六百一十八两实在粮八万一千二百八十七石四斗五升料一十四万八千九百石八斗煤炒六百九十六石四斗八升草一百五十万九千三百七十六束银三十六万九千六十两八钱五分铜钱二千五百文比上年少粮料五万三千六百六十二石草二十七万八千七百一束银六千五百一十三两薊镇岁额银五十七万二千一百一十两六钱三分旧管粮三十五万四千七百三十八石二斗料九万九千三百八十三石七斗五升煤炒九十八石四升草一百四十六万四千八百八十三束银六千七百四十六两四钱七分新收粮一十万三千五百四十九石四升料八万四千六百五十七石四斗六升草一百七十二万八千八百二十六束银四十一万八千二百六十七两一钱六分比上年少粮四万九千二百五十余石料七千九百七十余石草三十一万九百八十余束少银二万一百二十余两开除粮一十六万七千五百一十石四斗四升料八万二千六百七十六石六斗五升草一百五十八万四千五百三十八束银四十二万二千八百八十四两二分比上年少用草三十九万六千六百二十余束银三万二千六百零两多用粮料一万四千五百六十余石实在粮二十九万七百七十六石八斗料一十万一千三百六十四石五斗六升煤炒九十八石四升草一百六十万九千一百七十一束银一百二十九两六钱一分比上年多料一千九百八十余石草一十四万四千二百八十一束少粮六万三千九百六十余石银六千六百一十余两永平镇岁额银

三十三万四四一十五两九钱一分旧管粮一十五万七千五百一十七石九斗料九万八千七百七十二石一斗煤炒五百五十四石二斗四升草一百二十一万八千六十八束银一万二千九百八十四两七钱八分新收粮八万三千八百八十六石九斗四升料三万七千五百六十九石三斗七升草八十四万一千四百四十二束银二十五万三千三百一十二两四钱比上年少粮一万九千三百八十余石料一万三千七百七十余石少草二十六万三千二百余束银二万四千三十余两开除粮七万八千五百三十八石二斗六升料四万六千二百六十四石一斗七升草七十万二千四百八十七束银二十七万八千九百七十二两五钱九分比上年少用粮料七千一百三十余石煤炒六十余石银二万四千七百九十余两多用草一十三万五千八百余束实在粮一十六万二千八百六十六石五斗八升料八万二千一百七十石三斗煤炒五百五十四石二斗四升草一百三十五万七千二十三束银一千四百六十三两九钱三分比上年多粮五千三百四十余石草一十三万八千九百余束少料八千六百九十余石银一万一千余两密云镇岁额银五十二万九千五百六十一两二钱四分旧管粮二十万五千五百五十二石六斗九升料六万四千六百四十三石九斗二升草一百五十七万一千八百八十六束银三万九千五百五十两七钱五分新收粮一十九万七千八百二十四石四斗料一十三万一千三百七十石二斗草一百二十万二千二百九十一束银三十九万三千九百五十五两七钱七分比上年多粮五千四百七十余石料二万六千一百六十余石少草八万二千七百四十余束银三万三千四百三十余两开除粮二十一万六千一百一十一石六斗六升料一十二万三百一十九石五斗五升草一百三十四万二千四百六十八束银三十七万二千八百四十一两五分比上年少用银四万三千六百六十余两草四十万四千八百六十余束多用粮料五万六千五十余石实在粮一十八万七千二百六十五石四斗三升料六万五千六百九十四石三斗九升草一百四十三万一千七百七束银六万六千六百六十五两四钱七分比上年多料一千五十余石银二万一千一百一十两少粮一万八千二百八十余石少草一十四万一百七十余束昌平镇岁额银二十二万六千八百五十两七钱旧管粮一十五万六千九百四十石六斗五升料二万三百七十四石六斗一升草七十一万七千五百七束银二万一百四十两四钱一分新收粮二十三万九千一百三十八石三斗八升料三万七千二百一十一石七斗八升草七十四万九千一百八十八束银一十七万九千八百四十一两六钱二分以上年多料九百四十余石少粮二万七千四百一十余石草二十万九千二百九十余束银二万九千二百余两开除粮二十一万三千八百七石八斗六升料二万八千一百二十石八斗一升草七十七万六千六十九束银一十九万四千七百五两五钱六分以上年少用粮一万七千六百一十余石银一万三千五百一十两多用料一十三石草一十八万三千九百八十余束易州镇岁额粮一万四百三十八石四斗二升料一万二千六百七十三石七斗八升银三十五万九千八百五十三两七钱九分旧管粮三万七千九百九十三石三斗八升料一万八千一百四十八石三斗一升草八十三万三千三百五十一束银二十一万四千三百九十六两六钱八分新收粮三万九千九百八十五石一斗五升料二万一千六百一十五石二斗八升草四十四万二千一百四十四束银三十六万三千五百三十两八钱三分比上年多粮九千九百四十余石草八万六千一百九十余束银五万一千六百余两少粮四千六十余石开除粮三万七千三百三十八石四斗九升料二万四千七百石四斗一升草三十九万六千三十三束银三十万八千三百七十两一钱九分比上年少用料一千九百余石草三万一千五百三十余束银三万二百一十余两多用粮二千九百四十余石实在粮四

万六千四十石四升料一万五千六十三石一斗八升草八十九万九千四百六十束银二十六万九千五百五十七两三钱一分比上年多粮二千六百四十余石草四万六千一百余束银五万五千一百六十余两少料三千八百余石井陘镇岁额粮三万一千九百四十四石四斗四升料二十四石八斗五升银六万一千五百三十八两五钱六分旧管粮三万一千六百五十石七斗二升料二万五千四百九十三石二升煤炒五十六石草二十一万八千六百五束银六万三千八百五十二两二钱五分新收粮二万八千九百六十七石九升料一千五百五十石四斗八升草三万六千七百四十二束银五万七千六百七十六两一钱比上年少粮二万五千四百一十余石料一千三百八十余石草三千五百七十余束银三千二百二十两开除粮三万七千七十三石八斗一升料八千一百九十石九斗六升草九万八千五百五十三束银五万九千一百三十八两五钱比上年少用粮料三千九百五十余石煤炒一十二石草一万五千六百五十余束银一百三十余两实在粮二万九千八百四十石料一万八千八百五十二石五斗四升煤炒五十六石草一十五万六千七百九十四束银六万二千三百八十九两八钱一分比上年少粮一千八百余两料六千六百四十余石草六万一千八百余束银一千四百六十余两辽镇岁额粮一十五万二百九十七石二斗一升料一十万七千五百七十八石二斗银三十七万二千八百四十一两一钱二分旧管粮一十一万一千六百五十二石四斗料六万七百四十四石四斗九升布二千六百七十二疋银三万九千八百二十七两四钱九分新收粮一十七万二千三百五十三石七斗六升料九万二千八百三十五石二斗一升草三万一千八百八十五束布二千七百八十六疋银四十万六千二百三十一两六钱四分比上年多粮料四万六千三百七十余石少银二万一千一百五十余两开除粮一十七万一千六百九十一石一斗料一十万二千一百四十五石七斗布五千四百一十二疋银三十六万四千五百五十八两八钱五分实在粮一十一万二千三百一十五石六升料五万一千四百三十四石草三万一千八百八十五束布四十六疋银八万一千五百两二钱八分比上年多粮六百六十余石草三万一千八百余束银二万六千二百余两延绥镇岁额粮一十一万六千八百四十六石四斗一升料三万九千四百九十九石二斗五升草四万二千四百二十一束银六十六万二千七十三两七钱二分旧管粮一十三万六千八百三十四石七斗九升料一十万五千八百一十三石五斗三升煤炒二百九十七石三斗三升草一百四十万二千八百三十二束银三千三百六十九两四钱七分新收粮一十九万一千六百二十二石四斗九升料七万八千八百一十八石七斗七升草三十八万七千六百三束银六十一万七千九百九两九钱八分比上年多粮料四万五千七十余石草一万七千四百六十束银四万八千三百六十余两开除粮一十三万五千三百三十五石三斗二升料五万二千四百八十三石四斗八升煤炒一石七斗草一十四万七千六百五十九束银六十一万八百三两三钱二分比上年少用粮料煤炒二万七千二百七十余石草二十五万七千六百三十束银一万九千一十两实在粮一十九万三千一百一十一石九斗六升料一十三万二千一百四十八石八斗二升煤炒二百九十五石六斗三升草一百六十四万二千二百三十六束银三千二百七十六两四钱三分比上年多粮料八万二千六百二十余石草二十三万九千四百余束少煤炒一石七斗银九十余两宁夏镇岁额粮五万八百二十一石一斗七升料九万七千三百七十石二斗二升草二百八万二千七百七十二束银二十二万九千八百九十四两三钱一分旧管粮四万六千六百六石四斗三升料一十四万七千三百九十四石一升草一百九十五万九千一十二束银七万六千一百五十九两五钱六分新收粮二十万七千六百七十七石三斗七

升料一十四万一千五百七十一石九斗九升草三百一十三万九千七百五十束银一十万八千二百二十九两二钱八分比上年多粮料四万六千七十余石草一十八万九千二十余束银六千二百二十余两开除粮一十二万七千五百七十石三斗五升料十二万五千五十四石九斗七升煤炒一百二十八石二斗七升草一百一十六万六千三百五十束银一十四万六千五百一十一两九钱二分比上年多用草二十六万九千三百九十束少用粮料煤炒三万三千九百三十余石银一万二千五百余两实在粮一十二万七千一百一十三石四斗五升料一十二万三千九百一十一石三升草三百四十三万六千四百一十二束银三万七千八百七十六两九钱二分比上年多粮料九万六千六百二十余石草一百四十七万七千四百束少银三万八千二百八十两甘肃镇岁额粮料二十一万一百五十九石九升草一百五十八万四千八百四十三束银四十三万一千九百六十三两二钱七分旧管粮一十八万一千七百八十六石四斗四升料一十四万八千九百四十一石三斗六升草二百三十六万四千五百二十五束银一十三万八千五百三十四两五钱三分布二万四千一百九十三疋一丈六尺新收粮一十九万一千三百三十四石二斗一升料一十四万三千二百四十二石五斗四升草一百七十二万五千八百七十一束银三十三万四千九百六十九两一钱五分布一万七千九百一十三疋比上年多银三千八百七十余两布一万五百七十余疋少粮料一万九千六百二十余石草九十四万三千一百八十余束开除粮二十二万四千四百九十五石四斗八升料一十万九千三百八十石五斗一升草一百八十二万一千一百六十六束银三十万六千七百六十四两九钱四分布五千七百八十五疋一丈六尺比上年少用粮料三万二千六百四十余石草八十六万二千七百余束银二万五千四百五十余两布五千一百余疋实在粮一十四万八千六百二十五石一斗七升料一十八万二千八百三石三斗九升草二百二十六万九千二百三十束银一十五万六千七百三十八两七钱四分布三万六千三百二十一疋比上年多粮料七百五十余石银一万八千二百余两布一万二千一百二十余疋少草九万五千二百九十余束固原镇岁额粮二十六万四千九百二十二石四斗六升料一千四石四斗草一十六万八千九百六十七束银三十七万九千三百七十四两三钱八分布七千疋旧管粮一十一万三千九百八十七石五斗九升料一十万三千六百三十五石二斗二升煤炒一百五十二石八斗七升草二百一十九万四千八百四十七束银四十八万七千二百四十六两三钱九分布一万四千二百一十疋新收粮一十七万四百三十九石九斗五升料一十万二千九百八十石七升草一百一十二万三千八百九十束银三十七万一千一百六十九两七钱八分布一万四百五十二疋比上年多粮料七千一百五十余石布七千六百余疋少草一十三万五千八百余束银一万七百四十余两开除粮一十四万九千九十石四斗四升料九万九千九百八十六石二斗五升草一百六万七千三百八十束银三十二万八千二百九十四两九钱二分布八千四百四十八疋比上年少用布二千一十疋多用粮料四万六千三百六十余石草二十六万六千一百二十余束银二万一千五百二十余两实在粮一十三万五千三百三十七石一斗料一十万六千六百二十九石四升煤炒一百五十二石八斗七升草二百二十五万一千三百五十七束银五十三万一百二十一两二钱五分布一万六千二百一十四疋多粮料二万四千三百四十余石草五万六千五百余束银四万二千八百七十余两布二千余疋

○赐大理寺卿刘一儒已授封父刘大宾及前母程氏祭葬○巡按陕西御史刘光国获咸宁

县妖人李一真等并其宣淫倡逆罪状以闻诏一真等即便处决刘安等徙口外其妖邪惑众之民各抚按严加禁戢犯者悉炤此例不贷

○以郊祭及幸学期迫命亟修三街道路及东安门内东中等门

○己巳改南京大理寺卿严清为大理寺卿

○户部议改折保定府额角□羊宣镇本色米麦五千八百一十余石从之

○礼科都给事中李戴等言河南缴到勘合内少王府请封选婚丧礼三张今后必加严查如期不到及经年方到者参提重拟该部覆奏从之

○庚午山东鱼台县民屈琛奏讦乡官随府违法事

上曰随府曾受业屈琛乃敢非理凌害师长当逮问大学士张居正等言 皇上恶以弟子犯师长诚振扬法纪矫正颓薄之大机但民本率多诬罔恐开告讦之风宜行巡按御史讯从之

○兵部请以庄浪军石明等正法

上曰近来军令不严士卒少不如意輒聚噪要挟上官悖逆无理其依律梟示

○工部覆工科给事中戴光启等所条四事一监督盔甲厂节慎库及验试厅各主事皆钱粮出纳之司乞各给关防以杜奸伪一各省直所角□羊弓箭腰刀今后务炤颁式以资寔用一原议库贮没官铜像等物出以铸钱但铜像皆杂铜与民间私铸之铜无异宜留为铸灶等用以省经费一铺商向有预支之法日久毙生不无侵冒今后一应预支俱酌分数定以限期送科道官稽察 上皆从之

○辛未以久雨命顺天府官致祷○阅视宣大侍郎王宗沐言阅视重务三年一遣文卷易湮查阅何据乞将开报过三镇钱粮兵马修工丈尺数目文册及驳查往复昭案令该司收贮以竣交付查理永为定规从之

○壬申罢冀北道右参议张希稷先是希稷以被论行勘而勘报又与前议不合复为户科给事中朱东光所劾也

○总督陕西石茂华言虏酋丙兔等原许于甘肃边外开市宾兔原许于庄浪地方小市皆万历三年内题准缘一时传调不至至今二三月始完虏称春市当作上年更求秋冬再市似难阻抑 上命与延宁同时并开毋令重冒著为令

○癸酉命锦衣卫正千户王学礼袭靖远伯祖爵以兄学诗卒乏嗣故也

○巡抚山东右佥都御史李世达奏本年四月二十九日博兴县大雨雹如拳如卵至五月初

一日复雨打死男妇卞守才五十余人牛马无算禾麦尽毁鸟雀臭烂气不可闻及兖州等府相继见之人畜禾麦亦多伤损

○大学士张居正等拟上玉牒正副各七十册命所司择日进

○方泽坛工告竣

○中府署都督佥事佟登<娼弊-金>称爵上曰武官非勋臣不得称爵今后改正行五府官应否与勋臣同班立下礼兵二部于是礼部言都督诸臣于殿下则当立锦衣卫官后而稍出其上与六部对待门初立亦如之行礼后则与南北司无执事者同班而序于上命著为令

○阅视侍郎王宗沐言宣大二镇新平等堡各援兵营俱近市场迎送夷使人疲马瘦乞另给新平得胜二堡马各三百匹军各二百平远等四堡马各二百匹军各一百名俾供夷使往来其沿海每城堡及宣府镇各驿堡亦给马匹有差马于市内关支军于老营拨补兵部覆可从之

○以昌平标兵营游击王有臣充参将分守山海关

○甲戌罢大同右卫参将吴昆先是阅视侍郎王宗沐言昆监脩本卫城工既速且壮又多节省特竣刑科欵以代经费为邀名计至若三镇同一脩工军士皆宜优恤山西一镇盐菜行粮岂可独靳幸当款塞应乘机修筑即虏或疑惧亦当晓服其心下兵部覆遂革昆

○大理寺覆奏绞犯陈镇情可矜疑得旨炤例发遣

○乙亥贵州逆贼天界老巷负固倡乱按臣获以报梟之

○以湖广郴桂守备胡大忠佥书贵州都司

○丙子以抚治郟阳右副都御史王世贞为南京大理寺卿○丁丑承运库太监崔敏等以大婚用金珠宝石等引例请行户部采买于是户科都给事中光懋言事关君德虽微必矜费出民膏虽公必惜顷各边年例约于昔而倍于今而议脩河议开海议蠲赈无虚日焉况属两广军兴捉襟露肘而忽焉责办金珠宝石夫器用财贿燕私等物内府所掌大司农则典邦计以供军国之需者也一旦俾之货买金珠岂可为训户部覆如懋言

上不允而湖广道御史张宪翔亦<娼弊-金>请停止报闻

○命延绥镇各兵备兼屯田复置榆林卫所管屯官从督抚石茂华请也

○总理河道右佥都御史傅希贇言山东兖东二府运河额编有见役夫有徵银夫共一万四

十一名今查工程繁简酌量裁留见役夫六千七十五名存用革去徵银夫三千九百六十六名所徵工银按季角□羊贮府库湍备河工支用从之

○调太平寨参将谷承功于古北口以昌平车营游击卢述管太平参将事石匣营中军甯潮提调古北口

○庚辰以侍郎王宗沐勘阅过宣大山西三年内边务功罪赏总督王崇古方逢时巡抚郑维吴兑崔镛及总兵等官各银币有差仍赐敕嘉奖罢雁平副使韩宰谪大同副使左熙同知贾兴等为民下参将原于天于理

○命太监孙隆苏杭织造

○壬午大学士张居正等请重修大明会典从之是日诏曰朕仰承祖宗列圣之鸿庥获纘丕绪夙夜祇惧图维治理则亦惟我祖宗之旧章成宪是守是遵仰惟皇曾伯祖孝宗皇帝命儒臣所纂大明会典一书其于我祖宗列圣创业垂统典章法度之详通变宜民因革损益之迹固已纲目具存足垂彝宪第简编浩穰精核实难我皇祖世宗皇帝尝见其一二舛误申命儒臣重加较辑比及进览迄未颁行似于圣心犹有未当仰成先志有待后人且自嘉靖己酉以来及历二十余载中间事体亦复繁多好事者喜于纷更建议者鲜谙国体法令数易条列纷纭甲乙互乖援附靡准我祖宗良法美意几于沦失矣今特命卿等查炤弘治年间创修及我皇祖敕谕重修事理择日开馆分局纂修校订差讹补辑缺漏其近年六部等衙门见行事例各令遵炤体例审订折衷开具送馆卿等督率各官悉心考究务令诸司一体前后相贯以成一代画一经常之典昭示无极庶副朕法祖图治至意其总裁副总裁及纂修等官职名并合行事宜陆续开具以闻

○以刑部右侍郎陶承学为本部左侍郎改掌通政司事工部右侍郎王好问为刑部右侍郎吏部以左侍郎缺推好问位承学上上命承学为左而好问为右

○升湖广左布政使徐学谟为右副都御史抚治郧阳

○铸给工部盔甲厂节慎库验试厅各关防

○山西巡按御史孙代以乐昌王长子廷堦私娶王氏生子龄儿不报宜炤宗藩条例编入王氏户内为民礼部覆请上曰宗室滥妾所生子女于例固不许请名请封乃至令改姓易籍发为编民殊非情理会典此例其议拟改正行

○蓟镇属夷炒蛮挟赏不遂潜犯古北口参将苑宗儒及原任总兵汤克＜整彩见＞中军傅楫千把总高大朝苏学追至十八盘山死之巡按御史刘良弼＜娼弊-金＞劾失事将领及提调入卫官高廷相等因及密云兵备钱藻总兵戚继光抚臣杨一鹏而兵科都给事中裴应章则以训练南兵全无实用废时玩寇重继光罪兵部分别覆奏上曰古北素称岩隘属夷得窃

入为寇损军折将边备废弛可知兆姑免议其夺继光一鄂俸镌藻臣级寘廷相茂于理仍治弃将先逃者之罪首抄蛮先革抚赏另议处置秋防伊迕毋再疏虞驳应章复<娼弊-金>驳兵部为诸臣角□羊脱且主将兼统全镇有失均宜坐罪岂得以大小远近坐令推避致失事机 上报闻

○大同入卫游击将军尤继先守新平三堡延绥入卫游击将军李栋守宣府西路柴沟堡固原游击将军李东旻守山西西路偏头关延绥镇入卫游击孙世武守大同北西路各管参将事

○以广东南韶守备张銓金书广西都司万全都司金书倪尚忠掌司事掌大宁都司事周一凤充大同中路参将

○以虏犯镇静诏夺该镇守备潘焘等俸下指挥李国相宋承恩于御史

○以山西掌印都司刘大中充宣府顺圣川蔚州参将调密云辘重营游击陈伯恠于昌平标兵营福建都司金书史臣充昌平永安车营游击

○癸未命大学士张居正等充纂修大明会典总裁

○礼科都给事中李戴等条上两京科场四事一曰慎选分较二曰互简遗卷三曰严对印号四曰预禁诈骗皆切时弊得旨如议行

○甲申直隶巡按御史刘天衢言各处监兑主事或偏为民或偏为军甚至苞苴大行听军民角力而不之顾承委水次者又皆州县佐领豪弁率横加诟谇监兑不能驾馭或至脱身避卧楼舡若罔闻焉宜专敕风力集臣一员会同行事下所司部覆寢之

○巡抚辽东兵部右侍郎兼右金都御史张学颜乞移荫庶弟学夔许之

○赐刑部左侍郎王宗沐父已赠右副都御史王训母已封大淑人郑氏祭葬如例

○升宁远堡守备范子忠清水营守备陈保量靖远营守备张懋勋并充游击领固原延绥军入卫

○总理河道右金都御史傅希贇言南旺乃粮艘往来要区素称大浅二年议一大挑每春秋兴工輒于粮舟有碍宜仿济宁月河制建通河一闸遇大挑则舡只俱出月河工毕仍出大河用夫约九千名用银约四千七百余两下所司

○乙酉大学士张居正等请以礼部尚书兼学士马自强礼部左右侍郎兼侍读学士汪鏜林士章少詹事兼侍读学士申时行王锡爵充修辑会典副总裁官左右中允兼编修陈经邦何

雒文右赞善兼检讨许国陈思育修撰赵志皋田一俊徐显卿张位韩世能于慎行朱赓李长春孙继皋编修沉渊习孔教范谦黄凤翔刘城盛讷黄洪宪刘虞夔刘元震公家臣史钶余孟麟王应选简讨刘克正刘楚先王祖嫡赵用贤充纂修官礼部仪制司郎中兼司经局正字马继文大官署署正成楫充催纂官管典籍事右评事沈洵詹事府主簿兼正字何初孔目杨士廉充收掌官大理寺右寺正刘大武右评事张德化刘叔龙王赞袞郑瑶顺天府通判陈珩良酝署署丞高民怡中书舍人包渐林试中书舍人吴果顾祖源吴庚汪民敬鸿胪寺主簿程大宪马继志署丞赵应宿孙说章如铤谢用枢汤应龙崔光弼吴子像陈晋卿杨继成序班伯辉沉云庆王延年孙承爵王国新丛文光刘瑄田峻马应乾译字官序班田东作监脩馆办事主簿周大圭充誊录官 上报可时马自强等方纂修 世宗实录诏不妨以原务兼修

○丙戌升左通政倪光荐为通政使

○以江西按察使金立敬为湖广右布政使

○建州贡夷留住等以沿还不为馆谷驿官复折捶笞之车户驱其仆下车卒碾死又以死革其赏具<娼弊-金>闻 上命地方官查处于是辽蓟巡抚杨一鹏张学曾各奏海西请夷强悍佐以积年伴送奸人妄求鍬器违禁诸物不得捏奏欺罔下部议令抚按宣谕惩禁其廩给车马所司亦毋得短少稽迟

上然之 ○改神机三营游击毛策于大同密云奇兵营指挥佥事许茂杞充輜重营游击

○己丑以司业戴洵改左中允兼编修充会典纂修官

○复除浙江道御史赵应元于河南道

○以河南右参政李廷龙为江西按察使

○兵料都给事中裴应章上言时值秋高土蛰志愤于卧薪俺答年衰于拱木城台修而工多捏报军法肃而交横如昨入卫之卒展转于道途兴作之军疲劳于板奋互市之钱粮日见增加兑换之胡马半皆倒损将官慕节省虚名士卒受侵渔实害他如地震断流变迭见于蓟东锋镝疮痍民重困于辽左种种可虑宣大山狭互市必预期约日共举弗得彼此参差致生他变蓟昌则密迩都城环护陵寝策当以守为战辽东则无险可乘而将士用命策当以战为守下所司○辛卯调广西右参议张岳于河南江西副使杨愈茂于山西

○升山西平阳知府胡来贡为本省副使

○升编修沉渊为司业

○吏科右给事中李盛春条议五事一银库羡银不必相仿相胜致收放之时轻重其手一京

通各仓收粮除尖耗外有罚装捧指等毙给羨有运官及衙蠹通同侵索指称花费或因旧欠扣留等毙宜悉与蠲涤一太仓库银原以备边近以寄廊料价不足借支給商以后角□羊到颜料价银查无应给商价即贮太仓以补偿原借一近来婚丧宴饮服舍器用僭拟达礼法制罔遵上下无辨必严行申饬不许仍前靡僭一凡有司徵粮宜审缓急不许混徵其有灾伤兵燹查实方与蠲减不许混报一应起角□羊钱粮俱差官类角□羊钱粮俱差官类角□羊不许以数两数钱金角□羊一人上悉从其议

○户部覆江西抚按杨成等奏清江县樟树镇商货湊集盗贼渊藪近议增兵防御颇得宁谧而费无从出查本镇原设税课司额角□羊商税每年一百七十二两顷别委官代榷遂十信之其改选廉能官监税以旧额角□羊部余悉留饷新兵著为令从之

○改贵州猺平等寨隶贵阳府先是抚按严清等言猺平等二十四寨原隶卧龙司乃屡为丹行司罗继袖所占争夺仇杀至勤抚剿不如竟属贵阳府而以大龙司土舍龙见图领之便得请

○命修撰于慎行申时行等轮流日讲兼充经筵讲官

明神宗显皇帝实录卷之五十二

万历四年七月壬辰朔 上时享

太庙

○命太常寺分遣道士二十三人赍香帛诣 先圣及
历代帝王陵寝所在有司正官以八月廿三日行礼

○升通政司左参议李勋为左通政原任南京右通政徐浚为太常寺少卿

○以大宁都司佥书王进贤掌本司印湖广行都司佥书张崇德掌山西都司印山东运粮把
总指挥佥事章绍祖佥书福建都司大同威胡堡守备王吉佥书万全都司

○癸巳以王原相为广西右参政郭孝为江西副使○礼部拟进幸学仪注一钦天监选择万
历四年八月初二日宜用辰时吉一前期致斋一日国子监洒扫庙堂内外太常寺预备祭仪
祭帛设大成乐器于庙堂上列乐舞生于东西阶下司设监同锦衣卫设御幄于大成门之东
上南向司设监设御座于彝伦堂正中鸿臚寺设经案于堂内之左设讲案于堂内西南隅至
日置经于经案光祿寺设连坐于左右一午门外锦衣卫设卤簿驾教坊司设大乐一是日早
免朝百官吉服先诣国子监庙门迤东北面迎驾分奠陪祀武官都督以上文官三品以上及
翰林院七品以上官具祭服在庙墀东西相向序立伺候行礼应在启圣祠者在启圣祠伺候
行礼一驾从长安左门出卤簿大乐以次前导乐设而不作太常寺先陈设祭品于各神位前
设帛设酒尊爵如常仪司设监设 上拜位于 先师神位前正中祭酒司业吉服率学官诸生于
成贤街左跪迎驾至棂星门外降辇礼部官吉服导 上入御幄坐定礼部官奏请具服
上具皮弁服讫礼部官奏请行礼太常寺官导 上出御幄由大成门中道入盥洗诣
先师庙陛上典仪唱执事官各司其事执事官各先斟酒于爵导
上至拜位赞就位分奠并陪祀官亦各就位分奠官列于陪祀官之前赞迎神乐作乐止赞 上
鞠躬拜兴拜兴平身通赞分奠陪祀官行礼同拜毕四配十哲分奠官各诣殿东西阶下两庑
分奠官各诣庑前俱北向立赞行释奠礼赞搢圭 上搢圭太常寺卿跪进帛乐作
上立受帛献毕授太常寺卿奠于神位前乐止进爵乐作
上立受爵献毕授太常寺卿奠于神位前乐止赞出圭
上出圭分奠官以次诣神位前奠爵讫各以次退原拜位赞送神乐作乐止赞
上鞠躬拜兴拜兴平身通赞分奠陪祀行礼同赞礼毕太常寺官导
上由中道出分奠陪祀官各退易吉服 上入御幄更翼善冠黄袍讫礼部官入奏请幸彝伦堂
上出棂星门外升舆礼部官鸿臚寺官前导从太学门入诸生先分列于堂下东西相向祭酒
司业学官分列于诸生之前 驾至俱跪俟
驾过乃起燎前序立北向分奠陪祀官及百官亦先分列堂外露台稍上左右侍立 上至彝伦
堂升御座鸿臚寺官赞排班班齐赞拜祭酒以下及诸生俱行五拜叩头礼毕武官都督以上
文官三品以上及翰林院学士升堂序立执事官各以次序立内赞赞进讲祭酒从东阶升由

东小门入至堂中北向立执事官举经案进于御座稍前礼部尚书奏请授经于讲官祭酒跪礼部尚书以经立授祭酒祭酒受经起置于讲案复至堂中北向立内赞赞鞠躬一拜叩头兴上谕讲堂座鸿胪寺官同祭酒跪承旨内赞赞叩头祭酒复叩头起就讲案边立

上谕官人每坐鸿胪寺官承旨赞入班武官都督以上文官三品以上及翰林院学士皆入班序立内赞赞鞠躬一拜叩头兴平身分班序坐祭酒乃坐讲其余官及诸生拱立于外以听祭酒讲毕以经复至原受经处跪各侍坐官起立礼部尚书立接经置于经案内赞赞叩头祭酒叩头讫退出堂外就本位立各侍坐官复坐司业从西阶升由西小门入进讲如前仪讲毕退出堂外就本位立执事官举经案于原处置定鸿胪寺官奏传制各侍坐官起立赞有制赞跪祭酒司业学官习礼公侯伯诸生跪听宣谕宣毕赞俯伏兴鞠躬五拜叩头礼毕祭酒司业学官诸生以次退先从东西小门出列于成贤街右伺候尚膳监进案御前

上谕官人每吃茶鸿胪寺光禄寺官同承旨光禄寺分送各官茶各官复坐饮茶毕退分列于堂外露台上鸿胪寺官赞入班赞鞠躬一拜叩头兴平身分班序立鸿胪寺官奏礼毕传赞礼毕上兴升舆出太学门升辇卤簿大乐振作前导祭酒司业学官及诸生俟

驾至跪叩头退百官先诣承天门外伺候驾还卤簿大乐止于午门外

上御皇极门鸣鞭百官吉服鸿胪寺官致词行庆贺礼毕鸣鞭上兴还宫百官退初三日袭封衍圣公率三代子孙祭酒司业率学官诸生各上表谢恩一先期设表案于

皇极殿檐下东王门外至日早锦衣卫设卤簿驾百官朝服侍班

上御中极殿具皮弁服礼部官及各执事官行礼如常仪乐作上御皇极殿升座乐止鸣鞭传赞排班班齐鸿胪寺官致词百官行庆贺礼乐作礼毕乐止分班侍立序班引衍圣公三代等族人国子监师生过中赞鞠躬乐作四拜兴平身乐止赞进表执事官举案由东王门入至帘前置定乐止赞宣表目鸿胪寺堂上官一员随礼部堂上官捧表目过中内赞赞跪外亦赞跪进表官俱跪宣毕赞俯伏兴平身传赞同乐止执事官举案过东边赞鞠躬乐作进表官俱四拜兴平身乐上各入本班立鸿胪寺官奏礼毕鸣鞭百官退出仍于皇极门侍立上易常服御门如常仪执事官举案置御路中序班引袭封衍圣公等官并族人及国子监祭酒等官监生上御路赞跪礼部官奏请颁赏承

旨下赞叩头衍圣公并祭酒等叩头起执事官举案过东边鸿胪寺官奏奏事毕鸣鞭

上兴还宫百官退是日上御皇极门赐宴武官都督以上文官三品以上翰林院学士并简讨以上祭酒司业学官三氏子孙及礼部太常光禄鸿胪寺执事官员与宴初四日一袭封衍圣公率三氏子孙祭酒司业率学官诸生及与宴官俱谢恩上赐敕勉励师生祭酒捧置彩舆师生迎导至太学开读行礼如仪初五日一祭酒司业率学官诸生复谢恩一国子监习礼公侯伯俱合迎

驾听讲观礼跪受宣谕班列于学官之次诸生之前一各衙门办事监生俱各取回迎驾观礼一赐孔颜孟三氏子孙袭封衍圣公纁丝衣一套犀带一条纱帽一顶五经博士颜嗣慎孟彦璞各纁丝衣一套带一条纱帽一顶其余族人各与表纁丝衣一套一讲官每人炤例各与纁丝衣一套罗衣一套其余学官每人与纁丝衣一套监生每名钞五锭吏典每名钞二锭得旨庆贺以视学之次日行是日免宴礼部覆奏穆宗皇帝驾幸太学亦先奉钦依免宴本部引嘉靖元年事例次日得赐衍圣公三氏子孙等及祭酒司业宴于礼部以尚书高仪主之今恭遇皇上幸学乞仍炤前例报允命尚书马自强待

○甲午 上视朝毕御文华殿大学士张居正等进玉牒赐居正调阳四维及纂修官詹事府少詹事兼翰林院侍读学士申时行王锡爵中书官乔承华马继文等十七员各银币新钞并书吏人匠银两绢布有差

○以日讲官翰林院修撰于慎行轮注起居右赞善兼简讨陈思育修撰朱赓编纂章奏

○山西巡抚崔鏞奏四月二十日太原府忻州狂风雨雹十五里深厚尺余五月十三日定襄县雨雹二十五里自未至申积地二尺余损坏田苗人畜不可胜计五月十五日祁县地震报闻

○兵部以各边秋防在迩条上事宜谓备御西虏惟在酌处抚赏亟图战守善为抚赏者不必执一拒阻亦不可任其要求彼中通事乃虏耳目心膂所寄尤在驾驭得宜以寝虏谋善为战守者既当休養骑卒多备火器尤当调集步军并力设险大同边工向恐虏生疑畏不知虏今互市视昔年所掠利且倍蓰岂肯公然叛去失其自然之利若我因虚声恐喝坐误事机亦失贡市初意矣蓟镇有墙可乘有台可依即大寇亦可拒堵惟鼠窃难防当严密周详稽查必有其法误事必重其惩毋得优游再蹈前失辽东接壤沙漠绝无界限全恃哨探以为设备若贼势重大固贵坚壁以老其师虏骑分突亦湏按兵以防其诱所虑士马凋残亟宜多方调补蓟昌兵马数倍各边战胜诸务积有年岁见今虏衅既开虏谋叵测或攻或战非有殊捷岂可塞责况两镇相为唇齿总督责在攘安宜大合车骑官军多备火药器械属之能将悬以重赏出关夹击务收全功苟其重犯辽左垂涎泺东则患切郊畿事关陵寝辽保之援自有明例时兵科给事中裴应章亦条奏防秋与部议合

上命边臣如议举行以图保障

○降蓟镇西协副总兵张臣级

○乙未夺正字马继文俸时

上以继文失落影格内年月红圈为辅臣言居正等谓其执事不谨请加降罚因各引罪

上曰先生不必介意即继文亦无心之失次日犹具〈媚弊-金〉请罪

上温语答之而薄罚继文以报云

○诏太仆寺发马价银一万三千三百三十六两备延绥次年互市

○升宣府万全右卫守备张世臣广东德庆泮水守备白圭各都司金书世臣大宁圭湖广

○削鲁府东瓠王府仪宾童辉籍以冒婚为巡按山东御史□为正所劾也

○命营缮司主事张德夫杭州榷木

○丙申命左春坊左中允兼编修戴洵右赞善兼简讨陈思育充应天府乡试考试官

○以山东都司金书任大同充神机三营游击

○巡抚保定右金都御史孙丕扬〈娼弊金〉陈边政四议一演敌台火器二书垛守姓名三修台墙工程四拟文武功罪而以提调责各参分理责各道兵部覆奏上然之

○丁酉大学士张居正上言致理之道莫要于安民欲安民又必加意于牧民之官今郡国长吏削下奉上以希声誉奔走趋承以求荐举徵发期会以完簿书苟且草率以追罪责其实心爱民者实不多见明春当外官考察之期举措乃向背所系惟以安静宜民者为最虚文矫饰虽浮誉素隆亦列下考抚按以此核属官之贤否吏部以此别抚按之品流朝廷以此观吏部之藻鉴各虚心秉公则有司不敢以虚伪蒙上而实惠旁孚又查隆庆六年六月诏书一款自嘉靖自十三四五等年并隆庆元年钱粮除金花银外悉从蠲免其二三四年则各免十分之三水患兵伤地方并二三年亦从蠲免犹不能追纳至万历二年户部乃议于拖欠七分之中每年带徵三分而民犹以为苦何也有司官不能约己省事以致民力殫竭反不能完公赋势豪积猾畏纵不问反责下户贫民包赔近因行考成之法惧或降罚遂不分缓急一概严行追并甚者以资贪吏囊橐致百姓嗷嗷愁叹咸谓

朝廷催科太急不得安生皆有司不能奉行之过也赖皇上节俭用度渐舒北虏纳款边费稍省似宜曲垂〈整彩见〉恤余见年应徵及金花带徵仍旧外其余拖欠通查年月久近地方饶瘠再行减免分数如果贫瘠即与蠲除至于漕粮先年亦有改折之例今查京通仓米足支七八年而太仓银库所积尚少合无将万历五年漕粮量折十分之三分派粮多及灾伤地方徵纳足国裕民一举两得〈娼弊金〉入上即日谕吏户二部朕奉天子民注存邦本欲固国安民必得良有司加意牧养近来各地方官虽颇知守已奉法然虚文粉饰旧习未除今朝覲考察在迓吏部访察贤否惟牧爱宜民为最有虚文趋谒剥下奉上以要浮誉者考语虽优必寘下等抚按官论黜又闻各有司官催徵钱粮不分缓急一概严并畏纵豪猾偏累小民致流离失所朕甚悯之今后除见年应纳钱粮外以前拖欠户部分别年月分数奏免次年漕粮暂折十分之三以〈整彩见〉民力其实行之户部因议隆庆二三四五年角□羊京各折色钱粮除云南贵州四川广西俱存留淮徐惠潮二三年仍全免外其余各省应徵七分者总计拖欠银五十四万九千六百有奇宜尽行蠲免隆庆五年六年额设全徵通筹各省府已完十分之九止欠一分并乞全蠲万历元年二年除完纳八分有余欠一分有余年月颇近不敢概请或十分瘠苦州县亦乞〈整彩见〉免无大灾伤地方仍照例每年带徵二分金花银两原派浙江江西湖广福建广东五省苏松常徽四府除浙江江西湖广并徽州府递年全完外其广东福建二省并苏松常三府自嘉靖四十三年起至万历二年止共欠六十五万万六千九十五两有奇前诏不免本难轻议但嘉靖年到今迁贸已久乞破格蠲免其隆庆年间者陆续带徵每年二分万历元年以来者照额尽数完徵边镇钱粮隆庆二年二年四年诏徵七分该银六万九千一百八十两有奇止完银一万七千四十二两有奇历年既远通行抚按官查明蠲免其在隆庆五年六年万历元年二年各省府拖欠共银一十八万八千四百五十三两有奇每年带徵二分内山西陕西自隆庆二年起至万历二年止尚无完欠数目当行抚按查照山东河南例分别应徵应免之数造册缴部查考盐运司盐课提举司课税自嘉靖四十三年起至万历二年止除两淮两浙长芦福建陕西四川各全免外山东广东河东云南未完一十三万三千五百四两移咨都察院转行巡盐御史除票税银不免外查照前例请蠲北直隶备边

屯田牧马草场子粒等项租银每年增减不一原无定额咨都察院转行屯田御史查核江南各省府徵角□羊南京府部钱粮咨南京户部各炤前例具奏至若拖欠数内有已徵在官而循还未报者抚按尽数起角□羊如有侵欺即行追足毋因蠲免缓其比并使良善细民徒当拖欠之虚名而奸豪大户反蒙蠲免之实惠也若见年应徵钱粮完数不及九分府州县掌印管粮官炤例降调布政司掌印督粮官住俸巡抚官候 圣断处分此蠲免钱粮之大概也万历五年起运四年徵完漕粮正兑米三百三十万石内除山东河南湖广额例改折外实该兑运米三百一十二万二千二百六十五石有奇计正改兑共粮三百八十二万二千二百六十五石三斗以十分之三为率每石改折三斗共该折米一百一十四万六千六百七十九石五斗九升查各省直原派粮数多寡及水旱灾伤轻重浙江江西二省苏州松江二府较别省直分数独多湖广荆州岳州二府灾伤频仍民多窜徙各折十分之三山东河南除旧例改折外再折十分之二淮安府徐州凤阳府属泗州宿州临淮定远天长盱眙^ㄣ_〃涇仗^ㄣ_〃瘡錮舸蟻臂拳雍縵厥一州县扬州府属高邮兴化宝应三州县年遭水患凋敝已极又非浙直荆岳之比不论正兑改兑尽行改折凤阳府属寿州颍州亳州霍丘蒙城灵璧颖上七州县扬州属通州泰州江都仪真泰和如皋海门七州县灾伤不重与同应天府及常州镇江安庆三府俱折十分之二分五厘五毫八丝通计应折一百一十四万六千六百七十九石有奇查密云镇仓每年该兑运米一十五万四千八百一十石八斗近年本镇积粮颇多暂改折十分之三就将河南山东折粮银两角□羊部扣发该镇以备折粮支放本年该镇止派本色米一十万八千三百六十七石五斗六升改折价银万历四年议每石折银一两隆庆元年恩诏每正兑一石折银九钱改兑一石折银八钱今出圣恩宜加[〓]整彩见[〓]恤无论正兑改兑粳米每石俱折银八钱粟米七钱席板耗脚在内以彰朝廷休息军民旷典本年共该折银九十万五千三十一两有奇省艚三千七百三十五只减运军三万七千三百五十名宜扣粮价银八万九千六百四十两扣行粮银四万八千五百五十余两以上通共扣留减存运军行粮料价等银共一十三万八千一百九十余两应折银炤米石数一齐交兑折色不完不许先兑本色监兑各官必先验兑折银方与兑粮省下杂用并减存运军行粮料价等银炤隆庆元年事例量留三万两给发修艚以备下年起运其余尽数角□羊部济边此改折漕粮之大概也各处屯粮旧例不折但灾伤地方军士凋疲者亦准折银三钱以示优恤[〓]娼弊^{-金}入上曰钱粮逋欠原非小民尽是势豪奸猾影射侵欺以致亏损常赋今朝廷既于例外施恩各抚按官其严督有司详核人户等则均数减免务使小民得沾实惠仍将减免及改折分数刊成书册广布晓谕俾穷乡下邑咸知朝廷厚下恤民之意其见年应徵钱粮分毫不许拖欠如有司怠玩及姑息市恩者比旧定降罚例倍加处分

○总督漕运侍郎吴桂芳总兵官灵璧侯汤世隆条上漕运二事一议更番以起极疲先经会议浙江等总卫所官更番领运利害及身痛痒自切此法行而漕政改观惟南京锦衣旗手上江下江四总大坏极敝正坐不更番之故请自万历四年始以掌印官领运金书官在卫掌印兼管营操事即预先料理下年粮运俟本官运回交代接管一预给月粮以益军资运粮官军在江西湖广等处各预给月粮以备安家随运支费南京各总亦当炤例请自万历五年始每年先给月粮十月以四月安家六月随帮带角□羊漕司验明俟过洪给散兵部覆奏从之

○巡盐御史雷嘉祥言长芦运司旧例每没官盐二百零五斤为一引在南所每引纳银三钱

五分北所每银三钱八分每银一钱得盐五十斤后因峻惩商毙令每二十斤定银一钱责其自纳既倍时值加以运载舟□犬移诸苦遂致数年积盐五万四千四十引日渐耗失商民两病宜令每三十五斤定银一钱计所值尚八万六千余两与其积置无用何若减价速卖部覆如之而于所议三十五斤外再加五斤共四十斤定银一钱尽将积盐责商自纳从之

○封琉球国世子尚永为中山王以户科左给事中萧崇业为册封使行人谢杰为副使赍皮弁冠服玉圭往仍赐崇业等各大红织金胸背麒麟白泽罗圆领各一件绿罗褙□□萐青罗贴里各一件例也

○戊戌诏靖江王任昌禄米一千石本折中半兼支先是王以祖守谦与秦晋等府同日封诸凡制度体统官属礼仪岁时进贡庆贺祭祀等项悉得与亲王比又援文皇帝御书岁给本色禄米一千石为请下礼部覆议谓弘治十五年以前诚如王奏明年即改郡王禄为米钞中半兼支至嘉靖四十四年更定宗藩条例郡王禄三分本色七分折钞皆载在掌故但王系国初专封独拥一国固当有别议改本四折六为酌新旧条例之中上竟从弘治十六年例给之

○延绥巡抚朱守约条上备边五事一重大将以便练兵一分信地以杜推诿一移守备以防门户一定营制以休卫兵一复标兵以备缓急下兵部覆议允行

○分遣刑部江西司主事陈尚伊广西司主事艾穆陕西司主事张振先河南司主事陈梦庚于两直录囚尚伊北直关内穆关外振先南直江南梦庚江北

○释庶人可湖罪以兄可润杀人既正法宜释其属从刑部尚书王崇古请也

○辛丑诏福建漳州府福宁州漳浦海澄诏安县各正官刘志业等免覲以倭寇叵测堤防宜严从福建巡抚刘尧海请也

○壬寅巡按山西御史金阶以病归

○山东参政冯敏功以病乞休许之

○户部条上开纳事例以济边从之

○陕西道试御史陈荐奏请永折湖广祈阳县漕粮荐即祈阳人极言其地滩高石峻不可航下所司议

○命发太仆寺马价银一万两角□羊辽东买马支用不为例○总督陕西右都御史石茂华巡抚延绥右佥都御史宋守约请建神木榆林靖边定边四道敌台共八百座工料银共一十五万二千五百两上命兵部先发银一万二千两筑建

○巡抚应天右副都御史宋仪望奏三吴财用所出水利最急自嘉靖初抚臣李充嗣修治之后未尝大修沟港日淤圩埂尽废旱涝无备根本之忧莫急三吴形胜东南自嘉秀沿海而北水皆趋松江循黄浦入海西北自常镇沿江而东水皆趋江阴常熟其中太湖潴蓄汇为巨浸流注庞山渚墅淀山三泖阳城诸湖乃开浦引湖北经常熟七浦白茆诸港者入于江东北经昆山太仓刘家河东南通吴淞江黄浦各入于海诸水连络四面环护中如仰孟杭嘉常镇势绕四隅苏州居中松江居下则又为各水所受故苏松之利害视四郡独大禹＜娵斨-金＞三江以入海太湖之水趋下驶急海潮不能为淤书曰三江既入震泽应定是也其后民利渐兴壤为田畴＜娵斨-金＞为浦港淤为洲荡五谷鱼盐菱菱芦苇之利生焉然地方虽辟水势渐分江流漫缓海湖内蚀而东江堙塞无复可考矣吴淞江直贯太湖径入大海最为要害屡开屡塞费用不貲考淞旧额阔一百五十余丈今不及旧五之一其中菱芦丛生涨滩涌塞太湖潴蓄势不能尽洩而淀山三泖由古浦塘入黄浦者淤涨尤甚华亭上海之间旬日不雨河港尽涸每遇霖潦则田畴悉淹害有不可胜言者惟娄江一道受阳城诸湖之水以入于海即今所称刘家河是也舟楫往来人力＜娵斨-金＞导不至断流其他港汊皆为平陆田地荒弃甚多邇来有司将宗人府等粮银尽派荒区名为缓徵实则拖负今议者谓浚原则必修溧阳五堰以节宣上流初泛之势开孟渚澡港以杀导上流往北之路＜娵斨-金＞吴江湖口使太湖积水分注诸湖疾趋其故道治委则深浚其入江入海之路以决其就下之势旁通其各港支流以尽其潴洩之方今湖荡之水散漫无归而通海之涂所在皆是淤沙之害已见目前往年治水诸臣皆夫动大众费请内帑＜娵斨-金＞浚既起修筑继之言事者见久劳工作功或垂成輒将应设部臬诸臣尽行论罢是以功用未数十年而利害或仍相半今吴淞江开塞靡常工费不貲议者不敢任各湖荡或种芦苇或围荡田所占据者非势家则豪民也此皆能惑乱耳目造为浮言一或误投便成鼓煽臣见兵备王叔杲忠勤体国素有心计令周爰启諏悉计形便审察地宜考古证今画图帖说庶几决策以从万无一失至于设处钱粮稽考工程酌量缓急分别年岁务使农隙无偷安之民功兴无废业之地亦令采集众思以报顷见科臣侯于赵奏请耑差御史一员理三吴水利臣以为不若设按察司僉事一员驻劄苏松带御浙省职掌一应开浚修筑事宜而总其权于巡抚便＜娵斨-金＞下所司部覆罢僉事不设仍遣御史董之

○癸卯改运粮把总顾尚义为巩华城守备总督杨兆言巩华城为谒陵驻蹕重地游击既改驻昌平所官权轻不便防守请以尚义往不妨运务遇驻蹕则游击陈天福亦移巩华城防护从之

○命南京户部借发官军俸粮折银二万一千四百两给南京工部铸万历通宝金背火漆制钱铸成仍以制钱抵还

○甲辰以神机营备兵坐营蔺熠金书山东都司

○修泗州祖陵

○乙巳诏通州营操军每防秋时暂炤京军月给行粮六斗一季

○蓟镇督抚杨兆等以处分鴉鵒庵失事官军薛虎臣等报因条上三议一亟修险僻以为完计一预处哨探以明耳目一责成兵道以重监督 上曰各边兵备端以整饬边务为职敕諭原载春秋两防监督战守及查勘修筑功罪必亲临各边经理毋得偷安委遣及趋謁上官坐待迂转督抚镇巡官亦以时亲巡所属不许尊大高坐以致误事近复沿袭如故科道官不行访奏怠玩殊甚今后不论边腹但地方失事查系擅离职守假公奔謁者并抚按治之

○丙午礼科右给事中石应岳言年来师旅不兴储蓄充实各省军饷除见年额派不免外历年拖欠当一切免徵下户部议谓兵食不可偏废一旦蠲免恐日后缺乏势必加派生端不若通行查酌式竟蠲或带徵各抚按径自具奏便从之

○罚革襄垣王府辅国中尉充煌禄米半年追夺原赐敕书封册下辅导官于吏先是韩府等奏请各府王妃祭典充煌亦以县主仪宾中尉宜人请下礼部覆议 上已许之而以襄垣王爵前已革袭充煌既以中尉管理府事不得复称嫡曾长孙令所司查议以闻部议充煌欺罔应惩且以失于查参引罪故有是命礼科都给事中李戴等因乞并罪部官 上曰看详章奏乃科臣职此本到科何不参驳今乃独咎部官其各有之

○封嘉定王长子翊鈐以原爵

○以南京刑部尚书赵锦等所录囚容弼等免死戍远边姚昕马廷化邵荣魏良郑直俱再谪韦时举等遣配

○晋府中山乡君仪实杜元宰以兄阳曲仪实杜元卿侵产巨万致贫失所赴京诉诏以宗室越关例递回仍令有司量为赈恤申理勿致冤抑

○刑部尚书王崇古言浙江巡按御史吴从宪等以三犯窃盗罪人钱九等援免死充军例未当 上谓免死充军终身乃隆庆五年暂行例窃盗三犯饶死发边卫永远充军乃隆庆六年恩诏谳狱当遵律例如何一概混释当时法司覆议不明巡按御史奉行不审纵释有罪其姑宥之

○赐周府荆山王朝璧谥安肃长阳王致楹谥悼庄

○丁未大学士张居正等以重修会典请日给副总裁纂修等官及各员役供事者酒饭笔墨木炭等项炤旧开支其卓凳研炉大小象牙书圈内监炤数送用刑部都察院按月支送纸劄外用办事吏二十名分送各馆管理册籍启闭馆门匠役并较尉炤旧应用下所司行之

○以擒逆酋王杲功副使贺溱翟绣裳参将唐朴副总兵曹簋等各升赏有差从巡按御史赵允升请也

○戊申升江西广信府知府姚体信为福建副使

○命夺方山王府辅国中尉新埵禄米之半仪宾栗汉臣下御史讯先是新埵以犯盗参罚至是复窝寄潞城王府仪宾栗汉臣盗赃抚按崔镛等以闻故有是谴

○己酉刑科都给事中严用和以稽查章奏列抚按六十三人未完一百三十四事以闻上夺郭思极等俸皆未完十一事以上而以张翀吴桂芳耿鸣世任事未久贯之

○命贵州道御史陈世宝僭运漕粮

○庚戌命广西道御史陈用宾督河东盐课

○辛亥以草湾河工成命立河海淮三神庙赐名显应

○以宁夏游击李孝充榆林保宁等堡参将

○总督两广侍郎凌云翼奏报岭南雕剿赏金事姜忻徐汝阳总兵陈璘有差

○命大仆寺发马价银七千两角□羊充蓟镇本年抚赏○兵部覆凤阳凤阳抚按吴桂芳舒鳌议以武平归德卫二拨补班军共三千七百七十四名应徵粮银存留凤阳府东西二海所并沂州卫拨补班军共一千七名应徵粮银存留海州听巡抚随宜雇募守陵防海其凤阳中右东西海凤阳留守中左怀远长淮洪塘寿州滁州汝宁仪真高邮淮安否□卅州莒州十八卫军一万五千二百名除存留扣剩外尚该五百二十一名俱并为春班归德武平颍川颖上庐州六安扬州通州泰州盐城沂州潼关大河徐州兴化宿州等十六卫军人一万四千六百六十三名除存留扣剩外尚该一千六百五十七名俱并为秋班听都司统领依限赴京操备从之○浙江巡按御史吴从宪＜娼弊-金＞举左布政使王应显等而劾金事王谟上以从宪未经报代例不得复命举劾令所司查议以闻都察院覆请罚治得俸夺

○壬子开馆重修大明会典

○浙江抚按谢鹏举等以修筑海塘奏留嘉兴府知府李豫加衔免覲不许

○甲寅云南提学副使刘应峰乞终养许之

○兵部以山西巡按孙代奏获板升叛人已经正法但虏索市无虚日水泉营守口不宜复用夷人逐月小市当有限制不宜恣其出入必申飭兵备将领毋容边人逃叛以启衅端其有孤贫不堪者加意抚恤上曰本镇督抚责任甚重此等事情一听悉心区处不必一一苛求

○乙卯荆王常＜娶-咥裕巨

上辍朝三日谥曰庄遣主事张淳祭致敕王嫡弟安成王常盗管府事以王无嗣也

○礼部右侍郎管祭酒事孙应鳌以见侮属官自劾御史钱岱亦言学正周道直于太学习礼突出班中列应鳌罪状不知何意上以道直狂肆无礼下诏狱杖之削其籍而慰留应鳌先是道直以新任谒应鳌屈膝私宅应鳌面斥其非已而持刺索文居然章草又改奏定幸学仪注命更演应鳌悉取投之乃未旦诣应鳌门痛哭随至监众中数应鳌罪三曰掷还手赤曰不修门剡曰不行所改仪注众皆骇之拉至演礼所演毕皆将散道直突至甬道道大呼曰天颜咫尺祭酒某屡反顾私言动以汗巾拭面科道当参其实莫渎有也似狂似痴莫得其故大都世之妄人云

○丙辰颁赐新铸万历制钱辅臣张居正二千文吕调阳张四维各一千文尚书左都御史五府掌印总督京营及勋戚驸马各一千文侍郎金都御史大理卿通政使锦衣卫掌印官日讲官各五百文太常等寺掌印官正字官各三百文

○以添注山东副使李汶为云南提学副使

○浙江佥事王谟致仕升刑部四川司郎中湏用宾为佥事代之

○义宁王慎铎讦闻

○夺襄陵王府辅国中尉融□融火□川融□融火□皆各宗禄有差下仪宾李得荣王友曾及平凉卫后所试百户任得应于御史讯各宗以纵容越奏仪宾以知情不首所弁以觉察不严得并议○丁巳巡按直隶御史刘良弼奏五月十四日蠡县雨雹大如鹅卵伤苗破屋打死乡民刘横头及牛畜数十六月二十五日庆都县雨雹七月初六日安州雨雹各伤禾大雨连绵秋苗尽淹时巡按直隶御史于鲸又奏五月十四日获鹿县雨雹大如鸡卵五月二十四日阜平县南宫县同日各报水雹打伤民人田苗俱报闻

○毛磷等卫女直都督付羊古等四川董卜韩胡宣慰司加渴瓦寺都纲番僧领占藏等各进贡宴待如常

○以修右卫威远浑源广灵四城功赏大同镇文武将士有差

○以秦韩二府庶人秉宋融□付秦世子惩警仍禁间宅下典宝马秀于御史讯先是秦府庶人秉宋与韩府未禄宗室融□等俱以违例奏扰安置闲宅腹潜出淫凶殴伤百户费勋故有是谴

○戊午

上以河南抚按所奏积谷数少夺各州县官俸有差仍命积赈耑责有司卫所官其勿与

○户科给事中朱东光参清平伯吴家彦男吴国乾奏袭父爵字画讹舛大不敬而误写讹为譏上曰朱东光参详章<娼儻-金>且先自误如何核人各夺禄俸

○下义州广宁失事百户等官林之诘等三十二人于巡按御史问

○己未太常寺以祭大社大稷请上命暂遣官居正言宗庙社稷祭之大者不宜代上面谕曰适欲遣官非憚劳也以朕一出则禁卫六军皆摆门侍宿恐劳人耳居正曰皇上敬共宗庙社稷臣民岂敢言劳上曰然其亲祭

○应天抚按宋仪望郭思极并参太仓州知州陈大统以参谒出为奸犯所乘纵火烧廊文卷俱毁吏部覆议以请上曰近方严禁掌印官趋谒而大统故违卒以失事降杂职用仍查提学御史有无先行禁示并以实闻于是提学御史褚鈇言有司参谒屡行严禁大统实未到宜兴安得捏词饰罪下所司

○江西巡按御史张简以宁州山贼啸聚流劫报上以贼势披猖王徽猷职专备兵未闻擒获而遽称宁谧明属欺蔽褫其职闲住而降通判袁祖义等于边方削吏目柳益赵不昧等职仍与把总戴士亮下巡按御史讯夺参政卢仲佃俸命戴罪擒贼以赎前愆且谓抚按官前已奉旨令兵备专驻宁州何又纵之安坐省城以致失事并切责之

○甘镇互市完总督以下各赏银币有差○以万全都司僉书吕豸充宁夏游击广东都司掌印李金充浙江杭嘉湖参将

○总督陕西右都御史石茂华劾游击帅范贪污不职罢之

○庚申阅视蓟辽保定左副都御史郅光先绘各边形胜图进览留之

○刑科都给事中严用和言宗祖爱惜民命律有故禁故勘因而致死之款例有酷刑伤人因而致死之条今有司恣一已震怒虐民作威有如陕西巡按所论洵阳知县吴崇云南巡按所论元谋知县张维皆暴酷异常乞行各按臣提问下所司覆如用和言

○户部覆御史陈功条奏漕政五事之三一议更番先为总漕吴桂芳所陈业已覆行一选旗甲则议单已载惟在严各卫所掌印官卖放之禁一议积欠漕粮果系漂流及官军逃亡故绝者议准豁免若见在各官及有子孙应袭者例得追补岂容别议至南京旗军原无月粮扣角□羊且议单明开不许坐扣别军月粮惟将本帮羨余通融补欠但一申饬之而已工部亦复陈功漕政五事之二其一议造缸清江厂合山东遮洋七总之缸造于一厂既不堪用又不如期及雇民缸费适相等宜分锦衣旗手两总于南京山东遮洋两总于临清各委督粮道督造至于江北三总则责成清江厂主事并漕储道而限以五年改造仍备查应角□羊料价先事料理依时给发此目击各总缸毙诚为有见但今期届八月临清去产木处所极远南京虽近产木处所而军士贫窘未经查议遽难定拟惟本部备咨漕运衙门严催清江厂作速完造坚固接济新运仍如御史言估勘各总额缸堪用者发运敝坏者改造查炤年分追还料价中间应否改属应天山东分厂督造或炤旧专责清江厂一一详议停妥径自题请施行其一议溜夫黄河绵亘五六百里中间随地转曲牵挽最难各缸有限之夫前后安能调集查吕徐二洪

设有洪夫约二千名二洪今淤为平流洪夫多用之修筑宜于粮运经行时酌派沿河溜处随宜调用此则宜如御史言权宜借调候粮舡过尽仍归二洪者也 上并然之

明神宗显皇帝实录卷之五十三

万历四年八月辛酉朔陕西抚按董世彦等以司库贮税契路引等杂项银共五万四千四百五十余两留抵四镇应发年例先尽固原次及延宁甘肃仍著为令下户部覆可令姑留司库俟请发然后奏给 上然之

○以修完野猪沟一带边工赏抚臣杨彩参政朱裳及指挥吕应岳等各银有差夺指挥孙应魁等俸从巡按孙代勘请也

○壬戌 上幸太学诣先师孔子庙行释奠礼御彝伦堂两甚免进讲鸿胪寺官传制宣谕师生曰治平之道具载六经体验推行实资化理尔师生其勉之礼毕仍免师生送驾特赐辅臣张居正扇六柄银叶二十两吕调阳张四维各扇二柄银叶十两讲官申时行等六员各扇一柄银叶五两正字官马继文等二员各银叶五两赐分献官大学士张居正等各新钞羊酒○改荫原任大学士翟鸾孙思梁先是思梁父汝孝已承荫矣后中式以夤缘被论并除鸾名后复鸾官至是引例请改荫吏部谓汝孝除名仍引制科例未当而鸾先朝辅臣可念诏许之

○癸亥 上御皇极殿文武百官以幸学礼成致词称贺衍圣公孔尚贤率三氏子孙祭酒孙应鳌等率诸生各上表谢赐衍圣公及颜孟博士三氏族入冠带袭衣祭酒司业等官袭衣诸生钐锭各有差敕谕国子监师坐朕惟人君化民成俗学校为先我祖宗列圣致治之隆率循斯轨朕以冲昧纘承洪业四载于兹南北郊禋殷礼咸秩兹率旧典祗谒先师孔子肆举释奠之仪进尔师生讲论治理厥理告成夫为治之道贵在力行立教之方务求诸己朕方责实考成率作兴事惟尔师生均有修己治人之责者尚孟加毖勉懋乃教学助宣风化之原翊赞文明之治钦哉故谕

○乙丑兵部覆总督陕西石茂华巡抚董世彦所报抚过洮州境外生熟番夷共七十一族古陆阿尔答畏罪远移屡状归顺献出番贼你卜他等首级四颗并生擒且戎卜班卜牙二名赔马牛羊共二百六十七匹只伏罪 上曰番族既哀恳姑赏之且戎卜等即梟示

○工部覆巡按直隶御史舒鳌奏草湾河工告成计河身长一万一千一百四十八丈九尺塞过大小决口二十二处募过人夫四万四千名实用银三万九千六百六十两粮四万六千一百七十一石准银二万七千七百两以二月二十日起工本年六月十二日报完因叙总督吴桂芳副使舒应龙佾事黄猷吉淮阳知府邵元哲及同知刘顺之通判蔡玠等并府县各官分理功 上曰海口开浚水患渐平各官功寔可嘉其先赏吴桂芳银币舒应龙以下各赏银有差仍用心修举功成另叙

○工科都给事中刘铉等请蠲工部营缮等司诸色料价军器折价纸张弓箭匠价砖价砍柴夫价农桑芦笋等项远年积逋下所司覆如铉言但各处自隆庆四年以后者徐淮扬凤青登莱自隆庆六年以后者年年带徵三万与万历以后钱粮一体考成从之

○丙寅命右中允兼编修何雒文右赞善兼简讨许国充顺天府乡试考试官

○户部覆云南抚按所报积谷备赈多寡之数有不及额者查炤考成近例降罚从之

○以遮洋运粮把总孟得贤僉书万全都司改福建行都司掌印李应详于广东

○丁卯遣礼部尚书兼学士马自强祭先师孔子○刑科给事中王道成言作养人才宜先振士习往者六馆肄业止应故事近祭酒孙应鳌议停纳粟天下郡县所贡士皆出选举际此昌明之会责成儒师陶养士德诏天下博访茂才有贤良方正孝廉明经之士如黄福杨士奇胡俨吴与弼辈徵拜一二以缉熙圣学亲贤远佞专责道德勿宝珍奇则天下之士皆将饬躬励行修德养誉以默顺惟皇之极矣报闻

○戊辰上祭太社太稷

○是日恭遇孝康敬皇后忌辰于是礼部酌议请

上于日间服浅淡衣百官以青衣角带办事至夜分上仍祭服陪祀官亦然今后凡奏祭日期遇有忌辰者除已祧及内殿无祭不忌外其余皆于前一日奏祭如致斋日遇有忌辰者

皇上具常服一日百官俱青绿锦绣一日其告祭日遇有忌辰者

皇上具祭服行礼陪祀官俱祭服如祭在日间则本日祭前祭后

皇上具常服百官俱青绿锦绣如夜分祭毕则日间

皇上仍浅淡衣服百官仍青角带办事临期本部俱开具手本送司礼监知会报闻

○南京守备太监李庆以会同刑部等衙门审录过斩绞杂犯等罪罪囚张郭等奏闻下所司

○己巳以万寿圣节先期赐辅臣张居正银八十两彩段六表里吕调阳张四维各五十两四表里讲官申时行等六员各二十两一表里正字官马继文等二员各十两一表里

○衍圣公孔尚贤请朝贺进表文马匹许之命免常朝

○升营缮司郎中叶九金为江西僉事○庚午南直巡按御史郭思极献运使葛纶狱以报先是奸商朱完以不法为其党讦讼而纶里人沈衍庆为和仁训导其子尧臣识完又与纶族弟缙亲厚为夤缘索缙书求角□羊纶恶其嘱托仍按法论完成旦颇腾浮议于是求以病去抚按交章参其通贿托病下部议以纶老成耿介素为物论所归一事烦言岂足蔽罪宜详勘至是坐尧臣缙等赃褫衍庆职纶得白第以长至托疾为失礼罪纶命调纶官

○兵部覆督抚蓟镇侍郎杨兆等议一定信地原拟古北口提调驻劄司马台曹家寨提调驻劄黑谷关将军营提调驻劄将军关乃各恋驻原地宜以古北口等衙改司马台等衙及全镇二十六提调称营字者悉改为关字使知职在守关别难规避一定抚赏必各路将官亲临弹压不许避嫌一增提调喜峰口三卫贡途诸夷辐辏之地宜添设提调一员驻李家谷从之

○兵部以山西马邑县强贼郝彦臣等越狱乞申飭 上曰处决强盗三令五申既任意抗违虽再行申飭何益今后必尽法毋务姑息按臣沉涵以新任宥之强贼既已拏获余年何无详报中间或司道官原未呈详或巡按御史故不奏请并本县正佐官凭限有无过违其令涵即从实勘奏郝彦臣等即梟示未获者缉拏余如议

○辛未户部覆户科都给事中光懋条议八事其一曰酌行蠲免二曰量行改折俱前<娼弊-金>覆行三曰及时追徵催科及时则民力易办玩愒以钓誉于先张皇以督促于后逋积愈甚即官序当迁宜听抚按参治四曰免摊逃粮民力止能供本户之税有司以逃户之赋摊于见在之民遂使相率皆逃宜加意招徕设处开垦以补原额五曰额定岁派各处钱粮那移借角□羊久假不归如山东独坐南兵之饷歙县独累一府之丝也科臣不为无见但蓟镇保护陵京召兵入卫行之已久要皆取诸额设民壮之数而南北直隶山西河南或已掣或折银如山西折徵民兵银两尚在也山东虽若折角□羊稍厚较原费八万八千两今止徵五万六千两已极调停况今土兵尚未充实南兵何时可罢徵角□羊工食实难停止至于徽州府人丁丝绢一项宜行应天抚按将该府六县钱粮以部额府额总行通筹务求其均不许那重作轻以滋民害六曰明示则例近年创立一条鞭法一概混徵及至起角□羊随意先后每遇查盘有尽一县欠户而皆□□互罪尽一户欠粮而皆问赎者今后凡遇编派里甲审定徭役徵收租粮悉遵制各给户由使人知遵炤七曰招抚流移宜行各该抚按行守巡等官督率有司设法招抚开垦免税安插里居寔寔奉扬德意八曰甄别有司有司官急于完粮以希上考效尤成俗贤愚混淆遂失朝廷为民设官初意今已分别多寡远近缓急颇有次第有司必不得催科政拙自失职掌以貽降罚 上悉然之

○兵部覆浙江抚按官谢鹏举等奏杭州盗贼纵横由各道职守不明议将杭严二府兵备事务改兼分巡道兼管而杭嘉湖兵备则裁去杭州金衢严兵备则裁去严州水利道止管屯盐敕内捕盗改为盐盗各换给敕书分巡既兼兵备不可无兵即将水利道原管杭州前右二卫军兵五百名改拨及操练各府县民壮驻劄省城 上曰近来各抚按每于地方失事后即议增官议更调不知从前所作何事今若不以实责成将来又未免有失且本省盗劫官银有旨令逮捕贼赃并究角□羊官溺死之故今俱未报止将各司道更置一番不过虚文了事推诿常套何有惩前虑后之寔今姑如议尔部科其识之

○壬申建州等卫女直都督纳木章等进贡宴待如常

○苏松兵备副使王叔杲擒献海寇严大邦等命梟之

○甲戌升两广军门坐营中军汪浚金书云南都司以原任中都留守于嵩掌福建行都司印江西南赣团操指挥金事刘用光金书四川都司

○阅边都御史郅光先<娼弊-金>报边臣三年内修守职业大略积钱粮则保昌为优蓟辽为次修险隘则保蓟昌并优而蓟镇新台尚疏旧墙渐圯尚非完策练兵马则蓟镇土著辽东正共保昌各标并优各营路为次客兵卫蓟者则延宁宣辽并优各班兵为次整器械则蓟镇

为优保昌辽为次其守台器具则蓟昌保率俱充足坚利开屯田理盐法收胡马散逆党则辽东稍优蓟镇次之昌保惟有开屯田一事相埒因举劾文武诸臣又以辽东新筑＜整彩见＞酋等六堡城工报上命赏督抚杨兆张学颜等各银币有差内兆得赐敕嘉奖学颜等加赏而副总兵罗瑞等各夺俸革任提问有差

○丁丑万寿圣节上御皇极殿受文武群臣贺及各王府天下诸司庆贺表

○朝鲜国王李昖差陪臣参判崔盖国等进庆贺万寿表宴赏如例○己卯命试御史郑宗学河南道王民顺湖广道师祥山西道董裕山东道敖鲲山西道黄应坤云南道董光裕陕西道李尚默河南道钱岱湖广道各实授

○庚辰以湖广行都司掌印李瀚充参将分守兰州真定车营游击李沛充参将分守倒马关辽东西平堡备御裴永勋充辽东领兵游击大同入卫游击毛策充昌平标兵营游击

○壬午特命太医院掌院事右通政徐伟加升太仆寺卿仍掌院事

○户部覆总督杨兆奏兴营三卫官军俸粮布花料豆俱改赴密镇关支月粮炤梁城所事例上半年支本色四月即发该镇仓粮其折色二月每石银六钱五分与下半年俱支折色每石银四钱五分并俸布料豆通该折银四千九百六十四两三钱动支太仓银库银与年例类发该镇给散允之

○癸未甘肃行太仆寺少卿兼佥事李克敬＜娼弊-
金＞乞致仕吏科参其微劳骤躐托病避察命革职仍候考察

○礼部覆贵州抚按严清等奏裁永从县儒学以清冒滥上以建学来历原自欠明今姑勿问如议即裁生员量留籍贯行止无碍者十余名附府学余悉屏黜

○命建州左右二卫都督佥事章成男昂已牙令哈男阿台都指挥佥事额苦男孛罗各袭原职

○发太仆寺马价银于蓟镇以七千六百二十两给入卫宁延官军四千六百二十两给宣大官军各买马补倒死数

○甲申伏除广东道御史许子良于河南道

○户科左给事中萧崇业等以册封琉球颁去诏敕彼国每欲请留亦远人钦崇之意不宜靳使臣奉将王命远涉海涛所赖百灵为之呵护宜令翰林院撰祭文布政司备祭以隆祈报所造过海舡只督以府佐仍委廉干指挥二员副之务期坚好即以指挥监军与工匠一并随行凡一切饮食器械及观星占风听水察土医卜技艺之人俱备悉如议

○兵科都给事中裴应章言副总兵张臣前已镌级而谢恩＜娼弊-金＞内仍书旧銜应再降上以臣在边倩书京邸情非故犯止夺其俸

○以永平守备刘应时充遵化辚重营游击

○兵部覆兵科左给事中林景旸条奏八款一核勾补勾角□羊新军率幼小老弱尪羸乞丐甚有长角□羊包验甫获批回而军随逃者宜令京卫赴本部外卫赴抚按各验收不如法者驳回计数参究内外卫所经历务修本业查理军伍不得营干别差一核比试凡袭替官舍各该都司先送各学肄业俟操演有验保送至比试则步骑兼核文苑并观不中者罚一核操练京营每月走营演艺分等示优奉行无异惟是拨工占役积弊当除仍令巡视参究至于别选统练将官恐多牵制戎政总协自宜酌议以闻其盔甲弓箭枪刀外角□羊不堪或验驳题参或给军自办令工部议覆一核武举每科分边腹重气艺兼取民生皆见行事例惟咨用本于缺少军前不宜委弃即才不才各别当明白开报一体荐劾至于京卫锦衣虽向未议及亦宜申饬凡该卫管事员缺先尽推补或在京巡捕把总或南京大小教场把总俱可通融推用有荐并升守备坐营等官有过终身不录其各色纳级等辈委应行各镇严加澄汰二核警报边镇哨夜全军耳目近多周涛为幻哨探不明皆因选不慎责不专耳宜拣精力健捷胆略沉毅者方许托以腹心不嫌议加月饷倘有虚张隐匿及将领赖以冒功借之脱罪者重治一核弭盗致盗之由上以贪残下以奢侈乃打行独盛于苏松赌博公行于都市而披捩淄黄唱和佛语者近在朝房东西盘坐响应委宜并行内外抚按巡城官力为缉禁一核功罪抚按率凭司道司道率凭将领耳目愈众真伪愈淆必令风宪随营纪录至于核覆必经臣部前已奉有毋得避嫌畏谤徒徇人言之旨然非具真见未敢轻有异同以伤政体一核边功各边修筑军夫艰苦百倍又复节缩大过程限太严何堪重困委宜酌量冲僻稍示＜螯彩见＞舒但各镇既有御史巡勘又特遣大臣阅视不必更差司属马步官军已分强弱步军修工马军操练是即素习之战守慨行抽选与抽丁召募听抚按详议户部亦覆景旸奏二款一核月粮太仓现贮米约支七年腐不堪食石值钱二百宜参酌通融改折军士亦本折兼支但京通仓口每岁支放出空廩以收新若旧廩少放即新粮缺廩现贮之米久益红腐京城市价瞬息低昂本色不支市棍乘机踊价必每岁较量贵贱为折放多寡贱则折放三月平则两月贵则一月又贵则全支至于京军岁赏布花粗纰不堪皆因有司好名务减额价今军士尽望折银虽未易改图然必饬司府县及验粮厅验角□羊验收毋容包侵搪塞一核边储各镇设督饷郎中正以慎出纳调盈缩迺来上下雷同巧为除扣那移虚冒虚出通关及给散军士月粮本色则红腐折色则短少身无完衣腹不宿饱所在嗷嗷且兵马渐少年例日增苟非耗蠹将马用之沿边钱粮监守自盗计赃戡斩近例侵没必坐监临分别降罚或至革削宜行巡按官凡遇查盘粮必倒廩验斛银必拆封验秤仓廩随时修理毋容假名别贮果有不法如例参究至于各边将领享互市之逸骄愤奢纵宴会馈遗俳优星相动为三军之累尽行禁逐仍刊榜通遵上并然之

○大理寺覆拟杀母犯人刘彪凌迟死报可

○乙酉巡按直隶御史王晓言两淮盐至仪真则角□羊捆小包盖因江西湖广行盐地方多山僻小县河道浅狭舡小包大承载为难势不得不角□羊包就舡水内均便今闻有角□羊

捆之禁皆逗遛观望莫肯承买商既苦之而仪真地狭差繁小民亦以角□羊捆觅利度日每年角□羊下大包名曰潮包南京下关民用沥灰卤每一包官税银四厘岁得二千余两角□羊部今如停止则措角□羊何从高邮等州县粮田常为水啮民以织包为业代纳粮差一旦禁不使行手足罔措凶荒相迫可为隐忧□困民穷国课谁办若虑夹带则宜酌定盐数每大包盐数若干折改小包盐应若干登之格册报掣盐御史据册验掣自难容奸况私盐之毙多在兴贩之徒商人挟千万金重资必不以数金小利甘犯没官之律也下所司部议如晓言从之

○辽东毛怜等卫女直夷人都督付羊古等共二百九十九员名各备马赴京朝贡赏赉如例

○以统领南兵参将杨文充副总兵协守蓟州东路

○命河南道御史赵应元巡按湖广 ○法司会拟阳曲王府辅国中尉新块未请名封朱刘孙朱赛儿朱禄儿糾众行劫至于伤人中尉新壁谋而未行分赃有据中尉知火□廖新塍纵子劫杀教家不严各情罪以上命降新块新壁为庶人新块仍与朱刘孙等俱置闲宅知火□廖新塍各夺禄米三月

○丙戌刑科郭四维言徵派民瘼所关今有不容缓视者如粮石均也而价银多寡异仓口均也而输转远近异地亩均也而肥瘠异尝访直隶则如顺天之文安灤县保定之完县唐县山东则沂费郯滕山狭则辽沁宜洛等州县之类民则终岁刑逼官则经年住俸而逋赋如故壤虽不可改轻重则可变通或通融于全省或裒益于一府或量议改折或分与存留原额不失而偏累苏矣我朝兵制总兵专阃参将以下听节制焉事权不可谓不重顷古北口损军折将据法拟罪责有攸归边方故习有功则张一为十虚冒上赏有罪则掩有为无苟免重罚彼此蒙蔽牢不可破何以快人心而振纪纲乞敕各边主将申明固守之条特饬失律之戒南兵训练必求可备战伐抚赏经费必求可以常继在今日并为切要者也于是工部请以通融徵派参酌本折责成抚按而兵部则谓古北口失事处分已当封强之事当视其责任之大小事变之巨细经营之专与不专而轻重其法但当严谕边臣毋谓法轻可玩坐误事机训练抚赏并宜申饬上然之

○巡按直隶御史邵升言淮徐扬自海口沙横河身淤垫桑田尽成湖泊钱粮逋负独多顷开草湾河导黄淮赴海虽当大涨旋涨旋消不复停积数十年鱼鳖之渊幸有平土但荒田初垦收获为难乞将二府一州所属州县漕粮分别改折三年其一切起存钱粮料价亦命停徵于三年后带补以示<整彩见>恤下户部覆谓河水之患渐平则剥肤之灾自远岂可预为三年之请概冀非常之恩惟万历元年二年拖欠若果系灾疲勘寔奏豁从之

○丁亥命清平伯吴家彦男吴国乾袭爵

○命南京广东等道试御史林应训胡宥丁元复唐裔于应昌等各实授

○以薊镇守备金福充薊镇南兵大同镇中军坐营王保充大同入卫神机五营游击王治充真定车营各游击将军

○戊子升通政司右参议梁子琦为左户部江西司主事许光大为右参议

○己丑升湖广右布政使金立敬为本省左布政使○以朝鲜国王李昖送回被虏辽民七十八名口又续送回一十六名口赏其获功官军朴民献姜侣及管押陪臣洪圣民训导节制使等官丁应福赵徽等各银币有差仍赐敕褒异之

明神宗显皇帝实录卷之五十四

万历四年九月庚寅朔礼官进大报等祀日册 上御皇极殿受之

○辛卯升广东按察使史朝宜为湖广右布政使

○以剿贵州叛寇莫继恩功赏巡抚罗瑶总兵吴国布政使李心学等各银币有差

○大理寺覆拟弑父犯人申柱凌迟死报允

○工科都给事中刘铉等言太监张宏请修西湖景桥梁闸座查西湖闸座之设不过制其涨溢而已初无关系亦原无脩理令甲当今大工大礼并兴库帑俱竭支持不暇乞命罢修上命内臣查酌修浚余暂罢之

○壬辰河南右布政使吴一介以病乞休许之○户部言大同镇开派盐引先年误减引价致损军储宜如管粮郎中贾实议仍照原定引价两淮每引价银五钱长芦每引价银二钱召商报中一应粮料草束访时估斗头酌道里远近炤仓斗定价稍从<整彩见>减每米豆该纳一石六斗量减二斗草百束量减十束仍将召中盐商姓名拨过仓口发过盐引时估价值及<整彩见>减各数目报部从之

○陕西敖儿等族番人剺石禄等四川加渴瓦寺都纲头目领占藏等各备腰刀珊瑚等物入贡命赏赉如例命修 显陵

○癸巳升广东右参政刘志伊为本省按察使

○户部尚书殷正茂等言漕运事宜既经诸臣条议当详加酌定载入议单如户科给事中刘鲁谓预给月粮漕臣幸其早沾各军虑其分拨宜咨南部并漕司会议至于查给余羨点选军旗则确乎可行者如漕储参政杨一魁揭议曰复起剥以省重困石土二灞地势甚狭水涸舟胶雇夫回舡艰苦百状宜酌河水浅深以为抵灞抵湾之准万一沮浅势必剥运则轻赍内原编起剥银每石脚价六钱五分当复也曰慎委催以节军力粮舡既有总兵督押沿途又有部司催僦乃复委之佐贰苟且欲速不问汹涌波涛风雨黑夜一概催赶或致失所害岂胜言宜令分司兵备等官加意优恤不得輒行捆打曰专责成以免疏旷把总督押各帮责任颇重乃不顾本管反委催别帮舡只以致顾彼失此合通行漕司僦运等官严谕各总止炤顾本帮中有跟帮不及者申呈本道批行附近总分带理至于黄河不许越帮则已奉旨不容再议又如本部应议事件除掌印官更番领运一节似于漕务有裨而南京兵部尚书刘光济以为不便已移咨漕司另议外一轻赍银两原为起剥交纳各项公费关系不小有司先期徵完随粮角□羊赴漕司三分验给各帮沿途支费七分差官起角□羊迟违炤例降罚或有中途被劫事变户部劄行京通二厅查将失事本帮羨余扣抵不足则责令地方官与本帮及前后帮舡三分均赔毋容偏累一就近造舡侍郎吴桂芳咨安庆造舡非便欲将九江卫浅舡仍造本处听

九江道提调即当改行一严空帮凡漕舡起粮户部给单押空回南多有载货迟延弃逃盗卖者自万历四年始另刊限单通仓郎中遴选廉干运官押回程途舡只明开单内严限督赴粮储道投验迟违一月者炤依违限事例拟罪一月以外罚俸三月缺船五只以上该道查参降职一级十只以上降二级有通同盗卖等毙炤问刑条例追赃重拟并乞载入议单遵守上曰可南京卫官更番其如前议

○泰宁等卫夷人升合儿等入贺 万寿圣节命宴待如例

○以宣府独石城守备叶秉充神机五营佐击将军降原任蓟镇中路副总兵罗端定州游击以广西永宁守备韩文启充广西昭平等处参将开原参将唐朴调正安堡管束营游击事保河民兵游击姚天与充参将分守开原地方

○刑部尚书王崇古题请会官审录 上命九月二十四日行

○甲午升河南按察使郑云釜为河南右布政刑部山西司署员外郎邹德涵为河南佥事

○夺抚治郟阳右副都御史王世贞俸以荐举涉滥为吏部所纠也

○东厂缉弑母烧尸犯人张大金并廉其妻李氏吴氏一致夫毆母至死一坐视烧尸以闻命付诏狱○乙未调四川左参政蔡汝贤为广东右参政

○荫户部侍郎李幼滋男李必大入监读书

○原任南京户部右侍郎杨思忠卒守臣以闻赐祭葬如例思忠山西平定州人嘉靖辛丑进士筮令清苑选礼科给事中历户礼吏科左右给事洊太仆寺少卿左通政以右副都御史巡抚陕西历前职養病至是卒剔历几三十载人以查节归之

○丙申升河南右参政杨枢为本省按察使

○巡抚福建佥都御史刘尧诲奏报把总王望高等以吕宋夷兵败贼林凤于海焚舟斩级凤溃围遁复斩多级并吕宋所赍贡文方物以进下所司

○升蓟镇青山口提调刘松充统领保河民兵游击○刑科都给事中严用和言矜疑罪囚谓其情可矜罪可疑耳乃五月大审情罪既确岂半年未及又可矜疑诸有词罪囚咸谓断拟未确执不输服例得再问若事久屡问罪无可出仍作有词则前问竟成虚文后审能无更易且谓狱久痼废朦瞽残伤得以笃疾奏释囚因有擦损其目徼图漏网者皇上登极免刑至再上年复以初行 郊典免刑德意已深若有罪不诛虽尧舜不能治天下而王者之民亦惟曰杀之而不怨未闻以不杀为无冤朝审既毕情真罪犯乞分别行刑下法司覆如用和言许之

○赐阳夏王载非□土四书五经各一部

○戊戌升陕西副使孙坤为四川左参政○吏部尚书张瀚等考次各省直提学官以闻

上命传孟春内擢乔因阜褚鉄各晋一级余令益坚初志精勤职业政成一体擢用如恃考称怠玩徇私仍黜不宥郑旻调剧地蔡叔达等别用并如议

○辛丑朝鲜国陪臣崔盖国等还国宴待如初

○以湖广都司金书傅昆掌本省行都司印

○以土官宣抚使奢效忠征蛮有功授正四品散官加三品服色终身

○壬寅总督河道右金都御史傅希摯奏报河决韦家楼约三里余又决沛县缕水堤二处一长一百三十一丈二尺一长九十五丈七尺又豊县决长堤二处一长五十余丈一长六十余丈曹县决长堤七十余丈约三里余下所司○癸卯巡抚山东金都御史李世达奏勘博兴县五月内冰雹打伤禾地三千九十八顷四十亩有奇打死男妇卞守才萧氏等四十二名口树木折倒牲畜死者无数乞将夏税及临德二仓米麦尽数蠲免下户部覆议临德二仓米俱免五分德州仓麦每石减折二钱以示＜整彩见＞恤从之

○甲辰升山东按察使龙光为本省右布政使

○乙巳夜望月食 泰宁等卫夷人只儿挨等差升合儿等进马贺万寿圣节赏给如例仍赐敕二道

○丙午封光泽王宪火□堇生母袁氏为恭僖王次妃

○丁未命实录纂修官简讨王弘海兼充会典纂修官○大同巡抚郑雒奏万历四年八月浑源州雨雪杀禾本月十八日地震同日应州亦震报闻

○己酉霜降节遣武安侯郑昆安乡伯张铉成安伯郭应乾武平伯陈大策固安伯陈景行分祭 长陵 献陵 景陵 裕陵

泰陵 茂陵 康陵 永陵惠安伯张元善祭 景皇帝陵寝

○升湖广右参议郭崇嗣为陕西副使

○追封衡王载圭生母夫人王氏为衡庄王继妃

○辛亥叙平广东海寇林凤功升福建巡抚金都御史刘尧诲为右副都御史总兵胡守仁参议乔懋敬参政陶幼学等各赏赉有差

○礼部议赏吕宋番夷例以闻报可 ○壬子升广东左参议夏道南为本省副使

○以保河二府灾折徵存留秋税及马草屯粮以示＜整彩见＞恤

○兵部覆总督方逢年奏义顺王俺答进表文鞍马求加升赏贡市人役查始封时额员已定年来陈乞滥升至二百余员已及二倍年复一年将何纪极即宜停却但前此稍事＜整彩见＞假未常明立定规似难峻拒今后议定画一炤中国设立卫所使人有专役官有定员彼无分外之望我无阻绝之嫌 上命升赏姑如所请仍炤总督方逢年传示虜王虔守约束毋得每岁求增以乖忠顺卫罢不设礼部所议例赏加赏数目著为令

○癸丑录囚

○宣大山西督抚方逢时等奏朔州马邑二州县及朔州平虜二卫冰雹毁稼乞请蠲折下部议存留民粮炤被灾分数豁免屯田地亩粮每石折银三钱许之

○户部覆南赣巡抚江一麟题叶贼没官田二十七万把查核止一十八万把内二万九千系攘夺民产当除豁其在广东龙川县界者既属辽远且动称占夺若欲尽追恐致他虞乞免原报数三分之一仍于变卖严氏产银内动支九千八百四十两为建筑新县费从之

○甲寅升陕西西安府同知史邦直为河南佥事管新设水利道事赐总督宣大右副都御史张松祭葬松河南雒阳县人以进士授庐州府推官历户部主事员外郎中山西平阳知府陕西副使山东山西参政山东按察使陟都察院右佥都御史巡抚保定再晋前职回籍候用至是卒兵部称其节次擒斩多功难泯故有是命

○兵部覆议江西抚按潘季驯等奏请京库折银角□羊官勘合上谓勘合给以起角□羊岂得用之回还各抚按不体朝廷优恤民隐之意仍踵毙辙当并治之

○刑部尚书王崇古等以审录过轻重罪犯具＜娼弊-金＞请上命情真者决矜疑者遣戍边有词者缓之

○丙辰山西安邑及夏县地震屋宇动摇

○己未升都水司署郎中事员外郎陈诏为浙江水利佥事

明神宗显皇帝实录卷之五十五

万历四年十月庚戌朔钦天监官进万历五年大统历

上御皇极殿受之分赐文武群臣颁行是日 上躬享 太庙

○封瑞昌王府奉国将军多灵生母王氏为淑人多燉生母钟氏为恭人

○辛亥 上御经筵赐辅臣及讲官等制钱

○壬子 穆庙安妃杨氏薨辍朝一日

○癸丑给蓟昌二镇太仆寺马千匹银一万八千两

○靖江王府奉国中尉约口□易有罪降为庶人置间宅免其禁锢

○勒令靖江王府杀叔罪宗邦甘□永自杀

○甲寅以山西右参政张梦鲤升江西按察使○升总督蓟辽保定兵部左侍郎右佥都御史杨兆为右都御史

○丙辰赐辅臣张居正等各罍瓶磁器皆旧都宗器也<媼嬖-
金>谢曰帝宝王珍晶光溢目商彝周鼎璀璨盈庭岂徒传示子孙尚当纪垂简册报闻

○升山东副使葛大纪为山西右参政

○封庆成王慎钟继选张氏为次妃

○戊辰山西抚按崔镛等以防边留行太仆寺卿及忻州代州崞县官免覲许之

○追封瑞昌王府奉国将军多火□予生母喻氏为淑人

○泰宁等卫夷人升合儿等以贺 万寿圣节并长至节至赏赉如例

○戮罪人申柱张大金等六十九名于市

○复除原任南京兵部武选司郎中殷建中为工部都水司河道郎中○乙巳户部以陕西抚按石茂华等欲增募神木兵三千该饷二万七千一百六十三两开入年例仍先发三分之一计九千五十四两有奇就于陕西布政司所收四川改角□羊银内支发覆议以请从之

○铸给管理淮凤水利垦田金事关防

○工部以山西台基二厂木乏请发库贮荆州厂所角□羊税银三万八千九百两遣司属賫往仪真瓜洲买木许之

○庚午上御文华殿讲读以成祖时驯虞图示辅臣初周王得驯虞于神后山以献成祖令绘为图先臣蹇义姚广孝及翰林坊监诸臣各赋颂歌赞以纪述之联为卷轴凡十余本藏之内库至是南京守臣以进上命出观因以其一留内阁

○升江西副使李台为福建右参政

○罢陕西行太仆寺少卿田应弼以报升九阅月始引疾乞休为吏科所论劾也○诏预发辽东镇主兵饷银八万二千两

○辛未升湖广黄州府知府潘允哲为山东副使

○命江西道御史商为正巡按福建

○癸酉升江西道御史吴从宪为江西副使

○乙亥少保兼太子太保礼部尚书武英殿大学士吕调阳满三年考诏晋太子太傅吏部尚书予诰荫一子中书舍人调阳具〈媼劻金〉谢再辞又辞兼官俱温诏慰勉不允

○凤阳巡抚吴桂芳等以河决豊沛徐州睢宁四州县民居漂溺灾沴异常请发各库仓贮积银粮及留徐州商税银三千六百两有奇备赈各项起角□羊钱粮分别被灾轻重缓徵会山东巡抚李世达亦以金乡鱼台单曹等县田庐尽没请蠲漕米站银并动库积官银备赈俱下户部议可从之

○丙子少师兼太子太师吏部尚书中极殿大学士张居正九年考绩

上曰元辅命皇考匡弼朕躬勋德茂著特进左柱国太傅俸如伯爵仍兼原官予诰赐宴礼部荫一子尚宝司司丞是日遣文书房官赐银五十两纁丝四表里次日复手谕敕曰先生亲受先帝遗嘱辅朕冲年今四海昇平四夷宾服寔赖先生匡弼之功先生精忠大勋朕言不能述官不能酬惟我祖宗列圣垂鉴阴佑先生子孙世世与国咸休也兹以九年考绩特于常典外赐银二百两坐蟒蟒衣各一袭岁加禄米百石先生其钦承勿辞又遣文书官赐敕奖励曰朕闻垂裳之代喜起交孚负扆之朝后先夹辅皆倚忠贞之助以成俊伟之勋矧惟渺躬嗣宅丕后思祖宗艰大之业是继是承赖师保亲贤之臣予辅予翼卿道侔王佐学本儒宗以笃亮渊弘运经邦之谟略以肃恭正直端率下之表仪纯备三才忱恂九德昔以代言之良弼迪我先皇今惟顾命之元臣保予冲子既宣劳于拥佑遂殫力以匡襄盖当多誉多惧之时独持无党

无偏之体挈提政要润色彝章陈王道以沃朕心俾典于学举官职以正邦治屡省乃成法无弛而不张才有遗而必录公家细大之务知无不为社稷安危之身委而不有迨夫更阅既久建树宏多弥敦谦让之怀不替靖共之节精诚有结于朕志而不求人知忠益每兼乎众思而不啻已出折冲边境帷幄不居其功坐论庙堂海宇咸蒙其泽惟兹茂烈亶谓纯臣登三事者九年历两朝如一日最□来上允愜朕衷爰考旧章特颁新渥仍赐敕奖励以示眷怀于戏君臣相遇古昔所难美业贵乎克终令闻期于不已朕兹持盈履泰涉渊之惧方深卿兹负重荷艰凭几之言犹在惟益虔而匪懈乃交儆以相成尚明保予迓熙平于有象其介赉尔绵休祐于无疆钦哉故谕居正三具＜媿○

金＞谢再上书辞免且谓有非常之功者斯有非常之赏太傅古之三公

本朝文臣无居此者嘉靖初杨廷和以定策元老奉命特授旋亦辞免至于伯禄部宴符丞先朝辅臣间有因事偶加未闻一朝尽畀者伏乞允辞以安愚分

上答曰朝廷设三公之职用弘化理得贤则授朕以卿精忠大勋功在

社稷泽在生灵特晋崇阶允孚公论安得过执谦逊其尚勉受体朕至怀居正辞之再四

上不得已准辞太傅伯禄以遂其劳谦焉

○诏赐靖江王任昌冠服○丙寅凤阳巡抚吴桂芳等以宿迁县为黄水扫啮请迁县治筑土城以避之前基去县不数百武不必移民而儒学亦稍俟豊盈另议户部覆言迁县治以避水患政急则避之之权也虽时拙未暇举赢顾无宫墙何以群弟子无间阎何以保百姓政有大体宁惜小费则儒学当与县治并兴移民当与迁县同举查轻赍有限而抚按道府州县纸赎尚可通融并巡盐醵金即数千宜无难于取足况工作原救灾之一政淮扬一带昏垫已极藉此以聚失业之人岂徒寓賑恤之仁亦将弥饥寒之变于以兴教化恤流离胥此举矣然之

○加授福建总兵官胡守仁都督僉事以督闽兵过广追剿海贼有功故首叙之

○以巡按陕西御史刘光国劾黜宁夏贪残参将赵九思属之吏○丁卯以预造盔甲缺鍊料至一百一十万六千七百斤主事韩济议将羨余并损坏盔枪甲叶等鍊抵用工部覆请从之

○戊辰下贵州掌印都司许文守备李世芳于吏

○己巳以辽镇招抚夷汉功总兵李成梁而下各升赏有差

○庚午 上谕辅臣曰两京各省试录中有称臣者且刊文篇数擡头字样参差差错何故辅臣张居正乃言故事惟两京试录称臣以考官皆出 钦命各省考官皆彼中聘取文论皆取诸士子量刊为式多少随便二项似未为差惟是擡头岂容参差此则各官忽略不敬不能为之强角□羊伏睹各有御华红点仰见留心明典甚盛心也乞敕下礼部申明体式使知所遵守其中差错太多或文理纒繆不堪式者量行参究于是礼部将体式申明并参应天主考及各省监试诸臣诏罚试官戴洵程嗣功等俸二月此后不但试录凡章奏俱要恪遵旧式明白藎直如草率违式及故为深文隐语欺上不知部科指实参处

○辛未升应天巡抚右副都御史宋仪望为南京大理寺卿

○壬申梟俘虜革蓝个律于市

○兵部尚书谭纶言报功之典乃国家磨世砺钝之权在指挥同知下逮卒伍阵亡者皆以世官得袭在副总兵总兵则以流官得破格优恤独指挥使应袭升都指挥者拘于流官不世袭之说岂其官阶之崇而死顾不足惜也乎今后凡指挥使挺身赴敌殒阵除给本身恤典及长男承袭祖职外仍取次男一人与做冠带总旗查系生前有功死难独惨者与做试百户俱世袭如无次男即取长男下次孙承袭允之

○○癸酉 上御文华殿讲读先是山东抚按劾奏昌邑知县孙鸣凤赃私狼籍 上览奏怒甚遣中官持示辅臣张居正等欲逮系下吏居正对云固当尽法但旧例俱下部覆请行抚按提问至是讲毕 上语辅臣以鸣凤贪鄙恶且笑之居正对曰今 皇上励精臣等仰体德意以节俭率百僚法度亦稍振举维是有司贪风未息欲天下太平须安百姓欲安百姓须有司廉平 上复曰昨览<娼弊-金>此人乃进士出身何无藉如此居正对曰正恃进士出身故敢放肆若举人岁贡必有所畏惧以后用人当视其功能不必问其资格 上深以为然

○巡按直隶御史沉涵言虏部拆墙挟赏边将惧罪媚虏宜将各官罚治仍责虏囚以纵下罪而及时修补边墙兵部言以十余万久为边患之虏一旦受我縶紲六年于此而必欲使部落毫无干犯即以华法驭华民所不能者所赖边臣事制曲防顺怀逆责严饬诸将毋为苟且之图耳宣府边垣称固阅视者墨迹未乾乃至动称拆墙修守之谓何大同旧边尽属胡马驱驰之所惟一内边节议修理而南山诸边则逼近陵寝岔东三十余里俱沙土叠成未施砖石均宜亟为经理以保无虞者也 上然之

○甲戌命试御史龚懋贤曾士楚李东各实授

○乙亥升江西掌印都司胡忠为宁夏右参将东路都司金书张榜为刘河游击

○丙子升光禄寺卿王友贤为太常寺卿

○南京国子监祭酒余有丁以病乞归许之

○升四川行都司金书顾崇文掌贵州都司印○戊寅礼部右侍郎管祭酒事孙应鳌以病乞休许之

○升右通政孙鑑为光禄寺卿

○赐南京兵部右侍郎姜廷颐祭葬如例

○命南京陕西道御史于应昌巡视下江

○命南京山西道御史丁元复巡视南京京营

○修 裕陵祔恩殿祔恩门及两庑

明神宗显皇帝实录卷之五十六

万历四年十一月己卯朔起病痊河南道御史田乐为原官

○先是各边墩军每遇投降人口悉拒不纳云川卫人滕良者归自虏中其侄滕友学守墩惧而沮之因越墙归为鍊山堡操守任服义扶其侄五十而逐良良乃赴按台诉御史沉涵以闻下兵部言内地人叛去复回名为归正被虏逃回名为走回当此款贡之时除捣巢赶马招降堪启衅者严为禁止至于归正走回不当概毆以坚其不返之志岁终仍类报议赏有仍前拒绝及恣行剥削以致军民叛逃均之为虏毆众也应一体参治从之○升南京浦子口守御张应科陕西固原守备刘惟清原任江西坐营曹清金书各都司应科江西惟清四川清云南河南都司金书朱家将为江西都司掌印

○庚辰升文选司员外郎胡嘉谟为右通政

○叙广东惠州田尾海洋等处擒斩海贼功沈英奋等三员名各升授有差

○辛巳命南京广东道御史刘应训巡视苏松常镇水利

○壬午诏免山东旧逋班军缺额名粮银

○癸未以 圣母慈圣皇太后圣旦先期赐辅臣张居正银五十两纁丝四表里吕调阳张四维各四十两三表里讲官申时行等六员各银二十两二表里正字官马继文等各十两一表里及万寿字金篆绶符各有差○命庆世子倪僎袭本爵

○甲申兵部以真定二镇修筑台墙工完议叙效劳文武以示劝酬而先严怠事者之戒诏罢游击李桐镌参将王将等十人各实职一级

○丙戌起原任南京国子监祭酒姚弘谟为祭酒南京礼部右侍郎殷迈以原官管南京祭酒事

○命河南道御史许子良巡按江西河南道御史田乐巡按山西

○命顺天府修候气密室及建铸钱所

○初司礼监太监张诚等请修

圜丘 朝日 夕月等坛及 太庙祭器合用木植等料并雇工油漆等匠俱行工部催办于是工部乃言祭器例系各监修造本部原不与闻物料则炤原派以三分为率准办二分召口买办亦该监径自验收料价原贮节慎库中听其支給 上以为然

○丁亥以黄水冲滄诏山东曹单金鱼四县徭编浅铺闸溜河夫等银及存留永豐广盈等仓米银暂与蠲免其临德二仓小麦亦令停徵有司官仍动支仓库賑恤俟水落地出招抚复业量给牛种务使均沾

○诏给 穆庙昭顺英妃魏氏贍坟地及坟户

○改铸管理交城府事关防

○以山西神池堡守备魏孔与金书河南都司

○己丑礼部以本月二十二日冬至大祀 天于

圜丘故事十八日奏祭十九日百官受誓戒是日恭遇 慈圣皇太后圣旦文武百官宜吉服称贺庆戒一日两遇礼文服色不同请更于十七日奏祭十八日受誓戒

上命十七日奏祭十八日行庆贺礼十九日誓戒百官如故

○谕都察院今仕路难清贪风未泯朝覲考察官有遣人来京预图打点者五城御史緝事衙门其访擒以闻在京各官亦务禁止宴会勤修职业风示四方若沉湎纵肆不守官箴参来重治

○辛卯北虏王蛮速把部落入犯威远堡副总兵曹簠率兵御之督抚杨兆等以斩获及阵亡被伤数报兵部言簠力抗方张之寇虽斩馘不多而拖死扶伤委难数计战亦可谓勇矣但我军阵亡不止三倍纵称血战未可为功应并革赏前锋把总官涂广秃万春等进先退殿忠勇可嘉宜先甄录死者炤上年平虏例给阵亡官银二十两军五两优恤其家伤者人给一两上命赏涂广等银各十五两

○以虏酋贡市六年叙效劳文武诸臣命加总督方逢时太子少保原荫伊男升一级世袭吴兑升兵部右侍郎兼右金都御史郑雒升右副都御史崔镛升俸一级各巡抚如故总兵雷龙郭琥各升实职二级其余各升赏有差

○壬辰巡抚大同右金都御史郑雒以所属应浑蔚朔四州大同怀仁等七县远年积逋计二万八千二百两有奇应蠲及近年未完计六万六千二百两有奇应带徵具〈娵斨-金〉请户部言该镇钱粮业蒙谕〈整彩见〉恤而分别轻重又确有成数应入通省会计数内一体造册奏缴是之

○大同总督抚按方逢时等合言大同久婴虏患村落萧条款塞以来虽流移渐归抛荒未垦乞将万历四年见徵屯粮平虏等三卫所本色改折六分大同前等五卫堡本色改折三分每石俱折银三钱以示〈整彩见〉恤军士应支正饷即令本折兼支下户部覆言屯粮原系军需改折本难轻议但该镇目击时艰金谋必非得已应如议从之

○改原任蓟镇游击王惟藩于保定总兵标下

○甲午升户部浙江司郎中刘一孚为四川右参议

○是夜三更有四星贯于费县火光随之天鼓鸣质明有红点落于费县城西北色如朱长二里阔一二尺

○丙申 上御皇极门群臣以次日 慈圣皇太后圣旦致词称贺赐寿面

○起原任河南道御史李辅为原官

○丁酉 上御皇极殿以 圜丘大祀誓戒百官

○户部尚书殷正茂题顷奉 圣谕尽蠲各省直隆庆二三四五年角□羊京各本折钱粮及五六年未完十分之一今南京户部尚书毕锵将本部徵收各省府各年钱粮逐项查出比例请蠲而南京户科给事中王蔚亦言南户工二部额派二税料价等未完钱粮比例当蠲除系工部者咨覆外臣等查得南京户部隆庆二三四五年额徵银未完一十三万二千六百九十九两二钱三分本色米豆未完二千三百四十四石五斗四升花绒未完八千二百三十斤隆庆五六年全徵折色银未完七万三千六百九十九两九钱三分本色米豆未完三千四百三十四石二斗八升花绒未完一万一千七百五十八斤农桑丝绢未完三千六百一十七疋一丈七尺稻草未完二百二十一束徐州隆庆三年起至五年止茶叶未完二百六十二斤应天府隆庆六年课钞未完二千三十九贯五百三十九文铜钱未完二千三百三文钞折银未两一十三两七钱一分乞尽数蠲免报可

○工科都给事中刘铉等〈娼弊-金〉议漕河语侵总漕吴桂芳大约谓草湾既开河复大涨漕臣言已不验而八月迄今一字不报为桂芳咎于是桂芳乃言河道通理南北此百余年来成规自科臣侯于赵建白而天妃闸以南属漕闸以北属河道矣今岁河决者三一为曹县缕水堤一为徐州梨林铺一为桃源崔镇各有司存恐难越俎至于草湾之开祇以去春高宝水患冲啮淮安西桥诸市且及新城〈娼弊-金〉以拯之非谓即可制水之命使上游亦不复涨也今西桥新城皆为平地山阳以南诸州县水落稻布斗米银四分臣之草湾亦既效矣若以山东徐邳之涨决不报臣诚何敢报惟其决注于臣属之豊沛睢宁四州县始一面踏勘一面议请赈恤不惟臣一人言之且会按盐二臣公言之矣祈将臣早赐罢斥以为人臣愚于任事者之戒 上以漕河原分地责成诏桂芳视事如初○己亥遣定国公徐文璧 南郊视牲

○礼科都给事中李戴等言朝覲官员有见朝之期班次之等与夫衣服之制面引之仪大班纠劾之典一一榜示申飭下所司

○庚子冬至节遣英国公张溶祀 天于 圜丘公徐文璧伯杨炳大学士张居正张四维等分献大明等四坛

○辛丑 上御皇极殿受百官朝贺

○癸卯江西抚按潘季驯张简以宁州奉新靖安武宁新昌万载六州县万山联络中多盗藪条上弥盗七事一谓大汾山横界六州县向为贼窟近移兵道于宁州而将领未设请于铜鼓石添设守备一员即以潘阳守备邓子龙加衔改注拨以千兵附近官兵悉听调度一请将弋阳县主簿丁景方调升宁州判官专管捕盗一谓新昌之黄冈万载之黎源奉新之百丈靖安之双坑武宁之黄竹诸洞俱潜通大汾山宜各立一哨哨拨营兵百名领以千百户分操践更听守备遇警调剿其黎源洞屯田七十二户听该哨管理一谓黄冈洞山深民少宜移置定江巡简司弓兵二十四名于该洞改隶新昌与哨官并力防守一谓大营并伍哨及守备哨官家兵通共一千九十名查宁州仅得三百名拨选瑞袁二府各精兵二百名再募三百九十名其粮饷即于裁革浙江存饷内支給一谓江湖接壤此剿彼逸约两省一遇贼警即互移文夹剿推诿者参处一谓籍豪族巨姓尚义服人者为义总免本身差徭凡一方寇盗及窝隐即听统剿若宁谧至五六年给以冠带凭藉武断者治以法兵部言该省措置甚当湖广界连州县既盗贼出没而竟不设兵如日者贼逸平江非江西兵力能殄灭乎先年兴国瑞昌顽民仇杀至凡奏勘凡以无兵故也宜并行酌议报可诏抚按官务在致行不许虚文了事

○宁州贼首詹孔舜就擒地方宁谧 上命梟孔舜等而赏守备邓子龙仍夺参政卢仲佃俸

○命工部主事周思宸榷税荊州

○工部言黄淮交涨冲决太多请将天妃闸以北行傅希摯修决浚淤迤南行吴桂芳增补堤岸毋误明年漕挽然之

○工部进铸完新钱三百万金背二百万火漆一百万

○甲辰巡抚保定都御史孙丕扬以右辅要地台墙虽筑兵将未筹因条上六事一谓边内外二十里每村立一村长十村立一冠带总长隶于管关府官常时任其耕商临警督防信地获功同赏规避治罪二谓保定五卫茂山真神各卫班军二千八百八十名宜于大宁都司添设领班都指挥统之保茂紫荆腾壤右真定河间各卫所揉余二千六百八十八名则属之大宁巡捕都司易州涞水广昌乡夫并保定府属民壮二千三百九十五名则属之清军同知原守倒马关定州腾壤右二卫操余九百九十名则属之本关参将原守茨沟营真定神武右武功腾壤右卫操余一千七百七十名则属之本营参将各不妨原务督领防秋无警合营操练有警就近摆边各卫所及诸军官悉听辖调三谓天津洪水口松陀安柏连涧胡甘□孩口黄草安宁静安插箭岭茨沟营狼牙口十处动支修墙余银各置一仓仓各十楹取二府积谷保定七千石真定三千石贵棠贱余有警支給乡夫口军并听借支仓毙各道稽查廩坏将官修理四谓墙外重险在铲偏坡树襍木以万历五年为始每岁主兵两防客兵一防各炤信地兴工参将计一关守把计一口各以种过铲过有无为功罪五谓计该镇敌台三百五十六座每座军五名用房十间听军移家居住共银三千五百六十两于真保存粮内支給台墙火器并付掌管坏即修补六谓易涞广乡夫原系暂借向无月粮近各给谷终非久计今查河间府岁角

□羊民壮银二千两给夫备守每秋三月月各四钱王分行粮仍旧兼支应停谷石兵部言各款计虑不啻周详内乡夫数计一千三百四十五名每夫三月每人应银一两三钱五分而岁角□羊止二千仍俭八百五两有奇应于存粮银内议足但定将领兵至一卫军余分统数将似涉繁琐宜稍归并便至乡夫民壮几成一军而付之同知恐文吏知兵者少不如仍用将领同知止催督上班管理粮饷可耳上如部议

○工科给事中戴光启等言该部召补商人群然规避盖四司商都水最逸屯田次之虞衡又次之营缮则避之若阱矣臣以为宜定轮差之例令各商更转应役四年一周然后再审事故名缺炤常添补每年例工料按年报完其重大工程不能刻期者视昭陵例或合举或分限而内库龙沥纸张及兵仗等局钱粮二三年方竣者亦分年均派各令炤年完纳他若朝宗桥文场之类虽系逾年报完仍责原商干办在当事者一留意耳且钱粮支费当年销筭祛侵隐之毙端便岁终之查核尤善工部覆言各商分隶各司委有不均之叹轮差一议偏累自此平矣上从之○南京户部右侍郎汪宗伊条议八事一禁过派凡南京仓粮水兑正耗并席竹驴脚等项悉炤题准事例坐派粮里不得过收角□羊官不得科索一时徵角□羊夏秋收成时小民可以办纳无分南粮漕运分批起角□羊毋得因循一定米色查照土宜定其米色明载批文粮里以比起角□羊仓司炤此验收一严稽查炤带徵见徵数目给与文簿按季填注完欠则奸顽不得侵欺一严部运总部非府佐贰部运非县佐贰该司府不得违例转文粮长姓名粮石即填注部运批内不得另给一议亏折每廩放尽即行监收查盘如正耗亏至二百石以上者官攒责限均陪仍送法司问罪一议罪赎凡首领县佐代府佐贰总部及巡驿河泊阴医等官代州县佐贰部运俱以违例论夏税绢麦违至五月仓粮违至九月俱以违限论每批止问一名凡计量银米添名加罚俱一切停止一专责成本部监收主事四员原有官房四所以便监督旷而不居因之损坏宜量支折席银两稍加修葺以居之仍前不住公馆者参奏户部言其有裨国政从之

○定京营参游佐击坐营等官凡遇 圣节冬至元旦俱于副将后随班朝贺中都山东河南三都司各领班都司随佐击后各该衙门接见悉等参游毋仍执旧规有所挫抑从总督戎政杨柄请也

○丙午朝鲜国陪臣吏曹参判具思孟等以谢恩表并冬至称贺至宴待如例

○荫礼部右侍郎陈炯男陈以训入监读书

○丁未兵科都给事中裴应章等言顷见虏报东西纠合控弦三万突犯前屯不利今不转犯锦义必犯河东以事势度之可虑者四冰坚可渡东西随意一也虏合拳共击我掉臂分防二也怀愤求逞不胜不休三也久战则疲士气先丧四也蓟镇秋防已撤宜令总兵戚继光亲提士马移镇湾东以为犄角下兵部

○巡按直隶御史邵陛言今日大政莫重漕河顷以吴桂芳督漕傅希摯总河庙堂之上既图其所重矣桂芳风飡水宿九阅月而草湾全通堤工半就臣亲履其地见入海之口势如奔马

即九月间淮水陡发黄河建瓴之势适与之会河强淮弱不能争趋草湾入海之道而高宝间溢冲数口大者十余丈小仅二三丈今补筑且竣矣说者致以河涨责草湾不无阻任事之气至于徐吕垫高河势已沮不闻希摯画一策以＜娵斨-金＞浚之七月以来决徐州决丰县大者二百余丈小亦四五十丈曹单决至七百余丈而崔镇之决至分正河十之二三趋诸湖下金城会草湾入海将来恐夺全海之流如云梯关故辙而顾乃诿之气数托疾高卧恐工拙以混吹无辩牛骥以并驾俱疲矣乞勉桂芳益殫任事之忠毋以忧谗畏讥隳厥绩戒希摯弗旷司空之职急以＜娵斨-金＞淤塞决赎前愆庶乎新运可济工部亦以为言上然其说命两臣加意经理亟图修筑毋误新运

○颁朝鲜国万历五年大统历一百本

○修山西岚县徐沟祁县各砖城动粮羨傍税无碍银二万四千四百十六两有奇从督臣方逢时议也

○发太仆寺银六千四百九十九两二钱为戎政各官冬春催募军伴之费

○升直隶沿河口守备曹师彬佾书大宁都司

明神宗显皇帝实录卷之五十七

万历四年十二月己未朔命礼部官祈雪

○庚申 上御文华殿讲读举御袍示辅臣曰此袍何色居正以青对上曰紫也服久而渝耳居正曰此色既易渝愿少制 世宗皇帝服不尚华靡第取其宜久者而用之每御一袍非敝甚不更故其享国久长未必不由于此窃闻先帝则不然服一御輒易矣愿 皇上惟以 皇祖为法能节一衣则民数间十人受其衣者若轻用一衣则民即有数十人受其寒者不可不念也时左右亦盛言方今民穷至有鬻妻子以应尚供者 上深然之○太仆寺请将明年应徵马匹查炤万历三年例行兵部谓寺臣言良是保定顺德广平东昌永平河间归德七府兗州府济宁滕峰等二十二州县原额马七千八百一十九匹酌派折色六分本色四分共马三千一百二十七匹其余各州县并南直隶地方尽派折色原系本色今改折色者徵银三十两原系折色者徵银二十四两其保定等府该角□羊挤乳马五十匹炤旧于备用马内派取另册起角□羊应天等府原系折色内改本色马九十七匹径角□羊南京兵部发营骑操该部即炤角□羊到马数每匹动支银一十八两年终角□羊部备用两京太仆寺备将派过所属州县本色折色各数目呈部查考可之

○准原任锦衣卫带俸指挥僉事李钰男李鸾袭本卫千户一辈以 孝懿庄皇后戚属故○壬戌陕西督抚石茂华侯东莱以庄浪土人族盈二万性悍难治仅用协守土官鲁东一人统之非便议于红城子添设防守土官一员以本城古城野狐城各土人属之西大通堡添设防守土官员一以连城等处五旗属之听彼中选委悉受庄浪参将节制其原随操土军有在红城子及西大通者俱就本地防守免赴该营而于西宁备御内查拨四百名以补前额仍立乡约建社学择生员厚廩给以教训生童间知文理送学作养使崇礼义以变夷习下兵部议可从之

○甲子兵部言东北夷虏速把亥等失利怀惭思欲一逞十一月十八日西犯沙河二十六日复犯东关两入两出地方保全无虞复念蓟镇之燕河石门辽左之沈阳开原皆其驰骋呼吸可到者乞申饬堤防毋得顾彼失此 上然之

○湖广抚按陈瑞等言江西卢源洞贼罗朝广等越境遁入大汾山江防道僉事蒋梦龙获之地方之患虽除善后之策宜画议移瞿家寨巡检司于梅子园而建堡于大汾山及金铺观各一兵部因言顷江西铜鼓石等处增将设防本部覆湖广亦宜增置以便合掌共击今据会议更置巡司添设哨守甚善第事权太轻难以调度江西既置守备此湏把总方便会同举事至于本总军兵派各县各壮各卫军丁湘潭醴陵善化共二百一十名改为民兵工食各炤民壮长沙卫抽军余二百名岳州卫一百五十名各为军兵岁饷取诸各卫实足五百五十名付本总领之金浦观宜设一小堡拨岳州卫指挥一员哨守其军兵分浆市哨六十名再移本卫军四十名共足百名之数即以原任守备指挥郑邦本补大汾山把总以都指挥体统行事兼管浆市金铺观二哨官兵听抚按荐劾制曰可○乙丑巡按御史邢玠论报固镇边工言兵备马文健在临巩多捏报在靖虏颇有功似宜相准参将徐勋陈堂等业已提问僉事郎人伦知县

包能让俱经论罢惟知州欧梅吴应叩等应寘之理兵部言飭法徒详于州县而不及监司何以惩后马文健终不得以微功蔽欺罔覆定以请上以各边工程率多虚捏及经查勘即以一二武官抵塞司道官皆得迁秩冒赏殊为欺蔽马文健降俸未足尽辜并欧梅等姑免提问并褫其职朱冕等各降俸三级仍与吴应叩下巡按御史详鞫昨阅视大臣曾否以前项功罪稽核参奏其具闻兵部又言阅视侍郎吴道直有怠事欺蔽一〈娼弊-金〉大约与御史邢玠同微有详略则以曾经参论不必重出马文健虽未追论而虏众内附一〈娼弊-金〉首劾兰州掎报之工其〈娼弊-金〉云当时摄道事者举目可见乃朦情欺蔽盖直指文健矣上谓兵部曰阅视大臣通论三年功罪该镇工程既全系虚捏则处分未尽者仍当参论若谓已经督抚按官参究不必再议则朝廷特遣大臣何为且不究

○丙寅复除湖广提学副使金学曾为原官

○升浙江右布政使张任为山西左布政使

○总督两广侍郎凌云翼奏罗旁诸徭盘瓠遗种党类日繁益肆猖獗今已督集诸路兵择十一月进剿一切机宜一面举事一面具闻兵部言进兵计出万全荡平固可指日惟是万山联络贼易潜藏务严搜捕毋滋孽其投降残喘押发沿海卫所既待以不死之仁当兼为事后之虑上曰征徭机宜凌云翼审定而动其严督各文武将吏协心奋勇务奏荡平毋虚费财力仍贻后患

○丁卯论虏犯宁远锦州铁岭失事员役罪下指挥高嵩等于理○戊辰调陕西副使王惟善于四川

○礼部类奏灾异言今年自二月以来地震两雹河水断流频形奏报岂圣世所宜有乞敕大小臣工革心励行举错务协于公功罪必求其当催科或扰则加意抚绥圉圉或冤则悉心昭雪皇上复克谨天戒益懋圣修起居动作俨若上帝之式临号令施为唯恐一物之失所转异为祥瑞不外此上纳之

○礼部摘参福建广东云南试录表策违式上有之

○以辽阳长定堡等功升赏阵亡官军孔思明等有差

○己巳升南京光禄寺卿张佳胤为右副都御史巡抚保定等府兼提督紫荆等关

○淮府嘉兴王厚燿岷府建德王定火□向周府博平王睦柯鄢陵王睦枸奉新王劝火□戒仪封王在奎代府枣强王充爝晋府义宁王慎铄荣府富城王厚然赵府平乡王厚燾靖远伯王学诗清平伯吴家彦太子太保尚书兼文渊阁大学士赵贞吉先后病故礼部类请上辍朝一日不鸣钟鼓服浅淡色文武百官各素服角带朝参例也

○庚午户科都给事中光懋言人情易玩或藉口于灾伤吏道多庸反沽名于抚字近据监兑查参未完六分降级者在山东则一十七员在河南二员未完八分应革职者在山东则二员在河南则九员即二省而天下概可知矣今当入覲之期庶职鳞集大司农遍问诸所掌钱谷数核之惩玩旷励精勤所裨国税夫岂浅渺顾还来视为虚套有实欠分数而朦胧虚应者有实完分数而藩司迟延者查参不明非失轻则失重何以服人乞敕该部先期督责属司分查各省造报册割比对在部分数逐名咨送吏部炤例降黜不待日后移文庶人心益知惩创下户部议尚书殷正茂乃言追徵逋负其职在有司若皆推诿不前国用何以取办但各省地里辽邈查催动经岁月各抚按官身临其地法既易于遍及权尤便于鼓舞合听严催完报近者半年以上远者一年以上不报不惟司府州县印粮官降罚而抚按官亦难免怠缓之责得旨催徵降罚如议行仍多刻书册散与来朝官使知遵守以后部科仍严加核参毋事姑息

○下广宁前屯游击王国瑞于巡按御史讯以纵寇殃民贪污不职也

○辛未升浙江左参政朱炳如为本省按察使

○壬申升太常寺少卿屠羲英为南京光禄寺卿

○原任太子太保礼部尚书兼文渊阁大学士赵贞吉卒贞吉四川内江人嘉靖乙未进士选庶吉士授编修升右中允管司业事庚戌虏变集百官议日中无敢出一言独贞吉侃侃以轻损军之令重赏功之格宣谕诸将士力战为请

上壮之擢左谕德兼监察御史为出帑金惟所措画贞吉受命出犒军金尽虏充斥如故上诏锦衣卫逮杖之贬荔浦县典史久之转徽州府推官升南京吏部主事署郎中迁南京光禄寺少卿南京右参议右通政南京光禄寺卿晋南京户部右侍郎以原官调北部为张给事所论劾复夺官去隆庆改元起吏部侍郎兼学士充实录副总裁旋掌祭酒事上幸太学贞吉讲禹谟之后克艰章未几补日讲官推南京礼部尚书御史李惟观南科岑应中皆言其启沃有功不宜置远地遂以尚书协理詹事寻拜文渊阁大学士入辅大政加太子太保授从一品荣禄大夫散官赐蟒以不合首辅屡乞骸骨^金请急得驰驿归后以虏归我叛人与参庙议荫一子为中书舍人至是卒上为辍朝赠少保谥曰文肃生平自负特操不袭人后身任天下百挫不回大都才隽而博气刚而忠贞吉有焉其学多本余姚而杂以二氏盖亦好高之过云

○以虏犯平虏等处功升赏阵亡官军秦得倚等有差

○癸酉升山东副使舒应龙为浙江左参政

○甲戌升福建副使沈淮为南京太常寺少卿

○乙亥以日讲劳升讲官申时行詹事仍兼侍读学士掌院事陈经邦左谕德兼侍读何籙文右谕德兼侍讲许国司经局洗马兼修撰张位侍读于慎行侍讲正字官马继文光禄寺少卿

何初左寺副仍兼正字

上以辅臣提调讲读劳绩尤多欲首加恩遣中官谕旨居正等辞曰臣等待罪辅弼上则培养君德翼赞庙谟下则表率群僚修明庶政其职最为繁重最难称塞若提调讲读不过职分中一事寔与诸臣专供一职者不同何功可言何劳可录夫掠人之美以自为功谓之窃无其实而冒其赏谓之忝忝与窃臣等所不敢为也

上乃止随赐元辅银一百两彩段六表里次辅各五十两四表里

○起原任河南副使曹子登于山东

○蠲都税宣课二司羊只鸡鹅杂货等税

○巡按山西御史陈用宾奏报今岁盐花盛生一望百里闻诸土人咸云数十年仅见而运使李廷观同知陆一鹏判官孙臣并原任副使霍维＜媛硃棧镜壤滩刹辉ひ际太烦始执硝气未化不许丁夫下池继虑人众混淆不听贫民协采焚被阴两数万盐课一旦消沉李廷观陆一鹏孙臣等先行住俸俟来岁补足具奏开支霍维甘□涇已经升任仍应录其前过下部

○礼科都给事中李戴等条陈会试事宜一号席当严言科场编号监试提调官宜亲自掣签登记号簿即楷书卷面天明号军各验字号不同者即时扶出二巡绰当密言士子坐定巡绰人役更番潜行伺察各军衔枚肃立毋得故为先声递相传报三誊录当慎言誊录所官督责书手真正楷书无得一字脱误如有脱误许对读所举送监试提调官查究仍将本卷另与抄誊四后场当重言设科简拔真才必学有本源识通今古而后可以济实用迺来士子专务初场故调难挽今次分房官务虚心详阅有二三场扬确古今条陈时事非徒漫衍者即初场稍疵亦着量收录其止工时义而后场空疏者概斥下礼部覆可从之

○先是逋寇林凤率党回潮先犯潮州之海门港踏头埔继犯惠之碣石东海滘时闽帅胡守仁统师追剿而广兵之在海丰诸处者亦有擒捕贼见两省舟师盛集潮州道金浙又推诚谕抚遂分＜娒圩冢旧2.词身待招凤知众心已散已罪不赦掣舡夜遁抚散过马志善李成等一千七百十二名收回被虏男妇六百八十八名口舡只器械火药称是御史詹贞吉勘报以闻兵部覆一剿一抚其功则一闽功近已升赏广功委不宜迟其言修我武备以听凤酋尽我抚绥以化余党尤为善后确论侍郎凌云翼除盗安民厥功懋矣金浙抚散多贼心力亦殫虽经升任仍应与总副道府等官张元勋赵可怀晏继芳何子明刘经纬夏道南侯继高孙光祖徐汝阳萧遍李畿嗣杨寅秋等同论其失事偏将蒋柏清当重罚示惩 上赐云翼银三十两纁丝二表里浙等以下各二十两子明等以下各十五两遍等以下各十两蒋柏清夺俸半年○丙子巡抚顺天都御史王一鹏言文安县频年患水以合县计为被灾五分以司丘十余里计则被灾十分乞将夏税秋粮马草存留数内炤例蠲免二分尽以蠲恤被灾各里其无灾者仍旧派纳下部议

○丁丑 上辍朝从礼部类请也

○免河南本年应徵河夫堡夫银三万二千余两未调夫后免追旷工已调实夫更班歇役

○己卯下辽阳副总兵曹簠海盖参将姚大节于巡按御史讯以二弁互讦为督抚所参也

○庚辰兵部覆巡视京营科道林景旻等论劾佐击刘汉臣练勇参将李勋游击王镇杜晓徐洞并中都副留守侯国治前哨巡捕秦瀚西北巡捕把总刘濂当罢佐击王昱坐营童兴当降调报可

○辛巳升前屯城备御杨绍勋前屯游击○巡按广东御史詹贞吉报潮州府狱囚越城逃因言知府丘齐云方供闹事罪在署印通判龚修囚既出狱又复越城同城卫县印捕官均难辞咎诏下龚修于御史讯

○调山西河曲参将李澄清于辽东海盖

○升五军一营左副将焦泽后府佾书俞大猷各署职一级

○调捕营左参将栗卿于宣府南路

○工部以朝覲蓬厂有本部杉木户部芦席可借事竣缴还匠役工食查动顺天府无碍官银委宛大佐贰搭盖不得丝毫累及行户仍著为例从之

○壬午礼科给事中孙训摘陈银库宿弊言太仓银库有监陪主事二员宜选年力精壮素有心计者委之母序资俸一年满日廉慎者量加超擢狼狽者列之下考庶贤者有所劝而不肖者无所容矣银库银匠四季更派法非不善而骗诈犹然宜令宛大二县预籍各坊殷实无过银匠造册送库遇有满呈到日即简前册不拘次序随佾一名应役庶出其不意而夤缘兜揽之弊除矣内府供用蜡茶等料虽批称本色寔系轻赍盖产不如聚而脚价复省耳无奈棍徒包揽侵渔花费何宜令角□羊官不拘本折俱赴巡视衙门挂号折色径赴太仓交纳本色轻赍银两即责供用库商人认纳给与限票部司验有限票方准出给长单庶事权既一奸弊自清银库职司出纳旋收旋放且目不及视耳不及听诈伪无暇关防宜明示条约单日耑收双日耑放庶政体不淆防闲亦易天下贡赋尽入太仓乃从来定规近因边需甚急各取近地征徭省角□羊运便给发也若京仓收买黑豆无往来道里之费亦无领关掣批之扰而恠支于银库抵补于课司者谓何宜招股实官商明开所买几何所费几何俱于太仓关领庶出纳有主奸弊自消银库所积制钱累千百万拥积何益宜权其新旧次第支放凡文武百官俸给四分支银六分支钱一切招买亦如之每岁军士冬衣布花在内则钱在外则银一切赏赐亦如之庶银以为母钱以为子并行而不悖矣凡此六者皆职掌之最要者也若节其流尤有四焉锦衣带俸踰数千矣新选余舍独不可清查乎援例纳银各有等级名色把总独不可裁抑乎内外马房料银日增矣乃一时用马各监即称不敷独不可稽核乎戚畹坟圯动众营造矣乃每月数百踰年未报工完独不可限制乎亦职掌之所宜言者下所司

○礼科给事中武尚耕言内府甲乙等库所以贮四海任土之贡待 朝廷不时之需徵角□羊出纳关系至重其间利毙不嫌指陈各库急缺例得题请召买权也乃射利之徒见估价倍于时值低价可以冒充钻求召买比至上纳精细真伪不复辨今后遇有急缺应召商买办者所买物料责令呈样一封发验厅试一封送巡视衙门验不如样者拣退更换仍送法司重究此奸商射利之巧所当杜也各库角□羊到钱粮久逋不完惟承运库绢疋为最皆因积棍包揽克扣及到京验退又托故告回重复科扰害愈不可言矣今后有司造办务选正身大户起角□羊择委贤慎职官简验印识以防抵换仍于批文数目下明开每疋俱有印铃员役姓名等字赴该衙门折验有司故纵炤例参究至于甲字库布疋乙字胖袄并宜炤此此揽角□羊侵抵之源所当塞也钱粮角□羊到即纳原无告回之例乃有员役偶因拣退物料輒假别故赴部告回去后高坐于私家动逾数载该部亦无从比并司官并若罔闻则以责成疏阔耳今后该部审系前情先将原角□羊送问给文家属回籍补仍另檄布政司设法即行追并有达原限及历年未到者该部即移会抚按将经管承角□羊者一并提究此告回迁延之毙所当惩也各城角□羊比追赃人犯行原籍追并者听抚按完报矣至在京揽棍或已问罪或未送问动皆十数年及数年以上积坑外角□羊花费无存乃一概责以必完即每月依期赴比亦不过频加讯责而已宜从公审勘有产业可追或可量处者严限估卖完纳如果家产尽绝又无家属可以代追量其所犯之轻重赃数之多寡查例枷号毕日各按律定罪早与归结此棍揽挨比之奸所当烛也至于腹心根本之病又在各门库之交收进纳矣在内则有铺垫在外则有门单积年书箠之诈骗脚夫库夫之勒索取者视为当然与者原无从出凡正角□羊揭债倾家积揽指一诨十其端固起于此而侵抵克削剜肉补疮物料日渐低伪价值日渐告增其源亦始于此乞行申飭下该部

○四川播州宣慰使杨应龙备马匹差官赵凤鸣等赴京进贡及庆贺

万寿圣节龙里底塞二长官司凯里酉阳石柱三宣抚司各差官赴京贡马赏彩段钞锭如例

○蜀王请封婚礼二本铃缝宝俱用正面礼科给事中李戴等言此事关系名分非寻常差讹者比请罪对本用宝等官礼部覆各王府奏本其本尾背面各细书用宝及查对官职名以便责成今蜀王之奏本用宝违式左长史龚有成右长史李一阳及典宝正张启蒙各应提问已后王府务恪遵成规按季类奏有违式及一季而二三至者所奏一概立案 上曰龚有成等巡按御史提问类奏愆期多系各王府及奏事人指勒各宗若概行立案则诸宗或以无罪见格而各奸反得益肆诨勒宜更斟酌余从所拟

○升南京屯田指挥僉事王勋僉书兴都留守司

○削云南僉事吴教傅籍为民仍追赃

○癸未以神机九营佐击将军马应奎充神机七营参将山西利民堡守备陈正充神枢十营宣府西城守备黄元忠充五军十营山西宁武关守备文济武充神枢四营各游击

○先是打喇明安一枝银定台吉部夷虜去膳房采柴官军十余名索赏抚臣以闻上令责俺答绝其贡俺首初不知也抚镇以上诏诏之酋惧擒前夷治以夷法罚羊一千头马二百七匹驼三只进边伏关请罪送还被虜人督抚请复其市

上曰歹夷既已服罪姑宥之复其贡赏以后再有作恶部夷恶炤例行朝廷驭夷抚顺讨逆但欲招示恩威岂复利其所有马驼等不必进边分给与俺答等酋俺答奉命行法恭顺可嘉赏银三十两大红纁丝蟒衣一袭彩段六表里布二十疋黄台吉等各银二十两大红狮子纁丝衣一袭彩段二表里布十疋其余夷使通官俱量行犒赏以示奖劝

○调神机七营练勇参将罗四聪于河曲以五军五营佐击将军董汝梅充巡捕左参将升辽东险山参将傅廷勋协守辽阳副总兵

○甲申通政使司查参广西柳州等府知府王任重等九十五员名奏本违式应速讯诏姑宥之○升南京神机京中军卞实金书中都留守司

○满城县民冯喜兰张清以逋粮为知县张峣系其子乃遮峣于朝刑科给事中王道成以闻并参守卫指挥陈昌言等诏下喜兰等法司夺昌言等俸二月

○丙戌兵部覆阅视延宁甘固边务侍郎吴道直统论四镇功罪分别赏罚各当其言宁夏花马池一带横连套房中卫靖虜近逼松山宜建空心砖台扼要设防委宜行该镇道速勘以闻至其清册中所磨勘各就三年中计其八事优劣积钱粮独有甘固二镇练兵马整器械固镇优矣延甘宁以次而杀开屯田散逆党甘镇为最延宁固递减矣理盐法则延宁甘相若而固不免壅矣收胡马则延宁相若而甘固向未行也八事之殿最攸分四镇之劳逸具见矣顾八事以钱粮为首宁夏钱粮开报先次阅视隆庆六年终止旧管主客兵饷修边还官杂项各银共一十四万四千四百余两各粮一十一万七千五百余石各料一十一万八千三百余石各草八十五万九千八百余束及查练兵马项下该镇额军三万缺至四千未补虽虜酋款塞或可徐图但钱粮宜益赢余而递年报部节省数目不惟粮料草束不及岁报省存而各项折银反比旧管少积七万九千五百余两此则所当覆查者延绥钱粮前后共报节省客饷银余一十七万向原主兵额饷不足尽行借支存者仅一万八千四十余两夫主客兵皆兵也主客饷皆饷也移有余以补不足第宜明言乃尚以节省空数为名不知何谓上年户部已将主客饷银岁增五万两额饷足矣前报虚数作正支销断自今万历四年为始以后节省务要实数此则所当改正者固原钱粮前积数多然皆属之客饷其中粮料多陈朽草束多浥烂识者忧之其主兵粮草支給不敷实在数目比旧管殊欠册称出陈易新固是但未是否有商承领不如借支主兵而留主饷另行召买免仓场朽烂之虞遇急客兵且得实用亦属长□此则所当更定者得旨各官整理边务既效有劳绩石茂华赐敕奖励赏银四十两纁丝四表里戴才三十两二表里侯东莱升俸一级与董世彦罗凤翔宋守约各三十两二表里其余各赉有差裴尚质调用高天吉等落职回卫吴钺等下吏讯钱粮开报未明户部其详核以行○巡按浙江御史鲍希颜以修筑海盐县海塘条列六事一议久任以便责成凡任事官俱候上完方与擢用仍宜分别劳绩破格优迁庶足鼓舞一处石料以济工作海塘石料原议止于洞庭一处今所

用不啻数倍湏于杭嘉湖三府属方山隐马山武康山随在采买各道宜就近委官监督动支海塘银分发采运庶克兼济一立木桩以护石塘凡沿海一带密立木桩树石塘外岸每塘一丈用大长拖稍木桩二十根上用骑木并加木□木户□□桩二道亦用拖稍木一株石塘之内土塘之上每丈用绊桩二个该三丈木二株每丈约工料银二两三钱有零通计海塘二千六百丈该银六千一百九十两今议开河运石应用则原估石价羡余可以支給查取前银如法办造庶外桩可荡风水内塘益可久矣一修河塘以备不虞旧志有白洋河南通澈浦北通乍浦龙王宋庄皆内有里塘民得移避今宜逐一浚筑自庙泾河起至三间寨止俾与旧里塘相接面阔五丈底阔二深一丈窄处减作面三丈底一丈五尺即以此土填筑内塘底平筑五丈面阔二丈高一丈筑成坡形即用塘内草皮里为塘肤日久草聚根结土塘益固计每开河一丈募工银六钱筑塘一丈议加募工银一钱五分通将河塘面底阔深折方算共八千五百一十一丈零该募工银五千五百五十八两五钱零查将万历五年应徵塘夫银七千两内支用一稽钱粮以杜侵欺修筑钱粮动计一十六万余俱发嘉兴府库贮凡遇委官领银买料夫匠给领工食俱呈该道查明支給工完备呈臣等查明具奏一严考成以期坚久工完之日每号石上即凿工匠塘老及委官姓名若三年之内倾塌即责令各员役追赔重修官虽离任一体参究下所司

○丁亥南京太仆寺卿石星以淮扬一带连岁水灾民困已极奏免节年拖欠马价草料场租银在淮安者一十一万五千二百九十三两零在徐碭高邮兴化宝应者一万五千余两已徵者起角□羊未徵者悉蠲凤阳府属一十八州县并泰州等六州县量免十分之五应徵五分三年带完可之

○戊子上亲诣太庙行祫祭

明神宗显皇帝实录卷之五十八

大明神宗范天合道哲肃敦简光文章武安仁止孝显皇帝实录卷之五十八

敕脩 万历五年正月己丑朔 上御皇极殿群臣朝贺 甲午 上亲享 太庙
乙未 礼部请于仲春谏吉 圣驾祭先农之神行躬耕籍田礼 命候七年春行 丙申
上御皇极殿顺天府进春群臣称贺 论陕西防秋将领罪下延绥副摠兵高天吉守备潘维浙
子抚提问宁夏付摠兵陈力降二级都司孟学孔革任回卫
戊戌以天寿山守备葛绍忠充延绥游击广宁游击徐国转充分守辽东＜整彩见＞奠参将
陕西环庆守备辛守臣升佾书本省都司事 以神枢营游击将军袁漳充神机营练兵参将
升甘肃碾伯操守谢鋹充庄凉游吉 以原任蓟镇游吉张斌充延绥孤山参将
升宣府岔道城守备陈永寿充神机佐击将军
己亥吏部都察院考察布政使邹光祚等八十三人得
旨罢斥降调致仕俱如例内行太仆寺少卿黄襄原议不及 命其闲住 吏部请
上御门面奖廉能计吏 上命罢奖赏廉能者纪录擢用贪酷者行按臣提问追赃具奏 大同督
捕方逢时奏脩该镇墙台效劳摠兵郭号等勘明叙劝其怠事行私守备陈栋等革任听勘部
覆从之 升山西北楼口守备潘云程充五军营佐击将军 兵科都给事中裴应章条飭边务凡
六事防三卫属夷之窥蓟调南北军士之诟争原抚辽卒之疲困严禁边吏之啖虏台工坚久
无博节省之名恤士降招无阻来归之志部覆允行 庚子 仁圣皇太后
慈圣皇太后谕礼部选婚 是日
上御文华殿讲读辅臣张居正言古者八岁入小学十五入大学此亦概论耳 皇上十岁登大
宝为天下主岂必十五岁而后从事于大学况今已及期尤宜留意今文华殿东堂所祀宓
以下数圣人正 皇上所当学者也学数圣人惟在省章奏历政事日览一二＜娼弊-
金＞将国家事讲究明白即他年躬揽万几无难矣 上嘉纳之
命蓟镇参将聂大经充副摠兵协守延绥宣府参将李如楨充副摠兵协守宁夏
辛丑升山西按察使孙应元为都察院右佾都御史提督雁门等关巡抚山西 先是湖广巡按
何程论劾原任巴陵知县王延应调简僻延上＜娼弊翹峴狙苑盅操蕝陆梦彪岳州知府刘
自化赃私仇害及向程糾劾不公状及考察吏部拟延调简自化不及梦彪有八□田乃人言
啧啧仍移湖广抚按勘明定夺从之 浙江巡抚徐枋条议海塘未尽事宜一议久任以便责成
一处石料以济工作一立木桩以护石塘一修河塘以备不虞谓旧时白洋河彪王宋庄塘等
处皆内有里塘以分杀潮势今皆污废宜逐一浚筑一稽钱粮以杜侵欺一严考成以期坚久
部覆允行 癸卯升福建按察使徐中行山东按察使高文荐广西按察使吴椿四川按察使刘
庠俱右布政使中行江西文荐山西椿广西庠四川南昌知府周良臣御史向程芦州知府吴
道明衡州知府艾可久御史张更化真定知府武尚贤御史唐炼俱副使良臣浙江程江西道
明可久俱山东更化尚上□天俱陕西炼四川给事中孙训刘暮御史刘应元刘倬俱按佾事
鲁江西训应元山东倬广东升陕西右布政使阴武卿云南右布政使顾言俱左布政使武卿
本省言贵州 甲辰吏部覆拾遗方面有司潘允端罗应兆等降用陈洙程学博卜相冯子履等
调简王见宾姑留用得 旨学博相子履降一级调用应兆调简僻余如拟

以原任贵州佥事杨应东调补浙江 以降调原任太常寺少卿章甫端补山西参议升福建参议徐时可陕西参议姚继可各副使时可广东继可本省河南佥事王锡命山东佥事苏民牧云南佥事毕天能各右参议锡 命江西民牧四川天能贵州 丙子谕万历四年古北口官军失事阵亡功罪参将丁茂高廷相革回卫薛虎臣等戍边苑宗儒等袭升有差 丁未升广西副使徐作为云南右参政绍兴知府彭富为贵州副使工部主事陈希文为湖南佥事 以原任河南左参议罪廷璧补福建右参议 以四川右参政陈大杜改补山东右参政复除原任山东佥事栗在庭于山东 湖广佥事邓林乔于山西 以分守通州参将陈文治充蓟州燕河营参将游击李如梗充分守宣府北路参将升宣府守备侯继祖充神枢营游击辽东都司参书孔东儒充广宁游击升蓟镇罗文谷关提调胡天定为本镇游击升蓟辽副总兵董一元管军门标下游击将军事升广东惠潮守备祖万松佥书本省都司事以神机营佐击将李世隆改充延绥游击领军人卫 命蓟辽副总兵蔡勋管分守通州参将事 戊申升陕西按察使王宫用为本省右布政使贵州按察使林廷章为云南右布政使四川右参政秦涂陕西右参政吕鸣珂广西左参政宋奎沉子木四川右参政李江各按察使涂湖广鸣珂山西奎子木江俱本省陕西右参议萧大亨为山西付使 乙酉巡抚直□监察御史邵陛言凤淮土广人稀加以水灾民半逃亡二千里皆成灌莽当急为劳来安定之计一处财用欲于淮北淮南岁掣盐九十万引每引带盐十斤约银五分增淮安扬州正阳三关及白塔河东坝塔单处所榷税量扣皂快工食及解京钱粮水脚条鞭银每两加派一分并募民输纳以共足五万之数一防欺隐谓开垦一行弊孔百出在官预图卸责有捏未荒为久荒未逃为久逃者在民巧为干泽有抛熟以为荒暂避以为逃者甚或以民地为官以甲产为乙一失详定讼牒猬兴必先逐里逐户彼此交质将空闲空地久荒近荒民地见在人户久逃近逃人户分为六则俟流民之来归者按籍授田既佃之后原主不得告讦则奸弊无所容矣一广招来谓凡因水旱逼迫而逃者一切许其归附原籍给以居室地土而官府之逋欠粮里之包赔债主之责偿讎家之诘告概置不问一开沟洫谓凤淮之民慵惰成习耕犁欹斜无复畛界撒种其中不幸水旱有束手枵腹而已须相度地形孰为水势入河之所而<娕塽-金>之以使其不积孰为众水趋汇之区而潴之以受其下流大都百亩之地割为一区周遭为渠内开小沟而皆通于泽以入于河潦则委百亩之水于众沟旱则运众沟之水于百亩所谓天时不能使之害者此也一给牛种一夫授田五十亩两家给一犍牛一家给一<媾孥>牛若<媾孥>有生息责令报官以给后之招来者种子每田一亩粟给一斗麦半之一备接济凡来归者皆令输力于官官予之食并量给其妻子至麦熟住支一缓征役凡招徕之民一年稔止取原种再稔乃还济粮四稔乃徵税额五稔乃富户徭而又定为新集之制另立招复一籍科派俱各从轻词讼量议宽贷俟其生理渐兴而后乡社礼法次第可举也一励司牧凡招垦有司岁终举劾六年被荐多者破格超迁三年内经荐劾者非赃罪不革职功成一体升推一均责成佥事驻劄两郡之中不特巡行将招垦事迹逐日登记年终缴查而又择乡民之有心计者为农师以分理其事得旨抚按官督率营田佥事着实举行务要假以事权令得便宜行事三年之后遣官阅实以行赏罚

○庚戌以甘镇河东防守班军脱班数多下指挥张继武于御史问

○复除山西佥事曹大野于湖广

○升浙江副使王续之为云南右参政广西副使顾章志为贵州右参政严州知府陈文焕湖广右参议王士□□工部郎中贺幼殊山西左参议查铎承天知府覃应元各副使文涣浙江土□□山东幼殊铎俱广西应元四川工部署郎中唐文灿为云南佥事

○辛亥下上蔡知县庄鹏举于锦衣狱问以大班纠劾不免冠也○谕礼部潞王当行冠礼具仪择日以闻

○户部都给事中光懋言国初赋税之法以赋租属之田产以差役属之身家凡夏税秋粮因其地宜列为等则以应输之数分定仓口仓口自重而轻人户自上而下有三壤咸则之宜寓用一缓二之意至差有银差有力差银差则雇役之遗也力差则力役之道也论门户高下定丁力壮弱而籍之谓之均徭稽籍定役无与于田所以少宽民力驱游惰而归本力也至嘉靖末年创立条鞭不分人户贫富一例摊派不论仓口轻重一并夥收甚将银力二差与户口盐钞并之于地而丁力反不与焉商贾享逐末之利农民丧乐生之心然其法在江南犹有称其便者而最不便于江北如近日东阿知县白栋行之山东人心惊惶欲弃地产以避之请敕有司赋仍三等差繇户丁并将白栋纪过劣处部覆条鞭之法革收头粮长而用经催革里甲均徭而用铺户革身家殷实之库子而用吏农皆公私之大不便者请今后江北赋役各炤旧例在江南者听抚按酌议得旨法贵宜民何分南北各抚按悉心计议因地所宜听从民便不许一例强行白栋炤旧策励供职

○总督漕运兵部左侍郎吴桂芳奏铸钱开局惟淮安当南北之中为最便而人匠即取之属县之素惯私铸者令自首赎罪期岁成制钱以充地方之用旨下户部

○升福建右布政使刘继文为江西左布政使

○以原任云南副使李汶补陕西右参议兼理副使事

○升云南按察使沉人种为广东右布政使浙江右参政张国彦湖广左参政刘价俱按察使国彦陕西价贵州云南副使罗汝芳江西副使庄国祯凤阳知府吴善言河南副使田汝颢俱参政汝芳本省国祯广西善言陕西汝颢四川福建佥事毛为光四川佥事罗向辰福建佥事漆彬俱参议为光广西向辰云南彬广东

○壬子 上讲读毕谕昨视朝部院科道等官不待招呼先上御路又承旨先后参错纠仪官如何不言各令回奏于是御史王民顺帅祥序班罗应升等各夺俸二月各官皆震恐服上英断云

○工科都给事中刘铉等言季终考成计延阁者一百十三事淮扬巡按御史邵陞二十事浙江巡按御史鲍希颜十八事漕运总督侍郎吴桂芳十三事余各有差命夺陞希颜桂芳俸二月

○以昌镇参将贾斌改充分守蓟镇墙子岭等处参将

○以分守石塘路副总兵徐枝管总督蓟辽军门下中军事

○升大同天城守备刘东为神机营佐击将军

○升辽东开原备御高良弼僉书本镇都司事○谕法司近来各处岁报重囚一省有至千余人者所处决止三四人余仍淹禁死于桎楚此皆各巡按御史故建明旨坚蹈宿弊其查参以闻于是刑部尚书王崇古奏各御史有岁决数多如刘光国原囚九十四名决过四十三名陆万钟原囚四十九名决过一十五名而决不待时者不与马余皆不及格上以光国万钟奉法甚谨纪录叙用余降罚有差

○癸丑升河南道御史孙鏞澱江知府徐可久俱副使鏞河南可久云南陕西僉事解学礼为本省左参议大理寺副桑维高为四川僉事

○复除原任陕西右参议梅友松为山西左参议

○升南京吏部郎中江以东为江西提学副使

○以文安县司丘等里水灾命见在寄养马三百余匹先行调兑其站银暂免派徵一年○甲寅升蓟镇潮河川提调李添爵为白羊口游击

○改居庸参将沉思学充分守石塘岭参将

○命发太仆寺马价银五千六百两给蓟镇本年抚赏从总督杨兆请也

○补荫原任总督三边兵部右侍郎曾铣孙之省都御史宋景孙国谱为国子生

○升四川副使秦可大陕西副使张庸俱行太仆寺卿可大山西庸陕西陕西副使赵焯为本省苑马寺卿建宁知府许天赠为两浙盐运使山东僉事蔡可教四川僉事甄敬邵武知府王泽俱行太仆寺少卿可教山西敬陕西泽甘肃

○乙卯先是应天巡抚宋仪望上所属驿递钱粮节省减编之数上以其数才十分之一与北直隶奏报不同下兵部议部具言额派多寡与裁省悬绝之繇但江南站船水手工食有直差有守候不宜一概滥支其南京兵部及督抚总兵部属各差应给外号勘合者止据文移请讨得之稍易填给不无假借以后必具本题请方堆给发填用已尽造册缴报其经过官员私用传牌者宜参究数人以示惩戒至真定等府余剩站银足支两年宜免派一年以苏民困得旨朕念小民困苦屡旨清查驿递期以除弊安民乃抚按全不体朕心背公徇私牢不可变近日朝覲官有遣牌驰驿者若不奉公差得以传牌应付则勘合俱属无用清查何益今姑再行申

飭余如议行

○升广东按察使刘志伊为福建右布政使江西左参政卢仲佃为云南按察使山东副使王元敬为福建左参政兴化知府吕一静为浙江副使

○丙辰升山西北楼口参将葛臣为副总兵管分守居庸参将事○命辽东游击王大璋等驻兵前屯免赴蓟镇以防守台工故也

○兵部覆巡视京营兵科左给事中林景旸等条上事宜一广招募以实行伍国初额军四十万至嘉靖庚戌止余十万复增募三万分设营制曰战兵曰车兵曰城守兵各十营营各三千人余归备兵营以待拨补今各营不满九万复多老弱请通行选汰先将各军名下载册丁男堪用者尽数替役不足取之卫所余丁又不足募之民间务足十万之数一立选锋以倡勇敢京营家丁目为副将私人一有名缺竞相营补且俱拥护各将不隶营操实为徒设请于家丁营军中选其骁而善射者名曰选锋务足四千八百人六副将仍各与三百名十战兵营各三百名月给双粮而革家丁名色一更将领以张兵势各将至营有宜战宜车宜城守备兵者听总协大臣查试咨部覆题改正一勤教演以精武艺短兵诸法惟都督俞大猷独得其传宜取教师勤习而南方纸甲不能当矢弹仍用铁甲为便一酌时宜以修马政凡副参游佐等官所管马匹通作十分倒损一分以上者罚俸二分以上者降级三分以上者革任一革积弊以肃禁兵四卫勇士二营设自宣德八年凡以处迤北回还及进马收回人数而御马监内臣统之所谓禁旅也正统间都督王敬用以督战御虏天顺间都督马良用以平定曹钦乃今日就弛废此皆坐营等官影射役占所致请行该监申飭寻常演习听从沙盘内地之便双月赴外教场一操以存祖制岁终照三大营例会同巡视诸臣阅视分别请旨去留如四卫缺官请如先臣丘浚议世爵驸马及有功德于国家之子孙皆使番上宿卫户部覆仓场料草每岁支放三月出陈易新岁以为常今议二月十月系官军训练防御之时仍给本色十二月军卒歇操准改折色豆一石四钱草三十束四钱以示优厚皆报可

○升御史李采菲为陕西副使给事中李乐御史候尧封俱佥事乐福建尧封山东

○升浙江右参政滕伯轮为广东按察使浙江副使徐云程为浙江右参政

○升礼科右给事中石应岳兵科右给事中周良寅工科右给事中虞德烺俱左给事中应岳本科良寅刑科德烺本科

○丁巳仁圣皇太后寿旦百官称贺赐宴午门外朝覲方面官皆得与焉盖旷典也

○戊午升山东左参议周舜岳承天知府赵睿荆州知府林绍俱副使舜岳广西睿绍俱山东

○江西定南县地震声如雷屋瓦皆裂

明神宗显皇帝实录卷之五十九

万历五年二月己未朔升山东副使李承式为河南左参政成都知府徐元气宁波知府周良宾俱副使元气浙江良宾四川工部员外王廷简户部员外周有光俱佥事廷简福建有光陕西

○升刑科给事中王道成郭四维俱右给事中道成户科四维本科

○庚申补调简原任福建左参议查立志于山东

○论蓟昌二镇秋防将领罪都司程照等革任中军千总李茂春等下御史问

○户部言各镇年例钱粮请先发一半以备支用报可

○辛酉巡抚保定都御史孙丕扬以病乞归许之○直隶巡按御史孙成名条上屯田五议一均地粮毋分额地余地以肥瘠分为三等通融均摊无亏常数一定徵例一严批限一时监收一广开垦部覆允行

○叙陕西剿杀恶番功总督吕茂华升俸一级总兵孙国臣等各赏银币原任固原兵备刘伯燮升俸一级

○壬戌论大同防秋将领罪参将周一凤等革任回卫

○升巩昌知府胡穗为陕西副使南京兵部郎中骆问礼为云南右参议刑部郎中李荐佳为四川佥事

○补荫赠太仆寺丞李尧卿孙邦桢为国子生

○予原任南京户部侍郎杨思忠半葬

○癸亥升山西副使蔡应阳为山西右参政山东副使杨相为湖广右参议李日强为陕西副使○以山西行都司佥书张邦奇充定州游击

○升安庆守备袁日章佥书湖广行都司事

○以大同游击时尔直充山西北楼口参将

○革庆成王府镇国中尉新□为庶人

○甲子礼部上潞王加冠仪注一钦天监择本年三月初八日卯时吉一先期行内府各该衙门造办冠服等件一钦天持节掌冠大臣赞冠大臣宣敕戒大臣各一员一合用内官夹侍潞王及司冠服司幕次设冠席陈服进冠进袍服等项执事系内府司礼监该衙门炤例差用一合用后请导引潞王官员司道扶节导案引礼等项执事官员系本部并该司及光禄寺鸿胪寺等衙门职官充用一习仪前期二日各执事官于皇极门前东庑习仪一日一陈设前期一日鸿胪寺设潞王冠所于皇极门前东庑会极门之北设节案于庑内之北正中者设香案于节案前设冠席于香案之东稍南西向设醴席于香案之西稍南东向内侍设帷幄于冠席之后稍北西向帷中设坐椅几案别设案于东阶之南具翼善冠皮弁九旒冕皆以盘盛红袱覆之置于案具袍服皮弁服圭带舄等物皆以箱盛置于帷中案上光禄寺设盥洗所于冠冕案之南西向设司尊所于醴席之西南东向实醴于尊加勺罩设站于尊东置尊于站进饌者实饌设于尊北执事者皆立于其所教坊司设乐于盥洗所之南北向一遣官持节前期一日鸿胪寺设节案于皇极殿初八日早 皇上預告

奉先殿毕具皮弁服御史极殿鸿胪寺奏执事官行叩头礼毕请升殿 上御皇极殿文武百官具朝服先行叩头礼左右侍班序班引持节掌冠官及赞冠官宣敕戒官俱就拜位行四拜礼候执事官举节案至丹墀中道置定传制官奏传制出至丹陛上西向立称制鸣赞赞跪各官皆跪传制官宣制曰朕弟 潞王睿名冠命卿等持节行礼各官俯伏兴四拜礼毕持节掌冠官捧节及赞冠官宣敕戒官执事官俱随诣冠所行礼一迎节初八日早内侍导

潞王先于帷幄中坐候节将至礼部官启 潞王迎节乐作礼部官同鸿胪寺卿导 潞王出迎于阶下持节官捧节入置于案乐止持节官退立于节案之东赞冠宣敕戒等官序立于盥洗所之南礼部官同鸿胪寺卿导

潞王随节入诣香案前立乐作鸣赞赞行四拜礼毕乐止赞复位导

潞王复入帷幄中持节官下与赞冠等官同立俟行冠礼一就冠席礼部官启

潞王就冠席乐作礼部官同鸿胪寺卿导 潞王诣冠席坐乐止内侍二人侍立于王左右一行初加礼鸿胪寺鸣赞赞行初加冠礼乐作引礼序班引宾赞诣盥洗所宾赞搢笏以次盥洗讫乐止宾赞升自东阶稍西向立乐作内侍揭盖袱以盘捧翼善冠升宾降阶一等受之乐止宾以右手执冠后左手执冠前诣 潞王席前稍东面立祝曰惟兹吉日冠以成人克敦孝友福祿来臻祝讫乐作宾跪进冠讫兴复位赞者跪正冠讫兴复位乐止礼部官启易服 潞王入帷幄易新袍服出礼部官启复位一行再加礼鸣赞赞行再加冠礼乐作内侍揭盖袱以盘捧皮弁升宾降阶二等受之乐止宾捧皮弁如前仪祝曰冠礼期举实繇成德敬慎威仪惟民之则祝讫乐作内侍释翼善冠宾跪进皮弁讫兴复位赞者跪正皮弁讫兴复位乐止礼部官启易服 潞王入帷幄易皮弁服舄出礼部官启复坐一行三加礼鸣赞赞行三加冠礼乐作内侍揭盖袱以盘捧九旒冕升宾降阶三等受之乐止宾捧冕如前仪祝曰王至三加命服用章敬神事上永固藩邦祝讫乐作内侍释皮弁宾跪进冕讫兴复位赞者跪正冕讫兴复位乐止礼部官启易服 潞王入帷幄易袞服出礼部官启复坐一行醮礼鸣赞赞行醮礼礼部官启

潞王诣醴席乐作礼部官同鸿胪寺卿引 潞王降自东阶繇西阶升醴席东向乐止光禄官举醴卓置于前乐作序班引宾赞诣盥洗所搢笏以次盥洗讫升自西阶赞者取爵诣司尊所酌醴授宾宾执爵诣席前立乐止祝曰旨酒嘉荐载芬载芳受兹景福百世其昌祝讫宾跪进爵鸣赞赞搢圭 潞王搢圭受爵置于案宾兴复位教坊司启乐奏千秋之曲次后进酒 潞王举爵饮讫奠爵于案乐止光禄寺官进饌乐作饌至案乐止饌讫赞出圭撤卓一受敕戒鸣赞赞受

敕戒礼部启 潞王诣受敕戒位礼部官同鸿胪寺卿引 潞王降自西阶繇东阶升诣拜位立乐作序班引宣敕戒官立于拜位之东西向乐止宣敕戒官称有制鸣赞赞跪 潞王跪宣敕戒曰孝于君亲友于兄弟亲贤爱民率繇礼义毋溢毋骄永保富贵乐作鸣赞赞俯伏四拜兴乐止鸿胪寺卿启礼毕持节官捧节出礼部官同鸿胪寺卿导 潞王送节出门外节行至阶下内侍引 潞王还帷中释袞冕具翼善冠服回宫持节掌冠及赞冠宣敕戒等官复命一谒见是日潞王具冕服谒祭于 奉先殿用乐行礼如常仪 潞王仍具冕服诣 仁圣皇太后前 慈圣皇太后 皇上前谢俱行五拜三叩头礼皆用乐一百官行贺礼次日早 上具常服御皇极门百官具吉服称贺致词曰潞王冠礼已成理当称贺行五拜三叩头礼毕候朝罢司礼监请 潞王具常服谒皇极门前东庑坐百官吉服行四拜礼

○叙修真保沿边台墙功赏总督杨兆银弊升巡抚孙丕扬右副都御史炤前旨回籍调理总兵傅津署都督同知兵备高文荐游季勋各升俸一级兵备姜继曾等官守备高尚忠等赏赉有差

○以神枢营参将刘葵改充大同中路参将○职方司主事曹慎条上经略保定事宜一增险隘以资战守马水口所辖滑车安东山梁宜建一台倒马关所辖石城安宜增两台茨沟营所辖竹帛口宜增墙四十丈龙泉固关各山溪路宜修墙铲陂令处处加谨一更官军以精训练谓马水紫荆官勇多勇倒马茨沟二路俱弱宜通行汰补一布大信以释民疑谓敌台初成议以附近乡夫临警听其避住家口并资其力以助战守自先年乡夫有死难者优录子孙一人 为小旗而后乃驱之修守与军无异此边氓所以疑阻也请行晓谕仍将所录小旗免其一切工役报如议

○乙丑命大学士张四维申时行为会试主考官取冯梦禎等三百名辅臣张居正子嗣修得中式房考为陈思育

○予原任右赞善沈鲤父杜祭一坛炤廖道南例造葬以鲤为东宫日讲三载效劳故也

○升陕西佥事梁许为陕西苑马寺少卿

○升顺庆知府林乔相大同知府王基俱副使乔相山东基山西

○升大同杀胡堡守备何山充大同入卫游击

○升大同庆灵城守备程万里佥书山西行都司事

○以广西饥荒留万历四年事例银三千九百余两赈济并留五年以前税课柴薪以助兵饷

○丙寅祭 先师孔子遣礼部尚书马自强行礼

升原任兵部右侍郎梁梦龙为左侍郎候服满到任

○命御史郑宗学巡按直隶等处管理印马屯田

○命御史郑国仕巡按应天王藻巡按山东○户部覆兵科给事中刘谐条陈御马监事宜一核册籍以稽供御将该监见在马匹核数登册以后进到者即便登记若有老损亦便开除一重掌贴以励勤能凡外马房各官炤各州县官一体分别赏罚一均商役以苏偏累谓御马仓中府场天师庵三处人皆趋之供用牺牲酒醋三处人皆避之宜三年轮委得旨如议后该监执争旧制前二事竟寝不行

○丁卯户部覆两广总督凌云翼奏广西民屯二粮俱存留备用较之他省起运尤急迩年隐没多端其弊已极议将桂林平乐附近民粮仍听粮道屯田仍听驿传带管屯田道督理清查其属浔南等府卫所者行各守巡就近查理务使民不得指为屯地军不得指为民田造册既定仍归粮屯二道专理从之

○停河东运使李廷观等俸候补完欠额八分以上具奏定夺以亏额课二十四万也

○戊辰 上亲祭 社稷

○江西巡抚潘季驯奏＜娵斲-金＞通钱法一议开局改军器正局铸钱一定责成谓各府同知入省铸钱旷废职务止令每季将银铜解司兑换新钱一定钱式铸依原降样钱每文重一钱三分一计工料铸钱一千一百文计工费银一两车斲磨泽仍用匠作为便一议铸额部咨将存银两四分铸钱六分待用限本年铸完今该省存留数多一岁难于尽铸但令多置炉冶日作不辍一议旧钱现在败钱多系低假收买镕铸改作新银一议收发凡本省王府禄粮银钱兼发部覆铸钱之费料居其七工居其三炤部原议教习水夫民壮可省冗费旧钱相兼行使听民间折算王府禄粮愿领钱者听余如议报可

○庚午升巡抚河南佥都御史孟重为右副都御史巡抚保定兼督紫荆关

○停陕西宜君米脂二县见徵粮草以奏报灾伤故也

○发太仓银二万七千余两给宁夏兵饷

○以巡抚宣府都御史吴兑考满荫其子有孚为国子生

○升崔黄口守备王秩佥书山东都司事

○升五军营游击王廷充神枢营参将

○壬申命开工部事例三年以大婚钱粮不敷故也

○朵颜卫夷人火你赤等补贺 圣节赏赐如例

○论万历四年虏犯广宁官军失事罪都指挥宋承恩等戍边

○癸酉调陕西左参政张大忠于江西山西右参议章甫端于广东四川僉事桑维高于陕西升河南布政使周鉴为都察院右副都御史巡抚河南

○令各藩宗庶止许奏请名粮其男女婚资不得概请著为令 甲戌叙延宁甘肃贡市功升石茂华为兵部尚书罗凤翔为右副都御史总督巡抚如故巡抚侯东莱宋守约总兵程九思刘济各升俸一级余升赏有差

○乙亥予原任巡抚河南都御史朱纲祭葬如例

○升湖广僉事杨松为山西右参议马湖同知陶采工部郎中熊惟学各僉事采四川惟学广东

○降大理寺少卿李己巳为亲请改诰命
上以其日暮迫胁门官封进又不亲赍切责回话及复奏托病支吾降二级调外任

○命保定侯梁继璠管右军都督府僉书事

○再叙陕西剿杀恶番功赏巡抚董世彦银币副使张楚城银十两总兵孙国臣准复原职

○追封怀仁王府奉国将军充火□于生母吴氏为恭人鲁阳王府镇国将军睦杞生母尚氏为夫人○丙子以大内兴工遣尚书郭朝宾祭告后土司工之神

○追封宁化王知燧生母庞氏为宁和王次妃

○免文安县存留税粮马草二分尽以恤里分之被灾者

○丁丑升河南右布政使郑云釜为左布政使

○令南京太常寺卿万思谦致仕四川巡抚罗瑶调南京别用顺天巡抚王一鹗留用从部覆南京纠劾冒滥奏也

○户部覆给事中刘鲁奏光禄寺事宜一议收放当依入库年分一议预支当权商役之劳逸如猪油二行支十分之二杂粮面行支十分之三果行支十分之五一议改折该寺所积白米

共三十万七千有奇而每年出数止五万七八千请今后本折轮年徵运其折价粳米每石一两糯加一钱一议审金别行俱炤原额不许加增惟果行量增数名朋役以免偏累报可

○以山东都司金书解一清充五军营游击

○戊寅升山东按察使金浙为河南右布政使

○命御史王民顺帅祥董裕各巡按民顺苏松祥云南裕陕西

○己卯命蠲济宁等卫所欠班工价银四万九百余两以抚按＜娼弊-金＞请宽恤也

○总督漕运侍郎吴桂芳言高邮石堤工将底绩宜及时开挑越河查先年侍郎白昂开康济越河去老堤太远河成之后人心狃于目前越河之安而忘老堤外捍之力年复一年不复省视遂致老堤与中堤俱坏而东堤不能独存今宜仿侍郎王恕之议挨老堤十数丈取土成河使堤上往来共繇人得照管不致蹈前颓地旨下所司○辛巳兵部覆总督蓟辽杨兆奏言蓟镇自嘉靖庚戌虏犯潮河川而后无岁无警以故议徵保河民兵三千名入卫然游猾之徒始以趋利乐从近苦修筑赴边辄逃且岁两践更人复数易不练则皆乌合练之则如搏沙无一可者也议徵银就本镇选募充补兵不远徵饷有定额便一以半年之践更为终岁之常戍便二人有定名练之可精便三土著之民生长边方习知虏情便四父母妻子以营为家不复内顾便五什伍相保一有离次就近追捕无烦有司便六非时有警闻令即行便七此昔人远徵不如近募之遗意也请将保河民兵尽放归农募土兵三千守三屯营月给饷银一两年至五十及笃疾者放回另补以求实用从之

○升吴淞把总常鐸金书山东都司事升蓟镇大水谷关提调陈文灯充本镇三屯营游击

○补原任大理寺右少卿胡价为本寺左少卿

○升太仆寺卿王廷瞻为右金都御史巡抚四川

○补原任御史蔡廷臣于湖广道

○升太常寺少卿徐浚为太仆寺卿

○云南腾越州地震二十余次次日复震山崩水涌倒坏庙庀官舍监仓一千三百余间民房十分之七压死者百七十余

○癸未陕西法藏等寺刺麻僧相竹令占等进献方物赏赉如例

○工部覆直隶巡按林应训奏水利职掌隶浙江者责之浙江金事隶直隶者责之苏松兵备

如浙直之交工兴之费各处司道俱听按臣督率举劾得旨水利系地方要务各官不许推诿误事○乙酉升浙江左布政使王应显为南京太常寺卿

○升刑科都给事中严用和为太常寺少卿

○升礼科都给事中李戴为陕西左参政

○升山西左参政张士佩为山东按察使福建副使胡定为浙江右参政

○减文安县肆淀三营地租之半以水占故也

明神宗显皇帝实录卷之六十

万历五年三月戊子朔工部覆给事中刘铉奏丹阳一带河身浅涸漕艘阻滞参政王叔杲不行挑浚临事仓皇倡为开孟渎河坝之议得旨夺俸二月孟渎可开俟秋水落后兴工为来岁运计

○户部奏各镇盐引先因两淮壅滞暂停存积十万五千七百余引今既＜娵斨-
金＞通仍宜开中报可

○先是京营每年防秋口粮战兵六斗车兵半之城兵一斗至是户部议革城守口粮而车战二营通以三斗为率从之

○上以内库缺乏取太仓银十万两光禄寺银十万两进用户科给事中光懋言国家用财有制一应上供取之内府若光禄寺银两专以应膳馐祭飨廩饩之费而太仓所储则以供军国九边非可滥费也今光禄月费万金仅足待三年之用太仓岁入才足供岁出矣仓卒有警其何以支请捐上供以昭俭德命如前旨行

○己丑荫原任编修张秩男鸣球为国子生

○庚寅以降调原任江西左布政使柴涑为山西左参政

○追封岷王定燿嫡母颜氏为岷康王妃

○予原任南京吏部侍郎李棠祭葬如例复以南赣军功特与全葬

○革襄陵王府辅国中尉融火□尘为庶人

○革新授南京广洋卫经历汪杠为民以犯宴会明禁也

○辛卯升饶州府推官赵参鲁为福建提学僉事

○户部覆总督漕运吴桂芳条上屯田六议一定分辖颍亳寿颖上太和霍丘六州县宜属颖州兵备泗州盱眙天长五河临淮凤阳怀远蒙城灵璧宿州虹县山阳徐州萧砀丰沛十八州县宜属淮凤水利一僉事衙门驻劄灵璧往来适均一请拨庐州府属预备仓谷五万石以裕开垦之资一仿国初法以府州判县簿为治农官专治农事其未设农官者即以管粮官兼之各衙门不得差委本官不许营求别用岁终考核三年六年九年课最者升级仍在地方管事一召集流寓给田开垦无力者官给牛种次年还官三稔纳粮十稔纳役原主归认不许告争另给佃种一荒芜田地不必专责成富民各从所便听民告认命如议行

○壬辰升浙江右布政使蒙诏为左布政使

○论陕西阶文洮岷斩获番贼功升授官军师范等如例

○癸巳升贵州佥事王恩民为湖广右参议

○调湖广佥事侯尧封于山东

○命御史郭庭梧刷卷南畿兵□发太仓银一万八千两于辽东为防工兵饷

○甲午隆庆间龙虎山张氏真人印号奉旨革夺至是提点张国祥具奏请复礼臣以为不可许得旨国祥伊祖封号传自累代祖宗亦相因不革还准承袭给与印信其粮差止照品级优免不许侵占影射已吏部以无定品为言上以真人系正二品载本朝官制令遵前旨行

○升兵科左给事中林景旸吏科左给事中郝维乔俱都给事中景旸礼科维乔刑科工科给事中戴光启为礼科右给事中

○复除原任云南右布政使朱衿于浙江

○乙未以潞王加冠命公张溶持节掌冠大学士张居正宣敕戒各行礼○升户部主事张崇功工部郎中黄谟各佥事崇功山东谟贵州

○兵部覆直隶印马御史孙成名奏言原额种马十二万五千余匹不独专为孳生亦以备济缓急近年议题变卖十去五六今沂费剗完唐五县岁被灾伤见养种马量卖三分之一每匹估价十两解寺草料暂免二年又密云公占牧地三百四十五顷每三顷五十八亩养马一匹应照数减免报可

○丙申上御皇极门群臣以潞王冠礼成称贺

○潞王出见百官于东庑

○命京城内外巡捕署都督佥事王世科佥书南京前军都督府事以浙江总兵李超代之

○朵颜三卫夷人花歹等贡马补贺圣节给赏如例

○丁酉大学士张居正以男嗣修预殿试回避读卷得旨读卷重典卿为元辅秉公进贤不必回避时大学士吕调阳亦以子兴周与试＜娼儻-金＞乞引避上亦不允

○戊戌兵部覆宣大督抚方逢时等奏宣府标正二营大同正兵营各有通丁向属之坐营官本官职止居中调度难令统领出奇请增设游击一员专管训练以为前锋宣府以该营坐营

官马孔英大同以新平游击尤继先各改补报可

○革宁夏总兵刘济任为巡按御史所劾也

己亥追封肃王缙＜娥鵙螳靖刚蚬将军弼柿为肃王从王请也

○升庆阳知府潘子雨为甘肃行太仆寺少卿

○免山东沂费剡等州县该年站银四万一千二百余两即于积剩银数内动支抵补计该省额徵站银二十四万三百余两而是时减省扣积有十分之四云

○庚子云南澂江临安等府地震○南京户部尚书毕锵奏凤阳仓储收放必经本部以远仕江北不便勾稽收则完欠莫辨支则侵冒难清因循耗废空虚已极今条议六事一清坐派该仓原派各府卫所民屯三十四万三千五百三十余石计每岁支费本折尚余八万余石宜查核存贮以备缓急一严徵解该仓原派河南直隶各府二十七万一千五百五十五石凤阳中等各卫所屯粮七万二千三十石设法查催不完者各官降罚如例一裁预支查各卫运军班军有支粮至二年者贫军易于花费将领利于扣除甚有在操脱工在运欠粮者纷纷告行抵补那移日增后将何极宜照例止支半年余俱按月关支一禁各官不得预扣月粮以滋冗费一将支給米麦本折酌量品搭定为画一之法以示均平一责成该仓主事以慎官守部覆允行○辛丑予新建伯王正亿祭四坛以曾经佾书管事也

○升德州守备彭翼佺书万全都司事

○壬寅廷试天下贡士冯梦禎等三百一人制□曰朕惟自古帝王抚运握□统一寰宇所以综辑庶务调剂群品其道盖多端矣至语其治效自诗书所述章灼较著则莫盛于虞周夫其七政齐庶尹谐六府修三事治与夫谟烈佑启礼乐刑政焕然也朕甚嘉之慕之未审果繇何道而致然欤或谓舜兢业万几文王自朝至日中昃不遑食也惟其精勤故化理若是然书称庶狱庶慎文王罔兼而孔子复谓舜无为而治何欤我太祖神圣秉乾再造亟夏建立法制博大详密用以跻世平康与虞周媲美矣御历三十余年早朝宴罢未尝时刻少怠其所以畏天人而衍昌祚者视舜文其道同欤朕以冲昧获纘丕基栗栗夙夜图所以顺帝则建皇极以庶几帝王之治者今且五年经费节矣而帑庾未充赋歛宽矣而民生寡遂守宰久任矣而吏治罔宣伍籍加核矣而武备靡振岂因循之积习难骤变欤久弛之旧章难遽举欤兹欲革文冒破拘挛使人得其情事循其理将何如而后可盖盛帝显王人称之必曰大有为乃复有谓王者中心无为以守至正此其说安是将各有主谓不相蒙欤抑或其道相须也子大夫习先圣之术其于古今治理之原讲之预矣尚各摅所蕴明著于篇朕将览而择焉

○礼部尚书吴山卒山高安人嘉靖乙未进士任翰林院编修历升礼部右侍郎转左侍郎吏部左侍郎升礼部尚书寻加太子太保嘉靖四十年以救护日食忤旨随被论闲住隆庆元年奉诏致仕二年起南京礼部尚书＜娵斨-金＞辞三年复奉旨起用具＜娵斨-金＞力辞准致仕至是卒赐祭葬如例并谕礼部与谥

○升蓟镇副总兵张臣充挂印总兵官镇守宁夏地方

○直隶巡按御史胡秉性条上仓屯六事一专委任以便责成凡管屯官不得掣取漕运一裁预支以杜侵牟一禁扣支以节冗费一慎关领以防侵冒一均支放以服人心一严催北以速徵纳大旨与毕锵言合部覆领运原系该卫印官与官屯无预今后屯务无以印官带管则两不相妨余如议允行

○丑正三刻月食既 ○癸卯升宣府守备杨栗为大同入卫游击

○命大同东路参将王国勋管分守本镇新平三堡参将事

○直隶巡按御史郭思极因京口漕河浅涸条上三吴水利一复练湖以永资蓄洩盖江南漕河北高南下京口一带地形高亢河流易涸虽奔牛吕城建闸启闭蓄水以待运船而实仰藉练湖为之源也练湖北去丹阳城百步而近漕河萦绕其侧周围四十余里仰受长山八十四
< 娶咭澹局水汇为巨浸唐宋以来筑有中埂斗门石闸国朝天顺成化间屡尝< 娼弊-金 >浚增修夏秋戽水溉田冬春放水济运故有湖水放一寸河水涨一尺之谚自往时守令狃于近利令豪右告佃成田浸失旧额而傍湖之民私开涵洞网取渔利年涸一年今且扬尘矣为漕河经久计急宜清复倘虑贫民失业使佃湖之民转佃于万顷洋等处可也一修孟渎以傍通舟楫并牛吕城二闸例应冬闭春启蓄水以待运船然秋冬之交回空运船与往来官船必取道于此欲恪守闸规势不可得有不一二闸而可以间道达江者为武进之孟渎河河延袤六十余里外通长江内资灌溉自嘉靖间防倭入寇筑坝堵塞于是河流渐微日就阻塞而船不复经行矣今计开浚约费五万余金取诸漕运衙门无令独累武进一县此河一开则既有间道以通舟楫而运闸得启闭之宜又引江潮以达奔牛而运河资接济之力矣部覆得旨练湖并孟渎河抚按督同水利官修复开浚责令秋间完报为来岁转漕计占湖阻运不行治罪已是宽恩如何又议勘偿如有抗拒阻挠及司道因循苟且者抚按参来重处

○甲辰俺答欲赴西宁青海寺会番僧设醮请开大马市茶市又求都督金印以便出入于是按臣邢玠上< 娼弊-金 >言茶市不可开金印不可与在宣大宜委曲解喻以止其来在甘肃宜励兵秣马以防其来阻无已之求严内外之限或建佛寺移番僧于俺答本巢以杜其后或多间谍恤熟番以察情分党而预其防其言利害情形甚悉部覆前岁俺答丙兔乞建寺西海朝廷不惜假以美名助之物料正思化其悍暴鼓其恭顺耳今度其出边设醮原无他意如果以建醮求请食物须随宜给发以慰其情请官一节传谕本酋听贡市完再议如果恭顺当具请朝廷授以一官至各酋原无印信以理谕免 上是部言

○己巳赐贡士沈懋学张嗣修曾朝节等及第出身有差百官致词称贺

○丁未革甘肃总兵李震任为巡按御史所劾也

○戊申予致仕南京礼部尚书秦鸣雷妻夫人赵氏全葬

○己酉命吏部举人岁贡出身推官知县等官访有贤能称职实心爱民者不拘资格以四分之一一体行取选用

○庚戌命总兵官钦依世袭者虽部功不系亲斩并许承袭至指挥使而止不得一概混革命著为令

○辛亥 上讲读毕辅臣张居正以男嗣修及第致词谢恩 上曰朕无以报先生贵先生子孙以少报耳居正又叩首谢○壬子建筑桐城县城从御史唐练请也 巡按直隶御史陈世宝条陈河道江北四事江南二事一复老黄河故道先是河自三议镇历清河县北出大河口与淮水会流出海运道自淮安天妃庙乱淮而下十里至大河口入黄河从三议镇出口向桃源大河而去谓之老黄河至嘉靖初年三议镇口淤而黄河改趋清河县南与淮会合入海自是运道不繇大河口而径诣清河县北上矣迨者崔镇屡决河势渐趋故道若仍开三议镇口引河入清河县北或令出大河口与淮流口或从清河县西另开一河引淮水出合上浙会合则运道无恐而淮泗之水亦不为黄河所涨民难其永纾矣一修宝应湖堤补古堤以固其外于古堤东再起一堤以通越河而使运舟于此经行一清复上下练湖一复开孟渎河一增建仪真二闸因江口去闸太远欲于上下江口迤里十数丈许各建一闸潮始来预起板以纳之潮初退即下板以闭之使出江之船尽数入闸以免迟滞一开瓜州河港坞将屯船坞挑浚深阔使船之先入者屯聚于内又于监坝之东开一曲港与新闻外港相合使船之后至者续泊于内以免金山挂江之险部覆允行

○癸丑升武昌知府李向阳为河南提学副使

○甲寅以浙江都司僉书韩沛充本省军门标下游击

○改宣大参将李决充分守大同东路参将

○谕吏部科甲贡途止是士子出身阶级授职之后只当考核功能以为殿最岂得复以资格为限且朝廷为民设官原无轻重我

祖宗时用人亦不如此今后官员升迁及行取选用都炤此例行以副朕作新人才之意

○丙辰命御史董光裕巡督两淮盐课兼理河道

○免江西拖欠金花银六万六千两以抚按奏言恩例蠲免折色钱粮数内已那借抵解故也

明神宗显皇帝实录卷之六十一

万历五年四月戊午朔

上亲享太庙

○升南京旗手卫把总庄重僉事浙江都司事

○己未原任户部尚书方锐卒锐巴陵人辛巳进士历内黄华亭二县行取授广西道御史历升户部侍郎督饷宣大升户部尚书予告回籍居家十八年隆庆二年进阶致仕奉旨存问万历元年又赐诏问劳锐当分宜柄国时独峻却竿牒有以俸金固请者辄蹙容曰汝俸几何柰何推以遗我或复曲为辞此书一帙耳则曰余自入仕所习惟一大明律耳何暇读他书竟片札不受其廉朴自将如此至是卒赠太子少保赐祭葬如例谥简肃○庚申兵部尚书谭纶卒纶宜黄人嘉靖甲辰进士授南礼部主事历兵部郎中值倭卒至南都震恐纶募壮士五百人战却之从此以知兵名升台州知府时仙居黄岩已被倭残破纶主率守卒千人三战三捷倭不敢复入犯迁按察司副使备兵宁波时台州桃渚海门几不守纶昼夜驰三百里赴之破贼于太平之南湾复陷之泥淖中尽歼焉加参政丁艰以广寇流劫江西夺情起用擒斩贼首林朝羲等事平改福建请终丧而倭陷兴化再夺情起复升右僉都剿倭于渚林于福清于仙游于同化于漳浦无一返者事平复请守制已起督抚陕西旋改四川平妖贼蔡伯贯等因设龙安府天龙州设龙昌县于隆桥改施州卫于支罗讨凤继祖于武定事平晋兵部右侍郎督抚再广讨七山诸贼扼险要以制诸徭召还转左总督蓟辽则造战车修火攻具筑边墙二千余里创空心敌台三千余座选募南兵立三大屯营以戚将军继光总理训练尽去摆边故套繇是虜入辄失利相戒无敢犯升右副都御史兼兵部侍郎再晋兵部尚书协理京营戎政营或废弛久纶为条议上之悉中机宜卒于官诏赠太子太保予祭葬谥襄敏以平罗旁荫一子锦衣卫百户世袭纶自郎署至中枢始终兵事者几三十年计首功二万一千五百有奇可谓矫矫虎臣腹心干城矣

○辛酉补荫致仕刑部尚书冯岳孙宇为国子生

○癸亥刑科左给事中周良寅以热审届期言献审宜预出入宜慎词讼宜清打断宜速部覆报可○南京礼部右侍郎殷迈为给事中彭应时论劾部覆迈学行素著年力未衰令供职如故

○顺义王俺答建寺西海岸以寺额请赐名仰乖

○甲子命铸龙虎山玄坛铜印一颗给张国祥并给还正一嗣教真人金印

○乙丑吏部覆南赣巡抚江一麟所奏二事江西巡按委宜亲历南赣考核属官其谓宁都南康二县必须甲科恐专泥资格请酌量地方繁简其繁难者不拘出身择才力堪胜者相兼除

授必后荐举推升亦分别繁简以示优异得青分别地方繁简以为考核升迁等则原是祖宗旧规今日为既要务其令抚按官注拟确报吏部斟酌以闻○吏部言会推三边宣大总督宜炤例止同九卿堂上官及科道掌印官不必会同五府报可

○升陕西佥事史思敬为本省行太仆寺少卿

○给事中孙训言锦衣卫新选舍余并官旗较土宜一体清查以革冒滥部覆不允

○先是兵部会同府部推补副总兵李如楨

上问副总兵会推起于何时部覆自弘治十一年始宜炤前例

上命今后京营总督副将各镇守及漕运总兵等概从部推不必会同从之

○丙寅降户部主事雷应志许云涛一级调外任以库役盗太仓银罪坐典守也

○改刑部尚书王崇古为兵部尚书

○升山西右布政使高大荐为都察院右佥都御史巡抚山西○丁卯升平凉府同知咸怀良为陕西佥事

○戊辰升江西按察使张梦鲤为山西右布政使

○赐西河王四书五经集注从王请也

○己巳丁巡抚保定右副都御史张佳胤母太恭人沈氏祭一坛

○改协理京营戎政兵部尚书刘应节为刑部尚书

○庚午升江西左参政张大忠为本省按察使

○升尚宝司司丞吕旻为国子监司业

○命分巡河南道佥事李之茂革任听勘以巡抚劾其贪黷也 辛未追封襄陵王融焚祖母夫人张氏为襄陵端和王妃○升太仆寺少卿温纯为太常寺少卿提督四夷馆

○升御史萧廩为太仆寺少卿

壬申朝鲜国王李昖遣户曹参判尹斗寿等赍表谢恩赐宴如例

○命总督宣大兵部尚书兼都察院右副都御史方逢时以原官协理京营戎政

○升辽东苑马寺卿郑一龙为江西左参政

○大学士张居正奏先年就教举人多授府州县训导近来概授学正教谕绝无有除训导者不及三年即升知县繇是举人以就教为捷径不复坐监而祖宗造士作人之意寢以不存今宜酌议厘正将考取上卷中卷十卷以前俱授州学正中卷二百名前俱授县学教谕余俱授府州县训导见缺不足听候选除毋得回籍致垂政体报可

○降原任江西布政使张柱一级调用以抚按勘赃无实部议量处也

○癸酉蠲四川湖广福建直隶太平等处隆庆四年以前料价匠银芦课从南京工部请也升河南右参政张岳为太仆寺少卿

○升户部主事刘东星为河南佥事

○甲戌起原任吏部左侍郎兼翰林院侍读学士掌詹事府印信王希烈赴任管事

○升四川副使张崇伦为辽东苑马寺卿

乙亥命巡抚宣府兵部右侍郎兼都察院右佥都御史吴兑以原官总督宣大山西等处

○升山东副使安嘉善为河南布参政刑部主事谢良弼为湖广佥事

○锦衣卫掌卫事都指挥使余荫请假省亲许之令驰驿去巡按江西御史张简奏请表扬节妇永丰县生员陈镐妻袁氏永丰县民王有初妻涂氏南昌县生员朱信坚妻刘氏清江县生员黄睿妻郑氏宜春县民颜瑞玺妻易氏皆少寡无子断发毁容誓不改节上饶县民黄彩妻毛氏丧夫时生子建中甫八月射织养姑课子后领乡荐乐安县民曾章训妻聂氏丧夫时生子甫六月守节抚孤誓死不二宜春县民易怡妻欧阳氏孀居三十余年春秋哭墓尽哀于格皆宜旌旨下礼部

○丙子以辽东捣巢功赏总督杨兆兵道贺濬总兵李成梁等银币有差时土蛮联营河东分遣零骑西犯成梁督兵乘夜出边掩击贼营以斩获闻故有是命

○升临江知府周大烈为四川副使

○丁丑命御史敖鲲巡视长芦盐课

○升肃州参将姜显宗一级管事夺兵备副使孙坤俸二月革原任操守薛如玉回卫差操以万历四年虏入甘凉抢番住牧不能防御也

○戊寅升西安知府张孔修为山东副使○升礼科左给事中石应岳刑科左给事中周良寅为都给事中户科右给事中王道成刑科右给事中郭四维为左给事中应岳户科良寅刑科

道成吏科四维兵科

○升顺天巡抚都察院右佥都御史王一鹗为右副都御史巡抚宣府

○陕西番族上箠篱锋铁城等进贡马匹给赏如例

○庚辰江西右参议王锡命奏乞终养许之

○辛巳命原任都察院右佥都御史陈道基以原官整饬蓟州等处兵备巡抚顺天

○命卫史舒鳌刷卷京畿

○兵部覆浙江徐枋奏该省总兵标下水陆军兵缺少请加募陆兵一千二百名与旧兵共足二千水兵一千四十名贴驾车兵五百二十名报可○山东巡按御史赵允升出巡河东经沙岭驿突遇虏骑入墙扑掠幸而获免因极言边墙废坏壕堑倾陲将领畏避状上诘责兵部及覆奏上以兵备杨愈茂虚报工完降二级调用下游击苏国赋等于御史问

○壬午改山西总兵白允中于甘肃甘肃总兵麻锦于山西从总督请也

○上御皇极殿传制遣使册封庆府庆惠王熹枋世子倪＜城鹵螳疾庆王德府德恭王载澄世子翊鎬为德王妃董氏为德王妃临清温懿王载堦嫡长子翊鋈为临清王夫人毕氏为临清王妃南阳县民人苏道忠女苏氏为唐府唐王硕熿妃衡府平度康惠王载垕庶第一子翊＜禄帮剑疾平度王韩府韩王朗铸嫡第四子璟浴为绥平王东城兵马副指挥张君芝女张氏为崇明王璟清妃蕪州民人周谟女周氏为荆府安城王常盗妃曲阜知县孔弘晟女孔氏为鲁府滋阳王寿鏞妃永和王府永和庄定王新墀庶长子慎镠为永和王嘉定王府嘉定恭顺王载土□崙庶长子翊鋈为嘉定王新□县民人李从化女李氏为嘉定王翊鋈妃

○升礼部主事章礼为江西左参议甲申命陕西临洮河二卫官军悉听河州参将节制西安州海刺都二堡改属固原守备管辖从总督请也

○乙酉兵部覆贵州抚按何起鸣等奏该省军门止有军余标兵四百名遇有征战动调土兵每洩事机夷酋无所畏惮请选坝阳红兵二百名召募川兵或土著四百名共足千名为一营令游击统领训练而以清军道副使监督清查庶文武相制得旨标兵准选足千名以资弹压但闻该省驿传多役军丁以致行伍消耗战守无人今宜痛革冒滥抚恤贫军就中抽选丁壮以充标兵比之远募浮游有裨实用余如议行

○革太和王府辅国将军载燧为庶人

○丁亥改宣府副总兵麻贵充协守大同副总兵蓟镇副总兵杨大充镇守南直隶江南副总

兵

○以宁夏参将祁栋充副总兵协守宁夏地方

○升宣府守备刘宝充宣大总督标下游击

○以山东都司佥书刘允庆充河南都司掌印

明神宗显皇帝实录卷之六十二

万历五年五月戊子朔命御史郭庄巡视京营

○庚寅录辽东大兴堡斩获功官军宿得举等升赏如例

○壬辰以宁夏西路协守署都指挥佥事刘济充本镇北路参将

○改副总兵管分守宣府参将贾国忠充协守本镇副总兵

○以辽东守备王盛宗为镇武堡游击

○以定边左卫都指挥佥事刘宗政备御辽东西平堡

○以原任大宁都司掌印张守成佥书山东都司事

○改副总兵管分守宣府南山参将孙朝梁充协守蓟辽东路副总兵○升彰德知府贺邦泰为山西副使

○癸巳广东罗旁平计克猺浪贼巢五百六十四处擒斩俘获投降夺回共四万二千八百有奇自出师至凯旋凡四阅月

○是日 上以久旱率百官修省斋三日令顺天府官致祷

○复除原任御史赵燿江西道

○甲午孟渎河以三月初兴工至是报竣共用银一万六千五十余两

○乙未雨

○升陕西右参议马应梦为甘肃行太仆寺少卿 原任南京刑部尚书林云同卒云同莆田人嘉靖五年进士改翰林院庶吉士授户部主事历升广东提学副使立五经书院简列郡士讲业其中历升浙江右布政使入覲旌治行第一嘉靖二十七年升副都御史巡抚湖广二十九年奉旨回籍隆庆元年起刑部左侍郎升南京右都御史时给事中石星陆凤仪以言事得罪云同抗疏救之寻转南京工部尚书五疏乞归予致仕万历二年复起南京刑部尚书再疏辞不允至南按江宁知县侵没库银事论如法未阅月复恳辞去位奉旨褒嘉赐乘传归至是卒赠太子少保予祭葬如例谥端简

○丙申大雨

○肃王缙＜城鹁螭咀啾靖城内有隙地一区欲建阁尊藏宸翰外有书楼一所请赐额名及祖训会典经书子史诸书部覆命与四书五经各一部阁名遵训○兵部覆两广总督凌云翼条奏罗旁善后事宜一建设州县东山黄姜峒西山大峒原系贼巢今虽荡平难保必无遗孽遽欲建官设县恐貽后艰请先升泷水县为州其二峒各筑营城选委将领屯兵驻劄伺有贼出许其便宜抚剿果无他虞题请建县目下各峒地方通属新州管辖其南乡富霖封门函口设千户所四调官军防守一专设宪臣改惠州伸威道副使为岭西兵巡岭西兵巡道僉事为泷水兵备其潮州海防兵备兼管惠潮两府兵巡一更置将领添设参将二员分守二峒德庆守备移驻泷水高肇参将径行裁革一议处戍兵拨江道并各营堡兵补足营伍余留江堡哨守一充实官军就近省卫抽拨不足以问遣新军充之若土民狼獾愿受田隶所者即以补伍一调用官员一开辟道路改寿康驿置南江口东亭驿置晋康新昌驿置泷水恩平驿置＜满江＞沟西平驿置平豆立石驿置掘冈那夏驿置大陵以通水陆一经费钱粮一程课殿最得旨设县该抚按再加详议如果贼巢尽拔保无他虞即请设官建治不必以年月为限余如议行

○丁酉升凤阳知府赵体敬为四川右参政光禄寺丞袁弘德为陕西右参议

○戊戌原任南京河南道监察御史陈王道复除原职己亥总督仓场户部右侍郎沈应时籍奏太仓库银两实在之数共四百九十八万四千一百六十余两

○庚子改宣府东路参将李真充本镇西路参将○以宁夏入卫游击毕景从充协守本镇西路

○改神机营练勇参将管達干充提调宣府南山参将

○予国子监司业沉渊祭一坛以其奉东宫出□较书效有勤劳也

○辛丑命停内北中门等处工程以工部言库贮匱乏故也

○荫大学士张居正次男嗣哲为锦衣卫正千户世袭补穆宗朝所敕荫也

○兵部覆大同督抚奏该镇最逼虏巢沿边墩墙岁久颓塌宜乘时修筑但墩台位置必处台于墙之突收墙于台之曲突者拒敌曲者守之方便战守不然台与墙一例攻打莫施即施不能远及兼顾与无台等至空心敌台尤须相度地势或河口扼险或城堡临近缓急可恃守御方议成造若平漫之地未免徒费所需钱粮十四万三千六百八十余两动支修城余银及河南班价外其四万三千九百六十余两户工二部照例给发报可

○户部奏进大婚铺宫钱粮各样珍珠计重八万两足色金二千八百两九成色金一百两九成色金一百两

○壬寅先是大学士张居正等请考选庶吉士日期命定期十五日至是取沈自邠顾绍芳杨起元敖文祯姚岳祥杨德政万象春张鼎思庄履丰冯琦费尚伊何雒书史继宸甘雨陆可教李植张志马象乾林休徵张养蒙高尚忠冯梦祯汪言臣张文熙余继登曹一鹏王国吴尧弼卷进呈命俱改庶吉士与一甲进士沈懋学等俱送翰林院读书

○是日 上以重修 乾清宫成奉 圣母慈驾还御阁臣用为诗题
上览之喜甚命录所取诸士诗进览○癸卯升贵州右参政顾章志为广西按察使

○命发太仆寺马价银七千两于蓟镇备本年抚赏

○丙午 上御皇极门宣奏罗旁捷音

○遣驸马许从诚以大捷告 庙

○命升泷水县为罗定州升陕西副使吴一澜为贵州右参政

○补原任吏科右给事中张孙绳于刑科

○丁未 上御皇极门廷臣以岭西大捷称贺

○戊申升河南左参政孙光祐为陕西副使开封府同知岳汴为山东佥事

○中官传旨 慈庆 慈宁两宫着该衙门修理见新只做迎面于是辅臣张居正等奏治国之道节用为先耗财之原工作为大慈庆 慈宁两宫俱以万历二年兴工本年告完落成之日臣等恭诣阅视巍崇彩绚无异天宫今未踰三年壮丽如故乃欲坏其已成更加藻饰是岂规制未备乎抑亦敝坏所当新乎此事之可已者也况该部科屡以工役繁兴用度不给为言已奉旨以后不急工程一切停止今无端又兴此役是

明旨不信于人而该部科必且纷纷执奏徒彰朝廷过举滋臣下烦言臣等灼知 两宫 圣母欲皇上祈天永命积福爱民亦必不以此为孝请暂行停止得旨先生忠言已奏上 圣母停止矣

○己酉以工部尚书郭朝宾考满荫子澹为国子生

○原任浙江道监察御史许乾复复除原职○叙平罗旁功凌云翼升都察院右都御史兼官总督如故荫一子锦衣卫副千户赏银及飞鱼衣广东总兵张元勋升右都督改荫锦衣卫世袭广西总兵李锡实授都督同知荫一子本卫所百户世袭各赏银币道参等官赵可怀升二级陈璘加副总兵衔余升赏有差尚书殷正茂始事有功升俸一级赏银币原任尚书谭纶予恤典本兵王崇古赏银及蟒衣侍郎梁梦龙曾省吾及该司郎中升赏有差

○初兵部以罗旁叙功及辅臣张居正等居正拟票乃差第诸有功者各赏赉而不及阁臣是

日中官传谕改票来行于是居正等＜媼斃-

金＞言前已奉旨以后边功不许叙及辅臣臣等又岂敢身自犯之请赐停寝以安微分
上乃从之仍赐居正银百两蟒衣彩段调阳四维各银币

○山东峰县民张昆女幼字刘天民未及婚天民病故张氏闻讣号哭以首触地绝而复苏父力为劝角□羊踰五日乘隙入室以袜自经而死父送婿家合葬安丘县民李日华妻刘氏夫故亦自经以殉按臣奏请表扬旨下礼部

○庚戌先是兵部议募选锋四千八百名专充六副将及十战兵营之用至是又以总督京营彰武伯杨楷条陈覆奏副将见统战兵不必再拨而车兵同战兵轮番出防各有信地议增募选锋二百名共足五千分拨战兵十营各三百名车兵十营各二百名报可 辛亥命补任詹事府掌府事吏部左侍郎兼翰林院侍读学士王希烈署掌府事少詹事兼翰林院侍读王锡爵教习庶吉士

○升南京吏部主事徐大任为河南左参议○壬子命御史雷嘉祥巡按贵州

○癸丑夏至祭 地于 方泽遣公张溶代

○乙卯赐百官香霏汤至七月十五日

○丙辰追封怀仁王府辅国将军俊拟生母翟氏为夫人瑞昌王府奉国将军多炯生母陈氏为淑人

明神宗显皇帝实录卷之六十三

万历五年六月丁巳朔先是万历四年倭贼连艘突犯韭山浪冈渔山等洋逼近定海道参督兵截剿斩级七十三名颗至是按臣勘实参闻命赏原任浙江巡抚谢鹏举银币原任海道副使刘翮原任宁波知府周良宾等赏各有差

○戊午大内工完太监李龙题叙效劳各官并及阁部命荫司礼监太监冯保弟侄一人锦衣卫副千户张宏弟侄一人锦衣卫百户工部尚书郭朝宾监察工程给事中戴光启御史李东工部员外姚纯臣等各升赏有差

○己未以广州兵巡僉事徐汝阳改充新设洮水兵备近升岭西僉事刘倬改补广州兵巡伸威副使徐时可改补岭西从總督凌云翼请也

○庚申赐原任少师大学士李春芳父镗祭葬如例加祭二坛

○命御史李尚默巡按辽东赵燿巡按江西○辛酉两广总督凌云翼奏上广西剿平黎贼功计擒斩贼级一千三百七十六名颗俘获贼属二百十五名口叙到与劳诸臣命广西巡抚吴文华副使徐作昭平参将韩文启参议陈应春参将吴京等各升赏有差

○癸亥先年大同右卫等堡因北骑围困借支月粮年远人亡遂成积负共粮料一万六千九百余石都御史郑雒奏请蠲免上允之仍谕他镇不得比例今后督抚管粮官务为长策毋得借支亏损帑储

○甲子命御史钱岱查刷光禄寺钱粮

○复除原任山东右布政使劳堪于福建

○丁卯先是五月丙申土蛮入犯锦州时值大雨移日出境壬子复拥众入边分攻镇城并镇静团山等堡见城堡有备又值连宵大雨次早遁去督抚以闻因言土蛮垂涎王号要挟求封而将士久苦征战一闻虏言遂有和戎之望不知虏来纳款而容其请是羁虏也其重在内其和可久虏方凭陵而与之通是媚虏也其重在外其和不久其气益骄其衅益大且无功与有功者同封犯顺与效顺者同赏既取轻于诸夷尤取突于俺答故臣等惟以收保严内备以大义谕将士以正言答虏使相持数日虏气已阻若曲从虏求免罪目前致褻团体臣等万死不敢为也至将领失事如哨探明传报速城堡不被攻克虽系信地亦宜查其边长路远虏众兵微少从宽假以责后效得旨东虏盗边求贡未见款顺之诚岂宜轻许但辽东连年御虏兵疲力寡秋防在迩战守之策亟行预图兵部其悉心审画或令杨兆等敷陈所见酌议来行○戊辰嘉靖间靖江王府辅国中尉经木□走侍母不孝时出恶言母含愤自经而死至是法司勘实以闻命该抚按勒令自尽

○諭前月虜犯錦義將領失事罪參將馬文龍等降祖職一级照旧管事指揮鄭產等下御史問

○己巳上以審錄矜疑罪犯不合律意諭刑部曰印信系干王制与历日符驗等項同科故律凡偽造者即坐以斬初不論其行次數及得財多寡該犯情无可原照旧監候發遣朝廷五年差官審錄欲申理無辜非欲輕釋有罪若有罪幸免則民輕犯法刑獄滋多亦豈得為仁政近來審錄官不講求律意但沽輕恤之名其所稱矜疑者俱未見有可矜之情可疑之迹其中疑獄沉冤或反不能照察殊失朝廷欽恤之意今后法司仔細詳推務求允當毋得一概混覆致失刑罰之中○吏部覆吏科給事中陳三謨奏各省藩臬之長階秩已崇將為他日邊腹督撫之選誠不可以不勝任者處之請申飭撫按凡各官有知止乞休者即為題請其餘逐一評品應否致仕開揭送部以凭酌請以后本部推補務加詳慎果衰朽闕茸年資序及者不時議處則藩臬之選重而督撫之待用不乏矣上是其言

○庚午升山東副使余立為本省左參政肇州知府舒大猷為廣東副使

○吏科給事中李學一言云貴兩廣州縣宜多選甲科部覆人才甲乙不甚相遠顧在上綜核鼓舞何如耳云貴兩廣地方辽阔各官聲聞未易上通使撫按官加意考核貪肆者盡法汰斥賢能者破格旌揚則舉貢之中爭相淬勵豈患無材足堪任使若使賢否混淆豈惟舉貢消阻而進士恃其出身恣肆殃民反有出于舉貢之上者矣請申飭撫按多方廉察但實心愛民者不問資格即與優薦不肖者不時參處本部仍將遠方官員加意查訪但有縱肆奸貪而撫按不以上聞及撫按論列而司道近注互異者查系黨徇指名參究得旨朝廷為民擇官原不論地方遠近不拘出身資格撫按官如有徇私任情致賢否倒植者部科參奏但近年遠方官类多年力衰頹及被罪降謫之人虽欲振刷恐亦难强今后要加意选授毋仍前轍

○兵部奏驛站減編事宜一核節省之實以定站額查从前糜費年分每岁撥差若干近年裁省每岁省差若干較數岁之中以為常以量減原額之夫馬定應減站銀之實數无仅仅以本年挂號減革之數為節省也一議減免之實以恤民困查一省應減夫馬若干將通省站銀原額計算每糧一石應減銀若干仍分別地方上邑減一二分下邑減三四分以定減編之數一稽供應之實以恤站役各役或正或募馬騾有正有貼即一日無差日用必不可缺虽一日數差亦惟一主雇辦今未減其原額之數而惟計差減其額編之支各役何以自贍耶今即查明節省之實須將各役貼差馬夫通行減免其每岁正支免復計差扣官以示寬恤一清徵納之實以恤逋負將万历元年以前小民拖欠者一体蠲免以后帶徵完角□羊得旨減免驛傳原為寬恤小民所議各撫按官悉心查處務使民沾實惠

○壬申命原任河南副使周之屏提調山東學政○加升云南右參政徐作為本省按察使以前剿广西昭平獐賊功也

○免山东沂州拖欠隆庆三四年本色馬一百三十八匹折色馬價銀四千九百二十兩其該年折色馬價沂費剡三州縣酌減數十匹以蘇民困从撫按請也

○兵科都给事中裴应章条上御虏事宜一议援兵以纾疲困调保定兵马代出宣大延宁入卫战兵移驻冻东闻警出关协同宁前防剿一议增饷以鼓忠勇部覆从之

○叙前月广宁御虏功李成梁张学颜张崇功各银币有差又命发马价银二万两差官犒赈御虏将士及军民之被害者

○降参将李如梗一级管事夺副总兵董一元俸以蓟辽总督劾其马匹倒死也

○癸酉 睿宗献皇帝忌辰 奉先殿行祭礼

○补原任户科左给事中汤聘尹于礼科○铸给罗定兵备道及整饬海防兵备兼管惠潮兵备道各关防

○甲戌户部奏临德二仓积贮粮米原系预备拨补额运漕粮四百万石之数近来额运不缺向不支运以致积久陈腐宜将二仓粮米支放山东官军月粮及德州天津九卫运军行粮即将应拨行月二粮照数抵纳出陈易新候陈粮放尽仍行照旧报可

○总督漕运侍郎吴桂芳奏准水向经清河会合黄河趋海自去秋河决崔镇清河一带正河淤垫淮口梗塞于是淮弱河强不能夺草湾入海之途而全淮南徙权灌山阳高宝之间向来潮水不踰五尺堤仅七尺今堤加至一丈二尺而水更过之此从来所未有也议护湖堤以杀水势部言堤虽可护而不能必水之不涨欲水之不涨必俾淮有所归而后可宜令漕运衙门严督司道熟计其便报可○丁丑补原任山西按察使舒化于河南升贵阳府同知高任重为贵州佥事

○戊寅淮安水利佥事黄猷吉以病乞休
上以猷吉管河甫欠一年功绩未著称病乞休似有诈托令巡按御史查核以闻

○吏部覆户科都给事中石应岳奏各边粮储郎中今后任满交代将钱粮交盘明白回部听候考察得旨边郎任职繁重今后务慎选以充二年满日回部考察无过方许复职叙迁称职者优录怠肆不称者部科访实奏治

○改宣大总督军门加衔副总兵管中军事潘忠管分守宣府东路参将事

○以宁夏巡抚标下加衔游击哮拜为本镇入卫游击

○以五军营游击田永爵充神机营练勇参将○己卯隆庆间苏州卫镇抚任贤以侵欺军需提问脱逃至是升川沙把总直隶巡按御史郭思极摘发其事 上诘责兵部部言据将材溥本官名下止开武举中式别无保荐及参问情由因其中式年久且陪推数次故行推用 上命夺该司郎中俸三月余各一月今后文武职官系奉旨提问及住俸戴罪并事发在地方虽未及

参提问拟但有碍升转者都开送吏兵二部停推事完仍与开豁武举十年外者准酌量推用

○庚辰初饶阳王府镇国将军俊棹奏夫人秦氏于嘉靖四年六月授封十二月娶妾骆氏生第十子充鱣封辅国将军乃礼部堂稿内开秦氏授封在嘉靖五年六月而妾在正配未封之前照滥妾事例岁给臣男口粮乞改正本等封禄部覆俊棹的系未婚先娶与条例有违且俊棹先收妾任氏生二子复收妾骆氏生六子七子俱已冒封请将俊棹罚治冒封子女一体议革得旨夺俊棹禄米三月子女已授封者姑免查革其中一母所生子女封革顿殊故得藉口奏辩今后议拟归一以便遵守

○晋王新<姝恋洌巨胺入妹亲侄辅国将军慎镜袭封晋王

○刑部主事刘垓管稷各调部得旨六部所司莫非王事人臣随事皆可效忠今后各部属官除吏部间行调用余各守本职尽心所事贤能称职者一体超迁不必纷纷更调致开奔竞

○升凤阳府同知杨化为河南佥事驻劄淮安专管治水谕吏部予敕

○凤阳巡抚吴桂芳劾六安州知州张四科淫刑宜斥部覆得旨降三级调用

○陕西蒲城县烈女马兰香字李春炜为妻未及婚春炜病故兰香闻讣哭泣不食欲亲往吊父母止之不得行乃取所制翁姑髻托父母寄之曰即不为伊儿妇亦以见此心也至夜沐浴梳妆着鲜服缢死麟游县何谧妻吕氏谧死时年方二十二岁生子弥月誓死守节三十七年泾阳县生员韩汝复性至孝亲歿伤悲成疾逾月卒妻王氏抱棺号泣亦数日不食而死按臣请旌旨下礼部

○壬午 孝庄睿皇后忌辰遣侯邓世栋祭 裕陵

○甲申 孝穆皇后忌辰遣伯施光祖祭 茂陵

明神宗显皇帝实录卷之六十四

万历五年七月丙戌朔 上亲享 太庙

○以辽东战兵劳苦本色腾贵命发太仓库银二万两于本镇买采以贮军饷后不为例

○命御史张简巡按河南

○戊子初云南巡按御史陈文燧条上制御土夷十事一檄诸夷谓缅甸莽酋与孟养思个相构木邦罕拔与干崖怕文为仇赶杀地方渐不可长宜宣谕处分旧追缅甸诸司印信金牌听请承继仍颁以大统历日如再侵扰定行诛剿二抚三宣谓三宣外捍六慰内拥金腾还来各多内难兵力衰弱无能钤束地方宜加意抚恤在南甸则断刀落参之田以结其心在陇川则扶多忠之寡以固其存在干崖则定宣更之嗣以正其继三设将领于三宣适中设参将一员屯兵驻劄就近勘处夷情临安参将移驻红果哨适中练兵设防以制莽酋四筑城垣腾冲城南筑外围一座三宣令各筑城五足兵食六禁通夷七宽承袭谓土官世袭因诸司驳查吏胥勒索遂生异心宜行抚镇但遇夷司告袭即行参守亲勘仍与宽假以便替补应纳例银或减半徵谷其报生应袭幼给冠带长授职级正枝无嗣旁枝有能约束地方者照例与之不必重勘八宽迤西谓思个与莽世仇近更归顺罕拔虽附莽逆颇有悔心宜授以原职还其牌印以招来之九择官司十议功罪谓先年抚镇辑睦所向功成嘉靖中抚臣权重镇臣遂萌推诿年来兴师制寇率不与谋始事不与同功僨事得以倭罪宜一体责成部覆牌印一节先臣刘健尝议孟养事状谓思禄有官犹可制即无官其僭自若也不如因而官之此真御夷上策而抚远夷自近夷始处夷情自内治始皆请如议报可

○兵部覆奏留都饬武弭盗事宜一饬兵卫以护陵寝额军二千五百名宜行选补一稽出入以肃禁城一严点闸以重守卫额军六千余名今见存二千五百余名宜分班派守责成稽查一补丁壮以饬营务额军九万余名今仅二万余名宜选各卫在册余丁补足一增锐卒以备缓急旧选壮丁三千名今宜增一千名分隶大小教场并神机营责成训练一增马军以严巡警一励官守以严稽查一严缉捕以杜出没得旨允行○兵部奏上各镇秋防机宜谓在山西诸镇以贡市为权宜以战守为实事在蓟辽以战守为定策以夹击为奇谋在平时则厚间谍远哨探期预得虏情闻警报则明烽燧扼险要务火挫贼势近边窥伺则预收斂严贴守慎按伏毋致疏虞大众入犯则奋截杀申应援击惰归期收大捷虏锋方锐则坚壁以老其师虏势可乘便出奇以决战胜万一蓟昌有警则宣大总督及各镇镇守各官不待调遣入关应援得旨允行

○己丑初山西巡按田乐劾泽州知州吴思学残虐宜斥该道杨愈茂巡历未周乞申饬各道两月一次出巡所属地方部覆愈茂革任听勘出巡酌量地方远近岁一二次得旨吴思学既才守无议止用刑过当不必行勘姑降边方杂职用杨愈茂革职闲住司道官出巡但能痛行省节肫肫以询民疾苦申理冤枉为事即两月一遍民不为扰违者照例论黜其二司官有职守混杂彼此牵制或偶因一事奉敕兼管后遂沿为故事徒费文移关白实于本职无干该抚

按分定画一具奏定夺务在明职掌省繁文以称朝廷尚实责成之意

○广西梧州府大火延烧官舍民房三百五十间

○辛卯升肇庆知府李畿嗣为广东副使台州知府李时渐为陕西副使

○补原任四川道御史张士奇于湖广道

○壬辰秦府永兴恭定王绝嗣命其亲侄辅国将军怀土□豕止以原封奉祀

○巡视京营吏科左给事中王道成因中都沂州卫逃军数多条上班政事宜部覆国家调三省班军轮番赴京操备以实京营近年责借修工劳费不堪以致班务废弛军伍逃亡顿失立法初意其罚班扣粮追价之议本欲军免比责调卫之苦官得罚工募夫之资但官军贫乏者多每月粮止二三钱乃议罚工一月追银一两二钱三月追银三两六钱计各军一岁之粮不足完一班之罚贫军力不能办官司法难取盈故虚有罚工之数绝无徵解之实今后赴班违限仍从责治一班不到即系一年脱伍尽扣该年月粮解部本军仍照例解京罚补正班三年脱班仍从调卫庶银得实用军无废法报可

○癸巳革鲁府钜野王府奉国将军观火□佳并男奉国中尉颐璋为庶人

○甲午革宣宁王府仪宾钟汝灵为民以宗女冒封故也○改分守大同威远等处参将牛应诏充分守山西东路参将

○升神机营备兵坐营指挥僉事谢森为五军营游击参将

○命分领宣大总督标下左掖兵马参将朱瀚以原衔管中军事

○乙未涿州驿盘获诈冒勘合事闻命下镇抚司究问谕兵部屡旨清查勘合于今数年始访一王府差人以前滥给不知其几且勘合必经该科挂号如何不行稽察今后若不严查俱以不职论黜

○考选中书舍人刘中立行人李选推官李天植王致祥知县郑秉厚齐一经顾九思李大吉帅兰王彻祥姚学闵詹沂傅作舟各给事中天植乘厚吏科一经九思户科选大吉礼科兰致祥兵科彻祥学闵刑科中立工科沂南京吏科作舟南京户科○考选中书舍人刘致中胡之彦行人方学孟国子监博士刘光裕陈希美推官谢思启朱鸿谟知县尹良任宋仕安九域胡时化顾铃罗应鹤唐本尧许乐善郭汝姜璧赵楫李栋白栋赵卿陈大立朱璉马呈图张一鯤孟一脉杨际熙各试御史良任仕浙江道九域时化江西道铃应鹤福建道本尧乐善湖广道汝璧河南道楫栋山东道致中栋山西道思启陕西道卿四川道之彦大立广东道璉广西道呈图云南道光裕贵州道鸿谟南京浙江道一鯤南京江西道学孟南京福建道一脉南京狭

西道际熙南京云南道希美南京贵州道

○丙申蠲免淮徐灾伤州县万历二年以前未完钱粮○己亥先是浙江及苏松常镇四府原差部官监兑后以两浙巡盐御史兼之至是复以巡盐督理不及议仍遣部官部覆从之

○礼科都给事中林景旸言宗藩条例一书定自世宗续次损益不无异同有昔不议裁而今裁者如亲王之选娶妾媵庶男之请给婚资是也有昔不议与而今与者如世长子夫人之继选将军生母之准封是也他如奏请过期之年渐＜整彩见＞名粮冠带之给渐广以辅国而进亲王之尊同越关而别三等之禁诸若此类不一而足近闻以滥生通作正报以别生顶补宗牒以擅婚诡称礼娶源之不清名封曰滥宜敕下礼部详议奏请著为令典部覆报可○蠲免淮安府属隆庆三年以前未完马价银四万二千余两从巡抚请也

○福建巡按□为正勘上万历元年六月间南贼入犯福宁等澳将领失事罪得旨赵有开革任与陈孔成等俱下御史问

○庚子中元节遣保定侯梁继璠等分祭九陵惠安伯张元善祭景皇帝陵寝中官祭恭让章皇后及宪庙废后吴氏都指挥僉事蒋克谦祭哀冲庄敬二太子各陵园

○辛丑升南京通政使司右通政陈于陞为南京太仆寺卿

○壬寅命铸给广西督理粮储分守桂平苍梧左江右江各道关防

○癸卯命发太仓库钱一万六千二百两于辽东备蓟昌兵马驻防宁前三月粮料若蓟镇人马未出关不许动支

○文皇帝忌辰奉先殿行祭礼遣安乡伯张镒祭长陵○升南京太常寺少卿沈淮为南京通政使司右通政

○甲辰先是奉旨各抚按荐举科贡两途务居四分之一至是吏部＜娼弊-金＞参两淮巡盐御史王晓所荐各属仅举人七员不及格命夺晓俸三月以后抗违者定行重治

○乙巳户兵二部覆蓟辽总督杨兆条陈辽镇六事一加折粮一加行粮一补家丁一处马匹一免屯粮一处本色得旨两河军士准照防守月分每月每名加饷银一钱余俱依拟朕念该镇将士罢苦加意优恤凡有请乞破格处给边臣要着实整理奖率将士务建奇功以副朝廷优处至意不许但倚称罢困糜费军需无益战守

○调补原任太常寺少卿吕藿于南京○初巡按陕西御史刘光国条上军民疾病二事一议墾地额粮一议入卫兵马兵部覆奏各镇卫兵之累繇于派修台工每季必责修数座计一台之工至数百金原议工价未足半费应支行粮尽以贴赔在蓟视边兵为贅旒不得与本镇各

兵一体优恤在各边以入卫为陷阱不能与在镇各兵同事训练有入卫之虚名无御虏之实用且各镇入卫独宁夏最远原拨白马关一带防守今亦非要区请免本枝入卫将就近别兵代守得旨该镇切近陵京干系重大督抚官议有实在别兵戍守方许撤放

○丙午以陕西阶州斩获番级功赏兵备副使赵焯银十两千百户官崔继光卢济仓各升署职一级

○命御史虞怀忠巡按四川许乾巡按真定蔡廷臣巡按顺天

○丁未兵科都给事中裴应章条议清驿传三事一革转卖之弊依数填给无使有余得以先后凑搭展转卖买一议挂号之规外勘合赴科挂号以防假伪内勘合该司送科令本人赴科亲领以防磨改一严赏罚之令驿递员役阅历既多熟知情弊举发者赏卖放者罚部覆允行

○巡按直隶御史林应训条奏三吴水利言三吴水利莫重于苏松而在苏者莫重于吴淞江若吴江长桥一带则太湖入江之口在松者莫重于黄浦若山泾港秀州塘诸处则淀泖入浦之路皆不容不急图者议开吴淞江中段以通入海之势< 娼弊金 > 吴家港长桥以宣出湖之源浚山泾港诸渎以导达浦之流请给钱粮以便兴事之用清查摊占以广经费之助部覆允行○戊申以延绥游击李芳充参将分守大同威远地方

○以原任参将张仁金书万全都司事

○己酉命宣府东路游击角□羊生以原职分领总督标下左掖兵马

○庚戌谕刑部审录各官事完之日查前后所奏已经议覆依准改驳件数多寡通行考核具奏有刑名未谙改驳数多照例参究无事姑息

○命御史张士奇巡按甘肃龚懋贤巡按广东

○以礼部右侍郎林士章三年考满荫其子汝谐为国子生

○升协守山西副总兵王化熙为都督佥事提督京城内外巡捕○辛亥应天巡抚胡执礼奏革练湖佃田得旨各田亩有碍水利者尽数查革不许畏徇容隐致挠公法

○海西古城大阳河等卫女直夷人兀堵尚歪卜等朝贡宴赏如例

○壬子追封枣阳王厚燭生母姚氏为枣阳荣肃王次妃

○升四川参议杨一桂为本省副使宁国知府陈俊为广西副使

○癸丑以广西都司佥书黄允中暂升游击管分守西山参将事从总督请也

○命御史唐本尧巡视十库

○甲寅升四川佥事范仑为本省右参议○福州府兴化府地震

○太原府冰雹

○乙卯吏部申明官员回避朝廷以爵为序除巡按御史照例从方面官回避外余皆以卑避尊不得以族序论命著为令

○先是南直隶歙县以丝绢偏累具奏分派而户部尚书殷正茂歙人也议加派休宁等五县三千余金已奉旨移咨矣至是休婺大哗挟求申豁以正茂私其乡欲甘心焉人情汹汹事闻得旨该抚按查先年派额从公议豁务令适宜其为首倡乱者尽法重处以振法纪

明神宗显皇帝实录卷之六十五

万历五年八月丙辰朔祭 先师孔子命大学士张四维行礼

○以南京前军都督府佥书王世科充总兵官镇守广西

○丁巳补原任广东道御史崔廷试于江西道

○升刑部主事黄德洋为四川佥事

○广西泗洲城服色土司知州岑绍勋及所属程县上林长官司差岑海等赴京进贡马匹银器给赏有差

○蠲免淮扬万历二年以前未完药材牲口北羊等项银两以岁被灾伤故也

○升南京大教场把总王诰守备南直隶仪真等处○以游击张京充参将分守延绥清平等堡

○以分守大同西路参将赵崇充副总兵协守山西地方

○升大同守备张秉忠为宣府东路游击

○升文思院副使王伟为锦衣卫指挥使

○戊午 上亲祭 大社 大稷

○己未 仁圣皇太后 慈圣皇太后谕礼部今选得锦衣卫指挥使王伟长女为皇后大婚有期合行礼仪该部会同翰林院定义以闻

○辛酉钦天监奏择大婚吉期宜用十二月于是辅臣张居正等奏 圣母皇太后言祖宗列圣婚期多在十六岁今 皇上龄方十五 中宫亦止十四若待来年十二月则已过选婚之期若即用今年十二月则又太早矣该监又称一年之间止利十二月余皆有碍臣等窃惟时日禁忌乃民间俗尚然亦有不尽验者况皇上为天地百神之主一举一动百神将奉职而受事焉岂阴阳小术可得而拘禁耶传闻 圣母慈意欲候明年二三月万物发生之时举行大典考之古礼以仲春会男女今若定以春时则既有合于天地交泰万物化醇之意且当 圣龄十六又率遵累朝列圣之规不迟不早最为协中乞裁定谕下遵行是日传 圣母谕定以明年三月上乃下旨朕奉 圣母慈谕于明年三月内择吉行礼

○以大同入卫游击薛邦奇充参将分守大同西路

○升广东总兵标下把总葛浩金书广西都司事

○改延绥游击陈保充陕西总督标下游击○壬戌 孝康敬皇后忌辰 奉先殿行祭礼

○癸亥升山东左参政杨世华为广西按察使江西副使魏体明为山东右参政

○海西肥河等卫女直夷人都督同知台失等哈儿等卫女直夷人都指挥僉事你龙哈等赴京朝贡赐宴赏如例

○命曾子六十一代孙承业袭翰林院五经博士

○升分守凉州副总兵盛愈谦金书南京前军都督府事

○河复决崔镇

○甲子四川抚按奏该省驿传站银共十二万五千八百九十余两自奉例裁省节年余银积有前数请抵充万历六年徵额许之

○乙丑论万历四年十一等月前屯失事将领罪谪游击王国瑞戍边○升陕西副使徐用为山东右参政广州知府萧遍为江西副使

○ 孝慈高皇后忌辰 奉先殿行祭礼

○丙寅命礼部左侍郎汪鏜改注吏部左侍郎掌管詹事府印信同王锡爵教习庶吉士

○钦天监择本月甲戌进

世宗肃皇帝实录礼部上仪注前一日设表案于皇极殿丹陛之东设 实录案于丹墀中教坊司设中和韶乐及大乐如常仪设彩舆香亭于史馆前是日早锦衣卫设鹵簿驾

上御中极殿具袞冕服文武百官具朝服侍班监修总裁纂修等官具朝服至馆前纂修官捧实录置彩舆中鸿胪寺官导迎 实录彩舆香亭用鼓乐伞盖繇会极门下阶至桥南曲中道行监修总裁等官后随由二桥行至皇极门

实录彩舆香亭繇中门入监修总裁等官繇左门入至丹墀案前纂修官捧 实录置于案乐止彩舆香亭鼓乐伞盖俱退监修总裁等官入班内殿鸿胪寺官奏执事官行礼赞五拜三叩头讫奏请升殿导驾官前导乐作 上御皇极殿乐止鸣鞭鸿胪寺官奏进 实录乐作序班举

实录案以次繇中道升班首繇左阶升至殿门外 上兴序班举

实录案繇中门入至于殿中乐止班首繇左门入跪于案前赞总裁等官皆跪乐作内侍官奉实录案入内殿置于中 上复座乐止赞俯伏班首及总裁等官皆俯伏乐作兴平身乐止班首

复位赞鞠躬乐作赞四拜兴平身乐止赞进表乐作序班举表案于殿中乐止赞宣表赞众官皆跪鸿胪寺官展表宣讫赞俯伏乐作赞四拜兴平身乐止进实录官退于东班侍立赞排班文武百官入班赞班齐赞跪鸿胪寺官致词云文武百官某官臣某等恭惟世宗肃皇帝神功圣德纂述成书光华万世群臣欢忭礼当庆贺赞俯伏兴赞鞠躬乐作赞四拜兴平身乐止赞有制进实录官仍入班赞宣制云世宗肃皇帝功德配天纪述详实朕心欢庆与卿等同之宣讫赞俯伏乐作兴平身乐止赞柷笏鞠躬三舞蹈赞跪山呼万岁三赞出笏赞俯伏兴乐作赞鞠躬四拜兴平身乐止礼毕

○原任吏部左侍郎兼翰林院侍读学士丁士美卒士美清河人嘉靖己未进士第一人授修撰历升礼部右侍郎兼翰林院侍读学士充经筵讲官已改吏部右侍郎至是卒赠吏部尚书以讲读效劳予祭葬如例谥文恪

○丁卯升陕西右参议李维桢为本省副使提督学政

○升大同守备彭时为本镇入卫游击

○命昌镇守备刘勋管遵化游击将军事○以延绥镇坐营中军吴汝山充本镇领军游击

○以原任游击王軫充白羊口游击

○以蓟镇游击吴惟忠充参将分守山海关

○升蓟镇提调王继英为本镇大水峪游击

○戊辰以万寿圣节赐辅臣张居正吕调阳张四维讲官申时行等各银币有差

○己巳升礼部右侍郎林士章为左侍郎詹事府詹事兼翰林院侍读学士掌院事申时行为礼部右侍郎

○以盗粮人犯脱逃调原任宁波府知府周良宾罚粮储参政龙光俸三月

○升河南佥事徐学诗为陕西右参议

○辛未升工部主事陈伊为河南佥事

○壬申万寿圣节上御皇极殿文武群臣行庆贺礼○以万寿圣节遣定远侯邓世栋等分祭九陵崇信伯费甲金祭景皇帝陵寝内官祭恭让章皇后陵寝

○命南京前军都督府佥书盛愈谦提督小教场营务

○升插箭岭守备霍贡为蓟镇标兵营游击

○以延绥东路参将李煦充副总兵分守凉州

○甲戌 世宗肃皇帝宝训实录成进呈会是日大雨
上免御殿监修总裁英国公张溶等于会极门奏进行礼

○升东昌知府景承芳为四川副使

○乙亥尊藏 世宗肃皇帝宝训实录于 皇史宬

○命辅臣撰敕加恩监修总裁等官大学士张居正拟敕止以英国公张溶及二辅上进传旨
皇祖实录皆经先生看改恩宜首加而何独辞其改敕行于是居正＜嬗弊-金＞言 皇祖实
录实无一字不经臣删润无一事不经臣讨论第此乃臣子分所当为臣盟心矢报不敢凯恩
谋利以背初志改敕一节万不敢拟得旨览奏真忠大义深激朕怀特允所辞以成劳谦之美
风励臣工仍宣付史馆

○加分守大同参将濮东阳副总兵官衔管分守延绥东路参将事

○丙子敕吏部加恩 实录监修总裁官英国公张溶加少傅兼太子太傅辅臣吕调阳加少傅
兼支大学士俸张四维加太子太保兼文渊阁大学士于是溶调阳四维各＜嬗弊-
金＞辞调阳再辞 上皆不允

○丁丑 宪示纯皇帝忌辰 奉先殿行祭礼遣应城伯孙文栋祭 茂陵

○先是南直隶上海县下沙场镇有盗三十余人进劫场官杀死家属事闻得旨参政王叔杲
等住俸戴罪抚按官严督兵备等官整饬武备申明盗禁有司有隐匿盗情反累失主者参奏
重治

○安德驿盘获诈伪勘合兵部审系该犯描摹不系本部吏书盗卖得旨该司庇下容奸各抚
按为部隐饰弊端不清朝廷法度何繇得行今后科道官访实参奏

○己卯朝鲜国王李昖差工曹参判梁应鼎等表献方物进贺 圣节赐宴赏如例

○予定国公徐文璧妻王氏祭葬如例

○赐 实录监修等官宴赏如例

○先是隆庆五年因四川判蛮猖獗议设总兵贼平之日另议裁革至是总兵刘显剿平九丝引疾求去且言本镇新设事无成规州县动经阻挠缓急恐有误事部覆该省镇臣定为额设有司阻挠致误者会同巡抚指名参究得旨刘显照旧供职祖宗朝委任总兵官体统原重近来有司往往不服节制非礼抗违殊非政体有仍前违玩者许令径自参奏处治

○升叙实录副总裁纂修等官吏部左侍郎汪鏜升礼部尚书少詹事王锡爵升詹事礼部尚书马自强加太子少保礼部右侍郎申时行加太子宾客右春坊右赞善陈思育升右中允与左春坊左中允戴洵俱从五品俸级服色翰林院修撰赵志皋田一俊徐显卿俱升侍读韩世能张一桂朱赓李长春俱升侍讲编修高启愚习孔教范谦黄凤翔俱升修撰简讨王弘诲升编修左春坊左谕德陈经邦右春坊右谕德何雒文司经局洗马许国翰林院侍读张位侍讲于慎行左春坊左赞善沈鲤翰林院侍读罗万化修撰王家屏陈于陛沈懋学编修沈一贯各升俸一级

○叙内阁催纂等官吏升除各有差○蠲免福建未完隆庆五年以前军饷银二十二万六千九百余两以巡抚庞尚鹏奏称地方稍宁兵食颇足故也

○庚辰以汝宁府失囚降分巡副使杜辂一级管事地方官俱照才力不及例调用

○辛巳大同府地震

○予原任工部左侍郎徐纲祭葬如例

○补给镇海卫指挥武尚文祭一坛尚文于嘉靖三十二年剿倭有功后以援兵不至力战而死故有是命

○壬午升湖广左参议李学礼为四川副使

○阳和城浑源州龙门卫等处地震

○癸未以兵部左侍郎梁梦龙三年考满荫其子忠为国子生

○甲申复除原任四川右参议沈伯龙为湖广左参议○秋分祭夜明于夕月坛遣公张溶行礼从祀周天星辰等神遣尚书张瀚分献

明神宗显皇帝实录卷之六十六

万历五年闰八月乙酉朔午正一刻日应食六十三秒云遮不见

○时河决崔镇冲阔水溜势分正漕河道都御史傅希摯议堵筑决口束水归漕漕运侍郎吴桂芳欲冲刷成河以为老黄河入海之路持议各异部覆运道关系尤重且急崔镇决口听河道衙门及时堵筑俾水归漕其老黄河入海之路俟水势稍定会同议奏报可

○丙戌祭 历代帝王遣公张溶侯顾寰伯毛登尚书王崇古殷正茂各行礼

○户部覆陕西督抚奏言该省屯田四十二卫所地方寥远若责成一道则势难遍历法难必行宜分属各道就近兼理庆阳卫并环县千户所拨剩仓口属河西道临河甘兰四卫属临巩道洮岷二卫并西固阶文三千户所属洮岷道秦巩二卫并礼店千户所属陇右道靖虏卫属靖虏道其西安左前后右护固原平凉安东中护汉中宁羌九卫平虏镇戎西安州甘州群牧安东群牧凤翔金州沔县八千户所仍听屯田道各照分定地方干理屯政不得彼此干预得旨屯田重务既分属明白抚按督率各道核实责成不许虚文塞责

○虏王俺答欲西行迎佛乞三镇通官会话约誓摘留头目禁治诸夷依期贡市并乞传甘肃西宁开市卖茶督臣以闻兵部尚书王崇古言今岁春初俺答以书送边寄臣谓其侄孙套酋切尽黄台请赴西海迎奉活佛臣久闻套酋连年抢番未能得志欲俺答携众西援以求报复但俺答年老力难远行臣每作书及议之宣大督抚各差官通留之彼密语官通及作书谢臣以臣留彼为爱厚臣固知西行非虏王志也今据督臣所报志诚忠顺各镇当随宜抚防务居重之守施周恤之恩俾彼住牧者无或疑惧生变远行者无致藉口烦扰如或志抢熟番仍须密谕番族回避以示恩信命如议行

○丁亥 上视朝命查文武官失朝者襄城伯李应臣等五百八十七人夺禄俸各一月

○先是 上以暑两朝讲稍辍辅臣张居正等奏

皇上春秋鼎盛正日新又新之时且今四方入贺诸臣毕集欲一望见

天颜观听所系不可不慎伏愿 皇上日慎一日朝讲非有他事相妨及风雨所阻不得辍罢

上深然之故是日以淮王载垕薨例当辍朝犹御青素服视事入贺诸臣皆得面辞以行 上之虚怀纳谏如此○戊子南京礼部右侍郎管国子监祭酒事殷迈以病乞休时迈家僮为监生茅迪吉等痛殴重伤及堂官牌谕仍复抗拒久之方角□羊南京科道以闻 上谕吏部殷迈既有疾准致仕近年监规颓坏已极生徒凶恶无礼何以风示四方员缺以有才望能振作者任之复谕礼部申飭两京国子监及各省提学官都照监规敕谕严率生徒振兴法纪下茅迪吉等于南京都察院问拟俱遣戍

○以右春坊右中允陈思育补日讲官

○时徐州河身淤淀宿邳清桃两岸多决淮水为河所逼徙而南高宝湖堤大坏于是工科都给事中刘铉建议南河郎中不便顾理淮北请添郎中一员于淮徐适中处专治淮黄一带河道其徐吕二洪主事可并一员上谕工部近来偶以一事辄便增官久之不便又议裁革殊为轻率添设部官及先年河漕画地分管之议本欲责成反滋推诿并议以闻部覆国家特设总督漕运大臣则凡有关于运务皆其事也又设总理河道大臣则漕河自张家湾直抵瓜仪黄河自河南山东上源至淮安入海皆其地也与其画地分管之异同孰若漕河各共厥职之画一宜各遵原奉敕书行事惟差郎中一员专治淮北裁吕梁洪主事即令郎中带管则无增官之费而有得人分治之益从之

○己丑予日讲官陈经邦给假驰驿回籍赐路费银二十两彩段二表里

○洮岷边外生番臚藏率众来降愿岁纳马匹中茶按臣以闻许之

○论破剿下沙麻番族将领功罪参将陈堂土官杨臻戍边中军干把总等官孙继祖等各降俸级其阵亡守备等官朱宪史经刘应山照例升级仍立祠致祭

○庚寅以右春坊右中允陈思育补经筵日讲官

○原任太仆寺少卿陈联芳复除原职

○辛卯升南京光禄寺卿屠义英为南京太常寺卿管国子监祭酒事

○祀县民郑僮女字生员王念祖为妻念祖病故女誓死绝食父母劝慰竟不能夺父哀其意乃具帷车送往壻家至则设榻于壻柩之右整衣就寝目内流血而死时年一十七岁夏邑县儒士刘浚源妻杨氏浚源以病卒氏遂阖户自缢而死时年二十岁仪封县民张戍妻戴氏张启寅妻侯氏皆少寡守节年七十余按臣以旌表请章下所司○福建抚按庞尚鹏□为正条议钱法十四事一岁铸额数各府州将应扣存留银两角□羊司买铜其有真正黄铜废铜折银角□羊纳一创建局所将废弃兵营改造钱局一工料每钱一千文费银九钱八分零一督责磨钱一钱质定式一出纳定例除起运钱粮及秋冬赎罪仍徵银折谷外其存留钱粮及春夏纸赎各令银钱平半上纳至驿递兵粮各衙门工食亦许兼用若一时多寡不同听从民便一兼用旧钱照原定文数折易与新钱并用但必须古钱无杂低假亦止许行之民门若钱粮赎罪俱用制钱于兼用之中默定一尊之法一严禁私铸凡民间废铜赴官中卖不许私自收藏希图覬利一责成所司一劝导愚民闽省钱法久废卒然行之愚民不无疑惧议将铺行诚实有身家者听其愿领铸钱存留官银以为资本即照原定折易之数钱还官盖在官散银与铺行以易钱在铺行纳钱于官以抵银则人知钱与银并贵而铺行与民兼利矣一设立铺户举市镇殷实之家充之随其资本多寡赴官买钱以通交易其民间有愿赴官领钱者听一禁煎低银一暂借库积一禁革骚扰部覆允行

○壬辰命发太仓银一万三千六百九十余两兵部马价银一万三千六百四十余两为宁夏

皂矾沟等处筑墙之用

○礼科左给事中汤聘尹言京口水涸漕挽愆期近议开练湖矣然可以资丹阳不能资丹徒议开孟渎矣然可以资江阴不能资京口盖京口与洲对垒而孟渎去洲颇遥空舶可以泝流粮□难以涉险则运道必出京口矣宜于京口之傍另建一闸引江流内注低旧闸可丈许视冬间水势而定之准焉潮长则开缩则闲可免涸辙之患章下所司

○甲午改神枢营参将王廷臣充分守大同井坪城等处参将

○乙未升大理寺少卿胡价为南京光禄寺卿

○大理寺卿严清以拟斩罪犯请得旨奏内斩犯前以矜疑奉旨免死如何又作情真处决恤刑系三法司会同议覆岂得不知一人而生死互异使人何所遵奉责令回话清惶恐认罪上命夺该寺官俸三月今后凡会议会题事理各加详慎互为简点以求至当毋但以文移关白了事

○丙申巡抚福建都御史庞尚鹏言该省额编站银十四万四千四百有奇今遵旨减派止徵银十二万九千有奇其近年扣取防夫银两尚欠一万一千一百九十余两乞与豁免部覆允行

○以工部侍郎杨成三年考满荫其子太滋为国子生

○丁酉升大理寺右少卿周咏为左少卿太仆寺少卿张岳为大理寺右少卿

○海西弗秃等卫女直夷人都指挥使往吉奴等哈木等卫女直夷人都指挥同知哈儿只等各赴京进贡宴赏如例

○戊戌蠲唐完二县积欠角□羊京折色银一千二十余两以抚臣奏报灾伤故也

○泰宁等三卫夷人卜都儿沙等进献马匹庆贺 圣节宴赏如例

○革瑞昌王府辅国中尉谋野谋樽谋堂谋埏爵络与冠带终身以其为擅婚所生向系冒封也

○刑科都给事中周良寅因上诘责严清遂上〈娼弊-金〉参大理寺评事李蒙亨并及清得旨此衙门公事何独参堂属官一人且近来各处奏勘刑狱事情议拟不当事体乖谬者甚多尔等未见一言驳正科臣以看详章奏为职所看何事今后各衙门有重大事情及隐匿奸弊科道官知而不言者黜

○命御史崔廷试巡按淮扬

○己亥太仆寺少卿杨俊民复除原职

○庚子卯初四刻月应食不食

○除补原任贵州道御史张道于四川道

○论是年四月内西平堡失事将领罪本堡备御柯万谪戍镇武堡游击苏国赋降二级用

○命辽东都司佾书徐永昌掌本司印

○以天津领军游击姚龙充神枢营参将

○升白羊口守备刘世桂充河间领军游击

○辛丑时山阳高宝淮水弥漫礼科左给事中汤聘尹议导淮入江于瓜洲入江之口分流增闸以杀其势已漕运侍郎吴桂芳褐称黄水向老黄河故道而去下奔如驶淮遂乘虚涌入清口故道淮扬水势渐消工部覆二议不同奏请行勘上以河淮既合命寝其议

○壬寅先是应天巡抚宋仪望报获拒捕盐徒蔡廷等十名已奉旨处决至是巡按御史王民顺审录奏报前后矛盾上以抚按司道官捏报掩饰致有抵牾夺仪望俸三月王叔杲俸半年民顺候回道考察下把总管懋于御史问

○癸卯原任户科给事中颜容野复除原职

○以原任游击陶承誉佾书辽东都司事

○升张家湾守备赵继光充天津领军游击

○甲辰考选推官知县李实田乐义齐世臣李廷仪韩绍周邦杰尹瑾各给事中梅淳李荇高维崧薛梦雷房寰郑锐涂杰茹宗舜张治具王许之张友舜王廷稷各试御史实吏科乐义户科世臣礼科廷仪兵科绍刑科邦杰瑾俱工科淳浙江道荇江西道维崧福建道梦雷湖广道寰山东道锐陕西道杰广西道宗舜云南道治具贵州道许之南京福建道友舜南京四川道廷稷南京贵州道友舜繇岁贡维崧廷稷繇举人

○丙午以贡市事完赏总督方逢时吴兑巡抚郑雒高文荐总兵雷龙郭琥麻锦各银币有差升副使栗祁一级

○录万历四年七月锦州等堡官军斩获功朱延庆等九十六员名各升赏如例

○丁未升广西右参议陈应春为本省副使

○戊申录万历四年五月内广宁镇远等堡军丁阵亡功满朝恩等九十五名各升授赠恤如例

○原任南京都察院右都御史倪嵩卒当涂人嘉靖八年进士授太常寺博士选授广西道御史历升大理寺寺丞左右少卿都察院右佥都御史转左副都御史户部左右侍郎南京都察院右都御史因病乞休奉旨致仕隆庆二年荐起推用复引年乞休诏进一阶致仕至是卒予祭葬如例

○己酉黔国公沐昌祚因父沐朝弼于南京病故＜娼鬻金＞乞奔丧上不允

○先是云南土官普崇明崇新兄弟构争崇明召募广南依兵崇新勾引黑脚交兵互相讎杀告官听勘间交兵引去惟依兵恋住夷寨巡抚邹应龙轻信中军杨守廉等移兵进剿守廉等遂劫杀良民抄掠村寨依寇乘之两致丧师及应龙致仕抚官王凝计擒元恶抚处残依地方始安至是按臣勘实以请得旨杨守廉凌迟处死传首作恶地方以洩众愤王凝沐昌祚等各赏赉有差

○庚戌大学士吕调阳以病乞休上温旨留之○总督宣大山西等处兵部尚书方逢时上北虏款贡图奏言塞垣辽邈种类繁多集之一区分为六部顺义王为诸番之长独部前陈黄台吉兀慎摆腰咸其孙子鼐驰景附青把都盘踞东裔右方乃来祆儿都司介在西河左隅是列永邵卜地邻漠北去边为远缀之后行遐迹不同莫匪平沙巨碛强弱不一尽属毳幕膾裘捧雕弧而满伏絜骐骥而尘奔兔峙鸢蹲何假长纓之系龙文鱼目非同大宛之求或耘或耔穡人成功于橐于囊行李皆悦诚足以愧汉氏之和亲陋唐人之雪耻也伏愿惟始慎终思艰图易或可备顾諟于忧勤非徒侈观美于丰亨矣上以其图留览章下所司

○录万历四年五月中浙江山海礁渔山等处官军擒斩倭级并阵亡被伤功马自道等二百四十三员名各升赏如例○录万历四年六月庆云等堡官军斩获阵亡被伤功程起南等五百二十六员名各升赏如例

○御史尹良任条陈漕运事宜一通便道以速粮运孟渚河口渡江入白塔河抵湾头为运道捷径宣德七年平江伯开通至正统四年都督武兴复闭今孟渚河既开则自河渡江入黄家港水面虽阔江流甚平且繇黄家港至泰兴以达湾头高邮运河仅二百余里可免瓜仪不测之患一开江道以泊运舟粮舡自京口乘风北渡瞬息可达瓜闸但金山而下触浪汹涌中流遇风则瓜镇之收闸者未尽而京口之出江者难回难免漂没之患惟镇江城西北有甘露港约长十余里夹岸洲田宜挑使深阔以便回泊部覆二港可否踏勘行之报可○辛亥刑科都给事中周良寅劾刑部尚书刘应节不考察恤刑属官云南参政罗汝芳进表事完出城潜住

应节往与谈禅輒坐移日宜罢斥以为人臣玩旨发职之戒 上命应节自陈汝芳既已辞朝又潜住城外何为吏部查参以闻及应节＜娼弊-
金＞上遂令致仕部覆汝芳先移病乞休亦令致仕

○壬子升刑科右给事中张孙绳礼科右给事中戴光启俱左给事中礼科给事中武尚耕兵科给事中刘谐户科给事中颜容舒俱右给事中孙绳礼科光启刑科尚耕户科谐本科容舒工科

○癸丑云南副使张明正进表回任违限三月为巡按御史所劾部覆以后限期俱照官制月日一例定给其间有在京患病未能领凭者以痊后赴领之日为始若有公差到京遇升者以事完之日为始得旨允行下明正于御史问

明神宗显皇帝实录卷之六十七

万历五年九月甲寅朔蠲免松江镇江两府万历元年二年未完米折草折盐钞银一万七千三百余两从应天巡抚胡执礼请也

○升南京都察院右都御史吴百朋为刑部尚书

○总督宣大山西兵部尚书方逢时上〈媿擗-金〉备陈虏款之坚贡市之利议者不必过为疑虑以摇大计所议善后机宜一敦信义夷狄虽非族类良心则同年来言听计从惟吾信义感动须敦崇大信消其疑贰而又喻之以礼示之以法信义相成贡市可久一重抚赏与之无节非重也近于恠嗇非重也炫以奇异非重也或赈其贫或酬其劳或偿其马价贡使入市随宜议赏索求奇异多方谕止必使予夺在我以驯其骄悍贪饕之性一审机宜在今日贡市不变则羈縻如常间有不至亦不之强别有疑慢晓以信义甚有叛迹即闭关严防悔罪复求仍略其往过在他日俺答老死族属相争或借我为援或举部归附宜因其去就顺逆以推己固存一慎招纳板升附虏已久方虏未服尚可招来今虏服矣与之约矣而复招之是示以不信而启虏衅也不若因而抚之今反侧自安一养士马终岁兴工人逃马瘦虏一渝盟即有台墩无资战守须免其工役宽其扣兑足其刍饷利其器械而又慎选将领以训养之部覆允行

○乙卯霜降节遣抚宁侯朱冈等分祭 九陵惠安伯张元善祭 景皇帝陵寝内官祭恭让章皇后 宪庙废后吴氏都督佥事沉至祭 哀冲 庄敬二太子各陵园

○丙辰升甘肃行太仆寺卿李良臣为云南左参政福建佥事尹较为广西右参议

○兵部言贡市效劳当待三年总叙无得每年乞升得旨人臣尽忠乃其职分岂可计功望赏且边臣既有三年考满阅视之例乃贡市每年常事又议加恩亦属冒滥今后除考满阅视照例行余悉停罢每年贡市完及修完工程止议量赏俟阅视核实方议加升若三年内已经考满或特恩升职未久者亦不得再叙二例并在一时者不得重叙将官原无考满事例不许滥及

○丁巳 孝恭章皇后忌辰遣宣城伯卫国本祭 景陵

○以 世庙徽妃王氏薨辍朝二日

○戊午命总督陕西三边军务兵部尚书兼都察院右副都御史石茂华以原官掌南京都察院事○升宣府万全守备张维城充本镇入卫游击

○己未俺答投书甘肃军门乞开茶市巡按陕西御史李时成言番以茶为命若虏得藉以制番番必转而从虏貽患匪细部覆茶市岂容轻许但虏王既称迎佛僧寺必须用茶难以终拒宜行该镇如虏王请以马易茶直以官茶无多原以招番纳马正支天朝自有法制谁敢与市

惟量给百数十篋以示朝廷赏赉之恩 上是其议

○庚申以吏科右给事中李学一为湖广左参议兵科右给事中刘谐为福建佥事

○补原任陕西苑马寺卿马出图为甘肃行太仆寺卿
陕西木沙割未等族番人章哈尔节等赴京进贡给赏如例

○兵科都给事中裴应章论劾贵州总兵吴国贪庸欺纵十大罪得旨吴国既有罪状该抚按知之必真何无一言而科<娼弊-金>乃历历有据其革国任按臣勘实以闻

○辛酉巡抚陕西都察院右副都御史董世彦为兵部右侍郎兼右佥都御史总督陕西三边军务

○壬戌以原任参将魏廷臣充宣府巡抚标下中军都司兼管坐营事务

○癸亥浙江巡抚徐枋以地方灾伤乞将湖州一府应徵漕粮南粮及屯粮量为改折沙盖田亩暂免一年仍与浙东黄岩等县各照被灾分数减免存留银米以苏民困部覆漕粮南粮额不可缺余如议报可

○浙江巡抚徐枋奏该省额编站银九万六千二百余两今遵例裁减止编银七万五千四百余两于见存省剩银内动支二万八千八百六十余两抵万历六年额徵十分之三部覆报可
○乙丑命右眷坊右谕德何雒文翰林院修撰高启愚充武举考试官额取八十名

○升总理河道都察院右佥都御史傅希摯为右副都御史巡抚陕西

○先是浙江杭严道副使徐云程等以盗劫官银住俸至是贼多擒获而仅逸其二部以开俸上请时云程已先升参政得旨诘责今后凡住俸戴罪等官俱送部停升候事完定夺不得朦朧推升

○丁卯传旨奉 圣母谕今岁暂免行刑大学士张居正等奏言我 祖宗旧制凡死罪问明依律处决未有淹禁累年不行处断者至嘉靖末年始有暂免不决之令或量行处决此实近年姑息之弊夫春生秋杀天道所以运行雨露霜雪万物因之发育若一岁之间有春生而无秋杀有雨露而无霜雪则岁功不成明王奉若天道其刑赏予夺皆奉天意以行事今法司所开重犯招情皆绝灭天理伤败彝伦覆载之所不容者天欲诛之而 皇上顾欲释之无乃违天意乎况各犯节经审鞫输服无词纵使今年不决将来亦无生理不过迟延月日监毙牢狱耳与其暗毙牢狱人不及知何如明正典刑犹足伸法若使法令不行则犯者愈众年复一年充满囹圄既费关防又亏国典非政体也 上是之命今年照例行刑

○南京湖广道御史陈堂论劾兵部尚书王崇古徇虜弛防指昔年贡市与今岁虜王西行事

也崇古自请罢斥上温旨留之

○管理南河工部郎中施天麟言淮泗之水原从清口会黄河入海今不下清口而下山阳从黄浦口入海浦口不能尽洩浸淫渐及于高宝邵伯诸湖而湖堤尽没则以淮泗本不入湖而今入湖故也淮泗之入湖者又缘清口尚未淤塞而今淤塞故也清口之淤塞者又缘黄河淤淀日高淮水不得不让河而南徙也盖淮水并力敌黄胜负或亦相半自高家堰废坏而清口之内傍通济闸又开朱家等口引淮水内灌于是淮泗之力分而黄河得以全力制其敝此清口所以独淤于今岁也下流既淤则上流不得不决每岁粮艘以四五月尽运堤以六七月坏水发之时不能为力水落之后方图堵塞甫及春初运事忽至仅完堤工于河身无与河身不挑则来年益高上流之决必及于徐吕而不止于邳迁下流之涸将尽乎邳迁而不止于清桃须不惜一年粮运不惜百万帑藏开挑正河<整彩见>限责成乃为一劳永逸至高家堰朱家等口宜趁时筑塞使淮泗并力足以敌黄则淮水之故道可复高宝之大患可减若于兴化盐城地方海口湮塞之处大加<娣斨-金>浚而湖堤多建减水大闸堤下多开支河以行各闸之水庶乎不至汗漫总之未有不先黄河而可以治淮亦未有不<娣斨-金>通淮水而可以固堤者也部覆河内<娣斨-金>浚苦无良法惟先臣刘天和用平底方舟横排河中为一层四维拴系以长柄铁爬浚之浚深数尺移舟再浚后数丈复为一层如前法则水中与陆地施工略同兴工停运宜行河道等衙门会议具奏定夺报可

○戊辰升巡抚山东都察院右佥都御史李世达为右副都御史总理河道

○命阳武侯薛瀚嫡侄薛銀袭祖爵

○己巳先是谕法司朝审以是月初九日行至是刑科三覆奏处决重囚二百七十三名口大学士张居正等拣情罪尤重者四十二名奏请处决<娣斨-金>上御笔除五名止决三十七名

○裕陵殿工修完请神位并祭告遣伯杜继宗行礼

○予武平伯陈大策祭葬如例

○庚午先是上以洪范一篇为帝王治天下大法讲习既熟每日作字复逐节手书以潜玩其义是日居止指所书字句一一仰叩上应如响大义无不了彻盖圣资天纵又能留意问学故聪明日益开发如此

○令原任三边总督石茂华致仕以吏科都给事中陈三谟等劾其废弛不职故也

○兵部尚书王崇古因南京礼科给事中彭应时工科都给事中刘铉交章论劾具<娣斨-金>奏明款贡末本略言皇祖御极四十五年虏患无岁无之始也三秋戒备继复防冬防春将士苦于征战内帑匱于借需至庚戌之秋诸虏突犯京畿震惊宸严流毒民社以后增兵增

饷选卫修垣万姓疲劳海内虚耗至 先皇隆庆三年虏犯应州宣大告急推臣为总督适大同巡抚方逢时揭报俺答孙把汉那吉率其妻孥来降臣即会议上闻首陈遣降构逆之略继陈战守御虏之策末议居降逆诈之图荷蒙 先皇纳辅臣之谋嘉那吉之归顺授以官职虑虏酋之索降严督防御及俺答拥众分道索降臣与逢时分调官军迎敌血战虏方败遁既而臣等构获逆犯赵全等八名遣那吉以生还俺答感恩求贡且谓誓彼部落不犯大同臣逆知套虏连年被各边捣巢赶马之害久思息兵在俺答力能制彼弟侄同事款贡即令邀彼亲枝务期秦晋七边永不侵犯方为奏请时诸酋方会俺答帐中一闻臣谕各遣使纳款誓同修贡臣未敢信即日分遣官通同诣各酋营帐勒取真正番文面扣诸酋诚伪套虏吉能即求臣分遣官通沿边戒谕无容侵犯臣使至甘肃庄凉并谕松山驻酋宾兔往返数月取获番文条上贡市八事末议审经权以策战守明言以贡市为权宜以修防为经久也及敕下兵部廷议至再辅臣又于讲筵面奏亲奉俞旨许其封贡是当日边臣措注皆 先皇独断之明辅弼折冲之略臣不过奉扬而规画耳既承辅臣八事之议定三年阅视之规示九边崇实之图臣即随事条覆严督奉行今经七载节省国饷奚啻百万保全军民不可数纪开垦屯田远至边外修砌城堡各用砖包筑建边垣各数百里柴砖木料咸取虏中昔也各边斗米值银二三钱今则仅值钱许屯粮尽完盐粮估减视嘉靖末年隆庆初岁安危迥异而铉辈乃谓虏贡不足恃虏情不可测以安为危以功为罪臣去留何足恤将使以后边臣转相顾忌不至坐失虏心大坏边图贻君父宵旰之忧不止乞敕廷臣查核以明国是臣死无憾得旨连年虏酋款贡弥恭边圉宁谧卿以劳绩朕已悉知浮言不足介意不准辞

○辛未升都察院左佥都御史赵贤为右副都御史巡抚山东

○命原任广西左参议秦舜翰以原职调用为御史陆万钟论劾也○甲戌以南京户部右侍郎汪宗伊三年考满荫其子庭为国子生

○升南京都察院右佥都御史王篆为都察院左佥都御史协理院事

○乙亥除补原任广西道御史耿鸣世于山西道

○丙子先是两广坐营以都指挥体统行事至是员缺总督凌云翼以职衔稍早不便调度请用署都指挥即以见任副千户周勋推补部覆从之

○丁丑升户部左侍郎李幼滋为南京都察院右都御史掌院事

○升大理寺右少卿张岳为南京都察院右佥都御史提督操江以岳先于四月间内转未任连升令速去交代毋得迟延

○太平县民王吉王善各抹项称冤诉乡官翟台不法状法司以闻得旨王善等拚命赴诉必有冤抑苦情巡按御史不与分理所干何事翟台等问明具奏

○戊寅锦衣卫带俸指挥使王伟奏乞军较部覆照例拨给二卫较军各三十名许之

○命南京后军都督府佥书郭成充总兵官镇守贵州

○己卯大学士张居正初闻父丧次辅吕调阳张四维<娼弊-金>引杨溥金幼孜李贤夺情起复故事

○谕留居正得旨元辅张元生亲受

先帝付托佐朕冲年定安社稷关系至重况有往例卿等亟当为朕劝勉毋事过恻上复手札谕居正朕览二辅所奏知先生父已弃世痛悼良久先生亲承先帝付托辅朕冲幼社稷奠安天下太平莫大之忠自古罕有今宜以朕为念勉抑哀情以成大孝朕幸甚天下幸甚已复谕吏部元辅朕切倚赖岂可一日离朕父制当守君父尤重准过七七照旧入阁办事侍讲读待制满日随朝该部即往谕朕意

○升大理寺左寺丞饶仁侃为本丞右少卿

○庚辰赐张居正银五百两纁丝十表里新钞一万贯白米二十石香油二百斤碎香二十斤火□□烛一百对麻布五十疋慈庆慈宁两宫赐亦如之

○复除原任陕西道御史李学诗于江西道

○辛巳升户部右侍郎谢鹏举为左侍郎改刑部右侍郎王好问为户部右侍郎

○升大理寺右寺丞傅孟春为左寺丞南直隶提学御史褚鈇为大理寺右寺丞

○予居正父祭葬如例仍加祭五坛遣礼部主事曹诰致祭工部主事徐应聘治葬

○辛巳南京都察院右都御史王篆条上江防事宜一核军实以充营伍新江口营官军额设添调共一万七千有奇查改差逃故取回退回为事及有丁未行顶补各项官军共一万九百余名止存五千六百二十余名宜追还改差勾补逃故取回者查覆退回者更换为事者清提有丁者查替一省繁差以省军劳先年京营有暗伏一差分遣弭盗今沿江上下已设游巡二兵则暗伏官军宜撤回操练一拣劲卒以任选锋江营兵多老弱无资战守拣选拳勇千名给以衣械加其廩饩董以二总分隶十队官更番训练一议战舰以图实效额设战船四百一只递减至二百九十四只俱已损坏今议以一百六十只属操江衙门改造余还该部变价停造部议允行

○壬午大学士吕调阳以病久三<娼弊-金>乞休不允辞

○癸未户部覆巡抚山西都御史高文荐奏边关春时米贵各军苦于籴买请以应支银两趁

贱先买临时平放所易夷马羸惫不堪请以三月料价折凑其原卖银两易买膘北报可

○会试天下武举考试官何雒文高启愚取中武举张大德等八十名

明神宗显皇帝实录卷之六十八

万历五年十月甲申朔钦天监进明年大统历 上御皇极殿受之分赐文武群臣颁行天下

○升大理卿严清为刑部右侍郎

○以畿辅灾伤凡存留税粮照勘灾分数蠲免卫所屯粮照例折徵其带徵之数系被灾七分以上者停之

○乙酉 孝洁肃皇后忌辰 奉先殿行祭礼遣新宁伯谭国佐祭 永陵

○先是大学士吕调阳以 实录加恩再辞不允连＜媼-
金＞乞休至是病可见朝复上＜媼-
金＞辞 上以成命已久不允

○先是总理漕储都御史胡执礼言江南改折之利请每岁会计以改折三分为常户部覆奏太仓所积仅足支六年此时未可遽议 上是部言

○丙戌张居正＜媼-
金＞乞回籍守制得旨勉留＜媼-
金＞首言臣受非常之恩宜有非常之报何暇顾旁人之非议狗匹夫之小节拘拘常理之内观此而夺情之本谋尽露矣

○丁亥建州右等卫女直夷人都督来留住等并邻等卫夷人都督阿古等各赴京朝贡赐宴给赏如例

○改南京大理寺卿宋仪望为大理寺卿

○命兵部尚书王崇古致仕驰驿回藉时崇古复为给事中尹瑾御史高维崧论劾上＜媼-
金＞乞罢故有是命

○命御史刘良弼刷卷京畿

○戊子时彗星见西南光明大如盏芒苍白色长数丈繇尾箕越斗牛直逼女宿礼臣＜媼-
金＞请修省得旨玄象示异朕心深切儆惕大小臣工其恪修职业以图消弭

○张居正再＜媼-
金＞乞归守制得旨卿言终是常理今朕在冲年国家事重岂常时可同卿平日所言朕无不从今日望卿从朕无得再陈

○辛卯张居正三＜媼-
金＞乞归守制得旨卿今日实不可离朕左右特遣司礼监官同卿子编修驰驿回藉营葬事毕即迎卿母来京侍养用全孝思卿宜体朕至意弗再辞 上复降手敕谕居正朕赖先生为师朝夕纳诲以匡不逮今朕学尚未成志尚未定万几尚未谙理先生

何忍远去尽弃前功万望先生仰体 圣母与朕惓惓恳留至意毋劳再陈

○壬辰起原任大理寺卿陆光祖为南京大理寺卿○命协理京营戎政兵部尚书兼都察院右副都御史方逢时回部管事

○命御史李学诗巡视京营

○先是浙江海盐县有土石二塘以捍潮势万历三年间忽遇飓风冲决至是兴筑工完巡抚徐枋以闻下工部知之

○甲午先是吏部尚书张瀚奉命谕留居正未及回奏至是辅臣传旨诘责瀚惶恐谢罪于是台省媚居正者交章劾瀚矣

○降巡按浙江御史鲍希贤二级调外任以其章奏脱名也

○录万历四年辽东将领招降功次总兵李成梁等各升赏有差

○先是贵州逆犯继王窃据山泽劫杀横行至是伏诛

○乙未御史曾士楚上〈嬗弊-金〉请留居正报闻○广西思恩府自弘治中岑浚叛后改土为流嘉靖初土酋王受作乱新建伯王守仁抚平之始迁府治于荒田割南宁府武缘县止戈一二图为编户裂思恩旧治为九土巡简司而统于府至是两广总督凌云翼以九司种类日悍蔑视汉官府治编民甚少缓急难恃议改武缘一县全属思恩以资弹压又言梧州地方辽阔守巡二道共驻府城临警不及策应欲将巡道移驻郁林州分辖北流等县庆远府西德胜镇逼近峒贼欲将府同知移驻督捕河池控扼东兰南丹那地三土州以屏蔽庆远颇称要害请添设州同一员居中抚驭户兵二部覆奏如议从之

○丙申居正三〈嬗弊-金〉后请在官守制以素服角带入阁办事日侍讲读辞免俸薪并请明春乞假归葬之期许之

○禁中火仓下连房灾○升辽东巡抚张学颜为兵部左侍郎协理京营戎政

○升通政使司右参议许光大为左参议工部员外郎杜其骄为通政使司右参议

○丁酉兵部尚书方逢时辞免原兼宪职许之

○吏科左给事中王道成陕西道御史谢思启交章论劾吏部尚书张瀚徇私欺罔得旨张瀚昏耗至此令致仕去复夺侍郎何维柏陈价俸三月降该司郎中俸三级管事不许升转余各罚俸半年

○己亥巡按山西御史陈用宾条上盐课三事一修南岸以尽南盐之利角□羊池盐花盛生无间南北而采者止及北岸今岁督官往池南捞取不二日获盐三千八百余引宜建厅铺修料台垫道路以便采办一裁富丁以<整彩见>贫丁之力凡富丁纳银者今后停免一体应役无致偏累贫丁逃亡亏课一添引目以通旧引之穷各处引目所载盐斤之数虽多寡不齐大约每引不过一石未有如花马二池一引八石之为多者盐多价重□多朋合及其分贩裂引瓜分殊为未便议将一引易为四道增引不增价使小□各便照卖官司易于稽查户部覆宜如议但说者谓南涯乃产盐根母根母不伤故花生日盛万一剥削太过恐本源既竭盐花少生宜审酌行之报可

○庚子

上以星变未弭禁中火警谕礼部建醮朝天宫三日仍遍告各宫庙百官修省停刑禁屠

○辛丑火星顺行犯氐宿

○户部覆顺天府尹王之垣条上编审均徭事宜一州县俱照三等九则徵银编差毋得轻纵上户专累小民一徭差地科太轻丁科大重议将见在丁地通融计算每地一亩科银二分以补丁差之不足一纳粟员役编徵门银一内官军较据实优免一流寓年久一体当差暂寄庄者除照例徵银外每亩量增三分以济力差之用一置买田宅税契过割一革库天仍用库子须作力差有司不许科索一减编各县站银一增编陵户一派徵总督军门与各道柴薪银两得旨依议惟总督军门紫薪令于缺官柴马银内扣角□羊不必派徵

○都御史陈瓚三<娼弊-金>乞休许之令驰驿回藉时瓚已久病贻书礼臣马自强师相之事公卿宜乞留宗伯亟倡之<娼弊-金>上慎弗遗我名自强读而叹曰此老必不起矣以其心先死也素以硠硠著声今若此古称盖棺论定信哉

○命支运司库银一万两稻六百六十石赈两淮各场灶丁以水灾重大故也○癸卯户部覆户科给事中顾九思条陈光禄事宜一申催角□羊之令一酌支放之宜谓该寺钱粮银止二十二万五千有奇而米多至于红腐议将珍羞署所积白粳米与大官署上白米通融给放易陈为新一严保歇之惩一定□额之数每岁终金审酌量难易以定额数择有力惯办者当之汰革帮户以杜扳扰得旨允行

○甲辰命南京兵部尚书刘光济致仕以御史曾士楚劾其旷废也

○乙巳先是翰林院编修异中行简讨赵用贤刑部员外艾穆主事沉思孝各上<娼弊-金>论辅臣张居正夺情事留中数日至是降旨命锦衣卫逮至午门前中行用贤各杖六十发回原籍为民永不叙用穆思孝各杖八十发极边充军遇赦不宥中行<娼弊-金>略因变陈言竭愚表明大义以植纲常顷者天象示异星变非常凡事必质诸人心而安始揆诸天意而顺然后天变可消居正乞归守制是举也万古之纲常所系四方之观听攸关居正谓父子相别十九年而今长逝于数千里外遂成永诀乃不得匍匐苦块一凭棺临穴皇上必欲其违心抑

情衔哀茹痛于庙堂之上且责之以訏谟决策调元熙载或者非其情也矧位当天下之重任身系四海之具瞻必正己而后可以正百官正万民皇上所以必留与居正所以不容不留其微权深意非圆神通方者未可告语彼遐观□听之天□曲守常之士或因其不去之迹归以不韪之名安能家喻户晓而使无里谈巷议乎皇上尚欲其敷化施政端范移风于海<嬪嬙>恚局间且责人之趋令遵教用协丕式或者非其理也居正自信而对扬之言惟曰圣贤道理祖宗法度夫宰予短丧孔子曰予也有三年之爱于父母乎王子请丧孟子曰虽加一日愈于已然则终丧正圣贤之训也而身自违之必其所不忍也国家令甲庸人小吏匿丧有律惟武弁戎行则墨衰从事而未尝以介冑之士处辅弼之臣即有往例可稽亦三年未终而非一日不去之谓且当时诤之后世讥之乃二辅首题之<嬪嬙>

金>方以讦闻遂以例请谬矣台省诸臣乞留之<嬪嬙-金>抑又谬矣然则夺情正非祖宗之法也而身自蹈之必其所不敢也用贤<嬪嬙-金>略谓先朝杨溥李贤亦尝起复然溥先以省母还家贤既以回籍奉旨夺情固未有不出都门而可谓之起复者也且陛下所以不允辅臣之请者岂非谓朝廷政令赖以参决四海人心赖以观法者乎今辅臣方负沉痛其精神之恍惚思虑之迫切必不能如曩日之周悉而四海之逖听风声者又以拘曲寻常之见疑之亦必不能如曩日之敬信而承服是辅臣之勋望积之数年而陛下顾败之一日臣不知陛下何忍而为此也臣窃因是而感士气之日靡也国家设台谏以任紓绳之寄固非谓其阿意顺旨将迎逢合也今辅臣之留皇上既有成命矣乌用是哓哓者背公谊而徇私情蔑至性而倡异论臣诚不知其可也穆孝同<嬪嬙>

金>谓自居正夺情彗星突见臣等意在廷之臣必有能指陈纲常大义以感悟圣衷者詎期附炎鄙夫如御史曾士楚都给事中陈三谟干犯清议望风保留致使人心长死国是若狂纲纪风俗将大坏而不可止矣居正今以例留厚颜就列如异时国家有大庆贺大祭祀为元辅大臣者若欲避之则于君父大义不可欲出则于父子至情又不安臣不知斯时陛下何以处居正居正何以自处宜速令奔丧守制以全忠孝大节则纲常而朝廷正朝廷正而百官万民莫不正一正足以格天何灾异之不可弭哉当中行<嬪嬙-金>上学士王锡爵会翰林宗伯而下数十人求角□羊于居正弗纳锡爵径造丧次言之辞颇峻居正勃然下拜索刀作刎颈状曰上强留我而诸子力逐我且杀我耶锡爵亟趣出知事不可回矣就逮之日阴云忽结天鼓大鸣惨黯者移时受杖毕较尉以布曳出长安昇以板阁即日驱出国门中行频绝而苏而穆思孝楷举诏狱中三日始金发中行僦舍都门外故人间有候视者逻卒辄籍记之而厂卫之命随至即褻创行呻吟彻昼夜股内剜去数十裔大盈尺深入者踰寸竟空一股云方中行等得罪时翰林侍讲赵志皋张位于慎行张一桂李长春田一俊修撰习孔教沈懋学俱具<嬪嬙-金>救格不入而懋学三貽书居正子懋修伸经权忠孝之辨以为师相之留为世道诟诸子之<嬪嬙-金>亦为世道计柰何视为狂童斥为讎党乎此言出而所云力不能救者天下疑而弗信矣又貽书李幼滋云师相之归宜决台省之归宜止言甚切直未几孔教志皋位相继迁谪去锡爵懋学皆移病归

○丙午 上敕谕群臣群奸小人藐朕冲年忌憚元辅乃借纲常之说肆为挤排欲使朕孤立于上得以任意自恣兹已薄示处分如党奸怀邪欺君无上必罪不宥

○命山西额编站银免派一年以该省积有余银十二万八百余两足抵正额也

○丁未刑部办事进士邹元标上〈嬖孽-金〉论辅臣张居正夺情事 上命廷杖八十谪极边充戍〈嬖孽-金〉略言居正才虽可为学术则偏志虽欲为自用太甚诸所设施乖张者难以数举姑举其最者一曰进贤未广如限郡邑进学有定数二曰决囚太滥如限各省决囚有定数三曰言路未通如有建白不先稟命有今日陈言而明日罹罪者四曰民隐未周如水潦旱魃之灾有司不以奏闻恐于大臣德政其他用深刻之吏阻豪杰之才不可枚举即使有利社稷犹大坏纲常况无利 社稷若此而可留之耶居正首〈嬖孽-金〉有非常之人然后可办非常之事今有人于亲生而不顾死而不葬人不曰残忍则曰薄行不曰禽兽则曰丧心可谓非常人乎又曰不顾傍人之非议匹夫之小节三年之丧果可谓小节乎先朝李贤夺情起复罗伦力辩斥之居正不归无情可夺无复可起远非贤之侑矣
圣谕朕学尚未成志尚未定先生既去前功尽弃居正丁忧可挽留之居正脱有不测陛下之学终不成志终不定耶居正一人不足惜后世有揽权恋位者援居正故事甚至窥窃神器其祸有难言者矣抑标又有深恨焉国家以言路付之台省默而不言犹谓旷职臣观御史曾士楚保留一〈嬖孽-金〉公论倒地盖至于此标具〈嬖孽-金〉是日廷杖前上〈嬖孽-金〉者见诸臣方宛转血肉中不为慑天下闻而壮之

○翰林院修撰陈于陞复除原职

○命阳武侯薛鋹岁支禄米八百石鋹以侄继伯爵部议照例减支故也

○戊申起原任户部尚书王国光为吏部尚书以兵部尚书方逢时暂署部事

○先是谕吏部各衙门考语以四句为限无得浮词虚美以伤政体至是部查各省注考尚有沿习旧套者以其具〈嬖孽-金〉在奉旨前姑免驳回从之

○升大理寺左少卿周咏为都察院右佥都御史巡抚辽东○命御史王晓巡按浙江

○升宣府张家口堡守备李维蓊镇镇虏关提调冀永昌俱署都指挥佥事佥书河南军政事

○己酉大学士张居正因 上敕谕群臣〈嬖孽-金〉乞悯愚蒙恢圣度以释群疑得旨卿虽为此辈曲角□羊于法决是难容卿务勉遵谕旨以终顾托

○以广东都司署都指挥佥事李应祥充参将分守广西思恩等处

○壬子改南京礼部尚书翁大立为南京兵部尚书参赞机务

○升太常寺少卿提督四夷馆温纯为大理寺左少卿

明神宗显皇帝实录卷之六十九

万历五年十一月癸丑朔以星变命四品以上京堂官自陈庶官听部院考察

○以山西行都司掌印郭邦充参将分守阶文西固

○升浙江副总兵王尚文金书南京后军都督府事

○改授中都留守司金书祁民表为广东都司掌印

○甲寅改太仆寺少卿杨俊民为太常寺少卿提督四夷馆

○先是吏科给事中郑秉性条陈赋役一款大旨谓均徭之善者在十年一编调停贫富而其不善者在于行法之人放富差贫条鞭之善者在于革库子斗级里长支应而其不善者在于尽数徵银贫富无等宜分银力二差审户定则银差则编上户以至上中力差则编下户以至中下仍十年一轮以循祖宗之旧户部覆言条鞭一例徵银使下地与上地同科贫民与富民同役法之不均莫甚于此请行省直地方官酌议上请得旨条鞭之法前旨听从民便原未欲一概通行不必再议

○乙卯升吏部左侍郎何维柏为南京礼部尚书

○丙辰冬至 大祀 天于 圜丘命公张溶代侯顾寰代视牲驸马许从诚代请配侯梁继璠伯杨炳大学士吕调阳张四维分献各坛○以冬至节遣定远侯邓世栋等分祭九陵靖远伯王学礼祭 景皇帝陵寝内官祭 恭让章皇后宪庙废后吴氏指挥同知谢守朴祭 哀冲 庄敬二太子各陵园

○丁巳 恭让章皇后忌辰遣内官祭 陵寝

○上御皇极殿百官行庆贺冬至礼

○谕鸿胪寺官趣辅臣张居正入阁办事

○戊午召见大学士张居正于平台 上曰朕为社稷屈留先生先生无忘付托成全始终方是大忠大孝居正泣言臣一心为国不能曲徇人情以致丛集怨讎乞早放归以全晚节上曰群奸排挤自有 祖宗法度处治先生不必介怀随命赐银四十两彩段四表里及酒馔居正即日赴阁办事先是居正闻丧在疚三日不出阁吏以函捧章奏就第票拟次辅在阁坐候票进乃出中贵辄就丧次问某事某人张先生云何说者以为宋贾平章吏抱文书呈署私第此更过之而至于称元辅称太师称先生则古大臣赞拜不名之礼几乎逼上矣

○改刑部右侍郎严清为吏部右侍郎

○己未辅臣张居正遂侍讲读致词称谢 上慰谕甚至以其辞俸守制手诏谕所司日送酒饌月送米十石油二百斤茶三十斤盐百斤烛百枝薪十二杠炭三十包服满乃止计直踰俸赐矣

○庚申大学士吕调阳张四维自陈乞罢

上皆温旨勉留之先是调阳等以张居正自陈请奉旨免至是居正具<媵斃-金>奏谢

○谕礼部大婚以明年二月十九日行

○苏州府盗发失事事闻命调兵备参政王叔杲简僻用○辛酉朝鲜国王李昖遣刑曹参判安宗道表献方物马匹贺冬至令节赐宴赏如例

○内官传谕内阁京城内外钱法不通小民受困命辅臣议处居正等奏言钱法一向通行偶因奸□兴贩私钱至京势豪贱买射利遂至钱价顿减乞下该部施行 上命户部设法<媵斃-金>通其税课房号等项都用钱上纳有违法私铸及势豪射利阻坏钱法者重治之

○壬戌以 圣母 慈圣皇太后圣节赐元辅张居正银五十两纁丝四表里金万寿字四副金篆字十二个金书黄符二道黄绶符二道次辅吕调阳张四维各银四十两三表里金万字三副金篆字八个金书黄符黄绶符各一道讲官申时行等正字官马继文等各有差

○吏部署部事兵部尚书方逢时自陈不职 上温旨谕留

○南京吏部尚书潘晟等户科给事中王蔚等各上<媵斃-金>乞留居正报闻

○命兗州府沂费郯城折色马价每匹止徵银十八两卖过种马草料银两俱免追徵以奏报灾伤故也

○先是万历四年广东澄迈县强贼劫库至是勘上失事将官命下王克振等于御史问吴良知革任回卫

○顺天府府尹王之垣言会典原载该府户口六十六万九千三十有奇自庚戌被虏后隆庆五年总括实在人丁止十四万七千三百有奇盖因租庸正额之外更多杂派钱粮以致民不聊生日就凋耗国初徙浙江等处富民三千八百余户以实京师今不惟富民消亡已尽即土著亦渐逃移此岂居重驭轻意哉请将各州县税契银两抵角□羊杂派钱粮一应带徵钱粮尽行蠲免户部覆言抵角□羊如议带徵量免从之

○先是嘉靖三十二年以前黄河繇小浮桥后徙繇沛县飞云橋继繇徐州大小溜沟以入闸

河四十四年河大决改繇奏沟出口以致茶城岁患淤浅至是复南趋出小浮橋故道河道都御史傅希摯以闻奏下所司

○甲子吏部侍郎陈炯严清都察院副都御史郅光先各自陈不陈上以协赞考察不允所辞

○改江西副使冯叔吉为湖广副使备兵苏松常镇

○降两淮运使崔孔昕一级调用以运司旧属海防道统辖孔昕不行属礼为按臣所劾也○浙江右参议王嘉言患病乞休许之

○江西抚按官潘季驯赵耀奏该省驿递站银每年派徵十万六百五十余两近因节省减编止编银七万二千六百两又节年支剩已未完银八万五千二百三十余两欲将数内已徵在官者抵免万历六年徵额未完者带徵部覆如议上以季驯等能奉行德意令吏部纪录其拖欠者尽行蠲免以苏民困时各省直奏到者未及十处计其免徵一年及借留织造之数不下四十余万云

○乙丑论万历四年七月内海州失事将领罪刘镇东遣戍李汝谦吴僵降二级

○丙寅先是皇亲武清伯李伟使家人揽纳布花多所乾没军士大哗内使以闻上命取布一疋验之不堪上即谒太后言状太后怒甚遣谕内阁尽法处治吾不私外家是日上御讲筵毕顾辅臣张居正等言之居正力为角□羊救第坐诸为奸利者革该库内臣三十余人太后乃召武清父子立宫门外遣中侍出数之武清父子惶恐服罪自此少戢矣

○以内府钱粮揽纳滋弊巡视科道验纳部官不行查核命部院考察汰黜得户部员外贾实等四十八员命致仕闲住降调俱如例

○先是贵州土舍安国亨安智互相讐杀已经十年至是奉旨行勘二酋始听处分抚按官何起鸣等因条上善后八事部覆如议得旨国亨等务感恩悔祸各保强土如违约启衅剿除不赦

○巡按山东御史赵允升勘上是年三月内铁岭镇西堡辽阳长安堡功次官军秦得倚等一百十七员命各升赏如例

○录广东海北官兵擒斩劫贼洪老等功参政郑恭把总吴天各升赏有差

○升广东副使孙光祖为本省左参政陕西右参议张九一为江西副使湖广佥事蒋梦龙为浙江右参议

○两淮运使员缺吏部拟南康知府卢整德安知府王凭 上以运司综理国课选用贤能近来抚按视为冗杂抑损体面使之不得展布殊失朝廷选才任官之意其以王凭为两淮运使

○丁卯吏部考察庶官凡察五十一人内翰林院修撰习孔教以浮躁论命致仕闲住降调俱如例

○己巳令河南右布政使金浙致仕以按臣参其衰老不职故也

○翰林院侍读赵志皋为广东副使户科给事中武尚耕山东道御史赵允升各按察司僉事尚耕江西允升山东

○庚午以原任湖广僉事贾馆调补陕西原任福建僉事顾养谦调补云南○以工部左侍郎何<整彩见>三年考满荫其子大缙为国子生 孝烈皇后忌辰遣伯毛登祭 永陵 孝惠皇后忌辰遣伯张熊祭 茂陵

○辛未 慈圣皇太后寿节 上御皇极门百官致词称贺命妇免朝

○升浙江按察使朱炳如为河南右布政使

○壬申升密云守备雷以诚僉书中都留守司事

○以陕西都司僉书王爵掌山西行都司印

○癸酉升山东左参政杨一魁为浙江按察使

○降通政使司左通政李勋一级调外任以自陈议处也

○以固原领军游击魏璋充参将分守兰州地方

○升广东总兵标下坐营中军官金丹为本省练兵游击

○升宁夏坐营署指挥僉事常三略管本镇入卫游击

○以浙江军门标下游击潘清充参将分守温处福建都司魏尧相充参将分守琼崖固原游击刘承嗣充参将分守庄浪

○甲戌福建泉州府重犯越狱脱逃事闻命降知府丘浙同知陆一凤俸级有差夺守巡道王元敬吴孔性俸三月下巡捕指挥李效廉等于御史问

○命隆平侯张炳掌府军前卫印

○先是真定广平顺德大名河间五府饶阳南和黄宁津威清六县每年协济大兴递运所夫银二千二百八十两自清查后每年约用银八百两余剩银一万八千余两于是顺天抚按官议将万历六年至八年各处协济银通行蠲免以见在余银支用其九年以后减编止编银一千四百两得旨畿辅民穷深軫朕念所奏俱依拟以苏民困

○户部覆山西巡抚高文荐条上钱法十议一增钱局除太原已经开局其平阳潞安二府乃产铜出工之所宜各开局分铸一取钱本欲于存留驿站二项银两内动支各半一明收支一广铜料该省止潞安出芦甘石可以点铜铜料有限须分派府州多方收买凡军民家有废铜俱许鬻官不得私卖罪赎亦许铜折即准抵该府州应扣银两及应买铜数一派匠后一专经理各府以同知专管开铸而又择州县佐贰两员一在局督造一在外供办季满交替一通歛散凡文武官俸照依原题分数关支他如存留钱粮与夫均徭驿传里甲纲银诸役工食等俱银钱兼收随其赢绌以为收纳一加食米工匠每铸铜百斤于原议工食银一两五钱外再给仓谷五斗以示优恤一计工料铜价每百斤银七两加以工匠杂费通共九两二钱约铸钱一万余文母子相权赢银十分之一一定钱式奉旨铸钱原以便民非为生财年来各抚按官止以铸进样钱塞责民间尚未＜娼弊-金＞通殊失朝廷利民足用之意所奏依拟着实行之

○户部覆淮扬桃等州县水灾重大议将本年起存钱粮一概停徵漕粮改折一半正兑每石折七钱改兑每石折六钱席板耗价在内并留贙罚银五千两以备赈粟得旨小民困苦深軫朕怀被灾州县准停徵改折赈济以苏民困其运军行粮亦准于徐州□税银内量给地方官着实奉行俾穷民得沾实惠

○乙亥户部以京城内外钱法不通条上四款一禁私铸一革兴贩一编铺行令其不论新旧钱通融敢卖一酌收放税课二两以上银钱中半以下及房号等项尽数收钱□人应领料价以十分之二支钱报可

○铸给工部缮工司关防○升吏部左侍郎陈价为都察院左都御史

○升巡抚江西右副都御史潘季驯为刑部右侍郎

○以御史蔡廷臣为河南副使陈堂何汝成各参议堂四川汝成陕西给事中彭应时试御史雷嘉祥各佥事应时福建嘉祥湖广

○丙子以四川副使陈文烛为山东左参政

○升光禄寺少卿王缉为太仆寺少卿

○科道官陈三谟张道等科拾工部尚书郭朝宾南京太常寺卿王应显原任山西巡抚崔镛

南京太常寺卿屠羲英太常寺少卿严用和原任太常寺少卿方九功原任保定巡抚孙丕扬各不职状得旨朝宾应显致仕镛用和降一级调外任丕扬九功改南京别衙门羲英留用

○南京浙江道御史朱鸿谟上〈嬖孽-金〉申救吴中行等略言五臣孤身去国万里投荒风霜之所剥触忧苦之所销铄万一不幸溘先朝露便为上伤

陛下好生之心下沮忠臣敢言之气严旨不许救扰第臣身有言责终不忍以畏死之故负明主而辱言官〈嬖孽-金〉上革为民时南京都察院右佥都御史张岳亦上〈嬖孽-

金〉略言臣见南台诸臣集议欲具〈嬖孽-金〉勉留臣不敢阿私所好同声附和

陛下为天下扶植纲常以安社稷保苍生而君臣父子间其为纲常孰大于此安社稷保苍生又孰大于此奔丧以完父子之情夺情以完君臣之义庶万古纲常不泯云时人称二〈嬖孽-金〉为朝阳鸣凤○先是福建抚按庞尚鹏等论劾总兵胡守仁贪横状欲将总兵出驻福宁州其部下人员通繇督抚考其履历才能方许收用兵部覆言兵家人自有一种履历不必深拘才能历试乃见亦遽难考夺得旨胡守仁革任回卫总兵照旧驻劄省城平时居中调度遇汛移驻防御其部下人员亦听随宜收用有坏事者抚按参究

○巡按山西御史田乐奏节妇高氏系襄陵县举人李葆中妻守死抚孤格宜旌表旨下礼部

○丁丑升浙江定海把总徐景星管军门标下游击事

○以陕西行都司佥书李崇义充固原游击

○以福建行都司佥书梅应魁掌本省都司印

○升宁夏领班备御陈金为固原游击

○升宁夏领班备御杨珣佥书陕西都司事

○时湖广武汉等府属灾伤抚臣〈嬖孽-金〉请蠲免存留暂停带徵改折南粮屯粮报如议

○戊寅时罗旁议立县治总督凌云翼以县名请命东山南乡为东安西山大峒为西宁俱属罗定新州管辖

○以太仆寺马价鞘多亏折夺少卿陈联芳寺丞葛昕俸半年命该库银两以四百万别贮老库永不动支以后新收挨年支放不许混杂

○以西阳河等城堡工完赏总兵官雷龙口北巡道许希孟副总兵李如櫜等银有差

○予锦衣卫都指挥使余荫生母谢氏祭葬以荫有东宫侍卫功也

○升吏部右侍郎严清为左侍郎礼部右侍郎申时行为吏部右侍郎

○调湖广副使郭棐于四川提学

○命原任巡抚福建都察院右副都御史刘尧海以原官巡抚江西先是尧海被论听勘及是昭雪故有是命

○升兵部郎中吴与言为江西左参议工部主事张镗为湖广事事

○庚辰升鸿胪寺左少卿陈学曾为左通政

○升湖广僉事曹大野为光禄寺少卿

○复除原任陕西副使晋应槐于湖广

○辛巳升山西潞安府同知乔木为河南僉事

○以湖广荊州府属水灾蠲万历二年以前所欠军饷并存留本折银米

○壬午升太仆寺卿徐浚为南京太常寺卿尚宝司少卿吴自峒为太常寺少卿

○协理京营戎政兵部左侍郎张学颜以六年考满升都察院右都御史旧衔协理如故

○原任河南道御史傅应祯因建言发戍浙江定海卫

明神宗显皇帝实录卷之七十

万历五年十二月癸未列升南京都察院右都御史李幼滋为工部尚书幼滋为辅臣若正周亲当居正夺情时修撰沈懋学贻书幼滋幼滋复云以若所言宋头巾语此宋所以终不竞也今师相不奔丧是圣贤之道直接揖逊征诛而得其传者本朝惟王新建可与语罗至不达此耳小人之无忌惮如此

○升河南按察使舒化为太仆寺卿

○甘肃巡抚侯东莱以三年考满升兵部右侍郎兼都察院右佥都御史巡抚如故

○升国子监祭酒姚弘谟为礼部右侍郎

○升平度州知州傅霖为湖广佥事○先是山西驿传钱粮自站银外有额派米麦银五千七百八十两以备廩给口粮之用至是站银积有赢余抚按官议将米麦银两俱免派徵以苏民困部覆从之

○琉球国中山王世子尚永遣正议大夫梁灼等赴京进贡宴赏如例

○先是阳曲王府较尉李尚志赍领名封勘合因捏添阳曲王府女封三位礼部请行山西巡按御史究问从之

○甲申建州等卫女直夷人都督纳木章等赴京朝贡给赏如例

○朵颜三卫夷人都督花歹等遣头目赴京庆贺长至令节宴赉如例

○旧例考选译字官生会同六部都察院堂上官至是从礼部议命吏礼二部翰林院会同考试不必多官

○己酉湖广市政使史朝宜以病乞休许之○丙戌 慈孝献皇后忌辰 奉先殿行祭礼

○升山东左参政张天驭为河南按察使

○丁亥升南京户部右侍郎汪宗伊为南京都察院右都御史

○补荫原任已故户部尚书贾应春孙云霖为国子生

○罢南京礼部尚书何维柏维柏前为吏部左侍郎以不保留居正与尚书张瀚同被旨诘责未几南转至是自陈遂罢之

○戊子复除原任云南右参政张仲谦为山东左参政

○先是临德 仓岁收山东河南粟米粒小岁久多致红腐近议支放官军行月二粮出陈易新但所出者少所入者多将来本色又必陈积于是部议自万历六年为始每年额派二仓夏税秋粮二百里内者仍徵本色三百里外者俱徵折色从之○予已故忻城伯赵祖征祭葬如闲住例给予原任南京工部尚书康太和祭葬如例太和莆田人嘉靖己未进士改庶吉士授翰林院编修历升南京礼部右侍郎南京工部尚书被劾致仕太和为南礼侍八年不调或讽之少贬以徇时好太和曰升沈有分吾安能仆仆权门以徼进哉年八十卒

○己丑以陕西副使李汶为本省右参政

○改补原任福建右布政使刘志伊于湖广

○升福建守备方伯甘肃操守徐谨各佥书行都司事伯本省谨陕西

○先是淮水南徙泛滥淮扬间已而漕运侍郎吴桂芳报称草湾开通淮水消落至是淤垫如故给事中刘铤言治淮以开通海口为策宜简方略大臣一员会同河漕诸臣相踏咨度为新运计 上令吏部推有才望实心任事者以闻于是吏部请以总督漕运兵部左侍郎吴桂芳为工部尚书总理河漕得旨近来当事诸臣意见不同动多掣肘以致日久无功今以此事专属吴桂芳经理河道都御史暂行裁革李世达改推别用其选任部司处置钱粮俱许以便宜奏请若明岁运道有梗户部查先年海运事宜行

○广西抚按官言靖江宗室边方贫苦请免其习学郎支全禄礼部以为越例 不可许 上是部言

○命南京后军都督府佥书王尚文充总兵官镇守福建

○予原任兵部右侍郎兼都察院右佥都御史吴道直祭葬照考满例以其关边回还以死勤事也

○辛卯调补四川副使覃应元于陕西○壬辰先是广西岑溪六十三山七山那留连城等处与罗旁接壤猺獞啸聚为患至是贼首潘积善等畏威求抚愿归地输粮总督凌云翼以闻并请于连山等处设指挥千户五员分兵屯守以防芽孽部覆如议命赏云翼巡抚吴文华银币参政王原相佥事王一卿参政蔡汝贤副使徐时可升级有差

○升国子监司业吕旻为祭酒

○癸巳补原任调简副使徐柏为四川副使

○漕臣吴桂芳奏高邮湖土石二堤新开越河南北二闸及老堤加高石层增设护堤木城各工竣事报闻

○甲午先是魏国公徐鹏举有二庶子长邦瑞幼邦宁而邦宁之母郑嬖且冒继封意属邦宁嫡矣已格于正议送邦瑞入国子监而祭酒姜宝慎其事移文驳查鹏举因以邦宁并请蜚语四起宝被重劾落职至是抚按会勘赃无的据请昭雪录用部覆许之当驳查时南仪曹王世懋移檄中府参军郑未封而邦宁生非嫡也无嫡立长何持两端繇是邦宁之议遂定

○升四川副总兵张泽金书南京后军都督府事四夷州等卫夷人都督纳木章等并朵颜等卫夷人阿都赤等及外夷灵藏赞善王端岳坚咎遣使著巴答等各赴京进贡赐宴如例

○乙未以 穆庙恭妃李氏薨辍朝一日

○改南京国子监司业周子仪为国子监司业

○命已故武平伯陈大策男陈永寿袭爵

○授考选知县李涑户科给事中许一德陕西道御史

○南京吏部尚书潘晟都察院右佥都御史张岳等考察兵马指挥李克励等二十九员得旨为民闲住降调致仕俱如例内刑部员外包大燿原议浮躁改照不谨例闲住

○丙申 世宗肃皇帝忌辰 奉先殿行祭礼遣侯朱冈祭 永陵

○淮府嘉兴王薨逝生子载垕载垕一系擅婚一系滥妾例俱不得承袭部议郡王祀事不可中绝若概题口粮以庶人而奉王祀于礼未安欲将载垕降封为奉国将军日后止许嫡庶长子一人各以应授官爵奉祀不许奏请承袭王爵其余仍照擅婚所生事例不得请封从之

○先是成化间襄垣王仕＜媿霖眩居氲苾塑ペψ喔鹁凳人时仕＜媿霖眩咀映射r等先已授封成铎等以生在革爵之前已奏请报名亦准请封后以违例追革至是礼部覆言革爵子女无论革前革后不许请封盖指生于革之前后者而言其已封追革之议原未及也成鋹等各子孙宜赐复本等爵禄成铎等仍照庶人例给与口粮冠带从之

○丁酉 贞惠安和景皇后忌辰遣伯王承勋祭 陵寝

○改南京刑部尚书赵锦为南京礼部尚书

○升巡抚湖广都御史陈瑞为南京户部右侍郎

○升巡抚南赣都察院右副都御史江一麟为户部右侍郎兼佥都御史总督漕运巡抚凤阳

○甘肃巡抚侯东莱三年考满荫其子世恩为国子生

○戊戌刑部言凡盗内府财物系杂犯及监守常人盗窃盗掏摸抢夺等项但三犯不分所犯各别曾否刺字革前革后俱照窃盗三犯律处绞命著为例○己亥升翰林院侍读张位为国子监司业

○补给原任礼部尚书吴山母夫人黄氏祭葬

○浙江海盐修塘工竣计筑海塘十八里用银十二万两乃叙录效劳各官巡抚徐栻巡道张子仁水利道陈诏同知黄清知县饶廷锡各升赏有差照旧管事原任巡抚谢鹏举守道朱炳如舒应龙知府黄希宪等各赏银有差

○以分守湖广镇筴参将吴子忠充副总兵分守四川松潘等处

○庚子升总督蓟辽都察院右都御史杨兆为南京刑部尚书
升顺天府府尹王之垣为都察院右副都御史巡抚湖广

○命御史于鲸巡按顺天 ○辛丑 上御皇极殿顺天府官进春群臣称贺

○是日金星顺行犯土星在斗度

○南京科道官詹沂陈王道等糾拾户部尚书殷正茂保定巡抚孟重大理寺卿宋仪望太常寺少卿方九功南京鸿胪寺卿王樵时九功先已处分命调仪望于南京樵致仕余留用

○壬寅 上讲读毕与辅臣从容论所讲酒告篇戒崇饮之说张居正等因言往者百官多以宴会妨废政事自罪郭子直等之后大小诸臣皆兢兢识业不惟不敢亦且不暇 上曰朕比奉圣母慈训宫中宴饮一切省减往时设元宵灯火今岁悉罢之

上又言顷者星变占云应在吴地 圣母因念吴地数被水灾小民困苦欲将织造停免况宫中袍服不能尽御徒久贮笥中珠可惜耳居正从旁力赞之即谕户工二部朕念东南民力困敝苏杭织造病民前差太监孙隆查已派及手应织者织完回京其未派并应措处钱粮尽行停免地方官仰体朕敬天恤民之意加意节爱不许借称上用横征苛扰

○录万历四年七月至五年三月宁远兴水等城堡阵亡被伤官军张大武等五十五员名升赏如例

○以山都司掌印毛斐然充右参将分守湖广镇筴

○升山东副使吴道明为辽东苑马寺卿

○先是戊字库有各处民弓箭弦本色自嘉靖后改为折价已又改为解料于盔甲王恭二厂专官督造又以先年内库关领壅滞议即存贮两厂而以两厂内臣掌之至是库监欲仍角□羊本色厂造送库交收工部以为不便

上是部言止令军器仍送内库收贮其管库官有需索抑勒积弊巡视指实以闻
癸卯升兵部左侍郎梁梦龙为都察院右都御史兼兵部左侍郎总督蓟辽

○升湖广左布政使金立敬为顺天府府尹
升浙江左布政使蒙诏为都察院右佥都御史巡抚南赣汀韶

○甲辰命翰林院修撰陈于陛充日讲官

○南京户科给事中傅作舟等论劾南京吏部尚书潘晟南京都察院右佥都御史张岳以晟为其乡人兵部郎中吕若愚岳为其乡人刑部郎中包大燿互相属托党庇轻处宜罢斥以为大臣徇私者之戒御史陈堂又极论晟结恩报怨及在礼部干请诸贪鄙状
上令晟岳策励供职已而若愚亦革职闲住

○户部尚书殷正茂以人言再乞休 上令遵旨供职

○乙巳命给事中李天植御史赵焕巡视京营○升淮安知府邵元哲为山东副使专督河工

○丙午降南京都察院右佥都御史张岳一级调外任岳前上疏劝居正奔丧及是自陈遂降调后有希居正意者劾其在南京违例滥费复冠带闲住

○降南京太仆寺少卿陈行健一级调外任以自陈议处也

○戊申录江西安远县黄乡地方官兵擒获贼首功赏通判徐廷辅等银各十两

○己酉先是淮扬庐凤四府徐和滁三州驿递额编站银二十三万九千六百八十余两至是因节省减编止编银十八万三千六百余两其万历六年以前小民拖欠者命尽蠲免以苏疲困

○庚戌升延绥守备丁思忠充延绥游击○以河南都司佥书邓都掌山东都司事

○升兵部右侍郎曾省吾为左侍郎都察院右副都御史郅光先为兵部右侍郎
以南京大理寺卿陆光祖为大理寺卿 升大理寺左少卿温纯为光禄寺卿

○户部奏进顺天府属本年分乾清宫庄地子粒银一万一千二百三十两有奇又

未央三宫官地子粒银三万九千四百八十八两有奇

○辛亥先是扬州府城有夥盗劫财斩关而出至是潜入南都为逻者所获事闻上以贼情重大地方官如何隐匿不报命兵部参看

○壬子 上裕享 太庙

明神宗显皇帝实录卷之七十一

万历六年正月癸丑朔 上御皇极殿受群臣朝贺

○丁巳兵科都给事中裴应章题先是操江都御史张岳称强盗李七等劫掠扬州盐□各执铁斧攀城门渡江而去该地方官疏虞罪应罚治既奉 明旨申报乃盗发于十一月二十五日延至初旬以闻各盗称供三十七人甲文止开八九名数欺隐之罪实不容逃至两漕总督直隶巡按并不参奏相应并究 上曰你既知隐匿事情何不蚤行参奏及有旨下部乃于裕享日论奏塞责且不究下其章于所司

○戊午 上亲享 太庙○辛酉 上御皇极殿受朝

○升南京尚 司卿张焕为南京鸿胪寺卿尚宝司卿张孟男为南京太仆寺少卿大理寺右少卿饶仁侃为本寺左少卿左寺丞傅孟春为右少卿

○升巡抚福建右佥都御史庞尚鹏为都察院左副都御史协理院事□□原任巡抚陕西右副都御史陈省为南京都察院右副都御史提督操江兼掌巡江

○改原任都察院左副都御史刘斯洁为南京大理寺卿

○户部尚书殷正茂＜娼弊-金＞乞休致不允

○以大同修完边工赏镇守总兵官郭虎按察使贾应元等有差

○癸亥升福建右布政劳堪为浙江左布政使湖广右布政刘志伊为左布政使

○以太子少保兵部尚书方逢时加太子太保复职管事逢时＜娼弊-金＞辞不允○以原任巡抚南赣汀韶等处地方右佥都御史刘思问以原官提督军务兼巡抚福建地方

○丙寅升福建按察使朱奎湖广按察使秦淦俱右布政使

○升尚宝司司丞雒遵为本司卿本司少卿沈节甫为南京尚宝司卿

○升工科右给事中颜容舒为本科 中李天植郑秉厚户科给事中齐一选俱右给事中天植仍吏科秉厚户科一经礼科九思兵科选刑科

○赏朵颜等卫夷人阿都赤等一百八十二员名段绢衣服不一都督等官长昂等二员加赐彩段绢疋以前来庆贺长至及□万寿节也

○兵部覆兵科都给事中裴应章等题称春防在即乞要通行申饬各边大率谓虜王西行辽左多警在甘宁诸镇当于所经道路设伏抚处尤要禁绝茶市堤防番族在宣大诸镇当虑主酋既行部落恐无约束更宜经略备御倍常加谨在辽左当防土蛮窥犯督率待战不得轻率贡市其勾虜属夷长昂等亦宜相机惩创各□节从之

○兵部覆议山西抚按官高文荐〈娼弊-金〉称河南沔池等处人民聚众越省盗矿贻害民生请饬该地方官协力严行防守从之夫矿事之行入不赏肖集易聚难散乃利害大关诘可轻言此严防之所以谆谆也

○兵部□巡按御史王民顺奏苏松常镇财赋之区而泖渎具区夙为盗藪该地方官务广行缉捕以安良民又捕盗规条如成化二十一年嘉靖四十一年万历二年各议事例宽严得中惟隆庆六年吏部所议一款限数定罚责成过严反生规避若不斟酌似非弭盗安民之计请乞圣裁上曰捕盗之规照万历二年题准事例行各抚按官论劾功罪以此为准着再行申饬以便遵守

○丁卯上元节赐辅臣张居正吕调阳张四维等酒膳有差

○先是上出画册二十六幅命辅臣分授讲官申时行等各职等是日恭进御览辅臣居正并所藏先臣李东阳题画诗有差

○兵部覆凤阳抚按吴卫所其沂莒等处虽隶山东实属直隶统辖盖欲唇共为犄角具有深意但官军班操赴直则仰赖专在行粮苟沂莒等州县不与给发沂青二道不与催徵欲使各军枵腹上班安望其不脱逃留滞也今该抚按议改山东就近管辖俱应照议其未完应追军人工价姑宽限本年八月内完报从之○兵部覆题巡抚延绥宋守约称万历六年应修甓台二百座合用银四万一千五百两照依户七兵三事例本部该出银一万二千四百五十两于太仆寺马价银内户部该出银二万九千零五十两于客饷银内应动支给各道收买给发等项支用然工程浩鉅边塞贫苦尤宜审时度势酌议裁省有旨如议

○兵部覆巡按陕西董世美奏陕西四镇俱与虜邻未款之前民被掳掠迫迫夷情既定华民思归如周满成等果系甘心投但各犯招词前后互异兼之籍贯昭然不妨再三研审若别无奸计姑发原藉收恤以示怀集之意至于降敕俺答事关国体未可轻率轻取上是部议如拟行○戊辰赐元辅张居正坐蟒胸背蟒衣各一次辅吕调阳张四维等斗牛蟒衣各一讲官申时行等本衣各一

○升山东左参政钱藻广东右参政蔡汝贤俱按察使藻湖广汝贤福建

○升光禄寺寺丞郑钦为尚宝司少卿

○己巳英宗睿皇帝忌辰奉先殿行祭礼遣宣城伯卫本国祭裕陵

○庚午户科给事中李涑奏礼部以大婚纳采问名题奉旨命公张溶充正使大学士张居正充副使各行礼臣惟皇上之留居正固以军国重事不可无社稷臣若大婚副使与经国筹边不同况肇举大礼以守制者行之将事违其宜非所以为观乞别简大臣任使以光盛典遣命元辅奉 圣母慈谕且先朝大臣夺情起复的即照□朝参居官食禄今元辅都辞大礼一与执事有何不可这厮李涑借言离间欲阻成命好生欺肆且不究上乃手札谕居正昨李涑说大婚礼不宜命先生不知出自 圣母慈谕先生忠孝不能两尽岂可以私请误朝廷大事小人包藏祸心每遇一事辄借言离间朕已鉴知先生还遵慈命暂以吉服行事居正＜娼弊-金＞言 圣母慈谕实非外臣所知但吉凶异道变服从吉委为未妥恳 圣慈别遣大臣一员将事以光大典得旨卿只遵奉 慈命勿以小人之言自阻

○户科给事中李涑条陈治河五事一曰多浚海口以导众水之归夫徐邳而下黄河自西而东淮河自南而北俱会于清河口东南析而历安东县出云梯关以入于海旧甚深广嗣以黄水泥淤黄淮二渎皆无所归故其势不决徐邳而冲啮乎高宝诸堤至高宝诸湖浩荡无涯先时沿河之西多置塘岸以蓄吁泗诸处暴涨之水故湖以东运堤无恙乃今塘岸尽废而黄淮之水又悉飞泻于此是以全堤尽圯宜别勘坚实之地以多浚其口仍必自下而上渐去河身之淤尽于徐吕二洪而后止若淮安之南宝应之北计八十里每里建平水闸一座而高邮邵伯各加建平水闸十座闸下每开支河四五十处以导上湖之水入于堤下射阳等湖而盐城兴化沿海地方皆宜查其旧地多浚十余口以导射阳诸水而入于海二曰勤塞决口以济粮运夫自徐邳以至瓜仪皆为运河而皆赖堤以蓄水但自清口而浚至安东云梯等地多踰一二百里而自徐吕至清河又不三四百里山阳高宝诸湖必繇多闸始洩而采办闸石转运亦难浚导之功旦夕未竟其不涸漕而妨运者几希必多储桩草相度水势而急为之备然后可以无患三曰宜以江北全力治漕河不当以濒河穷困州县治漕河臣尝滥役宝应见其地道重伤而又有冲路之供应有养马之烦费及观扬州所属或有地稍丰收而又无驿递养马之累夫常赋之经各有定额诚未敢轻议若浅夫则因时增设且皆国事耳可无裒益以恤疲民四曰岁报钱粮以核＜娼弊-金＞凿之功夫＜娼弊-金＞河浚海建闸筑堤非百余万以上则难与经费非五年七年之久则无以成功总理大臣每岁终将用过钱粮修过工程逐一奏报其筑塞决口必视水势注海之机以为消息但能勤于补塞不妨飞挽者即为成功此于稽核钱粮之中而寓考成河渠之益也五曰优恤夫役以鼓劳人夫河工之苦朕眈狂澜之中跋涉淤淖之地且地皆荒野海滨凡饗飧等需有费二钱不得一钱之济者今宜从实估勘稍优其直以苏小民之苦至应得工银必须委廉能官依时蚤结仍察督小官不许假以别事剥削夫役章下所司

○辛未 上以大婚告 天地 宗庙命英国公张溶保定侯梁继璠驸马许从诚各行礼

○赐辅臣张居正脯醢酒果等物

○复除原任陕西右参政兼佥事徐节为山东布政司如旧管理密云兵备屯田事

○升总督漕运兼提督军务巡抚凤阳等处兵部左侍郎吴桂芳为工部尚书兼都察院右副都御史总理河漕提督军务 上以当事诸臣意见不同动多掣肘以致日久无功今以此事专属桂芳提督其选用部司等官及处置钱粮俱许便宜奏请已而桂芳辞免不允

○巡抚应天都察院右副都御史胡执礼巡抚湖广都察院右副都御史陈瑞巡抚陕西都察院右副都御史董世彦各以考察自陈不职求罢不允

○壬申升铜仁守备蔡兆吉都指挥僉事大同守备鲍崇德福山港都指挥同知蒋国忠俱铨注都司军政僉书

○兵部题覆巡抚山西都御史高文荐条陈战守机宜所称兵马议注守精衣械查器具访水泉修边城葺墩堡浚壕堑明赏罚等项有旨山西武备久弛高文荐既锐意振作凡战守事宜该及时整饬者还着与总督衙门计处停当具奏举行○升浙江左参议余一龙山东右参议周思稷俱副使一龙贵州思稷仍山东

○改南京户部广西司郎中韩必显为尚宝司司丞

○升浙江副使龚大器为右参政

○癸酉 上御文华殿讲读

○初 上践阼即修建 慈宁宫以居 圣母张居正奏言 圣龄方幼 慈驾且居乾清朝夕与处俟大婚之后移居未晚至是期迫乃还御 慈宁因谕居正曰婚礼在迓我当还本宫不得如前看管先生其敬承之仍赐蟒衣彩段等物以示意居正<媼嬖-金>谢因言臣等外臣岂能日侍左右以保佑 圣躬尚冀 圣母念 祖宗基业之重百方保护至于进尽忠言弼成圣政臣分仪当然敢不对扬休命又言今去大婚之期尚半月有余伏请 圣母暂还 慈宁次日仍御乾清与 皇上同处待册后之后然后定居 慈宁 太后从之

○升湖广九永守备马呈文署都指挥僉事充四川叠茂南路游击大宁都指挥僉事杨榜充神机九营佐击四川叙泸守备吴鲸署都指挥僉事充松潘东游击五军营备兵坐营指挥同知王鹏署都指挥僉事充五军九营游击

○甲戌以 皇太后还御 慈宁宫赐大学士张居正等银币有差

○降原任太常寺少卿严用和为山东右参议

○兵部覆凤阳抚按官吴桂芳等题称颍州兵备原管陕西潼关卫而督发往返道远不便自万历六年秋班为始改属本兵备道就司督发河南都司统领赴班从之

○兵部覆议京营科道条陈事宜一议分营操谓三营分操原为旧制今军士日众至于十万营之内简稽难周演习不便欲分部操演以便责成诚为有见但近岁合操之后各营厅房塌损修葺动经岁时及照营规名虽合操而分营细练亦自不废合行总协等官督率各该将领严行训练二议选官属谓各营虽有主将总领而传宣号令摆列队伍必资中军把总等官即将三大营中一一拣选随宜器使其不称者径行斥退三议习骑射谓选锋无马必须查给以裨实用但查战兵车兵选锋共五千共少马四千余匹今太仆寺堪兑马匹仅一万八千年例兑给约有三千之外而一岁所入本色未足相当矣四千尽兑则所余无几应行总协大臣令该营即查选锋五千数内量派步骑兵各二千五百内除先领马匹共九百六十三匹外其无马骑兵一千五百三十八名造册送部割行太仆调兑余下步兵二千五百名俟万历七年以后渐给务足五千之数四议重新马谓寄养马匹出自民力官军兑给未几旋毙责令买补旧例欲准各营倒马官军照依年分追桩若新马概令买补恐倒毙不测貽累贫军今将依例量追桩银仍令该管官严责各军用心餵养其应卖老弱马匹移文京营及太仆寺每于验烙之时或如议穿左耳或烙以火印如遇营马倒死设法查验倘有抵换即便究罪五议罢出防谓先年议拨战车营兵二枝暂议休息夫畿辅营兵优养安逸故令习营知战况查各镇边防分布

金 > 内各军派有信地难以拨回唯于分戍之兵悯其行役优加抚恤使三军无怨从之

○兵科给事中王致祥题边防八事险隘居一乃若功就而役不休民罢而督愈急如今日边工有不胜其弊者矣其采薪木也工程浩钜强者负担而趋弱者称贷益之其入山出口也道里阻修强者依期而至弱者又不能也其烧甃砌墙也以丈尺计富者应时而竣贫者责补无措矣汲水数里则渴者弗饮樵苏后衅则饥者弗食或绝壁悬瓴或土窑沃釜或沙粃供粥或皮袋盛盐加之风餐露宿触暑惊寒武夫悍将急于报完执鞭撻而议其后至于盐菜行粮类多克扣而流离接踵死亡相续皇上闻之心忍乎哉况手习陶冶不任干戈身就版筑不擐介冑而一切除戎器讨军实驰骋击之法废而不讲万一开陇云朔之间脱有意外可不为之寒心乞敕该部凡边墙敌台系冲要不容已者照旧修理其余不急之工一切停罢至于精锐马军专务秣马厉兵乘时训练而又特挑骁勇力战之士罢其佣与差而优其廩饩号曰选锋以备敢死之用今日要务莫急于此

金 > 下部议 上曰设险守隘乃边防要务然修筑无期徒劳疲军以后酌量不紧要者暂为停止然不许因而废修守致滋后患○免追赃释放俞世清等六十二人监候查勘另结杨保等四人仍监追徐应骐等八人发遣四川盗库犯人沈鲸边卫永远充军副使林应节以受馈送追赃完日发原籍为民以彼中巡按论劾也

○乙巳巡抚宁夏右副都御史罗凤翔自陈不职乞罢不允

○先是大学士张居正题为稽查章奏随事考成旨下所司至是户科给事中石应岳等言自考成之法一立数十年废弛丛积之政渐次修举今逾岁终例当科举臣等节据吏部等衙门开报除依限完销及已经改限者俱开除外中间如有延久未完及完销未尽者逐款稽查共一百三十七事计抚按诸臣胡执礼郑国仕等七十六员完报俱属愆期法当参奏但其中接管有先后历任有浅深伏乞

圣明区别多寡量加罚治一二仍敕部院转行各抚按官将未完事件严行催督立见完销

上曰这各官且饶这遭今后查参考成还要分别在任久近议罚

○丙子升浙江杭州府知府吴自新为本按察司副使整饬温处兵备

○起原任副使为民章时鸾为河南副使知府张纯主事张誉等升秩有差从总督漕运侍郎吴桂芳议也

○户部尚书殷正茂题一曰先是徐州未设海防而淮扬徐三府州县军卫皆辖于徐州今既有兵备副使凡扬州府并所属州县卫所已属专管则徐州道不当复行兼摄以免遥制之烦至滁州卫屯田向来原属颍州兵备今徐州兵备敕内仍复开载不免重复乞下部酌议以一职掌一曰盐场滨海备兵专责海防则运司各官法应兵备约束敕书原自明白近者两淮运使崔孔昕倡为本道不相干涉辄行抗拒已经题参罚俸本部仍行移翰林院将原开运司分守官改为运司官吏悉听约束撰敕书一道给付之一曰安庆徐淮十卫初因各道未设之故概属颍州兵备道管辖嗣后因官分属已将安徐淮扬各卫改属徽宁徐州海防三道分管则颍州道内不当复行开载至潼关卫隶在陕西西安府境内而军伍屯营考选军政俱在彼中与直隶抚按原不相干唯以零卫班军因附中都留守司统领以故责赴江北挂号不但道远人难亦且不便管辖且该卫接壤河南须附河南领班都司下统领发营收操庶为妥当一曰淮凤垦田僉事原衔系淮凤两府部割敕书具载续奉奏添徐州而割去寿州等州县则所当巡历者固在近题十八州而非初设两府意也相应行彼处抚按即将前项府州县境内屯田若有荒芜听与民间一体招垦在颍州徐州二道仍遵原奉敕书加意振刷查徵粮务不得因而推避本部仍行移翰林院两府二字改为等处以便统辖得旨运司分守官听海道委用着照旧行

○户部覆议直隶巡按御史王民顺称苏松四府今年夏秋之间大雨连旬潮水横溢高田仅可薄收卑下颗粒无赖重以赋烦役重民生不堪查该地方先荷蠲免并经抚按会题除已徵在官及借支外臣等覆议蠲免通前数一应起存折色共计银五十八万六千三百三十余两本色米二万九千九百一十余石爱养休息不为不至然所议仍行带徵者皆系内府布疋颜料与元年二年拖欠例不应遽豁者也又四府士民俱云各钱粮已完乃今查得见年应角□羊者考之额数不及十分之四即如金花一项额设三十六万五千八百三十余两止角□羊一十二万一千一十余两所欠尚多夫追徵之法必见徵俱完而后及于带徵所徵既急则角□羊必多以彼四府见徵者尚未能完角□羊纳如此之少去岁未完则今年又系带徵之数矣夫既已完徵又不完角□羊则公私俱病此诚何故若士民之论不可据则是有司于见徵者尚且迟缓而带徵一节或者犹非所急也今除金花等项无容轻议外至于元年二年各项本折暂准缓徵候至八年地方丰熟照数带徵角□羊完上曰见年额徵已不完角□羊年复一年积逋愈多军需何赖这元年二年所欠姑暂免其余内府钱粮题准不免及见年应徵的俱要遵前旨上紧徵角□羊

○升蓟镇遵化游击张玠参将职衔管本镇巡抚下标兵营游击保定车营游击李迎恩充右参将分守大同北东路地方蓟镇黄土岭关署指挥僉事卢盈科署都指挥僉事充统领本镇

德州春班官军游击

○丁丑 孝静毅皇后忌辰 奉先殿行祭礼遣武靖伯赵光远祭 康陵

○降陕西副使徐学古山东右参议以考察不及故也○户部题各边镇年例银两必待各督抚奏到题发必致延缓误事今将万历六年合用主客兵钱粮宣大山西辽东延宁甘肃易州等镇俱照经制旧数蓟永密昌等镇照近定新数各先行量发一半内将应发宣府客兵银内扣拨一万五千两径角□羊大同以备前项标兵支用仍移咨总督仓场太仓衙门将库贮折粮折草银内动支給发以备本年主客兵本折支用待后各该督抚奏到之日酌量扣抵报可

○升蓟镇冷口关提调李燧署都指挥僉事铨注大宁都司军政僉书

○戊寅户部题万历六年正月内预开七年分各边常设存积盐数照依时估定拟斗头斤重召□俱令上纳本色粮草分贮紧要城堡专备万历七年主客兵马支用□人报中者不许过三千引输纳者不得过三个月务趁时召中不许折收银两其一切病□亏国者严行禁绝所有盐粮勘合每以二千引为一道本部差官一员前去南京户部关领给散各边仍置空白文簿发各边郎中主事收掌如遇□人报中验其实在钱粮数目明白登簿一并照簿填给勘合实收事完将簿送部转发各该巡盐御史收候稽查各边仍将中过盐引及收过粮草各数目按季另项呈报年终各具的确数目奏闻从之

○己卯 上御皇极殿传制以都督同知王伟长女为
皇后遣英国公张溶大学士张居正持节行纳采问名礼仍赐银币有差

○是日特赐张居正吕调阳张四维等金万喜字及银抹金喜字等物有差

○户部覆议处抚夷买马钱粮每年旧额户兵二部发银一万二千六百两户部该七千两外量加银八千两兵部该五千六百两外量加七千两共一万二千六百两合前通共二万七千六百两以充抚夷支用俱候秋季另行请发外其额例银两相应题请给发得旨准给

○辛巳 仁圣皇太后万寿节 上御皇极门受群臣朝贺诣
慈庆宫行礼赐大学士张居正等酒馔

○赏各王府进表官盘费钞锭及彩段表里

○升蓟镇提调郭祥署都指挥僉事充保定车营游击遵化守备许卿署都指挥僉事充本镇游击

明神宗显皇帝实录卷之七十二

万历六年二月壬午朔吏部覆议近南京科道官＜娼弊-金＞论南京吏部尚书潘晟谓考察郎中包大燿吕若愚议处太轻本部覆奉钦依留用今御史郑锐又复追论前事夫晟性质敦厚学识优长自掌留铨益无訾议且既奉明旨似难别议上仍留晟供职如故

○户部题浙江一省旧欠京边钱粮积至二十余万若不分别年月久近量为徵免民何以堪今将节年兵饷除存县抵角□羊及募壮那移等项速补外其隆庆六年以前共未完一十二万余尽数蠲免万历元二年未完四万余每年带徵二分三四年未完一十一余万照数全徵万历五年以后并前项带徵全徵银两有司官不得拖欠从之

○改题督南京粮储户部右侍郎陈瑞职衔为总督粮储给敕付之

○礼科给事中齐世臣＜娼弊-金＞论提督操江都察院右副都御史陈省不堪起用得旨陈省仍着在籍听用

○南京户科给事中王蔚参论南京太常寺卿管国子监祭酒事屠羲英乖谬有亏师范部覆本官任成均以来振饬改观未免生徒丛怨既经论列暂且回籍听用

○总督两广都察院右都御史兼兵部右侍郎凌云翼巡抚陕西都察院右副都御史傅希摯各以考察自陈乞罢不允○癸未遣定国公徐文璧大学士吕调阳等行纳吉纳徵告期礼赐银币有差

○是日奉皇太后慈谕三道一谓上天地神人之主所系非轻须万分谨慎以为祈天永命之本一谕内夫人等皇帝皇后食息起居务要小心勤侍不可违慢一谓司礼冯保尔等亲受顾命所赖万分留心引君当道勿得顺从致伤圣德于是居正＜娼弊-金＞奏慈谕敦切乞皇上仰体圣心服膺明训亿万年无疆之庆实在于此谨录慈旨三道付史馆垂示万世有旨圣母之训朕当拳拳服膺尚赖卿等朝夕纳诲左右匡弼庶几有成

○兵部题松山酋首宾兔吉部落小市自万历六年改在高沟寨地方互市嗣后与铍尖墩每三年一次轮流开市盖以地瘠民稀为此更番以便人情但两处地方离边孰为远近全在督抚处置得宜使虏无异心居民不扰即为可行从之

○陕西巡抚董世彦条陈边务谓洮岷河阶俱与番邻各设参将有急听固原总兵调遣但相距千里遥制实难今洮州去河阶二州止四百里要将洮岷参将改副总兵河阶二路参将悉听节制官名稍异应援不难先因阶州番贼不靖官军调秦州卫礼店所步军凑伍然南北人不相习岷阶相近又习知番情即将本卫备御凉州班步军内拨四百五十名改调阶州驻劄其秦礼步军仍回原卫改凉州□得旨

○榆林镇静堡靖远营□地震

○甲申赐大学士张居正等银币有差以恭视写 皇后金册也○兵部题矿徒贻害地方盖繇河南山西二省奸民彼此结连责在咏州县掌印官
上曰今后凡有盗贼生发事关邻省者俱彼此协捕不得推诿僨事

○丙戌遣礼部尚书马自强祭 先师孔子

○升南京光禄寺卿胡价为南京右佥都御史提督操江兼管巡江

○西北虏贡市已竣赏陕西总督石茂华宁夏延绥二巡抚罗凤翔宋守约并总兵程九思等银币有差

○丁亥遣英国公张溶祭 大明于 朝日坛

○吏科右给事中王道成< 娼弊-金 > 奏京通二仓米多陈腐不可食分散布花又复纸恶不如本折色间支使沾实惠户部覆京师居民环处全赖军士支领之米以给朝夕常见遇放折色月分米价辄贵况太仓折米又须积而能散今后月粮每年放支折色两月一在四月一在十月盖四月粮运涌集所带余米颇多十月粮运方毕上纳余米可买至应放官军冬衣月分似宜仍用本色姑待该库积贮布疋数多足给数年支放暂行折角□羊一年亦无不可
上是部议

○戊子 上御皇极殿整容上巾大学士张居正等恭视礼成各赐银币不一

○升太仆寺少卿陈联芳南京光禄寺卿有旨内外官员罚俸未满升官者事例何如行查明来说部覆得旨

○升司经局洗马许国为南京国子监祭酒

○升湖广都司掌印署都指挥僉事吴显忠充参将分守金山地方

○己丑 上御皇极殿以整容上巾礼成群臣致词称贺

○庚寅命国子监祭酒吕旻左春坊中允戴洵等俱充经筵讲官翰林院编修李长春朱赓等补展书官○巡抚南赣提督军务都察院右副都御史江一麟自陈不职 上令着遵新命供职

○初河淮泛溢漕粮甚艰科道官及总河诸臣建议或谓海运甚便或谓河道无虞纷纷不一至是户部覆议谓先年海运事宜一一规画停妥如每岁河道不梗仍从河运不然即照海运旧规成法酌量举行得旨

○户部题陕西花马二池产盐有限不足供西凤汉三府之需角□羊池盐积充盛即于本各地方食用为便报可

○福建八府立盐运一司每年额银入太仓仅二万二千二百两盐□陈公养请开增引一次遂添银至二万余两至是户部题为定例

上曰这盐引准开中一年若每年为常恐至壅滞着该抚按详议具奏

○辛卯 孝贞纯皇后忌辰遣抚宁侯朱冈祭 茂陵○

上谕大学士张居正等昨辽东报捷正行嘉礼之时 圣母甚说一应叙录宜从优厚居正<娼弊-金>奏今次边功出塞二百余里斩获四百三十彼之精锐咸就歼夷我之损伤止于一卒该镇立功诚为非常俟兵部题覆臣等遵谕从厚拟赏

○升协守甘州左副总兵陈锐署都督僉事充挂印总兵官镇守甘肃地方

○申时桂林府临桂县江头村田中土忽拥起青烟一道直上地随裂丈余地内鼓声响陷民房十余间大树大石皆陷入地

○壬辰斥辽东行太仆寺少卿兼海州兵备僉事张世胤冠带闲住

○录荫总督仓场户部尚书谢登之男城为国子生

○太子太保礼部尚书吴山卒赐祭葬如例赠太保山江西高安县人繇进士授翰林院编修历升左春坊赞善庶子太常寺卿管国子监祭酒事以太子太保礼部尚书兼翰林院学士考满加少保致仕取后起官南京久不赴任

先帝令其致仕卒之后因循不敢言至是子一惺<娼弊-金>请故有是命

○以广东管雷廉参将事游击杨瑄代患病参将督理阳电海防兼管地方陈典职衔

○兵部题南直隶安东盐城睢宁宝应四县见养种马七百五十四匹暂准变卖每匹估价十两收完角□羊寺仍照先年题准事例每年徵角□羊草料银一两并卖过种马空户存留在藉俟年岁丰熟如旧买养种马

○录万历五年十二月内堵截土蛮连把亥犯边获功被抢官军王大章等各优恤如例

○改中都留守司军政僉事署副留守杨为栋署都指挥僉事充湖广都司军政掌印官○巡按福建御史□为正奏称本省滨海密迩岛夷顷倭寇窃发尚募他省之人以充战守况各军生长于斯熟知地里惯事舟楫选之以当水寨之役较召募实为便益部覆如议

○癸巳 上御经筵

○升刑部郎中魏勋为通政司参议

○甲午都察院右佥都御史王篆自陈不职不许

○各镇引盐原有定额□人中纳唯利淮盐盖淮盐每引官价银五钱浙盐每引官价银三钱五分两处运司拨卖价值又贵贱不同所以□人牟例或淮多浙少或淮浙搭配以为生息先是宁夏浙盐壅滞固原积贮有余故那盐易银而固原遂加浙盐一万五千引又辽东连岁用兵固原时值无事故减此益彼而固原遂少淮盐四千引至是陕西巡抚董世彦奏称本镇浙多淮少□不愿中乞复旧例部覆如议仍言两淮引目既无壅滞而万历二年奸□刘威等复架为河盐之说其阻坏盐法祸有不可言者合行申飭以示禁绝有旨这镇盐引依拟改派河盐停止不行再有奸□夤缘奏扰的重治不饶

○辽东建州左卫女直夷人都督等官松塔等九十九员赴京朝贡赏衣服如例

○乙未升兵科都给事中裴应章为太仆寺少卿大理寺右寺丞褚鈇为本寺左寺丞云南道御史刘良弼为大理寺右寺丞

○升工科给事中刘铉广东右参政分守岭西

○升山东佥事刘凤朝辽东行太仆寺少卿兼佥事整饬兵备兼管屯田

○巡抚贵州都察院右佥都御史何起鸣自陈罢职上命巡抚如旧○吏部覆巡按广东御史龚懋贤江西御史李学诗各< 娼弊-金 >严惩贪吏以安民生夫贪赃之吏多出有材方其新任逞能炫奇巧取名誉上官不廉其实一加奖荐遂肆行无忌钱粮倍加羨余起税掇括无算铺户供应苦赔词讼折赎太滥指称公费半入私囊守巡畏其中伤若罔闻知而巡按恐有操切之议不尽搏击漏网者多今后访有贪酷大著提问从重归结至罢官回籍规利害人并听抚按详察以治其尤上曰朕奉天子民恒恐一夫不获屡旨惩贪进廉以飭吏安民乃抚按官不着实举行及奉旨驳问便说朝廷用法太严人不能堪上泽何繇下究今后抚按官都着严察奸贪访有实迹的不论官职崇卑出身资格即便参奏拏问治罪然不许因而报复讎怨其所奏革羨余铺户等项依拟着实行

○丙申巡抚福建都察院右佥都御史庞尚鹏自陈不职乞罢不允

○兵部题蓟辽防御事竣应录用镇守总兵官李成梁等六十七员应革任辽阳副总兵傅廷勋等五员应调杨四德等八员得旨傅廷勋等着革任回卫余依拟近各边举荐太频且卑官小职只宜照常咨部录用乃列在荐续至数千百人亦为烦渎你部可酌议来说如旨覆奏上曰举劾精明乃足劝惩今后各督抚巡按官系升任交代等项照例举行其秋防春汛非实在用兵及事体无甚关系不必渎奏

○丁酉以翰林院侍读朱赓充日讲官兼经筵讲官

○升刑部右侍郎潘季驯为都察院右都御史兼工部左侍郎总理河漕兼提督军务○升礼科右给事中张孙绳陕西副使山东道御史詹贞吉浙江右参议湖广道御史王民顺浙江道御史邢玠俱佥事民顺山东玠河南

○覆升临巩兵备副使李尧德右参议职衔仍管本道事

○升陕西庆远守备王尧臣署都指挥佥事铨注本都司军政佥书南京大教场署指挥佥事侯熊量署副留守铨注本司军政佥书

○是夜戌正三刻月食

○先是南京盗靳成盗内库银一千一百二十七两奉钦依监追完日发遣所经二年未完所司题请有旨奸犯盗库银两数多监追二年分文不纳却只年年改限岂成法纪今限姑准再改着依限严并完赃发遣不许仍前宽纵○戊戌免山东兗青登莱府属沂费剡城莒州昌邑即墨莱阳文登等州县自隆庆二年至万历二年未完存留麦米一百五十一万四千一百三十一石八斗七合四勺三抄七撮五圭二粟一粒六微

○升广西都司掌印署都指挥佥事夏尚忠分守雷廉二府海防参将大同入卫游击屈渐伸分守山西太原左参将副总兵管分守大同新平三堡参将王国勋协守甘肃左副总兵

○恭仁康定景皇帝忌辰遣惠安伯张元善祭陵寝忌辰原在次日以举行大典改前期也

○调陕西右参政吴善言为山西布政司职衔如旧

○巡抚云南都察院右副都御史王凝自陈不职不许

○西海虏酋丙兔台吉等九名贡马十匹赏如例先是贡八匹永为定规至是加进二匹部议今次姑与给赏以后不得过多庶约誓一而贡市可久上是其言

○庚子 上御皇极门传制遣英国公张溶充正使持节大学士张居正等捧制敕册宝行奉迎礼礼成溶等复命各赐银币

○辛丑 率 皇后行朝见 两宫礼

○是日谕内阁朕大婚礼成仰□
两宫圣母鞠育教训之恩宜加上尊称以少伸孝诚卿等拟敕谕礼部遵行

○壬寅 上率 皇后诣 两宫圣母前行谢恩礼 皇后诣 上前行谢恩礼毕 上御皇极殿以册立中宫诏告天下诏曰朕惟两仪之位承乾以坤万化之原繇家而国君听外治后宣内教此天地之大义也朕恭膺 天命嗣守 祖基夙夜兢兢欲保兹历服传之世世眷惟大婚之礼所以昌祚基化人道重焉迺者 圣母仁圣皇太后 圣母慈圣皇太后特谕所司简求令淑作配朕躬仰遵 慈命谨昭告 天地宗庙于万历六年二月十九日册立王氏为 皇后正位中宫以共承宗祀奉养 两宫肇风化于九围绵本支于万世布告中外咸使闻知

○是日清明祭 长陵 献陵 景陵 裕陵 茂陵 泰陵 康陵 永陵 昭陵遣保定侯梁继璠丰城侯李环靖远伯王学礼南和伯方烨庆都伯杜继宗各行礼遣新建伯王承勋祭 恭仁康定景皇帝陵寝遣内官祭 恭让章皇后及废后吴氏遣都督僉事沉至祭 哀冲庄敬二太子各陵园

○癸卯 上御皇极殿百官上表称贺

○是日命妇朝贺 中宫

○以大婚礼成赐辅臣张居正等银币○命修撰黄凤翔编修王弘海刘城管理文官诰敕

○传旨册刘氏为昭妃杨氏为宜妃礼部具仪择日来闻

○甲辰 上谕内阁朕遵上 两宫圣母徽号内库缺乏卿等传与户部光禄寺各十万进用

○以日讲官朱赓充记注起居官翰林院侍讲张一桂为编纂章奏官

○升吏部稽勋司郎中杜友兰山西右参政

○乌思藏阐化王男札释藏卜差番僧来西海见其师僧活佛在西海与顺义王子孙等说法劝化众达子为善因托顺义王俺答代贡方物请敕封礼部覆议帝王之驭夷狄每因其有求而制其操纵之术乘其向化而施以爵赏之恩今札释藏卜等乃以毡裘之类知慕天朝封号之荣化桀骜之群俾尊中国贡布之约顺义王俺答能使相率归化复代贡请以效款诚即有苗之格舞干越裳之至重译不是过矣合无依拟授职赏赉 上谓番僧向化抚虏恭顺可嘉因各授大觉禅师及都纲等职赐僧帽袈裟及表里食茶彩段有差

○乙巳减万历六年河南濠阳邳城等五十六驿马驴兹磁州时和等三十八递运牛夫及协济等项编银十万二千七百三十八两止实徵银三十万五千七百九十四两遇有闰月照例加派其见贮在库余银二十三万九千八百六十四两内将一十五万二千八百九十七两准作万历六年春夏二季正支本年止徵二季外仍剩银一万五百一十七两照数收贮库待后积多足给一年之用再议免编并备灾荒不敷之用仍咨浙江抚按衙门额计河南马价银两

照原编数目均减四分之一每季共减派银四千九百四十两止徵角□羊银一万四千九百永为定例□丙午礼部题上 两宫圣母徽号仪注一钦天监选择三月初六日辰时上 仁圣懿安皇太后徽号初七日卯时上 慈圣宣文皇太后徽号一本月初四日遣官祭告 天地宗庙 社稷用祝文酒果如常仪颁告天下奉旨如所拟

○户部题黄淮为患总理河漕吴桂芳已于正月十八日兴工筑堤数万之夫云集待哺银粮不可一日有缺所请南京户兵二部库贮粮剩马价银两各支一万两及户部速将见年每帮漕粮奉请准留八万石行漕运衙门分贮沿河各仓支用从之

○丁未 上视朝

○鸿胪寺奏宣辽东捷音赏报捷人衣服钞锭是日以祭 历代帝王 上御文华殿致斋

○命兵部以昭妃父刘应节宜妃父杨臣俱锦衣卫正千户带俸

○改总督粮储南京户部右侍郎陈瑞为刑部右侍郎

○巡抚广西都察院右副都御史吴文华自陈不职不许

○宴朝贡建州右卫女直夷人都督松塔等九十九员名遣彭城伯杨炳待

○升广东都司军政僉事署都指挥僉事于文焕铨注广西都司军政掌印四川行都司署都指挥僉事刘大勋充参将分守广东潮州大同守备麻承恩充大同入卫游击大同车兵营游击陈琦充参将分守大同新平三堡地方

○江西湖广二省直隶安庆宁国太平三府额角□羊江淮济川二卫马船工科价银自嘉靖四十五年以前共欠一百三十余万至是尽数蠲免唯隆庆元年以后带徵

○升辽东锦义参将马文龙充副总兵协守辽阳地方

○戊申以辽东大捷 上御皇极殿群臣致词称贺 上谓辅臣运筹有功命拟加恩居正＜娵斨-金＞辞得旨仍赐银币不一以示褒嘉

○以恭视写昭妃宜妃金册赐张居正等各银二十两纁丝表里

○升锦衣卫提督象房都指挥僉事朱希慎锦衣卫中右所指挥同知冯邦柱方日中俱铨注南镇抚司僉书

○录辽东大捷功加总兵太子太保左都督李成梁为太保仍兼太子太保赏银一百两荫一

子世袭本卫指挥使总督辽东右都御史杨兆巡抚张学颜各赏银八十两兆荫一子锦衣卫百户世袭学颜男原荫武职升一级世袭仍各赐敕奖励开原兵备副使贺溱参将姚天与升级有差分守副使翟绣分巡兵备僉事张崇功管粮郎中周世科各赏银二十两出边官军血战者升赏如例原总苏国斌等复职仍发马价银二百两差兵部司官一员前去会同抚按官给赏将士以本兵方逢时调度有功赏银五十两荫一子入监读书兵部侍郎曾省吾郅尤各升俸一级赏银三十两本司郎中升俸一级赏银十两新任总督巡抚梁梦龙赏银四十两周咏三十两是役也官军迎敌冒险夜行出境二百余里直抵虏营击贼死伤不下万余在阵斩获首级四百三十五颗内有名酋首五颗夺获马驼营帐夷器等件不啻数万较昔年王杲之诛俘斩人数尤多焉

○兵部题覆山西巡抚田乐条陈驿传四事一裁马骡以省妄费一议招募以杜横索一裁冗员以节财用一革滥费以明大体从之

○己酉敕吏部大婚礼成大学士张居正等忠劳茂著宜加特恩先是居正以守制辞吕调阳支尚书俸进兼建极殿大学士张四维加少保进武英殿大学士兼官如旧仍荫一子中书舍人居正<娉辇-金>奏方今皇上嘉礼备成两宫圣母大庆毕集况中外事体帖然底定臣敢伸前请乞允臣回籍终制不然亦愿给数月之假候

圣母徽号礼成之后回籍送父归土即依限前来供职以毕臣图报之怀有旨卿受遗先帝辅朕冲年兹嘉礼初成复奉圣母慈谕惓惓以朕属卿岂可暂离况前已遣司礼官营葬今又何必亲行宜遵先后谕旨以安朕与圣母之心乃为大忠至孝所请不允

○升山东副使陈蕖为陕西右参政

○庚戌居正复奏臣数月以来含恻饮泣计日以俟嘉礼之成冀以俯遂初愿臣岂不知今日之归无益臣父臣之死且重荷殊恩特遣重臣为之造葬臣今虽去亦复何加但区区乌乌私情唯欲一见父棺送之归土以了此念今臣父归土有日伏乞圣恩蚤允给臣数月之假俟上两宫圣母徽号礼成即星驰回籍一视窀穸因而省问臣母即扶持同来得旨朕览卿奏情辞益迫不忍固违准暂回籍襄事还写敕差文武官各一员护送葬毕即奉卿母同来该抚按官仍将在籍起身日期速差人奏报于是居正<娉辇-

金>谢言臣昔急切求归祇欲思亲今违离有日又不胜恋主拟候两宫圣母徽号礼成之后乞特赐召见于便殿一睹天颜面陈微悃而行上曰待卿行有定日朕于文华殿召卿面辞

○减陕西镇原雒川宜君灵台静宁陇西通渭各州县站价银两共七千二百八十六两五钱七分其新添军士令报部知会此外余银布政司收贮不得别项开销

○铸江北应天等四卫仓监收委官关防一顆○户部覆南京户部尚书毕锵题江营选锋口粮即于简汰游兵饷内支給以后选锋饷粮不足仍于瓜州梁头税银凑用俱听操江衙门批行从之

○升应天府尹程嗣功为南京户部右侍郎总督粮储

○调补原任山西副使蔡叔達山东副使整饬海防

○巡抚甘肃都察院右副都御史侯东莱自陈不职不许

○以司礼监太监冯保原荫侄邦宁升五级不为例王臻张宏各荫弟侄一人为锦衣卫百户

○刑部覆刑科给事中姚学闵条陈窃盗徒犯通应查复为便恭候命下咨都察院转行各省直问刑衙门凡犯徒该二年半以下俱依旧制与徒五年总徒四年并三流迁徙减徒者俱定发摆站年限满日释放有旨这充徒人犯都照旧行以后凡事干典制的俱不许妄议违者以变乱成法论

明神宗显皇帝实录卷之七十三

万历六年三月壬子朔以恭视写篆 仁圣懿安皇太后
慈圣宣文皇太后册宝赐辅臣张居正等各银币有差

○截留本年漕粮八万石分贮沿河各仓听河漕衙门支用其遗下轻赍等银仍照数类角□羊济边

○户部劾奏直隶州县卫所等官侯国安等二十八员未完七分以上降二级二分以上住俸仍咨吏兵二部知会未究钱粮各抚按并巡青科道及屯田御史严行各兵备督粮道责令立限追徵完角□羊无得怠缓从之

○刑部主事管志道上言窃观今之时势多以末流事例为纲纪而不究法之所从来以牵合世情为中庸而不虞弊之所底止及今不拯后不难图臣谨撮其紧切重大者为七条以献一曰复议政之规 祖宗时多御午朝于左右顺门大班既退群臣更进言事辄至夜分今宜仿其遗意如三六九日蚤朝则一四七日午朝不必百僚齐集唯内阁辅臣与六部都察院通政司大理寺詹事府翰林院五军都督府各堂上官掌印官俱造御前其部院卿二督府佾书以及太常寺诸卿分日轮流以参谋议其翰林院讲读各部郎中六科十三道中书舍人等官每日或轮二员或轮四员六员分班侍直以备纪录传事参驳等事而起居注常不离左右之列而欲径至御前建白者亦听其随班挨奏不致壅遏凡有大政事该会议者令该衙门先具事繇送御次日午朝公同面议取自 上裁次日补本存照二曰务讲筵之实臣查得弘治初少詹事杨守栋进讲学听政< 娼弊-金 >其言谓大小经筵必择端介博雅之儒臣侍班进讲听讲之余凡有未明辄赐清问凡四书五经 祖宗典训及历代诸史百官题奏皆当聚之文华殿后日轮内阁大臣一员讲官二员使居前殿之右厢一日之间居文华殿之时多处乾清宫之时少则欲寡心清理明惑祛斯言也正今日之所当亟行者也又查嘉靖初詹事霍韬奏劄世宗首召户部问 祖宗朝岁计赋税所入几何内府需费百官廩禄军士粮饷三边供应藩封禄米内官月粮凡几何较之今日岁计所增几何所减几何次召吏部问中外文职几何次召兵部问天下军职几何次召礼部问宗藩内□几何次召工部问监局岁费物料几何各以 祖宗额较之今日加增几何命六部皆具大数揭帖朝夕观览则所以恐惧樽节者自不能已斯言也亦今日之所当细究者也三曰辟进言之路国初言路甚广而后专其责于科道其始以三途类选给事中等于中书舍人而御史多升各部主事待之不若甚重而当时颇多直节敢言之士厥后渐重其选至弘治中令于行人博士推官知县教官中选其历练老成者除补而跻之部属之右其重比国初加倍而直节敢言之风寝不如前何也

先朝不重官而重言故人争奋于言近代不重言而重官故人争保其官以

陛下之明达诚宜迨 祖宗朝盛事开张圣听博采谏言仍命大臣公心参订至于< 娼弊-金 >下该科不问其覆与不覆刻期送史馆编辑以备证据然不除言官之廷杖言路终不得而开也人臣进言孰非为国言虽过当心亦可原愿 陛下万勿以廷杖加诸言官而镇抚司亦非拷掠言官之地即有以言得罪下诸法司务问情实倘罪不可宥律例自有明条死宜瞑目况生者乎四曰公铨擢之法国初用人不拘资格近臣间出于外僚而言官序迁常不得先于部

属予中有夺抑中有伸颠倒豪杰莫知端倪今日宜师其意敕下吏部勿泥近例而尽废旧额勿阿华要而轻略才贤百凡铨擢常使内外内均停而久任超迁之法仍并行而不悖豪杰有不思奋乎然不间行荐举之条则实行必不振不永停纳粟之例则仕路必不清进士岂必定足三百举贡须令及时效用文职自正统后添设者可量行裁减而毋折庶僚之实俸武职从靖难承袭者当严行比试而别收额外之异材顾行之有渐处之有权非可轻议耳五曰处宗室之繁今之亲王所谓百世不迁之大宗今之郡王将军所谓五世则迁之小宗也亲王世袭封无疑矣郡王而下当从迭降之议自奉国中尉而下当开四民之例在宗人秩内者王府统之与之入宗学而不与之开城禁在庶人数内者有司治之与之开城禁而不与之入宗学盖虚应世袭之名而无实俸何如迭降而得全支之为乐也虚列宗人之数而不聊生何如编氓而容人仕之为快也此宗列之所未及而今之所当亟图者六曰定河漕之策今京师专倚江南四百万石而驱之冒不测于海运之中其军若民之稍爱身家者必复转倩海滨亡命以应役何异借寇兵以赍盗粮且示人以从海窥燕之路矣臣谓河纵决溢梗运不过一二年而今西北尚宁京储可支数岁曷若乘此机会暂停一年粮运约以若干资河工以若干赈饿孳存留若干以兴三吴水利蠲豁若干以苏息穷民倘次年尚未通漕则量徵仆伍暂行转搬有何不可然臣惟国家都燕不宜专倚南税即使漕运愆期而北方亦足自赡乃无后虞则屯田水利恐未可以为迂而不讲也七曰社边陲之衅迹者俺酋款塞则从请封土蛮邀求则议力拒诚制虏大机乃闻三镇马市年例之外诸酋踰限请乞督抚虞于挑衅辄克军士之粮以易垂毙之马我军既困于追赔又疲于工役心日离而气日索万一马市之时乘虚而动何以制之议者谓及今衅尚未萌一面储材蓄锐以备不虞外亦复以计约束俺酋不令违时挟众以扰我疲卒可乎土蛮数犯辽东往往得志近斩获四百余级可谓差强人意乘此军威稍振之日聚粮训卒预为捣巢可乎夫东虏气折西虏亦寒心矣今督总宁无此意而犹重有虞者恐功未成而衅先启也非 圣明披剔积习日进当事之臣讲求边略何以善其后哉议下所司

○是日榆林卫地震

○升南镇抚司僉书冯邦宁都督同知注右府带俸僉书管事照旧以冯保获功也王臻张宏荫弟侄一为锦衣卫百户臻宏各协赞有功

○癸丑上御经筵

○是日 上诣 慈庆宫上奏书伏惟 圣母仁圣皇太后陛下德同坤厚慈若春温诞保惠于冲人用允升于至治尤念宗祧之重特勤贤淑之求肆嘉礼之告成庆徽音之有嗣恩莫酬于高厚情敢后于揄扬祇求彝章博稽舆论特以三月初六日恭率文武群臣奉册宝加上尊号曰 仁圣懿安皇太后伏异 尊慈俯从微悃茂膺显号箕畴歛五福之徵永介繁禧轩历衍万年之祚臣不胜倦倦之至谨具奏闻 上复诣 慈宁宫上奏书云仰惟 圣母慈圣皇太后陛下天授睿明性成仁孝蟠根仙李配 皇孝而已叶贞符入户玄云诞眇质而弥彰瑞应肆在初之貽哲即以正而养蒙七载于兹万邦其乂兹者法二仪而定位备六礼以升贤眷家室之攸宁仰庭闱之多豫爰稽旧典申讲庆仪将以三月初七日恭率文武群臣奉册宝加上尊号曰 慈圣宣文皇太后仰期 慈鉴诞受崇称大书不一书播徽音于有永得名

必得寿绥繁祉于无疆臣不胜惓惓之至谨具奏闻

○赐辅臣张居正银币有差以撰进尊上 两宫徽号奏书用宝故也

○甲寅 上御皇极殿传制册刘氏为昭妃杨氏为宜妃遣公徐文璧伯杨炳持节大学士吕调阳张四维捧册行礼昭妃册文制曰朕恭承慈训式叙彝伦唯王化始于宜家既肇建中宫之位而壹政资于多助用敷求内职之良名号攸崇典章具在咨尔刘氏柔嘉为性贞静自持礼度夙闲动有珩璜之节言容纯备行符图史之规爰副长乐之简抡俾翌坤宁之教范兹特封尔为昭妃象应四星丽紫垣而耀彩荣先九御炜彤管以流芳服此宠光迪惟淑慎尚祇勤于夙夜用集庆于家邦钦哉宜妃册文制曰化先闺闼式资协赞之良礼重 宗祧宜广继承之道爰率备官之茂典载颁叙进之明恩光我壶仪直惟淑媛咨尔杨氏储祥令族毓粹中州端良合法相之徵窈窕副好求之选徽容有晬已参景曜于轩龙懿号所加宜亚声华于榆翟兹特封尔为宜妃椒涂敷秀聿昭四德之休兰殿承芬用佐二南之化尚其祇服勿替执勤勉遵图史之规丕衍本支之庆钦哉止赐文璧炳等各银币

○大学士张居正给假回籍< 媵-金 > 请简用阁臣查得 先朝简用阁臣多出特旨间有下部会推者得旨卿等推堪用的来看乃以太子少保礼部尚书马自强为太子太保礼部尚书兼文渊阁大学士吏部右侍郎申时行为吏部左侍郎兼东阁大学士已而自强时行各< 媵-金 > 辞不允

○除原任户科都给事中光懋为兵科都给事中

○升吏科左给事中王道成为工科都给事中吏科右给事中李天植为礼科左给事中礼科给事中李天吉为工科右给事中

○追论剿杀黎平府洪州叛苗李富功赏都御史何起鸣银二十两纁丝二表里知府吴家吉等三员各十五两兵备宿度等五员各十两○乙卯上 仁圣懿安皇太后
慈圣宣文皇太后徽号祭告 天地 宗庙 社稷遣侯梁继璠伯杨炳陈景行李伟各行礼

○以册妃礼成 上御皇极门百官致辞称贺赐辅臣张居正等各银三十两纁罗四表里

○命大学士马自强申时行充会典总裁及同知经筵官日侍讲读

○升南京太仆寺卿陈于陞为应天府府尹

○丙辰升副总兵管分守宣府东路右参将事都指挥同知潘忠仍以副总兵官分守辽东锦
义右参将事大同迎恩堡守备署指挥僉事计安国署都指挥僉事充大同兵车营游击将军
湖广清浪守备署指挥僉事成大儒署都指挥僉事广东都司军政僉书

○丁巳 上御皇极殿奉册宝躬率文武群臣诣 仁圣懿安皇太后宫恭上 尊号行礼册文曰
伏以协义而礼斯兴特举帝王之盛节立爱自亲者始丕昭天地之常经庆集六宫欢腾万国
恭惟 圣母仁圣皇太后陛下侃天钟粹俪 圣居尊言图史而步珩璜每切鸡鸣之儆俭葛覃而
仁樛木果符麟趾之徵拥佑菲躬缵承大宝祉履方隆于燕喜褒章未悉于鸿名顷奉
睿慈简求令淑鼓钟琴瑟既谐乐得之心衡鋹纁纁有相吉蠲之礼式光内治爰举
上名虽荡荡无能名莫窥博厚而业业致其孝勉极形容谨率文武群臣敬奉册宝加上
尊号曰 仁圣懿安皇太后伏愿受天之祐如月之恒谋翼子而诒孙椒寝兆蕃多之瑞教正家
而及国萝图增巩固之庥臣诚欢诚忭稽首顿首谨言居正题臣惟祖宗旧制亲王冠礼后即
出阁读书今 皇上嘉礼 圣母庆典俱成天气清和正宜举行此礼臣谨查
先朝旧典拟传帖上请其合用书籍器物及讲读仪注容臣次第题请施行次日 上谕礼部潞
王出阁读书即行钦天监择日合用讲读官吏部选来已而授进士董樾等为翰林简讨充潞
王讲读官

○升大理寺左少卿饶仁侃为南京太仆寺卿

○礼科都给事中林景暘题近日以来朝仪不肃人心滋玩入掖则互叙寒暄声闻上彻及至
丹墀则转相回顾嘻笑自如侍班而唾涕不已序立而倾跌失容甚至称疾偷安任情高卧序
班顾惜而不糾御史容隐而不举是可欺也孰不可欺也他若朝天宫习仪虚位所当钦也乃
輿骑直驰于中道厮徒器杂于两庑承天门颁诏纶音所当重也乃未开读而奔逸以避雨方
入班而偃蹇以愆仪救护则携茵褥以自随祭祀则拥仆从以相掖他至燕会以合欢优戏以
作乐凡若此类苟不严为整饬何以挽颓风哉礼部覆如景暘议从之

○戊午 上御皇极殿奉册宝躬率文武群臣诣 慈圣宣文皇太后宫恭上
徽号行礼册文曰伏以期谐凤卜幸嘉礼之告成庆集燕诒溯深恩而罔极祇揭
徽称之显赫于昭至德之先华恭惟 圣母慈圣皇太后陛下明哲端庄安和贞顺序鸳鸾而奉
圣应覆云怀月之奇袞笏簪以钟灵表绕电流虹之瑞诞兹眇质获嗣丕基思
先皇顾托之言以劳爱子念冲人凝承之重式谷如师壶教聿彰
母仪维则在女中为尧舜跻海内于唐虞顷廑 慈念以重 宗祧爰简硕媛而仪家室考涂山暨
有莘之烈固内助之多劳若渭涘嗣大任之音实前徽之重赖匪推崇于圣善曷著顺于明章
庸竭惓诚强石高厚谨率文武群臣敬奉册宝加上尊号曰 慈圣宣文皇太后伏愿茂膺显号
永介繁禧寿考康宁五福歛龟畴而咸备子孙绳蛰万年绵凤历以弥昌臣诚欢诚忭稽首顿
首谨言

○以恭上 两宫徽号礼成赐辅臣张居正等银币有差

○减山东编驿传银两自本年为始每年减银七万四千二百五十七两九钱零止实徵一十
三万六千六百二十五两五钱三分零永为定例其节年未完站银自嘉靖三十一年起至隆
庆六年止共六万一千七百七两八钱六分尽数蠲免万历元年起至三年止共银四万二千
一百六十六两六钱七分每年带徵二分与前扣存秋冬二季银四万二千一百一十一两六

钱五分及见徵数内每年支剩余银二千一十七两九钱角□羊府登库如遇地方灾荒即以前银抵补

○考试御史罗应鹤等十三员各准实授余者再加练习听考

○己未以恭上 两宫徽号礼成

上御皇极殿百官上表称贺是日遂诏天下曰朕惟帝王之孝莫大尊亲稽我 祖宗列圣致隆所尊显号鸿名有加无已孝思维则俱有彝章朕嗣统之初属在幼冲罔知攸济惟我

圣母仁圣皇太皇

圣母慈圣皇太后拥佑海迪备极劬劳七载于兹万邦作乂岂予寡昧能胜负荷实赖我

圣母洪仁懿训之所致也溯惟恩德莫罄报酬兹当嘉礼之成益笃

慈帏之庆谨稽旧典申荐徽称祇告于 郊 庙 社稷率文武群臣奉册宝加上

圣母仁圣皇太后尊号曰 仁圣懿安皇太后 圣母慈圣皇太后尊号曰 慈圣宣文皇太后显揭鸿名于宇宙于昭至德之光华爰霈明恩用覃广爱所有合行事宜开列于后呜呼礼协义而称隆式备尊亲之典孝因心而广爱洪敷锡类之仁播告寰区咸宜知悉

○是口百官上表称贺命妇贺 两宫圣母各有表

○加恩外戚伯陈景行李伟各岁加禄米一百石原荫男陈昌言嘉言李文全文贵各升二级都督李鹤升二级都给应得诰命照旧带俸

○以写诏书成赐辅臣张居正等中书徐继中等各银币有差

○命翰林院编修沈一贯仍充日讲官

○庚申 上视朝

○吏部尚书王国光条陈八事一曰采实政二曰禁投揭三曰别繁简四曰议调处五曰恤卑官六曰停加纳七曰责守令八曰重捕官得旨览奏深切时弊有裨铨选务着实行捕官有地方之责若不注定文凭恐有事相诿还照旧注选但拣精壮有干局者升授不称职的着抚按径行问革

○升提督四夷馆太常寺少卿杨俊民为大理寺少卿

○遣礼部侍郎林士章陪朝鲜陪臣黄林等宴以赴京进贡故也

○工部覆河南巡抚官周镒等称郑府殿宇等处倾圯率多不堪摘其紧要应葺者仅及三分之一斟酌会计应动银两支给该府自行樽节修理仍令各府不得援例从之

○辛酉赐大学士张居正敕曰朕惟自古绍庭纘绪之君必有宅揆保衡之佐功每崇而勿替治乃进于无疆卿历事三朝咸有一德受遗

皇考笃棐冲人坐待仰思不敢少遑于夙夜殚心毕力惟薪有利于国家兹

祖宗列圣皆鉴知实社稷苍生所倚赖忽茕茕而在疚辄恳恳以求归朕固恻矣其靡常义则断乎其不可爰稽典故勉抑孝思听辞常秩之颁仍总繁机之断方赞成于嘉礼乃叠奏于封章特允暂还涣颁异宠导卫备官于文武骏騑驰传于往来待灵輶之就封奉扳輿而共迈是宣敕谕用示深里钦哉故谕已又特降手谕云先生此行虽非久别然国事尚宜留心今赐帝赉忠良银记一颗若闻朝政有阙可即实封奏闻外奉

圣母慈命赐路费银五百两纒丝六表里朕赐亦同先生钦承之故谕

仁圣皇太后亦遣中使赐居正路费银三百两纒丝四表里于是居止各具＜媼斃-金＞奏谢上曰卿未行朕已悬望宜蚤襄葬事星驰赴京

○升开原兵备副使贺溱为山东右参政管理前项地方事务以溱先有战功也○南京吏部尚书潘晟＜媼斃-金＞

○休致不允

○升副总兵管总督蓟辽军标下右营游击事署都指挥僉事董一元仍以副总兵管宣府东路永宁等处地方右参将事

○兵部覆原调山西义兵所以实蓟嗣因孱弱不堪扣派工食以给军需行之已久遽难更议但户兵二部既有山西年例山西兵银角□羊往蓟镇跋涉多艰今后每年将应角□羊蓟镇义兵银一万五千两存留本镇数内银五千两角□羊赴三关管粮衙门抵作客饷一万两角□羊发岢岚道抵作马价户兵二部照数扣除改发蓟镇支用从之

○升贵州普安守备以都指挥体统行事指挥僉事祁科署都指挥僉事四川行都司军政僉书○壬戌上御文华殿讲读

○是日讲读上御文华殿西室召大学士张居正面辞居正入辞兼谢前赐

上云先生近前来居正至御座前上谕云圣母与朕意原不肯放回特因情辞恳切特此允行即望速来以副朕倚托之意居正叩谢又言臣屡荷

圣母恩慈以服色不便不敢到宫门称谢伏望皇上为臣转奏乃伏地哭注

上云先生少要悲痛然天语未毕亦哽咽流涕居正叩首而退已而上赐食品八盒

圣母又赐银八宝豆叶六十两居正＜媼斃-金＞谢如前

○给兵部尚书方逢时应得诰命时嘉礼方成辽镇大捷逢时调度有功故有是命○升吏部文选司郎中郑汝璧为太常寺少卿提督四夷馆汝璧以考功管理朝覲大计应于三选之后例推而奉旨降俸不许升转至是有旨郑汝璧既历俸九年姑依拟升用考功经管考察三选升转乃近年速化陋习

祖宗朝何曾有此今后都以久任遵旨行已而汝璧为言者论劾降一级调外任

○户部覆领运官员沿途以过淮过洪先后稽勤惰临仓以交纳迟速完欠课功罪所有完纳依期者当年升叙如过洪后期则通候三年无欠乃准升职至于运蓟密昌平三镇者河道浅阻往返艰辛漕司务于应该卫分内每年轮流拨运以均劳逸此虽以过淮险阻不同而奔走边仓亦多劳勩果能三年无欠与议单例合者同过淮各官一体题升从之

○录辽东平虏镇靖等处死事旗军刘景松等一百三十五员获功死事官军张相等四十七员升赏如例

○癸亥原任巡抚江西兼理军务右副都御史潘季驯三年满秩季驯已升刑部右侍郎上令遵新命赴任供职

○赐原任大理寺卿胡叔廉祭葬如例叔廉扬历中外雅著端清养病家居时人称其恬退巡抚潘季驯为请许之

○礼部左侍郎林士章题恤典条例品官封荫祭葬及考满覃恩与讲官战功公侯伯一应恩典俱准令甲不得徇情冒滥有旨这恤典事宜既酌议停当著为定例遵守

○上潞王出阁讲读仪注○甲子上视朝

○是日大学士张居正出京上遣司礼监太监张宏郊送赐甜食点心各一盒

○改南京吏部尚书潘晟为礼部尚书升礼部右侍郎兼翰林院侍读学士姚宏谟为礼部右侍郎兼官及经筵讲官如故

○升应天府府丞陆树德为南京太常寺少卿

○南京给事中王良心等试御史张一鲲等各<娼弊-金>顷者皇上嘉礼告成荷蒙圣母慈谕劝勉皇上修德保身复敕元辅张居正纳海辅德又谕太监冯保调护辅导薄海内外莫不举手加额曰洋洋圣谟真社稷无疆之福也然人情虔始易励终难臣愿皇上一心懋学勤政咨访老成母训臣谟时时在念庶几君德成就而治功可成臣等又闻古圣王之事亲常朝者三问衣问膳必安而后色喜今圣母虽还本宫其心必有不能释然者尤愿皇上定常朝之仪孝养之礼视昔益隆则进见以时可遂天伦之乐而定省不旷益申孝子之情上嘉纳之

○户部题凡天下财赋贮之内库者专备制作赏赉之需而宫中之用咸给之其贮之太仓等库者专备馈饷徵调之需而国中之用咸给之古之为国常有九年六年之积今太仓岁发各边主客兵年例等银二百六十余万两其在京百官六军俸粮及营马料草口价等项亦不下

七八十万两每岁所入仅足敷用况三年九年之积乎至于光禄寺银专供祝享膳羞饩廩日逐支放不容少缺各处角□羊纳亦多拖欠且天下各府钱粮除岁粮徭银正赋外如盐课□税事例赃罚等项搜括殆尽别无生财之方唯有节用一事为今日切务在本部各项应支亦容臣等悉力经画多方裁省不敢滥费从之

○乙丑户部覆南京户科给事中傅作舟奏为南京百官朱票朱封纷买货物以致上江二县铺行买办陪累不少臣今拟为四款上请俟命下之日着各衙门施行一议革重纸以苏众行夫重纸铺行原供孝陵支用包帛国子监春秋二祭兵仗局药线数项取未不多价亦不少后缘各衙门公用以致赔累攀殷实户帮贴多至八百余人今尽行查革有行者仍归本行无行者径革不编一革去殷实以清弊源南京殷实原无货可居止因铺行消乏攀扯帮贴今后务要买物当行不得更立殷实名色以累居民一定期编审南京铺户五年一次编审乃有奸人夤缘率多过期有至十五六年不审编者今定限五年一编径自举行编完之日题知青册送部庶不稽迟其应立铺户应办物料轻者轮流承当重者通融应役庶不偏累一时给价以勉赔累夫物输于官有借贷使费之烦即给领以时已非民间贸易之比而况不必然哉今后南京户工二部将各行应办之料量其多寡少者先价后料其多者如合丝红花之类分为数次给价庶各行无贷支之苦而官府亦免侵渔之弊矣一戒取索以杜贪残南京各行既有领价之难搭货之损各物料办齐各监局官多立名色以恣侵渔今后一应进供物料验中即便收纳仍严约束库局官员并家人等役有仍前放肆勒取常例者许科道官参究得旨○户部题宛大二县铺户无分势要之家逐一编审不许妄告优免仍酌各行资本定为三则照数徵银务使各得其平至投册审户该府县五城兵马详加查核毋得隐匿及违慢等情至于书皂工食造册纸张供应等项原系铺行答应不无骚扰合行裁革从之

○武宗毅皇帝忌辰 奉先殿行祭礼遣官祭 康陵

○升宣府入卫游击署都指挥僉事张刚充提调宣府南山地方参将管蓟红山口关提调事以都指挥体统行事署指挥僉事王添职署都指挥僉事充总督蓟辽保定军门标下右营游击

○丙寅 上手敕谕辅臣吕调阳等曰朕冲年践祚凡事都赖元辅卿等所知今暂准给假 应事务都宜照旧若各衙门有乘机要行变乱的卿等宜即奏知处治大事还待亢辅来行调阳＜嬗嬖-金＞奏伏奉 圣谕仰见我 皇上任贤守法至意臣居正殚心竭力赞襄七年百度晋已就绪无容变更有司庶府奉法唯谨当无敢或乘机变乱者有则臣等即为奏处治遇有事情重大费处分亦先奏闻 皇上待居正至日定议请行

○丁卯改南京礼部尚书赵锦为南京吏部尚书

○升詹事府詹事兼翰林院侍读学士掌院事王锡爵为礼部右侍郎兼官及经筵纂修如故锡爵以病辞不允

○起原任太仆寺少卿辛自修为应天府丞

○先是昌平州分为十六里至是抚按官奏称本州两经虏患又陵寝重地供亿浩费将广位康安率勤三里归并附近里分止为十三里一应钱粮俱准蠲豁

○赐益王厚炷恤典及妃吴氏合葬如例

○戊辰 上御文华殿讲读

○封楚府华奎为楚子管理府事

○河南南阳地方乔济时聚党龚志尚等以左道惑众捏写帛符置造器械未几成擒而志尚等脱逃无踪所司奏闻得旨乔济时即便梟示龚志尚仍严限缉捕务在得获近所捕剧寇多系妖言煽乱通行地方严禁如有来历不明即便擒究

○庚午 上以尊上 徽号礼成恭请 两宫圣母会宴于乾清宫

○起原任国子监祭酒余有丁为詹事府少詹事兼翰林院侍读学士掌本院印信

○调广东右参政刘铉为湖广右参政兼管岳永等处兵备

○升贵州右参议刘世赏为广东副使管理练兵兼督海防○户部题覆总督宣大兵部右侍郎兼都察院右佥都御史吴兑等奏迺虏款日坚客兵无烦调遣主兵得就耕屯仓场之积米豆以一百二十余万计草三百一十余万计然前之积者日陈将致陈腐后之积者日多不免蠹耗合无酌为收支之法一议主客通融该镇之刍粮养该镇之兵马本为稳便近年以客饷属之抚道而户部专理主供于是遂生彼已不肯通融今将应用粮草不分主客通融支放明白开注簿籍遇缺乏则乘贱采买各准开销不必互偿随时徵买无使匱乏一议屯粮之本折该镇主客通放而每岁既多贏余乘机采买而所得常浮于所折良为两利之策今将除上田本色一十二万外查某为中地可折六钱某为下地可折三钱五分照数催完即与仓场本色在库银两通融支放一岁务足一岁之用如田复有不足则复徵本色以足数不得致有亏短一议仓场之兼掇边方钱谷最重而以武职司之既无代替交盘之法又有假借关防之弊侵冒百出诚为不便今除原设有官攒者照旧管理外不然或以就近而归并收掌或以副使而改注别仓拨吏铸印使专职守各令交盘明白照管承行一议盐引之均派边地本色全赖盐□报纳之利迺者远□托赴镇乘贱多纳假名截剩以图占窝土□买之以希微利既则远□去而土□为纳不无负累又有利赋预纳临贵计价一不遂私百计阻挠为害不少今后开派盐引不拘远近□人计主客淮芦之数中半分任计仓口远近难易之势均为运纳不许远□占住仍敢买窝以累土人 上是其议○壬申 上御文华殿讲读

○益王薨辍朝三日

○升刑部左侍郎陶承学为南京礼部尚书

○除原任福建左参议张尚大为贵州右参议

○癸酉以辍朝免经筵

○赐益府世孙翊鉏出郭送丧

○升宣府巡抚标下中军都司兼管坐营署指挥僉事魏廷臣充参将分守山西东路化州

○升统领蓟镇沈阳秋班官军游击署都指挥僉事黄孝敬充参将分守徐州等处地方宣府深井堡守备以都指挥体统行事署指挥僉事李廷相署都指挥僉事充宣府入卫游击○甲戌巡视芦沟桥浙江道试御史梅淳<娼弊-金>奏芦沟桥抽分房料荆条二者在官为无用之物在民为切己之利不如尽行厘革至于竹木局及巡视衙门年久湮剥而该局所贮物料颇有赢余风雨岁侵多致陈腐何如变价角□羊部动支修理较为两便部覆如议

○留武昌常德二府万历五年分下半年赃罚银五千两为兴国等州县为建城之用从巡抚陈瑞之请也

○乙亥荫刑部右侍郎潘季驯子为国子监生以三年秩满也

○兵部覆刑部主事管志道<娼弊-金>北虏款贡本属权宜东虏败遁未常忘报战守之图真不可少角□羊者至于捣巢一事未可轻率若宣镇市马数多本不足议量请增益以省扣军之累其边饷银两敢有克剥馈送者听抚按参究从之○丙子升巡抚浙江等处兵部右侍郎兼都察院右僉都御史徐枋为刑部左侍郎

○升云南副使张明正为广东右参政分守岭西道

○升镇守保定等处总兵官署都督同知傅津充总兵官印镇守延绥地方

○丁丑 潞王出阁讲读

○巡抚应天都察院右副都御史胡执礼<娼弊-金>称三吴水利工费浩繁今先开蓟州府之吴松江吴江县之长桥松江府之黄浦等请将本府原派剩未角□羊宗人府等衙门米折银八千两工部料价银一万二千两以充修浚之费从之

○戊寅 上御文华殿讲读

○浙江秦驻山南致瞰浦所地方原有旧河先是□旅骈集设瞰浦税课局以收钞利近以前

河淤塞舟楫不通原局裁革且潮来无备小民被患尤剧至是巡抚徐栻＜娵斨-金＞请因其旧迹再为开通即以浚河之土用之筑塘以御潮水欲动支海塘余剩银三千六百一十八两以为工费部覆如议

○己卯 上御皇极殿太常奏孟夏享 太庙

○升原任总理河道提督军务都察院右副都御史李世远为提督军务巡抚浙江等处地方

○庚辰 上视朝毕御文华殿致斋

○是日 上谕内阁昨见辽东塘报大捷比前更多朕心深喜今蚤奏闻 圣母欢悦殊甚朕冲年践祚恒念威德不究而边臣奋勇倬立非常奇功诚如 圣母前谕赖 天地 祖宗默佑乃国家之庆元辅平日运筹卿等同心协赞所致部＜娵斨-金＞上时卿等一录封此谕内著兵部马上差人星夜前去与张先至看将一应叙录比前加厚用示奖酬之意于是吕调阳＜娵斨-金＞言 皇上临御以来纯心任贤敬天法祖仁孝感通威灵远畅况当嘉礼告成之会前后仅两浹日而该镇报捷至再诚非常之大庆也 圣谕欲传示首臣张居正叙录从厚仰惟 圣裁允当臣等即当祇奉但部＜娵斨-金＞立功须待该镇奏报之日乃与题覆若其传示首臣臣拟即将该镇塘报封置谕内即日马上差人星驰南去计该镇＜娵斨-金＞报必查核方敢具奏亦须更待旬日之外彼日居正回奏计将先后抵京兵部＜娵斨-金＞入即可依拟奏闻 上纳其言

○升福建左参议欧阳柏为云南副使

○升原任分守大同新平等处参将署都指挥僉事朱永祚充宣府巡抚标下中军都司兼管坐营事务○命兵部左侍郎曾省吾都察院右僉都御史王篆清理军职贴黄

○升甘肃洪水守备以都指挥体统行事署都指挥僉事王泰为署都指挥僉事充固原领军游击

○辛巳 上御文华殿讲读

○升蓟镇石峡守备以都指挥体统行事署指挥僉事邓江为署都指挥僉事充统领蓟镇沈阳秋班官军游击

○兵部覆刑科给事王胤祥条陈五事一用近边武臣二汰边臣冒滥三慎赏罚大典四恤边方百姓五鼓士卒锐气均于边务有裨议拟上请从之

明神宗显皇帝实录卷之七十四

万历六年四月壬午朔 上亲享 太庙

○癸未 上御经筵

○赐朝鲜陪臣黄琳等宴命礼部右侍郎林士章陪之

○甲申升太常寺少卿贾三近以本官提督四夷馆

○乙酉以右春坊右谕德兼翰林院侍讲何籬文清理军职贴黄

○降原任太常寺少卿郑汝璧为福建左参议○总督宣大侍郎吴兑条上备边五议一曰酌战守今之战者以城堡低薄惧其倾危因用战兵洒伏其随营尾敌者不过数千马能与大虏甬胜负唯城堡而列障以守者可以量减遇虏入犯各镇互相应援至于犒士修器合用银两俱于见贮库银支用二曰酌设险虏款以来次第修举工程已完岁加保葺者军已更番矣其山西大同军夫暂于四六八月各休半月以修农事自万历七年为始各照宣府事例一体更番口粮盐菜务令依期支放不得侵扣三曰酌尝罚之制凡大举功罪俱重主将副参游等官次之其剿杀零寇须取首级报验不得混冒功赏若领兵官故事不许报擒斩但查部下斩首数多者计照头功奇功例一体起升四曰酌贡夷之制今年贡夷各称子女头领生长效劳者以渐加增以例乞讨升赏已于三镇抚赏内量行处给内拔紧要数人同虏王各枝子孙每岁总计不得过三十人照旧具题升赏着为定例五曰酌抚驭之制虏之款贡本出权宜小小寇边亦不能免今后有缘边窃盗查无别逞者即呈督抚衙门随宜处治倘各酋敢于渝盟即闭关绝贡仍图截剿以壮国威得旨

○丙戌 上御文华殿讲读

○改原任太仆寺少卿乌昇为太常寺少卿

○丁亥 上视朝

○先是俺答之子宾兔率众掠熟番甘藏等族头畜及岷州军马声言要在旧洮州境外开中市马至是兵科都给事中光懋上言西番以茶为命国初于西宁甘州洮河诸处立茶司岁事招番中马以羁縻之且以制御北虏若假茶市以与虏人我须以茶易虏之马虏转以茶系番之心各番所资以为命者既不在我而其势不得不与虏合伏乞敕下督抚官留心防御传谕虏王铃束各酋速归原巢住牧仍申明茶市禁例不许再请部覆如议上曰这防虏保番事宜都着督抚官悉心举行如虏人再索茶市及马市亦停止之

○戊子升广西副使吴善为四川右参政

○辛卯升河南副使孙鋈为广东提学副使直隶太平府知府钱立为广西副使

○壬辰 上御文华殿讲读

○大学士吕调阳六＜娼弊-金＞乞归 上曰元辅暂归朕正倚任卿岂可以疾求去所辞不允是日遣御医蔡文亨视疾调阳＜娼弊-金＞谢 上报闻

○以天气暄热命法司并锦衣卫狱囚答罪无佐验者释之徒以下即从未减重囚情可矜疑并枷号者具录以闻

○礼部覆荣昌王翊镜奏称家庙应祧神主一节照得亲王止立五庙会典开载甚明今家庙以盈七座则似上同于天子七庙之制揆之典礼殊为不合行令改正依昭穆定序以次奉迁随将淮王升祔以足五庙之数每遇岁暮则奉请祧主出临以享合祭礼从之

○癸巳 上御经筵

○升四川重庆府知府朱孟震为河南兵备副使

○赏广州海防参将胡震银二十两纁丝二表里总兵张元勋兵备孙光祖各银十两纁丝一表里以擒斩倭贼有功也

○兵部题俺答西行部落颇众其言请佛复讎皆不可信而陕西甘肃诸镇各官须照依分管信地堤防或抚或御相机行事毋得疏虞以后衅端得旨这抚御事宜该镇总督镇巡督率该文武官协心着实行事完仍分别功罪来说

○乙未 上御文华殿讲读

○是日赐辅臣吕调阳羊酒等物调阳＜娼弊-金＞谢 上报闻○减四川报存边腹未完钱粮自隆庆二年至万历二年共三十八万六千六百九十四两其湖广武汉黄岳承德长宝衡水辰常彬靖等府并夷陵归州枝江宜都远安长阳巴东兴山等八州自隆庆二三四年来未完者尽数豁免

○丁酉 上视朝

○改礼部主客司郎中王鼎爵为南京吏部验封司郎中以兄锡爵为礼部右侍郎故回避也

○升白石口守备以都指挥体统行事署都指挥僉事孙锦大同右卫城守备以都指挥体统行事署指挥僉事林鹏各署都指挥僉事充神机佐击将军锦四营鹏五营

○以五军二营练勇参将署都指挥僉事陈推为署都指挥僉事充神枢营右副将

○戊戌 上御文华殿讲读

○降原任山东副使洪忻为陕西参议管理榆林兵备○复除原任四川道御史刘维起为四川道御史

○己亥妖僧如𠵿 □登等声言建塔募化造捏谤言为东厂拏获得旨这僧稔恶惑众着锦衣卫着实打一百棍递回原籍为民仍着礼部出榜严禁游僧及五城御史力加驱逐以后违例来京并容隐的都令各城与缉事衙门访拏重治

○辛丑户部题福兴众延建邵汀等府及福宁州首报屯田该增米二千一百八十七石九斗八升六合三勺四抄漳州镇海二卫清出屯田该增粮二百一十五石三斗五升五合五勺九抄除米一百四十八石三斗二升七合六勺六抄抵补铜山陆鳌玄钟三所卫陷田粮外该粮米六十七石二升七合九勺三抄二项连前屯志额粮共一十五万三百三十六石九斗六升一合七勺五抄通行该卫照数完纳其有开荒充拓费工力者宽限听其自收以补工食待后方与收科从之

○升延绥领军入卫游击署都指挥僉事何极充参将分守陕西等处地方分守南赣署都指挥僉事郭坚加副总兵职衔管分守福建南路地方参将事神枢九营佐击署都指挥僉事秦岐充五军二营练勇参将

○阳曲王府奉国将军知燾镇国中尉新峙皆以殴死服亲降职有差

○壬寅 上御文华殿讲读

○河东岁额盐课止六十二万至是巡盐御史陈用宾奏称设法给单稽查完欠增至三十一万七千零引即以补作万历元年四月欠数其已追在库银三千一百三两九钱原系盐丁出办应当准作办课修堤之用不得别项那移部覆如议

○益王孙翊鋟奏臣祖益王受封之初禄米一万石因奉例免二千石今臣祖薨逝禄米截日住支但宫眷人口众多别无庄田可资查照德韩二府事例请给养赡米五百石得旨着遵会典支給今后不得增损有案典制

○癸卯升江西九江府知府李得阳为广东副使整饬岭东兵备兼分巡惠潮

○南京吏部尚书潘晟以改礼部尚书< 娼弊-金 > 辞不允

○升刑部右侍郎潘季驯为都察院右都御史兼工部左侍郎总理河漕兼提督军务已而季

驯<娼弊-金>辞 上以河漕多虞总理重任不许

○甲辰 上视朝

○革宁化王府镇国将军知親辅国中尉知𠄎 □炎禄米一年親隱匿妾媵娶妻𠄎 □炎听奸人改勘合故皆得罪

○乙巳 上御文华殿讲读

○升延绥清水营守备以都指挥体统行事指挥僉事杜桐为都指挥僉事充延绥领军游击统领蓟镇德州秋班官军游击署都指挥僉事尹湘充参将分守南赣地方蓟镇白马关提调以都指挥体统行事署指挥僉事郭珍为都指挥僉事充神枢九营佐击

○丙午大学士吕调阳等题称 圣谕每节供进

两宫及各宫例赐缺乏猫睛珠宝等物下部取用臣维 两宫圣母万福无疆而

皇上孝亲尊养方将樽节物力以广孝思勿贵异物以滋侈靡

上曰卿等言是但朕方以天下孝养 两宫岂敢俭其亲今于旧例一百二十八万两只着户部每季加银五万两一应买办以展孝思卿宜仰体朕意行

○升四川僉事任惟一为浙江右参议

○工科都给事中王道成题当今之事莫急治河日者黄淮水发势且滔天以数千里之巨津而仅洩于云梯之一线于是南北并受其害谓宜塞崔镇之决口筑桃宿之长堤修理高家堰开复老黄河仍严督当事诸臣务在<娼匍弊-金>通壅滞庶几有济议下所司

○户科都给事中石应岳题窃惟人主好尚所系甚重 列圣相承敦行俭约是以会典开载各省课程止于钱钞金帛并未采纳珍宝玩好等物章章明著可为龟鉴迨嘉靖末年隆庆初年虽尝降谕户部暂为收买亦偶一为之非例也 皇上登极之初诏停采买谕樽节用正供之外未常妄费万历四年间常取用盖为大婚伊迳经费必资非得已也今嘉礼告成大典毕举臣民仰睹制度之节者皆以 皇上俭约之心始终如一真能慎守 祖训虽古之明圣何以让焉乃于本月十九日接得尚衣监太监崔敏等一本题为年例金两宝石珍珠等项事内开金两睛绿宝石珠料香品等件各数目不同欲令户部作速买进奉有

明旨天珠宝睛绿寒不可食体质虽微价值不赀即旧例所有者方望我 皇上置之不用禁之勿采示宫壶以俭约之风防天下以华靡之渐使千万世而下知所为迥出于寻常万万况祖宗朝原无此年例即隆庆二年传奉

穆宗圣谕买此猫睛绿宝石珍珠来随该户部题请停免奉旨且罢夫不以 祖宗之明训不取及罢取者为言举一二次之偶取者以为例今且引以为年例矣其可哉诚恐此名一立则买办渐广财用渐拙而国计民命深可为隐忧矣伏乞赐行停止明示后不为例以杜将来惟金两于云南年例内香料于广东买进内酌量取用则好尚克端而 圣德益光矣

○丁未 上视朝

○户部尚书殷正茂题嘉靖末年间买珠宝或十年一行或八九年一行乃今万历四年五年以大婚之故本部如数买进两次臣等窃为十余年足用矣昨者忽奉前旨取用许多以为年例伏乞减省数目宽臣时月陆续收买恭进得旨这岁用珠石内库已少既这等说不必买罢且将夏季金花银五万两并进

○戊申 上御皇极殿传制□遣翰林院侍讲韩世能等持节册封崇府崇王翊＜禄幘登白第一子泰和王常？□逮改为崇世子蜀府蜀王宣圻嫡第一子奉铨为蜀世子德府德王翊鎔世孙常邦清为嫡世子嫡第二子常安清为安陵王嫡第三子常澍为纪城王楚府楚恭王英煊庶第一子华奎为楚世子沈府辽山恭靖王勋澄嫡长子胤杞袭封为辽山王夫人崔氏进为辽山王妃山西潞安府长治县儒士栗永庆女栗氏为德化王埏玘妃唐府新野康静王宙木□充庶第七子镇国将军硕灿袭封新野王夫人李氏袭封为新野王妃嘉定王妃嘉定王府新昌端僖王厚燝长子载璋袭封为新昌王南城兵马副指挥张檀夫女张氏封为永和王慎金□审妃

○己酉调原任湖广副使史嗣元为四川副使分巡川东兼理兵备以考察不及用也

○推原任昌平总兵下标兵营游击署都指挥僉事陈伯恂充统领蓟镇德州秋班官军游击

○庚戌大学士张居正奏自 圣恩许臣归葬之后即宜遵旨同臣母星驰赴阙但母高年多病进退踌躇容臣停止秋爽一同入京＜媼劬-金＞入上遣文书官持至内阁曰朕日夜望其蚤来如何又有此奏即写敕差锦衣卫堂上官赍奉即便驰驿星夜前去守催务于五月末旬回阁办事以慰朕怀仍留先差太监魏朝待秋凉伴送卿母北来

○吏科都给事中陈三谟继上＜媼劬-金＞请敦趣元辅作速还朝＜媼劬-金＞中自谓效忠修职第一义词意极为恳切

○以翰林院侍讲李长春等编纂六曹章奏修撰张元忭充会典纂修官

明神宗显皇帝实录卷之七十五

万历六年五月辛亥朔弋阳王府镇国将军拱＜媵胸X＞觐管府事用银装盛酒饌投送南昌府知府王三锡三锡会官举发抚按奏闻革拱＜媵胸X＞禄米一年不许管理府事

○太子少保都察院左都御史葛守礼卒赐祭葬如例赠太子太保谥端肃守礼立朝四十余年周旋于权要之会而正色独立危言危行去就不关其心里居恂恂若儒生时人重之

○壬子 上御经筵

○天津右卫军余张荣等十余人聚众立炉私铸发觉刑部责令该卫掌印巡捕官拟罪上请有旨这私铸奸徒聚众贩易各地方设有巡捕及巡简司官乃全置之不问如何独责卫所等官还着巡按官备查该衙门巡捕盘诘员役通行提究奏闻○癸丑 上视朝

○乙卯赐辅臣吕调阳等上尊殄饌时元辅张居正给假未归仍赐于第

○戊午夏至祭 地于 方泽遣英国公张溶行礼

○己未以斩获土蛮速把亥共四百七十员级 上御皇极门鸿胪寺宣奏捷音仍遣官祭告 郊庙以彰盛举

○升四川僉事石檟为甘肃行太仆寺少卿兼陕西僉事整饬庄浪兵备兼理马政

○庚申 太祖高皇帝忌辰 奉先殿行礼

○大学士吕调阳八＜媵髀-

金＞乞休具言杜门旷职不当支俸又阁中封进本章犹列臣名亦涉虚冒上曰卿引疾已累旨谕留如何又有此奏署名准暂免支俸照常

○录辽镇斩获功赏总兵李成梁银八十两大红纁丝蟒衣袭荫一子世袭本卫指挥僉事游击陶承谥升署都督僉事赏银五十两纁丝四表里仍荫一子世袭本卫所百户总督蓟辽巡抚右都御史梁梦龙赏银六十两纁丝四表里仍荫一子入监读书巡抚都御史周咏升右副都御史赏银五十两纁丝四表里副使翟绣裳升一级参将李澄清等二级仍与兵备僉事张崇功等各赏银有差出边官军除候核勘外升恤如例仍发马价银一万两差官给赏本兵方逢时调度有功并与先任巡抚张学颜赏银币有差

○辛酉升南京兵部武选司郎中李可久为四川僉事分巡上川南道

○户部尚书殷正茂以老病＜媵髀-金＞乞休致不允

○兵部题沿河口系保定镇要害墙垣颓倾防御为难要砌新城三百五十四丈于紫荆关中千户所库贮修台支剩银内动支二百九十两为修筑之费从抚按之议也

○以高邮湖堤告成赠恤原任工部侍郎吴桂芳如例准扬海防副使程学博等十员升赏有差

○免河南班军三年即令折价角□羊到宣府巡抚衙门收贮以备修工及军器之用

○壬戌上御皇极门百官以辽东大捷称贺

○晋府郡王迎诏行礼错乱抚按官以闻礼部酌议以后凡遇诏赦亲王率郡王将军中尉于殿前台上行五拜礼毕亲王遵照祖训升殿侍立龙亭之傍其郡王以下侍立台下俟文武百官行四拜礼毕俱跪听宣读仍分班侍立候文武百官行八拜礼毕以次而退得旨纂入会典永为各宗遵守

○修砌宣府上西路宁远站等堡以见在步军夫役分为二班更番修筑其工料等银即于河南班价内动支

○旧例清黄各添差科部一员至是兵部以请
上曰这所拟就着曾省吾督令王象乾悉心经理不必添差○上御文华殿讲读

○添设陕西阶州同知一员驻劄西固所城专管收放民屯钱粮并管四里百娃及洮州卫二里土民亦令监收之

○改迁萧县治及城垣衙宇儒学淮留徐州角□羊部税银一千四百七十九两二钱五分二厘其不敷银八百九十两二钱六分亦于所属收贮抚按赃罚内动支凑用

○乙丑南京陕西道御史孟一脉奏伏见 皇上年来覃恩文武藩服与内外百姓及一切罪人无不广被乃御史傅应祯父年七十谪戍穷边进士邹元标母年六十谪谴绝域他如员外艾穆主事沉思孝虽父母之存歿不可知而亲亲之意亦未始不思聚首于家庭而乐天伦之乐者夫鸿钧之世何物不熙一夫向隅满堂废笑伏愿 陛下同仁一视俾祯等得照例生还得旨孟一脉借言恩诏轻肆奏扰姑从<整彩见>革职发回籍为民○夺安定王府管理府事镇国中尉廷埽禄米一年该府辅导等官一并提问廷埽坐冒称安定王嫡长玄孙为部驳发故也

○丙寅上视朝

○户部尚书殷正茂再<嬗擗-金>乞休不允

○戊辰封万安王褒火□危已故长子褒輝未配李氏为长子夫人褒輝病故李氏随即进府守制事姑故有是命

○免江西原编协济顺天保河真定凤阳山东等府并徐滁二州马价自万历三年以前拖欠银两其四年五年以十分为率除已前完角□羊外七分追角□羊各驿接济三分听留烧造瓷器纸张等用六年以后照今议派七分之数永减三分以为定例

○己巳升河南右参政吴文佳为贵州按察使○庚午 上御文华殿讲读

○辛未以吏部左侍郎严清为刑部尚书已而辞免 上曰卿端介清敏已而辞免 上曰卿端介清敏遍历司法邦刑重任特兹简畀不允

○升河南副使唐汝迪为右参政

○湖广木壕寨黄廷全等负固流劫地方官兵设计擒捕斩获廷全等议将厘坪寨移于木壕寨以其田地召令里民佃种纳粮免其均徭里役通令各家编金壮丁八十名协同该堡戍守仍将贼居改造衙门营房其指挥马希孔等分别奖赏纪录不一

○癸酉 上视朝

○先是江浙矿徒流毒议以金衢兵巡道兼理徽饶严三府与玉山永丰遂安松龙三县兵备至是寇平该部请将移咨吏部以整饬饶金衢等处兵巡道止管金衢二府其饶州一府与玉山等县仍归并本道管理另请换给敕书从之○甲戌升山西右参议梅友松刑部广东司郎中庄钦大俱副使友松河南钦大四川

○巡按广东御史龚懋贤题该省广宁一县居当大罗山之下为两省盗贼之冲先年议省良有所见乃知县叶寿春谓其城孤人少借住四会三年且构衙廨设库狱以图久远则是显然弃城矣守巡道蔡汝贤等均有察吏之责各以升任丁忧去不能觉举其应否罚治听自 上裁得旨寿春旷职玩法革了职为民汝贤等罚俸半年今后若有扶同欺蔽的一体重宥不饶

○录征剿广西昭平等处斩获功赏平乐府署印同知林焜章等各银十五两黄保等各十两

○丙子 穆宗庄皇帝忌辰 奉先殿行祭礼遣定西侯蒋建元祭 昭陵○丁丑升神枢二营练勇参将署都指挥僉事管英加副总兵职衔分守金山地方参将事大同镇虏堡守备以都指挥体统行事署指挥僉事戴采署都指挥僉事充神枢九营佐击

○复思州府治仍旧建在都坪司工料等费即于该府剩银支用

○戊寅湖广抚按官王之垣等奏称元辅张居正于五月二十一起程还阙

上曰元辅正在籍起程朕心甚慰章下所司

○升山西佥事王子蕙为左参议分守河东

○除原任山西佥事季遐龄为佥事管理兵备

○都御史陈价题巡按御史赵应元差满出境之后忽尔称病乞休诈托规避甚失台规亟宜罢黜以为欺肆之戒上曰御史差满依限赴京考察回道宪禁甚严近来托病回籍殊为蔑法赵应元革职为民今后有仍前故犯的照例行于是户部浙江司员外王用汲奏臣读邸报见大学士张居正一本内叙葬父之时巡抚湖广都御史陈瑞抚治郟阳都御史徐学谟及地方司道等官毕来会葬之情独巡按御史赵应元奏内不见叙及夫抚臣千里来临足以荣亲固居正之所深嘉按臣特乘风裁不为私交亦必居正之所甚重臣窃为台中有人庆矣未几赵应元患病乞休<娼弊-

金>入掌院都御史陈价遂以托病欺罔参之夫疾病人所时有内臣得以病告自祖宗朝至陛下今日概不绝其向用之途今在廷小大臣工其曾经告病者何限如近日巡按广西御史陆万钟等皆奉差方回中途遽以病告与应元一体也何不论其托病而卒听吏部题覆乎陛下试举以诘陈价将谁为欺乎谁为不欺乎陛下但见价之论劾谓应元恣肆任情巧为趋避即罢斥之有余辜也至其意之所从来不为其事而为其人不为此事而为他事陛下安得而知之孟子曰长君之恶其罪小逢君之恶其罪大臣谓逢君之恶其罪小逢相之恶其罪大今之时则逢君之人少而逢相之人多若价者又其彰明较著也陛下之圣柰何不日取大小章<娼弊-金>私自省览然后宣副辅臣俾得□确可否施行不然万一时移势改有一儉人居鼎轴之地亦循今日故事而悉以委之则政柄下移极重难返何所不至臣非不知应元之斥已奉明旨但见群情汹汹率与臣同而卒惧辅臣威无敢怀忠以入告故不避斧钺之诛效其枉瞽得旨祖宗宪制御史不法都御史得指实参治赵应元托疾乞休蔑视法纪朕特黜之这厮乃敢逞肆浮辞越职妄奏好生怀奸比党挠乱国是本当重处姑从轻革了职为民再有这等的并这厮重治不饶亡何价<娼弊-金>辩乞罢斥上曰近法纪纵弛朝廷但一加振飭儉邪辈以不便己私即为无端捏谤百计挠阻殊为蠹政卿正已执法朕所鉴知妄言的已处分了宜安心供职不准辞

○己卯留福建角□羊部济边外见在仓粮二万六百余石并未完侵那银四万六千六百三十六两米三万六千九百一石以备地方紧急之用从巡按御史□为正之请也

明神宗显皇帝实录卷之七十六

万历六年六月辛巳朔 上御皇极殿受朝

○巡按直隶御史林应训题臣为开浚吴淞江中段久驻昆山乃知安亭东西等都沙土瘠薄国初每亩仅从五升一斗起科复经派以官布等项轻贲故小民犹得存活至嘉靖十七年于今徵三斗重额以致贫民逃窜田地益荒今欲复荒田必先开水利欲复荒民必先停逋追次议减则盖各区地方地废人亡钱粮无所出且各区岁徵平米大约六万有余石而极荒逋负仅万余耳其兑军正粮率皆粮里赔贝□皮而极荒逋负仅折银数十两耳在国家缓此为足为损在穷民负此实不能完臣谓宜令该县极荒之田未完逋负尽行停追将来荒芜可垦而新赋犹可望其不废也至若田有上下区之分查得嘉靖三十八年间曾将下区每亩减耗七升八合止科二斗二升九合二勺共该减米一万一千余石当时荒民稍稍安集未几而法随坏矣臣均查滩占田地以资工费即昆山一县已经查出涂田万余亩若就中分别新旧科粮大略可补该县荒田减则之数至嘉定县东北皆上区滨临江海历年新涨涂田亦不下数千亩久享厚利俱未升科以之补荒有何不可臣谓宜将二县新涨滩田委官尽数丈量明白定为等则升科若干然后将荒区之田斟酌贲罚庶几粮轻而民无畏将来荒芜可垦而正赋可望其能充也部覆如议

○癸未 上视朝

○免保河间所属十四州县河南所属永宁五县拖欠带徵柴直银共一万三千三百七十二两七钱三分零其河南见徵的姑准完限仍飭各省直务要当年完角□羊不许过期岁终查参从之

○乙酉兵部题山西冀宁守巡二道驻劄省会所属州县有司之事本宜综理但中间道里辽远遥制为难况事权不一遇警调发动多掣肘今议鴈平兵备道管辖代州繁峙五台崞县四州县岢岚兵备道管辖岢岚保德州兴岚河曲五州县其余各道分管州县地方及守巡兵备分任各有职掌不得相紊鴈岚二道原拟责任添入分管州县即为换给敕书从之

○丙戌衡州府民李仲都计同罗才爵谋娶已故罗才鼎妻邓氏不从率众强殴伊翁罗宪清致令自尽巡按以闻得旨这凶犯谋夺节妇统众强劫毁屋伤人情罪深重着依原拟监候详决○丁亥 上御文华殿讲读

○大学士张居正奏臣于本月二十一日更服墨绁星驰就道但臣原籍去京师几三千里加以道途霖潦每至迍遭哀毁余生难胜劳顿今计五月终旬之限已属稽违此心不遑宁处除候到京之日待遣外谨先奏闻以慰圣怀得旨知卿已在途朕心慰悦炎天远道便从容< 嫖讼 工 拘胁环

○升陕西汉中守备夏年为都指挥僉事铨注河南都司军政僉书

○戊子调原任浙江副使郭天禄为山东副使管理清军驿传以考察不及故也

○己丑给庄浪卫新袭土官指挥使鲁光先敕书

○壬辰 上御文华殿讲读

○癸巳 上视朝○甲午户部题万历五年各边钱粮今当类造揭帖进览据各巡抚等官奏报实在各数目查算明白随本进呈以便御览宣府镇实在粮四十九万四千三百九石五斗六升料六十六万六千二百六十石八斗五升火□其炒四百三石四斗草二百七十七万七千五百五十九束银八十七万一千四百一十八两二钱查得本年实在比上年少粮料六万七百二十余石草四十九万一千二百一十余束多银五万二千二百五十余两大同镇实在粮二十七万三千五百七十一石三斗三升料二十五万六千六百六十九石八斗草一百七十万二千一百六十五束银七万一千五百八十五两六钱六分查得本年实在比上年少粮料二万六千三百六十余石草三十六万二千二百四十余束银一十八万七千五百一十余两山西镇实在粮一十万七千三百六十八石七升料一十一万七千二百五十四石二斗一升火□其炒五百六十一石八斗八升草一百一十四万四千九百五十九束银四十六万二千一百九十六两三钱六分铜钱二千五百文查得本年实在比上年少粮料二万四百四十余石草三十六万二千八百五十余束多银五万八千七百七十两蓟镇实在粮二十一万一百三十二石一斗料九万九千七百四十六石二斗七升火□其炒九十八石四升草一百六十八万四千九百八十一束银三万一千八百八十八两九钱二分查得本年实在比上年多草一十八万四千五百五十余束银七千四百一十余两少粮五万八千二百余石料一万三千八百六十余石永平镇实在粮一十九万一千四百五十四石四斗三升料六万四千五百九十五石九斗一升火□其炒六百九十三石二斗四升草六十五万五千五百六十七束银六百八十七两二钱三分查得本年实在比上年多火□其炒一百二十余石少粮三万二千九百六十余石料三千余石草三十六万二千九百二十余束银九千六百余两密云镇实在粮一十五万四千五百七十三石二斗五升料八万七千九百六十四石九斗九升草二百四十二万四千一百九十九束银一十六万七千五百三十五两二分查得本年实在比上年少粮五万七千七百六十余石料七百四十余石多草四十四万九千八百二十余束银五万六千三百余两昌平镇实在粮一十九万九千四百六十八石四斗七升料二万二百一十七石五斗七升草六十四万七千八百八十六束银一万二千五百七十八两八钱一分查得本年实在比上年多料八百七十余石草一十一万一千三百余束少粮六千四百五十余石银七百五十余两易州镇实在粮三万五千九百五十石五斗九升料一万六千六百一十三石八斗五升草六十九万二千六百五十八束银二十八万六千一百四十六两一钱七分查得本年实在比上年多粮一千八百二十余石料九百六十余石草六万四千四百八十束少银二万六千七百六十余两井陉镇实在粮五万五千四百五十五石三升料二万二千五十二石八斗一升火□其炒二十二石草一十五万一千二百二束银六万四千三百七十二两三钱四分查得本年实在比上年多粮一万八千六百六十余石料二千八百余石草三千三百二十余束银七千五百七十两少火□其炒一十二石辽东镇实在粮一十一万三千一百石四斗三升料五万八千二百三十石四斗草二万七千二百二十四束布六十二疋银一十

一万四千八百七十八两七钱二分查得本年实在比上年少粮八千五百余石料三千二百三十余石草二十二万一千余束多布六十二疋银五万五千三百七十余两今实在银两内有客兵存积银四万七千一百余两延绥镇实在粮二十万九千四百二十三石三斗火□其炒二百九十四石五斗八升料一十二万七千九百七十四石五斗八升草一百六十五万四千六束银四万七千一百一十一两七分查得本年实在比上年多粮三万三千八百余石草一千六百三十余束银一万六千三百三十余两少料七千七十余石宁夏镇实在粮五万一千二百一十石八斗九升料一十二万四千三百三石五斗八升草三百三万五千七百七十二束银三万五千三百七十五两七分查得本年实在比上年少粮一万三千四百一十余石料二万五千一百三十余石草四十九万五千八百七十余束多银七百八十余两甘肃镇实在粮一十五万七千五百二十四石二斗六升料二十九万八千一百六十一石一斗九升草二百八十八万九千一百七十束银一十九万七千七百七十两一钱六分分布二万五千六百五十六疋查得本年实在比上年多粮一万六千四百九十余石料六万二千四百二十余石草五十万二千八百余束少银一万六千一百余两布一万三千三百四十余疋固原镇实在粮一十一万五千七百六十六石一升火□其炒一百三十四石二升料一十二万三千四百九十七石二斗七升草二百一十三万一千九百四十二束银五十七万六千五百八十三两一钱三分分布九千七百五十四疋查得本年实在比上年少粮四万三千九百八十余石火□其炒十五石料七千九百八十余石布四千三百八十余疋多草五万五千一百八十余束银六千一百三十余两

○南京福建道试御史王许之奏宗禄不给冗官当裁如臣府瑞州属止三县设粮捕通判二员首领官四员主簿各二员其县不如南昌丰城临川庐陵之大而官多过之皆可减也高安所属洪城阴江二巡简司设在闲村官止住县听差是可省其一也臣又尝任属高州矣通判亦二员计其合府钱粮不及江南小县追徵皆属县官通判徒虚是可省也天下卫所有指挥千百户镇抚不等此辈虽云恩荫不可去而比试之规犯罪之条则当申 祖制以酌行之以用舍之法寓选将之术是武职一清也夫汰一官不但省一禄且免一官之扰即其所省俸薪照旧编徵改充宗禄以彼之盈济此之虚未必无补至于长史教授管官当择贤能任之凡各王府定之以宫室器用之数限之以名封婚嫁之期一有不法辅导官得谏正之辅导官贤否又听抚按举劾内外大小绳绳相制惟止之供俭而益裕本支生息盛而不滥是亦安宗藩权宜之策也议下所司

○修宁前卫要边台一十九座以万历七年为始调宁前参游二营无马步军二千四百一十七名每年共修台六座每名日给米一升五合盐菜银五厘于南卫夫丁银内支用

○乙未大学士张居正抵京 上赐宴于真空寺慰劳备至 两宫慈谕惓惓仍各遣太监颁赐银两果酒有差居正＜媼擗金＞谢○兵部题马匹登耗虽有司存而督率责成要在将领乃甘肃一镇止责守操以下不及总副参游今后各将领须亲诣各营城堡稽验马匹买补分数但系专管营伍有不及数者不论将领等官照依军务事规住俸从之

○丙申 上召见居正于文华殿西室曰先生此行忠孝两全了居正奏谢又问沿途见稼穡何

如黎民安否边事近日何象居正一一叩答寻赐银币羊酒又遣司礼监引至慈庆慈宁朝谒两宫圣母谢恩而出

○发太仆寺马价七千两充蓟辽各镇岁饷

○山西督抚高文荐条陈该镇事宜一布兵马以资训练一议驻守以据要害一精衣械以壮军威一葺墩堡以便将领一修边城以严保障部覆如议

○丁酉睿宗献皇帝忌辰奉先殿行祭礼○追封乐昌王充熏生母成氏为乐昌荣简王次妃

○己亥上视朝

○升福建行都司掌印署都指挥僉事于嵩充参将分守广西永宁地方

○辛丑上御文华殿讲读

○吏科都给事中陈三谟＜娼弊-金＞参福建巡抚右僉都御史庞尚鹏给繇所报年岁支吾及以前回籍闲住之日遂作实历本内字样粗大误用印信已而尚鹏＜娼弊-金＞辩上令鹏回籍听用

○升兵部右侍郎郅光先为本部左侍郎兼都察院右僉都御史总督陕西三边军务

○壬寅大学士张居正＜娼弊-

金＞奏曰阅员外王用汲全本始知用汲之言阳为论价实阴以政臣儉邪小人已蒙圣断处治似可置之无论但其所言有朝廷政体所关天下治乱所系臣若不言将使忠邪混淆是非倒置卒致国是不定政本动摇非细故也臣顾命大臣义当以死报国虽赴汤蹈火皆所不避况于毁誉得失之间

皇上不用臣则已必欲用臣臣必不能枉己徇人违道干誉如有捏造浮言欲以荧惑上听紊乱朝章者必举祖宗之法请于皇上而明正其罪此臣之所以报先帝而忠于皇上之职分也有旨朕冲幼践祚赖卿受遗先帝尽忠辅佐以至于今纪纲振肃中外又安此宗社神灵所共昭鉴唯是奸邪小人假公伺隙肆为谗譖者累累有之览奏忠义奋激朕心深切感动今后如有讹言谤张挠乱国是的朕必寘之重典卿终始一心副朕倚毗至意

○工科都给事中周邦杰＜娼弊-金＞劾南京兵部尚书翁大立部覆大立历官中外干济良多留枢事重似难轻为更置有旨着照旧供职

○吏部题陕西苑马寺东路分管少卿王鞏照不谨例冠带闲住以御史李时成论劾也

○癸卯升浙江都司军政僉书叶欢铨注福建行都司军政掌印管事

○兵部题秋令方行胡骑易逞各边镇道将急宜加意堤防其在宣大山西贡市处所务要照例抚赏依期贸易而中存限制之意至于酋长远行部落涣散必使处置得宜携二不生其在陕西四镇虏既西逾甘凉则延宁两路似亦无虞然防御策援皆当有备今据顺义东归尚需岁月而所部人众衅孽易生尤当堤备勒兵守险以保万全其在蓟昌东虏之窥伺未忘属夷之反测难定南兵狃于骄逸卫兵困于修工平居视若有余缓急用之恐不足不可不熟计而预为图也其在辽东该镇属获奇功又须防彼诱伏戒我轻贪分犯则按兵各守众人则并力合攻此为要矣如真保则鳩集壮勇谨守关隘以备应援甘固则辑抚羗番离其交构以固藩敌皆所当加意经理也又查得节年秋防颇成虚套今将所辖正奇参游诸营兵马预成整编开具某营堪战马军若干弓矢若干副甲胄若干领刀杖大銃枪炮若干件所驻城堡粮料若干石草若干束各总兵官当七月之中将各营人马逐一较阅城堡逐一看视明其功罪严行赏罚不得安坐镇城合营调操徒滋劳扰有旨节年分布秋防委多虚套今次所议事理各总督镇巡等官着实举行毋得因循推诿徒事弥文○甲辰户部尚书殷正茂屡＜娼斃-金＞乞休至是得旨准致仕

○减顺义怀柔二县马额三分之一自万历七年为始俟人力稍舒再行议派各州县不为例

○乙巳赐文武大臣及日讲官鲜枇杷

○改总督仓场户部右侍郎沈应时为吏部右侍郎

○升巡抚大同都察院右副都御史郑雒为兵部右侍郎

○免广东借用角□羊部银一十三万六千一百一十三两先是总督凌云翼＜娼斃-金＞奏海贼曾一本猖獗所留前银不敷今者寇乱虽平生理未复况前银在查盘之数又是地方一二百年余积又非额派额徵之比覆请除豁止将见贮该司并新宁县库共银一千七十五两三钱六分起角□羊赴部覆得旨

○朝鲜国陪臣李玄培以进贺 两宫圣母徽号至宴如例

○总理河漕都察院右都御史潘季驯条陈治理六事一曰塞决口以挽正河二曰筑堤防以杜溃决三曰复闸坝以防外河四曰创滚水坝以固堤岸五曰止浚海工程以免糜费六曰寝老黄河之议以仍利涉部覆如议有旨治河事宜既经河漕诸臣会议停当着他着实行各该经委分任人员如有玩愒推诿虚费财力者不时拏问参治

○丙午大学士张居正入阁办事 上与 两宫圣母赐银八宝有差○给都督王伟房价银一万五千两庄田五百顷锦衣卫千户刘应节杨臣各房价五千两庄田一百顷

○孝庄睿皇后忌辰遣彭城伯张熊 裕陵行礼

○升都察院左佥都御史王篆为本院左副都御史

○湖广靖州学生员贾邦奇先后私传妖道金云峰曾光等捏造大乾起运录等妖书诣永顺保靖酉阳三土司投递糾合猖乱未几为宣慰彭龟年所获曾光逃窜抚按以闻得旨贾邦奇等会官审决曾光严拏奏结彭龟年赏银十两余者吏部纪录叙用

○升江北运粮把总杨一经署都指挥佥事浙江都司军政佥书○丁未上御文华殿致斋三日

○戊申 孝穆皇后忌辰遣宣城伯卫国本 茂陵行礼

○升南京都察院右都御史汪宗伊为户部尚书总督仓场

○升山西按察使贾应元为都察院右佥都御史巡抚大同赞理军务

○己酉 上召居正于文华后殿时御案有三<嬪嬙-

金>一为户科停买珠宝二为科道请开滹沱河留中已久 上以手授居正居正奏今皇上既立 中宫又恭上 两宫圣母徽号诸费不貲但查京库银两原止百万外俱是太仓济边不敢动支容与部臣酌处 上又曰滹沱河非运粮之道已之居正遂言今者修治河工钱粮不敷又不敢请帑该臣议将江南漕粮通行改折一年除正粮角□羊部外其折耗轻赍及运军行粮等项俱令接济河工既不取之内帑又可以<整彩见>东南民力似亦可从 上允行之

明神宗显皇帝实录卷之七十七

万历六年七月庚戌朔 上亲享 太庙

○辛亥升协理京营戎政都察院右都御史张学颜为户部尚书户部右侍郎王好问为南京都察院右都御史提督军务兼巡抚福建地方都察院右佥都御史刘思问为本院左佥都御史回院管事

○壬子上视朝

○巡抚湖广右副都御史陈瑞条上〈煇擿金〉通钱法四事一增置钱局泉货之开铸不多则流布不广若会省止开一局则钱既不多行自难遍宜于省城开局外再于荆衡二府各开一局分工鼓铸一酌地供钱该省地理险远角□羊运艰难则钱当就近分发为便省城钱局照数领钱外以后武汉黄德岳州五府属角□羊布政司承天郢襄辰常五府属角□羊荆州府永州长宝郴清五府州属角□羊衡州府庶几角□羊运易而脚价可省一定派工役荆衡二府开局工作颇多若再行召募匠役则工费日滋宜于省城钱局拨精熟匠役每处各二十名其余于州县民壮内每处拨给伶利者二名武汉等五府属赴省城荆承等六府属赴荆州衡永等六府属赴衡州各依分定局所充役一议行劝惩官司勤惰钱法流滞所关局宜定上中下三等分别具奏每年终听该道查核抚按从公奖戒庶几人心知劝而钱法无壅滞之患报可

○南京贵州道试御史王廷稷条陈当此东作之时宜令有司劳劝流民悉报复业游惰悉驱耕作田地荒芜者令民开垦堰塘湮塞者到处〈煇擿金〉浚其或凶年钱粮不能尽完尤要斟酌缓急毋专事催料妄连无辜赔纳其各地方建立社仓以备荒歉或劝富民量力输纳或令徒流等罪情犯稍轻愿输纳者有司申请准令输免每社择殷实公正社长司其出纳官给印簿稽察得旨

○雷击南京承天门左檐阁脊狮仙

○工部覆总河都御史潘季驯等奏河工浩大须多官分督往年一逢升迁竟自代去以致钱粮不明勤惰莫稽今后凡有升调留待工完将经手钱粮并其勤惰稽查明白方许离任至若分部司属奉有专敕而有司视之蔑如动有掣肘今后除地方守巡各有专职自行督责外凡供事河工者俱听分司责成如有怵惕不遵该上司参奏有旨河工事重必须委任责成以后该管河官暂停升调候河工完日分别赏罚委官贤否但以该管河道官为主别道不得干预

○甲寅上御文华殿讲读

○升巡抚都察院右副都御史吴文华为户部右侍郎巡抚保定都察院右副都御史孟震为兵部右侍郎协理京营戎政

○以原任都察院右佥都御史耿定向以原职巡抚福建地方

○乙卯大学士吕调阳乞休至是十<娼弊-金>矣上曰卿同心协赞委用方殷乃以久疾未痊特准回籍调理宜慎加调摄以俟召用寻赐白金一百两纁丝织金斗牛衣不一调阳<娼弊-金>谢

○差锦衣卫官较拏角□羊淮安府通判王弘化水利道佥事杨化降南河郎中施天麟调外任以总河潘季驯<娼弊-金>参耽误河工故也

○丙辰蓟辽总督梁梦龙题上四事一蠲屯粮辽镇孤悬塞外连岁频遭虏警逃亡过半重以河西南卫一时并灾宜将全镇四万屯粮今岁暂停一年以示宽恤一请召买去岁秋成若有二万余买则今岁荒歉犹或可支乞发太仓银四万两差官角□羊送容该镇分发待秋成采买米豆酌量缓急本色以补今岁议蠲之数以恤官军亏折之苦一预角□羊发夫官军出死力以捍疆圉即月粮按时给领折支之数已属亏苦乃应得正饷缺欠月数情何以堪宜将下半年额饷蚤为预发仍就民运拖欠之数暂借太仓银两一并差官角□羊运以待后日补足一恤燉夜燉夜二项了操传报其险苦艰难比之别军悬殊若非加厚优给何以责其用命今将冲边燉军及远哨夜不收每名于月粮外再加一倍即于主兵本折内通融支給以示优恤得旨该镇既饥本年屯粮准蠲免一半还发银二万两乘时采买余如拟行

○发太仆寺马价二万两给辽东军士买马

○差刑部陕西司主事黄凝道往北直隶关内王诏往关外江西司主事程正谊往江南福建司主事蒋三近往江北各审决

○广西汉土官兵征剿过河池喀咳北三等徭贼斩首四千八百四十级获牛马贼仗千计总督凌云翼以捷闻上嘉其功荫云翼子世袭锦衣卫副千户赏银四十两纁丝二表里巡抚吴文华荫一子入监赏银三十两纁丝二表里兵备吴善升一级参将王瑞应袭儿男加升二级参政蔡汝贤俸一级副使徐时可陈俊等升一级仍各赏赉有差说者谓徭贼原无叛逆凌云翼喜事邀功此举杀掠甚惨殊失朝廷抚绥之意荫袭过滥至今议之

○丁巳升山西左布政使张任为都察院右副都御史巡抚广西地方

○以原任巡抚浙江都察院右佥都御史张卤以原官巡抚保定等府兼提督紫荆关

○升山西副使张楚城为右参政

○旧例蓟镇延宁大同入卫马价共三万二百四十两俱发宣镇后蓟镇收回半价而大同亦改还则所发宣镇止有蓟镇九千两延宁七千七百六十四两所以夷情日携军士日困今拟两镇照数给发外每年再支马价一万二千两及该镇见贮减哨银内岁准动支二万两相兼

接济

○刑部覆应天抚按胡执礼等题称婺源县民程任卿藉称丝绢加派不堪要欲分派休婺祁黟绩五县鼓煽生员汪时等十五名聚党胁迫官吏逼求申豁几于作乱程任卿允宜拟斩其余或拥众抗官或乘机罔利各拟编遣行枷示如律得旨各犯聚众殴官敢行称乱程任卿汪时着监候处决余依拟发遣发落于是该抚按官会议以丝绢复归歙县则旧制不变五县之民既各输服以岁办均派六县则政体公平歙县之民亦无编累今后将徽州府人丁丝绢折价六千一百四十五两三钱复归歙县其歙县均平岁办等项算多银二千五百两仍令歙县纳五百三十两余者休婺祁黟绩五县摊之报可

○戊午湖广道御史唐本尧条上爱惜老成体国所系如被言之人果当不妨摈斥以厌士心而或以一眚之微致干清议以风闻之事为所诬误则必为昭雪勿令轻自分退以摇动众心至若监司以临守令守令以率僚属体统相推贤否易见今有司一被论斥辄行揭辩反噬上官或畏忌庇徇而不敢言成何纲纪今后如有此等外听抚按官内听该部处治报可

○豁杨奇等十四名绞罪奇等贩卖糖货为哨官郑绩夫诬执为盗杀死官兵二十七人至是得白

○录两浙斩获倭寇功巡抚徐民柟赏银三十两纁丝二表里僉事须用宾杨应东升俸一级仍与知府游应乾等各赏银有差其生擒苦喇肆凡诸酋会官处决

○以天气暄热免南京刑部罪囚论死发遣者四人免追赃者七人

○庚申给南京兵部尚书张时彻祭葬如例○辛酉升山西右布政使张梦鲤为本司左布政使按察使吕鸣珂为本布政司右布政使

○壬戌上视朝

○癸亥准赵府襄邑王载土□兑以本爵终身仍夺长史赵应元俸二月以土□兑冒袭王爵不请改正故也

○录捕擒妖犯金云峰功赏贵州都御史何起鸣银三十两纁丝二表里先今任湖广都御史陈瑞王之垣各赏银二十两纁丝二表里土舍杨治安升一级赏银十两宣慰彭永年再赏大红狮子纁丝衣一袭彩段二表里其副使彭富等各录赏有差仍敕各土官司守法无得藏匿奸徒事发重治不贷

○发太仓银一万三千一百五两给蓟镇防秋之用其布花银三千一百八十五两零即于粮草盐价银内支給

○甲子中元节遣定西侯蒋建元抚宁侯朱冈怀柔伯施光祖武平伯陈永祿固安伯陈景行祭长陵献陵景陵裕陵茂陵泰陵康陵永陵昭陵惠安伯张元善祭景皇帝陵寝中官祭恭让章皇后及废后吴氏都督佥事沉至祭哀冲庄敬二太子各陵园

○革天下诸司繁文册籍其朝覲考察文册都察院亦照例止用二本内阁及该科不必造送从吏部请也

○定苏松常州三府额角□羊布每疋长三丈二尺阔一尺八寸重三斤四两如法织造不得违式

○免淮扬徐所属十一州县本年见徵夏秋起角□羊钱粮之半赐吏部左侍郎掌詹事府事兼翰林院侍读学士王希烈祭葬如例还加祭一坛希烈曾侍讲幄两与纂修之劳也

○乙丑大学士马自强< 娼弊-金 > 乞给假数日调理许之○追赠原任光祿大夫柱国少师兼太子太师吏部尚书赠太傅杨博为特进博历官一品俸期十二年故有是命

○升湖广左参政秦吉士为山西按察使

○考试各道试御史许乐善姜璧刘致中白栋马呈图各实授外陈大立刘光裕酌量京职别用

○北虏青把都拥二万众欲抢讎夷讨孙不赖逼近边塞乃先期告报誓称无他秋毫不犯上嘉督抚有能赏宣大总督吴兑大红飞鱼纁丝衣一袭银三十两蓟镇总督巡抚陈道基总兵戚继光各赏银三十两纁丝二表里

○丙寅升广西总兵标下坐营中军以都指挥体统行事署指挥佥事朱文达署都指挥佥事銓注广西都司军政佥书四川都司掌印署都指挥佥事陈善为参将督理广州地方海防

○丁卯成祖文皇帝忌辰奉先殿行祭礼遣临淮侯李言恭祭长陵

○撤看守孝陵太监马举回京并禁各官不得于陵寝内地游览及一应行礼参差失仪

○工部题覆工科给事中王道成< 娼弊-金 > 国初以来一切圩岸陂塘之属尽皆荒圯年复一年水利大坏一遇旱潦坐而待毙宜责成水利官巡行郡邑将各处水利陂塘圩岸逐一查理占夺者清楚之损坏者修治之应新开者即行开浚以致一切有碍水利者尽为查复中有豪占抗违不服者依律究治得旨

○戊辰以大学士马自强患病赐猪羊果酒等物自强< 娼弊-金 > 谢○准南京兵部尚书翁大立致仕大立屡被人言至是亦有< 娼弊-金 > 乞休故许之

○升陕西副使殷仁为本省行太仆寺卿兼佥事专理马政
上曰这行太仆苑马寺官职任匪轻有称职者不次升擢以彰激劝

○升山西副使郑旻为湖广左参政

○詹事府掌府事礼部尚书兼翰林院学士汪鏜＜娼弊-金＞乞致仕
上以鏜老成端慎年力未衰且见管教习不许

○诏以弓箭弦条今后南直浙江等省角□羊料年分都着照京营议定物料则例量加工食银两角□羊纳

○己巳上御文华殿讲读

○命詹事府掌府事礼部尚书兼翰林院学士汪鏜暂带管翰林院印信

○改给山西分守河东道左参议专管东西二池盐务敕书其清军驿传道副使原奉敕内有兼管东西二池并换去之从抚按之请也

○给原任右副都御史巡抚陕西地方唐时英祭一坛减半造葬

○兵部覆印马御史郑宗学条陈马政一曰革本色之徵银二曰蠲逋欠之马价三曰议草料之徵给四曰祛差拨之宿弊俱允行

○总河都察院右都御史潘季驯＜娼弊-金＞奏复故河其利有五盖河从潘家口出小浮桥则新集迤前一带河道俱为平陆曹单丰沛之民永无昏垫之苦一利也河身深广受水必多每岁可免泛滥之患曹单丰沛之民得以安居乐业二利也河从南行去会通河甚远闸渠可保无虞三利也来流既深建瓴之势易涤则徐州以下河身亦必因而深刷四利也小浮桥之来流既安则秦沟可免复冲而茶城永无淤塞之虞五利也议下所司

○庚午上御文华殿讲读

○升国子监祭酒吕旻为礼部右侍郎兼翰林院侍读学士

○调山西副使贺邦泰为本省副使提督学政

○辛未升江西都司军政佥书署都指挥佥事陈道铨注四川都司军政掌印掌事

○巡按直隶御史崔廷试题称臣奉命淮甸经过地方所当因势调停者一曰处工费以恤灾地淮扬水患已极民不聊生其河工等费难以复派陵寝运道关系良钜所当特捐内帑待用

之藏暂借本年起角□羊之额以苏民生也一日计夫役以安穷民各州邑所派之夫日给三分而远者一日七八分次亦不下五六分彼里甲所取办民已不胜苦矣事竣之时当事者又多裁削之或遇有冲决辄令复筑不复计工夫洪水所冲何坚不破而可令穷民陪价耶以后量从<整彩见>处免其扣累庶几民忘其劳而称佚道之使也一剔积蠹以讨军实凡军卫衙门派造军器各有定额逐年起角□羊运赴京师输之武库以备军旅之用乃因循日久武弁侵渔一领官银遂为己物成造率多滥恶完纳每至愆期今后将军器料银徵收贮库责令府佐州县正官会同管局官召匠先给银十分之四勒限送呈试验堪用然后再给待其通完方行全给角□羊时并开监造有司官员职名其原造管局官照例给与水脚扛角□羊之费庶工无冒破而军需有赖上允行之

○壬申 上视朝

○以内府乏人应役着司礼监差官会同礼部拣选堪用的三千五百七十名应用于是礼科左给事中李天植上<娼弊-金>言 皇上纘服初年允收马安等三千二百五十名部覆永不为例今六载之中两收数千幸门日启凯泽者多倘得成命收回散此党与待取于后上也不然而裁取其半虚其半以俟五六年之外次也臣故知言之难徒取共愆而责任所在不容不言况今净身男子旒而紫貂珰矣既奉旨拣选将必慎选有众无庸臣言也但选充近侍必智虑纯一者可冀以忠悃必容止庄和者可冀以安静必年姿冲幼者可久于执役此一见之间遂知其概然人先有主各徇其便 皇上宁不申饬之乎今兹兢进之辈即先年落选之人也数外不得不归矣而欣艳方新希愿窃伏不数年乘机引类叫阍必援近旨为彼明例 皇上宁不预禁之乎议下所司○命蓟镇宣大诸边各镇守总兵官分统沿边官军出境外四五里烧荒

○癸酉 上御文华殿讲读

○南京工部尚书曹三暘以老病<娼弊-金>乞致仕许之

○先是乌撒地方与本省永宁宣抚司乌蒙军民府并贵州水西及云南沾益州境土相连世为亲戚并无衅隙既而安国亨杀死安信信兄安智结永宁宣抚司土官奢效忠报讎彼此相攻厮杀不已比有安国亨部下吏目俱与安智有亲恐为国亨杀害各带夷兵逃投安路墨路墨诈称本府土知府安承祖职衔赴京代奏已而国亨亦将伊男安民姓名具本并奢效忠各行奏奉勘合移行川贵巡抚委官勘处国亨等所犯情罪不一照夷俗罚牛外仍谕奉旨处分之后务要感恩悔祸各安原土邻界夷民俱各责管事头目汉把省谕消释讎怨共保宗族不得背盟起衅○甲戌改南京刑部尚书杨兆为本兵部尚书参赞机务詹事府少詹事兼翰林院侍读学士掌本院印信余有丁为太常寺卿管国子监祭酒事

○差河南道御史郭汝四川道御史刘维汝宣大维云南

○刑部覆议御史崔廷试<娼弊-金>今在外各处捕盗官平时不能谨严以消未形之患及

至失事多方躐访刻意追求止图免罪邀功不顾事之有无人之真伪但有捉获即便比刑拷讯絀假为真残命伤和莫此为甚今后有强盗初获不得私自拷讯擅取供繇止将所获人赃呈送正官研审除情罪真确外如有冤抑即与辩释不必候详若系捕役冒功讎家攀陷者仍将冒功攀陷之人治罪狱成之后司道抚按官若复有故辩明查后报情繇与原报大相矛盾可疑者并原官一体治罪 上允行之

○乙亥给原任刑部尚书吴百朋祭葬如例

○丙子诏凤阳巡抚都御史及咨都察院转行巡按南直御史备行营田金事令民年十五以上无产无田者挨户从实开报到官每名给牛一只及附近荒田五十亩责以开垦仍给印信执照为业其田粮差役俱照三年以后认纳从御史崔廷试之议也

○蓟辽总督梁梦龙太仆寺少卿萧廩各题议马政一称各营路城堡马数俱于该寺倒换循环糜费繁冗要行停免止令总兵类造一称奉敕督理边兵马政例当稽核奸弊要一体省烦责实每年六月各营路备造马数送查十一月各兵备道查点送寺听遵敕各别参治部覆循环固所当革而总副参游诸营则不可无按季之倒换固为太烦而一年之一报则不可少宜将蓟昌宣保四镇季报循环文簿系提调卫所造报者通行停革止令总副参游各照营路每年秋季备将该管马匹倒失桩朋完欠已未买补等数分别造册角□羊送本官查收仍遵敕每年分别处治 上是部议

○升江西宁州铜鼓石守备邓子龙署都指挥金事銓注江西都司军政金书山东都司军政金书署都指挥金事朱士元銓注湖广行都司军政掌印管事

○总督河漕都御史潘季驯等题称宝应湖于本年六月内陡起暴风骤雨将本工复行冲决盖繇河上诸臣期以苟且了事而但为目前之谋憚任劳者莫亲版筑之务巧避怨者不严程督之功钱粮虚糜而冒破之核不行功筑圯坏而僨事之罪不加稍有一簣之功便移大以兢赏脱至溃决之祸则遮护以托逃若不因此重加究治何以示惩 上是具议着河漕衙门着实参奏○丁丑 上御文华殿讲读

○升工部左侍郎何<整彩见>为南京刑部尚书

○给已故原任吏部左侍郎兼翰林院侍读学士掌詹事府事王希烈赠尚书诰命

○浙江松门卫千户金铛家突然地涌血溅起三尺高有声

○戊寅特赐存问原任刑部尚书应大猷令有司备办彩帛羊酒及门宣谕大猷年九十养晦丘园恪修名节为时人所重故有是赐

○旌表六世同居卢守一一家二百口同厨而食世务耕读旌其门曰尚义

○兵部题覆本衙门左侍郎曾省吾条陈清黄四事一曰先归黄各官先立号簿通将内外黄张与续书见贮者尽数简明登记以为纲领然后支放比对归附黄本其先年重立者简出完日与揭过黄张一同烧毁一曰增黄本旧制黄本纸各百叶今拟百叶之前另缉目录三叶总列职衔员数仍注卫所指挥千百户镇抚官衔挨次粘贴勿令混淆遗漏一曰议立黄清黄事例有内外贴黄复有正黄正黄贮之金柜启闭为难今须模仿规式别立黄纸号簿如有缺内外黄者止照黄之所缺互相挂号于止以便备照一曰慎誊写夫黄张誊写系各官功次接背源流关系匪轻务大字楷书以免磨擦兼杜吏胥因缘之弊报可

○兵部题覆礼科左给事中李天植条陈班军四事一选统领以专责成每遇上班之日先将领班各官逐一遴选才守不得滥用每军数至二千量添割付官一员二稽实政以充营卫凡凤淮扬徐等处工作河工外其合应上班者该道预先查审各卫均徭名册分别等第该班都司择地依期赴京勤加约束务足额数各军粮银照例量给两月作为路费余银仍旧到京散给以防脱逃之弊三省工限以恤久戍凡遇兴作与勋戚工役先期专委所属官员逐一估计用军的数量算程期且题请拨如遇大寒暑雨及途远工程悉听工部随时宽恤毋得苛扰四禁科索以清蠹源凡遇都司割付并卫总等员役上班盘费之类俱要酌议停当给与止足应用不许私角□羊多派致损军财至于拨办官吏一体查拨外其折乾积办等并为除革上允行之

○升福建行都司军政僉书署都指挥僉事蒋木铨注浙江掌印管事南直隶杨舍守备朱英署都指挥僉事铨注山东都司军政僉书○诏以古北口黄花镇及各路紧要墙台尽令三年修完其余以次增筑三年递歇三年递修工完之日听督抚将效劳人员分别功罪具奏

○命工部委官修理周围红铺仍申饬官军严行巡警一应披执盔甲器械俱修之

明神宗显皇帝实录卷之七十八

万历六年八月庚辰朔赐大学士张居正等各杨梅一簍

○升右春坊右谕德兼翰林院侍讲何雒文为翰林院侍读学士掌本院印信仍充经筵日讲及会典纂修官

○升刑部左侍郎徐枋为南京工部尚书大理寺卿陆光祖为工部右侍郎

○免万历元二年山东解京银一十一万九千五百一十四两五钱零并隆庆二年至万历二年本省岁支存留麦米五十八万八百四十六石尽行蠲免从巡抚赵贤之请也

○遣河南道御史姜璧往两淮巡盐兼理河道○辛巳给蓟密永昌四镇犒军银二万两仍命总督梁梦龙悉心措画如果不敷另行奏处

○户部添进每季金花银五万两已而户科都给事中石应岳题金花银两实小民惟正之供我祖宗量入度出定为一百万两之制户部额派解进仅有此数原无剩余今若添进必借太仓银两夫太仓之储各边主客之粮饷取于斯墩台城堡之修筑取于斯与夫召募调遣芻料诸费咸取足焉今虽稍有积余实仰藉威灵震叠虏款寇息偃甲休兵所致脱一旦败盟狂逞则兴师十万日费千金太仓贮积足以资缓急者曾几何时哉而况各处添兵添马修墙筑堡年例抚赏月增岁益加以连年河淮横溢迤河工甫举动请百万何者而非仰给于太仓耶若一季加进五万两四季则加二十万是一年加进二十万两十年则加二百万矣上供岁多二十万之进则边储岁少二十万之积推之十年所少不知其几矣臣愿思祖宗成宪之当遵念国家生财之不易百凡费用只取足于一百万两之中而太仓所储专以备军国重大之费此经国之远猷垂裕之至计臣等所万愿者此也有旨今宫中用度委与先年不同额外之取甚非得已已戒谕内监加意撙节务足余剩待数年积贮稍饶即行停取如旧

○发太仓银十二万一千二百两于延绥十万九千二百二两于蓟州一十二万九千三十两于密云六万七千五十八两于永平六万三千七百九十二两于昌平以巡抚宋守约侍郎汪道昆各奏军饷也

○壬午 上视朝 ○吏部覆吏科给事中李实疏劾福建山东云南左布政刘侃方攸绩方良曙三臣或物议渐彰或筋力衰敝乞将分别处治至于贵州广西江西四川各布政顾言等六员久挂人言相应一并议处有旨方良曙留用余的都著致仕

○诏以浙江等处漕粮暂折二百万以苏民困其折色银两以一万两解部以五十九万五千余两协济河工著各抚按督率上紧严限徵完本折一并起解

○癸未 上御文华殿讲读

○升提督军务兼抚治郧阳都察院右副都御史陈瑞为刑部左侍郎

○升太常寺卿王友贤为大理寺卿

○甲申命礼部尚书潘晟兼翰林院学士充会典副总裁官

○开朱辉港钥匙河清江等处为粮船湾泊其工费即于两淮赃罚及河工银内动支○乙酉升广东按察使滕伯轮为浙江右布政使贵州左参政林澄源为广西按察使江西陕西四川广西各右布政使徐中行王宫刘庠吴椿俱左布政使中行仍江西宫山东庠椿仍四川广西

○调补原任浙江左布政使郭斗为贵州左布政使

○覆新升太仆寺卿兼陕西僉事殷仁以新衔致仕行太仆寺卿兼武定兵备道僉事秦可大致仕

○升广东右布政使沉人种为福建左布政使

○调补江西副使张九一为陕西副使甘肃管粮兼理分巡

○复除陕西道御史王应吉为河南道御史

○升山东按察使张士佩为本省右布政使

○丁亥命吏部左侍郎兼东阁大学士申时行祭先师孔子○以万寿圣节赐居正等金万寿字及黄符黄绶符有差

○升大理寺左少卿杨俊民为都察院右僉都御史提督军务兼抚治郧阳等处地方

○升江西陕西四川云南各按察使张大忠张国彦李江卢仲佃各本省右布政使

○孝康敬皇后忌辰 奉先殿行祭礼遣南和伯方烨祭泰陵

○户部题万历七年两直隶并各省漕运事宜例应会同各衙门会议今覆巡漕都御史江一麟< 娼弊-金 >一议补造漕船以足装运南京锦衣旗手等五总下缺浅船八百只要将七年以后各运轻贲内应解河工米银暂留二年共计得银五万二千两再于河道原借七万九千七百两应于南京解到粮剩马价补还漕库银内动支二万八千两就于瓜仪二处设厂打造及称清卫二厂正造年例船只中有未造者一并查刷督造一议杂物则例以定漕规旧制不论船之新旧一概止给年例四两以为桅蓬杂费价既不敷旗甲不无赔佃之苦今以万历七年为始各卫浅船襍费凡遇初造年分即总给银二十三两六钱五分照数买办以后九年

陆续给银二十两九钱七分凑买俟十年改造将原置物件分别计算准银九两六钱贴送该厂找给银十四两四钱以为从新置办杂物之费其在运旧船照例支給候改造之年将所存桅蓬猫櫓等项物件一体查送该厂变价添凑别置仍将置买物件银两各数目刻记在官永为遵守 上是其议

○戊子 上亲祭 太社 太稷

○己丑改应天府尹陈于陞为太常寺卿仍诏该科今后有称职年深者著改衔久任不必数易其两京部院大臣除奉有特旨不次简用外其余都著扬历中外核其表著以闻如不得其人宁虚缺以俟

○升提督四夷馆太常寺少卿贾三近为大理寺左少卿

○升江西河南湖广山西四川广西各左右参政陶幼学杨芷王玺柴涑梁问孟汤仰俱为按察使幼学仍江西芷山东玺广东涑陕西问孟仍四川仰云南

○升陕西副使李采菲武尚贤为行太仆寺卿采菲山西尚贤陕西 孝慈高皇后忌辰 奉先殿行祭礼

○庚寅祭 夜明于 夕月坛遣定国公徐文璧兵部尚书方逢时行礼

○以福建广西各镇守总兵呼良朋王尚文互相改调至浙江江西各都司金书杨一经等四员改调亦如之以倭警窃发各因其材而易之从部议也

○辛卯 上御经筵

○升太仆寺少卿萧廩为太常寺少卿大理寺少卿王世贞为应天府府尹○升云南按察使徐作为广东右布政使松江府知府贾待问陕西副使彭文质刑部署郎中事员外郎史檣俱右参政待问山西文质广西檣贵州山东副使曹当勉河南副使姜继曾湖广副使晋应槐俱右参政

○吏科都给事中陈三谟奏恭炤 祖宗旧制吏兵二部大选文武官员俱于常朝鸣鞭后 圣驾退御金殿中宣召该部堂上官面奏给与印子然后该部官同司礼监于皇极门同用印子前万历二年 皇上曾御门召吏部尚书张瀚亲赐选除即先朝旧规也至嘉靖中年偶以肃皇帝御居西内至四鼓始就寝内侍官惟恐奏进迟误故趁此时为之以后相沿遂为故事臣愚谓夤夜启门秉烛行事殊于关防未便且听选官员稔知深夜无所稽考间有偷惰不至者及侍立行礼亦有参差错乱者伏望自今八月为始大选文武官员照旧制俱以黎明行事关防既便体统亦严 上可其奏

○升甘肃巡抚标下领兵游击杨继芳延绥游击徐仁威俱充参将分守地方继芳西宁仁威陕西靖虏

○癸巳命辅臣恭拟马名以进时上方选御白马定名玉狮赐辅臣居正等各羊酒

○广东新设东安西宁二县学部议二县学先选教谕一员俟人文渐盛以次添设其考取入学准于新例外初次量取一倍以后照例考入增廩名缺俟作养有进以次考补不必取盈其数亦不必以他县拨补致启幸灾准如议

○升尚宝司少卿郑钦为太仆寺少卿管京营○都察院题巡漕御史陈世宝再差一年以世宝催督有方故也

○甲午以中秋令节赐居正等膳酒月饼有差

○升云南湖广副使李文续房楠俱为右参政文续仍云南楠四川狭西湖广贵州左右参议李贵和沈伯龙李与善俱为副使贵和仍陕西伯龙仍湖广与善山西永平宝庆府知府顾褒毆阳模俱副使褒山东模广西

○补原任山东佥事马时泰为陕西佥事整饬肃州兵备兼管屯田

○丙申万寿圣节上御文华殿受群臣行庆贺礼赐居正等膳酒寿面有差复特赐居正烧割一分酒饭一卓寻赐四维等上尊珍饌

○升礼部仪制司郎中张彦为尚宝司少卿○升浙江嘉兴府知府黄希宪广东右参议郑恭俱副使希宪湖广恭云南山东四川福建佥事栗在庭杜诗文作俱参议在庭湖广诗贵州俱左作陕西右

○戊戌升礼科左给事中李天植为广东右参议福建等道御史孙成名陈文燧河南南阳府知府霍维荃俱副使成名江西文燧河南维荃山西河南等道御史郑宗学丁元复南京吏科给事中詹沂俱佥事宗学福建元复四川沂山东

○己亥以丙字库绵花余剩太多暂改折色二年解纳

○总河都御史潘季驯题徐州小浮桥以上一带河浅查得河南归德府新集地方下至徐州二百五十里原系黄河故道欲乘今一并开复已而工科给事中王道成上言治河而< 娼弊金 >上流诚为探本之论然南挽淮流北障河决则其工钜矣动众八万费逾八十万金则其用糜矣工费已大事之究竟尚有不能逆睹者其底绩则又难矣胡乃此之未为而又欲并开数百里之上河耶即使诸臣不计劳逸不避利害窃恐国家财用终属有限万一漫为而不效将若之何不如揆势度理就中权缓急而图之乃为计之得也上命下其章于所司

○庚子属夷长昂董忽力率部落阻截各路贡夷扬言结土蛮旨把都二酋聚兵进抢要挟诏以蓟昌二镇即将南土兵并入卫之兵速简精锐分定部伍自密云以至山海布置营阵画守务使制胜有功不得畏缩坐失事机

○辛丑发主客兵银十五万五千六百九十三两于宣府镇二十万四千二百十九两于大同镇七万一千二百九十六两于山海镇 宪宗纯皇帝忌辰 奉先殿行祭礼遣新建伯王承勋祭茂陵

○升掩答诸酋且且台吉等十九名副千户讨二儿恰等四名与大歹布等三名俱百户著力免把独儿台吉袭伊父指挥同知各依品级一体给赏

○免保定府唐完二县所欠柴夫胖袄麸料匠价自隆庆五年起至万历三年止尽数蠲免以苏民困

○壬寅 上视朝

○升密云辘轳营游击陈天福充参将分守山西中路利民堡等处地方

○遣江西道御史李学诗往南京京畿道照刷文卷

○癸卯 上御文华殿讲读

○命礼部尚书潘晟待宴陪朝鲜陪臣李宪国以赴京进 万寿圣节表文也

○先是淮安水利道河南佥事杨化淮安府通判王弘化治河无状为总河都御史潘季驯所劾 上命锦衣卫逮系来京至是法司拟各照运炭赎罪例完日复职 上以杨化王弘化都著革职为民律文官犯私罪杖一百的即该罢职不叙今后但据所犯拟罪送吏部拟处毋得概拟复职以致轻纵

○甲辰以
圣母慈圣宣文皇太后所制女鉴赐大学士张居正十部四维等四部居正等〈娵斨-金〉谢

○乙巳

上御文华殿致斋

○巡抚浙江兵部右侍郎徐民柟题澈浦所至秦驻山一带河道去海塘迤南联属县治国初旧有土塘为之屏捍内河为之洩流以致石塘可保而田亩岁登称为沃土商旅辐辏赖有生业向者淤塞坍塌旱涝无备舟楫不通粮运甚难乙亥潮灾该所军民被灾特甚而石塘冲塌

殆尽者职此之由臣目击时艰建议开浚荷蒙俞旨允行臣严督各官兴举乃今果能矢心协力督率劝相万夫子来月余告竣臣亲诣阅视考成见新河深广土塘高厚内外相维石塘益固永保异潮无冲突之患田畴得灌溉之资而粮运直达利益无穷所据效劳诸臣与臣终始塘河共事胼胝者臣不敢蔽如嘉兴水利同知黄清等及海宁备倭把总王三锡等所当纪录以俟优叙议下所司

○丙午改礼部主客司员外郎徐元春为光禄寺寺丞

○户部题覆御史谢师启条陈漕务一曰复羨余以济官军二曰革抽税以速漕运三曰改剥船以杜侵盗四曰处深流以救灾患五曰足军粮以苏疲总 上报可

○癸 历代帝王命定国公徐文璧行礼

○丁未升湖广按察使钱藻为广东右布政使漳州府知府刘志业为江西副使○遣福建道御史顾铃河南道御史邵升各巡按铃广西升江西

○止武职开纳事例并工部议行事例一并停止

○户部题边商朋计营求告掣河盐所谓河盐者谓其在河径自超掣全不上堆也夫两淮行盐地方止有此数而每年掣发之盐亦有定额河盐行则单盐滞必然之势不容易者若其计一行而河盐复掣每年淮南掣盐八单若再掣河盐一二单江西湖广地方盐价必贱盐价既贱水商必不乐于承买水商承买既少则掣单盐必至停阁内商余银无从处办而六十万两之额课大可虞矣内商坐困边商引目岂能及期分拨是河盐之行不独累及内商必累及国课而并及于边商矣得旨这边镇盐引依拟改派河盐停止不行

明神宗显皇帝实录卷之七十九

万历六年九月己酉朔先是扬州府强贼入境各巡捕官住俸提问未几缉捕前贼三十七名巡按题请各官免降上曰该府拏获甚少功不掩罪指挥顾名臣姑从宽免降知府卢德烱等以旨下之日为始开俸管事

○刑部题逃军徐大中等盗精微科房门木凳等物为守卫官所获又将本官推倒而逃今拏获大中合依犯罪逃走者于诈欺私取财赃计准窃盗论免刺四十贯本罪上加二等律杖七十徒一年半余依犯罪拒捕者于不应事重罪上加二等律各杖一百俱大诰减等得旨各犯敢于禁门内窃盗拒捕难炤常拟著锦衣卫枷于长安门外满日各发遣发落命法司凡人命奸盗如谋杀故杀指奸指赃等颊狱情难明者详细审鞫果情有可悯罪难定执方以矜疑开列其余恶逆斗杀与夫奸盗赃证俱明者不必曲为迁就

○升江西右参政侯于赵为湖广按察使

○封永和王慎金□审生母张氏为永和庄定王次妃仍照例不给诰命冠服并身后祭葬

○辛亥留保定府库贮银一万三千四百五十六两为易州修城之用

○壬子 上御文华殿讲读 孝恭章皇后忌辰遣崇信伯费甲金行祭礼

○癸丑 上御文华殿讲读

○升山东副使陈万言为江西右参政分守岭北地方

○南京户部尚书致仕谭大初卒诏给三品祭葬○广东大庙陈黎等巢剧贼依山负险纠党横行突出英得清远等县地方劫财杀人各官兵奋勇捕擒斩首一百三级俘获一百四十九名及器仗牛马诸物 上嘉其能巡抚凌云翼等各赏银有差

○给原任都察院左都御史陈瓚祭葬如例

○乙卯 上御文华殿讲读

○升河南河南府知府雷以仁为山东副使兼管马政屯田

○总督两广都御史凌云翼题大庙各巢山深林密贼易盘据剿灭之后尤当预防列为善后七事其一议白芒山下置造营房教场将韶州清远二营之兵更番哨守一应材木工费随于本山土产酌量处分其二议选韶州清远卫所才能武官一员训练营兵比炤营兵事例半年一替以资弹压其三议将大庙各贼没官田租二千余石除量给业主粮差外收割分取以为

建创兵营之资其四议将三水寄庄民田责令英德附近排年承买令其各自佃种以便觉察奸萌其五议今受田之民自新村以至上下二汰二十里内分筑土围十余以安新集之众其六议令英清二县排年自河傍直通上下二汰开路筑桥以通往来其七议集编氓联为保甲置备器械以助守望从之

○诏以遵化标下左右及辘重三营兵马改属中路协守管理钱粮册籍等项事宜仍归蓟州道统属各改给敕书旧例宁夏延绥二营每官一员赏银一两二钱军一名银一两宣大辽东三营每官一员赏银九钱军一名赏银六钱标下选留延辽大同官军各从数日支給向来太仓候领先期科收费用临散侵扣数多以致官军怨望至是直令的当官赍文赴部转行太仓总领回镇发兵备道炤员给散从总督蓟辽都御史梁梦龙奏也○丁巳上视朝

○是日以重阳令节赐居正等上尊珍饌

○升大同卫浑源城守备以都指挥体统行事指挥使林凤举署都指挥僉事河南都司军政僉书

○戊午推前军都督府僉书太子太保平江伯陈王谟掌印管事

○升山东都司僉书蔺习充五军五营佐击山西行都司僉书张咸大宁都司军政掌印管事宣府怀安城守备以都指挥体统行事署指挥僉事常锐署都指挥僉事山东都司僉书轮流管领该班官军事务

○己未上御文华殿讲读

○兵部题覆应天抚按疏称苏州府嘉定县七月内强盗约八九人越城砍杀打劫共伤官兵五人未劫财物越城脱逃已而拏获强盗陈阿大等七名未获陆金二名各官事出不意情既可原又未几救援擒获功足赎罪似应免究有旨兵备冯叔吉姑免究夺百户谭相等俸三月各贼审决梟示仍缉拏未获者

○兵科都给事中光懋题海贼林道乾驾船泊潮阳河渡门港令贼徒具状告报及被虏逃回之人称虏去于万历六年打暹罗国乌雅船不胜贼众杀死甚多被番赶逐乏银乏人议复回河渡门旧巢取原埋银物议要打劫海门各所候东风一转即欲驾回外夷夫此贼之计亦狡矣假投降以缓我师得以从容旧巢欲招安而不肆劫掠得以潜迹观衅诚恐当事诸臣急于靖乱甘受投降之计而堕彼术中貽祸匪细乞敕兵部马上星驰转行总督等官殚纾筹算克期会兵务出万全之计以收一鼓之功待渠魁授首然后徐从议抚散其余党以靖地方部覆如议○遣湖广道御史许乐善巡按直隶等处印烙种马兼理屯田

○庚申上御经筵

○是日霜降节遣定远侯邓世栋抚宁侯朱冈新建伯王承勋庆都伯杜继立固安伯陈景行分祭长陵 献陵 景陵 裕陵 茂陵 泰陵 康陵 永陵
昭陵怀柔伯施光祖都指挥佥事蒋克谦祭 景皇帝陵寝及 哀冲
庄敬二太子各陵园内官祭 恭让章皇后陵寝

○推管理围子手义刀官军广宁伯刘允中铨注前军都督府佥书管事

○镇守宣府总兵官右都督雷龙铨注后军都督府佥书管事

○辛酉推大同守口堡守备以都指挥体统行事署指挥佥事吴国臣铨注山西行都司军政佥书管事

○改＜婴咳粒就费菜疚石井＜婴咳粒狙菜净桓印信从福建巡抚刘思问之请也

○壬戌定海洋擒斩倭功不拘外洋登岸贼至五百名之外船至十只以上为一等所获真倭从贼一名颗升署职一级二名颗升实职一级获汉人胁从贼三名颗升署职一级贼至三百名之外船至五只以上为二等所获真倭从贼及汉人胁从贼各以名颗多寡上下其赏或败后散遁零星擒斩者各赏有差著为定例遵行

○癸亥先是 上命司礼监太监魏朝伴护居正母赵氏来京就养至是抵京
上特命司礼监太监李祐劳于郊外
两宫圣母亦遣太监张仲举李用同劳郊外居正各＜媼髡-金＞谢

○升提督誊黄通政司右通政胡嘉谟为太仆寺卿寻以顺天府府丞朱南雍右通政提督誊黄

○先是弋阳王多焜薨逝无子各支宗室利其产业骋辞执奏不已至是准奉国将军多炆等合族会推得本支嫡长奉国将军多煌系弋阳僖顺王之孙今薨王小功之弟贤劳素著伦序相当众心歆服部以为言 上从之命多煌管理府事写敕与之

○遣河南道御史王应吉往真定巡按

○甲子减桂林平乐等府编银本年为始每年减五千八百六十六两五钱七分仍将梧州支剩银一万三百九十一两内动支七千六百五十八两八钱抵充该府本年分各驿递正用本年免派一年其万历元年至四年止未完银一万一千三百九十八两尽数蠲免以苏民困

○以宁晋伯刘应元管理义刀围子手

○乙丑 上御文华殿讲读

○兵部题覆贵州巡抚都御史何起鸣奏贵州宣慰司头目安智安国贞听奸拨置背违安插妄奏入府当差似当重处但犬羊无知姑免剿除将二酋治以首先违约之罪仍戒谕安国亨禄氏遵照旧款毋得故违其亨智二酋敢先生事启衅扰乱地方者听参奏剿除上曰安智父子安插已定乃敢违约妄奏姑从宽处该省抚按官再行晓谕今后与安国亨各要履约如再有听奸拨置启衅生事定剿灭不宥

○丙寅 上命司礼监太监张鲸赍赐居正母金累丝箱嵌青红宝石珍珠长春花头面及青红纁丝罗蟒衣各二疋已而 两宫圣母亦赐金头面蟒衣有差居正疏谢

○赠都察院左都御史陈瓚太子太保

○南京都察院右都御史汪宗伊奏免户部尚书新职上曰卿老成清慎仓场重务特兹简用不允

○原任山海关参将王有臣先是被论赃私至是总督梁梦龙覆勘止谓性气乖戾丛怨招尤赃私别无证据得旨将官若要性气和平便是狡猾软熟之流岂堪任使王有臣既勘明无碍还著调用

○升前军都督府佥书左都督马芳为挂印充总兵官镇守宣府地方

○宣镇修完五年分城堡三处土石墩台六十一座瓮城营城十座敌楼六座墩营房二百七十六间铁裹石境门五十二座边墙界墙五千零七丈三尺铲削偏坡八百三十七丈一尺挑浚濠一百六丈六尺甃包堡墙一十五丈六尺水道石漕一千一百七十七丈三尺井一十七眼帮修堡台四十四座工成赏总督方逢时吴兑等银各有差

○戊辰 上御文华殿讲读

○升广东道御史郭廷梧为顺天府府丞

○庚午 上御经筵是日赐文武大臣及讲官新藕○补陕西副使孙光祐为河南副使整饬井陘三关兵备兼理马政

○先是吏部议太仆寺马职关系匪轻必大破常格凡遇廉谨有才望者即以升擢不必坚泥常套至是以山东登州府知府乔应春任辽东行太仆寺少卿专理马政兼管兵备屯田

○巡抚应天都察院右副都御史胡执礼奏苏州府属昆山嘉定二县荒田欲令督率有司趁时开垦以补荒粮其余逐郡逐邑沿江沿海荒田无限不止昆山嘉定为然因三年起科之令不行故百姓疑畏旋开旋弃必须揭榜通衢招人开垦但报四至送官三年之外方行起科部覆其议以为民领荒田之始牛种器具甚多甚难计三年所获之利不足偿初年所费之费遽

令纳粮谁肯承种合无通限种田六年方准起科各给印信执照永为己业该州务须实心任事使六年之内荒芜尽辟抚按从实疏名上请擢用不则参劾降处 上允行之

○以庆府寘钊孙辅国将军肅祿以本等爵职奉祀所有教授甲较看坟及俸薪月粮一切禁革

○辛未 上视朝

○命隰川王府镇国中尉俊楨管理府事以抚按推其贤也

○诏以今岁方举嘉礼暂免行刑

○壬申调补河南副使朱孟震为陕西副使整饬潼关兵备

○升湖广佥事王应乾为本省左参议

○上以先农坛修理未久工费甚多乃二年之间辄称损坏命工科给事中王致祥查勘已而致祥复言坛殿神厨仓库新整坚好别无冒破惟是丹漆剥落甃砌参差墙堊外摧叨剑中折估勘繁兴至廔宸虑其督理内官监太监张沂原任工部左侍郎何＜罄彩见＞及原任本部员外陈以朝俱当行罚 上曰坛工既无大坏著量行修葺各官姑免追究今后工程有可因者都仍旧不许动称损坏希图改修以致劳费

○癸酉推管理红盔将军定西侯蒋建元銓注前军都督府佥书管事

○甲戌 上视朝

○升江西右参议王问臣为河南副使清军兼理兵备马政

○复除四川佥事南轩为湖广官如旧 巡按直隶御史黄应坤题臣自奉命出关周历两镇岁有四月矣三出塞外再睹市成其于边务夷情颇常留心咨访随事体察未常不幸 庙谟之弘远俾强虏效顺更历八市而不渝溯之往古不多见也又未常不忧诸夷之狡黠惟货利是图日增岁益推之将来或难其继也审事机之会酌操纵之宜使之有所利而不欲畔无所挟而不敢骄则庶乎吾之力可支而虏之盟可久是今日之所当计虑而不容缓也请先言虏情而后及其抚处之术夫自虏款以来八年于兹朝廷无北顾之忧戎马无南牧之儆边氓无杀虏之惨师旅无调遣之劳钱粮无浩繁之费两镇边垣屹有成绩官民城堡次第兴修客饷日积于仓廩禾稼岁登于田野凡此孰非款贡之利哉然而虏款已久羈縻无失彼方系恋于吾市赏之利何肯背叛以故青酋东收讨孙而不敢犯蓟镇之外疆俺酋西历西番而不敢扰甘肃之内境又如近日张家口虏哗被创竟隐忍以毕市而去此其不欲渝盟以自失其厚利有明徵矣臣故知虏之无异志也但犬羊之性惟事贪求市马岁增无所厌足此虽二镇之所同而

宣府为甚盖在大同以一镇而当俺酋之一大枝虽黄扯父子素称桀骜然市马之所增岁犹不过数百匹故尚可以勉强支吾在宣府以一镇而当青永之二大枝而又有独腊台吉打刺明安二小枝及夷妇太松等诸酋部落既多而青酋诸兄弟又皆强悍难驯之虏七八年来市赏之增亦极矣以宣镇之大数言之方互市之初虏马不及二千匹今岁已市者三万五六千矣迨及岁终当不下四万每岁辄增数千匹夫马以数千计则银以数万计非小小增益也且今岁增矣明岁又增明岁增矣又明岁又增其在于今视始市不啻二十倍而犹未可以为限也后将何所底极哉盖缘青酋与土蛮及属夷朵颜诸虏皆为亲姻又相和好故每来必带东虏之马入市而抽分其官货又以其马所卖之官货转贩他虏之马来市可得利一二倍是以其利愈厚其马愈多若少加阻拒则忿然欲去以要我边臣思以保全市事惧激其变而开边隙率迁就以从其欲然市本有限而虏马无穷或多方措处或委曲那移以应之迨今则措处已极而那移者无所施矣即使诸虏来岁之马不加于今岁然且不给况贪而无厌者虏性之常将岁岁增矣而又何以应之哉窃谓为今之计惟无惜乎变盟为其所挟庶可以止其马之岁增又必止之于未来之先而后拒之于已来之际庶可免其猝然之变盖彼率其马而来聚于我之边外向未有拒之者而今骤拒之以大拂其愿其愤深矣势必不能故欲止之必及其未市之先厚其礼善其辞坚其约明示以朝廷之市原有定额而不敢请边臣之曲处今已殚力而不能加曰如是则市不如是则否毋为他人求利而自坏汝事毋他日马至塞下而谓吾阻回也至于再至于三彼见吾言之谆切如此独不虑吾之绝其市乎果能如约而至则与之市而厚遇之彼复不听而求多焉则吾为有辞惟闭关以谢之而已若挟以去则听其去而不留若遣人来言仍守其初约而不变即使虏有变动亦惟谨备之而不迁就以徇其欲臣知虏之必从吾约也盖自通贡以来虏有所欲焉则求有所缺焉则求求未有不得者至于市马之利即今岁青酋兄弟所得几十万金矣使一日闭关而绝其市可复得耶即使入抢岂据有此耶又安得锦绣金银布帛如市赏者耶以虏之贪而狡必能办此矣纵一虏欲叛而他虏之利吾市者未必肯与之俱叛则其势孤而不能以大逞故臣知其必从也虏能从吾之约定其议而能坚守之则吾之才力可继虏之盟信可久伸缩操纵之权吾得以执之不至为虏所挟而又力修战守之务以伐虏谋则彼之款益坚而无一且不可收拾之患即使虏不吾从变盟而内犯纵不能遏其不入犹可深沟高垒清野坚壁以待之彼亦未必得志即稍有所获亦安得如市赏之利哉虏必悔而复求以竟从吾约如是则边境数十年之安可复冀矣若曰虏款已久何为开此衅端宁姑顺之以幸目前之无事则非岁增四五万金不可岂惟吾力不继而彼之骄悍且日炽矣至于数穷理极又安保其不变乎伏乞敕下该部从长计处使虏免无厌之求而我有经久之策 上下其章于所司

○乙亥减保定府站银二万九千二百四十六两止实编六万四千一百九十三两二钱河间府二万八千一百四十九两止实编银四万一千三百六十六两七钱

○以南和伯方烨管理红盔将军上直侍卫

○丙子

上御文华殿讲读仍于殿内致斋如常○升云南按察使王希元为江西右参议分守湖东

○升湖广郧襄守备以都指挥体统行事著指挥僉事谭敬承为署都指挥僉事铨注山东都司军政僉书轮流管领该班官军事务

○修筑易州城垣动支保定府库贮赃银七千两存粮银六千四百有奇

明神宗显皇帝实录卷之八十

万历六年十月戊寅朔钦天监官进明年大统历 上御皇极殿受之分赐文武群臣颁行天下

○孟冬享 太庙

○复除原任浙江右参议徐廷裸为本省左参议

○己卯 孝洁肃皇后忌辰 奉先殿行祭礼遣丰城侯李环祭 永陵

○大学士马自强以病请假 上曰卿宜慎加调理痊可即出供职

○辛巳以辅臣马自强患病在告赐猪羊瓜茄等物自强疏谢报闻

○南京贵州道试御史王廷稷条陈时政谓人主保身以保民夫人主之身天下人之身也必保全精神颐养元气使其心日清其神日定而后可以永保天下之民今

皇上起居动作自有定则然臣尚冀 皇上以心为严师调摄一人之元气以培养四海之元气则精神完固与天无极则百斯男之庆亦于是焉基矣书曰兢兢业业一日二日万几 皇上春秋鼎盛睿哲益开当日御使殿延见阁臣暨九卿侍从诸臣凡诸几务必与反覆裁决而后施行凡诸章奏必与斟酌可否而后批行行之既久将四海利病九州安危无一得隐于下而太平之风可兴矣易曰节以制度不伤财不害民 皇上俭德彰于天下还因内府缺乏岁取太仓银二十万两以益之科臣进言虽蒙温旨批答未见慨然允从夫太仓银所以供边饷及诸大典礼之用今虏心叵测势或渝盟荒旱相仍输纳不继可不预为节俭之图乎去冬彗星经天占者俱以东南兵兆为虞近者通州倭船潜伏海岛即袭杀亦足称快然起衅之端实在于此又闻潮州地方遁贼林道乾复引倭入犯东南多事于兹可见北虏输款既久然求索茶市求增升赏豺狼无厌渐不可长况秦晋诸虏亦觊此效尤属夷长昂等阑阻各夷贡马因而挟赏而青土二酋又与合兵欲图入犯臣以为宜严敕防海临边诸臣谨斥堠慎烽燧而又精练土著以足兵增修屯田以足食庶其有济乎近者各省如山东陕西有风旱之变河南荆襄有水溢之变苏常有虫螟之变广东广西屡遭用兵之毒淮扬一带黄河为害一望沮洳而辽东尤苦水患此其灾变非小小也 皇上俯念民瘼每奏请蠲徭无不允从然臣愚以为蠲免之恩能济于常不能济于变能行于有产之人不能行于无告之夫宜通行各省抚按查勘于被灾地方直令有司官酌量发仓赈济至淮扬一带尤必速停不急之役更加赈恤之意毋徒以有限地方填塞无穷巨浪而辽东近日水灾又当大为赈济或官廩不敷则为多方措办银两以补助之则天下民心举安而不至生乱矣议下所司

○巡按直隶御史林应训奏三吴水利三江入海而吴淞江中段自屈家坟以达艾祁自千墩浦达漫水港则入海之中道也今河浦皆通而中段独塞此其为害岂曰细故盖缘在上者以无关于运道而每以时诘为角□羊在下者虑轻用其财力而每以浮议中格淤塞之患盖数十年于兹矣一旦官民同心人力毕举以三十余里一线之浊流而辟为一十余丈一带之巨

浸初议三万五千六百有奇之夫役用之四旬而今也三旬而举之初议四万五千七百有奇之工价犹恐不足而今也二万四千九百有奇而成之且役之兴也当春夏清和之候适小民青黄不接之时授民以直而农有所济募民之力而人乐于趋臣又与该道时时到工所考其勤惰而卖罚之访其侵克而究惩之是以役无顷刻之旷食无毫末之虚故集三万五千有余夫于江上功以三旬而举费以二万四千九百而足也伏乞敕下工部覆查如果前项工程别无虚冒即将已未经银两准其销发其余存剩在库银两并各县摊占未完地价俱准徵收听候别项河工支用得旨

○癸未 上视朝

○礼部题参钦天监监正臧隆春官正薛体仁奏进万历七年大统七政等历内罗＜姪蘸睿觉鸕炆杭涟嗽露十四日计都躔度差至十月二十五日相应分别处治仍令改正有旨隆降俸一级体仁降二级法司提问错误仍改正行

○甲申 上御文华殿讲读

○吏部题覆刑科给事中姚学闵南京四川道御史张友舜各＜娼弊-
金＞劾南京工部尚书徐枋议令回籍听用
上然之○以阳曲王府辅国将军表马□宋以本等职衔管理府事

○升分守广东惠州陆路等处兼管碣石水寨海防参将侯继高充副总兵协守潮漳等处地方延绥领军游击臧士劝充参将分守榆林等堡地方

○乙酉铸给暹罗国王印一颗

○南京报囚矜疑宥死发戍者二人情罪不服再问者二十八人应决监候者四人

○发阳曲王府未请封宗室知灯为庶人闲宅禁住夺镇国中尉知火□庭禄三分之一灯酗酒杀人火□庭以甥女为婚故也

○丙戌 上视朝

○改福建分巡武平道印信为福建道另给整饬福宁兵备兼分巡建宁道为建南道另给整饬兵备各敕书关防

○兵部题东起辽左西至甘肃延袤万里与虏为邻即令冬至正旦各边镇守总兵等官或恣肆偷安耽于燕乐或纵军出境从事固猎以致虏贼乘隙入寇貽患匪轻例当通行申飭报可

○丁亥 上御文华殿讲读

○升分守浙江杭嘉湖参将署都指挥僉事季金分守广东惠州陆路等处兼管碣石水寨海防参将山西都司僉书为事官王江仍以为事官充延绥领军游击将军

○戊子诏以催处节年发换不堪布绢毋令贻累小民南直隶苏松常三府绢九千一百一十二疋浙江湖州吉安等府州县绢二万八千七百一疋湖广长沙等府一万二千七百一十五疋各抚按官俱要细查严催限万历七年四月内追完起解再有怠玩的参治不贷

○遣浙江道御史苏民望巡按河南

○己丑 上御文华殿讲读是日赐百官戴暖耳

○升总督两广军务巡抚广东地方都察院右都御史兼兵部左侍郎凌云翼为南京工部尚书

○加辽东镇家丁赏赐布花银一千一百九十两七钱墩府月粮银一万三千七十两自万历六年九月为始俱增入主兵额饷数内一并查发其两河军士防守月分将万历七年应发粮银二万一千两先行预发以示优恤至意

○迁广东四会千户所于广宁县城改为守御广宁千户所

○刑部山西司开详绞罪犯人周官法应处决 上以周官先经御史辩问改遣未常题覆请旨如何辄据处决命所司查明已而大理寺覆奏周官简证俱的本寺参详无异御史辩问都察院掌管并无文移知会遂致本寺无凭稽查
上曰今后问刑官改拟重狱三法司俱要彼此关白知会归一毋致出入参差有紊政体

○辛卯大学士马自强卒 上闻悼惜命礼部查明恤典以闻寻遣司礼监太监视丧赐银一百两彩段四表里油米香炭等物○升山西岢岚守备以都指挥体统行事指挥同知孔允熙署都指挥僉事铨注山西都司军政僉书管事

○壬辰 上御皇极殿受朝

○升巡抚江西都察院右副都御史刘尧诲为兵部右侍郎兼都察院右僉都御史总督两广军务巡抚广东地方

○以裕州岷山铺强盗杀人降知州赵世贞一级夺参将安嘉善俸三月仍令上紧缉拏真贼具奏

○癸巳 上视朝

○甲午复襄垣王府奉国将军聪获及其子镇国中尉俊楸原封□获为成金□癸讦奏至是抚按问明故复之

○升浙江军门标下左营游击韩沛仍以游击职衔督理广州地方海防参将事山西老营堡游击王弼充左参将分守山西太原地方

○乙未 上御文华殿讲读

○遣山东道御史房寰巡督河东盐课 诚孝昭皇后忌辰遣惠安伯张元善祭 献陵

○丙申免追山东布政司前欠银两一万五千四百六十一两从巡抚赵贤之奏也

○以达贼侵犯前屯地方赏游击杨总勋等御获功各十两其余失事官军发遣问罪有差

○升山西偏头关守备以都指挥体统行事署指挥僉事郑尚金署都指挥僉事充山西老营堡游击移驻偏关

○丁酉先是总河都御史潘季驯漕运侍郎江一麟交章论徐州道副使林绍治河无状既而绍揭季驯谓遥堤不当筑决河不当塞天妃闸不当闭而徐北鴈门北阵一带浅阻可虞其议相左各相论列部覆绍应罢黜季驯一麟身膺重寄不宜摇惑妄议以替初心上然之著林绍冠带闲住

○开原殷家庄窠堡等项工程成录兵备副使林溱功以俟优叙○戊戌上御文华殿讲读

○升副总兵管分守辽东锦义参将事潘忠以副总兵职衔管分守大同中路地方右参将事万全都司掌印署指挥僉事倪尚忠充左参将分守宣府中路葛峪堡等处地方

○己亥升南京大理寺卿刘斯洁为兵部右侍郎兼都察院右僉都御史巡抚江西地方兼理军务

○庚子追封后军都督府带俸左都督李鹤妻张氏为夫人仍给祭葬不为例

○升原任分守山海关参将王有臣充右参将分守辽东锦义地方陕西都司军政僉书署都指挥僉事王学礼铨注万全都司军政掌印管事四川总兵标下坐营以都指挥体统行事署指挥僉事吴宪署都指挥僉事铨注福建都司军政僉书○给总督河漕工部尚书兼都察院右副都御史吴桂芳祭葬寻赠太子少保

○北虏贡市事完赏总督宣大侍郎吴兑银四十两纁丝二表里前任大同巡抚郑维巡抚宣府王一鹗各三十两二表里山西按察使许希孟等八员各二十两一表里宣大管粮郎中刘

思中等仍与宣府同知稽巔各官赏不一

○辛丑赐元辅张居正等韵府群玉书

○命太常寺卿管国子监祭酒事余有丁充经筵讲官翰林院编修沈一贯赵鹏程简讨张应元充会典纂修官

○以卤簿造成赐工部左侍郎杨成右侍郎陆光祖银二十两纁丝一表里及郎中吴从用等十余员升赏有差

○壬寅兵部题覆工科给事中尹瑾奏岭东濒海倭夷岛贼出没不常今须广布兵船邀截外洋乃为上策一曰量寨之广狭以定船之多寡二曰酌水之浅深以置船之大小三曰随便修理则财力省而防守不单四曰清查虚冒则行伍充而缓急有赖五曰整顿合用之器具使我的自卫攻人有资六曰严禁土人之接济则贼之水米利器无备七曰专主剿贼则兵无二心严督海防则军有纪律 上允行之

○诏赠太子太保礼部尚书兼文渊阁大学士马自强为少保仍荫一子中书舍人

○癸卯兵部题覆巡按直隶御史黄应坤条陈一任旧将一缮城堡一修战守一捐市本皆于边务有裨唯处属夷一事按臣欲将史车二酋收为吾兵四时操练与士卒同其勇健超群者或量加其粮而老弱不堪者即革其月粮以示鼓舞招徕之意然而二夷狼子野心终难驯服若藉为兵彼必乐从而无厌之心恐日滋长不至于尽籍为兵尽食月粮不已也不如仍旧与之抚赏毋令失所生怨仍严行申谕令其戴恩图报自相团结外捍北虏毋听其诱胁内卫边疆毋妄相勾引该镇参守严飭抚夷官役时时加察有犯者革其抚赏以示罚如北虏入犯有能擒斩真贼报功者一体给赏 上是部议

○升巡抚云南赞理军务都察院右副都御史王凝为南京大理寺卿

○升宁夏巡抚标下中军千总官以都指挥体统行事指挥僉事赵继署都指挥僉事铨注陕西都司军政僉书

○以修理 孝陵功竣赏南京工部尚书陶承学巡抚凤阳户部右侍郎江一麟银三十两纁丝一表里升工部虞衡司郭子章俸一级仍与巡按崔廷试等赏银有差

○甲辰 上御文华殿讲读

○以顺永保河四府切近京师照例免行刑○乙巳 上御文华殿讲读

○时两广总督凌云翼奏言梧州岑溪县兵变初协总金仲恩与教官谢讲聚饮官厅中县吏

唐祐以逐鸡突入因相与诟仲恩及把总张之贤遣卒逐之至县门大噪知县叶诗者故与讲有隙欲因事中之乃偈言兵变具白军门及道府参将王德懋惧祸乃械之贤仲恩诣府城而知府李榕辄遣人就捕诸为变者众益汹汹乃各奔窜四出兵备副使王原相发兵邀之或擒或斩死者二十七人余皆听抚奏至居正等请上留神省览是日讲毕居正因从容为言上曰朕已览<娼弊-金>盖由唐祐以细事起衅县官偏护一吏遂至于此一时杀二十七人皆属无辜居正言此不独县官之罪乃府官仓忙收捕激成此变臣等看详奏内并无各兵拒捕显迹死者委属无辜上曰此事要处得公平居正对言<娼弊->已下部待部覆拟请上裁顾事起仓卒实赖总督处置得宜故无大患上曰是凌云异好居正复言松江府越狱事上曰此<娼弊-金>朕亦览过强盗已奉旨即当处决何故留之狱中居正因具陈越狱始末且言会御史按行该府逐捕甚急故无脱者上曰盗知必死故拚命欲逃耳居正言自今捕获真盗审实奏请即当行刑上曰然左右或言武职太轻者居正言祖宗置卫官品皆高于府其后渐致陵夷有司侵辱蹂践不可胜言武官安待不轻幸皇上圣明时加鼓舞稍有生气即诸边将领人人知自效不苦牵制上曰唐陆贽有掣肘之说人方作字或从旁掣肘字安待成武官受牵制正如此安得展布先是讲官进讲唐鉴至陆贽与德宗论任将有掣肘之喻上已悉识之故云然左右复言今京师钱法通行商税便利居正言往者皆以歇家包揽奸弊多端今已尽法惩治故此辈敛戢各衙门皆肃清上曰彼惧枷号耳时上方援笔作书与辅臣言政事应答如响其聪明天纵如此

○丙午赐辅臣居正银一百两彩段四表里以撰上寿诗文也

○升南京太仆寺卿饶仁侃为都察院右佥都御史巡抚云南兼建昌毕节地方赞理军务

○丁未上御文华殿讲读

○江北海门县余东场地方生擒倭贼十人斩获首级一十八颗有功官员兵备等官龚大器等听吏部纪录副总兵等官戚继美等本部纪录及二等有功员役行彼抚按照依万历四年原题赏格分别奖赏被伤兵役量行优恤

明神宗显皇帝实录卷之八十一

万历六年十一月戊申朔升提督四夷馆太常寺少卿萧廩为南京太仆寺卿

○先是石城王府奉国将军拱栢越关赴京奏事发闲宅禁住至是男镇国中尉多赭奏乞代父之罪又其事在恩诏之前 上允放之

○兵部题覆南京四川道御史张友舜以留都根本重地皇城之内所贵肃清邦域之中尤当盘诘各内官衙门凡有事情俱送司礼监审处内使火者工役出入俱要悬带牌面至于云游僧道寄食寺观劫财巨寇投宿娼家此皆盗贼渊藪尤宜禁缉报可

○兵部题先经题准裁革保河民兵一枝撒放归农徵角□羊工食银两雇募土著三千名以图实用即委原任游击李逢时仍充本官管领三屯车营事务以训练之报可

○庚戌 上视朝

○以安州新安县水灾准于万历六年存留秋粮马草内炤依灾伤分数查免

○南京吏部尚书赵锦以老病乞休不允

○复副使段续参政张邦土以原职致仕从伊子户部主事段补光禄寺署丞张循之请也□
□原任太仆寺少卿王宗载为太常寺少卿提督四夷馆

○辛亥兵部题国初于闽广西浙设三市舶不徒督理贡事亦以牵制市权意固深远寻以浙江多故旋改旋罢惟闽广二舶尚存而广南番船直达省下禁令易行福建市舶专隶福州惟琉球入贡一关白之而航海商贩尽由漳泉止于道府告给引文为据此皆沿海居民富者出资贫者出力懋迁居利积久弊滋缘为奸盗者已非一日今总督凌云翼议将下番船舶一一由海道挂号验其丈尺审其货物当出海回籍之候俱欲炤数盘验不许夹带违禁货物巡抚福建刘忠问一谓漳州澳船须令赴官告给船由文引并将货物登记二谓泉漳商船无可辨查要行该有司将大小船只编刻字号每船十只立一甲长给文为验三谓沿海居民间有通贼接济宜立保甲互相稽察如一家接济则九家报官敢有容隐则九家连坐其甲保长另行重处四谓南日山寨新移吉了巡司之旁道里不均应接不及须移置平海卫南哨澳地方以便策应臣窃谓近日剧贼林道乾林凤等逋逃岛外尚漏天诛更有黠猾豪富托名服贾勾通引诱伪造引文收买禁物藉寇兵而赍盗粮为乡导而听贼用诚有如督抚二臣所言者伏乞敕下闽广该地方官查炤前议斟酌施行得旨海禁事宜著该省抚按官会议停当具奏

○壬子 上御文华殿讲读 恭让章皇后忌辰遣内官行礼○礼部题各处夷人进贡到京俱该臣部题请给赐段绢衣服然而沿袭日久纰恶实多夷人每每忿掷喧哗上褻国体下失夷情以后宜敕令织造官员严查稽核毋令匠役人等克减工料致将不堪之物朦胧混进已而工

科给事中王道成亦以为言 上报可

○癸丑礼部题各夷年例进贡惟西番人数甚众其赏赐甚厚然而发去支茶勘合及支半赏咨文恐伴送人员串同夷人别有洗改情弊及至回文到日则彼已冒支事属外夷类从宽处故将前项勘合咨文转行兵部别发公差顺赍其预防之计为甚周矣而法外之奸尚有四者一曰指称营干关银每一次支银恐吓各番指称为伊打点坐取夷人重贿一曰沈匿公文先是题准将折衣等项银两关送主客司同各夷僧并伴送人等当面封记备写数目用印钤盖乃奸巧百出尽将前文藏匿彼处巡抚衙门且不知有本部咨文况得查其银数哉一曰营干支茶勘合本部既将前勘合转行兵部发与公差人员矣此辈知之转买勘合在手百计刁难务足其欲而后与夷人夷人得此一可以遂其洗改之弊一可以免其守候之苦是以宁捐重费而不惜也一曰营干半赏咨文夫夷人于银两食茶不无预支克减之弊而年赏数内尤可侵渔此辈将前勘合巧计转购高索重价夷人就中更有他利且听彼之为伊出力而甘心与之凡此者以朝廷优厚之典夷人应得之物使奸人得以展转局骗上损国体示轻外夷其为关系良匪细故得旨依拟著实清查厘革务令远人得沾实惠

○甲寅祭 三皇于 景惠殿以祭品赐辅臣张居正等 ○升广东佥事姜忻为广西右参议

○丙辰 上视朝

○以 大祀 圜丘遣英国公张溶恭代视牲

○是日 圣母慈圣宣文皇太后寿诞赐元辅张居正母金箱宝花金银万寿字帕等物又赐张居正等万寿簪黄绶符等物有差

○丁巳诏以暹罗开馆事系创始凡选择生徒建修馆舍等项宜酌定成规以便遵守

○戊午 上诣 太庙请 太祖配位还御皇极殿以 大祀 皇天传制誓戒百官致斋三日

○庚申 上诣 郊坛恭视 神位及阅豆笾时居正守制不陪祀以扈驾从
上特召见于斋宫内殿赐果膳饌盒及八宝银叶赐礼部太常寺锦衣卫堂上官银叶各有差

○辛酉冬至 上 大祀 天于 圜丘免百官行庆成礼○遣定远侯邓世禄临淮侯李言恭武平伯陈永禄清平伯吴国乾庆都伯杜继宗分祭 长陵 献陵 景陵 裕陵 茂陵 泰陵 康陵 永陵 昭陵 惠安伯张元善祭 景皇帝中官祭 恭让章皇后及废后吴氏指挥蒋克谦祭 哀冲庄敬太子各陵园

○壬戌 上御皇极殿以长至令节受百官朝贺

○甲子撤回蓟昌二镇秋防兵马仍将各标兵酌量地方冲缓分班贴守以备冬防

○乙丑升南直隶□河游击张榜充左参将分守广西浔梧等处地方

○以辽东将领招过降夷并回乡人口数多赏总兵参将等官有差

○孝惠 孝烈二皇后忌辰遣定西侯蒋建元祭 茂陵广宁伯刘允中祭 永陵

○丙寅 圣母慈圣宣文皇太后万寿圣节 上御皇极殿文武百官致词称贺免命妇朝贺

○丁卯朝鲜国王李昰遣陪臣贡方物入贺宴赉如例

○以九江军民词讼炤旧听本兵备道就近听断事情重大者候江西抚按详允发落至于考选军政催餉钱粮制造军器清查夫丁凡系南直隶抚院当行者悉听备行兵备道督理考成从巡抚应天胡执礼之议也

○己巳以浙江分巡金衢道兵备副使胡汝嘉炤有疾例致仕

○升直隶金口圖山把总指挥僉事朱先署都指挥僉事充刘河游击

○以山西镇北楼等城堡修完赏原任总督方逢时等银币有差夺太原左卫正千户等俸三月

○以开浚白茆塘钱粮缺少准留宗人府派剩银八千两动支

○庚午陕西苟家平番人七巴等共一百八十二名各备马匹赴京进贡赏银如例○准南京户部尚书毕锵致仕

○升湖广右布政秦淦为江西左布政使

○免山东沂州卫班军领过粮银九千九百五十两五钱

○辛未 上御文华殿讲读

○南京科道官王良心等交章论列应天府府尹王世贞部覆世贞才识年力众所共惜但京尹重任既经论列难以议留仍令回籍听用 上然之

○升贵州都司掌印署都指挥僉事顾宗文为分守广东琼崖陆路等处兼管白沙水寨海防参将八达岭守备署指挥僉事孙甫署都指挥僉事充统领蓟镇德州春班官军游击

○赏总兵李成梁银三十两纁丝二表里游击孔东儒等各十五两以虏犯义州斩获有功也

○壬申降南京户部郎中方扬方沆主事王廷卿各一级调外任先是廷卿疏奏扬沆冒支库银及花费余银语侵尚书毕锵至是部科勘明廷卿性行乖方挟私论列扬沆虚夸所长轻辱僚友均宜炤浮躁例降调上从之

○复除原任陕西副使张希台为浙江副使整饬金衢兵备

○改贵州威清道兵备副使敕书内提督迤西及与参将计议字样仍给节制普安阳守备等官敕书与之

○癸酉上视朝

○升陕西左布政使阴武卿为应天府府尹准福建右布政使朱奎致仕

○云南姆璞诸夷纠党啸聚劫掠地方该官军斩获首级不上千人而杀掠男女七百六十名口而放火焚烧木瓜等处污辱士女劫夺货财屠戮之状惨不可言抚院勘实以闻上命巡按御史将本州同知张思贤拏问正罪仍恤录被难官军有差

○乙亥免讲读

○升湖广按察使冯叔吉为本省右布政使

○以南京都察院右都御史王好问为南京户部尚书

○徵广东见贮在库盐课银一千三百二十一两余其海北二提举司等处自嘉靖四十三年至万历二年盐课银五万八千捌百尽数蠲免

○遣云南道御史房如式巡按淮扬地方

○四川乌思藏法王遣锁喃元旦等一十六员进贡宴如例
丙子升鸿胪寺左寺丞薛谏为本寺右少卿

○升河南右布政使朱炳如为陕西左布政使

○谕各省直提学官遵炤敕书每年巡历一次严行考较其一切参谒抚按礼文尽行禁革

○以福建田粮不均偏累小民命抚按著实清丈明白具

明神宗显皇帝实录卷之八十二

万历六年十二月丁丑朔升贵州河南按察使张天驭吴文佳俱右布政使文佳福建天驭云南

○陕西林家山番人冉家蛮等一百四十九名赴京进贡赏如例

○戊寅以兵部左侍郎曾省吾为南京都察院右都御史
朝鲜国王李昖遣陪臣户曹参判郭越赴京进贺长至节命礼部尚书潘晟宴之

○升蓟镇总兵标下左营游击李信参将分守蓟镇石门寨等处地方

○免山东沂费剡三州县变卖种马不敷价银

○己卯升福建右参政李太原为贵州按察使

○给原任顺天府治中许倬母封一品夫人李氏祭一坛从其请也○池州府范人张思道等七人犯强盗得财律先是奉旨处决而御史耿鸣世以称冤监候请上以鸣世宽纵废法降一级调外任或谓南京户科给事中余懋学疏忤居正谪为民归婺源会歙民与婺休五邑争丝得激变居正阴挤懋学拟旨索宦族主使甚急鸣世不从遂有是贬

○庚辰上御文华殿讲读

○慈孝献皇后忌辰

奉先殿行祭礼

○赏锦衣卫掌卫事都指挥使余荫刘守等羊酒并官较炤例升一级以缉获罪犯有功也

○辛巳以南京兵部右侍郎郑雒为本部左侍郎大理寺卿王凝为兵部右侍郎

○升浙江山东左右参政徐节舒应龙为按察使节整饬苏松兵备应龙河南

○调补原任湖广右参政王叔杲为福建官如旧

○升宁夏管理水利屯田以都指挥体统行事署指挥僉事杨思署都指挥僉事充甘肃游击蓟镇总督标下右营游击王添职蓟镇总兵标下左营游击

○壬午上视朝

○癸未升山东右参政翟绣裳为按察使整饬密云兵备

○升黄花镇守备李如松充总督蓟辽保定军门标下右营游击

○甲申复除吏科给事中杨言

○升巡抚延绥等处地方赞理军务都察院右佥都御史宋守约为副都御史炤旧巡抚地方

○补山西右参政张楚城为浙江左参政

○诏以京城内外钱法壅滞重困小民各地方不著实奉行显是违抗今后再行申饬有犯私铸及倡言阻挠的除私铸为首依律论死余各问罪不贷

○谕在外衙门热审减等事例一切停止不得擅变成例妄议市恩○乙酉诏自今以后凡武职高于子者仍旧进阶卑者直炤子官文职品级其文武品级相同者并行封赠阶亦如之著为令

○升山东佥事张崇功为本省右参议分守辽东

○革乐平王府辅国将军旭木□款为庶人闲宅禁住夺旭柎旭梳禄米三分之一以木□款等纠党杀人故也

○丙戌上御文华殿讲读

○降原任江西右布政使张柱为山西右参政

○以贵州分守贵宁道兼制四川乌撒等五府及每年督催额纳贵州仓库米银不时巡历贵前二卫贵州宣慰司地方一应事宜仍与毕节兵巡及迤西参备公同计议而行给敕书与之

○丁亥升整饬蓟州等处边备兼巡抚顺天等府地方都察院右佥都御史陈道基为南京大理寺卿○复除原任江西佥事周于德为山东佥事分巡辽东带管兵备屯田

○兵部议以山海关参将吴帷忠出关应援宁前于该关步兵内挑选精健三百四十三名无马家丁一十二名共拨给太仆寺寄养马三百五十五匹其月粮料草悉于永平该镇额饷内通融炤例关支报可

○己丑上视朝

○庚寅世宗肃皇帝忌辰奉先殿行祭礼遣抚宁侯朱冈祭永陵

○辛卯以年节赐大学士张居正等银币有差

○升山西左布政使张梦鲤为都察院右佥都御史整饬蓟州等处边备兼巡抚顺天等府地方

○景皇后忌辰遣都督佥事沉至祭陵寝

○壬辰裁定司礼监官七员锦衣卫官六员旗校士军一百八十名以后永为定额

○癸巳升山东右布政使张士佩为山西左布政使○甲午

上御文华殿讲读顷之辅臣居正等入侍因言向者

皇上御极之始方在冲年臣请每日写仿一张今御书宸翰已为妙绝若再求精工即使书逼钟王亦于治理无益臣请自来岁为始停罢写字每日蚤讲之后容臣等将各衙门紧要章奏面奏数本摘其中紧关情节逐一讲说要见祖宗法度如何见今事体如何某事便益合当举行某事弊坏合当厘革今当作何处分应何批答皇上或面赐质问令臣等反覆开陈或出其圣意与臣等商议可否议定然后行之臣等亦可随事纳忠陈其狂瞽臣又惟帝王之学要在讲明义理知古今治乱安危之所由不在句读且见今所讲经书皇上皆已熟读数过今后讲官止令炤常进讲不必先读其中或有疑义

皇上不妨面问令讲官通俗讲角□羊或讲官一时仓卒辞理未畅臣当从旁代对罄竭其愚皇上既讲明义理又通达政事于治天下何有惟 圣明留意 上然之

○乙未升浙江按察使杨一魁为山东右布政使江西左参议王世懋为江西副使

○以诸王府及大臣丧辍朝一日

○丙申 上御文华殿讲读□原任大学士高拱妻张氏上疏陈乞恤典 上曰高拱负先帝委托藐朕冲年罪在不宥但以 先帝潜邸讲读朕推念旧恩姑准复原职给与祭葬

○工科给事中刘中立云南道御史茹宗舜各< 娼弊-

金 >论劾京营戎政兵部右侍郎孟重贪庸状已而重疏辩乞休不允

○丁酉升浙江右参政徐云程为本省按察使

○调补广东右参议李天植为江西左参议分守九江

○戊戌以陕西积谷少四分以上夺平凉知府张崇谦等俸三月少五分以上安化知县张附翔俸半年七分以上泾州知州张四维等八月九分以上文县知县王三锡等一年

○遣浙江道御史朱文科巡视京营

○己亥升云南副使许宗鑑为浙江右参政

○户部题覆淮大邳三卫运军月粮旧例该在存留屯粮支給近缘地方灾患各州县徵角□羊不前始改给于商税自今以后若不取给于屯粮则旧额渐湮若全取给于税银则徵商过重今议以十分为率在济漕税银内支者六七在存留屯粮内支者三四裒益适中可以永久至于泗州卫运军该卫屯粮秋米抵充外其余五个月该折粮银三千七百四十四两即于本州及天长盱眙⁸ 竟⁹ 缙¹⁰ 三县硬¹¹ 8. 梦老乃巴土复兆¹² 定数报可○诏以各边工程但经题准紧要者上紧修筑以资防御其余不得虚冒钱粮疲弊军力如蓟镇之赛西湖宣府之饮酒楼等项殊无名色亟宜一切禁止

○勒令钜野王府辅国中尉颐尧□佳自尽降阳城王长子载土□常为庶人尧□佳殴母伤兄土□常居丧挟妓皆为抚按所劾奏也

○以南京 奉先武英二殿及承天门工竣赏礼部尚书陶承学等银二十两纁丝二表里兵科给事中王良心御史林应训各升俸一级仍与工部主事郭子章赏银有差

○庚子 上御文华殿讲读

○是日辅臣张居正等题先该臣等题称每年终将讲过经书通鉴讲章类写进呈以备 皇上温习观览仍发司礼监接续刊板已奉钦依节次进呈讫今将本年所讲经书通鉴共五本谨类写装潢进呈仍乞发下该监接续刊行

○居正又题适得蓟辽总督梁梦龙塘报言辽东大捷等因臣看此举虽系出边捣穴其所获皆守帐家口与精兵入犯临阵者稍异然斩馘至八百余级使贼狼狈内顾未及抢掠而去斯其功亦奇而可以慰 皇上东顾之忧矣谨具题以闻
建江西泸溪地方县治即以泸溪名县铨选知县典史各一员教谕训导各一员

○给原任总督陕西三边军务兵部右侍郎兼都察院右佥都御史董世彦祭葬世彦立有边功炤考满例与之

○壬寅 上视朝 升山西右参政兼佥事吴善言为都察院右佥都御史提督军务巡抚浙江等处地方○户部藉奏勋爵魏国公徐邦瑞等常禄及节次加赐共岁支禄米二万五千四百三十石系常禄者于银库系加恩本色者于禄米仓各关支惟复仍旧本折分派
上曰既查明白以后通行造报

○癸卯升陕西佥事马时泰为行太仆寺少卿兼佥事

○令太常寺卿陈于陞致仕坐冒服登坛为科臣林景暘参劾也

○巡按陕西御史赵楫题虏之盘踞西海日与番僧溺志焚诵并无回巢消息部落八万有奇逐水草而乘机刁抢往往有之臣再三侦探此虏久驻不回其不便地方有四此中百姓全赖农桑今诸虏往来不得佃作秋事业已失望此时又无回巢消息则明年薰蓂之期又未可卜不便一凉庄僻在一隅所通往来者一线之路耳今虏王部落往回各套群丑之送迎道出凉庄永昌诸处固非垂橐而行也况中超胡儿一枝最号狡黠时剽掠粮畜当事者传谕虏王罚治则彼以年老不能铃束为辞以故不但居民有妨农桑抑且行旅受害道路萧然矣不便二虏王与宾兔丙兔超胡儿诸酋扣关乞赏无日无之而抚赏之费不过取给于商税而修城美金自理赎醵悉掇括无遗焉臣与各道论及俱云此虏不去将来抚赏之费必议及军士月粮不能神运鬼输也夫边军方枵腹待哺何以堪之如往年庄浪之变可鉴也不便三虏王久驻海上沿边套虏风闻云集彼即遵盟守约而在我不得不分布要害以防叵测然既力分势弱倘番贼乘虚入寇出我不意未免顾此失彼如往年石峡堡之事乃其明鉴而疮痍未复之民又何以当也不便四然此就目前论也虏王年老有如一且填壑则部落散涣其谁统之况诸虏久住甘凉庄西虚实尽为所伺万一犬羊生心则狭以西无复安枕之日矣顺义盘驻西海而沿边各套诸虏假以迎送约会倾巢麤拥悉移驻近边之外韦鞬毳幕蜂屯螳集彼此已成首尾之势我之背腹皆虏何异痂疽结于肋下豺狼伏于门庭兼之虏王老耄各枝部落又不受其铃束万一点虏匪茹则变当在旦夕间伏乞敕下从长计议无滋后患议下所司

○甲辰调山东副使王士□旋为山西副使

○进仁寿清宁未央三宫官地子粒银共三万八千八百七十两

○乙巳升山西太原府同知李甘□向为陕西佥事整饬肃州兵备兼管屯田

○调补浙江副使刘翺为云南整饬福安兵备以考察不及调也

○丙午 上御皇极殿顺天府行进春礼○是日 上祫享

太庙

○以明日正旦节遣丰城侯李环定远侯邓世栋新宁伯谭国佐武平伯陈永绍庆都伯杜继宗祭长陵 献陵 景陵 裕陵 茂陵 泰陵 康陵 永陵 昭陵惠安伯张元善祭景皇帝陵寝内官祭恭让章皇后及废后吴氏指挥同知谢二太子各陵园

神宗八十二终

明神宗显皇帝实录卷之八十三

万历七年正月丁未朔

上御皇极殿百官行庆贺礼

○辅臣张居正题今月恭遇元旦仰惟 圣母 皇上履端纳祐茂衍 宸禧臣忝首臣欣庆之私万倍恒品缘奉有前旨不敢随朝行礼谨于会极门叩头称贺<娼嫖-

金>入报闻特赐烧割酒饭又赐三辅臣上尊珍饌 壬子上御皇极殿太常寺以孟春奏享太庙礼毕 上御经筵升山东右参议徐学古为本省副使升光禄寺卿温纯为太常寺卿

○甲寅 上致斋文华殿会乐安等府宗室宸凉等六百余人俱以擅婚被讪例当革封连名奏辩辅臣张居正等以其奏封进有顷召居正等入至殿后居正前诣御案展宸凉等奏读之上且读且语至竟居正奏言旧制宗室年至十五各该王府始为请封请婚及奉旨选择果系家道清白人物俊秀年命相应者巡按御史核实以闻该部题覆乃赐给封号许今成婚如不候覆请授封擅自婚配者所生子女止许请名不许请封比定例也顾岁久人玩往往朦胧侥幸不行发觉至嘉靖二十八年以晋府宗室表柔事发乃复申明禁例近因多确多燬挟私互讪并以擅婚革爵乃并宸凉等通行举首若以常例论究则六百余人家口不下千数皆当夺削情实可悯且据宸凉等奏皆谓授封在二十八年以前彼时禁列未曾刊布虽有违碍俱在例前合无念年远人众姑与分别以二十八年为断

上曰二十八年例 皇祖所定耶居正对曰然此本宜下礼部酌议若例后故违者照常革黜例前所犯姑免追究庶情法得中 上曰先生言是与礼部议行居正又言今国家难处之事无如宗室盖国家财赋有限宗室生齿无穷今 玉牒见存者不下万五千余位即揭天下之赋以供之尚不能给况又有朝廷之经费九边之军饷乎是以有司极力措置常若不支宗室张口待哺常苦不赡其间穷困窘迫至有不可言者矣夫

高皇帝众建宗子意存强干惟恐支裔不蕃

裁抑惟恐其生息之日众此岂 圣祖之初

穷耳自今宜斟酌变通稍为限制五服之外皆

封爵有数禄粮自省且今 仁庙 宣庙皆以亲

王子孙袒免之外者乎 高皇帝初制亲王岁禄皆以民贫赋少有止给二千石及千石者则知□圣祖法意原有变通但兹事体重大未可轻议待数年之后 皇上益明习政体灼见弊源乃时颁明诏告谕宗室定为经久可行之制庶几人情帖服若失今不图岁复一岁将来大患必起于此 惟皇上深思而审处之 上曰当与先生每从容议处居正等奏事毕

上曰先生每辛苦居正等复叩头谢

○乙卯 上亲享 太庙

○丁巳 上因考选译字生命将诸国番文各写一本进览至是辅臣传令四夷馆写完华夷译语十册进呈 上留览

○云南御史陈文燧议欲复设参将驻劄三宣兵部题覆谓永昌自裁革分守参将复设知府同知之后夷民安堵三宣设将更欲何为其临安参将原为防缉犴狴弹压安南非以制莽今东夷底宁守备足制参将已为虚设议将金沧守备移驻腾越协同抚夷同知勘处夷情无事则督率永昌腾冲操捕官训练汉土官军夷兵以振军威仍责成金腾兵备副使巡历稽查功罪从其议

○己未兵部题水西□民二酋虽就处分终属犷悍制驭统摄须在得人请敕署都指挥僉事李长荣加衔守备坐镇卧这等处指挥王道亨管理的都从之

○命延绥镇每年贡市抚赏银货奏册清册改拟简明总数

○旧制设养种马固为孳生亦备缓急先因沂费郯城地灾民困故抚按题请曲与调停非例也而金乡鱼台复以灾累为辞＜娵斨-金＞乞比例若他州县相继奏乞必将尽废马政兵部覆议将鱼台县见养种马量卖三分之一金乡县四分之一从之

○升永平守备陈汝忠署指挥僉事充神机三营游击○癸亥
英宗睿皇帝忌辰遣崇信伯费甲金祭 裕陵

○命究追近侍杨成张用等诬骗盐□赃物

○乙丑命修撰张元忬编修余孟麟简讨张应完等内书堂教书

○命叙录延宁甘肃三镇贡市告竣供事文武员役部光先侯东莱罗凤翔宋守约傅津张宸陈锐马出图张杰聂大经张云汉等赉赏有差

○命辽东镇增补官军俸钞月粮银两预发应用

○户部题覆总督仓场尚书汪宗伊奏清积弊以省烦费一议总衙门比照协理京营事例给与直皂或仍用甲斗拟二十二名坐厅仓场监收郎中员外主事各定以甲斗四名不系管理仓场官员不许一概占役一议将每仓只僉甲斗一名以省冗役一议将各处漕粮样米不许有司另行差人解纳止令监兑官摘取二升分别红白二色印铃米袋运官带解以防官旗插和之奸而已报可

○户部题覆各边年例银两照经制数目先行给发一半以便急用从之

○丙寅宴陕西进贡刺麻番僧如例

○楚世子华奎奏摄国东安王用事群奸侵克钱粮丛计拨置各宗仪不遵约束朋党抗违礼部题覆世子冲幼奏中情词似有庇护群小之意奉旨下抚按勘覆

○丁卯 上御经筵辅臣始面奏事

○以翰林院修撰张元忭编修刘城赵鹏程充经筵展书官

○广东惠潮兵巡道副使李得阳分守岭东道右参议李盛春以病乞休许之

○命准平州陆洞官司土舍杨治安就彼袭职又因先擒获妖逆有功准加从五品服色○戊辰 上以辽东大捷遣英国公张溶等祭告 郊 庙御皇极门宣捷先是蓟辽总督梁梦龙报万历六年正月有劈山之捷六月有镇静之捷十二月酋首速把亥乘秋防甫撤会合土蛮黄台吉等三万余骑入犯东昌堡总兵官李成梁率游击秦得倚等击破之斩酋首九名并首级八百八十四颗至是祭告宣捷云

○兵部题覆宣大督抚吴兑等〈娼弊-金〉大约谓青永二酋并布宣府一镇所市马三万匹较之初议已踰数倍虏欲无厌又欲比照顺义马数为请若遽以三万为准则虏必求增唯当□ 上年过多以折其意而临时操纵无过三万欲苏军困则变夷马必从轻估价其该镇市本不足宜将每岁年例客饷银照额全发并各军以前所欠马价概为蠲免从之○工科给事中王道成言两河修筑遥堤未成徐邳旧堤守宜查万历四年该河臣傅希摯议设堤夫三千七百名每三里建一铺一里用十人而使管河官画地分督水消则随处帮修则并力防塞此亦支持终岁长计其后官夫不复省视遂貽河决之害宜于旧堤按铺责成防守从之

○升河南归德府知府赖廷桢为山东副使整饬天津兵备

○命毁天下书院原任常州知府施观以科歛民财私创书院坐罪着革职闲住并其所创书院及各省私建者俱改为公廨衙门粮田查归里甲不许聚集游食扰害地方仍敕各巡按御史提学官查访奏闻

○上以虏酋款顺恐边臣弛备遵 先帝明旨遣科道官阅视边务用以儆惕人心振兴颓废时给事中李廷议奏言差官糜费劳扰无益 上谓廷臣妄言阻格罚俸半年

○己巳贵州总兵吴国以贪纵欺冒被劾革职

○发遣将官黄道朱甫等戍边黄道系广东罗道中路守备抚驭无方及朱甫克匿军粮致激

倡乱俱犯堤备不严抚驭乖方致有所部军人反叛者律

○诛妖犯王铎等散其党铎系武成中卫舍余幼为僧后还俗师事妖人林福左臂疤痕似半边月形脊背多白点如星肋下白点形如北斗腿上有三黑子自称天地三阳会首又盖三阳殿造混元主佛三尊傍列伪封蔡镇等为三十六天将捏造妖书违法器物煽惑男妇六千余人以度劫为名事觉伏诛

○庚午辅臣居正题 圣躬偶有违和请暂免朝讲纳之时 上方患疹

○朵颜并泰宁等卫夷人朝贺 圣寿节赐宴如例

○遣尚书潘晟祭 至圣先师孔子

○录督理修筑盗镇边墙城堡功赏罗凤翔解学礼等有差

○以河南赵府宗室载坫火□厚燇任情私娶违例请名又霸吞绝产谋并宗粮恶为相讐有乖敦睦革载坫冠带罚厚燇俸半年其< 姁居遥緱芳确璧甘结罚俸三月仪宾王攀构讐宗亲着抚按提问

○叙辽捷大小文武功次赏李成梁银一百两蟒衣一袭梁梦龙周咏及本兵方逢时郑雒各赏银两表里有差并张宗功唐朴李如柏等十四名高自亲等八十余名各赏银两有差○壬申兵部以云南按臣条陈事节参详抚镇王凝等会议其一略曰夷俗难绳汉法今欲给还印牌颁赐历日无故传檄徒惊疑耳且缅甸印牌见贮永昌思个印信久已追夺俟其来归请给请继亦为非晚二云三宣与腾越相去不远展转矫诬乃其恒性今已收之困蹢曲与招携固不必许以声援啖以赆予唯当薄示羁縻自足安枕三云夷方兴筑财力俱难止将腾冲要害增堡增城其三宣等处各从其便更当时加简谕以示招徕俾其乐于效功外杜侵轶四云积谷招兵宜将饶死永远军犯发充本境准募土著分投屯操五云通夷之禁固宜严而违禁之条尤当分别轻重若关给文引恐易生事端惟当时加盘诘杜绝奸人至于重大夷情毋得隐匿不报六云夷官承袭惟腹里司分照旧输纳其六慰三宣等处量减其半有贫无力者尽数免徵并预造文册裁省覆勘七云思个果能款贡即宜与题请冠带承袭其木邦罕拔原系内属近稍惊疑惟徐图抚谕大都欲详内略外治以不治其于殊俗夷情为稳妥简便从之

○升兵部职方司郎中项笃寿为广东左参议分守惠潮

○癸酉陕西巡按御史赵楫奏虏王部落盘据西海地方军民不便宜及时传谕抚处严敕堤备纳之

○宥贵州降夷等罪赏巡抚何起鸣夷民光赛光见蜡谢军凹等负固流毒有年闻抚归附与长牛阿田等寨诸夷并毛口陆坠四大寨夷民各认纳粮马兵部题何起鸣抚处之功故有是命 ○蓟辽总督杨兆巡抚陈道基奏蓟州等卫所关营屯地岁减屯粮草束折色军饷银乞行

除豁不许部覆奏内屯地所减岁饷八万八千有奇但据御史郑宗学勘查参政辛应乾覆查之止少银四百余两且自万历元年四年两经阅视未有言反抛荒屯粮曾不三年岂应亏饷至此年来又有增垦粮银前项地亩原非不堪耕种中间岂无豪民奸猾旗甲欺隐捏报若据将欠粮尽豁则前项抛荒屯地永无开复之期而侵没诡计终无首正之日矣于是命查各该屯地将增垦徵纳屯粮三百四十余石地亩增银六十余两逐年抵补其抛荒等地共一千五百四十余顷行各兵备道严督掌屯等官各率屯军设法开垦耕种补纳○行天下武举乡试条格

○乙亥 仁慈懿安皇太后圣节赐三辅臣上尊珍馐

○苏松常三府节年退换绢布罪坐奸徒包揽侵盗管验官陈应荐上以其徇私听嘱命照罢软例闲住

明神宗显皇帝实录卷之八十四

万历七年二月丙子朔辅臣张居正等题先该礼部题请皇上躬耕藉田已奉钦依择于二十五日行礼昨奉

圣谕以圣躬出疹欲服药静摄出疹之后最忌风寒伏望善加珍摄耕藉之礼改于明岁举行上纳其言

○丁丑赐海西者刺等卫进贡女直夷人等宴如例

○命勘定长定堡杀夷功罪兵科给事中光懋追论辽阳车营游击陶承谥往日长定之捷邀功生事谓所杀夷人阿丑哈等原近边属夷后为土蛮部落因偷土蛮牛羊事觉惧罪于六年三月十四日率众来降十七日陶承谥假以犒赏号召掩其不备而捶杀之宜坐以杀降之罪上命巡按御史安九域勘明具奏部覆谓按臣之议欲重陶承谥之罪者恶杀降而惩侥幸也但东虏侵掠岁无宁日骄悖凶恶乃我世讎拥众住牧志图叵测虽有来降之言乃为误我之计在督臣梁梦龙则云杀之足以伐谋在抚臣周咏则言陶承谥贪功袭贼情或有之若云真正投降终无可据陶承谥侥幸成功诡谋侈捷复冒升赏据法追论亦云惩侥要以国体兵机殊有关系在承谥固不足惜然此声一传群酋鼓掌阃外之威不折自催甚非所以劝将帅而鼓军士也请夺其职从之其一时各官应叙功者马卫都王有臣等三十七员俱革原任升职级梁梦龙李成梁周咏俱准辞原加恩典唯另议新功叙录所给各军犒赏俱免追夺○升户部山西司郎中刘思中为山西佥事驻劄宣府管理西南二路命筑大同镇屯堡敌台计屯堡二百五十七座敌台一千二十八座分为三等以临边取冲虏所必至者为一等预先修筑稍近边界虏所不至者为一等次之附近腹里去边稍近者为一等又次之其大同镇城之南关左卫亦照议修理从督抚侍郎吴兑等请也

○升河南左参议张尧年为广东副使四川佥事王来贤为广东右参议调山西佥事管理永宁兵备季遐龄管理代州兵备升云南佥事叶宪为河南左参议

○癸未辅臣张居正题文书官口传

圣母慈谕前因皇上出疹曾许僧人于戒坛设法度众今

圣躬万安宜酬还此愿窃惟戒坛一事奉有世宗皇帝严旨禁革彼时僧人聚集以数万众恐有奸人乘之致生意外之变非独败坏风俗而已隆庆以来僧徒无岁不冀望此事去年四月间游食之徒街填巷溢及奉

明旨驱逐将妖僧如灯寘之于法然后歛戢今岂宜又开此端窃惟

圣躬康豫合无敕下礼部遣官告谢郊庙

社稷益助洪庥斯名正言顺神人胥悦何必开戒坛而后为福利哉＜娼弊之金＞入事遂寝

○赐海西古城等卫进贡女直夷人等宴如例

○定蓟永密昌等四镇额饷银数蓟州五十七万二千一百一十两零永平镇三十三万四千一百一十五两零密云镇五十二万九千五百六十一两零昌平镇二十二万六千八百五十两零

○户部籍奏各边盐价以专备客兵及岁用之不敷者

○甲申祭三皇于景惠殿

○赐朵颜泰甯等各卫入贺进贡诸夷彩币如例仍制敕给回

○乙酉孝贞纯皇后忌辰祭茂陵遣武靖伯赵光远行礼

○大学士张居正等题臣等题重修大明会典钦奉敕谕随开馆纂修间看得各衙门事例惟礼曹为繁国家典章亦惟礼制为重近该礼部将所纂礼曹事例呈稿臣等仔细参详国家典礼如仪制秩祀者皆出祖宗列圣亲裁至精极当分类编录足垂永久惟宗藩一事条例最繁前后参差不一至嘉靖四十四年始定为宗藩条例一书比时礼官亦自以稽考累朝典制斟酌损益既殚厥心矣然以臣等愚见揆诸事理尚多有未当者推原其意徒以天潢支派浩繁禄粮匱乏而宗室之冒滥滋多不不得不严加裁抑顾集议之始未暇精详中间或减削太苛有亏敦睦或议拟不定襄所适从或一事而或予或夺或一令而旋行旋止或事与礼舛窒碍难行或法与情乖轻重失当徒使奸猾得以滋弊有司无所持循略举数端可知其概如亲王乐工二十七户乃高皇帝所定载在会典盖以藩王体尊燕飧皆得用乐不独迎接诏敕为然今概从裁革此减削之太苛也又如亲王故绝既许之继封以重大宗又云必亲弟亲侄方许请继及查例行之后亦有不系亲弟亲侄者此议拟之不定也又如郡王初封者爵秩虽同然有帝孙王孙之异亦当视亲疏以为差等今后房屋等项一概停给则亲无隆杀矣又今文官三品以上皆得给与祭葬郡王体亚亲藩乃许选继擅婚庶人名粮止给五十石而罪宗庶人乃得七十余石又历世不减则恩纪失伦矣又如郡王与亲王同城住居故绝者止以本等官职奉祀而另城郡王故绝者其子又得世授镇国将军此事同而例异者也又如擅婚子女不定年限概从查革有一府而至数百位者于法不可不尽革不革则又废法此厘革之无序者又如郡王故绝与以罪革降者事体原自不同其册印亦当分别进缴今乃概从缴夺此混施而无别者也又如滥妾及花生传子女冒请名封将保勘宗室通行革夺长史等官俱问发边卫充军及流官寄籍奏请选婚者革退另选将被选之人发边卫充军遇赦不宥此立法之太严者也诸如此类尚难悉数夫令以布信数易则疑法以防奸二三则玩见今该部处置宗藩事情悉用比为准似亦未为大害但欲勒成简册昭示将来则□考求国体审察人情使情法允协裒益事宜乃足垂万世不刻之典今观其例仪实多未妥臣等不敢以臆见擅为更定照得万历四年六月内礼部题请奉旨这宗室滥妾所生子女于例已不许请召请封乃主今改姓易籍发为编民殊非情理之当见今重修会典此等条例都着议拟停当改正行合无敕下礼部遵照前旨将前项条例再加斟酌并上请圣裁著为宪令然后开送臣等纂入会典庶法以画一万世可遵矣得旨礼部看议来说○以年例升湖广道御史唐本尧为浙江佥事江西道御史胡时化为河南佥事刑科给事中王胤祥为河南佥事云南道御史房如式为山西佥事湖广道御史沈梗为四川佥事户科给事中田乐义为四川佥事升陕西左参议解学礼为

陕西副使整饬固原兵备原任广西右布政使李凤原任云南右布政使林一新原任江西分守南昌道左参政郑一龙俱年老致仕

○命修筑广宁镇城垣折补增高限三年报绩从总督梁梦龙请也

○河南道监察御史张简条议一明节制以安地方请敕盩厔山卫等屯营俱听河南抚按并守巡河北道节制考察其屯军舍余人等与居民一体编为保甲各相统制一增守备以便责成请于南阳地方添设守备一员驻劄唐县管理南阳卫所军马巡缉矿盗其嵩县守备止管河南府及汝州地方职守既专责成甚便而矿寇可弭矣从之

○罢恭顺侯吴继爵南京外守备以科道劾其行简不修大坏官常也

○己丑新升左佾都御史刘思问以京堂官到任前当面见谢恩时遇免朝上命即到任管事候御朝日但补面恩不必面见着为令

○差云南道御史马呈图往贵州四川道御史李时成往庐凤等府陕西道御史董光裕往应天等府巡按

○阅边届期遣刑科左给事中戴光启往延盩甘固工科右给事中王致祥往蓟辽保定刑科给事中姚学闵往宣大山西给关防三颗诏令悉心稽画安静行事其地方官有科歛及侈费的便参来鞫问○辛卯命辅臣居正勉纳贡夷人乌思藏僧人锁南坚错等馈物僧锁南坚错即虏酋顺义王俺答所称活佛者也去年虏酋以迎见活佛为名意图西抢因教以作善戒杀阻其西掠劝之回巢又因而连合西僧向风请贡且以番书一纸并压书礼物遗居正居正上言臣系辅弼近臣参预密勿义不与外夷私通不敢私受上以居正辅理勋猷宣播遐迩戎狄宾服宜勉纳所馈以慰远人向风慕义之诚

○蠲畿属邑马房子粒之逋负者以巡抚陈道基巡按于鲸题请灾伤故免

○升四川左参政孙坤为陕西按察使山西佾事韩应元为陕西左参政兼管屯田升户部福建司署郎中事主事罗良桢为云南佾事

○壬辰春分祭大明于朝日坛遣公张溶行礼○癸巳赐海西淝河等卫进贡女直夷人台失等宴如例

○赐贡夷乌思藏自称阐化王长男札释藏卜次男札释坚参藏僧锁南坚参星吉藏卜等封授赏赉有差并给代乞顺义王俺答之赏札释藏卜称系阐化王长男然不知其父何名袭封何年又所称与前王通贡年月互异宜候查核但以其慕义来王化虏有功姑先赏赉以慰夷情耳

○虜王索開茶市于洮州以馬五百匹易茶陝西巡按羅應鶴請諭止之章下兵部

○甲午 恭仁康定景皇帝忌辰遣惠安伯張元善行禮

○差廣東道御史王藻接管營務

○乙未命翰林院侍讀羅萬化充會典纂修官 ○廣西巡撫吳文華題上年六月內招撫過昭平等處民賊蠻賊二百三十七村計男婦二萬二千六百餘名口俱經編甲當差其負固不悛者擒斬首從賊級三百四十一名顆俘獲賊屬一百五十二名于是兵備副使陳應春參同都司韓文啟平樂知府羅黃裳同知林焜章升賞有差總制凌雲翼吳文華各賞銀三十兩絢絲二表里

○虜犯前屯等處將官王大璋章應選等以備御疏虞問革分別吳進忠鄭世臣等十三員情罪依律問擬仍恤陣亡被傷等員役

○巡按山東御史安九域上言封疆之事戰守為先若夫互市乃一時羈縻之計今土蠻頻侵其來講討者非有向化誠心不過明行要挾若不察其情而輕聽之貽累基禍後將噬臍惟當嚴飭文武諸臣申嚴戒備固守邊徼若糧餉不足督撫二臣尤宜悉心區處使馬騰士飽至薊遼二臣相為輔車宜協力救援至于慶雲堡西市原福余屬夷載在國朝定制今朵顏泰寧之添入勢所必至其勾引黃台吉等事或有之尤在撫鎮加意撫處以安輯夷心其有擅帶弓矢入者明行曉禁如有不從即不許市而設兵按伏尤宜慎重毋得輕忽自起弊端使狡虜得藉為辭乞命下移文各鎮料度虜情參酌時勢有萬全謀略可裨安壤者另奏請定奪報可

○推陝西僉事咸懷良調補山西僉事

○丙申祭 歷代帝王遣公張溶行禮侯顧寰伯楊炳尚書方逢時潘晟分獻

○差雲南道御史黃應坤往山西河南道御史李枳往順天等府各巡按

○少傅兼太子太傅吏部尚書建極殿大學士呂調陽以衰病乞休許之仍賜馳驛差官護送

○丁酉朵顏等三衛夷人都指揮頭目伯彥打來等赴京慶賀 萬壽聖節并長至頒賞如例仍敕今後各貢夷慶賀事完即給賞發遣毋令稽留其物不許奸徒侵賣致失朝廷綏懷遠人之意

○升廣西思恩軍民府知府侯國治為廣西副使整飭蒼梧兵備

○鞑賊窺犯曹家堡等處諸臣克敵上功賜總督梁夢龍巡撫張夢鯉總兵官戚繼光各銀三十兩絢絲二表里

○己亥以清明节遣侯伯等官诣各陵寝行礼

○赠故太医院掌院事太仆寺卿徐伟复通政使给与祭奠仍升其子徐文元为御医以示优恤部覆医术起家虽躋三品原无恤典但以供奉三朝保护功多请乞特予之

○以贵溪县盗贼强劫罚地方官有差仍飭兵备官以弭盗为职所属州县皆其统辖只论失事大小为罪轻重毋再以驻劄隔远曲为解免○边哨钱恩以勾引北虏要挟贡市罪论斩

○调南山参将张刚于上西路调上西路参将李真于南山以张刚素谙虏情李真习熟边计督抚吴兑荐故调

○命革宣府游兵营游击李廷相究赃问拟如律

○调原任浙江佥事王君赏补陕西佥事整饬巩昌兵备

○庚子定考课法一考满官员起送赴考间系病痊起复到部俱准给繇一各官考满文册到部本部查其升迁日月果在任满之后者不论已未保留但公文开称考核明白称职者一体准理若查系平常劣升者仍不准给繇其或升迁命下而历俸未滿即少一日亦难概准及虽已滿而升迁日久至半年以上者不得妄行援比以滋冒濫

○升刑部山西司郎中范极为河南副使整饬汝南兵备○陕西巡按御使罗应鹤题请传谕虜王俺答究来洮州索市赏者罪恐克赖勾引部落假借故有是役

○升延绥大柏油堡守备指挥许汝维署都指挥佥事充延绥领军游击

○赐海西哈儿等卫进贡女直夷官你尤哈等宴如例

○两淮巡盐御史董光裕条陈事宜一优恤灶丁仿民间社仓规制将三分司罪赎银两杂稻贮场遇荒量赈且当青黄不接时稽贫量借秋成抵还至于盐仓仅覆数苇日久亏蚀苦于追补请凡拖欠盐课十年以上者尽数蠲免以苏灶困七年以上者令每引折银一钱五分贮库以给支商七年以下者严责用心护守以候开支一清理引目旧制两淮差官赍纸价赴南京户部关领引目号簿回司给□支盐临掣之时止将引目送验号簿逸失无考于是老引假引得而濫之议将号簿填写边商内商姓名候临掣比对若商人不缴号簿及查比不同者追没盐引一严立限程旧例仪真掣盐水商必候盐价腾踊然后赴卖致使小民食盐不便今议自仪真至石灰关石灰关至湖广江西各立水程限期速往发卖违限者计日罚治一禁革食盐食盐不禁弊源终不可塞议查收淮杨二府食盐禁革照旧分派行盐除逼近盐场州县听其以米易盐免派其余如扬州淮安府属等处原派一千引者止派五百原派五百引者止派三百仍依旧例令各州县佥选殷户赴仪淮二所分买掣迁运盐往本州县拆卖其或军民食用不敷将缉获私盐贱卖仍将铺户所领盐引盐尽即报违者参治报可

○升湖广副使宿度为四川左参参

○以湖广右参议章甫端为辰沅兵备副使兼摄学政○命翰林院撰拟各藩贤王谥号册文

○壬寅敕亲王谕诸宗屏逐俳优河南宗室繁衍以汰侈相煽民间转相仿效优戏充斥闾巷巡按御史张简具题得旨

○以万全都司金书署都指挥金事王吉充宣府入卫游击

○癸卯编金复等卫土兵五千七百一十五名并永宁监恩军二百七十八名著为定制每年于十月初旬委官管领在城堡操防至次年二月终撤放归农用盔五千四百九十三顶甲四千五百八十四副于军器内照数查给

○命巡按御史查勘山海关南海口寺儿口等处达虏聚犯官兵据守退虏情繇

○革刘河游击魏春方回卫闲住以马自道补之仍把总荻港事务

○添造四川扇柄七百四川贡扇原有定额是年巡抚王廷瞻奏造完御批添造岁以为常○甲辰赐楚世子华奎金宝一颗楚府自庄王至愍王金宝相传六世因世子英耀谋逆追还至是华奎复奏得请

○乙巳升提督四夷馆太常寺少卿王宗载为大理寺右少卿升湖右参议章端甫为湖广副使整饬靖州兵备以山东左参政余立补福建右参政

○复前任少师兼太子太师吏部尚书中极殿大学士高拱原官葬祭半给不差官拱河南郑新人才气英迈遇事能断当 穆宗藩邸授经特加眷注首相徐阶亦荐既跻政府不为折节时出语忤阶意而言路方拥戴阶又忌拱丰裁会有御史论阶者拱门生也意为拱噤因交章论拱以病去已张居正起拱于家以阁衔掌吏部事锐然惟甄别吏迹储用边才为务前是虏酋俺答孙降于塞拱请归之遂入贡因求互市朝议纷纭拱奋身主其事与居正区画当而贡市成三边宁戢又广寇鸱张辽东数与虏角一时督抚剿除拱主持力为多至献狱执笔出冤者百三十九人诸所条< 媚嬖-金 >持大体< 娯械郑尽蹉听淞酢醪槐芷彭谷恍约惫讶紫胪列每成嫌隙虽自清励而所引用多门生不无窥窃至摧抑故相阶拱不为无意然其定人狱成而拱谓已甚必欲轻出之则原非深于怨毒者居正次拱相拱多面折居正衔之拱欲除冯保犹与居正谋有旨逐拱一夕策蹇去万历六年卒于家祭葬止半给又二十余年嗣子上< 媚嬖-金 >得旨以疆场功赠太师谥文襄荫一子

○升太常寺少卿王宗载为大理寺左少卿

明神宗显皇帝实录卷之八十五

万历七年三月丙午朔

孝肃皇后忌辰祭 裕陵遣新建伯王承勋行礼

○辅臣张居正等题该文书房口宣 圣意 圣躬万安 两宫圣母例有进奉及内外人等合行赏赉目今内库缺乏欲传取光禄寺银十万两应用臣等看得该寺积贮银两本以供办天庖膳馐 圣躬康豫增福延龄因此进献 两宫颁行赏赉又事之不常有者臣等不敢抗违窃惟财赋有限费用无穷积贮空虚民膏罄竭不幸有四方水旱之灾疆场意外之变可为寒心此后望我 皇上凡百费用痛加樽节若再有取用臣等亦决不敢奉诏矣

○南京工部尚书陶承学等奏核五城地租节慎库历年费用所有羨余开报以闻

○丁未升吏部文选司郎中臧惟一为太常少卿提督四夷馆

○湖广衡州府狱反逃重辟三十余名抚按奏劾府捕司狱等官纵放疏虞命革任降罚有差

○谕洁净皇城门并＜娼弊-金＞通沟渠道路岁为例

○升大同新平堡守备麻承勋署都指挥僉事万全都司军政僉书

○辽东海西淝河等卫女直夷人都指挥等官台失等二百八十八员备马二百八十八匹赴京朝贡给赏如例

○戊申升吏部验封司主事陈惟直为湖广左参政提督太岳分守下荆南道

○巡抚甘肃侯东莱子侯世恩僭用勘合轿伞旗吹等项被劾革荫先已具＜娼弊-金＞引咎乞休 上以东莱远不知情罚俸供职○吏部题苏松等郡以寇盗出没专设兵备若升任者径去则地方缺官可虞冯叔吉虽已升迁宜暂留管事候代始行以后苏松徽甯二兵备如遇升迁俱如例

○升蓟镇统领振武营游击徐从义充参将分守通州兼管练兵事

○兵部题覆贵州巡抚何起鸣巡按张道题称逆犯王守斌纠合郑士韬伪造妖书谋为不轨今捉获问拟谋反大逆律仍照郑士韬前例梟首传示为炤本犯久弃家室贯址无凭似当罪□本身免其孥戮其多方缉获则都司署游击事张奇峰功当首叙升级贵阳知府王任重同知师道立功在并叙录赏得旨依拟

○庚戌升甘肃镇城中军坐营指挥同知唐尧辅署都指挥僉事铨注陕西都司军政僉书○

命建屯堡兵于长伸地一以固南山陵寝之防一以援北路孤悬之势从督抚吴兑议

○兵部覆应天巡抚胡执礼条陈事宜一谓备倭之策在御海洋防海岸宜于每年止汛之时将把总等官分守汛地副总兵常驻苏窰岙以当首锋刘河游击常驻败草沙以备策应金山参将移驻南汇以防登岸海防同知各驻一方以理粮饷兵备道巡历沿海以便监督巡抚移驻近海地方以振兵威分布远近声势联络便于接应一议渔禁酌议以四月小满前十日起小满日止官给旗票验入遇警与官军协击一体赏罚自五月二十五日起至六月初五日止官收旗票验出此后或告捕采亦当给以号票申明禁约限期回销有私出及过违期限者查究巡海员役纵容隐匿者罪如之得旨允行

○巡按直隶御史陈世宝条陈治河策约一移建管河官衙舍要害之地责其昼夜防守一添设新堤堰夫役河工虽已垂成但遥缕二堤已逾千里高家堰之堤凡六十里柳浦湾补旧增新将百余里而黄铺八浅地虽咫尺反称紧要若非集夫密守则盗决水决可虞宜增夫额画地筑居乃为胜算一添设管堤官吏高家堰柳浦湾于淮安最称紧要今修筑告竣但二堤俱属荒僻奸□漏税利其直达扬州每行盗决宜增设大使官一员专督众役使之同居堤上密防一增筑宿迁县遥堤宿迁缕河虽有堤岸而侍丘诸湖尚未修筑遥堤傥伏秋河涨必漕水患乘时修筑诚不可缓一暂宽归移民钱粮民遭水患流移者半幸水去田出渐为归计但恐居处未遑而旧逋即迫开垦未熟而新课复徵夫损金治河以为民也今水患渐平而顾以逋负阻绝归路乎一乞广筑役赏劳于工食外动支河工羡银量行犒赏奏上命酌议覆行

○改侵盗腹里钱粮加侵盗边海钱粮一倍者罪照边海事例着为令旧例盗粮四百石银二百两者罪论斩此在沿边沿海行之盖以边海钱粮比腹里较重也都御史胡执礼见腹里侵盗者多欲以此例行之时部覆以为太严议盗粮八百石银四百两者罪如之仍责限一年完赃者准改戍过限不完者处决余赃拘亲属追赔

○壬子户部覆应天巡抚胡执礼查新理洲田亩粮米事宜一丹徒县砥柱新洲腴田万亩缘未入版图致豪右侵夺应行备细清量如给军便则令官军屯种扣除粮银若给民便则令民开垦纳租充饷庶地无遗利而兵食有资一苏州府每年带解德府禄米一千石外加耗车脚米三千四百四十石此重困也今议折色而每石折耗银以二钱为率差官解用一九江安庆地连唇齿然该卫岁办钱粮属之安庆查催而官军俸粮远在九江府取给事权既分逋负日积应行九江府将户口钞银每年预解安庆行令九江卫官吏每季赴领一安庆府亿万仓储半派之饶州南康二府俱本折兼徵有司怠缓解纳违限议照起解京边钱粮例未完二分以上住俸督催四分以上降俸二级戴罪管事六分以上各降二级调用八分以上革职庶怠玩有警解纳如期报可○癸丑 圣躬康豫赐元辅张居正金万喜字四副银万喜字六副绶符二道次辅张四维申时行各金万喜字二副银万喜字四副绶符一道及讲官何籬文等有差

○升湖广副使陶大顺为山东参政陕西延安知府洪济远为山东副使整饬辽东兵备兼管屯田

○甲寅 上视朝先一日遣文书官谕元辅居正朕明日御朝切欲与先生一见奈先生前有旨不在朝参之列明日未朝时先于平台召见说与先生知之是日黎明上亲祭告奉先殿出御平台居正入见致辞叩头称贺

上曰朕久未视朝国家事多劳先生费心居正对言臣久不睹天颜朝夕仰念今蒙特赐召见无任欢忻但 圣体虽安还宜保重

上云先生忠爱朕已悉知特赐银五十两币六表里及烧割酒饭居正叩头谢

上又云先生近前看朕容色居正近御座前跪 上亲执居正手仰见 天颜和粹玉者清亮

上又谕朕每日进膳更胜常时但止用素居正对云病后加餐诚为可喜但元气初复亦宜节调疹后最忌风寒与内幸尤宜加慎 上云 圣母朝夕视朕起居三宫俱未宣召又谕十二日经筵日讲且待五月初旬行居正叩头退始鸣钟

上出御皇极门百官称贺毕驾诣 两宫朝见 圣母乃还宫

○是日赐辅臣府部大小九卿皇亲及科道等官问安有名者彩币各有差特赐元辅张居正大红坐蟒胸背衣一袭次辅张四维大红斗牛申时行大红孔雀各一袭又赐居正银一百两彩段六表里四维时行各八十两四表里及讲官何雒文等各有差○应天巡抚胡执礼条除事宜一议应天府江浦县建筑城垣一徽州府地方接连诸邑山溪险阻矿徒渊薮近议募兵一千委官统领宜添设钦依把总一员驻劄中平镇地方以壮声势其休婺二县官兵俱听操练有警庶可应援一南京府属县各有牧马草场占地数多虽奉例佃田输租然仅十分之一今各县种马减半则前地旷闲者多许民承佃开垦六年之外照则起科徵银解寺以备马价之用得旨允行

○升湖广副使余希周为江西右参政

○户部题京师万众俱仰给太仓旧制运太仓米多留通仓米少而支放各半年者以京师根本重地虽积贮数多不为有余通州远卫京师虽仅穀支放不为不足以省运京仓之费也近太仓积米数多恐致浥烂则应如督臣议于支給折色二个月改于通仓则米之在通仓者放少在京仓者放多亦调停新陈良法若一遇米贵则折色又当停止而京仓粮米又当多放在临时酌行从之

○丙辰赐海西平河等卫进贡女直夷官等宴如例

○总督侍郎吴光奏管筑边垣官如李道行等十二员共效劳绩宜给赏如卢阳等十员既亏丈尺复有倾颓宜提问命依拟

○革临安兵备副使许宗鑑闲住以巡按御史帅祥劾其不谨云

○升江西安南知府陈诰为浙江副使陕西汉中知府项思教为湖广副使湖广常德知府叶朝阳为副使整饬郧襄兵备兼分巡下荆道

○江西兵备副使陈应春以剿抚效劳升一级加参政照原敕管事

○丁巳上御经筵

○戊午右军都督府管府事保定侯梁维藩以养病辞任许之

○以宁安长公主男李承恩授锦衣卫指挥使带俸

○陕西副使王湘为浙江右参政

○用神机十营佐击欧继宗充参将分守宁绍地方

○己未 武宗毅皇帝忌辰祭 康陵遣清平伯吴国乾行礼

○庚申命赏梁梦龙张梦鲤戚继光等银币有差以贼夷炒蛮等两次内犯该路将士先期哨明斩获有功也

○礼部题据经结勘荆王常＜娶咍裕局倚⁽¹⁾土脊饷髡大貲封虽在冲年立身不失规度宜有谥号册文从其请也

○升户部广西司郎中王体复为陕西副使整饬西安兵备○癸亥先是指挥周世臣于隆庆六年九月间被盜劫杀以死时缉拏把总张国维以世臣之仆王奎与其婢荷花恋私恨主因谋其同住人卢锦并其壻张文弼以杀世臣获其赃杖呈兵马司鞫审而各犯之共吐又异词矣罪案未决原任刑部署印左侍郎翁大立催该司郎中潘志伊速结此狱志伊以狱情重大请委官会问乃委郎中王三锡徐一忠研审而王奎与荷花卢锦俱坐凌运万历四年十月处决矣后巡捕把总捉获强盜内有朱国臣刘伟等自供认手刃周世臣于是刑科给事中周良寅奏劾把总张国维及会审三刑曹等罪又礼科给事中萧彦劾云王奎之死起于巡捕把总张国维之妄拏而成于刑部侍郎翁大立之轻信潘志伊请多官以为已地似有规避之情王三锡徐一忠既会问而漫不参详不无扶同之弊奏俱下部覆 上以翁大立率意见刑有伤好生念已去任革其原职张国维遣戍潘志伊降一级徐一忠王三锡调外任是时右都御史陈价自以时为刑部右侍郎不能自辩自陈不职 上以罪有所归慰留之

○升兵科右给事中顾九思为礼科左给事中刑科右给事中李选为兵科左给事中刑科给事中姚学闵为户科右给事中工科给事中刘中立为礼科右给事中

○甲子户部题淮扬地方自隆庆四年以来黄水冲决今筑堤就绪水落田出尚属荒芜当此

流民新集尤宜宽恤将万历六年以前旧欠钱粮尽行蠲免七年以后酌议再免二三年至于处给牛种加厚贫丁及一切优恤事宜听督抚官便宜施行仍悉心体察毋使有灾者横被苛追无灾者乘机影射从之 ○丁卯辅臣张居正等题今日文书官口傳 圣旨皇亲都督同知王伟着进封伯爵并将正德二年封庆阳伯夏儒嘉靖二年封泰和伯陈万年及各子男辈授官事例传示臣等恭照

圣祖定制公侯伯爵非有军功不得滥封宣德中始有恩泽之封弘治以来遂为故事世宗皇帝曾诏廷臣会议议上得旨外戚封爵古未有我

皇祖制典魏定二国公虽为戚里实开国佐命靖难元勋彭城惠安二伯亦有军功居半都着照旧袭封其余戚里滥膺重爵名器尤轻人不知劝都当查革但其中有干先朝恩命及已封者姑与终身子孙不许承袭此我 世祖超世之见同符 二祖嗣后虽曾垂泽安平许传再世则以孝烈皇后有翦逆保驾之功特旨酬赏非援例进封者也臣等窃惟我皇上宪章 列祖则 太祖定制与 世祖圣谕正宜仰法但既有正德以后事例王伟系中宫至亲臣等不敢抗违谨拟传帖上请

圣裁其皇亲子男辈姑且从容俟后有大庆加恩未晚谨查嘉靖八年

世宗皇帝圣旨及廷臣会议二本进呈伏惟

圣明垂览是日谕吏部皇亲都督同知王伟进封永年伯支禄米一千石

○辅臣张居正题据太常寺卿温纯等开称

太庙时享事宜恭照时享之制止于 九庙 太祖 成祖百世不迁其余则以亲序而祧庙不与焉查得 先朝视文弘治中自 宪宗而上称 八庙 太皇太后嘉靖初自 孝宗而止称 六庙皇祖考妣太皇帝后至 孝烈皇后升祔 仁宗奉桃始称 五庙隆庆间因而不改盖其时世宗新升之主即 孝烈旧祔之位世数犹未增也至我 皇上嗣统则世次异矣乃时享祝文自皇高祖宪宗皇帝至 皇考穆宗 皇帝已备 六庙之数而 太祖 成祖 英宗三庙犹仍

五庙之称揆之名义委属未妥臣等切惟孝莫大于尊亲礼莫严于假 庙当

皇上躬亲对越之顷正 祖宗神灵陟降之时 帝后导称不宜往从简略

庙祔世次尤当序列分明合无比照岁暮 大袷礼将时享祝文通列

先庙帝后圣号以致如在之诚不心更称

五庙字样其祫配享寿春等主亲属已远称谓未妥宜将诸王神牌俱止称本爵其 皇高伯祖等称尽行裁去庶得情礼之当合候命下容臣等另撰祝文进呈御览发下该等遵照施行上是之

○户部覆山西东平西三路军民田土大半荒芜抚臣高文荐题召人领种候三年后起科前年拖欠粮石悉行蠲豁谓外可以裕军储内可以减京运俱应依拟惟奏内未经分析何年何路何州县各拖欠若干概行议免恐滋弊端应令州县卫所等官备查旧欠额粮年分州县卫所务将的确数目作速具奏以凭定夺再照垦田之议人人皆言之而终鲜实效者以行之不力持之不坚也今抚臣高文荐所上便宜凿凿可据似应移咨吏部将本官暂停迁转俾会同各兵备督率管粮通判及州县官着实举行待三年后果有成绩抚按奏请殊擢以酬其劳如

无实效亦行参治庶有初尧终所裨边城兵食不浅也报可○戊辰辅臣居正等题看得户部所进乃万历六年一岁钱粮出入之数仔细查阅各项钱粮一年总计不过四百三十余万乃六年所入比之五年少八中余万两而所出比之五年乃多三十三万余两盖由各处奏留蠲免数多及节年追赃人犯财产已尽无可完纳故入数顿少又两次奉旨取用及凑补金花拖欠银两皆额外之需故出数反多也夫古者岁终制国用量入以为出计三年所入必积有一年之余而后可以无患乃今一岁所出反多于所入之数若从此不加樽节则旧积日渐消磨新收者日渐短少脱一旦有水旱饥馑之灾四方意外之变何以待之伏乞将该部所进揭帖留神一览加意樽节务使岁入之数多于所出以渐复祖宗之旧制庶国用可裕而民力亦赖以少宽矣

○翰林院侍讲于慎行以病乞回藉调理许之赐驰驿并路费银二十两纁丝二表里

○江西巡抚刘斯洁题参吉安知府张振之患病乞休不待报辄行乃以前抚刘尧诲巡按赵耀不行举荐之故缘振之揭报吉水县知县江沛然贪酷沛然谓振之以私嫌揭害是非未定故荐剡两置之二臣并有才名乃以意见偶乖遂起戈矛振之不俟批允弃印信如脱尸□徒沛然有嫌慈惠以鷲击为快心揆之明例俱合为民但振之疾亦是真沛然才实可任吏部酌议上请命革振之职降沛然二级

○辛未海西佛秃等卫女直夷人都指挥使往吉奴等四起共一百五十员名进贡赐宴如例○户部覆总督南京粮储户部右侍郎程嗣功条陈仓场五事一议改折南粮题称南京仓米穀支七年以上多积必致折耗要将万历七八两年各省直南粮每年改折一半江浙南直止行一年湖广多水地方连准二年改折之价系上仓者定以五钱兑者加收耗价九年以后照旧全运据此留都重地改折似难允从但仓既赢余参酌于一年二年之间亦便计也以后若无余蓄不得擅议改折一议监收南粮题拟注选主事四员专司其事任满起送赴部考其贤劳之上下以为官方之殿最查隆庆二年正月内南京总督粮储游震得条陈有专责任一款覆奉通行今注选之议亦因所当因也一议减仓耗题称积贮既久日有消折合照条陈耗米减尽每年递除正米查据南粮较之京仓准耗已多二倍虽土湿易坏官攒人等若用心看守廩座坚完虽多一二年耗米尚有附余未必亏及正米傥因耗减正恐守仓人等借口奸欺应查照先年规则施行毋得轻减一议折价题称起运府分凡遇折价多者连耗不得过七钱少者仍照彼中节年旧例相应依拟徵收解纳毋得援例分外加派小民以致角□羊头侵欺一议收纳题称米色不同应派定各仓以便支放查照各省直粮米种色庞襍若混收一仓开放之时诚滋弊端应随其色别定各仓易为酌量临时坐放卫分轮流支放自无不均之叹得旨依拟行

明神宗显皇帝实录卷之八十六

万历七年四月丙子朔以孟夏享

太庙遣公张溶恭代

○丁丑上御经筵赐辅臣张居正张四维申时行及讲官何籙文等五员各色扇有差

○晋王慎镜薨无嗣其弟辅国将军慎鋹袭兄爵为其嫂周氏请给养贍部覆慎鋹以弟继兄与以子继父者不同宜将慎鋹应支禄米内岁拨二百石养贍周氏终身仍载入会典永为例报可

○己卯吏科都给事中陈三谟〈娼弊-金〉更违限事例凡两司方面行太仆苑马运司府州县正官违限一月以上者问罪三月以上别用半年以上罢职其余庶官及两京各官一月以上问罪半年以上降调八个月以上罢职仍令应参官员住俸管事提问完日方准关支两京大九卿及督抚官并以咨到交代之日为始俱要作速趋任仍具实奏报部覆从之

○协理京营戎政兵部右侍郎孟重屡经科道参劾恃旨留用者三至是吏科给事中郑秉厚复〈娼弊-金〉论劾部覆谓戎政重务既经屡摘况目乞休致宜允其去许之

○操江都御史胡价以江海盗谧实由兵备道冯叔吉等督率江防官二十一员劾劳所致功倍获贼备叙功次以闻仍请江防文武官以后各抚按举劾务会同参酌兵部上其议从之

○巡按陕西御史沉涵条陈事宜其一议买马谓免粮土兵原未买马后因倒死照粮赔补故议立买马之例相沿日久遂致编户苦累不堪今将免粮土兵计每粮一石徵银三钱三分徵完解各该道收贮以备买马之费马并鞍辔每匹定价十两人各给养三年轮换如有倒死一年给银四两二年给银七两三年全给责令自行买补其有追贼走死对敌损伤者不论久近得比三年全给之例仍于每年各除月粮外每石给银六钱以资军装如马过三年不死以后每年量加给赏俱于收贮银内支給绝与编户无干其一议选军谓召募军士有着伍未几而旋逃者有一人而投充两三处者有虚捏姓名住址清勾不知为谁者有故将讐家姓名捏报投充以图陷害者今将选到军人暂且收营将本将姓名住址册送该道移文原籍衙门查有着落方许给赏支粮万一复逃亦清查有据或有该营将官利运逃脱图扣月粮者宜于年终行各该道将卫所操防守备等官逃军数目设法严查分别有无多宽以定功罪部覆报可

○海西弗秃等卫女直夷人都指挥等官住吉奴等共一百五十员备马一百五十匹赴京朝贡赐给如例

○福余等卫夷官一十九员备马一十九匹又打都差桶罕等一十五员备马一十五匹赴京庆贺俱赏赐如例

○赐怀安王厚＜娥鹄＞弋阳王多焜各谥号册文

○辛巳四川巡抚王廷贍题称罗打鼓那竹等寨生番血热等住牧边外负固难驯因九丝荡平刁农内附遂率一百六十二户援例附藉兵部题覆准其附入编户一体当差仍量行给赏一次○复除原任云南副使胡维新为河南副使整饬大名兵备以江西道御史□为正为北直提学升工部都水司署郎中事员外张封为福建佥事分巡建南兼兵备

○改南京工部尚书凌云翼为南京兵部尚书改南京兵部尚书杨兆协理京营戎政

○以天气暄热命审释在狱无辜凡徒流以下俱减等疑审发落仍恤及重囚可矜疑者

○丁亥以福建都司佥书万达甫铨注广东都司掌印升福建铜山水寨把总指挥同知秦经国福建都司佥书升福建中路守备钟维岳广西都司佥书

○戊子 孝懿庄皇后忌辰祭 昭陵遣固安伯陈景行行礼○蓟镇督抚梁梦龙言先年修筑台墙工银六万两用尽请再给六万两以备边费部覆谓各边修筑工费俱已折色今册开犒赏多用饼酒不惟委官易致侵渔亦恐军士毫无实惠莫若每名每日量折多少按月预给庶可均沾若台墙连年修筑已称坚固即有冲塌损坏无几宜先期踏勘计工限修完日揭报两院及本部以便稽查报可

○户科都给事中郝维乔以官军支粮半多浥坏奏谕监收官务遵晒扬常规毋徇情托以致搀和湿腐不堪支用仍令总督漕臣验粮堪否以别粮官殿最户部覆奏如议

○庚寅重修

显陵殿并葺明楼诏湖广四川等抚按悉心计处务令工坚贵省毋延诿虚费为□民累

○兵部覆请换给府江兵备道敕书内除去全州马鞍咸水西延古田永福理定等地方右江兵巡道敕书内除去南甯地方江左兵巡道敕书内添入兼制武缘县膺墟葛墟地方报可

○壬辰命以原任翰林院修撰王家屏仍充日讲官

○先是直卫官军有占役卖闲隐捏雇替屡次查点不到者至是礼科给事中齐世臣奏行减扣之法覆照隆庆事例如有离直不到者按次扣粮有差

○巡视光禄户科给事中李涑等条陈漕运四事一曰裁积羨之取以裕正供二曰清逋欠之徵以完赋额三曰酌金补之宜以恤□人四曰申粮官馈献之禁以恤民运部覆如议

○甲午 上以内库缺钱令辅臣拟旨传该部铸造进用元辅居正言

先朝铸造制钱原以便民用存一代之制铸成量进少许呈样非以进供 上用也万历二年铸

造之初亦止进样钱一千万文其后以一半进用已非本意今若以赏用缺钱往行铸造进用则是以外府之储取充用库大失旧制矣诸凡无益之费无名之赏一切裁省庶国用可充不然以有限之财供无穷之用将来必有大可忧者奏入 上嘉纳之

○乙未都察院题御史龚懋贤具题大略为裁省繁文修举实政巡抚都御史以抚按地方之军民巡按御史以纠察一方之利病职掌所载虽各有所重而事相关涉亦难以尽分至考查官员填注贤否及给由报缺之类抚按职任相同不容偏废如例应奏请事须会同者宜查照职掌重在巡按者巡按主稿会同巡抚重在巡抚者巡抚主稿会同巡按斯于会同之中不失各重之意若其事本不必会同或彼此意见未必尽合与巡历地方不时纠劾抚按俱为宪臣得以各自具奏不必拘于会同强为牵合以致阻格难行即填注贤否果有的实何嫌互异各宜持正秉公修举职业而已 上允其议

○太平府当涂县强盗越城横劫抚按题兵备副使刘志业知府林烜知县王继明捕官戴冕等命降级提问罚俸有差

○蓟镇贼夷越狱命将捕官王添禄等提问具奏参将谷承功革任回籍总兵李如櫓等姑薄罚示儆

○镇远府邛水长官司僻在一隅接壤楚蜀苗贼出没为患贵州巡抚何起鸣请于紧要关隘处建设四哨添兵弹压以威诸苗部覆从之

○丁酉 上御经筵

○升吏部右侍郎沈应时为南京工部尚书升左春坊左中允兼翰林院编修戴洵为右春坊右谕德掌南京翰林院印○升右春坊右中允兼翰林院编修陈思育为左春坊左谕德兼翰林院侍读国子监司业周子义为司经局洗马兼翰林院修撰翰林院修撰高启思为右春坊右中允兼翰林院编修各掌坊局印信 庚子

上御皇极殿传制遣永康侯徐乔松等右通政朱南雍等为正使光禄寺丞周弘祖侍读徐显卿等为副使持节册封荆府世子常盎等为荆王等王及封封丘王妃陈氏等妃

○南京通政使司右通政沈淮以母老乞终养命升光禄寺卿致仕

○南京吏部尚书赵锦以病累＜娼弊之＞乞休不允

○郑王厚烷奏更立王庙礼部覆查 大明会典弘治八年定王府制内开家庙一所正房五间厢房六间门三间并无东西夹室及后殿寢庙之文今据郑王奏立七间并后殿寢室似属踰制当悉遵会典改正是之 ○壬寅先是有自刎于端门者已奉旨严示未几复有故犯男子张杜持刀擅入禁地自抹通政使倪光荐议将张杜重惩刑部覆奏从之

○巡抚贵州右佥都御史何起鸣为右副都御史巡抚山东

○癸卯 上以雝肃殿围屏命辅臣撰词以进居正撰进雝肃殿箴箴曰北宸紫宫惟皇宅中身为民表心与天通斯须不和则乖戾起斯须不敬则傲慢业念常生于所忽祸乃基于无穷是以圣人事心天命是敕钦厥止日谨万几处深宫心周八极不以嗜欲滑和不以逸豫灭德无作好无作恶蔼蔼熙熙如春斯煦无荒色无荒禽兢兢惕惕如渊斯临勿谓燕闲人莫予观一喜一怒作人燠寒弦急者绝气平者安优优和衷为君实难勿谓宥密人莫予弼一动一言恒为度律危惧则存骄泰则失昭昭神明相在尔室在昔成周宇内太和由雝雝其在宫发琴瑟而不颇亦曰懿恭小民怀保由肃肃其在庙克对扬于 祖考我皇睿哲是谓智临匪高明之不足贵育德于静深我皇抚运是谓开泰匪豊亨之未臻惧此心之或汰乐以平其情虽钟虞不设而若闻希声然后心和气和而天下平礼以饬其志虽升降未施而若持重器斯谓无逸乃逸而天下治故曰冲和者养威澹泊者养禄危励者养安忧劳者养乐以古为师于何不仪平平周道惟皇所之以心为鉴于何不见穆穆文王惟皇所究朽索在乎勿谓无伤覆车在睫柰何弗防和不见流敬不可忘慎终如始万寿无疆 上览而嘉之命书于御屏

○赐原任南京户部尚书盛汝谦祭一坛减半造办

明神宗显皇帝实录卷之八十七

万历七年五月乙巳朔升兵部职方司员外王筵为四川佥事升太常寺少卿乌昇为南京右通政升太仆寺少卿王缉巡抚贵州

○丙午以撰进醴肃箴赐元辅张居正白金五十两彩段四表里次辅张四维申时行各三十两二表里

○浙江抚按李世达等奏所属府州县官有积谷过数知县姜召等二员宜行奖励不及数知县李增等十五员各酌量议罚覆奏得旨如议

○丁未以端阳令节赐元辅张居正金书黄符金书红符金艾叶绶符及次辅张四维申时行讲官何雒文等五员有差

○升礼科都给事中林景旸为太常寺少卿升兵科给事中光懋为江西左参政○户部题查议销缴鱼课勘合事查大明会典开载鱼课每岁南京户科编印勘合六百八十九道南京户部领发各衙门收掌各记所收鱼课米钞若干每年终进缴俱系额办钱粮但近来有司遵依缴报者十无一二宜移文南京户部编发各省直鱼课勘合查明的数咨部载入会典行令各省直府州县河泊所等衙门将填完勘合每年终申送类缴着为例报可

○己酉以端阳节赐三辅臣上尊珍饌

○差陕西道御史谢师启往浙江巡按升河南道御史李辅任为太仆寺少卿

○辛亥 孝宗敬皇帝忌辰祭 泰陵遗隆平侯张炳行礼

○调京城巡捕左参将谢天祐补分守通州地方兼管练兵军务参将○壬子上御文华殿讲读

○除起复庶吉士王守诚授刑科给事中

○吏部尚书王国光等〈劾擢金〉请朝覲考查宽期详覆得旨今后考察朝覲官员务从容详慎但以事完为期不必拘定一日两省内有诖误及被诬者许来朝二司官于说事之日从公分辩即与开豁毋致亏枉

○以后军都督府佥事右都督雷龙充总兵官镇守甘肃等处地方以五军四营游击解一清充京城巡捕左参将

○癸丑赐元辅张居正次辅张四维申时行及讲官何雒文等五员各色金扇有差

○特赐左赞善沈鲤母孺人宋氏照依父沈杜祭葬以沈鲤侍讲三年启沃功多也

○赐给彭城伯张熊祭葬

○甲寅 太祖高皇帝忌辰 上于奉先殿祭祀

○升编修王弘海为国子监司业○制京官四品以下不得滥乘帟轿生徒不得聚众殴官南京序班郭廷林肩輿除道监生聂文贤途遇欧竞拥噪呼公署都察院劾奏并黜之

○乙卯 上御文华殿讲读

○巡盐御史房寰奏宽河东额盐二十七万八千余引以淫潦为灾捞办不敷故也

○升工科左给事中颜容舒为礼科都给事中刑科左给事中戴光启为兵科都给事中工科给事中李实为兵科右给事中礼科给事中齐世臣为刑科右给事中

○升直隶安庆府知府胡心得为云南副使

○丙辰 仁宗昭皇帝忌辰祭 献陵遣定西候蒋建元行礼

○兵部覆御史安九域奏勘海州东昌等堡捷功叙李成梁应加封爵张崇功等一十三员应升赏有差得旨依拟命封李成梁为宁远伯岁支禄米八百石辅臣居正言李成梁屡立战功忠勇大节为一时诸将之冠加以显秩良不为过况系流爵非世袭者因以鼓将士敌忾之气作人臣任事之忠亦振兴边事之一机也谨拟票上请故有是命

○丁巳户部题严催各省节欠秋粮并派剩折色以济边储计二十九万三千三百有奇列款上请从之

○户部以文移繁冗奏参酌裁并以省浮费

○户部覆江西抚按刘斯洁等奉旨查解绢价并解脚银共八万三千一百有奇以充内用

○工部右侍郎陆光祖因御史张一鲲参劾乞休部覆谓光祖处心制行古直是希惟自持意见不免咎累命照旧供职

○戊午 上御文华殿讲读

○升宣府万全右卫城守备黄明臣铨注山西都司僉书

○命翰林院侍读罗万化修撰张元忬充编纂章奏官○先是万历六年十二月虏犯耀州虎獐屯等处杀虏甚多巡按御史安九域参原任辽东车营游击副总兵因被参长定堡杀降邀功革任陶承谥彼时策应有违法当重拟海盖参将李澄清守备徐维翰等一十三员当分别治罪部覆奉旨提问

○庚申 上御文华殿致斋

○总督粮储南京户部右侍郎程嗣功因吏科给事中杨言论其贪庸不职辩冤乞休不许

○礼部覆礼科都给事中林景旸所奏宾兴事宜一曰正文体二曰核实学三曰严防范四曰严缉访五曰惩诈冒命着实举行

○辛酉 上御文华殿讲读

○以南京兵部尚书杨兆久历边防素谙戎务改任京营＜娼儻-金＞辞不许

○癸亥 上亲祀 方泽是日车驾夙发丑刻即至坛所 上坐幄次候至明始行礼元辅张居正次辅张四维俱不陪祀以扈驾从见于幄次祀毕还宫赐三辅臣珍馐

○以辽东广宁左营游击孔东儒充左参将分守辽东海盖地方

○广东巡按御史龚懋贤参整饬南韶兵备管志道并自陈不职求罢部覆谓御史藩臬各官一路然弹压之权御史尤重礼遇文移沿习旧矣今管志道职司南韶一应事务直与御史争较则彼此颉颃事权不一必有废格掣肘之患御史龚懋贤宜令供职候代管志道宜量加裁抑得旨志道降一级

○广西永宁兵备副使钱立以病乞休许之

○戊辰 上御文华殿讲读

○升原任辽海东宁道张崇功为山东副使

○革翟绣裳按察使新衔仍以原金事职衔管事以前日长定堡之捷裨将邀功冒赏被劾波及故也○户部以南京银库钱粮册籍浩繁请三年差科道官清查一次从之

○刑部题广东珠池之盗有司因无律例概以强盗坐之似属过重今议捉获盗珠贼犯俱比常人盗官物并赃论罪免刺仍分为三等持杖拒捕者为一等不论人之多寡珠之轻重不分初犯再犯首从俱远戍若杀伤人为首者斩虽不曾拒捕但聚至二十人以上珠值银二十两以上者为二等不分初犯再犯为首者远戍为从者枷号三月照罪发落人及数而珠未及数

者亦坐此例若其人与珠俱不及数或珠虽及数而人未及数为三等为首者初犯枷三月照罪发落若假以盗珠为由在海劫客□船只或登岸劫人财物者各依强盗论依拟着为令

○己巳浙江巡按御史劾知县王亮采及林纭董盛等一十三人计赃论罪各有差部覆得旨王亮采革职为民林纭远戍董盛等拟徒发落

○调贵州副使彭雷补广西副使升福建漳州府同知沈植为广东佥事

○以按直隶御史崔廷试荐副总兵戚继光参将黄孝副留守雷以诚中军都司俞尚志守备檀武臣指挥同知徐道指挥佥事孙维山胡世忠百户陈颂当循资擢用及参副留守卞实指挥使朱绍贤指挥同知包万善当革任提问覆奏从其议

○以辽东都司佥书冯文弼充辽东广宁左营游击以辽东长勇堡都指挥佥事王守道铨注辽东都司佥书

○上以金华知府王懋德奏荐新茶表印文模糊谕各该抚按官通查所属衙门印信有该换者奏请换给其领印缴印各有费用宿弊悉行查革毋使人畏难因循致滋奸伪

○庚午 穆宗庄皇帝忌辰祭 昭陵遣庆都伯杜继宗行礼○辛未 上御文华殿讲读

○四川丢骨人荒没舌等三寨番蛮节年入犯荼毒松藩兵备副使杨一桂总兵刘显副总兵吴予忠等雕剿首恶群夷纳款巡抚王廷瞻备叙功次部覆谓王廷瞻运谋决策尤宜首赉得旨赏王廷瞻杨一桂刘显等银幣有差

○四川巡抚王廷瞻言本处地方民贫词简所属府州县难以照额积谷似应量减部覆积谷备荒本以为民若要取盈势必重罚则是以惠民者虐民也宜行各省直分别地方贫富词讼繁简定为上中下则以便责成报可

○调广东右参政苏思补贵州右参政兼佥事以江西道御史李学诗为直隶提学

○升太常寺卿管国子监祭酒事余有丁为礼部右侍郎兼翰林院侍读学士仍充经筵讲官

○户部奏酌停僧道纳银事例并申明旧制以弭后患一停在京请给一禁私自披剃一立僧道名籍一议查给文引一禁私建院观得旨依拟行

○壬申礼科给事中萧彦＜娼弊-金＞言序班郭廷林敢于乘轿恐南中诸臣效尤成习今南京五府勋臣出则明坐大轿入则拥列歌舞心志骄惰气体柔脆缓急何赖请严行申饬以彰法纪部覆从之

○升贵州副使王三爵为广西右参政升广西右参政庄国桢为广东按察司使

○新升南京兵部尚书凌云翼以病乞休不许

○升江西万安守备庞成裕署副留守銓注中都留守司僉书升辽东抚顺城备御杨四德署都指挥僉事銓注辽东都司僉书升保定左营指挥僉事王科署都指挥僉事大宁都司僉书职衔管统领蓟镇通津春班官军游击

明神宗显皇帝实录卷之八十八

万历七年六月乙亥朔董卜韩胡宣慰使司加渴瓦寺等赴京进贡赐给如例

○左军都督府镇远侯顾寰自陈老疾乞休
上以其清慎老成效劳年久准辞任加少保兼太子太保以示优异

○辽东巡抚周咏奏辞养善获功升赏不许

○起原任礼部右侍郎孙应鳌为国子监祭酒

○升广西平乐知府罗黄裳为贵州副使

○升顺天府尹金立敬为工部右侍郎

○李成梁奏辞伯爵 上以李成梁屡立奇功加恩非滥谕殫忠奋勇以图报称不久辞

○丁丑户部题覆各廩仓粮米除正耗支放外积有附余米豆俱登报循环作正支放著为令
○升广东右布政使施尧臣为顺天府尹

○调前任湖广副使考查调简马顾泽补云南副使

○庚辰都察院参详江西赣州府推官潘应诏贿赂潜通索取无忌拟徒追赃革职得旨依拟

○户部覆延安等府钱粮专备延绥等镇军饷若徵收起角□羊如期自当足用乃府司起解多凭虚文通判管粮反营求别委抚按之参罚每宽查催而奏行停阁宜敕抚按严行司府如遇州县差赴起文之时该府差官验勘堆积收贮实数取该州县印信完结到府方许起文该府管粮官复具完结送布政司该司方转文赴院勒限取获批回如遇期不完即行追究其督抚等官查参之时以完获通关为准如无通关即以未完参究管粮郎中遇有投卧空批不行上纳者即拘留解人将原起空文州县官参究仍会同布政司将各府州县钱粮完欠数目查造一册备开有无实收送部候朝覲官至京照册查比参治其管粮通判以后院道非重大公务不得轻委令其亲赴仓场收放钱粮如怠玩营求致仓场积弊者查参处治报可

○户部题分别延绥镇主客兵饷原有定项给发若因主饷不足借支客饷一旦有事调用客兵于时何所支給虽今岁暂准借支然查本镇自嘉靖四十五年议定经制发银二十一万七千余两后两次增至七万计亦足用何以动支不敷间有生客改入榆林修边工费者今边工已停宜核其收支其岁解本折饷额拖欠未完者当严其追补条覆上请从之

○辛巳 上御文华殿讲读○新差巡按陕西御史赵燿中途以病< 娼弊-

金 > 请回籍都察院奏为非例后以部覆许之

○以中军都督金书临淮侯李言恭掌左军都督府印管事以监晋伯刘应元管中军都督府金书事

○差御史梅淳往广东薛梦雷往四川张宪翔往陕西各巡按

○以云南右布政使林挺章补广东左布政使 甲甲旌表孝子一人云南大姚县生员金鲤母杨氏患痢昼夜焦劳忽梦神人授方维蒲公英可治鲤传访得药果愈及父母歿庐墓三年抚庶弟六人各以恩节妇八人河南原武县生员桑梦阳妻徐氏年二十四守节子举人桑榛妻赵氏年二十八守节江西安年县儒士程士夔未婚妻汪氏直隶盱眙县民傅鸾妻戴氏子汝贤妻彭氏舍山县吴自高妻申氏俱未二十守节至老各旌其门曰贞节烈妇二人江西南城县生员刘三善妻胡氏夫死自缢临川县生员萧时苾妻李氏骂贼投水各旌其门曰贞烈

○乙酉 上御文华殿讲读

○沈王恬烺为其庶第五子理圯请封不许仍着为令先是署礼科事左给事中顾九思等题部议查宗藩条例郡王进封亲王者本王郡爵不许补袭以后世子世袭亲王次嫡庶子每世止照原封世次受本等官职又万历二年礼部题准今后各王府虽条例以前但系从弟侄及再从弟侄进封亲王其次嫡庶子除已封袭者本王身终之日其子但授以本等官职不得妄援前例滥请二例甚明今恬烺父宪王原以沈恭王侄孙怀王再从堂弟因恭王绝嗣由灵川王进封亲王理圯系恬烺第五子律以本王继嗣袭封郡爵不得世袭之例则理圯不应封今沈王所以奏乞者以其弟恬焯于嘉靖年间得封镇康王恬懋得封安庆王其子理坦得封保定王理土□几于隆庆六年得封德化王若自谓应得故复请封不已也不知以条例律之其封于隆庆年者是谓例后当以冒封而议革以近例律之其封于嘉靖年者虽在例前当俟其身后而停革者也则理圯之不得复觊郡爵昭然矣至如本王自谓其为亲支子孙然所谓亲支者盖指亲弟亲侄而言若宪王于恭王为侄孙以服属考之与从侄再从弟等耳其得以继绝进封者子孙世袭不啻足矣尚可多求哉谓宜杜塞其请刊布申明唯亲弟亲侄进封在条例以前者子孙姑许照常袭封其例后进封者虽系亲支及从支其次嫡庶子俱不许加封

○升江西按察使陶幼学为云南右布政使升广西右参政王原相为江西按察使○永明县知县苏以达以贪黷赃私拟徒革职

○辛卯复除原任贵州左参政林舜道为广西右参政

○兵部覆御史安九域查勘宁前永安铁场二处修完坚固参政李松实心任事宜纪录叙用或久任加衔以示激励从之

○上以四川僦厦番夷肆劫皆由地方官处置失宜威信不立命革监越守备丘绍先提问守

御巡捕千百户官蔡伟吴嘉谟调副使景承芳别用罚都司张万年郭科俸半年仍敕禁约奸私相机剿抚

○户部题参仪真运粮指挥刘大材等盗卖漕粮插和粗恶宜勒限赔完依律拟罪得旨依拟又以漕粮烂恶罪不专在运官还查原差监兑部官从官参处于是降监兑主事陈宣一级

○户部题清查南北直隶山东陕西各勋戚庄田有无溢额脱漏诡借差官履亩丈量收造应给正数其余地岁粒徵银解部备边从之

○壬辰兵部题陕西苑马寺邻边地寒荒芜鲜收宜从科臣李选议亟罢改赋以恤穷军而重牧政报可

○癸巳兵部题万历七年贼夷炒蛮等两次窥犯官军奋勇擒斩有功戚继光薛虎臣等功应叙录夷人力儿志火泥赤报信效顺宜重加赏赉各军宜分别犒赏从之

○命修撰王家屏充会典纂修官

○以河南右参政唐汝迪调补江西右参政升长芦都转运使邢邦任为四川右参政

○甲午 上御文华殿讲读

○山西闲宅罪宗生育渐繁口粮不继其知铨等三十一位祇犯越关奏扰罪非重大巡抚高文荐乞比将万历四年以前原犯越关已经送发闲宅内系未封未名者照近例释放不给口粮自为生计既为各宗开有生之路又为有司省难继之供礼部题覆从之

○新升户部右侍郎吴文华以母疾＜媼擗-金＞乞终养许之

○乙未建州右寺等卫女直夷人赴京进贡赐宴如例

○调江西左参政光懋补河南右参政

○兵部题覆黄船小甲编审夫役原属南京兵部车驾司管理迺来滥属军卫以致弊多偏累宜行应天府委官从公编审并马快平船小甲编完备造文册送科道官参订定役以均劳逸又宜改定五年一编毋仍旧制十年久远致有消乏应差不前之苦而看验船只量行修理节省繁费则南京工部管船主事职之报可

○户部覆总督漕运侍郎江一麟总兵官灵璧侯汤世隆各题称漕运事务一议兑运之便漕运各总下军船领兑水次原有定例遵行已久若所奏以地方远近赴兑不便欲将浙直军船互相兑换恐轻贲银数不同两处派额已定那此补彼未免纷更多事不若仍照原定水次派

拨全单责令上紧赴兑不许推诿迁延一议管船之令本部于漕运回空浅船设有限单填注官旗姓名酌量程途远近选官管押回南赍赴粮道查销其过违原限损失船只分别降罚至于减存船只宜依议令漕运官旗自万历八年为始运回船只押空官须合帮南下以便稽查其军船什物交与该卫印官整理有缺少者申究若无故缺坏除驾运九年者只照例送底船赴厂系八年七年者底船之外合船旗军每名罚银一两六年五年者罚银半倍之俱同底船解准候该年成造若止驾四年以下者依弃毁官物律例追偿造完免罪押空官仍照例拟惩勿行姑息报可○丙申以原任四川道金阶除补江西道御史

○升延绥甯井守备陈愚闻署都指挥僉事充延绥领军游击

○革山海关参将吴惟忠职先是达贼犯抢辽东宁前地方直抵山海关外八里铺南海口等处官军拒堵贼退兵部题覆八里铺既系山海关分守信地且贼犯宁前参将出关策应原有成议今贼所犯自广宁直抵关外地方均受残害参将吴惟忠哨探稽迟收斂失预拒关自固保障疏虞故有是命

○升福建副使乔懋敬为江西左参政升陕西左参议徐汝翼为福建副使

○戊戌

上御文华殿讲读

○北口贼夷越狱依巡按御史勘拟各失事员役等罪张维典刑其余各降有差○山东分守东充道左参议查志立以御史朱珽参劾不谨命革职提问

○以巡抚陕西副都御史傅希摯为户部右侍郎

○礼部题各藩宗室婚配请封有在钦限之外过期三四十年者岂真鰥旷多系擅婚而乘机冀得封以为他日子女名封之地耳宜为斟酌裁禁庶无滥恩得旨姑照恩诏给与封诰其所生子女不论授封前后俱照擅婚例不许援请名封

○庚子 孝庄睿皇后忌辰祭 裕陵遣宦晋伯刘应元行礼

○差主事孟秋守山海关有旨谕云近来辽东充军人犯到即脱回及有奸徒请求私书越出该镇冒功升赏作弊多端今后着遵照敕谕着实稽察如仍前怠旷以不职论黜并各部属官题奉差遣凡干系○钱粮及紧要职事差完之日俱照近例体察无过方许复职有不称者参处

○升湖广僉事南轩为山东左参议陕西副使董汝汉为陕西左参政

○工部营缮司员外刘秉□接管山台木厂有铺户裴铭投帖进贿冀遂侵欺秉□拘获参究事闻命吏部纪录叙用以示奖励

○壬寅 孝穆皇后忌辰祭 茂陵遣南甯伯毛国器行礼

○上御文华殿致斋是日朝罢百官将出长安右门时轿马人役拥塞柞内礼科巡视官因奏守卫指挥蒋镇等纵容怠玩又称把总孟春军役违禁有旨责巡视者明知犯禁不参乃归罪于守卫官彼卑职安敢辄抗权要及称访获又以一把总官塞责岂犯禁者偏是武臣乎姑罚孟春俸三月其军役责放蒋镇等免究以后严加禁守

○遣医官三人视元辅居正目疾仍赐银八宝四十两

○命原任保定巡抚右副都御史张佳胤以原官巡抚陕西地方

○户部题自虏款以来三边宣大已历九年蓟昌四镇自万历元年阅视至今亦踰六年矣备查万历六年各镇报到银粮之数质之钦依所谓积贮赢余免发一年者尚无明验以今岁年例言之虽未甚溢于嘉靖四十五年之经制亦难复嘉靖十八年以前之旧规以太仓言之适虽不甚匮乏皆系载入考成追完节年拖欠之数万历六年岁入已少八十余万岁出已多三十余万将来拖欠之数已竭岁入之数愈亏各边之积无余年例之发不减岁复一岁臣等不能无难继之忧也宜命各镇督抚严谕兵备将领等官当外顺内宁之日怀谨终如始之图民屯拖欠侵欺者严行追比勿觊补于内帑兵马虚冒影射者严行稽查勿受欺于将领廩粮当养敢战用命之人而借名免罪求嘱立功者不得一概乱给工役当先极冲扼要之处而墩墙缓远衙馆晏息者不得一切兴修将官公费如养廉秋青等项地亩虽奉有明旨而倍折价银并其般运所需皆扣月粮不可不严为禁革营伍公用如旗鼓祝贺等项名色虽沿习旧规而伪增数并其宴会所用皆轮派军士不可不力为裁抑旗牌写字答应人役宜加减退不可多拨官军官马使之折乾入已星相戏子经过使客宜从禁约不可分送各路各堡使之传食科军诸如此类不可恃虏款无事而因循自如也若悉心节省严法清查一年省千金数年可知一镇省万金各镇可知积之数岁之后或可渐减年例即一旦有警亦可少备缓急如边臣每年誊数奏报而略无积余臣等亦依数给发而漫无可否边储无一二年之蓄内帑无一二年之减勿论事出不测别有大费难以取盈但乘国运闲暇之时而不能多方节省为将来久安之计亦有负于千载之一时矣因列各边镇主客兵马钱粮岁终具报先岁额若干次旧管若干次收除若干次实在若干其中间用过催到之数即于新收开除项下各比上年省费多少数目其实在项下亦各比上年积贮多少数目其新收项下书某官督催实在项下书某官管理具揭进览上嘉纳

○准给礼部侍郎兼翰林院侍读学士经筵讲官吕旻祭一坛减半造葬

明神宗显皇帝实录卷之八十九

万历七年七月乙巳朔

上亲诣 太庙

○户部题查开纳事例银两先是以边费日增帑积告匱故不得已为权宜之计至是通行催查自隆庆四年始至万历七年春季止将前项开纳银两每年终尽数解部其山西四川辽东都司银两虽抵充各边年例亦如陕西备造册簿送部查扣庶收解无所容奸开纳有裨实用从之

○甘肃总督郅光先巡抚侯东莱奏称甘凉等卫所于万历五六年间开垦清查共地一百九十顷三十五亩有奇请将行太仆寺卿马出图擢用通判张桂升转户部覆奏依拟仍令所查田种照例起科徵粮报部

○以陕西道御史于应昌补福建道御史河南佥事考察不及赵思诚为湖广佥事○戊申仁孝文皇后忌辰祭 长陵遣定国公徐文璧行礼

○升户部山西司郎中郭堵为陕西副使江西饶州知府黄近思为江西副使

○赠两淮盐运司同知黄清为陕西行太仆寺少卿以河工效劳死事也

○兵部题覆巡按御史安九域奏勘万历六年辽镇将领招徕降夷并回乡人口名数惟开元参将姚天与备御霍九皋守备刘崇正俱招至一分以上例应给赏参将唐朴潘忠备御胡鸾俱招仅半分以上例应量赏守镇辽东总兵官李成梁招徕数多已足二分以上例应加赏得旨赉李成梁等银两有差

○升怀柔城守备史金署都指挥佥事铨注大宁都司佥书○贼夷炒蛮嬖只等先因挟赏不遂鴉鵒一逞背逆日滋复两犯曹吉及部落老起太等就擒革赏之后炒蛮知无能为屡遣夷使乞哀悔祸与挨台必等率领夷众叩关伏罪歃血钻刀誓不背反又将原掳十二人献回乞将原擒老起太等一十一名赦宥生还复开各该路抚赏督抚梁梦龙题请部覆从之

○陕西好地平等族番人共二百四十三名备马刀盔甲等物赴京进贡给赏银币如例

○工部题直隶巡按御史姜璧所陈河工五事一曰一事权欲将裁革河道 明旨著为令甲而于抚臣特加敕谕兼衔管理河道一曰严责成欲将河工专属府州县掌印官督同管河官协理如有疏虞一体参治一曰议支河恐支河一开徒引海潮不惟盐水渰田民不可耕且河水随潮洩去□日以困宜即停止一曰修古堤恐范堤一亩淡水出灌盐地而盐课消薄潮水入灌民田而田租减损尤宜仍旧修筑俱依拟行是日工科给事中王道成亦以霖雨不止江水

暴溢虑恐河工垂成不无冲坏请督河臣随地备查及时修筑而总理河漕潘季驯等亦奏桃源清水患议并力<娼弊-金>导作急捍御俾水势毋至滥觞<娼弊-金>上报可

○己酉鄆阳巡抚杨俊民<娼弊-金>补户口大率谓□南小邑路夹鄆狭逃户遗产尽属流民典买粮米过割差不承认土著之民赔累难堪议将有产客户行令入籍仍将银力二差土民派六新民派四以至日久一概均摊部覆谓议处已当奏上许之

○寿徐等十二州县水灾命勘别轻重量议停免○庚戌上御皇极殿命有司于所在历代帝王陵寝行礼

○右中允兼翰林院编修高启愚翰林院侍读罗万化应天考试

○总理河漕潘季驯总督漕运江一麟题称淮安一带黄淮灌入运渠高垫且闸水湍发急启闭甚难查照平江伯陈瑄所建清江福兴新庄等递互启闭以防黄水之淤又于水发之时闸外暂筑土坝遏水头以便启闭水退即去坝用闸如常议欲修复旧规并请特旨垂示各闸使势豪人员不敢任情阻挠部覆从之

○壬子苏州水灾抚按官请先行赈饥旋蠲免得旨以灾伤重大命抚按官作速勘处○山东莒州沂水等州县催解蓟密永昌四镇民军银未完一万九千六百有奇抚按官赵贤钱岱等以地方灾疲追徵不前奏乞每年带徵三分期以三年全解其各州县掌印管粮官免参仍将考成注销部覆许其三年完解暂销前注考成

○甲寅工部题本部通惠河道等差共十一员钱粮多寡不同均为紧要职事宜加考核其应考各官公廉勤慎者为称职移咨吏部优录平常无过者准复职叙用如有怠玩贪纵不职者除平时体访参究外至差完回部之日从公考核照罢软不及不谨等例分别降斥至于在内注选劄委等官虽姑议免考俱要恪守厥职不负任使如有不称者亦听临时酌行参处从之○丙辰赐元辅张居正次辅张四维申时行及日讲官何籙文等六员鲋鱼各有差

○命五草场各备草二十一万八千束收纳如法仍出陈易新以豫秋防及三团营马匹支用

○辽东巡抚周咏奏所辖将领分别贤否以黜陟部覆依拟请将姚天与金继儒郑应时革任回卫以杨五典充开原参将涂广调西平堡备御周之望照例以都指挥体统行事升锦州守备胡鸾充领兵游击郎梅升沈阳备御其郭济川陈朝升马世隆与蒋国泰各互相更调照例请敕给劄行令各官钦遵任事许之

○戊午上以京师亢旱命顺天府率属虔禱是日即雨入夜大雨连三日远迩沾足辅臣张居正等上表称庆上手谕慰答之

○昏刻地震二次是夜望月食不见○山东巡按御史安九域奏勘万历六年二月内达贼犯

辽东懿路等处各官军失事其巡哨飞报如杨达张林者俱遣远戍惟守堡官李成祖张良臣等二十三名法应参究但查每岁三四月间贼住河套入犯甚易若加重究各官益难展布量行罚米备赈兼助客饷覆请从之

○己未中元节遣侯伯等官诣各

陵寝行礼

○起原任礼科左给事秦耀为刑科左给事中

○东南水灾抚按胡执礼林应训等奏称民穷盗起请加赈恤得旨霪雨骤涨系一时之灾奏请蠲必当有处朝廷唯恤穷民不宥乱民命抚按官多方措处严行禁约犯者依强盗劫财论斩至是礼科左给事中顾九思条陈救荒事宜有宣德意议赈法平米直严御□禁攀害五事部覆从之

○壬戌成祖文皇帝忌辰祭长陵遣隆平侯张炳行礼

○癸亥户科给事中李涑以江南水灾〈娼弊-

金〉陈四事一广积粟之令二重亲民之官三慎边储之增四崇节俭之风上览之怒传旨云李涑屡次讪上令辅臣拟旨处治辅臣张居正等言李涑狂躁妄言诚为有罪但臣等详看今次〈娼弊-金〉中所论皆为江南水灾乞行蠲恤意在推广上德施惠穷民皆言官之所当陈者虽第四款词语妄诞似亦未敢有所触冒若因此即加重治恐未足以服其心且臣等亦素恶其为人但恐伤皇上优容言臣之意故敢为之陈解〈娼弊-金〉入上意释

○总督两广刘尧海奏所属官积谷不及数者降级罚俸各有差

○分守临元参将陈世忠称病乞休许之又以临元乃苗夷杂处之地云南要害之区命亟推补以云南都司僉书江浚铨注云南都司掌印管事

○工部奏叙开便河功次先是巡漕御史陈世宝议凿瓜州□乌通浙直运船今又议开仪真便河以通江西湖广等粮运钦命严督开挑至是总理河漕潘季驯管理粮储道陈文烛查原督扬州府知府虞德华淮安府通判况于梧仪真知县侯应徵挑完便河工程将所挑河渠勘定丈尺所支钱粮开报数目会同漕运巡抚侍郎江一麟金谓陈世宝功当优叙如陈文烛等四员官有崇卑劳无轩轻议吏部叙录其余行漕院分别奖赏以示激励从之

○甲子上御文华殿讲读

○乙丑上御文华殿讲读是日工部覆礼科左给事中顾九思工科都给事中王道成等〈娼弊-金〉请罢苏松及应天织造取回京差内臣传谕内阁织造袍服未可遽罢若如部议取回

内臣改属抚按有司则织造不精谁任其责且见有钱粮不必加派先生拟票来辅臣张居正等言该部为地方灾伤故如此议覆请得面奏为皇上从容开说有顷居正等持工部<娼弊-金>并拟票入至御前奏云近日苏松等处水灾重大百姓困苦流离有群聚劫夺者地方钱粮实难措处且自前年星变时亲奉明旨停止织造着孙隆回京至今尚未报完是诏令不信而德泽不宣也臣等谓宜从该部所请以彰皇上敬天恤民至意

上曰朕未尝不爱惜百姓但彼处织造不久当完远不过来春耳居正言

皇上德意臣民无不欣仰即孙隆在彼亦能仰体圣心安静行事但地方多一事则有一事之扰宽一分则受一分之赐彼中织完十未四五物料钱粮尚未尽徵完者尚有未尽徵完者灾地疲民不堪催督愿皇上且取回孙隆其应天被灾稍轻许坤仍旧可也上乃许之曰近降去花样银两皆御前发出并不加派扰民候此件织造回京余悉停罢居正等顿首曰幸甚是时

宫中自大婚以来应受赐者皆籍记以待又当供奉慈宁岁币益不足尽仰东南织造

上心亦难之乃从中发银五千两畀孙隆约用尽更请一不以烦百姓外廷莫得知也故

上指此为言居正又奏云兹事尝奉圣母慈谕今当奏闻上曰已奏过因以部<娼弊-金>授居正票来又顾居正等云君臣一体今有司皆不奉行百姓安得受惠居正对言诚如圣谕臣等今日亦无非推广皇上德意而已愿皇上重惜民生保固邦本寔

宗社灵长之庆次日上批部<娼弊-金>云苏松地方灾伤重大孙隆着查近降花样御前发去银两应织袍服上紧湊织完日即便回京其以前织完的照数解进未完的都着停止物料等项准作岁造段正支用各抚按官还查数明白具奏许坤且着照旧

○户部以朝覲届期天下掌印正官例应赴京奏令先期料理催徵完数方许离任○守门内官侯钦于御路西径责守卫百户滕钦珠需索火头费用礼科上言禁地非用刑之所火头

○无名之需以朝廷之爪牙充门官之囊橐事干违法乞严加究治以惩恣肆

○辽东总督梁梦龙等条陈本镇事宜一议练兵谓该镇兵马惟正兵一营简练已成数苦不多若各营将领虽经简练率多未精欲照近例于七月中旬责令总兵官诣各营阅视年终督抚核数多寡考其勤惰一议扼险谓开原一路策援辽沈远不济事欲于铁岭适中添设游击一员并兵马三千遇警就近调援一议市夷谓开原庆云堡夷人近来入市夹带北虏悬带弓箭挟索不遂即肆抢掠骄横已极难复纵容虽夷情狡狴不可逆料而相机制驭亦当预图一议禁例谓该镇虏势日盛地方愈疲所赖边人敢战为利保全无虞伏睹军政条例虏寇近边剽营官军乘机捣穴斩获老幼妄作边功升赏与杀平民者一体论斩诚恐旧例具存人心不无疑畏未免有误边防宜宽例禁部覆如议一议补马谓辽镇御虏不时战马日耗要请再发马价四万两部覆谓太仆寺马价原非边储迺辄请增非岁例也但该镇虏患无常马匹倒损独多合行太仆寺动支马价一万二千两收贮本镇备查临阵倒伤者量给补买其无故倒死者不得一概混给后援为例奏上报可

明神宗显皇帝实录卷之九十

万历七年八月甲戌朔

上御皇极殿受朝

○命翰林院编修盛讷刘元震充展书官

○命陕西巡抚张佳胤以原职巡抚宣府

○升云南左布政使方良曙为应天府府尹

○乙亥四川都司军政僉书刘惟清进表还乘便回籍命革任仍著为令

○先是景泰五年事例各处边腹巡抚于八月赴京议事嗣后概多停免惟有顺天保定二处巡抚犹循旧例至是顺天巡抚张梦鲤以秋防重务奏乞暂免部覆通行停免惟重大事务紧急军情许径具奏从之

○以四川都司僉书刘应光充叠茂南路游击山东总督备倭赵康侯充统领蓟宁山春班官军游击分守紫荆关参将李彦勋充协守蓟镇西路副总兵游击李如松充分守马水口参将

○兵部题武科之设本以罗致材武广储将帅顾人多缺少不能尽推不得不咨之回镇乃多置空闲人材之贤否无可凭稽而历年久远精力之强弱且难预料虽遇缺乏人执籍稽迟不敢推拟积至一百八十余人弃置堪惜宜行各省镇总督抚按等官将各卫所武举自隆庆二年至今尽数查出备开职名贤否造报以凭注簿录用其有材堪大用者奏荐推擢若年力稍若识见老成亦许彼处各衙门卫所委任如劳绩可取照例保荐但有坏事废职方许摈弃庶人材无淹滞而设科非虚文矣从之

○丙子升湖广永道守备江腾龙署都指挥僉事铨注四川都司僉书升浮图峪守备陈汝德署都指挥僉事充山东总督备倭升宣府靖胡堡守备张极署都指挥僉事充总督蓟辽右营游击

○陕西苻咂等族番人二百四十二名进贡给赏如例

○丁丑祭至圣先师孔子遣大学士申时行行礼

○戊寅上亲诣太社太稷致祭

○升陕西右参政李尧德为右僉都御史巡抚陕西地方

○命左谕德兼翰林院侍读陈思育司经局洗马兼翰林院修撰周子义顺天考试○以神机二营练勇参将田永爵调补京城巡捕左参将

○辛巳 孝康敬皇后忌辰祭 泰陵遣崇信伯费甲金行礼

○岛贼邢才甫白应时等先经招抚安插金州复逃故岛为贼劫掠高丽本镇将领同山东海道官兵协力擒解首从各典刑问拟总督抚按官梁梦龙等分别功次叙金州守备张世勋指挥僉事张策辽东苑马寺卿吴道明山东巡察海道蔡叔逵登州备倭都督赵康侯等宜纪录优用把总王建极刘绍远等协捕人员宜行奖赏部覆从之

○浙江巡按王晓论劾按察使徐云程事体周章职业废坠拟令致仕部覆谓详访本官畏慎大过事多迂滞则有之但自参议以至按察四任俱在浙江历查考语多称其凝重缜密直节清操年且未老遽令休致不无可惜命姑降一级调简○户部题覆给事中郝维乔等〈娼弊金〉略云国家赋税差役原有定额抚按官严稽于上府州县遵行于下事事不踰旧制则平时无愁叹之民遇灾有赈贷之备何至偶值灾伤即请蠲正赋但迩来条鞭新立规额未定法令朝三暮四徵派阳减阴增无名供应□费不时科歛之需百姓茹苦万状一遇灾伤恐变生不测即陈乞蠲免而各项冗费冗役分外折乾及门摊纳办支应常例等银有司仍一概追徵不少减免此科臣所谓两税输官者少杂派输官者多也请命下咨行各省直抚按官行府州县每年春秋税额照常徵派外将均徭里甲及各衙门公费公差一应钱粮但系小民出办者通行查议某项应减某项应革某项仍旧分类开造呈报酌议务求省约可行可久而又在抚按力行查访各有司有清约撙节实心为民者亟行奖励否即参究从之

○壬午以

万寿圣节赐元辅张居正次辅张四维申时行及讲官何维文等六员各白金彩段有差

○兵部覆御史安九域奏勘本年达贼九犯大库大胜永安等堡杨得功等二十二名斩获功次命各照款目给赏

○释凤阳高墙已故罪宗拱柁等家属聂氏等一百四名先经礼部题准罪宗子女释放者俱依庶人例给与口粮至是奉旨高墙闲宅罪宗遗属得从宽释已是恩典若又概给养廉殊为冒滥着礼部改议行

○癸未浙江昌国把总庞溟署都指挥僉事浙江总捕都司以协同镇守贵州兼提督清浪等处右参将侯之胄改充神机二营练勇参将以山西都司掌印张崇德充右参将协同镇守贵州兼提督清浪等处地方

○甲申 上御文华殿讲读○命给发本年蓟辽保定等处抚赏彩段等物银两以免临时踊贵及别项那借科克之弊

○南京工部题 孝陵殿宇庑廊插补工完遣公徐邦瑞祭告尚书陶承学祭谢后土司工之神各行礼

○升河南卫辉府知府暴孟奇为陕西右参政升江西右布政使张大忠为云南左布政使升山东按察使杨芷为江西右布政

○乙酉上御经筵

○以 万寿节赐元辅张居正次辅张四维申时行及讲官何维文等金银万寿字金篆字金银书黄符黄绶符有差

○户部题覆密云漕粮俱属额饷往时自通州水运仅止牛栏山又自牛栏山陆运抵镇岁费脚价繁多居民骚扰后因潮白二河可以通漕节经督臣修治二水会合河流已盛又因同知卫重鉴建议自通州径运至密镇无倒卸起剥之烦插和偷盗之弊主事曹维新议添扁浅船二百一十只新旧共船四百只俱令经纪承管撑驾所运粮一十五万自牛栏山至镇城每石四分于四分内扣八厘抵作船价计年扣价还官以备十年一次更造之费计所给经纪脚价止一万二千七百余两而每年省什物行粮等费共银二千二百余两而十五万漕粮仅以三月通完费省而上下便之经久可行既经督抚梁梦龙张梦鲤具题宜着为成规仍请纪录各官效劳运务者员外郎曹维新郎中戴耀兵备徐节翟绣裳同知卫重鉴把总毛希遂等俱依拟

○丙戌以恭题御画赐元辅张居正次辅张四维申时行各白金纁丝有差○戊子以中秋令节赐三辅臣上尊珍饌有差

○庚寅 万寿圣节 上御皇极殿受朝贺是日鸣鞭后有儒士韩万年于丹墀高声自称献策纠仪御史以殿廷禁地儒士何敢混乱朝仪命法司究问仍申严门禁著为令

○赐三辅臣上尊珍饌有差 朝鲜国王李昖差陪臣正从三十五员赴京表贺万寿圣节赐宴给赏如例

○礼部题覆总督宣大兵部右侍郎吴兑题北虏顺义王俺答差酋长赍捧表文一通恭进马匹鍍银鞍辔等物及各枝部下头目各进贡马匹乞讨升赏伏乞敕下礼兵二部酌议照上年数目查给并今乞增升官顺义王等下子孙头目答度台吉等二十二名俱量受百户职衔那吉妻把汉比妓照太松给赏仍乞将河西套虏卜失兔阿不害弟俺坠兔阿不害准授伊兄原遗正千户职衔赏赍已故正千户虎兔兔阿不害赏一分即应停革其虏王乞给敕书与同钦赏表里差官赍捧至边分给奉旨允行

○大同西路参将薛邦奇褫职威胡堡守备宋国宾怀仁城守备孙鸾革任提问从巡按参劾也

○乙未 宪宗纯皇帝忌辰祭 茂陵遗宣城伯卫国本行礼

○差御史朱璉巡按湖广

○以湖广都司佥书李鸣凤铨注山西都司掌印升云南巡抚标下坐营中军赵琼署都指挥佥事铨注云南都司佥书升四川叠茂游击马呈文充分守云南临安参将

○升山东左参政张仲谦为山按察使福建副使姚体信为河南左参政

○丁酉礼部题太医院御医赵世美因圣济殿御药房传取随驾夫马银两近侍孙隆内使魏秀带积棍十余人扛擡红牌二面安置公堂宣读系礼部及太监刘阳议处近侍随驾夫马银两事读毕争辩间孙隆随将世美拳蹴即悬牌未奉有明旨且凌虐职官票内上犯御名略无顾忌体统甚褻法纪奚存乞将原牌取回另候圣明裁定得旨孙隆魏秀着司礼监鞫问牌面取回

○礼部题该内阁传 圣谕朕昨御门见真人张国祥也随班他前奏今年该朝覲朕思他是外方之人焉用朝参又无民社之寄何须入覲今只在本府暂处恭候 圣母万寿圣节供事毕即辞回以后凡遇寿旦只在本山建醮祝延朝覲免行或有旨召来不在此限臣等仰见我 皇上存道流于外方重体貌于班行真大圣人之为也得旨朕御门听政百官常朝原为承旨奏事衍圣公以万寿入贺朝廷用宾礼待之不在文武职官之列今后也不必朝参着贺毕辞回永为定例

○光禄少卿岳相以原品改调南京御史刘致中劾其贪残不职应褫部覆谓其偏执招尤但年力尚堪策励故有是命

○苏松水灾御史张简题民穷盗起非民之得已也然恤穷有道唯责成司牧而已夫天灾何代无之苏松二郡之民一遭水患何遽称穷至此盖苏松为东南财赋之地其困于徵求非一日矣今二郡司牧岂无急便身图厚自封殖赈贷之恩虽施而给散不均蠲免之令虽下而催徵如故勾摄之皂快毒甚豺狼罚鍰之逼迫急于星火柰之何民不穷且盗以死也请速行抚按官严责有司简省词讼轻免鍰赎使之得安其生理由是而下蠲徵赈贷之令而民蒙实惠矣又入覲伊迺应朝官指称公费科派小民骗富室者难保必无科歛之禁此时尤宜申饬以警顽邪此救荒安民之最要也又民穷为盗势所必至巡抚宜移驻彼处以示弹压便抚恤仍同巡按御史严督兵备将领军卫有司官申明保甲训练兵壮以潜消盗贼俟事宁之日仍驻旬容以时巡历部覆报可

○先是四川凤村白草等番二十八寨盘据为患控驭恒难至是率男妇八千余众来降且约期供蜡听习汉仪抚按会题抚化机宜须原官经理久任责成方克有济议将石泉知县李茂注銜龙安府仍管石泉县事坝坻守备宗綬升授都司职銜仍管坝坻守备事前番收入石泉版籍责令通事管束渐变夷风仍严督官兵加谨防守部覆得旨依拟仍以巡抚王廷瞻拊绥

有功命吏部纪录并安绵兵备僉事黄德洋录赏

○升南直安庆守备刘咨署都指挥僉事铨注湖广都司僉书

○命兵部左侍郎何雒以原官总督宣大山西军务

○刑科左给事中齐世臣劾大理寺卿王友贤议狱屡谬法宜究处贤引咎得旨宽宥世臣复指陈错谬贤又＜娼弊-金＞自明乞罢吏部以人才难得心迹已昭命策励供职

○辽东督抚梁梦龙条陈边镇事宜一议垦荒辽镇自灾虏频仍军民逃亡者半地荒谷贵所给月粮即岁丰尚不能给欲赈恤别无措处欲加饷额例难开查临边可耕荒地约有二千余顷若令军丁聚众开垦则零寇远遁其便一旦营军在野屯民无恐穡人赖以成功其便二垦田既多米价自平其便三一议盐粮镇设盐粮本以资军该镇军士每名月米一石止折银二钱五分准盐每引价银五钱可抵两折支而节年召中纳米不过五斗仅足半月支用况输米秕湿多成红腐若纯用本色利尽归□而贫军鲜实惠矣诚于米价腾踊之时本折兼开军□庶乎两便也户部覆奏如议

○先是积谷之法因地方酌定多少以备不虞然有司以折价便于侵费是以积谷既稀遇灾束手于是吏科左给事中杨言请申饬有司将赎罪银尽数糴谷令抚按官于年终委验分别有无多寡照例赏罚又于军卫屯粮不许违例徵银查仓无见米者从重究处部覆报可

○协守西路副总兵李如楨以守协不和为总督梁梦龙所劾命回籍听用宁山营春班游击沃允谦以不善抚军革任闲住

○己亥升福建副使欧希稷为山东左参政○蒲州劫盗肆行抚按参劾分守河东道王子惠隐匿盗情追补无获命降一级调简

○兵部南京太仆寺卿萧廩题称修举马政各拟议上请一议查勘夫蠲免拖欠所以宽恤灾伤但未经勘实而一概与除则奸民望风觊觎逋负愈多矣今议行令该寺会同抚按选委廉能查勘拖欠马价等州县分别轻重有无斟酌量豁而无灾地方不得援比仍行催徵完解有那移侵欺者究追赔补一议会课夫马价与两税均系国计乃两税完少重则降级马价拖多止于罚俸是宜有司之急彼缓也今议每年该寺奏缴完欠至日本部会同户部将有马地方总计起存钱粮分数一体参请住俸降级候其徵完开复庶怠缓知惩一量复马官议有马州县即于管粮佐贰员下添注兼管马政以听于管马通判而受成于分管卿丞庶官不增而事并举一查给草场夫草场马厂皆为孳牧设也乃豪强势要占种者多今议委官清查追给马户仍令输租以解部寺有占夺者绳以法但间有马户家贫典卖未必皆侵占一旦清查必有奸人乘机冒指尤当慎选委任庶可有济奏上报可

○庚子 上御文华殿讲读

○福建右参议聂廷璧为福建副使以原任山东布政使朱卿复除浙江左布政使调陕西右参议徐学诗补山西左参议分守河东道移驻解州兼理东西两池事务

○命原任光禄寺少卿袁三接复除本职升陕西左参议毛为光为福建副使湖广僉事江廷寄为湖广右参议

○辛丑 上御文华殿讲读○福建提学僉事赵参鲁以亲老身病乞致仕许之

○户部覆凤阳巡抚江一麟巡按李时成奏劾泗州兴化宝应山阳清河桃源盐城等七州县田地其高阜成熟者照旧派徵其被灾稍轻与被灾次重者俱免一年被灾极重者免二年共免秋夏起存税粮二十九万一千四百石有奇银一万一百八十两有奇其额派漕粮于附近各府所属无灾及灾轻州县通融拨补务足原额候被灾州县有收之年照数徵还报可

○以吏科给事中郑秉厚为福建右参议户科给事中李涑为山东僉事升陕西右参议袁弘德为山东副使升山东僉事刘应元为陕西右参议升工部郎中马鸣鸾为湖广僉事升浙江僉事须用宝为广西左参议升吴兑为吏部左侍郎升巡抚宣府王一鹗为兵部右侍郎

明神宗显皇帝实录卷之九十一

万历七年九月甲辰朔升江西右参议王希元为福建提学副使

○河东巡盐御史冯寰上言苦池滩为盐洩水要区原非可耕之地自正德二年淤平后因奸民争种不均投献晋府每年收租不过二百金查复运司则关系国课二十万乞严谕该府不得听奸拨置行令运司将前滩时加修浚保固盐池部覆如议

○乙巳上御经筵

○修显陵祔恩殿以户部主韩济董之令刻期竣事毋致冒破虚糜

○兵科给事中赵世勋劾右府掌府事定国公徐文璧留难应袭需索属官私设文簿名曰堂食钱又名红纸钱请严行禁革以儆臬贪得旨以勋旧仍其职惟厘革夙弊为后日规

○升河南佥事刘东星为陕西右参议驻劄金州升山西右布政使吕鸣珂为江西左布政使升福建右参政王元敬为山东按察使升江西佥事周思敬为江西右参议

○以宣府巡抚标下中军都司朱永祚充定州领军游击

○丁未孝恭章皇后忌辰祭景陵遣怀柔伯施光祖行礼

○上御文华殿讲读

○升广东道御史王藻为河南副使升四川按察使梁问孟为山西右布政使升江西副使郭孝为福建右参政升河南御史王应吉为陕西右参议升南京福建道御史王许之为浙江佥事升盩厔知府石汉为江西佥事升江西道御史李荇为山东佥事○蓟镇总督右都御史梁梦龙〈娼弊金〉所属武职王吉杜桐等三十二员贤否赏罚有差允行

○庚戌上御文华殿讲读

○升浙江右参政胡定为四川按察使升四川右参议刘一孚为江西副使

○两浙巡盐御史李栋查议原奏仁和等场减追引价银三千九百余两欲以绍兴所加余盐银二千两抵补未敷又查有华亭上海等盐场各新增沙涂升科票税等项银二千五百余两处补既有余饶部覆报可

○巡抚山西都御史高文荐以苛岚一州逼近边境伤残疲敝所欠屯粮牛具银及王粮民粮等项难以追徵部覆如议蠲免

○辛亥许给大同镇马价银一万二千两以备明年市本

○升左春坊左谕德陈思育为国子监祭酒照旧充经筵讲官

○壬子以重阳令节赐元辅张居正次辅张四维申时行等上尊珍饌

○升江西副使吴从宪为浙江右参政广东佥事马千乘为四川右参议

○朝鲜国王李昖差陪臣李堦等正从三十五员赴京庆贺赐宴如例

○辽东建州左等卫女直夷人都督等官大疼克等共一百二十六员备马一百二十六匹赴京朝贡给赏如例

○甲寅 上御文华殿讲读

○以湖广行都司军政佥书白玉铨注广西都司掌印

○起原任广东副使胡同文补江西副使以四川道御史张友舜为广东佥事

○乙卯 上御经筵

○凤阳府宿州越狱强盗高寅等三十一名时即擒获逸其九巡抚江一麟劾兵备朱东光知州郭腾巡捕孔源洙邵椿等罚俸有差

○阅视宣大山西给事中姚学闵论三边八事大略谓积钱粮则宣府山西为最大同次之修险隘练兵马则大同山西为最宣府次开屯田整器械理盐法收胡马则山西为最大同宣府次之散逆党则大同为最山西宣府次之此三镇八事之大较也其总督抚按及寺道将裨等官勤惰不等奏各升赏罚革有差

○上用大婚龙袍命太监孙隆提督苏杭等府织造谕以悯念民力于是隆上言天雨频仍地气蒸溽请乞袍段之雨湿糜黧者照例解进免以退换累及小民从之

○丙辰以霜降节祭各陵寝遣侯伯等官各行礼

○差陕西道御史郑锐往真定巡按

○改神枢二营练勇参将尹志萃充分守山西河曲县地方参将以分领总督宣大标下右掖兵马游击刘宝充宣府东路游击

○己未大同督抚官侍郎吴兑请于大同聚落城改设守备官仍以该城见任操守张世杰升署指挥僉事以都指挥僉事行事守备聚落城地方兵部覆奏允之

○刑部覆刑科都给事中周良寅所陈朝审事宜一议会审查每年霜降以前将见监重犯会同部院司寺并锦衣卫堂上官及科道掌印官朝审而五府带俸勋臣与带俸副将等官亦与焉所以广兼听也今议以带俸带衔平居无政刑之责不宜与会一申戒令等事查往年决过重犯止会决官具本复命别无施行今该科建议欲刊劾榜文揭示通衢以警有众无非使人畏罪远刑之意奏上报可

○建州左卫女直夷人都督大疼克八汗等三起共二百三十八员各赴京进贡赐宴如例泰宁等卫右都督只儿挨等差头目升合儿等一百七十八员备马一百七十八匹赴京庆贺万寿圣节给赏马价银弊悉如例

○以原任古北口参将谷承功降充蓟辽保定右营游击○辛酉 上御文华殿讲读

○以协守蓟镇东路副总兵孙朝梁充协守辽阳地方副总兵以分守浙江宁绍参将欧继宗改充神枢二营练勇参将以河南都司僉书李维藩充昌平永安车营游击

○蓟镇属夷长昂等因挟赏不遂阻拦入贡夷马该镇奉旨停其抚赏至是率领部落叩关补贡督抚梁梦龙奏谓悔罪输服乞通贡复赏以示生全兵部覆奏许之

○升墙子岭提调陈蚕署都指挥僉事充蓟镇统领南兵游击以大同入卫游击鲍宗德改充宣大游击

○总督仓场尚书汪宗伊上言每年漕粮轻赍约银四十五万九百两有奇备陈四款部覆施行一曰盘剥大率谓运官沿途盘剥到京完粮支用轻赍冒破数多要行量给意在裁抑冗费以补储计但查轻赍银两每年三分给与运官以备沿途空贴诸费七分解贮通库听备各帮完粮先是漕臣吴桂芳深以为便今欲议给一分恐长途粮运脱或遇浅何以为备宜酌量损益分为二八定为二分以资空贴八分贮库支給完粮至于扣省盘剥费银多寡宜随时测量水势浅深斟酌议定难以例拘二曰完粮大率谓京通密云天津等各仓完粮银两虽凭粮多寡以为增减而费用额数则一定不移京仓用银一十五万二千八百二十四两有奇通仓用银三万七千二百八两有奇昌平用银一万七千八十两有奇密云用银九千五百三两三有奇天津用银八百九十八两有奇蓟州用银一千四百五十八两有奇不分改兑名色惟据数多寡给以轻赍支用使无彼此有余不足之患但轻赍银两各处不同一切筹扣当取多以益少取彼以益此若轻拟分数不无增减参差宜将起运粮石查照兑改原额酌量分派凡编帮领粮俱以全卫全所不必如前搭派致难照管三曰扣省大率谓轻赍自盘剥完粮支剩者例有扣省如车户经纪夫脚等约八项坐粮厅查扣贮库年终解纳太仓计京仓通仓密云天津蓟州共扣省银一十一万九千八百八十八两有奇今改每年照例解库诚为有裨边储但不得那移侵费亏损国计四曰羨余大率谓盘剥完粮扣省外又有羨余约该银三万七千三百七十六

两有奇内该一分解淮二分给军往时为运官侵克穷卒不沾实惠今欲议革将见在旗军唱名给散已回南者扣贮另议宽恤运军诚为有见但革议单一款运粮官于粮完日给赏羨余银有差起粮无欠先给一分完掣通关后给一分既系旧额仍当遵行余法久弊生宜再申飭其把总指挥千百户给赏余银以尊卑为多寡其军旗计里远近计船多寡列为三等分别赏给如先已回南者即扣贮通库候次年查给敢有巧立名色科歛需索者治罪俱报可

○户部覆漕运侍郎江一麟总兵官灵璧侯汤世隆等条陈漕政三事一徵角□羊船料制运船一万二千一百余只转输漕粮四百万石额不可缺因杭芜二厂并各省直等所角□羊料匠银欠有一十六万二千余两以致造船不敷额数短少今议将远年拖欠者尽数豁免近年者带徵二分见年者全角□羊济用其徵科造船完者纪录不及数者罚治分别赏罚以警怠玩诚为调停得体一漕粮开仓先是漕臣立置漕单计水次之远近较兑粮之多寡酌过淮之程途定限注单运粮官奉单催取有司惟恐兑纳稍迟预于九月开仓早获者尚可卒办晚收者倍息贷输不免有滥恶充数因循塞责之弊今议审节令之余闰酌地方之迟早以定限单徵粮有期赴兑无滞诚为漕政急务一附带土宜旧例粮船各带土宜所以优恤旗军使之食用有资不至侵损正粮然议单开载止限以四十石者诚恐船重难行稽迟粮运故间有多带即追没入官今议每船许带土宜六十石盖以军食既光则正粮无损故量益其数稍宽其罚无非体悉漕卒求济运务之意得旨以十月开仓余俱如议

○壬戌以副总兵职衔分守福建南路参将郭坚充镇守南直江南副总兵以统领蓟镇德州秋班官军游击陈伯恹充振武营游击

○癸亥泰甯卫夷人头目升合儿等共一百七十八员赴京朝贺

万寿圣节赐宴赏如例

○以副总兵职衔分守蓟镇参将白福充协守蓟镇东路副总兵以大甯都司佾书曹师彬充神枢十营佐击升大同左卫守备李联芳充大同入卫游击升福建都司掌印梅应魁补分守福建南路参将

○罗旁两山等余孽突行杀掠副总兵陈璘罗定兵备道侯应爵及东安县知县萧元冈等均当法论总督两广侍郎刘尧诲以两省夹剿事宜在会议间而各官久任地方习知地利＜嬗弊-金＞免究治令其策励供职以图后功兵部覆奏如议

○乙丑上御经筵

○巡抚都御史贾应元奏劾大同后卫都指挥同知吕凤鸣科歛军钱计赃以枉法论远戍

○以分守龙固二关参将陶世臣改分守蓟镇参将以分守浙杭嘉湖参将董汝梅改充分守蓟镇地方参将

○泰寧等卫右都督只儿挨差头目小羊儿并自来都指挥等官干抹秃等一百四十四员备马一百四十四匹补贺万历六年万寿长至二节补贺过期例应革赏但督抚诸臣称其与黄达有讐势难远出以致迟误事属有据宴赏如例

○丙寅建州右等卫女直夷人都督八当哈等赴京进贡宴赏如例

○总督两广侍郎刘尧海会同巡按御史龚懋贤条陈一禁遏过番以杜私交之党一查编海船以诘接济之奸一稽查保甲以清接济之源一察验□船以防混迹之患四事巡抚福建都御史耿定向会同巡按御史敖鲲各条议一清查船只稽察货物一编刻船号照对文引一稽核保甲禁缉接济一□船分番出洋量留防守一漳潮互相关会稽察船只五事部覆均为闽广沿海要务从之

○以大寧都司僉书李燧充神枢五营佐击

○升蓟镇擦崖子关提调莫矜功署都指挥僉事铨注大寧都司僉书○巡按广东御史龚懋贤议剿罗旁两山余孽部覆谓收兵未久又议调发诚未易办止宜相机抚降悉心措画以终前功若有负固不悛者密行剿捕诛首恶赦胁从以散其党从之

○丁卯上御文华殿讲读

○辽东行太仆寺少卿乔应春议马政三事一走递太累谓马备徵操非供驿递先是以该镇大荒驿递不支暂拨接济遂沿为例今议申明见例凡擅拨与擅骑依京边事例一体降级仍责赔补一挑兑非法调选精锐本以壮戎但更班之时或选人而不用马或选马而不用人则膘壮瘦损无所劝惩人多规避怠于餵养弊习相沿殊非军政今议于选调换班时责令本营官于本军家选择壮丁补役不许各营家丁以马匹擅自兑换一罚治未明倒马罚俸原有定额但查参之后开有买补比前稍加者又一概受罚人无所劝益加玩习矣今议以上次点过倒失分数为准分别完欠酌量罚免如完过数多者量行奖赏若倒失未买又复倒失者每年终查覆参处兵部覆请如议

○升南京小教场管操指挥僉事李应麒充游击分守浙江杭嘉湖地方以分守辽东锦义右参将王有臣改充分守龙固地方右参将以江西都司僉书张应科铨注福建都司掌印

○戊辰上御文华殿讲读

○巡抚都御史胡执礼巡按御史田乐奏勘苏松二府所属太仓吴江等十州县灾各有等除存留钱粮照例蠲免尚欲于漕粮尽数改折见徵五分蠲免五分及钞关贙罚银两悉留賑恤部覆照嘉靖年事例将今年额派存留钱粮如数蠲免从之

○己巳授庶吉士庄履豐陆可教杨德政冯琦杨起元为翰林院编修顾绍芳何雒书沈自邠

余继登为翰林院简讨张鼎恩史继辰张养蒙费尚伊高尚忠万象春为六科给事中王国甘雨李植马象乾汪言臣曹一鹏张文熙为各道御史

○河南提学副使李向阳以巡按御史苏民望劾其徇情玩法任气作威命革任回籍

○以原任河南提学副使衷贞吉补河南副使

○升宣府龙川所守备路登云铨注大宁都司佾书

○兵部题推京城巡捕右参将刘印量升副总兵职衔分守辽东锦义地方得旨锦义地方见有虏警刘印巡捕屡次失事又经住俸捕贼不许

○辛未 上御文华殿致斋赐三辅臣上尊珍饌

○苏松等属邑水灾田荒赋逋诏减各驿马价十之四并停徵以前未完者

○赐云南巡抚右都御史升兵部右侍郎王凝祭葬如例

明神宗显皇帝实录卷之九十二

万历七年十月癸酉朔

上御皇极殿颁万历八年大统历特赐元辅张居正次辅张四维申时行及讲官何雒文等有差

○以分守宣府南路等处右参将栗卿改充分守辽东锦义地方右参将

○命贵州道御史陈世宝巡视京营

○以密云游击王诏充分守蓟镇参将

○升江西运粮把总戴应麟铨注江西都司佥书

○乙亥泗州等七州县水灾巡抚江一麟请于本年应免漕粮通行改折且分作三年徵解部覆从之令以二年解完○以淮安府属盐城等十州县照旧改属营田道令见任佥事史邦直充之仍给敕以便行事

○丙子以中宫千秋节百官行庆贺礼赐元辅张居正次辅张四维申时行等上尊珍饌

○土鲁番速坛阿卜纳西儿呵黑麻袭立为王援例特遣头目卯刺纳等备方物马匹谢恩求贡命差贡使及所进方物悉照先年额数不许过多仍照五年一贡期限不得违例奏渎

○调五军七营练勇参将黄元忠充分守宣府南路地方参将以河南都司佥书魏孔与充密云游击

○己卯上御文华殿讲读

○先是蓟辽总督梁梦龙塘报虏酋土蛮大举寇辽东辅臣张居正以警报闻命居正等拟旨谕兵部议驱剿之策居正入奏言九月初间有北虏俺答部下头目恰台吉差人于土蛮中侦知土蛮欲纠众向辽讲求贡市臣即驰语总督梁梦龙令其再侦核实多方设备传示辽东李成梁巡抚周咏虏若纠大众至勿轻与战但坚壁清野使野无所掠虏气自挫又使梁梦龙亲率师东行发往兵二枝出山海关为辽东声援令蓟镇总兵戚继光选精锐乘间出塞或捣其巢或邀其归以挠之今据报各官具如臣指梁梦龙已东驻永平遣参将许如继杨栗出关截杀戚继光移驻一片石伺间邀击辽东收保已毕虏以十月初二日至盗前向中所地方此地窄人稀虏众无所掠势不能久旦夕必已退遁今敕兵部始议驱剿已后事机徒骇听闻耳且彼中戒备颇严谅无疏失上嘉慰之

○总督仓场尚书汪宗伊＜娼弊-金＞轻贲折蓆及给军羨余等三事轻贲银两随粮徵解原以备完粮之用例不得别项那移今当扣算余银解纳太仓银库折蓆者因兑米二石该蓆一领折银五分交纳太仓库备用今当另开类解不许混入轻贲之内以滋他弊旧例以二分羨余给赏官军今运官俱称旗军南回不敢冒领已经扣留贮库不得别项那支宜咨户部议处给散务使旗军各沾实惠户部覆奏如议

○庚辰 上御文华殿讲读

○协理京营兵部尚书杨兆会同巡视京营给事中李廷仪奏核山东中都司各卫所掌印官完军完粮者照例奖赏其不及格者罚各有差

○调分守江西南赣等处参将尹湘充五军七营练勇参将升大同阳和守备翟景荣诔注河南都司佥书

○辛巳 上御文华殿讲读

○以苏松水灾赐减明年牲口药材等银十之五并暂停徵以前逋欠者○刑科初覆奏请旨行刑命今年暂免辅臣张居正等上言 圣德固云好生但庆赏刑威乃朝廷大政去岁因大婚庆典故暂免行刑今岁何名又欲停止若以刑杀于 圣心有所不忍则各犯有杀父母杀兄弟及劫夺殴杀者彼死者含冤不尤为可怜乎若不忍尽诛乞命再加详审揀其情罪尤重者＜娼弊-金＞名上请量决数十人则好生之仁惩恶之义并行而不悖矣 上纳其言

○以四川按察使兼右参政吴善补四川右参政整饬建昌兵备兼管分巡粮储

○癸未原任都清兵巡道今调广西副使彭富贵州巡抚何起鸣劾其因循不振宜调简僻有旨命速赴任供职以劾之非实也

○诚意伯刘世延犯禁辄坐肩輿户科给事中傅作舟劾其骄纵灭法命闲住罚禄米一年

○朵颜等卫夷人头目阿里麻等九十四员赴京补贺 万寿圣节并长至令节赐宴赏如例

○巡按山东监察御史安九域勘核养善地方功次以李平胡等一千九百四十五员各炤款目升赏报可

○升统领井大民兵游击崔经充分守南赣地方参将

○甲申 上御文华殿讲读

○升山东副使赵睿为四川右参政

○乙酉虏酋土蛮等统四万余骑从前屯锦川营等堡深入攻掠敕蓟镇总督梁梦龙并辽东镇总兵李成梁等严加哨备酌发兵赴援并力逐剿

○升江西都司朱家将以参将职衔管统领井大民兵游击事

○丙戌兵部题覆巡抚贵州右佥都御史何起鸣奏所辖将裨郭成张奇峰等二十员应升赏李鸣凤等四员应革罚各有差如议 晋王慎鋹薨辍朝三日○旧制于太医院中碾磨药末送圣济殿修合丸散今提督御药房太监刘阳欲于内殿碾磨非制也礼部覆照旧规从之

○蠲苏松二府段疋军器等十之四仍于旧逋者暂行停徵以水灾异常故也

○升礼部精膳司郎中王廷诗为山东副使

○丁亥江西解丝绢原徵本色但非地产买解实难抚按官会题本折中半部覆自八年以后俱准本色六分折色四分相兼起解着为额

○吏科给事中杨言奏塞 皇陵旁开孔道谓 陵寝重即樵牧有犯法亦森然乃于陵寝之侧大开孔道践踏驰驱恐损 祖宗之龙脉洩山陵之旺气况黄花镇密迩边塞若私道渐开防御未备意外之变更属可虞宜尽塞径道以保万全<娼弊-金>入然之

○戊子以河南都司佥书江昌国充神枢十营游击以湖广行都司佥书袁日章铨注江西都司掌印以陕西都司佥书许登瀛铨注山西都司掌印

○命沂莒二卫所等班银自万历四年秋班起至五年秋班止其应追春秋二班工价名粮银两悉与蠲免以苏军困

○停武学生纳监事例以武官子弟视为捷径异省生儒诈冒籍贯故命停之

○广西郁林等处巢贼流劫杀虏无数该督臣调发两广官兵攻破贼巢斩获甚众总督侍郎刘尧海叙大小文武官王原相朱汝贤等共四十三员奏升赏纪录有差得旨以面授方略功在总督同心调度功在巡抚仍厚赏刘尧海张任等银币

○己丑主事林乔楠管临清仓失火延烧数多被劾关防不谨降二级管事

○有议欲开复故河巡抚周鉴巡按苏民望等题谓开复新集议有三难财用不敷其难一民力不堪其难二且时浚时淤其难三至于北陈一带<娼弊-金>浚难于措手惟当各守堤防设官于豊碭徐沛会山东河南协修行缕二堤俾茶城以北无冲决之虞而浊河小浮桥听其分流无妨济运部覆依拟行

○总督两广侍郎刘尧海上言迩来贼盗繁兴皆由官箴不饬上下相仿贿赂公行查问刑条例凡卫所职官卖放正军包揽月粮至二十石以上者罢职发边卫守御凡沿边地方总副参游守备都司卫所官员但有科歛及扣减入已赃私至二百两以上者发边卫永远充军四百两以上者斩首示众事例一体通行沿海地方以后总参等官有犯此赃数者俱照例究处兵部覆奏允其议

○庚寅 诚孝昭皇后忌辰祭 献陵遣新甯伯谭国佐行礼

○辛卯升山西老营堡守备王佐铨注陕西都司僉书○朵颜等卫夷人入朝有福余卫头目伯忽五更入朝迷误走至崇文门被捉伤及守者门官奏闻得旨以夷性素蠢宽之量革半赏用示稍惩仍罚督馆主事乔岩以为疏于防简之戒

○户部议处边关银库以便收放如宣大蓟永密辽延甘等八镇银库俱以本部郎中同府县正官定期收放其出入封锁悉照太仓搜筒库例不得止同库官自收自放如宁夏固原等二镇官库俱系各道委官收放移文郎中知会但司道多不亲临至通判库官侵扣诸弊难以查筒宜令司道官亲临收放郎中不时巡历清查不得止取空文回报如山西镇库先在代州治内主事亲往收放近移过通判衙内与州绝不相关宜行抚按官查照旧例如昌平镇库旧在分司旁宜改昌平州治内易州库旧在州治内宜查修原库添设厅房俱以管粮官同州官收放其河西务许墅临清九江等钞关原无库设每日同委官收□税船料暂贮本厅节解库州县库收贮季终公同验解以上开款条奏悉如议
甲午升应天巡抚右都御史胡执礼为户部右侍郎

○吏部核各省直提学官职业论次奏闻其升级供职俱以循资擢用

○巡按御史张宪祥奏固原镇并咸阳等县城垣缮修既完钱粮无滥本镇督工守备蒋松有劳宜赏报可

○乙未广西獠猺盘据八寨肆毒几载叛服无常抚按张任颐钤等会同总督刘尧海奏议进剿仍以贮解盐银五万七千二百两留充兵饷报可

○丙申 上御文华殿讲读

○以昌平镇坐营官钱国用充本镇标下右骑营游击○丁酉 上御文华殿讲读

○升河南副使孙光祐为右僉都御史巡抚应天等府地方

○巡抚都御史胡执礼巡按御史田乐董光裕等上言常州镇江应天太平等四府属邑灾伤不等欲援苏松二府事例蠲免如数部覆谓苏松赋额甚重又加以灾伤异常宜从厚蠲赈应天等府赋额既轻水灾不重缓徵别赋已为不宜改折漕粮尤难轻议今据各官奏勘宜酌议

应徵应免应折应停以灾之轻重为次其浙江抚按官吴善言谢师启亦以杭嘉湖三府之灾为言酌量蠲免数亦如之

○广西抚按官张任等〈娼弊-金〉言柳州府所属五州县旱灾饥民当赈欲以贮库银一千四百五十两留以赈荒并协济武宣粮银二百九十六两暂与停缓部覆从之○兵科左给事中李选题参陕西巡抚右副都御史傅希摯原〈娼弊-金〉极言陇右矿贼猖獗又自任以督兵驱捕事盗具〈娼弊-金〉既奉明旨谆切责成夫何时经半载寂无一言不知前项矿贼曾否剿除地方官员有无失事今已升户部右侍郎离任矣希摯本以庸才缪膺重寄背违明旨旷废官常即其罔效于三秦奚取并联乎九列所当究治以惩玩愒奉旨傅希摯慢令旷职着革任闲住

○朵颜泰宁福余等卫夷官俱以进贡报事勤劳加赏币服有差

○升浙江提学僉事乔因阜为太仆寺少卿添注

○晋王慎徽梦二子方孩以宁河王知□操守端谨命给敕掇国保孤但不预该府钱粮候嗣子袭封日还政

○女直夷人都督僉事等官八汗等各奏讨金带金顶大帽职事衣服译无违碍及覆查明白俱各给赏如例○

上以两河工成赏总督河道官潘季驯江一麟等银币有差仍差科道官勘实以闻

○起原任山东左参政严大纪复除山西左参政升陕西右参议刘东星为浙江提学副使

○庚子

上御文华殿讲读

○虏酋土蛮等频年窃犯每遭挫衄于十月内拥众五万余骑突犯前屯总兵李成梁戚继光参将杨栗等并力拒斩虏贼始遁有旨以总督梁梦龙巡抚周咏张梦鲤等督率有方赏赉文武大小官员银币各有差

○以浙江总兵官署都督僉事黄应甲充镇守广东总兵官

○先是隆庆六年恩诏蠲免海内共沾而苏州松江常州安庆等四府完解在先未蒙抵蠲今抚按官胡执礼田乐董光裕等议以万历元年起解牲口银两内扣除三分以抵隆庆六年蠲免之数报可○陕西巡抚傅希摯〈娼弊-金〉总兵陈守义参将梁文等共十三员当循资擢用参将魏璋等三人当革任回卫覆奏如议

○兴济县有强盗籍金等二十余名聚劫旅宦县官毛充学匿不以报抚按官劾奏并及府捕同知杨廷感兵备副使赖廷桢等降级罚俸有差

○户部奏减额外重大粮差以苏倒悬先是襄阳卫屯地共一千六百八十顷四十七亩八分零岁纳米麦一万四千五百八十七石有零后又清出余地共六千一百七十四顷二亩九分零增米麦一万三千四百石有奇照地增粮自当尽数全徵但所加之粮既倍原数而有不急之费尤非正供经抚按官酌议将各项冗费概从节缩共减徵米麦五千六百二十六石有奇裒益公平公私两便奏上报可

○壬寅 上御文华殿讲读

明神宗显皇帝实录卷之九十三

万历七年十一月癸卯朔应天巡抚吴执礼直隶巡按田乐董光裕等题常镇府属江阴靖江金坛等州县水灾议以协济各驿递马价自万历五年以前未完者三县俱暂停徵部覆从之

○以原任镇守镇守贵州总兵官吴国充镇守浙江地方总兵官

○甲辰祭三皇于景惠殿

○以陕西行都司佾书姜珂铨注陕西都司掌印

○丙午上御文华殿讲读

○丁未升山东盐运使赖嘉谟为四川左参政升陕西佾事桑维高为陕西右参议

○己酉上御文华殿讲读○以圣母慈圣宣文皇太后万寿圣节赐元辅张居正白金五十两彩段四表里次辅张四维申时行各四十两三表里讲官何维文等五员各二十两二表里仍赐万寿字金篆字金书黄符黄绶符各有差

○以浙江副使张希召为陕西太仆寺卿

○以原任河南佾事调简张应福补陕西佾事升河南左参议徐大任为陕西副使

○巡按广西御史顾铃题称镇守总兵官王尚文可备五府之任又举参将倪中化等劾都司韩文启等奉旨总兵官职任至重概同文武官举劾是旧例否且举荐总兵堪任五府亦非事体还会同都察院查明具奏部覆得旨着改正行

○庚戌上御文华殿讲读○辛亥升光禄寺寺丞周弘祖为南京尚宝司卿以原任湖广左参议冯时雨复除河南左参议升广西右参议李一迪为浙江副使

○壬子上御文华殿讲读

○四川抚按王廷瞻等题为照建昌地方被番烧劫站军杀虏人口已经奉旨率督该道剿抚但雕剿大渡河南番河北番必然助逆而河北官兵原非该道所辖调遣不便若使暂听节制事权归一庶可慑北番之心而孤南番之势剿抚易为成功但云暂听终属携贰至用兵讨贼尤难互分彼此以后通南北各道如或番贼扰乱遇有调遣兵马策应防守追捕不分南北悉听主兵该道节制功罪同之永为定例部覆允行

○甲寅升工部都水司郎中徐儒为广西副使○丁巳辅臣张居正等题工科都给事中王道

成等请酌减织造段疋臣等看得岁造段疋原有定额

祖宗朝计一岁所造供费有余至嘉靖年间赏赉无时间以缺乏增织非可为常例也万历三年该库已称缺乏岁造外添至九万有余时以大婚赏赐浩繁该部不得已遵旨设处各地方库藏搜括已尽经今四年方得织完而添织之旨又下计开七万三千疋所费须银四五十万索之库藏则库藏已竭加派小民则民力已疲今岁南直隶浙江一带水灾顷蒙特恩蠲赈又取回织造太监罢民稍得安生乃又重复加派非 圣慈所以爱养元元培植邦本意也该库偶因三卫夷人赏赐段疋缺少虎豹一样服色及北虏俺答款贡赏赉岁增故请添织至于上供御用等项则近年南京太监许坤苏杭太监孙隆织进者已自足用不必又取办于岁造矣惟复俯从科臣之言一概减半织造其支费银两敕下户工二部酌处免复加派小民奉旨东南地方既有灾伤段疋准减半织造其支费银两着户工二部措处毋得加派小民

○以庶任镇守宁夏总兵官张杰仍充镇守宁夏总兵官

○宽奠参将徐国辅革任行巡按御严提究问以贪黷起衅致夷人怀愤抢窃为督抚梁梦龙所论劾也

○戊午以山东都司佥书张守成协守宁夏西路广武营地方

○己未兵部题覆总督两广侍郎刘尧海题剿除八寨徭贼事宜已奉 明旨惟称广西巡抚咨请加兵四营与全军所用器械火药等项俱委东省处办所费不贲今江右岁歉米贵必增糴广储方克有济容督行广东布政司及监军道量支解发调处给用今据征剿徭贼大兵克期进举并候命下行彼处巡按令风官一员随营纪验功次勿得委官虚应以致枉滥报可

○命清宣大等镇主客兵粮并将各省直军饷定为经制岁终奏报如边镇例

○癸亥以山东都司王秩充神机八营游击

○甲子四川杂谷安抚司都纲头目更哈监藏等赴京进贡给赏如例

○丙寅冬至 大祀 天于 圜丘遣公张溶恭代公徐文璧伯毛登大学士张四维申时行分献

○以冬至令节遣侯伯等官恭诣 各陵寝行礼

○是日赐元辅张居正次辅张四维申时行酒膳有差

○丁卯 上御皇极殿受贺赐三辅臣上尊珍饌

四川杂各安抚司差都纲头目一千二百七十四名各备珊瑚等物进贡给赏如例

○己巳朝鲜国王李昖差陪臣工曹参判权擘等三十六员赍捧表文方物马匹赴京庆贺冬至令节赏宴如例

○庚午上御文华殿讲读

○升福建右参议佘立为贵州按察使

○巡抚凤阳江一麟巡按李时成题江北地方军民杂处盗贼起伏皆由总捕各官所辖辽远稽察难周宜分任巡捕山阳盐城安东沐阳海州赣榆六县仍属管粮通判邳州宿迁桃源清河四州县分属邳州驻劄淮安府管河同知睢宁并徐州萧沛砀丰六州县分属徐州驻劄淮安府水利同知无为州并巢县仍属江防同知合肥六合舒城庐江英山霍山六州县分属管马通判各兼理其各境内卫所巡捕巡河等官悉听会督凡总捕应行事宜责成着实举行部覆从之

○兵科左给事中李选等题兵部大选指挥等官以文凭送科画字及推升参将等官惟题本下科看详其凭限皆定自本部该科并不与闻相沿久矣恭照会典兵科职掌一款凡兵部选过官员赴任俱先赴本科画字其文凭定限给付臣等以为今当厘正凡一应文凭俱送该科酌量地方严定期限本部照常给付永着为令又总兵官镇守一方统帅攸系到任有限查参有例然多以劄付到迟为解未见参究一人今后凡总兵官推用命下之日即便严立期限速行劄付本官依期到任缴劄回报违者听本部及该科并巡按御史参究庶责成严而法守一矣奉旨兵部知道旧制文武官奉敕行事事完及升迁等项去任原奉敕谕俱宜进缴近年通不缴敕殊非事理着该部查明来说

明神宗显皇帝实录卷之九十四

万历七年十二月壬申朔

上御文华殿讲读

○詹事府掌府事礼部尚书汪鏊以衰病累＜娼弊-金＞乞休许之

○升云南副使刘伯燮为福建右参政

○巡按陕西御史赵燿以奉差回籍调外任

○癸酉大学士申时行以三年考满加恩升礼部尚书兼文渊阁大学士荫一子给与诰命时行＜娼弊-金＞辞不允

○升南京吏部考功司郎中荆光裕为云南提学副使○巡抚贵州右佥都御史王缉题参麻哈州闲住经历宋儒儒乃本州土同知朱珠子也伪籍定州中顺天乡试隆庆辛未进士选庶吉士倾险败类被谪家居恣行不法窝盗强奸伪印诈财发兵流毒一方所杀无算盖其父已老即以儒之子嗣官土夷不用汉法自其常态主是为抚按所劾论死远近称快第不知当时何以得进使禁署清华列一无赖夷虏亦一异也

○丙子 上御文华殿讲读

○丁丑加吏部尚书王充国太子太保

○戊寅礼部题据原任广东副使应存爵奏请伊父原任刑部尚书应大猷恤典为照本官性行端方学识弘博自诸司而晋铨部已著风猷历藩臬而任抚台尤多劳绩遇事刚正不阿有人臣之大节居乡清修愈励有达士之高风虽曾被劾公论已明既复职进封三经存问合照例与之祭葬得旨准给

○升广东佥事刘倬为左参议

○以大同入卫游击麻承恩充分守大同井坪等处参将以神枢九营佐击戴采充延绥领军游击

○工部尚书李幼滋以久疾乞休许之

○壬午 上御文华殿讲读

○以大同盗虏守备沈栋充大同入卫游击升宣府赤城堡守备朱国相充神枢九营佐击

○御马监张诚奏乞转行太仆寺再选骟马三千匹送监调习以备护驾兵科都给事中戴光启奏却之

○甲申命原任左春坊左谕德兼翰林院侍读陈经邦以服满仍充日讲官○乙酉世宗肃皇帝忌辰祭永陵遣庆都伯杜继宗行礼

○丁亥以年节赐元辅张居正次辅张四维申时行及讲官何维文等银币有差

○赐泰宁卫进贡贺节夷人宴赏如例

○山西行太仆寺少卿职掌屯牧与各道牵制巡按御史黄应坤议行裁革仍以屯田令守巡道分理牧马随屯带管著为例

○戊子 上以讲幄勤劳升侍读三年考满何维文少詹事兼翰林院侍读学士掌院事朱赓与五品服色王家屏沈一贯陈于陛各升俸一级

○升户部左侍郎谢鹏举为南京都察院右都御史○辛卯 上御文华殿讲读

○升光禄寺寺丞孙代为江西提学副使

○壬辰 上御文华殿讲读

○升江西巡抚刘斯洁为户部左侍郎

○甲午 上特降手敕谕元辅张少师先生在京守制忠孝两全今当服满朕心忻慰时赐玉带一条大红坐蟒蟒衣各一袭金执壶一把金台盏一副用示昏知见朝毕候朕御平台召见以后朝参经筵俱照旧行居正＜媼髡金＞谢 上优诏答之

○礼部题先该大学士张居正等题称宗藩未妥事件乞敕本部将条例再加斟酌并

累朝见行事例系关宗藩者悉行裒集分类编录仍会多官议拟题请着为宪令开送纂入会典已经奉旨钦依待具有次第题请会官集议臣等礼部会同宗人府六部都察院各堂上官通政司大理寺各掌印官及该科官驸马都尉许从诚等将大学士张居正等所题宗藩条例未妥一十二事并推广未尽事宜及见行事例条例所未备者通行款开详加酌议惟求情法适中科条画一足以昭示久远为经常不易之规谨逐一开列前件具题上恭候 圣明裁定臣等礼部并将旧行条例刚去烦文止存节要会为一书进呈御览刊刻成帙颁布各王府永永遵承以后一应请乞但有不遵定例妄援渎扰者所奏事情径自立案不行仍听本部及该科

参奏得旨依拟刊布纂入会典

○丙申元辅张居正以守制服阙钦奉敕谕召见于平台面谕先生全忠全孝万古留名奏臣蒙 皇上天恩委曲体悉故得以少尽臣子之情昨蒙 圣恩特降手敕恩赉殊常叩头谢毕又奏昨奉敕谕着臣以后照旧朝参臣即当钦遵但年前数日尚在三年之内余哀未忘仍望皇上再宽数日候元旦庆贺后照旧朝参供职
上曰先生元旦出来亦可居正承旨又奏臣在制中屡荷两宫
圣母慈恩赐赉今欲诣各宫门外叩头称谢请旨 上答曰是着张宏引进居正叩头退诣

慈庆宫门外叩头

仁圣皇太后遣中使传谕云先生忠孝两全了宜益尽心辅佐赐银五十两纁丝四表里随诣

慈宁宫门外叩头 慈圣皇太后亦遣中使传谕慰勉赐膳九品金执壶一把金台盏一副金镶牙筋一双银五十两彩段四表里荤素食八盒甜食四盒酒十瓶命太监张宏递酒三杯管待是日居正奏臣以在京守制奏辞俸薪奉旨著光禄寺每日送酒食一卓各该衙门每月送米十石香油二百斤茶叶三十斤盐一百斤黄白蜡烛一百枝柴三十扛炭三十包自奉旨后支給不缺今服制已满前项俱应住支不胜感戴天恩之至得旨元辅日给酒饭一卓着光禄寺照旧居正<媼-金>言臣既复常俸足以养廉缘奉特恩不敢辞控恭谢

大明神宗显皇帝实录卷之九十五

万历八年正月辛丑朔 上御皇极殿受群臣朝贺

○癸卯宣宗章皇帝忌辰遣襄城伯李应臣致祭于 景陵

○播州宣慰司杨应龙差长官杨正芳进马匹庆贺 万寿圣节赏给钞段

○甲辰大学士张居正＜媼擢-金＞辞勋阶禄米升荫 上温谕不允

○丙午命礼部右侍郎兼翰林院侍读学士余有丁为礼部左侍郎掌詹事府事照旧充经筵讲官

○丁未调三屯标下游击刘文瀚为河间领班即以河间游击刘世桂代之调石门寨参将李信于黄花镇即以黄花镇参将王抚民加副总兵衔代之以督臣言才地各有所宜也

○戊申朵颜等卫夷人小思苦等二百三名入贡宴赏如例

○升山东都司佥书常鐸为统领蓟镇宁山春班游击将军

○以大同浑源城守备丁珠充神枢营备兵坐营官

○改分守宁夏东路右参将胡忠于五军二营

○己酉 上亲享 太庙

○大学士张居正再＜媼擢-金＞辞恩命 上允免太傅其加禄米百石升荫一级如故

○陕西三边总督郅光先奏套虏卜失兔等约束部落恪守市盟宾兔台吉尤为效力乞行部议加赏银币并赐敕书其西海虏酋丙兔台吉等遵例贡马八匹内有违例者请行督抚悉照旧额贡马行赏不得额外加增并人多于马上可其议○巡视京营给事中李廷仪御史陈世宝条陈戎政七事一复班操请罢班军工作令各都司统领官军随带器械同原定营军一体操练如有工程听工部将觅夫银两雇募不足量将各军粮盐银两凑济虽勋戚边臣不得违禁冒请一平马政议三大营马匹于春操将毕令总协科道会验巡捕营马匹令科道于夏月点军时就便一查至十月印烙会部寺科道行事其各营兑马部寺公同验看不得以病马给军有马匹倒死系年远免追桩者即与除豁一去虚文各营将官凡有各衙门公文止许差人投递把总等官专一在营演习武艺不许差遣一精选练开操较阅首火器次弓箭次刀枪各因武艺难易以定赏罚因以训练多寡别将领贤否而选取教师就于各营中谨择不得滥收无籍以开幸窠一重用勇士四卫二营系亲密之兵所关甚重宜照三大营例坐营员缺该

监开缺送部查推不得径自题补把总等有缺该监查取廉干者题补不得径自制委一定章程营中各项事宜如京班二军及钱粮等项国初若干今存若干其营制官属敕谕章奏并一应操练成法大阅事宜及勇士四卫二营本部近日题覆事宜通照次第刊刻成书以示画一清钱粮太仆寺钱粮会收每月二次定期验收不必拘定三万之数亦不得以他事稽误至支放附余宜查实登报以杜侵渔营中公费立法稽查裁其余剩以备犒赏兵部如议具覆上从之命工部清查人役班价等项以济工费该寺会收一月三次行

○庚戌赐山阴王俊柵四书五经集注各一部所建书院赐额名乐善

○辛亥 孝恪皇后忌辰遣成安伯郭应乾致祭于 永陵

○广东巡按御史龚懋贤举劾将领＜娼弊-

金＞内参碣石指挥王之野恣肆箴法应革职揭黄部覆以其罪重议当提问上以武职官有犯不论管事带俸俱应参提问罪奏请定夺无径自革职揭黄者乃命该部更查以闻○壬子立春上御皇极殿顺天府进春百官称贺

○四川建昌僞厦洗马姑宰猥铁口等寨献凶酋葵咱呷等一十九名首级一颗并被虏男妇一十二名来降抚臣王廷瞻上诸臣功状及失事者兵部具覆命升王廷瞻俸一级赏总兵刘显飞鱼衣一袭参政房楠按察使吴善各赏银十五两守备刘天俸等各十两而革都司佥书郭科掌印张万年任皆如部议

○兵科都给事中戴光启等奏今者山狭宣大诸酋款关请贡诚无足虑但频年以来武弁军民往往私通夷虏或擅行市易而应禁之货币潜投或密与约交而一切之关防顿废迨一事抵牾遂成嫌隙溃今日之大防貽将来之隐祸宜预为之所蓊门崇冈峻岭以守为上近来台墙并飭画地了防可谓算无遗策然台守之军类多虚冒宜立法稽查以期实用外藩属夷阳顺阴逆西虏敢与连姻东虏敢于勾引董长诸酋又数为乱方今土酋屡挫万一托彼向导乘虚一逞彼固甘心助逆者辽左比岁追剿动获奇功顷河西又以捷报谭者谓可期数年安堵然狼子野心肯忘反噬且开原应援辽阔锦义墩堡稀疏兼以兵力疲于久战众志懈于成功操危虑深更当有加于曩昔者上是之章下所司

○升蓊镇青山提调陆弘道为山东都司佥书

○癸丑礼臣以复当会诚条上正文体密防闲核后场公分较四事上是其议

○升陕西行都司掌印贺慎为宁夏东路右参将

○甲寅户部酌巡青三议以请一清荒地以杜欺隐一速通关以苏商困一举卑官以公赏罚上悉从之○议在京五草场除已放外例贮一百五十万束今秋宜照数买足递自十二年以后隔年一放一召买三年一次出陈易新不必另立台名积之门外报可

○乙卯宣示辽镇大捷先是东虏土蛮速把亥等乘河冻冰坚纠众入驻辽河犯锦义等处总督尚书梁梦龙等提兵远击三军奋勇大破之是日上遣官荐告郊庙于御前宣捷百官称贺

○升云南都司佥书曹清为四川行都司掌印广东肇庆守备慕学为都司佥书

○考察方面有司官布政使等官郭斗陈万言华汝砺陶采等俱年老吴椿张仲谦徐柏贾馆等俱罢软王原相周良臣姚体信李廷观等俱不谨沉人种林挺章滕伯轮梁问孟沉子木房楠徐大任等俱不及得旨罢黜降调如例

○工科给事中周邦杰＜娵斨-金＞言甲丁等内库交纳钱粮四弊一库臣冗蠹一覆验侵越一京棍勾引一外解揽冒乞详汰厘禁之户工二部覆请报可

○铸给礼部祠祭司提药材库关防一颗

○丙辰夜望月食

○丁巳英宗睿皇帝忌辰遣保定侯梁继璠致祭于裕陵

○戊午以四川道御史李时成提调庐凤淮扬滁徐和学政

○升太常寺少卿吴自峒为南京右通政

○己未先是江西永丰人梁汝元聚徒讲学讥议朝政吉水人罗翼亦与之游汝元杨言江陵首辅专制朝政必当入都昌言逐之首辅微问其语露意有司令简桺之有司承风旨毙之狱已而湖广贵州界获妖人曾光等造为妖语煽惑土司事发遂插入汝元罗翼姓名于内且号汝元为五知子罗翼为纯一真人云其惯习天文遁甲诸书欲因彗星见共谋不轨汝元已先死罗翼亦继毙狱竟不成湖广抚臣但具爰书以闻已下法司审讯并曾光亦非真也但据律发遣而已

○庚申苏州卫管镇抚司指挥宋木因常州府发来勘产追赃犯人管封周以贿脱逃御史田乐上其事上怒敕加究处并罪本道参政徐用简疏纵降治

○升吏科都给事中陈三谟为太常寺少卿

○辛酉以詹事府少詹事兼翰林院侍读学士掌院事何雒文为礼部右侍郎兼官充经筵日讲如故

○升四川右布政使李江为左布政使福建按察使蔡汝贤陕西按察使舒应龙山西按察使秦吉士四川按察使吴善俱为右布政使云南右参政王续之为按察使江广西汝贤浙江应

龙福建吉士本省善广西续之江西

○复除山东副使曹子登于陕西山西右参议张稽古于四川陕西右参议张思忠于山东

○调浙江左布政使劳堪于福建广西提学副使高则益于四川广西左参议秦舜翰于贵州

○壬戌以辽东红土城捷荐告 郊 庙于御前宣捷收回脯酒赐三辅臣

○癸亥 上御皇极门受百官贺捷

○以国子监祭酒陈思育为詹事府少詹事兼翰林院侍读学士掌院事照旧充经筵讲官纂修会典

○蓟辽总督梁梦龙议修筑锦义边路等台七十二座以防狡虏剽掠兵部覆请从之

○总督梁梦龙复请于铁岭添设游击一员就将备御王维贞升补兼管懿路等处十一城堡其铁岭备御移驻镇西堡听调报可

○甲子升刑科都给事中周良寅为浙江右参政山西副使王基为本省参政○调河南左布政使郑云璫于广西复除山西左布政使徐行于河南

○降原任礼部侍郎丘岳为河南左参政通政司左通政李勋为浙江左参议右通政李琦为湖广右参议

○调原任陕西被勘副使钱进学于山西

○起原任陕西副使张昇补本省原职

○升四川副使史嗣元为陕西行太仆寺卿陕西副使李日强为辽东苑马寺卿莱州府知府高世两为长芦运盐司运使苏州府知府李充实为陕西运盐司运使河南佥事邢价为陕西苑马寺少卿

○升户部云南司员外表昌祚为广西佥事提督学政

○裁革浙江巡抚标下游击一员其设省水陆官兵尽付总兵以下各将官统领训练遇警调遣以专责成兵巡道止平时查阅不得占用亦不许主标兵家丁等项名色糜饷冒功闽广等处有监军司道亦属牵制俱行查议以凭裁革

○叙红土城捷赏李成梁纁丝蟒衣一袭督臣梁梦龙抚臣周咏兵备佥事周于德等各银币

有差又以本兵有调度功赏尚书方逢时侍郎吴兑王一鄂等银币

○乙丑 孝静毅皇后忌辰遣新宁伯谭国佐致祭于 康陵

○升广西按察使林澄源为右布政使贵州右参政吴一澜河南右参政安嘉善山西左参政蔡应阳俱为按察使贵州副使凌琯福建副使吴孔性广西副使彭富俱为参政工部郎中王叔陵户部郎中程拱宸四川右参议范仑延平府知府管大勋石阡府知府郑一信桂林府知府吴肇东高州府知府胡文处州府知府熊子臣大理府知府莫子赋都匀府知府段孟贤广信府知府林梓俱为副使河南佥事陈尚伊广东佥事熊惟学俱为左参议澄源琯一信俱四川一澜肇东俱福建嘉善应阳富仑孟贤梓俱原省孔性文子臣惟学俱云南子赋尚伊俱广西淑陵河南拱宸江西大勋湖广

○丙寅九卿科道官面纠来朝官员 上命姑宥着还任悉心干理在外者行文策励

○升山西平阳府知府蹇达为本省副使

○丁卯升湖广左参议李学一为贵州副使提督学政

○升云南按察使汤仰为右布政使广东左参政孙光祖为按察使浙江副使徐元气广西副使周舜岳为右参政刑部郎中张偲河南右参议冯时雨浙江右参议张子仁陈诏怀庆府知府胡汝钦俱为副使四川佥事李荐佳黄德洋为右参议仰广东光祖子仁广西元气河南舜岳德洋贵州时雨浙江偲福建汝钦陕西诏云南荐佳原省

○戊辰先是两广总督刘尧海以广西官盐壅滞军饷缺额欲将韶连引数各行增益其广西官运民商听其兼行量宽禁例户部以产盐在广东行盐在湖广运盐在广西请下三省勘议诏从之

○仁圣皇太后圣诞文武百官朝贺天下诸王府各进贺表命妇免

○升刑科左给事中秦燿礼科左给事中顾九思兵科左给事中李选为都给事中吏科右给事中帅兰工科右给事中王致祥为左给事中燿兰吏科九思致祥本科选刑科

○升山东右参政魏体明为按察使山东提学副使周之屏陕西副使姚继可为参政山东右参议严用和山西右参议杨松太平府知府林烺俱为副使江西佥事李鲁福建佥事李乐陕西佥事周有光为参议体明云南之屏广东继可用和松原省烺广西鲁湖广乐江西有光河南

○升甘肃行太仆寺卿马出图为陕西参议复除万一贯为湖广佥事

○升江西道御史金阶陕西道御史许一德谢师启南京福建道御史方学孟吏科给事中杨言兵科给事中赵世勋湖广道试御史薛梦雷俱为佥事一德学孟浙江言世勋四川师启阶河南梦雷广东

○庚午 穆宗荣妃王氏薨 上辍朝一日其礼仪悉照荣悼安妃杨氏

○升陕西右参议洪忻为本省副使

大明神宗显皇帝实录卷之九十六

万历八年二月辛未朔日食

○升四川副使周大烈为甘肃行太仆寺卿广东副使孙鋹为山东右参政河南开封府知府薛纶为陕西副使

○复除刘汉儒为山西右参政赵岩为江西佥事

○降广东副使王乾章辽东行太仆寺少卿刘凤朝俱为佥事乾章福建凤朝陕西

○升四川松藩东路游击吴鲸为左参将

○调原任山海关参将王通为游击统领蓟镇天津秋班官军○癸酉大学士张居正夺情用事复历三年吏部以秩满宜加恩请上命查例从厚开拟

○升礼部郎中刘应麒为广东副使提督学校

○甲戌升吏部验封司郎中徐元太为山东左参政

○以北虏俺答西牧回剿恪遵约束议奖赉诸臣抚御功升宣大总督郅光先甘肃巡抚侯东莱俸一级又宁夏巡抚罗凤翔西宁参将李汶等各赉银币有差

○陕西矿盗劫掠徽州西和县等地方失事兵备等官李日强等各议罚治降调

○乙亥升陕西苑马寺少卿甲维岱为副使

○工科给事中尹瑾踏勘河工完将筑堰建闸入海处绘图以进因附奏黄淮之形势实关国家之命脉如知其为祖陵之密迤则思培护之当严知其为京师之通津则思<媿擄-金>浚之当豫知漕运关乎国用则思河务之当修知壤地切乎民生则思保障之当急知堰堤之绵亘则思上流之当防知坝闸之布列则思下流之当洩观今日之顺轨当思昔日之横流观上功之钜艰当思保守之不易择人以重其寄久任以责其成岁修以缉其工综核以稽其实言俱切至上留览之

○丙子礼部议筑塞山陵径路责成提督守备等官多植树以资蔽障禁樵采以绝蹊径调夜军以严防守加盘诘以惩奸细其山后西水峪至川草花顶一带并桃树庵张家口大小红山柳沟等处仍通行宣镇申严防守上从之

○兵部题称俺答并套虏诸酋还巢纳款似可无虞但部落结聚性难尽驯边地安宁人易习

玩宜申飭文武将吏悉心协谋外结犬羊之心内壮虎豹之势在宣大山西则当依期互市调停抚赏杜其无已之求时加哨探严设按伏防其未然之变在延绥则当思套虏众多边城辽阔防御尤须严密抚处亦宜通融在宁夏甘肃则当飭兵守险宣恩布信修我内治图保万全上可其议

○旌表孝子一人永寿王府奉国将军秉楨孝事母夫人沈氏母目失明秉楨奉侍汤药日夜祈天数年母忽目明如旧人谓诚孝所感旌其门曰孝行节妇五人汝阳王府镇国中尉睦挺妻恭人路氏江西建昌府南城县生员夏训妻郑氏乐平县生员吴公治妻程氏福建莆田县民刘环未婚妻陈氏江西新喻县举人廖輓妻陈氏俱年未二十守节至老烈妇一人江西临川县民陈仁未婚妻傅氏仁死傅氏往事姑二十余年极尽孝养姑免傅氏殡葬如礼归母家不食死各旌其门曰节烈

○丁丑今大学士张四维祭先师孔子

○升户科右给事中姚学闵礼科右给事中刘中立刑科右给事中齐世臣为左给事中兵科给事中李廷仪工科给事中周邦杰尹瑾为右给事中学闵礼科中立邦杰兵科世臣刑科廷仪吏科瑾本科

○升江西左参议吴与言为四川副使刑部郎中赵萃为贵州左参议升陕西佥事王君赏为苑马寺少卿

○应天巡抚胡执礼以原任侍郎王锡爵省亲逾期奏请简用上以违例荐举夺其俸三月

○升井大游击朱家将为龙固二关右参将

○起原任辽东宁远参将黑云龙以原衔管沈阳游击事○升兴都留守司佥书戴寅为四川松潘东路游击

○改蓟镇德州领班游击孙甫于庄凉

○戊寅上亲祀太社稷

○大学士张居正〈娣斃-金〉辞考满其略云前年先臣不禄臣沥血陈情惟乞一去乃奉圣谕恳留至于三四臣不得已为在京守制之请仰荷圣慈俯从既允归葬旋即召还免其朝参停止支俸令以素服办事臣出则综理国事尽在公之义入则守其直经执居丧之礼身虽属于公家事实殊于见任查前代典礼与本朝律令凡夺情起复者皆居官食禄与见任不殊故先年大学士杨溥李贤等皆从服中升官考满今

皇上原未夺臣之情臣亦未尝于制中起复事体原自不同况前年大婚礼成叙录内阁诸臣晋秩荫子独臣以服制未满特敕该部俟制满而后题请是

皇上亦谅臣在服制之中不可加恩夫既不可以升官独可以考满乎＜媼弊-金＞入上温谕允之

○以会试天下贡士命礼部尚书文渊阁大学士申时行詹事府掌府事礼部左侍郎兼翰林院侍读学士余有丁为考试官

○陕西三边总督郅光先为延绥至兵饷银不敷奏请加部覆谓该镇所需粮料七十八万八千八百七十余两而旧额合民屯盐引粮草等项及京运只七十一万四千九百有奇节年借用客兵饷银大约七万两今宜即以此数加给为主兵年例定额客兵饷银合盐引京运共一十万九千七百五十两今虏款已久不烦调兵节年所用多不过三万少止二万宜每岁以五万两为客兵年例定额即有非时虏警而每年尚剩二万余两亦足支用上从之

○庚辰 孝贞纯皇后忌辰遣清平伯吴国乾致祭于 茂陵

○升南京国子监祭酒许国为太常寺卿管国子监祭酒事

○升山东副使艾可久为江西左参政

○辛巳升右春坊右谕德掌南京翰林院印信戴洵为南京国子监祭酒

○升大宁都司僉事署都指挥僉事路登云为井大游击

○改神机三营游击陈汝忠统领蓟镇德州春班官军

○福建漳泉灾巡抚耿定向请将各仓库见贮应赈银谷便宜支济户部覆请 上允之上御经筵如常期

○赐原任太子太保南京吏部尚书王用宾祭葬用宾陕西西安府咸宁县人中正德十六年进士改翰林院庶吉士除编修升修撰充经筵历官礼部左右侍郎改吏部寻晋礼部尚书以勘吏部尚书李默被赵文华诬奏事忤旨改南京吏部九年秩满加太子太保因病乞归万历七年七月卒于家礼部题本官学识纯正行履端方历官四十六年士林瞻望其风采家居一十三载乡人薰炙其仪型易名赐谥似亦相应得旨准照例与祭葬

○复除河南僉事丁维宁于陕西

○乙酉调山西副使蹇达于山东提督学政

○准南京太常寺卿徐浚致仕以御史王廷稷劾奏之也

○复除陕西道监察御史刘天衢于浙江道

○丁亥赐准王载堉谥曰恭予以册文

○裁革苏松管粮参政先是吏部拟补前官大学士张居正谓此职系添设冗员不必推补上乃命查议以闻吏部因奏近年内外官员视国初旧额已增数倍不顾民艰动滋烦扰如此非一上是其言因命各省直兵备守巡及参游等官凡添设者俱一一查议具奏裁革以称省事尚实之意

○升山东济南府知府宋应昌为山西副使

○改宁夏领兵入卫游击吕豸于神枢三营

○陕西抚按臣以西安等府所属州县驿递疲救民不堪命乃酌议裁省列为八款一曰酌冲疲一曰裁支应一曰减夫车一曰酌派徵一曰处公用一曰明铺陈一曰预徵解一曰议南马兵部覆请皆从之

○戊子上亲祀先农坛毕行耕藉礼命定国公徐文璧彰武伯杨炳大学士张居正充三公大学士张四维兵部尚书方逢时吏部尚书王国光户部尚书汪宗伊礼部尚书潘晟戎政兵部尚书杨兆刑部尚书严清都御史陈爌吴兑充九卿各行伍推九推礼事竣赐陪祀执事官宴上将奉两宫皇太后率后妃谒山陵行春祭礼敕照嘉靖十五年例行礼臣谓世庙初继大统故遍诣诸陵穆宗只诣长陵永陵其各陵俱遣官行礼今次宜遵照隆庆二年例皇上先诣长陵祭毕恭奉两宫皇太后率后妃行谒拜礼次谒永陵昭陵俱如长陵仪其诸陵各遣官一员致祭

○己丑耕藉礼成赐定国公徐文璧彰武伯杨炳大学士张居正张四维尚书方逢时王国光汪宗伊潘晟杨兆严清都御史陈爌侍郎吴兑以表里段币及执事官员人等银布各有差

○恭仁康定景皇帝忌辰遣靖远伯王学礼祭陵寝

○庚寅上以谒陵应用银两内库缺乏着光禄寺将节省膳馐余积进十万两户科郝维乔等奏言岁时丰歉难料区区余积尚恐不支何堪取用乞仍酌量内库取充诸费以光俭德上令从前旨

○辛卯吏部以直隶保安州管州事同知嵇巖历俸最久乞休以闻上准其致仕因谕前旨各守令官贤能者不拘资格推用乃近来举贡出身在任稍久即便引疾显是上官泥于旧格不能综核奖拔以致悃悞之吏上进无阶自行引退今后该部凡行取推升务遵明旨力祛旧习惟贤是用以称朕审官安民之意

○直隶巡按林应训〈娵斨-金〉言苏松诸郡古称泽国干河支港不下千百大则洩水以入海次则通湖以达江小则引流以灌田年久淤浅洩蓄无裨今将苏松常镇等河如吴淞江白土□卯塘秀州塘蒲汇塘孟渎河舜河青旻港等处俱经设处兴工竣事苏松尚有支河数十处宜用民之半出力以赴工用官之半处费以给食事无中辍利可毕兴上下其章于所司

○兵部以将谒山陵请先申飭总督梁梦龙郑雒令于临期带选标兵在宣大总督则移驻居庸关外保护南山蓟镇总兵则移驻黄花镇防护陵寝昌平总兵官则在山陵紧要关隘往来巡视余各镇巡参游等官各照信地严加防守诏从之

○壬辰铸给分守河西兼理屯田关防一顆

○南直隶丹徒县永生砥柱二洲新涨淤沙生芦渐广应天巡抚胡执礼奏请委官文明开垦先饷南京工部尚书沈应时奏称芦租原供织造充饷非宜户部酌覆请以芦课原额归南京工部余多银两角□羊送巡抚以充军饷诏以洲地盈缩不时又出新淤计亩增税仍充芦课不得争扰

○癸巳赐铅山王弼干谥康禧予以册文

○升南京光禄寺卿陈联芳为南京太常寺卿

○加大同入卫游击王保参将衔管宁夏领军游击事

○甲午升直隶保定府知府贾仁元为山东副使

○临洮知府曹时聘密云游击魏孔与河南都司金书崔景荣冒禁行驿递为山西抚臣高文荐所纠得旨夺时聘职为民革魏孔与崔景荣任俱下抚按问并行各抚按查朝覲官遣牌驰驿者一体参处之

○乙未命司经局洗马兼翰林院修撰周子义清理军政贴黄○勒应天府府尹方良曙致仕调南赣巡抚蒙诏外任令河南巡抚周鉴策励供职以南京给事中傅作舟御史林应训等劾其冒滥故也

○荣河县知县郝朝臣以入覲科歛革职为民仍下抚按御史问奏

○升大理寺左少卿贾三近为南京光禄寺卿

○兵部以圣驾将有事山陵先期条奏扈从守卫事宜上以其分属欠明先后失序令另开具奏

○丙申升万全都司佥书麻承勋为大同入卫游击

○刑科给事中高尚忠奏称吏治坏于近名人情隳于晚节往见应朝之臣竣事而归也藩臬长贰则为吾事已毕惟望升转利弊兴革绝不置念守令诸臣则谓既以才留便可肆志向之矫廉伪节一切弃之抚按监司谓其尝以贤能注考不复纠举此弊不除吏治何繇而飭乞敕吏部转行各抚按严加督率有頹纵者不时参劾抚按容隐不举该部及科道纠劾之上是其议

○丁酉遣定国公徐文璧代祀大明于朝日坛

○给沿边沿海各巡按御史敕令查盘军需钱粮依期奏报

○戊戌升南京大理寺右寺正刘浑成为浙江副使

○诏蠲两淮盐场自嘉靖二十九年起到隆庆四年止消折盐二十八万七千五百引以宽灶丁

○总督郅光先条上御虏安边八事一重播告以宣威信选差官通遍谕河套松山西海诸虏令其严戒部落依期贡市勿生事求索有不遵者停革抚赏一别市地以便抚防互市合有分地自顺义王俺答西行达虏乘机流住两处射利宜申飭镇抚差的当官通谕各部首领于原市关口领赏不待换越二伏市长以责统约三边市场四所每市酋首一人主事内卜失兔阿不害切近黄台吉宾兔台吉丙兔台吉四酋为长宜给之敕谕量加赏赉仍优以市长名目令其约束本市酋夷一固人心以峻大防延宁取草塞外出入无时兰靖庄红地方人等希窃矿利潜出外境甘镇凉永等处向因虏众往来内地易为勾引兼之将领剥削有司科扰人心涣散反为外附宜行镇抚责成道将等官于各边隘口令守墩军夜严密盘诘敢有无故擅出塞外者即拏审重究沿边住种居民及各营堡军丁有科派苦累者一体参治一祛积累以实训练延宁军马入卫岁时抽选勾补骚然甘肃原无客饷取诸缺军以为节省四镇降夷通丁养贍不足人无固心转复流徙宜转行各镇抚自今延宁入卫兵马回镇即便整理如军缺则清勾户丁丁绝则另行召募马缺则议讨马价买补一切抽取之弊痛加禁革宁夏副总兵免其入卫以重边防甘肃节省之名悉行革除原缺额兵责成各该道逐一清勾召补将扣存还官主饷开报支销真虏降夷分别加给以示优养仍责成各该将各营堡军丁简选而训练之守巡各道稽察试验期臻实效一甄将材以肃军令严飭大小将领各持廉秉公禁私役止科扰恤饥寒同甘苦威爱并行即为良将当久其任崇其秩其有贪黷乖戾寡恩损威号令不严隳坏军法者即便参究永不叙用一严守歛以资保障四镇城堡整墙责成各该道将所辖者画地保守毋致损坏按季一阅如有齮薄坍塌即便修补遇迁转者比照兵马事例一支代且款顺以来余丁寓民逐耕牧逼虏邻不惟孳蕃蓄庶致虏垂涎而土重难移收歛未易宜责令各道照节年编派守城之法相度地理编入就近堡所春耕夏作任其便宜秋成移驻堡内有警并力拒守听本堡该管官提调自守城之外毫不许干扰一假便宜以寄阃外先年西镇边患套虏为急故每过秋防总督移驻花马池陕西总兵亦于定边等处跟随今四镇俱有

虏住则督臣宜听其便宜巡历以便调度延宁二镇各有总兵则陕西总兵官正宜专任固镇抚防番虏不必远赴摆守陕西三边军务重大与蓟辽宣大相同二镇中军官俱系钦设独该镇于废闲将官中自行选委事权甚轻宜一体钦依升授部覆如议以请报可其免宁夏副总兵人马入卫命与蓟镇督抚更酌以闻

○延宁甘肃贡市告竣兵部叙诸臣供事劳 上命赏总督郅光先延绥巡抚宋可约宁夏巡抚罗凤翔甘肃巡抚侯东莱各银币有差总兵官雷龙等各升赏纪录

○河工告成工部开叙效劳诸臣 上降旨褒赉之加总河潘季驯太子太保升工部尚书兼都察院左副都御史荫一子升总漕江一麟都察院右都御史兼户部右侍郎各银币同季驯赐敕奖励加漕运总兵灵璧侯汤世隆太子太保前任山东巡抚赵贤户部尚书张学颜工部尚书曾省吾等俱升俸级赏银币有差

○己亥祭历代帝王命定国公徐文璧行礼 命成国公朱应祜武进伯朱世雍承袭祖爵

大明神宗显皇帝实录卷之九十六终

大明神宗显皇帝实录卷之九十七

万历八年三月庚子朔 孝肃皇后忌辰遣怀柔伯施光祖祭裕陵

○辛丑谕都察院以将谒 山陵百务俱从省约内外随行者不许骚扰百姓

○升湖广右布政使刘志伊为应天府府尹

○升户部郎中截燿为四川副使

○壬寅升四川巡抚都察院右佥都御史王廷瞻为右副都御史巡抚南赣汀韶等处

○辽东巡按御史安九域条上辽镇未尽事宜凡七款其五事下兵部至加军饷通海禁二事户部酌议覆请谓宁前军士月支粮银二钱五分苦于不给若议再加不惟太仓积贮有限恐锦义隘镇比例乞增何以应之只宜于荒歉时量加赈恤如有捷功则从厚犒赏至若＜娼弊金＞通海禁查国初山东俱用本色辽饷故海运不得不通今既改用折色难于卒复其初且辽东积苦之贫军方谋逃伍若海禁一弛不惟充发者脱逃即土著者亦移家就食数年以后行伍益虚战守无措于时再行严禁势将何及宜旧弗通使 上从部议

○加宁夏灵州参将张维忠副总兵衔充总督陕西三边军门中军官

○癸卯以将扈 驾谒

陵赐辅臣张居正张四维申时行彩织蟒衣红罗及绿罗表里各一件蟒鸾带花绦椰瓢等事

○升大理寺右少卿褚鈇为左少卿而以太常寺少卿臧惟一为之右

○命户部发银一万两兵部行太仆寺支马价银一万两给辽镇充斩级颁赏之用

○甲辰 上将谒 山陵钦定防守扈卫诸臣护 驾则定国公徐文璧彰武伯杨炳居守则伏羌伯毛登左都御史陈爌守皇城六门各勋臣一员清平伯吴国乾惠安伯张元善成安伯郭应乾阳武侯薛鋹抚宁侯朱冈靖远伯王学礼京城九门各勋臣一员以文臣一员协之勋臣则西宁侯宋世恩永康侯徐乔松新建伯王承勋彭城伯张守忠武靖伯张光远宣城伯卫国本怀柔伯施光祖南宁伯毛国□襄城伯李应臣文臣则右都御史吴兑吏部右侍郎赵贤兵部右侍郎王一鹗总督仓场尚书汪宗伊户部右侍郎胡执礼刑部左侍郎陈瑞右侍郎徐学谟右佥都御史刘思问左通政陈学曾○升翰林院编修刘域为南京国子监司业

○升湖广右布政使冯叙吉为左布政使福建漳州府同知朱一松为江西佥事

○以河工告成命太常寺属官赍告文香帛付总理河漕等官祭告大海河淮之神

○升河南都司金书冀永昌为密云奇兵营游击

○乙巳赐扈从文武官大学士张居正定国公徐文璧等及居守官伏羌伯毛登左都御史陈价等红罗纁衣及鸾带等物有差□赐原任大学士吕调阳祭葬调阳广西桂林中卫人中嘉靖二十九年进士除翰林院编修历国子监司业两京祭酒吏部右侍郎充经筵纂修隆庆六年升礼部尚书兼文渊阁大学士寻加太子太保吏部尚书进少傅建极殿大学士以病乞休调阳以端慎简重为时所推及参政柄而首揆方用事一切捧手受成而已然意亦不欲附之外温中办非专事模棱者万历八年正月卒于家礼部题本官性行端谨学问纯明讲帙多启沃之功密勿有经济之助易名赐谥允属相应诏照例与祭葬加祭赐谥升吏部文选司郎中蒋遵箴为太常寺少卿提督四夷馆

○蓟辽总督梁梦龙奏为募土著以代援兵土兵既成遂量减延宁宣大四镇入卫兵兵科戴光启<娼弊-金>言地有远近势有缓急宁夏去蓟镇五千里偏邻黠虏与其量减各镇去什一之千百不若独免宁夏以壮全狭锁钥上下之所司

○工科给事中尹瑾陈河工善后七款一重久任以便责成凡管河诸臣遇三六年考满者宜加衔管事俟资俸最久绩效最著破格超擢应补者即就近遴选一定法制以核岁修令管河司道每岁严督各该管河官率领守堤官夫将各边堤加帮高厚兼裁柳苇修葺闸坝年终管河郎中会同该道核验开报三年遣官一阅视一甃石堰以固要冲高家堰近已筑塞成堤体制高厚既有桩板以护其外复设官夫以严其防然终不如石堤更可永恃宜于中间二十里低洼处用石包砌令徐颖海防三道均分道里各派所属而董其成一浚闸河以利运艘淮河一带先年平江伯陈瑄开凿时原恐阻浅创立里河岁一挑浚今狂流既息积沙未除外河日深内河日浅宜照南旺事例三年两挑挑期俱在通济闸筑坝之后动支岁修钱粮多募夫役限一月通完至于扬仪河道亦应时常捞浅以专责成以防冲决河水暴决势在速治今后遇有水涨暴发非司道驻劄地方该掌印官径自派募人夫动支物料多方防守如水势异常夫料不足听其借支贮库别项银两一面通详司道一面便宜筑塞不必拘泥关白而后行事一防徐北以固上流徐北黄河旧繇萧县出小浮桥入运小浮桥河深近洪能刷洪以深河实利运道嘉靖四十五年河决邵家口出秦沟入运秦沟河浅近闸每积淤以塞河实害运道今幸复趋小浮桥且议修筑行缕二堤为之捍御而邵家坝为秦沟旧口亦宜倍加修理以绝秦沟上<娼弊-金>然有堤不守与无堤同今徐北至单县界见修堤坝长一百五十余里而夫役止七百余名其何能济宜照徐南事例每里补足十名以资修守一备积贮以裕经费河道钱粮山东河南额派原多南直河道起澧沛至淮扬延袤千有余里淮以北则黄河汹涌淮以南则湖水弥漫葺修防守费用浩繁及查岁额桩草银两仅二千有奇加以连年灾沴每岁徵收不满数百安能支持千里之河宜从长计议或河南山东河道银两或运司挑河盐银或徐淮各处钞税或抚按赃罚多方措处每岁共凑银三千两为定额角□羊贮淮安府库专备两河修守之费部臣酌议覆请上皆从之

○丙午上御文华殿讲读月如常期

○续赐守正阳等门文武官西宁侯宋世恩右都御史吴兑等表里及随 驾等官有差

○升湖广按察使侯于赵为本省右布政使

○山西老营堡所儒学成铸给印记一颗

○丁未升山西左布政使张士佩为都察院右副都御史巡抚四川○治惠潮失贼误师罪副将晏继芳等以退缩发遣守备周汝敬等以受贿逗遛处决潮州府同知杨廷勋以缺乏军需行巡按提问

○戊申 慈圣皇太后以辅臣张居正张四维申时行扈 驾谒 陵赐银螯各一

○升湖广右参政晋应槐为按察使

○改陕西参将何极于宁夏灵州

○己酉太监高禄口传 上旨钦赏随

驾扈卫官军银六万着于部中处给大学士张居正等谓隆庆二年此项皆取之内库部中处给非旧例今 内库既称缺乏恩赉又不可废拟下户兵二部于太仓折草太仆寺马价内各动支三万以济急需 上从之

○升山西右布政使秦吉士为左布政使

○裁庐凤淮扬四府本色马匹庐凤减七分为六分淮扬减新增一分二厘仍旧四分著为定例从南京太仆寺卿萧廩请○庚戌吏科给事中张鼎思<娼弊-金>称考选推官知县欲定其人之才品当别其地之难易请将府州县地方分为三等大约以冲而疲者为难或冲或疲者次之遇有员缺则抡选贤者以充其任及升迁行取即以此分殿最且言考选之期宜数而额不宜多部覆报可

○赐平度王翊<娼帮剑狙V浜氏为平度王妃

○辽东巡按安九域陈列辽事大概谓宁前一带倡邻虏穴开原孤悬一隅市夷骄横兼王台之子虎儿哈者奸狡异常将王杲逆雏私养营内昨行购取后必为害锦义墩台久颓田野荒芜宽奠属夷自王杲平后抚处失宜须防反覆海州声援辽阔宜宿重兵沈铁兵马不多宜议增戍遂列七款上请除议增饷通海与增马价外其四事一酌援辽机宜前屯一带与薊镇一片石坏地相接苟有警急两镇须辅车相倚以为救援一处广宁降夷虏性难驯按臣虑收养貽患欲转发解散然收抚既久一旦轻为迁从恐滋疑畏且该镇屡捷颇得其力尚须勘处以为万全一停选调军丁旧堡与新添三堡其兵马不下八百遇有百十零贼势足追蹙今尽抽选以入各营何以守堡推虏今广宁正兵选练已成河东兵马自不得分调西防一处避事武

职辽东武职多投操避印积功至五六级后出任事非系买功即属避事今后逐一清查定以限期更相互换故违推避者罚马示惩兵部具覆悉从之

○辛亥 上奉 两宫皇太后率 后妃发京次巩华城从官行礼毕薊辽总督官梁梦龙昌平总兵官杨四畏及昌平州官吏师生朝见于行宫赐元辅张居正及次辅张四维申时行膳酒有差

○壬子 驾发巩华城午时驻蹕感思殿赐辅臣张居正张四维申时行膳酒各如前

○谕户部曰朕兹躬谒山陵经过地方百姓劳苦本年分田租量与蠲免以示优恤尔部酌开分数来看

○癸丑 上奉 两宫皇太后率后妃诣 长陵 永陵 昭陵行春祭礼遣公徐文璧侯李言恭伯陈王谟杜继宗陈景行李伟分祭 献陵 景陵 裕陵 茂陵 泰陵 康陵都督沉至祭 景皇帝陵寝李鹤祭 恭让章皇后中官祭 宪庙废后吴氏都指挥僉事蒋克谦祭 袁冲 庄敬二太子各陵园侯张建元祭 天寿山之神初拟本日仍驻蹕感思殿 圣母与 上闻陵所艰于得水因念六军难以久屯即日 驾回巩华城以扈 驾谒 陵行礼毕赐辅臣张居正张四维申时行白金绶币○谕兵部以薊辽昌平迎驾官军防护辛苦给赏如京军例又次赏宣大顶关防护官军以示朝廷优恤边兵之意

○武宗毅皇帝忌辰遣定远侯邓世栋祭 康陵

○镇武堡城内忽起火二块大如斗风迅延烧军民房屋五百余间毁馆驿并堆积官木三百余根及男妇十数人盔甲弓箭粮米无算

○甲寅 驾发巩华城暂驻蹕功德寺行宫复赐辅臣张居正等膳酒奉 两宫圣母御龙舟回京文武百官军民耆老俱于西直门外候迎 驾至居守文武大臣毛登陈价伏谒 驾前致词行叩头礼 上还宫是行也 上自发京以至还宫往来皆乘马诸供亿悉从省约虽六军万乘车徒众盛而所过秋毫无犯居人老幼扶携载道瞻仰欢颂彻于远近焉○户部奉蠲免田租旨查隆庆二年例昌平州及宛大二县免十分之五调取夫匠供应器具地方免十之三从之

○东胜堡降天火延烧军民房屋四百余间烧死军士男妇一百四十余人粮草尽烧绝

○丁巳南京云南等道御史杨际熙等奏称镇江凶徒范梓等将私钱买米不遂辄糾合党与逼勒官府强出告示拥入盐漕二察院槌鼓誼称钱法不通及拆毁该府栅栏二院谕之不戢该府发官银五百两卖米仍将所拆栅栏免委官点闸众方解散似此凶徒渐不可长乞明正典刑因参该府同知毛似苏关防疏纵并当参治 上以奸恶逼胁官府强行私钱比前苏松饥

民聚夺不同朝廷唯恤穷民不宥乱民盐漕两御史既不能严加禁戢擒治首恶乃复擅发官银买米又令移拆栅栏免官点闸法纪荡然缓急何赖李栋茹宗舜候回道考察范粹等着抚按官即便分别问拟具奏

○戊午 上御皇极门以 躬祀 山陵礼成百官致词称贺

○庚申夺原任浙江副使张希召广西左参政彭文质江西袁州府知府郑惇典职勒云南副使徐可久致仕降调河南左布政使郑云璫广西副使钟继英陕西副使李贵和等各有差从科道官陈三谟王晓等奏也

○以廷试天下贡士命少师兼太子太师吏部尚书中极殿大学士张居正少保兼太子太保礼部尚书武英殿大学士张四维少保兼太子太保兵部尚书方逢时太子太保吏部尚书王国光礼部尚书兼文渊阁大学士申时行户部尚书张学颜刑部尚书严清工部尚书曾省吾都察院右都御史陈价詹事府掌府事礼部左侍郎兼翰林院侍读学士余有丁通政司通政使倪光荐大理寺卿王友贤詹事府少詹事兼翰林院侍读学士掌院事陈思育充读卷官

○升大宁都司掌印署都指挥僉事张咸为陕西参将

○辛酉大学士张居正上〈媼劄-金〉乞休其略谓 大礼 大婚鸿仪毕举 圣志已定 圣德日新宜及时归政无使王事不终前功尽弃 上温旨谕留之

○升山西按察使辛应乾为本省右布政使副使贺邦泰为湖广右参政

○壬戌命大学士申时行撰拟策题是科阁臣张居正子敬修懋修俱应试张四维子泰徵亦应试居正以引嫌请 上允之因令时行撰马○癸亥大学士张居正再〈媼劄-金〉乞休 上不允即日复降手敕谓奉 圣母慈谕勉留益恳居正〈媼劄-金〉谢求暂调理 上许之仍令即出辅理时吏部尚书王国光等九卿科道阴武卿秦耀帅祥等咸合〈媼劄-金〉留居正上是之

○大学士张四维〈媼劄-金〉请回避读卷 上不允

○除补刘光国为江西道监察御史

○夺应天府府尹陈于陞职以差官部角□羊脱逃故也

○甲子 上御皇极殿策试天下贡士萧良有等三百人于廷敕曰朕惟治古帝王大经大法具在周书洪范其所以宰持万化统摄九畴则建用皇极备矣而论者谓又用三德实为权衡又为皇极以体常以立本三德以尽变以趋时则正直刚柔固与建极殊路坎抑亦异用而同体也三季以还英辟代有若躬修玄嘿庶几刑措力行仁义身致太平与刑名绳下而表用循良

柔道理物而总揽乾纲者于三德亦有合欤又有可疑者政务严切事从宽厚异施也胡以各适于治优柔好儒术威强则宣武异尚也胡以同归于衰含容姑息见谓养乱而仁柔有余刚武不足者胡以称庆历之隆猜忌刻薄遂致播迁而精于听断无复仁恩者胡以媲贞观之美至今唐虞夏殷之盛所谓平康之世也乃弼教以象刑格苗以干羽戮后会泣罪人敷政优优秉钺烈烈其治亦兼用刚柔何欤朕绍休鸿业精求上理思建皇极为天下先尝深诏执事黜朋比期荡平去伪划浮敦本责实八载于兹矣然而教化未洽风俗未同吏治未尽还淳人心未尽归厚岂朕之不敏不明无能端好恶以示之极欤抑三德之用犹有未当欤昔人论治以水火喻宽猛以阴阳配刑德以琴瑟证缓急与夫芒刃斧斤之说梁内药石之譬是可采而行欤夫舍刚柔而求正直不善用三德而猥至极建朕不知其解也故进尔多士于廷爰咨爰度其尚阐折经训标揭化原若何以明教正俗驭吏率人俾斯世会归皇极用追古帝王之治悉心敷对称朕意焉母有所讳

○升直隶大名府知府王嘉宾为山西副使
四川长宁安抚司并韩胡礪恰列等各差头目赴京进贡如例宴赏之

○乙丑勒辽东行太仆寺少卿乔应春致仕○丙寅大雨 上遣司礼监传免读卷命辅臣封进上览以第三为第一第一为第二第二为第三第一大学士张居正子懋修也

○丁卯赐张懋修三百人进士及第出身有差

○戊辰 上致斋于文华殿大学士张居正入见以乞休未允致词谢 上申
圣母慈谕慰勉之居正奏云 皇上戒谕谆切臣不敢不尽死力但此后亦望
圣明留神政务以副天下仰望之心复以男懋修蒙 恩特赐及第谢 上优答之

大明神宗显皇帝实录卷之九十七终

大明神宗显皇帝实录卷之九十八

万历八年四月庚午朔 上亲享 太庙

○总理河漕潘季驯<娼弊-金>辞恩命辄以指画授成归功元辅 上不允

○壬申以两淮各灶场饥 命该处按臣发运司贮济银一万二千两赈之

○户部<娼弊-金>奏有司积谷救荒先年立法但止于州县不知各府为州县之表既有自理纸赎亦当照例存积以图共济请著为令上可其议

○癸酉江北等处连年饥命支营田银一万五千两并各仓贮粟赈之 ○甲戌命福建道监察御史甘雨巡督长芦等处盐课兼理河道浙江道监察御史王国巡按直隶等处印烙种马兼理屯田

○黜靖江王府奉国中尉邦蔡为庶人以冒禁鼓铸也

○益王厚炫薨命世孙翊鉞袭封为益王淮王载垕无嗣命王亲弟建昌王载坚进封为淮王其嫡次庶子俱照依原封如制

○楚府管府事东安王显梈讦奏内使郭伦等事颇不实抚臣以闻诏以显梈昏聩不堪付托革其管理代奏人栗应瑞照例发遣

○乙亥复除四川道试御史赵卿为湖广道试御史

○丙子以辽东正兵营加衔参将秦得倚为广宁左营游击

○丁丑授张懋修为翰林院修撰萧良有王廷撰为编修

○赐原任刑部右侍郎张翀祭葬翀繇进士任西曹<娼弊-金>攻严嵩廷杖谪戍 穆庙改元始复职寻改铨曹历转都察院右佥都御史巡抚广东有剿寇功旋复抚楚入为大理寺卿改右副都御史督漕转令官以病乞休万历七年八月卒于家礼部题本官夫志学问律已清修才猷懋著节概素孚所有应得恤典似当给与得旨准照例与祭一坛减半造葬

○赠恤辽东各路死事夜不收并走报墩军曹卜花等六十六人

○戊寅日讲官翰林院修撰陈于陛乞恩归省故事京官在任六年以上者方许给假于陛尚未及期首辅张居正<娼弊-金>其为旧辅陈以勤子上特许驰驿归仍赉之纁币路费又优赐以勤银币令抚按官具礼存问

○吏部左侍郎兼翰林院侍读学士姚弘谟再＜娼弊-金＞引疾乞休 上许之

○己卯河南抚按官奏阳夏王载非□土纳妾不经奏选生子冒请名封
上命夺其禄米之半子降封为镇国将军其冒请名封者俱从革夺

○皇极门前明二梁损坏部议修换欲用班军以充工役
上以著有免役新令不许仍令著实在营操练

○庚辰命詹事府少詹事兼翰林院侍读学士掌院事陈思育仍充日讲官

○升山西右参议邓林乔为副使管大同左卫兵备事

○辛巳工科给事中万象春以钱法不行＜娼弊-金＞请将金背火漆鍍边三样名色归一以便通行且请责成有司稽查铺行所使通塞至各地方存留钱粮及应纳纸赎愿输钱者即与收钱收放数目即于季报月报循环簿内开载申报户部如议具覆且言省直钱法阻滞非朝廷法令之不严该抚按司道与有司不实实行于境内也清样钱报钱数祇具虚文捕私铸禁与贩未见尽法玩忽既久上下相欺官钱既滥私铸易淆私钱既行官钱益壅重责成诚探本至论＜娼弊-金＞入 上以铸钱一事申飭再三竟以空文塞责今再行禁飭如后废格科道官即便参奏吏部亦宜查科道章奏摘发幽隐者方许推升京堂已而直隶巡按御史田乐复奏五款一严首恶一开告捕一禁私贩一收低钱一许自新仍请通行各省直抚按严督属吏力治豪强窝隐之罪部覆 上悉从之

○虜王俺答差夷使恭进表文方物如隆庆五年例给赏之仍加赉银布其余酋首赏各有差

○升提督四川叙泸等处参将胡恩为松潘等处副总兵

○壬午 孝懿庄皇后忌辰遣固安伯陈景行致祭于 昭陵

○升刑部员外薛亨为山西佥事提调学政调河南副使梅友松于山西

○礼部覆礼科给事中顾九思＜娼弊-金＞宗室请婚奏报事在亲王而亲王具奏权在辅导有本无情弊而辅导官多方抑勒不以时题奏者亦有辅导官具揭而布政司书吏故意沉匿致令愆期者及其到部稽迟据例停寝岂皆各宗之罪今后婚选之日巡按官覆勘无碍照依类奏事例定于每年仲月具奏一次与王具本齐发布政司文结免其复具止用长史教授等结若抚按奏到半年以外而王奏与长史教授等结未到及请名请封王奏到三司以外而长史教授等结未到俱听本部每年查参一次将辅导官提问坐以抑勒之罪诏如议

○江西建昌府新设泸溪县铨选官员铸给本县印记及儒学医学阴阳学巡简司僧道司各印记一颗

○癸未赐辅臣张居正张四维申时行扇及讲官何雒文等五员各有差○南京户科给事中王蔚劾奏户部右侍郎吴执礼轻狡欺肆南京都察院右都御史谢鹏举因循废事部覆谓执礼才有可用宜策励供职鹏举忠诚素孚然迟暮之年宜致仕上从之

○蠲陕西所属带徵逋粮以苏民困从督抚郅光先等请也

○原任佥事皇甫汈以纵子私铸为巡按御史田乐所参诏褫其职

○甲申命翰林院修撰沈懋孝张元忬孙继皋编修邓以赞管理文官诰敕

○改礼部左侍郎兼翰林院侍读学士余有丁为吏部左侍郎兼官并经筵讲官俱如旧

○兵科给事中费尚伊＜娼弊-

金＞论南京吏部尚书赵锦讲学谈禅招集虚浮讥议朝政兼衰病交寻宜赐罢黜上不听

○升湖广左参议王参乾为河南副使

○调补四川佥事赵世勋于河南○先是夷酋赵销罗骨王兀堂等数遣零骑侵边复糾众千余从永奠堡入犯总兵官李成梁督兵追击之斩级七百五十有奇擒获一百六十名口且歼其酋首八人夷其坚巢数处所获马匹夷器甚多总督梁梦龙上其功状谓宜宣捷上从之

○周府永宁王府镇国将军朝垵淫秽败伦降为庶人

○丙戌调补河南佥事李之茂于四川

○降应天府府丞杨标为湖广左参议

○广东罗旁道州地方有盗三十余人突出劫掠夺儒学印巡按御史参诸失事者总兵官陈璘照旧戴罪杀贼兵备佥事侯应爵等策励供职

○丁亥升太常寺卿管国子监祭酒事许国为詹事府詹事兼翰林院侍读学士掌詹事府事
○戊子顺天抚按官奏称顺永二府裁革驿递冒滥所省额编协济数多议将见贮余银及户部管粮衙门税银量发各驿递抵充万历八年正支本年照数减免节年外省未完剩银系山民拖欠者一体尽蠲诏从之

○己丑升户部郎中甘来学为陕西副使

○升四川都司掌印署都指挥佥事陈道为提督四川叙泸等处左参将

○庚寅升刑部左侍郎陈瑞为南京都察院右都御史

○辛卯以辽东大捷荐告 郊 庙于 御前宣捷

○蓟镇总兵官戚继光为全镇盔甲战车损坏欲行修理冲锋器械便利欲行添造山海路车前营战车器械欲行补造各请给银两其冲锋器械乃继光新制其法似菱拒马体轻便利缓急可为营卫且便于收设每战令南兵前行马兵继后制为轻车每车一辆进则四人推运如飞上下山坂追奔虏马利器齐发步兵繇车空以出齐用长枪篋箠以制追杀但北方风劲竹易乾折故制铁篋箠以代之此三器旧无今系添造督臣梁梦龙代为之请工部覆言本部军器银两例不发边且虞衡司料银止八万岁入不给安得藉充额外之费但蓟昌重镇量为酌处三次给发以后毋得援以为例诏从之

○壬辰升户科左给事中萧崇业为都给事中礼科给事中萧彦刑科给事中王守诚吏科给事中张鼎思俱右给事中崇业兵科彦户科守诚礼科鼎思刑科

○癸巳大学士张四维以偶疾乞假得请寻遣医诊视之又赐以羊豕瓜茄等物

○升刑部右侍郎徐学谟为左侍郎而以都察院左副都御史王篆为之右

○云南左布政使张大忠僉事詹洪基各求终养许之

○叙辽东永奠堡捷功赏总兵官李成梁纁丝蟒衣一袭总督梁梦龙巡抚周咏副总兵孙朝梁寺各银币有差

○甲午 上御皇极殿遣定远侯邓世栋等为正使持节翰林院修撰黄凤翔等为副使捧册封楚恭王英＜娥鸛荅白雷踊奎为楚王淮王载垕亲弟建昌王载坚为淮王益恭王厚炫世孙翊釗为益王继夫人孙氏马盖王继妃鲁王颐垣庶第五子寿鈐为福安王宣宁昭荣王俊相长子充灿为宣宁王济南卫指挥僉事尹光辉女尹氏为德世子常清妃南城兵马副指挥张邦佐女张氏为德府宁海王翊铎妃东城兵马副指挥韩学礼女韩氏为衡府平度王翊＜嫫帮剑惧中城兵马副指挥周叔贵女周氏为广元王府长阳王宪焕妃

○总督梁梦龙议于滦阳地方招募土兵三千设立车后营与汉儿庄共成犄角移河南班军布守台头代出延绥卫兵驻防山海援辽宁夏入卫兵马永为罢免其募兵行月二粮营房安家及将领等官一应支费悉于宁夏所免卫兵额饷及大同原留未支钱粮并马价数内扣给至于募兵科条照依汉儿庄事例大同暂留马兵俟三年限满仍旧赴蓟入卫其兵应募待滦阳募兵事完再议报可

○乙未番僧割石尖卒等三十五人贡马并方物宴赏如例

○御史甘霖糾南京大理寺左評事阮尚賓賫捧事竣枉道繇裕州地方騷擾驛遞驛傳僉事王胤祥遣人護之有旨着俱住俸听勘既而該省撫按謂尚賓枉道不達胤祥失于覺察原未嘗遣人護送乃調尚賓外任奪胤祥俸半年

○丁酉升都察院左僉都御史劉思問為左副都御史

○升司經局洗馬兼翰林院修撰周子義為國子監祭酒○錦衣衛管衛事中軍都督府都督同知馮邦寧以病乞休許之

○戊戌升雲南右布政使陶幼學為左布政使

○復除廣西副使賀幼殊於雲南

○升廣東南雄府知府陳頤正為雲南副使

大明神宗顯皇帝實錄卷之九十八終

大明神宗显皇帝实录卷之九十九

万历八年闰四月己亥朔山东抚臣何起鸣疏为重营田以修实政议敕分守济南东兗海右三道专管开垦并稽查逋欺该部覆请

上以垦田劝农乃地方官本职巡抚既有专敕何必另敕分守各道不听

○户部以各省直积穀备荒多不及数抚按官间有不行题参亦无报册者议定为交代盘验之规蓄积画一之法责成抚按官查报 上以积穀备荒乃有司急务节经议覆已将分数递减地方官若能视国如家就中经画处置何至窒碍难行但不核实考成下以虚文塞责甚有仓廩朽坏升合无储挽报虚数一遇灾荒乃请别项钱粮赈济抚按有司相率欺罔岂朝廷设官为民之意今姑依议通行查核有仍前毙部科务从实参处○部覆江西抚按刘斯洁所奏积穀经长事宜一议总积以定中数大约大府各贮三万石中府二万石小府一万石县亦分三等不足则追赎买补足则折价贮库一议减积以核实数上府千六百石中府千二百石下府八百石其上中下等县亦照数递减一议出陈以免耗折各有司于春夏间占其两暘时若豊稔可期将在官人役量其工食几何给以十分之三扣银在库及至秋成凡纳四差银两者准其输谷于仓即将所扣工食抵其纳数一议查盘以便接管每岁仲春委风力官员隔府须查各役承接亦于此时交盘一议专贮以禁那移收折银两另匣专贮不时稽查如遇赈济或即给银或以易谷酌量施行<娼弊-金>入从之

○陕西法藏等六寺棘麻僧等三十名各备马匹方物赴京进贡赏给如例○庚子升南京都察院右佥都御史胡价为左佥都御史

○升广东按察使庄国禎为云南右布政使

○先是陕西苑马寺少卿申维岱条上马政二十四事其曰给军资者议以川坡山地通融拨给每牧军二顷一抵月粮以养身一为刍牧以养马体正课者议将养课马者每该课即加给地一顷以备骡驹刍牧之资处余驹者议以所余之驹查拨无驹牧军领养使余者得值无者得骡均牧马者议将牧地官为清丈牧军地多则养马多地少则养马少而严禁其强梁侵占之毙编比群者议编群以地联地以乡比地搭配率以群长不使离群作毙权事宜者议马匹倒死必追补本色若亏欠马驹则酌其盈缩量收折价劳劝相者议凡牧军养马者即给地一顷以养身不论儿骡即给地一顷以养马养骡马者又给一顷以养驹然后春督以搭配秋责以备草公兑俵者议道臣调军寺臣调马照期约至适中处公同对俵不许私拣贍储贮者议将该寺纸赎尽折谷积贮以备凶荒筹边饷者议将大小二池盐课抵延宁固三镇主兵年例而蠲免牧军余地积逋以苏牧军之困其余诸款皆凿凿可行者及章下三司而维岱已迁副使至是该部会议以闻 上以凡建议与行事之人其心未必皆同所见未必尽合若前后意见参差议论徒烦实效终鲜马政事宜既系维岱建白即着其实心经理久任责成不许徒滋口说乃升为苑马寺卿

○壬寅复除赵可怀为广东按察使○升黄州府知府杨节为四川副使提调学政

○癸卯升光禄寺卿傅孟春为南京都察院右佥都御史提督操江

○乙巳吏部以河工告成分别效劳诸臣拟加升工部郎中余毅中等级衔得旨今后凡奉特旨以功升级及添注管事各道遇有员缺不论资俸即便推补以副朝廷核实劝功之意

○改太仆寺卿胡嘉谟为光禄寺卿

○丙午 显陵褫恩殿修理工完遣湖广巡抚王之垣太监王祜俸请睿宗献皇帝慈孝献皇后神位于殿内奉安并祭告纯德山神及后土司土之神赐楚恭王英＜娥＞鹤蓂白第二子华璧封宣化王

○丁未以皇极门兴工命暂改文华门视事

○升通政司右通政朱南雍为太仆寺卿○改张纯为山东按察使整饬徐州等处兵备纯原为水利副使以河工成升二级为按察使其原管水利事务并归徐州道

○兵部题覆蓟镇督抚梁梦龙等条上买马事宜一议平价召买谓该镇岁补马五千匹俱系各营路委官私相贸易故侵克多端马不堪用今宜于密云镇城适中之处委廉能识马文武各一员公同收买刻日定估拣选不得虚费官银一议清耗还官谓往年蓟昌两镇买马并无羨余今自万历六年夏季至七年春季密云市上余银二千八百余以后宜将每年所余各随城卫发贮听用严禁私收以杜侵没一议徵马价该镇各营每年例该马五千匹除两镇自行补买三千匹太仆寺岁兑一千匹外果系缺少许奏请讨补但不过五百匹每匹银十二两于太仆寺马价内支给其永顺二府州县徵俵寄养俱照旧行 上可其议

○戊申巡按广东监察御史梅淳＜娼弊-金＞为综察吏治必自下而上议责守令以察其僚属责司道以察其守令责抚按以察其司道务使名实不混朋比莫容部覆谓宜如议申飭 上以抚按有徇私避怨肆行欺罔者即着部科体访得实据法奏参则人心自儆积习可除不必申飭若部科知而不言则欺罔之罪又在部科定行一体处治

○己酉升山西右参政萧大亨为都察院右佥都御史巡抚宁夏

○庆成王府奉国将军知□以吓诈欧仪宾武维杨至毙事觉降为庶人

○庚戌升顺天府府丞郭廷梧为通政司右通政

○添山海路参将标下援辽家丁六十名马三百六十九匹骡九十头且令他路不得援以为例○发太仆寺马价银一万六千二百两角□羊送宁夏互市支用

○辛亥南京吏部尚书赵锦致仕锦素负节介为科臣费尚伊所劾上＜娼弊-金＞乞休允之

○升陝西副使王士□□為本省右參政

○升薊鎮振武營游擊陳伯恠為隴固二關右參將

○壬子升江西道監察御史趙煥為順天府府丞

○海賊林道乾者竊據海島中出沒為患將士不能窮追而大泥暹羅為之窟穴既而逼脅大泥侵暴暹羅有通事言彼國愿往擒自效總督兩廣劉堯誨議重立賞格期于必獲部覆為請從之

○命恭順侯吳繼爵僉書前軍都督府事

○癸丑命右春坊右中允兼翰林院編修高啟愚清理軍職貼黃

○升兵部武庫司員外劉奏為山西僉事

○敖兒等族割石祿等七十八人來貢方物賞之段絹銀鈔如例

○甲寅刑科都給事中李選等因熱審屆期條列明慎之本一曰嚴緝訪之實廠衛之設專主緝捕但爾來多假以報功希圖升賞且困而復私讎傷善類者法司衙門勿得偏听以致冤濫二曰嚴奏辯之實伸冤理枉虽系仁育但爾來奏辯俱支吾隱飾希圖報復部院衙門須嚴究是非以為行止一嚴刑禁之實兵馬司官止訪拏盜賊拘提人犯而当刑当禁非彼得專至簡驗一節尤當遵會典委宛大二縣勿委坊司以忽人命 上下之所司

○乙卯西河王表相< 嬀嬀-金 > 稱日暮穷年諸宗欺玩請賜敕與長子知燧代為管理部議表相年方六十有三尚非哀暮之景止宜許長子代行礼仪賜敕并與鈴束各宗一應府事父在子摄恐致起衅不容輕議從之

○铸楚府宣化王華璧麒麟鈕鍍金銀印

○复除許子良為河南道監察御史

○己未蠲免福建所属驿递累年逋賦二十九萬八千余兩

○改原任浙江溫處參將李希周為振武營游擊

○庚申 上御經筵

○广西十寨猺賊平先是諸賊據有八寨凶黠特甚以方有事古田始因其乞抚羈縻之繼复杀逐龙蛤虫□布咳長官司占成十寨其惡愈熾督抚諸臣節奉明命調發漢土官兵剿之擒

斩首从九千一百余级俘获男妇六千七百余名破其坚巢遂平

○辛酉裁革浙江驿传道及福建监军副使各一员

○吏科都给事中秦□以行太仆苑马寺官选格既轻事权不振＜娼弊-金＞请申饬铨臣选择推用必以才力素优者充之抚按官假以事权俾之悉心经理若著有成绩亟为奏旌并同两京寺官不次推摧上命升迁保荐俱与布按二司同

○蠲免山东驿递逋赋以苏民困

○壬戌以端阳令节近赐辅臣张居正张四维申时行牙扇艾虎等事及讲官何雒文等六员各有差

○升广东右参政刘经纬为贵州按察使

○裁革浙江左营游击一员

○癸亥升陕西苑马寺卿赵焞为山西按察使

○修筑永平通州蓟州豊润玉田迁安抚宁遵化怀柔等城

○甲子南科臣傅作舟＜娼弊-金＞纠工部主事黄金色司务雷汝恒贪黷冒昧制钱抵假致钱法壅滞金色汝恒亦各＜娼弊-金＞辩既而部覆谓其染指滋弊宜炤贪例褫职编氓从之

○升河南佥事朱东光为广东副使○蠲陕西苑马寺牧地积祖六万八百余两以宽牧军

○以热审届期命法司录系囚罪轻及情可矜疑者释放减拟如例

○乙丑以陕西副使申维岱为陕西苑马寺卿

○宣府总兵官马芳以病回卫命山西总兵署都督同知麻锦代之

○革浙江都司邓子龙任下巡按御史问奏子龙原任铜鼓石守备肆虐丛怨故为抚臣刘斯洁所劾

○丙寅复除陈经邦为左春坊左谕德兼翰林院侍读仍充日讲官

○复除原任四川副使唐炼于河南

○丁卯升直隶广平府知府薛钥为陕西副使

○戊辰 上御文华殿填祝版遣定国公徐文璧代祭 方泽至暮还宫

○升甘州左副总兵王国勋为都督佥事充总兵官镇守山西

大明神宗显皇帝实录卷之九十九终

大明神宗显皇帝实录卷之一百

万历八年五月己巳朔夏至遣定国公徐文璧代祀

地于方泽

○以端阳令节赐辅臣张居正张四维申时行书符金艾叶及讲官何籙文等六员有差

○修理 天寿山牌坊桥路等处工成遣工部侍郎杨成祭 后土之神

○壬申铸给分守下荆南道关防

○甲戌南京户科给事中傅作舟条上时政四事一议部差考核之典以一法守谓户工部司奉差回部者俱经节奉明旨考核此定制也乃芜湖仪真抽分及管庐州主事俱干系钱粮重大两年内奉差往返俱经臣批限销限卒未闻该部考核甚非所以一法度而肃官箴宜严行申飭令南京工部查议以报庶姑息者无所容而人情整肃矣一议僧道盘诘之法以清盗源谓此辈骁悍亡赖挟有盗资而鱼集鸟翔易于哨聚唯赖地方官觉察而驱逐之宜申严罚格凡盗贼失事地方官照常处分若内有游食僧道即以平日盘诘疏虞重加降斥一议淮安榷税之繁以惠穷民谓淮设有四税乃一时权宜之计旧只本府委官查收今则创为四税府剥削无厌怨咨莫控宜行彼处抚按官查议禁革仍裁一切供应冗费以宽无艺之征一议商仓浥烂之苦以恤卑官南京仓粮积贮甚多官攒守支年久因耗米减尽正米亏折仍旧追赔多有苦累至死者宜行彼处查议前项亏折果有侵欺尽法无贷如系浥烂应比例开销其五年以外耗米酌量折筭且仓有高下米有蒸粃宜设法拨兑庶陈腐者得以< 媪擲-金 >通而卑官不致困累矣< 媪擲-金 >下该部各如其议酌覆从之

○升宣府北路独石马营参将李如梗为左副总兵协守本地方

○乙亥 孝宗敬皇帝忌辰遣隆平侯张炳祭 泰陵

○丙子复除原任礼科左给事中汤聘尹为户科左给事中

○改宣府万全右卫左参将张刚于独石马营

○命挑浚白沟河以便运船从科臣王道成请也

○敕浙江都司佾书王三锡兼理漕务

○戊寅 太祖高皇帝忌辰 奉先殿行祭礼

○己卯户部因差主事侯世卿往管淮安府常盈仓遂请照各边管粮例将本仓及徐州临清德州天津管理主事俱以三年为限久任以便责成上既允之因谕该部以先年淮凤二府地方荒芜人民逃窜抚按题设佥事一员经理开垦招抚有旨令三年后差官阅实凭为殿最今已逾期如何不核成效既而部题谓节奉钦依候彼中抚按官举劾奏报庶阅视有据今册报未备难以奏闻恭候命下或咨行催取或不待册报迳差科道官一员往勘上以近来朝廷功令各抚按官通不着实奉行曲庇属官扶同欺罔其奏缴文册不过纸上虚文何足凭据乃命差忠实明敏司属一员严查以报越日部题以郎中梁承学往遂赐敕书关防以行且严谕查勘不实朝廷别有访问一体并治

○铁岭新募军三千发饷银一万六千七百余两给之且定为年例增入主兵数内○祭都城隍之神

○闽浙广三省多倭奴出没海上虽时有斩获而浙之南麂诸洋与广之抱虎诸处尚有屯泊者因飭两广总督刘尧海浙江福建巡抚吴善言耿定向各严督将领防剿之

○改大同东路左参将李浹于宣府万全右卫加以副总兵职衔

○庚辰 仁宗昭皇帝忌辰遣定西侯蒋建元祭 献陵

○铸给福建清军驿传道兼管福州兵备道关防

○撤蓟昌二镇防春兵马旧例撤期在夏末以多闰月念各兵劳于久戍故先一月以休其力以甘州左副总兵王国勋充总兵官镇守山西

○赐原任南京礼部尚书裴宇祭葬如例

○辛巳

上初御文华门视朝以广西大捷遣定国公徐文璧等祭告郊庙鸿胪寺宣奏捷音收回脯酒赐三辅臣

○壬午遵化县地震至戊子方止每日俱数次

○升定州领军游击朱永祚为左参将分守大同东路

○癸未巡按直隶御史李枏以春防事竣奏别各营路将领功罪俱如议赏罚之

○四川金川寺演化禅师差都纲等赴京进贡宴赏如例

○叙剿平广西十寨功赏总督刘尧海巡抚张任总兵王尚友各银币有差

○辽东鸭儿匱擒获贼属男女一百六十名据法俱应死总督梁梦龙奏从轻拟发各营军丁抚养从之

○裁革 显陵百户张仁等二十人仍存留旗枝百二十四名供役

○乙酉升河南都司佾书李维为定州领军游击

○丙戌皇极门上梁遣工部尚书曾省吾祭
后土之神○丁亥升陕西副使曹子登为苑马寺卿张九一为右参政俱本省

○命右军都督府掌印定国公徐文璧掌后军都督府事

○总理河漕潘季驯奏复漕河旧规六月初旬于通济闸筑坝九月初旬开坝下所司知之
戊子以修山西利民神池偏头三城工完赏参政萧大亨等银各有差

○己丑复除陆万钟为浙江道监察御史

○命前军都督府佾书太子太保恭顺侯吴继爵掌右军都督府事

○庚寅入伏者每日于午门前与百官吃香薷汤至六月二十二日止

○工部奏请复旧规以清街道列为六款一＜娼弊-金＞河渠以通水道京城北有海子南接
玉河桥东有泡子河西有河漕各街俱有长沟中城有臭水塘此皆水道脉络今多壅塞且有
侵占者乞逐一清查给银开浚一复护墙以重保障都城内有拦马腰墙已护城外有沿濠河
墙以护濠今悉坍塌且有踏成衢占城圃者宜以三年为期估计修复一议垫砌以平道路朝
阳门一带粮运经繇宣武门大街车马蹂践日久成坑宜令本部督五城分垫一别朝市以肃
邦畿棋盘街并正阳桥贸易者不许搀入禁牌之内一申旧例以防侵占凡军民盖造房屋必
先呈报街道员外郎查无侵占方许兴作一专统摄以便责成请重管理街道事权得督察五
城兵马之勤惰而责成功 上命着实奉行

○辛卯升户部广东司郎中岳凌霜为陕西副使

○两广总督刘尧海广西巡抚张任巡按胡宥奏议十寨善后事宜一设三镇以重弹压八寨
地形四寨官难制服应照古田三镇事例以周安古卯为一镇思吉古钵罗墨为一镇都者古
蓬剥丁为一镇均其田里各建一城设土巡简守之总于思恩参将而隶于宾州一屯三里以
树声援三里地形险要实为八寨门户先年议改思恩参将驻劄于此以资弹压因兵数未足
城垣未缮署舍未葺而止今既值荡平宜定原兵之数令参将移驻居中坐镇增兵筑堡互为

声援一分信地以重责成贼寨虽平镇城虽设然漏刃之余孽尚怀反侧新集之兵力未足备防宜令参将李应祥统领标兵调度倪中化等各画地分守残贼投生者就便安插不听约束者即行擒治一迁卫所以振武威南丹卫先年增议政于三里已筑有城后因移入周安寨事复中止宜照原议将该卫见存官军移于三里与参将同城仍建造卫所衙门量给迁家银两使兵力合聚以成居重驭轻之势一议屯田以瓦优恤南丹卫既移住三里则各里残破之地不拘军屯民产割自杨渡水为界尽作南丹卫屯田尚存残民亦难准充为耕兵人给田三十亩岁纳子粒六石三年之后方照数开徵一开道路以通险阻谓寨贼所恃为梗者以四面阻山人迹不到今巢穴虽平而险阻如故宜开阻塞令庆远宾州途迳可达招募土民设堡屯种使思恩三里声势连络往来之人迹既通而负固之隙穴自杜一议钱粮以裕经费谓善后合用等费为数不贲而西粤贫瘠之地措处甚难宜就大征支剩兵饷内凑给初年之用次年则于本省续获盐利及府江兵备道节缩年例饷银内通融给发如不足则严追两江各土府州司应角□羊折粮补支该部如议覆请皆报可

○命新建伯王承勋金书前军都督府事

○江南副总兵杨文犯赃谪戍边卫

○贵州麻哈州土同知管州事宋珠纵子犯大辟革其任易以流官令其子孙以州同知职銜于都司府办事不许干预州事

○甲午

穆宗庄皇帝忌辰遣固安伯陈景行祭

昭陵

○乙未总督仓场汪宗伊开浚白河以省起剥之费下之所司○浙江温处地方擒获生倭一十二名斩首一十一级抚臣吴善言以闻

○丙申升浙江宁波府知府游应乾为两浙都转运盐使司运使

○祭 中霤之神

○丁酉改户部尚书总督仓场汪宗伊为南京吏部尚书

○都察院覆山东抚按何起鸣钱岱劾奏江西布政使吕鸣珂浙江按察使李承式严州知府杨守仁淮安知府宋伯华宁州知州陆宗龙违例驰驿得旨清查驿递明旨禁敕何啻三令五申昨 圣母特遣皇亲为朕祈嗣亦俱给与路费不用一夫一马为臣者乃不体朝廷德意抗违明旨玩法殃民本当重治姑从宽处吕鸣珂李承式各降三级杨守仁宋伯华各降六级调用

陆宗龙革职为民经过有司驿递阿奉者抚按官提问具奏

○定江北积谷额数庐州府一千四百石淮安府一千五百石凤阳扬州二府一千八百石著为令

大明神宗显皇帝实录卷之一百一

万历八年六月己亥朔裁革宣大威远参将及广灵大山口守备

○庚子以户部左侍郎刘斯洁署总督仓场事

○辛丑升福建左布政使劳堪为都察院右副都御史巡抚本处地方

○升陕西右布政使张国彦为江西左布政使

○山西抚按高文荐黄应坤清查该省均徭里甲等项公费奏省太原平阳潞安三府泽辽沁汾四州并所属岁额五万四千四百余两上令吏部纪录叙用

○癸卯升河南右布政使张天驭为福建左布政使

○增临清各卫军上班月饷与平山济宁等卫同照原额加三之一

○定浙江积谷额数嘉兴府三千石绍兴府二千五百石金华府一千八百石杭州宁波温州三府各一千五百石处州府一千二百石湖州台州衢州严州四府各一千石著为令

○裁革三河霸州守备及长峪城提调并密云遵化永平三府武学提调各一员

○录辽东红土城及永奠二次功李成梁世袭伯爵梁梦龙荫一子锦衣卫百户周咏荫一子入监读书其余各升级有差

○河南荆门州系囚逸久匿不报命褫本州署印同知黄其暉职下抚按问拟并究处该通官

○甲辰以淮安府安东县田荒民逃准改折漕粮俱于该府铸钱余利及军饷商税并该县运军行月粮等银抵解其本色暂借修河漕米四千石限三年后带徵补还

○裁革庐州府麻阜镇把总一员

○乙巳新制宝纛龙旗司礼监奏令工部日拨人匠助役该部以皇极门及府第等处工作方殷别无人匠堪拨只议进银助工上以工役浩繁着并银免进 丙午 上以近来边腹地方兵备守巡及武职参游等官添设太多非旧制着各抚按会议裁革以称朝廷省事尚实至意各省因会题应裁方面官山西宣府怀隆兵备副使一员河南总部京粮右参政一员督粮左参议一员睢陈兵备一员山东督粮左参政一员总部京粮左参政一员分巡东兗道僉事一员陕西督驿传左参政一员屯田水利副使一员浪庄兵备一员甘肃太仆寺少卿兼僉事一员广西督粮右参政一员永宁兵备副使一员四川督粮右参政一员水利驿传僉事一员叙泸兵备僉事一员广东督粮左参政一员湖广屯田水利副使一员江西饶州兵备副使一员僉事

一员俱请裁革报可

○太原地震

○赐播州故宣慰使杨烈祭葬从其子杨应龙请也

○升都指挥同知李如柏为游击充总督标下坐营官

○丁未升浙江右参政龚大器湖广按察使徐节俱为右布政使大器河南节陕西

○武定侯郑昆卒赐祭葬如例

○夺南京工部尚书沈应时俸一年以部差不奉行考核为科臣傅作舟所纠也○戊申贵州道监察御史龚懋贤以考选届期奏乞敕下该部院将科贡官视其才具所宜者不拘台省吏礼部属俱同甲科一概推补其选为御史者益加采访精拔务得真才无令儇巧涂飭者滥竽兹选 上是之令该部院如议行以称破格用人之意

○己酉升广东副使舒大猷为驻劄泰州整饬淮扬海防浙江右参政浙江湖州府知府李颐为整饬苏松兵备湖广副使

○加广西右参议姜忻副使衔照旧管江右道事忻剿平十寨效有成劳且方议善后事宜责成正殷故加秩留之

○蠲免广东隆庆六年以前逋饷一十八万五千六百余两

○起补潘云程为神枢十营佐击

○庚戌原任蓟镇管粮郎中甘来学以待放正银报为积剩实数该部查核以闻 上以其沽名欺罔降一级调外任仍谕该部考核各差属官务详加体访果无奸毙方与题请复职毋得采听虚誉乖乱名实失朝廷整厉庶官之意

○辛亥升福建左参议郑汝璧为广东副使

○升山东副使张崇功为本省左参政佥事周于德为本省副使以录红土城鸭儿匱二次功也

○蓟辽总督梁梦龙辞恩荫不允

○壬子升山西右参政刘汉儒为浙江按察使

○修 显陵工成叙诸臣效劳者加抚臣王之垣管工郎中张一通等俸级仍与按臣朱珽荆西道佥事傅霖等各加优赉又以该部与有成劳赏尚书曾省吾银币余各赏赉有差

○癸丑夜月食

○裁革杨舍守备一员

○甲寅改大同左卫兵备副使邓乔林管理西中二路兵备事以原缺裁革故也○乙卯睿宗献皇帝忌辰 奉先殿行祭礼

○改新升山西按察使赵焞于陕西照旧管苑马寺事而以新补本寺卿曹子登改山西右参政以焞为督抚郅光先等所留也

○丙辰考选王敬民刘三宅张世则顾问姚德重叶时新牛惟炳王三余聂良杞丁汝谦杨廷相田大年李宗鲁王凤竹常居敬冯露傅来鹏叶遵刘弘道为给事中吴琯吴之美李国观为南京给事中曹一夔吴定刘士忠任养心韩国祜马允登范鸣谦蔡梦说何倬丁宾杨楫邢侗赫瀛李廷彦徐鸣鹤孙梦麟唐天祥孙旬顾尔行王国祚洪一谟敖选刘养元姚士观苏万民傅好礼王言为监察御史易以巽李士达郑之亮郭惟贤王有年徐奎星刘佐为南京监察御史敬民三宅世则问琯俱吏科德重时新惟炳俱户科三余良杞汝谦之美俱礼科廷相大年宗鲁国观俱兵科凤竹居敬露俱刑科来鹏遵弘道俱工科一夔以巽定士忠养心士达俱江西道国祜允登之亮俱福建道鸣谦梦说有年俱湖广道俾宾楫俱山东道侗□俱山西道廷彦鸣鹤梦麟俱四川道天祥旬尔行俱陕西道国祚一谟选俱广东道养元士观俱广西道万民好礼奎星俱云南道定佐俱贵州道惟贤河南道是选也用御史龚懋贤言故举人傅未鹏选北科恩贡孙梦麟选北道皆异数也

○丁巳初辽东按臣议处辽镇降夷欲将旧降者抚用新来者发两广解散之抚臣周咏谓新降即行角□羊遣恐疑夷人心且绝其归附之路不便 上是之

○穆庙敬妃庄氏薨 上辍朝一日其礼仪一照庄僖荣妃王氏例

○戊午赐晋王慎鋹谥曰惠原武王睦□谥庄惠○先是凤阳等处雨涝淮溢水薄泗城且至祖陵堰中御史陈用宾以闻给事中王道成因〈娵斨-金〉言黄河未涨淮泗之间霖雨偶集而清河口已不能容洩万一震惊陵寝诚非细故宜令河臣设法〈娵斨-金〉导堵塞之总理河漕潘季驯谓黄淮合流东注势甚迅驶止因霪雨连绵而泗州岗阜盘折宣洩不及遂至涨溢若欲更求〈娵斨-金〉浚则下流已深浚无可施欲更事截塞则上流之水势难逆堵该部亦以为然覆议令季驯亲诣相度从之

○己未勒河南巡抚都察院右副都御史周镒致仕以复为科臣周邦杰所纠参也

○裁湖广总兵官命怀宁侯孙世忠回京听用

○先是夷酋阿志孛来因停革抚赏乘虚繇喜峰路董家口关外小径潜至青山口入犯杀百总金良等及合营追逐出境突遇伏贼军马损折数多督臣奏治失事诸将领罪兵部以闻命革副总兵史震游击陈忠等任下巡按御史拟问如律

○升大同中路右参将冯忠为宣府独石马营左参将

○庚申 上御文华殿讲读月如常期是日讲毕大学士张居正奏云今日所讲益者三乐损者三乐与前日所讲益者三友损者三友两章书甚有关于君德伏望 皇上回宫之后留心省览上优答之居正又奏云昨日吏部覆科臣论河南巡抚周镒本原拟调南京用蒙

皇上特令致仕臣等仰服

圣断极当近来各处抚按官实心干事者少周镒遇事躲闪不肯实心干理今 皇上罢此一人则四方诸臣从此愈知警戒矣○辛酉吏部以总督漕河员缺会推山西巡抚高文荐四川巡抚张士佩 上以河漕职任繁重宜用重臣乃命凌云翼以兵部尚书兼都察院左副都御史往同潘季驯经理未尽事宜寻改季驯为南京兵部尚书仍令候九月间水落事宁具奏赴任管事

○壬戌吏科都给事中秦耀奏称各省直考成期限抚按互异非所以明法守而肃群工宜飭部院今后遇紧急事情若覆勘提问议处催督查验等项其徵发期会务彼此公同参定毋致乖异使大小臣工莫敢不如期奏报以咸励精图治之功 上可其奏令该衙门如议行

○改太原参将王弼为大同中路右参将

○升蓟镇石门寨参将王抚民为本镇中路副总兵

○癸亥旌表山东孝子马致远等二人节妇曾氏等十四人烈妇黄氏等十二人

○辽东总兵官宁远伯李成梁辞免世袭不允

○甲子 孝庄睿皇帝忌辰遣南宁伯毛国器祭 裕陵

○改大同威远参将李芳于中路

○升蓟镇遵化鞬重营游击王軫昌平总兵标下游击毛策俱为参将軫喜峰口策石门寨

○升蓟镇总兵营中军官黄宗统为统领南兵游击

○改统领蓟镇天津秋班游击王通于本镇总兵标下左营

○乙丑升大理寺左少卿褚鈇为都察院右佥都御史巡抚河南

○调原任四川按察使梁问孟于陕西

○丙寅 孝穆皇后忌辰遣襄城伯李应臣祭 茂陵

○裁革广东监军副使广州兵备佥事贵州督粮参政各一员其河南淮凤营田佥事俟核
事实完并裁○丁卯以大学士张四维三年秩满命加少傅兼太子太傅荫一子入监读书四维
< 媼 擢 金 > 辞 上不允 升应天府府丞申自修为大理寺左少卿

○裁京通二仓经历六员

○皇极门工成遣工部尚书曾省吾祭 后土司工之神

大明神宗显皇帝实录卷之一百二

万历八年七月戊辰朔

上亲享太庙

○大学士张四维一品考满辞加少傅恩荫上以加恩彝典不允辞

○己巳升神枢十营佐击潘云程神枢八营佐击王秩蓟镇遵化城守备郑廉俱为游击云程昌平总兵标下秩统领蓟镇天津秋班廉遵化鞬重营

○以原任河南都司佥书钱梦祥管理练兵事务兼蓟镇总兵营中军官

○庚午升光禄寺少卿曹大野为应天府府丞

○礼部题宗藩事例郡王较役俱以二十四名为额除原系护卫金拨者有护卫去处该卫拨与军余二十名民间金拨十二名无护卫者俱于民间金派每名每年于编徭内徵银十二两解送该府雇人代役原派民輟尽数掣回不得隐蔽惟晋府宁化庆成永和三府系太祖亲孙开国始封有功郡王钦拨军较相传八代与新旧郡王不同人数如仍应如旧诏依议

○徐州卫指挥许良弼纵旗甲插和运米盐灰事觉治罪并罚把总陆应元俸从巡漕御史茹宗舜奏也

○兵部议革陕西固原中路游击一员所遗军马分拨军门标下游击管领

○辛未仁孝文皇后忌辰遣成国公朱应祜祭长陵

○改广东副使刘世赏于广西

○户部以武职俸多冒滥＜娼弊-金＞称国朝设五府以统边腹都司都司以统辖省直卫所自指挥千百户至镇抚总旗不问子孙贤愚皆世其官不分职任称否皆世其禄迩年以来以功升者俸滥于原额以粟入者数倍于旧官虽冗员冗食难以遽议裁抑而冒支滥支亦当稍为查处谨条为八款一武职犯罪者奉有钦依提问者即行住俸一凡系纳级列衔闲住不管事者即将原支半俸月俸通行停止一卫官升任都司者柴薪俸粮见任支领原卫即行停止方杜两处影射之弊一升任袭替者以到任之日照级支俸一犯赃者即时追并还官不得准其预支扣俸抵赃以致坏法冒粮一问发充军立功调卫者通行抚按及咨兵部备将犯事日期于原卫扣除俸粮不许家属冒支一犯罪罚马罚米免其参提者止许督抚量行批罚其部按守巡以下不得擅行一不称职住俸者事完后许具呈司道抚按查明具奏开支勿令无力贫官终身停俸报可

○南京湖广道监察御史唐裔＜娼弊-金＞言 皇上端冕临朝肃然具瞻矣而朝廷之机务宁无一二之未究心凝神听讲蔼然嘉纳矣而义理之精微宁无毫发之未洞烛愿乘此上下志同之会益懋内外交修之功退朝之暇遍阅章奏凡遇军国之重务大臣之进退与夫民生之休戚时御便殿间召辅臣虚心延访商确可否而后焕之纶音颁之中外庶天下事日与圣心相流通而明良喜起相得益章矣报闻

○壬申升兵科都给事中萧崇业为光禄寺少卿

○乙亥升光禄寺少卿胡嘉谟为都察院右佥都御史提督操江

○以修宁远站等城堡工完赏户部管粮郎中吕子桂及兵备参政胡来贡副总兵董一元等各银两有差○升山西平刑关守备刘光祚为神机八营佐击

○议修街渠及砌筑内外城墙估计一十三万六千二百有奇以工部侍郎金立敬提督之仍令司礼监选内官一员监其役

○丙子皇极门成 上仍御门视朝百官致词称贺

○户部题军卫屯粮系给军额饷其已未完分数若干应行浙直等处抚按严查开报以便参治报可

○升中都留守司金书雷以诚为神枢十营佐击

○丁丑以征剿广西十寨平赏罚各土司岑大禄等岑洪黄正等功罪有差

○刑部题审录过斩绞重犯诏以湛慎五郑以成姑准矜例发遣余夥盗高松侵盗官银潘鋌俱着照旧监决追配

○戊寅吏部＜娼弊-金＞称各处私创书院如宣成梧山等处已改公馆其田地粮税宜归并里甲微贮府库奉旨切责抚按迁延草率仍令核实以报

○改南京光禄寺卿贾三近为光禄寺卿

○提问守备沈栋推升游击故事缘事官俱咨吏兵二部停升栋以占种教场奉旨提问户部尚书张学颜失咨兵部故得冒推为科臣郝维乔所糾学颜自陈待罪 上特宥之

○降顺德府知府李邦佐同知王肇林三级夺唐山县知县杨应丁俸半年以地方夥盗剽劫邦佐肇林不能逮捕应丁亦疏于堤防故严处以惩之

○以违禁骚扰驿递降苑马寺卿赵焞为本寺少卿按察使汤仰参政李良臣各三级知府王修吉王任重王元宾各六级而革副使李时渐行太仆寺卿武尚贤知府熊炜职闲住○庚辰升太仆寺少卿郑钦为南京光禄寺卿

○辛巳以太仆寺添注少卿乔国阜管理京营事

○壬午中元节遣临淮侯李言恭恭顺侯吴继爵武靖伯赵光远庆都伯杜继宗固安伯陈景行分祭长陵献陵景陵裕陵茂陵泰陵康陵永陵昭陵惠安伯张元善祭景皇帝陵寝中官祭恭让章皇后吴氏左都督李鹤祭哀冲庄敬二太子各陵园

○裁革延宁甘固各游击及守备八员

○刑科给事中李选奏称皇上惓惓以崇雅黜浮为心省文尚实为务故数年之间天下本章日有复古之渐不谓近日以来仍复纷纷即刑名一事浮泛不经者甚众议一细事必张其大说以快一时之谭议一轻罪必罗织其文以骇众人之听甚至有肆为污秽之语欺蔽之词而罔所忌憚者烦渎不恭殊非臣体宜中饬严禁其余本章亦要切直简明意尽而止毋得虚浮枝蔓报闻

○癸未升吏科左给事中帅兰工科左给事中王致祥俱为都给事中兰本科致祥兵科

○裁省延庆保安二州并永宁县均徭等项岁课三分之一著为定额

○甲申以两免讲读

○升山东按察使王元敬为广东右布政使湖广提学副使金学曾为云南左布政使副使章甫端为山西行太仆寺卿

○治甘肃脱班诸将领辛守臣赵继汪椿等罪如例

○苏松水利御史林应训奏称所属地方复被水灾议设法蠲赈上以报灾请恤乃地方抚按事应训<娼弊-金>洩无功又代请掩罪命工部同该科会查以报既而部科为地方水患固人事未尽亦天时适逢宜宽之以责后效乃令之策励供职○乙酉成祖文皇帝忌辰奉先殿行祭礼遣永康侯徐乔松祭长陵

○升山西行都司佥书杨培为大同入卫游击

○工部<娼弊-金>据司礼监太监张宏以修皇极门工完奏请叙劳中称费省功多皆缘司礼内监掌印之臣约束严明所致宜加恩赉工科给事中王道成谓非有创建功诸臣效劳又才逾一月不宜滥叙升级以开幸门乃止赏张祜等银币曾省吾杨成等亦各优赉有差

○丙戌升陕西右参政李汶为山东按察使山东左参议张思忠为湖广副使

○以陕西都司佥书管领班军唐尧辅协守宁夏东路兴武营

○治山西絳县知县王思治以赎徒削籍因科罚淫刑贪酷有声故也 ○丁亥蓟辽保定督抚梁梦龙等议裁革本镇标兵营游击及左营坐营都司各一员将标兵隶之总兵坐营领以千总车营改为骑营军营改为车营从之

○戊子升陕西副使张更化为本省右参政

○湖广巡抚王之垣奏为〈娼弊-金〉通钱法将武衡荆三局铸钱之盈缩余剩之多寡行使之通塞兴贩夹带之有无一一总核奏报
上以钱法不宜与民争美利第禁私铸私贩及铸造不如法者以垂久远可行

○己丑命广东南韶兵备佥事沈植照旧管事广州兵巡佥事张克家回籍听补初两广督臣议裁革广州兵巡而改克家于南韶令沈植回籍别用科臣秦耀谓广州裁其官而不裁其人南韶裁其人而不裁其官于事理未当故有是命

○辛卯赐原任后军都督府佥书署都督同知俞大猷祭葬如例大猷福建晋江人少补弟子员治经术既而袭官百户登会举第五人以功累迁至今官请老〈娼弊-金〉三上乃许寻卒于家大猷为人廉而好施能折节下士至剔历东南大小百十余战所向无不剿灭而况机持重不期目睫功有古大将风云

○命兵部拨营军一千名采薪以供各厂烧造

○巡视京营给事中姚学闵条上班操五事一议选班官谓先年议将劄付官与巡捕官更番领班及听总协并巡视各官会同考察乃行法未免因循各官闾茸如故宜行各该抚按令各道将所属武职加意遴选从公品隲贤能卓异者年终附荐以示激励科索贪残者不时论革其往返动经数月宜明为资给使不至于剥军一议给军粮谓班军月粮例支两月安家其余角□羊部验其工操给散以杜侵渔而防逃脱但各军路费器械委无所出宜预支四月以贍之一议定班限旧例班期春以三月内上班八月终放回秋以九月内上班次年二月终回殊废农业无裨营操宜照蓟镇事例上班以正月七月初旬为期放班以六月十二月终为期如有挨延脱逃者罚治如法一议分营伍谓三都司上班官军分属各营虽有旧例而中都全班近万各营军数止三千有奇主客相悬纪律未肃宜剂量多寡均发随操一议厘积毙谓各军多雇倩代替班政弗严宜责令卫所掌印官公同劄付拣练壮丁每五十人各设队长类造年貌文册赍投巡视衙门查较如有雇替等毙从重究治部覆如议报可 ○诏保定巡抚所属真定等府积谷如数以备凶荒数外多积尤见公勤宜加纪录不及数者岁终抚按照例参罚

○甲午命定国公徐文璧充知经筵官国子监祭酒周子义翰林院侍读罗万化光经筵讲官

詹事府詹事兼翰林院侍读学士掌府事许国仍充经筵讲官

○大同井坪路地大震摇所倒城墙数百丈

○乙未南京兵部尚书凌云翼辞免总督河漕新命 上特以才望简卑不允

○命左军都督府佥书武靖伯赵光远为南京协同守备兼掌后军都督府事

○蠲免顺天府所属隆庆二年至万历四年积欠岁额以苏民困

○丁酉礼部为庆王倪＜城鹁螭白长子伸域庶次伸宣□佳请封再乞查勘
上以请名部查无碍予之今何以未明行勘着准与之封

○赐宁远伯李成梁着以原荫都指挥同知李如松世袭伯爵以镇辽屡立边功再有红土城大捷故也

大明神宗显皇帝实录卷之一百二终

大明神宗显皇帝实录卷之一百三

万历八年八月戊戌朔户部以各省直开报招抚开垦文册多系虚数议咨行各该抚按及劄付阅寔营田郎中梁承学将发去原册转发该道委附近安静属官亲诣各州县逐一从公查勘不许将原籍人户捏报新收旧种熟地混作新开查明报部用以分别功罪上以从来册报但是虚增查勘徒滋烦扰命今次且免查究八年以后俱要从实开报有仍踵宿弊者部科查核参治之

○命西宁侯宋世恩补左军都督府佥书管事

○升直隶白石口守备常钺为保定标兵营坐营都司

○土鲁番头目卯刺纳阿都马黑蛮等八名来贡马匹如例宴赏之

○己亥上致斋于文华殿

○庚子上亲祀夜明于

夕月坛○辛丑以修皇极门工完赐辅臣张居正张四维申时行白金纒币

○癸卯以

万寿圣节近先期赐元辅居正次辅张四维申时行及讲官何籬文等六员银币各有差

○复除范谦为翰林院修撰

○顺天府府尹施尧臣议以南马协济等银抵充固安大城等州县明岁应徵站银之半以苏民困从之

○甲辰兵部＜娼僇-金＞称辽镇将领李成梁等招过降夷并回乡人口数多具＜娼僇-金＞请赏奉旨李成梁杨五典等各赏银有差

○升陕西提学副使李维桢为右参政参议文作为副使山东佥事赵允升贵州佥事黄镛为参议维桢河南作允升本省镛云南

○磔河南妖逆曹仑王迁善杨廷友于市而斩吉廷有等十二人余各处治如律仑以左道妖术倡乱犯仪封县城迁善廷友其助逆通谋者

○乙巳孝康敬皇后忌辰遣新建伯王承勋祭泰陵

○命宁远伯李成梁子如松充勋卫例推用

○总督京营戎政彰武伯杨炳奏称三备兵营军额缺少且多老弱宜召募年力精壮者充补之部议谓召募多系无籍棍徒宜用保勘以杜诈冒 上是其议

○丁未遣礼部尚书潘晟祭 先师孔子

○升兵科左给事中刘中立户科左给事中汤聘尹俱为参议河南道监察御史郭汝胡宥浙江道监察御史刘天衢俱为佥事中立陕西聘尹福建汝江西宥贵州天衢山东

○升湖广武昌府知府曹慎为本省副使调江西副使王世懋于陕西各提督学政○戊申上亲祭 太社 太稷

○己酉 上御经筵如常期

○以万寿圣节近复赐元辅张居正次辅张四维申时行金篆书符及讲官何雒文等六员各有差

○庚戌祭 历代帝王遣定国公徐文璧等行礼遣太常寺官祭 都城隍之神

○户部复以各省直改毁书院多有未行册报及议处未尽者议行各抚按查核以报 上是之

○癸丑遣顺天府官祭宋丞相文天祥

○甲寅 万寿圣节 上御皇极殿文武百官行庆贺礼天下各王府及文武各衙门进庆贺表

○遣隆平侯张炳定西侯蒋建元靖远伯王学礼庆都伯杜继宗永宁伯王伟祭 长陵献陵景陵 裕陵 茂陵 泰陵 康陵 永陵 昭陵惠安伯张元善祭 景皇帝陵寝

○朝鲜国王李昖差陪臣礼曹参判李增等赍表文方物马匹进贺 万寿圣节宴赉如例

○丁巳赐故锦衣卫带俸指挥同知陈书祭葬书系 孝洁肃皇后亲侄也

○戊午以违禁驰驿降四川按察使梁问孟副使高则益三级汉阳府知府万钟禄南宁府知府黎大启六级革嘉定州知州姚汝循职为民

○己未 宪宗纯皇帝忌辰 奉先殿行祭礼遣平江伯陈王镔祭 茂陵

○北虏顺义王俺答差酋长恰占吉等赍表来进鞍马方物总督郑雒为请加其次子不他失礼以将军名色并授常汉我不良台吉等职衔许之不他失礼加升骠骑将军常汉我不良台吉等各授百户共赐以敕书一道○庚申夜有异星见于东南方每夜形体渐长有光芒占为

彗星至十一月望后始退

○补原任福建道监察御史李东于江西道

○复除范燧为四川副使

○南京工部尚书沈应时致仕先是应时以奉差司属失于考核为科臣万象春所追论因自陈不职既而以病乞休乃允其请

○升河南副使胡维新为右参政直隶徽州府知府徐成位湖广襄阳府知府王宇福建汀州府知府季膺俱为副使湖广僉事侯尧封为右参议维新广西成位山东宇陕西膺江西尧封本省

○南直隶庐凤淮扬等处水灾诏准改折漕粮及停徵岁额以被灾轻重为差从巡按御史陈用宾请也

○泰宁福余等卫夷人留成桶罕等赴京朝贺 万寿圣节各如例宴赏之

○辛酉革云南右参政吴孔性职闲住以违禁驰驿在奉旨查参之后也

○壬戌福建巡抚耿定向奏荐地方人才内举南京太仆寺少卿朱天球原任副使陈纪林如楚林偕春又称大察经黜者例不得荐旧典无稽以后抚按官宜据实行不必泥其例吏科都给事中秦耀谓 祖宗成法未可纷更且 皇上于起废人才再三慎重定向顾欲以被察之人登诸荐剡是弁髦大典而为奔竞者立赤帜也后来植党市恩之徒援引其说以惑众听其害有不可胜言者<娼弊-金>入上是耀言

○升山东副使邵元哲为云南右参政南京贵州道监察御史王廷稷为湖广僉事

○改陕西副使张昇于河南

○东埔塞酋郑青捕逆贼杨四并金书牙蜡来献四逋贼林道乾党也先是福建巡抚耿定向谍知道乾奔暹罗谕塞酋计擒之酋见谕因执四并归原兵陈廷采等而乞通贡于内部臣谓俟获道乾后再议 上是之

○癸亥褫南京工部王事丁惟诚职听勘惟诚差委芜湖以贪著回部尚书沈应时失于考核科臣万象春<娼弊-金>纠应时因及惟诚衰庸贪昧状故有此旨

○以河南都司僉书林凤举分守宁夏西路广武营

○升燕河路参将陈文治为协守蓟镇西路副总兵

○时急秋防诏将锦义见修未完台工暂止撤回修防官军各守城堡信地其效劳人役俟来春工完并议叙

○甲子升福建泉州府知府丘浙为山东副使

○乙丑升大理寺左少卿辛自修为光禄寺卿○议将福建副总兵侯继高参将梅应魁等纪录擢用把总聊登高王继高等革任回卫从抚臣耿定向奏也

○丙寅升工部左侍郎杨成为南京工部尚书

○丁卯升大理寺右少卿臧惟一为左少卿左寺丞刘良弼为右少卿

○续选推官刘朝噩为兵科给事中推官孙承南知县傅顺孙俱为试监察御史承南云南道顺孙山东道

大明神宗显皇帝实录卷之一百三终

大明神宗显皇帝实录卷之一百四

万历八年九月戊辰朔

上御皇极殿礼部进万历九年 大报等祀日册

○户科给事中萧彦等条上巡青事宜谓太仓有巡视科道各马房有巡青科道各有司存往者两道未革之先商价在银库则巡视与巡青俱挂号后在两道则专在巡青挂号今两道虽裁事体无异此后宜仍属之巡青部覆谓马房银两虽另设京粮小库总在银库之内既同一管库主事自当同一巡青科道其挂号销号宜仍依草场旧规两属余若归并五草场钱粮于京粮库责成各省府依期开报完欠定期支放以免各商守候及裁滥役革冗员省繁费杜混报俱如彦议得旨报可仍严谕各差官精勤供事不得偷安使人守候稽迟以滋奸弊

○己巳升大理寺右寺丞李学诗为左寺丞福建道监察御史郭思极为右寺丞

○减河南所属均徭里甲公费岁额一十一万八千七百二十四两有奇

○敕礼部将中选子弟侯拱宸等通行原籍查勘乡贯保结以凭择日进看

○庚午霜降节遣定远侯邓世栋西宁侯宋世恩成安伯郭应乾庆都伯杜继宗固安伯陈景行分祭 长陵 献陵 景陵 裕陵 茂陵 泰陵 康陵 永陵 昭陵惠安伯张元善祭
景皇帝陵寝都指挥僉事蒋尧谦祭哀冲 庄敬二太子陵园

○改保定总兵标下游击王维藩于密云奇兵营○补原任延绥西路参将高如桂于蓟镇燕河营

○升宣府马营堡守备王国翼为本镇东路游击

○辛未 孝恭章皇后忌辰遣清平伯吴国乾祭 景陵

○谕礼部宫中六尚缺人其选民间淑女二百人入内寻复罢之
壬申升工部右侍郎金立敬为左侍郎而以大理寺卿王友贤为之右

○改原任户部右侍郎郭应聘为兵部右侍郎兼都察院右僉都御史巡抚广西

○赐巡抚宁夏都察院右副都御史罗凤翔祭葬如例

○癸酉大学士张居正等奏称节奉敕谕令臣等重修大明会典已经开馆纂修近该副總裁等官呈送草稿止将旧会典并嘉靖二十九年续修旧稿誊写一遍稍益以近年事例中间体

例尚有未当纪载颇多缺遗良繇诸臣各有部事相妨无暇讨论讲究夫事必专任乃可责成力不他分乃能就绪臣等看得吏部左侍郎余有丁詹事府詹事许国文学素优年力方富属以此事似可责成宜将余有丁暂解部事以本官仍掌詹事府事许国协管府事俱充副总裁各暂停升转将会典新旧原本令其专心考究至原题副总裁官唯以部务稍暇相与讨论不必限以章程致令两误 上是之

○甲戌南京吏部尚书汪宗尹以病乞休许之

○命户部严核河南浙江等角□羊官穆守文刘启亨等所角□羊绵花商税等银已纳未完有无侵那尽行查究以凭参罚从科臣张鼎思请也

○加宣大总督军门中军官参将朱瀚为副总兵仍管前事瀚新调马水口总督郑维称其廉慎勤敏熟练夷情故请加衔以留之

○丁丑复补秦时吉为贵州道监察御史○户科给事中史继辰言士风为人才吏治所关宜杜幸门绝私谒州县官提调生儒止许按季考较此外不得滥收一人私立门墙以长奔竞 上是之

○怀仁王府镇国中尉廷朴肆行不法为逋盗数事觉革为庶人

○戊寅命翰林院修撰沈懋孝范谦编修邓以赞王懋德充大明会典纂修官

○起用刘一儒复为大理寺卿

○以霜降后命法司录系囚情可矜疑者减拟各有差

○己卯命左春坊左谕德兼翰林院侍读陈经邦翰林院侍讲朱赓典武举试

○庚辰江西抚臣王宗载以本省钱局数多匠役冗滥不便关防议设专管汰镪冶炼匠役该部为之覆请从之

○户部＜娼鬻-金＞称山东抚按何起鸣陈功所奏邹平县会昌侯孙忠莖田地九顷胶州阳武侯薛禄户丁承种祖遗田地三十七顷覆查不系钦赐之数优免又无明文可据议各量除二顷以为祭祀之资其余照依民地例纳 上是之

○福建清丈田粮事竣抚臣劳堪以闻部覆谓宜刊定成书并造入黄册使奸豪者不得变乱 上可其奏

○辛巳庆府真宁恭简王倪火□安沈府云和王铨□宿迁王炤□各卒无嗣奏缴金银印

○壬午 上以江西守御所舍人谢燿奏原任御史刘台恶迹本发下内阁今拟旨逮究辅臣张居正以夙憾欲授意抚臣王宗载文致之乃诡云台暴横闾里受害者多逮则貽累干连诸人不知下□处抚按详鞫 上允之

○改南京刑部尚书何宽为南京吏部尚书

○癸未裁革福建督粮右参政一员及运盐司判官提举司提举吏目又以省城并设三县不便乃裁怀安县自知县以下俱革

○甲申裁革辽东行太仆寺少卿及本寺主簿

○广西巡按御史胡宥奏称本省盐利及存积戍兵年例宜令各司府属立循环簿按季送抚按稽查其湖广衡永二府盐价宜与时高下每发官盐一包准搭□盐一包同卖一岁一运可获盐利万五千余金提举司添设副提举二员宜裁其一以省冗费该部如议覆请从之
乙酉命原任右春坊右谕德范应期掌南京翰林院印信

○升吏部右侍郎赵贤为本部左侍郎改刑部右侍郎王篆为之右
升南京都察院右都御史陈瑞为南京刑部尚书

○丙戌裁减山东所属地方均徭里甲岁额银九万六千四百有奇以宽民力

○赐益府铜陵王翊钰谥端僖舒城王载＜媿脸洌沮摯导蚡城焱跟猋^谥端懿各予以册文

○命发太仆寺寄养马千匹及常盈库马价万五千两于蓟昌二镇

○广西柳州府武定县有盗越城劫库降分守江右参议姜忻本府知府季遇春各一级革分守参将倪中化任及本县知县饶养浩指挥同知李惟聪俱褫职革任下抚按问拟

○丁亥裁减福建里甲均徭岁额六万四千五百余两

○敕贵州巡抚严查兵粮总定数刊成一书永为遵守岁终奏报有巡抚兵备等官无故虚糜者核实参处

○朵颜等卫夷人大你赤等赴京朝贺 万寿圣节宴赏如例

○鲁府安丘王府奉国中尉寿金□攸夤夜拥众入郡学毆官仆至死命降为庶人

○戊子升大理寺卿刘一儒为刑部右侍郎

○兵部奏称天气渐寒河水将冻西虏虽已款关变诈叵测东虏屡窥边塞出没无常议行各边总督严饬各将领防备之上是其议

○己丑裁革福建行都司屯局僉书一员○改浙江军门标下游击童绍祖掌都司印

○升河南都司掌印刘允庆为马水口参将

○庚寅升福建僉事彭应时为广西右参议

○以南昌卫指挥刘縯为云南迤东并贵州等处守备

○辛卯 上御文华殿讲读月如常期

○南京府军并建阳等卫所屯田灾命南京户部选委司官一员同管屯御史亲诣查勘将本年屯粮以被灾重轻递减其折银分数

○以原任镇守福建总兵官都督僉事胡守仁僉书南京前军都督府事

○壬辰升江西南康府知府卢整为福建副使

○命进故太子少保礼部尚书兼文渊阁大学士赠太子太保高俄为光禄大夫谥文端从其子中书舍人高循学请也

○以神枢十营佐击雷以诚掌河南都司印○裁革广西昭平参将改设守备于本地方

○以违禁驰驿降四川顺庆府知府郑迁江西抚州府知府左之贤云南永昌府知府单诗各六级

○癸巳赐原任南京礼部尚书林＜娥＞祭葬如例＜娥＞初以进士改翰林院庶吉士授简讨历官国子监祭酒迁礼部侍郎改吏部俱直经筵日讲会进讲语切直为谗者所中忽中旨调南进工部尚书复改礼部以万历八年六月十五日卒于家＜娥＞雅尚儒素性恬而温至大节则皦然莫夺不能比附以投权贵欢故卒与时齟齬其风流节概克世其家云

○甲午吏科给事中顾问奏称官生授职须计其年资六七年以上然后酌其才品在内升部寺司属在外升府佐贰官俟其晓畅吏治效有功能然后陟为知府藩臬其远方知府必选科目出身治行高等者为之勿以轻畀恩荫该部议覆报可

○乙未 上致斋于文华殿

○升户部左侍郎刘斯洁为南京都察院右都御史其考满应得诰命恩荫如例升巡抚保定右副都御史张鹵为大理寺卿

○丙申 上御文华殿致斋如常

○甲字库太监王效等奏称岁额银朱等料缺乏户部尚书张学颜覆＜媼擲-金＞其略曰库中物料岁派俱有定额徵角□羊多不依期第费少则用自饶费多则用必竭恭睹先帝遗诏凡内府钱粮加意节省往往裁之额内我皇上登极一诏亦将不急不经之费尽行停免数年以来各项浮费有昔减而今复旧者有前少而后反多者又有昔本无而今乃加增者臣等题催参究之＜媼擲-金＞月无停牍抚按奏报起角□羊之文岁无虚日屯入各库视之甚轻耗之甚易而不知民商供应之甚难也伏乞皇上敕各监局将器用应创作者量为停罢应更新者悉从省约稽查物料勿以虚冒而成匱乏敦崇俭朴勿以奇淫而恣观美＜媼擲-金＞入上留览之

○改广西昭平参将杨桂分守本省柳庆等处

○升河南都司僉书蒋国忠为神枢十营佐击

大明神宗显皇帝实录卷之一百四终

大明神宗显皇帝实录卷之一百五

万历八年十月丁酉朔

上御皇极殿钦天监进万历九年大统历

○是日 上亲享 太庙

○应天巡抚孙光祐请咨送朝鲜国漂流夷人梁成贵等二十余人给与沿途应付押还本国从之

○戊戌 孝洁肃皇后忌辰遣宣城伯卫国本祭 永陵

○是日免经筵

○升户部右侍郎胡执礼为左侍郎总督仓场命以后仓场总督并戎政协理俱本部左右侍郎带管不必另设○南京户科给事中王蔚论劾南工部主事陈春差往仪真贪纵状因及户部主事蔡惟亨旧差九江贪秽状 上命锦衣卫逮春而革惟亨职为民

○庚子 中宫千秋令节各王府进庆贺表笺文武百官行庆贺礼

○革德安府同知王子顺通判张九思职仍与安陆县知县张汝介俱下抚按问拟以聚饮于景府致遗宫火也

○敕南京前军都督府佥书胡守仁兼提督小教场事

○辛丑升光禄寺卿辛自修为都察院右佥都御史巡抚保定等府兼管河道

○升巡抚湖广都察院右副都御史王之垣为户部右侍郎

○协理京营兵部尚书杨兆以有旨令本部侍郎带管乃＜媚弊-金＞辞协理 上命之供事候裁仍敕吏部查议南京大小九卿及各属有冗滥者俱裁之○礼科给事中帅兰以淮扬苏松等处饥言民苦水灾颠连万状如之有司失职稗政尚多如徵输之弊未尽清也书保之蠹未尽祛也追呼纷扰未息也罚赎滥科未厘也查盘滋索诈也揭访纵仇恶也供亿糜财货也而讼讦则奸宄未杜习俗则淫靡未惩也此数弊者其属于民之自笈者十一而官之剥乎民者十九宜行各抚按痛加修省严督府州县有司着实振刷察其有害乎民者尽除之章下所司

○癸卯改南京太仆寺卿萧廩为光禄寺卿

○甲辰起南京原任都察院右副都御史陈省以原官巡抚湖广

○乙巳升太仆寺少卿李辅为南京太仆寺卿

○应天抚臣孙光祐奏称苏松常镇等府灾议将漕粮仓粮屯粮各酌量改折常熟吴江长洲昆山四县被灾尤甚以余剩兵饷量抵改折起运之数仍发贍罚并仓储分别賑之上从其议仍命地方官着实存恤使贫民得沾实惠

○刑科给事中常居敬条上祥刑五事曰慎初审禁濫狱戒科罚速归结明律例部覆如议报可

○丁未除补刘世曾为太仆寺卿

○升江西副使萧遍为左参政 豐润伯曹文炳卒賜祭葬如例

○应天抚臣孙光祐奏请兴复苏松等处水利一浚下流以杀水势谓书言三江既入震泽底定震泽即今之太湖三江即娄江吴松江及东江也今震泽之水滔滔犹故而东江久湮间出口入黄浦之处仅存丈余而吴淞江娄江南岸多淤是以前人因水无出路于常熟昆山之间<娵鰲-金>白茆诸港以洩太湖之水于江阴一带开数港以洩宜兴诸渎西来之水又于各田中创为浦塘一以洩水一以引水今三江故道虽难遽复宜于江口出水之处狭者阔之浅者深之开通常昆等处之小港浚治田间之浦塘则下流有归而水势不壅矣一筑圩土□□以捍横流谓下流虽浚然或淫雨不止洪水暴发流洩不及势必弥漫田间则不得不筑圩岸以御往者华亭上海极低之田尽割于青浦去岁县官当水发之时督民修筑埽水害十之三四今岁又复筑之虽有水灾亦不甚害昆山之田亦最下去岁灾伤特甚今岁灾遂稍轻常州之芙蓉湖十年九潦今者田苗独盛则皆筑圩岸之明效也今宜严督各水利掌印官相其田之高下冲僻以为圩岸之高下厚薄一圩之内立有圩长计亩分工通力合作半年之内次第可成而水得以顺流趋下矣一<娵鰲-金>沟洫以滋灌溉下田虽治而四府之中未必皆下田也濒海一带地势颇高古人遂鉴为沟洫引水注之以备旱乾后因小民无力<娵鰲-金>浚互相推诿官又不为之督率以致湮塞田失灌溉之利今宜循其故道一并开<娵鰲-金>则不惟河水顺流亦且舟楫得通而濒海高阜之处且有支河以洩下流之水矣该部如议覆请报可

○己酉先是内合传奉 圣谕戒示各边镇将领加意堤防未几东虏果糾众十余万入犯锦义地方以城堡坚不可克野又无所掠遂逸去大学士张居正以闻既而督臣上诸臣守御及斩馘功 上以虏势重大两镇防御勤劳赏梁梦龙李成梁各大红纓丝蟒衣银币抚臣周咏张梦鲤总兵戚继光道臣周于德等银币有差 ○吏科给事中张世则<娵鰲-金>陈五事如端好尚以敦士风减驿粮以溥实惠抑幸进以重武科皆有关于时政者该部如议覆请俱报可

○庚戌诏复故黔国公沐朝弼爵从其子昌祚请也

○蓟辽总督梁梦龙奏称辽镇军饷折色价轻本色粮少请以万历九年应发年例如发四月即将本镇屯盐本色酌量存积计三年可余一年俟仓有余积或停发一年或照常给发从之

○河南怀庆等府灾诏蠲本年额赋及减折屯粮有差仍支仓贮赈之

○辛亥陕西他笼哈古等族番人各备马匹盔甲等物赴京进贡各赏给如例

○戒谕乌撒府知府安承祖以后额纳贵州秋粮每年如数徵角□羊以充军饷无亏额以取参治○甲寅裁革云南督粮参政一员

○乙卯升山西布政使辛应乾为左布政使浙江金华府知府王懋德为副使应乾本省懋德江西

○丁巳升陕西按察使蔡应扬为左布政使湖广岳州府知府张澜为陕西苑马寺少卿

○以违禁驰驿降福建运使杜思三级汀州府知府季膺庆远府知府赵成妥六级革原任四川松潘游击沈茂冠带下两广督臣问拟

○戊午复除宋仕为浙江道御史

○诏编审光禄寺上供商人其行户繁重者家道殷实照旧存留中有消乏者审实退役责令众商公报顶补不得仍前重报致滋规避

○顺天府府尹施尧臣条陈差役事宜一通融丁地以均银力一酌量门银以均贫富一流寓之置产者照例编差以纾土著之困累一差役之雇觅者明编实数以免小民之派□其余若核优免裁差徭清税银定工食除滥役等项共十事该部为之覆请命如议行之

○己未升山西左参政严大纪为按察使江西南昌府知府王三锡为福建运盐司运使

○改山西管粮右参政胡来贡为分守河东左参政改湖广副使沈伯龙于江西

○礼科给事中丁汝谦奏称近来河南白莲妖贼已伏其辜而宣府又以激变游民告矣夫奸民之结党肆逆与游民之越境为非皆有司之过也近见曹仑辈假藉妖术蛊惑愚民其事非一日其徒非一人而有司者既不能开谕之于前又不能禁缉之于后直待养成巨恶逆谋败露然后动众剿之其有损于地方不既多乎马树林子等繇延安抵宣府奔逃播越几千里矣携带男女扶持兵刃走马卖械卜封施药几百人矣其经过把截去处又不知其几也何竟无一人盘诘之向使为有司者能觉察访范于平时其流祸宁至于此且此辈莽伏非独河南宣府为然即南北地方京城内外处处有之夫衅每起于不虞患恒生于所忽宜敕该部院在京行五城御史在外行各处巡按将曹仑马树林子等情由令所属刊刻榜文晓谕黎庶仍严行

保甲不时讥察其于地方不无少裨矣该部如议覆请 上是之

○庚申广东副使郑汝璧称病乞休允之

○勘过定国公等庄田应召佃收租者敕布政司官为徵收令各爵家人支领以杜侵占之弊其额外应折徵者角□羊充各府禄粮

○辛酉改河南右参政姜继曾于山西 ○甲子敕京堂官给由者照旧规单奏面引大选文武官员皆于常朝面奏选期定以双月吏部二十六日兵部二十九日俱著为合从大学士张居正奏也

○科臣王道成议将应天巡抚所陈浚下流筑圩岸＜娵斨-
金＞沟洫三事通行各省责成所司查勘修理从之

○乙丑琉球国中山王尚永差王舅马良弼进贡方物给赏如例

大明神宗显皇帝实录卷之一百五终

大明神宗显皇帝实录卷之一百六

万历八年十一月丁卯朔命改广宁伯刘允中庶长子嗣德承袭伯爵

○戊辰 上御皇极殿传制警戒百官

○命加礼部尚书兼翰林院学士潘晟太子太保以六年秩满也

○泰宁朵颜卫头目花孛来长秃进各进马匹传报虏情兵部题各加升都指挥僉事报可

○己巳 上御文华殿致斋

○辛未冬至 大祀 天于 圜丘命定国公徐文璧恭代

○遣隆平侯张弼永康侯徐乔松怀柔伯施光祖庆都伯杜继宗永年伯王伟分祭长陵 献陵 景陵 裕陵 茂陵 泰陵 康陵 永陵 昭陵新建伯王承勋祭 景皇帝陵寝左都督李鹤祭 哀冲庄敬二太子陵园

○壬申以雪免朝贺

○时以 慈圣皇太后圣节赏赉及 皇三妹装奁所需谕户部光禄寺各进银十万入内 部臣以溢取太仓非旧制且悖 明旨 上从之令光禄寺以十五万进科臣郝维乔蔡时新张鼎思等各有疏请停不听

○乙亥广西副使林烜以病乞休允之

○裁省贵州所属均徭里甲各岁额二千一百有奇

○丙子升广东琼州府知府唐可封为本省海内道整饬琼州兵备副使兼摄学政

○裁四川督粮右参政及盐茶水利驿传僉事与叙马泸兵备僉事粮务归并右布政盐茶水利驿传归并清军副使叙马泸兵备归并分巡副使 ○户部奉旨令各省直清丈田粮条为八款以请一明清丈之例谓额失者丈全者免一议应委之官以各右布政使总领之分守兵备分领之府州县官则专管本境一复坐派之额谓田有官民屯数等粮有上中下数则宜逐一查勘使不得诡混一复本徵之粮如民种屯地者即纳屯粮军种民地者即纳民粮一严欺隐之律有自首历年诡占及开垦未报者兑罪首报不实者连坐豪右隐占者发遣重处一定清丈之期一行丈量磨算之法一处纸割供应之费 上依其议令各抚按官悉心查核着实举行毋得苟且了事及滋劳扰

○贵州苗坪天漂夷酋党银阿盖等归附纳贡改其地名归化编入版籍赏抚臣王缉并前抚何起鸣各银二十两纒丝二表里道臣苏愚等各十五两其余赏赉有差

○夷酋王兀堂等复纠众从宽奠堡入犯副总兵姚大都督兵追击之斩首虏六十七级生擒一十一名督臣以闻命先赏姚大节银二十两纒丝一表里参政张崇功等各十五两余有差

○革洮阶副总兵陈守义西宁参将杨维芳任下巡按问拟而以凉州副总兵季煦原任固原中路游击王泰代之从督臣郅光先奏也

○大虏糾众入犯锦义大凌河右屯等处总兵李成梁督率将领军丁奋勇邀击出境颇有斩获功诏赏督镇梁梦龙李成梁与周咏戚继光等各银币有差

○丁丑复除查铎为广东副使

○江西右参议李乐以患病乞休致许之

○革宣府管粮郎中吕子桂易州管粮员外秦邦彦任听勘科臣郝维乔劾其贪肆也○裁革云南临元参将改设守备

○戊寅先是上夜宴宫中为近侍孙海客用所惑杖二内使几毙慈圣皇太后闻之不乐训戒甚切上悔悟即宣谕内臣曰孙海客用凡事引诱朕无所不为今降为小火者安置南京尔司礼监等既受朝廷豢养之恩见朕偶尔昏迷就应力谏乃图朕一时欢喜阿顺不言赖圣母慈诲今朕已改过立逐奸邪以后但有此等小人即同举名来奏仍命文书房官宣示内阁阁臣张居正等谓降黜未尽其辜宜充净军乃稍正法上从之次日复谕辅臣曰朕昨者御笔帖子先生已看否孙海客用坏法乱国今虽逐去朕愈思愈怒之但先生既为辅弼大臣宗庙社稷所系非轻焉忍坐视不言先生便应谏朕使朕为尧舜之君先生等亦为尧舜之臣居正等回奏曰自圣上临御以来讲学勤政圣德日新乃数月之间仰窥圣意所向稍不如前微闻宫中起居颇失常度但臣等身隔外庭未敢轻信而朝廷庶政未见有缺故不敢妄有所言然前者恭侍日讲亦曾举益者三乐损者三乐益者三友损者三友两章书请皇上加意省览盖已阴寓讽谏之意近始知孙海客用引诱皇上夜游别宫宴处无节释去法服走马持兵又数进奇巧戏玩之物肆为蛊惑幸而圣母谆谆教戒皇上幡然改悔又宣谕臣等尽心辅导此皆九庙列圣之灵所默启也但古语云树德务滋除恶务尽如司礼监太监孙德秀温恭兵仗局周海罪状亦不在海用二人下宜一体降黜其各监等官俱令自陈老成廉慎者存之諂佞放恣者汰之且近日皇穹垂象彗芒扫宦者四星宜大行扫除以应天变以光圣德臣又闻汉臣诸葛亮云宫中府中宜为一体陟罚臧否不宜异同臣等待罪辅弼宫中之事皆宜与闻此后不敢复以外臣自限凡

皇上起居与宫壶内事但有所闻即竭忠敷奏及左右近习有奸佞不忠者亦不避嫌怨必举祖宗之法奏请处治皇上亦宜痛自改悔戒饮宴以重起居专精神以广胤嗣节赏赉以省浮

费却玩好以定心志亲万几以明庶政勤讲学以资治理则将来 圣德愈为光显矣疏入上特奏 圣母亟允所请

○司礼监太监冯保自叙先朝知遇与受顾命之隆及今荫锡之厚欲以衰病乞休不允朝鲜国王李昖及朵颜等卫夷人各差陪臣头目赴京朝贺冬至宴赉如例

○复贵州土舍安国宁冠带国宁先以东川勒兵有罪参革既而悔祸立功自赎抚按为请故复之

○己卯升贵州佥事高任重为四川右参议

○光禄寺少卿萧崇业<娼弊-金>辞出使琉球馈金诏该国使臣携去

○革宁夏副总兵祁栋任以陕西按臣罗应鹤参之也

○命驿递支应酌量减编兼革朋帮马匹以恤庐州府属疲民兼通行各府州县一体查议○辛巳以 圣母万寿圣节赐三辅臣银币金篆书符及讲官何雒文寺六员各有差

○升南京礼部祠祭司郎中王□为贵州佥事

○礼部尚书潘晟以被言引疾乞休 上谕留之

○壬午裁革广东阳电海防及朝州陆路参将并总兵标下练兵把总各一员

○癸未司礼监传旨奉

圣母慈谕以本月二十八日朝天宫建保国安民穰灾谢祐醮典三昼夜停刑禁屠三日

○裁减浙江所属料价公费徭编岁额八万八千七百四十余两

○乙酉 慈圣皇太后 万寿圣节文武百官朝贺诸王府各进贺表三辅臣仍诣隆宗门行叩贺礼

○高家堰石工将兴乡官常三省等倡言有妨 祖陵具揭欲沮之河臣潘季驯<娼弊-金>陈其舛谬不经且请再行勘议 上命修筑以终前功而革常三省职为民

○致仕少傅大学士陈以勤荷赐存问特准子于陞给假归省<娼弊-金>谢报闻

○戊子陕西按臣罗应鹤参论佥事张应福昏庸衰劣状命革职闲住

○诏保定等六府起角□羊京边钱粮自委官部运所给掇解雇募车夫盘费外不许再用官车以扰小民着为令

○初都指挥使杨亮奉使没于虏庭部请赠衔优恤之报可 琉球国遣陪臣子郑周郑迪蔡常三名求入太学读书习礼命送南京国子监肄业如例给与衣粮

○乙丑录剿平广西十寨功升督臣刘尧诲俸二级优恤死事抚臣张任如例及副总兵王尚文副使侯国治等升赏有差

○户部奏造黄册将专督理核田数清户口严里书发寄庄别飞诡慎推收均里甲诸项刊刻成书颁布天下府州县著为式○癸巳兵科给事中刘朝璽＜娼弊-金＞参礼部侍郎林士章揭其通番私税二事谓宜罢斥士章自陈不职求去且辩其被诬状部覆谓士章素清谨科臣论劾出于风闻宜令之照旧供职 上从之

○革陕西副使王宇薛纶任听勘以刑科给事中张鼎思论其□贿容奸故也

○复除原任山东右参议任彬于陕西

○裁革山西大同府所属均徭银力岁额五千七百余两

○甲午太子太保吏部尚书王国光以疾乞休
上命之暂假调理仍赐以羊豕米酒等物国光奏谢 上优答之

○乙未升户部郎中李溥为陕西副使

○复除山西右参政王汝梅于陕西 ○礼科给事中聂良杞奏称吏治之考成未肃远方之法网尤疏如荐举尚滥纠治尚宽科贡之资格尚泥抚按之耳目尚偏宜一番整饬以隆化理该部如议覆请 上是之

○吏科给事中王敬民奏称鲁府宗室恣情玩法屡经抚按官参治缘本王权轻难以禁治宜照周藩事例令亲王得以统治于一国郡王得以各治其宗人毋使纵恣贻害于民部覆如议请给鲁王敕并及晋楚岷代等府 上以亲王总治一国体统事权本自隆重不必给敕

○蠲免河南所属万历九年分应派河堡夫银六万两

大明神宗显皇帝实录卷之一百六终

大明神宗显皇帝实录卷之一百七

万历八年十二月丙申朔礼部右侍郎林士章再疏引罪乞罢上不允

○戒有司积穀备赈不得指名科罚以充贪吏囊橐违者参治

○兵部考核军政令总兵副总兵自陈参游以下照各省直开注贤否存留降革俱如例

○戊戌夺原任陕西参议何汝成职闲住调广东参政周浩简僻以给事中史继辰论劾其贪故也

○刑科给事中商尚忠＜娼弊-金＞论吏部尚书王国光庇亲行私升同知卫重鉴为运同通判杨枝为评事宜因其称病自陈准其致仕国光奏辩乞罢上谕留之

○陕西柏林七占等族番人进献马匹方物给赏绢钞如例 ○己亥 慈孝献皇后忌辰奉先殿行祭礼

○朝鲜陪臣吏曹参判梁喜在馆病故命如例与祭一坛及行兵部应付人夫送还本国

○命故武安侯郑昆庶长子惟忠承袭祖爵

○广西副使侯国治以疾乞休许之

○庚子陕西崇隆等寺棘麻番僧共卜尖咎等赴京进贡如例宴赏之

○辛丑宜妃杨氏薨上辍朝二日其丧祭事宜俱照世庙荣昭德妃张氏例行

○顺义王俺答纳款归化因遣夷使请敕赐所盖造寺名并加西番僧觉义为大觉禅师从之

○革府军前卫掌印隆平侯张炳及署指挥同知毛澄任闲住从兵部考核也

○壬寅革延绥总兵官傅津任以巡按御史刘国光劾奏之也 ○癸卯太子太保礼部尚书兼翰林院学士潘晟五疏乞休上乃允命乘传归

○升神枢四营游击卫镐五军五营佐击蔺熠俱为参将山西宁武关守备吴若涿州守备刘应麟辽东都司佾书杨四德俱为游击镐五军七营熠京城巡捕若保定车营应麟五军四营四德蓟沈领班

○改蓟镇墙子岭参将贾斌于山西利民堡陕西固原参将徐仁威于延绥东路

○怀柔伯施光祖玉田伯次子蒋克让恣游局骗逞威不法命夺光祖禄半年克让提问

○甲辰大学士张居正等上< 娼弊-金 >曰先臣等面奏 皇上春秋鼎盛宜省览章奏讲究治理于字书小学不必求工以后日讲请暂免进字容臣等以紧要事情至 御前讲角□羊面请裁决伏奉俞旨乃数月以来恭侍讲读须臾而毕拱默而退不得供奉燕闲从容陈说非臣等面请奏事之初意也顷奉 圣谕责臣等以尽心辅导臣等夙夜思维图所以仰承德意启沃圣心者窃以为远稽古训不若近事之可徵上嘉先王不如家法之易守昔伊尹周公矢谟作诰撮其大指不过两言曰明言列祖之成德曰覲扬文武之光烈而已唐宪宗读贞观政要疏慕不能释卷宋仁宗命侍臣读三朝要训及祖宗圣政录前史书之皆为盛事良以羹墙如见自不忘继述之思耳目既真又足为持循之地守成业而致盛治莫要于此仰惟我二祖开创鸿业 列圣纂绍丕闿奎章睿谟则载之宝训神功骏烈则纪之实录其义意精深规模宏远枢机周慎品式详明足以迈三五之登閤垂亿万之统绪此正近事之可徵家法之易守者也臣等谨属儒臣 累朝宝训实录逐一简阅分类编摩总计四十款曰创业艰难曰励精图治曰勤学曰敬天曰法祖曰保民曰谨祭祀曰崇孝敬曰端好尚曰慎起居曰戒游佚曰正宫闈曰教储贰曰睦宗藩曰亲贤臣曰去奸邪曰纳谏曰理财曰守法曰敬戒曰务实曰正纪纲曰审官曰久任曰重守令曰驭近习曰待外戚曰重农曰兴教化曰明赏罚曰信诏令曰谨名分曰却贡献曰慎赏赉曰敦节俭曰慎刑狱曰褒功德曰屏异端曰饬武备曰御夷狄虽管窥蠡测之见未究高深而修德致治之方亦已略备矣容次第纂集陆续进呈拟俟明岁开讲以后每讲毕臣等恭诣文华殿讲解一二条粗述大指如 皇上偶有疑难即望面赐咨询或臣等窃有见闻亦得随时献纳其诸司章奏有紧要者即于讲毕面奏请裁既可以开发聪明亦因以练习政事伏望 皇上留神听览黾勉力行则 圣德愈进于高明圣治益济于光大矣< 娼弊-金 >入 上褒嘉之

○升浙江右参议吴哲为广西副使

○归并淮安四税于常盈仓令主事兼管之

○升陕西行都司署都指挥僉事王爵为永昌参将兼管游击事

○升宣府入卫游击王吉万全都司掌印王学礼俱为参将陕西都司僉书王佐宁夏兴武营守备唐尧辅俱为游击吉大同山西路学礼延绥孤山佐固原尧辅本镇

○改原任甘肃游击杨恩于本镇庄凉

○乙巳升延绥领军游击王江广东练兵游击金丹为参将江宁夏东路丹广西柳庆

○丙午升云南僉事顾养谦为浙江右参议

○泰宁等卫夷人弁合儿等来贡如例宴赉之○升密云奇兵营坐营游击李如柏为黄花镇

参将河南都司僉书莫矜功为蓟镇天津统领秋班游击

○丁未升遵化游击许卿为蓟镇墙子岭参将

○调定州领军游击李维于蓟辽保定军门标下

○升潘家口关提调张镛潮河川关提调陈第为游击镛遵化輜重营第三屯车兵营

○戊申升四川龙安府知府郑孔道为云南副使

○工科给事中傅来鹏条上四事一严法制以遏贪黷谓贪纵有司自知赃私狼藉多纳交紧关衙门书属抚按司府曲为庇护致举劾不公不肖者皆得幸免宜严加申禁犯者必惩余若均久任以兴吏治专责成以惠穷民酌积穀以修实政皆有裨于察吏安民者该部如议覆上是之○以泗州等处连灾诏免万历六年以前改折漕粮一十三万三千七百九十两有奇从总理漕河兵部尚书凌云翼请也

○升山西都司掌印许登瀛湖广都司掌印杨为栋为参将登瀛分守太原为栋分守金山

○升山东总督备倭署都指挥僉事陈汝德为神枢四营游击都司僉事张守礼为五军五营佐击

○己酉 世宗肃皇帝忌辰 奉先殿行祭礼遣成国公朱应祜祭 永陵

○吏科给事中秦耀等奏称朝廷为民设官其师表在抚按今之抚按旧习余风尚未尽殄间有托要津而贾誉假遗以纳交者差遣烦烦筐筐络绎岂神运而鬼输哉或取诸赃罚或括诸有司一二不肖有司乘以为利百计搜求而闾阎遂纷如矣甚至遗一当路动至千金有不纳则尽以充私橐如是而监司守令其何观焉

上以前累有旨严禁馈遗乃犹屡惩不改着科道官指实参奏

○岁减江西所属里甲均徭诸费五万三千六百八十余两

○升永安堡守备孟学臣延绥镇城中军坐营官龚成俱为游击学臣固原成原镇领军

○以辽东都司僉书王守道充密云奇兵营官

○庚戌 贞惠安和景皇后忌辰遣都指挥僉事蒋克谦祭 陵寝

○升刑部左侍郎徐学谟为礼部尚书学谟首辅张居正所厚善也自成弘后是官必擢自词林嘉靖初 上以席书言大礼当意繇他曹特迁言路犹攻之十余<娼弊-金>不止学谟以

刑部超擢至是亡敢出一语者矣○升江南下江运粮把总张楠为定州领军游击

○夜望月食

○辛亥赐元辅张居正次辅张四维申时行及讲官何雒文等六员白金彩段各有差

○复除原任山东道御史董裕于湖广道

○升陕西都司佥书王国翰掌山西都司印山东都司佥书周印掌湖广都司印河南都司佥书黄明臣充保定巡抚标兵坐营官

○河南祥符人李相首倡白莲教煽惑远近造捏妖书妄意纠众超手中原事觉诏收磔之余各编戍

○壬子夺保定巡抚张卤俸三月以荐举长芦运同卫重鉴非其所属为科臣秦燿参其违例故也

○赐原任南京礼部尚书尹台祭葬如例

○癸丑升刑部右侍郎刘一儒为左侍郎而以都察院左副都御史刘思问为之右○赐总督漕运都察院右都御史兼户部右侍郎江一麟祭葬如例一麟繇嘉靖癸丑进士起家州守历广东副使参政按察使浙江左右布政使升右副都御史巡抚南赣至今官所在著绩其在广东招抚从贼徐寿等三千余人擒贼首会一本等一鼓而歼倭寇与山寇苏继相山酋杜高连合之众数千解电白之陷于倭者旋即安堵其在南赣有积年巨寇叶枯聚众剽掠乃谕以顺逆祸福传示归顺免死牌于各堡悉皆顺服楷自缢死平其地设长宁县治其绩尤伟及督漕时水患方剧灾伤频仍荒度抚摩逾年而两河复故至是卒于官

○调大同新平参将陈琦于本镇北西路而起原任宣府万全副总兵李浹以原衔代之

○先是广东龙川县猴岭巢逆贼鲍时秀等四出剽掠督臣檄行该省官兵剿平之捷闻上命赏刘尧诲银币升总兵黄应甲职二级参将李金一级仍与参议刘倬副使张尧年等赏各有差

○甲寅赐原任户部尚书马森祭葬如例森初为户部主事榷税九江即以廉能著声迨出守雪冤狱裁貂铛减供亿治行甲江南迁副使历副都御史俱有惠政及为户部尚书有中使传旨取官帑买金入内森力持不可遂止旋以母老终养后屡荐弗起其为人尚修介且深明理学多所著述学者宗焉

○乙卯管河工部郎中加四品服俸余毅中卒诏赠太仆寺卿以恤其劳

○宣大等处贡市竣叙诸臣劳于事者督抚郑维张佳胤买应元高文荐并总兵郭琥等各赏银币有差

○命武平伯陈永禄掌府军前卫印

○丙辰 上御文华殿讲读月如常期○召巡抚山西都察院右副都御史高文荐回院管事

○巡仓御史刘致中条议仓漕要务六事一互呈样朱以防插和一广辟晒场以速完纳一限制斛口以示均平一酌裁门税以免稽迟一曲体运官以禁需索一预塞弊孔以绝盗贼该部酌议覆请 上依其拟只门税照旧不准停免

○丁巳顺天府进春 上御皇极殿受之百官致词称贺

○降广西按察使林澄源江西左参政余希周三级桂林府知府吴肇东潯州府知府萧腾凤六级革同知米成武等职为民以违禁驰驿也

○戊午吏部引奏大选给繇官员 上亲裁决如制

○赐大理寺卿宋仪望祭葬如例○升山东副使洪济远为辽东苑马寺卿云南保定军民府知府辛存仁为副使

○改广东潮州参将叶欢于西山

○己未升山西左布政使辛应乾为都察院右佥都御史巡抚本地方

○升陕西按察使孙坤为四川右布政使

○改原任山东左参政欧希稷广西右参政王天爵于江西

○庚申升户部郎中谭启为福建副使查勘田营

○户部郎中柴承学奏称淮凤所开之地原是熟田抛荒并未创开无粮荒地间有以旧种熟田冒称新开者招回人口虽暂安插未必领牛种田以至塘坪树株半属虚增册内原报地数人数半多虚捏部议谓在事诸臣肆为欺罔宜重处以惩之
上命革监督营田副使史邦直职其查处府州县卫各官悉如部议
命原任镇守湖广总兵怀宁侯孙世忠掌前军都督府印

○升宣府副总兵贾国忠署都督佥事充延绥总兵官

○以南京右军都督府佥书安大朝充贵州总兵官

○以镇武堡游击曹簠蓟镇马兰峪参将陶世臣居庸关参将葛臣镇番参将汪廷佐延绥镇靖堡参将刘滋俱为副总兵簠辽阳世臣延绥臣甘州廷佐凉州滋宁夏

○以南京前军都督府都督佥事胡守仁为神机营右副将

○巡视京营礼科给事中姚学闵等举劾各营将领以肃戎政俱如议黜陟之

○辛酉兵部引奏大选官员 上亲裁决如制

○召礼部三法司官赐以岁终湔除敕○升湖广右布政使侯于赵为山西左布政使陕西左参政李戴为按察使直隶顺德府知府杨邦宪为山东副使

○命清平伯吴国乾管理义刀围子手□陕西慧济寺番僧并哈尔占吉古车禄等族各备马匹方物进贡给赏如例

○癸亥 上御文华殿致斋

○升湖广按察使晋应槐为右布政使山西副使霍维荅为陕西右参政

○陕西道御史孙旬<娼弊-金>论抚臣张鹵数其四罪其一谓荐举卫重鉴为当路张居正至亲假此以报知遇是知有私恩而不知有明例也其一为既经科臣□尚忠论列便宜闭门待罪乃敢妄行奏辩是甘为狡伪而以疑言欺朝廷也其一为奏荐本章草率差讹是无所畏惮而敢于不敬君父也其一谓厚贿以赂势要动取赎醵千金具溪壑无厌攫充私橐是冒衣冠而躬市井之行也鹵亦有<娼弊-金>乞罢且辩其诬 上令之策励供职

○先是扬州等处饥 上命发该府库积并仓贮赈之库积原报八万八千万两无纤毫在库仓贮五十四万余石止三万六千巡抚以闻再请别项备赈 上是之而降该府知府虞德燁服俸三级

○甲子 上祫享 太庙命太常寺官祭大岁月将之神

○升湖广右参政刘铉为按察使

○改原任陕西左参议韩应元于山西

大明神宗显皇帝实录卷之一百八

万历九年正月丙寅朔 上御皇极殿文武百官朝贺赐三辅臣上尊珍饌免百官宴

○戊辰 宣宗章皇帝忌辰遣襄城伯李应臣祭 景陵

○己巳 上致斋于文华殿传谕内阁欲修武英殿以备致斋临御辅臣张居等上言本殿自宣德正统以后久不临御 世宗皇帝践祚之初即将文华殿鼎建新修易以黄瓦凡斋居经筵及召见大臣俱临御于此内九五斋恭默室皆 世宗皇帝亲题其额轮奐巍然盖以东方发生喜神所在故恒处于斯其取义深矣今武莫殿即加修理未必常到徒费十余万之费经营于不常到之地似为无益伏望 皇上绎思 世宗皇帝临御东朝之意姑仍旧贯以省老费＜媿弊金＞入从之

○庚午 上谕内阁今日风气不祥恐有边事卿等宜申饬边臣加意儆备辅臣张居正等言当即传示兵部及蓟辽宣大总督令其钦遵 圣谕加谨防备

○升河南副使衷贞吉为湖广右参政兼佥事

○吏部奏请遵例考察 上曰考察重典务要虚心评品协于公论各衙门官应黜者不必拘定旧数致有枉纵其六年之内有奉特旨罢斥者照朝覲考察例开坐除名永不许荐用

○辛未孟春 上亲享 太庙

○吏部查议裁革在京各衙门官户部浙江湖广河南福建广东广西司主事各一员江西云南山东四川山西贵州司各二员陕西司三员礼部仪制祠祭主客司主事各一员铸印局副使一员兵部武选司郎中一员车驾职方协司郎中各一员管优给主事一员管存恤主事一员武库司管京卫武学主事一员刑部十三司主事各一员工部营缮司管重城员外郎一员屯田司管台基厂主事一员虞衡司管遵化铸冶郎中一员杂造局大使一员都察院司狱一员通政使司右通政一员誊黄右通政一员大理寺左评事一员顺天府管军匠通判各一员都税司正阳门分司各副使一员国子监助教四员学录一员太常寺博士一员协律郎一员赞礼郎五员司乐十二员光禄寺典簿一员大官署署丞一员尚宝司司丞一员上林苑监蕃育署良牧署录事各一员未补给事中户科四员礼科二员兵科五员刑科四员中书舍人二员行人司右司副一员行人五员詹事府主簿厅录事一员俱应裁革遗下事务各衙门归并兼管因言去弊贵果更化宜渐事体人情并行不悖庶为停妥今应裁官员携家跋涉苦令回籍守候计二三年除补方毕各官多系始进向用方新空延岁月不无向隅之悲合无各令照旧在任供事待有升迁事故原缺停补 上曰各官既已裁革又令照旧管事殊非政体姑着在任候裁以后有缺每三员以二员尽候裁填补务在一年之内尽数补完以称朕省官责实之意余依拟○升南京吏部验封司郎中王鼎爵为河南提学副使

○命提督狼山副总兵戚继美金书南京右军都督府事

○癸酉大虏二万余骑犯辽东从大镇堡入突攻锦州分掠小凌河松山杏山等处总兵李成梁督兵驰援斩获虏首一十八颗翌日虏出境初九日虏二百余骑犯辽阳长宁堡副总兵曹簠帅兵迎敌斩虏首二颗督抚梁梦龙等上其事言参将熊朝臣血战保城乞加重赏簠斩获虽不多士气顿增阵亡加衔游击周之望效死报国俱应赏录并列参将栗卿等疏虞之罪部覆上请乞查勘上从之诏赏熊朝臣等银两有差○甲戌命太监杨辉督修正一真人张国祥祖坛庙二科给事中王道成等上言皇上登极以来雅重儒术修明王道故尝笃信尧舜禹汤文武相授之心法彼异端之徒正明主所亟斥而远屏焉者今国祥何人其祖坛庙不过一方士冢耳岂宜与之修理且禁近内臣不轻差出往年太监杨辉曾差往承天修显陵矣惟陛下岂重圣祖则有是命非常典也今亦使内臣为之督工岂不失轻重之伦哉即陛下所施与捐自宫中然亦莫非小民膏血乞赐乾断勿徇国祥所请<娼弊-金>入纳之

○乙亥总督陕西右都御史郅光先奏称定边道地属两镇事多掣肘相应裁革所遗边墙城堡盐法事务属延镇者归并靖边属宁镇者归并宁夏各管理部议从之

○巡按直隶御史刘光国会勘原任易州粮储员外秦邦彦管粮重入轻出召买通□侵克官箴扫荡乞提问追究得旨秦邦彦照贪例革职为民巡按御史提问具奏

○赐山阴王俊柵书院额名乐善仍给与经书从王请也

○丙子上御文华殿讲读

○以协守漳潮等处副总兵侯继高提督狼山等处副总兵官

○试御史范鸣谦题本月初五日狂霾蔽天人情悚惧随蒙皇上传谕飭边仰见遇灾忧惧之诚但边防固所当饬而内治尤所当修如刑罚未当乞敕有司不许混拟久监惟图取盈赃罚贪墨未息乞敕新选官员不许借贷豪门致赴任责收无措横肆诛求荒芜未垦乞敕淮凤二府官员留心农事如山东沂州费县久称荒壤渐变桑麻盗贼未殄乞敕有司不许欺蔽成风掩有为无指强为窃而大要尤在君心之修省起居以时嗜欲以节讲筵母憚详问大臣面赐咨询端好尚禁奢靡庶灾异潜消休徵协应上天儆戒之意不为徒然而皇上敕谕之旨不为虚发矣<娼弊-金>入报闻

○户部题称白粮原系民运故相沿雇觅民船万历元年河漕诸臣谓民船不便挨帮题造官船近漕运诸臣查议俱谓官造船只窒碍难行合无仍照节年题准事例令粮长仍雇五百料中船跟帮前进至于雇船之疲累运纳之困苦委宜调停体恤以宽民力上从其言

○丁丑发太仆寺银一万两于蓟镇充春防犒赏

○升协守宣府副总兵贾国忠署都督僉事挂印充总兵官镇守延绥等处地方 ○戊寅 上敕諭礼部今册封朕妹为寿阳长公主选南城兵马副指挥侯一恭男侯拱宸为驸马都尉择三月十三日成婚合用册诰仪仗及一应礼仪照旧例行

○己卯辅臣张居正等题伏睹

皇上近日以来留神翰墨一切嬉游无益之事悉屏去不御仰见 圣学该洽 睿志清明臣等不胜庆忭夫人主一心乃万化从出之原亦众欲交攻之会必使常有所系然后纵欲之念不萌而引诱之奸不入故虽笔札小技非君德治道所关而燕闲游息之时藉以调适性情收敛心志比之珍奇玩好之属相去远甚亦未必非进德养心之一助也但臣等窃见前代好文之主皆有文学之臣奉侍清燕或承诏登答或应制赓酬皆于语言文字之中微寓风劝箴规之益即今之翰林官是也我朝廷置翰林拔其英隽特异者除授此官固储养德望以备后沃任枢机然文史词翰撰述讨论亦其本等职务 皇上即有任使不必他求如日讲诸臣皆文学优赡见今记注起居日逐在馆供事外其余翰林各官亦皆需次待用臣等拟令分番入直每日轮四员同日讲诸臣在馆祇候 皇上万几之暇如披阅古文欲有所采录或鉴赏名笔欲有所题咏即属诸臣令撰具草稿送臣等看定进呈 圣览或不时召至

御前面赐质问令其发摭蕴抱各见所长因以观其才品高下他日量能擢用自可断于圣衷< 娼僇-金 >入 上嘉悦命内阁具列翰林侍直诸臣职名进○庚辰户部题称顷奉旨议裁革淮凤营田僉事一应钱粮文卷归并徐海颖三道各照所辖州县画地督率招垦年终抚按核实具奏其原给牛具行道府官每年春冬各查烙一次限三年变价陆续还官实在粮银收贮府库遇有饥民流民酌量赈贷闻开田之后额粮飞洒者甚多宜委官清丈田分荒熟粮分新旧务使实额不失得旨给过牛只每年免行查烙余俱依拟行

○兵部题巡按山东御史于应昌奏勘过万历八年九月内宁远兴水县堡失事罪夺游击裴永勋俸三月下千户李承暘巡按御史问阵亡中伤军丁苏州等三十八名赏录如例○辽东镇静堡地震声如雷

○辛巳诏裁革南京各衙门官吏礼兵刑工侍郎各一员大理寺寺丞一员太常寺少卿一员户部湖广司员外郎一员山西云南司主事各一员工部虞衡司主事一员大理寺左右评事各一员太常寺山川坛署奉祀一员鸿胪寺鸣赞一员序班一员应天府管马通判一员五城兵马副指挥各一员留守五卫千户所吏目各一员

○吏部尚书王国光引年乞休 上慰留不允

○海西者刺等卫女直夷人都督僉事歪卜等来朝贡宴赉如例

○壬午 英宗睿皇帝忌辰 奉先殿行祭礼遣中官祭 裕陵

○甲申 上视朝

○命中都留守司金书署副留守庞成裕充五军营游击○丙戌
上命翰林侍直诸臣不拘诗词歌颂每员各撰一首以进

○升湖广布政使晋应槐为本省左布政使山西按察使严大纪为本省右布政使

○兵部覆顺天抚按张梦鲤等题称顺永二府所属州县额编驿递站银并军卫协济及外省南马价银共一十四万九千余两近遵例查议于地亩均徭内通融酌量减徵五万七千四百有奇实编银九万一千五百两有奇乞永为遵守以宽民力其外省协济马价在永平者相应照旧角□羊给在顺天者仍角□羊该府收贮以备各驿递闰月及荒歉不虞之用
上命如议行

○丁亥 上御文华殿讲读是日出玄兔图命辅臣及日讲侍直诸臣各咏诗一首○户部覆顺天湖广陕西四川新减存留银数顺天实编银二十九万六百余两减去银一十一万五千九百余两湖广实编银五十七万三千七百余两减去银一十一万九千七百余两陕西实编银五十一万七千九百余两减去银七万五千余两四川实编银五十二万九千余两减去银五万六百余两乞刊成书行所属永为遵守从之

○诏吏部今后选南京户部山西司管粮主事本官凭内添注凤阳仓定限三年照边镇管粮郎中事例仍听本部考核从南京户部尚书王好问等请也

○戊子赐敕赏套虏都督同知卜失兔阿不害等彩币陕西总督题其监市无扰故也

○兵部上言大阅之礼国家重典 皇上登极九年正当举行之时伏祈
圣明钦定吉期躬临大阅用张九戍之威
上命定于三月初三日查隆庆三年事例行于是礼部上大阅仪注

○发太仆寺银三万八千七百两于宣府充本年市本

○兵部题浙江御史帅祥勘过万历八年四月内倭贼突犯浙江韭山等处外洋官兵先后攻击沉其舟六擒斩九十五名颗并列有功效劳文武诸臣应叙赏例 上命赏巡抚吴善言银二十两纁丝二表里总兵吴国银二十两兵备唐本尧等各十五两游击张澡等银有差其获功被伤官军俱升赉如例

○升广西按察使孙光祖为湖广右布政使山西左参政贾待问为山西按察使

○己丑命大同入卫游击彭时万充参将提调宣府南山

○月犯南斗魁第三星

○庚寅大学士张居正张四维申时行考察遵例自陈 上温旨慰留不允○辛卯吏部尚书王国光侍郎赵贤王篆左都御史陈爌副都御史高文荐金都御史胡纘户部尚书张学颜侍郎胡执礼礼部尚书徐学谟侍郎林士章何籬文兵部尚书方逢时戎政尚书杨兆侍郎吴兑王一鹗刑部尚书严清侍郎刘一儒刘思问工部尚书曾省吾侍郎金立敬王友贤掌詹事府事侍郎余有丁詹事侍读学士许国掌翰林院事少詹事陈思育通政使倪光荐大理寺卿张卤太常寺卿阴武卿太仆寺卿朱南雍光禄寺卿萧廩顺天府尹施尧臣国子祭酒周子义等各以考察自陈 上命国光等供职友贤致仕南雍调南京用

○兵部覆总督两广侍郎刘尧海具题二〈娼弊-金〉其一谓东山等处已招徠浪各贼出没剽掠夺印杀吏戴罪副总兵陈璘领官兵深入搽剿擒斩俘获三百六十六名请复璘俸免令戴罪其一谓倭番二寇并犯镇守广东总兵官黄应甲领官兵追剿斩获倭首二十五级番贼一百八十六级夺回被掳男女二百六十九名口船二十余只请赐优叙其余文武效劳有功诸臣及军丁甲长阵歿中伤人等俱宜量行奖赏
上以尧海节次获功命录二子入监读书余俱如拟

○海西古城等卫女直都指挥同知兀堵等进贡赐赉如例

○癸巳升陕西副使朱孟震为山西左参政

大明神宗显皇帝实录卷之一百九

万历九年二月乙未朔 上御皇极殿辅臣张居正等进右中允高启愚等二十五员各撰诗颂上命留览

○吏部考察京官光禄寺署丞萧德辉等及先经奉旨罢斥原任刑部山西司员外郎艾穆等共二百六十四员诏黜降如例

○丙申 上致斋文华殿

○丁酉祭 先师孔子遣大学士申时行行礼 上斋居手书二对句一曰静里收心涵養吾之德性一曰闲观图史知邪正命辅臣及日讲侍直诸臣拟对进览辅臣张居正等言伏蒙发下对句二联命臣等属对仰惟 皇上天纵睿明日新 圣学至如收心養性等语又以见圣志清明好尚端雅不胜忻忭谨各拟对二联呈上睿览

○戊戌 上亲祀 帝社稷

○己亥辅臣张居正等题先蒙发下玄兔图卷令臣等及翰林诸臣题咏该臣等三员先已恭撰自书进呈外今将翰林诸臣所撰诗章共三十三首进乞 圣明裁训翌日上览毕发下命各登卷以进

○命神机营右副将胡仁守充后军都督府佥书
庚子裁革省直保定等府同知通判及州判丞簿仓巡等官共五十五员

○壬寅升兵部员外裴赐为河南副使江西右参政唐汝迪为广西按察使浙江副使吴自新为本省右参政陕西右参议刘应元佥事任彬广东左参议刘倬四川左参议张稽古俱为本省副使原任山东副使张国修为陕西副使原任云南副使郑岳为广东副使裁革原任陕西右参政兼佥事王汝梅改补陕西右参政升湖广永州府知府华启直为贵州副使

○广西左布政使郑云璫以疾乞致仕许之

○癸卯祭 大明于 朝日坛遣公徐文璧行礼

○陕西贡市竣赏督抚郅光先等银币有差

○户部题覆河南抚按褚鈇许子良奏称所属州县额编驿递银四十五万一千六百两裁过十万有奇今遵旨查核复裁十万有奇止编二十四万七千七百两通行各属永为遵守得旨依拟行

○考选军政都司许登瀛指挥侯汝谏等留用黜革如例

○南京兵科给事中李国观御史张一鯤等以军政拾遗论劾宣府总兵麻锦福建总兵呼良朋贵州总兵郭成南京守备魏国公徐邦瑞广东总兵黄应甲副总兵陈璘南直副总兵郭坚四川松潘副总兵胡恩五军营左副将焦泽延绥参将濮东阳等当罢斥兵部覆请得旨黄应甲陈璘留用麻锦呼良朋降三级着策励供职胡恩郭坚革任

○甲辰 孝贞纯皇后忌辰 奉先殿行祭礼遣伏羌伯毛登祭 茂陵

○祭 三皇于 景惠殿遣侍郎何雒文行礼

○左通政陈学曾右通政郭廷梧大理寺左少卿臧惟一右少卿刘良弼鸿臚卿贾名儒提督四夷馆太常少卿蒋遵箴太常少卿林景旻陈三谟太仆少卿刘世曾裴应章乔因阜顺天府丞赵焕各自陈不职吏部覆请得旨陈学曾等照旧供职郭廷梧陈三谟调南京用

○升贵州副使余一龙为江西右参政河南僉事胡时化为广东左参议湖广僉事傅霖为陕西右参议河南僉事王胤祥为四川左参议○是日 上命文书官丘得用传谕内阁欲将永年伯王伟弟男加恩授职辅臣拟王伟弟俊男栋各锦衣卫正千户顷之得用复传 圣意曰正德年间皇亲夏助等俱授锦衣卫指挥使等官世袭今何止授千户又无世袭字样辅臣张居正等回奏正德间虽有此例至

世宗皇帝登极后悉已厘革凡皇亲授官大小虽不同皆不许世袭故太和伯陈万言系元配孝洁皇后之父伊男陈绍祖止授尚宝司承文官又查隆庆年间今

仁圣懿安皇太后之父固安伯陈景行伊男陈昌言初亦止授锦衣千户至 皇上上

两宫尊号方升昌言锦衣卫指挥僉事次男陈嘉言锦衣副千户 慈圣宣文皇太后父李伟封武清伯男李文全授锦衣卫指挥僉事次男李文贵授锦衣副千户俱无世袭字样当

先帝龙飞之日 皇上嗣统之初加恩陈李二家例止此 皇上虽欲优厚外戚岂可踰于

两宫皇太后之家乎今奉 圣谕令臣等改拟谨斟酌近例拟将王伟男王栋授锦衣卫指挥僉事弟王俊授锦衣卫正千户至世袭则 祖宗旧例决不敢违越次日

上复遣文书官宋坤传谕内阁令查德平伯李铭事例居正等复奏查得隆庆二年 穆宗皇帝封锦衣卫副千户李铭为德平伯铭为其弟锦衣百户李钰乞升锦衣卫指挥僉事比时并无荫授伊男官职事例至李铭故伊男舍人李鹤奏袭前职该部覆称皇亲封爵原不世袭特旨李鹤准授都督同知不为例臣等看得李铭系 先帝元配 孝懿皇后之父当授封之时并无恩例李钰虽蒙升职乃是于其祖职上加级非荫授也至其子李鹤当李铭在时止是舍人铭故后乃蒙特恩授今官亦非生前荫授也臣等窃谓若比前例反为太薄不如仍用臣等昨日所拟似为极当 上允之

○工科给事中刘弘海题为敦俭朴省织造以光 圣德事伏读 祖宗谟训见我

成祖服敝垢之衣语侍臣曰朕虽日十易新衣未尝无但自念当惜福故每浣濯更进因备称太祖见 高皇后躬补缉喜曰富贵勤俭若此正可为子孙法故常守先训不忘此 祖宗家法正

陛下所宜恪守勿替者今织造样制新巧繁多其于

二祖之意谓何矧迩年边境桀虏肆侵东南洪水重沴元气稍稍虚惫矣伏愿 皇上守崇俭惜福之训敦悯灾省费之实将已前未完段疋姑暂停缓近降新样必不容已量酌减数庶节俭以昭财力不匮而 圣德光于天下矣既部覆请如科臣言

上命新旧兼织机匠不必增添其新样改派苏杭抚按官督造角□羊用

○乙巳升湖广右布政使孙光祖为广西左布政使荆州知府秦宠为广西副使

○丙午 上御经筵

○遣顺天府官祭 先农之神

○升广东右参议王来贤为贵州副使河南怀庆府知府曹子朝为湖广副使除原任山东右参政郝杰为河南右参政兼佥事

○巡按顺天张梦鲸以泰宁卫都指挥佥事虎秃罕虎兔孛来朵颜卫孛儿□福余卫脱力赤蟒吉儿在边向化有进马劳乞加衣一袭表里三随贡关领以劝忠顺诏可

○汰苏松徽宁兵备所辖官兵七百七十九员名岁省饷六千六百两有奇

○丁未 上视朝○升河南按察使安嘉善为湖广右布政

○给事中秦耀御史钱岱等以考察拾遗论劾兵部尚书方逢时南京礼部尚书陶承学工部左侍郎金立敬丁忧刑部左侍郎王宗沐南京户部右侍郎程嗣功大理卿张卤巡抚甘肃候东莱原任听调巡抚曾同亨顺天府尹施尧臣巡抚云南饶仁侃南京掌院事右谕德范应期等不职当罢既而南京科道外吴琯杨际熙等复糾逢时宗沐嗣功尧臣东莱及侍郎胡执礼等宜罢陶承学宜致仕得旨方逢时程嗣功留用陶承学王宗沐金立敬侯东莱曾同亨致仕施尧臣饶仁侃各降一级调外任张卤范应期调南京别用胡执礼策励供职

○祭 历代帝王遣公徐文璧行礼 ○陕西宁夏督抚郅光先等条陈四事一花马池兴武营中卫俱屯兵贮饷之所城垣土筑应用甃石包砌玉井营宜另建甃城添兵防守一贺兰山一带关口三十七处关墙数重近皆倾圯宜循故址以渐修复广武边界抵中卫至镇关墩原筑边墙高抵不齐难恃防守应加高厚一东中兴武三路边长兵少不足战守乞将议免入卫新游兵并镇武奇旧二营官军就近土居照数兑拨加添操备一兴武广武二营协同职衔体统稍轻乞更名游击仍管前项信地部覆从之

○戊申总督蓟辽梁梦龙宣大郑雒狭西三边郅光先两广刘尧海漕运凌云翼巡抚顺天张梦鲸辽东周咏保定辛自修浙江吴善言山西辛应乾应天孙光祐大同贾应元宣府张佳胤江西王宗载湖广王之垣广西郭应聘山东何起鸣河南褚鉄福建劳谦陕西李尧德四川张

士佩宁夏萧大亨延绥宋守约南赣王廷瞻贵州王缙郟阳杨俊民各以考察自陈诏俱照旧供职

○升河南道御史李栻为浙江副使浙江道御史陆万钟为广东右参议翰林院修撰范谦为福建左参议吏部主事成逊为山东左参议翰林院编修赵鹏程为河南右参议兼佥事福建道御史甘雨为福建佥事山西道御史刘致中为陕西佥事兵科给事中费尚伊为四川佥事

○升河南左参政丘岳为本省按察使

○己酉考察南京庶官六十七员黜降如例

○庚戌上视朝赐驸马都尉侯拱宸诰命及冠服仪伏鞍马

○南京吏部尚书何宽户部王好问兵部潘季驯刑部陈瑞工部杨成右都御史刘斯洁总督粮储右侍郎程嗣功大理寺卿陈道基太常卿陈联芳应天府尹刘志伊光禄卿郑钦太常卿李辅国子祭酒戴洵各以考察自陈上命联芳致仕余供职如故

○祭京都太仓之神遣侍郎胡执礼行礼

○遣顺天府官祭宋丞相文天祥

○兵部尚书方逢时以屡经论列三＜嬖孽-金＞乞罢上以大阅伊还命安心供职不允辞

○辛亥升山东副使周思稷为河南左参政

○壬子上御文华殿讲读

○癸丑景皇帝忌辰遣宣城伯卫国本祭陵寝

○改补钦依裁革原任浙江副使刘浑成为山东副使

○兵部题隆庆大阅例先期请钦定文武大臣二员提督守卫并九门各差京堂官锦衣卫官及废将一员监守上曰前此大阅偶因边徼故各门戒严今时不同只照郊坛例行以武清伯李伟守卫○甲寅巡抚广西右副都御史张任卒诏赠兵部左侍郎荫一子入监读书给与祭葬任山西人部称其清谨素著在任有平妖功复卒于官虽三品未经考满得旨照例加优

○乙卯辅臣张居正等上言先该臣等题请命翰林诸臣将累朝宝训实录摘其切于君德治道者分为四十款次第纂修陆续进呈随该讲官何籬文等以所辑第一款俱

太祖高皇帝开天肇基之事具稿到阁臣等稍为更定勒为创业艰难上篇僭题其名曰训录类篇缮写进呈伏乞 圣明裁定俟日讲之日遵照前旨于文华殿如先年进讲帝鉴图说例从容讲角□羊一二条以后每纂完一卷即次第进呈接续入讲庶于圣学圣政少有裨益上欣然留览

○蓟镇三屯营喜峰口各地震○辽东总兵李成梁击虏于柵 □粤郎兔败之时东虏土蛮黑石炭等糾众谋犯广宁屯住边外成梁侦知之于十九日督兵从大宁堡出境昼夜驰进离边四百余里至地名袄郎兔遇虏迎敌成梁督前锋精锐奋勇夹击自辰至未虏披靡败遁我师团营回次日虏复来追袭官兵回迎奋击且战且行二十三日五鼓入境在阵斩获虏首三百四十三颗内有名酋首阿亥恰脱奈等八颗达马四百三十匹夷器八百有奇捷闻上遣官祭告 郊 庙文武百官各称贺

○福建道御史安九域勘上倭犯彭湖等处功罪官兵先后犁倭船伍擒斩倭贼二十名颗夺回被掳三十一名兵部覆请诏赏副使徐汝翼都司秦经国银各十两把总吴一封俞咨益失于追逐夺俸三月○调镇虏堡守备郭朝纲于弘赐堡以正兵营千总王德义升补

○录辽东长宁等堡获功阵亡官军李宁等四十二员名升赏如例

○月犯心宿东星

○丙辰革山西行太仆寺卿章甫端职闲住以巡抚王之垣劾其原任兵备举动乖张也

○海西弗思木等卫女直都督僉事并台等一百八十九人赴京进贡宴赉如例

○丁巳 上视朝以大阅扈从赐辅臣张居正等大红彩织蟒衣一袭蟒鸾带茄袋花绦银椰瓢五事并扈从文武诸臣大红罗纁鸾带等有差

○命编修盛纳充编纂六曹章奏官○升右给事中李廷仪周邦杰尹瑾萧彦为左给事中史继辰为右给事中廷仪吏科邦杰户科瑾兵科彦工科继辰礼科

○河东巡盐御史房寰上言辽沁六州县旧食河东引盐路远难至亏额病民乞改行太汾票盐照例抽税供边官民两便部覆从之

○戊午清明节遣侯李言恭蒋建元伯李应臣杜继宗陈景行分祭诸 陵伯张元善祭景皇帝陵寝都指挥僉事蒋克谦祭 哀冲 庄敬太子坟所己未升礼部左侍郎林士章为南京礼部尚书

○仓场左侍郎胡执礼以人言乞罢诏照旧供职

○升巡抚顺天右佥都御史张梦鲤为右副都御史巡抚甘肃地方

○调大理寺卿张卤为南京太常寺卿以巡抚山东右副都御史何起鸣为大理寺卿起原任太常寺少卿吕藿为太常寺少卿○庚申升都察院右副都御史高文荐为工部左侍郎太常寺少卿林景旻为南京右通政山东左布政王宫用为太仆寺卿

○以浙江布政使朱卿为顺天府尹

○原任镇守宣府总兵官马芳卒赐祭葬如例芳故夷产勇敢善战练习夷情尤善抚养家丁临戎对敌斩馘最多一时边塞倚之称名将云

○巡抚大同贾应元巡按直隶茹宗舜＜娼弊-金＞称乐昌王自嘉靖三十三年奉旨迁移朔州而本府奉国将军廷土□道廷宣□佳廷塘廷址故违明旨延住镇城内廷土□道廷宣□佳尤为稔恶乞分别罚治其镇辅奉国将军中尉仪宾等俱延挨未迁合无姑准镇城居住悉听代府铃束应支禄粮仍在大同关支至请名请封等项仍启乐昌王依例奏报礼部覆请得旨廷土□道等各罚禄米一年廷塘等半年各宗都免迁移着代府铃束其名封等项应否亦听代府类奏

○辛酉 上御文华殿讲读

○火星顺行犯井宿北第一星

○癸亥 上视朝兵部引奏大选官员 上亲裁决如制

○顺天府尹施尧臣以拾遗降调奏称衰病不堪再任查例乞恩原职致仕许之

○升大理寺右寺丞郭思极为左寺丞江西道御史邵陞为右寺丞

○诏裁减湖广驿递银六万六千二百五十两实编银一十二万六千七百九十两有奇从抚按王之坦等议也

大明神宗显皇帝实录卷之一百一十

万历九年三月甲子朔升山东右布政使管理漕运事游季勋为浙江左布政使以右布政使杨一魁为本省左布政使副使袁弘德为山西行太仆寺卿兼佥事

○升吏部文选司员外署郎中事池浴德为太常寺少卿

○以大阅发太仆寺银三万两给赏各营军人三钱

○减杭州等府额编驿递银一万七千七百三十两有奇米一百五十石永免派徵从浙江抚按议也

○乙丑以礼部右侍郎何维文为左侍郎升詹事府詹事兼翰林院侍读学士许国为右侍郎仍充副总裁专管纂修事

○诏升抚治郕阳右佥都御史杨俊民为右副都御史巡抚山东其郕阳并顺天巡抚官设自何年今应否裁革查议来说○以都察院左佥都御史胡纘为左副都御史

○升太仆寺少卿刘世曾为右佥都御史巡抚云南等处地方

○除原任四川左参议苏民牧为山东左参议兼佥事

○升山东按察使翟绣裳为本省右布政使

○海西哈儿等卫女直都指挥佥事僦龙哈等入贡宴赉如例

○兵部覆保定抚按官张鹵等〈娵𠂔-金〉称易州城工完先今效劳官宜分别叙录上曰内地修理城垣是地方官应行常事本等职业与边工不同如何便议升赏着抚按官查实在效劳人员量行犒赏其司道等官该部纪录并以为例

○丙寅大阅是日早遣临淮侯李言恭祭旗纛之神上幸阅武场亲阅营阵并较诸将佐马步射命侯吴继爵伯毛登侍郎赵贤胡执礼分阅官军○丁卯上御皇极殿总协戎政彰武伯杨炳等以大阅率将佐上表谢恩文武百官致词称贺

○以大阅礼成诏百官免朝参放假三日军士免操十日

○是日上谕兵工二部近年两厂所造盔甲俱粗糙不堪徒费钱粮无益实用着照昨营中式样另造五千副给与官军披戴每一年造千副限五年通完或将先年未完交进者相兼改造着兵工二部议处来说后二部议上得旨这盔甲系特旨传造务要打造精坚足堪实用以副

朕诘戎利器之意

○己巳升陕西右参政张九一为山东按察使

○录大阅劳赏总协戎政杨炳等银币并应赏官刘应麟等有差

○庚午辅臣张居正进大阅图并诗颂 上览嘉悦赐白金一百两彩段四表里是日
上谕兵部朕昨大阅见营中军士辛苦每名各赏银二钱

○辛未兵科都给事中王致祥等以辽左屡招掳陈善后四事一议边远充军言辽左累岁兵荒荐遭杀戮丁壮略尽乞将各省充戎军犯尽角□羊辽东锦义诸卫所以实穷边着伍之日即给与月粮房田仍加意抚恤勿致逃亡一议阵亡马价言各镇倒死马匹俱桩棚补买法至良便乃辽东各军月粮才二钱五分每岁倒马不可数计不得不取给余丁年复一年百姓之脂膏尽矣合无每年量增马价二万听抚院分发各路专备临敌倒死马匹之用一议蓟镇应援言丑虏抢节抢年其势飘忽如风雨即本镇应援犹不及况调远戍之兵收一击之奇乎莫若于冬防吃紧之际择蓟门信地少缓者简精锐一枝预住宁远相机接应一议西夷青把都蟒古大哈不慎等阳顺阴逆受赏于宣大入犯于辽东乞敕宣大督抚严行顺义王责问晓以祸福小则罚马大则革赏以警将来蓟辽总督梁梦龙等亦条上三事议增月粮补丁伍给马价<娼弊-金>俱下部部议发兵驻守事属阌外应行督抚酌议辽饷视诸边为甚轻然河西虏患甚急河东稍缓乞止将河西月饷足每月四钱数其马价宜每年发太仆银一万备该镇买补用

上曰辽东地方屡被虏患军士疲苦两河官军月粮准一体加添足四钱数余俱依拟行

○升陕西平凉府知府张崇谦为本省副使

○甲戌 上御文华殿讲读是日辅臣初以训录类编进讲 ○户部覆科臣周邦杰<娼弊-金>请令顺天巡按将顺天库贮并所属州县一应钱粮照例每年清查免科臣题差查盘从之

○蓟辽督抚梁梦龙等题称遵化铁冶厂每年额办课铁二十万八千斤计价不过二千七百两而专设官吏军役等费逾万金宜尽行裁革将额徵银两角□羊部买铁支用其柴薪车辆等项银悉免金派以苏民困部覆从之

○乙亥命协守蓟镇东路副总兵曰福充神机营右副将

○升广西永宁参将于嵩充副总兵协守潮漳等处地方专驻南澳广西思恩参将李应祥充副总兵分守四川松潘等处地方

○戊寅下原任总兵张臣傳津巡按御史提问以臣署印擅用题奏津擅自离任也

○己卯 上视朝以辽东大捷遣官奏告 郊 庙 鸿 臚 寺 宣 奏 捷 音 百 官 致 词 称 贺

○海西亦思察河等卫女直夷人都指挥佥事往吉奴等一百四十九员赴京进贡宴赉如例

○庚辰都察院覆题辽东抚按周咏于应昌会勘刘台赃罪言台赃私狼籍遗羞风宪乞行江西抚按严提归结既而江西巡抚王宗载巡按陈世宝复会奏台谰言乱政且合门济恶应拟边远充军原领诰敕应追夺类缴有旨如拟台既以＜娼弊-金＞攻辅臣得罪一时诸臣承望风旨故再得重谴云

○辛巳仓场左侍郎胡执礼以疾乞休许之

○定直隶府州县积谷分数酌上中下三等

○原任大学士李春芳乞母祭葬诏如例仍加祭一坛

○铸给整理西安兵粮清军驿传屯盐水利道及府江兵备兼分巡道关防

○发太仆寺银二万两于宁夏备互市用

○命南直刘河游击濮朝宗充广东参将分守雷廉等处兼管白鸽水寨○兵部以辽东大捷请先行赏后勘 上命先赏李成梁大红纓蟒一袭余同梁梦龙周于德等各银币有差其应叙录功次令巡按御史作速核勘具奏

○命原任蓟镇副总兵史宸充副总兵协守蓟镇东路伍军营游击刘应□充参将分守延绥孤山等处地方

○巡按江西陈世宝＜娼弊-金＞言犯官邓子龙赃罪应徒赎革任上曰子龙既智勇可用□□ 无重情着纳赎还职遇缺推用

○壬午造 大祀十一章袞服皮弁服遣侍郎高文荐行礼

○乐亡安王多塘等奏称高墙释放已故庶人拱柁等子孙乞照例赐给名粮礼部 罪宗名粮因其据例奏请一概给与中间不无诡混之弊且生息日蕃请求无已将来何以应之臣等酌议就中分为三等如犯党逆干纪者子孙蒙恩宽释已为厚幸岂可复许滥请名若系败伦伤化强盗人命等情者许请名之后岁给粮十二石以终其身不得议及后裔其止犯越关讐奏等项者照例准赐名岁给口粮子孙如之庶各宗情罪既明朝廷恩施有节其拱柁等所犯情罪轻重乞行江西巡按查明具奏以凭分别覆请上谕拱柁等情罪深重子孙得从宽释已是恩恤不宜又给与名粮

○大同抚按贾应元等奏称太平王鼐铉系代恭王庶长子先年误听群奸冒违祖训蒙恩容令戴罪管事钦限五年已满本王惩创修省众口称贤乞准袭王爵以慰宗藩上曰鼐铉既改过自新协于公议准宥罪袭封

○升南直圖山游击朱先为广西左参将分守浔梧等处地方

○癸未职方郎中费尧年查勘蓟昌二镇边工蓟镇修边墙五千三百六十三丈敌台一百一座铲削偏坡五百八十七丈建潮河川大桥一座昌镇修边墙四千六百四十一丈敌台十座铲削偏坡五十五处俱高坚壮丽钱粮更无破冒兵部乞录该镇效劳诸臣上以蓟昌密迩京陵与寻常边工不同诏加梁梦龙太子少保戚继光荫一子锦衣卫百户杨四畏升右都督张梦鲸升俸一级该镇文武升赏有差仍敕叙录后阅视不得再叙如有损坏虚冒仍照前旨查参其余紧要隘口即自十年兴工不必拘定递歇之期惟延绥等处入卫边兵今后再不许用做工务加意抚循養其锐气以备防蓟援辽调用

○甲申裁革应天福建仓大使等冗官四十六员

○诏旌表武学生尹文妻丘氏氏工部郎中丘瓚女幼适文文病危氏即以死誓文死尽鬻衣饰为夫及己营葬具乃拜辞舅姑水浆不入口凡十四日而绝御史邢侗上其事故有是命

○升湖广武岗守备王惟一为本省行都司佥书

○命南京锦衣卫佥书景应光掌南京锦衣卫事
乙酉升刑部右侍郎刘思问为户部左侍郎总督仓场

○总督南京粮储户部右侍郎程嗣功乞致仕许之

○巡抚宁夏萧大亨题称万历九年互市以八年用过钱粮为则例计少银一万七千余两乞于本镇客兵银二万两内动发一万两以备本年互市应用以后年分定为规则照数给发部议互市羁虏固不可骤行减赏亦不可每年加增万历七年以虏王俺答东归该镇请讨客兵银四万两本部酌发银二万作八年年例备互市支用今复请讨客兵银一万两作九年互市又欲开销借过银两费溢往时年复一年何所底止臣等酌议客饷当每岁量支主饷当禁其再借乞将陕西布政司库贮□税盐课等银共足一万之数听备该镇九年互市以后年年分准发客兵银一万两不许将主兵银擅行借支上如部议

○命中都留守司协同佥书杨森掌江西都司事云南都司佥书赵琼掌本省都司事

○巡按山东于应昌奏称勘过万历八年夷酋王兀堂糾众入犯宽奠副总兵姚大节督兵迎敌出边追击克破巢寨斩首六十七级内有贼首金继道等三名大节应加府衔守宽奠指挥佥事王懋德亦应免究有功员役应行升赏

上命升大节署都督僉事余依拟行

○应天抚按孙光祐陈荐题称徽宁池太安广六府州所属驿递节年支剩银一万八千六百九十两有奇抵充万历九年分应编支应等数各府州应编站银自十年为始每年共减编一万九千七百五十两有奇永免派徵实编六万八千一百三十两有奇乞通行遵守部覆从之

○命提督京城内外巡捕王化熙僉书南京前军都督府事

○丙戌升神机营佐击孙锦充五军营游击

○戊子赐寿阳长公主庄田二千五百九十五顷八十二亩

○己丑海西弗提等卫女直都指挥僉事赛别秃等一百五十人赴京进贡宴赉如例

○总督宣大郑雒等题称处夷马以安军民壮营伍<娼弊-金>下兵部覆议该镇每年照宣大事例将各营路应领马军士预派拨赴市场候开市时行太仆寺官移驻水泉营督监市委官将所易夷马堪冲战之用者给军领回该道印烙准与骑操其羸瘠不堪者即行给发变卖每匹估价务从宽减宁使军沾余利不得致累包赔若市本不敷准于岁省客饷银内量为裒益年终开销奏报各营孳驹亦照议报官估验给步军相兼孳牧诸凡验驹给赏置立循环等项悉听便宜着实举行不得拘泥各生意见致误大计其先分各州县领卖包赔之毙宜俱行禁止上如部议仍敕这事情督抚所见既微有不同各奏都该写来以便裁酌以后记着

○兵部上言巡捕提督职任与京营副将同副将员缺近奉明旨听本部径推今巡捕员缺合无听本部径行推补永为遵守报可

○庚寅礼部题覆 显陵祠祭署掌祀官戚臣蒋华奏称 世宗朝 二圣忌日清明霜降四祭令镇守勋臣行礼有故令华代摄既而裁革勋臣四祭复归华行礼今华年老所掌各祭精力不能周旋乞照勋臣有故例更议代祭臣等议得奉祀等官秩卑岂宜对越然华亦时有别故礼难虚旷乞暂准彼处分守参议代摄上仍命蒋华祀不得他倖临期如有别故许令分守官暂代

○诏追封载增为益王郑氏为益王夫人给与谥号册文从子益王翊釬请也

○礼科都给事中帅兰等条上学政八事曰文体宜正试规宜详类考太狭注报太虚汰冗近疏拔贡近骤浮竞未杜侈靡未禁 上如其言仍敕提学官推举考察俱吏礼二部会行奏内款开积毙皆提学官不得其人之故该部科宜从实参奏请旨降黜积习自变徒空申饬何为

○辛卯升南京大理寺卿陈道基为南京户部右侍郎总督南京粮储

○裁革浙江布政司等衙门都事等官二十员

○壬辰 上致斋文华殿

○癸巳 上斋居亲洒宸翰赐三辅臣张居正曰总百官张四维曰德惟一申时行曰同心匡辟

○诏停差漕运理刑主事其理刑事务听总督官委所属从御史王国祚议也

大明神宗显皇帝实录卷之一百一十一

万历九年四月甲午朔 上亲享 太庙

○升巡抚南赣右副都御史王廷瞻为南京大理寺卿

○升昌平道兵备佥事岳汴为山东右参议永平道兵备副使雷以仁为山东右参政仍各兼原职录修边工也

○丁酉升南京鸿胪寺卿张焕为巡抚南赣右副都御史

○巡抚山西辛应乾等奏称去岁角□羊州夏县等七处旱涝相仍蒲州临晋等处秋禾将成复遭霜陨小民艰食乞将各处预备社仓动支仓谷六万四千七百三石零库贮无碍银一千五百三十两零及应动抚按纸赎银一千二百一十五两分赈被灾州县使军民共沾实惠上从之

○海西奴儿干等卫都督佥事等官汪撒等男孙阿儿吉纳等各讨袭替改卫换敕部覆如议

○兵部覆山西抚院辛应乾黄应坤各题称该省临汾同戈等驿递马骡夫役各照冲僻等则分数裁减其马骡头役令各州县召募殷实居民领银赴驿应差不许棍徒强揽横索奉旨召募一节令各该抚按官议处具奏如于地方不宜任从其便

○己亥巡抚广西郭应聘题称该省边方驿递额设太多北流海棠桥二递运所并马安广运罗思绣江富阳五驿地方偏僻绝无公使经行官吏俱应裁革部覆从之

○命分守宣府东路永宁等处右参将李真充副总兵协守山西地方驻劄老营堡○诏河南各卫所拖欠三镇班银自六年以前俱蠲免仍定宣大上班半年银一两二钱榆林上班一年一两四钱从巡抚褚鈇请也

○庚子 上御文华殿讲读是日赐三辅臣及讲官何籬文等彩扇有差

○兵部尚书方逢时累＜嬾弊-金＞乞休允之

○录万历八年铁岭获功阵亡被伤官军赵合等一百一十三名各升赏如例

○命神机营佐击林鹏充右参将分守宣府东路永宁等处地方
辛丑升南京尚宝司卿周弘祖为南京鸿胪寺卿

○升四川副使范燧为河南右参政云南佥事胡僖为本省右参议

○癸卯升南京户科给事中王蔚为南京尚宝司卿福建邵武府知府岳钟英为四川副使

○漕运尚书凌云翼以剥船不堪论劾原任监督参政胡定管厂员外陈瑛督理不严同知宋纯仁承委怠玩均应罚治上曰近来法令止行于杂流卑职姑息于科甲要官岂是公平正大之体胡定陈瑛虽已升任还与宋纯仁各罚俸半年以后凡有查参论叙都照这例行

○乙巳上谕礼部入夏雨泽愆期遣官祭告郊坛自十四日始百官素服致斋三日同圣母共发御前银一千两于朝天显灵宫修建祈禳自十四日起至二十日止俱停刑禁屠

○升云京云南道御史杨际熙为云南佥事

○户部郎中梁承学奏称查勘过凤淮徐三府所属共垦田一万一千八百六十余顷招复三千九百一十六户男妇一万六千五百一十九名买牛建仓等项用银四万七千九百四十两有奇但原报开田十分今计上二分招复人户十分今查止四分府州县治农等官均应参究部覆分别上请上以各官捏报招垦虚数罔上要功降周守愚二级余依拟行

○虜克石炭以儿邓小歹青等聚众从长安堡深入辽阳副总兵曹簠领兵驰追至堡东陷虜伏中杀伤千总陈鹏把总曹汝楫阵亡官军三百一十七员名射死马四百六十四匹掳去男妇二百九十八口牲畜粮米数百御史于应昌上闻因劾簠寡谋丧师都司张奇功策应观望备御崔吉等设备不严乞分别重处抚镇官素有功相应免究上命革曹簠张奇功任并崔吉等下巡按御史提问周咏等免究

○先是盗劫丹阳县乡官贺邦泰家科臣王致祥〈娼弊-金〉其事兵部言地方官不行奏报缉捕乃蒙蔽延迟如科臣所言该道府县罪固不可逃而抚按并应量加罚治上谓镇江失盗是去年秋间事其夥盗已于别处捕获抚按官如何说是十月间事上下蒙蔽法度不行职守何在罚孙光祐田乐俸三月李熙半年钟庚阳等俱住俸缉捕仍命有怠玩愒事者两京科道官劾奏

○丙午孝懿庄皇后忌辰奉先殿行祭礼遣庆都伯杜继宗祭昭陵

○丁未命总督蓟辽兵部尚书梁梦龙回部管事

○诏旌表汝阳王府已故镇国中尉睦挺恭人路氏子勤懿从河南抚按〈娼弊-金〉其母子节孝也

○礼部题覆衡府宁阳王载埈具奏冒嫡夺爵查得载埈系衡庄王庶五子与兄庶二子载圭同一妾母王氏所生缘载圭以庶长子进封亲王故王氏以夫人追封继妃载圭薨无子则庶三子载封以长袭兄爵似于伦序相应载埈惑于母氏封妃之故乃隐匿其父嫡妃于氏欲冒嫡挤兄觊觎王爵此必听信奸人拨置故敢妄陈乞再行查勘以服其心得旨该藩袭爵伦序

据牒册题例已开载明悉不必行查载封仍准册封载序匿情妄奏且不究辅导官并同谋拨置之人着巡按御史提问其亲王妾应否封为继妃还查明改正行

○发太仆寺马价银六千两于蓟镇充造新兵营房

○戊申调江西左参政萧遍为山东左参政

○己酉裁革江西陕西延绥邠阳等处司府州县佐贰杂职等官共三十一员

○户部题各省直抚按等衙门每年应角□羊赃罚银两赴部济边遵行已久但各官升迁事故接代不常以致未角□羊银两互相推诿乞通行抚按等官以后务将实在地方日月扣算每年照数依期完角□羊弗得仍前新旧相诿上曰赃罚银两未经奏留支销即系私用该部便行与各抚按官互相稽查曾否奏留作何支用作速具奏原无额数者还与酌量定额

○诏寿阳长公主五日一朝若遇节令不拘日期○山西蔚州地震有声如雷房屋震裂同时大同镇堡各州县俱地震有声

○庚戌

上御皇极殿传制遣西宁侯宋世恩等为正使持节翰林院修撰沈懋学等为副使捧册封秦世子谊湣为秦王进封代府太平王鼐铉为代王衡府武定王载封为衡王王氏为衡王妃益府世曾孙常＜嬰呿ǎ疾益世子夫人王氏为益世子妃辅国将军常溱为黎丘王常浆为浦阳王常汭为淳河王常汎为华山王常涑为筠溪王常潒为罗川王舒城府嫡长子翊银为舒城王吉府庶长子常淳为吉世子岷府善化王嫡长子干土□亩为善化王余氏为善化王妃崇府庶二子常□？水聿□为南阳王周府博平王嫡长子勤火□矣为博平王夫人刘氏为博平王妃仪封王嫡长子肃□？必皿□为仪封王鲁府庶六子寿鎡为富平王庶七子寿鋹为常德王庆府庶长子伸域为绥德王庶二子伸宣□佳为镇原王楚府庶二子华璧为宣化王襄府庶长子厚燧为镇宁王西域兵马副指挥洪一慎女洪氏为德府安陵王妃平凉府民王立新女王氏为韩府长吉王妃

○辛亥上御文华殿讲读有顷辅臣张居正等入至后殿讲训录毕以南科给事中傅作舟＜娵斨-金＞进览居正因奏云今江北淮凤及江南苏松等府连被灾伤民多乏食徐宿之间至以树皮充饥或相聚为盗大有可忧上曰淮凤频年告灾何也居正对云此地从来多荒少熟即如训录中所载元末之乱亦起于此今当大破常格赈济以安之臣等拟令户部议处动支各州县库银仓谷不足则南京见贮银米尽有赢余可以协济民惟邦本愿特加圣心

上曰依先生议处居正言皇上天性至仁爱民如子臣等每奏灾伤即惻然悯念凡请蠲请赈未尝不慨然赐允而臣等亦仰体圣衷无日不以忧民为心安民为事四方奏乞蠲贷拟旨允行者无月无之而在外诸司往往营私背公剥民罔上非惟不体

皇上子惠穷困之德意且不知臣等仰赞皇上之愚忠殊可恨也且人臣居官食禄皆有养民

之责故虞舜咨十有二牧牧者養也今有司坐视民瘼痛痒不相关如作舟<娼弊-金>云报灾则曰不敢报又云请赈则曰不敢请此亦何不敢之有不过推调支吾归过 君上何尝有忧民之心即如积谷一事屡奉旨申飭竟成虚文彼皆有自理赃赎未尝佐公家之急则将焉往臣等不胜愤懣窃以为此辈若遇 圣祖不知当以何法

上怒形于色曰有司为民害者当着实重处居正对云今后有犯者当如 圣谕居正复奏云近年以来正赋不亏府库充实皆以考成法行徵角□羊如期之故今大江南北荒歉如此河南又有风灾畿辅之地雨泽愆期二麦将稿将来议蠲议赈势不容已赋税所入岂能如往年惟皇上量入为出加意撙节如宫中一切用度及服御之类可减者减之赏赉可裁者裁之至如施舍一节尤当禁止与其惠缁黄之流以求福利孰若宽恤百姓全活亿兆之命其功德尤为大乎 上曰然今宫中用度皆从节省赏赐亦照常例无所增加居正云

皇上所谓常例亦近年相沿如今年暂行明年即据为例非祖宗旧例也臣不敢远引如嘉靖中 世宗皇帝用度最为浩繁然内库银两尚有积余隆庆初年东裕库尚积百余万今每岁金花银一百二十万按季预进随取随足常称缺乏有限之财安能当无穷之费乎臣等职在辅导为国家长久之虑不敢不尽言惟 皇上留神省察 上曰先生每忠爱朕知道了居正等叩头退

○命右都御史管兵部左侍郎事吴兑以原官总督蓟辽保定军务兼理粮餉

○壬子诏送琉球国官生郑周蔡常郑迪于南京国子监肄业

○癸丑 上御文华殿讲读有顷御后殿辅臣张居正等进讲训录是日吏部会推兵部左侍郎<娼弊-金>上列工部右侍郎高文荐巡抚宣府右副都御史张佳胤二人名以请居正因奏总督陕西三边员缺日久

上曰是郅光先居正曰光先近守制边务重大急须人代文荐堪任此职 上曰随材器使正好居正曰若待部推未免更淹时日不如即于此<娼弊-金>批出令其上紧往代嘉靖中 世宗用人间于旨内径批不由部推 上曰朕见

皇祖时票帖如此类者甚多先生每拟票来居正等出 上随令文书官趣票入即日得旨文荐改兵部左侍郎兼右佥都御史总督陕西三边军务而以兵部右侍郎王一鹗转左佳胤升右侍郎

○铸整饬兵巡下川南道管理清军驿传屯田盐茶水利关防二颗从四川巡抚张士佩请也

○乌思藏朵甘思宣慰等司国师喃哈孟喇麻温等进贡方物宴赉如例

○甲寅应天抚按孙光祐等题称应天苏松等十一府州县条编均徭里甲驿传每岁原编银八十七万八千六百三十余两今递减公费等银七万八千五百余两又改入平米银一万一千七百四十余两实编银七十七万八千三百八十余两乞刊册颁布以便遵守部覆如拟

○礼部奏题昨奉 明旨亲王之妾应否封为继妃臣等看得亲王庶子受封其母止封为夫人

此旧例也其后始议亲王袭封而嫡母不存其生母应封夫人者准封次妃又其后缘蜀王宣圻之请其生母应封次妃者加封为继妃夫继者绝而复续之谓也今制正妃故而遵例继选者乃谓之继妃以所生母而称之曰继岂所谓名正言顺乎此衡府宁阳王之拟嫡挤兄争端所由起也今后亲王生母止照正德年间例许进封次妃不得仍前滥请继妃封号乞永为定制上是其议

○乙卯户部覆南京给事中傅作舟奏南直灾伤〈娼弊-金〉上命南京户部发银七万两江北四万江南三万即差官二员分投赍付各抚按官查各在仓米谷及未角□羊南粮设法赈济务使贫民得沾实惠余俱依拟仍敕部曰朕自即位以来蠲赈之令无岁不下一切裁省清查亦无一念不在于邦民乃各地方官全不体朝廷德意剥下〈娼窗停炯贺泉闲兴骄茶慧滂沱6盈千百其号称贤能亦不过善于趋承结纳何有爱民实意即如积谷一节原以备赈亦都不着实奉行及至灾伤束手无策不知平日所理赃罚作何支销抚按相与朦胧欺罔及归怨朝廷饰非掩罪好生负国殃民且姑不查究今后再有这等拏来重处抚按官一体治罪

○户部进万历会计录先是尚书王国光辑部中前后条例编纂成书濒行奏上请刊布中外上览之嘉其留心国计命户部再加订证至是书成凡四十三卷名万历会计录部臣缮写进呈仍乞刊布上命留览依拟刊行仍送史馆采录

○丁巳裁革四川司府州县佐贰杂职等官共二十六员

○戊午升大理寺卿何起鸣为工部右侍郎

○南京试御史郭惟贤劾南祭酒戴洵庸肆不堪成均南给事中吴之美亦论操江都御史胡嘉谟庸劣并参洵乞俱罢斥嘉谟具〈娼弊-金〉乞罢部覆上请上命嘉谟回籍調理洵调外任用洵具奏乞休着以原职致仕

○己未吏部题称抚治郧阳都御史添设百余年来更置州县安集大定且三省各有巡抚而郧阳所属有参政副使四员使能协谋夹持必不误事抚治都御史似当裁革至顺天地方先年原未设有总督止巡抚一员至嘉靖二十九年始设总督而疆场不过千里查得淮扬两广总督俱兼巡抚彼地方辽远且然况密云去遵化止二百余里则顺天巡抚委宜裁革归并总督兼管上从之仍命总督吴兑兼兵部左侍郎管巡抚事

○户部题称顺天八府州县丈出并首出宫勋备边牧马军屯等地共二千八百三十五顷有奇每年额徵银六千九百二十两粮二十四石有奇及勋戚新旧庄田一万一千五百五十余顷除成国公朱应桢等应照旧管业其驸马戚畹子孙谢文铨等酌议减夺有差报可

○户部以外进金花不敷宫中用度太滥上言近日宫中赏赐或因一事偶加或因一事暂加遂据为例实非祖宗旧例也使时和岁稔小民徵输不欠有司角□羊运依期臣等犹望皇上

严谕内监加意撙节停止买办银两以复旧额况今江北江南天灾流行民多饿莩止计金花一项拖欠已多糊口无资钱粮何办若不预行题请临期有误恭进伏乞俯念地方灾伤一时起运不敷少宽限期改于本年六月初旬待各省角□羊到前银一并恭进更望查复赏赐旧例查革额外增银是亦遇灾恤民之实政

上以端阳节近内库缺乏着暂于太仓银库凑数进用仍着上紧催角□羊补还

○调延绥副总兵陶世臣管分守蓟镇古北口参将事古北路参将杜桐加副总兵职衔调协守延绥等处地方从总督梁梦龙请以桐任事勤勇世臣熟知险隘兼得夷情故有是命

○诏再免河南班军三年扣价角□羊班以资修工造器从部覆督抚官郑雒等议也

○庚申虏酋俺答请讨番僧诏前番僧坚参扎巴等往事完仍回

○辛酉命巡抚宁夏右佥都御史萧大亨以原官巡抚宣府地方赞理军务○升巡抚甘肃右副都御史张梦鲤为大理寺卿

○先是巡按广东梅淳劾王朝兴赃迹甚多至是奏拟赎徒发原籍为民上曰王朝兴原劾赃私甚多及勘问通无下落止将一二轻赃坐罪若非先劾不实必是后勘循情王朝兴姑依拟前有旨各巡抚官访有所属官员恶迹或被告讦即便严提干证面质果有实迹方行论劾近来各官通不遵行始则轻行论劾以著风力终则模糊问拟图了前件以致公道不明罪有枉纵今后再有这等吏部都察院从公查参处治

大明神宗显皇帝实录卷之一百一十二

万历九年五月癸亥朔工部题覆河南抚按褚鈇许子良以地方灾疫乞将节年拖欠钱粮蠲缓得旨河南地方既灾重民饥各项拖欠钱粮准尽行蠲免以苏民困着抚按督率有司遍行晓谕使知朝廷恩惠

○甲子起原任南京户部右侍郎粟永祿为兵部右侍郎兼右佥都御史巡抚甘肃等处地方

○升太常寺少卿吕藿为南京右佥都御史提督操江兼巡江事

○巡按山西御史房寰参山西左布政使秦吉士钱粮出沒致騰物议奉旨照不谨例冠带闲住

○原任太仆寺卿朱南雍乞回籍调理许之

○礼科都给事中帅兰等题称迺者亢阳垂象日赤无光地震不宁金宿失色风霾连旬步占家咸称旱徵入夏雨泽愆期四方灾告者踵至乞敕各衙门除循例修省外务精白乃心夙夜不懈如有恣玩甘悖官常封殖不恤民隐者容臣等指实参究斯则上下交儆庶阴阳和而灵雨零矣部覆请严行申飭上纳其言

○诏给番僧朵儿只唱与僧徒歹鬼骨儿各救命图书从总督郑雒＜娼擗-金＞称顺义王俺答陈乞也

○乙丑以端阳节赐三辅臣及讲官何雒文等六员金书黄红符金艾叶有差

○铸武昌湖北上湖南下湖南荆西各分守道及辰州府管粮通判关防

○丙寅升兵科都给事中王道成为太常寺少卿户科都给事中郝维乔为江西左参政

○广东从化增城龙门等县大雨溪壑泛涨禾田尽没倾毁民居淹死男妇不计其数

○海西可令河等卫都指挥佥事等官脱脱等男孙□□邦手等十五名求袭替换敕兵部覆请许之

○丁卯升湖广左布政使晋应槐为右佥都御史巡抚宁夏地方赞理军务

○升右春坊右中允高启愚为南京国子监祭酒

○户部言勋戚庄田先因冒濫数多该屯田御史沈阳节行查出共地二万二千七百二十五

顷六十亩零每年徵银四万一百六十两有奇既经追还官即当照例徵银角□羊部而州县官不行严追容纵欺隐致原额渐缺乞将顺天保定河间三府节年备边银两严查有无侵匿其未完银两严限追究如仍亏原额并原经催各官分别参奏得旨允行

○录辽东宁远地方阵亡被伤官军任茂等三十八名升赏如例

○戊辰兵部题覆科臣抚按等官七<娼弊-金>皆谓镇江府丹阳丹徒二县自去年十月以来失事六次未获一人各官俱务欺蔽致黠恣纵横知府钟庚阳知县管应凤海防同知张廷榜杨栋等当照例降调兵备李颐巡按田乐等并乞再加罚治 上曰地方屡次失事各官通不申报反威吓失主不许告认又不亟行缉捕以致盗贼公行良民被害本当都挈问姑从轻钟庚阳张廷榜着各降三级调用管应凤杨栋降边方杂职徐桓到任未久与李颐吴继臣等俱住俸戴罪缉捕田乐再罚俸半年

○山西抚按辛应乾黄应坤参宁化王府庶宗伴哥逞忿行凶弑母杀弟罪恶异常乞从重处置以为宗室悖逆之戒 上以逆宗罪恶深重着照英耀例即便斩首以示仍焚尸不与葬埋

○己巳 孝宗敬皇帝忌辰 奉先殿行祭礼遣官祭 泰陵

○庚午巡抚大同贾应元巡按茹宗舜<娼弊-金>劾饶阳王府镇国中尉廷<娼疗停韭撼峭醺奉国将军俊惇镇国中尉充□□火等先是以阻挠大地奉旨戒飭已而充□□火病故俊惇等称赴关陈情擅出镇城项插黄旗书阑当者斩潞城王充煜坐视群宗出城若罔闻知太平王鼐铉不行参奏长史王明辅署教授胡官辅导失职乞分别处治户科给事中郝维乔等亦具<娼弊-金>参糾因言该省委官宜遵奉 明旨将应查地土依法查核及称宗室置种军民地土不特代府为然乞通行天下王府各严谕宗室凡置买军田土俱听抚按官查勘明白照例纳粮止许佃户耕种不许私出城郭礼部覆议上请 上以各宗擅出封城猖狂无礼俊惇革为庶人充鲲充□充鲈各革禄米充煜罚禄米半年仍敕各该抚按大田均粮但有抗违阻挠不分宗室官宦军民据法奏来重处○辛未 上致斋文华殿

○以夏至祭 地方泽请 太祖配神遣驸马许从诚告 太庙

○裁革南京中左二府锦衣卫各金书大教场等营把总八员从南兵部尚书潘季驯议也

○壬申 太祖高皇帝忌辰 奉先殿行祭礼

○诏裁革南赣贵州司府县驿等官共十员

○甲戌夏至祭 地于 方泽遣公徐文璧代侯吴继爵孙世忠尚书王国光徐学谟分献 仁宗昭皇帝忌辰 奉先殿行祭礼遣崇信伯费甲金祭 献陵

○升山西按察使贾待问为湖广右布政使

○升礼科左给事中姚学闵吏科左给事中李廷仪俱都给事中礼科给事中张养蒙刑科高尚忠工科万象春吏利王敬民俱右给事中学闵户科廷仪工科养蒙吏科尚忠户科象春兵科敬民工科○乙亥命翰林院侍读田一俊修撰黄凤翔编纂六曹章奏

○丙子命翰林院编修盛纳刘虞夔简讨王祖嫡管理诰敕编修张嗣修冯琦简讨余继登敖文祯内府书堂教习

○升原任礼科左给事中齐一经为吏科左给事中

○升山西右参政张柱为本省按察使

○户部题覆凤阳抚按凌云翼等奏称淮安府属安东县治滨临河海嘉靖间河决草湾口水势直趋该县田土淹没后虽筑塞冷沙淤积不长五谷前巡抚胡桂芳有废县之议今两河工完草湾口渐复淤塞而土民安土重迁俱不愿废况该县盐盗充斥废县必须设兵反滋多事县治仍旧存留惟一应差粮须破格优处乞严敕该县掌印治农等官用心抚绥设法招复勿滥准词状以生骚扰勿过索供费以肆诛求如三年之内民安地垦县官＜娼弊-金＞荐擢用不职者即行参处＜娼弊-金＞入允行

○丁丑南京右都御史刘思洁＜娼弊-金＞言京察重典河南道职专咨访以备参酌而御史陈王道屡行催促竟无一字呈报怠肆偷安蔑弃大典乞查照议处以为人臣不职之戒诏降一级调外任用

○工部题称永陵宝城黄土自嘉靖十八年以来至今四十二年不为不久乃十分尚亏其八谨稽往牒参以时宜条为六款乞 圣明裁定施行 上曰 皇祖宝城培土如何四十余年尚未完就这工程重大若用陵军班军未免又耽延时月终无完局依拟通行雇募刻期报完其应用钱粮着户部太仆寺查堪动银两酌量协济事例准再开三年余俱依拟行朕前恭谒陵寝见 昭陵宝城亦欠高厚着一体加培俱不许苟且了事

○戊寅升山西副使梅友松为本省右参政

○诏释高墙庶人倪府□火宪＜城鸾豕拘駱i家属

○己卯巡按陕西御史赵楫论劾洮岷兵备右参政马出图年老敕令致仕

○庚辰升山西佥事季遐龄为本省左参议

○裁革湖广总兵官掣回怀宁侯孙世恩到京听用

○辛巳升湖广右参政马文炜为本省按察使陕西西安府知府罗维垣为本省副使

○户部题覆光禄寺卿萧廩奏言大官等署白粮先年入浮于出寺臣虑其朽腐条奏本折间年一派及人匠粟米折银改支白米近年存积数少恐后供应不敷今岁东南岁饥姑准再折一年十年以后通派本色以十分为率每年上米准折二分中米准折一分永为后例其人匠粟米照旧折银不得仍支白米从之○癸未升户部署郎中事主事张惟诚为山西佥事直隶广平府推官鲍希颜为湖广佥事

○铸督理马政关防从太仆少卿裴应章议也

○甲申以辽东屡被虏灾诏预支各军月粮三月

○乙酉升浙江衢州府知府陈涧为本省副使

○保定抚按辛自修等奏保定六府均徭里甲银计九十二万一千一百四十余两内角□羊部及兵饷等银二十九万五千八百二十余两无容议减其公费并工食等银六十二万五千三百一十九两先题议减银五万五千八百五十余两今复议减银六万两余实徵银八十万五千二百八十五两有奇乞刊行各属永为遵守诏如议行

○丙戌部覆南京屯田御史陈王道奏南京锦衣等四十二卫屯田坐落星散官舍豪民诡名冒种占为世业前委官清查丈出余地一千九百八十余顷科粮二千六百余石银三千一百余两行令各卫输纳更给新繇以便各军掺种从之

○锦衣卫乞裁五城及通州坐季千户二员百户二员以省冗散因言本卫以缉访为职间有不能悉知者多由五城兵马司密行申报近来往往隐匿容臣等行五城兵马司以后密报不得仍前怠玩上曰厂卫系缉事衙门非广布耳目何由摘发幽隐以后五城兵马司都着遵照旧规但有紧要事情即密行申报如有抗违参来重治前有旨禁缉各官宴会及馈遗贿赂近闻宴会复多馈送如故厂卫所缉何事着用心访着

○戊子 穆宗庄皇帝忌辰 奉先殿行祭礼遣隆平侯张炳祭 昭陵

○南京试御史徐金星论劾南礼部尚书林士章太常卿张卤不堪祀典乞赐罢斥吏部覆士章原无显过仍宜留用卤屡经论列似难展布
上令士章照旧供职张卤回籍听用已而士章引疾乞致仕许之

○蓟辽督抚吴兑等奏称开原逼近虏穴兵备官难久缺而新推副使杨邦宪到任无期乞严行催促或就近另推部请先行推补仍令湖广抚按官查勘具奏 上如部议命革邦宪任听勘

○吏科给事中顾问言臣前待罪任丘目击滹沱河每遇夏秋水涨漂流庐舍淹没民田不可

胜纪而额粮见存百姓岁苦赔垫大半逃亡前抚按官计议＜娼弊-金＞浚或欲开故道或欲开新河未免此利彼害以邻国为壑终非长计莫若将饶阳河间以下水占之地悉让为河动支该府节省并贙罚银两召募夫役挑凿河身使水有所容创筑堤岸使水有所束以图永久之规毋争目前之利其额徵钱粮若必不可缺即于府属州县每石量加分厘或有见淤沃壤清查照亩起科通融摊派部是其言请行抚按查看具奏从之

○庚寅戎政尚书杨兆引疾乞归不允

○升户部署郎中事员外靖四方为山东佥事

○辛卯命分守辽东宽佃等处参将姚大节为协守辽阳副总兵

○升顺天巡抚标下中军谷九皋为分守蓟镇石塘岭地方参将

○兵部上言国初战马原系官牧嗣因承平散養民间课驹起俵后以课驹不堪征战改为买角□羊大马之法寄養近郊其种马尚在民间百十年来困苦已极
穆宗皇帝采太常少卿武金议始革一半犹未尽除兹蒙 皇上俯容臣等议处臣等再三□□
□田□画先年变卖未尽种马委宜通行变卖量徵草料银两以佐买马之费庶民害永除武
事有备 上然之曰种马既全与起角□羊无干徒苦累小民依拟着行变卖以苏民困

○升应天府府尹刘志尹为南京大理寺卿广西副使刘世赏为浙江左参政

○裁大同正兵标下游击官以参将管游击事尤继先为大同中路参将

大明神宗显皇帝实录卷之一百一十三

万历九年六月癸巳朔以山西行都司佥书张惟忠掌陕西都司事

○总督蓟辽吴兑以该镇防春客兵夏深劳久议将山东河南北直隶班军蓟镇以六月初十日昌镇以五月二十六日为期撤放休息其各路主客南兵并应留延绥宣大真定兵马仍分派防守有警调发策应部覆允行

○甲午协理戎政尚书杨兆再＜娼弊-金＞乞归许之

○乙未升工部郎中陆檄为山西提学副使

○凤阳抚按凌云翼等题江北七府州县每年额编里甲均徭银七十九万七千九百七十四两今减银一十二万五千一百九十六两实存银六十七万二千七百七十七两有奇自十年始乞照数均派永为遵守从之○命后军都督府都督佥事胡守仁充总兵官镇守贵州地方

○录孤山等堡功千户马九皋等八十二员升赏有差

○南京兵部尚书潘季驯言南京各衙门节次裁革官员直堂银应减二千二十五两宜行各省直审极冲疲州县免编其柴薪银两照旧徵角□羊部覆从之

○命分守广东琼崖参将朱文达充游击统领南兵驻劄建昌营地方

○丙申海西哈察等卫都指挥同知卜刺答等求袭替换敕许之

○丁酉升南京太仆寺卿李辅为南太常卿

○兵部奏称万历八年各镇督抚奏报主客兵马钱粮既经各司查算明白具揭进呈伏望皇上置之左右时廑御览仍行各镇督抚等官当边疆宁谧之际怀绸缪未雨之谋勿狃宴安勿怠傲惕清将士虚冒之源裁公私馈送之费抚夷当守旧盟不得渐添岁币市马当遵原数不得阴坏成规务使主饷常充客饷日减兵食两足夷夏相安庶不负朝廷责成至意上纳其言

○论锦州等处及辽阳长宁堡失事罪指挥陈应箕牛承武等下巡按御史提问周咏李成梁周于德免究赠加衔游击周之望都督佥事荫子立祠余阵亡有功员役升赏有差

○诏新升四川松潘副总兵李应祥以副总兵职衔仍管思恩参将事督理善后事务从广西督抚按官刘尧海等言十寨方平应祥谙熟夷情不宜轻离地方故也

○兵部题覆辽东宽奠功次因言往时救回被掳人口原未议赏前该御史于应昌以母承宣

等夺华人于虏阵乞照斩首事例每名给银五十两以励后效已经题奉钦依依然系一时优叙之典未经著为定例则人难用命但较之斩获首级似为有间乞自后临阵救回被掳二人者审实准照首级一颗给赏永著为例得旨允行

○己亥以南京太常寺候裁少卿陆树德为南太仆寺卿

○女直都督来留住等一百员名赴京朝贡宴赏如例

○辛丑革协守宣府副总兵潘忠任以独石副总兵董一元代之升大同游击麻承勋为独石参将

○壬寅上御文华殿讲读旧规寒暑辍讲上亶亶学问虽六月必举云

○命五军营参将张应时充副总兵官分守四川松潘等处地方

○癸卯巡抚保定辛自修参祁州知州李际观捏报谷数一千八百余石乞重加罚处为有司罔上之戒上曰李际观欺上要功姑着以原职降三级调用前屡有旨捏报欺罔着部科从实参奏今该科何独无言于是科臣姚学闵等上〈媿弊-

金〉引罪因言原无本揭到科无从稽考乞赐矜宥上曰科臣以看详章奏为职况前屡有明旨通不着实遵行修举本职徒掇拾浮词草率塞责至于臣下朋比欺罔四方幽隐情弊却都緘默不言岂称朝廷耳目之任这事情既无本册到科姑免究今后再有这等定行重治不饶

○蓟辽总督吴兑奏称蓟镇抚赏属夷岁用帑银二万七千六百两今岁上半年已经给发其下半年及明年应发银乞总于今岁六月给发以后著为定例俱先一年总发委官于出产地地方总买则价值既省物更堪用部请如议上诏抚赏银两准预期给发仍着该镇总督官悉心措画不许奸徒承揽委官侵冒致失夷人之心

○礼科给事中丁汝谦上言宗庙祔享之礼昭穆所辨不可有毫发僭差我世宗从张璠等议追尊恭穆献皇帝建世庙于太庙东岁时祭享如太庙仪乃嘉靖十七年秋复尊庙号为睿宗祔享太庙此固世宗尊养之心然要之献皇帝之心殆有大不安者何者庙中列圣皆尝君临天下献皇帝尝北面事之矣乃一旦与之并列且跻之武宗之右献皇帝之心能自安乎献皇帝之心未安则世宗之心恐亦不能宴如也况初议庙号曰世庙者欲其享专庙之尊历百世而不变今祔之昭穆不但压于列圣而异时亲尽其能弗迁乎先是节经诸臣建议未蒙俞允今玉芝宫神主固在请推献皇帝不自安之心仍专祭于玉芝宫与太庙同日亲享复出宣宗帝后冠服于太庙则尊尊亲亲两无所失而二圣之心举安矣上以睿宗祔享系世宗亲定汝谦輒敢轻肆妄议诏降调外任

○命湖广行都司金书角□羊节掌兴都留守司军政

○甲辰诏兑太仆寺五百匹给辽阳军士后不为例从总督吴兑请也

○乙巳上视朝

○丙午以真定游击王治充五军营参将

○丁未升总督南京粮储户部右侍郎陈道基为工部左侍郎

○己酉 睿宗献皇帝忌辰 奉先殿行祭礼 上仍御文华殿讲读

○福建左布政使张天驭以疾乞致仕许之

○户部覆漕运尚书凌云翼所议五事一议减免滥造以补缺船一议更番兑运以苏困苦一议就近给饷以恤运军一议扩充仓场以革包揽一议申严责成以保漕船 上允行之

○庚戌升南京大理寺卿王廷瞻为南京户部右侍郎

○命宣府游击马孔英充大同入卫游击

○辛亥升福建右布政使舒应龙为本省左布政使○安南都统使莫茂洽差宣抚司同知梁逢辰等赍捧表文补贡嘉靖三十六三十九年分正贡万历三年六年分方物部覆茂洽并进四贡忠顺可嘉诏赐宴赏仍给敕褒之

○有流星如盏大青白色尾迹有光起天棓星行至西北二小星随之

○癸丑上御文华殿讲读

○升福建按察使吴一澜为本省右布政使

○兵部言京营战车二枝兵马每秋出防蓟镇实欲习劳练战近因巡视官姚学闵等陈乞罢免随行该镇查议总督吴兑称边势稍缓应暂停止候有大警临时相机请发从之

○镇分守汝南道关防从抚治鄢阳杨俊民请以督抚既革南阳隔壤难以扼奸防毙故给与

○甲寅总督陕西郢光先劾延安兵备副使胡汝钦识闇才疏宜调简僻部覆上请诏汝钦冠带闲住○保定抚按辛自修李栋言西山一带系畿右重地各口设有官军防范矿徒乃者矿

贼齐本敖等糾众拒捕杀伤官军虽擒获余党而贼首远遁把总官陈经翰何明疏虞失事乞分别罚治诏姑罚俸半年

○陕西督抚郅光先等题称万历八年七月内西海住牧贡夷丙兔糾众越河掠番混擄汉人头蓄伤死男女□负六名该镇宣布朝廷恩威而顺义王俺答等驰书切责丙兔悔罪送还原擄汉人并熟番男妇四十九名愿罚服马牛羊七百匹只执献作歹夷人火力赤等六名似应准其照旧市赏以彰信义仍行顺义王传谕河套松山诸酋恪守贡市如有生事作歹者一体处治其俺答卜失兔等各笃恭顺应分别叙賚至罚伏马匹牛羊原为伸威非利所有乞照宣镇银定台吉事例分给诸酋兵部覆请如议 上曰虏酋既认罪远徙执献贼夷自甘重罚姑准赦宥照旧抚赏火力赤等都饶死着拏送俺答以夷法处治其罚处头畜亦不必进边都给与俺答部众人等俺答约束西部恭顺可嘉赏银三十两大红纁丝蟒衣一袭彩段六表里布二十疋卜失兔阿不害切尽黄台吉各赏银二十两大红狮子纁丝一袭彩段二表里布十疋以示劝奖余俱依拟

○乙卯 上视朝

○赐辅臣府部大臣及讲官鲋鱼少顷复特赐辅臣张居正等及讲官何雒文等有差

○丙辰巡仓御史顾尔行条议水次三事一谓小滩水次向因河南粮户賚银至彼买米致奸棍营求包揽插和不堪宜行禁戢一谓遮阳海船年久损坏宜行修葺一谓运官率多衰老不堪宜加慎选部覆如议因言浙江杭嘉湖漕粮本部旧差主事一员监兑后因科臣建议停差以巡盐御史事简议令兼摄而御史不能亲临致粮米粗恶系干国储查有先差旧例相应议覆得旨允行 上敕谕礼部

穆庙和妃赵氏于六月二十三日薨逝合行事宜照昭靖敬妃庄氏例行

○丁巳以开平卫指挥同知张三纲守备宣府紫沟堡地方

○戊午 孝庄睿皇后忌辰遣新建伯王承勋祭 裕陵

○诏新升宽奠参将杨绍勋以参将职衔仍留管前屯游击事调锦义参将栗卿补分守宽奠参将从总督吴兑请也

○叙山西边工督抚吴兑郑雒等升賚有差

○总督宣大郑雒言宣府贡夷满五大青把都部夷银定倘不浪等藉言赶牲于独石马营等堡射死军民擄去人畜因言满五大近因潜犯辽东方行服罪乃其散夷敢于作歹中必有说乞先停革本酋贡市遣使责问如送还所掠人畜执献罪夷抵偿死命姑容贡市倘执迷不服即将满酋一枝官职市赏通行革绝该镇严防剿处其副总兵董一元等身当一面谋之万全所当并罚 上命该镇督抚官相机处置务要妥当潜消衅萌

○己未升四川左布政使刘庠为应天府府尹

○庚申 上御文华殿致斋 孝穆皇后忌辰遣彭城伯张守忠祭 茂陵

○发宣大山西主客兵饷四十万六千三百九十八两

○辛酉升浙江右布政蔡汝贤为四川左布政使

大明神宗显皇帝实录卷之一百一十四

万历九年七月壬戌朔 上亲享 太庙

○调原任广东按察使周浩为广西兵备副使

○总督漕运凌云翼奏称仪真闸税宜酌水势不必拘泥取盈其瓜仪各闸坝应归并南河郎中管理不必添设主事部覆如议因言河道岁修钱粮宜敕督臣照各边年饷事例岁费若干存留若干悉角□羊工部贮库遇河工缺乏通融请给从之

○云翼又言茶城至留城一带运道咽喉节因黄水倒灌停淤渐高运船率多浅阻臣已督行司道兴工挑浚乞照往年事例暂停进贡船只支用钱粮俟工完核实具奏章下所司○癸亥升浙江按察使刘汉儒为本省右布政使

○甲子上视朝

○乙丑考试实授范鸣谦等十四人为各道监察御史

○升河南右参政郝杰为浙江按察使

○户科给事中姚学闵等参获嘉知县张一心所报招垦人户田地俱抄写旧册乞行重处并将抚按等官量加罚治 上以张一心虚文塞责着降俸二级管事褚鈇等且免究

○丙寅兵部言国初设立巡简司皆在州邑交界及扼塞之处缉盗安民法制至善嘉靖末年有司率意条陈抚按轻听改革至有移巡简司于城内以便听事差遣者遂至盗贼易生缉捕不便今应天抚按等官欲将婺源泾县旌德各巡简司照旧复设有裨地方乞如议施行允之

○丁卯补原任福建右参政刘伯燮为河南右参政○河南抚按奏称裁过都司领班守备及所属宣武十五卫所指挥等官各供应额银六千五百八十余两后有越外科歛占役者听抚按指实参科部覆报可

○兵部覆江西抚按＜娼弊-金＞言江西站银原额十万有奇万历五年题减十分之三闻阁顿苏今抚按官复加撙节三年积银遂至十余万两每年约用四万则节省十分之六矣乞将余银六万八千七百五十两抵充万历十年正支至十一年照前减数派徵
上曰该省驿传既积有余银准免派一年以苏民困

○戊辰兵部题蓟镇曹家寨绕出虏地八十余里东为墙子岭西为古北口系极冲地方建有关塞六十六处形如葫芦近该总督勘覆郎中费年议自将军台横截至大＜风-几＞谷止正当葫芦柄处应修台三十座以为内险仍存旧有台墙照常责令军兵了守修葺以为外险且

可出奇制虏委属万全之策奉旨允行

○己巳调山东按察使张九一为山西按察使

○升湖广佥事张镗为贵州右参议

○加升原任鴈平兵备佥事季遐龄为山西副使

○以湖广德安府知府卢渐为福建都转运盐运使

○升户部郎中梁承学为陕西副使

○诏铸监兑浙江漕粮关防

○铸贵州清军兼理粮储关防从巡请以粮储参政已经裁革也

○福建福安县霪雨不止洪水骤至踰城官民庐舍漂没殆尽

○毛怜等卫女直都督失刺卜等进贡宴赏如例

○以延绥领军游击许汝继为左参将分守宁夏灵川地方

○庚午山西督抚郑雒等言该镇总副参游卫所等官公费每年原编一万四千三十余两今减二千一百八十两有奇各官军伴等役三千二百九十四名今减六百七十一名乞永为定规遵守部覆从之

○辛未 上御文华殿讲读

○壬申以原任肃州参将姜显宗充延绥领军游击

○兵部上言安南都统使莫茂洽祖福海先经请给敕书遗嘱宏灃权管司事比宏灃尚未袭职中道而没今伊子茂洽恳切陈情请袭都统使敕书以彰传继之统相应请给容其回使领赉以慰远人效顺之心允之

○命协守蓟镇中路副总兵王抚民为右副总兵分守凉州地方

○癸酉宣大总督郑雒言山西镇市本积有桩朋银两可足九年十年之用其十一年后无从出办乞支积余客饷七千定为岁费部议客饷以供客兵桩朋以为市本原难兼支况山西止老营堡互市一次所费甚少而桩朋至十一年安知再无积剩每年增银七千似属过多应行

管粮主事于扣剩客兵银内量支五千两充十一年互市用以后桩朋积有赢余不得再动客兵银报可

○甲戌巡按御史陈用宾以淮凤等府灾伤欲将万历八年以前拖欠钱粮通行蠲免九年京边漕粮尽数免徵以兴水利部议江北地方频年旱潦荷蒙 圣恩事多破格自隆庆二年至万历七年已蠲过折色银九十二万余两本色粮九十万石赈济一十三次矣今查四府州所属除停免外应徵各项俱系内府各边紧急供应之数在彼少角□羊一分当于别项另补一分今春虽有微灾已累发银赈济秋禾将成若无故免徵后将何继况所赈贫民贫民未必有粮所蠲富民富民不系饥困用宾所题难以轻允各该地方水利果当< 娼弊-金 >浚者宜行州县长吏加意< 娼弊-

金 >通沿河处所随宜建闸俾蓄洩有资以备旱涝勿仍前视为虚文全无实效上从部议○乙亥广东提学副使刘应麒以疾乞休许之

○升湖广左参议杨标为浙江副使

○兵部条上慎用武臣四事一核考语一公推用一重加职一严交代大略言武职考语疏缺不便甄叙推用无格有妨激劝加衔太易人怀躁心交代不明事终无绪谨酌议条上乞赐施行 上以所奏深得除弊搜才之要依议着实行

○丙子铸广东清军兼督粮道及湖广管理驿传屯田关防从两省督抚请也

○丁丑以礼部员外郎署郎中事支可大为广东提学副使

○升陕西副使张崇谦为山东按察使复除原任河南佥事乔木为本官除补原任广西按察使沉子木为湖广左参议

○录辽东锦州大福堡辽东长宁堡有功阵亡员役熊全等一百九十二名升赏追赠有差

○戊寅辅臣张居正以疾不入阁数日 上遣御医四员诊视居正< 娼弊-金 >谢仍谕以慎加调摄不妨兼理阁务

○裁革湖广广东郧阳等处司府州县佐贰杂职等官共七十四员

○己卯 成祖文皇帝忌辰 奉先殿行祭礼遣官祭 长陵

○命副总兵管分守蓟镇马兰峪参将事张爵充副总兵协守蓟镇中路

○庚辰 上视朝

○吏科给事中张世则参陕西巡抚李尧德贪鄙废弛乞赐罢斥既而尧德＜娼弊-金＞辩事皆风闻诏尧德回籍听彼处按臣勘奏

○礼科给事中帅兰等稽查章奏参抚院孙光祐等分别罚治上以今次考成未完颇少姑恕之

○兵部上言烧荒一事边防要务还来各边视为故事苟且报完应严行申飭宣大以西七镇诸酋款塞不当示以疑形宜令沿边军士倍加采打秋青樵取柴木以备饲马烧造之用其蓟辽二镇候草木枯槁之时远出哨探务使焚烧尽绝一免贼马驻牧一便官军瞭望毕日各将烧过地方远近积过草木多寡遵例奏缴以凭稽考从之

○辛巳上御文华殿讲读

○壬午以蓟镇左营游击王通充参将分守蓟镇马兰峪地方

○太仆寺少卿裴应章奏称近京地方种马人户近蒙圣恩准尽变卖欢若更生独寄养人户尚多负累乞将倒失追赔及借兑追银二例稍从宽减以恤民瘼部覆从之

○甲申上视朝

○宣大总督郑雒等查奏该镇各官公费岁额银一万一千七百余两减银三千八百四十余两官伴人役二千一百二十三名减一千一十五名贵州抚按王缉等查奏总参等官岁额公费银一万三百二十余两减一千二百一十八两差占人役八千三十三名减三千八百七十二名各乞定为经制＜娼弊-金＞俱下部覆议行

○乙酉代王鼐铉奏请禄米食盐部议鼐铉为郡王时戴罪管事姑给禄米三分之一今准袭王爵除食盐不许奏讨已载会典其禄米全支与否请上裁定上曰鼐铉既已宥罪进封着准给全禄

○户部言布按二司官员分理粮储屯盐事务本部请给坐名敕书责成至重见任则遵敕行事离任当遵旨进缴今奉旨已及二年进缴十无一二乞行该抚按官逐一稽查今后各官应领敕者容本部查其钱粮浩繁事体重大方给坐名专敕如专任一方职掌一定事无兴革改撰传敕接管行事上从之诏兵部也照这例行

○裁革广西司府州县佐贰杂职等官共四十九员

○丁亥上遣司礼监太监张鲸捧御札谕张少师朕数日不见先生闻调理将痊可兹赐银八十两蟒衣一袭用示眷念先生其钦承之月初新凉可进阁矣居正＜娼弊-金＞谢言伏蒙温谕示以仲月趋朝帝星垂照人间灾崇当不禳而自除

天语定期凉入秋中必勿药而有喜 上复温旨报闻

○戊子 上御文华殿讲读

○升陕西副使王体复为苑马寺卿兼佥事浙江布政司左参议李勋为贵州副使调山西右参政曹子登于山东江西左参政乔懋敬于湖广

○诏淮安扬州凤阳等府属州县自八年以前积欠马价等银都准豁免以苏民困从南太仆寺卿李辅等议各府连岁灾疫故也

○己丑以光禄寺卿萧廩为右佥都御史巡抚陕西地方

○户部覆御史刘光国等〈娼弊-金〉言侵盗边储律例甚严必当日情真罪当方保无枉今各处照提犯人俱离任年久赃罪未明查盘之日忽暗具招详分坐赃数概议重罪人心安肯输服而各该抚按提问内有追赃发遣者多刑逼成招以消考成之限恐将来终难结绝伏乞圣明裁夺 上命通行原宥豁免

○庚寅升河南副使范偁为山西右参政兼佥事湖广右参议李琦为陕西副使浙江佥事唐本尧为本省右参议

○辛卯以原任太仆寺卿舒化为光禄寺卿

○兵科给事中万象春劾延绥巡抚宋守约克减台工私通厚赂诸不法状乞行罢斥 上令守约回籍听勘

大明神宗显皇帝实录卷之一百一十五

万历九年八月壬辰朔升四川佥事萧九成为湖广右参议

○甲午赐商河王载堦书楼额名勉学高堂王厚焕书院额名思训从其请也

○升都给事中李选为江西左参政给事中李宗鲁为浙江佥事御史苏民望为陕西副使田乐为河南副使唐天祥为湖广佥事王言为四川佥事

○补原任御史吴之彦为河南道御史

○丙申 上致斋文华殿

○陕西提学副使王世懋以疾乞休许之

○丁酉祭 先师孔子遣吏部尚书王国光行礼

○原任浙江左布政使升顺天府尹朱卿以疾再乞休诏以升职致仕○吏科给事中秦耀等奏郧阳督抚原辖荆南汝南关南商雒四道而郧阳襄阳荆州南阳汉中五府及西安商州皆隶焉丝牵绳联以故百余年来民安盗息晏然无警近郧阳督抚裁革该湖广抚按议以均州守道改驻郧阳比照辰沅兵备隶贵州巡抚事例并隶河南陕西二处抚臣及与南阳汉中兵备协谋夹持其为地方善后之策庶几周详矣然使汝南汉中各道不受制于湖广抚臣则亦未为完计何也郧阳地错三省复岭重山实滋衅孽堤防慎固之计所赖汝南汉中守巡各道者甚重往时统辖在督抚是以各道一禀于法度若于分既不相临则其事权亦无所遥制乃欲同心协力为地方弭衅销萌未必然也臣窃谓汝南及汉中各道宜如往时隶郧阳督府事例并听湖广巡抚节制一遇有警协同郧阳分守相机控制如境宇保安一体乞 敕 帑 帑 金 下所司

○陕西都指挥使司奏起送阿木等族番人仓列等七十七名赴京进贡诏赏赐如例

○发马价银一万二千两于大同镇备万历十年市本从督抚郑雒请也

○戊戌 上亲祀 太社 太稷

○己亥 孝康敬皇后忌辰 奉先殿行祭礼

○庚子 上视朝

○以万寿圣节赐三辅臣及讲官何雒文等银币有差

○辽东定辽等卫雨雹如鸡卵秋禾尽伤自长安堡至青石岭约百余里

○以原任山东副使潘允哲为陕西提学副使

○辛丑 孝慈高皇后忌辰 奉先殿行祭礼

○升陕西右参政王汝梅为右佥都御史巡抚延绥等处地方赞理军务

○升江西左布政使张国彦为顺天府尹

○升左给事中周邦杰为刑科都给事中右给事中张鼎思吏科史继辰礼科张养蒙刑科俱左给事中

○先是衍圣公孔尚贤庶母郭氏受尚贤陵轹不堪讦奏尚贤滥用女乐贿受船户及岁贺入京骚扰驿递诸不法事下抚按勘覆

上命且从宽贷痛加省改以后同三氏子孙都着三年朝覲时入贺

○以统领沈阳秋班游击杨四德充参将分守蓟镇石门寨地方石匣营统领南兵游击胡天定充参将分守蓟镇燕河营地方

○壬寅 上御文华殿讲读辅臣张居正疾愈入谢

○赐三辅臣及讲官何雒文等万寿金篆字金银书黄红绶符各有差

○怀远侯常胤绪袭爵○顺义王俺答差酋长黄金榜等赍表文进马九匹其子侄头目共进马二百五十匹诏各赏金币遣还

○癸卯 上御经筵 辅臣张居正等奏言该文书官传

圣意命博选淑女以备侍御臣等窃闻古者天子一后三夫人九嫔所以广储嗣也今皇上仰承 宗庙 社稷之重远为万世长久之图而内职未备储嗣未蕃亦臣等日夜悬切者但选用宫女事体太轻恐名门淑女不乐应选非所以重万乘求令淑也臣等查得嘉靖九年世宗皇帝有敕谕礼部慎选九嫔事例在今日似为相合伏乞 皇上奏知 圣母上请慈谕施行

○甲辰命辽东镇城坐营刘崇正充辽东领兵游击清河堡守备宿振武为沈阳游击

○乙巳祭 夜明于 夕月坛遣公徐文璧行礼尚书张学颜分献

○丙午中元节遣侯孙世忠吴继爵陈永禄杜继宗王伟分祀 九陵伯元善祭
景皇帝陵寝内官祭 恭让章皇后陵寝 宪庙废后吴氏坟所都指挥僉事陈昌言祭 哀冲
庄敬二太子坟所

○丁未扬州泰兴海门如皋等处狂风大作屋瓦皆飞骤雨如注塘圩坡埂尽决漂没官民庐
舍数千间男妇死者不计其数

○戊申 万寿圣节 上御皇极殿受百官朝贺以雨命免宣表止行八拜礼

○赐三辅臣上尊珍饌及寿面酒膳有差

○以 圣节遣公朱应祜侯朱纲伯王学礼王承勋卫国本分祀 诸陵伯张元善祭
景皇帝陵寝内官祭 恭让章皇后陵寝

○升广西右布政使吴善为江西左布政使河南彰德府知府常存仁为陕西副使

○升神机营佐击叶思忠为游击统领南兵驻劄石匣地方铁岭卫都指挥同知李如梧为清
河守备

○己酉 上敕谕礼部朕大婚有年内职未备兹承
圣母慈谕博求贤淑用广储嗣特命尔等查照嘉靖九年 世宗皇帝选册九嫔事例告于京城
内外出榜晓谕尔等堂上官督领该司官会同巡城御史博访民间女子年十四岁以上十六
岁以下容仪端淑礼教素闲及父母身家无过者慎加选择陆续送诸王馆其北直隶河南山
东等处另差司官前去选取尔等务体朕心安静行事毋得因而骚扰钦哉故谕

○庚戌祭 历代帝王遣公徐文璧行礼侯吴继爵孙世忠尚书王国光梁梦龙分献

○辛亥升四川按察使胡定为广西右布政使

○户科给事中高尚忠条陈边饷事宜大略言臣窃睹山西镇边粮文册既款列实在矣而实
在之中复有所谓实无焉册籍所载半属空文仓库所藏全无实数此粮饷之在山西者可议
也九边额饷岁计三百余万而蓟镇即该八十余万乃该镇非惟岁无余积抑且虑乏见支无
事若此使羽书旁午调发劬勤当事者胡以待之此粮饷之在蓟镇者可议也宣府本折数各
百万积贮于九边称最矣但闻刍粮积欠浥烂数多而商人守支困苦已极此粮饷之在宣府
者可议也陕西四镇延绥则主饷不足率借给于客饷宁夏则银钱之积贮无多而刍粮之召
买复少至于甘肃则以顷岁虏王西牧防守供亿之费颇为繁剧而主客之积摺括尽矣固原
频年以来年例未请似若少裕而叩其所储殊为未充此陕西四镇不足之大较也夫无食则
无兵疆场之事能无可虑伏乞敕下户部覆议上请行各该边镇督抚等官在山西当查销实
无钱粮以清积案蓟镇当痛裁不经冗费以广储蓄宣府当出陈易新以苏商困陕西延宁甘

固四镇当设法稽查军饷修举屯田及此承平之际务为久远之图庶边储有余裕矣
上下其＜媵斲金＞部请如科臣议行督抚官查议具报

○巡抚湖广陈省奏全楚钱粮浩繁起解头绪甚多每年一派小民不知额数吏书因以低昂乞将应徵各项钱粮编刻成书使民知遵守以绝弊端其每年应解南京仓粮乞本折均派永为定规＜媵斲金＞下部议以南京仓粮额派湖广三十万石旧例俱徵本色前因侍郎程嗣功奏称粮多易坏始议七年八年改折一半今抚臣欲定额折半以省转运之劳南户部议酌量改折以为储蓄之计均有见臣等查得南京见在仓粮足支六七年况南京地方卑湿粮久浥坏数多乞将应运南粮自万历十年起至十二年止准徵本折各半仍移咨湖广巡抚每年查水旱地方准与改折其豊稔之处仍徵本色 上允行之

○癸丑升湖广左参政郑旻为四川按察使

○宪宗纯皇帝忌辰 奉先殿行祭礼遣官祭 茂陵

○命蓟镇李家谷关守备戴朝弁充游击领蓟镇沈阳秋班官军天寿山守备文应诏充神机五营佐击

○甲寅朝鲜国王李昖遣户曹参判权克礼等赍表文方物贺万寿圣节先是八年十月辽东都司奏漂流朝鲜夷人梁成贵等上命各给衣履差官送回至是并谢前事诏宴赍如例

○乙卯 上御文华殿讲读

○升江西按察司副使沈伯龙为湖广布政司左参政

○建州等卫女直夷人都督纳木章等赴京进贡照如例宴赏

○顺义王俺答都督黄台吉赍表贡鞍马弓矢等物赏赍如例仍授其子孙头目等为百户一体给赏

○丁巳 上视朝吏部引奏大选官员 上亲裁决如制

○复除原任山西道御史贾如式为浙江道监察御史

○补原任山东副使林乔相为江西按察司副使

○兵部上言脱脱倘不浪等受国抚赏宜坚效顺乃敢假名追降抢杀人畜委当革其贡赏但系散夷鼠窃原非酋首醵张今悔祸受罚送还原掠相应少从宽假其凶夷黄害射死哨军本

宜明正典刑既该顺义王俺答照夷法罚治似应姑宥

上命发与俺答处治余依拟○己未凤阳抚按凌云翼等以地方屡被灾伤乞将今岁漕粮量改折十五万石酌派重灾州县立限催徵部覆上请 上允行之

○庚申车刺阿宗等族番人青蒋等入贡给赏如例

○辛酉 上御文华殿讲读

大明神宗显皇帝实录卷一百一十六

万历九年九月壬戌朔礼部进大报等祀册上御皇极殿受之

○是日谕礼部皇四妹长成宜择婚配该部查照选择例行

○贵州宣慰司土舍安国亨差舍人安乐等三名贡马贺万寿圣节泰宁等卫夷人头目阿都赤及建州等卫都督等官纳木章等俱赴京朝贺各赐宴赉如例内建州指挥使咬郎等十员失落敕书十道暂行停赏俟辽东巡抚官查明另给

○癸亥上御经筵

○顺义王俺答酋长都督黄台吉等赍表贡马匹鞍辔撒带弓箭等物宴赉如例因请升赏夷人及兀慎摆腰二酋求各给敕书一道又宁镇病故虏官宾兔台吉等三人请各令子弟袭替上俱从之

○乙丑裁革直隶苏州等府递运所等官八员云南临安等府知事等官三员

○丙寅上御文华殿讲读

○月犯天江下星

○丁卯上视朝

○升福建右参议郑秉厚为贵州副使江西左参议李天植为湖广副使

○户部奏蒲州守御千户所屯地坐落临晋等县在山西抚按以非本省所辖不行丈量在直隶抚按不知坐落地方又概称额全免丈若非明旨着再查明则一时隐射遂为将来之成案而莫可究矣臣等窃谓屯地犬牙相制各省直坐落本境者少跨在别境者多减于原额者少加于原额者多宜敕抚按官互勘交查有过额数多者照军民各地当差姑免入官庶正额咸复永无隐射之弊疏入允行○兵部覆叙万历七年剿广西十寨蛮贼功汉土官旗军民郑以忠等七千六百五十员名升赏有差

○戊辰湖广广元王宪爌久疾请以术雕代行本府礼仪并钤束宗室上以宗室年老止许其子代行礼以示优老之意至一应府事父在子摄不惟嫌于自专抑恐他日起衅仍令广元王自行管理

○己巳停宁夏角□羊部赃赎银照旧存留从巡抚萧大亨奏边镇孤悬赃罚原少故也

○升陕西僉事丁惟宁为江西左参议福建僉事张𡔷为本省右参议

○庚午升光禄寺少卿萧崇业为太仆寺少卿

○辛未兵部覆山东巡按于应昌勘过辽东袄郎免大捷功次得旨总督梁梦龙总兵李成梁原荫锦衣各升一级成梁加禄米一百石巡抚周咏升俸一级加授勋阶诰命余将吏军丁等升赏开伍有差

○兵部覆江西抚按官王宗载等题减该省膳夫差马工食料价银三万六千五百七十余两贮库俟积多免该省一岁派徵允之

○诏以山东灾疫青登莱三府八年以前拖欠班余俱准蠲免九年以后减半徵角□羊

○复除原任通政司左参议梁子琦为本司左参议管右参议事升大理寺评事张正道为福建僉事调补原任河南僉事徐学诗为陕西僉事

○毛怜等卫女直夷人都督傅羊公等一百员名赴京进贡宴赏如例

○癸酉 上御经筵 改南京尚宝司卿王蔚为光禄寺少卿

○甲戌 上视朝

○革山东参议赵允升职闲住从巡抚何起鸣劾其才识素庸关防不慎故也

○乙亥升南京吏部考功司郎中李己为南京尚宝司卿

○山东抚按何起鸣陈功奏奉 旨清丈通省军民屯粮地民地原额七十六万三千八百五十八顷丈出地三十六万三千四百八十七顷零屯地原额三万六千九百一十五顷丈出地二千二百六十八顷粮悉照旧往日荒地包赔者以余地均减先是丈地均粮屡奉明旨有司通不遵行惟山东首先完报又调停疲累区画周详上深嘉之并司道官杨一魁等都着吏部纪录

○丙子霜降节遣侯蒋建元伯费甲金等祭 九陵伯张元善祭 景皇帝陵寝

○上御皇极殿视朝

○给寿阳长公主庄田二千五百九十五顷零有司徵银角□羊给

○湖广抚按陈省等题景王薨逝官校回京乞免荆州府属坐派月粮及称旧制荆州协济郧

阳承天府又协济荆州彼此转解劳费不貲议将二府协济更调一蠲额外之徵一省转输之费部覆从之

○升浙江右营游击李趋为分守福建南路参将

○戊寅 上御文华殿讲读

○署织染局御马监太监张钺奏请钦定织造内称 上用袍服 两宫圣母 中宫等宫册封九嫔及 潞王

公主婚礼应用段疋共计一十二万工科给事中李廷仪具题查得万历四年三月造 上用纁丝纱罗奉旨减半止织二万九千余疋五月内织造大婚袍服又减三分之一止五万八千夫礼莫重于大婚制莫急于袍服差官分织仅仅前数今该监胡为有额外之请耶且苏杭节被灾伤民困已极先日 皇上特允科臣之奏取回太监孙隆停免额外织造近日特允部臣之议以帑金仓谷赈济苏松嘉湖今停织未几增织随至赈恤方行征派即加

皇上之心亦必有所不忍者 上曰诸项皆供用急需既东南财匱民穷其陆续从容织进

○福余等卫指挥那木塞等八十三员赴京朝贺 万寿圣节赏赉如例

○少傅兼太子太傅英国公张溶卒溶三朝勋旧茂著勤劳诏辍朝一日并与赠官葬祭

○巡按直隶监察御史王国上屯田六议一议军卫额粮谓屯地有老粮新增之殊徵收遂有本折轻重之异然人情避重就轻不免移新遮旧宜逐一清大将两项本折搭派以免偏累一议达官地土谓降夷贍田具有额数二百年来户绝者没于豪右户蕃者买占民田宜取国初老册清丈照品给与如先朝永不起科例其有踰额数多者照地当差一议查参期限谓屯田完欠久立查参宪单向每隔一年始行致未徵者耽延已完者侵费拖欠愈甚自万历十年为始每岁定于次年三月查参一议丈后余地谓屯地荒芜尚多丈后不无续垦若概拘例停止是弃良田也宜听民开垦酌量起科以补荒年蠲免额项一议经收谓屯牧一应钱粮旧以管屯官徵收私贮乾没难于查考宜令卫经历兼之一议冗员谓京卫一设管屯即有军伴烦费今后惟额多者照旧凡米豆不满百石银不足百两者管屯官悉行裁革户部覆其可行允之

○庚辰兵部覆议五开卫处置事宜言五开接壤苗仲款久滋弊宜更张者六事一移靖州参将于五开以资弹压二移辰州通判于靖州专司粮饷三责成卫官以戢罪本四严捕首恶以遏乱萌五辰泥道兼制黎平通五开血脉六更调兵备龙宗武张思忠疏上得旨该卫去年擅逐守备逼死职官本当剿除念作恶止款首数人且着陈省严督兵备等官责令该卫将首恶胡国瑞等执献正法余党姑与维新余如议行

○立烈妇齐氏牌坊于死所氏京师人翟思桀妻夫死偃卧柩侧绝粒以殉巡视东城御史唐天祥具奏旌之

○兵部覆云南巡按刘维题称土舍袭替有司驳查延缓吏胥乘机横索遂有甘心不袭者今后凡有告袭布政司勘明代题即就彼处冠带抚按衙门仍将代题年月日咨部以凭查考如有愿自赴京及献驯象土物者准与并疏奏闻其纳谷折银事例悉行停免从之

○考试实授孙承南为云南道御史傅顺孙为山东道御史

○升广西都司佥书吕应阳为浙江右营游击

○辛巳上御文华殿讲读○壬午吏部上郟阳善后事宜谓郟阳抚治既革行都司经历断事等官及郟均二驿地僻差简俱宜省革止添设参将一员及下荆南道参政兼宪职改驻郟阳以便弹压<娼弊-金>上允行

○癸未上御经筵

○定四川兵马钱粮见在总数以万历七年为额实在卫所官军五万三百三十八员名马一千九百二十三匹添设总副参游官军三万二千七百六员名马七十四匹岁支俸廩衣甲本色米豆十八万九千九百四十余石折色银三十三万九千八十余两

○移广西浔梧参将于岑溪县连城乡为抚插猺獞也

○户部覆广西抚按郭应聘等题广西通省均徭里甲兵饷驿传银岁编一十七万三千四百零视旧额实减去一万一千七百四十一两乞刊册遵守从之

○山西佥事季遐龄以病乞休诏以副使新衔致仕

○甲申上视朝

○山西徐沟及祁岚二县城成录先后效劳等官有差

○太子太保吏部尚书王国光以年老屡疏乞休上温旨留之

○升保定总兵官刘凤翔为南京后军都督府佥书兼提督神机营务

○乙酉原任巡抚河南右副都御史胡尧臣卒诏以未经考满与祭一坛葬减半尧臣四川安居人雅以风节自持不肯依违时局士论重之

○原任南京工部尚书陈绍儒卒给葬祭如例绍儒广东南海人曾以部郎管仓差条议牧政减草料十八万两云

○丙戌 上御文华殿讲读

○增云南武定府学生员廪增各五名武定于隆庆元年设学人材骤盛巡按御史刘维以寻甸事例请故有是命○丁亥建 潞王及 五公主府第兴工

○兵部覆山东巡按于应昌勘过万历八年锦义地方获功阵亡被伤把总张国忠等升赏有差

○升山东都司谭敬承为钦依改设参将驻劄郟阳地方

○刑部奏请处决重囚 上命暂免行刑

○戊子户部奏临德二仓节年全收本色以防漕粮缺额今河道通行漕额无欠两处积粟至一百万石年久恐成朽腐合无暂住本色改角□羊折色俟陈粮支放过半仍收本色为便从之

○以湖广历年水旱免本省积欠协济贵州等项银两又命该省起运钦赏诸绢悉改官角□羊不得复金小民承运库贮绢见支二年许折价一年从湖广抚按陈省等奏也○福余等卫都指挥使打都等差头目桶罕贡马朝贺赏赉如例

○己丑 上御文华殿致斋

○山西督抚郑雒等奏称偏老二所及太原等卫灾伤重大乞将屯粮改折一年每石徵银三钱部覆如议

○福建抚按劳场安九域题称兴化府城西北高冈遗在城外以险予敌先年两经残破合用府库积剩无碍银两开拓城垣二百丈包高冈于城内诚为控扼绸缪之计 上允其请

○庚寅番僧坚参札巴等四员名自虏帐传经还
上多其有化道属之功赏禅衣坐具及僧服靴袜等物有差

大明神宗显皇帝实录卷之一百一十七

万历九年十月辛卯朔钦天监进万历十年大统历
上御皇极殿受之传制给赐百官颁行天下加赐辅臣讲官等有差

○是日 上亲享 太庙

○壬辰 孝洁肃皇后忌辰 奉先殿行祭礼

○甲午 中宫千秋节赐三辅臣上尊珍饌

○以新宁伯谈国佐掌南京左军都督府事

○丙申定福建所属各州县积谷额数先是巡抚刘尧海已有册报所列过多后抚劳堪恐有司积不如额反因而横歛为害列上中下三等徵之○庆云见于宜阳凝结如盖历已尽午方散河南巡抚褚鈇上其状兵科给事中刘朝璽奏言自古极治莫如唐虞然君臣相儆未闻以祥瑞为言我朝洪武八年七月确山县野蚕成茧

太祖谓其不足以衣被天下辞不受贺又寿星见于永乐十五年七月百官朝贺我 成祖亦不之喜曰朕所瑞者在时和年豐贤者在位焉耳况区区云物聚散何常纵令有之何不见于时和年豐之世而乃偏见于水旱频仍之区且褚鈇匿其灾伤不闻而故以庆云献媚宜降旨切责之疏入得旨四方祥异守臣皆当以闻原非导谀朝廷亦未尝以此为瑞寢之

○丁酉 上御文华殿讲读

○命翰林院编修王懋德充编纂六曹章奏官

○铸山东清军兼管驿传盐法道关防以传盐归并清军道也○戊戌定浙江兵马钱粮见在总数以万历七年为额实在卫所并附支官军共六万四千九百一十二员名岁支月粮六十二万六百二十余石添设备倭防矿将领军丁三万三千二百九十员名岁支饷银三十四万八千三百一十余两

○兵部覆两广总督刘尧海等会题修举十寨善后事宜徙南丹卫设参将一员土巡检三员开辟道路四百一十里大熟田二万七千九百五十亩照亩起科事毕上效劳员役职名尧海又奏拓广东罗旁两山复田五万八千四百一十亩 上命兵备刘世赏徐时可以下给赏有差

○诏以山西应浑朔大同怀仁山马七州县灾伤甚重自四年至六年拖欠民屯银粮本折尽蠲七年后方带徵二分又右卫等十九卫见年应纳屯粮俱与改折仍动支预备仓谷分别赈济

○发凤翔知县王明汲充军以按臣龚懋赏劾其累赃几至八百刑毙至于六命故也

○己亥 上视朝

○定直隶保定河间真定顺德广平五府驿递站银岁编一十八万七千一百九十余两旧额三十三万有奇节年驿禁通行应付简少递减十四万有奇其江浙苏松等府协济马价并免派徵□以成山伯王应龙为右军都督府佥书

○庚子土鲁番天方国撒马儿罕鲁迷哈密等伍地面头目各差人贡马匹方物赏赉如例

○复除原任福建道御史沉涵为河南道御史○黜原任湖广右参议蒋劝能为民提学副使金学曾降三级左参议李学一调简僻用从湖广巡按朱璉论劾也

○辛丑以神机营右副将曰福为镇守保定地方总兵官

○发太仆寺寄养马一千匹于蓟昌二镇补各营路倒死缺额仍拨马价一万五千两给之

○先是北虏银定俺不浪等犯抢独石我兵责问俺答随遣头目恰台吉等诘其部长满伍大青把都回称散夷作歹原不知情愿甘罚治又先年中路波儿哈都抢掳掩答力主罚处至是并赏俺答大红蟒衣白金彩段恰台吉黄台吉等纁丝银布有差

○留新升山西参政梅友松备兵冀北如故督抚称友松熟谙边务会新副使季遐龄致仕因留之

○设宜善巡检司于广东连山县以徭目莫京彪等愿附编氓故也○礼科给事中王三余劾论新起甘肃巡抚栗永祿老病不能就道及其前任守催赃罚事部覆本官到任具有奏本而前任亦风闻无据 上竟起之

○户科叶时新论劾大理卿张梦鲤庸劣宜罢梦鲤亦自陈求去部覆谓本官未闻过举宜令供职从之

○革衍圣公孔尚贤供应女乐二十六户其林庙洒扫及大礼奏乐听于庙户内拨用

○世庙皇贵妃沈氏薨 上辍朝五日

○壬寅 上御文华殿讲读

○贵州苗坪天漂等一百五十六寨苗民党银阿盖等相率归附更其寨为归化编入都匀府版籍

○裁操江军饷供费银三百三十余两及应革军舍余丁岁减粮饷一千五百五十余石

○升山西副使许守谦为湖广右参政江西副使黄思近为云南左参政兵部郎中马时可为贵州提学副使山西大同知府马呈书为福建盐运使山东登州知府刘自化为山东盐运使

○定世庙皇贵妃圻域以孝洁肃皇后遗址为之时肃后已迁祔永陵有旨改用

○削陕西乡官任重任惟一籍遣配追夺敕命巡按御史龚懋贤劾其恃势武断殴死人命故也

○河南□丘县地震

○甲辰山东巡按马允登勘过万历九年四月虏犯沈阳及上榆林堡官军御敌功罪称广宁参将孙守廉等勇于赴援宜加叙赏上榆林堡指挥孟杰沈阳参将黑云龙失误防守相应罚治得旨孙守廉等各赏银八两孟杰照例罚赎黑云龙姑免提问

○升尚宝司卿雒遵为太常寺少卿山东副使严用和为山西右参政工部营缮司郎中金应徵为江西副使○以宁远伯应袭李如松为神机营右副将

○乙巳以宁夏镇红山等处修筑边墙纪录兵粮道刘凤朝守备董延龄等功候阅边类叙

○丙午命原任左春坊左赞善沈鲤仍充日讲官

○升云南副使马顾泽为山东右参政

○以南直金山参将杨为栋为督理广州海防参将

○戊申上御文华殿讲读

○稽查应天等府书院先后共六十四处或改公署或给原主或行毁废其紫阳崇正金山石门天泉五书院存留如故

○琉球国中山王尚永差正议大夫梁灿等赴京进贡宴赏如例

○修固原镇及下马关城垣固原系四镇总会下马关当延宁要冲总督高文荐巡抚李尧德俱以砌甃为请从之

○己酉升山西佥事刘思中为本省右参议○以神枢三营参将姚龙为南直金山参将

○庚戌 上御文华殿讲读

○升尚宝司少卿张彦为尚宝司卿

○户部题称赃罚银两追收罪犯为甚难滥充私费为甚易数官存积为甚难一官支销为甚易南直操江都御史自元年起至八年总计咨报二万一千五百余两今都御史吕藿咨称各府州县在库仅银一千六百两虽节年修船操赏等费皆在取给未见支销细数不无私馈情毙合行通查上命南科差给事中一员同操江都御史查明具奏不许隐护

○户部题广东东安西宁二县田土原系德庆等七州县徵粮额地因附近罗旁两山贼人侵占以致田粮失额岁久无徵万历五年凌云翼荡复旧强建设二县时方草昧尚无的额今查九年为始实在起科田地三十七万一千四百余亩定藉两县丁粮一万五千四百八十三两俱作两县存留支销其七州县缺额荒粮悉与豁免诏依拟行

○工部覆应天抚按疏言苏郡四门官塘嘉定海塘武进无锡二县芙蓉湖堤及各州县渠岸桥闸修浚工完用银一万六百九十余两御史林应训区画四年劳久功多宜行纪录及知府穆炜朱文科应分别开俸优奖从之

○命贵州参议赵莘致仕按臣马呈图劾其年衰目眩也

○辛亥发诚意伯刘世延原籍为民先是南京兵科等衙门会勘世延违法及诋毁皇祖明旨事情法司奏当论死上念其祖佐命功止革职为民抚按官羁管禁住仍许子孙承袭

○壬子以户部郎中刘尧卿为陕西副使

○裁宁夏镇领班都司二员其春秋上下班军悉归并操捕都司从巡抚萧大亨等议也

○显陵奉祀官都督僉事蒋华年老乞休命其子克崇代袭奉祀

○癸丑 上视朝

○以宣府南山参将管達干为神枢三营参将

○实授于有年郭惟贤李世达徐金星郑之亮刘佐六员为南京各道监察御史

○以私铸制钱降曲江王府镇国将军勤□言于火□为庶人闲宅禁锢余降禄墩锁有差

○乙卯 上御文华殿讲读

○升礼部右侍郎许国为左侍郎詹事府少詹事陈思育为礼部右侍郎仍充经筵日讲官

○以临淮侯李言恭守备南京掌中军都督府事

○丙辰诏汰浙江各卫所衙门供费银二千五百六十二两各官军伴五百九十二名襍役三百六十名各营效劳员役不系卫所实职尽行裁革仍刊册以便遵守○丁巳
上御文华殿讲读

○以编修黄洪宪仍充会典纂修官

○升光禄寺寺丞徐元春为尚宝司少卿

○补裁革原任四川右参政赵睿为云南右参政升陕西僉事李甘□向为山西右参议

○以淮凤徐所属荒田重多诏各掌印治农官自十年为始照依每年分数设法开垦年终抚按官分别参奏其卫所屯田不许混入有司开垦数内以滋烦扰

○戊午升左春坊左谕德陈经邦为侍读学士掌院事仍充经筵日讲官

○吏科都给事中秦耀劾陕西左布政朱炳如广西左布政孙光祖福建右布政吴一烂俱衰病闇弱宜令休致从之

○给事中叶遵论劾太仆寺卿王宫用河南左布政徐行江西右布政杨芷衰庸不职俱准致仕○命各省直抚按论劾府佐县正官员如本系贪污及年力衰庸不得轻拟改教以致学政不兴貽坏士习从陕西巡按龚懋贤题请也

○己未以南京刑部郎中焦子春为陕西僉事

○郑王厚烷有疾世子载堉亦久病朝祭行礼不便请以世孙翊锡代行因乞赐翼善冠服如鲁世孙健＜婉靖奏纠礼部谓鲁世子已故今载堉尚存似难比例但朝祭大典使世孙以常服行礼非惟观瞻不便抑且恭敬未伸相应给与允之

○庚申 上御文华殿讲读

大明神宗显皇帝实录卷之一百一十八

万历九年十一月辛酉朔以南京都察院右都御史刘斯洁为南礼部尚书

○户部奏河南府起角□羊太仓额银四万四千七十余两计少五百九十六两锭数不依部题法马全用私铸据总督刘思问科道万象春等审究情节系知府赵于敏扣克所致宜通行提问以正侵盗之罪得旨赵于敏并经手人役与四样法马都着抚按官提角□羊来京与原解官李湘对讯

○癸亥

上视朝

○以成山伯王应龙掌左军都督府事

○甲子祭三皇于景惠殿

○播州宣慰使杨应龙遣长官赵仕贤等三员贡马贺万寿圣节赏赉如例○乙丑
上御文华殿讲读

○以总督两广兵部左侍郎刘尧海为南京都察院右都御史大理寺左少卿臧惟一为太仆寺卿

○升河南右布政龚大器四川右布政孙坤云南右布政庄国祯俱为左布政使大器仍河南坤陕西国祯广西

○以四川右参议李荐佳为贵州副使

○丙寅兵部覆云南抚按刘世胄等题称该省松林等二十六驿系站户亲当原无站银惟滇阳等三十三驿额设站银一万九千有奇今减去三千五十一两实编一万六千余两其支剩见银一千四百六十七两贮本省库俟积谷一年抵该驿一岁派徵上依拟

○山东金乡鱼台二县水灾诏酌免本年存留钱粮仍勘实免数具奏○户科给事中姚德重奏近该福建按臣安九域题称晋江等七县蠲赈稽迟议将知县朱廷益等量从宽假尹贞度相应罚治臣等反覆参详漳泉二府之灾在七年秋间有司于二年后始报赈已属迟缓乃同安晋江赈过户口数多而银谷殊少计口筭之不过银三分谷数升耳曾不足充小民奔走守候一饭之费又二县及漳浦南安捐俸以博名高益属不情乃罪同罚异岂按臣之意以甲科曲全朱廷益等而以乡科薄尹贞度耶恐非所以昭大公也得旨该省赈济二年之外方行册报给过银谷数目尽是虚文及称捐俸备赈尤属矫诈着户部查参来说

○原任少傅兼太子太保工部尚书雷礼卒照例给与祭葬加赠太保礼江西豐城人博物洽闻扬历中外鼎建陵殿积有劳能虽经言官岑用宾等论其邀宠保位实以礼始终焉○丁卯上御文华殿讲读

○升大理寺右少卿刘良弼为本寺左少卿右寺丞郭思极为右少卿

○升湖广僉事万一贯为四川右参议

○以宁夏领班备御赵完璧管理宁夏镇城兼屯田水利山西北楼口参将时尔直为宁夏北路参将 戊辰以南京刑部尚书陈瑞总督两广军务

○许虏酋满五大及波儿哈都台吉贡市如初以前部夷银定倘不浪等愿甘罚伏故也

○己巳以通政司左参议管右参议事梁子琦填补左参议

○升大理寺右寺丞邵陞为左寺丞北直提学御史□为正为右寺丞

○升广西右参政陈应春为本省按察使浙江副使陈诰为云南左参政山东青州府同知王圻为湖广按察司僉事○改补礼部署员外郎主事李祯为光禄寺丞

○庚午 上御文华殿讲读 以
圣母慈圣宣文皇太后万寿圣节赐三辅臣及讲官陈思育等五员银币有差

○辛未升尚宝司丞周继为光禄寺少卿原任太常寺少卿方九功补南京鸿胪寺卿

○升湖广副使项思教为广西右参政

○癸酉以 圣母万寿圣节加赐三辅臣及讲官金万寿字金篆字金银书黄红符各有差

○以候裁尚宝司丞韩必显填补原职

○补候裁山东参政陶大顺为湖广左参政贵州布政钱藻为湖广左布政司使

○复除原任广东布政徐作为福建右布政浙江参议詹贞吉为贵州左参议

○以通州参将谢天祐为山西北楼口参将

○礼部题蜀府南川王让樨病故长子承火□果先以病亡并无嫡子止火□果妾胡氏生子宣鹵□翟年十二岁旧制郡王嫡长子孙十岁授封次嫡庶子年十五岁方准请封今宣鹵□

翟父祖俱故又无嫡子比于嫡长授封之期似亦相应宜听准袭许之

○户部覆科臣姚德重奏称救荒无奇策惟给发速则慰待哺之情举行实则鲜冒领之弊今晋江等各县报赈稽迟虚文饰诈若不重惩何以惩后拟将尹贞度等三员照不及例降调马伯瞻等四员并从重处抚按失于参督亦宜谅行罚治其放过银谷又蠲免改折数目逐一清究限十年三月内奏报以凭覆请定夺得旨抚按官姑免究尹贞度等降级罚俸如议

○先是各省直角□羊部杂项钱粮该部于元年十月题行巡按御史备查解解至是部称如期角□羊到十无一二必有那移别用及官吏欺隐情帑乞酌量省直远近立限再行巡按御史逐年照款尽数追究仍载入考成簿差满报部查参奉旨允行

○乙亥以南京后军都督府佥书刘凤翔为右军佥书西宁侯宋世恩掌前军都督府事

○互调太平路副总兵胡懋功居庸关参将贾应隆从督臣吴兑镇臣戚继光等奏也

○修泗州城外石堤泗城陵寝重地势极洼下旧有石包土堤藉以护城御水久被淮流冲坏抚按凌云翼陈用宾等各请大举修筑以为一劳永逸之计诏亟行之

○丁丑冬至大祀天于圜丘命公徐文璧恭代免百官行庆成礼

○是日遣隆平侯张炳等分祭九陵武平伯陈永禄祭景皇帝陵寝左都督李鹤祭哀冲庄敬二太子坟所

○戊寅孝烈皇后孝惠皇后忌辰遣遂安伯陈澍祭永陵彭城伯张守忠祭茂陵

○朝鲜国王李昖差刑曹参判柳希霖等正从三十四员进冬至令节表文礼物宴赉如例仍给十年大统历一百本

○己卯慈圣宣文皇太后万寿节

上御皇极门百官致词称贺毕三辅臣随诣隆宗门行叩头礼赐寿面酒膳有差

○辛巳少师兼太子太师吏部尚书中极殿大学士张居正正一品十二年考满上遣文书官吴忠赐银一百两纁丝四表里内大红坐蟒一表里蟒衣一表里钞一万贯及茶饭羊酒又特遣司礼监太监张诚赍手敕谕曰卿亲受先帝遗囑辅朕十年四海昇平外夷宾服实赖卿匡弼之功精忠大勋朕言不能述官不能酬兹历十五年考绩特于常典外赐银一百两坐蟒蟒衣各一袭岁加禄米二百石薄示褒眷先生其钦承之勿辞于是居正<媼擢-

金>谢有吏职有一之未修皆臣表率之无状民生有一之未遂皆臣调燮之多乖语

上优诏答之是日司礼监太监冯保传旨谕吏礼两部曰元辅居正受先帝顾命夙夜在公任劳任怨虽称十二年考满实在阁办事十有五年忠勋与常不同恩荫例当从厚其酌议来看

○以广西道御史朱璉提调北直学校

○壬午起用户部尚书殷正茂为南京刑部尚书

○以考察不及调福建左布政沉人种为贵州左布政

○癸未 上视朝

○吏部上大学士恩数曰元辅居正托孤受遗正群情窥伺之始而乃竭忠殚赤振百年因循之弊人所不能为者为之所不敢为者亦为之恩怨莫问国尔忘家今实历经十有五年隆恩异数当不得拘杨廷和徐阶旧例 上然之命支伯爵禄加上柱国太傅给与应得诰命写敕奖谕仍赐宴礼部荫一子尚宝司丞随命司礼监造文字号太傅牙牌一面给之

○甲申大学士张居正辞免恩命曰人道所最忌者非望之福明主所深惜者无功之赏臣待罪十年虽幸四海乂安百蛮宾服然皆 皇上神威广运所致臣安敢妄贪天功滥冒非分以累日月之明除诰命藉荣先世敕奖风励臣工谨已祇领其余非分所安者万乞俯鉴下诚收回成命 上不许

○陕西巡按龚懋贤〈娼弊-金〉言关南自凤翔宝鸡以达汉中宁羗等处万山连云林谷深茂奸徒窃白画劫人行旅渐梗宜略仿边庭事例择要害处所设墩堡金丁壮仍移置将领于凤县适中镇之或将汉中守备兼住凤县汉中往来调度其驿站旧用武职酌改流官驿丞部覆允行

○革南京五城有役弓兵先后八十四名白役弓兵三百四十一名除白役原无工食外其有役弓兵工食尽行裁革俱于苏松等府疲惫县分酌量免编及嘉靖元年至隆庆六年果系小民拖欠者悉蠲之万历元年至九年每年带徵三分角□羊部从南京兵部尚书潘季驯议也

○蓟辽总督吴兑题本年十月初九日东虏土蛮糾众十余万从镇安镇静二堡入边分攻广宁义州十三山等处总兵李成梁率军丁奋勇敌战至十四日前虏从大清大静路退还各营斩首十八颗内名酋二颗获马驼夷器等物又十三日虏三千骑从宁远长岭山人围连山驿我兵复击走之各官俱应叙录乞速勘以便行赏部覆从之

○减湖广巡抚衙门岁角□羊赃赎银五千两如江西抚治例岁分二次角□羊部济边其万历八年以前未角□羊银数各官既皆去任俱免补角□羊

○丙戌以山东都司金书朱心学为统领蓟镇春班游击

○以直隶真定顺德广平三府风灾从巡按御史范鸣谦奏分别蠲赈夏税全徵者秋粮内抵免之

○丁亥大学士张居正复上辞＜娼弊-金＞准辞免伯禄上柱国部宴○增云南岁进九成金一千两云南旧不贡金自嘉靖元年派进一千两十三年后加成色金一千两寻奉停止至是奉旨再加二千两该部备陈采办之苦输贡之艰且言事必系国家典章生民休戚一时议定世守不刊始谓之例今取金非惟正之供加派非惠民之政著以为例后世何观节年内府供用渐踰旧制不可胜纪今又增买前金以为年例臣等若阿顺不言亏皇上节用爱人之德是上负国恩不忠之甚者臣等实所不敢亦所不忍上是之然终以宫中岁用不敷命且着加九成金一千两

○戊子酌免福建汀邵延建兴漳泉七府驿站银免编一年以历年节省积剩贮库银足抵一年故也

○裁徽州府营兵一百名及各县侦卒三百名岁省银五千五百一十二两池州池阳营额兵五百减二百名岁省银一千七百二十六两

○己丑遣刑部司属施梦龙往北直程正谊往山东王道纯往山西阎漳往河南吴同春往陕西王任往湖广蒋三近往江南张一坤往江北霍震东往浙江冯孜往江西李良柱往福建王桥往广东孙从龙往广西大理寺寺正陈明经往云贵各恤刑

○庚寅建州卫女直夷人都督松塔寺一百员名赴京进贡宴赏如例

大明神宗显皇帝实录卷之一百一十九

万历九年十二月辛卯朔以原任贵州总兵郭成为镇守四川总兵官

○壬辰 上御文华殿讲读

○兵部奏裁过大小文武京职一百六十五员应减柴薪直堂五百八十九名岁省银六千九百七十四两行直隶山东山西河南四省直照例免派从之

○癸巳 上视朝

○给大学士张居正太傅诰命

○金星与土星合犯顺行入危宿度

○甲午 慈孝献皇后忌辰 奉先殿行祭礼

○皇第一女生○原任南京礼部尚书林廷机卒廷机福建闽县人由庶吉士历今官简重著声讦闻赐祭葬如例

○原任贵州巡抚右副都御史蔡文卒文福建龙溪人由庶吉士改兵部历官三品未考满与祭一坛葬减半

○原任左军都督府掌府事少保兼太子太保镇远侯顾寰卒寰历事三朝忠勤颇著命照例给祭葬赠太保还与他谥

○泰宁等卫夷人头目升合儿等赴京贺冬至节宴赏如例

○乙未以清丈田亩怠缓松江知府阎邦宁池州知府郭四维安庆知府叶梦熊徽州掌印同知李好问各住俸戴罪管事

○丁酉以 皇女诞生 上具吉服告 奉先殿仍御皇极门百官致词称贺赐三辅臣及讲官陈思育等花币有差○命太仓光禄寺各进银十万两备宫中喜事赏赐巡视太仓兵科给事中万象春等奏言国家内外帑藏供用自有定规如金花子粒贮之内库专供御前之用京边钱粮贮之太仓专备军国之需前者 圣母诞辰恭祝万寿 皇妹婚礼制办妆奁犹谓太仓不可借支旋从停止今柰何取之充 皇女赏赉之用乎且太仓虽有赢余不过仅支本年应用若不及时节省备三年九年之蓄脱有水旱盗贼何以应之会光禄寺少卿袁三接巡视光禄给事中高尚忠亦交章争之未从

○南京吏科给事中吴琯论大理寺卿张梦鲤广交延誉依阿承奉南大理卿刘志伊立身无节御下无纪俱不可充廷尉称平之选上命都着策励供职

○定四川巡按衙门角□羊部赃罚银额岁八千两陕西巡茶御史岁六百两

○己亥丈江西六十六州县官民塘池原额外丈出地六万一千四百五十九顷五十四亩免另行升科即将抵补该省节年小民包赔虚粮又查出南丰县召佃租田四万七千三百石武宁县未卖没官田三百七十一亩通行认价得银三万六千四百九十两角□羊部济边其清丈官抚按王宗载陈世宝及参政乔懋敬等六十二员纪录有差

○先是江西南昌屯地坐落直隶东流县抚州饶州二所屯地坐落建德县隔省不便稽查往往为奸豪占夺及清大命下建德县豪民徐宗式等阻挠大量徽宁兵备道程拱宸复为部民党护上命拱宸住俸督大尽将徐宗式等九年拖欠追夺还官建德东流二县许江西抚按遥制完欠一体查究

○以大宁都司佥书黑晓为宣府游击宣府西路参将李栋为分守南路参将

○宁阳侯陈应诏袭爵

○庚子 上御文华殿讲读

○以 皇女诞生复赐辅臣及讲官银币

○甘肃巡抚栗永祿致仕以山西右参政王士□□为都察院右佥都御史巡抚甘肃地方

○除原任广东副使徐汝阳为浙江副使

○减徵蓟镇均徭银三千一十三两昌镇五百三十一两

○筑太平府甑城从抚按孙光祐陈荐奏以该郡留都上游最为要害故也○查明建州卫指挥咬郎等十员名失落敕书补赏如例

○辛丑山西太原潞安二府并辽沁泽三州灾巡抚辛应乾后期乃闻户科给事中姚学闵奏言地方水旱灾伤抚臣即时奏闻不俟再查按臣勘明即题不俟部覆所以急民隐宣主德也今灾已数月而辛应乾候勘乃奏迟留小民之疾苦壅闭朝廷之德意荒政何裨宜通为勒限夏灾定以五月秋灾定以七月敢有耽延过期不报者罪之又西北一带边方气候不同腹里八九月间在腹里为盖藏之期在边方为登获之候霜雹下零子粒凋枯灾伤此时为甚若拘定报期地方官恐罹后至之罚反匿边屯之苦不以上闻今后惟腹里各州县严督如例边庭不妨宽之 上以为然辛应乾姑免究

○以原任河间游击江昌国分守宣府西路参将

○壬寅 上御文华殿讲读

○礼部类奏年终灾异报闻

○减保定总兵参游等官公费八百九十一两保定左等二十五卫所均徭银八千五百一十三两无银力差人役原额二万一千五百一十七名止存一万九千六百七十五名各关营将官差占人役二千二百七十八名止存一千一百三十四名永免金派

○清丈南京芦洲其芦课完欠有司官许管芦主事年终照马船料价事例酌量完欠甄别以闻

○癸卯 上视朝

○以原任神机七营参将马应奎为河间领军游击○甲辰 世宗肃皇帝忌辰奉先殿行祭礼遣靖远伯王学礼祭 永陵

○乙巳以年节赐辅臣及讲官银币有差

○景皇后忌辰遣都指挥僉事李文全祭 陵寝

○巡仓御史顾尔行奏内府诸库上纳最艰小民视如天上故歇家惶惑之说易行而赔累至不可算臣等裁定规则刊榜晓谕每白米百石除铺垫三两其余琐费诸款各库俱有的额向来积弊一时具厘纳户便之人白粮旧例住泊丁字沽复雇剥船至通州石坝囤房堆寄俟漕粮过尽方行尽纳起剥赁积之需居房火烛之患不可胜言宜令原船直抵河西务住泊照漕粮事例请官船起剥载入议单永为定规

上从之仍令有指称抑勒等弊指实参奏○丙午补山西左参政胡来贡为原官

○丁未 上御文华殿讲读

○戊申除原任湖广左参议栗在庭为山西左参议

○直隶巡按刘光国等奏保勘过节妇宋氏等一十四人烈妇何氏等十五人烈女刘氏等三人照例旌表以励风俗得旨允行

○庚戌辅臣张居正等奏今年两论讲完明春应讲孟子已经面奏惟通鉴讲至宋徽宗年间虽未全完然自此以后皆徽钦北狩宋室南迁之事无可进讲者查得隆庆五年 先帝时讲通鉴亦只至宋徽宗止以后即以贞观政要接讲臣等看得贞观政要一书于君德治道实为切

要拟于明春即以此书进讲 上然之

○勋卫张元功袭爵英国公

○以原任江西副使王象坤为河南提学副使户部署郎中事主事苗勃然为陕西佥事○工科给事中刘弘道劾奏南京礼部尚书刘斯洁赋性既多褊浅御物益少优容年力衰颓行事周章乞赐罢斥以为大臣不知止足之戒 上曰近来朝政清明大臣皆知重简修职即有性气稍偏而大节无亏亦自不可轻弃今后科道官宜体朕录用旧人之意无得搜索琐细动行抨击及轻听流言为人报复致乖清朝和平之美

○朵颜等卫都督花歹等头目火爾赤等二起共一百九十三员名赴京贺冬至节宴赏如例

○定福建总兵副参及都司守备把总等官公费柴马屯耗等银原额八千七百七十四两止存七千一百十两七钱差役军丁八千二百五十二名止存六千五百八十九名余悉裁减永免派徵○兵部题参管理红盔官军豐城侯李环南和伯方烨遂安伯陈澍占卖直军八百五十余名革任闲住平江勋卫陈胤兆占用直军一百名革俸半年得旨依拟行

○甲寅辅臣张居正等以年终将讲过经书通鉴讲章缮本进呈仍乞发下司礼监接续刊行上允之

○先是户科给事中叶时新建议罢浙中募兵并裁总兵参将等官兵部下抚按会议至是抚按吴善言等题称浙兵缺额过半益以募兵尚不满旧海寇叵测防御当周理难遽罢定海总兵及嘉湖参将俱不可裁止裁总兵标下官兵四百八十余名定海海宁把总各一员岁省饷银五万八千余两部覆允行

○筑河间府甓城从抚按辛自修等题请也

○乙卯兵科给事中杨廷相劾云南左布政使陶幼学望轻年暮命致仕○丙辰除原任刑科给事中韩绍为吏科授庶吉士林休徵为河南道御史

○四川巡抚张士佩论劾西充知县张𪔐＜娼弊-
金＞内形容太过非章奏之体给事中秦耀查参罚俸一月

○以永康侯徐乔松武定侯郭大诚定国勋卫徐廷辅管理红盔将军

○以神枢三营游击吕豸为五军八营参将辽东庆云堡备御载良栋为五军九营游击神机二营参将侯之胄为神枢营右副将广东游击周勋为广西永宁参将

○更调福建总兵呼良朋广西总兵王尚文各还旧地从兵科王致祥题请也

○丁巳 上御文华殿致斋

○先是周府宗室勤□□鱼在洧川地方与居民路刚等赌博并调戏其妹争嚷告县署印照磨孙健责之勤□□鱼赴京伸愬 上谓卑官敢擅打宗室谕内阁拟旨处治辅臣张居正等上言勤□□鱼擅出封疆违例赌博调戏女子先自处于有罪之地县官因其来告遂加责打或不辨其为宗室亦未可知盖洧川非宗室分封之地也又宗室不许擅越奏扰奉有明例今据勤□□鱼所奏乃一面之词其中始末缘由有无亏枉皆未可知若便出特旨究治将来豪宗得惯动辄出郭奏扰亲王不敢约束抚按不敢谁何恐 皇上亦不胜其烦渎矣臣愚以为只宜照常下部行该抚按官查勘果罪在照磨自当尽法重处若罪在本宗亦当启知周王照例处治庶法得其平足以服天下之心 上从之○礼科都给事中帅兰等题请裁定司寺职典以一官守言我朝置通政使司职掌出纳司封驳之权与部院诸大臣共议国是而鸿胪寺之设惟司仪其职也官制判然两途非可假借乃今四方陈请建言等事一切〈娼弊-金〉劄不在通政而在鸿胪者强半矣体统不别分属未明制涉于背驰迹嫌于侵夺甚非祖宗建官初意乞据会典折衷改正明白除庆贺奏捷进贡朝见等项题本会典开载者仍由鸿胪寺奏进其他凡天下臣民无问王府总兵外夷有所陈乞控诉讦辩事情尽属通政司该寺不得一毫干预得旨允行

○戊午补原任陕西副使胡穗铨为本官

○己未 上亲诣 太庙行祫祭礼

○礼部上 皇女弥月命名剪发仪注

明神宗显皇帝实录卷之一百二十

万历十年正月庚甲朔 上御皇极殿受百官朝贺遣侯将建先邓世栋伯卫国本李应臣郭应乾左都督李鹤都指挥佥事陈昌言祭长陵等 九陵及 景皇帝陵 哀冲 庄敬二太子坟

○壬戌立春 上御皇极殿受群臣贺赐三辅臣上尊珍饌

○宣宗章皇帝忌辰祀于 奉先殿遣伯刘嗣德祭 景陵

○升陕西苑马寺少卿邢玠为山西行太仆寺卿兼佥事驻宁武湖广宝庆府知府李大吉为福建都转运盐使司运使

○丙寅发太仆寺马价银一万两备蓟镇春防

○遣刑科都给事中周邦杰往蓟辽保定工科左给事中萧彦往延宁甘固兵科给事中田大年往宣大山西各阅视

○丁卯 上亲享 太庙○兵部题清黄差宜如例报可

○己巳 上传谕三辅臣诣西苑观灯各赐酒饭

○南京兵部尚书潘季驯题议五事一充营伍以重防御额军逃亡数多严行各省勒限勾补一定城守以便责成江浦县守卫等事责之县令该部节制一裕作养以备选用行武选司将各官袭职回者拣选年青志学优骑射者送武学一清丈量以息争端江浦县水夫营基铺地太平府青峰等处草场行屯田御史同本部吊册清丈一均兵饷以便操练广武英武飞熊等三卫舍余军丁拣选池河营操练一千八百名俱给以月粮部覆从之○革神枢营游击陈汝德任以山东巡按陈功论其前任不职故也

○两广总督刘尧海题减广东均徭银力并均平民壮驿传额编添编及原漏报扣充饷银五万四千三百四十两有奇以宽民力将八年以后见存驿传余银二万六千五百二十二两零并续徵完各年拖欠与九年支剩银二千九百余两俱抵十年支应充饷全省免编半年其未完银两自元年至四年

○姑念兵燹蠲免五年至八年分三年带徵报闻

○庚午 孝恪皇后忌辰祀于 奉先殿遣伯杜继宗祭 永陵

○上御文华殿讲读

○准福建按察司僉事甘雨致仕○先是巡抚陕西右僉都御史李尧德被劾行勘至是巡按御史龚懋贤奏所言皆无据且言其年力未衰素谙边务有难遽弃部覆御史言是诏推用尧德

○保定巡抚辛自修奏清丈过所属田土共增出地一万七千五百八十余顷增子粒银四千二百六十两民粮一万三千六百石及称曲阳阜平二县地土境垆可耕者未半而粮马差徭反重于他方任丘县水患相仍濒河千有余顷而岁入银两取盈旧额邢台沙河二县水冲河压多至失额请将四县起运钱粮于每年分派之时坐以轻价仓口其存留者止派正支任丘县濒河粮额遇水均摊各承委官参政曹子登纪录知县余启元等分别降处户部覆请允行

○大同大过所属民地实在三万一千五百三十九顷七十九亩零实派粮一十一万四千一百八十四石有奇屯地实在四万七千八百一十一顷四亩有零实徵粮一十五万一千九十九石有奇比旧各增三分之一而巡抚贾应元议各州县土兵每名俱免粮五石以恤其私山阴马邑灵丘三县牛具河浦军储粮草银两改入民税即以安东卫中所公费草价地银照数抵补山西北楼口隔占应州民地与振武卫认纳子粒地土各粮草遗在本州赔纳者俱准开豁大同前后右玉等十一卫所抛荒及虚报新增水冲地粮及各州县河压水滩不等地粮俱以首出余地酌补浑源州牧地粮草改附安东卫中前二所徵纳各承委官参政梅友松等录用知县李实馨等分别罚革提问户部覆请得旨如议行

○先是锦衣卫较尉张寿冒升副千户事发充密云中卫军后诈为副千户脱伍复冒功历升指挥使刑科给事中为露劾其当罪及言辽左大捷奸人多挂名冒级两广福建报功冒滥恐不止辽东一镇张寿一人也宜行督抚衙门除正军外一应效劳听用等员役备造咨送收用衙门清册送部科遇有功查核兵部言随征官军照旧开造如系报效听用员役及充军立功人犯即于本名下注明某时某衙门咨送调取某衙门收用原犯某事充军立功本部酌情罪之重轻功次之真伪一并题覆诏下张寿于巡按御史问责各该巡按严革冒功级称报效听用者

○辛未巡抚山东右副都御史杨俊民奏该省民穷财尽应节减以苏重困除岁额角□羊京银三千五百一十三两有奇照旧徵收外其公费银共该徵一万九千两有奇今裁十之一差占军丁人役通共九千九百五十五名今裁一千四百六十八名部覆报可

○从辽镇总督吴兑请诏修义州城垣并台楼等用广宁库银八千五百九十八两有奇

○褫南京兵部车驾司郎中刘学朱江浦知县余乾贞职闲住坐考察彼此揭辩故

○通泰淮安三分司所属豐利等三十场风雨暴作海水泛涨一时淹死男妇二千六百七十余丁口淹消盐课二十四万八千八百余引巡盐御史任養心以闻请将两淮库贮经纪换帖纳稻等银一万二百一十二两有奇准令照数动支分别赈给其淹消盐课行令各该总灶陆

续完补听候商人关支部亦以为言诏曰可

○壬申四川巡抚张士佩奏川省卫所银差太重民力不堪除火器火药操赏祭需等项额银一千六百三两有奇及茶绢布仅各足用俱照旧徵收外其余纸劄等项额银八千九百四十九两有奇减二千三百一十七两有奇力差军伴识字额设四千八百一名减一千九百五十一名又革把总千总家丁等项二百二十四员名每年省本色米一百三十六石零折色银一千四十七两有奇部覆如议

○初各省直卫所官舍凡有功升犯罪等项兵部具题命下之日即行五军都督府填给勘合挨顺字号年月转发都司卫所逐号造册送府查对例也其后久不缴报奸弊丛生陕西都司缴到张维忠等勘合内多张万等七人伪填职级钤盖假印为右府掌印恭顺侯吴汝胤所参部因请严行申飭查处上付张万等巡按御史逮问且恐奸弊不止陕西一处令五府将节年缴到勘合逐一查简送部参对未缴者责令依限销

○癸酉升河南江西山东各按察使丘岳王续之李汶各右布政使岳续之本省汶江西

○升大宁都司领班佥书刘光先为神枢四营游击

○巡按陕西御史赫瀛题陕西行太仆寺官职冷权轻动生欺玩乞将把总等官属令赏罚地亩等银收贮本寺仍行该寺各官各照原分镇地每年二次亲历各营堡逐一点阅马匹举行奖戒桩朋等银亲督各官勒限追完其以前未完自三年至九年一并清查催徵少卿李承选移驻延绥军民词讼量行剖断覆从之○甲戌以元宵节赐辅臣各膳酒有差

○丙子 英宗睿皇帝忌辰 上祀于 奉先殿遣伯费甲金祭 裕陵

○戊寅 上视朝

○升四川佥事王筵为陕西苑马寺少卿兼佥事湖广右参政贺邦泰于江西四川左参政蔡叔逵于山东陕西左参政董汝汉于河南各按察使

○户部题免该元辅张居正子编修嗣修恪遵庭训清查本家应免丁粮并将亲族异姓影射者通行首革本部据抚按会奏题请各省遵行今据浙江等处册报共革过冒免人丁四万三千七百八十粮六万三千八百八十石有奇合移咨各省抚按严督所属将优免定例刊右遵守仍不时清查奏报< 娼鬻-金 > 上如议而< 娼鬻-金 > 中颂美元辅几于諂谀识者鄙之○降汀漳守备瞿世泽总捕同知徐得祯等坐武平失事杀死男妇十四人匿不报为抚按劳堪等劾奏也

○叙辽东修边功赏总督梁梦龙等银弊有差

○己卯从陕西巡按龚懋贤请解西安等府贙罚银四万两充延绥年例

○庚辰升陕西副使暴孟奇为本省左参政山东副使赖廷桢为四川右参政

○调补湖广右参政项思教

○户部覆陕西总督高文荐条陈边饷事宜十二款四核丈勘广招徕给牛种蠲旧逋酌起科处新饷查隐占筑墩院专委任昭劝惩禁科歛宽期限其指画屯田甚悉得旨依拟行

○辛巳上御文华殿讲读

○南京户部尚书王好问再< 嬖孽-金 >乞休不允○先是阳城王薨长子载土□常当封以罪废为庶人次子镇国将军载垕请袭部议阳城王已没载垕无改封长子之理且载土□常原系应袭王爵被废与以罪削夺王爵不许承袭例近然载土□常故未封予夺唯命诏载垕以本职管理府事

○壬午升湖广副使叶朝阳为广西右参政湖广左参议刘鲁为山东副使陕西固原兵备副使角□羊学礼为本省右参政

○予原任南京礼部右侍郎殷迈祭葬如例

○予原任巡抚贵州都察院右副都御史陈洪蒙祭葬如例

○户部覆凤阳巡抚凌云翼题淮安府属安东县原额六十一里徐州属萧县四十六里沛县三十八里迹因黄河变迁地失人逃议并安东县为四十里萧县三十七里沛县三十里仍严督各县官查明见存人户照军民匠灶原籍归附里甲当差填注赋役册内永为遵守报可

○两广总督刘尧海题清查遇广东通省总副参游守把都司卫所营路等官一应常饷军需共裁减银四万二千三百一十一两有奇革去食粮余丁本折米七百六十三石清出占用旗军三百四十三名舍余四百五十三名报闻复定大理寺左寺官六员以浙江福建山东四川广东贵州六司道狱词属之右寺官七员以江西湖广河南山西陕西云南广西七司道狱词属之从刑科左给事中张养蒙奏也

○癸未上御文华殿讲读

○准皇亲沉至男承宪袭锦衣卫带俸指挥僉事

○甲申孝靖毅皇后忌辰祀奉先殿遣伯赵泰修祭

康陵○文书官宋坤传谕内阁册封九嫔奉慈圣皇太后慈谕礼部其择日具仪以闻盖比照

世宗皇帝奉

章圣皇太后慈训例也辅臣张居正等言臣等细详今日事体与嘉靖年间不同比时

世宗皇帝虽并奉两宫皇太后而昭圣乃世庙伯母故一切典礼独奉章圣慈训以行今日

仁圣慈圣皆皇上之母伯侄之与子母情分自殊故前皇上大婚等项典礼皆奉

两宫圣母慈谕行臣等窃以册嫔之礼仍宜并奉两宫圣母慈谕为当上从之

○礼科给事中聂良杞题乡贤名宦关系礼典今多滥冒及司府州县等官建立生祠徒长奔竞宜核礼部覆给事中言是上诏各抚按提学官严默冒滥仍报部以凭稽考以后应入祀者务严禁之○升湖广右参议侯尧封为本省副使

○革河南参议周有光职为民仍下陕西巡按御史问坐前任宁夏兵粮道贪恣不简为三边总督高文荐所劾奏云

○豁先年山西修边隔占应州民地一百八十六顷有奇边墙壕窖占用民地一百二十六顷有奇税粮及山西军民杨春等边里开种地一百一顷余并荒闲地九顷十五亩令应州民承种粮入该州额税主石北楼口边界从户部覆总督郑雒大同巡抚贾应元山西巡抚辛应乾直隶巡按茹宗舜各题请也

○陕西总督高文荐题报河套诸虏假道西行虽称讎杀瓦剌寻抢生番虏情叵测当严防范部言地方官宜多方侦探相机应变固不可失彼款顺之心亦不可堕彼变诈之计

上是其言○乙酉上视朝谕内阁朕近来每视朝见百官服色束带都不按品级行礼之际咳嗽吐痰殊为不敬先生说与鸿胪寺传示百官辅臣张居正等言礼莫大于君臣之交分莫严于上下之辨况朝参之际

天颜咫尺尤当致敬而不可忽者孔子曰事君尽礼近日朝参之礼委觉少懈今蒙天语申严众心知儆嗣后有犯者令鸿胪寺及侍班御史指名参奏必罪不宥遂命礼部定朝仪服式文武官一品至九品锦绣不许用明绿色束带不许用象牙银王□母

○陕西监苑官职专蕃牧关系边方马政而围长秩卑不能控驭巡按赫瀛奏将长乐灵武二监监正开城广宁黑水安定清平万安武安七苑围长俱裁革而改七苑为七监每监设监正一员俸秩与县官等礼部铸给七监印信以便行事且言该寺所养马有孳生赔补茶马私马等项其孳生赔补私马在苑牧养者弊在该苑至于茶马其弊不专在该苑也西宁河州洮州等处每岁以茶易马各监督兵备道多视为鄙事概委通判经历等官听具徇私交易□市番马多不堪用即用一二齿壮膘满者漫无考稽及各道印烙分派贫军押角□羊平凉千有余里兼之草料乾没比至二寺挂号交割倒死瘦损居半该寺官畏角□羊军刁难隐忍牧受又不分别搭配即时散给以致黠卒富者贿通监圉得给膘壮而羸马尽属贫军孳息有限亏耗数多所以牧军若赔逋逃法废弊滋莫此为甚合严行各兵备道如法验收各该按臣仍照数点验以防抵换虚捏等弊收苑之后该寺官即时搭配给发督率军役用心牧养庶马政可修而边方有赖该部覆其言是上可之

○陕西右参政霍维蓀坐党护都司汪大雄为总督高文荐所劾调简僻

○予原任大理寺卿刘望之祭葬如例望之四川人虽历三品未期而自京尹移廷尉已经两任言者虽论其衰老然自陈乞休在未论之前进退既无可议清操更自皦然故部覆予之

○论九年辽阳等处失事罪降辽东副总兵曹簠都指挥吴胤祖备御崔吉等级并升赏徐日增等各有差

○丙戌上御文华殿讲读○南京吏部尚书何宽乞罢不允先是南京江西道御史李士达参论原任刑部郎中邵城等受贿鬻法词连宽宽_金 > 辩因请罢部覆宽剔历中外素有声称且邵城经宽察处则心迹自明上令供职如故

○大理寺卿张梦鲤以病乞休许之

○升户部郎中王学书为山西右参议四川僉事田乐义为湖广左参议云南僉事罗良祜为湖广右参议

○丁亥大学士张居正等奏二月十二日经筵开讲除孟子照常进讲外其书经去年讲完今岁应讲诗经此书本人情该物理近之可以修身齐家远之可以治国平天下于君德治道裨益不浅上允之

○戊子仁圣皇太后万寿圣节上御皇极门百官称贺免百官宴赐三辅臣上尊珍饌○予益王府嫡第三至第九子黎丘王常溱浦阳王常浆淳河王常汭华阳王常汛筠溪王常沐罗川王常湑各民较二十四名每名每年于均徭内带徵银一十二两角□羊布政司转发该府雇役报可

○升河南副使张昇为本省左参政广西左参议陈尚伊为云南副使

○以神机二营练勇参将侯之胄为神枢营右副将

○己丑发太仆寺马价银一万二千六百两于蓟镇备明年抚赏从兵部题总督吴兑循例咨请也

明神宗显皇帝实录卷之一百二十一

万历十年二月庚寅朔 上御皇极殿

○升云南按察使魏体明为本省右布政使山东副使贾仁元为陕西右参政山东佥事李□为广西右参议 裁革山东德州左卫莱州卫各知事一员

○辛卯升贵州按察使刘经纬为四川右布政

○陕西巡按赫瀛劾行太仆寺卿史嗣元回任违限令闲住

○巡抚四川右副都御史张士佩乞罢不允先是兵科给事中刘朝璽论士佩庇护同乡贪知县秦可贞士佩＜娼弊-金＞辩历叙生平夸张琐屑再为吏科给事中顾问所劾上姑寔不问

○南京礼部尚书刘斯洁乞罢不许○革大宁风疾都司曹师彬回卫

○提问陕西都司佥书汪大雄以总督高文荐劾其开边衅也调江西湖西道副使胡同文于简僻同文萎蕤缉贼不前故调

○壬辰 上视朝

○升保定巡抚右佥都御史辛自修为大理寺卿河南右参政徐元气为云南按察使

○吏部等衙门循例请行取考选得旨如例行

○江西巡抚王宗载题清丈过南昌等十卫所屯田共增新额三百九顷及尽豁节年失额沙塞正余米一千四百四十余石部覆从之

○广西巡抚郭应聘题裁减该省总兵参将都司守备卫所各衙门公费银一百三十两有奇人役七十四名其余额设马步军杂操等项及岁支本色米各照旧报闻

○癸巳升福建左参政郭孝为贵州按察使陕西行太仆寺少卿马时泰为本寺卿兼佥事

○起致仕户部尚书殷正茂为南京刑部尚书正茂＜娼弊-金＞辞不允

○宁夏巡抚晋应槐条陈四事曰清库藏曰重堡官曰苏积困曰议召买部覆诸议有裨边计报可

○北虏顺义王俺答卒边臣以闻
上嘉其恭顺特命赐登七坛彩段十二表里布一百疋以示优恤

○而其妻哈屯率其子黄台吉等进马表谢复赏彩段布疋有差

○巡抚凤阳都御史凌云翼议裁减所属军卫公费银六千六十三两有奇人役一千六百三十六名部覆从之

○诏决囚徐良材于闽胡濂等九名于楚良材侵官银一千四百余两止完五百余胡濂等俱欠四百两之上故从抚按请决也○甲午
上谕内阁去岁秋冬竟无雨雪今春农务何赖朕甚忧之先生等传示礼部竭诚祈祷是夜大雨

○遣礼部右侍郎陈思育祭 三皇于 景惠殿以祭设赐三辅臣

○例升礼科都给事中帅兰为江西左参政吏部稽勋司郎中赵国璧为河南右参政云南道御史茹宗舜为山东右参政河南道御史陈用宾为四川右参议户科右给事中高尚忠为陕西右参议吏科给事中张世则兵科给事中刘朝璽河南道御史吴之彦广西道御史刘养充各佥事世则河南朝璽福建之彦山东养充陕西

○仍以唐府镇国将军宙桢为宗正以贤声久著不允辞职

○补锦衣卫南镇抚司右都督冯邦柱指挥同知继书本卫堂上佥书

○以南京坐营署指挥佥事李栋为刘河游击

○乙未册 永宁长公主以梁邦瑞为驸马都尉

○升江西佥事郭汝为陕西行太仆寺少卿兼佥事吉安知府杨惟乔为江西副使

○原任吏科给事中张世则讦奏吏部尚书王国光鬻官黷货赃私狼藉乞行罢斥国光＜嬖孽-金＞辩谓世则以外转故挟私论臣且所指通贿贾名儒等见在可质 上谕留国光而怒世则挟诬以原职降一级调外任仍敕科道官照前旨内外一体升转年创母例之说使人得规避逞臆

○太子太保吏部尚书王国光再＜嬖孽-金＞乞罢复慰留之

○降行取知县陈诗级调闲散治其不候开俸擅离任之罪

○丙申论九年倭犯浙江功纪录镇巡等官吴善言吴国唐本尧等仍命斩倭贼顺三李郎并梟善南门等十八名首级沿海悬示

○丁酉遣礼部尚书徐学谟祭

先师孔子○辅臣张居正等题窃闻致理之要在于安民安民之道在察其疾苦年来 圣明轸念元元特下明诏清丈田粮查革冒免海内如获更生然尚有一事为民病者带徵钱粮是也夫百姓财力有限即年岁豊收一年之所入仅足以供当年之数不幸荒歉见年尚不能办岂复有余力完累岁之积逋乎有司规避罪责往往将见年所徵那作带徵名为完旧欠实则减新收也今岁之所减即为明年之拖欠见在之所欠又是将来之带徵诛求无已民何以堪况头绪繁多年分混杂愚民竭脂膏以供里胥指交纳以欺甚有不才官吏因而渔猎夫与其朘穷民膏血以实奸贪之橐孰施旷荡之恩使小民戴上之仁哉查户部自隆庆元年至万历七年各省直未完带徵钱粮一百余万兵工二部马价料价不与焉而苏松两府至七十余万盖以彼处税粮原重故逋负独多耳昨应天巡抚孙光祐具奏请蠲户部以干系国计未敢擅议臣等窃为德惠当出朝廷若令地方官请而得之则恩归于下怨归于上矣乞特谕户部会同兵工二部查万历七年以前节年逋负除金花银两系共 上用例不议免外其余悉蠲止将见年正供之数责令尽完夫以当年之所入完当年之所供在百姓易于办纳在有司易于催徵閭阎免诛求之烦贪吏省侵渔之弊是官民两利也况今考成法行公私积贮颇饶即蠲此积逋于国赋初无所损而令膏泽洽乎黎庶颂声溢于寰宇久安长治之道计无便于此者 上纳其言寻有诏朕闻各处带徵未完钱粮苦累小民户部其查节年所欠几何即今应否蠲免止将见年正供之数勒限完纳会同兵工二部议处以闻户部因言查得江南苏松等府拖欠本折银七十一万一千三百五十两淮扬等府二十三万九千六百三十两山东三十三万二千七百一十两兵部查题准带徵未完银二十九万五千九百九十七两未题拖欠银一十六万四千二百六十两有奇南京户部查湖广等处拖欠南储钱粮本折银二十七万五千一十两一体蠲免从之此视汉蠲租之诏不啻过之矣

○以恭写 永宁长公主金册赐辅臣各银币有差○修兰州城费银三千五百四十二两有奇皆动支于修边支剩银内

○蓟辽总督吴兑等题各马房牧地与民社互相错杂今照巡青衙门原题数逐一清查通州昌平武清东安顺义各原题少而今报多香河大兴宛平各原题多而今报少议以多余之地补失额之粮除抛荒水占不堪耕种及牧马养赡公廨营房道路河渠杂占外实在现徵子粒地共一万八百一十七顷一十一亩有奇徵银二万三千三十一两有奇岁为定额其东安县大坝马房水占地听从民便量摊鱼课银五十三万照旧徵纳部覆从之

○戊戌祭 太社 太稷以公徐文璧代

○赐戴圣夫人金氏房价银七千两○己亥 孝贞纯皇后忌辰祀 奉先殿遣侯李环祭 茂陵

○庚子 上御文华殿讲读

○罢分守杭嘉湖参将李应麒

○辛丑 上御经筵

○壬寅 上视朝

○铸给各分守道关防

○兵部题贵筑一区蜀之播州八司襟带于前楚之平清偏镇四卫联络于中而贵思石铜镇五府反环抱于外黎平一府又在辰沅间与五开卫同城颇有鞭长不及腹之虑今巡按马呈图欲割播州八司平清偏镇四卫尽隶贵州及镇雄乌撒东川乌蒙四府官吏悉入贵州巡按考察举劾乞行湖广四川各抚按勘议会奏后及雕剿事宜报曰可○癸卯甘肃赤白云气见

○升游击张应选为浙江参将

○甲辰裁革湖广澧州顺林驿口

○乙巳 上御皇极殿谕内阁朕遵 皇祖时选中淑女册封为九嫔卿等传示礼部行

○丙午赐三辅臣果饼

○户部进万历会计录四十四册

○丁未升南京福建道御史郑之亮为江西佥事江西道御史李士逵为四川佥事

○复除石应岳为礼科都给事中

○革云南新兴州贪知州张于京职为民

○户部题各省赃罚银自万历九年至十年旧数外共增银四万五千七百三十八两零照地方之烦简定额数之多寡若诸臣肯体国奉公不充私费私馈则每年所入自足额角□羊之数但恐角□羊数稍增馈用不减乃入仍旧所出反多公私之货日羸库藏之蓄渐缩抚按必以多责司道司道必以多责有司有司希悦上官以多相胜罪一人而连及数人应无力而概以有力律止赎杖则拟满徒银应给主则拟入官甚至罚干证科良民有司曰不加益则上官驳详抚按曰不加益则岁角□羊不敷是本部清查赎金之议反为殃民剥下之媒朝廷富有四海何利此赎金为贪利口实耶查抚按衙门公费纸红薪菜吏书廩粮等项皆正项应支又分外给赏公差及供送过客乡官一省所费或以五六千计经年累月追之甚难片纸只字耗之甚易殊员 皇上禁贪责实之意 上曰前旨稽查赃赎意在禁私馈私用若馈用不减徒倚角□羊进克取将令狱讼滋多诛求苛刻反成弊政即行各衙门知之

○礼科左给事中史继宸言近日诸臣偷惰御门犹恐点闸及朔望殿殿奏请庆贺及一应大礼大节班列寥寥应请旨点闸至于朝参公座并载典制近多托故注籍既误随班兼废职业今后如非真病经月不出者容臣等指名参奏 上是其言因谕礼部近日各衙门官升堂大迟日过辰已尚未公座酒席宴会仍复盛行尔等堂上官宜率属勤修以称朝廷励精图治之意怠肆旷职者参处如堂上官姑息容隐科道官一并参奏

○补锦衣卫南镇抚司佥书管事署指挥使许茂樨王汝梅佥事殷宗传

○革甘肃总兵雷龙回卫阅科田大年参其贪也

○以昌镇守备李太初为真定车营游击

○录七年八年九年修完小团山寨见山松山寺等堡各边台十九座剩银三千二百六十余两米器具称是一赏按察使李松参将裴永勋等有差

○戊申 上亲祭 大明于 朝日坛

○恭仁康定景皇帝忌辰遣伯张元善祭 陵寝

○辛亥 上御经筵

○巡按直隶御史曾士楚以病罢先是士楚＜娼弊-金＞留大学士张居正夺情为编修吴中行简讨赵用贤所斥至是将按苏松士楚曰吾何面目见吴赵诸君子遂引疾去

○革云南曲靖年衰副使胡文职闲住

○叙宣府修边功赏总兵麻锦等有差

○壬子 上视朝

○升太常寺卿阴武卿为右副都御史巡抚保定贵州巡抚右佥都御史王缉为右副都御史巡抚南赣

○革浙江金衢副使李士迪职闲住巡按言其罢软故

○陕西副使任彬以病罢○陕西番木竹镇纳的楚药□等进贡方物赏赐如例

○癸丑革湖广原任不谨知府王宇职闲住

○罢大同参将王吉及守备孙效武王廷臣蔡国瞻

○甲寅改南太常寺卿李辅为太常寺卿

○禁外官仪从舆卫毋许越礼从礼部覆礼科给事中帅兰所建白也

○以山西偏头关参将李东旻为宣府右卫右参将

○以孙国臣充总兵官镇守甘肃

○先是内承运库以急缺段正奏行浙江南直等司府动支无碍官银织造各色纁丝纱罗绦锦布共十万七千四百九十五疋工科都给事中李廷仪争之言万历四年该内织染局题造袍段五万八千余疋八九两年又题造一十三万余疋上用固不缺也万历三四两年该库坐派段疋一十二万六千余疋七年又坐派三万六千四百余疋供用赏用又不缺也且织踰十万非银百五十万不能办钱粮各有正项库藏类属空虚无碍官银何从取给夫坐派甚易织造甚难制用有节费用无经如谓九嫔之岁币当增虜王之加赏踰额亦宜酌定数处钱粮分派各省似不可频行坐派使灾民无息肩之期如谓库贮已竭则查岁造拖欠严行催督盖加征不如催正供之为易新派不如完旧欠之为速耳仍望遵

祖宗之制定出纳之经赏赉必省弊蠹必清无令至于不可继

上纳其言因谕该库以后酌量撙节非十分缺乏无得辄题加派致累小民

○敕司礼监太监李佑管理浙直织造先是工部题织造一事顷蒙皇上悯念地方灾伤展限分运地方官民不胜感戴但中间系上用龙袍及各样新出细巧花样颜色总非民间所易知倘有丝毫差错迨角□羊进之时各地方官罪将谁诿至于上误国用下损民生又有不可言者乞谕令该监择一精巧官匠并金星牙尺早为给发庶不误事上怒其迁延故有是敕云

○礼科左给事中史继宸条议宗藩未尽事宜一查会典亲郡王外禄入皆厚今天潢繁衍开支禄米且浮于二税之入合自镇国将军下至中尉如例递减而听其相生相养一无所禁则岁减禄米而时给之当亦所甚愿也

○查会典郡主仪宾而下岁禄多者八百小者亦二百中尉天潢尚用袒免而量减岂编氓上婚久享全禄乎除亲王郡王及仪宾外县主仪宾以下递减其半或减三之一而有司于仪宾稍加礼待及优免其差役彼虽半禄计必甘之矣二查会典仪宾犯充军者必待主君身后发遣夫宗室一干禁固尚不少贷今以主君故而法不行于仪宾非平也以后仪宾凡犯充戎者姑照议罚应得禄米三之二以赎其身待主君身后另议庶不废法亦不失议亲章下所司

○修济阳仓

○乙卯升兵科右给事中万象春为户科给事中姚德重牛惟炳为右给事中绍吏科问户科

德重礼科惟炳刑科

○升福建兴化府知府陆通霄为云南副使

○改补浙江副使张子仁

○调补陕西西宁副使张孔修

○发宣府客饷银三万两充市本从宣大总督郑维等奏也

○陕西按臣请复邠州宜禄镇为县得旨增设县治果否便民或系附近生儒建议图立学增贡不准行该抚按会奏○丙辰 上御文华殿讲读

○升光禄寺卿舒化为南京太常寺卿

○丁巳 上御文华殿讲读

○敕陕西湖广督抚按会勘楚府牧地丙辰应天府府尹刘庠为右副都御史巡抚贵州

○命南京吏科给事中吴琯巡视南京营务

○升大同车营游击计安国为大同西路左参将薊镇大营游击王继英为遵化参将 戊午先是吉王翊銮为其世子常淳生母何氏乞封次妃礼部言亲王之妾其子已袭封亲王而嫡妃不存者方准封为次妃常淳嫡母妃虽故尚系世子应照亲王之妾有子者例封为夫人 上是之

○改太仆寺卿臧惟 为光禄寺卿

○革延海左营游击崔養浩陕西都司汪□任回卫

明神宗显皇帝实录卷之一百二十二

万历十年三月己未朔

孝肃皇后忌辰祀于 奉先殿遣候吴继爵祭 裕陵

○行皇女百日命名礼成赐三辅臣金币有差

○升南京光禄寺卿郑钦为应天府府尹

○勒福建副使谭启致仕坐久病故

○革浙江贪都司吴宪职仍下巡按御史问

○以大同指挥僉事张邦奇为山西西路右参将 增筑保定府雄县横堤八里工食取诸修城
余银退河间府任丘县东堤自满堂村至召公堡二十里工食取之裁省浅夫银以潯沱水患
抚按辛自修敖鯤请也

○庚申 上御经筵

○命通政使司知事马从志鸿胪寺署丞沉云庆补起居注馆誊录官

○杭州兵变初杭州东西二大营兵每名月给饷银九钱巡抚都御史吴善言奉例议减三之一各兵稍有怨言至是拥诉巡按张文熙且言春汛届期例应防海兼搭铜钱不便携带文熙好慰遣之善言遽出示曰饷减已定不愿者听其归农次日兵遂大噪三司官往谕因围绕不放行文熙传牌谕止始释而拥入督抚衙门缚善言以出痛殴之文熙率三司官吴宪等及巡盐御史孙旬工部主事王谦光先后至多方戒谕始角□羊散归善言文熙因劾善言抚驭乖方自貽感辱杭严道僉事王许之都司鲁邦游击吕应阳无驭众法各罚治至于营卒受朝廷豢养即月饷少减自宜声诉以听议处乃敢瞑目横行且以秉钺重臣而公行戮辱法纪凌夷尚可言乎应严治首恶以定人心孙旬亦言募兵难散饷不可减卫弁统辖未便游击难于议裁会城仓库狱囚所系匪细而门禁悉付乌合恐有他虞此曹骄悍今又造此大衅各怀疑畏近日倭奴窃窥防汛尽属若辈万一从此角□羊体卒有警何以应之宜勾补军丁时加训练客兵有缺即以补之兵聚则势重散处则势轻今防汛分哨之地各有兵备汛毕即隶各道不必尽归会城且治监军道游击都司以不能钤辖之罪因言兵变之后奸宄睥睨必得才望大臣为之弹压而又重其事权假之岁月庶乱可定耳部覆以闻 上以兵部侍郎张佳胤代吴善言巡抚仍听便宜行事而勒善言归降王许之三级调用夺鲁邦吕应阳俸各年○升蓟镇守备戚金为大水峪游击以山西副总兵李真充总兵官镇守陕西

○革河南府知府赵于敏职为民于敏先以侵克官银问遣因具＜媚弊-

金 > 自辯部议借抵钱粮查明补徵在庫于敏情可原乃释

○辛酉山西右参政范汲以病乞致仕许之

○崇府仪宾张敏尹怡赵乾占诬奏怀西王长子载垕擅婚冒祿诸不法事巡按覆勘无据各仪宾行按臣问拟而载垕听信群奸不遵藩度夺祿半年

○南京国子监祭酒高启愚请革监生号银动支饌米月粮协南京工部修饰本监号舍节年拖欠膳夫乾鱼银两该部檄有司速角□羊允之

○兵部覆湖广巡抚陈省言全楚驿递支应烦多除武昌无剩银宝庆彬州无驿递外荆岳永衡辰常鄖襄黄靖十府州自五年至九年貯库支剩银一万三千八百八十八两有奇未完民欠银二万六千八百七十八两有奇并承德汉长四府未报积剩在库及民欠银两通行查追凑足十年之用黄州府尚欠额银一千九百四十三两有奇将各州县无碍官银抵补永州府多剩银一百七十七两有奇照旧貯库积穀一年另行议抵其余剩民欠未完银一万六千五百八十八两有奇尽行蠲免仍将本年应派正数银两及议革冗费银三千六百五十五两各免编断自十一年以后止实编银三万二千三十两永为定例报可

○壬戌上御文华殿讲读

升太常寺少卿蒋遵箴为南京光祿寺卿改南京太仆寺卿陆树德为太仆寺卿

○准南京户部尚书王好问養病

○改陕西参将张咸为神机二营练勇参将

○癸亥清明节遣公朱应祜侯张炳常胤绪伯陈永祿刘嗣德张元善祭长陵等九陵及景皇帝陵左都督李鹤祭哀冲庄敬二太子坟

○太常寺少卿池浴德巡按陕西御史龚懋贤各以病请部覆皆许之

○户部覆保定巡抚辛自修题易州防秋之费原为巡抚驻防设也今抚臣免防其岁派各府公费犒赏供应自万历十年为始悉应停免除易州库有支剩犒赏民壮工食及角□羊到未用银共四千一百三十七两有奇验明貯库河大二府原派八九年供应银各三百两作速催角□羊并收该库专防秋支用报可甲子上御皇极殿传制册九嫔周氏为端嫔郑氏为淑嫔王氏为安嫔邵氏为敬嫔李氏为德嫔梁氏为和嫔李氏为荣嫔张氏为顺嫔魏氏为慎嫔

○一册封九嫔祭告奉先殿赐三辅臣果酒及白金币钞有差○升吏部郎中孙维清为太常寺少卿提督四夷馆南京右通政林景暘为南京太仆寺卿

○发户部太仓兵部马价银五万五千二百三十一两有奇于蓟昌二镇备修筑犒恤之用

○辽东巡抚周咏题丈出屯地八千九百三顷五十余亩屯粮一十九万九千八百四十余石科地米地二万四千一百八十八顷七十余亩科粮地米九万九百余石户部言虽未足国初原额而较节年已十增其一矣中间应行事宜如屯粮最重量为递减养廉马军等田及额外尖粮严行裁削营田屯田各从卫所之便科粮地米仍照节年徵收其关银赔补二项惟广宁屯卫浮粮无田抵补准与开豁及纪录参政李松等分别降罚指挥文道等上以该镇屯粮久失嘉咏允登督率清查功并李松等俱纪于录

○升蓟镇参将陶世臣为山西副总兵大同游击马孔英为大同右参将

○镇江府妖僧汪元□等潜谋不轨事露伏诛

○乙丑升昭妃父刘应节为指挥僉事端嫔父周清为指挥同知郑承宪王秀邵名李士亮梁顺李山张榛魏承志各授正千户锦衣卫带俸

○兵部题五军三大营缺额马一千五百三十匹通州营缺六十七匹旗手卫缺五匹乞于太仆寺寄养马内调取报可

○升神机十营佐击郭之翰为蓟镇宁山游击蓟镇游击李秉德为陕西参将宣府阳和守备杨国臣为固原游击

○丙寅 上御文华殿讲读

○丁卯 上视朝元辅张居正再＜娼弊-金＞请假阁中事务票拟题奏等项容臣私寓办理上敕从暂假且曰卿其慎加调摄不妨兼理阁务痊可即出辅理○南京吏部尚书何宽称病乞休 上慰留之

○改补四川僉事丁元复于福建

○升太仆寺少卿乔因阜为南京右通政

○应天府府尹郑钦以病免

○户部覆蓟辽抚按吴兑敖鲲题顺永二府丈量永清县多出备边地五顷四十二亩及新给寿阳长公主地一千顷共加徵银六百一两有奇霸州文安坐落京营牧马抛荒地五百五十二顷四十六亩零原徵银五百五十二两有奇皆九河下稍节年水占人户逃亡贻累里屯应与除豁还官仍作牧马草场其原徵银即以今丈出粮银通融补足尚余银四百六十两可资边饷武清县坐落备边地内有庆阳伯夏臣等原还官地九十七顷七十五亩零先年清查

不明误以亩为顷以致钱粮无从徵角□羊应尽豁除及将参政雷以仁等纪录从之

○以缉盗功赏巡捕提督赵崇璧参将兰熠秦岐等有差

○保定巡抚辛自修咨先经革过保茂等卫金台等一十七驿站军并各余丁抽垛正军千名与密云一千营更番防操本以省冗费而均劳逸但站军数少若并其帮丁选垛一千势必至于逃避合给与原粮额布将站军作为备兵余丁免其抽垛俱发本卫编徵银差每年除六百两角□羊发一千营给军为衣鞋之费其原议增月粮布花银三千六百二十八两有奇仍存保定府收贮各年行粮草料悉免派徵兵部题宜如议报可

○戊辰赐锦衣卫带俸指挥使陈嘉言妻祭葬嘉言 仁圣懿安皇太后兄也

○改四川巴州米仓关巡简司于南江县大坝

○以大宁都司僉书史金为神机十营佐击

○夺福建漳州府知府周铎等俸有差坐强盗越狱为抚按劳堪安九域各劾奏也

○己巳上御文华殿讲读

○升吏科都给事中秦耀为太常寺御史于鲸为太仆寺各少卿

○以狼山副总兵侯继高为南京后军都督府僉书

○庚午先是滹沱河水经流真定河间保定三府地方常多淹占在真定则有饶阳县该起运粮银三百两摊徵于二十八州县在保定则有雄县水占地共六百六十三顷九十亩零在河间则有任丘县该进宫给爵备边租银共二千五百八十一两有奇巡抚辛自修议保定新支出地一千二百九十顷零堪通融徵派而任丘进宫给爵银一千六百二十六两均摊水占地内徵办备边银尽数豁除饶阳水退堪种仍归本县毋累邻国户部覆从之

○修山西西中东三路所属唐家会石岩铺等紧要边墙墩堡用银七万七千八百八十三两有奇拟动支修边剩银及库贮胖袄变卖木价丰贍等库民壮角□羊剩等项无碍银外至动存积客饷银一万七千九百两户部言客饷原备客兵紧急若以修工倘虏警卒至何以待之且工非一年可完银非一时支給别项银两任发而客饷宜止上亦以为然

○陕西番七巴冉家蛮等进贡马匹盔甲腰刀给赏有差

○辛未谕阁臣连岁雨泽愆期近复风霾蔽日京城内外灾疾流行人民死者甚众朕心昼夜忧思此实不德所致可传示礼部择日竭诚虔祷于有祀宫庙内外其痛加修省以回天意

○南京礼部尚书刘斯洁再＜娼弊-金＞乞休下其章所司吏部言斯洁老成当惜留之

○壬申 武宗毅皇帝忌辰祀于 奉先殿遣侯郑惟忠祭 康陵

○户部言先是陕西巡抚萧廩题延庆平三府所属地临边境风气高寒农种岁止一季额税向不能完地瘠民贫连年灾伤逃窜实系凋疲未完分数皆由小民拖欠固非收头侵费亦非各官布恩怠缓乞将三府边疲地方量破九分之利各官原住降俸级一体开复臣部覆核猥应如拟报可

○升职方司郎中赵云翔凤阳府知府张登云俱陕西副使

○癸酉 上遣司礼监太监张鲸诣元辅张居正第视疾赐银一百两蟒衣一袭及余物有差居正＜娼弊-金＞谢报闻○保定浮图峪灾

○升福余夷目伯忽阿儿扎脱力伯忽为都指挥僉事并准朵颜卫都指挥僉事猛古歹伯彦帖忽思换敕赏其恪修职贡传报虏情也

○以蓟镇右营游击李贤为曹家寨游击松棚峪游击薛经为古北口参将

○甲戌 上视朝

○山西抚按辛应乾刘士忠题该省民屯田支出欺隐地五千一百余顷其潞安泽辽沁汾改派轻重粮价仍炤四年旧数派徵原代辽沁等八州县重粮应减派以苏民困至武乡榆社和顺三县被累尤甚应再减粮一千五百二十余石查汾州旧清出熟地一千顷零该徵税粮六千四百二十五石于中通融抵补各官如左布政使侯于赵等应纪录知县裴希孟分别罚治户部覆请诏纪录辛应乾刘士忠侯于赵等夺裴希孟俸半年张桥改教郭应龙下巡按御史问

○修宗藩要例书成先是大学士张居正等题宗藩未妥事宜＜娼弊-金＞下部议礼部乃褒集

累朝事例删烦撮要分为四十一条附奏格册式于各条之后乞令史馆纂入会典颁示各藩上览而嘉之命今名云

○丙子虏酋速把亥寇义州总兵李成梁击斩之俘获百余人兵部言官军奋勇名王就歼从来摧锋血战犹是击其归路未有堂堂迎敌殊死陷坚剪除祸本如此举者上喜命宣捷祭告如常仪

○丁丑以祈雨遣公徐文璧朱应祯侯吴继爵孙世忠伯毛登祭告 天地 社稷 山川风云雷雨等坛赐三辅臣祭设

○是日 穆庙庄妃刘氏薨 上震悼辍朝一日 ○升山东副使顾襄为福建参政常州府知府
穆炜潞安府知府麻永吉各副使炜河南永吉山西

○升兵科给事中尹瑾为吏科都给事中礼科给事中王三余为兵科右给事中

○以宣大游击鲍崇德为大同北西路左参将仍留广东游击范朝恩于刘河

○戊寅赐三辅臣及府部大臣日讲官鲜藕 沈王恬炆薨抚按以闻 上震悼辍朝三日

○以浙江温处参将沉思学为狼山副总兵

○封德府纪城王常澍选高氏为妃

○庚辰 上御经筵

○以山西右参议李甘□向为河南右参议兼佥事备兵霸州

○辛巳 上视朝

○赐太子太保平江伯陈王谟母祭葬如例

○以神机四营佐击李栋为宣大右掖游击○先是河漕总督凌云翼言清江浦河堤夹邻黄河迤来水势南趋淤沙日被冲刷恐黄河决啮运道可虞欲于城南窑湾自马家嘴历龙江至杨家涧出武家墩另开新河以通运道在司道张誉等初议则从武家墩折而东仍合通济闸出口于是兵科给事中尹瑾议清浦之河其来已久河堤之外一望平田并无冈阜遮隔虽杨家涧新开河渠相距亦不过十余里必清浦之堤无虞而后淮安无虞一河两岸无虞而后杨家涧之新河无虞设清浦一决其害不止清浦而已且粮船经由淮城则夹带违禁易以稽查若径由窑湾入马家嘴则中有一河之隔又有大湖之遥脱有顽军梗悍作奸犯科失误粮运咎将谁归至武家墩出口尤为可虞盖本墩地势高亢天将设之以屏障淮河者墩内地高难为挑挖墩外湖阔难以湾泊冬春之交粮运紧急则苦浅涸伏秋之候淮水泛滥又苦奔冲且武家墩与高家堰共为一堤相去甚近开武家墩是即开高家堰则又害全河矣无已则道济闸合流之议为可从耳已而云翼请遣官往勘给事中李廷仪吴琯言今日治河之事宜开新河以避流守旧堤以固清浦武家墩不可开新坝不可筑事势昭然遣官覆勘徒滋道旁议耳部覆给事中言皆是 上令云翼计永利以闻

○壬午江西左参议丁惟宁以病乞休许之○添设宁夏镇城广裕库库官一员

○癸未升广西副使吴哲为江西右参政兼佥事备兵杭严

○賜 永寧長公主庄田二千五百餘頃如 壽陽長公主例

○以宣府守備麻柏為薊鎮游擊昌平游擊吳海占為浙江溫州參將改保定坐營游擊黃明為大同入衛游擊

○甲申 上視朝

○命英國勛衛張元功寧陽勛衛陳應詔各襲祖爵

○奪江西瑞昌王府奉國將軍多火□皂鎮國中尉謀堡謀增祿米半年儀賓徐振廉提問坐詭田冒糧為撫按王宗載賈如式參論也

○乙酉 上遣文書官吳忠詣元輔張居正第問疾賜銀八寶四十兩銀葉二十兩食物有差居正＜媼擲金＞謝因乞再假二十日溫旨允之

○丙戌賜輔臣果餅穀截

○惠州河源博羅大水

○蒞兵部右侍郎王凝男祉翰林院習字出身

○兵部覆應天巡撫孫光祜蔡夢說題蘇松常鎮所屬各將領部下汰名色把總等官三十九員家丁百長等役七十八名減銀一千五百四兩有奇蘇松等衛吳松等所減公費銀一千六百八十九兩有奇徽寧等處所屬新安等衛減公費銀一千二百六兩有奇革建陽安慶二衛軍舍歲省糧一千五百五十五石零九江衛軍舍安慶等營各將領部下歲減廩給紙劄銀二十二兩有奇通自萬曆九年編派已定者炤旧徵貯官庫听候別項公用十年以後悉免派徵從之

○進封蘄水王致＜媼曰境西芑稹醪醕阜夥蛉死鈿銜妃○革遼陽副總兵姚大節任回籍

○以大寧都司僉書趙繼光為保定游擊

○丁亥戶科左給事中萬象春以鎮江妖僧倡亂請嚴剃度之禁禮部覆在京責巡視御史在外責巡按嚴禁毋許容留游食僧道報可

明神宗显皇帝实录卷之一百二十三

万历十年四月戊子朔孟夏 上亲享 太庙

○谕礼部令民及时农桑毋事游惰

○升湖广佥事马鸣鸾本省右参议

○铸给福建清军兼理粮饷关防是时督粮参政已裁而诸务总归右布政使故有是给

○辛卯赐三辅臣及日讲官宫扇有差

○是日午大风扬尘四塞

○革山东都司夏继藩任

○以锦义参将秦得倚为辽阳副总兵

○癸巳 上视朝

○复除江西右参政葛大纪○住河南抚按褚鈇赵楫俸先是河南丈量新册与旧册不爽升合为户科所摘户部因请覆核遂命住俸严勘以闻

○免原任南京操江右佥都御史张岳职闲住降胡嘉谟一级调外任先是岳上〈媼擢-金〉劝居正终丧居正领之业令自陈调外任矣至是南京都察院吕藿吏科给事中吴琯希居正意查刷操江衙门赃赎银两因劾岳违例滥费并及嘉谟故谪

○甲午封宣宁王充灿选续氏为继妃

○宁夏灵州土军马景等作乱杀参将许汝继屠其家巡抚晋应槐捕斩之

○裁革福建林墩驿

○以广西浔梧左参将朱先为浙江军门游击福建行都司佥书钱经济为浙江总捕都司

○乙未以辽东都指挥佥事熊朝臣为锦义参将

○论延绥宁夏甘肃三镇贡市功赏总督高文荐巡抚侯东莱王汝梅晋应槐捕斩之

○裁革福建林墩驿

○以广西浔梧左参将朱先为浙江军门游击福建行都司佥书钱经济为浙江总捕都司

○乙未以辽东都指挥佥事熊朝臣为锦义参将

○论延绥宁夏甘肃三镇贡市功赏总督高文荐巡抚侯东莱王汝梅晋应槐总兵雷龙张杰贾国忠及道将等银币各有差

○予锦衣卫管卫事指挥同知史继书父母祭一坛仍给其父史际半葬以军功故

○丙申辅臣张居正等请存问原任少师大学士徐阶言阶当严氏乱政之后矫枉以正澄浊为清惩贪墨以安民生定经制以核边费扶植公论奖引才贤一时称为治平皆其力也且言先帝潜居藩邸

世庙一日忽有疑于先帝命简成祖于仁宗故事阶从容譬角□羊以释其疑
先帝登大宝阶为翼戴首臣

皇上正位东宫常预册立大议今致仕家居年已八十应特赐优礼以昭太平盛事
上纳其言命所司议行

○命韩府襄陵王融焚子谟塿袭封襄陵王夫人任氏为妃

○荫吏部左侍郎赵贤孙得卯入监读书以贤考满故
升浙江左布政使游季勋为应天府府尹

○少保兼太子太保镇远侯顾寰卒无嗣以嫡侄承光袭爵

○升刑部员外郎夏良心为湖广佥事

○丁酉上御文华殿讲读

○巡抚保定辛自修议边陲要害八事内惟留真保标兵以资弹压禁差使枉道及填发勘合以恤驿困部如议报可

○戊戌巡按江西御史陈世宝以病乞归许之

○予原任南京工部尚书徐枋祭葬如例枋升尚书未任以人言归部拟祭炤新衔葬依旧炤得旨准炤二品例祭葬○下巡漕御史提问苏州等卫管屯掌印指挥李天祐等坐怠惰欺罔催徵不完为巡抚所劾也

○户部题管粮远者六七千里近亦四五千里往河道阻塞粮运多虞荷 皇上轸念国储归并河漕督臣专责各省巡抚及添设御史通行巡察各兵备画地分修故迹年道路<娼弊-金>通不踰春月俱达天津北至白河咫尺京师反不能依期抵坝何也一则起剥甚难一则浚河不力盖剥船仅八百每船不过百余石每剥往返须两日三百余万之粮必欲尽用剥船恐剥船已尽河涨无期转盼伏雨时行陆运既阻于泥泞入仓又难于晒扬虽捐轻赍而尽用之亦安望米色乾洁无浥烂耶宜令仓漕各衙门严行沿河承委州县官令其昼夜驻劄临河各分信地督催堤夫浅夫挑浚白河一带平河漫流浅阻务期深阔无滞如原设夫役不敷许量动官银雇募协助俟粮运完日报部议补仍将各官勤怠酌议题请以示劝惩报可

○四川保宁府地震如雷

○兵部覆广西督抚右侍郎郭应聘刘尧诲题贺县里松八峒与樊屯势江等獠獞往盘据万山中时肆流劫顷年就抚输粮愿为编户樊屯势江俱已建立土司住守迄今宁谧惟里松八峒延袤百里界联三省奸徒逋逃于中招主吓骗于外里排利其膏腴往往告兵征剿诸夷身虽向化心尚怀疑乞炤樊屯例于适中处所建立土司即以名色把总犁邦伯移家住守管束獠民三年之后果地方安靖各准以副土巡简职衔世守其土若失策误事据法处治仍于本峒界近湖广江夏等处堤口设立一堡移兵把守以资弹压
上然其言○叙大同修边功赏抚郑雒等银币有差

○己亥 上御经筵

○裁湖广新店把总散其卒而选卫所官量带军余六十名住防

○以原任浙江总捕都司米万春为山东都司佥书福建守备虞鼎臣为本省行都司佥书甘肃游击王国柱为西宁参将广西都土白玉为浔梧参将

○庚子以旱祈雨遣公朱应祯吴继爵孙世忠伯毛登王应龙祭告 天地 社稷 山川云雨风雷等坛仍命停刑禁屠群臣修省七日

○是日 孝懿庄皇后忌辰祀 奉先殿遣庆都伯杜继宗祭 泰陵

○陕西番木沙等族章哈尔节等各进贡方物给赏有差

○谕刑部今天气暄热两法司及锦衣卫见监囚犯答罪无干证者释之徒流以下即减等拟审发落并开重囚情可矜疑及枷号者以闻寻以刑部开奏免枷号犯人叶丽春等十三名

○辛丑升湖广鄖阳府知府张九歌为陕西副使

○四川参政赖嘉谟以病乞致仕许之

○刑科左给事中张养蒙题刑狱者国家之重事审录者朝廷之大典顷恤刑诸臣四出审谳业过半矣惟是狱贵初情自古记之诸臣之奉命审谳也据凡招以别矜疑允驳听之部议法司之奉旨议覆也据原奏以定允驳可否请自上裁倘有原招未必应辩放而奏成手中未必可矜疑而任意改定则是初情不足贵而重犯可故出也乞敕法司行各恤刑官凡矜疑奏辩重囚止许掇原招详奏或事果冤抑亦不妨先叙原招后加参语不得任意具稿其详在都察院者移文吊查果无翻易方拟允覆一有改招故出情弊从重参处章下所司○壬寅陕西互市成赏都督同知卜失兔阿不害龙虎将军功尽黄台吉等二十五员银币有差赐敕奖谕

○以山西岢岚守备孙应魁为甘肃游击

○江西都司佾书戴应麟为广西都司掌印

○广西马平等处獐贼韦王朋等谋乱杀死抚安千总留报罢官二人及谋劫仗量县官总督刘尧海巡抚郭应聘总兵王尚文等督兵讨平之是役也擒斩俘获以千计兵部行巡按御史覆勘以闻

○癸卯雨上视朝

○遣文书官视元辅张居正疾赐银八宝四十两食物有差居正＜媼髻-金＞谢报闻

○禁湖广官违例谒显陵从巡抚陈省奏也○顺天府府尹张国彦题数月以来天道亢旱皇上不憚侧身修行复命臣等率属虔祷今日雨泽沾足臣等不胜庆喜窃有进者畿民困累已极至于天和伏愿陛下不以三祷三应之为喜而以匹夫匹妇之失所为忧不以帑藏充实之为多而以闾阎之疾苦为惧尽停正供外一切诛求买房典田税契可免行银货物榷之何名□人铺户酌议免金贵势豪强连为禁约五城兵马断不许加纳军士粮赏断不许科克仍敕太医院官广施药饵遍济群生出太仓银赈助无告恤死扶孤如此则和气所召祯祥自生矣章下所司

○甲辰升宁国府知府郑继之为四川副使

○乙巳

上御文华殿讲读○辅臣张居正等言今日蒙发顺天府一本臣等以疫疠盛行人死甚众乃圣心所特轸者故止将施药赈灾二事下礼部其余俱衙门知之票拟进览忽奉圣谕豁免房税令臣等改票夫房税臣等亦闻民间颇称烦扰但田宅契税原系典制天下通行不特京师为然从前法纪不张民习欺罔往往漏报近始查复旧规非新增也中间有司催督严急吏胥乘而侵索或为民害今蒙圣谕臣等当传令户部酌议＜整彩见＞减严禁拟覆然后断以圣裁方于政体为妥不报

○复除福建道御史崔廷试□以江西巡抚王宗载为都察院左佾都御史协理院事

○升工科左给事中张鼎思为兵科都给事中吏科右给事中韩绍为兵科左给事中

○升翰林院简讨刘楚先为修撰编修刘虞夔刘元震为侍读○以南京江防游击王如璧为江西都司佾书

○丙午赐锦衣卫带俸都指挥佾事江鱼祭葬如例鱼 世庙肃妃兄也

○丁未赐元辅张居正大红五彩五毒艾叶双缠身蟒纱及胸背各一件

○戊申 上御文华殿讲读

○革广东考察听降贪副使张尧年职为民被黜知府张敷潜下巡按勘

○蓟辽总督吴兑题榆林土木二驿坐宣镇而隶昌镇鞭长不及故站军得以推避凡应付往来官使中途推诿怀来保安岔道三城防操军马代为接递今二驿应听昌宣两镇兼属其应付事宜仍听怀保二守备料理责令径送无预城操及以岁支本色粮银均分一半各支給半年第昌镇额饷例难擅更合听宣镇借发年终仍于昌镇取补部议亦以为然从之○云南巡抚刘世曾等题陇川宣抚司逼近腾永外捍诸夷藉为内地藩屏自宣抚多士宁物故头目岳凤久蓄异谋其子曩乌辈济恶遂投附莽莫杀害士宁妻子占据士宁爵土假称传幼传贤攘执印牌勘合法不容诛宜先选差通事员役谕以朝廷威德开陈祸福令将印信金牌勘合底簿交还明白查王应继之人为该司宣抚或待凤不死以广自新如冥顽负固即调集土汉官兵并力剿捕梟凤父子传示边隅兵部覆请 上可其奏

○己酉发太仆寺马价银七千四十五两有奇于辽东备宁前买马给新军从总督吴兑请也

○庚戌 上视朝

○革四川贪右布政使刘经纬职闲住以前任参政被劾故

○褫广东惠州参将季金真定延绥游击路登云赵武职各以贪纵为抚按所劾也

○降西和县知县刘凤鸣二级凤鸣御下无法民有拒捕而衙役纵火致全家三十一人于煨烬者抚按萧廩吴定劾谪之

○给庆都伯杜继宗坟价银一万五千两坟地十六顷继宗孝恪皇太后之弟也援武清伯李伟例以请上以例不合特给半价继宗时以年老子幼预行陈乞事殊创见云

○辛亥端午节近赐辅臣讲官等篋袋花绦画扇各有差

○户部覆两广总督刘思海题总计广东军饷岁派四十三万迩来民间拖欠者查追不严军伍杂陈者稽核不密以致积剩存留数少今查任内存积饷银见贮库二十四万四千五百余两各属未完银六万八百九十两分别各贮以备紧急一切岁支常饷不得那移诏可

○壬子 上御文华殿传制遣阳武侯薛鋹定远侯邓世栋翰林院编修节以赞王懋德冯琦尚宝司少卿徐元春给事中万象春史继宸姚德重聂良杞张养蒙行人司司副沈瑞临行人林士弘周光复林廷升唐仲寅中书舍人祝大舟吴岳秀等充正副使持节册封德王翊鎬嫡第四子常注为嘉祥王益王翊鉞嫡第十子常溍为安仁王铜陵瑞禧王翊鉞嫡第一子常派为铜陵王蜀府南川王让樨庶第一子宣鹵□翟为南川王晋府靖安恭懿王知火□昏嫡长子新环为靖安王荆府富顺王厚焜庶长子载烘为富顺王周府原武庄惠王睦木□频嫡长子勤燾为原武王松滋恭肃王致慷嫡长子宪< 城鹄浚疚松滋王蕲水端懿王致< 毓白珣白长子宪火□恩为蕲水王乐昌温靖王充火□薰嫡长子廷堦为乐昌王代王鼎铉妃郭氏为代妃秦王谊湣妃许氏为秦妃纪城王常澍选高氏黎丘王常溱选刘氏浦阳王常浆选夏氏原武王勤燾夫人陈氏南阳王常□□ 甘聿□选钟氏休宁王郎鏐选史氏松滋王宪< 城鹄浚疚蛉肆跼限水王宪火□恩夫人李氏肃宁王宪火□纂选胡氏乐昌王廷堦夫人刘氏各为王妃

○升应天府府尹曹大野为都察院右佥都御史巡抚江西

○四川按察司佥事岳钟英以疾乞致仕许之

○山西抚按辛应乾刘士忠清查过各郡王下军民厨役有原系钦拨炤旧存留者有王爵见存尚多役占者有节年薨绝未裁者有散宗违例滥用者并各该余丁俱革发四卫回籍当差其应给军厨府分就将散宗并薨绝郡王看坟所革人数拨补部覆得是之

○先是浙江抚按题浙江应织六分袍服该用工料银八十八万八百余两而本省司库已竭本年两运不敷议将见在减兵扣省变易书院等项银四万余两并未角□羊工部节银粮银八万余两应用以后乞炤四年例留户工二部关税工科赃罚等项钱粮凑处候袍服通完炤旧起角□羊应天巡抚亦言该地方织造新样绶疋查炤上年事例详允动支户工二部钱粮织完差官起角□羊将用过银两移咨户部知会乞准作支销而户部称袍服系工部奉旨织造司农何与马况本部岁额进用无虑五百余万历年借过太仓库银二百四十八两未补若再留额角□羊不一二年内府之借应日乏各边之军饷告急于时事例必无可开小民又难加派令本部何以为计乎且前借奉旨应还本部者还尚无期而借者又至钱粮各有攸司匱乏更难曲徇< 媚嬖-

金 > 入下部再议已户工二部因议留户部济边银二万七千一百余两于浙江焉

○甲寅赐三辅臣及文武堂上官各扇绦臂索艾虎有差

○增边镇马匹草料银四千四百余两

○下贵州铜仁守备李应南于巡按御史问应南擅监熟苗龙木恰恶苗藉口声冤纠众攻孟溪一带寻虽角□羊散起衅殊可罪也故治之

○以原任宁武游击杨芳为延绥入卫游击

○增岁供木炭三百万斤

○乙卯升南京尚宝司卿李己为应天府府丞

○下革任游击路登云于御史问以其违例乘舆故也

○以广东都司成大儒为水寨海防参将原任京营参将陈善为真定游击

○丙辰夜彗星见于西北尾指五年历二十余日始灭

明神宗显皇帝实录卷之一百二十四

万历十年五月戊午朔赐三辅臣及讲官金书黄红符金艾叶各有差

○升南京户科给事中傅作舟为南京尚宝司卿

○户部题议三事一减税契一宽铺行一恤商人覆顺天府府尹张国彦之请也上以都城小民累苦当加意存恤俱报如议

○山东通省旧设见在官军共五万六千三百七十四员名岁支本折俸月粮五十七万一千六百六十六石运粮官军三千一百五十一员名岁支行粮一万石骑操马九百七匹岁支料银一千四百二十一两有奇草折银九十两科折银四百六十两有奇本色草一十二万七千九百八十束每年额徵折色屯粮八万三百一十九石有奇巡抚杨俊民言今新清文可增粮四十五石有奇本折民粮四十九万一千三百四十六石有奇折色行粮四千一百九十石有奇河南巡抚褚鈇覆查过河南一省并直隶潼关等二十六卫所额官一千二百六十二员额军四万三千一百五十四名岁用折色俸粮五十五万八千八百二十石有奇冬衣布三千一十一疋花一千八百五十八斤有奇马二百二十一匹料草银四百三两额徵屯粮三十三万七千三百四十石有奇除禹州所原无屯粮岁派民粮外宣武睢阳等卫所额粮不敷官军支用议派开归等府睢狭等州新密等县民粮内补支各卫所指挥等官折色俸粮不敷在各卫所并同城有司府州县库贮存留盐钞商税及新增子粒银内支給户部覆报闻

○追广东保昌县贪知县邓元坤赃为民

○己未 上御经筵

○革周府胙城王府淫暴辅国中尉朝焦为庶人禁闲宅○惠州府祁门县各大水发仓谷四千七百石赈之

○建宁淳安开化常山西安龙游江山同时大水

○庚申驸马都尉梁邦瑞卒 上辍朝予祭葬如例时尚主甫一月

○广西副使查铎以病免

○酌免 先圣孔子及先儒朱熹李侗罗从彦蔡沉胡安国游酢江贇蔡清真德秀刘子翥功臣少师杨荣后裔各丁粮有差从福建巡抚劳堪议也

○辛酉调徐州兵备按察使张纯先是巡漕御史杨楫劾其蔑弃漕务部议降俸仍旧职上恐其误漕令降纯俸二级别用

○壬戌以端阳节赐三辅臣上尊珍饌

○以元辅张居正诞日遣司礼监太监孙隆诣第赐银一百两蟒纁四表里银福寿字四十两食物有差居正＜媼弊-

金＞谢报闻○升广东韶州府知府周嘉谟为四川副使扬州府知府虞德烨为广西副使

○甲子 孝宗敬皇帝忌辰祀于 奉先殿遣彭城伯张守忠祭 泰陵

○礼科都给事中石应岳等题窃见四月末旬彗星出于五车前此雨泽愆期风霾蔽日人民疫死农务无依继此下月朔日有食之在河西则赤光白气匝绕半天浮图峪白石口则台房箭具天光烧毁在浙江则标兵毆辱抚臣在灵州则士卒屠戮参将臣愚不知天文星纬之术然备观史册天象变异皆所以警戒人主也今天异人变叠见可谓警戒矣倘或不知惺悟增修德政上干天怒祸可言乎惟 陛下当天心仁爱时念人民之失所眷贼盗之滋章抑左右之专欲斥侍从之谀佞用虽錙铢勿轻恩虽戚近勿滥损燕私过度之乐罢营缮不急之工用人必惟其公议狱必求其当简择将帅慎固边圉以及蠲恤之旨屡颁而有司尚有阻格侵削者条鞭之法虽详而守令尚有额外科罚者均丈之法虽行缉访之令虽申而郡县尚有假手作弊避罪要功者种种时政皆当严禁御史马象乾等亦谓朝廷一面蠲贷有司且奉文以催徵一面节省使者又衔命而织造春蚕未成罗绮之办愈急秋稻未熟粟米之赋更严民力既竭人心易摇惟

陛下加意修省以图实政报曰玄象示异朕心寔深儆惕内外大小臣工其一体痛加修省务实保民用答天戒

○乙丑

上御文华殿讲读

○遣行人涂时相存问致仕少师大学士徐阶敕曰朕闻古者公孤在朝则坐而论道更老在学则宪而乞言惟尊贤尚齿之义实褒德劝功之典眷言耆硕著有勋庸世咸仰为达尊朕岂靳于殊数卿才优王佐学擅儒宗早驰誉于清华历试功于盘错简知 皇祖晋陟台司履忠顺以事一人持廉靖而先百辟当儉壬之既黜更治化以维新惩贪污而仕路肃清奖忠直而真才汇进申明典制多安边裕国之筹默运枢机有尊主庇民之略定邦本于危疑之际宣上德于弥留之中翼我 先皇嗣基图而抚方夏保予冲子升储贰以奉宗祧方倚重于黄扉遽乞间于绿野后先多绩朝廷资其典型终始完名寰宇想其风采自天纯祐俾尔寿康届兹八旬斂时五福匪直先民之楷式实惟盛世之祯祥朕祗遵先猷追惟旧德粤稽功勩载锡宠章兹特遣行人涂时相赍敕存问仍赐银五十两大红纁丝蟒衣一袭彩币四表里以示朕眷于戏卫武虽在耄年箴儆不忘于国晋公已角□羊机务安危犹系其身惟我宗工不殊前哲其茂绥蕃祉慎保修龄尚谋黄发之询用慰苍生之望钦哉已而阶具＜媼弊-

金＞遣孙监生元普赍谢 上特授元普中书舍人

○刑科右给事中牛惟炳条陈四事一慎简抚臣一外官给由一申明将权一禁革窝访下所司议吏部言抚臣超擢与转自各该地方惟边方可行内地则宜转自京堂或擢之他省不惟明微且以肃体良是如前项资望不孚即本省亦不妨间用至谓给由违限多为抚按会考所稽如抚按一人缺则一人单考此又酌量事体人情之甚当者也兵部则谓督抚居重驭轻非标兵无以资弹压应炤旧便都察院言访察所以防奸窝访实为蠹政势要土豪本管得以开送害人衙役被害得以陈告有司贤否道府州县考语可凭本官言动文移可质此皆切要之论宜依拟诏曰部院言是

○铸四川松潘威茂各管粮通判关防已予肃昭王妃郭氏祭葬如例

○发太仆寺子粒银三千两于戎政府给贫军是时瘟疫盛行营军死者众刑科给事中王凤竹以为言故有是赈部请并中都山东河南三都司班军京操病故者咸得人沾二两为盛惠云

○逮问滁州卫指挥佥事毆澜澜违制指称公费扣留军粮为巡视京营给事中王凤竹所劾故也○丙寅大名兵备道副使张昇以病乞休准以左参政新衔致仕

○梟五开逆犯胡国瑞等二十五名遣杨启仁等二十九名国瑞等皆华人结为款党逐官毁署戕杀多人及官兵进剿犹敢□城抗拒故就彼梟示并变卖其家口入官而降五开卫指挥钟鸣震等级调边卫

○丁卯 太祖高皇帝忌辰祭于 奉先殿

○调河南副使唐铈于山东

○以从化番禺增城龙门四县水灾蠲免九年以前拖欠夏秋存粮有差

○叙五开功升巡抚陈省为兵部右侍郎佥事龙宗武为右参议巡按钱岱等各赏赉有差

○戊辰 上御文华殿讲读○哈密卫畏兀儿哈刺灰署都督印指挥同知站卜刺差夷使也先卜刺等并袭国师马你阿纳的纳等袭都督同知舍人米尔马黑麻等各朝贡袭职给赏如例四宴刺麻番僧速南班班等

○己巳 仁宗昭皇帝忌辰祀于 奉先殿遣新建伯王承勋祭献陵

○工部左侍郎陈道基三年秩满荫其子金铉为国子生

○升山西佥事房如式为河南左参议福建福州府知府潘颐龙为河南副使

○免河东运司逋粮先是自万历元年至九年共该宣大山西年例银一百五十五万六千四百余两未完尚八万五千二百九十余两节因水旱池盐不生以致逋欠于是巡盐御史邢侗比炤带徵民粮事例请蠲从之

○靖江王任昌贵溪王厚熜汉阳王厚福□火薨各祭葬如例

○庚午 上视朝 ○户部以云南抚按奏免加金覆请 上不允命文书官田义至阁持前旨大学士张居正等因言云南原不产金每年收买徒苦小民彼中连岁不登夷情骚动臣等每见抚按奏揭窃以为虑盖云南古西南夷我朝始入版图夷獠丛居原无起运钱粮间有不靖往往以兵定之殊糜中国财力赖 圣明在御稍觉宁谧陇川木邦等处乱檠已萌若徵没繁兴民不安业裔夷之地易扰难驯异日恐烦 圣虑乞俯听臣言如议罢免若以岁用偶缺或如抚按言准其角□羊价来京令户部如数买进从之

○辛未辰太白昼见

○镇守四川总兵官都督同知刘□卒赐祭葬如例

○壬申复除翰林院侍读韩世能

○南京吏部尚书何宽再<娼弊-金>乞致仕吏部言宽清贞宏远茂著声猷再<娼弊-金>词切情迫宜许之以遂其私报允

○癸酉先是福建汀州府捕盗抚民通判新建镇馆于河头坪通判陈文灿畏不肯赴巡抚劳堪上书劾之因言河头坪系上杭境内见有兵备弹压无资府官请以汀州府同知兼管总捕而裁捕盗通判便吏部以河头坪路通两广山峒素为盗藪先该两省抚臣会题设城加兵专官坐镇今不数年复又议革事关地方乞行各抚按从长会议并定职守以闻诏如部议而恶文灿旷职夺俸半年

○甲戌升浙江右布政刘汉儒广西右布政胡定各本省左布政

○陕西右参议桑维高以劳成疾准回籍养病

○升福建按察使张楚城于本省陕西按察使李戴于四川各右布政使

○湖广抚按陈省钱岱请添库官库吏以重国课部议添设纷更已之便上以各处库藏吏弊全在司府州县官洁已奉公不在添设官吏该部言是

○升辽东巡抚周咏为兵部右侍郎兼右佥都御史巡抚如故

○減淮王載堅歲祿米一千石比秦晉等府例也

○以孳生駒不及額奪陝西苑馬寺少卿張瀾俸一月

○鄭王厚烷請補修府第銀一万八千兩不許

○乙亥上御皇極殿

○升鴻臚寺右寺丞韓國寶為左寺丞隨堂主簿張釗為右寺丞

○丙子命翰林院侍講韓世能編修黃洪宪充纂修六曹章奏

○升浙江按察使郝杰廣東按察使趙可懷各右布政使杰本省可懷廣西

○降補陝西右參議湯仰

○故事領馬官軍遵舊例追粧近給市馬一軍有倒死三四疋者照疋徵粧以致月糧盡扣軍貧不能自存總督侍郎高文荐題所給市馬領養一年至三年倒死者比照延鎮例分別軍丁酌扣銀糧其給領或在營或在途及三月以里倒死者如山西入市俵給例止追內脏銀兩乞將萬曆元年至六年旧欠粧朋銀二千四百兩盡行蠲免七年以後照旧扣存以蘇軍困部覆從之

○盜殺人于順德府境住捕盜同知李琮鉅鹿縣知縣何文極俸捕賊新河知縣莊杰奪俸三月以杰發人追逐足相掩也

○初工部供辦各監局年例并內外工作率召高買辦後以差役偏重給價後時奸商規避就輕貧商獨受其累當事者定為輪轉法通以預支苦樂適均緩急有濟稍稍稱便至是奉存恤商人之諭部乃上言編役已逾二年能無更變中間丁力堪充者尚多而消乏者亦有分別豁存外惟惜薪司一役年例柴炭上用業有常数經管員役比旧漸多人眾弊丛實多賠累其在易州厂地稱窵遠運納艱難各役負債破家逃亡相繼尤為極苦所當重加體恤以蘇畿民從之

○丁丑以致齋賜三輔臣果餅肴馔

○戊寅升吏部左侍郎趙賢為南京吏部尚書

○己卯夏至大祭地于

方澤遣恭順侯吳繼爵代以侯孫世忠伯楊炳大學士張四维尚書王國光分獻五岳之神

○给赏陕西泯州卫大崇教寺七寺番僧速南班班等及阶州卫山峒等族狗儿等各有差

○庚辰户科右给事中顾问言顺天等八府自万历八年雨暘愆期收成寡薄至九年十年恒暘肆虐禾苗尽稿菽麦无收穷困极矣兼以额办钱粮追徵紧急尺布斗粟尽以输官大牲小畜悉行供役村店萧条杼轴虚竭是以民有菜色元气重伤天降灾星蔓延益烈生者逃移死者枕藉见之伤心闻之酸鼻其在真大一带尤甚近闻钜鹿县等处群盗蜂起方巾绣服大剑长枪凡中产之家夤夜劫掠即以其所劫之财施济老弱收录壮锐此其祸故不小也夫事穷迫则变易生民摇动则乱易成惟皇上大沛湛恩特加赈恤如去岁赈济江南事例遣官分投抚按查各府州县仓廩积粟库藏剩银尽数给发以救饥窘至于今岁田租酌量蠲免无使恶少一呼饥夫响应至于结聚而后剿除恐上廛宵旰之虑而干大地之和 上览< 娼弊-金 > 惻然命赈恤如议因念各处灾伤奏报后期致小民不能时徼德意殊非为民设官之意该科参揭以闻

○壬午南京刑部尚书殷正茂再引年乞罢温旨谕留之

○提问肃州卫参将毕景从坐番虏互掠堵抚失宜为巡按吴定劾奏也

○鲁府邹平王府奉国将军观焯以殴杀平人革为庶人幽之闲宅

○癸未 穆宗庄皇帝忌辰祀于 奉先殿遣固安伯陈景行祭 昭陵

○改灵州大小盐池巡简为大使

○两浙盐法之弊也有司秦越怠于徵角□羊一也开熟灶地丈入民田以希上意二也此二者弊之在有司者也边商中盐到浙关引虽定四月回司无限定行引无定规边引无定价奸商擅利引自积壅三也批验所掣放不时致三季余盐并于一季四也此二者弊之在奸商者也江南盐徒越境兴贩五也则害在商矣商人住卖引盐嘱托有司分派里递徵价还商捕获私盐内多消折虚数铺户变价包赔六也则害又在民矣巡盐御史孙旬欲炤查参民粮事例考成有司以核逋负炤丈量民田事例委官丈勘以清荡田引程以五月为限新引到司存司旧引内商上紧卖销一面兼行新引边商关引于内商酌定价值以< 娼弊-金 > 积滞三批验所每季终掣毕引盐余盐限五十日内尽纳发运行盐地方住卖违限者计日问罪浙江应天巡抚及操江衙门于各该参游守把俱给与批割不妨原务兼捕盐盗引盐运到州县随责原编牙铺两平货买获到私盐开报运司拨商支掣以通余盐以杜私贩以苏民困部覆俱如议独巡缉私盐已有州县佐贰责成将领者为大夥盐徒耳今概行批割恐将领指有明文滥差兵卒妄拏肩挑背负贫民及受巨窝贿嘱交通容纵当责盐臣不时访参奉旨如议

○甲申 上御文华殿讲读

○遣司礼监太监张鲸诣元辅张居正第视疾赐银八宝四十两食物有差居正< 娼弊-

金 > 谢报闻

○起补吏部左侍郎杨巍

○升浙江右参政王湘山东左参政徐元泰广东右参政徐时可各按察使湘时可本省元泰陕西调补福建按察使周浩

○追封衡王载封生母李氏为衡庄王次妃例也

○以山西右参将许登羸分守宁夏东路宁夏游击唐尧辅为分守灵州左参将

○乙酉初杭州兵变以才望简张佳胤往抚佳胤甫入境而会城有市民之变丁仕卿者上虞流民也久蓄奸谋奋行保甲借建言号召市民指恨乡官为名啸聚纳喊折更接栅门焚劫乡官宅舍肆行剽掠佳胤驰入会城出榜安谕不听围绕巡按衙门拘留二司迫民出枪刀分投焚剽势益猖獗城中火光烛天哭声振地佳胤乃召营兵密谕曰若曹造弥天之罪欲不死当以功赎众皆感奋分布各衙门且守且擒佳胤随榜角□羊散胁从且论各兵对敌擒获方准论功胁从逃归者毋许擒拏若有杀伤仍以杀伤论陆续擒乱民一百五十余人以便宜梟斩韩谨等五十二人杖毙丁仕卿等九十五名事平佳胤文熙飞< 娼弊-金 >以闻且叙知府刘伯缙原任游击徐景星知县陈良栋孙琬功而劾同知吴日强及文武巡捕之罪上览奏嘉叹赏佳胤大红纓丝飞鱼衣一袭银三十两彩段二表里文熙银二十两彩段一表里刘伯缙等纪录徐景星推用吴日强夺俸三月巡捕各官抚按逮问佳胤当入境之初奋身犯难定变俄顷尽夷乱党振久弛之颓纲虽佳胤之能实假便宜之效也

○工科都给事中李廷仪题国家钱粮京边为重稽考亦严抚按查参于事终户部比较于朝覲故完多欠少至工部钱粮原系京运如匠价柴夫料银为内府年例胖袄段疋折价赏赉所需麻铁砖料以备营修弓箭弦条以充军器关系匪轻特以比较稍宽故拖欠特甚自万历五年议行考成数年积逋次第报完此其明效大验也近奉 圣谕议蠲带徵则七年以前既从豁免七年以后可复逋乎兹当朝覲之期宜申明旧例严加责成行将八九两年额输本部钱粮备查某州县某项已完若干未完若干已完者有无取获批收未完者缘何不行完角□羊分别多寡立限查参及言钱粮以起运为重存留为轻部参原为起运而各省文册混造起存故有抚按免参该部参者宜申明画一章下所司

○丙戌 上视朝

○山东巡抚杨俊民题该省兖州等六府库贮各驿递节年积剩站银共一十二万一千三百余两请免编万历十一年分额徵银两以宽民力部覆从之

明神宗显皇帝实录卷之一百二十五

万历十年六月丁亥朔日有食之

○升山东副使王庭诗河南副使王藻福建副使徐汝翼各左右参政庭诗浙江藻山东汝翼广东

○准巡按广西御史敖选养病

○以原任蓟镇协守李汝楨为宁夏游击河南都司雷以诚陕西都司孟孝臣各右参将以诚太原孝臣肃州

○黜湖广长沙府贪酷通判时瑞岳州府平江县贪知县朱嘉猷各为民

○戊子 上御文华殿讲读

○以陕西左参政暴孟奇督造黄册○蓟镇总督吴兑题该镇防春客兵夏深劳久山东河南北直隶班军定以六月撒放休息工完者先放未完者候完赎放各路主兵南兵并应留延绥宣大保定兵马仍分信地防守有警听其调发部覆从之

○己丑升工科给事中刘弘道为山东佥事

○庚寅除补浙江道御史涂杰

○授庶吉士冯梦祯为翰林院编修

○免云南巡抚赃罚银一千一百两有奇为前任巡抚饶仁侃候代日所欠巡抚刘世曾奏罢之

○革浙江总兵官吴国任悍卒奸民两番倡乱国未展一筹而贪残无比言者劾之故罢

○壬辰 上视朝

○降浮躁浙江监兑员外郎袁祯级调外任○兵部题 上供柴炭出办在本部审编在五城收受在惜薪司挂号纠察在巡视科道经理非不密而商人日困法之不善可知也至烦 宸衷轸念臣等议为七款一复招商良法二定预给钱粮三宽恤采办四宽假途禁五宽减秤头六设立公所七永安商人乞敕遵行以图实效制曰可

○礼科都给事中石应岳申明科场事宜一正文体作文阅文务与实纯正一严防范关防搜

简交通传递之弊一重内帘各省俱以朱卷送内帘一定程式即刻士子朱卷一公选举卷面房数中式后始印以便通融一重廷对罢黜对策不称者部覆依拟

○赐原任南京刑部尚书冯岳祭葬如例岳浙江慈溪人登嘉靖丙戌进士授工部主事历知府藩臬京兆尹擢右副都御史巡抚升兵部右侍郎兼金都总督以擒斩叛苗功升右都御史兼侍郎如故未几升刑部尚书踰岁引疾归以上登极覃恩诏有司备羊酒彩币存问至是卒岳素负清望兼富军功在朝在乡居然型范士论重之

○癸巳两广总督刘尧海题该省见在卫所官军共三万四千一百一十三名应支月俸粮米四十万一千五百五十石有奇将领水陆官兵征马共三万九千一百一十八员名匹应支饷银三十八万二千四十二两有奇角□羊部济边银二万九千九百九十二两有奇其余米四千五百八十三石零及余银二万一百九十三两零留备缓急部覆从之

○以胡守仁充总兵官镇守浙江

○叛人绰力哥伏诛力哥系汉人勾水泉堡伏虜入犯杀伤官军故诛

○甲午 上御文华殿讲读 ○致仕少保兼太子太保礼部尚书武英殿大学士殷士儋卒辍朝赐祭葬如例士瞻山东历城人嘉靖丁未进士改庶吉士授简讨分试礼闱侍 裕邸讲读是时世皇方精简儒臣为辅导官士儋念天下治忽所系每进讲必斋戒存诚至君德治道所关及理乱兴亡之际权奸女宠宦寺外戚之祸未常不危切言之冀有所感动洊历宫寮典顺天试穆庙即位以讲读旧臣擢学士掌院寻升礼部右侍郎充经筵日讲改吏部充 世庙实录副总裁俄晋礼部尚书加太子太保奉特简改文渊阁大学士未几以封贡功加少保武英殿大学士荫一子中书舍人为相不甚柄用与新郑不合又以不从廷推为□论所薄不一年□乞依归归十有二年而终赠太保谥文庄○南京司钥库每年实放钞锭外尚欠钞七十三万三千一百余贯户部覆应炤例折银支放以免湮烂买扰且使官军得沾实惠报可

○乙未 上视朝

○宣辽左大捷遣恭顺侯吴继爵成国公朱应祜武清伯李伟告 郊庙群臣称贺以收回祭设赐三辅臣

○元辅张居正以病乞罢有诏优答慰留

○丙申改江西赣州府捕盗通判专管两关商税练兵同知兼管捕盗从巡抚张焕等会请也

○丁酉叙辽左大捷功进元辅居正太师荫一子锦衣卫世袭指挥同知次辅四维太子太师荫一子锦衣卫世袭百户时行太子太保各兼官如故居正等＜娼弊-金＞辞不允

○赐宁远伯李成梁第赏银一百两大红纁丝蟒衣一袭荫一子锦衣卫世袭指挥使兵部尚书梁梦龙总督吴兑各赏银五十两大红纁丝蟒飞鱼衣一袭升兑兵部尚书兼右都御史巡抚周咏赏银三十两彩段四表里升俸二级各荫一子锦衣卫百户王一鶚张佳胤升俸一级及诸道将各赏银币有差发太仆寺马价银一万两赏该镇军士

○元辅张居正再< 娼弊-金 >乞休上优诏报曰卿受皇考顾命夙夜勤劳弼成治理朕方虚已仰成眷倚甚切卿何忍遽欲舍朕而去览之心动其专心静摄以俟辅理

○以南京右军都督府佥书戚继美充总兵官镇守贵州

○戊戌选中书舍人王继充唐尧钦行人袁国臣陈烨孙玮田畴推官陈与郊阮子孝太常博士冯景隆为给事中与郊国臣吏科继光户科玮兵科畴刑科尧钦工科子孝南刑科景隆南工科博士雷士桢中书洪声远黄钟行人王世扬龚一清江东人杨四知漣瑄陈性学方万山推官韩应庚邓炼魏允贞毛在杨鸣凤知县张问达孙继先向日红张应诏张维诚各试御史士桢浙江道声远江西道应庚福建道世扬湖广道一清炼河南道东之山东道允贞问达山西道四知陕西道继先四川道钟广东道瑄广西道在日红云南道性学应诏贵州道鸣凤南福建道维诚南湖广道万山南河南道

○己亥长芦巡盐御史曹一夔条陈盐政九事一清宠地一豁重差一禁私盐一蠲积逋一课私煎一复盐引一更盐场改富国为盐场新镇为银场从商便也一减没银缴引目一官买余盐部覆惟官买一节已经题革仍行查勘奉旨巡缉私盐各军卫有司俱有专设员役若能如法稽查私贩自少不当但于一二要地详诘且食盐日用所需当从民便今后任商告指地方自行发卖不必派发派散徒滋扰民其余俱依拟

○铸工部管理街道关防

○铸换河南巡抚关防

○庚子遣司礼监太监魏朝诣元辅居正第视疾赐银八宝四十两食物有差仍降乎敕谕曰朕自冲龄登极赖先生启沃佐理心无不尽迄今十载海内昇平朕垂拱受成先生真足以光先帝顾命朕方切永赖乃屡以疾辞忍离朕耶朕知先生竭力国事致此劳瘁然不妨在京调理阁务且总大纲令次辅等办理先生其专精神省思虑自然康复庶慰朕朝夕惓惓至意居正< 娼弊-金 >谢报闻以恭视写

恭妃册文赐三辅臣银币有差□壬寅遣定国公徐文璧大学士张四维持奉节册封王氏为恭妃皇元子母也其册文曰六寝建官礼特隆于妃秩万年锡胤庆实始于闺门爰资四德之良用备三宫之制咨尔王氏惠质夙成温仪为度衾裯肃肃既承鱼贯之恩弓鞬雍雍遂兆燕禔之吉眷徽猷之茂著迓景福于方来宜溥渥恩特升华序兹特遣使持节封尔为恭妃锡之册命于戏翟弗翠衣晋貳龙轩之宠画堂甲观早开麟趾之祥尚遵鸣佩之芳规永赞求衣之盛治钦哉

○以册封 恭妃遣驸马侯拱宸告内殿收回祭设赐三辅臣免百官朝贺

○荫保定巡抚右副都御史阴武卿男阴镕国子监读书○复除广西僉事王廷简降补湖广右参议梁问孟升浙江温州府知府李际寅为云南副使工部员外王豫为福建僉事

○工科给事中傅来鹏御史顾尔行条议银库四事一州县起角□羊银两每锭皆凿官吏银匠姓名一各处库用法马以部降为准旧者一概角□羊部销毁一太仓羨余不必取盈三万一在外司府角□羊银不许另立添锭名色以滋巧取部议亦以为然报允

○太原平潞三府大饥蠲年例赃罚八千两发库贮赃罚银一万两及本处仓谷相兼赈济仍于商税及无碍银两凑支务使民沾实惠

○是夜月食

○癸卯 睿宗献皇帝忌辰 奉先殿行祭礼

○甲辰 上御文华殿讲读 ○遣司礼监太监张鲸斋手敕谕太师张先生今日闻先生病势不粥朕为深虑国家大计当为朕一言之仍赐八宝四十两食物有差居正力疾< 媼 斃 金 > 谢因具密揭封进盖荐潘晟余有丁也

○总督漕运兵部尚书凌云翼以病乞休不许

○乙巳 上视朝辅臣取原任太子太保礼部尚书潘晟以原官兼武英殿大学士升掌詹事府事吏部左侍郎余有丁礼部尚书兼文渊阁大学士俱入阁办事

○乌思藏辅教王大乘法王差国王割大旺修藏卜坚参各以铜佛珊瑚等物入贡赏段钞有差

○以五军营左副将焦泽为南京右军都督府僉书○丙午太师兼太子太师吏部尚书中极殿大学士张居正卒 上震悼辍朝一日遣司礼监太监张诚经纪其丧仍赐银五百两纁丝六表里罗纱柴布香烛茶米油钞盐炭有差 两宫太后及 中宫各赐银币如之既而礼部以例闻赐祭九坛加祭七坛遣官造葬谥文忠仍赠上柱国荫一子尚宝司司丞居正湖广江陵人登嘉靖丁未进士改庶吉士授编修常侍 裕邸讲读颇贤之洊侍读学士预修永乐 大典兴都志先帝即位迁礼部右侍郎升吏部左入内阁充 世宗实录总裁知经筵主会试历礼部尚书转吏部加少保兼太子太保至今官人臣之位极矣居正沉深机警多智数为史官时常潜求国家典故及政务之切时者剖衷之遇人多所咨询及赞政毅然有独任之志受顾命于主少国疑之际遂去首辅手揽大政劝 上力守 祖宗法度 上亦悉心听纳十年内海< 嬪 燠 惠 舅 嗔 逅 囊 脑 服 太 仓 粟 可 支 数 年 罔 寺 积 金 钱 至 四 百 余 万 成 君 德 抑 近 幸 严 考 成 综 名 实 清 邮 传 核 地 亩 洵 经 济 之 才 也 使 其 开 诚 布 公 容 贤 逮 佞 持 止 足 之 戒 惇 宽 大 之 风 虽 古 贤 相 何 以 加

焉惜其褊衷多忌小器易盈箝制言官倚信佞幸方其怙宠夺情时本根已斲矣威权震主祸萌骖乘何怪乎身死未几而戮辱随之也识者谓居正功在社稷过在身家谅夫后数十年人追讼其功天启元年辛酉复其官如制

○礼部尚书东阁大学士余有丁<娼弊-金>辞新命不允

○赐彭城伯张守忠母陆氏祭葬如例

○革河南都司吴大观任○丁未赐辅臣张四维申时行及府部大臣讲官陈思育等六员簪筓有差

○逮革任辽东都司冯文弼坐假差放军犯兵科给事中杨廷相劾之也

○戊申颁暹罗国王印信仍赏其使握闷辣等有差

○乙酉

上视朝

○命礼部尚书兼文渊阁大学士余有丁充总裁及同知经筵官日侍讲读

○升陕西巩昌府知府郑国仕为河南副使

○庚戌改礼部左侍郎兼翰林院侍读学士许国为吏部左侍郎掌詹事府事会典副总裁经筵讲官如故

○浙江道试御史潘士桢言大学士潘晟清华久玷不闻亮节异能廉耻尽捐但有甘言媚色其初为礼部尚书也秽迹昭彰先帝常斥之其再起也輿情共恶皇上又斥之彼得以鄙夫冒宫保优游林下已为过分乃兹举具瞻之位论思之职一朝畀而予之臣恐贪荣竞进之徒有以窥皇上之举动也幸收回成命罢遣行人更择耆硕以昭平明之治上以晟系元辅遗<娼弊-金>特荐不听已而给事中张鼎思王继光孙玮牛惟炳御史魏允贞王国各有言晟不得已具<娼弊-金>辞遂令新衔致仕

○辛亥 上御皇极殿

○壬子 孝庄睿皇后忌辰祀 奉先殿遣崇信伯费中金祭 裕陵

○屯田御史王国题清丈过北直隶各州县军卫关营共二百七十处应豁虚增地一千一百四十顷六十七亩有奇浮银三千七百四十二两有奇浮粮六百五十石有奇另起科地九千

六百七十三顷九十七亩有奇增银五千四百七十八两有奇增粮三百三十四石有奇达官故绝另科备边地四百四十三顷七十四亩有奇徵银八百一十三两有奇定州故绝达军地四十七顷二十九亩零徵银四十九两零德州故绝达官地四顷五十三亩徵银四两零及本部驳查出三河县原额地三十三亩宝坻县原额地三顷改正入额以丈出余地通融起科堪补豁除前项虚地浮粮浮银及将参政曹子登等丰润县知县唐思周等各分别优录罚治部覆是之

○降袭临湍王勤綏子朝卯□土为奉国将军卯□土綏第四子也其三子俱夭卯□土应继而系濫妾所生故礼部酌议以请从之

○以游击李时为五军营左副将宣府守备严从宽为神机营坐击将军

○癸丑赐辅臣果饼肴馔

○新开永济河成长四十五里建闸三座费银六万余两总督尚书凌云翼以闻上以其费省而功速赏银币有差

○先是安南贡使还差官范可久伴送至凭祥州土官李德胜需索不遂难之可久不可德胜不听率土司陆珠等抢劫通事贡损夷人入关遂大乱可久死之总督尚书陈瑞以闻

○甲寅 孝穆皇后忌辰祀 奉先殿遣阳武侯薛銀祭

茂陵

明神宗显皇帝实录卷之一百二十六

万历十年七月丙辰朔 上亲享 太庙

○宣府巡抚萧大亨题清丈过该镇额地六万三千一百顷三十六亩零均派粮一十九万四千九百一十八石零比旧额多三分之一其保安延庆永宁丈出余地一千四百六十七顷四十一亩零各招民地额例通融减徵外将卫所地各招等则酌量递减其养廉贍军学田等地有原未徵银者量行徵粮地多粮少地肥粮轻与有地无粮者俱尽数丈出以补水滩沙压有粮无地粮重减轻之数包赔者悉与开除影射者尽行厘革及将参议等官王学书等酌量录用通判冯明世等分别罚治部覆从之

○丁巳赐三辅臣鲋鱼 升礼部右侍郎陈思育为礼部左侍郎翰林院侍读学士陈经邦为礼部右侍郎各诏旧经筵日讲

○起兵部右侍郎王达

○戊午 上视朝

○己未 仁孝文皇后忌辰祀于奉先殿遣成国公朱应祯祭 长陵

○大学士张四维等言前岁蒙 皇上俯允臣等所奏将 累朝宝训实录分类编摩为四十款每遇讲筵既毕臣等讲角□羊一二条其诸司章<娼弊-金>有紧要者即于讲后面奏请裁已于去岁春月奉行因臣居正在告暂行停止今时已入秋天气渐凉伏望 皇上每御经幄之日容臣等仍以训录进讲并以紧要章<娼弊-金>面请其或不值讲期容臣等将章<娼弊-金>另作一封具揭上请裁决报闻

○调福建左布政使舒应龙陕西右布政使李汝按察使徐元太云南右参政邵元哲山东副使徐成位福建僉事张正道于浙江其浙江右布政使刘汉儒福建右布政使郝杰按察使王湘调陕西参政吴哲调云南僉事许一德调山东李宗鲁调广西

○起复湖广道御史许乐善以中途患病乞归许之

○庚申保定巡抚阴武卿等题清查过万历七年以前拖欠保定府清苑等八州县草场京营租粒草料银四千八百六十五两零协济顺天河间二府站银九百四十三两零河间府静海等州县驿站夫皂银五千七百八十四两零俱系逃亡贫户拖欠应一并蠲免以霈圣泽兵部覆请诏曰可

○勒周府镇平王府宗室勤爚自尽以其谋兄刃妻毒杀三命也

○辛酉 上御 皇极殿

○命有司祭 历代帝王陵寝

○命左春坊左赞善沈鲤翰林院修撰沈懋孝为应天主考

○复设山东济南府东昌府各管马通判○应天巡抚孙光祜题清丈过江南十一府州县田地山塘四十五万一千五百八十顷五十余亩补足失额者一万二千一十余顷多余均摊者九千五百四十余顷在各卫田地九千八百九十九顷九十余亩补足失额者三百二十余顷多余均摊者一千八百六十余顷举节年加损那移紊乱旧科者一归原额使徵派均平小民无累及将府丞等官曹大野等纪录知府阎邦宁等分别罚治户部覆如其议上令纪录光祜等

○壬戌户部言两广总督陈瑞题万历八年督徵七年分通省屯粮除已完及抛荒无徵外止未完米一万四千六百余石折粮银一百七两零应与带徵民粮一体蠲免各官住降俸级者俱应开复诏依议行

○癸亥贵州巡抚王缉题该省应丈民田三十二万八千五百二十九亩屯田三十三万五千九百六十四亩科田八万八千二十六亩节年失额民田四千二百三十亩屯田四万七千五十一亩科田五百一十二亩今次丈出隐占等项各除抵补外尚有余剩民田一十四万二千三百一十四亩屯田一万七千一百八十一亩遵议不得增粮应于额田通融摊派至于普安永宁赤水毕节乌撒五卫被夷占去屯田计其丈出之数不足抵补就于丈出五卫新垦科田七千二百七十七亩内摊粮拨补足额尚有贵前龙里等卫余剩科田一千九百一十五亩查系军舍新垦在不屯田数内该起粮一百三十石零又清丈出贵州前卫故绝地三十六亩有奇该起粮七石零其普安州夏税地清丈止有二千三百二十七亩而黄册以亩作顷明系差讹相应改正其先误增前卫屯军余田浮粮一十一石九斗应与豁除及将参政史檟等纪录知州赖万均等分别罚治部覆可之

○以山东都司佾书梁大任为神机九营佐击

○革广东广州参将杨为栋任

○以福建都司佾书秦经国升补

○甲子升左春坊左赞善沈鲤为翰林院侍读学士掌院事

○浙江开化大水

○户部覆广西巡按郭应聘题清丈过该省田粮除补足国初原额外多余官民田七百六十

八顷八十七亩零该粮三千八百九十八石零于内余粮不多者并入实徵原科过重均摊减轻如富川县多粮割属昭平县徵收者今恐岁费不敷仍听徵输其余州县卫所节年隐占失额田粮俱清复完足赋役条编悉照旧额外有兴安融江六峒诸徭丈复田粮已加数倍若复科重恐有不堪议照各府每石纳银三钱五分免其襍差以安夷心及将右布政使吴善等循资擢用知县何士瞿等分别降罚俱如议

○乙丑上御文华殿讲读

○户部题顺天府拨过世庙庄顺安荣贞靖皇贵妃沈氏并荣惠宜妃杨氏坟所贍坟民地各五顷该价银一千九百二十五两应行宛大二县于存留银内照数支给其应免税粮马草等项钱粮照数豁免除上可之

○丙寅赐三辅臣及讲官等鲋鱼有差

○升吏部左侍郎杨巍为南京户部尚书都察院左副都御史胡价为刑部右侍郎

○漕运总督凌云翼题清查过庐凤淮扬徐五府州未完万历七年以前各驿协济水夫站银及南京兵部柴薪直堂银中都留守司十七卫所未完春秋两班工价名粮等粮共五万六千九百五十七两零一体蠲免部覆允之○兵部覆山西巡抚辛应乾题所属永宁沁州沁源榆杜荣河五州县未完万历七年以前站银共一千六百五十二两零俱系灾伤拖欠应一体豁免其榆杜县那借站银五十一两零即于该县未完颜料银照数追补诏曰可

○丁卯升浙江副使杨标为福建右参政松江府知府阎邦宁为山西副使

○荫巡抚辽东兵部右侍郎周咏男嘉善入监读书以咏三年满也

○江西巡抚王宗载题该省奉新萍乡万载三县改建砖城合用工料银二万七千二百四十四两除将库贮无碍贍赎等银应用外尚少银一万八千二百一十五两无从措处应于南豐武宁二县变卖官田价银二万两内动支部覆许之

○准袁承恩袭都指挥僉事南镇抚司管事袁彬孙也

○陕西好地坪等族番人郝卜等进贡给赏有差○戊辰保定巡抚阴武卿题保定骑营新买完马一千五百匹每年该料草银三千一百三十七两有奇应于年终存留余剩银内照数动支并将九年存剩银内动支二千四十五两零补九年冬季应支草料之数如已借支别项银两管粮郎中照数扣还部覆如其言从之

○改折鲁府食盐银四百两从巡盐御史曹一夔请也

○以提督京城巡捕署都督佥事李超为南京前军都督府佥书

○陕西旱灾

○太平大水

○己巳调补浙江副使张稽古

○巡按山西御史刘士忠以病乞归许之

○江西巡抚王宗载题该省万历七年以前未完礼部南京户部各项钱粮兵部马船工料柴直径山等驿马价等银皆属小民拖欠应免之数及本省应支廩给夫马等项额编未完银三万一千九百余两乞概准蠲免以苏民困部覆是之诏如议

○庚午中元节遣恭顺侯吴继爵隆平侯张炳南和伯方烨新建伯王承勋靖远伯王学礼遂安伯陈澍等祭长陵等九陵及景皇帝陵指挥使朱文贵祭哀冲庄敬二太子坟

○升翰林院侍读朱赓为左春坊左谕德翰林院侍读罗万化为右春坊右谕德俱兼侍读翰林院修撰王家屏为司经局洗马兼修撰各掌管各坊局印翰林院编修沈一贯为左春坊左中允与五品服色

○升吏部右侍郎王篆为本部左侍郎巡抚四川右副都御史张士佩为吏部右侍郎巡抚福建右副都御史劳堪为左副都御史协理院事

○陕西巡抚萧廩题陕西平庆延三府属被灾九分临巩二府被灾七分其余灾非甚重均宜赈恤乞将全狭积贮仓粮委官分赈灾重者各免存留钱粮之外候勘报至日仍量蠲起运夏税被灾卫所炤例改折仍在万历十年济边商税银三万两及巡按龚懋贤题抵年例银四万两内查取以备缓急施赈候有秋成余剩另议部臣言抵年例银四万已角□羊延绥难以改用余应如议

上以该地方界邻羌虏被灾广阔布政司商税及御史奏角□羊银两俱准支赈毋缓

○山西巡抚辛应乾题编审过所属太原平潞三府泽辽沁汾四州各属州县万历十年十一年徭役人丁共一百五十一万二千二百八十一丁除役占优免外实在与差人一百四十四万二百二十八丁卫所共七万一千一百六十二丁除役占优免外实在与差人四万一千八百五十六丁其委官同知邢子严等纪录知州张燃等分别罚治部以为然从之

○户部覆山东巡抚杨俊民题本省见徵万历八年起运钱粮已完九分有奇未完银二万一千四百九十两有奇俱系武定等十五州县拖欠该管官应炤新例查参但该年派徵税粮内多抛荒包赔且拖欠不及二分乞定限至万历十年十二月完报以便督催报可

○叙街道工功升赏工部尚书曾省吾等各有差是役也历三载费银三十余万叙功升赏不无过滥

○辛未 上视朝

○升江西道御史安九域为四川右参议

○革浙江参将袁日章任回卫○直隶巡按杨楫题入夏以来雨泽愆期济宁临清一带闸河浅涩提督泉源工部主事马玉麟将南旺迤北闸座闭塞借水南流致北流之水粮船浅阁兖州府管河通判詹＜媮呿B疽怀铤措阻误粮运且本官物议沸腾官守有玷应分别罚处仍行各管河分司官将南旺马场安山诸湖逐一清查原界集募人夫开浚深广其减水闸坝查有损坏即行修葺务要以时蓄洩永保运道如道府等官因循故套苟且了事听其指实参奏＜媮擄-金＞入下部覆夺马玉麟俸三月降詹＜媮呿B鞠猩(2)湫薛储水系济漕要务其依议申飭行

○壬申四川道御史孙梦麟以病乞归许之○吏部覆吏科给事中尹瑾等河南道御史陈功等各以朝覲考察条陈六事一稽实政以定人品二核实迹以慎注考三持公正以核方面四辨难易以计有司五惩贪酷以儆官邪六禁私揭以杜中伤言皆是 上报曰甄别吏治当以及民实政为据抚按官不行咨核荐民之所怨斥民之所依吏治何由而兴民生何由而遂今次考察其秉公博访痛革弊习所议俱准行

○癸酉 成祖文皇帝忌辰祀 奉先殿遣定西侯蒋建元祭 长陵

○升巡抚应天右佥都御史孙光祜为副都御史巡抚四川广西右布政使赵可怀为右佥都御史巡抚福建

○革宽奠参将栗卿任回卫以原任参将杨燮补之

○甲戌复除陈允升为四川提学佥事

○以福建南路参将李趋为浙江参将分守台金严○巡抚浙江右侍郎张佳胤题浙江大乱之后所有善后事宜一兵饷当复二名色把总当录三左游击当复即以原任蓟镇陈文澄补之而以效劳游击徐景星补右游击四城守军当再行抽选五土著兵当渐加选补部覆

上嘉纳允行

○乙亥 上御文华殿讲读

○升四川按察使郑旻为广西右布政使

○先是三月二十一日倭寇温州副使陈润参将沉思学率兵击走之夺其二船生擒倭贼四十七名斩首五颗焚溺水者不可胜计至是巡抚张佳胤以开且议有功大武各官及阵亡军丁纪录恤赏部覆从之

○丙子升国子监司业王弘海为右春坊右谕德掌南京翰林院事大理寺右少卿郭思极为右佥都御史巡抚应天

○给永宁公主庄田二千五百九十五顷八十二亩

○以武定侯郭大成为左军都督府管事

○河南巡抚褚鈇题该省驿递站银自万历七年以前未完三万三千三百余两山东巡抚杨俊民题济南兖州二府自万历七年以前未完种马草料备用马价等银三千三百九十余两及济兖青莱登五府未完驿传站银四万六百余两并江浙苏松凤阳等处未完协济马价水夫等银四万三千七百余两俱系逃荒拖逋年久催角□羊不前部覆应炤明旨一体蠲免允之

○丁丑升广东右参政张明政为四川按察使

○以四川掌印都司李斌为福建南路参将调大同西路参将马孔英为入卫游击以大同入卫游击李联芳为西路参将

○以武进伯朱世雍管理红盔将军○戊寅户部覆顺天府府尹张国彦题宛大二县往年一应杂派钱粮咸资税契铺行银两一抵均徭一抵里甲近蒙宽减二项而杂用零支未免加徵二县将何取给议将万历八年以后存留税粮酌量催徵并库贮银两抵补税契铺行宽减之数其余一切不时加派取用除本部糯米帮价并代办通判菓品银两照旧外各项钱粮各衙门通融措处不得偏累畿民报可

○己卯 上御文华殿讲读

○升云南副使胡心得为广东右参政

○浙江巡抚张佳胤题清丈过所属各府州县各卫所田地山场等项除补足原额外属民者多余田地一万六千一百一十二顷一十余亩基地二万九千七百五十余间税粮五万七千二百七十余石租丝一十三万九千二百五十余两钞一千四百一十余錠属军者多余地田三十四顷五亩有奇税粮五百六十余石即以多出税粮均派军民额徵数内通融减派将各官民田土因地定则因则徵粮各将各废寺湖田官地荒地等项清查变价共银九千六百七十两有奇充饷自此豪滑侵隐可以尽革闾阎赔累可以尽苏其奉行各官如左布政使刘汉儒等应纪录擢用通判陈瑚等分别斥降部覆从之

○庚辰 上御文华殿讲读

○先是晋府与宁化王府争田各具奏山西抚按辛应乾刘士忠为之逐一清丈其晋府庄田坐落太原等处实在地七千二百三顷五十亩有奇宁化府坐落聂营等屯实在五百七十五顷五十二亩有奇其古城大陵二屯原系宁化王敕赐祖产仍令永久管业部为覆请 上然之

○予原任太子少保兵部尚书郭乾祭葬○以湖广永州道守备何一龙为神机四营佐击

○辛巳准甘肃行太仆寺卿兼佥事周大烈致仕

○褫两淮贪运使陈楠职为民下巡按逮问

○哈密卫都督同知米尔马黑麻等乞袭职许之

○壬午升大理寺左寺丞邵陞为本寺少卿

○升安庆府知府叶梦熊为云南副使

○改调高淳县知县李永永宰邑严乡官副使张蕴知州张应亮陈时文恨其追徵钱粮鼓愚民陈灼等诬告之应天巡抚孙光祜以闻 上以近来法令废格皆因势豪阻挠褫张蕴冠带革陈时文职俱为民与张应亮俱令按臣逮讯

○遣京堂锦衣卫官各一员护故太师张居正柩归葬

○癸未升陕西苑马寺少卿张澜为甘肃行太仆寺卿兼佥事江西临江府知府杨归儒为两淮运使○甲申差司礼监太监陈政护送故太师张居正母赵氏给驿归 升大理寺右寺丞商为正为本寺左寺丞浙江道御史张简为右寺丞翰林院修撰黄凤翔为右春坊右中允管国子监司业事山西管粮参政杜文兰开垦荒田著有实迹也

○湖广巡抚陈省题会议得五开卫及湖北一带善后十三事一移驻镇议抚臣事权宜重凡遇有警即亲赴徵调一整兵防议五靖镇箠清浪两参将辰沅常德兵备守巡三道各驻劄统辖之地居常弹压有事防剿俱不可无兵应撤武左蕲黄等卫所官军及溱浦会同各县打手之无用者回卫另募选补即以所撤各兵粮饷给之一分卫所一重事权议改贵州黎平府为黎平军民府以五开卫所军舍听其专制而以该府属官贤否听湖广抚按举劾一更卫官一革巡司一清军伍五开靖铜等卫天柱汝溪等所刁徒丛集为患叵测应查情罪重轻分发著伍一拨哨班一定赏格一酌调遣议永顺保靖二司土兵原无堪用调至未见有功而沿途杀掳惨不可言以后各省寇乱不得擅议再调一设坐镇一核兵饷议该省各卫所官军月粮先尽各该卫所屯粮放给扣算不足方于民饷银内凑支各哨募兵仍于饷银内支领其原派银两与扣追民壮等银自十年为始每年免派银三万二千两米一万石停派三年仍旧全派一

年其各属未完银米俱系万历七年以前应一体蠲免一严参罚议武汉荆黄等府及各卫所民粮拖欠应照本部见行查参事例严行催督部覆惟移驻镇分卫所更卫官革巡简司拨哨班定赏格设坐镇七事仍应炤旧不必纷更其余如议从之○乙酉升浙江金华府知府梁式为陕西苑马寺少卿兼佥事

○免辽东苑马寺卿洪济远入覲以海盖等处虏患方殷也

○南京刑部尚书殷正茂再＜娼弊-金＞乞休不允

明神宗显皇帝实录卷之一百二十七

万历十年八月丙戌朔 上御皇极殿

○丁亥祭 先师孔子遣吏部尚书王国光代

○戊子上亲祭 太社 太稷

○庚寅升福建僉事王乾章为云南右参议

○凤阳抚按凌云翼姚士观题江北境内凤阳一府清丈出隐田一万八千二百九十余顷除补失额外剩一万一千二十余顷淮阳徐二府一州清丈出隐田一万二千二百四十余顷除抵补外尚有沙压水滩并水深难量地四万九千四百八十余顷凤阳淮安等卫所清丈出屯地七百一十三顷二十余亩除抵补外尚有水滩沙压地三百六十八顷八十余亩扬州等卫清丈出地五百七十六顷七十三亩除抵补外剩五百五十九顷九十余亩遵例通融滩派年来叠遭灾伤有派无徵所欠民屯粮除系漕粮者全徵外其凤阳等府仓粮十万五千一百三十余石将本地商税权抵暂拟停徵各卫所抛荒滩压地欠粮二万七千四百一十余石拨给卫所见在食粮军士抵粮一月听从佃种渐次开垦以宽民力及将参政舒大猷等叙录通判郭绍等分别罚治部覆从之

○辛卯 上视朝 以 万寿圣节赐三辅臣及讲官各银币有差

○命左春坊左谕德兼翰林院侍读朱赓翰林院侍讲韩世能主顺天乡试

○降调山西左参议韩应元以巡按刘士忠劾其执拗乖谬也

○革山西东路参将魏廷臣任回卫

○壬辰升河南僉事谢思启为福建右参议○降贵州乖戾右参议秦舜翰

○铸给云南分守安普金沧洱海临元各道关防

○癸巳 孝康敬皇后忌辰祀 奉先殿遣惠安伯张元善祭 泰陵

○以 万寿圣节赐三辅臣及讲官各金万寿字等有差

○甲午 上视朝

○升浙江杭州府知府刘伯缙为山西副使

○以山西偏关游击潘云程为代州左参将

○乙未 孝慈高皇后忌辰 奉先殿行祭礼

○考选云南道试御史杨寅秋贵州道试御史赵楷

○升工部郎中金从洋为贵州右参议陕西左参议王应吉为河南副使

○河东巡盐御史邢侗题角□羊池官盐多被陕西富平等三县卤泊滩地附近奸民倚藉纳粮为名私自煎贩以致官盐阻滞议将前地稅銀洒入各县地内勿令奸徒藉口明立界限轮拨保甲巡守部覆行抚按会议从之

○丙申未时 皇元子生 恭妃王氏出也

○以甘肃西宁参将张承业为山西老营堡游击

○丁酉 上御经筵

○諭内閣傳示取太倉銀二十萬兩光祿寺銀十萬兩充賞戶部言旧例岁徵金花銀一百万兩續增買辦銀二十萬兩每年共一百二十萬兩皆供 皇上賜賞之用但近年金花拖欠數多已借過備邊銀一百餘萬兩尚未補還今年二月欽奉蠲免帶徵等項本色絹布一百四十二萬七千二百餘疋本色顏料蜡茶三十三萬七千一百六十餘斤起存本折各項銀一百三萬六千六百餘兩本色糧米六十五萬五千二百餘石馬草一百七十七萬九千一百三十餘束未入考成拖欠錢糧約計本折南有二百餘萬兩伏望節省報聞○戊戌以皇子生遣成國公朱應禎恭順侯吳繼爵武清伯李偉彰武伯楊炳祭告 郊 廟 社稷上御皇極殿群臣稱賀

○保定巡撫辛自修題清查過保定府新城縣未完備邊銀四百九十七兩零系景府等府重復改撥地土无从徵角□羊河間府靜海縣滄州天津三衛未完八千四百二十八兩零俱系地方旱災花戶拖欠勢難追徵應一體蠲免部覆從之

○注王道亨錦衣衛帶俸指揮道亨 恭妃兄也

○己亥輔臣張四維等題 皇子誕生詔告天下宜有頒恩條件臣等竊惟 皇上臨御十年綱紀修明中外奉法倉庫充盈四夷賓服足稱治安但近歲災異屢見今年南北各處水災甚多兼以文武各官不知朝廷勵精本意往往務為促急煩碎以致徵斂無藝禁令乖忤使治平之世民不安業中外嗷嗷失其樂生之心有可隱忧仰惟 皇上如天之仁惠鮮懷保孜孜在念宜乘此大庆明降德音蠲蕩煩苛弘敷惠澤使四方萬國翕然佩戴皇仁鼓舞欣暢此固結人心培延國脉之大端也上嘉納之

○庚子中秋令节赐三辅臣上尊珍饌

○以皇子生赐三辅臣及讲官各银币有差

○升江西副使程拱宸为本省右参政山东道御史杨楫为陕西佥事

○壬寅万寿圣节上御皇极殿文武百官致词称贺

○遣定远侯邓世栋怀远侯常胤绪忻城伯赵泰修庆都伯杜继宗伏羌伯毛登及遂安伯陈澍祭长陵等九陵及景皇帝陵哀冲庄敬二太子坟

○赐三辅臣及寿面膳酒有差○甲辰谕礼部朕寅奉
宗祧于今十< 嫩昙剑敬蠡槌衫褚喊盐迴暄毗 圣母仁圣懿安皇太后
圣母慈圣宣文皇太后洪恩恒以胤嗣为念兹蒙

皇天眷祐祖考垂庥元子诞生慈颜怵豫永惟厚德罔极莫罄报酬宜加上徽称致隆尊养尔礼部便择日具仪来行

○升扬州府知府周标为江西副使

○乙巳先是大学士张四维等拟上两宫圣母徽号各加二字上令改拟

圣母慈圣宣文皇太后徽号增为四字四维等< 娼弊-金 >言皇上孝奉慈闱以天下养百顺承欢极隆无二此天亲固然人莫得而议也至于两宫典礼则有祖宗之家法古今之通制岂可违越况尊称大典关系尤重将告之郊庙颁示四方皇上睿智明达伦制兼尽岂可以非礼奉亲自陷于过举以干万世之公议耶臣等谨遵圣谕改拟二号进览所有字数未敢增加上纳之

○丁未宪宗纯皇帝忌辰祀奉先殿遣武定侯郭大诚祭茂陵

○蠲涉县汤阴林县卢氏狭州新安沔池七州县夏税以灾故

○祁门县水灾发粟赈之

○发延宁客饷一万两赈延安绥德榆林三卫以亢旱从巡抚王汝梅奏也

○戊申上御皇极殿心泰宁等卫夷人脱孙孛罗等指挥头目卜儿等进马匹方物庆贺万寿圣节各赏赉如例

○月入井宿与火星相犯

○先是陕西宜君县回民田守岩等与乾州民赵进忠等游食三水县因而打抢乡民劫杀过客官兵袭至遂擒进忠巡抚萧廩会同总督招安回夷以闻上责其玩寇废法令相机处置以靖地方

○兵部覆福建巡抚劳堪题倭寇一自北洋一自广海突入意在窥犯兴化漳南地方又有夥船出没东涌澎湖欲图联势劫掠实系内地奸徒勾引各官兵奋勇扑剿两战皆胜共擒斩倭贼三十余人夺回被虏六十余人乞将效劳被伤官军分别赏恤及将倭贼梟示从之

○己酉加赏故顺义王妻哈屯并子黄台吉布帛以其督率部落恪修职贡也

○庚戌以秋分祭 夜明于 夕月坛遣恭顺侯吴继爵行礼

○辛亥以 皇子将弥月命礼部具剪发仪注以闻

○壬子 上御文华殿讲读

○癸丑荫兵部左侍郎王遴孙伯镛入监读书○顺天府府尹张国彦等题皇储天降适四海人才汇进之期本府试录进呈御览 上悦

○调降原任开封府知府薛纶

○陕西总督高文荐题宁夏全镇灾伤乞蠲折本色屯粮及动支主饷银二万两召集流民兴筑边堡城垣计工给食以寓赈恤仍于成热堡寨趁时收买粮食以备困急部覆报可

○以亢旱免保定河间真定顺德广平大名六府夏秋税从抚按阴武卿敖鲲范鸣谦请也

○甲寅工科右给事中王敬民等条陈四事一处积余以备实用盔甲王恭二厂库贮物料岁有积余怀烂可惜宜量计多寡尽数成造或各省直角□羊厂偶欠准令兑支或移文应角□羊省分扣数停角□羊准纳折色一酌成造以省繁费各项军器有数当多备亦有势难久贮者宜酌量缓急分别营造如盔甲弓箭易于锈烂当于年例之中量为裁减带修旧者不必增造以滋滥费一禁冒滥以清匠役清查各役汰其老弱简年力精壮艺业通晓者为之不许徇情项补以滋虚冒一严稽查以惩欺玩各匠成造军器酌定限期责令完造不许侵冒章下所司

明神宗显皇帝实录卷之一百二十八

万历十年九月丙辰朔 上御皇极殿

○河南右参政赵国璧南京吏科给事中吴琯各以病乞回籍许之

○丁巳 上御经筵

○云南进年例金二千两 上以后期诘问辅臣张四维等＜娼弊-金＞请宽宥从之

○和川王府镇国中尉廷盗殴死族弟廷□勒自尽

○潞城王府镇国中尉俊木□嵩杀雇工人革为庶人发高墙禁住

○戊午 上视朝

○升河南副使王淑陵为右参政

○户部覆河南巡抚褚鉄题清文过所属府州县官民地九十四万九千四百九十三顷七十四亩有奇除补足原额外多余地八千九十三顷一十七亩有奇通融均摊轻减又额外清丈过废绝徽汝二府并南陵王府还官及官塘陂堰新增人户民种军屯等地共九千一百一十四顷三十三亩有奇共徵银二万一千八百九十四两零俱角□羊司府库凑补各王府禄粮并各卫所官军月粮等项支用各卫所屯地四万六千九顷五十九亩有奇屯粮二十四万五百三十七石零新增屯地一万四千九百三十五顷二十五亩有奇新增屯粮六万四千八百一十一石零除补足原额外多余地四千一百三十三顷四十一亩有奇各卫通融轻减又清查过南阳唐邓各卫所开垦屯余地三万二千一百八十一顷七十余亩每年徵银二万一千二百四十余两应作唐府公费郾镇军饷班军工食卫所公费并解司补禄支用及将左布政使龚大器等纪录通判潘景輝等分别革罚从之

○己未 孝恭章皇后忌辰祀 奉先殿遣怀宁侯孙世忠祭 景陵

○以恭视写篆 仁圣懿安康静皇太后

慈圣宣大明肃皇太后 册宝赐元辅及中书官金币有差

○兵部题锦衣卫指挥使李如桢以类奏缉捕功与伊父祔 □粤儿兔功并授指挥同知山西指挥僉事万化孚授指挥同知诏以非例不许

○庚申升陕西右参议刘中立为河南副使

○辛酉 上御皇极殿以皇子生诏告天下诏曰朕闻自古帝王绍圣祈天必隆胤祚盖以祗奉宗社茂衍本支邦家之庆莫大于此朕以眇躬嗣登大宝于兹十年幸方内又安四夷宾服庶不坠祖宗丕构惟大婚有年熊祥未协中外人心举深徯望朕用是不释于怀兹荷皇天锡祐列圣垂休以今年八月十一日第一子生系恭妃王氏出上副两宫圣母忧勤之念下慰四海臣民仰戴之情粤稽旧章用覃大赉所有恩例开列于后一自万历十年九月初六日昧爽以前官吏军民人等有犯除谋反叛逆子孙谋杀祖父母父母妻妾杀夫奴婢杀家长杀一家非死罪三人采生折割人谋杀蛊毒魔魅毒药杀人强盗妖言奸党失机并事干边方夷情及人命十恶至死罪者及永远充军人犯不赦外其余已发觉未发觉已结证未结证罪无大小咸赦除之敢有以赦前事相告言者以其罪罪之一各王府分封既久宗枝日繁禄米岁增民间地亩所出有限兼以有司怠于催徵地方时运方歉以致常禄拖欠养贍不周深为可悯诏书到日抚按官各将境内宗禄及坐派民粮派数通融计算严行设法徵给如有不敷仍酌议裒益通变事宜奏闻朝廷区处毋使贫难失所有孤亲亲之意一凤阳高墙庶人已故所遗子孙妻妾抚按官查明奏请释放其节年越关赴京递回闲宅拘住者如止系请乞奏辩别无违碍亦准释放一公侯驸马伯并内外文武官员旗士人等有因事革去罚住禄米俸粮者准照旧关支一两京三品以上文官例该荫子在任未及三年考满者俱准荫一子入监读书一两京文武官员署职试职并试御史俱与实授一内外文职官员有等养病致仕年力未衰才识可用曾经科道及抚按官荐举者吏部查奏起用其一因事考察去任的永不许用其一应冠带闲住者与致仕为民者与冠带闲住一近年以来四方灾报频仍民困日久一应夏秋税粮马草农桑人丁丝绢布疋棉花绒户口盐钞皇庄子粒屯田牧马新增草场子粒租银历日防夫水夫民壮弓兵机兵芦课富户等项除万历七年以前带徵拖欠者已有旨尽数蠲免外其诸色课程门摊商税鱼课枣株钞贯果品等项已徵在官者截数起角□羊其未徵分数自万历八年以前悉与蠲免一天下税粮除万历八年九年十年照旧徵角□羊陕西河南山西等处灾重地方抚按官作速勘明将本年钱粮奏请蠲恤外其万历十一年各项税粮不分起运存留准免十分之三以苏民困一隆庆六年以前各省直金花银两查系小民拖欠年远难完者准与全免淮凤等府拖欠改折漕粮万历七年以前带徵者准免一半一南直隶江浙湖广节报水灾万历十一年分漕粮四百万石除旧例折银及应免分数外其余以十分为率地方有灾者准改折五分无灾者改折三分不分正兑改兑俱照万历七年事例连蓆板楞木每石徵银六钱其岁熟米贱去处不愿改折者听其仍运本色一充军充徒并编发口外为民及迁徙安置人犯已到配所者军除永远迁徙安置人除谋叛家属不赦外其余悉准放回原卫原籍宁家随住一侵欠还官银两虽情重数多例不应免或系嘉靖年间事犯正犯已经监故正法拘禁家属年久产尽者及各项追赃人犯系查盘坐侵访寨坐入风闻参论原无证据或正犯已故监并家属累及亲族者户部法司备细查明分别年月久近赃数多寡将应免应释人犯开具奏请定夺一万历九年以前沿边沿海仓场官攒商人守支粮料草东五年之外查盘涸烂亏折不系正数者不分正犯家属军罪以上开具奏请徒罪以下俱准免追释放一浙江等总运粮官员有因漂流挂欠监追五年之上产尽或身故者子孙准其袭替照例扣俸还官如系侵盗正犯奏请定夺其违限诖误及中都等处违误领班各题参住俸降级立功者准与查复宥免一天下各盐运司盐课司提举司万历八年以前额课拖欠并存积年久风雨消折巡盐御史勘实尽行蠲免如数内已经开中商人赴场听支者准于办课赢余场分自行买补量于割没盐斤数内扣除一天下司府州县税课抽分衙门旧有定额近年各路关津货物经

由处所擅立牙行抽税罔利病民诏书到日抚按司道官查系额外私设者尽行裁革违者两京科道官访实参奏一铸钱本以利民近因铸造不精私钱淆襍及不系产铜去处买运艰难领发行使阻滞不便诏书到日各该开局铸钱地方暂行停止如地方钱法通行官民相安愿仍前鼓铸者听从其便一各省直清丈田粮除丈派均平军民称便者炤今次造报文册坐派徵收外如有短缩步弓虚增地亩及将山陂湖荡屋基坟墓并积荒地土升则派粮贻累军民者抚按官摘查明实准与更正但不许概行覆丈反增劳扰一万历九年以前各处府州县官各卫所掌印管屯官催徵民屯钱粮完不及数住俸者俱准开复补支降俸降级立功调卫者抚按官通查原欠分数奏请定夺其有司积谷不及分数住俸者俱准开俸补支降俸者复俸不补支其以捏报虚数在任参革者不准开复去任后参降者准开复一各处角□羊部赃罚银两节年已有定额近因加增数多致问刑官故入人罪横肆科罚刑狱枉滥伤和召灾自万历十一年为始各抚按官赃罚俱炤旧数角□羊部济边如有积余留贮各府备赈司道有司敢有故入滥科等弊抚按官不时参奏处治一军职万历十年八月以前为事降调两广等处烟瘴卫所病故不分已未到卫子孙为因路远不能赴所调卫分起文承袭者许令原卫起送承袭带俸差操其充终身军已经开伍回卫年六十以上者比炤为民事例子孙准其承袭其降级年六十以上子孙赴部替职者准复祖职未及六十者止许暂替所降职事其为立功者许令复职差操与支半俸扣至限满全支有限未滿病故者子孙复职免其减俸一凡应袭武职比试违限应该住俸者免其住俸比试不中应给半俸者准支全俸俟二年之后起送再比总小旗因误并枪革役者该卫所查无碍不论年月久近许令起补并还役一湖广四川广西等处宣慰等司土含应纳银袭替日久不能完纳者炤万历九年兵部题准云贵事例免其纳银径令冠带管事以后土官袭替俱令炤旧赴京或地方有事或贫寒不能赴京者具告该管抚按衙门查明代奏就彼袭替一畿内各府州县节年寄養马匹有瘦弱不堪者负累小民餽養诏书到日各掌印官即便勘寔呈报该寺炤依时估变价角□羊寺贮库其节年倒死勘无作践情弊准免赔补一京营并在外各营骑操及苑仆孳牧马匹倒失被盗应追买补桩赃等银除已徵在官截数起角□羊外其万历十年八月以前未完者俱准蠲免一南北直隶山东河南各府州县应徵万历十一年牧马草场子粒余地租银俱量免十分之三其备用马匹除本色外万历十一年派徵折色者每匹价银免三分之一其十一年派徵本色者于十二年折色内亦免三分之一一各边将领平昔谋勇出众累立战功偶因失事及诖误革职闲住立功充军等项年力未衰尚堪任使者诏书到日限三个月以里抚按官查访的实<娼弊金>名奏闻一沿边沿海紧要重镇委用各营名劳千把总无实职者若系旗舍或系三科武举果谋勇过人效有劳绩听总督抚按官指实奏荐量授署所镇抚俟后更有劳绩方准与实职官一体推用其军民纳授服色者原不在听用之列不许乘机混冒一内外各衙门见监应决重犯今岁暂免行刑两京法司仍将情罪有可矜疑者开具累节招由奏请定夺其侵盗腹里钱粮四百两以上问斩人犯如犯在万历七年三月未奉新例之前者准炤旧例问遣例后罪犯追赃限满听决者仍准改限一年一南北直隶浙江陕西河南山东山西轮班匠价除万历八年清查以后如有逃亡故绝人户查无产业节累各里户包赔者所司勘明核实申呈抚按衙门类奏除免其江西福建湖广等处应角□羊南京工部班银一体炤例查豁一浙江福建苏松常镇徽宁扬州广德等府州自万历元年起至八年止拖欠岁造段疋除已徵收在官及起运在途者炤旧角□羊纳外其余查系小民拖欠尽数蠲免一各省直及顺天真定保定三府山东山西二布政司运年灾伤小民困苦万历十一年分额派料银柴夫木柴路费准免十

分之三各省直额角□羊课鉄及戊丁二库并厂库军器民弓箭弦麋狐羊皮等项应解本折俱免十分之三一两京各衙门历事监生及承差各免历事二个月办事官一个月办事吏二个月当该吏四个月礼部铸印局儒士食粮候粮及纳银冠带见在历事者各免三个月于戏震符诞启绵统绪于万年角□羊泽旁流霈仁恩于九月诏诰天下咸使闻知

○准发太仓银十万两于蓟镇犒赏防秋官军从总督吴兑请也

○先是两广总督陈瑞题议将东莞顺德新会等县商民打造乌艚横江等船给与军门印票任从贩盐运货税差尽行蠲除船只破坏查明开豁盐法壅滞随宜＜娼弊-金＞通吏科都给事中尹瑾争之谓乌艚横江等船有便于民者五有害于民者十且广西运买官盐获利于西粤者甚轻贻害于三省者甚重议罢官盐其广西军饷仍令广东照数处补户部言举事当慎始而保其终兴利当略小而计其大广西新复古田县设兵防守因财用匱乏议运广东之盐以充军饷自隆庆六年至今十有余年虽盐运渐减计每岁尚收银一万五千两以充戍兵之食今若准广东新会等县造船贩盐至广东会省分贩湖广广西江西则商贩之盐益多官运之盐益阻利于民商者小而减于军饷者大似不可不为预处也律载通番下海有禁广东造船止于贩盐觅利有何不可但恐日久法弛奸人驾船默抵倭岛勾引为患诘之则以商船为名纵之则养衅不测殆若可以暂行终恐不免贻患此不可不为预虑也合行两广会议妥当以凭覆请

上是之

○壬戌升江西佥事石汉为陕西右参议

○甲子上诣 慈庆宫恭上

仁圣懿安康静皇太后徽号群臣随至徽音门行礼册文曰子皇帝臣 谨稽首再拜上言伏以坤顺凝庥茂迓螽斯之庆震亨锡胤私开麟趾之祥于昭佑启之恩祇荐尊崇之典恭惟圣母仁圣懿安皇太后陛下圆方媲德舒曜齐明俪 皇考以表母仪佐飞龙之景运抚冲人而主神器貽翼燕之嘉谋渥慈蕃衍于本支善庆光施于孙子惟 重闱介福允孚弓鞬之祈即一索得男遂叶熊罴之兆念本源之自诚天高地厚以难名藉积累之仁同日升月恒而弥茂欲罄罔极之报宜崇莫大之称谨率文武群臣敬奉册宝加上 尊号曰

仁圣懿安康静皇太后伏愿璇穹笃祐宝算增华

寿考万年戡谷永绥于天保子孙千亿含饴遥逮于云仍臣

诚欢诚忭稽首顿首谨言○是日以上

两宫圣母徽号遣公朱应祜侯吴继爵伯李伟毛登祭告 郊 庙 社稷及 奉先殿

○以重阳节赐三辅臣上尊珍饌

○乙丑 上诣 慈宁宫恭上

慈圣宣大明肃皇太后徽号群臣随至思喜门行礼曰文曰子皇帝臣 谨稽首再拜上言伏以

庆集 重闱嘉璇源之茂衍谋貽后胤占宝祚之弥昌祇荐鸿称用彰燕翼恭惟
圣母慈圣宣文皇太后陛下钦明俪极圣善扬徽天命集于洽阳佐 先皇而弼成内治虹裨应
乎华渚迪冲质而光抚太平每尘长乐之怀冀蕃胤嗣遄发画堂之瑞诞育无孙盖商由简狄
而兴蚤叶燕祚之吉乃周则大任为烈实开麟趾之徽仰惟佑启之功未酬高厚爱举推崇之
典勉极形极形容谨率文武群臣敬奉 册宝加上 尊号曰 慈圣宣文明肃皇太后伏愿景
祚隆纯禧骈臻得名必得寿万年祝圣算以无疆多子复多孙百世绵本支而勿替臣
诚欢诚忭稽首顿首谨言

○是日以上尊 慈圣宣文明肃皇太后徽号祭告 奉先殿收回脯醢果酒赐三辅臣

○升河南归德府知府邹学柱为江西副使

○丙寅 上御皇极殿以加上 两宫皇太后徽号诏告天下诏曰朕闻国家之祥无逾于昌后帝
王之孝莫大乎尊亲累朝以来著于彝宪朕以寡昧纂承 祖宗之遗业惧弗克堪惟我
圣母仁圣懿安皇太后 圣母慈圣宣文皇太后拥翼教诲式臻治理乃眷怀
宗祧之重于嗣续大

计尤惓惓焉兹者恭荷

天庥诞生元嗣发祥钟庆寔惟慈泽之所貽永念深恩宜登显号爰祇告 郊 庙
社稷率文武群臣奉 册宝加上 圣母仁圣懿安皇太后尊号曰 仁圣懿安康静皇太后
圣母慈圣宣文皇太后尊号曰

慈圣宣文明肃皇太后用闱扬盛嫵仰答洪慈载考旧章庸敷庆典所有恩例开示于后一亲
王八十以上者俱奏遣使存问亲郡王年七十以上者赐羊酒币帛地方官存问一应礼仪有
衰病不能自行者许子为代行将军以下年七十以上者各赐米十石绢十疋庶人量给三分
之一一各王府亲郡王嫡母与生母并存者其嫡母许奏请加称为太妃生母准授封为次妃与
敕知会亲王庶子受封后生母例封夫人将军中尉受封后生母例封夫人淑恭宜安人者果年
踰七十奏勘无碍亦准给与诰敕一宗室节年因事减革禄粮者除败伦伤化奸盗人命重情
外其余全革者准支三分减一分二分者准照旧全支一宗室如有饬躬修行孝亲敬长乐善
好学敦宗睦族足以激励世风者许各抚按官具实奏闻奖励一勋臣公侯伯袭封见爵者俱
给与应得诰命未领者准补给一文官一品致仕及养病等项家居日久者有司给米三石岁
拨人夫四名应用二品以上年及八十者备彩币羊酒存问九十以上者具奏遣使存问五品
以上者以礼致仕年七十以上者进本品散官一阶其中有廉贫不能自存众所共知者有司
量与资给一两京文官一品至九品未及三年考满者各给与应得诰敕先已给领者与进本
品勋阶如品同而职衔不同照见任改给有愿移封移赠者听若先已移封移赠今给与本等
诰敕行取到部中书行人官已题授部属侯缺者补官之日一体给与在外布按二司苑仆二
寺正佐官历俸二年以上运府正佐及州县二官历俸三年以上无过者俱系给与诰敕如父
母见存已先受封其子官职迁转者服色许与子同其前母继嫡母准照三母例封赠继妻受
封已故者见在继妻准封一武官应得诰敕已经请给年远未曾撰黄者誊黄官即与查撰给

散一各王府官有年老愿致仕者进散官一阶其历俸三年无过父母见存者给与应得诰敕一军民之家有年七十以上者许一丁侍养免具杂泛差役八十以上仍给与绢一疋棉一斤米一石肉十斤九十以上者倍之其男子若有德行著闻为乡里所敬服者给与冠带荣身一军民之家五世以上同居共爨者有司勘实奏闻旌表诏书到日先给羊酒奖劝一义大节妇孝子顺孙有司即与勘实奏闻照例旌表但不许诡窃冒滥及子孙自行陈乞其已旌表年及六十者男子与冠带荣身妇人炤年八十以上例给赐绢帛米肉一鬴寡孤独及废疾无依者有司炤例存恤勿令失所见在养济院者各给米三斗布一疋肉二斤一天下儒学生员有亲老无人侍养愿告侍亲者听亲终之日仍许复学其五十以上者许告衣巾终身有食粮年深挨贡不前者许告给冠带正贡及期不愿出仕者提学官开送吏部遥授儒官职衔俱免本身杂泛差役一大汉将军侍卫二年半以上者给与冠带已冠带又历四年半以上者授试百户其年及五十侍卫二十年以上者不拘在役退闲俱与冠带荣身于戏敦孝治于九重申举綦隆之典霈德音于万国弘施不匮之仁播告寰区咸宜知悉

○王子弥月行剪发礼如常仪

○丁卯 两宫覃恩加元辅张四维少师次辅申时行少保兼官如故各荫一子尚宝司司丞余有丁加太子太保荫一子中书舍人四维等疏辞不允

○加皇亲固安伯陈景行岁给粮米一百石荫二子锦衣卫百户左都督李鹤食米六十石进封皇亲武清伯李伟为武清侯升都指挥僉事李文全指挥使李文贵左都督副千户李文松指挥使

○荫司礼监太监冯保弟侄一人为都督僉事太监张宏等及慈庆慈宁乾清宫各管事牌子太监冯明等佑圣夫人徐氏等各荫锦衣卫指挥千百户有差

○升锦衣卫指挥同知王鉴为指挥使世袭

○大学士张四维等〈嬖僇-金〉言今次大庆特施异恩臣等敢不遵承第中有一二逾越典常碍于施行者如左都督为武职极品各边将帅有屡建大功终身不得者李文贵等骤升至此不厌物情且武清伯进侯封恩礼已非常典左都督似可少杀也又在前内廷诸臣荫典无过千百户者今冯保等荫至都督僉事都督列衔五府阶级最崇自来无荫授者典制所系岂得轻越其三宫管事牌子答应人等通行荫叙亦在前所无虽皇仁浩荡名器亦不可不慎也不听已而给事中张鼎思等御史崔廷试等及南京科道阮子孝徐金星等各有言谕所司知之

○己巳予原任大学士徐阶孙徐元普荫授中书舍人时元普赍祖〈嬖僇-金〉谢存问适与覃恩值因有是命○南京礼部尚书刘斯洁乞休不允

○南京河南道御史郭维贤〈嬖僇-金〉荐原任编修吴中行简讨赵用贤员外艾穆主事沉

思孝进士邹元标等上怒其党救降二级调江山县县丞已而给事中尹瑾等御史帅祥等＜
娼弊金＞救各罚俸有差

○南京广东道御史林应训条陈五事一惩巨墨以警人心一宥小过以全器使一简资望以
充藩臬一慎署印以重民牧一严访缉以杜奸谋吏部覆议谓皆有裨觐典俱依议行

○庚午贵州新归化苗头阿呀等贡马赏钞锭有差

○上谕礼部曰朕弟潞王已长理宜婚配尔部其榜示城内外官民良善之家有女子德性淳
厚容貌端庄者许报名候选○陕西巡茶御史赫瀛题陕西苑马寺开城等七监本年十分荒
旱牧军饥困可悯应将九年以前拖欠倒亏马价银三千二百四十三两有奇马驹二千八百
一十六匹并十年八月已前倒亏马价马匹悉行蠲免动支库贮肉脏支价及老马变赏等银
四千两同积贮谷至分别给赈部覆从之

○兵部题京营骑操马匹倒损议每年发马价银九千六百两买马六百匹与兑领寄养马相
兼骑操并免扣朋银一年以苏军困报可

○以巡抚刘世曾请改顺宁土府于守巡金沧道

○赐原任兵部左侍郎汪道昆父母祭葬

○辛未 上视朝

○命翰林院侍读刘元震修撰刘楚先管理诰敕○壬申命翰林院侍读刘虞夔刘元震充编
纂六曹章奏官

○考察天下提学官叙南直隶李时成北直隶朱璉浙江刘东星河南王象坤王鼎爵山西陆
檄江西孙代广东刘应麟陕西王世懋等九员录山东蹇达广东支可大广西袁昌祚山西薛
亨福建王希元陕西潘允哲贵州冯时可等及巡按江北姚士观甘肃胡定宣大徐鸣鹤辽东
马允登等广管大勋龙宗武广东唐可封等十四员改调四川杨节降云南荆光裕革湖广曹
慎职

○辽东苑马寺卿洪济远乞休许之

○补荫原任巡抚江西兵部右侍郎兼右佥都御史李一元嗣男李钥入监读书

○先是广积库太监焦科题买净硝三百万斤熟黄一百五十万斤送库备用工科都给事中
李廷议争之言该库硝黄例应十年题派一次硝买二百万斤黄将贮库生黄煎剔备用今期
限未及又节经查盘库贮尚足十年之用而辄行具题该库不过利其出纳耳踰岁科等复以

库贮为言廷议不可言题派以十年为限而科欲减之硝以二百万斤为限而科欲增之将来冒破之弊尚可言乎及工部不能争执覆准量买硝一百五十万斤黄五十万斤上允其奏仍令以后务照旧规十年派买一次不许违例妄题

○癸酉升锦衣卫指挥使罗秀曹诏为都指挥僉事正千户王春为指挥僉事副千户陈胤徵为正千户百户陈承德为副千户

○兵科右给事中王三余题迩年以来京师及各省直岁报决囚数殆近千虽除恶务尽恐所讫重辟未必尽能得情决过囚数未必真无冤枉昔年各处巡按决人数多者皆蒙纪录而数少罚俸有差是以杀人受赏而以不嗜杀人被罚也奉承之下何所不为万一有如往者王奎荷花等之冤死其有累于陛下仁明之治岂浅鲜哉今次审决请敕各巡按御史务仁恕能平反决囚宁少毋多疑狱宁缓毋急则好生之德即尧舜无以加矣报闻

○甲戌升礼科给事中聂良杞为云南提学僉事

○调湖广武昌兵备僉事王圻提督学政

○升直隶安庆府知府刘守仁为山东副使

○乙亥升湖广副使曹子朝为辽东苑马寺卿兼僉事

○应天巡按蔡梦说题勘过应天太平二府所属地方灾伤蠲免应于存留粮内除豁但存留钱粮俱系官吏师生人等俸廩月粮毫不可缺即议免徵终须处补势必复派于民惟有各县仓贮稻谷原备荒年赈恤之用似堪尽数支赈然时已秋成且漕粮开徵之期不远议将各乡都被灾田地应纳漕粮免追准将仓稻抵数以恤民困部覆从之

○命翰林院编修黄洪宪工科右给事中王敬民使朝鲜颁皇子诞生诏敕仍赐国王并妃锦币有差

○贵州宣慰使司宣慰使宋德懋贡马赏币钞如例

○丙子户部题编商事宜准预支足兑给速发给禁需索平斛秤酌价值慎审编共减去各商一百三十六名上允行

○丁丑上御经筵

○升湖广右参议梁问孟陕西右参议汤仰各湖广副使

○革隰州王府镇国中尉廷絪为庶人以其匿名越关妄奏也

○戊寅 上视朝

○以大庆覃恩日讲官陈思育陈经邦各加太子宾客沈鲤改侍读学士与四品服色朱赓升左庶子王家屏右庶子俱兼侍读炤旧掌管坊局印信沈一贯升右谕德兼侍读正字官马继文徐继申各加俸一级徐继申仍与四品服色

○以四川都司江东之为五军五营佐击

○先是歙人杨文学流落素以烧丹诳人至松江府遇私自净身男郑喜相结为欺文学假称宁府散诞皇喜从之称石城王府内使僭用官服私造批牌逼死平民事发浙江抚按问拟文学诈称官律奏闻上以其情罪深重令法司改拟于是刑部引诈传诏旨律及私自净身律以请文学梟示喜坐斩

○己卯升山东左参议苏民望为湖广副使陕西佥事刘致中为陕西右参议

○庚辰 上御文华殿讲读

○兵科左给事中韩绍条陈四事一重监司以兴吏治一精甄拔以挽士习一通吁告以达下情一慎勘议以昭国是部覆如议行○户部覆云南巡按董裕题云南地气暑湿积聚稻谷易于腐烂亏折赔累小民不便议令每府州县各建仓廩以贮谷春夏之交酌量放给各衙门在官人役扣其工食银两贮库以备赈恤是之

○以贵州坝阳守备周于德为四川都司

○辛巳霜降节遣成国公朱应祜镇远侯顾承先广宁伯刘嗣德庆都伯杜继宗武平伯陈永祚惠安伯张元善左都督李鹤祭长陵等九陵及景皇帝陵寝

○调陕西屯田佥事杨楫驻劄凤翔府分巡关西道改补山东佥事张克家

○壬午 上御皇极殿

○更铸山东布政使司银印从抚按请也

○命驸马侯拱宸掌管宗人府事○癸未赐三辅臣饼果肴馔

○圣母发帑银二十万两太仆寺马价三十万两犒赏守边军士

○甲申以镇远侯顾承先管领大汉将军

○先是内官监等衙门以大庆覃恩为官匠陈乞五百七十余人都给事中李廷仪＜娼弊-金＞言官匠月有廩粮工作乃其常职自来覃恩未有滥及此辈者夫匠役至微名器至重荣以冠带已非其据加以俸级尤非其宜且近不常裁省冗员耶一日而升俸级数百人岂其冒滥名器抑且虚糜廩粮矧额员之所裁殊少而额外之所增殊多有限之财安能供无穷之费乎章下所司及部覆不能执争后遂援为例云

明神宗显皇帝实录卷之一百二十九

万历十年十月乙酉朔 上亲享 太庙

○颁万历十一年大统历

○以恩诏荫吏部左侍郎兼侍读学士掌詹事府事许国男立功总督仓场户部左侍郎刘思问男承遇礼部左侍郎兼侍读学士陈经邦孙钟岱刑部右侍郎胡价男可化巡抚大同右副都御史贾应元男维铉大理寺卿辛自修男启元太常寺卿李辅男大纲顺天府府尹张国彦男我璘光禄寺卿臧惟一男尔用太仆寺卿陆树德男彦祯为国子生

○以覃恩发银二十万犒京边军士○丙戌 孝洁肃皇后忌辰祀于奉先殿遣成山伯王应龙祭 永陵

○以宝城工完遣工部尚书曾省吾祭 永陵 昭陵并谢 后土司工之神

○戊子 中宫千秋节免命妇朝贺赐三辅臣上尊珍饌

○升兵部郎中王承休为陕西左参议

○己丑 上御文华殿讲读

○以 皇子诞生恭视写诏赐三辅臣银币有差

○铸福建福宁漳南建南各守道关防

○叙 永陵 昭陵宝城工赐辅臣张四维申时行余有丁各银五十两纁丝四表里工部尚书曾省吾侍郎陈道基各四十两二表里省吾仍加太子太保其余升赏有差仍荫太监张楨侄张绍恩锦衣卫百户冯保赏视辅臣张鲸等递杀之是役也工部叙内臣功甚侈焉○辛卯 上御文华殿讲读

○夺喜峰路参将王轸镇虏营游击王维藩曹家路游击李秉德职回卫

○壬辰予原任陕西巡抚右佥都御史张祉祭一坛

○癸巳以冷口关提调彭友德为密云奇兵游击江西都司杨森为陕西参将遵化参将王继□为墙子岭参将

○予南京工部尚书吕光洵祭葬如例

○御马监太监刘阳以覃恩为太医院使钱增等乞升右通政等官礼科都给事中石应岳持不可礼部覆寝之

○甲午以尊上两宫圣母徽号礼成赐三辅臣及中书官各银币有差

○追封荣昌昭靖王翊镜为淮王谥曰昭镜淮王嫡子也未袭封而卒无嗣其叔嗣淮王载坚以请礼部覆许之

○申增进学额数通三年内大府务足六十大州县四十五以地方为差科第多者仍量增

○乙未赐属夷故都督王台敕及办祭彩段四表里如例

○丙申以水灾蠲赈苏松等府有差总计冲毁庐舍十万区漂流田禾十万顷淹死人口至二万财赋奥区遭此昏垫故有此赈

○丁酉上视朝

○云南道御史杨寅秋纠吏部尚书王国光六罪擅支工部银一万两修理火房罪一取抄没仇鸾家石狮充玩好罪二宴客宣武门楼罪三纳沧州知州张与行所献美女二人罪四勒司务胡诰引疾而以内姻江学诗补之罪五覆用贪副使韩应元不谨知府薛纶受其厚贿罪六上览< 娼弊 -

金 >大怒诏王国光欺君蔑法念系大臣姑落职冠带闲住复胡诰职黜江学诗为民

○申饬巡按及守巡官申冤理枉巡行放告毋许州县官阻抑从科臣韩绍条议也

○己亥御史曹一夔论王国光并元辅张四维< 娼弊 - 金 >入留中而遣文书官孙斌诣四维第谕之曰王国光欺肆卿亦未知朕亦不信宜安心佐理不必介意四维因具< 娼弊 - 金 >谢并乞罢免复优诏留之是时上励精图治去留皆出独断云

○庚子发太仆寺马价银九千六百两于京营买马

○辛丑上御文华殿讲读

○大学士张四维再< 娼弊 - 金 >请角□羊机务复慰留不允

○予德府嘉祥王常洵民较例也

○壬寅诚孝昭皇后忌辰祀

奉先殿遣宁晋伯刘应元祭 献陵

○复除河南道御史贺一母论款与不款而我有常胜之具矣因举总督郑雒等劾参将陈琦等部覆其言皆是上亦以为然令督抚悉心计处母事虐文郑雒等各荫赏有差○阅视蓟辽保定边务都给事中周邦杰题查劾各边八事俱修举总督吴兑梁梦龙巡抚周咏阴武卿辛自修张梦鲤总兵李成梁戚继光杨四畏田福等劾副总兵史震等部覆得旨加吴兑太子少保梁梦龙太子太保李成梁岁加禄米五十石阴武卿等戚继光等各荫赏有差史震等逮问降罚有差

○甲辰改太子太保兵部尚书梁梦龙为吏部尚书梦龙<嬖僇-金>辞不允

○延绥巡抚王汝梅题清丈过榆林绥德延安三卫原额屯地三万九千七百五十三顷四十三亩原额屯粮六万七千七百三十三石有奇节年失额并沙滩水压甚多今次清丈除补足原额外尚多抛荒屯地三十顷四十三亩徵粮七十一石有奇以备正额召垦不尽之数地多粮少地肥粮轻与有地无粮者悉厘正有粮无地粮重地轻者悉开除及将副使文作等纪录指挥纪纲等分别降问户部覆请诏曰可

○乙巳山西道御史张问达<嬖僇-金>论元辅张四维请罢之

上怒手批其妄言渎扰谪福建运司知事四维<嬖僇-金>掇因力求辞职上慰留四维而炤前旨降问达

○浙江巡盐御史孙旬条陈九事曰平徭役清追并复民壮苏灶困<罄彩见>盐禁恤运军金旗甲收人才定疑贰多可采者部覆从之

○以山东都司任自强为大同左参将延绥坐营中军傅枢为本镇游击

○丙午

上御文华殿讲读

○南赣巡抚张焕题臣镇分辖江西赣州卫并信丰会昌南安三守御所官吏旗军俸月粮系额徵屯余粮银内支給赣镇三营兵马粮饷悉旧额饷银给发俱无糜费江桂湖广道御史汪言臣

○命蓟昌骑营将兼统车营改车营将为都司从督臣吴兑议也

○癸卯 上视朝

○大学士张四维三＜娼鬻-金＞乞休情词益切报曰卿辅政忠勤朕所倚任前耳有旨慰留岂可固求休致宜遵朕命即出赞理毋得又有所陈

○陕西利族等族番人枪卜萧等入贡给赏如例

○阅视宣大山西边务给事中田大年题臣毕历三镇备询八事如兵马非不备也工作之役未罢则羸弱犹存买补之令未除则月饷尽费差递无停勤动万状乘此歇役之候宜广安集时简阅以固结士心钱粮非不富也屯官旧苦降调则扣除多无地之军召买不能尽停则守支受赔累之苦其或本折兼放稍豁升斗则又剥贫卒之脂膏以益仓库之虚耗乘此查销之际宜酌储积严扣兑以剂量出纳修险隘者补形势耳顾当事者急于图报而表见者恐其后时故岁岁未有息肩今后□十年所修者通为旧管即以旧工补葺者开为新收而于不急之役一切报罢整器械者恐钝朽耳然旧置者未经试用而新造者又复陈朽今后以十年所造通行整搦即以今所整备者开为新收而议处多余缺蚀之数仍令军士分习一艺时常操演务俾熟闲边屯原广惟当查复旧额各镇新开即以补每年屯粮不足之数不必别起徵科边屯盐引当恤土商每岁盐引无论主客尽付总督衙门通派土著之民任其从便上纳收胡马者本以备骑操今虏悉出下驷责领徒累贫军自今市马不堪者即行估计变卖收佐市本操马不足明请马价另行买给散逆党者第恐亡命之诱虏各镇抚道密定筹画相机待时角□羊散板升仍严通夷之禁不许阑出至于史车二酋曲为堤防议处无使为心腹之患则西巡抚王宗载题南昌十一府属军饷钱粮俱民屯二项徵派并无盐课等项支用民兵银二万一千七百四十余两军卫公费银五百六十三两俱已裁减其昔缘流寇题设驻防兵将裁革已久见在守备把总一应官兵俱属紧要殊难再减报闻

○升黄花路参将李如柏为蓟镇东路协守副总兵该参以黄花镇守备周之士升补原任广东雷廉参将陈濠为蓟镇游击辽东暖阳守备王有翼为正安堡车营游击辽东都指挥同知李成材为横岭口参将大宁都司王科为龙固二关参将延绥游击姜显宗为蓟镇燕河营参将

○戊申 上御文华殿讲读

○庚戌 上视朝

○敕后府吏户礼兵四部朕弟潞王年已长成其岁支禄米一万石今在京岁且支三千石钞一万贯待之国复全支仍慎简学行端方者除王府官仪卫司及群牧所官亦选诚实的当者拨堪用旗尉六百名精壮军一千名充王府随侍及群牧所用其余合行事宜悉依益王例辛亥赐沈王恬烺谥曰宣赵府江宁王载堉谥庄惠南乐王厚火□留谥康顺衡府汉阳王厚□谥温文

○壬子以保定坐营中军杨元年为辽东游击

○总督陕西左侍郎高文荐绘进延宁甘固四镇事宜图说因言在固家镇裴家川一带沿河筑墩置卒以谨侦瞭分兵戍守以成犄角洮河刍粮告匮改贮粮银训练土著密置墩塘添募家丁抚绥西番等族分道约束在甘镇各城堡额兵消耗勾补招徕务足原额各道钱粮本折不一细加会计酌量请讨仍切责屯田＜娼弊-金＞通盐引镇羌宁远等堡增拨官兵防守标下游击移驻高台应援高阜处筑墩盖房通贼道路多窆坑堑结好瓦剌番夷使为我用在宁镇平虏黄峽广武等处修复边墙关隘斩削沟岔山坡横城马头一带高阜应筑短墙低洼采造排栅仍五里筑墩昼夜瞭望中卫胜金关地方每处置房百间拨委官军戍守并修复关东旧威济堡开浚贺兰山下古渠灵州参将移驻横城副总兵统军二千移驻玉泉与广武游击首尾相联将玉泉营守备裁革庆阳官军掣回花马西安军士仍附游兵额军逃亡按籍勾补在延镇各城堡去边辽远宜将向水移之文家岔清平移之鹰窠山龙州移之化窑寺北高粱至于把都新兴石涝饶阳四堡之泉一并于柳树涧仍割还永兴堡属神木以便责成并修守旧边添筑寨堡查拨军余就便种牧波罗大河镇羌□□只山柏林宁寨等处沙岸崩颓建巨石长桥以便防守入卫蓟镇之兵消耗过半酌量减罢各处角□羊边钱粮取其附近地方俱改本色收贮备用兵部覆

上虑该地方荒歉恐道将偏见率易更建或致他虞仍令文荐会同各抚镇虚心计永利以闻

○癸丑准南京礼部尚书刘斯洁回籍养病斯洁三＜娼弊-

金＞乞休部覆斯洁清恬始终一节未宜遽弃故有是命令广巡抚陈省题清文过所属武柳等府州官民田地山荡湖共八十三万八千五百二十五顷四十六亩零除补足失额九千五百六十七顷二十四亩外尚多五十二万六千八百八顷六亩零通融减派起存官民夏税麦一十三万二千有奇秋粮二百三万二千八十石有奇鱼课银七百一十二两有奇武左等卫屯田地山塘堰七万七千七百五十六顷二十一亩零除补足原额屯粮三十九万六千一百二十石有奇尚多地三万一千二百九十五顷四十八亩零应科屯粮五万一千八石有奇及将左布政钱藻等纪录知县吴邦达等分别罚治户部覆

上曰楚地广远省等综核详密甚副平赋便民之意与钱藻等俱纪于录

○甲寅 上御文华殿讲读

明神宗显皇帝实录卷之一百三十

万历十年十一月乙卯朔命蓟辽总督太子少保兵部尚书吴兑回部管事兑＜媼擧金＞辞不允

○户部覆宁夏巡抚晋应槐题该镇除抵补承顶无影塌压并客户开豁外增出地六十八顷九十四亩有奇全减粮三百二十八石有奇全减穀草五十八束地亩银三两徵作正项军饷通融减徵民屯田地各照等则递减其粮少地多与有地无粮者尽数查出以补塌压无影之数及将副使刘尧卿等纪录指挥彭洞提问制曰可

○陕西番答牙骆驼巷族纳麻节等入贡给赏如例

○丙辰除补江西道御史李植

○升辽东宁前兵备按察使李松为山东右布政岢岚道兵备左参政胡来贡冀北道兵备右参政梅友松湖广右参政许守谦永平兵备右参政雷以仁紫荆关右参政曹子澄各按察使来贡友松山西守谦湖广以仁子澄山东冀北道兵备副使邓林乔为右参政阳和兵备右参议刘思中为山西副使口北道兵备佥事刘葵为山西右参政

○丁巳上视朝

○鸿胪寺宣奏岭南辽左大捷群臣称贺遣国公朱应祜侯孙世忠李伟祭告郊庙以脯醢果酒赐三辅臣

○先是广东数若倭而蛋贼梁本豪复聚众挟倭焚剽郡邑流毒已久总督尚书陈瑞击破之斩本豪后先擒斩倭贼一千六百有奇犁沉倭船蛋艇二百余只歼余孽殆尽而建州逆梟遗子阿台勾连北虏抢掠孤山阴图大逞总督吴兑檄镇巡提兵袭击俘斩一千八十余歼名王十六获达马几五百露布先后至上喜命同日宣捷

○黜阳和兵备右参政蔡应阳以阅边给事中田大年劾其赃迹已著也

○山西灾免徵十年秋粮从巡抚辛应乾请也是役也免徵银二十万六千九百九十余两其起运存留边仓及代府禄粮十万四百六十两皆岁支正数不可缺议留本年抚按各衙门纸赎及事例抛荒银二万六千二百二十两外尚少七万四千二百三十两在积余主兵银内酌量动支

○以大同坐营王颢为右掖营游击

○戊午四川巡抚张士佩题所属军民田地除补足原额及豁无徵虚粮水滩沙压粮外尚多

余田地二十七万四千五百二十余顷通融减派及将左布政蔡汝贤等知县张燧等分别赏罚部覆是之

○维扬古称沃壤而地形洼下大海环其东诸湖绕其西所赖堤厚支河通斯田地可耕民灶俱利自范堤坍坏高宝堤亦冲决不守其中大小支河所在淤塞于是以高宝兴泰四州县为壑而洩水无路民灶罹于昏垫矣河道尚书凌云翼言臣等躬亲勘视度地形探水势其治之道有二惟＜娒斨-金＞上流使入江洩下流使入海沿漕堤一带之水为上流沿范堤一带之水为下流如西引邵伯湖之水转南至新安湖复东入运河至芒稻河入江有余则听其直泻不足则引以济漕则上流＜娒斨-金＞矣如牛湾河姜家堰庙湾为三大海口引各支河东会于串场河北会于躬阳湖俱入海则下流洩矣而兴化之堂子镇戴家窑海沟河白驹三十团灶则牛湾河之支河也黄土沟皂角树至冈门登瀛桥河则姜堰之支河也安丰镇至清沟灌铺则庙湾之支河也其河埽场至白驹场一带阻浅尤甚又河东一带旧系粮盐大河洪水冲决河身与岸相平故水不轨道而淤溪秦潼艾陵葑子诸湖之水北淹民田亿千万顷处处俱当挑浚俱费经营惟是工有后先势有缓急今将范堤数十里先行修筑使外潮不得入串场支河六七道尽行＜娒斨-金＞浚使内水有所出果蓄洩利便积水可消则海口不开亦可如支河既通之后水患如故即并开海口置闸以备蓄洩其修筑范堤该银四万二千四百余两浚支河六道该银二万一千四百四十余两俱于盐价内租浚河存剩银等银支用部覆河臣策是定限今年十二月初兴工明年十月报完务须费省工坚诏从所请

○己未 上御文华殿讲读

○升巡抚大同右副都御史贾应元为兵部左侍郎

○以兵部左侍郎王遴协理京营戎政 升巡抚辽东兵部右侍郎兼右佥都御史周咏为兵部左侍郎兼右佥都御史周咏为兵部左侍郎兼右佥都御史总督蓟辽保定

○升云南府知府洪邦光为贵州副使

○予原任协理京营兵部左侍郎王一鹏父母祭葬如例

○叙辽左岭南功先赏总兵李成梁黄应甲等总督吴兑陈瑞等各银币有差发马价银六千两犒赏出边官军其余应叙功敕巡按御史速勘以闻

○庚申予中军都督府带俸都督佥事蒋华祭葬如例华 慈孝献皇后侄也

○户科给事中王继光条奏四事一恤保甲一定税课一议支应一酌接递大略欲除革保甲差遣等项不许府州县擅立税课多派支应及抚按司道发牌不许夫马交界迎接虽部覆如议而言殊琐屑云

○禁儒童散考遗才○壬戌改南京兵部尚书杨成为南京礼部尚书

○升宁前兵备山东右布政使李松为右佥都御史巡抚辽东

○升岢岚兵备山西按察使胡来贡为右佥都御史巡抚大同

○升鸿胪寺右寺丞张栋

○翰林院修撰沈懋学以病免

○升尚宝司司丞沈玄华添注尚宝司卿

○以大同镇灾伤免八年带徵未完本折十年见徵屯粮本色例改折徵查动各仓积穀赈济灾民边军月粮多给本色量减有司积穀之半从巡抚贾应元请也

○铸给贵州分守贵宁道新镇道关防

○癸亥升山东东昌府知府莫与齐为本省副使

○甲子遣礼部右侍郎陈经邦祭三皇于景惠殿○以圣母慈圣宣文明肃皇太后万寿圣节赐元辅张四维次辅中时行余有丁及讲官陈思育等各银币金万寿字有差

○调补山西按察使许守谦升山东右参议岳汴为本省副使

○乙丑上御文华殿讲读

○升兵部协理戎政左侍郎王遴为南京工部尚书

○陕西提学副使潘允哲贵州按察使郭孝各患病乞休吏部覆许之

○革阳曲王府仪宾高国梁为民以其拨置辅国中尉新垞等朦胧请封也

○丙寅改补山东左参议兼佥事叶宪升浙江副使冯时雨为湖广右参政

○丁卯上视朝

○先是有旨谕户部取潞王婚礼金珠户部题潞王婚礼妆奁等宜丰厚以广因心之爱第自万历六年至今除金花银五百万外增进过买办金珠银九十万两系那借备边正项之数大明会典开载亲王定亲礼物金止五十两珍珠十两今虽数倍于前亦不至如该库所开之多

且内府各府库俱有额设买办钱粮承运库自六年始增前银未增之先该库原未告匮既增之后何以反称不足若细查节年花销细数必有不系买办正支者据款开各色金三千八百六十九两青红宝石八千七百块各样珍珠八万五千余颗珊瑚珍珠二万四千八百余颗京师虽百货所萃此等珍奇与日用粟帛不同即召商凑买安从时刻取盈且奸人乘机坐索高价无论凑完前数所费不貲虽仅完一二必用银数万近加升锦衣卫职官至五百余员每年增俸已踰万臣等日夜筹思一二年后必有掣襟露肘之忧今又增买金珠银至十余万两皇上留神深思必有悚然不宁者不听

○先是四川永宁宣抚司土妇奢世统与掌印土妇奢世续争印讐杀各奏行勘总兵郭成参将马呈文假会勘为名发兵千余深入落红欲利所有世续亦发兵尾其后沙卜拒敌我军颇有伤者成等复差官目索沙卜于世统卜不从杀把总黄希忠等三人拘审指挥禹嘉绩仍聚苗兵万余欲攻永宁洩忿巡按御史宋仕劾成等徼利启衅伤众损威部覆郭成戴罪马呈文革职降充为事官该道万一贯量罚

上怒其轻率损威如拟责呈文成带罪抚戢一贯夺俸三月

○戊辰升贵州左参政史櫜为贵州按察使南京户部郎中成宪为陕西提学副使改礼部仪制司主事王执礼为尚宝司丞调补浙江副使叶梦熊

○予锦衣卫带俸都指挥僉事陈昌言祭葬如例昌言 仁圣懿安康静皇太后兄也

○工部申明街道事宜一洁净皇城四门一洒扫街道沟渠一保护河墙一保固城濠一专设经费钱粮一稍重司官事权得旨依拟

○己巳升山东巡抚都察院右副都御史杨俊民为兵部右侍郎以兵部左侍郎贾应元协理京营戎政

○巡按湖广御史钱岱劾罢不谨僉事赵思诚罢软右参议萧九成降不及原任僉事唐天祥部覆从之

○庚午 潞王府第工完遣尚书曾省吾祭谢 后土司工

○改补贵州右参政周舜岳升云南右参议胡僖为云南副使

○南京江西道御史张一鯤以病免

○以遵化游击张玠为分守薊镇喜峰口参将宣府独石城守备杭大才为延绥游击

○辛未太仆寺少卿萧崇业以种马寄养地方官员催徵本折殿最不一举知州崔汝孝等劾知县赵一科等兵部覆请诏可之

○升四川重庆知府傅良谏为广东副使

○兵科给事中孙玮言各局商人投结挂号徒滋骗诈今后在银库者责巡视在京粮库者责巡青免赴巡视挂号以便商人部亦以为然制曰可

○虏寇宁前新兴堡游击刘登泰击走之

○以湖广巡按钱岱言革都司金书范思任回卫

○壬申 孝惠皇后 孝烈皇后忌辰祀 奉先殿遣新建伯王承勋祭 茂陵靖远伯王学礼祭 永陵○癸酉 圣母慈圣宣文明肃皇太后 万寿圣节
上御皇极门百官称贺大学士张四维等仍诣隆宗门行叩头礼

○吏科给事中袁国臣条议四事一赈济之实欲< 娼弊-金 >通驿递俾饥民得以趁食一弭盗之实欲严禁三弊俾保甲不至藏奸一捐免之实欲暂罢带徵人纳户亲填以防侵匿一招抚之实欲承种逃产庶逃亡复业还产以免追呼两部覆驿递仍当严禁荒政自宜别图其三议凿凿可从当通行申飭 上是部议

○甲戌以 皇子命名祭告 奉先殿收回果酒赐三辅臣

○乙亥升山东佥事许一德为湖广右参议湖广佥事王廷稷为云南右参议

○初肃王潜< 贼鹬螳咀噪蚌勦蛔田户部言先因怀王故绝该府折禄庄田久议抵充甘固年例 肃王以旁枝袭封徽恩已厚若复奏讨全禄违旨越分臣实未见其可况各处宗室绝田滩派宗粮抵充军饷者甚多或准其请各宗必将援例何以应之 上令量给其半

○丙子行 皇子命名礼 上御皇极门敕礼部朕元子已恭请命于 皇祖 皇考名曰可登识于所司故敕

○丁丑全狭沙磧荒芜正供多逋总督高文荐言七年带徵屯粮终难望完请炤民粮一体蠲免宁夏粮草不敷支放应于节省主客粮草数内处补部覆宜从是之

○戊寅 上御皇极殿

○升太仆寺卿陆树德为都察院右佥都御史巡抚山东

○升浙江副使刘东星为山东左参政

○己卯阅视延宁甘固边务工科左给事中萧彦言肃州虏众屡掠番人攻我民寨伤我官军

岁无宁月臣目击河西危急之状有当亟议者如该镇额兵九万有奇今不及其半宜先足兵以射艺火器为能乃阅试不中咸以工作为辞宜先训练酌议修筑高台处应援之中古浪当孤悬之口原裁游击操守宜复先年议练乡兵题銓屯兵同知宜补石硖安远备御官军统以都司轮至更番人无斗心宜更将领易召募肃州连年多故诸番避居关厢即今虏中逃回往往投兵希养收拾人心宜施优恤之策虏时出入肃州凉庄镇永间当时拒阻即以掘墙啊喝若不渐处图防将窥我虚实熟我险易一旦渝盟悔将何及宜讲华夷之防部言该镇边备久弛是奏皆安边制虏之策宜行督抚计议以闻上可其奏

○升山东莱州府知府孔惟德为本省副使调补湖广佥事刘弘道

○以镇虏关提调胡大受为遵化左营游击○庚辰以命皇子名赐元辅张四维次辅申时行余有丁银币有差

○大学士申时行以病乞假允暂假数日即出辅理

○壬午冬至大祀天于圜丘命成国公朱应祜恭代以侯吴继爵伯杨炳尚书梁梦龙徐学谟分献

大明夜明星辰云雨风雷坛免百官行庆成庆贺礼遣侯蒋建元薛鋹伯李应臣费甲金郭应乾陈澍左都督李文全祭长陵等九陵及恭仁康定景皇帝陵寝哀冲庄敬二太子坟○癸未以冬至令节赐三辅臣上尊珍饌

○宗人府灾

○甲申日讲官太子宾客礼部右侍郎陈经邦以病乞假

上允之遣中使耿清颁赐牢豕粢醴食物有差经邦＜娵斨-金＞谢报闻

明神宗显皇帝实录卷之一百三十一

万历十年十二月乙酉朔 上遣医视大学士申时行疾

○升大理寺左少卿刘良弼为太仆寺卿

○起原任陕西提学副使王世懋补江西提学副使升刑部员外郎金应炤为山东佥事

○朝鲜国陪臣孙弼等以庆贺及进贡赐宴赏如例

○丙戌 上遣中使任淮赍赐大学士申时行鲜猪鲜羊米酒食物

○户部题漕运粮米自嘉靖隆庆间节遭河患各总卫所官军率多漂流挂欠在外官军颇有家产有司易于追处间或完报南京各卫官军原无产业自查参以来降级住俸革任追比十不完一今南京兵部尚书潘季驯查算明白应炤恩例复职免追从之○陕西总督兵部侍郎高文荐题勘议得东河桥递运所大使应裁管驿不用百户止设驿丞草凉梁山三岔安山武关青桥开山黄沙青阳柏林十驿仍用军职管理再选汉宁二卫指挥一员驻割凤县统率军壮往来防御五年一换开山黄沙顺政青阳金牛柏林黄坝七驿隘口军壮责令宁沔褒汉州县各巡捕官兼管东河桥隘口军壮责令管驿百户与益门镇巡简分岭防御汉中守备不时查验兵部覆如议

○叙广西马平擒贼功赏总督刘尧诲等银币有差

○兵部题万历十一年分应徵马匹于保定保德广平河间永平兖州东昌归德八府原额马内仍照九年规则派本色三分折色七分凤阳府九年原派折色今量改派本色一分折色九分本色马匹拣选方壮方许起俵折色马价每匹徵银二十四两真定大名济南开封卫辉彰德六府并应天庐州等处俱尽派折色南直隶原系本色后改折色徵银三十两原系折色徵银二十四两淮扬二府徐州等州县本色减徵银二十四两折色减徵银一十八两并真定等府折色马价俱遵奉恩诏每匹蠲免三分之一其各府该角□羊挤乳马五十匹龙骧等七十二卫所本色马七十二匹俱炤旧角□羊俵报闻

○赐兵部左侍郎王一鹗父王世爵祭葬如例

○丁亥 上视朝 升顺天府府丞赵焕为大理寺左少卿

○陕西抚按萧廩陈荐题全狭地方频年苦旱钱粮追徵原难今岁夏秋灾沴尤甚议将延安平三府州县除蠲免存留外量免起运邠耀二州潼关三水等五县止免存留俱于万历十年应徵夏秋粮内除豁共实免过起存本折粮银四千九百四十六两有奇恐亏国课查有节年收贮夏粮并扣门皂工食等银可以抵补其平凉固原庆阳安东环县等卫所屯粮暂改折色

西安凤翔二府被灾稍轻分别赈恤部覆从之

○戊子户科给事中王继光参工部尚书曾省吾十罪一街道工程冒破钱粮二嘱托吏部干预选法三滥荐将材把持武选四接受贿赂阻坏盐法五耽嗜宴乐蔑弃礼法六差派买办科害铺商七荒淫偷暇旷废职业八废格诏令苦累部商九罔上行私市恩受谢十会推吏兵尚书不得怨望君上未言其貌类狐鼠心似豺狼倚势凌人薰蒸之气可畏招权纳贿溪壑之欲难填人心共攻国法难容 上勒之致仕

○陕西巡按吴定劾为民肃州兵备僉事李甘□向贪酷仍提问分巡陇右道僉事徐学诗不谨闲住 己丑升光禄寺少卿袁三接为顺天府府丞

○除补翰林院侍读徐显卿

○予固安伯陈景行祭葬如例并谥景行 仁圣皇太后父也

○庚寅升朵颜卫所镇抚土儿罕等为都指挥僉事以总督吴兑言其忠顺向化及有进马功故有是命

○辛卯 上御文华殿讲读

○升南京尚宝司卿傅作舟为光禄寺少卿

○山西怀仁王府奉国将军聪□ 氏□□等越关来京奏称自嘉靖四十年起至万历十年止共二十一年应得禄粮分毫未给乞将河东运司余盐或有司无碍官银转行布政司查补部覆宗室越关禁例森严应革爵降为庶人幽之闲宅 上以宗禄拖欠年久著司府官多方催处每年量给一二季以资养赡聪□ 氏□□等免发闲宅

○山东道御史江东之劾锦衣卫指挥同知徐爵以犯罪逃军夤缘冯保门下滥叨武职擅入禁庭为谋叵测应亟行窜逐以清宫府因并论吏部尚书梁梦龙先用银三万两托爵贿保谋补铨缺又将孙女许聘保弟为儿妇谢恩之日即往拜爵款狎留饮二鼓而归受命公朝拜恩私室清明之世岂容有此举动 上下爵诏狱严讯送刑部拟斩梦龙< 娼弊- 金 > 辩有青令供职已而御史邓炼赵楷各有言遂令致仕

○壬辰以司礼监太监张鲸掌东厂是日江西道御史李植参司礼监太监冯保当诛十二罪有旨保欺君蠹国罪恶深重本当显戮念系 皇考付托效劳日久姑从宽降奉御发南京闲住伊弟侄冯佑等都革职发原籍为民张大受等降小史者发孝陵司香仍将各犯财产抄没入官

○左都御史陈价以病乞休不许

○户部覆两广总督陈瑞题清丈过所属官民田地山塘共三十二万九千六百顷三十亩零除补足原额二十五万九千五百五顷七十二亩零尚余七万九千四百五十八亩零都司所属屯田地塘共七千九百六十九顷四十八亩零除补足原额六千八百五十一顷四十二亩零尚余一千一百一十八顷六亩零其节年失额停徵水冲少压等项官民田地二万四千五百四十六顷七十三亩零屯地六百八十九顷三十四亩零通融摊派炤则减徵及将左布政李江等纪录擢用知县王荣等罢斥从之

○顺天府府尹张国彦题加收大耗当禁滥收商税当革驿递殷实马头当除流寓银两必不当徵积谷铸钱应暂停以济荒假公营私博名害众者宜显斥六事及称所部各州县官玩忽特甚应仿古京兆意不时查参不则于涿州等处别建一府领在外州县专听抚按各道纠察户部覆惟禁大耗革商税及所部州县听该府严治如议余俱仍旧报可

○革刘河游击濮朝宗任回卫

○山东巡按马允登言辽左属夷王台病故仰逞二奴乘机构衅与虎儿罕讎杀今西虏黄台吉等阳以助虎儿罕为名阴收白虎赤等以自益其兼并之志昭然仰逞二奴尚未悔祸罢兵虎儿罕外迫强敌内虞众叛安保不委心西虏阳顺阴逆将不可测在二奴则当防其横逸以折其气在虎儿罕则当杜其外交以系其心在黄台吉则当绝其觊觎以伐其谋乞敕抚镇诸臣宣布二夷使各罢兵仍谕虎儿罕等益坚效顺勿为西虏所愚脱或二奴狂逆亦须早图善后之策建夷近虽大创然党与尚多渠魁未歼即责二奴虎儿罕缚献阿台经今月余绝无影响而阿台尚依险负固拥兵自防恐迁延日久人心懈弛并敕诸臣加意购除以绝祸本上是其言

○甲午先是直隶巡按王国_金论逆珰冯保专权纳贿即辅臣张居正病故保全徐爵索其家名琴七张夜明珠九颗珍珠帘五副金三万两银十万两因劾吏部左侍郎王篆送保玉带十束银二万两谋掌都察院并乞罢斥以儆官邪篆_金辩乞罢有旨调南京别卫门用已而御史李廷彦复追数其贪纵不法诸事上令冠带闲住

○总督漕运兵部尚书凌云翼辞免加恩不准

○泰宁等卫头目虎州罕等朝贺至陕西弘化寺灵藏族番僧领真俄竹等进贡至赐宴赏如例

○乙未上御文华殿讲读

○陕西总督兵部侍郎高文荐题本镇三厂互市酋首最多止设宁夏二道飭备督饷经理难周议将灵州驻劄行太仆寺中路少卿郭汝经理清水营互市兵粮道副使刘尧卿经理平虏中卫互市各请给敕谕一道部覆从之

○丙申吏科给事中陈与郊论礼部左侍郎陈思育太仆寺少卿于鲸夤缘徐爵结纳冯保朋奸误国亟当罢黜以清仕路有旨陈思育留用于鲸降二级调外任已而思育抗章求辩复为礼科给事中陈烨所劾言思育以大臣被论不思阖门省过乃摭拾强辩大乖法纪因尽发其营私黷货纵欲宣淫诸不法事其最甚者乘机诈梁驸马银二千两致伊父发揭索取结纳故相张居正家人游七凭藉吹嘘制一手卷题曰楚滨欣赏捏写同院诸臣姓号诗赋连篇贺之因得玉杯古画犀带为谢典试预通关节贿卖举人查谦亨等十数名纳成国公管家为门下受馈银千两令伊子滥买武科

上览< 娼弊-金 > 令思育回籍听调

○戊戌 世宗肃皇帝忌辰祀

奉先殿遣庆都伯杜继宗祭 永陵

○革三屯游击陈第保定定州辽东建昌各都司何天爵杨国臣张世勋朱寿任回籍

○陕西道御史杨四知论故太师张居正十四罪大略言其贪滥僭奢招权树党忘亲欺君蔽主殃民有诏居正朕虚心委任宠待甚隆不思尽忠报国顾乃怙宠行私殊负恩眷念系 皇考付托侍朕冲龄有十年辅理之功今已歿姑贷不究以全始终庞清冯昨游七锦衣卫拏送镇抚司打问仍谕大小臣工其奉公守正各修职业以图自效不必追言往事

○己亥 贞惠安和景皇后忌辰遣遂安伯陈澍祭 陵寝

○庚子 上视朝

○以年节赐三辅臣及讲官银币有差

○以恩诏予巡抚湖广兵部右侍郎陈省南京户部右侍郎王廷瞻南京大理寺卿刘志伊太常寺卿舒化南京光禄寺卿蒋遵箴南京太仆寺卿林景旻应天府府尹游季勋各荫一子入监读书

○辛丑大学士申时行以疾辞俸不允

○升南京广东道御史林应训为南京尚宝司卿

○蓟辽总督吴兑题查议过顺永二府民壮岁该徵银一万八千两又有帮贴家丁银二千二百五十万赔累已极应停免该镇岁支除霸州等州县炤旧办纳及蓟滦等州县本色屯豆并贴丁徭银九千九十七两有奇抵补外仍少银一万一千一百五十二两有奇应于永蓟密昌四处通融计算于岁剩银内拨补其自元年至今未完银两俱系小民拖欠九年系见徵之数

仍令炤旧完纳七年以前未完者查例蠲免部覆民壮既罢远戍以宽其力自当取其工食以供军需若将额定银两免徵必累四镇饷银查四镇节年并无积剩必累太仓银库年复一年后难继合令炤旧徵输为是

上以民壮徵银原非正赋其减徵拨补蠲免等项俱如督抚议以苏畿民

○壬寅四川道御史孙继先言自古英君谊辟欲建久安长治之功必重直言敢谏之士前者翰林院编修吴中行简讨赵用贤刑部员外艾穆主事沉思孝刑部办事进士邹元标各以故辅居正夺情一事建言得罪至廷杖遣戍夫皇上英明天纵岂不知诸臣无罪但以为不如是不足以安居正耳居正亦不请宥其罪而还其职顷见皇上纳御史李植言斥冯保而没其家纳御史江东之言籍徐爵而寘之法纳御史杨四知言怒居正而追问坏事之人似非有心深罪诸臣者奈之何赐环犹稽使人有遗佚之叹也至于忤触居正被黜如南京给事中余懋学以不与送丧被黜如御史赵应元以申救言官被黜如御史傅应祯南御史朱鸿谟孟一脉以参劾居正被黜如员外王用汲等亦当一体复用以开言路已而吏科给事中陈与郊云南道御史向日红各有言得旨朕一时误听奸言以致降罚失中本内有名建言得罪者俱起用因复郭维贤职王国光以原职致仕

○太子少保兵部尚书吴兑辞免都察院兼衔允之

○升南京太仆寺少卿张孟男为南京太仆寺卿浙江右参议顾养谦为山东副使

○云南副使陈尚伊患病乞休许之

○癸卯兵科给事中孙玮劾协理院事左副都御史劳堪倚法作奸杀人媚势神人共攻国法难容国朝大臣未有无故冤死狱中者原任刑部侍郎洪朝选以勘辽藩事得罪居正堪希居正意杀朝选媚之极其惨酷至其子洪兢赴阙控诉堪飞书冯保廷杖几死有臣如此将焉用之上为罢堪□陕西答石膾哈等族番人割石革等入贡给赏如例

○兵科给事中孙玮〈娼弊-金〉论太监魏朝东厂办事官郑如金言二人冯保心腹谋主也凡保专权乱政蠹国害民皆二人赞助之今保已斥而逆党不除内外交通臣窃危之仍释朝不问而下如金诏狱已而给事中田大年复极论朝不宜用弗听

○刑科给事中田畴言近日门禁疏虞卫官懈弛每见杂员冗职出入各禁门者前呼后拥不辨其为何官厮贱庸流往来禁地者逐队随行不审其系何役连肩接袂十百为群不曰内府官身则曰里面答应以致奇投淫巧视为渊藪无赖亡命倚为窟宅直军不敢拦阻卫官莫敢谁何平居则假借威势纳贿行私遇便则窜名簿籍钻求官职乞升者升乞俸者俸欺君玩法无所不至如徐爵张大受等可为殷鉴乞敕锦衣卫督令旗尉严加缉访并行兵部严谕守卫官军谨守门禁上是其言下所司知之

○甲辰 上御文华殿讲读○例升吏科都给事中尹瑾为南京太仆寺少卿广东道御史朱璉

为云南副使浙江道御史曹一夔为浙江佥事云南道试御史向日红为陕西佥事文选司员外王緘为浙江副使

○以工科给事中傅来鹏巡视京营

○乙巳改南京户部尚书杨巍为工部尚书

○升太子宾客礼部右侍郎陈经邦为吏部左侍郎兼官如故

○四川道御史孙继先言自古帝王欲图至治莫不决于去小人急于用君子故虞舜即位即诛四凶收用元恺顷陛下罢工部尚书曾省吾等以清部署之奸逐司礼监太监冯保等以除左右之慝去恶可谓断矣乃有摧折权奸屏迹山林如听调南京都察院右都御史魏学曾养病户部左侍郎胡执礼都察院右佥都御史宋熏毛纲光禄寺卿贾三近太常寺卿温纯验封司郎中陈有年福建提学佥事赵参鲁给假礼部右侍郎王锡爵听降南京都察院右佥都御史张岳致仕顺天府府尹曹科浙江道御史朱光宇之数臣者品格虽殊要皆才德优隆志行高洁或宜于密勿或宜于部堂或宜于拊循皆海内之正人士林之君子也语云山有猛兽则狐狸藏形国有贤臣则奸邪隐迹愿陛下及时起用以收进贤之效章下所司

○丙午山西道御史魏允贞言吏部为六曹之长得其人则黜陟皆当而庶僚正非其人则黜陟皆私而庶僚慝自

陛下临御以来张翰王国光梁梦龙已三易矣与其显斥于既用之后以坏

陛下之官材孰若精简于未用之先以清陛下之铨法颇闻往者会推之先吏部皆密受意于阁臣或司礼监掌印太监名氏已定然后会推九卿科道徒取充数未推不闻咨访既推不闻参驳以知厚干请而进者十九以德器才望而进者十一以故铨衡不正仕路不清孟子曰国君进贤如不得已愿今后慎之重之章下所司

○广东惠州浙江严州直隶徽州等府各水灾直隶保定府天火延烧四川保宁府地震陕西甘凉地方赤白云气匝绕半天又西北有彗星形如匹练各灾异例礼部类题修省得旨朕寅畏天戒尔中外大小臣工其一体修省恪共职业毋事虚文

○丁未 上视朝

○吏部引奏大选官员亲决如制

○改刑部尚书严清为吏部尚书清＜媼髡-金＞辞不允

○予原任兵部左侍郎迟凤翔祭葬如例

○以湖广都司周印为分守广东雷廉海防参将神枢三营参将管達干为五军营左副将

○戊申大学士张四维等题进万历十年讲过经书及贞观政要一本万几之暇时加观览以求温故知新之益仍乞发下司礼监接续刊行 上从之

○予原任礼部右侍郎兼掌国子监祭酒事万浩祭葬如例

○工科左给事中萧彦题阅视过延宁甘固四镇如积钱粮则甘宁固为优延镇主饷告匮难以概论修险隘则四镇并优而延宁为最练兵马则四镇标正并优诸路亦称而宁之东路甘之西路次之整器械则四镇不相上下而延宁固稍优开屯田宁为最延次之甘又次之收胡马则延甘为最宁次之固原原无胡马散逆党则固为最延宁次之甘肃又次之因条陈四事一申节省之议以图实政一酌修守之宜以休军力一议入卫之兵以苏积困一宽互市之期以伐虏谋诏著实举行

○陕西延安庆阳平凉临洮巩昌各府大饥借延镇主客银四万两充赈○陕西巡抚萧廌题清丈过全狭官地共一千二百八十顷四十七亩零比原额少一顷二十七亩零民地五十万二千二百九十九顷二十五亩零除足额外多地三万九百八十八顷二十三亩零应通融减派均摊足额其鄜州等二十七州县仍少额抛荒民地一万九千五百三十八顷六十六亩零固原镇东河等卫所少额屯地一千五十顷八十七亩零并前少额官地俱系先年虚增抛荒之数应与除豁及将左布政孙坤等纪录擢用华州知州王黉等分别罚治部覆如议行

○庚戌敕协守大同副总兵麻贵为镇守宁夏地方总兵官

○以山西都司吴国臣为神枢三营参将○辛亥除补分守台涂严参将徐正以延绥游击陈愚闻为分守孤山参将宁塞当守备王鉄块为延绥游击大同右卫守备冯大壮为宁夏兴武营游击庄浪右卫参将刘承嗣为永昌参将五军四营游击孙锦为延绥中路参将
癸丑以军政加摠督京营戎政彰武伯杨炳太子太保炳辞
上不允铸给崇文门通州草场各分司关防 甲寅 上诣 太庙 祫庙 诸陵行
祫祭礼以收回祭设 赐三辅臣

明神宗显皇帝实录卷之一百三十二

万历十一年正月乙卯朔 上御皇极殿百官致词称贺

○赐三辅臣上尊珍饌

○松江府地震

○丁巳 宣宗章皇帝忌辰遣官祭 景陵

○己未以御史罗应鹤提督北直隶学政王国提督南直隶学政

○改南京兵部尚书潘季驯为刑部尚书

○升南京右都御史刘尧诲为南京户部尚书升保定巡抚右副都御史阴武卿为左副都御史协理院事升国子监祭酒周子义为礼部右侍郎

○升浙江分守温处参议顾养谦为杭严副使监督营务○诏录用建言谪戍为民诸臣编修吴中行简讨赵用贤给事中余懋学御史赵应元傅应祯南京御史朱鸿谟孟一脉员外郎王用汲艾穆主事沉思孝俱补原官

○辛酉时享 太庙

○遣内官祭 司户之神

○京师风霾

○改宣大中军副总兵朱瀚为大同副总兵白洋口游击马应元为延绥领军游击升兰州管参将事游击常三略为庄浪参将

○壬戌谕内阁昨日申初偶尔大风陡作四下昏浊朕甚忧惧既灵台所奏主边兵朕闻奏甚惧兹又遇灯节卿等可传与兵部传示各边将官慎加防备大学士张四维等具〈媿弊-金〉仰惟我 皇上翼翼小心克谨天戒兹因风异占主边兵特轸 圣怀今西虏款顺求袭王封东虏虽称弗驯势亦渐涣可虞者年来边政苛烦人心离怨陕西荒旱人不聊生恐有内虞耳臣等即传示兵部谕各边慎加防备

○御史张应诏劾南京刑部尚书殷正茂总督两广兵部尚书陈瑞皆列其括取所属官金银珠私馈张居正冯保及居正家奴游七瑞抚楚时往吊居正入门加孝帽痛哭请见居正母时内官向鲸在侧居正母属瑞曰陈公祖看顾向官儿瑞起答只有向公公看顾得陈瑞瑞安能

看顾得向公公其奴颜婢膝多类此 上命殷正茂陈瑞致仕向鲸着司礼监鞫问

○癸亥改刑科都给事中周邦杰为吏科都给事中

○甲子命礼部右侍郎周子义兼侍读学士充会典副总裁官复除侍读徐显卿仍充会典纂修官

○起原任侍读于慎行仍充日讲官○升陕西游击原进学为兰州参将调蓟辽游击李维原于五军四营大同参将朱永祚为宣大总督中军 大同督抚郑雒等题本镇应修军屯民堡二百五十七座应添敌台一千二十八座今四年之间止修完冲堡四十一座敌台一百六十八座未完者今春当修但工费全藉河南班价今视旧减额更复拖欠工费无资乞行河南巡抚将拖欠班价仍照旧额全扣及议留游兵原为助修村堡今村堡未完似难入卫亦乞再留三年兵部覆七年以后减徵银数既奉钦依难以增复余俱如拟

○乙丑 孝恪皇后忌辰遣官祭 永陵

○御史陈性学劾江西参政李选广西僉事李宗鲁先备官谏垣结纳游七选取游七妻表妹宗鲁娶游七妻表侄女叙会姻亲飞觞促席故相闻其事叱辱之相继外补二臣不罢斥迫夺不足雪衣冠之耻下其章于吏部

○御史毛在劾锦衣卫掌卫事都督同知刘守有与同官李延禄指挥张照郭尚文千户庞清冯昕焦兰同恶相济先奉旨著守有封锁徐爵冯保张太受周海等房守有搬运鼠窃报官者十一二耳至房屋田产公行欺隐各犯家属浼张照等转为方便党恶欺君何以自解上诘责守有逆犯财产还著尽心稽查如再有容隐脱漏定行重治张照等都著革任闲住

○丁卯 上御皇极殿顺天府官进春百官称贺

○赐三辅臣上尊珍饌

○嘉兴湖州各地震

○改神枢三营参将吴国臣为大同东路参将升宁夏玉泉营守备董延龄为陕西军门标下游击○陕西总督高文荐题延宁二镇丈出荒田一万八千九百九十余顷招过流移耕种三年起科以充军饷阅视都给事中萧彦驳其〈媚弊-金〉俱下户部户部覆开垦荒田永不起科原系旧例二镇地方沙碛领过田数未必处处可耕若屯粮额完自足原派供边之费旱荒相继安能驱待毙余丁领久荒之田认无影之税应听军民告官自垦永不起科从之

○甘肃巡抚王士□□会同陕西总督高文荐题肃州屡次失事委因番虏互相窃掠原非背盟犯顺今屡遣通官并调套酋切尽黄台吉差虏使去火落赤帐内传宣朝廷恩威已输情认

罪送还人畜约明年有草回去其捉获达虏把歹火落赤哀恳宥还并求讨买卖似应比照先年松山宾免事例每岁准其牛羊小市一次请发帑银一万两分发买办互市支用待复回原巢即行停止标下游击改移高台随带兵马一千移住肃州协同防御甘州副总兵亦量带兵马移住高台以备应援待虏回原巢即免移住以省行粮切尽黄台吉等宜重加犒赏兵部覆如奏

○戊辰御史黄钟劾湖广巡抚陈省重赂居正又为之防护其家设兵数百岁给饷数千荆州旧城尽夷故迹创为新规工未毕居正物故前役告罢至杀戮五开兴师几于僨事上命褫陈省职为民

○御史江东之劾金都御史王宗载御史于应昌杀人媚人初御史刘台劾张居正褫职讐家诬台赃私下江西巡抚王宗载巡按陈世宝辽东巡按于应昌勘问台按边东实不持一钱应昌捏报虐赃宗载啖世宝曰了此狱政府乃以巡抚处公世宝辱台苦楚万状戍潯州台死于戍所衣衾棺木俱无而人谓讐家诬奏亦宗载噬之也世宝呕血暴卒宗载应昌宜抵罪宗载上〈娼弊-金〉自辩事下所司刑部侍郎刘一儒请会官议拟许之

○谪张大受弟张恩张栋徐爵男徐行忠烟瘴地面永远充军何忠弟何志刘忠侄刘应魁刘定儿刘福李忠弟李禄杨舟侄杨景年为民

○己巳以元夕令节赐三辅臣酒膳

○吏部会同都察院考察天下诸司官才力不及为浙江布政蔡汝贤等不谨为浙江右参议吴哲等罢软为福建副使吴肇东等年老为江西按察使贺邦泰等贪为广东副使唐可封等得旨黜调如例

○诏紫荆倒马水龙固四关并龙泉一带切近山西地方各司道参将严缉盗贼矿徒毋容隐护○诏大同府属各驿马骡头役悉于清丈地土内照粮派徵召募应差不得僉派人户

○庚午升神枢九营佐击朱国相为神枢三营参将

○工科给事中唐尧卿言往者逆保招权内外为奸荐绅望风趋附今内党已去外党犹未尽去第情罪有轻重人人攻击将人人疑惧职业日隳及今诚发明诏今平日往来群奸之门者速自省改勉修职业以图将来之效其愿避贤路许以礼去若逢颜易向阴谋报复者容臣等查访劾奏又博访四方人士有爚然行义可表于世与世不合而去者特诏诸臣各举所知一体优叙如此则既有以励廉退之节而又有以寓旌别之权上曰在前权奸结党行私科道官寂无一言及罪人斥逐却纷纷攻击不已有伤国体且各攀附有显迹的既已处治了其余许令省改修职不必再行搜索以后有怙恶怀奸仍前恣肆的指实参来重究

○御史张应诏列故大学士张居正家奴游七十罪千户范登道士胡守元等诸奸党纳贿济

恶得旨范登等俱送镇抚司打问追赃

○辛未 英宗睿皇帝忌辰 奉先殿行祭礼遣定远侯郑世栋祭 裕陵

○浚韩家口引渠出徐州以河防报竣升砀山知县刘守谦俸一级

○壬申朝鲜国王李昖差陪臣郑琢等进贺 皇子诞生表文方物赐宴给赏如例

○御史陈性学言惜薪司太监姚忠夹带抄没冯邦定金银首饰伊表侄邓勋强要均分忠喝令较尉马禄等将勋打死南城黄御史关行锦衣卫拘提本卫掌印都督同知刘守有庇护不发因陈守有通赂卖法七大罪得旨马禄等该卫发巡城御史究问奏请发落刘守有著痛加省改遵前旨供职○癸酉南京刑科给事中阮子孝论故辅臣张居正原任吏部侍郎今闲住王篆各子滥登科第乞行罢斥 上令内阁拟旨革黜大学士张四维具〈娼弊-金〉言居正诸子所习举业委俱可进惟其两科连中三人又皆占取高第故为士论所嫉以致谤议失实至于王篆二子不知所学如何若一加覆试则堪中与否可以立见伏望 圣慈矜察居正二子在翰林者调别衙门用一子在部属者容其照旧王篆二子令吏部都察院于午门前出题覆试上不从自批子孝〈娼弊-金〉张懋修等都著革了职为民

○御史魏允贞劾兵部尚书吴兑附高拱张居正馈冯保金一千两署名摺封宛然尚在又装送兵器火器赂俺答乞正兑欺肆之罪章下所司

○诏复户部总督仓场兵部协理京营从工科给事中叶遵请也○甲戌吏部覆科道纠拾方面不谨为冯叔吉等年老为胡定等不及为史檠胡维新等得旨黜调如例

○以左军都督府金书崇信伯费甲金掌南京右军都督府印

○升辽东备御韩元功为辽阳车营游击白石口守备马成龙为神枢九营佐击

○刑科给事中冯露御史韩国桢各〈娼弊-金〉劾总督三边兵部左侍郎高文荐言文荐附逆保馈遗无算娶王篆侍妾之妹交通纳贿妾传靖虏卫产金索取未遂辄行加粮致回酋聚众据黄河贪鄙若此岂堪重镇之任得旨文荐革任闲住

○工科给事中傅来鹏劾操江佾都御史吕藿言藿前掌选纳贿鬻官又常倾害推官赵世卿前巡抚张岳胡嘉谟宜加显斥得旨吕藿革任闲住

○乙亥兵部尚书吴兑因允贞论劾乞休不允○升山西道御史帅祥于山东礼科左给事中史继宸于四川各副使兵科左给事中韩绍于广东山东道御榻于四川各参议云南道御史杨寅秋于浙江南京云南道御史徐金星于福建各佾事

○诏原任两京四品以上官员才品可用的著科道官从公会举其余吏部酌量起用

○丙子御史杨四知言端士习正风俗二事乞行提学官考较之际经书文虽可观而论策曳白必降黜若果博古通今之士即经书义稍疵奖拔必加又严行禁谕士庶人等衣履冠服宫室器用必按礼仪定式为准据大明律令而行其罚如有奢纵僭越即行擒拏究问礼部覆如议

○丁丑 上诣内阁朕于闰二月躬诣

天寿山行春祭礼并择寿宫卿等拟旨来行大学士张四维等〈娼弊-金〉曰预建山陵乃古圣帝明王达节后世则讳言之我 太祖 成祖

世祖三圣皆尝预修诚千古之旷举也我 皇上欲因春祀预择 寿宫宏度卓识真与三祖同符臣等不胜钦仰谨遵旨拟谕一道进呈伏候 圣裁发礼部施行臣等又惟山陵重事必须详慎今 天寿山吉壤固多未知何地最胜合照 世祖先年事例命文武大臣带领钦天监及深晓地利风水之人先行相择二三处画图贴说进上御览恭候

圣驾亲阅钦定然后营建以为万万年寿藏

上从之乃谕礼部查嘉靖十五年例择日具仪来闻

○起原任兵部尚书掌南京都察院事石茂华为兵部尚书兼左副都御史总督陕西三边军务

○改南京工部尚书王遴为南京兵部尚书参赞机务○起原任保定巡抚右佥都御史宋纁以原官巡抚保定等处提督紫荆关并管河道升广西巡抚右佥都御史郭应聘为右都御史兼兵部右侍郎总督两广升广东左布政使李江为右副都御史巡抚湖广

○戊寅复除云南右参政李文续于云南调广西右参议姜忻为云南左参议降云南左参议李良臣为云南佥事

○吏部言考核部寺衙门各差官员但行事已完即查在差有无功过随咨本部以便推升不待其回部回寺致资俸浅者反得越次两京提学御史各省提学副使佥事俱不必另行考核从之

○兵部尚书吴兑再陈不职乞罢黜以谢人言不允

○己卯 孝静毅皇后忌辰 奉先殿祭祀遣怀远侯常胤绪祭 康陵

○升广东右布政使王元敬于本省山西右布政使严大纪于河南云南右布政使魏体明于四川江西右布政使王续之于广西各左布政使

○庚辰日讲官侍读学士沈鲤病遣中使赐牲酒等物

○复除江西佥事武尚耕为福建佥事山东佥事王民顺为广东佥事降原任浙江按察使李承式为陕西右参议

○户部乞停买金珠或量支太仓银两交进库内径自收买不允

○辛巳升湖广按察使马文炜于江西广西按察陈应春于广东山西按察使张九一于山西云南按察使徐元气于云南河南按察使董汝汉于本省各右布政使升河南提学副使王象坤于本省江西提学副使孙代于浙江各右参政升兵部郎中任天祚于山东费尧年于山西延安知府党馨永平知府任铠于陕西各副使升兵部员外于达真于山西佥事

○赠原任少保兼太子太保礼部尚书武英殿大学士殷士儋为太保谥文通并给诰命○壬午复除原任兵科都给事中戴光启于刑科御史姜璧于河南道

○起原任户部右侍郎吴文华为兵部右侍郎兼都察院右佥都御史巡抚广西

○升工科右给事中王敬民于吏科户科右给事中顾问于刑科礼科右给事中姚德重于工科各左给事中兵科给事中杨廷相于吏科右给事中

○复顺天郟阳二巡抚先裁革御史王国言顺天迤邻北虏郟阳叛乱之区两镇巡抚必不可缺从之

○癸未 圣母仁圣懿安康静皇太后万寿圣节 上御皇极门百官致词称贺

○赐三辅臣上尊珍饌

○升湖广左参政乔懋敬于本省四川右参政杨一桂于河南陕西右参政姚继可于山西江西左参政欧希稷于广西江西右参政王天爵于云南山东右参政孙鋐于江西广西左参政彭富于贵州各按察使

○御史杨四知言纪纲不立国非其国今一岁中浙江毆巡抚灵州屠主帅土目戕委官此其渐不可长也为今之计莫如重督抚选主帅优恤而保爱之武弁有剥削粮饷凌虐卒伍者明正国法则兵众感恩畏威效死恐后安有自干天宪者 上然之

○贵州巡抚刘庠巡抚傅顺孙各题四川永宁宣抚司已故宣抚奢效忠妻妾奢世统奢世续讐奏事情原止争给冠带掌管印信总兵郭成勘处差指挥禹嘉绩轻入夷寨被其拘留又差伊男名色把总郭天心等横行需索致世统纠集夷兵万余围住永宁后巡按亲临禁谕夷兵方散嘉绩放出乞将郭成罢斥与郭天心禹嘉绩俱行抚按究问奢世统讐奏事情听四川另委廉能官员勘处 上令贵州巡抚官会勘郭成戴罪供职

○以考成查参未完事件将经管抚按曹大野刘世曾贾如式傅顺孙孙光祐等罚俸有差

明神宗显皇帝实录卷之一百三十三

万历十一年二月甲申朔大学士张四维等题二月十二日经筵开讲去年秋讲四书书经讲完今见讲诗经仍该用一经进讲周易一书先王明天道以修人纪其理虽奥衍宏深至于拟议言行会通典礼关于君德治道最为详切故自祖宗列圣以来凡幸太学必令儒臣以是书敷讲厥有深意合无今次以周易同诗经进讲用为圣学缉熙之助上然之

○祭三皇于景惠殿以祭余赐三辅臣

○黜锦衣卫千百户王杲等遣戍为民有差

○刑科给事中田畴言逆犯范登贪肆异常言官论列尚未及阿附邪臣如宣大巡抚贾应元徇其占窝大坏盐法文选郎中蒋遵箴藉登私宅纳贿卖官御史于鲸顾尔行皆听嘱托受贿乞将四臣一体罢黜以清仕路＜娼弊-金＞下吏部吏部覆蒋遵箴降三级调外任顾尔行降远方杂职于鲸闲住应元以他赃另勘从之

○乙酉升工部左侍郎陈道基为南京刑部尚书升户部左侍郎刘思问为南京右都御史升礼部右侍郎周子义为左侍郎翰林院侍读学士沈鲤为右侍郎各仍兼侍读学士经筵日讲升大理寺卿辛自修为兵部右侍郎升大理寺左少卿赵焕为南京右佥都御史提督操江

○升福建福使王希元于江西四川副使范仑于云南山西副使宋应昌于河南山东提学副使蹇达于山东苑马寺卿王体复于陕西福建副使张偲湖广副使管大勋于广西各参政

○以镇守广东总兵官黄应甲为左军都督府佥书

○以陕西临巩平延庆五府旱荒尽蠲十年起运民粮诏发太仓银十五万太仆寺马价银二十万分解饷司补民粮未完之数仍谕陕西督抚多方赈恤务济民艰

○发太仆寺常盈库贮马价银一万五千七百有奇给蓟镇备万历十二年抚赏及补还蓟密永昌四镇额饷

○丙戌以左春坊左庶子兼翰林院侍读朱赓改掌侍读学士掌院事

○吏部覆南京工科给事中冯景隆荐原任南京兵部主事赵世卿缘故大学士张居正专尚操切官民俱困＜娼弊-金＞陈广选进宽驿传省大辟缓催科振台谏五事居已恶其反已处以王官未几考察闲住南京国子监司业张位当居正父故之日曾遗书劝其遵制丁忧迨简讨赵用贤以言事行也位以诗送之居正愤恨降补徐州同知翰林院修撰习孔教当邹元标廷杖谪戍时孔教以桑梓往视且歛赠路费以资其行居正恨之乃乘星变考察谪为泉州推官迨升邵武同知遂褫职乞将三臣复原职分别擢用又南京湖广道御史孙维城亦荐三臣

及原任侍读赵志皋以劝居正终丧致拂其意升广东副使随以考察降解州同知天下痛惜之除张位赵志皋候优升习孔教候起用外赵世卿于例有碍起用合无以原任主事量升郎中致仕诏从之

○南京河南道御史方万山奏荐司业张位南京佥都御史张岳岳以不肯保留居正去位者也又劾光禄寺少卿王蔚傅作舟鬻权纳贿诸不法事得旨王蔚傅作舟以原官降一级调外任用

○吏部言科道官奉旨奏荐原任尚书陆树声等三十三人皆负清硕之望为时俊彦但中间亦有年齿已迈及因考察纠拾例难叙用者又恐或有可用而偶遗不预荐者臣等再加访择惟求协輿评以仰副 圣明任贤求旧至意报可仍谕吏部各官有崇诡饰虚无益治道生民的毋徒徇名滥起致眩士习

○总督东厂太监张鲸等题会同锦衣卫都督同知刘守有等抄没犯人冯保并伊弟侄冯佑等及张大受徐爵等家财金银睛碌珠石帽顶玉带书画等件并新旧钱各色蟒衣纁丝r绢无筭日逐具奏运进御前所有各犯衣服米盐床柜桌椅铜铁锡磁器皿等件奉有钦定各该衙门交收报闻

○以大同助马堡守备钱禄为大同入卫游击

○刑部考核恤刑郎中冯孜等俱刑名< 娼弊-金 >通允多驳少阎漳开释颇多俱系矜疑免赃人数八名亦无大谬得旨冯孜等复职阎漳降一级用

○下庞清冯昕于镇抚司

○丁亥礼部奉命预卜
寿宫请同钦天监谳晓地理员役及本部工部属官一员先诣相视报闻

○遣礼部侍郎许国祭
先师孔子○升陕西副使岳凌霄为本省苑马寺卿陕西佥事李承选为本省行太仆寺卿

○改江西副使邹学柱升河南右参议赵鹏程为河南副使起原任贵州副使李袭为山东副使原任福建佥事赵参鲁为福建佥事各提调学政

○升池州知府郭四维为河南副使整饬霸州兵务

○升刑部郎中王道纯开封知府孟学易于四川吏部郎中沈应文于江西刑部郎中王桥程正谊绍兴知府傅宠梧州知府陆万垓于云南南安知府陈祖尧于贵州广西右参议彭应时于本省平阳知府王汝鲁于山西保定知府张振先饶州知府管稷汝宁知府杨可大于湖广

建宁知府徐秋鹗于福建各按察司副使

○升青州知府王世能于河东保宁知府萧守身于山东各运使○戊子祭太社太稷

○承天府地震

○以南京右军都督府掌印崇信伯费甲金为南京提督操江兼管巡江

○命镇守蓟永等处总兵官少保兼太子太保左都督戚继光以原官镇守辽东地方因兵科都给事中张鼎思言继光先在闽浙战多克捷今蓟永未効功能乞改南以便其才故有是命

○以神枢五营佐击文应诏为锦衣卫南镇抚司掌印以锦衣卫指挥僉事苏桀张希思为南镇抚司僉书

○己丑会试天下贡士以大学士余有丁吏部左侍郎兼侍读学士许国为考试官

○升江西僉事朱一松于本省广东僉事侯应爵于贵州刑部郎中李良柱于广西各布政司参议

○户科给事中王继光劾兵部尚书吴兑交结逆保多受将领馈遗侍郎贾应元先开府时太平王被参以停封为辞致该府馈银九千仍勒送万金方许请封而罢追赃及赂游七冯保诸不法状上令行彼处巡按御史勘应元受代府赃数而置吴兑不问

○命司礼监将冯保名下郭清好生打问

○庚寅升通政使倪光荐为工部左侍郎仍管通政使事

○升湖广右布政使贾待问为本省左布政使

○辛卯上御皇极殿册李氏为潞王妃遣定国公徐文璧大学士申时行持节捧册行纳徵礼其册文曰经国之道莫先于正家昌后庥之必谨于择配岂惟重彝伦之始亦以弘化理之原懿范具存仪章斯举朕弟潞王翊鏐稟资岐嶷赋性温醇冠礼既加婚时甫及李氏乃兵马指挥淩时之女夙受姆仪克娴阃则宜匹王室以替中闺兹特授金册封尔为潞王妃尔宜祗服荣恩恪修妇道永膺多福用广宗支尔惟钦哉

○赠仁圣懿安康靖皇太后父固安伯陈景行太子太保

○以总督漕运兼管河道太子少保兵部尚书兼左副都御史凌云翼为兵部协理京营戎政升户部右侍郎王之垣为本部左侍郎南京户部右侍郎王廷瞻为户部右侍郎升顺天府尹

张国彦为右副都御史抚治郧阳升山东右布政使翟绣裳为右佥都御史整饬蓟州等处边备兼巡抚顺天

○改南京大理寺卿刘志伊为大理寺卿升尚宝寺少卿徐元春为光禄寺少卿

○升刑科右给事中牛维炳于礼科兵科右给事中王三余于兵科俱左给事中升兵科给事中田大年于户科刑科给事中王凤竹于礼科兵科给事中冯露于工科俱右给事中○复刘台原官御史仍赠光禄寺少卿

○兵部尚书吴兑满三年考复以继光论劾乞罢 上慰留之

○御史于有年劾左都御史陈爌阿谀权势倾害忠良先御史赵应元按楚时当大学士张居正回籍葬父独未往吊爌参论应元落职为民员外王用汲忠愤所激具＜媚弊-金＞参论被爌挟私中伤亦坐为民乞将陈爌罢斥为大臣諂谀之戒 上曰言官论人须当审事实参详公论若不谙事情始末不分人品高下輒肆诋排大臣将人人自危岂成政体于有年躁妄当治姑从轻罚俸半年近日科道官争以奸党为言斥退已多今后务体国惜才用养和平之福若再有违旨搜索往事的定行重治不饶

○以朝鲜国王李昖押送漂洋人口赏银一百两锦四段纁丝十二表里赐敕奖谕陪臣军从人等给赏有差

○壬辰月犯井宿○命礼部选民间女子年十一以上十五以下者三百人进宫预教

○升大理寺右少卿邵陞为本寺左少卿复除原任山西行太仆寺卿季采菲为甘肃行太仆寺卿改原任甘肃行太仆寺少卿石檟为陕西行太仆寺少卿

○癸巳 孝贞纯皇后忌辰 奉先殿行祭礼遣靖远伯王学礼祭 茂陵

○升陕西按察使王湘于湖广山东按察使蔡淑逵于本省各右布政使升四川左参议王胤祥于陕西刑部郎中霍镇东于云南各副使升刑部员外郎吴显于江西南京刑部员外郎容若玉于河南户部员外郎艾穆刑部员外郎谢诏于四川户部郎中郑人逵刑部员外郎王用汲于广东南京工部郎中来经济于广西各佥事

○调浙江副使王緘为河南副使王緘为河南副使调原任广西佥事王一卿为云南佥事○甲午升光禄寺卿臧惟一为顺天府府尹大理寺左寺丞□为正为大理寺右少卿尚宝司司丞韩必显为本司少卿

○兵部尚书吴兑左都御史陈爌各以人言乞罢 上俱慰留之

○丙申升直隶徐州同知张位为尚宝司司丞

○改太仆寺卿刘良弼为光禄寺卿

○都察院左都御史陈价再乞休 上温旨留之

○浙江巡抚张佳胤巡按张文熙乞照恩例豁免已故尚书赵文华侵冒未完军饷银六万有奇伊男赵慎思拟充军 上曰赵文华侵冒军饷十万有余未曾正法今又迁就豁免何以惩恶伊男赵慎思姑依拟发烟瘴地面永远充军

○丁酉谕礼部闰二月十二日朕躬谒 山陵行春祭礼率 后妃同行一应礼仪事务著各该衙门俱照万历八年例行○河南进表都司杨正蒙以枉道回籍革任

○戊戌礼部题据祠祭司员外郎陈述龄会同工部都水司主事阎邦钦天监监副张邦垣等及带在京谙晓地理人连世昌先诣 天寿山四顾相视择得 永陵东边一地名潭峪岭 昭陵北边一地名祥子岭东井南边一地名勒草洼俱为吉壤乞钦命文武大臣□臣学谟工部署印侍郎何起鸣领该司郎中并各该员役详加选择 上命公徐文璧大学士张四维司礼监太监张宏同去相择内外大小官员有谙晓地理见在京的尔部里开来令同去

○兵科都给事中张鼎思等言蓟镇久安夷情难料辽左仰逞二奴势渐向盛阿台未擒终为祸本宣大黄酋乞封必使严束部落谨奉贡市然后为请延绥荒旱速当破格蠲恤甘肃东套诸酋住牧名虽抢番寔则犯汉近议请出帑金一万以为市赏若不早为拒绝将来岁为故事且甘肃原额兵九万今不及半乞转行各镇督抚悉心经画兵部覆如议独谓黄酋收父妾而子侄扯力艮那吉等纠合以抗此族属离披势分积弱之渐不宜强之和合以增其势也补练兵马当着实整理但中国长伎在火器各边应仿宣大及蓟镇大炮式多为成造兼造三眼枪以用中国之长不惟易于剿零即虏大举且破之矣报可

○诏浙江总兵移住省城先是以倭变始设总兵于定海省城兵民两变巡抚张佳胤为请故有是命

○录宣大山西贡市事竣功赏总督郑维巡抚贾应元萧大亨总兵官郭琥等银币有差

○户部覆甘肃巡抚王士□□巡按吴定题称甘肃镇地土瘠薄天气寒冷耕种无时附近力勤者种一歇二方能收获地远力薄者三四年方种一次且屯科二项徵输屯重科轻恒称偏累无力耕种遗累逃窜屯额渐亏今次清丈实在地四万五千九百九十三顷三十五亩零定为地额无论屯科概拟一则分别上中下三等徵输共粮二十一万六千一百八十五石零定为粮额其水退淤出额外抛荒等地俱听各军随便自行开垦永不起科从之

○改居庸昌平总兵右都督杨四畏为镇守蓟州永平山海等处总兵官

○诏范登监候处决从刑部所覆奏也

○己亥遣顺天府堂上官祭 先农之神

○庚子谕礼部朕春祀 山陵潞王于德胜门送驾西直门迎驾礼部便具仪来看

○礼部言新升南京刑部尚书陈道基通政使司左参议梁子琦贵州佥事胡宥俱究心地理乞命同往 山陵相择从之

○诏皇城内外设钦依把总二员东西分管以给事中田畴言门军逃役上直指挥事权轻也
○降原任南京右佥都御史董尧封为浙江右参议原任南京右佥都御史张岳为四川左参议原任江西右参政余希周为本省佥事 升蓟镇大水峪游击戚金为古北口参将

○屯田御史王国清查出豊润玉田等县成国公朱应祯退出苇地及民间告垦未入册地寔丈过通徵银八千有奇豆一千九百一十一石有奇永为定额俱角□羊备边报可

○录雕剿石城县乌兔多浪二阜蛋贼功刘尧海张明正等各叙录赏赉有差

○辛丑升工部右侍郎何起鸣为左侍郎起原任工部右侍郎熊汝达为工部右侍郎

○起原任南京右都御史魏学曾为南京户部右侍郎总督粮储

○起原任户部右侍郎傅希摯为户部右侍郎兼右佥都御史总督漕运巡抚凤阳等处

○升巡抚南赣副都御史王缉为南京大理寺卿○改南京国子监祭酒高启愚为国子监祭酒

○升福建右布政使张楚城为云南左布政使起原任广东按察使顾章志为山东按察使

○升宣府副总兵董一元为署都督佥事充总兵官镇守居庸昌平等处

○罢三屯辚重营游击夏时山东都司佥书常钺河南都司杨正蒙从御史王国所劾也

○陕西道御史杨四知言圣王为民设官所与共理天下者守令是也今天下文巧之吏剥民奉上而吏良惴惴无华虽拂上官之意弗顾也上官悦趋承恶介特耳目寄之吏胥毁誉采之窝访不肖县官阴结窝访阳事上官而吏事毕矣朝廷德泽不究职此之故今当黜幽之期乞敕吏部责成监司务求实政仍查监司崇尚虚声是非混淆者黜之以为戒 上然之

○壬寅 恭仁康定景皇帝忌辰遣惠安伯张元善祭

陵寝行礼○升户部郎中郭性之为山西佥事

○录万历十年温州擒倭功巡抚张佳胤副使陈涧参将沉思孝等赏赉有差

○赐西山阳洞长官司酋长韦昌金冠带先是属贵州黎平府正统间叛今昌金率众来归复赐之待三年后果能输纳粮差准与承袭祖职

○总督两广尚书陈瑞巡抚广西侍郎郭应聘各题边关凭祥等州善后三议先是通事范可久伴送安南夷使还凭祥土官李德胜索夷礼物以致各夷攘夺混失范可久批文可久自劾行广西巡按查勘德胜已监故地方道府罚治有差至是陈善后事宜一谓夷使入贡广东海北广西左江二道宜亲履地方严饬防范一谓凭祥逼近交南不便改设流官宜将官族李仁管理州事仍隶思明府一谓诸夷馈送致启弊端宜严行禁止得旨如议行

○诏修武英殿工料价银于节慎库收贮料银内支給工完之日监工科道查核造册奏缴

○癸卯升四川右参政凌琯为陕西按察使

○诏顺义蓟州遵化豊润玉田五州县驿递炤通州等州县例各驿马骡徵银召募应差不得编金人户

○乙巳以元辅张四维往择 寿宫吉地还赏银五十两纁丝斗牛胸背四表里

○调原任浙江右布政使蔡汝贤为福建右布政使四川副使郑一信为广西副使

○复除原任山东左参政陈文烛为四川左参政

○丙午南京科道阮子孝子有年等各劾劾冒濫京堂巡抚宁夏右佥都御史晋应槐巡抚福建左副都御史劳堪太仆寺少卿杜友兰吏部覆应槐回籍听勘劳堪降一级与杜友兰俱调南京用○丁未礼部题查得嘉靖十五年节奉 世宗皇帝敕谕祭告 天寿山

长陵等七陵朕躬叩拜西山 皇高祖妣恭让章皇后

皇曾叔祖景皇帝陵所示展拜一次庶慰朕追感之情钦此又查得万历八年 皇上奉两宫皇太后率 后妃谒 陵先诣 长陵次诣 永陵 昭陵其 各陵俱遣官行礼臣等仰惟皇上大孝因心真诚法 祖顷岁 圣驾诣 陵惟 长陵 永陵 昭陵躬行祭告其

列圣陵寝多系命官恭代揆之 圣心追远感时尚有歉然其未尽者今次谒 陵合无仰稽皇祖世宗皇帝彝宪酌分二日以次展拜庶礼意周洽诚敬流通而 累朝之旷典以昭皇上之孝思以慰矣

○大学士张四维等题今日蒙发下文书内有礼部春祀 山陵仪注一本开称 九陵俱圣躬亲祭礼仪俱同臣等恭查嘉靖十五年 皇祖世宗皇帝谕礼部 诸陵惟

长陵上香八拜执事自献帛爵 六陵并 二寝俱上香四拜为礼而不可不别 诸庙也又谕七陵朕俱躬上香惟 长陵仍奠帛初献以尊 太宗钦此臣等仰惟 皇祖奉先之孝议礼之精登杀品节诚可为万世法兹礼部只依该司旧按录拟仪文大碍况今又增 永陵 昭陵不惟圣躬太劳抑恐日力不给今次似当遵炤 世祖更定礼节惟 长陵与 永陵 昭陵俱上香八拜亲奠帛初献其 六陵 二寝上香四拜执事官代献帛爵为便上请 圣裁上批礼部<娼弊-金>云 长陵 永陵 昭陵依拟行礼 六陵 二寝恭遵 皇祖世宗钦定朕躬上香四拜其奠帛三献俱执事官代仍谕 潞王候驾幕次不必搭盖

○朝鲜国王李昖表进方物马匹进贺 仁圣懿安康靖皇太后 慈圣宣文明肃皇太后徽号陪臣吏曹参判郑彦智等宴赏有差

○起原任湖广副使林偕春为浙江副使提调学校

○升云南临安府知府甘一骥为山东运使

○起原任游击卢彻管领保定官军安廷灿管领定州官军

○戊申升南京翰林院掌院事右谕德王弘诲为南京国子监祭酒

○升大理寺左少卿邵陞为右副都御史巡抚南赣

○巡抚江西御史贾如式言原任御史刘台之劾居正居正未必欲致之死也有台同宗原任国子监监丞刘伯朝举人刘寿康与台有宿憾欲中台奇祸以结居正欢心适值台买谢燿地偿价未厌其心燿恨之伯朝等嗾燿讐奏谋之吉安推官刘绅绅为备资促之行勘问时伯朝对理台有口何能辩至于辽东赃银五千两台贫不能完徒累富室代纳乞敕都察院将伯朝绅究处臣并提刘寿康谢燿勘问得旨着抚按官提问

○己酉升太常寺少卿雒遵为太仆寺卿

○升南直隶运粮把总陈颂为山东都司僉书南直隶京口图山把总徐道为河南都司僉书

○革凉庄游击王心一山丹守备薛如玉仪真守备左良辅川沙把总刘懋功任

○庚戌会试取中式举人李廷机等三百五十名近额三百名以 皇嗣覃恩命增五十名

○武英殿兴工遣尚书杨巍祭告 后土司工之神

○潞王出府礼部请以明日百官赴府行四拜礼得旨免○升南京户部郎中冷文煜为云南僉事

○升大同北东路参将李迎恩为协守宣府地方副总兵

○辛亥兵部题恭遇 圣驾诣

陵例该宣大总督郑雒移住居庸关外保护南山一带蓟镇总督周咏移驻黄花镇防护 陵寝见调蓟镇总兵官杨四畏暂留昌镇其余各该镇巡兵备副参游守等官照信地严加防守报闻

○大学士张四维等言今日蒙发下户部本欲将云南库贮矿课银两起解二十万臣等看得该省远在万里近者緬贼莽应里猖獗陇川逆逋岳阳及木邦罕虔党助窥伺腾越永昌之间大为骚扰镇巡官调汉土官军军兴粮饷所费不貲似应仍留彼处以济缓急从之

○升大理寺右寺丞张简为左寺丞河南道御史贺一桂为大理寺右寺丞

○升礼科都给事中石应岳为太仆寺少卿○诏苏松二府关税银每年量留五千两凑织解袍用

○升南直隶掘港守备王廷臣为浙江巡抚标下中军都司

○壬子以 圣驾躬诣 山陵命公徐文璧伯杨炳随侍护 驾命镇远侯顾承光同左都督李文全勋卫孙承恩统领带刀府军等卫官三十员大汉将军三百名随直 圣驾往回

○建州逆杲子阿台复诱虏酋阿海等从静远榆林入寇总兵李成梁督兵破之二酋就戮荡扫巢穴斩获者二千三百有奇督臣周咏以捷闻

○升吏部员外郎傅作雨为江西左参政

○癸丑以 圣驾谒 陵先期一日祭告 天寿山遣公朱应桢行礼

○遣公徐文璧祭 大明于 朝日坛

○升吏部文选司郎中卢维桢为太常寺少卿

明神宗显皇帝实录卷之一百三十四

万历十一年闰二月甲寅朔以 圣驾诣

山陵命靖远伯王学礼等分守皇城六门定远侯郑世栋等分守京城九门

○起原任南京户部尚书毕锵为南京工部尚书

○升巡抚河南右佥都御史褚鈇为左佥都御史协理院事

○升山西右布政使张九一为右佥都御史巡抚宁夏

○升贵州左布政使沉人种为南京光禄寺卿

○巡按直隶御史徐金星言江北屯田自庐滁抵六合延袤七十二圩一遇山水暴发淹没不救查旧开浦口黑水河二十里未完工程仅二里有奇乞拨军人开挖工止一月所救济则数万顷之沃壤也部覆如议○乙卯谕礼部都察院朕躬诣 天寿山凡仪卫扈从等项务从省约内外随行官员人等不许沿途生事扰害百姓有违犯的著厂卫访拏科道官指名参奏

○上览刑部录进王大臣招情得旨此事如何这每就了查原问官与冯保质对大学士张四维等言事经十年原问官厂即冯保卫乃朱希孝今罪犯已决希孝又死陈希美奏王大臣系冯保潜引亦无的据若复加根究恐骇观听 上乃置不问

○丙辰命伯毛登守卫

○谕朕兹谒 陵赏扈卫围宿大汉将军及各项官军银三万两山后守备并巡山各官军银二万两御马监勇士官军及内官监拽船东厂锦衣卫围宿官较旗军银一万两着户兵二部各措处三万两支给

○应天巡抚右佥都御史郭思极以前巡按湖广时取中张懋修乞罢不允○戊午升太仆寺少卿萧崇业为提督四夷馆太常寺少卿

○升户科左给事中万象春于礼科吏科左给事中王敬民于工科俱都给事中升工科给事中傅来鹏于兵科工科给事中叶遵于刑科俱右给事中

○复除鸿胪寺左少卿刘儒添注

○己未 上御皇极门宣辽东大捷百官称贺遣官祭告公朱应祯 南郊侯孙世忠 北郊李伟 太庙各行礼以祭余赐三辅臣

○周府岁禄不给河南抚臣＜媼斃-金＞请留解部济边银九万
上令阁臣拟旨大学士张四维等持不可命该部酌议经久之法

○改大同参将管杀胡堡守备事何山为大同北东路参将升广州游击秦经国为福建南路
参将大同守备郭朝纲为甘肃庄凉游击

○庚申以扈 驾赐大学士张四维等蟒段鸾带伽袋花绦椰瓢金事件刀儿各物

○辛酉敕武清侯李伟左都御史陈爌朕兹躬诣 祖宗陵寝特命尔等居守统率守门守城等
项文武官员严督京营并巡捕官军五城兵马夫甲人等讥察奸盗防备火烛用保无虞各官
如有怠玩不率应参奏者听尔等指名参奏应鞫问者径自鞫送法司问理其有紧要事务即
便差人奏闻钦哉故敕

○以辽东沈阳之捷赏总兵李成梁银一百两大红蟒衣一袭彩段四表里总督周咏银六十
两大红飞鱼衣一袭巡抚李松等银币有差仍发银五万两充补损失战马之费

○升山东左布政使杨一魁为右副都御史巡抚河南

○升应天府府丞李己为大理寺左少卿

○镇守大同总兵官郭琥乞致仕许之仍以其劳绩加左都督驰驿去岁拨军六名

○壬戌京师风霾

○复除原任御史赵卿为浙江道御史

○户科都给事中萧彦等言户部停买金珠折价五万以输内库金珠凑买非额也折价非名
也乞赐停免不允

○癸亥大学士张四维等言风霾陡作黄沙蔽天臣等恭睹 高皇帝祖训谨出入条云凡动止
有占乃临时之变且如将出或烈风迅雷逆前而来此神之报也国之福也若已出在外则详
察左右防慎而回未出则止伏望 皇上思绎明训克谨天戒今次春祀 山陵照常遣官行礼
上温词答之仍谕礼已将成不敢中止传示与护驾及本兵大臣各严加堤备

○谕驾驻感思殿从卫官较并红门以里摆守官军等人马都着分两班每日轮番就水一次
着该管官整点肃慎出入不许諠扰及旷误执事

○升四川左参议张岳为太仆寺少卿

○升浙江右参议董尧封为应天府府丞

○升浙江右布政李汶于山东广西右布政郑昊于贵州各左布政使

○秦王奏永寿王府辅国中尉有四凶曰怀圭□刃怀墉怀□□土怀□ 右土□皆傲狠不才请治罪怀圭□刃赐死怀墉等革为庶人

○甲子封虏酋黄台吉为顺义王仍赏大红五彩纁丝蟒衣一袭彩段八表里伊男扯力充袭授龙虎将军

○调宁夏总兵官署都督僉事麻贵为大同挂印总兵官

○以燕山左卫指挥使马敦管理左东皇城内外及北安等门把总金吾前卫指挥僉事王国贤管理右西皇城内外及玄武等门把总把总之设自此始原留守点城指挥十员听把总约束而受成于兵部该管员外郎岁终听巡视科道举劾

○缅贼莽酋犯永昌腾越先是永昌参将已裁革永腾独守备一人抚臣刘世曾请以湖广参将邓子龙为永昌参将南京小教场坐营刘縯为游击管腾冲守备事使之募兵防御报可

○革松潘南路游击江腾龙任

○乙丑 上率 后妃发京 潞王送于德胜门月城内居守大臣文武百官送于德胜门外驾至清河赐元辅张四维等酒膳 驾次巩华城从官行礼毕蓟辽总督周永总兵杨四畏等及昌平州官吏师生耆老人等朝见于行宫赐元辅张四维等酒膳定国公徐文璧彰武伯杨炳共甜食一盒

○丙寅 驾发巩华城午驻蹕感思殿赐元辅张四维等酒膳

○谕蓟辽总督昌平总兵调来官军防护劳苦着照八年例与京营一体给赏其宣大总督宣府总兵调来顶关防护官军也着人赏银三钱俱兵部处给

○大学士张四维等言适闻飞云辇内坐褥生烟随即扑灭天心仁爱乞申饬近从人等慎防火烛以消未然之虞

○丁卯 上诣 长陵 永陵 献陵 景陵行春祭礼 长陵 永陵俱率 后妃谒见

○赐元辅张四维等银豆叶三十两银五十两纁丝四表里次辅申时行余有丁各银豆叶二十两银四十两纁丝二表里

○戊辰 上诣 昭陵 裕陵 茂陵 泰陵 康陵行礼 昭陵率 后妃谒见

○大学士张四维等题今早文书官宋坤传示 圣意明日欲登 长陵 永陵 昭陵主山绝顶瞻眺毕然后诣钦天监所奏 寿宫三地相择窃惟 长 永二陵主山极其崇峻不能攀援风气所关不宜开凿道路乞止行相择吉地上命文书房传谕先到祥子岭次到杨翠岭次到潭峪岭次到勒草洼次到东山口圣绩亭长陵 昭陵不去了

○命经过昌平宛大地方烦劳百姓本年分田粮除恩诏蠲免外仍照八年例其未经驻蹕应免三分者并恩例共免六分驻临之处应免五分者全免

○己巳 上亲诣祥子岭潭峪岭勒草洼相择 寿宫至东山口登圣绩亭赐三辅臣手盒三副酒六瓶

○庚午 上率 后妃发感思殿诣 恭让章皇后 景皇帝陵行礼毕驻蹕功德寺行宫以清明节遣都督李文贵祭 庄敬 哀冲二太子内官祭 宪庙废后吴氏各坟园

○流星出自文昌北行后有三小星随之

○辛未 驾发功德寺还京 潞王并居守大臣等迎候如前

○壬申谕工部功德寺驻蹕行宫每用板蓆搭盖不惟骚扰烦费益且防卫难肃着于附近相择善地量估经用营建行宫一区如用原地其寺僧官为移置别所○定国公徐文璧大学士张四维题今日 圣驾亲历 灵山遍阅淑胜 圣明玄鉴必有定所臣等奉命恭同各官遍历诸地据钦天监监副臣张邦垣等称原奏三地惟祥子岭最吉虽已画图贴说进呈御览然山川形胜有非图说所能尽述臣等谨明白开具揭呈随本上进望赐鉴裁上报闻仍谕礼工二部并钦天监官再相吉地二三处来看

○乙亥礼部题相择 寿宫臣等既已寡昧乃谳晓地理之人见多官聚议辄生观望臣愚窃以为今次宜豫令钦天监监副张邦垣领阴阳术士先赴前山稍宽其限备择数处画图贴说回报前来容臣等勋辅大臣复诣勘定二三处以凭 圣明采择报可

○工部题巩华城行宫之建原专为 圣驾谒陵往来驻蹕而设且城池巩固易于防卫则功德寺道路 圣驾可以不繇板殿即不盖设可也况迩者预建 寿宫及修理武英殿等工费重大乞将前项工程停止上曰候修理武英殿工程有次序之日奏来

○升浙江按察使徐元泰于浙江山东按察使曹子登于山西广东按察使徐时可于广西各

右布政使

○丙子 上御皇极门以亲祀 山陵礼咸百官致词称贺

○通政使司左参议梁子琦言监副张邦垣不谙地理臣领术士别行相择得吉壤三处一曰皇山寺西岭在 献陵之右二曰团山三曰珠窝圈乞敕礼部另选精通地理人员前去公同详阅据实绘图以献 上即命子琦与礼工二部司属同去相择

○吏科给事中陈与郊言臣伏睹会典进士廷试后命工部于国子立石题名自隆庆辛未以来四科寝阁夫曲江鴈塔自昔荣之乌可遗搜罗盛美不载章下礼部○南京吏部尚书赵贤以病乞休不允

○四川提调学政金事陈允升以病乞休允之

○丁丑升浙江右参政吴自新广东左参政周之屏各为本省按察使山东济南府知府余国宾为山东副使户部郎中杨佩训为四川左参议礼部员外郎耿鸣世为陕西金事

○降原任辽东巡抚金都御史毛纲为浙江右参议

○复南京兵部右侍郎先裁革尚书潘季驯以枢务繁重奏请复之

○南京兵部尚书潘季驯条陈留都兵务一严交代以便责成凡三营都督坐营等官寻常升调俱候新官交代一通警报以便应援应天淮扬巡抚衙门及嘉湖道九江道湖广下江防道遇有警即宜飞报本部以便处置战守之具一收军丁以实营伍留都操军原额十有二万今仅存二万有奇祖军与选充者参半选充例不收补营伍日虚合无比照祖军例准令替补一议调选以均事权大教场军仅盈千而把总二选锋队军二千而把总一小教场舍人队军以百计而把总二步队军五千而把总亦二此官之总辖未均也小教场军与大教场埒而选锋半之此兵之多寡未均也合无于大教场舍人队把总调一员加充选锋把总小教场即于步队军内再挑选一千名亦以舍人队把总调一员加充选锋把总兵部覆如议独谓祖军尚宜勾补选充军替补不得强所不欲以杜将来应募之心诏从之

○兵科都给事中张鼎思等言莽酋内犯陇川岳凤助逆贼势已极抚镇诸臣方请设将添兵其策似缓宜责镇臣沐昌祚速当出驻近地调度土兵据守要害及时防剿一应粮赏许于议留矿课及备边等项租银内动支三宣木邦等司势虽附莽未必皆其本心宜听立功自赎果能剿平莽岳二酋即加叙录以旌其伐报可

○蓟辽总督周咏以前抚辽时与巡按于应昌会勘刘台事应昌被劾抚臣不宜独免具< 婚弊-金 >乞休不允 戊寅升南京户部右侍郎魏学曾为右都御史兼户部右侍郎总督仓场

○升巡抚浙江兵部右侍郎兼佥都御史张佳胤为兵部左侍郎

○升户部郎中曹楼为四川副使提调学政

○升分守洮岷副总兵李煦为镇守宁夏总兵官

○改徐州参将戴寅为黎平五靖参将升福建都司方伯为广州海防参将升四川叙泸守备王一桂为叠茂南路游击

○改给镇守蓟州等处总兵官关防先有总理练兵字今去之

○命甘肃真景水磨川二驿并为一驿改名怀远驿移于永昌卫城○楚王华奎奏称陕西西安州海刺都特地一处已归本府乞申锡敕书许之

○则已故固安伯陈景行坟房供器银二千两

○己卯升广西副使徐儒于广东河南副使王应乾于浙江各参政

○革南京锦衣等卫巡仓御史归并凤阳仓差

○赐已故南京工部尚书沈应时巡抚河南副都御史周鉴祭葬如例

○庚辰以南京刑科给事中阮子孝巡视南京营务

○天寿山太监捉获夷人忱捍子等三名审系汉人被虏逃回信地不行觉察夺南山参将彭时万东路参将林鹏俸各三月千总指挥刘承惠等行巡按御史提问

○辛巳升南京大理寺卿王缉为南京户部右侍郎总督粮储

○升提督鴈门等关兼巡抚山西副都御史辛应乾为南京兵部右侍郎○升巡抚陕西佥都御史萧廩为右副都御史巡抚浙江

○复除原任翰林院侍讲张一桂原官

○升户部郎中韦以诚为河南副使兵部郎中陈希美为广西佥事

○吏科给事中袁国臣条陈四事一布按司道不宜兼衔使庖俎相越一官员请告宜许之以奖恬退一内外官裁革数多宜酌量议复一科道缺多行取宜每年一举部覆如议

○录浙江兵变定乱功升原任巡抚今兵部左侍郎张佳胤为右都御史仍管兵部左侍郎事副使徐汝阳顾养谦各升俸一级中军游击徐景星加副总兵职衔游击庞溟等赏赉有差

○壬午勘明原任延绥巡抚副都御史宋守约委无赃私因严起谤着以原职听用○兵部题王府民较屡经题请悉准折价荆王常盗奏欲仍旧解役非昼一之法诏令依近例徵银雇役不许勾补扰民其在府旧役情愿应当者听

明神宗显皇帝实录卷之一百三十五

万历十一年三月癸未朔

孝肃皇后忌辰遣成山伯王应龙祭 裕陵

○升延绥参将李芳为洮岷副总兵起原任福建南路参将梅应奎为徐州参将

○甲申升山西左布政使侯于赵为副都御史提督鴈门等关巡抚山西
升山东左布政李汶为佥都御史巡抚陕西

○陕西总督高文荐以固原清丈额外荒地请三年起科
上以固原与延宁俱边境遵前永不起科之旨

○上览大理寺所上游守礼冯昕等狱词命夺张居正上柱国太师兼太子太师伊子锦衣卫指挥张简修为民潘晟冠带闲住游守礼冯昕胡守元等大辟遣戍有差○乙酉命右庶子兼侍读王家屏掌左春坊印信右谕德兼侍读沈一员掌司经局印信侍讲于慎行张一桂充会典纂修官

○吏部题请推官知县历俸四年以上政行足称者坐名行取其中行博士等官候临选之时一体取选所取之数以缺为差 上命举贡推官知县以四分之一选用

○户部题本部岁办供用库万历十一年应用黄白蜡芽茶蒲杖灯草盐斤等项遵奉诏书各免十分之三万历七年以前拖欠之数已奉旨蠲免不得重徵扰民十一年免过三分之数行该库在历年积剩未用各数内樽节凑支不得另议招商补买报可

○户部题南京供用库蜡茶等料恩例应免十分之三但已于十年二月内预行题派如今年尚未徵收遵诏减免若已全徵在官乞于十二年内减免三分报可

○镇守云南总兵官黔国公沐昌祚以莽酋犯顺军机奏报请讨火牌号纸许之

○

○巡按直隶御史李植劾山海关参将谷承功约同台头路副总兵黄孝石门路游击杨四德燕河路参将姜显宗当 圣驾谒 陵之日擅离信地远赴三屯参谒总兵官
上令革任提问仍诘责总兵官不行禁止

○赐礼部右侍郎王锡爵父王梦祥祭葬如例

○丙戌山西道御史吴允贞＜娼弊-金＞言救弊四事一曰公文武之用言文吏隶于吏部武吏隶于兵部文如九卿武如总兵皆多官会推此定制也故大学士张居正辅政文武职一命而上必令吏兵二部预为关白陛下宜与辅臣精察二部之长而以其职事归之所推不当阁臣得以驳易科道官得以指参二曰严科场之防言

肃皇帝时辅臣翟鸾二子登第革职为民罢诸考官顷岁居正欺陛下冲龄诸子后先及第乞陛下申飭前旨读卷官务秉公竭明敢有结知权门受请富室科道官指实具奏辅臣子弟中式者如张甲徵申用懋廷试读卷宜照内外官引嫌回避事例俱以卑避尊其怀才抱志堪及第中秘者退任以后听从自便三曰慎台谏之选言今之给事中御史皆有言责者也居正辅政所选授多亲友死党有所欲为则托之昌言有所欲去则讽之论罢乞陛下痛惩前弊当选之年吏部科道官于才干操守之外博行延访以不通京书不受知权门刚果而有气节者为第一等以练达世务明解朝章忠实而有识见者为第一等匪是则虽有浮名弗得与四曰务战守之实言今东西二虏最强纳款既久上下懈弛三军月饷既扣其半以充市虏之费又扣其半以奉贵人辽东虏岁犯辄以捷闻乞遣给事中同御史查明毋以被掳民军充虏首级毋以罪行赏上以其漫逞私臆语多过当令都察院参看

○大学士张四维上＜娼弊-金＞言御史魏允贞条陈四事除行取考选见方举行务战守之实听兵部议覆其二款公文武之用严科举之防干系臣职守名节臣不容无辩自

成祖建置内阁赞理机务百司之事咸赖经画祖宗列圣但视辅臣之贤不肖而任用废斥之未尝因辅臣之有不肖而遂废其职守今以臣之不肖皇上使臣待罪内阁百司之事与之审详订议不特吏兵二部为然然亦惟关系重大者耳今因前臣行私而欲臣不与闻吏兵之事臣良获优逸将使主上日焦劳万几与百司相酬应乎此臣之职守不容不辩也科举之制惟才是取原不限于世类宋宰臣韩亿四子皆登上第而绛维缜皆继登台鼎人不以为疑也其一涉怀私若秦桧子熺为天下后世嗤笑安可诬耶臣有五子而二子向学故前岁蒙大庆覃恩臣以第三子承荫中书舍人今臣长子年三十余攻苦半世始掇一第乃复疑其行私人亦不幸而为辅臣之子也此臣名节所关不容不辩也伏望圣慈察臣悃诚特赐骸骨上曰阁臣辅理自当与闻大政至若文衡公器安所容私卿秉公体国茂宣劳勩朕正切倚信岂得遽以浮言介意宜亟出辅治不允辞○大学士申时行亦＜娼弊-金＞辩言御史魏允贞条陈四事大略诋议前任辅臣追论往事而臣四维及臣子中式有私国朝科举定制原不分孤寒与仕宦至如辅臣之子掇取科第如商良臣谢丕杨慎费懋中陈于陛等皆历历可证人未有疑其私者如必令辅臣之子皆不识丁不应举以示公道而远嫌疑则亦不近于人情矣允贞之言臣一付之公评但臣伴食有年守官无状伏望皇上允臣休致以息疑喙

上曰兹事朕已洞悉卿宅心至公褫已素慎原无可疑不必以浮言介意宜即出赞理不允辞

○升陕西右布政使郝杰于山东四川右布政使李戴于山西各左布政使升山东按察使雷以仁为本省右布政使

○命兵部拨班军三十名修理武英殿及宫后苑给事中傅来鹏言班军在营操练复令营修工程万一有警安望有勇御敌复诏免拨

○丁亥 上遣中官孙斌捧手谕慰留张四维申时行日谕元辅等朕昨览御史魏允贞条陈四事内言科举之防其言疑讥卿等允贞恣意妄言语多过当已着都察院看卿等但事关政务照旧安心佐理不必介意即出辅政以慰朕怀四维等＜娼弊-金＞谢报闻

○南京礼部尚书杨成以病乞休不允

○按察司副使朱璉以母病致仕

○戊子升山西按察使梅友松于陕西四川按察使张明正于本省各右布政使升山东左参议成逊为本省副使

○庚寅升南京太常寺卿舒化为南京大理寺卿○礼部言 皇上以河南抚臣＜娼弊-金＞陈宗禄不敷恤宗通变事宜着五府九卿科道官从长会议据诸臣之疏不过曰限封爵之制开四民之业弛出入之禁乃或称便或称不便发言者盈庭而当事者輒付之寝阁盖祖训之不可重违而 主权之难于擅拟也宗地有肥瘠宗额有多寡而禄粮之饶乏遂相径庭若不与各宗从容商度谕以朝廷不得已之意一旦下尺一诏亟令自裁恐情激于骇闻嫌生于暴削臣等安所逃其变乱之罪乎 上命差给事中一员前去河南山东等处宗禄不敷府分行令长史司启王集通达有识宗正郡王等条议汇送抚按官与该科从长参酌务求便宜可行的作速会奏以凭廷议

○南京兵部尚书潘季驯言南京寺观庵院实避讐亡命之窟盗所繇生宜令住持每月朔望赴本部投递结状以凭查考如访捕有获具结者连坐礼部覆如议

○辛卯命张四维子张甲徵申时行子申用懋照常廷试四维时行读卷准回避录内仍列衔

○赐已故甘肃巡抚兵部右侍郎兼右佥都御史栗永祿南京刑部尚书李迁太仆寺卿顾存仁各祭葬如例

○壬辰起原任南京太常寺卿袁洪愈为南京太常寺卿

○户部员外郎李三才言辅臣子不宜登第允贞言是所陈四事乞敕该部查覆施行 上曰魏允贞方奉旨参看尚未处分这厮辄敢出位妄言窥探上意好生当护欺肆本党重处姑从宽降三级调外□

○癸巳赐代府永庆王鼐釭谥懿简韩府西德王融火□□谥康惠华阳王承燭谥庄靖铸鲁府宁德王寿铖泰兴王寿镛德府清平王常澣各麒麟钮镀金银印

○调河南副使韦以诚为山西副使四川参议赵楫为山东参议

○户部言延镇抚赏原以商税充用易马市本在客饷剩余银内量支自万历八年虏王西牧支费浩繁商税数少故九年借用客饷二千四百有奇为抚赏用十年又借三千二百有奇该镇连年荒歉商贾罕通税银自少当准令开销其十一年抚赏不足准亦在应支市本内凑用十二年以后仍用税银不得再议动支报可

○贵州乖西蛮夷长官司土舍刘宗正葛彰葛商长官司土舍赵世忠各准袭祖职

○废西河王府辅国将军新土□云新坯为庶人闲宅禁住新<燈步穉拘峦痢體沓鎔幻兹分之一以谋夺嫡叔抵冒其祖王为抚按所劾也○甲午升江西左布政使吴善为应天府府尹

○复除原任御史王晓为浙江道曹一鹏为江西道各监察御史

○六科十三道周邦杰赵卿等<娼弊-金>救御史魏允贞员外郎李三才不允

○四川巡抚孙光佑巡按宋仕各题永宁宣抚司土妇奢世统与奢世续争印讐杀总兵官郭成奉文勘处乃听义子把总郭天心受贿携家移镇永宁驻劄世续私宅宝货般运仍索金银万两又发官兵调各夷声言亲勘掩杀烧毁尽将世统九世所积抢劫一空遂启沙卜等邀借水西兵马报讐取复致被失屯破寨覆军损威兵夷愤恨乞将郭成先行革职仍容会同贵州抚按官将成并郭天心等提问奢世统奢世续争袭事情一并勘处该省抚臣节制一方事权宜重应加提督军务职衔另换敕书一道赍赴行事兵部覆如议独谓土夷法纪未正而止以主将提问是使奸夷益无忌惮也 上令郭成回卫听勘郭天心等抚按官提问具奏

○丙申 武宗毅皇帝忌辰 奉先殿行祭礼遣武定侯郭大诚祭 康陵

○升陕西右参议李承式为河南副使升福建僉事袁昌祚于四川户部郎中孙佩于江西各右参议升南京礼部郎中宋存德于福建南京刑部郎中郑璧于云南各僉事

○升大同乃河堡守备周镇为延绥游击

○以陕西延安庆阳平凉三府旱荒诏蠲十一年以前未免钱粮仍以巡按御史所积赃赎三万两分发赈济

○丁酉 上御皇极殿策试举人李廷机等制曰朕闻治本于道道本于德古今论治者必折衷于孔子孔子教鲁君为政在九经而归本于三达德至宋臣司马光言人君大德有三曰仁曰明曰武果与孔子合欤光历事三朝三以其言献自谓至精至要矣然朕观古记可异焉曰其人如天其智如神曰明物察伦繇仁义行曰其仁可亲其言可信皆未及武也独自商以下有天锡勇智执竞维烈之称岂至后王始尚武欤近世伟略隆基之主或宽仁爱人知人善任或明明庙谟赳赳雄断或迹比汤武治几成康或仁孝友爱聪明豁达则洵美矣而三德未纯然

亦足以肇造洪绪何也其守成绩业者似又弗如或以仁称如汉文帝宋仁宗以明称如汉明帝唐明皇以武称如汉武帝唐武帝独具一德而亦增光宗祏何也彼所谓兼三者则治阙一则衰二则危母亦责人太备欤又有〈娼弊-金〉六戒者曰戒太察戒无断陈九弊者曰眩聪明励威强上六事者曰不喜兵刑不用智数其于三德果有当否欤朕秉乾御极十有一年于兹夕惕晨兴永怀至理然纪纲饬而吏滋玩田野垦而民滋困学较肃而士滋偷边鄙宁而兵滋哗督捕严而盗滋起厥咎安在岂朕仁未溥欤明或蔽欤当机而少断欤夫一切绳天下以三尺则害仁然专务尚德缓刑恐非仁而流于姑息一切纳污藏疾则害明然专务发奸摘伏恐非明而伤于烦苛一切宽柔因任则害武然专务用威克爱恐非武而病于亢暴是用诏所司进多士详延于廷谏以此道诸士得不勉思而茂明之其为朕阐典谟之旨推帝王之宪稽当世之务悉陈勿讳朕眷兹洽闻将裁览而采行焉

○复设南京各部右侍郎一员并南京太常寺少卿怀隆兵备道

○升江西右布政使马文炜为左布政使河南右布政使董汝汉为山东左布政使

○升狼山副总兵沉思学为署都督僉事镇守四川总兵官

○诏给潞王庄地工千顷食盐一千引两淮运司解府应用

○两淮巡盐御史任养心条陈四事一曰革私税淮南除扬州清江钞关有船税仪真南京淮安有割没江西湖广有引税俱系国课正供余各府州县科索掇求有船税过关钱等项动称公费不报循环不止两淮凡行盐地方悉宜禁止二曰革牙行淮南淮北二所被积棍给帖充行科斂商人派取供应每岁吞噬不啻万两应于各衙门首竖立木榜通行严禁操抚衙门不得听嘱批允以紊职掌三曰禁荆属私贩荆州府所属原系两淮行盐地方被豪猾买食川盐沮坏国课乞要禁止川贩照旧于牛口等关添设兵快哨船巡缉四曰浚运盐河道自吕四场至泰州迤东运河一道尚未挑浚舟楫难行商灶不便乞动支河工银二万募夫挑浚部覆俱如议○戊戌兵部覆原任御史魏允贞〈娼弊-金〉陈务战守之实一款言宣大之军宜加优抚辽东战功必须核实为照宣大抚赏市值取给公帑在官军额饷之外非减月粮未尝因虏款而薄宣云战士也辽左战功按臣兵备随营纪功交锋授首众自难掩又再四驳审以防欺诈但法久易弊虑贵周防合通行各边诸臣宣云变卖马价必从轻估倒损者郎行开豁抚赏岁额若有不敷明白具请修理工程必更番以节劳辽左胜虏尤念生灵当惜查验首级务极精详以明功赏乃为上策也报闻

○己亥工部覆漕运尚书凌云翼题称徐州戚家港溜急运艘难行议开新渠建闸境山废闸曰梁境闸新河中闸曰内华闸新河口闸曰古洪闸乞移咨吏部于梁境闸专设闸官一员内华古洪二闸共设闸官一员并铸给条记从之
庚子赐进士宴于礼部命公徐文璧主席大学士张四维申时行仍与宴

○赐辅臣张四维等日讲官陈经邦等扇

○壬寅升福建按察使苏愚于江西河南按察使杨一桂于本省各右布政使

○甲辰赐状元朱国祚朝服冠带诸进士宝钞

○升广东左参政陶大顺于福建湖广右参政衷贞言于河南山西左参政朱孟震于四川各按察使

○巡按直隶御史林休徵<娼弊-金>劾兵部尚书吴兑言科道诸臣文章劾兑兑谓臣司疆场诸臣所指皆在臣一身尚未僨疆场之事夫兑岁装送北虏金缯之属数百缗以求不犯推补参游等官将缺之善否定价有差谓非僨疆场之事可乎章下吏部

○乙巳复陕西宜禄镇为长武县设长武县知县典史儒学教谕各一员裁邠州驻劄宜禄镇同知一员训导一员○礼部等部题该礼部郎中李一中工部郎中刘复礼同通政司参议梁子琦钦天监副张邦垣等并术士连世昌等恭诣山陵周遭相择寿宫吉地除参议梁子琦径自具奏外据监副张邦垣呈称自东山口至九龙池逐一寻择择得形龙山吉地一处勒草洼前面吉地一处西井左边大峪山吉地一处宝山吉地一处东井左边平冈吉地一处又据术士连世昌等呈称西井左边大峪山地东井左边平冈地又有黄山地一处俱吉前二处与该监呈内图写相同惟增出黄山地一处臣等犹恐扶同不的因见工部都水司主事阎邦谕晓风水即令本官覆阅大都与前项所开无异臣等学谟即会同工部尚书臣巍率领各员役细加踏看要见何处最吉可容規制取具图式另呈御览上曰卿等率各相择员役前去将内六图并梁子琦八图一一从容覆视详议折衷择取上吉地三四处尽图来看

○丁未复除原任陕西参政张更化为湖广右参政兼按察司佥事

○调原任广西副使提调学政钟继英为湖广副使

○荫原任大学士徐阶孙徐元普为中书舍人阶以元普羸弱乞改荫普男迎庆从之

○太子少保兵部尚书吴兑再以休徵言乞罢准令致仕

○以高家堰河工成参政舒大猷等纪录

○戊申升甘肃行太仆寺卿兼陕西佥事李采菲为山西左参政

○升福建左参议范谦为广西副使提调学政

○起原任浙江副使丁应璧为山西副使○己酉浑源州地震

○庚戌授第一甲进士朱国祚为翰林院修撰李廷机刘应秋为编修

○山西巡抚辛应乾题该省去年麦田未种今春亢旱相仍饥民死伤已将库贮赃罚商税银四万五千有奇及各州县仓谷发赈乞准开销仍乞酌发京运银两接济赈救上令赈过银谷准销仍动支该省积剩主兵银三万两分别赈济

○辛亥德王翊鎔奏历城章丘二县庄田一千三百二十顷有奇九年奉旨丈量被奸民拨委官将数内地土截七十顷有奇改派民粮乞仍归管业户部议覆谓丈出余地必奸人投献额外侵夺当下山东抚按覆行查勘报可

○德王奏该府原额白熟粳糙米一千石坐落苏州府递年徵角□羊本色今改议折银山东地方不产米食用匮乏仍乞徵角□羊本色许之

明神宗显皇帝实录卷之一百三十六

万历十一年四月壬子朔时享

太庙

○癸丑大学士张四维等拟 御制古文真宝前序后跋及 昭仁殿箴 弘德殿箴恭进 御览

○改户部尚书张学领为兵部尚书

○南京河南道御史方万山条陈四事一清丈田地增税殃民南京后湖图册按形编号因地起赋今并其字号亩步尽更易之图籍几废一临清钞关旧额二三万今加至八万货入运河临清抽六分至河西务者抽补四分至京者崇文门亦然今崇文门仍取十分虽有临清之票勿问宜如旧例一淮安牙行脚夫等税与穷民较纤毫之利琐屑已甚宜速蠲裁一省直私设税课无处无之宜严行查革下其章于户部部覆谓后湖册式炤成弘间旧稿各府县未行清丈之先字号亦未必相同宜炤各处实徵为准其有短缩弓步虚增地亩者查摘改正为便淮安税行漕运衙门酌处余如议

○赐潞王通州等处抄没庄宅炤原租十分减一徵收

○甲寅大学士张四维等言江西连年多事百姓困瘁烧造磁器如碗碟瓶罐等项不可缺者量减分数至烛台棋盘屏风笔管从来皆用铜锡竹木制造未闻用磁似应停免以节民力工科都给事中王敬民等亦＜娵斨-金＞止烧造以章俭德诏下所司

○礼部尚书徐学谟工部尚书杨巍题臣等遵 旨会同前员役恭诣 天寿山将前各开报 寿宫地图逐一覆视随择得形龙山石门沟山西井左边大峪山三地并称吉壤堪以营兆相应画图贴说仰 圣睿览臣等愚昧不谙地理止据形势可观营建稍便始敢呈览伏望

圣明另遣重臣再行覆阅

上仍命公徐文璧大学士张四维同司礼监太监张宏秋后覆阅以闻

○丙辰谕刑部热审

○丁巳凤翔陇州大风雹

○大学士张四维闻父丧申时行等具＜娵斨-金＞以闻 上命礼部从优拟恤

○戊午遣太监王禄捧 圣谕诣元辅张四维第朕昨览二辅所奏知卿父辞世十余日了朕心甚悼虽人子孝情当尽还宜节哀以慰朕怀以副众望卿宜体四维奏谢并请简用阁臣报闻

○己未大学士申时行等以四维守制＜娼弊-金＞请会推阁臣
上特命日讲官詹事府掌府事吏部左侍郎许国升礼部尚书兼东阁大学士入阁办事

○升陕西副使张孔修为甘肃行太仆寺卿刑部郎中王任为陕西参议改广东参议漆彬为福建参议○巡按直隶御史江东之劾驸马侯拱宸侯叔一诚挟势豪横强夺民田乞加究处
上令严行访拏究治

○庚申巩昌秦州俱地震

○改工部尚书杨巍为户部尚书

○差礼科都给事中万象春往河南山狭等处议处宗藩事宜给敕书关防

○赐敕褒奖周王在铤益王翊鉞以二王忠敬孝友为抚臣所奏请也
赐已故左都御史潘恩祭葬如例赠少保仍与谥

○辛酉詹事府掌府事吏部左侍郎兼翰林院侍读学士许国奏辞 新命
上曰卿性行端慎学识宏深内阁重任特兹简畀宜殚竭猷为以襄治理不允所辞

○壬戌 赐大学士张四维父张允龄祭葬如例仍加祭四坛差官致祭造葬
赐四维路费银一百两彩段六表里驰驿去差行人护送

○复除御史傅好礼为山东道御史

○南京六科十三道冯景隆刘佐等＜娼弊-金＞劾御史魏允贞 上切责之

○癸亥 赐大学士张四维父张允龄赙仪银三百两纁丝六表里新钞一万贯白米二十石香油一百斤各样碎香二十斤蜡烛五十对麻布五十疋 圣母仁圣懿安康静皇太后 圣母慈圣宣文明肃皇太后各遣中使赉赐元辅张四维父赙仪银一百两纁丝四表里新钞一万贯白米十石香油一百斤各样碎香二十斤蜡烛五十对麻布三十疋

○直隶巡按御史蔡梦说劾南京前府掌府事西宁侯宋世恩侵夺民产世恩疏辩
上命抚按官从公勘问世恩革任听勘

○甲子 孝懿庄皇后忌辰 奉先殿行祭礼遣遂安伯陈澍祭 昭陵○大学士张四维言臣母王氏三受一品夫人之赠例应与臣父合葬乞于臣父祭文内并列臣母均蒙纶綍之荣诏许之

○升松潘参将吴鲸为狼山副总兵改宣府东路游击马应元以原官管居庸关参将事

○裁陕西都司领班金书改为甘凉备御都司复设高台游击古浪操守从总督石茂华请也

○云南抚镇刘世曾等各题称芥酋应里用罕虔岳凤之计以酋叔阿瓦猛别率领诸夷分道入寇又用附近奸夷为内应如刀落参兄弟谋袭腾越放正堂叔侄父子拥兵潞江景宗真放国忠辈谋袭顺永四面皆兵动称数万幸二刀三放天夺其魄随已就擒各隘将士倚险出奇顺宁平戛土舍猛效忠莽惠力抗贼兵二月之内所获功次三百五十余颗正拟具题忽有都司王三聘贼兵方退辄为猛淋之移轻信寡谋损威伤重乞将所报功次典失事官员通查功罪奏请定夺土舍猛效忠莽惠重加奖赏

上命王三聘着巡按御史提问有功有罪人员并查勘具奏

○甘肃抚镇官都御史王士□□等条陈边务一议处游兵永昌参将黑松游击皆于各城堡拨发游兵游兵在本处既支月粮在彼处又支行粮往来疲劳两无实用合无掣回防御永昌黑松另召精壮充补一选练营军各营官军家丁内拣精壮一等选锋若干各营次等马步官军若干时常训练武艺渐熟依次升拔一量增战马虏马多老瘦给散各军无益于骑一经倒损勒令买补是马为军害也虏马中有老瘦不堪宜估值易价官为买给一酌修工程墩台墩院皆不可缓应创筑帮筑者及原无墩院应增圈墙共长一万七千一百丈计工七年方完委不容已合令渐次筑修一召选战兵家丁骁勇官军恃为先锋宜另立家丁一营选惯战谋勇把总官二员统之与各选锋专备截杀免其应杂差一议实远塞凡犯罪该发边卫分及饶死充军各省该发辽东合令将邻近山西河南四川及陕西俱解发甘肃镇填实冲堡兵备覆谓练选营军有奖戒而无举劾恐人无劝沮合行守巡兵备严加考覆即以练兵分数为将领贤否听督抚举劾甘肃与辽东缓急不同陕西军犯许就近编发甘肃镇他省仍编发辽东余如议○丙寅起原任协理京营戎政兵部尚书杨兆为工部尚书

○丁卯夜望月食

○命礼部尚书兼东阁大学士许国充大明会典总裁及同知经筵官日侍讲读太子宾客吏部左侍郎兼翰林院侍读学士陈经邦以原职掌詹事府事照旧充经筵日讲官右中允管国子监司业事黄凤翔升右谕德掌南京翰林院事

○戊辰以锦衣卫衣中所都指挥同知曹诏为南镇抚司金书

○升四川掌印都司曹清为松潘东路参将大同守备李熙为宣府东路游击

○辽东督抚周咏等分别练兵勤惰各官右参政张崇功副总兵李平等纪录游击周思忠等罚治革任有差

○命太仆寺于常盈库贮马价银内支一万两解发辽东巡抚凑先给赏马价五万两为本年买马支用十二年以后于年例一万两外每年准增银三万两的系在阵倒损马疋方准买补

○巡按广东御史罗应鹤题分守东山副总兵管参将事陈璘扣减兵饷三个月又调兵三百名擡木起盖庙寺众兵怨恨激变劫掠四五州县之间罗定兵备僉事侯万爵东安知县陈公大玩寇遗患并宜加惩 上谓陈璘虐军致变革了职戴罪管事立功自赎侯应爵降一级调用陈公大罚俸半年流劫叛兵着郭应聘作速相机处置毋得玩寇贻患

○兵部题近年工部以助工开纳武职事例今诸工已完乞行停止报可

○己巳大学士张四维廷解 上谕令于文华殿西室进见四维面辞
上曰光生辅政有年启沃功多方切倚信偶尔忧归慎勿过哀以慰朕意四维致词叩头谢
上曰先生奏谢朕知道了四维复顿首云臣行能薄劣日侍左右无所裨益今当远离伏望皇上法祖孝亲讲学勤政清心寡欲惜财爱民日慎一日保终如始臣不胜惓惓大愿
上曰朕知道了因赐银五十两纁丝四表里复赐酒饭

○原任少师兼太子太师吏部尚书建极殿大学士徐阶卒阶松江华亭县人弱冠登嘉靖二年进士第三人授编修 上更孔庙礼制诎王号易木主阶持不可斥为延平府推官迁黄州同知未任擢浙江僉事江西副使皆视学政以 皇太子出阁召拜司经局洗马擢国子监祭酒礼部右侍郎寻改吏部进礼部尚书召入直无逸殿庑撰斋词赐飞鱼服以
万寿恩加太子太保夙簿都城上书求贡阶请计缓之以待援兵 上称善加少保兼文渊阁大学士参预机务一品满三载进柱国再进兼太子太傅武英殿大学士满六载加少傅满九载改兼吏部尚书阶与严嵩共事颇见忌杨继盛劾嵩语连二王嵩欲根究阶危语动嵩以安二王嵩败旋以 万寿加建极殿大学士阶之始为礼部以至首辅十五年请立太子者数四
上欲南幸阶力持中止无何大渐 穆宗即位与高拱交恶拱予告阶满十八年考进少师兼太子太师赐敕褒谕宴礼部乞骸骨赐驰驿归既归拱再入执政修憾于阶三子皆被系拱罢事乃解至 神宗即位之十年阶年八十遣行人即家赐玺书褒谕锡金币及绣蟒服阶事 上恭谨上有所委使通夕不敢假寐能以宽大广
上意优假言路人人皆得发舒其志士大夫多称之竟以寿终恩遇不替

○赐大学士徐阶祭九坛复加四坛妻赠一品夫人沈氏并祭遣官治葬赠太师谥文贞荫一子尚宝司司丞

○以苏松二府灾免驿传马价银六万八千九百有奇

○庚午命工部挖九龙池到石底止若无石底往下再挖三尺工部言九龙池原无石底恐深挖致倾石岸本池与昭陵切近龙脉所关尤当慎重 上是之

○甘肃抚镇王士□□等题本镇火器盔甲见在者殊多不堪通行加铁改造西安府解到弓箭料物短小不堪要动料价易买陕西布政司节年拖欠凉州等卫所未领料物各照年分补给并将各府额徵本镇水角牛筋翎毛欲行徵银解发随便置买工部覆如议○辛未赐韩府咸阳王璟□ 夔麒麟钮镀金银印

○复除原任陕西副使张登云为陕西副使

○兵科都给事中张鼎思等言缅甸入犯顺宁烧毁村寨猛林伤毙将领罪不专在兵备都司等官抚镇亦难追责镇守庄兵颇称可用沐昌祚宜挑选精健委官统领与抚臣协谋分布要害相机战守兵部覆如议

○弘化寺番僧割实藏等来贡方物给赏如例

○壬申南京吏部尚书赵贤以病乞休许之

○升保定标下游击吴若为太原参将升定州游击张秉忠为蓟镇天津秋班游击

○复设利名堡偏头关守备各一员

○贵州蛮夷长官司土舍安国臣准就彼替授祖职○巡按直隶御史李植题禁革驿递意非不善但缙绅冠盖与担荷细人同投逆旅名分凌夷诚使酌立规程酌量品级定拟数目颁立成式庶朝廷有体恤之恩驿递有画一之法兵部覆京堂三品以上布按二司掌印官入覲俱给勘合京职及方面以上许宿公馆量送薪米报可

○赐兵部右侍郎王凝母沈氏祭葬如例

○戴圣夫人金氏奏讨抄没冯祐庄地户部言前项庄地价四千有奇恩数太滥得旨准给与

○甲戌命大学士余有丁补撰辛未甲戌丁丑三科题名记

○以詹事府掌府事太子宾客吏部左侍郎兼翰林院侍读学士陈经邦充大明会典副总裁官

○以端阳令节赐三辅臣各彩帜五毒艾叶金梁篋袋一个花绦一条画面扇字扇及讲官陈经邦等六员各有差

○承天府大雨江水暴涨入城漂没官民庐舍溺死人畜无算

○革太原营参将雷以诚任利民堡参将贾斌听勘宁武守备宋汤绪提问滑石涧堡守备江鳌改调腹里

○乙亥金州大雨河溢城尽没

○升浙江右参议毛纲为南京太常寺少卿

○调湖广副使张思忠为陕西副使

○丙子升河南都司金书孙绍庆为保定车营游击

○革龙固二关参将王科职下巡按御史提问

○革盐城守备蒋尚孟东海把总朱＜妹跛龃瘡锯粲椅乐富雍魏喝谓尚孟何汉仍著巡按御史提问

○云南纳楼茶甸长官司副长官土舍普鼎禄贵州赤溪湍洞长官司土舍杨国威俱准就彼袭授祖职

○丁丑赐三辅臣画扇丝绦五彩金线臂索金艾虎画艾虎及文武百官各有差

○复除原任翰林院侍讲李长春原官○调广西副使范谦为山东副使提调学政

○升福建僉事丁元复为浙江右参议

○赐永康侯徐乔松祭葬如例

○戊寅 上御皇极殿传制遣尚宝司卿韩必显简讨沈自邠等为正使行人唐仲寅等为副使持节捧册宝冠服封衡王载封嫡长子翊钁为世子夫人吴氏为世子妃蜀世子奉铨选刘氏为世子妃韩王朗铎庶第二子璟□（缺）封为咸阳王顺靖王融焚嫡长子谟塏为襄陵王夫人任氏进封为妃昭顺王融熨庶一子谟垌为乐平王保德王璟法□（缺）虎选左氏为妃绥平王璟雒选傅氏为妃鲁王颐坦庶八子寿铖为宁德王九子寿镛为泰兴王德王翊鎔嫡五子常□（缺）大岁□（缺）为清平王庄惠王厚＜（缺）娥鹄＞庶长子载垌为怀安王夫人傅氏为妃康裕王弼干庶一子缙简马铅山王会宁王缙□（缺）廿一火□（缺）选王氏为妃恭俗王胤木□（缺）乃庶长子恬□（缺）廿一火□（缺）为清源王夫人甘氏为妃瑞金王在钠选张氏为妃南充王干踰选萧氏为妃建德王载塏选张氏为妃宣宁王光灿选续氏为妃

○升南京礼部郎中范应期为司经局洗马管国子监司业事

○广东巡按御史罗应鹤言查勘过官兵征剿东西二海翁厓潭洲凤凰山等处倭蛋二贼功次与原报首功互异总兵官都督僉事黄应甲兵备副使未秉光广州推官陈绍功功固可录罪亦难辞合将前项功次免行再叙念其劳绩姑与免究部覆从之

○四川起送董卜韩胡宣慰使司加渴瓦差来都纲头目那麻强灿等贡珊瑚等物恩赏如例

○己卯升翰林院编修盛讷为侍读以九年秩满也

○追论新兴营等堡御达贼功巡抚李松游击刘登泰等赏赉有差

○庚辰原任少傅兼太子太傅礼部尚书武英殿大学士吕本年八十赐羊酒命浙江抚按官存问仍月给食米四石岁给人夫八石

○起原任广东副使刘应麟为广西副使提调学政

○调大同井坪参将麻承恩为山西利民堡参将五军七营参将卫镐为龙固二关参将

○黜原任江西参政闲住李选为民选奏辩联姻游七事上以其考察罢斥违例奏辩黜之

○户部言浙江漕粮杭州数少嘉湖数多乞将监兑主事衙门移湖州驻劄以便督催报可

○蓟镇督抚官侍郎周咏等题各镇边兵入卫垂三十余年练主减客竟属虚谈近密云标下左营就近募兵许以双粮两月间召到民兵一千六百一十名又选到城操军一百九十名足抵延绥额兵之数又选过密云辎重军一千名足抵保定额兵之数连本营原设杂流共三千一百八十一名编成队伍堪备战阵马匹料草查有大同停免一校并令延绥保定应撤所遗尚该二千五十匹于密云县寄养寺马就近兑给其延绥撤兵仍归该镇永免入卫保定额军并辎重余军凑发石匣营补伍以后再募民兵选练期于土著日充客兵尽撤上命于秋防毕日减撤

○甘肃巡抚王士□□条陈三事一改派民运甘肃镇每年额派民运粮折银共二十九万五千有奇分解各边除西宁道出入相当不必再议如分巡肃州二道各仓岁入有余分守庄浪二道岁入不足庄浪节经借过肃州民运银十万余两合无就中裒益将西汉等府额徵分巡道属甘肃仓民运粮内改派分守道属广储仓二万两额徵肃州道属肃州仓银内改派庄浪仓一万五千两原借支过肃州仓银亦免补还一议裁垦军拨军开垦荒田终年不赴差操又将垦军月粮扣充租税以种田之虚名致使军伍缺额兵农两夫乞将垦军革回营伍地土另行召种一调停刍饷卫所军士支粮不同精壮守墩者支一石各衙门差用者支八斗老幼军丁六斗八月原支布疋乞改为本折粮银原减粮银照数添给其采打秋青湖草定拟马军九十束步军六十束务要通完不许扣粮抵兑户部覆如议○南京湖广道御史孙维城言宁国府生员吴仕期间闻故相张居正不丁忧上书劝其守制不料原任太平府同知龙宗武求悦辅臣偶有芜湖县生员王律伪造海瑞指斥张居正奏稿事发操院胡价批宗武鞫审宗武乘机拏仕期酷拷操院密报相国宗武令狱大绝仕期饮食七日未亡复以囊沙促死仕期冤死勘问者宗武主之者操院胡价也无罪杀士乞将胡价罢斥并宗武敕下法司追勘上命抚按官查明具奏胡价回籍听勘

○辛巳起原任南京吏部尚书赵锦为原官

○升吏部右侍郎张士佩为左侍郎改礼部右侍郎沈鲤为吏部右侍郎照旧经筵日讲○云

南巡抚刘世曾巡按董裕题黑井提举司所属崖泉小井被灾每年额课带办于东井后因东井一开柴贵盐贱大井灶民愿将东井填塞自认包纳崖泉小井盐课今大井亦被石震堕压本井正课且亏小井虚课将何抵补乞于原欠课银八百五十一两尽数蠲免仍自十年至十二年量减额银三百两责令大井小井灶民三年之内修完前井仍复原课部覆如议

明神宗显皇帝实录卷之一百三十七

万历十一年五月壬午朔

○甲申夏至遣定国公徐文璧祭地于方泽公朱应祜伯杨炳大学士许国尚书杨巍分祭五岳之神

○兵科给事中孙玮上言时弊四事一厂卫受词言厂卫当遵照敕书察访不轨妖言人命强盗重事其军民词讼不宜干预一访察当慎言访察法行株连人众往往无辜入罗而吞舟者窃笑乞敕各省抚按间一行之不必概行访拏一滥罚当惩言民穷财尽依律科罪犹惧不支乞严禁罪外滥罚一立枷当革言立枷三百余斤用木柱之其人昼夜跼立无不立死乞敕法司毁不复用得旨这枷号重惩凶恶还照旧余下刑部刑部覆谓厂卫之设界之缉访谓之缉访非惟不当受词抑亦无所用其词矣高皇帝特设通政司以司封驳三法司亦不敢擅受一词况其他乎其访察滥罚委为民害合行禁止

上命厂卫缉事衙门著遵照敕旨行事在外访察科罚等弊依拟禁革

○南京给事中冯景隆言迩来有司贪墨土司承袭必重勒货贿莽酋习知其故邀从彼处替袭土司不知有朝廷矣今宜开其自新之路使效顺归正重悬赏格使攻莽酋自效则莽酋之党自孤且用兵之不能取胜者以专用土兵无汉兵以为之督率也浙江福建广东等处皆有久练之兵地方无事分调云南所谓一举两得者近该新升游击刘綎许令选募武勇而裹粮无资赍办火器而符验未给游击与参将品职不甚相悬宜使协力行事不宜听参将节制＜娼弊-金＞下兵部兵部覆远调汉兵不能速济目前刘綎许带家丁不论多寡其行粮与赍运火器脚力著被处补给余如议

○乙酉以端阳令节赐三辅臣上尊珍馐

○丁亥巡按陕西御史陈荐言近年申明强盗决不待时之律严立捕盗条格有司奉行太过有装诬成狱后获真盗招出情节渺不相关而监故者多人不可复生乞将元二年以来所获强盗略缓处决虚心再问至于照拏之案其祸犹烈供扳挂名后获之日贼首得生囹圄与面质者鲜矣徒据原招虽系良民亦无生理乞自后除斩关劫狱果有实迹仍照旧跟拏其余悉与注销＜娼弊-金＞下刑部部覆谓法贵因时治宜审势皇上御极初年人心玩愒固当行之以峻今乾纲震肃人心警惧又当济之以宽合无容臣等会同兵部将万历二年以后新立捕盗条格再加详确请自圣裁著为令甲上然之

○戊子孝宗敬皇帝忌辰奉先殿行祭礼遣武安侯郑惟忠祭泰陵

○己丑以定远侯邓世栋掌南京前军都督府印

○以广宁伯刘嗣德管理红盔将军

○以宣府右参府林鹏为五军七营练勇参将

○升宣府入卫游击雷洪为大同井坪参将升陕西坐营中军王赋业为固原游击

○庚寅罢原任副都御史劳堪闲住以冤杀原任刑部左侍郎洪朝选为给事中戴光启等所劾也

○辛卯 太祖高皇帝忌辰 奉先殿行祭礼

○升广东右布政使陈应眷为山东左布政使江西广信知府钱拱宸为福建副使

○降广东副使应存卓为贵州左参议

○裁革汀州捕盗通判

○裁革都税司及正阳门宣课司各大使

○壬辰升国子监祭酒高启愚为礼部右侍郎兼翰林院侍读学士

○改巡抚广西兵部右侍郎兼佥都御史吴文华为刑部右侍郎

○赐已故南京工部右侍郎方廉祭一坛减半造葬

○改贵州平越卫清平驿属清平县

○癸巳 仁宗昭皇帝忌辰遣成安伯郭应乾祭 献陵

○升广东练兵游击李栋为山西参将大同入卫游击黄明臣为宣府东路参将

○以原任密云游击刘远图为宣府入卫游击○户科右给事中田大年等条陈十库钱粮一议查盘每三年一次会同验粮验试各委官及巡视科道官亲诣各库逐一查盘著为定例一议收支自万历十一年始置立空白文簿申送各该衙门印发遇有收放钱粮逐次登簿每十日一次赍投科道以便稽覆一议循环各库置立循环簿先送各衙门印发分为新收开除实在按季倒换年终听巡视科道吊查一议物料丁字库积赃罚三库所贮羊毛翎毛床卓等物年久湮烂宜行科道各该衙门官覆验径行弃毁移置别所量变价值作正支销庶新旧钱粮不致混淆一议职守各该掌库内臣将支放数目逐月交与官吏磨对登记庶不互相推诿上令如议行

○总督陕西三边军务兵部尚书石茂华条陈救荒事宜一添给赈济平凉府库贮行太仆寺

马价银借支一万两分发各道及搜刷支剩仓粮分投赈济乞准令开销一议补战马亢旱马饥倒死数多乞于固原州库贮京运马价及平凉府库贮马价动支二万买马二千匹并令岁洮河茶司解马一百四十匹酌量印发一议恤驿递平庆二府驿递因站银追徵不得各役逃窜已尽乞于平凉库贮马价银内借支五千两分发二府驿递仍再借支五千两酌散别府驿递一体优恤一储备本色该镇军丁告支本色杂买价贵已溢额外一万三千九百有奇乞银库补发并再发帑银三四万两秋成收买预备一借给牛种被灾五郡死徙数多既乏人耕又缺牛种借动固原镇饷银三千四百八十两市买给发秋成司道查核如果贫不能偿具奏豁免一议增折色固原折色军粮每石四钱五分今米价每斗二钱五分乞要每石量加一钱五分于本镇节省银两扣抵一议处杂本于庆阳府民运银内分解被灾五府每府酌发五千两秋成买杂粮收贮备荒一酌议开纳凡纳粟员役陕西山西河南地方本布政司暂停开纳悉赴延固二镇上纳本色户兵二部覆俱如议

○甲午吏部尚书严清以病乞休 上温诏令慎加调摄暂解印务着张士佩署掌

○命抄没犯人冯保通州等处房地通给与潞府管业

○兵部覆给事中唐尧钦等题皇城禁地武备废弛乞要振饬列为四款一议整器械各军盔甲枪刀等项名数虽存半系钝朽应通行查验开送军器局修理换给三年照例呈请兑换一议修铺舍皇城内红铺工部逐一踏勘估计修理自后照例三年一修三年内若有损塌将督铺指挥等官题参降罚一议操官军大汉将军与红盔明甲官军照旧加意操演围子手官军每月除上直日期外系隶五军备兵营操练其守卫官军分守门铺更番上直免其操练一议给粮赏每月将应放直米各卫掌印官开造花名文册用印铃盖先送科道衙门核实仍将领未小票用关防铃记预给各军临期会同户部监督官躬诣该仓验票给散以杜权豪占领之弊得旨俱依拟

○丙申升新坪堡守备王铠为大同入卫游击广东都司金书洪梦鲤为广东练兵游击

○丁酉陕西河州弘化寺番僧锁南坚挫袭替大国师职事换给诰命

○戊戌升右谕德兼翰林院侍读罗万化为国子监祭酒升光禄寺卿刘良弼为右佥都御史巡抚广西

○以翰林院侍读徐显卿侍讲张一桂李长春编修吴中行简讨赵用贤管会典参对较正事务○兵部覆山东抚按都御史陆树德等题称该省民兵原系各道团练快壮因蓟门多警改为民兵调赴蓟镇防守隆庆六年议改每年徵银二万四千两解送蓟镇至万历二年又议改徵银五万六千两贫民既苦不堪地方又患无兵委属偏累查得河南民兵工食既以免解则山东尤所当免乞自十一年为始还令山东司道查得各府州县徵银名数马兵改募马快手步兵改募民壮听各道统领操练蓟镇银缺乏听督抚另自奏请得旨这民兵银两既克蓟镇岁用姑照隆庆六年例徵解二万四千两其余存留本省募兵团练

○山西总督郑维大同巡抚胡来贡题称山西河南等处民粮岁解大同原有定额恩诏蠲免十一年分十分之三共免过该镇额银二十三万五千六百有奇今该镇库贮止有十万一千尽抵前免之数尚少岁额一十三万四千六百有奇乞发帑银接济户部覆该镇所缺岁额系主兵军饷势不可缺发帑银八万接济余行该镇别项银两另行处补从之

○陕西总督石茂华巡抚萧廩题延平庆临巩五府及西安等七州县旱灾免过起运银两一十八万四千七百七十余两皆系边饷及王府禄粮正额势不可缺乞发帑补给户部覆该镇所请委应给发但内帑缺乏量发一十万以备急用余行该镇更议别项银两抵补从之

○己亥巡按直隶御史徐鸣鹤言奉旨勘侍郎贾应元勒索代府赃银勘吊原卷启王令旨委无勒要银两各情具奏 上曰代府为太平王时有过岂肯认授与彼贾应元着革职冠带闲住

○庚子京师大雨雹

○改太仆寺卿雒遵为光禄寺卿

○以云南清丈事竣巡抚刘世曾等纪录

○辛丑周王在铤奏称定限封爵大不利于宗姓其弛禁开科等情有干 祖宗宪制似难轻议本省各项钱粮每岁数十万有司若肯留心催徵宗禄尚有余裕乞要姑从旧制 上曰周王所奏着差去科臣会同抚按官一并酌议具奏

○礼科左给事中牛惟炳御史马允登等言近见礼部接出揭帖诸王馆选五城续报女子未足钦定三百之数命礼部再行选报天府深严女使多寡非臣等所敢知然两次选中已将百人若必取盈恐媒灼纷纭愚民无知谓 皇上志渐移于女谒也章下所司○南京兵部尚书王遴条议营务一分布行伍言今南京大小教场见操新旧官军二万三千有余合比照北京各边之制每三千一百二十人立为一枝以一千四十人为中哨以一千四十人为左哨以一千四十人为右哨总计官军二万三千共得兵七枝若有余剩置之旗鼓下作为备兵专听各营缺军取补一添设坐营官南京设有都督官三员焦泽分管大教场合给兵三枝李超分管小教场合给兵三枝侯继高分管神机营兼管巡捕事务巡捕另有官军二千四百员名提调烦劳不必议给其大小教场各分兵三枝两都督自领一枝两坐营官分领一枝尚余一枝各再设坐营官一员责令分领一处给器械言旧军一万九千五百余名弓箭刀枪牌箠之类颇足应用惟神枪等火器不敢私造容臣等再行选委的当官员动支本部收贮草场租银并缺官柴薪船科等银鞭铙再造一千把乌铙再造一千把务要坚致如法分发各营演放新选补军人几四千余名合用披执宣帽号衣弓箭枪刀牌箠每名给粮银五钱置办一议禁革差拨言南都根本重地近年以来营伍废弛做工擡扛无日无之自后南京工部搬运物料应自雇觅南京内府搬运钱粮亦应着落内守备官经拨该监军匠民匠应用如有重大事务必须用军搬运亦要预题奉旨臣等方敢遵照差拨一议设备兵言北京三大营之外各设备兵一营专验发新军暂收操练以备各营队伍中有缺取补今南京大小教场神机营亦是三大营查得

各营原有管鼓官合就改名备兵把总专司旗鼓兼管备兵班军操练兵部覆大小教场既各设三营每营当设坐营一员若都督自领一枝则此一枝为都督亲兵外二枝为都督部兵似属不便合将两教场各分兵三枝坐营三员每员分领一枝都督总领调度庶节制不案余俱如议报可

○壬寅起原任南京太仆寺卿石星为太仆寺卿

○户部覆陕西巡抚萧廩言陕西钱法行使之初人颇称便近来私钱混杂官钱日阻遵旨诏书即应停止但查钱局原动官银收买铜料见贮数多值兹荒岁卒难变价乞将见贮铜斤仍行鼓铸铜尽为止如官吏俸廩站价民皂工食悉以银八钱二为准俟一二年后审民情事势再为议拟报可○癸卯陕西巡茶御史王世扬题称陕西苑马寺开城等七监十分灾苦牧卒逃亡马匹凋耗当亟为破格议处一要将续赈借动过茶课银二千两特准开销一要将赦后应追马匹应课马驹共七千五百四十二匹俱准蠲免一要将开城等七监十年未纳余地粮及十一年见徵银两悉行蠲豁两年粮数系额解固原边粮势湏抵补要将见贮茶课银动支二千一百六十三两解抵十年之数其十一年候本年新课解到分作两年补给一要增买种马二千匹每匹议定价银八两于平凉府库贮陕西行太仆寺朋合地亩银内动支一万六千两发令关西等道买马解监户兵二部覆如奏

○甲辰三屯营喜峰口地震

○乙巳以宣城伯卫国本为后军都督府僉书○兵部右侍郎辛自修条陈武学事宜一定考验言每遇双月臣会同戎政勋臣督率司属官下学考验一次岁终本部堂上三臣戎政总协二臣公同会阅一次以定收黜一复专官言向来武库司专设主事一员管理武学近裁去请照旧专设一重教职言会典开载教官每日升堂都指挥见授三品并执弟子礼请申严典例立为程式如官生抗违学规听教官呈部重处若教官怠废职业本部定下考参黜一正始进言武学以教各卫幼官与应袭至于舍余旗较原不在武学作养之数近滥收不可究诘宜一切禁绝勿使并进一明赏罚言府部考验之日如马射不到步射方到者减去半赏较射虽到较文不到者全革其赏临场托故避考验者径黜一重乡试言武举当如会试规格箭把俱要如式一场马上四箭方准入二场二场步下二箭方准入三场三场论策俱成方准中式取额悉照顺天乡试之数不及数者不必取盈

上曰舍余查系见在武官亲弟亲男有志上进的亦准考收作养其余依议行

○大同巡抚右僉都御史胡来贡条陈边务四事一定操练言云中之营兵马多不满三千内选武艺精熟者一千为先锋武艺初习者一千为伍军老弱者一千为杂差先锋之内五百为弓箭手五百为火器手选打放惯熟者立为教师使一人教十百人教千委惯晓战阵千总官一员每十日总一千合营略为布阵之法待一千练有次第另选一千如前操练期年之内一营可得精兵一千二年之内可得精兵二千余一千又渐更徐易务期人人精强足裨实用一慎召补言大同兵马以八万计内除官员占役边墩哨备其实入营军士五万五千有奇耳与其多而无裨不若精而有用以后但遇逃亡军士截日扣支空月银粮择骁健有妻子者方准

召补宁虚伍以待募无滥收以取盈一慎委用军官言一营之内既有将总三官以操发纵又有中军以听传宣千人主千总三百人立一把总足矣各官俱于边方实职内选用不许设冗员以滋军官一议冲途供应言大同一岁中客使往来所需廩给夫马不减于内地而因简袭陋营马以供乘传营军以供輿台且扣月粮以食使者欲士马殷殷以当一队而应敌安能哉查要冲之地随宜区处马骡廩饷仆夫之类随其烦简定额有差责成守备官管理该道严为稽查计无便于此者兵部覆如奏

○丙午革总兵官麻锦任下巡按御史勘奏以御史陈性学劾其贪淫酷暴也

○湖广抚按李江等题永顺保靖二司原隶镇筸参将因未载敕书以致事权未重威令难行乞将二司并荆瞿守备施州卫施南等宣抚司各官照旧听镇筸参将节制载入敕书其永安强虎筸子洞口镇溪所乾州等哨舍把俱用土官亲枝听参将选委防御兵部覆如奏

○丁未 穆宗庄皇帝忌辰 奉先殿行祭礼遣庆都伯杜继宗祭 昭陵

○戊申命大学士申时行等及吏礼二部堂上官考选进士得季道统等二十八人改庶吉人同一甲进士朱国祚李廷机刘应秋送翰林院读书

○户部覆福建巡按御史龚一清言福建西路样船过大装盐数多夹带难免先该巡按敖鲲题议每船于原派引三百道之外加引一百道以杜夹带之弊比时虽题加引未有请引加课之议今议要将编帮未卖各帮船每只刊刷繇票一百张抵引一百道送院挂号发□凑卖加税银七十两其未编帮船照依近议足引计引追课以垂永久再照盘掣不严拘拘于船只之大小防闲愈密弊端愈多合并行巡按御史查照淮浙等运司事例每引一道许照盐一包每包照旧二百斤一船限以四百引更有余盐二百斤外再有余数即系夹带严究割没以正奸欺若引目不敷福建运司呈详巡按差官径赴关领庶法立弊除国课自裕报可

○己酉以提督京城内外巡捕都督佥事赵崇璧为镇守宣府总兵官

明神宗显皇帝实录卷之一百三十八

万历十一年六月辛亥朔枣强王府辅国将军充火□壬以稔恶败伦赐死

○壬子升翰林院编修吴中行为右中允兼编修掌右春坊印信简讨赵用贤为右赞善兼简讨

○升江西右参政余一龙为浙江按察使湖广承天府知府刘禹谟为四川副使

○遣司礼监太监张宏祭中霤之神

○赐大学士余有丁妻水氏祭葬如例

○吏部覆巡抚宣府萧大亨巡按徐鸣鹤议将宣府分巡道春秋驻劄赤城督同将吏防御冬夏仍回镇城与守道分理兵政 上曰该道原奉敕驻劄赤城如何通不遵依偷安规避抚按官輒为遮饰且不究以后如故违敕旨恋驻镇城该科指名参来○改镇守保定总兵官都督佥事曰福提督京城内外巡捕

○癸丑命景府徵收芜湖青布太仓夏布京店纸货江西油纸扇鬻好麻徽州茶叶青靛经纪李真甄大海皂矾共八条仍归福德等三店属潞府管业

○甲寅流星起自房宿南行至近浊尾迹炸散

○乙卯吏部尚书严清复以病乞休 上仍慰留之

○升蓟镇中路副总兵张爵为署都督佥事充总兵官镇守保定

○刑部覆礼科给事中陈烨〈娼弊金〉言律文内侵盗钱粮者监守四十贯斩常人八十贯绞然皆准徒五年非真犯死罪比也后因轻易犯包侵日多复设条例监守自盗四十两常人盗八十两者俱永远充军而沿边沿海盗至二百两以上者斩首近应天巡抚胡执礼援例为请欲将腹里钱粮侵至四百两以上者照边海事例处斩行之数年斩刈颇惨上干天和臣等窃谓充军下死罪一等而永远世世勾补与死埒矣宜仍照原定条例钦遵施行再照监守自盗一节罪不专在侵盗之辈而在司府使藩司郡牧将每年应解钱粮起数先后编次在册起程之日先期报部以凭查催违限三月即逮家属追问如此而有侵克者鲜矣追赃一節其弊甚多赃犯事发肆行扳害枝连蔓引原赃未补分毫而侵犯之家肥矣宜通行严禁不许扳扰上曰侵盗腹里钱粮新例既非 祖宗成法着停止照旧例行以后侵盗事发务将本犯财产追并尽绝监至一年以上不完即将正犯发遣拘家属代比毋容隐漏扳指累及无辜各司府掌印官金尾起解钱粮务要的当员役若听嘱滥差稽查不审以致侵盗数多的抚按官一体参究

○巡视南城御史黄钟言锦衣卫与兵马司各有巡缉之责原非以兵马司隶之锦衣卫而使为千百户为旗较者皆得以奔走而奴隶之也乞亟赐禁革俾各循职守毋得相侵以滋扰害上曰锦衣卫严督五城兵马昼夜巡逻等项事宜原开载敕内如何说职守相侵章下所司

○丁巳户部覆延绥巡抚王汝梅言延东中二路军士月粮每月本色二斗折色八斗今值旱荒米贵军士告乏议于折色八斗之中改给本色一斗照依时估折银二钱除七分仍作主兵正支余银一钱三分借动修边召军马价银二万两加给四个月候停止之日查明的数请补许之

○刑科给事中戴光启题乞修问刑条例以飭法守刑部尚书潘季驯请会同九卿衙门各堂上官将屡年奉行事例除简明切要情罪适均者照旧遵行外中间如有关略疑以滞碍逐一简察酌议务使因革增损允协舆论足垂久远完日开奏报可

○戊午总督宣大山西等处右都御史兼兵部右侍郎郑雒言御史陈性学劾总兵麻锦谓其子独石参将麻承勋索玉带一条银二百两为总督寿总督即臣雒是也御史或者传闻之误然臣宜退避以俟公议上温诏答之不允辞

○升山西偏头关右参将张邦奇为蓟镇中路副总兵

○蓟辽督抚官周咏等条议四事一酌营制以便操练言兵以专胜力分则弱各营专设将官领军不满一千合无镇虏奇兵营遵化三屯二辋重营密云奇兵营通行裁革将镇虏奇兵营步军改分镇虏提调马军改分墙子岭参将各管领遵化三屯二辋重营军士补左右营各足三千之数一裁冗员以苏军困言近来军官太滥各营管事人员数万宜遵照旧规千人设一千总五百人设一把总五十人设管队一员通计各营共裁去管事数千员一清杂流以实军伍言将领合用旗鼓牢伴医生匠役等项不下万余不征操不修工宜裁革编伍一体操练一还额兵以固边关言蓟□以□为守临机调遣不必坐食一城如尖哨尖夜等项宜发还本伍以省内地行粮兵部覆俱依拟

○己未以詹事府掌府事太子宾客吏部左侍郎兼翰林院侍读学士陈经邦礼部左侍郎兼翰林院侍读学士周子义教习庶吉士○升四川副使戴耀为江西右参政

○庚申月犯房宿 辛酉升南京太常寺卿袁洪愈为南京工部右侍郎

○调山西副使王汝鲁为四川副使

○升大同标下中军计安国为山西偏头关参将

○录万历十年曹子谷尧平阿台城捷功及十一年克剿阿台阿海城寨捷功李成梁岁加禄米一百石荫一子本卫指挥僉事世袭周咏升右都御史兼兵部右侍郎照旧总督还与吴兑

各先荫锦衣儿男俱升一级世袭李松升右副都御史照旧巡抚荫一子入监读书张崇功靖四方等各升赏有差

○甲子升南京太仆寺卿张孟男为南京太常寺卿

○升山西左参议栗在庭为山东副使○南京礼部尚书杨成以病乞休不允

○升山西水平营守备杨一名为大同游击管巡抚标下中军事

○刑部会同兵部各衙门查将捕盗条格五款京城内外捕盗例一款失囚例一款参酌时宜稍加删改上令入问刑条例刊布遵行

○乙丑以湖广郧襄承汉四府水患命巡抚官将本布政司库贮无碍银两并邻近府县银两仓谷酌量赈恤

○顺义王俺答嫡孙原授昭勇将军把汉那吉卒以其首先归款忠顺可嘉准给与办祭彩段六表里绵布三十疋

○丙寅升南京太常寺少卿毛钢为南京太仆寺卿

○复除原任山西左参政王基为山西左参政

○录万历十年达贼入犯清河堵剿功游击陈朝升等奖赏有差

○丁卯○睿宗献皇帝忌辰 奉先殿行祭礼

○录万历十年延宁甘肃三镇贡市竣功督抚石茂华等赏赉有差

○蓟镇督抚周咏等题本年六月夷妇大嬖只部落达子约六百余骑在古北口边外抢去出关牧放马一百七十一匹杀尖夜家丁一十一名抢去军人一十七名官军并无追赶对阵古北路游击戚金等指称开关放马私役军人采木致贼夷窥伏杀掳与提调陈泰萧如蕙均应提问副总兵陈文治应罚治兵备副使张崇谦似应免究兵部覆言夷妇大嬖只系顺义王乞庆恰之妾先年与草蛮部落诱杀参将苑宗儒朝廷赦其旧恶姑准照常通贡今又抢杀邻边军马若不声其怙终之罪诸虏益骄渐不可长督抚官以后如有属夷要挟抢杀即相机擒剿仍将沿边关口尽行严禁非丁夜哨探不许私放一人出入有差人出边采木者坐赃参究上命戚金陈泰革了任与萧如蕙都着巡按御史提问陈文治张崇谦各夺俸所议制御事宜着督抚官相机处置

○戊辰升光禄寺少卿周继为南京太常寺少卿

○庚午升四川僉事艾穆为光禄寺少卿

○户部言积谷备荒乃恤民实政有司能及原额者甚少其疲敝灾伤词讼原少者酌量裁减仍照例查核限三年为期分别蓄积实在之数照例旌奖降罚如三年偶遇升迁事故抚按官即按年考核积谷如数方许离任考满朝覲俱照例施行

上是之仍命抚按官崇俭务实除额解贓罚外须撙节存贮以佐地方之急毋得滥支虚费

○以互市事竣酋首卜失兔等赏赉如例○高邑县民王得运被强盗杀死数命知县安远典史赵良卿隐匿不报事觉俱黜为民

○各卜上箠箠等族番人曾把淹中等贡马及盔甲腰刀给赏如例

○辛未以辽左捷功加升辽海东宁参政张崇功为按察使开元兵备僉事靖四方为右参议

○畿辅获鹿等州县灾抚臣宋纁按臣汪言臣等动支仓库赈恤方具题上曰仓库银谷都是百姓每脂膏遇有灾伤固应赈恤这近京地方原无重灾如何不候明旨擅自支放抚按官且不究银谷既散与小民姑准开销以后惟重大饥荒及地方穹远的方许便宜赈济其余报灾奏请蠲赈都遵照近旨行

○以河南阳武等县灾命抚按行布政司动支无碍官银及邻近州县仓库银粮多方赈恤无令失所酌量被灾轻重免存留夏税分数有差

○礼科左给事中牛惟炳言朝仪不肃侍班官北向无繇遍察两傍目所不及者责之摆班序班东西两班各三员合各增设一员以司纠举京官四品以上及领敕官不面纠翰林院学士照四品例从之

○南京内守备张廷于孝陵寝殿捕司香内官李□□密等檄锁皇城内南京给事中冯景隆御史孟一脉交劾其震惊寝庙大不敬得旨张廷革了任着彼处闲住

○癸酉赐三辅臣及府部大臣日讲官鲜鲋鱼

○升延绥领军游击龚成为延绥西路左参将广东都司掌印钟维岳为琼崖陆路兼管白沙水寨海防参将

○以原任密云奇兵营游击魏孔与守备山西水泉营地方○甲戌赐益阳王宪燿谥庄懿

○升福建左参议漆彬为四川副使

○复设鸿胪寺鸣赞一员序班六员

○乙亥升太仆寺少卿张岳为右佥都御史巡抚南赣汀韶等处

○刑部左侍郎刘一儒以病乞休不允

○总督漕运傅希摯言淮扬徐州榷税原议留三年以备河工今十一年限满若改解部不免又费区处乞准永留户部覆河漕固所当急边饷尤不容缓合无再留三年满日照例解部报可

○户部覆宣大总督郑雒巡抚宣府萧大亨言宣府镇岁入民运等项钱粮系主兵额饷近奉恩诏十一年分蠲免过银二十四万五千有奇本色粮三万九千八百五十九石有奇岁额不敷该镇库贮主兵余银见存九十四万七千有奇本色粮见存三十二万四千三百余石乞于此内照数动支抵补前项蠲免之数 御览大阅等项册内明白附记开销准以实数比对从之

○吏科给事中周邦杰兵科给事中王三余等各〈劾擢金〉荐赵世卿宜破例起用且引嘉靖七年诏书有考察罢职官员中间果有正直廉洁材器超卓久为公论共惜者着两京六科十三道从公荐举吏部查议奏请起用以伸公道世卿正与圣祖明诏令请将赵世卿即以郎中职衔起用不为例上许之仍谕京官五品以下在外方面以下除考察外着科道官从公会举不许徇私滥及

○丙子 孝庄睿皇后忌辰 奉先殿行祭礼遣宁晋伯刘应元祭 裕陵

○复除原任云南右参议骆问礼为福建左参议
锋铁城等族番人焦吉巴等贡马匹盔甲腰刀给赏如例

○丁丑太白犯荧惑口火

○赐大学士申时行等各古文真宝二部

○升尚宝司卿张彦为太仆寺少卿

○命五军等营拨军士三千名采打杂草芦苇以供烧造以后照旧例一年一次行

○戊寅 孝穆皇后忌辰遣平江伯陈王谟祭 茂陵

○调大同平虏参将李联芳为北东路参将以原任参将王弼为平虏参将

○升陕西都司佥书方济文为延绥领军游击○己卯新封顺义王黄台吉差夷使赍表文马匹谢恩赐台吉等蟒段绢钞有差大学士申时行等言虏酋黄台吉感恩进贡外仍送臣等各马一匹人臣义无私交应否辞受恭候 圣裁

上曰外夷向化乃卿等运筹赞襄不可拒绝宜收受以慰外夷之心

○兵部尚书张学颜以虏酋遗马一匹为请 上命受之

○升浙江左参议唐本尧为江西副使

明神宗显皇帝实录卷之一百三十九

万历十一年七月庚辰朔孟秋时享

太庙

○辛巳升礼部郎中李一中为浙江左参议

○壬午达虏犯大宁堡守堡官端世武死之杀掠官军一百有奇
上命巡按御史查勘失事文武官仍以秋防谕督抚总兵申饬备御毋得疏忽

○癸未仁孝文皇后忌辰奉先殿行祭祀遣定西侯蒋建元祭长陵

○南京河南道御史郭惟贤劾都御史陈价为其以养病忝罢御史赵应元赵耀皆为媚居正计也<娼弊-金>下吏部○巡按直隶御史江东之言臣职屯牧万历十一年分应徵皇庄王府给爵子粒及备荒牧马苇课等项银两乞照税粮恩例免十分之三上命户部查别项钱粮堪抵补者以闻户部覆称新增备边银两原非税粮额数合抵补应用报可

○南京管理黄册给事中等官余懋学等言各省直未到驳册违慢官吏俱要截俸住支册到方准开俸复请给传敕以重事权从之

○甲申谕兵部司礼监太监田玉调内官监太监提督太岳太和山兼分守湖广行都司等处地方大学士申时行等言先年柳朝谭彦敕稿俱止提督本山事务今奉明旨添入分守湖广行都司等处事宜已经撰稿进呈昨文书官刘恺复传圣谕查先年王佐吕祥敕书除王佐稿散失无存止查有吕祥一稿臣等复加参阅委与柳朝等不同但查柳朝奉差在隆庆元年其敕乃皇考所定遵行已久在太和山提督专奉香火为国家祝厘祈福在郾阳都御史专整饬军务为国家弭盗安民事有定规即百世不易可也今臣等已于稿内增入分守事权有会同抚治都御史督令军卫有司量调官军民快等项皆近年稿内所未有者盖比于吕祥之敕任职更简而易遵比于柳朝等敕体统已尊而不褻既不违皇上特令分守之旨又不失皇考所以更定之意上命如前旨行

○吏部尚书严清以病乞休赐驰驿回籍调理

○贵州巡抚刘庠言铜仁府兵势寡弱各苗猖獗总兵标下应募兵一千名每名月饷九钱除将裁革打手银抵充外尚该银八千两乞于该省开纳事例处给户兵二部覆如议

○录贵州擒斩仲民老顶宋等功赏巡抚刘庠以下银币有差

○乙酉命户部浙江司江西司福建司山东司山西司河南司四川司陕西司云南司贵州司

礼部仪制司祠祭司主客司兵部武选司职方司各复设主事一员车驾司添设主事一员刑部浙江司江西司广东司广西司河南司山西司四川司云南司贵州司各复设主事一员工部营缮司复设重城员外郎一员屯田司复设台基厂主事一员通政使司复设右通政一员大理寺左寺复设左评事一员太常寺复设博士一员典簿一员协律郎一员赞礼郎三员司乐七员顺天府复设管军匠通判一员光禄寺复设典簿一员大官署署丞一员监事一员太仆寺复设西路少卿一员寺丞一员尚宝司复设司丞一员上林苑监蕃育署良牧署各复设录事一员户科兵科刑科复设给事中各二员礼科复设给中一员行人司复设右寺副一员行人五员中书科复设中书舍人二员詹事府复设录事一员各衙门原裁革归并事务照依原分职掌管理

○都察院左都御史陈炯再以郭惟贤<娼弊-金>参乞罢上仍温旨留之

○丙戌复设南京户部湖广司江西司员外郎各一员山西司云南司礼部仪制司祠祭司刑部浙江司湖广司广西司主事各一员工部营缮司员外郎一员虞衡司主事一员通政使司右参议一员大理寺右寺丞一员左寺左评事右寺右评事各一员太常寺赞理郎一员山川坛祠祭署奉祀一员鸿胪寺鸣赞一员序班三员应天府管马通判一员○升真定车营游击李太初为陕西参将

○丁亥升应天府府丞董尧封为右佥都御史巡抚甘肃等处录北虏黄酋嗣封礼成功升总督郑雒兵部尚书兼副都御史照旧总督给与应得诰命还赏银五十两大红纁丝飞鱼衣一袭巡抚胡来贡萧大亨各升俸一级纁丝二表里总兵麻贵升一级参将郑林乔等赏赉有差原任巡按贾应元准复职致仕兵部覆蓟镇督抚周咏等题密云标下右营召完民兵九百名应用马九百匹例于太仆寺寄养马内兑给许之巡按广西御史马呈图言广西官盐通湖广衡永地方取息为古田兵饷广东韶连引目每年议折三千六百道以给之今督臣私折引一万道给连韶之□连韶之盐多则衡永之□去是西盐不禁而自禁也户科都给事中萧彦等言两广督臣刘尧海谓官盐行十年间减去梧镇额饷及纳堂牙利等项大约十一二万金得不偿失官盐利于夹带军饷当其名而奸豪享其利不可不议覆也今两广督郭应聘先任广西巡抚两省利毙皆其周知宜责成应聘画十全之策户部覆如给事言戊子户科都给事中萧彦等条陈五事一曰积谷言积谷备荒多称不便者何也戍而上抚按之赎也徒而上司道之赎也有司自理惟杖而下耳郡与州县非分土也州县积谷制也郡积谷非制也抚按赃罚解京者无论已其二分备赈者与司道赃罚并付有司自理通筹可也如是即按成数而查核之何辞哉一曰□税言河西务至张家湾百里之内辖者三官一货之来榷者数税夫船料旧也条船非旧也出店进店重税皆非旧也淮安四税下及脚抽仪真既非旧制亦无重获均可罢也一曰催科言钱粮完不及九分住俸又将宿负带徵是一年完十分以上也如九分之议则不宜复筹带徵一曰盐法言河东池遭水患盐花不生浇晒日行则盐根日薄欲盐生之复不可得也陕西花马二池亦河东所辖二池之盐积若丘山试举而转移之令商人纳银河东支盐陕西二池之盐既可通行解池之盐得免浇晒三年之后照旧不为例可也一曰边储言榆镇四望不毛灾荒日甚宜借用客本多建仓廩西则收宁夏余粮东则收兴临保德余粮以待不时匮乏且宁夏粮贱无所用之诚有所用之而人皆力田塞下实矣户部覆如议

海西者刺等卫女直夷人歪卜等贡马宴赏如例 己丑调太仆寺少卿杜友兰为应天府府丞复设山东督粮道左参政一员兖州府管马兼捕务通判一员改临清兵备为分巡东昌道曹濮兵备为分巡兖州道归并沂州济宁二道分巡事务于兖州道复设山西布政司粮屯道右参政一员太原府监收同知一员代州监收同知一员绛州管粮判官一员沁州巡捕判官一员 赐已故光禄寺卿裴天祐祭葬如例 庚寅改户部尚书杨巍为吏部尚书○六科十三道周邦杰等遵旨会举京官五品在外方面以下汪文辉岳相陈有年王鉴等三十九人宜即赐昭雪起用 上曰这官既公同推举着吏部再加参酌陆续叙用非罪去官的分别议处

○命勇士四卫二营马匹照旧于太仆寺印烙以给事中王凤竹建议于护国寺印烙上谕事关 祖制科道官不许建议纷更

○赐靖江王任昌造坟全料以靖江分封不宜与他郡王例特给之

○辛卯月犯建星 都察院左都御史陈炯乞休准令致仕仍赐驰驿升山东备倭都指挥僉事董承祺为真定车营游击 以苏松二府灾免十年分应徵禄米盐布等项钱粮四万四千五百有奇停徵九万二千六十两有奇 以山西军噪夺总兵王国勋兵备寺卿邢玠俸有差○赐已故工部左侍郎陈一松延绥巡抚右副都御史宋守约各祭葬如例海西古城等卫女直夷人阿儿吉纳等贡马宴赏如例

○壬辰户部覆蓟镇督抚官周咏等题山东民兵银五万六千两系蓟镇额饷今已奉旨将三万二千两留本省支用合动支太仓银库银补给蓟镇从之

○甲午中元节遣武定侯郭大诚阳武侯薛錡忻城伯赵太修宣城伯卫国本惠安伯张元善分祭 九陵靖远伯王学礼祭 景皇帝中官祭 恭让章皇后及废后吴氏左都督李文全祭哀冲 庄敬二太子各陵园

○礼部题请 潞王出府秋讲宜于本府书堂照旧讲读从之 赐敕奖鲁王颐垣以其仁孝懿行为山东抚按官所请也○乙未贼夷小阿卜户入犯黑谷关蓟镇督抚周咏翟绣裳以堵截功闻巡按御史李植言臣巡历边关见烧香寨烽台等处残破烧毁之状督抚言堵截者漫也周咏翟绣裳疏辩烧香寨先年归并非贼所蹂躏巡按李植遂备陈督抚扶同欺罔乞别遣官勘究 上命屯田御史江东之会同抚按勘明具奏以大宁堡失事降参将熊朝臣二级照旧管事下朱延庆等于巡按御史问革左军都督府都督僉事黄应甲任以其贪妒残怯为兵科张鼎思所劾也

○丁酉 成祖文皇帝忌辰 奉先殿祭祀遣成国公朱应桢祭 长陵

○戊戌赐三辅臣及府部大臣日讲官鲜杨梅 升山西总兵官都督僉事王国勋为左军都督府僉书○己亥复除原任翰林院编修陆可教原职 复除原任贵州道御史张治具于湖广道复除原任陕西参政陈蕖于山西右参政 升山西右参政严用和为陕西按察使工部郎中屠

元沅为山东左参政湖广副使李颐为浙江右参政调山西冀北道副使韦以诚为阳和兵备

○巡按直隶御史徐鸣鹤条陈边务一议贡市以图永安言简练兵马器械修战守之具无恃款偷安一实边城以固疆圉言大同右卫平虏宣府马营皆冲边须世胄富家同心固守不许徙居别城一归原伍以周防御言各城堡军士专听守操官操练御敌不许总兵副将挑选以溢标下使营伍空虚一买营马以备战具言互市马多老瘦宜支官银买膘壮马以备战一处属夷以杜后患言属夷既迁内地宜得比于军士之养或选其精锐隶于营伍亦收拾之机也一修民堡以防虏患言民堡颓废宜拨官军修筑隘堡人数汇造在官丁内不时点察以备防御一酌清勾以需实用言清勾之令糜饷无益不如令军籍人户徵军装银三两六钱类解各边别募一宽修工以息军力言上工歇工务依常度以恤其疲劳兵部覆属夷一事夷性无厌月粮一开后将无措清勾之法乃祖宗定制应照旧余俱如拟

○庚子改南京吏部尚书赵锦为都察院左都御史改南京兵部尚书王遴为户部尚书○辛丑太白昼见遣辅臣申时行同公徐文璧太监张宏覆阅天寿山所择寿宫永康候徐文炜承袭祖爵升山东副使刘浑成为山西右参政广西左参议李涑为湖广副使户部郎中许云涛为山西佥事升神机营右副将都督佥事李如松为镇守山西总兵官

○礼部言

潞王初未出府三大节礼仪俱于宫中举行今已出府查有万历六年中极殿行礼之例

万寿圣节在迕潞王于是日早进中极殿门外伺

上位升座引礼引王诣殿中行八拜礼仍引出然后执事官进仍伺旨两宫圣母前

皇后前各宫中如仪行正旦冬至亦如之其两宫圣母圣诞中宫节令亦合于各宫中举行

上如其奏延绥巡抚王汝梅题榆林绥德延安三卫贫病屯余虽经赈恤今夏初青黄不接较之去冬危急犹甚借支库贮银两赈济过极贫屯余共三万五千二百余人借过班价银一万九千一百九十七两六钱乞准作正开销报可

○壬寅谕礼部朕于九月内躬诣天寿山行秋祭礼一应事务俱照嘉靖十五年例行

○癸卯月犯井宿升神机七营参将袁漳为神机营右副将

升德州春班游击陈汝忠为山西太原左参将改建昌营游击朱文达为四川松潘东路游击以辽东各路招徕降夷总兵官李成梁副总兵秦得倚等赏赉有差宣大督抚郑雒等言大同额饷所蠲免民运之数已蒙发帑银八万补给尚欠银五万四千六百有奇再乞发帑抵补许之苏松二府以灾免额派南京库寺各项钱粮二万二千有奇浙江巡抚张佳胤言织造袍服及坐派赏段共该银一百二十九万一千二百两有奇尽括库藏尚不足用乞将税银存留漕粮改折上谕织造钱粮既难措处准宽限解进其请留各项银两凑补及改折漕粮仍行该部看议工科给事中王敬民言钱粮乃边费之需漕粮乃军国之赋不宜留折宜减织造以纾民困诏下所司

○以陕西金州被水患移州治于城南二里

○甲辰改南京工部尚书毕锵为南京吏部尚书改南京户部尚书刘尧诲为南京兵部尚书参赞军务

○起原任浙江道御史朱光宇于浙江道起原任广东副使李材为山东副使

○以四川盐井坍塌免无徵解银九千五百余两○苏松巡抚郭思极巡按邢侗题万历十一年各项钱粮恩诏俱免十分之三苏松常三府白粮系岁供额数势不可免计数应免二万六百余石乞将起运漕粮照数免徵抵充应免白粮之数户部覆如议

○乙巳以虜王嗣封叙功加升山西参政邓林乔为按察使山西副使刘思中为右参政

○吏部覆科道官公举佚才疏中非罪去官分别议处诸人将王继祖以原官知府起用王一言以知县调简僻高自治调闲散曹时聘以知府王懋忠以知县各降三级用黄金色再行查勘从之

○海西弗思木等卫女直夷人庄台等朝贡宴赏如例

○丙午命甘肃行太仆寺卿仍兼佥事驻劄镇城总理屯田乡兵兼管甘凉肃三道马政并通镇驿传事务少卿不必复设改设陕西副使一员驻劄庄浪整饬兵备兼理庄西二道马政换给敕书并铸关防一顆

○赐已故巡抚甘肃兵部右侍郎兼佥都御史侯东莱祭葬如例

○礼科左给事中牛维炳陕西道御史赫瀛等题称净身男子元年六年内共收过六千余名本年二月内齐进喜等具本陈乞奉旨驱逐今复收二千名有背前次驱逐之旨诏下所司

○丁未升刑部左侍郎刘一儒为南京工部尚书

○戊申礼部题兹遇 圣驾秋祭 山陵查秋祭礼仪嘉靖十五年止 长陵躬诣致祭 诸陵皆遣官行礼仍奉 皇太后及 后妃同行 天寿山未经奉旨致祭及查本年春祭 皇上止率 后妃同行 奉 两宫圣母 天寿山亦遣官致祭合无今次 皇上仍诣 长陵 永陵 照陵亲祭余皆照例遣官代之 天寿山亦应遣官致祭候 陵祭毕恭请 圣驾于相择 寿宫处躬诣阅视回銮之日似仍驻巩华城便

或繇功德寺还宫得旨朕率后妃行朕亲谒 长陵 及 永 昭二陵其 诸陵俱遣官代行北安门出德胜门回繇旧路

○升五军九营游击戴良栋为神机七营练勇参将

○升大宁都司佥书路宰为建昌游击山东都司佥书檀武臣为蓟镇德州春班游击

○以陕西平临巩三府灾发帑银三万两抵补民运拖欠之数以充额饷

○己酉调山西左参政李采菲量兼按察司佥事为井坪威远兵备道○赐已故刑部尚书刘自强祭葬如例兵部部言南京官军原额一十二万今见在三万四千二百有奇南京内外守备每年奏报本内惟开原额实在之数未详营军消耗之繇合无行南京兵部调取后湖军籍老册逐一查明并一应勾补填实事宜作速议处详妥具奏上谕南京根本重地营军既消耗数多如何通不处补着南京兵部备查明白具奏仍将题准清勾替补事宜着实举行

明神宗显皇帝实录卷之一百四十

万历十一年八月庚戌朔永平府电雨大作各台杆上有火光

○升工部右侍郎熊汝达为刑部左侍郎

○河东巡盐御史王国祚言解池旱涸盐花不生商人预纳包陪积至九十余万该司额盐六十二万引乞每年拨十万引补还各商余五十二万引徵完分解各镇得旨准拨十万引如遇盐花盛生之年仍行奏请额外添拨

○两浙巡盐御史孙旬条陈七事一横歛当革言钱粮止照原定则例不许额外科索一带徵当宽言八九年以前拖欠当宽其程限一蠲恤当溥言苏松灾伤重大十年以后尚宜减徵十之二三待三年后全徵一赈济当预言留巡按解京赃罚备赈一徭役当均言粮长解户重差无令富室幸免一徵解当舒言钱粮纳官完足给文领解无以虚批解发一布折当议言布纳本色不必勒令折银户部覆减徵与赃罚仍照旧布折再行查议余俱如议行

○贵州巡抚都史刘庠条陈巴香狗场诸贼善后事宜一设镇坐官以严防御将陆广防御官兵改移巴香更添兵五十名属把总驻镇一分立管摄以安余党言各寨夷人设立土舍分管听把总约束一编立保甲以示约束言保甲当如汉法使不得为非一禁科扰以安夷庶言正籍之后不许土司科歛剥削兵部覆保甲一事恐夷性初驯难绳以腹里良民之法余俱依拟

○辛亥复设福建布政司督粮右参政一员分守福宁道参政仍驻兴化府兼管福泉二府福宁一州海道副使移驻省城汛期巡历沿海兼理边储

○复设山西按察司大同兵备副使一员驻割左卫仍管北西中威远三路城堡整饬边备守巡二道各照原辖地方管分守道仍驻朔州换给敕书关防其大同南路通判专驻平虏城

○壬子以礼部右侍郎高启愚祭酒罗万化充经筵讲官编修王懋德冯琦充展书官简讨张应元编纂六曹章奏□起原任大理寺右少卿丘橐为通政司右通政

○升湖广副使梁问孟为山西左参政

○改陕西金州为兴安州

○免河东花马大池万历八年以前拖欠消折盐七十六万五千九十八石有奇小池一百四十九万九百石有奇

○广东东山叛兵平总督郭应聘等赏赉有差 ○癸丑谕兵部朕躬诣 山陵行杖祭礼各边正值秋防着该督抚总兵官申饬各关隘口将领严加提备毋得怠玩致有疏虞兵部便行文与

他每知道

○升江西副使王懋德为福建右参政

○起原任山西副使王学谟为山西副使

○巡视厂库科道官姚德重等奏内府钱粮分为十库其系隶不同而巡视之职掌亦异如甲子等九库则系户部而巡视之者库藏科道也戊字库专贮工部军器而巡视之者厂库科道也今库藏科道欲将戊字库循环查盘兼而理之伏乞申飭各循职掌不相侵越庶帑藏有专责不敢耽延误事工部覆如奏从之

○户部覆浙江抚按张佳胤张文熙各〈娼弊-金〉言浙省徭役条鞭之法刻成均平录经久可行近编经制书裁削太过以致酿变兵民自万历十一年为始每年派银四十四万九千五百三十一两零以均平录为准永为遵守从之

○升神机七营参将袁漳为署都督佥事充神机营右副将

○升昌镇标下中军吴显为五军九营游系

○甲寅升大理寺卿刘志伊为工部右侍郎

○差礼科都给事中万象春往河南等处启亲王集宗正郡王与抚按酌议宗禄象春随与抚臣杨一魁按臣姜璧题称该省各王府录银共该二十六万八千四百余两及查该省存留钱粮共该四十四万七千三百余两不专备宗录支用而凡官吏师生之俸粮各卫军士之补支以及孤老之月粮皆取给焉岁计可十三万有奇而抛荒地亩有派无徵者又不下十余万即使其余悉数完徵尚不足以备宗录之用而矧为有司者每以查参不及怠于催徵年复一年积逋愈甚此前巡抚褚鉄所以有奏留解部银两之请也立法查参委不容已合将各项录银责成守道行令各府州县照依起运京边钱粮事例查参其每年布政司放给禄粮须尽存留徵完银两尽数支給有不足则取杂派工价商税及新增地亩等银凑给之不足则于解部赃罚历日等项银两量留给之目前通融处补计无出于此者至于限爵开科干系禁制尚容酌议上请诏下所司知之

○工部覆浙江抚按请减织造〈娼弊-金〉袍服每年二运止解一运赏段减半织解其工费先尽本部开纳事例银两动支不足方许于议留工科银内凑补大学士申时行等言每岁二运已有定规固难减省但于每运之中将原定数目酌量宽减则工费易于措办财用可以少纾上曰国计民力朕岂不知节爱但袍段系供用所需委不容已尔部里既这等说准将原定岁运数目酌量宽减工费银两依拟动支凑补一年二运仍照旧行

○乙卯以万寿圣节赐元辅申时行银六十两斗牛段及彩段四表里次辅余有丁许国各银

五十两彩段四表里日讲官陈经邦等六员各银二十两彩段一表里

○工科给事中唐尧钦条陈三事一辨真才言考选科道宜志节行谊朴直忠亮为上重厚端介次之一选大吏言慎择抚按且重谬举连坐之法以严举劾都察院于御史实授及差回从公甄别有不堪风宪者具题改用一省烦文言抚按司道于所属惟当考询职业无责备苛礼上曰近来士习吏治多虚少实这所议深得崇本救弊之意俱依拟着实行○辽东总督镇巡官右都御史周咏等言海西属夷猛骨孛罗初立乞给敕书一道以便弹压诸夷逞仰二奴用贿纠结西夷交通建夷欲夹攻讎杀猛骨孛罗意欲收括海建犄角福余凭陵辽沈容等等设先处二奴次图别虏

上命猛骨孛罗准给敕书约束部落其余夷情着督抚官悉心计画便宜处置

○兵部题恭遇 圣驾谒

陵在通关系甚重防护事宜各总督总兵兵备副参游守等官带官防护如春祭时报闻

○丙辰遣公徐文璧朱应桢为正使大学士申时行余有丁为副使持捧节册封淑嫔郑氏为德妃宫人常氏为顺妃其德妃册文曰朕观鸡鸣儆戒思得贤妃麟趾繁昌应繇淑女盖欲佐宣乎内治亦将茂衍乎宗支匪嗣徽音曷孚显命咨尔淑嫔郑氏柔嘉玉质婉孌兰仪九御升华恪守衾稠之度双环授宠弥遵图史之规宜陟崇班用彰异渥兹特遣使持节进封尔为德妃锡之册命于戏四星之象为妃朕既登贤于峻列万化之原在德当思义于嘉名祇服光荣无忘敬慎丕荷龙章之贲永貽燕翼之休钦哉顺妃册文曰朕惟二南成化寔始宫闈六寝备官爰资女士盖以翼宣乎阴教亦将绵衍乎天横咨尔常氏冠族储庥笄年挺秀宣下陈之蚤誉鸣佩无违效中壶之宵征梦兰有庆既茂绥乎景祐宜昭受乎明恩兹特遣使持节封尔为顺妃锡之册命于戏桂殿椒宫进副翟榆之宠桑弧蓬矢冀延螽羽之祥尚遵彤管之徽音祇赞瑶斋之令范钦哉○以山西灾十一年分石楼永和太宁汾西宁乡五县夏秋税粮全免隰吉永宁州临县武乡榆社和顺四县夏税免额解宣大三关军饷王禄银四万六千九百有奇准动该司库银并积剩站银起解抵补前项蠲免之数

○遣公朱应桢祭 夜明于 夕月坛

○礼部进 圣驾诣 天寿山行秋祭礼仪注择九月初六日辰时 圣驾发京十一日回銮上是之惟回銮改十三日

○遵化县获奸细打木儿供称虏九月初旬犯永平遵化等处总督周咏以闻兵科都给事中张鼎思等言边报戒严秋祀宜遣官恭代万不得已所祭者三陵耳三四日间即可竣事回銮之期不宜迟至十三日 上命阅寿宫毕次日即回

○丁巳 孝康敬皇后忌辰 奉先殿行祭礼遣南和伯方烨祭 泰陵○遣大学士许国祭先师孔子

○戊午遣公徐文璧祭 太社 太稷

○追夺故相张居正谥

○命德妃郑氏父锦衣卫正千户郑承宪升本卫指挥使带俸

○屯田御史江东之会同辽东抚按勘黑谷关失事言虏之犯黑谷也分守则游击李尚贤协守则副将陈文治提调则齐鸣鹤汪道化高卧不知闻急不赴该关杀掠男妇知名氏者三十余名口明知本关失守呈文报功文治遣鸣鹤督守堡官方臣将尸移至口外四散埋藏甚至烧化会勘之日连掘九尸总兵杨四畏之欺则文治误之督抚二臣之欺则先勘官副使张崇谦误之也诏陈文治李尚贤齐鸣鹤革任方臣汪道化并副使张崇谦下巡按御史提问总兵杨四畏降一级照旧管事总督周咏巡抚翟绣裳夺俸半年着策励供职○己未孝慈高皇后忌辰 奉先殿行祭祀

○以册封二妃礼成赐元辅申时行银三十两纁丝二表里罗二表里钞三千贯次辅余有丁许国各银二十两纁丝一表里罗一表里钞二千贯中书官马继文等十六员各银十两罗一表里钞一千贯又以时行有丁捧册各赐银三十两纁丝一表里罗一表里钞三千贯

○庚申协理京营戎政太子少保兵部尚书凌云翼以病乞休许之

○裁革批验茶引所官吏

○命山西恩免过军饷钱粮十一万六千九百八十余两本色粮八千八百七十九石准于该镇积剩客饷内照旧抵补

○辛酉以武英殿工完遣尚书杨兆祭 后土司工之神

○以万寿圣节赐元辅申时行金万寿字四副金篆字十个金书黄符二道金书红符二道次辅余有丁许国各金万寿字二副金篆字八个金书黄符一道金书红符一道及日讲官陈经邦等六员有差

○特除进士邹元标为吏科给事中

○调蓟镇东路副总兵李如柏为蓟镇西路副总兵

○壬戌以诣 山陵命公徐文璧伯杨炳随侍护 驾命镇远侯顾承光统领勋卫孙承恩锦衣卫指挥使李承恩并带刀府军等卫官二十员大汉将军三百名随直 圣驾 山陵往回

○广东网贼劫程乡县狱库知县蒋蒙古被伤抚臣郭应聘以闻诏罢知县闲住卫所官住俸

戴罪缉捕务尽数拿获

○海西脱伦兀卫女直夷人兀失等朝贡赐宴如例

○癸亥遣公朱应桢侯吴继爵郑惟忠伯王应龙朱世雍张元善都督李鹤李文全分祭 献陵 景陵 裕陵 茂陵 泰陵 康陵 恭让章皇后 景皇帝各陵园侯孙世忠祭告天寿山之神

○吏部考选得推官等官一十八员俱堪任给事中陈大科胡希舜吏科杨芳王三宅徐三畏户科王士性苗朝阳李以谦礼科王亮张维新黄道瞻兵科陈璧刘尚志刑科王毓阳张栋曲迂乔工科刘一相南京吏科钟宇淳南京兵科

○考选得知县等官三十五员俱堪任御史沈时叙浙江道李载阳苏鄯江西道范俊徐待湖广道詹事讲王九仪河南道丁此吕荆州土姚三让刘怀恕曾乾亨山东道原一魁陈登云山西道吴世宾马朝阳褚顺狭西道赵崇善四川道连格屠叔广东道张养志董子行广西道黄师颜蔡时鼎羊可立喻文伟云南道朱应穀周之翰贵州道李一阳南京浙江道谭思南京福建道黄学曾南京湖广道田一麟南京山西道沈汝梁南京广西道郭宗贤南京云南道党杰南京贵州道

○改霸州兵备河南副使郭四维整饬密云兵备事务

○吏部等衙门覆南京户科给事中余懋学奏言故成国公朱希忠追赠定襄王繇其弟都督朱希孝远照宁阳王张懋事例陈乞及夤缘故大学士张居正票拟曲从宜追夺王爵并禁后来陈乞 上命张懋朱希忠赠王都着追夺谥准免革今后妄徼逾制的该部科执奏革夺

○兵部言湖广平清偏镇四卫与贵州接壤实系全楚藩篱改隶贵州事多牵制播州八司难在贵州平溪襟带之前实在重庆綦南腹心之内改隶贵州亦属不便况系国初建设旧制岂可变更既经湖广四川抚按官勘议前来均应依拟照旧从之○甲子以 圣驾诣 山陵命靖远伯王学礼等分守皇城六门隆平侯张炳吏部左侍郎张士佩等分守京城九门诏京城内外地方十分严备提督及五城御史并力缉巡不得两相推诿

○以蓟镇屡报虏情捉获奸细又有火光之异
上传谕边备须当十分谨严蓟镇兵免调总督官周咏免至巩华城送迎专心整理边务

○以中秋节令赐三辅臣上尊珍饌

○遣顺天府官祭宋丞相文天祥

○升副总兵管宁远参将事杨绍勋为蓟镇东路副总兵

○丙寅 万寿圣节 上御皇极殿文武百官行庆贺礼

○以 万寿圣节遣隆平侯张炳阳武侯薛鋹成山伯王应龙遂安伯陈澍成安伯郭应乾分祭九陵武平伯陈承祿祭 恭仁康定景皇帝中官祭
恭让章皇后各陵园○升湖广左参议田乐义为山东副使整饬临清兵备

○丁卯谕秋祭赏扈卫各项官军如春祭例行

○谕仪卫扈从等项务从省约内外随行官员人等不许沿途生事扰害百姓

○命礼部左侍郎兼翰林院侍读学士周子义解部务专管教习庶吉士

○调宽奠参将杨燮为宁远左参将

○己巳升尚宝司卿沈玄华为太仆寺少卿

○升礼科给事中牛维炳于湖广四川道御史刘维于广西各参议升广东道御史王国祚于江西贵州道御史张应诏于湖广各佥事

○升辽东参将管车营游击事杨五典为宽奠参将

○以谒 陵改考试武举于九月十九日二十二日二十五日行○兵部题谒 陵居守护 驾并分派各门文武重臣及该营分派京城内外摆守官军虽各有成命恐人心怠玩防守疏虞宜令科道官不时巡视点闸报闻

○以武英殿工成赏尚书杨巍等锦衣卫掌卫事刘守有监督科道唐尧钦等并司礼监太监张宏等银币有差

○朝鲜国王李昖差陪臣崔滉等进贺 万寿圣节并谢恩表文方物宴赏如例

○庚午命定国公徐文璧大学士申时行司礼监太监张宏同礼工二部堂上官恭诣天寿山覆择 寿宫吉地

○复除原任福建副使聂廷璧为山东副使

○贵州宣慰使安国亨宋德懋等贡马庆贺 万寿圣节给赏如例

○辛未月犯井宿

○宪宗纯皇帝忌辰 奉先殿行祭礼遣官祭 茂陵○南京守备司礼监太监丘得用以南京兵部尚书王遴奏准禁革差拨营军为不便仍乞查照酌定数目差拨应用
上许之给事中张鼎思执奏以为诏旨不宜反汗不允

○巡视南京营务给事中阮子孝等条陈京营切要四事一议处神机营火器言该营军丁三千六百余名止关领神枪五百把宜增造鸟銃鞭銃随宜操演一议处新江营官军言长江盗贼易发宜选骁勇卫官领之勿以软脆官军备数一议修浦口营城垣言该城被水冲坏宜令该部修砌一议补舍人哨军言舍人哨丁多逃故宜令各官舍余挑选精壮发营操练兵部覆如议

○癸酉定国公徐文璧大学士申时行题臣等谨于八月二十一日恭诣 天寿山将择过吉地逐一细加详视看得该监所呈形龙山大峪山二处风水形势诚天造地设允为万世圣子神孙钟灵毓秀之区与臣等所见相合俱称上吉其余位次参差砂水倾侧委不堪用候圣驾诣 陵之日重加 睿阅裁定施行谨将形龙大峪二处图说进呈 御览报闻

○户部覆两广总督等官郭应聘等会同条议艚舡盐法事宜言民间有愿捐本造船者听止许装运盐货本省贸迁韶连二路引盐折引三千六百道不许再加以阻广西官运从之

○甲戌通政司参议梁子琦以覆阅吉地不得列名参论礼部尚书徐学谟与辅臣申时行为儿女亲家附势植党时行学谟各疏辩言子琦所择之地石门沟山坐南向北逼窄难用黄山一岭在 献 裕二陵之间位次非宜而又不满于形龙大峪执拗纷争何时得决
上以子琦挟私渎奏夺俸三月○升南京都察院右都御史刘思问为南京户部尚书

○升都察院左佥都御史褚钦为大理寺卿

○升河南道御史傅应禎为南京大理寺右寺丞

○乙亥复除刑科给事中常居敬原官

○吏部覆南京科道余懋学杨鸣凤各奏荐原任光禄寺少卿岳相等一十四员陆续起用原任给事中魏时亮等四员酌量叙用从之

○调原任蓟镇三屯鞬重营游击管一方为大同新平堡游击管参将事

○兵部覆广西巡按御史马呈图疏言粤西土司徭 仡 侬各保界宇并无侵犯中有彼此讐杀多系地方官贪残喜功所致也今户口虚耗生理未复宜休兵息民培养元气不宜更言大征报可

○丁丑敕武清侯李伟太子少保刑部尚书潘季驯朕兹躬诣 祖宗陵寝特命尔等居守统率

守城守门等项文武官员严督京营并巡捕官军五城兵马夫甲人等讥察奸盗防备火烛用保无虞各官如有怠玩不率应参奏者听尔等指名参奏应拏问者径自拏送法司问理其有紧要事务即便差人奏闻钦哉故敕

○升都察院右都御史管兵部左侍郎事张佳胤为兵部尚书协理京营戎政

○升太仆寺卿石星为左佥都御史协理院事

○以甘镇石硖川失事革操守来保任仍着随营立功夺参将王国柱兵备副使张孔修俸有差○真人张国祥族党伪造敕宝肆行驿递下抚按究问国祥亲赍敕印来京兵科都给事中张鼎思言国祥当候抚按奏到定夺不宜违禁来京逞忿辞印乞赐拏究上命抚按上紧勘奏不许迟延牵连他事国祥照旧回本山焚修

○戊寅升广东佥事王用汲为尚宝司卿

明神宗显皇帝实录卷之一百四十一

万历十一年九月己卯朔礼部进万历十二年大祀日册 上立受之

○以大学士申时行诣 天寿山相择 寿宫还赐银五十两纁丝斗牛胸背一表里

○朵颜等卫夷人头目阿里麻等朝贺 万寿圣节宴赏如例

○以原任京城巡捕右参将刘印为辽东正安堡游击

○庚辰谕兵部驾驻感思殿从卫官较拜红门以里摆守官军等人马都着分为两班每日轮番就水一次着该管官整点肃慎出入不许喧扰及旷误执事

○起原任礼科左给事中陆凤仪为吏科左给事中○起原任福建佥事周采为广东佥事

○总督蓟辽右都御史兼兵部右侍郎周咏以黑谷关失事被言＜媼擗-金＞乞罢斥上以谒 陵在迩边防事重不允

○以修理宫后苑等处工完遣尚书杨兆祭 后土司工之神

○辛巳礼部尚书徐学谟以通政司参议梁子琦＜媼擗-金＞论求罢不允

○壬午 孝恭章皇后忌辰遣伯杜继宗祭 景陵

○云南道试御史羊可立奏言已故大学士张居正隐占废辽府第田土乞严行查勘上命抚按查勘具奏

○户科都给事中萧彦等言近该臣等条陈户部覆议定为查参则例京运逋负每年带徵二分拜见任钱粮总算完及八分即免参罚奉有钦依天下便之今浙江抚臣张佳胤仍以旧例请而该部照所议覆窃恐有司苦于降罚百姓苦于征求势不能取盈必将上下相蒙久之则废阁如前矣

上命照近题则例改正行仍谕各部题覆务将见行事例查明画一毋得参差抵牾有乖政体

○癸未升浙江左布政使舒应龙为太仆寺卿

○升山西道御史敖鼐为大理寺右寺丞 复设陕西布政司督粮道左参政平凉府监收雄贍仓通判同州判官富平县郃阳县县丞盩厔县澄城县主簿华亭县马铺岭巡简司简各一员

○刑部等卫门会看得故御史刘台戍死一事该江西巡抚曹大野勘得原任巡抚王宗载先

以密帖示署安福县事推官陈绅喉谢耀诬奏台台族人博士刘伯朝举人刘寿康合谋构之绅出赀助耀赴京讦奏事下宗载与巡按陈世宝问共相诬捏以成其罪又该辽东巡抚李松勘得原任御史刘台各赃俱无指证原奉勘承委各官巡按御史于应昌勘详矢于明允分守参政张崇功分巡副使周于德会审断案殊欠精详管粮通判陈柱薛思敬虚坐赃私勘报不实均属有罪会议得王宗载应照律文官司故入人罪全入者以全罪论议军于应昌应照律文奉制推案问事报上不以实者拟徒刘寿康依教唆词讼诬告人者律革去举人发边卫充军终身谢耀比依诬告人因而致死随行有服亲属一人律绞仍令谢耀名下备偿路费又将财产一半断付刘台家养赡其余治罪有差上曰这厮每挟私枉法陷害无辜险狠可恶王宗载主谋故入律应反抵着发边卫充军于应昌承勘虚捏姑依拟与陈绅刘伯朝都革了职为民张崇功周于德俱降一级调用陈柱薛思敬着辽东抚按官提问谢耀监候审决其余俱依拟

○甲申 上率 后妃发京居守大臣及文武百官于德胜门外送 驾

驾至清河赐辅臣申时行等酒膳

驾次巩华城从官行礼毕昌镇总兵董一元及昌平州官吏师生耆老人等朝见于行宫赐辅臣申时行等酒膳定国公徐文璧彰武伯杨炳共甜食一盒

○谕内阁今日偶然大风陡作灵台奏有惊火边兵卿等传示兵部还遵照节次明旨马上差人申飭各边十分严谨防御毋得疏忽

○乙酉 驾发巩华城午驻蹕感思殿○谕兵部蓟昌保定各镇调来防护官军照本年春祭例与京军一体给赏其宣大总督宣府总兵调来顶关防护官军着人赏银三钱俱兵部处给

○丙戌 上率 后妃诣 长陵 永陵 昭陵行秋祭礼其 六陵 二寝俱遣官代

○丁亥 上亲诣形龙山大峪山等处相择 寿宫

○谕内阁寿宫吉地用大峪山卿等传示礼部并钦天监知道

○以扈 驾谒 陵并择

寿宫赐元辅申时行银豆叶三十两次辅余有丁许国各银豆叶二十两

○戊子 上驻蹕感思殿行宫传谕歇息一日大学士申时行等言前蓟镇传报夷情该司疏止圣驾奉有阅 寿宫毕次日即回之旨成命具在难以忽更愿

銮輿早回乃可万全无虑科道官亦以为言俱令奉旨行○圣驾幸东山口遣中官苏用传旨问大学士申时行等春间曾说东山口该筑墙如有不见修筑时行等< 娼 擲 金 >言

皇上春祭 山陵 驾幸东山口该前任大学士臣四维及臣等随从曾蒙垂问欲照得胜口筑建墙垣彼时共议皆言西北诸水俱出此口一遇春夏水发冲沙滚石漂木浮薪势甚迅激筑墙建桥难成易坏非数十万钱粮不可故止建敌台二座此口通黄花镇彼处自有边墙险阻重

兵备御可保无虞似不必兴难成之工以费难处之财 上命罢之

○巡按直隶御史江东之因 上秋祀 山陵乞将昌平银力二差恩赐优免用示殊典于解部数内酌议存留以资供应得旨该州切近 祖宗陵寝地隘差烦委宜破格优恤下所司看议户部覆该州二差既免应将该州何项解部银两存留供应犹难悬断宜令顺天府抚按官查数明白酌议停妥庶便题覆不致迟碍难行 上是之

○命昌平州宛大二县田粮春间免过尚剩四分者尽数蠲免

○己丑 驾发感思殿还京居守大臣及文武百官军民耆老人等俱于城外迎 驾

○癸巳升浙江右布政使徐光泰为浙江左布政使广西右布政使徐时可为广西左布政使

○甲午 上御皇极门以 陵祀礼成及阅定寿宫文武百官致词称贺

○以秋祀礼成赐元辅申时行银五十两纁丝四表里次辅余有丁许国各银四十两纁丝二表里

○以河工叙劳升工部郎中张誉为太仆寺添注少卿○复除原任江西左参政艾可久为陕西左参政升户部郎中王大用为山东右参政大理寺右寺正刘绍恤为云南佥事

○复设南京中左二府佥书

○以灾伤命长沙等府八年九年分未完各项钱粮暂停催徵十年分解剩赃罚银十一年分应解赃罚银共七千五百两留停该省赈济

○兵科给事中张维新言通参之职非不通显而人不乐就者以行取应选之际吏部协同司礼监官及通政司掌印官公定去留金瑯之辈假借以市私恩投刺门生因循成习有志之士大以为辱乞行革去投刺门生之习仍酌量才俸与各衙门一体推迁庶臣节自励而皆乐于效用矣 上命如旧例行工部侍郎仍管通政司事倪光荐言已曾与考选未尝投刺门生交结司礼被以辱贱之名何颜就列乞赐罢斥

上命光荐仍旧供职且谕通参吏部定拟取自上裁如何说市私恩张维新不谙事体姑不究

○刑科给事中刘尚志题参原任大理寺寺丞贺一桂言一桂与简讨习孔教素称莫逆一事相左挤陷罢官御史刘台之死王宗载能先得谢燿奏稿授意陈绅者一桂之为也亟宜罢斥究问又故御史陈世宝与宗载同勘台事宗载已遣戍夺诰敕世宝虽死不宜独免得旨贺一桂黜为民陈世宝原官诰敕俱行追夺

○刑科都给事中戴光启言近年朝审例在矜疑者大约不过十余人窃谓应恤者多虽三四

十人不为纵应恤者少虽不满十人不为苛要于至当诏下所司

○朝鲜国王李昖差陪臣崔滉等贺万寿圣节宴赏如例○乙未以吉壤礼成加恩前任辅臣张四维荫一子入监读书赏银五十两彩段四表里首辅申时行加少傅兼太子太傅改吏部尚书建极殿大学士荫一子入监读书余有丁加少保改户部尚书武英殿大学士许国加太子太保兼文渊阁大学士余官照旧各给应得诰命定国公徐文璧加少保兼太子太保彰武伯杨炳加太子太傅礼部尚书徐学谟工部尚书杨兆各加太子少保礼部侍郎高启愚工部侍郎何起鸣并司属官吕兴周葛昕阎邦各升俸一级钦天监监副张邦垣升二级主簿杨汝常欧承意各一级司礼监太监张宏荫弟侄一人为锦衣卫正千户

○升广东按察使周之屏于浙江湖广按察使乔懋敬于广西各右布政使

○吏科都给事中周邦杰劾通政司参议梁子琦相择寿官与尚书徐学谟忿争不宜以意见相左輒指大臣为奸党吏部覆党之一字不可为训但子琦已经罚治姑免再究从之

○巡按陕西御史韩应庚条陈救荒十事一散赈票以稽饥民言被灾州县正官置立印票选委殷实公正之人沿乡挨查贫难丁口酌量等则慎给赈票按次关领一平斗斛以均实惠言各仓斛斗与市廛较量两平印烙钉固足数给散一清库余以抚逃移言将查出被灾州县库贮无碍官银行令各官设法招徕酌量查给一借俸廩以助春耕言各官俸廩量减一二为贫民牛种之资一酌催科以苏困苦地方钱粮有势不可已者审定等则酌量催徵一省供亿以宽里甲言祭祀乡饮宴会馈赏等费大加减革以宽民力一减讼狱以貽休息州县正官不得滥受民词法外苛刻一停□税以通货财额课银两暂行停息一裁冗役以资士类言裁革各衙门冗役所遗工食银两分给学较贫士一设官兵以弭盗贼行被灾州县卫所各巡捕官督率千百户分投四乡不时稽察户部覆如奏第借俸助耕一节官俸之减有限如近日总督石茂华所议借军饷银两给买牛种秋成抵还如无军饷处所许动支在库无碍官银及期果贫不能还者量准豁免上俱报可

○丙申升礼部右侍郎高启愚为左侍郎左庶子朱赓为右侍郎俱仍兼侍读学士经筵日讲照旧

○升刑部左侍郎熊汝达为南京右都御史

○命巡关御史准复差一员○停止监生不许先期纳银授光禄寺监事

○丁酉黜蓟辽总督周咏为民以勘刘台赃扶同虚捏为给事中戴光启所劾也

○工科给事中王毓阳劾原任吏部左侍郎王篆假故相姻戚引用朋党王宗载等陷害忠良元凶巨蠹不宜使优游田里得旨王篆黜为民

○朵颜等卫夷人小思苦等补贺万历十年分长至节宴赏如例

○礼部题 寿宫吉地大峪山动土兴工吉期行钦天监选择 上曰待朕躬请
两宫圣母看阅毕尔部钦天监便择日具仪来看御史朱应穀疏止 圣躬不必再阅
两宫圣母不宜再劳章下所司

○调河曲参将郑尚金于偏关利民堡参将麻承恩于河曲偏关参将计安国于利民堡○戊戌升湖广左参政沉子木于湖广河南右参政刘伯燮于广东各按察使

○复除原任山西副使杨松为陕西副使

○调大同游击李魁为甘肃游击

○己亥南京工科给事中冯景隆奏蓟辽总督周咏大宁堡失事为总兵李成梁祈免请罚咏实自为之地成梁屡奏擒斩首级多系捏报贿升世爵宜行议夺兵部覆李成梁前后大捷共计十次斩首五六千级皆亲临战阵奋死督兵若捏报冒功安能尽涂全辽耳目 上曰边事重大将材难得若大将尽忠奋勇替朝廷出死力的卻误信浮言横加诋斥反不如避事偷安可免訾议这等是非倒置功罪不明何以服人心作士气李成梁封爵照旧着益加奋励勿以人言隳沮有负国恩冯景隆轻率妄言着调外任

○庚子以协理京营戎政兵部尚书张佳胤兼都察院左副都御史总督蓟辽

○命右春坊右庶子兼翰林院侍读王家屏翰林院侍读徐显卿主考会试武举

○壬寅升右庶子兼侍读王家屏为少詹事兼翰林院侍读学士掌院事

○升刑部郎中冯孜为河南副使

○降山西行太仆寺卿袁弘德为湖广右参议

○南京户部尚书刘思问以病乞休准令致仕

○户部言晋府庄田近因本部题行有司徵收今管府事宁河王欲乞照德楚二府例自行管业取自 圣裁得旨这庄田着该府自行收管

○癸卯升都察院左副都御史阴武卿为兵部右侍郎升南京大理寺卿舒化为刑部右侍郎

○复设淮安府管河同知一员

○海西塔古河等卫夷人押儿卜等朝贡宴赏如例

○东西二虏犯前屯 上命兵部行与该镇巡官用心防御相机堵截

○甲辰工科给事中冯景隆以劾李成梁调外任科道官具公< 娼弊金 > 申救不听吏科给事中邹元标言景隆以成梁故不安其位成梁为名将谄国大体必忸然不自安欲其缓带边陲难矣乞复景隆职御将之恩容谏之仁乃两得之报已有旨

○兵科给事中王亮条陈一议武试言以膂力骑射为上不必文之中绳墨一议实边言斗殴杀人律应抵死者准令全家徙边以赎其罪逃者杀无赦一议抚夷言夷求讨无厌宜峻拒之宴赏月日严示定期以便诸夷遵守一议任将言纨绔子弟第可用之居守至紧要将官宜招徕四方豪杰一议召募言各军犯罪百年以前者俱免勾取将名下月粮募壮丁以补队伍一议南兵言南兵鸟銃箠藤牌弓箭皆其长技宜稍加体恤无令怨望一议工役言要害之区照常修筑其驿递夫役宜严禁以养精锐之气一议招携言板升夷人众至十万宜令通事及亲识者密谕德意许其率所部来降照宣抚宣慰事例授以世官兵部覆武试专取技力则智谋之士反遗实边抵死恐后巨恶漏网清勾之法系干旧例难以更议板升之人久处夷地狼子野心终不可驯宜酌量审处余四事俱应如议诏从之

○乙巳吏部推升宣大总督郑雒为协理京营戎政四川巡抚孙光裕为南京大理寺卿 上曰雒在边镇节省钱粮是好官边上该用他如推他京营放在闲散孙光裕在任未久如何又推升大学士申时行等言雒在边九年劳绩已久光裕先任应天巡抚三年今任四川又一年资俸应及 上曰既卿等所奏朕已点用今后但凡各处要紧事情重大的不必以资格历俸为则必须推其堪任的用

○升广西都司戴应麟为浔梧参将

○升宣府马林堡守备王三聘为大同入卫游击

○罢贵州总兵戚继美温处管参将事游击吴海占涿州守备刘凤麟任

○丙午吏部覆吏科都给事中周邦杰等劾各兵备山西大同副使王学谟云南洱海僉事王一卿陕西行太仆寺卿兼僉事李承选陕西延安副使梁承学又言慎择督抚豫令九卿科道各举所知核其功罪并坐举者得旨一卿学谟冠带闲住承选致仕承学调简荐举边才依拟仍谕各边镇有事地方见任司道官有不相应者作速酌量更调○镇守云南总兵官黔国公流昌祚奏一谓土官袭替保勘繁难动经年岁纳穀无力承袭愆期一谓藩臬司道等官揖见迎送坐次公文与巡抚衙门相同今礼体紊废文移并不申呈一谓随征官军廩粮行催愆期家人口粮自备不费一谓臣祖貽规每选家人教习武艺后因被论无复修举乞许令教演置造兵器得旨该省总兵官专制遐方体统原自隆重前已奉有敕谕各司道官如何通不遵依及边境有事亦不关白殊失朝廷委任责成之意这本内所奏的着彼处抚按官查参来说今后有这等的听尔指名参奏处治余下所司兵部覆土官承袭即于申呈内明开查勘年月如迟岁月即系勒索从重参究余俱依拟报可

○丁未复设宁镇屯田都司一员○戊申升南直隶江南副总兵张澡为署督都佥事镇守贵州兼提督平清等卫地方总兵官升浙江左营游击庞溟为温处参将

○诏知县降闲该从七品如无从七品缺正八品以下如知事照磨简较俱得降用仍支从七品俸

明神宗显皇帝实录卷之一百四十二

万历十一年十月己酉朔 上御皇极殿颁万历十二年大统历

○时享 太庙

○升河间长芦运使高世雨为陕西行太仆寺卿兼佥事升山西大原府知府孙化龙于山西户部郎中赵九思于陕西贵州参议詹贞吉于云南各副使

○以漕河高堰工完尚书潘季驯原任兵部尚书凌云翼等赏赉有差

○庚戌 孝洁肃皇后忌辰 奉先殿祭祀遣平江伯陈王谟祭 永陵 ○升南京兵部右侍郎辛应乾为兵部左侍郎协理京营戎政升光禄寺卿雒遵为都察院右佥都御史巡抚四川

○御史孙继先曾乾亨各疏劾兵部尚书张学颜言学颜先为辽抚与按臣刘台有隙捏造台赃私揭之居正故后之勘问勘此赃也营入本兵冯景隆疏论李成梁学颜铺叙成梁之功激圣主之怒而重言官之罪险局备张亟宜罢斥 上以二人党护景隆牵合刘台事诬害大臣继先乾亨皆降一级调外任科道官周邦杰赫瀛等公疏申救不允

○兵部尚书张学颜疏辩言刘台按辽时值李成梁擒逆梟斩土蛮台具奏献俘又为成梁树坊与臣原无嫌隙谢耀奏台臣已离辽二年何为无故投揭以害忠直臣覆李成梁事自有公论今二臣皆以论臣降调臣难覩颜就列 上温诏留之○辛亥升右春坊右谕德兼侍讲掌司经局事沈一贯为左春坊左庶子司经局洗马管国子监司业事范应期为右春坊右庶子俱兼翰林院侍读升翰林院侍讲于慎行为左春坊左谕德兼侍讲

○命武举官生取中一百名

○壬子 中宫令节赐三辅臣上尊珍饌

○复除原任两浙运使许天赐为长芦运使

○吏部覆顺天巡抚翟绣裳既经言官指摘但历任颇有勤劳宜令致仕或回籍听用上以边镇有事仍令照旧用心供职以图后效

○癸丑起原任工部右侍郎陆光祖为南京兵部右侍郎升通政使司右通政丘橐为都察院左副都御史改南京光禄寺卿沉人种为光禄寺卿

○设束鹿县百尺巡简司

○广西田州土官知州岑太禄等差官贡马及银香炉等件给赏如例○甲寅调浙江杭严兵备副使顾养谦于蓟州兵备道调蓟州兵备副使费尧年于杭严道调山东副使李材于辽东开原道调云南右参政兼佥事赵睿于贵州右参政调四川佥事李士达于云南佥事调云南佥事杨际熙于四川佥事

○工科左给事中姚德重题今西北边军马困敝已极虏因讲和赏赐不赀边吏克剥军粮以充之士卒日困夷人专以疲羸不堪之马入觅高价军士给领十不一生乞敕兵部严行山西宣大抚按今后讨赏夷人或裁其名数或减其赏赐不然亦当另行动本省□税与缺官俸薪勿再克剥军粮互市马匹或裁其旧额或验其壮盛不然亦当另行给发驿递或货之民间勿再强给军士庶常胜之具在我国之神气日振矣得旨各镇军马既称困敝委当酌处兵部便行与督抚官着实行○乙卯兵部尚书张学颜复疏恳罢斥上仍慰留之

○命大学士余有丁主武举宴

○西虏哈不慎北虏大委正等糾聚大众入犯前屯至山海关中前所高岭驿等处蓟辽二镇官军拒堵退之

○丙辰升湖广右参议马鸣銮于云南山东兖州知府杨材于本省各副使

○丁巳升山东副使顾章志为南京光寺卿升通政使司左参议梁子琦为右通政

○命提学官考贡止一正一陪进学名数如人才众多地方酌量宽取但不许徇情过滥

○陕西博峪等族到京番人阿鹅等备腰刀进贡给赏如例

○戊午礼部覆陕西总督兵部尚书石茂华题称土鲁番速坛马黑麻虎答遍迭新立为王遣使叩关谢恩求贡明年大贡届期相应俯从所请止许正使一名从人七名所进方物悉照先年额数仍遵照五年一贡期限许之

○刑部覆礼科给事中李以谦题每岁录囚不曰处决而曰审决恐临决之有冤抑而再加详审也近年各省直遇审决之期但择情重者决之是处决而非审决也宜行巡按御史虚心详谏有情与律背事与招违者即为辩理事虽不冤执词不服者亦缓决以待下年再审不得一概行刑至于元恶大憝有会审批允十数年不到部院者应将稽迟官吏坐赃重究庶狡恶者不得幸免上是之

○工部覆总督漕运户部右侍郎傅希挚奏清江浦至西桥一带堤岸当黄淮扫湾之冲近年黄流日刷堤岸单薄万一啮决则运道生民俱受其害合将旧堤亟为修砌限万历十二年秋黄水未发之先报完完日将工费核实奏缴从之

○己未升吏部左侍郎张士佩为南京户部尚书○庚申升尚宝司司丞张位为左春坊左中允管国子监司业事

○升湖广左参政沈伯龙为山东按察使调山东右参议靖四方为湖广右参议

○户部覆兵部尚书王遴奏一议分别追赔以恤军言运军最苦在卫则给月粮在运则支行粮中途病故给银二两存恤二年月粮羨余一体给领今欲并逃者故者俱扣安家月粮及追预支银两夫故与逃不同逃者宜追故者宜免一议改留正官以修军政言军政所恃以修举者在掌印指挥不当与左右佥书更番领运宜令专留该卫修举军政祇选廉干左右佥书更番代运从之

○琉球国中山王尚永差官梁灼赍贡表文方物马匹宴赏如例

○辛酉先是河南巡抚褚鈇有恤宗通变事宜之请周府各宗心疑宗正睦木□挈倡其议会议之日郡王及将军中尉睦采睦儀睦＜婉纠耄境土□聂朝愷睦＜媛银洌厩诤淞酰缉懃特迹敬耘纷谖睦木□挈裂其衣冠奉差科臣万象春及河南抚按官杨一魁等上其事诏革睦儀睦采睦＜婉纠耄非幻滓话氤土□聂朝愷睦＜媛银洌厩诤淞酰缉懃特迹救分之一睦櫛所犯不止噉欧睦木□挈依抚按开列罪状诏革为庶人发住高墙

○升五军七营练勇参将林鹏为南直江南副总兵升浙江总捕都司钱经济为浙江军门标下左营游击起原任陕西都司掌印署都指挥佥事姜河为宁夏屯田水利都司

○镇守辽东总兵官宁远伯李成梁因南京工科给事中冯景隆参奏疏辞伯爵不允

○壬戌吏科给事中邹元标疏陈五事一培君德言 陛下际鼎盛之年何欲不遂宜味孟氏寡欲之训研几于声色臭味之间居处有时行幸有节此非独养德也养身亦在其中矣一亲臣工言大政事如人才钱谷礼乐兵戎刑狱工作宜召内阁九卿侍从儒臣面为杨确科道官旁为纠正则 圣心日益开明 圣政日益广大矣一肃宪纪言台中奉差诸臣不患无才患身不正而威令日弛也回院考察惟以砥节者为上操守端则宪纪肃宪纪肃则群吏畏慑贪黷者且闻风而靡矣一崇儒术言私创书院毁之诚是乃将先贤遗踪一概折废宜敕礼部令郡邑或概议修复或量为调停一饬抚臣言抚者安养休息之谓也除边方专理军务如腹里抚臣宜思抚摩之义正身率属以爱民节用为本政安则民和民和则天地之和应之矣 上是其言谓事关朕躬知道了余下所司○都察院覆给事中邹元标疏肃宪纪饬抚臣二事言诸差按臣务激浊扬清以肃吏治赃罚银两除解部备赈外不得私自取用亦不许妄行馈遗至于巡抚专制各省关系尤重平居则为民均户口宽徭役为休养生息之本一遇水旱灾伤或发廩或劝借务使流离得所庶吏治民生均之有裨诏从之

○礼部覆吏科给事中邹元标兵科给事中王亮各言书院一事人情向背视上指挥若不辨公私毁之未几而复之旋继又滋地方一番骚扰私创书院已经拆毁者不必概复如果有先

贤所遗或系本朝敕建者曾经拆毁量为查复其天真书院既云先臣王守仁专祠仍行抚按查先年奉何明文盖造动支何项钱粮所称书院学田是否学徒置买应否归入里甲俱议拟前来以凭斟酌覆奏其各省学田原额不一今书院拆毁之后田归何处一并查明到部请旨处分上曰重道崇儒原无讲学之禁亦不系书院有无若近年私创已经拆毁变卖的不必一概议复以费财扰民

○癸亥改兵部职方司主事徐贞明为尚宝司司丞

○升湖广副使张仰为湖广左参政

○命畿辅地方今岁都免行刑

○甲子夜望月食

○升南京太仆寺寺丞赵志皋为南京国子监司业复除原任湖广道御史许乐善于江西道升兵部郎中黄鹤为湖广副使

○升江南副总兵张澡为署都督僉事充总兵官镇守贵州复设顺天府宛平县大兴县各县丞一员通州本州递运所三河关递运所蓟州南关递运所玉田县蓝田递运所豊润县东关递运所各大使一员保定清苑县管粮主簿一员复设凤阳府知事一员简较一员寿州仓副使一员徐州永成库大使一员霍山县巡简一员凤阳府太和县倪丘集已革巡简司改复于洪山庙地方名洪山巡简司庐州府焦湖已革河泊所复焦湖巡简司各复设巡简一员

○丙寅 诚孝昭皇后忌辰遣官祭 献陵

○升神机八营佐击刘光祚为五军七营练勇参将

○以恩诏免坝大等马房子粒钱粮三分之一该监修理公用命户部照数抵补

○礼科给事中苗朝阳刑科给事中陈璧条议将开归二府盐就近改入长芦工科给事中曲迂乔条议河东解池旱涸国课有□将开归二府改行长芦就增长芦引目以补河东额课户部覆开归二府逼近黄河舟楫直达若行淮盐视之长芦更易为力地接齐鲁或行山东之盐犹可以杜绝私贩宜移咨河南山西山东淮杨各抚按河东长芦淮扬各巡盐御史会同各司道从长会议务使两地均便报可

○礼科给事中王士性条陈兵戎四事一中州武备言河南兵力寡弱扣留解部民兵银数万宜以其半募勇壮立参游一员专令操练随军门标下统之无事壮省会之势有事移兵袭击一全晋要害言大同居东北偏头老营居西北山西之极边也大同之内为鴈门偏老之内为宁武山西之重门也宜移宁武总兵驻偏关而以参将驻宁武山西巡抚兼巡宁鴈大同有警

则出鴈门偏头有警则出宁武以策应之一北虏机宜言自顺义请封边塞官军遂一切偷惰乞行各督抚挑选精锐简练以备未然一辽左战功言前黑谷关之事蓟门去犂谷不数百里而以败为胜况辽左数千里之外以后凡有报至行巡按御史查勘的确毋得止听督抚虚章赏赉滥及兵部覆河南民兵银两奏准留本省经今十九年未见支用下落宜行河南抚按备细查明召募勇壮添设参游有无窒碍全晋要害一事宜行山西督抚查照三关地里远近时势缓急会议停妥具奏余二事依议从之

○丁卯升福建左参议骆问礼为湖广副使

○己巳兵部覆南京兵部尚书王遴条陈计安留都十二事内八事系干兵戎一议量增月粮以恤精壮言舍人舍余旗军余丁选系精壮者月粮宜与正军相同一议遵例收操以安运军言运军因改折在卫者宜准发操食粮一议量均船差以救偏累言马船快船宜停分拨差一议改派马匹以蠲民累言营操马匹乞令大仆寺尽于解京备用马匹内改派不必贻累大户承买一议设添标兵以重事权言南京三大营都督俱有标兵参赞大臣宜增置标兵以听调遣一议酌处骄悍以正人心言自振武营之变以来尚仍骄悍之习自后鼓众群噪即将为首者斩以徇一议量添举劾以警旷官言巡逻把总遣拨厂把总宜照三大营例年终举劾除增月粮安运军二事宜行南京户兵二部计议添置标兵不必另立本部名色止于三大营各添设标兵一百名操演调用余俱依拟报可

○刑部覆南京兵部尚书王遴奏内一议申明职掌以端正体言南京内外守备衙门止为守御而设不宜滥受词讼侵法司之权各城兵马主讥察巡警非令干预刑名者也缉获人犯不宜问招拟罪委当遵照敕书各明职掌得旨守备参赞衙门着遵前旨各照职掌行事一应琐细词讼不必干预兵马司亦不许受词拟罪有违犯的科道参奏处治

○庚午陕西道御史杨四知言足民莫先劝农宜申严屠牛之禁章下都察院

○辛未降原任陕西副使甘来学为福建左参议

○升插箭岭守备卢洪秋为神机八营佐击

○吏科给事中邹元标疏言南京户部尚书张士佩去年一抚臣耳未几吏部侍郎未几而尚书有骤进之嫌礼部尚书徐学谟山陵回后物议沸腾犹复靦颜就列无易退之节疏下所司士佩疏请罢斥命以吏部左侍郎致仕学谟疏言元标左袒梁子琦微词冷击迫臣之去乞放归田里得旨准令致仕仍赐驰驿

○户部覆户科给事中杨芳条议查盘事

上曰近来查盘烦数科罪枉滥殊为扰民今后抚按等官每年会同委官查盘一次不许另差

○以水灾命河南□水等四十四州县分别赈恤

○改长武县宜禄巡简司于窑店名窑店巡简司

○壬申户科给事中王三宅劾南京户部侍郎王缉贪黷不法得旨王缉着冠带闲住

○六科十三道周邦杰等各举边才兵部侍郎杨俊民王一鹗刑部侍郎王宗沐王部侍郎王友贤总督郅光先巡抚孙丕扬杨一魁申佐萧廩李汶张西铭廖逢节操江傅孟春太常寺卿陈于陞光禄寺卿沉人种贾三近太仆寺卿舒应龙少卿裴应章行太仆寺卿邢玠布政使李戴贾待问郝杰严大纪徐元泰徐作梅友松曹子登卢仲佃滕伯轮按察使许守谦朱孟震姚继可严用和参政蹇达贾仁元冯敏功李材李廷仪李采菲赖廷桧梁问孟王基李颐副使叶梦熊顾养谦穆炜莫与齐余国宾费尧年蔡廷臣潘民模郑汝璧陈宗儒许守谦文作李承式栗在廷冯子履随府朱东光郭四维王胤祥参议郅永春僉事刘葵知府李时芳燕好爵朱衣王再聘郝汝松萧应官郎中王谦田时秀郑有年李承志员外朱正色主事万世德上曰这科道官荐举边才内有曾经被论及采访未当的吏部还仔细查核酌量推用

○以冯保空坟一区并庄房等项给永年伯王伟

○以贵州九股苗夷归顺赏巡抚刘庠前巡抚王缉李江参政项思教苏愚等银币有差

○辽东总督周咏奏请叙前屯山海关高岭驿二镇堵截斩获功上命巡按御史查覆明实具奏

○乙亥拣选工部郎中杨允中为通政使司左参议户部主事田蕙为通政使司右参议

○以忻城伯赵泰修为南京左军都督府僉书安远侯柳震为南京中军都督府僉书

○吏部题本部黜陟凭抚按举劾据巡盐御史王国祚所举梁承学品题过实殊乏藻鉴乞赐究治为谬举者之戒上令王国祚冠带闲住

○以水灾免湖广宁卿等二十七州县十一年分存留税粮照被灾分数减免有差

○丙子河南道御史赵应元题为灾异频仍乞比照先年事例考核两京大小官员以奠民生以弭灾变大学士申时行等疏言其不可罢之

○丁丑升太子宾客吏部左侍郎兼侍读学士掌詹事府事陈经邦为礼部尚书升吏部右侍郎沈鲤为左侍郎兼管经筵日讲俱照旧改南京兵部右侍郎陆光祖为吏部右侍郎

○户部覆巡按山东御史吴定奏言各省直地方旱潦灾伤虽同而被灾分数不一宜令各抚按先查禾稼被伤轻重分数若概县被灾如一即以概县奏报如一县之内某里被灾几分应免几分不得轻重倒置勘报不实得旨各州县灾伤有司不行履亩勘实止以虚文申报上司

抚按官据以奏闻致有混冒朝廷虽屡行蠲赈实惠何繇及民这所议俱依拟着实行

○户部覆湖广道御史董裕条陈言地方水旱有奏有不奏以致闾阎茹苦朝廷莫闻今后遇境内灾荒州县官即时申报抚按抚按即时奏闻一面从实勘报如申报愆期抚按即以不职参论又言滇狭库藏空虚要留抚按赃罚以备兵荒近经本部奏议赃罚照旧独云南腾永一带被兵地方不可以常例拘即将本年应解赃罚及事例银两量准存留一半赈给如或不敷仍将今年题留矿银一十六万两内酌量动支造册奏闻从之

○戊寅考选知县四员为给事中杨文举吏科张希皋兵科伍可受南京礼科孙世祯南京工科考选推官知县共一十员为试监察御史张文耀浙江道谭耀福建道杨东野河南道陈遇文山东道张允孚山西道徐申四川道李植广西道叶承遇云南道王制贵州道潘维岳南京江西道

○广西巡抚右佥都御史刘良弼以病乞休许之

明神宗显皇帝实录卷之一百四十三

万历十一年十一月己卯朔日有食之

升总督仓场右都御史兼户部右侍郎魏学曾为南京户部尚书

○升云南右参政李文续为云南按察使

○革延绥都司刘秉忠游击方济文王允恭任秉忠仍行巡按御史提门

○兵部覆给事中王三余御史陈登云各条议驿递站银裁削过当欲酌量议复无使致累贫民为照站银宜行各省直抚按备查本管驿递旧额原银若干万历五年后减编若干如经过官员仍前昌滥只宜清裁禁革如果正支不敷亦要查明奏请量为议复不得概行加增从之
○以虏犯山海前毛邻关散屯被抢调宁前副使岳汧简僻游击刘登泰等戴罪管事仍候巡按御史勘奏定夺

○庚辰户部覆巡按陕西御史陈荐条陈一议备荒言责令有司酌量乡村远近建立社仓州县正官应积谷石除足预备仓额外余者分贮社出借贫民凶年就近施赈一议催徵言有司沾抚字之名纵令顽民逋欠今宜遵旧限查参庶派徵可免一议官俸言全狭地半寒苦宜将缺官柴俸银两除每年额解延镇五千两外如有余剩即为补佐贰首领及教官缺俸一议盐筴言近因河东解池盐花不生议将花马二池有余之盐行于西凤汉等府然二池盐实在甚少访出新边外有徇盐一池产盐甚多但出境三四十里或启戎心宜行河东巡盐陕西巡按各御史并咨总督军门延绥宁夏各巡抚会同各盐法道会议停妥奏请定夺从之

○户部覆顺天府府尹臧惟一言审编事一银力二差分配丁田每亩科银二分涉于过重不若以丁门为主丁门上中则先尽力差重者编审其丁门下则并地亩编审轻差不得拘定每亩二分之例一差徭以丁田为主而又有门银者富家援例丁得优免故富者照门审差上中六则照门银等则编审下户既出丁银不得复议门银一力差代役额外需求以致正户倍累必每差明编实用之数除听本户亲当外代当者徵银解各衙门当官给领不许额外需求一流寓土著莫非王民除寄庄未久产业无多者照例每地一亩徵银三分止编银差外其住居年久置有地土房舍者即令收籍与土民一体审差一优免滥冒其弊难言凡系内使将军较尉等项职役务要该衙门印信公文查验分别品级见役歇役照例优免一各衙门裁革官员门皂人役宜查明免编以宽民力一各州县地有繁简故所用人役自有多寡将应减应增照数编审庶冗费可省而差用亦敷一差有银力轻重不同旧审银差有应改力差者或旧审力差有应改银差者随宜改编亦通变便民之法一添注官员既非额设则跟用人役亦宜随时酌量一昌平州地本冲繁委宜优恤先该御史江东之题请俟抚按查议题覆得旨如议行

○勘过大宁堡失事降守备朱延庆三级千户端世武照阵亡升录○辛巳礼科给事中陈烨劾南京右通政乔因阜言因阜先为浙江提学副使沙汰浙士太甚得上考遂有太仆少卿之擢今以不理于口乃图南转逃避人言得旨因阜降一级调外任

○壬午改礼部左侍郎兼翰林院侍读学士周子义为吏左侍郎掌詹事府事仍教习庶吉士

○癸未 恭让章皇后忌辰遣内官祭 陵寝

○兵科给事中王亮言国初勋臣运筹帷幄如诚意伯刘基仗节死义如花云其后嗣或无爵禄或有爵禄而夺之今刘基之裔刘世延有定变功被权相倾陷拟罪夺爵大为可惜花云一门忠节宜访其后裔表扬优恤 上命刘世延着复爵照旧于南京都督府带俸原住过禄米准与补支一年遇缺推用花云子孙着该抚按官查访的确具奏叙录

○云南巡按御史崔廷试言岳酋犯顺秋凉瘴消正宜相机剿抚滇境迤南有三江口一路哀牢山一路虽为崎岖乘虚潜入极为捷便乞令多方戒备 上曰该省贼情叵测一应剿抚防御机宜着沐昌祚刘世曾悉力殚心遵照前旨行事务保万全

○甲申遣侍郎高启愚祭 三皇于 景惠殿

○升陕西副使文作为云南右参政刑部员外郎施学龙为江西副使

○户科给事中徐三畏劾南京右都御史熊汝达向督工

昭陵损陷被黜蒙恩起用即乞恤典所请不遂宜有赧容自决进退 上命汝达着冠带闲住○以灾免延安绥德榆林三卫应徵十年分屯粮五万四千七百三十八石其免过之数照例每石补银三钱准于布政司库贮织造变价支剩及夏秋粮银内动支抵补

○总督宣大兵部尚书郑雒< 娼鬻金 >言十事一审夷情言者谓黄酋桀骜必为边患夫入餌之酋嗜甘成性黄酋即强力肆逆安能以一人拂群情哉一议贡市言者若有不足于贡市然自纳款以来生息日多积贮不赀孰非此贡市也使虏即变盟无论边备经营皆有次第即边臣出所积之五六十万而继之以太仓所积一量发焉养士士强买马马盛视之未款前兵饷两乏者果何如哉一明抚赏三镇抚赏皆抚臣该道主之将官无赏夷之责无有取足于军粮者惟是市马朋领垦荒田种采积青草亦有扣除然宣镇昔有今无未尝行之于山大也一计市马互市藉此羁縻而已非谓与虏一一筹贖息计盈余也强者给军以备骑操弱者变卖以资市本若谓马给驿递一镇驿递几何能派此一岁若干之马乎惟价不取贖于重估则军士不困马不苛责于夷人则贡市可久一计征操夫市马既以堪骑者给军言者有请马价另买北马之说今塞下无事即使发银买马祇縻正帑数年之后卒然有变然马已疲矣惟操演军士蓄养锐气而所牧胡马尽可骑操一裁猾酋纳款之初抚赏既节马数亦少后来虏情渐猾乞讨无制明岁当贡市之时臣申明旧规不轻添亦不轻减实可必其不僨事也一治叛夷近见塘报谓哈不慎率众犯辽哈不慎者青酋弟也如果入犯是实臣行该镇总兵责问青酋将哈不慎来年市赏尽行阻绝俟其查照初盟尽法罚治誓改前非然后容其市赏一处夷犯三镇延袤数千里即有散夷行窃非酋长为逆也一经责罚事遂宁帖风闻者遂以为边方不戒以后如有夷情变动据实请旨声罪如夷非大夥人无伤重督抚力能制驭年终类报起数分别劝惩庶边臣得以展布一慎招纳议款之初首及散逆顾群酋每借索降之名以起衅端

臣窃意板升之众用计招徕一呼可至若彼酋虏执词索逋边臣何辞以应欲贡市则不可招板升招板升则必至债市贡未有两利而俱存之善策也一酌工役近有停工养士之说顾马军操演是矣步军不责以工役不日骄乎残废民堡皆宜修治惟在酌工程缓急量士卒气力不貲以终岁之苦战固有恃守亦可资矣奉旨朝廷许虏贡市原为外示羈縻内修守备一应抚御事情全在督臣便与经画这所奏虏情边务详明的确便会同各镇抚臣着实举行毋以风闻臆说自生疑阻有误大计

○乙酉升湖广武昌府知府刘易从为山东副使

○丙戌遣侯郭大诚郑惟忠伯王学礼张元善刘嗣德分祭 九陵伯毛登祭
景皇帝陵寝中官祭 恭让章皇后及废后吴氏都督李文贵祭 哀冲 庄敬二太子各陵园

○丁亥以明日冬至遣公徐文璧祭 南郊侯李伟告
太庙公朱应桢侯吴继爵大学士申时行余有丁分祭 四坛

○以 圣母慈圣宣文明肃皇太后万寿圣节赐元辅申时行银五十两纁丝三表里次辅余有丁许国各银四十两纁丝三表里讲官陈经邦等六员各银二十两纁丝二表里

○命各防秋班营官军依期彻放蓟镇兵马着严谨分布防御毋得疏懈从总督尚书张佳胤所奏也

○戊子冬至赐三辅臣上尊珍馐

○陕西道御史杨四知进 成祖 仁宗 宣宗 三朝圣谕录大学士李东阳所辑
孝宗燕对录大学士李时所辑 世宗召对录请退朝之暇宣召臣工咨访是非报闻三录留览

○己丑怀仁王府奉国将军聪□□氏□□俊楸等六人年皆六十余诣阙称自嘉靖四十年春至万历十年冬计二十一年八十四季禄米无领饥寒迫身救死无策良繇有司不加轸恤视宗室为得已之人禄粮为不急之务是以臣等应得之物竟为吏胥温饱之资
上以其情词迫切与原无名封例不当请者不同命所司速议补给○庚寅以 圣母慈圣宣文明肃皇太后万寿圣节赐元辅申时行金万寿字三副金篆字八个金书黄符二道金书红符二道次辅余有丁许国各金万寿字二副金篆字六个金书黄符二道金书红符二道及讲官沈鲤等五员各有差

○以原任燕河营参将张礼为延绥左营领军游击原任宣府上西路参将张刚为右营领军游击

○命给太仆寺马一千匹仍发马价银一万五千两于蓟昌两镇买补倒死马匹

○北虏顺义王黄台吉恭进表文鞍马督抚官郑雒等为代请黄台吉要改名乞庆洽其部千户沙赤星台吉乞升指挥僉事河西明受台吉等乞袭父职俱从之

○辛卯贵州道试御史周之翰劾右通政梁子琦言子琦忿覆阅寿宫不得与列诤奏礼部尚书徐学谟欺罔今大峪山奉宸断并不在梁子琦所献八地之中则徐学谟之不得为欺罔明矣学谟既去子琦岂宜独留上降子琦为右参议闲住不许起用

○钦差给事中万象春会同陕西抚按李汶等言秦肃庆三府岁派禄无缺额惟韩府坐派府属连岁荒歉积欠数多乞量留工部事例银二年抵补其各王府递年积欠折禄折钞等银既难措处准与除豁以绝觊觎从之 朝鲜国王李昖差陪臣金亿龄等进贺冬至令节赐宴如例

○壬辰升南京鸿胪寺卿方九功为南京通政使司右通政

○升户部员外郎李春光为陕西副使

○礼科给事中王士性劾巡抚应天右僉都御史郭思极前以御史监临湖广科场时取中故相张居正子张懋修又因讲学士人何心隐昌言居正短丧之失毙之狱中此与吴仕期之冤何异太仆寺卿张彦无功绩而骤转京堂俱应罢斥吏部覆郭思极巡抚应天人称其善张彦循资例转亦未为骤宜令照旧供职报可

○以镇江西北洪口盐徒杀死官兵夺海防同知边有猷俸三月下指挥孙光裕千户刘余庆于巡按御史提问 癸巳升户部右侍郎王廷瞻为左侍郎总督仓场升保定巡抚右僉都御史宋纁为总督南京粮储户部右侍郎升应天府府尹吴善为右副都御史巡抚广西

○顺天巡抚右僉都御史翟绣裳以御史杨芳参论乞罢准令回籍听用

○甲午升光禄寺少卿徐元春为南京鸿胪寺卿

○甘肃巡抚王士□□劾前任西宁道副使岳凌霜贪纵残虐吏部覆凌霜自任副使多称其贤行巡按御史查勘具奏从之○南京户科给事中余懋学御史谭希思等各< 娼弊-金 >救御史孙继先曾乾亨乞赐召还 上俱切责之各夺俸二月

○乙未四川播州宣慰使司宣慰使杨应龙贡马庆贺 万寿圣节给赏如例

○丙申 孝惠皇后忌辰遣阳武侯薛銀祭 茂陵 孝烈皇后忌辰遣成安伯郭应乾祭 永陵

○丁酉 圣母慈圣宣文明肃皇太后万寿圣节
上御皇极门百官致词称贺赐三辅臣上尊珍饌

○命取原任翰林院修撰陈于陞仍充日讲官驰驿来京

○命右庶子兼侍读范应期侍讲张一桂右中允兼编修吴中行右赞善兼简讨赵用贤俱充经筵讲官

○兵科给事中黄道瞻劾兵部尚书张学颜才若可用而事被指摘难以展布宜择各边总督才猷素著者入为本兵而遣学颜解去部务以代之南京兵部尚书刘尧诲年已衰暮而行又贪污宜行罢斥又称总兵戚继光胡守仁宜互相更调李成梁父子不当各镇守重地原任总督郅光先等宜酌量起用上以道瞻更调尚书总兵擅拟处分殊为轻妄着降调外任用

○南京陕西道御史孟一脉<娼弊-金>奏一曰保

圣躬言御用宫女急急选取非节宣之道亲诣秋祭阅

寿宫勤劳甚矣诸臣章奏宜下部臣覆议阁臣拟旨而竟自处分于

圣心自觉劳勩皆非所以保圣躬也一曰正人心言仕重始进宜敕各省提学先品格而后才华趣向端而士风自定一曰厚民生言差役繁重民力日竭宜令司牧之官委心抚字使民不流移有司以垦田之多寡为殿最一曰禁淫巧言浮梁之磁珠翠之宝龙床之添设露顶之添造元宵灯服端阳五毒吉服等物百姓不知以为服饬之贵华靡群起则效莫可禁止一曰整戎兵言边疆多以败为功边臣每相继入本兵廷臣言者下本兵覆议则中伤随之宜敕兵部勿以前愆为讳选将诘戎振国威而作士气上曰朕孝事两宫近年织造袍服及器物等项专备供奉皆不容已况发有内帑银两原不扰民孟一脉这厮如何轻率渎奏姑着调外任今后言官建白时政都不许掇拾浮词捃摭旧事卖直沽名再有这等的重治不饶六科十三道各具公<娼弊-金>申救上俱切责之夺为首俸三月

○己亥流星赤色起自胃宿西南行有声如沉雷后有二小星随之○辛丑改总督两广右都御史兼兵部右侍郎郭应聘为南京都察院右都御史

○改抚治郧阳右副都御史张国彦为整饬蓟州等处边备兼巡抚顺天不必候代

○升大理寺左少卿李己为右佥都御史巡抚保定

○兵部尚书张学颜被言乞罢且恳复科臣黄道瞻原职上温谕慰留之

○以灾分别苏松二府十一年分起运工部钱粮应徵应停应免有差

○壬寅谕兵部云南緬贼猖獗战守机宜镇巡官作何处置尔部里马上差人传示彼处着沐昌祚刘世曾务遵前旨同心戮力共保无虞兵饷事宜会同户部即与设处腾永等处有无声息总兵官一月一报如系紧急半月一报候事宁止应给火牌便查与他○升广东左布政使王元敬为应天府府尹升福建僉事赵参鲁为光禄寺少卿升南京礼部郎中陈瓚为南京通政使司右参议升陕西副使胡穗为陕西苑马寺卿广西僉事王廷简为广西右参议

○賜致仕刑部左侍郎朱大器祭葬如例

○順義王黃台吉差酋長□言恰等賚捧番表馬匹并各枝貢馬給賞如例仍頒賜敕書獎諭

○工部覆浙江巡撫蕭廩言歲造段疋金素本有旧額迺因賞賚獨王新增改織二千獨行浙江然歲造原分各府則改織不當獨派一方宜分浙江福建蘇州松江常州鎮江徽州寧國揚州等府及廣德州庶眾輕易舉從之○癸卯升大理寺右少卿□為正為左少卿左寺丞張簡為右少卿

○朵顏等衛夷人頭目乞子等朝賀長至令節賜宴如例

○以災命揚州八九十年分工部錢糧應免應停有差并准改派段運之期

○甲辰起原任總督陝西三邊軍務右都御史兼兵部左侍郎鄧光先為原官升刑部左侍郎吳文華為右都御史兼兵部右侍郎總督兩廣兼巡撫廣東升南京太仆寺卿毛綱為右副都御史撫治鄖陽

○賜魏國公徐鵬舉妻童氏開圻合葬

○乙巳 皇第二女生 德妃鄭氏出也

○命吏部左侍郎兼翰林院侍讀學士沈鯉充會典副總裁○升福建右布政使蔡汝賢為廣東左布政使湖廣黃州府知府鄒迪光為福建副使提調學政浙江處州府知府李實為陝西副使調原任四川副使郭棐為廣西副使□□設湖廣鄖陽府房縣縣丞上津縣主簿本府大豐倉副使鄖縣鄖陽水驛驛丞襄陽府知事均州均陽水驛驛丞河南南陽府內鄉縣縣丞各一員

○晉府方山王府輔國中尉慎□金戶已□原未奉旨擅婚郭氏詔慎□金戶已□罰住祿米三分之一郭氏革退另選原勘官左布政李戴等罰俸一月長史鄭璉等下巡按御史問

○丙午以 皇女生賜元輔申時行紅雲纓絲二疋銀抹金腳花二枝次輔余有丁許國及講官沈鯉等五員各紅纓絲一疋銀腳花一枝

○丁未升提督四夷館太常寺少卿蕭崇業為南京太仆寺卿

○升福建按察使陶大順于福建江西按察孫綜于河南各右布政使

○雲南巡撫都御史劉世曾題永騰設在滇西之極莽酋猖亂兩處各募兵三千名防守備多力寡乞將永騰募兵各加二千名以足五千之數操練防剿目今主客兵餉除庫貯堪動銀五

万五千九百二十九两仍将节年未解扣罚官俸盐课等项及矿课等银五万一千一百八十三两留凑支用万历十二年以后募兵粮饷将额解抚按赃罚等项银共七万三千三百四十七两俱存留与扣剩备边税粮等银相兼支給仍乞行川湖二省各借库贮官银十余万两协济以补不足兵部覆如议从之

○戊申复设大同威远参将

明神宗显皇帝实录卷之一百四十四

万历十一年十二月己酉朔谕鸿臚寺朕偶感风寒暂须静摄暂免朝讲数日

○诏取太仓银十万两光禄寺银五万两为宫中喜事赏用大学士申时行等言各处钱粮既多免徵减太仓之岁入西北军饷又通行抵补增太仓之岁出明年岁用不敷难于措处乃令光禄寺取十万两太仓五万两时行等再执奏不可上命停取太仓银两谕光禄寺取银十万两进用光禄寺官巡视光禄科道等官俱言库贮匱乏乞赐停止报已有旨

○命总督漕运巡抚凤阳户部右侍郎兼右佥都御史傅希摯回部管事

○升四川右参政陈文烛为福建按察使复除原任贵州按察使余立为江西按察使○庚戌山东巡抚右佥都御史陆树德以病乞休许之

○辛亥调云南右参议王延稷为四川右参议

○壬子 慈孝献皇后忌辰 奉先殿行祭礼

○癸丑提原任浙江巡抚右副都御史李世达以原任总督漕运兼巡抚凤阳等处

○升太常寺卿李辅为右副都御史巡抚山东

○升山东副使李材为云南右参政

○兵部覆陕西巡按御史韩应庚兵科都给事中张鼎思各题称西番拥兵七千余骑从八盘岭透黄羊川行走虎酋阿赤兔等带领精兵亦繇此迎番庄浪凉永之间杀戮残毁势必不免宜行巡按御史查勘具奏从之○夷妇大嬖只本年六月入犯古北口闭关停赏后将原抢人马节次献还钻刀说誓永称效顺督抚官张佳胤等乞将原革旧赏开复以安夷心兵部覆如议从之

○南京兵部尚书刘尧海等题南京各营国初额设官军一十二万六千五百一十名见在祖军一万九千八百四十六名事故一十万六千六百六十四名节年召募军丁一万八千四百八十二名今见在并续补共一万六千九百三十六名事故一千五百四十六名即今题奉钦依准照祖军事例收补一时投充顶补者四千一百三名已经收发各营操备外其祖军节年逃故者自宣德四年以后在册清勾者尚有六万一千三百三十六名乞通行各省直清军御史将本部造到文册严督司道清军等官照名挨查勒限起解每年终有司解过军人数目仍听清军御史照例分别举劾奖戒兵部覆如议上曰近来勾补军士有司官不行挨查起解营操卫所官不行存恤以致隐漏逃亡卒伍虚耗以后着该巡按御史设法清查有仍前慢令行私需索等弊尽法处治

○甲寅起原任宣府协守副总兵潘忠为大同威远城参将

○革墙子岭参将王继英等任下三屯营守备俞綰等于总督衙门提问调参将王通等于标营腹里从总督尚书张佳胤之奏也

○乙卯调河南副使王緘为山东副使

○礼科都给事中万象春题臣奉敕前往河南山西陕西会同各抚按官行令各王府长史等官启王集宗正郡王等条议随该秦晋伐沈诸王府所呈大约愿将见在额派之禄通融均用日后子孙不拘多寡均此取给则朝廷无减削之名而各宗得分愿之正自今以至万年可也下其疏于礼部礼部覆言科臣所称诚为当今便计但各宗条议止于河南山西陕西三省其山东湖广江西广西四川五省尚未议到宜另行催五省抚按官俟奏到之日另行题请大集廷臣会议请自宸断然之

○丙辰起原任太常寺卿温纯为原官

○升四川都司黄斌为四川松潘东路左参将

○复设云南临元参将一员添设顺蒙参将一员

○戊午广东道御史洪一谟奏称族弟洪一慎亲女选配安陵王妃相应外补许之

○己未降广西左参议项用宾为福建佥事

○升贵州都司掌印刘招桂为顺蒙参将四川行都司佥书刘天俸为临元参将○升原任游击彭友德为墙子岭参将调横岭路参将李成材为黄花岭参将擦厓子守备高彻为遵化坐营都司原任都司朱寿为三屯营守备密云副总兵徐从义调管燕河营参将事浙江瑞安所副千户江应龙管南兵营游击事原任坐营曹簋为遵化左营游击调浙江中军徐景星为密云右营游击

○庚申福余等卫夷人把歹等表贺长至令节朵颜等卫夷人土儿阿等补贺万寿圣节宴赏如例

○壬戌 世宗肃皇帝忌辰 奉先殿祭祀遣宁晋伯刘应元祭 永陵

○癸亥 孝惠安和景皇后忌辰遣南柏伯方烨祭 陵寝

○铸给山东清军督粮道各关防

○升山东都司僉书米万眷为横岭口参将升山西北楼口守备俞应乾为昌平标兵营游击升浙江都司僉书王接武为浙江军门标下右营游击

○降原任宁夏总兵署都督僉事张臣为蓟镇马兰峪游击

○甲子户部尚书王遴等言太仓银库岁入银三百六十七万六千一百有奇岁出银四百二十二万四千七百有奇万历十一年分奉诏蠲免并灾伤织造议留共银一百七十六万一千有奇俱该太仓抵补岁入视岁出共少银二百三十万一千有奇况岁入未必能如数完解岁出则毫末不容减少今太仓存积除老库外仅三百余两不足当二年抵补之资矣国家岁运漕粮四百万石今京通二仓实在粮共一千八百一十八万五千四百石有奇每年军匠在官人等实支本色米二百二十万石银少粮多臣等拟改折一百五十万石暂行三年此计之两得者也上曰漕粮改折了一时要米怎能得到大学士申时行等复言近年京仓积米足支八九年愈多则愈浥烂且议折三分之一固非全折但欲暂行三年则为期太远本色太亏宜暂准一年以济目前之急上从阁拟

○以年节赐元辅申时行银五十两彩段四表里次辅余有丁许国各银四十两彩段二表里讲官沈鲤等五员各银二十两彩段一表里

○礼部类奏万历十一年四方灾异

上曰灾异示戒朕心深切警惕中外大小臣工都着一体修省恪供职业以回天意

○停徵万历十一年分苏松二府牲口银两

○乙丑命翰林院编修曾朝节陆可教冯琦简讨余继登充会典纂修官

○应天巡抚郭思极以人言＜娼弊之金＞辩乞罢上命回籍听用○兵部覆吏科给事中杨文举条议抚剿莽酋岳罕机宜十款一加巡抚以提督川贵之权合将云南巡抚暂加兼督川贵兵饷职衔二省司道并听节制一议总兵官接待司道之礼黔国体统既复无以事权任我别出事端抚按藩臬亦毋得过为裁抑一置将领以资弹压临元参将兼制曲靖抚按原未议及顺蒙参将抚按议于顺大适中驻劄而科臣则欲移驻顺蒙姚景之交事干更置宜行抚按再加酌议一议兵食以裕边防云南米价腾踊迤西一带鳞次递运之法与折赎开纳奖劝之例亟当议处一乘时会以收人心谓各土司头目所当相机鼓舞勿咎已往有能擒斩岳罕诸酋者破格加恩至罕进忠乃木邦宣慰罕拔之子穷迫归我尤宜收之以慰夷情一酌边禁以寓招来但有通夷之人肯实心内向者待以不死有能擒斩酋首成功者许破格题叙一宽驿站以通脉络所属驿站应动何项钱粮稍为宽恤一改隶土府以便钤束科臣欲将顺宁蒙化二府改隶金腾但澜沧金腾二道俱各专领兵饷重寄惟协谋共济以不必再议改隶一议置镇戍以巩边防候故疆尽复之后行抚按于各要区应开设县所移驻将兵逐一会议停妥具奏一宽文法以鼓边吏地方官果有留心边务立有功绩者破格优异每年进表不许将兵备官员差遣至于恢复木邦三宣以壮腾永声援以固金滇门户尤为保障地方完策抚镇官宜

悉心协力遵节次题准 明旨施行得旨云南巡抚官准兼督川贵兵饷其余事情着该镇巡官遵照节次明旨用心经略相机处置应奏请的具奏定夺○丁卯命陕西汉中府羊税咸阳县皮布税及泾咸静平等十七州县并雪阳永乐二镇店私立税银尽行裁革

○直隶巡按御史方万山言马政每年赃罚额八百两至万历九年题准种马变卖价银解部印烙不行罚赎何取欲将每岁额解赃罚革免户部覆如议从之

○以江西金花银拖欠数多抚按官不查催夺抚臣曹大野俸三月经该有司还着查参

○分别蓟镇春秋两防领班官游击戴采等一十六员纪录江应宪等六员夺俸三月孙绍庆等革任为民

○云南巡抚刘世曾言查探夷情事莽瑞体干万历八年檄招腾越州卫职官往见兵备道恐出木邦罕拔诈计乃密差通事募小坑等五人携币帛鞍马入缅侦探不意道为罕拔所执拔遂益以人文送之摆古小坑等至即罄所携物自馈莽贼贼内而遣归附以氍毹锦布数种狂悖语具在竹叶书中无款贡意且求贡之文甫至而易置宣抚窥伺腾永之文继之一时二事自相矛盾随委通事谕以告文优以金帛兼奖异罕拔俾终贡事适莽酋死子应里嗣不见使不受汉赏且怒罕拔贰已囚之而攻袭其地此其悖悖明甚今但当多方设策图之不必区区以彼之贡不贡为也 上曰先年莽酋桀骜侵夺土司地方官漫不经心偷安养乱以致藩篱尽撤边境多事却又捏称本酋献物求通好生饰虚罔上以前经该官员着该科即便查参来说

○戊辰赠原任太子少保吏部尚书兼翰林院学士李默为太子太保

○命修筑山海关城其工费于太仆寺马价内照数动支从总督张佳胤所奏也

○己巳应天巡抚郭思极言沿江芦课新增数多乞要除豁工部覆芦洲日当巨流有淤滩新出者亦有冲决戢敛幔俱槩徽咭源说直聳颇讯僭舛嘶砉拍支中略佳我仍令以后五年一丈量实在洲场方行追徵从之

○庚午兵科都给事中张鼎思等言莽酋父子雄据摆古蚕食土夷抚慰诸司输款于莽为彼向道已非一日地方诸臣酿祸养寇差使侦探而附以重币是贼不求通于我而我先求通于贼也竹叶书中原无款贡之文而遽议行赏竟为所却如此而又捏称献物欺罔之罪其又何辞乞分别治罪 上以各官误事罔上巡按刘维副使胡心得革职为民巡抚饶仁侃冠带闲住黔国公沐昌祚策励立功自赎按察使魏体明罚俸半年都司赵琮提问具奏布政使陶承学已致仕免究

○夜一更 慈宁宫火 圣母移居乾清宫○辛未

上召礼部等官至会极门司礼监张宏等传奉 圣谕 慈宁宫灾系

上天示戒朕心切警惕中外大小臣工各宜省愆思职共图消弭以承天心

○起原任南京国子监祭酒姜宝为太常寺少卿提督四夷馆

○南京兵部尚书刘尧诲以人言乞罢准令致仕

○工部右侍郎刘志伊以先任湖广布政取中张懋修为应天巡抚郭思极辩疏中及之奏辩乞罢得旨令照旧供职

○巡视京营科道傅来鹏等荐举勋卫徐汝城等副将参游等官杨鲤宋兰等劾参将戴良栋等革任俱依拟

○赐原任通政使吴三乐祭葬如例

○赐原任少师徐阶继室张氏祭开圻合葬

○新建丹徒大犊山丹阳黄泥坝二开

○壬申赐乐安王多□四书五经集注各一部书院名为博文从乐安王所请也○升大宁都司佥书霍贡为保定车营游击

○癸酉以慈宁宫灾命百官修省三日

○大学士申时行等将讲过讲章梁惠王章句下一本贞观政要任贤一本类写装演进呈以立春赐三辅臣上尊珍饌

○复除原任刑科左给事中齐世臣于礼科

○南京礼部尚书杨成以病乞休许之

○都察院左副都御史丘橈以风纪不振条陈数事一曰考绩谓各官考满岂都称职宜择不职之尤者注劣考以抑之一曰请托谓持斧之使未出都门而密嘱之姓名贿买之简札已接踵矣堂堂豸冠岂可听人颐指一曰访察谓二司考语必托之有司有司亦皆托之有司美语密达彼此交通是非倒置一曰举劾谓庸劣去任者登白简百足之<风-几>无一不在优荐一曰提问谓纠治贪残止有提问一节乃或批驳以相延或朦胧以竟免一曰拘资格谓有司举荐先尽甲科而纠劾则先尽举监不问贤否而先计出身之途一曰处卑职谓佐贰教官等之刍狗而不问其职业一曰馈遗谓劾者不肯自任为仇而举者乃冒认以为德明送暗投钱神铜臭恬不为非乞皇上敕下部院振作方新万一踵袭旧套不革前非臆部院<馆-金>名降黜六科官指实纠弹则颓风可挽仕路获清上可其奏令著实举行

○革浙江总兵官胡守仁任以其贪险凶暴为兵科给事中张鼎思所劾也

○甲戌上传旨赠皇亲李伟国公大学士申时行等言
皇祖世宗皇帝厘正封典未有赠公者如吏部所引泰和安平二家皆
皇祖所春遇赠官不过太保及太子太保至如玉田伯乃
慈孝献皇后外家蒋轮没后赠亦不过太保而已正德中寿宁侯张峦故事不可为训若
圣意必欲从厚合无加赠太傅以仰慰 圣母罔极之怀 上令中官传谕今
圣母在上朕当从厚岂可与蒋家比竟赠安国公

○起原任礼部右侍郎管国子监祭酒事孙应鳌为刑部右侍郎

○升应天府尹王元敬为右副都御史巡抚应天

○乙亥命庐阳淮阳四府滁和徐三州照旧属南直隶提学御史衡永辰三府郴靖二州照旧
属湖广提学黎平府照旧属贵州提学江北巡按上湖南道分巡辰沅兵备俱仍管各该原务
不得干预学政原领敕书换给

○赐赠太傅安国公李伟祭十六坛仍加六坛并与谥○辽东逞仰二奴并西虏入犯砍伤备
御霍九皋抚臣李松镇臣李成梁伏兵歼之二奴授首共斩获一千五百有奇督臣张佳胤以
闻兵部请荐告 郊 庙宣示中外以昭殊烈 上是之

○先是给事中姚学闵题革湖广省城总兵官兵部覆如给事言 上以
皇祖明旨不许革除命兵部再议

○丙子秦王宜湣奏称祖秦宣王第四子辅国中尉敬金□勉并父秦靖王第二子奉国中尉
宜□□夕□第三子奉国中尉宜湣乞各赐郡王封号及将秦靖王第一女亦请郡主封号
礼科都给事中万象春等言万历十年题准宗藩条例明开进封亲王子孙除承袭外其余不
准加封照原封世次授职秦王陈乞事属违例礼部据例执奏如给事言
上是之仍谕以后各王府再不许越例陈乞

○礼部类奏晋府等府各宗越关奏扰得旨晋府长史照例降调怀仁王府教授罚俸一年

○升后军都督府佥书都督佥事王化熙为镇守浙江地方总兵官升神枢十营佐击蒋国忠
为神机七营练勇参将

○巡视京营科道傅来鹏曹一鹏条陈营务一精简选以壮军威言兵不贵多贵精合将营军
挑选分别三等各足三千为一营余军收备兵营操练候补不堪应役者责令摘牌替役革除
名粮选锋缺伍止许在营军内挑选一议粮饷以恤将士言各营将官量加养赡米石月粮之
放每月限至初十日放完庶将士得及时之养一议马政以苏军困言三大营马四月给草料
银五钱六分五厘单月又扣朋银五分一日所费止于一分七厘合无量行加添至于朋银特
免扣除凡遇印烙估卖之时照依倒死马例量出桩银无桩老马止照肉脏稍增益之庶军不

偏苦一复旧制以补将材言五年考选军政止照原题直省腹里从公选汰其京营九边将领仍旧听阅视等衙门循例举劾不得一概并考徒滋扰弊一饬班政以裨实用言宜通行各省直抚道衙门将京操班军月粮折银责有司预期追完应先领者足数给与应解京者即差官随领班都司押解到部先给一半以资赡养班满之日再给一半以充路费兵部覆复旧制以备将材一事以后遇考选军政之年京营将领免其考察九边将领仍与各直省一体考察余四事俱应依拟从之

○命发太仓银十一万三千四百七十两并固原延绥镇库贮节省客饷银十万两发陕西四镇抵补西凤等五府蠲免民粮之数

○以陕西灾伤重大民困未苏临巩二府所属十八州县并延安等二十卫所未完八九年分带徵钱粮尽行蠲豁

○戊寅禘祭 太庙

○以明日正旦遣隆平侯张炳阳武侯薛鋹成山伯王应龙遂安伯陈澍宣城伯卫国本分祭九陵武平伯陈永祿祭 景皇帝陵寝都指挥僉事克谦祭 哀冲 庄敬二太子内官祭恭让章皇后及废后吴氏各坟园

明神宗显皇帝实录卷之一百四十五

大明神宗范天合道哲肃敦简光文章武安仁止孝显皇帝实录卷之一百四十五

敕修万历十二年正月己卯朔上御皇极殿百官行庆贺礼赐三辅臣上尊珍饌

庚辰

禁诸宗室陈乞初代府宗室廷坑等父母已经受封所生之子在未奉条例先者应续请封爵
礼部言

嘉靖八年以后原无请封之例今条例已经题过名粮者不得藉口辩复若一从其请各蕃请
乞宁有已时

上曰以后各宗有违例渎扰者治之
蠲淮扬等处万历二年至八年拖欠牲口银两从御史孙继有请也

辛巳慈宁宫灾诏百官修省礼科都给事中万象春言宫闈火警皇上方反躬自咎臣意当今
急务无如保

圣躬其次在节财用夫爱君者防其渐保身者谨于微动静食息快意适情亦非爱养节宣之
道昔晋文公得南之威三日不朝遂推而远之仪狄作酒禹饮而甘之遂<娼鬻金>仪狄载
在史册侈为美谈可不滥乎至财用国家之命脉今宫中用度每年额角□羊金花百万迩年
来令太仓增进二十万犹称缺乏君买繁多支用四出臣愿

皇上加意樽节此皆修之实也<娼鬻金>入人多危之而得报闻于是中外仰

圣明之从谏矣

山东道御史丁此吕因火灾条陈五事一曰慎举动二曰弘听纳三曰正典刑四曰去幸位五
曰训近侍内言宜撤鳌山之灯止

寿宫之阅停磁器之制节织造之工立建言贬窜诸臣如赵用贤吴中行邹元标沉思孝艾穆
等立诛逆保朋奸之游七徐爵等并去故相居正之党勿容充位内监传元宵节乾清等宫设
鳌山等灯礼科给事中王士性言四方守臣所奏洪水岁祲营垒火光灾异纷如而慈宁又有
此变正宜修德消弭安得复恣燕乐宜一切裁罢上纳之

癸未上御皇极殿谕兵部辽东虏贼犯入声势甚急传摠督镇抚官用心防御截杀以闻

浙江道御史张文耀＜娼弊-金＞参陈三谟曾士楚当故相张居正夺情起复时三谟士楚□□只名具＜娼弊-金＞违众保留欲去君臣父子之伦甘为异类二人首事群邪效尤台省中如李选李宗鲁千应昌于鲸贺一桂陈世宝顾尔行相率为奸荡踰篋簋使人愤懣不平乞将两臣从重究处得

旨陈三谟曾士楚附权蔑伦有玷台谏并削藉

乙酉升南京都察院右都御史郭应聘为南京兵部尚书参赞机务
起原任礼部尚书万士和为南京礼部尚书 起原任应天府尹王世贞为应天府尹丙戌享

太庙 虏犯辽东我师拒却之先是东西虏有十余万于十二月从十方寺堡入犯我师堵截六日始出境前后斩首级四十二颗达马八十一匹盔甲夷器称是兵部以捷闻

丁亥 礼部覆襄王捐禄修城散财赈众宜奖

诏令有司备彩币羊酒扁额示旌

戊子

上御文华殿讲读

己丑

孝恪皇后忌辰 祀于

奉先殿 遣成安伯郭应乾祭 永陵

户部尚书王遴覆湖广抚按李江等＜娼弊-金＞以长常二府监税并兴国等处七十七州县原额杂税辰靖盐木油税常德茶炭税既系军需兵饷祭祀与宗禄官俸等费照旧抽收每年扣一千五百两角□羊部济边余存听用其武昌府大冶等六州县税银既已盈余令酌定数目徵角□羊支销毋得仍自起税报可 御史张文耀奏革湖广摠兵官事下兵部议未定文耀又＜娼弊-金＞陈因革始末极言复设不便状部议复设但不必专用世臣得

旨还于侯伯内推廉勇堪任者去 福建巡按御史龚一清查核过南澳铜山功官兵冲沉倭舡四只生擒倭贼二十八名斩首十二级夺被掳者六十余名文武官于蒿等优叙奖赏有差 两广摠督右都御史郭应聘请会官勘处安南与下雷归顺等州峒地界或退还安南或立石定界庶杜彼此之争端一华夷之大分从之 兵部覆辽抚赵维卿请增广宁等马骡料价允之 铸福建督粮清军关防 云南府地震 庚寅

升宋兰为后军都督府佥书王桂为神机营佐击将军

建州卫女直夷人都督王忽等进方物宴赏如例 乙未 英宗皇帝忌辰 祀于奉先殿

遣惠安伯张元善祭 裕陵 丙申

上偶不豫文书官传鸿胪寺改宣捷祭告期大学士申时行等言

圣体偶尔违和暂湏静摄天心眷佑当即康宁但连日风寒正峭气候难调伏望

皇上顺时珍护茂膺景福 戊戌 大学士申时行等言昨奉谕 旨暂免朝讲仰惟 皇上一身乃上帝所眷绥百神所拥护暂时违豫不日就康但臣等窃惟六气之邪乘虚乃入必保养完固则外邪不侵尤望慎节起居导迎和气以茂庸康宁之福 己亥

以怀宁侯孙世忠挂印充摠兵官镇守湖广 升南京工部右侍郎袁洪愈为南京都察院右都御史巡抚贵州右副都御史刘庠为南京兵部右侍郎 下西宁参将王国柱于吏部副使张登云夺俸坐虏酋着力免等科西海虏酋领虏八千余骑抢西宁番族突入境内杀场番汉土人并头畜甚众为甘肃抚按董尧封等参劾故究治 南京刑科给事中阮子孝等广西道御史沈汝梁等先后〈娼鬻-金〉荐原任保定巡抚孙丕扬等三十二人负时望有边材章俱下吏部 庚子 补翰林院修撰陈于陛充日讲官 浙江抚按范鸣谦条上备赈荒等事下户部覆 安南都统使莫茂治自袭职来节年贡仪不缺兹当三年之期预以正贡二部来请两□阙字应聘为具题兵部覆请诏允开关验进

○辛丑以辽东大捷遣公徐文璧侯吴继爵伯王祎祭告 郊庙○右春坊右赞善赵用贤以病乞归不允

○准湖广副使钟继英致仕

○山西抚按侯于赵等会参原任辽东巡按于应昌杀刘台事章下都察院

○以巡抚郭思极言苏州等十府上元等八县灾诏免四司料价及黄白麻鱼课等十之三

○壬寅升广东副使朱东光为广东右参政分守岭西道

○四川下川东道副使王汝鲁以病免

○癸卯 孝静毅皇后忌辰祀 奉先殿遣靖远伯王学礼祭 康陵

○叙辽东大捷功督抚镇而下各进秩赏赉有差先是兵部尚书张学颜题辽镇督抚镇巡等官张佳胤等报万历十一年十二月初一等日逆虏逞仰加二奴纠借大虏指以讐杀猛骨孛罗为名实欲犯抢开原辽沈抚臣宣谕不从因潜兵四起当阵斩获仰加奴逞加奴等首级共三百一十一颗及外应李总兵伏兵斩获塞土地贼首级一千二百五十二颗并获马匹夷器衣甲等物无算有功官员应优叙阵亡官军应优恤其二奴遗下夷部即如该镇议悉归猛骨孛罗约束再照辽地马匹原少马价不敷合于原额四万之外量加一万两作为年例再发二万两以补今次从征缺数俱于太仆寺支給 上奇其功诏岁加李成梁禄米二百石先荫本卫指挥僉事改锦衣卫升二级世袭赏银一百两大红纁丝蟒衣一袭彩段六表里张佳胤加太子少保荫一子锦衣卫百户世袭赏银五十两纁丝四表里李松升兵部右侍郎兼都察院右

金都御史照旧巡抚荫一子锦衣卫百户赏银四十两纁丝四表里与佳胤各给与应得诰命任天祚升一级宿振武加副总兵职衔仍赏实职一级霍九皋加参将各赏银二十两纁丝二表里曹子朝赵维卿升俸一级与李兴等各赏银二十两内李兴李宁各升祖职二级秦得贵史儒学应时各加游击职衔刘言李维藩各加参将与章应选俱遇缺推用查大受等各赏银十五两内郭仲举孟承勋各升试百户其余俱依拟军士血战劳苦发马价银二万两差科臣一员会同抚按官赏犒差官另勘本兵调度有功张学颜赏银五十两纁丝四表里辛自脩阴武卿各二十两二表里该司郎中银十两余各八两

○先是覆辽东功文书官刘成口传加恩阁臣大学士申时行等上言 皇上留意边防轸念将吏劳苦升赏俱从优厚诚激劝人心之大典至欲叙及臣等则万不敢当盖此边镇奇捷皆繇

皇上神武布昭威灵振叠将士协心所致臣等叨侍帷幄迺会其成有何劳能可录况边功不叙阁臣已奉有明旨且臣等岂宜分将士之功增冒滥之罪至是复有旨辽东大捷实元辅等预授庙谋所致既不拟旨受荫今特赐元辅银二百两蟒衣一袭彩段四表里二辅各银八十两蟒衣一袭彩段二表里卿等承之勿辞时行等俱<媵劄-金>谢

○议覆郧阳南阳汉中三道各照先年领给敕书专管本省地方不必互相兼制

○升太仆寺卿舒应龙为都察院右副都御史巡抚贵州兼督理湖北川东等处军务又升国子监祭酒罗万化为南京礼部右侍郎

○甲辰命詹事府少詹事兼翰林院侍读学士王家屏教习庶吉士○以武定侯郭大诚掌前军都督府印

○大学士申时行等再<媵劄-金>申救邹元标范俊初以慈宁宫灾诏求直言吏科给事中邹元标<媵劄-金>陈六事曰保 圣躬曰亲臣工曰开言路曰谕百官曰节财用曰拔幽滞词意剴切得旨言官建白须审识大体和婉敬慎岂可任意妄言邹元标故以灾变条陈内多疑君怨上本当拏问重处姑以言定降一级调用元标<媵劄-金>初入留中三日发阁拟严旨责数时行持不可三易票不当 上意遂复留中会湖广道御史范俊因灾异上十事一曰奉天道二曰防人欲三曰信诏令四曰定章奏五曰广俭德六曰专事权七曰惜人才八曰养士气九曰斥巧宦十曰清武职<媵劄-金>入 上益怒有旨朕方静摄俊却掇拾陈言轻肆渎奏全无爱君之心前邹元标本还未处分故来窥探姑革职为民于是元标之旨亦下时行论救者再 圣怒叵测时行又言臣等奉旨改拟元标罚俸范俊降调具票进览连日未蒙允行臣等不胜惶惧盖臣子委身报国即官职躯命不敢自爱臣等岂敢为二臣惜但臣等待罪辅弼惟欲宣扬 圣德使天下万世称

皇上能容直言前者斥逐儉邪录用忠直起元标于投窜之中今未数月复以脩省建言罪之一人之身倏用倏舍似非所以慎举措而慰人心也至于范俊之轻率狂妄臣等所拟似为少轻如蒙罢其官削其籍亦足以示警矣若处分过重将来謇谔之气日微谀佞之风渐长即有

大利害大奸恶谁肯输诚尽言干不测之威乎臣等仰知 圣怒既平天威渐霁故敢不避烦渎上怒稍解旨下元标降调俊为民竟免廷杖

○升范应期为国子监祭酒

○乙巳喜峰路大风骤两迅雷冲倒墩台

○都察院左都御史赵锦申谕言路诸臣慎重进言兼乞益弘

圣度以光 圣治 上曰尔言官既系朝廷耳目有奸邪乱政欺君罔上蠹国害民者便当据实论奏乃近来卖直沽名疑君怨上琐屑烦渎全失国体依拟通行戒谕违者重治

○升顺天府府丞袁三接为太仆寺卿

○丙午都察院左副都御史丘橈言迩来虚文日增实政殊鲜士风渐靡吏治转污远而海滨近而輶轂愁苦萧条之状岁异而月不同是可尽诿之气数哉皆风纪不振使然耳臣谨条陈八事一曰考绩之积弊二曰请托之积弊三曰访察之积弊四曰举劾之积弊五曰提问之积弊六曰拘资格之积弊七曰处佐贰教职之积弊八曰馈遗之积弊乞敕部院议行得旨览奏切中时弊有裨风纪所司着实举行

○原任都察院检校洪兢上〈媚弊-金〉为父洪朝选讼冤略曰臣父子于居正初无异也及勘辽宗之狱欲轻其罪以全朝廷亲亲之恩而居正始憾及臣父辞朝一〈媚弊-金〉有权势主使之语居正益怒世讐刘梦龙等乘隙行间谓臣父与邹进士吴编修私通造言激怒居正杀臣父之意益不可解劳堪受居正意遂肆豺狼之毒同安知县金枝曾以漏报贼情为军门住俸疑父有言即与刘梦龙等百计罗织吕应魁伪造条款申报劳堪诬奏命甫下堪即遣把总杨昌言差兵三百名五鼓坏居露刃扭辱驱行束缚解府幽禁冷铺饭食不通堪又添差官军两日夜驰百里至省押入按察司重囚禁中不二日父身死乃谬言父在四川有还魂丹禁不收殓直至六日蚋虫□最杂沓臭腐难近地方舁出痛念臣父曾忝卿贰即罪在不赦犹从应议之科况无纤芥之罪死其身复暴其骸书传所记未有被祸如臣父之惨者也臣今愿与劳堪等同死不愿与劳堪同生〈媚弊-金〉上得旨谓此事情曾否冤抑法司其从公勘实以闻

○丁未 仁圣懿安康静皇太后万寿圣节 上御皇极门受文武百官朝贺赐三辅臣上尊珍饌

明神宗显皇帝实录卷之一百四十六

万历十二年二月戊申朔以 皇女诞生赐三辅臣及讲官银币有差

○刑科都给事中戴光启参诚意伯刘世延假谢恩肆辩及诸横恣状 上曰世延祖有勋劳特与复爵昨奏恶仆故令查勘尔等所奏良是彼既感恩称谢如何恣情逞辩殊失人臣敬慎之体

○己酉无逸殿灾

○旌表陕西同官县故民彭贵妻王氏守志不渝出粟千石赈饥从巡按陈荐请也

○兵部覆云南屡败莽酋斩获功抚臣刘世曾升右副都御史照旧巡抚总兵官沐昌祚赏银币邓子龙升一级与傅宠姜忻各赏银有差

○庚戌升左春坊右庶子兼翰林院侍读沈一贯为詹事府少詹事兼翰林院侍读学士掌院事翰林院侍读徐显卿为左春坊左谕德兼翰林院侍读掌坊事左春坊左中允管国子监司业事张位为司经局洗马兼翰林院修撰掌局事翰林院侍读韩世能张一桂李长春俱为右春坊右谕德兼翰林院侍讲翰林院修撰陈于陞为司经局洗马兼翰林院修撰

○命泰宁侯陈良弼左军都督府佥书管事

○工科左给事中姚德重等题查盘厂库四事一归并厂库查盘一稽查逃亡匠粮一阅视通州仓廩一严禁外解滥恶部覆从之

○辛亥吏部覆萧廩＜娼鬻-金＞请遵例考核有司奉旨有司侵肆苛刻深为民害姜克昌褫职为民以后抚按官考核务严甄别毋滥保市恩

○薊镇墙子路风雪大作沿边旗竿火光

○壬子南京户科给事中余懋学题革浇风以防壅滞章下户部

○南京江西道御史谭希思条陈国用不敷等事不报○癸丑升王弘海为南京吏部侍郎王世贞为南京刑部侍郎孙光祐为南京工部侍郎

○以御史陈荐为河南副使邢侗为湖广右参议礼科右给事中王凤竹为四川右参议吏部稽勋司郎中胡绪为浙江右参政

○复福建龙溪县孔氏家庙仍以裔孙孔天从掌庙事

○甲寅遣侍郎高启愚祭 三皇于 景惠殿

○宣大总督郑惟敷陈天下大计章下所司

○南京工部题修理 孝陵殿庑门楼等工完宜祭告孝陵谢 后土 司工
上遣侯李言恭右都御史袁洪愈各行礼

○浙江巡按御史范鸣谦<娼弊-金> 查处驿递银两章下兵部

○乙卯户部覆巡视京营科臣傅来鹏道臣曹一鹏条陈营务二事一议粮饷以恤将士一议
马政以苏军困是之

○丙辰谕内阁 慈宁宫系圣母御居着工部会同内官监上紧鼎新毋得延缓
升吴中行为司经局洗马管国子监司业事经筵讲官如故

○甘肃巡抚董尧封题垦军遗地议欲听民领种永免起科户部覆甘镇孤悬绝塞今垦四百
一十顷零徵银五百六十二两有奇合著为年例定额即一时召种不完各该地方权宜凑放
俟地辟民聚即徵输处补不必取给内帑承委官员年终分别奖戒悉听抚臣便宜报可

○丁巳 孝贞纯皇后忌辰祀于 奉先殿

○遣大学士余有丁祭 先师孔子

○三镇互市事完赏郑惟萧大亨胡来贡侯于赵等银币有差

○加张学颜太子少保给与应得诰命

○戊午遣公徐文璧祭 太社 太稷公朱应祜祭 朝日坛

○庚申 上视朝

○兵部尚书张学颜辞免新命且以母老乞归不允

○辛酉新任南京工部右侍郎孙光祜闲住从刑科给事中常居敬参也

○河南道御史王九仪言巡抚江西曹大野狎邪小人始进谏垣即与张居正深相结纳是时
居正为次相欲去首相高拱招邀南北言官论拱迄无应者乃嗾大野劾拱十大不忠比之秦
桧严嵩朝论悉知出居正意 皇上亦烛其奸旨下谪调时有御史<娼弊-金> 劾大野倾陷
辅臣及高拱去位未几而大野果转楚僉宪矣寻转尚宝太仆矣未几而开府江西矣如此佞

臣可使开府重地哉且奸鄙贪昧士民罔不喷怨而日与原任云南副使朱璉密结往来夫璉甘附居正之党认义子于冯保呼契兄于游七自度不容具＜娼弊-金＞乞休诚缙绅所不齿大野独与之党小人以类相从较然矣得旨曹大野冠带闲住朱璉为民○从陕西巡按御史陈功请免金州水灾钱粮于概州均摊抵补复从户科给事中萧彦请免淮扬凤三府徐州一州万历二年起至六年止未完钱粮

○准武清侯李伟祭十六坛仍加四坛予谥及护敕祠额

○工部请鼎新 慈宁宫急缺苏州砖料诏该地方速造起解

○兵科给事中张鼎思题边功赏叙惟凭勘覆报捷甫至叙赏即行遂至有诈冒追夺如先年长定之后是也于是有报到先赏勘明后叙之例如累年曹子谷功次是也又有阅验三日奏请叙赏之例如顷者辽沈功次是也事例屡更法守未定谓宜阅验则稍宽其期不必三日查勘则重严其限不许推委阅勘既毕随行奏闻赏赉录荫并行为便兵部覆请 上曰赏不踰时乃能激励将士近来各该御史覆功奏册多有日久不到者以致奸弊繁滋功罪失实何以示劝今后凡遇报捷巡按御史随验首级十日内具奏勘覆功次一月内具奏升赏并行延缓过期者该科参治

○以修理 孝陵楼殿工完赏工部尚书杨兆等银币有差

○壬戌秦府仪宾周谈＜娼弊-金＞讦秦王淫恶宠妾章下都察院

○予原任太子少保吏部尚书兼翰林院学士李默谥文愍默福建建安人博雅有才辨以气节自高 世庙时繇吏侍擢冢卿旋忤旨罢去久之

上念默召复其官值赵文华怙柄相宠颐指六卿莫不唯唯默自念受

上特知事多立异分宜颺之适试选人策目文华乃指为谤讪具奏 上怒下法司讯拟默大辟竟瘦死狱中士论冤之至是默妻魏氏上请礼部覆其孤忠矫俗遂中谗锋故有是谥○予原任工部尚书李幼滋祭葬

○升张孟男为南京大理寺卿

○升黄凤翔为南京国子监祭酒

○辽东总兵李成梁奏父子叨冒重镇并乞骸骨

上谓成梁忠勇素著累立战功朝廷倚任方切并伊男各照旧供职毋疑阻浮言

○癸亥 上视朝

○遣户部侍郎王廷瞻祭京都 太仓之神

○甲子遣顺天府堂上官祭 先农之神

○直隶巡按王国荐原任兵部侍郎王一鹗等二十人并参原任副使郑汝璧章下吏部

○国又言故相张居正欺 陛下于冲年窃威福以劫人心戕国脉亲死不终制而高□犬朴忠良诸子列清华而摧抑正直呼朋植党半是奸人赖

圣明独断罢黜群奸追叙刘台召还邹元标等寰海内外仰 大圣人之作为出寻常万万矣顾犹有抱忠守正之士为清议所重者除原任礼部侍郎王锡爵见在守制外如原任礼部尚书陆树声户部侍郎胡执礼福建巡抚耿定向应天巡抚海瑞广东按察使胡直苑马寺卿颜鲸见任南京吏部主事魏允贞皆表表寰中清议久重伏乞及时擢用章下吏部

○四川乌蒙府乌虑妻实佐<娼弊-金>言暴恶抗违宪断杀死亲弟下部看议

○都察院覆山西巡抚侯于赵问过原任辽东巡抚于应昌以枉赃坐刘台上令于应昌追赎为民

○直隶巡按御史汪言臣条陈四事内一驱逐窝住以以清矿源言阜平县柳树沟有矿山北邻山西铁铺村系晋府官庄以故矿盗窝住乘间突来掏挖官军追逐则退归本村盘踞王庄究诘不易乞行山西抚按严行驱逐启王知会毋得私容此辈到庄潜住兵部覆如议行

○陕西巡按御史王世扬题庄浪迤西一带住牧番人写尔等八族近因虏酋寻抢仇杀归附求免今蒙招抚给茶各番感戴愿将样马请易茶篋岁为例许之

○乙丑予原任户部右侍郎黄养蒙祭葬

○升顾章志为应天府府尹姜宝为南京太常寺卿

○兵部覆山西总督郑雒题总兵移住偏关不便宜照旧住劄居中调度报可

○丙寅 上视朝

○恭仁康定景皇帝忌辰遣南和伯方烨祭陵寝

○先是户科给事中萧彦言侵欺钱粮律有明禁徒戍大辟详且当矣顷议者谓腹里与边海不同尚宜计赃多寡酌论上深然之下部议至是刑部酌议以请 上曰侵欺人犯未发遣而先故者依拟拘的亲子孙解补毋累疏属正犯应追财产抚按官督有司确查追进不得宽纵攀及无辜○工部以鼎建慈宁宫派处物料差委官拨雇军夫等项请报可且令严催速办候有

次第择日兴工

○丁卯都察院覆萧彦条议一抚按各有职掌巡抚主拊循巡按主纠察除重大事情照旧会行外余各举其职不得复相侵越一墨吏害民罪赎科罚贿赂其显者也而钱粮之加耗里甲之支应则人人被毒其抚按参论贪酷等官巡按即当勘结如官已离任一行原任巡按究问一行原籍巡按督发过限不到即据被害及干证人等研审定罪转行原籍追赃发落众证即同狱成不许本官奏辩得旨允行

○京师地震有声

○江西道试御史李载阳参南京尚宝司卿林应训原任南京御史时曲事要津潜通厚贿并数其罪恶显著者五事诏削应训籍

○戊辰升马文炜为都察院右佥都御史巡抚江西地方兼理军务贾待问为南京光禄寺卿

○起王友贤为南京工部右侍郎

○遣工部尚书杨兆祭鼎建 慈宁宫 司工之神工部侍郎何起鸣祭修理金水河周帮 后土 司工之神

○己巳 上御经筵

○直隶巡按御史江东之题恪遵恩诏宜查各处田粮虚冒改正 上谓已有旨摘查抚按官何不着实奉行所奏户部看议以闻有要誉害民如车大任者褫其职

○广东道御史屠叔方请宥释忠臣外亲略曰窃见恩诏内开一革除间被罪诸臣忠于所事甘蹈刑戮有死无二皆我太祖高皇帝所储养忠臣义士成祖文皇帝当时亦有练子宁若在朕犹当用之之语今仰遵 圣祖遗意褒表忠魂建祠致祭其坟墓苗裔厚加恤录姻党犹蔽覆盆如江西忠臣胡闰一族赤矣内亲尽矣犹抄解外甥分戍若此者不一而足乞敕查前项姻戚有在戍者并有还乡部覆愿回者放回不愿回者给与免帖 上曰革除被罪诸臣除齐泰黄子澄外其方孝孺等连及罪累者俱令查勘豁免

○吏部覆丘橐摘陈一二贤否等事得旨各官既经查议劳堪张一鯤都褫职为民钱岱降三级调外任在外贪肆官员抚按官遵照屡旨着实参来在京大小臣工各要砥砺□力名节禁绝馈遗

○云南巡抚刘世曾报征缅甸捷先斩穿红头目数十从贼千余后擒斩六百余名口

○免浙江所属府州县小民拖欠马站银米从巡抚萧廩请也

○山西巡抚侯于赵条陈边务三事一选精锐以作士气二广变卖以汰驽马三追桩银以免偏累部覆如议行

○庚午升周之屏为江西左布政王湘为湖广左布政

○准原任吏部右侍郎兼翰林院侍读学士诸大绶男诸万里荫仍予谥

○南京广西道御史沈汝梁条议被灾地方有田者免其税粮无田者免其丁口盐钞庶贫富一体民困获苏报可

○先是大理寺言据刑部送审犯人李玄张大受有旨着再拟至是刑部覆审得情具覆议绞上谓两犯交通习学邪术怀奸侮上情重律轻其加等处斩

○辛未以太常寺少卿秦耀提督四夷馆

○遣公朱应祯祭

历代帝王

○敕于嵩升署都督僉事充总兵官镇守福建

○壬申 上御文华殿讲读

○四川道试御史徐申参国子监祭酒范应期文书官传旨范应期系何人荐起今被论应坐荐者大学士申时行等奏范应期原以乙丑进士任修撰历中允谕德丁忧起补原官随该科道官拾遗议论奉旨调南京别衙门用参访舆论咸为本官出自翰林曾侍讲读偶被指摘多出风闻宜与翰林官一体挨次升转历查先后原无荐举之人今徐申所论即前时科道所论之事别无大过但本官已经论列难以表率师儒应令致仕或降调南京别衙门用上乃准范应期致仕

○升衷贞吉为浙江右布政姚继可为湖广右布政

○给事中陈璧劾南京兵部右侍郎刘庠不职 上曰刘庠既溺职吏部如何推之时行等又以人才难知为解且云陈璧论劾或出风闻或有所据皆不可知概信之不亏枉宜令该部详看部覆罢之

○初铸湖广荊州府抚夷同知关防

○癸酉大学士申时行等题前蒙发下资治通鉴纲目一部证类本草一部草韵辨体一部令

臣等拟撰各序跋付内府重刻谨拟撰各书前序三篇后跋三篇录呈 御览因赐银币有差

○以凶险贪暴挟众抗旨革新会王睦樛为庶人发高墙禁住

○是时陈请恤典者纷然吏部< 娼弊-金 >言摘议当否以行 上然之

○升余懋学为南京尚宝司卿

○命侍郎何起鸣提督工程刘志伊催儹物料

○工部题请于四川等处采买木料并行开纳事例报允

○甲戌清明节遣侯薛鋹郑惟忠伯王应龙陈澍刘应元祭 诸陵遣伯卫国本祭
恭仁康定景皇帝陵左都督李鹤祭 哀冲 庄敬二太子坟

○湖广巡抚李江议处五开机宜事下法司

○江西巡抚曹大野< 娼弊-金 >查议选宾兼便宗氏章下礼部

○户科< 娼弊-金 >仰体

宸衷敷陈清田事宜诏户部看议以闻○乙亥诏谕兵部今后凡选官于二十八日行

○丙子上视朝

○兵部题蓟镇半买夷马等项银两俱应如数给发合行太仆寺于常盈库贮马价银内动支
蓟镇半价九千两延绥客兵马价银四千一百六十四两原议本镇市木银一万二千两再岁
增一万两共三万五千一百六十四两本部照数给发宣府与该镇减哨银两相兼接济专备
万历十二年市木之用其宁夏客兵马价银三千六百两听候另发蓟镇支用从之

○仁圣懿安康静皇太后圣诞文武百官吉服称贺

○升刘世赏为河南按察使梁问孟为山西按察使 丁丑升周邦杰为太仆寺少卿孙矿为太
常寺少卿○工科给事中张栋题今徒言丈量之害而不言所以害不归咎于行法而归咎于
法之病民或云覆旧之为得或云重丈之为得臣皆未敢谓其然也与其重丈而劳费不赀孰
若就其已丈者而为之查改与其复旧除新而虚粮不去孰若就其新丈者而为之设处与其
掇抵更动而利害犹未必相当孰若就其已成者而为之补偏弊其省劳节费相去万万诏下
所司并议

○原任翰林院编修史钶补原官

明神宗实录卷之一百四十七

万历十二年三月戊寅朔赐益王翊鉏书院额曰逊学仍给四书五经一部

○刑科给事中田畴言近日急务四事一曰慎内批谓不肖被劾者当下部勘定与众弃之二曰酌律例谓枉法引例律也以枉论引例非律也三曰省诏狱谓机密重情下诏狱其余下法司四曰清厂卫谓厂卫原止缉奸安得受词侵有司事近张桐为张氏所告老妇出名壮丁隐匿招情互异听断不公是令奸人得志良善含冤也上曰张桐残忍受赃正合贪酷为民之例该厂奉旨拏问何谓听断不公田畴姑夺俸五月○兵部覆四川巡抚孙光祜贵州巡抚刘庠各言主将致愤招衅土妇奢世统奢世续争印讐杀乞将二妇俱给冠带各管原住地方其宣抚司印信令伊子奢崇周收掌候出幼赴袭理事总兵郭成应提问从之

○己卯 上御经筵

○升尚宝司少卿韩必显为顺天府府丞江西副使林乔相为浙江左参政补冯敏为山东左参政张一鸾为山西左参政熊惟学为陕西右参议

○应天巡抚郭思极言应天苏松等府织造借用银两既已作正支销宜严行照数补还以后解部济边银两不得那借是之

○叙万历八年广东东山石牛青水道州抱虎福永洞鼓＜耍吹粒镜却 τ 泄官员千户刘应朝等各升赏有差○升广西游击金丹为湖广参将

○庚辰升南京稽勋司郎中顾大典为山东副使福州府知府宋尧武为江西副使

○升潮漳副总兵于嵩为中军都督府都督僉事

○辛巳 上御文华殿讲读

○巩昌府地震

○升锦衣卫南镇抚司僉书指挥使许茂樨堂上僉书

○裁革广东潮州守备复设参将

○兵科都给事中张鼎思条陈边务五事曰练步军曰养战马曰酌脩堡曰一马价曰核市册兵部覆报可

○壬午叙雕剿柳州东欧桐具姨娘早岭等处功次指挥王天爵等各升赏有差

○荫总督张佳胤一子锦衣卫百户世袭癸未 上视朝

○礼科都给事中万象春请照先朝例以甲科官为鸿胪寺卿吏科给事中胡希舜亦以为请弗许

○礼科给事中李以谦参太仆寺寺丞傅点太常寺典簿刘元泰助祭长陵持扇摆棍行刑诸不敬状得旨俱降三级调外任

○兵科给事中王亮＜娼弊-金＞荐寰区人望陆树声刘应节杨成刘斯洁王锡爵海瑞魏时亮颜鲸徐用简甘雨等十人章下吏部

○甲申命兵部右侍郎辛自脩左佥都御史石星清理贴黄

○兵部覆曹六野＜娼弊-金＞通查节年京军金花银两欠多者得旨夺知府钱若赓等俸三月布政杨芷革职闲住

○升孙应鳌为南京工部尚书
起胡执礼为兵部左侍郎管南京兵部右侍郎事张位为国子监祭酒仍充经筵讲官

○兵科给事中张维新言工部右侍郎刘志伊昔在湖广科场取故相居正子懋脩中高等附权欺罔难膺大工之任令致仕去

○乙酉以李光先锦衣卫南镇抚司佥书管事

○礼科给事中苗朝阳条陈四事一驱伏奸二清输纳三申驿禁四禁刁风所奏皆切时弊上然之

○丙戌命南京国子监司业赵志皋为右春坊右谕德掌南京翰林院事

○起原任太常寺少卿何源复旧职

○升礼部郎中施策为尚宝司少卿

○丁亥升广西按察使欧希稷为河南右布政杭州知府张振之为浙江副使

○升齐世臣吏科顾问刑科各都给事中杨廷相吏科田大年户科各左给事中王继光礼科陈烨兵科各右给事中

○戊子命楚府江夏王谔琬长子英楼袭封江夏王

○给赏广东雕剿石城乌兔多浪二阜等处功次官旗朱大振等银两有差

○己丑升湖广右参政项思孝为广西按察使

○兵部覆刘世曾言耿马贼罕处附莽有年弄兵无忌今参将邓子龙擒贼八十二名斩级三百九十六俘获贼属三百余战象马牛殆百其生擒贼人相应处决梟示报可

○庚寅 上视朝

○工科给事中唐尧钦题今天下嘐嘐未已者曰故相张居正顾居正可恨而所尤可恨者则误居正之臣原任太子太保工部尚书致仕曾省吾是也盖省吾与王篆数人同恶相济以欺居正居正日为卖弄不觉而竟成误国之罪今居正谥已追夺四子褫职王篆贺一桂等亦俱为民则奸险如省吾者亦宜重处以谢朝廷至如浙江佥事曹一夔藉省吾为泰山结冯保为心腹仗徐爵为介绍巡盐长芦送保不下万金差往四川千金馈爵二千馈保言之实污口颊可使复滥仕籍哉诏褫省吾一夔职

○升鸿胪寺少卿杨宗仲为本寺卿

○户部覆屯田御史江东之户工二科萧彦张栋等＜娼弊-
金＞改正虚粮摘查等则得旨清丈田地本为查豁虚粮永除民累尔部既议停当俱依拟

○辛卯升左副都御史丘橈为刑部右侍郎大理寺卿楮鈇为工部右侍郎

○吏部覆吏科给事中胡希舜条陈四事一议大臣赴任毋许迟延一议激扬监司不妨参论一议贤否文册应送吏科一议谪官迁转宜核贤否从之

○升兵部郎中陈长祚为湖广右参政

○复除通政司左参议杜其骄原职

○叙福建乌土□兵外洋等地方功次升仲绍光等赏秦鸣珂等有差

○癸巳 上视朝○左副都御史丘橈条陈三款其一请广搜屈抑之士言给事中魏时亮周世选御史张橧李复聘皆以言忤辅臣高拱吏部郎中胡汝桂以抗直忤堂官均宜及时搜起其二请均处邪媚之臣近日芟除邪党如江西巡抚王宗载巡按于应昌致死御史刘台宗载主谋已拟充军矣应昌不旦同谋而又下手乃止罢官不几失刑乎福建巡抚劳堪致死侍郎洪朝选两抚俱居正鹰犬杀其讐以献媚其妄杀之罪亦同今宗载充军堪止罢官又不几失刑

乎郭思极为监临官密中居正之子懋脩林应训张一鯤为监试官密中侍郎王篆之子之鼎钱岱为监临官先期请居正第六子赴试会居正故不果赴密中王篆之子之衡此其怀私作弊皆同今二家子及思极应训俱斥矣一鯤与岱犹系籍班行曹一夔身为御史上<娼弊-金>称冯保为顾命大臣夫保内官也可谓顾命大臣乎今保已充净军而不顾义命之小人复何颜立于

圣朝朱珽则又认冯保为义父结游七为义兄今父充净军兄拟斩罪为子弟者乃止罢官况搽剔湖广一省之脂膏半辇载于张王二家是尚为有纲纪乎其三请罢臣官臣昨冬莅任曾已妄誓谓数月以后若犹积弊不除世态如故是臣宪体不端协理弗效臣甘坐不职之罪今已三阅月矣颇闻各省大吏恣肆如故有司贪残如故百姓愁苦如故四方馈遗相望于輶轂如故臣又一切付之罔闻不行报奏以臣前日之言责臣今日之罪臣将何辞以解乞罢臣官加臣罪以风示天下上可其奏令部院分别邪媚各官以闻敕櫟即遵新命供职后吏部覆诏劳堪不必再勘与张一鯤都褫职为民钱岱降三级调外任

○填补刘儒为鸿胪寺右少卿

○予原任南京光禄寺卿郑钦祭葬

○南京浙江道试御史李一阳言南京工部尚书刘一儒与故相居正为儿女戚不欲一堕其党常高蹈远引家食十余年蒙恩起用转今官未几遽陈疾乞休是其权门气焰浼焉恐及宦路荣名澹然不溜有臣若此安可听其求退又言原任南京光禄寺少卿王蔚傅作舟先任南科给事中皆故相心腹之恶党附势张威此倡彼和其罪不减陈三谟曾士楚今三谟等业已为民而蔚作舟犹在降调将何以服三谟等之心乞特勉留一儒行该省抚按劝驾赴任并斥蔚作舟为民以为恶党之戒上可其奏○乙未起复翰林院编修萧良有为原官升左佥都御史石星为左副都御史协理院事大常寺卿温纯为大理寺卿

○丙申 上视朝

○升山东副使丘浙为广西右参政

○丁酉修理 景陵明楼台基遣工部侍郎何起鸣祭告

后土 司工之神

○戊戌诏起原任福建巡抚耿定向为左佥都御史协理院事

○升陕西右参议高尚忠为山东副使

○巡视南京营务给事中阮子孝言南京营务消耗之繇其弊有四曰五十二卫之防军不操

也曰前后左右四府之防军纳银也曰各舍余之派银买脱也曰各衙门之擅拏责禁也兵部覆上谓此正额防军舍余俱令回营操练不许仍役占私科○己亥上御经筵

○谕内阁曰朕于天下事不得尽知常要咨访内阁若各项事体都不与闻设内阁何用张文熙多言先生不必介意于是大学士申时行等言皇上圣德谦虚纯心委任不以臣等不肖每欲咨询又以御史多言俯垂慰谕臣等方切感激更复何言但国家典制及阁臣责任言官皆不得深考不敢不为皇上明之其一谓部院各衙门不当制考成簿送阁查考查得祖宗旧制各衙门每月关领内府精微文簿开写事件月终送内阁收掌年终类送六科廊此二百年成规也今考成文簿与精微文簿相同但详略稍异耳然则各衙门事体未尝不使阁臣与闻也若于诸司之事全不与闻即皇上有问臣等凭何奏对即有票拟臣等凭何参酌又谓吏兵二部升除不当一一取裁又谓各处督抚巡按不当密揭请教夫阁臣以平章政事为职而用人则政事之大者故文官自京堂武官自参将以上部臣亦与臣等商量无非虚心为国以示慎重公平之意但当问所用公与不公不当问臣等知与不知也至于各地方事情若关系重大督抚等官岂得不与臣等言之如陕西等处重灾作何赈济辽东虏情作何防剿云南莽贼作何备御此皆朝廷大计但论事体当与不当不必论臣等知与不知也又谓票旨不使同列与知则臣时行在阁无一事不与二臣拟议即文熙亦谓其同寅和衷原无此事何从禁革假令臣等居位食禄事事皆委之不知岂不安逸然祖宗建立阁臣之意谓何臣等受皇上高厚之恩谓何而推委自便即万死何以塞责上谕曰朕方以大政悉委卿等各衙门事务岂得不与闻卿等忠慎公勤朕所洞鉴其殚谋协恭副朕至意时行等具〈嬗擲-金〉称谢

○南京山西道御史田一麟〈嬗擲-金〉参商为正曹一夔皆奔走居正门下素行可鄙上令削一夔籍为正致仕

○工科都给事中王敬民极言磁器烧造之苦与玲珑奇巧之难得旨棋盘屏风减半烧造

○升光禄寺卿沉人种为太常寺卿河南道御史赵应元为南京大理寺寺丞

○庚子初铸誊黄清黄立事关防

○升五军营右副将都督佥事杨鲤为南京左军都督府佥书

○工部题恭建慈宁宫殿及预建寿宫合用楠杉大木题行采办缘大库拙乏酌议开纳事例是之

○辛丑起光禄寺卿贾三近为原官复除湖广佥事鲍希颜于陕西原职升直隶河间府知府燕好爵为陕西副使

○山东道御史荆州玉条陈吏治六事一曰操守当严二曰实政当崇三曰刑罚当慎四曰里甲当省五曰差遣当禁六曰谄谀当杜悉允行

○癸卯上视朝

○吏部覆御史丁此吕＜娼弊-金＞原任礼部侍郎何雒文词章虽足炫世名节不能褫身所当休致兵部员外嵇应科器度猥鄙难属枢筦之司所当调外山西提学副使陆檄行欠端方不称师儒之任所当别用原任翰林院修撰沈懋孝学有本源性甘恬退偶来浮议无累平生原任都给事中今升参政戴光启无论其他即刘世延谢恩本到中间狂悖之言朝臣无不惊骇得光启一＜娼弊-金＞然后邪正明白众心始定况其操持才识雅称卓犖均当留用若礼部侍郎高启愚侍从日久谨愿端悫已荷留用无容再议臣等每谓自古人君当优容谏臣以谏臣言事多出风闻若舜亦以命禹者谓帝王相传之道耳禅继之说不知出何注＜娼弊-金＞世延无籍之人不顾经旨肆言无忌此吕为台谏及踵其言以害善良此吕系臣等所选用不当臣等亦与有罪矣诏何雒文以原官致仕嵇应科调外任陆檄改调用沈懋孝等留用仍飭言官论列须据实秉公岂可诬善乱政卿所言有裨国体丁此吕调外用

○御史谭耀张文耀参南京工部尚书孙应鳌兵部侍郎胡执礼吏部覆上以应鳌起用迁延明违前旨执礼行事酷狠俱勒致仕

○礼科给事中王士性请乘时痛革科场弊窦上谓考试公典乃作弊多端殊坏法纪奏内说编号同经朱墨卷各色异样等弊令通行两京各省严加禁革

○先是江西瑞昌王府兼摄于有王之府已久诸宗意向不同或愿附多□□皇或愿附建安各持所见纷纷奏扰至是礼部移咨抚按会议覆请得旨瑞昌宗室准于本府内从公推举相应者自行管理各府见附者不得援例

○准赵府江宁王戴璞庶第一子翊金□否袭封江宁王

○甲辰兵部覆广东抚按郭应聘等查勘原任山东副总兵陈璘兵变情繇上以其先定罗旁功及今擒斩叛兵准赎罪免赃复原职

○户部言工部开纳事例款目与本部侵夺不便上令照嘉靖年间例与工部并行

○乙巳遣太常寺堂上官祭东岳泰山之神

○内承运库太监孔成验收磁器查参怠玩官员上以抚按业已罚治免再究

○升兵科给事中王亮为湖广佥事

○陕西道御史马朝阳条陈二事曰慎起用以图实效曰省苛察以培大体部覆得旨荐举官员务查年力才望相应者推用凡建白参论各据事直陈毋得苛求以伤大体

○丙午升太常寺少卿何源为大理寺少卿以河南副使李成式为四川右参政

○升广东都司僉书陈居仁为雷廉水寨参将○逮问临江府知府钱若赓以巡按韩国桢参其杖毙二百余人也

明神宗显皇帝实录卷之一百四十八

万历十二年四月丁未朔 上亲享 太庙

○先是以杨巍言调丁此吕给事中王士性御史江东之李植杨四知等交章劾巍语侵首辅上乃传谕大学士余有丁许国拟温旨令元辅尽心赞理而放高启愚留此吕独未及巍于是二臣言臣等恭阅前< 娼弊-金 >乃专论杨巍并及申时行今时行既蒙温谕则巍系承旨以分别诸臣人品乃据公覆请谓何雒文当致仕嵇应科当调外陆檄当别用独高启愚出题一节巍恐失是非之实开告讐之门故不直此吕适首臣亦遵旨拟此吕调用蒙 皇上允行今诸臣谓巍阿附首臣庇启愚而陷此吕巍素性刚直褫已洁廉家居十有余载起用吏部亦以人望所归臣等保其必无阿附之意且留此吕恐无以安首臣及巍之心大学士申时行亦具< 娼弊-金 >言王士性江东之等论劾吏部尚书杨巍谓其参此吕以媚臣在东之谓臣不欲人言科场之弊在士性谓臣不当拟调此吕不知凡票拟必经 御览凡处分必奉 宸断臣何敢毫发擅专臣不擅专部臣何所忌憚而曲为阿媚臣二子中科其文字可覆识而知自己无弊何以讳言科场之弊至票拟此吕原奉 圣谕亦因吏部参词谓其不宜言路遂拟调用则臣不能上赞优容之德下昌敢言之风罪不得辞矣伏望 皇上复还此吕原职以全言官之体仍准臣休致以为失职之戒报曰已有旨谕卿勿介浮言何又具< 娼弊-金 >引避卿持正奉公朕所素信宜遵旨亟出辅理以慰眷怀

○戊申升南京通政司参议陈瓚为太常寺少卿直隶大名府知府赵慎修为河南副使

○己酉大学士申时行许国俱< 娼弊-金 >乞休致并下诏慰留

○吏部尚书杨巍又< 娼弊-金 >乞骸责以大臣体国不允再辞

○都察院覆杨一魁奏悍王鼓乱多端乞加重究诏住睦林朝烟禄米责周世子督缉罪宗务在必获冯化等付巡按御史问夺徐道等俸与抚按俱戴罪缉捕

○庚戌京师黄雾风霾大雨电

○大学士余有丁言近该大学士申时行为给事中王士性御史江东之等论劾尚书杨巍波及乞休而大学士许国反覆辩论诸臣之非亦欲避去不四日间二臣死三上< 娼弊-金 >不入阁臣思阁中机务繁重不得已承乏办事近又接左都御史赵锦左副都御史石星吏部右侍郎陆光祖各< 娼弊-金 >论诸臣不当排大臣大臣不当轻弃词甚剴切凡在朝大臣皆人人自危谓因调一御史遂使辅臣闭阁思过宰臣席藁待罪而臣国亦感慨激烈自劾求罢臣目击一时气象非盛世所宜有伏望切责言官留用杨巍以安二臣之心尤勉二臣以君命至重臣义莫逃令勉承 明命即出办事庶人心帖定国是昭明而天下得飨和平之福上曰览卿所奏朕已悉知卿宜赞襄治理以副委任

○辛亥上遣文书官宋坤诣元辅时行第李浚诣许国第各传制慰留备极淳切时行国俱＜媼擗-金＞谢报闻

○先是陕西甘肃督抚总兵官郅光先等条陈孤悬要地时事多艰议设将领慎致材官广延土著解散虏势四事俱于边务有裨兵部以为言得旨碾伯游击准添设各操守俱改守备诸虏住牧近边者督抚其相机处置令尽还其本巢

○都察院左都御史赵锦等＜媼擗-

金＞请优慰大臣申飭言官以正人心以定国是山东道御史刘怀恕等亦以为言上嘉纳之诏曰大臣为群寮表率且其人品邪正论定已久何可輒指正为邪极言诬诋卿等其宣谕诸臣共持公论无得再肆渎扰失朕优重大臣之体

○吏部尚书杨巍右侍郎陆光祖各＜媼擗-

金＞乞休时巍已得眷留之旨仍谕光祖安心供职○壬子以命皇第二女名赐辅臣中书官银币有差

○陕西道御史马朝阳请豁山狭二省新垦荒田起科部覆从之并行各边镇悉与厘正

○癸丑赐辅臣及讲官银彩扇

○陕西督抚郅光先董尧封等条陈边务计处边饷议改盐引调停民运三事部覆允行之

○甲寅四川马瑚府土舍王命奏言异姓冒袭祖职章下兵部

○兵科给事中张维新言丁此吕为论高启愚等该部题覆奉旨调外以至台省交章大臣乞休群言沸起乞谕大臣虚已言官秉公共图国是得旨人臣当各秉公心若因言疑阻挟私排击皆非纯臣之义此＜媼擗-金＞有关国体吏部知之○户部尚书王遴言民困财拙查万历十一年正月始至十二月终太仓银库所入银止三百七十二万有奇而所出则五百六十五万有奇是所出较所入浮一百九十三万矣当此之时财不在官又不以民臣不能讲求其故斟酌其宜庸劣可见臣尝＜媼擗-金＞请乞敕多官各陈理财之要以凭会议今踰四月并无为臣画一策者伏望矜悯臣愚容令休致别选才力素优者代臣庶民困获苏国用自裕上慰谕不允

○刑部覆奏侵盗漕粮事例已经议拟停当请纂入会典遵守从之

○乙卯上视朝

○初铸清理贴黄关防

○革副留守郑世勋回卫

○直隶巡按李植劾督抚隐罪冒功摭辩欺罔得旨陈文治李尚贤俱监候详决○辽庄王府次妃王氏奏张居正谋陷亲王强占钦赐祖寝霸夺产业势侵金宝部覆奉旨张居正侵盗王府金宝伊父占葬王坟掘陷人墓罪犯深重如何通不究拟令司礼监太监张诚刑部侍郎丘橈左给事中杨廷相锦衣卫都指挥曹应魁前去会同抚按官查照本内王府仓基房屋并湖地洲田及一应财产都抄没入官变卖解京原占坟地归湘府军较管守积欠税课追并完纳还将王氏奏内金银宝玩等物务根查明白一并追解如有漏透容藏者重治已而刑部查居正在京庄房值价一万六百七十两原住宅内金二千四百两银十万七千七百两金器三千七百一十两金首饰九百两银器五千二百两银首饰一万两玉带一十六条蟒衣r段纱罗珍珠玛瑙宝石玳瑁尚未的据

○丙辰兵科张维新请旨差官颁赏辽左事下所司

○左都御史赵锦言辽庄王次妃王氏所奏及湖广巡抚李江所勘报故大学士张居正并其家所犯事情将会< 娼弊-金 >上请退复相顾追惟往事不得不上闻 圣祖时故大学士严嵩特受眷知首参机务嵩不能仰体倚毗之心而怙宠行私其子世蕃复大为奸利于是言者四起而 圣祖亦旋悟放逐嵩收捕世蕃言者犹不已至谓世蕃有谋反状于是正世蕃之罪而籍其家维时承勘者与抚按诸臣惧无以上应明诏重干不测则虚上所当籍数而其实不副则又为株连影捕旁掇远取所籍之物强半出于无辜之民今日久事明世蕃实未有叛状徒流毒江西一省臣等切恨之今居正蒙

皇上心膂之寄其际遇实倍于嵩而复不能感恩图报以至自干罪戾臣等亦何以为之讳 皇上量同覆载明并日月居正之家臣等不敢谓其一无所藏然比之冯保万分不侔初抄没世蕃令下仓卒所得犹仅若此今居正之罪迁延日久即有微藏亦多散灭况人心愤恨言常过当万一复有如世蕃往日之事则其所得当不及世蕃十分之一而其流毒三楚更有十倍于江西之民者况居正身死名毁生平所蒙官爵谥号与其子弟官职悉从褫夺亦足正其罪恶而垂戒将来然实未尝别有异志而其受 先帝顾托翊戴 皇上于冲龄夙夜勤劳中外宁谧其功亦有不容尽泯者倘蒙俯垂体察特赐哀怜亦足以光圣德曲全国体

上曰张居正负朕恩眷蔑法恣情至侵占王府坟地产业岂可姑息尔等大臣何乃輒行申救

○丁巳 上御文华殿讲读大学士申时行许国致词谢谕留

○上祈雨命百官于十三日起致斋三日

○御史朱光宇< 娼弊-

金 >陈二议一曰催科之弊在清火耗禁里甲催头一曰起解之弊在清锭数责备解官报可

○先是岳凤屯陇遮见我兵声大振遣侄岳亨诣腾永军中听抚抚臣选委游击刘綎宣谕朝廷威德岳凤遂遣妻刁氏及幼子喃歇请降綎率兵至腊底擒获贼谍言缅甸人散夺已知我动

静縋乃兼程前进抵陇川岳凤率妻子弟侄及所部夷人等于道左迎降而散夺则已于先日驾象遁去但留遮改四人并随从数十名驻陇川而已縋既分兵驰追散夺乃身督将士四面围陇川＜孯渤玻驹婪铜又卸应各贼突围而出縋跃马擒其贼首官兵兢前所留余贼三十六名悉就缚夺获緬书緬碗緬银緬伞緬袱蟒牙衣甲刀枪鞍马等物甚众蛮莫知岳凤已内附即飞报莽贼约各土司将会兵寇陇縋乘胜长驱整兵三道并进掩蛮莫所未备击之贼仓皇败走我兵追入贼＜孯渤玻驹艘缴跻蚱蚪到枣晕迨乱磳茫愠级追获罕民并于崖印信三献伪篆四夺回被虏人民五招□□来迤西限以五日贼遂生擒緬人一十八名象一只马五匹并莽酋所给伪关防一颗诣军前投献云南抚镇官刘世曾沐昌祚以捷闻上谕镇巡官相机处置一应善后事宜以前功次巡按御史速勘奏闻

○戊午辽东总兵李成梁再＜娵斨-金＞恳辞恩荫上允改注荫锦衣卫者于本卫○右春坊右赞善赵用贤具＜娵斨-金＞乞归不允

○己未 孝懿庄皇后忌辰祀于 奉先殿遣广宁伯刘嗣德祭 昭陵

○庚申命司经局洗马兼翰林院修撰陈于陞翰林院编修史珂杨德政充会典纂修官

○以虏犯辽东夺失事官李得功等俸王志启等下巡按问

○御马监奏讨骗马三千匹兵部言按会典每岁进该监乳马五十匹并无奏讨民马之例上命照数给与给事中王三余御史张文耀各争之不听

○调辽东兵备岳汴以擅离地方故

○辛酉戌时初刻月食

○命原任山东道御史李栋为浙江道御史

○壬戌申飭抚按官有司贤否止令该管上司访察开报其以私揭投进者重惩之○以原任山西佥事薛亨为本省提学佥事升山东右参政蹇达为湖广按察使

○原任大学士今丁忧张四维奏谢祭葬谕慰之

○癸亥 上御文华殿讲读

○谕今天气暄热两法司并锦衣卫见监罪囚笞杖无干证者释之徒流以下减等拟审发落重囚情可矜疑并枷号者备奏以闻

○薊辽总督张佳胤奏狡虏屡次犯边追斩首级一百三十余颗相应遵例祭告宣捷部覆报

可

○河南道御史詹事讲条陈边事二款内及贡市土著招携事宜兵部覆言均于边务有裨诏依议行

○工科给事中王言循＜娼弊-金＞陈光禄寺冒领奸弊部覆得旨今后该寺应支库银差官亲领方许给发○革广东布政司参议胡时化职

○予原任南京刑部右侍郎徐陟祭葬

○甲子升山东副使孔惟德为本省右参政福建延平府知府易可久为广东副使

○乙丑南京吏科给事中刘一相劾高启愚佞奸臣王篆习知居正厌称周伊乃为舜禹禅受图以寿居正故出舜亦以命禹题上怒曰王篆附党献谀黷法乱政高启愚出题谬妄附媚干进都当重处姑各革职为民追夺诰命

○从南京给事中钟宇淳＜娼弊-金＞陈科场大弊褫原任御史张一鲲职为民举人朱天民黜

○丙寅准代王府勘明地土照旧管业

○都察院覆李江参贪肆武官纵军鼓噪命巡按勘问以闻

○丁卯命总兵官戚继光住劄广东会城巡历潮惠广肇○戊辰河南道御史詹事讲条陈四事一曰慎举措二曰正吏治三曰辩资格四曰储边才并于时政有益上是之

○己巳上视朝

○革宗室廷堪为庶人幽腊腊等于闲宅以都察院胡来贡奏其劫财杀命也

○陕西总督郢光先条陈边务一曰蠲灾租二曰广事例三曰重积贮户部＜娼弊-金＞覆报可

○庚午上御文华殿讲读

○升湖广参政汤仰为广东按察使

○辛未兵部左侍郎辛自修请议处清黄要务慎重世官下所司

○复黄金色南京工部主事职叙用

○壬申兵部覆云南镇抚官刘世曾沐昌祚奏报剿平罕虔余孽及招抚孟养孟密木邦三司勘明功次莽咩阿借等请就彼审决梟示从之

○内承运库行户部讨零陵香一千斤户部言此香先已停止如果事不容已请减其半不允

○广东道御史连格议恤边民乞减常赋十之二三以固藩篱户部言边方地土甫已丈明钱粮各有定数欲行议减必先议补事在各边遽难遥议请檄宣大蓟辽延宁甘固各抚按官责令查议要见州县某处地土瘠薄某处差役繁重某处税粮应量减十之一某处应量减十之三一一分别明悉务期无损国计有益边民上允其奏

○癸酉封新昌王载璋庶第二子翊错为奉国将军

○升广东副使刘倬为湖广左参政江西赣州府知府徐应奎为广东副使○甲戌上御皇极殿传制遣侯徐文炜等持捧节册封沈府世子琯尧等为沈王等王继妃和氏等进封为沈王继妃等妃

○升朱赓为礼部左侍郎王家屏为礼部右侍郎兼官并经筵日讲如故

○起魏时亮为南京大理寺右寺丞

明神宗显皇帝实录卷之一百四十九

万历十二年五月丙子朔云南道御史黄师颜请复丁此吕原职直隶巡按蔡时鼎亦言此吕无罪未复侵吏部尚书杨巍上厌其渎扰俱报罢

○催河南拖欠宣镇班价银二万二千余两

○丁丑上御经筵

○大学士申时行等言封建亲藩国家大典率繇旧章帝王大孝祖宗旧制凡始封亲王婚礼既成即议府第府第既建即议之国昔宣宗皇帝时皇弟襄宪王二十余岁之国孝宗皇帝时皇弟益端王未二十之国载在玉牒与实录可考今潞王出府成婚已踰一年封国地方未蒙钦定应建府第未见题请臣等稽之典制揆之事体窃以为宜及时举行明日谕礼工二部朕弟潞王出府成婚踰年宜遵祖制分封兹奉圣母慈训预建藩府合行事宜二部其会议以闻

○蓟辽总督张佳胤议筑辽东八里铺城以二年报竣兵部覆如所请

○兵部覆云南巡按崔廷试言莽贼之乱一则养衅于平时一则失守于临变所据猛淋前项失事及有功员役既该按臣分别功罪具题臣等详参事情明的轻重适中俱应依拟诏张继武监候详决王三聘发遣赵守臣高玉戴罪立功猛效忠准袭祖职莽惠给与冠带余悉如拟行

○先是中军都督带俸武清侯李伟卒妻王氏请以其子李文全承袭事下吏部至是吏部尚书杨巍等执奏外戚不得封公侯伯已经奉世宗皇帝明旨载在令甲况文全一门三官都督已自极品不宜挠成法启幸门时吏科都给事中齐世臣等河南道御史房寰等亦合辞以为不可上深然之而重违圣母意用特恩准袭一辈后不为例

○南京屯田御史方万山言庐凤滁和等处田土墾墾万历九年加粮数多各军诉苦欲将新增银两补坍江之数及抵减重则之粮户部覆御史言是允之

○戊寅兵部左侍郎辛自修等议清黄要务四事一立总簿以便清查言上年清过黄张实十一万四千一百有奇而各处解到供册止五万一千九百有奇见袭官员比之国初不及其半盖缘书识措勒需求以致供册不全黄选无考合无责成各都司总造所属花名印册某卫所某官若干员见袭几员革袭几员如清理黄张则据此查对一酌定限期以杜玩愒自万历十二年起即以清过十一万四千为准每年务完三分之一一催取供册以备参考一申严查参以惩奸弊本部覆请如议行

○吏科给事中杨文举参李伟妻违例干请且引高相田玉为言启中官之专恣开外戚之幸

恩有关圣治<娼弊-金>入

上怒夺文举俸二月已而礼科给事中李以谦工科给事中姚德重并以为言俱不报

○己卯都察院言国家取士莫重于科场所贵稽防周密故人无侥幸而真才辈出近岁以来渐见滥觞而极于故大学士张居正原任侍郎王篆二人之手故下逮朱璉之微乳臭之子亦滥厕兴贤之盛典原任按察使贺邦泰久凭城社科场奸弊业已尽彰虽经大计致仕犹为未尽其辜应照张一鯤例革职为民知县谢吉卿滥取匪人应降调别用御史贾如式身有监临之责殊乏防范之严应重加罚治诏削邦泰籍为民吉卿闲散如式夺俸三月

○准发宣大山西三镇年例主客兵饷银二十四万五千七百有奇

○户部覆兵科给事中张希皋言孤镇虏患频仍士马日困条陈二事一曰均粮饷将朋银一节在边而冲者免扣在腹而缓者量加务使均平二曰广储蓄将开平盐粮尽改本色与应徵屯粮酌量贮蓄出陈易新上令蓟辽督抚备查两镇钱粮通融酌处以闻

○复设湖广按察司屯盐道副使京山县县丞祁阳县主簿归阳驿驿丞应城县崎山镇巡简衡州府永丰仓副使辽东铁岭训导各一员

○庚辰端阳节赐三辅臣上尊珍饌

○刑部主事韩济估计故相张居正在京房产等物解进银一万六百两有奇缴进御笔扁额四面敕谕二面

○升南京礼部郎中习孔教为南京国子监司业

○以大宁属虏犯边斩获功次命岁加李成梁禄米五十石改荫伊男及张佳胤荫男各升一级李松男世袭仍各赐银币任天祚升俸一级与赵三聘李平胡等各赏银币有差

○辛巳吏部尚书杨巍以衰病乞骸骨温旨留之

○先是太和山守备田玉请独掌制山分守道毋得干与诏改该道敕书兵科等科给事中王三余等各词争之不听至是左都御史赵锦言太和山名止一山而幅员八百余里实在三省之间分守参政不得协行则抚治都御史亦难完诘不幸有如刘千斤曹仑辈窃发其间将责之内臣乎抑责之分守抚治等官乎奏入不报

○壬午准真人张国祥照例换给勘合三年一覲礼科都给事中万象春兵科左给事中王三余并言左道无民社之寄不当入覲不听

○癸未以河南道御史房寰提督南直隶学政

○准新升南京刑部右侍郎王世贞在籍调理

○刑部主事董基言去年 车驾还自 山陵即闻欲练兵内廷外议纷纷皆谓 皇上幸西城阅营较射日夕乃罢一时该操中官久立炎蒸中不胜困惫垂死者数人夫兵凶器也内廷清严之地乃无故而聚三千之众轻以凶器尝试于清严之地臣谨按其当止者四曰杜意外之变曰养安静之福曰止群小之怨曰省无经之费诏曰朕将奉 圣母恭诣 山陵应扈从者预行演习原无调动营卫及支取钱粮董基不系言官逞臆渎扰其降二级调边方

○甲申大学士申时行等言 潞王藩府地方臣等传谕礼工二部尚书陈经邦杨兆左都御史赵锦等公同议拟湖广衡州府为上河南卫辉府次之盖衡州府地当南岳山川凝秀物产肥饶民俗淳美从来曾封建卫辉府地当要冲民物蕃盛风俗淳朴亦宜建府计道里则卫辉为近衡州为远以地方相较则卫辉不及衡州为最善如必求近地则惟卫辉为宜有旨府第于湖广衡州府盖造已而 潞王奏臣愿就近地庶几咫尺 天颜从之

○叙韭山洋功升赏有差

○建州右等卫女直夷人都督来留住等进贡名马方物宴赏如例

○升陕西行太仆寺少卿兼佥事石槩为本省副使以原任本省苑马寺少卿赵焯代广平府知府贾应璧为湖广副使以原任浙江嘉兴府知府王以修代

○乙酉 太祖高皇帝忌辰 奉先殿行祭礼

○丙戌命詹事府少詹事兼翰林院侍读学士掌院事沈一贯教习庶吉士

○陕西巡抚郅光先题万历十一年分甘肃将领练过军士分数甄别优劣兵部覆请夺臧继武等俸二月

○吏部等衙门尚书等官杨巍等合〈娼弊-金〉言主事董基以谏止内操得罪乞宥基以彰圣度并采其说停止内操科道等官王三余等亦合词申救

○司经局洗马管国子监司业事吴中行又乞休不允

○先是浙江巡按御史范鸣谦劾温州府知府李际寅贪酷状旨下御史问引因公科歛所属财物计赃以枉法论发充军至是都察院覆际寅犯在革前相应遵诏宥免第所引官吏受财枉法之例而所犯则系因公科歛之赃似与例意有间缘因公科歛罪止于徒而赃多情重者恐无以示惩故问刑者往往引前例发遣乞纂入问刑条例以惩贪墨得旨际寅追赃完日为

民贪官赃多情重者刑部拟条例以闻于是刑部言赃至五百两以上者即引枉法例充军若止因公科歛第依律议以杂犯绞罪准徒抚按论劾人亦不得苛求诬枉从之

○丁亥 仁宗昭皇帝忌辰祀于 奉先殿遣隆平侯张炳祭 献陵

○云南巡抚刘世曾题游击刘綎生擒岳凤父子兵不血刃陇川已陷之境一朝克复手缚渠魁应献俘以彰天讨兵部覆岳凤父子本以华人甘为逆党三宣六慰远近震惊实神人所共愤王法所必诛者委应献俘阙下并先擒获逆犯罕虔等十五名如监候未决均宜献俘报可

○命礼部通行各省直乡试朱卷誊毕尽送内帘其墨卷封锁外帘以杜私弊

○戊子命翰林院编修黄洪宪史钶管理诰敕

○从应天巡按郭思极请覆勘太仓等十五州县田粮

○革江西建德县贴役耗头科派里甲等弊

○己丑兵科给事中张维新题慎举错宥枉直以光盛德言邹元标速宜超擢董基不宜重处忤旨夺俸半年

○庚寅夏至日 大祭 地于

方泽遣驸马侯拱宸恭代公朱应祜侯吴继爵大学士申时行余有丁分献 五岳等神

○辛卯上视朝

○癸巳修岢岚等处边墙○甲午 上视朝

○京师地震有声

○吏部尚书杨巍再以衰病乞归不允

○丙申

上御文华殿讲读

○南京云南道试御史郭宗贤条陈四事一曰兼名实二曰严公私三曰酌用舍四曰审进退其酌用舍一节言舍固贵得其宜用尤不可不慎近来荐用贤者固多其间或以他事获罪本宜槟斥而一概荐起是使虎皮羊质尺直寻枉者亦得躡用也其余亦关切时弊吏部覆御史言是报可

○革汉中府捕盗通判不必驻割渔渡

○己亥 上御文华殿讲读

○云南猛密安抚司与莽兵交战失利巡抚刘世曾报闻○诏镇巡官严督各该将领相机协力防御剿杀

○总督三边兵部尚书石茂华卒华山东益都人嘉靖甲辰进士繇县令入主户部事忤仇鸾有声出守扬州不附赵文华以御寇功加秩历藩臬拜佾都御史巡抚甘肃艰归会虏陷汾石再起往抚晋兵部左侍郎总督陕西三边以贡市奏功拜兵部尚书致仕寻起仍督抚狭军中积劳呕血卒礼官言其砥节砺行竭诚死官请赠太子少保谥恭襄吁华亦太平之良臣也

○升四川右参议陈用宾为浙江副使陕西凤翔府知府赵钦汤为本省副使

○修盖先臣王守仁天真书院赐祠额曰勋贤

○庚子降补山东左参议叶宪为四川佾事

○辛丑 穆宗庄皇帝忌辰祀于 奉先殿遣成安伯郭应乾祭 昭陵○湖广巡抚李江分别参政项思教佾事夏良心参将邓子龙等协剿恶苗金道侣王伽俄等功兵部覆如议命赏李江等银币有差

○壬寅准各府州县粮米暂行改折于临德二仓照旧拨补

○癸卯逮荆州府知府郝如松以太监张诚奏张居正男敬修自缢故也刑科给事中刘尚志言如松疏虞可罪贿纵可原乞免逮问 上怒其渎扰夺俸三月刑部尚书潘季训言 陛下闻张敬修自缢而赫然罪其守臣曾不齿及财物之多寡仰见保全旧臣后裔之初心顾诚虑严既下该府防闲倍密逾八之母柔脆之子若媳恐俱莫必旦暮伏乞特降恩纶将居正家属暂行保放会吏部等衙门尚书杨巍等亦以为言有诏令湖广抚按申饬保全于是大学士申时行等言臣等仰惟 皇上扩大舜好生之心体文王不孥之意其于敕罚之义恤穷之仁真并行而不悖矣昨部部科道诸臣皆以居正老母为言明旨尚未之及诸臣咸责臣等以不能赞成德意则臣等亦有不忍已于言者窃见故臣居正虽以苛刻擅专自干宪典然 天威有赫籍没其家则国典已正众愤已洩矣若其八旬老母衣食供给不周子孙死亡相继仰窥 圣心必有惻然不忍者伏望特敕诸臣务将居正老母保全周恤与之衣食宽其子孙勿令颠连失所而攀连受寄之家如果的确自合严追若威刑妄招展转搜索则地方不无骚扰得旨居正大负恩眷遗祸及亲既伊母垂毙失所诚为可悯其以空房一所田地十顷资赡养

○原任礼科给事中周世选为户科给事中原任南京太仆寺少卿朱天球固言四川副使王道纯私相交结倒置贤否淆乱是非乞敕该部查访

上深是其言革王道纯职闲住邹善朱天球行吏部看议以闻

○甲辰 上视朝

○原任云南都指挥王三聘奏言血战有功信地无失反遭遣戍章下都察院

○乙巳赐衡府高唐王厚焜谥端裕益府阜平王载土□集谥懿简舒城王翊银谥怀庄

明神显皇帝实录卷之一百五十

万历十二年六月丙午朔 皇第三女生 安嫔王氏出也

○丁未赐三辅臣及讲官金花红币有差

○云南巡抚刘世曾劾参将邓子龙游击刘綎驭军不肃致两军互有杀伤兵部覆二将屡立战功未经叙录乞宥其小过责以同心旨从部议

○复广东粮储参议及广州府清军同知

○差工部主事王绍先同太监崔卿改建潞王府第于河南卫辉府

○戊申升广东肇庆府知府王泮河南开封府知府黄焯为副使泮本省焯四川

○兵部覆直隶巡按陈性学参总兵麻锦贪婪残暴宜罪如律麻柏冒名顶替革任提问王国翼江昌国降级倪尚忠等夺俸是之

○己酉漕运总督李世达言河工告成敷陈善后事宜下工部○降补原任河南左参政周思稷为广东左参议

○四川巡抚雒遵陈采木苦累商民状甚悉下所司

○叙三镇贡市劳赏郅光先王汝梅张九一王璇等各银币有差及赏酋首都督等官夷卜失兔阿不害等

○工科给事中曲迁乔荐原任广东右布政使邹善原任南京太仆寺少卿朱天球部覆得旨朱天球候缺推补邹善既素有声且系拾遗诬害准起用

○是夜有异星出房宿

○庚戌赐百官香霏汤至次月初六日止

○起原任南京刑部尚书孙植为南京工部尚书升总督漕运右副都御史李世达为南京兵部右侍郎南京太常寺卿姜宝为南京刑部右侍郎

○礼科给事中万象春请慎选王官破格迁擢庶亲藩辅导不致失人下吏部

○山西御史原一魁参兵部尚书张学颜籍李成梁之边功以登显秩怙张居正之故宠以滥

本兵官箴已玷士论不容乞放归田里下所司知之

○辛亥

上视朝

○升山东副使帅祥为本省左参政

○以云南用兵免该省夏税秋粮及一应逋负

○壬子故辽王宪＜娥鸾冢灸惺蹒猴嗷媾杨秀陷主得旨杨秀奸狡异常踪迹诡秘必知辽府虚实张诚等其逮讯以闻

○升原任贵州巡抚鲁同亨为太常寺卿

○癸丑改南京工部右侍郎王友贤为工部右侍郎

○升仓场总督户部左侍郎王廷瞻为右都御史兼户部右侍郎总督漕运

○乙卯大学士申时行等言御史陈性学论劾大学士许国一＜媼斃-
金＞臣等以为辅臣职任亲重受股肱心膂之托果有大恶显过欺公误国得罪君父论之可也若以口语得罪言官而必欲攻去非所以重国体明旨屡谕以秉公戒其求胜所以绝朋比而严抗违盖已至矣凡为臣子皆当遵承性学独未知闻耶宜量罚俸以信诏令以全国体以安臣国之心得旨夺性学俸半年

○予原任南京礼部尚书赠太子少保孙升继妻封太夫人杨氏祭一坛合葬

○吏科给事中杨文举备言蜀中采运之苦因陈从容采取四便庶召买皆服习之商应募为历试之众无累商民一也体恤夫匠二也鼓舞土司三也优异委官四也
上深然之敕工部即行申飭

○丙辰南京科道伍可受郭宗贤等交章言李文全破例袭爵非所以遵祖制安
圣母防滥觞全外戚而服輿情乞追寝前命并报闻

○漕运都御史李世达条陈漕务四款上可其奏

○先是真定车营建于阅视侍郎汪道昆议改于巡按御史汪言臣至是督抚张佳胤李已等
并言改步非便兵部覆请如督抚议

○丁巳大学士许国言御史陈性学论臣不知所言何事念臣见几不明为谋已晚竟被口语固亦有因伏望俯鉴愚衷先行罢斥仍将性学所论宣示在廷如果臣身别有罪状形迹显著公议不容窃伏斧钺以待诛谴 上优诏报留 予原任南京户部尚书刘思问祭葬

○戊午 上视朝

○大学士许国再＜娼弊-金＞求罢复优诏褒慰之

○原任工部尚书为民曾省吾奏辩张敬修寄银原任吏部侍郎为民王篆亦有此奏 上敕张诚从实查勘以闻○固安伯陈景行孙陈承恩请袭伯爵吏科都给事中齐世臣等河南道御史董裕等各上＜娼弊-金＞争且言文全为 皇太后弟承恩为 皇太后侄恩礼既异文全以子袭父且侯降而伯承恩以孙继祖乃欲袭伯乎 上曰朕孝奉两宫 圣母一体崇隆但承恩系景行孙难以文全为比准与都督同知不为例

○司礼监太监张诚奏抄没故相张居正住宅坟地财物及诰命牌坊等并分路解进得旨如拟居正太师等官已削原给诰命及恃降谕札都追缴石兽等物并应拆牌坊变价解京张居谦等既无罪犯免抄没隐匿收寄者勘实追并其侵占府第王坟等罪及干碍人员候勘明辽府事日并拟奏夺○己未兵部言昇平日久边事可虞乞敕督抚镇道诸臣通行申飭大都宣府以西以抚市为权以战守为实勿以互市为变忘其奸谋勿以黄酋为他狎其部落甘肃套虏毋再纵其驻牧内附属番毋再听其摧残蓟昌两镇当固守墙台勿信虚张之伪报选练兵马勿避怨谤之流言辽东宜严防城堡远探虏情勿恃胜怠防勿轻虏堕诱 上是之敕边臣严备

○辛酉 上视朝

○复除原任贵州副使王来贤于山东

○吏礼二科给事中齐世臣等劾陈性学直隶按臣本不繇通政司径达会极门有违祖制章下都察院

○癸亥予原任大学士李春芳祭葬仍加祭四坛赠太师谥文达荫一子尚宝司司丞春芳为人醇谨阔大有声词林典礼佐铨建树表表其入纶扉也当分宜专恣之后一以忠诚镇静剂之事先帝五年代华亭秉政同事为新郑江陵而能上成 君德中协寮友下戢庶司寅恭匪懈默赞昇平之治□太平宰相云

○工部言采木之苦载在图说至今全蜀疮痍三四十年元气犹未尽复今委七总又先发库银诚有鉴于商民赔累之苦一应木价并拽运等费俱于该省议处七十万两内支給各省直量行办济今陕西济边银两既难议留相应照旧徵解其给发工价宜用心稽查诏如议行

○甲子 上视朝

○南京等科给事中孙世祜等合词谏止内操并还董基原职

上怒其党护夺为首者俸一年余谷五月南京等道御史田一麟等言如之亦夺俸

○乙丑陕西洮岷环住番族向听土官杨臻约束自俺答迎佛西海致诸酋恋牧河西近复蚁聚莽刺渐逼洮河将为内患巡抚李汶以为言诏集兵防备

○丙寅 上御文华殿讲读

○发马价银八万二百七十五两给赏辽东沈阳抚顺等堡战功

○户部覆湖广抚按李江任养心会同太监田玉勘过屯田佃户均州所额屯原奉敕建修武当山优免宣德间修山军丁绝故顶种者非修山人数报纳籽粒六百六十余石万历初丈出余屯二万三千余亩徵银二百七十八两二分解充郟阳军饷一分存留本所备赈命遵守行

○升户部右侍郎傅希挚为左侍郎总督仓场

○补翰林院侍读田一俊原官

○丁卯礼部覆礼科请详定恤典事宜一议勋臣加官及辞任者查因何加授果以劳进秩方许照会典公侯十六坛伯十五坛如因事加恩功业未副止照二等祭七坛例其乞休者查生平有功无过仍照见任优恤一议文臣被劾及考察致仕与乞致仕者备查致仕之繇雅负时望恳乞恤者照见任例被劾及自陈致仕者二品曾经考满全给未考者祭二坛半葬三品曾经考满祭照旧半葬未考者止祭一坛至于四品虽经考满亦不准祭其被劾自陈日久论定照例优恤若清评共弃不问见任致仕悉寝之至于父母妻曾受本等封者应得祭葬亦视本身致仕缘繇为差一议文臣被劾听用者照前被劾自陈致仕官递减之例公论已明者全给听调亦如之至于听勘未明仍行原勘衙门查明分别予夺如有显过无论听用听调径照闲住例不准其父母妻恤典亦稽其子若夫之功过为等差一拟京官三品升四品者母问四品已未考满俱照三品未考满例祭一坛半葬父母妻授封三品者与同而授四品者止祭一坛原以三品降而后升四品者不得援例一议三品文臣父母授本等封者一视其子为差一议文臣通叙年劳准与父母祭葬若子二品三品共历三年以上虽未考满其父母曾受四品五品封亦准予三品祭葬三品四品共历三年以上虽未考四品满父母授五品封者亦予祭一坛其未经受封及止授六七品者不准一议三品以上文臣有乞本身及妻诰命移封本生授二品封者于一祭之外量给半葬三品者量予祭一坛以示降私亲之义一议二三品文臣曾经赐葬者妻故在后俱许附葬惟授封夫人者例给开圹夫价若妻先故其已封夫人照例祭葬外其余俟夫故附葬一议都督同知僉事真署都督僉事止予祭四坛照品级造葬而升署同知仍照僉事例若繇署僉事升同知者量予祭二坛半葬一议留守正副亲军卫分都指挥使赠都督同知者止于本职上加祭一坛半葬一申明谥典文武臣各行所司查

生平履历有无论劾广加咨詢必其节概为朝野之具瞻勋猷系国家之休戚公论久服毫无訾毁者具议请

上裁行业平常虽秩隆毋许滥议 上诏纂入会典

○戊辰升浙江处州府同知周守愚为本省佥事

○己巳以延庆平三府灾免其逋赋

○庚午 上御皇极殿

○兵部言近来罢闲纳级武职营求荐用冒滥多端今后各该督抚官务从公核实必系将材卓异及年劳堪叙者方许荐列报可 升浙江巡抚萧廩为南京工部右侍郎改南京粮储户部右侍郎宋纁为户部右侍郎○吏部覆都御史李汶<娼弊-金>边徼频年荒旱民困难廖有司全不设法救援请削刘汝江籍王天爵冠带闲住陈恩调闲散熊进改教刘栋调简僻用从之

○落南京御史郭惟贤职以谏内操救董基也

○都御史李汶条议水利言关中八郡水泽鲜钟一遇凶年束手莫措乞将水利应修应创者督令该管清军道分照所属着实举行工部覆如议勿拘岁月勿牵文法务收实效年终抚按官将修过渠堰用过钱粮造册奏报仍将经管官勤惰贤否遇入覲给繇日填送查考报曰可

○礼科给事中万象春请慎斋居重祀典暂离深宫之燕闲从事大廷之严肃上曰朕于郊庙社稷祀典每加严慎但便殿斋居护从人众隆冬盛暑喧杂难容故于宫中致斋诚敬精虔未尝有间象春何乃輒来烦渎姑夺俸三月

○辛未大学士许国言大臣之义在定国是今黑白混淆纪纲紊乱国是如此而臣不能定一宜去大臣之义在正人心今流言广布谗说肆行人心如此而臣不能正二宜去大臣之义在保安善类今用一人朝贤暮佞持一议甲是乙非大臣数见诋排老成皆无固志善类如此而臣不能安三宜去其他纤细不可枚举伏望哀怜放归田里手敕报留之

○以蓟镇达贼节次犯边诏失事官王继贞戴罪管事候秋防毕奏夺

○壬申升河南巡抚杨一魁为南京户部右侍郎总督粮储大理寺卿温纯为兵部右侍郎兼都察院右佥都御史巡抚浙江南京右都御史袁洪愈为南京礼部尚书○癸酉南京福建道试御史谭希思言隐忧当杜忠言当讷近者中外私计金谓朝廷之上有大不可者三事其一谓一旦复李文全伯爵是更防闲戚畹之制矣其二谓用内臣提督太和山是改设官守土之制矣其三谓选兵操演内廷是变环卫防御之制矣 陛下独不念 祖宗防微之意乎

祖宗朝故事之最宜急复者在复丝纶之簿以重王言复实封之旧以防奸慝复铁牌之置以杜干预庶几消患未萌太平可致＜媼嬖-金＞入上大怒曰朕仰顺

圣母慈念推恩至亲李文全持封殊非过分内臣及内操俱系先朝建置为奉慈驾春秋二祀山陵及朕恭祀南北郊护从已各有旨谭希思沽名建白＜媼嬖-

金＞内丝纶簿铁牌是何设立出何典章南京都察院其究问以闻

○工部请修饬感思龙蹕二殿

○甲戌吏科都给事中齐世臣等合词言大学士许国不宜顿怀去志上深然之乃下诏大臣系朕股肱倚托甚重岂宜以言语小嫌固求自便科道官朝廷耳目言事须秉公据实审辩是非不得任意繁言逞私求胜以伤大体辅臣国已屡旨慰留还着鸿胪官宣谕朕意即出辅理

明神宗显皇帝实录卷之一百五十一

万历十二年七月乙亥朔 上亲享 太庙

○工科给事中王敬民等言浙江抚按奏陈织造之苦应听减省诏夺敬民俸三月

○丁丑 上视朝以朝仪不肃谕令传示各衙门

○直隶巡按苏鄯议工役以节兵力兵得番休工无偏累议选练以实军伍就营中精择三千为家丁而时练习之议哨探以慎边情破格示恩另为优恤议抚驭以崇国体驭夷当折其谋勿专姑息驭将宜励其气勿牵文法兵部覆御史言是惟选练一节事关更置宜行该镇会议

○戊寅以武安侯郑维忠掌府军前卫事○浙江飓风大水

○赐原任刑部右侍郎郑世威祭葬谥恭介世威福建长乐人中嘉靖己丑进士从比部出佥江右贵溪分宜后先当路不为屈转湖广参藩投劾归教授生徒躬耕自给嵩败起南京右通政擢左副都御史改今官以谏采珠不报乞骸林居郡邑监司不识其面布衣芒屨三十年如一日

○己卯文书官传 圣旨张诚本说居正家属缢死者止是二人如何说饥死者十余人着出旨查问大学士申时行等言臣等前见诸大臣＜娼弊-

金＞内曾有此言问之则云出湖广抚按承差口彼时大臣欲仰祈 圣恩宽宥罪孽惟知模写其可怜之状一时轻信无所逃罪若加查究则必提解承差方可质对往返旬月之间大臣俱当待罪衙门事务未免耽误伏乞宽宥 上怒未解仍令核其官已闻已而工科给事中杨毓阳上书认罪谓臣实言之实不知为风闻所误有诏夺毓阳俸一年

○升南京太常寺卿曾同亨为大理寺卿顺天府尹臧惟一为右副都御史巡抚河南

○准贵州提学副使冯时可致仕

○降用陕西苑马寺少卿梁式罢宁夏道副使任铠从巡按王世扬请也

○都城白昼抢劫中城御史陈遇文获贼以闻诏夺蒋伦俸三月强贼付法司从重拟罪

○户部覆浙江巡抚萧廩请减织造议工费大约谓数年灾伤民力大困不能搯已尽之库藏乞求减免原额 上谓既济边银难以议留工部于事例银内那凑

○以武官袭替事例繁杂命兵部刊邦政条例以行

○巡按苏鄯言边地水利灼见可兴工部覆议宜令该抚按责成司道督率有司如实心任事果有成效容臣等不时举荐报曰可

○庚辰 皇第四女生 恭妃王氏出也

○苏鄯奏请以原任参将谷承功补曹家寨参将中军丘阶补黄花镇游击上以武职应该部推补或督抚荐举御史如何辄拟姑释之

○太监张诚题张居正宜抄没者已行抄没其衰母宜赙恤者亦行赙恤空宅一所田十顷拨付伊子嗣修惟曾省吾等三家受寄银两应否追解会巡抚李江亦以保全旧臣请有旨家产既抄眷属准保放曾省吾等受寄银两其查审追解以闻○吏科等科给事中齐世臣等福建等道监察御史窦如式等合词请还郭惟贤御史 上怒其救扰降旨切责

○云南道御史黄师颜请原任祭酒蔡清布衣胡居仁陈真晟等应从祀下所司

○蓟辽总督张佳胤言猾虏节次突犯官军斩获首级有旨剿处黠夷关系重大兵部即从长计议具奏

○辛巳以假满翰林院侍读田一俊修撰孙继皋简讨沈自邠仍充大明会典纂修官

○升方九功为南京太常寺卿沉思孝为光禄寺卿

○户部覆苏鄯条陈边务极称派商召买之困价值太减查盘太扰请督有司照时估酌定应从其议至收支以便军饷一节甫奉 明旨遵行似难更处至谓沿河等口仓无积粮恐临时负运不前欲将本道赎银余米分发要口计军千名积米千石一半存留一半夏初给军秋成抵斗还仓有裨边计 上从部议

○兵部尚书张学颜乞休不允

○壬午兵部覆云南巡抚刘世曾奏緬贼拥众犯边游击刘綎等有功应叙得旨该省屡奏捷功巡按不即勘报以致赏赉稽迟人罔知劝如议令巡按官于矿课银内动支五万两查犒先后有功军士

○漕抚李世达恭报堤河工完部覆赏各银两有差

○癸未以纂修选译字官生并坐监历事监生二十余人送馆供事

○直隶巡按宋仕请添差督学宪臣

○以兵部郎中吴尧弼为贵州提学副使长芦运使许天赠为山东左参政贵州佥事胡宥为陕西苑马寺少卿兼佥事

○甲申 上御文华殿讲读

○工部＜娼弊-金＞请减织造议处工费从之

○乙酉升浙江布政徐元泰为顺天府府尹调原任右通政郭廷梧补南京左通政

○月与建星相犯

○丙戌兵部覆宣大巡抚郑雒请议补马价以便互市有旨照旧行

○嘉石草坡等族番人戎肖等贡马银＜娼链穉就佛来朝

○刑部覆吴定请酌议恤刑免死军例从之

○丁亥南京户科给事中阮子孝言偶因时事敬献刍蕘五事一曰建言诸臣宜优处二曰言官心事宜鉴别三曰监场御史宜选择四曰抚按论列宜详慎五曰丁忧被论官不宜举刺报闻

○升户部郎中赵世卿为陕西副使

○蓟辽督抚张佳胤张国彦会请修筑紧要关城下其章于兵部

○升浙江右布政衷贞吉为左布政使

○刑部覆马文炜＜娼弊-金＞邪臣杀人媚人王继监候详决刘希孔照例发遣是之

○戊子 上御文华殿讲读

○大学士余有丁以疾请假

○先是南科刘一相＜娼弊-金＞入

上令文书官谕内阁拟旨罢刘守有而不次擢丘橐余懋学赵世卿李植江东之于是大学士申时行等言窃见守有敬慎无过张简修携金宝潜匿其家事属风影居正罪状二年来章满公车奉旨籍没无复未发之奸可加之法矣如一相言更欲皇上如何处之乎臣等愚见似难尽从丘橐等优擢俟籍没事竣日另议守有遽难议罢

上以居正罪重孽繇已作何乃纷纷党护姑不究

○兵部覆毛在参土官徐轲等轻举损威命革徐轲任杨应栋付巡按讯治

○下鸿胪寺序班翟举贤于理举贤上<媼擗-

金>参前任堂官贾名儒闻讣宴乐杨宗仲庸劣尸素

上怒下举贤于理

○吏部覆李茂材改荫尚宝司司丞李茂功荫中书舍人

○武库司主事郭秉改尚宝司司丞

○己丑升浙江按察使余一龙为左布政河南左参政宋应昌为山东按察使

○以中元节遣侯吴继爵郑惟忠伯王应龙卫国本祭

长陵等九陵及景皇帝陵哀冲庄敬二太子坟

○升衡州府知府李焘为长芦运使

○户部奏籍没张居正金银宝玩共一百十杠命内库查收

○黜刑部尚书潘季驯为民从江西道御史李植劾也植<媼擗-

金>略曰故辅居正挟权阉之重柄藐皇上于冲龄残害忠良荼毒海内即斩棺斮尸尚有余罪夫何季驯昔为私党深衔卵翼之恩今藉恤旧甘为蹠犬之吠不曰居正宜抄而曰好货贪财不曰居正之罪宜诛而曰损德伤体奉差籍没诸臣少加推问季驯又倡言惑众至谓铜櫜鉄夹断肢解体拷毙数命饥死十人询之楚人以为并无此事季驯不惟诬皇上于前而且欺皇上于今日矣若不速行斥逐恐以下訕上以臣议君相率成风莫知底止诏季驯对状季驯遂上<媼擗-金>认罪上怒黜之仍夺其诰命

○庚寅赐大学士余有丁羊豕酒米

○达贼四千余骑从三山三道沟锦川三路入犯抚臣李松谓土虏固为酋帜董长实生祸阶宜声罪剿搗便而蓟辽总督张佳胤则谓属夷当剿地阻崎岖宜缓剿便兵科给事中王三余亦恐边地险阻将帅不习宜慎处万全方可言战兵部覆言宁前要冲属夷董狐狸长昂等盘据突犯近者更番窥掠弊在哨夜贪夷人之利故入抢且不报况望其引兵出塞不堕虏阱乎宜亟革积年尖夜精选殷实者充役领以谋勇之官如差遣谕虏剿虏有功请授世职倘侦探不实漏洩军机亦法毋赦亟停二酋月赏待其扣关求请然后数其犯辽掠蓟之罪责其献出

所抢夷酋放还所掳辽人方与贡赏或逞愤更掠伏兵擒剿未晚
上然之仍令该督抚相机审势便宜从事务保万全

○辛卯降南京礼科给事中伍可受以劾大学士许国也

○工部员外萧景训请从祀先儒罗钦顺罗洪先章下礼部

○升湖广参政冯时雨为浙江按察使

○壬辰 成祖文皇帝忌辰祀于 奉先殿遣成国公朱应祜祭 长陵

○宣大总督郑雒以昇平日久条陈边务 上嘉纳之下兵部看议

○癸巳大学士许国＜娼弊-金＞请休致优诏慰留

○河南巡抚杨一魁言国计甚匱民瘼可忧＜娼弊-金＞下该部

○准河南道御史林休徵养病

○山东道御史陈遇文参涂嘉会假充旗尉吓骗职官财物下法司逮问

○金星昼见

○司礼监太监张诚等恭报事完复命 上令通候完日回京

○甲午 皇第五女生 德妃李氏出也

○顺天巡抚张国彦请招徕被虏华人以消逆党是之

○升广东佥事周采为南京通政司右参议河南副使穆炜为湖广右参政

○山西巡抚侯于赵奏遵旨经画北虏又请酌定三镇贡市马价抚赏规则俱下该部

○乙未以 皇女生赐三辅臣及讲官花币有差

○陕西西安府地震有声

○升太常寺少卿陈瓚为通政司右通政

○户部奏抄进张居正金物第三运一百一十杠命该库查收

○吏部覆南京都察院奏考选试御史党杰谭希思沈汝梁李一阳田一麟郭宗贤黄学曾潘维岳等各实授上以希思逞臆妄言还候覆奏请夺

○户部覆礼科给事中王继光条陈明会估以便输纳一款得旨物料令江南湖广等处俱解本色不得违误

○谕礼部以八月七日进封 贵妃郑氏册封 荣妃王氏

○丙申大学士许国再< 娼弊-金 >乞休致并请宥言官复下优诏慰留

○月犯井宿

○以浙江台州下洋擒斩倭贼功赏抚臣萧廩等银两有差

○丁酉 上视朝

○戊戌毛怜等卫女直夷人都督都指挥付羊古等来朝贡

○庚子 上视朝

○升陕西苑马寺少卿郭汝为本省副使补南京光禄寺卿周弘祖为太常寺少卿以南阳知府张一通为陕西苑马寺少卿

○是时 上衔故辅甚疑诸大臣党护迨刘一相< 娼弊-金 >入心益动迫于辅臣言犹降严谕已而以李植逐潘季驯遂深向用植等乃下诏吏部御史李植江东之羊可立尽忠言事摘发大奸有功俱于京堂不次擢用吏部覆李植太仆寺少卿江东之光禄寺少卿羊可立尚宝司少卿

○亦辖等族番人竹木等留边番人立足等贡方物

○辛丑大学士许国言臣三< 娼弊-金 >乞休奉旨卿< 娼弊-金 >再救言官具见雅量大臣以君命国事为重卿勿坚持去志其即出辅理以副眷怀臣不胜惊惧 皇上之尊天也其威命雷霆也今臣屡< 娼弊-金 >烦渎不即谴斥乃为开霁褒以雅量戒其坚持且谓大臣以君命国事为重虽父母之谕子未有温于此者臣虽至愚极陋亦有耳目心胸顾敢负恩方命违天而干雷霆哉然而臣区区愚心有万不得已者盖 皇上之命臣非徒以禄位宠荣之也欲其任事而大臣之任事非必能奔走躬亲也欲其率人今臣数被诋斥既已不能率人纵使再列班行又何以能任事是以俯揣分义仰恃恩私奉旨愈温而陈情愈切不自知其戆且数也 上

报曰卿累<媼擢-

金>诚恳朕非不体悉但机枢重地倚藉正殷岂可独遂高尚册礼在迓卿其亟出将事母辞

○升陕西佥事焦子春为山西行太仆寺少卿

○礼部覆礼科给事中王继光<媼擢-金>言诸藩生齿日繁请名请封选婚选继正题另题名粮口粮与夫各衙门行查禄粮养赡丧葬等项随到随填随查犹尚不给似难会同科臣以增拥塞卷簿如山似难另行类造以增贫宗稽滞之叹合无申飭司属将前项册籍一一填写一一磨对其岁贡廷试必文理十分纰缪者姑量驳一二小疵不妨尽留岁考四等停粮照旧例不作缺五等作缺递降岁考三等即准收复廪生考贡及大比文理不堪止发回肄业不必复行降黜上从部议

○山西总督郑雒言抚臣忧制正值秋防请乞就近推补事下吏部

○壬寅国子监祭酒张位<媼擢-金>陈国学事宜六事一曰修衢舍以饬学宫二曰优叙迁以重儒官三曰简生徒以需任用四曰储经籍以备教典五曰复科举以广试途六曰议考选以通铨法诏下所司

○礼部题恭进册封 贵妃 荣妃仪注一钦天监择到万历十二年八月初七日辰时吉行册封礼一先期行内府造贵妃金册金印

荣妃金册各冠服玉圭等件一先期一日鸿臚寺设节册印案于皇极殿内节案居左册印案居右设节册印彩舆于丹墀内教坊司设中和韶乐于皇极殿内设大乐于皇极门内锦衣卫设仪仗如仪一是日早内官设 贵妃受册位于宫中设节册印案于受册位之北节案居左册印案居右设香案于节册印案之前中设 荣妃受册位于宫中设节册案于受册位之北节案居左册案居右设香案于节册案前之中设内赞各三人引礼各二人是日早遣官以册封 贵妃 荣妃代告于 奉先殿太常寺备香帛脯醢酒果翰林院撰告文一是日皇极殿发册执事官朝服侍班鸿臚寺官引正副使各具朝服入就拜位执事官举节册印案繇殿左门出置御道中赞行四拜礼毕执事官举节册印置彩舆中用黄盖遮送大乐前导节册印舆至归极门外正副使北向立内官举 贵妃节册印舆入将至宫门引礼请

贵妃具礼服出迎于宫门外内官捧节册印繇正门入 贵妃随至拜位内官以节册印置于案内赞赞四拜赞宣册赞跪宣册女官取册立宣于贵妃之左赞搢圭替受册宣册内官以册跪授于 贵妃受讫以册授女官女官跪受于贵妃之右立于西赞受印女官以印跪受于 贵妃受讫以印授女官女官跪受于

贵妃之右立于西赞出圭赞兴四拜礼毕又荣妃节册舆入将至宫门引礼请

荣妃具礼服出迎于宫门外内官捧节册繇正门入

荣妃随至拜位内官以节册置于案内赞赞四拜赞宣册赞跪宣册女官取册立宣于 荣妃之左赞搢圭赞受册宣册内官以册跪授于 荣妃受讫以册授女官女官跪受于

荣妃之右立于西赞兴四拜礼毕内官持节繇正门出 贵妃 荣妃各送出宫门外内官赍节出

至归极门外以节授正副使报礼毕正副使得报持节复命一行谒告礼是日册封毕 贵妃
荣妃各具礼服候 皇上率诣
奉先殿行谒告礼用祝文祭品如常仪一行谢恩礼是日谒告礼毕 贵妃 荣妃各具礼服诣
仁圣懿安康静皇太后前 慈圣宣文明肃皇太后前俱行八拜礼毕诣乾清宫候上服皮弁服
皇后亦具服各升座赞引女官引 贵妃 荣妃各就拜位行八拜礼毕各还宫一次日
上御皇极门文武百官各具吉服鸿胪寺官致词称贺

明神宗显皇帝实录卷之一百五十二

万历十二年八月甲辰朔唯户部左侍郎王之垣在籍调理

○户部尚书王遴等言织造物料属工部盐引纸价属户部钱粮各有职掌载在令甲先因大婚袍服及赏用段疋共留过济边银九万三千零凑织事出权宜节经本部题明业奉不许那借之旨盖重军国急边饷也今复留引价抵充工部料银非所以信明旨一法守矣上以兴作繁殷引价暂借协济

○鹞子坪巴哂等族番人来朝贡方物

○准河北三府冲疲改折漕运

○乙巳以写篆 贵妃 荣妃金册金印赐三辅及中书官银币有差

○山西道御史原一魁请乞推广优处言官德意俯宥建言获罪诸臣如邹元标郭惟贤冯景隆孙继先黄道瞻曾同亨丁此吕伍可受谭希思董基范俊等乞下吏部分别量处上怒其乘机市恩夺俸三月

○礼部覆礼科给事中万象春等摘参考成未完杨应魁陆树德李辅涂杰任养心邢侗宋仕姜璧吴定黄钟林休徵黄师颜于有年等各夺俸有差

○山东道御史傅好礼以母老身疾乞归许之

○升陕西副使李琦为本省右参政兵部员外朱正□为陕西佥事

○丙午乌思藏获教王番徒喃哈坚参等五起进贡

○丁未祭 先师孔子遣礼部尚书陈经邦行礼

○升福建佥事武尚耕为湖广右参议

○戊申祭 太社 太稷遣公朱应岐行礼

○升山西按察使许守谦为右佥都御史巡抚山西兵部左侍郎辛自修为南京右都御史

○平乐营兵鼓噪杀伤四十余人执掳乡官王佩瑶等勒官兵讨之斩馘略尽叛首徐凯被擒自缢死两广督吴文华以闻有旨逮知府周祈来京问

○己酉 上视朝

○庚戌遣定国公徐文璧大学士申时行为正使恭顺侯吴继爵彰武伯杨炳大学士许国为副使各持捧节册进封 德妃郑氏为贵妃 安嫔王氏为荣妃 贵妃册文曰兰殿升华实佐二南之化椒涂贰体特高九御之班惟芳徽简在于宸闈宜宠渥增崇于位序咨尔德妃郑氏仪容淑慎性质柔嘉供奉下陈肃肃谨授环之节周旋中壺雍雍协佩玉之和用能效傲于鸡鸣匪独承荣于鱼贯爰跻峻列载示新恩兹特遣使持节进封尔为贵妃锡之册命于戏位因德进芳名已冠于紫庭贵以谦居令范无愆于彤管用翼轩龙之教聿臻祿燕之祥钦哉 荣妃册文曰化始闺门崇建六宫之职礼隆妃掖眷求四德之良爰举彝章宜敷茂渥咨尔安嫔王氏柔嘉维则敬慎有仪蚤参法相之班祗率小星之度珩璜象美弓韉开祥方有誉于宫闈肆特升于位号兹遣使持节封尔为荣妃锡之册命于戏荣颁祿翟既永依日月之华体亚轩龙尚益谨夙宵之节庶流淑问无忝训词钦哉

○以册二妃遣驸马都尉侯拱宸祭告 内殿

○谕礼部九月十三日躬谒 山陵行秋祭礼奉
两宫圣母率后妃同行一应礼仪事务照万历八年例行

○例推御史贾如式为河南副使工科给事中王毓阳户科给事中徐三畏御史原一魁张耀陈性学为佥事毓阳河南三畏一魁陕西文耀福建性学广东

○辛亥遣伯刘嗣德以 孝康敬皇后忌辰于 泰陵行礼○升锦衣卫指挥使郑承宪为都指挥使锦衣卫正千户王文锦为指挥佥事俱带俸承宪贵妃父文锦荣妃父也

○工部题修理乾光殿金海亭轩等处

○壬子先是逐潘季驯等外论汹汹谓废辽必复居正且戮尸至是文书官宋坤发下会议辽府本传旨拟复废辽爵及重论居正之罪大学士申时行等言居正罪状已著法无可加复爵一议变 皇考明罚飭法之典开诸藩观望觊觎之端修废第于民穷财尽之时复废国于宗多祿少之日举朝无一人以为宜者即如勘事诸臣原< 娼 擄 金 > 亦言居正所犯自足丧家辽庶所犯自足倾国两事原不相蒙今既许归葬又与花生子口粮给伊母王氏养贍恩已厚矣复爵之议臣等知其不可 上顾左右曰内阁言是乃罢复辽议旨下廷臣翕然称服

○升山西右参政陈渠为陕西按察使河南府知府李时芳衢州府知府史诩为山西贵州各副使

○户部题河东解州盐池遭水盐花不生科臣屡< 娼 擄 金 > 欲改行芦盐以苏民困在山东抚按欲将有余之盐行归开二府淮扬抚按拟以开封改长芦以归德改山东而长芦巡盐据二知府议割河以北隶长芦河以南改复山东而又有历议四难欲仍行河东盐池者今御史

喻文炜直陈改图必行之便合行三省抚按各巡盐商确通变母太拘泥贻害地方报曰可

○山东抚按李辅等以登莱二府水旱相仍请蠲二府拖欠存留麦米一十七万四百余石草钞银四千二百余两并留香税杂钱一千九百四十六万五千余文备赈从之

○刑部覆斩辽府逆奴杨秀

○癸丑以

万寿节赐三辅臣及讲官银币有差

○甲寅升宋纁为户部左侍郎阴武卿为兵部左侍郎石星为兵部右侍郎改李世达为户部右侍郎

○河南巡抚杨一魁言旱雪冰雹迭为灾异章下户部

○乙卯上御经筵

○升山西行太仆寺卿兼佥事邢玠为本省右参政

○丙辰文书官刘恺口传内阁拟旨取户部太仆寺银三十万两充赏大学士申时行等反覆请减语甚切至上从之即减其半是日谕户兵二部秋祭山陵赏赐各项人等取太仓银五万两太仆寺马价银十万两应用兵部复持不可不听

○降原任贵州按察使史檠为陕西右参政

○都察院等衙门覆参故相张居正<娼弊-金>奉旨张居正诬蔑亲藩侵夺王坟府第箝制言官蔽塞朕聪专权乱政罔上负恩谋国不忠本当靳棺戮尸念效劳有年姑免尽法伊属居易嗣修顺书都永戍烟瘴都察院其榜居正罪状于省直夫居正以长驾远驭之才当主少国疑之际卒能不顾诽谤独揽大权综核吏治厘剔奸弊十年来民安其业吏称其职虽古贤相何以加惜其褊衷多忌小器易盈怙宠夺情本根已断卒之身死名戮祸至丧家若其才其功则固卓乎不可及矣丁巳升左佥都御史耿定向为左副都御史协理院事光禄寺卿贾三近为右佥都御史巡抚保定复除原任陕西苑马寺卿兼佥事申维岳为山西行太仆寺卿兼佥事

○吏科给事中陈大科言江南漕艘历高宝抵淮宝应汜光一湖浩荡无际槐角楼一带据湖之中其形如兜两翼向为运道梗所司议开越河而一主圈田以防夹攻一主靠堤以省修筑昔白侍郎昂康济一河圈田之制也比吴尚书桂芳靠堤开越河十余年来未闻冲圯臣以为靠堤便总督漕运李世达亦然其议部覆报可

○朝鲜国王李昖请赐会典成书为其先康献王李旦洗冤礼部以梓未竣工请先降敕昭示以慰远人从之

○兵部覆南京太仆寺卿萧崇业条议种马累民所应永罢其清查牧地钱粮举劾管马有司二事一革隐占之奸一振因循之弊均于牧政有裨许之

○戊午中秋节赐三辅臣上尊珍饌

○兵部题云南巡抚刘世曾擒拿逆贼岳凤等相应祭告 郊 庙宣捷献俘报可

○庚申 万寿节

上御皇极殿受贺

○赐三辅臣膳并寿面长春酒

○赐朝鲜入贺陪臣礼曹参判宋贺等宴

○辛酉南京都察院勘得南京福建道御史谭希思称国宪家猷内一款阁内有丝纶簿其后官寺惠恣收于内宪章录内一款洪武五年六月定内官禁令命工部造红牌镌戒悬之宫门今亦无存希思偶感时事谬以为宜复此二者言诚狂瞽心则无它请特赐优容以广忠益

上曰本朝典故不系颁行制书岂足凭据希思姑降褫职

○壬戌以南赣巡抚张岳为左佥都御史协理院事河南左布政严大纪为光禄寺卿建昌府知府许孚远为陕西提学副使

○兵部言万乘临边御防宜慎一预哨探二守台墙三慎分布四慎信地总督郑雒照旧驻劄关外张佳胤应否前赴昌平有旨哨探防守俱依拟总督例在镇经理不必候驾

○癸亥诏以伯王伟左都御史赵锦居守以公徐文璧伯杨炳护驾随侍

○甲子谕户部随驾各衙门物料合用官尉旗军并内官内使骑坐马匹及草料各衙门人役口粮户兵二部照例关领拨发

○乙丑宪宗纯皇帝忌辰祀于 奉先殿遣伯王应龙祭 茂陵

○复除庄国祯为河南左布政

○丙寅 上视朝

○月犯井宿

○戊辰升光禄寺卿贾待问为左副都御史巡抚南赣汀韶等处

○己巳 上视朝

○户部覆宁夏巡抚张九一条议边务一议开荒除先丈出额外荒田四千三十一顷外其余一听开垦宽恤一议添官宁镇四路旧有管粮通判可以兼摄抚臣责司道司道责通判及管屯卫所官庶不扰民其余立寨通渠分给牛种俱听抚臣便宜举行年终将开过数目青册送部查考社仓盐课俱如议行

○蓟辽总督张佳胤巡抚张国彦会题三屯遵化各营主兵照今议改支折色七个月草一束折银一分九厘豆一石折银三钱四分其收买本色行令各兵备会同各镇管粮司官一应粮草务趁秋成严行州县正官取具的确时估呈部派商收买仍旧掇以州同其应行文卷悉付州同接管该镇管粮通判关防径呈礼部改给蓟州州同关防该漕粮二万七千石自十三年为始于内再折一万三千二百石每石照例折银七钱户部覆从之

○庚午升太常寺少卿周弘祖为南京光禄寺卿

○赐朝鲜国陪臣黄廷或等二起宴以奏事入贺事完回国也

○顺天府房山县民史锦奏请开矿命抚按查勘以闻

○允给永年伯王伟肩舆礼科给事中万象春言公侯伯皇亲驸马不许乘舆祖制也瑞安伯陈景行武清伯李伟为

两宫皇太后之父受封于衰白之年始赐肩舆迨年定国公徐文璧以班首重臣袭封年久亦以陈乞而得今伟分虽亲视太后之父则有间爵虽尊按授封之年则尚浅何得以居守故滥行陈乞＜媼髻-金＞入上以特恩姑准以后不得援例

○辛未河南地方旱潦冰雹

○壬申 上视朝

○户部尚书王遴言御马监旧额马该料四万七千余石草一百七十余万束新增马匹该料以石计者四万三千余草以束计者一百八万每岁约费银一十万五千余以十年计之费银

一百九十五万臣等将何术以应该监之需得旨准减六分之一不必加派扰民

○癸酉谕兵部驾诣天寿山行秋祭各衙门执事披甲等项官长随内使小火者太监陈政等四千一百四十三员每名马一匹

明神宗显皇帝实录卷之一百五十三

万历十二年九月甲戌朔 上御皇极殿礼部进万历十三年大祀日册立受之

○大学士余有丁以病乞归调理温诏留之

○大学士申时行等题今日发下吏部侍郎陆光祖自陈本文书官传旨准致仕窃惟大臣进退予夺出自宸断臣等岂敢曲为庇护但光祖历事先朝有直亮名持正寡谐自甘恬退近起之林□□土之中擢之铨衡之地众皆以为得人止因臣等求退时光祖亦曾具〈媼髻-金〉词涉过激遂为言官所排今以一人指摘即去恐在位老成因而解体上诏光祖仍供职

○泰宁等卫夷人头目虎喇赤等来贺万寿宴赏如例○户部覆甘肃巡抚董尧封题边务三事一诏召募臣照一兵一马各有计日之需已奉旨召添又皆简汰精壮所有加添月粮料草除将客盐五万引改充主饷外其增发客兵银二万两原议十三年为始增入年例预发库贮济边银二万充十三年客饷之费不得混入主饷下一议驿递为照陕西起运存留各有正额别无堪动钱粮请将甘肃应用站军银一万六千一百六十两于该省驿站银内量添八千两通融徵派听甘镇站军支用一军士折支则例为照该镇先年折布事例相沿日久乃后增银七钱岁多用银九千四百八两矣今一旦又欲轻减则前增既以为恩今减必以为怨宜照节年旧例有布给布无布依价折银允之

○浙江巡按羊可立〈媼髻-金〉举王锡爵参陆光祖并张继芳孙一俊章下吏部

○复铨浙江布政司都事都司断事温州府盐捕通判遂安龙泉各县丞许村盐课司副使

○乙亥 上御午门楼刑部以云南俘获緬贼岳凤等献诏磔之文武百官致词称贺是日磔岳凤于市曩乌招色尚著喇渺慢莽糜哑晏得皮等皆伏诛凤父祖江西抚州人商于陇川凤黠而多智因投宣抚多士宁为记室士宁妻以妹凤媚士宁而夺其权与三宣六慰各土舍罕拔等插血谋叛乃诱士宁往摆古见緬酋莽瑞体凤与子曩乌□士宁杀之并杀其妻子夺其钦颁金牌印信勘合因受莽酋伪命自称宣抚莽瑞体死其子应里立凤父子诱我师败之献故主士宁母胡氏及族亲六百余人于应里尽杀之又谮陷罕拔投之水密约刁落参同心助逆而说莽酋以大兵压境凤与参各起象兵数十万分道内侵攻雷弄盏达干岸南甸木邦老姚思甸等处据地杀人窥腾冲永昌大理蒙化顺宁景东镇沅元江等郡又寇顺宁烧毁府治遂破盏达掳男妇八百人又令曩乌率緬兵六万突主猛淋指挥吴继勋千户杨维垣百户徐应彩战死之邓川州土知州何某者与凤为寮婿遣通事等招凤凤缚献莽酋七月应里催凤父子进兵入犯东寇姚关北据湾甸芒市何知州开谕百方与之盟誓九月凤始差头目入见继令兄子亨赴永昌投见各道俱厚赏遣回游击刘綎遣人谕以祸福十二月方遣妻子及大头目陇汉等率夷民九十六人来见綎差张把总责取敕书金牌许以招降蛮莫猛蜜赎罪二十六日綎以送凤妻子回陇川为名遂分兵于沙木笼山诸处凤度四面皆兵欲遁无门明年正月朔凤诣军门降綎复分兵追緬擒能改刻里乜腿莽恼等又率大兵直捣陇川曩乌亦降乃

携凤父子攻降蛮莫招抚猛养等处莽阔母答乘象走我师追之斩百余人亲缚莽阔母帅乜莽糜哑晏得皮喇慢渺等及杀缅甸贼百余擒乃剌等获贼象战马伪关防等綬又督兵围猛脸猛擒尚著等罕虔子招罕招色等据三尖山参将邓子龙袭击之擒招色等西南平是役也凤以一叛民篡故主而攘其印结连土舍勾引缅甸分道入寇伤残数郡蹂躏一方白骨青磷人至今切齿云

○兵部覆张佳胤报属夷长昂下达贼一千一百余自麻地谷驰奔刘家口琵琶堡折墙抢掠我兵拒之斩获夷级五颗夷器八百五十三件阵亡及伤重者八名轻伤百余掳去男妇四十三名口夫薊镇修筑台墙原以匹马不入为功贼夷拆墙进边守台官军若罔闻防守何在徐从义张绍芳宜革职充为事官管事勒限立功赎罪杨四畏杨绍勋等俱戴罪候秋防毕奏请议处从之

○顺天巡抚张国彦报贼夷长昂自犯刘家口之后又向西虏哈不慎等借兵纠聚达子四万余欲于九月入犯兵部言今 圣驾谒

陵而虏警边至容臣部移咨该督抚镇擐甲待战仍远斥堠毋许近边

○吏部右侍郎陆光祖因年可立言乞休不允

○丙子南京右佥都御史赵焕奏高宝湖堤大坏乞敕宪臣督理章下都察院

○升直隶提学御史罗应鹤为大理寺右寺丞

○谕兵部驾驻感思殿从卫官尉并红门以里摆设官军人马各分两班每日轮番就水一次各该管官整点肃慎出入不许喧嚷及旷误执事谕都察院朕诣 山陵行秋祭礼一应事务俱从省约内外随行官员人等不许沿途生事扰害百姓违者锦衣卫访拏科道官参奏

○谕户兵二部各措处犒赏围宿官军银三万两

○戊寅以献俘礼成加内阁辅臣时行少师兼太子太师进中极殿大学士荫一子尚宝司司丞有丁少傅兼太子太傅建极殿大学士国少保兼太子太保武英殿大学士余官照旧各荫一子中书舍人都照新衔给应得诰命时行等＜娼弊-金＞辞至再不允

○漕运总督李世达题黄流日进乞修砌郡城石堤以图永赖章下工部

○以擒岳凤罕虔功诏升刘世曾右都御史兼兵部右侍郎照旧巡抚沐昌祚加太子太保岁加禄米一百石各荫一子锦衣卫百户世袭仍各赐银币世曾飞鱼衣昌祚蟒衣各一袭邓子龙刘綬各加副总兵职衔照旧管事各升实职二级世袭传宠张忻各升二级管事俱赐银币有差张楚城陈化鹏王桥陈嘉勋等各升赏有差张学颜加太子太保赐银币蟒衣辛自修阴

武卿石星各银币该司郎中与实授仍升俸一级先后巡按董裕崔廷试亦各赐银币

○升延绥巡抚王汝梅为右副都御史照旧巡抚

○授左都御史赵锦资德大夫仍加太子少保

○准山东道御史刘怀恕养病

○己卯

上视朝

○罢大理寺少卿张简调左通政陈学曾南京别衙门用

○福建左布政刘汉儒僉事徐金星俱照不及例调简僻

○准新升湖广右参政穆炜致仕以刘承嗣为协守甘肃地方左副总兵陈璘为提督狼山等处地方副总兵解节为分守南路参将○庚辰大学士申时行等言辽东总兵官李成梁辞任蒙圣谕令臣等拟旨慰留臣等看得成梁身经百战屡立奇功夷虏惮其威名封疆赖其保障皇上委任不疑深得用人之体顾功名忌于太盛成梁身为主帅世授伯爵一门父子两镇总兵似当稍为限制而后可以保全伊子如松见任山西总兵应令辞免其成材如柏止任偏裨仍令照旧庶足以安成梁之心息谗谤之口诏慰留成梁准如松回京注府管事

○蓟辽总督张佳胤题蓟昌两镇马匹近奉钦依每年给发寺马并帑银买补今查万历十二年秋季起至次年夏季止该兑给寺马一千匹并马价一万五千两密云左右营原有延绥大同马军二千余名今召募民兵已将延大兵马减撤其倒死马每年约三百匹每匹给价一十二两应增银三千六百两移彼与此增请不多兵部覆于寄养马内调取一千匹分给于常盈库贮马价银内动支一万五千两及今议撤大同客兵马价一千八百两减撤延绥客兵马价一千八百两俱发该镇买马永为定例是之

○河南报冰雹异常打毁二麦

○壬午重阳节赐三辅臣上尊珍饌

○准荫大学士杨廷和曾孙杨金吾为尚宝司司丞

○山西抚按侯于赵等题雁门兵备僉事张惟诚加右参议衔

○云南巡抚刘世曾奏诸夷舍目向为莽胁者一旦反正并力拒莽颇多俘斩不烦徵调坐派

十万之众作我长城宜破常格升赏兵部覆候核实行得旨先行给赏仍从优议处以闻

○升福建右布政陶大顺为本省左布政以湖广道御史董裕提督北直隶学政复除陕西副使洪忻原职

○癸未兵部尚书张学颜两＜媼弊-金＞辞恩不允

○予原任刑部尚书闵煦致仕都察院右副都御史高擢各祭葬如例

○蓟辽总督张佳胤言蓟事之当慎辽事之当行八议一曰属夷不可轻动以撤藩篱二曰捣巢不可轻举以速衅端三曰二酋不可轻纵以貽后患四曰蓟工不可缓图以失良时五曰辽镇兵将不可轻处六曰辽人流移不可不招七曰辽东车营不可不改八曰辽东胖袄不可不议兵部覆请诏可之

○先是户科给事中杨芳言属夷董长二酋阴虽犯顺而阳为臣服似不宜加兵惟使常胜之权在我斯为万全兵部覆给事言是诏并行督抚官遵前旨相机处置

○乙酉初铸管饷蓟州同知关防

○丙戌上奉两宫圣母率后妃诣天寿山行秋祭礼至清河行宫

○赐三辅臣酒膳○大学士申时行等言今日宣大督臣郑雒揭称探得宣府边外青把都及其母老酋妇带领部落往长昂营内祭神欲行蓟辽督抚官严加堤备臣等面问兵部尚书张学颜揭报相同该部已经行文申饬外但近日蓟镇报称长昂于哈不慎处借兵要行入犯夷情譟诈不可不防今当圣驾诣陵正属秋防戒严之候尤望天语传宣使督抚诸臣及各将领益知警惕上乃谕兵部宣府边外虏众东行戎心叵测兵部即飞传蓟辽督抚等官严备如贼夷借兵入犯务相机堵截制胜万全

○驾驻巩华城定国公徐文璧等谢赐帐房酒饭尚书杨巍王遴陈经邦张学颜杨兆侍郎辛应乾误入班行行礼随上＜媼弊-金＞认罪原之

○谕户部朕恭诣山陵经过州县地方百姓劳苦本年分钱粮量与蠲免○丁亥司礼监传谕总督内教场管事高相等朕奉两宫圣母恭诣天寿山行秋祭礼尔等率领中军等官并各队人等俱小心严肃各守信地护卫毋喧嚷错乱

○戊子

上奉两宫圣母率后妃恭诣长陵永陵昭陵致祭献陵等六陵分遣公朱应祜等各行礼上祭陵毕幸九龙池次幸神仙洞东山洞口奉圣母及后妃亲阅寿宫

○己丑上奉两宫圣母登望大峪山遂定寿宫大学士申时行等奏恭遇皇上亲奉两宫圣母阅视大峪山寿宫伏睹天朗气清风和日暖慈颜悦豫允谐九有之欢心睿览周详遂定万年之吉壤人谋毕协神贶骈臻臣等叨有事于达观幸受成于独断恭逢大庆喜倍恒情

○赐朝从官照旧酒饭命随驾官先诣巩华城接驾

○直隶巡按苏擢奏夷情声息并行该镇督抚官用心防御

○庚寅命赏蓟辽昌平迎驾官军及宣大等关防御官军各恤给有差

○福建道御史谭耀言圣驾回自山陵至凉水河忽有惊马冲入扈从前队群马一时狂奔内兵跌伤人众相应查究上曰马逸偶然耳勿问

○辛卯驾还宫

○蓟辽总督张佳胤＜娼弊金＞报东西大虏纠众入犯得旨蓟镇虏情紧急各镇其整饬人马以备应援一应战守事宜督抚官用心调度年例军饷准给与

○壬辰大学士申时行等言兹者恭遇皇上展谒山陵躬行秋祭导迎圣母阅定寿宫永绥列圣之神灵预卜万年之兆域连日以来仰见皇上周旋对越陟降临观及鸾舆往来程途跋涉圣体不无勤劳臣等犬马私情何胜依恋幸赖天心眷佑风景晴和圣母万安圣躬万福茂迓神人之祉允孚朝野之心优诏报闻

○癸巳进封贵妃荣妃礼成赐三辅臣中书官银币有差

○起原任江西左参议李复聘湖广左参议升福建按察使陈文烛为本省右布政

○甲午谕礼工二部朕奉两宫圣母阅定大峪山吉地兹仰承慈命遵皇祖故事预作寿宫一应营建事宜礼工二部会同择日来行

○兵科给事中王三余言狡虏东西连兵声势重大乞敕各镇边臣悉心防御以保万全有急宜申饬者三事一在固守边墙一在罢其互市至于二镇辅车相倚大臣须协恭共济并宜申饬诏兵部行各该督抚官知之

○丙申京师浓雾

○上御皇极殿以 陵祀礼成兼阅定 寿宫百官称贺

○丁酉起原任广东按察使胡直补福建按察使

○兵部题勘过辽东各路将领招□□来降夷并回乡人口一千五十八名口应加给赏诏赏总兵官李成梁等银币有差

○戊戌浙江抚按萧廩范鸣谦各< 娼弊-金 >请严查边储以清奸币章下户部

○降山东右参政徐用简为福建副使

○升马应奎为神机七营练勇参将以胡承勋为五军四营游击杨一经分守广东西山参将

○敕镇守保定等处总兵官署都指挥僉事张爵镇守山西等处

○陕西都司李芳奏番僧进贡印信模糊著抚按作速奏换下礼部知之

○己亥 上视朝

○升尚宝司卿王用汲为大理寺右少卿

○礼部进 寿宫兴工仪注

○湖广道御史徐待奏讲画边方水利章下工部

○以屡次扈驾谒 陵勤劳加公徐文璧太保伯杨炳少傅各兼太子太傅

○庚子大学士余有丁言久病未瘳再< 娼弊-金 > 恳归 上下手敕卿疾未愈宜专精省虑静俟平复何乃又有此奏准宽假调摄痊可即出辅理以副眷怀

○兵科等科左给事中王三余等礼科给事中万象春合词止内操

○奉差司礼监太监张诚等奏遵旨覆究严追抄故相张居正并追寄放财物得旨各犯财物既覆究严追明白在官者着便起解未完及变价者抚按陆续起解不许延缓差去内外官准回京

○准宣府总兵官赵崇璧回籍调理

○南京刑科给事中阮子孝< 娼弊-

金 > 救郭惟贤谏止内操江西等道御史潘惟岳等亦以为言
上以事久处分恶其救扰夺为首俸六月其余三月

○福建巡抚赵可怀参提学副使邹迪光狂肆内言一生员夜粘揭于臣门臣稍惩之迪光嫌其碍已遂拂然去各官留之坚不可挽越一日忽自回举动乖张殊非师范 上命镌二秩

○以唐家相为河南领军游击

○辛丑升稽勋司郎中王鉴为尚宝司卿

○礼部题臣等查得嘉靖十五年

世宗皇帝预择寿宫既得吉兆随命官营建以故規制尽善福祚无疆今我 皇上睿谋达识亲卜大峪山吉地恭奉两宫圣母同阅定为万万年寿域随敕臣等会议预建事宜仰见大圣人之作为真同符 皇祖超越百王臣等祇承

纶命敢不殚心经画仰赞钜典谨遵照嘉靖十五年事例参以今所应行逐一议拟开列上请一钦天监选择预建 寿宫开山伐木用十月初六日卯时吉动土兴工用十一月初六日辰时吉一伐木日祭告本山之神合钦遣大臣一员行礼一兴工日祭告 九陵各一坛天寿山之神一坛 后土之神 司工之神共一坛合钦遣大臣十一员行礼一翰林院撰各祝文一太常寺备办各祭品香烛制帛一请敕命知建造事勋臣一员内阁辅臣一员总拟<娱卜>制礼部堂上官一员总督工程工部堂上官一员提督大石窝及催儹物料工部堂上官一员总督官军兵部堂上官一员巡视工程锦衣卫堂上官一员监收物料点闸官军科道各一员一敕命内官监总督提督工程官二三员一 寿宫<娱卜>制礼工二部会同内官监区画画图上请钦定一兵部查照先年事例议拨做工官军并委司官二员管理一工部议奏委官处办木植甄石物料钱粮工匠夫役等项一钦天监择官随督工官审穴定向仍差拨阴阳生四名候时一太医院差拨医士四名随带药餌调治军匠诏从之伐木祭告遣公徐文璧兴工告 九陵遣公徐文璧朱应祜侯吴继爵郭大诚蒋建元伯王学礼刘应元卫国本王伟天寿山驸马侯拱宸 后土等神尚书杨兆各行礼

○壬寅户部尚书王遴请查各省直存留钱粮明白以备本处支用报可

○吏部右侍郎陆光祖连章乞休 上以其素望起用不允

○云南道御史叶承遇参福建提学邹迪光原任黄州府赃私令湖广抚按官从公勘问以闻仍严限勿令稽缓

○钦天监题推算万历十二年十一月初一日癸酉朔日食依大统历日食九十二秒依回回历不食已而回回律果验下礼部

明神宗显皇帝实录卷之一百五十四

万历十二年十月癸卯朔 上亲享 太庙

○钦天监奏进明年大统历 上御皇极殿受之颁赐文武群臣

○甲辰 孝洁肃皇后忌辰祀于 奉先殿遣伯刘应元祭 永陵

○大学士申时行等请修 玉牒报可

○复除浙江提学副使王世懋为福建提学副使

○以毛希遂为五军十营佐击将军

○乙巳 上视朝

○敕左府佥书都督佥事王国勋以原官挂印充总兵官镇守宣府

○敕镇守蓟镇总兵官都督同知杨四畏以原官改镇保定

○丙午以 中宫千秋节赐三辅臣上尊珍饌○升江西佥事郑之亮为陕西苑马寺少卿兼佥事四川右布政张明正为贵州左布政

○以贵州浸豁免被冲田地粮差

○起补周希旦为浙江道御史

○准河南副使赵慎修致仕

升郧阳抚治毛纲为南京兵部右侍郎复除原任云南副使熊子臣为广东副使

○吏部题提讯江西临江府知府钱若赓改限

上曰此系奉旨立限不在考成常例人犯见在地方亦易问结何乃经久未完其令抚按官速奏再迟该科参治

○丁未湖广道御史徐待言尚宝司司丞徐贞明所条陈沿边水利垦田事宜户部覆畿辅沿边之兵恒苦食之难给而一带空地多称沃壤向因北人不谙水利以致抛荒淤积无虑千万顷先御史苏鄴今御史徐待俱议破格招恤所谓撤流民之禁四事尤凿凿可见之行信能举行不惟转输省而兵食可足亦沟渠密而戎马可限合咨各抚臣选南人谙识水利专委司道

官多方讲求许南来游食之民自备资本任力开垦永不起科有司官员开垦数多即行分别奖荐超擢仍不得责以期限差人骚扰如有奸民指托势豪转相隐匿及阻挠不法者访拿究治每年终核实具奏以凭奖劝从之

○戊申 上视朝

○升四川按察使朱孟震为本省右布政刑部郎中沈文为河南副使兵部郎中史元熙为江西佥事

○己酉工部以 寿宫营建事宜请敕定国公徐文璧大学士申时行知建造兵部尚书张学颜工部尚书杨兆总督工程侍郎何起鸣提督王友贤催儼阴武卿专管礼部尚书陈经邦总拟规制又太监张宏总督刘济提督张清王昇马良管理

○钦定 寿宫式样丈尺

○升都督佥事史纲为左府佥书

○兵部覆南京兵科给事中钟宇淳所言粤西兵变虽已告宁善后事宜不可不讲请安三洞练土著诏行两广督抚官议处以闻

○敕陕西右布政梅友松为右佥都御史巡抚延绥

○敕原任浙江巡抚右副都御史方弘静以原官抚治郧阳

○升四川左参政赖廷桢为本省按察使

○巡视太仓礼科右给事中王继光等言金花银两每年一百万两分四季类进自万历六年始每季加五万外解不前因以边饷银那进今借边饷一十七万有奇乞将加进二十万停免不允

○准北虏哑班台吉等袭父职

○庚戌 上御文华殿讲读

○陕西总督郅光先条陈边防八事一曰重培养以固根本二曰复将领以备应援三曰精简练以图战守四曰酌冲边以备险隘五曰申初盟以杜觊觎六曰正罚服以昭威信七曰飭监司以肃边纪八曰行激劝以振玩愒部覆得旨如议行

○辛亥户科右给事中周世选举原任礼部左侍郎王锡爵刑部尚书刘应节操江吴时来巡

抚孙丕扬太常寺卿陈于陛少卿胡汝桂张禔布政参政副使参议佥事等官张天驭刘继文陈惟直赵国璧查铎郅永春王瑾等章下吏部

○壬子宴入贡刺麻番僧共卜尖咎等

○升昌平游击米万春为马水口参将

○敕马兰峪副总兵张臣为镇守蓟镇总兵官副总兵陶世臣调马兰

○升湖广副使李天植为四川左参政

○都察院覆蓟辽总督张佳胤〈娼弊-金〉酌处苏□便军事宜内称官之查盘太烦商之受累最重臣等谓有司仓库当属按差各边仓场当属关差别衙门皆不得与阅视照六年九年一差亦不必拘三年更不得轻拟重辟诏从之

○都察院覆御史任养心〈娼弊-金〉奉旨查参怠缓官员湖广巡抚李江巡按涂杰等为查勘张居正事合与开俸不许

○贵州参议金从洋〈娼弊-金〉报有苗慕义来格章下该部

○癸丑升山西按察使梁问孟为陕西右布政

○以副总兵署都督佥事徐枝为神机营左副将游击侯继祖为分守横岭口参将游击王胤柏以原官调曹家寨调东路游击王赋业补中路复设游击降原任参将杨栗补东路

○甲寅以户科给事中田大年监收

寿宫物料

○工部题建造潞王府第据太监崔卿等题卫辉府勘过府第基址为照卫辉一城延袤仅六里先年汝府旧基实当东南大半宜照诸臣会议拆卸旧府照拟定基址盖造通为一城不妨展拓开东门留城河一道环绕府前崇本书院楼遵旨存留其余一照各王府规式建造报可

○乙卯 上视朝

○以命 皇第四女名赐三辅臣及中书官银币有差

○以山西左参政张一霁为本省按察使调原任陕西副使覃应元为湖广副使

○丙辰兵部覆陕西总督郅光先所议石空寺堡宜革操守而更守备玉泉营仍旧守备不必改设参将应添兵马量拨各官自足防御所议市虏甘肃匾都口开市既极言不便督臣所见必真所议积逋万历七年以前站银逋者已奉旨蠲免改派西安那补兵饷便否有无听彼中抚按酌议从之

○丁巳以预建寿宫于大峪山择吉伐木大学士申时行奉敕恭诣看视○谕刑部今岁两直隶并各省俱免行刑以广朕钦恤好生之意

○起补原任湖广右参政陈惟直为山西左参政

○准浙江副使张振之致仕

○以昌镇都司田汝经为蓟镇大水峪游击调白金岩参将徐正为黎平参将升灰岭口守备周如旦为德州秋班游击

○戊午内官监请年例抽印木植得旨河池既旧系木厂抚按官其查给之

○漕运总督王廷瞻奏宝应新开越河分为三工每工司道二员相兼总管报可

○庚申大学士申时行回自大峪山

○礼部尚书陈经邦以人言乞休不允

○工部覆司礼监太监张宏传砖料内粗糙着申饬烧造官务亲查验敲之有声断之无孔方准发运诏申饬之

○辛酉

上视朝

○谪白盐井提举杜渐戍边先是莽患初起抚道檄渐司饷渐托疾迨岳罕擒复持推官一牒回视事于是巡抚刘世曾劾其宜罢

○壬戌大学士余有丁再以病乞休上优慰之

○荫吏部右侍郎陆光祖男基忠兵部右侍郎李世达男梓大理寺卿温纯男予知光禄寺卿贾三近男樾为国子生

○许礼部尚书陈经邦致仕经邦再< 嬖僇-金 >乞休遂令给驿以行

○以南京翰林院掌院事右谕德赵志皋为左谕德兼侍读司经局洗马管司业事吴中行为右谕德兼侍讲管理纂修玉牒

○蓟辽总督张佳胤言辽镇官军计一十二万二千而缩宜加饷者约八万六千四百而赢岁该加银八万六千四百八两三年一闰费银二万六千余乞一并给发户部覆太仓岁入止三百六十七万六千余两而岁出则四百二十二万四千余两辽镇主兵始定一十六万三千九百九十八两零自万历二年起至九年止增银一十四万三千九百二十六两零客兵原定四万两今亦增六万二千余金河东自岁十一月至春正月河西自岁八月至冬十月每名月加银一钱后又增至一钱五分岁支折色八个月增八万一千九百余金顷免扣门银四分又岁增六万七千七十五两约一年之内增至三十余万金所以恤之者至矣今复欲增八万余令臣部取盈何地至闰月银两本部向无此例辽镇势既孤危相应酌给上是之且敕各镇毋援例

○先是采木之苦川湖贵三省约略相同而贵筑钱粮措处之艰视三省尤甚酌减定价值雇募等费该银八万两库贮止二万其六万两抚按舒应龙等请以广东一省协济且言大木猝难尽得欲遵前旨通融帮补而采运艰难经费倍昔视二省量增可之○陕西巡按董子行〈娼弊金〉虏酋合谋盘据内言各番勾虏我城堡不固兵将不习洮河临巩在在孤危边地原无积储大荒之余土多枵腹谓宜借力于番非破格优劳不可宜练兵设险积储以待兵部覆如御史言行督抚官会议以闻诏曰可

○以修筑山海关外逻城及台湾楼橹工程赏总督张佳胤等各银币有差

○癸亥上御文华殿讲读

○户部尚书王遴等言承运库内监孔成所请

慈宁宫陈设行户工二部取金四千两夫金至数千岂能猝办伏望皇上或查支内库余金或动支买办银两令该监自买或令该监同御用监再加节减行臣等量买得旨览卿等奏朕已知之既急难取盈准陆续收买进用既而户科都给事中萧彦等亦以为言不允○工部尚书杨兆奏寿工方兴乞加樽节慈宁铺设宜行酌减报如户部

○甲子平乐府知府周祈就逮严讯不伏镇抚司上状上遣宋坤语内阁周祈稽迟粮饷激变军情今既不伏宜并逮武应龙叶朝阳面证于是申时行等言皇上念遐方之变动悯军士之死伤欲重惩稽饷之臣以戒后来德意所向臣等敢不将顺臣等私忧过计以为国家统驭四海全是纪纲以上临下以寡制众使军民虽有强暴之气愤怨之事唯听上官区处然后官法可行天下可治未有一拂其意辄敢群起噪呼杀人行劫今周祈给饷稍迟诚为有罪然各官军止应诉于抚按司道岂可遽杀人行劫叛入猺獠盖此辈皆召募乌合之众骄悍难驯适闻广东饷厚遂致叛散而归以稽饷为名实非有累月欠粮追迫无聊之情也既已背叛岂得不行诛戮非尽周祈之罪若因此一事既逮知府又逮守备兵备等官远方军士闻之皆谓司府在其掌握稍不如意动辄噪呼将来司府官畏军士如狼虎不敢约束天下自此多事矣且非

独平乐一府广西一省即今九边军士数十万余其军饷支放不等有后月支前月者有后季支前季者若此声一传各边军士效尤而起督抚皆束手蹙额恐生意外之变窃谓周祈宜付法司从重拟罪而免应龙朝阳方于纪纲有裨

上览毕令中官传谕云先生言是遂放周祈为民禡应龙职贬朝阳下法司拟罪

○刑部主事俞显卿劾礼部主事屠隆与西宁侯宋世恩淫纵诸状并及陈经邦上以显卿出位渎奏并屠隆宋世恩等该科其参看以闻

○升江西都司成大器为浙江分守参将

○升贵州右参政赵睿为四川按察使复除原任河南副使蔡廷臣为浙江副使

○乙丑刑科给事中刘尚志条议邦刑一曰重人命谓人命至重不宜委兵马二曰清圉圉谓附近人犯解发各府州县监收三曰慎有词谓将有词者详加推鞠务得真情若事远证亡遂尔藉口者不准上深然之令所司着实议行

○起复翰林院编修余孟麟原职调补原任湖广右参议王恩民于贵州

○丙寅以命 皇第五女名赐三辅臣及中书官银币有差

○南京刑部尚书今起工部尚书孙植奏衰老不堪就职章下吏部准致仕

○以水旱雹蝗灾诏免湖广山东各被伤地方民屯钱粮

○万历十一年虏犯前屯山海等功罪赏杨四畏等银两有差崔奔儿会审详决○礼部主事屠隆上〈娼弊-金〉自辩并参俞显卿西宁侯宋世恩亦上〈娼弊-金〉自辩于是吏科都给事中齐世臣等交参之上削隆显卿籍夺世恩禄米半年朱宗吉等法司提问

○丁卯复除翰林院简讨顾绍芳原职 升吏部左侍郎沈鲤为礼部尚书兼翰林院学士

○戊辰

上视朝 赐唐府荡阴王宙启谥荣简

○宗人府进缴敕谕 上责其不谙发还原敕候纂修完日缴

○吏部左侍郎兼翰林院侍读学士沈鲤〈娼弊-金〉辞新命不允

○己巳兵部覆直隶巡按宋仕＜娼弊-

金＞江洋盐盗拒杀诏孙光裕等依拟陆希闵等会审详决未获者严限缉拿 庚午升右赞善赵用贤为司经局洗马管国子监司业事○司礼监太监张诚言往还湖广沿途不骚扰驿递恐地方虚开请行稽核报闻

○辛未升翰林院侍读田一俊为右谕德掌南京翰林院事

○起原任云南副使吴时来为湖广副使

○以延绥游击杭大才为分守喜峰口参将

明神宗实录卷之一百五十五

万历十二年十一月癸酉朔升刑部左侍郎舒化为刑部尚书刑部右侍郎丘橈为左侍郎各加俸一级升吏部右侍郎陆光祖为本部左侍郎改礼部右侍郎王家屏为吏部右侍郎兼官并经筵日讲如旧

○午刻日应食不食

○甲戌祭三皇于景惠殿遣侍郎朱赓行礼

○以田一俊为右春坊右谕德掌南京翰林院事

○升延绥守备王汝弼充延绥游击

○丁丑升少詹事沈一贯为礼部右侍郎兼官并经筵日讲如旧

○戊寅刑部左侍郎丘橈举刺委用方面诏吏部纪录王相等褫许一德张应诏革职为民王希尧抚按逮讯○司礼监张诚〈娼弊-金〉抄没张嗣修等银十二万共装一百楨押解真定府柏乡县内被盗一楨下该县印捕官于御史提问

○己卯诏该科照前旨议故辽王太妃养贍

○辛巳南京给繇户部照磨蔡复赏上孔圣全书有旨轻率渎奏姑降一级调外任

○壬午升国子监祭酒张位为詹事府少詹事兼翰林院侍读学士掌院事

○礼科给事中王士性劾南京刑部右侍郎姜宝上贤宝不报

○兵部〈娼弊-金〉请查催未缴勘合得旨依拟

○癸未升吏部左侍郎陆光祖为南京工部尚书

○改南京工部右侍郎萧廩为刑部右侍郎

○河南巡抚杨一魁举劾有司上以论列止卑僚司府岂无不职者令该科看详参奏以闻

○河南巡按刘士忠劾杨谔张鯤上付谔鯤等于巡按提问追赃张鯤惨酷冤毙多命令从重拟罪

○甲申以 圣母慈圣皇太后万寿圣节赐辅臣讲官银币有差

○论贼犯刘家口各官功罪加路宰参将冯梦凤发遣

○升贵州右参议金从洋为云南副使以户部郎中苏雨为湖广佥事降原任山西右参议左熙应为四川佥事

○直隶巡按周之翰〈娼弊-金〉参陆光祖 上以光祖屡旨留用又该九卿会推之翰何得摭拾渎扰已而左副都御史耿定向言光祖厚于宅心〈娼弊-金〉于守口忠于为国拙于谋身任真推分率意坦衷真邦家之司直善类之基仗也请留光祖而容之翰得旨陆光祖业有旨留用言官论人不访公论任意诋排殊失国体姑不究○宁夏总兵李晌以病罢

○乙酉赠故刑部尚书毛恺户部尚书马森各太子少保

○复设云南布政使司督粮盐法道

○升山东佥事张克家为贵州右参议

○丙戌赐辅臣讲官金篆字金符有差

○虏犯高桥铺参失事员役诏夺蒋国光等俸三月张世臣行巡按御史问

○斥宁夏副总兵李如楨兵部尚书张学颜参其钻刺也

○湖广巡抚李江解进抄没故相张居正金银古铜磁漆等物诏内库交收

○礼部仪制司主事陈应芳奏顷见漕臣开越河一〈娼弊-金〉其称论方取土以丈计之约用工银九万六千有奇而木石之费十二万其派夫必得五万人而后可窃意夫以五万每名日工食二分则当一日千金矣是所谓九万六千者止可供五万人三月之费借曰更番迭用亦止足供六月之食大约计之则九万六千者可足一年夫役之募乎其不足者抚按自有处乎抑令民自为赔也臣往见河工之举抚按下之司道司道下之州县州县下之里甲里甲不足于是以家贐之上下为出夫之等第籍名在官而趋之役牌票追呼之扰遍于闾阎呼号怨谤之声盈于道路其状有不可胜言者此籍名之苦一也及其不可脱而为之办夫一夫远者月有一两二钱之值近者月有九钱之值有称是而计月以安家之值以一家为率办夫五名则月几十金之费矣往往倾贐以偿其费不则鬻产又卖子女数月之间闾阎一空此雇夫之苦二也及其以应雇之夫而往即工所也多方影射百计索求一不遂则鞭撻之夫往往多逃去则以逃夫呈而移檄州县逮之原籍名之人则又雇夫以补其额而就逮之费亦复如前是重困也至于官银即使尽所议者给之犹不足以偿十分之一而况所给者受值之人非出值家也以故不才佐贰通同省祭恣意侵克以故官徒有募夫之名而害归于籍名者之家利入

于管工者之手此赴役之苦三也请以三策筹之与其使当事诸臣阳为节省之虚名而閭閻小民阴受包赔之实害则孰若照粮起科明为加派而以九年十年拖欠存留钱粮酌为蠲免其旧而加派其新人情未有不乐从者至于东南孔道各省协济之银揆之事理必不可无昨抚臣议五万臣犹以为少奈何不允而使独累淮阳赤子也夫钱粮足则官操其值以募人如各驿递等夫则非以厉民而且养民此理之正策之上也瓜仪巨商大贾往往有建寺修桥者向倭夷之变扬州外城俱系盐商倡筑不期月而集或悬旌表之令开事例之门或授以冠带或给以旌匾必有应之者而往来商船除钞关外量于湖口抽其税课以佐急此事之权策之次也如其不责名实而曰加派不可协济不可事例抽税又不可而忍听民自为赔焉此则可谓无策矣工科右给事中冯露亦言总漕侍郎王廷瞻三议欲将旧堤备用之石加之新工以石砌潭原议者八今减而六反覆陈旧堤之石不可移八潭之砌不可已工部覆给事主事言皆是报可

○丁亥命礼部 玉牒肇修王府册数事例已详其照旧行

○戊子

上御皇极殿

○升甘州副总兵刘承嗣署都督僉事挂印充总兵官镇守宁夏

○月犯井宿

○己丑大学士余有丁卒上震悼辍朝遣文书官刘恺诣第视丧赐银币米烛柴炭等物予祭九坛又遣行人护灵归葬谥文敏有丁浙江鄞县人以嘉靖壬戌进士历春坊祭酒礼吏侍郎入阁与申王并相和衷共济宴如也国朝二百年来一甲一时入相者惟壬戌一科而已生平性阔大喜宾客不设城府其在黄扉如救张居正无逆状陆光祖为正人二事尤表表者上谓其赞襄密勿茂著勤劳故始终优厚焉

○升户部右侍郎李世达为吏部左侍郎左谕德徐显卿为国子监祭酒

○吏部左侍郎陆光祖又以人言乞休慰留之

○升广东副使郑岳为云南右参政降原任江西左布政吕鸣珂为山东副使

○庚寅准王守仁陈献章胡居仁从祀学宫先是隆庆元年给事中赵思诚御史石槩＜娼弊-金＞题王守仁陈献章不宜从祀而副都御史徐枋给事中魏时亮赵参鲁宗洪选御史谢廷杰梁许萧廩徐乾贞进士邹德泳俱言二臣应从祀其后御史詹事讲上言孔子有功万世宜飨万世之祀诸儒有功孔子宜从孔子之祀我 太祖高皇帝表扬

先师加意斯学二百年间诸儒聿兴直肩斯道若薛文清瑄王文成守仁陈简讨献章其最著者也曩言官以三人从祀上请皇上从礼臣议以薛瑄入祀矣乃守仁献章格于议而不得与夫守仁之功烈文章献章之出处大节谁不知之臣考其学问虽专言良知专言主静若近于偏枯顾言知而未始废行言静而未尝离动合一之功与宋诸大儒之论同归一致独奈何议论之纷纷也臣欲陛下大奋乾断为斯文主将王守仁陈献章从祀下礼部议部请敕多官详议以闻而议者襍举多端于守仁犹訾诋部议独祀胡居仁

上因询内阁文臣从祀奈何不及武臣阁臣言武臣从祀于

太庙所以彰武功儒臣从祀于孔庭所以表文治武功莫盛于二祖文治莫隆于

皇上此典礼之不可缺者上悦于是申时行等乃言彼訾诋守仁献章者谓其各立门户必离经叛圣如佛老庄列之徒而后可若守仁言致知出于大学言良知本于孟子献章主静治于宋儒周敦颐程颢皆祖述经训羽翼圣真岂其自创一门户耶谓其禅家宗旨必外伦理遗世务而后可今孝友如献章出处如献章而谓之禅可乎气节如守仁文章如守仁功业如守仁而谓之禅可乎谓其无功圣门岂必著述而后为功圣贤于道有以身发明者比于以言发明功尤大也谓其崇王则废未不知道固互相发明并行而不悖在宋时朱陆两家如瞿隙今并祀学宫朱氏之学昔既不以陆废今独以王废乎诚祀守仁献章一以明真儒之有用而不安于拘曲一以明实学之自得而不专于见闻斯于

圣化大有裨若居仁之纯心笃行众议所归亦宜并祀伏惟

圣明裁断主持益此三贤列于薛瑄之次以昭熙代文运之隆上曰皇祖世宗尝称王守仁有用道学并陈献章胡居仁既众论推许咸准从祀孔庙朝廷重道崇儒原尚本实操修经济都是学问亦不必别立门户聚讲空谈反累盛典礼部其遵旨行

○升襄阳府知府吴道迓为广东副使

○刑科给事中陈璧条陈三事一曰任事贵人凡条议有关国体者合行省直着实举行二曰民事贵重仿古人劝农之意闻行奖戒补助三曰财用贵节愿

皇上留意节之一字内自宫壶外及边陲悉罢一切不急之费户部覆给事言是从之

○圣母慈圣宣文明肃皇太后万寿圣节上御皇极门百官致词称贺赐辅臣上尊珍饌

○壬辰冬至节祀天于圜丘遣公徐文璧恭代大明等各坛公朱明时侯吴继爵大学士申时行尚书沈鲤各行礼遣侯郑惟思陈应诏伯张元善方烨刘嗣德祭诸陵伯陈王谟祭恭仁康定景皇帝及哀冲

庄敬二太子坟□朝鲜国王昞差陪臣吏曹参判尹伊涵等来贺冬至

○癸巳以冬至节赐辅臣上尊珍饌

○以寿宫兴工赐元辅时行银币

○甲午礼科给事中李以谦论耿定向代陆光祖辩而诋周之翰非是有诏是非自有公论进

退予夺当听朝廷处分今后言官论人务秉公据实大臣亦不得偏执争辩以伤协和之体

○罢广东总兵官戚继光为兵科给事中张希皋等劾也

○乙未 上视朝

○丙申大学士申时行等请推阁臣命会推堪任者五六员以闻

○左副都御史耿定向求去温旨留之

○丁酉逮崇庆知州陈邦谟于狱以巡按赫瀛参其藉采木科罚故也

○鸿胪寺卿杨宗仲＜娼弊-金＞参狂悖寺属程应伟王材斋戒酗酒下法司问□改南京兵部右侍郎毛纲为户部右侍郎升甘肃巡抚董尧封为南京工部右侍郎

○戊戌以右军都督佥事刘凤翔充总兵官镇守广东

○吏部左侍郎陆光祖又＜娼弊-金＞乞休不允

○下遵化游击曹簠于按臣问

○贵州新归化苗头楞仰等差头目宋祥通事陈文瑞来贡方物

○己亥升山西右布政曹子登为右佥都御史巡抚甘肃

○辛丑 上视朝○夺尚宝司卿王鉴并锦衣卫百户李应爵俸二月鉴面恩致词声小御史周之翰糾之仍糾参将贾应龙未赞先跪均失仪 上特置应龙而罚鉴与应爵以爵奉旨不即拿故也因命礼部看议谢恩见辞官应否赞跪吉服日期应否面糾以闻之翰具＜娼弊-金＞言鸿胪寺卿杨宗仲不谙礼仪先年山西参将朱瀚朱永祚辞朝未赞先跪经御史刘致中等面糾成规具在宗仲庇属求胜无人臣礼并下部议礼部以文武各官俱有常职常署独参将未知何属移兵部查兵部言参将各有分守地方系外官移京营方属京官于是礼部言贾应龙既系外官自应引上御路赞跪方跪若参将无引赞面糾之例则先年刘致中糾朱瀚朱永祚时该寺即宜糾止何乃至今日始争也至于吉服日期不面糾仪注未载但云斋戒之日例不面糾盖致严祀事非它吉日比

万寿圣节前后吉服七日通政司俱不奏事则自无失仪可纠若 皇太后 中宫寿旦节前后吉服三日惟正寿旦日不奏事其余照常奏事则失仪面糾亦如常矣既面恩见辞起数完后该寺仍呼奏事正导之纠仪也若谓吉服日期不当面糾则朝见起数不必具侍班官不必夹御路北向立而起数完后亦不必呼奏事臣等参酌参将在京者照京官在外者照外官各仪注朝见凡有失仪俱应面糾吉服日期除斋戒外其余照常奏事者即照常纠仪报曰可

○礼部尚书沈鲤因御史龚一清言乞休慰留不允

○壬寅吏科给事中齐世臣等条上五事一曰遵会推之制稽 祖宗典制内阁吏兵二部尚书会同九卿各堂上官及科道印官推举各部尚书侍郎左右都御史副金都御史通政司大理卿各处巡抚则会部院通大三品以上堂上官推举两京祭酒照巡抚例会推乃比年用大学士尚书或繇 圣心特简或繇辅臣揭荐乞照旧会推以昭公道二曰申职守之义国家言责归台谏政事繇六曹各有专职毋许越俎言事如俞显卿翟举贤辈以乖政体三曰核纠察之实如指其贪即取一不义足矣不必尽括无影之赃指其酷即杀一不辜足矣不必概举有罪之鬼四曰充台谏之任行取宜岁一举行视所选为羸缩冀拔三而得二也五曰慎督学之选以春官为储才之地铨曹博采海内文行之士而藉之以待春官之选宗伯又熟察而籍之以备督学之选报可

○寿宫铸督催物料监察工程各关防

○升广东左参议韩绍为广西副使

明神宗显皇帝实录卷之一百五十五

明神宗显皇帝实录卷之一百五十六

万历十二年十二月癸卯朔无逸殿灾

○大学士申时行等上言此殿为

皇祖所建以省耕歛观稼穡知小民之艰而固二业之本一旦被毁盖

上天出谴告以示仁爱欲使 圣志忧勤侧身修行思患豫防非偶然而已也臣等辅导无状调燮乖方致兹大警除席藁待罪外其内外大小臣工皆当一体修省洗心涤虑以应天变

○降原任福建右参政杨标为广东左参议升湖广按察使沉子木为山西右布政

○礼部尚书沈鲤又< 娼弊-金 >乞休不允

○兵科给事中张希皋条陈四事一西北市马膘壮给军羸弱卖充市本披阅视册宣天山西三年内新收胡马十万四千四百零约费市本九十二万二百有奇随查开除数略相当而桩银仅十之一宜设法调停褒多益寡勿出市本旧额之外二东南客兵骄悍成习浙省之变一倡而东山府江相继见告宜时拣汰易以土著已汰者给道里费遣回三储养将材各卫所应袭官舍先令送学读书两月府卫正官考试每岁守巡两道考阅起送之时抚按试弓马韬略熟闲者方准起送四清理军伍每军下务列继丁二三名或一二名注籍听继不俟绝伍始勾将领毋许克剥部覆俱如议独边方官舍难尽绳以肄习诏申飭行□甲辰升王锡爵礼部尚书兼文渊阁大学士王家屏吏部左侍郎兼东阁大学士俱入内阁办事

○谕礼部无逸殿灾系 上天示戒朕衷深切警惕其内外大小臣工著一体修省以回 天变

○户科给事中苗朝阳言各边新垦荒田永免起科及议盐政请托之弊户部覆从其言

○逮曹州知州方复乾下于理以山东巡抚李辅参其惨酷致伤多命也

○褫延安府贪同知石巍真宁县贪知县刘衢职为民下巡按提问

○乙巳吏部右侍郎兼翰林院侍读学士王家屏辞免新命不允

○以缉获功荫太监张鲸弟侄一人为锦衣卫百户赏羊酒新钞

○丙午升四川右参政李成式为湖广按察使调浙江副使叶梦熊为山东副使整饬永平

○升锦衣卫掌卫事都督同知刘守有为左都督提督巡捕锦衣卫都指挥僉事杨俊为都指挥使各赏羊酒钞锭王汝梅升都指挥僉事庄福德等各升一级镇抚司管事指挥使许茂樨升都指挥僉事宋金李如柏俱指挥僉事调王有翼分守山海参将

○工部言大工肇兴铺商窑灰等及车户宜酌议均派不得营求搀越是之○工部覆应天巡抚王元敬议留苏州府织造银两除十年十一年十二年共十一万五千七百二十四两零准留外已后大工不得再留报可

○丁未吏部申饬明年朝覲应行应革事宜

○吏部覆刑科给事中陈璧条陈三事一曰起废贵慎除品隲素定举之不敢不先或月旦时更考实行核报二曰名实贵办卓犖而蚤有誉沉笃而终有誉者实名也有所觊而赴有所托而遁者虚名也课名程实则臣等事也三曰用舍贵当大臣进退关国体人才用舍关世道臣等敢不虚心秉公广询博访以闻从之

○礼部言崇王乞改封第二子南阳王常□_洵 水聿□为世子妃钟氏为世子妃诏改封恐有朦胧情弊行抚按查核以闻

○升贵州副使华启直为四川右参政补原任陕西副使张孙绳为浙江副使

○以辽东都司僉书韩元功为沈阳游击

○庚戌广西饥

○两广总督吴文华广西巡抚吴善各< 娼弊-金 > 徭贼纠党为患相机扑剿以靖地方留中

○授成国朱应槐勋卫 升礼部右侍郎沈一贯为吏部右侍郎兼经筵日讲

○楚王华奎奏宗室英火□尔不法诏夺火□尔禄米抚按官勘问以闻

○礼部题朝鲜国王李昫送还漂海华人一名
上嘉其诚命该部登记候至数名以上照例类请给赏

○辛亥 上视朝

○火星逆行张宿度分

○命大学士王家屏充会典总裁及同知经筵日侍讲读

○崇王差承奉高朝来礼科给事中万象春参王府内役潜迹营干 上令该城御史究明奏闻

○壬子已故永乐间忠臣都御史景清戍所丁绝连累亲故陕西抚按李汶曹一鹏以为言部覆奏诏令豁伍○櫪斋戒酗酒鸣赞程应伟王材职为民

○广东巡按邓炼＜娼弊-

金＞荐地方人材何维柏海瑞林大春黄可大陈堂得旨海瑞即起用

○兵部尚书张学颜题无逸殿灾宜严巡禁内皇城各门昔止内使二三今增四五十昔犹住直房今皆私建房各门皆然西城尤甚内操兵虽止三千而仆从无算地在内苑守御者不敢问事干近臣巡视者艰于察宜一申飭应送问者送问应参究者参究上谓尚书言是皇城巡禁事例依拟通行申飭还著司礼监严行各门不许放游食无籍之人混入

○先是刑科给事中刘尚志题重人命等三事至是刑部申其言良是请从之报可

○升贵州左参议应存卓为本省副使

○癸丑上御文华殿讲读

○礼科等科都给事中万象春等因灾修省条上六事一曰重抚按之责有司不贤抚按得而劾奏朝廷凭而黜削其甚者仍令提问法也近见一二贪酷有司皇上遣官逮问无论威褻则易玩道路之驿骚可胜道哉今后除重大必须廷鞫者逮治外其余请付抚按究奏徇情者容臣等指参并治二曰止禁地之兵今天下之兵养之非不厚也少有所激輒脱巾攘臂如往岁浙中近日粤西可为殷鉴内操诸兵固非其比然岂尽忠义脱有不如意鼓噪行伍之间虽万万自取螫粉于国威得无少损哉三曰存撙节之心

皇上尝揭节用之戒于殿庑以故数年间太仓盈溢而日来渐耗如马料金价之请动盈数万皇上虽诏许之然未尝不轸念经费旬日来绝无加取愿皇上之常持此心也野火漏卮可为炯鉴四曰宽言路之禁顷一二建言被斥诸臣铨臣不察其悔悟与否遽拟量移遂烦明旨切责第云另题请耳非禁之使勿用也该部职在敬共心存疑畏苟非明示德音恐诸臣终无赐环之期五曰一官府之法法者天子与天下共岂以内外而有异同此后内廷有犯悉付所司如律究治奏入报闻

○降补原任副使程学博为贵州左参议

○甲寅命少詹事兼侍读学士掌院事张位右春坊右谕德兼侍讲吴中行俱充日讲官

○乙卯先是刑科言近来逮问不便上怒言者夺为首俸三月余二月至是刑部覆御史黄学曾给事中陈璧一欲慎逮系以正纪纲一欲振国威以肃反侧今周祈已赦情法两伸惟逮问一节雷霆时褻民志日骄以后职官有犯请在内付法司在外付抚按庶

主势益尊朝廷益重报曰朕轸念军民间一逮有司之玩法纪阻德意者以示惩创所奏已知之矣

○山东巡按吴定＜娼弊-金＞止内操请内兵发京营操练上责定不谙事体夺俸五月

○丙辰 世宗肃皇帝忌辰祀于 奉先殿遣遂安伯陈澍祭 永陵

○南京刑部右侍郎姜宝自陈衰庸求去不允

○三镇贡市事竣甄叙文武效劳官员赏郑雒萧大亨等银币有差

○丁巳 贞思安和景皇后忌辰遣靖远伯王学礼祭 陵寝

○锦衣卫都指挥佥事王汝梅罢 改南京吏部右侍郎兼翰林院侍读学士

○工部侍郎何起鸣条陈营建大工十二事一议办物料甄须有声无孔石须色鲜体坚一议贮物料贮于

昭陵神马房西井两庑空房一议运物料遇大雨时行水路运至汤山及朝宗桥一议放工价半月一给挨号散银一议恤夫匠一议处车户一预备器具一议设防守一议处供应一议处住房一议委责成允之

○戊午 上视朝

○修完南山厄要工程诏赏郑雒等银币有差

○广西巡按黄钟报徭贼出劫诏抚按官相机堵剿

○己未以年节赐辅臣讲官各银币

○以西兴堡失事程邦奇等革任夺俸有差

○宴赏泰宁等卫朝贺长至夷目小思等福余等卫朝贺 万寿圣节夷日把歹等有差

○礼部仪制司郎中赵世卿以万象春参崇王翊〈嫁幘簪臼律希缉娼鬻-金〉求罢上谓该科参究王府指称员役原不及部何必辩世卿其照旧供职于是象春亦求罢不允

○云南巡抚刘世曾辞升荫总兵沐昌祚辞加太子太保并加禄荫子俱不允

○庚申兵部覆虏犯三山营等功次允升赏 予原任左都御史陈玠右佥都御史刘良弼祭葬

○从尚书郭应聘言准南京会同馆增复原额以后解到马骡夫价不必扣库作正支销

○山东巡抚李辅论曹州知州方复乾羁留候逮兵巡佥事金应照署州印通判李秉愚听复

乾潜逃 上命逮复乾夺应照秉愚俸

○辛酉户部尚书王遴条奏理财事理一崇节俭恭惟 二祖克崇俭德为万世<娱讌> 皇上御极十三年矣太仓粟可支七年银亦可支二年比见每年取太仓买办银二十万两增内操银九万两额外买油买金银二万两在户部者已如此至鼎建 慈宁宫

寿宫烧造磁器及内操马匹又不知费兵工二部凡几则营建织造内操似当调停也一重农务近年奸宄丛集游惰成风犂犂之下山人侠友嘱托公行传食郡邑者不可驱而农耶并严禁作淫巧服锦绣僭用金玉珠翠凡嫁娶赆贄燕会俱从简每户种桑枣二百株小户量减地可无遗利矣一督逋负伏睹大明律内一款凡收夏税秋粮违限不久者杖一百受财以枉法论若违限二年以上不完者人户里长杖一百迁徙提调部粮官吏处绞今各抚按司道府州县等官逋欠山积岂以迁徙处绞之律不能行耶不惩一恐无以戒百也一惩贪墨贪墨有巧有拙拙者济之以酷败露稍易巧者如府官则批词讼于府首领州县佐贰州县官批之佐贰首领无贪之名收贪之利既取之民以肥己又取于民以媚人巧之为害尤甚自外官入京者一事而言例有馈名曰公礼三四十年前多不过五钱近乃有二两三两不知谓例者起自何时公然入已恬不知愧可叹已一广储蓄夫常平忤今劝借累富求其可行莫如积谷弘治初年州县官以积谷多少为殿最所以备荒有策其后渐弛一遇灾荒民多饥死今各省直节经题减谷数甚为适中若再不及额有司照例究治抚按司道听臣等及该科参劾一禁驿递先奉旨严禁非公差行勘合非军务不用金鼓旗帜抚按不清查该部科参治数年间驿困始苏十年以后专务宽大驿递骚扰不啻嘉隆此职掌虽隶兵部顾糜费则民穷赋艰则帑拙臣司国计曷敢不请申愆也一饬贡市 太祖制驭四夷固不欲轻战伤命亦未尝忘战疏防贡市始自隆庆五年边臣原拟借和以休兵修备而不图财日费势日弱始自万历元年贡市之费逐年递加积至于今恐不啻十倍繇此而递加将何底止为今之计但以十二年贡市之费著为定<娱讌>边臣剥粮媚虏者重治虏败盟入犯听边臣相机剿杀可乎一议异端洪武二十七年禁僧道募化私创庵堂者戍永乐元年禁军民私自披剃者戍乃今邪教盛行琳宫梵宇日恢月盛宁负公家之赋而私会香钱则不敢少宁爽官府之比而私约会期必不敢违借贷以偿典卖以应民俗若此奈何不穷且盗也今后凡披剃年四十以下并无度牒者放归农流寓递还本籍土著收入里户私会者悉坐以左道惑众之律<娼弊-金>入上嘉纳之报曰事关朕躬者已知之钱粮拖欠令立限督催其余并与各部院相关者俱令上紧议行

○刑部覆江西巡抚马文炜勘上知府钱若赓罪状得旨若赓用刑惨酷杖毙一百余命其间无辜不止十数朝廷设官为民如此残狠着就彼处决

○虏犯辽东十一年十二年功次兵部覆允升赏有差

○升户部郎中侯世卿为山西副使

○升广东都司王椿为琼崖海防参将加保宁参将臧士劝副总兵职衔

○壬戌予故大学士严讷及妻祭葬仍加祭二坛赠太保赐谥荫一子中书舍人讷直隶常熟县人繇嘉靖辛丑进士改庶吉士授编修同考礼闈教习内书堂纂修大明会典主试应天历侍读太常寺少卿掌院事吏礼二部侍郎晋二部尚书加太子太保兼武英殿大学士总裁兴都志引疾乘传归笑傲虞山拂水间几二十年始卒讷幼有异祲爽垞多才略而文章纱一时典礼于青词竞进之朝秉铨于权贿交横之日能不易所守而名位日隆则醇默之效也赞政虽无异勋亦汉石丞相之流匹矣

○癸亥予原任工部尚书孙应鳌祭葬并予谥

○大学士许国乞恩改荫许立德送监读书许立功荫中书舍人

○以工部奏罢开矿

○甲子上御文华殿讲读○兵部尚书张学颜言
寿工鼎建班军赴工应行应革事宜合行申请京营协理如敕奉行报可

○以陈承德为锦衣卫指挥僉事带俸承德 仁圣皇太后侄也

○乙丑命詹事府少詹事兼侍读学士掌院事张位右春坊右谕德兼侍讲吴中行翰林院编修余孟麟简讨顾绍芳俱充会典纂修官

○丙寅兵部尚书张学颜以母老乞休慰留不允

○丁卯大学士申时行等请缓钱若赓之死准令监候处决既以增光
圣德亦使臣等稍追不职之罪从之 初设黄庄巡简司

○戊辰通政司缺左通政廷议举海瑞吴时来
上以吴时来为左通政海瑞原任都御史令查相应职起之

○复除兵科都给事中王致祥原职

○己巳上御文华殿

○广西等道御史许子良等乞宽钱若赓
上怒云尔等为朝廷耳目酷吏害人如何先不参论夺为首俸三月

○予已故刑部尚书毛恺谥并赐其妻夫人杨氏祭葬

○予已故户部尚书马森谥

○左副将管達干罢

○云南道御史黄师颜言公论已明乞复洪朝选原职章下吏部

○工部言搭盖席殿艰难 上曰搭盖席殿虚费钱粮候 慈宁宫及寿宫建造有次第日议造行宫以省烦费

○庚午敕司礼监太监孙政守备承天

○升冯露礼科王继先刑科俱左给事中田畴吏科唐尧钦兵科常居敬刑科俱右给事中

明神宗显皇帝实录卷之一百五十七

敕脩

万历十三年正月癸酉朔 上御皇极殿受文武群臣及四夷贡使朝贺 赐三辅臣上尊珍饌

○乙亥 宣宗章皇帝忌辰遣官祭 景陵

○戊寅立春顺天府臣进春 上御皇极殿受之文武群臣行庆贺礼

○己卯孟春 上亲享 太庙

○庚辰荧惑逆行入轩辕犯南第五星 总督蓟辽兵部尚书兼都察院左都御史张佳胤奏甄别八卫客班将领举游击傅垣等十有三人劾游击张秉忠革任都司徐天衢等夺俸半年 巡抚宣府右副都御史萧大亨以秋防事竣上所部功罪举总兵官李迎恩等二十人劾游击黑晓革任守备白国卿调用 泰宁卫都指挥僉事大成朵颜卫都指挥僉事伯彦帖忽思福余卫都指挥僉事那彦孛来以贡马至自言守边有功例加三表里及衣一袭许之

壬午起僉都御史海瑞为南京都察院僉都御史 蓟辽总督张佳胤疏言兵备副使顾养谦陈防御二事一脩大举险要言蓟之患不在零窃而在大举大举之足忧不在平陆而在水口当水涸时处处筑墙为守水涨辄坏劳而无功今议大兴桥工与台墙相兼立限脩完一<整彩见>零窃文法言虏以数十百人自口外潜入掠近边人畜将领多以此获罪夫问刑条例原有情轻律重奏请定夺之文宜斟酌律例明著为令使将士得一意办贼疏下兵部取脩边之策而难于更律令也 上曰该镇密近陵京防御宜慎以后遇有零窃督抚官从寔奏报巡关御史勘核失事轻重分别奏请若真有斩获酌量准赎朝廷亦不苛责

铸陇川宣抚司及孟定府印升 密安抚司为宣抚司添设安抚司二曰蛮莫曰耿马长官

二曰猛脸曰猛养千户所二一居姚关一居猛淋砦皆名之曰镇安并铸印记建大将行署于蛮莫从云南抚臣刘世曾之议也

○以金花银积逋夺直隶苏州府知府朱文科通判张东暘广东潮州府知府郭子章通判梅鹗月俸有差

○癸未 孝恪皇后忌辰遣侯薛銀祭 永陵

○改南京左军都督府僉书都督僉事杨鲤为中军都督府僉书升署都指挥僉事谢天祐秦岐充五军营左右副将任大同充神枢营右副将○石城王府奉国将军拱栢有罪降为庶人闲宅禁住奉国将军多□□火等革禄米三之一辅国中尉谋起等停禄米半年江西乐安等八府宗室万历十二年分常禄例于十一年税内徵给本年奉诏减三徵七故布政使周之屏不能应冬季隲期拱栢等集钟陵淄川等府宗室拱樞多料等偪辱南昌知府胥遇遇逊词获

免明日又诉于南昌道王希元适抚臣马文炜出噪呼而前投瓦石及輿抚臣自劾部科亦交章论列而拱栳者隆庆六年越关上书请分宜故相籍产经乐安王参奏废锢其子请代得释也上震怒降夺有差而置文炜之屏等不问

○丙戌升五军营右副将李应祥为南京左军都督府佥书

○墙子岭桥工黑峪关城工告成叙都司陈子成等升赏有差○丁亥以上元节赐三辅臣元宵膳酒有差

○己丑英宗睿皇帝忌辰奉先殿行祭礼遣伯陈澍祭裕陵

○诏除闰考之法国制察典京朝官六年外官三年以为期后执政者有所处分輒间一行之谓之闰考而参政王时槐林梓等皆以察处巡抚南赣张岳伉疏荐之吏部因言非时闰考以后委宜停止不得妄请报可

○先是有旨三年阅视差官渐成故事今次罢遣敕各该巡按御史遍阅所属而御史张文熙谓蓟密永昌保已所部也既而兵部尚书张学颜开坐巡关御史苏鄴文熙怒参学颜违旨乖谬专权巧诈四罪因发其陷前御史刘台事学颜疏辩并求罢斥上留学颜而夺文熙俸三月○辛卯遣成国公朱应埈持节大学士申时行奉册追封皇第二子为邠哀王时上不临轩领出节册于宜春宫行礼册曰王者支子备位宗藩情具属于天亲恩奚间于存歿朕故第二子常淑含灵孕秀已弥震夙之期应兆诞祥冀睹岐嶷之状甫聆口□＜派-
汙＞泣猝报沦殇嗟美玉之难完讶庆云之易变倏惊慈听殊骇朕衷爰举彝章式昭愍念特追封尔为邠王谥曰哀呜呼锡以名称用备成人之礼炯如英爽尚歆有国之封

○四川建武所故九丝地也以平都蛮置始立军府镇之其标下兵恃功而骄总兵沉思学至镇骤绳以法士有受杖荷械以殉者革逐偏裨悉补亲信众遂不堪焚思学于廨舍或投以戟中脑及肩得不死声言索其子弘猷欲杀之坐营周尺守备王继先谕之方退越三日复聚歃血竖大旗阻兵观变抚臣雒遵不能制驿上其事且请暂示安辑如浙兵故事革思学任推就近官莅事朝廷并从之仍责遵等相机处置

○壬辰通政司右通政陈瓚乞罢不允通政奏事率繇拣选而瓚方以公望起废不拜上闻之敕该司官一体升擢无得偏抑

○诏毁天下私创庵院寻不果毁户部尚书王遴以财用诎乏条八事内一事言近年佛道家白莲等教各立期会布金出米举国如狂伏睹太祖高皇帝榜示天下曰凡寺观僧道无奔走于外交构有司以书册称为题疏强求人财无私创精庐暨我成祖以浙江诸郡少年越京请度牒者千八百人尽以戍辽东甘肃祖宗深意万世所宜守也礼部题僧道之禁节经言官建白本部议覆不啻三令五申矣而斋醮施舍愈昌愈炽岂尽左道之愚人亦崇尚者之自愚耳今宜敕各抚按严督守令以移风易俗为先申明圣谕劝化愚

民教以君臣父子之常道示以农桑衣食之恒业晓以惠迪从逆之实理丧葬必依家礼擅作佛事者罚祈年方社以时揭榜消禳者罪大经既正邪慝渐消行之既久以此署考庶几教化可兴世道有赖奉旨着中外大小臣工严查各处寺观庵院毁新创存旧趾矣数日复谕都察院曰前有旨清寺观庵院恐奉行过严一时军民惊扰其令五城御史停之仍禁以后不得私创犯者重拟

○户部言各省直卫所民屯存留钱粮原系计军定饷还来尺籍耗废军少粮余事理必然请自万历二三年奏报之日为始十年之中每年原额若干见在官军若干尽籍其数其有赢余解部济边此皆朝廷因田制赋非徵于外也 上是其言下所在行之

○行取礼部尚书文渊阁大学士王锡爵疏辞新命 上温旨报之不允辞

○升署都指挥僉事等官朱光浙江宁绍杨文通京城巡捕黄斌湖广黎平卢述四川松潘王三聘大同东路董延龄延绥中路李维宣府南路梁文宁夏北路马成龙倒马关高彻松棚峪孙应奎河州各参将常世爵蓟镇秋班任弘道蓟镇南兵姜河陕西标下骆尚志大同入卫陆贤甘肃标兵王有麟广东练兵卢名世蓟镇春班各游击将军

○蠲海门县坍江粮一百九十一石从凤阳抚臣王廷瞻之请也

○丁酉 孝靖毅皇后忌辰 奉先殿行祭礼遣伯王学礼祭 康陵

○命福建抚按即讯原任总兵王尚文按臣杨四知糾其贪也

○谪顺天府通判周弘禴于远方弘禴论兵部尚书张学颜太仆寺少卿李植吏科给事中齐世臣其其略谓学颜之被论屡矣 皇上为逐一给事中三御史矣昨者御史张文熙之论劾皆诸臣之所已言也其结兄弟于张鲸又二三言官所不敢輒及者也李植之论冯保则张宏门客乐新炉为之谋主因论保而交好于宏 皇上逐居正之后事有不下部院竟从中票者必 皇上之独断也宏等号于植而谓悉繇中人之调发植等又号于众而谓悉繇御史之指挥此公论所最不容也 祖训大小官许至御前言事而齐世臣乃敢露章禁部臣言事夫前任吏科者周邦杰也又前任吏科者秦耀也当居正时在耀甘为猎犬在邦杰自同寒蝉独员外郎艾穆等首发其奸部臣言事何负于国哉居正谓台省人少易于牢笼部寺人多难于收拾故穆等最得重谴其次恶员外管志道之条陈也御史龚懋贤承其指而考以老疾恶主事赵世卿之条陈也尚书王国光主其画而錮以左官世卿卒从昭雪志道尚属废况论者切齿懋贤国光谓其附权臣而弃直言之臣也乞将学颜植罢斥耀邦杰世臣分别处治其不时内批望悉停罢有旨朕昔在幼冲内外有专擅欺蔽者近已正法乃今诸司章奏大小政务朕自省览岂容交结阻滞且朝廷设科道官专司言责各衙门自有官守若人人得逞胸臆岂成政体张学颜已屡有旨留用李植齐世臣皆好官如何捏词诋斥周弘禴狂躁出位降三级调边方用后谪代州判官

○诏重惩贪吏严禁馈遗从部覆户部尚书王遴之议也○赠故工部尚书朱衡太子太保初衡以事被废落太子太保至是追复以为赠官焉

○命南京左军都督府署都督佥事李应祥以原官充总兵官镇守四川

○先是陕西西安府同知江中晓坐监仓多收斛面为抚臣张师载所发事在隆庆二年已升南户部郎矣至是始正其罪追赃为民又以原籍勘问减拟赃数都察院赵锦因参巡按御史赫瀛及按察使朱孟震有旨夺孟震俸二月

○辛丑 仁圣皇太后 万寿圣节免百官朝贺先一日中使至阁传 圣体偶违和故免

○赐原任太子太保吏部尚书武英殿大学士严纳太保户部尚书建极殿大学士余有丁一品恤典遣官造葬

○太常寺少卿秦耀太仆少卿李植周邦杰吏科都给事中齐世臣各奏辩周弘禴参疏并乞罢不许

○礼部尚书兼学士沈鲤以疾乞归不许予之告

○巡按直隶御史许乐善以疾乞归许之

明神宗显皇帝实录卷之一百五十八

万历十三年二月壬寅朔诏定科场事宜先是各省乡试以巡按御史及二司充总裁官内外无复讥防又预自撰录有主者未入闱而文已传于外矣关节既易大臣子弟多幸中而中式举人得自写原卷送部名曰公据其朱墨卷不以解部即有物议无从磨勘言者病之科臣王继先请照嘉靖七年例用京朝官主考科臣张栋请程式就中式士卷稍为删润依制刊刻科臣万象春请将朱墨真卷解部本部会同该科辨验惟覆试一事科臣张维新则概指大臣子弟科臣王士性则专指京堂三品以上子弟万象春则谓无议而试于事非雅不若无分大臣及民间子弟但有夤缘实迹著闻即行参奏试经书论策各一篇荒谬不堪者黜落并罪主者于是礼部集其议以覆上曰科场事宜既有成议各处考试官照嘉靖七年例差用还酌地方远近先期奏请监临官不得干预帘以内事余并如议

○命国子监祭酒徐显卿右谕德李长春修撰刘楚先编修黄洪宪史珂充经筵讲官

○甲辰遣礼部侍郎朱赓祭三皇于景惠殿太医院官祭先医之神

○莽酋之役原任云南巡按御史陈文燧屯田副使罗汝芳兵备副使胡心得与焉而皆被废吏科给事中杨文举疏讼其功略曰文燧按滇莽瑞体凭陵思个抚臣王凝诿兵养寇文燧独抗疏条上十事预策于五年之前而悉验于五年之后此曲突徙薪之功故文燧当叙也汝芳理学名儒其代署金腾兵备严哨守练土著精间谍军声大振抚臣碁之旗牌之遣一日五至而汝芳之兵撤又其在永昌腾越昆阳皆著水利之功故汝芳当叙也心得单骑入腾有盍西之捷腊底之捷且计擒张大本父子斩刀落参而岳凤失势其妄报莽贡则罕拔误之罪不足掩其功故心得当叙也吏部独覆文燧擢用而谓汝芳已老不宜复烦吏事上为诘责前之论汝芳者而不果用与心得并勒致仕

○议裁海门县归并州治下其事凤阳抚按覆奏

○好地坪番族郝卜羊家保等贡马及方物给赏如例

○总督陕西三边兵部右侍郎郅光先等上边计八事一重事权以专责成言甘镇三营总兵副总兵游击各领其一殊碍责成宜俱听总兵官节制二申抚堵以振积玩言套虏西行报复经繇内地不免骚扰宜抚堵并行斯为驾驭长策三严选练以重劝惩言兵备将领等官所司不过选练兵马宜岁终考核并行举刺四选土著以防重地言永昌高台系极边要区招募不足宜于卫所屯余五丁抽一示寓兵于农之意五练夷兵以固藩篱言诸番为虏輟辄宜选其精锐一体操演亦潜代虏谋之一端也六禁盗马以杜衅端言虏之掠番率以窃马为名宜严禁诸番不许窃虏马犯者重罚七修险隘以遏虏骑言甘肃隘口原有边榨宜一一补葺无者亦宜创置八兴民利以济穷边言甘镇地饶宜兴农事又羊毛多织纺可行部覆并如议

○礼部言近日科臣万象春奏称崇府承奉高朝等赍贿入京求改封世子讯之虽无验然臣

犹谓弗过防之弊未有极也从来惟王府章奏最为繁多有应单本者亲郡王名封婚礼丧礼管理府事参处犯宗奏辩冤抑是也有应类本者将军以下名封是也宜令抚按单本不特代奏类本每季仲月一代奏该府不必遣人而又有势必遣人者如赍捧庆贺表笺是也亦定大府无过三人郡府无过二人照会典送会同馆安住听本部提督主事关防民间不得居停道地既清诸藩不至困累臣等亦无嫌可避无奸可禁时部科皆有此议诏

○复封乐昌王府辅国将军充棚嫡第二子廷魁嫡第三子廷睢为奉国将军初乐昌王充熏以私憾指为擅婚子革封至是辩复本爵

○土鲁番头目沙亦等贡方物套虏威正等邀而夺之巡按御史屠叔方言虏公然寇攘失今不问边事将不可为且虏酋贪汉物虏妇极惧捣巢宜断其抚赏声言剿杀斯制骆之机也上是其言

○总督陕西三边郅光先会各边巡抚陕西李汝宁夏张九一甘肃董尧封延绥梅友松上所部诸将功罪擢用纪录革任有差

○勒苑马寺卿岳凌霄冠带闲住

○诏以山西水泉一营滑石黄龙寺坞三堡额外开垦地予贫军领种永不起科粮数载会计录者除之时抚臣许守谦以请户部覆曰开荒之议惟在辟土以聚众不在加赋以病人况砂磧之地暖迟霜早若概徵之是速其困且逃也 上乃许之

○总督宣大尚书郑雒言天下之事有今之所有古之所无者如北虏纳款是也方虏款之初当事者犹以虏鸷怀疑臣自万历七年任事痛抑猾虏犯者必问□□弃其叛去伸我威信而虏亦俛首受戎索募墙有罚扰整有罚盗马有罚扑捉人有罚今三镇年终类报罚处生事夷人宣镇九起大同七起视之腹里且为鲜少而说者以贡市比汉和亲过矣因上请并功罪麻承恩等纪录吴国臣等夺俸

上报曰边计虏情督抚官便宜抚驭无以议论同异隳阻任事之心

○逮方复乾于诏狱复乾知曹州多杀无罪抚臣李辅劾之逮赴诏狱寻下法司问欲当以杖上以为不蔽罪当以远戍

○命翰林院修撰孙继皋编修余孟麟陆可教杨德政充经筵展书官

○礼部尚书翰林院学士沈鲤以病太子太保都御史赵锦总督仓场户部侍郎传希摯刑部侍郎丘橈南京礼部尚书袁洪愈以引年南京户部尚书魏学曾侍郎姜宝以人言并乞休上不允

○命南京兵科给事中钟宇淳巡视营务

○丁未淮安扬州庐州及应天上元江宁江浦六合俱地震江涛沸腾

○遣大学士王家屏祭先师孔子

○戊申荧惑逆行自冬十二月辛亥失度起张过星入柳历二舍有余

○祀太社太稷遣公徐文璧代

○以春防留参将朱光于蓟镇改仪真守备任弘道管宁绍参将事标营参将王通管延绥入卫游击将军事

○置云南六驿十三堡驿曰小保场驿老姚关驿景永驿邦曩驿猛哈驿蛮莫驿堡曰小保场堡老姚关堡蜡底堡愠木堡布岭堡戛赖堡甸头堡景永堡邦曩堡猛哈堡蛮莫堡盏达堡海漫堡

○调山东参政邢玠为陕西参政兼佥事

○升湖广副使苏民牧为陕西参政湖广荊州知府郝汝松为山东副使

○两淮巡盐御史蔡时鼎条上鹺政一酌议派支以免消折一补足旧课以省赔累一免解水乡以<整彩见>商灶一禁革挨卖以速贸易一禁绝起利以厘蠹弊一增置总票以核伪引一议抽私贩以偿派引一听收折价以便徵纳部覆得旨本色引盐折价于成法将无碍其下御史议之私贩仍前严禁不必议抽以滋奸弊余并如议

○辛亥 孝贞纯皇后忌辰 奉先殿行祭礼遣武靖伯吴国贤祭 茂陵

○盗窃官银于柏乡公馆先是籍江陵故相获其资贿一百篋输于京师行至柏乡亡其一篋求盗不得有旨诘责备兵副使乔岩令对状下其事都察院

○壬子营慈宁宫遣尚书杨兆祭告后土司工之神

○谕内阁朕钦承 圣母慈旨曰寔予之不德以致上天震怒灾及寝宫为百姓累糜费金钱心所不忍其以宫中银三万两佐工部费卿等知之

○鑄福建佥事王豫三秩调用以擅发卫所军丁于晋江县开溪筑坝以病邻邑为巡抚赵可怀所奏也

○升南京都察院佥都御史海瑞为南京吏部右侍郎应天府尹顾章志为南京兵部右侍郎太仆寺卿袁三接为应天府府尹

○甲寅升山西副使麻永吉为山西右参政陕西参议王任为贵州副使陕西佥事耿鸣世为陕西右参议

○诏发太仆寺常盈库马价银辽镇五万两充万历十三年分买马宣镇三万三千三百六十四两宁夏一万九千一百五十八两俱备万历十三年市本蓟镇三千六百两饷滦阳新募官兵又一万二千六百两备万历十四年抚赏

○丙辰遣侍郎傅希摯祭京都太仓之神○升礼科左给事中冯露为湖广副使江西道御史曹一鹏为镇江府知府云南道御史叶成遇南京云南道御史郭宗贤南京刑科给事中刘一相广西道御史李植俱佥事成遇江西宗贤山西一相陕西植福建

○刑部尚书舒化言 皇上仁心出于真性故钱若赓以酷闻而服上刑方复乾以酷闻而蒙远戍今大小用刑衙门曰杖责曰枷责曰监禁亦宜使遵照律例不得淫刑以毙多命
上报曰有司酷刑淹禁致毙无辜所奏依议申饬称朕好生之意化又言大明律一书 高皇帝揭诸两庑手为更定今未经详断者有从重拟罪之旨已经定议者有加等处斩之旨是谓律不足用也去冬雨雪不时两京皇城之内频见不戢之灾咎当在此 上亦优诏答之

○巡抚陕西都御史李汶等条议编审驿递当佥反募一当议昔僻今冲二当议通融掣兑三当议酌改支直四当议部覆从之

○戊午升太常寺少卿秦耀为太仆寺卿

○升山东参议赵楫为湖广副使

○虏犯沈阳静远堡遂掠懿路从蒲河之十方寺堡出边一昼一夜杀掠无算

○银作局太监孙暹奏 慈宁宫鍍造用黄金三千二百两户部尚书王遴请视嘉靖十七年慈庆宫例减为一千五百两给事中萧彦亦以为言不听

○总督蓟辽尚书张佳胤等奏蓟昌两镇共修边墙六千四十丈敌台墩台一百四十七座带修遵化城工七百余丈所省工价犒恤不貲皆文武将吏之功宜分别叙录其都司郭晚等罚治提问从之

○庚申恭仁康定景皇帝忌辰遣伯张元善祭金山陵寝○新升司经局洗马管司业事赵用贤以病请告不允

○命太常寺少卿沉思学以原官提督四夷馆工部营缮司郎中唐鹤徵为尚宝司司丞

○诏蠲顺天府属田租以顺天府臣言前岁驾出谒

陵也供张除道者十之五调发所及十之三昌平一州全免

○壬戌敕广元王长子术雕管理府事术雕者辽恭王嫡长曾孙为沅陵等六王致牋等所讦抚按勘明故礼部为之请

○升礼部主客司主事苏浚为浙江佥事提督学政

○兵科左给事中王三余劾承天守备太监王桢违法十罪有旨王桢降三级南京新房闲住于是湖广抚臣李江亦劾其参随贾本厚韩之瑞等下御史即讯

○甲子遣成国公朱应祜祭大明于朝日坛

○先是四川巡按御史赫瀛以采木科歛参知州等官刘冠南陈邦谟梁有贞吴郡石佩王遴蹇来亨等七人系诏狱严讯不承有旨诘责抚按官而冠南等犹羈邸舍以待彼处分于是刑科给事中常居敬等言守令者天子所命以临众庶者也若绌辱不以其罪则继此任事者难矣自今逮问之举犹郑重焉报闻

○朝鲜国陪臣吏曹判书李友直等三十六人入谢宴赏如例

○乙丑升户科都给事中萧彦为太常寺少卿礼科都给事中万象春为山东参政

○丙寅升刑部郎中史继志为浙江副史降广西右布政使卢仲佃为广东副使

○丁卯京师旱自去秋八月至于今春二月不雨河井竭谕内阁传礼部祈雨

○戊辰祭历代帝王遣公文璧行礼侯继爵伯炳尚书巍尚书遴分献

○改神枢左营都督佥事侯之胄为南京左军都督府佥书○录贵州平苗功赉巡抚都御史舒应龙先任都御史刘庠镇守总兵都督佥事张澡都清兵备副使洪邦光银币有差初贵州都匀府平定司苗阿韶乐平司苗乐三以土官宋瓚科索为名攻陷司治杀戮甚惨抚臣舒应龙檄参将张奇峰讨之斩首一百九十八级获阿韶以下十有四人夷中有险地曰者牙砦贼所保也至是立营驻兵为防守之计焉

○录云南平莽酋功赉巡抚都御史刘世曾黔国公沐昌祚银币荫世曾子纁昌祚子睿世袭锦衣卫百户授名色把总高国春世袭本卫副千户猛密土舍思化四品服色游击刘綎刘天俸参将邓子龙优叙余文武吏士升赏有差是役也国春以五百人破贼数万解五章之围穷追旬日连摧六营为西南战功第一

○庚午大雩

明神宗显皇帝实录卷之一百五十九

万历十三年三月壬申朔 孝肃皇后忌辰遣广宁伯刘嗣德祭 裕陵新除给事中三人卢逵吏科王问卿兵科吴岳秀南京吏科试监察御史七人蔡系周浙江道杨有仁河南道刘元霖山东道孙愈贤山西道黄正色南京山东道

○有事于 寿宫工部议伐石需材及调发班军番代皆万人府尹徐元太亦言运石僦车畿民重苦御史邓炼因早上疏曰 世宗皇帝即位十有七年而为此役又迟回者数年盖慎之也皇上春秋方盛且用民之力必以其时诗曰我稼既同上入执公功盍姑已诸不报

○丁丑日亭午大风从西北来有声黄埃蔽天占曰边兵起○叙录建言诸臣兵科给事中张维新上封事内一事言推用忠鲠以杜壅蔽有旨黄道瞻等分别叙用范鏐罢于是补南部主事者二人邹元标兵部孙继先刑部推官四人黄道瞻河间府曾乾亨大名府伍可受开封府冯景隆南阳府判官一人谭希思钦州

○谕止内操兵科都给事中王致祥疏略曰臣闻天下快心适意而其实有不可测之忧方其无事将狃于所可乐疑言者之过而不信及其破坏决裂而后求焉则其计已晚今日内操是已夫 皇上之意不过陈扈从备军容焉则已耳而左右近习之臣揣知意指遂部署队伍以进皇上见其甲队之齐羽旄之美因乐此而不倦矣 祖宗之法非宿卫之士不得持寸兵今群不逞之徒授以利兵出入禁门莫可问或有奸邪窜迹其中为祸岂细哉况 皇上春秋鼎盛血气方刚虽聚精会神以颐玉体犹惧不足可日逐逐焉轻试戎马之间乎方今内廷火灾河井涸竭若下令修省宜莫切于罢内操疏入留中是日敕谕内阁曰内操原有 祖制向缘扈从南北郊及

皇陵恭祀事毕而止殆无常操之理而言者不知妄引非喻亦是其职今已停止卿等知之

○升久次科臣姚德重礼科都田畴礼科左陈大对礼科右胡希舜工科右

○大学士申时行等奏昨日风霾之异臣等甚惧宣大二镇虏方款贡必无他虞惟蓟镇属夷长昂犹肆桀骜辽东土蛮尚在近边宜行督抚总镇檄师以备之 上敕谕兵部曰昨日风异示儆恐虏有谋尔部马上差人传与东边慎加防备无怠○南京户部尚书魏学曾再疏乞休许之

○复除户科都给事中姚学闵给事中叶时新原职

○录福建十二年春汛斩获功赍海坛山名色把总黄道分守参政顾褒日南山水砦把总白斯清等银两有差是役也获生倭深西梦等十有九人

○戊寅山西山阴县地震旬有五日乃止

○以慈宁宫视工赐三辅臣银币及斗牛麒麟孔雀服

○朝鲜国陪臣李友直事毕命尚书沈鲤宴而遣之

○蓟辽总督张佳胤等奏蓟昌两镇修边工价四万二千一百两有奇犒恤银三万一千五百两有奇户七兵三例也又以桥工钜赏格宜厚有功各役请升实级从之

○抚治郟阳都御史毛纲奏劾荆州府知府郝汝松赇贿巨万皆于藉江陵故相及诸宗室取之得旨下抚按官逮讯

○己卯荧或□火逆行至是始顺度循軌

○以清明节遣侯薛鋹徐文炜伯王应龙刘应元卫国本分祭九陵伯陈王谟祭恭仁康定景皇帝金山陵都督李鹤祭哀冲庄敬二太子园寝

○以河北道左参政戴光启改驻卫辉督修府第时抚臣臧惟一言府第之费约六十万七千八百两有奇大木仍采之楚蜀挽拽丁夫官为之募请以光启不妨巡历兼领其事故有是命

○诏改折各省直万历十三年分起运漕粮一百五十万石甲字库绵布一十万二千四百一十疋承运库绢四万三千五百二十有二疋采户科给事中萧彦之议特万历十二年年终奏缴岁出浮于岁入一百一十八万国用不足也

○初黎平府属中林长官司土官杨相科敛无度弟栋欲夺其官因众之怒糾管内苗候其父子至砦戕之事露栋毙于狱相父子既死遗妻龙氏抚其孤孙龙氏妇人信任左右遂致娄罗砦之乱杀其用事者数人啗食之而龙氏以谋杀其孙诉府知府王事圣者遽檄守备周弘谟永从县知县陈常临之以兵苗遂逆命始闻于辰沅兵备副使管稷调靖铜伍三卫合三千人讨平之改娄罗砦为平罗而首恶逃逸湖广抚臣李江以闻赏稷银十两事圣以先削籍去不问

○谪南京户部署郎中事唐伯元三级调外伯元上疏丑诋新建伯不宜从祀且谓六经无心学之说孔门无心学之教守仁言良知邪说诬民又进石经大学云得之安福举人邹德溥已为制序南兵科给事中钟汝淳特疏糾之后降海州判官

○以总督仓场户部左侍郎傅希摯为南京户部尚书顺天巡抚副都御史张国彦为户部右侍郎

○土鲁番使者马黑麻羽速来朝求入贡命彰武伯炳宴于礼部

○云南献驯象王师征缅甸获也

○行取大学士王锡爵再疏控辞 上优诏答曰朕慎简辅弼以卿宏才硕望特兹召起宜遵成命用副倚毗锡爵又疏谢父梦祥恤典报闻

○甲申大雩

○乙酉 武宗毅皇帝忌辰 奉先殿行祭礼遣靖远伯王学礼祭 康陵

○己丑巡抚辽东兵部侍郎李松总兵官宁远伯李成梁帅师大破虏于边外斩首八百余级获其马五百余匹甲仗称是先是二月虏入犯沈阳盘据近边不散声犯开铁抚镇知贼必复逞集兵以备之以参政任天祚副使王緘监军十一日壬午师次河东甲申次虎皮驿降夷来言挽儿花大抄花等同西虏以儿邓将以五月犯广宁及关门东西于是抚镇议曰贼有谋矣不如乘此兵力出剿之乃遣游击韩元功缚浮桥于丁字泊戍子济师宁远伯分兵为叠阵一字阵冲砍二字阵继进夹击明日战于打大边外地也离边墙一百五十里我师奋击虏众摧败以大捷闻

○工科给事中张栋请尽蠲带徵钱粮户部尚书王遴覆之曰常赋不可轻蠲犹有罪者不可轻赦赦罪之令屡下而犯法益众蠲赋之令屡下而逋负益多臣愚以为本年之起运全完然后先年之带徵可免 上是其言○庚寅百官集阙下俄有旨传免以圣躬小违和大学士申时行等具疏起居

○定山东均徭银力二差及里甲公费为八十三万五千八百两有奇刊刻书册永为遵守有司私派小民者抚按官以名闻

○兵部尚书张学颜入疏乞休许之仍给驿归

○复除原任陕西道御史龚懋贤浙江道

○以户部侍郎宋纁总督仓场

○菰喱等番族千不少等王马黑麻虎答扁迭遣使羽速等贡马并方物给赏如例

○壬辰尚宝司司丞徐贞明先为给事中议请于近京濒海沿边之地疏沟洫建屯营尝历真保蓟永某泉可引某水可渠言之凿凿有据会御史傅应祯建言廷杖贞明视之为迂者所迹被谪行次潞河著潞水客谭一书兵部尚书谭纶见之曰纶久历塞上知其必可行也时顺天抚臣张国彦道臣顾养谦方有事于兴水田行之蓟永玉田丰润而效于是贞明召还为尚宝丞矣工科都给事中王敬民疏荐贞明 上特加贞明尚宝司少卿赐专敕令与抚按官勘议贞明谓凡民难与虑始条列数款以释民疑 上命抚按官晓谕所在军民而巡关御史苏鄴复疏言曰治水与垦田相济未有水不治而田可垦者也畿郡之水为患莫如芦沟滹沱二河芦沟发源于桑乾滹河发源于泰戏源远流长又合涞易濡雹沙滋诸水散入各淀而泉渠溪港悉

从而注之是以高桥白洋等淀大者广圆一二百里小者四五十里汇为巨浸每当夏秋霖潦之时膏腴变为鹄鹵菽麦化为萑蒲矣夫水患之当除大概有三曰浚河以决水之壅也曰< 娵陂-金 >渠以杀淀之势也曰撤曲防以均民之利也唐刺史卢晖于河间开长丰渠引水东流以溉田宋临津令黄懋屯田雄莫等州置斗门引淀水灌溉民赖其利嘉靖初巡抚许宗鲁浚三岔口引渚淀入海而景州知州刘深开千顷洼导决河入渠民免水患此皆昔人遗法而近世行之有效者也工部请以鄯议并令贞明遍历郊关与抚按司道讲求疏浚潴蓄之法焉

○诏减袍服织造从浙江抚臣王世杨之请也旧例每年一万疋后增至一万二千疋至是一年二运一运止四千疋矣

○守备承天太监孙政请自治抚臣所参官旗贾秉厚等无属有司上不许仍命抚按官会讯之

○诏发太仓折粮草银一十九万五千六百两有奇充大同年例

○起原任刑部主事董基为南京礼部主事基以言内操谪时方叙建言诸臣故有是命

○鲁王颐坦以宗室骄横难制疏辞管理贻书慰王不允所请

○予靖江王府辅国中尉经切嫡第二子等四十二位名封经言□癸嫡三子等二十三位名粮时皆过期十年十五年 上以地远人众特许之仍责抚按官申饬

○诏减尚衣监料银尚衣主造冠服龙凤鞠衣其料价自嘉靖以至万历四年皆六百六十两十年增至二千一百两有奇工部以为言有旨视十年之数减其半焉

○释革除年坐忠臣方孝孺等谪戍者浙江七百一十三人江西三百七十一人福建二百四十四人四川四十一人广东三十四人

○以王遴为兵部尚书毕锵为户部尚书

○礼部奏沈王埈尧嫡世孙效墉进封为沈世子选配崔氏封为世子妃德平王长子恬燝封为德平王华阳长子宣塈封为华阳王继夫人王氏进封为继妃

○庚子倪光荐为工部尚书仍管通政使事

○以福建巡抚赵可怀为副都御史巡抚顺天

明神宗显皇帝实录卷之一百六十

万历十三年四月壬寅朔 上亲享 太庙是日太常寺卿沉人种赞福胙及还宫折旋失度上遣中使至阁传谕诘之时人种已推闽抚几欲停推阁臣解之乃已

○丙午大雩

○丁未东虏哈不慎寇边初哈酋以窃犯辽东革抚赏至是见诸酋领赏艳之又为其兄青把都所诃故愤而拥众入以挟赏为名按臣徐申以闻 上令督抚官便宜处置

○录荫故御史赠光禄少卿刘台子孟铤为国子生○巡抚江西右佥都御史马文炜以疾乞归不许

○补荫故南京礼部尚书林庭机次子光为国子生庭机以太常卿满荫长子烺烺后成进士奏荫其弟

○升刑部左侍郎丘橐为南京吏部尚书左副都御史耿定向为刑部左侍郎

○敕太常寺卿沉人种为都察院右佥都御史巡抚福建

○命吏部右侍郎沈一贯礼部左侍郎朱赓右侍郎王弘海充会典副总裁

○南京工部尚书陆光祖薨辽总督尚书张佳胤同时旧人以功业相期光祖南行阻冻因忆佳胤枉道过密云佳胤客之与并骑纵观长城谈论弥日佳胤书抵京师盛称其谙晓兵略御史杨有仁疏劾光祖诋以受财嘱托应同兵部尚书张学颜并勒致仕吏部尚书杨巍覆疏明其事且谓老成可惜固请留之有旨趣令之官

○诏减湖广长衡荆辰靖等府铜五等卫永顺宣慰司军饷米二千九百石有奇银七千六百两有奇酌为定数刊入赋役全书从抚臣李江之请也

○戊申诏录囚徒刑部以钦恤请 上曰此因旱申理冤抑与寻常热审不同还通行各省直着巡按御史一体奉行又以刑科给事中王继先疏请宣湮郁以召和气有诏释凤阳庶宗过误犯法及禁住年久者时禁者百八十七人抚按疏入放百四十有六人

○以佥都御史张岳为左副都御史协理院事如故时岳进四议一曰马市二曰宗藩三曰条编四曰治河其言马市为害因仍不改边备日弛财源日耗其论宗藩欲以世次递其封典而亲尽者开四民之业其论修编之法便于富户而不便于细民便于市井通衢而不便于穷乡僻邑此法不罢贪风必不可息其论治河谓夏镇固当开而沽头不可弃欲罢贡市废条边法复沽头旧迹礼科给事中苗朝阳兵科都给事中王致祥交章驳之遂寝

○湖广饥以鄖阳府库饷军银八千两同前次饷军银五千两分赈鄖襄承德四郡

○辛亥赐辅臣申时行等及讲官沈一贯等彩扇有差

○诏发南京户部银十万两于云南按臣李廷彦言滇中运饷之艰三四金而致一石引正统间征麓川例求助邻省而部覆以南户部银请时楚蜀有采木之役

○问刑条例书成先是礼部修大明会典移咨刑部于是尚书化与吏部尚书巍辑嘉靖三十四年以后诏令及宗藩条例军政条例捕盗条格漕运议单与刑名相关者律为正文例为附注凡三百八十二条刊布中外问刑衙门奉书从事○升大理寺少卿何源为太常寺卿大理寺左寺丞敖鯤为本寺右少卿文选司郎中陈有年为太常寺少卿浙江道御史王晓为大理寺右寺丞

○壬子万全都司霱星如火天鼓鸣如雷

○诏增发南京户部银二十万两于四川采木从御史龚懋贤之请也

○癸丑我师出边御哈酋走之

○命内阁进省直历科解额

○议城青泉等十三堡总督尚书郑雒言宣镇南卫陵京虏款年久人民蔽野而不修备非策今北中路青泉诸堡当虏之冲请设版焉约费不过三万余两以万全都司库贮班价给之

○甲寅 孝慈庄皇后忌辰 奉先殿行祭礼遣遂安伯陈澍祭昭陵

○乙卯夜望月食约五分余

○以三镇贡市报完赏总督陕西三边侍郎郅光先银三十两大红飞鱼衣一袭及巡抚董尧封张九一梅友松总兵孙国臣刘承嗣贾国忠等银币有差

○谕内阁曰兹三祈雨泽 天未霈施心甚忧惧朕步行亲诣南郊祭祷卿等传礼臣具仪

○先是御史邓炼陈四事一曰缓寿宫之建二曰减烧造之费三曰行赈济之实四曰宽赎鍰之追语皆切至是日中使持御史疏至阁传烧造磁器内有屏风烛台棋盘花瓶已造成者拣进未造者可停止阁臣附奏云臣等又闻烧造数内新式大龙缸亦属难成请并停之票入上欣然从焉

○礼部进 南郊祷雨仪注上香进帛三献八拜牲用特熟荐不番柴不奉

祖配用嘉靖十七年四月礼而步行不乘輦出 上意亲定

○丙辰 上致斋于武英殿

○丁巳以雩祀告于 奉先殿暨 圣母前仍致斋武英殿○戊午昧爽上如郊坛躬御布素步出大明门百官以班前导至 坛位礼成召见辅臣及九卿于幄次谕曰天时亢旱虽繇朕不德亦因天下有司贪赃坏法剥害小民不肯爱养百姓以致上干天和今后还著该部慎加选用申时行对曰 皇上为民祈祷不憚劬劳一念精神天心必然感格此皆臣等奉职无状所致其天下有司官诚不能仰体 皇上德意臣等即与该部商量申飭上曰还行文与天下知之将还近侍请进 法驾 上遽挥却日昃 上至自郊坛御皇极门时行等起居 上答曰先生劳苦时行等顿首谢复诣 奉先殿暨 圣母告至是行也往返几二十里群下虑劳 圣躬而 上亲举玉趾无难色圣容俨然若思穆然若深省百官万姓无不举首加额欢呼颂 圣德焉

○兵部主事张甲徵散班挥扇为御史龚仲庆所糾夺俸半年

○是日分遣驸马许从诚等索飧诸宫庙

○敕六部都察院曰兹者天时亢旱雨泽愆期朕夙夜殷忧屡祷未应虽朕不德所致亦因天下有司官多贪赃坏法酷害百姓不肯抚恤爱养上干 天和该部今后宜慎加选用都察院便移文申飭务修实政无事虚文朝廷加意小民欲新吏治有故违不奉行者重罪不宥故敕

○蠲被灾所在今年田租乃谕户部曰朕思民为邦本今小民困苦各灾伤地方钱粮出办艰难朕心惻然户部便查各抚按官奏到灾伤重大者勘覆明实准蠲免一年其带徵难完者酌量具奏定夺以副朕轸恤穷民至意○大学士申时行以调燮无状疏求罢斥上不允遣中使至第谕指时行疏谢自是大臣以旱灾引咎者 上并优诏答之并免百官自陈

○庚申葬邠哀王

○加都御史赵锦兵部尚书掌院事如故时通政倪光荐新升工部尚书班锦上锦出语吏部尚书杨巍曰部院大臣品级相同而班有先后则以衙门为序今光荐品仅与锦同而仍掌通政事乃欲班锦上是以通政加于都察院之上非制也光荐疏上其事故有是命因敕凡以尚书改者仍系部衔

○赐原任南京吏部尚书王本固宣府总兵官都督僉事赵崇璧祭葬如例

○壬戌日晡大风扬沙蔽日

○夺南京给事中孙世楨御史方万山俸三月以先叙录言臣有范俊罢之旨而二臣各疏请

录俊也○改南京提督操江金都御史赵焕为都察院左金都御史协理院事升南京太仆寺卿萧崇业为金都御史提督操江

○乙丑虹县地方涌血是日有小河北人王禄等至姚垒家投宿比晚见满地涌出鲜血禄等惊走至市市亦流血乡人击器物噪之方止

○上于宫中见明心宝鉴而悦之命辅臣订正制序

○户部言太仓银库每岁加金花银二十万两内操马三千匹岁加芻料银七万余两此皆额外之数岁可三十万十岁则三百万矣请金花之银仍复旧额内操之马散归京营上未之许也兵部亦以随操马为请有旨留用减芻五十万束料五千石

○福建道御史谭耀上疏略谓兹者旱魃为虐 皇上命官三祷矣已复躬祷矣数日以来蕴隆愈炽则何故也诗曰惠此京师以绥四国今旱既太甚矣昨蒙皇上面谕辅臣谓天下有司不肯爱养百姓以致上千天和大哉 皇言闻者泣下然臣以为人君出治必自心身宫闕以及朝廷百官然后达于国都以暨于天下此本末之序也冯京告神宗曰陛下避殿减膳不足以回天变当痛自责已广求善言夫熙宁之弊政何多也天下藉青苗保甲之法暴虐百姓者何众也而冯京告君必先望其责已故有桑林之自责而后能改过不吝有云汉之侧身修行而后子遗之民终将赖之也诚望 升下母以停操理枉为自足而独观于念虑之微母以减造蠲恤为已尽而昭察于性情之隐中夜奋思以求其故昔何以顺今何以违必有毅然防一念之偏而归于大道之正者消弭之道莫此为切疏入报闻

○南京光禄寺卿周弘祖以谒陵穿红为南京御史王学曾所劾黜为民○戊辰浙江道监察御史蔡系周奏弹太仆寺少卿李植略谓晋太康中大旱天荫解而复合刘毅上书曰此必有阿党之臣奸以事君者当诛而不赦也又汉永元中京师旱时雒阳有冤囚帝幸雒阳寺录囚行未还宫两大泽是知朝有权臣则旱狱有冤囚则旱今日之旱殆繇李植宫省事秘谁能知者而曰 皇上呼己为儿每观藉没宝玩则必喜已以市其重而鬻狱渔色靡事不为 皇上谕刑部矜冤枉而刑部尚书之冤尚未之雪责天下有司剥害小民而顺天小民之情尚未之理顺天小民者宛平县人张廷舟植巡方时所故入刑部尚书则植所攻而削籍之潘季驯也又曰植资吴中行等之阴谋中行等亦借植之威势植迫欲得中行之拜相而善其后中行亦迫欲得植之为冢宰而行其私万一计行势必尽伤善类今日旱灾其小者耳江西道御史孙愈贤亦交章劾之而尚宝司少卿羊可立者抗言向者冯保张居正蔽主专权台省诸臣并起攻之一时奸党怀冯保张居正私恩者造为无影之言传播中外倾陷建言诸臣以为李植不去则冯保不来故首攻植以渐及于江东之及臣矣因自乞罢疏入送至阁大学士申时行等奏愈贤等疏尚未处分可立何繇争之且问可立奸党为谁有何实迹 上手敕谕内阁曰览卿等奏揭欲使羊可立明说奸党人情急之必妄有扳指于国体何朕今发一札子卿等知之明日敕谕都察院曰谏官务存国家大体何得以公灭私挑激争端淆乱国是自今各修尔职不许琐词渎扰敢有仍前不悛重治无贷于是可立疏得旨冯保张居正事出朕独断久已处分谁敢怀私报复自干宪典以后不许借言奸党攻讦争辩违者罪之

○太仆寺少卿李植谕德吴中行太常寺少卿沉思孝光禄寺少卿江东之尚宝司少卿羊可立等各疏求罢不许

○以太仆寺少卿石应岳为南京太仆寺卿以陕西左布政使孙坤为南京光禄寺卿

○诏临清砖厂凡军民船户纳价雇运其价以船之大小为差

○庚午传制分遣永康侯徐文炜持节往庆府等府行册封礼

明神宗显皇帝实录卷之一百六十一

万历十三年五月辛未朔诏开西安凤翔汉中三郡茶禁时巡茶御史董子行以请户部议之曰国家设茶课以资马政如地与番邻者不得不过防之若三郡之民固腹里也而使之不知茶味可乎且近年市马之茶取办于湖南而川狭所产谓之余茶又可使积于不用乎此私贩日多劫杀之祸自此起御史言是请自今量招官商给与文引自备价收买每引百斤抽三十斤入官余听卖之报可

○癸酉葬□_イ □大山□居公主

○以吏科给事中杨文举户部主事彭梦祖为云南考试官以工部员外郎周梦暘刑部主事熊敦朴为贵州考试官

○升江西按察使余立为山东右布政使

○乙亥端午节赐辅臣申时行等讲官沈一贯等金书黄符金艾叶有差○升甘肃巡抚董尧封为南京工部右侍郎尧封以母老不拜乞终养许之

○丙子宣辽东捷遣公徐文璧等告于 郊 庙 上御皇极门受群臣贺

○六科十三道齐世臣吴定等以羊可立代李植展辩交章论之得旨朕方忧旱焦劳各官亦宜省躬修职不许纷纭争辩

○复杨舍守备以原任崇明把总管懋光充之杨舍外御倭内防盐盗故应天抚按为之请

○录辽东沈阳战功加宁远伯李成梁岁禄一百石升其子锦衣卫指挥使如桢都指挥使世袭赏银一百两大红纁丝蟒衣一袭彩段六有副加总督张佳胤太子太保升其子锦衣卫百户叔琦副千户世袭加巡抚李松兵部左侍郎巡抚如故升其子锦衣卫百户煖暘副千户世袭各赏银币有差参将任天祚等升一级游击等官唐伯美等三十一人各升实职一级发太仆寺银一万两大赉战士成梁不听解任赐之玺书

○丁丑 孝宗敬皇帝忌辰 奉先殿行祭礼遣官祭 泰陵

○谕户部取金银作局太监张守义题称五公主婚礼合用黄金行户部买进该部奏万历六年二月内奉旨每季添进金花银五万两采买金珠迄今七年通进过一百四十万两自寿阳长公主以下婚礼咸取给焉又嘉靖三十三年三十五年恭遇公主下降该局亦尝取金然不过三百两为数不多今闻奏各色金至二千三百余两珠宝称是太仓之积非如流泉其何能支户科亦有疏争之得旨减三之一

○以辽东宣捷加恩辅臣中使至阁传中书官拟谕升荫辅臣辞免许之赐元辅申时行银一百两蟒衣一袭彩段四有副次辅国家屏银八十两彩段四有副

○永年伯王伟请没官第宅一区为子娶妇伟陈情已多不许

○庚辰 太祖高皇帝忌辰 奉先殿行祭礼

○升参政王象坤帅兰为按察使象坤江西兰广西

○吏部推巡抚郟阳副都御史方弘静为南京工部右侍郎 上以迁太骤有旨诘责

○辛巳遣太常寺官祭都城隍之神

○都御史赵锦摘陈御史封事可采者浙江道朱光宇一事申饬有司在责成守巡道与府正严加考核福建道崔廷试三事一禁有司滥费里甲一禁佐贰滥受民词一禁守令滥通馈遗江西道吴定二事一禁秤头之取一禁罪外之罚

上是其言责抚按官加意督视有仍前弊都察院以名闻

○杂谷安抚司头目藏伽等法藏等六寺番僧相竹领占等各进贡珊瑚毼氍毹甲画轴诸方物赏给彩段绢疋有差

○南京兵部尚书郭应聘条勾补事宜一议南北改编如北直陕西山西山后并兴和路辽东应解南者俱量改北南直浙江福建湖广江西广东应解北者俱量改南视其额数彼此更换其以罪谪戍者亦如之一议先后起解今南京应勾之军数至六万四千四百有奇若一概勾索则一军之所株连者人或数户或数人当不下二三十万人矣宜行清军衙门止勾年近者以次而上至天顺以前径与豁免一议宽恤屯匠国初分锦衣等卫军士屯种于庐凤滁和之间其后逃亡日众实在屯军止一万一千七百六十六名至嘉靖间屯田御史张鉴请核各卫屯田听舍余军余顶补共补过屯军三万二千二百八十八名又议立营操练每年终查见在逃亡之数随即召补具在屯田御史敕书未改也今各卫不查召补明例仍将远年逃亡概行造报清勾即解到一二彼此争讦势必夺已召补者所耕田土给与新军彼此俱病矣此屯军所当宽恤者也至内官监撮造军匠七百三十五名本以充工作之役缘各军不谙技艺另募民匠为之每月令纳工卯银二钱五分五厘但军匠多贫徵纳不前应将月粮通融折银如工卯之数解补该监此匠军所当宽恤者也其应勾屯军匠军暂行停勾而屯丁仍听屯田御史召补且耕且操以备缓急一议收补丁壮各卫余丁并养子赘婿外孙载在册籍此辈土著无逃亡之虞苟得月粮无不乐从嘉靖间尚书张鏊万历元年本部刘体乾皆间一行之今也舍见在之丁壮而取足于远年之逃故非策部覆惟谪戍一款另议余并报可

○革郟阳王府镇国中尉怀潭为庶人闲宅禁住以殴杀亲弟故也

○壬午 仁宗昭皇帝忌辰遣宣城伯卫国本祭献陵

○癸未遣太常寺官祭汉前将军寿亭侯

○乙酉宛平县玉河乡大雨雹伤人畜以千计

○户部浙江司署员外郎事主事闻道立以旱陈三事一曰法祖宗之制以勤召对二曰推蠲赈之仁以议大工其三则广钦恤之恩以一法纪略谓故相张居正之处乾刚独断正其罪逐其党与矣臣有请者其母以就木之年罹其忧苦恐所给田产不足以养生送死而曾省吾以受寄之赃取盈追偿势必牵连恐 皇祖潜龙之乡不免亡猿之祸今荆南一路首罹灾伤其惨更甚则天意可知请下法司量行豁免疏中亦及钱若赓事上怒其出位镌一秩调用道立差出临清粮储又贵阳人也而论故相处分之过一时封事所未之及

○丙戌两谕礼部 上天垂仁雨泽大霑朕心欣荷祈祷着停止遣官告谢具仪来行

○以元辅申时行一品秩满赐白金彩币大红金丝蟒袭衣及钞定羊酒中使赍至第加特进光禄大夫支正一品俸荫一子中书舍人锡宴礼部时行疏辞不许

○以翰林院编修黄洪宪兵部主事蔡文范为福建考试官兵科右给事中唐尧钦刑部主事王德新为四川考试官吏科左给事中杨廷相兵部员外郎江铎为广东考试官工科给事中张栋刑部主事林兆珂为广西考试官

○升副使郑秉厚江西参政参议孙佩湖广副使复除副使陈颐贵州副使

○丁亥虏犯沈阳游击韩元功死之时虏伏墙外以零骑诱我遂为所掩诏改折浙江一省万历十三年分漕粮十之三并免徵行粮新城于潜昌化三县全改折一年从抚臣温纯之请也

○巡抚凤阳兼河道右侍郎王廷瞻奏凤淮阳三府徐泗等八州县频年灾沴河役烦兴请自今年始备用马价俱照万历九年事例派徵系本色改折色者每匹徵银二十四两原系折色者每匹徵银一十八两永为定例兵部言军国所急惟焉今本色改而为折色三十两者改而为二十四两二十四两者改而为一十八两暂改以三年为期者改而为永例于民得矣于国事何臣等职掌所在谊当执奏 上是部臣言准暂改派一年后如故

○南京户部山东司主事王鏊以南京地震陈言略曰易卦以地道臣道比类而言谓其代终之义同也今地道弗宁于稽其类必臣道失矣以大端言之自高拱张居正当事尽欲进其所喜退其所忌而科道之臣望风承旨乃指其所忌弹劾之择其所喜推荐之不复顾万世是非奚取其为台谏哉今此风少殄将来可戒也昔嘉靖之末隆庆之初除阶辅政用舍颇公自高拱起尽取阶所任者摈斥之及居正用又取拱所任者摈斥之不复问人材贤否奚取为辅相哉今此风少殄将来可戒也夫留京者 祖宗创业之根本也而地震于兹 皇上宜惕然深思法

祖宗为治矣 祖宗朝有因火灾忧及徭役屡兴赋敛不时者有因地震止土木之事者今频年荒歉内府部寺岂无蠹财之冗可清耗财之人可裁无益之费可省不急之务可停者乎是修省一宜法也 祖宗朝乘舆服御以铜代金或减除赋枣四十万今岂无采买可省赏赉可惜者乎是节俭一宜法也 祖宗朝尝下诏求直言教官张恒吴从权不言则窜之国子监李思迪马懿不言则责之戍卒张真上言则赐衣钞嘉赉之今 皇上已谕科臣言叙录建言诸臣矣犹乞除出位之禁凡以言获罪者皆谅其忠直恕其狂谬可也是广言路一宜法也 祖宗朝视政之暇尝与儒臣讲学论道或召大臣议政如宋濂解缙等之常侍左右李贤刘大夏之常被顾问今也日讲虽勤未闻 天语发问退朝之后不见召一大臣

祖宗之亲贤臣好咨议者又一宜法也因及慎任使核实政择要职重守令育贤才数事上初览鳞疏而称之以为多有可采至是吏部题覆

上曰朕虚怀求治当召见辅臣商确政理尔大小臣工亦各勤修职业以称朕意

○黜通判杨廷楠张子孝杨万言知州邝祖禹知县杨谔谢匏赵光启等为民坐贪也时又有巡按直隶御史徐申所参应州知州刘审问贫者逋赋拘及富民男子脱逃系其妇女有旨逮治后死狱中其余赍贿狼籍见于弹文者不可胜纪惟工科给事中曲迁乔疏言民间患苦近有四事一曰大户二曰均徭三曰里甲四曰头役其祛民患苦治行超绝者臣得一人曰原任东阿令白栋初栋起家进士为令于万历二年编徭之时核县中在册丁地及一年赋役每地一亩徵银一分一厘差银九厘二毫每人一丁徵银一钱三分而夏税秋粮均徭里甲之额数具是焉既官收官解又通改力差为银差则大户头役俱免行之一年逃移自首归业者一万一千余家民为起祠岁时祀不绝后为御史失柄臣意中考功法去迁乔特疏荐之称为一代循良焉

○戊子以灵雨应祈遣官祭谢 郊坛宫庙

○升陕西行太仆寺少卿赵焞为陕西苑马寺卿兼佥事吏部员外郎李杜为河南布政使司参议石阡府知府袁亮为陕西行太仆寺少卿兼佥事

○己丑 上视朝退召见辅臣于平台 上手一牋授元辅时行曰此陕西巡按御史董子行疏也时行受牋且披且奏曰臣昨日见董御史揭能知其略其一说抚镇官当亲自巡历地方其二说巡抚当久任责成其三时行方简疏中条件未及言 上曰是说方面官也时行曰是沿边兵备宜加优异其四言沿边同知通判等官宜慎选用破格迁除言亦多切上曰不然边事重大抚镇不亲历地方专委小官岂不误事时行等曰诚如

圣鉴边事全赖抚镇若每年巡历地方下人不敢欺自能尽心料理时行又言巡抚迁转昨蒙皇上以方弘静任浅不准推升臣等深服

圣断久任法行不惟人才得以展布而百姓亦得相安 上曰然即有年久者宁加俸加衔不可轻易更动此疏先生将去看来自今有政事再与先生商之时行等顿首谢辅臣召对之典自孝庙后至是再举焉

○乙未夏至 大祀 方泽遣公徐文璧代

○丙申穆宗庄皇帝忌辰 奉先殿行祭礼遣伯王伟祭 昭陵

○礼部奏帝王之所以整齐天下者不过礼刑二端顾刑惟治之于已然之后而礼则坊之于未然之前故圣王不遽用刑而必有礼以先之我国家稽古立法品式具备如大明会典诸书官民服色冠带房舍鞍马之类贵贱各有定制但风会久而易流兼之方策所载申布不常市肆罕鬻士生斯世尚有懵然不知者况蚩蚩之民乎臣等敬循职掌仰遵

大明律洪武礼制诸书及

累朝事例参酌摘要数条即以今之踰侈诡异者附列其下刊勒成书传布天下报可

○命司经局洗马管司业事赵用贤以原官兼修撰同谕德赵志皋等纂修玉牒

○云南车里宣慰力糯猛来降献驯象金瓶花象齿西洋布緬盒旃檀诸物以沅江府土舍那恕招之也有诏受之听袭祖职仍与那恕各赏银币有差

○升南京大理寺卿张孟男为南京工部右侍郎南京太常寺卿方九功为南京大理寺卿

明神宗显皇帝实录卷之一百六十二

万历十三年六月庚子朔

○补原任南京国子监司业刘域为国子监司业

○以右通政陈瓚为南京太常寺卿太仆寺少卿沈玄华为通政司右通政

○升兵部武库司主事郭子直为广东佥事提督学政云南按察使李文续为云南右布政江西右参政程拱宸为云南按察使江西副使周标为江西右参政湖广参议牛惟炳为江西副使

○辛丑 慈宁宫成工部奏经始于甲申岁二月建竖寔今二月及是工完才踰时耳先年营是宫也费至四十八万今止十五万 上嘉悦有旨各官效劳从厚给恩典于是元辅时行荫一子中书舍人次辅国家屏各荫一子国子生尚书兆加太子太保荫一子国子生侍郎起鸣升本部尚书工科陈大科升通政司右参议御史许子良升大理寺右寺丞缮部郎中郑有年升太仆寺少卿仍管司事掌锦衣卫事左都督刘守有加太子少保各赉银币有差太监张诚加恩五等张鲸三等张祯二等各荫弟侄一人锦衣卫诚千户鲸及祯百户其余各官升赉有差

○户部以内操马匹增派山东芻料银一万四千两有奇时东省方旱抚臣李辅＜娼弊-金＞争之诋尚书遴助天为虐遴不得已就派徵数内减其七千八百两有奇俟马归厩寺仍复原额从之○赐原任太子太保兵部尚书张学颜母周氏祭葬如例

○壬寅钦宴大学士申时行于礼部命六部尚书侍郎都察院都御史待

○建武所乱卒范大龙等伏诛先是科臣王致祥言建武之乱军人乘夜犯门戮伤主将玺书旗牌丧失大半其变不小若祇谕以温词许预给月粮非军政也有旨切责抚臣雒遵于是始分兵捕斩大龙缚李德等十人正法传首所部遵等亦得叙功矣

○诏豫发户部年例银二十六万有奇于延镇充十四年分主客饷银总督郅光先议储粮谷借为余本也

○谕德吴中行三疏乞归许之

○安南都统使司都统使莫茂洽差宣抚使阮允钦等四十人进九年十二年分贡银器象牙方物加赏锦一段彩段四有副并赏给贡官如例

○顺天府府尹徐元太以该府所属杂派银力二差四万两有奇题请均拟各省直代办事下户部题覆量于草束银内减派三千两以苏畿民报可

○以左副都御史张岳清理军职贴黄

○浙江道御史龚懋贤疏言今天下所少者有五在 皇上心膂少在中外兵少在民间财少在士论公道少在天下任事之臣少所多者有三在朝廷冗费多在天下刑狱多在时事隐忧多夫 皇上所倚为心膂者何人也二三辅臣仅备票拟九卿百司越在外寮诸臣即有忠爱之心而情为势阻投合无繇臣是以谓 皇上之心膂少也京营之兵可守而不可战九边之兵可战而不可胜至于郡县而战守皆不足恃矣臣是以谓中外兵少也江南之漕挽楚蜀之开采以及江北河南山左诸路灾伤洊至闾里萧条即京城军民之家气象渐窘大非往日之旧臣是以谓民间财少也士大夫以爱憎为毁誉不恤是非之公争独擅乎名高也则如恐他人白璧之不瑕矣竞猎取乎崇显也则如恐他人脱颡而即出矣乃至攻讦大臣备极丑诋不复计昔日之为材贤臣是以谓士论公道少也昔者张居正之任事 皇上自能明之未必以人而废而旁观者若谓居正以任事得祸而有志之士欲以有为不敢明白直前引为己任则国家安所恃乎虽任事则任怨固难任然人臣之义死生以之不谓诸臣之见偶不及此臣是以谓任事之臣少也此臣所谓今之所少者五也夫内府所入何啻百万又往往有不时之取而忧时乏财岂非此用其一而彼用其二公取其三而私耗其九者不尽无耶则冗费多也广东陕西臣所部也而狱中之囚奉有决单者五六百人其未经转详与狱未具而先毙者不知其数则刑狱多也顷者亢旱频仍内廷灾异一岁再见其可忧乎臣谓不然臣所忧者君臣之情不亲身家之念各急即有缓急当付之谁可忧也郡县奉到勘合积案盈箱曾未见著实举行甚有恩诏应赦之人犹公然敢于入罪使 上德不宣号令不行可忧也贪官酷吏抚按方从事击搏而过当之论先受讥弹可忧也去岁陕西杀参将浙江辱抚臣今年四川胁总兵营伍之中乱者数起可忧也缙绅以躁言为忠告朋友以相倾为意气士农工商之分不明冠婚丧祭之礼不行可忧也则隐忧多也此臣所谓今之所多者三也 上是其言下部题覆有旨< 娼弊-金 > 中关联躬者闻矣其余申饬所司务实修举

○改光禄寺少卿江东之为太仆寺少卿礼部仪制司郎中赵世卿为光禄寺少卿复除礼科给事中陈与郊原官

○戊申淮安府大雨雹

○诏论胡纘龙宗武永戌初夺情事起有狂生吴仕期者宁国人也欲上书规之不果又吴中好事者伪为海侍郎< 娼弊-金 > 劝皇上许居正守制而系以海瑞先帝之直臣也著所在官司以礼登请沿途有司迎送至京推用若旨意云者梓而鬻诸市纘为操江捕之词连仕期下其事苏郡而宗武倖太平适视苏篆坐仕期假旨论死狱具纘揭报政府复书有廉实杖毙之语宗武遂以片纸朱写操院欲榜仕期百使人示仕期仕期知不免为文自祭瘐死狱中至是事发法司拟二人戌大理少卿王用汲不肯署名疏言宗武合依听上官主使律与纘以主使律各斩中使特用汲疏至阁将从之辅臣附奏三人占从二人言今岂以用汲一人废三法司之议乃始论戌犹于边卫下加永远字 上所定也

○壬子以浙江副使张子仁为贵州参政太平知府林一材为浙江副使潞安知府朱衣为蓟

州兵备副使

○户部覆巡盐御史蔡时鼎听收折价之议每引淮南徵银二钱淮北二钱一分盖廩盐积滞暂为疏通也以后盐课果少不妨题请全徵本色报可

○礼部奏改沈府辽山王长孙恬輝为长子配崔氏为长子夫人

○宝应越河工成先是宝应有汜光湖素称重险国初平江伯瑄筑石堤于湖之东蓄水以为运道上有所受而下无所宣因决为八浅汇为八潭则兴盐诸场皆没而淮水又间从周家桥漫入汹涌排空万历十年一日而毙者千人十二年粮艘溺者数十总漕李世达按臣马永登盐臣蔡时鼎议于石堤之东开越河以避其险乃命工科给事中冯露往视之河身长一千七百七十六丈凡为石闸二减水闸三为堤九千二百四十丈石堤三千三十六丈子堤五千三百九十丈费公帑二十余万民不知役总河王廷瞻以闻赐名弘济

○乙卯以拟撰大藏经序跋赐元辅时行银五十两纁丝四表里次辅国家屏银四十两纁丝二表里

○礼部尚书兼文渊阁大学士王锡爵朝见命充会典总裁同知经筵日侍讲读

○以右谕德张一桂补日讲官

○虏酋威正等款关还所夺回夷贡物且输罪诏复市赏如故

○丙辰 睿宗献皇帝忌辰 奉先殿行祭礼

○丁巳以重辑明心宝鉴进呈赐元辅时行银一百两彩段四表里次辅国家屏各银八十两彩段三表里

○以直隶真顺广大四府旱灾诏蠲夏税存留钱粮其起运京边俟秋成徵十之五余待次年带徵补解卫所屯粮每石折银三钱

○戊午以元辅申时行恭视 寿宫治石赐喜花二枝大红云纁丝二疋银五十两纁丝四表里

○以翰林院修撰孙继皋刑科右给事中常居敬为浙江考试官编修史珂户科给事中叶时新为江西考试官简讨张应元礼部员外郎李同芳为湖广考试官史珂以疾疏辞命编修余孟麟代之

○贵州土夷安国亨以窃砂不便越奏请撤马鞍山防御官兵抚臣舒应龙劾之部覆以国亨从征叛苗有微劳薄其罪令采木自贖许之

○庚申凤阳府灵璧县大潦○谪巡抚四川右佥都御史雒遵外任时遵以参治州官及兵乱二事为都御史赵锦所抑衔之不得发会京师旱乃托以陈言当退奸臣进忠臣奸臣谓锦忠臣则海侍郎瑞邹主事元标及原任巡抚今革职邹应龙也初锦以论分宜被逮为民后起为南吏部尚书复与江陵不合去至是总宪甚有时望而邹应龙者亦尝论分宜子世蕃其抚滇以贪败又遵以巡抚挟总宪一时大骇御史周希旦科臣陈与郊交章攻之下其事吏部会议皆不直遵

上乃以混淆公论斥之外遵又上其为给事时进贤退不肖疏略盛自夸大有诏切责

○以大理寺卿曾同亨为工部右侍郎左通政吴时来为大理寺卿南大理寺丞魏时亮为左通政以原任太仆寺少卿张橧补南大理寺丞

○壬戌遣内臣祭中霤之神

○夺怀柔伯施光祖禄米一年以挟妓犯夜为逻卒所执也

○敕蓟州兵备副使顾养谦为都察院右佥都御史巡抚辽东

○户部员外郎王一凤德州管仓差满主事王乾亨往代之乾亨揭于户部侍郎宋纁言一凤库银多剪边数且缩一凤回部为纁所劾下法司问一凤上疏自理言乾亨昔为监兑侨寓德州尝求贷未许今凤任内积出附余银若干粟若干尽数报部不留后来支用益心恨之故为此揭中伤也 上令山东巡按御史勘明奏报

○夷酋董狐狸款关献人畜服罪求复抚赏许之

○乙丑 孝庄睿皇后忌辰 奉先殿行祭礼遣伯王学礼祭 裕陵

○夺南京巡仓御史杨鸣凤俸半年以在差访察搏击为科臣叶时新所参也○先是万历八年安南与广西所辖雷峒归顺二土司争疆事朝廷为遣官割雷顺六甲十六村之地界之矣至是来使复以失地为言礼部奏茂洽之请亦已甚矣失地于数十年之前争地于数十年之后古所谓狡焉思启封疆茂洽近之矣不若加以文告俾知改图从之

○都御史赵锦以人言乞罢温旨谕留之

○敕宁夏总兵官署都督佥事刘承嗣以原官挂印充总兵官镇守甘肃

○丁卯 孝穆皇后忌辰遣伯方烨祭 茂陵

○刑科给事中刘尚志言律文投匿名文书告言人罪者论死诚重禁之也顷御史孙愈贤蔡系周既论李植乃有好事之人造无名帖假二御史名大略谓大学士许国谋去植等蔓引数

臣展转授意于二御史使为此奏二御史明其不出己意以自白者观其句语藻丽似不出市井之手且是举也而岂徒哉将以摇惑大臣阻塞言路不至于上惑天听不止况旧年改涂吏部尚书杨巍之春帖矣今年又悬书于礼部尚书沈鲤之门矣前后阴谋必出一手清明之世岂宜有此宜禁也人臣事君凡以伪为真以无为有皆欺也即近日告病一事言之一人病即群然病一人告即群然告陪客坐笑自如而曰命医不效服药罔功此皆臣所谓以伪为真以无为有者窃为诸臣不取也且闻之道路不谓引咎自避而谓择官待迁则要君也欺之谓甚况于要乎宜禁也夫搏虎者既毙而加之刺则不可言勇故相张居正怙宠揽权皇上洞烛其奸而诸臣尽列其状处分已竟乃有一辈言事之臣妆缀旧闻不曰交冯保则曰不终丧不曰杖言官则曰毁书院诸如丈田铸钱捕盗多杀之类鼓已如簧之舌而刺刺不休嚼人屡唾之粗而津津有味岂欲将万历十年以前凡居正共事之臣皆谓之党尽行罢斥而后已乎可禁也得旨匿名文帖厂卫五城严缉告病官奉有留旨不得迁次章<娼弊-
金>就事直陈不得摭拾旧事烦言渎扰下所司知之

明神宗显皇帝实录卷之一百六十三

万历十三年七月庚午朔 上亲享 太庙

○初延镇抚赏原议动客饷银一万抚臣郅光先因市税足用省支客饷后虏畜日销市易渐少税亦日减至是仅千余两十二年抚赏乃借赏军支剩马价银六千两抚臣梅友松以闻得旨借支银准开销以后如市税不足临期奏请

○诏发太仓银五十三万两有奇充蓟永密昌易并陞诸镇年例

○癸酉 仁孝文皇后忌辰 奉先殿行祭礼遣伯王应龙祭 长陵

○以左谕德于慎行右谕德李长春为应天考试官○命伯杨炳宴普观寺进贡番僧十有二人于礼部

○吏科给事中卢逵陈四事一曰重纶音如壬午覃恩迄今四阅岁京官之文犹有未发者矣请谕撰文诸臣如期进呈至于王诰亦宜追万历七年题准例责二司入贺官按季带赍给散一曰酌叙迁四品五品京堂官升迁当以俸为序不得专论资望开速化之渐一曰＜娼弊-金＞贡途嘉靖八年题准一科举人止选学正教谕而今一选之中授训导者强半占缺既多贡途遂滞宜复旧例一曰广钦恤近者恤录诸臣每视驳之多寡以为殿最诸臣以畏驳为心多从原罪不敢开释有一郡止一二人者臣谓为民求生多驳奚罪今岁宜一遵敕书开载事例尽心平反 上报曰朕召见辅臣正欲商确治理＜娼弊-金＞中有关系者下所司奏闻

○蛮莫安抚司安抚思顺出奔金沙江抚臣刘世曾上其事且请以临元游击刘天俸代副总兵刘縯有旨严诘将领致新附远夷之叛者

○乙亥传制分遣黄冠赍捧祝文香帛诣历代帝王陵寝命所在有司正官致祭

○城平谷县

○录云南征缅官军随营官黄怀节等四十二员阵亡兵甘维曜等二十五名阵伤兵揭文等百二十六名赏恤有差腾越州知州今致仕何钰诱制岳贼功多给购银二千两

○升署都指挥同知张惟忠为署都督僉事充总兵官镇守宁夏

○敕顺天府府尹徐元泰为都察院右副都御史巡抚四川

○以太常寺少卿沉思孝为顺天府府尹○山东道御史赵崇善言今之时公论当明者二其一明矣其一犹未明也大典当正者二其一正矣其一犹未正也积冤当伸者三其二伸矣其

一犹未伸也其言公论已明者谓斥雒遵而留赵锦未明者则吴中行沉思孝李植江东之羊可立之相引求去赵用贤之逡巡不来也大典已正者谓科场事宜未正者则史馆纪录时事之送阁臣裁定也积冤已伸者谓王宗载于应昌之于刘台胡燬龙宗武之于吴仕期末伸者则楚抚王之垣之于何心隐也

上曰李植等屡疏俱不准辞何谓公论不明史书命阁臣总裁乃祖宗旧制况记注原无褒贬何缘侵挠只照旧行何心隐情罪无枉已之

○甲戌以礼科左给事中田畴户部主事萧良誉为陕西考试官

○升南昌府知府胥遇为浙江副使管淮扬海防河道事

○复除吏科给事中袁国臣原官

○吏部奏仓场官守支事例互异不便奉行也 上曰近来建白繁多诸司宜取祖宗成法与见行事例参酌允而后覆无事纷更

○谪御史龚仲庆外任仲庆疏论李植吴中行沉思孝略言节义美名也然必垂老无玷而始获表扬一有污玷乡人不齿何也则操执之难而始终易变也即如邹应龙疏斥严嵩岂不伟烈乃播恶云南迄今痛恨往事如斯后来可鉴

上以为争胜镌一秩调外六科给事中齐世臣等十三道御史顾钊等交章论救报闻

○故太子少保刑部尚书潘季驯为李植所参削官夺诰至是御史董子行疏理其罪而御史李栋讼其功董之疏曰臣观植论季驯不过二端冯邦宁之狱圣躬偶违和则纵之 圣躬万安则拘之以是为无君一可罪轻信人言谓张居正家属毙于狱者数十人二可罪以二罪较无君之罪大轻信之罪小乃今一年之后是非颇定咸谓罪之大者非真罪之小者为真罪非真而显斥之罪非大而重法之 陛下必有不忍于心者矣李之疏曰臣栋行部淮安闻隆庆间河决崔镇运道为梗七八年民居既宅河水安流修筑十万五千余丈经营一千三百余里两河之岸屹如长城咸曰此潘尚书功也昔永乐间工部尚书宋礼治通惠河功成而未易名 皇上允督臣万恭之请予谥予荫今季驯之功不在礼下又当身存之日使与编户伍宁不隳诸臣任事之心失朝廷报功之典哉疏入俱夺俸一年

○户部奏各镇抚按报万历十二年主客兵马钱粮额数 上览之曰近年国计空虚边费浩繁朕心惕然尔部及边镇诸臣各用心经理剂量出入以副朕节用阜财之意

○辛巳夜有星如盃贯于沈丘县之莲花集天鼓鸣星随散灭

○壬午命太常寺少卿陈有年以原官提督四夷馆

○升福建参政顾襄为本省按察使

○改补太仆寺少卿衣□非应章为太常寺少卿

○诏修 乾运龙德二殿寻报罢时 寿宫及

乾光殿金海亭西安门众役并与户科给事中田大年工科王敬民＜娼弊-金＞争之也

○除给事中八人穆来辅户科钟羽正礼科陆懋龙李弘道兵科胡汝宁李国士刑科白希綉工科王嗣美南京户科试监察御史十六人李天麟浙江道李尧民江西道孙兗湖广道饶位傅光宅河南道周盘山东道辛志登山西道柯挺陕西道刘汝立四川道李琯广西道黄纪贤顾云程云南道王国弼贵州道陈奇谋南京陕西道孙鸣治南京四川道王藩臣南京广东道

○升管理中河工部都水司郎中陈瑛为山东参政管漕运事○太常寺少卿沉思孝太仆寺少卿李植各疏辩御史龚仲庆＜娼弊-金＞参并求去不允

○甲申以中元节遣侯吴继爵陈良弼伯朱世雍陈王谟吴国乾分祭 九陵伯张元善祭恭仁康定景皇帝金山 陵都指挥使蒋克谨祭哀冲庄敬二太子寝园

○以兵科左给事中王三余礼部主事孙成名为山东考试官以礼科右给事中陈大科吏部主事邹观光为河南考试官吏部员外郎王教刑部员外郎魏允孚为山西考试官

○先是户科给事中叶时新因旱陈四事曰明职掌曰禁访察曰并查盘曰申飭滥受词讼皆为南京各差御史而发 上为夺巡仓御史杨凤鸣月俸矣于是南京掌院右都御史辛自修＜娼弊-金＞请申飭都察院题覆 上曰近来访察查盘诸事牵率苛扰反累地方访察照前旨禁断查盘事宜著南京都察院会各巡按御史虚心详议具奏如今百姓艰苦朕意只在省事安民各官宜仰体奉行不得偏执争论

○丙戌西安府及高陵县地震势如风声若雷

○丁亥 成祖文皇帝忌辰 奉先殿行祭礼遣侯徐文炜祭 长陵

○命翰林院侍读盛讷编修萧良有充会典纂修官

○戊子震郊坛之广利门兽吻震伤榜题利字及斋宫之北门兽吻有旨 郊坛重地天意示儆朕心深用兢惕大小臣工各宜修省以答 天戒礼科姚德重等言国之大事莫过于郊社之祀书曰类于上帝禋于六宗传曰吾不与祭如不祭皇上敬天毖祀靡神弗周而文华致斋不无少间 郊社歆享时或弗亲惟厥咎无在多可不敬哉报闻○以京城巡捕都督佥事曰福佥书后军都督府事

○论宝应河功河道都御史王廷瞻升户部尚书兼官巡抚如故总督漕运太子太保灵璧侯汤世隆加少保中河郎中许应逵加正四品服俸京堂内推补前任中河郎中陈瑛主事罗用

敬兵备副使莫与齐各升一级海防兵备按察使舒大猷升一级照旧致仕故漕储左参政冯敏功赠太仆寺卿淮安府知府张允济升服俸一级与尚书杨兆王遴李世达何起鸣等各赏银币有差因诏以后河功边功疏中不得叙内阁辅臣

○降庆成王府镇国中尉知桢为庶人将军慎金□屯中尉知鯤革禄米一半坐结党斂人财也

○敕右军都督府佥书都督佥事李如松以原官提督京城内外巡捕

○以原任游击任弘道为广西柳庆参将延绥守备侯璉为延绥左营游击

○吏部验封司主事邹元标以母老不拜＜娼弊-金＞求改南不许

○敕原任兵部侍郎王一鹗以原官兼右佥都御史整饬蓟辽边备巡抚顺天先是顺天缺巡抚吏部推闽抚赵可怀已得旨矣兵科给事中王问卿以不堪边任＜娼弊-金＞论之乃改推一鹗

○逮沈汝梁于诏狱论戍汝梁南御史巡视下江以馈遗为名尽取所部赎鍰入京而佥都御史萧崇业转自南太仆寺掌院都御史辛自修曰崇业与沈御史素无交往今赃罚簿内有送太仆寺礼银若干两不申本院几为所诬试取簿观之则南中各署开列殆遍询之无有也自修大駭叹露章劾之上遣中使持其章至阁传今日欲出朝与先生等面议偶因动火免朝昨者南京掌院御史参劾御史沈汝梁赍贿不下二千两屡有明旨彼乃故违卿等票旨重治自修持正守法可票旨奖励又传旨密问南京辛都御史到任未久即能参论属官赵都御史人皆称其公正何以二三年来不参一人时行等云南中地远法弛有可论之人此中在輶轂下固应不同因附中使奏之随具＜娼弊-金＞请禁断一切私交并拟进传帖一道上复谕内阁卿等此奏深合朕意所拟传帖改写手敕是日敕吏部都察院曰朕軫民生留神吏治比者重惩贪墨严禁馈遗前又面谕部院大臣以有司贪赃坏法宜申饬重治各官通不遵守乃有御史沈汝梁贪肆不简本院都御史指实参论已有旨重处朕思御史职任风纪却先自犯赃何以除奸革弊肃吏安民各该地方赃罚银两除济边外专备灾伤赈恤今后务设法稽查丝毫不许擅动巡抚官听科道纠劾巡按御史回道本院查其在任有无擅用赃罚开入考察款内分别去留今后部院大小臣工及在外抚按司道等官各宜崇俭务实洁己奉公共赞清明之治不得仍前沿袭弊俗朝覲在迓各官有玩旨干禁者著厂卫衙门缉捕尔部院照例从重参处如敕行后汝梁编管山海右卫

○靖江府奉国中尉邦甘□积坐杀平民革为庶人闲宅禁住邦甘□孟以党恶革禄米一年

○复四川建武兵备佥事以兵部车驾司郎中郑东昇为之

○南京湖广道御史王学曾言中官弟侄锦衣卫之荫太滥又尚书杨兆叙荐中官止宜列名

不宜溢词如署考者然为涉谄諛兆闻之不自安因以病请不许

○南京工部尚书陆光祖以病请告＜媼舅-

金＞三上许之○赐故德平伯李铭妻太夫人云氏祭二坛坟价三千两 孝懿皇后生母也

明神宗显皇帝实录卷之一百六十四

万历十三年八月己亥朔营寿宫于大峪山命大学士申时行往是日太仆寺少卿李植光禄寺少卿江东之尚宝司少卿羊可立〈嬖孽-金〉言大峪山非吉壤时行与故尚书徐学谟昵故赞其成憾尚书陈经邦异议故致其去以倾阁臣时行〈嬖孽-金〉辩上曰阁臣职在佐理岂责以堪舆伎耶为夺三臣俸半年乃传谕内阁大峪佳美毓秀出朕亲定又奉两宫圣母阅视原无与卿事李植等亦在扈行初无一言今吉典方兴輒敢狂肆诬构朕志已定不必另择卿其安心辅理时行〈嬖孽-金〉谢

○改铸南京户部铜版盐引者十有三茶引者三新旧并藏于库○南京湖广道御史王学会言近日吏员作令如沾化县赵蛟费县杨果官生作守如衡州府许倓宝庆府胡梗守令有较文之责非所以育人才也此故相弊政所宜亟改吏部言况钟黄子威兴于刀笔仪铭黄绾奋自任子先朝用人自不一途即如两县令考词所署招流移课农桑理滞冤徵逋赋皆未易才自今异途有才守卓尔如杨果赵蛟者可以宰县非是勿许官生阅历七八年审知其贤自宜予郡若有较文之役委之僚佐亦无不可上是之

○诏发太仓银四万两于大同镇抵本年蠲免额税以该王禄军饷亟需难缺抚按为之请也

○甲辰命右谕德张一桂洗马陈于陞克顺天乡试考试官

○采御史蔡时鼎议许扬州商灶子弟于运司应试提学官一体选取入学

○诏以太仆寺马七百九十四匹分给三大营战士○南京礼部郎中马应图上〈嬖孽-金〉请轻阁权建为三议一曰事权之渐重当议二曰恩赏之太骤当议三曰召对之不广当议〈嬖孽-金〉中盛称李植江东之吴中行沉思孝而科臣齐世臣台臣孙愈贤蔡思周吴定龚懋贤以至吏部尚书杨巍皆极丑诋得旨祖宗建设阁臣参预机密有股肱心膂之托惟在得人岂可以与闻政事便谓有权马应图怀奸挟私颠倒公论姑降边方杂职用六科给事中王致祥等十三道御史柴祥等公〈嬖孽-

金〉纠应图因及国子监博士陈泰来为应图点定〈嬖孽-金〉稿居中侦伺章下所司

○丙午孝康敬皇后忌辰奉先殿行祭礼遣伯刘嗣德祭泰陵

○发太仆寺银一万二千两于大同充十四年分市本○巡按四川御史赫瀛以盐法日坏豁免废井课银三千六百两有奇清出新井增课银二千三百两有奇其一千二百两有奇以巫山县买盐牙用银及州县私盐变价纸赎银抵之旧额仍足部覆从之

○丁未遣大学士王锡爵祭先师孔子

○以万寿圣节赐元辅申时行银六十两彩段四表里次辅许国王锡爵王家屏各银五十两

彩段四表里讲官沈一贯等六员各银二十两彩段一表里

○戊申祭太社太稷遣公徐文璧代

○孝慈高皇后忌辰奉先殿行祭礼

○己酉京师地震

○以圣母慈圣皇太后还御慈宁宫赐元辅时行银一百两彩段四表里次辅国锡爵家屏各银八十两彩段四表里又赐金银万寿簪银吉庆字寿字黄红符有差○谪李植江东之羊可立初植以参冯保徐爵得上意乃扳赵用贤为重而结吴中行沉思孝江东之羊可立自助其余朝士直陵出其上自去年四月丁此吕论礼部侍郎高启愚南场命题为劝进尚书杨巍以为不可植等恶之及巍与辅臣求去大学士许国上<媼-

金>保留则又恶国相构不休为言路所攻上虽屡旨切责然尚未有意去之也寿宫议起寔倾执政而阴推其教习师大学士锡爵又以通晓堪舆荐引侍郎张岳太常寺卿何源而三人皆拒之出<媼-金>自明锡爵疏尤切略谓臣有当去者三大臣不能帅群臣当去师不能训弟子当去老成而为恶少年所推亦当去不平者八张冯事初发时果尽假耳目于诸臣乎将圣志先定言者适投其会也而诸臣自附于赵用贤等攫鳞折槛之党其不平一矣皇上明烛群奸天旋地转然犹推功言之而诸臣尽攘天功其不平二矣古人规随期于济国近乃创为一种风尚以为普天之下除却建言之臣别无人品建言之中除却摻括张冯旧事别无同志其不平三矣臣尝私论居正门客取适一时冰山既泮不忘死生之交者鲜矣况本非安石谁为张蔡而诸臣动称报复其不平四矣周公之功卫武之髦而几几抑抑虞悔吝之且及也况乎以中人之资乘一言之会起越朝右如花之始发正雨欺风妒之时雨日寻戈矛惟敌是求其不平五矣大臣如许国杨巍舒化辈诸臣不尝交口赞誉以为正人君子哉一言相左日谋剗刃其腹其不平六矣大学士申时行泊然处中重国体惜人才乃诸臣以为不足畏而凌之受其容愈以为靡我而疑之被言则以为喉人攻之求去而票允则以为逐之票留则以为苦之喘息纵横千荆万棘自古及今岂有人臣操天子之权小臣制大臣之命而国是不淆者乎其不平七矣臣尝阅诸臣前后争辩之<媼-

金>其自命一则曰孤臣一则曰善类夫古以孤臣孽子并称此为臣子不得意于君父者言也今诸臣自谓得君乎不得君乎臣以为此其臣不孤语称舜跖之分在善与利今之幸幸岂尽为公得无争先于径路患失于凤池乎又得无凭城社而盗威福者乎臣以为此其类未必善而诸臣居之不疑其不平八矣夫此八不平者使其说出于居正所荐引及与诸臣竞进之人则尚可指之曰党曰忌曰素所不悦也今臣乃居正切齿之讎而又诸臣所严事推轂之友臣非异物岂有反攻同志而快仇讎者哉臣山居八年朽株枯木原不适庙廊之用今值此千载难遇之时天清日明本无一事不幸为骄臣苦争无影之是非而市井狭邪如马应图辈亦得藉建言之名以逃考察而希荣进臣不能有所匡正惟有去耳不然则诸臣又以为回护同官苟贪伴食臣既义不借诸臣之誉则亦不能复受诸臣之毁<媼-金>入上意始移会台省章交上乃于工科给事中王敬民<媼-

金>批出镌其三秩部覆植户部东之兵部员外郎可立大理寺评事各添注管事

○勘哈酋犯云川堡夺守备方继武参将麻承勋兵备参议刘葵月俸有差

○癸丑 慈圣皇太后还御新宫免百官及命妇朝贺○遣侍郎宋纁祭 京都太仓之神

○以中秋令节赐四辅臣上尊珍饌

○升户科给事中周世选为南京尚宝司卿

○升光禄寺寺丞谢杰为本寺少卿 乙卯 万寿圣节

上御皇极殿文武群臣致词称贺遣侯吴继爵郑惟忠伯王学礼方烨刘应元分祭
九陵伯陈澍祭 恭仁康定景皇帝金山 陵

○赐四辅臣上尊珍饌

○朝鲜国差陪臣安容等三十有四人入贺各赏给衣服布疋鞢袜

○朵颜等卫夷人索罗等七十有七人入贺各赐马价并赏给金段鞢袜折绢银有差

○丁巳 慈圣皇太后诰諭 皇帝古称帝王之德莫加于孝子正位长乐十有三年于兹矣惟
皇帝自在冲龄夙有至性承颜顺志朝夕不违临御以来祇肃训词进德修业勤图治理慎节
起居继述有光予衷允恻顷者慈宁宫灾寔予不德所致 皇帝震惊戒惧引咎责躬亲率后宫
左右趋慰爰因旧址鼎建新宫孝诚感孚告成不日乃以中秋之望奉予还御望舒圆满轮奐
辉煌意甚适焉予喜 皇帝之孝特用褒扬以示永久其自今万福来同百祥咸集寿算比冈陵
之固子孙如瓜瓞之绵保此鸿图助予燕喜使万世称帝王之孝与天无极是予愿也故諭

○己未 上奉表谢其文云 子皇帝臣御名稽首顿首慈宫鼎建依宸极以居尊懿训荣褒焕天
章而垂耀欢腾中壺典秩前徽恭惟 圣母慈圣宣文明肃皇太后陛下至性安贞惠心渊穆佐
先皇而抚运庆泽深培佑冲眇以承家丕基孔固纯禧方茂景命重申肆建新宫增崇旧贯金
輿至止迎秋气之澄清宝册传宣表慈衷之悦豫美哉轮奐敢云致孝宁亲炳若丹青猥荷
谄谋翼子臣起居疏节经始微劳未酬九字之恩特拜十行之札念敢忘于诵服情倍切于瞻依
燕寝攸宁百顺集周京之履遐龄弥衍万年称汉殿之觴

○升兵部左侍郎阴武卿为南京工部尚书南京尚宝司卿余懋学南京光禄寺少卿赵参鲁
俱入为太仆寺少卿

○庚申 宪宗纯皇帝忌辰 奉先殿行祭礼遣伯陈如松祭 茂陵

○延绥巡抚梅有松条上边事一量复城堡同知二员一驻榆林镇一驻靖边营一议处路将
营兵改保安堡守备为参将加募兵五百名以便防御一添复城堡守备清水双山怀远柳树

涧四营堡原系权委操守宜改复守备一厘正城墩职掌各营堡军丁专备守御卫官不得占役一议处狭西班牙军言班军脆弱止堪版筑之役今岁无大工宜量徵班价以备修工之用部覆俱依议从之○夷酋小阿卜户叩关服罪求复马松二路抚赏许之

○湖广抚按奏岷王定燿忠孝性成恭俭夙著捐已禄以赈乏置学田以崇儒部覆赐敕旌焉

○兵部尚书王遴以严驿传参入贺 圣节官夺新伯谭国佐岁禄布政使徐元气等月俸有差

○升福建副使王世懋为本省参政

○兵科给事中李弘道请录用五臣谓吴中行赵用贤沉思孝艾穆邹元标也章下所司

○改刑部右侍郎萧廩为兵部左侍郎左副都御史张岳为刑部右侍郎

○调山东副使顾大典于福建提督学政

○赐故东宁伯焦文曜子梦熊优给俟其出幼具奏承袭

○乙丑 上阅监正张邦垣所进大峪山图西北角微有石块欲稍移往前命公徐文璧大学士申时行太监张诚再诣大峪山阅视○丙寅遣侯吴继爵祭 夜明及星于 夕月坛

○丁卯大学士时行至自大峪山复命是日 上谕朕以后九月六日再阅 寿宫传礼臣具仪

○户部言钱之轻重不常轻则歛之重则散之故无壅阏匱乏之患今之钱法万历金背每银一分五文嘉靖金背银一分四文及查嘉靖隆庆万历之初铸也一分十文火漆旋边亦如之仅踰十年而轻重不同不啻相半凡市巷间荷担而贩负耒而耕手尺布肩斗粟所需于钱独多钱重而物价腾贵又 寿宫吉典方兴工匠军夫无虑二三万人此时坐视低昂不为亟处钱必日重一日今宜以术散之将库贮万历金背俟各商领价给十之二视官俸一体关支以八文准一分且隆庆金背 先帝临御之年号铢两体质与二金背无别也乃至沉积在库何谓哉宜将见贮库中者与万历金背酌量多寡通给官商如有阻挠听巡城御史治之庶见钱流溢物价平而民困苏也报可

大明神宗显皇帝实录卷之一百六十五

万历十三年九月戊辰朔张岳罢时岳上直陈国事疏列二十一人元辅时行次辅国锡爵尚书杨巍舒化陆光祖科臣齐世臣御史吴定孙愈贤皆极褒美而微含刺讥修撰赵用贤侍讲吴中行府尹沉思孝博士陈泰来主事马应图无讥焉谓李植江东之羊可立当各令宣力一方以赏功惜才保全终始盖为之地而故尚书潘季驯御史龚懋贤蔡系周龚仲庆谄让特深且参三御史宜亟罢斥有旨此疏称美阁部大臣殊非事体且又枝蔓多端如何能定国是于是吏科给事中袁国臣工科曲迁乔户科姚学闵交章劾岳败露贪官故假建言摭絺遂罢归○己巳诏河南阳武等县被灾地方各照灾之轻重蠲免夏税存留粮分数有差

○改南京太常寺卿陈瓚为右副都御史协理院事

○以南京光禄寺卿孙坤为南京太常寺卿大理寺少卿敖鲲为南京光禄寺卿

○辛未 孝恭章皇后忌辰遣伯王应龙祭 景陵

○壬申月犯房宿北第一星

○晋嗣王敏淳年少绍封部议令宁河王知己□火不妨府事往来赞辅三年惟钱谷无预报可

○夷酋长昂遣其姨母土阿等叩关服罪求复抚赏许之并请佛经盖庙图记三事兵部题覆独经像可与耳夷言图记其实印也国朝惟忠顺顺义二王得之他无故事不许○诏工部铸万历金背制钱十五万锭

○乙亥谕驾幸山 陵免潞王送迎

○户科给事中萧彦言水田之议其不可不成者有四而不可不审议者亦有四国家定鼎燕京转漕东南水利既兴昔取诸东南今取诸堂奥之外也不可不成者一也西北有水利则东南可以息肩而漕挽之费所省又多不可不成者二也虜利于骑不利于步沟洫有制是不墙而堵不兵而卫也不可不成者三也昔也旷莽今也蕃育生聚教训安边长利不可不成者四也然西北之不谙水田者旧矣驱而为之缓之则无济于事急之则有戾于民是人情之议也不可不可不审者一也垦田之夫每邑不下千人派之民耶以为厉矣徵之江南耶千里赍粮远赴田作有望而走耳是垦田之夫之议也不可不可不审者二也臣彦往阅宁夏古称塞北江南也又素有水田藉汉唐二渠不烦徵力然往往就荒驱之领田如赴汤火又尝阅甘肃有先抚臣杨锦者为垦田之议而军不愿种乃分派各堡另立垦军卒无成功此边人之习也垦田百万法当给五万人若曰自领之而自垦之脱无领者将不垦之乎是领田之户之议也不可不可不审者三也沿边无粮旷土军民利而私种之久矣垦而为田势必起科能欣然就耶至于广野有沙压之虞水滨有泛滥之虞但一相度可知已是起科之议也不可不可不审者四也章下所司

○丙子以重阳令节赐四辅臣上尊珍饌 ○丁丑以尚宝司卿徐贞名兼监察御史领垦田使铸督理垦田水利关防户部言国家任事之臣难至于本非其职而慨然有见于国计民生之所在即勇敢奋发以为己任尤难也今尚宝司少卿徐贞明奉旨查勘垦田水利乃周历京东地方相土原隰之宜测水分合之势欲使诸地皆垦而可耕诸水有利而无患所条陈详悉淳切谨参酌上请其一曰专责成夫农桑衣食之原也各该有司以垦治牧养为重留心振举设法调停地之荒芜者辟之水之冲漫者堤之如是以最闻不则听断虽优亦列下考本官职任尚宝无民事之寄谓宜畀之事权加以宪职有司之勤能偷惰听其分别而奖饬之庶乎权足以鼓舞而功可期也一曰宽课督南北异而燥湿殊北之宜于黍犹南之宜于稌也今垦田议论纷纷其说有三北方大山峻谷雷雨骤发滚石推沙莫可为功一也原野之地向来黍稷麦豆民并赖之概欲改垦人情未便二也雨后所在焦枯与南方之池沼潴水者不同三也今据议地势低下偏宜稻者以渐劝率之宜黍宜粟者仍其故荒芜焦枯之地以渐导之而不遽责其成则于后二说无所复疑惟骤雨冲决尚未之及令本官相度水有当疏或有当避期于利便不必胶执庶乎事易成而民亦相安于不惊也一曰善训率北人之不习种稻也必得南农以倡导之今宜募南民之谙晓穡事者工费衣食为之处办以一教十以十教百以百教千数年之后庶乎种稻之利可与黍稷埒也一曰广招徕夫怀土者未必乐迁也宜多方鼓动以柔远而能还据议欲令负来而来者能垦田百亩以上即为世业子弟得寄籍入学问有才能率众先劳趣事绰有明效者仿古孝弟力田之科量授乡遂都鄙之长庶乎有所激劝而归附者踵至也一曰时赈贷开荒之地新集之民旱潦不时饥馑无备据议万历十四年为始每年应积谷石三分之一留仓备赈一出陈易新其一春作之时有司巡行阡陌有垦荒无力＜娼弊金＞水无资者贷之秋成还官如遇旱涝无收免其偿庶贫民有所恃而垦荒疏渠得以兼资也一曰辟久荒南农应募居食牛种总倚办于官宜于太仓银库内动支二万两付顺天抚臣听少卿徐贞明便宜支給初垦之年许其自收二年之后方议一半还官庶应募之民有所觊而益坚也一曰苏久役各州县民壮因田起役即古寓兵于农之意也然每岁操练不过三个月今用以治田未免终岁勤苦据议宜照旧例止役三月在秋场既毕夏禾未种之时便之疏河划草预为耕作之地其垦治田土宜募专工庶兵可息肩而农有定业也得旨垦田导水乃利民首务依议行银两于德州仓给发贞明著兼宪职承委官照抚按例一体举劾有推诿阻挠者参处重治

○改大理寺卿吴时来为刑部右侍郎大理寺左寺丞罗应鹤为右少卿

○江西临江府民赴阙上书请释知府钱若赓之罪
上怒置狱讯之事繇医官王民祉并逮即讯

○革永安王府辅国中尉英火□尔为庶人闲宅禁住先经楚王华奎参住禄米不悛特请加罚也

○戊寅命切近行宫处随路及在山与定国公徐文璧彰武伯杨炳大学士申时行许国王锡爵王家屏各安帐房一座

○辛巳谕兵部取银十万两司礼监太监张诚传奉朕阅视 寿宫赏赉不足尔部可于太仆寺马价内进十万两户科右给事中杨芳言马价系京边买马之用与别项可以那借者不同自万历九年钦赏辽东获功官军取用以来至今陆续支费通计八十万此旧例之所本无涓涓之流安足以盈漏卮之洩不听

○原任兵部左侍郎冀炼卒炼益都人嘉靖甲辰进士起家县令为民曹郎忤权不调累官光禄少卿顺天府丞遂以都御史巡抚河南改宣府兼兵部侍郎予告起南京兵部右侍郎转户部右侍郎未及赴而卒礼部称其在边有获斩功赐葬祭如例

○诏免泉州府属浔浯浞三场盐课加复米银及定浔浯浞惠四场税兵银二百两漳州府属漳浦诏安海澄三县民户税兵银九百两即充本处军饷

○广东程乡县妖人刘青山立无为教社聚党为乱官军攻之斩获七十余人首恶逃逸

○升福建道御史崔廷试为大理寺右寺丞

○叙转久次科臣王三余礼科都唐钦尧工科左叶特新吏科杨芳户科俱右

○礼科给事中钟羽正建议廷臣各举才堪将帅者兵部覆 上曰将才甚难非屡战阵何缘识别还著总督抚按访求果有异才许予例荐外特举推用其各衙门会荐已之

○丁亥谕都察院朕兹阅视大峪山
寿宫一应事务俱从省约内外从官有沿途扰民者科道官以名闻

○谕户兵二部朕兹阅视 寿宫赏扈卫围宿将军并官军及山后守巡在工各官军共银五万两御马监勇士内官监拽船东厂锦衣卫围宿官旗银一万两户兵二部各出三万两支给○
赠游击将军韩元功都督同知荫一子本卫千户世袭
戊子彗星出羽林傍形如弹丸尾长尺许指东北其色苍白后每夕移东行芒体渐缩小

○怀仁王府奉国将军充火□于以老病不能行礼请以第三子廷埏代之将军中尉例不许代以怀仁另城王府故许其请其钤束宗仪仍不许代

○南京刑部尚书陈道基以被言乞休许之

○以辽镇招徕夷汉归正人一千四百八十二名口赍宁远伯成梁银币及守备刘崇正等升赏有差

○兵部尚书王遴罢时有御用监人持御批红本称 圣驾阅寿宫取兵部马若干匹给该监遴疑内府题本有衙门印信繇司礼监传奉会极门接出该科发抄无径赍赴部例乃援故事执

奏上以稽留御批切责而宥之犹夺郎中俸三月初杨继盛之死也遴以女妻其子甚为时论所称及为大司马过于严急至于驿传参朝集使声誉大损遂为御史传光宅黄纪贤顾云程李琯所劾因＜娼弊-金＞求罢有旨卿刚直素著委任方殷览奏词特准致仕仍给驿归

○壬辰敕武清伯李文全太子少保兵部尚书兼都察院右都御史掌院事赵锦朕兹恭谒祖宗陵寝阅视寿宫特命尔等居守统率守门守城等项文武官员严督京营并巡捕官军五城兵马夫甲人等讥察盗贼防备火烛用保无虞各官如有怠玩不率应参奏者尔等指名参奏应拏问者径自拏送法司问理其有要紧事务即便差人奏闻钦哉故敕

○改总督漕运户部尚书王廷瞻为南京刑部尚书

○朵颜卫夷人火你赤等二百二十二人以庆贺至正赏加赏金段衣服鞞袜绢疋有差○录荫故太常寺卿徐璠子元暘国子生

○甲午谕内阁大峪山吉壤朕定已期年工兴两月今李植等屡奏此地多石决不可用朕今复阅在迓卿等传礼臣率领台官及植等所知精堪輿人前往拣择数处以俟朕至亲阅

○先是光山县民家有牛产物火光满地鳞甲森然一夕毙好事者曰麟也为绘图作赞而藏其皮事闻中使至阁传河南产麟抚按官如何不奏著礼部奏来尚书鲤以为不可上曰朕于罢瑞献岂不知但麟凤世所异欲一见耳仍命彼中抚按趣进

○詹事府掌府事吏部左侍郎周子义以病告请许之

○乙未镇江府地震

明神宗显皇帝实录卷之一百六十六

万历十三年闰九月戊戌朔凤阳淮安二府所属灾诏留漕折银一十五万两赈之漕折例不准留以淮凤重地也

○升参政陈惟直为陕西按察使参议詹仰庇王承休李复聘为副使仰庇承休山西复聘湖广

○起兵部右侍郎杨俊民为户部右侍郎总督漕河军务巡抚凤阳

○以阅视叙劳加总督宣大尚书郑雒太子少傅荫一子锦衣卫百户赐敕褒励萧大亨胡来贡荫一子国子生许守谦升右副都御史俱巡抚如故大同总兵麻贵宣大兵备李采菲等山西兵备邢玠等升职一级各赉银币有差雒＜娼弊-金＞辞宫衔卫荫不许

○广东之开建县广西之怀贺二县界联金鹅黄沙诸峒贼首严秀珠等纠众流劫总督吴文华会两省官兵进剿斩首七百九十一级俘贼属二百人马牛资贖甲仗称是而广西复有府江之捷府江者粤中孔道江之西岸峰峦幽翳猺獞居之勾连洛容象州诸贼巢出没为乱官军讨之斩首九百三十四级获李＜娼峙＞兰等一百有九人诛之俘贼属七百余于是两省并叙总督吴文华荫一子国子生兵备王泮陆万钟等游击沈茂等广西巡抚吴善总兵呼来朋兵备郭棐等各升级赏赉有差

○癸卯 上率 后妃发京师定国公徐文璧彰武伯杨炳大学士申时行许国王锡爵王家屏九卿及诸司有职事者扈从百官班送是日驾次巩华城从官随仗入侍昌镇总兵官董一元昌平州吏民朝于行宫以蠲免所过州县田粮谕户部以优赏京兵边兵谕部

○甲辰驾发巩华城日中驻蹕感思殿以元辅时行前次再阅

寿宫赐白金五十两彩段二有副○乙巳 上率 后妃亲诣 长陵 永陵 昭陵毕 上亲阅 寿宫于大峪山是日九卿吏部尚书杨巍户部尚书毕锵礼部尚书沈鲤刑部尚书舒化工部尚书杨兆何起鸣倪光荐兵部侍郎石星辛应乾金都御史赵焕大理寺少卿王用汲太常寺卿何源礼科都给事中王三余御史周希旦武臣定国公徐文璧恭顺侯吴继爵等皆有＜娼弊-金＞请勿改卜

○丙午 上阅黄山一岭至于宝山及复遂升大峪山覆阅至于东井平冈地阅竟于

幄次召四辅臣入谕云朕遍阅诸山惟宝山与大峪相等但宝山在

二祖陵之间朕不敢僭分还用大峪传与所司兴事无辍时行等褒赞 圣德 上亦劳之有旨赐随侍勋臣辅臣九卿茶公文璧等入谢因致词称贺而退驾还感思殿辅臣时行等迎于道傍上于马上回顾四臣命司礼监太监张诚召入殿门有顷 上御东室召四臣入又赐罗衣一袭元辅时行次辅国加赐玉带一具并谕公文璧侯继爵赐视元辅于是时行等顿首趋出及门上遽命中使止之仍召入东室 上以部院诸＜娼弊-

金 > 授时行等曰兹事朕自主张而纷纷如此竟是何竟时行对云诸臣之意不过仰赞圣裁亦无他也上意未释复以李植及御史柯挺二<娼弊-金 >授时行曰挺初<娼弊-金 >说向简山今<娼弊-金 >都不及此可令对状植等原择三地宝山地差胜可调外任又谕明日还京四臣顿首出植之<娼弊-金 >曰玄宫后凿石横涧数十丈如屏风其下便如石地今欲用之则宝座安砌石上挺之<娼弊-

金 > 曰夫大峪之山万马奔腾四势完美殆天秘真龙以待

陛下植既斥外挺亦被诘寻与监生张邦垣同夺俸邦垣四月挺二月先是

上谓左右曰今外廷诸臣为

寿宫事争言风水夫在德不在险昔秦皇营骊山何尝不求选风水未几见发选求何益我祖宗山陵及卜于天寿山圣子神孙千秋万岁皆当归葬此山安得许多吉壤朕志定矣

○丁未驾发感思殿驻蹕功德寺行宫

○戊申驾发功德寺行宫还于京师

○癸丑夜望月食约五分余

○朵颜卫头目咬儿干求升都指挥僉事管束部夷许之仍赐之敕

○以江西道御史吴定提督北直隶学政副使郑国仕为山西参政僉事饱希颜为湖广参议杨楫为陕西参议

○乙卯召太子太保兵部尚书兼副都御史张佳胤于蓟镇还理部事佳胤辞免宪职许之先是有旨举熟知边略堪任本兵者部推佳胤及郑雒郃光先

上命再推数人而工部尚书杨兆兵部侍郎王一鹗与焉外间传上属意兆御史李琯顾云程黄纪贤前日击去王遴者乃各<娼弊-

金 > 争之略谓遴实刚愎兆尤熟软弃遴用兆犹朝三暮四也

上以为窥探夺四人俸两月乃用佳胤部<娼弊-金 >于初四日上是日始得旨云

○以阅视叙劳予总督蓟辽尚书张佳胤一品诰命荫一子国子生赐敕褒励巡抚张国彦升俸一级与李松贾三近及前任朱绣裳宋纁各赉银币加宁远伯李成梁岁禄五十石其余将吏升赏有差

○东虏银灯西虏以儿邓合数万骑寇蒲河沈阳报至谕兵部辽东虏贼入犯马上传与总督镇巡加意防御无怠

○戊午 第三公主薨后追封静乐公主者也○授庶吉士官翰林院十人邹德溥王□叶向高周应宾方从哲俱编修葛曦徐待聘杨元祥邓宗龄季道统俱简讨给事中五人姜应麟户科梅国楼礼科邵庶兵科胡世麟刑科史孟麟工科御史六人吴龙徵浙江道沈权江西道王之

栋福建道徐大化湖广道杨绍程河南道梅鹄祚山东道部属二人甯中立礼部主事刘大武兵部主事

○复套房互市于宁镇之清水中卫平虏三厂初虏抄胡儿青把都诸酋以逆佛为名恋牧河西市厂隔远故抚臣改于甘镇之扁都口至是诸酋被回达挫衄渐次归巢督抚议复旧便诏可

○敕巡抚顺天兵部左侍郎右佥都御史王一鹏以原官总督蓟镇保定军务兼理粮饷

○升太常寺卿何源为大理寺卿光禄寺卿严大纪为太常寺卿太仆寺卿秦擢为光禄寺卿太常寺少卿裴应章为太仆寺卿○升浙江道御史龚懋贤为河南副使户科左给事中田大年为陕西副使河南道御史龚一清为江西参议贵州道御史周之翰为四川佥事

○工部尚书杨兆以人言乞休 上温诏留之

○敕湖广按察使蹇达为右佥都御史整饬蓟州等处边备巡抚顺天

○庚申升参政王基为湖广按察使整饬苏松常镇地方兵备副使刘应麒为四川参政

○诏以覆阅 寿宫免断今岁死刑又俞刑部之请南京并各小炤京师例停免时刑科给事中顾问等亦以为言 上报有旨

○户部覆科臣姚学闵言京东垦荒＜娵斨-金＞水之利诚阜民安边之长虑也宜推广行于东南及宣府等处责令各省抚按官率所属府州县但有荒芜地土谕小民尽力开垦尽心劝相示之以凿陂塘筑圩岸之方贫户不能备牛种出仓谷助之秋成还仓有司以开垦多少为殿最岁终稽核奏报所开地土每亩纳谷三升另贮以备荒歉俟大熟之时择其肥饶者升为下则额粮均摊瘠薄者仍其故炤求不起科之例至于宣府该科曾经阅视目击沿河数处类多水田尚有滨河旷衍弃为榛莽而不垦者惧加粮之遗累与屯军之告争也该科欲并令尚宝司少卿徐贞明亲履其地治水开荒然本官方经理圻内远涉边地势或难周该镇抚按皆实心任事之臣不如移咨彼处就便督责新开荒田或纳谷三升或量升下则一视腹里如或稽核不实奏报失期该科得以白简从其后 上命抚按官著实举行

○增派河南十三年分税粮马草绵花颜料等银八千九百六十五两有奇按臣刘士忠请以本院所余库贮赃罚补之无派及小民部覆如议惟绵花颜料应纳本色者炤旧徵解报可

○升署都指挥等官李宁五军二营王子孝神枢二营王维贞宽奠李宗召海盖钱应祥横岭陈子成太平陈霞陕西李熙柴沟堡各参将黄应魁铁岭周于德松潘尹凤竹偏关阎金皋定州龚子敬南京袁日章保定朱□大同入卫各游击将军蒋助掌山西行都司印张守遇佥书山东都司军政

○加升辽东兵备苑马寺卿曹子朝以按察使衔仍管原任地方事

○改荫大学士许国次子立功为中书舍人

○刑科左给事中王继先奏近见兵部题覆阅视总督郑雒加太子少傅荫一子锦衣卫百户张佳胤给与应得诰命荫一子入监读书而各官恩荫升赏各有差窃以为过也今边圉无事诸臣谨守筦钥修理微劳亦其职分即使城隍尽浚整堡尽修以视血战当录者万万不侔而况其未必然乎 皇上嘉诸臣之功不过曰整理边务效有劳绩如是而已而遽以邀延世之赏如持左券岁复一岁在边臣视为应得而何有于激劝之实且今边事亦有隐忧畚耜新而戈矛敝雉堞壮而士卒羸万一丑虏败盟诸臣身当矢石又何以加之臣考万历三年阅视恩例在督抚大臣不过奖以玺书赉以金帛升荫之典绝未之及允为中制迨至七年则稍稍崇官阶而胄监之荫一人以钻刺得之乃至今日隆以宫保不已也而荫矣荫以太学不已也而锦衣矣一笑一颦明主所爱愿

皇上名器之当重阅视行赏悉仿三年事例其雒等升荫许令辞免

上是其言敕以后遇有加恩该部酌量题请无得过滥

○甲子大学士王锡爵以病请假 上报曰卿偶疾准暂调摄痊可即辅理

○丙寅赐大学士锡爵米酒蔬肉中使赍至第锡爵＜媼擗-金＞谢

明神宗显皇帝实录卷之一百六十七

万历十三年十月丁卯朔

上御皇极殿钦天监进万历十四年大统历传制给赐百官颁行天下是日上亲享太庙

○起太常寺卿孙维清原官

○戊辰 孝洁肃皇后忌辰 奉先殿行祭礼遣官祭 永陵

○升陕西参议熊惟学为广西提学副使礼部员外郎孙成名为湖广提学佥事河南副使刘中立为山西参政监解州东西两盐池

○巡按直隶御史苏瓚条上边事在蓟镇者有九一重蓟东以备冲边言假全镇之力修筑滦东工役自黄土岭至燕子窝拓城修堡以壮内势一移军府以便策应言三道三协守各守信地然相去或不及百里或所辖在百六七十里之外宜移三屯协守于汉庄营移燕河参将于刘家营其建昌原营秋间抚臣移驻则冲边皆有重兵而徵调不至隔阂一处募兵以期实用言募兵旋补旋逃宜稽其名籍程其技能填注兵单验发各营训练一厚存恤以安解发言解到新军几六万而额不加多者安插无法而逃者多也开垦荒田宜查给以为世业分地错居耦耕并作而营伍可渐充矣一筑险要以防大举言潘家口龙井关桃林口罗文峪诸处河水直通内境宜筑桥防御虏谋自杜一复废堡以资守望言沿边一带先年设有寨堡安插军余后因归并居民失业今宜查明开复无粮边地许其尽力开垦一练军实以壮声援言辽为蓟之肩臂宁远为辽之咽喉山海宁远俱宜宿重兵如虏犯辽西蓟出前兵援之从一片石直趋铁场堡等处虏犯蓟东辽出前兵援之从背阴障直趋挂牌山等处彼此犄角虏必夺气一广招降以携逆党言虏中来归者宥其罪愿蠲其差役又多为间谍使彼此疑猜未免顾惧一宽关禁以开边利言关外草木蓊郁禁不敢取宜每月许出关六日先采三日纳充公费后采三日与各军资贍在保镇者有三一核各隘以固关辅言紫荆最号雄关然所恃以为固者在各隘耳宜于川谷宽空者尽为栽植于径路躡开者尽为垛塞又昌镇之横岭为最冲修边建台犹为首务一酌驻守以节军力言保定前此达官舍余矿悍难驯不能不藉总兵弹压今岁久帖然宜令该镇常住易州紫荆直下至州南一带傍水荒田就拨各军开垦一复乡夫以预防守言山广昌灵丘等县原派乡夫与易州各县乡夫分守隘口后奉文裁革宜令山西广昌等县仍听易州道兼管分派乡夫查认原分信地协力防御在各镇者有二一精简练以选军锋言三镇之兵不为不多然而未获实用者宜严行镇道等官精阅为上中下三等每月协守合练每季总兵合练岁终抚按通练重犒而峻罚营路将官即以兵之强弱为殿最一议增给以恤战骑言昌平各路所少马数不多止草料应题入岁饷支給蓟镇各路马一万五千有奇每年支料六月支草三月委为不敷宜酌量通融处给保定五营两路共马四千一百八十有奇其倒死之马在本镇防守者议给寺马折色在蓟镇入卫者议给部发马价庶军不虚赔马有实用上令各镇督抚议之

○升浙江参议李一中为河南副使广东佥事王圻为陕西参议○顺天举人史纪纯钶之子

也冯诗章维宁者张一桂之馆宾也同时董邵陈邦训杨日章孙唵胡正道等皆以冒顺天籍中式事渐闻禁中一日上谕礼部都察院曰朕惟祖宗设科取士不为不严近来各省直多有冒籍无耻之人幸得取中提学官通不稽察亦有嘱托倚势滥行收录者以后务分别侨旧不许循情隐蔽致伤风化有蹈前弊许诸生人等即时讦奏重治不宥于是礼科署科事给事中钟羽正<娼弊-金>参八人而提学御史董裕坐不先查革镌秩一级事下部院请比嘉靖年例革回充附中使持<娼弊-金>至阁传旨二百年来科场太滥冒籍诸人先枷号治罪张一桂史珂岂是不知今亦无面目在此都著致仕时行等言冒认户籍有司之弊考官不得而知张一桂久在翰林平日谨慎故臣等题充日讲冯诗章维宁虽曾馆于其家不久辞去帘内只看朱卷何从认识且部科<娼弊-金>中并无张一桂姓名朝廷将何所据突有处分史记纯随任读书宜与越关来京者小异珂亦素有文学遽令去官不无可惜至于冒籍举人既从重处合通行革去举人名色递回原籍若有别情彼中按臣自当查参<娼弊-金>入有旨珂坐冠带闲住而冯诗章维宁二人敕法司会同该科勘究有无干碍考官刑部廷鞫二人通关节乎曰无之曾改擢文字乎曰无之解馆之后再入其门乎曰无之遂以实奏上以为回护切责也诗维宁荷械礼部一月一桂坐调南京别衙门用

○夷酋赶兔遣其妻叩关求复抚赏许之○以锦衣卫署都指挥同知张书绅掌本卫南镇抚司印指挥僉事余茂发僉书南镇抚司管事署正千户郭宝东厂李登云北镇抚司各理刑

○升署都指挥僉事等官陈汝忠五军二营周堪李希周五军三营王有翼五军八营任自张神机七营卢洪秋神枢八营各充参将指挥使等官傅光祖神枢五营许从谦神枢八营田济民神枢十营吕键神机五营梁宫五军五营各充佐击将军

○庚午 中宫千秋令节免命妇朝贺

○给周府等府镇国将军勤鱼□九等原任太子太保兵部尚书张学颜等原任户部郎中张步云等诰敕命一千三百二十道

○升苏州府知府朱文科为浙江参政浔州府知府江万仞为陕西行太仆寺少卿○录荫兵部尚书张佳胤子叔佩国子生

○云南总兵官黔国公沐昌祚请设坐营中军比各边总镇上以非旧制不许

○升山西总兵官署都督僉事张爵僉书后军都督府事敕宣府副总兵署都指挥僉事李迎恩以都督僉事充总兵官镇守山西

○湖广巡按御史任养心<娼弊-金>参考试官承天府推官李槃多用朱笔添改诸生文字翰林院简讨张应元礼部员外郎李同芳失于觉察槃降杂职调边方用应元及同芳夺俸半年

○以考满加吏部尚书杨巍太子少保

○起补翰林院编修王廷撰原官

○诏封秦王谊湣之弟谊漈为紫阳王谊<媼-田夕>为镇国将军仍支中尉禄于是礼臣争之曰非制也谊湣之祖怀埏寔镇国中尉进封传子及孙谊湣为王谊漈谊<媼-田夕>当为中尉王者有至仁而无私恩若以请求之恳重拂其情而徇之谁非懿亲不可以请虽曰不为例是亦例也愿特赐停止使臣等得守其官以不废祖宗之法<媼-金>凡三上不听

○癸酉彗星灭不见

○乐昌王廷堦<媼-金>求经籍赐五经集注为善阴隲孝顺事实各一部

○复旧州地方守备旧州近京师原设守备一员主求盗万历八年革至是以督臣张佳胤之议复之

○内批以御医蔡文亨陆得元徐文元为太医院院判并敕御医历俸六年以上得遇缺升补吏部据例争之不听

○谪南京湖广道御史王学曾外任学增言臣接邸报见中旨谕河南抚按官进麒麟窃谓麟产于光山皇上深居九重何以知之无亦左右小臣访求于外为容悦耳若此者非皇上之所宜闻也有旨朕于异物原无好尚麟皮偶一取视未尝侈祲祥举行庆贺王学曾乃邀名沽直既说左右取悦何不指名姑降一级调外任后判兴国州

○丙子大学士王锡爵以病乞归上曰朕以卿忠猷亮节特召起家兹眷倚方殷岂可遽以微疾求去宜慎加调摄痊可即出不允所辞

○庚辰遣太医院官朱儒等五人诣大学士锡爵第视疾锡爵<媼-金>谢再具<媼-金>乞归甚恳仍温诏留之

○内批谪云南道御史蔡时鼎于远方冒籍事起特鼎自外差还都闻之乃上言近日处分非常或有不繇外庭纠举径从中出使举朝惶惑皆以为挟私之徒造为飞语密揭直达御前此其渐不可长即如冒籍一案尽疑部院科臣为扶同回护夫部院皇上之股肱耳目为不足信岂所信之人皆忠信无私可托腹心有逾于诸臣者乎若□籍诸人罪至削籍已无复加今使二人荷械以徇万一严寒之下毙于桎梏皇上后必悔之<媼-金>入上手札谕内阁出旨重治是日阁臣时行锡爵俱在告国家屏在直乃连四臣名具<媼-金>请稍减时日以全冯诗章维宁之生姑从薄罚以宽蔡时鼎之罪拟时鼎罚俸半年上不从次日改定批下冒籍原发自该科何谓轻信人言且科场禁例甚严处分非过蔡时鼎疑君讪上本当重治姑降杂职于极边不许朦胧推用上既改批御史<媼-金>发下又先使

人诤知冒籍举人董劭等解发宽纵传旨云凡解发为民应自有法今劭等仍戴巾衣程子衣既从阜成门出又从便门入寻常用两人解一人今以一人解三人传顺天府臣令对状于是国家屏又上<娼弊-金>曰自古人君贵明不贵察故冕旒蔽目黈纆塞耳未有任一己之见闻自行访察之术也即一州郡之长闻阁细事尚难周知况人君御万几之繁其任愈大其体愈尊必也猜防苛细即使听断甚精如汉宣帝唐德宗竟何补于治哉且使奸人得以乘机中伤善类淆乱政刑将来之患有不可胜言者愿停查访以崇大体宥言官以明圣度上览<娼弊-金>怒次日手批曰朕严禁冒籍本为端士风以正人心苟行同穿窬又何取焉卿等又何进焉近因同类奸人党救讞上故使人觇视问其纵法之罪卿等乃以此为苛细且朝廷分职非一人所敢专擅但臣下秉公奉法何惧于严察必若所言是处朕于蒙昧之中而事皆听决于臣下卿等其心安耶否耶是日上思辅臣时行特遣中使问于其第二辅既被诘责<娼弊-金>谢执争如初会上意稍解报闻时行入惟具<娼弊-金>陈谢而顺天府臣沉思孝等具奏伏罪亦坐夺俸级三等

○壬午原任少师兼太子太师吏部尚书中极殿大学士张四维卒四维蒲州人嘉靖癸丑进士改庶吉士授编修充经筵日讲官预修永乐大典书成升中允予五品服累官翰林院学士掌院事转吏部侍郎掌詹事府事东宫侍班万历三年八月升礼部尚书兼东阁大学士入内阁办事五年加太子太保进文渊阁大学士余官如故六年加少保进武英殿大学士余官如故荫一子中书舍人八年加少傅兼太子太傅余如故荫一子入监读书十年加兼太子太师余如故荫一子锦衣卫世袭百户是年又加少师兼太子太师吏部尚书中极殿大学士荫一子尚宝司司丞十一年以父封少师张允龄之丧终制还里至是卒赠太师荫一子尚宝司司丞谥祭十有三赐谥文毅初四维与江陵相共事最久江陵秉政颇尚锲急会卒密<娼弊-金>请宽大罢一切法令又请拔用海内直士久被抑弃者既而言者掎摭诸党人不已则又言于上请与之更始时论多之其为首辅才期月也尝称杨文襄翁襄敏气略磊砢无书生文吏习盖自况云

○先是总督尚书郑雒有辞升荫以谢人言一<娼弊-金>语侵科臣王继先且自夸大于是工科给事中白希綉特<娼弊-金>参雒上以言官不体朝廷优劝边臣至意责而宥之

○甲申 诚孝昭皇后忌辰遣宁阳侯陈应诏祭

献陵○南京操江右佥都御史萧崇业以母老应天府府尹袁三接以年至并乞休许之

○补荫故南京刑部尚书李迁次子一鹤国子生

○命右谕德赵志皋洗马赵用贤编修杨起元王廷撰俱充大明会典纂修官侍读盛讷直起居注馆编纂章奏

○先是巡抚四川都御史雒遵言松潘等处大小粟谷诸砦番人攻堡戕职官找架七稍礮依险为乱请讨之而蜀于是乎用兵既遵调任代者未至声息寂然兵科给事中王致祥奏番人乱者止麦儿一砦遽用大师未免张皇总兵李应祥以新将御悍卒所徵播州天全诸土司兵

未易集亦调度需人部覆以为失策于是大学士时行等言松潘叠茂即古维州吐蕃地本朝置戍屯兵略示羁縻之意然山谷险远粮运艰难丑夷聚如蜂蚁散如鸟兽其道在以剿为先声抚为权术如一种作恶则整<姁舅罚荆菊蚬出其不意歼厥渠魁或毁其碉房或烧其青稞名曰雕剿其余各种并不搜求故番人怀德畏威虽小有草窃旋即底定此制御诸番之要术也今该省官轻率寡谋一闻有警辄欲徵调大兵番人闻知得以为备且四川近有采木之事民间骚动军饷又已空虚若兵连祸结为患非小谨拟进传帖一道明日谕兵部曰前日四川抚按官奏称松潘等处番贼为患即今有无宁息一应剿抚事宜新推抚镇其相机制置务保万全无生事贪功无匿情養乱尔部马上差人传彼中知之

○河南道试御史饶位奏弹工部尚书杨兆<娣擄-金>中及徐枝事徐枝者京营佐击以负责一夕自杀家人诉于官供其贷子钱行贿而事不成时兆适与本兵之推人谓事繇兆也<娣擄-金>入有旨夺俸五月○加房山县知县马永亨同知永平府衔以矿盗起特重县令事权从顺天抚臣张国彦之请也

○升刑部郎中沈九畴为江西提学副使

○改国子监祭酒徐显卿为少詹事充日讲官

○乙未以大祀南郊上御皇极殿誓文武群臣致斋三日

明神宗显皇帝实录卷之一百六十八

万历十三年十一月丁酉朔礼科都给事中王三余等〈娼弊-

金〉言王者父天母地而为之子所敬畏者莫过于天我祖宗以来凡遇

郊祀必躬必亲载在会典传之累朝记曰王者飨帝于郊而寒暑节风雨时春秋传曰如有明
信溪毛潦水可荐神明言诚也乃者秋七月雷震郊坛恭绎

皇上德音天戒示警朕心深用兢惕大小臣工宜共图修省畏天之诚可谓至矣今岁似宜亲
郊以答天戒代摄之举未可以为常也〈娼弊-金〉入

上以三余等奏请不早诘责而宥之且曰朕敬事上帝郊祀大典本欲亲行但新从
山陵还体未耐劳恐难成礼且遵前旨行○戊戌冬至大祀天于圜丘遣公徐文璧代

○以冬至节遣侯徐文炜蒋建元陈如松王学礼陈澍分祭九陵伯刘应元祭
恭仁康定景皇帝金山陵寝指挥佥事蒋克谨祭哀冲庄敬二太子寝园

○锡四辅臣上尊珍饌

○朝鲜国王李昖差陪臣刑曹参判柳永立等三十五人入贺长至宴赉如例

○以原任都察院右副都御史孙丕扬为应天府府尹先是奉旨改南京别衙门用故有是命

○大学士王锡爵奏臣于十月十九日再〈娼弊-金〉乞休伏读御批大臣之义体国忘家前
已有旨勉留岂可愬然遽去卿疾未愈宜在任调理副朕眷怀大义严词真有出于家人父子
提耳教训之外者臣于此时不觉一字一泪而臣母亦且义激于中誓不复以家事关臣矣不
意本月二十七日臣男监生衡信到内称臣弟原任河南提学副使鼎爵已于闰九月二十五
日病故臣母闻报昼夜哀号成疾不起臣窃自伤门祚衰薄目前止有一母一子形影相吊而
皆穷愁旅邸宛转床榻之间又至此极臣闻人臣之义不得有身况敢有家然就事势之缓急
而论堂堂盛朝茅茹汇征之时即无臣等以百数何亏于国而臣母区区所托以托命者独臣
一身臣之区区所恃以报母者又独此一日此臣所以早夜呼天饮涕而疾愈困请愈亟者也
上答曰览卿奏具悉至情但辅弼重臣奉公为急宜勉思大义痊可即出赞理副朕延伫慎勿
又辞

○辛丑恭让章皇后忌辰遣官祭金山陵寝

○初兵科都给事中王致祥言河西五郡本汉建之以断匈奴右臂昔年有番无虏自俺答抢
番留孽子丙兔等七枝盘据海西而套内部落亦以大小松山为巢穴又初款之时止丙兔七
枝今威正等共二十九枝环甘皆虏矣将所统士马仅以千计责之守御譬以羸羊搏猛虎也
请增饷数万以俟召募诏下彼中督抚议之至是抚臣李汶上洮河守御十事修筑险隘以固
边防驱逐黠虏以抒边患还原戍以济急塞联络战守以杜观望慎防要堡以固疆圉收处
生番以明哨探优复土官以作士气久任兵备以便责成补给缺饷以资兵食兵部题覆难其

烧荒撤戍更置兵备守备之议 上亦以修筑险隘须酌量缓急无虚费财力疲劳军士而按臣屠叔方条边务六事属户部者二曰修屯田曰实兵饷属兵部者四曰议设备曰厄险要曰慎互市曰练招集其修屯田一事言隆庆间抚臣杨锦议拨军垦荒收租充饷大熟可得谷十万石省发帑银十万两小熟可得谷五万石省发帑银五万两乃继任者徒博恤军之虚名将垦军议归营操弃塞上无穷之利倚内帑有限之财垦荒初议荡然矣今议甘肃庄浪迤北通远驿迤南丰草沃壤召人开种＜娼弊-金＞渠鄠给牛具以兴复屯政得旨垦田筑鄠诸务每年奏报并于阅视查核不必载入考成余并如议叔方又画图帖说甘镇者十有二固镇者十装潢成帙以进报闻

○加鸿胪寺少卿刘儒四品服俸以九年考满也吏部奏隆庆元年题准本寺别途出身者官不得过少卿

○癸卯遣侍郎王弘诲祭 三皇于 景惠殿太医院官祭 先医之神

○总督宣大尚书郑雒言东西二虏贡马例从宣大军门同进今岁西虏卜石兔一枝讲赏未定以致东虏表马尚留边上必待齐一则虏反挟以为重宜令顺义先贡 上特许之

○先是南场监试御史党杰奏国子诸生悬书衢路恶声加臣欲以撒棘之日行怀甄之事请索其人事下南国子监于是祭酒黄凤朔言今岁应试诸生在监者五百余人在历者八百余人必谓无名帖为在监者所造恐诸生未肯心服 上并以属南都察院

○谪王一凤永戍王乾亨外任管德州仓主事王乾亨发前差署员外郎王一凤将錠银剪边勘问有之一凤坐戍边卫乾亨亦有旨调外

○除问刑条例所载抚按会行查盘之文复巡按御史专职从左都御史赵锦之议也

○升右谕德兼侍讲韩世能为国子监祭酒

○以秩满录荫詹事府掌府事吏部侍郎周子义之子炳文巡抚宣府侍郎萧大亨之子和中巡抚大同都御史胡来贡之子师广为国子生

○朵颜等卫夷人羊羔儿等一百一十人入贡长至节宴赏如例

○升刑部郎中沈九畴为江西副使提督学政湖广参议靖四方为山东副使备兵登莱

○黎平苗奉银唐乔等囚执本管土舍杨天爵事闻 上以属湖贵两省抚臣措置

○赐原任工部尚书郭朝宾祭葬

○己酉月犯毕宿右股北第一星

○吏科都给事中齐世臣等言臣等于本月初七日接蓟辽督臣张佳胤＜娼弊-金＞荐真定知县江中信堪备行取次日接保定抚臣贾三近劾中信纵肆欲将降调闲散同此一官也同此一时也岂能朝夷暮跖变幻无常哉督臣则以为空群之骥而抚臣则以为败群之羊督抚二臣有事地方不为不久非若入境之初咨询犹未确也何为甲可乙否颠倒一至于此上令巡按御史查核归一具奏

○甲寅 孝惠皇后忌辰遣侯常胤绪祭 茂陵 孝烈皇后忌辰遣伯王应龙祭 永陵

○敕广东右布政滕伯轮为都察院右佥都御史提督操江时吏部已□太仆卿裴应章太常少卿陈有年 上以二臣任未久特命改推

○乙卯 圣慈皇太后 万寿圣节 上御皇极门文武群臣致词称贺赐元辅申时行银五十两纁丝三表里次辅许国王锡爵王家屏各银四十两纁丝三表里及讲官沈一贯等六员各银二十两纁丝二表里又赐金万寿字金篆字金书黄符红符有差

○升云南参政李材为本省按察使备兵腾冲○巡抚福建都御史沉人种奏提学副使王希元以故御史朱珽作令崇安帅诸生起祠亲为撰碑时希元转江西参政被言当调简僻用奏至特以卑谄削籍

○戊午月犯角宿南星

○命右春坊右谕德兼翰林院侍讲李长春清理贴黄

○蛮莫思顺之逃也事繇刘綎初綎以将家子有父显故时部曲颇多健儿綎拥以自雄征缅甸之役勒兵金沙筑将台于王骥旧趾纠合诸夷收功斩馘与高国春五章之捷相亚然性贪御下无法兵还至腾皆甲而噪以把总廖文耀王化龙等克削军粮为讨焚城中居民一百七十余家州官系印于肘綎时在蛮莫行署闻之驰至腾以五百人自卫兵不敢动亦莫肯还伍乃出私财犒之并与兵备傅宠谋动支饷银五十两人与一金始定复至行署而思顺逃至是抚按官奏副总兵綎受思顺金宝牙锦诸物又纵把总谢世禄夏世勋陈其正等淫其妻妹使其情甚不堪仓皇出奔宜治綎罪 上念其功从轻降为游击将军革任听用而以谢世禄等属抚按逮讯兵备傅宠同知陈一化通判陈晨降黜有差

○升副使沈应文彭应时吕鸣珂为参政应文江西应时云南鸣珂福建广东参议薛梦雷为本省副使

○诏五城食贫民籍其名二千九百四十四人支米一千三百八十六石薪价银三百一十五两起仲冬讫于孟春从御史辛志登请也

○诏以锦衣卫指挥僉事陈承德为本卫指挥使承德 仁圣皇太后兄昌言之子也

○以秩满升总督陕西三边军务都御史右都御史兼兵部左侍郎郅光先为兵部尚书兼都察院左副都御史总督如故

○升工部郎中刘伯渊为江西按察司副使○初加辽东苑马寺卿山东按察使衔以原任山东左布政使听降郝杰为之

○塞登州龙湾决河以泰山香税银二千两给之从山东抚臣李辅请也

○传升太医院医士万汝栋为南城兵马副指挥

○升广东僉事王民顺为本省参议刑部郎中万文卿为广东副使

○以沈府黎城王府奉国将军恬炼平遥王府辅国中尉埕垌各管其府事仍赐之敕

○甲子大学士申时行等题今日中使至阁持六安州民本传旨令臣等拟票欲将首恶逮问其余彼中监候臣等看详为犯大辟夏钺等所奏株连甚多臣等读之三四不能通晓此必钺等所犯情重成狱欲行展脱故不于抚按司道诉告而募越赴京耳国家宪典一切问断刑狱未有不自上而下揆之政体自当如此若小民之奏一一听于宸断将来干渎圣聪有不胜其烦者谨拟票进次日得旨本内事情牵蔓多端抚按从公审明具奏上复令中使传谕天下刁风既多冤枉者亦不少先生既如此说如票批行时行等对云皇上两言真灼见人情自后民本果系冤枉情可矜悯者方与听理如其词刁诈亦当惩治难以轻信中使还奏上颌之

○以内织染局尚衣监叙文思院官年劳授鸿胪寺序班者一人鸿胪寺主簿者一人本院大使副使半俸加全俸者六人授本院副使者三人

○丙寅北虏顺义王乞庆哈及西番答赖等表文鞍马弓矢方物至自边顺义并妻一枝百一十六人兀慎一枝一十七人摆腰一枝一十六人扯力克一枝六十四人青把都一枝百十六人永邵卜合罗气兄弟一枝五十六人俱给赏如例部夷冷克本等许袭祖父职级阿出答等量授百户赐王蟒狮白毡裘衣赐僧以僧帽袈裟绢布

○升署都指挥僉事等官谭敬承狼山李崇义洮岷陈霞甘州各充副总兵高节分守陕西马应元紫荆杨一名大同杨元居庸林桐山西傅桓靖虏檀武臣镇算方印鄯阳黑云龙锦义马栋宣府蔡兆吉临沅张昕宁夏潘云程太原马继武金山各充参将指挥僉事等官彭九畴宁夏牛应诏固原李文芹锦州杨浚庄凉于凤仪大同车营曹簠辽东领兵萧如兰延绥入卫刘斌□金延绥领兵王永寿金一清宋三省俱蓟镇春班崔张名兴武营各充游击将军谢纶大宁宰调元四川各掌都司军政印李同春广西王邦奇中都各僉书都司军政

明神宗显皇帝实录卷之一百六十九

万历十三年十二月丁卯朔诏裁惜薪司冗官减大炭以斤计者一十五万时山厂设于易州而数百里外林麓都尽旧额长装大炭岁五十五万嘉靖间以斋醮复加三十万又各厂中贵五百六十八员皆有分例边商苦之工科给事中王敬民以为言工部题覆于是改加三十万为十五万候积剩足用并与停止而司礼太监陈政等亦奏该司自掌厂金书等官存留外其余不许预收放止令带銜供事

○夺南户科给事中王嗣美御史王藩臣俸一级以论救王学曾蔡时鼎也

○御史李琯上封事内一事言粮谷积储议以北直山西陕西诸郡县存留支剩军饷尽数买谷仿古和籴而开闲旷之土复中盐之法使粟多价贱以实塞下部覆上是其言○添设山东滕县沙沟镇守备裁沙沟犁沟二巡简司从抚臣李辅请也

○泰宁卫都指挥僉事班州歹以贡马至求加三表里衣一袭许之

○减四川新采大木三之一 上从大学士时行之奏于抚臣徐元泰〈娼弊-金〉批减焉

○诏尚宝司五年一清查牙牌祭牌金牌铜牌令牌铜符等以司丞二员领其事

○河南道御史饶位〈娼弊-金〉荐起原任大理寺丞傅应祯行太仆寺少卿颜鲸广东提举司提举管志道福建僉事甘雨四人者皆抗直不阿权贵被废而鲸志道两人特以考功法处于是云南道御史顾云程〈娼弊-金〉言进甘雨于伏沐人或易之若颜鲸管志道未有不以考察难之者臣谓不然相贤耶豕卿贤耶于是乎黜幽为公典苟非其人不过驱除异己而已皇上辟赵用贤等于编户擢艾穆等于行五他如魏时亮赵世卿夫孰非考察中人而何疑于两人户科给事中姜应麟又益以太仆丞蔡悉参议李盛春合之为六人章下所司

○庚午 慈孝献皇后忌辰 奉先殿行祭礼

○葬 静乐公主

○广灵潞城昌化博野襄垣和州枣强饶阳乐昌溧阳富川十一王府名粮宗室鼎金□乳等五十有五人题称宗藩条例中最苦另题名粮一款其例日给银三分或四分俯仰不贍虽生犹死 上览之曰宗人贫困可悯各该应得庶粮抚按官其从宜措给无致失所

○升礼科右给事中陈大科为通政司右参议河南道御史许子良为大理寺右寺丞各添注管事

○礼部尚书兼学士沈鲤以病乞归 上不许仍予之告

○吏部言各处中差御史荐举所属各为旁属三次以上方准请给诰敕例也乃鄢阳南赣二巡抚亦称旁属抚臣非中差也如以为二处各有巡抚则陕西非不自有巡抚也而甘延宁三抚臣所举合属咸作正荐又何也鄢阳南赣合炤陕西例均作正荐乃为画一之法且各省贤能官员三年之内或止遇一二中差御史荐举而不遇抚按复命或遇矣而资俸尚浅此其机会之偶亦不必徇定三荐之例均得请给其曾经抚按复命俸深而不与荐者不得滥叨则斟酌剂量之间于劝忠之典均一而无偏矣上是之

○四川宣慰使杨应龙遣长官何邦卿等来朝贡马三十匹赐锦二段彩币六有副及其长官钞币如例时应龙又以开采献巨材六十

○左府佥书泰宁侯陈良弼都督佥事史钢右府佥书靖远伯王学礼署都指挥佥事袁漳中府佥书宁晋伯刘应元都督佥事杨鲤前府佥书定西侯蒋建元新建伯王承勋后府佥书宣城伯卫国本管领大汉将军镇远侯顾承先管理红盔将军武进伯朱世雍广宁伯刘嗣德管理义刀围子手清平伯吴国乾府军前卫掌卫事武安侯郑惟忠锦衣卫都督佥事杨俊卿署都指挥同知孙如津都指挥佥事许茂樨指挥使曹应魁皆以五年军政考察自陈不职兵部<娼弊-金>别贤否以请有旨惟忠鲤国乾革任良弼等仍旧供职时国乾耗忘具<娼弊-金>兵部不别本题参上诘责而宥之仍令国乾自陈

○命彰武伯炳宴陕西大崇教等七寺进贡番僧速南班班等三十有五人于礼部

○朵颜等卫都督长昂等遣头目进马七十一匹入贺长至令节赐给马价绢疋并加赏表里鞞袜

○赐浙江总兵官后军都督府都督佥事王化熙母夫人李氏恤典化熙者河南磁州廩生邦植子也北虏入犯邦植请身督军亲冒重围血战三日死之事闻赠赙甚厚化熙承荫累今官为母请恤奉旨准炤例与祭葬

○户科给事中姜应麟陈边储四事一曰慎守掌武午不得干预钱谷以管粮通判主之而严其考成之例一曰谨出纳市匈不得包揽择殷实户领价平糴一曰议耗粮每石不得过三升一曰禁科刻星相优人不得通权贵书谒参游守把犯罪罚谷不得摊派士卒部覆从之

○升给事中常居敬户科胡希舜兵科杨芳刑科俱左给事中王三策吏科苗朝阳兵科俱右给事中

○叙录讲读儒臣侍郎沈一贯朱赓升俸一级少詹事张位升詹事仍掌院事谕德于慎行升翰林院侍读学士洗马陈于陞升翰林院侍讲学士供事如故

○以土舍杨通淮袭镇远府土推官土舍蒙天眷袭独山州土同知吏部以过期违限罪有司抑勒诏并禁之

○庚辰 世宗肃皇帝忌辰 奉先殿行祭礼遣伯王承勋祭 永陵

○命宁阳侯陈应诏掌府军前卫印保定总兵官右都督杨四畏金书中军都督府事

○辛巳 贞惠安和景皇后忌辰遣伯卫国本祭金山 陵寝

○先是湖广道御史王学曾言南京龙江关与芜湖密近抽税烦重当议裁并南工部右侍郎张孟男言二关设于洪武六年每岁计七万七千余两皆供国需正额与新设者不同仍旧便上从部臣言

○云南丽江军民府知府木旺贡马求旌额礼部以无故事乃赐之敕书

○乌思藏大乘法王及长河宣慰使司番僧吧蜡领真等入贡例赏约九千三百两有奇工部以节慎库空虚议移之四川藩司番僧诉于礼部引万历六年奉旨事例为言诏仍于工部给之

○予原任南京太常寺卿万思谦祭以三品未满考也

○复蓟镇遵化輜重营及其将领等官先是蓟镇原设輜重三营后议裁革督臣王一鹗言本营余兵一千一百二十三名见坐食左营益以丰润玉田二县治田南兵一千四百自足成一营仍设游击一员中军千户七员领之

○先是闰九月虏犯蒲沈杀中军张良栋把总张治虏势甚张宁远伯李成梁以兵径捣西巢虏乃引去事闻以该镇督抚等官出奇却虏赍李成梁张佳胤顾养谦等银币有差又以勘明失事张良栋张治等升级恤录降备御郎显忠等实职一级

○癸未顺天府臣进万历十四年春 上御皇极殿受之文武群臣行庆贺礼赐四辅臣上尊珍饌○湖广道御史徐大化言今年复当天下诸司入覲之期有谓当宴赏卓异拏问贪酷者臣稽宴赏之举 列圣间一行之然亦輒报罢就其所举亦皆殊尤卓绝数人而已 皇上登极之二年稍增至二十余人今闻各省以卓异举者几八十人矣昔隆庆间湖广按察使杨彩不举卓异乎而后以墨闻南昌知府丁应璧不举卓异乎而后以不及论其不相应如此拏问之举 皇上始一行之然近日刘冠南以贪黷逮止于降调夫贪黷秽行也降调薄罚也以秽行而得薄罚其故可知臣愚以为罢之便御史王之栋建议亦本此意而归于重抚按举劾权 上曰朕方甄别吏治故赏廉黜贪以示劝惩前已有旨部院其据实奏请临期朕自主张下所司知之

○甲申以年节赐元辅甲时行银五十两彩段四表里次辅许国王锡爵王家屏每银四十两彩段二表里及讲官沈一贯等六员各银二十两彩段一表里

○辽东总兵李成梁蓟镇总兵张臣昌镇总兵董一元保定总兵杨四畏宣府总兵王国勋大

同总兵麻贵山西总兵李迎恩延绥总兵贾国忠宁夏总兵张维忠固原总兵李真甘肃总兵刘承嗣四川总兵李应祥浙江总兵王化熙福建总兵于嵩广东总兵刘凤翔广西总兵呼良朋贵州总兵张澡及副总兵张玠等各遵例自陈不职兵部<娼弊-金>别贤否以请有旨国勋闲住化熙听调别用成梁等仍旧供职

○南京守备临淮侯李言恭协同守备武靖伯赵光远提督操江崇信伯费甲金各遵例自陈兵部<娼弊-金>请有旨言恭等仍旧供职

○诏留辽镇按差赎鍰三千两及鱼盐市税银一千两给河东家丁之戍河西者以杜扳报之扰从御史陈登云之议也

○谕兵部前日宁阳侯陞见年幼软弱兵部如何遽推管事还著另推自今推用勋臣其通写年甲原籍以闻

○以秩满升翰林院编修黄洪宪为侍读曾朝节为侍讲

○命永康侯徐文炜管理禁军副总兵陶世臣充总兵官镇保定署都督同知董一元以原官挂印充总兵官镇宣府都督金事侯继高张邦奇以原官充总兵官继高镇浙江邦奇镇居庸昌平

○乙酉册封瑞安公主
上第五妹也拜万炜为驸马都尉尚主明年春二月出降敕礼部采旧仪行

○丁亥以赵府成皋王载堉沅陵王致杞荆府□顺王载珙周府拓城王勤火□□东宁伯焦文燿少师张四维之恤辍朝一日

○朵颜等卫夷人脱伯老撒等二百一十有四人贡马贺万寿圣节宴赉如例

○初蓟镇车骑二营各设游击自为一军后议车营改为都司受骑营节制事多掣肘营制遂坏督臣王一鄂等请以密云之振武营遵化之右营三屯之车前营车后营昌平之左车营右营照旧复为游击即以见任各都司管游击事候其秩满为真
上是之仍敕以后军政并遵旧制不得轻议更置

○夺御史辛志登俸志登劾奏宣大总督郑雒十二罪其一曰广人蒋遵箴夤缘旧辅为文选郎遵箴有妻之丧闻雒有女及笄托志登求之不得再托所厚善王篆求之亦不得适宣大缺出雒请篆篆要之曰兄必欲得军门须成蒋婚事雒即许之且属篆得相公一见为信篆遵箴过居正语如雒指雒随往谢而婚媾谐不五日遂有总督之命雒妻一闻而绝女哭且骂雒亦无可如何上以志登搆求追论为夺俸半年

○总督漕运户部尚书改南京刑部尚书王廷瞻＜娼孽-金＞辞新命总督三边都御史兵部左侍郎郅光先辞加恩总督两广都御史兵部右侍郎吴文华辞荫子上皆优诏答之不允所辞

○己丑霾

○调补原任四川佥事费尚伊于陕西

○升陕西副使张思忠为本省参政

○兵科给事中邵庶＜娼孽-金＞劾京城巡捕都督佥事李如松蓟镇副总兵指挥同知李如柏兄弟并从门荫列位机机而所为不法语曰乳哺多则致痼病富贵盛则生骄疾宜损过盛之权保全终始上曰人臣为国效劳即当委任何论父子亲故成梁身捍冲边久著劳绩其子如松如柏亦各因战功升职与寻常恩荫不同无搽求牵蔓隳阻边臣任事之心

○壬辰铸管理怀庆王府事关防

○命湖广总兵怀宁侯孙世忠提督漕运镇守淮安

○兵科都给事中王致祥等以军政拾遗＜娼孽-金＞参恭顺侯吴继爵武定侯郭大诚新宁伯谭国佐安远侯柳震指挥同知方日中及山西总兵官今升后军都督府管事张爵陕西总兵官李真等不职兵部题覆有旨继爵留用余革任

○虏酋哈不慎立誓悔罪求贡市许之上嘉顺义王恭顺特赐白金彩段蟒绣及其部落银币有差

○乙未上诣太庙行大祫礼

○以正旦节遣侯郭大诚常胤绪伯陈如松刘应元吴国乾分祭九陵遣伯陈澍祭恭仁康定景皇帝陵寝都指挥佥事蒋国谦祭哀冲庄敬二太子坟园

明神宗显皇帝实录卷之一百七十

万历十四年正月丙申朔 上 贺

○赐辅臣上尊珍饌

○丁酉夺苏松巡按邓鍊俸二月以查看通判王应龙违限也吏科亦有〈娼弊-金〉参报闻

○戊戌谕吏部孟春时享在迓太常寺卿宜择礼仪闲熟者先是岁暮大祫太常卿严大纪失仪蒙旨责问至是认罪有旨夺俸三月

○宣宗皇帝忌辰遣官祭景陵

○庚子 皇第三子生大学士申时行等题今日恭遇 皇第三子诞生仰惟皇上圣德格天至仁昌后熊占协吉欣逢再索之祥凤历开熙适应三阳之候庆延宗社喜动寰区臣等欢忭私惊倍万恒品不胜踊跃瞻戴之至○辛丑以 皇第三子生告奉先殿遣驸马侯拱宸行礼

○以宣府云州堡守备张晖为游击统领蓟镇通津春班官军宣府龙门所守备梁秀为游击管宣府巡抚标下中军坐营事务分守蓟镇墙子岭参将彭友德为分守古北口等处地方参将

○革福建都司军政僉书金来相黄船厂把总南京留守后卫掌印田弼任回卫

○升宣府靖胡堡守备邸然为昌平总兵下标兵营游击

○壬寅 上以宫中赏赉内库缺乏命取太仓银二十万两辅臣持奏近日京边岁费日增太仓积贮日少司计之臣方以匱乏为虑一时遽取二十万为数太多伏望少加裁节于是拟帖取十万两 上仍添五万两明日谕户部取进

○升太仆寺卿裴应章为太常寺卿○命南京协同守备兼掌南京后军都督府事武靖伯赵光远充总兵官镇守湖广等处地方中都留守司掌印周易为五军三营参将分守凉州右副总兵王抚民充总兵官镇守狭□地方以分守浙江温处参将□溟为分守宁绍地方参将

○癸卯孟春时享 太庙遣定国公徐文璧恭代

○甲辰 世庙雍妃陈氏薨逝命炤温静懿妃赵氏礼行

○乙巳以 皇子诞生赐辅臣讲官币花有差

○丙午升左通政魏时亮为太仆寺卿

○巡视京营刑科左给事中杨芳等条陈京营六事一选将领副参等官有缺务选边邮经战之将或腹里杰出之才疏名内转责之训练三军俟有成劳优加迁叙一拣庶职欲将会试武举分班留用挨次推补务期三年用尽一精训练一慎选补一择选锋谓选锋之名或以将官家人而寄名冒充或以市井无籍而钻求占役耗二军之粮乏匹夫之勇弊孰甚焉以后选锋有缺务择忠实平民膂力过人者从公替补一修马政当严谕将官督令官军加意喂养每年春秋操毕接管衙门分阅次第倒死数多者照例参究再照营中买马初行甚便近则马少价高各官称苦似当亟行停止俟数年后间一举行养马之外如车战等营尚有骆驼六十余只岁费草料八百余金谈者谓分发驼房或附近宣蓟等处就彼牧放省费为多又当并议者也兵部覆议拣庶职一款恐人多缺少难慰待用之心此往彼来益滋费劳之怨合无将在京卫者咨送京营在边腹者仍咨督抚酌量委任余五事俱应依拟从之

○兵部覆巡视京营科道举参将等官王治等五十二员参指挥同知等官陈直等二十二员革任○命原任南京前军都督府佥书兼提督小教场事务应城伯孙文栋为南京协同守备兼掌南京后军都督府事以中都留守司军政佥书副留守角□羊元为中都留守司军政掌印以锦衣卫衣右所指挥使伯子祥为锦衣卫南镇抚司佥书

○兵部覆兵科给事中陆懋龙等荐举指挥同知郎应魁等一十七员参指挥佥事李达澍等三员革任江良翰等四员夺俸三月

○丁未革嘉湖参将都司佥书张应选蓟镇李家谷关提调陈良玘任回卫

○宣府督抚郑雒等题宣镇缺乏市本银前后共一万四千四百两乞自万历十四年为始每年于太仆寺马价银内炤数给发宣镇以补扣减之数或念马价银内岁出为难议于宣镇市马内拣择最良者如数兑给蓟镇官军骑操部覆议于万历十五年为始太仆寺将额发蓟镇马一千匹于派本色分数中行令该州县每匹炤例徵银三十两仍角□羊该寺交纳总得银三万两每年止以二万四千两运送蓟镇收买土马即可得马二千匹给军骑操及查辽东虏患频仍节经请讨马价不敷别无长计今余银六千两即角□羊送辽东接济买马应用每年炤例仍发太仆寺银九千两给与宣镇以充市本其宣镇变买夷马价银并给军草料盘缠委官犒赏银两岁该若干造册送部查明别项支用是一调停之间在小民可免俵角□羊之包赔在近郊可免寄养之苦累在蓟镇得免夷马之虚名在辽镇可得马价之接济在太仆可免兑给之烦扰在宣镇可免市本之缺乏在本部可得变买之马价一举而七利存焉权宜揅弊之策莫善于此得旨该寺岁拨蓟镇马匹依拟改派徵银分发两镇宣府应给马价炤旧行

○戊申以泰视写 瑞安长公主金册赐辅臣银币有差

○升沈玄华为本司左通政太仆寺少卿周邦杰为右通政时吏部推邦杰左而特旨如此

○命神枢十营佐击署都指挥僉事王柱为分守通州地方兼管练兵事务参将南京小教场坐营署指挥僉事吴允忠为浙江军门标下左营游击陕西总督标下左营游击姜河为分守宁夏东路地方右参将

○发蓟镇义兵银一万两充春防犒赏依总督王一鹗请也

○己酉泰宁朵颜福余三卫夷人都指挥等官董庾等十五员各奏称进送马匹传报消息在边效劳有功乞各随贡加添三表里衣服一袭从之○工部覆直隶巡按苏鄯题少卿徐贞明奉命经略水患穷源溯委遍历周咨措处财用一一列款于畿甸水患大有裨益一疏浚深州霸州等处河道共该夫役银一万九千三百一十三两一钱除霸州道属见有堪动官银三千七百八十两余于真定府存留赃罚银内动支二千两保定府五千两河间府八千五百三十三两一钱凑足前数委官及时兴举务要挑浚如法河流通利一< 娼弊-金 >浚安州雄县保定等处河身及挑筑束鹿深州河堤所用人夫随便役民其工食之费要于各府州县积谷内酌量动支仍劝谕富民有能募义倡众损费助役者酌量旌异以示劝率一修建河间任丘桥梁及垫筑道路共该银三千六百八十八两有奇宜暂借该府官银抵用一挑复河间献县滹沱旧行子牙河之道因路远工多难以骤举宜行抚按转行道府估工议费另行题请俱从之

○庚戌吏部等衙门题考察方面官员副使等官郑一信等共六十八员得旨罢黜降调如例

○陕西慧济扯把等寺番僧马你完卜等八名赴京进贡宴赉如例

○辛亥升兵科都给事中王致祥为太仆寺少卿

○吏部举贤能官二十六员来朝布政使等官衷贞吉等二十二员在任参政等官李廷仪等四员 上命炤五年例纪录擢用

○壬子参议徐大任周思敬李学一各以考察不及调简大任前任河南调广东思敬江西调陕西学一湖广调四川

○复除原任广西副使虞德焯为湖广副使仍炤原升从三品服俸管事原任山东副使刘鲁仍得原职

○以户部贵州司郎中王汝廉为陕西副使南京户部河南司署郎中事主事姜召为陕西僉事

○以蔡国珍为福建副使李盛春为江西右参议甘雨为浙江僉事皆致仕经荐从吏部推举以原职起用也

○以原任云南左参政黄思近补广东左参议以考察不及降

○吏部等衙门题考察贪酷知府等官张珩等共十四员行各该衙门严行提问应朝者旧有拏问之例今皇子诞生国有大庆虽圜圉罪人尚欣欣然有更生之望而况各官叨尘轩冕所论事迹未必一一皆真合从宽典止令巡按御史提问追赃以正其罪庶恩威并著情法适中而大典为益重矣有旨都著革职为民巡按严提究问追赃立限具奏

○甲寅巡抚云南刘世曾题罗雄县逆舍者继宗僥狡锋侠鸷悍狂悖自以垂手过膝潜蓄异谋祭炼甲丁刻镂符篆广招亡命巨奸鸡鸣狗盗之雄又蓄养川贵江西等处兵勇三千余众日演象阵凡硝黄鉄器禁入夷方之物罔不充盈武库劫掠邻境以广积储无一处不遭其凶残告泰山崇勾牌海逝即三尺童子莫不知之而思啖其肉也弑父妻母之后逆谋益急不惟不出听勘又阴借兵水西幸为贵州缉获移咨于臣臣但禁安酋勿得假兵于贼置不问岂玩此门庭寇哉窃逆肘腋心腹间固难措手复谓滇西疮痍甫平脱再徵调民且弗堪意欲反侧子回心输款以自赎也乃贼罪孽贯盈逆计愈决擐甲援旂梟獍万状声犯师宗则居民奔溃四野无烟声犯广西则郡城震悸画相矚视臣令开诚安抚冀犹可以暂寝邪谋贼竟尔负固威羈往抚职官恣杀资氏夷众毁其村寨更分其兵为七哨各路犯顺之势勃不可遏盖贼有不虚生之殊骨故有不可返之雄心贼地称独险跨三省之襟喉计复多年兼万端之变诈跳梁伏穴皆有所资而我患切剥肤稍难为力除便宜迭集近兵调度防御及与按臣多方筹画相机处剿合先驰奏有旨这土夷凶顽叛逆地方官如何不先制驭致令猖獗姑不查处著令抚镇臣相机剿处以靖地方

○乙卯以南京镇抚许国威任南京小教场坐营

○命浙江军门游击王接武分守杭嘉湖地方参将京城巡捕把总徐尚忠为神枢十营佐击陕西总兵坐营中军何崇德为总督标下左营游击

○升浙江副使费尧年为福建左参政复除原任浙江右参政王廷诗为山东右参政升山东登州府知府王以纁为河东运使补升陕西右布政使梁问孟为本司左布政使○复除原任礼科都给事中顾九思为兵科都给事中

○以河南按察使刘世赏为河南右布政四川按察使赵睿为广西右布政广西右参政张偲为福建按察使顺德府知府王守诚为山东副使贵阳府知府周一经为四川副使高州府知府李熙为广西副使庆远府知府王文炳为贵州副使巩昌府同知李启源为四川僉事兵部职方司署员外郎事主事万世德为陕西僉事荆州府同知高则益为云南僉事

○革龙虎左卫指挥僉事鲍举广洋卫署都指挥僉事赵云龙任以兵部题参贪纵不简也

○兵部题锦衣卫已故都指挥同知陈书妻吴氏奏乞将男陈尚思递减承袭一节为炤陈万言授职之后据例止应再袭一辈缘以世庙元后之家节奉特旨准令承袭是以陈书得减袭都指挥同知陈应龙得减袭指挥僉事通计已减袭三辈辈矣今陈尚思系四辈似难准其再袭但系

世庙元后懿亲与别戚不同而陈应龙授职未久旋即病故情亦可悯应否减级量袭伏乞圣裁有旨陈尚思准袭副千户一辈以后再不许越例陈乞仍令该科记之

○以大宁都司军政金书署都指挥金事齐擢为山东都司军政掌印

○丙辰吏部将考察各官徐时可等一十八员复加评品分别以听上裁俱依拟其赃私数多仍行巡按提问

○太子少保吏部尚书杨巍＜娼弊-金＞请罢归上温旨慰留之

○总督宣大山西等处太子少傅兵部尚书兼都察院右副都御史郑雒以御史辛志登弹劾十二罪奏辩略云臣抚大同前官所留商税不过六七百两臣到任三年有余所积至八千余两升任之日造册留与接管官员逃故军粮严行各营径自还库今谓动支商税逃粮打造银器及受郭总兵之金是谁为之而冤及于臣也三镇市货俱各巡抚差官买办唯臣标下抚赏则著落大同委官带买此贡市以来相沿旧事二三年臣见带买不便臣军门抚赏段布唯行该道于巡抚所买市货内取用还给价值又节行各抚臣将所买市货严为估算勿容冒破今谓臣扣留银两稍买奇货是谁为之而冤及于臣也所言标下易马每年二千匹不知是夷人求买之马乎是标兵骑操之马乎乃每匹值三五金而扣留数金臣不知也军门标下掖营旧多积弊臣极力厘革节年所省数多臣具奏将存积之数抵补十二年客饷其应发七万五千两扣贮太仓此各镇之所绝无者谓臣乾没库银则臣标兵数多岂一年枵腹不支粮饷也防秋事毕抚镇各道旧有一宴委实虚文糜费自臣任事痛加裁革今一币不受此三镇官军所共知者谓臣滥受馈遗是谁为之而冤及于臣也冯保非臣安肃县人乃臣县亦有房屋既籍没变卖各承买有人安得谓臣吞买且既谓臣用价吞买又密语冯保待回付还此何谓也军门夜役旧多冗设今逐事裁革今分两班每班止五十名听候差遣乃谓五百名每名母年要常例一两臣忝窃大臣官尊禄厚乃贪昧求索下及贱役恐贪夫亦不为也及谓臣媚虏私增四十万金不知互市抚赏三镇巡抚各自支销各有岁报臣标下亲支抚赏每年一镇旧取四千两臣久任撙节数多截长补短支用今每年每镇所取银或二千两或一千五百两大约岁费不过七八千两该道稽查出纳今谓每岁私增四十万两是取足于户部乎是扣除于军粮乎臣与三镇抚臣奏缴文册在科可一查而知也＜娼弊-金＞入上以雒久历边陲任事省费慰留之

○丁巳户部尚书毕锵上疏乞引年休致上温旨慰留

○番僧马你完卜共九百一名进贡马并铜佛铜塔等物到京□审无碍给赏如例

○夺云南总兵官沐昌祚禄未二月以大计不行自陈也

○原任山西大同府通判杨士魁起复隐匿调简情由朦胧起文查参治罪仍于调简外降二级

○巡抚浙江兵部右侍郎兼都察院右佥都御史温纯题浙省南北二关开设已久南关竹木板枋无分正额多余俱应扣分难以议免其北关税银原额各止数千近乃增至四万相去太远使非苛取何以得此据开卷轴等项其物甚微既不应税即税亦不甚多而在贫民实苦剥削难堪相应革免从之○戊午以山西按察使张一鸾为陕西右布政使陕西右参政王体复为河南按察使江西左参政傅作雨为四川按察使两浙运使游应乾为广西左参政浙江副使张孙绳为四川左参政湖广德安府知府齐一经为浙江副使河南彰德府知府李璿为山东副使湖广右参议武尚耕广西柳州府知府陈大猷俱为四川副使湖广右参议邢侗为陕西行太仆寺少卿四川佥事叶宪陕西凤翔府知府戴凤翔俱为陕西苑马寺少卿

○锦衣卫镇抚等官夏文等因三次失朝令法司治罪完日还职

○己未升李以谦张维新刘尚志张栋为右给事中以谦户科维新礼科尚志栋俱本科

○太子少保吏部尚书杨巍再乞休上温旨慰留○以前军都督府佥书定西侯蒋建元掌南京左军都督府印管事左军都督府泰宁侯陈良弼掌前军都督府印管事南京中军都督府带俸忻城伯赵泰修为南京中军都督府佥书管事

○以陕西都司军政佥书署都指挥佥事田雨为陕西行都司掌印神枢营右副将署都督佥事任大同为南京后军都督府佥书管事神枢营左副将署都督佥事王□为南京右军都督府佥书管事

○以管理红盔将军武进伯朱世雍为后军都督府佥书管事

○以万全都司军政佥书署都指挥佥事许国忠为大宁都司军政掌印浙江总捕都司署都指挥佥事金秉钺为浙江军门标下右营游击管理中军事务○庚申孝静毅皇后忌辰遣南和伯方烨祭康陵

○辛酉升陕西副使党馨为本省右参政陕西苑马寺卿兼按察司副使赵焯为本省右参政山西副使栗在庭为山东右参政山东提学副使范谦为湖广右参政福建佥事刘朝璽为湖广右参议

○升山西右参政刘浑成为本省按察使直隶真定知府王在聘为陕西副使徽州知府高时为浙江副使

○升江西右布政使苏愚为广西左布政使

○起用原任江西左布政使刘继文为四川左布政使原任湖广右参议梁纲为陕西左参议

○升山东按察使宋应昌为江西右布政使河南右参政李廷仪为陕西按察使福建右参议

乔木为云南副使南京兵部武选司署郎○庚申 孝静毅皇后忌辰遣南和伯方烨祭 康陵

○辛酉升陕西副使党馨为本省右参政陕西苑马寺卿兼按察司副使赵焯为本省右参政山西副使栗在庭为山东右参政山东提学副使范谦为湖广右参政福建僉事刘朝璽为湖广右参议

○升山西右参政刘浑成为本省按察使直隶真定知府王在聘为陕西副使徽州知府高时为浙江副使

○升江西右布政使苏愚为广西左布政使

○起用原任江西左布政使刘继文为四川左布政使原任湖广右参议梁纲为陕西左参议

○升山东按察使宋应昌为江西右布政使河南右参政李廷仪为陕西按察使福建右参议乔木为云南副使南京兵部武选司署郎中事主事杨时宁为陕西僉事

○升广西太平府知府王命爵为两浙运使

○兵科都给事中顾九思等〈嬗弊-金〉言贵州抚按官舒应龙毛在谓贵州会城有藩臬而无府县隆庆间设有贵阳府县犹未备今议改程蕃旧治为州就彼弹压诸司及以贵竹平伐二土司并归化新哨二里改入会城为县率以流官治之程蕃改府为州改通判为知州等官虽名色稍变而事体无更又城池学教公廨等项依然具在无烦改作彼中人情似亦相安是计之得者若贵竹平伐二司昔以土司世世相承而今流官矣昔以土司雄长一方而今丞簿矣规制一更其情或有所不便体统少杀其心或有所不堪而番苗杂处狼子野心未必人人贴服遵我文告可为土人虑者一县之设于会城也尊官大吏环而临之不下数十辈而地当滇南孔道轮蹄络绎土司各分其疆而县官拥一虚位供亿繁冗何以应之此为县官虑者二库贮之钱价有限营运之费用不貲能不那借官帑取办民财乎可为全省虑者三且今滇南不靖蜀复多故而贵阳与二徼接境其可虑不又有大哉章下所司

○兵部题覆巡按直隶御史孙愈贤〈嬗弊-金〉谓北虏顺义王乞庆哈于万历十三年十二月病故铃束无人名位未定诸夷散乱事属可虞宜申飭边防至于嗣封一节俟彼大势既定伦次已明听其自行乞求然后徐为酌应必使操纵之权我制人而不制于人斯为万全之策有旨该镇防范抚驭机宜督抚官用心处置○加北路参将麻承勋上西路参将倪尚忠副总统兵职衔仍管该地方参将事

○辽东总兵官宁远伯李成梁以兵科给事中邵庶论其怙宠挟权疏辩乞休有旨慰留

○延绥巡抚梅友松题请延镇东路永兴堡向来改属孤山参将管理其中兵马又摘发强半隶之神木参将操备彼此牵制遇警推诿要将永兴堡地方军马及墩台三十五座与所管边

段俱归属神木参将统辖即于神木参将敕书内增入永兴堡于孤山参将敕书内除去永兴堡部覆依议上从之

○革协守松潘东路左参将王一桂任回卫

○刑部等衙门廷劾朝覲官员及在外见任者玩愒岁月怠缓政务请治其岁有旨姑宥令还任供职在外者行文策励○宗人府掌府事驸马都尉侯拱宸奏永宁公主府中使赵禄率领赵大等阉者董进等拥众入其府第行凶以拱宸责其卒役也上令究治公主府中使而仍戒拱宸令谨守礼法不得容纵下人

○壬戌赐驸马都尉万炜诰命及冠服仪仗鞍马

○礼部题会试事宜请广会试制额上特命取三百五十人著为例

○又议试录程文宜炤乡试例删润原卷不宜尽掩初意至于经房额设一十七员书易经旧例各有四房易经卷多合增一房从之

○升神机二营参将张咸为神枢营左副将京城巡捕左参将王治为神枢营右副将

○癸亥六科查参考成辅臣票拟罚俸上疑其太轻辅臣奏云考成之法所以稽查勘合催督未完初年类参常一二百件摘参常四五十件俱不过罚治今次六科本内类参不过四十件摘参止五件则是报完者多未完者少比于先年不啻倍蓰其所以不能尽完之故则请为皇上毕陈之如催徵钱粮有水旱灾伤及差繁赋重疲敝刁顽该部以起运钱粮不肯议蠲有司以库藏空虚无从措处多方捶楚则无辜就毙百姓不安盗贼蠭起此臣等所大惧也又如捕获贼犯一节亡命之徒四散奔逸潜踪隐迹无人识认即使朝廷之力不能得之于四方而况抚按专驻一方岂能搜之于别省若以此重责抚按亦不过严督司道比较州县州县无策唯凭应捕人役将平民拷逼承认抵数报完无辜被冤此臣等所大虑也又如提问官员一节有升任远处黜回原籍者行文提取非数月不至或人证不齐招承不服及例应驳问者文移往返又非数月不完若畏避参罚急促了事又恐有锻炼文致潦草疏略之弊此亦非治体之所宜也皇上所以警饬臣工肃清吏治不过欲事治民安而已事苟治不必苛责民苟安不必外求今次罚治仍炤节年明旨为当 上然之

○吏部推礼部精膳司郎中张志调补主客司郎中
上曰精膳主客二司职任相等以后只遇缺升补不必挨次调用

○吏部题考察既毕恐有遗贤未举遗奸未汰宜申饬抚按加意咨询悉心甄别 上曰抚按考察所属官员须秉公核实验母但以趋承炫耀推荐非人及以仇揭私憎诬枉善类尔部宜覆加详核务协公评

○左都御史员缺吏部会推刑部尚书舒化总督仓场户部左侍郎宋纁南京户部尚书傅希摯吏部左侍郎李世达兵部左侍郎石星上以司寇重任舒化执法平允不必改用而特用辛自修为左都御史

○升河南副使贾如式为陕西苑马寺卿兼按察司佥事

○升南京吏部考功司郎中屠谦为山东副使提督学校

○户部覆山东巡抚都御史李辅题称德府原讨白云湖周围五十四里六十步计田一千三百二十顷三十一亩零原未履亩清丈四至参错不齐万历五年曾经前抚按因宋登仕等讦告行府丈勘裁出余地七十一里计田七十顷四亩有零应还历章二县延久未结至万历九年奉例清丈仍将前地裁出断归二县致德王复行具奏今经司道会委多官丈勘明白合将丈余民田七十顷四亩零内以三十五顷二亩一分零给与德府管业余地三十五顷二亩零仍归历章二县炤旧给民承种办纳钱粮丈田书册改正的数庶上下妥便经久可行上曰湖地既清文明白准炤数分给管业承种不许纷争渎扰

○革福建总兵官于嵩任广东总兵官刘凤翔著策励供职四川总兵官李应祥准戴罪管事依兵部覆科道纠拾也

○兵部覆大同督抚郑雒题拒墙拒门破胡铁山曰堡地属极边妥用操守其权反轻镇河破虏牛心威平四堡系近内地推用守备其权反重乞将镇河堡守备与拒墙堡操守破虏堡守备与拒门堡操守牛心堡守备与破胡堡操守威平堡守备与铁山堡操守互相更调所管军马钱粮器械等项仍仍旧贯不必纷更从之○甲子
圣母仁圣懿安康静皇太后万寿圣节赐四辅臣上尊珍饌

○是日命礼部右侍郎兼翰林院侍读学士王弘海国子监祭酒韩世能左春坊左谕德兼翰林院侍读赵志皋司经局洗马兼翰林院修撰赵用贤俱补充经筵讲官

○兵部覆郑雒题本镇北东路边垣城堡俱已修葺完固惟镇河镇虏二堡尚系土筑不堪防守应用甃石包砌合用军夫匠役应支口粮俱于河南班军所省行粮每年一万石之数内动支盐菜炭价木植等银俱于河南班军价银内动支自本年三月起工限万历十五年九月完报俱依拟从之

○稽查未完章奏夺马文炜任养心等俸有差仍申饬严催○乙丑升湖广右参政张更化为山东按察使湖广佥事夏良心为山西右参议户部浙江司郎中李承志为四川佥事

○降补原任云南左参政金学曾为福建佥事

○云南巡抚刘世曾题兵备官遇有升迁事故必候交代乃南中叵测夷情与西北埒而兵备

之任亦不为不重顾候代之例未有奉行脱去后有事谁任其咎乞敕查议
上曰边方兵备官候代离任已有明例该省如何不遵令该科查参

明神宗显皇帝实录卷之一百七十一

万历十四年二月丙寅朔兵科给事中李弘道〈娼弊-金〉荐海瑞颜鲸傅应祯梁纲管志道皆君子之当进者谓兵部尚书张佳胤总督蓟辽时营干回部威逼中军张价剖心以死且以千金令七人携送夷人之桀骜者被夷人杀死六人大损国威是小人之当退者乞将佳胤罢斥员缺即以海瑞补之颜鲸等并速行起用其于世道不止小补上览奏谓其牵掣排挤且擅自指缺定拟罚治之

○总督宣大太子少傅兵部尚书兼都察院左副都御史郑雒以历官年久罪状日深身既蒙污人将侧目恳恩休致上慰留之令勿畏避疑谤

○丁卯遣大学士王家屏祭先师孔子○户部覆工科给事中曲迁乔等条议二事一议官解甲字等十库钱粮各官解运本色愿自上纳者即行准听毋许官商暗计阻挠扰害将审编一十四名官商查炤派定班次挨拨毋许夤缘搀越一议召买国家设立内库专受四方任土之贡以备取用岁有定数相沿二百余年未闻不足即嘉靖隆庆年间或有召买而数亦不多历查万历元年至十三年供用库约该价银一十三万八千七十四两甲字库价银三万四千八百四十两丁字库价银二十五万五千二百五十七两承运库价银二十八万二千八百二十三两丙字库丝绵价银三万九千八百九十二两银作局金价银二万三千六百三两通共价银七十七万四千四百八十九两夫供用等库之香蜡银朱铜锡油漆金两丝绵等料若掌库将节年存余及新角□羊之物撙节调停奚啻充溢香蜡焚烧有时铜锡油漆制造诸器体质坚固堪用二三十年近亦十余年丝绵温暖柔细亦堪十余年而该监乃动以缺乏为词数烦宸听不知器用将贮何所给何人而复屡行召买是不可不稽查者皇上聪明天纵恭俭性成顷未减工部木炭之浮数汰惜薪司冗员电发飏驰无少疑贰真可为大圣人之作为矣夫合抱之木蠹自内生日侵月蚀敝坏随之隙漏无几而千丈之堤一旦溃败渐使然也乞敕司礼监将各项召买物料与库收各年物料之数及造作物件见贮若干未造若干应该物料各若干其器物可久用不必新置若干试一简阅而查核之则应否缺欠有无冒破自较然明白矣又乞严谕各库内臣存心体国勿得视前浪请斯或可杜请讨之万一也有旨内库召买间行已有旨今后著加意撙节毋得妄费

○以内殿行礼太常寺失误礼部不申明知会罚治有差

○戊辰祭太社太稷遣公徐文璧恭代

○大学士申时行等题恳乞宸断册立东宫以重国本事窃惟国本系于元良主器莫若长子故汉臣有云蚤建太子所以尊宗庙重社稷也仰惟皇上受天眷命缵祖洪图德泽浹于寰区嘉祥钟于胤嗣自万历十年元子诞生诏告天下五年于兹矣即今麟趾螽斯方兴未艾正名定分宜在于兹查得祖宗朝故事宣宗以宣德三年立英宗为皇太子时年二岁宪宗以成化十一年立孝宗为皇太子时年六岁孝宗以弘治五年立武宗为皇太子尚未周岁也盖豕岁升储所以明震

器之重冲年貽哲所以端蒙养之功成宪具存昭然可考今元子聪明克类岐嶷夙成中外臣民属心已久及兹睿龄渐长阳德方亨册立礼仪允宜修举伏望祇率祖宗之旧章深惟国家之大计以今春月吉旦敕下礼官早建储位以慰亿兆人之望以固千万世之基至于出阁讲学及朝贺等仪稍俟一二年后睿体充实次第上请伏惟圣明裁断施行有旨元子婴弱稍俟二三年举行

○升南京太仆寺丞丁此吕为湖广佥事

○升吏部左侍郎李世达为南京吏部尚书右侍郎海瑞为南京都察院右都御史时吏部推举世达瑞其副也瑞命系特旨云

○太子太保兵部尚书张佳胤因李弘道论劾力辩乞休上慰留之

○己巳吏部题覆礼科给事中王三余题今岁开科当考选庶吉士窃谓抡材嫌于＜娼弊-金＞不嫌于数而官材之道贵于精不贵于多必裒益之适均斯经常而可久今后凡遇科年考选吉士率以二十余人储养成才留授编简官无过七八辈其余酌量才品分授科道部属等官著为定例永远遵守上是之

○升河南佥事容若玉为江西右参议

○庚午大学士申时行等题为再乞宸断册立东宫以重国本事自古享国长久莫若成周善辅养太子亦莫若成周盖自孩提有识而已备师傅之官抗世子之法矣何者以少成若性胎哲自初不可不早建而预教也本朝列圣建储多以冲年实取法成周遗意今元子方及五龄虽未甚壮然比之宪孝两朝实已过期矣如欲修讲学之故事备朝贺之盛仪则恐婴弱之年勤劳未习臣等岂不知仰承圣意爱惜睿体今但举行册立之礼在宫中不过一受册在文华不过一受朝仪不甚繁劳不甚久而名号既正则千万世之统攸关典礼一新则亿兆人之心斯慰臣等所以不避烦渎而再有恳祈者也伏祈皇上念主鬯承祧之重为久安长治之图先议册立以正储位其讲学等仪遵奉明旨少俟二三年举行则貽燕之谋保爱之道两得之矣上仍命遵前旨行

○兵部尚书张佳胤再引疾乞休上仍慰留之

○辛未命礼部尚书兼文渊阁大学士王锡吏部左侍郎兼翰林院侍读学士掌詹事府事周子义充会试考试官

○吏科给事中齐世臣题查云南金腾兵备按察使傅宠临安兵备副使程正谊俱前后闻忧去任世曾所指意者在此据西北见行事例凡丁忧官要将任内经管事务造册呈委邻近该道交明方许离任不知世曾所谓不候代者果不候邻近道抑不候新官乎又不知所指者谁也嘉靖四十二年一例山狭蓟辽兵巡官员如遇升迁务候新官交代其考察被论不在此限

万历三年一例陕西边方兵巡官员亦要将任内经管事务造册呈委邻近该道交明不许擅自离任盖亦未言必候新官也及万历十二年题覆奉旨今后冲要边方兵备官员虽系降调还听候交代不许擅离是降调者视昔加严而丁忧者仍循旧例也夫既曰边方则何分于东西南北既当候代则何分于事故升迁乞再申飭凡带兵备职衔者不论升迁降调一体候代其丁忧者亦须呈委邻道交明方许离任不得托言恋事之嫌即图释手以便其私有旨不候代官员著抚按查明具奏余俱依拟

○礼部题查得鲁王第十一子寿鏞系次妃张氏所出第九子寿鏞系寿鏞同母已于万历十一年遣官册封为泰兴王今寿鏞既经查明别无违碍例应一体准封上以该府庶封甚多令抚按查明具奏

○内旨传礼仪房供事锦衣卫指挥僉事可贵等六员各升同知僉事有差礼仪房应役写字催事锦衣卫衣左等所冠带总旗李寿等八十余员各升级有差下兵部

○壬申准原任湖广副使颜鲸广东僉事管志道以原衔致仕鲸志道被察科道交章荐举部覆谓其大计被黜祇缘修憾于权门公论既明未可辄入于盛世但破格之典固所以待贤者而守法之慎亦所以防幸途合依例以原官致仕上从之且曰考察重典先朝禁例甚严若以一二人诬枉破坏成法开夤缘干进之门殊乖政体今后考察正数官员再不许违者混荐

○准河南巡抚都御史臧惟一回籍调理

○科道交章请册立东宫俱报闻

○都察院左副都御史陈瓚题查盘所以查奸摘弊事何可已但南京江仓屯马加以巡按巡盐共计五差而巡抚不与焉往年人各委官纷纭四出不惟胥役之问罪重叠牵连抑且地方之供迎络绎骚扰官民盖俱病之臣等反复思维窃谓各差既有专管钱粮而收支完欠之数不使与闻将滋奸弊委于事体未妥若仍听各差自委查盘则纷纭骚扰依然如旧非所以体皇上省事安民之意也臣等酌于二者之中惟岁中会查极为简便上依拟

○吏科给事中陈与郊〈娵斨-金〉请严禁馈遗有旨申飭

○癸酉吏部推刑部右侍郎吴时来堪任吏部左侍郎

上命沈一贯升吏部左侍郎兼官日讲炤旧而改时来为右

○改南京刑部右侍郎姜宝为南京吏部右侍郎

○降太常寺少卿孙维清一级调外以前任考功主察附权行私也

○户科给事中姜应麟题正名定分国本所以安别嫌明微君道所以正恭睹圣谕贵妃郑氏著进封皇贵妃臣愚窃谓礼贵别嫌事当慎始

贵妃以孕育蒙恩岂曰不宜但名号大崇亦所宜虑 贵妃虽贤所生固
皇上第三子也犹然亚位中宫则 恭妃诞育 元嗣主鬯承祧乃其发祥顾当翻令居下耶揆之
伦理则不顺质之人心则不安传之天下万世则不典非所以重储贰定众志也伏乞
皇上俯从未议收回成命以协輿情其或情不容已势不可回则愿首册 恭妃为 皇贵妃次及
贵妃两典一时不妨并举则礼既不违情亦不废长幼之分明而本支之义得矣抑臣之所议
者末也未及其本也 皇上诚欲正名定分别嫌明微莫若俯从阁臣之请册立
元嗣为东宫以定天下之本则臣民之望慰而 宗社之庆长矣
上怒责其窥探命降极边杂职得山西广昌县典史

○甲戌遣礼部侍郎朱赓祭 三皇于景惠殿太医院官祭 先医之神赐辅臣祭余

○吏部验封司员外郎沈璟亦＜娼弊-金＞请立储而并及议封 皇贵妃并封
恭妃庶无独进之嫌 上怒命谪三级得行人司司正

○乙亥升云南副使王桥为江西参政

○礼部请立 皇储因议并封 皇贵妃上不听○四川永宁宣抚司土舍奢崇周代职抚子女土
官奢世续奏部目沙卜蒸奸阿著拨置凶淫更名奢世□故违

明旨阻挠坐镇

○四川军民府土官知府禄荣奏安国亨因借兵不从怀恨诬奏且谋夺职 上俱令抚按勘报

○兵科都给事中顾九思等奏本月初六日见传升礼仪房供事锦衣卫指挥僉事等职几至
百员相顾而骇既而知为 皇嗣升赏事属有因昔年 元嗣诞育庆莫大焉故一时恩典隆号
两宫普泽九有然当时犹以传升一节于制无当今日之庆较之元嗣则有间矣何独于礼仪
房员役有此非分之赏传升非 祖制偏赏非公典独不可以大义止之乎乞收成命悉从寝阁

上不允

○丁丑 上御经筵

○上谕内阁言科道救姜应麟沈璟朕之降处非为册封恶其疑朕立幼废长揣摩上意朕思
我朝立储自有成宪岂敢私己意以坏公论彼意置朕不善之地故有是处令拟票辅臣拟票
进奏言 皇上圣智如神睿谋独断慎重国家之大本率循 祖宗之旧章睹纶音之屡颁知
圣志之坚定敷宣德意尽释群疑不胜欣慰仰戴之至

○升广东参议杨标为云南副使

○科道交章论救姜应麟沈璟

上报曰立储以长幼为序 祖宗家法万世当遵朕仰奉成宪俯察輿情岂肯以私意违拂公论姜应麟等揣摩上意以舍长立幼为疑置朕于有过之地特降处示惩非为奏请册立之故国本有归朕已明白晓示待期举行各官宜体朕意不许妄疑渎扰

○祭 历代帝王命公徐文璧侯吴继爵伯毛登尚书杨巍各行礼○叙十三年蓟镇春秋两防功主客将领纪录罚治有差

○兵部覆贵州程番府改州贵竹平伐二司改县事依科议行抚按虚心体勘处置得宜上从之

○戊寅升浙江布政使衷贞吉为都察院右副都御史巡抚河南兼管河道提督军务

○户科给事中常居敬< 娼弊-金 > 请复召对之典 上报闻

○命南京前军都督府佥事吴鲸以原官充总兵官镇守福建福兴泉漳延建邵武福宁并浙江金温地方南京守备掌南京中军都督府事临淮侯李言恭总督京营戎政

○山西抚按题称太原府繁峙县城垣设居山麓南依高山西逼土岭不堪保障查河北石龙冈地方形势既壮土脉亦坚应将县治改建于此修城军士合用银七千八百两宜于大盈等仓收贮民屯积剩粮银内动支兵部依覆 上是之○山西抚按题修各墙堡墩台该银八万四千八百两欲动支西盈库支剩修边等银一万七千三百三十一两及大盈等仓库贮民屯支剩粮银三万九千二百七十八两不敷之数随年陆续措处给发部依覆从之

○己卯升协理院事右副都御史陈瓚为刑部右侍郎湖广巡抚李江为南京刑部右侍郎升江西佥事吴显为广东右参议

○户部覆奏延宁镇大小二盐池之课原议抵充两镇军饷银两乃行之未几盐课短少不独旱荒之相仍亦人谋未周地利未尽因革失宜调停未当也今总督邵光先讲求区画条为八事一议拓池地以收遗利一议增坝夫以便捞办一议坝夫工食以贡用工一议掣支以恤商困一议建盐房以便积贮一议贮引目以一事体一议革搀越以厘宿弊一议立考课以示劝惩相应依拟 上从之○升五军四营游击胡承勋为神机二营练勇参将兴都留守司掌印署正留守李应诏为京城巡捕左参将神机九营佐击韩光为神机三营参将

○庚辰升浙江右布政余一龙为本省左布政

○与原任大学士殷士儋男生员殷盘承荫中书舍人

○祭 太仓之神命侍郎毛钢行礼

○南京吏部尚书丘橓于十三年十二月在任病故予祭葬如例赠太子少保特命予谥

○原任太子太保吏部尚书梁梦龙奏父封太子太保吏部尚书病故乞赐祭葬予之如例

○原任顺天府府尹李敏于十三年二月在家病故炤例予祭减半造葬

○辛巳起补原任南京湖广道御史胡用宾为湖广道御史升大理寺寺副丁应诏为江西佥事

○命佥都御史赵焕署掌院篆

○壬午革原任中军坐营都司王有麟任○升五军营左副将谢天祐为南京前军都督府佥书管事四川都司军政佥书程世文为兴都留守司军政掌印

○升授泰宁福余卫头目又哈来等三名都指挥佥事颁给敕书令赍捧回卫管未部落恪守职责

○命管理红盔将军广宁伯刘嗣德左军都督府佥书管事管理大汉将军镇远侯顾承光前军都督府佥书管事

○癸未升南京太常寺卿孙坤为都察院右副都御史巡抚湖广

○郧阳巡抚方弘静循例引年乞休 上不允

○升山东巡抚李辅为都察院右副都御史协理院事

○升江西按察使王象坤为浙江右布政使

○户部覆浙江道御史宋仕陈禁革羨余议处公费二事深于又治民生有裨相应依拟 上曰近来小民困苦各该地方官正宜刻意节省务加抚恤若以交际议增公费终为民累著遵屡旨一应馈遗通行禁革有故违私增者科道指名参究

○命原任南京守备魏国公徐邦瑞南京守备掌南京中军都督府事

○甲申除补原任山东道御史刘怀恕为河南道御史

○刑部山西司主事孙如法＜娼弊-金＞奏宜允阁臣礼部之请册立 东宫 贵妃

恭妃宜同时进封以释群疑召复姜应麟沈璟原职仍加褒奖以彰虚怀纳谏之度 上怒曰立储定序已屡旨明示孙如法不系言官如何出位渎扰救护且宫闱事体彼何由知好生狂躁本当重处姑降极边杂职再有妄言者重治如法得广东潮阳县典史添注

○南京吏部右侍郎海瑞恳恩致仕兼陈一日治安天下事谓礼大夫七十致仕臣今过而三矣狐死首丘人情同然 皇上其不一假之乎自张居正刑犯而后乾纲独断无一时一事不惟小民之念有其心不收其效者失之有刑而刑轻也诸臣莫以其故闻诸臣皆是贪风俗中人待士有礼之说借口而非其正不可信夫待士当礼而民何辜乎 太祖初剥皮囊草洪武三十年定枉法八十贯绞之律弘治士多廉介之节民无渔夺之忧政刑原非德礼外事士乎民乎太祖之权冲审而两全之矣正德初年美意始变 世宗朝詹事霍韬所以有文官恶其厉已托钦定事例改杂犯之＜娼鬻金＞也贪其害之大者与犯此者抚按官为甚吏部未有执之而酌抚按进退者抚按得以容贪贪可得而禁乎京师四方之极两京官借口公费无一衙门无有以輶轂下而义利之辩不明至此贪又可得而禁乎又曰今日尚有从头之差到底历举其事如漕运仓场金花马价光禄之

上供南京之马快船后复言宫女称宫怨内臣称旷夫贫人宜蠲免而赏赉不必尊者且望皇上职要不必劳神章奏意实忠爱切直而语多疵滞 上命遵新命供职余报闻

○清明节遣侯吴继爵常胤绪伯王应龙卫国本刘嗣德分祭 九陵伯张元善祭

恭仁康定景皇帝陵寝指挥僉事蒋克谦祭 哀冲 庄敬二太子园寝

○上以江北旱涝蠲免凤阳班军名粮从抚按请也

○乙酉升江西右参政戴耀为本省按察使

○会试举人因点名时搀越混扰踏死余姚举人陈希伊宁海举人吴国宾事闻 上命罚治御史兵马等官各有差令顺天府厚给死者兵部给脚力应付回还○录广东南头碣石二寨擒斩海洋倭贼功赏总督吴文华等银币有差

○升京城西北巡捕把总许鸣时为神机九营坐击德州守备大廉为五军四营游击五军七营练勇参将刘光祚为神枢营左副将

○巡视南京营务南兵科给事中钟宇淳＜娼鬻金＞称五事一祛积蠹以实营伍一厘时弊以裨马政一重提督以固防守一时修举以备不虞一增月粮户部议覆余四事兵部覆依其三而重提督一款恐滋纷扰俟行查议 上从之

○丙戌河南道御史傅光宅题八事事之大者有四曰勤政以安 圣躬务学以端化原进贤以淑人心纳谏以作士气事之小者有四曰宗室之禄产当议有司之更调当议驿递之禁例当定士夫之优免当均 上谓其言有可来下各部及议覆 上命申饬行之

○升左通政沈玄华为南京太常寺卿

○升南直隶杨舍守备管懋光为广东练兵游击将军分守大同北东路右参将李联芳为五军营左副将

○丁亥升四川副使史继辰为江西右参政

○升山西左布政使李戴为都察院右副都御史巡抚山东地方

○南京科道纠拾原任江西左布政今升江西巡抚马文炜原任广宁兵备按察使升辽东巡抚兵部右侍郎兼金都御史今丁忧李松原任山西参政今升山西大同巡抚右副都御史胡未贡巡抚宁夏右金都御史张九一均属冒滥吏部分别议覆有旨来贡留用松在藉听用大炜调南京别衙门用九一调外任○与原任太子少保兵部尚书兼都察院右都御史掌院事赵锦继母鲁氏祭葬如例

○兵部题逃故军人角□羊补原伍此系清勾旧例自改编之事例一开而告改卫所者源源相继将符伍日渐消耗军卫日就空虚即蓟辽山狭一带重镇军人且将望风逃匿图脱边伍是尤不可不为之虑者莫若仍炤旧例遵行为便有旨军人南北改编既称不便以后勾军补伍只遵炤旧例勿得辄议纷更

○戊子升顺天府府丞韩必显为通政司左通政

○发太仆寺马价银三万三千三百六十四两于宣府为万历十四年市本之用

○己丑升陕西庆阳府知府景嵩为四川副使山西右布政沉子木为本省左布政使

○革贵州新科举人尹新以原籍江西冒贵州也○升大同入卫游击钱禄为分守大同北东路地方右参将河间领军游击唐嘉相为五军七营练勇参将

○庚寅升陕西道御史张文熙为顺天府府丞

○贵州新添乌撒二卫坍塌城垣兴工修理将普安州治移入卫城官舍互换从抚按请也

○工部题御用监传造天灯万寿灯及春联门对等项估算工价计十万余两即见无大工亦必竭库藏之储方可办此今寿宫兴造伊始至议及开纳亦万不得已之计而在外采木采石一切运价又俱倚办于此倘日后措处不前臣罪何赎且去岁乾运龙德二殿已荷皇上纳臣所奏谓大工方兴特准停止及减织造烧造皇上节用爱民至德即大禹克俭何加焉如此则前项天灯似应暂准停止庶不顾此失彼财用亦可措办上览奏犹令措办工料三分之二应用

○辛卯升山西按察使李采菲为本省右布政使

○升河间守备朱维祯为河间领军游击

○升吏部文选司郎中李尚思为太常寺少卿

○升山西按察司僉事郭性之为本省右参议

○壬辰蓟杭等处提督织造司礼监太监孙隆奏请内帑袍服归并五府织染局四千疋数内通令食粮额匠织造则前项见行民匠可免顾募而每岁工费可省数千余两得旨内帑银织造袍服每运三百疋准并大运四千疋内派织角□羊进

○癸巳升张家口堡守备奚应魁为大同入卫游击

○甲午大风霾

○以恭视写篆皇贵妃 德妃册宝赐辅臣银币有差

○兵科都给事中顾九思等太子少保恭顺侯吴继爵贪秽久彰物议沸腾拾遗之＜娼弊-金＞台省交章＜娼弊-金＞墨尚新人言未息
皇上既不去之独奈何又从而进之乎乞收回成命亟行罢黜管理大汉将军员缺另行推补上不听

○礼部取中会试举人袁宗道等三百五十名

○乙未通政司参奏南京新房闲住奉御冯保差家人冯继清赍本投司乞要恩赦还乡夫冯保者极恶穷凶神人共愤蒙恩薄贬南中已宽斧钺之诛第宜窜伏悔罪少延须臾之命何当辄有此奏伏乞大奋乾纲将冯保从重正罪殄绝妖孽 上命锦衣卫讯究冯继清主使之人

明神宗显皇帝实录卷之一百八十一

万历十四年十二月辛酉朔吏科左给事中张养蒙＜ 铨-金 ＞言新升锦衣卫都指挥同知堂上金书管事罗秀本太监滕祥家奴抱琵琶而入侍者也凭藉主赀累息钜万贿官该卫殊骇听闻往岁即营求上堂管事兵部尚书王遴持正不从中螫而去未几考选军政啧有烦言秀贿嘱多门竟尔漏网王遴之去曾几何时已由镇抚司贿上大堂矣命下之日朝臣相与目笑心诽下至九衢吏胥三尺竖子亦喧传为奇事兵部公然推之物议纷纷其故盖难言矣伏乞 皇上洞察贱流贿进之由亟加褫黜仍乞谕戒本兵张佳胤忠清报国勿以簠簋损名章下所司部覆革任回卫 上令致仕

○壬戌工部左侍郎曾同亨三年考满录荫一子

○太子太保兵部尚书张佳胤以罗秀被纠引嫌乞休 上慰留之

○覆吏科都给事中杨廷相等题考察京官列为四事一曰核名实如往者故相专擅一时附和斥逐殆尽乃今之刻礲者多借之以行私闪烁者又飭之以自诡宜精察贤否使名实不紊二曰端趋向夫昔之奔竞者俛首濡足易知也间有机械变诈之夫自知踪迹及已势莫能逃亦托之乎条上封事以簧鼓耳目其心固幸不察则免即不免且藉口以为后图此非大奔竞乎宜显黜之三曰辩暧昧夫贤士每特立而独行奸人恒抵隙而投间事贵章明不宜暧昧毋惑浮议毋信单辞必使奸狡不行善类无枉四曰公纠拾顷者大计外吏曾拾有司之遗乃今京官考察仅拾京堂而不及庶官是中外二体也宜查嘉隆旧例兼拾庶官之遗为便又御史王国等亦条为三议一公鉴别一戒逢迎一明趋向吏部据覆有旨近来人情士习巧伪多端往往有怀私报复挟诈逢迎淆乱公是考察宜虚心咨访精核名实毋得轻信偏执有大公平之体

○户部题临清两仓岁收山东河南粟米一十九万四千四百名原为预备拨补漕粮之数逐年漕运依期无藉拨补遂致两仓粟米积久成腐今议每年二仓共留米五十万石以备灾伤改折凑补余米支运太仓即以太仓免运米内炤数改折角□羊贮太仓以为前项官军四月十月折色之用 上从之○礼部以唐王冒禁请封妾子援例执奏以明法守上以特恩出自朝廷原不为例后有援例渎请者执奏参治

○刑部申明刺字事例以一法守律文内监守自盗及常人盗仓库钱粮者俱于右臂刺益官物三字又有以盗论者刺字准盗者免刺载诸名例律甚明然二百年来以盗论者亦未以刺字之法一切绳之 列圣相承大都有免多官建白毕竟从宽盖盗贼之行与侵欺之辈犯自不同故以之为罪与真盗之罪终属稍间如以良家之子视同盗贼孰肯当朝廷之赋役而蒙孝子慈孙所不改之耻哉且今中外犯法者有议赎之条系窃盗者原不准赎刺而发配彼亦甘心若粮里库役有力者准纳赎矣又从而刺之无乃太甚乎得旨盗犯赃贯原有正律以从真盗实赃不论犯徒减徒务遵前旨其查盘坐侵等项准炤旧免刺不必引用新例

○癸亥南京工部右侍郎张孟男三年考满录荫一子

○原任户部右侍郎兼都察院右佥都御史杨俊民以回部管事辞免兼衔从之

○革沁源王长子效鐸为庶人姑发闲宅禁住夺沁源王瑄墀禄米三分之一以山西抚按参其不法也

○甲子河南道试监察御史许守恩题 皇上聪明睿智如直海瑞而起擢不次贤辛自修而特批中台是至明也臣以为扩此至明请于召问加之意退朝之暇便殿之中降一清问经筵日讲问难讲官况京察临迓公卿之贤否忠邪应对时可以见之 皇上勿以此为难也 皇上宽仁爱人如忧旱而步祷南郊恤灾而特发帑赈是至仁也臣以为广此至仁请于节用加之意珠宝磁器宁不可罢取而宽民力耶夫珠磁饥不可以为食寒不可以为衣况海内尽灾流离载道尤当軫恤 皇上勿以此为迂也国家虽安不可忘武 皇上戎衣谒陵乘骑往 郊天下咸颂 圣天子之神武臣以为 天子之武在慎选名将固守封疆况今边衅渐开黠虏时发尤拊髀之秋乎诚得名将而任之则谨烽燧精火器善阵战设埋伏使边疆之无虞者将次第举矣人之声音发于丹田 皇上天音宏畅后声悠长天下咸颂

圣天子必万寿臣以为养寿之道在于节其酒色强固 圣躬况今 皇子冲龄 圣躬关于 宗社者尤为至重乎思其重而节其欲则亲儒硕勤召对御暖阁阅章奏凡保身以保国者自次第举矣臣又闻之有仁明英武之 圣君主之于上亦必有德望隆重之大臣佐之于下乃可以压服天下之心震慑四夷之胆今兵部尚书张佳胤肆贪黷而营求本兵宣大总督郑雒忘骨肉而求得美官皆廉耻扫地缙绅不齿以是而寄重任望轻人侮将北虏动易与之心而国家受小人之祸矣乞速赐罢斥有旨报闻两臣留用

○山东道御史朱应穀为用法非常民不知避言锦衣立枷之惨甚于重辟乞将罪轻情重相应枷示者开拟数款题请为例犯非此例者不得一概引用 上不听

○乙丑辽东抚按会题辽镇今岁雨水风虫相继为灾议炤被灾轻重蠲免有差共亏饷银二万六千八百八十六两即于赈银五万两内炤数扣抵余银二万三千一百一十三两分发五道多寡有差该部依覆从之

○丙寅太子太保兵部尚书张佳胤再< 銮-金 >乞休会御史徐元复有论劾 上留之○朵颜等卫夷人阿里麻等二起共一百八十有三人来贺长至令节并补万寿圣节宴赉如例

○丁卯赐故南京户部尚书黄光昇祭葬如例光昇福建晋江人嘉靖八年进士官知县选授给事中历广东廉使再晋方伯以定交南莫泓翼之袭及讨定猺黎新会贼之功晋右副都御史巡抚四川以三殿采木有功晋兵部侍郎总制蜀楚黔三省讨叛苗多所抚降诏赐白金大绮召入工部寻拜南京户部尚书寻召刑部后请老归居四年复召为南京户部尚书泊就道

有以稽命劾者免归至是卒诏赠太子少保谥恭肃光昇掌邦宪屡献诏狱通罕入犯薊抚徐绅初与杨选同论死而复从末减相嵩子世蕃被鞫时台寺欲当以磔且欲连罪嵩光昇执不可止世蕃伏诛海忠介瑞上封事 肃皇怒甚罪且莫测光昇与执政谋具重辟而所列罪词则不应辟奏上得不下盖委曲平亭光昇先后具有苦心焉

○戊辰都察院左都御史辛自修引疾乞休 上不允

○乙巳大学士申时行等复请补阁臣 上不允

○复除原任浙江道监察御史赵卿为广东道监察御史

○与肃王缙＜ 火贵＞甘凉等处未给半分庄田草场从部覆与

○辛未山西巡按御史陈登云条议救荒二事一曰尽盐利议于盐花生时权令附近居民籍名于官任其捞取或炤商人中盐之例量分十之二三以偿其劳一曰借塞谷那借三分之二代九县应纳本色仍量留三分之一以备边关缓急之用部覆从之○原任通政使李际春在籍病故与祭如例

○壬申原任巡抚陕西地方都察院右佥都御史今升南京大理寺卿李汶以母老引疾乞休从之

○诏械系衡府长史郑复亨承奉张成来京究问以抚臣李戴奏其不法也

○癸酉总督宣大太子少傅兵部尚书兼都察院左副都御史郑雒以许守恩参论疏辩乞休上慰留之且戒言官不得以琐事指摘隳阻任事之心

○江西道试监察御史郭万里参论掌詹事府事吏部左侍郎兼侍读学士周子义文学虽长节无可取宜罢 上以其学行素优留之

○与原任少傅兼太子太傅礼部尚书武英殿大学士吕本妻夏氏祭如例加一坛

○甲戌操江都御史滕伯轮条奏江防三事一议口粮欲将附选锋一千名炤前选锋例每月各给银二钱一议赎醵谓操江兵马钱粮自裁省之后窘束太甚要将南京屯田巡仓御史每年各应解银八百两除量免外乞解贮镇江安庆二府以补裁革备饷之需一议改恤欲将新江口额设官军每月行粮四斗折银二钱关领无非怜恤贫军之意部覆唯口粮依拟赎醵另行议处改恤行南京户部酌议从之

○发临德二仓米于大名等处为明春鬻粥之用俞抚按请也 世宗肃皇帝忌辰奉先殿行礼遣成山伯王应龙祭 永陵

○乙亥 贞惠安和景皇后忌辰遣惠安伯张元善祭 陵寝

○丙子准太子太保兵部尚书张佳胤致仕令乘传去

○詹事府掌府事吏部左侍郎兼翰林院侍读学士周子义以人言乞休至再 上皆留之

○时畿辅灾伤重大部依抚按议将冀州等处除存留钱粮炤前议蠲免其起运秋粮应徵者作速微解以济京边紧急之用应停者即便停徵以纾小民目前之困有旨依拟以纾民困且谕以畿辅重灾朝廷加意悯恤屡行蠲赈司道有司宜多方节省用心抚字务在弭盗安民有不职者令抚按督察参治

○礼部＜ 铨-金 >天灾流行亟图修弭宜敕中外臣工各思过愆痛加修省尤望皇上克谨 天戒益懋 圣修轸财赋之浚民而赉予樽节察忠言之逆耳而戢直优容主静以主极则高居端拱不驰志于畋猎兵戎保身以保民则寡欲清心勿撓情于声色翹檠上优答之

○戊寅革靖江府奉国中尉邦菟为庶人送发闲宅以其后衅杀人也

○己卯以年节赐辅臣讲官银币各有差

○升福建副使徐用简为江西右参政○褫福建僉事王豫职焚其告身以酷秽依法司问拟也

○庚辰先有左道娄佛显等擅入禁城擒送法司问拟佛显监候处决吴讨等口外为民上依拟

○辛巳升刑部广西司署员外郎事主事熊敦朴为福建僉事

○总督陕西三边军务兵部尚书兼都察院左副都御史郅光先以言官论其隐匿边事不报疏辩乞休 上慰留之

○时张佳胤已准致仕兵科都给事中顾九思等追论罗秀厮养不宜有卫堂之推卢洪秋纳级不宜有温处之转会推本兵宜博稽精选无问内外无拘年资先之以操持之坚次之以边务之熟膺是任者宜洗心涤虑正己率属所进所退一归于正而中外臣工莫敢奸乎其间即虏人闻之亦知有大司马之重而隐然虎豹之势矣有旨洪秋革任夺该司官俸三月仍令武职不许用纳级人员○壬午起原任吏部尚书严清以原官管兵部事

○御史秦大夔题称钱粮出纳行各该衙门将经管钱粮逐一查计本年额派收放借支存积并冗费冗食可以裁减者备造简明数目奏呈 御览及称各省直有田地荒芜者招民开垦

穷民逃流者拨给田地牛种不足者量为处给或劝借富民量加奖表部覆依拟从之

○更定山西驿递头役增银招募从抚按请也且令严禁冒滥务清宿弊

○论肃州失事夺总兵刘承嗣俸三月参将孟孝臣准任随营立功僉事王尧仁提问员缺依督抚调补

○癸未命翰林院编修陆可教编纂六曹章奏○以万全都司掌印署都指挥僉事司忠广东都司掌印署都指挥僉事董永远为五军三营参将中都留守司僉书署副留守周思丈江西都司僉书署都指挥僉事蒋基为统领蓟镇德州秋班官军游击宣府顺圣川西城守备王承业为三屯车前营游击

○操江都御史滕伯轮题议操江添募水手部覆从之

○陕西总督郅光先题宣大酋虜麦力哥把兔等来由川底西讎敌国人马并困刍养无资前来肃州求市求赏固为乞怜常情但纠众入边直薄城下混挟人畜则有所挟而然也挟而许之则其心益骄虜情款玩之久不可不济之剿堵而甘肃积弱之势时当利用乎威严因献三议一曰持常胜之策东虜麦力哥等大众出边还我人畜将尽我见得伊三虜太阿之柄在我伸缩得以自由如或怙终不悛复犯内地便将三虜梟示旌于大振不测之威倘悔罪哀恳其情可原姑施不测之恩与之薄赏与之小市将三虜徐议放还以彰 天朝不杀之仁亦以寓羁质之意二曰振鼓舞之策乞将甘肃赈济银三万两星速解至为赈犒悬募之资三曰饬制驭之策谓虜在宣大源也甘肃流也不止防于始达之地而拒堵于放海之时亦晚矣欲宣大督臣同心共济部覆依拟 上报可

○原任南京兵部尚书戴才在籍病故与祭葬如例赠太子少保妻田氏合葬并祭

○特与河南宗正睦＜ 木挈＞辅国将军葬恤以示优崇＜ 木挈＞系中尉而孝友博雅迥出等伦舆论重之

○甲申礼部进宗藩要例且言恩施无节则后将难继事例不定则人易为奸愿皇上念此例出自钦定斟酌损益至为详妥于凡宗人请乞一皆以例为准则圣心可以不劳而 圣惠所及公平广大恩莫有著于此矣 上览之曰今后王府奏请例内应得者即与题覆如有未合还奏请定夺务体朕敦睦至意毋容下人作弊留难

○与原任都察院右都御史兼兵部左侍郎何栋祭葬如例栋于元年病故其子至是始行陈乞部覆与之

○三镇贡市事竣叙录效劳文武诸臣赏郑雒萧大亨银币有差

○乙酉郑雒再疏乞休 上复留之

○巡按山西御史陈登云题本省五台山木非边防所关议欲暂弛山禁俾各饥民樵采以博鬻贩之利一谓平阳潞泽地方距边千数百里原派修工民壮宜令角□羊银招募以充勾摄之烦及称海内凶荒民多为暴各处民壮所当及时整顿以防内患部依覆 上曰各处民壮通不操练止供迎送杂差缓急何赖依拟行各抚按严督兵巡等官精选强壮著实团操遇有盗贼生发即便剿捕如仍前疏懈失事重治

○丙戌更定江西南昌卫所军余丁差徵银募役不许卫所官占役包纳从按臣陈有年请也

○升广东都司掌印署都指挥僉事董永遂为浙江温处地方参将神枢四营佐击署都指挥僉事熊文济为万全都司军政掌印

○丁亥 潞府讲官董樾等九年考满

上谕阁臣请将董樾升本院修撰仍暂管简讨讲读事务郭文灿升王事仍管侍书事务

○上以天旱遣官祭 南郊 北郊 神祇坛且行令河南等处巡抚祭其境内岳神○

巡抚大同都御史胡来贡请改祀北岳于浑源川礼部言大明集礼所载汉唐宋北岳之祭皆在定州曲阳县与史俱合至于浑源之称北岳止见于州志碑文而稽之经传茫无可考窃恐未可以轻易也仍遵宪典祀于曲阳县其浑源恒山宜炤弘治中原题行彼处官司量加修葺用存古迹庶为两全从之

○戊子 上御皇极殿顺天府官进万历十五年春百官致词称贺赐百官春饼

○是日又特赐三辅臣上尊珍饌

○升巡抚贵州地方军务都察院右副都御史舒应龙为南京大理寺卿一己丑 上亲诣太庙行 大祫礼

明神宗实录卷之一百八十一终

明神宗显皇帝实录卷之一百八十二

万历十五年正月庚寅朔 上御皇极殿受百官朝贺

○寅时得风从东北艮方来四方晴明

○壬辰发帑金赈宗室充火□于等仍命照数给之先是怀仁王府奉国将军充火□于奏各宗贫窘可悯状 上惻然久之户部因请陕西河南山西山东岁大凶照怀仁府一体赈给

○户科给事中李廷谟题往西镇虏未款住牧不过松山宾兔西海丙兔两枝自虏王西迎以来河东灾旱恋牧窃据白马阿赤把都儿台吉等族类滋繁若肃州则火落赤峡口则抄胡儿海上高台南山诸处不下数十部落煽集逐水草抄胡儿先登空墙火落赤把汉台吉引众党助当事诸臣巽懦畏缩仅仅堵遏幸其出境援以为功竟使套虏拥众数万指名邀赏执请市之文该镇董世彦等乃泄泄然效薄赏小市之议以求缓目睫而调度额兵仅仅一千五百名不精地形斥候弓弩火器戈矛钲鼓之司该镇之罪不问可知惟是虏封未定部落生心明知宣大贡市不可久及此时河西多衅选帅练卒公赏罚克语戎兵以安甘镇是计安河西者即所以计安诸镇也命下所司

○甲午诏兵部武弁若属世职存留管事加纳者严加考核果有勇略功劳分别叙用不堪者应革回籍兵部因分列二款如侯之胄清浪抚定苗夷边腹多勦林鹏善骑射卢述创台蓟门破倭龚子敬骁勇过人遵旨存留管事钱应祥等十九员略无功能可纪相应革回上可其奏复谕非系世职武举不许领敕行事及朦胧推升咨用自是武弁之滥者稍清矣

○丁酉 上亲享 太庙

○是日午时西南有雷声夜四更见火星逆□入太微垣测在轸宿度分

○戊戌刑科给事中李国上上言先年河决桃源崔镇口等与高家堰黄浦浅诸处徐邳间俱成巨津赖旧总河臣潘季驯创建遥堤修闸坝筑堰口导汜滥东归云梯关入海五六年来无水患顷秋水霪潦横流河决万家口凡百余丈诸臣用力葺塞稍得缓流可用决排之力若春涨波涛汹涌新塞之口必决值粮运未过之日深为可忧非严飭该衙门官员乘时修治不可上曰河渠岁修先年漕臣题有旧例著该衙门严督所属用心毋得怠弛

○己亥申明门禁武官三品以上文官四品以上入朝得以四人自随五品以上三人六品以下二人卫官管事者一人从人非悬带印信未牌不许擅入

○庚子 上御文华殿讲读

○升大理寺右少卿罗应鹤为本寺左少卿左寺丞崔廷试为右少卿

○户部上言国家因地制赋皆古什一遗意总计以十分为率有司升降各以分数多寡立为定_<矢见_>然灾伤年分不肖有司每藉口参罚常格间或时值考满升取虑任内钱粮未及分数有违明旨每每严比取盈方今水旱频仍无处不灾合遍示诸郡邑除无灾地方及灾三分以下者照常追徵外凡灾伤四分以上各照原题被灾应免数俱宜减徵不必求盈常额三年朝覲行取给繇等官任内有灾免年分亦于送部册内明白开报本部惟据应徵钱粮稽查完欠分数不以题免钱粮概作未完参论上是之

○上视朝午门外缉获诡服三人以守门官吏平昔疏纵不能稽察奸处之仍谕京城内外及各省直地方但有学左道煽惑人心缉事巡捕严行访拏究治地方敢有隐匿一体治罪

○都察院左都御史辛自脩因言白莲教无为教罗教蔓引株连流传愈广踪迹诡秘北直隶山东河南颇众值此凶年实为隐忧请命下五城御史及咨各省直抚按官督令军卫司严行访拏仍将律载左道条款及

明旨内事理刊布大字榜文晓谕敢有仍前不悛依律正罪容隐不举者连坐

上报可○辛丑兵部请大阅上以司礼监太监张诚往擢用副参游击杨绍勋等二十四员蓟镇中路南兵营游击韩沛墙子路游击李信界岭口关提调王伟忠昌镇营河兼巩华城守备王国贤俱革任韩沛李信令巡关御史提问从御史韩国桢之请也

○壬寅大学士申时行题山东巡抚李戴称东昌府贼夥招东阿阳谷等处集亡命约三千人期以旧岁迎春日据城叛无何贼中有私首者即擒巨恶七名东昌近临清南北咽喉漕粮必经之地若有变关系不小且今年岁歉饥民易为盗贼地方不严为调治肃聚渐多有害滋大

上即谕户兵二部各灾伤地方劫掠公行民生不安前有敕旨严保甲缉捕盗贼即今保甲疏密盗贼消息雨雪多寡流民招复各抚按官每月一次奏报司道有司有能弭盗安民及旷职废事者不时甄别以便赏罚至于米谷本以救民地方闭遏邻境采买殊失朝廷爱民均一之意务谕禁约令通融协助其接济采买事宜户部从长计议行之

○兵部上言甘镇地方孤悬天末番虏错居兼之流虏日增西宁失事未已而肃州告急今虽渐就敕宁尚多可患如庄浪鲁家军夙称骁健虏素知名乘时鼓舞遇警调遣人乐为用然须咨三边总督责成该镇抚官务营伍充实战守有资一切剿抚事宜相机行事得旨

○甲辰大学士申时行等进重修大明会典

○吏部言选法壅滞起废添注科甲举人及恩岁贡加纳者人数甚多宜照人缺多寡定为名额以严综核明举措得旨迩来仕途冗濫选法滋壅今后举人岁贡就教酌量定数不许过多援纳人员额例会同工部议之

○左都御史辛自修上言京官考察关系重大惟凭台谏铨曹访单为据毁誉出爱憎是非半讹传中伤念多为国念少以致彼此抵牾公私夹襍今诸臣务矢心无私鉴别必求根据留意必及孤立然后党同伐异之风可销得旨考察事宜务虚心秉公恪为遵守以称甄别大典

○丙午 英宗睿皇帝忌辰遣官祭 裕陵

○丁未大学士申时行等请 皇长子建储及 皇第三子封王 上嘉纳之即日祭告南郊 北郊 社稷 神祇

○戊申 上命部院考察于旬日内急行以绝浮议从吏科陈与郊之请也

○己酉御史梅鹵祚言兵部宜久任而后责成功无旁挠而后能久任不然是繫骐驎之足缚孟贲之手自固者鲜矣本部尚书王遴被言劾未几请用以不用罗秀也科臣张养蒙弹本部尚书张佳胤以用罗秀也罗秀者善音乐精于琵琶有投刺之求故也今于私情交通苞苴败名之事亟宜禁之 上曰王遴前日擅留御批众言官交章论劾朕念大臣优礼致仕众言官又称荐之朝廷设立言官要别是非贤否近年惟任意爱憎全无定论反归咎朝廷数易本兵遂夺梅鹵祚俸四月

○户部奏御史方万山言救灾莫若缓征而官府撙节尤为先务如偶值缺乏召买不免宁减无增时遇节令赏赉不免宁节无滥冗食可省痛革其虚冒冗员可裁查复其旧额务量入为出勿时诎举赢庶应天以实天变可消 上可其奏

○谕户部雨雪流移遏余等事系该本部职掌随行各该抚按严督司道有司将被灾地方雨雪愆期务要竭诚祈祷流民逃移务要设法招抚仍每月一次奏报至于积有米谷邻境地方务要通融协助不许遏余户部因奏报灾地方惟山西陕西山东三省河南卫辉彰德怀庆三府北直隶真定顺德广平大名四府系灾伤重大之处虽先蒙 皇上发银差官往赈祇恐前银不足委应接济余买以救然眉惟南京户部稍有余积合量行动支又查临德二仓除节经发赈抵补外尚有粟米二十六万余石亦应权宜动支接济 上如其议

○陕西鲁班等七寺刺麻番僧割石尖卒等二十五名赴京进贡赐筵宴如例

○兵部右侍郎萧廩三年考满命复职

○壬子大学士申时行请建储封王 上命候旨行

○都给事中王三余御史何倬钟化民王慎德各< 铨-金 >请建储不报

○御史杨四知因岁多凶荒陈驿递苦累有司滥费民财使臣分外索折乾银不使得旨近來有司驿递沿习弊套糜费民财抚按如何不严行禁革兵部便行敢有违犯及容纵科臣参奏处治

○癸丑文书官刘成口传 圣旨今日午朝未尝具有仪注起数如何造次惊扰礼部鸿胪寺回将话来既而部寺俱以大小衙门讹传奏

上命各夺俸二月仍查讹传起自何衙门鸿胪寺以人众奔趋实难指实命百官俱夺俸二月

○户部题盐城兴化二县灾伤重大先本部题奉准将本年额徵漕粮五万八千二百余石内暂停二万九千石于临清仓借拨支用其余二万九千余石仍徵本色兑运不准改折漕运督臣巡按各题二县灾民困苦已极前项应兑本色委无措办各权宜于贮库别项官银暂为那借抵作二县改折之数以后年分不得比援为例二县应运十四年漕粮除临清仓借拨二万九千石其原二万九千二百三十石五斗七升俱宜暂改折每正兑一石折六钱改兑一石折五钱定限本年二月终解部以便给发其借过官银候豊年照数追补 上从之

○甲寅 孝静毅皇后忌辰遣官祭 康陵

○丙辰进呈 大明会典仪注前期一日设表案于皇极殿丹陛东设书案于丹墀中设宝輿香亭于史馆前教坊司设中和韶乐及大乐如常仪是日早锦衣卫设卤簿驾纂修官具朝服捧书置宝輿中 上具皮弁服御中极殿鸿胪寺官导迎宝輿用鼓乐伞盖纂修官后随繇二桥行至皇极殿繇左门入至丹墀于輿内捧书置于案乐止宝輿香亭退鸿胪寺官奏执事官行礼讫奏请升殿导驾官前导乐作 上御皇极殿文武百官各具朝服侍班乐止鸣鞭纂修官入班乐作鸿胪寺官赞鞠躬四拜兴平身乐止赞进书乐作序班举书案繇中道升班首官繇左阶升序班以书案置于殿中乐止班首官繇殿东门入至案前赞跪纂修官皆跪乐作赞俯伏兴平身乐止班首官复位赞进表乐作序班举表案置于殿中乐止赞宣表赞跪鸿胪寺展表宣讫赞俯伏兴乐作赞四拜兴平身乐止序班举表案书案置于殿内稍东进书官退于东班侍立文武百官入班行礼如常仪 上可其奏

○升工部左侍郎何起鸣为本部尚书

○赐辽府沅陵王致批谥恭僖予以册文

○总督蓟辽右都御史王一鹗题先督臣谭纶题准召募浙江鸟銃手三千名与同蓟镇客兵标兵相兼训练三年有成然后遣归又督臣刘应节议添调南兵六千九百余名新旧三枝共九千九百余名专为守台之用将官中军等日支有差管台百总两防戍月每日每名加工仓银一分此饷额开载定数也十数年来二虏未敢窥伺蓟门固因墙台步骑精好亦南兵昼夜防守之力也但三路兵多饷耗其中奸弊渐多如中军千把总等官营兵千总一缺数十人谋补且有见面生日年节支粮造册等例台兵被其科扰若无见缺唆人讐告坐缺顶补不得即播流言镇守忧谗畏讥为之扼腕弊一先年守台官兵每台有台头台副二名百总一名常守南兵五名两防又有主客北军三十七名分派协守至于千总把总各协不过六十余员今每台南兵有止于三四名者而管台千把百总则中协七百一十四员名东协六百一十四员名西协五百五十三员名大踰旧额视台兵为奇货或已缺不补扣克月饷即有补者惟视贿多寡而不论武艺中西二营将官下杂流兵士一百名东营将官下有杂流六十九名管兵中军千把百总员下亦有书记家丁杂流等项名色夫台兵异乡戍守故月支银一两五钱若书记牢伴止供役使即三人朋兼二兵之饷尤倍于北军粮数乃以此闲丁冒滥工食乎弊二又南

兵中陆兵聚一城可旦夕操练水兵散各港可挂帆稽查若蓟镇南兵三营将官各统一部兵练于一隅距边二三十里台兵部散沿边数百里外峻岭叠嶂未能遍台上而路提驻劄关营信地有限咫尺墙台反无统摄之权各兵以非路提所属不听稽查无事且参□有事能不推诿又南兵曰调操者始议南兵尽发守台即于春秋两防前后每台或调一名或二名赴南将操练操毕仍发守台另调一班赴操如古更番之意立法原善第承平日久南将既不操练徒使千把总乘机为奸虚捏名粮或遇调操临期雇倩充数若委官查点则曰将官调操尚未发回所造营册止开某部兵几百名杂流与队兵混造一处共兵几百名又有不分守台调操名项含糊不辨以便染指则是有功蓟镇者固南营之台兵而有蠹于蓟镇之饷者亦南营冗役也今臣酌为久屯之计该镇除台头台副并两防分派北军协防外每台一座率拨南兵五名三十台立一千总十五台立一把总三协共台一千三百六十四座及镇守标下听用并各调操一部共应存千把百总一千五百五十三员名杂流二百六十三名其余悉行汰革千总改为把总把总百总改抵营台等兵不愿改兵者听每台五名之外余兵增入极冲墙台及待拨补操备续召新兵在营训练挨次发台如足裁出祇增名数不必再募以后新建台座即以余兵拨补如有不敷即于本路主兵凑拨不必另增台总俱听就近统管兵并听该协路将守提约束该操之期南将会同路将调操适中地方不得更番调取各该工食饷司照册封发协路督同在台千把总分啗给散不许南将干预遇有千把总员缺该营公选年劳相应者呈请总督抚镇衙门查明委用百总台兵名缺亦要选勇健者呈送镇道等官验补敢有私相顶替虚捏冒粮及逞奸流言挠乱机务者听府督官及巡关御史严拏奏处部覆以闻 上曰该镇员役冗滥糜饷剥军积弊多端该督抚官乃能用心稽汰具见奉公任事千把总杂流应存应革者俱依拟以后如有拨补都令报部备查不许朦胧添复○戊午
仁圣懿安康靖皇太后圣旦文武百官朝贺命妇免赐三辅臣上尊珍饌

○户部题巡茶御史祝大舟称茶课本为羁縻戎心充实边廐汉中府属岁徵课茶五万四千余斤解运茶司易马支用又徵篋工银一百三十余两中间转运艰辛弊窳官民俱困且□茶岁有余积课茶粗恶不堪议改折色听备买马及各处所获私茶就地变价类解专备赏番其年例私茶买马一百四十匹便宜酌处且与四川事例合自十五年为始每斤徵银二分共该银一千八十七两一钱一分收贮汉中府库听解苑马寺买马支用其加派大户徭银茶夫脚价银两悉免徵派从之

明神宗显皇帝实录卷之一百八十二

明神宗显皇帝实录卷之一百八十三

万历十五年二月庚申朔癸亥夜初更绥靖边城各堡上脊兽旗杆俱出火光众军执棍扑火棍亦生火三更方息

○礼部题原任蓟辽都御史王忬破虏平倭功业可纪偶以虏众突入阴触权奸竟主刎身死非其罪原任浙江巡抚朱纨清直耿介祇因严禁通番遂中媒孽继改巡视輿疾督兵竟被讒追论听勘饮鸩之日家无宿储迄今妻子寄食于人不能自存若不破格优恤非所以鼓效忠之心振任事之气也忬合照例祭二坛造坟安葬纨合照例与祭一坛减半造葬从之

○兵部右侍郎萧廩秩三年满荫一子如例

○以工部左侍郎曾同亨提督工程○兵科给事中和震奏安民弭盗其要有六一宣德意二饬武备三责职守四禁窝藏五慎缉捕六销巨盗 上是其议谓朝廷軫念灾民屡行蠲赈有司多不仰体德意著实奉行致使民不沾惠自今各该抚按官务要率先抚字痛革烦苛但有贪暴的遵照前旨特许参治

○兵科都给事中顾九思等奏今之河西镇孤悬天末实番虏之要冲自 世宗先朝臣杨一清杨博等先后经略有端绪乃款贡以来人情懈弛事机坐失住房数十种窃据其中东虏数十万环扰其外餉薄兵疲虏穷力促虏日骄我日挫是以和自愚也臣谓各镇自抚河西自战昔日河西宜抚今日河西宜战无论住房流虏但入内地侵掠即便剿杀追逐出境无以开衅为嫌有逗遛不追违误大计者自罹军法然一在议将吏肃州参将孟孝臣等烽火已及郊关犹云未闻消息以若辈而抗方张之虏何异使童子执耒当猛虎故欲议战必先议将也一在议兵餉河西一镇额设步兵九万有奇而今不及三之一当损餉以周之 皇上往年餉辽左矣然辽左虏在境外河西虏在腹中岂容兵餉不给致有脱巾之虞一议番族河西北则虏南则番吾以一线之路横亘其中使番人无交通北虏之忧中国坐受茶马之利所以不令番与虏合也夫番众受虏患深怨恨入骨往往有猛图一逞者我因而用之则皆成劲卒庇则为我用而获安唇齿弃则为虏用而有害腹背利害之间自当深结于番矣一议赏罚赏宜从重罚宜从轻上之而捣巢犁穴者予金章铁券次迎敌决战追奔逐北者予爵又次堵截信地控扼险隘示我有备者予白金文绮一切扒墙零窃之罪深文苛责之条悉与宽假如是而文武有退避失策蹙地辱国则国有三尺不少贷也部覆如议

○甲子祭 三皇于 景惠殿命礼部侍郎王弘诲行礼

○以云南副使陆万垓为本布政司右参政湖广参议霍维荅为四川副使

○乙丑大学士申时行等题昨夜初臣等望见皇城东北角有火光不胜惊愕今早进朝始知司设监失火烧毁连房随即救息近日火星留天庭中其应或在于此但皇城暮夜火光照耀近彻宫庭人语喧传或虞 圣虑愿 皇上克谨天戒以承天休报闻

○左通政周邦杰右通政赵参鲁大理寺左少卿罗应鹤右少卿崔廷试鸿胪寺卿杨宗仲太常寺少卿齐世臣萧彦李尚思太仆寺少卿王致祥余懋学徐元春许应逵工部营缮司管司事太仆寺少卿郑有年并制敕房办事太仆寺少卿兼司经局正字徐继申顺天府府丞刘先国十五员各自陈不职 上各命供职惟周邦杰调南京刘光国调外任用

○兵部覆顺天巡抚蹇达称地土起存税粮自有定例但天灾流行似不分于民屯草场被灾草场租银应照依原勘灾伤地亩分数量免四分该银三千四十七两有奇其无灾地土并应徵六分共该银四千五百四十一两有奇尽数起解从之

○巡抚四川兵部右侍郎徐元泰奏各塞番蛮自春夏荡平后凡经剿仅存者皆股栗而改图有纳降全活者悉输稞以明感似可无烦过虑顾蜂蛰不测桑土宜先臣谨条防御之要以渎圣聪一添置守备以专弹压照得松藩南路黄沙坝当诸番环列之冲最称要害左右皆羊肠一线而此独宽平约二里余故每肆猖狂必糾聚于斯兼以往来松叠隔城百里稍据险阻声援立绝本处须设守备一员见于原留修守兵内挑选三千名再于该路抽拨主戍军兵五百名协守西宁关起至平定堡止一十五关堡往来巡视管束汉土夷民一训练民兵以庄军威属地濒夷米盐生兢易以启衅今吐番西獯夷猺南惊夫兵不预练旋调土司道里辽阔未易朝檄夕至该臣业督布政司将通省民兵查以旧编名数经减者量复经增者量裁务在不逾旧额挑选精兵以充训练各道有卫所者则益以军兵就听该道督各操捕官团练省会则益以成都等卫军兵委一将职专理团操亦听分巡川西道为之监督事下部覆依议○以山东解京香税并事例银两每年量留一半为修理鲁府之用

○升山东副使田乐义为湖广左参政贵州右参议张克家为云南副使督屯兼管水利

○户部覆应天巡抚王元敬题称酌加派勘＜ 土册＞荒二事议役马役水夫工食盐钞等银嘉靖四年会派苏州府八万七千三百有奇松江府四万八千五百有奇常州府三万一千九百有奇至四十五年以后苏州府增银十五万五千有奇松江增银八万五百有奇常州增银六万三千一百有奇镇江府历年加派虽不入会计内其额亦非嘉靖四年之旧巡按邓炼题称苏州府嘉靖十五年以前各项杂派不过三万五千五百两至四十年通计原额外新增比旧加二十三万八千六百两松江府比旧加一十一万四千六十两常州府比旧加八万一千五百两镇江府比旧加四万四千一百两及称四府加减民壮弓兵留充兵饷银一万三千一百四两苏松二府急缺大红段价及借□□互织造布银乞行户工二部查议那者准作正支无处者量留赃罚然四府原派银一万三千一百四两仍应每年派徵以充军饷四府协济银不须动支营兵不必议减其赃罚银两系供边正额照旧解部济边以后织造不敷于工部项下钱粮留庶钱粮各有职司不致那借免加派之扰苏州一府荒粮三万四千七百石近议于平米上通融加派土民未服所报＜ 土册＞荒多有以熟作荒减重作轻之弊合将前项＜ 土册＞荒田亩即委各州县正官先令地户开报坐落地方亩数及四邻立标清出四至掌印官同四邻逐自查勘如果＜ 土册＞荒即与除豁新涨成熟尽数起科如再相抵不足方于平米均派务使民情允服不得以见在成熟之田概作＜ 土册＞荒依议行之

○丁卯遣礼部尚书沈鲤祭 先师孔子

○夜四更观见火星逆行翼宿度分

○升湖广右参议刘尧卿为四川兵备副使

○大明会典成宴总裁纂修官于礼部命定国公徐文璧等待之

○戊辰祭 太社 太稷遣定国公徐文璧行礼

○升福建僉事张文耀为贵州右参议

○刑科给事中万自约题故相张居正一切苛刻聚斂天下病之今正供不可缓其他浮徵浪费天下郡县所徵公费可汰也 皇上还来减造磁器止进化木皆称美政第尚有益出制外者可节也内臣专掌各监局今增至万余人糜费他如传升概与旗较冒功匠役影射可制也若御用诸物造作之费不费能一省数千金则可为千万家巨产矣得旨在内人员近来原无增设旗较匠役前已清减该部知之

○礼部奏近日士子为文不用六经甚取佛经道藏摘其句法口语为之敝至此极金揭晓之后即将中试朱卷尽解参阅有犯前项禁约即指名查处 上曰近来文体轻浮险怪依拟各提学官仍将考取优卷送部稽查如有故违者从重参治科场后参阅朱卷节年题有定例今后务要着实举行毋事空言

○己巳升河南僉事王毓阳为湖广右参议武库司郎中郭元柱为陕西僉事

○调山东副使鲍希颜巡辽海官衔如旧河南副使张修吉为山西副使

○庚午大学士申时行等题今日该文书官李兴传免经筵臣等恭问 起居始知圣体连日动火时作眩晕于兹春令方中木气上腾因励精霄旰临御勤劳以致圣体不宁惟望 皇上清心寡欲养气宁神而倍加慎重则自然圣躬康豫福祉骈臻臣等不胜仰望

○升南京国子监祭酒赵志皋为少詹事兼侍读学士掌本府印信

○吏科河南道交章劾工部尚书何起鸣兵部左侍郎辛应乾礼部左侍郎陈思育南京工部右侍郎方九功兵部右侍郎李松大同巡抚胡来贡陕西巡抚韩必显太常寺少卿池浴□□左通政陈学曾添注太仆寺少卿许应逵张誉大理寺右寺正詹全觉刑部广东司郎中张正鹄十员 上分别有差唯起鸣应乾照旧留用

○以户部左侍郎张国彦总督仓场

○升太常寺少卿萧彦为右佥都御史巡抚贵州兼理湖北川东等处军务

○赠原任礼部尚书万士和为太子太保给祭葬如例○旧例都司得于本省推用指挥镇抚俱于本卫掌事御史史旌贤以为军官依凭故土擅作威福欲将都司隔省指挥镇抚隔卫各更调选用从之

○壬申升翰林院编修杨德政为福建右参议

○升刑科都给事中顾问为右参政左给事中杨芳为副使给事中李国士为佥事问国士俱浙江芳河南

○升御史马允登王国俱为副使姚士观谭耀俱知府允登山东国四川士观音州府耀延平府

○以大理寺右寺丞许子良为本寺左寺丞御史李栋为右寺丞

○升工科都给事中王敬民为太常寺少卿浙江道御史宋仕为顺天府丞

○调四川提学副使杨节为山东副使浙江副使徐汝阳为福建副使

○兵部覆直隶御史孙愈贤题抚赏马市在宣府则八万两在大同则七万两每岁冬督抚差官领银分买年来奸伪丛生听差官员视为利藪货物滥恶故意迁延贿买衙役甚至有假勘合之便故当秋冬之交众虏云集讨赏开市货物缺乏无以应之夫利归于委官信失于夷狄苟豺狼改虑不坏我边事乎今后务择廉洁者定以其限督抚查验如货精到早者行奖迟误即以失误军事按律论冒侵者以监守自盗论得旨各镇置买抚夷市货银两明是沿边钱粮且关系虏情边计以后有侵冒者临时酌估计赃定罪照沿边事例行

○甲戌遣恭顺侯吴继爵祭大明于朝日坛文书官李恩口传圣体偶因动火服凉药过多下注于足搔破贴药朝讲暂免顷之大学士申时行等奏皇上宜节慎起居以迎春气

○南京右都御史海瑞以年衰引退上慰留不允

○乙亥夜望月食约九分余其体赤黄色测在轸宿度分至亥正三刻复圆正西

○户部覆漕运都御史杨一魁等题称淮扬地方旱涝相仍米价腾贵乞将淮大二卫见运苏州府未经过淮兑运漕粮内量留四万石分派缺米地方平糶每米一石运耗轻费折银七钱

共该银二万八千两借动赃罚等银折价解部以补漕额 上可其奏

○户部题辽东去年水灾原议留贮通粮一十万石不足辽军两月之饷乞将新运漕粮共留二十万石贮天津仓以待辽东军兵自运又乞发去粮米每石一平一尖运粮船只仍准带货以为工食每石折银六钱事例于该镇应发年例军饷银内照数扣银三万六千两解发天津仓□□互放军七月粮再扣银六万两留贮太仓银库以备四月十月折放官军月粮从之

○以户部右侍郎杨俊民为本部左侍郎温纯为右侍郎○升右庶子赵用贤为南京国子监祭酒广西巡抚吴善为南京工部右侍郎陕西右布政邓林乔为右佥都御史巡抚大同

○总督漕运巡抚杨一魁奏淮安自新河永清闸越城历高堰达清口溯清江出草湾繇赤晏庙以至安东复繇高岭马家湖蒯家洼张家洼柳浦湾范家口海神庙礼字坝遗惠庄临淮庄以至西桥往回四百余里河势有曲折地形有高下堤防有缓急数年以来堤溃于冲激地易于陵谷昏垫之后下民其鱼待决一口方修一口不惟钱粮糜费无纪而运道所关 皇陵所护民生所系匪 务也今议清河上黄河独行堤制无虞清河下黄淮合流水涨堤微计今查前项工程虽用至七万余两而淮杨百万生灵可免胥溺之患其召募人夫择日兴工估该实用工费银七万一千六百九两零将淮安府库贮修砌归仁堤支剩银料八千两工部事例银二万二千两尽数动支而施为之功一曰修高家堰以保上流一曰砌范家口以防旁决一曰＜ 銙-金 >浚草湾以杀河势一曰修礼字坝以保新城一曰买办物料以杜冒破一曰分定委官以便责成有旨堤堰修防事宜依议举行先年开浚草湾不久淤塞虚费钱粮应否再加＜ 銙-金 >浚还着漕运等官详议停当具奏其余河道工程俱要查照成规用心保守毋得疏虞

○戊寅 大典告成礼部尚书沈鲤加太子少保吏部左侍郎沈一贯朱赓礼部左侍郎王弘海俱太子宾客礼部右侍郎张位于慎行徐显卿南京国子监祭酒赵用贤各升俸一级仍与应得诰命谕德刘虞夔刘元震升左庶子孙继皋黄洪宪右庶子修撰刘楚先张应元各洗马编修陆可教冯琦各侍讲杨起元庄履豐萧良有王应登简讨余继登沈自邠各修撰周子义准与赠官恤典其余升赏有差次日加恩元辅申时行兼支大学士俸次辅国进兼吏部尚书建极殿大学士余官如故次辅锡爵加太子太保兼武英殿大学士尚书如故各给应得诰命

○己卯户部上言陕西道御史徐元题称苏松常杭嘉湖六府钱粮颇重历年负逋难充将万历十三年以前旧欠钱粮已徵在官者截数起解拖欠在民者尽数蠲免不知苏松等俱系京边及本地方正供非奉恩诏及遇重大灾伤不得议免今查十二十三两年六府原未报灾无故将十二十三两年带徵钱粮不分缓急不论有灾无灾一概混免是使畏法小民岁岁竭输公之谊而法令不加之巨猾年年得遂迁延观望之私将来逋负日甚矣合将十三年以前起存带徵钱粮照旧督催依期完报其见徵钱粮具要当年尽数完解不得仍前拖欠希望带徵 上曰各处正供钱粮若有奸顽豪猾侵期拖欠希图蠲免者抚按官还督率所属有司查核究比毋使奸徒漏网小民受累

○礼部覆大同巡抚胡来贡奏请改祀北岳于浑源州恒山出关祭告其引虞书魏史之文亦止言祭于恒山未见恒山所在今据禹贡恒水出常山郡上曲阳县恒山北谷即今定州曲阳县则常山在曲阳

太祖高皇帝神圣开天极重祀典当时山川地里无不图上而曲阳之祀仍旧即今 大明集礼所载汉唐宋北岳之祭皆在定州曲阳与史俱合今恒山实为畿内重镇一旦毁庙貌废碑制举而改建于边徼之地不可但修浑源庙宇用存古迹得旨北岳祀典既系国初定制仍旧行○庚辰大学士申时行许国王锡爵各辞免恩命不允

○兵部左侍郎石星秋三年满命复职如旧

○命汤之诰袭灵璧侯爵

○升左给事中唐尧钦常居敬俱都给事中右给事中王三宅苗朝阳张栋俱左给事中给事中陈与郊袁国臣俱右给事中尧钦栋国臣俱刑科居敬工科三宅礼科朝阳兵科与郊户科

○升山东副使王俸为湖广右参政

○升提督操江南京右佥都御史胜伯轮为副都御史巡抚浙江

○以巡抚宣府地方兵部右侍郎萧大亨协理京营戎政

○辛巳升池州府知府刘孟雷为福建副使

○工科给事中郭显忠条陈救荒之策曰酌起解议将扣减民庄变价官马草料之类及裁革抚按赃罚□税课程以苏灾民曰弛盐禁凡山东河南山狭北直隶凤阳等处将大夥盐徒严捕外其余硝磺地方听贫民煎鬻易米度日不许一概禁约曰议罪赎府州县自理纸赎俱令折谷不许纳银有徒杖不能全完者量减石数其充军罪重情轻者亦许纳赎为储蓄救荒之计部覆如议惟抚按赃罚□税课程系济边钱粮一切仍旧

○癸未以苏松孝子王敬臣为博士敬臣割股庐墓孝行有闻故有是命

○降南京吏部郎中刘世亨刑部郎中任春元各一级调外任奉 上命也

○升南京礼部郎中李三才为山东佥事整饬武定等处兵备

○诏责科道官朝廷但用一人言官便纷纷攻击予夺进退皆不听上主张是何政体今工部尚书何起鸣已去该科十三道灼见何人堪任即便推举来说不许推诿大臣须要纯心奉公痛改前非不许挟私忿争有负委任○乙酉以都察院右副都御史许守谦仍以原官巡抚宣府地方赞理军务顺天府尹王用汲为南京右副都御史兼提督操江四川左布政刘继文为

右副都御史巡抚广西地方

○升南京尚宝司卿沈节甫为南京通政司右参议

○丙戌命修撰庄履豊编纂六曹章奏

○升太仆寺卿周继为顺天府尹

○戊子升礼科右给事中张希皋户科右给事中陈与郊俱左给事中吏科给事中卢逵户科给事中穆来辅礼科给事中钟羽正俱右给事中希皋户科与郊羽正俱工科来辅兵科逵仍吏科

○升福建副使李盛春山西太原府知府吴同春俱提学副使盛春仍福建同春山东○诏抚按官责成有司着实举行荒政其贤不肖不时举劾具奏从御史林文英之请也

○免淮扬等处巡伤地方旧逋粮四万二千四百九十四石银一万九千五百一十二两一分

○除授庶吉士范醇敬为翰林院简讨

○升山西左布政沉子木为右副都御史提督鴈门等关兼巡抚山西地方

○己丑是日清明祭 诸陵遣豊城侯李环等各行礼遣惠安伯张元善祭恭仁康定景皇帝陵寝遣内官祭 恭让章皇后及废后吴氏遣都督同知陈承恩祭哀冲 庄敬二太子各陵寝

明神宗显皇帝实录卷之一百八十三

明神宗显皇帝实录卷之一百八十四

万历十五年三月庚寅朔 孝肃皇后忌辰遣官祭 裕陵

○给铸管理湖广等处粮储关防一顆

○辛卯降御史高维崧三级赵世卿张鸣岗左之宜各一级俱调外任余夺俸一年崧等上< 疏-金 >激聒 上恶其抗旨求胜故有是命

○总督两广兵部右侍郎吴文华秩三年满复职给诰命如例

○升广东按察使管大勋为广西右布政

○壬辰工科给事中郭显忠上言河工每当伏秋防守水之暴涨也不过旬日其溃决多繇堤顶漫流其直射扫湾而决者绝少今石砌范家口等堤工或难卒办不可拘限必先就卑薄要害处尽行加帮且清挑而上河道已成使秋涨不决则水流愈急水流急则刷河愈深刷河深则海口愈阔盱泗高宝等处自可无虞至原设堤浅夫约二千名趁此画地分工及至伏秋令各管河佐贰带领原设浅夫使自防守亦可保无事然沿河疲民困苦尤甚其施为之时只宜召募游民不可僉派以滋骚扰命下所司

○是日开封府地震三次所辖一十四州县及彰德卫辉怀庆三府俱同日震

○癸巳升大理寺少卿罗应鹤为太仆寺卿大理寺右少卿崔廷试为本寺左少卿太常寺少卿李尚思为大理寺右少卿

○升浙江左参政林乔相为广东按察使○甲午原任工部尚书何起鸣< 疏-金 >救高维崧等 上曰近来言官不谙政体往往抗旨争胜故薄处示惩不专为卿

○乙未总督尚书郑雒乞休不允

○升浙江右布政王象坤为山西左布政

○追赠吏部左侍郎兼翰林院侍读学士掌詹事府事周子义为礼部尚书与祭二坛照二品例造葬

○兵科给事中陆懋龙言推升武职一节迟速异效而贤不肖同科速者一岁两迁迟者终身不调甚至贤者不必用用者不必贤则傲福钱神藉援势要也令莫要于严正荐旁荐以三准荐之一或以五准正荐之一必正荐者推升已尽而后以旁荐例荐继之不者终不得推也命下本部知之

○丙申刑部尚书舒化以疾求去不允○丁酉除河南右布政杨一桂为浙江右布政

○升吏部文选司员外郎黄克念为太常寺少卿考功司郎中徐一轂为文选司郎中

○戊戌以兵部左侍郎石星为工部尚书

○吏科都给事中杨廷相等上言以科道高维崧等参工部尚书何起鸣至干圣怒谪罚随之夫进退予夺 大君之威福而简贤别不肖言官之职掌今不原其心而罪其言毋乃纳谏之道未尽乎伏乞 圣明宽宥各赐复职 上曰尔等既知进退予夺当听朝廷今抗旨求胜者正该惩处如何輒来救扰遂夺廷相俸二个月

○以吏部右侍郎吴时来为都察院左都御史○己亥文书官李浚口传 圣谕说与吏部近日所降御史如何不与补官容他迁延在京未几高维崧降福建按察司照磨赵世卿张鸣岗左之宜各调州判添注世卿汝州鸣岗广德州之宜泽州

○吏科给事中张养蒙< 铨-金 >救维崧四人 上曰大工方殷工部两尚书一时论去尔等不识国体不以大工为重御史等抗旨降罚却纷纷来救显是党护况六科已有公本养蒙如何又来渎扰着夺俸三个月

○宴甘州北官寄住哈密卫头目都督同知米尔马黑麻等一十五名以进贡事毕还卫也

○升吏部验封司郎中刘四科为考功郎中

○以户部左侍郎杨俊民为兵部左侍郎工部右侍郎赵焕为吏部右侍郎○壬寅吏部稽勋司主事顾宪成上言高维崧四臣参何起鸣一时谴谪臣且疑且骇 皇上以为用人出自朝廷是也今日起鸣讦自修则罢自修讦维崧则降维崧等可谓出自朝廷与臣愿 皇上端本澄源无论大臣小臣近臣远臣而皆视之为一体无论讽谏直谏法言巽言而皆择之以用中其维崧四臣各令照旧供职有旨这本党护高维崧等肆言沽名顾宪成姑降三级调外任前谕各部司属所陈都呈禀堂官定议具奏顾宪成曾否呈禀亦速回话来既而吏部引咎仍戒谕司属各修职业不得出位妄言顷之刑部主事王德新亦言高维崧不宜谪降何起鸣结纳左右以簧鼓请甘斧钺不避 上曰朕亲览章奏何事不繇独断今日特用何起鸣言官却挟私攻故降罚示惩如何说是左右簧鼓王德新这厮妄意揣疑肆口非议视朕为何如主好生狂恣此必造言主使之入者锦衣卫拏送镇抚司追究明白仍问曾否呈禀堂上官著回话

○上视朝 圣体初安百官贺毕 上召三辅臣申时行等至皇极门暖阁

上曰朕偶有微疾不得出朝先生每忧心时行等叩头谢 上于袖中出二< 铨-金 >手授时行乃主事王德新顾宪成< 铨-金 >也

上曰如今用人岂有一人不是朕主张二主事肆言却说不是朕独断极为狂妄时行对曰皇上天纵聪明乾刚独运即今朝廷政事各衙门章奏无一不经 御览无事不出

圣裁司属小臣不知妄言原无损于 皇上圣德 上曰臣下事君上原有道理二臣把朕全不在意朕非幼冲之时如何说左右簧鼓先生所拟太轻还改票来时行奏曰二臣狂妄罪实难追但臣等仰见 皇上明并日月量同天地区区小臣不足以裒雷霆之威即外论疑及臣等宁使臣等受诬蒙谤不必轻动 圣怒 上曰先生等是朕股肱与别官不同须要为朕任怨若只要外边好看难为君上时行对曰臣等受

皇上厚恩虽犬马无知当自图报敢不任怨 上曰诸臣说话必有主使之人著追究出来时行对曰建言者亦有几等有忠实之人出自己见不知忌讳者有愚昧之人不谙事体道听途说未必出于主使语未竟 上曰还是沽名卖直者多若不重处不肯休歇前有旨各衙门戒谕司属通不遵依亦问他时行等欲再为申解 上遽云先生等便将去改票来时

圣躬未耐久坐时行等不能毕其说乃叩头退是日初见 天颜开霁词音甚温至语及二臣
 < 铨-

金 > 声色颇厉而谆谆□山□□且□□山□□且□玉音琅然三辅臣退而叹息

上之聪明英断如此是日辅臣申时行等题今日伏蒙 皇上召臣等于暖阁面谕臣等令将王德新等本从重改票臣等仰承严谕叮咛再三且命臣等为国任怨臣等岂敢恤一身利害忘国家大体谨将原本遵谕改票但臣看得二臣虽同为司属同为出位而词指各异王德新谓事非

宸断情出揣摩顾完成但逞浮词意尚和缓且其规切臣等颇有药石之言与干犯

皇上者不同似当少有分别谨各拟票进览伏俟 圣裁

○以

圣体康宁赐辅臣申时行银三十两彩段三表里许国王锡爵各银二十两彩段二表里

○上出朝御经筵日讲百官各吉服朝贺行五拜三叩头礼○诏谕吏部今后钦降官员都速补远方用

○諭兵部机务重大严尚书著马上差人速催来办事

○升光祿寺少卿趙世卿為太常寺少卿提督

○夷馆

○癸卯未时西北风有声扬尘蔽空四方黄浊至申乃息 武宗毅皇帝忌辰遣官祭 康陵

○賜輔臣申時行銀四十兩絢絲四表里新鈔五千貫許國王錫爵各銀叁十兩絢絲二表里新鈔三千貫副總裁沈鯉等纂修官趙用賢等及譽錄官各銀幣寶鈔有差

○户部题国家财赋岁输太食银三百七十余万两外供九边兵马刍饷之需内备京师官军俸粮之用计入计出仅仅相当万历六年岁增买办银二十万两岁增一岁去年赈蠲停抵各项总计不下二百余万两岁出浮于岁入以至帑藏匱竭近据管库主事刘兑揭报除老库窖

房外止余银九万两前项岁增买办银二十万两先该本部及科臣＜ 毓-金 ＞请停取奉旨俟数年之后积贮稍充即行停止仍复旧额今自万历六年至十四年除旧额岁进金花银二百万两外计共添进买办银一百八十万两正值民穷财匮今岁买办银两春季已先进五万两尚该银十五万两夫此十五万两自宫闱节之甚易自灾民歛之甚难乞軫念时艰将前银暂赐免取候来岁照例按季参进有旨内用缺乏且照旧行

○礼部覆礼科给事中侯先春奏历法当改义仓当置历自洪武迄今二百二十年未尝更造年远数盈渐差天度迺者月食在西而曰戌月食将既而曰未九分差舛甚矣即一交食而气朔余闰躔离眇眇之类尽属差舛可知诏求天下深明历理究心天道博采群书随时考验且该监见有回回历科其推算日月交食及五星凌犯最为精 曩者月食时刻分秒并不差舛祇以原非大统历法遂置不用臣以为授时历可采回回历亦可采取其能合天度如果吻合即将采入大统历中以成一代之制今山东诸省旱灾宜令天下郡县广置义仓复 祖宗预备之旧即于一乡中推择有德行身家者主其事听凭歛散每年以五分仿常平之法糴新卖故以二分周恤孤贫大饥则发一岁之所歛而赈之以为水旱之备 上曰可○甲辰升大理寺卿孙丕扬为户部右侍郎温纯为本部左侍郎都察院右副都御史李辅为工部右侍郎

○以尚宝司丞郭东为光禄寺少卿

○户部覆山东巡抚李戴等称登莱二府卫所屯田斥卤沙薄军逃地荒应行山东抚按将登州等十四卫所并莱州等七卫所屯地每名给繇帖一张明开荒熟四至条段数目官军姓名各收永为己业抵兑月粮退出屯丁及莱州等卫兑剩屯地量派公费 上报可

○乙巳 上视朝

○升浙江副使蔡廷臣为本省参政

○礼部覆山阴王俊柵奏高墙放回罪宗听滞庶生第二子乾哥等九名乞要赐名求名粮得旨准岁与名粮十二石终身

○升四川佥事周之翰为陕西苑马寺少卿兼佥事分理马政

○以詹事府少詹事兼侍读学士赵志皋充 玉牒纂修官○戊申升巡抚保定右佥都御史贾三近为大理寺卿都察院左佥都御史魏时亮为左副都御史

○升御史胡用宾为尚宝司司丞

○己酉调原任顺天府府丞许光国为浙江兵备副使

○升南京户科给事中王嗣美为四川佥事

○庚戌升广东佥事郑人達为贵州左参议

○礼部题左佥都御史魏时亮条议一勤召对以运泰机 皇上临御以来臣下以召对言者不啻数四荷蒙嘉纳屡赐召问海内喁喁喜跃然军国大事必须详审精确方可见之施行或乘朝讲之便或时御便殿宣召内阁辅臣翰苑及各堂上官俯赐清问面陈可否以俟裁决或容台省各一员随入以资献替一资诵读以培 圣德 皇上日御讲筵虚心听纳即如尚书一经讲读再周惟是益勤问学虽深宫清燕仍将讲过经书史鉴及大学衍义等书时为览阅以资 圣修至于 祖宗敬 天勤民亲贤纳谏等事原有纂成 训录万几之暇日览二三条以观传心经世之法得旨览奏今后条陈章奏事关朕躬已奉旨者不必再覆

○礼科给事中凌登瀛上言三日而朝暇日尚多早朝而退暇时尚多窃恐侍御奔走声色逸豫有以中之 皇上养德养身非常御殿阁亲近儒臣不可 皇上大婚十许年矣螽斯之庆已见而未甚繁者或者爱有所专而情有所不节也曷不御文华取诸司奏章阅之令阁部大臣词林及科道官以次轮对议论□确不妨再三议定逐一批答暇则召应直儒臣谭经史考古今优游涵泳事毕还宫则上下同心情孚意契未必不如内廷给侍之快意也游息于经史之中琴瑟诗歌法书之内天机活泼未必不如丝竹歌舞之乐也 上纳之

○刑部尚书舒化覆山东巡按御史毛在为审录罪囚内问矜疑十六条奉旨下法司今按臣谓审有矜疑行有司问明通详巡按衙门参酌停妥然后奏请夫矜疑必请详于御史报可始许具题是恤刑官为御史一理刑官也何谓专敕又审过矜疑若干令法司覆行恤刑官照数具题是恤刑官尽受成于御史也何谓钦差且宪臣主于执法部臣主于宽恩各有所重原不相制若一一尽专于御史惟一御史足矣又何须五年特遣部臣恤刑为已奉旨下法司卷查先山东巡按御史毛在题为审录重囚本部覆题奉旨巡按御史及恤刑官审录各照旧行事不必纷更今合候命下使事权各有所属职业两不相妨得旨

○免南直隶兴化等州县积逋各年分钱粮并织造运木借支过银两尽行蠲免其盐城高邮五河等十四州县量徵二分三分其淮安府十四年分起运工部钱粮仍令抚按官严督起解不得借口希免

○辛亥升南京太仆寺少卿詹仰庇为都察院左佥都御史

○以巡抚辽东右佥都御史张西铭为巡抚保定等处提督紫荆等关兼河道

○兵部覆总督尚书郑雒题东西虏情在宣大止是多罗土蛮等一枝潜迹西行复讐瓦剌并无作歹之事此皆陕西群酋假借宣大大虏部落虚疑恫喝今各酋业已出边麦力艮近复回巢及虏王嗣封后各部终当大夥西去报讐势必假旧繇之途索赏要在该镇督抚官善为抚御夫名为借路实貽骚扰系干边防虏果西行在宣大则当谕虏王禁戢申明信义勿以西虏勾引为解在陕西则当慎御备机宜敕谨封疆勿以东虏侵轶为辞共成安攘长策 上报可

○以修冗大同天城堡黄土堡功赏副总兵尤继先等各银十两牛希儒等各五两

○壬子调原任南京太仆寺少卿朱天球为广东副使

○户部覆云南巡抚刘世增题称罗雄州两遭兵燹民罹荼毒要将十四十五两年税粮蠲免以苏民困罗雄为滇省遐荒先遭屠戮复值逃匿再叛之殃始为内应以脱州官既为向导以杀逆贼悉系效死之民尤当加惠该州每年额徵税粮五百三十余石两年共该一千有奇悉行蠲免准以巡抚赃罚银两照数抵补得旨○户部覆两浙巡盐御史李天麟条陈一开金塘等山以尽地利浙东沿海一带如金塘大榭等山先因奔倭他徙遂成荒丘迹海道澄清豪民占种原经同知陈文丈过田三万一千余亩山四万七千余亩如系奸豪隐占令自首报官即召定海有力无地民开垦侍三年奏有成效然后起科或迁附近卫所军丁屯种一收余盐以惠灶丁夫官盐之阻私贩为梗故欲行官盐非绝私贩不可势豪窝顿私相贸易私贩盛行官盐不得不壅今灶丁煎剩余盐官为收买公平给价勿得短少亏累一革盐捕以锄民害夫盐禁甚不可弛而盐捕俱选正身充当不许仍容积棍揽役以滋民害一省烦扰以图实效本差事简而漕粮干系甚重以部臣领敕则职系专掌以巡盐更掇则抵为带差恐将来事体不便仍旧为可 上命依拟行

○诏工部官京通二仓廩座工科用银数多不无虚冒糜费以后务照编定字号及将经手员役严行查考如有不久损坏及各项情弊该管侍郎同科道官指名参奏重治

○癸丑升尚宝司卿施策为南京太仆寺少卿

○总督陕西兵部尚书郅光先题会同甘肃巡抚曹子登臣等窃惟甘肃全镇其大害莫甚于虏行穿塞一端其孤危莫急于肃州西宁二路扭为故道遽难闭关远乏辅车最忧孤注所以曲防而策应者不可不及时讲而先事计也一重门户夫洪水水泉二堡地方俱系大虏往来经繇门户而洪水扁都口又立有市厂乃与虏互易总会地也洪水虽设有守备水泉止委有防守然官卑权轻既不足以弹压兵马单弱又不足以防御譬之司閤者以弱厮贱仆而部土鸡瓦犬之流何怪乎窥伺者之有玩心哉以今时势权之则洪水宜设游击水泉宜设守备以重门户之防但设官又恐增费臣等查得陕西行都司额设掌印都司一员屯政局补金书二员似属闲冗若将金书二员内一员改为游击移驻洪水堡将洪水守备改移水泉堡一转移之间则官仍旧员费不增加而地方均有恃赖矣一塞岐路查得分守西宁道所辖自水泉堡閤门起至高古城堡三十里高古城堡至大营堡八十余里大营堡直至扁都口閤门九十里通计二百里中间有防守官军边堡二处系虏经行之路分巡西宁道所辖自石硖口堡閤门起繇东南定羌堡羊湖口水头一十五里羊湖口过茹连打班二十里茹连打班过暖泉墩二十里黑暖泉墩过大营堡七十余里大营堡直至扁都口六十里通计一百八十五里中间有防守官军边堡二处系虏经行之路又有一路繇石硖口閤门起至暖泉堡五十五里内挨临李家庄郑家庄张奉庄薛家庄陈虎寨张邦庄老军寨范家营民堡八处暖泉堡至花塞堡二十里内又挨临马黑刺寺端家庄新堡子刘家园茨沟口民堡四处花塞堡至黑城堡二十里内又挨临上下土军沟寨二百户寨河西寨周家庄钟古寨牛家庄民堡七处黑城堡至吴家

庄一十里吴家庄过洪水堡直至扁都口六十里通计一百六十五里中间有守防官军边堡五处民堡庄寨共十九处亦属分巡西宁道管辖虏或舍前二路而间经繇此路者盖因堡寨联络民居稠密田土饶沃孳蓄亦繁各虏歆此内地不无垂涎防微杜渐相应断塞合将此路之口两傍设立大墩并墩院拨兵把守中间筑墙削堑不许容虏经行其虏酋或因曲水泉闇门及石硖口闇门而入者各繇前二路而行该管将领统兵押送限以日期直出扁都口境外不许容留恋住自西海回巢者一体防送守巡二道仍各相度二路经繇之处择其要害设立墩台墩院以便瞭望设伏以防奔溃各该将领如纵虏迟回漫散不繇正路者参治不贷一发拨兵臣军门标下右营游击一员统领军马三千名匹该臣题准听臣巡阅甘固及甘固有事调遣之用今甘镇多事似应专备甘镇应援而甘镇当援之地尤莫急于肃州与西宁也固原距肃州二千五百余里距西宁一千四百余里地里既遥恐缓不济事如肃州有警先发镇城兵马西宁有警先发凉庄兵马各驰赴应援标下右营兵马听抚臣咨取或一千二千臣即时遣发听抚臣相地分布协力防御然客兵外至未历险夷必须领兵本官熟知地利统是兵者游击钱载乃宁夏人而宁夏游击彭九畴河西产也统驭虽俱其所长而地利则彭九畴为习似应互相更调行事如调遣过河即听抚臣约束不许自分主客其合用廩给行粮料草照例关支如虏情少缓免得调取共图省节固镇洮河有警听臣另行调遣以期两全一倡土兵夫庄浪一路汉土二营并设河西咽喉无足虑矣然鲁氏土人遍居山谷皆兵也各地苦于召募之难而此土人乃繁衍之甚缘有万历乙亥鼓噪谈者讳之殊不知土人一也先世屡有调用之捷后人乃有脱巾之呼繇统驭之不得其人而鼓舞之未善其法耳今土官以都指挥体统行事指挥使鲁光祖发迹庠序有志功名统练土操一营甚为整肃合无换给敕书责成本官平时则协守本地有事则应援全镇不拘地方随警策应如有奇功即行优擢虽加秩衔不出本镇庶经理戎事管束土人俱为便益一调缺兵查得甘镇额兵七万有奇节年逃亡消耗大损原额总计见在马步止四万有奇而所食粮饷屡经会计减削近因召军买马虽尝题请补发然计口计饷外无赢余今各营堪战有马军丁镇城正兵数不满三千奇标与各路副参俱不满二千各游击不满一千守备则止数百而已若欲补足原额柰清勾无及应募无人终成画饼河西大势本自涣散必有能将能用寡者要在责成训练不必一概议补惟是洪水既改游击水泉既调守备硖石都司镇羌守备均有闇门兵甚单弱且守墩传塘出哨而分之是无兵矣将领纵有用寡之能何所施之夫洪□原有六百余名应召八百名水泉原有五百余名应召五百名硖口原有土著军三百余名应召五百名镇羌原有土著三百余名应召二百名以上所召补之兵尚不足原额之数非于额外加增也马匹动甘肃行太仆寺并庄浪道各收贮桩朋马价银两收买骑操兵马既补粮饷自应议处但内帑既无盈需盐粮亦有定额于两者权之照前名数仍拨盐引为便或于各镇壅滞者改拨往年盐□止派其粮未派其草合无粮草均派或以草桂之说准令粮六草四以济急用及查本镇寒苦如水泉硖口则又不毛之地苦寒尤甚者一行召募其谁乐从夫各处召丁粮以一石五斗安家银以三两各为则例粮听盐引银取草价庶足兵足食而冲险有赖繇是观虏中之归巢与否而用间伐谋察虏之循盟与否而沉机预待此臣等区区犬马之心所以捐糜矢效也臣等又有说焉河西番族非无兵也顷自款塞之后海虏流虏侵扰诸番积愤深恨非一日矣其间岂无黠杰豪侠之长愿与虏一角而召之必有应者缘北虏仗中国之宠灵但曰我贡虏也汉兵一护但曰彼纳马番我贡市虏也在彼未见显然渝款在我不见轻易鼓簧此时且责诸将御虏保番过此以后又相时乘机而图之耳然惟全镇险易非图莫见臣等督会总兵官刘承嗣备查某处为川底境外

某处为虏营穿塞之路某处为虏住西海之区某处某处为肃州西宁二路俱穹远孤悬画图说注恭緘 上进得旨图说留览事下所司

○以兵部左侍郎杨俊民兼管贴黄

○巡抚保定右佥都御史贾三近总督兼兵部右侍郎王一鹗条陈边事一严各隘以固关辅一酌驻土以节军力一精简练以选军锋一议增给以恤战骑一复乡夫以预防守 上报可

○乙卯升尚宝司少卿李楨为本司卿

○准扯力袭封顺义王鼐兔台吉并不他失礼俱与做龙虎将军虏王妻敕封忠顺夫人仍赏彩幣有差

○丙辰赐三辅臣及日讲官鲜藕

○丁巳以尚宝司司丞唐鹤徵为本司少卿○敕奖鲁阳王勤灰睦＜ 木离＞等仍令抚按官办送彩段羊酒优之以输谷救荒故有是命

○工部覆请苏杭水旱为灾将织造未解段疋暂行停罢俟后年豐再议不允

○戊午兵部覆总督宣大尚书郑維题扯酋嗣封以后须实修军政为制驭之法近年许其贡市无非是彼羈縻修我战守原不借此为久安各镇战守两端预为讲究不可专恃款贡亦不可渐起弊端得旨虏王并伊妻既袭封授封还传谕各部申明约束图报国恩一应边计虏情都该督抚官相机处置毋得疏玩

○夜戌时平凉府天鼓鸣有大星坠光灿如电○己未吏部覆山东巡按毛在题有司官考满有造册赍册之费往返万里盘费不貲既有使费难免科求所属府州县正官考满不分荐举有无一体来奏两广有司亦照云贵事例本布政司差八类缴文□□□直不许援以为例得旨两广有司照云贵例行各该考满官员敢有科歛馈遗及在京夤缘等弊抚按官指实参奏缉事衙门访拏重治

明神宗显皇帝实录卷之一百八十四终

明神宗显皇帝实录卷之一百八十五

万历十五年四月庚申朔 上亲享 太庙

○升总督蓟辽等处右都御史兼兵部右侍郎王一鹗为兵部尚书

○复除翰林院修撰张元忬官如故

○辛酉 上御经筵

○刘保定等处赎银三千六百四十八两为修理北岳庙

○都察院考试实授御史钟化民等二十三员 上曰所考刑名章奏＜ 铨-金 >通及稍通未通者分别等第来看已而吏部覆试止郭万里秦文夔二员仍候再考定夺○壬戌户部覆刑科左给事中张栋一核荒田二宽改折三审徭役从之

○午时候得西北风大有声扬尘涨天四方昏浊至申时渐息

○癸亥赐郑王厚烷书院名额曰景贤

○赐病故套酋龙虎将军切尽黄台吉祭

○甲子以户部左侍郎张国彦为右都御史总督蓟辽等处

○吏部题今士子行文险怪转移之责全在提学凡提学有缺内外各衙门必文学德行年力资望皆备者方许推用如果称职照往岁故事于京堂内升用不才者令抚按参论

○乙丑巡按陕西御史杨有仁上言臣奉命巡历西陲已周一载于凡边关要害地势缓急虏众出没番情向背兵之强弱饷之虚实自到地方日与诸司道悉心讲求窃见去岁六月以来东虏流聚边报交驰新春连月风霾灾异屡见民生边计日夕关心剥肤然眉拯救无术臣私心凛凛焉而洮河诸处保镇全关虏酋住牧近在境内兵饷寡弱祸患易萌尤不可不为之切虑者计关中大势计之西凤譬之堂室洮河譬之门庭河西五郡譬之藩篱藩篱决则室家不支门庭坏则堂奥不守今议者欲增兵选将以固河西盖重藩篱也藩篱常固而门庭却疏万一丙兔克臭连结海上诸虏托言抢番犯我内地一旦洮河失守以东则临巩无素练之兵势难捍御以西则五郡当孤悬之势复断咽喉全关之地可为寒心臣查得洮河地方旧无虏患止是防番故当时原额兵额亦不加多自俺酋迎佛建寺招结众住持莽刺寺川一以恋水草之丰一以图诸番之利久假不归遂成巢穴且又招引西海诸酋往来住牧而洮河门屏之间遂为腥膻屯聚之所矣是当日关隘止有三边而今又增洮河一边也要害孤危既与延宁诸镇相埒而兵卒粮饷一如旧日无事之时不为议处可乎今日之所议者有七事焉一议洮州

兵洮州番虏之冲而兵不满七百当增兵马也一议河州营以沿边二十四关皆贼通行要路兵不满千应增也一议马匹该卫操马一千一百匹应给马匹于茶牧马内太仆寺马价银内动支也一议军饷旧洮州召军与家丁共一千一百名月粮料草共该银一万三千七百四十两或于内帑银内或各边节省银内拨给也一议重番站归德去河州八百余里万山中止是番站六处马八匹军八人若虏变难于传报内援当添头目与军也一议设守备赏家大通弘化寺千观台堡其地并与边垣可恃堵截逆虏以操守官卑应改设守备一员也一议抚番族洮河诸番岁以茶马招之使勿与虏合虏强番弱以番附虏难制也命下所司

○丙寅赐元辅申时行次辅许国王锡爵及讲官朱赓等五员彩扇有差

○巡视京营兵科左给事中苗朝阳题京营官军马匹业已奉旨严查归伍乃各衙门于巡军马匹夤缘骑占夜看私宅循为故事大约五六名亦有多至数十名且皆关锁门内即本军亦以看宅自恃不随众伍动则某官宅内假借影射以致斜径曲巷一二里余无一人巡捕即有盗贼生发何能一时招聚追捕亦城中之患也得旨巡军但有占用者都着一体清查○丁卯命修撰张元忬编纂六曹章奏

○升广东右参议王民顺为本省副使

○升应天府府丞张橧为大理寺左少卿

○起致仕兵部侍郎胡执礼总督仓场

○调户部主事麻溶为吏部稽勋司主事

上曰今年考察后尔部司属独无外转还从公查照近例行

○戊辰旌表临清卫节妇张氏及男妇黄氏张氏

○己巳谕刑部今天气喧热两法司并锦衣卫见在监罪囚答罪无干证的俱释放徒流以下便减等拟审发落重囚情可矜疑并枷号的都写来看

○升陕西副使许孚远为顺天府府丞○庚午工部覆宣慰杨应龙地方进献大木七十根内多美材先经赏赐飞鱼彩段加升职级亦云厚矣乃复比例陈乞委属过求所引伊祖杨斌得赐蟒衣原系克服叛苗出自朝廷特恩未可为例

上以应龙既赏过服色准升授都指挥使职衔仍给与诰命

○辛未 上不御经筵

○补云南左参政应存卓为广东左参政

○升袁国臣礼科左给事中陆懋龙吏科湖汝宁户科白希綉礼科梅国楼工科俱右给事中

○巡按直隶御史孙愈贤题北虏款市已十六年取既款后十五年与未款前十五年较之通计二镇所省几一千一百二十八万有零又城堡赖以修边地赖以垦盐法< 銃-金 >通蓄积称富而生齿亦号蕃庶款市之利不既彰彰哉自今以往必先定马数今宣府马数较大同已出三万外视初市时不啻倍蓰矣宜及此时与初大同止于一万匹宣府二万匹不然闭关谢绝之庶无经之费以节而市本可继也又必限常额盖各枝大小头目男妇滋息日繁求乞日盛死者未除生者日增溪壑无厌漏卮难塞今定约大枝每年若干小枝每年若干不拘老少存亡止有此数不得妄行请乞又必明军令盖今大酋如顺义如青永遵我约束如初惟细枝小丑不遂所欲乘间窃发或捉我墩军或扒墙突入杀我牛马甚有讲事不合拟马回巢将官遣飞骑邀之纳侮养乱渐不可长宜及今明布军令使沿边将士常抖擞精神毋怀疑畏如有前项故态轻则罚处重则扑杀庶有以慑犬羊之气而明中国之尊也得旨

○敕工部盖造营直等房钱粮着各该经手官员务要稽查撙节不许妄费○准代府潞城王长子廷埶承袭父爵进封夫人宋氏为妃

○壬子兵部右侍郎萧廩乞休不允

○升直隶大名府知府蒋科为山东兵备副使

○琉球国中山王尚永差都通事赍表文进贡方物赐彩段钞锭及宴待如例

○癸酉谕礼部朕见今春雨雪降少入夏以来风霾屡作霈泽未沾三农失望尔礼部行顺天府于各宫庙洁诚祈祷

○升湖广副使贾应璧为云南右参政

○铸管理漕船钱粮关防一顆

○巡按山东御史毛在题今岁山东荒旱水陆两途极为冲要驿递之苦臣有概于中久矣然大要不过有司之糜费与驿递之冒破两端如廩给水路多从折乾陆路多从办送山东原无两项并出之例夫马多过五倍今则有逾原额十倍以上者半从折乾箱槓夫动支千名不堪赔补站银言及尊官有失帘远堂高之别事干内侍不无投鼠忌器之嫌今后分外横索者许有司驿递密报抚院文官开揭送吏部武官开揭送兵部劣处 上曰驿递事宜屡经题准申明刊布遵守及明旨戒谕甚严各该地方官若能举行执法岂容肆行冒滥还着抚按官查照屡旨着实遵行有违律犯禁的不许姑息容隐

○乙亥 上视朝毕驾兴命锦衣卫鸿胪寺查点常朝文武官员不到者共四百四十三员夺俸各二月因谕礼部宗伯乃典礼之官袭爵引礼如何不到朕视朝虽蚤诸臣亦当伺候着回

将话来

○升山东右参议薛亨为湖广副使○查盘小池盐料除掣放外尚少盐六万八千二百三十六石余将原任庆阳府通判齐闻韶管盐固原州同知高诗提问管盐副使赵惟卿夺俸三月

○户部覆两淮巡盐御史陈遇文条陈如各盐仓墙垣旧皆土筑低薄＜土册＞塌遂致盐料消折将仓墙周围俱用砖砌并修盖官厅看仓等房估计共用银一万二千一十六两七钱二分五厘八毫海州旧有蔷薇河一道以通临洪兴庄盐运乃年久淤塞遂致迂道东海方达淮安中间苦难较前十倍乃自窑湾起至周家堰共长二千六百五丈五尺工价银共一千二百五十四两九钱七分五厘此处挑浚有便盐运 上曰可

○兵部覆甘肃督抚郅光先等会题谓甘镇三面逼虏合用兵饷大率在内帑发者逐次加增在本处运者累年拖欠督抚诸臣议欲置加兵饷夫往者官军五万三千六百有奇马骡三万二千余匹头本折兼支岁用充裕最后历年兵马视前数差减顾京运渐增使若每岁请讨每岁给发太仓有限积储安能应诸边无已之求合于洪水准召军四百名并旧军六百名共一千名水泉准召军三百名并旧军三百名共六百名硖石止当汰老弱补逃亡给以原饷不必再召镇羌准召军二百名并旧军三百名共五百名以上增军九百名除盐引分派九边原有定额难以更改安家银每名三两准于草价银内动支收买马匹草料听抚臣随宜设处月粮每名一石五斗岁该粮一万六千二百石照例每石折银七钱共该银一万二千三百四十两总计该镇粮饷通融那凑尽可敷用但全狭灾荒一应钱粮蠲停数多况值寇在门庭尤宜蚤为戒备今酌议发银一万两暂济紧急后不为例得旨该镇近进图说内兵额减少岁饷增多又往往请发内帑殊非备边久计着督抚官将本镇民屯等项钱粮查理明白从长议奏

○丙子礼部尚书沈鲤等奏本月十六日早朝有新袭灵璧侯汤之诰上表谢恩例该臣等引奏缘臣等趋至掖门钟声已严不敢前进有误引奏具本认罪 上曰尔部职掌礼仪宜敬慎事上以倡僚属乃先自迟误失仪何以率人既认罪姑各夺俸一月

○鸿胪寺查朝参不到官员薛钰等四百四十三员奉旨这朝参不到官员姑夺俸各二月公差患病的准开豁昨朕亲见通政司奏事止二员鸿胪寺宣念止三员还有未到者何不详开回将话来既而本寺以通政韩国宝序班李承华二名奏上亦各夺俸二月

○升礼部郎中余寅为陕西提学副使○丁丑文书房口传圣旨前日视朝六科奏事西边一员仓忙上御路跪不言语的也着鸿胪寺查来

○兵部覆陕西督抚郅光先等题石峡安远二堡原设领班都司各二员轮流来往不便责成今议将次班见任陈扬陈达道专任河西专理操练防御头班赵时正艾应诏等专住河东管理督催班军以后军衔削去头班次班字样照各官住劄地方推补二堡势难招募乞将岷河官军免行拨兑各营堡官军免行摘拨 上是之

○赏总督两广吴文华总兵刘凤翔等银币有差以剿平盗珠贼有功也

○国子监祭酒李长春等奏易经注< 铎-金 >刊毕进呈 上命留览

○赐周府浦江王勤崂谥康惠

○戊寅兵科都给事中顾九思题通州京师咽喉旧城倾圯修葺费约三四万金又查得每年漕运余剩轻赍及草厂子粒各不下几万两自通州输太仓为济边之用该州内拥京畿外薄夷虏边城之尤要者请于十四年分量留几万于该州而三仓米多浥烂买科召工可佐银之所不足 上是之

○己卯户部覆御史陈遇文敷陈漕议五款一议土宜以速粮运一议< 宣 > 纜以免疏虞一议仓号以便安顿一议运载以免稽迟一议编号以速回空命如议行

○改罗雄州为罗平州换给印信从巡抚刘世增国公沐昌祚之请也

○户部议山西连岁荒旱预备仓积谷甚少其鬻粥赈济率多取助于社仓以此见社仓有益于民欲要将原有者照旧存积数少及原无者亦要添设谷石欲用纸赎籴买或劝借富民及有情愿输粟者给与冠带牌扁在仓谷石春放秋收加一出息以备亏折从之

○庚辰夜一更火星顺行太微垣犯右执法星约离二十分余火星在上测入翼宿度分

○总督陕西兵部尚书郅光先题甘肃一镇乃洮河藩篱自东虜丙兔遗流窃住西海每渡河而南住牧莽刺川一带逼近洮河强境垂涎番族睥睨内地是以洮河昔年止于防番今则又防虜矣当召土著以补所撤之数每召一军给粮一石每斗折银七分解送充饷若岷河二卫备御班军仍照原议输赴河西防戍其安远石峡二处都司四员内二员常住河西防御二员常住河东催军河东各卫原额河西脱伍班军严行各道清勾之上曰备御河西班军既该总督官酌议停当仍旧行

○辛巳升吏部稽勋司郎中吕坤为山东参政奉 上命也

○上御皇极殿传制遣武进伯朱世雍等持节册封秦府秦敬王谊滈弟紫阳王谊湏为秦王安人韩氏为秦王妃岷府岷王定燿庶第二子韩跬为岷世子妻萧氏为岷世子妃庶第四子乾坤为常宁王沈府庄懿王恬熙嫡长子埒垌袭封为内丘王赵府端穆王载垌嫡长孙常< 兕 > 为成皋王夫人杨氏为成皋王妃韩府恭懿王谟塏嫡第二子朗鑄为襄陵王宁远王朗< 金奠 > 妻施氏为宁远王妃代府昭顺王廷域庶第一子镇国将军鼐垓袭封为和川王夫人郭氏为和川王妃康定王充焜庶长子廷堦为潞城王夫人宋氏为潞城王妃永庆王鼎浼妻郭氏鲁府富平王寿鎰妻程氏常德王寿鋹妻马氏俱王妃

○壬午户部覆山东抚按与巡盐御史题称省直地方灾膜频仍荷蒙蠲赈至盐场灶户独未沾惠要将库贮支剩余没银内借解过万历十四年高家港十一场寿□等州县卫所场额派盐课民佃银一万三千九百五两一钱零除已徵收外如系小民拖欠尽数蠲免十五年见徵课佃即便动支库贮存剩余没银再抵免一年以纾灶困将永利等场极贫老疾约计二千余丁照例赈济及抵解过长芦严镇等场白盐价银一并蠲除从

○癸未谕兵部司礼监太监黄勋调内官监太监着太岳太和山提督兼分守湖广行都司等处地方写敕与之

○都察院覆给事中杨其休题欲抚臣免其出巡按臣禁止随巡仍责司道时飭有司爱民省事绝意阿承上官得旨边镇及有事地方巡抚官照旧巡阅调度各处司道等官陪巡奔走旷废职业着严行禁革如有沿习弊套故违明旨的你都察院访实参治

○甲申升修撰张元忭为左春坊左谕德清理贴黄○谕礼部朕女未封四公主于本年四月二十五日巳时薨逝合行事行照静乐公主例行

○太子宾客礼部左侍郎兼侍读学士王弘诲秩三年满复职

○予原任太子太保工部尚书杨兆祭葬如例

○丙戌户部题看得山东巡抚李戴咨称山东各王府贫宗每人给银一十二两其禄产优厚者不得一概滥给

○革鲁府辅国将军观□颐区□佳禄米终身以越关奏讦故也

○升陕西都司僉书署都指挥僉事马应龙为固原游击

○丁亥工部奏黄淮二渚逼近 祖陵关系甚重是宝应以下盐河兴化一带海口应浚应通合咨漕抚巡按衙门管河司道议之淮扬水患西南有淮泗西北有黄河高宝江都有西山诸湖之水以冲动漕堤湮没民田已非一日闻宝应至广洋射阳兴高邳江都各路皆有入海惟支河淤塞而不通故湖水泛滥而无归为今之计又当备查< 疏-
金 >通支河海口不患其不深矣

○ 子复命百官祈雨

明神宗显皇帝实录卷之一百八十五

明神宗显皇帝实录卷之一百八十六

万历十五年五月庚寅朔

○辛卯 上御经筵

○以端阳令节赐三辅臣申时行等象牙扇红罗织金扇袋艾虎及讲官朱赓等五员各画扇彩绦艾虎有差

○礼科都给事中王三余题今岁风霾先示火光继报西晋地震平凉天鼓厂内失火焚烧太多火星示警疫疠流行欲弭灾异惟祈 皇上慎起居以防嗜欲御讲筵以资启沃减内庭光禄之供省东南织造之烦勤召对之典下求言之诏命下所司

○壬辰兵部覆山东抚按李戴等题支剩站银见在银两抵免应徵之数总计六府库贮积余站银七万五千五百六十二两三钱七分零除动支四万四千九百五十六两零抵补春夏二季免徵外充青东莱四府共剩银三万六百一十两零将济南等六府春夏二季站银悉行免徵即于各府积余银内动支抵补给发各驿递应用 上是其议

○癸巳端午节赐三辅臣上尊珍饌

○赏总兵李成梁顾养谦等银币不一以斩获东西虏入犯有功也

○命应天抚按存问原任礼部尚书陆树声树声年踰八旬齿德俱尊故有是命

○喜峰口大雨雹如枣栗堆积尺余田禾瓜菓尽伤

○赐 寿宫工人汤药及老弱饥号难以回乡者给路费

○甲午遣官祭 南北郊 社稷 山川

风云雷雨之神○大学士申时行等题兹者天时亢阳雨泽鲜少沴气所感疫病盛行祖宗来设有惠民药局 皇祖世宗屡旨举行乞敕礼部劄行太医院多发药材精选医官分劄于京城内外给药病人以广好生之德

○命兵部协理戎政左侍郎萧大亨回部管事

○乙未发遣贪官万泉县知县符嘉训永宁知州李鈇仍谕以后抚按官论劾赃多官员务究问的确成招定罪照例奏请不许轻率含糊如复命之时不及究问止行参提听候官问结具奏如抚按官违旨尔部中及该科指名查参亦不许容隐

○礼部题覆南京御史陈邦科＜ 銍-金 >开崇实学以罗真才言士必学古而后可以入官故初试经书义七篇而参之二三场以验其博雅与其时务本末先后亦自有不可易者乞敕以后乡会试卷务要三场匀称方许中试如后场驰骋该博而初场不过平平者拔置前列以示激劝 上然之

○丙申谕礼部朕闻近日京城内外灾疫盛行小民无钱可备医药尔部便行太医院精选医官人等多发药料分投诊视施给以称朕救民疾苦之意仍照嘉靖年间例每家量给与银钱一次

○改南京兵部尚书傅希掣为兵部尚书协理京营戎政

○赠大同巡抚右佥都御史申佐祭一坛嘉边功也

○太仆寺卿罗应鹤等题国之大事在戎兵之最急在马 祖宗朝有种儿马十二万散之辅地有备用马二万寄养近畿卖种马尽收其直是寺帑所蓄非银也即马也近年诸臣轻视国马挹寺帑若不竭之府予者已穷索者未厌即一切无关马政者复名之曰借此岂老成谋国者即如辽东十一年祇给买马万金十二年四万十三年七万十四年十一万七千八百有奇夫辽为九边之一耳三四年輒增逾十万辽左十年费内帑马价百数十万若延绥请发马价似矣然该镇昔以马上战斗为事其杀伤过当尚不闻入请金钱出买战马今何反请于无事之秋也即欲买补该镇桩朋地亩向来自足取盈每间一岁又几领茶马二千使饲牧得宜岂遽乏用今损国马以益边骑是何异剖割心腹以补四肢甚非所以重京师而厚根本也且寺帑所贮又非若大司农岁入有常盈区区铢两之积即尽买种马之银譬之两集涪盈涸可立候臣等以为不若早禁之便部覆如议○都察院等官吴时来等覆巡按福建连格等奏原任都察院简较先为民今叙用洪兢称父朝选致位卿贰恩赐闲居为劳堪所杀缘朝选与故相张居正不协又勘察辽狱朝选轻其罪居正衔之世讐刘梦龙等乘其隙行间激怒居正劳堪受居正之意遂与同安知县金枝谋堪差把总杨昌言授以朱笔票帖一张差兵三百名暗收□人引朝选出即扭辱解县禁之冷铺堪又差官军中途催促两日夜驰五百里至省禁二日身死堪又言朝选在四川有还魂丹禁六日不许殓后臭腐方许舁出先是洪兢上＜ 銍-金 >命锦衣卫打八十解回为民给事中孙玮戴光启御史黄师颜奏堪冤杀朝选倚法作奸杀人媚人 上命巡按会同司道勘问据医生何禄干证林子荣等称密授红帖扮作□计擒金枝合谋遣军押送十七日至枫亭驿十八日至兴化府送劳军门收禁禁子张贵喊朝选缢死乃二十四日也堪又命其讐林弼验视果死所云还丹堪果有此言又据各官审朝选以进士致侍郎居乡武断夺人产业且专利弟侄恃势吞骗乡人产业刁恶凶党投为奴仆搅扰□税皆有原害为证朝选不为禁止以致怨皆归已拟问弟朝冕等四名充军童绍玉等十八名俱徒罪讐家刘梦龙吕应魁告状吓财以快已私劳堪已经牌行泉州府拘解审得刘梦龙钜奸异常构兴大狱吕应魁擯帮捏诬然受故相之意微暖无证盖朝选有自致之尤而死过其罪弃如腐鼠亦惨而可伤此洪兢之诉良士论不平者也得旨劳堪所犯情罪尔法司既会议明白依拟着押发边卫充军刘梦龙原拟发遣

○丁酉兵部覆湖广抚按孙坤等奏先年麻阳地方苗夷不靖桐信哨置设官军以示弹压顾近时贵苗出没率繇杜脏一路审时度势则桐信似缓而杜脏为急所据移营哨守诚为思患预防 上是其议

○赠原任太子太保工部尚书杨兆为少保荫一子以大工有劳也

○以京城疫气盛行命选太医院精医分拨五城地方诊视给药仍每家给与银六分钱十文俱于房号内太仓动支仍令五城御史给散不许兵番人等作弊及无病平人混冒重支

○给事中唐尧钦条陈一饬和衷一明职掌一专久任得旨近来人情往往重内轻外殊失朝廷设官为民至意今后该部须加意慎择如果称职久任超迁务使有司有所观法以振起吏治毋得循袭旧套

○秦敬王谊湣薨无子母妃吴氏奏请以弟紫阳王谊漈进封礼臣言敬王服制未滿于法不得请封如以边境难镇则特有管理之纶言如以宫用不敷则当徼特霈之恩泽何可早数月之封以乱朝廷之法 上以谊漈满日在前岁册封之先扣查明白于例无碍止因路远预奏已有旨准封你每如何执拗着便遵前旨行毋使下人刁难得计

○己亥改南京吏部尚书李世达为南京兵部尚书参赞机务

○夜五更金星犯土星约离五十分余测入胃宿度分俱顺行金星在下

○庚子升山西副使胡同文为江西左参政

○辛丑户部覆宁夏巡抚梁问孟等议处将官养廉等事曰查地土先是湖滩十座岁采草六万余束为各官养廉之资今总兵等官已愿退三座该采草一万八千九百三十束每年照数收贮各正支销余听各官照旧管业曰革屯田加收宁镇额设屯田每五十亩为一分每分纳地亩银五分谷草九束然须官为定置天平使银不加收印烙官验草每束重一十八斤使草不少纳乃为两便曰减修坝颜料每田一分或沙桩一束白茨七束红柳六束其榆条木每田二分朋纳一根在官既不缺用而屯丁亦免重徵之扰曰裁修墩牛车凡遇修理互市等项官物即于附近卫所城堡有车之家轮流借拨运送就时放归更不必分派有力屯余餽养以滋偏累曰裁徵麦穗凡城垣仓廩公廨之修理必资麦穗以防风雨剥落之患每年轮流一卫每田一分准纳麦穗二十五斤若遇灾伤之年即行免徵至于仓场之常例盐粮之折减□人之椽席铺行之段疋一一厘革不得更生枝节以苦□民如议

○巡按直隶御史孙愈贤题臣按属大同府所辖十一州县应州未完钱粮六千九百三十七两怀仁未完三千七百九十七两十三年以前拖欠银两应将应州怀仁县逋赋尽数蠲免或量免五分其额徵岁粮马草脚价自十五年为始怀仁县量减三分应州量减二分朔州山阴马邑量减一分如平虏井坪马邑怀仁四卫所屯粮每每难完应与州县一并蠲免

上曰边方州县卫所既岁荒人逃民屯钱粮旧欠者依拟蠲免见徵粮照旧行

○户部覆广西抚按题右江所属怀远十寨二处善后饷银先年俱于大征支剩军饷及奏留银内支用今前银已尽要将该司见贮税亩缺官柴马□税鱼课酒税共银一万零四十二两二钱三分三厘二毫请留本省凑支夫粤西先年因用兵饷缺官各项银两屡经奏留近官地方宁谧营兵既减饷不繁况今太仓告匱边费难支前项银两原系解京济边钱粮似难准其尽留该布政司自万历十三年正月起到十四年十二月终止见贮岁亩银六千六百五十五两二钱二分六厘缺官裁马银二千二百二十八两七钱二分一厘八毫以上二项准留该省凑支怀远十寨兵食其□税银六百四十二两二钱一分九厘二毫七丝鱼课银二百三十八两九钱九丝七忽酒税银二百八十二两一钱六分六厘以上二项即行差官解部照旧充济边之用再照广西一省万历十四年以前寔徵秋粮米止三十六万九千二百二石五斗二升六合至万历十五年二月内据巡抚都御史吴善册报摘查过该省实徵秋粮米四十二万四千八百八十九石六升一合五勺零数目到部已经照数派徵较之近额每岁多米五万五千六百八十六石五十三升五合五勺零依数徵输自足充饷以后一应解部钱粮俱要尽数起解不得再议留用从之

○壬寅兵部题宁夏巡抚梁问孟条议金发新军诚欲填实塞伍以裨战守至于拨给荒地垦种尤得寓兵于农之意陕西归德一堡地里孤悬又以募兵为苦欲将全陕河南充戍人犯悉遣本堡充实行伍查得花马池与套虏为邻实为冲要之地今参将所部兵不过千余实在操练者又仅止于数百壁垒空虚急缓何赖要将充发新军填实塞伍以后新军例应边遣者俱发归德堡花马池不许逃伍分拨荒地令其垦种永不起科从之

○癸卯改南京礼部尚书袁洪愈为南京兵部尚书

○户部覆刑科都给事中唐尧卿条陈银库封识等四议一曰银库封识二曰京粮出纳三曰官解批销四曰内用借办得旨岁增买办银两还照旧进余俱依拟

○户部题臣惟国家大计在边储而屯田盐法则皆边储之最要者近日各边年例曾至三百一十五万九千四百余两视弘治初且八倍方今诸虏款贡疆圉宁谧欲举屯额而垦复之将抛荒屯田随宜开垦至于陕西宁夏甘肃等镇地方孤远果有□人愿备工本赴彼开荒中盐者听其垦种输纳合通行各边督抚诸臣备查原额屯田今失额抛荒或额外尚有堪种余地尽数清出限本年十月内各具数造册如前地无人承种有□人愿备资本赴彼开垦者听巡抚衙门随其报认籍名于官计垦田之分数为中盐之多寡派籍垦田所入以资中盐之费杜今日占窝之奸 上曰召□垦田事宜看该督抚官着实举行以济边储

○甲申代州振武卫鴈门所太原阳曲徐沟交城同日俱地震

○乙巳夏至祭 地于 方泽遣官行礼

○丙午 穆宗庄皇帝忌辰遣官祭 昭陵

○丁未谕礼部雨泽未足朕衷深切兢惶日日在内虔祷其大臣轮祷坛庙各秉精虔务回天意

○己酉赐讲官礼部侍郎张位驰驿回籍仍路费银二十两纁丝二表里

○改南京刑部尚书姜宝为南京礼部尚书○以蓟镇春防已毕撤回山东河南北直隶及保定骑营各班军仍留本镇主兵南兵与延绥宣大各防夏兵马分布信地防守从总督王一鹗之请也

○升丁家泊堡官军姚太节等九百三十四员赏杨德秀等一千一十七员并领兵斩首阵亡伤故母承宣等四百一十四员俱于太仆寺马价银内给发

○壬子吏部题中书黄仲春浮躁浅露例应降级王鸿唐应运田应璧愈守德童偕素行不谨例应斥逐乃亦止降一级概得存留非所以为平
上曰尔部中既如此说王鸿等降二级办事不必执奏

○免石灰甗等项税银

○癸丑改原任南京工部尚书陆光祖为南京刑部尚书

○以成国公朱应祯庶长男鼎臣承袭仍优给如例

○赠原任总督蓟辽右都御史王忬为兵部尚书忬累树边功构罹谗祸至是其子世贞奏请故有是命

○斩南兵吴公泰陆文昌何天行叶子求四名枷号徐洪三月发极边卫分充军以讹言惑众擅离信地也仍谕军中但有捏造如公泰等许各军擒拿出首重加升赏容隐不举者坐

○丙辰遣定国公徐文璧祭 南北郊 社稷 山川
风云雷雨等坛谢雨仍赐三辅臣脯醢酒果

○户部覆巡抚福建贾待问题查盘过福建所属各府州县自万历十一年起至十三年止总计实在仓谷四十五万九千六百三十五石五斗零在库纸赎谷价银八万六千二百九十一两六钱零该折谷三十四万九千二百石三斗零亏折谷一千八百三十石九斗见今追倍其折谷各官除积贮合例及积多不及十石积少不及三分并丁忧罢革劣升考察降调去任等项与积少三分五分六分并任浅各开名以闻从之

○户部覆南京户科给事中吴之鹏奏国家设督粮水利道以总理于上设同知通判判官县丞主簿等官以分理于下而修筑＜ 铕-金 ＞浚之以备旱劳迩来有司惟从事于簿书期会修筑圩岸＜ 铕-金 ＞浚防塘等项事宜漫不经心一遇岁凶茫无措手今欲令有司劝农兼兴水利而抚按司道府州县等官相其原湿因势利导凡水利地利有裨农务者或殫力图之司种饷者务与水利各道共修农事因以殿最有司 上是之

○丁巳吏部覆吏科都给事中顾九思题蓟州道副使朱衣先任潞安郡中称治向会举边材列其名本部遇缺推用今筹边损于治郡非名过其实则用违其才合调腹里地方云南副使陈严之当蛮夷纳款之后而统驭乖方致猛密以强吞弱略无忌惮参政文作值罗雄底定之初而防御失策致遗贼就灭余烬复张虽专责带管为任稍异而启侮玩冠厥罪惟均相应依拟调处以示惩创

上曰以后抚按官荐举所属有才堪边用者令于荐语内明白开列以备擢用

○戊午刑部尚书舒化致仕

○升保定车营游击袁日章为统领蓟镇南兵游击

明神宗显皇帝实录卷之一百八十六终

明神宗显皇帝实录卷之一百八十七

万历十五年六月己未朔文书官李俊口传

圣旨问工部前抄没张居正房屋曾否有人居住何久不卖去

○户部题覆轻赍银两每年类解漕司分为三七三分给帮运本官以备沿途支费如遇盘剥俱要呈明督押参政或管理河闸仓钞部属及兵备等官批与执照方许动支然此天津迤南事也天津迤北设有官船船户各有专辖其脚价随地远近以为多寡载在议单运官不得另雇民船以滋糜费自桃花浅至王家摆渡等处俱呈请钞关主事自里二泗至西坝俱呈请通粮郎中不许奸顽旗军卖私货以图尽剥从之○光禄寺少卿谢杰题尚膳监传帖二次到臣东门令行户每日进凉粉二百块酪二十瓶分进旋传凉粉乳酪一分不用真菲饮食之盛心也今行□纷纷告苦钱粮进而不用无价可关然犹朝而擡进夕而回销臣知食之不可卖之不能徒有赔累而已始苦于取今又苦于取而不用计二项积至一月费银七十二两有奇贫民身家几何堪此破费恐不出一月彼之逃亡必所不免矣乞悯贫行亟将前项取讨钱粮尽行停止报闻

○总督尚书郑雒等题虜王嗣封之后所当传谕处置其切要有三一定马数大同一万匹宣府二万匹按臣题约以二万与兵部定额之议相同况青永打刺明安三大枝部落甚众有难以等诸他夷即欲减去一万徒烦议论势难必其听从或遇夷马之少即二万匹上下可如遇夷马之多即准以三万数亦可惟在撙节之中少寓通融一限赏额自隆庆来赏银辄至四万七千余两迄今若不限以赏额有限之财何以填无穷之壑今以万历十四年为准旧例原无不得轻为加添以恣其欲一切赏格务不出原议钱粮之外一明军令款久则玩玩则积衰而招寇务在我者马壮器利修险备粟以实军需能相机奋勇者无畏首畏尾务制狂虜跳梁之气部覆如议

○工部覆芦沟桥抽分事宜一议物价低昂难以预定板木丈尺可以先平凡应抽材物须酌量轻重议定中平价值以便遵守一议钱粮收贮该局原未设有官库欲于每月终令该局官吏将收过银两尽数解出赴巡视官验明解送本部发库收贮一议该局原有水手二十五名在于磨石等处专为推运 上用顺柴及□人筏木之用须行宛平县量拨数名给以工食专令看守一议公署倾颓久不修葺有原变价银二百余两本局本色可举一议钱粮必生弊窦俟差完交代之际查盘一次以稽实数如议行

○庚申升云南右参政姜忻为按察使云南副使杨标为右参政陕西右参议于达真为兵备副使各本省

○户科右给事中胡汝宁题京师民贫材尽有二大害曰知县差役倾破民家曰贵戚铺行侵夺民利 上曰内府库局铺垫等项屡经酌议裁减监收部官及贵戚家果有专利害民者自当依律究治尔等何不指名来奏却只含糊建白○升五军五营佐击梁宫为保定游击

○辛酉夜云阴雷电雨雹如栗子大从西北乾方来

○癸亥升江西副使宋尧武为云南右参政直隶永平府知府张世烈为山西兵备副使广西右参政丘浙为云南按察使

○赐应天府尹方良曙祭一坛

○敕封皇六妹为延庆长公主选南城兵马指挥司副指挥王鼎铉男王昺为驸马都尉

○升山西都指挥僉事郭懋忠为大同参将都指挥使王有翼为宣府右参将

○鲁王颐垣以先为观火□于等诬奏＜ 毓-金 ＞辞管理 上曰王守礼奉藩贤名素著览奏朕已洞悉诬奏的已处分了王宜遵旨据法着实钤束宗仪毋自隳阻○武英殿大学士吕本卒本浙江余姚人嘉靖十一年进士改庶吉士历升少詹事入阁屡请册立东宫 裕王冠礼北虏入犯召见面对条画御虏之策议新戎政筑外城三年考满进阶光禄大夫勋柱国未几加少傅以母忧守制回籍至是卒赐祭九坛与故妻夫人夏氏开圻合葬如例

○乙丑赐三辅臣及日讲官鲜笋

○升广东副使陆万钟为广西右参政四川左参议李学一为广西副使福建参议金学曾为江西副使

○夜昏月犯火星测在轸宿度约离五十分余月在东

○丙寅大学士申时行等题今日文书官传 圣旨今三宫及各项赏赐外夷求讨俱不足用织造虽多原着陆续织进不是一时就完令臣等拟票始知派数甚多为费甚鉅臣亦同有为国为民之责者若不为 皇上明之是不忠也 累朝定制岁造段疋不过三万余疋 上用赏赐俱在其中虽有急缺题派不过间一举行未有如近年频数者前此各部钱粮颇有赢余各处库藏颇可揜括亦未如近年匮乏者今前项织造至十二万有余费以数千万计各部无从那借且前此织造尚未完期提督内臣尚未复命又加以此项织造恐地方必不能供故臣等亦以裁减数目为便万历四年减去三分之一万历七年奉旨减半织造今民穷财尽伏望特霈德音大加减省以弘惠下之仁 上曰财匱民穷朕非不轡恤但近来三宫岁用及赏赐等项不敷织造委非得已着查照原题减三分之一派造合用钱粮工部从长议处毋得困累小民

○改南京兵部尚书李世达为刑部尚书

○礼部题覆称 陵寢祭祀宜虔乞加申飭以肃臣纪 上曰陵祀重典着遵旧规行如有迟慢喧杂等项监礼御史及该管衙门各参奏拏问

○兵部覆巡按御史孙愈贤条陈边政一重边材以备缓急一恤边卒以重本根一核边军以实营伍一申边禁以责实效一储边器以资防御一置边将以保孤镇依议行之

○以蓟镇南兵营副总兵朱相先充五军八营参将

○丁卯升山东左参政陈瑛为广东按察使广东佥事来经济为四川左参议陕西右参议郅永春为山西副使

○调四川副使柴祥为福建副使○先是东虏麦力艮台吉等流住肃州要挟市赏我中拒堵因而跳梁时差官宣布恩威停封革赏责令调虏仍宣谕扯力克三娘子既声多罗土蛮西行生事之罪有碍袭封及得扯酋三娘子回书遵奉宣谕之辞旋发调虏之令几无事矣至是甘肃巡抚曹子登细陈诸虏情形除松山宾免妻男等酋其在海上者又除威正恰因抢生番被箭射死各部落烧化尸骨久携回套外如市虏克具近来互市方以我僧大人命相讲夫我僧大既夜间为盗而又先杀我军姚二我官军亦追射杀之此歹言黄台吉义子克臭亲子也后来执我杀死台吉我中亦执曰尔先杀我提塘千户求以相抵原非一官彼亦语塞火落赤主持前来将尸烧化去讫此正麦力艮犯肃州求市赏时也道里日期原不相及而扯酋三娘子书执此为言此明是诸酋诳词以给扯酋三娘子存而不论可也歹火二酋投番文要我中为筑城修寺永不作歹我已严拒之而彼亦偃指退矣三酋与市虏丙兔阿拜台吉把都儿台吉把尔谷台吉且且台吉瓦刺他卜囊撒温等联络西海此虏在海上也抄胡儿青把都儿苦赛把汉刺叭矮木素阿机大兄弟叔侄并都儿他卜囊蟒速儿他卜囊古羊我尔六撒户俄朮罕台吉刺叭台吉把秃台吉歹奔阿卜害台吉虎动台吉哈坛把都儿歹牙乞青山他卜能威正他卜能王把都儿及歹成等枝与各部落近在嘉峪关七百里以外声抢瓦刺西去臣恐其胜则乘锐败则乘愤俱不利于我已严行防御外又报抄酋兄弟口称西抢得胜欲收水塘因命各将官率兵马协堵要口彼亦惩石峡口一击之力恳词哀求督臣遣官申谕延镇吉囊差其使画匠等亦来行调兄弟遂将部落置镇夷边外先至镇番昌宁湖边外会其母妻东回套矣母妻部落群然于西即使暂归而马壮复来皆不可必他酋仍散部肃镇边外此原系套虏人去西抢者然也麦力艮台吉舍刺乞炭同心而来遂生荆棘又遣官散其党与俱东回套讫其部落尚在肃州一带边外此旧抢肃州者然也以上虏情旦夕纷纭情固叵测而官军防御亦不懈怠且春间督臣振旅三千直部硖口渡河已有先声扯酋已宣谕于帐中恐亦不至猖獗也再照河西诸虏盘踞海上兼之去秋源源来者又不知其几顷令诸虏声势相倚恃一时安静耳鸱梟不可以不鸣而谓之孔鸾豺狼不可以不噬而谓之良兽臣岂敢保诸虏之不生心惟有内飭边防使虏常不得窥我深浅外相机变使我有不可测之恩威虚示羁縻实整兵马选将决战明示以威正所以折虏之骄保我之市以固封强也唯 圣明采纳施行议下兵部

○辰时兖州平阴县天无云一星如斗形带火光起东南落西北忽西北震响如雷声一刻方止

○朝鲜国陪臣裴三益等三十五员赴京谢恩赐宴赏给如例

○戊辰总督尚书郅光先乞休不允

○给慎妃父原锦衣卫正千户魏承志祭葬银三百二十两

○敕两京各省文武官凡宫室舆马衣服以至婚冠丧祭之类务遵照合式不得踰制从给事中吴之鹏奏也

○己巳改南京工部尚书阴武卿为南京兵部尚书参赞机务○升山西参政麻永吉为四川按察使陕西僉事原一魁为本省左参议浙江宁波府知府蔡贵易广东右参议徐大任各副使贵易贵州大任广西

○工部题据承运库太监孙顺等题称 上用供用表里服色毡竹门帘一应家火等件及官旗夷人等项合用报正动以百千万计派浙江直隶苏松等府织造纁丝纱罗綾 布每疋长四丈二尺内膝襴长四丈五尺及袖襴十二个葫芦头长一尺六寸锦每段长二丈二尺俱阔二尺务宜丝缕缜密颜色鲜明花样真正长阔如式腰封填写抚按等官职名内开坐派各色纁丝纱罗綾 锦布共十二万七千三百十五疋段通抄到部送司案查万历七年内至十年内不过十万七千余疋已奉旨戒以勿再加派致累小民然已一万八千余疋矣万历十一年至十四年止各省直岁造段疋又欠二万六千余疋今该前因又约费银一百六十余万两新旧压徵实难措办今复以十二万余疋之织造坐派于水旱灾伤地方毋论百六十万金无所从出窃恐困敝之民徒有扶老携幼而窜耳此与 明旨所谓十分缺乏毋得辄题加派致累小民者不相悖乎是内度于内帑外观于地方民情而坐派之举诚可以已矣若谓赏赉浩繁备用宜预则岁造传派所拖欠节年不下四万疋督并通完以佐额解二三年间亦足以支盖与其新派而难完不若徵旧之为便与其重费而疲民不若省费之为愈伏望前项派织段疋暂赐停止拖欠之数容本部严行催并勒限解完以济急用 皇上将纁丝纱罗綾 锦布等件大赐恩减山西潞 尽行停免或俟豐年另题补造未几科臣常居敬亦以为言得旨已有旨减三分之一合用钱粮着所司从长计议派造

○庚午礼部覆南京刑科给事中徐桓奏国家取士必以圣贤理奥发明为佳近来士子忘正雅而务剽窃陋经传而尚佛老难僻子书偶一牵合遂称名家其于圣贤白文大义茫然不知所谓浅学之士多为时刻所惑欲将坊间时文板刻悉行烧毁以救时弊又恐坊间会文切理之文难以一概焚毁惟严禁于后除中试程墨外其时义有子书佛书险僻异怪悉令弃毁而文体正矣 上然之

○辛未升山东副使高尚忠为江西右参政山西副使乔严为本省右参政福建右参政石鸣珂为陕西按察使

○户部题臣惟国家设立钱法参酌古制与银货并行民甚便之故嘉靖金背每五文折银一分万历金背每八文折银一分遵行已非一日两月以来将嘉靖金背悉置不用而为万历金背专用之盖繇富□大贾设谋网利欲贵卖其所积以图目前之饶则偏重行之欲贱收其所

弃以规日后之利则惑众阻之钱法不行率是之故也宜严行为禁止 上曰兹制钱依拟通行晓谕务要相兼行使如有阻挠壅遏的着厂卫衙门并五城御史严行缉拏枷号重治

○壬申命修理卿云宫宫在先年为 圣祖发祥之源在今日为
圣灵安寝之所擎柱抱柱蚁蛀朽坏不堪以工部之请故有是命

○癸酉升总督两广巡抚兼兵部右侍郎吴文华为南京工部尚书

○升湖广副使张葑为福建右参政

○甲戌赐永安王府已故奉国中尉华土□敖妻许氏牌坊价银名曰贞烈以风各藩许氏年一十七岁适土□敖家贫未及请封甫二年华土□敖病故无出氏代夫奉姑樊氏一十三年姑病癯瘤十年亲为吮舐侍药敷膏朝夕不怠母兄怜其幼寡几欲夺节氏誓不移姑病笃乃焚香吁天代命至万历十二年八月二十一日姑亡即触棺自缢祖姑李氏亲叔华土□于等多方劝阻竟七日不食死

○乙亥升河南左参议李杜为湖广副使

○户部覆直隶巡按御史孙愈贤条议清边储以祛积弊沿边城堡置有仓廩先因虏患文官不敢亲临一应收支付之守操任其搀和甚至以谷充米支粮之军受制本官至于上纳粮米又在隆冬以水湿米一遇查盘亏折沍烂仓斗受累议令通判亲自监收非十月以前正月以后不许开仓严禁武官不许干预钱粮从之

○兵部覆陕西总督郅光先甘肃巡抚曹子登题称东虏麦力艮等要挟之后防抚最严见今住牧俱各安静仍乞酌势宣调并议制敌机宜大率谓虏王扯力克三娘子已将麦酋调回止有歹言黄台吉黑劳赤台吉在西住牧俟虏使至镇再行宣谕诸虏果皆移帐东归并止各部不西策之上也纵尔不归意在瓦剌趁牧水草照今安静策之次也倘扯酋等果能宣调诸虏东回后虽不回遵奉约束秋毫无犯事完量请恩赉以示优异如不服大酋之令则惟内飭边防外相机变应抚则抚应剿必剿斟酌行事以保孤镇
上曰驭虏事宜屡经督抚官条议着相机着实行毋事空言

○礼部覆太仆寺卿魏时亮题称时议当慎谓法之议也非议之难而难于行法之行也非善始之贵而贵有终我 祖宗立法经画于艰难之中博稽逖采靡事弗慎其为后世法程至备也第时移势易不无少俟调停而怀忠竭智之士各出己见纷纷轻议成法矣而当事诸臣虑有异同卒多迁就题覆幸蒙俞允施行其中有法甫立而随弊生朝议可而夕报罢者致使国事纷然所关匪细请谕今后中外臣工凡所建白非真有大识见灼中利病不得摭饰沽名致滋琐渎其部院大臣议覆事体或虚心博访或大集廷议必其言出一人可协天下之公论行之一时足为万世之訏谟方与覆请不则亦须各列是非不必曲徇彼见惟求事理之允当无嫌人已之相形则庶乎法行无弊而纪纲益肃矣 上曰可

○丙子升南京工部右侍郎吴善为兵部右侍郎总督两广军务巡抚广东地方

○太子太保礼部尚书兼翰林院学士沈鲤引疾求去不允

○户部覆漕运御史杨一魁总兵怀宁侯孙世忠题一革通漕宿弊以苏运军一委把总长摧以便责成一设总兵公署以省冗费一处运官盘费以杜科扰一免参政入京以速新运命如议行之

○升游击职衔管辽东中固城备御事刘仲文为辽东沈阳游击南直隶福山港把总署指挥佥事裴采为凤阳军门中军都司通州张家湾守备指挥使罗希周为五军九营游击

○戊寅礼部题奉 圣谕施药救京师灾疫即于五城开局按病依方散药复差委祠祭司署员外郎高桂等五员分城监督设法给散随于五月三十日据中城等兵马司造册呈报五城地方给散银钱共散过患病男妇李爱等一万六百九十九名口共用银六百四十一两九钱四分钱十万六千九百九十文五城会齐俱于五月二十一日给散一切病民委沾实惠太医院委官御医张一龙等造册呈报自五月十五日开局以来抱病就医问病给药日计千百旬月之外疫气已解五城共医过男妇孟景云等十万九千五百九十名口共用过药料一万四千六百六十八斤八两相应住止仰惟 皇上仁无不覆施有所先遂使疲癯之民悉蒙再造之赐即今疫渐消减人遂安宁化愁叹为讴歌易扎瘥为仁寿不惟病惫瞻依实是蒸黎感悦至于给散银钱虽止一次而领药无算计其所费实数倍之不但贫民得生且于平民之家更益普济此 天地生成之仁也报闻

○己卯命礼部刻 大明会典颁行天下

○庚辰户部覆甘镇自万历十二年以来增兵加饷本部议改客盐并清出屯 □税拨抵站价等项计银一万三千余两岁增京运七万两比旧额已增八万三千余两又十五年四月督抚郅光先会题洪水水泉峡口镇羌四处共召兵二千名合酌发银一万两暂济紧急后不为例近进图说内兵额减少岁饷增多又往往请发内帑殊非备边久计今甘镇秋青湖草采办重困议将采草军丁酌量减派并各道请加主客军饷共银一十二万九千余两又查草束原额四百二十余万据十四年开除止支草二百七十三万四千二百七十一束既支用不尽不妨就中量减 上是之

○准给密云镇年例银一十八万五千五百六十八两六钱六分四厘八丝八忽蓟州镇银二十二万五千五百八十四两六分一厘八毫六丝四忽俱于太仓库贮折粮银内支給

○先是朝鲜国王李昖以前陪臣南馆失火及方物失盗遣官赴京陈情谢罪上嘉其忠慎命写敕奖谕仍赏大红纁丝蟒衣一袭彩段四表里

○辛巳大学士申时行等问 上万安

○賜秦府紫阳王誼漣曾祖母继妃林氏祭葬铭旌冥器等项

○癸未升国子监祭酒李长春为南京工部右侍郎

○追犯人余志道陈其第赃仍发回原籍为民志道坐因公擅私科歛其策坐监守自盗也

○甲申大学士申时行等遵旨将辛未丁丑二科进士题名记文撰完恭录进呈御览发工部刻石○总督南京粮储户部右侍郎方弘靖乞休不许

○调浙江副使赵耀为河南副使

○命各省抚按官将未解赃罚银两上紧查催解部济边不许违误

○户部覆巡仓御史傅霈题四事一定门税一增脚价一广船户一严举劾从之

○命临清钞关应徵船料□税自万历十五年七月初一日为始逐年本折兼收一半折色解银太仓其一半本色查照见年事例除七分扣二分外将应解钱钞责令经收库役照数买完每年分为两次解送广惠库交纳凡河西务浒墅九江淮安扬州北新等各关亦照此例

○户部覆工部咨称宁夏巡抚都御史梁问孟奉命修西岔河口横堤及拦沙顺水等堤共一千七百二十余丈准于附近各场积贮年例银那借应用务使河工军需两不相妨

○乙酉调分守蓟镇喜峰口参将抗大才为神枢二营练勇参将升真定车营游击董承祺为分守马水口参将

○丙戌升左谕德兼翰林院侍讲充王牒纂修官田一儒为国子监祭酒

○旌表孝子韩锡等二名节妇周氏等十二人烈妇贾氏等五人烈女张閤儿等三人从巡按直隶韩国禎奏也

○丁亥调广东副使万文卿为浙江副使

○户部覆礼科左给事中袁国臣等题条鞭之法有司分外又行增派扰民殊甚宜行各抚按查验除小民相安外或有未便于民中间应增应减酌议妥当务求官民两便如有分外复派里甲者听抚按官参治 上曰各处编审粮差于条鞭之外重派里甲系有司任情坏法扰害小民着抚按官严行禁约着实参治不许姑息纵容

○是时京师灾荒叠见六月间风雨陡作冰雹横击大雨如注官民墙屋所在倾颓人口被溺被压颠连困苦至不忍见闻 上命顺天府细查被害贫民每户量给银五钱米五斗压死男

妇每名口给银一两米一石压伤男妇每名口给银七钱米七斗务令各沾实惠

明神宗显皇帝实录卷之一百八十七终

明神宗显皇帝实录卷之一百八十八

万历十五年七月戊子朔享 太庙

上遣长随三人于庙门外护视辅臣次日大学士申时行等奏谢

○以游击管山海关参将事谷承功为薊镇喜峰口参将

○己丑升江西右参议龚一清为广东副使整饬南韶兵巡分管练兵事务

○吏部覆议行取之期节年或三年一取或一岁一取大率以科道题缺为准科臣杨廷相等念有司久任之劳酌以三年两取至人缺有多寡资俸有浅深又随时斟酌或间岁一行或一岁一行科臣之见与臣等同也又维往时科道员缺以部寺各属选改既惩一二夤缘遂停此举且以有司在外劳苦持以行取优之然部寺各属岂无自有司升者如以京官在内易于夤缘则博士中行等官独非在京者乎夫同为进士何独二甲不可为言官今二甲进士每厌薄知州而计图＜ 矢见＞避不过以其无行取之望人将以白眼待之耳使其升员外而又得改台谏人亦何惮而思避也今后科道有缺除照常行取外如有司资俸未及才望相应者少查照旧例以部寺各属间行改除有司资俸深而不遇行取之期即径升部属以待他日科道之选从之

○兵部覆浙江抚按题将标下左游击改管坐营与东营右游击改管西营各事务及裁总捕都司改设守备报可

○以保定总兵标下坐营中军李绳武为真定车营游击

○辛卯赐辅臣及讲官枇杷升河南副使陈荐为江西左参政分守南昌道

○太子少保礼部尚书兼翰林院学士沈鲤再＜ 疏金＞乞休不允○暂管协理京营戎政左副都御史魏时亮陈安攘要务十四议京边摘议二一曰置火器二曰重选练京营摘议一曰京边互练各边摘议六一曰博罗将才二曰实伍优边三曰察险控要四曰广屯召粟五曰招抚归降六曰及时修守贡市摘议一曰严核通官甘肃摘议一曰攘虏绥番昌镇摘议一曰禁扰貽安根本要议二一曰节财庇兵二曰隆德运治 上纳其言戎政边务下所司覆行

○礼科左给事中袁国臣言据户部副册内开岁入三百八十九万余两岁出五百九十二万余两出数浮于入数二百余万矣其匱乏一至于此夫裕财无多术在生之节之而已乞 皇上于非分之请不时之索加意省抑申饬边臣于练兵修堡夷赏诸务不至滥费而又修水利广储积议条鞭崇节俭巡历咨访专责守巡以务生财之实章下所司覆奏上从其议○壬辰太子少保吏部尚书杨巍再＜ 疏金＞乞休不允

○升广东佥事陈性学为本省右参议

○癸巳改敕浙江宁波一府分巡事务专属海道副使兼管其宁绍台分巡道裁去宁波止管绍台二府分巡至于宁绍兵备仍属海道台州兵备仍属巡道各管理从抚按温纯等之请也

○户部题韩王朗铎奏称各宗应得本色禄粮自万历十年起至十五年止共欠银二十九万余两折色自万历元年至今止得二年相应咨查果与奏符行原派西安平凉凤翔汉中庆阳临洮巩昌七府属州县速为催解及查司府库贮有何堪动银两酌量题请补给报可

○浙江巡抚温纯巡按傅好礼会题嘉湖二府白粮船一百二十五只各关徵收钞税及临清带砖费银约一千八百余两议照漕粮事例免徵户部覆奏自万历十六年为始嘉湖白粮船到关躬亲查验米所带土宜止四十石照原题免税放行如数外夹带私货照漕船私货事例以一半入官仍治其罪其过税银嘉兴府于夫车官银减徵湖州府于粮户各免出办至于带砖一节 寿宫用砖方急相应照旧待落成之日每船量减四十块以二百块著为定例苏松常三府各有白粮其免税带砖及减派船价悉照今议报可

○乙未升浙江右参政胡续为河南按察使开州知州金应照为广东佥事

○陕西三边总督郅光先题擒虏卜刺执虏俄大认罪伏罚以军法捆打姑准放还毛大免究巡边达虏按月支給口粮布疋其追获人口头畜查给各主收领罚服马驼牛羊羴皮等物照数变价贮库候赏虏支用未获头畜免追其速可身尸亦给虏领埋兵部议覆从之○周府海阳王府狂男子朝唯诣阙上十事字画差讹句语难读以意会之一曰行门银欲定房制也一曰除民行欲禁官价也一曰审正军欲革顶替也一曰清军地欲防盗卖也一曰治盐法欲禁私贩也一曰清仕路欲杜贿赂之门也一曰添王官欲设甲科长史也一曰藏无经欲禁无为教也一曰除限稿欲无减宗禄也一曰取冤王欲脱宗室睦裔于非罪也得旨奏内有可采者该部看议来说部臣以 上虚怀纳言悉与题覆惟添王官取冤王二事不行

○丙申赐辅臣及讲官鲋鱼

○太子少保吏部尚书杨巍三< 铨-金 >乞休不允

○改南京兵部尚书傅希摯为兵部尚书协理京营戎政< 铨-金 >辞不允○户部右侍郎孙丕扬奏黄河以北饥民食菜与草木陕西富平蒲城同官诸县至食石矣石出三县觜山臣自取观恭具二斤伏候 圣览今海内困于加派其穷不减于食石之民也幸不水旱耳若先事而损上益下培苍生之大命在法 祖宗定赋定用宽民财力之政而已伏望皇上令户部稽会典 祖宗朝定赋用若干今天下岁取岁用若干及频年出浮于入之故详为酌议其岁用之财某项某项著为定额又岁取之财某省某府著为定额诸不急务一切删省经画既定刊为 皇上经国之书命名传布清难裁之冗息难支之民天下幸甚 上曰该省频年饥荒至以石为粮朕甚悯念已发帑遣官多方赈救先年不时徵取一切停罢尔等职司国计务求理财裕民实政为朝廷分忧毋事空言

○南京河南道御史江有源奏江南水利专差御史一员或设金事一员专权久任其修治之议有四曰开江河以导其壅< 铨-金 >塘浦以通其脉筑圩墾以固其防备规制以善其后皆昔人治委之法一切合用钱粮听水利官会同抚臣便宜计处如淘河夫银乃是正费不足则备支存留如缺官俸薪之类又不足则奏留边需如钞课赃罚之类江南漕粮量折一百万石每石折银五钱解京以抵原额其扣存二六轻赍银计该一十三万两修船料价官军行月粮所省亦不下十余万两接济河工工部覆请咨应天抚按勘议户部覆请改折奉旨无容轻议钞课赃罚乃备边之需难以议留止留缺官俸薪济用 上是之

○丁酉兵部覆南京兵科给事中杜縻奏湖广麻城县人邹一庆李仲仁伪造勘合往来驿递行各该抚按查究仍通行禁革 上以奸徒假冒勘合好生玩法着南京法司严提究问驿递冒滥骚扰屡有严旨禁革各该地方官通不着实稽查参奏法令何繇得行所议依拟申飭抚按官仍将查革过起数年终具奏报部不许虚文塞责

○以南京礼科给事中未维藩巡视南京营务

○己亥升浙江副使陈用宾为本布政司右参政

○陕西巡按御史姚三让勘问过褒城知县邓硕辅赃罪 上以硕辅原参赃八百余两勘问止招十分之一有无徇情容纵下都察院覆命该抚按再问具奏

○庚子广西巡按御史蔡系周陈盐法七事一曰均市价官盐每岁三运买则与□同价卖则与□兼搭后因广东银色稍低议加斤数每银一两有加百斤及一百八九十斤者今议市价为准□贩若是官价亦若是仍明折成色量加工本以补盐利二曰议船户广西官运之初用本省木马船装载后东省贪水脚之利以船只代运至梧州上厂遂致舟中有消折之虞厂中有交卸之害议将见存木马船及募民间小船分帮装载直抵桂林交割在梧州既免上厂之费在广东又免官船之扰诚为两便三曰时收散盐之生也必待风日吹晒故五月之间盐多价贱议行差官及时收买并将应给水客价值先买先给后买后给既省市价腾踊之费又免□人守候之苦四曰清支給广东水客递年拖欠盐课提举司将广西官价先行扣完方以给领故水客利于□贩而病于官买今议自万历十六年为始以后凡西省一应官运提举司止许评价不许扣价其水客拖欠盐课听提举司于各名下陆续追补不许总于广西官价内扣除五曰明地方广西官盐止行湖南一道在桂林既每包七钱五分则至湖南当较量远近定为常价以时运发则民食自便止缘势不相统奸□填引之后往往逗遛中土坐视厚利间或便趋永宝憚赴衡州以致价值腾踊今议每年听广西巡按以发卖官价及填注地方定立限期转行湖广巡按督行湖南道其官盐发卖一以官价为准引内填注地方期限客□不许越境后期六曰谨河道广东至梧州水势甚平梧州至桂林虽险亦易惟桂林至全州中经与安县陡河原有陡门三十六座向系五年大修三年小修十余年来废弛弗举舟楫难通遂致盐运坐守月日所费不赀今查兴安分水塘中间直下入中江原设大石减水陂一座一百余丈截水不至直泻要南一路自兴安县北门至三十六陡南岸衡坏去处估计修筑计费不满千金即于盐利内动支七曰专职守议将盐务并之清军同知章下户部如议覆奏

上命湖南各府但行广西官盐地方一应盐法听广西巡按查理仍载敕内余依议行

○赠原任兵部右侍郎萧廩为尚书予祭葬如例

○辛丑升福建兴化府知府钱顺德为浙江副使分巡嘉湖道兼管兵备道

○太子少保礼部尚书兼翰林院学士沈鲤三＜ 铨-金 >乞休不允

○壬寅中元节遣隆平侯张炳豐城侯李环成山伯王应龙新建伯王承勋成安伯郭邦柱分祭 诸陵惠安伯张元善祭 恭仁康定景皇帝都指挥同知周清祭 哀冲太子庄敬太子各陵坟

○礼部题覆南京礼科给事中朱维藩奏复药局以救荒疫报可

○工部尚书石星题苫盖大水并完旧工 上以大木采运艰难在厂堆放者依拟苫盖该管
员役用心看守以后木值务酌量工料大小随宜取用其大木美材非系大工不许擅取轻费

○癸卯升湖广按察使王基为浙江右布政使四川副使房如式为陕西督粮左参政

○甲辰以 万寿圣节赐在京文武官员人等钞锭

○乙巳 成祖文皇帝忌辰遣武安侯郑惟忠祭 长陵

○赐辅臣申时行许国王锡爵及中书马继文等银幣有差以视写云梦公主神主圻志也○
升陕西右参议周思敬为四川副使整饬下川东兵备兼分巡

○复除原任湖广副使李洙以原官整饬苏松常镇兵备

○丙午命右春坊右庶子兼翰林院侍读黄洪宪充日讲官

○命詹事府掌府事少詹事兼翰林院侍读学士赵志皋国子监祭酒田一俊左春坊左谕德
兼翰林院侍读张元忬俱充经筵讲官翰林院修撰杨起元编修李廷机周应宾方从哲俱充
展书官

○以南京都察院右都御史袁洪愈为南京吏部尚书＜ 铨-金 >辞 上不允

○丁巳苏松常镇所辖诸县俱颶风骤雨数月不息洪水暴涨漂民庐舍无算诏各府钱粮蠲
免停折有差

○升云南副使詹贞吉为湖广右参政兼佥事不妨分守原务兼管整饬岳州九永等处兵备照旧驻澧州修理堡隘弹压苗夷山西佥事刘天衢为陕西右参议驻兴安州

○戊申总督仓场户部左侍郎胡执礼起补原官＜ 铨-金 ＞辞不允

○凤阳抚按杨一魁等各题淮扬府属高邮等六州县富安等十五场俱被湖堤积水淹没田地议建闸＜ 铨-金 ＞水计估工费共用银五万四千七百七十两议将两淮运司岁修盐河节年积贮在库银一万四千七百两淮安府库原修归仁堤节省支存银七百七十两及抚按盐三衙门会批不应起解赃罚纸赎及原准工部题留徐州采办花石料价等项银内截留凑支户工二部如议覆奏报可

○周王肃奏永宁王府勤懃越关奏扰得旨勤懃着周王拏问具奏其原奏虚实及有无拨置奸徒抚按官一并问奏○南京太常寺卿沈玄华题 天地坛 大祀殿后神库专贮 昊天上帝 皇地祇 太祖高皇帝 成祖文皇帝牌位及苍璧黄琮祭器等项二百年来倾圯日甚合行修理估费二三百金工部议咨南京工部择日兴工报可

○己酉宣大总督郑雒引疾乞休 上不允

○辛亥降刑部员外郎李懋桧为湖广按察司添注经历刑部主事刘志选为福建福宁州添注判官先是懋桧＜ 铨-金 ＞论给事中邵庶因诚意伯刘世延条陈而波及言者已既不言又禁他人使不得言夫世延之言诚为无当且朝奏＜ 铨-金 ＞而夕乞恩亦足羞者陛下犹念元勋苗裔而容纳之不欲以一世延阻言者路该科谓宜务其愚而略其短否则看详章奏就事参驳谁曰不可何乃并他衙门而防之夫防人之口甚于防川庶岂不闻斯语哉今天下民穷财尽所在饥馑山西陕西河南等处百姓流离僵尸载道疾苦危急之状盖有郑侠所不能图者 陛下不得闻且见也迺者雷系日坛星坠如斗天鼓时鸣雨雹异常郡省报灾无月无之则天心示警于上辇毂之间子弑父仆杀主旬日决罪囚者以数计则人情乖离于下庶以为海内岂尽治安天下事岂尽无可言群臣可遂依违澶忍默默固位而已乎当此之时纵九重寤寐求言尚且惟日不足柰何恶闻人言嫉之如讎哉近年冯张交通权奸专恣具连章保留颂贤称美如科臣陈三谟台臣曾仕楚者比比而是请剑折檻杖谪以去者果皆出于言官乎果从庶言有如言官巽懦观望当言不言他百职又以言为禁脱有军国重情安危顷刻 皇上又何从而知乎庶复以堂官禁止司属为计之得臣伏睹 大明律大明会典及 皇祖卧碑百工技艺之人有言尚不敢阻矧诸司百职乎倪堂官以此禁谕所属属官有不心非而背议乎诚恐庶言一出远近以庶为口实将使志士解体善言日壅主上不得闻其过群下无所毕其虑祸天下者必自庶始矣 上以懋桧取名生事奏扰狂渎降一级调用科道公＜ 铨-

金 ＞申球不允给事中邵庶胡时麟梅国楼郭显忠复交章论懋桧 上再降懋桧二级谪外刑部主事刘志选上＜ 铨-金 ＞曰臣尝取邵庶前＜ 铨-金 ＞与懋桧之＜ 铨-金 ＞读之大概庶之意以听言欲择故因参详以杜横议之端而非有心于禁言懋桧之意以受言欲广故缘论庶以防上壅之渐而非设心以倾庶二臣者意见不同均之心乎为国也

皇上不纳桧言又从而降谪之或者以位非言责微示惩创使知图报台省诸臣诚能以公心处之相安无事庶几开诚布公之道而攘臂肆起交章论列何为者耶 陛下本存使过之仁而诸臣不免怙终之见懋桧与庶两人意见原不相妨而诸臣所论则有因片言之小嫌而不顾国家之大体者臣恐诸臣之言愈多则失职之罪愈不可掩究至党同伐异使人箝口结舌而莫收矫其非此蒙蔽耳目播弄威福之渐甚非人臣之义而国家之福也 上以志选出位肆扰党护同列排击言官降三级调边方用吏部拟懋桧河南志选山西代州 上命别拟远方遂有是命○壬子以五军营左副将李联芳为宣府南路顺圣蔚州等处右参将山东都司金书孟尚义为石匣车营游击山东都司金书张守愚为三屯车前营游击

○癸丑礼部尚书沈鲤四＜ 铨-金 ＞引疾乞休 上不允宽假调理

○翰林院简讨徐联芳九年考满升修撰仍暂管简讨事

○甲寅南京都察院右都御史海瑞引疾乞休 上以瑞素著清节精力未衰不允

○刑部及巡视科臣言内臣张德将惜薪司扛柴一人殴打致死奏请严究 上以张德已经该监问明臧五儿法司提问刑科都给事中唐尧钦吏科给事中杨其休各奏乞将张德并送法司 上从之

○乙卯升南京尚宝司卿周希旦为南京大理寺右寺丞

○起原任南京工部尚书陆光祖为南京刑部尚书奏辞 上以光祖清望素孚不允○户部题贵州额派粮饷于四川湖广两省协济乃湖广递年逋负皆缘有司因隔省分属竟多阻格如万历十一年以前积欠粮银八万一千余两既幸蒙蠲万历十二年以后未完粮银六万五千余两仍复拖欠军储何赖脱巾可虞今抚臣舒应龙议将湖广长郴衡协济粮银三万七千二百两自万历十五年为始改隶湖北道兼催发辰州府贮库差官类解仍撰入敕内盖湖北道于贵州巡抚既为兼督属辖而于长衡郴亦为本省上司分相联属易于督催地相接壤易于徵解其节年未完协济银本部载入考成簿内限万历十五十六年通完报可

○户部题覆巡漕御史吴龙徵巡仓御史傅霈各题粮船抵坝于七月初九日夜霪雨大作冲滚浙东等总衢州等帮粮米八千一百七十二石一斗二升零乞照议单将免运京仓减除通仓通廩不足仍上京仓免晒省出脚耗折米处补漂数及扣除官军应给羨余买补上纳夫事把总等官李皆春等二十三员俱漂数不合参格免究把总孙逢吉指挥刘执中漂失正粮踰数例应降级其淹溺旗军及外水男妇小口并要破格周恤 上以粮船已经抵坝骤遇水冲与在途漂流＜ 铨-金 ＞玩作弊有别孙逢吉等姑各降俸一级

○互调大同杀胡堡守备李芳春宁虏堡守备闻汝相

○丁巳诏河南被灾地方民屯钱粮蠲折有差

○以旱荒量免河东巡盐应解赃罚银一千两

明神宗显皇帝实录卷之一百八十八终

明神宗显皇帝实录卷之一百八十九

万历十五年八月戊午朔

○云南左布政使张楚城升太仆寺卿致仕

○吏部推太平府推官蔡时鼎为南京刑部广西司主事
上不许湖广道御史王世扬上< 铨金 >曰先是
皇上惩创冒籍慎重贤科时鼎不达 圣衷妄有陈说狂愚之罪固无所逃至谓朝廷贵在推
诚天子无湏发摘则天下之公论也奈何昔既降之边徼今犹介在 圣怀得无示中外以不
广乎比年如石星海瑞邹元标等大小何啻二十余臣或起自田间或擢于行伍宁非以端人
无负于君说言有益于国哉顾今逆耳之言犹多忤旨之罪何今昔殊情而赏罚异轨也乞将
鼎新衔曲从部请不报持鼎福建章浦人甲戌进士起家县令清介执法驭下严明人不能欺
尤加意学较擢为御史清两淮盐弊甚悉以建言摘官竟卒于家贫不能葬土论惜之

○升山东副使王来贤为河南左参政江西副使林偕春为湖广右参政驻承天府护守
陵寝分守荆西道管承天德安二府

○敕旌赵王常清常清善行表著河南抚按以闻故有是命

○兵科给事中吴之佳奏两广总督广西抚按题参将吴绅贵哨官梁凤各兵群噪齐告下班
该参召衅有因欲行改调臣窃恐朝廷之纪纲日弛边镇之相踵成习也夫纪纲军政之本必
平日有亲上死长之心然后临事有披坚执锐之勇参将专阃一方属将有管辖之责军伍有
总摄之权责一哨官亦以上临下之常无足深罪纵使假行威以恣睢亦宜诉之抚按督师听
候处分何至一夫发难各哨同声敢于称乱耶往者宁武有焚毁栅栏之变灵州有残毒将官
之变浙江有殴辱抚臣之变东山有杀死哨官之变平乐有烧劫街民之变近日南兵下台粤
兵下班相继报至虽无杀伤之惨实为跋扈之萌朝廷之体统亦轻且褻甚矣可不为之计哉
大抵各兵生变故非朝夕欲防微杜渐为久安计莫若择将领瞻家丁练土兵散客兵章下兵
部

○己未改南京太仆寺寺丞杨时乔为尚宝司司丞

○河南南阳府镇平县已故民赵臣妻白氏奏豪恶訾国久致死夫男三命 上以各处军民
赴京陈奏固有刁猾奸徒募越诉辩者亦有实系冤枉地方官不为伸理者本内有名人犯着
抚按官拏解来京问证佐无干者不必滥及都察院左都御史吴时来覆奏行本处抚按简勘
上命抚按勘实具招仍解京问兵科给事中和震言拏解未便恐长刁风 上曰朕哀小民
惟恐匹夫匹妇不得其所此本内事情或有冤抑未伸抚按问理未当者特令解京鞫审以示
详慎若奸徒越诉自有正律原无偏徇仍遵前旨行

○庚申 上视朝毕御暖阁谕辅臣曰朕见各处奏报灾伤小民不得安生心甚忧悯事有关吏弊切民生者卿等深思详议来行时行等对陕西亢旱江南大水江北蝗<风-几>河南被黄河冲决灾伤重大 皇上圣德方隆岂宜有此皆臣等奉职无状所致 上曰近来有司官贪墨不恤百姓刑狱多冤抚按不为伸理致伤害和气惩贪墨理冤狱是第一事该部院行与在外衙门知道时行对
圣见高明深切吏弊民生臣等不胜仰服臣等窃谓今日救荒之政有二曰蠲免曰赈济 上曰虽是蠲赈有司官多侵充囊橐小民不沾实惠时行对曰有司不才在上官稽察朝廷恩泽自不可已如钱粮出自田地田地既荒即日加槌楚终不能办
皇上若施旷荡之恩大赐蠲免人心方得少安 上曰灾伤须分别轻重使实惠及民
上犹谆谆言有司虚应故事视诏令如故纸时行奏 皇上有此德意有司当不敢违至无田无食之民蠲免所不及者不加赈恤则饿死道路强暴者起为盗贼 上曰有司刻剥百姓百姓安得不为盗贼时行对今湏查各处仓库见贮银谷或散谷或煮粥可救旦夕之命 上曰先生议拟来行时行叩头退○谕吏部都察院曰朕奉天子民惟恐匹夫匹妇不得其所乃者南北水旱灾沴频仍百姓何辜罹此酷罚朕心悯焉不宁守令为民父母以宣上德达下情为职乃者贪墨之吏剥下罔上肥己瘠民或罢软废事炫耀博名侈费伤财阿承取悦朝廷虽有蠲免实惠不及于民其问断狱情每多冤抑抚按官亦不为虚心听理淹禁日久干连多人以致毙狱情尤可矜所以伤和致灾皆繇于此尔部院今后选择守令毋用匪人毋纵不职仍严飭各该抚按官务在惩贪墨理冤狱举察所属有犯必治以称朕计安元元克谨天戒至意一应合行事宜次第修举

○谕户部曰朕见南北异常水旱灾报日闻小民流离困穷殊可矜悯书不云乎民惟邦本本固邦宁若民生不宁国计何赖各该灾伤地方蠲赈委宜亟举但湏分别轻重务使实惠及民尔户部查照累年事例及节次明旨如果灾重去处斟酌起存本折减免分数从优议恤仍查见贮仓库银谷放赈煮粥许以便宜行事灾轻地方止照常格不得混报妄援各该抚按有司毋得玩视民艰壅阏德意

○吏部遵敕题清吏要在惩贪惩贪要在核实以后举劾专责抚按司道不得依违致乖公论得旨前屡旨责抚按司道官督察有司近来举劾多未精核吏治何繇而兴今后尔部还着实查访有未当者指名参治各处开造属官贤否年终报部查复旧< 矢见>行

○户部遵敕题蠲赈事宜得旨各处灾伤地方巡按御史着实勘明分别轻重上紧具奏蠲恤事宜照敕谕行

○都察院遵敕题申飭抚按专督监司事宜得旨抚按官滥寄耳目致司道体统陵夷畏徇成习何能督察属官今后抚按官务责成司道甄别有司即以开报当否定其优劣如有曲庇赃吏避怨市恩者不时参治有司荐后犯赃都察院及该科将原荐官一并查参

○兵部题水旱频仍颁敕蠲赈饥溺欢若更生切念军民一体兵荒相因文职之贪墨当惩而武职更甚小民之冤抑当伸而军中亦然宜行申飭查访优恤至如辽东主战蓟镇主守宣大

以西主抚皆以伐外寇之狡谋而清有司之剥削捕邪术之煽动修葺城郭以寓赈济皆以折内盗之奸萌＜ 铨-金 ＞入得旨武官贪墨当惩军士冤苦可悯所奏深切时弊依拟着实行各灾伤地方抚按官尤宜严飭武备防缉盗贼不许疏玩

○改南京兵部尚书李世达为刑部尚书＜ 铨-金 ＞辞不允

○调福建布政使刘汉儒为云南左布政使○升保定府知府查志隆为山东副使整饬天津兵备兼理马政河道

○巡按直隶御史刘霖陈马政四事曰徵解之人当慎蓄贮之实当预俵解之禁当申养马之户当恤章下所司覆行

○清河守备何继祖等照倒罚赎以十四年三月达贼犯新奠失事也

○章西调湖广佥事王邦俊为山东佥事整饬宁前兵备兼管屯田点闸事务

○夺云南巡抚刘世曾等俸三月贵州巡抚舒应龙二月以考成摘参故也

○壬戌命太仆寺于马价银内动支一万二千两解大同收买货物备万历十六年市本

○吏部题覆浙江抚按有感于吏治日敝民俗日奢议欲闾阎崇俭要在严禁有司交际之烦与科乡举称贷之苦而又精别显拔于入仕之初升任之后合行各省直抚按衙门于所属官员示民务歛华以就质程吏务去侈以就实如称贷家居索债官邸务交际以延虚誉糜民财以纵耳目者廉访得实先为惩戒不悛者重加参治果有淳朴节爱如王象坤王懋中其人者不论资格俱从显拔以风励之 上从其议

○癸亥以 万寿圣节赐三辅臣申时行许国王锡爵讲官朱赓等金万寿字等物有差

○以保定游击张守职为倒马关参将

○阳曲王府镇国中尉宗女奏许光陈得新谋杀氏夫王时责及时贵父廷辅上命抚按问奏以后各仪宾宗壻见在者不许主君宗女出名捏奏

○工科都给事中常居敬等奏荆州抽分主事杜伟奏缴文册本年税银较往岁最少未几工部题称杜伟患病宽限赴部待考窃思奉差已满既因抱病而归考核之典遂缘回籍而废万一不肖者囊橐已盈托疾家居反得幸免如法纪何臣等窃谓考核者考其奉差之贤否不宜以赴部告病有异乞将以后奉差已完中途请告及丁优等项一体考核自伟始章下工部覆奏杜伟奉差适值荆厂竹木板坊等项自川建昌等处浮来而彼地连年用兵兼之采办大木客□少至以故本年所抽料银仅止一万四千余两即税额稍减于前官然时势不同于往日

委无赃私可以指摘第以天时人事适有参差如各省之采木四川之用兵则荆关本年税额殊不可执以为例者惟在奉差诸臣洁已奉公便民勤事得旨杜伟准复职各关抽税比旧数短少者或本官侵克或关防太疏纵容下人作弊俱属不职以后严加考核分别议处○诏免山东被灾州县民粮折被灾卫所屯粮轻重有差无粮贫民免丁口盐钞停徵登州府属带徵未完万历十三年存留麦米四万五千二十七石三斗零草钞银一千三百五十八两九钱零宁海靖海太山三卫所带徵万历十二年屯粮三百五十四石四斗零大嵩靖海宁海海阳寻山金山大山七卫所未完万历十三年屯粮八百八石八斗零待豐年完报官吏师生俸廩军士月粮听于题留解部二分民屯支剩银内通融凑补被灾六分以上小民准予各属库贮存留一分备兵荒民屯银内动支随宜赈济其十五年起运夏税照旧徵解

○工科都给事中常居敬等题开封等府狭州灵宝等州县自七月初十等日霪雨黄河泛涨冲决堤防漂溺人畜乞敕河南山东凡有河道地方除管河副使专理外各守巡道照所管地方分工督理卷扫筑坝补隙塞决明立赏罚昼夜并工务俾安澜无貽漕患工部覆奏从之

○乙丑 孝康敬皇后忌辰遣武平伯陈如松祭 泰陵

○巡视京营科道苗朝阳等条议设教场以练官兵重捕官以责实效议赏功以示激励核马匹以实营伍章下兵部覆行

○丙寅赐辅臣及讲官杨梅

○以 万寿圣节赐辅臣申时行许国王锡爵及讲官朱赓等银幣有差

○调大同入卫游击许守诚为管理保定巡抚标兵兼坐营游击

○户科给事中李廷谟奏往者松潘大举选将练兵如林之士非不足用第募兵所习者行伍成列而不闲于升阪走峻惟土兵生长箐峒视险如夷蜀之制夷兼用汉土势则然也全蜀土司错置森列苦播州酉阳天全诸种号称忠勇松垓荡平曾用其力今当失事仍宜调而用之川蜀三面滨夷钱粮存留司库者甚多窃计松师所费不过数十万今所余尚数倍也但值僨败浪费之秋輒尔请饷不免顾忌抚镇有是心而不敢持其议 皇上诚叮咛而责成焉则其任事之勇当有倍于前建寇不足平臙夷不足创矣章下兵部议覆从之

○诏免河南被灾地方今年站银有差即将各府节年积剩驿传银两抵补

○命公侯伯见袭未任事者及应袭年十六以上三十五以下者总协教习弓马策论才行可录者科道特荐见袭者即推任事应袭者授勋卫其原经荐授勋卫未推用者一体酌用管事未经教习者勿得推用应送不送者薄罚禄米示惩从协理京营魏时亮之请也○丁卯祭先师孔子遣吏部尚书杨巍行礼

○顺义王扯力克并妻忠顺夫人三娘子进表文及白马九匹以嗣封礼成也
上嘉其诚顺赏赉有差

○顺义王扯力克送辅臣申时行等及兵部尚书王一鹗各马一匹 上命受之

○命礼部会同翰林院取定开国至嘉靖初年中式文字一百十余篇刊布学宫以为准则

○兵科都给事中顾九思等言顷自扯酋嗣封说者谓可数千年无事臣窃惧其知燕雀之安而不知桑土之撤也盖自治莫先择将择将莫先大帅近如蓟永总兵张臣年向衰颓事多首鼠保定总兵陶世臣夤缘得志一筹莫展他若建牙父母之邦者虽称世将而纵宗族亲党暴横乡里伏钺濒海之区者虽无显过而走兼金文绮结纳权要又维国以择将为先将以恤军为要将吏谓虏且议款无所事兵悍者养之日至于骄而有尾大之势弱者剥之日至于疲而有鹄立之苦士卒安得不逃亡行伍安得不空虚也夫国家承平日久尺藉宜倍而视原额多不及半且东虏三卫与东西板升徒聚耕牧者皆我黔首甘为虏用彼何乐去其乡哉实将吏为之殴耳乞将各边大将分别调处通行各督抚镇官约束将领严立法制培养士卒一切繁苛刻剥之事痛行蠲革章下兵部议覆张臣以处置大嬖只猛可真等功姑令策励供职陶世臣革任听调余如议

○戊辰祭 太社 太稷遣公徐文璧恭代

○命翰林院修撰杨起元编纂六曹章奏

○辛未升陕西右参政李琦为湖广下江防道兵备广东韶州府知府蒋思孝为云南副使管屯田水利

○是夜月食

○壬申以中秋节赐三辅臣上尊珍饌

○以山东都司佥书汪宗尧为大同入卫游击

○癸酉升山西佥事杨时宁为陕西□确道右参议

○甲戌 万寿圣节 上御皇极殿百官行庆贺礼赐辅臣等上尊珍饌有差

○遣侍郎孙丕扬祭京都 太仓之神

○丁丑月掩犯毕宿大星

○以湖广道御史张治具为江西副使整饬赣州兵备兼理分巡岭北道河南道御史杨有仁为湖广佥事整饬武昌兵备户科给事中朱朝聘为山西佥事分巡河东道带管隰州兼理兵备

○戊寅都察院左都御史詹仰庇陈御史出巡事宜曰倚重监司谓御史不得属视监司凡守令之不肖者令得便宜纠劾以共成宪体曰分道巡历谓责成御史令守巡二道每岁巡历该管地方二次则吏治可睹曰审取官评谓考语宜责司道守巡府州县正官开报不必专任推官曰委任府佐谓同知通判皆可择贤而用一切查盘差委不必专属推官曰督责县令谓举刺奖戒毋宽甲科而刻举贡曰整饬纪纲谓如留茶留饭宜有等差不得于常礼有加曰详慎审录谓案临会审必从容细阅使罪人尽言执辩不得拘审日完事以致疏略曰亲审词状谓放告日期务进赴告之人当堂亲审不必令推官先审应否准行任其去留曰拏问官员谓遇贪酷官员除司道知府另行参提外其余先行勘实定拟然后请发落曰严禁访察谓御史亲受词讼虚心咨访则奸恶毕见或拏问批问自足行法无待访察且令省窝访之弊曰躬行节俭谓庆贺宴会过宾交际宜加意节省曰爱民实政谓御史宜悉心体访不分甲科举贡果无爱民实政一例严行惩治曰致虔典祀谓坛宇仪物宜督有司虔举以安神福民曰申明职掌谓巡抚应行事宜止具文巡按知会倘有不公不法听其纠劾而已今则互相和同事多兼管有司两行申请致批详不一遂至停阁宜遵会典檄示所司毋得混累 上以所奏有裨风纪命都察院议行今后巡按御史敢有任情行事不遵宪纲者该院从实查参于回道考察之日分别议处

○己卯 宪宗纯皇帝忌辰遣伏羌伯毛澄祭 茂陵

○遣侯吴继爵祭 夜明于 夕月坛

○庚辰户部覆南京户部尚书王友贤题今岁江南米价腾踊议将各卫武职官员本年八月折布俸粮比照先年事例改放本色候丰熟之年添折一月以补前数报可

○户部覆四川道御史刘应龙题将万历十五年被灾州县钱粮除蠲免停徵外如应徵五分者已完三分即作六分已完五分即作全完其完不及数者照灾疲事例减等参罚至于查盘止发大奸巨恶如侵欺埋没等弊其涸烂亏折情有可原者责令照数赔偿不许一概拟罪至于各该抚按节次未完考成事件凡系催徵拖欠带徵钱粮者姑准宽免报可

○山东巡抚李戴题将万历十二年正月起到十四年十二月终止积谷过额如额知府等官李伯春等二十三员分别奖劝少积四分以上知县郑汲县丞褚伦各夺俸三月户部覆奏上是之仍谕各处积谷三年总计查参题有定例今止山东奏到其余省直有无及期户部开入考成听该科查参毋得隐漏○以蓟镇东路副总兵杨绍勋为保定总兵官

○调宣府总兵官董一元为蓟州永平山海等处总兵官

○兵部题覆蓟镇督抚张国奇等题称贼夷小阿卜户等先仗酋妇猛可真部夷节犯墙子岭黑峪关杀虏军夜近经该路将官擒质夷人二十三名猛酋悔罪献还华人八十余名又献真夷六名要将擒执夷人内大嬖只下五名原非作歹先行释放猛可真下一十八名内摘出一十二名并抵献六名皆系厮奴俱先释回止留紧关头目六名勒令轮番更替以为羈縻总兵官张臣等优叙纪录史宸杨继祖各复职听用管事报可

○以扯酋嗣封礼成加宣大总督郑雒太子太保先荫锦衣升一级仍赏银四十两纒丝四表里邓林乔许守谦升俸一级还与胡来贡萧大亨沉子木各赏银三十两纒丝三表里胡来贡仍遇缺推用麻贵等十七员赏有差王崇古竭忠首事三封告成功劳难泯原荫锦衣世职着升袭一级有司以礼存问本兵区画有劳王一鹗赏银三十两纒丝二表里杨俊民十五两一表里该司即中银八两

○辛巳赐大学士王锡爵给价调理仍酒米等物

○南京兵部尚书傅希摯乞休不允

○兵部题覆本部左侍郎杨俊民咨议大峪山做工军夫数多要将在营副将六员分为三班大峪山一员大石窝一员各以歇操之日轮流查点催督半月一换山东班军行令连工三月中都河南班军一月一换各军应给粮银本部专管司官随工给散报可

○原任蓟镇总兵张臣以原官銓注左军都督府佥书

○以前军都督府佥书新建伯王承勋兼管理红盔将军

○壬午祭历代帝王遣公徐文璧行礼

○癸未升户部贵州司郎中赵范为浙江副使整饬温处二府兵备兼分巡

○除授庶吉士舒弘绪为吏科给事中

○以巡捕提督李如松为宣府总兵官

○以山西副总兵麻承恩为蓟镇东路副总兵官

○乙酉吏部尚书杨巍等题去年奉旨行灾伤省直抚按官将不职有司量行议处至今未到合无再行抚按官督令该道亲诣所属州县考核掌印正官其于一切荒政能否修举如有年力衰颓才识昏暗及恣肆怠缓不恤民瘼者或应休致调简改教从实开报至于督责倡率全在该道诸臣或有年力近衰才猷未称抚按官亦择其甚者一并议处通限一月内具奏仍望皇上严谕抚按官行令该道有司将臣等所言救饥民防乱民者如何调停撙节区处如何

申明缉捕修缮团练凡可以兴利除害思患预防有臣等言所未及者务着实修举勿事虚文上从其议

○工部题将节慎库事例银两另雇炉头量行添铸专济大工每月一次约钱二百万文解发工所候工有次第夫匠数少即行停止报可

○上以大工繁重钱粮不敷命兵部于太仆寺南京工部于苇课等银各动支三十万两协济从工部尚书石星之请也

○丙戌南京户给事中吴之鹏奏称西北陕西山西河南等处连年旱灾陕西为甚意将户工二部事例照旧许令附近地方米谷麦菽随便上纳再令有力囚犯纳赎备赈东南太平宁国苏松常杭嘉湖等府所在水灾议将见年起运钱粮蠲免一岁以苏民困户部覆议蠲免事宜候各巡按勘报至日酌量轻重另行议覆工部事例原为大工而设前因关中灾甚虽借开一年今大工用银方急相应停止其户部事例山狭二省舟楫不通□贩罕至姑准再开一年至于杂犯以下纳赎律有明条相应依拟纳米谷备赈但死罪准赎减等不可为训似难准从上是之

○南京江西道试御史林可成奏江南江北恒暘恒雨俱被重灾议破格蠲赈及陕西连年旱甚无粟可籴乞发临德二仓余粮转运接济户部覆议浙直等处见将税粮停徵候各巡按核勘至日酌量蠲赈陕西荒以继荒斗米二钱委宜发粟接济但临德二仓之米去岁两次俱以发尽且六月以来据报雨泽沾足秋成或有可望其见在籴米银两仍行抚臣照依原议酌发有收地方籴买接济报可

明神宗显皇帝实录卷之一百八十九

明神宗显皇帝实录卷之一百九十

万历十五年九月丁亥朔日有食之云阴不见

○以左军都督府佥书都督佥事史纲提督京营内外巡捕副总兵管宣大军门中军事朱永祚为山西老营堡副总兵

○革西宁游击王铁块任提问以达虏入犯疏玩失事也

○己丑山西蒲州安邑解州同日地震声如雷

○升河南汝州判官赵卿为南京太仆寺寺丞卿以御史奉旨迁谪至是升今官

○云南巡抚刘世曾以入言求去不允

○南京湖广道试御史陈邦科陈救荒五事曰酌议折兑曰通行借留曰严禁遏籴曰核实分赈曰破格蠲免仍乞 皇上躬节俭汰靡费无益者罢之不急者止之未甚缺者停之派有余者减之章下户部议覆改折漕粮破格蠲免候各按臣勘报酌议遏籴之禁应行申飭备留漕粮除山狭舟楫不通难以轻议外河南及新运经行之处俱有漕粮今既请被災州县暂从改折即所谓不留之留也又将运到漕粮中途借留大损岁漕之额且与其留各省运到之粮不若留本处应运之粮从而改折之便分赈以银不若以粟诚为确论但临德两仓上年支放已尽合于遇灾地方随宜设处及无碍官银给脚价赴有收地方籴粮以赈饥民从之

○以灾伤重大各省直暂免行刑

○庚寅 孝恭章皇后忌辰遣武定侯郭大成祭 景陵

○朵颜等卫夷人阿里麻等一百四十九员朝贺冬至赐宴赏如例

○辛卯朝鲜差陪臣朴崇原等三十三员进 万寿圣节表文礼物赐宴赏如例

○大学士王锡爵引疾乞休 上慰留之○都察院左副都御史魏时亮陈吏治转移全在举劾道府官宜岁一按行所部亲察贤否 上闻从之

○两淮巡盐御史沈权条陈盐法四事一审查消长以便有司分派年久户口有生耗河道有变迁宜行查审量为曾减务不失原额总数仍行仪准二盐所每年照数拨□往卖以后年久迭为消长不妨再为审派一敞虚搭以便小灶灶户全靠纳剩火盐易米度日乃□人夤缘为奸虚报搭单复验影射不行承买遂致小灶无所聊生要严禁巡司不许虚搭并行桥坝委官置验讫私记于放过船只逐包印记仍令淮南自仪字六百三十七单淮北自淮字三百三十

八单为始其名引名之盐不许分堆别垣每堆前立一小水牌填写某单第几名的名引名某人盐若干引每垣后立一总牌办验巡盐御史每年选委廉能官员查盘一次以前上堆者亦如前式临掣之日下堆委官验放一革银匠以便内□议自万历十五年秋季余银为始以原额炭硝工食银八分退□听其雇匠自倾依期自纳每錠务足五十两五钱仍选殷实银匠二名验看足色解官即收不许刁难一改单盐以便铺□议自十六年为始量减引目扬州府止派一千八百引淮安府止派一千二百引责之桥坝委官淮南淮北每单各抽盐三百引一年共足三千引注簿明白令□上堆运司移文二府彙报殷实铺户纳银给票运回折卖其每引原价二两六分三厘令铺户增银一钱买之铺户每斤本银四厘食户增银五毫买之不敷仍以捉获私盐凑补每斤三厘不与单盐同价庶□民俱便而陪累夹带之弊可免矣户部议覆从之

○户部覆蓟镇督抚张国彦等会咨各仓米豆春防坐支将尽专望额徵民屯本色以为秋防之用今忽遇水灾民屯钱粮多应减免议照上年事例预发本镇十六年年例银二万两酌量采买本色并与盐粮及折色相兼接济其银即于下年年例扣除报可

○以管理义刀团子手永康侯徐文炜兼左府佾书

○壬辰河南宗室勤□火几昆□伏诛焚其尸以杀嫡母及父妾也

○癸巳降庆成王府辅国中尉新走□求为庶人以越关来京也

○甲午永昌卫地震凉州天鼓鸣地震

○吏部题钦天监太医院及太常寺寺丞以下并文华武英二殿制诰两房带俸等官有九年考满官阶已尽例应升俸者则其所升之俸即其所任之官降俸级另行扣算毋得混引不拘升俸之说朦朧通考著为令

○寿宫明楼石碑角柱安竖遣官行礼

○以五军二营练勇参将张元实管理宣大军门中军事务

○巡视南京营务礼科给事中朱维藩奏兵防六事一重营卫之选一严捕逃之责一修保甲之法一均粮赏之惠一革役占之弊一苏工役之累章下所司覆行

○乙未午时 皇第四子生礼部上称贺仪注一本月十一日早 上具吉服以皇子诞生告闻于 奉先殿一是日 上御皇极门文武百官各具吉服鸿胪寺官致词称贺行五拜三叩头礼一文武百官自本月初九日始十九日止俱吉服朝参办事

○以重阳节赐三辅臣上尊珍饌

○原任巡抚保定右金都御史今升大理寺卿贾三近乞休许之○山西恤刑员外郎黄克缵言岁饥民穷无知犯法乞将三年以内犯罪饥民斟酌情法开自新之路以昭朝廷浩荡之恩上以被灾贫民已加轸恤若以饥荒为名肆行劫夺岂得轻纵以长乱萌

○丙申 上取光禄寺银二十万两

○以 皇子诞生赐辅臣讲官花弊有差

○泰宁等卫夷人同阽忽思等一百二十七员贺 万寿圣节赐宴赏如例

○丁酉以 皇第四子生 上御皇极门百官行庆贺礼旋赐辅臣讲官银弊有差

○戊戌以提调宣府南山参将李蕡实调补五军二营练勇将军

○己亥升光禄寺卿孙鑰为大理寺卿补原任刑科给事中陈璧为礼科

○户部覆礼科给事中侯先春陈苏松常嘉湖五府白粮四事曰定囤房给剥船革杂用责歇家从之

○以永昌参将李魁为副总兵管西宁参将事游击何崇德为参将仍兼游击事分守永昌

○庚子河南道御史傅光宅言将途当广将体当存将权当重将过当量又荐原任总兵戚继光左府佥书张臣副总兵郭英 上以继光会经论劾下科看覆夺光宅俸二月

○辛丑改南京太仆寺卿周世选为光禄寺卿

○兵部覆蓟辽总督张国彦题通州城周围共长一千七百六十八丈二尺除量行剜修不议工科外实应折修补修者共用银四万一千五百四十二两五钱九分四厘查将户部□税船价银一万五千两兵部马价银七千七百四十两为修城之费尚少一万八千八百余两听抚按多方计处合用通津营军四千名免上边差操合用米二万一千六百石于通仓支給限十六年三月兴工报可

○壬寅户部覆浙江巡抚滕伯轮巡按傅好礼各题灾伤重大乞停织造折漕粮留盐课预赈恤等事相应依拟惟盐课赃罚系济边正项难以准留上是之诏民屯钱粮应停免改折者俱如议以苏民困

○镇守云南总兵官黔国公沐昌祚请设中军 上以非 祖制不许

○癸卯升湖广左布政使王湘为南京太仆寺卿

○诏陕西山西被灾民屯钱粮蠲折有差

○以河南都司掌印署都指挥佥事蓝汝忠为提调宣府南山参将

○甲辰以撰仁寿寺护敕赐辅臣银币有差

○以分守思仁道移驻思南府改拟兼管抚夷并兼制播州夷司地方将分巡思仁道移驻铜仁府添入兼抚苗照旧兼制镇筸平茶酉阳等处地方将平清二卫改属思仁道兼制偏镇二卫仍属新镇道管理

○以湖广右布政使陈惟直补左布政使○以皇第四子生谕知宗藩御书礼物付王府进表人员顺赉

○工部题见贮戊子库堪用盔甲各二十三万顶副盔甲王恭二厂堪用盔甲三万七千顶副积贮尚多连年各省灾荒钱粮难徵议将预造盔甲暂行停止 上命减半成造

○乙巳户部覆户科给事中彭国光题查参有司积谷 上以积谷本为备荒先年设法查参既称不便及减数宽限又说该每年查参议论繁多法令数易岂成政体今后各处积谷着抚按官每年查数报部仍遵前旨三年类参有全无积贮及虚捏要名者重治

○夺土酋安国亨飞鱼服命戴罪立功初国亨报献大木遂行赏赉至是查验无实故夺之

○丁未霜降节遣武定侯郭大诚隆平侯张炳豊城侯李环泰宁侯陈良弼宁晋伯刘应元武平伯陈如松成山伯王应龙靖远伯王学礼南和伯毛烨分诸陵惠安伯张元善祭恭仁康定景皇帝都督同知陈承恩祭 哀冲太子 庄敬太子各坟陵

○南京都察院右都御史海瑞以疾乞休< 铨-金 >凡七上皆不允

○复除河南布政使孙鋈为湖广右布政使

○户部覆都察院左副都御史魏时亮题节要七事曰筑浚曰义仓曰生养曰赋役曰刑狱科罚曰善俗曰盗贼抚按官严督各道每岁终将各州县所行七事分款开册送部院该科三年大察即以七事修废为殿最抚按所开与公议不协者于拾遗时一并参论 上从其议

○戊申大学士王锡爵再< 铨-金 >乞休 上慰留之命鸿胪寺官宣谕即出

○调陕西按察使整饬潼关卫吕鸣珂为山西按察使

○发庆成王府庶宗知桢等高墙禁住降靖江王府奉国中尉任目□□为庶人知桢坐捏奏

任目□□坐越关奏扰也

○诏东段王府将军观于□火颐区□佳诬言□蔑本王悖违
祖训降为庶人中尉观悔观火□告夺禄米三分之一

○以副总兵职衔管分守宣府北路独石马营等处左参将事署都指挥僉事麻承勋为署都
督僉事充五军营右副将

○兵部覆贵州巡抚舒应龙题四川永宁宣抚司土妇奢世统奢世续构兵讎杀水西土舍安
国亨播州土酋杨应龙贪贿助兵原任迤西参将马呈文巡捕防守无禁戢之能乞行勘处
上命抚按官勘奏

○癸丑兵部覆辽镇督抚官张国彦题王台世居海西统管夷众明我耳目受我要束自收二
奴制建州岐东夷北虏而二之则海西为开原蕃卫而开原倚海西为安已非一朝夕矣比王
台既歿遗孤仅存大势未振二奴孽子欲乘隙以并吞而康古陆等复纠谋以内应是海西诚
有累卵之忧而歹□不免覆巢之恐歹□不立则无海西无海西则二孽南连北结而开原危
开原危则全辽之祸不可胜道今议剿那林孛罗卜寨者为二孽既平则王台之息可保海西
之势可安海西安则开原安全辽亦安不惟熟夷震垒于挺伐之威凡彼环观窃听之群夷亦
且不至纠合潜滋如所谓腹背受敌左右狼顾也今康古陆已经擒获当正法梟示以绝歹□
腹心之祸本温姐既议放还则当姑宥曲全以释歹□骨肉之兵端至于那林孛罗卜寨之当
剿督抚等官欲待按臣勘议而后举事盖按其不赦之罪乃兴有名之师而因以远要功希赏
之嫌也 上是之仍谕边务夷情朝廷惟责成督抚总兵相机行事巡按御史止纪核功罪不
必避嫌畏事致误军机○兵部覆陕西督抚等题东虏歹言黄台吉被番射死其酋妇扶丧东
归始而稟明经过昭 天朝无外之仁既而预待严防示中国有备之义使各相安于无事何
至相竞而互伤据题张君恩等先令部军戮一夷妇坠马各虏如赴官稟白或据理执办则启
争之军自当治之以法又复何词乃即披甲操戈相向则官军之奋勇格斗未可一一罪之也
但轻率疏虞难以姑容而惩一戒百应从酌议将张君恩赏进忠俱革去管事与杨国相重加
罚治陈善道罚俸二月歹酋妻妾部落姑免追罚牛的个等六名质留在边宣谕歹酋之妻使
知格斗兵端原自虏起如诸酋输情伏罪牛的个等以军法捆打许放生还如以复讎为名敢
于跳梁作歹即行梟示边关其火酋二使脱谷大博思痛念彼酋王有功姑许捆打释放今火
落赤等酋盘驻海上时为窥窃尤当万分戎严如按臣所谓无事为有事之图有事而享无事
之利此诸臣所当惓惓在念者 上从之

○乙卯内阁传

圣谕朕前以卯初起御门一时头目晕眩因暂免朝讲数日静摄服药兹当孟冬时享
太庙遣公徐文璧代其陪祀官员慎加敬肃卿等可传示彼知非朕敢偷逸恐弗成礼

○是日文书房官口传 圣旨河道岁用多少钱粮如何常有淤阻沿河该管官曾否开报着
工部查职名来看工部列名以奏得旨近年河道安流该管官不无懈弛间有淤浅亦不即行

开报＜ 铨-金 ＞浚致有阻滞仍通行严饬有怠玩误事者该部科指名参奏

○礼部尚书沈鲤以疾乞休不允○户部覆顺天府府尹周继等题称宛大二县铺行税契银两奉旨减免所入不足以充正额议将今次变染绢布包里等费银三千一百零八两查照十四年事例仍暂于本部处给仍将宛大二县铺行税契银两清查议处务使一岁所入足以供一岁之用 上是之

○以参将管宣大总督军门标下抚夷事马应时为肃州右参将

明神宗显皇帝实录卷之一百九十终

明神宗显皇帝实录卷之一百九十一

万历十五年冬十月丙辰朔享 太庙

○上御皇极殿颁明年大统历

○丁巳礼部上 皇第四子翦发仪注一前期

上择内夫人之敬慎者使为师姆及慈姆保姆以奉 皇子翦发是日早师姆抱皇子于寝宫翦发为髻留羈如礼一是日 上具常服御便殿升座 皇后率皇贵妃各具服朝见行四拜礼毕 皇后侍立东面 皇贵妃中立师姆抱皇子出自寝繇西至殿内授 皇子于 皇贵妃内赞奏曰 皇贵妃敢用吉日祇见皇子 上降座而抚之 皇贵妃左还授 皇子于师姆还寝 皇后复率皇贵妃仍行四拜礼一是日 皇后率 皇贵妃见 皇子毕随具服诣 慈庆宫朝见圣母仁圣懿安康静皇太后行四拜礼内赞奏曰妇 皇后王氏率皇贵妃郑氏今日弥月吉期祇用朝见 皇后 皇贵妃仍行四拜礼毕随诣慈宁宫朝见 圣母慈圣宣文明肃皇太后礼同前行礼毕各还宫孝洁肃皇后忌辰遣伏羌伯毛登祭 永陵

○工部题今岁霪雨异常都重二城坍塌数多请次第修理 上命各巡城御史就近监工

○己未 中宫千秋节赐辅臣上尊珍饌

○原任南京工部尚书陆光祖再< 铨-金 >引疾不允

○四川播州宣慰使杨应龙差长官何汉良等贡马二匹庆贺 万寿圣节给赏如例

○以宁夏兴武营游击崔张名为宁夏东路右参将

○以宁夏巡抚标下中军千总石松为宁夏游击

○庚申南京吏部右侍郎何源以疾乞休不允○礼科给事中张希皋以兴都留守吴承荫渎奏谢恩夺俸 上言留守为抚按属官具< 铨-金 >陈谢径达阙廷据礼揣分均属非宜省之便

○兵科给事中邵庶言慎凡事以预庙谟而制胜于朝廷重特遣以清冒滥而储峙于塞下谓逆酋蓄谋报怨并吞海西该镇议图剿处军机重务不宜抄传预泄边地屯饷宜遣风力宪臣清查名实章下兵部覆奏

上是其言今后机密事情各衙门务十分慎密如有传抄洩漏者厂卫严拿重治

○庚申大学士申时行等题近日诸司章奏间有停留近者踰旬远者经月亦有二三月未发者 圣心慎重非臣下所能窥测但部院科道诸臣询问所繇若责臣等以因循误事辅导失职臣等靦颜愧心不能措对乞将御前见在章奏即赐裁发则政事日修而臣等愚忠亦获少尽矣

○辛酉福建道御史林文英＜ 铨-金 >陈五事曰祛积蠹以苏民困如常例旧＜ 矢见 >土仪呈样折乾加添扣除见面过堂之类曰禁杂派以实城郭如在外有司有门夫大甲小甲地方各道有马快官军公署应用概索坊厢名曰借用其实入官设席买办修衙派之民间名曰递领而实未必然民有子弟报派农民门子屠沽菜佣轮流听事之类曰散莲社以杜乱阶莲社一会虽云千百而尊信惟在一人即其所尊信者立为乡约之首而又副以老儒责令诵习大诰及明心宝鉴等书则人心明而邪说破矣曰从权宜以济饥民谓行抚按将灾重处所一面查勘一面从权将旧例举行应赈即赈应蠲即蠲早一日则民早一日之生矣又平糴劝借实乃夺民之财宜敕抚按将该省银两量其缓急多方借处灾荒应赈之处照实价以储粟谷待来春青黄不接依原价以糴之半岁以原价还官惠既不费且当腾贵之日而价减于民则富□不得坐索厚利矣曰明事例以惜民财各衙门事例凡关国储者某例当行某例可罢悉根稽缘繇或因事以起例事已罢而某例犹在或因例以增费例既已而某费犹存应行者即无例何嫌创建应裁者即有例岂可因循岂下所司覆行惟户部查事理每李进买办银五万两及见今召买未完四火黄铜二十余万斤均系额外事在得已请少节省 上不许

○以游击麻承诏为宣府独石等处右参将

○先是黄河暴发将原修镇河堡西岔河大堤并拦水堤冲决巡抚以闻夺督工官指挥陈勛等俸半年仍条四事曰酌堤防储草柴专责成宽期限从之

○壬戌升山东东昌府知府萧应宫为陕西副使山西右参议夏良心为浙江副使

○四川巡抚徐元太题剿处建昌祠槽越嵩黑骨等夷自十四年十二月初六日起至十五年七月二十八日止擒斩功级并俘获幼男妇女共二千八十六名颗口夺回被虏军民男妇五十名口招安过投降夷猓大小西番约三十余名口夺获器仗一千九百余件牛马猪羊六百一十余头只烧毁夷房一千五百余间见监恶犯大老虎必他等审决梟示下兵部覆○南京礼科给事中朱维藩奏蠲恤赈济八款一汰浮冗之征一裁供亿之费一苏里甲之累一约关税之数一广储蓄之途一议远采之令一倡义助之风一申赈粥之法章下所司覆行

○诏顺天广平大名三府被灾州县钱粮徵免停补有差

○户部覆甘肃巡按御史徐大化题将临巩府属被灾二十一州县量免起运通计起存共该补银七千九百八十九两五钱八分零查有临巩二府见贮布政司库余米银一万七千二百两准予内支补其免剩应徵粮草及设处银谷赈济等事悉依议行报可

○北虏顺义王扯力克进表文鞍马弓矢河西套虏都督同知卜失免阿不害刺麻番僧觉义答赖等各贡马○以大宁都司佥书姚国忠为宁夏兴武营游击

○癸亥以撰仁寿寺碑文赐辅臣银币有差

○甲子升南京贵州道御史党杰为山东东昌府知府

○升陕西佥事冯子履为山西右参议遇防秋移住忻州

○河东巡盐御史李尧民题动支盐丁赈济旷役银修筑池墙报闻

○都察院左都御史吴时来等题台差复命之规除丁忧被论遵旨不许举劾外遇有养病升迁等项在地方十月以上虽地阔事繁巡历未周其官吏贤否司道册报者业已三季则闻见宜真或半年以上未及十月然地狭事简巡历已周或完及八九分者俱许一体举劾及惟近年御史在差告病者数多虽间有不得已之情而一方政事废弛亦多其在巡按前差一年以病无举劾而后差须二年方得举劾则三年间不惟铨司无凭去留而在外清浊何所激扬乎若十月以上无举劾及连二差俱以病告不复命者纵有苦怀亦涉推避回道之日以举劾有无当否考其称职与否报可

○改湖广巡抚副都御史孙坤为南京别衙门用广西按察使屠元沐与左布政使职衔致仕四川按察使麻永吉浙江副使令狐一槐衡州府知府许倓各调简四川副使霍维蓁陕西右参政张孔修宝庆府知府胡榘寻甸府知府赵文明各致仕从给事中杨廷相奏也

○丙寅命陕西西安府水利厅清军道管理凤汉延平临巩各守巡兵道就近督行各官职衔增减管水利四字各府清军同知通判亦兼管水利事务

○以灾伤免派江西纸劄银一万三千八百二十九两四钱于工部事例银内扣留造办

○丁卯兵科给事中吴之佳< 铨-金 >论戎政尚书傅希摯衰老 上以希摯屡经会荐以清望起用近疏引年已奉旨慰留方来到任輒便论劾不谙大体姑不究

○礼科给事中陈璧言卿贰大臣引年乞骸者其说有四或高蹈远引或度可知难或揣精量力或忧谗畏讥宜甄别年力宜休致者休致以优耆硕而全末路疏下吏部吏部尚书杨巍覆奏引年诸臣皆向来废弃之人因台省交荐起用概令休致恐非 皇上用耆旧惜老成之初心不若听科臣细加甄别指名论奏倘科臣用意忠厚不肯指名望 皇上许诸臣自陈又虑诸臣风节自励去就不苟令其自陈不去不止章奏纷然有烦圣听至于年力惟臣最衰才品惟臣最劣则第一不可留者 上以大臣进退出自朝廷各官先经科道会荐以宿望召起及遵例引年俱奉旨留任何必又行甄别大臣能纯心为国修职奉公正是臣节若但洁身为高自图安便国事何赖卿巍首安心供职各官都不必自陈先是

大学士王锡爵两疏乞休

上谕留之于初十日廷见至是复言甄别年力才品择所宜去请自臣始 上曰卿辅弼重臣不与别衙门比朕特召深知勉留敦谕宠待亦自不同岂可专事洁身翫然求去宜即去辅理以副倚眷至意慎勿又辞

○诏保河二府被灾民屯钱粮蠲抵改折有差

○命河东巡盐御史将积欠盐课并未缴引目查明具奏○以扯酋嗣封效顺命效劳夷人也卒大儿倘不浪等三十一名准量授百户番僧答赖准升朵儿只唱名号仍给敕命图书僧徒把汉忽同兔等三名各量授都刚仍各给敕命一道忠顺夫人女竹根大儿阿不害照例给赏河西套虏阿害扼不能准袭伊父指挥同知猛克力库拓不能准替伊父指挥僉事顺义王下刀儿计台吉准袭伊父指挥僉事威宰生恰准袭伊父副千户修贡虏王并各枝虏官夷使及出马未授官夷番僧各照例给赏切尽妣吉照伊夫切尽黄台吉例给赏

○都察院左都御史吴时来等申明律例未明未尽条件一律称庶人之家不许存养奴婢盖谓功臣家方给赏奴婢庶民当自服勤劳故不得存养有犯者皆称雇工人初未言及缙绅之家也且雇工人多有不同拟罪自当有间至若缙绅之家固不得上比功臣亦不可下同黎庶存养家人势所不免合令法司酌议无论官民之家有立券用值工作有年限者皆以雇工人论有受值微少工作止计月日者仍以凡人论若财买十五以下恩养已久十六以上配有室家者照例同子孙论或恩养未久不曾配合者在庶人之家仍以雇工人论在缙绅之家比照奴婢律论一律称伪造诸衙门印信者斩惟铜铁私铸者是已故斩若削木磨石团泥镕蜡等项描画印文用力雕刻其篆文虽印其形质非印也不可以谓之伪造故例又起描摸克军之条以后伪造印信人犯必须获有铜铁印信方坐以斩其木石泥蜡如刑文虽全覆试虽同者止引描摸之例如虑不置重典则伪不止合无描摸者引例问发若再犯拟斩其行使止一次而赃不满徒者准窃盗论如再犯引例三犯引律如此则奸伪惩而用刑适中矣一律称窃盗三犯者绞以曾经刺字为坐但赃有多寡即拟有轻重问刑条例内载 英宗皇帝圣旨今后窃盗初犯再犯赦后又犯的准三犯论还将所犯赦前赦后开奏明白定夺以后凡遇窃盗三犯俱在赦前俱在赦后者依律论绞或赦前一次赦厚二次或赦前二次赦后一次者皆得酌情拟断奏请定夺审录官附入矜疑辩问< 铨-金 >内并与改遣一强盗明火执杖肆行劫杀创首者在前接踵者在后按赃拟辟决不待时但就擒论罪之时有人赃并获者有获后得赃有赃费无存者其中岂无罗织讐扳妄拿抵罪者乎以后务加意参详赃迹未确续缉报扳名姓未真者不得遽戮仍行问刑衙门或赃证未明遽难悬断者俱问拟秋后斩罪一律称同谋共殴人以致命伤重下手者论绞原谋余人各得其罪其有两三人共殴一人各成重伤难定下手及系造谋主令之人遇有在监禁毙者即以论抵今恤刑官矜疑题藁内有发配发落之后在家病故且在数年之后即云某人之死亦可抵某人之命将见监下手之人拟从矜宥是以病亡之躯而抵殴死之命殊属纵滥以后毋得一概准抵将见监者幸免庶生与死两无憾也一在京恶逆与强盗贡犯虽遇停刑之年亦不时处决乃凶恶至于杀父即时凌迟犹有余憾而在此类反得迁延岁月是谓失刑臣看福建有揭罗生兄弟谋杀其父杀后将首领皮肉线缝涂以七人不觉心寒毛竦发道送寺拟可单奏迨查之故事当待类奏无单奏例

夫单奏急词也类奏缓词也如此狱在外数年方转详到院道寺徘徊辄复年余使其在狱尚可正典刑如或瘐死将何以快神人之愤哉合无今后在外凡有此者御史单详到院院寺单奏决单一到御史在处或分巡住劄处即时处决其死者下府州县戮其尸庶典刑以正而可以惧天下之贼子矣得旨律例未尽条件还会同部寺酌议来看

○戊辰都察院左都御史吴时来等言科臣甄别去留之义以七十致仕执礼之训为据诿知老成人国之典刑亦诗之训乎科臣未言诸臣章已数上今科臣有言岂能靦然一日安于位哉昨吏部尚书杨巍兵部尚书傅希摯刑部侍郎陈瓚翩翩< 铨-金 >上矣南京礼部尚书姜宝不蘄而< 铨-金 >至乞 皇上特发纶音明朝廷所以向用老成之意仍宣谕数臣勿以微言遽坚去志且去留惟贤不肖何如耳不必以年拘也如其贤虽老宜留如不贤虽未老宜去臣等年虽未及七十而精力先衰且素望猥劣不及诸臣远甚乞将臣等三人即赐罢去庶乎幸位去而贤路开矣
上是其言仍以朝廷任用老成共图政理去留进退朕自有主张卿等各安心供职

○调云南按察使丘浙于广西

○以湖广右参政蔡国珍为四川按察使分巡下川南道云南副使陈学博为甘肃行太仆寺卿兼佥事礼部仪制司署郎中事主事丁汝谦为四川副使整饬安绵石泉等处兵备户部陕西司署郎中事主事李丁为陕西副使分巡陇西道○以万历十四年延宁甘肃三镇贡市告竣赏总督郅光先及文武各官银币有差

○周府胙城王府无名封宗人小长哥以糾众上盗押发高墙

○庚午起原任南赣巡抚右佥都御史邵陛巡抚湖广

○以万历十四年辽镇各路将领招徕降夷赏李城梁等银币有差

○工部题 寿宫开纳事例从之

○辛未南京都察院右佥都御史海瑞卒广东琼山人以举人署南平教谕升淳安知县鄢懋卿出理盐政牒所过郡邑供办张甚瑞为书于鄢力言不可鄢取他道往为户部主事以直言下诏狱隆庆元年释之复其官历佥都御史巡抚应天威名藉甚墨吏望风解印绶以夺富民田府怨里居十余年 上闻其名起南京佥院升南京吏部侍郎进今官浹岁三迁所在< 铨-金 >剔弊垢毛举细察期省约以裕民力然过刚不能容人人有言其迂者屡< 铨-金 >乞休 上不允至是卒于官贫不能具含殓诏予祭葬赠太子少保谥忠介

○壬申原任兵科右给事中陈烨复除刑科

○户部覆陕西巡抚王琯因灾荒陈破格八事一尽除带徵钱粮以破宽恤之格议行陕西各

州县卫所十四十五两年已经看报灾伤者准将十二十三两年带徵民屯未完钱粮尽行蠲豁已徵在官截教起解其未经报灾地方仍照例带徵蠲过之数免行抵补如军饷缺乏听抚臣酌量查处一查豁抛弃荒粮以破招抚之格延庆二府所属地方连值旱灾人逃地荒议行踏勘抛荒若干该粮若干准令暂免不得以见人户代纳所豁税粮听抚按从长酌议处补其荒地召复业小民渐次开垦止纳正税免其杂差每年开过荒田若干即将所豁额粮增徵若干各府抛荒未甚者不得一概借口一预角□羊川省饷粮以破空运之格四川每年角□羊部济边银一十万四百三十五两二钱隆庆二年改角□羊陕西布政司分拟四镇抵充年例抚臣因全陕连灾边饷不继议将四川应角□羊十六年额银及十五年未角□羊银两于今冬一并角□羊运或定为预角□羊之例查得前项银两原系挨年角□羊解若当年不完军饷委属有缺若隔年预角□羊该省恐称不便合行四川将十五年应补陕西饷银五万二十五两二钱速为角□羊发以后年分俱要当年完角□羊不许延缓一借给客饷积余以破支放之格抚臣因主饷匮乏议将见贮客饷及各年节省钱粮借支主兵准令开销夫客饷用尽倘卒有调遣何以应之合将固镇客饷照旧收贮以备缓急其各年节省粮二千八百三十三石料二千九百九十三石草一十万九千五百三束银一万九千三百五十八两如议借支准其开销不必补还一议还额税银粮以破抵免之格甘镇站银八千两先议于西安府属听抵年例商税银内照数拨补今抚臣谓该府商税岁入有限岁费繁多要将前银于甘镇新增饷银四万两内拨给相应行甘肃巡抚查议永为遵守一酌议军士布花以破严限之格陕西连遭旱荒布花银两节年催角□羊不前抚臣乞宽甚非得已合将十四年以前拖欠银两姑如议缓徵续行补给十五年以后仍遵例挨年给散一议支原发饷银以破年例之格近因虏酋丙兔等恋牧莽刺川边臣于洮州卫等处召添军马岁议加饷银四千六百两增入年例万历十五年三月内巡抚王士□□又称丙兔等拥聚前地及抄胡儿等酋声说过河抢掠议增发年例银八千两本部覆议酌发帑银召买粮草以备有警支用若安静不扰听抵十六年以后年例今抚臣要将前银或买粮草或就给银准放官军作正开销免抵年例仍每年增发前数查与原题不合似难准从一议< 六十见 >事例期限以破开纳之格开纳事例非为备荒而设近因陕西旱灾抚臣议将二部开纳事例俱令本省输粟备赈限十五年终停止今抚臣复议再行一年准工部咨称大工用银正急难从宽限系本部者准再行一年至十六年终停止 上从其议

○癸酉 诚孝昭皇后忌辰遣新建伯王承勋祭 献陵

○升司经局洗马管国子监司业事盛讷为右春坊右庶子补充 玉牒纂修官

○四川杂谷按抚司都纲番僧板伽监藏等贡方物给赏如例

○甲戌以视写延庆长公主金册赐辅臣申时行等银币有差

○乙亥大学士申时行等题国家运道全赖黄河河从东注下徐邳会淮入海则运道通河从北决徐淮之流浅阻则运道塞此咽喉命脉所关最为紧要先年河尝北决张秋决金龙口等处皆命大臣往治夫役钱粮动以数十万计然后成功嘉靖以来河之冲决多在徐沛以南自

朱衡开南阳新河潘季驯塞崔镇筑高堰以后河道安流粮运无阻故近年以来惟见下流之通而不虞上流之害河南一带地方修防疏弛堤岸卑薄者间亦有之今年河流散漫自开封封丘偃师等处及直隶东明长垣地方多有冲决失今而不治明年河水再至势将北徙正流不下徐淮则运道甚可忧虑此不可不亟为之图也查得先年设有河道都御史凡河南山东南北直隶河漕经行之处皆属统辖近来裁革此官分属各巡抚管理责任既分事权不得归一今黄河冲决多河南而余流所及又在直隶若冲安平曹濮又在山东各该巡抚虽已委官相视画地修筑然或彼此不相照应万一推诿必致误事臣谓河道未至大坏不必复设都御史但差风力老成给事中一员往河南等处踏看冲决处所稽察各该管河官员就便催督兴工各处钱粮会同巡抚官随宜调发期以初春起工夏间毕事即伏秋水发河流不至北徙徐淮以下自然安流而运道可保无患矣是日传谕工部朕闻河南等处地方黄河漫流先年旧堤多被冲决即今曾否修筑未见奏报着各该抚按官督率管河官员用心经理还选差风力老成给事中一员前去各该地方踏看并催督工程如有怠玩旷职推诿误事以致妨害运道者即指名参奏拿治

○兵部尚书协理京营戎政傅希摯以人言屡＜ 铨-金 >乞休不允

○光禄寺署寺事少卿谢杰题银库自进过十万两之后实在止七万七千七百七十八两零徵解后期供应日广出数浮于入数臣尝筹之不过一二年可尽万不得已愿酌未完之徵行令原派地方量灾之有无轻重以为数之多寡宜停者许其暂停宜解者责其即解必使见徵带徵相兼而入查珍羞署粳米常有余而糯米常不足见今署中粳米尚足十数年之用乞敕户部酌议于无锡县原派粳米一千一百九十七石一斗八合额中改派一百九十七石一斗八合徵作糯米解寺以足岁用三百余石之数其余一千石将万历十五年以后三年未徵者尽数改折是又一说也至如经厂高玄之好事御前取讨之额外景命祝厘浇头切面出于不时之赐者不可以已乎是在 皇上加之意而已＜ 铨-金 >入报闻

○以游击管大同井坪城参将事张惟忠为大同中路右参将○工部覆浙江抚按题杭嘉湖三府水灾乞停织造 上以段疋赏用不敷命该部处与钱粮陆续织造解进勿致累民工部覆本部问纳事例多款东南输纳亦必不少其六年苏松浙江事例银两准留一年以备织造之用报可

○丙子命翰林院侍讲冯琦修撰杨起元沈自邠撰理诰敕

○赐沈府稷山王恬火□甲谥康和册文

○兵部覆河南司署郎中事主事陈于阶奉命陕西赈济陈全狭事宜一议清勾看得按籍清勾为百世不刊之典出金召募乃一时应变之权合无应清勾者照旧清勾应召募者即以缺伍之饷募土著之人为便一练番兵据题番族恨虏日深心切报复今欲乘机收养以备缓急先该甘肃督府屡陈操练夷兵钦依通行相应再行申飭然非我族类其心必异必统驭得人操演有法土番各有攸归庶免争端粮饷各有正额庶免脱伍斯可收以夷攻夷之效也

上从其议

○都察院题巡视下江苏松等处御史黄正色祖籍嘉兴守御千户所旧隶苏州卫相应回避因言南京御史总计一十三员差不过四五然巡江仓屯等差于南直隶各府官民俱有干涉今后考选比照浙江苏松人不选户部事例凡南直人不选南道以便差用上是之

○都察院覆鲁王奏钜野王府镇国中尉观烟纵欲灭伦宣淫败义上命革观烟禄米候抚按勘明具奏定夺

○工科都给事中常居敬陈河道事宜一开报之当时议令管河司属各官将河道有无通塞河工有无修举俱季报部科以便查考一钱粮之当稽议令河道诸臣一切岁修经费年终明开条件具< 疏-金 >奏闻奏册青册部科备照庶因钱粮以稽河工而虚冒之弊可免一责成之当严议令管河府州县官查照典制各住分管地方不许别项差委督抚管河司道时常巡视督率修防遇有涨决一面具报一面兴修如废职怠事即据实参奏一河臣之当择议令河道员缺容本部查司属中才望相应者咨送吏部勿泥资序部覆如议

○丁丑命翰林院修撰余继登编纂六曹章奏

○是日谕内阁朕奉 圣母面谕胡良巨马二桥今被大水冲坏行人甚苦我本宫发银 皇帝可差廉翰之人同本宫管事龚代牌子马臣以董其事还命工部照先年选官一员兼管其钱粮俱不必费用该部今谕卿等可传与该部查照先年事例行

○太子宾客吏部左侍郎兼翰林院侍读学士今给假省亲沈一贯乞致仕侍养不允

○升福建盐运使李大吉为江西右参政○以灾伤诏庐凤淮阳徐滁和等处民屯钱粮徵免改折有差

○柏林七占等族番人进贡马匹盔甲腰刀等物

○戊寅吏科左给事中张养蒙言部臣改科道非 祖制也今虽题奉 明旨改选无期然待取者已多觊觎之心旁观者已起纷纭之议人言未必皆然多口亦自可畏臣谓改选之例不可不止也四川巡抚徐元太误听人谋擅征臧夷欲收掩袭之功竟堕夷术一军尽覆元太当力求贬削以谢将士柰何专委罪于三将违制与僉事郑东昇等失谋乎假令幸捷元太当以矫制论与抑以奇捷闻与始则巡抚主其成议后则巡抚避其失机捷则巡抚冒其功败则巡抚逃其罚专制之义谓何臣谓元太之罪不可不治也得旨部属不系旧例不准改选川南失事巡抚职任提督徐元太如何不行认罪姑念用兵之际著策励供职候事宁通论功罪定夺

○户部覆陕西道御史孙旬疏国家财用费于边镇而生民命脉困于诛求议行各该御史取各镇历年支销卷册查原额兵马若干今实在若干原额主客兵钱粮若干今增若干昔丑虏

匪茹以原额之数未闻加少今边境宁谧以岁增之数犹称不足至于市卖之布帛修筑之工费家丁之双粮有无冒虚查明奏报其各被灾地方合行申飭招集流移开垦地利一切横歛冗费滥词淫刑悉行禁革使赈者无事虚文蠲者务沾实惠 上从之

○己卯敕工科都给事中常居敬查看河道催督工程命礼部铸给关防○庚辰起原任南京刑部右侍郎李长春为南京礼部右侍郎

○升右通政周采为佥都御史巡抚福建

○升翰林院简讨王祖嫡为国子监司业

○以游击管大同东路左参将事王三聘为大同井坪城参将

○辛巳上林苑右监丞徐琰言 祖训制书会典集礼 大明律宪纲诸书并无监官拜提督四署中官之条今韩印欲监丞及署官行拜礼臣不敢违国典以成印僭踰之罪上以提督官奉旨差用相见自有旧规如何忿争渎扰夺琰俸二月

○壬午文书官刘成口传 圣旨往 天寿山去一带道路近因雨水冲坏着工部委官修垫其运料车两及人马往来俱系两边行不许作践

○户部题河东盐课自嘉靖三十二年岁定六十二万引办课银一十九万七千三百七十六两乃隆庆以来额课日缩夫坐结虽繇天时料理实赖人力今科臣田畴欲自十六年为始巡盐御史差满预将该司岁办盐课已未完数目具奏仍年终将经管官分别劝惩相应依拟报可

○琉球国中山王尚永差正议大夫郑礼等贡方物谢恩赐宴赏如例

○癸未升南京大理寺卿舒应龙为南京工部右侍郎

○户部覆大同督抚郑雒等言山西河南节年拖欠本镇军饷禄粮上命该巡抚官照数徵解接济

○以灾伤诏密云昌平霸州蓟永五道所属州县民屯钱粮蠲折抵补有差○赐韩府休宁王朗鏐谥端惠册文

○先是山西巡按陈登云言各省主试京考不便上以科场事宜屡经言官建议该部覆请裁定才行一次岂得遽意纷更况京官主考系 先朝旧例如何说是新法陈登云不谙事体且不究科臣王三余等看详酌议仍言大省才多当加添房考下礼部覆奏报可

○礼部覆山西抚按沉子木等题阳曲王府管理府事辅国将军表马□宋纵恶蔑法酿祸有繇议将表马□宋革去管理府事别选贤能管理从之

○以大同入卫游击骆尚志为大同东路左参将

○甲申以山西右参政王学书为本省按察使分巡冀北道

○吏部题开原兵备王緘奉旨拿问新调副使李复聘到任尚未有期议将原任永平道副使成逊除补山东副使管理开原兵备事务李复聘候缺另补报可

○以水灾诏免苏松药材银及量免牲口料银以苏民困

○南京兵部尚书阴武卿言营务六事一补丁壮以实营伍一徵折色以买操马一增火器以重营镇一优抚驭以重游巡一严捕盗以翼都会一稽职守以肃官常下兵部覆行

○乙酉南京兵部尚书阴武卿题南都连岁灾歉京军尤极困疲议将锦衣卫快手船小甲未完年例油艚等银共四千二十八两八钱二分六厘零尽行蠲免章下兵部

明神宗显皇帝实录卷之一百九十一

明神宗显皇帝实录卷之一百九十二

万历十五年十一月丙戌朔复除原任湖广佥事王亮为四川佥事管清军屯田驿传水利盐法茶法

○升山西左参政郑国仕为四川按察使分巡川北道户部郎中韩取善为山西右参政驻宣府

○南京兵部尚书阴武卿等题卫所军余各差快平船重矣而次则有黄船有运粮有军斗有小职字有长巡有夜巡有修仓有看仓有夜歇有看守草库有跟随巡捕有守内外城门有内府幼匠有工部烧窑有供应机户拶筒有御马监养马有武学听事凡十八等要之快船独当七八别差共居二三旧例各差原有分认自船差困极以来每遇缺乏輒以别差余丁拨捕而别差有缺亦拨船差之人补还议著为定例快平快丁银悉以今册为据子孙永远办纳遇有消长即于册内人丁增减不许将别差人丁拨补亦不计将快船余丁拨补别差则输银有定籍力役有定差各军子孙相安于无事矣下所司议覆允行

○以大同守口堡守备王应熊为大同入卫游击

○以灾伤诏量停免徐州泰兴江都如皋仪真海门宝应兴化等县拖欠工部料价银有差

○以灾伤诏顺天府三河县应解工部木柴料价协济军器等银共七百三十三两七钱八分缓徵一年滦州一州卢龙迁安乐亭三县应解工部料价挑河夫银铁冶民夫军器等银三年带徵

○升南京太常寺卿沈玄华为南京大理寺卿○复除原任山东左参政王藻为陕西右参政

○戊子升四川右参议李士达为本省兵备副使

○郟阳府县生员胡东昭等欲将参将衙门建为学宫急行改折致军护惜本管忿激噪呼并毁数生住屋抚治都御史李材题参知府沈鈇副使丁惟宁指挥冯高杜应明守备王鸣鹤生员胡东昭等并自劾不职 上命夺材俸半年丁惟宁王鸣鹤各一年沈鈇冯高杜应鸣胡东昭等巡按提问鼓众首事军人王礼等三人免死充军余免究已材< 铨-金 >论惟宁姑鼓攻剿之虚声增其疑畏继激告粮之军众喧哗于庭惟宁越墙而走伤体损威宜行议处得旨降惟宁三级给事中陈璧言材薄罚未尽其辜遂命材回籍听勘兵部言王礼等三名要挟加粮殴伤兵备宜正国法科臣杨其休顾九思台臣郭万里交章以请 上命处决梟示

○工部覆总督漕运杨一魁题挑浚帮筑事宜一草湾口应量挑东岸长二百六十丈西岸长四百丈工料银共六千一百四十四两六钱零一崔镇徐昇黄家觜三坝止折石从下另砌量浚引水支河一 祖陵东南护堤外用荒石砌子堤一道高四尺根阔三尺长与大堤等工料

银三百一十七两零一挑浚淮安府临城涧河四千二百丈计工料银四千四百四十八两四钱一帮筑范家口堤坝除原估银四千余两外续用过工料等银六千余两一包砌清河口惠济祠前里河阳长五十七丈砌石高一十二层本祠后外河长五十四丈五尺砌石高一十三层工料等银共二千五百九十九两六钱四分一天妃坝加筑平满排钉椿木内外用石包砌坚固以防冲洗各项工料共该银一万九千五百九两零俱于原题浚草湾未用银两动支其折改崔镇等坝并筑砌天妃坝计费不多俱与河道岁修银内酌量支用得旨崔镇坝应否改折候差科臣到彼再议定夺余依议行

○己丑升山西副使侯世卿为本省左参政

○升南京光禄寺卿杜友兰为南京太常寺卿

○胡艮巨马二桥兴工遣官祭后土司工之神

○太子少保礼部尚书兼学士沈鲤三年考满遣内臣赐钞锭羊酒荫嗣男埭为官生

○先是辽东巡抚顾养谦疏论开原道参政王穉抚剿无定策反覆其词貽祸边疆宜重加议处至猛骨孛罗已叛而从逆奴儿哈赤益骄而为患乞行巡按查勘相机处分章下兵部覆奏上以王穉玩寇养谦命锦衣卫逮问于是给事中彭国光疏论养谦职秉节钺果有定见穉果展转< 矢见 > 避即特参可也何乃俟其颠蹶而始罪归于下盖幸穉策中则将与同功不幸事败则驾言追罪宜行议点为僨事推诿之戒疏入文书官传谕内阁本内说有功则首叙有罪则诿之人巡抚亦该处大学士申时行奏辽东三面皆虏四时皆防于九边最为劳苦养谦抚辽边务皆有调理与李成梁同心协力共保冲边此边臣中之最有才能者海西属夷乃开原藩蔽仰逞二奴乃海西讎敌今二奴侵袭海西其势日强恐他日为开原患故养谦与成梁议主于剿王穉议论互有异同始主抚谕后复支吾故养谦参论示警不过降调其鞫问则出自宸断科臣为穉不平遂论养谦失事推诿今二奴未尝入犯开原未尝被兵原无失事其请剿二奴在先参论王穉在后原无推诿若遽将养谦议处则边臣闻之皆避怨畏祸不敢主张一事不敢参论一人而边事益壤矣上允之命养谦供职养谦请宽穉罪兵科给事中吴之佳蓟辽总督张国彦俱请宽穉以作任事之心上命候旨行

○补河南右参政兼佥事王淑陵为四川右参政盖以考察拾遗调简也

○辛卯除补原任陕西副使成宪为山西潞安兵备副使

○诏河道堤防节年修筑不坚以致冲决该管官五年内者巡抚夺俸三月道官降俸一级内养病致仕者不许推用见论劾者从重议处余年远者姑免究○壬辰升太仆寺少卿余懋学为南京光禄寺卿

○甲午祭三皇于景惠殿遣侍郎于慎行行礼

○命河南抚按将存积赃罚银一万两采买杂粮分发赈济

○乙未赐延庆长公主金册并驸马王昺冠带袍服

○是日文书房口传谕刑部先年严尚书在部亦曾遣人听记如今为何不容若从公问理无有私弊何畏人听记时以太常寺参大兴县知县王偕擅责乐舞生事下法司 上密遣较尉二人侦之因令听记招词以奏二较初见尚书李世达婉谓之人犯未齐尚未审问且事必先经该司而后呈堂明日当来听记次日巡风主事孙承荣以故事无法司问理狱情而较尉入视者如奉密旨则当潜听窃访岂得公行入视且真伪未可知因拒却之二较还奏且言王偕青衣乘马随从多人杨扬入法司状 上怒令文书官传谕阁中欲以其事掣回镇抚司鞫问并传旨云云已而世达等谢罪居数日 上意解夺司官俸二月仍以事属法司刑科都给事中唐尧钦等疏言较尉司缉访者也可施于民间不可加于部院且听记原非 祖制严尚书时镇抚司较尉押犯人到部于庭上站立非为听记也况一事每经多官岂容纵枉而必取信于较尉之口乎是日伊口称有旨及尚书李世达出迎又全无凭据孰辨真假乞 上全体统以安大臣 上以奉旨究问人犯 皇祖时曾有听记非自今日始况该役带有信牌如何凭据御史郭万里等给事中和震郭显忠梅国楼侯先春御史文德文章言其不可上不听○韩府镇国中尉融† □燹收禁间宅以越关奏扰也

○丙申以

圣母慈圣宣文明肃皇太后万寿圣节赐辅臣讲官等金万寿字等物及银币有差

○以前军都督府佥事管理红盔将军新建伯王承勋为南京协同守备兼掌南京后军都督府事

○丁酉升刑部在侍郎耿定向为南京右都御史

○戊戌户部覆应天巡抚余立苏松巡按荆州土题所属积过谷数议将知县等官分别奖罚上是之仍命升迁离任官应将任内积谷截日稽察不在三年总参之限如何一概开豁

○户部覆福建巡抚贾待问条议清查寺田以资军储平糶仓谷以重邦本报闻

○庚子以府军前卫掌印怀远侯常胤绪为前军都督府佥书○辛丑升太常寺卿裴应章为右副都御史抚治郧阳

○壬寅升提督四夷馆太常寺少卿赵世卿为右通政

○以后军都督府佥书宣城伯卫国本兼理经盔将军

○癸卯 孝惠皇后忌辰遣城安伯郭邦柱祭 茂陵

孝烈皇后忌辰遣宣城伯卫国本祭 永陵

○改刑部右侍郎陈瓚为左侍郎南京吏部右侍郎何源为左侍郎

○以临淮侯应袭勋卫李宗城充府军前卫掌印官

○命勋臣出营及革任才力堪用者科道三年会举兵部酌量推用

○甲辰 圣母慈圣宣文明肃皇太后圣旦 上御皇极门百官致词称贺三辅臣仍诣慈宁宫门叩头赐辅臣各酒饭一卓烧割一分又赐上尊珍馐○以顺天府尹周继为太常寺卿

○升原任吏部文选司郎中邵仲禄为太常寺少卿提督四夷馆

○升浙江右参政黄鹤为湖广荆西兵备按察使

○陕西巡抚王士□□题赈济动支过各仓事例义输备荒社仓等粮八万八千六百三十一石二斗零备赈事例等银一万八千四百二十两一钱零俱准开销其支剩银一百一十五两六钱零仍听备荒支用报闻

○乙巳以陕西僉事苗淳然为陕西行太仆寺少卿兼僉事

○丙午吏部拟南京太仆寺卿王湘为顺天府尹
上以湘新任京职如何又推夺该司官俸三月另推应天府尹石应岳改任

○戊申冬至 大祀 天于圜丘遣定国公徐文璧恭代次日加文璧太傅遣隆平侯张炳怀远侯常胤绪阳武侯薛钺西宁侯宋世恩豊城侯李瓌武平伯陈如松成山伯王应龙靖远伯王学礼永年伯王伟分祭 诸陵武清伯李全祭 景皇帝陵寝
上不御殿免称贺及赐宴次日赐三辅臣上尊珍馐

○庚戌朝鲜国王李昖差陪臣李淳仍等三十五员朝贺冬至赐宴赏如例

○辛亥礼部上 皇第四子命名仪注一钦定命名百日该用十二月十九所有吉时合行钦天监选择一翰林院预拟 皇子睿名上请 圣明简定一前期一日 上以命皇子名告闻于 奉先殿一是日命 皇子名 上具皮弁服御乾清宫升座 皇后率皇贵妃各具服朝见行四拜礼毕 皇后侍立东面 皇贵妃中立师姆抱皇子出自寝繇西至殿内授 皇子于 皇贵妃内赞奏曰
皇贵妃郑氏敢用吉日祇见 皇子 上降座抚 皇子之首咳而赐之名
皇贵妃承旨毕左还授 皇子于师姆还寝 皇后复率

皇贵妃四拜礼毕各还宫一是日命名毕 上以
皇子名遣使闻于仁圣懿安康静皇太后 慈圣宣文明肃皇太后一次日
上御皇极门钦降手敕以 皇子睿名传谕礼部行移宗人府上籍 玉牒

○壬子诏应天等府所属被灾州县漕屯钱粮徵免改折有差

○陕西巡抚王士□□言全陕救荒无策议借漕粮运贮孟津县繇陆至陕州繇舟至关中接济或岁贮数万于孟津以备山陕河南三省缓急 上命陕西抚按将收贮余本银内酌发数百万于孟津等处采买米粟自孟津从陆运至陕州每石酌费银几何自陕州从舟运至关中每石约费银几何其孟津以西砥柱以东中间水路约三百里可否舟行仍会同河东巡盐御史一并议奏

○癸丑以嘉兴知府龚勉为浙江右参政广西副使韩绍为江西左参政管粮带催料价南京礼部郎中方端为贵州佥事分巡思仁道调湖广副使刘思中分巡下荆南道驻襄阳

○以擒获岑贼黄清等功升南赣巡抚秦耀俸一级与江西巡抚陈有年各赏银二十两纁丝二表里参政史继辰等准各纪录各赏银十两知府叶明元等各五两

○甲寅大学士申时行等题今日该文书官刘成将下镇抚司问过王緘本口传 圣旨本内招称先年开原地方贪功生事多杀无辜还将任天祚宿振武等拏来与王緘质对窃惟先年开原地方属夷王杲为患赖有海西王台擒获王果献俘阙下边境始安及王台既死王杲之子结连仰逞二奴为父报讐于是李成梁提兵出塞擒杀王杲之子后仰逞二奴见王台二子微弱欲行虐害于是李成梁又拟杀仰逞二奴其事情始末兵部具有功次卷案臣等之所知也然则海西诸夷顺即当抚叛即当剿其理甚明据王緘招内亦云屡抚不听欲杀其有罪达子则緘亦已知二奴之不当抚矣而又不感言剿其言以持两端此所以致巡抚之参也若王緘欲脱其主抚之失而反咎主剿之非以驱除凶孽为贪功以斩馘夷众为妄杀则朝廷赏罚边境安危所系臣等窃以为不可也且王緘自以兵备不与调遣则任天祚亦兵备耳即使拏到面质一以为有一以为无岂肯输服必行彼处巡按将前项功次勘明然后真伪始白则功罪始定臣等犹有说焉今九边事情独辽东为难九边将官忠勇独李成梁为最数年以来无岁不战无日不防可谓竭尽心力矣至于用兵之际遇有夷虏岂能一一审问而后诛杀至谓种田百姓则边外之田原非我有属夷所在原无民居万无杀及良民之理今以其血战之功为妄以其报国之忠为欺则将官隳心解体任夷虏之纵横而不敢言剿边臣亦钳口结舌任边事之废坏而不敢参论其为害岂浅浅哉今任天祚已考察降官宿振武已革任二人亦何足惜但剿夷出塞原系李成梁之事而以一人之偏辞多生支节尽没李成梁之功此则臣等之所深惜也伏望 皇上特赐体察

○泰宁等卫夷人阿都赤等进马匹朝贺冬至给赏如例

○差通事官伴送南京国子监读书琉球国官生郑周等三名回国任用○复大庾县儒学设

官铸给学给

大明神宗显皇帝实录卷之一百九十二

明神宗显皇帝实录卷之一百九十三

万历十五年乙卯朔御史马朝阳复除浙江道修撰朱国祚复除原职

○升浙江金华府知府曾如春为湖广副使

○原任南京吏部尚书何宽卒赐祭葬如例

○河南抚按衷贞吉等参永城知县赵廷璧重徵里甲诏追赃为民

○浙江抚按滕伯翰等题金秋异常风潮将海盐石塘冲决全坍三百七丈一尺议从新起筑半坍一百八十九丈二尺五寸稍坍六百六十八丈五尺九寸议行筑砌方今冬月潮退即议兴工以防来岁秋潮下工部覆奏报可

○丙辰升兵科都给事中顾九思为太仆寺少卿专管京营○升少詹事赵志皋为南京吏部右侍郎

○升大理寺左少卿张橧为应天府府尹

○诏辽镇灾伤重大屯站钱粮徵折蠲免有差

○革原任兵部侍郎李松为民生欧辱县官徐东渐为顺天抚按所劾也

○诏以管修筑黄河堤岸府佐官如有升迁行取不许离任期来年三月通完奏报

○丁酉直隶提学御史詹事讲＜ 銮-金 ＞论吴县乡官原任兵部尚书凌云翼家人韩文欧死生员章士伟诱辱道学生员张元辅等 上命抚按严究具奏凌云翼候问明定夺南京给事中徐植等御史陈奇谋等连＜ 銮-金 ＞劾之

○江西道御史郭万里＜ 銮-金 ＞言知县王阶贵乐舞生该部鞫实具奏犹弗当 圣心广东石匠越奏工食命行抚按查理二事似过用其法臣虑失之滥李松护婿纵家人欧辱县官鄖阳鼓噪军人免死二事似缓用其法臣虑失之纵

○戊午赐三辅臣及讲官鲜藕

○己未升大理寺右少卿李尚思为左少卿左寺丞许子良为右少卿

○礼部覆南京礼部尚书姜宝奏科场八事一教官徵聘宜停一主考裁定宜专一孤经命题宜正大一后场较阅宜更互一援例生宜号舍隔别一附选生宜原籍考送一誊对宜添人而

勤督理一积棍宜严拏而尽行驱逐 上从其议

○庚申先是 上念京师饥民甚众遣文书官问阁臣今五城见在煮粥赈饥否如犹未也则拟旨行之阁臣对前已题奉钦依于各寺观煮粥第未知所发谷米之数及煮粥处所当令户部开报是日开报各寺观所领米石及日赈饥民之数 上复令文书官传旨五城赈济贫民难以限定人数今后不拘多寡但有就食者便与户部奏银米不敷于银库太仓补发再于各煮粥处所赁邻近空房两月安插就食之人将各草场放剩陈草每名给十五斤铺垫报可

○以山东荒歉暂减万历十五年应解赃罚银二千两

○户部覆南京户部尚书王友贤题将湖州府万历十五年本色水兑米一万七千八百八十四石八斗零白熟粳米一千五百九石三斗零照数徵派其折色米银五千九百零九两三钱八分零定场草银一千五百二十五两五分暂与停徵以苏民困从之

○直隶应天等府自五月以来霪雨连绵江湖泛溢平地水深丈余田庐没为巨浸七月终旬飓风大作张浸滋甚环数百里之地一望成湖太平地势最低被祸更烈诏被灾地方钱粮停免有差

○辛酉升大理寺右寺丞李栋为左寺丞直隶提学御史吴定为右寺丞

○贵州新归化上下二牌苗头阿保等六名差头目袁文进贡马六匹给赏如例

○壬戌命太子宾客礼部左侍郎兼翰林院侍读学士王弘诲掌詹事府印

○南京吏部尚书袁洪愈引疾乞休 上以洪愈清望允孚加太子少保致仕

○升广东左参议吴显为本省副使专管屯田盐法水利

○癸亥巡抚云南刘世曾乞休不允

○以湖广右参政兼佥事詹贞吉调补本司右参政提督大岳太和山兼管抚民及分守下荆南道以郧阳军变新升参政王俸病未到任故也

○甲子升南京浙江道御史李一阳为广东左参议分守岭东道

○朵颜等卫夷人小思苦等二起共一百八十二员名朝贺长至令节并补贺万寿圣节赐宴赏如例

○以定州领军游击阎金皋为神枢二营练勇参将

○刑科给事中许弘纲言数月以来四方民本接踵一月之中至数十如陈强陈其陈天周等且一事三本矣赃吏之遣戍军将之银钱又纷纷渎扰矣窃恐民伪日长
圣听日烦乞严禁以尊朝廷以正邦国 上以民本间有准行本欲通下情伸冤抑事之虚实仍听各抚按从公问断原无偏主今后奸徒挟私诬捏及琐细渎扰者法司审实重责以警刁顽

○南京工部署部事户部右侍郎方弘静言准工部题奉钦依于南京工部库贮银两动支协济 寿宫查得本部钱粮除节年各项正支外止有堪动银九万二千三百二十一两八钱一分零及漆铁皮张料价银一十八万八千七百二十二两六钱五分零共银二十八万一千四十四两四钱六分尽数解济工部覆再将苇课银内动支一万八千九百五十两有余凑足钦定三十万之数解部济工从之

○乙丑升湖广副使田乐为山西右参政

○升昌镇右骑营游击褚东山为大同井坪城参将

○丙寅升广东副使王泮为湖广右参政兼佥事整饬岳州九永等处兵备

○命陕西道御史杨四知提督北直隶学政

○诏免陕西苑马寺七监应徵十五年收租银二千一百七十一两五钱七分五厘准于茶课内如数动支解补

○巡视京营兵科给事中苗朝阳等言京营条陈款目烦多十五年来不啻百余关系紧要不过数端第前者偶一得而议更后者惮剿说而稍变朝更夕改多事增扰臣以为果有利可兴弊可革者许不时条奏至于年终无拘条陈旧例以滋纷扰庶议论可省而营务有裨矣 上是其言仍谕近来条议纷纷轻变数易有乖政体不独京营为然今后各衙门务厘省虚谈共修实政部院亦毋得徇情题覆致有纷更

○丁卯以 皇第四子命名赐辅臣申时行许国王锡爵及中书徐继申等银币有差

○延庆长公主婚礼成命驸马王昺于后军都督府带俸

○升兵科左给事中苗朝阳为礼科户科左给事中张希皋为兵科俱都给事中刑科右给事中陈烨为本科左给事中

○升工部都水司郎中顾其志为湖广兵备副使

○刑科给事中唐尧钦言惩贪宜严劾勘宜详抚按官不得藉口长厚曲庇养奸 上以惩贪

已有新例及谕旨严饬不啻数四未见贪风尽息止因抚按官咨访不确论劾未当今后务遵
屡旨着实举行不许苟且塞责避怨市恩科道官务用心体访从公糾劾

○给甘肃巡按兼提学敕

○工部题泉河闸坝事宜将卫水先尽漕运勿以灌溉相妨茶城口务保万全勿以苟且塞责
坎河口作何捍御使蓄洩可恃管泉官作何责成使职守不隳至闸河禁例奉有累旨一应官
民船只待积水而行有违抗争先者毋问官豪势要径呈本部以凭参治从之

○戊辰 世宗肃皇帝忌辰遣阳武侯薛钺祭 永陵

○以广东惠州府知府黄时雨为本省高肇兵备副使

○己巳 贞惠安和景皇后忌辰遣南和伯方烨祭 陵寝

○起原任南京礼部尚书杨成为南京吏部尚书

○以礼部右侍郎于慎行为左侍郎詹事徐显卿为右侍郎○调补原任浙江副使刘光国为
陕西凤翔水利副使

○庚午命太子宾客吏部左侍郎兼侍读学士朱赓不妨教习兼掌翰林院印

○承天府卿云宫兴工遣抚臣行礼

○辛未以左通政赵参鲁为南京太常寺卿

○壬申以云南按察使程拱宸为广东右布政

○辽东总兵李成梁以王絨揭辩指及请罢斥待勘
上以二奴系奉旨剿处该巡按御史核勘原非贪功李成梁不准辞

○癸酉以太常寺少卿黄克念为右通政右通政赵世卿为左通政

○调云南临安兵备按察使边维垣为本司按察使

○甲戌敕谕礼部朕第四子已恭请命于 皇祖名曰常治可登识于所司

○旌表四川节妇杨氏等十二口烈妇王氏等二十二口孝女解氏一口

○差南京福建道御史彭而珩巡视下江

○乙亥以神机营右副将欧继宗为南京前军都督府佥书

○调漕运总督杨一魁南京别衙门以御史祝大舟劾其怠缓迂漫也

○以江西建昌府知府季膺为云南临安道兵备副使

○左都御史吴时来言前户部尚书毕锵告老蒙给驿而未进级今袁洪愈蒙进级而月米岁夫敕谕存问犹然未举乞查 祖宗旧典一体颁给
上以朝廷优礼大臣以示激励当有斟酌吏部查议分别来看

○巡视光禄御史王九仪言自万历十四年十二月初一日至万历十五年十一月终用过并钦取银共三十万九千八百二十七两一钱一厘七毫四丝九忽贮库实在银四万四千五百五十两一钱四厘九毫六丝二忽六微二纤来年供应势不能足望
皇上节不急之费停额外之传取报闻

○赏万历十三年三月内丁字泊堡获功阵亡被伤员役有差

○刑部尚书李世达题覆御史孙旬申明律例十六款左律开载甚明而听断者或失于深入在例参酌甚当而捕引者不免于牵合阔多枉滥每有冤抑今开款阐明详确易晓相应通行申飭 上是之命以后问刑官只将颁行律例讲究明白遵照拟断不许妄引轻入致有冤抑

○丁丑大学士申时行等言今岁自开讲一次之后未蒙再御虽燕闲温习或不废于深宫而开导敷陈则久疏于广厦宋儒有言明君以务学为急盖学者所以学为治天下之道也帝王修齐治平之理具在经传废兴存亡之迹具在史书人主日览经传讨论义理则治平之效可致日览史书鉴观成败则危亡之辙可更我 太祖经营草昧勤劳可知然日与儒臣宋濂陶安王祹朱升等讲易讲书讲大学论语孟子至洪武二十九年

圣寿几七十矣犹命博士许存仁进讲史书

皇祖世宗经筵日讲之外复讲大学衍义盖临御二十余年 圣龄几四十未尝间也

皇上以 二祖为法自明岁春和以后留神经史勤御旃帷则 圣学日益渊邃

圣志日益清明其于 圣德 圣政裨益不浅矣臣等又惟日讲必以清晨则

圣躬不无勤劳臣等接见必以日讲则情意不无间隔伏望 皇上临御讲筵不拘时刻即辰巳以后亦无不可或有政事下问臣等不拘日讲及御门之日随便宣召亦无不可臣等随事纳忠尽心图报万不敢以空言塞责也次日 上赐手敕曰朕昨览卿等所奏悉见忠君之心柰朕前入年以来屡屡动火眩暈不时非朕偷逸自荒又常思启沃开导日闻谏言乃治国之要今已岁暮待新春稍豫与卿等讲习时行等奏谢

○戊寅命南道选用回避本贯见任南道御史黄正色江有源改北道

○乌思藏阐化王差番僧领真等六百名进方物给赏如例

○兵科都给事中张希皋等陈责成边臣三款一曰举动不可不慎二曰侦探不可不早三曰奏报不可不实又言各司道或守歉粹白或才逊冲繁或守官无疵意见偶差事体相左者宜分别酌议章下兵部

○己卯以灾伤诏蠲免徐州拖欠牲口银及量免扬州宁国拖欠药味银五分

○赐赵府南乐王戴土□无谥恭恪册文○庚辰以阅视届期命照十二年举行

○辛巳改南京工部右侍郎舒应龙为户部右侍郎兼金都御史总督漕运

○升刑部山西司员外何存教为云南按察司僉事

○奖交城王府管理府事中尉知鱣以铃束宗人有法也

○壬午江西巡抚陈有年请将难成瓷器尽行免造南昌渔课暂免今岁解补从之

○癸未以行 大禘礼祭告 太庙 祫庙遣驸马许从诚侯拱宸行礼

○户部覆户科给事中彭国光题京师米贵议军匠月粮于十六年正二月各预支五斗待秋熟将本月应放折色银扣除各卫本管官需索常例并行议革及行各被灾州县稽察蠲折有无如法如数俾小民得沾实惠 上以近来灾伤地方朝廷屡有蠲恤各该有司是否著实举行抚按官逐一稽查将见徵蠲折数目报部查考有纵容吏胥作弊多余派徵者指名参奏重治余依拟行

○甲申岁暮 上亲享 太庙行 大禘礼遣公徐文璧侯继爵分献遣官祭太岁月将之神

○工部覆督理河工给事中常居敬议于大社集南新修月堤之内复取土填实深潭再加筑堤以联旧址次将大社集以东至白茅集百余里堤议旧增修其毛家潭三尖口等处决口与东明县护城堤并议修筑土方工食俱于该府库贮嵩草及存粮银内如数动支 上从其议

○以元旦节遣隆平侯张炳武定侯郭大诚怀远侯常胤绪阳武侯薛钲西宁侯宋世恩泰宁侯陈良弼成山伯王应龙宣城伯卫国本武平伯陈如松祭 诸陵宁晋伯刘应元祭景皇帝陵寝都指挥同知周清祭 庄敬太子 哀冲太子坟所

明神宗显皇帝实录卷之九十三

明神宗显皇帝实录卷一百九十四

万历十六年正月乙酉朔 上御皇极殿受朝贺

○赐三辅臣上尊珍饌

○丁亥兵部覆议辽东镇武堡等处功罪总兵官李成梁参政栗在廷等优赉守堡官王承勋等提问诏从之 南京陕西道御史陈奇谋条上留都营政切要四事一明教法以储才谓武弁恐其不学故设武学以教之今不在学者未尝不官不成材者未尝不用则学谓缀废矣欲将一切应袭尽查送学非繇提督武学主事考选起送者兵部不许袭替推用一严铨补以示信谓卫所各官凡经调卫发操者不得推补掌印及夤缘管事令甲照然今调卫而宥归者朦朧掌印发操而回卫者夤缘推升非所以信法令矣欲再行申飭凡系调发不得复补印屯之缺一简士卒以鼓气谓各营旧有选锋为其勇悍出众足以批坚陷敌为一军之冠也今不论其勇力技艺止凭坐营开报则冒滥多而士鲜实用矣欲责令兵部会选力能举三百斤挽弓一石矢十发九中方补选锋稍优异之部臣不时简阅以作敌忾之气一核催料以裕蓄谓兵部有草场分司岁额租银万五千余两武弁夤缘管徵恣为耗蠹有方当查理而已奉单领运有明认侵欺而扣俸还官俸几何而所侵累百弊至此极矣欲选委卫所僉书递年分管年终分司查理查理未结不许抵差别委致滋混扰< 铨-

金 >兵部○升分守金山参将马继武副总兵镇守江南

○己丑升文选司郎中徐一橧太常寺少卿

○壬辰调紫荆关参将马应元补五军八营参将河洲参将杨浚补兰州参将升刘河游击张榜金山参将 癸巳乌思藏阐化王遣使真朵尔只等千人贡方物

○工部覆摠督漕运右僉都御史杨一魁条陈十事一改闸座以便防守谓古洪当黄水之冲为入运咽喉闸制上阔下狭闸极难下水入易游且石座太低一遇泛涨水从上漫千夫辟易无可奈何欲将前闸乘时改修高下广狭务俱一律此计之善者也拟允行一严启闭以杜淤垫谓古洪内华二闸建设之初原为伏秋水涨恐致漫淤闭闸坚守不得擅开以严其防也但地居冲要官使猬集势难阻遏欲比照淮安通济闸事例每年于六月终筑坝不许擅开即贡解船只亦酌量盘剥此固为运道完计第官民□贾国课攸关一旦筑塞不独困□且税额缩矣况贡艘旧屯留京又不可辄议乎拟仍旧一开支河以备缓急谓运舟自茶城入闸乃其故道与河隔远自河决秦沟改繇浊河口入徐淮乃与茶城紧相对冲又戚家港湍溜难挽舟多覆没前道臣舒应龙另开塔山支河颇称利便而坝闸未建旋复淤阻中河郎陈瑛始开古洪内华以代塔山五年于兹而复遭淤塞安可不为之计也欲挑浚塔山支河建立坝闸令与内华相等八九月后公私船只两道并出固亦有见第闸河水泉不多分而为二不识能常继否拟会勘一移官夫以资策应谓古洪内华堤夫六百名伏秋水涨修守不足且责闸官以调度弗能也欲将吕梁洪夫分调一半移住古洪以资修浚管河同知原任邳州者移住境山遇有紧急往来督视固属远虑第吕梁古洪相去颇遥安土之民难以骤徙与职官改驻不同也拟

会勘一复故道以定长策谓黄河旧出小浮桥水势顺利运道安行累岁变迁致梗运道虽建闸启闭独时淤塞非本计也欲修复故道自归德以下丁家道口浚至石将军庙令河仍自小浮桥出若抚按各为其民则止浚碭山韩家口河五十里诚亦有见第其费有出与否其道可开与否宜行令抚按勘科酌议以请者也议会勘一放浊溢以固堤岸谓黄河缕堤修筑加高而堤内洼下夏秋间河水外涨雨水内浸其堤易坏欲仿拷栳湾堤势将徐邳一带堤内洼处春间开洩水其与遥堤隔远者从便筑小月堤以防其溢此计之便者也拟允行一引沁水以济卫河谓黄河挟沁水入卫繇天津下海久矣自河徙而沁与俱南卫水时苦涸竭其流独也欲仿徐有贞广济河之势引沁入卫不使助河为虐且乘武陟间沁水方决因便

疏金浚万夫一月之力耳固此有见第考先臣黄绾霍韬并有分沁入卫之议似欲藉以杀河患非为卫水益也改作入卫经费既难冲决可虑拟会勘一浚河身以抑泛滥谓善治水者以不以障年来每遇水发堤上加堤遂令水高凌空不啻过颍滨河城郭决水可灌可为寒心欲于秋冬之际探测河身深浅随处挑浚盖虑患之极思也第黄河之沙从水去来恐难以人力治之且入冬则河南一境坚冰弥望浅深将安测乎拟会勘一开水门以免横溃谓黄河发星宿入中国合华夷之水千流万派归于一壑泛滥其常也况孟津以下土疏易冲故先臣丘浚请多开水门以杀上流之势诚为有见今欲于黄河分流故道量设减水石门以洩暴涨是一说也第恐黄河汹涌石门之所洩几何倘涓滴不禁致成横决未获其利先滋之害矣拟报罢一处河费以免偏累谓河工岁修银三万两内仰给于河南者九千令本省灾伤屡闻拖欠甚多而河工势不容缓欲将每年扣省米价银三万七千余两留备淮上支用其河南解淮银九千两免行起解似亦两便但户部咨称米价原系边饷难以议留宜将本年额内量留九千两抵河南解数以后仍照例分解不得偏主于其间也拟允行从之○南京福建道御史彭而珩疏金论军政谓军丁骄悍自嘉靖以来云中辽左南都浙江屡屡构变然皆有激畔而后发且越数十年仅五六见耳乃今一岁之中一见蓟镇再见粤西三见鄖阳原无深隙动辄攘臂习以为常积渐之防不可不谨因陈五事一先体恤谓御兵者必结之以恩乃可绳之以法则月粮之逋欠宜补二禁剥削谓军士之困苦日甚则忿怨日深故武弁之科歛役使宜惩三严约束谓尉僚军制什伍相保有干犯而知弗举者同罪宜稍仿之行觉察连坐之令则铨制严四收骁勇谓壮士在军如悬标帜众耳目所注射宜优处之以行鼓舞驾驭之意则军心服五明法令谓法不显示则人希幸免而易于生乱宜定画一之律以示士众使知朝廷有必不可犯之法则邪谋消章下兵部寻覆议以请命依拟行

○罢工部郎中公一扬以河政不举科臣梅国楼劾其疏庸废事也

○甲午立春日上御皇极殿受朝

○是日以孟春享太庙

○赐三辅臣上尊珍饌

○乙未命贵州土司普定平坝定庄安南生儒俱附有司提调土司不得争执从都御史萧彦请也

○升陕西游击彭九畴河州参将神枢三营参将韩光紫荆关参将河南都司金书田应元刘河游击

○丙申户科给事中李廷谟奏国家防河如防虏均非可以泄泄制之者今边臣自督抚而下必阅历练习始为推毂贤者久任加衔自金宪得至参政布政甚则节钺寄之用是人思竭力而收效者弘河臣则不然按次议差才者不必用用者不必才且计日瓜代河之要害缓急既无暇身尝一得代去即河患孔棘不为累也又何必计久远哉宜略仿边臣法凡差管河司官务择其人期以岁时著有成劳径转河道总漕员缺得渐次推用则人人思奋而河工有济矣
< 铨-金 >下该部

○南京山西道御史田一麟劾辽抚顾养谦开原失事比郅抚李材激变军民情罪独为重大材既论斥养谦略无谴罚非法之平且养谦既知开原属夷谋叛不早为之所及变起不可收拾乃归咎道臣王臧抚处失宜是藉人以追罪也法宜罢斥
上以该镇夷情见在责成慰令供职

○丁酉户部题覆陕西巡抚王璇查过韩府禄粮自十一年起至十三年止拖欠至七万七千五百八十五两有奇准将司库正项禄银并柴马夏粮凤翔贮库杂本等项抵补 上从之

○巡按山东御史毛在题节妇杨氏章丘县民杨一元女归生员姜守身守身病卒誓以死殉水浆不入口者四人母强之食日惟抱棺悲痛时咄咄独语若与夫相对者自言常睹夫貌而闻其音侍婢盛儿义之愿与同死一日母防少懈阖户自缢盛儿亦缢于旁若侍立然闻者诧异以为非天植奇节弗能也宜破格旌表
< 铨-金 >下礼部

○辛丑 英宗睿皇帝忌辰 上于 奉先殿行礼遣南和伯方烨祭 裕陵

○总督陕西兵部尚书郅光先会同甘肃巡抚右金都御史曹子登题庄酋榆林套虏也十四年拥众过西环牧海上以抢番为名渐次求桦林川住牧遂扰西宁闯榆木趋水塘水塘四面皆番斗绝边外与各堡声援相倚为肃镇肩背庄酋一盘踞则群虏附之盗边益甚故西宁将士奋勇剿杀今斩获既多惧而献汉番之掠以谢拔帐东去皆按察使邢玠金事万世德总兵官刘承嗣等讲折堵截之功也伏乞优叙章下兵部

○癸卯下户部主事刘兑于法司兑太仓银库物议沸腾为给事中梅国楼所纠也

○升湖广参将檀武神枢三营参将镇羌守备任继勋陕西游

○甲辰巡抚四川右金都御史徐元泰奏辩吏科右给事中张养蒙论劾川南事并请罢斥 上命遵前旨视事不准辞先是四川杂夷曰臧酋者叩部种与黑骨诸夷连结为抚臣请兵征剿科臣劾其松潘得利之故寻师建越波及臧夷为幸功生事已有旨切责抚臣令策励供职竣事平通论功罪矣至是奏辩云奉命征臧为救边民于水火兵已入山建越之平旦夕可卜

故有是命

○太子少保吏部尚书杨巍以引年称疾乞致仕 上慰留之

○乙巳命改日讲于仲月上旬卜日行从大学士申时行请也

○丙午都察院左副都御史魏时亮上法 祖圣修四箴一法 祖典学宜久而益勤
高皇帝尝曰人非布帛菽粟无以为衣食非五经四书无繇知道理
敬皇帝因张元祜劝讲性理亟索太极图以观曰天生斯人以开朕也其勤学类如此
皇上讲读原勤过丁亥年时一传免伏乞念学培植本贵于日新即
圣体偶尔违和亦勉强临御药言在耳天和可颐未必非保摄之助一法
祖养心在宫闈体验 高皇帝尝曰吾每于宫中无事辄取孔子之言观之真万世之师又曰
道在正心人心乘气机以出入操之甚难
文皇帝读解缙正心章讲义谕曰朕每退朝常思管束此心为切要其汲汲于操心盖如此
皇上诚于法宫清暇常取人心道心之辨戒惧慎独之训口诵而心体之则可以立万化之本
一法祖建事握行政任人之机 高皇帝每得章奏便思亟行每夜间度事当速行者笔记待
旦有奏正心之说者称为大儒有请及时娱乐者目为赵高 敬皇帝时召大臣面□几务又
与臣曰朕图新政理乐闻谏言其时纶音集忠益辨贤否而纳谏诤如此伏乞
皇上速下章奏时行召对察忠佞之分容逆耳之规则可以建大有为之业一法
祖希尧笃信古反求之志 肃皇帝读大学衍义有感赋诗慨慕于变之治又作敬一箴宛然
钦明之范其以帝尧为必可学也如此伏乞
皇上尚友千古钦天戒軫民瘼必如帝尧而后已则可比德于放勋 上纳之

○赐陕西乌思藏阐化王使者真朵尔只十五人及崇隆等寺刺麻僧共卜尖督等二十九人
宴命临淮侯李言恭待

○礼部覆巡抚大同右佥都御史邓乔林咨议定宗室封限自万历十六年以后凡擅婚子女
系嘉靖二十八年以前者遵照万历七年 明旨及会议事例照常请封其万历十五年以前
已经另题立案者不准奏辩请改封代府宗室鼐锹充襄廷土□豕廷垄为奉国将军鼐□金
□巴□充火□晶等十位为镇国中尉充鮐为辅国中尉各该诰命行吏部关给禄米行户部
查照近例题请定夺鼐镪等三十九位行抚按给名粮无令失所诏依拟行

○户科都给事中田畴奏国家之财赋谨积贮严出纳而以台省官巡视者有四光禄膳羞之
储也太仆马价之储也节慎库工部料价之储也太仓银库百官之廩禄九边之军需所取给
也然衡其数之多寡太仓岁入约三百七十万有奇出称之节慎四之一太仆十之一光禄则
十之毫厘耳乃光禄太仆节慎并以巡视主之司官受成而已十手十目人怀廩廩奸弊无所
自作独太仓巡视虽设而出纳不与俱防闲既疏侵盗易滋故有若桂承胤刘兑之败宜另设
台臣一员比照光禄一年一换或照太仆节慎两臣轮视仍申饬责成之于国计必有补矣章
下户部

○升广西游击任道统湖广参将神枢四营游击王应祥五军七营参将

○丁未加浙江左布政使张一霁太仆寺卿致仕一霁初以不附权贵移告故虽为巡方所指而部议优之

○论巡捕功提督史纲等升赉有差仍谕以后捕官非久任经荐叙者不许推用

○升浙江左参政朱文科云南按察使分巡洱海道

○命陕西苑马寺卿兼佥事覃应元致仕以抚臣王璇劾其衰庸宜罢也

○戊申刑部尚书李世达引疾乞致仕

上不允○己酉孝静毅皇后忌辰遣平江伯陈王谟诣 康陵行礼

○升浙江右布政使王基为左布政使河南副使王之屏为浙江左参政山东副使杨节为升陕西苑马寺卿兼佥事分巡平凉水利

○升中都留守司佥书署副留守房润神枢营游击万全都司熊文济广西参将

○御史刘汝立以终养乞致仕许之

○辽东顾养兼奏顷者王穢被逮饰辩虽蒙 圣明洞烛褫秩而供揭遍传诚恐乱听如王台二奴俱海西属夷台存颇知忠顺台亡二奴恃强屡谋内犯乃曰忠顺如故二奴既剿其子那林孛罗卜寨不复贡市者五年于兹矣乃曰两关贡市如故二酋既不贡市踵父之智结西虏而攻歹□歹□者王台子孙我属夷也剿逆孽以安属夷乃曰贪功徼赏奴儿哈赤者建州黠酋也骁骑已盈数千乃曰奄奄垂毙倘闻者不察谓开原之情形果尔则辽事去矣况叛剿之议皆发自穢文牒具在而反覆若此臣若因言而阻剿处之计必遗封强他日之忧不言而径行剿恐贻当事以他日之祸乞敕督臣张国彦速至开原查明那林孛罗卜寨等酋果否叛逆相机剿抚仍褫臣如穢以谢言者章下兵部

○庚戌 上视朝毕命所司录文武官不至者八十有二人各夺俸二月

○吏部尚书杨巍再上< 毓-金 >乞致仕 上温谕即出不允辞○套虏卜失兔圪阿诸酋在陕西边者市赏已毕而结聚不解意图窥伺挟求无已为我军截杀数多擒三人皆骁悍虏将获其马四十匹群虏大创卜酋乃为谢过量求加赏督臣郅光先抚臣梅友松以闻

○刑部尚书李世达都察院左都御史吴时来大理寺卿孙鑪等题申明律例未尽条款凡六事一奴婢官民之家凡倩工作之人立有文券议有年限者以雇工论只是短雇受值不多者以凡人论其财买义男恩养年久配有室家者同子孙论恩养未久不曾配合者士庶家以雇

工论缙绅家以奴婢论一窃盗三犯中有赃数不多或赦前一次赦后二次或赦前二次赦后一次者俱入矜疑奏请改遣一强盗审有赃证明确当时见获者照例即决其夥贼供证明白年久无获赃亦花费夥贼已决无证者俱候秋后处决一共毆下手绞犯未结之前遇有造谋主使共毆重伤之人在监与解审在途病故者准抵若配发事结在家病亡者不得准抵仍将下手之人一并处决一子孙谋杀祖父母父母者单具即决毙狱仍戮其尸一伪造印文者斩不问何物成造 上允行

○辛亥饶平令文体循以贪悍斥为民仍行提问从御史蔡梦说劾也

○壬子谕文武官朝仪不肃至有哥侧咳吐无复畏忌者核其人以闻

○癸丑 圣母仁圣懿安康静皇太后圣诞草场灾谕免贺○大学士申时行等上言地近禁城震惊不免事关积贮耗损实多殆天戒之昭垂致

圣衷之警惕臣等分忧无术召沴有繇不胜惶惧即今烟焰已息风气益和当慈闱燕喜之辰在几务繁劳之暇伏望 皇上顺承天祐少纾 圣怀 上报闻

○是日赐三辅臣上尊珍饌

○南京吏部尚书袁洪愈乞致仕许之特加太子少保为其清望允孚也左都御史吴时来因言大臣之去国有体朝廷之优典宜隆历举 世庙初陈玉丛兰杨廷和蒋冕等并赐加衔驰驿月廩岁夫之典称异数而万历十年恩诏赐给存问有加今以近时毕锵袁洪愈优例推之若尚书张瀚严清陆树声何维柏陶承学王崇古郭宗皋赵锦右都御史曹亨或德望著于岩廊或勋猷树于疆圉并当优异以旌耆德于是严清陆树声俱加太子少保张瀚等给月粮岁夫如恩诏令

○升浙江按察使吴自新本省右布政使

○升大宁都司僉书靳雷万全都司掌印

明神宗显皇帝实录卷之一百九十四

明神宗显皇帝实录卷之一百九十五

万历十六年二月甲寅朔升山东左参政万象春浙江按察使广东副使易可久四川右布政使

○乙卯赐朝鲜使臣宴命尚书沈鲤待

○兵部覆议辽抚顾养谦请命督臣张国彦亲到开原查明那林孛罗卜寨及猛骨孛罗温姐叛逆缘繇相机剿抚盖闻王弼贪功徼赏之说重起忧谗畏讥之心也然前请宽王弼< 铨-金 >中已明例叛逆情状又准督臣咨称二好遗孽逆状昭昭若因多口剿议不决则抚之亦不必听且恐稳恶速祸间不容发是勘议不亦可已乎< 铨-金 >上得旨令抚镇协心行事督臣从宜调度毋得疑虑推诿致务边计

○丙辰 上御皇极殿传制遣大学士许国祭 先师孔子

○复除原任参政郝维乔山东左参政分守东兗

○戊午祭 社稷遣定国公徐文璧恭代

○协理戎政尚书傅希摯请侍经筵许之

○庚申赐元辅申时行次辅许国王锡爵各白镴彩币有差以撰述
圣母慈圣宣文明肃皇太后母安国公夫人王氏诰命也

○免陕西西安凤翔府属州县卫所起存银两三万四千有奇以苏灾民从御史姚三让请也

○南京湖广道御史陈邦科请录用建言进士彭遵古顾允成诸寿贤不许先是南京都察院右都御史海瑞自箴仕来砥节清苦慷慨敢谏屡黜复起抗< 铨-金 >乞骸时三臣始第进士< 铨-金 >留之 上以新进士位褫其职及海瑞卒谥恤有加而三臣犹锢故邦科云人臣甘心苦节务为刻意皦皦之行必守之克终而后其品始定人臣羽翼善类务为排众矫矫之论必所举之人克终而后其说匪私故举人者与举于人者其道相成而失举则罚得举则赏亦不宜相背也< 铨-金 >下部覆竟有特处示惩之命

○刑部覆巡城御史史旌贤参天津指挥贺君寿藉捕盗之权作攫金之计居常视上官为木偶临事倚上官为冰山语侵副使查志隆宜行彼处抚按就便问结 上从之

○辛酉巡抚浙江右副都御史滕伯轮会巡按御史傅好礼条上恤民十二事一印发徵收繇帖以防欺隐一改折协济仓粮以省运纳一禁加派以杜糜费一革火耗以严侵渔一酌条鞭以剂缓急一省差徭以免赔累一裁冗滥夫船一定衙舍修理以绝耗蠹一禁馈送之烦一革

白役之扰以明法令一查免追攀一收保驿囚以清罪罟章下该部

○命湖广左参政刘守仁致仕

○壬戌 上视朝毕御文华殿讲读

○漕抚杨一魁奏辩御史祝大舟论劾乞敕河臣查勘徐邳道堤是否如旧缕堤高堰先经冲损者即今曾否修葺钱粮有无乾没成功是否毁坏一切不敢规避< 铨-金 >下该部

○辽抚顾养谦奏辩御史田一麟论劾谓一麟论臣开原失事推诿遮饰而开原原未失事已蒙 圣明洞烛又论臣备兵蓟州时营荐边材躡得巡抚臣查荐臣边材者科臣则周邦杰等台臣则贾如式等凡二十四人皆与臣无交巡抚之推则廷臣奉 皇上选用贤能知边务者之旨谬以及臣臣辞不获命有何钻营唯是谓臣既经论劾志气恢阻不能有为则一麟言是伏乞罢斥 上谕令照旧任事章下所司

○癸亥 孝贞纯皇后忌辰遣永康侯徐文炜诣 茂陵行礼

○礼部请以曾子子孙视孔颜孟三氏为四氏学盖曾氏裔流寓江西之永丰支族单弱至嘉靖中始奉钦依世袭博士复还山东故御史毛在以为言部覆许之

○甲子祭 三皇于 景惠殿彻馐赐三辅臣

○礼部尚书沈鲤请饬学政以兴教化谓教士之法莫亲于师儒宜慎其选除优其迁转使科目出身者不薄此而不为贡途出身者不画地以自限然后师道重而教可成也至抚按论劾有司不堪牧民者辄拟改教是重民而轻士矣宜禁勿行诏从之

○升南武选郎孙秉阳广东副使

○乙丑

上御经筵毕阁臣出至文华门内臣止之有顷司礼监太监张诚持贞观政要出谓阁臣曰上问先生魏徵何如人阁臣对魏徵事唐太宗能犯颜谏诤补过拾遗亦贤臣也诚述 上言谓魏徵先事李密后事建成又事太宗忘君事讎之人固非贤者阁臣曰以大义责徵诚如明谕第其事太宗却能尽忠即如伊尹就桀后佐汤成伐夏大功即称元圣管仲事纠后佐桓公一匡天下孔子遂称其仁即如我 太祖开创之时刘基陶安詹同辈皆元旧臣顾其人可用否耳魏徵强谏如十恶十渐至令称为谏论不可以人废言也诚以阁臣对入奏 上复命诚传谕云唐太宗胁父弑兄家法不正岂为令主阁臣曰太宗于伦理果有亏欠闺门亦多惭德第纳谏一事为帝王盛美故后世贤之若如我 太祖家法贻之 圣子神孙真足度越于古皇上所当遵守其前代帝王唯尧舜禹汤文武为可师唐太宗何足言哉诚再述 上意罢贞观政要讲礼记阁臣日记中多格言正论开讲极为有益第宋儒云读经则师其意读史则师

其迹在 孝宗朝常命阁臣纂辑通鉴以备经筵若将通鉴与礼经间讲则知今古成败得失足为省戒之助又宋儒真德秀大学衍义一书 世宗尝讲之洵经史格言之林也诚入奏上复命诚传谕魏徵忘君事讎大节已亏纵有善言亦是虚饰何足采择竟罢贞观政要礼经云是日 上命往复再三讲读官侯宴良久知

上留意经史评论古今莫不叹服称庆阁臣退以所对上言仰惟 皇上天纵总明日新学问其于剖析义理权衡人物是非贤否卓有定评非臣等愚昧所及臣等窃闻之论人于三代之上不可不严论人于三代之下不得不恕如唐太宗开基创业身致太平史称其平隋之乱比迹汤武致治之美庶几成康尤可称者纳谏如流改过不吝亦三代以下之贤君也至于胁父杀兄闺门慚德如 圣谕所评则深中太宗之失视古帝王诚有愧矣魏徵事有为之主当不讳之朝知无不言言无不尽王圭称其耻君不及尧舜以谏诤为已任十思十渐后世以为说言亦三代以下之直臣也至于失身隐太子忘君事讎如 圣谕所訾则切当魏徵之罪其于人臣大节信有亏矣故君必如尧舜禹汤文武而后为圣君臣必如皋夔稷契伊傅周召而后为纯臣臣等至愚极陋不敢希望古人之万一至于惓惓效忠之心惟愿

皇上以二帝三王为必可师唐虞三代之治为必可复日慎一日新之又新 宗社臣民不胜幸甚今所讲诸书如孟子称述唐虞三代之德尚书备载唐虞三代之事至于礼记虽多汉儒之附会实本圣经之微言谨奉圣谕分日进讲臣又闻先儒有言读经则师其意读史则师其迹盖史书所载乃古今治乱兴亡之迹善可为法恶可为戒弘治间

孝宗命阁臣纂集通鉴以备进讲名曰通鉴纂要

世宗于日讲之外仍讲大学衍义臣愚尤望以此二书相兼进讲伏候 圣裁明日谕大学士申时行等曰朕昨览卿等奏朕论太宗魏徵之失有中彼过朕又思人之得失善恶无如五伦之重五伦失一复可得为人乎又何取小节而掩大义饰恶而图善正所谓失大取小终不可掩人耳目又思九经皆圣贤所作岂可不知若大学衍义一书明修齐治平之道至于通鉴书善恶得失之事有如悬镜而照妍媸又书经乃为君之至要何可一日不温习哉朕于三书朝夕常看今且以礼记代政要通鉴候尚书完日续讲时行因复言纲常伦理乃自古帝王所以立国臣子所以立身不可一日而不明者纲常废坠则国事日非伦理亏缺则他美莫赎伏承

圣训照然若揭日月而垂星辰将来书之史册播之寰区可与成周之洪范 宣庙之全书后先并曜臣等不胜仰服至于大学衍义备修齐治平之方通鉴一书载善恶得失之事

皇上特与尚书时常省览尤见 圣智之高明 圣功之勤敏臣等不胜欣慰谨将礼记撰写讲章次第进讲其鉴书遵旨候尚书完日接讲施行 圣论一道敬藏之阁中以彰

皇上典学惇伦之美 上报闻

○南京礼部尚书姜宝以引年乞致仕 上慰留之

○行太仆寺少卿苗勃然以陕西僉事升自谓才品足当大任同司非其所安遂许奏巡抚王士□旋文选司郎中徐一橦害己科臣杨廷相洪有复交章劾其挟私逞愤大干法纪部议落职

○工部题覆沁水入黄河卫水入运河其来已久顷者沁水决木栾莲花口而东督河杨一魁有因决济运之议谓沁水方决其势悍塞之难其势便而助运易固一说也及科臣常居敬往

勘会抚臣衷贞吉按臣王世扬议谓卫辉府治卑于河藩封新建恐决开而势不可御有冲激之虑且沁水多沙善淤入漕恐反为患不如坚筑决口辟广河身以吐南行之气而卫河急加
< 銑-金 >浚下民间引水灌田之禁尤完计也诏从勘议

○丙寅刑部题万全知县符嘉训初被抚臣劾其赃至五百两以上应遣后按臣问拟赃不及数应徒上怒其后先异同姑不究而嘉训仍遣

○朝鲜使臣俞泓请给皇朝新纂会典以终俞命时泓以赍捧至值会典初成而先此朝鲜有昭雪国疑一事许为改正载在会典故君臣恳求以慰其父祖之灵也诏许之

○丁卯 上御文华殿讲读时礼经奉新谕进讲左庶子刘虞夔一时皇遽遗脱字句内臣李浚传谕日讲官宜加习熟大学士申时行等代为请罪略曰 皇上缉熙圣学日御讲筵臣等方切忻慰讲臣亦莫不踊跃思奋敬畏自持刘虞夔素称小心临时失措幸蒙皇上俯从宽宥不加谴责不惟虞夔感恩图报即臣等仰见圣度之弘亦莫不共矢捐糜以期称塞矣 上报闻

○赐朝鲜使臣俞泓宴命尚书沈鲤待

○兵部题驿递繁苦公差冒滥乞严行禁革
上依拟仍谕各衙门大小公差列名奏遣不许擅委

○戊辰刑部右侍郎何源以新命引年慰留不允

○升河南右布政使刘世赏湖广左布政使云南副使马鸣銮湖广参政四川保宁知府刘复礼陕西行太仆寺少卿

○刑科给事中许弘纲请释进士彭遵古顾允成诸寿贤之锢而两淮运判黄道瞻以申理民冤建言废因并及之不许

○升神机营游击王元周浙江都司掌印○镇平县民妇白氏奏男赵元被警国久殴死贿脱未抵乞伸冤仰暨行该部覆勘国久之父警税业以主使论抵刑毙国久法不当坐拟白氏妄奏徒 上如议命以后军民奏 虚捏者着于本处枷号三月

○中军都督府左都督李文贵卒恤典部覆如例 上谓尊敬圣母推恩宜厚予祭九坛造葬不著令盖□□之特典云

○己巳刑科左给事中陈烨< 銑-金 >言边赏之滥至以世官为常格而乘輶之使绎骚为累请行禁饬章下该部

○春分祀 东郊命定国公徐文璧恭代

○庚午提问罗山县侍养进士高芾以抚臣衷贞吉劾其豪横异常也

○辛未陕西督臣郅光先题抄花水塘之聚已经剿杀伏罪自请回套而谓老弱不能尽归求以汉官治之无令横肆及给巡边口粮永为外徼说似可听然恐其联帐犄角窥伺日深诸虏闻风例索滋衅臣等业屡讲而严拒之矣今虏亦被创莫敢坚其前说第徼巡之令在甘镇有之原为久牧之虏恐其势散为盗故每给米布以饵之套虏既云暂住即鎗铕亦例也宜申饬将吏勿一概轻许而录其讲折之劳章下兵部

○升保定巡抚张西铭南京工部右侍郎

○升河南按察使王体复本省右布政使

○升浙江都司郑维藩神机三营游击

○壬申内臣李浚传 上谕连日火动声音不清免朝讲大学士申时行等奏向恭睹皇上于文华殿诊视犬马下情不胜瞻恋后侍日讲仰见天颜和晬圣体康宁即不胜欣跃乃今日复承宸谕此盖春风尚寒偶有微感火郁在内未能宣通伏望皇上加意燮调顺时珍护于凡起居饮膳之类万分致谨以臻康豫之休宗社臣民不胜幸甚 上报闻

○癸酉升山东参政王庭诗河南按察使

○降调山东副使田乐义青州知府沈大忠以巡按御史毛在论劾不职也

○甲戌南京吏部尚书杨成以新命乞休 上谓成清望素著屡荐特起不允辞

○礼科给事中陈璧论南京礼部尚书姜宝累＜ 铨-金 ＞乞身宜允其去 上不从

○升太仆寺卿罗应鹤都察院右佥都御史巡抚保定

○乙亥命宋金伯子祥锦衣卫堂上佥书管事

○工部员外冯时泰请＜ 铨-金 ＞通沟渠
上命会同厂卫及巡城御史严查修浚如有势豪越占参奏拏究

○丙子礼科给事中陈璧请以大学衍义经筵进讲 上报闻

○总督宣大太子太保兵部尚书左副都御史郑雒引疾乞致仕时虜王嗣封贡市初毕上慰留之

○巡抚陕西都御史王璇会巡按御史姚之让请于延庆二府开垦荒田以兴永利上嘉其尽心任事命司道等官著实举行

○升湖广副使冯露本省左参政

○升礼科左给事袁国臣江西副使给事中陈璧太平知县江西道御史王九仪河南佥事湖广道御史孙兗山东佥事四川道御史陈瑄太名知府南山西道御史田一麟东昌知府

○丁丑国子监司业王祖嫡奏修缺典以隆继述谓建文之革除未复景泰之附录未正也略曰臣之疑革除何也 高皇帝艰难百战奄有天下挈神器而付之建文立嫡之大经也 文皇帝际时艰危兴兵靖难挈神器而完之 高庙济变之微权也钟虞不移人代顿没此何说也臣窃谓建文纪年之不可泯者五自古无道之君天人共弃闻革其命矣不闻革其年引师曰靖难明非复讎胡为追薄海内外已奉之正朔而去之不可一靖难宣力诸臣妄希茅土日构建文之过本非 成祖之心事平固已幡然感悟故鄙李实独无封事谕吏部不念旧恶榜条方列旋即除毁革除之议起于六月庚午命府部建文条格悉复旧制今年称三十五年而已然皆一时逢迎之臣从谀为此后世不察遂谓成祖独断归过君父使亲亲之心不白不可二或谓成祖定鼎功同再造如复革除则师疑无名夫天下者 太祖之天下也太祖之视成祖建文同一子孙也今日之视 二祖同一祖宗也不革除谓不能仰体成祖心必革除其为仰体 太祖心乎书靖难所以彰成祖再造之功不革除所以纪建文在位之实何悖之有矧 成祖谟烈昭垂岂以革除显不革除晦乎不可三国史野史上下并传世往往信野史而疑国史若谓国事多讳不若求之野耳夫年既革除事必散逸今纪建文者无虑数十家谬无相承至有不忍读者逞其雌黄遂淆朱紫岂细故也哉不可四革除者不过使天下后世不复知有建文耳而千万世之后宁能以建文之实历为洪武之虚年乎大书特书固将不免与其纪年立史于千万禩之后孰与今日之为得乎不可五臣之疑附录何也 睿皇帝赫怒振旅虽曰失计然非游猎也景皇帝监国正位虽曰权宜然为 社稷也名异两朝事归一录又何说乎臣谓景泰之录不可附者亦有五伏读成化十一年十二月宪宗纯皇帝敕廷臣曰曩者朕叔郕王践祚戡难定邦寢疾之际奸臣幸功妄兴谗构请去帝号 先帝寻知诬妄深用悔恨以次抵奸于法不幸上宾未即举正朕嗣大统间以复帝号一事质之 圣母亦曰此 先帝本意宜即举行朕祗服 慈训用成先志其仍复皇帝号会议尊谥以闻夫既加 恭仁康定之尊谥而不去废帝郕戾之旧名前后背拂不可一臣尝反覆录中凡涉问安奉迎之文并为裁削闻之耆旧盖编摩者承望云尔时于谦王文之狱固曰不如是则事出无名吁加人以恶侈已之功不可二诗于兄弟戒勿相犹谓弟薄而兄效之也景帝之薄不敢曲为之解 英宗始虽惑于谗构终竟怀乎悔恨在宪宗之敕具见不知者谓 英宗犹之而不敢改没虞帝亲爱之意貽汉文粟布之讥不可三

晋元宋高岂真有戡定之续徒以皇皇之际收拾人心稍能立功故虽区区作史者不得不与之 景皇帝萃涣倾否外攘内修北狩回銮神州如故七年之烈曾不得如晋宋之例后世谓何不可四编年之义所以明岁时严统系也故僭伪附偏闰附夷狄附大义也以 景皇帝之录而从附谓之舛以景泰之事参之正統天顺之间谓之淆不可五且景泰之忠臣皆天顺改元之奸邪也修录者咸正之而不从至于

景泰帝顾从之而弗正乎臣又伏读隆庆六年上

两宫圣母徽号诏书内一款曰革除年间死事之臣有司以时祀之而建文以

太祖嫡孙临御四载别无他过不得援诸臣之例以慰幽魄恐 成祖之心亦必有未安者今

宜复建文位号仍付史馆将四年事绩修辑为录尽废野史不经之说其景泰自为一录削郕戾旧名与正統天顺承接弗紊其于善继善述之大孝所关非眇小也< 铨-金 >下礼部

○工部覆议黄河为患自古已然而治河之难中州为甚何也其地沙壅土< 铨-金 >修筑既难平原多旷一望千里无崇山复岭之束独特卷扫以列防自为悍蔽故功难就而费亦滋今据科臣常居敬抚臣衷贞吉按臣王世扬会勘集议工程地亘千里连十县界两省而唐家口为黄河要害在考城曹县之间两省居民互相盗决尤于运道火有关者宜分地专管严程修筑工在祥符荣泽中牟三县者属河道僉事余希周领之在封丘阳武二县者属大梁道参政王来贤领之在兰阳仪封二县及考城县芝麻庄陈隆庄唐家口帮筑堤坝属兵备副使王之屏领之河内武陟沁河诸冲属河北道参政徐三畏领之堤坝以丈计者凡三万三千一百五十约费至八万四千六百余金事竣一体查叙

上命依拟及时修筑依限报完其两省交界处有盗决者设法严禁毋得推诿

○戊寅大学士申时行恭进 圣祖御书以备清览仰惟我

太祖高皇帝圣神首出文武兼资巍乎功烈光被于寰区焕乎文章昭垂于简册其在宝训实录及御制文集臣皆得庄诵而仰窥之至于

御书墨妙则未之睹也近简阅书籍伏见 太祖御笔尚有贮藏经阁中者凡七十六道或片楮短札或累牋长篇朱书墨书真体草体灿然具备臣等輿水跼读拭目疏观难谓天生上智圣又多能吮墨挥毫独超千古从心应手妙夺天工有非前代帝王所能仿佛者盖自国初至今二百余载而奎章宸翰宛然若新其殆 圣灵之所依凭以为镇世传家之宝神物之所呵护以为书林册府之光者也乃令典籍臣吴果等装潢成册注写释文不揣芜陋敬跋数语于末谨用进呈仰干睿览恭惟 皇上学务缉熙孝隆继述留神卷帙不忘游艺之功系念羹墙每切绍庭之志如以万几余暇特赐省观则手泽具存有若剑舄衣冠之旧而音容恍接不啻天球琬琰之陈臣又绎而思之我 圣祖经营草昧总览枢机当其时代言非乏人而载笔之士非阙员也然犹勤劳若此则是圣祖之精神无一日不流于海宇意念无一息不在于政务宏纲细目无一事而不周详大庭深宫无一时而自暇逸其所以开创基图贻

圣子神孙万世之安者岂徒负宸凝旒拱揖指麾而已哉伏望 皇上于语言文字之中求圣祖之精蕴于陟降著存之顷法

圣祖之忧勤此又区区芹曝之诚愿为覲扬之一助者也< 铨-金 >入 上谕

圣祖御笔留览并查取 累朝宝训宝录藁来进

○升建宁知府张淳湖广副使

○赐总督宣大山西尚书郑雒巡抚许守谦邓林乔沉子木总兵麻贵李迎恩董一元李如松等以下各银币有差以三镇岁市报竣也○户部覆议河南抚按奏称该省连岁灾荒民食无措请蠲免停徵宜照陕西例分别量允其京边紧要钱粮以□税抵解开归二府改食长芦山东盐引南阳汝宁归德三府仓储许开封等处重灾地方平糴煮粥收价候秋成买补诏依拟行

○己卯祭大明于 朝日坛遣公徐文璧代

○升浙江参政王桥云南按察使

○庚辰巡按浙江御史傅好礼劾乡绅副使吴遵晦左布政使陶幼学苑马寺少卿戴凤翔招纳投献蔑法欺公事迹彰著乞提问如法诏许之

○升太仆寺少卿王致祥本寺卿

○壬午祭 历代帝王遣侯吴继爵行礼伯王应龙毛登尚书宋纁王一鹗分献○升吏科都给事中杨廷相太仆寺少卿户科给事中田畴山东海右道参政吏部郎中黎邦琰江西饶南道参政

○命锦衣卫指挥僉事王继祖南镇抚司僉书管事

明神宗显皇帝实录卷之一百九十五

明神宗显皇帝实录卷之一百九十六

万历十六年三月甲申朔大学士申时行等题先该臣等恭进圣祖御笔奉旨留览仍查取宝训实录欽此又该文书房官宋坤口传 圣谕装潢宝训实录尚冠恭看一遍请去皇史宬安如再请来不尚冠不敢恭看查有累朝宝训实录藁着进来以便观览臣等查得累朝纂修事例凡纂修已完正本于皇极殿恭进次日送 皇史宬尊藏其副留内阁而毁其原藁盖重秘书防洩漏也今奉旨取具原藁无从可得查得嘉靖间曾将累朝宝训实录重录一遍藏奉 皇史宬其原先旧本隆庆年间皇考尝一取视收藏道心阁后复送入 皇史宬 皇上留神继述时欲省览乞命该管官查取恭进至于阁中副本累经纂修官繙阅时有污损一时未能整顿皇上如欲朝夕披阅除 武宗以前见有 皇史宬旧本可以取进外其 世穆两朝训录或容臣等查取誊录各官督令誊写便册陆续呈览谨回奏以闻

○ 孝肃皇后忌辰遣永年伯王伟诣 裕陵行礼

○浙江巡按傅好礼及巡抚温纯俱以综核吏治为任而义乌令熊秋芳在会荐< 銙-金 >中纯既迁秋芳以变节败好礼自劾引罪时纯以户部左侍郎上< 銙-金 >与好礼分过并乞连坐有旨温纯照旧供职以后有司初任修饰取名荐后改节者抚按官从公论劾准简举例免究不许畏避异同故行庇护

○吉王翊銓奏请庶二子常汶改封郡爵部议谓宗室奏请名封以条例要例为则吉王原封龙阳王因嫡弟庄王无嗣以庶兄继袭则条例所称郡王进封亲王次嫡庶子止照本职不再进封者也且事在隆庆六年正要例所称例后加封照世次改正者也令王一子常淳已封世子二子封镇国将军法例俱为吻合辄复违例妄请似非所宜诏如议

○丙戌大学士申时行等遵旨拟上思政养心省心乐志四箴奏云仰惟 皇上念切忧勤统精一出入起居之际不忘乎政几存养省察之功特严于心学渊衷纯粹盖日新而又新圣志清明惟无逸而乃逸伏望顾名思义谨始慎终臣等不胜幸甚思政轩箴惟皇睿圣光嗣不基弗宁燕处有俨若思厥思伊何万几一日千里应违谋之几席惟皇立政钦若昊天奉厥无私覆彼八埏曰雨曰暘思其或愆惟皇立政宪于 烈祖金科玉条具在政府是训是行思绳厥武四海芟□牙女女□政是用康一夫不获我视如伤何以庀之行苇甘棠殊方卉辨政是用辑一夫不戒作我蠹贼何以靖之包桑磐石万方玉食思及鉏犁袞服在御思及抒机徵输罔艺乃政之疵筐篚之思用思有式尚方之需费思有极滥出无经乃政之愿任思弗贰或蔽其聪去思弗疑或挽其公母昵厥比衡平鉴空言逆于耳思或为利言逊于心思或为戾母恣厥情虚心执契勿谓已明察见渊鱼勿谓已断决事庭除思古哲王用人有余勿谓予喜赏或为僭勿谓予怒刑或为滥思古哲王监于成宪朝以出政则思其终纷更之戒画一之从夕以修令则思其始母徇黷辞母眩多指是之为师规万世安天命不易为君实难人亦有言日中则昃无疆惟休无疆为恤思之思之鬼神通之户牖有箴蒙史诵之养心斋箴亿兆之众环拱一

人则君为民心耳目之官率彼大体则心为身主夫心也斂之方寸曾不盈掬是在所养曰惟寡欲消长靡常譬彼山木日夜所息雨露所滋平旦之气萌蘖几希惟此几希岂胜攻斗憧憧往来与接为构淫声冶色伐心之斧斤母亦却听收视以培吾真靡丽玩好牧心之牛羊母亦守素抱朴以葆吾光神以恬愉而况涵则摇形以安适而驰骋则劳存心恭嘿居以逍遥优游于道德之途偃息于仁义之圃无间十寒无咻群楚众欲退听惟敬作所天君泰然乃有宁宇昔在帝尧允执厥中舜禹相授精一其功明明 皇祖丕阐敬一心问是传心箴是释我皇端居独观昭旷澄彻本原屏除诸妄以虚为室以灵为台宥密退藏重门洞开清明在躬贯穿古今远绍帝学近绳祖武敬稽首而献箴愿顾諟于庭户省心斋箴道心惟微人心惟危诂云三省厥有万几既省其几又省其康休咎省岁率作省成是犹省事未若省心人惟此心易佚难伏辨之在早慎之在独内省不疚闾然而章其究千里其端毫芒防于未萌察于方朕克艰厥后克念乃圣莫见乎隐莫显乎微若终日言退私其私无有作好无有作恶若虞机张往省于度听讲则肃视朝则严相在尔室不遇有愆无有师保如承宾祭此心何如操之弗替胡然焦火胡然凝冰有欲思窒有忿思惩勿曰予尊人莫予违一念之泰百度之隳勿曰予圣人莫予若一夕之矜终身之恣溢水可捧而志难宁□□乏驾调而气难驯凛若驭朽惕若持盈于穆斯斋初明之舍几牖有铭盘盂有诫近臣进规贄御诵箴我其夙夜上帝是临乐志斋箴圣人作易次豫于谦喜起之歌始以敕天我皇鉴止弗懈于位有毖斯斋惟以乐志其乐伊何匪遨匪游其志伊何乐而不流乐有从理亦有从欲安危之机辨之幽独何以辨之惟志之持志一常安志定常怡大昕视朝向晦宴寝起居雍容适于驰骋目玩坟典耳听法言穆然清风润于管弦玄酒为酌大羹为味式宴以衍饫于甘脆前凝后丞左咨左谏都俞一堂美于曼柔时惟几暇无逸乃逸 两宫奉欢四海承德于以鼓琴于室之阳被之薰风虞弦是张于以矢诗繇庚既醉黄发载赓和声四暨是谓至乐君子攸居如登春台如游华胥既登既游保之不易无已太康职思其惧愿言九扈易灾而穰愿言重译来享来王以答畴忭以纾旰食此乐此志万年无斁

○大学士申时行等上言先奉 圣谕以

圣体偶尔违和暂免朝讲连日来每从内使恭问起居并称万安曷胜欣慰第臣等不奉天颜半月有余经筵常朝多从传免岂 圣躬虽已康豫尚未耐劳

圣志虽切忧勤犹须静摄耶犬马私心实深瞻恋伏望

皇上顺承时令保养太和以迓天休以慰众志臣等无任仰祈恭候

○丁亥以清明节遣武定侯郭大成等九员各赴 长陵 献陵 景陵 裕陵 茂陵 泰陵 康陵 永陵 昭陵各行礼

○以原任通参杜其骄添注通政使司左参议

○复除礼科给事中王士性

○总督宣大山西太子太保兵部尚书兼左都御史郑雒引疾乞致仕 上慰留不允

○荫已故大学士翟銮孙翟思祜中书舍人

○戊子文书房官宋坤传谕 宝训实录 皇史宬无从寻觅恐 世宗请去西城万寿宫被灾今自 太祖及累朝训录都着誊写装潢进览大学士申时行上言嘉靖十三年重写宝训实录降敕开馆取用多官盖世宗欲以圣神谟烈闳之金匱玉函以传万世之信所重在于尊藏今皇上特命誊写是欲以累朝典故置之法宫秘殿以备乙夜之观所重在于披览臣等窃谓训录旧本体式太宽今宜改从书册并省卷帙容臣等查例施行上是之即降手敕曰前者卿等所进圣祖御书朕恭睹睿藻弘谟真乃天授非纯圣至神而何因思 祖宗训录乃今朝之史鉴岂可不知前命卿等进藁及见卿等回奏即命查取旧本无有乃命卿等以在阁 累朝训录副本誊写装进庶可以知祖宗治国治家之法修身勤政之要非图褻玩别意也大学士申时行复奏仰惟我 太祖至神上圣度越古初睿藻弘谟真繇天授皇上特垂省览深致揄扬仰见皇上契悟之精覲扬之孝臣等不胜钦服至于因览御书欲观 训录尤见 皇上志存法祖念在绍庭切近精实之功广大高明之识非臣等愚昧所能仰赞万一者也书录完日呈览其 圣谕一道谨尊藏阁中彰 皇上法 祖典学之美谨具题以闻

○己丑赐陕西贡僧宴命临淮侯李言恭侍○光禄寺题本寺库藏匱拙内供取用不敷乞敕该监查议除正供外偶因一时取用不系紧要者悉与裁革其户工拖欠接济钱粮催徵那解以备急需上命户部查处接济节年拖欠者严限督催不许迟误

○庚寅升浙江副使林一材云南参政

○升贵州道御史史旌贤浙江佥事

○辛卯复除张鼎思吏科都给事中姚德重户科都给事中升穆来辅户科陆懋龙礼科胡汝宁兵科俱左给事中邵庶刑科右给事中

○撤江防游巡营兵归并新江口从操江都御史王用汲请也

○工部题皇本车户苦累顺天州县 上命免编徵银雇役仍禁厂司藉用

○南京所属州县上仓米豆准改折停徵仍分别灾伤轻重为停折之多寡从直隶巡按御史王藩臣请也又淮扬巡按御史刘怀恕奏庐凤淮安灾甚请各仓本折米麦草料等岁运在十二年以前积逋未输者免十三年十四年者暂停追呼十五年运解如额其米豆积多者亦以灾伤轻重分别改折之数报可

○管理太仓主事张悌奏称视事凡三阅月经收各省解纳银五十五万五千一百九十两有奇其见贮交代于刘主事者九十万二千九百三十八两有奇共一百四十五万八千有奇而

月俸禄米军匠赏劳料价及边镇年例之出至一百四十二万二千尚不给用别请发窖房六十万足之是一月之入不足抵一月之出明矣因议太仓米足支七年而米价腾贵官军月粮以本色与之入既乐从省太仓银可十万余亦斟酌盈虚之一道也部覆从之○壬辰大学士申时行奏礼部覆司业王祖嫡请复建文年号改正 景皇帝实录窃惟建文年号因 成祖靖难之日诏今年仍以洪武三十五年为纪其建文年号相传以为革除及考靖难事迹亦称少主称元年二年三年四年则是未尝革除也但不称建文耳

英宗实录修于成化初年在 景皇帝未复位号之先故仍称 郕戾王而景泰七年事遂附英宗实录之内部覆极为详明第事体重大年岁久远如欲更定须自 圣裁今

景皇帝位号已复不过于

实录内改正其理顺而事亦易惟建文年号自靖难以来未有请复位号修

实录者事繇创举未经会议臣等擅难定拟伏乞 圣断施行 上谕

景皇帝位号已复实录候纂修改正建文年号仍已之

○南京户部右侍郎方弘静引疾乞致仕不允○癸巳礼科给事中王士性请开复黄河故道以图永利谓自徐而下河身日高而为堤以束之行堤上与徐州城等束急流益迅委全力于淮而淮不任故昔之黄淮合今黄强而淮益缩不复合矣黄强而一启天妃通济诸闸则黄捣运河如建瓴高宝一梗既江南四万石之运坐废淮缩则退而浸泗为 祖陵计不得不为石堤护之堤增河益高根本之虑不亦可虞也哉河至清河向南冲者凡四折而后出海淮安高宝盐兴盖不啻数百万生灵之命托之一丸泥决则尽成鱼鳖将奈之何而纷纷之议有欲增堤泗州者有欲开颜家河灌口河永济河南甃高家堰北筑滚水坝者近议开月河草湾落崔镇三坝如蚁穴漏卮补救迄无宁岁总不如复河故道为一劳永逸之图也河故道繇桃源三义镇达叶家冲与淮合在清河县北别有济运一河在县南盖支河耳河强夺支河直趋县南而自弃北流之道久且断河形固在也自桃源至瓦子滩凡九十里地下不耕无室庐坟墓之碍虽开河经费视诸说稍倍而河道一复为利无穷矣< 铨-金 >下行河者议

○兵部题四川抚臣徐元泰奏称灭贼有期抱痾增剧乞命按臣代报功次盖忧谗畏讥之心也然大小功次奏报于督抚查勘于巡按例也乞敕自行奏报无庸避嫌 上是之

○甲午命原任翰林院修撰舒芬特加赠谥原任河南道御史傅应祯量赠一官原任礼部尚书陆树声遣使存问从南京礼部尚书姜宝请也其原任淮安巡抚都御史唐顺之祠额免

○都督李文贵卒妻俞氏奏乞瞻姜地亩部议以例请裁 上谕以仰体 圣母慈爱特许之后不为令○户科右给事中胡汝宁奏火灾叠见修省宜加今四川之剿除未宁郧阳之悍军攘臂辽左之属夷正在议处火为兵象乞敕当事诸臣毋贪功以轻动毋妄杀以伤和务酌抚剿之宜期为万全之举以不戢自焚为戒盖因木厂草厂之灾灾也< 铨-金 >上报闻

○改山西副使许应逵为湖广副使专管苏松水利特给敕书关防

○升延绥游击刘承思石门参将

○乙未敕吏部内外考选诸臣鳞集阙下务严行＜言恣＞访要以志节坚贞操履清介为上参之才识抡选得人以端始进从御史吴达可请也

○丙申升湖广参政范谦山西按察使管倒马龙泉三关谦忤故相张居正自翰林外调至是渐加向用

○丁酉 武宗毅皇帝忌辰遣成安伯郭邦柱诣 裕陵行礼

○大学士申时行等奏数日以来不奉天颜殊切驰恋正欲具题恭候适文书房官李兴传圣体尚未即安暂免朝讲仰惟 皇上以鼎盛之年元神独王当春生之候壮火易升以故暂尔违和当自勿药但保身之道以清心寡欲为先摄生之方以固气宁神为要伏望皇上珍调饮膳慎节起居以凝宇宙之和防阴阳之沴犬马下情不胜瞻仰恳祈之至

○原任兵部左侍郎邹应龙因巡抚云南失事论夺至是命复其官以巡抚陕西右佥都御史王璇奏其任御史时论劾权奸盖棺论定请破格优恤以励臣节也

○陕西起送法藏等陆寺番僧相竹领占等三十人好地坪等族番人郝百等二百四十七人寨坪等族番人羊加保等一百二十七人各贡方物如例赏彩币银钞有差○工部覆巡抚浙江都御史滕伯轮题重修海盐捍海石塘凡十款大略委官经费储材鸠工切要事宜上允行仍令抚按官用心督率

○戊戌升甘肃巡抚曹子登都察院右副都御史巡抚如故子登三年考绩多斩获功故有是命

○升甘肃守备姜直延绥游击

○己亥先是都察院左副都御史魏时亮条议浚筑储蓄导利平贼清狱弭盗善俗七事欲令巡抚官责成守令每岁终逐一分款注册送吏部院科稽核犹恐开报不赏每三年定为会纠之法如拾遗例其岁报文册通入科院考成例内以凭综核至是复以目击乱民拯灾无术并陈吏治民瘼责在所司部覆概为申饬诏如议行○庚子兵部题各边马价旧例俱听市完解给但货物收办宜早而钱粮预借甚难又站银积逋至二万五千余两边人困苦极矣总督三边郅光先请先给市本及催解站银以苏军累亟宜咨行 上从之

○复除原任副使赵钦山东副使

○辛酉升成都知府耿定力福建提学副使

○谕都察院点差御史如遇免朝三次着具奏请点盖因尔时临御稍间御史为弹压要相故急之

○改土司思明州属太平府辖治时思明土舍黄拱圣阴谋夺袭纠多凶杀母兄黄拱极五命而思明知府黄承祖乘乱掠其村寨为之援抚按请以黄拱圣及多凶正法思明州改属流府革黄承祖名爵立功自赎而追其所掠更令族人黄恩护拱极妻许氏抚遗孤世延待其长官之

○应天府尹许孚远乞致仕刑部右侍郎何源引疾乞休俱不允

○癸丑巡抚陕西右佥都御史王璇奏巩昌府陇西县天鼓鸣请申飭边政以备虏警

○壬寅升云南参政彭应时广西按察使

○癸卯巡按云南御史苏鄯勘劾破緬功次虚妄不可信者七一查前报四寸内緬兵数万见割遮浪五月十七日迤西蛮莫合兵杀死者无算随领部众至腾冲贡象归款今乃云向往未知至六月初五日即报緬兵已到密堵夫密堵离腾越四十五程去摆古约三十程何往来不及一月也一查河瓦江在猛密南威緬隔冈勒北原非策应顺路道臣李材向于永昌创院讲学七月十七日乃其生日游击刘天泽以初九日赴贺府官悉与面见< 銙-金 >内发兵次日未尝离腾越一步今乃云贼栅以阿瓦江为险本道移驻腾越刘游击进驻威緬何也一查密堵正迤西败緬之地原无城守与遮鲁博薛等处皆村寨或傍密堵或近蛮哈相去远甚緬兵从在败归夷酋方来投报今云七月初八日发兵东破遮鲁八城十三日至密堵大战当在何时也一据报破緬众万擒斩三千余级炎瘴难运标积听验今查见级不满一千其余俱称思化烧毁夫首级未运应在密堵运回应在腾冲思化江屯相去各数百里未尝交战何从被毁也一据报夺回夷民一千二百四十名口生擒六百八十九名今查夺回者未见给还何部生擒者未见安插何所诘之第云各夷不肯解出夫既系官兵夺回何被各夷执留明乎擒夺原出各夷而安插尽属饰说矣一据报遮鲁八城每城约兵二千密堵精兵二万战象数百乘胜追杀尸横遍野果尔则器械亦应山积矣今查所获象二只夷器六十三件而已岂数万贼兵皆张空拳就死耶一据报连克八城拓地千里似皆归受约束矣今查猛密为緬兵屯据蛮莫为思化驱略三宣以外尚未屈服岂诸夷倔强尚在数百里内而开拓顾踰千里乎总繇道臣李村虚望骤跻急欲以边功自见抚臣且为所欺而郡将又何论也< 銙-金 >上命部科参看来说

○兵部题改平梧二府清军同知各加江防职衔府门等五驿为水马驿从两广督臣吴善请也

○升浙江副使胥遇云南参政○丁未兵部题陕西有罗哩贼之变从秦州石门山据险立寨敌伤官兵各经抚按会报至今尚未削平宜申速行剿除之令上俞命督抚上紧剿捕以靖地方

○巡抚南赣汀韶都察院右佥都御史秦耀会江西巡抚陈有年巡按朱鸿谟复议岑冈善后事宜五事一兼节制以便机宜一增官吏以镇要地一置徼巡以守险厄一复额兵以资捍卫

一移营兵以急调度章下兵部

○补荫原任巡抚张玘孙男张维送监读书

○戊申吏部都察院题考选行取博士中书行人推知等官安文璧陈效荆州俊霍从教潘士藻张天德陈子贞龚云致梅国祯连标王道增周班爵李化龙李光祖崔景荣管九皋陈达张季思曹楷颜洪范方万策何出光赵一鹏王麟趾陈扬善刘寅李自谦俞咨禹凡二十九人各志行端谨器识老成足任风宪之司分注南北各道御史试职张应登丁懋逊李汝相李献可任让李周策吴文梓孟养浩杨文焕杨恂李文郁罗万程章尚学李汝华杜华先徐常吉凡十七人各练习朝常丰采凝重足任补救之司分注南北各给事中
上如拟仍训饬靖共以无负考选之意

○升工部郎中周梦暘浙江副使

○辛亥国子监祭酒田一俊奏为奉旨较刻十三经注＜ 铨-
金 >尚书先完恭进御前命留览

明神宗显皇帝实录卷之一百九十六

明神宗显皇帝实录卷之一百九十七

万历十六年四月甲寅朔 上御殿享 太庙

○准截留漕粮二石万发凤淮扬滁四府州平糶赈饥从漕臣舒应龙请也

○直隶巡按御史乔璧星奏河道冲决为患请率旧典复设专官以一事权盖自古治河止于除害我国家仰给东南岁输四百万石自淮至徐实藉河利顾溃决浅涩之患往往有之永乐九年分设部司督理或命部院大臣往视事已辄罢正德四年乃议专设宪臣为总理河南之开封归德山东之曹濮临沂北直之大名天津南直之淮扬徐颍咸属节制建牙如督抚重河防也然理河者不复虑漕而理漕者亦不复虑河则亦专设河臣之衅矣万历五年偶因两臣意见相左遂并河于漕在河南山东北直者以巡抚兼领之责分而官无专督故修浚之功怠于无事急于临渴河患日深顷者勘科常居敬亦有专设大臣之议非直备官要在得人试按嘉靖以来河渐北徙济宁以下多淤而刘天和之修复鲁桥朱衡之开通南阳潘季驯之浚刷崔镇河道赖之此专设得人之明验也< 銑-金 >下部覆如议上命督河再设以老成才望者任之

○丙辰巡按直隶御史任养心劾辽东总兵李成梁父子兄弟列据宣辽蓟保恐有尾大之患谓石亨仇鸾未叛时并先握兵柄幸皆早发其奸扑灭故易今成梁驻辽左如松驻宣府如柏驻密云成材驻黄花而李平湖李兴李宁王维藩皆姻旧厮养为列镇参游不可胜数环神京左右蟠据横骄莫可摇动而如柏贪淫跋扈犹甚若驱逐后时恐生他变 上命如柏革任回卫听勘仍谕朝廷论功使能只要尽忠报国若以父子兄弟并用辄加猜疑则任事之臣何以展布成梁等勿得牵及

○丁巳兵部覆议陕西巡抚王璇因天鼓之变请饬边备谓丙兔克臭等夷勾结抢番宜行大同甘镇驱逐回巢如必蟠牧西海听其五市暂系虏心勿令复入莽刺以静洮西而安生热之命 上如议

○南京国子监祭酒赵用贤条上申饬南雍七事一复勋胄入监之制请命公侯驸马伯子孙非从成均教习者不准承袭一修遗贤荐用之典请录用举人邓元锡刘元卿王之任一严监生久旷之罚岁久不复班者竟黜即举贡不少假借一查银两积逋之弊请载入考成一正儒臣崇重之体请定司业朝班六堂迁转与北雍同一禁在监加纳之例谓方在走班已先纳选朝而衣巾从容班次暮而冠带招摇闾巷非所以肃教政而抑奔趋也一复监试防简之役请用五城弓兵并供祭祀洒扫部覆允行刘元卿咨取会试邓元锡议用王之任给冠带

○戊午兵部题云南远在炎荒诸夷杂处自莽酋倡乱以来增兵添饷设险营城通血脉于三宣固唇齿于六诏业不遗余力矣用是蛮莫诸酋曩为緬贼所劫者今皆合兵攻緬以树功一时将吏宜奖录示劝使之鼓舞向化已耳乃原任按察使李材副使陈严之等张星攘窃饰虚为实如勘臣苏鄴纠劾七事将何词以自解乎请究斥如律

上怒其欺罔命逮治材等镇臣沐昌祚夺禄米一年抚臣刘世曾斥余依拟

○大学士申时行奏滇南功次原系蛮莫罕送拒敌緬兵之功事在土夷宜从实奏报乃刘天俸既贪其功以为已有李材又张其功以报上官陈严之附会饰虚宋儒陈克侯扶同结勘罪诚不宥至于刘世曾沐昌祚虽会本报捷原请行御史勘覆盖一时轻信之失情有可原罪当未减臣又思云南万里耳目难真欲张其功固易于夸称欲文其罪亦易于谤毁先年因循养患以致緬寇猖獗近年选将用兵擒获岳罕边境始安盖 皇上委任边臣展布之明效也今处分太重则土司有轻边臣之心边臣遇事务为引避谁复有血诚任事之人哉臣等以为李材陈严之既已去位即镌秩已不为轻刘天俸辈行御史提讯亦不为纵若緹骑四出殊骇听闻请霁威矜宥 上弗许

○荫原任兵部右侍郎王元敬孙王承芳送监读书

○直隶大名河南开封等五府水旱相仍饿殍载道从御史孙琬奏发归德米价银五万两直隶存留银七千两分行赈济

○赐原任兵部侍郎邹应龙祭葬如例

○巡按广西御史孙愈贤奏西南地方虽不至如山狭之久旱吴越之洪水而兵戈饥馑之苦千里萧条宜随事加恤条上四事一裁减地方免其入覲以省道途之费一禁盘仓库妄报羨余以免波累之苦一远官文凭咨院行巡按衙门给发以杜赍索之弊一盗劫严为捕捉无滋宽纵之害章下所司○己未 上视朝行取翰林院编修邓以赞充起居注馆编纂章奏官

○以文体险怪夺浙江提学官苏浚等俸各两月

○庚申兵科给事中张希皋奏辽左猛骨那林之剿顷报破其寨栅者斩首五百余级二酋乞和歹□效顺中国可谓张挾伐之威寒毡裘之胆矣顾二酋负险筑坚输服恐未可信而建州夷奴儿哈赤及北虏恍惚太结连助逆实烦有徒不可一日而忘备也一切善从事宜乞敕抚镇从长酌议具奏章下兵部

○工部覆科臣常居敬条上漕河事宜一严启闭以杜淤塞请岁行申飭山阳通济等闸三月初运毕即为封锁瓜州二闸俟苏浙运毕封锁官私船只照旧车盘势豪干挠者法无赦一催粮运以谨河防谓四月黄水生则河波运先于波则坝可筑而白粮一运每至愆期不得不缓坝以待之宜督所司填注限单务令先后漕粮次第过淮以便修筑一议钱粮以助河工谓河工银岁额三万而费至六七万每以不敷停修贻害不小宜核所在逋负立限追解无为墨吏积胥所没以致匱竭无措一稽工料以资实用谓桩草绳纆灰石之属皆河工急须而名实不相覆上下因循恣为奸弊宜慎加厘飭及修筑未久旋报崩溃者追还料价一重修守以谨河防盖治河如治边防水如防虏边臣守边有叙劳之效而河臣奔走风涛拮据之苦视边臣尤甚宜于岁终分别纪录三年类题果有成劳予之优擢则人心竞劝而河防益饬 上依议○

辛酉御史秦大夔因监斩强盗六名皆缉访所得奏称旗尉贪功缉访不必尽真一送镇抚司严刑之下何所不承万一未确恐干天和而召灾沴请敕厂卫慎于缉拏法司详于驳讯即临刑称冤者仍许停刑覆奏＜ 铨-金 >下刑部覆请不允

○改贵州巡抚右佥都御史萧彦巡抚云南

○广东巡按御史蔡梦说勘核岭东剿平岑冈功次擒斩二百四十六人俘获贼属四十口夺获器械牛马若干安插男妇一千五百五十丁口俘虏除审决及监故外惟有江梁彩等四名俱幼监候待长发边远充军调度文臣吴文华等及将士洪梦鲤等以次议赏报可

○兵部覆云南按臣苏鄯题躬览地势参酌时宜分别南北夷虏之情权衡制驭缉宁之策条为四事一并将权请于腾越置参将一员统兵二千为迤西等司声援姚关顺蒙各改守备一员俱听节制一省兵费请命腾永临安二参将所辖兵食随地取给不烦远运土司岁纳差发即令改米分贮以充行粮一毋广边地请以户撒等田悉给陇川猛卯等田悉给多俺盎西岳元等寨悉归本酋蛮夷祸本已伏速应扶立罕送俾之统集部落招抚夷民而参将驻兵遥为之势一切远戍驿卒并皆报罢一毋轻边任请于金腾临安精择兵备二员金腾道并辖顺蒙澜沧道移驻北胜以便调遣而资弹压三年一查核一切擒斩小捷不得要功混报诏依议行

○升参将解一清梁文各副总兵协守蓟镇宁夏

○癸亥谕户工二部朕念各处灾伤小民困苦节次蠲赈一应救荒事宜已敕所着实举行近有无藉奸徒借言饥荒聚众抢劫有司莫能禁制渐不可长各抚按务督率兵备徼巡官遇有乱民即时擒获梟示前有旨朝廷惟恤饥民不宥乱民抚按官毋得姑息酿患并察有司严禁科派轻省差徭减削浮费多方处赈以安地方其民间米价及往来贩籴有无通融听民从便如有逼勒减价闭遏籴卖者以故违明旨论行与抚按官知之盖从辅臣之请也

○勘理河道科臣常居敬会同督臣舒应龙再上河工一十四款一开建闸座以便防守议于古洪闸外加镇口闸一座外御浊水内蓄漕河一接筑缕堤以防中溃计自茶城以下塔山支河西岸起至河口止长五百丈阔四丈又补筑旧河缺口一道长六丈一议修坝埽以防危急王公堤累经冲决与黄河止隔丈许两河夹之势最危急议于本堤设法增筑实土石于鴈翅之内密钉桩木于卷埽之外并设顺水坝一座逼水北流一开创月河以避冲决谓既设顺水坝以逼黄河之北流复于运河之南开月河以引漕水之南去则二水相隔颇遥时加培筑可保无虞一筑宝应西堤以束漕流盖宝应湖口运道所必经近来挑浚徒劳浅涩日甚缘水势散缓泥沙易停议于阳山一带培筑西堤以束水势令无壅淤则粮艘不阻一砌邵伯湖堤以免岁修盖邵伯湖一浅二浅等处正当波涛冲击而排桩厢板其何能御应尽包石以捍其锐一浚理河身以利长运自淮安至仪真内河旧三年一浚后岁一浚之久之且置勿浚矣合于重运过毕清坝工完之后乘时挑浚并查复浅船之制一酌议分地以便责成以梁境至首闸属之夏镇主事茶城至清口黄河属之中河郎中而夏镇及南旺两主事并给关防敕书视河道郎中例以重事权一移官夫以资策应吕梁徐州二洪水势既平洪夫稍暇且属流寓随地

可安议拨六百三十三名均派新旧五闸余者留二洪拽运而管河同知改住境山策应一设山阳长夫以便河工盖山阳河夫向皆市俚雇觅故增减之弊滋而逃亡莫可禁议令诸俚入银官雇注名立册按册拨夫实为长便一寝开支河以防善淤盖闸河水泉不多难分为二宜寝其工一查议故道以省繁费盖闸河出口无不与黄值即改避而南亦难远害况弱汶之流不足以湿淤沙故道之议固应并寝一停拆三坝以保成功崔镇徐昇季太三坝原为洩水而设议拆者为其高而坝外堤岸更高于坝是存之未碍宣洩之利拆之反滋泛滥之虞也一停浚草湾以节财用草湾一河阔二百余丈先尝开之以保淮城耳淮黄之水藉以分流而开塞靡常无烦浚凿俱如议行

○原任少傅兼太子太傅吏部尚书武英殿大学士郭朴奏妻李氏封一品夫人病故乞求例恤命如例加祭一坛

○甲子升国子监司业王祖嫡司经局洗马兼翰林院修撰充 玉牒纂修官

○南京国子监祭酒赵用贤奏求修理国学以肃教政许之

○升大理少卿许子良都察院右佥都御史巡抚贵州

○延绥副总兵臧士劝蓟镇游击庄盛谷革任回卫抚按劾其不职也

○乙丑 上御经筵赐三辅臣藕鲜○大学士申时行以六年考绩乞致仕< 铨-金 >曰臣草茅微贱幸以章句笔札周旋 世穆两朝暨事 皇上不自意蒙过误之宠拔之讲幄滥厕纶扉十有余年于兹矣臣才最下秩最崇望最轻恩最重岂敢遽图私便仰负 圣明顾臣叨一品六年属当再考绩殿最有成课黜陟有旧章而臣自考甚真当去已审盖臣弼臣也燮理赞襄实臣之责而顷者天鸣地动水潦旱乾岁屡不登人至相食流民因而劫夺悍卒每至噪呼纲纪之凌替可虞习尚之倾危难挽臣日与本兵忧盗计部忧民而拊膺自伤束手无措徒有旷瘵之咎曾无匡济之能臣之不职可见于此矣况臣秉受素薄血气早衰五十以前须发尽白今踰五望六怔忡多悸恍惚善忘且渐成重听其何以赞佐万几仰承清问当艰钜剧烦之任乎伏乞 皇上察其惓诚怜其疲蹇特赐休致以终余年得旨卿历一品方及六年恪秉忠诚勤襄政务正倚匡弼共济时难岂可无故辄自引去宜即出辅理用副眷怀时行复上< 铨-金 >曰臣本以拘方陋质寡与孤踪行能无述于官评名实不孚于物望皇上如天覆冒擢臣于最疏最贱之中如日照临全臣于多凶多惧之地至于历试罔效积愆已深犹然不即弃捐更加优奖何缘原幸有此遭逢即犬马无知尚感恩图报何敢哓哓 君父之前以必去为洁哉顾臣仰思国家量能授任因事责功其在诸司亦宜简核况在密勿之地表率之司乎以臣虚庸久处非据将使物情滋玩政平益轻臣之当去一也材具长短器局小大禀受一定难以强为臣无他技能谬当烦钜居常坐守已觉难支况时事孔艰忧虞毕集非卓犖恢弘之略何以成扶危济困之功至于僨轅而后治臣之罪则已晚矣臣之当去二也人臣之义罪莫重于妨贤耻莫甚于贪位诟莫大于不知止即臣束发闻教澡心奉公不敢犯天下之公议然叨冒已久官阶已极天下将有据臣之迹而疑臣之心者臣进不能奉公修职

退犹可免三者之讥以无为

圣明知人之累臣之当去三也臣自受事以来绝不敢无故自引以虚文渎 圣听今兹陈乞实出悃诚伏望俯允得旨卿为元辅公忠清慎茂著勋劳朕所眷倚先年首臣有历六七考尚留者今才再考精力方强何忍遽尔言去还遵旨即出佐理称朕任贤勿贰之意明日特遣文书官吴忠奉 手敕至私第谕曰水旱为灾人民相食父子流离乃朕之愆非卿之过卿清公端谨硕德元辅正赖赞襄朕躬以匡济时艰岂可累< 铨-

金>求退即出辅理不必再辞复令忠口传 温谕固留时行乃上< 铨-

金>称谢曰伏念臣以蓬茅贱士章句陋儒因缘 圣明之知冒滥枢机之地叨跻一品虚历六年曾微启沃之嘉谟终鲜匡襄之善术惟是愆尤累积以致灾沴频仍瘝旷为惭省循知惧在 圣主尚侧身而引咎况微臣敢窃位以妨贤爰布腹心用祈骸骨幸免谴呵之及更蒙涣汗之颁 天语春温三接恍承于画宸章霞烂十行惊坠于云霄再烦敕使之叮咛益荷 圣慈之眷注臣何缘何幸被此殊私敢不祇承翼命仰体渊衷绎公清端谨之褒务拳拳而佩服率匡济赞襄之训期勉勉以持循珍袭纶音尚永作镇家之宝捐糜顶踵矢无忘报国之忠○调京营参将陈汝忠钱禄分守蓟镇宁夏各参将

○丙寅 孝懿庄皇后忌辰遣南和伯方烨 昭陵行礼

○升大理寺左寺丞李栋本寺右少卿

○丁卯左都御史吴时来覆参诚意伯刘世延先是礼科侯先春御史王藩臣等交章论世延夺刘塘为己田截芦课为己有骄纵不法自 皇祖至 皇上朝累经削夺禁住羁管而旋复旋肆罪宜深究世延< 铨-金>辩谓刘塘田虽经题覆分给与民原非特旨既准复爵补支禄米则二业当并复花利当并追何谓抢夺芦课银一百九十八两为伊子那移买米之用未尝侵费诸论已者皆承望江陵风旨杀人媚人偏仄苛求为舍沙反噬之计耳时来谓其怙恶不悛宜就夺田截课二事行令抚按讯究如法不应以世功而姑贷也
上报可○升延绥游击刘斌□金榆林参将调神机营参将胡承勋分守蓟镇

○戊辰命吏部左侍郎朱赓回部管事兼经筵日讲如旧

○升大理寺右寺丞吴定左寺丞御史韩国禎大理寺右寺丞

○南京礼部尚书姜宝再上< 铨-金>乞致仕

上谕以朝廷斟酌大臣去留原据公论姜宝还遵屡旨供职不允辞

○庚午命礼部左侍郎兼翰林院侍读学士掌詹事府事王弘海兼管教习庶吉士升左庶子兼侍读刘虞夔太常寺少卿兼翰林院侍读学士掌本院印信经筵日讲如旧

○赐三辅臣申时行等及日讲官朱赓以下银铤彩扇有差

○升行人司副董裕尚宝司丞

○原任南京礼部尚书何维柏致仕卒于家赐祭葬如例仍与谥○工科给事中梅国楼荐原任刑部尚书潘季驯堪总河之用时季驯已镌职为民而科臣谓其向在河上有筑浚功会李栋董子行蔡宗周常居敬亦先后荐之故部覆起都察院右都御史总督河道兼理军务上俞之赐敕即任

○升南司业余孟麟司经局洗马仍管司业事

○辛未兵部奏覆南赣抚按议岑冈善后事宜凡五事一兼节制以便机宜盖虔岭虽分两省而盗窝连结有同舟之义故惠州之和平龙川兴宁潮州之程乡平远与赣之龙南定南长宁实相唇齿应以惠潮五邑听赣抚节制一添官兵以扼要地赣镇长宁县新设营兵无几而声势阻绝难以防御宜加募土民合之足五百名内分二百名哨守丹竹楼地方一置巡司以守隘境大墩巡司先移于丹竹楼后移于张千寨今宜改移于丝茅坪与丹竹楼营兵为犄角一复额兵以资捍卫会昌羊角水堡地交闽广乃盗贼出没之区而额兵久耗缓急难以分防宜量加足四百五十人之数粮饷照各营土兵例给一移营兵以防不虞东桃直达广东翁源诸处实要害之冲宜拨大营兵二百人以千夫长统领守之庶得防门庭以固堂奥之策诏如议行

○壬申蓟镇总督张国彦上开原剿抚功次下兵部议

○升参将王维贞副总兵协守辽东西路

○丙子 上视朝

○巡抚江西右佥都御史陈有年以灾伤引罪乞休不许

○丁丑赐大学士申时行纁丝四表里内大红织金斗牛一表里钞锭羊酒遣文书官赍送私第时行上< 纁-金 >谢

○巡抚四川兵部侍郎兼右佥都御史徐元泰考绩自劾命视职如旧○戊寅吏部奏大学士申时行六年考绩 上谕元辅恩礼宜从优厚具覆特加左柱国兼支尚书俸荫一子中书舍人给与诰命赐宴礼部时行上< 纁-金 >辞 上谕卿殚心体国秉正奉公佐理勤劳已及再考酬庸懋赏国有寻章宜遵成命所辞不允时行再具< 纁-金 >辞曰 君命崇严臣敢不以顺承为敬所有左柱国及诰命荫子不敢渎辞至于三俸兼支部宴再锡臣有万不能安者伏望允辞 上谕卿以时艰再辞具免劳谦部宴准所奏免仍折宴赐银弊其加俸尚遵旨勉承用副优眷

○兵部奏叙那卜二酋剿捷功次卜日祭告 郊 庙宣捷称贺报

○己卯册封遣通政黄克念修撰余继登寺丞王汝训户科彭国光等中书舍人李茂功行人罗大竑等充正副使诣吉王等府行礼○辛巳调云南佥事伍让贵州提学佥事

○河南饥广西御史陈惟芝奏臣乡异常饥荒周南尤甚人民相食枕籍死亡满城满野有郑侠不能绘者露根之余可为寒心虽节经 敕谕奉行者缓不及时与其待既毙而赈不如存而赈之为有济也请发怀卫见贮仓粟七千石 上允

明神宗显皇帝实录卷之一百九十七

明神宗显皇帝实录卷之一百九十八

万历十六年五月癸未朔以端午节赐三辅臣及日讲官金书黄符艾叶

○改宁前游击为西路协守副总兵驻劄前屯其备御移驻中前所听协守管辖从督臣张国彦请也

○升都司许大成蓟镇游击

○甲申 上将御经筵以 圣体未敢传免大学士申时行具＜ 铨-金 ＞恭问

○命翰林院修撰萧良有充起居馆官编纂六曹章奏

○吏科都给事中张鼎思＜ 铨-金 ＞考察届期条列五事慎奏留禁馈遗详咨访裁供亿核名实下部院议

○乙酉 上视朝廷试天下岁贡生分上中下卷上中准贡下卷发学肄业仍将提学官照例查究○丙戌升陕西按察使艾可久本省右布政使

○勘科常居敬＜ 铨-金 ＞新运已临天时亢旱再条八事一浚泉源以资灌注一复湖地以预潴蓄一筑汶河以防渗漏一建闸座以便节宣一设闸官以肃漕规一给关防以重事权一严筑坝以便挑浚一复夫役以备修防部覆如议

○湖州饥巡按御史傅好礼动支漕折银一万两赈济先发后□部覆免议责令如数抵解仍申敕擅动之罚

○丁亥赐三辅臣上尊珍饌

○辽东总兵宁远伯李成梁以御史任养心有言引罪乞休并请罢斥弟男李成材等上不允谕令尽心任事

○礼部题原任礼部尚书陆树声以二品致仕年踰八十齿德并懋请行应天抚按官存问如礼 上允行

○戊子 上视朝

○调湖广按察使黄鹤陕西按察使升湖广参议王毓阳本省按察使

○命原任兵部尚书凌云翼革职闲住以先是应天抚按劾其纵子及仆毆儒致死二命至是

法司覆议以闻也生员章士伟者云翼年家子与云翼仆韩文因典房起争被毆未几死诸生诣云翼诉之入而门闭大被挞辱秽污满体已毆之阊下裸而出之诸生张元辅不胜愤自经台省交章论劾故有是命

○己丑 孝宗敬皇帝忌辰遣宁晋伯刘应元 泰陵行礼

○庚寅巡抚延绥右副都御史梅友松奏神木孤山两地三月内营军以月粮久虚相继鼓噪首恶业行梟示而军政之不立实缺饷致之请敕严催徵解以杜后患章下兵部

○南京礼科给事中朱维藩奏救荒一事古无奇策唯在当事者殚竭心力于无可为之中求为有可救之策斯无负设官养民之意而民生攸赖矣今淮扬凤泗民饥相食江浙米价腾贵救之当议远采而委之无银无谷则设官谓何请责成有司曲为那借尝忆臣为令时偶遇织造无措本府查吊库册择稍缓者动之未尝称乏则他县可知也此外有兴作一法范仲淹领浙西遇荒岁凡仓廩吏舍寺观诸所悉皆鼎新时吴中大饥而杭不称害者以此矧今不容己之役固多也请敕查议酌行< 铨-金 >下该部

○辛卯 上御皇极殿鸿胪寺宣奏捷音百官致词称贺祭告 郊 庙

○壬辰河南等道御史姜璧等条上考察事宜凡五事急先务以奠民生严考核以核吏治精考注以别淑慝速回任以免营馈慎署篆以杜侵扰< 铨-金 >下部院

○工部奏河南巡抚衷贞吉题报 潞王府第工竣原估六十万今止用其半而规模宏丽足壮维藩上加赏有差○癸巳河南道御史杨绍程以郟阳军变劾参将朱万春实为乱本营兵非万春令不敢发且以行都司改儒学论已经时勘以数次何以寂然无声万春方至而辄有烦言宜穷究正法诏勿问

○南京刑科给事中徐桓奏川南擅征赋乃马湖推官吴时泰为之倡首不意酋诈降掩袭都司李献忠等全军覆没今且罪在必讨然种烦地险势难尽剿宜扩抚绥之仁薄行调度之罚不宜穷讨以滋边衅< 铨-金 >下兵部

○兵部题叙辽东抚镇将领功次李成梁岁加禄米五十石张国彦顾养谦升俸一级予勋阶诰命仍与成逊吴希汉等各赏银币有差

○丙申兵部尚书王一鹗及蓟镇总督张国彦辽抚顾养谦先后各< 铨-金 >辞辽功赏赉不允○赐翰林院修撰舒芬赠左春坊左谕德谥文节

○己亥升陕西僉事朱正色本省副使分巡西宁

○辛丑升参议袁弘德肃州副使抚治番夷

○癸卯升山东佥事陈文燧陕西右参议分守西宁

○乙巳谕礼部朕见入年以来天意叠见春则草场煨烬昨又雷火仓廩军粮草束国家之重务军民之至要者方今天下灾伤重大民穷时艰之日又上天警戒尔部便行内外官司痛加修省是时山狭河南江浙南直诸处并告灾困诸司抚辑赈救之< 铎-
金 >日上而乞无奇策故特有是谕

○丙午调广东按察使陈瑛山东按察使备兵徐州

○丁未 上御皇极殿

○大学士申时行等奏上 太祖高皇帝 成祖文皇帝实录各十五卷○吏部奏题考选知县等官叶初春兵科董道醇南工科各给事中林道南湖广道林国材山西道陈忬广东道袁应文贵州道王以道南贵州道各试职诏如拟

○改南京兵部员外郎张一桂国子监司业仍支正五品俸

○戊申太子少保礼部尚书沈鲤题奉 圣谕修省请饬内外臣工勤修职业更愿我 皇上绎节用爱人之旨思财散民聚之言供亿营建有可减省者酌议蠲贷则民心悦而天意可回矣 上谕近来各官宴会往来废坠公务奢侈耗费屡行禁止肆然不遵今后勤慎职业毋但虚文塞责如仍前不遵科道官指名参奏所议俱依拟行

○己酉刑科给事中杨文焕< 铎-

金 >天灾流行安民无术劾王道亨郑承宪凭恃戚畹肆毒小民诸不法事 上谕戚臣受国厚恩当安分守法何以辄行横肆郑承宪王道亨应如法即讯姑以宽政全亲亲之谊听其省改< 铎-金 >内多犯都付法司提问

○巡抚延绥右副都御史梅友松奏称前任右佥都御史考满历有边功屡经赏赉乞比巡抚曹子登例荫叙许之

○山东巡抚右副都御史李戴题称鲁王颐坦捐禄买粟至一千二百余石以助赈恤上赐敕奖谕

○升户部郎中陈朴湖广副使蕲州江防

○庚戌升保定知府顾显仁河南副使分巡汝南

○辛亥祭 地祇于 方泽遣文徐文璧代

○壬子巡抚山东右副都御史李戴奏祈祷不效弭灾无术引罪求罢时四方旱报日至戴奉命躬祷泰山而雨泽未遍故有是< 疏-

金 >得旨抚臣受事一方岁灾民困正当竭力分忧岂可辄自引退李戴不允辞

明神宗显皇帝实录卷之一百九十八

明神宗显皇帝实录卷之一百九十九

万历十六年六月癸丑朔原任吏部尚书严清奏谢存问报闻

○命按察使丘浙知府杨沂周良贵致仕参政应存卓林偕春调用以吏科张鼎思劾其不职也

○升遵化守备朱士元昌平游击

○甲寅原任郧阳巡抚右佥都御史今逮问李材奏辩御史苏瓚论劾事大略谓臣任云南金腾兵备见岳凤虽擒緬贼犹肆土夷猛养蛮莫皆叛附之岁为边患臣思二酋不归边无息肩之日多设间谍谕以祸福令其诛緬自效大朗长者緬腹心也散夺緬官目也二酋入间前来受计既而緬贼果遣兵三万驻割遮浪前来报讎猛养惶惧乞救臣命游击刘天俸等领兵星赴会剿乃有遮浪之捷刘天俸初报获功数可盈万生擒五千值臣叨升郧抚陈严之就近交代理难久羁不及候级到到矣越月而巡抚刘世曾肖验情实乃以 上闻将吏之结勘抚臣之验奏皆臣行后事臣待罪家居忽接邸报按臣苏瓚论臣欺罔谓土夷合兵功緬不属天兵夫以夷攻夷听我调度即我兵耳前者蛮莫叛三年猛养叛三十年一旦而为我杀緬谁使之陈严之乘破竹之势收抚送速遮些儿五十余处皆二酋归附之余威也若曰杀虏夷商彼蛮江漳毒千里无人矧兵争之日声息久传夷商何为送死战场侧耶臣先年叨任广东以一道之力破斩海倭山寇四千有奇卒以忤时投闲畎亩兹臣犹前志也自甘枉死能不令边臣灰任事之心哉< 銚-金 >入 上切责李材奉旨提讯应候到日问理何得辄光奏辩< 銚-金 >下所司○乙卯赐原任礼部尚书何维柏谥端恪

○禁见官生祠行抚按查毁参治从科臣李汝相< 銚-金 >也

○升广西参政沈应文本省按察使礼部郎中张志湖广参政分守荆西广东副使徐应奎本省参政分守海北

○丁巳吏部遵旨题升钦降官员州判张鸣冈左之宜顾宪成高维崧常州等府推官上依拟

○升归德知府谢裘广东副使彰德知府陈九仞河南副使

○升真定守备杨方亨遵化游击

○戊午都察院右佥都御史詹仰庇< 銚-金 >我朝修身体道妙契圣真如薛瑄胡居仁陈献章王守仁既得从祀如罗伦罗洪先亦以理学纯修得文恭文毅之谥皆六品清秩仰被华褒诸臣之外有南京国子监祭酒蔡清笃学著书清标振俗先识宁藩之逆节累辞通要之升除朝论学宗居然先德从祀易名不愧前哲诏下礼部议覆予谥文庄从祀另议

○己未勘科常居敬奏黄河故道开复甚难宜罢役而警家营支河之议起

○庚申京师地震

○大学士申时行等＜ 毓-金 ＞问 起居以朝典久旷 圣躬在摄也

○升巡抚应天右副都御史余立南京大理寺卿

○升湖广都司尹邦宪郟阳参将

○山西道御史陈登云＜ 毓-金 ＞请册立 东宫并究戚畹郑承宪骄横之状上不报

○壬戌大学士王锡爵以三年考绩赐钞锭羊酒＜ 毓-金 ＞谢 上报闻○癸亥蓟镇督抚张国彦等奏属夷干多罗忽令部夷扯落等冲放筏板潜入潘家口杀死运军二人夺去驮驮马三匹随被官兵擒获贼夷卜儿大等五人失事官熊世锦等分别罚治 上依拟

○升太常卿周继都察院右副都御史巡抚应天

○升福建都司佥书黎国耀湖广都司军政掌印

○甲子诏年来传派织造段疋未解者浙江暂停苏州减半以恤灾民从工部尚书石星之请也

○论王锡爵卿简任密勿协赞忠勤兹当考满劳绩茂著加太子太保余官如故荫一子入监读书给以新衔诰命锡爵奏辞大略谓臣三年以来旷官尸禄之咎不可胜纪姑就目前时事徵之北乾南潦军江民咨河决火妖所在告警臣曾有一筹消弭之效否乎维时 明主方下罪已之诏元臣屡控辞恩之请而又近会百官奉谕修省臣备位弼丞义均休戚今纵不能区区腐身委肉疗饥炙臂分痛庶几惜福可以禳灾知止可以不殆也乃兹明廷奏课既追幽黜中使匪颁且叨素飧若更偃然受爵于待放之时蒙宠于 主忧之日上天方怒岂复贵臣朝野清议又谁原臣臣不惟身之陨越是惧而且上为国家羞下为名器惜此所以三复温纶一字一汗而不敢不备沥循墙之愆以干转圜之听者也伏乞皇上收回成命庶清朝之课典不轻微臣之官谤可追 上嘉其公忠弼亮谕令祇受不允辞

○乙丑礼部奏钦天监称六月庚申夜京师地震起东北往西南连震二次向者山东陕西相继奏闻京师根本重地复有此异矧当麦成热阴雨连旬饥荒疾疫所在患苦停徵免饷平糶捐賑之＜ 毓-金 ＞日在补牍内外臣工尤宜倍加修省以应天变 上报闻

○升大理寺少卿李尚思太常寺卿

○丁卯升大理寺右少卿李栋本寺左少卿顺天府丞宋仕大理寺右少卿

○升龙安知府杨邦直苑马寺少卿

○贵州道御史何出光因灾异修省＜ 铨-金 ＞言时政一练义兵以镇反侧一调跋扈以解党与一赏归顺以贰逆谋一简市货以固和戎一易把总以禁剥军一缓修筑以责实效章下兵部

○己巳升光禄少卿郭东顺天府府丞

○庚午兵部题覆陕西总督郅光先甘肃巡抚曹子登会同巡按御史徐大化题称罕哈抄把等酋声言求兵虏王西行讎杀瓦剌道经甘肃边地夫夷狄相残中国之利也若其不近嘉峪无内窥刁抢之衅不牧水塘无恋住惊扰之端固可置之不问然而夷情叵测所称严我门户收我人畜或抚赏或拒堵者诚宜长虑而急为之所也今镇夷游击来保病请以守备达云代如议行

○辛未 上视朝

○起原任少卿艾穆光禄寺少卿

○癸酉勘科常居敬上修理河道图考报闻图考留鉴

○调山西副使张世烈阳和兵备

○户部覆礼科给事中陆懋龙题额派差银各省有司隔年预徵盖因公费不足暂行借用以致循袭为例民不堪命法当申飭禁革以恤灾黎从之

○壬申兵部覆革湖广总兵并罢武靖伯赵光远弗许

○甲戌廷试天下愿就教职贡生下吏部

○丙子升陕西参议原一魁山西副使昌平兵备

○戊寅 孝庄睿皇后忌辰遣靖远伯王学礼 裕陵行礼○升武库司郎中李蕴陕西参议

○己卯云南道御史方万策＜ 铨-金 ＞征剿湖寇机宜扼要害防内应孤贼党备邻疆禁奸民接济优将领凡六事部覆如议行

○河南道御史梅国桢言修省实政要在抚贫民恤疲军消内乱绝外衅修武备防盗贼语多

关切 上如议申飭

○应天巡抚余立奏湖盜平 上报闻先是湖中之盜三吴戒严以为萑苻之警此其最鉅颇廛当事之忧乃马山官兵方集一旦化为乌有零星摎緝仅获数魁用作结案故御史彭而珩随有抽吴淞游兵入湖防守之议亦善后之思也

○庚辰 孝穆皇后忌辰遣丰城侯李环 茂陵行礼

明神宗显皇帝实录卷之一百九十九

明神宗显皇帝实录卷之二百

万历十六年闰六月壬午朔给肃世子绅尧管理府事关防候册封日进缴

○吏部题论官固当辨才考德犹重知止据刑科给事中杨恂奏内外仕途并称壅滞盖繇铨补太宽起用太滥以致易退之义不明希进之风日炽也自今听补候降各官宜察其气性或偏才能稍弱而行能未可即弃年力尚未甚衰者议用如品卑年暮进之徒以废职殃民退之犹可全名善后者即令致仕起用各官察其功在社稷望系苍生者急为推补节义素著才力超群者酌量叙用如才不踰人位已称德不妨成其恬退之雅或虚名罔实干进无厌尤当抑其奔兢之谋则甄别与爱惜并行而仕途清矣报可○兵部题总督陕西郃光先巡抚曹子登奏称十四年东虏火落赤及套虏杪胡儿纠司海虏抢掠洮河诸处西番随遣通官副千户李福保等六员往谕为生番思哥奇密所杀宜加恤录以励边将报可户科左给事中穆来辅奏筹边要略谓今之扼腕边事者惟辽左是急夫辽自庚戌后三卫为构不北合土蛮则西连青虏故势日以危然青虏虽时阑入终畏宣镇有盟而所与共抗者土蛮者我备诚预犹机上肉耳则是辽之危不在外虏之凭陵实在内地之残耗辽夙饶沃其民鸷悍迹以蹂躏饥馑之故日就衰弱救之莫如严海运以足食核贪冒以足兵开原宁远之间塹濠堙谷以控其出入金复海盖之处设兵议饷以壮其根本为辽计者此其要矣至于蓟门自棒槌崖一挫土蛮十五年不敢近塞西虏青哈等称臣独三卫阳顺阴逆挟求无厌计莫如蓄吾之力而伺间图之乃今筑边之议原限已半功未什一盖缘缓急不分细巧徒糜故耳夫河口狭隘胡骑难驰秋水横流桥梁易决如潘家口桃林口营功未半付之洪涛矣至若台墙以御虏耳方石水磨细甃瓦垄飞檐诸巧备具岂以为观美耶则桥工可罢而细巧不可不肖也至侦探不明如鸦骨庵黑峪关贼已出塞而不觉哨旅出追徒成故事则兵将之联络守望之严明宜饬也器械整齐借纷更以钓边才之誉逋逃奔命托骑射以冀渊薮之图土著之选集而三属不固敌台之建密而夹击无闻将焉用之则简搜稽查之当严也为蓟虏者此其要矣永乐成化间于辽左一开马市待三卫肃宗时北虏求市辄开辄罢先皇末季俺酋缚叛置质叩关请盟始于宣大山西而延宁套虏松山青海浸就戎索乃今遣使招诱惟恐其不至要挟遂以无已即三镇初费不及五万今且三十万矣胡马入塞仆踣增我军变价追桩之累市本耗而戎马益虚至于正牧之马军士领喂以给诸镇一变为领价自市议每马十二金乃夷马损蹶不复给价令自买补军安得而不困虏安得而不骄哉< 铨金 >下兵部

○癸未大学士申时行等奏窃惟人君讲学穷理则治道益明温故知新则学问益进皇上圣繇天纵学务日新先是臣等得与讲读诸臣时献规箴冀有裨益顷以圣体静摄天气炎蒸每及讲期多从传免臣等犬马私愿既以保养圣躬为重不欲频频起居又以缉熙圣学为先不敢因循岁月窃以为法宫清燕便殿从容亦可寓目简编游神经术使温习之功无替则潜养之益自多臣等拟令讲读官虽遇免讲仍进讲章皇上特赐览观就便温习俟今秋凉爽玉体和宁时御讲筵接绩进讲庶圣学无寒暴之间而诸臣亦得效启沃之忠也上劄谕时行等曰昨览卿等所奏悉见忠爱至意且自古帝王非讲学穷理则修齐治平之道何繇而知朕自入春以来心肝二经之火屡动头眩目烦支持不及非朕安逸废于讲习既卿等奏进讲

章可不拘日期每日写进以备温览待秋凉朕疾稍愈仍赴讲筵

○命左春坊左庶子兼翰林院侍读刘元震充日讲官

○甲申兵部题近外戚纷请尉军伏睹会典皇亲奏讨尉军行锦衣府军二卫拨给三十人此外不得妄乞繇此推之 帝室懿亲隆以殊典名额有限妄乞有禁未有都督以上锦衣卫给三十人之例亦未见有先授指挥给四十人再升都督许请加给之例不知始自何年皇亲都督以上至六十人以下四十人一家而兄弟并给一人而升任增给计其数役三十人岁费米三百六十石十官费三千六百石矣况官不止十也十年之费三万六千石矣况年不止十也此犹以财用言也旗尉原以备直驾充仪卫 会典公主出府锦衣卫拨尉三人军三十七人郡王不拘新封旧封俱以二十四名为额而皇亲顾反过之可乎近至拨用既尽直驾取诸旗尉之余丁私役用正直驾用余可乎< 铨-金 >入

上嘉纳命会同该科查革如例○御史潘士藻奏顷以火灾钦承 圣谕共图修省臣窃谓天心仁爱惟人主一身人主克谨天戒惟在慎养此身以胜万几之繁而振百官之怠区区戒飭诸司犹为未也今天下之患莫大于召对之典久旷而君臣之隔不通无论

章皇帝之于杨士奇 敬皇帝之于刘大夏 肃皇帝之于张孚敬面议大政著在

实录即臣为司理时海上去京四千余里传者称 升下一日退朝手御史董子行边事<

铨-金 >与辅臣面议又一日御暖阁召辅臣论灾伤蠲赈远方闻之欢声雷动柰何此举之不常也诚仿 祖宗之典及近日平台暖阁故事行之面议所当施罢如大工烧造之当停季进金花之当捐一与商略必有匡辅至讲读诸臣亦间出不意召问经史如肃皇帝之于穆孔晖等令人各献其诚而 皇上因以占其才品不独有裨时政即

圣躬实有赖焉盖对贤人君子之时多自能以庄敬易安肆以理义夺情欲也持是

圣情日畅 圣躬日强施之万几无有不当修省之实无过此者矣< 铨-金 >入报曰

连年各省灾伤虽上之不德所致设官分职皆有寅亮天工之责何得独归过于上以卖直潘士藻降三级调边方不许朦朧推用御史徐元< 铨-金 >救不报

○南京河南道御史方万山劾江西巡抚陈有年故违

明旨遏余殃民部议谓该省大褫本官用心良苦且清望素著拟留用

上怒其故违夺秩兵科左给事中胡汝宁< 铨-金 >救不听

○乙酉大学士申时行等奏谢敕谕○旌表烈女汪氏六安州民汪曰□永女字州人程廷佐未归而卒讣闻痛绝欲以身殉其母慰止之伺间缢竟同穴焉

○户部覆顷据报有重灾地方议发南京户部银二十五万往陕西山西分籴又发临德二仓米二十四万运山东河南北直隶等处减价平籴今据省直奏报籴本各有剩余宜乘兹夏麦颇收官为增价和籴贮常平仓以备异日不则新麦几何灾民公私窘急必且贱售不待秋成间阎空虚如故倘秋成不继困苦更甚矣< 铨-金 >入有旨近来地方官平时不以备荒为事一遇灾伤赈救无策这所议著实行籴本开除实在报明部科查考

○丙戌升广东参将王椿五军营参将

○丁亥调山西参将林桐于黄花镇广东游击洪梦鲤广西参将○戊子书世庙端惠安荣靖妃铭旌赐辅臣申时行等银币

○己丑升河南左布政使庄国桢都察院右副都御史巡抚江西

○庚寅升云南右布政使李文绩河南左布政使

○升江西都司杨友桂广东海防参将

○辛卯以南薰殿视写 世庙端惠安荣靖妃卢氏香册赐辅臣申时行等银币

○升江西按察使戴耀云南右布政使

○升中都留守张宏江西都司掌印

○癸巳礼部奏四川起送韩胡碉哈列等寺僧目多惹等至京及存留在边共四百三十八人进方物

○升陕西守备钱烨游击将军移住偏关

○甲午 上视朝○总督宣大山西太子太保兵部尚书左副都御史郑维奏虏王再嗣边事无虞大酋表马已进边约日互市各酋进马请市者络绎而至非抚赏无以示羁縻非兵威无以为警服臣在事九年恩威节目有概于中久矣兹复抒一得厘为五事仰徼 明旨与三镇将吏奉行之一曰定马市以节市费议贡之初宣镇抚赏无节市马无数当日利款事之速成耳大同山西虽有额数而每当开市夷人恣意要索或自称用事头目乞增一赏或自称在市效劳乞卖一马叩首乞哀嗔喝不去当事者不得已而丝丝与之积成丈尺臣自任事来于例额之外一马一布不假九年之内三镇所供幸无溢数今须查照去年旧额抚臣力主于镇城总兵该道副参而下力主于市场大都宣府马数以二万匹上下不得踰三万大同一万四千山西六千如数则市不如数闭关绝之极力主持使虏不敢恣所要求亦不至遂开衅隙事毕类题然后市费不浮而款事可久也二曰公临场以重市事三镇事在宣府者市张家口守道为主分巡怀隆道协之大同在德胜堡分巡道为主分守大同阳和三道协之新平守口则阳和道为主分守道协之山西水泉则岢岚道为主鴈平宁武两道协之此往例也始时人心齐肃主协毕集或公审市夷或分验马匹或稽查钱货或简验段布皮张盖重之也其后协理者多不至或一至即去此人心玩而弊窳多耳必偕至市场公同验视货贖必查价浮必问其有不堪冒破抵塞者条上督抚而罪委官则人心肃市赏整事完而用节矣三曰清营马以省主饷初议马军乘暇操练步军分拨修工老家司主守城堡其后步军工作不休马军坐享草料于是马军日多步军日少久之马倒不报桩钱不纳而营马日增饷因以耗据报自互市至十

二年已增至三万四百七十四每年约费草料六万五百许金至动积余客饷济之则拣汰之令何得不严乎而汰马表卖之令累下不报固宜于关支草料之日道臣遍历营房查验其老疲不堪餽养者悉行汰去数外量留以备补额夷马入市或养或给或卖分别具知以凭岁报至于步军之苦酌议优恤无令与马军相悬尤急务也四曰严防御以壮国威盖虏以盗窃为生制御在我迨以边塞荒歉夷人罗雀掘鼠为食五六月暑雨时行边墙倒塌修边士卒里粮而行乞食夷人攘臂思起如新平堡墙坏摆腰小酋率众挟赏及遣通事诘问兼谕发兵而酋已遁窃去人马随即付还顾三边犬牙千里各部穷夷能无如摆腰闯入之事乎宜申飭将吏待以整暇勿徇虚喝勿轻私饵如昔年贿虏故套以苟旦夕之安也五曰慎举动以杜边衅夫兵不可轻威不可褻臣累言之昔年宣镇大军出边樵采哨探已知段柰台吉将率众索降欲一逞我军即敛避未为不可乃厉气一往磔其酋首虏归屈于我今其衅尚未息也近报四海沿边外生夷行走臣谕以夷自行猎不必探问而将士轻遣哨探致伤哨军此皆用威之过也宜飭镇道小过弗责小隙必杜先开谕而后攻战则威常伸而体常正矣< 毓-金 >下兵部议奏

○升山东参政余国宾江西按察使

○乙未升山西右布政李采菲本省左布政使○山西行一条鞭法将每岁额徵税粮马草酌定银数分限徵收以省纷纷头绪致滋里书飞洒之奸从抚臣沉子木之请也

○丁酉升四川按察使傅作霖山西右布政使河南参政刘东星山东按察使督理紫荆关

○调山西游击杨文管惠州参将事

○戊戌兵部奏辽东镇夷堡十五年八月功次赐李成梁顾养谦以下银币有差

○命各省镇调戍官军听该地方抚按官一体考察举劾听广西抚按刘继文之请也

○己亥命翰林院修撰朱国祚编修李廷机周应宾邹德溥俱充起居馆编纂官

○升山东佥事李三才河南右参议四川分巡按察使蔡国珍调本司按察使○升广东游击侯国弼本省参将守西山

○巡按直隶御史王之栋< 毓-金 >参新平堡失事将官管一方谓新平云左孤悬住牧墙外者即摆腰兀慎巢穴每遇开市恣为要挟乃一方不能哨探防范于前又不能堵截预报于后令狡虏得拆墙为路千骑屯边三日咆哮一拥直入伤军掠畜旁若无人及军门发掖军出征遣官往谕方始敛戢而去一酋得利群帐效尤自是宣镇有小白阳之入四海冶之窥既属疏虞更多掩饰则管一方之当革任提问更何辞也守备李承祿次之当重加罚治道臣张修吉适当请告素效驱驰应免罚而臣尤不胜慙恤谨陈三事一曰伸挾伐之威臣巡历三云遍阅兵马南路腹里稍宽虚单正兵东西两营旗甲官丁桓桓骁健非全无兵矣而大同之麻

贵宣府之李如松皆扼腕平胡志存剿贼非无将矣今宜陈师境上闭关罢市问罪虜王必令缚其部落献其渠魁还其掳抢悔祸钻刀讲罚革赏乃为正法如其不服定行征剿庶中国之威伸群虜之望塞也二曰惩隐慝之蔽市赏之开原以羁縻其外而修补于内无奈将领积玩无事则备御不修事败而支吾百出始而护痛究必养虎如新平之虜虽强岂不虞我之尾其后亦熟知其不敢与敌故耳宜严饬边将不时侦探如有窥窃即驰报堵截勿仍前隐蔽致贼酋冯陵则在我有戒备之严在彼夺游魂之气矣三曰诘服罪之繇据管一方揭曰还我人畜毫无损失然耶否耶以彼闯入无忌任意剽劫而代未发鏹未擒一酋彼何因弭耳辑志愿奉戎索耶大抵索赏之虜有二□焉或偶因一事加赏或偶于一镇加赉则执例要求使夷络绎不得不已此尚有因而未逞也乃有无故增加有欲必遂或乘虚而来潜身匿迹掳我人畜徼赎放还然未有若摆朝二虜之横者果追截归途彼此交质夷去汉来固无容议若甲虜乙还朝出暮入此必路将剥军私赎以塞失事之端克饷损威莫此为甚则罪之尤所当诘者也诏如奏管一方革任提问

○辛丑赐辅臣及日讲官鲜鲋鱼

○升绍兴知府萧良干四川副使分巡川南巩昌知府许光大山东副使武定兵备

○宴韩胡礪哈列等寺贡僧命临淮侯李言恭待

○户部题顷因屯政不修边储日缩诏各镇抛荒屯地尽令□人开垦以中盐之利偿开垦之劳以所纳之赋为实边之计法至善也今册报虽有顷亩中间恐多虚冒宜行各镇将各□垦过处所坐人坐地查开清细以存永案依议行○壬寅四川宣慰使杨应龙进献大木土夷安国亨闻之亦具本献木四川巡抚官具< 疏-金 >参之安国亨遂参抚臣委□抢木上怒欲加切责大学士申时行上< 疏-金 >理之夫国亨一待罪土夷耳前< 疏-金 >自称安慰而再< 疏-金 >复称土舍贵州三运验无本酋大木半年之后方云起运在途且□人深入土司采木则前后左右皆为土人□人何能肆抢乃巡抚参论土司原有弹压之体而土司遽参巡抚可谓辱宪体轻朝廷矣矧国亨凶狡之迹详隆庆实录献木情形应令彼地查问奏上如阁臣议

○升宁夏游击姚国忠分守大同平虜参将

○禁各差御史不许滥出马票占用坐马违者都察院参奏

○甲辰 上视朝毕命锦衣鸿胪寺简文武官不至者七十一人夺俸二月○巡抚河南右副都御史衷贞吉奏賑理灾伤五事一恳请改折一类解民运一次第征输一改征王府民较一优恤死亡下户部

○乙巳升山西守备孙锦宁夏游击

○丙午太常寺卿李尚思奏四孟享祭惟秋以子时余皆用午载太常考不言其义意春冬正寒孟夏未暑隔日省牲可无虞矣孟秋残暑正隆牲久恐变故以子今奉明旨改于午时骏奔之仪诚肃而视牲之期亦宜少移得旨于祭日寅时省宰

○丁未以写篆 世庙端惠安荣靖妃卢氏神主圯志赐辅臣申时行等银钞有差

○南京湖广御史陈邦科< 铨-
金 >理金腾兵备被逮李材之冤乞行勘问不许仍夺俸半年

○戊申 上御皇极殿

○太子少保礼部尚书沈鲤引疾乞休 上谕令暂摄痊可即出理部事不允辞○己酉总督河道都察院右副都御史潘季驯题黄河之水浊而强汶泗之水清而弱交会之处则茶地是也每伏秋黄水盛发则倒灌入淮沙停而淤势所必至黄水消落漕水随之沙随水刷不待浚而自通矣纵有浅阻不过旬日如万历十年中河郎中陈瑛创建古洪内华二闸每遇黄水暴发即下板以遏浊流之横而闸内无壅阻之苦黄水消落则启板以纵泉水之出而闸外有洗涤之功去伏稍失开闭之防遂至漂壅失常廑惟当宁臣于前月望至宿迁阅视同知徐申谓本月望前黄水偶长丈余浸入洪口即令严下闸板至二十一日报黄河稍落于是启板通漕冲刷成河通行无滞至闰六月等日复然前不过七日后不过三日随长随落此即二水胜负通塞之故也勘科常居敬复建口闸一座去河愈近则吐纳愈易足为永利但建闸易守闸难运贡之驰行固急势豪之开放不时数日之羁程不能待而千百年之利害且决裂矣乞持赐纶音如万历八年清江浦三闸之法以严启闭庶河渠永有赖矣部覆如请

明神宗显皇帝实录卷之二百

明神宗显皇帝实录卷之二百一

万历十六年七月壬子朔孟秋 上享 太庙遣定国公徐文璧临淮侯李言恭分献

○总督四川兵部尚书徐元泰奏平赋乃诸夷功次谓赋乃久据凉山地近马湖黄郎雷坡皆马湖编氓为之羽翼又有瓜姓数支实其党与而瓜夷中最狡黠者曰白禄与西姑摆杨九乍结婚共掠马湖诸处杀边将侵入西宁堡流黄川两河口猖獗已极会经具题准剿而不立诛者缘九丝甫平重于再举姑设堡屯兵潜修战具彼当悔过远遁矣顾乃出没无常鸱张益甚且当建越用兵之时复有结党藏叛之状议待叩师克捷方整旅夹攻不意偏将轻进以败因议用兵五万分三哨一自马湖一自中镇一自建昌及播州西阳平茶邑梅天全乌蒙诸土司并行调集马湖将郭成朱文达万鏊田中科中镇将周于德滕国光建昌将边之垣宰调元王之翰杨师旦而总兵李应祥随马湖营居中调度道臣则李士达武尚耕周光镐张孙绳周嘉谟分路统之自十五年十一月二十三日兵进白禄惊觉率獠众迎敌中镇兵夜袭之斩阿额等白禄遁二十五日周于德分天全兵攻官寥河西阳兵击西鸡坪大败之十二月十三日至马蝗山势险峻夷獠聚守于上下礮石我兵不得上持五日营西河搽其窖藏以益军实进据大鹰崖杀马溪险益甚将士攀藤上獠众亦解十九日杨九乍与撒假率众万人据山接战播州官兵奋勇斩贼首一人战益力贼走明年正月八日中镇营进攻木瓜夷白禄从大赤口约众千余来拒中矢死兵败赋乃始惧二月初七日中镇兵发木瓜进至利济山雪深数尺道将悬赏以激之周于德率先士众直达山顶而万鏊一枝攻大木瓜东县维屏一枝攻大赤口中路兵至二道水皆捷西姑摆凶瓜一带夷巢悉为我有十一日建昌兵宰调元一枝直冲梅古河十二日朱文达攻凉山破撒假于大田坝斩普咱等中镇四面团捕大赤口诸巢并破群獠皆伏深菁于是周于德密檄滕国光潜割木瓜绝其归路身繇虎背崖进杨应龙破深沟王嘉言擒阿咱盗魁皆授首独马水二营凶尚逸及万鏊探知撒假挈妻子据鼠囤发禄荣乌蒙兵攻之擒撒假妻子并其亲信至四月十九日郭成督兵直抵三宝山大战郭进忠斩撒假平其地二十六日郭必德擒西姑摆等安兴自度势穷聚众祛里密等巢为固守计朱文达万鏊督同土汉兵于二十九日分路直捣其巢悉擒其母妻亲属安兴沿路掷金以缓追者故得脱自五月初九至二十日连战深入各路兵会溪喇古擒安兴以下平其巢穴是役也斩撒假擒安兴白禄首恶既得惟杨九乍存亡未卜耳计群獠擒斩俘获为类颇多役经二载兵协数路亦西偏之快捷也乞敕查叙章下兵部覆请得旨行巡按御史查核具奏

○癸丑赐原任兵部尚书郭宗皋存问宗皋具< 銙-金 >谢 上报闻

○甲寅 上视朝

○礼部题四川起送长宁安抚司进贡夷人给赏物有差

○乙卯 仁孝文皇后忌辰遣宣城伯卫国本 长陵行礼

○河南抚按衷贞吉等题漕粮水次请改于汤阴之五陵镇兑运部覆弗许

○巡按山东御史吴龙徵请蠲免东阿等三十七州县夏税丁口盐钞银粮以苏民困从之

○户部覆御史刘霖题各边开垦多系挽熟为荒既经起科未几辄报灾伤希图豁免请行各兵备道起造清册非抛荒六年之外者不名开垦承佃之后果有沙压水冲核实方准免科违者听屯田御史参治 上是之

○原任礼部尚书陆树声＜ 铨-金 ＞谢存问 上报闻

○贵州宣慰司土舍安国亨奏抚臣舒应龙携私阻抑补贡大木以明不欺部议罪其非法拟革冠带 上谕令省改冠带免革木著验收

○己未礼部尚书沈鲤引疾乞休不允

○礼部尚书沈鲤援科臣陈与郊御史张天德等＜ 铨-金 ＞并累朝分封成例请命 潞王之国之期以便戒事 上谕奏知

圣母于明春举行○户部覆御史刘霖题戚臣庄田除 皇后之亲传派五世准留一百顷为世业驸马传派五世准留十顷供主祀其诸妃家传三世即尽数还官庶尊卑有别而皇仁可永 上俞行第令有出之妃赐田原在百顷以下者准留

○升山东都司佥书俞允升兴都留守

○癸亥升黄浦川守备郭淇延绥中路参将

○乙丑寅时 皇第四子薨大学士申时行等具＜ 铨-金 ＞恭慰

○升刑部右侍郎何源本部左侍郎大理卿孙鑰刑部右侍郎

○丙寅以中元节遣恭顺侯吴继爵成山伯王应龙等诣九陵各行礼遣惠安伯张元善祭 恭仁康定景皇帝陵遣都指挥佥事蒋克谦祭庄敬哀冲二太子

○丁卯吏部覆议南科臣徐常吉劾副使房寰贪肆其实才守无玷第负气太高执法太峻宜调用以示裁抑从之

○ 成祖文皇帝忌辰遣阳武侯薛钺诣 长陵行礼

○兵部覆应天巡抚余立题湖盗已平善后应议一设兵船请于吴淞游兵巡司弓手各量拨二三百名赴湖协守一守险要请于胥口叶港沙塘下埠独山门等处分拨兵船相机策应一议设官请改陆营把总移驻太湖统领兵哨一编鱼舟请将沿湖鱼船大罟船尽查编号十船

一甲十甲一舟□□各相觉察互为声援一严保甲请于沿湖有山处所申明逻辑凡有潜踪密聚者即便擒治一禁越关请于七里桥戚墅堰花渡桥等处置立木栅放农阻□严行守把上依议

○己巳巡抚贵州右佥都御史萧彦奏平答干叛酋阿其功次阿其者都匀府答干寨黠苗也凭恃险远屠戮恫喝殆无虚日虽蒙诏为土司长不能制道臣杨寅秋上其事为必剿之策会同蒙诏父子计擒阿其而后纵兵捣其巢穴答干平寅秋之力居多焉＜ 铨-金 ＞下兵部

○升四川副使武尚耕本省右参政武昌知府王俨江西副使

○升广西巡抚刘继文兵部右侍郎总督两广军务

○升顺天巡抚蹇达大理寺卿

○巡按山东御史许守恩＜ 铨-金 ＞劾辽东总兵李成梁应罢不听

○庚午 上视朝

○南大理寺卿余立引疾乞休许之

○吏部题覆陕西巡抚右佥都御史王璇三年考绩升副都御史照旧巡抚因遵旨酌定边臣考绩事例蓟辽七边三年考满佥都升副都照三品恩荫又三年升侍郎加二品服俸副都除应得恩荫外升侍郎加二品服俸又三年升尚书予二品应得诰命其以侍郎都御史尚书总督各边者递升加官保俱要实历边俸即有别俸通理亦必边俸居三分之二及无地方失事或曾失事而罪不掩功方准照例题给其未及三年别以军功蒙恩升荫不再议若保定山狭三边虽无失事亦无军功止复职诏如议行

○辛未周王肃奏鲁阳王勤灰因水旱时闻皇泽覃敷愿将岁支禄米一千石自本年起到终身止俱扣留京师以资公用 上赐敕嘉奖

○升重庆府知府陈明经四川副使分巡川南

○壬申升福建左布政使陶大顺都察院右副都御史巡抚广西

○升太仆寺卿王致祥都察院右佥都御史巡抚顺天

○升浙江左布政使王基都察院右副都御史巡抚大同

○改襄城一县仍食河南官盐以盐行河南等府襄城为必经之途也

○癸酉升浙江右布政使吴自新本省左布政使福建右布政使帅兰本省左布政使

○乙亥赐辅臣及日讲官杨梅

○以恭视 皇四子沅怀王铭旌赐辅臣以下银币有差

○兵部覆广西抚按官刘继文等题思恩军民府既改为流初无仓库狱囚亦无周防卫所议将湖广额调戍守柳州永州宝庆官军各量移一百人改戍思恩加设职官一员统之至于上下班期同至柳州践更往返行粮建营诸务抚按酌行庶守备严而兵饷亦无加设诏如议行

○丙子以恭视 皇四子沅怀王谥册赐辅臣以下银币有差

○升山东按察使王应乾浙江右布政使福建按察使张偲本省右布政使云南副使胡维新行太仆寺卿

○升太仆寺少卿徐元春本寺卿

○刑部尚书李世达等都察院左都御史吴时来大理寺左少卿李栋会审犯官李材等缅甸一事反覆先后章< 铤-金 >李材刘天俸因孟养之请援即发兵以策应壮土夷合战之力败缅甸方张之势设谋用间以夷攻夷其功良不可泯但急于报捷过于夸张斩级擒生原非实数破城拓地尤属溢词志在贪功迹涉虚伪罪复何辞至于杀夷割尸罪在军士不肯首服论惟轻惟重之议故应以疑而宽况外夷新附之初尤当以功为主李材刘天俸当褫夺拟徒陈严之宋儒等当降级待用上怒其情词互异革镇抚司李登云等回卫令材等从重拟坐

○吏部覆四川道御史崔景荣条议诸款内有惩钻刺之吏以塞弊端辨任使之吏以别人品各一节 上俞行之仍谕近来贪污有司不修职业惟恃钻求虐害下民逢迎上司抚按系朕耳目全不究举雷同罔上都且不究再违重治○丁丑 上视朝

○礼部尚书沈鲤引疾乞致仕不许

○陕西巡按钟化民请宽马禁谓西塞土寒无他产独养马以资生而贸易有禁恐出境之马私通番市耳至并民间孳息与境内之贸易俱废则孳蓄少而公家缓急亦无所赖此因噎废食之说也请少宽其禁如本境荒而他境豊许出马以取资本镇缓而别镇急许出马以协济则公私之利交得彼此之用并充但出境必给官文通番严行厉禁斯得之矣命覆议行

○戊寅升福建左参政费尧年本省按察使山东佥事叶梦熊本省按察使户部郎中吴谦云南副使

○升通政司参议陈大科太仆寺少卿○工部尚书石星题山东淮扬一带河道应修应筑如总河潘季驯勘科常居敬所议添设镇河闸接筑塔山缕堤清河浦草坝创筑宝应西堤石砌邵伯湖堤＜ 銑-金 >浚里河淤浅增设柳浦湾料厂此当在淮扬兴举者也查复南旺马踏蜀山马场四湖建筑坎河滚水坝加建通济永通二闸查复安山湖地此当在山东兴举者也地里寥远工程浩大宜将郎中罗用敬副使周梦暘等分地责成御史不时稽察而总河大臣仍亲自查阅工坚可久者从实奏报推诿误事者即时参处
上是之仍谕河工著各照分定地方用心管理上紧完报不许疏玩

○己卯以册封 沅怀王命大学士申时行充副使捧册赐银币

○升南太仆寺卿王湘南大理寺卿

○庚辰礼部上 圣驾亲阅 寿宫率 后妃同行仪注九月初十日
圣驾发京先一日 上率 后妃以诣大峪山阅 寿宫告
奉先殿祝奠如常仪兵部请 简用文武大臣居守及直守皇城四门京城九门分调京营参游等官严守各山口关隘戎政官选差扈
驾军马别令科道官闸点将士行粮之给席殿桥梁道路之设则户工司之 皇上 后妃御膳则光禄寺司之其府部院司寺卫之长日讲起居注及科道中书太常鸿胪太医钦天监各以职从至日设大卤簿扈从仪卫 驾发繇北安门出德胜门 后妃辇从
潞王于德胜门内月城候 驾至致辞行一拜三叩首礼毕
王回扈从官先行居守大臣及百官吉服趋门外恭送十一日
驾次巩华城行宫昌平州属官司迎道左升座行礼如常仪 上驻蹕明日行升座叩头礼
驾发诣天寿山至红门降辇繇左门入 后妃从于
□□殿驻蹕十二日行谒告礼设酒果脯醢 上具青袍率 后妃乘舆至
长陵门外东降舆 后妃于 陵恩殿左右设屏帐少待导引官导
上至拜位上香四拜奠帛复导至 成祖文皇帝
仁孝文皇后御座献爵祝拜行三献礼再奏行四拜礼祝帛各诣燎位礼毕从官先诣
永陵候 驾 上率 后妃入女官奏行四拜礼上香读辞如 上仪礼毕出次 永陵
昭陵仪亦如之即于是日遣官诣 献陵 景陵 裕陵 茂陵 泰陵康陵
恭让章皇后 景皇帝陵各行礼锦衣卫奏请 圣驾诣大裕山从官先 上率
后妃同诣 寿宫阅视毕回驻 感思殿十三日
驾繇大红门出至行宫驻蹕巩华城十四日从官先发昌平官司各叩辞
驾发文武百户军民耆老于德胜门候迎 驾致辞教坊司大乐鼓吹振作
潞王迎城门内行礼如前 驾繇北安门入率 后妃告 奉先殿谒
两宫皇太后毕回宫 上俞行改回繇阜城门

○辛巳升南太常寺少卿朱天球南太仆寺卿

○升福建副使邹墀本省右参政南阳知府王继祖四川副使

明神宗显皇帝实录卷之二百一

明神宗显皇帝实录卷之二百二

万历十六年八月壬午朔升福建右参议杨德政本省副使

○御史陈效奏赋夷就平善后宜悉都匀原设总兵驻建武所今议移驻建越当马湖冲要叙马泸旧设兵备一道驻长宁近年裁革今议复设专驻马湖而叙泸之属并在整饬与建越总戎文武同事泥溪平夷蛮夷沐川四长官司延袤数百里夷汉相杂往议改设流官既恐未便不若即以额设同知一员移镇赖因荣丁之间与参游共承兵道节制成臂指之局此弹压之要图也其次议兵雷坡杨九乍存亡未可知猺獠叛服叵测先事为防则荣赖利店梁山赤口西河等处设兵墩堡互相守望挑选土戍不足练民兵以益之是密协守而杜窥伺之策也其次议饷就复还侵占之地起屯募种粮额从轻因籍丁壮为乡兵委官操练兵道时为稽查此寓兵于农之法也至建镇之孤悬泸江之烟瘴往来稀阔萌孽易生则避途宜急今查叙马嘉峨古犍为邛笮地也自峨眉中镇至建昌为青衣道司马相如持节开越巂所凿嘉靖间议开中罢乘兹安辑之会威信大行之时开荒伐木辟其故道使建越沿途联络关堡议兵扼守又一策也而最要莫如择将试思马湖往事非运筹不臧第用兵者自僨耳昨阅抚臣报< 铨-金 >所称参将郭成等擒斩多级庶几将材宜简置蜀边分地而守则良将拔之历练而虎豹当关膺裘夺气矣< 铨-金 >下兵部

○乙酉升光禄寺少卿谢杰南太常寺少卿河南副使侯尧封福建右参政分守建南

○颁行徵粮册式各省直逐项按季分注数目不许隐漏混淆从户科姚德重请也

○户部覆巡抚甘肃右副都御史曹子登奏讨本镇站银计甘肃一镇京运二万二千九百余两客饷盐课五万四千两此嘉靖四十五年例也隆庆元年增二万八千五百余万历十二年增主饷一万客饷二万十三年再加主饷四万则是嘉靖例七万七千外增至十万许而边臣告急之< 铨-金 >荒岁停徵之令内外犹鳃鳃也主计且柰之何乞咨议撙节报可

○论平答干叛酋阿其等功次抚臣萧彦道臣杨寅秋等赏赉有差仍行该部纪录

○丙戌礼部题重刻 大明会典成进呈颁布如奏

○升辽东正安堡游击姚大节副总兵协守东路

○提督漕运怀宁侯孙世忠以母疾乞侍养 上慰留之

○兵部题巡按御史何倬勘报平赋乃功其俘获验其壮年改入生擒生擒审系被虏改入全活并枯级女功幼功例不准功外验实凡擒斩一千六百九十五名颗俘获七百三十名口全活被虏三百三十四名口投降二千二百三十八名口退还原占地凡六百七十五里罪决梟示如令功次别叙其南京刑科给事中徐桓< 铨-金 >免再勘

○礼部尚书沈鲤引疾乞休 上温谕不允

○丁亥 上亲阅 寿宫命伯李文全左都御史吴时来居守

○遣大学士王锡爵祭 先师孔子

○升光禄寺丞魏允贞本寺少卿户部郎中于文熙河南副使

○戊子祭 太社 太稷遣国公徐文壁行礼

○太常寺题

万寿圣节遣侯陈良弼常胤绪徐文炜宋世恩郭大诚伯王应龙方烨卫国本陈如松诣诸陵行礼遣伯张元善祭景皇帝陵

○大同巡抚梅友松总督郅光先题叙市赏功次谓万历十三年套虏梗贡欲比宣大事例本镇力持故十五年之市官民交易报罢匆匆遗其归晏卷帐而去意图强逞及我边有备屡挫贼锋而常乐之生擒三虏镇羌之夺马四十一匹遂令强胡丧气私相怨悔故卜失兔上书自白炒忽儿率众扣关拒之以正辞慑之以国威虏乃走使入谢复成今岁之市还其原俘仍行罚治各该将吏奋不顾身战皆取胜使虏酋不招而自来贡市几断而复续功次应叙< 铨-金 >下兵部

○命建言进士诸寿贤顾允成彭遵古改授教职用从御史荆州土请也

○己丑以 万寿圣节赐辅臣申时行等及日讲官朱赓等
万寿字金篆银书红黄符各有差

○礼部题朝鲜国王李昖遣陪臣议政府右议政柳< 土典>等六十员赴京谢恩赐宴如例遣左侍郎于慎行待先是江西南赣巡抚秦燿解南安府所获朝鲜国夷人二名一金介同系前罗左道水军节度使能射一金彦世系槽军能驾船因与倭船夜战被捉向南番放卖二人流入南安盘诘具题情真应付来使带回仍给衣物以示恩赏诏如议

○ 孝康敬皇后忌辰祭 泰陵遣宁晋伯刘应元行礼

○庚寅大比试于乡命翰林科部等官往直隶各省主考

○礼部尚书沈鲤引疾力请致仕 上慰留仍命不必固辞

○户部覆陕西总督郅光先等条上边务凡六事垦复屯田催徵逋负清查逃故< 铨-金 >通盐引惩戢朘削裁革冗糜 上允行

○辛卯以 万寿圣节赐大学士申时行王锡爵许国讲官朱赓等银币有差

○壬辰命翰林院修撰朱国祚编修邹德溥充经筵展书官

○癸巳 上御经筵

○甲午 皇第六女生大学士申时行等具< 铕-金 >称贺报闻

○总督陕西三边尚书郅光先巡抚梁问孟议宁夏申饬四事一严清勾以防行伍虚耗之渐一绝私易以杜内外交通之渐一远住牧以杜外夷窥伺之渐一慎招降以杜猾虏起衅之渐< 铕-金 >下兵部

○乙未礼部题 皇女生百官致辞称贺免

○司礼监太监张诚传谕 圣节阅

陵赏赐繁多内库不给于太仓取二十万进用户部尚书宋勋奏帑银缺乏状乞免不听

○丙申以中秋令节赐辅臣申时行等上尊珍饌有差

○戊戌 万寿圣节 上御皇极殿百官行庆贺礼

○赐辅臣申时行王锡爵许国面食长春酒○己亥礼部题朝鲜国陪臣韩准等进贺表到柳< 土典 >等谢恩毕赐筵宴如例遣侍郎徐显卿待

○刑部尚书李世达覆参驸马都尉侯拱辰召游棍为家人听从拨置纳投献为已业滥肆侵渔私刑拷毙人命凶犯业已拟抵法当并究贵在应议伏候 圣裁
上令革其管事送国子监严禁习礼省过百日来说

○辛丑工科都给事中常居敬论劾工部主事王绍先差竣注籍既不入署又不请告应缴关防久留私寓僻怪迂狂殊乖臣节 上命拿送镇抚司打问来说

○癸卯 宪宗纯皇帝忌辰遣靖远伯王学礼 茂陵行礼

○以 皇女诞生赐大学士申时行等讲官朱赓等花币有差

○甲辰 上视朝○兵部题覆甘肃总督郅光先巡抚曹子登劾参将马应时驱回互市回夷增赏媚虏已经处分并议虏酋尔失革之马委宜明载市册以杜隐漏此后市马各照原额虏抢贡夷如在嘉峪关外听其自行追赔入关疏虞方查参将领奉旨是

○总督漕运户部右侍郎舒应龙＜ 毓-金 ＞辩土舍安国亨之奏谓国亨向因侵夺沾益及毒祖杀叔拒敌官兵等事革秩免任而用其子安民负罪非一日矣万历十三年臣抚贵州国亨申文献木冀赏复职兵部驳议不允渠亦灰阻付奸商魏良海等运常材数株出涪竟被盗卖既良海与何贵争木事起乃欲借以诱罪＜ 毓-金 ＞臣差官夺木阻其贡献今贵木三运已毕而国亨所报尚无归著则黠伪可知乞敕查木正法并请罢斥上谕令供职置国亨不问

○丙午升行人司正沈璟光禄寺丞

○补荫原任南京户部侍郎栗永禄男栗嘉实送监读书

○户部题覆 潞王奏讨景王遗下庄田房课盐店盐税湖地河泊等所柴州水租坑税等项如例通给今查义和盐店虽经给与赵府地关封内自应改给其湖广湖地河泊等所柴州坑套原系民间佃种纳粮地土景王奏讨随经改给今欲复归王府恐上亏国课下病民生宜行该省官查核将河南卫辉府属新乡获嘉及宁山卫地二百二十六顷余开封府属河阴汜水阳武原武怀庆府属武陟温县地五百九十八余顷并义和盐店万县盐税湖广德安府属随州应山安陆云梦等县地名红庙等庄房七处孝感县东山汉川县刘家隔等四处水租房地凡九百余顷通应拨给其湖广湖地河泊州坑系民产者仍还业主以纳公税原系官湖官地而小民承佃者造册送府以凭管业 上谕庄田准给抚按官仍与丈勘立界以便永远遵守再察相应地土不妨数外加给副朕友爱同气至意

○丁未 上视朝

○太子少保礼部尚书沈鲤因

圣寿届期奏乞早议册立钜典以对群情以昭大信谓先是大学士申时行曾以国本为请上谕朕见元子婴弱少候二三年举行今计明年己丑已逾三年元子千秋亦且八岁举行 大典此其时矣况值万国嵩呼之会慰四海仰望之心宗社无疆之庆端在于此 上命候旨行是日都给事中苗朝阳御史李天麟亦以为请未允

○户科等科都给事中姚德重等合奏江西副使房寰捏诬言官大伤国体乞赐罢斥盖科臣张鼎思劾寰奸贪寰揭其前任提学御史时鼎思为其子嘱托不行携恨引抚臣王元敬手书以证故德重等合纠而丁懋逊李献可袁应文交章论之 上怒其朋庇姑不究

○巡按直隶御史王之栋劾宣府总兵李如松口北道参政王学书先是抚臣阅操如松引坐与并学书力却之语不相下竟为披发之争台臣因论如松骄横并核其生平倾险贪肆状请罢斥并论学书暴戾请降调 上谕边臣当协和任事何得以小节互争秋防护驾在迓大将不宜轻易俱令策励供职各夺俸三月

○戊申大学士申时行题文书房官刘恺传谕李材等招情转展支吾功则归己罪则推人著

问斩仰惟 皇上明同日月威著雷霆欲处欺谩之臣以警人心杨国宪甚盛心也臣等职在赞襄亦知体仰德意前见刑部拟李材等罪止徒配亦窃怪其轻改拟边卫充军然已非律文正条特于法外重拟不啻足矣若于充军之上更欲重加则法例有所未合情罪有所未当臣等不敢不为 皇上明之盖失陷城寨失误军机则有斩律其他若妄割被杀首级冒功掩败皆量其轻重或降级或充军此见行法例也今细阅法司招情则获功是实发兵是实止以多报首级希图冒功为可恶耳若论割尸则有下手之军士故纵则有领兵之将官李材之罪终当未减坐以处斩不无过重昔 世宗朝边臣亦有被逮处斩者然皆临阵失机无功有罪之人若原曾获功止于虚报首级则未有如此刑者也今必以妄报论斩则失陷城寨何以加之伏望皇上少霁天威深详律意将李材刘天俸从拟问发庶国法伸而边臣亦心服矣上不允竟引官员说谎例拟斩盖独断云

○都察院左都御史吴时来奏试得御史颜孔范等二十四员刑名章奏俱各< 铨- 銓 >通请咨实授 上如拟

○改南京工部尚书吴文华南京兵部尚书

明神宗显皇帝实录卷之二百二

明神宗显皇帝实录卷之二百三

万历十六年九月辛亥朔礼官进 大祀日册 上御皇极殿受之

○壬子霜降节祭

九陵遣候陈良弼薛铎李环伯王应龙陈如松方烨刘应元王谟王伟诣各陵行礼祭恭仁康定景皇帝遣惠伯张元善行礼祭 庄敬 哀冲二太子遣指挥同知周清行礼

○礼部题朝鲜进贺使臣韩准等赐宴命侍郎徐显卿待

○升工部右侍郎李辅南京工部尚书

○广东道试御管九皋劾应天府丞许孚远先是李材滇南一狱发自台臣苏瓚孚远与材以讲学相友善出揭讼之咎台臣之苛而伸材之功故九皋劾其代为反噬上亦怒孚远出位代辩降二级调外任用○甲寅 孝恭章皇后忌辰遣灵璧候汤之诰诣景陵行礼

○以诞生 皇女赐辅臣申时行等及日讲官银币有差

○乙卯太子少保礼部尚书沈鲤引疾恳乞致仕 上谕卿学行素优典礼清慎朕委任方敷乃屡以疾辞情词恳切暂允调理痊可具奏起用仍赐金币驰驿

○升工科都给事常居敬太仆寺少卿

○丙辰扈 驾阅视

寿宫赐辅臣申时等金币银花有差寻又赐大红彩织金蟒衣罗一表里绿罗一表里

○直隶巡按御史高举奏报魏县频年旱荒今秋又被漳河淹没请蠲秋粮五分仍酌行赈济上从之

○户部覆巡茶御史钟化民题川狭以茶易马此驭虏之一策而私茶出关之禁不严则奸诡易生宜分任责成在狭者汉中府所属关南道臣督之府佐一人专驻鱼渡坝查理在川者保宁府所属川北道臣督之府佐一人专驻鸡猴坝查理各立哨官率州县官兵为防守缉补之政于茶生之候尤严官收别有司存以稽出入为市虏之用其园户余茶行所在官司给票引与官商贸易其无票引者论如盐法抵罪第督之在道臣而守法则两府佐实司纲纪焉悉听巡茶核治 上从之

○戊午巡按直隶甘士价劾蓟镇总兵董一元调别用

○升河南巡抚衷贞吉工部右侍郎

○己未以重阳令节赐辅臣上尊珍饌

○以元辅申时行扈送 圣驾阅视

寿宫工程特赐金喜字大红 一端仍命制衣于驾阅之日穿用

○敕武清伯李文全都察院左都御史吴时来朕兹恭诣 天寿山阅视 寿宫特命卿等居守统率守门守城等项文武百员严督京营并巡补官军五城兵马夫甲人等讥察奸盗防备火烛用保无虞各官如有怠玩不率应参奏者听尔指名参奏应拏问者径自拏送法问理其有紧要事务即便差人奏闻钦哉故敕

○序升科臣张养蒙工科都给事中王士性吏科杨其休户科李廷谟兵科彭国光工科各右给事中

○巡抚湖广右僉都御史邵陛以鄖阳兵变事追论参将米万春应逮正刑先是鄖抚李材不操练军士日惟讲学自喜优青衿而严武弁积不能平及议撤参署为学宫而军士梅林等攘臂一呼遂成大乱甚至文庙牌位亦被毁时万春虽抵境未任实曠之而任后所以窘辱院道府官者致不可堪且邀截奏< 銙-銓 >逼勒改易故科臣张希皋营劾之至是陛又有此< 銙-銓 >下兵部覆得旨万春革任回卫差操

○刑部请停刑 上谕朕亲阅寿宫方行吉礼决囚准暂停免○庚申 上率后妃发京师出德胜门次清河行宫少憩次巩华城驻蹕从官及昌平总兵官张邦奇州属官吏师生耆民等朝见

○辛酉 驾发巩华城停午驻 感思殿从官守臣朝见辅臣及扈从公侯有膳尊之赐

○壬戌 上率 后妃恭谒 长陵 永陵 昭陵毕 亲阅寿宫从官于殿前朝见命辅臣及在工大臣随行历阅宝城玄堂毕御幄次进茶定国公徐文璧等致辞称贺上劳苦之仍赐酒饌是日 上登降周览 天颜温恻回视诸臣召前随行者再还感思殿驻蹕大学士申时行等奏仰惟 皇上亲动銮舆临观寿域规模宏壮经营悉出于圣裁风气美完旋斡总繇于玄造且神祇默佑霁色天开民庶子来欢声雷动克配永陵之预建式增烈祖之休光此诚本支百世之丕基福祚万年之庆典也 上报闻

○癸亥 驾发 感思殿至巩华城行宫免从官守臣朝见驻蹕功德寺赐辅臣等酒饌

○甲子

驾幸石景山欲观浑河趋召辅臣时行等三人及定国公文璧临淮侯言恭飞骑而至

上已御河崖幄次叩头毕起来桥桥为二道诸臣从 上异道而行 上命同道后随临流纵观目时行前曰朕每闻黄河冲决为患不常故欲一观浑河今水势汹涌如此则黄河可知时行对浑河来自西北古称桑乾河是也从此出芦沟桥至直沽入海水涨时亦多汹涌至如黄河发源昆仑自积石龙门会淮入海冲决之势不啻数倍浑河每一溃决远至数十里自徐州至淮安属当运道所關最重 上曰行河官应恪乃职时行对近奉诏委任责成并知警惕上曰经理须要得人时行对皇上留意河道扳用旧人一时在任皆称谙练不敢轻率误事上首肯言须得人者再时行对如谕立良久乃下命从官先诣功德寺候 驾仍赐酒馔

○乙丑驾发功德寺还京居守大臣文武百官迎 驾如仪

○丙寅大学士申时行等题上在工大小官员功次并乞免叙阁臣又持＜ 銮- 金 >恭问 起居 上各报闻

○礼部题 圜丘斋宫 大飨殿皇穹宇各工完祭谢 后土遣尚书石星行礼

○丁卯大学士申时题臣等随侍 圣驾幸石景山临观浑河伏蒙皇上召臣至桥次示以水势且言黄河冲决经理须人臣等承面谕不胜欣跃仰见 皇上一进一豫莫不以国家为心民患为虑即尧舜其咨之忧俾乂之命不是过也仓卒应对未及周详兹敢以河道利害为 皇上悉陈之浑河来自西北古桑乾河至天津直沽入海当其泛涨之时亦有冲决之患然不关运道亦不近城廓犹未足为深患也至若黄河发源昆仑流入中国至积石龙门已数千里经陕西河南则泾渭伊雒诸水皆入其中又经徐州至淮安与淮水合当其壅淤则数丈之渠一夕而成平地及其溃决则数千里之堤一瞬而成洪流湍激汹涌比浑河不啻十倍先朝时决时塞皆命重臣经理而后成功未有数十年无事者也今之治河者为凤泗 祖陵则防其西侵为漕粮运道则防其北徙为淮安数百万生命则防其南决故功力鉅而责任难未有不得人而成功者也 皇上得人之谕于治河要务一言蔽之第臣等虽奉德音而在廷及河道诸臣或未能仰体欲乞特降 明旨输谕河臣俾晓然知 皇上优勤之意而从事河渠者且惕然有夙夜奉公之心矣报曰朕闻黄河冲决为患不常欲观浑河以知水势昨见河流汹涌应知黄河经理倍宜加慎河道官应行文知会务一勤永逸勿以劳民伤财为故事至选用务要得人吏工二部知之

○刑部题朝审以吉礼免

○己巳礼部覆兵科给事中孟养浩工科给事中李汝华御史李天麟各条陈时政如优德行严季考明大义以正士风崇节俭禁淫祀务积蓄以原民生立乡社表节孝重提调以兴教化皆励世磨钝之要图也 上依议行○调昌镇总兵官张邦奇镇守山海

○庚午大学士申时行奉 圣谕作扈 驾观浑河歌三首以献

○巡按陕西御史徐大化题臣巡历河西见多旷土因讲求水利会抚臣曹子登于甘泉寺议毕薄暮归途遇甲士十数人跃马持刀突至臣前从者叱之曰此巡按也何敢无礼乃去臣取间道入城闻甲士入寺迹抚臣抚臣亦以间免于是总兵刘承嗣率家丁至臣密谕曰慎毋闭门欲逸者纵之而尾其后罪人自得矣盖度叛军闭之城中则祸炽逸之必走番虏遇逻卒可获也明日尾贼者果报叛恶十人出边为镇兵所诘阻四人縊缚莫天敖等六人而问之则以总兵刘承嗣御下太严鞭贯不少假贷且饷不时给众恨之欲于寺中劫抚台而刃总兵误犯臣輿事洩逃散臣因臬天敖等而直诸从乱者不问盖事几危而复安矣臣惟为将者固贵肃纪律亦贵固人心总兵刘承嗣操下过严虽脔削无迹而恩信未孚以致军变不能无罪与各标将吏并应议处< 毓-金 >下兵部覆议得旨刘承嗣策励供职余将领行罚有差

○以浙省灾免牲口银两十分之三从巡按御史马朝阳请也

○壬申升蓟镇副将麻承恩都督僉事充总兵官镇守昌平

○甲戌谕朕亲阅寿宫工程已有次第朕心嘉悦诸臣协力效劳宜加特典元辅时行岁加禄米五十石赏银币荫一子尚宝司司丞次辅国锡爵赏银币荫一子入监读书定国公徐文壁加禄米三十石给与应得诰命侯李言恭以下各升一级石星加太子少保曾同亨升尚书提督大工如旧各荫一子入监读书李辅王一鹗沈鲤杨俊民于慎行徐显卿萧大亨俱加级赏赉有差穆来辅洪声侯升五品京堂常居敬何起鸣王友贤赵焕朱赆王弘海魏时亮王敬民田大年李载阳并分别加赉内原任尚书何起鸣遇缺推用荫一子入监读书

○革应天中式举人王国昌以其浙人而冒籍婺源也

○乙亥太子少保吏部尚书杨巍六年考绩具< 毓-金 >乞休命加太子太保< 毓-金 >辞不允

○升南京大理寺丞周希旦应天府丞

○复设湖广行都司掌印一员管郾抚标下中军事从抚臣裴应章< 毓-金 >也丙子升蓟辽军门标下中军张爌副总兵协守蓟镇五军营游击文廉大同参将分守井坪○丁丑金星昼见

○戊寅大学士申时行许国王锡爵及各部院大臣俱上< 毓-金 >辞阅视寿宫恩命各温谕不允辞

○蓟辽总督张国彦题三卫属夷入贡先之要挟索路将之贿后之骄横滋驿递之扰盖入贡愆期路将必获重谴方及秋期先行招诱故每一入关百计求索市易满载薄来原往又或身为贡使别令所爱部落条忽乘边今日进贡明日行抢辞悖气慢狡诈百官且如讨表里进马三匹讨职级进马四匹每虏一人岁费百金年复一年何时得息又如长昂一酋只喜峰一路

岁二千斤而且压足无时勃勃欲动贡夷到关酒食之赆不可数计而市马入关十九倒死向有沿边夷众忠顺不为寇盗者进功劳马升职级关表里为诸夷观望乃今无不进功劳马者要皆边将利其来以脱罪饱其去而不为长久之思相踵之弊至于如此乞敕严谕各边路将不出传箭出关招虏入贡即虏市违期亦不深罪但勤修守备令虏自夺气可耳部覆如议行

○升日讲官吏部右侍郎朱赓礼部尚书兼翰林院学士

○升光禄寺卿周世选都察院右佥都御史巡抚河南

○蓟镇总督张国彦辽东巡抚顾养谦会题海西挹娄夷种自永乐初来师置塔山塔鲁诸卫俾藩篱我至王台而益效忠顺北收二奴南制建州相率内向时王台近广顺关称南关酋二奴近镇北关称北关酋而北关实听命于南关王台死长子虎儿罕亦死二奴以侵南关诛其子那卜二酋修父怨攻南关急不复奉我要约臣等是以有兴师之请温姐者王台后妻二奴妹也有子猛骨孛罗少而台他子康古陆长古陆妻后母温姐故亲北关又讎其兄虎儿罕欲甘心其子歹□故南关惟歹商孤立守王台之业而余皆贼也臣等是以有并处康酋温姐之议温姐子猛骨既以母族北关攻歹商建州酋奴儿哈赤亦因结北关亲以歹□为事歹□敌益多故大帅有东征之师欲诛二酋以安歹□报王台之忠顺竦四夷之观望耳暨誓师而二酋负固乃纵兵破其重城发大炮坏其墙屋贼有洞胸死者二酋始惧愿和歹□臣等是以班师而身留开原铁岭间以图善后之完计先是康古陆以参将李宗召至囚之至二酋破愿入马奉贡猛酋子母亦请归命而皆若怀疑不前则以古陆囚未释也臣等是以决策释康古陆曰汝能收温姐来不尔杀也酋果偕温姐骈首谢臣等赆而遣之又虑歹□弱不能立久之或为诸酋并则名为后王台实亡之耳乃复令奴儿弃北关婚歹□二酋闻之亦争与歹□和而开原高枕矣但两关终以敕书不平为争盖自永乐来给海西诸夷自都督而下至百户凡九百九十九道以强弱分多寡今两关之强弱可睹也臣等是以酌南北平分之而北少其一以存右南关之意诸酋皆服然两关以争故皆失田业告饥而南关之歹□为甚因出粟赈之次第给牛种歹□等各感泣而去无何康酋死遗言戴中国恩母反未几温姐亦死于是卜寨那林猛骨卜罗歹□四酋重约婚姻争先向顺而建酋贡已先入矣此东夷向背曲折之略也至于剿抚功次责在有司臣何敢闻< 铨-金 >下兵部

○吏部覆议房寰张鼎思揭奏一事寰前任提学被议调外再经论劾业准留用分宜省过恪职乃持旧藏私书攻讦报复大非君子之行拟降调鼎思言官纠弹固其职事然手书列伊子姓名嘱托似难辞免拟罚俸王元敬代人转书亦非法纪以回籍拟免究 上不允谓迩来嘱托徇私挟讎告讦大坏士风鼎思寰俱降二级听调元敬革原职间住书内有名的仍查参议处

明神宗显皇帝实录卷之二百三

明神宗显皇帝实录卷之二百四

万历十六年十月辛巳朔以孟冬享 太庙

○是日 上御皇极殿钦天监进万历十七年大统历传制给赐百官颁行天下

○赐辅臣及日讲官历日有差

○敕甘肃巡抚右副都御史曹子登以原官巡抚保定因兵变议调从御史徐大化< 铨-金 >也

○升南光禄寺少卿王执礼南大理丞

○升左通政赵世卿

○升四川参政刘应麒湖广按察使江西副使金学曾本省右参政分守湖东

○改山西副使成宪本省提学副使

○癸未 上视朝

○甲申以阅视 寿宫暨 中宫千秋节赐辅臣申时行等银币酒馔有差○工部覆总督河道潘季驯条上河工八事一久任部臣谓水性有顺逆河情有分合地势有险夷如某处迎溜作何捲筑以当其冲某处扫湾作何帮护以防其泄事在分司宜委任南中两河郎中满三考方与优擢则练习久而河防自熟一责成长令谓理河如理家然家务繁琐不妨分任而庀材鸠工则督主之今濒河州县长犹家督也调集夫役备办物料宜专属之至于巡行督率责之行河者而郡守亦有总理之责焉疏虞并坐一禁调官夫谓治河有补偏救弊之法无一劳永逸之事禹奏平成不数百年而祖乙之都圯则防守弛也故曰防河无止工宜申飭沿河官夫专以河为事不得别差擅调致误河防一预定工料谓黄河泛涨每在伏秋修筑不预往往为河所乘宜于十月中旬即行踏勘分工备物务令正月兴作四月报竣后时者罚一立法增筑谓徐淮淮之间只尺河流倚遥堤一线为捍蔽而风雨剥蚀车马蹂躏日就卑薄宜令每岁修堤高厚俱以五寸为限遇低薄处随宜加筑遍植樟柳不如法者听总河参治一添设堤官谓高堰柳浦湾二堤绵亘二百余里一大使往来防守未兑疏虞宜另增柳浦湾大使一员夫役即于高堰南河数内裒出五百余名属之以密堤防一加帮真土谓淮水发源桐柏挟七十二溪之水经凤泗入海而基运山横截河中涌涨时作仅恃石堤一带为捍御而石内之土多系浮沙一遇霖雨辄至< 土册 >损土既圯矣石将安附宜觅取真土帮筑完固以捍汹涌一接筑旧堤谓清口乃淮黄交会而淮黄原自不敌然清口不至壅淤者以王家口之堤筑全淮皆从此出其势足与黄敌也自商贩盗决前堤挖渠利涉淮势渐分将来清口必致淤阻宜接筑长堤就近责清河令监守稍有疏虞即行参治命依拟行

○乙酉从御史柯廷奏蠲湖广龙阳等州县屯粮存留等银以苏灾民

○巡按广东御史蔡梦说请释故相张居正子嗣修雷州之戍悯其情罪未确流离困苦也上不允

○升礼部右侍郎徐显卿吏部右侍郎赵焕改左侍郎

○升陕西按察使李廷仪都察院右佥都御史巡抚甘肃

○升尚宝司丞董裕南京光禄寺少卿

○丁亥升山西副使郜永春河南参政贵州参议杨寅秋云南副使山东佥事刘弘道江西参议

○升两淮运判李宜春太仆寺丞

○敕工部员外马玉麟监修卿云宫从部覆湖广抚按邵陞等请也○戊子火星犯太微垣左执法

○升工科左给事中陈与郊吏科都给事中

○升大理寺右少卿宋仕左少卿左寺丞吴定右少卿

○升滴水涯守备张维城昌平游击山东都司佥书潘儒神机营游击福建都司卢鼎臣广西参将

○巡按陕西御史徐大化题河西于九边为多事而肃州于河西为最孤今边将报虏酋杪胡儿把汉及青把台吉大落赤等各部各枝与东套虏首吉囊合兵西来不下数万虽声言谋抢瓦剌而意固叵测也又闻庄酋抱水塘之讎实图一逞故鼓煽而来理之可信者其何以应之臣谨以巡关所得列为数事以闻焉一重关宜建盖虏入未有不掠番者倘番折而入虏不但撤我藩篱且虞为彼向导矣肃州临城附住番夷我属夷也其长安插临城而支族部落安插迤北境外累中虏患渐移内境近以招选夷兵自具粮马随众操演第散处水草调集为难肃城东门外地基平阜可建重关听夷兵男妇保聚其中且多盖管房安插新旧家丁以成犬牙相制之势置族长以施教化立保甲以便稽查战守其有资矣一墩台宜密甘凉庄西四郡三里一墩五里一台颇称周密惟肃州二十里而一墩焉应次第增筑以资瞭望而墩堡既立守候在人则严之以查阅恤之以更番尤要机也一夷兵宜鼓肃州地既孤悬守兵不满四千近议增兵饷无从出而镇城左右有回回哈刺各种夷人中多劲悍恨东酋之荼毒有年矣且处我郊关依我怙恃我若动以大义特加鼓舞各选把目以长之量课食粮以饱之按季操阅稍立章程平则以夷卫我急则以夷攻夷视召募者不啻过之矣一信地宜明肃州镇夷原属守

备后改设游击一员而割下古城隶之计下古城去肃州四十里去镇夷一百五十里地之远近既殊肃州守兵尚有三千镇夷止五百余名军之多寡并异策应有鞭长之患而失事有旁委之端不如将下古城仍还肃州责成参将闻警则提兵星赴失事则毋得推诿更觉妥便其或南北交警镇夷游击移住盐池肃州参将移住临水适中调度庶缓急有赖矣章下兵部覆请依拟行

○己丑 上视朝

○庚寅大学士申时行等题授庶吉士林承芳吴应宾袁宗道全天叙萧云举王图彭烺黄汝良銓注翰林院编修简讨李沂刘弘宝王孟煦薛三才刘为楫林祖述赵标会砺胡克俭王道正量授科道官 上如拟○调山西按察使王学书陕西按察使

○起升太常少卿卢维楨右通政

○辛卯升左都御史魏时亮工部左侍郎

○升祭酒田一俊礼部左侍郎兼翰林院侍读学士

○升蓟镇游击宋三省京营参将宁夏游击王应禄庄浪参将

○壬辰升陕西右参政石横山西按察使广信知府孙从龙江西副使户部郎中陈于阶山西副使

○升吏科给事中王士性四川参议兵科给事中和震山东佥事御史章邦翰许士恩福建河南各佥事徐大化陈奇谋九江韶州各知府○乙未起日讲官礼部右侍郎兼翰林院侍读学士张位驰驿来京照旧供事仍协理詹事府升太子宾客礼部左侍郎兼翰林院侍读学士掌詹事府事王弘海吏部左侍郎

○敕泰宁侯陈良弼掌南京中军都督府事怕城伯赵泰修掌南京前军都督府事

○升佥都御史詹仰庇左副都御史协理院事

○起升原任南京祭酒黄凤翔国子监祭酒

○云南巡抚萧彦奏孟养宣慰司遣使贡方物驯象上命差官伴送夷人至京以广朝廷怀柔之意

○丙申礼部题建州等卫女直夷人都督松塔等一百五十四人赴京朝贡赐宴如例遣临淮侯李言恭待

○升甘肃守备熊国臣宁夏游击大宁都司掌印许国忠宣府参将分守南路中都副留守韩启阳蓟镇游击

○户部覆河南巡盐御史吴达可条上四事一顺天时以以定课程不论盐花盛生靳生酌定岁额四十二万一严责成以固盐池改蒲角□羊二州守量加运同职衔修筑渠堰一清票税以补额饷太原汾沁既食票盐其税应角□羊司抵课一均力役以恤贫丁分盐丁为三等上一作三中一作二下一作一如议行

○己亥升宁夏巡抚梁问孟都察院左佥都御史协理院事

○以 寿宫恩叙升户科左给事中穆束辅通政司左参议江西道御史洪声远大理寺丞

○升山东副使刘鲁陕西参政

○辛丑礼部题泰宁卫夷人伯彦卜儿等二十员名朝贡贺 万寿圣节兼补十五年长至节表文赐宴如例命临淮侯李言恭待○壬寅升西安知府叶明光贵州副使

○礼部题原任兵部尚书张佳胤机略素闲才猷克壮专阃两弭祸变筹边屡奏肤切宜照例赠恤 上予祭九坛仍行造葬议谥

○癸卯大学士申时行等题近日朝讲久废臣等不胜恋恋偶文书房官刘恺送本到阁恭问始知 圣体火动臣等犬马微忱思得时尚隆冬气方严肃伏望顺时调护以慰臣等悬切上报闻

○礼部题北虏顺义王扯力克等及河西套虏都督同知卜失兔等进番表贡马及鞍辔弓矢有差

○升甘肃总兵官刘承嗣后军都督府佥书管事

○兵部覆巡关御史勘阅边政＜ 铨-
金 >督臣张国彦抚臣顾养谦镇臣李成梁以下荫赉升级有差叶邦荣等提问斥革有差上依拟

○甲辰 诚孝昭皇后忌辰遣靖远伯王学礼诣 献陵行礼

○原任南京兵部尚书郭宗皋奏谢存问 上报闻

○乙巳礼部题泰宁福余等卫都指挥伯彦卜儿那木塞等进马贡贺万寿圣节及补贡十五年长至令节给赏如例

○升陝西左布政使姚繼可都察院右副都御史巡撫寧夏

○丙午賜原任戶部右侍郎呂時中祭葬以其直聲早著掖垣清望久孚林壑也

○工部覆總河潘季馴題請罷開復黃河故道及澗支渠合沁衛諸議一意修築堤防
上報可仍申飭河臣毋因循以致疏虞紛議以妨實事違者听總河參究

○敕分守洮岷副將李煦以原官挂印充總兵官鎮守甘肅

○丁未賜三輔臣鮮藕○山西道御史王道增論奏甘肅總兵劉承嗣激變軍士罪當嚴斥今
撫按皆坐議而承嗣得金書后府非法之平< 銖-
金 >下兵部覆議得旨承嗣赴總督軍門听用

○戊申升廣寧備御王紹芳義州參將

○己酉 上御皇極殿太常寺奏請 大祀 天于 圓丘

○升河南右布政使王體復陝西左布政使

大明神宗顯皇帝實錄卷之二百四終

明神宗显皇帝实录卷之二百五

万历十六年十一月庚戌朔 上御皇极殿以 大祀 天于圜丘传制誓戒百户

○礼科都给事中苗朝阳因山东生儒不服搜简顺天监生诡窃贤科奏请禁诸生不许陈说民情利害官员贤否违者以不遵卧碑黜革问遣国学援例非原籍查明身家并无违碍者不许上纳如夤缘假籍礼部即行参究＜ 铨-金 >下该部覆请依拟

○升陕西右参政王藻本省按察使备兵庄浪

○保定巡抚曹子登罢以甘肃营兵之变为御史连标所劾也

○朝鲜国王李昖遣陪臣李准等奉表文方物贺冬至令节○南京兵部右侍郎王世贞条上军政一武官六年比试首二场马步射不入格者仍令入第三场其骑射策论各有一长者免黜若才伟略明识博览绰绰乎蓺文之表者即杜预之力不穿札韦睿之弱不习骑亦破格收录一国制自公侯以下凡系武职皆乘骑不得用扼盖欲其便骑而习武也今南都自把总以上无不舆者浮慕縉绅褒博之风豢就纨绔骄惰之态安能披坚执锐分士卒横草之功抑纵控送工疆场趋风之技哉至兵马指挥职在干楨与武臣同宜一体禁革一达官指挥千百户姓名皆因其故回夷饮食丧葬皆仍其俗虽解辫之化已覃蛮夷之法未尽宜于军册更其夷号而回夷色目入不得别造寺宇崇奉满刺诸祀以时一统之盛一清勾之法虽云典制而应勾者孱弱易毙奸黠多逋且军一而押解者二人无罪而使之废庐产鬻妻子触冒寒暑凌历险瘴与军人共一旦之命于万里之外非情也宜于所籍五百里内从便改补则伍不缺而情法安矣＜ 铨-金 >下所司

○升浙江参将朱先狼山副总兵陕西参将傅桓洮岷副总兵河南都司金书乔一麟蓟镇游击

○辛亥升广东按察使林乔相河南布政使专理粮料

○升两淮运使杨归儒陕西右参政

○吏部题 亲王之国应用辅导官奉旨左右长史于进士出身审理纪善于举监出身官内择其学行端谨者＜ 铨-金 >名上请部拟刑部主事杨同善户部主事刘以平国子监博士李维美学正李琛中书舍人戈履亨程启元改除

潞府长史司等官其戈履亨程启元仍支从六品俸 上如拟 ○癸丑冬至祀 天于圜丘遣公徐文璧代遣侯常胤绪薛钺李环伯王应龙方烨刘应元陈王谟陈如松王炜诣九陵行礼

○升山东参政徐用简广东按察使

○升平凉知府姚继可行太仆寺少卿

○礼部题建州卫女直夷人都督指挥阿台等一百五十七人朝贡赐宴如例命临淮侯李言恭侍

○改敕苏松水利副使许应逵兼督府粮储从侍郎王世贞请也

○甲寅冬至令节免朝三辅臣诣会极门行礼赐上尊珍饌

○祭 三皇于 景惠殿餽赐辅臣

○礼部请如例给赐朝鲜国历日一百本报可○升大理少卿宋仕都察院右佥都御史巡抚保定提督紫荆等关

○改陕西右参议陈文烛山东左参议管理漕运

○南京兵部右侍郎王世贞引疾乞休 上不允

○升神机营佐击郭应坤五军营参将

○升延绥游击萧如兰靖虏参将四川游击周于德浙江参将分守金台

○己未礼部题朝鲜陪臣李准等四川乌思藏国师番徒阿南坚参等各致方物贡贺如例赐宴 上命临淮侯李言恭尚书朱赓侍

○升密云游击姜显宗山海关参将

○庚申巡抚广西右佥都御史刘继文条上制驭粤西土夷切要四事一训官男以移土习谓官男自幼不学耳目闻见不过杀戮之事淫乱之行故争斗易生宜令各土司生子报名道府因定嫡庶长幼之序焉稍长送入府学读书习礼凡三年乃得依序承袭庶教化行而驯服易伦序明而争端可息也一立村长以约獐丁谓獐獐素为民患迩来额知向化然类聚群争易启弊端宜于错居村落编成排甲立一甲首使明约束不率者稟究庶夷俗可以渐变而边圉可以永安也 正典刑以惩逆目土夷俗无上如田州思恩之乱皆逆日倡之则以汉法不行而敢于狂逞耳宜定为律土目擅杀本管土官者除主谋下手外但同族与谋俱比部民律骈斩则逆目知畏法而土司赖以保全矣一立社学以教獐豸谓獐獐俗固鸷悍然性亦犹人间有良者颇知向学往岁社学虽设而督率尚无责成宜行提学道查建申饬庶渐磨之久夷风可永革也< 铨-金 >下兵部

○巡抚广西右副都御史刘继文题东兰州土官韦应龙暴戾不仁废长立幼残害族属生六

子而杀其三弟应虬惧避之南那二州龙遂杀其妻子家属无噍类虬怒纠二州之兵相讎杀臣禁止之而恶目陈星陈蒙欲乘机以龙幼子文略袭龙不从乃执龙并其第四子文奎幽于武篆寨匿州印臣行拘龙虬奎略至搜获州印数其罪度不能尽以汉法治也量惩之而送文奎还州视事乃星蒙辈自知罪大又立文奎非其意遂集众屯武篆山寨隘峒阴刺文奎尽取龙子女宝玉献田州土司岑太禄为之援于是臣等不得不遵敕议剿矣业发镇守总兵张澡调集营兵数千及泗城思恩等土州官兵分为三哨令参将熊文济刘綎佥书汪弘器领之按察使彭应时参议陈性学监督军事俟事定分别功罪以闻章以兵部

○甘肃海虏瓦剌他不囊拥众自南川入杀副将李魁及中军阿承印等亡失多兵科都给事中张希皋劾总督郅光先巡抚曹子登总兵刘承嗣佥事万世德等宜分别治罪又谓套虏岁以甘镇为壑近闻虏王乞庆哈寓书宣大督臣欲亲送番僧拥众西下若其行果无论赏犒之费不貲而窥伺之衅其可再乎先事图谋相机操纵责在督抚而已命兵部酌议以闻

○兵部覆陕西总督郅光先题互市事竣延镇台吉等比宣大效劳夷人例给冠带量授职衔上报可令以后勿得滥增 ○镇守辽东总兵官宁远伯李成梁以疾乞回卫不允

○升山西副使刘葵陕西右参政分守西宁

○辛酉命武定侯郭大诚后军都督府佥书管事

○谕内阁 皇第六女命名轩姚

○左佥都御史詹仰庇题章＜ 铨-金 ＞乃臣子对君之言称谓敷陈自有体式如言事而及其人则书姓书名未闻以官以地者词主明白质实不以藻丽为工篇期简切谨严不以繁多为富近见诸臣所上不曰故相某人也而曰江陵分宜不曰总兵某人也而曰大帅大将军律以君前臣名之礼亦悖甚矣而词兢新奇篇务瞻博抽黄对白骈四骊六数说之外又有一说事尽意穷刺刺不休以尘乙夜之观何暇竟乎殊为失体宜行申戒＜ 铨-金 ＞入嘉纳仍命部院申明体式违者参治

○壬戌贵州道御史何出光劾内侍张鲸及其党鸿胪寺序班邢尚智锦衣卫都督刘守有相倚为奸专擅威福罪当死者八赃私未易缕指 上命张鲸策励供事邢尚智刘守有等革任余犯法司提问自是给事中张尚象吴文梓杨文焕御史方万策崔景荣相继论之上各报闻

○吏部尚书杨巍请申饬朝覲官员考察事宜报可

○癸亥 圣母慈圣宣文明肃皇太后 万寿圣节赐辅臣及日讲官金币有差

○甲子工部覆河南巡按御史王世扬奏河南境内黄河自潼关至归德开封等处奔流二千

余里去总河督臣远甚利害之切见闻之近必先抚臣宜于抚臣敕书增兼理河道一条与督臣协同行事诏从之

○乙丑 上视朝以 圣母寿节赐辅臣及日讲官金字符书

○丙寅以碾伯游系张一贵管西宁参将事从督臣郅光先请也

○丁卯 孝惠皇后忌辰遣灵璧侯汤之诰行礼 孝烈皇后忌辰遣宣城伯卫国本行礼

○兵部覆议西宁失事之罪督臣郅光先夺俸三月道臣万世德降俸二级游击张一贵夺俸半年千户彭大胤等提问

○刑科给事中李文郁劾陕西总督郅光先以营兵谋杀巡抚在曹子登已议罢而未及总督故论及之部覆光先功叙素优瓦酋卜囊入犯一事正在责成严备宜姑从薄罚令移镇兰州调度瓦酋西行之衅并诘责虜王相度征剿革其市赏以收桑榆之效
上从之○朝鲜使臣李准事毕赐宴如例命尚书朱赓待

○海西思鲁等女直夷人都指挥羊孛罗等二百三十九人朝贡赐宴如例命临淮侯李言恭待

○戊辰 圣母慈圣宣文明肃皇太后 万寿圣节上御皇极门百官致词称贺

○三辅臣恭诣隆宗门行礼赐上尊珍饌

○命选收净身男子二千人礼部尚书朱赓奏中涓之役 祖宗朝限制甚严近万历十四年有男子曾万寿等叩阍求用严行驱逐今曹进忠未经取选与鲁万寿同宜行禁绝竟以内庭缺人留二千人礼科给事中苗朝阳江西道御史荆州俊相继＜ 铨-金 ＞论不听

○己巳吏部尚书杨巍奏新选休宁训导谭维被棍徒梁仕椿以营干得遂逼索银两投河身死臣等初以为指称夙弊听其伏法已耳不意御史李光祖＜ 铨-金 ＞参仕椿乃宋坤家人交结中贵干涉选法虽奉旨司礼查问虚实自见而臣等疏庸之罪亦复何解矣＜ 铨-金 ＞入 上责其禁飭不预姑未究该司夺俸三月

○户部尚书宋纁乞罢以 潞王之国市珠宝二十万金不能执奏浙直灾伤改折不听行为左都御史吴时来论列及之也其实改折不可轻议即时来曾言之而反覆攻侵非师济克谐之谊＜ 铨-金 ＞入 上慰留任事仍谕大臣当协和奉公不必以语言争论下所司

○壬申刑部覆议张鲸刘守有邢尚智赃罪尚智论死守有斥鲸被切责仍令策励供事吏科给事中张应登再＜ 铨-金 ＞论之不听○癸酉礼部题海西撒刺等卫女直夷人都指挥

使阿失卜等一百七十八人朝贡赐宴如例遣临淮侯李言恭待

○四川乌思藏及安抚宣慰使各遣国僧阿喃坚参等十四人朵甘思招讨司并宣慰使司各遣国僧喃哈孟等十六人进贡方物

○礼部题甘镇官夷卜失兔阿不害及各酋妇计二十七名口互市效劳例应给赏各赏彩段二表里织金纁丝衣一套其进马每匹彩段三表里绢一疋加银五两于本镇桩朋内支給又比例甘镇虏酋歹牙赤抄胡儿带领精兵从南北山入抢西番游击孟孝臣及家丁张忠王一臣等阵擒虏满可扯哩太及马匹甲器并夺回番妇七名口所获虏酋羁候待赤酋服罪再议

○原任太子太保兵部尚书张佳胤赠少保从部覆锦衣卫指挥佥事张叔琦请也

○乙亥都察院左都御史吴时来极言内竖之选不宜滥收不听

○丙子大学士申时行等自陈不职乞赐罢斥谓张鲸处分未定御史马象乾切责臣等既不敢委曲调停犯众论之公又岂可窃禄苟容貽清朝之玷惟有引罪乞身庶不至上误国事下启群疑耳 上谕张鲸事已处分言官逞私波及章奏皆朕亲裁卿等谁为阿从且忠谨昭著公清素闻何必因言求退宜即出赞理不准所辞

○吏部尚书杨巍等奏伸公论正国法以慰群情事因张鲸处分未明合< 铨-金 >以去就争也 上报闻谕令即出理事不允辞

○升南康知府潘志伊江西副使分巡湖西四川佥事王亮苑马寺少卿整饬靖虏兵粮

○河南道御史马象乾奏先是御史何出光等论列东厂太监张鲸有旨令策励供事比刑部勘问覆请有旨鲸候处分而供事如故党与虽惩元凶漏网矣臣不胜痛愤窃谓 皇上英明不世出往冯保怙藉宠灵操弄威福一发其奸弃如脱屣今鲸恶不全保下而去鲸不若去保之断何也岂鲸日夜以微劳陈乞而 皇上过听之遂使大憨盘据宫闱千人指之不能去万贿坐之不能动三尺行于疏贱而贵近则格成何法纪至治极辨之世不能胜一狐媚豢养之奸上亏圣德下貽后忧成何景象臣等小臣所赖力清 君侧善成 圣德者非一二阁臣乎连日以来累息延颈冀必有言而寂无闻也则又冀台谏之交章职票拟者当分别是非少塞众怒而竟无闻也古者阴阳不调方外有警且归责宰辅况禁近之地赞御之人昭昭于目前危而不持焉用彼相昔 武宗朝逆瑾擅权内阁有刘健等九卿有韩文等叩阁力争持章不下使瑾皇怖乞南乞闲不可得诸臣即不欲过激如往辙力劝 皇上远其人而不诛夺其权而不藉可耳何至以阿意顺旨为调停以局促避怨为忠原使四海疑谤尽归朝廷亏损 圣明郁积众愤无论非宰相之事亦非张鲸之福也伏乞 皇上以臣言下内阁令其自陈出鲸罪案使远近传闻则明断过寻常万万矣< 铨-金 >入 上震怒下象乾镇抚司打问

○丁丑大学士申时行等＜ 疏-金 ＞救御史马象乾谓臣等既以失职仰负 圣眷又以拒谏累及言官臣等乃万世罪人宁与象乾同赴司刑万无靦颜在位之理且不见近日张居正之事乎 皇上始为居正谴责言者卒之公论不容身受恶名家被显祸若象乾得罪臣等异日即居正之续耳伏乞 圣慈鉴察曲全臣等谨封还御批具题以闻不报○戊寅大学士许国王锡爵各＜ 疏-金 ＞申救象乾国＜ 疏-金 ＞云言官言事乃其职耳 祖制特许风闻虽误不究况据事直陈者乎臣为讲官时易朝廷为张居正捩辱言官臣心痛愤恨不及食居正之肉今乃蹈其覆辙使旁观者复欲食臣之肉如万世讥笑何且近日论张鲸＜ 疏-金 ＞甚多悉置不闻乃独为臣等发愤究问使臣等得罪于天下后世又甚于鲸矣锡爵＜ 疏-金 ＞云马象乾论臣等阿从失职义正词严皇上宜赐采行使人知前后诏旨俱出臣等票拟原非 圣意则人情自定 圣德有光矣柰何抵之罪乎先年张居正以夺情迁怒徂击言官臣于是时稍能诤让居正为言者解所以居正败而臣得进用夫皇上本以忤居正用臣而今又即以处居正之事处臣臣之不才纵不能道扬 主德维持国论亦何忍见朝堂之上再有此异常举动使天下万世谓臣外援忤权之名以进身内挟当权之势以沮众臣今日即死上何以见 九庙在天之灵下何以见刘健等于地下明何以谢举朝士大夫之公论幽何以辞张居正之鬼责哉臣身轻如羽使万世蒙诟而有益于皇上臣不敢避今身既不肖有累言官而又并累圣明以拂谏之名不惟不可一日立朝且不可一日为人矣语多激切俱不报

明神宗显皇帝实录卷之二百六

万历十六年十二月己卯朔谕元辅昨览卿等所奏悉见雅量朕怒此辈纷纷抗奏不遂辄逞私臆借言排击甚失国体故治其狂妄之罪非卿等累及卿所奏留中以全卿等之美卿可体朕意即出视事并谕两次辅知又览次辅锡爵题帖内说亡女一事卿可代朕谕勿悲惜过度恐失治生之道亦不必再有托陈负朕倚协辅至意

○大学士申时行等奏缴钦奉 御札文书官李文辅恭捧至臣私寓臣谨祇领即传示同官讫伏念臣等猥以庸陋忝备弼臣过有万端愚无一得自知窃禄尸位有负皇上任使之恩而顷者因事惕衷省躬思咎盖众论喧腾人情脆脆而不能镇服朝政有缺主德未宣而不能匡维虽无阿从之心而有阿从之迹既有失职之罪而幸逃失职之诛此公论所以不与而言官所以相规也乃蒙 皇上不即弃捐仍令在列而 圣慈天覆宸谕眷温俯从臣等之愚曲贯敢言之士仰见 皇上转圜之度止辇之风将流誉寰区垂光史册岂臣等得专其美至臣锡爵亡女私怀亦蒙轸念仰惟皇上眷綏之渥不啻家人父子之情臣等义激铭肝感深雪泣即捐躯陨首不足以报圣恩于万一矣即日报名廷谢其 圣谕一道谨尊藏阁中彰皇上容言礼下之美谨奏谢以闻

○是日 上遣司礼监太监陈政口传 圣谕谕内阁张鲸侍奉多年他家用的人做坏了事他未必知如今都下法司问过重罪了张鲸著他私家闲住这不为章奏纷纷处他只为近年四方灾伤民间疾苦每令他访奏不以实闻故此处他又谕朕欲召见先生每偶因动火未安待朕体全愈即出召见大学士申时行等奏谢窃惟进退用舍乃朝廷大纪纲不可以近而或忽访问灾伤乃朝廷大政事不可以远而或遗皇上天纵英明日亲几务犹欲访求民瘼通达下情而张鲸不能仰体 圣心不以实奏壅蔽之罪诚无所逃且内外官工皆当守法奉公简身戢下而张鲸任用匪人犯法坏事以致法司尽暴其罪言官交斥其非疏纵之愆亦难自免 皇上特垂宸断出之私家非为人言纷纷姑以塞盈庭之议乃繇 圣心独断用以儆失职之辜此真至明至公同符尧舜非臣愚昧所能仰窥万一惟有播之在廷书之史册使万世称颂圣德而已

○吏科给事中李沂劾东厂太监张鲸倚势乘宠招权纳贿罪恶万状屡经科道指摘今群党邢尚智等既处而元凶未伏其辜非法之平数日来都市喧传咸谓鲸广进金宝多方请乞果尔则亏损 圣德又不止顾念侍卫之微劳矣伏乞 乾断以释群疑< 銚-金 >入上怒下镇抚司即讯同日刑科给事中唐尧钦亦有< 銚-金 >击鲸而得从宽政姑置不究以沂< 銚-金 >有都市流传进贿一语故也而沂旨内有这厮欲为冯保张居正报讎云云说者又谓时司礼张诚为冯保之余欲甘心于鲸沂< 銚-金 >实为所用是则未易言矣○庚辰大学士申时行等具奏廷谢报闻是日< 銚-金 >救李沂谓张鲸之事言官交章论劾何独李沂一人致干 圣怒及取其< 銚-金 >读之果属狂缘李沂系庶吉士授官未及两月新进书生不识忌讳若居正冯保在日彼犹

未入仕途原无恩讎何为报复不过风闻建白心实无他似不必深罪且昨为马象乾所言皇上犹为臣等曲全褒臣雅量况 皇上天地之量何所不容而苛求一无知的小臣哉不报

○辛巳礼部题海西弗秃等卫女直夷人都指挥往吉奴等一百一名进贡如例赐宴命临淮候李言恭待

○顺天巡按御史孙旬勘报密云蓟州昌平永平各道所属府州县灾伤请照例蠲免民屯钱粮以恤灾民 上从之○起升原任副使陈文焕四川副使

○南刑部主事刘以焕革职听勘以御史陈扬善劾其受贿枉断李镗一事也

○升刑部员外朱熙洽山西佥事分守赤城

○谕给原任都察院左都御史王廷月米岁夫如例从四川抚按徐元泰何倬之请也

○命成安伯郭邦相承袭祖爵

○壬午升山西参政刘中立陕西按察使

○癸未镇抚司打问过给事中李沂奏上御批李沂既刑究明白拏在午门前杖六十斥为民文书官刘成将本到阁阁臣申时行等大惊欲具< 疏-
金 >救且留御批未发刘成不可竟持去而 上已遣太监张诚出监杖矣时行等惶遽上<
疏-金 >曰李沂上干圣怒已蒙打问死生未保再行廷杖重复加刑恐万无主理此累朝以来所未有仰累 圣德关系不小臣等不能匡救必难覩颜在列伏望少霁 天威俯全言官垂死之命躬诣会极门候旨有顷传谕云先生每说话依得的依了依不得的也难依如前日马象乾就依了李沂放下各处贪官污吏不说却说我贪这等捏污君父岂可轻宥时行等复向张诚极言诚不可竟杖之

○礼部尚书朱赓吏科左给事中王继光相继言内竖之收宜罢圣意已定不欲变但令供事老病者汰革

○户部题覆 潞王再请湖广河泊等所柴洲坑套等项地亩合如数给发以抵添给之数其州田额税行湖广抚按酌议报可

○甲申添设河南开封府同知一员驻劄荆隆口祥符县丞荣泽主簿各一员专管河务○升河南副使齐一经山西参政分守河东

○礼部题 潞王之国以 兄皇遣弟虽与 父皇遣子有间而礼未尝不同查得景王之国先期一日王与妃恭诣御前面辞行五拜三叩头礼祇祝受训命毕诣母妃前行四拜礼出

明日王赴大明门陛辞启行繇朝阳门出先期一日百官赴府辞至日具朝服侍班候王行礼毕出易吉服至朝阳门桥东左右序立候王辂过而罢今潞王之行已经奉旨照景王例行前项礼仪伏候裁定 上曰是

○追夺都察院左副都御史劳堪等诰命二十六轴内府印绶监会官烧毁

○翰林院编修邓以赞引疾乞假许之

○乙酉巡抚宣府都察院右副都御史许守谦三年考绩荫子许其德送监读书

○丙戌大学士申时行等题庶吉士王德完补授给事中 ○户科给事中薛三才< 铨-金 >救李沂谓 皇上躬亲览断博采葛藟言官论事雅荷包容顾独震怒于沂者岂真为张鲸罪沂哉亦以沂之狂戆示惩耳夫妄拾齐民晬传之语形诸奏牒非对君之体沂诚失言然意在耸动 圣听以除君侧之恶非敢有心捬污也至云为张居正冯保复讎则二奸擅权时沂尚诸生度未识面世岂有触雷霆甘斧钺为素不识面之人图报复者哉况沂罪而言官之气结矣何以励臣节乎时太常寺卿李尚思等吏科给事中陈与郊等各有< 铨-金 >语多切至俱不报

○升河南参议徐三畏本省副使备兵磁州

○丁亥予原任吏部尚书汪宗祭二坛造葬部覆其执法郎曹宣劳中外晚节克全舆论推也
○戊子工部尚书石星覆总督河道潘季驯题称河南黄河上流三门七泽而下地平土疏每易冲决特非运道所经往往忽视以为无虞而不知上源既决运道未有不阻者故修守之法在河南尤属紧要其故道繇新集出小浮桥铜帮铁底所当开复而岁俭费繁未能遽行惟慎加修守庶保无虞因条列六议一黄河北岸逼漕南岸逼省先臣刘大夏于两岸各筑长堤绵亘千有余里百年来颇受其利乃坍塌冲汕岁久易湮宜刻期修筑一沁水发源沁州至武陟与黄合势最湍悍而莲花池金圪垯其险要也生灵无算寄命一堤危若累卵而最险处止四百余丈即尽罄以石工亦易辨所当亟议石堤以图永赖者也一河工甚钜而所恃工费止河堡夫银而已近缘并入条鞭有司辄急京运而缓河道任民逋负甚至已徵而别用竟不扣还河工所以坠误也今议从前借用者如数抵还在民者徵解贮开封待不时之用一役民用其力当恤其私今议开归怀三郡近堤没官田地给堡老六亩堡夫五亩不足则以旷工银置产以授之则民有身家之患防堤益力矣一河之害在河南尤大则治河之功在河南尤难往秋防举劾仅行于淮徐而不及河南诚为缺典宜一体甄别以示激励一河南虽非运道所经而河清水性与淮徐无异固当以治淮徐之法治之则夫责郡邑长吏以一事权核岁修工程以预兴举增补卷筑以固堤防所当通行者也诏如议行

○己丑宣大总督兵部尚书郑维引疾乞致仕不允○升刑部郎中熊瑞湖广副使

○庚寅大学士申时行奏问起居以李沂一事 上怒甚连日称疾不视朝也

○大学士许国奏昨廷杖李沂一事臣备员辅弼既不能潜消众议调护于先是以清主上之听又不能披豁微诚挽回于临时以霁主上之威致使圣心焦劳外观震骇而臣一辞莫措一筹莫施得罪群臣贻讥万世失职之罪莫此为甚伏望皇上将臣罢斥别选忠贤列在枢机共济治平宣扬盛美臣虽跼伏田野犹瞻仰阙廷也得旨卿辅政多年忠勤端亮正赖分猷弼违岂可遽自引退即出辅理不允辞

○王锡爵奏臣之遭遇拔擢四年于兹矣屡荷眷留一陞再荫如天之恩不可缕举即近日么么一女特厪手札传慰蔼然家人父子之情臣感激涕零陨身莫报顾大臣立朝期于尽节小人怀惠期于图报皇上以子视臣恤其家事而臣不以父事皇上国论纷起而不能持袞职有阙而不能补非立朝之节也臣前< 铨-金 >谓犬马之身轻于一羽皇上尚惟其疾之忧何况皇上天地祖宗付托之身而以委巷风闻书生狂直一言疾威震怒起居失常臣暗无献替止办哀啼非报恩之道也臣负此二罪席藁自陈伏听罢斥惟是至情大义不忍忽然自顾身名遂忘国事辄有芹暴之献凡人主有内愧之真情深谋之密事而臣下矢口触之则有所不堪如近日张鲸金宝一事既出讹传则心无愧怍正足资皇上一笑焉用怒为凡听言之道先虚其心次辨其理心虚则莠莠皆可择心实则肝胆皆可疑疑在理内犹可说也若张居正冯保报讎之疑则理外矣且皇上不见先年抗< 铨-金 >攻居正之艾穆即居正之同乡乎以此推之足知中外言讎言党俱非公论不可信也凡台谏言事欲动上听往往过激要在

明主折衷处断以服其心降言优容以养其气即如张鲸之事

皇上恩威操纵业已两全自此旋霄风雷别无根蔓则庙堂岂更有一事者凡廷杖非正刑先朝虽间一有之亦未有逮鞠廷杖并行于一人一时者臣每见犯人惟强盗大逆则有好生打问之旨今以加之言官窃恐未安张居正擅权时欲箝人口将

世宗晚年遗札尽行进御名虽效忠实欲导皇上以刑辱言官自为已地耳

皇上必欲法祖自有良法美意可师居正万世罪人岂可黜其人而复行其志乎凡阁臣受心膂之托于外廷< 铨-金 >而于皇上亲臣每事调解原不为诸臣市恩亦不为一身逃谤诚恐言壅反溃事激反伤欲以明覆载之无私示宫府之一体也皇上倘谅其心则不必疑其言倘疑其言则不必用其人政本重地不当但为臣等顾惜体面而已诸如此类皆急时难诤平时可思言时无味用时得力圣人动举不可再误天下人心不可再拂臣愚垂死谆谆之言不可再渎伏望皇上垂日月之明先将臣罢斥以正失职之罪然后虚心平气采纳臣言宠与十札恩藉再生首丘骸骨死且不污得旨卿公忠直亮敷陈说言朕方嘉纳眷倚岂可遽自引退宜即出辅理不允辞

○礼部题海西友帖等卫女直夷人都指挥泊扯一百八十三人进贡如例赐宴命临淮侯李言恭待○潞王之国供用金宝费至二十余万内府既竭商办尤苦户部尚书宋勋侍郎胡执礼巡视科道张应登等各上< 铨-金 >争论语语切至有减三分之一余办进

○辛卯吏科给事中杨文举

○命顺天府官竭诚祷雪

○癸巳升四川参政张孙绳浙江按察使

○甲午大学士申时行等奏原任大学士王家屏德器宏雅学识深淳十载讲帷启沃之功最茂两年政地经纶之业方新臣等忝与同官皆自以不及今服制已满应及时召用光佐圣明且官必择人人惟求旧 上得忠贤以资明谟弭谐之益下得僚采以成同心共济之功此臣等荐贤为国之愚忠以人事君之职分也 上谕令撰手敕来行

○升神机七营参将郭三翰神机营副将 以马阑参将俞应乾调补神枢营
礼部题江西巡按朱鸿谟奏保孝子徐信等二人节妇刘氏等二十五人烈妇王氏等八人

命旌表如例 乙未 兵部题覆臚乃功次得

旨徐元泰加二品服俸李应祥升一级李士达周光镐各升一级朱文达等各升实职二级并赏金币有差 礼部屡类奏灾异大略谓山西偏关及陕西泾州固原陇西孤山等处俱天鼓鸣或如炮或如雷而镇番卫石灰沟天鼓震响云中有如犬状乱吠有声直隶滦州山东乐陵武定河南叶县浙江嘉兴府辽东金盖广宁及陕西宁夏云南卫府州县十余处俱地震或有声如雷鼓山裂石飞毁屋杀人甚则震倒城楼铺舍城垣衙宇民居压死男妇百余牛畜无算山东

德府宫殿灾兖州风雷暴作

鲁府西顺门左右房扫一空滋阳同时吹倒城垛坊牌及衙舍民居毙居民八人镇番卫异风蔽天拔木吹倒外城垛边墙百余丈 延绥九月大雨雹伤苗西北二路七月严霜杀稼宁夏八月大雪积地尺许军士冻伤 南京旧西安门脊钟鼓楼各兽头及竿杆等俱被雷毁灾异纷出叠见皆上天谴告之符也盖据总督抚按等官各以所属地方官所申报者入告云疏入 诏诸司共图消弭勿事虚文 丙申 大学士申时行等题上拟撰手敕

敕吏部原任大学士王家屏升礼部尚书兼东阁大学士入阁办事遣官行取驰驿来京如敕奉行 与原任兵部右侍郎曹金 原任南京兵部尚书阴武卿各祭葬如例 丁酉以年节颁赐辅臣申时行等及日讲官徐显卿等金币有差 太常寺题岁暮行

大祫于太庙东西两庑分献命公徐文璧侯李言恭前一日祭告太庙祧庙遣驸马许从诚万炜各行礼祭 太岁月将之神遣太常寺卿行礼

命镇守陕西总兵官王抚民为右府佾书管事
礼部题海西脱伦兀等卫女直夷人都指挥几失等四起共一百四十五人进贡如例宴赏

命临淮侯李言恭待 礼部题正旦令节朝覲官同在京官给宴赏钞锭

上报可 户部尚书宋纁以疾乞休致仕上温谕慰留不允 复除河南道御史赫瀛
升南京刑部郎中黄子美为德安府知府 升四川副使周思敬为本省参政 戊戌
升太常寺少卿王敬民为大理寺左少卿 己亥
礼部题译出几失等例求金带金损帽职事衣服 太常寺题正旦祭

九陵遣侯郭大诚徐文炜常绪< 彳胤-
丿>汤之诰陈应诏宋世恩李环伯方烨卫国本诣各

陵行礼恭仁康定景皇帝陵遣伯刘应元

哀冲 庄敬二太子坟指挥同知周清各行礼 庚子
山西布政使傅作雨调补浙江右布政使 兵部题覆陕西总督尚书郅光先奏称虏酋吉囊与
庄秃赖各领部众乞求内地过边住牧及顺义王护送番僧西回乞讨市赏恐诸酋合堤备为
难且甘镇孤悬处处当防在延宁一镇远为哨探果虏王起帐西来从近边行走随宜抚处甘
镇动支预备银犒赏酌量冲缓分兵防御如虏王必趋海上切近洮河归德一带则固镇道将
哨备宜先督臣临时斟酌移镇调度及寅大总督尚书郑雒揭相同今吉囊乞过闾门虽觉安
静而移帐高古城尚未出我门庭庄秃赖声言西抢鱼尾吉囊而要求水塘住牧寔欲处我堂
奥顺义王送僧之举恐为假道伐虢之谋若各镇并力处置得宜则虏人虽宜入我有以逸待
劳之势若彼众合谋声势联络则甘肃孤危我有以寡敌众之虞要之以抚为体以堵为用以
守为正以战为奇及先时侦探宣谕临时防抚应援一切机宜诚为长虑应如议申飭

上是之 太和县知县潘应期革职提问从御史苏鄯劾其投贿求脱也 礼部题海西顺割
等卫女直夷人都指挥宿人害等一百五人进贡方物如例赐宴命临淮侯李元恭待 南京
江西道御史林可咸吏科等科给事中杜华先并疏张鲸宜正典刑盖未知已有处分也
壬寅升山西按察使吕鸣珂为山西右布政使

敕右府佥书张臣充总兵官镇守陕西
户部题覆宣大总督尚书郑雒及大同巡抚王基条议六事 一禁增年例大同年例自嘉庆
十五年会议经制每岁京运主兵银二十六万九千六百三十八两 客兵银一十四万两在
主兵军马有定数费用有定额在客兵则抚赏互市陕西经过八卫游兵支用不费额内固难
议减要当以前数为定毋得增添 一垦复屯田本镇抛荒地三千二百八十七顷该粮一万
四千一百二十九石草二万四千五百六十三束应督令土运二商并所在居民开垦商人议
给盐引居民俟三年成熟起科如民贫无力官给子种秋熟徵还庶屯额渐复而边饷可给
一催徵逋负大同民运坐派西山河南自万历十二年至十五年山西积逋粮九千一百余石
银四十一万余两河南积逋银七万一千余两以至官军待哺过时未给今议除十二年十三年
两年奉

诏蠲免外其十四十五年者勒限徵究以救燃眉之急 一清查冒破军士行月粮银马匹草
料俱有程限而逃故倒死应照数扣支但恐法久懈弛宜行各道加意查核以严冒破 一清

查盐引各边盐引土运二商报中上纳本色粮草分贮要地报中不得过三千引输纳不得踰三越月务于岁终会报成数今大同额盐一十一万三千八百余引该价四万五千六百余两分派各路上纳者任意延阁宜申飭督催违者提问 一惩戢朘削将领之朘削乃其故习本镇给散军粮先以道臣验封继以委官唱散终始不经将领之手但恐法令虽密而需索多端宜行各道严加体访如有贤能将领与士卒同甘苦者即列上考其贪饕剥削者即指名参劾诏如议行 癸卯 以正旦令节

上赐辅臣及日讲官吊屏神笈诸物有差 兵科右给事中李廷谟题臣以典试历湖广江西南直诸处以比年饥馑民不聊生所在盗起然未有若湖广之停前驿南直之风香驿者贼首刘绍溪等杀伤官捕流劫民间淫纵荼毒为害甚惨出没于英山潜山太湖宿松蕲黄黄梅广济之间地界两省互相推诿漫无剿捕恐日久势盛或致他虞乞

敕兵道江防加意严缉下兵部覆议 警家营支河工罢从总河潘季驯议也
乙巳大学士申时行等题奉

圣谕写累朝实录陆续进呈先于五月内太祖高皇帝宝训十五卷今又再进

实录自 洪武壬辰岁二月至三十一年闰五月止凡二百(三)[五](起居注)十七卷计七十三本装潢成帙呈上 御览 丙午 以祭告

太庙祧庙俊赐三辅臣

礼部题顺嫔张氏薨逝礼遵世庙裕嫔王氏例行礼下(抱本)于后一等

礼部题十七年正月朔日辰时日蚀例免朝贺上如奏命礼部侍郎田一俊魏时亮视顺嫔葬地

大明神宗范天合道哲肃敦简光文章武安仁止孝显皇帝实录卷之二百六终

明神宗显皇帝实录卷之二百七

万历十七年正月己酉朔日食

○元旦节免群臣朝贺

○赐三辅臣上尊珍饌

○庚戌大学士申时行许国王锡爵上言恭遇元旦礼当庆贺

皇上克勤天戒特免常仪臣等备员辅弼与在廷诸臣不同谨诣会极门行五拜三叩头礼

○辛亥 宣宗章皇帝忌辰遣伯杨世阶祭 景陵

○甲寅兵部言 潞王之国旨照 景王例行近本府裁定事□加意节省从行员役悉给印票严行禁约但恐有司未能周知宜刊成书册先行传布所开载者预备所不载者免备止用民力不加徵民财其应用银两将见在库贮可动者暂行支用事完处补内外官员军人廩给口粮各抚按总计所辖驿递每程若干每员名各应支若干委的当官员逐名另封头运二运总解押运官处给散三运在内者解承奉司在外者解长史司给散有司指称科派者参究报丁

○大盗刘汝国楚人也与余孟新等啸聚南直隶太湖宿松湖广黄州接壤山中倡乱于枫香驿始仅数十人旬月至数百乘夜行劫所焚掠无算张黄帜以顺天为号毁停前驿太湖宿松各起兵攻战不胜郡邑戒严抚按匿不以闻兵科右给事中李廷谟稍列其状章下兵部夺兵备巡捕各官俸而核推诿隐匿者

○工部言畿民铺商之役困累至极查本部各役万历十三年原金四十余名曾未三年有削发为僧弃家远遁者祇因先年裁减旧价矫枉过直相应更正如 寿宫监工厂库巡视各科道衙门公用量增价值仍行买办若系本部及四司者悉自买如修仓木植系各役买办令议准收全木余材贮作公用不退与商如供用库油桩大槐原属宛大二县买办近归本部木大难致旧价不敷今议量增其价分派夥办其该监收木不问长围尤无凭据合酌议定数而鬻麻等料加耗并议量减其他款类尚多惟将会估重加订正则物价自平众情自安矣乃若积苦极患无如惜薪司柴炭诸费据称内厂收柴不甚亏累独外厂日难一日查得嘉靖间题准每木柴百斤明加十五斤炭五篓半每篓二十斤作一百斤此于人情物理最为得中其铺垫以供该厂公费虽非正法查万历十三年该监题准总计一岁之额该银二万四千余两奉有钦依乃各役苦称增益数多不可不处其内官内使额炭折色查会典开载每名每月该柴一百五十斤折价银一钱五分嘉靖开题准每年折色六个月该银一万二千七百四十八两五钱至今称便如将内官内使应给木炭每年照例准折六个月在各监领价买办不缺于用而该厂加耗铺垫之费可以少省乞敕下司礼监著以为例其旧商消乏者除退股实者留用仍令从公开报在京殷实人户中量选□名兼搭应没本部旧会估簿悉心讲求重加更正不得

仍旧减削以重□告事完之日另行题请得旨宫中合用柴炭数多照旧办送炭不必折各厂
务平准秤收不许多索公费银两亦不许勒添苦累各商余如祈请○工部覆
潞王疏言河南卫辉府城外议盖蓆殿一所工费浩大今仰体 皇上节财爱民之心奏免因
念仪卫等司官员未有房舍欲以蓆殿之费量为添盖查会典前项廨宇原未开载奏内举
景王旧例合移文湖广备查酌议覆请至于王辞 陵启行照例红门内沙河通州搭盖蓆殿
张家湾搭盖茶棚张家湾以往经历地方数被水旱措办不前窃思 亲王临境官员礼当朝
见交界蓆殿一座诚不可已查得通州汤阴各有蓆殿顺天河南抚按各官就彼行礼惟通州
抵德州临清大名等处合行直隶山东抚按会议交界处所或合搭或各搭不系交界地方一
概停止若氍毹彩绢宜量减以昭王之令德报可

○乙卯孟春 上亲享 太庙○丁巳安庆指挥陈越率兵攻刘汝国于陈汉山大败死之又
蕲州兵与战于长□山杀伤略相当南京兵科给事中杜縻应天巡抚周继湖广巡抚邵陛后
先以闻章付兵部

○戊午司设监造完 奉先殿 九庙各室黄花绫帐幔铺陈等件遣驸马许从诚奉安行礼

○云南猛密宣抚司土同知思化占争蛮莫聚众暴横抚镇官萧彦等欲相机剿除乃称蛮莫
乃罕送旧土欲扶立罕送仍归蛮莫以系夷心兵部议腾冲以三宣为护卫三宣与蛮莫为接
壤三宣安内地得宁蛮莫靖外藩可固令思化乘思顺奔窜之隙凭陵蛮莫势将不支□□不
兴问罪之师如三宣动摇后益难制尤不得不靖震邻之难惟兵加于播告之后则出为有名
议定于询谋之同则衅可永杜至谓立罕送以系蛮莫因可制思顺而遏猛密此中俱难适度
合咨抚镇官严谕思化晓以顺逆若能悔过效顺即与休兵若果稔恶怙终即行挾伐其一应
调度兵饷及扶立罕送事体悉听便宜行之报允

○以擒斩緬贼功加姚安军民府土同知高金宸四品服色管事照旧升永昌府管下乌邑寨
土舍莽承业为千户长给武定府和曲州目把楔世功冠带俱从云南抚镇官请也

○兵部覆巡视京营科道杨文焕等疏议补军买马二事令三大营将官每月终类报缺伍名
数径行各卫所选补送部核验食粮差操果超距异等即补选锋旧军老弱残疾者径革不必
退回备兵其备兵阙伍亦照前选补京营买马原议价银一十六两但委官牙佞多端侵渔自
万历十七年为始每马一匹量增四两每岁戎政衙门将应补马数报部除免给寄养马匹外
请发官银一万二千两买马六百匹每月定期三次公同看验当即给价印发骑操官军马商
俱免守候马价俱贮官库无落把总之手至责成将领尤为有见诸边补军买马皆将领以身
任之何京营不然今查复旧< 矢见>并听巡视科道据实举参惟遇调遣则缺军取之备
兵缺马取之寄养报可

○升永平城守备陈燮为昌镇左车营游击

○ 康陵 永陵多盗至是守 陵者以闻革守备内监闲住罪把总等官

○己未 孝恪皇后忌辰遣官祭 永陵

○逐静身男子先是选用曹进忠等二十名进内府其余尚潜住京师礼部以为请故有是命

○庚申有星陨甘肃西宁卫大如月天鼓鸣 ○吏科给事中张应登请册立 东宫以应青阳为第一急务太常寺卿李尚思等南京礼科给事中朱维藩等南京兵科给事中杜縻各有疏俱不报

○户科右给事中杨其休请 上御朝以风励入覲诸臣报闻

○吏部题朝覲官员惟用二司等查点举人入试其余领敕后领水程出城可杜私交不废大礼旨免

○辛酉许虏酋段奈台吉照旧贡市赏虏王扯力克忠顺夫人及青把都等银币有差先是段奈台吉率众扰边因顺义王及青把都谕令输服罚赎驼马牛羊准其贡市总督郑维以请从之

○原任左都御史王廷卒廷南充人嘉靖壬辰进士授户部主事改御史疏劾吏部尚书汪鋐奸鄙状鋐罢廷谪亳州判官历升右副都御史治河晋户部侍郎兼都御史治漕抚江北四郡以斩获岛夷功加俸二级升南京礼部尚书改左都御史有小珰以事诟御史李学道道答之群珰摔御史于午门外廷列其状以闻戍其首恶余充南京静军廷素与元辅徐阶善给事中张齐者希次辅高拱旨诋阶以去廷发击齐使边纳赇下诏狱编尺籍廷谢事归科臣为齐讼冤齐释廷镌秩为民迨拱败廷得还故官蒙存问赐廩輿没予祭葬如制谥恭节

○癸亥吏部都察院考察方面官贪广东副使易可久等素行不谨浙江僉事吴世宾等罢软广西副使陈诰等才力不及浙江副使钱顺德等年老浙江副使令狐一槐等有疾陕西僉事王国弼等及府州县杂职等官列名上请得旨为民闲住致仕降调俱如例○甘肃巡按徐大化条陈三事一临巩二府起解钱粮州县解府收贮俟至五七千或一万以上总委官类解一库藏钱粮添库吏一名专管出纳掌印官按季稽查一条鞭之法各省直遵行已久今议奏陇之间通行从之

○陕西巡茶钟化民言宁镇每年动军饷银一万八百两杂粮二万七千余石以备官军本色月粮支用乃委官转托匪人以致派扰闾镇及徵解给军每多愆期今议将垦荒见贮谷豆二万七千余石抵充十六年应杂本色以后年分先查垦荒所入杂粮除抵还年犒赏外尽其所余抵充银易如额粮不敷酌动饷银官为采买不得仍前派及闾镇部覆报可

○南京御史王藩臣言丈田军粮原系惠民实政乃虚文塞责合行抚按咨访果有文书报结而覆丈不完覆入虽完而粮则不完与夫委官丈勘以致奸弊丛生者提究得旨近因清丈田地增弊扰民还立限督催不许延缓

○壬戌宁夏地震

○癸亥星隕于山西之新开口万全都司天鼓鸣

○甲子月食

○延绥东虏乘小市之期犯镇羌又犯神木神木侦得之设伏兵擒哮罗等六名虏获永兴操守鲁槐以归边臣久之始报

○乙丑 英宗睿皇帝忌辰遣伯陈王谟祭 裕陵

○丁卯升榆林守备徐龙为右参将分守宁夏东路

○调南京后军都督府佥书署都指挥佥事任大同为左军都督府佥书

○升河南备御赵时正为甘肃洪水堡游击

○戊辰吏科都给事中陈与交等御史徐申等遵例拾遗劾奏左布政使李文续汤仰等吏部分别议处从之○大学士王家屏在籍上疏辞召命不允

○户部尚书宋纁刑部尚书李世达后先乞归皆不允

○己巳下举人林春元于法司提问元本闽人流寓南都屡肆不法以嘱托挟讐中伤刑部主事刘以焕至革职南京刑科给事中徐桓劾奏故有是旨

○庚午大学士申时行等择于二月初二日请 上御讲筵日讲如常报可

○户部因浙江应运白粳糯未违限不到请查实降黜旨著抚按查参

○保定巡抚宋仕等言 潞王之国经絳河间大名二府其支給廩粮及拽船夫役等项费用浩大连岁荒疫委难措处乞于天津仓动支米一万七千石临清仓动支米一万一千石旨允

○礼部主客司郎中高桂言万历十六年顺天乡试蒙旨以右庶子黄洪宪等往其中式举人第四名郑国望藁止五篇第十五名李鸿股中有一囟字询之吴人土音以生女为囟孟义书经结尾文义难通第二十三名屠大壮大率不通他若二十一名茅一桂二十二名潘之惺二十八名任家相三十二名李鼎七十名张毓塘即字句之疵不必过求然亦啧有烦言且朱卷遗匿辨验无自不知本房作何评□主考曾否商订主事于孔兼业已批送该科科臣竟无言以摘发之职业云何方今会试之期多士云集若不大加惩戒何以新观听伏乞敕下九卿会同科道官将顺天府取中试卷逐一简阅要见原卷见在多少有无情弊据实上请以候处分

其有迹涉可疑及文理纰缪者通行议处明著为例以严将来之防自故相之子先后并进一时大臣之子遂无有见信于天下者今辅臣王锡爵之子素号多才岂其不能致身青云之上而人之疑信相半亦乞并将榜首王衡与茅一桂等一同覆试庶大臣之心迹益明矣得旨草藁不全事在外帘朱卷混失事在场后字句讹疵或一时造次有无弊端该部科一并查明来说不必覆试自后科场照旧规严加防范毋滋纷纷议论有伤国体

○甘肃巡抚曹子登言套虏西抢谋非一日吉囊为套虏之主名位与顺义比其所率部落甚多亦不减先年顺义之来西也令部落先繇川底而西祇本酋与头目内走今吉酋不远数千里携帐而来岂直报讐瓦剌其抢番不待言矣且吉酋先行庄酋尾后庄酋不肯繇水泉闇门坚求水塘之去两酋特角无非报我十五年中剿虏之讐耳水泉闇门原系通海大路顺义王于本门进边节年以来通行无阻今吉囊遣部落行繇川底而自提大众拥逼水泉若不容其闇门祸速而大放其闇门祸缓而小如吉酋出边庄酋亦繇边外而往照旧行犒以慰远来若必不从在吉囊尚未可加兵庄酋必窆边而入又不得不以兵马堵之一牧于南一伺于北水塘百余里原无藩篱其成败利钝皆不可逆睹也章下兵部覆听便宜行事

○辛未 上视朝

○刑部尚书李世达等廷劾天下来朝考察存留官员不职请加速问
上宥之令回任用心供事在外者行文示知

○是日朝覲官参差不整罪在引礼 上诘责鸿胪夺鸣赞任大祐等俸

○大学士申时行王锡爵以高桂论科场事词连锡爵子衡时行婿李鸿各上疏自明且求放归 上俱慰留之

○复除云南副使程正谊于四川广西佥事陈希美于云南各原职

○升江西右布政使彭富广西右布政使管大勋云南右布政使戴耀各左布政使应昌福建富大勋耀俱本省

○升左给事中王继先为户科都给事中右给事中邵庶杨其休李廷谟各左给事中庶户科其休刑科廷谟工科

○吏部尚书杨巍乞归不允

○甘肃兵变巡按郭万里几为乱卒所杀事闻曹于登听勘归以陕西按察使李廷仪为右佥都御史代登巡抚复以激变罢总兵官刘承嗣则从御史王道增之言也

○户部覆凤阳抚按舒应龙等疏言江北水潦米价腾踊将应兑漕粮三十万石留十分之三

每石折银七钱先动库贮无碍银六万三千两与本色漕粮一齐运角□羊候青黄不接之时
柴价还库余银与同轻赍蓆银贮府将本年新运轻赍银内各照数减徵从之○壬申刑科给
事中李文郁参总理三边兵部尚书郅光先言甘镇营兵鼓噪西宁堵虏失律皆光先不职部
覆得旨著策励供职后光先上疏求罢亦弗许

○礼部覆科臣苗朝阳李周策条陈科场事宜其慎较文免送试核试卷严誊录各依拟惟墨
卷照旧于填榜日送进不得先二三日

○礼部开卷

潞王之国仪注之国前一日王恭诣御前行面辞礼王冕服妃翟衣由东华门入
上御宫至御前王左妃右行五拜 叩头礼跪听 上训命 上赐以酒王跪饮诣
圣母仁圣懿安康静皇太后前 圣母慈圣宣文明肃皇太后前俱行五拜三叩头礼
中宫前行四拜礼回府文武百官各吉服入王府内行四拜礼之国之日 上御皇极门王具
冕服由东华门入文武百官各具朝服侍班王从金水二桥至皇极门御座前行五拜三叩头
礼毕 上起身送王至东阶目送王出午门 上还宫文武百官以次退王至承天门易服祭
承天门之神礼毕乘舆出长安左门至府同妃启行由朝阳门出百官易吉服至桥东左右序
立候王辂过而回得旨依拟行

○以宁阳侯陈应诏署都督佥事刘光祚各南京都督府佥书应诏中府光祚后府

○癸酉 孝□毅皇后忌辰遣伯吴国乾祭 康陵

○大学士申时行等言两京各省解到试卷发部科看详今礼部司官不纠摘南京各省而独
摘顺天不通摘三场而止摘字句殆有深意必待会官覆试而后有无真伪耳目难掩 上命
礼部会同都察院及科道官当堂覆试看阅具奏锦衣卫还差官与高桂一同巡视○升曲靖
府知府王任重汉中府知府繇礼门杭州府知府余良枢饶州府知府刘惠乔桂林府知府周
宪梧州府知府林乔楠刑部郎中游朴各按察司副使任重云南礼门山西良枢浙江惠乔四
川宪朴俱广东乔楠广西

○吏科都给事中陈与郊等请留吏部尚书杨巍户部尚书宋纁刑部尚书李世达言大臣审
利病则先民计安危则先国不得言养痾言衰言耄况杨巍表率百僚尤不当言去为诸臣倡
得旨老成耆宿国家所重岂可相继求去不得复有所陈

○吏部以科道纠拾官悉依部覆独调简参政孙佩未得旨补牍以请旨如拟

○缉捕驰驿伪锦衣千户陶绍勋由广西抚按发也

○甲戌赐海西女直建州夷人兀失等金带大帽职事衣服○大学士王锡爵再疏乞休以父
子期许甚厚而不见信于高桂为耻 上温旨慰留

○升云南按察使边维垣山东按察使曹子朝云南按察使姜忻湖广按察使范仑各布政司右布政使维垣江西子朝四川忻广西仑云南

○广西巡按御史孙愈贤以病请告许之

○升湖广右布政使孙鋹为河南左布政使

○乙亥升山东按察司副使查志隆河南按察司副使赵燿各布政司左参政江西按察司副使沈九畴湖广按察司副使虞德烨广西按察司副使熊惟学贵州按察司副使陈颐各布政司右参政志隆本省燿山西九畴四川德烨云南惟学广东颐本省郟阳府知府房守士宁国府知府范可奇各按察司副使守士陕西可奇广西浙江按察司僉事苏浚为陕西布政司右参议

○户部覆巡视太仓银库给事中张应登等疏一各省直解进银两传闻大姓窝藏解官倾销旧锭变重为轻应行抚按访拏惩治一每锭不必滴珠一火鏽旧钱难强各□支领合无仍贮在库折给工部铜价一买办各商如珠宝草料之类待以后编审酌其便与不便相那接管一养济院原为孤老而设乃有不孤不老甚至有名无人一人兼领数人之粮者合行查革外省流来贫民果年老颠连者送入旂竿舍饭寺收养不必驱逐如拟行之

○旌浙江输米谷助赈义民董钦等之门不系职官者予冠带

○直隶巡按陈邦科条陈四事其一因应安二府米价腾踊截漕粮分发二府平糶查军船尚未开帮准留十分之三如凤阳等府例允行余三议寝之邦科又请免安庆府属钱粮部覆亦不许

○礼科都给事中苗朝阳因高桂摘其无言乃称科场暧昧影响难凭且风檐忙迫一时笔画之误为书生常事惟遗失朱卷不能无疑因引万历十年覆试应天举人狄猷明等事例请将李鸿等覆试旨下礼部

○丙子升浙江布政司左参政蔡□臣广东布政司左参政邹学柱福建布政司左参政冯孜各按察使廷臣本省学柱云南孜贵州

○右庶子黄洪宪辩高桂疏言桂既称贿赂便当直指行者受者过付见证何人何所何乃捕风捉捉绝人廷辩之端古者立贤无方何论朱门白屋场中糊名易书使高桂主考能预别某为寒酸当取某为势要当置乎臣等于八月二十九日揭晓二十八日拆卷则监试提调及百执事人役咸在填榜既毕即将朱卷公同交付顺天府官用印铃盖毕随同诸臣出闱后来混失考试官安得而知监试提调诸臣交章查参收卷疏失官员已经奉旨可覆按也况墨卷系举人亲笔墨卷既存虽灭朱卷将谁欺乎请将臣放归田里以谢人言其本内有名举人乞敕该部院及科道官严行覆试仍令郎中高桂眼同监阅得旨覆试已有旨黄洪宪照旧供职

○总督蓟辽右都御史张国彦以其孙张毓塘为高桂指摘上疏奏辩疑桂与其子我续同官有却故波及之因自求罢请覆试毓塘有旨如前而留国彦

○升宁夏副总兵刘滋为都督僉事充神枢营左副将

○密云草场火毁草四十六万一千九百八十一束罚管粮主事孙瑀俸两月

○丁丑 圣母仁圣懿安康靖皇太后万寿圣节传免朝三辅臣诣会极门叩头赐上尊珍饌

○提督工程尚书曾同亨等以 寿宫工程已有次第事务渐简请裁减内外各项员役二百四十七员名廩马盐粮等项住给以后每厂作遇事完次第撤回以节冗费从之止留锦衣卫催工官六员

神宗实录卷之二百七终

明神宗显皇帝实录卷之二百八

万历十七年二月戊寅朔升浙江按察司副使万文卿本省左参政刑部郎中曹司勋为福建左参政

○升礼部郎中李同芳为浙江按察司副使南京吏部郎中朱廷益为江西按察司佥事调福建按察司副使杨德政于广西各提督学政

○补原任江西按察司副使林梓于湖广整饬靖州兵备

○升贵州布政司左参议张文耀凤阳府知府曹时聘松江府知府喻均衢州府知府廖希元各按察司副使文耀云南时聘均俱山东希元贵州○礼部会同都察院及科道等官覆试举人王衡等是日尚书朱赓以疾未出右侍郎田一俊擢自祭酒以八人皆国子生引嫌不与左侍郎于慎行都御史吴时来副都御史詹仰庇都给事中陈与郊等御史姜璧等同试试毕阅卷慎行次序分二等王衡等七人平通屠大壮一人亦通疏入得旨文理俱通都准会试次日慎行同礼科上疏言诸生覆试无甚相悬中式未必有弊字句虽有疵讹然瑕瑜不掩郑国望稿止全文五篇其第四篇第七篇止一二行弥封员役殊为怠玩似与本生无干欲将弥封官罚治得旨免罚而以高桂轻率论奏夺两月俸

○工科都给事中张养蒙等以考成摘参巡按林文英等俱夺俸两月惟黄纪贤以新任免

○己卯 上御文华殿讲读○原任工部尚书何起鸣辞 寿宫恩数不允

○升陕西按察使党馨为湖广右布政使

○庚辰升云南按察司副使金从洋为陕西苑马寺卿兼佥事兖州府知府熊汝器为陕西行太仆寺少卿兼佥事

○升常德府知府萧腾凤泉州府知府贡靖国各盐运司运使腾凤两淮靖国两浙

○调陕西布政司左参议李蕴于广东管理粮储

○升山西按察司副使梅淳山东按察司副使李璵为陕西布政司左右参政淳分守关内璵兴安州抚民江西按察司佥事顾云程为贵州布政司右参议分守思仁

○四川巡抚徐元泰请以采木未获除销筭外该还官银一十三万四千四百两有奇米三千五百石有奇谷一万一千四百石有奇照数追还今岁秋成有歉议将夏税秋粮免十分之三所应起解京料先尽正供其贵州布米钱粮时支散扣回并积余银米如额抵角□羊户部覆田租免十分之二其追补如议从之

○户部覆陕西总督郅光先等言甘镇银两共欠六十二万八千七百余缘全狭连灾逋负数多今西凤平汉临巩六府岁颇有收前欠粮银应乘时设法陆续徵角□羊报可

○以原任副总兵史宸充游击管顺天巡抚标下中军事

○裁山东济南参将曹州武定守备

○直隶巡按高举以病请告许之

○辛巳以修撰萧良有充编纂章奏官○南京都察院右都御史耿定向求罢弗许

○吏部尚书杨巍复以老疾乞归不允

○巡抚四川兵部右侍郎兼右佥都御史徐元泰以疾乞归许之

○礼部尚书朱赓因病不克总理会试事宜以右侍郎田一俊代之

○调协守蓟镇副总兵角□羊一清于宁夏督抚请留弗许

○升蓟镇游击江应龙为署都指挥佥事分守广东雷廉兼海防参将

○壬午以少傅兼太子太傅礼部尚书建极殿大学士许国太子宾客吏部左侍郎兼翰林院侍读学士掌詹事府事王弘诲为会试主考官

○以剿琼州生黎罗定徭贼功赏赉前总督两广吴文华等银币有差

○周府奉国将军朝正□佳欧父成疾并欧其母赐自尽○癸未兵部覆云南巡抚萧彦条议四事一并将权当定将领体统节制俾臂指可以相使一省兵费腾永兵粮每年预发饷银丰则余贮一毋广边地户撒等田还之陇川猛卯等田给之多俺盞西岳元等寨归之本酋一毋轻边任金腾临安二道假之便宜宽之岁月成功者加级积劳者殊擢报允

○改徐州参将陈嘉勋为四川叙泸参将

○甲申祭 三皇于景惠殿遣礼部侍郎田一俊行礼颁饩三辅臣

○以礼部右侍郎兼翰林院侍读学士田一俊翰林院侍讲冯琦为经筵讲官

○大学士王锡爵言臣男覆试卷见经多官会拟第一

皇上准留会试臣之心迹明矣顾念 祖宗二百年来辅臣子见疑而覆试自臣始北京解元

见疑而覆试自章礼与臣男始使臣男班于章礼权门狗盗之例此为谁辱而又可使再辱乎臣男本官生望退回荫籍量授一官臣身在事外亦可昂首谭科场之事文章自古无凭虽前辈名家尚未识真是真非乃今新进初学以字句小讹被以关节之名幽不有鬼神明不有公论乎夫考官惟患其不亲较阅而今搜及落卷便为舌端名挂势家遂当黻棘则何不尽废科场驱天下士子使投笔从军入钱补吏乎国家欲惩张居正之覆辙则真赃实犯不惜重处欲复弘正以前之文体则僻字险语量为戒飭岂可诬天下清白之士尽行罗织臣诚不见自古有此淳美风俗也 上不允其退避令吏礼二部看议科场事宜以闻后吏部尚书杨巍等言近年申飭甚严总之正文体防奸弊而已文体责在帘内关防责在帘外若因字讹目为关节或据风闻信为实事则文场取士之典反为陷阱且覆试已明求过不已士子蒙无稽之谤考官抱不白之冤大伤国体莫甚于此也旨以为是

○右庶子黄洪宪言郎中高桂劈空造诬恶言丑诋幸 圣明洞察弗以罪臣举人经多官覆试俱准会试臣复何憾顾公论有真不勘明何由得实臣与右庶子盛訥 陛辞入闈分卷则有掌卷官阅卷则有同考官王衡张毓塘系春秋是行人邹德泳取李鸿屠大壮系书经是原任行人司正沈璟取茅一桂系易经是进士苏舜臣取任家相系易经是沈璟简出进士康梦相取潘之惺系诗经是进士章宪文取郑国望系易经是沈璟简出教谕王心取臣与訥分经总裁臣阅书经诗经訥阅易经春秋礼记交互批评何所容私今覆试毕矣士之才不才见矣请将桂诬臣无所指实之言一一根究桂所自见桂自言之桂所不见而闻之他人者亦必明言其人如臣有毫发之私岂直当褫臣官愿就鼎镬以为徇私之戒如一无影响是臣之心迹因桂益明再乞放归田里得旨事已查明遵前旨供职

○刑部云南司主事饶伸上疏曰科目者国家鼓舞天下之大柄君不得私诸臣父不得与诸子自张居正二子连占科名而辅臣遂成故事然未有大通关节如黄洪宪者以为一第不足重则居然举首矣势高者无子则录其婿利厚者非子则及其孙矣覆试之日尚多不能文者在都御史吴时来不分可否辄曰通得朦胧拟请大学士王锡爵辩疏字字剑戟锡爵为相三年忠臣贤士悉被斥远佞夫憸人躐跻显要其势将为居正之续吴时来附权灭法不称台长王锡爵庇党恃势殊乏相度均乞速赐罢斥疏上次日王锡爵求罢又次日申时行求罢许国方典试入场诸司章奏送时行私第票拟时行仍封还 上惊问曰阁中竟无一人耶甚非国体乃慰留时行锡爵怒伸出位妄言朋奸逞臆送镇抚司究问薄暮三疏并下皆出宸断次日时行进阁疏谢

○乙酉春分祭 大明于 朝日坛遣公徐文璧行礼

○先是 东应试生员夏宗尧以怀挟抵罪诸生群噪者数十人内贾三凤登是科乡榜按臣吴龙徵欲概惩之部议发国子监肄业三年方许会试允之

○陕西巡按徐大化条上三事立条鞭以徵站银清户籍以杜影射整武备以御地方皆如议行

○以五军营副将麻承勋为协守蓟镇西路副总兵○以广东都司佥书耿大烈为蓟镇石匣地方游击

○丙戌升山东按察司副使房楠为陕西布政司右参政山西布政司右参议冯子履为河南按察司副使广东布政司左参议李一阳为江西按察司副使

○予原任南京刑部尚书陈其学月米岁夫从山东抚按请也

○改中都署留守解元为署都指挥佥事分守徐州参将

○上欲奉 两宫圣母阅视 寿宫工科都给事中张养蒙等言
皇上于去年九月内亲阅今仅四月耳费用不资已病于给发之不继矣若 两宫并驾
万乘再临芦殿道途椒掖近侍羽林甲士从官屯军赏赍费用无端可减顷纠计吏
皇上免朝为动火静摄也春风多厉奈何山路驰驱不思静摄乎 永陵 康陵顷两被盗虽
行宫驻蹕虎豹当关而戒在垂堂可无虑乎伏乞銮輿暫停俟大工告竣通请阅临报闻

○丁亥 孝贞纯皇后忌辰遣伯王学礼祭 茂陵

○是日祭 先师孔子遣尚书宋纁行礼

○以翰林院编修袁宗道充经筵展书官

○都察院左都御史吴时来左副都御史唐仰庇各上疏辩饶伸所言覆试事时来言伸以诸
生多不能文臣覆试而蔽护之文完纳卷臣一过目送于慎行传送科道诸臣阅看臣曰事由
高桂今须桂亦同阅正欲桂寻其弊端以申法纪夜深各臣定有次第慎行悉照安叠谓臣朦
胧拟请同事十八人与臣同罪也谁敢为之哉因乞罢归以全生平仰庇言弊之有无全凭覆
试即有曳白或不能完卷及其中有纰缪虽无弊亦当黜革今各卷文理俱通即当无议至若
锡爵时来为正为邪公论有在臣不敢强辩重冒附权庇党之刺也
上慰留时来谕仰庇职司风纪当分别邪正共挽颓风

○礼部左侍郎于慎行因饶伸以党蔽之罪攻吴时来言阅卷之事部臣攸司会题之疏宪臣
居后臣心何敢自安乞察始末则事在时来与否自明疏入报已有旨

○戊子祭 大社 大稷遣公徐文璧代

○命工部尚书曾同亨侍经筵

○大学士申时行等左都御史吴时来各上疏求宽饶伸不允

○己丑免经筵

○火星逆行入氐度

○大学士王锡爵言愧苦难胜乞恩休致不允又言吴时来疏内称 皇上发怒似专为臣夫伸攻臣虽力乃专以相度不弘为人饰非坐臣之罪若科场事毕竟不能摭一事实则其本心自明臣且耻与争辩矣 皇上又何必为臣发怒乎不报

○升广东按察司僉事郭子直为山西右参议

○庚寅宴朵颜等卫贡夷脱伯等一百五十员名侯李言恭待自是多言言恭者

○礼部言 潞王之国 皇第一子当行辞礼旨以幼免时方八岁也

○兵科左给事中胡汝宁劾奏高桂饶伸言高桂因字迹可疑而有言未为不是乃造为私揭暗投各官以致饶伸误信妄生多端旨下部院查桂揭以闻嗣则礼科左给事中陆懋龙刑科给事中杨文焕河南道御史林祖述广东道御史管九皋云南道御史毛在等连章击桂及伸祖述谓伸为出位文焕谓桂为诬害在则论桂而及议制司主事于孔兼疏入旋奉有出位沽名淆乱国是堂上官严行禁谕之旨最后提学御史杨四知上疏曰国家建立台谏职主纠弹六卿率属各有攸司职业克修即为忠非必建白而后忠也 世宗威如雷霆主事海瑞起而犯之严嵩之毒甚于虎狼主事杨继盛列其罪状二臣皆无所为而为故天下信之后世仰之先帝于继盛追表忠魂 皇上于海瑞眷注超擢皆赏谏以劝忠也往张居正窃弄太阿台省诸臣如刘台傅应祯余懋学李涑朱鸿谟孟一脉之属皆能言之威劫窜逐言官气沮然后赵世卿王用汲艾穆之俦言之 皇上鉴其忠悃有一岁中累迁至九卿者此赏谏之典宜然而诸臣未尝念及此也乃群臣知 上意所向人人欲以言显其间谍国输悃者固有而文奸饰诈者十常六七智巧之士有知其将考察而上疏者有知其将补外而上疏者甚则报复私讐混淆邪正一蒙谴斥谈笑出门自以公卿可鼓足而待及被召用睥睨一世自视海内之人莫己若今日择某官明日谋某缺岂当时建言之心为今日求官地耶今诸臣不能禁之使无言可采则采不可则已狂妄者置之勿听其已经斥逐特加录用者应考察仍考察应外补仍外补无令藉为大用之阶也 上俞其言

○工部言两广山东督抚等官请将三省司道府州县兼管水利官移咨吏部以后领凭领敕查照增改年终考核稽查报可

○辛卯调山西按察司僉事朱熙洽于福建

○加陕西按察司副使许评参政衔致仕

○右庶子黄洪宪辩饶伸疏言据伸诬臣者三事一谓辅臣王锡爵之子衡不宜居首夫王衡

自幼负奇天下莫不闻惟时春秋房考行人邹德泳首取□主考右庶子盛訥先评之同考官提调监试诸臣共阅靡不同声称宜第一者臣因与众定之将避其势而遂摈其文耶其一谓势高者录婿盖谓李鸿也李鸿乃书一房行人沈璟所取臣焉能预知为辅臣之婿而戒同考官不取乎其一谓利厚者录孙盖谓张国彦之孙张毓塘也毓塘亦是邹德泳所取盛訥所评定伸其问之二臣有私乎无私乎而独苛责于臣也又谓臣拆卷对号之日反覆搜寻夫拆卷对号乃在慎榜题名之日此时止有中式朱墨卷在列何处搜寻伸徒欲文致以入人罪遂不自知其诬耳因乞归 上不允报已有旨

○命兵部右侍郎萧大亨护送 潞王之团锦衣卫指挥同知凌玄德从○东兰州土官韦应龙废长立幼残害族民其弟韦应虬逃入南那二州纠兵报讐土司陈星等欲乘危立应龙幼子文略不遂缚应龙匿其印总督两广刘继文鞫治应龙应虬追还州印以韦文奎承袭星等复集党据寨将应龙妾女及珍宝土地献田州土司岑太禄太禄发兵助之劫田州泗峒继文调泗城等诸土司及各标兵进剿获星并获其党黄淋等兰州平继文请录有功道将亡何广西巡按孙愈贤言星等就缚非真擒也参将熊文济纳其贿留其妇女檻致以为功旨革文济职命御史鞫审以闻

○升五军营参将马应元为署都督佥事充本营将副

○壬辰部覆云南抚按萧彦等疏户部二事一言临元金沧洱海三守道各有矿场宜照属分管不必专属临元一言丽江不得市剑川界内夷田民田兵部覆五事一将武定云南二府军务俱属普安道管辖即改为兵巡道一将沾平守备听临安参将节制一土司袭替有司司道不得多方抑勒任意迁延一令各该兵备道将土官员下未袭土舍逐一查明照依嫡庶长幼次序开立简明文簿后遇告袭便于保勘一将土官量行举劾足示劝惩俱如拟行惟土司举劾寝之

○户部覆陕西总督郅光先等疏言延镇缺饷其预发年例该二十五万六千三百九十两有奇今帑藏空虚候有解到银两请发所有十七年应补主客二饷银七万六千三百九十两有奇即于库贮动支解运得旨延镇缺饷数多军士困乏可悯户部预发年例银五万两兵部借马价银五万两与见补一同给发

○流贼刘汝国未平责令应天巡抚周继湖广巡抚邵陛江西巡抚庄国祯提督操江王周汲督率所属协力剿捕

○甲午祭 太仓之神遣侍郎胡执礼行礼

○升广西布政司参政游应乾为云南按察使工部郎中甯化龙为山西按察司副使

○升山西道御史蔡梦说为浙江按察司副使户科给事中李汝相江西道御史郭万里山西道御史林国材贵州道御史袁应文广西道御史张季思各按察司佥事汝相山西万里国材

俱山东应文云南季思陕西

○升刑科给事中罗万程为广东按察司佥事提督学政

○升河南道御史朱鸿谟为光禄寺少卿○升福建按察司副使沈应科为广西布政使司左参政

○大学士王家屏再疏辞召命行人敦促

○乙未赠原任南京兵部尚书阴武卿太子少保

○宴朵颜泰宁福余三卫都指挥使哈哈等一百二十五员名赏贡马头目脱伯等马价彩段等物如例

○大学士王锡爵称母病乞休 上命鸿胪寺宣谕以留锡爵< 銮-
銮 > 谢越七日进阁视事

○丙申祭 历代帝王遣侯吴继爵行礼伯毛登王应龙尚书宋纁王一鄂分献

○是日 景皇帝忌辰遣伯刘应元祭 陵寝

○镇抚司讯饶仲疏上得旨伸革职为民高桂降二级调边方用后吏部覆科臣胡汝宁等疏参桂指摘科场本属多事至具私揭是诚何心降级若足示惩仍行各衙门官责不在已事不甚重勿轻言具揭章奏有不得旨径自抄报者究得旨章奏未奉旨不许辄便抄写

○吴淞领兵指挥陈懋功等与贼刘汝国战胜之夺其大将军印及济贫王招贤纛斩获二百五十余人巡简汪焕获余孟新哨官郎子机获刘汝国又广德州盗凌子登欲从汝国为知州所擒余党悉平巡按直隶乔璧星以闻论功行赏有差诛汝国孟新赠战死陈钺官

○御史陈邦科请免太湖宿松被劫二县漕粮部议不允

○升陕西行都司署都指挥佥事宋世祥为五军营参将江西把总以都指挥体统行事刘宗尧为神机营佐击大同守备麻承训为真定游击

○丁酉南京兵科给事中杜縻等广东道御史王藩臣等纠劾原任湖广左布政今升南京大理寺卿王湘原任福建左布政今升广西巡抚陶大顺均属冒滥部覆湘回籍听用大顺年老致仕从之 ○礼部仪制司主事于孔兼言臣奉本部札委磨勘顺天中式朱墨卷内李鸿卷首篇有不典之字屠大壮卷三场多难解之辞即时呈禀本堂复批送礼科听其覆阅不意郎中高桂言之桂之指摘不尽出臣而李鸿屠大壮实臣所简明今桂以言被摘臣以默见容臣复

何颜忝列部署哉至御史毛在参论高桂未及于臣谓不发觉而托之科臣科臣不言而托之部僚则过听矣避祸而貽人以祸其谁听之扶同隐默臣不敢也全躯自保臣不敢也因自劾求罢部礼言孔兼以首事由已貽祸同官且因御史波及乞罢情有可原旨免究

○予原任少保兵部尚书王崇古祭葬谥赠崇古蒲州人嘉靖辛丑进士授刑部主事累升苏松常镇兵备副使以斩倭功升俸荐晋宁夏巡抚金都御史加副都升兵部侍郎总督陕西三边在西陲斩虏级一千有奇升右都御史调宣大受把汉那吉降酋目俺答叩关执叛悔罪加太子少保兵部尚书封贡既定晋太子太保回京协理戎务加少保改刑部旋正本兵寻致仕归三封成蒙存问给廩舆予世荫亲军指挥前后钦赏无算朝议本官忠猷夙抱经济不群屡督边镇勋著华夷遣官营葬致祭赠太保谥襄毅

○戊戌升广平府知府蒋以忠为福建按察司副使分巡兴泉兵备

○己亥原任吏部左侍郎兼翰林院侍读学士姚弘谟卒弘谟秀水人嘉靖癸丑进士由翰林编修降六安州判官旋迁留曹洊历藩臬入为南太常少卿领南祭酒陟礼吏二部侍郎充经筵讲官以疾归至是卒予祭葬如例○庚子清明节遣侯郭大诚徐文烨常胤绪薛钰汤之浩宋世恩伯王应龙方烨毛登分祭 九陵侯张元善祭 景皇帝陵寝都督同知陈承恩祭哀冲 庄敬二太子坟

○加宁夏总管标兵参将哮拜以副总兵衔致仕许其子哮承恩袭职从之抚梁问孟请也拜原系夷虏来降屡立战功授宁夏卫世袭都指挥使年六十三自求休致云

○以大计后申飭抚按官凡存留而改节者不时参劾遭蹶而易辙者毋拘成心从吏科给事中丁懋逊请也

○辛丑南京鸿胪寺卿王鉴乞休吏部称其清廉恬退以太仆寺卿致仕

○壬寅升南京太仆寺卿朱天球为南京大理寺卿

○升太常寺卿李尚思为都察院右副都御史巡抚四川

○升广东左布政使蔡汝贤为都察院右副都御史巡抚广西

○癸卯辽东盖州卫地震三日

○甲辰宴赏朵颜三卫补进贡马夷人小思苦等二百七十七员名如例

○礼部尚书朱赓以疾再疏乞归不许

○升太仆寺卿徐元春为太常寺卿

○户部覆陕西总督郅光先疏一清查冒破有逃故军丁截日申报开除不得朦胧冒支月粮一疏通盐引其杂买上纳照岁时之丰歉定斗头之高下如有远赴杂买亦量为裁酌一惩戢朘削行该道戎谕将领仍不时访实揭报一糜费当裁冗食当革若地方非重大警急不得妄议增兵若民屯钱粮及时督催二池盐课务要足数不得拖欠废弛如拟

○南京御史刘寅以畿辅频值凶荒请约束潞藩随行员役及禁有司科派供应旨是其言○乙巳赏泰宁等卫入贺夷人主兰台等彩段等物朵颜等卫贡贺夷人小思苦等马价等物

○复除原任云南布政使张大忠于广东

○升光禄寺少卿艾穆为南京鸿胪寺卿

○升顺天府府丞郭东为南京太仆寺卿

○南京云南道御史方万策江西道御史林可成交章劾吏部右侍郎徐显卿言其挤排张位沈一贯使告退李长春韩世能使改南及结纳富商媚事大珰僭越淫乱夤缘纳贿诸不法事旨下吏部

○丙午 大明会典成遣官赍送南京礼部转发各衙门

○礼部取中会试举人陶望龄等三百五十名

○升吏部郎中蔡国炳为广东左参政分守岭东

○丁未吏部右侍郎徐显卿疏辩首言位一贯告假各有至情世能长春南迁各由资序因分晰疏中事求罢斥凡再上不许○升右通政卢维禎为太仆寺卿

○升尚宝司少卿唐鹤徵为光禄寺少卿

○先是有倭船三突至浙江外洋官兵亟击之沉其船斩首四十八级生擒者六巡抚滕伯轮以闻行巡按勘报伯轮已故赠兵部左侍郎将士赏赉有差

明神宗显皇帝实录卷之二百九

万历十七年三月戊申朔 孝肃皇后忌辰遣伯卫国本祭 裕陵

○南京兵部侍郎王世贞乞休不允

○己酉升太常寺少卿邵仲禄为右通政

○升尚宝司司丞孟秋为本司少卿

○庚戌兵科给事中叶初春劾奏协理戎政兵部尚书傅希摯南京工部右侍郎张西铭俱衰朽当罢章下吏部

○辛亥改南京户部郎中何以尚为尚宝司司丞

○升太仆寺少卿杨廷相为太常寺少卿提督四夷馆

○以庐凤淮扬等被灾府州县万历十六年分起运本色米每石改折银六钱麦每石改折银四钱○壬子右春坊右谕德掌南京翰林院事习孔教以亲老乞归许之

○蓟镇夷酋小阿卜户猛可真等将部落毛什哈所掳我戍卒送还其被杀者缚献作歹真夷克什个抵偿叩关服罪以求额赏督抚张国彦等以闻并请释放古北口留质诸夷而诛其就缚者予赏如故从之

○工部以江南数郡屡遭水旱未完四司料银等项银两系十四十五年者常镇二府每年带徵二分苏松二府尤宜缓徵从之

○癸丑升刑科都给事中唐尧钦为太仆寺少卿

○升陕西道御史孙旬为顺天府府丞

○协理戎政兵部尚书傅希摯闻言乞休旨慰留

○甲寅以原任南京刑部尚书钱邦彦年当九十给月米岁夫使命及门而邦彦卒邦彦吴县人成进士为高安令超拜吏部主事至考功郎迁南京通政司参议晋太常少卿再迁大理卿刑部左右侍郎遂转尚书乞归恩晋一品勋阶林居垂三十年生平详慎居官无公私谴渊嘿易亮乡邦视为楷模考终完名予祭葬如例

○礼部题十九日 潞王之国百官候送改进士宴于次日从之

○乙卯升司经局洗马管司业事余孟麟为南京翰林院侍读学士掌院事

○宁夏巡抚梁问孟言开垦荒田一十万八千四十一亩余丁商人陆续认过外见在军士实垦田三万八百八十二亩一分三年之内收获过谷麦等项除补还借库并犒赏军士一万二千三百八十石零见在二万八千一百九十八石零阅视议以二万七千石抵充易银余作种粮等项中间经理农亩之事实已殚厥心力其有一二未尽者一曰核屯余领种之实迹闻已领丁余将所领之地不行开垦专务草苗以鬻之商人上纳草束遂使原田复就荒芜宜责成该管官核报二曰留见在军种之田垦荒甚难三年之间费尽心力才得成熟余丁遂告认领及领之后听其生草以蹈前辙今只用军六百八十九名每军分垦四五十亩不必招人认领三曰申永不起科之令四曰录荒田垦种之官部覆如议惟免科一事本部先议将各商原认准浙盐八万四千五百六十八引姑令上纳盐粮其原认荒地二千七百二十亩九分永免起科即以所入为上纳盐粮之用已奉俞旨当照原题事理行从之

○户部酌议应天抚按及南京兵部侍郎王世贞疏言浚导方兴水利道不能兼摄粮储粮储道亦不必另设暂令苏松兵备押运过江免其过淮报可○南京兵部尚书吴文华南京户科给事中吴之鹏御史黄仁荣各疏言官攒军斗为奸粮多搀和浥烂以致军士誼哗户部覆宜将粮米逐一验看果有浥烂搀和者即行筛扬地势低洼者原加铺垫其朋比为奸者究遣各卫所支粮如不堪食许亲管官赴部告理兵部覆请照营规什伍之法每遇放粮之期递相钐制军士誼哗管官什伍并罪工部覆天策诸仓地势洼下者宜改建有沟渠湮塞者宜疏浚并

○丙辰 上久不视朝是日遣内使言奏对数多不耐劳剧大学士申时行等奏谢恩见辞人员应候面者除升任出京已奉旨遵行其在京升授应面恩者如免朝三次具疏奏知因拟传谕帖以进 上即宣付鸿胪从此临御益稀矣吏户兵三部覆四川抚按条议川南善后事宜一议马湖府荣赖二乡添设安边通判一员一议建昌行都司添设抚夷通判一员于成都府带衔管理宁越二卫军伍粮饷词讼一议黄郎地方设一巡简司即立贾积为土巡简听蛮夷司提调一议将见在军中任事通判汪京加同知衔管安边知县邹凤仪加通判衔管抚夷知县张邦敬调繁难于新设县典史张廷贵为峨眉县主簿一议雷坡本属马湖亲管一旦叛马湖而附臚乃今既破巢一切差粮依界种办一议中镇一带地方委官丈出四千六百亩有奇令土民开荒三年后照屯田籽粒分别纳米其六牌村土民既入县籍旧额马匹公费等项照数认办一议大河坝复业流民二百余家应在马湖府城中建立一县设知县县丞典史各一员其泥溪等司里甲钱粮皆属县管理一议将叙马泸兵备移驻马湖一议马湖大河坝逼近臚巢设守备一员建堡筑城令其驻劄留兵三营营各六百仍于西宁水池各留兵一营以为犄角一议邛部长官司已故土官岭柏遗有一孙年幼势弱扶立甚艰而柏妻沙氏奸夫之子岭凤起颇为夷人所推议将土司印信暂令凤起署掌柏孙后果成立能得夷心不妨改正一议建昌五卫设居极边于建昌置兵一千四百名越嶲置兵一千九百名宁番置兵八百名会川盐井二处置兵六百名共该四千七百名原设关堡应修石城者五修土城者七因旧而增修者十先尽见在兵二千二百名分拨把戍不敷者酌量召选一议嘉峨建马一带三面皆受夷患今于官廖山新建一堡委才力武职防守又于茜鸡坪修葺旧堡委峨嵋县佐贰一员统

兵拊民建二小墩于西河水漕以便往来探报裁鱼耶黎头湾二巡简即取弓兵工食以饷戍兵一议臧夷已平将戍守班军撤回本卫一议会川夷类杂处守备责任匪轻将指挥僉事张可大推补得旨新设通判驻劄镇名新乡新设县名屏山巡简司名龙源叙马泸兵备官往来建武马湖整理弹压不得专驻一城余各如拟

○以延绥守备麻济邦为游击

○丁巳南京山东道御史刘寅条议五事一肃官箴一禁远近一选教职一恤近地一轻鞭朴俱报可

○户科给事中李献可请裁发章奏不报

○戊午织造冬至 大祀章服遣尚书石星致祭○南京云南道御史俞咨禹等请宥言官李沂复其原官正权阉张鲸之罪以彰国法报已有旨南京兵科给事中杜縻疏请纳谏报闻

○以旧例给真人张国祥本身诰命

○户部覆河南抚按疏言河南非产稻地方
潞王岁该禄米一万石内徵本色粳米四千石其六千石每石折银九钱从之

○以大宁都司僉书署都指挥僉事杨孟春为陕西行都司掌印

○己未南京工部右侍郎张西铭闻言乞休不允

○协理戎政兵部尚书傅希摯再疏乞休准加太子少保致仕驰驿去

○升光禄寺寺丞王汝训为尚宝司少卿

○应天巡按乔璧星上疏规大学士王锡爵言王衡素号多才高桂心虽过猜词实微婉锡爵即屈抑难甘一鸣可也乃至再至三中间投笔从军等语亦自知动气矣 君父之前何可使气锡爵者世所谓贤人君子也一著少差声价顿减乞念硕辅难得申谕锡爵养海阔天空之量庶相道得而国体全矣得旨乔璧星既称硕辅难得何必多言且不究

○河南抚按以连年水旱地多荒芜请留赃罚银两召佃买牛开种部议赃罚已留备赈令难再留其十六年见徵钱粮分别徵豁处补并十七年仍派以轻折各该掌印管粮官照灾疲减等查参旨依拟而责成有司开垦

○浙江布政司及苏松等府金花银两拖欠违限各掌印官俱夺俸催徵

○兵部覆三边总督郅光先疏其御虏保番恤士事宜俱如原议惟西宁失事是我自开衅隙战备当饬而不可喜功生事以起兵端熟番纳款有素是我所恃为藩篱故抢番当援而难于概保生番以丛夷怨至于督臣每遇秋防相机巡督仍侦探虏王西行的息调度抚防无拘花马池防秋旧例旨命督抚著实遵行

○庚申以廷士礼部贡士命少师兼太子太师吏部尚书中极殿大学士申时行少傅兼太子太傅礼部尚书建极殿大学士许国太子太保礼部尚书兼武英殿大学士王锡爵太子太保吏部尚书杨巍户部尚书宋纁太子少保兵部尚书王一鹗刑部尚书李世达太子少保工部尚书石星都察院左都御史吴时来太子宾客吏部左侍郎兼翰林院侍读学士掌詹事府事王弘诲吏部右侍郎兼翰林院侍读学士徐显卿工部右侍郎管通政使司事张孟男大理寺卿蹇达太常寺少卿兼翰林院侍读学士掌院事刘虞夔充读卷官○大学士王锡爵上疏曰臣一闻璧星谗言不觉回面以惭虚衿而受臣行年五十有六而惩忿补过尚待人言璧星责臣是也臣过信古书以专容彦圣有技为休休而璧星兼通时务以并容媚嫉为休休臣之为国计其忧深璧星之为臣计其见广 皇上试两存其说而折衷之报闻

○命南京修理仓廩以户四工六协办

○辛酉 武宗毅皇帝忌辰遣伯杨世阶祭 康陵

○铁岭卫平顶山等处旗竿出火

○升翰林院修撰杨起光为国子监司业

○改礼部主客司员外郎詹沂为光禄寺寺丞补原任广西道御史董子行于河南道

○升礼科左给事中陆懋龙为刑科都给事中工科右给事中彭国光为吏科左给事中吏科给事中杨文举礼科给事中侯先春兵科给事中吴之佳各右给事中文举户科先春兵科之佳刑科

○壬戌策试礼部贡士三百四十七名制曰朕惟自古帝王立纲陈纪移风易俗一禀于礼法使尊卑有等上下相承然后体统正于朝廷教化行于邦国所以长久安宁有此具也当周之隆天子总六官六官总百执事分职率属而万国理朕甚嘉之甚慕之是操何术而臻此迨其叔季先王之遗泽固在也何以陵夷若是其兴衰得失之故可指而言欤至汉文时有以弃礼义捐廉耻长太息者神爵中有以述旧礼明王制为本务者宋嘉佑间有论审势称殷之先罚者有疏谨习比唐之季世者或谓西汉贵刑名而阙于礼文宋盛声容而疏于法制然则诸臣之言果皆应古谊合时宜者欤我 太祖高皇帝用夏变夷敷政立教尝谕侍臣曰礼法明则人志定上下安又曰制礼立法非难遵礼守法为难乃集为礼制著为定式颁律令大诰于天下洋洋 圣谟布在方策可得而杨厉欤朕以冲昧嗣守鸿业十有七年夙夜兢兢惟成宪旧章是监是率间者深诏儒臣进讲礼经重辑会典使诸司有所遵守庶几绍休 圣绪

以兴太平乃世教寢衰物情滋玩习尚亦少敝焉其甚者士伍辱将师豪右凌有司宗庶讎亲藩属吏傲官长陵替若此何以消其悖慢使就约束欵贪黷败节奢侈踰制谗说殄行虚声贸实诡异坏心术倾危乱国是浇漓若此何以救其頽靡使还雅道欵今诏书数下申令既严而帘陛之间輦谷之下犹有壅阏不行者无乃礼教不修法度不饬欵抑风会日流而不返积习已成而难变欵将朕闡于大道无能率作省成而示之极也兹欲礼达而分定法举而令行纲维振肃习俗淳美以覲扬

圣祖之光烈而远追成周之隆何施而可尔多士其悉抒所蕴详著于篇称朕意焉毋有所讳

○户部覆长芦巡盐刘应龙请自万历十七年始长芦盐行开封府属祥符等二十三州县山东盐行归德府属九县并开封属仪封等五县二运司共认河东额课银四万八千两解宣府充河东年例交纳外长芦余银七千六百有奇贮司备后来亏损山东余银二千三百有奇补辽东军饷其引目暂准给票从之

○甘肃巡按郭万里勘过灾伤免兰州等处存粮有差其应徵屯粮每石折银三钱

○郾阳镇军饷汉中府该银一千五百六十两有奇例于减扣民壮机兵弓兵银内徵解因部革额外一概停徵以致军饷无措抚治都御史裴应章以请部议仍咨陕西巡抚行查汉中府州县派徵解郾阳府交收备该镇团练军兵支用报可

○命大木经过地方所司严行攒运依限前来

○癸亥除补原任广东道御史连格于江西道

○云南腾姚两营兵大哗于行间先是腾永夙号乐土自岳罕倡乱始议募兵所募皆川蜀楚粤间亡命也设腾姚两营刘綎将腾邓子龙将姚两将不相能两营兵因而角斗刘天俸被逮邓子龙以副总兵兼统之腾兵亦隶麾下子龙始稍稍自戢兵将相安至半年后瑕衅复萌每以工作虐使腾兵暨用师陇川两营皆在子龙故为低昂椎牛飧士姚倍于腾姚兵又挟主将以凌腾腾不堪极矣三宣岁丰谷贱石米八钱兵利给银而子龙必给未兵愤恚日甚亡何有讹言罢子龙者腾兵譟噪欲结队归兵备姜忻令木元瑞摄腾兵因抚定之而子龙还姚营姚兵久为子龙所骄因索饷汹汹子龙欲俟腾营散遍乃给姚营众遂奋臂大呼至教场张大纛杀掠居民夺其马声言要赏且聚众至永昌城门昼闭黔国公沐昌祚以闻章下兵部

○南京吏科给事中杜华先劾宣府巡抚许守谦贪鄙不职吏部言谦边才当惜旨从部

○甲子以贡市竣赉总督郑雒等银币有差

○工部言运河水源浅涩全赖南旺蜀山马场等湖蓄水接济嘉靖间兵部侍郎王以旂筑大堤封为水柜年久圯废往年科臣常居敬踏勘议于南旺湖筑长堤蜀山马场湖各筑子堤今总理河臣潘季驯言水势弥漫长堤子堤俱在湖心难以施工宜将嘉靖年间旧堤培筑高厚

其纳水处所不便筑堤仍密栽柳树以为封界报可

○乙丑赐贡士焦竑吴道南陶望龄进士及第其余出身有差是日 上不御殿传胪如常仪

○盖州卫风霾坏廨宇庐舍

○丙寅 潞王之国 上御皇极门王面辞 上降座临陛目送恍然弗怪群臣多感动者

○戊辰福州府地震

○吏部右侍郎兼翰林院侍读学士徐显卿三疏乞归许之以日讲官予金币驰驿○己巳进士焦竑等上谢恩表

○大学士王家屏复以病辞旨令沿途调理仍宜加慎以副眷怀

○以总督宣大太子太保兵部尚书兼都察院左副都御史郑雒协理京营戎政

○虏入义州仅二三十骑掠井家沟而出次日复入太平堡把总朱永寿指挥潘应商率百骑追之去堡稍远永寿欲还应商不可至贾家庄遇虏骑二百余将士死战复有虏骑四五百从西北来攻之官兵大败永寿等歼焉辽东巡抚顾养谦以闻又追叙正月中李如柏出塞事斩虏四十一级为功养谦多历兵事人称其才乃能借事饰败善归功边吏如此

○辛未升福建南路参将解节为潮漳副总兵

○升五军十营佐击陈仲堪为神枢三营参将○巡城御史陈汴请驱逐山人游客因论列周训等十人诸不法事有旨下锦衣卫捕逮法司究罪

○壬申升兵部右侍郎萧大亨为右都御史兼官如故总督宣大山西军务

○癸酉予原任南京都察院右佥都御史萧崇业祭葬如例

○巡旨给事中杨文焕等言畿民报商原非 祖制嘉靖间山东参政常道奏准徵银解部召商上纳乃一时救弊之权而不知其害至此也查得各商惟酒醋局供用库二项称难御马仓天师庵中府三项称便夫酒醋二项钱粮不过一万六千有奇而御马仓三项则二十余万也多者称便而少者反难盖缘数多则不敢委之于人御马仓诸商人皆殷实有材能者也若局库二项则殷实有材能者皆以计免非中人之家则庸琐之流其势必至于任人任人不当一二年家业已荡然矣求去害之策莫若以多兼少以易兼难至象房牛房内者称难外者称便亦当一体均派内外钱粮各半又列为便商四事一曰平价值一曰省脚价一曰便堆草一曰杜重役户部酌议以其便者兼其难者将御马仓商人带供用库钱粮中府天师庵商人带

酒醋局钱粮各五分其平价值则将库局豆麦各比照御马仓加斛每石加二斗钱粮当年支放亦比照御马仓每石止加一升五合其更堆草既将内象房草归并外象房并于西城围内堆捆以便看守其杜重役查系本部商人给与印票不许重报别役独省脚价一款恐禁地不使用小车寝之得旨如拟○原任礼部侍郎张位再疏以病辞召允之

○升蓟州守备程鹏为河南都司僉书

○升四川掌印都司蒋基为福建南路参将

○甲戌予定远侯邓世栋祭准合葬如例

○河东巡盐秦大夔称河东商人苦困欲将开封府所属州县自黄河以南二十五州县仍行河东盐以杜越贩户部以为河东盐法不便于开归盖以道里险远且晒盐味苦民不堪食除襄城一县行河东盐以通运道其二府改食山东长芦盐二运司分认河东盐课银四万八千两河东每年止该正课银十万二千四百两成命方新似难再议是之

○乙亥南京都察院右都御史耿定向乞归不许○升山西巡抚右副都御史沉子木为兵部右侍郎

○兵部覆南京兵部尚书吴文华条陈留都营务练精兵重要地诸事其参赞大臣请给令旗令牌遇情卒煽奸许以军法从事巨寇临境听其便宜调兵仍增入参赞敕内以便遵守俱依拟

○巡抚浙江右副都御史滕伯轮卒予赠祭全葬伯轮瓯宁人嘉靖戊戌进士授番禺知县历升副使提督两浙学政寻转其省参政平罗旁有功□廿□(？□存)□擢南京右僉都御史提督操江加副都巡抚浙江卒赠兵部左侍郎酬海上功也三品未滿考予全葬自伯轮始

○丙子命顺天府官祈祷雨泽○右庶子黄洪宪引疾乞归以讲读需人不许

○授第一甲进士焦竑为翰林院修撰吴道南陶望龄为编修

神宗卷之二百九终

明神宗显皇帝实录卷之二百一十

万历十七年四月丁丑朔 上亲享 太庙

○升广东布政司右布政使程拱宸为广西左布政使

○戊寅以右春坊右庶子兼翰林院侍读盛讷充日讲官

○升山西布政司左布政使李采菲为都察院右副都御史巡抚山西

○广东琼州贼李茂陈德乐等与林凤各据海岛肆行劫掠林凤不知所往茂等阳就招抚尚拥众据住海南铺前其党屡盗珠池有司计散之留者买田归农茂自投督府宥罪久之为盗如故所司收其船器拆毁庐舍移居府城终弗悛也因捕治之参将陈居仁杨友桂各利其资纵去贼党扬帆入海袭破清澜城又犯万州陵水毁民居及兵船商舶总督刘继文先后以闻兵科都给事中张希皋□友桂可罪者四贼势可虑者四俱下兵部

○庚辰升彰德府知府钟昌为福建运盐使司运使

○升广西按察使沈应文为广东布政司右布政使四川按察司副使谢诏为云南布政司右参政贵州按察司副使黄文炳为陕西苑马寺卿兼佥事分巡平凉

○升陕西布政司右布政使艾可久为山西左布政使

○宁夏巡抚梁问孟言小盐池额课增至二十六万有奇第从□捞采未能足数报部半系虚捏请定额二十万其余减去部覆仍照原额但令增井召夫悉心捞办诏从部○户部覆两淮巡盐陈禹谟疏一复牒掣成规每岁该掣八单每单八万五千引定于五月十一日中旬牒掣务挨单顺序不得搀越一定催捆委官盐自内商上河发卖水商下河承买运之江广解作小捆装船启行若非委官于仪真盐所以时催督则延捱观望价必腾踊奸猾积棍把持行市莫可究诘宜将见在添注判官与该司运同运副轮流督捆俟捆装掣放已尽方许别委一豁疲场代办五祐场原额盐二万二千三百一十四引至正统间加代徐渎场三千二百引成化间加代天赐场二千三百二十引近连遭海患总灶消乏议欲将天赐场代办盐课改派逃亡项下召商买补免纳洮河赈济银两徐渎场照旧一建积谷仓庾两淮三十场灶丁每遇岁荒赈恤罔措宜于各属场分度量灶丁多寡于适中高阜所在每分司建仓二三处动支赈银买稻上仓遇荒请赈其开囤积一款恐势豪收买商盐囤放索价恤孤贫一款即将穷困灶丁收入各州县养济院不必创建垦草场一款恐灶丁分心他务且草荡尽垦煎烧不足俱寝允之

○怀仁隰川二王府庶宗充利□鱼等以奏请月粮为名擅入南京妄作马□匡财又怀仁府镇国中尉俊山□麻以故兄诰命借入山西抚按以闻命戒饬庶宗而夺俊山□麻禄三月

○辛巳兵部言武职袭替有奸宄诈托吏胥多方设骗无知堕其陷阱得旨捕逐已从法司拟遣戍

○壬午升山西按察使陈藻为陕西布政司右布政使

○御史王之栋刘怀恕阅视宣大报竣循例举刺加前总督郑维勋阶柱国余赏罚有差○南京巡视库藏给事中徐桓条议祛弊苏商四事部覆明职掌定收则二款举行其酌时估织造历日罗二款行勘诏从工部言

○癸未升浙江布政司右参政顾问为广西按察使四川布政司左参议来经济广西布政司右参议陈性学各按察司副使经济本省性学贵州

○南京国子监祭酒赵用贤以病诣告不允

○罗雄克捷叙功还原任巡抚刘世曾冠带沐昌祚等赏赉有差

○铸给四川新设屏山县龙源巡简司印

○乙酉赐辅臣及日讲官鲜藕

○升四川按察司副使郭子章为浙江布政司右参政湖广按察司佥事丁此吕为四川布政司左参议

○调四川布政司右参议王士性于广西○刑科左给事中杨恂论劾南京总督粮储户部右侍郎方弘静衰颓当致仕部覆两请报留

○以五军营佐击都指挥佥事沈栋为蓟辽总督标下游击

○以神枢营参将署都指挥佥事阎金皋为山西中路参将

○加蓟镇总兵营中军以都指挥体统行事茹宗汤游击仍隶总兵标下

○妖僧李圆朗谋乱于广东始兴县先是圆朗居朔源下洞水宝庆庵造妖书煽动人心言有易死还生先天演禽及剪纸为人马夜则飞动并飞劫杀人诸秘法诡称翁源人王子龙为黄巢之后有巢遗金十二窖愿从者瓜分之又言子龙乃弥勒降生子丑年天有大灾鬼将啖人捐资自投者给朱符可免因聚众数百人分兵至东桃隘饭罗峒刳牲祭纛鸣金下令东桃人惊走因肆焚劫又犯南雄府有司集乡兵以御之斩子龙擒圆朗余党悉平南赣巡抚以闻赉耀等有差圆朗伏诛

○太子少保兵部尚书兼都察院左副都御史总督陕西三边军务郅光先卒光先长冶县人嘉靖己未进士授上海知县徵为御史按黔发中丞奸状按楚治强藩党置之辟累升右佥都御史抚延绥襄款贡议移镇陕西擒徊贼渠魁加右副都再加左协理院事寻阅视蓟辽军务升兵部左右侍郎右都御史总督陕西三边叙边勋晋尚书兼左都御史又晋太子少保在制府八年条具四十余事皆得请虜王拥众西牧往来无哗海虜犯甘州炒胡儿犯峡口卜失兔犯永兴庄秃赖犯水塘湖俱堵截不害剿罗贼数百人甘州卒谋乱不成亡出塞捕得首事者皆伏诛然言者犹以此资之卒于官赠太子太保予祭葬护送如例

○丙戌大学士申时行等上疏曰国家之患有二曰水旱曰盗贼伏睹三四年间山狭河南及真顺等府屡有旱灾江浙直隶苏松等处屡有水灾蒙 皇上特采廷议捐金发粟蠲逋赋折漕粮賑恤之具无不备至乃今自春徂夏雨泽愆期从兹不雨则四方大半皆被旱灾此臣等所大虑也异时山西之矿贼陕西之罗贼江南之湖贼皆以荒年乏食啸聚出没幸地方有备不至延蔓然蕲黄安庆之间刘汝国等二三逋贼耳杀二武臣一州官郡县为之骚动至会省直之兵调播州之卒仅乃克之近赣州南雄等处又有妖僧圆朗之事琼州又以珠贼报矣李茂陈德乐皆以据贼听招今虽就擒而徒党甚众联＜舟宗＞出海未可旬月荡平臣等才识无奇不能销弥制驭焉 皇上纾宵旰之怀无所逃罪然愿 皇上体仁爱谴告之心务恐惧修省之实朝讲临御以时章奏逐日览裁此感孚天意维系人心之大端臣等所惓惓愿望而不容默者

○南京兵部尚书吴文华乞归不允后再疏许之

○吏科都给事中陈与郊等论劾南京户部尚书王友贤久不赴任巡抚陕西右副都御史王士□□异病缠绵皆当去旨留友贤准璇回籍

○升山西提学副使成宪为山东布政司右参政

○丁亥火星自氐度逆行历亢入角○升南京河南道御史方万山为四川按察司副使提督学政

○调浙江按察司佥事史旌贤于湖广

○升江西按察司佥事丁应诏为四川布政司右参议

○广西巡按孙愈贤言粤西抚镇同在会城两江皆属遥制以宾州为两江门户议将总兵移镇其地又言各省皆四通八达惟云贵仅一线之路粤之田州经行十三程可达普安由普安入云走贵往来甚便故道可寻驿站可复议将上驿改流建哨榷税其利有五从之

○德王薨承奉杨进等素不利于世子颇行魇魅进水银药物放火焚宫事露词连安陵王常清纪城王常澍法司拟辟以请进等诛革夺二王禄米有差○广东道御史陈勛言除民蠹二

事一曰宗室骄横之害一曰积年访察之害下部议

○临清州孀妇秦镗妻张氏输米八百石赈荒诏旌其门

○戊子大雨雹

○戚畹带俸都督同知郑承宪卒其子国泰请袭父职兵部言承袭非例然持之不甚坚 上予国泰都指挥使越数日兵科都给事中张希皋言都指挥使下都督一等原系流官例不承袭会典昭然郑承宪既居极品国泰又得崇阶 皇贵妃之家如此则皇后之家又当何如乞收回成命以示节制不报

○乙丑 孝□庄皇后忌辰遣伯吴国乾祭 昭陵

○予原任南京工部右侍郎董尧封父母祭葬如例

○降补原任福建按察司副使邹迪光为浙江按察司僉事○复除原任山东按察司副使张一坤于江西

○南京刑部右侍郎李江以病乞休不允

○庚寅调陕西按察司僉事范守已以原官提督山西学政

○辛卯广西巡按孙愈贤请以湖南衡永等府但行粤盐地方其州县即听粤按臣统辖从之

○通政司右通政黄克念以病乞休允之

○壬辰内阁考过愿就教职举人三百九十三名取中上卷八卷中卷三百六十八卷

○起原任巡抚顺天都察院右副都御史赵可怀巡抚陕西

○癸巳复除浙江按察司僉事匡铎于陕西

○甲午铸给四川新设新乡镇安边抚夷各通判关防○乙未沅陵王薨无嗣奉国将军宪□自言王侄当承嗣因讦署国广元王术雕虐害科索下抚按勘奏因申飭宗室毋得诬讦本管

○吏部推太常寺少卿徐一横为通政司左通政旨升邵仲禄为左以一横右之

○调分守南赣参将署都指挥僉事吴绅为神枢营参将

○丙申福建巡抚周采言漳州沿海居民往贩各番大者勾引倭夷窥伺沿海小者导引各番劫掠商船今列为二款一定限船之法查海禁原议给引以五十张为率每国限船二三只今照原禁势所不能宜为定限如东洋吕宋一国水路稍近今酌量以十六只其余大率准此以后商贩告票造船应往某国者海防官查明数外不准打造一薄税银之征商饷规则每货值一两者税银二分又西洋船阔一尺税银六两东洋船阔一尺税银四两二钱既税其货又税其船无乃苛乎除船税照旧其货物以见在时价衰益剂量兵部覆东西二洋各限船四十四只

○丁酉予原任兵部左侍郎吴嘉会祭葬如例

○除补原任河南道御史饶位于福建道

○唐王硕燠言新野王府辅国中尉硕烧及其子器< 山垒>毒杀发冢刺王吞产诸不法状下抚按勘究

○直隶巡按方万策请逐真人张国祥不得以醮坛符法惑人并禁假借入觐携带道徒劳费驿递不允

○命阳曲王府镇国中尉知𩇛管理府事

○四川总兵官李应祥虚冒营粮为巡按御史傅霈面诘行贿千金乞免霈发之旨褫祥而旌霈

○戊戌免经筵阁臣候安请寡欲以清心平顺以养气不报○顺义王乞庆哈投书总督郑维言乃祖俺答先年迎奉佛僧今僧物故欲会各台吉送归乞照旧额市赏维令其从边外行甘肃巡抚李廷仪言套虏瓦剌原有夙讐纠结虏王已非一日先年俺答西来假以迎佛未遂所图比时借道经行原有抚赏事例今乞庆哈假以送佛倾巢而西无非俺答故智也但犒赏似难峻绝而戒备自当加严开列二款一议防守酌虏情众寡地方远近左行则左应右行则右应倘有紧急不待调遣速行策救一议抚赏俺答经过本镇前任抚臣预买赏犒等物共用一万四千四百余两今乞庆哈西来抚赏止照旧规固不可峻拒生嫌亦不可滥予糜费兵部覆请如议

○调湖广黎平参将署都指挥僉事黄斌于南赣

○己亥予原任刑部左侍郎陈瓚祭葬如例仍赠右都御史

○予诚意伯刘世延父母祭葬如例○礼部尚书兼东阁大学士王家屏入阁办事

○革琼崖参将杨友桂听御史勘奏升掌印都司邵曾和代之

○庚子复已故户部尚书张守直言后仍予二品祭葬

○辛丑予原任南京兵部尚书郭宗皋祭葬如例宗皋福山县人嘉靖己丑进士授刑部主事改御史抗疏廷杖累升兵部侍郎总督宣大以地方失事廷杖谪戍隆庆初释归寻起刑部侍郎至南京兵部尚书乞休奉旨存问年九十卒虽备尝艰苦而未荷恩恤云

○升南京尚宝司司丞郭惟贤为南京通政司右参议

○复除原任广东按察司副使薛梦雷于浙江整饬通泰海防

○漕运总督舒应龙请以江南出海船只比照江北渔船编立船甲互相觉察但顾与下海之人行劫者以分赃未分拟坐辟戍从之○壬寅大学士王锡爵上疏曰臣窃见今年二月以来皇上仅一出朝送 潞王殿下再出行 太庙时享其余常朝日期尽行传免经筵春讲至今未开臣等因近侍得以剽间音旨若外廷百司耳目不接谁能无疑昼居却事或曰不如向晦之安酒醪祛疾或曰不如勿药之喜燕婉当御或曰不如前凝后丞之严玩好充陈或曰不如左图右史之乐 皇上苟欲明其不然则莫如勤御朝讲日亲外臣使人人得以望下风而承休问则天下幸甚或以天暑静摄则十二时中以六时宴息三时游衍一时定省 慈闱二时看阅章奏使群下晓然知意在尊生不在厌事在色养不在佚乐也则天下亦幸甚又或以天工人代不必事事身勤则早定根本之计升储出阁发旨自中然后委诸事于阁部则天下亦幸甚今留中诸疏动至经时册建吉期杳无明示阁臣兼旬累月不承顾访又何颜面立群臣之上哉昔我 皇祖世宗亦尝斋居西内然手不操奇赢之算躬不狎驰骋之劳虑不忘稼穡之苦所以能始终盛德保身保民也 皇上即今动法 世宗何不试取 宝训实录观之当时边庭警报大吏升除与夫稽古考文祈年忧旱等事手批数下口宣数及不必亟见群臣血脉通矣

穆庙在邸时人情颇亦危疑然宫闱无别子筦簞无私御则不必更议册立大本定矣今

皇长子伦序久定 皇上三年前

明旨已宣付史馆播传天下册立之举去年未行犹曰年未及也今年未行犹曰 潞王未之国也过是皆无说矣不早下九卿台谏之议以顺臣民瞻戴之情此臣之所以日夜无膺而出血也疏入温旨报闻

○南京兵部武选司主事周弘禴上疏曰迩者远近喧传谓上奏之疏十留六七以臣所睹记似亦不诬姑即南京言之正月以来兵部尚书等官吴文华陆光祖姜宝等有疏矣太常寺国子监礼科等衙门给事中等官朱维藩赵用贤赵参鲁等有疏矣旷月因循迄无

明旨果已经 上裁而不及批发乎抑未经裁定而有所为通政司之所停阁文书房之所阻滞调旨辅臣之所规避乎

皇长子年已八龄正出就外传之日大小臣工不谋而合接踵连疏可以知人心矣 皇上竟未闻发号正名晓示天下徒使无知之人据私意而揣摩乞采举朝舆论一应章疏俱赐省发册立大事尤宜独断则国本定而言路通万世之治安可保矣不报○癸卯成安伯郭邦相承袭祖爵

○甲辰遣阳武侯薛铎修撰唐文献等为正使简讨徐应聘行人陈容淳等为副使持节册封衡王翊钁妃吴氏荆世子繇樊周世子恭枵东垣王翊铠妃高氏稷山王瑄埳妃王氏铅山王縉齡妃匡氏罗川王常湑妃曾氏安仁王常滌妃张氏铜陵王常派妃饶氏永福王谟埳妃王氏宁德王寿钺妃刘氏泰兴王寿鏞妃王氏

○以南京太仆寺寺丞赵卿为尚宝司司丞

○乙巳晋府宁河王知弓□火还政于晋王先是王幼命知弓□火赞理至是三年限满仍褒奖之

○丙午内阁会同翰林院官考各处岁贡取中上卷八卷中卷三百七十卷其下卷三卷发回该学肄业○以广西都司佾书署都指挥佾事汪弘器为广东都司掌印

○以提督京城巡捕都督佾事史纲充总兵官镇守四川

○礼部覆河南巡抚衷贞吉疏言临汝汝阳二王府宗生勤鱼□徽勤穀□□未可轻议量授奉国中尉名号仍食本等粮廩子孙不得混请从之

○

明神宗显皇帝实录卷之二百一十终

明神宗显皇帝实录卷之二百一十一

万历十七年五月丁未朔赐元辅银彩扇五把银钉铰扇十把砗磲扇二十把次辅讲官有差

○以泰宁侯陈良弼掌行 孝陵礼仪

○光禄寺卿赵世卿以亲老身病乞休不允

○戊申赐元辅金书黄符红符各四道金艾叶四副次辅讲官有差

○太常寺卿徐元春乞归许之

○工部议稽核南京修理鼓铸之法并及时整修南京武英殿大庖二处俱从南京署工科给事中朱维藩请也

○吏部言潞府讲读官供事勤劳宜遵前旨遇缺升布政司参议从之○己酉总督仓场户部左侍郎胡执礼言太仓收放银数月报开具四月五月共费过买办银五万两借凑金花银三万两做工官库盐粮赏劳等银六千四百余两丝绵铜价银四千余两钱三十四万香油等价四千七百余两钱四十四万外库无余借支窖房银两今计所借者已八十五万余矣请乞停减不允

○升蓟镇领班游击署都指挥僉事王永寿金一清为参将永寿五军营一清分守黎平

○以都督僉事任大同提督京城巡捕

○工科都给事中张养蒙等言四川采木原额已定今并比商民原领价银还官民不堪扰乞将已出水及在山者酌价拣收工部覆今之余木可以偿有木之买价而不可以免无木者之并比且其中有短折半朽纤细之材似难概用至于买木之费一运木之费十使处分未妥不如无事反覆思惟凡逋负乾没终难尽追不若将见徵在官者抵买木及运木之价其余大施旷荡姑准蠲豁惟有包揽侵欺大猾取一二重治之旨念累民允以截数抵官余从变卖

○辽东督抚张国彦等言查阅万历十六年分辽镇各路大小将领总计增补训练堪战精壮官军家丁共一万七百七十九员名增补买过膘壮马骡共九千八百九十五匹头增造修整明盔一万六千七百顶明青甲一万六千七百四十副臂手三千三百副虎眼等枪二千二百一十七杆将副总兵等官分别勤惰议处从之

○辛亥西宁卫天鼓鸣地震越七日复震

○起原任都察院右僉都御史傅孟春以原官巡抚浙江

○升巡抚延绥都察院右副都御史梅友松为兵部左侍郎兼右佥都御史总督陕西三边军务

○壬子升光禄寺卿赵世卿为太常寺卿

○饶阳昌化二王府镇国中尉廷＜土仆＞廷□及无名禄三哥等亡赖不法山西抚按以闻得旨革＜土仆＞爵为庶人同三哥等闲宅禁锢夺□禄米三之一

○潞王请将开封府属应食长芦盐归并卫辉府义和店令其赴店搬运户部覆以河南食盐堆放河北商人坐享厚利小民穷年奔驰人情事体均属未便且小贩有盐无引奸民乘机夹带事干国计委难曲从旨仍旧

○四川道御史李光祖言太仓窖房银两

祖宗二百年来积之为子孙万年有备无患之虑 皇上取而用之所余无几比年北则伤旱南则伤水河南山东南直浙江等处至人相食骄军悍卒在在鼓噪鼠窃狗盗往往啸聚时事之可忧亦未有甚于此时者也 皇上惕然深思俯从部臣之请少存万分之一以为缓急之备自乘舆服御以至醪膳珍羞供应之需少加裁损左右近侍毋滥市恩私勋戚贵臣毋曲从请乞一切无益悉从停止器具一从简朴宝玩屏而不用既可养德而养心亦可省财而省用臣愿敕下该部将御用并诸宫及监局供应之物详加计议要见某项系旧例某项系新增某项当存某项当革为经久良规上请裁定著为令典则冒破者无所容其奸所省不啻万万也 上以内廷供应比先年裁减以多责光祖职司纠察舍贪酷官及欺蔽不法事情不实参奏而事事归过于上夺其俸两月

○癸丑 孝宗敬皇帝忌辰遣伯刘应元祭 泰陵

○甲寅以山东布政司右布政使贾仁元为都察院右佥都御史巡抚延绥○以太仆寺卿卢维禎为光禄寺卿有旨两卿官品相同以后不必递改

○乙卯升南京礼部主客郎中张世则为四川按察司佥事安绵兵备

○丙辰夏至大祭 地于 方泽遣公徐文璧代侯吴继爵李言恭大学士许国王家屏分献五岳等神驸马许从诚先期代诣 太庙请配

○是日 太祖高皇帝忌辰致祭于 奉先殿

○升通政使司左通政邵仲禄为太仆寺卿

○升山东按察使叶梦熊为本省布政司右布政使

○戊午 仁宗昭皇帝忌辰遣伯王学礼祭 献陵

○己未宴建州等卫朝贡女直夷人都督少童等八十二员名如例

○升南京通政使司右通政周邦杰为通政使司左通政

○复除原任山东按察使张更化原官○留湖广布政司右布政使党馨于陕西以新衔兼按察司副使整饬固原兵备从巡抚王璇请也

○加冀北道山西布政使司右参议郭性之为按察司副使仍兼原官

○南京户部右侍郎方弘静乞休不许

○大同巡抚王基言本镇缺饷请以十七年下半载扣除预借临清仓银五万两补发暂济目前俟今秋解有民运容俱于十八十九两年主兵年例数内扣除户部议本镇十七年例银该扣十五万两恐其不敷止于上下半年各扣五万两其五万两拟于十八年扣除今有此奏姑将下半年扣过客兵银二万五千两照数补发此项银并未扣银五万两总于十八年主客年例银内扣除报可

○诏修守清河浦运道○宣大总督郑雒等条议垦复屯田催徵逋负清查逃故疏通盐引惩戡朘削裁革糜冗六事户部覆本镇原额并新增屯田地共三万六千四百三十五顷该徵籽粒九万六千四百三十余石牛具银一千二十余两每年照数徵纳以充军饷又查得东路广武并崞县地方有荒地八十顷七十亩零见给商人分垦每亩准给盐引纳杂粮五升庶盐引日通地利日广其余请俱依拟从之

○吏科给事中张应登因旌奖周府孝行庶宗勤鱼□徽等推广四事内奖谕一款已经举行其振宗学恤贫宗二款礼部言宗藩要例内宗室之子十岁以上俱入宗学其师即以本府教授纪善充之或于宗室中择举学行兼优者一人以为宗正迹惟周府宗正之设最称得人自睦< 木挈>物故概未之闻也至于连岁荒歉宗室贫者死亡相继相应行抚按官会同该府推举宗正一员教有成绩即行举荐宗生文理粗通者优之以廪每岁提学官考试分别等第以示劝惩有如勤鱼□徽勤穀□□者不妨荐扬以为乐善之劝其宗藩有能建立义仓义田等项费至百两以上捐粟至二三百石者抚按官具奏奖赏其有生不能婚没不能葬者另行赙给郡王故绝所遗财产除量留宫眷养赡听管理府事居用外一应田土查明置册如遇荒岁即以分贍贫宗旨报可独开仕禁一款礼部未敢遽任

○晋王敏淳请给河东王府镇国将军新塙二庶子名封从之先是塙选娶妾媵为奸人洗改窜易事发作奸者伏罪山西抚按核塙实不豫知故二子得还其封禄

○以宁夏中路参将邓凤管庄浪参将事调宁夏东路参将徐龙于中路皆从督抚议也

○庚申 皇六女灵丘公主薨礼部拟丧葬仪如制

○宴陕西大崇散等寺刺麻僧三十五名

○太常寺少卿徐一櫟以病请告许之

○刑部左侍郎何源乞休不允

○以原任浙江总兵都督佥事王化熙为南京右军都督府佥书

○广东督抚劾白鸽门把总今升中都留守司佥书童龙纵贼殊旨令革任提问

○辛酉铸给永平府通判移驻山海关关防一顆

○升河南按察使王廷诗为湖广右布政使○壬戌南京刑科给事中徐桓言 太祖钦定律令本无遣戍后因作奸者律文多不该载始著军例以备律所不及又酌其情罪轻重有终身永远附近远之别必发遣者无脱逃收管者无卖放斯足以绝奸顽而实军伍今犯罪解发者有一实在乎卫官喜其来得常例又利其去得口粮安得不纵其有充发极边者长解畏途远跋涉辄贿兵部吏典勘合径行该卫虚出收管而足迹曾不一到徒令亲族有科歛军装之费里递有长途押解之扰国家法网祇为若辈利藪良可痛恨乞申飭问刑官止引本律科断毋得辄引例遣儆本律未尽其辜量加年限未为不可查死罪杂犯者准徒军独不可以减徒乎至若徒流无力者做工摆站瞭哨情重者煎盐炒铁此制也乃今徒夫配驿官吏索银入手即行放回穷囚无钱锢禁黑狱死即以病疫申埋名虽问徒实则拟死请申飭问刑衙门凡定配拨以邻近驿分每遇星轺责令徒夫驿夫相兼走递庶瘳恶之典好生之仁并彰矣章下法司难其议旨依部覆但令稽查毋疏而已

○癸亥南京户部尚书王友贤乞休不许

○升河南布政使司左参政王来贤为本省按察使河间府知府钱楷为陕西按察司副使

○甲子宴刺麻进贡僧速南班班等三十五名如例

○潞王报四月二十六日至国

○升南京光禄寺卿余懋学为南京通政使

○丁卯大学士申时行等以阁臣王家屏自蒙召用尚未面恩欲待秋凉请上视朝经筵以慰大小臣工之望

○升通政使司左参议杜其骄为右通政

○升山东布政司左布政使徐元气为南京光禄寺卿○调宣大参将署都指挥僉事张克实为山西太原参将

○己巳升浙江布政司右布政使傅作雨为山东左布政使

○兵部条议邦政事例一严究妄保军职袭替许以大保小不得以小保大如有诈冒即将保勘职官查究揭黄一外省冒功今后本部咨送有立边功即注本镇卫所随操有告注原籍者革其例前授职已注原籍者子孙袭替改注立功地方不愿政调者革如不系本部咨送者明系冒功即革一平蛮功次南蛮与北虏迥异旧例止升一级将罗旁立功子孙袭替一级者准袭二级以上止袭一级余俱查革一优养生子凡官舍残疾支俸优养以后不分新旧不拘年限生子准袭一舍人犯罪凡军职犯罪者革发差操许子孙承袭舍人犯罪则令次房子孙承袭似为未平以后当照职官例一指挥使阵亡以后指挥使阵亡者长男升袭都指挥僉事次男与做小旗死难独惨者与做冠带总旗若本枝绝别枝止袭祖职一武职继嗣军职故绝例该伦序相应者承袭或生前以远族侄立为继子以后亲枝承袭家产则分继子一武举升袭查舍人中式武举者袭替之日于祖职上加升若推升将官已经革闲之后袭职者止袭祖职一诸母封赠今后宜照文职事例再醮者不许封赠嫡母已故生母在准封故准赠生母未封妻不得封赠一生母优养凡军官故绝亲母月支米五石继母及婢母视妻例月支米二石乃生母独支米一石似为失均以后生母亦月给米二石旨依拟○顺义王扯力克忠顺夫人贻书宣大总督郑雒言二十余年各守先王之约今讐邦瓦剌犯我疆界欲往讨之已与各部头目期会于地名多罗土蛮先有永舍布矮力汉倪不浪生事于西宁又有袄儿都司威静招秃赖台吉作难于甘肃我心不安自先祖款贡竭尽心力不想败于今日今我星驰调永舍布黑刺慎两家头目随我前往定此二事又调取西海驻牧夷人并送佛僧骸骨乞从里边行并照先王旧例给赐抚赏留下法度一纸与管理贡事头目但有大小事情照例罚处夷使外边往行不便乞念旧规同通官从里口伴送西海毋阻等情雒口讯夷使言顺义王及忠顺夫人于五月初一日自多罗土蛮移帐西行各部落亦随而西雒言西行之事既屡谕不听宜循边外何得取道甘肃虜王夫人素号相信今何骚扰内地夷使言复讐瓦剌则从边外便今西海夷酋兵免物故顺义王欲收其部落且闻诸虜有起衅甘肃者欲往镇定耳雒因谕之曰既假道必疾行毋因逗遛别增事端彼中抚赏不能多毋厌薄也万一构难连兵于西尔妻孥部落之在此者无内顾之忧乎我与若相处十年今且还朝汝恪守前规萧督府来仍善遇汝母为人诱自诒伊感也夷使又援例求通官二人同西往以便传达雒恐其藉二人为邀求然不忍竟拒问何时抵甘肃当在八月乃许以七月遣通官至陕西从彼受译焉夷使唯唯退至是雒缄其书并述口语以闻人谓雒在西陲善于羈縻其所以控驭骄虜结欢年久者方略多类此○庚午 上谕内阁朕自前月服平肝清心之剂至今饮食少思寝不成寐疾少愈即御门听讲传与诸司各尽心乃听不可因朕疾久以废政事大学士申时行等因上疏恭候

○宴罕东左卫都督同知阿东把力差进贡头目拜把的等一十三名如例

○刑科右给事中吴之佳请储仓谷练民兵章下部议

○吏科左给事中彭国光条上浚筑陂塘树艺桑麻社仓积储军粮支給崇祀典弥盗贼六事部议以考成法讲求实举从之

○辛未宣大巡按林文英劾奏参将许国忠造言倡乱鼓惑众心旨革任

○壬申 穆宗庄皇帝忌辰遣侯郭大诚祭 昭陵○闽人柯守岳等作乱于广业里抚按官捕治就擒部拟斩戍有差因言广业里乃莆仙福永四县接壤处宜建巡司从之名其司曰大洋

○工科给事中章尚学上疏言疲民不可复事剥削乱军不可复事姑息方今饥馑未已米价尚腾饥寒切身则寇盗易起而州县尚仍贪黷之风故大猾如刘汝国山氓如柯守岳乘机扇乱假号称兵至乱军则有可恨者自浙卒倡乱神木甘镇相继噪呼未几而南军又告变矣云南姚营之卒又称兵矣当事者平居漫不经意及呼噪四起则又不免畏之大过奉若骄子凡其所欲无不曲徇朦胧遮饰不曰首恶已擒则曰胁从罔治未必一一皆真此其势不至于大弊极坏不止者望取真正凶恶数十人正其罪而戮之传首号令天下庶一惩百警而大难弥矣章下该部

○癸酉复除原任河南布政使司右参政李维祯原○升四川按察使蔡国珍为浙江布政使司右布政使

○甲戌加巡抚湖广都察院右佥都御史邵陞为左佥都御史协理院事

○改南京吏部尚书杨成为南京兵部尚书参赞机务

○升山西都司掌印署都指挥佥事王国柱为神枢营参将

○乙亥泰宁等卫都指挥同知干多罗忽等进贡马匹赐马价彩段等物有差

○都察院左都御史吴时来以病乞归不允

○巡关御史甘士价言建昌营有所谓盐米舍人之说盖自正统年设镇守中官奸豪舍余投用避差岁纳银一两八钱甚至隐庇全户其后中官罢去而相沿迄今即以兴州一卫言之影免贴丁三百人矣尽占富丁则摊累贫丁矣当查先年初设若干酌为定额每名仍编一两八钱准入均徭正项其新投用者撤回该卫一例均差从之

○以雨泽大霑遣公徐文璧等告谢 天地神祇赐四辅臣收回祭设二卓

明神宗显皇帝实录卷之二百一十一终

明神宗显皇帝实录卷之二百一十二

万历十七年六月丙子朔

○丁丑予原任礼部尚书兼翰林院学士汪鏜祭葬如例鏜浙江人嘉靖丁未进士改翰林院庶吉士授编修历升国子监祭酒礼部右侍郎万历初充经筵官甲戌丁丑两知贡举改吏部左侍郎教习庶吉士掌署詹事府翰林院印信 两朝实录成以副总裁前后受上赏升礼部尚书掌府教习炤旧五< 銙-金 >乞休准致仕赐驰驿归归十年而卒鏜学识渊泓笃厚持重得大臣之体至于杜门养晦隐然负羽仪巍望云

○改南京刑部尚书陆光祖为南京吏部尚书○升提督南赣军务都察院右佥都御史秦耀为右副都御史巡抚湖广

○南京广东道御史王藩臣参劾应天巡抚周维特才妄作大拂民情部覆炤旧供职旨如部拟

○工科给事中李汝乖参劾刑部左侍郎何源久病当去原任太常寺卿今回籍徐元春急辩非体源引病乞归许之

○复赵府辅国将军厚煜夫人李氏子女原封夫人因请诰命吏胥为奸礼科奏革并夺其子奉国将军载< 土韦>女阳夏县君等封载< 土韦>陈冤礼部覆实昭雪故有是命

○改山海卫永远充军原任户部员外郎王一凤为终身军先是一凤管德州仓以羡银三百余两报部接管主事王乾亨衔之遂揭其将成锭大银剪边藏匿交代盘诘方思补偿事闻坐以京通临淮徐德六仓有监守盗银三十两以上者永成至是一凤奏辩刑部覆其正数原无短少赔偿在于额外似涉有冤但银有缺边难泯形迹请改终身

○云南抚镇萧彦等参劾副总兵邓子龙约束无术酿成兵变旨革子龙以顺蒙参将刘招桂代之

○兵部覆宣大总督郑雒等疏言虏王经过务要整兵设伏以备不虞若收兵免平西夷自当听之即讐杀瓦剌宜按兵自守观其胜败惟不许生事扰我边疆其余悉如督臣言报可

○延绥巡抚梅友松言东酋款塞无敢渝盟惟是秃酋物故寡妇幼子惟部落之言是听去岁犯我镇羌恐神木兵来援以故于正月小市之期一半奔镇羌一半奔神木幸神木哨探甚早伏兵以俟擒六人永兴操守鲁槐为其所获知其为官自愿送还且请罚治又欲早完今岁贡事若补过之不遑者其酋首阿计大台吉宜赐宽宥照旧贡马领赏故还擒贼以彰不杀之仁从之

○兵科左给事中胡汝宁言扯酋西牧边臣新易在宣大则郑维不可以将离任而生怠心在陕西则梅友松不可以初到彼而生惧心章下兵部

○升宣府守备祁光祖为署都指挥僉事以游击管南路参将事

○己卯原任广东巡按御史今升按察司副使蔡梦说称病乞以原职致仕有旨梦说告病在先升任在后准以原职养病病痊听补升职著为例若京官已升外任后告病者以升职致仕
○调补四川右参政沈九畴为江西左参政

○升南京兵部右侍郎王世贞为南京刑部尚书

○庚辰悼嫔耿氏薨礼仪照顺嫔张氏例行

○应诚伯孙允恭承袭祖爵

○升大理寺右少卿王敬民为都察院右僉都御史巡抚南赣地方

○升南京大理寺卿朱天球为南京刑部右侍郎

○辛巳予原任浙直总督少保兼太子太保兵部尚书胡宗宪祭葬宗宪在嘉靖间削平岛夷勋庸懋著一时才臣罕出其右逮系而死天下伤之已复原官至是特得祭九坛造坟安葬

○石峡水泉堡天鼓鸣殷如雷

○降原任云南提学副使荆光裕为四川布政司右参议

○是夜运艘泊青县仓州静海吴桥诸岸颶风作船多相击沉于河旗军篙工溺者二十三人失米二千一百五十七石有奇米从羨余取盈死者恤

○壬午升严州府知府郑锐为浙江按察司副使

○吏部推大理寺左寺丞韩国祯为大理寺左少卿旨升吴定为左以国祯右之

○工部奏庐凤淮扬等府滁和等州料价事例银两系十二十三两年拖欠已改限十六年十二月以前完解今未完者尚有一万六千有奇拟分两次带徵限十七年一半十八年尽完过限照例查参报可

○癸未升应天府府尹张橧为大理寺卿

○吏部推巡抚山东都察院右副都御史李戴为刑部左侍郎旨升孙鑪为左以戴右之

○升提督操江南京都察院右副都御史王用汲为南京兵部右侍郎

○甲申吏部推河南道御史姜璧为大理寺左寺丞旨升任养心为左以璧右之

○吏科给事中张应登请破格行取举知县黄中色功罪可准李梦麟起家邑佐部议不从

○户部奏准都察院咨凡边镇有司钱粮每岁查盘归之巡关三年查盘归之巡按互相觉察查出侵涸等弊已问罪者不再问报可

○浙江飓风大发海水沸涌杭州嘉兴宁波绍兴台州等属县廨宇庐舍倾圯者县以数百计碎官民船及战舸压溺者二百余人桑麻田禾皆没于卤父老为万历十五年后又一变也

○乙酉南京礼部尚书姜宝以年踰七旬乞休加太子少保致仕

○升江西布政司左布政使陈文烛为应天府府尹

○以翰林院编修刘应秋充起居馆编纂六曹章奏

○都察院左都御史吴时来等吏科都给事中陈与郊等各称科道乏人乞照例行取报允

○升顺天府府尹石应岳为南京都察院右副都御史提督操江兼管巡江

○升福建布政司左布政使宋应昌为都察院右副都御史巡抚山东○南京吏部右侍郎赵志□上疏曰臣近岁以少詹事侍朝讲恭睹 天颜和粹稍有不一养旋复何自冬相延至今也得非衽席之爱不能割面羹之好不能克乎有一于此皆足以耗伤元气愿 皇上念天地

祖宗子孙人民之重于宫中娱乐视之若花鸟水时然行之有节而不沉溺则元气常足 圣躬自泰矣然人心必有所寄宋儒真德秀曰惟学可以养此心惟亲近君子可以维持此心愿 皇上日临讲幄与二三儒臣讲究义理如常视朝召三公九卿商确庶政退则将所讲经史所上奏章覆玩而遍阅之则 圣虑日清而 圣躬无不强固矣报闻

○上久不御朝南北诸臣多疑以张鲸不用遂废朝政者吏部尚书杨巍等言 皇上不视朝则诸臣猜疑益甚愿俯从臣等所言加意珍摄庶秋日可以视朝群心胥庆岂但释诸臣之疑哉太常寺卿赵世卿等亦具公疏以请俱报闻

○丙戌予原任南京工部尚书曹亨祭葬如例亨新蔡县人嘉靖乙未进士授刑部主事历升八座以病致政中外劳勩始终清修蒙给月米岁夫有司存问未几寿终于家

○宴赐加渴瓦寺入贡番僧加舍领占等三员名罕东左卫入贡头目拜把的等一十二名如例

○山西巡抚沉子木言本镇互市应用段疋梭布水獭狐皮等物发价银四万余两委官往各省收买在湖广其弊制于牙行在苏杭其弊制于委官以后欲将皮张行湖广抚臣临期定价收买段布行应天浙江抚臣先期审定机户织造从之

○丁亥升江西布政司右布政使边维垣为本司左布政使○刑科给事中刘为楫条上四劄一曰 圣躬保护宜慎 陛下静摄法宫闻正言见正事接正人之时少靡丽悦心易沉溺当以礼制情严加屏绝即不能黜而不御亦当使御而有节去其耗散精神者精神自然收摄药餌自然奏効二曰内使关防宜严臣每辰起趋朝见内臣拥门夹道所谈吐类皆宫禁事无复顾忌夫既不能深言其内以夸示于人则亦何难掇拾其外以眩 上之听从古猜间之祸必自此始甚非所以重泰交而绝嫌疑也宜敕诸监掌印并皇城四门司钥内臣严加约束以防外洩内构之端三曰诸司章奏宜核近日建白多寢不报昨诸臣以稽查请亦并留中臣私心揣度 陛下时方静摄不遑省览暂尔稽迟未至蒙蔽乃大小臣工甚抱不必然之虑诚恐霄人借便肆为欺罔事关军国弹及权邪通同隐匿臣等封驳之司无从稽考内外睽违养奸蓄乱乞特敕文书房凡有章疏即按会极门奏目一一进览勿得过三日更敕科臣二员每日亦具奏目册子赴会极门同司礼监官交接一应章疏纪其件数以备稽查如有欺隐即便据册奏闻以防壅蔽四曰法令督责宜信京邑四方之极法令之行必自近始乃今一切禁谕多格而不行异言异服之人僭奢淫佚之辈肩摩踵接五城宪约轻同并髦何可令四方万里闻且见也当申饬宪度勿徒视为故事得旨朝讲已有谕章奏间留省览应行事体原无停阁内使出入各有职事而以科臣为渎扰不究

○河南道御史董子行以 天颜旷睹群疑日甚乞示朝讲之期以慰中外不报

○戊子赐四辅臣及讲官鲜笋

○复除原任贵州布政司左布政使张明正于福○户科都给事中王继光等请将山东山西河南北直隶真顺广大见在银两及存余事例等银余谷备赈陕西原发余本银要行清查户部覆行各该抚按查素无积蓄凋疲州县酌量分发趁时采买山西借过牛种不必追银准淮谷代仍量从宽估至陕西除抵补宗禄民粮及借给主饷外其分发各府五万两要见用过若干见在若干其延庆二府开荒银二万一千一百余两备将领银人户及垦过荒田的数送册查考得旨余本银两专为储谷备荒之用陕西乃借抵禄饷殊非政体凶荒无米可采丰收又不时采抚臣全不以体国恤民为念各处册报实在者巡按逐一稽查册报不明者上紧查明具奏

○蓟辽总督张国彦等言天旱米贵蓟镇本色不敷议将本年漕粮改拨三万石径抵蓟仓上纳每石照例扣银七钱作万历十八年该镇年例之数部覆从之

○己丑升江西按察使余国宾为江西布政司右布政使

○姚营乱兵势甚张所过剽掠妇女前驱传呼趋市肆具酒食墮户不内者毁垣入之从大理至澜沧澜沧道所徵调夷兵渐集乱兵稍稍惧而数千为群方行如故过会城彼猖益甚屯杨林与官兵相持土同知禄华诰斩其五人因诡降以缓我师次日冲围出宁州武定临安云南寻甸兵夹攻之败于土主山又败于大河口馘斩八十四级擒获四百余人宥余党许自新至是巡抚萧彦以闻得旨邓子龙提问姜忻调用文武官奖赏有差见在乱兵分别拟罪

○庚寅内阁会同翰林院官考过愿就教职岁贡上卷十卷中卷三百一十八卷

○升太子宾客吏部左侍郎兼翰林院侍读学士掌詹事府事王弘诲为南京礼部尚书○左都御史吴时来再疏乞休不允

○辛卯升福建布政司右参政张𡔷为江西按察使河南按察司副使杨芳为山东布政司右参政

○壬辰辽东巡按徐元言领兵营兵马防修宁前边工免其入卫原有客饷近该营改为协守新营有月支粮饷将前银停止然此兵自河东调至宁前非若土著有田产可以资给连年灾荒乞将修工银照旧给发户部言前银原备宁前四千军士月粮今一千营已调广宁止余三千名而欲发四千之饷似难依拟若调去一千名既有月粮又新议每名加饷三两六钱不为不厚矣岂得一概滥给乎除宁前修工银一万八千两已题发讫其一千营应裁革八千五百两该补发九千五百两以后照数改作额饷随年例一体题发报可

○保定巡抚宋仕言倒马茨沟两关并各口军士布花银厚薄不等应久近通融俱以九钱为准部覆报可

○礼部议改定南京告献大典 万寿元旦两节百官朝贺后俱吉服赴 孝陵行礼不必复更素服若夫冬至节南京官俱先一日出城候子时行大祭礼毕随即赴部朝贺至于陪祭官参差错乱监礼御史参奏旨依拟

○抚治郟阳裴应章乞休不允

○兵科左给事中胡汝宁言腾姚诸营官兵其緬贼就缚兵夙迎降皆克战之功诚有功于滇西近汰兵省费之议出欲令数千之众撤于一朝此兵之所以激也应募而来遽勒回籍治生无策安得不乱滇产富饶民出粟米以贍兵兵出死力以卫身似无用此过省为也章下兵部
○癸巳改进士王肯堂刘曰宁顾际明庄天合董其昌蒋孟育区大相黄辉冯有经傅新德周如砥朱国禎乔胤唐傲纯林尧俞孙羽侯徐彦登包见捷罗栋吴鸿功冯从吾郭士吉二十二人为庶吉士

○以礼部左侍郎兼翰林院侍读学士于慎行改吏部左侍郎兼官如故掌詹事府事

○大学士王锡爵引疾乞归温旨慰留

○升广东按察司副使王民顺为福建布政司右参议管粮储礼部郎中王之猷为河南按察司副使整饬潁州兵备

○巡视芦沟桥御史胡克俭言马鞍山新城桥每车税钱五文驮税三文担者二文负者一文甚至徒手过者亦不免土民谓此桥日得万余钱至红桥视前又甚计二桥所获岁不下七八千金前五月间有商人告木一筏抽大木四根不惟侵民之利而且挠国之税所当处分者也得旨桥梁本为便民抽税修桥照旧行但不许下人生事

○总理河道潘季驯言黄水暴涨汹涌异常冲开兽医口月堤者一漫出李景高口新堤者一冲入夏镇内河浸坏田庐溺死居民者一其余或水与堤平或堤没者尺许势且不测科臣张养蒙等言前此工程培之未高筑之未坚以召此患部议咨行河道督率各官筑塞增修要使束水归漕人以河臣驻劄济宁去河南千里余该省抚臣咫尺黄河本院先经题覆凡仓卒有患则抚臣一面相机筑浚一面驰报河臣议处得旨堤完未久遽有冲决显是修筑不坚经管官各夺俸三月

○乙未浙江道御史安文璧参劾原任南京右通政今升左通政周邦杰原任常州府知府今改黄州府谭桂原任松江府知府今升天津道兵备副使喻均皆文选司郎中谢廷采所推用人失当邦杰邪人所当速罢吏部尚书杨巍言邦杰因京察有议调南京用然未至狼藉又尝以起用副使王学谟论臣臣以其初任无锡人称清苦今转实臣巍所拟若桂均虽廷采所拟亦不为过乞将邦杰等仍旧升补廷采免议从之

○工科都给事中张养蒙又上疏曰近睹总理河道潘季驯报成叙功两疏诸臣劳绩了然在目极称工程坚固足保无虞陛下且不吝爵赏以酬之矣盖成功非难保功为难淤决委之天灾挑塞归之人力报成未几惧有后虞求脱纷纷此其故皆由于河臣不久任也官不久任不便有三后先异见也人已异谋也功罪难执也功名之心孰不有之前者以功升赏矣代其任者守画一而袭故常则疑于亡所事事于是不白某故道当开则曰某新坝当改不曰某堰工可废则曰某湖池可耕幸邀异绩欲求多前人此后先之异见也人情易分尔我功出于我则修守常勤功出于人则修守常懈勤则修筑可保无虞懈则堤渠必至渐坏此人己之异谋也功罪可执而后赏罚不淆假令一堤之筑也倏坚倏溃一渠之浚也倏通倏壅前者蔽罪于后工之不继后者推罪于前工之本虚罪前已非见任之官幸免追论罪后又以新任之放得从亮原此虽赏罚之不明亦由功罪之难执也查万历五年有管河司道等官都著久任不许升转之旨世宗末年有查分管官员职名籍已在簿日后有不坚固即便指名参治之旨今右都御史潘季驯三任河漕熟谙水道陛下起用之意固欲责其新功首宜久任以重河务其司道各官并令一体久任盖治河如治虏边方总督有十年一镇者矣兵备有佥事加至布政使者矣河道之臣胡为不行久任哉再惟人臣报君职掌有在岂足言功今兹之叙完有成

议矣以后年年修筑疏防皆河臣职守所当自尽更不必琐琐叙录致启幸途从之

○刑科给事中许弘纲上疏责成抚按四事一曰不与庶民争便二曰不与有司争能三曰不与司道争权四曰不与天下争功部覆得旨抚按为属官表率务实心任事毋尚虚名

○丙申南京吏科给事中杜华先言盗贼窃发有司不以时闻者请罪有司兵部覆隐匿之弊往往有之甚至有怒失主而罪失主怒保甲而罪保甲又有盗已输供而令失主不许认证者盗知官之必不追捕无所忌憚是避捕盗之条而实贻滋盗之害应行抚按如有隐匿指名参究旨以盗贼行劫有司避参不报抚按亦未觉察今后该科一并参治

○己亥升贵州布政司布政使朱孟震为顺天府府尹

○升刑部郎中王一乾为广东按察司副使

○庚子旌衣直隶等处节妇杨氏等十七口烈妇杨氏等十六口烈女陶氏一口

○辛丑 孝庄睿皇后忌辰遣伯王应龙祭 裕陵

○赐四辅臣及讲官枇杷果

○庐州镇江等处地震

○南京御史李自谦请视朝以联上下之交不报

○癸卯 孝穆皇后忌辰遣侯宋世恩祭 茂陵

○上谕内阁朕前者以疾暂辍朝讲欲静摄服药迨今将及九旬头眩未止心肝二经之火未降近又中暑湿腹泻身软每致 圣母忧顾屡差人谕以用心静养朕遵承 慈命急欲少痊面谒 圣母庶可以尽子职而少纾 慈念又思孟秋时享在迩力疾难行今次暂遣官恭代可传与遣官及陪祀官务各稟虔洁故谕

○先是南京御史王藩臣参劾应天巡抚周继疏已发而南京右都御史耿定向尚未见也闻而恚之谓藩臣易已因上疏自劾不职乞赐罢免并申飭台纲诸将藩臣罚治因历数御史方万山之劾江西巡抚陈有年王麟趾之劾四川巡抚徐元泰咸公论不协乞将周继陈有年徐元泰亟赐录用章下部已刑科给事中许弘纲言臣职在观详有概者三为公论也为台体也为定向生平也陈有年徐泰之才品方万山王麟趾之章奏所不敢论周继抚应天惓惓节省原为地方任事乃若躁急乖张即甚爱者又安得讳之都御史督率台臣率之以正耳风闻言事固其职掌可否自有朝廷去留自有该部安得而箝其口以阻塞言路臣故深为公论惜也定向不尝为御史乎章奏先发后闻自是相沿情礼藩臣之发而不闻过也然一言诘责悔谢

不皇何至遽渎 圣听此疏一行论人者将跋胡蹙尾之事多而扬眉吐气之日少矣摧刚为脆堂堂柱史风采谓何臣故深为台体惜也定向雅负时望当张居正时独以同乡皤然不染昔御史周之翰论劾尚书陆光祖定向时为副都御史及劾之翰幸而获售今又来套弄矣二品宪臣行年望七乃羞恶是非不曾理会四十年聚徒讲学身心受用几何臣欲深为定向惜也礼科给事中王孟煦又言凡为御史者忧其缄默不言而不忧其敢言为御史者责御史以所不言而不沮其所得言往者部属言事旨谕堂上官严行禁止谓其出位也藩臣等亦称出位乎给事中李沂狂言犯上 皇上犹不加斧钺之诛所以伸士气也定向身总风纪不能伸士气而反挫之其自言不职也臣以为欲止藩臣等而使之不言正其不职耳俱不报

○总督仓场户部左侍郎胡执礼卒执礼世居兰州后徙家为永昌人嘉靖己未进士授保宁府推官历迁至文选郎擢右通政提督誊黄太仆光禄太常三寺卿所条黄诰马政事宜皆厘入会典迁都察院右副都御史巡抚应天会太平诸生吴仕期以诽谤辅臣居正坐死南操院欲罗织沈修撰懋学趣执礼会题弗应再为户部左侍郎督仓场与妻同日卒赠户部尚书予祭葬如例○乙巳吏部推南京礼部右侍郎李长春为礼部左侍郎旨以田一俊升左长春居右兼翰林院侍读学士

○升福建按察使费尧年广西按察使彭应时各本省布政司右布政使

○升户部左侍郎温纯为都察院右都御史兼户部右侍郎总督仓场

○升云南布政司右布政使范仑为贵州左布政使

○吴地大旱震泽化为夷陆斗米几二钱袤至江以北浙以东道殣相枕藉应天巡抚周继凤阳巡抚舒应龙浙江巡按蔡系周后先驛奏中外骚然于是上封事条晰荒政者给事中王继光等御史陈禹谟等南京给事中朱维藩御史刘寅等或言军国征输一切蠲除或言勘灾伤分数酌免或言发内帑南户部帑暨临德仓困或言改折漕粮白粮停徵金花银两或言留关税盐课赃罚散赈籴买或言清驿递禁止苏杭织造或言假抚按便宜责成贤能有司毋令猾胥扣克或言劝富民输粟给冠带徒流以下纳粟赎罪或宽囚停刑以召和气埋胥瘥赂以消怨厉练乡兵固城池以弥盗贼开水利筑河工使饥民受佣糊口章满公车该部俱酌议具覆上无弗俞又奉特旨文武官俸米亦准改折浙江南粮折银留给军饷已得旨浙直为财赋重地被灾小民流离困苦朕心惻然还查照近年山狭等处赈济事例差老成风力给事中一员查理钱粮拊恤饥贫禁治劫夺司道不职者即时参处因发太仆寺银二十万南京户部银二十万南直隶府州县分银三十万浙江十万户科右给事中杨文举衔命以往

明神宗显皇帝实录卷之二百一十二终

明神宗显皇帝实录卷之二百一十三

万历十七年七月丙午朔时享 太庙遣公徐文璧恭代侯李言恭吴继爵分献

○丁未升湖广按察使文作为云南右布政使广东左参政徐汝阳广西右参政徐汝翼各按察使汝阳福建汝翼本省

○己酉 仁孝文皇后忌辰遣侯常胤绪祭 长陵

○宣府地震越数日复震

○吏部推大理寺卿蹇达为户部左侍郎旨升孙丕扬为左以达右之

○补原任四川按察使麻永吉于湖广

○升陕西按察司副使余之祯为广东左参政长芦运盐使司运使李焘为广西右参政○原任太子少保南京吏部尚书袁洪愈卒洪愈吴县人嘉靖丙午举应天解元明年成进士授中书舍人选礼科给事中由藩臬入为太仆少卿礼吏二部尚书凡八迁皆南京当其为给事上疏言检讨梁绍儒奔走权要文选郎中白璧招权 官并论尚书万镗等不能表正 世庙为切责尚书侍郎下璧于狱而罢绍儒长南台有御史抗章忤旨代为申雪得不问橐无厚积为德于乡里乡之人尸而祝之其子治中一鹗蚤失官以贫死都御史周孔教抚吴中捐金葬之予谥安节则名副其实云

○庚戌赐四辅臣及日讲官鲋鱼

○大学士申时行等言近日南京浙直等处俱遭大旱群情汹汹且南京军士骄悍成风近因放粮之时米色稍恶几至激变故今日所当亟处者南京仓粮是已宜敕南京户部将见在仓粮盘验足几年放支是否俱堪食用如有不堪作何区处预备至各处灾伤宜俟勘到之日覆请优恤

○是日 上谕户部朕闻南京地方荒旱军士贫苦见在仓粮足支几年如有不敷作何处补著南京户部会同科道查验计议具奏其各处灾伤候巡按御史勘到从优议恤务称朝廷悯念军民之意

○辛亥升卫辉府知府周思宸为陕西副使榆林兵备

○升临江府知府蔡斗移为长芦运盐使司运使

○ 寿工就绪命管工尚宝司卿葛昕回司管事

○左都御史吴时来言士风偷薄长官以优容为盛德属官以偃蹇为风裁惟都察院＜ 矢见＞矩不大凌夷以故院臣有缺必求曾为御史者一人居之为其能持此＜ 矢见＞矩勿失也今王藩臣揭帖独不投堂若不一申则又安用南京都察院为哉乞严谕南京十三道恪守堂＜ 矢见＞一照北院将王藩臣量行罚治以重纲纪之司至于陈有年羔羊之节骨鲠之风表表士林定向既知其人能视其罢斥乎得旨夺潘臣俸二月又因吏部覆命定向供职如旧

○壬子应天巡抚周继以人言再疏求罢不许

○癸丑升巡抚福建右佥都御史周采为大理寺卿

○大学士王锡爵屡以母病乞归

上免留之再疏固请命其子扶持还乡仍差官护送而从锡爵视事

○巡视京营给事中洪有复言勇士营官马临印烙时少二百二十五匹缘该营督自内监营官藉口恣为欺冒乞行处治章付兵部○乙卯先是礼部尚书朱赓丁内艰吏部推于慎行以代疏上不报又有荐迁谪科臣姜应麟部臣孙如法者吏部覆请亦不报许弘纲王孟煦二疏亦留中未发兵科给事中薛三才言此三事关大臣之擢用铨部之题覆言官之论劾于国体匪轻乞赐批决报闻

○南京御史刘寅言有司巧取民财以结纳过客善事上官徵收则先扣羨余支放则侵克钱粮批词滥及佐领两造俱罚爰赎种种吏弊乞严行参究得旨申飭抚按官开款禁革

○丙辰南京礼科给事中朱维藩言南京各卫军储有本折之分故支放亦有兼搭之令自万历十五年米价腾涌专放本色是一年而支两年之用矣所存几何况十五十六两年解者不及十三十七年犹未可知大都又视十六年而减耳南京内城三山门直溯江流舟船如织而今已湮塞各府仓粮悉由水道运进今尽失其旧舍舟而徒费不可言臣以为在仓粮则宜会计其数足支几年少则分投督催又不敷则于丰足处收采在河渠则由城外以达城隅责成所司作速挑浚章下户工二部户覆各府未完粮未除见灾缓徵外余严督徵解工覆河渠淤塞责成都水司及应天府水利官查勘设处俱允

○戊午礼部尚书朱赓忧去以讲读劳准予其父母祭葬仍赐银币驰驿

○己未福建福州兴化浙江温州杭州绍兴皆地震

○大学士王锡爵辞免差官奉母留京从之○协理京营兵部左侍郎杨俊民言总协二臣部下操兵数各五百欲于三备兵营内选增二千名共合一营训练从之

○庚申月食

○中元节遣侯郭大诚汤之诰伯王应龙方烨毛登刘应元卫国本吴国乾王学礼分祭九陵伯张元善祭 景皇帝陵寝都指挥同知周清祭 哀冲 庄敬二太子坟

○乌思藏长河西鱼通宁远等处宣慰司各遣人贡方物赏赉如例

○辛酉火星顺行犯房宿第二星

○吏科都给事中陈与郊等奏荐原任江西巡抚陈有年原任顺天巡抚翟绣裳原任应天巡抚郭思极原任宁夏巡抚张九一原任江西巡抚马文炜当及时推用论劾柳州府知府沈淇南阳府知府林敬冕平凉府知府殷三礼巩昌府知府路梗所当议处吏部覆有年等遇缺推用淇三礼年老致仕敬冕梗不及改调报可

○壬戌三屯营地震越二日复震

○广西提学副使杨德政致仕调陕西按察司副使周思宸以代

○升云南右参政陆万垓为福建按察使

○升山东按察司使管辽东苑马寺事郝杰为都察院右佥都御史巡抚辽东

○湖广道御史王世扬等言大学士王锡爵累疏乞归朝廷日下留行之诏人臣日上去国之疏非所以明臣节也乞责以君臣大义不得动以母子为请报已有旨

○铸给管理延绥人路城堡铸换宣府在城同知关防各一顆

○河南巡抚周世选等言潞府应添各官房舍查景府旧构数少不备欲添至九百二十八间工部覆王府眷属仪卫司群牧所及教授等官系府僚正员委不容已其他职事委琐宜裁减于中酌量止将 潞王请免搭棚银一万三千六百九十余两尽数支用不得数外更加从之

○癸亥 成祖文皇帝忌辰遣侯徐文炜祭 长陵

○前太常寺卿陈于陞以原官起补

○刑部办事进士薛敷教上疏曰臣顷见左都御史吴时来欲申饬南台宪< 矢见>其言专为耿定向而发必欲立仗稀鸣创一警百吁亦狡矣掌院者 陛下之掌院言官者 陛下之言官时来安得视友僚为重而视 陛下为轻耶往王事饶伸论及时来阿附拷之诏狱羈之编氓辛苦流离路人酸鼻向犹为已醵张今乃代人狼噬虐焰方燃渐不可长使宪< 矢见>果系当□何不白于班行杂乱之时土偶台卿椽曹柱史抑何悖也海瑞先朝遗直也房寰丑诋犹且包容定向何人敢妨言路为时来者不惟不能参驳反尔朋连无论愧古名

臣即回想抗论严嵩一事有靦面目已大抵少年励志多思树立垂颡辄丧生平道心难固势利易迷习尚使然也即如一二辅臣阳托饮醇之名阴图登垄之实貌庆历之和气而掩其争齿贞观之协谋而讳其断平津曲学金陵险诋迹又故峻诸司共绳庶采九列之体貌崇而九重之聪明塞矣臣览古昔未闻豪右凌官阉戍压帅可与下僚忤长并者亦未闻引裾黼座借剑尚方反谓多言惑听者尔来习成机套变幻是非清议付之罔闻臣以为此曹不复有人心矣乞亟严党邪之禁更易两都台长以清首宪不然臣未知所税驾也○甲子大学士申时行等言今日发下文书有进士薛敷教一本此政体所关不敢不为 皇上明之 圣祖建立都御史及十三道御史御史出差回道俱听都御史考察明有堂属之分北京御史但有章疏本日即送堂官揭帖南京御史有疏三日后送堂官揭帖原系相沿旧< 矢见>王藩臣不送揭帖于耿定向定向因而参劾乃科臣以为阻塞言路故吴时来因而申明臣等以堂属名分拟将藩臣罚俸二月今如薛敷教所言欲使臣等专抑大臣则岂敢哉臣等忝备弼臣不欲与新进小生分割是非故拟从轻处分庶九卿大臣皆得安位行志而无知小臣尚可改过自新也

○都察院左副都御史詹仰庇言臣闻薛敷教上疏日于朝房待旨不知其所言何事所论何人第对人言曰我欲去二三大臣耳以至六卿人自疑惑有注门籍不出者有避嫌不赴朝房者 圣明之世岂宜有此景象敷教初入仕籍摇乱国是望 皇上即从处分以正出位狂躁之罪得旨朝廷开言路正纪纲自有大体耿定向所论事情已有旨处分薛敷教新进小臣尚未谙练如何轻率妄言姑箸回籍省过三年于教职内叙用大臣共安心供职

○升吏部左侍郎兼翰林院侍读学士掌詹事府事于慎行为礼部尚书兼翰林院学士吏部趋请者数矣给事中张应登洪有复以为言至是始下

○山东巡按傅好礼言接邸报原任泰安州同知张寿朋降永平府推官臣不胜骇异州同推官品级虽不同然推官委任职掌所关甚重州同何敢较低昂也寿朋原系部官京察浮躁降外又与本管乔同知彼此互毆裂冠碎衣其被降之由若此该部当有以辨之敢以名器私非人视谭柱调黄州喻均升副使殆有甚焉乞将寿朋罢斥益该司郎中谢廷采究处以儆将来庶大小臣工有所惩劝矣

○乙丑以原任吏部左侍郎兼翰林院侍读学士沈一贯礼部左侍郎兼翰林院侍读学士田一俊教习庶吉士时一贯在籍令抚按敦促前来

○湖广道御史林道楠言臣巡视库藏凡各省直解纳甲乙丙丁承运广积广盈广惠贙罚九库钱粮臣得而监收之有奸弊臣得而禁革之至若供用库酒醋局内官监乃苏松常嘉湖五府解纳白粮额派二十万石有奇虽不属臣监收而兼管挂号查核奸弊臣有责焉乃正耗之外又要加耗铺垫之外又要加银每一斛淋尖则多至斗余每一石折罚则多至三斗买御道有钱遮拦门官有钱大小呈样巡路探筒旗尉书办之勒取家人兵番之赫诈种种难以枚举臣因吊取万历九年题准< 矢见>则米一石不过加耗五升耳今加至四斗五升米百石不过派铺垫脚价等银七八两耳今加至二十余两此白粮也自彼处运至京师率三石而致

一石至京上纳而复遭此无端之需索若不设法禁止受累何穷乞令科道官会同监收查革诸弊仍乞命司礼监晓谕各监局内官将前项弊端尽行禁革其耗米铺垫务照先年题准则例不许加增违者参究得旨白粮解役苦累可悯各库局如有分外勒索者著司礼监查革○大学士许国言薛敷教论吴时来党护耿定向语侵辅臣极其诋诮新进小生未谙政体臣何庸于辩独念臣滥叨恩厚伴食有年而敷教又臣今春所举士也使其言是耶则臣之辅理为失职失职当罢即其言非耶则臣之贡举为非人非人亦当罢且臣宽厚不如时行直亮不如锡爵简重不如家屏而犬马之齿又长于三臣是三臣皆举其职原无可指摘而敷教所指臣实当之但平津曲学曾导謏阿世否金陵险谲曾改法害民否臣年六十有三老矣正敷教励志之日而臣愚颓颜之秋也并诸大臣谓无有人心臣窃耻之乞将臣屏归田里别求和而能争如韩范谋而能断如房壮者俾与三臣共事则后进之心服而尚言之风息矣旨慰留○左都御史吴时来闻言乞罢言不堪再进都察院者有八因力诋敷教及饶伸辈旨慰留

○丙寅宴乌思藏辅教等王遣来入贡国师琐喃远丹等四十员名如例

○督理易州山厂工部主事张新言易厂所司专为柴炭而设岁计柴价银三十余万两惟红萝卜大炭乃御前所用每岁该七十万斤本厂领价烧造此炭非杂本可烧止用三种曰青信曰白枣曰牛觔总谓之甲木尊其名也由柴荆六十里至金水口始有此木则所谓炮架藩篱正应禁者山厂以供应为急而边隘以边墙为重不若就厂后种植今有隙地九顷可种四万余株得以经久永赖章付部

○丁卯升广西按察司副使李熙为云南右金政潞安府知府李杜为陕西按察司副使○刑部左侍郎何源卒源江西广昌县人前吏部尚书文渊刑部尚书乔新之后嘉靖己未进士授嘉兴知县靖江王盘游至浙所过驿骚时饥民待赈者数千人源令民哀噪求赈于王王遁去召为都水主事治吕梁调职方裁抑内竖不得典京营太和山提督不得行分守事历考功郎典甲戌计事以公虚称累升南京吏部侍郎改刑部右侍郎闻言乞休未几卒赠右都御史谥靖惠

○戊辰大学士申时行等言先是 圣谕以唐太宗魏徵五伦失一何取小节而掩大义思九经圣贤所作其可不知若大学衍义明修齐治平之道至于通鉴善恶得失有若明镜而照妍媸书经乃为君至要可先将礼记代贞观政要通鉴候书经完日读讲今秦誓已完应遵 圣谕将鉴书进讲臣等查得通鉴纂要一书乃 孝宗命阁臣纂辑以备进讲者臣等拟令讲官分撰讲章接续书经之后日每进览庶几可以知善恶得失之归鉴治乱兴亡之迹其于圣学不无小补 旨俞其言

○国子监祭酒黄凤翔等言先是较刻十三经注疏已经陆续恭进顷 皇上罢去贞观政要进讲礼经臣等将礼记注疏再加繙阅则见有切于今要务者如曾子论孝则曰敬父母遗体见 圣躬之当珍护焉学记篇有云学然后知不足见 圣学之当缉熙为月令篇当以四时敷政法天行健见 圣政之当勤飭焉教世子篇有保傅之设齿学之仪见

皇储之当蚤建预教焉因将所刻装满以进报闻

○以蓟镇三屯车前营游击张守愚等各就近升调从督抚张国彦议也

○己巳陕西西宁地震○庚午吏部左侍郎赵焕以疾乞归许之

○直隶巡抚王之栋以病请告许之

○新选南京刑部主事蔡献臣请开张 圣德慎寝兴省药饵远声色薄滋味明诏视朝之期亲近耆硕屏去内诱而后建诸日讲次第举行不报

○升广西右参议杨佩训训为本省按察司副使

○改礼部员外郎董基为光禄寺寺丞

○辛未吏科左给事中彭国光请重南都诸臣之选吏部覆九卿缺南北互推科道果有风裁推升京缺报

○壬申山西道御史钟化民以 圣诞将临臣工毕集请及时朝讲不报○甲戌吏科都给事中陈与郊因薛敷教事上疏丑诋建言诸臣谓其击鼎司排宪职侵言路专为钓名躐住地旨是其言

○两广总督兵部右侍郎刘继文言雷廉东洋海面有乌料双桅广船联＜ 舟宗＞一百余只每犯杨梅断望一带禁池偷盗珠螺各寨哨官兵生擒贼犯一千一百二十一名斩级六十六颗请优叙效劳官员蒙赏赉有差

明神宗显皇帝实录卷之二百一十三

明神宗显皇帝实录卷之二百十四

万历十七年八月丙子朔大学士申时行等言时值中秋 天开万寿望 皇上仰求天庆俯察群情特出御门视事经筵秋讲如期举行

○甘肃巡抚李廷仪申饬堤防四议一重关宜建二墩台宜修三夷兵宜鼓四信地宜明章下兵部

○改刑部左侍郎孙鑰为吏部左侍郎

○户部言旧例金花银一百万两坐派苏松江浙福建广东湖广等处每季分进二十五万两此 祖宗定例至万历六年奉旨每季加银五万两作买办应用计每年增进银二十万两原无坐派今已一十二载计银已二百余万乞念边饷为急锡予为缓每季买办银五万两暂准停止不允

○丁丑祭 先师孔子遣大学士王家屏行礼

○巡仓御史荆州俊参劾监督主事王显先贪秽狼藉革显先职

○南京工部尚书曹三旸卒三旸宜兴县人嘉靖甲辰进士授大理寺评事知济南府遇景王之国裁省无名供亿累迁右副都御史巡抚云南劾黔国罪状夺黔爵寘南京复滇岁贡黄金故额迨正南京工部故辅居正不奔丧南九卿欲上< 疏 >以阿其指三旸与赵锦持不可事乃寝亡何予告归里居数年人颇有訾之者卒后赠太子太保

○戊寅祭 太社 太稷遣公徐文璧行礼

○户部言秋季买办银两当以山西镇年例银两那借凑进但军士枵腹以待买办事在得已乞酌缓急之势得旨寿节在迩 两宫庆贺及各项赏赉缺乏还遵旨进

○广西署印参政徐汝翼奏缴万历十四年十五年备荒文册不开年分旨诘责户科都给事中王继光等请加罚治因言考成玩愒之弊如冬衣布花给散之后原有缴查陕西都司累岁不报有司给由经手钱粮例当造册备查浙江河南等省杳然无闻盐课存积每年完欠奏缴注销福建四川终于寝阁乞并议得旨汝翼夺两月俸有似前玩愒不报及奏报愆期者参究

○己卯嘉兴秀水海盐地震

○ 上传谕头眩未宁更数日且御朝讲辅臣言臣等计日而俟无任僊望

○漕运总督舒应龙等条议漕务五事一度江期限下江浙江原有挑河银一万两今则什不

及一以致苏松一带里河浅涸宜每岁秋尽筑坝之时尽行＜ 疏金 ＞导使漕艘得以及时渡江一分任委官原差监兑主事难以周历浙江坐委府官巡行水次下江四府亦宜遴选府佐一量复徐淮仓国初俱民运至淮徐临德四仓以军舡接运入京通二仓宣德以后始兑拨附近卫所名为兑运国家两都并建徐淮临德寔南北咽喉今临德尚有岁积而徐淮二仓竟无颗粒请自今山东河南全熟之时漕粮预备本色全徵上仓计临德已足五十余万者仍旧上纳二仓亦以积至五十万石为止一远舡起剥粮舡赴北向以张家湾为住泊起剥之地至隆庆四年议由通惠河至石土二坝请自今到湾悉听顾舡起泊一灾伤勘报地方灾伤例由巡抚报巡按勘户部据实以议蠲折拘守成例未免耽延如抚臣缺按臣即许代报按臣缺别差御史即为代勘部议言临德二仓因发赈一空今查连暂住漕粮候收足五十万石外摘发徐淮二仓上纳起剥一事固不可必欲抵坝亦不可专恃起剥遇淤浅即剥再剥之后令母舡随抵坝余各如议从之

○南京工部尚书李辅请兴工作以寓救荒谓留都流离渐集赈粥难周请修神乐观报恩寺各役肇举匠作千人所赈亦及千人及查僧众无度牒者领给以示澄汰礼科给事中朱维藩亦有言从之

○庚辰赐四辅臣及日讲官杨梅

○升太常寺少卿兼翰林院侍读学士掌院事刘虞夔为詹事府詹事掌府事兼官如何

○两广总督刘继文言叛逆陈星等就缚即当磔诸市曹按臣孙愈贤臆度以擒为降耳请亟正典刑以申法纪章下兵部

○辛巳升山西副使郭性之为山东右参政管辽东苑马寺事兼金复海盖兵备湖广副使熊瑞为甘肃行太仆寺卿兼陕西僉事管马政并通镇驿传

○管理太仓银库户部湖广司主事杨应宿言八月初二日应恭进买办银五万两今已过期数日乞免补进 上怒其渎扰夺俸三月

○升张家口守备以都指挥体统行事朱朝臣为宣府入卫游击山西都司金书署都指挥僉事王国柱为昌平标兵营游击

○壬午升南京国子监祭酒赵用贤为南京礼部右侍郎

○升左春坊左庶子兼翰林院侍读刘元震为国子监祭酒仍充经筵讲官

○复召司礼监太监张鲸入内庭供事吏科都给事中陈与郊等言 皇上亲见张鲸罪过削夺其权罢置私家以允天下之公望何乃出不终岁而复宣入乎奔走供奉者掖庭小节予夺进退者朝廷大纲一岁之中随退随进使盈庭苦口悉付流水此邦家大忧也广西道御史贾

希夷等又言鲸倚任邢尚智辈擅作威福尚智已问重辟鲸安得无罪乞炤旧令鲸私宅闲住别选老成勤慎者以任厥职后南京吏部尚书陆光祖等南京户科给事中徐常吉等南京贵州道御史王以通等亦以为言俱不听

○癸未 孝康敬皇后忌辰遣伯吴国乾祭 泰陵

○升右春坊右庶子兼翰林院侍读黄洪宪为詹事府少詹事兼翰林院侍读学士掌院事

○起原任日讲官翰林院侍读学士今服阕陈于陛驰驿来京与经筵讲官翰林院侍读冯琦俱补充日讲官

○升户部郎中张世科为湖广按察使司副使整饬郴桂兵备

○升南京太仆寺卿郭东为南京太常寺卿

○吏部推巡抚宣府都察院右副都御史许守谦为刑部左侍郎旨升李戴为左以守谦右之
○户部覆前巡抚陕西右副都御史王士琦疏言花马大小二池盐料甚少前巡按陈荐欲将边外狗盐池募丁捞盐又户部郎中陈于陛欲令汉中改食川盐凤翔改食池盐然修复狗盐池远隔边墙费用不貲恐启边衅池盐行于凤翔不难于行而难于认课盖角□羊盐课重价高池盐课轻价贱欲行盐则必认课欲认课则必增价则池盐不可行于凤翔也票盐行于汉中在河东称便而川中称不便盖川盐至汉中是为分彼之有票课归河东是为济此之无济此则见以为益分彼则见以为损是川盐不可行于汉中也为今之计惟在修护角□羊池使盐料常生优恤官商使盐价常贱易售则纷纷之议可无用矣报可

○光禄寺卿卢惟禎言本寺无锡县上白粳米专供 上用岁派一千三百三十一石零岁用七百零石累岁积见有一万二千零石南直隶浙江各府上白粳米系翰林院等衙门供给岁派一万二千一百一十五石累岁积见有四万零石乞于原折二分外再折三分则新角□羊可以足岁供而旧贮者可与中白兼放东南民困或少济其万一也从之

○甲申

万寿圣节赐元辅银六十两彩段四表里又赐金万寿字四副金篆字十个金书黄符二道金书红符二道次辅以下及日讲官有差

○升怀庆知府赵以康为贵州按察司副使整饬思石兵备

○命总督仓场右都御史温纯侍经筵

○吏科给事中张应登＜ 铨-金 ＞请临朝不报

○吏科右给事中钟羽正言 陛下御宇以来惟政学为兢兢乃数年而更朝讲十九免者十一又数年而更朝讲十三免者十七今且一概免焉向也朝讲形神康泰今也不朝不讲时复违和则烦劳动火似不在朝讲之间也临御日少则上下交睽中外异议于是有置而不览之奏有览而不用之言至举朝以为不可犹排众论而行之如张鲸者罪而且赦赦而且用试思驱恶罚罪之心岂容有此臣愿

陛下一听臣言出御朝讲将章奏留中者次第发出斥逐张鲸以慰臣民之望报闻 乙酉 孝慈高皇后忌辰致祭于 奉先殿

○升太常寺少卿提督四夷馆杨廷相为南太仆寺卿

○升大理寺左寺丞任養心为本寺右少卿

○工部右侍郎管通政使司事张孟男言日进章奏不为不多 陛下不一御门间隔滋甚四方恒眙不雨未必非此之由至若诸臣之< 铨-

金 >关系天下大计固当随时批发民间所奏亦有躯命所关者请加省览即赐宸断报闻○丁亥秋分祭 夜明于 夕月坛遣侯吴继爵行礼

○钦定赈荒科臣关防名曰督理荒政

○升南京国子监司业张一桂为本监祭酒

○吏部推湖广道御史王世扬为大理寺左寺丞旨升姜璧为左世扬右之

○升山西按察使王学书为都察院右佥都御史巡抚宣府地方

○升太仆寺少卿陈大科为太常寺少卿提督四夷馆

○户部请将 潞王遗下大兴等州县原拨给济边庄田查照往年旧额令各州县徵收子粒银角□羊送太仓银库其通州店课地租每年徵完角□羊部类进承运库交收报可

○总督三边兵部左侍郎梅友松等言庄秃赖明爱台吉原系榆林市虏盘住河西曾一挫于甘镇再挫于肃州二酋挟忿图报行过肃州剽掠生事本当革赏但主酋言囊追还人畜听从罚服其阳顺阴逆虽不可知而追罚效劳亦当激劝请如例给赏放还擒虏失事官量加罚治从之

○戊子发太仆寺马价银一万二千两于大同备明年互市货物

○铸给山西新设广武庄巡简司印

○己丑巨马河石桥落成命大学士申时行纪事勒石

○大学士王家屏上< 疏-

金>曰臣叨蒙特召再点班行入京以来已踰三月尚未一瞻 天表独念堂陛之交惟有朝讲军国之政惟有章< 疏-

金>臣往年窃睹宵衣听政日昃横经无时少懈乃今久辍不御原其初偶以圣躬静摄暂时传免耳及其安恬之久遂至 郊

庙奏祭册封遣官亦皆传免而不亲下臣贱吏讹言疑议必然之理也目今 圣寿届期捧表入贺者云集万国之所属目也尚可端居大内不一出乎臣往年窃记暖阁咨询

郊坛宣谕无言不纳乃今章< 疏-金>频留不下原其初偶以 圣意未协间一留览耳及其停阁之多遂至官职迁除刑章轻重亦皆迟回而后发佞人睥睨弊端难诘此又不然之虑也目今 皇储虚位上书力请者鳞次四海之所倾心也尚可留中而不早定乎不报

○庚寅大学士申时行等以 万寿届期请御殿受贺允之

○以中秋节赐四辅臣上尊珍饌又赐膳品秋酒月饼有差

○升光禄寺少卿朱鸿谟为太仆寺少卿分管西路

○升翰林院编修刘应秋为南京国子监司业

○升山西左参政韩取善为本省按察使分巡冀北

○壬辰 万寿节遣侯郭大成等分祭 九陵伯郭邦相祭 景皇帝陵寝上御皇极殿受贺○赐四辅臣膳品寿面长春酒

○癸巳宴朝鲜国入贺陪臣吏曹参判尹根寿命礼部尚书于慎行待归仍有饯

○甲午改右春坊右庶子兼翰林院侍读盛訥于左兼官及经筵日讲如故升司经局洗马兼翰林院修撰刘楚先为右春坊右庶子兼翰林院侍读经筵讲官如故各掌本坊印信

○铸给福建新设大洋巡简司印

○乙未祭 历代帝王遣侯李言恭行礼

○宴朵颜等卫入贺夷人伯彦帖木儿等六十八员名如例

○丙申工部言南京天策南仓军粮改贮水军左仓沟渠今寻旧踪令湮塞毕通其大修廩一十四座户工二部四六协力共济惟是工部以户部帑藏有余且总督衙门有专管修仓之敕

然南京工部见有修仓主事舍而不用似非设官之意旨令以后南京户部有勘动岁修银两角□羊送南京工部归一修造而专督则属之见设主事

○刑部山西司主事苏舜臣以忧患心疾上＜ 铨-金 ＞言其弟夔臣益臣烝奸弑兄语绝可駮连引百数十人刑部具言病状请令舜臣回籍听勘从之

○丁酉 宪宗纯皇帝忌辰遣伯郭邦相祭 茂陵

○己亥升湖广右布政使王庭诗为本省左布政使河南右布政使林乔相为云南左布政使

○南京都察院右都御史耿定向以许弘纲王孟煦论劾求罢不许

○辛丑 上视朝

○先是大学士王家屏＜ 铨-金 ＞请不报至是内侍传谕王阁老忠爱已见矣昨升殿头眩坐不能久家屏具＜ 铨-金 ＞谢更申前请

○升山东按察使刘东星陕西按察使戴光启各右布政使东星湖广光启河南

○大学士许国满六年考晋兼太子太师吏部尚书余官如故荫一子中书舍人累辞不允

○南京浙江道御史王麟趾言右都御史耿定向论御史王藩臣科臣言者接踵矣左都御史吴时来独违众参覆藩臣被论不过以投揭之迟查投揭 大明会典无文诸臣意起之耳况北台＜ 铨-金 ＞入即闻故次日投揭纵人知之亦难为力若南台道里远一被人知且有从而媒孽之者如御史孙鸣治论劾守备徐邦瑞寅缘得免御史陈扬善劾主事刘以焕托留不获竟挟仇及噬此皆往事可鉴故迩来呈堂有延及一月者盖亦相沿之例非自藩臣始也时来不察其所以忿气厉词是诚何心乎进士薛敷教抱愤抗论乃大学士许国副都御史詹仰庇弹章相继夫国阁臣定国是于庙堂仰庇宪臣表风裁于朝著者也不能植善锄恶反尔党同伐异国故碌碌仰庇则负时名者亦若此他尚何望哉时来当纠邪之任而躬自为邪居言官之长而阻人之言国家何用此人为哉乞赐罢斥以为不忠之戒其投堂台＜ 矢见 ＞ 应否在三日之内明白申飭以便遵守

○壬寅大学士许国因南道御史王麟趾＜ 铨-金 ＞及言小臣一开口不必其是便以为风节大臣一开口不必其非便以为朋党小臣百诋大臣輒以为不可屈而抗威权大臣一侵小臣便以为不能容而阻言路世道如此亦可慨矣伏望将臣罢斥则政本重而愚分亦安旨慰留之

○丙寅诏严禁匿名投揭造谤者是时南都有传流一书名曰逐客鸣冤中多指斥朝政之语南给事中杜縻徐桓以为言故奉兹谕云○南京广西道御史黄仁荣言大臣当为国家持大

体不当与言官竞小节御史上< 铨-

金>公朝投揭私署迺来陋习耳御史偶失之罪不至参罚 祖宗设两京都御史固得参论御史而御史亦得弹射都御史均以论劾为职与部寺堂属不同且投揭之不便者三不必者二近事可鉴者一御史章< 铨-金> 皇上尚未赐省都御史先得博观不敬莫大焉一不便南都去阙下二千余里一有传播百弊丛生二不便弹劾之< 铨-金>驱逐豺狼常虞反噬语曰谋未发而闻于外则危三不便御史风闻论人即有未当御史身当其罪不及都御史也不必者一论劾官员即有权贵为势所必避门生故吏为情所必徇御史言之都御史将止之乎不必者二迺来章< 铨-金>或至途中而进返或至阙下而不投总之私橐先传可援而止此所谓可监也定向昔副北院既极言以抵周之翰今总南院又借事以参王藩臣今日之事非有大不可者已祇因周继一二知厚急索< 铨-金>稿不得耳吴时来既同总持之责宜有救正之言乃其持说益悖不胜恣睢陵轹之意总之一希北台之转一急冢宰之椎皆欲以风力受知如往事也

○癸卯左都御史吴时来言南京御史王麟趾黄仁荣连章论臣乞将臣罢免以偿御史两月之俸旨慰留

○升陕西右参政李春光为本省按察使专驻宁夏

○山东抚按李戴等< 铨-金>称衡府商河王载堪贤声素著乞赐旌奖许之

○甲辰工部言铸钱一事南京工部应铸六万锭一分进司钥库五分送太仓顷因式样不合行使不便议角□羊料代铸然国家钱币务裨寔用假使民间委置匪但虚靡银两且于钱法阻滞其角□羊太仓五万锭留一万锭以便搭用余四万锭先角□羊一万锭余三万锭炤例角□羊料续铸其内库钱一万锭本部不能代铸炤旧角□羊进至禁伪钱收杂钱俱于钱法有裨而往代杂钱流布外郡已久合从其便輦毂近地一应房号税课宜多收制钱得旨南京铸钱不堪行使准炤数角□羊料工部一并铸造应进内库者于太仓数内拨补务足一万锭之数伪钱杂钱严行禁治

明神宗显皇帝实录卷之二百十四终

明神宗显皇帝实录卷之二百一十五

万历十七年九月乙巳朔颁给朝鲜国王李昖会典全书从其请也

○丙申 孝恭章皇后忌辰遣侯薛钺祭 景陵

○升吏科左给事中彭国光为山东按察司副使刑科给事中李文郁为湖广按察司僉事广西道御史王道正为河南按察司僉事广东道御史管九皋为陕西按察司僉事

○长芦巡盐御史龚云致言长芦山东二运司分解宣府饷银共四万八千两欲比山东布运二司额解辽东民运事例一体类解太仓转发从之○岷世子干跬以嫡母妃歿生母夫人卢氏请照例加封次妃礼部举要例职掌报允但不给冠服册命

○黔国公沐昌祚每与司道官竞礼昌祚曾获姚营乱兵五人发按察司收锢不纳比抚臣同三司于教场会谳兵噪事昌祚又不预遂不胜愤上疏言状因求罢旨慰留特命抚按议该镇与司道相接礼仪

○己酉福建兴化府知府范梅谒巡按不长跪并欲以此礼见巡抚巡抚周采巡按马应乾交章劾之部覆降级调用允之

○衡府汉阳王长子戴尘卒夫人崔氏自缢以殉山东抚按以闻建坊旌表赐名贞烈

○庚戌吏部尚书杨巍覆南道御史王麟趾黄仁荣等疏言呈堂揭帖必不可废定向时来皆负重望大学士许国等系一时正人麟趾等论一事而别生枝节肆起波涛岂 圣世所宜有哉总宪大臣申明宪规辄欲罢斥诚不知其可也旨以体统宪纲不宜纷争妄诋夺两御史俸麟趾半年仁荣三月以后南道揭堂论事者三日参官者五日著为令

○辛亥火星顺行犯南斗杓第二星

○礼部言庶宗请给名粮必先奏报各府皆同独秦府奏报止于中尉不及庶人以故请粮必须行勘往往有得不得之异今后合奏报如例庶法令画一从之

○壬子以礼部左侍郎兼翰林院侍读学士李长春礼部右侍郎兼翰林院侍读学士黄凤翔翰林院修撰余继登萧良有俱补经筵讲官简讨葛曦范醇敬补展书官

○升尚宝司少卿王汝训为光禄寺少卿○癸丑以重阳节赐四辅臣上尊珍饌

○甲寅山阴王俊柵称老乞以长子充熙摄理府事从之

○河南巡抚周世选疏称周府宗学长辅国中尉勤美宗学生镇国中尉睦禾□木皆孝行可嘉乞旌奖许之

○乙卯肃王缙＜ 火贵＞薨子绅尧幼冲命亲支辅国将军缙福□火协助府事仍给尧世子冠服

○泰宁等卫夷人阿把秃等七十三员朝贺赐马价绢疋靴袜如例

○提学御史杨四知言纪纲不振由于用舍不慎甘肃地当孤悬诘戎久废总兵刘承嗣整饬行阵忠于谋国非刻削者比也乃乱卒一呼总兵报罢诚为非计至于乱卒欲胁抚臣以戕总兵尤非抚臣之罪明矣抚臣曹子登相机设法以安反侧顾泯其功而击其去尚谓之有纪纲乎乞将子登推用并承嗣兼录则纪纲可振逆志可消矣章下吏兵二部

○始命建州夷酋都指挥奴儿哈赤为都督僉事

○丙辰追赠前少师大学士赠太师张四维特进光禄大夫

○命司经局洗马兼翰林院修撰王祖嫡翰林院侍讲陆可教为武举考试官中武举赵绅等一百员名

○戊午霜降节遣侯张炳李环宋世恩伯王学礼方烨刘应元谭国佐朱世雍吴国乾分祭九陵伯张元善祭 景皇帝陵寝都督同知陈承恩祭 哀冲 庄敬二太子坟

○袁州府万载县以霜降行祭忽闻天鼓鸣有黑烟腾起陨石于演武厅畔

○工科给事中李汝华参劾戎政尚书郑雒少詹事黄洪宪宣府巡抚王学书得旨雒洪宪各供职学书别用○吏科给事中史孟麟疏参少詹事黄洪宪左都御史吴时来言洪宪典试北场改正朱卷以行私失去墨卷以灭迹以孙坤浩之文作程而以巢士洪之名中式时来为都御史 皇上覆试举人时来以党护洪宪南台不授揭帖时来乃请立宪规箝言官之口乞察时来惩其改节许令致仕黄洪宪或令闲住或调别官报已有旨

○总督仓场右都御史温纯以忧归升南京都察院右都御史耿定向为户部尚书总督仓场

○己未宴朵颜等卫朝贺夷人干堆孛来等七十三员名如例

○南京广西道御史黄仁荣论劾南京兵部右侍郎今升南京刑部尚书王世贞言其补兵部侍郎未久前任以巡抚升大理卿被劾回籍不得通理前俸违例考满希图恩荫并参吏部挟同欺罔吏部尚书杨巍辩世贞被劾在籍养病历经荐举起用自当另议与论劾改调以后任之日为始者不同今工部尚书曾同亨户部左侍郎孙丕扬皆然非自世贞始也得旨考满通

理参酌公评既系题准事例王世贞照旧供职于是工部尚书曾同亨户部左侍郎孙丕扬皆上疏求罢俱不允

○东虏脑毛大纠合西虏白洪大入辽东平虏堡总兵李成梁遣兵逐之备御李有年手刃数虏以骁骑围有年磔杀之把总冯文昇赴救被创亦毙转战良久虏小郤遂班师获二十四级丁夷死亡者百三十余人矣次日虏亦徙去吴大积等遇之于镇边堡报斩首三十五级虏遂犯沈阳及蒲河皆有所杀掠又分数千骑入榆林堡凡七日而出境督抚按臣后先以闻所报不无小异后李琯疏言属夷长昂入寇李成梁之兵殁于阵者八百人边吏匿不报

○庚申大学士申时行等进遵旨誊写过 成祖文皇帝实录一百三十卷共计四十六本

○少詹事黄洪宪辩科场一节已经覆试公道昭明自无可议矣今汝华之论曰覆试特以论文关节则干法纪礼部题准事例凡参奏举人会同部院科道并原奏官覆试真伪自明今未覆试则曰其文劣也既覆试则又曰其文虽优而有关节也以无形无影之言为的据以其见共闻之文为难凭沉冤何由而雪哉在孟麟则论臣改正朱卷以行私失去墨卷以成迹夫朱卷同考官先阅取中方送总裁谁为改正若墨卷见在礼部可查何尝失去其谓臣以孙监生之文进呈以巢士洪之名中式请特发进呈录并取刊行试录与巢士洪墨卷公同查对则群疑不辩而自释矣因乞归田里左都御史吴时来亦辩科臣孟麟指摘臣以覆试投揭二事覆试须凭文字臣与同事十七八人各秉丹心各具只眼谁敢欺瞞而诋臣为党护乎自设南京都察院即有此揭帖二百年来南道多少忠说不闻缘此阻塞臣与耿定向因事申饬而诋为阻塞言路不思开言路须令都御史伸一喙乎乞容休致以息人言旨俱优答不允其去疏各再上亦不允

○先是万历十三年长西河等司进贡国师以病归未领买茶勘合归而诸番日以争茶斗至刻木为信乃已至是贡夷求两度勘合且请浮于额礼部言茶禁甚严不可多鬻十七年勘合照例给予所请十三年勘合止补其半以俟后来更给报可

○壬戌予安乡伯张纘祭葬如例

○诏给太仆寺马价银四万二千六百两于蓟镇从督抚张国彦请也○癸亥直隶巡按徐申请动支顺永保河四府赃罚发各府籴谷备赈允之仍著为例

○甲子代王鼐铉请追封生母吴氏为次妃与父恭王合葬许之工价自备仍准王出城省祭

○原任南京礼部尚书姜宝以业田千亩创立义庄赈给贫族请旨照先年大学士徐溥事例将地亩册籍印发府县永远遵守许之

○法司当虑囚 上命户部尚书宋纁主笔疏上以改拟钦定人犯焦文灿语责不允刑部尚书李世达执奏文灿之狱原系株连臣等查冤辨枉乃其专责故于此少致详慎纁亦疏陈刑

科给事中杨恂言纁与世达素称端亮拟狱甚平毫无宽纵皆不报

○丙寅以写篆灵丘公主神主圻志赐元辅银二十两纁丝二表里次辅银十五两纁丝一表里中书官六员有差○魏国公徐维志承袭祖爵

○调分守大同管参将事署都督僉事李联芳为洮岷副总兵

○丁卯予原任南京户部右侍郎程嗣功祭葬如例

○湖广辰沅草坪苗与天星苗争田积衅抚按委官行勘百户黄钟音杨兵以喝之为苗所杀地青苗与官兵协讨擒其酋杨庆和等湖广巡按甘士价以闻

○庚午益王请出城省墓许以往返四日

○甲戌怀仁王府辅国中尉充鱼□米充鮐充奢庶宗俊木□乘以禄粮为辞越关奏扰降鱼□米等为庶人闲宅禁住木□乘递回该府收管

○曾子六十二代孙世袭五经博士曾承业比颜孟二氏例请给祭田礼部请行抚按查数议拨从之○以宣府游击张国将为大同右参将

○河南汲县知县李赋秀投揭抚按言原任卫辉府知府今升广西提学副使周思宸侵冒潞府修造及之国迎接银两事连同知薛应麟抚按以闻请将思宸应麟赋秀各革任行提勘问潞王亦据赋秀启具疏工部覆迎接银两未经销算其修造府第本部差主事王绍先与内臣管理计工费银六十余万用银三十余万营直等房原估未及亦在数内则承委司道已加意撙节无复冒破矣今赋秀一面之词未可遽信必革任行提两相质对庶可正法纪而服人心疏入发票不下久之巡抚周世选又上疏言赋秀一日投二揭于按臣皆无端捏造乞速行查议至于参讯未行辄被反噬乞将臣先行罢免亦报以有旨

明神宗显皇帝实录卷之二百一十五终

明神宗显皇帝实录卷之二百一十六

万历十七年十月乙亥朔时享 太庙遣公徐文璧代侯李言恭吴继爵分献

○以明年大统历赐文武群臣颁行天下

○丙子 孝洁肃皇后忌辰遣侯徐文炜祭 永陵

○四川巡按傅霈言前任抚臣徐元泰不候交代离任今后当申严令甲务覩面交代旨以新抚已入境不究

○升河南按察使郭四维为都察院右佥都御史巡抚宣府地方

○升黎平军民府知府阎漳为陕西苑马寺少卿兼按察司佥事○升广西平乐府知府郑时章为广东按察司副使吏部郎中徐秉正为福建布政司左参议

○升户部左侍郎孙丕扬为南京都察院右都御史

○安南都统使司都统使吴茂洽以补贡及应贡二仪诣两广军门陈请诏许之

○戊寅 中宫千秋令节免命妇朝贺赐四辅臣上尊珍饌

○复除原任浙江按察司副使高时于河南整饬密云兵备

○吏部推抚冶郟阳都察院右副都御史裴应章为户部左侍郎旨升蹇达为左以裴应章右之

○除补原任刑科给事中万自约于户科

○以河间守备时逢春为宣府游击

○以广东练兵游击孟宗文升补东山参将

○辛巳升浙江按察司副使刘尚志户部郎中吴中传各布政司右参政尚志江西中传湖广
○以湖广都司佥书陈闰生掌湖广行都司印

○壬午山西道御史钟化民等疏请杨巍吴时来速出视事得旨铨衡风纪职务繁重大臣义不得辞后御史林祖述陈汴等闻都御史杜门公疏特疏相继保留

○原任吏部左侍郎兼侍读学士沈一贯疏辞召命不允

○改巡抚贵州都察院右佥都御史许子良以原官抚治鄯阳等处地方

○升山东右参政管淮安府事张允济为浙江按察使整饬淮扬海防

○调原任宣府总兵李如松于山西调山西总兵李迎恩于宣府如松偶经论劾兵科给事中叶初春疏荐之请与别镇总兵互相更易故有是调

○癸未以各处奏报灾伤暂免行刑

○太常寺少卿司汝霖请复张姓更名汝济○起补原任巡抚宁夏都察院右佥都御史张九一以原官巡抚贵州

○升襄阳府知府张国辅为浙江按察司副使

○升湖广郧襄守备王鸣鹤为湖广行都司佥书

○升四川行都司佥书段文炳为广东游击

○丙戌宫嫔王氏卒命礼仪照 世庙康妃例行赐号僖妃

○河东巡盐御史秦大夔言河东课银或因割地认课或由太仓补发未尝开析致难分解请将各镇应解应减的数分析明白遵照办解户部查得宣府镇额课银八万两除延绥扣抵并开归认解每年实解银二万八千七百七十八两零山西镇额课七万四千二百五十九两零除太仓补发并汰沁汾辽票税抵解每年实解银二万一千三十六两零大同镇仍照原额每年解银四万三千一百一十六两零行河东运司遵照分解其拖欠宣府十六年课银二万两应照旧追解报可

○丁亥除补原任礼科给事中杨凤于户科

○总督陕西兵部左侍郎梅友松言甘肃孤悬河东积衰未振多故相仍去岁海虏瓦剌他卜囊以款夷犯顺至于覆军杀将虽报缚虏送畜未足明正其罪酋首大落赤承领讲处却又未见结局宣大督臣报虏王两行有要来平此大事之语寓书臣等亦略相同兹已过宁夏边外咫尺甘境矣甘镇边塞何处非虏而肃州为甚春间庄秃赖等犯肃罚处之后不大跳梁而鼠窃狗偷间亦有之若西宁殆又甚焉六月间宰僧阿赤兔等以抢番混掠内地安知非为瓦酋窥我强弱近者宾兔妻男等互市已完临行向参将鲁元祖言我母子看守朝廷地方未敢作歹讨添些市赏不准比那边达子西宁生事抚赏未革还与他厚赏这样的那分得出好歹来此其言难尽信亦未必无因虏王领忠顺夫人及各部落过宁夏虽不免于饶舌然不过赏马

计赏耳臣驻靖虏卫调度操纵总之不越先年俺答旧规其讲处瓦剌一事急在局睫必得透
知虏情者以用之则游击徐龙其人也第不知虏王号令果能行于西海否为今之计听臣等
宣言朝廷恩威彼此曲直与虏王多方极力面相讲折如其处治得当则已不则坚令闭关修
我戎政岁省市赏千金用张敌忾河泽之间岂终夷虏盘据之地臣等复遣通事帖谕套酋卜
失兔及致书虏王各铃束诸部约以达子在西生事使行该镇捣其巢穴更望宣大督抚不时
遣一通事劳问虏王谕以朝廷命令使知西边顺逆为贡市成败以牵其内顾之私而杜其侵
扰之念西镇庶几其少安矣章付兵部

○己丑升翰林院侍讲曾朝节为左春坊左谕德兼侍读以会典成也

○升四川按察司副使程正谊为广西左参政刑部郎中朱运昌为四川按察司副使户部郎
中周大谟为云南右参议

○庚寅除补原任广东道御史黄钟于湖广

○辛卯南京刑部尚书王世贞申辩考察事因求罢斥不允

○壬辰 诚孝昭皇后忌辰遣伯王龙龙祭 献陵○登州府天鼓鸣

○予原任南赣巡抚右佥都御史张焕祭

○癸巳升广东按察司佥事许国瓚为贵州左参议

○靖江王履焘援诏比例乞将嫡母支氏加称太妃生母赵氏授封次妃许之

○西宁副总兵龚成革任以延绥游击孙朝梁升补并将守备刘凤悟等各就近升调从总督
梅友松议也又以巡按崔景荣言夺西宁兵备李丁俸三月

○甲午 上命内阁传谕九卿因药餌罔效不克视朝阁臣即日< 銮-金 >候

○以桥工撰碑赐元辅时行银五十两纁丝四表里次辅国锡爵家屏各三十两二表里

○衍圣公孔尚贤自被弹后三岁一朝至是请仍旧典每岁率颜曾孟三氏子孙入贺 万寿
部议许之○乙未吏部推太常寺少卿张汝济为通政司左通政旨升杜其骄为左以张汝济
右之

○调陕西按察司佥事管九皋于广东整饬雷廉兵备

○吏部尚书杨巍等合辞请御朝讲 上言朕疾未愈食寝尚废非取安逸卿等为国大臣当

为君任职为民任事岂以文言沽誉为是太常寺卿陈于陞等亦合辞以请报已有旨

○丙申陕西巡按崔景荣言威正等酋结聚红崖堡要在水塘湖过冬火落赤等酋要在捏工川建寺而真相台吉又欲移驻捏工川盖垂涎洮河之意渐入门庭之内矣宜行督抚诸臣力言于虏王务正界限使各虏不许近边至将官畏起衅之罚甚于畏虏虏且因而挟制如近日永昌地方虏射墩军墩军亦射杀虏后虏来讲罚而问官具招曰墩军还射不意中虏天穹弓返射不中虏欲何为乎边情至此良可长叹不知西宁丧师非战之失也失在穷追而堕虏计也如往岁水塘之捷独非战之利乎是在督抚之斟酌耳章付兵部

○丁酉改刑部右侍郎许守谦为兵部右侍郎

○督理荒政户科右给事中杨文举言臣住徐州两日见驿递报帖民疲于奔命东南剥肤之民不可以加徵撙节爱养惟抚按耳今不辨官品崇卑不计勘合有无但有传牌即便应付请兵部严行查理除奉差领敕及近准题明见任京职及方面外有擅自遣牌及沿途应付者许抚按不时查参至驿递自夫马外有廩给口粮水驿则有过关数者不一夫下马饭中火非廩给而何何以折为也惟照关南金事郭元柱印注长单发付过客令其填注支用数目每府月终查报则官吏绝破冒之奸过客无重支之扰矣兵部又请严戢差遣承舍牌票横索旨并申飭○戊戌南京右都御史耿定向为御史王麟黄仁荣论劾言麟趾初论徐元泰呈揭于臣臣面质之曰马湖失事元泰曾经奏报以功赎罪奉有 明旨若不闻乎适当考察实授置之末列遂致怀疑攻击仁荣文学自负而以未占一第为歉谓臣申救陆光祖参御史周之翰以之翰举人也近三御史劾三辅臣而独参王藩臣亦以其举人也疑臣以资格易人愤伤其类而忍于操戈臣衰病已极五< 铨-金 >陈情特赐罢斥烦言自息矣旨促其趋命不允辞

○工部因科臣朱维藩条议南京鼓铸法言南局制钱其料易办工甚省约其见贮库钱既属通行听依时价搭银支放从之

○吏部考选给事中十员李春开吏科王遵训户科徐学聚杨东明俱礼科张贞观兵科丁应泰何伟俱刑科林材工科郝世科南户科沈之金南工科又会同都察院考选试御史四十员周孔教李以唐俱浙江道徐图樊玉衡张鹤鸣俱江西道钱一本福建道何选余懋中俱湖广道蒋春芳贾名儒黄卷俱河南道王明张宗载张大谟俱山东道万国钦任应徵蒋梦得俱山西道鹿久徵张光绪俱陕西道牛应元刘汝康杨镐俱四川道茅国缙邵以仁吴礼嘉陈勛俱广东道李时孳熊元王有功林寅宾彭应参郭实俱广西道周维翰刘会俱云南道王道显刘思瑜俱贵州道张应扬南浙江道章守诚南福建道李用中南湖广道聂应科南河南道 上以广东道四员止写三员熊元履历不全写诘责司官张应扬系南直人应回避南京改正文选司官刘希孟等引罪夺希孟俸三月余各二月后改张应扬于贵州道

○吏部文选司员外郎赵南星言当今大害有四一曰干进之害往时吏部尚书杨巍乞休都御史吴时来以为己当代之而忌户部尚书宋纁清望连章切讥侍郎赵焕归副都御史詹仰庇求大理寺少卿韩国桢为之请托代焕时沉子木制归仰庇复托时来求兵部侍郎大臣干

进至此何以责小臣乎如尚宝司卿李桢清志坚节久次不迁后来者纷纷跳越循资采望皆无所据矣二曰倾危之害群小妒贤如礼部尚书沈鲤侍郎张位谕德吴中行南京太仆寺卿沉思孝相继自免南京礼部侍郎赵用贤为邪僻所容齐力攻击黄洪宪等阴为蜮譖唐尧钦孙愈贤秦系周等明肆诬诋近日人心益险往往捏无形之事加之于人鬼魅昼行良为可骇三曰守令之害今知州知县选授太轻部寺之官计日而升知府科道出守即若劣处闾冗之徒每见优容如原任给事中叶时新议减军饷激成浙江之变今尚为河南府知府又立官以廉为首今抚按论人赃私或以任浅姑从降调以为惜才不知此乃惜不才也四曰乡官之害吏于土者不过守令乡官多大于守令者往往肆行吞噬有司稍稍禁戢则明辱暗害无所不至如原任渭南知县张栋治行无双以裁抑乡官竟被谗毁不得行取又抚按官多竖牌坊以媚势要劳民伤财除此四害庶仕路可清民生可瘳矣章付吏部

○己亥南京户部尚书王友贤坚辞乞归许之

○巡视京营给事洪有复言班军裹粮千里以赴京操迨因工役之兴畚插胼胝尤称疲累乃臣等所闻在中都则谓掣补之非旧在登莱沂则谓月粮之未普夫挽输入卫皆役也今操未息肩而又掣之应运是责之兼役矣同一月粮而或三分或四分同一班操而近者粮多远者粮少委属不均况登莱之粮本四钱徵派支給扣除于义奚取安东诸城既以例予亦何靳登莱沂数卫手章下兵部

○庚子赐四辅臣鲜藕

○升户部河南司员外郎王宣化为陕西按察司佥事管西路兵备

○改工部右侍郎管通政使司事张孟男为刑部右侍郎

○升光禄寺少卿唐鹤徵为太常寺少卿

○协理京营戎政兵部尚书郑雒辞免原兼左副都御史从之

○癸卯升尚宝司少卿何以尚为光禄寺少卿

○改南京通政使余懋学为通政使司通政使○督理荒政右给事中杨文举言臣以九月二十八日抵淮安据徐州道揭报灾数庐凤为甚淮扬次之徐滁和三州亦次之遂议发庐州府属银二万两凤阳府属银二万四千两淮安府属银一万六千五百两扬州府属银一万六千两徐州并属县银七千两滁州并属县银三千五百两和州并属县银三千两总计江北饥民约七十余万已经委官赍领前银分投给散江南诸郡至日另行奏报外臣犹有一二事可议者鼓舞有司惟举劾为第一义臣奉敕旨司道以下不职的即时参处府州县官会同抚按分别上中下奖荐论劾第抚按举荐名以额限数以格拘不弥岁者不预而今日理荒之政有不可以此拘者此事宜之应请者一敕谕计口给赈未见开具卫所官军岂以军有月粮不必发

賑然領糧之軍一而本戶之軍余則多也即官戶舍余亦然各道開報飢口民居其七軍居其三臣欲概賑則分民所有以予之坐視不賑則尺藉之軍寧非百姓請再發數萬兩給賑貧軍則恩波無不被矣此事宜之應請者二戶部覆請再發南京戶部庫銀一千万兩除支糧額軍免給其貧余一體賑恤從之

○黃河決口塞河工告竣工部叙治河各官潘季馴等賞賚有差

○吏科給事中李春開以吏部員外郎趙南星參吳時來詹仰庇上＜ 銖-金 ＞乞令二臣照舊供職得旨吏部看了來說於是戶科都給事中王繼光上＜ 銖-金 ＞曰南星條陳四害辨論官邪課督吏治自其職掌而眷開摘其中一事參論南星原＜ 銖-金 ＞未下而春開乃先得旨則該部何以看何以說焉夫時來之鑽代楊巍也為謀久矣且其不公不法之事甚多詹仰庇隆慶初建言廷杖卧□門受□人多賄向同鄉囑托大為時論所薄後夤緣起用黃洪憲科場一事屢被彈章傾排禮部尚書沈鯉侍郎張位使之引疾以去趙用賢直節偉抱官在講筵處之中南此三臣者不可不亟斥也乞將時來等亟賜罷斥沈鯉等早為起用將南星原＜ 銖-金 ＞發下令人人共睹真是真非必有能辨之者不報

○刑科右給事中吳之佳請簡一二緊要章奏速賜批發不報

○少詹事黃洪憲請回籍省親不許

明神宗顯皇帝實錄卷之二百一十六

明神宗显皇帝实录卷之二百一十七

万历十七年十一月乙巳朔复除原任户科右给事中曲乔迁于工科

○升尚宝司司丞曾乾亨为本司少卿

○升南京工部右侍郎张西铭为南京户部尚书户科给事中万自约劾西铭衰朽往巡抚保定时沉阁公文至新旧交代未批发又当考选时揭害元城知县张烨西铭因求罢不许

○丙午复除广东道御史屠叔方于江西道

○升兵部郎中许铤为山东按察司副使整饬临清兵备

○戊申升南京光禄寺卿徐元气为南京通政使○宣大总督萧大亨等言顺义王扯力克入贡乞将各酋部下效劳夷人各儿猛克台吉等二十七名照例量升百户职衔夷妇沙赤星比妓等五口照例给赏设刺克炭台吉等准袭伊父龙虎将军指挥同知千百户等官其虜王与各官每枝颁敕一道从之

○己酉 恭让章皇后忌辰遣官祭 陵寝

○予原仕日讲官礼部右侍郎张位父母祭全葬原任刑部右侍郎万虞恺祭半葬俱如例

○升南京礼部郎中汪应蛟为福建按察司副使

○庚戌升太常寺少卿沈节甫为南京光禄寺卿

○辛亥大学士申时行等请发河南抚按周世选等所论知县李赋秀讦知府周思宸并调知府何继高于江西二< 銑-金 >不报

○宴朝鲜国入贺陪臣户曹参判奇荅等仍饯如例奇荅等奏本年六月十二日有异舡一只向本国全罗道南桃浦抛泊官军以炮击之舟中人攢手乞命持印信公文俱写 大明万历字样将男妇四十六名获至译得一名要宇一名厚女注口俱系大琉球国人与邻居淳于波口等同坐一舡于本年五月十八日将大小米等物载向本国于祈祷所完纳遭风飘淌查照嘉靖年间有琉球国七人漂到连人奏角□羊今人口数多先将要宇厚女注口二名带向京师其余俱送辽东都司转角□羊礼部查果有嘉靖年事例请敕奖朝鲜令要宇等暂住会同馆咨行辽东将四十四人角□羊京仍赏胖袄< 革翁>鞋给与关文差通事送至福建遇便遣归从之

○壬子发太仆寺银二万两于宁夏充十八年互市

○癸丑南京刑科给事中徐桓以漕运总督舒应龙所议京口兴工挑浚多不便户部咨督抚再议○兵科左给事中胡汝宁言甘肃被虏其将士怯弱粮饷不敷乞将马价银两给发数万以振士气兵部议支太仆寺银十万两角□羊贮该镇如止项角□羊运未到许借支角□羊到日补还万不得已奏请开销从之

○甲寅祭 三皇子 景惠殿遣礼部侍郎黄凤翔行礼太医官朱儒李华分献

○改南京太常寺少卿谢杰为太常寺少卿

○以辽东督抚咨送将官杨绍先升署都指挥僉事充沈阳游击

○乙卯定潞府各官军本折俸粮俱照景府例行

○湖广永州府靖西小水永明三营额设军丁六百五十名指挥周国望等贿免二百余名守备彭显谟借事核查军士噪起显谟仅以身免抚按请按律罪遣章下兵部

○工部尚书石星言山西潞 原非正额万历十五年传造二千四百有奇除完角□羊外尚该一千六百有奇今复传造五千正民不胜困望收回成命如供奉 两宫势不可缺请将已派未角□羊者上紧催完得旨陆续僉进工科都给事中张养蒙又言旧逋方督新派复临多至五千公私告匱顷岁苏杭遭灾织造称累 陛下嘉纳部科议或准减半或准暂停潞州连遭大祲忽有传造使东南各郡加额腾欢西北一隅拊心吁苦其何忍也又从来传奉织造具题者系内库票拟者属内阁抄发必经该科议覆始及该部今不繇阁票不繇科抄如天下之疑何报已有旨○丙辰改原任太仆寺少卿顾九思为南京太常寺少卿从所请也

○丁巳巡视南京营务吏科给事中杜华先条例三款一曰拔将材谓一经论列朝上夕黜数被荐扬没齿不调一曰恤军士谓常伍岁困工役选锋月苦游巡一曰实选锋谓选锋止于五千请于右营内各选五六百名与左营一体团练广东道御史王藩臣条列四款一曰营官久滞当拔即华先拔将材一议也一曰军需急缺尝补谓目今三仓放尽请发银委官于丰稔去处买贮抵补原数一曰硝黄厉禁当严查出硝之处宜申明严禁夹带者与私盐一体治罪一曰将材推擢当先则荐左军都督僉事侯之胄也兵部覆侯之胄候立功叙录硝黄准禁余行南京兵部酌议○戊午冬至 大祀 天于 圜丘遣公徐文璧代侯吴继爵李言恭大学士许国王家屏分献各坛驸马许从诚先期代诣 太庙请配

○遣侯郭大诚张炳常胤绪汤之诰伯杨世阶卫国本王学礼方烨刘应元分祭九陵伯张元善祭 景皇帝陵寝都指挥同知周清祭 哀冲 庄敬二太子坟

○己未免群臣朝贺大学士申时行等诣会极门行五拜三叩头礼

○赐四辅臣上尊珍饌

○右金都御史詹仰庇言近来章＜ 铨-金 ＞失体如不曰故相某人而曰江陵分宜不曰总兵某人而曰大帅大将军不曰某人之＜ 铨-金 ＞而曰某姓之＜ 铨-金 ＞律以居前臣名之体悖矣而其词则新奇隐僻动至千言不思一日万几何暇竟览宜严加申饬参奏究治得旨近来章＜ 铨-金 ＞烦冗锁屑殊可厌恶着礼部申明体式部覆体式有六一曰建白无尚高论一曰题覆毋徇物情一曰谏诤毋好名高一曰举刺毋工组织一曰陈谢毋叙勤劳一曰奏报毋蹈欺罔诏悉遵行

○礼科给事中杨东明言 圣躬未安宜加爱养宜召辅臣讲臣入候起居随事启沃不报

○辛酉 皇第二女薨丧葬视灵丘公主例行

○壬戌 孝思皇后忌辰遣伯吴国乾祭 茂陵 孝烈皇后忌辰遣侯宋世恩祭 永陵

○以 慈圣皇太后万寿圣节赐元辅金万寿字四副金篆字十个金书黄符红符各二道次辅及讲官有差

○巡抚应天右副都御史周继言上海县季家洪老观嘴筑塘包石以捍海水不可已武进县横林等处于浅已甚运河泥底尽露筑浚之功不可缓据所用工费在筑海塘计该银八万余两在开运河计该银六万两乞于南京帑银内给发责令趁时兴工工部覆内外匮乏人工并举恐非所宜南京帑银三次题发已四十万两亦难再请合候水利工完渐次举行漕河果系淤塞应行挑浚银两即于河道漕运衙门修河正项银两动支报可

○癸亥 圣母慈圣宣文明萧皇太后万寿节 上御皇极门受贺

○四辅臣仍诣隆宗门行叩头礼赐上尊珍饌复赐酒饭烧割

○传谕常朝暂免大学士申时行等言 皇上特以 圣母万寿临视群臣一举趾之间增光 圣孝鼓舞人心至于常朝或以隆冬盛寒欲深居静摄即一月之中止二三次少遂群臣瞻仰之私惟是诸司章奏关系国家政事望赐裁决则政事＜ 铨-金 ＞通而臣等亦可免于旷官之责

○是日诰问吏科等官何不侍班鸿胪寺何不北向立次日吏科都给事中陈与郊等鸿胪寺卿杨宗仲等引罪各夺一月俸

○原任户部福建司郎中候补姜士昌陈用舍劝惩要务一曰黜奸邪以张位大节不滓而徐显卿构之以赵用贤刚方直亮而黄洪宪忌之此二臣者无可玷清班需大用之理也一曰培士节邹元标吕坤李三才宜加甄拔一曰定国论寻常缄默之人终身无患正色立朝之士举足招尤一曰核名实如陈有年之清素许孚远之诚笃黄道瞻之峻洁马犹龙之风采李复阳之恺悌王绍先之狷介不亟行擢起廉吏安所劝乎一曰汰罪赎有一讼而两造并蒙其辜有

一事而两地并徵其赎有不肖监司以有司不多拟罪而遂甘心之者有不肖有司以丞倅不多拟罪而遂甘心之者乞敕有司停免赎罪至角□羊赃赎亦当量时减省其有裨于民甚文章下所司

○吏部尚书杨巍覆给事中李春开〈 铨-金 >言员外郎赵南星偏于嫉邪似无别情姑赐宽宥时来等生平大节人所共知宜即出供职得旨时来仰庇供职南星免究令戒谕司属毋得妄生议论

○顺义王乞庆哈忠顺夫人龙虎将军一克黄台吉等拥数万众西行绕至贺兰山后援俺答赤木口事例致书宁夏督抚请买马互市往复久之乃从其言计市赏费八千有奇较先年俺答市赏缩千余金宁夏巡抚姚继可等以闻因言前银原系预备河套山后诸虏十七年市赏乞照数给补准发太仆寺马价银补之

○甲子以山东都司掌印署都指挥僉事齐擢为宣府南山参将

○乙丑吏科都给事中陈与郊等参劾广东参政徐应奎僉事许国瓚隐庇徐闻县极贪知县陆荣所当议处其藩泉瘠旷者请一议汰又荐举原任布政使邹善钱藻郑云莹原任参政邢玠乔岩李鞬原任副使郑汝璧龚懋贤冯时可原任陕西行太仆寺少卿邢侗原任参议李乐戢汝止并请简用原任知县陈杨产不当终弃吏部覆应奎国瓚行巡按查劾酌议扬产闲住难以复议善云莹俱经奏荐起用藻等查访酌量起用得旨如拟并申飭司道官不得容庇贪肆○南京吏科给事中杜华先论劾南京户部尚书王友贤原任南京右都御史今升户部尚书耿定向贤而老病俱当休致南京太仆寺卿郭东袁迈庸材应天府府丞周希旦贪而衰老乞赐罢斥内友贤已致仕诏定向已有旨东照旧供职希旦致仕

○升司经局洗马兼修撰王祖嫡为右春坊右庶子兼侍读掌坊事翰林院侍讲陆可教冯琦为右春坊右谕德兼侍讲掌司经局事

○升南京坐营以都指挥体统行事徐时雍为河南都司僉书

○镇守云南黔国公沐昌祚言钦赐庄田俱不坐粮有司一概丈量科粮六百八十石请比照各边事例于家丁内选壮勇五百余名充作月粮又请阉者二十名礼科给事中徐学聚言向者沐朝弼跋扈 肃皇帝逮系不贷为昌祚者正宜怀恩惮威奈何纷纷陈乞复有阉者之请查会典亲王内使不过十名昌祚犹然臣子何得擅用静身男子至二十人往岁缅甸倡乱顷者腾姚噪呼赖文武诸臣戮力底定昌祚坐受上赏请加敕则换给矣参司道则改调矣参县官则查问矣语曰婴儿伤饱贵臣伤宠昌祚此请恐难令众庶见也旨寝昌祚之请

○顺天府府丞孙甸条上审编事宜一曰酌地丁以均差徭二曰革头役以免偏累三曰复优免以杜影射四曰革冗浮以〈 一十见〉民力五曰慎加增以节民财六曰裁大户以省赔累七曰查流寓以〈 一十见〉土著八曰核增减以清徵派九曰均编派以恤陵户十曰飭

有司以专责成部覆报允

○戊辰少詹事兼侍读学士黄洪宪辩赵南星等＜ 铨-金 ＞言沈鲤张位清望硕德臣素师承有何排挤惟赵用贤起家时曾效田画相规之义贻书忠告语欠和平此一事乃臣所自悔自讼者而用贤亦初未尝以臣言为过自臣致书之后用贤繇替善而转洗马转庶子今已致位卿贰駸駸柄用安见其以赞阻也且用贤于申时行为会试门生于王锡爵为乡试同年得以朝夕亟见而臣在史馆经年无一私谒乃欲以远间近以疏间亲其将能乎吴中行沉思孝皆批鳞敢谏之士当时偶挂弹颊臣方典试福建相去六千余里毫不与闻臣不知南星所指为譖者何人顾思二臣之去其事谓何而曷尝以譖去哉因再＜ 铨-金 ＞求罢许之以日讲官赐金币驰驿

○吏部尚书杨巍以老再＜ 铨-金 ＞乞休不允

○己巳南京修葺 奉先殿成奉安 神主命大臣祭告○予安乡伯张鉉祭葬如例

○以山东都司僉书都指挥僉事刘守圭掌司印

○左都御史吴时来左副都御史詹仰庇各上＜ 铨-金 ＞自辩因求罢不许

○原任南京右副都御史今升总督仓场户部尚书耿定向复以疾乞休许之

○升湖广洞庭湖巡视以都指挥体统行事孟儒为神机营佐击

○宗人府掌府事驸马都尉万炜言司官老婢沈银蟾及内使李忠等侵盗金银反肆诟辱乞正法纪 上怒炜当

圣母万寿之时烦言琐渎革其印信蟒玉发国子监习礼六月仍访拏拨置之人

○辛未礼部言周府宗室蕃衍贫困日多致有奏请愆期名封稽误因分别另勘免勘及擅婚私婚罪宗子孙口粮本色其过期立案者给米养赡未名者赐名允之

○总理河道都御史潘季驯奏劾嘉兴府部运通判刘应台于济宁州启闸福建进表都司邢坦于汶上县启闸走洩水利浅阁粮舡乞并究治以肃漕规允之

○升翰林院侍读学士陈于陞为詹事府詹事兼翰林院侍读学士掌院事

○癸酉予原任南京工部右侍郎方九功祭

明神宗显皇帝实录卷之二百一十七

明神宗显皇帝实录卷之二百一十八

万历十七年十二月甲戌朔除补原任福建按察司僉事李琯以原官分巡福宁道

○两广总督刘继文上琼南抚安防御要机八事一绥戢安业抚民不令携贰一遣逐流寓奸徒不为盗媒一墟废铺前房舍不为巢窟一设法稽查保甲不致窝盗一议增水寨分总以广游哨一议复陆路督备以振威武一选练乡勇壮丁以销客兵一设添哨兵协守以固要地部覆悉如所拟

○乙亥升南京大理寺右寺丞王执礼为应天府府丞

○升巡抚云南右僉都御史萧彦为右副都御史抚治郾阳

○升陕西左布政使党馨为右僉都御史巡抚宁夏○浙江巡按王道增以御史杨四知荐刘承嗣起用言承嗣臣所论列也四知所见执骄兵以原主将为纪纲也臣所见惩叛卒以溯首祸亦为纪纲也及部覆则尽掩承嗣激变之罪令以后士卒鼓噪毋得轻易将领以长骄心若重惩臣言之过者夫甘肃兵乱非承嗣酿成之乎抚按二臣皆相次调转而承嗣有枢府之转祸首罪魁独得善地夫承嗣御军刻礲至于激变叛卒昏夜操戈万一按臣遭其荼毒不知承嗣宜调耶罢耶今猥执纪纲曲贷将官所谓惩噎废食也岂不过哉乞将刘承嗣照旧罢黜旨谓将才难得用舍出自朝廷仍留承嗣听用

○丙子宴朵颜等卫入贺头目孩子等一百一员名如例

○浙江巡抚傅孟春请修太傅兵部尚书于谦乡祠因言谦社稷名臣被谗蒙戮得谥肃愍于谥法似未尽协欲改谥忠愍以慰九原部覆谦有鞠躬报国之节有定倾保大之勋第当表其所以成不必悼其所以死合将肃愍二字并为更拟报允后更赐曰忠肃

○丁丑升光禄少卿何以尚为南京大理寺右寺丞

○升守口堡守备杨登山为大同入卫游击

○戊寅四川茂州地震

○升翰林院修撰余继登为右春坊右中允兼翰林院编修

○以礼部左侍郎兼翰林院侍读学士李长春同余继登俱充日讲官

○升兵部左侍郎杨俊民为户部尚书总督仓场

○升大理寺左少卿吴定为右佥都御史巡抚云南

○改户部左侍郎蹇达为兵部左侍郎○升尚宝司司丞赵卿为光禄寺少卿

○升刑部郎中孙有敷为广西右参议

○升南京广西道御史黄仁荣为广东按察司佥事整饬南韶兵备南京吏科给事中杜华先为陕西按察司佥事整饬延安兵备

○庚辰南京礼科给事中朱维藩言南户兵二部堂上官钱谷兵务所关当免其赍捧礼部覆除总督仓场及参赞机务例不赍捧如二官缺则代管者亦难轻离如不缺仍照例轮差报可

○直隶巡按高举条奏三事一酌东防以均劳逸请将真定车营代定州营春防一处营马以期实用见官马羸弱请改用自马一罢远操以恤贫余言真定卫操余在保定团练道远苦累俱行督抚会议覆奏定州营每年额赴蓟镇秋防又五年之中全营秋防一次又拨摘一千名春防一次是五年七防矣宜将拨摘春防于固关营拨取将全营春防令车营军代替其官马羸弱即照前阅视侍郎江道昆议令步兵动支官银买马给领骑操其真定操余改于真定守备统领从之

○是日始发 潞王疏并发工部疏令周思宸等俱革任立限抚按从公勘奏

○辛巳江西道御史荆州俊劾管工部营缮司事太仆寺少卿徐泰时受贿匿□阻挠木税工部覆 寿宫缺少鹰平等木差官抗关采买各□于正木之外每有余木正木兼给水脚余木止给价值故本部向来正备兼收至私商各木若遇急用亦间收买但应抽税不得幸免也近通州一带奸商匿税数多御史加意振刷泰时辄为批发虽无庇商之私难免徇情之罪旨令泰时回籍听勘

○壬午吏部推顺天府府丞孙旬为大理寺左少卿旨升任养心为左以旬右之

○升河南按察司副使陈九仞为苑马寺卿兼陕西佥事分巡平凉

○癸未升兵部郎中李志为广西按察司副使提督学政

○吏科给事中李春开言吏部员外赵南星户部郎中姜士昌二疏中间举刺大有可疑南星见任大选已握进退之柄又夺人举刺之职士昌附和南星如相向应赵用贤见任南京礼部侍郎不为不用吴中行养病沉思孝丁忧不为遽舍何待二臣之荐且荐沉思孝而置艾穆荐黄道瞻而置姜应麟等犹不可解体统决裂是非浑淆乞集九卿科道秉公分别章下吏部

○甲申吏部尚书杨巍言赵南星姜士昌相继条陈事多窒碍其可行者又已经科道官言之

今吏科给事中李春开所奏于二臣本内荐人刺人之事极言其非赵南星已荷免究望将姜士昌一体宽容仍通行南北衙门大小官员各修本等职业其荐人刺人之权仍属之科道旨免究士昌以荐举论刺原科道职掌戒各衙门不得任意侵越

○吏科给事中史孟麟言李春开疏总之以阻塞言路为职掌以阿顺大臣为国体以攻击善路为国是以颠倒是非为世道人心而其大指不过摘赵南星姜士昌条陈之非以伸已保留吴时来詹仰庇之是臣伏思之论吴时来黄洪宪者臣也凡再阅月继臣而论时来仰庇洪宪者南星也明旨未下而论南星保时来仰庇者春开也继南星而论洪宪者士昌也是臣与南星士昌之言是则俱是非则俱非而春开与臣同列吏垣是非不并立何颜比肩而事皇上哉三四年来凡建议者不曰出位则曰好名大者杖小者谪隐者外转矣有部堂约束司属之旨有未奉旨不许发抄之令而言者如故则自今而后部寺诸臣宁必无南星士昌而谏垣台宪亦岂皆春开之辈窃谓知而不言罪在言官言而进退决自大臣去留听之皇上非臣等所与乃春开一疏不已再疏复兴臣虽顽钝无耻不能共事且春开谓南星士昌为伤国体淆国是则臣实为首乞将臣罢黜章下吏部

○保定巡抚宋仕言河间真定二府官军俸粮布花内有仰给河南二省者节年拖欠支放不敷欲将应解蓟永易昌宣府五镇边储如数扣存行令二省解部转发部覆成法难变止许借支库贮候催解补还报可

○南京鸿胪寺卿艾穆请补还原领敕诰许之盖穆先为刑部郎建言忤故相为其矫诏追夺也

○刑部山东司主事吴正志言吏科给事中李春开钻刺夤缘得据言路受官之日疏诋员外郎赵南星再疏击郎中姜士昌夫赵用贤吴中行诸臣或留滞周南或偃蹇林壑其气力非如总宪也徒以正士日就危疑一白其冤抑耳奈何谭其改节之重臣则目之为倾陷谭其远弃之孤臣则目之为周比令申有颂言大臣德政之律有许诸人直言无隐之条今春开倡疏御史陈沛林祖述等和之一时台谏业已干颂言之禁而又禁司属之直言天下士可尽箝其口耶迩年以来言者固不乏人诋之者不以为出位即以为沽名才一启吻輒加罪谪又严谕堂官各愆所司可谓至严酷矣然煽乱是非从中指使陷春开于恶者吏科都给事中陈与郊也与郊方王篆用事时与邢个方范顾尔行等投篆门下为客后篆事败五先生相继劣处与郊不知以何术得免叨掌吏垣日招权纳贿沈鲤辛自修张位之去实阴挤之近又朦胧冒荐邢侗等舆论切齿久矣春开一入衙门欢若平生先设为似是之说鼓惑其心志而春开阴堕其术中甘心背公植党而不恤乞将春开与郊重究以为言官党护大臣之戒得旨李春开钻刺夤缘有无实迹本内出位沽名严谕堂官原系朕旨如何说是严酷着吴正志回奏

○刑科给事中丁应泰上疏讽大小臣工协恭和衷泛引宋事为喻

○工科给事中林材言大臣有缺必公同会推奈何相沿日久浸失初制会推所举不过出吏部之素定者唯唯具题如京营缺尚书而会推郑雒矣贵州缺巡抚而会推张九一矣夫雒之

女远嫁于蒋遵箴也以江陵作主盟之父依王篆为系足之媒致令其结发之妻哭女而伤命又勒其坦腹之婿寄籍以快私此等人何以峨冠于八座也九一之身岂生于空桑乎苦块之中酤饮达旦歌舞通宵至若求严世蕃之结欢望张居正之鉴识此等人何以坐镇于一方也愿将雒九一亟赐罢黜仍申飭该部凡所推用必正必公勿容奸而恶直则进退无偏议论自息矣章下吏部

○升河南右参议李三才为本省按察司副使管理河工

○升尚宝司少卿李桢为顺天府府丞

○乙酉改刑部主事张程为尚宝司司丞

○升山西按察司副使于达真为河南右参政

○协理京营戎政兵部尚书郑雒辩林材疏因求罢黜旨责材摭拾渎扰留雒供职然远嫁事雒亦不能讳也○丙戌宴朵颜等卫入贺头目干买等一百五十员名如例

○旌表山东海丰县已故姑妇双节张氏高氏而张氏者吏部尚书杨巍祖母也山东巡抚宋应昌以请仍予祭一坛

○云南巡抚萧彦等言滇为极边而腾永为滇极边其伺我如緬其构夷如岳罕之俦不少也滇不可无兵而议兵当先议食查得腾永募兵增至一万有奇岁饷银约一十七万有奇于是有减兵之议今除顺临外腾永之兵尚六千饷不下十万至内地运饷之苦又有不恶言者大理鹤庆蒙化姚安楚雄五郡邑无遗村遗户不死而徙耳客兵不除本色不免则五郡永昌必不可苏顷议留六千则既举两营而留之腾兵鼓噪方藉姚兵为制姚兵动于邪谋空营而出谕以犒赏而悍者散悍而狡者留潜回者且伺吾消息以为动止其包藏祸心视叛散者且甚而永昌之民往往识其姓名恨不剗办其胸此而复留恐永昌之变不发于兵而必发于民臣等乃量给路费以归之欲留之而不可也腾永皆边地而腾最孤悬近以罕景诸酋勾緬入犯焚施甸窥永昌故姚始称重与腾等腾营见在募兵计二千二百余员名姚营既空乃事体更新之会亦以二千名为率抡选新兵俱尽土著不足则选之乡兵又不足则选之地方之军民又不足则选之附近之丁壮而四方流徙不与焉然兵贵于精法尚乎练当选教师二名教之武艺毋使偷安营伍糜费钱粮会操之日较其能否以行赏罚不出一年皆为边徼有制之兵矣遇有警报通两营之兵悉听参将调度此兵议也姚营新兵既系土著除把总哨官等项俱照旧规及该道原议队长二百名土兵一千八百名各每日增银三厘全给折色令自采买以省转运之费腾营改补土著后亦照行焉此饷议也再照滇自有事以来无不资力土兵即如迤西之征邓子龙攀花枝之战赖此胜蓂蕖之兵冲锋而其土司至今以将官掩功为恨则土兵之于滇南固未可外视之矣诏允如议

○河东盐课先因题派未定多解过山西镇额数银一万六千两少解过宣府镇额数银一万

六千两巡盐御史秦大夔请在太仓应发二镇年例银内通融扣补部议仍令运司补解不足其多余者准作下年正课报允

○丁亥 世宗肃皇帝忌辰遣伯朱世雍祭 永陵

○礼部以明年元旦日立春进献岁发春仪文有诏进春毕庆贺如常

○湖广道御史何选言臣前随诸御史至吴时来寓奉旨促出时来下拜诸御史恳求速去自苦之情如此 皇上俯察大臣之志以德意爱之亦宜听其去至詹仰庇与时来人品虽无轩轻但令人空视柏台如履无人之境诚可痛心臣又以知 皇上留仰庇为当得旨既说吴时来詹仰庇原无轩轻如何一去一留进退用舍乃朝廷操柄新进小臣輒任意主张是何政体时来痊可即出仰庇不必再辞

○吴正志之论李春开也语侵陈与郊与郊又疑其授指于史孟麟同官互相持辩屡疏交击于是台谏诸臣群起欲攻正志惟御史万国钦周孔教力持以为不可

○吴正志回奏言春开钻刺夤缘乃计偕道经维扬所闻至严谕堂官亦孝廉时间科臣邵庶参诚意伯因请申飭所司毋得言事而堂官近又严行约束非谓 圣令如此之严也得旨吴正志肆口妄言及回奏又遮饰支吾全无指实朝廷谕旨輒敢擅自讥评本当重处姑从轻降极边方杂职不许朦朧推用

○左副都御史詹仰庇四疏乞休不许

○戊子 景皇后忌辰遣伯谭国佐祭 陵寝

○先是历官推夜望月食至其时全明未亏亦无占验

○左都御史吴时来乞归不许

○改刑部左侍郎张孟男为户部左侍郎

○改南京吏部右侍郎赵志皋为吏部右侍郎兼翰林院侍读学士

○升开原兵备山东右参政成逊为山西按察使整饬蓟州兵备

○己丑吏部请严谕大臣言官各安其位不许再起争端覆史孟麟等＜ 铨-金 ＞也又请敕大小臣工勿以偏执而坏纪纲勿以小嫌而伤大体覆丁应泰＜ 铨-金 ＞也旨切责诸臣原无重大兴革及非常用舍安得忿争求胜有失协恭和衷之体俱不允其去○升福建按察司副使李得阳为广东左参政

○庚寅月犯轩辕星

○吏部尚书杨巍覆林材＜ 铨-金 ＞言郑雒嫁女一节已经奉旨张九一先调外任已而部覆边功抚科＜ 铨-金 ＞荐起补前官今科臣指摘犹曩时议论臣巍未符人望乞归田里旨令九一回籍听用而留巍视事

○升霸州兵备副使蒋科为山东右参政兼佥事整饬开原兵备

○户部言万历十七年正月起到十二月初十日止除旧管外岁入太仓银三百二十七万有奇岁出太仓银三百四十六万有奇计岁出之数浮于岁入令太仓见在外库银止三十一万有奇查得万历十八年上半年应发年例除辽东镇已经题发宁夏固原二镇上半年扣足应发之数余候下半年补足外其宣府大同山西蓟州永平密云昌平易州井陘甘肃凡十镇年例岁额并补延绥一镇欠少共该银一百三十一万有奇皆系紧急军需今因连岁灾伤蠲停数多各省应解钱粮又多拖欠以致外库不敷查得原贮外窖房银四百万两余十六十七年动支过一百七十五万有奇见在银二百二十四万有奇原备京边紧急支用似应动支一百六万有奇并外库见在银动支二十五万两凑足一百三十一万有奇炤依各边镇应发数目差官解运其下半年年例银两待各督抚等官奏到之日通将各镇收过各项银两谷石与上年节省钱粮酌量扣抵另行议发允之

○礼部言各郡王勋臣大臣于万历十六年十七年内病故者俱应辍朝一日拟于本年十二月二十日报可

○辛卯金火二星相合

○壬辰命顺天府官祈雪○癸巳以年节赐元辅时行银五十两彩段四表里次辅国锡爵家屏银四十两彩段二表里讲官李长春等五员有差

○补调简原任湖广右参议张维新于山东

○南京太常寺卿郭东乞休不允

○升荊州府知府张斗开封府知府王见宾各按察司副使斗福建见宾山西

○甲午大学士申时行等将接年所撰孟子讲章四本类写装潢进呈请加观览并发司礼监续刊

○大理寺左评事雒于仁上＜ 铨-金 ＞曰臣入京阅岁余仅朝见于皇上者三此外惟见经年动火常日体软即 郊祀 庙享遣官代之

圣政久废而不亲 圣学久辍而不讲臣以是知

皇上之恙药餌难攻者也惟臣四箴可以疗病请敬陈之

皇上之病在酒色财气者也夫纵酒则溃胃好色则耗精贪财则乱神尚气则损肝以

皇上八珍在御宜思德将无醉也何醴味是耽日饮不足继之长夜此其病在嗜酒者也以

皇上妃嫔在侧宜思戒之在色也何幸十俊以开骗门溺爱郑妃惟言是从

储位应建而久不建此其病在恋色者也以 皇上富有四海宜思慎乃俭德也夫何取银动

支几十万索潞 至几千疋甚至拷宦官得银则喜无银则不喜沂之疮痍未平而鲸凭钱神

复入此其病在贪财者也以 皇上不怒而威宜思有忿速惩也夫何今日杖宫女明日杖宦

官彼诚有罪置以法律责之逐之可也竟使毙于杖下甚则宿怨藏怒于直臣范俊姜应麟孙

如法俾幽滞拘禁抱屈而不伸此其病在尚气者也夫君犹表也表端则影正

皇上诚嗜酒矣何以禁臣下之宴会 皇上诚恋色矣何以禁臣下之淫荡

皇上诚贪财矣何以惩臣下之饕餮 皇上诚尚气矣何以劝臣下之和衷四者之病缠绕心

身臣特撰四箴以进对症之药石也望采纳之戒酒箴曰酖彼麴蘖昕夕不辍心志内懵威仪

外缺神禹< 铨-金 >狄夏治兴隆晋武衔杯糟丘成风进药 陛下醴醕勿崇戒色箴

曰艳彼妖冶食息在侧启宠纳侮争妍误国成汤不迓享有遐寿汉成昵姬历年不久进药

陛下内嬖勿厚戒财箴曰竞彼铄铄锱铢不剩公帑称羸私家尘甑武散鹿台八百归心随炆

剥利天命难诛进药 陛下货贿勿侵戒气箴曰逞彼忿怒恣睢任情法尚操切政盥公平虞

舜温恭和以致祥秦皇暴戾群怨孔彰进药

陛下旧怨勿藏○乙未宴朵颜等卫入贺头目小思苦等一百七十二员名如例

○大学士王家屏言人主置相使辅养君德职亲任重非庶官比也人主出入起居之节庶官所不及知者相臣得先知之耳目心志之娱庶官敢不敢谏者相臣得豫谏之足以能防欲于微渺百司庶职其将顺之不遑尚何妄议之有妄议之兴咎在相臣失职匡救之不力也顷大理寺左评事雒于仁谓

圣体愆和病在酒色财气列为四箴以进臣初讶其词语狂悖已而思之于仁庶官也于 皇上之起居愆达尚及知能谏臣职亲于庶官反有所不知不谏不知失职也知之而不谏亦失职也安可独罪于仁哉于仁四箴以规

皇上则为妄试之医以备養生未必非延历之术也若臣者从謏承意缄默苟容上亏 圣明之誉而下陷庶官俾以愚戆蒙不测之威此乃真不忠之臣不可一日在左右者也< 铨-金 >入并于仁< 铨-金 >留中数日而有元旦召对之命

○起原任南京礼部右侍郎罗万化为南京吏部右侍郎

○升山东左布政使叶梦熊为都察院右佥都御史巡抚贵州

○丙申巡青右给事中吴之佳等报验过坝大二十四马房等处壮马六百三十四匹驹七十五匹驼四只牛羊驴骡各有数

○四川南渠二县饥发仓赈恤

○伊庶人典模卒于高□妻方氏卒于途其子安乐王褒＜ 火节＞奉铃束卒于周邸万安王褒火□危言其两世三丧乞赐归葬许之

○戊戌南京礼科给事中朱维藩言原任总督郑雒为给事中李时华论劾纚纚奏辩陈其功伐反藉是以自表见臣不能无疑尚书杨巍等请视朝御讲旨以为文言沽誉臣不能无惧望皇上戒谕各臣凡遇人言不必争辩求胜言之有益于政治者乞赐茹纳以广翕受之量至如邹元标之直气海内孰不仰之者吏部推补 陛下似有难色又如姜应麟孙如法俱以昌言植纲常之大而久锢于边疆何以服天下之心章下所司

○光禄寺少卿王汝训言吏科都给事中陈与郊渎乱朝政为顺德推官因顾尔行结纳王篆为给事中滥受朝覲官馈遗工部尚书何起鸣与都御史辛自修讦奏满朝不直起鸣与郊从旁力诋自修以致去位荐原任都御史张九一推用贵州巡抚不几日而论罢原任礼部尚书沈鲤侃侃有古大臣之风与郊阴嗾给事中陈尚象捏词装诬以致不安其位赵南星王继光万自约＜ 铨-金＞论都御史吴时来等与郊迫令给事中李春开横击之已而史孟麟吴正志交章论列则又毁孟麟以买交诬正志为受指今日荐巡抚明日荐两司每＜ 铨-金＞一出人皆疑其为谢重贿而酬私交新进诸臣不受金币珍宝结其欢心谏垣重地据为垄断诸所善者倡之保留诸所不快者则佐之攻击势焰熏灼倾动中外大臣修长厚之名不言台省恶伤其类不言部臣吴正志才发其奸投荒徼之外矣臣不胜愤嫉誓为国家伐奸敬＜ 铨-金＞罪状上闻章下吏部

○己亥赐四辅臣吊屏门神笺纸葫芦等物及讲官五员各有差

○楚王华奎以千金赈恤贫宗写敕奖励

○加陕西按察使分守西宁道张思忠为右布政使分守韶旧

○升陕西右参政房如式为山西按察使○工部尚书石星因传造大红纁丝纱罗赏用不敷言今四方灾伤民穷财尽虽一丝一缕亦所难辩乃今月派织蟒段六百前月派织潞 五千曾不几时而传造之旨再下非所以广仁恩昭俭德也乞将旧贮段足通融那用允之

○提学御史杨四知请京师各坊建立社学以训童蒙允之

○四川巡按傅霈言酉阳宣抚冉维屏献大木二十根价逾三千当韶例量给服色工部覆本官见授正四品散官服色今应加武职从三品服色终身合钦赏表里以为土官输诚之劝从之

○壬寅传 上谕朕体未安 庙享恐难成礼命公徐文璧恭代

○大学士申时行请元旦新春韶常受贺

○癸卯行 大禘礼于 太庙遣公徐文璧代侯李言恭吴继爵分献两庑先期祭告
太庙 祫庙遣公徐文璧驸马侯拱宸行礼○赐四辅臣收回祭设各一卓

明神宗显皇帝实录卷之二百一十八

(以下四页内容与前四页重复)

明神宗显皇帝实录卷之二百一十九

万历十八年正月甲辰朔立春 上不御殿免百官朝贺顺天府官进春

○以正旦令节赐辅臣上尊珍饌 上御毓德宫召辅臣申时行许国王锡爵王家屏入见于西室御榻东向时行等西向跪至词贺元旦新春又以不瞻睹 天颜叩头候起居

上曰朕之疾已瘳矣时行等对曰

皇上春秋鼎盛神气充盈但能加意调摄自然勿药有喜不必过虑 上曰朕去年为心肝二经之火时常举发头目眩晕胸膈胀满近调理稍可又为雒于仁奏本肆口妄言触起朕怒以致肝火复发至今未愈时行等奏 圣躬关系最重无知小臣狂戆轻率不足以动 圣意

上以雒于仁本手授时行云先生每看这本说朕酒色财气试为朕一评时行方展< 毓-金 >未及对 上遽云他说朕好酒谁人不饮酒若酒后持刀舞剑非帝王举动岂有是事又说朕好色偏宠贵妃郑氏朕只因郑氏勤劳朕每至一宫他必相随朝夕间小心侍奉勤劳如恭妃王氏他有长子朕著他调护照管母子相依所以不能朝夕侍奉何尝有偏他说朕贪财因受张鲸贿赂所以用他去年李沂也这等说朕为天子富有四海天下之财皆朕之财朕若贪张鲸之财何不抄没了他又说朕尚气古云少时戒之在色壮时戒之在斗斗即是气朕岂不知但人孰无气且如先生每也有童仆家人难道更不责治如今内侍宫人等或有触犯及失误差使的也曾杖责然亦有疾疫死者如何说都是杖死先生每将这本去票拟重处时行等对曰此无知小臣误听道路之言轻率渎奏

上曰他还是出位沽名时行等对曰他既沽名 皇上若重处之适成其名反损

皇上圣德唯< 六十见 >容不较乃见 圣德之盛复以其< 毓-金 >缴置御前

上沉吟答曰这也说的是到不事损了朕德却损了朕度时行等对曰

圣上圣度如天地何所不容 上复取其< 毓-金 >

>再授时行使详阅之时行稍阅大意 上连语曰朕气他不过必须重处时行云此本原是轻信讹传若票拟处分传之四方反以为实臣等愚见

皇上宜照旧留中为是容臣等载之史书传之万世使万世颂

皇上为尧舜之君复以其< 毓-金 >送御前

上复云如何设法处他时行等云此本既不可发出亦无他法处之还望

皇上宽宥臣等传语本寺堂官使之去任可也 上首肯 天颜稍和因先生每是亲近之臣朕有举动先生每还知道些安有是事时行对曰九重深邃宫闱秘密臣等也不能详知何况疏远小臣 上曰人臣事君该知道理如今没个尊卑上下信口胡说先年御史党杰也曾数落我我也容了如今雒于仁亦然因不曾惩创所以如此时行等曰人臣进言虽出忠爱然须从容和婉臣等常时惟事体不得不言者方敢陈奏臣等岂敢不与

皇上同心如此小臣臣等亦岂敢回护只是以 圣德圣躬为重 上曰先生每尚知尊卑上下他每小臣却这等放肆近来只见议论纷纷以正为邪以邪为正一本论的还未及览又有一本辩的使朕应接不暇朕如今张灯后看字不甚分明如何能一一遍览这等殊不成个朝纲先生每为朕股肱也要做个张主时行等对曰臣等财薄望轻因鉴人前覆辙一应事体上则禀 皇上之独断下则付外廷之公论所以不敢擅自主张 上曰不然朕就是心先生每是股肱心非股肱安能运动朕既委任先生每有何畏避还要替朕主张任劳任怨不要推诿

时行等叩头谢曰 皇上以腹心股肱优待臣等臣等敢不尽心图报任劳任怨四字臣等当书之座右朝夕服膺语毕时行复进曰 皇上近来进药否
上曰朕日每进药二次时行等云 皇上须慎重拣选良药
上曰医书朕也常看脉理朕都知道时行等云 皇上宜以保养
圣躬为重清心寡欲戒怒平情 圣体自然康豫矣时行等又云臣等久不瞻睹
天颜今日幸蒙宣召刍蕘之见敢不一一倾吐近来 皇上朝讲稀疏外廷日切悬望今 圣体常欲静摄臣等亦不敢数数烦劳起居但一月之间或三四次间一临朝亦足以慰群情之瞻仰 上曰朕疾愈岂不欲出即如 祖宗庙祀大典也要亲行
圣母生身大恩也要时常定省只是腰痛脚软行走不便时行等又云册立 东宫系宗社大计望 皇上蚤定 上曰朕知之朕无嫡子长幼自有定序郑妃再三陈请恐外间有疑但长子犹弱欲俟其壮健使出就外才放心时行等又云
皇长子年已九龄蒙养豫教正在今日宜令出阁读书 上曰人资性不同或生而知之或学而知之或困而知之也要生来自然聪明安能一一教训时行等对曰资禀赋于天学问成于人虽有睿哲之资未有不教而能成者须及时豫教乃能成德
上曰朕已知之先生每回阁去罢仍命各赐酒饭时行等叩头谢遂出去宫门数十武
上复命司礼监内臣追止之云且少俟
皇上已令人宣长哥来著先生每一见时行等复还至宫门内立待良久
上令内臣觐视申阁老等闻召长哥亦喜否时行等语内臣云我等得见
睿容便如睹景星庆云真是不胜之喜内臣入奏 上微哂颌之有顷
上命司礼监二太监谓时行等可唤张鲸来先生每责训他时行等云张鲸乃左右近臣
皇上既已责训何须臣等司礼监入奏
上复令传谕云此朕命不可不遵有顷张鲸至向上跪时行等传 上意云尔受 上厚恩宜尽心图报奉公守法鲸自称以多言得罪时行等云臣事君犹子事父子不可不孝臣不可不忠鲸呼万岁者三乃退司礼入奏 上曰这才是 不辱君命久之司礼监大监传言
皇长子至矣 皇三子亦至但不能离乳保遂复引入西室至御榻前则 皇长子在榻右上手携之 皇三子旁立一乳母拥其后时行等既见因贺 上云
皇长子龙姿凤目岐嶷非凡仰见 皇上昌后之仁齐天之福 上欣然曰此祖宗德泽 圣母恩庇朕何敢当时行等奏 皇长子春秋渐长正当读书进学
上曰已令内侍授书诵读矣时行云 皇上正位东宫时年方九龄即已读书
皇长子读书已晚矣 上曰朕五岁即能读书复指
皇三子是儿亦五岁尚不能离乳母且数病时行等稍前熟视 皇长子
上手引皇长子向明正立时行等注视良久因奏云
皇上有此美玉何不蚤加琢磨使之成器愿 皇上蚤定大计 宗社幸甚乃叩头出随具＜
铕-金＞谢是日时行等以传免朝贺特诣会极门行礼忽闻宣召急趋而入历禁门数重乃至毓德宫从来阁臣召见未有至此者且 天语淳复 圣容和粹蔼然如家人父子累朝以来所未有也

○丙午 宣宗章皇帝忌辰祭 景陵遣新宁伯谭国佐行礼

○大学士申时行等奏昨蒙 皇上召见臣等于毓德宫 天语春温 圣容开霁
皇上一言如镌金石臣等一见如睹日星 宗社大计须臾立决臣等伏见
皇长子年龄已茂气体已充正当就传之时乞
皇上亟下明诏以今春举行册立大典及出阁诸礼又见
皇子并侍膝前未有章服此皆立号未正等威未隆乞于 皇长子册立之日并
皇三子一并册封< 毓-金 >入
上曰昨已命卿等自见外虽岐嶷内本质弱豫教已知册立候旨行不必再有烦扰以间天性

○戊申升山东副使胡希舜为陕西左参政督粮

○原任总督仓场户部左侍郎毛纲卒命祭葬如例纲顺天蓟州人嘉靖癸丑进士累官右佥都御史巡抚辽东未任以奔丧不候代被论降浙江参政升右副都御史抚治郧阳兵部右侍郎历今官寻以京察致仕纲赋性伉直其再起以升迁大骤不满人望而抚郧多惠政居家孝友有足多者

○己酉大理寺题评事雒于仁以病乞回籍
上以雒于仁出位妄言朕已姑容今又托疾规避令革职为民

○升太常寺卿陈于陞为都察院左副都御史

○庚戌以孟春时享 太庙遣公徐文璧代

○辛亥 上敕谕六部都察院科道等官曰朕惟国家选任贤能布列在位部院修政肃纪为庶僚表仪科道绳愆纠邪为朝廷耳目所委以分猷共念安利国家者也朕总揽乾纲图惟化理孜孜不怠近因心肝之火时触辄发深居静摄未即痊安所以视朝稍稀章奏间有停留从容断决若使朕躬复旧 祖宗庙祀大典岂不欲朝夕定省惟一时偶疾未能遂心非朕倦勤而自偷逸也至于左右近臣不过承旨办事朕皆独断纵有一二徇私坏法朕自有处治岂敢为奸近来诸司官员多有不务本等职业不畏 祖宗法度或轻信讹言沽名卖直诬讪君上或妄生议论扰乱国是排挤端良或窥采观望煽惑人心或邀结附和颠倒公论言路原无阻塞动辄借口诏旨方行禁革公然违犯彼奏此辩甲是乙非章奏满前使朕不得遍览如此纷乱是何朝纲辅臣为朕股肱心非股肱安能自运朕已召见面谕责以任劳任怨为朕主张无得推诿尔等受朕委托各有职司事有当行不得顾忌< 矢见 >避言务可采不得混淆烦渎频年天变民穷其过岂独在朕尔等务要洗心涤虑率职奉公以副朕任人图治至意如负朕命国有宪章钦哉毋忽初阁臣撰拟敕稿进览
上亲更定数语如一二徇私坏法朕自有处治及沽名卖直扰乱国是皆御笔添注云

○升光禄寺卿卢维禎为太常寺卿

○礼部奏 皇长子年已九龄及并新岁乞敕择日具仪举行册立大典并请出阁读书得旨

皇子体质尚弱纷纷烦扰意欲离间乎仍候旨行

○壬子光禄寺少卿王汝训奏劾吏科都给事中陈与郊险诋嵬琐浊乱朝政言日者奉旨非会荐不得私举市恩与郊故违< 铨-金 >荐原任都御史张九一趣吏部推用巡抚贵州不几日而论罢原任礼部尚书沈鲤侃侃有古大臣风与郊为所厚求考官不得嫌之阴嗾给事中陈尚象捏语装诬以致不安其位赵南星王继光万自约< 铨-金 >论都御史吴时来等中外称快与郊不胜私愤迫令给事中李春开横击言者春开咋舌引罪痛自悔责己史孟麟等交章论列则又毁孟麟以卖交诬吴正志为受指凭藉口舌鼓簧众听尚书杨巍常语侍郎赵焕曰陈与郊真小人不知何故夤缘升转又云言者以言为职今嘿嘿者显荣谥谥者外补言者不论是非被言者不论邪正务为摸棱委曲以决裂政体乞敕吏部以后题覆章奏及推升科道官务要从公甄别毋挟私昵< 铨-金 >下所司

○吏科都给事中陈与郊辩王汝训诋诬< 铨-金 >入并下部议○吏部尚书杨巍奏言臣原未訾与郊为小人汝训漫然加臣不知何谓巡抚张九一以边功抚臣奏荐推用初不以与郊故与郊乌得而趣之科道诸臣或内或外随宜量用何尝有轩轾于其间又言近日诸臣建言臣往往调停其间不过欲诸臣勉修职业保国家无事乃谓臣决裂政体汝训以一卿寺攻讦言官此则非政体之大者 上曰言官为朝廷耳目以糾察弹劾为职京堂官擅自参论箝制言官大坏政体王汝训调南京用陈与郊照旧供职

○癸丑升右通政张汝济为光禄寺卿

○兵部题剿叛酋杨九乍等有功参将郭成等纪录土知府禄荣等分别奖赏从之

○巡视京营科道官洪有复等奏言 寿宫做工班车人多工少若必待三拨工完不惟日月稽迟抑且月粮不继宜及时放归以恤军力部议以工程浩大量留五百名应用并乞申飭以后非系重大事情请旨差委者不得概用班军诏如议行

○甲寅兵部以三年京营阅视例应钦命太监一员 上命张诚同往

○ 孝恪皇后忌辰祭 永陵遣武进伯朱世雍行礼

○命镇守陕西总兵官署都督同知张臣以原官挂印镇守甘肃等处

○戊午 潞王翊鏐奏景王遗下庄田等项已蒙赐给臣府管业该巡抚官以册籍未完欲行题请议令有司徵角□羊乞敕仍照原议给臣管业 上已赐允户部覆湖广抚按官奏景府遗下实在庄田房屋等项岁该徵银三万八千二百四十八两有奇卫辉去该省千有余里该府自行徵收往返骚扰难免侵渔拖欠之弊有司徵收成化年间事例宜遵旧制责令完角□羊奉旨庄田地土查勘明白还给该府管业差去人员违旨犯法的抚按官指名参奏

○兵部覆应天巡抚周继等奏苏州府城垣岁久颓坏欲于常镇二府积剩海防银内动支一万六千八十两委官修理又议巡抚标下设坐营中军官一员统领标兵巡兵并苏州一卫官军俱如拟行

○庚申 英宗睿皇帝忌辰祭 裕陵遣永康侯徐文炜行礼

○诏发太仆寺马价银一万两于蓟镇以备春防犒赏

○调补分守宣府东路永宁等处右参将黄明臣分守大同西路地方分守山西太原等处左参将张充实分守宣府东路永宁地方

○命原任后军都督府佥书署都督佥事刘承嗣充总兵官镇守陕西等处地方

○巡抚湖广都御史邵陛奏兴国州系湖湘右掖南接江西瑞昌县伪汉陈友谅遗孽改姓柯氏与部曲谈吴王三家逋居兴瑞连界之所子孙日益蕃衍或百十为群击牛享土白昼劫夺将来必有叵测之患议于界首堡地方专设一县使隶兴国以便防御又以黄梅县与南直宿松太湖接壤向为盗贼渊薮议于直隶陈汉山地方添设防兵而以原设安庆守备移驻统领
< 铨-金 >下部议

○辛酉礼部以今年庚寅请 上亲祭 东郊 上命暂遣公徐文璧行礼

○壬戌辅臣申时行等以豫教已有 明旨请 皇上亲定出阁吉期
< 铨-金 >入留中

○升吏科都给事中陈与郊为太常寺少卿提督四夷馆

○甲子改南京光禄寺少卿董裕为光禄寺少卿

○刑部侍郎詹仰庇以病乞休不允

○吏部尚书杨巍以病乞休 上慰留不允

○升山东副使吴同春为山东右布政使管理漕运事务○乙丑巡抚甘肃李廷仪奏言十月十二日套虏吉囊糾合火落赤等指抢生番两路并进侵犯射死居民抢掠牲畜乞敕兵部查议虏酋吉囊等容臣等差通官诘责如果认罪罚服免革市赏如或不悛重则问罪兴师轻则闭关谢绝以为款虏犯顺者之戒并行巡按御史分别各官功罪有无隐匿 上令兵部议覆

○巡按广东御史黄正色奏议防珠池四事一添设官兵以扼险要一限制船器以去盗资一分信盘诘以遏入路一重惩窝贩以杜匿藏俱如议行

○丁卯命左春坊左谕德兼翰林院侍读曾朝节右春坊右谕德兼翰林院侍读陆可教充玉牒纂修官

○戊辰 孝静毅皇后忌辰祭 康陵遣南和伯方烨行礼

○升河南参议李化龙为山东提学副使○升广东参议李蕴为贵州威清兵备副使

○辛未升南京大理寺卿张橧为工部右侍郎

○以万全都司佥书李茂春充大同入卫游击 壬申
仁圣懿安康静皇太后圣节奉旨免朝

○赐四辅臣上尊珍饌

明神宗显皇帝实录卷之二百一十九

明神宗显皇帝实录卷之二百二十

万历十八年二月癸酉朔吏部尚书杨巍奏南京御史王麟趾论臣大率以杜华先黄仁荣过期升转谓有心处之及所举弃者未尽如众议且谓杜华先尝论耿定向等黄仁荣尝论吴时来王世贞等谓臣报复不知科道外转原非劣处如言官但指摘一大臣即吏部避嫌不敢升转则科道之畏外转者亦但攻一大臣足矣若升官迟速自有职掌今诸臣未升者则以为遗弃已升者则以为粉饰不知必如何而可免乎麟趾之议耶< 铨-金 >入
上以麟趾出于怨望挟私妄言降二级调外任

○山东道试御史王明参陈与郊儉媚小人资俸俱浅猎转大拂輿评乞即行罢斥并敕该部以后推升须挨循资俸毋一味摸棱使儉邪得志得旨杨巍秉铨多年科臣升转酌量年劳才力如何妄肆讥评王明罚俸三个月

○巡按陕西御史连格上言延固二镇边事一议裁固镇驼马以省刍豆一议增冲堡将领以严虏防言延镇迤东五百余里唯神木孤山设参将二员今虏势猖獗最为难处议于高家堡改设游击一员量分在镇诸兵并原设额兵共足三千之数使之统领以资犄角一议竟要地甄城以资保障一议修大河水口以遏虏冲一议复要郡守备以控远塞言延安昔未款虏以前溃墙大举往往直抵郡中旧设守备宜照旧设复令其操练卫所军士以为捍御
上命该部详议以闻

○甲戌祭 三皇于 景惠殿遣侍郎黄凤翔行礼

○升应天府府尹陈文烛为南京大理寺卿升陕西佥事郭元柱为云南右参议 ○乙亥尚书杨巍言陈与郊以考察叙劳量加优升其来已久不在论俸之列臣奉职无状自当罢斥
上令巍安心供职勿以浮言介意

○南右都御史孙丕扬再以病乞休不允

○先是都给事中王继光条上屯政诸事命户部详议至是户部言各边屯政之弊非一或将官假养廉而侵夺其膏腴之地或卫官挟本官而占种其逃亡之田甚至豪右影射种无粮之屯地旗甲包纳赔无地之屯种而又督理清查无责成之专官每岁参罚尽鬲葺之武弁申飭虚文未臻实效议令各该衙门严核侵占影射之弊实逃实荒地亩查堪种者招抚开垦抚按官年终奏报诏如议行

○丙子以协理京营戎政兵部尚书郑雒总督仓场户部尚书杨俊民充经筵侍班官

○丁丑祭 先师孔子遣礼部尚书于慎行行礼○升太仆寺卿邵仲禄为应天府府尹

○戊寅祭 太社 太稷遣公徐文璧代

○己卯升左给事中白希綉为山东副使御史方万策为浙江佥事王道增为湖广佥事颜希范为河南佥事给事中万自约为陕西佥事升太仆寺少卿常居敬为太仆卿

○辛巳升工科都给事中张养蒙为河南左参政升礼科都给事中苗朝阳为太仆寺少卿

○山东道试御史万国钦言尚书杨巍尝称陈与郊为同心又自谓不知王麟趾为其乡人与郊之升转麟趾之罢斥皆巍等以恩讎为之因言近日举错不合人心唐鹤徵以行污被察叨转符卿已为逾分未几而又有常少之擢若李祯之起废多年久应迁转则必待鹤徵既升而后推焉是贤者反藉不肖以荣矣张一元以望郎司铎误升台官未为大过遂至一麾以出若陈应芳之清慎有声职掌无误亦且随一元牵带而斥逐焉是无过者反因有过以及矣种种舛错不可枚举< 铨-金 >入

上以张一元首违敕旨故薄处示惩万国钦不谙大体姑不究

○壬午 孝贞纯皇后忌辰祭 茂陵遣宣城伯卫国本行礼

○户部尚书宋纁以疾乞休慰留不允

○命魏国公徐继志仍旧 孝陵奉祀以已袭爵故也

○甲申大学士申时行等以 上暂免日讲经筵请进所撰讲章以备省览从之

○命左春坊左谕德兼翰林院侍读曾朝节清理贴黄

○南京兵部尚书杨成引年求退不允○乙酉吏部覆御史万国钦奏言唐鹤徵以见忤权贵误注察典起用非过方太常缺出时李祯以奉使未回就近推补因言臣向者因 皇上敕谕有劝诸臣同心之语不独对与郊为然王麟趾以同乡后进原无相绝之意御史所言得之疑似若张一元等以职业得罪与出位妄言不同臣等拟覆< 铨-金 >

申救御史已先言之补官之后容臣等酌量迁转

上以张一元等才奉明旨如何便请< 十见 >宥该部还力持正论共扶纲纪毋得畏徇

○南京御史彭而珩奏言章奏之体当厘而申飭所未及者有四臣闻古者上殿相争如虎下殿不失和气繇其所争者公而不私也今臣僚一有抵牾辄攘臂而相角形之奏牍则极力丑诋略无顾惜笔锋利于戈矛譙让类于市井此其所争者果公耶私耶夫以忿戾之气而对至尊以谏嫚之辞而渎 天听不敬莫大乎是此臣之所未角□羊者一也臣之事臣义当无隐故论列人物者某也贤某也不肖可以其事闻即可以其人闻庶几无隐之义迺来章< 铨-金 >

中往往阴指其事而讳言其人或有所游扬或有所攻击夫以人臣进言不务明白而务暧昧致烦人主之揣摩此臣之所未角□羊者二也奏对之言宜寡而不宜多近世发言盈庭常如聚讼弊端每起于细微议论遂至于烦冗摭及琐事则蔓引株连逞其雄辩则翻云覆雨苟可匠意噂沓无所不至言安得而不多此臣之所未角□羊者三也论人者固不嫌于

风闻尤贵于核实近时论劾之< 铨-金 >动引民谣为证大都多失其真或无是语而藉口以售其簧鼓之计则为欺而已矣此臣之所未敢角□羊者四也夫朝有恣睢之臣则雅道伤人务机巧之习则忠信薄烦言兴则相率而为佞讹言售则相率而为险章奏中有此四者未免辱国体而坏人心此其弊安可不厘之也乞饬臣工凡有章奏务循体式得旨章奏体式前有旨申饬近来仍不遵依今后务遵前旨着实厘正行

○以总督宣大标下游击马林充分守蓟州太平寨参将

○丙戌陕西道试御史鹿久徵上言藩臬二司为守令表率乃令袭舛踵弊以为生民之梗或滥准词讼私润囊橐或喜人奔竞矜饰厨传或喜怒任情轻听夤缘乞敕申饬以后二司仍踵前弊者严为劾论毋使旷瘝之臣得以□官联而壅仕路诏下部议

○丁亥升胡汝宁礼科邵庶工科俱都给事中杨文举吏科左给事中洪有复礼科张登工科俱右给事中○郑王厚烷忠孝兼全善行表著礼部请遣官旌奖报可

○巡按直隶李光祖奏言淮南盐课繇扬仪而入大江直达南直江广利何远哉乃盐场为兴利之本而盐场河道又其道利之源数年以来海潮不时渐来壅塞□灶日困额课日亏连岁荒歉困苦益甚议于角科场浚灶河三道并夏荻港筑土堤一道及海口灞加钉桩木以免潮汐内灌富安场浚灶河三道梁垛场浚灶河三道安丰场浚河五道拼茶场浚出场河一道其修工诸费即于具贮挑河银两及徵收累年□久支用部覆如议从之

○陕西道御史李颐言臣按余干故儒胡居仁质本深潜学繇积累其进修以力行为实地要领以主敬为持循慕道安贫日寻孔颜之乐穷经讲学深得濂雒之传宴处而存省益严饬躬而细微必谨其他如孝友之实行履历之大致即今愚夫小子皆能述之诚所谓躬行君子斯道先觉也当时本省副使夏寅往咨时政得失其水利十条命有司行之百姓致今称便提学僉事李龄聘主鹿洞立讲学约< 矢见 >而后学守之与朱子教条并传其平居著述有易传春秋传今颇散逸失次存于世者有居业录有粹言有文集其间议论广大精微高明平实莫非羽翼六经发挥斯道其有功于 圣明非浅鲜也宋儒自周程张朱而下我朝理学若薛瑄胡居仁皆传得其宗者夫薛瑄济时行道其学术事功譬如景星庆云人共快睹居仁隐处草泽不求闻知而名动海内称之者辄等之瑄臣愚所以必信今之从祀者自瑄而下无有右于居仁也下礼部覆议允其从祀○戊子陕西临洮府天鼓鸣

○户部奏言工科右给事中曲迁乔议行条鞭之法以差银必兼丁地定地必较肥瘠觅役必厚工食我国家因田以制赋按丁以审差即古有田则有租有身则有庸之意但法久弊滋于是不得已立为条鞭之法总括一县之赋役量地计丁一概徵银官为分角□羊雇役应付虽非 祖宗之旧制亦革弊之良法矣但有司行之有善有不善是以地方亦间有称不便者今宜行各抚按将见行条鞭之法或有司奉行未善者则随宜酌处如病在雇役则宽议其工食使人不苦于应募如病在里甲则严禁其暗用使人得安于田亩或则壤成赋勿使下地暗包上地之粮或九则徵银勿使贫民概应富户之役调停既当人自乐从诏如议行○庚寅祭

大明于 朝日坛遣定国公徐文璧代

○辛卯 恭仁康定景皇帝忌辰祭 陵寝遣惠安伯张元善行礼

○癸巳升云南都司佥书李应旸为广东都司掌印

○丙申祭历代帝王遣侯吴继爵行礼伯毛登王应龙尚书于慎行王一鹗分献

○山东道御史韩介条上吏治四害三弊 上以其< 铨-
金 >下部院令行申饬再犯的抚按官一并参治

○丁酉直隶顺德府地震星陨如火隐隐如鼓声

○补原任吏部验封司员外郎邹元标先是吏部铨补元标< 铨-
金 >上留中部科诸臣屡以为言逾年乃有是命

○戊戌南京工部尚书李辅卒赐祭葬如例

○大学士王锡爵言臣见近日以来外廷纷然或露章显诤或屏立私语不曰册立豫教之旨何故不行则曰邹元标姜应麟等推用之< 铨-
金 >何故不下臣愚谓册立之典虽未举行然皇上自有长幼之说臣等不必争岁月之蚤晚惟豫教一事则不论 皇长子皇次子年至九龄俱当出阁臣等今年为 皇长子请亦将待后年为 皇次子请乞 皇上明示吉期安四海臣民之仰又言邹元标诸臣或追录在前理无追废或惩艾已久法得叙迁又或有言虽无当而其人无他过意在纳忠者乞 皇上并赐包容又如李材报功不实执引红牌定罪未免枉有司之平而貽公论之惜亦宜稍为宽减< 铨-金 >入留中

○己亥原任日讲官右春坊右谕德兼翰林院侍读吴中行奏辩御史蔡系周参< 铨-
金 >得旨以事情自有公论不必奏辩

○庚子吏部尚书杨巍累< 铨-金 >乞休
上特准致仕着驰驿去仍令有司岁给人夫月米

○以阅视延宁甘固四镇边务命总督郅光先荫一子入监读书梅友松等各赏银币总兵杜桐等各升赏有差田汝经等革任回卫

○大学士申时行等请 上御朝讲不报

明神宗显皇帝实录卷之二百二十一

万历十八年三月壬寅朔 孝肃皇后忌辰祭 裕陵遣彰武伯杨世清行礼

○甲辰直隶大名府诸处狂风自西北方起白昼晦冥天色忽赤忽黑其风至次日方止山东兖州府诸处黑风扬沙坏城楼廨宇庐舍伤男妇五人河南开封府彰德卫辉归德等处风霾自西北起天气黑赤枪刀上俱起火光冻压溺死三百六十余人坏城郭庐舍拔木伤稼

○乙巳以清明节遣丰城侯李环等隆平伯张炳等分祀 诸陵

○丙午实授御史樊玉衡等三十六员

○以擒叛贼李茂陈德乐等功升两广总督刘继文俸一级仍给银币文武官叙赉有差○云南镇抚差角□羊孟养宣慰司贡牙象银瓶金盃绒锦诸方物按孟养土司自缅甸不遑入贡之典历世久废至是抚臣萧彦以为请部覆宴赏如例

○丁未工部左侍郎魏时亮三年考满荫一子人监读书

○以延绥入卫游击将军左国卿为参将分守延平堡地方

○升陕西永安堡守备王从诰为宁夏游击

○都察院左副都御史陈于陞言臣于清明节陪祀 康陵三更时赴候门外忽闻有人催臣行礼臣与光禄寺丞詹沂行至丹墀是时斜仪班中屡曰遣官如何不来臣察其语音大似酒狂即与詹沂却立北庑檐下少顷遣官至矣传赞跪拜斜仪两班亦相对跪拜跪起踉跄殊不雅观臣因查访乃户科给事中杨凤误入北序斜仪班中御史杨镐等俱站南班序班张班等南北对立亦随班跪拜于礼均属有违乞加罚治次日杨凤亦具＜ 疏-金 ＞自理 上以其摭饰强辩命与张班俱调外任杨镐等罚俸于是给事中胡汝宁叶初春侯先春杨文焕章尚学吴之佳纷纷出＜ 疏-金 ＞大率谓科臣在监礼之列已非一日于陞因行礼来迟畏人糾弹故为先发以箝人口＜ 疏-金 ＞语非实于陞亦上＜ 疏-金 ＞请罢令照旧供职

○庚戌陕西固原州地震

○壬子起补陕西右布政兼佥事邢玠于山西阳和兵备

○巡视厂库给事中章尚学以节慎库失银参主事王兆禄疏虞故纵令勘明定夺

○南京刑部尚书王世贞再＜ 疏-金 ＞乞休许之

○乙卯 武宗毅皇帝忌辰祭 康陵遣成山伯王应龙行礼

○升吏部稽勋司郎中曾士彦为浙江右参政

○车里宣慰司土官刀糯猛差头目賚象牙犀角及緬盒緬布絨锦等物来贡仍传莽叻喇归顺之意巡抚云南右佥都御史萧彦题宣慰刀糯猛者臣附中国有年而地近莽为其所逼而□莽者亦已有年后以元江那恕之招回心内向备物献琛伏蒙 皇上赦其前愆准以承袭优之赏赐数年以来感恩益深图报无地日欲招莽以为己功今莽酋悔祸归顺虑其不宥其不敢即通中国而托之车里元江其情诚宜有之然臣等以为中国之于夷狄虽尝假以＜六十见＞大之恩而未始不严其冠履之分惟去来任彼斯远人之来益固必操纵在我则中国之体常尊自古制御上策未有易此莽之归顺出车里元江口耳既无莽夷可审又无莽文可据而车里元江乃欲賚我賚以释莽之疑夫安能必其为诚而先赏之乎我先之是损国体也然车里元江之夷言之甚力又安能逆其为伪而径绝之乎径绝之是携夷心也揆之事理参之众论仍令车里元江传谕朝廷恩威许以自新彼自怀我好音遣使输忱姑被以角□羊网之仁如终于冥顽托之空言则仍拒以闭关之义俟有的据乃敢上闻至于车里方物之进诚无当 天府之一毛而原其向化之诚固已徵帝德之无外臣亦安敢不为转闻于 君父也礼部覆请赏賚如例从之

○代州夜初更坠一星声如雨光如烛少顷天鼓声如雷

○丙辰以宋纁为吏部尚书○丁巳巡按山西御史秦大夔奏言河东盐池屡遭水患及于东西二池条山风洞诸神两举祭告遂至水减盐生倍于往日乞各请封号列之祀典部议以国朝厘正祀典岳镇海渎俱别无王公封号宜于三祠总门请钦定祠额以昭虔报命赐额为灵佑

○庚申山西代州诸处夜戌时有火星自东南带火流于西北其声如雨其光烛地散坠天鼓大鸣

○广东徐闻县知县陆策犯赃抚按交章论劾吏科以参政徐应奉等册报不实未免矢察之咎部覆得旨应奉等降一级调用

○太仆寺少卿唐尧卿条议马政数事立徵角□羊起俵之法严寄养买补之例重巡举劾之权兵部议覆诏如议

○辛酉辽东寨儿山堡火起狂风大作焚毁城堡器械伤军丁男妇九千余人○准授蜀府德阳王府镇国中尉承杰为宗正从御史傅霈请也

○以五军三营参将王椿充神枢营左副将

○壬戌起原任南京礼部左侍郎韩世能为礼部左侍郎兼翰林院侍读学士工部右侍郎魏时亮为南京刑部尚书

○以石星为户部尚书

○以宣大山西贡市事竣赏督抚镇诸臣郑雒萧大亨等银币有差

○升江西南昌知府范涑为江西副使

○癸亥以擒斩黎贼论功原任总督吴善赠官佥事许国瓚等各赏有差

○调南京刑部右侍郎朱天球于工部○己巳以总督漕运户部右侍郎兼右佥都御史舒应龙为南京工部尚书巡抚江西右副都御史庄国禎为南京刑部右侍郎

○以副总兵管分守辽东海州参将事孙守廉协守辽东东路地方

明神宗显皇帝实录卷之二百二十二

万历十八年四月壬申朔以孟夏时享 太庙遣公徐文璧代侯吴继爵李言恭分献

○先是福建道御史钱一本论劾原任巡按江西御史祝大舟贪赃不法奉旨扭角□羊来京究问大舟亦将一本先任庐陵知县贪赃不法事奏辩并下法司于是都御史吴时来等言都察院乃纲纪百寮之地御史乃执法风宪之官今一本论大舟丁忧闻报两日票取三千金彼事无质证即镇抚司打问安能尽吐情实人卷无徵即法司详议安能单词悬断乞持遣执法风力官前往江西勘实具奏庶公道既昭纲纪以肃得旨钱一本奏内原说有祝大舟支取赃银案卷著刑部便差官前去守取来京地方官不许遗漏容隐○陕西固原州天鼓鸣

○癸酉禁擅击登闻鼓令各王府宗室军民人等非系重大事情蓦越禁地击鼓称冤者依律重惩

○乙亥升五军三营参将王椿为神枢营左副将

○辽东镇西堡旗竿上忽起火光一尺经时方灭

○丙子升大理寺左少卿任养心为右佥都御史巡抚江西大理寺卿周采为兵部右侍郎兼右佥都御史总督漕运巡抚凤阳等处

○兵部覆巡按陕西御史崔景荣奏言明爱威正二酋款贡有年今乃肆行侵掠残害地方渐不可长先应革其市赏俟其悔罪乞哀方为奏请开复质其擒虏俟其尽还人畜方将原虏放还仍请治在事文武诸臣之罪< 毓-
金 >入令依拟坐营官胡世英革任指挥防守官穆应登等提问同知王梦熊等罚俸

○诏发太仆寺马价银一十一万七千两有奇于辽东买补马匹从巡抚郝杰请也

○丁丑宣辽东捷先是东虏土蛮男卜言吕周等会合西虏义汉塔塔儿糾众入犯总兵官李成梁等领兵斩首二百八十四颗礼部题请于是日
皇上常朝之期行宣捷礼百官称贺如例遣公徐文璧祭告 南郊侯吴继爵
北郊驸马许从诚 太庙各祭告

○论辽东剿虏功加李成梁岁禄五千石原荫男李如禎本卫佥书张国彦郝杰各荫一子入监读书本兵王一鹗等赏银币其余文武将士各升赏有差

○高邑县人杨大银耕地忽闻天上如鼓响白云一股自天垂地似大风声少时声息气散地上有坑半尺余坑内一石高三寸方三寸三棱乌黑色

○戊寅大学士王锡爵以母病乞暂假调理许之

○升大理寺右少卿孙旬为左少卿以左寺丞姜璧为右

○南京都察院右都御史孙丕扬以疾乞休不允

○升太常寺少卿卢维桢为大理寺卿

○陕西鲁班等七寺刺麻番僧领占瓦丹等三十四名赴京进贡宴赏如例

○巡按直隶御史乔璧星奏言安庆府各仓库银米光任典守各官或擅行侵欺或通行侵欠丛奸积弊所当严查乞敕该抚按官一切钱粮从宁邸事变查起其干碍各官请旨重治部议以年月久远势难尽查转滋耽延宜止自隆庆初年查起得旨依拟○南京户科给事中郝杰陈学政数事一禁党聚一禁改学一禁呈言一禁钻刺仍乞敕提学官考试惟以激劝德行为先不专以品课词章为主礼部议覆从之

○庚辰大学士申时行等因灾异陈言请 上亟举三事一曰勤视朝以修 圣政二曰教元子以重国本三曰恤刑狱以召和气言臣等先于正月有册立 元子之请册立未许乃请豫教又于三月有朝讲之请日讲未御专望视朝今皆未蒙裁答未见举行然欲慰人心仰承天意莫切于此至于人命最重狱情难知若用法不平多有冤抑其冤气菀结亦足以上干天和今 圣躬偶因动火静摄计日万安乞示御门之期使群臣得瞻 天表信豫教之旨使元子得养圣功及今热审届期特下明诏令两京法司及各问刑衙门见在轻重囚犯虚心研审如可矜疑亟为伸雪其余大小政务乞敕诸臣加意讲求务在涤虑省躬修职任事此臣之所惓惓愿望者也伏惟 圣明裁察

○升北直提学御史杨四知为大理寺右寺丞

○辛巳升浙江左布政使吴自新为太常寺卿

○南京福建道御史彭而珩奏言各边屯政缘无专官督理以致废弛日甚乞特遣御史二员专理屯政部议以边土荒凉财力告绌增设专官益滋供应烦费宜责令各该巡按官就便举行诏如部议

○工部覆蓟辽总督张国彦奏广宁九卫地属河西原不出产铜铁岁造军器每年俱辽阳收买海州等处装运往返数百里车牛倒损屯民苦累议以九卫军器局作改设套岫峪各卫摘发局匠就彼成造从之

○诏以山东布政司库贮衡府奏辞任支银两给发七千九百九十余两量补本府历年欠禄衡府新封匱乏甚于诸藩至是王以为请故也

○御史彭应参条上边事一劾边臣言往年套虏跳梁西宁副总兵李魁奋不顾身效死边疆议者犹罪其丧师不许子孙承袭镇臣刘承嗣抚臣曹子登平时不惜士卒贪暴相济以致激乱家丁乃甘肃之役论去未几而仍复向用劝惩之谓何乞敕部议李魁阵亡仍令子孙承袭刘承嗣如谓其才尚可用见今西宁多事令调任以副将立功曹子登贪暴无奇不必复议用部议以李魁当瓦酋认还人畜餽刀说誓之时而乃穷追不已以致殒身丧师本部覆勘尚未奏报未尝定议不准承袭刘承嗣以训练之严激变军士已经勘明奉旨起用似难别议近日该镇虏情叵测正本官立功报效之时宜令承嗣移驻虏窺附近处所侦探调度以保万全仍行该巡按官将李魁子孙应否承袭速勘具奏报可○癸未 上谕法司近来灾异叠见雨泽愆期朕衷深用警惕恐刑狱冤滥上干天和两法司并锦衣卫见监罪囚答罪无干证的放了徒流以下便减等拟审发落重囚情可矜疑者著虚心鞠审并枷号的都写来看南京及各省一体通行

○赐原任南京户部尚书蔡尧廉祭葬从其子兵部主事应麟请也

○甲申 孝懿庄皇后忌辰祭 昭陵遣武平伯陈如松行礼

○工部议以全楚灾伤自十七年春起至十八年冬止该省未角□羊事例银两尽数扣留以济饥民从之

○乙酉 上谕内阁昨览卿等所奏具见忠恳朕因去岁动火屡服凉药过度以致下部虚软虽然尚可支持自新春以来心肺二经之火上攻两目涩瘴不能远视怕见风日非朕偷逸前已著人传示卿等知之待朕疾少瘳即与卿等面晤卿等今说人命至重狱情冤抑狴犴苑结此皆刑法不中百姓困苦朕虽有失感格之方亦皆诸司奉职乖戾卿等还传示刑部都察院著行文与南北两京并天下诸司问刑衙门今后务要虚心审理勿致枉直不分以干上天和气象教事已知仍候旨行是日时行等具< 銙-金 >候 万安仍再申前请不报

○丙戌升湖广按察使刘应麟为浙江右布政使

○诏发太仆寺银六千两差官犒赆辽东从征军士从督抚诸臣请也

○升陕西都司僉书滕光国充宁夏游击

○陕西督抚梅友松等奏言虏酋火落赤等糾众逼近归德所谋移捫工川建寺住牧为谋叵测又称固镇河挑一带旧无虏患自俺答遗子丙免后与酋首克臭等恋住莽刺川遂成巢穴若火酋再据捫工川则为关陇腹心之患因条上御虏诸务部议以固镇归德所属虽内地而远处番丛势甚单弱捫工川虽属番穴而密迩河洮实我藩篱宜令该文武官倍常愆飭仍责火落赤等谕以大义令其回巢如或执迷不悟内振兵威外鼓番族严行驱逐仍谕令顺义王谨守款约无听要结一切战守事宜督抚官详议行得旨该镇虏情著督抚官相机处置毋致疏虞

○戊子以祈祷雨泽祭告遣定国公徐文璧于 南郊恭顺侯吴继爵于 北郊临淮侯李言恭于 山川伏羲伯毛登于 风云雷雨坛各行礼

○礼科都给事中胡汝宁等奏言孟养土司来贡止凭抚按代奏夷情不获上闻请今后土司进贡取具彼处番文投进译奏部覆以四夷朝享事例不一徼外土官贡无定期每夷使赍到申文译审明白抚按官代为奏进此系旧例今本夷从叛日久一旦慕议来庭如虑奏内情节有所未尽宜令今后孟养土司进贡照例据申文译审代进但奏内不妨备载原词如欲上书陈奏事情即将番文表章实封投进< 铨-金 >入报可

○己丑升刑部广西司郎中郑邦福为福建副使

○广东督抚按奏言东安西宁二县为两山根本而掘峒为罗定要地议以东山参将改驻东安县城西山参将改驻西宁县城中路守备春夏驻劄州城秋冬专驻掘峒兵部覆奏从之

○户部覆总督陕西梅友松奏言西宁洮河一带虏酋游牧逼近内地议于广积仓见贮客饷银内动支五千两收买粮草以备缓兵支费再动银一万四千两采买粮草酌发要地以待兵临支用仍议本部见行事例就彼开纳本色粮料放给主兵易换民运折色拨抵前银诏如议行○癸巳升南京通政司右参议郭惟贤为应天府丞升山西平阳知府蒋希孔为湖广副使鄖襄兵备

○甲午四川抚按奏请添设龙安县治并请钦定县名命县名为宁武

○乙未御史彭应参条上三事一用说言言御史王麟趾抗< 铨-金 >论事顷皇上罪其怨望重加降调傥诸臣中偶经罚俸辄思结舌窃恐将来人怀畏忌不敢尽言乞皇上将建言诸臣次第擢用以作敢言之气一杜巧宦言都给事中叙俸迁转一内一外此定例也去岁唐尧钦已转京堂彼时姚德重希避外转临期告病继之者当复有人吏部竟以德重之故畏而不敢推父兄京堂子弟不得为谏官此亦定例乃新选给事中沈之喺南光禄卿沈节甫弟也节甫以年老不久引退遂令之喺托病都门请告而归他日之喺限满正伊引年之日也并猎美官为计甚功一重荫赏南刑部尚书王世贞被论改补未两年而取荫已经摘参部覆强引大臣起补前后通理之条不知世贞以副都御史升南大理卿寻改应天府尹后升刑部侍郎考满时却去府尹一节不论而径以副都御史之俸通理有此典制否至于黄河关系 陵寝漕运厥任匪轻去岁河决两河之民为鱼科臣亦尝< 铨-金 >其事矣终未有大处分后竭两省财力幸而成功一时大小臣工加封进秩俱叨升赏宿松之盗刘汝国一鼠窃者之流耳恶焰扇播道路为梗聚数省之兵民财力戮将损民幸能成擒朝廷不爱金帛赏焦头烂额之功而纵寇殃民之知县文立本至今且宴然无事爵赏如此何以劝惩<

铨-金 >入诏下部议吏部议覆以建言诸臣虽醇疵不同然忠爱之心则一容臣等酌量推用科臣姚德重以患病归里暂停升转俟其病痊仍补以原应升之职沈之喺当考选时其兄节甫犹太常寺卿不在三品京堂之例之喺选后告病与节甫无与仍俟病痊之日查例改授王世贞改满先经御史黄仁荣论劾本部已覆奉 明旨无容别议既经御史指摘请自今后

改调官若未调有衙门及虽调有衙门而未经到任者考满准前后通理而工部亦以河工加恩系万历十七年事报完堤工原未冲决河决之处乃单家口系光年旧堤原未修筑＜
毓-金＞入俱报闻

○丙申宣府诸处天鼓鸣火光鸣坠如斗

○丁酉大学士申时行等奏言刑部热审罪犯李材刘天俸未奉 圣谕处分二犯报功失实诚属有罪但臣等参酌事情访问众论皆谓孟养土司见在礼部二犯出兵救援招来久叛夷人功有可录其所报首级止是数目不对原参止云割死尸未曾杀平罪亦可原且二犯监禁已及二年当此天恩浩荡之时乞将材等与矜疑罪囚一体发遣不报

○升南京尚宝司卿胡用宾为南京通政司右参议升巡抚应天右副都御史周继为南京户部右侍郎总督粮储吏部文选司郎中刘希孟为太常寺少卿提督四夷馆

○己亥朝鲜国王李昖差陪臣郑琢等奏谢颁给会典贡方物马匹宴赏如例

○庚子遣修撰朱国祚编修全天叙等充正使行人赵乔年庄懋华等充副使持节册封衡府衡世子常＜ 彡 庶＞等并夫人王氏等为妃

○以端阳节赐元辅申时行次辅许国等讲官李长春等金书红黄符并金艾叶有差

○建州等卫女直夷人奴儿哈赤等一百八员名进贡到京宴赏如例

明神宗显皇帝实录卷之二百二十二

明神宗显皇帝实录卷之二百二十三

万历十八年五月辛丑朔升光禄寺寺丞詹沂为南京尚宝司卿升整饬苏松常镇兵备副使李涑为右佥都御史巡抚应天等处

○以宁夏镇河堡堤坝城垣工完叙录在事诸臣巡抚梁问孟以下各赏有差

○癸卯大学士王家屏因灾异自劾言臣起田间再纵同官三臣后参预大政一年于此居官甚宠受禄甚厚所叨大官供饩上方赉赐甚丰乃程功计能曾不得比一官之职昔有人言宰相上佐天子理阴阳顺四时下育万物之宜外抚四夷内附百姓使卿大夫各得其职其任之重未易举也如此今时则更难矣天鸣地震星陨风霾川竭湖涸之变叠见于四方水旱虫螟凶荒之患天昏礼瘵疠疫之殃交丛于累岁天时物候乖沴如此则调燮之难套虏蠹屯于狭土蛮獯獯于辽贡市诸夷复虎啖狼贪于宣大虚内以事外内已虚矣而外患未休竭民以供军民已穷矣而军饷积缺民生国计匱乏如此则均节之难至若议论纷纭罕持大体簿书详致祇饰靡文纲维屡弛而玩愒之风已成名实浑淆而侥幸之途渐启士风吏治惰窳如此则董正之难以至重之任当至难之时而臣愚智不能赞一筹力不能效一臂则安用臣为哉顷者皇上深居静摄朝讲稀临计臣一岁间仅仅于去年八月一奉朝参今年元旦一奉召对而已间尝一进瞽言略蒙慰谕竟与诸司章＜ 銙-金 >事关＜ 矢见 >谏并寝不行目今骄阳烁石飞尘蔽空小民愁痛之声殷天震地而独未彻九阍之内上轸皇情此臣所以上负恩慈中慚同列而下覩颜于庶官百执事者也臣用是自列罪状冒渎宸严乞赐罢归以避贤路＜ 銙-金 >入不报

○都御史莫时来以病乞休不允

○甲辰大学士王锡爵亦因灾异自陈言臣之在事满五年矣兹五年之内朝讲一月疏一月一年少一年四方无岁不告灾北朝南寇在在生心太仓藏钱廩米枵然一空而各边请饷各省请赈茫无措处皇子册立大典尚未举行即豫教急务亦尚停阁见今京师亢旱风霾人情汹汹求其召灾之故而不可得则有妄传宫庭举动归过皇上者臣谊属股肱职叨辅养主德之未光则臣不肖之身实累之伏惟皇上察臣无状首赐罢免得旨灾异叠臻朕方切兢惕卿辅弼重臣岂可引咎求去宜即出佐理不允辞

○宣府诸处天鼓鸣○乙巳以端阳节赐辅臣上尊珍饌

○辽东孤山堡等处旗竿并棍头忽起火光灭时不毁

○升南京刑部云南司郎中陈勛为四川副使分巡川北

○建州等卫夷人都督指挥松塔等九十七名赴京进贡宴赏如例

○丙午大学士申时行等请发同官王家屏自陈原＜ 铨-金 >不报

○刑部尚书李世达以病乞休不允

○戊申 上圣体偶违和召太医院官进内诊视是日大学士申时行等具＜ 铨-金 >恭候 万安因再请发家屏＜ 铨-金 >不报

○己酉大学士王锡爵乞假调理许之令痊可即出

○庚戌以祈祷雨泽祭告 南郊遣公徐文璧 北郊侯吴继爵 社稷侯李言恭 山川伯毛登 风云雷雨伯王应龙等各行礼

○左都御史吴时来以病乞休准回籍调理仍令驰驿去

○辛亥户部覆延绥督抚奏议处钱粮五事一开垦荒田言榆林延绥三卫抛荒田地数多议于各步军内摘发每军二名给地三顷官给牛种等卖每岁所获除偿官外一半充饷一半给军一＜ 铨-金 >通窆运言本镇东路险远窆运难通唯有盐引一节可倚为命议于见派各引斗头务以时估运纳不致拖欠其客贩采买如有土民势豪肆行阻滞者严行究问一清屯额言陕西各边屯政久废延绥尤甚议各抛荒田地召人承佃不堪种者即为除豁一广开纳本部见行事例不拘本省及河南山西邻近州县愿纳本色者减免脚价赴镇上纳愿纳折色者或于本镇或于陕西布政司上纳类角□羊该镇抵充拖欠之数一督逋赋延镇二府应徵钱粮每多拖欠宜责令督粮参政于夏秋之交巡历地方并管粮郎中严为督催自知府以下一体参治卫所屯种责成兵备道如不及数照民运例参治诏下部议行

○日讲官礼部侍郎李长春等请 上临讲报闻

○御史陈忬＜ 铨-金 >请 上临朝并论中官张鲸往日图进专权及见 皇上聪明神察太阿难于弄柄志意未酬岂无怨望夫以万乘之侧而容此辈日侍禁卫倘怪起不支悔将何及乞屏去鲸或早遣留都以杜隐忧诏下所司

○云南道御史朱应穀＜ 铨-金 >论辽东捷音未可信以为实甘肃失事未可视以为轻宜敕该部早为计处并乞申飭各督抚官共捐习套保守边强仍望 皇上常召辅臣本兵讲求安壤至计＜ 铨-金 >入 上以其轻信妄言置之

○甲寅大学士王锡爵以疾在告 上命中使赐猪羊米酒甜酱瓜茄等物旋具＜ 铨-金 >谢

○乙卯升云南副使王任重为陕西行太仆寺卿兼佥事分管点闸马匹

○丙辰 上视朝时 圣体初安步履尚艰因各处灾伤勉出仍令速议蠲赈以闻于是大学士申时行等奏言窃闻旱灾甚广自北直隶地方至河南山东江北夏麦俱已全枯秋禾未能布种但夏灾奏报列在五月间然小民冀望 圣恩甚于饥渴若不待奏报先布德音尤足以收拾人心消弥祸乱至于饥荒之际盗贼易于窃发亦宜通行申飭以备不疏 上谕户部朕念小民贫苦今岁又罹旱灾各该被灾地方著抚臣上紧具奏巡按御史勘实前来查照分数蠲免其积有谷石去处便从宜放赈重灾地方还多方设处赈恤谕兵部朕念各处灾伤地方盗贼易起所司往往避事偷安不行用心缉捕甚则隐匿不言玩寇养乱各该抚按官还严行稽察务督率所属申飭保甲实练兵壮潜消祸本无得疏懈

○丁巳 上命文书官李相到阁著辅臣时行等传与家屏令到阁办事时行等＜ 铨-金＞请仍乞发下家屏原＜ 铨-金＞不报是日家屏随具＜ 铨-金＞谢仍请假调理许之

○命翰林院修撰王庭撰编修周应宾简讨季道统编纂六曹章奏

○户部尚书石星等奏言太仓银数今岁出数不下四百余万及查见在库银仅四十余万窖房银仅一百一十七万今南直浙江湖广诸处见被灾疫淮扬以北连河南山东北直隶山西陕西俱报旱荒若不及今破格一处各边年例四百余万之资何所给发各省直亿万生灵之众何所倚赖各寺库数十万两之费何所措办除内庭供应监局例有近年所增浮于祖宗之旧者容臣等酌议请省仍乞敕下南北九卿科道官悉心计处覆请施行 上令各条议以闻

○升刑部尚书李世达为左都御史

○己未调分守宣府中路葛峪谷左参将马栋为宣府北路独石等处左参将

○礼部覆衡王翊钺嫡三子常□□贝□以辅国将军改封为镇国将军言令甲郡王入继亲王日后子孙除继统之外当为镇国将军翊钺既进封亲王反降其子为辅国是并本等爵级而降之矣所据第三子常□□贝□当照原封郡王世次转封本等爵级诏如例

○辛酉夏至祭 地于 方泽遣公徐文璧代侯吴继爵李言恭大学士许国礼部尚书于慎行分献○大学士王家屏以疾在告 上命中使赐猪羊酒米甜酱瓜茄家屏具＜ 铨-金＞谢

○陕西慧济扯把等寺僧马尔完卜等八名进贡宴赏如例

○癸亥 仁宗昭皇帝忌辰祭 献陵遣怀远侯常胤绪行礼

○户部奏大造天下黄册

○甲子勘西宁阵亡失事功罪游击张一贵革任回卫僉事万世德降调阵亡阿承印等各升职追赠李魁原无祖职荫一子冠带总旗把总彭大胤等各拟罪发落

○追赠原任少师吏部尚书大学士李春芳特进以其子茂材考满加恩故也

○升南京吏部尚书陆光祖为刑部尚书

○工部覆巡视厂库科道官条议四事一裁库役一复鞫单一清预支一核事例并乞将巡视道臣以一年为满如谓增差不便巡视芦沟桥差务稍简可以兼管都察院议覆从之

○以吏部右侍郎孙鑰为南京礼部尚书

○兵科给事中薛三才言近日辽东捷报未必尽实乞行该巡按御史严勘部议以辽阳报捷系巡按徐元具奏唯按臣于辨验首级之后有核勘功罪之< 铙-
鉦 >乞敕速奏以别真伪从之

○丙寅 穆宗庄皇帝忌辰祭 昭陵遣永康侯徐文炜行礼

○兵部覆两广督抚奏广西总兵原驻省城移镇宾州三里实为未便乞敕停罢于本省参将内选谋勇兼资夷情惯熟者思恩参将驻劄三里诏可

○己巳 上视朝

○兵部以下雷山□岡土官男许应圭父子建功乞改升州应圭升州判官命依拟

明神宗显皇帝实录卷之二百二十三

明神宗显皇帝实录卷之二百二十四

万历十八年六月辛未朔改兵部左侍郎衷贞吉为吏部左侍郎

○壬申大学士王家屏再＜ 铨金 ＞乞休慰留不允

○癸酉以海盐塘工成叙赉先后在事诸臣巡抚傅孟春以下升赏录荫有差

○升贵州铜仁以都指挥行事王一麟充四川松潘东路游击

○延绥督抚梅友松等奏言明爱二酋生事甘肃宜声其犯顺整师行讨仍明谕卜失兔等如能追问罚服各酋献还人口姑令贡市如其不悛即闭关谢绝俟其入犯决意征剿文武诸臣果能破敌摧锋大加褒赏少有损失无绳以文法兵部议覆从之

○甲戌以雨泽大霈告谢 南郊 北郊 社稷
山川等神赐辅臣祭品○升宣府云州堡守备张臣充蓟镇松棚谷地方游击

○乙亥礼部奏言本年七月朔孟秋时享
太庙旧例以午时为定期今日食初亏在本日未正三刻恐
皇上将事之后执事陪祀各官赴部救护奔趋未便请暂更巳时 庙享从之

○以原任大学士郭朴年八十遣官存问岁给月米人夫有差

○升工部右侍郎朱天球为左侍郎以左副都御史陈于陞为右

○丙子陕西甘肃临洮诸处地震坏城郭庐舍压死人畜无算

○升木□寻梧参将童元镇为副总兵管思恩参将事驻劄三里思恩参将洪梦鲤以原官移补木□寻梧从两广督抚请也

○丁丑太常寺少卿谢杰言 懿文太子谊则至亲分则至贵 累朝以来岁行九祭祭之之文咸称御名乃仅以祠祭署之奉祀主之疏以承尊贱以承贵苟非其类神必吐之斯何望懿文之来歆即至尊之体亦甚褻矣乞比照 哀冲
庄敬二太子及中山王徐达事例遣侯伯等官行礼礼部议覆
上命以后遣南京五府佾书官行礼

○戊寅升左佾都御史邵陞为左副都御史协理院事

○调副总兵管分守山海偏头关右参将事署都指挥佾事郑尚金为左参将分守宣府西路

万全右卫等处

○己卯户部议真顺保大四府各被灾地方存留夏税起运钱粮分别蠲停以苏民困从之

○都察院左都御史吴时来卒 上命照例与祭葬时来浙江仙居人嘉靖癸丑进士授推官选刑科给事中建言劾故相严嵩廷杖遣戍隆庆改元补吏科给事中历顺天府丞南京右佥都御史提督操江寻以巡抚广东被论调云南副使闲住万历乙亥起补湖广副使升左通政大理卿吏部刑部侍郎历今官初时来以直节著称抗< 铖-金 >权奸投荒万里颇为士论所推许及再起人微有訾之者然侃侃不愧大臣风节云

○庚辰以寿宫成升监督工程官穆来辅为通政司右通政洪声远为大理寺右少卿

○辛巳升巡抚河南右佥都御史周世选为左佥都御史协理院事

○广西道试御史熊元奏条议恤灾裕饷诸款一申命令以肃人心一留赎醵以备赈济一复盐法以实边储户部议覆俱如议行

○壬午南京兵部尚书杨成以疾乞休不允

○癸未 上视朝

○甲申虏酋火落赤等入境攻围旧洮州古尔占堡四散抢番洮岷副总兵李联芳分兵追逐陷伏阵亡督抚臣以闻

○先是 上以岁荒民困国用缺乏命两京九卿科道集议奏闻工科都给事中邵庶等言国家经制定赋远过前代至于今日利孔已尽无可复开唯是岁入日缩岁出日多臣愚以为当此国匮民穷之日宜行严稽如内而锦衣之带俸官役礼部鸿胪寺之译字生通事序班光禄寺之厨役各监局之工匠外而佐贰首领之添设九边年例与主客市赏之供亿诸如此类或昔无今有昔设今增者酌其缓急渐以革汰是谓以节之之道生之财不期裕而自裕矣臣等又闻增修城楼旦暮兴工夫以既竭之物力营不急之工程徒以饰观美恣渔猎亦不可已乎乞敕停止更乞申飭各监局诸臣岁修岁办诸料务行减派无徒召买以致糜竭仍望皇上加意撙节将太仓季进银两速行停止以为诸臣节束之倡< 铖-金 >入 上以京师城垣关系重大若坍塌日久将来费用愈多仍遵前旨勘估紧要者兴工修理○乙酉总理河道都御史潘季驯以增修泗洲石堤经用不足工部议给淮安府库贮停浚草湾银四百四十余两许之

○协理京营戎政兵部尚书郑雒以疾乞休不允

○升太常寺少卿吴自新为右副都御史巡抚河南

○先是巡抚河南都御史褚鈇礼科都给事中万象春议上恤宗通变诸事 上命即遣科臣往河南山狭并敕礼臣行山东诸省各宗室及抚按官会议至是秦王奏到命礼部参酌具覆其议封爵一款礼部摘请有云顷者科臣万象春议以郡王诸子定以伍位将军四子中尉三子以为封禄之额其额外人数虽许请封不必给禄止将额定诸子之禄通融分给窃计限禄之法行于一时似未为过唯以四五人之禄均之众人扣算分给必多争竞且传至数世分析愈广禄粮愈薄及其势穷益费区处臣愚伏思 祖宗之制原以服属亲疏为爵之崇卑故亲王之子必为郡王亲王之孙必为镇国将军曾为辅国玄为奉国而无服之孙以差世为中尉皆以亲王之服属为杀也臣等谓为今日计莫若计郡王之子与亲王服属远近各以世次递减其禄如始封郡王之子亲王之孙也长孙袭封众子为镇国将军无容议矣至于二代郡王之众子则亲王之曾孙也而同于孙则过矣请封镇国将军而食辅国将军之禄孙封辅国将军食奉国将军之禄曾孙封奉国将军食镇国中尉之禄而中尉以下不复减焉三代郡王之众子则亲王之玄孙也而同于孙则益过矣请封镇国将军而食奉国将军之禄孙封辅国将军食镇国中尉之禄曾孙封奉国将军禄亦如之而中尉以下不复减焉以至四代五代郡王之众子则亲王无服之孙也而同于孙则大远矣自此以后皆镇国将军食镇国中尉之禄孙曾之封辅国奉国者禄俱如之而中尉亦不复减焉此法若行以后开造 王牒及题请本内即将禄粮之数各注于爵号之下其镇辅奉国中尉仍食本等禄者照将军例三七兼支总之递减之法以四百石为止使其一辈之中爵有崇卑禄无隆杀恐亦人情之所乐从也况既欲行额禄之法将来额数已满必至不足若不先为裁省恐非善后之方则二法有不可偏废者也乞 皇上断自 圣心敕谕诸王各与该府宗人从长计议如果宗多禄少后难措给必立为定规犹可安享侯奏到覆议如一府宗室数满百位以上者查去始封亲王五世以外方照郡王服属递减仍自例后未封者为始其位属不多府分及去 帝系未远者照旧支給听从自便得旨宗禄事宜尔部既斟酌停当只著宗多禄少府分照议覆奏行还写书与各王知之

○礼部议奏处宗藩事宜一议额禄多少视爵崇卑原有定制但各府生齿日繁数溢旧额难以取盈议以各府额派禄粮仍增赢余截作定数日后子孙除亲郡王金支将军中尉扣数量减多少均分仍查自亲王五世以外方为扣减一议催徵藩禄钱粮向有存留款下有司漫不经心以致逋负日多议以各州县应徵钱粮凡派作宗禄者立为王粮名色另计完欠该道官并有司定例查参如王粮未完及分数者官吏不许考满仍于年终开送户礼二部以便稽查一议余禄各府王粮其积余之银即补灾荒年分蠲免应徵之数如各府遇有亲王薨故住支钱粮并盐课及绝府产业凡系一应杂派补禄之用者总报户礼二部毋致容隐一议开业各王府宗室子弟设有宗学教养其名粮诸宗及无名粮庶宗愿入儒学者与民间子弟一体考试其无名粮花生传生农□之业听其自便一议城禁各宗既已开业自当< 六十见>自城禁在学者给批考试农□者许于封城四境生理一议刑责凡宗室有犯其无名粮者与同齐民一体问拟一议奏请将军中尉以下请名封者各长史官结勘启王具本赍发该巡抚官于每季仲月具奏各宗仪应得诰命俟用宝后咨行吏部令进表官顺赍给发各府请名具题后翰林院撰拟双名填给勘合行各王府知会春季题者定于夏季终抄出本部仍将类题过名封勘合总咨巡抚衙门转发以防壅滞一议请婚各宗年及十五请封之日即开具选婚缘由题知随启王并呈巡按官会选不候部文选有之日巡按官奏结封号即以奉到之日入府成婚其正配病故无子应选继者即与题选不必再为行勘至于过期之子查其父母已有封

赠止因事稽迟者仍给本色米十二石一议报坐将军中尉以下新生子女三日后具启亲王各长史等官结勘巡抚官类奏一如前款名封之例一议庶宗郡王故绝财产不系亲王拨给者除量留养赡外其余尽属各地方官经理如遇荒岁即以分赡贫宗其请给名粮奏报过期者二十年以下奏到即为题覆亦不必行勘一议宗学宗室中推举学行兼优者题授宗正一位宗副二位宗室子弟年十岁以上入学读书每岁提学官考试如有记诵 祖训事实兼通文翰者五年期满题给全禄学行无取者另候考优请给名粮庶宗在学十年以上题给冠带无名粮者给与衣巾诸生中果有学行俱优孝友著闻者该抚按官具奏原有封禄者请敕奖谕原食名粮者量加奉国中尉职名不给俸禄无名庶宗抚按官量行优奖宗室中有孝友贞节例当旌表者宗学师生保举奏请其宗正宗副如果师范克端教有成效听亲王及抚按官< 铨-金 >请褒奖有不称者亦听不时< 铨-金 >黜其有宗人不多不愿设立宗学者听五年支禄仍仿宗学之法分别激励一议仪宾郡王将军之女选有仪宾成婚之后先给禄米三分之一遵例送所在儒学读书习礼五年之后提学官考果文理粗通准给全禄如年至三十屡试无进者照例免考姑准给禄一议王官各王府长史有缺宜令择守才兼优屡经举荐者方行升补其有才堪大任者破格优处或知府运使藩臬等官与同外官一体升转其另城教授任职亦繁亦应选择升授如职业克修量擢审理等官以激其进命如议行仍附入要例

○升神枢营左参将署都督僉事王治为南京左军都督府僉书

○工科左给事中李廷谟奏言顺天河间保定三府有寄养备用马驹宜令部寺岁计量有二万余匹不必多派以累小民并议寄养马匹除老瘦者径行变价调兑马匹已足二万余匹暂收折色每大马一匹角□羊银二十两两次者量减部覆以每年派马恒视见在寄养之多寡以为盈缩虽有二万之额并未及二万之数起俵大马旧例本色每匹徵银三十两折色徵银二十四两如遇次荒乃有减徵之请宜令该寺将见在寄养马匹除老弱不堪调兑者即行变卖每年派马先计见在寄养之数如足二万即多派折色以恤民困其折色马匹每匹仍以二十四两徵角□羊诏如部议

○丙戌大学士王锡爵再< 铨-金 >乞休不允

○升光禄寺卿张汝济为太常寺卿

○兵部覆河南抚按周世选奏言河南卢氏县矿徒于本年春间盗矿官兵攻击杀死二十四人捉获二十一名余各角□羊散其失事文武诸臣宜令功过相准效劳被伤官役宜加优恤并议善后诸事仍请以嵩县守备冬春移住栾州夏秋仍住嵩城如议

○己丑国子监祭酒刘元震奏驸马都尉万炜习礼六月已满命炜回府习学

○旌表孝子马锦等三名节妇时等三十一口烈妇刘氏等十四口

○庚寅升分守蓟镇石塘岭参将杨元为神枢营右副将

○甲午督理荒政给事中杨文举以赈荒事竣荐举效劳官员命海防道等官张允济等纪录

○户部覆光禄寺卿张汝济等条议一革歇家揽骗一议修廩经费一核菜户实纳诏如议行

○协理京营戎政尚书郑雒以疾乞休不允

○丙申 孝庄睿皇后忌辰祭 裕陵遣宁晋伯刘应元行礼

○升右通政陈大科为光禄寺卿

○升翰林院简讨顾绍芳为左赞善兼编修

○丁酉兵部覆巡按陕西张天德奏条议茶马二事一酌议俵马以裕骑操自万历十九年为始应给固镇马匹照各镇例于每年中马之时令本军执册径至派定各茶司亲领马匹该监免牧养之苦各军亦免更换之扰一拣汰马驹以实苑廐各苑监见牧马匹如领养年久不堪骑操令其变银凑买大马以补老马之数其裸马生驹果堪牧养俟其成马给与牧地其不堪者亦令变银凑买大马以补缺驹之数庶牧地不至虚给牧马皆得实用< 銖-金 > 上报如议

○陕西道御史冯应凤等条议经用诸款一核边储言太仓每岁所入大约以四百万为率其角□羊给各镇兵饷至三百余万而虚冒之弊日甚若辽镇南兵每年所费不下五六十万乞敕部议令各该督抚官应减应存例银刻期奏报如南兵中有逃故老疾者报部扣给一议内供言各省直角□羊内库黄白绢疋漆蜡颜料皮胶等物各监局俱有余积渐至腐烂宜逐为查简各监库积余若干足备几年之用暂停本色改角□羊折色以济目前之急至若内库金花银两每岁进入以百万计嗣后又有二十万之增似为无名并乞 皇上身先撙节培养财原一革滥员言祖宗时建官立制原有定员今则冗滥极矣在外十三省如不繁不冲之佐领杂流不边不海之参游备总虚冗可裁者固多而在京各衙门更甚若太医院锦衣各官若鸿胪带衔若工匠所官以至译字乐舞之类杂沓不可枚举不特此也中官之设祖宗朝亦有定额我 皇上登极初年数不过以万计历年选用策名食禄不啻倍之在外乞敕该部在内乞敕该司礼监查照旧额裁去滥员内外肃清浮费亦省一议那济言川贵湖广先年奉旨动支官银采办木料据四川一省该银七十万两招□采木 明旨止买三分之一未卖余银约该二十余万举一省则各处可推宜敕该省将前银就近角□羊赴陕西抵充本年军饷一通钱法言西北用钱从来称便而朝更夕改东南亦尝行钱而随行随壅则以公私不相流布也如官给之民则银钱参用如民输之官则尽去其钱上下异法谁则应之宜通行京城省直各官司凡房号税赎以及存留起角□羊钱粮一切收支徵角□羊银钱相兼上流于下下输于上此古者灌输之法而泉布之遗也< 銖-金 > 入 上以黄白绢等料原无余积不必议停内官前已减派近来人数虽增钱粮照旧不必查革余下所司

○丁酉大学士申时行等题近该陕西三边督臣以虏情边患上请及时整饬下部议覆间随该陕西抚臣揭报本年六月内虏骑入境攻围旧洮州古尔占堡我兵渐集遂四散抢番洮岷副总兵李继芳分兵追逐陷伏阵亡夫虏虽入境城堡番恙犹为失事之小者第将官兵寡力分遂致丧败损威伤重殊骇听闻盖先年俺答款贡套虏吉能及松山西海诸部并听约束驯至于今西镇之不用兵殆二十年矣及吉能父子皆死其孙卜失兔幼弱不能制驭诸部而用事夷酋如切尽黄台吉者又相继死以故各酋涣散不相统一或以转堡受赏于延绥或以借路生事于甘肃或受赏于东而窃掠于西或罚服于此而狂逞于彼或驻牧近边驱之则曰吾不犯内地也或抢掠番族问之则曰吾不扰汉人也欲绝之则彼以款贡为词难于峻拒欲抚之则彼实要素无厌难以曲从先因西宁将官一时僨事身既不保虏益见轻边衅遂开兵端不息此西镇虏情之大略也顾边疆事势军旅机宜譬之随病制方不能执一今虏既桀黠无状掠我属番杀我裨将公背盟约蔑视天朝此其势不得不战然一二小酋虽已猖獗而大酋全部尚在羁縻顺义在西酋犹称平事卜酋回套犹听调还初未尝聚众连兵合谋犯顺此其势不得不抚然或阳顺阴逆已去而复来虽尝卤掠而或送还人畜认罚无词虽有杀伤而或缚献罪夷誓不再犯此其势又不得不酌于战抚之间而应之务得其情施之务当其可顾今久安之后荐灾之余卒伍之缺者未能召补则无可可用之兵粮饷之逋者不能完角□羊则无可恃之饷当事者未及整顿而虏患遽已剥肤方欲经营而人言更多掣肘必须宽其文法假以便宜惟务责成不为中制然后可以尽心展布毕力安攘此今日边计之大略也伏乞皇上天语丁宁庙谟指授使封疆之臣皆知 皇上留神边务烛照夷情凜然日鉴之常临而罔敢怠玩肃然天威之远布而莫不奋扬服虏安边在此举矣拟传帖一道进览伏惟 圣明裁定施行

○谕兵部虏酋款贡多年各边修守防抚自应安静无虞近来陕西甘肃洮岷等处如何屡报虏寇屡有损失是否虏众狂逞渝盟犯顺及边备久弛制御乖方你部里便行与该镇督抚官查问虏中作歹是何部落近日失事是何信地务要分别顺逆详核功罪明白具奏一应选将练兵保番御虏机宜都要悉心筹画著实举行如战守有备处置得宜事宁之日论功优叙其或苟且养患及轻率僨事必罪不宥有应与宣大总督官计议的也著协心共济毋得自分彼此今行事宜你部里看议来行

○戊戌原任吏部尚书严清卒给祭葬如例清云南后卫人繇嘉靖甲辰进士起家县令历郎中知府自藩臬升右佥都御史前后巡抚贵州四川山西贵州四省寻改南大理卿吏刑二部侍郎刑部尚书九年考满转吏部寻乞休家食亡何起兵部尚书< 銓-金 >辞加太子少保给月米卒于家清为人清正仕宦四十年终始一节为士论所推服秉銓仅数月识者惜其用之未究云

明神宗显皇帝实录卷之二百二十四

明神宗显皇帝实录卷之二百二十五

万历十八年七月庚子朔日食

○孟秋时享 太庙遣公徐文璧恭代侯吴继爵李言恭分献

○户部以太仓年例缺乏议动广东存积银一十五万两角□羊京以备九边支用从之

○户部奏言各省直缺官柴马等银有灾地方存留抵补无灾者不得一概议留以滋侵渔又言近议免派民壮等银有豁之名无豁之实宜令清核起角□羊以济边需报可

○户部奏言云南贙罚矿课二银原为济边之需后因莽酋猖乱权留给军已十年有余今该省号称宁谧宜将前二项银分别徵角□羊仍敕以后非军情大事不可动輒议留从之

○总督三边梅友松议边防十二事一杜套酋之西逞一策虏王之东归一急救西宁之危言该镇地属孤悬番虏杂伺且屡经挫败议以土官指挥鲁光祖量升游击调用西宁即统领原兵六百名征操一权济肃州之困一改隶统练乡兵言河西乡兵旧隶行太仆寺及两同知统理地方多事铃辖太远恐难防御议听各道随便综理时至听自力农寇至听自战守一严关讥察逃伍言金城关巡简裁革奸军俱潜逃莫可诘问议宜复设听监守同知提调一整理应援镇兵一添设洮河官兵一图维更订要约一多方离披虏势言番族苦虏未归宜约法联束令互相保仍听其自筑堡寨遇警则收歛一急请破格捐饷一申令整齐众志户兵二部议覆如议行○辛丑兵科都给事中张希皋< 铨-金 >言莽捏二川逼近河洮先年丙酋移住莽刺川不早驱除已为失策今火落赤人移住捏工矣丙酋虽故孽子真台吉在焉一旦狂逞合谋入犯殒将覆师计非剪灭此不可因议可战者五事广征调充刍饷择将领预耳目厚赏格命下部覆如议行

○礼部尚书兼翰林院学士于慎行以疾乞休不允

○壬寅兵科右给事中侯先春上言西镇边事请一意征剿即虏请和勿许因荐原任佥事万世德勇知有大略请复原衔令自劾章下该部

○先是兵科左给事中胡汝宁言各边惟甘肃与辽东最为孤悬在辽东则边长难守乞敕抚臣条上方略至是巡抚郝杰上所常行四事一选战兵一修城堡一严守保一练火器兵部议覆俱如议○巡按福建御史马象乾以病乞回籍下部议仍敕以后御史差满各回道听考如诈托告病者参处

○户部议上清饷诸款一核军丁言各镇军丁所增渐多耗饷益广宜敕严核分别去留至于蓟镇南兵原饷太厚亦当议处一汰驽马言给养市马徒为军累实不堪用每年耗费不下四十万余两急为汰除仍令以后市马如不堪者毋仍前给养一增引价言中盐引目多为奸□

请托议以后淮浙河东及长芦盐引各量加银一钱加增之数即以抵充年例一查虚冒言各边兵马逃故倒损即为开除及辽镇马多支料草俱从实报部一停工作言各边城堡非当急修者一概停止及各城堡贮粮本色湮烂抵放军粮即以扣除折色买粮抵补命抚按官巡盐御史查议以闻

○癸卯 仁孝文皇后忌辰遣官祭 长陵

○甲辰以锦衣卫佥书都指挥同知许茂樨管提督街道事复陕西行都司原设屯田佥书一员

○乙巳刑部奏原任御史祝大舟犯赃情真命照例追赃发遣

○丙午升太常寺少卿谢杰为右通政

○协理京营戎政尚书郑雒以疾乞休不允

○南京右都御史孙丕扬五< 铨-金 >乞休令回籍调理

○南京礼部侍郎赵用贤以疾乞休不允

○丁未以神枢三营参将陈仲分守蓟镇墙子岭等处地方

○戊申升分守蓟镇石塘岭参将杨元为神枢营右副将

○户部奏言福建寺租等银先因倭变题留今倭寇久息宜敕该省量角□羊四万两以济目前之急仍敕以后年分酌量四分存留六分起角□羊从之

○己酉顺天府丞李祯陈言边事又盛言款贡非策
上曰款贡安边已二十年虏情变迁岂得追究始事敕详议行

○兵部议上西镇边事言今日西镇要务无出选将练兵保番御虏分别顺逆详核功罪协心共济顷奉 圣谕业已该括无遗臣等谨推广列为七事一议选将言将之材品各有短长苟能用其所长则随材器使皆可成功一议练兵言各边镇废间将官皆蓄有家丁此辈皆健勇善战宜鼓舞各官随带家丁自劾一议保番言各番附处良非获已宜令图归坚其效顺如拒虏有功虏中斩酋首以献各破格升赏一议剿虏言黠虏败盟宜熟计兵食兴师出剿凡市赏有应革者令各镇各堡不得彼此互异一议分别顺逆言夷情叵测顺逆互异宜详计部落熟察终始抚其顺无妄战以生戎心剿其逆无滥抚以养寇乱一议详核功罪言虏贼入犯有零寇有大举零寇以未入边失事为小以已入边失事为大大虏入犯则以侦探明实保城克敌为功以虏多野掠妄战损军为罪其邻镇邻路预探虏情及应援有功者俱从优叙一议协心

共济言边境之不和者有二一曰文武不和司道于将领是也一曰将士不和将帅于军丁是也宜协心联束毋蹈覆辙命如议行其不协心任事者抚按官参奏抚按官参奏

○诏赠原任大学士赵贞吉为光禄大夫以其子景柱考满奏请也

○辛亥 上视朝

○户部覆给事中刘弘宝奏言万历十年屯田御史王国大查屯种余地并达官地共一万一百八十五顷有余量徵银六千四百三十两有奇今年久成熟人乐佃种宜酌量加科改为济边正数从之○先是浙江抚按傅孟春等请存问原任礼部尚书董份于是御史万国钦上言份当严嵩父子用事时曲意阿承公论不齿及居乡恃富淫纵曾为御史庞尚鹏发觉且其衣冠已褫犹然罪人也于此典未协乞敕停止部覆以份被论削籍虽遇恩诏不在存问之列已之

○广西道御史熊元＜ 铨-金 ＞参总督梅友松为国重臣岁费朝廷军饷数百万不能控制诸虏罪同误国又荐原任佥事万世德才可用南京右府佥书王化熙原任保定副将尹秉衡皆可当阃外之任 上命梅友松姑策励供职候事宁定夺

○巡按直隶御史周孔教＜ 铨-金 ＞列西镇失事罪状因追论前任督臣郅光先当西宁首祸之时不能议剿一味媚虏以致虏日猖獗又言甘肃抚臣李廷仪守虏巢穴失于堤防事已危急不以上闻均当议罪并论司道官钱楷李丁等非边吏才宜更置得旨郅光先总督年久既已亡故姑追夺诰命李廷仪调腹里用钱楷等革职闲住余俱如拟

○甲寅以中元节遣隆平侯张炳阳武侯薛钺等彰武伯杨世楷靖远伯王学礼等分祀诸陵

○大学士王锡爵四＜ 铨-金 ＞乞休不允

○诏发太仆寺马价银十万两于甘肃以备支用

○补原任山西按察使石檟于陕西抚治西宁

○升四川右参政李承志为陕西副使洮岷兵备升陕西右参政余之禎为都察院右佥都御史巡抚甘肃

○刑部右侍郎詹仰庇以被论乞罢斥令供职如故

○丁巳 成祖文皇帝忌辰祭 长陵遣怀远侯常胤绪行礼

○陕西固原州雨雹大如拳如鸡卵伤禾稼坏人畜

○升河南副使徐三畏为陕西右参政兼佥事西路兵备佥事许守恩为四川右参议兼佥事威茂兵备

○庚申谕辅臣申时行等令将三边总督梅友松奏报虏情本详看且诘责各边督抚全不治事但推诿小官致边备废弛又引嘉靖年间失事为证令时行等将各边事分理应更置者督抚官亦勿庇护于是时行等回奏言近日虏情与嘉靖年间不同今虏方款贡自宣大至于甘肃不用兵者已二十年洮州失事系火落赤作歹虏王过河抢番亦系火落赤邀请今日之计当晓谕虏王使无助逆并革绝火落赤市赏密图剿处若一有疏失边官尽更使丑虏反得挟以为重矣

○升提督操江南京右副都御史石应岳为南京兵部右侍郎

○以南京河渠工完叙录有功员役侍郎张櫟等升赏有差仍诏以其余银岁修河渠

○建州左等卫女直夷人都督都指挥马哈塔吉等进贡宴赏如例

○壬戌升陕副使李学一为陕西苑马寺卿兼按察司佥事

○总督三边梅友松奏言宁镇边事议令详酌增设要地守备以戒不虞言宁夏延袤广止额设守备三员清水堡营套虏市厂在焉大灞堡当黄河之口虏谋决堤兹为要地宜各设守备一员以军丁五百人隶之下兵部议覆如议行

○乙丑 上视朝

○是日 上御门毕召辅臣时行等见于皇极门暖阁 上出陕西巡抚赵可怀奏报虏情本手授时行曰朕近览陕西总督抚梅友松等所奏说虏王引兵过河侵犯内地这事情如何时行等对近日洮州失事杀将损军臣等正切忧虑伏蒙 圣问臣等敢以略节具陈洮河边外都是番族番族有两样中茶纳马的是熟番其余的是生番先年虏骑不到只是防备番贼所以武备单虚仓卒不能堵遏如今虏王过河是被火落赤勾引多为抢番又恐中国救护故声言内犯然虏情狡诈不可不防 上曰番人也是朕之赤子番人地方都是 祖宗开拓的封疆督抚官奉有敕书受朝廷委托平日所干何事既不能预先防范到虏酋过河才来奏报可见边备废弛 皇祖时各边失事督抚官都拿来重处朝廷自有法度时行等对皇上责备督抚不能修举边务仰见

圣明英断边臣亦当心服如今正要责成他选将练兵及时整理 上曰近时督抚等官平日把将官凌虐牵制不得展布有事却才用他且如各边但有功劳督抚有升有赏认做己功及失事便推与将官虚文搪塞时行等对各边文武将吏各有职掌如总督巡抚只是督率调度若临战阵定用武官自总兵以下有副总兵有参将游击守备各分信地如有失事自当论罪

上曰古文臣如杜预身不跨鞍射不穿札诸葛亮纶巾羽扇都能将兵立功何必定是武臣时行等对此两名臣古来绝少人才难得臣等即当传与兵部转谕督抚诸臣尽心经理以纾皇上宵旰之忧 上曰将官必要谋勇兼全曾经战阵方好时行等对将材难得自款贡以来边将经战者亦少 上曰重赏之下必有勇夫只是不善用之虽有关张之勇亦不济事时行等对近日科道建言要推举将材臣等曾语兵部及早题覆今九卿科道会同推举 上曰前日有御史荐两将官时行等对所荐将官一是王化熙曾提督巡捕臣等亲见亦是中才只宜腹里总兵一是尹秉衡曾称良将今老矣

上曰不论年老赵充国岂非老将只要有谋时行等对将在谋不在勇圣见高明非臣等所及 上又曰朕在九重之内边事不能悉知卿等为朕股肱宜用心分理如今边备废弛不止陕西或差有风力的科道或九卿大臣前去如军伍有该补足钱粮有该设处着一一整顿书云事事有备无患须趁如今收拾往后大坏愈难时行等对当初许虏款贡原为内修守备外示羈縻只为人情偷安日渐废弛所以三年阅视或差科臣或差彼处巡按御史 上曰三年阅视是常差如今要特差时行等对臣等在阁中□议要推大臣一员前去经略且重其事权使各边声势联络庶便行事容臣等撰拟传帖恭请 圣裁

上曰还拟两人来行已复言款贡事 上称

皇考圣断者再时行等言自俺答献逆求封赖

皇考神谟独断许通款贡已二十年各边保全生灵何止百万 上曰款贡亦不可久恃宋事可鉴时行等对我朝与宋事不同宋时中国弱夷狄强原是敌国今北虏称臣纳款中国之体自尊但不可因而忘备耳 上曰虽是不同然亦不可媚虏虏心骄意大岂有厌足须自家修整武备保守封疆时行等对今日边事既未可轻于决战又不可专于主抚只是保守封疆据险守隘坚壁清野使虏不得肆掠乃是万全之策 皇上庙谟弘远边臣庶有所持循至于失事有大小情事有轻重若失事本小而论罪过罪则边臣观望退缩虏酋反得挟以为重又非所以激励人心自今尤望 皇上宽文法核功罪 上曰如今失事却也不轻时行等对圣恩从宽处分容臣传示边臣使感恩图报

上复问次辅病安否何如时行等对臣锡爵实病屡< 銮-金 >求去情非得已

上曰如今有事时正宜竭忠赞襄如何要去时行等对 皇上注念锡爵是优厚辅臣至意臣等亦知感激但锡爵病势果系缠绵臣等亲至其卧内见其形体羸瘦神思愁苦亦不能强留 上曰着从容调理痊可即出时行等唯唯因叩头奏臣等半月不睹

天颜今日视朝仰知 圣体万安不胜忻慰

上曰朕尚头眩臂痛步履不便今日特为边事出与卿等□议时行等叩头奏伏望

皇上万分宝重 上又曰闻山西五台一路多有矿贼啸聚劫掠地方官如何隐匿不报时行等奏近闻河南嵩县等处聚有矿贼巡抚官发兵驱逐业已角□羊散

上曰是山西地方五台因释氏故知之 上恐时行等误以为失事也复曰释氏是佛家曾遣人进香耳时行等对地方既有盗贼啸聚地方官隐匿不报其罪不止疏玩而已容臣等传示兵部令查明具奏遂叩头出初 上切责督抚声色俱厉及论边事久

天颜愈和神采焕发语亹亹不休时行等退而称叹 上留意边防明习政事如此宗社生灵之福也

○谕兵部西镇边备废弛虏情狡诈还用大臣一员前去经略兵部便会同九卿科道官推举

来看其各边将帅须要得人也着会同推举堪用的以备缓急近来督抚等官不能选用将材平时牵制掣肘不得展布及至失事又诿罪于他殊失用人之体今后须加意鼓舞使文武将吏同心戮力共济边事毋得仍袭敝套

○又谕兵部朕近览陕西督抚奏报虏情本殊用惕然朕惟洮岷乃西镇要害诸番为中国藩篱祖宗开拓疆土经画边备具有成法督抚官奉敕行事须常时选择将领整搦兵马联属番夷今虏众猖獗抢掠番族侵逼内地各官平时不能制驭临时不能堵遏职守何在岂不隳误边事大负委使朕已宽其罪罚姑令策励其各边武备废弛亦与西镇相同今须及时收拾加意整顿务要惩创凶逆保守封疆毋得徇于贡市畏避怯懦及虚文搪塞因循怠玩如有违误宪典具存必不轻宥你部里传与各边督镇官知道又闻山西五台一路矿贼啸聚地方官如何隐匿不报着查明奏来

○礼部尚书兼翰林院学士于慎行再＜ 铨-金 ＞乞休不允

○升大理寺左寺丞王世扬为右少卿以右少卿姜璧为左少卿

○己巳升云南道御史毛在为大理寺右寺丞以右寺丞杨四知为左寺丞

○大学士王锡爵具＜ 铨-金 ＞谢并乞休慰留不允○命兵部尚书郑雒兼都察院右都御史经略陕西四镇及宣大山西等处边务

○兵科给事中薛三才＜ 铨-金 ＞言昨见三边总督梅友松陕西巡抚赵可怀各具奏虏众越境抢番谓丑虏本意抢番因而掠汉原非欲攻城杀将其议处叛酋欲致书虏王责令瓦火二酋献逆伏辜臣窃惑焉自火酋拥众渡河住牧归德复谋建寺捏工川以内固其窟穴又日夜教虏王西行以外树其党与于此邀赏于彼肆掠虽命为抢番实为掠汉可谓意原不在汉乎如以即日遁去为角□羊彼已得志于我夫复何待而久驻既戕杀主将能无虞大军之蹶其后哉设令二酋献逆伏辜臣窃料其必来听命略示恭顺缚献一二驽虏以谢前过既罚服势不得不复与市赏各酋观望益启戎心诸羌破已尽为虏穴是虏以虚名受罚而邀实利我以虚名服虏而遣实害也方今草盛马肥诸酋蚁屯塞外悉兵远去诚非完计但当飭厉兵马以预战备联络番族以接声援□日出大米□扬二酋罪恶榜之边外永绝其市赏另议征剿其有能缚二酋以献或得其首级者不拘番虏人等即以其抚赏赏之俛二酋畏罪窜伏海上则按兵息民而徐观其衅如复要挟市赏侵轶疆圉即集兵一大创之诏下部议

○兵科给事中薛三才＜ 铨-金 ＞论辽东甘肃事言近日辽东之捷督臣上功按臣验级岂不甚详顾道路传闻有谓鹵掠甚惨俘众不足补亡者有谓搜捕他虏以邀赏而首功未必尽实者间御史朱应谷且抗＜ 铨-金 ＞言之矣未奉 明旨处分亡论边臣危疑难于展布而朝廷赏罚亦何以服天下乞敕该部转行彼处巡按御史详加覆勘至甘肃事体更有可虑比闻虏酋严立罚格徵发东西部落必欲得志于瓦喇顷者兵部发马价银十万两以佐该镇之急官军稍稍矜奋能与虏角但称借支旋复议补虽济燃眉终无救于枵腹请敕该部

转行彼处督抚诸臣悉心计议一一兵食之费条议上请该部酌量缓急题覆将前项银两若干径作正支若干仍作借支俟虏既回巢边警稍息另行区处庶边备渐实而贡市可久矣

明神宗显皇帝实录卷之二百二十五

明神宗显皇帝实录卷之二百二十六

万历十八年八月庚午朔升金事史旌贤为贵州右参议

○以神机营参将许从谦充神枢营右副将

○巡按云南御史杨绍程参黔国公沐昌祚贪纵不法诸状部议请上裁夺令罚禄米半年原参人犯巡按官提问

○陕西督抚奏言顺义王乞庆哈自伊祖款贡传之三世已二十年朝廷封赏未为不厚今本王西来坐视部夷抢掠继乃纵令火酋过河生事矣洮州之变说者谓其有部落在焉今乃提兵亲自渡河矣谕之不听阻之不可桀骜如是尚可谓之款贡乎然本王自仰华寺以至绰逊口渡河直趋挽工川皆在番域非我兵可到臣等亦难苛责如有内犯情形容臣等相机拒堵必无束手待敌之理上以虏酋合谋抢掠非一日所酿如何不早奏闻犹以未犯内地为辞令督抚官相机战守务保无虞

○河南道御史董子行奏言西镇多事起于莽梟二川听虏酋之住牧今无论战守皆当驱之使去又言经略洮河必自甘肃始甘肃振庶门庭固门庭固庶界限明其原借之路彼既自甘不遄我实报之有名宜坚持谢绝报可

○辛未礼部尚书于慎行再＜ 铨-金 >乞休不允

○兵科给事中张贞观＜ 铨-金 >言市赏必不可不罢战守必不可不决言虏啖汉物已二十年我一旦罢市赏则虏惟恃抢掠抢掠之利多归部落市赏之利多归酋长市赏之利逸而倍抢掠之利劳而半故非但中国虑失虏之欢即虏亦虑失中国之欢夫诚有所利之也为今日计宜毅然罢其市赏加意战守或乘虏未归以东套所遗驱获数帐质之塞内计虏慑威贪利必且扣关请罪我因与之更始宁虏狗我无我狗虏又言中国款虏岁以百万计和款二十年则已饱虏二千万矣虏有二千万之增则中国有二千万之损即虏不渝盟中国亦且坐困恐异日忧方大耳＜ 铨-金 >下所司

○癸酉兵部以火落赤犯洮河乞饬边臣速议兵食共图战守并敕宣大督抚扯酋市赏暂行停止俟其悔悟方奏请报可

○命兵部武库司主事梁云龙辽东兵备金事万世德随经略大臣行边仍于宣大二镇各选家丁三百名随行并发太仆寺马价银二万两军前支用

○户部以山东旱灾奏请蠲折民屯钱粮以苏民困从之

○南京户部尚书张西铭以老疾乞休令给与应得勋阶致仕

○升福建僉事俞道生为广东左参议

○乙亥谕大学士王锡爵近日西镇屡报虏情卿辅弼重臣岂可引疾求去兹闻卿疾已愈宜即出辅理副朕眷倚至怀锡爵具< 疏-金 >谢 上温答之

○以修理京师城垣命侍郎朱天球陈于陛分管都给事中邵庶监视

○丙子命吏部左侍郎兼翰林院侍读学士赵志皋礼部右侍郎兼翰林院侍读学士韩世能左春坊左谕德兼翰林院侍读曾朝节左春坊左赞善兼翰林院编修顾绍芳翰林院修撰王庭撰充经筵讲官翰林院编修周应宾李道统充展书官

○升左给事中李廷谟河南副使御史屠叔方山东副使陈忬福建熊元湖广给事中王梦煦河南御史王制广东各僉事

○开设罗平州学从云南抚按请也

○丁丑 孝康敬皇后忌辰祭 泰陵遣安乡伯张世恩行礼

○吏部尚书宋纁祭 至圣先师孔子

○戊寅祭 太社 太稷遣公徐文璧代

○以 万寿圣节赐大学士申时行等及讲官李长春等金银寿篆字金银书红黄符有差

○己卯又赐大学士申时行等及讲官李长春等各银币有差

○先是属夷史二官儿等携男妇二千余众出边兵部以边将失于抚驭各拟降罚 上以督抚官统率制驭岂得无罪令萧大亨等各夺俸而参将麻承诏降级守备马一龙等提问俱如拟

○兵部议处边防事宜言迩来稽核边备虽每年事竣有叙三年阅视有行然弥缝于事后不若责成于事先乞敕各镇甄别将领简练兵马每于春秋二防分布之先预为部署一切战守诸具详款开报又言蓟镇累年修防台墙险隘足恃以守而于战宜加之意辽东数年召练家丁降夷可用以战惟于守当加之意宣大山西之间城堡足恃而兵马未试于战然必得军之心乃可鼓军之气延绥之兵马素劲可以言战然因抚虏之难及积荒之后兵饷交匮宜为区处宁夏有河山为险可以言守而军困积弱尚难言战甘肃之兵力素弱粮饷缺乏既难以战又难以守陕西之兵止为防番未为备虏近遭诸虏之荼毒将失番族之藩篱应俟经略大臣临镇一应事宜与督抚官会议奏闻至于腹里入卫戍守诸兵亦宜及时整顿以备缓急调遣俱如议仍令各总督镇巡官用心整理不许疏玩

○庚辰大学士申时行等请 上御经筵日讲 上以圣体未安暂免

○安南都统使莫茂洽差宣抚副使赖敏等进贡宴赏如例

○升四川左参议丁此吕为陕西副使庄浪兵备

○命总督蓟辽兵部尚书兼左副都御史张国彦协理京营戎政以兵部左侍郎蹇达代

○壬午升给事中侯先春吏科吴之佳户科洪有复礼科钟羽正工科俱左给事中丁茂逊户科右给事中

○以宁夏都司守备赵备改大坝堡守备徐应祯改清水营堡守备

○南京给事中徐常吉请复设常镇兵备 上以官多民扰裁革已久已之

○以洮州失事论罪并恤录死事诸臣李联芳赠都督同知刘承嗣等带罪管事高崇谦等提问

○甲申以中秋节赐辅臣上尊珍饌是日大学士王锡爵入阁办事

○丙戌 万寿圣节遣官分祀 诸陵免百官朝贺赐辅臣上尊珍饌

○己丑遣户部尚书杨俊民祭 太仓之神

○泰宁等卫夷人头目孩子等一百二十四员名赴京进贺宴赏如例

○工部以各省直岁造军器多不堪用请半议改折以裕经费从之

○辛卯 宪宗纯皇后忌辰祭 茂陵遣怀远侯常胤绪行礼

○刑部右侍郎詹仰庇以疾乞休准回藉调理

○壬辰祭 夜明于 夕月坛遣侯吴继爵行礼尚书石星分献

○谕兵部洮河虏贼曾否出境近日失事后作何整理防御兵部便马上差人传与督抚官着三日一报来不许违误

○癸巳山东道御史任应徵< 铨-金 >参兵部尚书王一鹗身任枢筦视边事若罔闻虏方猖獗洮河宜一大创而顾泄泄焉宣大是图说者谓宣大之役用抚居多一鹗实主之及我

师再败按臣入奏越二日始以闻何其闇而欺也因荐原任兵部尚书王遴精诚体国宜膺秉枢之寄于是上鶚奏乞罢斥以谢言者< 銑-金 >俱留中是日传谕阁臣前者因西边虏情出朝召对量处置事宜如今科道官都有本荐举将材兵部倒没有本王一鶚却又告病这是何故于是大学士申时行等回奏言臣等前蒙 皇上特赐召对亲涣 玉音庙筭周详神威宣鬯以故洮河之战我兵与虏虽互有胜负然虏终不敢深入今已出境遁去此固 皇上圣武有以慑之然亦本兵居中调度之力也至于推举将材各衙门咨访该部类覆分别可用与否乃系旧例非本兵独无本也又言王一鶚钦遣分献偶闻人言理当待罪不得不以病请并乞 皇上将御史参本早发令一鶚即出视事< 銑-金 >再入上简前< 銑-金 >以边方有事如何擅拟易置本兵任应徵等姑不究令一鶚供职如故

○甲午改南京工部尚书舒应龙为南京户部尚书

○朝鲜国陪臣刑曹参判李山甫进贺赴京宴赏如例

○四川达思蛮长官司都纲头目番僧加蓝藏等四名赴京进贡宴赏如例

○户部奏言沿江一带卢洲田不止万有余亩宜设法清理应追复者追复应起科者起科应开垦者开垦报可

○户部以河南应纳临德二仓米改折一年以济边用

○兵部会荐将材给事中张希皋等荐总兵杨绍等十八员御史李本固等荐总兵麻承恩等二十员吏部尚书宋纁等荐副总兵尤继先等十九员○乙未祭历代帝王遣侯李言恭行礼伯毛登王应龙尚书于慎行王一鶚分献

○升南京户科给事中徐常吉为浙江佥事

○礼部右侍郎兼翰林院侍读学士黄凤翔言方今诸司四夷鳞集阙下复值此虏酋内讧羽檄交驰之会而 陛下频免朝讲徒令凝眸倾耳者谓

明明天子犹然耽溺宴安臣窃耻之愿 陛下深唯酖毒之傲缉熙忧勤之念屏游宴御朝讲与大寮庶采共图修攘又云今天下大计惟用人理财二端宋臣有言平居有极言敢谏之臣则临难有敌忾敢死之士吏部员外邹元标直声劲节业已受知

陛下顷铨司特拟召用而 圣意顿改于前建言谪外诸臣如潘士藻孙如法台省交章荐举铨司为请量移而章< 銑-金 >概从中寝彼获谴独重窜伏草茅如卢洪春李沂者又奚望也窃恐士气日摧人心不奋平居有靡爵禄临难有全躯保妻子耳臣愚以为建言得罪诸臣愿 陛下亟赐召用又言宋艺祖欲积缗帛二万疋易胡人首宋太宗移内藏上供物为用兵振给之资史册载之以为美谈今户部二十万之岁进既非旧额积为常供屡经执奏未蒙俞允窃睹都城内外祠庙寺观金碧荧煌堂宇壮丽询诸道路皆曰内帑所捐金也而远方焚杀之供奉岁时斋醮之祷祀亦复频仍臣愚谓与其捐兹厚费于冥冥孰若宽此一分于民命

臣愚又以谓岁进无名诸费愿 陛下慨然停止＜ 铨-金 ＞入报闻

○以都察院左副都御史邵陛为刑部右侍郎

○升兵部右侍郎许守谦为左侍郎以巡抚大同右副都御史王基代

○吏部推原任巡抚江西右佥都御史陈有年以原官提督操江兼管巡江○以户部左侍郎张孟男为南京工部尚书

○己亥吏部查革吏役＜ 铨-金 ＞上文书官口传 圣问言吏役各省直人少顺天府独多何故大学士申时行等回奏言国初以来许各省直人于朝阳关纳充吏役通州乃顺天府所属所以顺天人独多其实各省直之人多有假借顺天籍贯者非尽皆顺天人也

明神宗显皇帝实录卷之二百二十六

明神宗显皇帝实录卷之二百二十七

万历十八年九月庚子朔

○辛丑工部议减本年织造之半以舒民困从之

○壬寅抚宁侯朱岗卒赐葬祭如例

○山西道御史万国钦＜ 铨-金 ＞论辅臣申时行言时行于前月召对时上问虏酋侵犯则委之为抢番无意内犯 上切责督抚则委之为武臣之信地文臣无与上意选谋勇将材曾经战阵者则委之为少有 上称款贡乃皇考圣断则乘机逢迎欲入和说则对贡二十年保全生灵何止百万及为皇上所屡折其奸因以难掩是 皇上之意在战公论亦在战而时行之意独不在于战 皇上之意在绝和公论亦在绝和而时行之意独不在于绝和又言时行受辽将王国勋等数千万金无事则为之援引有事则为之庇护而兵部侍郎许从谦以三千金贿时行又为吴时来转托乃有是转兵部尚书王一鹗总督梅友松抚臣李廷仪俱时行私人互相党援欺君误国＜ 铨-金 ＞入得旨元辅忠诚清慎朕所素知近时召议边事参酌机宜甚合朕意万国钦如何辄来淆乱国是且事影响任意污蔑念系言官姑降一级调外任

○大学士申时行奏言近日大酋犯顺虏王助逆洮河之役杀将损军凡有人心孰不奋然思一大创以雪讎耻即虏王市赏已奉旨停革臣何尝主于不战臣之愚计谓必使虏王归巢诸边安静乃可以专力制西虏必使西事既定边备大修乃可以全力制大虏今不分顺逆不量彼已必欲诸边一时尽罢贡市而与之战使虏势尽合我力益分东撑西支乘危徼幸未有如此而能得志者又言前月伏蒙召对□确边事臣之词未终而玉音之答如响臣与同官退而窃叹 皇上聪明英断留意边防宜录示本兵使传播外廷以彰盛美今举反覆问难之语尽以为发臣之奸不知 皇上于时果以臣为奸而发之乎王一鹗久历边方其任本兵以庭推简用梅友松臣曾未与识面何得为臣私人至谓臣贿嘱王国勋等夫贿至千万必有过送之迹皇上试逮国勋等令多官廷鞫如臣有一毫沾染臣即悬首挫尸心亦甘之乞 皇上罢斥臣以谢言者其西镇事仍乞敕九卿科道集议上请得旨卿为首臣竭忠谋国持廉秉公顷筹画边情具有次第既遣大臣经略付以便宜责其成功不必又议以滋烦扰其他诬蔑浮言原无影响何足介意朕方倾心信任岂人言所能间宜深体此意亟出辅理匡持国是以慰朕怀

○癸卯 孝恭章皇后忌辰祭 景陵遣宁晋伯刘应元行礼

○升户部右侍郎裴应章为左侍郎以南京刑部右侍郎庄国禎代以山西右布政使兼按察司副使邢玠巡抚大同

○升都察院右僉都御史周世选为左副都御史协理院事

○甲辰大学士申时行再＜ 铨-金 ＞乞罢因自陈当去者三并请免国钦降级上优答不允

○乙巳礼科给事中任让参大学士许国耳聋目昏头摇足蹇因劾其不堪辅弼者八事＜ 铨-金 ＞入 上以让妄言轻诋令罚俸半年

○兵部尚书王一鹗奏辩乞休言臣未尝为辅臣私人亦未尝专主和不主战向者推广 圣谕分别顺逆谓使虏之顺者不为助逆其党散而不合我之战者得专剿逆其力并不分非专用抚也 上以其情已明令一鹗即出经理

○大学士许国上＜ 铨-金 ＞乞罢言以臣之庸当事机之旁午又复衰老头足耳目皆非其故科臣之责臣甚当其状臣甚真臣无容辩独其所列八事关臣名节臣不容无言夫□贾星卜贱技也声乐燕会盛仪也亲戚故旧私交也部木引盐公课也子壻宗族至亲也需索请托大弊也延贱技以盛仪徇私交以公课纵至亲以大弊此少知廉耻者所不为而况身列衣冠者乎原任侍郎汪道昆臣卿先达倜傥有文才可比吴中王世贞臣偶举所知言之铨部原未起用若呵叱司官把持选法今文选郎见在可问也李如松许从诚与臣旧识臣知如松有胆略善抚士卒会众举将材臣虽向人言之原未荐用若其倚势剥军岁馈数千金该镇巡按御史在可查问也许从诚虽属戚里臣亦待罪鼎司臣复何求而甘拜其门下纵有宝珠金币谁为将送许都尉家见在京师可问也臣家人弟侄绝无中盐长芦河东者如果椎卖横行掣肘号令有巡按御史在可拏问也臣男中书许立功奉旨代臣归葬旧冬始北来清源咫尺曾不须臾乃遽打死驿丞地方有司见在可访问也＜ 铨-金 ＞入得旨卿体国奉公闻望素著任让妄奏事情朕已洞鉴卿宜即出辅理以副委任所辞不允

○先是虏酋火落赤等糾众再犯洮河我兵与战杀伤略相当会天雨总兵刘承嗣兵败亡伤士马甚多前后二十日虏始出境巡按御史崔景荣上其事且谓洮河之役刘承嗣已经屡战气已不扬宜为易置又各镇调兵不及虏半而宁夏兵调久不至乞谕申飭容臣参处都给事中张希皋则谓该镇严急临敌不宜易将督抚官及刘承嗣俱当令戴罪管事乞敕下经略大臣不拘何镇兵将凡可选用带赴西镇仍速计粮饷有请必发兵部议覆 上令刘承嗣住俸戴罪立功梅友松赵可怀住俸戴罪管事俱候事宁定夺彼处合用料草及募兵悬赏还酌量发与马价以备支费

○巡按直隶御史张鹤鸣奏言扯酋市赏已奉旨停革总督萧大亨若罔闻知仍令互市易马损威褻惠取轻外夷 上以虏情当分别顺逆前停革市赏止扯酋一枝其安静保塞者岂得一概禁绝随下所司寻大亨＜ 铨-金 ＞辩请罢斥谕令供职如故○丙午大学士王锡爵奏言臣观今日跳梁之虏唯火酋一枝显然逆天自弃断乎不可收拾其他或在阴阳顺逆之间或在观望反侧之际必庙堂之上气先定谋先审毋动摇于流议毋忧惕于近忧逆命之诛先首恶而后胁从驰词之使先约战而后议抚重悬赏罚使将官之勇气先振而后使文吏策其便宜严督催诱使诸边之血脉先通而后使本兵课其功实又曰方今诸边战士有几习虏敢战之将有几转饷拙于岁俭发帑困于空虚一旦诸酋瓦角□羊四面大征我之拙形尽露

何以支撑臣以为不如且寓战于谋藏拙于巧勿遽为张皇自扰之状经略大臣既付以诸边重担庙堂但当总大其纲授以大指其琐细节目当一切宽假勿为遥制
上嘉锡爵谋国虑依议行

○兵部侍郎许守谦以被论乞休不允

○丁未大学士申时行再＜ 铨-金 > 乞休 上谕留不允

○升通政使余懋学为南京刑部右侍郎

○以巡抚浙江右佥都御史傅孟春以原官协理院事

○戊申以重阳节赐辅臣上尊珍饌

○朵颜等卫夷人头目脱伯火尔赤等一百九员名赴京进贡宴赏如例

○己酉大学士许国＜ 铨-金 > 乞罢斥仍请行勘任让所论诸事优答不允

○庚戌遣鸿胪寺官谕大学士申时行朕念国家事重非卿硕望忠猷不能匡赞政机主持朝论见今虏虽暂退边臣不知作何经营预防后患朕心方切隐忧卿岂可止顾一身毁誉不出料理若朝廷信贤不专大臣任事不勇是政体先紊边境何繇而安今特遣鸿胪寺官宣谕催卿即日进阁以示朕始终信任至意卿宜仰体毋复再以浮言介怀固求引避时行＜ 铨-金 > 谢

○辛亥辅臣申时行许国各具＜ 铨-金 > 乞休俱优答不允

○ 上令文书官到阁传 圣问开矿一事节经诸人题请如何不见该部覆来辅臣申时行等回奏言天地生财本以资国家之用况今帑藏无余财山泽无遗利则权宜开矿亦是理财一策但开矿必当聚众聚众必当防乱见今山西河南间矿徒啸聚正议驱逐若官自开煎恐奸民乘机争利隐忧愈不可测且朝廷一切事务苟关大体皆可不惜小费为之若开矿止于求利必须计筭工本募徒之费若干防兵之费若干与开煎所得之利若干果见出少入多不为虚费而后可斟酌举行非造次可因民间私请隔境遥度而朝廷便可议开者也户部所以迟回未覆之意一者防患二者惜财三者恐差官骚动地方四者亦不欲宣露国家窘急之状传闻四夷愈轻中国既蒙
圣问惓惓容臣等传谕该部令各抚按官查议具奏毋使先事张皇利未得而先酿患唯
圣明采纳

○升太仆寺卿常居敬为右副都御史巡抚浙江

○辛亥巡按直隶御史连标＜ 铨-金 >论兵部尚书王一鹗乞赐罢斥得旨留用

○兵部侍郎许守谦以疾乞休不允

○壬子升南京鸿胪寺卿艾穆为太仆寺卿

○癸丑巨奸徐从善父子交结大珰盗窃内库金宝为御史黄卷所奏
上令将本犯籍没家财拏送镇抚司打问

○甲寅兵部尚书王一鹗＜ 铨-金 >辩乞休得旨卿秉公任事物望素孚这奏辩事情已知宜即选将安边以副委任不允辞

○升顺天府尹朱孟震为通政使

○○乙卯以霜降节遣阳武侯薛钺隆平侯张炳等武进伯朱世雍武平伯陈如松等分祀
诸陵

○大学士许国奏乞罢免因言近年以来士习日异主于搏击以为名节大臣含容而务为退
避言官争胜而不计枉直其究也将使朝廷之上不得用一人不得行一事唯众言之是听又
曰往时省台议论不甚分扰而内阁诸臣自为异同今内阁诸臣颇称同心而省台之间议论
纷扰得旨览卿奏足见正论国是混淆正赖卿等秉公主持如何反欲避谗引去所辞不允

○户部请停岁进买办银两以济边费不允

○升陕西左布政使王体复为顺天府尹

○升光禄寺少卿王汝训为南京大理寺右寺丞

○戊午寿阳长公主薨

○己未大学士许国以疾在告 上命赐猪羊米酒甜酱瓜茹等＜ 铨-金 >谢报闻

○庚申诏发太仆寺马价银二十万两以备西镇支用

○壬戌经略尚书郑雒奏言全陕西镇唯延兵素称强劲嘉靖四十五年定经制之时尚有官
军五万五千有奇今该镇所存者止四万九千六百五十有奇矣盖繇尺籍耗于凶年精猛疲
于远戍流亡失额召补无术年复一年遂成积弱宜责令该镇官召募土著择其精勇者充为
家丁每名给安家银五两仍严禁逃窜务足三千之数其马匹盔甲弓箭另为议处又召募既
以家丁为名必另编司队方可调遣又恐新募之卒未履行阵宜于旧营练熟惯战军丁每队

选拔十名以便教习而统领各官必骁勇知兵者方充其任庶成节制之师因荐原任总兵李真久经战阵有大将材原任游击吴显来保俱堪教练之任＜ 毓-金 ＞下所司

○升浙江按察使蔡廷臣为山西布政使

○升南京刑部贵州司主事王学曾为光禄寺寺丞

○乙丑山西抚按官奏言山西五台县向因矿徒张守清潜行盗矿彼时官军驱逐即已角□羊散后复托名晋府佃户希图潜藏近亦闻风远遁部覆以贼虽角□羊散宜计善后仍议守备袁镗等罚治而请量免该道之罪得旨防矿善后事宜该督抚官详议具奏张唯诚系兵备官罚俸半年督抚官不行具奏罚俸二个月余俱如拟

○丙寅以洮河失事论罪总兵刘承嗣革任随军立功副总兵原进学降充游击管事参将邓凤严唯忠等提门总督梅友松革职为民巡抚赵可怀冠带闲住佥事郭宗贤等各降罚有差

○巡按陕西御史崔景荣查勘西镇失事因议善后六事一为添设洮河总兵部议则谓该镇积弱不在无将而在无兵但重副总兵之事权增协守之兵饷亦足御虏 上欲如按臣议大学士申时行奏近日洮河失事不在少将而在少兵若使军伍充实训练精强即使副参领之自足以振肃边防抗御虏患各边自辽东至甘肃一镇设一总兵此 祖宗定制未有一镇二总兵者自总兵而下又有副总兵加以协守职衔则事权隆重亦与总兵相等今兵未及添而但议添将使两将各分境界不相统属事权既分兵力愈寡将焉用之况总兵一设则随军役使占用必多衙门钱粮糜费愈广臣等以为如兵部议便兹仰承 圣谕将分守洮河副总兵改为协守如有虏警则固原总兵往彼策应庶将不加增而兵粮亦不至糜费从之

○丁卯礼部尚书兼翰林院学士于慎行请 上亲御 郊 庙得旨
庙享大典朕当躬亲对越岂有推托但朕宿疾未愈今次已有旨遣官暂代
郊典临期奏请候旨行

明神宗显皇帝实录卷之二百二十八

万历十八年十月己巳朔以孟冬时享 太庙遣公徐文璧代

○钦天监进万历十九年大统历于皇极门给赐百官

○诏以经略尚书郑雒兼管陕西总督事务其总督官侯经略次第之日具奏另推

○发太仆寺马价银二十万两于固原以备支用

○庚午 孝洁肃皇后忌辰祭 永陵遣成山伯王应龙行礼

○辛未巡按陕西御史崔景荣以西宁土人糾番抢掠不听抚谕议练乡兵保番族二事言西宁旧有土官李世显管束土人自本官阵没统约乏人遂至酿乱宜另选才力土官一员责令约束其西宁边外多系熟番西纳陇卜等大者一十三族附庸不可胜计二百年来虏不能越天山而窥五郡者以番众为之屏蔽也自和款以来猾虏专为譟谋肆行抢掠中国复即以偷马遗患为名不行保护遂使支党离心门庭生寇土民随而内扰宜择宿将假以抚夷职衔令抚安番族绝其交通仍约以有事互相应援如御虏有功一体升赏部覆从之

○壬申以 中宫千秋令节赐辅臣上尊珍饌

○命巡抚贵州右佥都御史叶梦熊以原官巡抚陕西

○兵部尚书王一鹗等以策虏失职乞罢免不允

○命协守大同副总兵尤继先充总兵官镇守陕西以原任甘肃游击王国柱充左参将分守庄浪原任镇守陕西总兵官李真充参将分守榆林保宁等堡

○巡抚四川都御史李尚思＜ 铨-金 ＞称插儿蟬虏达已破尔阿坝寨虏势渐逼松潘臣已檄造火器甲仗角□羊贮松潘及一应修守盘诘选将厉兵犒番积饷事务次第举行仍遣标下游击万鏊将兵协守参将郭成等各移驻近地以便策应又召天全等土司兵马候警调遣令三道亲督战守臣即提兵巡边居中调庭誓靖疆场部覆依拟因言松潘以此月□章腊以南山势险峻虏难长驱其间番寨土达亦多劲悍若我及时联络谕以利害使为犄角因以精兵骁将所在设伏可使匹马不返是我失利于陇取偿于蜀也至狡虏叵测仍咨西镇督抚凡二川虏情缓急俱报四川以便防御 上然之令该省督抚等官用心防御务保无虞

○癸酉辅臣申时行以疾在告遣中使赐猪羊酒米瓜茄等＜ 铨-金 ＞谢报闻

○起用原任太常寺少卿孙矿

○诏定助边升赏则例输银千两者升一级至三级而止加衔至闻散五品止其五千两以上从优酌议

○甲戌大学士许国以病乞归慰留不允

○乙亥升四川左布政使彭富为右副都御史巡抚贵州

○丙子巡按陕西御史崔景荣奏虏妇切尽比吉率部众西来假以看寺念经讲要人命挟索重赏未遂统众掠回夷西番杀虏甚众或言皆原任参将马应时妻弟虎刺力等所引因劾参将杨浚虏残内地不能拒堵失事之后复不据实以报罪当重惩但本官素称战将一时乏人相应量降俸级照旧管事署甘肃事朱正色委值卧病似应免究马应时议论不一亦乞免勘问其切尽比吉宜行督抚诸臣令索还掠去番回或革市赏以惩逆虏< 铨-金 >下所司○丁丑大学士许国再< 铨-金 >乞休因请保 圣躬勤朝讲定储贰三事得旨览卿奏具见忠爱卿既欲报国自效何乃又屡< 铨-金 >求去所辞不允

○起补原任广西左布政使郑云璫为四川左布政使

○授德阳王府镇国中尉承杰为蜀府宗正

○命协守宣府副总兵署都督佥事李东旸充副总兵协守大同地方

○升四川行都司佥书王之翰充松潘东路游击

○戊寅诏蠲赈临洮被虏地方军民

○己卯大学士申时行以病乞归慰留不允

○是日大学士许国力疾请早定 宗社大计言储贰者宗社之本十龄者就傅之期长幼者天秩之序册立者人望之归愿顺人情出 乾断命有司具仪谕日即于春初举行则臣愚去留皆安不报○庚辰命副总兵管分守宣府西路万全等处左参将事郑尚金充协守宣府副总兵

○南京给事中徐桓< 铨-金 >陈边事乞严飭边臣革欺罔之弊以防守为先决战为策革扯酋之封以孤其势遣使阴款立三娘子爱子不他失礼而各边部落中酋长果能坚守盟约各照所住牧地封以王爵如汉五单于故事则虏势分力寡安边长策似无出此< 铨-金 >下所司

○辛巳东虏土蛮斜西虏赤把都等谋犯宁前等处上谕兵部适见辽东塘报声息紧急你部便马上差人传与督抚等官着用心防御务保无虞

○甲申大学士申时行力疾申明边计言传闻南部主事蔡时鼎南监司业刘应秋皆有＜ 铨-金 ＞论臣又接南道御史章守诚揭帖大抵以边事责臣佐万国钦之说论者之意以为不言和议不足激天下之愤不言主和不足以甚臣之罪不知款贡之议实 先帝主之先任辅臣赞之于时安得有臣而欲甚其罪乎臣以边事再次揭奏具在御前臣所议拟 皇上采用具见节次明旨臣何尝专主和议专言不战者乎臣前＜ 铨-金 ＞中欲以专力创西虏以全力制大虏至边镇之情犹有未能尽者则以彼已之当较顺逆之当别缓急之当权羸诘之当酌凡臣所以次第图战者大率如此惟 皇上以兵事责经略以边事责各镇督诸臣仍将近日诸臣建议各边大害积弊亟为汰除侯根本既壮徐观虏势任其去来则中国自尊外夷自服今九卿大臣皆明习国家事乞 皇上召集阙庭质以臣言使议其可否上请 圣裁断而行之庶国是始定人言始息得旨卿社稷元臣安危所倚这边计既主张至当何必疑虑念卿虚心为国欲副公论便着九卿堂上官会同酌议来说

○兵部覆保定抚按奏言汤家庄等处银矿山深路遐矿洞难寻即有一二亦铅多银少而各山实与 天寿山脉相连挖取恐伤灵气且计差官诸费得不偿失又虑矿盗生发扑灭未易开矿一事臣等实未见其便乞仍旧封闭更令官兵严加防守得旨矿洞既称开挖有碍害多利少看照旧封闭地方官用心防御勿致疏虞

○经略尚书郑雒奏称臣于八月出京从宣大山西偏关渡河黄甫川陕西地方多于沿途广询边备虏情俱曰虏王东归其庄卜等酋俱在巢穴未动建节而西自榆林花马池至固原会督臣梅友松出三娘子一书大都理穷认罪而不他失礼一书犹为激切火真二酋向哨在莽捏二川今遁迹益深复令熟番远为哨探务得情形臣同赞画僉事万世德先至庄浪再相事机直抵甘州候大同副总兵尤继先所部家丁至日酌量分布总督梅友松于兰固之间往来调度巡抚赵可怀驻扎洮河相为犄角若逆奴兽徒鸟举自难以深入须情形的确彼已熟知谋出万全乃敢举事或声示大虏以牵制其东归或威慑套虏以羁縻其西向期以多集兵饷广用间谍鼓舞诸番先伐狂寇之交徐问必诛之罪伏望 皇上少宽西顾假臣日时臣当与督抚诸臣戮力同心共歼此虏得旨朝廷既假卿便宜一切制虏方略务要随机措置以保万全

○丙戌 诚孝昭皇后忌辰祭 献陵遣靖远伯王学礼行礼

○以灾伤免上林苑良牧署银一千九百五十两○丁亥大学士申时行等恳请建储以定中外人心言臣等备员辅弼窃念当今大计无如册立元子数年以来章已十数上矣虽蒙嘉纳未见举行夫 祖宗家法储位未有不归元嗣者皇长子当正储位万万不可摇动一也元旦之辰皇上亲携元子令臣等谛观又亲谕臣等长幼自有定序言犹在耳皇上岂得失信于天下于臣等二也向来道路讹传皆谓 皇贵妃独蒙眷注属意所生京师百万军民颇倡后议今郑国泰之＜ 铨-金 ＞已票而不行则外间又生疑议且以为皇贵妃姑令国泰塞责 皇上姑为皇贵妃角□羊纷何以杜军民之口副四海之心三也臣等窃谓

祖宗一定之家法决不可不遵 皇上已出之纶音决不可不信
皇贵妃未白之心事决不可不明 皇上何不蚤发德音定以明春册立 元子敕礼部具仪
择日立决大计尽释群疑使臣等得关其忠臣等之言尽于今日臣等之去就决于今日惟
圣明鉴察< 铨-金 >入 上谕内阁朕览卿等所奏固是但皇子体脆质弱再少俟时
月朕自有旨其于长幼之序岂有摇乱内虽皇贵妃之尝赞言以定名分以免疑议朕前已面
谕卿等知之今卿等又来陈奏朕岂不知朕意必待朕自处不喜于聒激耳岂有谣言而惑朕
哉卿等可看两京大小文武自十四年至于今日有一年一月一日之不聒激者盖此辈心怀
无父志欲求荣不思君上之疾但虑身家之望固于此时欲激君上之加疾以遂己之心志朕
度此辈意欲离间父子之天性以成已买直图报之逆志耳其安心甚远其立意甚详可见其
沽名悖逆之甚卿等可思子乃朕子岂有父子无亲之理岂有越定序之理朕又思安有子不
望于君父之旨而私结人心以言激君父成者孰理乎孰否乎而为臣者以言激之其为忠乎
其求荣乎欲朕之疾剧乎朕固于所陈奏一概留中不发者朕怪其聒激渎扰归过于上要直
于身耳非有别故至于郑国泰之奏朕欲留中恐卿等不知故与卿知之又思我朝戚臣未敢
有言于国政者而国泰出位妄奏甚非礼制朕古且容之耳其建储之事还候旨行不必又有
陈渎徒费纸笔卿等可安心赞襄协猷共治不可学此辈以激言之事虚文塞责

○戊子大学士申时行题臣等捧读

圣谕敢不钦遵传示然文武诸臣之意实亦无他止为

元子年及十龄正宜豫教又见京师军民妄传谣言故欲 皇上早定此举以安人心耳至于
臣等尤股肱心膂之臣窃谓此举一日不定则流言一日不息其意实望

皇上早出自中之 圣断以杜后来之聒激所以不请发外庭诸< 铨-金 >輒票郑国
泰之旨者盖以言出戚臣则盛美皆归之宫禁外庭自无所要功正见臣等不沽名誉赤心忠
爱之忱也且如疏远之臣可以言离间国泰乃 皇贵妃亲弟岂有反离间自家之骨肉者乎
新进小臣可言图报求荣而九卿大臣年皆已长位皆已尊更何所扳援求望于后日之荣乎
窃恐此谕一下人情未必心服而烦言愈起 皇上既厌外人聒激莫若先令

元子出阁读书臣等可上为 皇上角□羊疑而下亦可以职业自角□羊不报○降甘肃行
太仆寺卿熊锦调用以御史崔景荣论劾也

○巡按御史崔景荣条议四事一转粮饷言西镇本色不足战守无资乞移凉州仓粮数万石
于甘肃并就近议徵本色责令大户赍银至兰州买粮上仓渐次可通河西仍宜增年例数万
以充亏费先发马价收买本色各足三年之积一处盐粮言西宁盐粮斗头过多□人称困宜
通行各边量减斗头如每银一钱时估买粮一斗减定八升仍严禁鼠耗常例之费一清屯额
言甘镇屯田荒芜宜先查成熟有主者登记其抛荒如果逃亡先尽本户户丁绝补渠坝之有
力者一清乡粮言河西乡兵旧有乡粮劝借富民出本在官春散于民秋成二分起息还仓后
来官司多无名妄费经收入役虚出为奸乃强梗之民本息不还宜严革妄费仍追借出原本
照旧遵行专与民用部议以甘镇除屯粮向徵本色民运岁该三十一万六千七百石至隆
庆二年改徵折色粮布等银二十九万四千九百余两遵行至今遽徵本色恐转运劳费民力
不堪合行督抚酌地方稍平垣照先年仍徵本色如险阻难通仍照旧准折及大户买粮俱从
长议奏其凉州仓粮并余所议俱请如拟报可

○己丑大学士王锡爵言国家之事人君事事可以独断惟册立庆典则前代皆以天子谦让臣下固请而后从兹 皇上以故事谦让为言则无不可若谓必当自处而外庭有请即谓之无君无父心怀悖逆则汉文即位之元年而群臣首以建储请岂非不祥之甚而文帝从之如响其后享国最长繇此观之建储何妨于 圣躬抑何利于群臣之身家也且
圣谕又谓子不望于君父之旨而私结人心以言激君父夫 元子年未十龄便妨其私结人心则自此日长月壮群臣愈当避私结之嫌永不敢再求册建再议出阁此岂君臣父子之间所宜有臣等又安逃万世依阿误国之名哉 皇上即自谓心无摇乱 皇贵妃密有赞言此暗室无影之事臣等何凭晓谕外庭亦岂有因此遂角□羊疑角□羊疑息器之理臣适又闻外间喧传 中宫有疾嫌疑之间甚而以小人极暧昧之心窥 皇上臣窃痛之伏望皇上念臣宿疾难支报恩无地准骸骨还乡< 铨-金 >入留中

○镇守云南黔国公沐昌祚以御史杨绍程论劾奏辩有旨沐昌祚被劾事情朕念系勋胄已从轻处分着遵旨慎加省改照旧管事○庚寅礼部尚书于慎行等< 铨-金 >言圣人举事必顺人心人心所同即天意所在今 元子册立之礼自阁部台谏诸臣前后不啻数十上今肺腑之臣郑国泰< 铨-金 >中有云 皇贵妃跪而诤之至此而天听犹高臣等所未喻也臣等惓惓愚忠以为国本不可不豫建储训不可不豫端伦序已明何若早立一日之为安睿龄渐长何若早教一年之为益惟望 皇上俯顺群言早颁成旨得旨建储之事屡有明旨如何又来渎激奏扰其立序已定不知尔等大臣每每催激早立但迟亦是立早亦是立不知早立何意迟立何意不知尔辈心为何使虽皇贵妃跪泣诤立之言可不言牝鸡晨鸣为家之索这立储之事还候旨行不必以烦言间离天性

○论碾伯古鄯等处失事罪游击祁德降级管事守备莫负时革任副使李丁姑免究○降洪水游击张光祖为守备高台游击张三策红崖守备钱大有各夺俸三月以虏贼抢掠隐匿不报也

○辛卯 上遣鸿胪寺官宣慰大学士申时行许国王锡爵朕倚任内阁赞襄治理所赖分忧共念一德相成顷者西陲不宁烦嚣沸起一切妄言朕悉置不省昨已从首辅所奏命廷臣会议军国大许正须卿等主持至若册建元储伦序已定少待时日候旨举行亦须卿等决策乃卿等杜门不出交章乞休但知洁身其如致主何今特遣鸿胪寺官宣慰卿等尚念股肱之托共图羽翼之功勉为国留亟出任事勿复疑阻负朕眷怀是日时行国锡爵各具< 铨-金 >陈谢< 铨-金 >中复申册储之请俱优诏答之

○升辰州知府赵健为江西左参政

○兵部尚书王一鹗再< 铨-金 >乞休因言虏款未宜尽罢慰留不允○礼部尚书于慎行等< 铨-金 >请册立元子言臣等待罪礼官关系职掌若及时不请责有所归至于长幼之分序已定迟早之间似无容虑臣等亟请举行惟以早立则侍从可简谕导可修人心安而烦言可息所以体皇上爱子之心成教子之益也惟是臣等才望轻微不能感动 圣听乞赐罢斥以为失职之

戒奉旨尔等既言长幼久奉明旨以定如何又屡屡催激迨无虚日至言尔等职典邦礼其于要君疑上淆乱国本亦难逃责姑各罚俸三月

○癸巳总理河道右都御史潘季驯引年乞休不允

○甲午初大学士申时行等谢＜ 铨-金 ＞下阁辅臣王家屏拟进时行＜ 铨-金 ＞随发而国与锡爵＜ 铨-金 ＞留中不出家屏揭请上手札谕家屏朕览卿昨者所奏揭帖欲讨二次辅陈谢本朕已发之朕思卿等为国辅弼大臣托股肱之任前者谕旨着卿等传示诸司以释众惑非以诋毁卿等而卿等受兹委托朕正赖卿等与朕分析以角□羊摇乱卿等岂可自生疑贰纷纷求退朕又思卿等以此去留之术要挟于朕朕恐此非为臣大义卿可传示朕意着二次辅亟即入阁办事不必又有指摘陈辞至于册立之事朕以诚实待天下岂有溺爱偏执之意少待过十岁朕自有旨册立出阁一并举行不必烦言催渎今谕卿知之是日家屏奏复言臣等备员禁近岂不欲宣示德音使诸司诵圣顾事关宗社大计非臣等一口舌所能定今诸臣屡请皇上不之许又重罪之臣等于此岂但不能传示德意以释众惑角□羊摇乱方且为众所疑为众所诋下不能逃责于有司上不能得请于君父势不得不以去就引决犬马至情诚非得已夫欲释众惑莫若圣志之早定虽目前举行未敢遽必而欲过十岁则似大迟谨遵旨传二臣入阁容臣等恭请宸断不报

○吏部等衙门奏言自西虏犯顺言事之臣皆追论款贡之非语侵辅臣辅臣因＜ 铨-金 ＞陈国体边情大臣之义命下廷议夫款虏一事向因俺答爱子来降穆皇帝玺书报可遂以款縻虏几二十年而封疆之臣狃处堂之安遂忘彻桑之虑此则战备之未修非款贡之不善也各王酋承奉表天朝敕谕抚赏前代所无乃谓国体与弱宋同误矣至河湟之役覆军殒将计当必剿顾虏势众强我兵单弱不若少迟时月厚集刍饷精选士马先撤虏王之东归后讨火酋之逆罪其他奉约不渝者羈縻如故此老成持重之见在皇上英断勿为群议所惑耳夫天下之事成于实而边事之坏坏于虚合无以督抚司道责之吏部以总副参游责之本兵各选实心任事者充之有功必赏有罪必罚而边备不修国威不振未之有也又闻之杜牧愤河朔之横曰上策莫如自治今羗夷接轸境外矛盾先起朝绅自古未有不安内而可攘外者乞敕大小臣工同心体国内务修举外务镇定以安人心得旨首辅原奏驭虏机宜朕已灼知允当卿等又公同计虑酌议周详这应剿应抚方略俱依拟行经略大臣及各该督抚等官须要着实修举严法考成勿得仍前玩寇偷安虚文塞责各边文武官员你吏兵二部还精选慎用务在得人再有浮言阻挠国计的重治不宥

○诏延绥入卫兵暂留本镇大同原留助工兵马拨赴蓟镇以后仍轮番入卫

○乙未以原任吏部尚书张瀚年八十浙江抚按＜ 铨-金 ＞其齿德并茂特赐存问

○丙申上使文书官至阁口传圣谕册立事如明年春夏科道等衙门不来渎扰便于明年冬传旨册立如再来渎扰直待十五岁册立辅臣王家屏＜ 铨-金 ＞谢因言口传天语宣布未周不如皇上亲发纶音播告尤速谨拟传帖一道伏望览裁发下上复宣谕

内阁札子不必用只须口传着明年各办钱粮后年春举行册立再有渎扰者定如前旨待十五岁行

○御史彭应参论巡抚甘肃余之禎大同邢玠各不职并及经略尚书郑雒荐副使未正色按察使吕坤大理卿李汶原任巡抚王旋原任南户部魏学曾俱宜推用部覆魏学曾等俱一时之贤容遇缺推用邢玠才名勇略似难轻议余之禎乞暂准回籍郑雒仍谕令殫忠勿以浮言自陈致妨军务得旨如部拟

明神宗显皇帝实录卷之二百二十八

明神宗显皇帝实录卷之二百二十九

万历十八年十一月己亥朔大学士申时行奏乞假调理并请发蔡时鼎刘应秋等留中< 铨-金 >以明心迹得旨蔡时鼎等无根泛辞朕以洞察虚妄本俱当发出重处因体卿雅量留中都不深究卿宜体朕至意即出任事

○升楚雄知府黄大年为陕西行太仆寺卿

○巡抚陕西都御史赵可怀奏火酋等已移捩工迤南桑脑住牧用差通丁熟番至拘牙卜将所积建寺木植悉焚烧且闻此酋欲渐移莽刺与直相台吉同住恐我兵报复部覆言各边每岁烧荒以绝虏牧而陕西独无及今焚木宜厚结番心并烧其据巢之草仍密侦虏酋驻牧远近相机征剿如机会可乘番汉犄角捩莽可以俱图从之

○庚子 上遣文书官至阁传旨册立之事只传与先生每先生是股肱大臣如何传与各衙门渎扰自万历十四年至今屡屡未止该部回话别话如何不回为臣的疑上为上的不得不疑朕所以动火今后不许聒扰辅臣申时行等奏言臣等备员禁近祇承嘉命敢即轻传顾窃念群情摇惑原以 圣意之未定册立之无期册立有期则纷扰自息臣等为诸司摇惑圣心触忤虑则不得不传部科回话虽若渎陈实存将顺伏望皇上大度宽容勿以臣等奉宣无状遂介宸衷

○壬寅升兵科左给事中张栋为都给事中李献可任让李周策吴文梓俱右给事中献可吏科任让礼科周策兵科文梓刑科

○癸卯起原任右副都御史贾待问以原官巡抚甘肃○广宁伯刘嗣德卒赐祭葬如例

○命原任神枢营练勇参将杭大才充参将分守宣府下路龙门所城等处原任陕西参将李秉德充甘肃庄浪游击升游击张惟忠充参将分守宣府西路柴沟堡等处

○甲辰祭 三皇于 景惠殿遣侍郎李长春行礼

○调湖广左参政马鸣銓山西右参政田乐山西佥事朱朝弼于陕西山东左参政吴同春陕西副使萧应宫于山西吏部以其才堪边方也

○兵部覆巡抚延绥贾仁元等奏称套酋卜矢兔甘心罚服乞照常市赏其庄秃赖明爱台吉亦遣使叩关送还所掠人畜又俛首承罚似当因其屈服用吾羈縻之术仍赏贡马互市所擒获虏丑亦应放还得旨如拟仍敕以后再犯即行革绝议剿督抚等官不许隐蔽姑息○陕西督抚梅友松等奏言节奉 明旨各镇简阅兵马宁夏一镇以隆庆五年计彼时本镇额军二万七千七百二十八名今止二万一千六百六十九名马骡一万四千八百八匹今止八千八百七十一匹以一千二百里长边军丁马匹仅仅如此而且多不堪职窃寒心其逃故军丁已

行清补及招募土著充为家丁以实营伍复于广裕库借军饷一万二千两委官分投买补马一千匹仍乞先发太仆寺银五万五千五十两除抵补已借军饷余四万七千有奇并前不堪马变价共买四千匹与先一千匹分发各营虽不足原额亦不至缺乏之甚< 铨- 金 >下部议

○乙巳吏部主事邹元标条陈四事一秤头之苦有司加收秤头交通士夫希图广誉为行取之地自今行取不必尽凭科道只以抚按吏科河南道为主每县宜降法马使小民得知趋向其抚按官课吏治当以操守为第一义一虚粮之苦往时文田缩此伸彼小民未其所豪家反受其益有司宜严行稽核收回余粮及清查新垦之田以抵坍塞之数一繇票之苦繇票户部所颁徵输则例其例本一今各郡邑有异议粮储道宜实心任事严加觉察勿令穷乡下邑有偏重之弊加额之累一积荒之苦凶荒流离饿殍赈贷莫及宜多建社仓将抚按所留罚赎为买谷张本或冠带尚义并生员监生吏典富民欲进荣祖父者各听纳谷预为贮积部覆如议行

○丁未周王肃奏等奏称安吉王勤< 火勃 >等庶双生八子朝土□守等各年长成乞请封选婚礼部议以朝土□守等系过期私婚所生之子例难准其请封各照近题事例将朝土□守朝垄各给与口粮十二石以资养贍其选婚合照庶人例听其自行婚娶以后不许朦胧奏扰报可

○命辅国将军任晟摄靖江王府事

○辽东御史胡克俭奏十月十六日达贼大举入境深至鞍山甘泉土河结营自海州东南析木城等处抢掠至二十三日仍从原路出境其地方失事容查勘上闻

○戊申河东巡盐御史林祖述题各王府食盐引数共计三千七十引及查山狭诸藩高平等王二十一府既经革绝相应开除其韩府食盐于宁夏小池支肃府于延镇大池支周府改长芦关支部覆从之

○升大同兵车营游击张秉忠为右参将分守大同中路地方○己酉除起复庶吉士吴之望为吏科给事中

○赐太常寺少卿马从谦祭葬从其子马有骅奏请也

○庚戌给事中徐学聚言江省宗室自宸濠逆诛以来久无亲王统御骄悍难驯近日如拱樨因罗曰伊催租债相殴身死情罪既真自有正法多火□丰等乃乘机讙聚众劫掠戕害良民若不严加禁缉其为地方隐祸非小仍乞照周府例设立宗学听抚按官举学行兼优者为宗正选教授等官为之分教有不遵约束者许宗正参奏重处部覆如议

○辛亥传奉 圣旨驸马都尉万炜前者革玉带蟒衣服色今恭逢

圣母万寿节仍照旧给与

○壬子以 圣母万寿圣节赐辅臣及讲官银币有差○巡视京营科道官张应登等奏上京营核实八事一曰简军之实言每岁春操之前当公同清汰汰一老弱则增一壮健至营军之弊每见官军食粮一册营操又一册以营操册对食粮册错综混杂以故无从清查宜如隆庆五年议以三四卫或一二卫并为一营庶一展册而行伍在是名粮亦在是种种影冒之奸可理二曰练军之实各营分操日呈殿最日行赏罚春秋各操毕计诸殿最而升降之则人知慕畏而火器在军中为最重尤不可忽三曰恤军之实营军月粮有几而诛求无艺宜将一切科歛差用逐一查出参酌俱行裁革四曰核选锋之实营中选锋共计五千人战兵每营仅三百车兵每营仅二百非居重张干之理宜增成一万使缓急可赖五曰省器械之实六曰稽马匹之实七曰甄别将领之实京营将领各有职分其才品总在营伍之中此后甄别不必别加会议惟春秋操毕将各营以三四日为期逐一查阅视军马之强弱以为将领之殿最八曰清理禁兵之实三大营外有四卫营勇士营军数踰一万马数踰三千岁时训练如三大营而隶其籍于御马监每岁费大司农可三十余万而名有开操实无团练一遇点闸多方雇觅乞敕兵部并御马监同臣等将两营军马从新查理尽革诈冒逐日操演< 铨-金 >下所司

○癸丑御史郭实论巡抚湖广秦耀阿附权贵河南右布政使戴光启科场徇私太仆寺少卿郑有年管工窳利苗朝阳冒转京堂浙江按察使龚勉湖广副使蒋希孔各贪鄙不职均应汰斥朝阳有年各具< 铨-金 >奏辩 上下部议部覆以耀雅负时名言者独以本官当故大学士张居正之时过于趋附一年之内两被指摘似难展布戴光启科场一事公论籍籍稽应科诸臣已经处分本官似难强留苗朝阳谨飭有余担当不足人遂少之三臣均应酌处郑有年大工省费甚多通贿亦无指实龚勉蒋希孔或以治行著或以清谨称似难轻议上命秦耀回籍听用光启致仕苗朝阳调南京用郑有年龚勉蒋希孔照旧供职

○经略尚书郑雒奏火酋据莽扼二川皆从甘肃地方借路深入故流祸至此往未款之先套虏抢番曾此借路然尚畏惧我兵不敢肆行抢掠自顺义款贡以后曾一借路经行遂为旧例近则火真二酋糾聚群夷敢为犯顺以莽扼二川为巢穴视洮河二川为番地是甘肃之边防乃流虏必经之门户也今虏王未归火酋未惩套虏又复声言西行势必经行甘镇在虏视甘镇为故道在边将亦视虏行为旧规年复一年夷汉杂处甘肃素称北虏南番今则南北皆虏昔称中汉外夷今则中外皆夷及今不图将大坏不可收拾臣至兰州即行抚镇等官多方侦探北来各酋当明为晓谕不许经行边内若执迷不从督兵堵截风声一布可以阻续来之胡骑矣臣复窃计火酋未创虏王大部蜂屯海上必使虏党渐移则孤雏自困相机一剿庶中机宜故虏自北来者必力为堵截其自南归者须放宽一路法当勿遏至套虏将欲移牧海上臣思与其严拒于临边不若先声于未动复行延绥总兵官等传谕套虏若往西行不许自闾门经过僥骄虏不遵戒谕我一意防剿虏无后辞该部议覆命如议着实行○甲寅以 圣母万寿圣节赐辅臣申时行等及讲官李长春等各金万寿篆字金银书黄红符有差

○升陕西副使刘光国为本省右参政兼佥事临巩兵备调山西副使王见宾为河南副使密云兵备以二人才堪冲边也

○乙卯南兵部会荐将材原任总兵麻贵等二十二人部覆起用

○丙辰大学士王家屏在告遣中使赐猪羊酒米甜酱瓜茄等＜ 铨-金 >谢报闻

○孝烈皇后 孝惠皇后忌辰遣武平伯陈如松祭 永陵新宁伯谭国佐祭 茂陵

○丁巳 慈圣皇太后圣节 上视朝文武百官称贺

○赐辅臣上尊珍饌

○戊午巡按直隶御史连标查勘史章二夷背恩出边并误事各官拟宣府龙门所守备马一龙边远充军二夷宜绝其复归勿还故巢得旨该镇二夷私逃出边着严加拒绝不许复入新增抚赏月米等项俱革了制驭防守事宜督抚等官务酌议停当不许忘备养患马一龙等依拟

○己未经略尚书郑雒题称西镇积弱原设兵马三万七千有奇今堪战止六千乞咨督抚责成兵备将领挑选精壮户丁更补及另召土著先足一万之数以济急用且延宁甘固仅足自防所据山西兵马必须酌调精勇已移该镇总兵官李如松于原选一千数内拔五百员名委勇敢千总一员统领前至兰州听用各该用过银两并先调游击马孔英所带家丁七十名银两俱动支马价抵补仍乞申飭陕西督抚等官将不堪兵马大加整顿务期勇悍得旨该镇见在官军堪战数少向称操练通属虚文着经略督抚等官着实整理训练务济实用如有怠玩惰误的即指名参奏重治各边都着一体遵行○先是序班刘文润以输银助边调添注詹事府录事大学士申时行等题詹事府清华重地虽守领官不宜以贵郎升除下吏部改补别用

○尚书宋纁以病乞罢慰留不允

○庚申升大同乃河堡守备王吉充延绥入卫游击

○壬戌命原任西宁参将孙朝梁补分守延绥孤山等处参将

○巡抚广西都御史蔡汝贤奏称自靖江王薨逝中尉经扣等结党横行昼夜若狂聚众毆按察使顾问几死臣差官往角□羊乃突围救出又逼勒程布政改换禄帖言词悖慢抢夺财物毆打平民一城震惊人心汹汹乞分别情罪重轻将首恶经扣并庶人经言□犯同恶经谭经谊等奏请治罪部覆上请诏革经扣为庶人并经言□犯都照例发高墙经谭等俱革为庶人发闲宅禁住邦甘□屈姑着府严加戒飭墩锁一月以后本府管理及抚按官务要同心铃束不许疏纵

○榆林卫武举署指挥同知黄廷臣升守备延绥柳树涧堡地方

○癸丑大学士申时行等题该兵部覆经略尚书郑雒要拒止西虏借路臣等票拟进览今日文书官李相将下原本口传 圣旨令臣等改票臣等详看事情绎思 圣意必谓先年许虏借路致起衅端边臣不能无罪臣等查得先年科臣顾九思及近日御史周孔教科臣张栋参究失事之臣已将前任督抚董世彦鄧光先见任梅友松赵可怀等追夺降革则先年借路之失近日误事之罪已经处治法无可加自今以后务要力鉴前非永杜后患使虏众不敢入边经行则内地易于备御臣等故有此票今蒙 圣谕臣等再拟末后一二句令各官不敢复蹈前非自然人知警惕不必别有拟议○甲子冬至 大祀 天于圜丘遣公徐文璧代侯吴继爵李言恭大学士许国王锡爵分献

○赐辅臣上尊珍馐

○丙寅大学士王家屏以疾乞归慰留不允

○升顺天府丞李祯为右佥都御史巡抚湖广升光禄寺少卿为太仆寺少卿

明神宗显皇帝实录卷之二百二十九

明神宗显皇帝实录卷之二百三十

万历十八年十二月己巳朔经略尚书郑雒言顷者陕西督臣缺以臣权理总督事务伏念陕西三边延袤万里素称重镇款虏以来上下因循边事大坏虏志日骄譬之颓坏之墙非一木可支臣欲往甘肃则洮河难顾欲驱流寇则套虏难防恐四夷闻之谓臣一人之身忽然而经略又忽然而总督边事日去国体益轻

上以雒边计虏情谙练已久才猷素裕委任特专不允所辞

○兵科给事中薛三才奏言顷接经略尚书郑雒揭大约谓三边延袤甚广势难遥制专设一督臣然后得以并力西事大创火酋臣窃以为陕西四镇昔岂无虏止设一总督者正以一则专两则分经略之于总督事权并重万一意见互异往返关白彼此顾望终成蹉跎于封疆岂有赖焉且论事权经略之权重于总督论责任总督之责专于经略一人操其重权又一人分其专责事体未便乞敕该部酌议仍敕郑雒兼理总督庶事权不分而雒亦得以安心殚力于西陲矣

○除补原任南直隶提学御史詹事讲为河南道御史

○庚午升尚宝司少卿曾乾亨为光禄寺少卿升应天府丞郭惟贤为顺天府丞升户部江西司郎中姜士昌为浙江提学副使

○朵颜等夷人头目打挨等一百七十八员名赴京进贺宴赏如例

○户部以各关课税钱粮有司起角□羊稽迟令各抚按官严核参治仍著为例

○壬申先是吏部文选司员外缺邹元标调补＜ 铨-金 ＞再上不报吏部以职掌请并乞简发前推补刘志选孙如法＜ 铨-金 ＞得旨尔等职司铨责部署缺人既久宜即另行题请如何只言元标可用天下才品岂有二三独擅视诸尘芥绝无人者尔等为国大臣尚有布恩望报姑且不究元标为改南京别衙门用不必再来渎扰于是一时诸臣以言元标事得罪者给事中则杨文焕杨文举刘弘宝张应登等御史则何选各罚治文焕降边方杂职选降三级调外任最后户部尚书石星亦＜ 铨-金 ＞请如诸指 上报曰卿为大臣职有专任卿欲取誉于人不若洁己奉公于本部廉身去饬率所司岂以留复罪官为职业而已于是吏部拟元标南兵部职方司命改礼刑二部用部覆以南京礼部员外郎已经裁革命即于刑部用遂调元标南刑部广东司署员外郎主事添注

○原任工部尚书朱衡治河有功土人立祠至是都御史潘季驯请加修葺改为敕建祠宇从之○朝鲜国王李昫差陪臣工曹参判郑士伟等三十四员名进贺又差陪臣礼曹参议金伟等二十八员进贡各赴京宴赏如例

○乙亥考察军政天下武职官员锦衣卫南镇抚司署指挥同知杨汝业指挥佥事严梦象李

维藩北镇抚司署正千户傅国义各以不职革任

○丙子吏科给事中杨文举河南道御史秦大夔等各上公< 铨-
金 >乞免杨文焕何选降调不许文举等各罚俸五月

○吏科左给事中侯先春言顷者 皇上特遣诸臣分边阅视窃计诸臣靡不矢天自效以求无负任使顾边事积坏已非一日今当事诸臣必且虞其罪之及已又虞其罪之及人务匿其情以欺阅视彼阅视者欲以一手一足之力而洞悉二十余年之积弊其道无繇臣窃谓莫若< 一十见>其文法与之更始使边臣晓然知 上意旨各输情实共剔弊端一切情弊自万历十八年以前悉从宽减唯夫以少作多以虚作实则必正其欺罔之罪立法若此庶乎边臣皆知虚文无所逃罪而莫敢不以实应矣又言赏罚者鼓舞人心之大机赏必当功罚必当罪然后赏可信罚可必也今阅视事例八事修举者与斩获同赏废坠者与失机同罚夫八事修举之与斩获八事废坠之与失机原自不同唯必欲比而同之无惑乎冒斩获之功者比比皆是而复失机之罪者竟寥寥也乞敕该部详议申饬期在必行毋厌更张< 铨-
金 >下兵部议覆如议行

○南京给事中徐桓条议兵饷诸款兵部覆其可行者二事一武职署试等职照例实授既经革任不得仍支原俸以清冒滥一锦衣卫军士御马监腾骧四卫勇士逃故老疾者速为开除不得顶替雇倩以滋虚冒从之○诏复原任翰林院学士兼右春坊大学士角□羊缙官缙江西吉水人中洪武二十一年进士选中书庶吉士改监察御史建文初谪河州卫已召入翰林院待诏永乐壬午升翰林院侍读入直文渊阁升翰林院学兼右春坊大学士五年出为广西参议寻改交趾参议八年逮系诏狱十三年卒于狱中成化元年以子中书舍人祜亮恩追赠朝议大夫赞治少尹原职广西参议如故礼部覆吏部验封司邹元标< 铨-
金 >称缙英资间气奥学宏才初荷宠于 高皇而选列台端屡效献纳之益继受知于成祖而简参政本尤多匡赞之谟盖振代之才人亦济时之哲辅也祇以仁庙升储密决大计遂致逆藩构谤竟陷沉冤故文皇帝已悼惜于当年而士论尤惋悲于今日所当赠官赐谥以慰忠魂得旨准赠谥

○以宁夏卫指挥袁尚忠充玉泉营守备

○丁丑调补原任太仆寺少卿苗朝阳为应天府丞

○己卯国子监较刻诗经注< 铨-金 >成祭酒刘元震进呈因上言臣观诗三百篇中有大本三焉读关雎麟趾篇即知修身正家钟贤裕后为安定邦国之本读鸿鴈庭燎篇即知惠下安民励精图治为系属人心之本读昊天有成命及敬之篇即知不敢康宁夙夜有密日就月将学有缉熙为格天凝命长治久安之本是三本者所关甚大阙其一则虚阙其二则废三者无一有则危凡诗人所咨嗟惩戒悉此类也修其一则定修其二则理三者修之全则固凡诗人所赞美感叹悉此类也夫帝王心传具在经籍虽 圣明靡弗洞照尤当加之圣心悦蒙 皇上清燕之暇特采愚蒙垂赐乙夜之观深究全诗之旨载绎三本之说用为万

机之先将无悠然悟锐然兴乎是臣等所大愿也 上嘉纳之

○辛巳辅臣王家屏到阁办事

○革延绥左营游击刘凤梧任以原任游击吴显代从经略大臣请也

○兵部以四川合江县大盗黄朝甫等聚众劫掠请治地方官隐匿失事罪奉旨隐匿盗贼屡奉明旨载在条牒有司官乃敢故违知县陈良遇革职提问刘惠乔系兵备官罚俸半年

○朵颜等卫夷人头目邦失等一百四十三员名赴京进贡宴赏如例

○壬午夜望月食 世宗肃皇帝忌辰祭 永陵遣武安侯郭惟忠行礼

○癸未 贞惠孝和景皇后忌辰祭

景陵遣南和伯方烨行礼○巡按湖广御史敖选以疾< 铨-金 >请回藉

上以选才到地方如何輒便告病不准仍敕以后巡按御史患病仍令巡抚官勘实代奏

○刑部尚书陆光祖以被论乞休不允

○礼部右侍郎兼翰林院侍读学士黄凤翔以疾乞休许之初凤翔< 铨-金 >上辅臣拟旨调理 上命中使持改票遂有是命

○户部尚书石星以疾乞休不允

○诏清理南京织染局匠役

○旌表孝子张诰等二名七世同居萧梅一名节妇张氏等十口烈妇胡氏等六口

○巡抚福建都御史赵参鲁议防山矿海贩所当禁革者二事礼兵二部各覆如议

○先是贵州巡抚都御史叶梦熊< 铨-金 >论播州宣慰扬应龙凶恶诸事并参川东道副使朱运昌容情故纵不行会勘巡按御史陈效则历数杨应龙十二大罪而复次其怙凶阻勘之状及四川抚臣李尚思议防御松潘宜调宣慰司土兵令备协守而按臣李化龙亦<

铨-金 >请暂免勘问俟徵兵御虏之后再为议处部覆以应龙革职仍戴罪立功会勘改限朱运昌罚俸久之两省抚按各< 铨-金 >奏辩在四川则谓应龙无可剿之罪在贵州则谓四川有私昵应龙之心于是都给事中张希皋给事中陈尚象各具< 铨-金 >以事属重大两省利害亦岂漫不相关者乞敕下从公会勘或剿或宥毋执成心俱下部议

○甲申升浙江副使李伯春为湖广右参政

○钦遣阅视官员右通政穆来辅蓟镇兼阅保定昌平大理寺右少卿王世扬延绥光禄寺少卿曾乾亨大同尚宝司丞周弘禴宁夏兵科给事中张栋固原吏科左给事中侯先春辽东工科右给事中钟羽正宣府兵科给事中张贞观山西工科给事中李汝华甘肃穆来辅等仍兼宪职来辅河南道世扬弘禴陕西道乾亨山西道

○镇守云南总兵官黔国公沐昌祚以军政考察自陈 上谕令供职如故

○镇守湖广武靖伯赵光远自陈不职令光远回京听用

○论剿平曹滴司叛苗功巡抚舒应龙以下各赏银币有差

○丁亥以年节赐元辅申时行银五十两彩段四表里次辅许国王锡爵王家屏各银四十两彩段二表里讲官李长春等各银二十两彩段一表里

○兵部尚书王一鹏刑部尚书陆光祖各以疾乞休不允○调补云南右参政林一材为山西左参政

○改南京礼部右侍郎赵用贤为礼部右侍郎兼翰林院侍读学士

○巡按云南御史杨绍程以前参劾黔国公沐昌祚骄横僭窃诸事反被蔑诬自求罢斥并乞俯察昌祚狂悖使无恣肆部覆以绍程无罪宜令安心供职昌祚遵前旨戴罪管事加意省改拨置人犯该巡按官速行提问从之

○吏部都察院奏会议荐举＜ 矢见＞则言各处荐举方面官不许该荐无劾有司官不拘科贡照万历九年以前旧额应荐者止居四分之一必以才守兼优民安事集为主而更以人品廉正者为重兼论地方之难易以为差等凡荐语必直书其事勿以骈词溢美如有贪残为民害者提问既明方为参奏又必责该道府官从实甄别其所举刺即以定各官之贤否各差御史如有循清市恩滥收偏重举刺不当部院与该科参处从之

○庚寅 累朝训录誊写成先是 上谕时行等曰前者卿等所进圣祖御笔朕恭睹其睿藻弘谟真乃天授非纯神至圣而何因思 祖宗训录乃今朝之史鉴岂可不得而知之其令誊写装成书帙以便朝夕览观庶可以知我祖宗治国家之法修身勤政之要非图褻玩别意也

○又奉 圣谕曰今自 太祖起及 累朝训录都誊写装潢进览有几部就进几部来至是大学士申时行等进呈共一千九百二十八卷

○辛卯申时行等进自万历十七年所撰讲章孟子离娄章句上下共二本礼记曲礼上下共三本以备省览仍乞发司礼监接续刊行

○科道官张栋等拾遗参恭顺侯吴继爵宣城伯卫国本锦衣卫掌印柏子祥忻城伯赵泰修署都督僉事李迎恩兵部分别议覆

上令吴继爵照旧管事卫国本等革任闲住李迎恩等革任军门听用

○壬辰以誊写 训录书完查叙效劳人员制造两房中书徐继申吴杲等各升叙有差

○以正旦令节赐辅臣吊屏门神等物及讲官李长春等各有差

○贵州土舍安国亨进献大木援例乞恩

上令给与追夺原赏银两服色俟再有功劳抚按官题请授职

○通政司右通政穆来辅等条议阅视未尽事宜一戒科歛一惩欺弊一禁虚糜一禁迎送一处供亿一议委官一搜遗材部覆如议

○以新升大同中路参将张秉忠及新升车兵营游击管中军事焦承勋互相更调以督抚奏其各有所宜故也

○原任南京刑部尚书陈其学年踰八旬山东抚按请赐存问准照例行○礼部覆御史何选奏言黔国公沐昌祚贪淫不法请比照诸勋胄事例将昌祚应袭长男选国子监习读待三五年后德进学修方准出学 上令就彼读书习礼免其起送

○甲午升国子监祭酒刘元震为南礼部右侍郎

○乙未大学士申时行等奏言近日各该衙门事体有已经题覆而未奉览裁及臣等已经票拟而未蒙批发者今岁序将终正旦在迓当去故纳之日悬法布令之初前项章< 銙-金 >有关系政事难以久停者望 皇上少乘清燕时赐省观如事体未当圣心欲有更正亦乞明谕臣等另行改拟伏惟 圣明俯允

○升工部屯田司郎中事员外郎邵伯悌为湖广副使○丙申祭告 太庙
祧庙收回脯醢果酒赐辅臣

○抚宁侯朱继祖岁支禄米递减二百石以其父朱岗与朱岳为堂弟彼时失于简举故也

○丁酉岁暮行 大禘礼于 太庙遣公徐文璧代

○升左春坊左庶子盛纳为国子监祭酒

明神宗显皇帝实录卷之二百三十